



B V 2




DANIELIS
SENNERTI
VRATISLAVIENSIS,
DOCTORIS ET PROFESSORIS
MEDICINÆ,
IN ACADEMIA WITTEBERGENSI,
Operum

TOMVS PRIMVS,
QVO CONTINENTVR

{ Epitome scientiæ naturalis,
{ Hypomnemata physica,
{ Methodus discendi Medicinam, } { Institutiones Medicæ,
{ &
{ De origine Animarum in brutis. }

Editio nouissima cæteris omnibus auctior & correctior.


Quantum verò reliquis locupletior sit, patet ex Monito Bibliopolarum post dedicatorem Epistolam.



LVGDVNI,
Sumptibus IOANNIS ANTONII HUGVETAN;
& MARCI ANTONII RAVAUD,

M. DC. L.
CVM PRIVILEGIO REGIS.

CVM PRIVILEGIO REGIO
MDCCCLXXII
MARCII ANTONII RAVARD
Sumptibus IOANNIS ANTONII HUGUETAN
LACDANI



CLARISSIMO SPECTATISSIMOQVE VIRO,
D. GVIDONI PATINO
BELLOVACO,
DOCTORI MEDICO
PARISIENSI,

MVSAGETÆ AC MECOENATI
Perquàm Venerando,

Sal. & Observantiam.

AEQVVM profectò, summéque pium
semper habitum fuit, (Vir Clarissi-
me, ac Spectatissime) vti Scripto-
rum de re literariâ optimè merito-
rum eximia quæque ingenij monumenta ab
interitu sedulò vindicentur, quò ipsorum no-
mina magis ac magis nobilitentur, atque adeò
perenni gloriæ vère perfruantur. Hoc autem ip-
sum vix vllâ aliâ re meliùs præstari posse, quàm
diuino Chalcotypicæ artis ministerio, meridia-
no iubare clarius est, vtpote quæ polleat decan-
tatissimâ illâ Hermæi caducéi efficacîâ, quâ Ma-
nes ex Orco reuocari credebantur. Quum ergò
Celeberrimi DANIELIS SENNERTI, consumma-
tæ quondam peritiæ Archiatri, aut potiùs herois
omni propè inuidiâ maioris, Opera cedro dignif-
sima passim deficere animaduverteremus, de ipsis

praeli nostri beneficio quamprimùm instaurandis
 atque propagandis cogitare tum debuimus, tum
 etiam volumus: quod nostrum siue consilium,
 siue officiũ, cunctis Æsculapij alumniis, qui SEN-
 NERTI pretium intelligunt, probatum iri magno-
 perè confidimus, præterquàm fortè paucis ali-
 quot Theonibus, qui cùm nullo sint ipsimet in
 numero, alienam famam virulentis suis arrosiun-
 culis vellicare vnicè satagunt: quibus longùm va-
 lere iussis, ad Te, Vir Spectatissime, nos modò
 cōuertimus, causas dicturi, cur Tibi potissimùm
 hanc editionem vouere ac dedicare statuerimus.
 Neque illas sanè procul admodum accersere ne-
 cesse habemus: cùm enim nobis toties luculenta
 fauoris ac beneuolentiæ tuæ testimonia præbue-
 ris, vt hocce Tibi nostræ gratitudinis specimen
 destinemus, ex asse nos sentimus obnoxios. Dein-
 de cùm apud doctos plerosque omnes Tuum no-
 men in summâ sit veneratione, ne dicam in præ-
 cipuis delitiis, ab illo plurimum splendoris mu-
 tuaturum nostrum hunc Auctorem nondubita-
 mus. Adde quòd peculiare quoddam ius habere
 videatur ipse SENNERTVS cur Tuam exambiat
 clientelam, propter nimirũ exquisitam factorum
 vtriusque vestrũ variis in rebus similitudinem,
 haud dubiè à rarâ nescio quâ profectam *Quas. etia.*
 Enimverò & Tu, & Ille Musas elegantiores à
 teneris oculitùs deperistis, ipsarũque cultores
 miro fauore profecuti semper fuistis. Et cùm mu-
 tas ad artes agitandas animos appulissetis, verè in
 ipsis

ipsis Roscij (quod dicitur) exstitistis, vosque Phi-
 liatricæ publi duces ac mystagogos ad Medici-
 næ penetralia inspectanda comiter præbuitis in
 prædoctis Academiis, Tu quidem Leuceticâ, Ille
 verò Leucorea: multas interim offucias, quibus ars
 miserè deformabatur, auditores de docendo, ipsos-
 que viuâ voce, scriptis eruditissimis, exemplo de-
 nique proprio ad Veritatis amorem incendendo
 ac manuducendo. Quis iam memoret vtriusque
 vestrûm in medendo, ægrisque innumeris opitu-
 lando solertiam ac felicitatem nulli secundam?
 prætereâque incredibilem animi candorem, sin-
 gularem vitæ morûmque integritatem, conuer-
 sationis Sirenas non minùs vtilis quàm iucun-
 das, stupendam philomathiam, aut potiùs *μυσοληψίαν*,
 indéque natam bibliomaniam illam nunquam
 satis laudandam, quâ perciti Bibliothecas vobis
 comparâstis omni genere Codicum tam excu-
 sorum quàm calamo exaratorum instructissi-
 mas? Quia verò tam præclaris animi dotibus con-
 spicuos Viros liuoris iniuriis patère nouum non
 est, qui fumi ritu pulcerrimi cuiusque in oculos
 inuolare semper assolet, hinc etiam factum, vt
 suos vterque vestrûm mastigas inuenerit, homi-
 nes proteruos, & Echetismo non modò sui co-
 gnominis, aut pyrulæ nasi, sed & apicis linguæ, &
 digitorum perquàm dignos, quorum tamen im-
 probis artibus non magis hætenus offendi potui-
 stis, quàm Psyllorum olim corpora serpentium
 morsibus. At quò nos, obsecrò, sensim delapsos

sentimus, dum institutam Duumviros inter incomparabiles comparisonem persequimur, ac vestra merita exprimere tentamus, quæ styli nostri infelicitas potiùs detriuerit quàm illustrauerit? Et sanè nihil opus nostris verbis in tali argumento. SENNERTI enim *πλεονεκτήματα*, vt vt taceamus, satis ebuccinant, quæ typis mandata extant tot honorifica Doctissimorum hominum Iudicia, necnon Panegyrici, Epicedia, Næniæ, quibus tanti Viri memoria celebratur. Tua verò, Vir Præstantissime, egregia animi ornamenta, ac catorthomata toti literatorũ ordini deprædicanda remittimus: Interim tamen facere non possumus, quin hîc subiiciamus versiculos *πυθογενήσεις*, quos in tui gratiam Carolus Sponius, Ciuitatis huiusce Medicus, tuique amantissimus, aliquando meditabatur, vt ita nostræ non nihil consulamus balbutiei. Sic autem ille

GVIDO, Lutetiæcũ decus immortale medentum,
Aureoli quondam sæcli genuina propago,
Cui candor, cui sancta fides, cui cætera pectus
Virtutum genera exornant, ac lumine complent!
Iam quis inexhaustas Doctrinæ pandere gazas
Possit ritè tuæ? Nihil ignorare vidèris,
Rerum omnes penetras quia mentis acumine caussas,
Nullaque Muscolũm fugiunt te Scripta virorum,

Quorum pondere pressa gemunt numeroque fatiscunt,
Vasta ac firma licet, forulorum tigna tuorum.
Deinde quot horrendis iam iam pereuntia morbis
Corpora felici releuas facilique medelâ,
Artibus absque malis Arabum, Chymicisq; venenis?
Quæ tua laus ipso est Epidauri numine digna!
Iura igitur nobis coleris canerisque PATINE,
Cuius sparsa viget totum inclyta fama per orbem.

Tuo Nomini Clarissimo toto pectore Deuinctissimi,

IOAN. ANTONIVS HVG VETAN, &
MARCVS ANTONIVS RAVAVD.

BENI



BENIVOLIS LECTORIBVS, BIBLIOPOLÆ S.



E vos lateant, *Amici Lectores*, quæ potissimum præstita fuerint in adornandâ hac DAN. SENNERTI Editione, paucis utique venitis heic compellandi. *Primum* enim Editionem Wittebergensem novissimam secuti fuimus, utpote quæ cæteris tum correctior, tum auctior haut parum. *Secundò*, totum Opus tres in Tomos divisimus, quorum contenta in cuiusque fronte designata visuntur, attributis etiam unicuique suis indicibus, antè capitum, ponè materierum. *Tertiò*, libros eo ordine digessimus, ut Physica medicinalibus, theoretica practicis præmittantur. Inter Practicos verò libros, meritò agmen ducendum dedimus commentariis de Febris, Cornelij Celsi, gravissimi Scriptoris, rationibus ac exemplo imprimis adducti. Tractatum autem de Arthritide, qui in prægressis editionibus libro tertio Practicæ attexebatur, loco illo nimisquàm alieno movimus, & libro quinto subiunximus, in quo de affectibus externis agitur, quorum è numero ipsa etiam Arthritis est. *Quartò*, Paralipomena omnia auctoris, debitis sedibus passim restituimus ac inseruimus, præfixis hisce notulis ¶[& subsequente istâ] fini appositâ. *Quintò*, Hypomnemata physica plurimis luculentis accessionibus, ab auctore profectis, nobisque à magno Viro communicatis ditauimus. *Sextò*, tractatum cui titulus, De Origine formarum in brutis, Sententiæ &c. non omittendum hoc nomine censuimus, quòd ad unius & alterius Hypomnematum Physicorum illustrationem faciat: illum tamen ad calcem Tomi primi relegauimus, tum quòd foetus Sennerti proprius non sit, tum etiam ut commodius detrahi possit, si quem fortè eius offendant lectio. *Septimò*, Omnes auctoris Epistolas dedicatorias religiosè servauimus. *Octauò*, figuras æri incisâs suis locis addidimus. *Nonò*, Vocabula Germanica, penuriâ typorum eiusce linguæ, Italicis characteribus expressimus. *Decimò*, Epitomas tum Institutionum, tum librorum de Febris, etsi ab auctore ipso concinnatas, peritissimorum Virorum suasu omisimus, eoque libentiùs quòd seorsim formâ *εὑχτασίον*, Epitomis convenientiore, nuper è nostrâ prodierint Officinâ. *Denique*, Tabulas Institutionum etiam ablegauimus, non tam quòd ipsas damnemus, quàm quòd planè alium à Sennerto parentem agnoscant. Reliquum est, ut leuiculos errores operarum incuriâ alicubi erratos condonare non grauemini, quod vos etiam atque etiam rogamus. Valete, ac fruimini.

PRIVILE

Priuilege du Roy.



O V Y S, par la grace de D I E U, Roy de France & de Nauarre, à nos amez & feaux Conseilliers les gens tenans nos Cours de Parlement, Maistres des Requestes ordinaires de nostre Hostel, Baillifs, Seneschaux, Preuosts, leurs Lieutenans, & à tous autres Iusticiers & Officiers qu'il appartiendra, Salut. Nostre cher & bien-àmé *Pierre Ranaud*, marchand Libraire de nostre ville de Lyon, nous a tres-humblement fait remonstrer, qu'ayant cy-deuant fait recueil en diuers temps de toutes les œuures de *Daniel Sennertus*, tres-fameux & renommé Medecin, dont il recouuroit les copies avec des grands soings & frais, pour en faire vn corps & ouurage complet: Il auroit esté frustré des fructs de son labeur par l'adresse de quelques Libraires de nostre ville de Paris, qui auroient obtenu de nous, le dix-septiesme iour de May, de l'année mil-six cents quarante-vn, sous le nom de Michel Soly, Priuilege de l'impression desdites Oeuures pour le temps & espace de dix années, sur le poinct que l'exposant estoit prest de le demander. Mais comme lesdits Libraires ont ramassé confusément & sans ordre les pieces & traictez dudit *Sennertus*, mis en lumiere avec beaucoup de fautes, & la plus part mutilez imparfaicts, ils les auroient imprimez de mesme, & n'y ayant pas mis plusieurs autres traictez pieces que ledict exposant a recouvertes avec des grands frais & despens & avec l'ayde de plusieurs doctes personnages. Ce qui a meu ledict exposant de recourir à nous pour nous supplier tres-humblement luy vouloir accorder de nos lettres la permission d'imprimer lesdites Oeuures augmentées & corrigées, pour les debiter seulement apres que le temps porté par lesdites lettres du priuilege accordé aux dicts Libraires de Paris sera expiré. A ces Causes desirant fauorablement traicter ledict exposant, luy donner moyen de se recompenser de ses frais & peynes, & que le public ne soit priué de l'vtilité & aduantage qu'il peut receuoir de l'edition desdites Oeuures, ainsi corrigée & augmentée. N O V S luy auons permis & permettons par ces presentes, d'Imprimer & faire Imprimer les Oeuures dudit *Sennertus*, pour les vendre & debiter seulement apres que le temps du priuilege accordé aux dicts Libraires de nostre ville de Paris sera expiré, & ce en tous les lieux & endroits de nostre Royaume, en autant de fois, & en tels volumes, caracteres & marges qu'il vouldra, durant le temps & espace de dix ans, à commencer du iour que le priuilege

lege desdits Libraires sera finy, & que lesdictes Oeuures seront acheuées d'imprimer, faisant pendant ledit temps tres expresses inhibitions & def-fenses à toutes personnes de quelque qualité & condition qu'elles soyent, de les faire imprimer, vendre, ny debiter en aucun lieu de nostre Royau-me, pays, terres, & Seigneuries de nostre obeyssance, sous quelque pretexte & maniere que ce soit, ny mesmes les abrezgez que l'on en pourroit faire, ou traductions en autres langues, sans le gré & consentement dudit Expo-sant, à peine de six mil-liures d'amande, vn tiers à nous, vn tiers à l'Ho-stel Dieu de nostre ville de Paris, & l'autre tiers à l'Exposant: confiscation des exemplaires contrefaits, & de tous despens, dommages, & interests: Deffendons sous les mesmes peines, à tous marchands Libraires, tant forains que de nos subiects, que si quelques estrangers imprimoient le-dit liure d'en amener en ce Royaume, ny d'en vendre & debiter en quel-que façon que ce soit: A condition toutesfois que ledict exposant mettra en nostre Bibliotheque publique, deux exemplaires dudit liure, & vn en celle de nostre tres-cher & feal Cheualier Chancelier de France, le sieur Seguier, à peine de nullité des presentes: du contenu desquelles Nous voulons, & vous mandons, que vous fassiez iouyr & vser ledict Rauaud, & ceux qui auront droict de luy, sans souffrir qu'il luy soit don-né aucun empeschement. Voulons aussi qu'en mettant au commence-ment, ou à la fin dudit liure, l'extraict des presentes, elles soyent tenues pour deuëment signifiées, & que foy y soit adioustée, & aux Copies col-lationnées, par l'un de nos amez & feaux Conseillers & Secretaires, comme à l'Original. Mandons en outre au premier Huissier, ou Sergent requis, faire pour l'exécution de ces presentes tous exploits & actes ne-cessaires, sans demander autre permission: Nonobstant oppositions, & appellations quelconques, clameur de haro, Chartre Normande, Prise à partie, & autres lettres à ce contraires: Car tel est Nostre plaisir, Donné à Paris, le vingtiesme iour de Novembre, l'an de grace, mil six-cent quarante-sept, & de nostre regne, le cinquiesme. Par le Roy en son Conseil, M A S C L A R Y.

Seelé, & contreseelé, en cire iaulne. Registré au greffe des expedi-tions de la Chancellerie de France, le vingt-vniesme Novembre mil six-cent quarante-sept le M E N V.

Et ledict Pierre Rauaud, a donné le susdict Priuilege à son fils Marc-Antoine Rauaud, qui est en compaignie avec Jean-Antoine Huguetan.

Acheué d'imprimer, le septiesme Feurier, mil six-cent cinquante.

Les Exemplaires ont esté fournis.

SERIES LIBRORVM ET TRACTATVVM

**Omnium DANIELIS SENNERTI, tribus Tomis
contentorum.**

TOMVS PRIMVS.

{ Epitome scientiæ naturalis,
{ Hypomnemata Physica,
{ Methodus discendi Medicinam,
{ Institutiones Medicæ,
{ De Origine Animarum in brutis.

TOMVS SECVNDVS.

{ De Febribus, Lib. IV.
{ Practicæ Liber I, II, & III.

TOMVS TERTIVS.

{ Practicæ, Liber IV. V.
{ Tractatus de Arthritide,
{ Practicæ, Liber VI.
{ Exoterica.

VITA



VITA DANIELIS SENNERTI, D.

NATUS est DANIEL SENNERTVS Vratislavia, Silesiae Metropoli, anno Christi cō 15 LXXII. die XXV. Nouembr. circa occasum Solis, patre Nicolao Sennerto, Lehnensi Sil. Calceario & Ciue Vratislauensi, Viro bono, probō & inter suos honorato; Matre Catharina Helmania, oriunda ex oppido Zotten, ad radices montis Zabothi seu Zotensis Silesiae notissimi cognominis sito. Cum verò pater anno cō 15 LXXXV. anno ætatis circiter LXXX. die VIII. April. ex hac vita discessisset, à matre ea cura, quanta in fœminam maior vix cadere potest, ad pietatem, simulque bonas literas assuefactus est. In quas, cum Dei beneficio, naturali quadam inclinatione ita ferretur, vt vix vllis vnquam monitoribus opus haberet, nec vllō vnquam priuato præceptore vsus sit, amicorum, quos mater sollicita consulebat, suasu iis totum se mancipauit. Et cum in patriis Scholis eos iam profectus fecisset, qui Academicam lucem ferre possent, Præceptorum iudicio, in Academiam Vvittebergensem se contulit, anno cō 15 XCIII. mensis Iunij die VI. Quia verò nihil tūc altum sperabat, vel affectabat, sed finem studiorum suorum assecutum se putabat, si informandæ iuuentuti in Patria Schola præficeretur, etiam primis annis in Academia hac studiis Philosophicis imprimis incubuit, in quibus eos, Deo studiis eius benedicente progressus fecit, vt anno cō 15 XCVIII. die III. mensis Aprilis, Decano M. Laurentio Fabricio, Orient. Lingg. Prof. P. Laurea Philosophica iuter LVIII. Candidatos quarto Loco ornatus sit. Verum tamen cum aliud Deum velle, ex pluribus circumstantiis animaduerneret, studium Medicum Philosophiæ coniunxit, & postea se totum ei tradidit, illudque ita tractauit, vt æqualium amorem, præceptorum fauorem & benouolentiam persentiret. Etsi verò studiorum cursum ferè Vvittebergæ absoluit, simul tamen visitauit Academiam Lipsiensem, Ienensem & Francofurtensem ad Oderam. Cum autem tandem ætas & alia eum monerent, vt res suas ita compararet, vt ex studiis suis fructus aliquis, cum ad eum, tūc ad alios rediret, Berolinum, sedem Sereniss. Brandenburg. Electorum, se contulit, anno cō 15 CI. vt ibi Medicorum experientissimorum praxin obseruaret. Hinc in Basileensem Academiam, vt gradum Doctoris ibi peteret, se conferre, & tandem in Patriam, ibi Medicinam facturus, redire in animo habuit. Verum ecce cum ipsam

disputationem Inauguralem Basileæ habendam conscriberet, nuncius Vvittebergæ aduenit, literæque à Tobia Knoblochio affert, quibus is significat, se cum competitoribus aliquot gradum Doctoris in arte Medica petiturum, & an se iis associare velit, exquirat. Dubius igitur quid faceret, anne Basileam pergeret, an Vvitebergam rediret, amicum suum intimum D. Ioan. Georgium Magnum ibi consuluit, qui cum suaderet, vt Vvitterbergam rediret, adderetque: *Vver vveifs vvozu es gur seyn macht*, amici vocem, Dei vocem esse ratus, Vvittebergam rediit, & cum competitoribus M. Balth. Schultzio, Duc. Pomeran. & Colberg. Reip. Medico, M. Georg. Belsero, Vlmensi, Phyllico tūc Eilenbergensi, postea Ser. Sax. Elect. Archiatro, Tobia Knoblochio, Marco-Brettano Franco, postea Principiis Onoldini & Reipubl. eiusdem Medico, pro Licentia disputauit, die III. Iulij anno cō 15 CI. & anno eod. X. Sept. cum iis gradu Doctoris à Collegio Medico ibidem ornatus fuit. Etsi verò & tūc de reditu in patriam cogitaret: tamen omen illud amici non vanum fuit. Cum enim tūc Professioni Medicæ valediceret D. IOANNES IESSENIUS, vt professionem vacantem peteret, non solum Professores aliquot eum instigarunt, sed & ipse D. IESSENIUS literis XVI. Iun. cō 15 CII. quibus Sereniss. Elector. Professionem resignat, eum commendat, (vide infra *Iudicia virorum C. L.* ab init.) qui è centum aliis cum laude & vtilitate (quod Deum testatur) istam functionem, quæ non cuiusuis sit, obire possit. Eorum consilio obsecutus, literis ad Collegium Medicum datis, sua officia collegio obtulit, & sanè sine omni difficultate obtinuit, vt non solum à Collegio Medico & Academia nominaretur, sed & à Ser. Electore Saxoniae CHRISTIANO II. &c. Professor confirmaretur, & die XV. Sept. anno cō 15 CII. in Collegium Medicum reciperetur. In quo, Deo, cuius nomini soli sit gloria, benedicente, ita se gessit, vt nihil vel prius vel posterius habuerit quàm vt officij sibi demandati partes fideliter exsequeretur, vt de se etiam aliquando dici posset: *ἔπε χρέσιμα πασι· μεγάλη χάρις αὐτῷ*. Neque solum officij sui partibus satisfacisse se putauit, si lectiones publicas non negligeret, verum præterea Scriptis publicis rem Medicam iunare laborauit. In quo an aliquid præstiterit, è testimoniis & Iudiciis Virorum Clarissimorum sequentibus patet. Chymiam primus in Academiam Vvittebergensem introduxit, de qua, etsi varia sint iudicia, & verum sit, abusum eius hodie ferè tam magnum esse, quàm vsum: tamen neminem, nisi eius summè ignarum, eam planè repudiare

Vita Danielis Sennerti, D.

diare posse, notum est. In praxi etiam Medicâ summo studio laboravit, ut prodesset multis, noceret nemini. Hinc Deo benedicente, factum, ut non solum Vvittebergæ, sed & extra à multis, maximis, minimis de valetudine consuleretur. Quibus omnibus pro virili, etiam suæ valetudinis curâ posthabita, ut suo consilio & operâ inferiret, semper paratiss & promptissimus fuit: nec ulli vnquam suam operam denegavit. A nullo vnquam pro labore quicquam pretij expetiuit, sed quicquid ipsi oblarum fuit cum gratia acceptavit, non paucorum etiam ingratitude æquo animo toleravit, imò pauperibus honoraria afferentibus ea restituit. Quantum periculi, peste septies, imò sæpius, Vvittebergæ & in vicinis locis, ab anno clō CII. vsque ad diem mortis, satis vehementer grassante, necnon aliis serpentibus crebrò contagiosis morbis sustinuerit, obitus eius insperatus simul atque celer denique restatur. Quibus tamen temporibus ipse nunquam pedem loco movit; vrvt sui iuris vndiquaque, minimèque obstrictus fuit, Anno clō Iō CXXVIII. die XXVIII Martij, à Serenissimo Saxonæ Domino Electore IOANNE GEORGIO &c. præter spem omnium & opinionem Torgæ, cum Vvittebergæ. Eundem in morbum implicitum eò comitatus esset, in numerum Medicorum Cubiculariorum adscitus est, liberâ interim factâ ipsi potestate in veteri quoque statione suâ manendi. Requisitus etiam sæpissimè, & in consilium adhibitus fuit, ad curandam valetudinem complurium aliorum Ducum, Principum, Comitum, ac Nobilium, inprimis inferioris Saxonæ, Superiorisque Germaniæ, qui

omnes ope eius & auxilio salubriter, per Dei gratiam, vti sunt. Nec prætermittendum hic, quod de consilio Medicorum Patavinorum, desperato morbi genere laborans à Polonia, itinere suprâ centum miliaria peracto, Vvittebergam venit Illustrissimus Dominus NICOLAUS SAPIEHA, Comes, in Coden, Magni Ducatus Lituaniæ supremus Vexillifer &c. & meliori valetudini restitutus fuit. (Vide infrâ in *Judiciis Virorum Clariss.* Epist. Eiusdem.) Decanum Collegij Medici multoties, Rectorem verò Academiæ Vvittebergensis, authoritate publicâ sexies, sine exemplo hactenus ibidem dato, gessit. Vxores tres habuit, è quarum primâ tamen solum MARGARETA, Viri Excellentissimi & Clarissimi ANDREÆ SCHATONIS Medic. D. & Profess. eiusdemque Collegij Senioris Vvittebergæ filiâ, liberos suscepit VII. Quorum tres tantum adhuc sunt superstites, filij duo, & filia vna: nimirum *Andreas*, & *Melchior*, ille Theologiæ, hic Medicinæ Doctores, ac *Margareta*, coniunx *D. Laurentij Papæ*, Med. Elector. Saxon. Cæteri verò adhuc parvi, aut puerilem ætatem vixdum egressi, mortui sunt, præter maximum natu, *Danilem*, qui annum agens XXVIII. Parauij, vbi Medicinæ operam dabat, mortalitatem exiit, sex annis ante patris obitum. At verò noster hic diem suum obiit, & in Christo placidè acquieuit die XXI. Iulij, anno clō Iō CXXXVII, quo ipso tempore etiam luis contagium vehementer grassabatur, & ipsum mors hæc peremit, rebûsque humanis exemit, Ætatis suæ LXV. Sepultus est in templo arcis, siue Academico. Inscriptio Lapidis sepulchralis ibidem extat huiusmodi.

Inscriptio Lapidis sepulchralis.

D. O. M. S.

CALCARE SI QVIS HOC SOLVM QVONDAM POTES,
RESISTE, DVM QVID TE VELIT SAXVM, LEGAS:

HIC SITVS EST

DANIEL SENNERTVS,
VRATISLAVIENSIS SILESIVS:

QVI EXERCENDO DOCENDOQVE MEDICINAM XXXV. ANN. PVBLICE, QVODDAM QVASI SALVTIS EGIT AVGVRIVM; EAQVE DE RE INTER ELECTORALES ARCHIA-TROS ADSCRIPTVS IN LOCVM PRINCIPEM SVA VIRTUTE ASPIRAVIT.

NATVS EST D. XXV. NOVEMB. A. clō Iō LXXII. OBIIT D. XXI. IVLII A. clō Iō CXXXVII. GLORIA ET NOMINE, QVOD ILLVSTRI BVSVS ANIMI INGENIIQVE, AC INDEFESSÆ INDVSTRIÆ EDITIS MONVMENTIS PER VNIVERSAM EVROPAM, ET SIBI PARAVIT VIVVS, ET HVIC CIRCVMFVDIT ACADEMIÆ, SVPERSTES PERPETVO, AC IMMORTALIS.

PATRI INCOMPARABILI ET DE SE ETIAM OPTIME MERITO SVPERSTITES
LIBERI MOERENTES, LVGENTESQVE,

P. P.

Iudicia Virorum Clarissimorum.

IVDICIA VIRORVM

Aliquot

CLARISSIMORVM.

NE aliis in Academia Vvittebergensi Antecessoribus fidelitate quicquam concessisse videar, qui abituri successores suos nominare feliciter solebant. Vestrae ego Celsit. Illustr. Virum doctum, modestum, & toto hoc tempore auditorem, & spectatorem meum assiduum, in Academia nostrate promotum, appello, Doctorem DANIELEM SENNERTVM, qui è centum aliis cum laude & utilitate (quod Deum testor) meam functionem, quæ non cuiusvis est, obire posset.

Dresda 16. Iunij 1602.

*D. Iohan. Iessenius, D.M. necnon
Medicina in Academia Vvitteberg. Profess. Emeritus.*

DIco, quod sentio, sine fastu, nec ad aurem, Deo teste, & conscientia mea. Qui iam ultra XXVI. annos in vrbe nostra, quæ patria mea est, praxin exerceo cum laude, & quod diuinæ benedictionis est, felicitate singulari, quique volumina XXX. conscripsi, quibus quicquid Hip. Gal. principes cæteri Græci, quicquid vel Arabes, vel recentiores plerique edidere, consarcinaui omnia: multa in doctissimo Institutionum tuarum libro deprehendi, quæ vel non animaduertisse, vel præterisse, vel minùs commodè explicasse illi videntur. Legi bis, & iam tertium. Omnia ad saluam & palatum meum: & hac methodo artem medicam facilem esse iudico.

Suvidnirij Siles.

*Tobias Eischerus, Philos. &
Medic. D.*

Institutiones illas tuas ad Cleanthis lucernam elaboratas abundè satis, quod titulo pollicentur, re ipsa conferre, reliquisque id genus palmam præripere, certus sum: nec aliud, quàm de superiore tuo scripto iudicium ferre possum: vno verbo, Ex vngue Leo. Dico, vt id, quod intimè sentio, aperte & liberè scribam; spem meam superasti. Perplacet illa tua modestia, quâ interdum in istis nouis axiomatibus Chymicis innuis potius, quàm explicas sententiam tuam, ne veterum fundamenta conuellere videaris.

Vratislavia.

Georgius Rumbaum, D.

Quam acceptæ mihi fuerint tuæ in artem Medicam Institutiones, nōrunt illi, cum quibus hætenus multoties ea de causa contuli, quorumque iudicia, vtpote me longè doctiorum, adumbrare haud vereor. Fatentur hi, se in hoc argumento parum nondum vidisse, superiorem ignorare penitus. Et certè adeò accuratè & neruosè omnia, quæ hoc negotium spectant, pertractas, vt quid ad fundamenta Medica adhibenda ampliùs requiri possit vel debeat, minimè videam.

Vratislavia.

Heinric. Nagel. D.

Dan. Sennerti Tom. I.

Postmodum Medicinam nostram omnium artium præstantissimam amplexatus, in Vniuersitatem Germaniæ longè famosissimam, nim. Vvittebergensem se contulit, vbi per totum ferè triennium moratus, accepit multorum Professorum oracula, præsertim Excellentiss. illius & Experientissimi. D. DANIELIS SENNERTI, qui hodie Clarissimis suis scriptis in vniuersam Medicinam toti penè orbi innotuit, dignumque se tali Scholâ & præceptore exhibuit.

Monspely in Oratione Inaugurali in Doctoratum D. Adam. Rubaci Pomer. Duc. postea Archiatri, impressa ibid. p. 27.

D. Ioannes Varandaus, Professor & Consiliarius Regius, & Vniuersitatis Monspeliensis Decanus.

———— quorum diuina reperta;
Dogmataque amplexi SENNERTVS;
Leucoreæ ille,
Illæ scholæ decus egregium. ————

*Marpurgi, in Doctoratum
D. Christoph. Gluckradij.*

Rudolph. Goclenius, Senior.

Sagacissimus rerum Medicarum scrutator SENNERTVS, cui quicquid hîc est opellæ, acceptum sine pudore ferimus.

*In disputationibus Chymico-Medicis
Marpurgensibus, disp. 10.*

Elias Leschius.

Sed & nostri seculi decantatissimi Philosophi hanc ipsam doctrinam solidè propugnarunt, inter quos excelluerunt recenti memoriâ, &c. & nuper Dn. DANIEL SENNERTVS Siles. D. & Professor Medicus Vvittebergæ eximius.

Marpurgi, disp. 17.

*Heinricus Petraus, D. &
Professor Med. publ.*

Venit omninò in mentem mihi sermonum, quos aliquando cædebamus ego & Taubmannus, cum Vir ille diceret: nec esse doctiorem, idèoque nec humaniorem SENNERTO suo quemquam. Deum testor, & pios viri manes, vera me dicere. Id quod ita fuerit ego testari possum, &c.

19. Decembr. 1613.

*Iohan. Schlegelius, Diaconus
Domitschianus.*

Somma in expectatione es apud nostrates provinciales Medicos, Iohannem Springerum & Iohann. Fabrum. Ex Institutionibus tuis Medicis, eum gustum perceperunt, vt sitim suam ex tuis fontibus maximè restingui posse censeant; vsque aperiantur, optant.

12. Febr. 1615.

*Iohan. Apiarius, Pastor Dietrichstei-
nensis in Austria.*

ẽ 2

Scater

SCater ars nostra infinitis difficultatibus, in quibus dissoluendis vix quenquam inuenio tibi parem, qui iam tot annos hoc agis, vt Respubl. Medica tuis auspiciis fiat auctior.

18. Iunij 1615.

*Henningus Armisaus, D. & Prof.
Med. Helmstadt.*

INstitutiones tuas Medicas, quibus Monspelij Imagno cum fructu vsus sum, Dn. Iacobo Pradello, Consiliario & Professore ibidem Regio, Virò certè omnium doctrinarum genere præstantissimo, humanissimo, & Germanæ nationis amantissimo, quia ipsas desiderabat, donauit, quas lubentissimè accepit, & Bibliothecæ suæ splendidissimæ inseruit; qui etiam publicè in actu Doctoratus mei honorificentissimam tui, tanquam præceptoris mei, mentionem fecit.

Ratisbonæ. Cal. Nou. an. 1615.

Iohan. Stephanus Strobelbergerus, Phil. & Medic. D.

VT in cœpto iuuandæ rei Medicæ studio pergas, te orare non desinimus. Hæc certè doctissimorum quorumcunque Virorum voti summa. Vident enim alios velle, Te verò (palpo non percurio) posse.

Basilea 4. Dec. 1615.

Paulus Müncerus.

HOc methodico morborum tractatu maiorum gentium Medicos, utpote Platerum, Bauhinum, Hartmannum, Brendelium, Horstium, SENNERTVM, & alios ad methodi nebulæ remotionem extimulare volui.

*In Theatro morborum Hermetico
Hippocratico, in præfat.*

David Crusius.

PRæ aliis autem imitatus sum eos, quos in manibus vestris quotidie versari videbam, doctiss. Fernelium, Duncanum & Clariss. Dn. SENNERTVM, qui suis institutionibus præclaram Medicinam discipulis operam præstitit.

In præfat. Nosologia.

*Heinricus Petrus, Phil. & Med. D. Anatom. & Chirurg. in Acad.
Marp. Prof. P.*

GRatia SENNERTO, Medicam qui restituit rem,

Dicatur nostro nomine multa salus.

*In album amicorum cuiusdam M.S.
inscripsit*

Idem Heinricus Petrus.

INgenij diuini monumentis in eam prorupisti famam, vt & Itali ipsi Germani hominis iudicium æstimare & venerari se publicè dicant. Quod certè testimonium tantò habendum est potius,

quantò maiorem esse horum ambitionem scimus.

Venetis 1617. die pasch.

Daniel Bucretius, D.M.

Optimum Systema Medicum dedit D. SENNERTVS. Accertè, quod olim Ioh. Crato de Fernelio, ego de SENNERTO spondere possum: Cui hic multum placuerit, eum multum in Medicina profecturum.

*In Epist. ad amicum 20. Oct.
anno 1617.*

*Iohan. Iacob. Reuterus Med.
D. Lipsiæ.*

ET quis bonorum SENNERTI obliuiscatur, qui de bono literario optimè meretur? Certè tum viuentibus, tum posteris grati erunt labores, potissimum illi etiam, quos nuper Libro de consensu & dissensu Galenicorum & Chymicorum impendisti. Magnam & claram sine dubio plurimis facem protulisti. Perge, Vir Clariss. & quantum potes, potes autem plurimum, rem literariam iuua. Sed nolui sat alacriter currenti subdere calcar equo.

Regiomont. Boruss. 8. April. 1619.

*Georgius Lothus, D. & Prof. &
Med. Aulicus Regiom.*

SCribi non potest, quàm me tuus ille Chymicorum cum Aristotelicis consensus dissensusque exhilarauerit. Certè quod dudum in votis, hoc ipsum videmus in expeditis. Nec Zeuxis quidem elegantius potuisset.

Colbergæ. 20. Sept. anno 1619.

*Balthasar Schultzius, D. Principis
Pomerania & Colbergensis
Medicus.*

Quem quærebat anima tua, iam inuenisti, gaudeo. Tu interea frui sic ter Maximo Medico, cuius nomen magnum vbique fieri audio. Romæ intellexi SENNERTI opus in magna haberi estimatione. Utinam non tam rara essent exemplaria magno Reipub. Medicæ dispendio. Ego hic publicum SENNERTI immortalis ingenio Philosophi præconem ago. Vnde mea causa, etiam Professores nostri eius volumina requirunt. Nonnulla de occultis Pharmacorum proprietatibus transuolaui. Pape! quàm solida, docta, rara & acuta: statim reliqua, vbi dabitur longius otium, tanquam heluo deuorabo.

*Ioan. Libiolus, Professor Ferrariensis ad D. Ioan.
Anselmum Antuerpianum 14. Cal.
Maij. 1620.*

DE Febribus tuus liber omnem scribendi conatum posteritati intercepisse visus est.

20. Maij 1620.

*Ioan. Lysius, D. Medicus.
Flensburgensis.*

Ea est

Virorum Clarissimorum.

EA est tuorum Scriptorum felicitas, ea fertilitas, ipsemet ut Phœbus ad eorum continuationem in vniuerso choro Medico te inuitet. Perge, mi Præceptor, perge, & eadem industriâ de Tumoribus externis commentarios tuos nobis largire, quâ cætera scripta tua, ruptis inuidiæ vinculis, toti orbi literario communicasti.

Matthæus Verhnerus, D.

S. P. Te quoque olim Præceptoris instar habui. Clariss. atque Excellentissime Vir, nunc parentis loco amo & colo, non debeo non his inuifere literis, tum quod ob tyrannidem Bellonæ execrabilem in has, quamdiu Deo fuerit visum, delatus oras, Tuas hæcenus expectavi, tum quod expectatas accepi gratissimas. Nimirum ab eo expectavi literas, qui Medicinam, cuius ope, si à Deo discessero, quod possideo, valeo, sum adeptus, sua felici fatis industria exultiozem & illustriorem cupit & reddit. Accepißimæ verò mihi aduenerunt illæ, quod animum Coryphæi Medici gratulatoriâ suâ affectione erga me non parum beneuolum exhibuerint. Ex quo pro gratulatione de successu, qui post Deum Medicinæ beneficio mihi obtigit, prospero, non possum non tibi ob egregiam illam eidem præstitam culturam ex animo gratulari, Deum humiliter exorans, ut is T. E. in rei Medicæ totiûsque literariæ augmentum diutissimè florentem conseruare dignetur.

Dresda 16. Decembr. anno 1620.

*Donatus à Freywaldt, Eq. Nob. P.
Rom. Imp. exempt. Aula Imperatorie Comes & Consiliarius
Cæsareus.*

Non sine magna delectatione Clarissimum Nomen tuum, non in Germania saltem, sed etiam in Italia, celeberrimo præsertim Patauio nostro, in maxima æstimatione reperio. Scripta tua cum summa laude allegari in publicis lectionibus à quibusdam Professoribus non raro audiui: ab aliis res ex scriptis exhaustas (quod me, ut & alios, qui illa legimus, latere non potest) citari, nonnunquam audio: suppresso tamen autoris nomine, cui tanquam minus Catholico laudem suam inuident. At quando priuatim ipsos alloquor, tua plenis verbis tibi concedunt ac tribuunt, merita. Et inprimis toti Nationi nostræ omnes ab Ex. T. scripti libri adeo arrident, ut vix vilius autoris tanto ipsorum desiderio teneri videam; Vnde licet dulcissimarum tuarum Institutionum 8. aut 10. forsan exemplaria possideat Instructissima Bibliotheca nostra, tamen vix vnquam vel vnicum Exemplar earum in illa reperitur, cum eadem vix in Bibliothecam relata ab aliis in suos vsus priuatos deportentur. Sapissimè à pluribus compellor, numquid sciam, an citò lucem visura sit medendi methodus tua specialis, quæ auidè expectatur à plurimis.

Patauij 9. Cal. April. 1622.

*Matthæus Brengger. Augustanus,
Incl. Nat. Gormanic. Art. p. t.
Consil. Patav.*

Vir lassen es bey unsern lœblichen Vorfahren und Præceptoren als Fernelij, Langij, Gesneri, Horatij Augemij, Zvvingeri, Plateri, Matthioli, Sennerti Tom. I.

lenandri, Andernaci, Cratonis, Heurnij, Schenkij, Libauij, & mille aliorum, vornemblich aber vff des hoch und vveiberumbten Herrn D. SENNERTI Prof. Vvitteberg. vernunffiger und viel bescheidener vndrichtiger Censur und decision beruhen, vvelcher SENNERTVS in aureo libello de Chymicorum cum Aristotelicis & Galenicis consensu & dissensu, mit einer vweit andern præfation ad March. Brandenburg. Christian. Vvilhelm. Post Episc. Magdeb. &c. und auch mit einer vweit andern discretion, solche schwere Controuersiam decidiret und erartert hat.

Im Klag. libell. contra Ioan. Poppium destillatorem Coburgensem, ad Cancellarium & Consiliarios ibidem, datirt Coburg. 17. April. An. 1622.

Valentinus Rumpel. D.

Michaël Schon. D.

Cornelius Pleier. D.

Si quis Aristotelem vellet, si cernere vellet
Et Cum Medicum, Pergameumque senem:
Huic ego Aristotelem, sed & huic ostendere possem
Et Cum Medicum, Pergameumque senem.
Nec verò Elysias censerem accederet umbras,
Vsurpare oculis Hellados hos oculos.
Lencorin hic iret, sed & ad T. E. Coe-secunde,
Alter Aristoteles, reddite-Pergamee, &c.

Ianus Schlegelius, P. L.

Indies magis immortalitati commendant Te mortalem, monumenta tua publici iuris & vsus facta: quæ indubie tibi ad calamum dictauit ipse Apollo. Quæ cum admiratione, breuissimè scribo, multum legunt multi, & multa seligunt, vnde euaunt artis scientiores. Quæ iure optimo indigito Complementum totius Medicinæ, & filium Ariadnes, quod variis è Labyrinthis ducet Æsculapij mœdæ. Profeci ex iisdem ego non parum, & proficio, quoad Medicinam feci & facio.

Lignitij, 23. April. 1622.

Petrus Titius, Phil. & Medic. D.

SENNERTVS Candidæ veritatis insignis amator, Præceptor noster honbrandus, &c.

In disp. quadam de Ascite, th. 34.

*Franciscus Omichius, D. Med. Prof.
Francof. ad Od.*

Peruoque, & nocturnâ diurnaque versato manu Institutiones DANIEL. SENNERTI, in quibus prolixiori orationis serie fundamenta artis plenissimè enarrantur, & longè fortè solidius, quàm factitatum à Fuchsi, Vallerioli, Riolo, Heurnio, Duncanio Liddelio, cæterisque de genere hoc. Vnus iste erit tibi instar omnium, quem si nôris, omnes nôris.

*Petrus Laurenbergius, D. Prof. in
Gymnasio Hamburg. in Laura
Delphicâ, seu de Methodo
discendi Medicinam.*

E Am. T. Excell. tum ex libris editis, tum ex praxi felici, atque beneuolentiâ erga studiosos adulescentes sanam famam consecuta est, ut nemini in tota Germania secunda sit.

15. Iul. anno 1622.

Gotfridus, Stæterus, D. Superintendens Oldenburgerfis.

Philosophicis cognitis perceptisque totum se tradidit magnæ arti Medicæ, sub magno illius Antistite Dn. D. SENNERTO.

In Intimatione in funere Dn. D. Iac. Reuteri, P.P.

Lips. 12. Iun. 1623.

Dei gratiâ, Iacobus in Liuania, Curlandia, & semi-Gallia Dux, & Rector Acad. Lipsiensis.

DE Febribus quem edidit librum T. Excell. merito inter supremos colit hoc seculum, & iure ex labore tali perennis honos & fama tibi exurgit. Practica & obseruationes tuæ fac lucem videant, & præmium à Deo expectes, laudem à nobis & posteris, nostræ artis filiis.

20. Sept. 1623.

Ioan. Klagius, D. Stolb. Pomeran.

ITala Montanum dat tellus, datque Ficinum,
Dat Pendentis aqua flumina, datque Salam.
Tæque Antenorei studij, Sylvarice lumen,
Cuius ut Hippocratis singula verba colo.
Gesnerum studiosa dedit Germania, gnarum
Artis SENNERTVM, te quoque magne
Crato.
Gallia Fernelium, Riolanos, atque Duretum.
Vesalium, & doctum Belgia Spigelium.

In carmine in honorem D. Adriani Spigelij, Primarij in Patavino studio Anatomia & Chirurgia Professoris scripto, & Patavij impresso.

Ioan. Broscius, Ordinarius in studio Cracouiensi Mathematicus.

Recreavit me mirificè istius (part. 1. lib. 1. Practicæ) lectio: utque animi mei sensa ex candido tibi per tot annos perspecto pectore explicem, nihil habeo, (conscientiam testor,) quod in eo desiderem. Perspicuitas in omnibus, æquæ decisio controuersarum quæstionum, methodus accurata quidem, interim perfacilis, materia medica indicationibus curatiuis in totum correspondens mihi plurimum arridet. Perge itaque, Clariss. SENNERTE, nec dubita te laborem Deo & Reipubl. literariæ gratum & utilem suscepisse: eum ut matures etiam atque etiam te rogo. Immortalem inde apud bonos laudem consequeris. Gratulor facultati Medicæ & eius studiosis, quod nucleum Medicinæ Dogmaticæ tam facili labore, te duce consequuntur.

14. Ian. 1624. Berolini.

Ioan. Georg. Magnus, D.

Autor est SENNERTVS, cuius nomen nulli, ad quem saltem fama artis medicæ peruenit, ignotum esse potest; neque existimo, quod Phœbo gratior vlla sit (ut cum Poëta loquar) quam quæ SENNERTI præscripsit pagina nomen.

Anonymus, qui lectiones Sennerti de Scorbuto, ipso inscio, edidit, 1624.

DE Scorbuto Tractatum tuum superis diebus hisce etiam in oris celebrem & elaboratissimum vidimus, amamus & extollimus. Nunc obseruationes & practicalia vidisse restat, quæ vnicè omnes & anxie desideramus. Ne ergo spe frustremur, Excell. T. toti literariæ Reipublicæ studere perget, mille modis ab omnibus huius seculi Medicis rogata.

Dab. ex arce Schlochauensi, 4. Martij, anno 1625.

Ioan. Kluge, D. Illustriss. Palatini Culmensis in Polonia Medicus.

ADde huc diuina Tibi cognita dogmata ad unguem Chymia, duce Sennerto: quo grauior alter Corticibus nucleum fractis euellere, purum Soluere ab impuro, succis que intendere vires Molis in exigua centrum facièsque conchas, Et sic incunde, tuto, citò tollere morbos, Nemo Scholis nunc est, & famâ notior orbi.

In Carm. Gratulat. Ioan. Georg. Pesthofer. 1625.

Philip. Mollerus, Med. Licent. & P.P. Mathem. in Acad. Lips.

Clarissime, Excellentiss. Dn. D. amice singulariter honorande. Percurri, quantum licuit, prælectiones practicas, per occupationes, ut nōsti in aula nostra frequentes, de die in horam, de hora in singula ferè momenta. Et mirari subiit Te in Academia prouinciam laboriosissimam sustinentem, tot Auctorum volumina posse perlegere, & notatu digna in aptissimum ordinem redigere. Sed à prima nostra conuersatione recordor, ad labores perferendos Te esse assuefactum. Immensi laboris opus esse, rationibus firmissimis, conclusionibus exoptatissimis, & obseruationibus gratissimis complures per annos singulari diligentia conceptum, qui legerint, fatebuntur omnes. Medicinæ Candidari Te certè partem proclamabunt, qui paternâ verè affectione filios adoptaueris, omnem hæreditatem dogmatico-Hermeticam quam plurimis lucubrationibus collegeris, ipsis porrexeris amplissimam, supra spem benigna mente. Sic rectè te formasti, mi Sennerte, ad Hieronymi monitum: ut turpe est diuiti decedere sine hæreditate, ita miserum est, habenti à Deo gratiam intellectus, posteris suis nihil relinquere scriptum. Methodum maximè gratam, ut & proficuum futuram scio, qui de eadem admonitos filios meos felicem successum exinde in cursu de praxi assecutos obseruauerim: non enim initiati se tantopere possunt libris nostris practicis confidere, qui sæpe dubios reddunt magis anxios, quam resolutos: hac autem viâ ingressi omnium dubitationum in diagnosi & therapeuti occurrentium iter facili modo superabunt, tenentes verà Methodum, & Medicinam secre

Virorum Clarissimorum.

secretam, Dogmatici & Hermetici prudentes. Non est quod dubites, singulariter obseruande S E N N E R T E, de gratiâ post absolutam partis primæ editionem gratissimam amplissimâ, quam & ego, vt matures, per Reiplubl. nostrâ salutem peto. Magnificabis ingenium politicissimum, experientiam & iudicium, & vt residuum absoluas laborem sanâ & latâ mente cum singulari animi contentione. Viuat, Viuat, Pater S E N N E R T V S, Viuat proclamabunt. Et ego facultati quoque nostrâ gratulabor: interea à Deo Opt. Max. iterum precor, vt S E N N E R T V S meus viuat, vt viuat diu & feliciter.

Raptim properante γραμματοφόρῳ,

Ian. 1626. Dresda.

David Faber, D. & Med. Aulicus Dresda.

Sed noctuas Athenas: qui hæc ad Te, Medicorum nostrâ Germaniæ Principem & Coryphæum, cuius scripta omnia, quæ adhuc mihi videre contigit, doctissima exosculor, & amplector audissimè aureum præsertim tractatum de Scorbuto.

12. Ian. 1626.

Gregorius Schænius, D. Med. Gærlicensis.

Scribo & contestor sanctâ fide, mihi & meritis tuis & famâ tuâ nihil esse his in partibus antiquius. Itaque & Martinulum, vbi decuit, contudi & confudi: & scripta tua Medicis nostris Poloniæ, quibus præter Italiam hætenus nihil arrisit, commendavi. Non quod ex commendatione meâ aliquid Tibi accedere possit, sed veritatis iudicio. Ita enim sentio: multos multa scribere & scripsisse ad scholarum applausum, Te ad veritatis ipsius sensum, & Medicinæ vsum siue ad praxin, quæ totius artis finis est & quædam Proba. Itaque aliorum licet admirari ingenium; tuum verò iudicium, tuam dexteritatem, tuum candorem, qui non suspicit, aut ignorantiam aut inuidiam laborat. Addidici, si non fallor, si non longo, tamen multo & vario usu, quantum hi, quantum alij præstiterint.

Dab. Fraustad. 1626. 27. Ian.

Matthaus Vechner, D.

Nominis tui splendor is est, qui vel ignauissimum quemuis in tui cultum trahere possit. Ego licet tenuis, & in omni statu pusillus sim, bona exempla tamen hætenus, si non imitari, admirari tamen didici. Illa imprimis quibus Remp. Medicam auctam fieri sentirem indies & opulentam. Istud planè agebant Institutiones Tuæ illæ, quibus omnium bonorum ac doctorum tibi facilimus amor concinnatus est, & penetravit. Mihi sanè nomen impositum malum, qui nunquam velim, adeò bonum surreptum tamen pernolim, virorum vt magnorum venerationem declinasse vllò modo deprehendar. Hoc te loco habeo, Clarissime S E N N E R T E, Hoc te censeo titulo: meque eo abs te loco haberi vnice peto, qui virtutum tuarum cultor, eruditionis æstimator sit. De cætero hac mea salutatione ignotus tibi porro esse nolui, quem dignum censui, solis ad vtramque portam minimè occiduum cui nomen sit. Neque aliter primas hæc meas, vt interpreteris, rogo, quibus gratiæ aliquid abs te iniisse me si videro, plures etiam & prolixiores ausum promitte-

re. Quem ita rem porro Medicam publicamque ipsam bene gerere, bellèque valere peropto. Dabam

Craconia, 24. Maij anno 1626.

Paulus Crokerus, Med. D.

DE Cl. S E N N E R T O mihi cum omnibus φιλάτροις meritò gratulor, quòd functionem Academicam aulico splendori præferat, vtpote in qua pluribus prodesse cum magna Germaniæ nostræ gloria poterit, quàm si soli Principi & Aulicis nunc demum maturos verè Asclepiadici Ingenij fructus consecraret. Tu quæso calcaria ipsi addas (quanquam per se currentibus opus non sit) vt quæ iam de morbis capitis & thoracis meditatur, ad prælum quàm primùm paret. Magnum enim nobis his in oris desiderium excitauit doctissimis suis laboribus Practicis, hætenus felicissimo sidere publicatis. Deus Nestoreos ipsi largiatur annos, vt integrum Medicinæ Practicæ stadium vnâ cum honestissimo senio suo, pede non infelici decurrat. Et faceres sine dubio rem amore tuo erga præceptorem olim tuum non indignam, si pro qualicunque laboris istius subsidio aut leuamine, ipsi mittas eas quas habes, Saporæ nostri de affectibus capitis & thoracis prælectiones.

Dab. Thorn. 1627. 25. Ianuarij st. n.

P. Ianichius, D.

Cæterum cum inter alia Palatinæ dignitatis munera id quoque incumbere mihi non postremum intelligam, vt de studiis & communi hominum societate præclare meritis viris, laborum suorum & virtutum præmia digna & honorifica statuam: in euidentius ἀντιφίλητος meæ documentum ex potestate Cæsarea, quâ, in Numerum Palatinorum Comitum adscriptus, fungor, Insignia tibi meritissimo Viro conferre, animus est: quorum delineationem vel ipse, quod mallet, quando allibuerit, descriptam huc transmittes, vel in voluntatis meæ dispositione arbitraria acquiesces.

Friberg. 3. Non 1627.

Proprio motu ret. sanit.

Paulus Pleisner, D. Comes Palatinus. Cæsareus.

Ego nunc cum ingruente 20. Ianuarij, οὐδὲ δεκά, Sexagenarius completus, fessus curâ, lassus cursu studiorum scilicet quod reliquum est vitæ, si quæ futura est, studio Medico & curæ sanitatis in posterum dicaui, horis succisuis, in quo Libri Institutionum tuæ Medicinæ mihi præcipuam facem præeunt, quarum Lectionem cum tanta iucunditate & admiratione animi continuo, vt expleri mentem nequeam, ardescamque legendo, adeò vt in excessu meo eruperim in hæc Epigrammata, quæ hisce inclusa ad Te mittere volui, quæ si tertiæ Editioni, quam ex Rubachio nostro, Amico meo singulari, instare intellexi, præmittere voles, per me id licet.

*Fernelium Gallus iactat, sed Belga Forestum.
Credite, S E N N E R T V M Saxo superbis habet.*

Aliud

Aliud.

SENNERTVS nisi vixisset, Medicina perisset
 Languida, de cuius vita habet hac animam.
 Quasi pro merito Auctori det premia vitam,
 Cornitis valeat quâ superare dies,
 Tunc erit ipsa sibi nutricea reciproca, quôque
 Etatis seculo, ne vitietur annus.

Daniel Cramerus, D. Theolog.
 Stetin. Pom.

Profecto gaudio subliebat animus, atque in
 seipso quasi grandior fiebat, quando Practicæ
 Medicinæ tuæ Titulus in Schüreriano Bibliopoli
 hisce nundinis nostris primò se mihi conspicien-
 dum dabat. Mihi Reique publ. literariæ de Thesaurò
 tam insigni summoperè gratulor; Tibi gratias im-
 mortales ago. Faxit Deus, vt typis & propediem,
 & perfectè, sicut & Tractatus cæteri, quos (quod
 Tuum Rempubl. Medicam promouendi desiderium
 est) feliciter manibus voluimus, exscribantur. Au-
 daciæ meæ, qui T. E. de facie minimè noui, igno-
 sce, quæso. Scripta tua ansam dedere. Ab eo enim
 tempore, quo primùm Doctore ac Ductore Viro præ-
 clariss. D. D. Greg. Horst. Medicinæ me deuoui, tan-
 tùm non solis mei SENNERTI Institutionibus, ac
 cum aliis in regionibus tum in Germania ipsius
 Tractatui de Febribus, Scorbuto, &c. immoratus
 sum. Laurenbergij admonitioni, quæ in Lauri eius
 Delphica egregiè scripta mihi p. 12. videre est, lo-
 cum dans, dum ait: peruolue, igitur nocturna, diur-
 naque versato manu Institutiones D. AN. SEN-
 NERTI, in quibus prolixiori orationis serie funda-
 menta artis plenissimè tractantur, & longè fortè so-
 lidiùs, quàm factitatum à Fuchsio, Valleriolo, Rio-
 lano, Liddelio, cæterisque de genere hoc, Vnus Ipse
 erit Tibi instar omnium, quem si noueris, omnes
 noueris, &c.

Ludouicus Hornicaus, Philosoph.
 Medicinaque D. & P.
 L. Cas.

Fernelius Gallos: Te Vvitebergia clarat.
 Fuchsio & Batavis Heurnius arte cluet
 Peoniâ, cuius solidè fundamina libris
 Sapè laborarunt constituisse suis.
 Præstitit ast vnus SENNERTVS. Hic hercle
 Iuuenta.
 Leucorea Medicum consolidauit opus.
 Hic illustrauit solerter, & ordine, quicquid
 Ipse Galenus habet, quicquid & Hippocrates.
 Nomen vt æternum dignè mereatur, at ecce!
 Vox ferit antriculam: Est viuus is Hippocrates.
 Galli igitur, Vvitenbergi, Batavique celebrent
 Quique suos: alium det Vviteberga sonum.
 Mi pro Fernelio, pro Fuchsio, & Heurnio amatur
 SENNERTVS solus Apollo mihi est.

VV. S. D.

TVm verò curando scorbuto incumbat, id est,
 vtatur herbarum aperientium decoctis, admix-
 tæ alexipharmacorum eâ copiâ, quam iudicauerit
 Medicus in hac curatione exercitatus. Omnino cu-
 ratio scorbuti in eo erit præcipuè posita, vt quæ ob-
 structiones referant, (quorum delectus Medici, qui
 curæ præerit, iudicio relinquendus est) antiscorbu-
 ticiis remediis perpetuò contemperentur: quorum
 causa proficiscendum puto ad septentrionalia loca,

& maturè proficiscendum, vt herbas adhuc vigen-
 tes & succi plenas reperiât: aiunt enim antiscorbu-
 ticas herbas succo magis quàm decocto aut aliâ ra-
 tione opitulari Medicum v. nostrâ ætate celeberrim-
 um, atque in scorbuti cognitione atque curatio-
 ne Exercitatisimum, DANIELEM SENNERTVM
 adeat, cuius consilio se committat, atque ab eo,
 post Deum, salutem periculosissimi mali speret. Vi-
 uit Vvitebergæ, vbi nota & familiaria sunt scorbu-
 ti antidota.

Ex Consilio D. Ioan. Prenotij, Prof. Patauini ad Il-
 lustriss. Dn. Nicolaum de Sapieha, Comitem
 in Coden, Vexillif. supremum M. Ducatus
 Lithuan.

Ioannes Prenotius.

CLariss. Dn. Prenotius, cum à Germano quo-
 dam! percontatus esset, quodnam Excell. V.
 salarium esset illudque ab eo rescisset, in hæc ver-
 ba erupit: Miror, & doleo, tantum Virum, tam vili
 salario conductum esse.

Andreghettus Andreghertius, Nobilis Pataui-
 nus, ex antiquissima familia oriundus, Optimus
 Philosophus, & Medicus Theoricus doctissimus,
 nec non Practicus experientissimus, utpote qui
 multis iam annis Nosocomio, vbi multa obseruare
 licet, præfuit, & gratis in eo praxin exercet: hic,
 inquam, inprimis Excell. Vestre scripta magni æsti-
 mat; ita vt publicè (nemini enim parcat: est enim
 ingenium Philosophicum, neminem curans) dice-
 re audeat, reliquos Professores, suos Collegas, mul-
 ta sapè proferre, & pro suis venditare, quæ tamen
 propria ipsorum non sint; verum omnia habeant ex
 SENNERTO: imò aliquoties Excell. Vestram Autho-
 ris nunquam satis laudati titulo pro lectione publi-
 câ mactauit.

Padua, 6. April. 1628.

Samuel Kinner, D. M. ac Reip. Vratiss.
 Physicus ordin.

Sonsten wolte der Herr so viel mühe drauff vven-
 den, dass er zum vornehmen, hochgelehrten und
 vveitherümbten tapffern Medico, zu Herrn. D.
 SENNERTO, einen vveg und reise nach Vvit-
 tenberg anstellen möchte, vvere mirs für vvar selber
 sehr lieb und angenehm, cui salutem ac officia
 mea hisce vltro offero humanissimè, damit er
 nicht allein dessen vorrefflichen Mannes scharffsinni-
 ges und vvolgeübtes Iudicium von seiner langvvi-
 gen Heuptbeschvverung vertravolich in persohn er-
 fahre, sondern auch zugleich seines hochverstendi-
 gen raths fruchtbarlich geniessen könne. Bitte freün-
 dlich der Herr wolte vnseimlich sich hierinnen ervvei-
 sen, und. I. Excell. meinen unbekanten gruss, und bereit-
 vwilligste dienst fleissig. antragen.

Altenburg. 17. Apr. 1628.

Laurentius Mænius, D. F. S.
 Leib. Medicus.

EXcellentissime Dn. Medice, Dn. & Amice colen-
 dissime. Ignotus licet per tot anfractus orbis,
 gloriâ tamen solius Nominis tui excitatus venio ad
 Te Excellentissime Domine. Nihil enim fortius in-
 ueniri potest, quod hominem homini coniungat,
 gratioremque reddat, doctrinâ & beneuolentiâ:
 quibus

Virorum Clarissimorum.

quibus animi bonis te præcellere, inter alios Imperij Germanici Medicos fama est apud nos percelebris: verbo nobili, quod ingenue sentio, dicam. Scientiæ an Experientiæ, (vtrumque ego existimo) quam in rebus facultatis Medicæ longo vfu didicisti, mirum est, quantum amorem & auctoritatem Excellentiæ tuæ conciliauit: & cum alia multa laudum præconia à variis ingenij virtutumque dotibus Excell. T. tribuantur: Gratiā sanè, ausim dicere donum, ad curandum scorbutum, siue vt doctiores vocitant cum Plinio scelotyben, donum, inquam, cœlitus Excell. Tuæ esse concessum passim per regnum nostrum circumfertur. Cuperem itaque eam gratiam, diuino suffragante Numine, per manum Medicam Excell. T. mihi etiam applicari; idque tantò magis, quantò plures Medici longè celeberrimi, impr. Patauenses, de hoc ipso malo scorbutico non consultationem fecere solùm, sed & iudicia eorum ante annum mihi dedere sua. Nil igitur restat ampliùs, nisi vt huic pellendo morbo remedia adhibeantur. Spero siquidem, quòd parte hac per Excellentiam Tuam de triumphatâ tibi gloriam, mihi etiam integram salutem non comparabis tantum, sed & restitues. Cæterum nihil aliud mente animoque voluto, nisi vt quàm citiùs, Excell. Tuam inuisam. De Tempore interim est aliqua sollicitudo. Iam quod ad me attinet, quauis horâ Polonia egredi paratus sum: modò mihi Excell. Tua certum definiat & locum & tempus. Votis meis nullus conatus obstabit. Neque enim plaris facio prouentus vel diuitias, quàm salutem meam. Laboris præmium merces vberima erit. Quod reliquum est, Excellentia Tua me ignotum licet, pro sua prudentia amore debito prosequatur.

Dab. Codnæ. 16. Maij 1628.

Excell. T. addictissimus

Nicolaus Sapieha, Comes in Codna, Vexillifer supremus Magni Ducatus Lithuania, &c.

Opus tuum Practicum auidè sitio, vt mihi sit pro Enchiridio & genio familiari. Spero quàm in cæteris tuis scriptis alios superasti, tam in hoc teipsum sis superaturus. Institutiones tuas, vt video, postremâ editioe insigni locupletasti auctario, nec discursibus saltem, & compendio quodam Chirurgiæ, sed etiam formulis medicamentorum ditasti. Felix hoc nomine nostrum seculum! Atque vtinam essent, aut vacarent, qui tuo exemplo rem iuuarent Medicam, parèmq; candorem & fidem, si non artem adferrent! adeò multa restant vel explicanda vel conferenda. Sed alios φιλατία tenet & præiudiciū; alios liuor & inuidia; multos, vt existimo, sæculi deprimit calamitas; quosdam Practicum studium distrahit. Tu verò, Mi D. SENNERT, indies præclare & benè mereri perge. Hac viâ vnice grassaberis per ora doctorum, & immortalitatem assequeris, diis propriam.

Fraustad. 18. Sept. 1628.

Math. Vechner, D. Regis Polonia Med.

VT taceam reliquos, soli Institutionum Libri, & Nobilis tuæ Praxeos pars prima, adeò me affecerunt, & tam profundè ad animum penetrarunt, vt iurarem ipse mihi, præter Biblia sacra, nullum ampliùs Authorem Medicum alium, pro praxeos meæ scipione & itineris comite, domi forisque me vsur-

paturum, si modò mihi tam beato residuos quoque libros videre contingeret.

Survibos. 21. Sept. 1628.

Philippus Tuchscher, Med. D. & Survibiana diæces. Ordinarius.

APud Medicum quendam Neapoli primarium, Scipianum nomine, omnia opera & scripta Excell. V. vidi, quæ ille magni æstimauit: non enim ex prohibitorum numero sunt, (inter quos aliàs Tractatus Hofmanni de Vfu partium reperitur) & Romæ in officinis librariis illos publicè proflare vidi. Romæ Dn. D. Fabrum, Bambergensem, Medicum Clariss. accessi, qui praxin Excellent. V. admodum desiderauit.

Patauij, d. 25. Nouembr. 1628.

Samuel Kinner.

Librum tuum de Febribus denudò, & diligenter Liquidem nunc perlegi, & deprehendi quæcunque ibi scripta sunt optimis rationibus, iisque firmissimis omnia esse munita. Vtinam verò authores parem ad istam materiam diligentiam, vel saltem consimile iudiciū attulissent. Quæso Te per salutem Medicæ artis, vt porro in aliis quoque idem præstes. Sic sanè talentum cœlitus commissum non defodies, sed optimè vsurpabis cum magno sanè tuo lucro.

Regiomont. Boruss. 28. Nov. 1629.

Georgius Lothus, D. & Profess. Medicus Aulicus Regiomont.

REliquos quatuor praxeos tuæ verè aureæ libros iuuentuti Medicæ, & nobis quoque Practicis senioribus, quamprimùm feliciter publicè è penu tuo Medico depromas, & posteritati exhibeas.

Gregor. Schonius, D. Reipubl. Gorlicens. Medic.

MEMorable est illud, quod Magnus SENNERTVS describit lib. 4. de febr. cap. 4. &c.

Obseruat. Decade 6. cap. 5. in schol.

Philippus Hochsteterus, Med. D. Physicus Augstan.

DE libris practicis edendis, quæ Tibi sit sententia scire velim. Sta promissis, vel reclamante inuidia. Elephas innumeras muscas & culices vnica tergi compressione enecat. Idem fiet tuis Mommis & Marculis.

17. Maij, 1632.

Daniel Vvincklerus, D.

QVartam praxeos tuæ partem maximopere, imò totam tuam praxin, desidero. Vtinam opus hoc egregium absolutum & integrum lucem propediem adspiciat.

Gorlicij, 5. Iun. 1632.

Gregorius Schonius, Med. & D. Physic. Gorlicensis.

Vir Excellentissime, &c. Nominis Tui splendor ex præclaris in Remp. Medicam meritis, me Tui obseruantissimum semper reddidit. Amicitia autem quæ cum parente, *vuw ev d'ys*, Tibi fuit, sapius ad literariam tecum consuetudinem incitauit. Et præstirum quidem hoc pridem fuisset, nisi potius materia, Tanto Viro digna, quàm animi obseruantis studium, defuisset. Offert se nunc occasio per V.Cl. Doctorem Ioh. Vvaltherum Spr. Sil. qui magno suo merito ab ordine nostro, hac hebdomade supremum in arte gradum obtinuit. Per quem (olim ex Tuis) non potui, quin Excell. T. studium meum offerrem, ac simul amicitia paternæ continuationem enixe rogarem. Scripsit ad me V.Cl. Guido Patinus, Medic. ex facult. Parisiana, ante pauculos dies, T. Excell. Opera omnia in Galliis ad Exemplar Germanicum imprimi, quod maximè volui, ne nescius esses. Quod si in grauioribus occupato, meis molestus sum, dabit V. Excell. animo libero, & Te sincerè colenti, ac meam tenuitatem quandocunque vbicunque Tibi addictissimam credito, ac reapse experturus impera. Vale Vir Excellent. ac longum in bonum publ. incolumis viue.

Basilea, 15. Iul. anno 1632. T. Excell. Studiosiss.

Ioan. Cassp. Bauhinus, D. & Profess. Med.

N. N. vicinas (Academias) inuisit, Vvittebergen- sem, in qua præter alios Clariss. Medicos Præceptorem & Manuctorem ad praxin habuit Experientissimum Virum, DANIELEM SENNERTVM, artis nostræ per totam Europam lumen eximium, &c.

In programm. quodam. 1633.

Iohan. Schonerus, Med. D. & in Acad. Gryphisvald. Prof.

Avdio virum ætate grauem, Dn. D. Screuelium, Med. artis in Acad. Leideni Profess. primarium, & multæ existimationis, Auditoribus suis tua Scripta ita commendare solere, vt vnice ferè legenda, & nunquam è manibus deponenda censeat. Similia alia multa aliorum de iisdem iudicia noui. Si quid itaque vtile laborasti, aut laboraturus fuisti, id bonos boni publici causâ quæso ne celes: malos, quorum Deus videbit impietatem, & iudicabit, flocci facias, &c.

Græninga, 28. Febr. 1633.

Conrad. Matthæus, D. Med. Profess. in Acad. Græning.

Idem D. Conradus Matthæus Profess. Med. in Acad. Græning. omnibus epistolis, quas ad D. SENNERTVM dedit, inscripsit: MEDICORVM HOC SACVLO PRINCIPI.

NVper hîc in publica concione funebri Pastor noster primarius honorificam nominis tui mentionem facere non dubitauit: adeò vbique Eruditio tua innotuit. Et fateor, quod res est, à multis me in consilium fuisse adhibitum, saltem ea de causâ, quod inaudierint, me Præceptorem habuisse SENNERTVM.

Lignitj, 2. Iulij, 1633.

Ioan. Seuelenberg. Med. D.

Hic Exemplo non absimilis est obseruatio, quam Magnum illud Medicinæ lumen, D. DAN. SENNERTVS lib. 2. part. 2. cap. 13. Instit. Med. memoriæ prodit, &c.

In tract. de Inspect. vulnerum lethaliū & sanabil. pag. 81.

Bernhardus Suevus, Med. D. & Phys. Vvinsheimensis.

Ilustres Ingenij tui radios, à nubecula ex Belgia, tempestatum ferace, oriunda, obscurari posse, minimè confido: vmbraculo potius erit, quod penitus ipsum splendorem intueri possimus. Tua scripta talia ac tanta sunt, vt quiuus Bonorum & Eruditorum non modò ambabus quidem manibus arripiat, sed nec liuor edax, nec fuga temporum possit diruere. Maeste igitur Vir Incomparabilis, si promissi ac salutaris Reipubl. Medicæ memor, tuis scriptis, Obseruationibus præsertim, nos beare perges, &c.

Lignitj, 17. Decembr. 1633.

Ioan. Seuelenberg, Med. D.

Nobilissime, &c. Non ego Tibi de facie notus, amo verò Te medullitus, & salute plurima Te impertior, nec quicquam mihi magis in votis, quàm posse per aliquot horas, si occasio daretur, sermones tecum cadere. Faciunt hoc monumenta tua, quæ, ceu insignia trophæa, in amplissimo Regno Medico erigis, nullâ obliuione atterenda. Egregiæ sunt INSTITVTIONES, de quibus ego idem sentio, quod quidam de M. Tull. Ciceronis operibus, iis scil. nihil posse addi: atque idem, quod alius de P. Virgilij versibus, iis sc. nihil posse demi. Hæ medijsfidius non sine improbo labore conscriptæ sunt. Nam nil in re Medica quod non legentem doceant, nil in iis superat, quod non necessarium. Sequuntur has, vt lucidissima cæli sidera, Physica tua, luculentus ille de Galenicorum & Chymicorum consensu & dissensu liber, quem ego Medicæ Pacis librum nominare soleo: Libri Practici, quibus nos hisce in locis, quod ingenuè fateor, non sine magna vtilitate vtimur. Insuper dedisti nobis Epitomen Institutionum tuarum, & de febribus conclusiones. Si ego perfricta essem frontis, abs te peterem, Vir Nobilissime, reliquorum Practicorum librorum tuorum & tale extractum. Restat de totius Substantiæ morbis liber, quem ego tam auidus expecto, quàm famelicus cibum, sponsa sponsum, ægrotus medicum. In horum enim exquisita cognitione, totius nostræ facultatis, me iudice, cardo versatur. Videat itaque quamprimùm lucem tantus liber, nec supprimatur diutius, atque tum nil deerit, quod non æternam tibi laudem paret. Nos verò omnes, qui Apollinis filij, ingentes tibi debemus gratias, quas etiam agimus & habemus tantisper, dum referendi sese obtulerit occasio. Interea precamur Tibi, Tuisque omnia felicia, maximè verò, vt sana mens in sano corpore iugiter vigeat, oramus. Vale, Vir Amplissime, meque ignotum & absentem ama.

Lunaburgi, 19. Iunij, anno 1634.

Excell. Tuae seruus

Ioannes Elerus Vlyssæus. Illustriss. Principis Augusti infer. Saxonia Ducis Achiater, Reipubl. Lunaburg. & Vlzensis Physicus ordinar.

Clarissime

Virorum Clarissimorum.

Clarissime & Excellentissime Dn. SENNERTE,
Dn. Amice obseruantissime : Longinquitasne
vel distantia loci, an iniquitas temporis & fortunæ
contraria in causa sit, quod literæ nullum responsum
habeant, dubius hæreo. In officio tamen meæ obli-
gationis, quoad vita feret, pro restituto vitæ benefi-
cio in corpore iam desperato, reseruendi Excellen-
tiæ Vestræ persistens, hisce quatuor verbis cum in-
uiso, longam vitam, & omnia prospera à supremo
Numine ei exoptans, me meaque omnia etiam cum
dispendio vitæ, ei suisque posteris consecro, rogo-
que, vt in solita sua gratia tanquam affectissimum
sui conseruans, me bono Medico opitulari velit.
Non curo, quidquid credat, modò sit bonus : salario
constituto nunquam defraudabitur.

Vilna, 21. Iulij, anno 1624.

*Clariss. & Excellentiss. Dn. Vestra Addictis-
simus, Nicolaus Sapicha, Comes in Coden,
Vexillifer supremus Magn. Duc.
Lit. Manu propr.*

DN. Vvenceslaus Schultzius, Lubenensis Sile-
sius, Medicinæ Candidatus, adfixus ante om-
nes *χαριστάτω* Dn. D. DANIELI SENNERTO, &c.
ad cuius, tanquam Polycletei canonis formulam
tum in contemplando, tum medicando sese hodie
Hygiæ iuuentus addicta,

*Germanos infra fines componit, & extra,
non sine laude Viri, Ditis luctu, languentium respi-
ratione, &c.*

*In Inuitatione ad Panegyryn, quâ tres Doctores
Medicinae creati sunt, die 27. Iun. anno 1636.*

*Rector Academia Francofurtanae,
Matthæus Coldebacius*

SENNERTVS, alter Germanus Gale-
snus, &c.

*De Prax. Med. admirand. lib. 2. Obseru. 132.
Zacutus Lusitanus.*

NEquaquam possum probare D. Freitagij ani-
mum, quo inductus calamum aduersus Te
potissimum strinxerit, cum iam antea plures præclari
Viri huius opinionis authores & assertores extite-
rint. Bene hætenus meritis es de Republ. Medica,
id quod & præsens commendat ætas, & postera te-
stabitur: licet hos labores Tuos liuor de more carpat.
Verum nôsti illud Tullianum. Inuidiam virtute par-
tam, gloriam, non inuidiam, putandam esse. Noli
ergo impatientius ista ferre, quin potius humanita-
te, vt antea, ita etiam in posterum Aduersarij Tui
conuicia vincere & amoliri stude.

20. Iul. anno 1636.

*Gothofredus Vveidnerus, Med. D.
& Profess. Francofurt.*

Nunc vnum tantummodò, per salutem Artis
nostræ, Te etiam atque etiam rogatum volo,
ne aliis diligentius inseruiendo anticipes tuum fa-
tum, sed etiam hanc Tuam vegetam senectutem
bono publico, quoad fieri eius licuerit, conserues.
Neque verò ægrè feres, me istud rogare. Scio enim,
eò iam rediisse Artem nostram, vt nunquam ferè ali-
quot iam seculis minùs instructa fuerit præclaris ali-
quibus *ἐχρηστικωμοῖς* Viris, quàm adeò nunc : in
Germania certè præter Te, & Casp. Hofmannum,
vnumque fortè & alterum alium, Apollines per-
quàm pauci reperiuntur, vt profectò vrgeat me pu-
blicum commodum de Tua valetudine sollicitum
vnice esse.

Helmstadij, 24. Iun. 1637.

*Herman. Conringius, M. D. & Phys.
Prof. in Acad. Helmst.*

INDEX



INDEX

LIBRORVM, CAPITVM, ET QVÆSTIONVM,

TOMI PRIMII.

EPITOMES SCIENTIÆ Naturalis.

LIBRI I.

De Natura Philosophia.

Cap.		pag.
I.	D e natura Philosophiæ.	1
II.	D e natura Physicæ	4
III.	D e Principiis Rerum naturalium.	6
IV.	De natura, & causis.	12
V.	De Quantitate.	14
VI.	De Qualitatibus in genere.	18
VII.	De Loco.	ibid.
VIII.	De Tempore.	22
IX.	De Motu.	25

LIBRI II.

De Cælo , & Mundo , & Elementis.

Cap.		pag.
I.	De Mundo.	28
II.	De Cælo & stellis.	31
III.	De Elementis, quatenus, vt corpora simplicia, cum cælo Mundi huius molem constituunt.	39

LIBRI III.

De Actione , & Passione , necnon generatione , & corruptione.

Cap.		pag.
I.	De Elementis, vt sunt principia mixtorum.	49

Cap.		pag.
II.	De actione , passione , & mixtione Elementorum.	51
III.	De generatione & interitu corporum naturalium.	54
IV.	De Temperamento & Coctione.	57

LIBRI IV.

De Meteoris.

Cap.		pag.
I.	De Meteoris in genere.	60
II.	De Meteoris Ignitis.	61
III.	De Ventis.	64
IV.	De Terræ motu.	66
V.	De Nubibus.	68
VI.	De Pluuia.	ibid.
VII.	De Niue & Grandine.	69
VIII.	De Nebula, Rore, Pruina, Melle, Manna.	ibid.
IX.	De Iride, Pareliis, Paraselinis, Virgis, Halone.	70
X.	De Fontibus.	72

LIBRI V.

De Mineralibus & Metallis.

Cap.		pag.
I.	De Terris.	74
II.	De Salibus.	75
III.	De Bitumine, & Sulphure.	77
IV.	De Lapidibus & Gemmis.	80
V.	De Metallis.	85

LIBRI

Index Librorum & Capitum.

LIBRI VI.

De Anima in genere , & de vegetabilibus.

Cap.		pag.
I.	De Anima in genere.	88
II.	De Anima vegetante.	91
III.	De Plantarum partibus.	92
IV.	De differentiis Plantarum.	93
V.	De Historia Plantarum.	95

CLASSIS I. De Tuberibus & Fungis. pag. 96.

2.	De Muscis & Muscosis.	ibid.
3.	De Graminibus.	ibid.
4.	De Arundinaceis.	ibid.
5.	De Iuncis.	97
6.	De Bulbosis & Tuberosis.	ibid.
7.	De Frumentis & Leguminibus.	ibid.
8.	De Trifoliis , quinquefoliis & his cognatis.	98
9.	De Anemonis , Ranunculis , Geraniis.	ibid.
10.	De Caryophyllorum , Lychnidum , Violarum , & Lyfimachiarum generibus , & cognatis quibusdam.	ibid.
11.	De aliis quibusdam plantis flore insignibus.	99
12.	De Papauere , Hyoscyamo , Solano , & affinibus.	ibid.
13.	De Intybaceis , Cichoraceis , Lactucariis , & cognatis.	ibid.
14.	De Attriplice , Beta , Brassica , Lappacho , Eruca , Malua , Nasturtio , & cognatis.	100
15.	De Mentha , Salvia , Marrubio , Melissa , & cognatis.	ibid.
16.	De Scabiosis , & cognatis.	101
17.	De Tomentosis plantis.	ibid.
18.	De Semperuiuo.	ibid.

19.	De Repentibus & Serpentibus Herbis.	ibid.
20.	De Cucumere , Cucurbita , & congnatis.	ibid.
21.	De Spinolis.	ibid.
22.	De Umbelliferis.	102
23.	De Corymbiferis.	ibid.
24.	De Filiceis.	ibid.
25.	De Lactariis.	ibid.
26.	De Nervosis plantis.	ibid.
27.	De Reliquis plantis.	103
28.	De Fruticibus.	ibid.
29.	De Arboribus.	ibid.

LIBRI VII.

De Animalibus.

Cap.		pag.
I.	De Anima sentiente in genere.	103
II.	De Visu.	106
III.	De Auditu.	108
IV.	De Odoratu.	ibid.
V.	De Gustu.	110
VI.	De Tactu.	ibid.
VII.	De Sensibus Internis.	111
VIII.	De Potentia Appetitiva , & Locomotiva.	113
IX.	De Somno , Vigilia , & Somniis.	ibid.
X.	De Differentia Animalis	115

LIBRI VIII.

De Homine.

Cap.		pag.
I.	De Anima Rationali.	121
II.	De Corpore Humano , eiusque functionibus.	124



INDEX CAPITVM HYPOMNEMATVM PHYSICORVM.

HYPOMNEMATIS I.

De rerum naturalium principiis.

Cap.		pag.
I.	C REATIIONIS Mundi notitiam Physico necessariam esse.	139
II.	An principia sint contraria.	141
III.	De Forma.	ibid.
IV.	De Priuatione.	144
V.	De Rerum naturalium consensu & dissensu.	145
VI.	De Materia rerum naturalium.	146

HYPOMNEMATIS II.

De occultis qualitatibus.

Cap.		pag.
I.	Quid sint occultæ qualitates.	147
II.	An dentur qualitates occultæ, & agentia à tota substantia.	148
III.	De origine qualitarum occultarum.	151
IV.	De differentiis occultarum qualitarum.	155

HYPOMNEMATIS III.

De Atomis & Mixtione.

Cap.		pag.
I.	De Atomis.	157
II.	De Mixtione.	163

HYPOMNEMATIS IV.

De generatione viuentium.

Cap.		pag.
I.	An Animæ fiant.	168
II.	An Animæ sint à Deo, vel à Cœlo.	169
III.	Aliarum de origine Animæ sententiarum enumeratio, & vulgaris erroris notatio.	171

Cap.		pag.
IV.	An Animæ educantur è potentia materiæ.	ibid.
V.	De λόγῳ πλαστικῷ, & Instrumento separato.	174
VI.	Semen esse animatum, animamque in semine formare corpus animatum.	176.
VII.	Argumentorum contrariorum solutio.	185
VIII.	De Plantarum generatione & propagatione.	189
IX.	De generatione & propagatione Animalium in genere, & brutorum in specie.	191
X.	De propagatione animæ humanæ.	197
XI.	An, nisi anima cum semine communicetur, simile simile generare dici possit.	200
XII.	An Deus, vel λόγος πλαστικός, corpus humanum formet.	201
XIII.	An plures sint in homine animæ.	202
XIV.	Contrariarum obiectionum solutio.	205

HYPOMNEMATIS V.

De spontanea viuentium generatione.

Cap.		pag.
I.	Falsæ de spontaneo viuentium ortu opiniones.	210
II.	Vera de spontaneo viuentium ortu, & causa efficiente sententia.	214
III.	De materia sponte ortorum viuentium.	219
IV.	De fine sponte ortorum viuentium	221
V.	Summa sententiæ de spontaneo viuentium ortu.	222
VI.	De plantarum spontaneo ortu, & primò de Fungorum generatione.	223
VII.	De Plantis sponte nascentibus.	226
VIII.	De Animalium spontaneo ortu.	233

Methodus discendi Medicinam.

pag. 243

INDEX



INDEX CAPITVM INSTITVTIONVM MEDICINÆ.

LIBRI PRIMI,

De Φυσιολογία.

Cap.		pag.
I.	D E natura medicinæ.	259
II.	De diuisione medicinæ.	261
III.	De sanitate.	ibid.
IV.	De temperamentis.	265
V.	De calido innato & humido radicali.	272
VI.	De spiritibus.	276
VII.	De partium organicarum naturali constitutione, & tam similaribus quàm dissimilaribus communi vnitæ.	279
VIII.	De animæ facultatibus & actionibus in genere.	280
IX.	De nutritione & augmentatione.	281
X.	De generatione.	289
XI.	De facultate vitali.	297
XII.	De sensibus externis.	299
XIII.	De sensibus internis.	306
XIV.	De facultate intelligente.	309
XV.	De appetitu & facultate mouente.	ibid.

LIBRI SECVNDI,

De Παθολογία.

PARTIS PRIMÆ,

De Morbis.

Cap.		pag.
I.	De morbi natura.	310
II.	De morborum differentiis.	313
III.	De morbis intemperiei.	317
IV.	De morbis totius substantiæ seu occultarum qualitarum.	318
V.	De morbis compositionis in genere.	323
VI.	De morbis conformationis.	324
VII.	De morbis in numero.	327
VIII.	De morbis magnitudinis.	328
IX.	De morbis compositionis.	ibid.
X.	De morbis solutæ vnitatis.	330
XI.	De accidentalibus & communibus morborum differentiis.	332
XII.	De morborum temporibus.	338

Dan. Sennerti Tom. I.

PARTIS SECVNDÆ,

De Morborum causis.

Cap.		pag.
I.	De causis morborum in genere.	340
II.	De rebus, quæ causæ fiunt morborum; & primò de rebus non naturalibus.	344
III.	De causis morborum internis, de plethora ac cacoehymia in genere.	347
IV.	De pituita.	348
V.	De bile.	350
VI.	De melancholia.	351
VII.	De seroso humore & flatibus.	ibid.
VIII.	De Humoribus, ex Recentiorum & Chymicorum sententia.	354
IX.	De calculorum & vermium generatione.	358
X.	De causis morborum intemperiei sine materia.	360
XI.	De causis intemperiei cum materia.	363
XII.	De causis morborum totius substantiæ.	364
XIII.	De causis morborum organicorum.	369
XIV.	De causis morborum solutæ vnitatis.	372

PARTIS TERTIÆ,

De Symptomatibus.

SECTIONIS PRIMÆ,

De Differentiis Symptomatum.

Cap.		pag.
I.	Quid sit symptoma.	372
II.	De causis & differentiis symptomatum in genere.	373
III.	De actionum læsarum differentiis in genere.	374
IV.	De symptomatibus facultatis naturalis.	375
V.	De symptomatibus facultatis vitalis.	378
VI.	De symptomatibus sensuum externorum.	379
VII.	De symptomatibus sensuum internorum.	381
VIII.	De	

Index Capitem.

Cap.	pag.
VIII. De moricis facultatis symptomatibus.	386
IX. De symptomatibus, in quibus omnes, vel pleræque actiones animales læduntur.	387
X. De symptomatibus, quæ in qualitatibus corporis mutatis consistunt.	389
XI. De symptomatibus in excretis & retentis.	390

SECTIONIS SECUNDÆ.

De Symptomatum causis.

Cap.	pag.
I. De causis symptomatum facultatis naturalis.	391
II. De causis symptomatum facultatis vitalis, & respirationis læsæ.	403
III. De causis symptomatum sensuum externorum.	405
IV. De causis symptomatum sensuum internorum.	415
V. De causis symptomatum facultatis moricis.	427
VI. De causis symptomatum, in quibus omnes vel pleræque actiones animales læduntur.	437
VII. De causis symptomatum, quæ in qualitatibus corporis mutatis consistunt.	444
VIII. De causis symptomatum in excretis & retentis.	445

LIBRI TERTII,

De Συμωτικῇ.

PARTIS PRIMÆ,

De Signis in genere.

SECTIONIS PRIMÆ,

De Signorum differentiis & fontibus.

Cap.	pag.
I. De methodi semioticæ utilitate, & quid signum.	447
II. De signorum differentiis.	448
III. De signorum fontibus.	ibid.

SECTIONIS SECUNDÆ.

De cognoscenda corporis Humani & singularum eius partium temperie.

Cap.	pag.
I. De signis corporis saluberrimi.	449
II. De signis corporum ab optima constitutione deflectentium.	450
III. De signis temperaturæ cerebri.	452
IV. De signis temperaturæ cordis.	460
V. De signis temperaturæ Hepatis.	463

Cap.	pag.
VI. De signis temperaturæ testium.	465
VII. De signis temperaturæ ventriculi.	466
VIII. De signis temperaturæ pulmonis.	467

SECTIONIS TERTIÆ.

De Vrinis.

Cap.	pag.
I. De abusu inspectionis vrinæ.	469
II. De vrinarum differentiis, & primò de vrinæ substantia.	470
III. De contentis in vrina.	472
IV. De causis vrinarum tenuium, & clararum, &c.	476
V. De causis colorum in vrina.	477
VI. De causis vrinæ oleaginosæ.	480
VII. De causis vrinæ odoris, quantitatis &c.	482
VIII. De causis contentorum in vrinis sanorum.	483
IX. De causis contentorum in vrinis ægrorum.	486
X. De causis commutationis vrinæ.	489
XI. De iis, quæ obseruanda sunt in vrinæ inspectione.	490
XII. Quid ex vrinis perspicere & prædici possit.	492

SECTIONIS QUARTÆ.

De Pulsibus.

Cap.	pag.
I. De pulsus notione & natura.	494
II. De simplicibus pulsuum differentiis.	496
III. De compositis pulsuum differentiis.	497
IV. De pulsu æquali & inæquali.	498
V. De ordine & rhythmo in pulsibus.	500
VI. De requisitis ad pulsus cognoscendos necessariis.	501
VII. De cognoscendis simplicibus pulsuum differentiis.	503
VIII. De cognoscendis respectivis pulsuum differentiis.	504
IX. De causis pulsuum in genere.	505
X. De causis simplicium pulsuum differentiarum.	507
XI. De causis respectivarum pulsuum differentiarum.	508
XII. De mediatis seu commutationis pulsuum causis.	509
XIII. Quid pulsuum simplices differentie significant.	512
XIV. Quid reliquæ pulsuum differentie significant.	513
XV. Qui pulsus salutem vel mortem, crismusque præsagiant.	514
XVI. De signis à lingua petendis.	515

PARTIS

Index Caputum.

PARTIS SECUNDÆ.

De Signis Diagnosticis.

Cap.		pag.
I.	De signis caussarum in genere.	516
II.	De signis caussarum & humorum in specie.	517
III.	De signis morborum.	518
IV.	De cognoscendis locis affectis.	519
V.	De cognoscendis symptomatibus.	526

PARTIS TERTIÆ.

De Signis Prognosticis.

Cap.		pag.
I.	De signorum prognosticorum generibus.	527
II.	De signis, quibus tempora morborum cognoscuntur.	528
III.	De signis temporum morborum in specie.	530
IV.	De signis morbi euentus in genere.	531
V.	De salute ac morte ex actionum læsione ac vitiis præfagienda.	533
VI.	De signis salutis & mortis, quæ ab excretis & retentis sumuntur.	539
VII.	De signis salutis & mortis, quæ ex qualitatibus corporis mutatione petuntur.	544
VIII.	De longitudine & breuitate, atque euentus morbis tempore præcognoscendo.	547
IX.	Quot sint mutationis morborum modi, & quid crisis.	548
X.	De crisi caussis, differentiis, modo ac tempore.	550
XI.	De diebus criticis.	552
XII.	De caussis dierum criticorum.	558
XIII.	De signis crisis in genere.	564
XIV.	De signis differentiarum in crisis.	565
XV.	De signis crisis per excretionem & abscessum futuræ.	566
XVI.	Per quæ loca sit futura excretio, & ubi sit futurus abscessus.	567
XVII.	De tempore crisis.	169

LIBRI QVARTI,

De ὕλειν.

PARTIS PRIMÆ,

De Rebus ad sanitatem tuendam necessariis.

Cap.		pag.
I.	Quæ ad doctrinam de sanitate tuenda pertineant: & quoniam sint caussarum ad sanitatem tuendam necessariarum genera.	570
II.	De aëre.	576

Dan. Sennerti Tom. I.

Cap.		pag.
III.	De cibo.	579
IV.	De potu.	591
V.	De animi affectibus, corporisque motu & exercitiis.	595
VI.	De somno & vigiliis.	596
VII.	De balneis.	ibid.
VIII.	De excretis & retentis, & venere.	597.

PARTIS SECUNDÆ,

De Methodo tuenda sanitatis.

Cap.		pag.
I.	De iis, quæ omnibus ad tuendam sanitatem obseruanda.	598
II.	De cura foetus nondum editi & diætâ prægnantium.	599
III.	De diætâ infantium & ætatis vsque ad annum. 21.	600
IV.	De diætâ mediæ ætatis.	602
V.	De diætâ senum.	610
VI.	De diætâ intemperatorum & neutrorum corporum.	611

LIBRI QVINTI,

De Θεραπειᾷ.

PARTIS PRIMÆ.

De Auxiliorum materia.

SECTIONIS PRIMÆ,

De Medicamentis.

Cap.		pag.
I.	Quid sit medicamentum.	616
II.	De facultatibus medicamentorum in genere.	617
III.	De primis medicamentorum facultatibus.	622
IV.	De medicamentis cuiuslibet membro propriis.	624
V.	De medicamentis digerentibus & præparantibus humores.	628
VI.	De medicamentis emollientibus, laxantibus, rarefacientibus.	629
VII.	De dolore sedantibus & somnum conciliantibus.	630
VIII.	De medicamentis attrahentibus, & repellentibus.	631
IX.	De medicamentis maturantibus, carnem glutinantibus, cicatricem inducentibus, lac & semen generantibus.	ibid.
X.	De medicamentis corrodentibus putrefacientibus, vesicantibus, crustam inducentibus, adurentibus, lac & semen exstinguentibus.	634
XI.	De medicamentis purgantibus per aluum.	635

Index Capitulorum.

Cap.	pag.	bus in genere.	680
XII. De medicamentis vomitoriis.	640	II. De indicantibus.	684
XIII. De medicamentis vrinam cientibus.	641	III. De indicantium consensu & dissensu.	688.
XIV. De medicamentis sudorem prouocantibus.	ibid.	IV. De indicatis.	689
XV. De medicamentis diaphoreticis & flatu discutientibus.	642	V. De purgatione.	695
XVI. De medicamentis menses mouentibus, secundum & foetum mortuum expellentibus.	ibid.	VI. De morbi tempore purgationi apto.	698
XVII. De medicamentis calculum frangentibus.	ibid.	VII. De humorum præparatione & coctione.	703
XVIII. De errhinis, sternutatoriis, & apophlegmatismis.	643	VIII. De purgationis quantitate.	706
XIX. De medicamentis sputum promouentibus.	ibid.	IX. De loco, per quem fieri debet purgatio.	707
XX. De medicamentis vermes necantibus & expellentibus.	ibid.	X. De recta administratione medicamentorum purgantium.	709
XXI. De Alexipharmacis.	ibid.	XI. An liceat dormire sumpto medicamento purgante.	710
XXII. De modo inuestigandi vires medicamentorum.	644	XII. An post medicamenta purgantia sumpta abluentibus vtendum.	711
		XIII. De euacuatione per vrinam.	ibid.
		XIV. De euacuatione per sudorem.	712
		XV. De particularibus euacuationibus	713
		XVI. De Sanguinis abundantia, hirudinibus, cucurbitulis, &c. minuenda.	ibid.
		XVII. De venæ sectione.	716
		XVIII. De reuulsione.	723
		XIX. De deriuatione.	727
		XX. De repulsione.	ibid.
		XXI. De interceptantibus.	728
		XXII. De discussione seu διαρρήσει.	729
		XXIII. De materiæ emollitione seu suppuratione.	ibid.

SECTIONIS SECVNDÆ.

De Cheirurgia.

Cap.	pag.
I. De Cheirurgia in genere.	646
II. De Synthesi in genere, & deligatione.	647
III. De ossium fractorum coaptatione.	648
IV. De luxatorum ossium repositione.	650
V. De partium carnosarum & mollium synthesi.	651
VI. De compressorum, & distortorum ossium correctione.	654
VII. De Diæresi in genere, & sectione partium, mollium.	655
VIII. De ossium sectione.	663
IX. De vitione.	664
X. De rerum extra in corpus immissarum extractione.	668
XI. De rerum in corpore quidem secundum naturam genitarum, sed in eo præter naturam retentorum, extractione.	670
XII. De partibus corporis corruptis tollendis.	671
XIII. De rebus præter naturam in corpore genitis eximendis, & tollendis.	674
XIV. De partium amissarum restitutione, seu Curtorum Cheirurgia.	679

PARTIS SECVNDÆ,

De Methodo medendi.

SECTIONIS PRIMÆ.

De Indicatione præseruatoria.

Cap.	pag.
I. De methodo medendi & indicationi-	

SECTIONIS SECVNDÆ.

De Indicatione curatoria.

Cap.	pag.
I. De morbis intemperiei curandis.	730
II. De morbis totius substantiæ curandis.	732
III. De morbis conformationis curandis.	733
IV. De morbis numeri curandis.	736
V. De morbis magnitudinis curandis.	737
VI. De morbis in situ & connexione curandis.	738
VII. De vnitæ soluta curanda.	ibid.
VIII. De symptomatum vrgentium ablatione.	739

SECTIONIS TERTIÆ.

De Indicatione vitali

Cap.	pag.
I. Quidnam diætam in ægris indicet.	741
II. Quæ	

Index Caputum.

Cap.		pag.
II.	Quæ ad diætam pertineant.	742
III.	Quotuplex diætâ sit : quibus unaquæque morbis conueniat.	ibid.
IV.	De victus ægrorum recta administratione.	743

PARTIS TERTIÆ,

De Compositione medicamentorum.

SECTIONIS PRIMÆ,

De φαρμακοποιᾷ in genere.

Cap.		pag.
I.	De necessitate atque vtilitate pharmacopœiæ.	745
II.	De necessariis ad compositionem medicamentorum.	746
III.	De ponderibus medicamentorum.	747
IV.	De mensuris medicis.	751
V.	De dosibus medicamentorum.	ibid.

SECTIONIS SECUNDÆ.

De Operationibus ad φαρμακοποιᾶν necessariis.

Cap.		pag.
I.	De natura Chymix.	754
II.	De caloris modis.	758
III.	De Tritura, Læuigatione, Rasione, Limatione.	759
IV.	De Liquefactione, Solutione & Deliquio.	760
V.	De Tostione, Vstione, Cinefactione, Calcinatione.	761
VI.	De Calcinatione per ignem potentialem.	762
VII.	De Putrefactione & fermentatione.	764
VIII.	De Cribratione & Lotione.	765
IX.	De Maceratione, infusione, & coctione.	ibid.
X.	De Colatione, Despumatione, Clarificatione, Filtratione, Digestione, Expressione.	766
XI.	De Destillatione.	767
XII.	De Sublimatione.	771
XIII.	De Præcipitatione.	772
XIV.	De Exsiccatione, Euaporatione, Exhalatione & Coagulatione.	ibid.
XV.	De Digestione & Circulatione.	773
XVI.	De Conditura & Nutritione.	776

SECTIONIS TERTIÆ,

De Formis Medicamentorum.

Cap.		pag.
I.	De Diuisione medicamentorum.	776

Cap.		pag.
II.	De Decoctis.	777
III.	De Infuso & aliis potionibus purgantibus.	781
IV.	De Vinis medicatis, mulso, oxymelite, decocto hordei.	783
V.	De Aquis & spiritibus destillatis.	788
VI.	De Oleis.	797
VII.	De Syrupis & Iulebis.	800
VIII.	De Emulsionibus, & Misturis Confortantibus lac referentibus.	802
IX.	De Tincturis & extractis.	803
X.	De Conseruis, conditis & succis medicatis.	807
XI.	De Electuariis.	809
XII.	De Eclegmatis & Lohoh.	811
XIII.	De Bolo.	812
XIV.	De Pulueribus & Trageis.	ibid.
XV.	De Salibus.	814
XVI.	De Crocis.	818
XVII.	De Floribus & Sublimatis.	819
XVIII.	De Præcipitatis.	822
XIX.	De Vitris, Regulis, & quibusdam pulueribus Chymicis.	826
XX.	De Confectis, Rotulis & Morfulis, hisque cognatis.	828
XXI.	De Trochiscis.	831
XXII.	De Pilulis.	832
XXIII.	De Glandibus.	834
XXIV.	De Clysteribus.	835
XXV.	De Iniectione in vterum, & Pessis.	836
XXVI.	De iis, quæ peni immittuntur.	837
XXVII.	De Collusionibus oris & Gargarismis.	ibid.
XXVIII.	De Apophlegmatismis.	ibid.
XXIX.	De Dentifriciis.	838
XXX.	De Errhinis & Ptarmicis.	ibid.
XXXI.	De Odoramentis, Suffitibus, & Balsamis odoratis.	839.
XXXII.	De iis, quæ auribus immittuntur.	841
XXXIII.	De Coryliis.	ibid.
XXXIV.	De Oleis & Balsamis.	ibid.
XXXV.	De Linimentis & Vnguentis.	842
XXXVI.	De Cerotis, & Emplastris.	844
XXXVII.	De Cataplasmatibus.	845
XXXVIII.	De Dropace, Sinapismo, Phoenigmis & Vesicatoriis.	846
XXXIX.	De Epithematis, Oxyrrhodinis, & Anacollematis.	ibid.
XL.	De Fomentis & facculis.	847
XLI.	De Embrochis, Lotionibus & Balneis.	848
XLII.	De Cauteriis.	849



I N D E X
Q V Æ S T I O N V M
C O N T R O V E R S A R V M I N
I N S T I T V T I O N I B V S
M e d i c i n æ.

L I B R O I.

- | | |
|---|--|
| <p>1. AN Medicina finis sit sanitas,
& an scopus & finis differant. pag. 259</p> <p>2. An Medicina sit ars, an verò scientia. ibid.</p> <p>3. An Medicina rectè diuidatur in theoreticam & practicam. 261</p> <p>4. An omnis pars organica sit dissimilari; & an organica opponatur similari. 263</p> <p>5. An detur corpus neutrum. 265</p> <p>6. Quid sit Temperamentum. 266</p> <p>7. An detur temperamentum ad pondus. ib.</p> <p>8. An detur temperamentum calidum & humidum, frigidum & siccum. 267</p> <p>9. An dentur simplices temperies. ibid.</p> <p>10. An temperies calida & humida natura humana sit conuenientior, & quanam ea sit. 268</p> <p>11. An detur temperamentum sanguineum, biliosum, pituitosum, melancholicum. ib.</p> <p>12. An detur temperamentum Iouiale, Solare, Martiale, Venereum, Mercuriale, Lunare, Saturnium. 269</p> <p>13. An Fœminæ Viris sint frigidiores. 270</p> <p>14. An pueri adolescentibus & iuuenibus sint calidiores. 271</p> <p>15. An spiritus innatus & calidum innatum idem sint. 272</p> <p>16. An humidum primigenium ad calidi innati essentiam pertineat. 273</p> <p>17. An calidum natium sit elementaris vel alterius natura. ibid.</p> <p>18. An Spiritus influentes sint facultatum vehiculum. 276</p> <p>19. An Spiritus influentes sint corporis partes. 277</p> <p>20. An detur spiritus naturalis. ibid.</p> <p>21. Per quas vias sanguis ad spiritus vitalis generationem in sinistrum cordis ventriculum feratur. 278</p> <p>22. An detur spiritus animalis, & an à vitali specie differat. 279</p> | <p>23. An unitas partibus similaribus & organicis communis sit. 280</p> <p>24. An ventriculus alatur chylo vel sanguine. 282</p> <p>25. An detur tertium prima coctionis excrementum. ibid.</p> <p>26. An hepar sit officina sanguificationis. ib.</p> <p>27. Quis sit vsus lienis. 283</p> <p>28. Quæ sit urina materia, an tantum aquosus humor, an verò & serum sanguinis. 286</p> <p>29. Cuius coctionis excrementum sit urina. 287</p> <p>30. An in venis actu cum sanguine alij quoque humores reperiantur. 288</p> <p>31. An corpus nostrum alatur solo sanguine. ibid.</p> <p>32. An sudor sit naturale corporis excrementum. 289</p> <p>33. An semen masculinum solum efficientis an verò materia quoque rationem obtineat. 290</p> <p>34. An semen à toto corpore decidatur. ibid.</p> <p>35. An semen & mas fœmina conferat. 291</p> <p>36. An semen fœmineum sit prolificum. ibid.</p> <p>37. An sanguis menstruus sit vitiosus. ibid.</p> <p>38. Quæ sit vis formatrix corporis animati. ib.</p> <p>39. Quales menses sint, secundum quos partus tempora numerantur. 296</p> <p>40. An partus octimestris possit esse vitalis. ib.</p> <p>41. An post nonum mensem aliqui nascantur. 279</p> <p>42. An vitalis facultas à naturali & animali sit diuersa. ibid.</p> <p>43. An respiratio sit motus voluntarius. 299</p> <p>44. An sensio sit tantum passio, an verò etiam actio, & an detur sensus agens & patiens. 300</p> <p>45. An humor crystallinus sit precipuum visionis instrumentum. 301</p> <p>46. An vitreus humor tantum sit alimentum crystallini. 302</p> <p>47. An aër implantatus sit primum auditus instrumentum. 303</p> <p>48. An species odoris semper vaporis vehiculo indigeat. 304</p> <p>49. An</p> |
|---|--|

Index Quæstionum.

86. *An humores in corpore venenorum naturam induere possint.* 365
87. *An venenum in corpore absque putredine generetur.* *ibid.*
88. *An aër fieri possit venenosus, & quomodo morbos malignos & venenatos generet.* 366
89. *An contagium per fomitem & ad distans differant.* 367
90. *An venena quaedam certo tempore interrimant.* 368
91. *An animalia quaedam visu eneant.* *ibid.*
92. *An omne symptoma morbum sequatur.* 373
93. *An opera quaedam naturæ sint symptomata.* *ibid.*
94. *An actionum frustrationes symptomata sint.* *ibid.*
95. *An dolor sit actio depravata, seu tristis sensio.* 380
96. *An dolor contingat in solo tactu, an verò in omnibus sensibus.* *ibid.*
97. *Quenam facultas in vertigine præcipuè afficiatur.* 389
98. *Cur nonnulli non solum per aliquot menses, sed & annos ab omni cibo & potu abstinere potuerint.* 393
99. *An in appetitu vitioso humori peccanti similia, an verò contraria appetantur.* 394
100. *An iris, quæ circa candelam interdum apparet, sit in oculo.* 406
101. *Cur lumen nimium visui officiat.* 407
102. *An proxima doloris causa sit intemperies, vel subita & violenta qualitatum tactuarum mutatio, an verò solutio continui.* 414
103. *An sola frigiditas, ut & sola copia vaporum, somni profundioris & præternaturalis causa sit.* 416
104. *An pituitæ admixtio in comate vigili sit necessaria.* *ibid.*
105. *An*

Index Quæstionum.

105. *An insensibilis naturaliter accidat.* 417
 106. *Quâ vi mouentur somnambuli, & an clausis, an verò apertis oculis res suas peragant, &c. & seqq.* 419
 107. *An ratiocinatio per se ladi possit.* *ibid.*
 108. *An humiditas obsit memoria, & cur pueri tenaciorem habeant memoriam, quàm senes.* 420
 109. *An Cerebrum inflammari possit.* 422
 110. *An in melancholia cum cerebro simul afficiatur cor.* *ibid.*
 111. *Quomodo Melancholia timorem & tristitiam inducat, an ratione atrii coloris, an verò ratione frigiditatis.* 423
 112. *An philtis amor induci possit.* 424
 113. *An & alia, præter canes, animalia in rabiem agantur.* 425
 114. *Cur rabidi aquam abhorreant; & an hydrophobia illa ab immodica siccitate excitetur.* 426
 115. *An & cur in lotio rabidorum canum imagines interdum appareant.* 427
 116. *An paralysis ex obstructione nervorum ab humore pituitoso excitetur, & an etiâ à peculiari vi narcotica oriatur.* 428
 117. *Cur interdum pereant sensus & motus simul, interdum verò sensus, ille so motu; & contrâ, motus ille so sensu; & an nervi alij sint sensorij, alij motorij.* 429
 118. *An paralysis ex Colica eadem sit cum paralyti antiquorum.* *ibid.*
 119. *An paralysis scorbutica conveniat cum paralyti ex colica.* *ibid.*
 120. *Quomodo generetur Paralysis ex Colica, an fiat ab illa ipsa materia, quæ Colicam excitat; & an materia illa ex intestinis per venas perveniat ad artus.* *ibid.*
 121. *Quanam sit vera Convulsionis causa, & an Cerebrum proprium subiectum sit spasmis.* 431 & seq.
 122. *An spasmus flatulentus fiat à flatu musculorum replente, seu distendente.* 434
 123. *An rigor fiat saltem à motu atque reciproco cursu calidi natiui.* 436 & seq.
 124. *An Lethargi causa sit pituita in Cerebro putrescens.* 437
 125. *An Cari causa sit anteriorum Cerebri ventriculorum angustia; & an non vis narcotica quoque hic locum habeat.* 438
 126. *Quanam sit vera Catoches causa.* *ibid.*
 127. *Quanam sit Apoplexia causa.* 439
 128. *Quanam sit proxima & vera Epilepsia causa.* 441
 129. *Cur in Epilepsia sensuum omnium actiones aboleantur.* 443
 130. *Quomodo prospectus ex alto vertiginem excitet.* *ibid.*
 131. *Vnde & quâ ratione excitetur Incubus,*

& an eius subiectum sit Cerebrum vel diaphragma. 444

132. *Quanam sit canitie in tempestiva causa.* *ibid.*

LIBRO III.

133. *An corpus paruum possit esse saluberrimum.* 445
 134. *An omnes actiones corporis temperati sint perfectissimæ.* 450
 135. *An corpus temperatum maximè resistat omnibus causis morbificis.* *ibid.*
 136. *An melancholici sint ingeniosissimi.* 451
 137. *An caput paruum semper malum.* 453
 138. *An ex pilis signa temperaturæ cerebri peti possint.* 455
 139. *An pili generentur ex fuliginoso excremento, & an sint partes corporis, &c.* 456
 140. *An calor cordis ad thoracis amplitudinem aliquid faciat, seu an thoracis magnitudo interdum cordis calidi signum sit.* 461
 141. *An mores sequantur temperamentum corporis.* 463
 142. *An venarum amplitudo & latitudo calidi, angustia frigidi hepatis signum sit.* 464
 143. *An calida & sicca testium temperies maiorem fecunditatem efficiat, quàm temperata.* 465
 144. *An intemperati similia vel contraria appetant.* 466 & seq.
 145. *An eadem sit urina turbida & crassa.* 470
 146. *An dentur urina crassa, pallida, fulva, flava: item tenues, nigra, rubra.* 472
 147. *An omnis urina suapte naturâ sit tenuis.* 474
 148. *An urina tenues fiant ex obstructione vasorum.* *ibid.*
 149. *Quanam sit urina turbida causa.* 476
 150. *An spiritus urinam reddant claram.* *ibid.*
 151. *An urina tantum ob externam causam turbentur.* 477
 152. *An urina color mutari possit sine substantia nova accessione.* *ibid.*
 153. *An color urina aureus seu citrinus à bile flava, vel ab ipso sero dependeat.* *ibid.*
 154. *Cur calculosi urinam aqueam reddant.* 478
 155. *An urina rubra etiam à bile copiosiore & coloratiore seu rubicundiore oriri possit.* 479
 156. *An & quomodo ex frigiditate fiat urina nigra.* 480
 157. *Quotuplices sint urina oleaginosa, & an fiant ex colliquatione, vel humorum excrementitiorum admistione.* *ibid.*
 158. *An*

Index Quæstionum.

158. *An urina tenuis nigra esse possit.* 481
159. *An detur urina crassa & subrubra.* 482
160. *Quanam sit materia & generatio contentorum in urinis sanorum.* 483.
& seq.
161. *Cuius coctionis excrementum sit materia sedimenti.* 484
162. *An omnis sanorum urina sedimentum aliquod habeat.* *ibid.*
163. *Quæ sit albi sedimenti in urina causa.* 485
164. *An sit eadem materia sedimenti in urinis sanorum & aegrorum.* 486
165. *An ex colliquatione farinacea & orobea sedimenta fiant.* 487
166. *An pituitosum excrementum in urina tantum ex vesica excernatur, & an, si cum dolore mingitur; semper vesica calculum aut cervicis ulcus significet.* 488.
167. *Quæ sit filamentorum & pilorum in urinis causa.* *ibid.*
168. *Quæ sit corona in urinis causa.* *ibid.*
169. *An ex urina cognosci possit mulierem esse gravidam.* 489
170. *An urina turbata in aqua calida solvenda & inspicienda sint.* 491
171. *An ex urinis turbatis, antequam clarescant, aliquid cognosci possit.* *ibid.*
172. *Quid ex urina perspicui & prædici possit, & an præter hepatis & venarum dispositionem, renumque, meatuum urinariorum & vesicæ affectus aliud etiam urina significet.* 492
173. *An intemperies partium priatarum venis non communicata ex urinis perspicui possit.* 493
174. *An eodem tempore cor & arteria dilatentur ac constringantur.* 494
175. *An pulsus à peculiari facultate proveniat.* *ibid.*
176. *An arteriæ insitam habeant facultatem pulsificam.* 495
177. *An systole tactu percipi possit.* 502
178. *An alui excrementa inter signa & communia numeranda.* 528
179. *An sudores inter coctionis signa numerandi.* *ibid.*
180. *An stillicidium sanguinis è naribus perpetuo malum.* 543
181. *An Icterus ante septimum in febribus malus.* 545
182. *An omnes evacuationes, symptomatica imprimis, in morbi principio male sint.* 551
183. *An criticorum dierum aliqua vis.* 552
184. *A quo die dies critici numerandi sint.* 553.
185. *An, si puerpera febre corripiatur, à tempore partus, an verò à principio febris*

- dies critici sint numerandi.* *ibid.*
186. *An in recidiis computatio facienda à die recidiæ, an verò recidiæ cum priore morbo coniungenda sit.* *ibid.*
187. *Cui diei crisis, si ad plures dies ea extendatur, sit attribuenda.* 554
188. *Quid indices dies indicent; & an quartus dies sit septimi index.* 555. & seq.
189. *An tres tantum sint dies indicatorij.* 556
190. *Vnde dies Critici suam vim habeant, & quasnam habeant causas.* 558

LIBRO IV.

191. *An lentes in variolis & morbillis prosint.* pag. 580
192. *An caro suilla reliquis animalium caribus sit preferenda.* 588.
193. *An cochlea prosint hæcticis & emaciatiss.* 591
194. *An vinum temperiem habeat calidam & siccam.* 593
195. *An pregnantibus venam aperire liceat.* 600.
196. *An infans lacte materno vel alieno alendus.* *ibid.*
197. *An cibus simplex, an varius melior.* 602.
198. *Vnde iusta cibi quantitas aestimanda.* 603
199. *An semel vel sæpius, & quoties in die comedendum.* *ibid.*
200. *An prandium vel cæna largior esse debeat.* 604
201. *An aliquis ordo ciborum sit observandus.* 606
202. *An aloës usus ad sanitatem tuendam faciat.* 613

LIBRO V.

203. *Quid sint medicamenta potestate talia & quomodo vires istæ, quas potestate medicamenta habere dicuntur, in actum deducantur.* 617
204. *An dentur occulta medicamentorum qualitates, & unde ille oriantur.* 618
205. *An anodyna sint temperata vel calida.* 630.
206. *An potiones vulneraria dictæ utiles sint.* 633
207. *Quâ ratione & vi purgantia humores euacuent.* 635
208. *Vis medicamentorum calculos frangentium in quo consistat.* 642.
209. *Quanam sit ratio inuestigandi vires medicamentorum.* 644
210. *An ex signaturis aliquid certi de iis constitui possit.* 245
211. *Quo*

Index Quæstionum.

- | | |
|---|--|
| <p>211. Quo in loco paracentesis abdominis faci-
cienda. 660</p> <p>212. Quo in loco administranda sit thoracis se-
ctio. 661. & seqq.</p> <p>213. Extremorum amputatio quo in loco insti-
tuenda. 673</p> <p>214. Ad quam mentis operationem pertineat
indicatio. 682</p> <p>215. An contraria contrariis curentur. 683</p> <p>216. Causæ externæ an indicent. 684</p> <p>217. Symptomata an indicent. 685</p> <p>218. An plura, quàm tria, sint indicantia pro-
pria sic dicta. ibid.</p> <p>219. Aer an indicet, & quale indicans præ-
beat. 688</p> <p>220. An desperati solis prognosticis sint relin-
quendi. 690</p> <p>221. Transpositio causarum morbificarum à quo
indicetur. 695</p> <p>222. An motus humorum excrementitiorum
vitiosus cacochymiam constituat. 696</p> <p>223. Pregnantes an purgare liceat. 697</p> <p>224. Crudi humores quam ob causam non
euacuandi. 699</p> <p>225. An & quando in principio morbi purgare
liceat. 700</p> <p>226. An & cur turgentes humores mox in prin-
cipio morbi purgandi. ibid.</p> <p>227. An & alij, præter turgentes humores, mox
in principio purgandi. 701</p> <p>228. An in peste conueniat purgatio, & in
specie an ♂ & ♀ in peste exhibenda. 702</p> <p>229. Coctio & preparatio humorum purgan-
dorum an & quomodo differant. 703</p> <p>230. An bilis incrassanda. ibid.</p> <p>231. An liceat dormire sumpto medicamento
purgante. 710</p> <p>232. An purgantia cum cibo sint exhibenda. 709</p> <p>233. Cur alia purgantia facilius, alia diffici-
lius in actum deducantur. 711</p> <p>234. An post purgantia sumpta abluentibus &
detergentibus utendum. ibid.</p> <p>235. Sanguis putrescens an vena sectione eua-
cuandus. 716</p> <p>236. An in cacochymia vena secanda. ibid.</p> <p>237. An gravidis venam secare liceat. 719</p> <p>238. An in febris malignis, apparentibus
iam exanthematibus, venam secare</p> | <p>liceat. ibid.</p> <p>239. An mulieri pleuritide laboranti sub flu-
xu mensium vena aperienda sit. 720</p> <p>240. An sanguis ad animi usque deliquium
euacuandus. ibid.</p> <p>241. An in affectibus lienis potius in sinistro,
quàm dextro brachio vena aperienda. 722</p> <p>242. An reuulsio, deriuatio, repulsio, interce-
ptio varia indicata sint. 724</p> <p>243. Reuulsio quomodo ad contraria facienda.
ibid.</p> <p>244. Quæ venarum rectitudo in reuulsione ob-
seruanda, & an vena, quæ reuulsione
gratia aperiuntur, communicare de-
beant cum parte mittente, an verò cum
recipiente. 725</p> <p>245. An vena in cruribus aperta reuellant ab
utero. 726</p> <p>246. An grauius in victu pleno vel tenui pec-
cet. 743</p> <p>247. An in paroxysmis cibum exhibere liceat.
744</p> <p>248. An clysteres nutrire possint. ibid.</p> <p>249. An in gradibus medicamentorum distin-
guendis proportio Geometrica, an verò
Arithmetica obseruanda. 751</p> <p>250. An metallorum transmutatio sit possibilis.
755</p> <p>251. An Medico liceat componere medica-
menta. ibid.</p> <p>252. An Chymica medicamenta sint violenta
& periculosa. 757</p> <p>253. An metallica medicamenta sint usur-
panda. ibid.</p> <p>254. An putrefactio & fermentatio ante de-
stillationem sit utilis. 764</p> <p>255. An oxymel in febris conueniat. 786</p> <p>256. An idem & in pleuritide conueniat.
787</p> <p>257. An spiritu vitriol. in febris malignis
utendum. 792</p> <p>258. An aquæ carniū destillata magnam nu-
trienti vim habeant. 796</p> <p>259. An sal naturaliter rebus insit, & Chymi-
câ arte separetur; an verò actione &
vi ignis producat. 814</p> <p>260. An sales ex rebus naturalibus conficiendi
ratio Antiquis cognita fuerit. ibid.</p> <p>261. An in Medico etiam fortuna requiratur.
849</p> |
|---|--|



EPITOMES
SCIENTIÆ
NATVRALIS

L I B E R P R I M U S.

CAPVT PRIMVM.

De Natura Philosophiæ.



COGNATÆ sunt voces, σοφία & φιλοσοφία: illa antiquior, hæc recentior. Nam qui apud Gallos Druidæ; apud Ægyptios, Sacerdotes; apud Perlas, Magi; apud Indos, Gymnosophistæ, Brachmanes & Samanei nominabantur, viri nimirum, qui, despectis rebus vulgaribus, toti erant in Naturâ, veritate, & virtute inquirenda, magnarumque rerum cognitione cæteris præstare putabantur: ij priscis Græcis σοφοί, & σοφισταί, id est, Sapientes dicebantur.

Philosophia
nomēn unde. Vox hæc cū & per se arrogantior videretur, mul-
tique nullâ verâ sapientiâ instructi, quæstus vel hono-
rum causâ, sapientiam iactarent, seque σοφὸς & σοφιστὴς
appellarent: Pythagoras, vt & arrogantiam nominis
vitaret, (Solut enim Deus verè sapiens) & se ab
his, qui nominetenus saltem σοφοὶ erant, seiunge-
ret, verâque sapientiam rem minimè vulgarem,
nec cuius obuiam esse, moneret, primus hoc no-
men mutauit, & non σοφὸς, sed φιλόσοφος appellari
voluit, vt est apud Cicer. lib. 5. Tuscul. 99. Plutarch.
lib. 3. de Plac. cap. 3.

Arrisit hæc modesti vocabuli nouitas ita omnium
sectarum viris doctis, vt communi consensu se φιλοσό-
φους, quàm σοφῆς appellare maluerint. Quapropter,
si vocis originem spectes, eadem vocabuli Sapientiæ
& Philosophiæ vis est.

Strictiore tamen significatione vox Sapientiae iam ferè usurpatur, ut saltem ἡ ἀκρεβέστατη τῆς ὀπισθήμων, καὶ τῆς θεωρητικῶν ἀρετῶν τέχνη, quae & πρώτη σοφία, & πρώτη φιλοσοφία, ac Metaphysica vocatur, ita appellatur. Sicut contra amplior huius vocis vis est apud Aristotelem, 6. *Ethic. Nic. cap. 7.* vbi Mechanicis ea attribuitur, & Phidias lapidum sculptor, Polycletus statuarum fctor, Sapientes nominantur.

Vt verò vox Philosophiæ satis apud omnes vulgata est: sic apud paucos de vera definitione Philosophiæ constat. Nam quæ passim plures circumferuntur, non tam definitiones, quàm descriptiones & laudes eius sunt. Plato, in *Phadone*, eam describit, quòd sit mortis contemplatio. Cùm enim duplex sit

mors ; vna, quæ est naturalis animæ à corpore disces-
sio & separatio : altera , qua etiam in corpore degens
anima , à terrenis rebus abstracta , vitiosisque cupi-
ditatibus abdicata , tota rerum præstantissimarum
contemplationi incumbit , & cum hanc posteriorem
animæ à corpore , quod eius quasi carcer & inscitia
indumentum est, seiunctionem & abstractionem Phi-
losophia doceat , à Platone (quamvis metaphoricè,
& proinde minus aptè) mortis meditatio definita est.
Eodem sensu etiam ἀπαλλαγὴ τῷ σώματι ἐπὶ τῆς θεωρίας,
id est , separatio animæ à corpore , mortis affe-
ctus, & consuetudo moriendi dicta est. Idem, in *Thea-
reto*, ait, Philosophiam esse Dei similitudinem, quan-
tum possibile. Nam cum duæ sint operationes Dei ;
vna, omnium cognitio : altera actio , qua omnia
gubernat : utramque (quatenus in hominem ca-
dunt) præstat homini Philosophia. Etenim & res
omnes contemplatur , & ipsum ad honestas actio-
nes instruit.

Vulgata est etiam, quam Cicero, 4. *Tusc. & lib. 2. Definitio Ci-*
Officior. & Stoici usurpant, definitio Philosophiæ
 hæc : Philosophia est diuinarum humanarumque re-
 rum scientia. Rerum humanarum appellatione sen-
 sibilia, & corporis concretioni obnoxia ; Diuinarum
 verò nomine intelligibilia & à materia libera deno-
 tantur. Vel rerum humanarum nomine ea, quæ ad vi-
 tam communemque societatem seruandam & propa-
 gandam spectant: per diuinas, sublimia, & à vulgi ca-
 ptu remota significantur.

Exstant etiam apud Aristotelem aliquæ Philoso- Definitio A-
phiæ definitiones: una, quâ, *lib. i. Metaphys. cap. i.* ristotelica.
definitur, *ἁπλοῦς τῆς ἀληθείας*: altera (quæ tamen
tantum primæ Philosophiæ definitio videtur) hæc
est: *ἐστὶ τὸ φιλοσόφει ἁπλοῦς τὸ ὄν* ⊕, ἢ ὄν, *καθόλου καὶ*
καὶ μέρος ⊕.

Verum enim verò, vt dictum, hæ non veræ de- *Philosophia*
finitiones, sed vel encomia, vel qualescumque de- *exactè def-*
scriptiones, veris generibus & differentiis destitu- *niri nequit.*
tæ sunt. Imò Philosophia exactè definiri nequit; cùm
non sit genus vniucum, distinctamque à suis parti-
bus naturam obtineat. Non tamen etiam *ἁπλοῦς*
est (plus enim, quàm nomine, partes eius conue-
niunt) sed quod ab vno ad vnum vocant. Nam non
credendum est, Philosophiam esse vnā aliquam
scientiam, quæ circa aliquam peculiarem speciem
Entis versetur: sed est genus totum, sub se omnes
scientias comprehendens. Omnia enim vnico habi-
tu cognosci non possunt, sed variis: qui si omnes

A

CONTINUED

*Definitio Phi-
losophia Pla-
tonica.*

Dan. Sennert. Tom. I.

coniungantur, perfectam scientiam efficiunt, quæ Philosophia appellatur. Ideo quæcumque definitiones Philosophiæ afferuntur, à perfecta definiendi lege declinant.

Definitio.

Potest tamen è superioribus talis colligi descriptio: Philosophia est habitus intellectus, sapientiæ & prudentiæ constans, omnia scilicet contemplans, atque actiones humanas congruenter gubernans, ut hinc homo summum in hac vitâ bonum adipiscatur. Cum enim homo Philosophiâ perficiatur, ab eâque Quales denominemur, Qualitas illa quædam erit, seu forma accidentalis, cuius beneficio homo ad omnia, quæ hominis sunt, exsequenda idoneus efficitur. Et quidem Qualitas non connata (nemo enim Philosophus nascitur) sed acquisita: quæ nihil aliud est, quàm quidam habitus, non corporis (non enim corpus, sed animus perfici debet) sed intellectus. Philosophia igitur per habitum intellectus definienda, & quidem principes duos, sapientiam & prudentiam: in quibus tamen intellectus & scientia includuntur.

Diuisio Philosophiæ secundum Stoicos.

Dispiciendum iam, quomodo Philosophia diuidenda sit: de quo authores omnes non consentiunt. Stoici Philosophiam diuiserunt, in Naturalem, Moralem, & Rationalem. Sub parte Naturalis Philosophiæ, amplo significato vocis, non solum Physicam, propriè sic dictam, sed etiam Metaphysicam, & Mathematicam comprehendunt. Ethicam verò eam vocant, quæ mores & actiones hominum informat: Logicam, quæ viam ac modum differendi, ac veritatis inquirendæ tradit. Atque veritatem huius diuisionis sic probare conantur. Cum felicitas humana, ad quam Philosophia tendit, partim in actione virtutis, partim in veritatis speculatione consistat, duæ Philosophiæ partes inde oriuntur: vna quæ ad actiones virtuti conformes nos instruit, Moralisque dicitur: altera, quæ in veritate inquirenda, occultisque Naturæ mysteriis inuestigandis est occupata, quæ Physica dicitur. Cum verò in veritate eruenda mens facile labi possit, Tertia pars requiritur, quæ nobis differendi viam monstret; hæcque Logica appellatur.

Eiusdem refutatio.

An Logica Philosophiæ pars sit.

Sed præter id, quòd vocabulo Physices minùs propriè vtitur, propterea à plurimis, iisque doctissimis Philosophiæ Peripateticæ interpretibus hæc Philosophiæ diuisio reiicitur, quòd Logicam partem Philosophiæ statuit. Nam Philosophorum mens fuit, hac diuisione illas disciplinas includere, quæ aliquod Realis Entis genus, ob cuius cognitionem quis σοφός vel φιλόσοφος dici possit, Subiectum habent; quale Logica non tractat. Nam Ens rationis illi non subiicitur, quatenus modo aliquo est, comparatione facta cum eo, quod verè est; hac enim ratione à Metaphysico consideratur: nec quatenus à mente humana formatur; eatenus enim Physicæ considerationis est: sed solum, ut est instrumentum pro primis conceptibus, & iis, quæ verè sunt, denotandis, utile. Quapropter Logica non Philosophiæ pars, sed instrumentum & ὀργανόν τῆς φιλοσοφίας est, sui que causa non inuenta. Quod etiam testatur Aristoteles, dum ipsam, lib. 1. Topic. cap. 9. σοφιστικὴν esse Philosophiæ tradit. Non tamen cum quoquam contentiosè pugnare velim, qui cum Pererio, lib. 2. Physic. c. 18. statuatur, dum disputatur, an Logica sit scientia vel pars Philosophiæ, necne, non tam in rebus, quàm verbis & modo loquendi esse controuersiam: aliis nimirum Philosophiæ & scientiæ nomen latius, & impropriè; aliis verò angustius & magis propriè sumētib. Et omnino Habituum variis nominibus aliter Peripatetici, aliter Stoici, aliter aliæ sectæ vtuntur, neque facile vna secta se alterius sectæ legibus ita adstringi patitur, ut ad placitum illius sibi loquendum putet.

Diuisio Toletii.

Toletus, in Proæm. Phys. in tres partes diuisit Philosophiam, in Speculatiuam, Actiuam, & Factiuam: ratione sumpta ab ipsa ignorantia, cui Philosophia medetur, quæ triplex est: vel veritatis; & pars, quæ hanc

tollit, veritatemque inuestigat, Speculatiua appellatur: vel rerum agendarum; atque huic succurrens pars, nostrasque actiones rectæ rationi conformes reddens, Actiua, appellatur: vel denique rerum, quibus ad vitæ tutelam, conseruationemque indigemus; huic ignorantia succurrit pars Factiua. Sed etiam si hæc diuisio de disciplinis principalibus vera est: Philosophiæ tamen est vitiosa diuisio. Non enim effectiuæ disciplinæ ad Philosophiam referendæ sunt. Nam nec diuina considerant; nec actiones, quæ hominis propriæ sunt, gubernant; nec honestum earum finis est, sed vtile; neque etiam in iis summum bonum, hominisque felicitas consistit. Et quis est, qui Mechanicos fabrosque Philosophis annumerare audeat? Sunt enim tantum ministri Politicæ. Quapropter meritò illos, qui artes mechanicas ad Philosophiam referunt, Lucianus irridet, dum quendam, qui agrum fossarius erat, lignone Philosophaturum dicit.

Eiusdem refutatio.

Disciplina nomen latius, quàm Philosophia.

Notandum itaque, latius esse nomen Disciplinæ, quàm Philosophiæ, nec omnes disciplinas in censum Philosophiæ referendas esse. Hanc tamen peculiarem dignitatem Philosophia obtinet, ut omnes disciplinæ sint, vel eius pars, vel fructus ex ea genitus, vel instrumentum illius causâ paratum constitutumque.

Diuisio Aristotelica.

Nos illam Philosophiæ diuisionem verissimam putamus, ab Aristotele, lib. 2. Metaph. c. 1. traditam, atque ab omni Græcorum, Arabum, Latinorumque interpretum familia retentam, quæ in partem Speculatiuam & Practicam diuiditur. Speculatiua pars est, quæ omnia Entia, eorumque principia & affectiones, solius scientiæ & veritatis causa, contemplatur: Practica verò, quæ actiones humanas sibi subiectas habet, easque ad rectæ rationis, & honestatis normam format; ideoque non scire tantum, sed & agere docet. Cum enim animi, qui à Philosophia perfici debet, duæ sint partes, θεωρητικὴ καὶ πρακτικὴ; duplicem eæ finem, & hinc duas Philosophiæ partes constituunt: Speculatiuam, quæ partem cognoscentem perficit: Practicam, quæ affectus moderatur. Duo itaque erunt Sapientis officia: ea, quæ sunt, contemplari; rursumque obire ea, quæ optima congruæque vitæ hominis sunt. Vel breuius: Contemplari diuina, & gubernare humana. Nam postquam (ut Marsilius Ficini, lib. 4. Epist. p. 762. verbis vtat) Philosophantis animus primum ipsum contemplatus est bonum, iudicans, quæ in rebus humanis bona sint, quæ mala; turpia, vel honesta; noxia vel vtilia: ad eius exemplar humana disponit; à malo abducit, in bonum dirigit, & hæc prudentia gubernandi rem Propriam, Familiarem, & Publicam administrat, legesque & rationes docet administrandi. Nec Platonis fuit ignota hæc diuisio. Hæc enim sunt duæ alæ, quibus mens hominis ad Superos, vnde terrenæ cogitationis pondere depressa deciderat, reuolat: de quibus Plato, in Phædone & Phædro. Mars. Ficinus lib. 1. Epist. p. 612.

Eiusdem confirmatio 1. à subiecto.

Eiusdem diuisionis veritas vltèrius & ex fine, & obiecto demonstratur. Proximè quidem ex fine: Finium tamen distinctionem obiecta distincta pariunt. Cum enim quælibet disciplina circa rem aliquam versetur; duo autem sint rerum genera, ut patet ex Arist. 6. Ethic. Nic. cap. 4. aliæ necessaria, aliæ contingentes; & Necessariarum quidem aliæ ἐξ ἀνάγκης ὄντα ἀπλῶς, αἰδία, ἀφύστα, καὶ ἀφάρτα, quæ necessaria sunt simpliciter aterna, nunquam orta, & incorruptibilia, aliæ ἐξ ἀνάγκης γινόμενα, quæ necessario fiunt, quæ etsi quidem semper non sunt, sed fiunt; tamen non à nobis, verum à natura per certas causas operante producuntur: Contingentes autem ἐνδεχόμενα, καὶ ἔῃ, καὶ μὴ ἔῃ, καὶ ὧν ἡ ἀρχὴ ἐν τῷ ποιῶντι, ἀλλὰ μὴ ἐν τῷ ποιωμένῳ, quæ esse & non esse possunt, & quorum principium est in faciente, non in facto, sunt, quæ à nostra voluntate pendunt, in cuius potestate est eas efficere, vel non efficere: Hinc colligitur, duas etiam partes Philosophiæ esse,

2. Ab obiecto.

Rerum genera duo.

esse, vnam, quæ circa res necessarias versatur, alteram circa contingentes. Atque hæc rerum distinctio fines etiam diuersos parit. Aut enim rem aliquam tractamus, vt solum eam cognoscamus, aut vt, præter cognitionem, etiam eam efficiamus: tertium dari non potest. Nam res, quæ semper sunt, vel quæ fiunt, à Natura tamen, non à nobis, ideo tractamus, vt earum naturam cognoscamus. Quis enim eò dementia perueniret, vt opera, soli Naturæ possibilia, hominibus verò omnibus impossibilia, efficere conaretur? Res verò, quæ non semper sunt, & à nobis fieri possunt, non solummodo propter scientiam tractamus, sed, vt earum Naturam cognita, eas efficere discamus. Ideoque priores disciplinæ, quæ in rebus non propter operationem, sed cognitionem saltem versantur, rectè Speculatiuæ Scientiæ, vel Scientiæ, absolutè & propriè sic dictæ, appellantur. Reliquæ verò disciplinæ, quæ in rebus contingentibus, seu iis, quæ in voluntatis nostræ arbitrio positæ sunt, disciplinæ, seu scientiæ (vocabulo scientiæ impropriè sumpto) practicæ & operatrices appellantur.

Nec est, quod nobis quispiam hinc obiiciat: Omnes scientias & omnes artes aliquid speculari, & ad aliquid efficiendum dirigere; vt physicam ad Magiam naturalem, artem medendi, &c. nos deducere: In Geometria multa theoremata esse, quæ aliquid agere docent; vt super data recta perpendicularem constituere. Nam Scientiæ omnes, absolutè, & ratione finis, sunt Theoricæ, nullamque actionem respiciunt: disciplinæ verò reliquæ etsi quoque in cognitione rerum versantur, tamen in ea non subsistunt, sed Actiuæ inde suas actiones gubernant, Factiuæ solum opus pro fine habent propositum. Nec Geometria Theoremata illa considerat, vt aliquid efficiat, sed vt solum contempletur affectiones sui subiecti, verumque indagat: disciplinæ verò huic subiectæ iis postea ad affectionem vtuntur. Quod dum faciunt, superiorum scientiarum limites iam egrediuntur, vt videre est in agricultura, & aliis.

Nec illud nos moueat; quod nonnulli dicunt: ita esse coniunctas arctè contemplationem cum actione, vt vnum ab altero separari non possit; ideoque nullam veram differentiam hinc suppeditari, cum ipsa contemplatio sit actio, & proinde scientiæ ad speculationem dirigendo ad actionem nos dirigant. Nam non quæuis ἐνέργεια, atque operatio hominis Praxis hinc appellatur, sed talis, quæ voluntatis imperio subiacet, & cum plurimi circa illam errores contingere possint, habitu quodam indiget, qui intellectui practico inhærens, sit tanquam norma in agendo. Sunt autem actiones voluntati subiacentes triplices: Vna, quæ ab ipsa voluntate proficiscitur, vt Electio: Secunda, quæ quidem ab alia potentia prouenit, sub voluntatis tamen est imperio, vt operationes facultatis animæ irascibilis & appetentis: & de hac hinc sermo præcipuè. Tertia, quæ secundum se non subiacet voluntati, sed secundum quid, vt operationes intellectus speculatiui eatenus subiiciuntur voluntati, quatenus hoc tempore, tanto spatio, vel iuxta alias circumstantias fiunt. Tales itaque cum non, vt priores, simpliciter voluntati subiaceant, huc etiam non pertinent. Facile igitur concedi potest, contemplationem esse actionem, id est, actum secundum, ἐνέργειαν, & internam operationem, at non externam, qualis est, cuius respectu pars vna Philosophiæ speculari, altera agere dicitur. Nam actio hæc interna nullo modo à cognitione veri distinguitur, vt in disciplinis Practicis, quarum actio à veri cognitione differt, & quarum finis in vero, non acquiescit, sed ultra id etiam ad operandum procedit.

Cum verò supra dictum sit, Philosophiam non esse genus vniuocum, sed quod Græcis πρὸς ἐν dicitur: sciendum, Philosophiæ nomen præcipuè & ἡγεμένως

Dan. Sennerti Tom. I.

parti Speculatiuæ competere, consequenter & δευτέρως etiam Practicæ. Nam plerumque Philosophi nominantur, qui scientiis incumbunt: qui vitæ gubernandæ se tradunt, Prudentes.

Atque hæc est generalis Philosophiæ diuisio: postea verò quælibet pars subdividitur. Aristoteles, 6. Met. c. 1. partem Philosophiæ Speculatiuam, in Physicam, Mathematicam, & Metaphysicam diuidit. Quæ quidem diuisio & à veteribus recepta, & hodie in vsu est, suisque rationibus nititur. Nam cum distinctio nem scientiarum diuersitas obiectorum pariat: patet, non plures, nec pauciores esse Scientias, quam tres modò dictas. Etenim Ens dupliciter consideratur, vniuersaliter & particulariter, Scientia, quæ totum & vniuersum Ens, quatenus Ens, considerat, est Metaphysica. Reliquæ scientiæ Ens particulariter, atque speciem aliquam Entis considerant. Hæ autem sunt duæ, vt duplex est Ens speciale. Aliud enim est in Materia, atque sine ea cognosci non potest, atque id considerat Physica: Aliud quidem est in materia, sed tamen cogitatione ab ea separari, & separatim sine materia cognosci potest, quod tractat Mathematica. Quapropter considerat Metaphysica Ens, quatenus Ens: Physica, quatenus mobile, vel naturale: Mathematica, Ens abstractum, seu Quantitatem. Verum, vt Pererius, Physic. lib. 1. c. 7. rectè ait, non absurdum foret, si quis quantam scientiam adderet, quæ de spiritibus & substantiis à materia separatis ageret, quam nonnulli hodie Pneumaticam vocant. Imò nec quinam addere absurdum foret, quæ de iis, quæ naturaliter de Deo cognosci possunt, ageret.

Mathematicarum disciplinarum rursus sunt differentia. Earum enim subiectum est Quantitas: quæ cum sit duplex, continua & discreta, duæ etiam erunt scientiæ purè Mathematicæ, Arithmetica & Geometria. Arithmetica subalternatur Musica, quæ ab Arithmetica principia petit, numerumque sono coniunctum considerat. Hæc Aristoteli 1. post. t. 100. c. al. 10. al. 12. est duplex: ἡ τε μαθηματικὴ καὶ ἡ καὶ τὴν ἀνω. Prior tamen vera & pura est scientia: posterior ars potius dicenda. Geometriæ pars est Stereometria, quæ solida corpora considerat. Nec subalternatur Geometriæ; quia non considerat quantitatem cum aliqua contractione, & materiæ, ac sensilis qualitatis additione: nec media est inter Physicam & Geometriam: sed purè Mathematica; cum penitus seiungat suum subiectum à materia sensibili. Geometriæ subalternatur Perspectiua; quæ lineam, vt in visu positam, considerat. Geometria autem & Stereometria varias pariunt disciplinas, quæ quodammodo mediæ sunt inter Mathematicas & Physicas: Mathematicæ tamen dicuntur, quia vtuntur principiis Mathematicis, & omnia sibi subiecta, vt quanta, considerant. Tales sunt; doctrina de iride, Astronomia, Cosmographia, Geographia, Chorographia, Topographia. Inde etiam postea variæ artes Mechanicæ oriuntur.

Alter pars Philosophiæ fuit Practica. Praxis verò, ampliore significatione sic nominata, & πρᾶξις & πράξιν, specialiter dictam, sub se complectitur. Differt verò actio ab effectione, auctore Aristotele, 6. Ethic. Nic. c. 4. & lib. 1. Magnorum moralium, c. 3. 5. quod actio post se nullum opus relinquit: Effectio verò est operatio opus relinquens. Ex hac duplici significatione vocis πράξεως duo oriuntur disciplinarum genera; Actiuæ & Factiuæ. Factiuæ, quæ artes sunt, vt supra dictum, ad Philosophiam non pertinent. Actiuæ verò Philosophiæ pars diuiditur in partem Ethicam, Politicam & Oeconomicam.

Vtilitatem Philosophiæ quod attinet, etsi ea propriè in parte practica spectanda sit: tamen & Speculatiua sua commoda habet, de quibus passim multa obuia. Nobis hoc loco duo sufficiant. Primum illud, quod est apud Hermetem Trismegistum, in lib. qui inscribitur,

A 2

tur,

Theoretica
Philosophia
subdiuisio.

Eiusdem de
monstratio.

Pneumatica.

Mathematicarum disci-
plinarum di-
uisio in puras
& mixtas.

Practica Phi-
losophia sub-
diuisio.

Philosophia
utilitas &
necessitas.

3. à fine.

Obiect. 1.

R.

Obiect. 2.

R.

Πράξις
quid?

Actiones vo-
luntati sub-
iectæ triplices.

eur, καὶ εὐσεβείας, καὶ φιλοσοφίας. Ὁ εὐσεβὼν ἀκρῶς φιλοσοφεῖ. χωρὶς γὰρ φιλοσοφίας ἀκρῶς εὐσεβεῖσαι ἀδύνατον. Ἰδὲ μαθὼν ὁ δ' αὖ βῆ, καὶ πῶς διατέτακται, καὶ ὑπὸ τινος, καὶ ἐνεκὲν τινος: χάριν τῷ δημιουργῷ, ὡς πατρὶ ἀγαθῷ, καὶ ὑφεῖ χρεῖσθαι, καὶ ἐπιτρόπῳ πεισθαι ὁμολογήσει. ὁ δ' εὖ χάριν ὁμολογῶν εὐσεβεῖται ὅτι εὐσεβῶν ἴσεται καὶ ποδὲς βῆναι ἢ ἀλῆθεια, καὶ τίς βῆναι ἐμείνη, καὶ μαθὼν ἐτι μᾶλλον εὐτελέστερός ἐσται. *Pius esto, o fili: qui verò pius est, summè philosophatur. Namque sine Philosophiâ summè pius esse, est impossibile. Sed qui discit, qualia sint entia, & quomodo sint disposita, & à quo, & cuius gratiâ, conditori, ac patri bono, & nutritori probo, & curatori fido gratias habebit. Et qui gratias agit, pius erit. Qui verò pius est, sciet ubi sit veritas, & quenam sit illa, & sciens etiam magis erit pius.* Secundò, illud, quod est apud Scalig. exerc. 307. f. 3. Harum indagatio subtilitatum etsi non est utilis ad machinas farinarias conficiendas: exiit animum tamen inscitiae rubigine, acuitque ad alia: eo denique splendore afficit, ut prae luceat sibi ad nanciscendum primi opificis similitudinem: Qui ut omnia plenè ac perfectè est, ac præter & supra omnia: ita eos, qui scientiarum studiosi sunt, suos esse voluit: ipsorumque intellectum rerum dominum constituit.

cunditas
philosophia.

Denique quanta sit voluptas, quæ ex Philosophiæ, & potissimum partis Theoricæ, cognitione oritur, docet Aristoteles, lib. 1. de part. an. cap. 5. Nos hîc illud afferimus, quod, ex Maximo Tyrio, Cælius Rhodig. antiquarum lect. lib. 7. cap. 30. p. 273. citat. Scis, inquit, cui maxime arbitrer simile Philosophi spectaculum? In somnio nimirum manifestò, liquidòque, ac volitanti circumquaque, cuius, integro corpore manente, in terram tamen universam excurrat animus, è terrain cælum effertur, universum transmittat mare, aërem peruolitet totum, cum Sole terram ambiat, cum Luna circumferatur, ceterorum astrorum iungatur choro, minimùmque absit, quin una cum Ioue cuncta distribuat. O peregrinationem beatam! o insomnia verissima!

CAPUT II.

De natura Physicæ.

Physica à φύσις, seu natura nomen habet, quod sit disciplina, quæ de rebus naturalibus loquitur. De hac ergo cum acturi simus, omnino requiritur, ut primo loco dicamus, quid sit ea disciplina, quæ de rebus naturalibus tractat. Id verò commodius exsequi non licet, quàm si, quod genus & subiectum (à quo differentia in definiendis scientiis sumitur) Physicæ sit, inquiramus.

us Physi-

Genus quod attinet, etsi nonnulli malè artem & scientiam confundunt: tamen inter omnes veros Philosophos & Peripateticos iam convenit. Physicam esse scientiam: cum ipsi definitio scientiæ propriè competat. Demonstrat enim de necessario subiecto proprias affectiones per proprias causas: Id quod demonstrationes plurimæ, quæ de rebus Physicis fiunt testantur. Atque ita etiam ab Aristotele, 3. Physic. cap. 4. t. 24. 2. Metaph. cap. 3. t. 3. appellatur, & idem perspicuè probatur, 4. Metaphys. cap. 5. t. 23. Etsi verò olim ab Heraclito, Cratylo, Pythagora, nullam rerum Physicarum esse scientiam, sed tantum, opinionem, proditum feratur; Socratesque rerum naturalium mutabilitate deterritus, & quod nihil de iis certo se scire putaret, ea relicta, se Philosophiæ morali totum dedit; Democritus quoque de veritatis puteo, cui fundus non esset, & Empedocles de angustis sensuum viis, quibus animum intrat cognitio, conquesti sint: tamen magis probabile videtur, hos Philosophos non omnem scientiam sustulisse, sed suam scientiam modestè potiùs dissimulasse, quàm ignorantiam confessos esse; cum id, quod scimus,

revi
natum sit
ntia.

respectu eorum, quæ ignoramus, penè nihil sit, aliorumque arrogantiam, qui temerè se sapientiæ nomine iactabant, notasse. Noui Academici autem, qui non solum rerum Physicarum, sed omnium in universum scientiam negabant, alibi refutantur. Nec illud nos moueat, quod in Physica sæpe rationes probabiles inveniuntur. Hæ enim necessitati nihil adimunt, sed sæpe futuræ demonstrationi viam parant & muniunt, aut ad declaranda principia adhibentur.

Statuendum itaque, Physicam esse scientiam, & quidem propriè dictam, Speculativam nempe, ut patet, è 6. Metaph. cap. 4. & 1. Metaphys. cap. 6. Etsi ferè superuacaneum sit addere, speculativa, cum, si propriè scientiam sumamus, omnis sit speculativa: vocabula verò in definitionibus non sunt impropriè ponenda.

De necessitate tamen Physicæ notandum, duplices in ea esse propositiones. Quasdam semper & simpliciter necessarias, ut ignis urit; quarum propriissima est scientia: alias esse necessarias ut plurimum, quæ fiunt de rebus, quæ non nisi in certo statu, vel maiori ex parte, atque remotis impedimentis insunt; ut homo nascitur nono mense, duabus manibus, duobus oculis, duobus renibus. Hæ enim affectiones sunt veluti inter contingens & necessarium media, & hinc necessaria à nonnullis dicuntur, necessitate Physica.

Physica
duplices
habet
propositiones.

De subiecto verò Physicæ antequam dicamus, facilius cognitionis causâ quædam de voce subiecti præmittenda sunt. Subiectum enim habet varia. Si significationes: 1. dicitur illud, cui accidentia inhaerent. 2. Subiectum dicitur illa pars propositionis, de quo prædicatum dicitur. 3. Subiectum dicitur materia respectu formæ. 4. Subiectum dicitur respectu actionis & effectiōis; estque illud in quo practicus, vel artifex versatur, & in quo suam actionem exercet. 5. dicitur illud, quod in aliqua scientia tractatur. Dicitur autem subiectum, quia subiicitur accidentibus & affectionibus, quæ de eo demonstrantur; deinde, quia circa illud nostra cognitio versatur. Et in hac vltima significatione vocem subiecti hîc accipimus: in qua tamen etiam pluribus modis dicitur. Primò enim in ampliori significato per subiectum denotatur omne id, de quo in aliqua scientia agitur, siue sit principium, siue affectio & accidens, siue aliud quippiam. Propriè verò subiectum scientiæ dicitur res, seu materia in illa considerata, quæ has habet proprietates. Prima est, ut de ea nobis sit notum, & ipsum in rerum natura esse atque necessariò; & quid nomen eius significet. Ideoque subiectum in propria scientia nullo modo demonstratur. Cum enim sit basis & fundamentum omnium, quæ in scientia traduntur, eo in dubium vocato, negato, & è medio sublato, omnia, quæ de eo dicuntur, in dubium vocantur, negantur, & è medio tolluntur. Secunda conditio est, ut habeat proprias affectiones, & propria principia, quorum omnium quasi fundamentum & basis sit. Ideo subiectum in ea scientia, in qua est subiectum, non consideratur, quatenus alteri inhaeret; & omnè, quod in aliqua scientia consideratur, quatenus alteri inest, non est subiectum. Tertia est, ut sit toti scientiæ adæquatum, ne latius eâ pateat, nec sit angustius, atque omnia, quæ in scientia traduntur, ad huius explicationem pertineant. Subiecti, hoc modo considerati, duæ sunt partes: una quæ est instar materiæ, diciturque res considerata; altera, quæ locum formæ obtrinet, diciturque modus considerandi. Res considerata potest multis disciplinis esse communis: modus autem considerandi, qui rem ad certam, & propriam considerandi rationem contrahit, cuique scientiæ est peculiaris, & ab eo propriè scientiarum distinctio pendet.

Physica
Subiectum.

Vocabulum
Subiecti quod
modus acci-
piatur.

In quâ signi-
ficatione hîc
accipitur.

Subiecti scien-
tiæ conditio-
nes.

1.

2.

3.

Eiusdem par-
tes duæ.

Philosophorum
de Physica
subiecto opi-
niones diuer-
sa.

De subiecto hoc adæquato Scientiæ naturalis non-
nulla est inter authores controuersia. Græci plerique
interpretes Physicæ subiectum statuerunt corpus na-
turale; Thomas ens mobile; Albertus & Egidius
corpus mobile; Scotus substantiam naturalem; To-
letus Ens naturale; alij naturam, per naturam &
Deum & Angelos, & corpora omnia intelligen-
tes: Alij itidem Naturam, eam pro omnibus ad res
naturales pertinentibus, veluti sunt non solum
composita corpora, sed etiam principia & affectio-
nes, accipientes: Alij Ens mobile; per Ens mobile
non solum, vt Thomas, intelligentes corpus mobile,
sed etiam materiam & formam: Alij corpus naturale
mistum: Alij, corpus caducum, seu generationi &
corruptioni obnoxium.

Sententia ve-
ra.

Argumenta, quæ pro opinionibus hisce omnibus
stabiliendis facere videntur, hinc adducere operæ pre-
tium non est. Et primam saltem opinionem, quæ
subiectum Physicæ corpus naturale esse asserit, pro-
bamus. Ad hanc opinionem sequentes quatuor (vt
postea dicitur) reduci posse videntur; doctique vi-
ri plures existimant, magis de voce, quàm de re ipsa
litem esse, controuersiamque in eo versari, quomo-
do subiectum, de quo res ipsa constare videtur, ap-
pellandum sit: An corpus naturale, Ens mobile, Sub-
stantia naturalis, Ens naturale: Ideoque hæ sententiæ
vel ad priorem reducendæ, vel simpliciter, vt poste-
riores quinque, reiiciendæ sunt.

Physica
Subiectum ad-
æquatum.

Naturale
quot modis
accipitur.

Subiectum igitur adæquatum est *corpus naturale*,
hoc est, quatenus in se naturam, principium motus
& quietis, habet. Naturale enim tribus modis acci-
pitur. Primo, pro eo, quod alicui essentialis est &
ad alicuius essentiam pertinet: secundò, pro omni
re, scientiam naturalem spectante; in qua significa-
tione & materia prima, & forma, & accidentia cor-
poris naturalis, naturalia appellantur: Tertio, &
proprie sumitur pro eo, quod in se continet natu-
ram, id est, internum quoddam ad motum, &
quietem principium; & sic nec motus, nec mate-
ria naturalis dicitur, sed sola corpora, ex materia
& forma composita. Cum autem subiectum adæ-
quatum scientiæ, vt supra dictum, & re conside-
rata, & modo considerandi constet: illa erit corpus;
modus autem considerandi, quatenus naturam, quæ
principium motus est, in se habet. Etsi enim omne
corpus in se principium motus habeat, & habens in
se principium motus sit corpus: tamen cum corpus
non solum vt principium motus habens, sed etiam
aliis modis considerari possit: hac consideratione
Physica à reliquis disciplinis, quæ etiam de corpore
tractant, seiungitur.

Sententia pro-
posita confir-
matio.

Atque hæc de subiecto Physicæ ita rectè statui,
hinc patet, quia ipsi omnes proprietates subiecti
scientiæ competunt. Nam præcognoscitur, quod sit,
& quid nomen eius significet: Habet propria prin-
cipia materiam & formam; propriasque affectiones,
motum, locum, tempus, &c. nullique in hac scien-
tia inhæret, ipsumque toti scientiæ est adæquatum.
Omnia enim, quæ in Physica traduntur, vel sunt
corporis naturalis principia, vel affectiones, vel spe-
cies. Idem quoque ex Aristotele patet. Nam rem con-
sideratam quod attinet, id verè corpus statui, liquet
ex *initio 2. Physicæ* & *3. de cæl. c. 1. & initio 1. de cælo*, scien-
tiam naturalem versari in corporibus, & horum prin-
cipia & affectiones considerare docetur.

Modum verò considerandi esse, Naturale, seu qua-
tenus in se naturam habet, manifestum est ex *initio 2. Physicorum*. Cum enim quæuis res ab aliis distin-
guantur per formam: res autem naturales à non na-
turalibus & artificiosis differant, quod illæ habeant
principium motus in se, hæ non nisi per accidens:
certè habere in se principium motus, erit formæ in-
star, & ipsa subiecti formalis ratio, quæ corpus, res

considerata in Physicis, ab aliis omnibus secernitur
Idem confirmat Aristoteles, *lib. 2. Physicæ. 7. 1. & 0. al. 7. 1*
dum inquit: *Quacunque mota mouent, sunt Physica*
considerationis, &c. Docet enim, illa tantum à Phy-
sico, vt subiectum, considerari, quæ habent in se-
ipsis principium motus. Possunt tamen & alia con-
siderari in Physicis, quæ non in se habent princi-
pium motus, verum vt principium, vel accidentia
naturalia, non vt subiectum. Quod liquidum est
ex *t. 73. eiusdem libri*, vbi dicit, esse quædam prin-
cipia Physicè mouentia, sed non Physica, id est, non
considerari vt subiectum Physicum, quia non habent
principium motus in se ipsis. Et hæc vera de subie-
cto Physicæ sententia est, ad quam, vt dictum, se-
quentes quatuor, vel reducendæ sunt, vel reiicien-
dæ. Cum enim hæ opiniones duos modos conside-
randi subiectum habeant, vnum, vt mobile; alterum,
vt naturale: vterque certè nihil aliud significat, quàm
naturam principium motus in se habentem. Nam cum
mobile dupliciter dicatur, vel quod aptitudinem ad
motum, quæ est affectio quædam rei naturalis, ha-
bet; vel quod habet in se naturam, id est, materiam
& formam, seu principium, à quo eiusmodi aptitu-
do oritur: priori modo mobile hinc accipi non po-
test, sed tantum secundo. Quia passio subiecti non
potest esse eiusdem ratio formalis; & cum subiecto
facit vnum per accidens, estque posterior subiecto, de
quo etiam demonstrari potest. Absurdum itaque hinc
sequeretur, subiectum, mobile nimirum, in propria
scientia, per propriam causam, naturam scilicet, de-
monstrari. Quapropter mobile pro passione accipi
non potest, sed pro ratione & gradu essentiali cor-
poris, ex quo per se motus oritur. In qua significa-
tione nihil aliud denotat, quàm naturale, seu natu-
ram habens. Quamuis, si rem *ἀνεχός* aestimare ve-
limus, rectius modus considerandi per naturale, seu
naturam habens, describitur, quàm per mobile.
Cum enim naturale & motum & quietem includat;
mobile autem tantum motum: illud adæquatum,
hoc minùs adæquatum videtur. Itaque, vel mobi-
le pro naturali, & naturam habente, accipiendum
est, vel vt minùs proprium & adæquatum repudian-
dum. Ex his omnibus cum pateat, Naturale, seu,
quatenus naturam habens, verum modum conside-
randi subiectum Physicæ esse, omnino etiam ei res
considerata æqualis statuenda. At si omnia, quæ in
Categoria substantiæ ponuntur, intueamur, nihil
nisi corpus ei æquale inueniemus. Omne enim ha-
bens principium motus in se, corpus est. Ac pro-
inde necesse est, & Ens & substantiam pro corpo-
re accipi. Magis tamen proprie corpus, quatenus
naturam habens, subiectum Physicæ asseritur, quia
habere naturam, accidentale est substantiæ & En-
ti, nisi strictè pro corpore accipiantur. Nec est in-
ter Substantiam, Ens, ac Naturale talis proportio,
qualis omnino necessaria est inter rem considera-
tam, & modum considerandi. Esse enim mobile non
dicitur de Ente, quæ Ens: aliàs enim omne Ens es-
set mobile.

Opinionum
discrepantium
conciliatio.

Mobile du-
pliciter acci-
pitur.

Si qui verò sunt, qui suam sententiam sic corrigi
nolunt, & vel quid communius, vel angustius pro
subiecto Physicæ nobis obtrudere conantur, ij meri-
tò reprehenduntur. Nam qui ipsum Deum, intelli-
gentias, atque Angelos in Physicis, vt subiectum tra-
ctari volunt: nã illi absurdè & imperitè res abstractas
& simplices cum corporeis & materiæ immeris con-
fundunt. Cum enim hæ res plane sint diuersissimæ,
quomodo quis ipsis vnum modum considerandi (qui
vnitatem scientiæ parit) assignabit?

Nec ij rectè sentiunt, qui Naturam subiectum
Physicæ statuunt; per eam & principia, & affectio-
nes, & composita intelligentes. Nam hi nec vo-
ce subiecti, nec naturæ rectè vtuntur. Subiectum

enim propriè dictum, de quo hîc controuertitur, non pro omni re, quæ in scientia aliqua tractatur, accipitur, sed pro ea, cuius tales sunt conditiones, quales supra fuerunt expositæ, & quæ à principiis, & affectionibus, distinguitur. Deinde malè iidem naturam & rem naturalem confundunt; quod facile discere poterant ex Aristotele, *lib. 1. Physic. cap. 1.* vbi Philosophus, quomodo Natura, Naturale & secundum Naturam differant, docet.

Non probamus quoque eorum opinionem, qui Ens mobile pro subiecto Physicæ habendum putant; & per mobile etiam materiam & formam complectuntur. Nihil enim mobile dicitur, nisi quod est subiectum motus: nihil verò habet in se principium motus, nisi corpus. Materia enim per se non mouetur, sed per accidens, quatenus nimirum, pars est corporis, quod mouetur. Si verò quicquid aliquam relationem ad motum habet, mobile dicendum est, omnia, quæ in Physicis explicantur, erunt species subiecti, & proinde nulla eius principia, nullæ affectiones à subiecto diuersæ.

Sicut verò eorum opinionem reiecimus, qui corpore naturali quidcommunius pro subiecto Physicæ statuerunt: ita nec eorum accedendum sententiæ, qui quid angustius statuunt. Alij enim rem consideratam ponunt corpus naturale caducum, seu mutationi obnoxium: Alij corpus naturale mistum: In modo tamen considerandi conueniunt, quem utriusque statuunt esse, quatenus mobile. Sed utriusque etiam errant. In re consideratâ quidem, quodd, illi cælum; hi cælum & elementa, tanquam subiecti species, reiecerunt, & pro eius principiis tantum agnouerunt. Res enim eo modo tractandæ & considerandæ sunt, quo à Natura sunt constitutæ. Cum itaque cælum & Elementa à Natura producta sint, non solum ut sint aliorum principia, sed ut etiam, veluti peculiæ species, Vniuersitatem compleant: utroque modo cognoscenda & tractanda sunt. Quod etiam ab Aristotele factum videmus, qui ea priori modo explicauit, in *lib. de gen. & corrupt.* posteriore, in *libris de Cælo*, in quibus omnia, quæ dicuntur de Cælo & Elementis absque omni respectu & relatione ad mista dicuntur. In modo verò considerandi utriusque etiam peccant, dum eum ampliorem faciunt ipsa re considerata. Non enim solum mista, & mutationi obnoxia: sed etiam Elementa mobilia sunt, seu principium motus in se habent.

Definitio
Physicæ.

Ex his omnibus tandem colligimus: *Physicam esse se corporum naturalium, seu in se naturam habentium, scientiam.* Hanc iam tractaturi, in primis Aristotelem, quem Aquilam Sapientiæ, I. Cæs. Scaliger *exerc. 194. sect. 4.* appellat, sequemur, quem Plato etiam tanti fecit, ut cum fortè in adiutorium venisset, nec adesset, exclamauerit, ἀπὸ τοῦ ἀληθείας φιλόσοφος, hoc est, abest veritatis Philosophus. Cum iterum non accessisset, dicere non dubitauerit: ὁ νῦν ἐκ ἡλθεν, id est, non venit intellectus. In Physicis etiam Aristotelis explicandis viri clarissimi plerique & doctissimi, Græci, Arabes, Latini, laborarunt. Optandum tamen foret, ut & antiquorum Physicorum scripta ad nos peruenissent. Cum enim doctissimi Viri fuerint, procul dubio etiam multa egregia in eorum scriptis reperirentur; id quod vel ex solius Ocelli, qui cum Timæo Pythagoræ fuit auditor, libello, καὶ τῶ πάντος, de *Vniuersi natura*, videre est, qui maximè cum Aristotelicis dogmaticis videtur consentire, & ex quo procul dubio non pauca mutuatus est Aristoteles. Sicut nec postremorum diligentia & industria aliquid detractum, nec quemquam à studio Naturæ arcana penitus inquirendi hoc modo auocatum volumus. *Multum egerunt*, inquit Seneca, *qui ante nos fuerunt, sed non*

peregerunt. Multum adhuc restat operis, multumque restabit, nec ulli nato post mille secula praecludetur occasio aliquid adhuc adiiciendi. Facilius tamen id præstabit is, qui hæc prius præcognita habuerit: & inuentis facile est addere.

Ut verò totius Naturalis Scientiæ summa, quasi in tabula præ oculis habeatur, sciendum, non incommode ab Aristotelis interpretibus, totam Physicam in duas partes diuisam esse, quam priorem communem, alteram propriam vocant. In illa agendum est de ipso genere, nempe corpore naturali, communiter accepto, & omnibus, quæ corpori naturali, ita generaliter considerato, competunt; quod ab Aristotele tractatur, in 8. libris καὶ φυσικῆς ἀποδείξεως. In altera agendum de omnibus speciebus corporis naturalis; quod Aristoteles in omnibus reliquis libris Physicis præstat. Nec hæc diuisio ratione caret. Corpus enim naturale *tribus* modis accipitur. 1. pro solo communi genere, in se considerato, absque omni specierum consideratione. 2. pro sola specierum collectione. 3. pro utroque simul, & pro communi genere, & pro collectione omnium specierum. Nec enim corpora naturalia tantum debent considerari secundum proprias affectiones, sed etiam iuxta communes: Nec communes affectiones generis sunt tribuendæ speciebus, nec contra, quæ specierum propriæ sunt, de genere demonstrandæ. Primo igitur modo acceptum corpus naturale, est subiectum partis communis; secundo, propriæ; tertio, totius scientiæ.

Diuisio Physicæ in partem communem & propriam.

Corpus naturale quot modis accipiat.

Agendum itaque in Physicis primò de corpore naturali in genere, eiusque principia & communes affectiones, quæ omnibus corporibus, quatenus naturalia corpora sunt, competunt, considerandæ. Hinc ad species corporis naturalis descendendum. Cumque corpus naturale sit duplex, simplex & mistum: præcedat tractatio de corpore naturali simplici, eiusque speciebus, Cælo & Elementis, seu de mundo, quatenus est omnium simplicium corporum congeries. Corporum simplicium explicationem sequatur doctrina de corpore misto; primò quidem in genere, vbi eius principia, quæ sunt quatuor Elementa, & generales affectiones, explicanda. Dicendum proinde hîc de Elementis, ipsorumque qualitatibus, de actione, mitione, generatione, & corruptione. Mista cum sint duplicia, perfectè & imperfectè mista: priore loco imperfectè mista considerantur; posteriore perfectæ. Et cum perfectè mista sint vel similia, vel dissimilia: primò suscipienda tractatio corporis perfectè misti homogenei; quod fit ab Aristotele, in 4. *meteor.* Huius deinde species explicandæ sunt, fossilia, metalla, & similes partes omnes, quæ plantas & animalia constituunt. Agendum itaque hîc de fossilibus & metallis. Nam reliqua mista similia, quia per se non existunt in rerum natura, sed ideo tantum sunt, ut animalia & plantas constituent, non alio etiam loco, quam quod de plantis & animalibus differitur, de iis agendum fuit. Atque huc usque extendi potest Scientiæ Naturalis pars, quæ tractat de iis, quæ animatis & inanimatis communia sunt. Vltimo loco de iis agendum restat, quæ propriè tantum animatis conueniunt: & sic tota naturalis Philosophia plantarum & animantium explicatione concludenda.

C A P V T III.

De Principiis Rerum naturalium.

Cum autem, monente Aristotele, omnis scientia quæ principia habet, primùm de iis agere debeat, etiam in physicis, ut corporis naturalis exactam cognitionem assequamur, primùm de eius principiis

Principium & causa an & quomodo differant.

cipiis dispiciendum est. Etsi verò duæ hæ voces, *Principium & Causa*, sæpe confundantur: tamen apud Philosophos discrimen quoddam inter eas reperitur. Principium enim latius ferè patet, quàm causa. Nam *Principium* omne id dicitur, ex quo veluti primo res aliqua est, vel fit, vel cognoscitur: Vt verò aliquid sit *causa*, opus est, vt ab illa suam essentiam accipiat, ab eaque dependeat. Atque sic omnis quidem causa est principium, sed non omne principium causa. Terminus enim, vnde viam quis ingreditur, & punctum, vnde fluit linea, sunt principium vitæ & lineæ, sed non causa. Sed variis Principij significationibus missis, de eo iam, vt ad rerum naturalium constitutionem & generationem concurrat, agamus. In qua significatione ab Aristotele, *lib. 1. Physic. text. 44. cap. 5.* Principia sic definiuntur: *Principia sunt, quæ neque ex aliis sunt, neque ex se mutuo, sed ex quibus omnia.* Principia autem hoc modo accepta etsi realem aliquam distinctionem non habent: tamen ab officio diuerso, quod in rerum naturâ præstant, dicuntur alia constitutiva, quod essentiam corporis naturalis ita ingrediuntur, vt iis illud constituatur, absoluanturque; alia transmutatiua, quæ generationum & mutationum, quæ in corporibus naturalibus fiunt, causæ sunt autem *tres* Principiorum Physicorum conditiones. *Prima*, vt non sint ex aliis. Si enim ex aliis constituerentur, ex alterius naturæ principiis suam essentiam acciperent, & sic ipsa non essent principia. *Secunda*, vt vnum eorum non sit. Si enim eorum vnum alterum constitueret, atque eiusdem essentiæ pars esset, neque prima, neque simplicia essent. *Tertia*, vt omnes res naturales ex ipsis fiant, ipsisque suam essentiam acceptam ferant.

Principiorum
numerus ter-
narius.

De Numero verò Principiorum variæ antiquorum, non tantum opiniones, sed etiam somnia fuere: quæ cum ab Aristotele, *1. Physic. prolixè* refutentur, & plurimæ iam euauerint; imò de aliquarum sententia non satis constet: omnes eas opiniones hîc omittemus, & saltem Aristotelis, qui *tria* rerum naturalium principia: *Materiam, Formam & Priuationem* statuit, vt veritati consentaneam, explicandam suscipimus.

Hoc tamen præmittendum est, dum hæc tria principia statuimus, nos vnicum illud rerum omnium primum Principium, Deum æternum, immortalem, totum, vnum, indiuisibilem, à quo, & in quo sunt omnia, non excludere; sed proxima tantum rerum naturalium principia inquirere. Nam nec Aristoteles omnia à Deo Opt. Max, pendere negauit, quod patet ex *lib. 1. Metaph. cap. 2.* vbi scribit: *ὅτι γὰρ θεὸς δὸ καὶ τὸ ἀπὸ τοῦ πᾶσι ἐστὶ καὶ ἀρχή.* Deus etenim tum causa omnibus esse videtur, tum quoddam principium; & *sect. 30. prob. 5.* *ὁ θεὸς ὁργανὰ ἐν ἑαυτοῖς ἡμῖν δέδωκε δύο, ἐν οἷς χρὴσόμεθα τοῖς ἐν τοῖς ὁργανοῖς: σῶματι μὲν χεῖρα, ψυχῇ δὲ νοῦν, Deus nobis duo instrumenta inseruit, quorum operâ instrumentis extraneis uti valeremus: manum inquam, corpori dedit, animo mentem.*

Principiorum autem naturalium numerum inuestigaturi, hinc sumamus exordium. *Tavavtia*, id est, *contraria esse rerum principia*: quod & omnes antiqui concedere videntur, & res ipsa suadet. Nam principia dicuntur, quæ neque ex se mutuo sunt, neque ex aliis, sed ex quibus omnia. Talia autem sunt prima contraria. Cum enim sint prima, ex aliis non sunt: quia contraria, ex se inuicem non fiunt. Nam contrarium in sui contrarij substantiam nunquam transire potest: Præterea ipsa experientia testatur, omnium eorum quæ sunt, non quodlibet in quoduis agere, neque à quouis pati, neque à quouis quiduis fieri, nisi ex accidente, sed vnumquodque in contrarium agere, & à contrario pati, ex contrario fieri, & in contrarium dissolui, seu, vt Gal. lo-

quitur, *1. de temp. cap. 2.* Omnis mutatio fit à contrario, & ex contrario, in contrarium.

Cum itaque rerum principia sint *ταυαυτία*, plura erunt, quàm vnum: *ὅτι ἂν ἐν ταῖς ἐναντίαις*, atque vnum sibi met contrarium esse non potest: *1. Physic. cap. 6. 1. 30.* Neque tamen etiam infinita. Tolleretur enim rerum naturalium scientia, quæ à principiorum suorum cognitione dependet: & natura ipsa infinitum abhorret. Deinde, cum in vnoquoque genere sit vna prima contrarietas; vnius autem contrarietatis duo extrema: etiam in substantia contraria non infinita, sed duo illa prima extrema principia statuenda.

Duo itaque prima contraria principia satis sunt: *vnum*, à quo fit recessus, & terminus à quo: *alterum*, ad quod fit progressus, seu terminus ad quem. Contraria tamen hæc sola non sufficiunt ad rei constitutionem. Nam sicut contrarium suum contrarium non efficit: ita sola per se substantiam constituere nequeunt. Contrarium enim, quod inducitur, in eo quod expellitur, recipi non potest; cum contraria sibi mutuo repugnent, & in fine motus, contrarium, quod expellitur, de nat esse. *Tertium* igitur addendum est rerum principium, quod nulli duorum sit contrarium, & quod modo cum vno vnam rem constituat naturalem; modo cum altero alteram, & quod eorum contrariorum per vices sit subiectum. Cum enim in omni mutatione subiectum requiratur (accidens enim sine subiecto esse non potest) vt Aristot. *1. Physic. cap. 7.* inductione ostendit; quodque in accidentium mutatione præcipuè elucet, in qua accidentalis formæ abolitæ & genitæ commune subiectum esse videmus: & nullum è contrario in contrarium fieri progressum sine communi aliquâ substratâ materia manifestum sit: Idem etiam in substantiali mutatione, quæ in corpore naturali contingit, asserendum est.

Atque hæc tria principia sufficiunt. Nam & vnum subiectum satis est ad patiendum: *Duo* autem contraria ad agendum. *Vnum* enim contrarium potest corrumpere suum contrarium. Sunt itaque principia *partim* contraria, quæ *Forma & Priuatio* appellantur: *partim* non contraria. Subiectum enim, quod appellamus *Materiam*, ad omnes formas recipiendas est aptum. Suntque omnia tria ad *generationem*, quæ nihil aliud est, nisi progressio à priuatione formæ in materia ad nouam formam acquirendam, necessaria: quodlibet tamen peculiari ratione. Forma nimirum, vt terminus ad quem; Priuatio, vt terminus à quo: Materia, vt subiectum mutationis. Ad rei tamen *constitutionem* duo tantum sunt principia necessaria; Materia & Forma. Priuatio enim, præterquam quod non est Substantia, cum formæ sit contraria, cum ea consistere nequit. Hinc Simplicius, in *1. Physic.* ait. Principia rerum naturalium quærere, aliud est ab inquisitione principiorum mutationis; quia rerum naturalium priuatio est causa per accidens: mutationis autem priuatio est causa per se.

Postquam generaliter de rerum naturalium principiis hæc dicta sunt, ad specialem cuiusque translationem accedamus. Et *Materiam primam* quod attinet, etsi eam in rerum naturâ dari supra probatum sit; eamque dari, si nihil aliud, quantitas corporum naturalium omnium docet. Nam cum formæ per se quantæ non sint, res omnes naturales quæ quantæ sunt, per materiam quantæ sunt, & materia primum & commune quantitatis subiectum est. Solet tamen etiam eadem vulgò probari hoc modo: Quicquid fit, fit vel ex nihilo simpliciter: vel ex aliquo. Non prius. Idem enim est creationis, non generationis. Ergo posterius. At verò illud, ex quo res generatur, vel est tantum forma, vel totum

Materia pri-
ma an detur.

compositum, vel aliquid præter hæc. Non duo priora. Nam in nouæ rei generatione forma prior interit. Ergo adhuc aliquid præter formam in re illa ex qua noua substantia generatur, subest, id est, Materia, quæ habet priuationem rei, quæ gignitur, & quæ tam formam, quam iam actu possidet, quam illam, quæ priori abolitâ introducit, recipere apta nata est. *Subiectum autem hoc primum esse*, nec ab alio dependere, *ita probatur*: Quæcunque mutantur, commune habent subiectum. Omnia hæc sublunaria inuicem transmutantur; Si non omnia immediatè, tamen mediatè. Res enim se mutuo contrariis qualitatibus oppugnant, alterant, & de naturali statu deiiciunt. Ergo omnia habent commune subiectum. Si enim esset ex alio, non omnibus mutationibus subiiceretur: Et si non esset commune, non omnia transmutari possent.

Doctrina de materia prima obscura est, cognitumque difficillima.

Quæ verò materia sit essentia, inuestigare difficilimum est, & directâ cognitione vix perspicui potest. Vt enim essentialis mutatio, per quam materiam dari demonstratur, ex mutatione accidentali per analogiam cognita fuit: ita etiam per analogiam & spuriam quandam, vt Plato ait, cognitionem & inspectionem, in materiæ notitiam deuenimus. Ex cognitione enim sensilis materiæ ad insensilis cognitionem deducimur: atque ita se habet materia ad formam naturalem, sicut æs vel lignum ad formam Mercurij, vel alterius statuae. Quemadmodum enim æs, vel lignum quatenus æs vel lignum, in se actu nullam formam artificialem possidet; potentia tamen omnes recipiendi prædita est: ita materia prima in se nullam definitam, & specificam formam naturalem habet: apta tamen est omnes recipere. Etsi in eo differunt, quod materia artificialis est corpus per se existens & perfectum: Materia verò per se non existit sine formâ.

Materia duobus modis consideratur.

Duobus autem modis materia consideratur: uno absolute, vt est Ens, vel substantia quædam: altero respectiue, vt est rerum naturalium principium. *Priori modo* ipsi attribuimus negationem omnium formarum & qualitarum, & dimensionem, ac quantitatem & potentiam recipiendi omnes formas indistinctè concedimus; in qua notione Aristoteles, *lib. 6. Metaphys. cap. 3. t. 8.* eam per negationem omnium rerum describit. *In secunda notione* potentiam recipiendi formas particulares & priuationem ipsi attribuimus; in qua significatione Aristot. *lib. 1. Physic. c. 9. t. 82.* eam definit; quod sit *subiectum primum vniuscuiusque ex quo aliquid fit, cum insit, non ex accidenti, & in quod, si quid corrumpitur, redit.*

Definitio Materia.

Materia prima non est Ens rationis.

Etsi verò in prima notione difficillimè cognosci potest, propter debilem & obscuram eius Entitatem, quâ prope ad non Ens accedere videtur, & omnium Entium est infimum: non tamen cogitandum est, eam tantum Ens rationis esse, & merum rationis nostræ figmentum. Est enim omnino Ens reale, & quidem substantia, vt patet ex *1. Physic. cap. 6. t. 52. cap. 9. t. 79. 2. de anima, cap. 1. t. 2. 7. Metaph. cap. 2. t. 7.* Nam ex eâ & formâ omnes substantiæ naturales componuntur; eadèque est subiectum generationis, & formas recipit; ipsaque in alio non est. Per substantiam autem hîc non intelligimus substantiam compositam, quæ propriè appellatur substantia: sed Ens ab accidente distinctum, eique oppositum: quod duplex est: *unum* actu, quale est forma: *alterum* potestate, quale est materia. Nec verò est substantia incorporea, sed corporea. Nam cum ex ea & forma omnia corpora composita constent, si vtrique esset incorporea, ex incorporeis exurgeret compositum corporeum: quod est absurdum. Præterea, cum corpus de Categoria Quantitatis semper præsupponat corpus de Categoria substantiæ: neque corpus de prædicamento Quantitatis possit existere sine corpore

de prædicamento substantiæ, neque hoc sine illo: Corpus autem de categoria Quantitatis, vt dicitur, proximè inhæreat materiæ primæ, omninoque ab ipsâ dependeat: ea certè erit corpus ad prædicamentum Substantiæ pertinens. Atque hanc suam essentiam ex se habet materia prima, & vt inquit *Scalig. exerc. 5.* Materia per essentiam sibi propriam est id, quod est: & *exercit. 17.* Materiæ est sua quidditas, quâ est aliquid, & aliud ab aliis.

Etsi verò Materia sibi propriam Essentiam & Entitatem habet, quâ à forma quiddam diuersum est: *existentiam* tamen per se nullam habet; quæ propriè est tantum compositi, cui à forma ea aduenit: quam cum materia non habeat, (quod eius, vt sic dicam indeterminatio testatur) etiam actu eam existere, quod effectus formæ est, per se dici non potest, sed per solam formam, quæ ipsam determinat, perficit, & facit esse hoc aliquid. Materia itaque tota potentia est, id est, substantia quædam imperfecta, indeterminata, & rudimentum omnium specierum naturalium, perfectionemque omnem suam atque omnes qualitates à forma recipiens.

Hoc tamen ita intelligendum. Non quod materia in potentia sit ad suum esse, quod ipsa sibi est per suam essentiam; sed ad esse hoc tale, vt inquit *Scalig. exerc. 17.* Neque dicitur *ἄπειρον* quod nullam qualitatem habeat, sed quod omnis forma & qualitas, quæ ei insunt, sint extra & præter eius essentiam. Est enim vt *Scal. ait, exerc. 61.* Materia prima vnum indiuiduum, sicuti, verbi gratia, ceræ massa, cuius pars alia candelæ formam gerit; pars simulacri; alia pilæ; alia tessera; potestque massa illa tam hanc, quam illam Formam habere, nullamque sibi peculiariter vendicat, vt aliquam tamen semper habeat, necesse est. Nec enim materia à Deo fuit creata, vt res & species quædam definita ac distincta rei naturalis, sed est potius rebus naturalibus concreta, & vt dictum, est quasi rudimentum, inchoamentum & pars omnium rerum naturalium, neque per aliquod tempus absque formâ extitit, sed solum sub illâ.

Naturam materiæ propriè insequitur *Quantitas*, ipsique coæva est, & nec re, nec cogitatione ab eâ separari potest. *Quantitas* tamen interminata tantum. Nam terminata, nec solam formam, nec solam materiam insequitur, sed vtramque. Ipsa quidem quantitas per se à materia emanat (propter eam enim omnia quanta dicuntur: eadem etiam est Subiectum mutationum omnium. Omne autem quod mutatur, diuisibile, *6. Physic. cap. 3. t. 36.*) Non à forma; hæc enim per se nec quanta est, nec diuidua; sed extenditur, & quanta dicitur tantum ad extensionem & quantitatem materiæ. Certi verò termini tum externi, vt figura; tum interni, vt certa quantitatis species, à forma proficiscuntur. Vt enim ipsa materiæ naturam coarctat, & ad aliquam peculiarem & definitam rei naturalis speciem contrahit & adstringit: ita eiusdem quantitatem coarctat, & ipsi vel hanc, vel illam quantitatis speciem & figuram imprimit. Dum verò dicimus, materiam interminatam esse, non ita à nobis hoc dici quisquam accipiat, quod sit, vel fuerit aliquando sine certis terminis. Neque etiam id dicitur respectu formæ introducendæ, qua ratione semen bouis, si respicias terminos, quos à bouis formâ accipiet, interminatum aliquid appellari posset; sed respectu omnium terminorum, quos à quacunque formâ vel habet, vel habere potest. Nam sicut materia, secundum se considerata, informis prorsus est; omnes tamen formas recipit, neque vnquam sine forma est: ita etiam quantitas & dimensio materiæ, quæ eius essentiam insequitur, per se nullum certum & definitum habet terminum & figuram; omnes tamen recipere apta nata est, neque vnquam inuenitur sine aliquâ

Materia prima existentiam nullam habet per se.

Materia prima est interminata.

aliquâ figurâ & dimensione definitâ. Atque ita dimensiones interminatæ & potentiales insunt substantiæ corporeæ, indeterminatæ & potentiâli, qualis est materia: actuales verò & definitæ, corpori definito & perfecto.

1.
Potentia materia duplex.
Uniuersalis.

Ex eadem materiæ natura emanat *Potentia*, quæ est aptitudo recipiendi omnes formas, estque duplex: *Uniuersalis* & *particularis*. *Uniuersalis* est aptitudo & propensio materiæ ad omnes formas indistinctè suscipiendas & æquè vtrumque oppositum respicit, tam formam, quàm priuationem, id est, æquè omnes formas. Nam materia priuationem, propriè loquendo, non appetit, vt priuationem, sed vt alteram formam, & priuatio non appetitur, sed illa forma, quæ ei annexa est. *Et hæc potentia dicitur prima*, indeterminata, & appetitus materiæ, qui nil aliud est, quàm eiusdem materiæ ad recipiendam quamcunque formam inclinatio. Non enim rectè dicitur, materiam, dum hac formâ est prædita, appetere aliam; nec mutationes, quæ fiunt, fiunt ob materiam, sed ob formas contrarias, neque vllus in materia est appetitus mutationis, sed perfectionis tantum. Perficitur autem sub qualibet forma quælibet pars, & tota ab omnibus, vt *Scalig.* inquit, *exerc.* 61.

Potentia autem hæc uniuersalis non est ipsa materiæ primæ, primo modo acceptæ, essentia; sed tantum accidens & proprietas quædam naturalis eius essentiam consequens. Nullum autem accidens de essentia est substantiæ. Etsi verò interdum appellatur potentia: tamen per hanc vocem non qualitas, sed substantia eius, quæ imperfecta est, & quasi non completa, debilemque Entitatem habet, denotatur: vel etiam potentia dici potest pro substantia potente; sumiturque hoc modo potentia loco differentiæ ad declarandam obscuram eius essentiam, & quæ non facile intelligi potest. Quanquam etiam materia in prima notione dicitur *ἁπλοῦς*: tamen in ea dari aliquam qualitatem concedi potest; sed talem, quæ nullam materiæ restrictionem & determinationem faciat, eamque ad certam & specificam naturam non restringat, qualis est potentia uniuersalis. Cum enim ideo materia dicatur libera ab omnibus qualitatibus & formis, vt omnes recipere possit: hæc autem potentia uniuersalis omnium formarum & qualitatum receptionem non tantum non impediat, sed adiuuet: Materiæ ea adimenda non est. Atque hæc potentia est materiæ coæua, & ab ea inseparabilis. Materia enim cum ob potentiam uniuersalem habeat aptitudinem recipiendi omnes formas; quotidie autem, ob contraria agentia, aliquæ formæ intereant: nunquam etiam hic eius appetitus expleri potest, & vnâ abeunte formâ, cupit perfici per aliam. Eadem tamen potentia uniuersalis de materiæ, secundo modo acceptæ, quasi essentia est. Quatenus enim materia principium passiuum est, potentia veluti eius forma est. Ideo materia principium materiale dicitur, quia habet potentiam patiendi.

2.
Particularis.

Potentia verò *Particularis* est, quâ materia vnâ & definitam formam respicit: & hæc essentiam materiæ non consequitur, sed ei communicatur ab agente, seu forma & qualitatibus, quæ eam, ad hanc vel illam formam recipiendam, determinant & idoneam reddunt. Sic materia prima, prædita formâ seminis canini, habet potentiam particularem nullam aliam, quàm formam canis recipiendi. Hæc potentia est accidentalis materiæ, siue in prima siue in secunda notione accipiatur & ab eâ separabilis. Adueniente enim actu, perit; ideoque nec eius essentiam constituit, nec etiam, tanquam accidens essentiale, eam consequitur: Nam materia, & vt Ens, & vt principium rerum, sine ea subsistit. Antequam enim hanc particularem formam, verbi gratia, leonis ad quam

particularis potentia dirigit, recipit, actu fuit materia, & cum eam deposuerit, actu etiam erit. Itaque cum determinata & particularis hæc potentia vna non sit, sed multæ, pro formarum varietate; & sine qualibet materia existere queat: nulla eius essentiam constituet, vel eam propriè insequetur: nihil præterea definiti & determinati eius essentiam constituet, vel ab eadem dependebit. Ipsa quidem potentia, quatenus potentia est, ex essentia materiæ proximè dependet, & eius accidens essentiale est: sed quatenus est definita & hanc peculiarem formam respicit, non est à materia, sed ab agente & formâ præsentē, quæ formæ introducendæ priuatio est. Ideoque materiæ coæua non est, sed ab ea, vt dictum, actu adueniente, separatur. Particularis hæc potentia tantum actu opponitur, vt priuatio habitui: Uniuersalis eidem non opponitur. Ea enim aliquam peculiarem formam non respicit: sed infinitam earum multitudinem.

Atque hæc Peripateticorum de materia prima doctrina est: non aliena tamen à Platoniorum dogmatibus, vt videre est apud Alcinoum, in lib. de doctrina Platonis, cap. 8. vbi hæc leguntur: *Materiam omnium, inquit, receptaculum, nutricem, matrem, locum, subiectumque nominat*, (Plato scilicet) *eamque asserit sine sensu tangi, & adulterinâ ratiocinatione comprehendere, ac nutricis instar eas fouere, omnes item formas capere; cum ipsa suapte natura omnis forma, qualitatis, & speciei sit expers. Conspergam præterea illam & figuratam formis, velut effigiem, asserit, nullius per se figuræ qualitatisve participem. Neque verò subiectum esset ad varias formarum impressiones commodè preparatum, nisi qualitate omni, quam suscepturum est, penitus careat. Videmus enim eos, qui unguenta ex oleo odore suauia conficere student, oleum nullo prorsus odore infectum querere: eosque, qui formas impressuri sunt ceræ, vel luto, primum materiam ipsam polire penitus, atque lenire, donec figura pristina deleantur. Conuenit namque uniuersali materiæ, si modò omnes formas susceptura sit, nullam istarum habere naturam, sed absque qualitate omni, atque specie subiici speciebus. Et cum huiusmodi sit, neque corpus erit, neque etiam corporea, sed potentia corpus, quemadmodum as potentia statua, quoniam speciem suscipiens, statua fiet.*

Alterum generationis principium est *Priuatio*: Vt, quid hæc sit, sciatur, quomodo à negatione, differat, videndum. Negatio enim latius patet, quàm priuatio, tribuiturque Materiæ in prima notione acceptæ, & uniuersalem omnium formarum & qualitatum in materia absentiam denotat. Talis autem priuatio non est: (non enim vna priuatio omnibus formis opponitur, sed cuiuslibet propria) verum competit materiæ in secunda notione acceptæ, semperque alias qualitates præsupponit; & necessariò coniuncta est cum quadam forma, formam, quæ introducenda est, proximè antecedente. Hinc *Themistius* in poster. scribit: *Priuatio est negatio in subiecto determinato: & Alexand. de Ales. 5. Metaphys. 1. 27.* Priuatio de sua essentia requirit negationem formæ, & habilitatem ad illam. Quod idem affirmat *Scalig. exerc.* 18. Priuatio, inquit, videtur habere Entis cuiuspiam rationem. Idem enim quodammodo cum eo est habitu, qui contrarius est habitui, cuius est priuatio. Itaque, vt *Zabarella* ait: Priuatio formaliter est absentia formæ; & est nihil, opponiturque formæ solum priuatiuè, sed quatenus eam semper comitatur alia forma; à qua priuatio eius rei propriè appellatur, quiddam positium contrarium.

Colligimus proinde ex his; *Priuationem* esse absentiam formæ in materia, proximam ad eam recipiendam potentiam obtinente.

Non est autem priuatio de essentia materiæ, sed accidens,

Priuatio & negatio quomodo differant.

Priuatio quid? Nō est de essentia materiæ.

accidens, materiæ, in secunda notione acceptæ, necessarium, non quidem simpliciter, sed propter generationem. Concurrit enim cum aliis principiis ad rei generationem, estque in generatione tanquam terminus à quo. Nam quod generatur, antea non existit; esse tamen potuit: & in generatione non esse præcedit ipsum esse: Atque ob id dicitur tertium principium à materia essentialiter distinctum: & alio modo ad generationem concurrit materia, alio priuatio.

Tertium rerum naturalium Principium Formam (quæ Græcis dicitur μορφή, εἶδος, λόγος, ἐντελέχεια, τὸ τί ἦν εἶναι; vt Scaliger *Exerc.* 80. *sect.* 3. scribit,) statuimus, quod, quia omnium præstantissimum, diligentiorum etiam considerationem requirit. Dari aliquid præter materiam in rebus, quod nomine Formæ appellatur, omnes ferè concedunt, & distinctè affectiones, vires atque operationes eas dari, & à materiâ diuersas esse satis docent. Quid tamen id sit, an substantia aliqua, vel saltem accidens, non omnes consentiunt. Nam & olim Philosophi nonnulli reperti sunt, nec hodie nulli reperiuntur, qui formam nullam substantialem in materia inesse censent, sed formas rerum tantum accidentia esse statuunt.

Verum enim verò verior est sententia, quæ in quavis re naturali, præter materiam, dari formam aliquam substantialem, quæ prior sit natura omnibus accidentibus & communibus & propriis, statuit. Nam partes substantiæ ipsæ etiam sunt substantiæ. Et si res tantum à materia constarent, omnium eadem esset essentia & operatio, & nulla vera inter eas distinctio. Etenim ab accidentibus vera essentia & operationum diuersitas distinctioque peti non potest. Actus enim & perfectio essentialis rei, vnde sumitur differentia, ad idem genus pertinet, in quo res ipsa ponitur: Vel vt ait Toletus: Nullum imperfectum in aliquo genere, perficitur in illo genere, nisi per aliquid illius generis. Materia ergo cum sit imperfecta substantia, & perficiatur in composito; per aliam substantiam, formam scilicet, perficietur. Præterea, ipsa diuersitas accidentium & operationum vndenam est? Cur ignis non frigidus, sed calidus? Non ob materiam: hæc enim nihil agit, nullamque distinctionem parit, sed est planè ἀπὸ τοῦ. Igitur quid nobilius accidente, præsupponendum est. Denique si forma esset accidens, nulla rerum daretur generatio, sed saltem alteratio.

Forma igitur substantia est per se; & quidem incorporea, per se omnis quantitatis, dimensionis & diuisionis expers, eiusque essentia consistit in indiuisibili, neque recipit magis & minus ratione essentia suæ, & vbicumque est, ibi tota est, habetque se sicut numeri, quorum formalis ratio in indiuisibili consistit. Fit autem quanta per accidens, quatenus nimirum in materia inhæret, ad cuius extensionem & diuisionem extenditur, & fit diuisibilis. Ita aqua potest diuidi in guttas multas, & massa auri in grana, vbi diuiso toto forma simul diuiditur, non secundum essentiam (est enim forma aquæ in guttâ, & in grano auri, quæ in integrâ massâ,) sed ratione extensionis.

Sicut enim materia, ita forma non per se est perfecta, vel speciem aliquam naturalis Entis constituit, sed vnâ cum materiâ ad constituendum compositum concurrit. Quapropter nec materia, nec forma omnia ea, quæ ad constituendum compositum requiruntur, ex se habet, sed vtraque alterius ope eget, mutuamque sibi præstant operam: forma eget materiâ sustinente; vnde à nonnullis materia principium formæ subiectiuum appellatur, à qua in fieri & in conseruari forma dependet: Materia vero à forma perficitur, & ab ea actum suamque per-

fectionem obtinet; vnde nonnulli formam appellant Principium formale materiæ; non quod ipsi essentiam præstet, sed quod eam perficiat. Tota itaque ratio Formæ in eo sita est, vt per realem cum materia coniunctionem, eam sibi propriâ perfectione perficiat, atque sic cum ea compositum constituat. Vnde ab Aristotele, 2. *Physic. cap.* 3. *v.* 28. definitur, quod sit ὁ λόγος, ὁ τοῦ τί ἦν εἶναι, & 6. *Metaph. cap.* 8. εἶδος ὃ λέγεται τὸ τί ἦν εἶναι καὶ τὸ πρῶτον εἶναι: & *Metaph. sic. cap.* 11. ἡ εἶσα ὅτι τὸ εἶδος τὸ ἐνόν, ἐξ ἧς καὶ τὸ ὅλον ἢ σωλὸν λέγεται εἶσα. Est scilicet forma actus simplex substantialis, vnum per se cum materia constituens. Hæc enim est finis generationis; per hanc materia perficitur; hanc appetit; in hac acquiescit; ab hac omnia accidentia & actiones manant. Eadem enim est causa formalis corporis naturalis & accidentium.

Ex quibus patet, officium formæ esse materiam informare, & determinare certam speciem, atque ita dare esse specificum, & distinctionem ab aliis speciebus; deinde operationes omnes edere, ac perficere.

Est etiam forma omnis sui multiplicatiua, in rebus scilicet generationi & corruptioni obnoxiiis, & cum indiuidua non sint perpetua, vt species conseruentur, Deus Opt. Max. in primâ creatione benedixit, iussitque vt sese multiplicarent, quæ multiplicatio à formis specificis proficiscitur.

Vt tamen hæc, quæ de naturâ formæ diximus, clariora fiant, distinguendum omnino est, primò inter Esse formæ absolutum, quod actum Entitatum nominant, & inter Esse respectiuum, seu actum formalem. Absolutum enim Esse formæ est, quod est substantia à materiâ diuersa; Esse verò respectiuum, seu formale est, quo forma materiam informat, eamque actuat, vt certam speciem constituat. Deinde in formâ hoc posteriore modo consideratâ distinguendum est inter ipsam essentiam formæ, seu actum primum, & eius operationem, seu actum secundum. Essentiam suam, seu actum primum forma semper habet: ab operationibus verò cessare potest. Ita tempore hyberno forma æquè integra & perfecta est in plantis, easque informat, ac tempore verno & æstiuo: interim tamen nec folia, nec flores, nec fructus eo tempore producit.

Tertiò & hoc notandum, quod forma potest alicubi esse essentialiter solum, alicubi etiam formaliter. Essentialiter est, vbicumque est: Formaliter verò in eâ materiâ, quam proximè informat, ita vt informando speciem constituat. Ita formæ elementorum in elementis sunt & essentialiter & formaliter, & à formis suis habent Elementa actum suum, ab aliis distinctionem, & operationem. At in aliis corporibus, quæ ex elementis constant, & quæ ab aliâ formâ specificâ informantur & actuantur, tantum sunt essentialiter, & rationem materiæ habent. Atque ita vnius rei tantum est vnica forma specifica. Vnde cum dicitur, forma dat esse rei, id intelligendum est, quod sit præcipua totius essentia pars, & materiæ perfectionem det, reique esse formale & specificum largiatur.

De formarum vero origine maxima apud Philosophos est controuersia, quæ præstantissimos eorum exercuit, nec adhuc satis decusum videtur, vnde formæ suam habeant originem. Etsi enim Aristoteles eiusque interpretes dicant, neque materiam, neque formam, sed compositum generari: non ea tamen eorum mens est, vel simul & materiam & formam generari, (Materia enim ingenerabilis est) vel aliquid tertium ab his produci: sed id significant: Formam non produci seorsim à materia & extra eam, & postquam ita seorsim producta fuerit, cum ea coniungi; sed produci in materia, & cum

Formatum origo.

Forma substantia est incorporea per se.

ea copulari. Compositum enim nihil est, quàm materia cum formâ coniuncta. Quapropter formam aliquo modo fieri concedendum, quatenus est terminus ad quem generationis.

Vnde proueniant forma. Hoc dato videndum, *vnde forma originem habeant.* Si è Peripatetico (missis iam hac de re Anaxagoræ, Platonis & Auicennæ opinionibus) quæras, vnde formæ proueniant? Respondebit: Educi è potentia materiæ. Audio verba equidem, vt Scalig. *exerc. 61.* verbis vtat, quod meum pectus exsaturet, audire aueo: ac nihil audio. Quamuis enim phrasis hæc apud multos sat trita sit: à paucis tamen, quid per eam intelligi debeat, sat explicatur. Qui tamen optimè sentire videntur, ita sentiunt: Formas (exceptâ tamen anima humana) educi è potentia materiæ, nihil aliud est, quàm formas in subiecto, potentiam habente naturalem ad illas, & tempore & naturâ præexistente, ita fieri, vt & ratione conseruationis, & operationis sic ab eo dependeant, vt extra id nec fieri nec conseruari, nec operari possint. Forma enim, quæ educitur, non extra materiam primò seorsim producit, & postea extrinsecus materiæ adiungitur, sed in materia producit. Atque ita *duo* requiruntur ad educationem: *primum*, vt subiectum naturalem potentiam ad formam habeat: *alterum*, vt forma, quæ educitur, à materia & in fieri & in conseruari pendeat, id est, vt sine subiecti ope, & extra illud nec produci, nec permanere, nec agere possit. Atque ita omnes formæ naturales, exceptâ humanâ, à materia ita pendent, vt sine illa, & extra illam esse non possint.

An forma in materia ex nihilo fiat. Sed si quis hîc non acquiescat, & vltius instet, atque illud, quod dicitur: Formam educi è potentia materiæ nihil aliud esse, quàm formam fieri in materia, non extra illam, verum esse concedat: quærat tamen; An in materia forma planè ex nihilo fiat, (quod sentire videtur Piccolomineus, *lib. 1. de creatione, cap. 7.* ita, vt agens nihil de sua essentia illi tribuat, præter solam actionem, seu ita vt agens ipsam formam non communicet, sed in materia essentialem determinationem & potentiam ad formam similem in actum deducat, faciatque vt materiæ potentia ad actum formalem prorumpat: An verò forma noua ex prioris alterius formæ essentia decidatur, difficilem mouebit quæstionem.

Forma origo vnde. Cum enim ex nihilo nihil fiat naturaliter, forma verò in materia sit, quæ antea non fuit, quæritur, vnde eius sit origo? Quàm hic interpretes Aristotelis se torqueant, passim cum ex aliorum scriptis, tum ex Toletis, *in 1. Phys. c. 9. quæst. 19. & 1. de gener. & corr. cap. 3. quæst. 2.* patet, vbi varias Peripateticorum hac de re sententias recenset. Primò enim quidam, quos refert Durandus, *2. sentent. d. 8.* statuebant, in materiâ præcedere quasdam Entitates, è quibus sint factæ postea formæ, singulæ è singulis, quas vocabant, possibilitates formarum. Secundò alij putant, partes formarum præcedere in materia, sed remissas valdè, postea generatione intendi, & ita quamlibet formam præcedere in materia sub esse remisso. Tertiò Albertus statuit, omnes formas in materia secundum essentiam præcedere, ita vt materia sit vt quidam habitus formas omnes secundum essentiam præhabens.

Verum agnoscit ipse Toletus absurditatem harum opinionum ideoque ipse statuit, & quidem rectè, nihil formæ præcedere in materia ante ipsius introductionem; idque rationibus firmis probat, quæ loco allegato videantur.

Alij vt has absurditates effugiant, causæ efficienti vim hanc tribuunt, & alij quidem cum Platone, Ideas formarum effectrices causas ponunt: eò posteriores animam mundi introduxerunt: Auicennas decimam quandam intelligentiam, quam suâ linguâ Cholcho-deam nominat, excogitauit, atque ei hoc officium

tribuit. Fernelius, cum aliis quibusdam, formarum effectricem causam cælum statuit. Verum hoc modo nec generatio erit vniuoca, & formam, cum non fuerit in materiâ, creari dicendum. Idipsum tamen aliis Peripateticis non placet. Vnde Piccolomineus, *lib. 2. de Prin. rer. natur. cap. ultim.* etsi concedat, formam ex parte sui fieri ex nihilo, quod nihil eius præcesserit; negat tamen creari, quia præsupponat subiectum, ex qua educatur. Verum Toletus, *in 1. de gen. & corr. cap. 3. quæst. 2.* hanc responsionem, quæ etiam Marsilij fuit, non satisfacere videt. Ideoque scribit: Hæc doctrina mihi non placet. Nam profectò si productio est ipsius formæ, cum nihil formæ præcesserit, dicitur creatio. Et reuera siue in materia, siue extra eam producat, si nihil eius præcesserit, erit creatio; quam agentibus naturalibus tribuendam non esse, ipsemet agnoscit.

Ipse igitur, vt ex difficultate istâ sese expediat, statuit: Id, quod primò generatur & corrumpitur, esse compositum; formam verò per se non produci, sed comproduci & consieri ad productionem compositi, & actionem primò terminari in ipsum compositum, consequenter, ac velut per accidens in formam.

Verum enim verò siue primò, siue secundò, siue consequenter, siue sola, siue cum composito fiat materia, nihilominus remanet quæstio integra; Vnde forma, quæ iam est in materia, & antea non fuit, habet suam essentiam; an præexistit in materia, an fiat materiæ in formam conuersione, an ex nihilo. Non enim si digitus fit cum manu, ideo non fit ex aliquo. Imò potius compositum consequenter & secundò fieri dicendum, quàm materiam. Vt enim dum ligna, lateres, calx & alia fiunt & componuntur, consequenter domus fit: ita compositum naturale, quod nihil aliud est, quàm materia & forma, fit, cum materia & forma fit. Cum autem materia non fiat, quid aliud fieri dicendum, quàm formam. Ideoque cum nec sibi, nec aliis se satisfacere animaduertet, & nihil formæ in materia præexistere, neque etiam vim creandi aliquid ex nihilo agentibus naturalibus tribui posse videret, tandem, *1. de gener. & corr. cap. 3. quæst. 2.* concludit: Fateor, virtutem hanc esse mirabilem, quæ participet aliquid virtutis creatiue: sed non est, cum semper circa subiecta opereatur. Est etiam virtus mirabilis materiæ, è cuius potentia educuntur, quæ actu non sunt. Verum enim verò non est mirabilis ista virtus, vtpotè quæ nulla est, sed mirabilis pertinacia illorum, qui è materia id, quod impossibile est, & neque in materia, neque in agentis potestate est, educi volunt. Plerique enim incertis principiis, quæ animos veritatis audios explere nequeunt, niti malunt, quàm apertam solidamque profiteri veritatem: Ideò forsan ne parùm Philosophi putentur esse: cum tamen procul dubio Aristoteles, si veram & primam formarum originem, ita vt nos nouimus, & mundi creationem cognitam perspectamque habuisset, in multis concinniqrem melioremque Physicam nobis reliquisset.

Nos ergò, quibus hæc ex S. Literis cognita sunt, omisissis illis opinionibus quæ vel è mari, vel à cælo, vel aliunde formas deducere conantur, statuamus: Formas ipsas, vt & materiam, in prima mundi origine, cum rebus ipsis creatas esse, vt ex iis res omnes naturales constarent: Et materiam primam quidem esse ingenerabilem; formarum verò beneficio omnem generationum vicissitudinem absolui, formasque esse alterum rerum naturalium principium, per quod hoc sunt, quod sunt, & hoc agunt, quod agere iussæ sunt; Per formas non solum res omnes naturales pro sua naturâ, hoc est, vt ipsis à Creatore præceptum est agere, sed & per easdem regi, conseruari, propagari. Iussit enim Deus, vt res naturales

non

non solum per suas formas existerent, sed etiam per easdem sese propagarent: & dum iussit, vim simul tribuit singulis, quâ quod iussa essent perficerent, seseque continuò multiplicarent. Quod Dei mandatum ante cœlum creatum (ne quis à cœlo formas deducat) editum exstat Gen. 1. vers. 11. 12. *Dixit Deus: Germinet terra germen, herbam producentem semen, arborem fructiferam edentem fructum secundum speciem suam, cui insit semen suum super terram; & ita fuit. Produxit enim terra germen, herbas sementantes semen suum in species suas, & arbores facientes fructus, in quibus semen suum in species suas.* Creatoris ergo iussui res naturales obtemperant, formaque omnes vi in prima creatione sibi inditâ gignunt sui promotione & propagatione; ipsæ nihilo secius integræ manentes; quod & in plantis & animalibus videre, quæ per semen generant. Hæc enim semen dando, dant aliquid de sua materia, & aliquid de sua forma. Nam semen plantæ dum in planta est, est quidem animatum animâ plantæ: dum verò ab ea deciditur porrio illa formæ, quæ in semine hæret, & vnâ cum materia seminis à planta separatur, in similem illi plantam, à qua prouenit, euadit. Idem fit in animalibus. Quapropter forma est in semine potestate; quia vt *Scalig. Ex. 6. sect. 5.* Semen est potens dare formam: educitur autem de potentia remota, qui est actus primus, ad potentiam propinquam, qui est actus secundus, vt forma sit in eadem materia ad eum modum qui nullis eget adminiculis & suo fine fruatur, ad quem comparatum est totum compositum: Quod fit, dum forma sibi suam materiam, haud secus atque domicilium, constituit, eam alterat, elaborat & disponit. Itaque dum ex semine fit animal, non forma in id primum inducitur, sed iam in ea existit, à generante communicata, & sese tantum, matricis calore fota, exserit; quæ potius, vt *Scalig. ibidem*, placet, eius quædam est emersio, quàmeductio. Summa: Hoc omnibus formis commune est, (et si aliis nobiliori, aliis inferiori gradu) vt sint sui multiplicatiuæ, incorporeæ, nullam ex se habeant dimensionem, vel quantitatem, neque ex sua natura occupent, sed repleant. Et si corpus alicuius animalis, vel plantæ, quantumlibet excrescere intelligamus, eadem tamen forma, nullo addito, totum illud replebit: Et si minuatur quantumlibet, ipsi nihil decedet, detraheturque. Verum hæc verbis *Scalig.* quæ exstant *Ex. 307. f. 29.* concludamus. *Materia potentia est, apta perfici: Forma actus perficere aptus. Ita videmus angustias intellectus humani, qui dicere ausus est sese comprehendere species substantiarum. Quin latet nos exquisita illa cognitio: Scilicet, quomodo ex duobus vnum fiat: Quomodo forma sit in toto, & in quacunque parte tota. Adeo diuina res forma est, vt cum sit substantia, aliam totam sui impleat substantiam ita, vt ex utraque fiat vnum. Quare ulterior disquisitio curiosi, atque satagentis animi est. Humana enim sapientia pars est, quædam æquo animo nescire velle.* Non tamen, quæ difficilia cognitu sunt, vt falsa repudiemus. ἀμυνταὶ γὰρ εἶσι (inquit Plato in Theæteto) οἱ ἐδὲν ἄλλο οἰόμενοι εἶναι, ἢ ἂν δυνάμει ἀπρὶξ τῶν χροσῶν λαβέσθαι, id est, profani sunt, qui nihil esse putant, nisi illud, quod manibus palpare & prehendere possunt.

CAPVT IV.

De Natura, & Causis.

Cum autem principia corporis naturalis essentialia duplex officium habeant, vnum vt essentiam eius constituent, alterum, vt in constituto iam certarum operationum autores & causæ sint: de priore, capite preced. actum; restat iam, vt etiam sub altero officio considerentur, cuius respectu Na-

tura dici solet. Variæ equidem sunt Naturæ significationes, quas videre est apud Aristotelem, *lib. 5. Metaph. cap. 4.* Pererium *lib. 7. Physic. cap. 1.* Piccol. *lib. 2. Physic. pag. 249.* Fonsecam *5. Metaphys. cap. 4. quæst. 1. lib. 2.* Aliquas saltem, quæ huc nonnihil facere videntur, in medium afferemus. Et primò quidem Naturam nonnulli ipsum Deum nominant. Deinde Naturam alij accipiunt pro causis secundis; quo in sensu ipsam Scaliger, *Ex. 188. & 359. f. 11.* definire videtur, quòd sit ordinaria Dei potestas. Tertio, Natura totam rerum vniuersitatem significat. Quarto, Natura sumitur pro essentia cuiusque rei: in qua significatione etiam rerum à materia separatarum, vt Dei & Angelorum, Naturam, id est, essentiam, esse dicimus. Quinto, Naturale opponitur voluntario, vt id, quod sine deliberatione agit, naturale dicatur, quod cum deliberatione, voluntarium. Strictius adhuc Naturale opponitur animato, sumiturque Natura pro facultate opposita facultati cognoscenti. Cum enim facultas cognoscens vtramque oppositionis partem respiciat, & tam ad hoc, quàm ad illud contrarium agendum sit apta: Natura contra dicitur, quæ alterum contrarium respicit, & ad id tantum determinata est. Tandem tamen, medio quodam inter has posteriores significationes modo, Natura dicitur internum actionis & mutationis principium; nihilque aliud est, quàm materia & forma prout vnita sunt causa omnium operationum, quæ in corporibus naturalibus, deprehendantur; & Naturale omne id quod est mutabile & variabile. Atque in hac postrema significatione hoc loco agemus: Et vt facilius quid ea sit, inuestigemus, quomodo res naturales ab artificialibus differant, videbimus.

Omnes omninò in vniuerso res sunt duplices: Quædam sunt à Natura, vt elementa, animalia, eorumque partes, plantæ, &c. quædam verò sunt ab aliis causis, vt arte, consilio, fortuna, casu. Et si verò multis modis res naturales ab artificialibus discrepent, vt videre est apud Pererium, *lib. 7. Physic. cap. 2.* hoc tamen discrimen nobis sufficiat: quod Naturalia internum sui motus & quietis habent principium: Artificialia verò per se, & quatenus artificialia, tali principio non sunt prædita. Quòd enim statua deorsum tendit, non fit, quatenus statua est, sed quatenus ex lapide vel ligno constat. Cum igitur hoc discrimine Naturalia ab artificialibus seiungantur, non incommode Natura definitur; quòd sit Principium motus & quietis in eo, in quo primum est, per se, non ex accidenti.

Cum autem ab Aristotele natura definitur, quod sit principium motus & quietis, non solum (nisi in magnas difficultates nos conicere velimus) accipiendus est solum motus localis, aut quies, seu cessatio à motu locali; sed per motum omnis omnino actio naturalis, & per quietem cessatio ab actione, aut possessio potentie agendi intelligenda est. Neque enim in animalibus natura saltem principium est motus localis, ambulationis puta, volatus, reptationis, natationis, sed & omnium aliarum, quæ à quacunque specie animalium eduntur, actionum, atque ab iis actionibus cessatio motus quies dicitur. Et plantæ etsi loco non mouentur, tamen naturam habere dicuntur, quæ omnium, quæ ab iis fiunt actionum causa est. Imò per principium motus, intelligenda hîc est etiam omnis sympathia, & antipathia. Cæterum quum Naturæ actiones omnes rerum naturalium adscribuntur, Deus, Naturæ autor, non excluditur, cuius iussu Natura omnia agit. Natura enim, vt supra ex Scaligero dictum, ordinaria Dei potestas est.

Vnde rectè à Physicis dicitur; *Opus Natura est opus*

Res naturales & artificiales quomodo differant.

Natura definitio.

opus Intelligentia non errantis. Equidem intellectus brutis tribui non potest, multò minus plantis: interim admirabilia opera edunt, quatenus Dei instrumenta sunt, qui ipsis talia perficiendi potentiam concessit. Hinc etiam accidit, ut *quæ per naturam fiunt, mutari non possint.* Natura enim id, quod ab autore Deo sibi demandatum est, studiosè & strictè exsequitur; nisi actio ab agente fortiore impediatur, aut à Deo inhibeat. Hinc porro *Natura ob certum finem agit, & nihil frustra facit;* sed ad eum, qui sibi præscriptus est, finem omnia dirigit: *finemque etiam semper adsequitur, & semper quod optimum est facit.* Et ut finem suum adsequatur, non deficit in necessariis, sed Deus omnia quæ ad actiones edendas necessaria sunt, illi tribuit. Quod verò in definitione dicitur; Naturam esse principium motus & quietis, in eo, in quo inest: eo Natura ab arte & extremo agente separatur, quæ operationis transeuntis tantum causa sunt. Non tamen negatur, Naturam etiam actionis transeuntis causam esse. Nam & ignis alias res calefacit. Aristoteles tamen per solum immanentem motum Naturam definire voluit, quod hoc euidenter ab arte seiungitur. Et si, ut modò dictum, definitio Aristotelis ita explicetur, quod natura sit internum principium, à quo res quævis agendi, patiendique, & ab iisdem cessandi potentiam habet, omnia ista, quæ difficultatem aliquam habere videntur, plana fiunt.

totus principium duplex actiuum & passiuum.

passiuum uid.

Principium autem motus cum duplex sit, vnum Actiuum, à quo efficitur motus, alterum Passiuum: duplex inde oritur apud auctores controuersia. Prior quidem, quid per principium Passiuum intelligi debeat: Posterior, an Natura sit vtrumque principium, an alterum tantum, Priorem quidem quod attinet: duplici modo passiuum principium dici potest; vno, pro potentia passiuæ oppositorum, quæ libera est, & non magis apta per se ad vnum motum recipiendum, quam ad alterum, sed ad vtrumlibet æquè propensa: altero, pro potentia iam restricta, definita, & coarctata ad vnum tantum oppositorum, & determinata ad vnum motum, qui rei dicitur naturalis. Nos in posteriori sumus opinione. Ex priori enim id absurdi nasci videtur, quod omnes motus violenti & artificiales, naturales appellari possent; cum materia prima per se ad omnes motus recipiendos sit æquè apta.

Natura est principium tam actiuum, quam passiuum.

Quod ad alteram controuersiam: Etsi nonnulli Naturam tantum principium Actiuum esse dixerunt, alij tantum passiuum: Vtrumque tamen ei rectè competere, censemus. Rebus enim Naturam habentibus, non minus est naturale, mouere se, quam moueri à se.

Quibus rebus Natura nomen competat.

Forma magis est Natura.

Atque ex his iam patet, quid sit Natura in rebus, Principium scilicet motus & quietis tam actiuum, quam passiuum. Declarandum restat, quodnam sit illud, & quibus rebus nomen naturæ competat. Aristoteles & formæ & materiæ Naturæ nomen tribuit: & quidem non malè; modò rectè intelligatur. Sola enim Forma primariò & per se meretur nomen Naturæ: estque principium motus tam actiuum, quam passiuum. Materia verò cum sit anceps & dubia ad recipiendos motus contrarios, nec vllum determinatum motum, sed omnes indistinctè respiciat: Natura primariò & propriè dici non potest. Nam omnium rerum naturalium ut vna est materia; ita etiam vna esset Natura: cum tamen quælibet res peculiarem obtineat. Imò si tam materia quam forma esset Natura, cuiuslibet rei duæ essent Naturæ. Nec verò absurdum est, Formam dici principium passiuum. Cum enim, ut supra dictum, passiuum principium dicatur, non respectu cuiusque motus indeterminati, sed tantum definiti

& certi, qui rei cuiusque peculiaris & naturalis est: Optimo iure Forma etiam principium passiuum dicitur: siquidem ab hac omnis determinatio, & materiæ ad certos & definitos motus recipiendos coarctatio. Forma autem principium passiuum dicitur, quatenus est in materia, (ob materiam enim res quælibet pati dicitur) eiusque naturam determinat: quatenus verò Forma est, eadem etiam principium Actiuum dicitur. Materia tamen, ut dictum, etiam appellatur Natura: non quod per se sit Natura; sed tantum potestate: seu, quod potestatem obtinet recipiendi Formam, quæ per se Natura est. Actū proinde rei Natura Forma est; potestate Materia.

Tota igitur huius rei summa hæc est: Vna vnius rei Natura est, quæ propriè, primarioque Forma dicitur. Hæc etenim in rebus per se, & quatenus Forma, est actiuum principium: simulque passiuum, quatenus ancipitem naturam Materiæ determinat, & definit. Atque ob id Principium passiuum diuerso respectu & Materiæ & Formæ tribuitur. Materia enim est principium passiuum, non quatenus tantum Materia, sed quatenus Formam aliquam prædita est, quæ ad definitum motum recipiendum determinatur. Forma est principium passiuum, non quatenus Forma, sed quatenus ambiguam Materiæ naturam coarctat. Et sic neutra, sine alterius ope, principium passiuum dici potest.

Ex his, quæ dicta sunt, facile colligi potest, quid de illa controuersia, quæ disquiratur: An omnis Forma informans Natura sit, statuendum sit. Ipsa certe Naturæ definitio euincit: Omnem Formam informantem, quatenus in materia hæret, eamque informat, Naturam rectè dici posse.

An omnis forma informans Natura sit.

Perspectum iam est, quid sit Natura & quænam res sit illa. Illud adhuc addendum: Quidnam sit res naturam habens, & quid secundum Naturam. *Res naturales sunt substantia, quæ in se naturam, quæ principium motus & quietis est, habent.* Tales sunt sola corpora naturalia. Non enim ea res Naturalis appellatur, quæ aliquid Naturale producit; aliàs enim ipse Deus in censum rerum Naturalium veniret. Nec id dicitur Naturale, quod motu naturali producit, aliàs enim primus homo, totusque hic mundus non esset naturalis. Sed id propriè naturale est, quod insitum sui motus & quietis habet principium. Atque talis naturalis corporis definitio & cælestia & sublunaria corpora omnia complectitur. Secundum Naturam verò latius patet, quam habens naturam, seu naturale: quia *secundum naturam non tantum sunt substantia, sed etiam harum proprietates, & naturam consequentes affectiones.* Hæc de naturâ.

Res naturales & secundum naturam quomodo differant.

Cum autem Natura præcipuè hîc consideretur, ut refertur ad motum, vel ut loquuntur, quatenus habet peculiarem Causalitatem in motum & quietem eius, in quo est: Causa iam explicandæ, quatenus nimirum respectum ad motum habent; videndumque, quæ causarum genera in Physicis locum habeant. Causam definiunt, quod sit id, cuius vi aliquid fit: vel, quod sit, à quo aliquid per se producit. Sunt autem quatuor, Materia, ex qua infusa res aliqua fit: Forma; per quam res est, quod est; seu, Ratio & quidditas rei: Efficiens, unde mutationis vel quietis principium: Finis, cuius gratia res est. Nec plura causarum genera excogitare opus est: cum per hæc ad omnem quæstionem, cur res sit, sufficienter respondere, omnibusque, quibus Causam quærimus, quæsitis satisfacere possimus. Efficiens autem est vel *uniuersalis* vel *particularis*. Vniuersalis est, quæ omnia vel plura producit. Talis causa primaria est Deus omnium rerum creator & autor, imò cōseruator & gubernator, ut postea dicitur. Deinde vni-

Causa quid & quot sint.

Causarum modi.

uerſalis cauſſa eſt cœlum & ſtellæ, quæ etſi procul dubio etiam determinatos effectus edunt; tamen luce & lumine vniuerſim ad rerum generationem & conſervationem faciunt. Cauſſa particularis verò eſt, quæ certum & determinatum effectum edit.

Deinde efficientis cauſſæ plures ſunt modi. Eſt enim cauſſa *propinqua* vel *remota*: per ſe, vel per *accidens*: *actu*, vel *potestate ſimplex*, vel *coniuncta*. De quibus vide Ariſtotelem 3. *Physic.* 3.

Fortuna & casus quomodo differant.

Fortuna quid? Casus quid?

Cauſſarum conſideratio an Phyſici ſit.

Ad cauſſas per accidens Fortuna & Casus referuntur. Cum enim res quædam ſiant ſemper, vel vt plurimum, quædam rarò; Deinde quædam ſiant finis alicuius gratiâ, quædam nullius; Et quæ ſiunt propter finem, vel per electionem ſiant, vel ſine electione: Fortuna & Casus in his eſſe dicuntur, quæ rarò, & finis gratia ſiunt, Atque in hoc conueniunt Fortuna & Casus, quòd vtrumque eorum, quæ non ſemper aut plerumque, ſed rarò ſiunt, & quæ finis alicuius gratia ſulciuntur, cauſſa eſt. In hoc tamen differunt, quòd *Fortuna eſt eorum, quæ πρὸς αἰετός*; *Casus eorum, quæ ſine αἰετός ſiunt*.

Fortuna itaque eſt cauſſa per accidens eorum, quæ in iis, quæ per electionem finis alicuius gratia ſiunt, neque ſemper, neque frequenter, ſed rarò ſiunt. *Casus eſt cauſſa per accidens eorum, quæ in iis, quæ circa electionem finis, alterius gratiâ ſiunt*, neque ſemper, neque frequenter, ſed rarò ſiunt. Atque hoc modo tam fortunam, quàm Caſum dari in rebus, concedi poteſt. Dei tamen Optimi Maximi reſpectu nihil caſu, vel fortuitò euenit.

Omnia autem quatuor cauſſarum genera conſiderare Phyſici eſt, & per omnes quatuor ad quæſtionem, *Cur res ſit*, reſponderi poteſt: & quidem Phyſicè. Eſt enim Phyſici, conſiderare partes & principia corporis naturalis. Ad eundem pertinet, mutationem & generationem rerum, eiſque cauſſas, explicare; & videre, cuius gratiâ efficiens agat, ſeu finem inquirere: Deinde quid fiat, ſeu Formam, quæ inducitur, perpendere: Poſtea & illud, quod patitur & formam recipit, quod eſt Materia, cognoscere, Denique Efficientem etiam, quæ Formam inducit, inueſtigare.

Notandum autem *duplicem* eſſe finem rerum naturalem, vnum *particularem*, ad quem, vt ſuum bonum, quælibet res naturalis naturali inſtinctu tendit, nihilque aliud eſt, quàm rei cuiusque perfectio; alterum *vniuerſalem*, ob quem tota rerum vniuerſitas facta eſt, & conſervatur, gloria ſcil. Dei cuius ſapientiam, bonitatem & omnipotentiam ex rebus creatis homo agnoſcit. De quo Scaliger, *Exerc.* 250. ſect. 1. ita: *Homo propter Deum; propter hominem mundus factus eſt. Quando & habitatio, & cibi, & alia, quæcunque ſupra dicebamus, propter animalia. Animalium verò princeps homo. Non autem erat futurus homo, princeps, niſi talis. Quippe in medio. Non potuit eſſe medius, niſi inter extrema. Igitur extrema facta ſunt, vt eſſet medius. Propter medium igitur facta ſunt. Extremorum autem & eorum, quæ medium inter & extrema, ſunt ſita, ſi deeſſet aliquid, daretur in formis vacuum. Quod longè maius eſſet in Naturâ flagitium, quàm vacuum in quantitate, ſine corpore.*

Sciendum tamen, tres cauſſas, Formam, Finem, & Efficientem, in rebus Phyſicis ſæpè connecti, & in vnam cauſſam coire: ita, vt formalis & finalis, etſi ſint diuerſæ definitione, numero tamen & ſubiecto ſint vna Cauſa: Formalis verò & efficiens, non quidem ſint vna numero Cauſſa, vna tamen ſpecie. Eadem enim forma animalis ſimul & forma & Finis eſt: Forma reſpectu geniti, quatenus eſt actus, perſiciens materiam & cum ea compositum conſtituens: Finis verò reſpectu generationis. Ea enim eſt termi-

nus ad quem, quem Natura appetit, & in quo acquieſcit. Eadem deinde Forma etiam eſt efficiens quatenus nimirum generatum eſt eiſdem ſpeciei cum generante.

Eſt & hoc notandum, quâ ratione quælibet cauſſa in effectus productione concurrat. Finis ſaltem vt mouens efficientem in producendo effectui concurrat, qui poſtquam productus eſt, omnis eiſdem definit cauſſalitas. Efficientis interdum tantum ad effectum, interdum etiam ad effectus conſervationem concurrat, quod poſterius cauſſarum præcipue eſt vniuerſalium, quod pulchrè docet Scal. *Exerc.* 28. *Non eſt, inquit, neceſſarium, efficientes cauſſas particulares ſimul cum ſuis effectibus perpetuari: ſed tunc herere tantum, cum efficiunt. Nempe ſatis eſt, eas dare formam, quâ non ſolum ſunt, ſed etiam conſervantur: quod ex eorum materiâ excuſſis à ſuo contrario qualitatibus, ipſa quoque forma exigatur. Solum primum efficiens, quia aui dominus eſt: effectus ſuos comitatur: caterorum nullum, neceſſe eſt: ac ne cœlos quidem ipſos, niſi quantum illius beneficio, atque indulgentia conſequi poſſunt*, Hæc Scaliger.

Materia verò & forma & ad rei productionem & conſtitationem conſervationemque neceſſaria eſt.

Etſi verò olim nonnulli fuerint, qui omnia temerè & cæco quodam impetu fieri exiſtimauerint: tamen *Deum & Naturam nihil fruſtrâ agere* aſſerimus. Caſum etiam & Fortunam à rebus naturalibus remouemus, & Naturam vel ſemper, vel vt plurimum eodem modo agere ſtatuiſimus. Non tamen hîc neceſſitatem, quæ ſit ἀπλῶς talis, inducimus, ſed quæ eſt ἐξ ἀποδείξεως; & proinde non omnem contingentiam Rebus naturalibus adimimus.

Plurima adhuc de Cauſſis dici poſſent: ſed non omnia, quæ de cauſſis dicuntur, huius conſiderationis ſunt, & compendij ratio ea omnia afferre non ſinit. Vnum ſaltem hîc quærere libet: *An Accidens poſſit producere ſubſtantiam*. Sunt hac de re tres ſententiæ. Prima eſt nonnullorum recentiorum, qui ſtatuant; Accidens ſuâ virtute poſſe producere ſubſtantiam; ita, vt, cum ignis producit ignem, tota ea productio intrinſecè & effectiue procedat à calore, neque ad effectum concurrat Forma ſubſtancialis, quæ eſt in igne. Altera eſt Scoti, Ochami, & Durandi, qui docent, Accidentia nec virtute propriâ, nec formarum ſubſtancialium, producere ſubſtantiam; ſed ſubſtantiam immediate produci à ſubſtantia. Tertia eſt Thomæ, cuius hæc eſt aſſertio: Accidentia non producere ſubſtantiam virtute propria; ſed potestate & vi formarum ſubſtancialium, quarum ſunt virtutes, & instrumenta. Vltima ſententia nobis probabilior videtur. Nam ſubſtantias mediate agere, ex eo quis diſcere poteſt, quòd res, inter quas actio & paſſio eſt, locorum interuallis ſeiunctas ſæpe videmus: cum tamen inter agens, & patiens mutuus contactus, & agens cum patiente ſimul eſſe debeat. Quòd verò accidentia per ſe ſubſtantiam producere non poſſint, inde patet; Quod quicquid eſt in effectui, præeſiſtit in cauſſa efficiente. Nihil enim dat, quod non habet, formaliter, aut eminenter, vt loquuntur.

Accidens an poſſit producere ſubſtantiam.

C A P V T V.

De Quantitate.

Postquam corporum naturalium prima principia & cauſſas explicauimus: proximum eſt, vt iam de generalibus eorundem affectionibus, ſiue propriis attributis communibus agamus, qualia ſunt *Quantitas, Qualitas, Locus, Tempus, Motus*. Primò nihil corpori naturali intimius eſt, quàm

Quantitas

Quantitas ; utpote quæ Materiæ primæ cœua est , & ab eâ fluit , & omnino inseparabilis cuiusque beneficio omnia reliqua accidentia materiæ inhærent. Extensionis enim & molis proxima radix materia est. Imò per corpus de prædicamento Quantitatis in corporis substantialis cognitionem peruenimus : quod nihil aliud est , quàm substantia tribus dimensionibus subiecta. Differunt enim hæc à se , ut Substantia & accidens. Subiecto quidem *unum* sunt. Nam corpus illud , quod est in Quantitate , non est extra corpus substantiale : sed secundum *Essentiam* differunt , quas diuersas , etiam nemine cogitante , habent.

Quantitas continua quid sit & quotuplex.

Est autem *quantitas continua* , de qua præcipue hæc sermo , cuius *ultima sunt unum* ; seu , cuius *partes eodem communi termino copulantur* , seu , est *affectio corporis naturalis , quâ id est extensum , secundum longitudinem , latitudinem & profunditatem* : Sunt enim eius *tres species* : *Linea* , *Superficies* , *Corpus* ; quarum cuiuslibet sunt peculiaria officia , & peculiare termini.

Linea.

Linea enim est *longitudo latitudinis expers , superficiæ ultimum*. Lineæ verò ultimum , punctum est : Cuius natura est ad continuandum , tangendum , & terminandum. Lineam enim inchoat , continuat , & finit. Lineæ verò natura est itidem ad continuandum , tangendum , terminandum , & præterea distrahendum. Lineæ enim superficies continuatur , terminaturque ; eademque se duæ superficies mutuò tangunt : tandem propter lineam res quolibet secundum unam dimensionem , longitudinem scilicet , diuisibilis est.

Superficies.

Superficies est *Quantitas longa & lata ; cuius beneficio corpora continuantur , sese mutuo tangunt , & diuiduntur*. Propter superficiem enim res secundum duplicem dimensionem , longitudinem & latitudinem , diuidi potest.

Corpus.

Corpus denique est *quantitas longa , lata , profunda* : Eiusque officium est , non amplius continuare , terminare , aut tangere ; sed occupare , & posse diuidi secundum trinam dimensionem , longitudinem , latitudinem , profunditatem.

Res corporis tantum ratione occupant.

Atque ita omnium quidem dimensionum beneficio res sunt quantæ & diuisibiles : corporis verò tantum ratione occupant. Nam quòd duo corpora non possunt esse simul in eodem loco , non ideo fit , quòd sunt substantiæ : possunt enim plures substantiæ incorporeæ simul esse in eodem loco : sed quòd materiam , trina dimensione præditam , habent , cuius penetratio est impossibilis.

Occupare & replere differunt.

Paulum hæc nobis digredi liceat : etsi ea , quæ proponuntur , ab instituto non valde aliena erunt. Differunt *occupare* , & *replere*. Occupare est , simul cum altero corpore esse non posse. Estque eorum , quæ materiam trina dimensione præditam habent. Ea enim ita locum totum occupant , ut aliud corpus simul in eodem esse non possit. Replent verò eæ res , quæ vel simul plures , vel cum aliis etiam corporibus alicubi esse possunt , ita ut vnus præsentia alterius præsentiam non impediatur. Quapropter duo corpora nunquam simul esse , nec unum cum altero simul eundem locum occupare potest , quod vulgò dicitur : Penetrationem dimensionum esse impossibilem. Per Naturam enim possibile non est , ut in eum locum , quem quisque nostrum occupat , alius homo , vel corpus quodcunque , nisi nos prius eum deferamus , admittatur. Secus se res habet in rebus à dimensione & quantitate liberis , omnibusque formis tam substantialibus , quàm accidentalibus. Quod in lumine stellarum manifestè apparet. infinitarum enim stellarum lumina simul in hoc lunæ concavum undique sparguntur & funduntur , nec ipsis quicquam obstant Elementa , à quibus concavum

Duo corpora cur non possint esse in uno loco.

hoc iam antè occupatur , nec vnus præsentia alterius præsentiam impedit , nec , etsi omnia in omnibus sint locis , inuicem confunduntur. Idem in aliis rebus lucentibus videre est. Si enim conclauis aliquod intus circumquaque speculis plurimis obducas , & in medio eiusdem candelas statuas : omnes in omnes conclauis , iam ante aëris pleni , partes sui imaginem & lucem emittent , nec vnus præsentia alteri erit impedimento , nec inuicem miscebuntur & confundentur ; sed omnes distinctæ in omnibus speculis apparebunt. Sic in melle in omnibus partibus adest & flauedo , & dulcedo , & odor , & humiditas. Idem fit in formis substantialibus. Anima enim , tum nostra , tum animalium omnium , totum corpus quod informat , replet , nec , etsi corpus hunc locum iam antè occupauerit , impeditur , quò minus & ipsa in omnibus corporis partibus adsit. Itaque rerum dimensionum & corporearum proprium est , occupare : rerum à dimensionibus , & à materia liberarum , replere. Et quò res magis à dimensionibus , materia , & corporea mole est libera , eò magis replet. Hinc videmus , sonum maius spatium replere , quàm odorem : maius hoc colores ; maius adhuc ignis lumen , & hoc etiam maius cœlestium corporum lumen. Denique Deus Optimus Maximus infinitè ab omnibus dimensionibus , atque omni materia liber , in infinitum omnia replet , imò est ipsa infinita plenitudo , nulli rei absens , à nulla exclusus , nulli inclusus vel permixtus , sed in mundo hoc ubique totus , & extra mundum hunc itidem ubique totus existens. Quamuis enim omnibus adest : non tamen aliud & aliud eius (ut ita dicam) replentiæ & plenitudinis alij & alij rei adest , sed omnibus totus. Mundus denique hic in atomo seu centro eius plenitudinis factus est. Quapropter omnes res à materia liberæ , omnesque formæ per se nec quantæ sunt , nec diuisibiles ; nisi per accidens , quatenus nimirum corpori inhærent , cuius dimensionibus coercentur , ne simul plures esse possint. Sublaris enim dimensionibus , vnus cuiusque nostrum forma cum alterius in eodem loco esse posset , eundemque replere , nec vnus præsentia alterius præsentiam impederet. Et videmus eandem formam , quæ primò infantis corpus replet , illud ipsum corpus , nihilo auctam , ubi in vastam , ætate virili , molem excreuerit , replere.

Deus adest repletus.

Forma per se nec quantæ sunt nec diuisibiles.

Sed reuertamur ad quantitatem : ubi in nobilissimam illam , quæ tot clarissimorum virorum ingenia exercuit , quæstionem incidimus : *An scilicet ex indiuisibilibus continuum componatur ; an verò ex diuisibilibus ?* & ; *An continuum sit diuisibile in infinitum ?* Fuerunt olim in ea opinione , quæ statuit , continuum ex indiuisibilibus componi , Pythagoras , Democritus , Leucippus , & plerique alij , qui Aristotelis ætate floruerunt , atque ipsi Stoici , hac in re Zenonem ducem secuti. Sed illorum refutationem Aristoteles suscepit , 6. *Physicor.* iidemque in libro , qui de lineis insectilibus , nomine Aristotelis , circumfertur , quem tamen nonnulli , etsi Aristotelicus sit , Aristotelis esse negant , sed ex eius exotericis collectum esse statuunt , oppugnantur. Arque hac in re Aristotelem præstantissimi quique Philosophi & Mathematici sequuntur , his adducti rationibus.

Continuum an ex indiuisibilibus componatur , an verò ex diuisibilibus.

Primò , Si continuum componitur ex indiuisibilibus , verbi gratia , linea ex punctis , unum indiuisibile cum alio vel erit continuum , vel contiguum , vel *ἐπὶ ἐξ ἑ* , seu deinceps & consequenter. Sed nullum horum esse potest. Igitur continuum ex indiuisibilibus non componitur. Indiuisibilia non sunt continua. Nam continua sunt , quorum ultima & extrema sunt unum. Indiuisibilium autem ultimum non est : Omne enim extremum distinctum est ab eo , cuius est extremum. Igitur indiuisibilia continua non sunt. At-

que eadem de causa contigua etiam esse non possunt. Contigua enim sunt, quorum extrema sunt simul. Idem tamen & sic probatur. Quidquid tangit aliud, illud tangit vel ut totum totum, ita, ut omnes eius partes simul sint cum altero; aut ut pars totum; aut ut pars partem. Posterioribus modis indiuisibilia se tangere non possunt: quod enim insectile est, partes non habet, nec est partibile. Nec etiam priori modo. Nam omne continuum habet partem extra partem ita ut hæc sit in illo situ, ista in alio. Si itaque in construenda linea puncta tota se tangerent, & in constituenda superficie lineæ totæ se tangerent; denique in constituendo corpore superficies totæ se contingerent: ex omnibus punctis vnum tantum punctum, & ex omnibus lineis vna tantum linea, & ex omnibus superficiebus vna tantum superficies emergeret. Atque sic indiuisibile additum indiuisibili ipsum maius non efficit, nec continuum constituit, quod multis partibus, quarum quælibet extra aliam est, constat. Neque etiam indiuisibilia in continuo sunt ἐπεξῆς, seu se consequuntur. Nam cum ἐπεξῆς ea esse dicantur, inter quæ, cum vnum sit post alterum, nihil eiusdem generis intercedit: At verò inter quælibet indiuisibilia aliud eiusdem generis intercedat: ἐπεξῆς esse non possunt. Nam inter quælibet duo puncta interiacet linea, in qua necessario sunt puncta.

Secundò, si linea fieret ex punctis, vel superficies ex lineis, vel corpus ex superficiebus: linea, quæ constaret decem punctis, esset longior illâ, quæ constaret nouem punctis; & superficies, quæ componeretur ex decem lineis, esset latior ea, quæ constaret ex nouem; & corpus, quod exurgeret ex decem superficiebus, esset profundius illo, quod ex nouem.

Sed hæc non fierent, nisi propter vnum punctum, lineam, superficiem. Quapropter illud punctum haberet longitudinem, linea latitudinem, superficies crassitudinem seu profunditatem. Nam propter id, quod non est longitudo vel longum, aliquid altero longius non dicitur; neque propter illud, quod est neque latitudo, neque habet latitudinem, aliquid alio latius dicitur, neque propter illud, quod neque est profunditas, neque habet crassitiem aliquid alio crassius est. Quæ tamen omnia manifestè falsa sunt.

Tertiò sequeretur, plurimas esse magnitudines, quæ in duo æqualia diuidi non possent; quod falsum est: cum quodlibet continuum in duas medietates æquales diuidi posse, ad quas duplam habet proportionem, à Mathematicis demonstratur. Illa enim, quæ ex imparibus indiuisibilibus constarent, in æquales partes diuidi non possent.

Quartò sequeretur, & quadrati diametrum lateri, & circulum maiorem minori concentrico esse æqualem: quod absurdum. Nam si à singulis punctis vnius lateris quadrati ducas lineas, quotquot possibile, ad oppositum latus, omnes illæ transibunt per omnia puncta diametri, nec in eo erit aliquod punctum, per quod non transibunt. Lineæ enim illæ totum spatium quadrati replent. Sic si à centro ducantur omnes lineæ ad circuli maioris omnia puncta, etiam omnes transibunt minorem, & proinde minor tot puncta habebit, atque alter, & erunt æquales. Atque his demonstrasse se putant, continuum ex indiuisibilibus non constare; & proinde in semper diuisibilia esse diuisibile. Cum enim ex iis constet, in ea etiam resoluetur.

Verum enim verò, si quod res est dicendum, etsi apud Mathematicos, hæc omnia vera esse concedantur; tamen hoc loco non propriè queritur, an continuum ex diuisibilibus vel indiuisibilibus componatur, & an continuum sit diuisibile in infinitum, sed an corpus naturale constet ex indiuisibilibus, vel in diuisibilia in infinitum resolui possit, & propterea cum Aristot.

lib. 1. de gen. & corrupt. c. 2. r. 8. Platonem reprehendat, quod logicis & communibus atque alienis principiis vtatur, contra Democritum laudet, quod propriis, h. e. Physicis principiis vtatur: ipse non minus peccasse videtur, cum contra antiquos de Physicis Physicè loquentes ex Mathematicis principiis disputat. Procul dubio enim Democritus & alij plures ante Aristotelem Philosophi, de corporibus naturalibus, non de continuo Mathematico locuti sunt, eaque ex indiuisibilibus corporibus generari & constare, & in eadem resolui docuerunt, & id censuerunt, elementa, & si quæ alia posuerunt prima miscibilia, in minimas, in quibus in generatione & resolutione corporis naturalis Physica peruenire potest, particulas resolui, & ex iisdem rursum variè coeuntibus mista generari. Quæ opinio, quod aliquid absurdi importet, non video, ut suo loco dicitur, sequunturque eam Galenus omnesque Philosophi & Medici, qui elementa integra in mistis remanere statuunt.

Quantitatis a. modi sunt *Terminus & Figura*. Primò n. omne corpus certis terminis circumscribitur & includitur. Hinc *omne corpus est finitum*. Determinatos tamen corpora naturalia suæ magnitudinis & paruitatis terminos obtinent, de quibus cum nonnulla apud autores sit controuersia, de iis aliquid adiungemus, & de maximo & minimo rerum naturalium disquiremus. Quod ut facilius procedat, quædam præmittenda sunt.

Primò, etsi maximum & minimum à quantitate ad alias res, ut qualitates & motus, etiam transfertur: tamen hîc propriè sermonem esse de substantiis naturalibus. De iis enim queritur, *An certos quantitatis terminos habeant*. Deinde, multiplicem hanc questionem sensum habere posse. Quæri enim potest: & *an actu detur substantia maxima & minima*: & *An natura præscriptos quantitatis terminos habeat*, ut, ex sua potentia, res maiores vel minores producere nunquam possit? Deinde iterum queri potest; Primò, *An absolutè sit res quadam maxima & minima in toto vniuerso*: Secundò, *An in vnaquaque specie corporum naturalium, tam simplicium, quam mixtorum, horumque tam homogeneorum, quam heterogeneorum, animatorum & inanimatorum, sint certi magnitudinis & paruitatis termini*? Tertiò notetur: terminos magnitudinis & paruitatis esse *duplices*: alios intrinsecos, quos res à sua natura obtinent: alios extrinsecos, qui rebus ab aliis extrinsecus præscribuntur. Quartò: Maximum & minimum dicitur vel *positiuè*, vel *negatiuè*. Positiuè maximum, est quod est omnibus aliis maius, & cui nullum est æquale: Minimum contra. Negatiuè maximum est, quo non est aliud maius; etsi ei aliud sit æquale. Minimum negatiuè, quo non est minus aliquid, etsi ei secundum paruitatem aliud sit æquale.

His præmissis, ita concludimus: I. *In tota rerum vniuersitate, & in qualibet specie rerum naturalium, actu datur aliquod maximum & minimum*. Nisi enim maximum, vel minimum aliquod, & in toto mundo, & in qualibet specie existeret, siue positiuè, siue negatiuè: quocunque magno maius, & quocunque paruo minus daretur, essetque sic actu infinitum multitudine in rerum natura. Illud autem dari non posse infra demonstrabitur. Idem etiam hinc patet, cum omnia accidentia formam substantialem insequantur: omne autem corpus naturale actu formam determinatam habeat: omne etiam corpus naturale actu determinata accidentia, definitamque quantitatem habebit. Et quidem corpus omnium maximum est cælum, quod in se concludit omnia: minimum autem quod sit, forsan nobis ignotum. Aristoteles tamen, 5. de hist. anim. cap. 32. scribit, in cera vetusta, ut in ligno, animal gigni candidum, quod animalium omnium

Maximum & minimum actu datur in toto vniuerso & in vnaquaque specie rerum naturalium.

omnium minimum existimetur; nomine ἀναπύ.

I I. In qualibet viventium specie dantur intrinseci magnitudinis & paritatis termini, extra quos natura viventia nec producere nec conservare potest: ita ut nullum eius speciei individuum produci & conservari possit, quod vel excedat illum magnitudinis terminum, vel infra eundem consistat. Verbi gratia, si maxima hominis longitudo sit cubitorum quatuor, minima unius: nullus gigni homo poterit, qui vel maior sit cubitis quatuor, vel minor uno: sed erunt omnes vel quatuor, vel trium, vel duorum, vel unius cubiti, aut alterius mensuræ, inter quatuor & unum intermediæ. Atque hoc ipsum statuit Arist. 1. Physic. c. 4. text. 36. 2. de Anim. c. 4. t. 41. 4. de gen. animal. c. 4. 7. Polit. c. 4. Idemque suadet ratio. Cum enim augmentatio sit determinata: quantitas autem per augmentationem acquiratur, ipsa etiam erit determinata. Augmentationem autem esse definitam inde patet, quia est actio virtutis augmentatricis, quæ sicut cæteræ omnes formæ, est determinata: tum etiam instrumenta sunt definita. Ipse enim calor nativus est determinatus, & sit quotidie remissior, imò tandem exstinguitur. Deinde etiam reliqua instrumenta omnia sunt definita. Nec dissentit experientia. Nunquam enim compertum est, canem natum esse magnitudine Elephantis, vel in eam excreuisse: sicut nec Elephantem procreatum esse magnitudine canis. Difficile tamen est, terminos in unaquaque specie notare. Variant enim in multis modis, & plus in una, quam in altera specie. Inter homines magna est magnitudinis diversitas; maior inter canes: inter felines & aves, & alia plura animantia non item.

I I I. Elementa verò determinatam aliquam magnitudinem ex se, & intrinsecus non habent, sed ab extrinseco. Elementa enim ex se, si ipsis suppeteret materia, nec aliquid externum obstarat, indefinitè augeri possent. Nam quo ignis ampliorem molem obtinet, eò maioris est efficaciam, magis contrariis resistit, & ea in suam naturam conuertit. Definitur verò eorum magnitudo à rebus continentibus, & ratione materiæ primæ. Hæc enim cum sit finita molis, etiam Elementa in infinitum augeri non possunt.

I V. Ut verò in infinitum augeri non possunt elementa, ita etiam nec in infinitum dividi, sed cum inuicem miscentur, in σμικρότατα μόρια, ut Galenus, 1. de elem. cap. ult. docet, id est, minimas particulas rediguntur, ita ut in minores naturaliter, corpora amplius dividi non possint, quas propterea Antiqui Atomos appellarunt.

V. De mixtis inanimatis, per se existentibus, homogeneis quidem, sentiendum est idem, quod de Elementis: de heterogeneis verò idem, quod de viventibus.

V I. De partibus denique, quæ toti insunt, ita statuendum. Si sunt heterogenea, habent determinatos magnitudinis & paritatis terminos: quippe sunt partes & instrumenta viventium, certam magnitudinem & paritatem habentium. De homogeneis verò idem statuendum quod de elementis modò diximus. In mixtione enim in minimas particulas elementa diuiduntur, ultra quas naturaliter in minores dividi non possunt.

Deinde omne corpus certâ figurâ præditum est, quæ nihil aliud est, quam forma externa, in superficie eius, in certâ linearum eius dispositione & commensuratione orta. Totus autem mundus rotundam figuram, utpote capacissimam, obtinet, quam simplicia etiam ferè imitantur. Viventia autem, ut & ex gemmis & mineralibus quædam, singula suas peculiare figuras, formæ internæ indices habent. Quantitas enim determinata & figura oritur è materiæ & formæ coniunctione. Materia quidem magnitudinem dat, sed indeterminatam, Forma

Dan. Sennert, Tom. I.

verò ut cuique corpori dat esse & operari, ita etiam quantitatem determinatam & figuram præscribit.

Quantitas porò nullius operationis Physicæ est Principium, seu ut vulgò dici solet, Quantitatis nulla est efficacia, scilicet quatenus talis. Rectè tamen determinata, ad formæ operationes edendas facit. Etsi enim forma per se sit efficax, & operandi principium; tamen nihil aliud, nisi materiæ coniuncta. Et quamvis in simplicibus elementis, ut & homogeneis aliis corporibus forma secundum essentiam æquè integra in parvâ ut in magnâ mole esse potest, & diuisa in minima, essentiam non mutat: tamen in maiore quanto maior virtus est. Et si plurimæ minimæ particulæ coeant, efficacius operatur, unde virtus unita fortior esse dicitur. In heterogeneis quoque & aliis corporibus, parva vel mediocris quantitas plerumque ad operandum commodior est, & in iis quoque virtus unita fortior, diffusa debilior esse dicitur: sicut & figura in organicis corporibus ad commodiorem operationem maximè necessaria est.

Tandem hoc loco etiam Autores agere solent de finito & infinito. Quantitatis enim propriæ hæc sunt affectiones: eademque motui & tempori competunt; cum unumquodque horum vel finitum, vel infinitum sit. Atque illud in primis videndum, an in rebus infinitum detur. Etsi verò variæ sint infiniti significationes: de infinito tamen in quantitate hîc præcipuus sermo est, & quidem de infinito actu; quaeriturque, an res aliqua naturalis actu detur, vel magnitudine, vel numero infinita: vel an sit aliqua res naturalis, cuius qui secundum quantitatem aliquid sumunt, iis aliquid semper licet extra accipere, quæ infiniti definitio est. Rectè autem à Philosophis, tale infinitum in rerum natura nullum existere, affirmatur, ob has rationes. Nam infinitum nullum dari posse, in genere hîc patet, quod res omnes, ab alio productæ & dependentes, suo termino definiuntur, & circumscribuntur, nulloque modo infinitæ esse possunt. In specie autem non dari infinitum multitudine, facile etiam probari potest. Nam cum species semper speciem perfectione superet, si infinitæ rerum essent species, mundus esset infinitè perfectus, infinitosque perfectionis gradus obtineret: quod est impossibile. Omne enim, quod ab alio productum est, & dependet, participatam, & proinde finitam habet perfectionem. Mundus autem est productus à Deo, ab eoque dependet. Ergo participatam & finitam habet perfectionem, atque à Deo, à quo suam perfectionem recipit, perfectione superatur; & proinde nec est infinitus, nec infinitas rerum species continet.

Neque etiam infinitum magnitudine datur. Nam primò, si daretur corpus infinitum secundum magnitudinem, illud unicum in mundo esse posset; cum enim omnem locum occuparet, infinitumque locum requireret, nulli alij corpori locum relinqueret. Deinde, omne quantum necessariò figuram habet. At infinitum figuram habere non potest. Præterea constaret è partibus omnibus finitis, aut infinitis, aut una infinita, reliquis infinitis. Sed nullum fieri potest. Nam ex partibus finitis infinitum exurgere non potest. Neque etiam secundum vel tertium locum habet; quia unum infinitum omnem locum, dimensionemque occuparet, neque reliquis ullum locum concederet: & si qualitatem aliis contrariam obtineret, omnia reliqua in suam naturam conuerteret.

Ut verò infinitum actu non datur: ita etsi infinitum potestate cogitari possit, intellectu tamen actu comprehendere non potest. Ita etsi quantitas continua in infinitum diuisibilis potestate dari possit, ut

Infinitum actu an detur in rebus.

supra ex Aristotele dictum; deinde numerus in infinitum cogitatione augeri possit; cum nullus tam magnus numerus dari queat, quo non possit cogitari maior; denique in tempore & motu successiue infinita cogitari possint: tamen ab intellectu nostro infinitum integrè capi non potest. Et proinde de infinito plura non addimus, & illà Piccolhominei, *lib. de communibus corpor. natural. affect. c. 3.* sententià concludimus: *Infinitum, ut infinitum, esse ignotum, & nos cognoscentes infinitum, id cognoscere, quod nosci nequit.*

CAPUT VI.

De Qualitatibus in genere.

Qualitas quid?

Quantitati meritò subiicitur Qualitas, & de Qualitatibus Physicis in genere aliquid agendum est. Vt enim omnia corpora naturalia ob materiam sunt Quanta: ita ob formam sunt Qualia. Qualitas autem in genere ita considerata, & ut omnibus corporibus naturalibus competit, est affectio corporis naturalis, à formâ eius fluens, per quam forma est efficax, & corpus naturale ad agendum vel patiendum aptum. Non enim formæ corporum naturalium immediatè ut Deus agunt & efficaces sunt, sed mediantibus accidentibus & Qualitatibus. Et licet forma primum operationum principium est, Qualitates tamen sunt immediatum & proximum operationum principium, minus tamen principale, & instrumentale saltem. Utunturque formæ in agendo qualitatibus ut instrumentis: Qualitatum verò operatio à virtute formarum, ut causâ singularis, & à quibus fluunt. Atque ita quia nihil otiosum est in naturâ, atque omne corpus naturale agat, omne etiam corpus Qualitatibus suis instructum esse debet.

Diuisio Qualitatum.

Diuiduntur autem hæ Qualitates, ratione nostræ cognitionis, in manifestas & occultas. Manifestæ sunt, quæ faciliè, euidenter & immediatè sensibus cognoscuntur & diiudicantur. Ita lux in Stellaris, Qualitates primæ, & grauitas ac leuitas manifestè sensibus obuiæ sunt. Occultæ verò Qualitates sunt, quæ immediatè à sensibus non cognoscuntur, sed earum vis ex effectu mediatè deprehenditur, vis verò agendi ignota est. Ita videmus magnetem ferum trahere, vis tamen illa trahendi nobis occulta est, & sensibus non percipitur.

Ita multas cœli influentias ex effectibus in inferiora hæc deprehendimus, ipso sensu non percipimus.

A Qualitatibus autem rerum naturalium consensus & dissensus oritur, & similia sese mutuò appetunt, contraria sese auersantur. Hinc ignis igni, pinguis pinguibus faciliè vniuntur, ignis verò aquam, & pinguis ignem auersantur. Atque hic consensus & dissensus manifestus est.

Ex Qualitatibus verò occultis oriuntur *συμπάθεια* & *ἀντίπαθεια* dicta, cum res naturales occulto quasi amore ad se inuicem feruntur, vel sese mutuò auersantur, sicut nonnulli feles, alij aliarum rerum præsentiam, imò nec conspectum, ferre non possunt. Et cum actio illa occulta in Magnete maximè sit conspicua, actiones tales aliæ etiam Magneticæ inde nuncupantur.

In specie autem de Qualitatibus, postea suis locis agetur.

CAPUT VII.

De Loco.

Propter magnitudinem & Quantitatem corpora etiam in loco sunt, & ut quodlibet corpus

certam habet Quantitatē & magnitudinem, ita etiam certum occupat locum, magnum magnum, paruum paruum; & in quo loco est vnum corpus, in eo aliud esse non potest. Quod verò de tempore vulgò dici solet; *In tempore vidimus, & quid tempus sit, ignoramus:* non minus rectè de loco usurpari potest: In loco sumus, & quid locus sit ignoramus. Adeo enim intricata est de Natura loci quæstio, ut Philosophi etiam acutissimi hîc dubij hæreant, dum quaritur; An locus sit superficies, seu terminus extremus continetis: An verò spatium corpori locando æquale.

Ac vtræque opinio patronos & propugnatores non ignobiles habet. Nam prior est ipsius Aristotelis, & præcipuorum ac plurimorum eius interpretum. Posterior Aristotelis ætate celebris fuit, eamque defenderunt Stoici, Academici, & Galenus; ex Peripateticis antiquis Philoponus; è recentioribus Iul. Cæsar Scaliger, aliique viri clarissimi.

Nos etsi nobis non sumimus, tantam inter tantos viros controuersiam componere, & principem Philosophorum, non nisi grauissima de causa deferendum censemus: tamen cum maximæ sint difficultates, quibus Aristotelis sententia premitur, interim, donec illa, quæ contra eam sententiam faciunt, aliquis soluerit, (nondum enim à quoquam solidè soluta esse credimus) ex altera parte stabimus: præsertim cum non sit ignotum, ipsos Aristotelis interpretes, alteram hanc sententiam non omnino improbabilem, neque ab vlllo hactenus satis firmis rationibus profligatam, & in oppositum argumentum aliquod demonstrans non esse, Aristotelis denique sententiâ probabilitatem tantum habere, non necessitatem, concedere: Et satis constet, plurimos autoritate potius, quàm ratione ad sententiam Aristotelis defendendam moueri: quod vel vnicus Didacus Mafius apertè confitetur, dum in *comment. in c. 5. l. 4. Phys.* ita scribit: *Ego verò, inquit, nisi me Aristotelis autoritas & D. Thoma compelleret, manibus pedibusque in sententiam de intervallo libenter abirem, quam & intellectu faciliorem, paucioribusque difficultatibus patere, si attentiè & argumenta superiora & quæ de naturâ illius diximus, contempleremur, faciliè deprehendemus. Verum quia ingenij fascies submitendi sunt Aristoteli & D. Thoma, fatemur, locum superficiem esse & non intervalum, quia hi grauissimi Philosophi tradiderunt.* Hæc ille. Verum & magni viri sæpe hallucinantur.

Ut autem nihil sine ratione fecisse videamur, Aristotelem in hoc secuti, præcipuas Loci proprietates proponemus, & quæ veræ ac propriæ loci sint, examinabimus; ut inde vtra harum opinionum probabilior sit, eluceat. Aristoteles, 4. *Physic. c. 4. t. 30.* has docet esse Loci proprietates: 1. Locum id, cuius est locus, continere. 2. Rei, quam continet, nihil esse. Quam tamen proprietatem aliqui cum superiori coniungunt, sic: Locum continere rem ita, ut non sit aliquid contenti. 3. Locum primum locato neque maiorem esse neque minorem, sed illi æqualem, ut nec plus, nec minus, quàm locatum, contineat. 4. Locum esse à locato separabilem; vel ut alij legunt, Locum non posse esse sine aliquo corpore, sine hoc tamen vel illo esse posse. 5. Omnem Locum esse sursum, vel deorsum. 6. Vnumquodque corpus naturaliter in suum locum ferri, & ut in eo quiescat, aptum natum esse. Hanc tamen nonnulli cum quinta coniungunt. Ex aliis locis auctores plures colligunt: Nam addunt. 7. Loci esse, trahere locatum ad se: quam elicere volunt, ex 1. 4. *Physic. c. 1. t. 48.* Loci esse, habere vim generandi, conseruandi & perficiendi locatum: quam deducunt è 4. *Physic. c. 1. t. 4. c. 5. t. 48. 49. 4. de Cælo c. 3. t. 23. 24. 8. de hist. anim. c. 26. 29. 9. Locum dare distinctionem & vnitatem motui locali.* 10. Esse immobilem, 4. *Physic. c. 4. t. 41.* 11. Denique è Psello 4. *Physic.* citant hanc: Locum

An locus sit superficies.

Loci proprietates.

nec interire, nec aboleri, quamuis res, quæ in ipso sunt, aboleantur.

Atque hæc sunt præcipuæ, quæ apud auctores occurrunt, Loci proprietates: inter quas tamen distinguendum omnino est. Primam quidem, secundam, tertiam, quartam, nonam, decimam, undecimam quod attinet, sunt ea simpliciter loco necessaria, nec de iis multum dubij est. Reliquæ quo sensu admitti possint, videndum, inquirendumque, quid loco per se & quatenus Locus est, quid per aliud, & per accidens competat: qua in re apud auctores confusio occurrit non levis. Inprimis illud notandum, quod monet Scaliger, *de re Poet. l. 3. c. 5.* præcipue verò *c. 120.* nec alij prætereunt; distinguendum esse inter Locum simpliciter dictum, & quatenus est affectio corporis naturalis in genere sumpti, & inter vbi & situm, qui non est locus quilibet, sed certis affectus conditionibus; quem tamen frequenter Locum appellare solent. Hinc dici solet, leuium locum esse superum, grauium inferum: quia nimirum in medio mundi sunt Qualitates, quibus amicè fouentur graua; circa cælum, quibus leuia: quæ tamen qualitates, non sunt de essentia Loci. Nam & ignis in mediis terræ cauernis in loco est: etsi sibi non amico. Hinc item Aristoteles, *8. de hist. an. c. 19. 28. 29. problem. 15. sect. 14.* & Plinius passim, naturas plantarum & animalium pro loci varietate diuersas esse, & loca alia aliis commoda, aliis incommoda esse, docent.

Quando igitur inter Loci proprietates hæc recensentur: Quodlibet ad suum locum ferri; Locum ad se trahere & allicere locatum; locum habere vim generandi, conseruandi & perficiendi locatum: sciendum, hæc omnia non competere Loco, quatenus Locus. Cum enim Locus, vt Toletus ait, formaliter sit quantitas: de essentia eius non est, esse causam. Magnitudo enim, vt loquuntur, non est effectuum accidentis. Quod & Scaliger innuit, *exerc. 5. Non est verum*, inquit, *à Loco seruari corpora, sed à forma.* Et si locus quatenus locus, & proinde etiam non proprius conseruaret: non appeterent elementa euersionem è loco illo ad proprium. Non igitur elementa conseruantur à loco; sed ab Vbi. *Scal. ibid. f. 5.* Eatenus verò dicitur Locus conseruare locatum, quatenus corpus in eo locatum, cæli & elementorum Qualitates sibi conuenientes commodè recipit, & quatenus qualitates, locato amicæ, insunt subiecto, quod circa Locum est.

Quapropter cum in rerum naturis inuestigandis illud, quod per se est, ab illo, quod per accidens est, sit sedulo distinguendum: Locum hîc non in posteriori, sed in priori significatione accipimus. Nec illud etiam admittimus, Elementa tantum in loco esse. Nec enim alicuius tantum speciei corporis naturalis affectionem hîc inquirimus; sed quid Locus per se sit, & quatenus corpori naturali, in genere accepto, omnibusque eius in vniuersum speciebus, vt propria affectio competit, inuestigamus.

Proximum iam est, vt, an superficiæ corporis continentis, an verò spatio rectius genuinæ loci proprietates competant, videamus. Et vt ab immobilitate incipiamus, ea est verissima loci proprietas, & ipso Pererio, cuius è re tamen non est, concedente, proprietas essentialis, sicut risibile hominis, & vt Ægid. Rom. *lib. 4. Phys. t. 41. lect. 7.* ait, ipsum formale loci. Ad quod asserendum si nulla ratio suppeteret, illud sufficeret, quod omnes, quamcunque de loco opinionem foueant, in hoc consentiunt, locum debere esse immobilem, atque hanc proprietatem suo quisque loco accommodare nititur. Et certè qui loci immobilitatem tollit, ipsum localem motum, eiusque distinctio-

nem tollit. Id enim, quod mouetur, necessariò locum vnum deserit, & in alium transit: quod fieri non posset, si locus vnà moueretur.

Ex hac itaque proprietate concludimus: cum Locus necessariò sit immobilis, superficies verò corporis continentis non sit immobilis: eam non esse locum. Nam erigatur turris, vel columna, vel crescat arbor, aut iaceat mons in flumine, vel aere: ambientes hæc corpora superficies, quæ ipsorum ex Aristotelis sententia loca sunt, singulis momentis, flante vento, & fluente flumine, mutabuntur; quod contra naturam loci est. Imò sequitur hinc maximum absurdum: vnum numero corpus, in vno eodemque spacio, vbi, & loco fixum, quiescens & immotum, singulis momentis nouum locum acquirere, & in innumeris locis esse.

In hoc argumento variè exercentur patroni superficiæ, vt videre est apud Perer. *l. 11. Phys. c. 1. 3.* Tolet. *l. 4. Phys. quæst. 5.* Et, quæ tum à Scoto, tum à Thoma anxie conquiruntur, solutiones non sufficere, ipse Pererius agnoscit & demonstrat. An tamen ipse firmitus aliquid afferat, videre operæ pretium est: cum multi, eum omnem difficultatem amouisse, existiment. Sic verò sentit Pererius. Primò ait vocabulum loci vsurpari communi & vulgari significatione pro situ & positione; & rem habere hunc vel illum locum, pro eo, quod est, habere hunc vel illum situm, crebrò dici. Deinde, vnam rem posse mutare locum dupliciter, vel actiue, vel passiuè. Actiue, cum ex vno loco ipsa transit in alium, priorem deserens: Passiuè, quando res ipsa manet immobilis, locus tamen circa ipsam variatur. Putat itaque turrim, columnam, arborem, vel montem, circa quem subinde aeris, vel aquæ superficies variatur, propriè in eodem loco non esse: manere tamen in eodem loco, vel nomen loci pro situ vsurpando: vel manere in eodem loco actiue; quia hæc ipsa corpora non migrant de loco in locum: nec manere tamen in eodem loco passiuè, quia superficies aeris vel aquæ ambiens non manet eadem numero, sed subinde variatur. Hoc Pererij patrocinium est: quod ne omni rationi & sensui repugnet, ipse viderit. Primum tamen velim mihi Pererius propositionem hanc, quæ exstat *l. 11. c. 3. p. 651. Superficies corporis continentis, quæ de essentia loci est, non perpetuò eadem numero manet circa eandem rem locatam, sed subinde variatur*, conciliare cum illa, quam *ib. c. 1. p. 607.* posuit: *immobilitas est de essentia loci, quia est proprietas essentialis*, sicut risibile hominis, & quia immobilitas in definitione loci adhibetur vice differentiæ essentialis. Potestne superficies esse de essentia loci, & tamen non habere immobilitatem, quæ est essentialis loci proprietas? Deinde locum frequenter vsurpari pro situ & positione, seu Vbi corporis naturalis, concedimus; & id non malè fieri asserimus: imò si res manet in eodem Vbi, simul in eodem etiam loco manere, contra Pererium statuimus. Situs enim semper præsupponit locum, & situs locati ad locatum relationem significat. Quapropter corpora naturalia dum locum mutant, etiam situm mutant. Et certè magnum absurdum est, statuere, rem, nullo motu locali motam, locum mutare. Locus enim nouus motu locali tantum acquiritur: illudque, quod locum mutat, localiter mouetur, & per motum localem in loci cognitionem deducimur, vt videre est apud Aristotelem, *4. Physic. cap. 4. t. 32.* Vnde Toletus rectè ait: Si ego quiesco, & mutatur superficies, quod non sim in eodem loco, non est concedendum. Imbecillis itaque est illa, quæ sit distinguendo inter mutationem loci actiuam & passiuam, defensio. Cum enim locum actiue mutare, sit, transferri corpus de loco in locum: passiuè locum mutare, erit, locum accedere, & moueri, ad rem locatam: quo quid absurdius?

Non felicius rem expedit Ant. Ruuius l. 4. *Phys. quest. 3.* Qui cum fateatur, argumentum hoc adeo difficile esse, ut propter difficultatem eius diuisi fuerint autores, quantum ad modum tribuendi loco immobilitatem, aliorumque sententias examinet & reiiciat, tandem ingenuè fateri cogitur; impossibile esse in sola superficie consistere rationem loci, & locum esse immobilem; cum euident sit, superficiem passim variari, ideoque aliquid requiri, ratione cuius immobilis esse possit. Tandemque eò confugere necesse habet, loca particularia ideo esse immobilia, quia partes sint loci totalis, seu partes totius spatij, seu veri seu imaginarij, sub concauo cœli comprehensi: Quo ut verum fatetur, ita sententiam Aristotelis deserit, & in eorum sententiam concedit, qui locum spatium esse statuunt.

Alia proprietas loci est: esse æqualem locato. Sed superficies non est æqualis locato. Non est itaque locus. Nam superficies habet tantum duas dimensiones: corpus verò tres. Nec illud, quod Pererius respondet, difficultatem tollit, locum scilicet esse æqualem locato, quia superficies conuexa locati, & concaua continentis sunt æquales. Non enim questio est de qualitate superficierum locantis & locati: sed de loco & locato. Locantur autem corpora, non superficies. Ideoque necesse est, ut locus non solum superficier locati, sed toti eius dimensionibus æqualis sit: alias enim locus non esset æqualis locato. Nam linea non superficier locati, nec superficies corpori: sed linea lineæ, superficies superficier, & corpus corpori dicitur æquale.

Plures loci proprietates cum superficie non conferimus. Satis enim ea, quæ hæcenus dicta sunt, iis, qui locum superficiem statuunt, negotij facessere videntur. Hoc tamen addimus. Locus est communis affectio omnium corporum naturalium, & omnibus corporibus naturalibus competere debet. Sed superficies corporis continentis non omnibus corporibus competit. Non igitur est locus. Nam primum cœlum nullam habet superficiem, à qua ambiatur: cum tamen sit corpus, & localiter moueatur; & proinde locum requirat. Nam quod nonnulli putant, absurdum non esse, affirmare, primum cœlum non esse in loco, nec omni corpori naturali locum competere: absurditate carere non videtur. Nam omne corpus esse in loco, & corpus sine loco, locumque sine corpore esse non posse, à grauissimis Philosophis, Auerroë, Ioan. Grammatico, Porphyrio, Marsilio Ficino aliisque plurimis, non solum antiquis, sed etiam recentioribus asseritur. Nec in eo dissentire videtur Aristoteles, 4. *Physic. cap. 1. text. 6.* & 1. *de cœlo cap. 7. text. 69.* Idque non sine ratione asseritur. τὰ τε γὰρ ὄντα πάντες ὑπολαμβάνουσιν εἶναι πᾶσι τὸ γὰρ μὴ ὄν, ἐλάμβανεν. Aristot. 4. *Physic. cap. 1. text. 1.* Omne, quod est, alicubi est: & quod non est, nusquam est, & quod nusquam est, non est. Corpora naturalia verè sunt ὄντα. Igitur alicubi sunt. Tres autem sunt modi, quibus, res aliqua alicubi esse potest, vel repletuè, vel definituè, vel circumscriptuè, seu localiter. At corpora naturalia prioribus duobus alicubi, naturali modo, esse non possunt. Repletuè enim alicubi esse, soli Deo competit: qui, ut Damascenus rectè scribit, lib. 1. cap. 16. ὁ θεὸς ὁ πανταχῶς, καὶ ὁ πανταχῶς ἐν παντί, καὶ ὁ πανταχῶς ὑπὲρ τὸ πᾶν: seu ut Scalig. lib. 1. *de plantis*, ait, qui est per omnia, super omnia, in omnibus, ante omnia, post omnia, excelsus, gloriosus, immensus, incomparabilis, incomprehensibilis. Definituè Angelis. Ergo corpora naturalia, quatenus talia, ubi sunt, localiter sunt. & ob circumscriptas & definitas suas dimensiones in circumscripto & definito spatio sunt: Hinc bene Durandus, in 4. *sentent. distinct. 44. quest. 6.* ait: Ex hoc solum occupatur locus à locato, quod locatum habeat

intra locum dimensionem suarum partium. Cum igitur hoc sit essenziale locato, prout est quantum impossibile est, quod locatum sit in loco, & non occupet locum. Et ibidem paulò post: Si corpus sit localiter in loco: non potest fieri, quod non occupet locum: quia occupare locum, est; habere in loco partes positione distantes à se inuicem, & ab omni alia Quantitate: & illud nihil aliud est quam esse quantum. Elegantissimus etiam locus, quo docetur, quomodo locus sit corpori necessarius, videatur apud Iul. Cæs. Scalig. *Exerc. 5. sect. 6.* Et omnino motus satis monstrat, cœlum esse in loco. Cum enim omne, quod mouetur, motu locali in loco moueatur: Cœlum verò locali motu moueatur: nullo modo ipsi locus denegari, nec motus localis sine loco fingi potest. Imò etiam si absque motu esset: tamen naturā suā cœlum est in loco. Etenim cum locus corporibus comperat, non solum ob motum, sed corpora naturalia, etiam dum non mouentur, in loco sint: quamcunque posueris causam proximam, & ex natura corporum deductam, cur sint in loco: eadem in cœlo quoque inuenietur; cum sit corporis naturalis species.

Quod verò hîc obiicitur autoritas Aristotelis, lib. 4. *Phys. cap. 5. t. 43.* hanc regulam cognoscendi, quænam corpora sint in loco, quæ non, tradentis; Id corpus in loco esse, extra quod aliud corpus est, quod ipsum contineat; illud verò non esse, extra quod nullum est: nihil ea autoritas nobis officit. Nam Aristoteles ex præsupposita sua loci definitione hanc regulam extruit; quæ si ruit, & hæc regula ruit: simulque concidit argumentum illud, quod ex ea petitur: Cœlum nimirum non-esse in loco; quia locus sit superficies corporis continentis: Extra autem cœlum nullum corpus. Principium enim hîc petitur: magisque dubium est, an locus sit superficies, quàm, an cœlum sit in loco.

Cum ergo ob has, pluresque alias rationes, sententia illa, quæ locum statuit esse superficiem corporis continentis, ferri non possit: locus autem omnibus Peripateticis consentientibus reuera sit, & quidem à corporibus locatis quid distinctum sit, asserimus, locum esse spatium illud totum, longum, latum, & profundum, quod corpus locatum occupat. Estque hoc spatium quiddam ab ipsis corporibus diuersum. Si enim omnia totius vniuersi corpora cogitatione remoueas, relinquetur spatium longum, latum, & profundum; quod tamen actu nunquam est sine corporibus: sed totum vniuersum totum hoc spatium occupat, & quælibet pars vniuersi partem spatij totius sibi æqualem vendicat.

Dari autem tale spatium, patet ex l. 4. *Phys. text. 3.* translationisque vicissitudines id nobis monstrant. Illic enim, ubi aqua nunc est, cum inde effusa erit, ut ex vase, aer vicissim inerit: vel eundem locum aliud corpus æquale occupare poterit. Neque accidit hoc tantum ratione superficier. Nisi enim vas secundum omnes dimensiones vacuetur; aliud corpus ingredi non poterit: locatumque occupat locum, secundum omnem trinam dimensionem. Sint enim duo vasa æqualis secundum superficiem concauam magnitudinis & capacitatis, atque alterum, quod nihil, nisi aërem, capit, aqua repleatur: quam si postea in alterum, in cuius medio prius lapidem è filo suspenderis, effundas, non capietur à vase, æqualis tamen capacitatis superficier. Huius rei quænam est causa? Si superficies est locus, cur, cum dentur hîc æquales superficies, & proinde æqualia loca, non æquale corpus & locatum recipiunt? Nimirum, quia locus non tantum ex superficie, sed ex toto spatio & profunditate, secundum quam fit locatio, est definiendus & æstimandus. Et quod duo corpora non possint simul esse, non fit saltem ob corporis continentis

Locus spatium est, non superficies.

An detur tale spatium.

Superficies non omnibus corporibus competit.

Cœlum est in loco.

Deus adest repletuè.

Angelus definituè. Corpora naturalia circumscriptuè.

mentis superficiem, sed ideo, quod peculiare spatium cuique corpori debetur.

Atque hoc spatium locum esse, & ex dictis, & ex eo patet, quod ei omnes genuinæ loci proprietates competunt; & hac sententia grauissimæ, quæ alios vrgent, difficultates euitari possunt. Nam spatium locatum continet, eidemque est æquale: & nunquam est sine aliquo corpore, sine hoc tamen vel illo esse potest: Est immobile, nec cum corpus aliquod mouetur, interuallum vnà transfertur, sed corpus ex vna parte spatij huius transit in aliud. Ex hac denique sententia grauissima illa controuersia, in qua dissoluenda altera pars multis modis laborat, vt videre est apud Peterium, *lib. 11. cap. 8. Tolet. lib. 4. Physic. quest. 7. Colleg. Conimbr. lib. 4. Physic. c. 5. quest. 2. art. 12.* quomodo nimirum supremum cælum sit in loco, facile componi potest. Est enim in suo spatio, quod occupat, vt Scaliger, *Exercitat. 5. sect. 3.* rectè ait.

Quid tamen hoc spatium sit, definire non ita facile est. Non tamen idcirco id esse negandum est. Distinctæ enim sunt quæstiones; an res sit, & quid res sit. Et si nihil in rerum natura esse, nisi cuius naturam perfectè cognitam haberemus, concedendum esset: plurimas res, ob latentem earum essentiam, contra firmissimas rationes, in natura existere negandum esset. Vbi tamen illi, qui cælum vltimum in loco esse negant, explicauerint, quid sit illud Vbi, in quo extremum cælum est & mouetur: facile quoque explicari poterit, quid sit spatium. Aut explicent illi materiæ primæ essentiam, ac spatij naturam explicare æquè facile erit. Si enim à corpore naturali, cogitatione remoueo formam omnem, omniaque quæ inde fluunt accidentia, quomodo ipse Aristoteles, *7. Metaph. cap. 3. text. 7.* eam per negationem omnium rerum describit: quid quæso reliquum manet? & an propterea, quia eius essentiam non satis assequi, ac non nisi νοθῶ λογισμῶ. comprehendere licet, Ens saltem imaginarium dicenda est? non certè. Ita etiam si mens spatium non possit concipere, nisi per negationem omnium corporum: non tamen sequitur, quod nihil sit, aut nihil à corpore diuersum. Si enim hoc & hoc, & illud & illud corpus ab hoc spatio potest separari; certè corpora hæc omnia à spatio hoc erunt diuersa, & spatium à corporibus.

Quid tamen de eo sentiant autores, proferemus. Proclus spatium hoc statuit esse corpus animatum, indiuisibile, immobile, immateriale. Alij hoc spatium reale nihil esse volunt, sed secundum se vacuum quoddam, seu priuationem corporis, quod tamen recipere potest. Alij spatium hoc dicunt esse accidens, & quidem quantitatem longam, latam & profundam: non quidem, vt Epicurus, sine aliquo corpore seorsim existentem, sed semper coniunctam cum aliquo corpore. Iordanus Branus Nolanus quintum genus causæ esse existimat. Quod etiam olim assertum videtur. Locum enim à Peripateticis inter principia naturæ connumerari ex Alberto Magno referunt: à quorum opinione non alienus videtur Franciscus Patricius, in *lib. de spatio Physico*. F. Thomas Campanella, *realis Philosoph. epilogistic. part. 1. cap. 2.* statuit, primò opificem, in principio temporis, imaginem semper idem, permanentis æternitatis, à quâ fluit, extendisse spatium in infinitum, Locum scilicet, basin existentia, in quo pulchrum opificium, h. e. mundum collocaret. Atque ideo definit Locum, esse substantiam primam aut capacitatem immobilem, & incorpoream, aptam ad recepiendum omne corpus, longum, latum & profundum incorporaliter, quo possit corpora longa, lata & profunda absque mutuâ penetratione corporali recipere.

Inter has opiniones, posteriores, quia à claris viris defenduntur, ex autorum illorum mente proponere libet: Non quod nesciam quibus & istæ opiniones difficultatibus vigeantur; cum longè facilius sit Aristotelis de loco opinionem impugnare, quàm quid spatium sit, monstrare: sed vt Naturæ obscuritatis scrutatores assidui hac de re diligenter cogitandi ansam habeant. Nam, vt sapienter Aristoteles, *2. metaph. cap. 1.* scribit: *Non solum illis agenda sunt gratia, quorum opinionibus quis acquiescit, sed illis etiam, qui superficietenus dixerunt: καὶ γὰρ καὶ εἰ τοι συμπαρόνται τι. τὴν γὰρ ἔξιν περὶ στήσαν ἡμῶν.* Et rectè Scaliger, *lib. 1. de Plant. Nihil viro studioso pratermittendum, quod ad pleniorē sese offerat contemplationem.*

Iulius Cæsar Scaliger ergo spatium hoc, *Exerc. 5. sect. 2.* dicit esse vacuum corpore plenum, seu vacuum, in quo est corpus, cuius natura sit talis, vt cedente corpore corpori fiat vacuum, vt impleatur. Sicut priuatio est vacuitas formæ introducendæ: & nihilominus ab Aristotele inter principia Physica ponitur. Nam, vt Epicurus, in *Epistola ad Herodotum*, apud Diogen. *Laërt. l. 10.* scribit: *εἰ μὴ ἦν, ὁ κενὸν καὶ ἡώραν ὀνομάζομεν, ἐκ δὲ ἔχεται σώματα, ὅπερ ἦν ὁ δὲ ἐκινεῖτο, καθάπερ φαίνεται κινεῖσθαι; Nisi enim esset quod inane & locum, & quæ tangi non potest, naturam nominamus, nequaquam haberent, ubi essent corpora, neque per quod mouerentur, quæ profecto moueri perspicuum est.*

Penultimam verò sententiam acriter defendit olim Philoponus, nec eandem nonnulli, etiam hoc seculo, absurdum esse statuunt. Neque putant, huic opinioni illud, quod obiicitur, officere: Nimirum, si spatium ipsum longum, latum, profundum esset, & in eo aliud corpus locaretur, penetrationem dimensionum fieri. Non enim duo corpora in eodem loco esse non possunt ob quantitatem saltem; aliàs enim nec corpus de prædicamento substantiæ posset simul esse cum corpore de categoria Quantitatis; cum tamen hæc duo idem sint numero & subiecto: sed ob materiam corpoream. Discernendumque est corpus extensum & dimensum ab ipsa extensione & dimensione; quorum illud substantia corporea est, hoc accidens: quorum tamen vtrumque corpus appellatur, ob vtrumque hinc penuriam. Hinc ipse Ioan. Grammaticus ait: *Corpus non esse trinam dimensionem, sed substantiam, cui accedit Quantitas trina.* Neque etiam ex hac opinione insigne aliquod absurdum sequitur, nimirum, fieri transmigrationem accidentis de subiecto in subiectum. Illa enim tantum migratio formæ, vel accidentis de subiecto in subiectum impossibilis est, qua accidens vel forma vna numero totum suum subiectum deserit, & in aliud migrat: si verò forma substantialis, vel accidentalis è toto suo subiecto non migret, sed in eo maneat, absurdum non est, ab vna parte transire in aliam. Dimensio igitur quæcunque, quodcunque etiam corpus recipiat, tanquam pars dimensionis totius vniuersi, partem etiam aliquam vniuersi in se continebit.

Denique neque illud ex hac opinione sequitur, fore infinita actu loca, aut loci esse locum, locumque locum mutare, vt est *lib. 4. Physic. cap. 4. t. 37.* Nam partes aquæ sunt in aqua; sicut toto, & in spatio sicut loco: quæ si finitæ sunt, finita ipsis respondent spatia, si infinitæ, infinita. Deinde, cum tota aqua locum mutat, partes quoque aquæ locum mutant: non tamen locus locum mutat, & loci locus est. Sed vt totum & partes transferuntur: ita etiam totum & partes locum mutant: spatium tamen, quod vniuersi spatij pars est, immobile manet. Nec enim fluuius, vel cælum, vel vas, vel aliud quippiam tale, locus est, sed spatium, in quo fluuius, cælum, vel vas, vel aliud quiddam continentur.

Didacus Masius, ex Philopono, & alijs spatij defenso

fenforibus, naturam interualli ita describit. Natura illius est corpus: nam constat tribus dimensionibus, longitudine, latitudine & profunditate: est tamen immateriale; quia caret omni materia & forma. Debet enim penetrare locatum, secundum omnes dimensiones: At si constaret materia, non posset penetrare. Vnde est & indiuisibile; quia ab eo nullæ partes possunt detrahi. Diuisio enim in his, quæ constant materia tantum potest habere locum, & præterea separatum est à corporibus, quæ in ipso locantur. Nam idem interuallum numero, quod recipit in amphora vinum, idem recipit aërem, & hoc pulso aquam vel alium liquorem. Vnde non habet à corporibus indiuiduationem, sed à corporibus, intra quorum latera continetur, ut interuallum quod est in amphora, ab amphora, quod in aëre, ab aëre. Præterea nullis qualitatibus afficitur; quia neque est candidum, neque atrum, neque calidum, neque frigidum. Quare potius videtur corpus Mathematicum, ab omni materia sensibili separatum, quam Physicum & naturale. Penetrat etiam omnia corpora, quæ gremio suo complectitur, sine diuisione tamen, quemadmodum dulcedo lac totum penetrat, sine vlla ipsius diuisione. Nam ita penetrat corpora, quæ continet, ut adimpleat ea secundum omnes partes, & dimensiones, non tamen ut diuidat. Postremo est vnum interuallum in toto vniuerso & mundo ipsi æquale, quod in diuersis partibus recipit diuersa corpora. Neque cum mouetur corpus aliquod de loco ad locum, defert suum interuallum, sed de vna parte interualli ad aliam transmigrat, ipso interuallo omnino immobili manante.

Franciscus autem Patricius ita de loco sentit. Principio communem omnium hominum notionem esse dicit; Et spatium esse & aliquid esse: cum nomina hæc; Dimensio, distantia, Interuallum, Intercapedo, spatium, *διάστασις*, *διάστημα* formarent: consensumque hunc à sensu ortum habuisse. Omnes enim Cælum à terra, orientem ab occidente, caput à pedibus distare cernunt: motusque localis & corporum de loco in locum migratio & per vices translatio, idem docent. Nam vbi modò aqua erat, effusâ aquâ aër subintrat, aërisque locum aqua capit.

Spatium verò hoc à summo rerum opifice DEO omnium primum productum fuisse statuit, utpote quo omnia alia, ut essent, eguerunt, & sine quo esse non potuerunt. Quod autem difficilis sit cognitio spatij, non mirum esse dicit: Corporum enim omnes Qualitates, quibus in sensus incurrere possunt, corporibus ipsis posteriores sunt: spatium vero à corporibus diuersum, imò corporibus prius esse. Spatium nimirum mundanorum omnium primum esse statuit: imò ipso mundo prius. Nam si mundus, inquit corruperetur, atque in nihilum redigeretur, spatium in quo nunc mundus, ut in loco est, inane prorsus remanebit. At si iterum cælos novos terramque nouam DEVS reficiat, spatium præexistit, quod novos capere cælos nouamque terram posset. Quod enim iam plenum est, non pertinet, ait, ad spatij essentiam (sicut nec forma ad materiæ primæ essentiam pertinet, etsi nunquam sine aliqua formarum) sed plenitudo ei accidens. A corporibus nimirum illi plenitudo accidit, quæ omnia ab eo sunt diuisa. Spatiūque non nisi quatenus corpus locat, locum esse dicit, sua autem natura, antequam locus sit, spatij totius partem esse. Ad illud verò, quod plerunque obiicitur, si spatium sit aliquid, vel substantiam, vel accidens esse, respondet: Spatium per se ipsum, cum mundum præcedat, cumque extra mundum sit, nihil rerum esse mundanarum, præter eam eius partem, quæ mundum capit, aut quod mundus sub corpore occupat; sed omnia mundana siue

ea sint corpus, siue non corpus, siue substantia, siue accidens, antecedere, atque omnia vti illi accedunt, sic accidere: iisque, qui categoriarum scriptores fuere, spatium hoc incognitum fuisse. Tandemque definit spatium esse extensionem hypostatice, per se subsistentem, nulli inhaerentem. Si tamen Categoriae vrgeantur: si substantia est, inquit, quæ aliis substat, quæ per se subsistit, quæ nulla aliarum rerum eget ad esse, spatium maximè substantia erit. Substat enim spatium per se, nulli innititur, nullius eget, ut sit & sustineatur, sed ipsum substantiis sustentationem præbet, easque, ut sint, sustentat, omnibusque substat aliis naturæ rebus. Idem Quantitatis fontem & originem esse, longitudinemque latitudinem, profunditatem, omnesque dimensiones habere dicit: Idem nunquam vel in toto vel in partibus moueri, quæcunque verò mouentur, per hoc spatium moueri, atque ita esse prorsus immotum & immobile. Reliqua quæ hac de re prolixè scribit, videantur *lib. de Spat. Physico*. Hoc saltem addo. Quantitas corporis cum corpore ipso mouetur, cuius est Quantitas: at, ut ipse Aristoteles statuit, corpus translatum in locum alterius, eundem numero & naturâ locum occupat, quem id corpus, in cuius locum venit, prius occupabat. Verbi gratia, aqua succedit aëri in eodem numero loco; atque ita & aquæ & aëris quantitas numero diuersa est à quantitate spatij; cum vtraque in suo corpore maneat, etsi id alium locum occupet. Et cum locus nihil sit locati, nihilque etiam sit, ut antea monstratum, corporis ambientis: quid quæso, aliud, cogitari potest, si & ambiens & locatum remouentur, quam spatium trinè dimensum? καὶ ταῦτα μὲν δὴ ταῦτα. Rem difficilem egregia Iul. Cæs. Scaligeri, *Exercit.* 297. sententia concludamus. *Sapientium*, inquit, *sententias oppugnare, paratius est unicuique, quam suam tuò alienis committere iudiciis. Neque me unquam fugit, & sæpe meipsum moneo: Videam, animaduertam, meminerim, quàm sit imbecilla nostra mentis acies ad vestiganda Natura penetralia.*

CAPVT VIII.

De Tempore.

Essentiæ affectus peculiaris is est, quem vocant Philosophi durationem, id est, ut loquuntur, essendi tractum continuatum, ut rectè ait Scalig. *Exerc.* 350. s. 7. Est enim duratio mensura ipsius Esse cuiusque rei; & in qualibet re hæc tria se insequuntur; Essentia, existentia, & duratio: quæ hunc inter se ordinem habent, ut prima sit essentia, secunda existentia, tertia Duratio. Duratio autem tam ab essentia, quàm ab existentia differt. Et quidem ab essentia rei re ipsâ differt. Sunt enim plures res eiusdem essentia, quæ tamen diuersam Durationem habent: & contrâ, res plurimæ sunt eiusdem durationis, quarum tamen omnino diuersa est essentia. Ab existentia verò rei duratio re ipsa non differt. Nihil enim ferè aliud est rem durare, quàm existere; & idem est, rem esse breuis vel diuturnæ existentia, & rem habere breuem vel diuturnam durationem. Eodemque modo, quo se habet extensio Quantitatis ad Quantitatem: (quæ tamen re ipsa non differunt) ita se habet duratio existentia ad existentiam. Est tamen aliquod inter eas discrimen. Neutra enim existentia hæc tantum est, ut res sit extra suas causas, & actu aliquid; Duratio verò significat extensionem rei in suo esse, & continuationem seu moram existentia. Duratio igitur existentia propriè est, non Quidditatis, semperque præsupponit existentiam, sine qua nec esse, nec intelligi potest. Hinc non incommode definitur Duratio, quod sit extensio

Duratio quomodo differat ab essentia & existentia.

Duratio definitur.

rensis existentiae rei : seu morari in suo esse.

Quale autem esse rerum, talis etiam mensura eius : & quot sunt modi, quibus res in suo, liceat sic loqui, esse continuantur, tot sunt etiam rerum durationes. Ut igitur res triplices sunt, sic etiam tres durationes, vel ut alij loquuntur, mensurae durationis : Tempus, Aeuum, & Aeternitas. Durationis enim rerum, quae nullo modo infinitae sunt, & quae non solum initium, sed etiam finem habent, mensura est Tempus : Rerum partim finitarum, respectu scilicet initij, quod habent, partim infinitarum, respectu finis, quem non habent, mensura est Aeuum : Rei, quae omnibus modis infinita est, & quae nec principium, nec finem habet, Aeternitas competit. Sed de tempore agere, huius loci est.

Omnes omnino homines Tempus frequenter in ore habent, & sapissime, Hodie, Heri, Cras, Horas, Dies, Menses, Annos nominant ; atque eo ipso Tempus reuera aliquid esse concedunt : Quid tamen id sit, paucissimis notum est : Fueruntque semper variae de Temporis natura opiniones, ut videre est apud Franc. Piccolhomin. *lib. de corp. nat. comm. aff. c. 13.* Aristot. tres recenset, easdemque refutat, 4. *Phys. c. 10.* Aliqui enim statuerunt Tempus esse caeli motum ; alij sphaeram caelestem omnium maximam, alij motum simpliciter. Ut igitur, quid tempus sit, inueniamus, sciendum, tempus considerari posse dupliciter, primo pro interna alicuius rei, quae initium habuit, & finem habitura est, & successiue continuatur, & ut vno verbo dicam, *rei mobilis duratione* ; deinde *durationis illius ad motum aliquem mensuratione* : Atque hoc posteriori modo vulgo à Physicis tempus accipitur, & tempus sine motu non esse, nec sine motu percipi posse, statuitur. Tunc enim intelligimus Tempus, cum motum fuisse intelligimus : & cum nullum motum percipimus, tempus etiam fuisse ignoramus : quod in dormientibus apparet. Ii enim expergefati, momentum, quo excitantur, cum eo, quo sopiti sunt, coniungentes, nullum tempus intercessisse existimant ; quod fabula illa, quam Aristoteles, *l. 4. Phys. c. 11. v. 97.* citat, declarat. Cui similem historiam alij referunt de tribus hominibus, qui Athenis in quodam festo inebriati totum triduum dormiuerunt. Cum enim vnus eorum altera ab illa, qua dormire coeperat, nocte expergefactus, stellas adhuc lucentes videret, ratus noctem illam primam nondum elapsam esse, Solémque nondum ortum, rursus se ad somnum composuit, donec tandem tertio die cum reliquis expergefactus ad festum rediret, persuasum habens esse diem nocti, qua ebrius obdormiuerat, proximam. Nec dissimilem de Epimenide seu fabulam seu historiam refert Plin. *nat. hist. l. 1. c. 52.* & quotidiana experientia talia suggerit. Tempus igitur sine motu non est : Imò aliquid ipsius motus est. Tempus enim & motus simul percipiuntur. Nam etsi quiescentes, atque in tenebris sedentes nullo sensu vllum motum percipiamus : modò mente aliquem concipiamus, statim etiam nobis tempus occurrit : & rursus quoties tempus cogitamus, etiam motus aliquis sese animo nostro offert. Tempus igitur aliquid ipsius motus erit : quod quale sit porro sic inuestigemus.

Omne quod mouetur, ab aliquo ad aliquid mouetur, id est, à termino à quo, ad terminum ad quem ; ita, ut inter duos illos terminos magnitudo interiaceat. Magnitudo autem omnis continua. Igitur & motus, qui fit continenter per magnitudinem continuam, erit continuus : & per consequens etiam tempus erit continuum : quia quantus est motus, tantum etiam tempus : motusque longior, sit longiore ; brevis, breuiore tempore. Deinde in magnitudine est prius & posterius. Omnis enim magnitudo est in partes diuidua, quae ita sunt dispositae, ut

aliae sint priores, aliae posteriores. Qua de causa proportionem etiam erit prius & posterius in motu : prioresque sunt eae partes motus, quibus mobile mouetur super priores partes magnitudinis ; posteriores, quibus super posteriores. Eademque de causa etiam in tempore erit prius & posterius ; atque ita motus, quatenus prius & posterius habet, cum tempore cohaeret, ut ex distinctione prioris & posterioris in motu in cognitionem temporis perueniamus. Cum enim consideramus duo instantia seu duo extrema, quibus motus terminatur, & his duobus extremis medium interiectum esse intelligimus, statim tempus concipimus. Contra verò, cum percipimus aliquid sub ratione vnius instantis, nec duo instantia, vnum prius, alterum posterius intelligimus : nullum etiam tempus percipimus.

Ex his itaque colligimus, *Tempus esse Numerum motus, secundum prius & posterius.* Quae definitio ut rectius intelligatur & explicetur, haec notanda sunt. Primò : Numerum esse duplicem : Vnum *numerantem*, ut binarius, ternarius, &c. alterum *numeratum*, ut duo lapides, tres arbores, quatuor homines. Prior, qui & formalis dicitur, & quo numeramus, est Ens vnum per se, quantitas nimirum discreta, cogitatione à quacunque materia abstracta, & mente perceptibilis : & est omnibus rebus communis, nec secundum multitudinem rerum numeratarum multiplicatur : Alter, qui materialis dicitur, cum rebus cohaeret, & sub sensum cadit, nec ad vnum aliquod peculiare praedicamentum pertinet, nec est Ens vnum per se, sed ad id praedicamentum redigitur, ad quod res, quae numerantur, & multiplicatur pro rerum, quae numerantur, varietate. Seu numeri vocabulum dupliciter usurpari, Primò pro quantitate discreta, vel multitudine constante ex partibus inter se distinctis, vel pro qualibet mensura etiam continua. Tempus autem non est numerus priore, sed posteriore modo acceptus ; tempusque non est numerus, quo numeramus, (cum tempus sit quantitas continua, numerus verò quantitas discreta) sed numeratus seu numerabilis, partes nimirum motus numeratae. Non enim hic praetereundum, nonnullos distinguere inter numerum numerabilem & numeratum, numerumque numerabilem docere esse res, quae potentiam & aptitudinem habent, ut numerari & distinguere possint ab intellectu, quamuis actu non numerentur : Numerum verò numeratum, res, quae iam actu numeratur ab aliquo : & tempus numerum numerabilem esse dicunt seu motum, qui distinguere potest, ut partes aliae eius sint priores, aliae posteriores, quamuis nullus esset homo, qui actu eas numeret. Ex quo ipso patet *tempus esse ens reale* : Aptitudo enim numerandi seu numerabilitas non pendet à numerante, sed ipsi tempori & motui inest. Numerus numerabilis rursus duplex est : vnus, qui cohaeret rebus, reuera à se inuicem discretis : & talis numerus tempus non est : alter, qui constat ex partibus, non re, sed cogitatione distinctis, ut si quis aliquod continuum in aliquot partes diuisum concipiat ; & talis numerus est tempus. Est enim fluxus & continuus tractus partium motus ; continenter sese insequentium.

Deinde hoc etiam hic obseruandum est : *Mensuram esse duplicem* : vnā *formalem*, quae *mensurata seu mensurabilis* dicitur ; alteram *mensurantem*, quae *actiua* appellatur : quod alij dicunt, tempus esse numerum motus vel actiue vel passiue. Mensura formalis est, quae, dum inest alicui subiecto, facit, ut illud sit formaliter mensurabile ; & hoc modo quaelibet Quantitas, inhærens alicui subiecto, facit ipsum formaliter mensurabile, estque tanquam accidens hac mensura in eo, cuius est mensura. Mensura autem mensurans est, quae, tanquam norma, aliam rem ex-

Temporis definitio.

Numerus duplex.

Mensura duplex.

Duratio triplex.

Tempus est. aliquid ipsius motus.

tra se metitur. Est enim hæc semper extra rem, quam numerat, & dimititur.

Hinc itaque quaeritur: *An tempus sit mensura seu numerus, quo extra motum constituto motum numeramus: An verò tempus sit ipse motus mensurabilis.* Etsi verò utroque sensu auctores tempus numerum seu mensuram esse dicunt: Primò tamen & principaliter Tempus est mensura formalis, & numerus, qui numeratur. *Arist. 1. Phys. c. 11. t. 101. & 12. t. 110.* Temporis enim natura non ex eo pendet, quòd eo numeramus alia; sed ex eo quòd sit motus numeratus secundum prius & posterius. Præterea esse mensuram, (mensurantem scil. seu actiuam) est quiddam respectuum: tempus autem absolutum. Non igitur esse mensuram mensurantem est essentiale tempori. Sicut enim τὸ ὕλη non pendet à mensurando, ut nimirum pannum vel quidam aliud ea metiamur: sed ex eo, ut sit lignum, vel aliud quiddam Quantitate, verbi gratia, quatuor vel plurium palmorum, cui postea accidit, ut alias res eâ metiamur: Ita temporis essentia in eo consistit, ut sit motus numeratus, & distinctus secundum prius & posterius, quem postea quædam affectio insequitur; esse scilicet mensuram aliorum. Sic tempore, quod conuersione cæli describitur, aliarum rerum motus mēsuramus, & partibus temporis, horis, diebus, mensibus, annis, totum aliquem motum metimur.

Neque verò quia tempus est numerus; Numerus autem non existit sine actione animæ nostræ: tempus erit saltem res ficta, & ens rationis. Sciendum enim hîc in tempore duo considerari; primum est eius *essentia*, quæ est duratio quædam partium motus; alterum, eius *affectio*, quæ est numerabilitas, ut sic loquar, & mensurabilitas. Prius essentia scilicet temporis absoluta nullo modo à nostro intellectu pendet, sed eo ablato nihilominus maneret. Mensurabilitas verò ab animæ nostræ operatione aliquo modo pendet. Cùm enim partes temporis vel actu mensurentur; vel habeant potentiam, ut possint numerari: secundum actum, & quatenus actu numerantur, ab animæ nostræ operatione dependent; quæ ablata, nihilominus maneret mensurabilitas. Neque etiam cùm mens nostra partes temporis præteritas & futuras confert, coniungit, & numerat, aliquid, quod non est, fingit: sed partes iam antè in motu reuera inuenit. Ut enim vlnæ lignum per se quidem, nobis non cogitantibus, habet Quantitatem tot vel tot palmorum: tamen distinctio & notatio illorum est mentis & artis nostræ: ita etiam motus per se quidem in rerum natura secundum successionem, extra animæ nostræ operationem, aliquid est sed collatio partium priorum & posteriorum, earumque numeratio, animæ nostræ actio est.

Nec illud hic ignorandum; etsi *tempus* quiddam reale est: tamen *non est res permanens*, quæ partes suas simul actu præsentis & permanentes habeat: sed *successina*, quæ nullam partem actu existentem obtinet, sed omnes in continuo fluxu & successione, ita, ut cum vna præterierit, continuo succedat alia.

Illud etiam hîc, ut definitio rectius intelligatur quaerendum est: *Cuiusnam rei motus in definitione accipendus sit.* Sciendumque, præcipue & principaliter intelligi *motum cæli*, qui omnium notissimus, maxime regularis, vniformis, & perpetuus est, & inprimis quidem primi mobilis, Solis & Lunæ quorum motibus dies, noctes, menses & anni describuntur: Reliquarum autem stellarum motibus vulgus tempus nullum attribuit; quia eorum motus etiam vulgo ignoti. Mathematici tamen id planè non prætereunt. Et ut motus cæli omnibus gentibus vniuersalis est: ita etiam hoc tempore omnes gentes vtuntur. In aliis tamen motibus tempus omnino non esse, dicendum non est; Cùm enim in vnoquoque motu sit prius & posterius, & secundum illud numeretur:

in quolibet etiam motu tempus erit.

Ex his, quæ dicta sunt, alia quaestio oritur; *An vnum sit tempus, vel plura.* Ad quam ut respondeatur, sciendum. Primò, *Vnum* hîc dici posse tempus vel numero vel *specie*. Deinde, Tempus, ut iam dictum, esse vel *principale*, quod cæli est, vel *minus principale*, & secundarium, quod est aliorum motuum omnium. Tertio *duo* esse in tempore, ut Scholastici loquuntur; vnum *materiale*, quod est motus, alterum *formale*, quod est numerus. Hinc ad quaestionem responderetur: *Tempus primum & principale esse vnum numero.* Ut enim vnus apud omnes motus est cæli: sic etiam vnum, hinc dependens, tempus. Si verò tempus absolute intelligatur pro numero cuiuscunque motus, vnum numero non est: sed formaliter est quidem vnum specie, materialiter verò multa, multiplicatūque secundum motus multiplicationem. Ut enim septem arbores, & septem equi, non differunt, quatenus sunt septem, sed quatenus sunt arbores, & equi: ita quicunque motus simul sunt, non differunt, quatenus numerantur secundum prius & posterius, sed quatenus peculiares sunt motus. Tempus ergo formaliter apud omnes vnum est. Ratio enim præteritis, præteriti & futuri eadem est apud omnes, & quæ secundum has temporis differentias distinguuntur, ea etiam secundum tempus distinguuntur: quæ verò in harum aliqua differentia conueniunt, ea etiam in tempore conueniunt: etsi aliàs differant.

Vocatur hoc loco etiam illud in dubium: *An quies sit addenda in definitione temporis*, quia non solum rerum motus, sed etiam quies numeratur tempore, & tam quies, quam motus sunt in tempore. Sed nulla euidens ratio suadet, ut quietis etiam in definitione temporis mentionem faciamus. Tempus enim per se est mensura motus, quietis autem per accidens. Quies enim, quia per se prius & posterius non habet, per se etiam mensurari & numerari non potest. Mensuratur autem quies à tempore, vel ut est priuatio motus; eadem enim habitus & priuationis mensura est: diciturque res tanto tempore quieuisse quanto non est mota, seu quantum esset motus, si tum mobile continuè motum fuisset, vel quia vnus corporis quies semper coniuncta est cum motu alterius corporis, cuius beneficio quies mensuratur.

Cùm verò Tempus & motus tam arcte cohæreant, illud etiam discutiendum est: *An tempus reipsa à motu differat.* Quaestiois autem huius sensus primò animaduertendus est. Non enim quaeritur de tempore primi mobilis, collato cum aliorum corporum motibus. De hoc enim non est controuersia, omnesque concedunt, tempus motus cæli reipsa à motu aliorum corporum differre; cùm in diuersis sint subiectis: sed quaestio est; *An tempus quodlibet, comparatum cum eo motu, cuius est numerus & mensura, ab illo reipsa differat.* Etsi verò alij aliud sentiunt: rectior tamen eorum videtur sententia, qui censent, *motum reipsa à tempore non differre.* Est enim tempus nihil aliud nisi motus numeratus secundum prius & posterius.

Illud denique in definitione explicandum restat: quid intelligatur per *prius & posterius*. De quo tenendum, prius & posterius non hîc accipi absolute pro nudo respectu; sed *in æquidistantibus subiecti, & concretè pro partibus motus respectum talem includentibus*. Prius enim & posterius hîc nihil aliud significat, quam partes motus numeratas, quatenus durant, & vna post aliam decurrit.

Partes temporis sunt *Præteritum & Futurum*: quas partes tum distinguit, tum copulat & coniungit τὸ νῦν. Ipsum tamen *Nunc seu momentum*, temporis pars non est: sicut nec punctum lineæ. Ita enim se habet Nunc ad tempus, sicut punctum ad lineam *Continuum* autem *ex indiuisibilibus non componitur*.

Vltimo loco circa tempus nec illud prætereundum: *An tempus generet & corrumpat.*

An vnum sit tantum tempus, an verò plura.

An in temporis definitione sit addenda Quies.

Tempus an à motu re ipsa differat.

Quid per prius & posterius intelligendum.

An tempus generet & corrumpat.

Tempus est mensura mensurata.

Tempus non est res facta.

In tempore duo consideranda.

Essentia.

1. affectio.

Tempus non est res permanens.

Cuiusnam rei motus in datâ temporis definitur intelligendus.

dum: *An temporis sit generare vel corrumpere res.* Et si vero vulgo dicatur; Tempus res alias producere & perficere, alias corrumpere, Poetis quoque sit familiare: Tempus omnia consumere: esse vorax; omnia valere permutare; nullamque rem maius tempore robur habere, ut præcipue videre est apud Ouid. 4. de trist. eleg. 6. Tamen breuiter cum Scalig. Exercit. 352. respondemus: *Temporis, ut temporis, nullam esse efficaciam.* Cum enim Quantitas sit, nihil agit. Omnes vero illi effectus adscribendi sunt rebus, quæ in tempore, vel cum tempore sunt: ipsum vero tempus res corrumpere vel generare dicitur, cum in eo contineatur applicatio naturalium agentium ad aliquid conumpendum vel generandum. *Hac de tempore.*

Cui ob cognationem, etsi propriè huius loci non sint, paucula de *Æui & Aternitate* adnectere lubet. Vocabulum *Æui* etsi in ea significatione, qua ab aternitate distinguitur, & ratione initij deficit, Aristoteli, & antiquis Peripateticis & Platonici in usu non fuit: tamen hodiè Scholasticis Theologis, aliisque non ignobilibus Philosophis vsitatissima est vox *Æui*, qui id & à Tempore, & ab Aternitate distinguunt & pro duratione, quæ initium quidem habuit, finem vero habitura non est, vsurpant; quam Angelis attribuunt. De *Æuo* autem etsi variæ sunt autorum sententiæ: nobis tamen hîc hoc sufficiat: Totam *Æui* rationem in eo consistere, ut sit *mensura durationis rerum, quæ habent initium, finem vero non habent:* seu, ut nonnullis placet, *ipsarum rerum, quæ sine carent, initium vero habent, duratio.* Ratio autem mensurandi *Æuum* nobis notissima est per coexistentiam, ut loquuntur, & relationem ad tempus. Dicimus enim Angelos durasse annos 568. quod nimirum tempus creati mundi est. Pater hinc, quomodo *Æuum* differat à Tempore, & Aternitate. A tempore quidem ratione finis, quem tempus habet, *Æuum* non habet: ab Aternitate, ratione principij, quod habet *Æuum*, aternitas vero non habet. Quod expressit Leo Hebraus, dial. 3. de amore: *Æuum*, inquit, angelicum in Tempore & Aternitatis confinio collocatum est.

Aternitas vero, etiã si aliæ etiam sint eius significationes: propriè tamen significat *durationem, quæ initium & finem non habet.* Quo in sensu passim eius ex Boetio talis circumfertur definitio: Aternitas est interminabilis vitæ tota simul & perfecta possessio. Tota enim Aternitatis ratio in immutabilitate consistit. Nam *Aeternum* nec incipit, nec definit, nec vlllo mutatur modo; sed *semper est idem, & totam suam essentiam simul habet.* Ex quo duæ resultant Aternitatis proprietates: prior, ut nullum habeat terminum, nec ratione initij, nec rationis finis: altera, ut sit tota simul. Etsi enim Aternitati dies & annos tribuimus: id tamen facimus nostræ melioris intellectionis causâ. Quæ omnia perpendens Plotinus, ennead. 3. l. 7. c. 2. dicit, Aternitatem esse *ζῶν μένταν ἐν τῷ αὐτῷ, ἀεὶ παρ' ἑνὶ τῷ πάντῃ ἔχουσαν: ἀλλ' ἐν τῷ μὲν τόσῃ, αὐτῷ δ' ἑτέρον, ἀλλ' ἅμα πάντα: ὅ ἐν τῷ μὲν ἑτέρα, αὐτῷ δ' ἑτέρα: ἀλλὰ τέλει ὁμότες.* Id est: *Aternitatem esse vitam manentem in eodem, totam præsens semper habentem, neque nunc quidem hoc aliquid, & postea verò aliud, sed omnia simul: neque nunc quidem altera, posteriùs altera sed indiuiduum finem.* Sed hæc huius loci non sunt. Quapropter cum Augustino, de Cuit. Dei l. 12. c. 12. concludimus: Nihil diuturnum, in quo est aliquid extremum, & omnia seculorum spacia definita, si aternitati interminæ comparentur, non exigua existimanda esse, sed nulla. Ac per hoc, si non quinque vel sex, sed etiam sexaginta millia, vel sexcenta aut sexagesies, aut sexcenties millies dicerentur annorum; aut itidem per totidem toties multiplicaretur hæc summa; ubi iam nullum numeri nomen haberemus: ea tamen ad aternitatem comparata, nulla

Dan. Sennerti Tom. I.

esset; eadem si detraheretur ab aternitate non semel atque iterum, sed toties, quoties à quibuscumque computatoribus dici potest, tamen ad initium aternitatis, quod omnino nullum est, nunquam perueniretur.

CAPVT IX.

De Motu.

Insignis tandem corporis naturalis affectio *Motus* est, ex cuius noticia in plurimarum & abstrusarum in tota natura Rerum cognitionem peruenimus, & cuius ductu tota penè, quæ de Rebus naturalibus est, scientia inuenta & constituta est. An verò motus sit, disquirere velle, hominis contentiosi & proterui esse videtur: cum is omnibus sensibus percipiatur. Quare rectè factum à Diogene, qui auditis rationibus Zenonis, quibus motum non esse probare conatus est, eas responsione dignas non iudicauit, sed solum surrexit & ambulauit, innuens; In rebus, quæ sensibus percipiuntur, sensibus esse credendum. Quod & ipsum Aristoteles approbat, in 8. Physic. cap. 3. l. 32. τὸ μὲν ἐν πάντα ἡρεμεῖν καὶ τέτε ζῆτεῖν λόγον, ἀφέντας τὴν αἰσθησιν, ἀρρώστια δὲ διανοίας, id est, *dicere omnia quiescere, & huius rationem querere, omisso sensu, est infirmitas intellectus.*

Ut verò Motum esse notissimum est: ita quæ sit eius Natura, satis obscurum. Quapropter, ut quid *Motus* sit, perspiciamus, primo loco Aristotelicam Motus definitionem proponemus, eamque paulò diligentius intuebimur: quo facto, non mediocrem Motus cognitionem nos assecuturos speramus. Ita igitur Aristoteles definit Motum, 3. Physic. cap. 1. l. 16. κίνησις ἐστὶν ἢ τῷ δυνάμει ὄντι ἐντελέχεια, ἢ τοῦτον. vel, ibid. cap. 2. text. 16. ἐντελέχεια, τῇ κινήτῃ, ἢ κινήτῳ, id est, *motus est actus eius, quod est in potentia, quatenus in potentia, vel mobilis, quatenus mobile.*

Motus definitio Aristotelis.

In hac definitione primò diligenter est perpendenda vox *ἐντελέχεια*, quæ, ut apud Aristotelem est vsitatissima, & nunquam non obuia: ita, quid ea significet, non ita notum, pluresque in genuina huius significatione inuestiganda laborarunt: adeo, ut de Hermolao Barbaro, viro doctissimo, referant, eum, cum aliquando dæmonis colloquium nactus esset, nihil aliud ab eo petiisse, nisi ut sibi aperiret, quid vox, *ἐντελέχεια* apud Aristotelem significet.

Primò autem hoc notandum, *diuersas* esse voces, *ἐνδελέχεια* & *ἐντελέχεια*: etsi à nonnullis malè confundantur. Nam ut hæ voces in eo differunt, quod *ἐνδελέχεια* est antiquior, quæ & Menander, & Plato, in *Timæo*, imò populus Græcus passim vsus est; *ἐντελέχεια* verò vox noua, teste Cicer. 1. Tuscul. qq. & ab Aristotele seu inuenta seu frequentius vsurpara; ita & deriuatione & significatione differunt. Dicitur enim *ἐνδελέχεια*, ὅτι τὸ ἐν καὶ δύνει, καὶ ἐλάν τὸ ἐχόμενον; significatque continuam, perennem, & perpetuam motionem, seu agitationem, ut patet ex Græco pro- uerbio: ῥάνις, ἐνδελέχεια κοιλάνει πέτραν, id est: Gutta frequenter cadens cauat lapidem: ex Aristotele 2. de gen. & corrupt. c. 10. & aliis Græcis autoribus.

Εντελέχεια vero dicitur ὅτι τὸ ἐν καὶ τέλει, seu *ἐντελές*, καὶ ἔχειν, estque *ἐντελέχεια*, si vocem voci reddes, perfectionis habitio, si sic loqui liceret, seu possessio: & *ἐντελέχεια* apud Aristotelem semper τῇ δυνάμει opponitur, ut videre est, 3. Physic. c. 1. l. 1. 2. 5. Metaph. c. 2. 2. de anima cap. 1. text. 2. Ex quo quid verè sit *ἐντελέχεια* colligi potest. Cum enim potestate res aliqua dicatur esse aliquid, quæ illud, quod potest esse, nondum est: esse *ἐντελέχεια* erit, reuera esse, & illud, quod dicitur esse, reuera obtinere, non amplius potentiam ad id illud recipiendum habere: & *ἐντελέχεια* erit, quod potentiam, quam res habet, perficit, & implet, facitque, ut res illud, quod ante potestate esse dicebatur, iam re ipsa, &

ἐντελέχεια quid.

C

perfe

perfectè esse dicatur: & vt breuiter dicam, ἐντελέχεια
erit potentia impletio seu complementum.

Hæc huius vocis (quæ ignauæ quidem plebi noua: non tamen ignota fuit sapientibus, quibus scribebat Aristoteles, non pædagogis, vt ait Scalig. *Exerc.* 307. *sect.* 39.) cum sit significatio, præcipuè ea formæ substantiali attribuitur. Ipsa enim est λόγος ἐστίας, τὸ τί ἦν εἶναι, vltima τελειότης ac perfectio rei, & propter illam res reuera illud, quod esse dicitur, est. Et quidem, vt placet Fr. Piccol. *de motu* c. 4. tam de formis à materia liberis, quàm cum ea connexis, ἐντελέχεια dicitur: cui patrocinari videtur, *1. 3. c. 1. l. 3. Phys.* Dissentit tamen in hoc ab eo Zabarella, *l. de mente hum.* c. 7. qui substantias à materia abiunctas ἐντελέχειας propriè esse negat, & non nisi vno loco apud Aristotelem *2. metaph.* 1. 49. primam intelligentiam ἐντελέχειαν, non tamen sine ratione, appellari scribit. Eadem deinde vox etiam accidentibus, seu formis accidentalibus tribuitur; cum etiam propter ipsas res reuera tales esse dicantur, ipsæque potentiam, quam res ad recipienda accidentia habent, impleant. Imò, vt patet ex Aristotele, *2. de an. cap. 1. text. 1.* ἐντελέχεια non tantum dicitur de formis, siue eæ sint substantiales siue accidentales, vnde operationes proueniunt; sed etiam de operationibus prouenientibus à forma. In summa, ἐντελέχεια significat omne id, ob quod res quæuis reuera est id, quod esse dicitur.

Pro voce autem ἐντελέχειας vtitur Aristoteles sæpius voce ἐνέργειας, quæ non solum operationem significat, vt Zabarella videtur, qui, in *lib. de mente hum.* cap. 7. docet ἐνέργειαν tantum operationem significare & formas materiæ coniunctas, quarum essentia ab operatione, vt accidente, differt, ἐνέργειας vocari negat, & inter formas substantiales iis tantum, quæ à materia liberæ sunt, rectè tribui statuit: sed tam de formis cum materia coniunctis, quàm ab eadem liberis, hæc vox dicitur. Nam Aristoteles, in *lib. Metaph.* 3. c. 6. simpliciter τὸ εἶναι ἐνέργεια opponit τῷ εἶναι δυνάμει, & ibidem formam substantialem materiæ connexam appellat ἐνέργειαν: eodemque in libro passim formas rerum substantiales appellat ἐνέργειας, vt videre est præcipuè, *cap. 8.* Quod idem facit in *libro Metaph.* 11. cap. 2. *Etl. 8. cap. 2.* ἐνέργειαν significat non solum operari, sed reuera esse. ἐνέργειαν autem etiam pro forma accidentali usurpari, patet è *3. Physic. cap. 2. t. 15. & cap. 3. t. 18.* manifestè verò *l. Metaphys.* 11. cap. 8. vbi hæc exstant: Σιτημένον δὲ καὶ ἐκαστον ἄλλο τὸ μὲν δυνάμει, τὸ δὲ ἐντελέχειᾳ, ἢ τὸ δυνάμει. ἢ τοιαῦτόν ἐστι ἐνέργειαν λέσω κίνησιν, id est: Cùm vnumquodque genus in actum & potentiam diuidatur; actum eius, quod potentia prout tale est, dico esse motum.

Vocibus his Græcis apud Latinos vox actus respondet, quæ hîc non solum actionem significat; et si vulgo sic accipitur: sed id, à quo reuera res aliquid esse dicitur. Mutuandæ enim sunt, vt Scalig. *Exerc.* 359. *sect.* 2. ait, quotidianæ voces ad vsum abstrusarum intellectionum: quæ rudibus inchoatisque ingeniis acerbæ sunt; delicatis, atque Ciceronianis etiam ridiculæ. Est autem, secundum Scaligerum, *ibid.* Actus Ens, cui nihil potest causse euenire, quò sit hoc, quod est. Hæc de ἐντελέχειᾳ dicere alienum non fuit.

Hîc autem in Motus definitione ἐντελέχεια accipitur, neque pro forma perfecta, neque pro operatione saltem; sed pro actu quodam imperfecto. Est enim actus duplex, vnus perfectus, qui, cùm adest, omnem potentiam expellit, eiûsque nihil relinquit: aliter imperfectus, cum quo semper aliquid potentia reliquum manet; quæ cum tollitur, & actus tollitur: & talis est motus. Cùm enim mobile dicatur, quod potest moueri: motus est impletio & perfectio illius potestatis, ob quam res talis, id est, mobilis appellatur, facitque vt non amplius solam potestatem habeat, vt possit moueri, sed vt iam reuera moueatur. Sed ta-

men hæc ἐντελέχεια non omnem potestatem tollit, sed ita tantum mobile perficit, vt adhuc retineat potestatem, quò possit amplius moueri, donec tandem ad finem & vltimum terminum motus, ad quem dum mouetur, etiam potestatem, vt ad ipsum moueri possit, habet, perueniat, Mobile certè, dum est in termino à quo, nondum mouetur; dum verò est in termino ad quem, non amplius mouetur, sed iam est motum, & à motu cessat: Tum verò dicitur verè moueri, quando iam est in actu, in quo prius, dum erat in termino à quo, non fuit, sed tamen potentiam eam acquirendi habebat; & quando adhuc tendit ad vltiorem actum, quem, respectu termini à quo, non habet, acquirere tamen potest. Si enim vltimum terminum iam haberet, non amplius ad eum moueretur. Qua de causa etiam in definitione Motus dicitur: Motum esse actum eius, quod est in potentia. Omne enim, quod mouetur, vt ex dictis patet, partim est actu, partim potestate. Actu, respectu formæ, & termini illius, quem iam motu acquisiuit, & actu possidet: potestate, respectu illius, quem nondum obtinet, & cuius gratia adhuc mouetur. Verbi gratia: Aqua, quæ calefit, dicitur moueri alterari scilicet. Gradus enim caloris aliquos iam obtinet, potestatemque plures adhuc acquirendi habet, ipsosque etiam calefactione adipiscitur: quos, postquam omnes acquisiuerit, dicitur calida; non amplius calefieri, alterari, & moueri.

Est itaque Motus neque purus actus, neque pura potentia, sed actus quidam medius & imperfectus. Inueniunturque in omni motu hæc tria: Aliquid formæ, quod iam motu acquisitum est; potestas perfectius illam formam, & plus quid illius recipiendi; Fluxus, & progressus, seu, vt loquuntur, tendentia ad illam formam. Addit denique in definitione Aristoteles: quatenus in potentia, vt significet, Motum non fieri respectu illius formæ, & termini, quem iam res mobilis acquisiuit. Res enim illius causâ, quod iam possidet, amplius non mouetur; sed illius termini, quem nondum obtinet, & ad quem recipiendum potestatem habet. Ex his facile colligere est, in quo formalis ratio, vt loquuntur, Motus consistat.

Cùm enim in quolibet motu duo sint, vnum ipsa forma fluens: alterum fluxus formæ: Motus formaliter neque est forma simpliciter, neque forma fluens, sed continua acquisitio formæ, eiûsque partim acquisitæ, partim acquirendæ fluxus. Moueri enim non est habere formam; sed moueri est tendere ad formam.

Cæterum, ad omnem motum Physicum hæc requiruntur. I. *Mouens.* Omne enim quod mouetur, ab alio mouetur. Nam impossibile est, vt idem respectu eiûsdem formæ & actu & potentia sit: Sed id, quod mouet, seu aliquam formam introducit, illam actu possidet; quod mouetur, saltem habet potentiam formam recipiendi. Itaque non est idem, quod mouet, & mouetur. De hoc axiomate tamen notandum, id solum accipiendum esse de rebus materialibus & corporibus naturalibus completis, ac motu compositi totius, Aristotelique, dum hoc axioma, *7. Physic. cap. 1.* tradit, propositum fuisse, motum Physicum deducere ad vnum primum principium, & ex illo probare, vnum primum motorem dari, à quo tanquam à primo principio, mouentur omnia corpora: Alias nisi cautè hoc axioma accipiat & explicetur, multæ difficultates oriuntur, cùm non solum animalia moueantur vi internâ, sed & elementa ab insito principio ad suum locum ferantur, vbi non solum corpus elementi à forma sua ad suum locum mouetur, sed & ipsa forma ad suum locum tendit. Vide etiam infra, *lib. 2. cap. 3.*

II. *Mobile, seu, quod mouetur.* Atque hinc omne, quod se ipsum naturaliter mouet, diuiditur in partem mouen-

Motus est actus imperfectus.

In motu duo sunt.

Ad motum Physicum requiruntur.

I. Mouens.

2. Mobile.

ἐνέργεια quid sit, & an ab ἐντελέχειᾳ differat.

Actus quid.

ἐντελέχεια hoc loco quid significet. Actus duplex.

mouentem & mobilem. Necesse est autem, quod mouet, cum eo, quod mouetur, simul esse, seu, id quod primò, id est, nullo agente medio intercedente, aliud mouet, eam rem, quam mouet, tangere debet, eique esse proximum. Nam nec cogitatione percipi potest, quomodo quid pari possit ab eo, à quo non tangitur, aut quomodo quid in aliud agere possit, quod non attingit. Cum enim operatio sequatur τὸ ἔν rei: vbi res non est, ibi etiam operari non potest. Etsi enim interdum mouens primò à re mota secundum substantiam, seu suppositum, vt loquuntur, abest: ipsi tamen secundum virtutem, quam emittit, coniungitur. Et hac ratione *Mouens proximum & res mota semper sunt simul, omnisque actio fit per contactum.* Motus autem est in eo, quod mouetur. Actus enim illi, cuius est actus, inest. Nec tamen actus mouētis diuersus est ab actu mobilis, sed vnus vtriusque & agentis & patientis actus. Idem enim est, quod mouens agendo producit, & quod mobile patiēdo recipit. Suntque *actio mouentis, & passio mobilis vnicus motus*, nec re inuicem distinguuntur; sed tantum *ratione*, quatenus nimirum idem actus à mouente, tanquam principio, proficiscitur, & à mobili, vt patiente, recipitur. Quod Aristoteles bene expressit, 3. *Phys. c. 3. t. 22.* τὸ γὰρ, inquit, τὸ δὲ ἐν τῷ δὲ, καὶ τὸ δ' ἐκ τῷ δὲ ἐνέργειαν ἔν, ἕτερον τῷ λόγῳ, id est: *Nam esse actum huius in hoc, & huius ad hoc, ratione differunt.* Itaque idem Motus, vt ab agente proficiscitur, rationem actionis habet: vt recipitur à patiente, passionis. Et calefactio aquæ ab igne est vnicus motus: qui, vt ab agente, igne scilicet, proficiscitur, dicitur actio; vt ab aqua recipitur, passio. Quapropter actio & passio sunt in vno subiecto. Cum enim passio sit in patiente; & actio realiter non differat à passione: in eodem etiam patiente erit actio. Hoc tamen obseruandum, de *actione transeunte* hîc sermonem esse: non de immanente, quæ est in agente.

III. Terminus à quo. IV. Terminus ad quem. Cum enim omnis motus sit quædam μεταβολή; necesse est, vt ab aliquo progrediatur, quod vocant Terminum à quo, ad aliquid; quod vocant Terminum ad quem. Atque his duobus terminis nec plures nec pauciores dantur. Etsi enim vnus motus plures sint termini, ad quos: tamen ij vel non sunt vltimi & totales, vel non primò & per se intenti, vel non intrinseci. Præcipue autem in motu obseruandus est *terminus ad quem.* Ille enim est, cuius gratia mobile mouetur, & ab eodem motus vnitas, distinctio & contrarietas præcipue desumitur. Nam cum motus sit continua quædam à termino à quo ad terminum ad quem progressio, & terminus à quo motu abiiciatur, terminus verò ad quem acquiratur: meritò etiam motus à termino ad quem motui denominationem & distinctionem tribuit.

V. Tempus. Nullus enim motus fit in instanti, sed in tempore, & successiue. Cum enim motus sit actus Entis in potentia, nec esse permanens habeat: necesse est id, quod mouetur, partim esse actu, partim potentia: & proinde motus erit successiuus. Nam si simul esset totus, totus esset actu, nec iam amplius res diceretur moueri, sed esset iam mota.

VI. Continuitas, seu vnitas motus, secundum tempus & terminum ad quem. Dependet enim continuitas & successio motus in primis à termino, ad quem fit motus, motusque dicitur fieri successiue, quia terminus, ad quem tendit motus, successiue acquiritur. Vt verò motus sit vnus numero, tria requiruntur: vnum numero mobile; vnus numero terminus ad quem; tempus vnum numero atque continuum. Quibus addi potest quartum; terminus à quo. Non enim potest vnus numero motus ex diuersis numero terminis procedere.

Quæ sit natura Motus, explicatum hætenus di-

cendum restat, quænam eius sint species. Vbi primò animaduertendum, inter *Mutationem & Motum* discrimen esse. μεταβολή, id est, mutatio latius patet, omnemque rei variationem, qua ἄλλο μὲν ἄλλο fit, significat, siue termini, secundum quos aliter atque aliter res se habet, sint positiui, & contrarij, siue contradictorij: κίνησις verò, id est, motus propriè dictus, non ita latè patet, sed inter terminos, à quibus, & præcipue à termino à quo, natura eius dependet, contrarios, vel inter media, contrariorum tamen rationem habentia, versatur.

Motus igitur propriè dictus, inter contraria versatur. Contraria autem hîc non tantum dicuntur, quæ sub eodem genere maximè distant: sed dicuntur quicunque termini positiui, quorum vnus aduentu alter mutatur, siue id fiat secundum qualitates contrarias, siue secundum intensiorem, siue secundum extensionem. Quapropter, quidquid debet pro termino motus haberi, has duas condiciones habeat. Primò, vt habeat *contrarium*, eo modo, quo iam dictum; ita, vt motus ab vno contrario, vt à termino à quo, progrediatur ad alterum, vt ad terminum ad quem. Deinde id, quod motum terminat, *per se*, neque absque subiecti mutatione, quæ per veram actionem & passionem fiat, acquiratur, necesse est.

Ex quibus facile colligere est, *tantum in tribus prædicamentis, Quantitate scilicet, Qualitate, & Vbi, verum motum esse*, seu respectu eius rei, ad quam fit motus, ad tria hæc prædicamenta reduci. Nam & horum prædicamentorum formæ contrarietatem habent, terminosque positiuos oppositos, neque eorum mutatio, sine subiecti mutatione accidere potest.

Generatio verò & Corruptio, quæ mutationes in substantia sunt, propriè Motus non sunt. Non enim in substantiis ea, quæ ad Motum necessaria est, reperitur contrarietas. Deinde, cum omne, quod mouetur, sit Ens actu: Quod autem generatur, Ens actu non sit: (Si enim iam esset, non opus esset, vt demum generaretur) *Motus etiam generatio non erit.* Tandem, *omnis motus est continuus, & fit in tempore*: Generatio verò cum non fiat in tempore, sed in instanti, motus quoque non erit. Formæ enim substantiales cum sint indiuisibiles, nec recipiant magis & minus, successiue etiam & diuisibiliter acquiri non poterunt.

Obseruandum tamen hîc, & generationem & corruptionem *dupliciter* sumi, vel tantum pro formæ substantialis acquisitione vel amissione, absque alteratione, quæ eam præcedit: vel pro formæ introductione, vnà cum alteratione, quæ eam præcedit. Priori modo generatio & corruptio accepta, motus non est, sed fit in instanti: Posteriori motum esse, concedi potest.

Deinde nec hoc prætereundum: *Successionem in motu dupliciter spectari*: Primò & præcipue, vt & supra dictum, *ratione formæ*, quæ cum possit intendi & remitti, certisque gradus, secundum quos suscipit magis & minus, habeat; successiue etiam gradus illos, vnum scilicet prius, alterum posterius acquirat. Tales autem gradus cum forma substantialis non habeat, nec intendatur, aut remittatur, successiue etiam non introducitur, sed in instanti, & tota simul. Postea successio dicitur *respectu subiecti*, quod est mobile: quam successionem alij extensionem appellare videntur. Cum enim mobile sit diuisibile, & partes alias priores, alias posteriores habeat: mouens etiam in priores & sibi propinquiores partes primò agit; Deinde posteriores & remotiores: Et hoc modo generationem fieri successiue, largiri possumus. Vtraque autem successio spectatur in motu propriè dicto: prior tamen magis de eius natura est: quæ cum generationi desit: Motus etiam appellari non potest.

Motus & Mutatio differunt.

Motus fit inter contraria.

Motus tantum est in Quantitate, Qualitate & Vbi.

Generatio & Corruptio non sunt propriè motus.


Generationis & corruptionis acceptio duplex.

Motus etiam in *Relatione*, *Actione*, *Passione*, Quando, Habere, non esse, manifestum est. Mutationes enim, quæ in iis fiunt, vel non fiunt cum subiecti mutatione, vel non per se, primò, sed consequenter & secundum accidens.

Motus itaque propriè tantum fit è subiecto in subiectum: Sùntque eius tres species. In *Quantitate* est *αὐξήσις*, id est, augmentatio, & *φθίσις*, id est, diminutio. Commune enim hæ duæ mutationes nomen non habent. In *Qualitate* *ἀλλοίωσις*, id est, alteratio. In loco *φορά*, id est, latio, seu motus localis.

Quies quid? Motui opponitur *Quies*, quæ est *privatio motus eius*, quod est aptum natum moveri; & quatenus propter quietem motus fit, potest etiam dici, quod sit finis & perfectio motus. Ita corpus cum naturalem magnitudinem acquisiuit, augeri cessat, & ab augmentatione quiescit.

Quies autem est vel *naturalis*, cuius principium est internum, & ad quam mobile naturali inclinatione fertur. Sic terra naturali inclinatione ad centrum mouetur, & in eo quiescit. *Violenta* verò est cuius principium est externum cum in loco alieno à vi externâ corpus detinetur, vt cum lapis vel terrâ in aërem suspenditur.



LIBER SECVNDVS.

C A P V T. I.

De Mundo.

MOTVS haftenus est de corpore naturali, quatenus genus est, varias sub se species complectens, dictumque quæ eius, ita in genere, sine vlla specierum consideratione, accepti, sint communia principia, communisque affectiones: accedendum iam ad ipsas corporis naturalis species. Harum autem omnium collectio & congeries cum totum vnum efficiat, quod *Mundus* appellatur: antequam de vlla corporis naturalis specie, vel vlla Mundi parte agamus, de toto prius dicendum, & quid Mundus sit, ac quas habeat proprietates & affectiones, explicandum.

Illud, quod Græci *κόσμος*, ab absoluta & perfecta elegantia atque ornatu, dicunt, Latini *Mundum*, eadem de causa, appellant. Quæ vox cum quidam absolutum, perfectum, & multa ordine complectens significet, multa etiam eo nomine insigniuntur. *Marsilius Ficinus*, in lib. 3. *enuead.* 1. *Plotini*, duos ponit mundos, vnum intelligibilem, diuinam mentem, mundi huius exemplar & ideam: alterum sensibilem, hunc scilicet sensibus manifestum, diuini exemplaris imaginem. Duos hos mundos alij iterum diuidunt, pluresque mundos ponunt. Primò Archetypum, seu intelligibilem, qui est Mens diuina, seu ipse Deus, qui rerum omnium exempla & ideas in se continet: Secundò, Angelicum, quem Angelorum multitudo ordinata constituit: Tertiò, Elementarem, qui ex cælo & elementis componitur: Quartò, Magnum, qui res omnes creatas, tam corporeas, quam incorporeas continet: Quintò, Paruum seu *μικρόκοσμον*, qui est Homo.

Nobis hoc loco imprimis de illo agendum est, qui ex cælo & terra, corporibusque in his contentis constat, & alio nomine τὸ πᾶν, quod omnia corpora naturalia complectatur, seu Vniuersum nominatur, & cui nomen Mundi præcipuè competit, & propter ordinem, qui in eo est, à Pythagora, vt placet *Plutarcho*, l. 2. *de placit. Philosoph.* c. 1. (etiam de hoc dubitare liceat, cum vox hæc passim etiam in fragmentis *Hermis Trismegisti* legatur) impositum. Vniuersum enim hoc verè *κόσμος* seu mundum, id est, orna-

tum, ordinatum, & pulchrum est. Et propterea *Ocellus* librum suum de rebus naturalibus, πᾶσι τοῖς πάντες inscripsit, & de his appellationibus scribit τὸ δέγε δλον καὶ τὸ πᾶν ὀνομάζω τὸ συμπαντα κόσμον. Διὰ γὰρ τῆτο καὶ τῆς περὶ τοῦ κόσμου ἐτυχε ταύτης, ἐκ τῆς ἀπάντων δὴ κοσμηθείς. Totius & vniuersi nomine totum hunc mundum appello. Nam ob id, quod vniuersitate rerum distinctus sit, atque ornatu, appellationem hanc adeptus est.

Vt verò Mundi variæ sunt significationes: ita variæ etiam eius circumferuntur seu definitiones seu descriptiones, quas colligit *Fr. Piccol.* l. de *Mundo* c. 2. Omnium verò aptissimæ sunt, & huic loco maximè conueniunt, quas habet Auctor libri de *Mundo*, cap. 2. (An enim *Aristotelis*, vel *Theophrasti*, vel alterius sit hic liber, controuersum est. De quo *L. Viues*, in *August. de ciuitate Dei*, l. 4. cap. 2. *Colleg. Conimbric. in præm. libr. Physic. Aristot.* q. 5. art. 4.) prior hæc est: κόσμος μὲν οὗτ' ἐστὶ σύνθεμα ἐξ ἑσθνοῦ, καὶ γῆς, καὶ τῆς ἐν τῇ τοῖς αἰετοχόμενον φύσεως. *Mundus est compages* è cælo terraque coagmentata, atque ex iis naturis, quæ intra ea continentur: altera: κόσμος λέγεται ἡ τῆς ὅλων τάξις τε καὶ διακόσμησις, καὶ θεῶν, καὶ διὰ θεὸν παρὰ φύσιν. Dicitur mundus, ordo & digestio vniuersorum, quæ à Deo & per Deum adseruatur: Quæ in vnam non incommodè ita coniungi posse videntur: *Mundus est ordinata series* corporum naturalium, quæ à Deo est, & per Deum conseruatur.

Mundi itaque *Materia* sunt corpora naturalia vniuersa, non solum simplicia, sed etiam mista: non solum inanima; sed etiam animata: imò in vniuersum, τὸ φυσικὸν σῶμα, καὶ αἰσθητὸν, vt *Aristoteles* ait, l. de cælo. cap. 9. t. 98. Componiturque *Mundus* ex cælo, quatuor elementis, corporibus mixtis, inanimis & animatis, metallis, fossilibus, plantis, animalibus.

Quæ verò sit *Forma Mundi*, non adeò planum est, suntque hac de re plures sententiæ. Alij enim *Formam* Mundi Deum esse asserunt; alij *Animam* toti vniuerso communem; alij cælum; alij *Figuram* eius; alij ordinem. Inter has tamen opiniones duæ iam celebriores sunt; vna, quæ animam quandam Mundo pro forma attribuit: altera, quæ ordinem mundi formam esse statuit. Mundum animatum esse, sat antiqua, multisque viris clarissimis approbata est opinio. Fuit eam *Hermes Trismegistus* vt *Zoroaster*, ac *Orpheus*. Ita enim in libro, cui titulus: νῦν πρὸς Ἑρμῆν: πάντα πλήρη ψυχῆς. Omnia sunt plena anima. Et in libro de intellectu & sensu, αἰσθησις ἰδίαν, καὶ νόσιν, id est, sensum proprium & intelligentiam mundo tribuit. Idem statuit *Pythagoras*, *Plato*, eiusque sectatores, qui sæpe Mundum animal appellant, eique communem animam assignant, quæ vbi-que per terram & aquam spiritualia ac viuifica semina in se contineat, & quæ per se gignat, vbi-que semina corporalia desunt, semina rursus derelicta ab animantibus foueat, atque ex putrido vinaceo semine, variam, ordinatam, pretiosamque generet vitem, & quæ, vbi-que generans deest, solæque apparent Qualitates accidentales generationem efficere, vicem genetricis substantiæ gerat, vt *Marsil. Ficinus* pluribus docet, l. 4. *Theol. Platon.* c. 1.

Sed non arridet *Peripateticis* hæc sententia. Cum enim nulla euident ratio id persuadeat, neque aliqua cogat necessitas; nec formam informantem substantialem, nec animam vnam communem mundo attribuunt, atque entia temerè multiplicanda non esse, censent. Nam nulla conspicuè in toto mundo apparet actio, quæ proficiscatur à peculiari aliqua rotius mundi Anima: sed omnes operationes peculiaribus & distinctis formis debentur. Quapropter cum omnes mundi partes peculiare formas habeant, forma aliqua communis, eas connectens, non requi-

Mundi materia.

De Formâ varia opinio-nes.

Mundus anima sit animatus.

Motus species.

Quies quid?

Quies duplex.



MOTVS haftenus est de corpore naturali, quatenus genus est, varias sub se species complectens, dictumque quæ eius, ita in genere, sine vlla specierum consideratione, accepti, sint communia principia, communisque affectiones: accedendum iam ad ipsas corporis naturalis species. Harum autem omnium collectio & congeries cum totum vnum efficiat, quod *Mundus* appellatur: antequam de vlla corporis naturalis specie, vel vlla Mundi parte agamus, de toto prius dicendum, & quid Mundus sit, ac quas habeat proprietates & affectiones, explicandum.

Illud, quod Græci *κόσμος*, ab absoluta & perfecta elegantia atque ornatu, dicunt, Latini *Mundum*, eadem de causa, appellant. Quæ vox cum quidam absolutum, perfectum, & multa ordine complectens significet, multa etiam eo nomine insigniuntur. *Marsilius Ficinus*, in lib. 3. *enuead.* 1. *Plotini*, duos ponit mundos, vnum intelligibilem, diuinam mentem, mundi huius exemplar & ideam: alterum sensibilem, hunc scilicet sensibus manifestum, diuini exemplaris imaginem. Duos hos mundos alij iterum diuidunt, pluresque mundos ponunt. Primò Archetypum, seu intelligibilem, qui est Mens diuina, seu ipse Deus, qui rerum omnium exempla & ideas in se continet: Secundò, Angelicum, quem Angelorum multitudo ordinata constituit: Tertiò, Elementarem, qui ex cælo & elementis componitur: Quartò, Magnum, qui res omnes creatas, tam corporeas, quam incorporeas continet: Quintò, Paruum seu *μικρόκοσμον*, qui est Homo.

Nobis hoc loco imprimis de illo agendum est, qui ex cælo & terra, corporibusque in his contentis constat, & alio nomine τὸ πᾶν, quod omnia corpora naturalia complectatur, seu Vniuersum nominatur, & cui nomen Mundi præcipuè competit, & propter ordinem, qui in eo est, à Pythagora, vt placet *Plutarcho*, l. 2. *de placit. Philosoph.* c. 1. (etiam de hoc dubitare liceat, cum vox hæc passim etiam in fragmentis *Hermis Trismegisti* legatur) impositum. Vniuersum enim hoc verè *κόσμος* seu mundum, id est, orna-

requiritur; cum sine ea singulæ formæ suas operationes exsequi possint. Præterea si vna esset Forma Mundum informans, reliquæ Formæ vel illius partes essent, vel ab illa informarentur; quorum vtrumque absurdum. Partes esse non possunt. Formæ enim omnes vniuocæ non sunt, & plusquam genere differunt, nec queunt vnum totum constituere. Et eadem numero Forma res numero distinctas, quales sunt naturales, constituere non potest. Cum enim forma, vt dat esse, sic etiam det vnitatem: omnes res naturales potius vnum, quàm plura essent dicenda. Formas verò reliquas ab hac informari, multis modis etiam absurdum est. Nec est, vt quis credat, Animam hanc mundi reliquis formis superuenire, eodem modo, quo formæ misti forma viuentis superuenit. Hoc enim si esset, præstantior, & perfectior reliquis formis omnibus esse deberet: quod tamen Platonici non concedent. Anima enim mundi plures facultates & præstantiores non includit, quàm omnium corporum naturalium formæ & animæ.

Quapropter Peripatetici Mundum vnum esse vni-
one formæ informantis negant, ipsique tantum tribuunt vnitatem ordinis eorum quæ ab vno ducta principio, in eundem vnum, tanquam in finem proprium deducta conueniunt & inter se & in illo; ideo quod ab vno, & ad vnum omnia, vt ait I. C. Scalig. exerc. 6. f. 2. Forma itaque Mundi est *ordo seu ordinata series corporum naturalium*. Notandum tamen hîc, vt numerus est duplex, vnus numerans, seu quo numeramus, alter numeratus, qui nihil aliud est, nisi res ipsæ numeratæ: ita etiam *duplicem esse ordinem; ordinantem*, qui est accidens, & mutua ratio partium inter se, seu, vt Augustinus definit, *de ciuit. Dei l. 19. c. 13.* parium dispariumque rerum, sua cuique loca tribuens, dispositio: & *ordinatum*, qui nihil est, nisi res ipsæ aptè dispositæ; & talis est mundus. Corpora enim naturalia vt aptè disponuntur, & participant conditionem vnius primi principij, seque mutuò perficiunt, & fouent, vnum quid ordinatum, quod Mundus appellatur, constituunt.

Efficientem Mundi causam quod attinet, etsi Epicuræi in eum inciderint furorem, vt pulcherrimum hoc Mundi theatrum cæco atomorum confluxu genitum esse affirmauerint: tamen omnes saniores Philosophi in hoc conspirant, Mundum hunc à *Deo Opt. Max.* tanquam vno & primo principiorum omnium principio pendere. Nam, vt Augustinus *de ciuit. Dei l. 11. c. 4.* ait, Mundus ipse ordinatissima sua mutabilitate & mobilitate, & visibilibus omnium pulcherrima specie quodammodo tacitus, & factum se esse, & non nisi à Deo; ineffabiliter, atque inuisibiliter magno, & ineffabiliter, atque inuisibiliter pulchro, fieri se potuisse, proclamat. Et Scaliger, *Exerc. 3.* monstrat, Simplicium, Philoponum, Ammonium, Auerroem, aliosque multos illustres viros, neque numero pauciores, neque autoritate inferiores iis, qui desipere maluerunt, mundum à Deo, vt causa efficiente pendere existimasse: tandemque sic concludit. Etenim si eius nutu gubernantur omnia: (id quod nemo mentis compos negare potest) necessario sequitur, eundem omnium fuisse effectorem. Nam si non fecit: igitur ab alio factum acceperit, vel mutuo, vel commodato, vel vi, vel emptione, vel deposito, vel locato, vel legitima successione, vel in vacuum venerit possessionem, vel iussu, tanquam minister, aut seruus, aut mercenarius à Domino. Quæ omnia meræ nugæ sunt, æque impiæ.

Finem mundi quod attinet: *Finis* agens ad agendum mouet. Nihil verò ante Mundum præter Deum fuit. Nihil itaque Deum ad productionem Mundi, sed ipse seipsum mouit, atque ideo mundum creauit, quod infinitam suam bonitatem communicare voluit. Quod pulchrè his expressit Augustinus, *de ciuit.*

Dan. Sennerti Tom. I.

Dei l. 11. c. 21. Tria quadam maxime scienda de creaturâ nobis, oportet rimari, quis eam fecerit, per quid fecerit, quare fecerit. Deus dixit, inquit: Fiat lux, & facta est lux: & vidit Deus lucem quia bona est. Si igitur querimus; quis fecerit; Deus est. Si, quare fecerit: quia bona est. Nec auctor est excellentior Deo, nec ars efficacior Dei verbo, nec causa melior, quàm vt bonum crearetur à bono Deo. Aliam quoque rationem Plato non reddit, cur Deus Mundum condiderit, nisi quia bonus est. Bonitatis enim proprium est, sese communicare. Atque hic Finis est creationis Mundi.

Mundi autem miæ constituti atque existentis quifnam *Finis* sit, pulchrè docet Hermes Trimegistus, in libro de pietate & Philosophia. Πρῶτον, inquit, ὁ θεός, δεύτερον ὁ κόσμος, τρίτον ὁ ἄνθρωπος. ὁ κόσμος διὰ τὸν ἄνθρωπον: ὁ δ' ἄνθρωπος διὰ τὸν θεόν. Id est: *Primum Deus; secundum Mundus; tertium Homo. Mundus propter hominem: Homo verò propter Deum.* Cum enim omnis finis bonus sit, & eius, cuius est finis, perfectio; Deus autem sit vltimum & perfectissimum: omnium rerum finis Deus est, atque omnia propter illud vnum sunt, quod non est propter aliud, præter se: omneque res opus habent Deo, & vt sint; & vt bene sint: Homo itaque propter Deum; Mundus propter hominem factus est. Quomodo autem rerum omnium species propter hominem factæ sint, non ita planum. Nam veritatis hostes eos, qui volunt ad hominis vsum facta omnia, appellat Scaliger. Quam enim ex pulcibus, quam ex cimicibus homo vtilitatem percipit? Ridiculum profectò est dicere: Pulcres creatos ad inutilem hominis sanguinem sugendum; Cimices, vt noctu ex importuno somno excitent nos ad preces fundendas. Neque etiam ob varietatem tantum, atque vt nobis admirationem cieant, species quasdam creatas esse, concedit Scaliger: sed omnia ob certum finem effecisse Deum statuit. Varietas autem, & nudus ornatus finis non est, nec vniuersi perfectio, sed via saltem ad perfectionem. Ex variis enim speciebus ordinatè dispositis vniuersi perfectio exsurgit. Ipse itaque Scaliger ita statuit: *Hominem esse μέτρον κόσμου*, & tanquam regulam ac mensuram cæterorum animalium; imò ipsorum omnium principem. Non autem futurum principem, nisi sit talis. Quippe in medio. Non potuisse autem esse medium, nisi inter extrema. Igitur extrema facta esse, vt esset medius. Extremorum autem, & eorum, quæ medium inter, & extrema sunt sita, si deesset aliquid, daretur in formis vacuum. Quod longè absurdus est, quàm si esset vacuum sine corpore. Cum enim Deus Opt. sui sit plenus, & mundus, vt Platonici aiunt, sit Dei statua: ipse etiam erit plenus, nec in speciebus, nec in Quantitate vllum defectum admittet. Quapropter si etiam minimum quippiam in mundo deficeret, Vniuersum iam amplius non esset Vniuersum, & Mundus desineret esse Mundus, id est, pulcher, ordinatus, & perfectus.

Atque hætenus Mundi naturam è suis causis cognouimus: restant iam præcipuæ eius affectiones videndæ, & controuersæ, quæ de iis agitantur, discutendæ. Primo autem loco occurrit *Aternitas*; queriturque *An mundus hic sit æternus, nec ne?* Quæstio hæc multorum disputationibus variè agitata est, variæque Philosophorum de ea fuerunt sententiæ; aliis Mundum ortum esse, simulque interitum affirmantibus; aliis genitum esse, sed nunquam peritum statuentibus; nonnullis denique ipsum neque initium habuisse, neque finem habiturum asserentibus. Ex tantâ itaque opinionum varietate vt nos expediamus, illud primò aduertendum: Non hîc præcipuam quæstionem esse: *An mundus à Deo productus sit; seu, An Deus sit Mundi causa.* Etsi enim nonnullorum tantus furor fuerit, vt Mundum hunc casu existisse, asserere ausi sint; tamen omnes saniores Philosophi Deum

Deus omnium rerum finis.

An mundus sit æternus.

Mundus non existit.

Mundi opificem esse, consentiunt: unde pulchrè & piè autor libri de Mundo, cap. 6. ait. ἀρχαῖος τις λόγος καὶ πάντεώς ἐστι πᾶσιν ἀνθρώποις ὡς ἐκ θεῶ τὰ πάντα, καὶ διὰ θεῶ ἡμῶν σωθήσκειν, ἡ δὲ μία δὲ φύσις αὐτῇ καὶ εὐπλὴ αὐτάρκης, ἐρημωθεῖσα τῆς ἐκ τέττα σπηρίας: id est. *Verus sermo est, à maioribusque proditus inter omnes homines, universatum ex Deo, tum per Deum constituta esse: nullamque naturam satis instructam ad salutem esse posse, que citra Dei presidium, sua ipsa demum tutela permissa sit.* Ipsum quoque Aristotelem, Deum Opt. Max. esse mundi conditorem agnouisse, & quod mente cognovit, verbis effatum esse grauiissimi Philosophi statuunt. Certè si Mundus à Deo non esset, à seipso esset: quod absurdum est. Finitum enim entium primum esse non potest, & omne finitum ab alio pendet; nec dantur plura primà, infinita, æterna.

De hoc itaque quæstio est: *An mundus ab æterno, an verò initio temporis sit productus.* Antiqui Philosophi celebriores plerique, Mundum initium habuisse statuiebant: Aristoteles verò Mundum hunc æternum esse statuit, ut ipse testatur, 1. de cælo c. 10. t. 102. Nos nihil moueat, quid hic, vel ille Philosophus de hac quæstione senserit, cum ex religionis nostræ institutis edoceamur: Mundum hunc à Deo Opt. Max. in principio creatum esse. Cui enim tutius credamus, quando Mundus factus sit, quàm, qui illum fecit, Deo?

An tamen, præter veritatem diuinitus reuelatam, etiam naturalibus rationibus. Mundum æternum non esse, firmiter euinci possit, plurimi dubitant, Iul. C. Scaliger Exerc. 61. f. 6. scribit, saltem religione sibi persuaderi; Mundum cœpisse, atque finem incendio habiturum. Idem tamen ex eo, Quod Deus est Mundi causa efficiens, omnino eum habere initium, nec esse æternum, Exerc. 77. f. 5. concludit. Omne enim, quod sit, sua causa efficiente posterius est, & nullum, quod factum est, cum effectore suo cœuum est. Hac enim ratione factum non esset. Hoc argumento etiam alij vtuntur eodémque probari dicunt: *Mundum ab æterno esse non potuisse*, statuuntque aliquid esse factum, & simul esse æternum, implicare contradictionem. Quod enim factum est, aliquando non fuit. Soliusque Dei propriam durationem esse æternitatem, nec creaturam creatori cœternam esse posse, aiunt.

Nec illa, quæ pro astruenda Mundi æternitate ab Aristotele eiusque sectatoribus afferuntur, talia sunt, ut ea humanum ingenium soluere & refutare non possit. Nec malè putamus dictum: Nullam rationem, quæ contra fidem nostram adducitur, veram esse posse: quia vero veritas non repugnat. Quamuis enim res fidei supra naturæ ordinem sint, non tamen esse contra ipsum. Nam & hoc loco ij, qui pro mundi æternitate pugnant, duobus præcipuè falsis fundamentis vtuntur: vno, Creationem esse impossibilem, & non nisi nihil è nihilo, etiam à prima causa, fieri posse: altero; Deum ex necessitate Naturæ agere.

Non autem esse impossibilem creationem & posse aliquid à prima causa ex nihilo produci, etiam rationis nostræ lumine agnosci potest. Nam quale est Esse rei, talis etiam eius operatio: Deus autem immortalis cum secundum suam essentiam à nullo dependeat, nullaque re externa ad Esse indigeat; nihil etiam externum, quod in agendo ipsi præsupponatur, requirit. Deinde Deus est causa omnium rerum, nihilque præter Deum, habet Esse à se, sed omnia à Deo dependent. Et reuera ij, qui negant creationem, atque aliquid ex nihilo à Deo produci impossibile esse aiunt; concedunt tamen Deum Mundi causam efficientem esse: (Nam ut concedant, necesse est) sibi ipsi contradicunt. Si enim Deus est efficiens causa Mundi: certè ex nihilo eum produxit. Nam præter Deum & mundum nihil est, ex quo producere potuisset. Plures in hanc sententiam alij rationes afferunt. Et profectò, qui Deum aliquid è nihilo producere

re posse negant, ij negant, Deum esse Deum, id est, immensæ potestatis & perfectionis.

Deum quoque liberè, nec ex necessitate Naturæ agere, & liberrimè hunc Mundum produxisse, rationi humanæ contrarium non est. Cum enim Deus sit Ens perfectissimum, à nullo dependens, nullius indigum, sibi ipsi sufficiens, αὐτεξέστης, αὐτάγαθος, & (quam vocem pulchrè excogitauit Scaliger Ex. 365. f. 2.) αὐταύδης: nullam etiam creaturam Dei voluntas necessariò appetet, nullamque necessariò producet, nec vlla re cogetur eius potestas: sed ipse, ut summum bonum, illud, quod optimum esse per Sapientiam nouit, etiam liberrimè vult: potuissetque, si voluisset, Mundum hunc vel longè antè producere, vel post, vel planè non. Idem tamen semper, quod optimum est, agit. Neque quia Mundum in temporis initio produxit, ipsius voluntas immutata est. Ab æterno enim voluit Mundum producere tunc quando produxit. Neque est ut existimemus, ut Augustinus de ciuit. Dei, lib. 11. c. 5. loquitur, Deo aliquid accidisse fortuitò, quod illo potius, quam anteriore tempore condidit mundum; cum æqualiter anteriora tempora per infinita retrò spatia præterissent, nec fuisset aliqua differentia, unde tempus temporis eligendo præponeretur. Et ut idem ibid. lib. 11. cap. 12. vbi hac de re egregiè tractat, scribit, quod nos modò quærimus, post quinque millia, & quod amplius excurrit annorum, possent & posterius etiam post annorum sexcenties millies eadem curiositate requirere, si in tantum hac mortalitas hominum exoriendo & occubendo, & imperita perseveraret infirmitas. Potuerunt, qui fuerunt ante nos, ipsis recentibus hominis creati temporibus istam mouere quæstionem. Ipse denique primus homo, vel postridie, vel eodem die, posteaquam factus est, potuit inquirere, cur non ante sit factus. Nimirum, ut ibid. Augustinus loquitur, omnia seculorum spatia definita, si æternitati interminæ comparentur, non exigua esse, sed nulla.

Ut mundum originem habuisse, è sacris literis constat: Ita eadem solæ nobis persuadent, Mundum hunc interituum; & nulla philosophica ratio ad euincendum Mundi interitum satis firma est. Nam etsi verum est, quod à Scaligero, Ex. 61. f. 5. & Ex 307. f. 20 demonstratur: Omnes res ex eo, quod non habent causam essendi à se, sed dependent ab alio, esse ex se mutabiles, & corruptibiles; non corrumpi autem, quia Deus non vult: tamen nec illud falsum est; Mundum cum eo, quem nunc habet, communi & ordinario Dei concursu, sibi ipsi relictum, perpetuò durare posse, nec sponte ad interitum vergere: Interituum autem libero opificis nutu, quando nimirum is ei ordinarium hunc concursum subtrahet, eumque in meliorem statum perducet. Hac de quæstione: An mundus æternus sit.

Non autem minùs ferè controuersum est: *An Mundus hic vnus sit.* Nam & hinc multis modis Philosophi dissentiunt, ut videre est apud Ioan. Fr. Picum Mirand. ut in exam. vanit. doct. gent. l. 1. c. 20. Alij enim Mundum vnum statuerunt, alij multos; & hos vel similes vel differentes. Aliqui enim in ea fuerunt opinione, dari Mundos, præter hunc, alios, in quorum aliquibus neq; sit Sol neque Luna; in aliis esse Solem & Lunam, sed maiores, quàm in nostro; in nonnullis etiam plures esse Soles: esse etiam aliquos Mundos animalibus, plantis, & omni humore destitutos: Et Metrodorus aiebat: Tam absurdum esse, vnum tantum dari mundum: quàm si in amplissimo agro vnica tantum ipica produceretur.

Nos, in hac opinionum varietate, vnicum quidem esse Mundum credimus: rationibus tamen, nisi religionis nostræ sancita nobis succurrant, è Philosophiâ petitis firmiter id probari non posse statuimus. Certum enim est, Deum Opt. Max. plures Mundos effi-

cere

Mundum
Deus liberè
produxit.

Mundus in-
terituum est.

An vnus sit
mundus.

Mundus non
est æternus.

Mundum
non esse æter-
num Philo-
sophicis ra-
tionibus
euinci potest.

Creatio
possibilis est
concedente
etiam phi-
losophia.

cere & posse, & potuisse: An verò effecerit plures, necne, quia hoc neque sensus, neque ratio nos satis edocet: solus Deus de sua voluntate consulendus est. Nam quæ ab Aristotele & aliis passim pro vnitatem Mundi afferuntur rationes; non tales sunt, ut certò id euincant. Quod, præter alios, monstrat Plutarchus, in libro de defectu oraculorum, & Ioan. Fr. Picus Mirand. in exam. vanit. doct. gent. l. 6. c. 9. qui tandem ita concludit: *Certe, (ut mihi videtur) si diuersæ existimarentur species, qui plures afferentur mundi, nihil omnino Aristotelis rationes haberent ponderis: quia & diuersa esset terra, aqua & cæterarum parium species & natura. Si eiusdem, tunc sibi illa ipsæ partes conuenirent, nec suum egredierentur Mundum, sua media quacunque graua corpora peterent, & quæ leuia sunt superiora conscenderent, & idem in cæteris iudicium proportionem pari.*

Vnus tamen hic mundus satis superque demonstrat, Deum esse summè bonum, quia sponte fecit id, quod non tenebatur facere; summè potentem, quia potuit ex nihilo facere, quod voluit; summè sapientem, quia tam admirabiliter & sapienter omnia fecit.

Etsi quoque mundum hunc vnum esse credimus: eundem tamen *perfectum* esse existimamus, eà quidem perfectione, quæ in creaturam cadit. A perfecto enim artifice, ad perfectum exemplar est formatus: eidemque nihil deest, neque in absolute & perfectione rerum, ex quibus componitur; neque in varietate. Omnes enim entium gradus continet. Neque in ordine. In tantâ enim rerum diuersitate insignis ordo apparet, resque singulæ suis locis conuenienter sunt dispositæ: quas tandem omnes cælum includit, quod cum sphericum sit, Mundi etiam totius *Figura* seu *Forma* accidentaliter spherica resultat. *Hac de Mundo in genere.*

CAPUT II.

De Cælo & Stellis.

Mundus autem in duas regiones diuiditur, *ætheream* & *sublunarem*: de æthereâ seu cœlesti primo loco acturis, offerunt se nobilissimæ illæ quæstiones, plurimorum, multis iam seculis, Philosophorum disputationibus agitæ: *An in Cælo sit Materia*: Et si est; *An sit eadem cum hac nostrati*. Etsi verò, quantum ad priorem quæstionem, in omnem partem sat dubitationum occurrat: probabilius tamen nobis videtur ea opinio, quæ Cælo materiam tribuit, rectèque dictum putamus à Scaligero, *Exerc. 359. sect. 11. Facere corpus sine materia, esse facere insomnium sine somno*: seu, ut habet, in 1. de plant. *panem sine farina*. Vbicunque enim quantitas, figura & motus localis: materiam subesse necesse est. Nam quantitas materiam naturam proximè insequitur, & sine ea nulli rei inesse potest, omnesque formæ & accidentia per se non sunt quanta, sed dicuntur esse quanta, ob quantitatem materiam, cui insunt. Quapropter cum cælum esse quantum, certæ figuræ, finitæque magnitudinis, & moueri localiter videamus: materiam ipsi inesse, omnino fatendum est.

Qualis vero sit materia; an hæc nostras, an verò aliqua peculiaris: adeo obscurum est, ut quicquid hic etiam statuas, facile quo te defendas, aliquid inuenias. Nos cælum quidem ex vno vel pluribus nostrorum elementorum, quæ plurimorum ex antiquis Philosophis fuit opinio, constare negamus: aliam tamen ipsi materiam, quam nostratem hanc primam, non assignandam esse censemus. Nouam enim excogitare, & nouum aliquod Ens in censum naturæ inducere, nulla cogit necessitas: cum omnia, quæ cælo ob materiam competunt, ei nostra hæc rectè tribuere possit. Bene igitur Scaliger, *Exerc. 61.* hanc rem sic

concludit: *Materia vna ab alia diuersa non est, nisi per aduenientem formam, qua sit hoc aliquid. Materia enim, quatenus materia, nullum in se actum includit, nihilque determinatum obtinet, sed omnem determinationem à forma accipit. Quibus & illud accedit, quod in Cælo est quantitas, aliæque nonnullæ qualitates, quæ ipsi cum inferioribus hisce sunt communes, & à materia prima proficiscuntur. Quibus ita sese habentibus admitti non potest opinio Auerrois, qui noui corporis simplicitatem absque materia & formæ compositione excogitauit, statuitque Cælum corpus esse, quod neque sit pura materia, neque pura forma, neque quid ex his compositum, sed quoddam medium inter hæc, formam nimirum quandam per se consistentem, præditam dimensionibus, aptamque ad motum localem. Nam sine causa hæc excogitata videntur imò cogitare difficile; Esse aliquid, ut Scaligeri, *Exerc. 61. sect. 1.* verbis utar, in Natura per se subsistens, quod neque sit Deus, neque actus, neque potentia neque informans, neque informatum, neque materia, neque non materia, neque corpus, neque non corpus, extra prædicamenta, gerens prædicamentales quantitates & qualitates. Quod quale sit ipse viderit. Et si probari posset, dari posse corpus simplex absque materia & formæ compositione: nā! magnum Peripateticæ Philosophiæ fundamentum rueret. Ac si in Cælo ea simplicitas locum haberet: causæ forsitan nullæ essent, cur non in sublunaribus quoque quibusdam admitti posset.*

Neque est, si cælo tribuamus materiam, etiam hanc nostratem primam, ut illud ruiturum metuamus, & ex sua natura aliquando interiturum credamus. Nam, ipso etiam Zabarella teste, *lib. de ortu & interitu c. 11*: qui tamen hic est ex Auerrois partibus, materia prima, cum sit ens merè potestate, nihilque agat, non est adæquata causa generationis & corruptionis rerum, sed saltem causa sine qua non: Agens autem est causa generationis adæquata: omnisque actio agenti adscribenda est; materiam verò tantum passio. Neque materia est subiectum corruptionis, nisi cum est cum corruptibilibus formis naturalibus, à quibus fluunt accidentia, quæ habent contrarium, vel contraria posita sub differentiis item contrariis. Quapropter Cælo, etsi non generatur & corrumpitur, materia deneganda non est. Sunt enim duo materiam officia. In vniuersum & primò data est omnibus rebus ad sustinendum quantitatem, & recipiendum motum atque agentium actiones. Ipsa enim quantitatis primum subiectum est, merèque passiuè se habet, nihil agit, sed tantum patitur: omnesque res naturaliter patiuntur, quia habent materiam. Deinde data est etiam rebus sublunaribus, propter generationem, ad quam concurret, ut causa secundaria, nimirum, quatenus est apta recipere generantis actionem. Causa ergo, cur non fiat generatio & corruptio in cælo est, quia Cælo nihil datur contrarium, à quo possit corrumpi, & quia ei nulla ad alias formas recipiendas potentia particularis est, quæ sola opponitur actui & cum priuatione re eadem est. In Cælo enim non est priuatio formarum corruptibilium; quia Cælum non habet potentiam proximam recipiendi formas sublunares. Sed Cæli forma ita sibi suam materiam deuincit & disponit, ut ad alias formas recipiendas potentiam particularem non habeat, sed tantum illam vniuersalem, quæ est aptitudo ad omnes formas indistinctè recipiendas, propter quam tamen, nisi particularis accedat, agensque contrarium adsit, nulla sit generatio: Imò (quod illi, qui Cælum, si ipsi assignetur materia, interiturum, ea de causa credunt; considerent velim) terra, quæ in centro mundi est, ab omni corruptione tuta est, neque corrumpitur, idèò, quia nullum, à quo corrumpatur, eò penetrat contrarium agens. Concludimus ita-

que; *materiam Cæli ad formas corruptibiles potentiam particularem & proximam non habere; eamque*, vt supra, lib. 1. c. 3. è Scaligero dictum fuit, *obtinere tantum appetitum perfectionis, non mutationis*. Materia enim, quia per se subsistere nequit, cupit perfici à forma, à quacunque etiam id fiat, seu hominis, seu scarabæi, neque sua sponte vnā formam deponit, aliamque assumit; sed tota generationis & corruptionis vicissitudo à formarum & qualitatum ab iis fluentium, vt causa principali, contrarietate dependet: quales cum Cælum non habeat, non est, vt metuamus, id solius materiæ causa, aliquando interiturum. Qua de re plura Iul. Cæs. Scaliger, *Exerc. 17. & 61.*

Tandem illud quoque inconueniens non est *eandem esse materiam cælestium & sublunarium rerum*. Nam differentia & præstantia rerum non à materia, sed à forma petenda est; eadēque materia prima, quæ subiacet formæ fungi, vel pulicis, est subiectum intellectus nostri, substantiæ profecto diuinæ & ipso Cælo nobilioris.

Non verò minor est controuersia: *Quanam sit forma Cæli*. Auenrois & qui illum sequuntur, Cælo formam informantem non tribuunt, sed ipsum esse corpus simplex, sine materiæ & formæ compositione aiunt. Verum opinio hæc antea reiecta est. Rectius itaque cælo, cum ex materia, vt iam monstratum est, constet; etiam *formam informantem* tribuimus. Materia enim per se subsistere non potest, neque nobilissimas illas actiones, quæ à Cælo, præter motum, proueniunt, edere; cum sit purè passiuā nullaque ipsi competat actio. Imò materia per se moueri non potest: *Omne enim, quod mouetur, Ens actu est.*

An verò formaliter sit anima, nec ne, disquisitione indiget. Antiqua quidem Pythagoricorum & Platoniorum est opinio: cælum esse animatum: verior tamen est contraria sententia, quæ *Cælum animatum non esse*, statuit. Nullæ enim in eo actiones, vilius animati corporis speciei; quæ ab anima proficiantur, apparent; nullaque, quæ animæ ad actiones exercendas debentur, habet organa. Non nutritur Cælum: quia in Cælo nihil corrumpitur vel dissoluitur, quod instaurandum nutritione sit: neque etiam sentit; quia nulla habet ad sensum organa, nullusque finis est, cur Cælo sensus tribui debeat. Multò minus anima intelligens cælo concedenda est, quæ ipsum informet, ne in errorem, à multis in Origene damnatum, incidamus, qui stellas esse animatas & virtutis, & vitiorum capaces, docebat. Satis itaque est, Cælo formam tribuere, quæ non sit anima; formis tamen elementorum nobilior, à qua saltem sit hoc aliquid, habet certam figuram certamque per lumen & influentias in hæc inferiora agendi potentiam, & præterea motum. Atque hæc cæli materia & forma est, ob quæ etiam rectè corpus naturale appellatur. His enim si destitueretur, iusta causa, ob quam corpus naturale dicendum esset, inueniri vix posset. Corpusque hoc ex materia & forma constans æthereum appellatur.

Porro cæli partes sunt *duplices*, quædam planè *perspicua*, quæ orbes & in specie interdum cæli nomine appellantur, quædam *visui imperuia & lucida*, stellæ. Circa orbes graues nonnullæ mouentur quæstiones, primoque nobis occurrit disceptatio: *An cælum sit vnum quoddam corpus continuum, An verò in plures orbes seu sphaeras contiguas distinctum*. Esse autem plures cælos ex motuum diuersitate, quæ corpori simplici inesse non potest, ostendere antiqui conati sunt; cum vnumquodque corpus simplex vno simplici motu naturaliter moueatur, vt docet Aristot. 1. de Cæl. cap. 2. t. 7. Cum enim antiqui Astronomi & Physici Solis, Lunæ, cæterarumque stellarum motus obseruare inciperent: animaduertent, non omnes stellas in suis motibus obseruare eandem velocitatem &

distantiam, sed alias moueri velocius, alias tardiùs alias nunquam coniungi, sed semper à se inuicem retinere eandem distantiam, alias verò nunc propius conuenire, nunc etiam planè coniungi; Solem semper medio Cælo incedere, alios planetas iam versus Austrum, iam versus Boream secedere. Ex qua motuum varietate collegerunt. Cælum vnum continuum corpus non esse, sed ex pluribus orbibus contiguis componi. Verum

Verum recentiores plerique ex stellarum motibus variis pluralitatem orbium cælestium rectè probari posse, etiam atque etiam negant, atque istam motuum varietatem non à numero orbium prouenire, sed stellis primò competere statuunt. Atque omnino vero magis consentaneum est; *stellas suis motibus per se moueri*: Cælum verò esse corpus non durum, nec realibus orbibus distinctum, in quo stellæ inhæreant atque ad eorum motum moueantur, sed *corpus instar aeris fluidum, substantia subtilissima, & tenuissima, in quo stellæ suos motus peragant*. Nam vt iam non dicam de Refractionibus, quarum duas, si cælum esset solidum, dari oporteret, vnā propter vapores circa terram ascendentes, alteram propter solidum Cæli corpus: cum tamen Optici & Astronomi vnica saltem refractionem sensibilem & notatu dignam obseruarint: Cometarum motus, cælum solidum non esse, euidenter demonstrat. Nam cum jam extra controuersiam sit (nisi quis certissimas Astronomorum obseruationes in dubium vocare velit) cometas vel inusitatas stellas (de nomine enim jam non litigabimus) in cæli regione supra lunam conspectas fuisse, atque peculiare motus cum nullius stellæ vel fixæ vel erraticæ motu conuenientes obseruasse: sine corporum penetratione, si cælum solidis orbibus constaret, id fieri non posset. Etenim si alicui stellarum vel fixarum vel planetarum orbi infixum esset corpus Cometæ, eandem semper ab illo planata serueret distantiam. Quod cum non fiat, cuiuslibet Cometæ peculiaris orbis, à quo circumferatur, attribendus esset. Quod fieri non potest; cum totum cæli systema, ex antiqua opinione, orbes stellarum fixarum & erraticarum occupauerint. Idem quoque motus planetarum euincit. Cum enim nunc terræ propiores sint, nunc ab eadem remotiores; quod doctrina paraxallium docet, & apparens quantitas monstrat, quæ Venus interdum tantâ magnitudine apparet, vt pro noua Stella ab incautioribus habeatur, & Mars Ioui magnitudine æqualis videtur: Fieri hoc aliunde non potest, quàm quod in fluido & penetrabili cæli corpore nunc propius versus terram accedunt, nunc longius ab eadem recedunt. Et quomodo Mars posset nunc altior esse, nunc humilior Sole, si vterque in solido orbe ferretur?

Quæ cum ita sese habeant, statuendum, in fluido isto, penetrabili, tenuissimo, subtilissimo ac inuisibili cæli corpore *stellas moueri, vi & facultate à Creatore Opt. Max. inditâ*, sine violento & externo impulsu ac vectione. Qui enim voluit & iussit Deus, vt motu suo tempora, dies & annos stellæ describerent, idem iis efficientiæ vires dedit. Et si elementis, terræ & igni, eam vim indere potuit Creator, vt rectissima linea, illa ad centrum, hic à centro sursum moueantur: quidni & stellis hanc vim tribuere potuerit, vt in orbem moueantur? Frustra igitur miratur Cicero, 2. de nat. Deorum, quomodo hæc in stellis constantia, hæc tanta tam variis cursibus, in omni æternitate conuenientia temporum, sine mente, ratione, consilio esse possit. Non enim planè sine ratione & consilio hæc mouendi vis est, sed à sapientissimo Creatore formis his & instrumentis suis concessa & indita.

Interim, vt, tanquam hypothesæ, orbes & circuli ab Astronomis retineantur, nihil prohibet. Tales enim figuræ ad declarandos stellarum motus, non sine

Stella facultate à Deo sibi inditâ mouentur.

Orbes cur ab Astronomis retineantur.

Forma cæli quam.

An cælum sit animatum.

Cæli partes quæ sunt perspicua, quæ minus.

An cælum sit vnum corpus continuum.

*Supp
Bey*

sine causa, adhibentur, quales ipsorum curriculo describuntur.

*cælum est
corpus sim-
plicissimum.*

*cælum non
est coloratum.*

Cælum autem hoc corpus est simplicissimum, purissimumque diuersa ab elementis natura, & proinde *Quinta essentia* Aristoteli dictum: quod tamen & ipsum Stellis comperit. Est coloris omnis expertus, ac perspicuum, & pellucidum, & propterea videri non potest. Et si enim ut Scal. Exerc. 66. f. 1. loquitur, videtur color aliquis esse cæli, qui Sapphirinus à gemma, cæruleus ab eo dicitur: videri tamen potius, quam esse arbitrandum est. Nam & aer cum propè nos nullum habeat colorem, procul habere videtur tamen. Ratio est, quia densatur, non per compositionem partium, sed per dispositionem. Distantia namque multas repræsentat partes visui, dispositas per longitudinem in lineâ visuâli.

est immutabile.

*cælum ipsum
etiam
git in infe-
riora.
est corpus
maximum.*

Idem *Cælum est immutabile & incorruptibile*, (sicut & stellæ) Neque enim in mundo vllum corpus est, à quo cælum, ut & stellæ, affici vel mutari possit. Contra, Cælum in hæc inferiora agendi vim habet, eaque variis modis afficit. Et si enim potissima actio in hæc inferiora, quæ à superioribus prouenit, à stellis est: tamen nec ipsi cælo, in quo stellæ sunt & mouentur, omnis vis agendi deneganda est; cum & ipsum suam formam habeat, quæ nullo modo otiosa est. Est præterea corpus hoc maximum utpote quod complexu suo reliqua mundi corpora omnia includit: Et propterea sphericam figuram, utpote quæ ad multa capienda commodissima est, obtinet.

*stellarum
tus.*

Stellarum autem naturam quod attinet, vulgò quidem statuitur, stellas esse densiores orbium suorum partes, sed veritati magis consentaneum est, Deum Opt. Max. lucem illam primæuam, quam primo die creauerat, quarto die in stellas distribuissse & hinc omnem stellarum numerum prodissse. Primogeniam enim illam lucem in nihilum rediissse, absurdum est; cum bona fuerit. Aut si alicui illam lucem primæuam super hoc cælum stellatum in suprema mundi regione collocare, illamque supremam mundi regionem lucis huius habitaculum constituere placeat; nihilominus fatendum erit, Deum mundi autorem stellas & ipsas lucidas demum quarto die creasse; cum cælum antea die secundo creasset. Atque hæc lux procul dubio est substantia longè nobilissima, præstantissima, simplicissima, qua inter corpora nihil pulchrius, nihil suauius, nihil admirabilius est: à quo omnia ista inferiora viuificantur & fountur: abs qua si esset, mundus hic pulcher non esset: hæc ut inter corpora pulcherrimum est, ita summæ sapientiæ, pulchritudinis, potentiæ, bonitatis summa & prima imago est.

Veruntamen huius lucis intima natura ac essentia humano ingenio inaccessa & inuestigabilis est; & proinde nec stellarum naturam in hac humanæ mentis caligine integrè assequi datur. Cum enim essentia rerum etiam earum, quæ circa nos sunt in hoc mundo inferiore, nobis incognita sint; quid de stellarum à nobis remotissimarum cognitione nobis polliceri possimus, facile liquet.

Hoc veritati consentaneum est, quancunque stellam propriam habere formam substantialem, & quemadmodum in hisce inferioribus plantæ & animalia per suas formas differunt ab aère, in quo viuunt, & inter se, ita etiam stellas differre à cælo & inter se formis suis specificis, quod vel ex proprietatibus essentialibus & effectibus patet. Stellæ enim lucem habent, cælum non habet, & stellæ ipsæ eâ inter se differunt; & alio atque alio modo inferiora hæc ab aliis atque aliis stellis affici experientia docet.

Quia ergo in interioris formæ & essentiæ stellarum cognitionem penetrare non licet, eas proprietates & effectus, qui à forma & stellarum essentia fluunt, perpendamus. Vbi inprimis consideranda veniunt, motus, lux & lumen, calor & occultæ influentiæ.

Primo quidem Creator sapientissimus & potentissimus, hanc vim stellis indidit, ut quælibet earum certo motu moueatur, & qui iussit, ut motu sua tempora describerent, potentiam mouendi, & id, quod iussit, efficiendi dedit.

*Stellarum
motus.*

Habent verò stellæ istæ duplicem motum. Quædam enim æquali motu mouentur ita, ut eandem semper inter se retineant distantiam, atque hæc stellæ fixæ vulgò nominantur: Aliæ diuersos habent motus, nec à se perpetuò æquali distant spatio, sed nunc coniunguntur, nunc rursus seiunguntur, nunc longius, nunc propius distant; atque hæc Planetae appellantur.

*Stellarum
quædam di-
cuntur fixæ,
quædam Pla-
netæ.*

Quæcum ita se habeant, duo motus constituuntur, vnus, quo stellæ fixæ simul perpetuò vnâ inter se retinentes distantiam, mouentur: alter, qui & à stellarum fixarum motu diuersus est, & quo quilibet planeta peculiariter mouetur. Vulgò motus hic primus & secundus nominatur, doceturque, primum motum esse, quo suprema sphaera horarum 24. spatio semel circumgyratur, secumque omnes sphaeras inferiores ab ortu in occasum rapit: Secundum verò, qui reliquis sphaeris proprius est, & quo primo mobili contra nituntur & ab occasu in ortum, aliæ quidem velocius, aliæ tardiùs, progrediuntur: quam etiam motus distinctionem libenter Astronomis donamus, si eam loco hypotheseos habeant. Eandem tamen in scholas Physicorum nullâ necessitate cogente, forsan etiam non consentiente naturâ, introductam putamus: omnesque stellas ab ortu in occasum, stellas fixas velocissimè horarum 24. spatio, reliquas, quò inferiores, eò tardiùs, Lunamque tardissimè, 25. ferè horarum interuallo, deficientibus nimirum, saltem aliquot minutis, moueri, non absurdum censemus.

*An duo stel-
larum sint
motus.*

Nam causa, quam assignant, cur motus secundus statuendus sit, sufficiens non videtur: nimirum, nos videre Lunam vel alium Planetam, qui alicui stellæ fixæ in occidente vel meridie coniungebatur, post vnum atque alterum diem vno vel pluribus gradibus orienti, relicta illa stella, qua cum antea coniungebatur, versus occasum, factum propiorem, & proinde ab occidente versus orientem motum esse. Nam si statuas, omnes stellas ab ortu in occasum progredi, & superiorem quamque inferiore esse velociorem, idem φαινόμενον euenit, inferioresque, quæ tardiùs mouentur, à superioribus, quæ velocius, in cursu retrò linqui, magis verò consentaneum est, quam Planetas motu versus ortum progredi. Coniungantur, Sol & Luna in vno circa occidentem puncto, statuaturque, Solem semel 24. horarum & 4. minutorum, Lunam 24. horarum spatio εν αάτι in cælo circumferri: vbi altero die Sol ad idem punctum iam reuersus fuerit, Luna ab eodem 12. ferè gradibus adhuc aberit, & illud demum 51. minutis elapsis attinget. Ab ista autem, quam hic proposuimus, opinione, non abhoruisse videtur Plato, 7. de legibus, vbi de Sole, Luna cæterisque stellis ita scribit: πῶς αὐτῶν αὐτῶν ὁδὸν, ἕκαστον, καὶ ἐπὶ πολλὰς, ἀλλὰ μίαν αἰὲν κύκλῳ, διεξέρχεται: φαίνεται δὲ πολλὰς φερόμενον. Τὸ δὲ τὰ χεῖρον αὐτῶν ὄν, βεγδύτα τὴν ἐκ ὀρθῶς αὐτοῦ ἀξίαν τὸ δὲ ἀντικίον, ἐναντίας; Eandem viam ipsarum unaquæque, non verò multas, sed vnâ semper viam in orbem permeat atque perlustrat: quamuis per varias multiplicisque vias circumferri videantur. Id autem quod in ipsis velocissimum est, non rectè tardissimum existimatur, & quod contrâ, contrâ.

Quantum tamen ad periodum stellarum & reditum, quem vocant, ad idem cæli punctum, eodem res redit, siue stellas vno, siue duobus motibus moueri statuas. Luna enim digressa ab vno cæli puncto, post 29. dies ferè in eodem conspicitur, quod spatium dicitur mensis Lunaris. Sol, Venus, Mercurius ad eundem locum reuertuntur spatio annuo ferè: Mars bienni: Iupiter intra 12. annos: Saturnus spatio annorum

norum 30. stellæ fixæ 4000. annorum spatium, quod temporis spatium Annum Magnum Platonium appellant: Diciturque Plato credidisse, post elapsos tot annos, omnia, quæ sunt in mundo, ad pristinum statum reuersura.

Deinde in stellis lux & lumen, quibus totus mundus nihil habet iucundius, quæque rectè à Francisco Patricio, *lib. 4. Panangia*, Dei Opt. Max. maximum optimūque instrumentum appellantur considerata sunt. Primò quid *Lux, Lumen & Radius* sit, & quomodo à se inuicem differant, videndum. Fuerunt quidem & sunt nonnulli in ea sententia, Lucem esse substantiam & cælestium corporum formam: eorum tamen opinio à veritate aliena est; cum forma substantialis nulla visu percipi possit. Quapropter statuamus, Lucem esse qualitatem, & proprietatem essentialem corporis lucidi, per se visu perceptibilem. Quod autem sit primum Lucis subiectum, seu, an omnes stellæ suo luceant lumine, an verò id mutentur à Sole, doctorum sententiæ discrepant. Alij enim, omnes stellæ propriâ luce lucere, alij omnes eam à Sole mutuari, alij tantum Lunam, statuunt. Nos ita sentimus: Omnes quidem stellæ à Sole aliquid luminis accipere: easdem etiam tamen propriam aliquam lucem obtinere. Vtrumque nos edocet experientia. Prius quidem in Luna præcipuè obseruare est, quæ pro vario ad Solem positu varias etiam ob lucis, quàm à Sole recipit, varietatem, facies induit: idem in reliquis planetis animaduertere est, quos pro varia ad Solem positione, clariùs, vel obscuriùs lucere obseruatur. Quamobrem etiam Orpheus, Solem viuificum cæli oculum; Heraclitus, luminis cælestis fontem; Physici veteres, cor cæli appellarunt; & Platonici in Sole animam mundi collocarunt, vt tradit Marsil. Ficcin. *lib. de Sole cap. 6.* Posterius verò non solum in Luna, sed etiam in alijs planetis animaduertere possumus. Nam in Eclipsi lunari Lunam aliquid lucis obtinere videmus, idemque post coniunctionem etiam patet, vbi, sæpè partem illam, quæ à Sole auersa est, ob illam lucem congenitam cernere possumus: quod quis etiam in alijs planetis Sole inferioribus obseruare potest, vt docet Franciscus Patric. *Panang. lib. 7.*

A luce promanant Radij & lumen, quæ duores diuersas esse, tradit Franc. Patric. *l. 3. Panangia*. Equidem vbi radij sunt, ibi est lumen, non tamen, vbi lumen est, ibi necessariò sunt radij. In conclauis enim, quod septentrionem spectat, & Soli non rectâ opponitur, lumen quidem est in meridie, sed nulli ibi sunt radij. Itaque Radius, vt ibidem docetur, est quasi lux secundaria, seu fulgor & imago à prima luce exsiliens in rectura & acutum. Lumen verò est quasi Lux tertiaria à prima luce, tum à secunda emanans, non in lineas vel pyramides diffusa, sed in latum effusa. Primò itaque est Lux in corpore lucido; deinde Radius, lucis nimirum imago à corpore lucido in rectum diffusa; tertio lumen, quod à latere extra radiorum incidentiam ac obliquè in omnem partem medijs se diffundit. Et omnino inter lumen & radium aliqua videtur esse differentia, aut certè aliud quiddam est, lucem vt rem visibilem repræsentare & oculo videntum offerre, aliud aerem illuminare. Nam lux è tenebris conspecta totum aerem, qui est inter oculum & rem lucidam, non illuminat, & lux ad stadium vix aerem illuminans ad aliquot milliaria noctu videtur; imò ipsæ stellæ longo intervallo à nobis distantes noctu conspiciuntur: aerem tamen totum non illuminant. Quod discrimen facit, vt etiam duplici modo lumen definiatur. Absolutè enim consideratum Lumen est imago lucis, seu qualitas corporis lucidi, quæ se reliquis naturalibus communicat, iis nimirum videndum se exhibet, easdemque fouet. Quatenus verò lumen aliarum rerum visibilium; quas illu-

minat, respectu consideratur, est actus colorum, quatenus videntur.

De lumine verò nonnullæ agitantur controuersia. Et primò de natura luminis grauissimæ semper fuerunt inter Philosophos dissensiones, quæ necdum compositæ sunt, vt periculolum sit, aliquid hac de re definire. Quid tamen in re tam obscura probabile videatur, breuiter aperiemus. Quaritur autem in primis; an lumen sit substantia vel accidens. Nam sunt plurimi, qui lumen substantiam esse statuunt; alij quidem corpoream, alij verò incorpoream. Et quidem qui radios & lumen substantiam esse statuunt, illos præcipuè mouet, quod lumen & radij per Cælum & aerem diffunduntur, & quidem in momento; quod non videtur esse proprium accidentis, quod non transit de subiecto in subiectum; quod non mouentur ad motum aeris; quod incidentes in corpus opacum & solidum reflectuntur & resiliunt. Et penè mouerent & me ista argumenta, nisi eadem omnia etiam contra reliquas species visibiles, imò sensibiles ferè omnes militarent. Nam nec reliquæ species visibiles ad motum aeris mouentur, & in momento per totam suam sphaeram diffunduntur: Imò sonus quoque, vt echo testatur, reflectitur. Ideoque quoties hac de re cogito, de obscuritate Naturæ cum doctissimo Philosopho & Medico Hieronymo Fracastorio ita conqueror.

*Quid dicam miserum me agere, & quam ducere vitam
Irrequietum animi, & quarentem indagine vana
Naturam semper fugientem: quæ se ubi paulum
Ostendit mihi, mox facies in mille repente,
Ceu Proteus, conuersa sequentem eludit, & angit
Merentem, senitque horas, cassumque laborem.
Nuper enim tenues species simulachraque rerum,
Quæ fluere ex ipsis dicuntur, perque meare
Omnia, dum selector meitans, tacitūque requiro
Ania sylvarum & secreta silentia solus,
Cognoui, tamen his spectris illudier ipsis,
Vt sensus feriant nostros, semperque laceessant,
Perque fores caulæque anima ludansque meentque
Ac remeant, ipsam, & nec inter somnia linguant*

Si tamen, quod probabile videtur, dicendum, verior videtur opinio, quæ asserit, lumen neque esse corpus, neque substantiam incorpoream, sed accidens, & qualitatem, à corpore lucido in medio perspicuo, cuius etiam actus est, productum. Nam si lumen esset corpus, cum per totum aerem diffundatur & ab omnibus partibus aeris recipiatur, fieret penetratio corporum. Deinde si esset corpus, moueretur successiuè & in tempore. Corpus enim per medium, alio corpore plenum, in instanti moueri non potest, sed in tempore: cum medium corpus, per quod mobile mouetur, ipsi in motu resistat. Lumen verò in instanti longè & latè diffundi videmus. Idem etiam non esse substantiam quandam incorpoream & spirituales substantiæ sub sensum non cadunt, neque dimensionibus præditæ sunt; quod vtrumque radijs & Lumini competit.

Lumen itaque non esse substantiam, sed qualitatem, his monstratum est. An tamen sit accidens reale, an intentionale, vt loquuntur, magna apud Aristotelis interpretes dissensio est. Quæstionis autem huius sensus primò rectè aduertendus est. Intentio & Ens intentionale etsi plerumque pro eo tantum accipitur, quod ab operatione mentis nostræ dependet & sine ea nihil est, specie scilicet intelligibili, quæ rem aliquam extra animam existentem nostro intellectui vel immediatè, quales sunt notiones primæ, vel mediatè, primarum scilicet interuentu, quales sunt notiones secundæ, repræsentat: Hic tamen generalius vox intentio illud, quod rei alterius, etiam extra animam existentis, est imago & repræsentatio, id est, speciem subiecti sensilis in medio signifi-

Lumen an sit substantia vel accidens.

Lumen accidens est, non substantia corporea, vel incorporata.

Lumen an sit accidens reale, an intentionale.

Lux, lumen & radius quomodo differant.

Stellæ & propria & mutuatia luce lucent.

Radius quid?

significat; atque ita intentionale Ens accipitur pro omni specie spiritali, reale obiectum representante, siue ea sit sensibilis siue intellectibilis. Sic color, qui est in vestibus vel arbore dicitur color realis; ille, qui est in speculo, & coloris, qui est in vestibus, est imago, & ille, qui ab arbore in hominis, sub arbore iacentis, vestes spargitur, dicitur esse color intentionalis. Atque hoc modo statuimus, Lumen quidem esse qualitatem intentionalem: Nihilominus etiam ens reale esse, utpote quod extra animi nostri operationem suam esse habeat, imò quàm aliæ species intentionales dictæ officium nobilius habeat, & non solum ad representationem, sed & alias efficaces operationes destinatum sit. Alii hoc ita explicant; Lumen esse qualitatem spiritalem, non principalem seu realem, aut potius materialem. Magna autem est inter qualitates principales seu materiales & spirituales differentia. Nam illæ non sunt imago alterius; recipiuntur in subiecto successiue, & in tempore ad eiusdem motum mouentur; non sunt totæ in quauis parte subiecti; non in eodem subiecto plures eiusdem speciei, numero tantum differentes, non confusæ & distinctæ seruantur. Qualitatibus spiritalibus planè contrarium competit; ut in Lumine videre est. Lumen enim est imago lucis; in momento per totum aerem diffunditur; non mouetur ad motum subiecti. Et si enim aer ventis agitur: tamen lumen simul non mouetur. Quælibet pars luminis totum corpus lucidum, à quo effunditur, representat, & in eadem parte aeris plures corporum lucidorum imagines seu lumina non confusæ & distinctæ seruantur.

adij diuisio.

Radius diuiditur in *Rectum*, *Reflexum*, *Fractum* & *Refractum*: Rectusque dicitur, qui sine impedimento corporis opaci à corpore lucido rectè procedit. Reflexus, qui incidens in corpus opacum resilit. Fractus, qui à medio raro in densum transit, ut qui ab aëre in aqua demittitur. Refractus, qui à medio denso ad rarius resultat. Reflexi tamen & fracti radij appellationem impugnat Scal. *Exerc. 75. sect. 10.* Putatque nec sine causa, illum, qui vulgò reflexus dicitur, potius fractum esse dicendum: Nam reflexus, communiter sic appellatus, non vnus radius est, sed duo; vnus impactus, alter resiliens: Et fractum potius dicendum esse fufum. Est enim vnus radius ille, qui est in aëre, & qui in aqua; tantum differens partium varietate & densitate, in aqua rarior, in aëre densior.

Cæli & stellæ non ideo calefaciunt, quod sint ignis.

Post lucem & lumen calor cœlestis considerandus, est, causæque eius nobis indagandæ. Et si autem non solum antiquorum nonnulli, sed recentiorum etiam quidam in ea fuerunt opinione, Cælum stellasque ideo calefacere, quia sint ignitæ, caloremque in se formaliter, ut accidens naturale, cuius beneficio iterum res alias calefaciant, habeant: tamen illa opinio à plerisque reiicitur, & statuitur, cælum; etsi per se & suâ naturâ non sit calidum; habere tamen potestatem hæc inferiora calefaciendi; & ut Scaliger, *Exerc. 23*, sentit, calorem quidem esse à sideribus, non tamen in illis, sed in hisce nostris; & *Exerc. 74. s. 1.* calefactionem primò ac per se sine vllò medio competere Soli, tanquam primo corpori, caloris auctori non tanquam subiecto primò. Si quis tamen statuatur, stellas quidem non igneo, sed sui generis calore esse calidas, non video, qua ratione solide refutari possit. Causa enim nulla est, cur Cælum omnium qualitatum expers esse debeat. Et calor indiuiduus comes lucis esse videtur. Nec est, ut quis metuat, cælum ab inferioribus hisce corruptum iri, si calidum sit. Cum enim cælum nec essentia natura, nec qualitatibus cum his inferioribus participet: nulla erit inferiorum in cœlestia actio. Nec Cardanus primus Calorem in cœlo posuit, sed iam olim Arabes & eos secuti Ioh. Picus Mirandulanus & alij: Ita enim Ioh. Picus Mirandulanus, in *Astrolog. lib. 3. c. 4.* scribit: *Lucem sequitur*

quasi proprietas eius calor quidem non igneus, non æreus sed cœlestis; sicuti lux cœli propria Qualitas. Calor, inquam, efficacissimus maximeque salutaris, omnia penetrans, omnia fouens, omnia moderans.

Ex quibus iam lux aliqua exoritur quæstioni, quomodo cælum hæc inferiora calefaciat. Vulgò quidem fertur, cælum motu & lumine calefacere. Verum de motu res valde dubia est. Negari quidem non potest, motum velocem corporis solidi aërem proximum calefacere: cum ipsa experientia compertum id habeatur. Motus enim attenuando calefacit & tenues reddit partes aëris, easque calefacit: imò si sit vehementior, in ignem mutat. Cum enim ignis ut est calidior, ita etiam sit tenuior aëre: si aer paulo plus attenuetur, forma aëris in materia tenui amplius subsistere nequit; sed forma ignis introducit. Hoc autem dubium est: an motus cœli calorem in hisce inferioribus producat. Statuunt quidem nonnulli, motum Cœli ad terram usque; imò ad eius intima penetrare & calorem per attenuationem & attritionem aëris producere: sed contra Scal. *Exerc. 23. ait.* se non credere Filio Rois, qui dicebat: cœlestia corpora non per calorem calefacere; sed per motus velocitatem, & calorem, & lumen à stellis attrito aëre, & motu earum prouenire, statuitque causam cœlestis motus esse, ut vires suas astra cum subiectis partibus aliis atque aliis communicent, non ut calefaciant. Et reuera non leuis dubitandi occasio est; An motus cœli sublunaria calefaciat. Nam illi, qui motu cælum hæc inferiora calefacere statuunt, omnes præsupponunt cælum esse corpus solidum, cuius circumgyratione vicina elementa simul circumgyrentur. At falsum hoc esse, iam antea demonstratum est. Neque stellarum corpora motu suo id præstare possunt, nequa earum motus ad hæc inferiora propter tantam distantiam pertingit. Nec etiam à motu eorum ignis, qui Lunæ proximus est, calorem accipit. Is enim ante calorem habet summum per suam formam. Nam si summè calidus non esset, ignis non esset. Quapropter ignis essentialem calorem à Cœlo non habet, sed accidentalem, ut subtilissimus Scal. *Exerc. 23.* satis subtiliter, imò satis obscure ait. Quis enim calor igni summè calido accidere potest? Forsan verò id ita intelligendum est. A cœli motu essentialem igni calorem non tribui, sed ignem eum à propria forma habere; eundem tamen à cœlo conseruari.

Quomodo cælum inferiora hac calefaciat.

Motus cœli an causa calefactionis.

Ignis essentialem calorem à cœlo non habet.

Lumen verò causam caloris esse, vulgo manifestum habetur: hæitationem tamen aliquam facere posset eiusdem Scaligeri illud *Exerc. 75.* Calor, inquit, est accidens à corpore cœlesti generatum, & per cælum absque vlla cœli affectione delatum ad aërem, idque non per lumen sed & cum lumine & sine lumine. Et reuera radij potius causa caloris sunt, quam lumen.

Lumen causa caloris non est, sed radij.

Non enim ubicunque lumen, ibi calor est, & hyberno tempore non luminis defectus frigoris causa est; cum media hyeme sæpè tam sereni, tamque lucidi sint dies, ac æstate, sed radiorum Solis obliquitas. Quapropter dum dicitur, Lumen esse causam caloris, radij seu Lumen primarium intelligendum est.

Quomodo radij calefaciant.

Quomodo autem seu radij seu lumen calefaciant, non eadem doctorum sententia est. Sunt quidem nonnulli in ea opinione, lumen ideo calefacere, quia rarefaciat & attenuet aërem, eodem modo quo motus; idque præcipuè duplicatos radios efficere. Et si enim incidentes ac simplices etiam attenuandi & calefaciendi vim habeant: tamen eorum vim esse imbecillem: duplicatos verò & inter se collisos aërem fortius atterere & rarefacere. Contra tamen plurimi satis probabiliter statuunt, lumen suapte naturâ efficere calorem, radiūque compositum ex recto & reflexo plus calefacere, quàm simplicem, non quod aërem collisione aliquā duo radij atterant: (Quomodo enim id, quod non est corpus, aërem atterat?) sed

Stellæ habent calorem sui generis.

sed quia illa portio luminis, quæ in rectum progredi debeat, ab opaco impedita reflectitur, & cum radio incidente coniungitur, atque ita virtus coniuncta fortior efficitur, quàm dispersa. Hinc radij alij aliis in excitando calore fortiores sunt. Qui enim perpendiculares cadunt, & in se resiliunt, efficacissimi sunt: & his in efficacia propiores, qui minus in obliquos angulos abeunt; quò verò magis ab incidentiæ puncto obliquè abeunt, tantò minorem calorem excitant. Id quod temporum vicissitudines manifestè monstrant. Quò enim Sol motu suo ad Zenith nostrum accedens propius rectiores proiicit radios: eò calor excitatur intensior. Contrario modo sese habet hyeme, quando Sol obliquos spargit radios.

An autem porro etiam alio præterea modo agat cælum in hæc sublunaria, disquirere operæ pretium est. Reperire est homines ita ineptos, qui cælo non solum non nobiliores alias in hæc inferiora actiones edendi, sed ipsam etiam calefaciendi vim denegare audent; Cæloque stellas ferè ornatus tantum gratiâ inditas esse, non secus ac cœnacula emblematis & refsellis exornantur, affirmare non erubescunt; in quorum sectâ fuisse videtur N. Frischlinus. Sed apagè istam barbariem. Melius iam olim sensit Asclepius, ad Ammonem Regem sic scribens: τὴν ἡλίου ἀγαθαὶ ἐνέργειαι, ἡ μὲν ἐν ἑρῶ καὶ αἰεὶ, ἀλλὰ καὶ ἐπὶ γῆς εἰς τὴν κατώτατον βυθὸν καὶ ἄβυσσον διήκουν, id est, Solis bonæ operationes, non solum in cælo, & aëre, sed & in terra, in immum profundum & abyssum penetrant: à cuius sententiâ posterorum seculorum viri docti non recesserunt, sed omnes docuerunt, Cælum in hæc inferiore agere & multorum bonorum mortalibus esse causam. Nihil enim in tota rerum natura otiosum est, nihil frustra conditum, sed omnes res, ut suas formas habent; ita per easdem operantur & agunt. Idem conuincit, cui nefas contradicere, experientia. Videmus enim & sentimus, à cœlestibus corporibus per caloris variationem intensiorem fieri temporum, atque unâ generationum & corruptionum vicissitudines, tempestates cieri, animalium, & præcipuè conchiliorum humores pro lucis Lünæ augmento & decremento augeri, & imminui. Mittamus itaque hos, qui cælo omnes vires denegant, atque illud dispiciamus, quod modo proponebatur: An præter lumen etiam alia peculiari & occultâ vi, quam influentiam vocant, cælum hoc infero afficit? Plerique quidem ex iis, quibus cum Astrologis lis est, solum lumen, quod variè pro motuum cœlestium varietate variis locis communicatur, ad omnes effectus, qui à cælo proficisci dicuntur, edendos sufficere dicunt: contra tamen statuendum est, cælum non solum per motum & lumen hincque dependentem calorem, sed etiam per peculiare quasdam vires, quas influentias vocant, inferiora hæc afficere. Multa enim à cælo proficiscuntur, quæ lumini ascribi non possunt. Lumen enim à corpore opaco vel denso impediri potest: cum tamen in profundissimis terræ caueris, sub aquis, quò nec lumen, nec calor à cælo productus penetrat, multa cælo concurrente generentur. Et certè cum magneti, aliisque rebus vulgaribus insignes sine lumine in res dissitas agendi vires in sint: eadem cælo, corpori tam magnifico, deneganda non sunt.

Quousque tamen se extendat hic cœli influxus, & in quas res agat, inquirendum. Hoc negandum non est, in res materiales & merè naturales omnes Cælum agere: an tamen ille influxus cœlestis animam, voluntatemque nostram afficiat, quærendum. Respondent hinc omnes saniores Philosophi directè, seu immediatè voluntatem nostram ab ætris non affici. Cælum enim cum sit agens corporeum & materiale, etiam res corporeas & materiales tantum agit voluntas verò potentia à materia libera est. Mediatè tamen & indirectè, in-

teruentu nimirum organorum corporis, quæ variis qualitatibus imbutæ, phantasiam & appetitum sensitivum movent & stimulant, & per eum voluntatem ad aliquid agendum inclinant. Quâ ratione etiam vulgò dicitur, mores sequi temperamentum corporis. Inclinant tamen tantum, non cogunt neque temperamentum, neque astra per temperamentum. Et si enim quis ob bilis in corpore abundantiam ad iram, ob pituitam ad segnitiam sit proclivis: in libertate tamen voluntatis positum est, iram vel cohibere, vel eidem frena laxare; labori incumbere, vel otio indulgere. Hinc facillè responderi potest, quid de Astrologia, quæ ex observatione siderum futura prædicere dicitur, sentiendum sit. Astrologos tempestates, pluuias, sterilitates, vel fecunditates agrorum, morbos, & alios eiusmodi naturales affectus, quæ naturaliter ex materia sublunaris secundum caliditatem, frigiditatem, humiditatem, siccitatem aliasque eiusmodi qualitates, dispositione dependent, & corporibus sublunariis euenire possunt, probabiliter sæpe prædicere posse, negandum non est. Non tamen semper certo ista prædicere posse experientia testatur.

Nam cum ad huiusmodi effectus non solum cœlestium corporum influxus, qui vniuersalis causa est, sed etiam terreni globi, qui materiam pluuiis, & aliis meteoris suppeditat, & omnino materiæ, qualitatūque sublunarium, quæ omnia fluxa & mutabilia sunt, dispositio requiratur, eaque hominis ingenio sat perspicere non possit: iudicium etiam & prænotio sat firma semper esse non potest. Multò minus de actionibus humanis, quæ à nostra voluntate pendent, & de rebus contingentibus ac fortuitis quid necessarium prædici potest. Et si enim hæc aliquo modo, ut dictum, à temperamento dependant: tamen, quia temperamentum voluntatem nostram non cogit, ipsumque cælum proxima & principalis temperamenti causa non est, aliquid etiam hinc certò prædicere difficile est.

Nec ipsi saniores Astrologi maiorem stellis efficaciam attribuere, nec maiorem prædicendi facultatem sibi arrogare audent. Vnde & ipse Ptolemæus, de prædict. Astronomicis, lib. 1. docet ea tantum in Genethliacis prædici posse, quæ à temperamento dependent, nimirum, corpus alicuius esse tale, & mores animales, hinc secuturos tales euentus, quia cœli qualitas temperamento conueniens sit idonea ad bonum habitum, aut sit contraria. Idemque expressis verbis affirmat, eos, qui alia, quæ non habent naturales causas, prædicunt, quæstus causâ diuinationes venditare, & vulgò imponere. Quis igitur Astrologiæ iudiciariæ limes esse debeat, ipse Astrologorum princeps Ptolemæus Astrologicis præscripsit: inter quem tamen omnes, quos sequentibus libris tradit, prædictiones sese vix continent. Idem quoque, eodem lib. 1. multa, præter cælum, ad temperamenta singulorum concurrere, docet, præcipuamque vim conferre semen à parentibus decusum, diuersitatem etiam efficere regionem, nec paruum in temperamento variando educationem & consuetudinem habere momentum.

Ab occultis cœli influentiis procul dubio multarum Sympathiarum & Antipathiarum, quas sublunaria hæc cum cælo habent, causæ petendæ sunt, quas inquirere alterius loci erit: interim illud ex Chaldeorum & Assyriorum dogmate, ut Psellus, tradit, retineamus: τὸν παρὰ τὴν τὰ ἀνὰ τοὺς καίτοι.

Reliquas stellarum affectiones quod attinet, Figuram nimirum & Quantitatem, Figuram esse τοῦ σώματος monstrant; Primò, illuminationes Lunæ; Deinde Eclipses; Tertio, omnium hominum vbiuis locorum habitantium aspectus; cum corpora plana roties figuram mutant, quoties, qui ex humiliore loco ea intuentur, loca & situs mutant.

Quod autem stellæ apparent σινοφαις, sit ob nimiam

Radij perpendiculares efficacissimi.

Stella non ornatus tantum gratiâ cælo indita sunt.

Quid de Astrologicis prædictionibus sit sentiendum.

An cælum influentiis agat in hæc inferiora?

Cælum agit in res materiales, animā verò immediatè non afficit.

Figura Stellarum spherica.

miam earum distantiam. Lineæ enim omnes ab oculo ad corporis Sphærici longè remoti superficiem educæ, æquales apparent lineæ mediæ seu perpendiculari, ex centro oculi ad sphærici corporis globosi centrum ductæ, Vitello, *lib. 4. cap. 65.*

Stellæ autem sunt duplices, Planetæ & fixæ, ut supra etiam dictum. Fixæ dicuntur, quæ superiorem cæli partem occupant, & in motu suo æqualibus semper inter se distant spatiis. Planetæ seu erraticæ stellæ dicuntur, non quod reuerà errent aut incerto motu moueantur, sed quod, licet & ipsæ certas motuum leges obseruent, respectu tamen stellarum fixarum liberiùs moueantur, & nunc in hoc nunc in alio Cæli loco consistent.

Planetas vulgò septem numerant. Et si enim Pha-uorinus, apud Gellium, *lib. 14. cap. 1.* dubitabat; An tantum sint septem Planetæ, existimabatque fieri posse, ut essent plures, qui tamen à nobis non cernerentur, propter exsuperantiam vel splendoris vel altitudinis: tamen quia nec experientia, nec ratio aliqua plures euincit, vulgaris numerus retentus hætenus.

Ex recentioribus tamen Astronomicis Galilæus de Galilæis, Florentinus, nouos quosdam inuenit Planetas, omnibus hominibus hætenus incognitos & inuisos, beneficio tubi Optici; quos circa Iouem moueri deprehendit, & sidera Medicea (à Cosmo Medices, Hetruriæ duce, cui suos labores dedicauit, ita nominata) & Iouialia nuncupauit, eorumque, & numerum & motum descripsit, in libro cui titulus; *Siderens nuncijs*: in quo & alia à se in facie Lunæ, fixis innumeris, lacteo circulo, stellis nebulosis obseruata, notatu digna descripsit.

Fixas Astronomi hodiè 1022. numerant, sed plures sunt reuerà. Nam & Plinius, *l. 2. nat. hist. c. 41.* 1600. insignes videlicet effectu visuè, annotatas fuisse à peritis scribit, & qui hodiè Austrum versus nauigarunt, plures se obseruasse tradunt. Quapropter etsi Astronomis tot esse stellæ, quæ conspicuè obseruari & ad Astronomicas *τηρὸς* conducere possint, concedere possumus: tamen si quis omnino plures non esse contendat, illi Augustini illud, *lib. 16. de Ciuit. Dei c. 23.* obtendimus. *Quicumque inquit, vniuersum stellarum numerum comprehendisse & scripsisse iactantur, eos libri huius (Gen. 15.) contendit autoritas: & omnino plures esse, obseruatio modò allegati Galilæi de Galilæis docet.*

De ordine autem Planetarum nonnulla etiam est controuersia. Metrodorus, Chius, Anaximander, Cratesque teste Plutarcho, *2. de Plac. Philos. cap. 15.* summo loco statuit Solem, hinc Lunam, post hanc fixas stellæ & Planetas. Plato, & Græci Philosophi ferè omnes, Solem Lunæ proximum esse credebant. Ptolemæus Solem medio inter Planetas loco collocauit, talémque ordinem Planetarum instituit, ut proximum Elementis locum obtineat Luna, secundum Mercurius, tertium Venus, quartum Sol, quintum Mars, sextum Iupiter, septimum Saturnus, octauum stellæ fixæ: quam sententiam plerique sequuntur. Ei enim & *ἀγμάξεων* obseruatio, aliæque rationes Astronomicæ subscribere videntur.

Quò enim maiorem parallaxin habet Planeta, eò terris est vicinior; quò minorem, eò remotior. Sed inter omnes Planetas Luna parallaxin maximam habet; aliquanto minorem Mercurius; Venus adhuc minorem; minimam Sol. Vnde colligitur Lunam esse terræ maximè vicinam, paulò remotiorem Mercurium, adhuc remotiorem Venerem, & eà remotiorem Solem. Deinde Luna obscurat & è visu nobis eripit Mercurium, Venerem, Solem; quod fieri non posset si hi Planetæ Lunâ essent inferiores.

Verum enim verò etsi hoc certum sit, & rationes hæc id satis demonstrent, Lunam esse infra Mercurium & Venerem: tamen hoc inde non probatur, Vene-

Dan. Sennerti Tom. 1.

rem esse Mercurio superiorem. Obscure sanè Luna Venerem & Mercurium: nondum tamen hinc patet, an Mercurius, an verò Venus sit proximè Lunam, seu an Mercurius infra, vel supra Venerem sit. Neque *ἀγμάξεων* ratio id demonstrat. Etsi enim hoc docent, Lunam esse terris proximam, ut quæ maximam parallaxin habet: tamen quæ de Solis, Veneris & Mercurij parallaxi ex vulgari sententiâ dicta sunt, non adeò certa sunt. Obseruarunt enim recentiores Astronomi, Mercurium sæpe eandem cum Sole habere perallaxin, Venerem sæpe eandem, sæpe etiam minorem. Quâ causâ nobilissimus Astronomus Tycho Brahe motus est, ut nouam Planetarum dispositionem excogitaret: quâ ut probabiliore plerique hodie Astronomi contenti sunt, donec meliora aliquis monstrauerit. Quicumque autem Situs Planetarum admittatur, tamen hoc certum manet, eum defendi non posse, nisi, quod supra statuimus, doceatur, cælum non esse corpus solidum, & nullos in eo reuera orbes esse, è quibus eius compages constet; Quòd si non admittatur, sed stellæ suis orbibus includantur, omnino penetrationem corporum fieri necesse esset, si motus eorum saluari debet; quòd imprimis motus Solis, Veneris, & Mercurij docent. Et maximè probabile est, quòd etiam supra proposuimus, non dari duplicem Planetarum motum, vnum ab ortu versus occasum, alterum ab occasu versus ortum, sed omnes Planetas ab ortu versus occasum moueri; cum temerè, & sine necessitate Entia non sint multiplicanda: & cum stellis internum principium ad motum hunc expediendum sufficiat; externum & violentum addere opus non est. Rectè Aristoteles, *lib. 1. de Cælo c. 2.* demonstrat, motum violentum esse contrarium naturali, & cælestibus corporibus simplicibus simplicem motum competere, atque ut ignis mouetur sursum, terra deorsum, ita cælestia corpora moueri naturaliter in circulum.

Stellas fixas insigniores & visu notabiles, facilioris cognitionis & memoriæ iuuandæ ergò in certas figuras ab animalibus & aliis rebus petitas, quas *ἀσπερίδες, χήματα*, sidera appellant, concluderunt. Quæ figurarum distinctio antiquissima est; & vel ante, vel certè statim post diluuium notam fuisse, testantur non solum antiquissimi poëtæ Hesiodus & Homerus, verum & sacræ literæ: cum Iob. *c. 9. v. 38.* Arcturi, Orionis, Hyadum fiat mentio.

Inuentores autem Asterismorum & autores nominum credibile est fuisse cum Astronomos, quorum studium circa cælos occupatum, tum nautas, ut vel ex signis meridionalibus superiori seculò à nautis versus meridiem nauigantibus inuentis & suis nominibus insignitis & Virgilio patet, dum scribit; *Nauita dū stellis numeros & nomina fecit*: tum agricolas, qui cum olim Calendariis carerent, secundum motum stellarum suos labores instituere cogebantur. Vnde etiā accidit, ut quædā sidera alia atque alia nomina habeant apud Astronomos, alia apud nautas, alia apud Agricolas.

Hic etiam notandum, Zodiaci signa seu Asterismos differre à Dodecatemoriis, Dodecatemoria enim sunt duodecim cæli partes æquales, quarum vnaquæque 30. gradus habet, secundum quos motus Solis; Lunæ & Planetarum reliquorum numeratur, menti, non oculis obuiæ. Signa verò Zodiaci, sunt stellæ, oculis visibiles, in quasdam imagines redactæ, quæ imagines non sunt æquales; sed alia maior, alia minor. Sidus enim Virginis est maius quàm Libra, & hoc maius Geminis.

Diuiduntur autem ista signa in Zodiaci signa & quæ extra Zodiacum sunt in Septentrionalia & Meridionalia. Zodiacus enim Planetarum semita est, extra quam etsi Planetæ, præter Solem, nunc versus meridiem, nunc versus Septentrionem ab Ecliptica, quæ Solis semita est, declinant: nunquam tamen

D

extra

Stellarum fixarum in χήματα distributio.

Asterismi differunt à Dodecatemoriis.

extra Zodiaci latitudinem, quæ graduum est 16. variantur. Zodiaci signa sunt 12. *Aries, Taurus, Gemini, Cancer, Leo, Virgo, Libra, Scorpio, Sagittarius, Capricornus, Aquarius, Pisces.*

Septentrionalia sunt 21. *Ursa, maior & minor, Draco, Bootes, Corona, Ariadnes, Hercules, Cepheus, Lyra, Cygnus, Cassiopeia, Perseus, Heniochus, Serpens, Serpentarius, Sagitta, Aquila, Delphinus, Pegasus, Equiculus, Andromeda, Triangulum.*

Meridionalia hætenus nota fuere 15. *Cetus, Orion, Eridanus, Lepus, Sirius, Procyon, Argo, Hydra, Crater, Corvus, Centaurus, Lupus, Ara, Corona, Austrina & Piscis australis.*

Verum Americus Vesputius, & qui post eum plagas meridionales nauigando lustrarunt, testantur cœli partem meridionalem, quæ hætenus ignota fuit, & multis & clarissimis ac insignibus stellis conspicuam esse: quas antiquos imitati in quosdam asterismos redegerunt, & nomina *Trianguli, Pannonis, Chameli, Apis Indica, Gruis, Columba Noë, Crabonis, Crucis, Toutam, Hydri, Nubecularum, Phanicis, Indi* imposuerunt. Quæ schemata omnia & antiqua, & recentia ex globis in hunc usum affabre factis hodiè faciliè cognosci possunt.

Diuiduntur etiam stellæ secundum magnitudinem in sex classes, atque aliæ primæ, aliæ secundæ, aliæ tertiæ, aliæ quartæ, aliæ quintæ, aliæ sextæ magnitudinis dicuntur, quæ ab Astronomis passim recensentur. Hoc tamen obseruandum, stellæ, quæ eiusdem magnitudinis dicuntur, non omnes reuera eiusdem quantitatis, vel splendoris esse. Nam Sirius reliquas primæ magnitudinis stellæ longè antecellit.

Pertinet ad hæc corpora cœlestia omnino & Galaxia. Est autem γαλαξία, item, τὸ γάλα, item, δὲ τῆ γάλακτος, ἢ γαλακτίας κύνη & ἡ τῆ γάλακτος χώρα, lacteus circulus, via lactea, vulgò vi a D. Iacobi, circulus seu zona potius noctu colore candido seu lacteo, vnde & nomen habet, in cœlo visu notabilis, à Septentrione in Austrum porrecta, cælumque in duo hæmisphæria diuidens: Cuius progressum & ductum Plinius, *ib. 18. nat. historia cap. 29.* breuibus expressit: luculentius verò descripsit Manilius, *lib. 1.* his versibus:

*Alter in aduersum positas succedit ad Arctos,
Et paulum à Borea gyro sua fila reducit,
Transitque inuersa per sidera Cassiopea:
Inde per obliquum descendens tangit olorem,
Æstiuoque secat fines, Aquilamque supinam,
Temperaque aquantem gyrum, Zonamque ferentem
Solis equos, intra caudam, qua Scorpius ardet,
Extremumque sagittarij leuam, atque sagittam.
Inde suos sinuat flexus per crura pedesque
Centauri alterius, rursusque ascendere cælum
Incipit, Arginamque ratem per aplustria summa.
Et medium mundi gyrum, Geminisque per iunum
Signa secat: subit Heniochum, teque inde profectus,
Cassiopea, petens super ipsum Persea transit,
Orbemque ex illa cœptum concludit in illa.*

De eius natura variæ variorum circumferuntur sententiæ. Nos omittis Poëtarum fabulis de lacte Iunonis, cuius portionem in hunc cœli locum, dum Hercules illud sugeret, effusam esse fingunt, vt refert Cœl. Rhod. antiq. *l. 6. c. 7.* de incendio Phaëtonis, de pugna Apollinis aduersus Gigantes, de via animarum, de sede heroum, seu illustrium virorum, aliorumque opinionibus, quas recenset Aristoteles, *l. 1. meteor. cap. 8.* Plutarch. *3. de plac. Phil. cap. 1.* Ioan. Fr. Pic. Mir. in exam. van. doct. gent. *l. 1. c. 12.* illud saltem hoc loco dispiciemus, an via lactea sit quiddam elementare, & verum meteorum, an verò res cœlestis. Aristoteles, loco iam allegato, statuit, viam lacteam non in cœlo, sed in aëre esse, & constare ex calida & sicca exhalatione in eum locum, vbi πυκνότητα

καὶ πλεῖστα, καὶ μέγιστα τυγχάνει ὄντα πρὸς ἄστρον, id est, densissimæ, & plurimæ, & maximæ sunt stellæ, ab iisdem attracta, atque habere se instar magni Cometæ, & perpetuari perpetuâ & continuâ vaporum attractione, quam sidera eo loci frequentia efficiant.

Verum enim verò vt hanc opinionem plurimi, iique non ignobiles Philosophi & Astronomi reiecerint, fecerunt præcipuè: Primò viæ lacteæ perpetuitas. Cum enim in rebus Meteorologicis omnia καὶ φύσιν ἀτακτοτέραν fiant, nec materia meteoris gignendis semper eadem copiâ, figurâ, colore suppetat, nec semper in eundem cœli locum feratur: Galaxia nec semper, nec eiusdem magnitudinis, figuræ, coloris, nec in eodem loco semper, si Meteorum esset, appareret. Deinde, sic lactea via non in cœlo, sed in aëre esset, non semper in eodem cœli loco, & circa easdem stellæ conspiceretur, aliquamque parallaxin admitteret; eodem modo vt Cometæ, qui in aëre sunt, in hac regione sub hac, in alia sub alia apparent stella. Contrarium tamen docet experientia, quæ testatur, tot annorum seculis Galaxiam semper cœlo sereno, in eodem loco, eadem magnitudine, figurâ, & colore apparuisse; & omnibus in locis circa eadem sidera conspectam esse.

Nec etiam locum habet Fr. Piccol. *l. de meteor. cap. 9* sententia, quâ, vt vulgatam opinionem aliquo modo defendat; duplicem statuit esse Galaxiam; alteram cœlestem, quæ sit lucidarum stellarum in Sphæra octaua copia; alteram prioris huius effectum, quæ sit halituum siccorum copia, in sublimi aëris regione in Zonam redacta, incensionis particeps, sub ætherea posita, ab eaque, seruata, quæ per lumen quod ab ætherea Galaxia recipit, magnæ & candidæ viæ imaginem nobis offerat. Quamuis enim stellæ copiosiores magis calefacere, pluresque vapores attollere possent, verum sit: tamen cur Galaxia perpetuò, eadem semper magnitudine, figurâ, in eodem loco semper appareat, causa sufficiens hinc depromi nondum potest. Ad meteorum enim aliquod constituendum non solum stellæ vnus vel plurium vis, sed etiam materia, eaque certo modo disposita requiritur: quæ cum sit fluxa & instabilis, & ob tot stellarum influxum mirè varietur, nihil etiam in rebus meteorologicis perpetuum, constans, eodemque more & modo semper recurrens dari potest: nec Sol, nec stella alia vlla etiam eundem positum seruans, vel ad eundem locum recurrens, easdem tempestates excitat, nec vt eadem meteora gignantur, causa esse potest, propter halituum vel copiam, vel inopiam, vel variâ dispositionem.

Probabilior itaque est aliorum opinio, qui docent, Galaxiam esse in octauâ sphæra minutissimarum, plurimarumque stellarum, quas σποράδας vocant, congregationem, quæ præ exiguitate & copia distinctè conspici non possunt, sed quarum lumen confusum colorem candidum seu lacteum oculis nostris offerat. Addunt huic sententiæ alij hoc etiam: partem hanc Cœli, reliquis cœli partibus esse paulò densiorem & densitate ad naturam stellarum ferè accedere, idè etiam tum lumine proprio, tum eo, quod à reliquis stellis accipit, magis lucidam apparere, quàm reliquæ Cœli partes rariores & planè perspicuæ, & colore albicante esse perspicuam.

Stellis meritò subiicimus Cometas; Equidem longè maxima de eorum natura opinionum est diuersitas. Anaxagoras & Democritus statuebant, Cometam esse σύμφοσιν, id est, congregationem plurium Planetarum, qui quia vnum in locum coiuerint, lumine suo inuicem confuso vnam stellam constituere videntur. Pythagoræi docebant, Cometam esse vnum è Planetarum numero, à septem vulgatis distinctum, qui plerunque lateat sub radiis solaribus, & ob solis vicini splendorem conspici non possit, interdum tamen, & non nisi per longa interualla, à Sole digrediarur

Diuerſa de Cometarum naturâ opinionēs.

Stellarum in classes diuisio.

Galaxia quid?

An Galaxia sit meteorum?

diatur & in conspectum veniat, quod ferè etiam Mercurio accidit. Hippocrates Chius, eiusque discipulus Æschylus, cum Pythagoricis consentiebant, Cometam esse stellam: in hoc tamen dissentiebant, quod illi caudam Cometæ eius partem esse; hi verò vapores in altum eleuatos, cometæque propinquos, ac solis radios & lumen excipientes, comæ speciem exhibere, statuebant. Has tamen opiniones recenset & refutat Aristoteles, 1. *met. cap. 6.* Seneca *quæst. nat. 7. cap. 11. 12. &c.*

Epigenis, quam refert & refellit Seneca, *quæst. nat. 1. 7. c. 4. & seq.* sententia erat, Cometæ oriri, cum humidæ & siccæ exhalationes in vnum globum conclusæ, & ob internum spiritum, discordiamque corporum contrariorum versatæ & agitatæ turbinem efficiunt. Tunc enim illam vim venti circumeuntis, quicquid intra se comprehendit, cursu suo accendere, & leuare in altum, ac tam diu manere splendorem ignis, cometamque exhiberi, quamdiu alimenta sufficiunt, quibus deficientibus & ipse subsidit. Aristotelis opinio etiam si aliqua ex parte discrepat, cum hac ferè conuenit. Docet enim Aristoteles, Cometam non è cœlesti materia constare, sed elementari, ex multa nimirum, pingui, & crassâ exhalatione, in supremam aëris regionem eleuata, ibidemque accensa, Plutarchus, *lib. 3. de plac. Phil. 2.* præter Pythagoreorum, Anaxagoræ, Democriti, Aristotelis, Epigenis opiniones, refert etiam Stratonis dogma, qui cometam lumen sideris nube comprehensum densa, sicut fit in lucernis, esse sentiebat: Heraclidis Pontici, qui, cometam nubem in sublimi à sublimi lumine illustratam esse, tradebat. Seneca, *lib. 7. q. nat. cap. 22.* Cometam non subitaneum ignem, existimabat, sed inter æterna naturæ opera, stellas scilicet, referebat. Plures enim Planetas, quàm quinque præter luminaria, esse sentiebat: illorum tamen motus, initia, finisque nondum cognitos esse; cum ex ingentibus interuallis eorum recursus fiant.

Recentiores etiam in hac re varij sunt. I. C. Scalliger in hoc cum Aristotele consentit, Cometam constare ex materia elementari: eam tamen esse incensam negat. Nam ita, *Exerc. 79.* scribit: *Itaque vaporem arbitror, (Cometam scilicet) vi tractum ab astrorum aliquo in aëris summam regionem; cuius vaporis natura non fit ardens, sed mista materia, tanquam fumus, aut fuligo, recipiens Solis radios, atque idcirco visibilis & transmittens eos, atque ideo caudata.* Cardanus, quem Scalig. *ibid.* refutat, aiebat: Cometam globum esse in cœlo, à Sole illustratum, per quem illius transmissi radij penè caudam efficiant. Cœlum enim esse sideribus plenum, sed non densis admodum, verum aëre siccescente, aut alijs etiam de causis, accipere lumen.

Bodinus, in *theat. nat. l. 1. p. 217.* ingenuè suam ignorantiam confiteri, quàm temerè quicquam hac de re affirmare, vel leuissimis opinionibus assentiri, præstabilis putat. Idem tamen, *ibid. p. 221.* in eam fermè opinionem venire videtur; Cometæ esse illustrium virorū mentes, quæ postquam innumerabilibus, seculis viguerunt in terris, tandem obitura extremos peragant triumphos, aut in cœlum stellarum quasi splendida sidera reuocentur: ac propterea sequi famem, morbos populares, ciuilia bella, quasi ciuitates ac populi ducibus illis optimis & gubernatoribus, qui diuinos furores placabant, defererentur. Recentiores alij, qui cœlum non solidum, sed aëris instar fluidum corpus esse docent, Cometæ non infra, sed supra Lunam generari statuunt; alij quidem ex exhalationibus eò sublatis; alij ex parte ætheris condensata, atque eâ de causâ resplendente.

Atque hæ præcipuæ de Cometarum natura opiniones sunt: in quarum tanto numero procul dubio difficile est, quænam earum verior sit, diiudicare; neque etiam omnes prolixè examinare, instituri ratio &

Senneri Tom. I.

breuitatis studium finit. Vt tamen, quid probabilius nobis videatur, constet, eorum sententiam vero magis consentaneam esse putamus, qui Cometæ omnes in regione æthereâ supra Lunam existisse & apparuisse existimant: quos si quis nouas stellas appellare velit, non repugnabimus. Eos verò in regione æthereâ, non elementari existisse, inprimis ex motus regularitate, parallaxi, quam minorem, quàm Luna habuerunt, vt & duratione æquali colligi potest. Cum enim obseruatum sit, Cometæ sæpe longo temporis spatio, & ad sex vsque menses, eadem quantitate perdurasse, atque semper motum regularem habuisse: id nullo modo corpori ex exhalationibus conflato tribui potest. Meteora enim eiusmodi omnia κατὰ φύσιν ἀτακτοτέρων fiunt, vt cum in alijs, tum in nubibus videre est, in quibus nihil est perpetuum, diuturnum, & regulare. Quæ verò pro contraria sententia afferuntur rationes, parum firmæ sunt, & de obseruationibus Antiquorum Recentiores non sine causâ dubitant; cum ad parallaxes obseruandas magnâ opus sit diligentia. An verò causis naturalibus de nouo generentur, vel an à Deo miraculosè producantur, an quia antea latuerint, saltem appareant, non facile quis firmis rationibus definiet.

Hoc tamen hîc monendum censeo, antiquos etiam Cometæ pro stellis, qui modò appareant, modò inuisibiles fiant, habuisse, vt manifestè ex Hermete Trismegisto, *lib. de prouidentia & fato*, apparet, vbi ita scribit: *Aliud est genus, id quod vocatur Cometarum, quæ pro tempore apparent. Et rursus paulò post inuisibiles fiunt, neque occidentes, neque dissolutæ. Alij verò manifesti præcones sunt vniuersalium euentuum, qui sunt futuri. Isti verò locum habent sub solis circulo. Cum igitur aliquid mundo est euenturum, ista apparent. Et paucis diebus apparentes, rursus sub circulum venientes Solis inuisibiles manent, in subsolano cum apparuerint.*

Bella, aiunt, significant Cometæ: quia exhalationes calidæ & siccæ in hominum, præcipuè Regum corporibus, bilem flauam generant, quæ postea homines ad concitatiores motus, iram, rixam, & hinc sequentia bella pronos facit. Verum enim verò bellorum hæ causæ nimis sunt remotæ: propriores monstrant Politici. Et si bella hinc dependent, non opus est de bellis sedandis multas consultationes instituire; ad medicos confugiendum; qui, propinatis medicamentis bilem purgantibus, omnia bella tollent, bellorūque omnes causas radicitus è Regum & Principum corporibus euellent. Præterea experientia testatur, Cometæ apparuisse, quos nihil tale insecutum est. Hoc certum est, cum Cometarum seu apparitio seu generatio in cœlo insolita sit & rara, eos omnino aliquid portendere, si forsan non vt causæ, tamen vt signa diuinitus ad iram Dei aduersus hominum peccata denuncianda constituta: quorum tamen specialis significatio soli Deo nota nec vlli hominum reuelata sit. Hoc quidem verum est, & omnium seculorum obseruatione compertum; Nunquam spectatum impunè Cometam; & post Cometæ, magnas in Imperiis mutationes contigisse, vt rectè Lucanus *Terris mutantem regna Cometen* dixerit, & Camerarius veterem versiculum ita mutârît: εἰς κομήτης, ὅστις ἐκὰν ὅρεται.

Quibus verò regionibus & prouincijs id portendant, vix homini cognoscere datum est, antequam euentus id docet.

CAPVT III.

De Elementis, Quatenus, vt corpora simplicia, cum Cælo Mundi huius molem constituunt,

Regionis autem sublunaris corpora, sunt duplicia, simplicia & composita. Simplicia sunt,

Elementi significatio duplex.

quæ Elementa dicuntur, quod reliqua ex his consent. Elementum autem, Græcis στοιχεῖον, etsi varias habeat significationes ad duas tamen præcipuas non incommodè redigi posse videntur, *unam* generalem, *alteram* specialem. Nam *generaliter* accipitur pro quocunque, quod in suo genere primum est, & aliud se prius non habet; in qua significatione ab Aristot. l. *Metaph.* 4. c. 3. definitur: στοιχεῖον λέγεται, ἐξ ἧς σύγκηται πρῶτα ἐνυπάρχοντα ἀδιαίρετα τῷ εἶδει εἰς ἕτερον εἶδος, id est, *Elementum dicitur, ex quo primo inexistente, indiuisibili speciei in aliam speciem, aliquid componitur.* Deinde in specie Elementa dicuntur proxima principia corporum mistorum. Atque hoc modo ab Aristot. 3. de cælo cap. 3. t. 31. definitur: στοιχεῖν τῶν σωμάτων, εἰς οὗ τὰ ἄλλα σώματα διαίρεται, ἐνυπάρχοντα διωόμεναι ἢ ἐνεργεῖαι αὐτὸ δὲ ἔστιν ἀδιαίρετον εἰς ἕτερα πᾶσι εἶδει, id est, *Corporum Elementum est in quod cætera corpora diuiduntur, in quibus inest potentia aut actu: Ipsum autem non est in specie diuersa diuisibile.* Atque in hac significatione posthac nobis de Elementis agendum erit.

Elementa in specie ita dicta duplex habent officium.

Verum enim verò habent hæc Elementa duplex officium duplicemque considerationem. *Primum* enim ipsorum officium est, cum Cælo totam hanc mundi molem complere: atque hoc modo absolute secundum suam essentiam absque vlla admista relatione considerantur: *Alterum* est, esse materiam corporum mistorum. Ad *utrumque* autem officium obeundum peculiare ipsis qualitates à natura tributæ sunt. Ad *prius* enim exsequendum grauitatem & leuitatem obtinent: ad *posterius*, caliditatem, frigiditatem, humiditatem, siccitatem habent, quibus in sese, mutuo agere, & mistum efficere possunt. Vtroque verò modo Elementa nobis etiam considerata.

Elementa corpora sunt simplicia, & motum habent simplicem.

Quoniam Elementa prius suum munus exsequuntur, quatenus ad certa in mundo loca feruntur, atque in iis naturaliter quiescunt, de eorum motu primum dicendum, ac inde ipsorum natura, & numerus eruendus. Elementa corpora sunt simplicia. Etsi enim, quatenus ex materia & forma constant, composita appellari possent: respectu tamen mistorum corporum dicuntur esse simplicia. Ipsa enim ex aliis corporibus se prioribus non constant, sed ipsa sunt prima corpora per se in mundo existentia, ex quibus omnia reliqua componuntur corpora. Simplicia igitur cum sint, simplex ipsis quoque debetur motus.

Motus simplices duo sunt.

Simplices autem motus duo sunt: rectus & circularis. *Circularis* cælo competit: *rectum* igitur, ipsa etiam consentiente experientia, Elementis tribuimus. Videmus enim hæc vocata Elementa, omniaque ex his composita, iuxta naturam præualentis elementi, rectè ad sua loca ferri. Motus verò rectus duplex est, vel à medio, vel ad medium, *Ad medium* mundi locum, qui idem infimus est, feruntur grauiora; à *medio* ad extremum, qui idem superior est, feruntur leuia. Sunt enim leuia, quæ non impedita, semper sursum ferri apta sunt, & quæ πάντων ἐπιπολάζουσι: grauiora, quæ non impedita, semper deorsum feruntur, & quæ omnibus substant. Quænam autem sit causa, cur corpora alia sursum, alia deorsum moueantur, inquirendum, & tam finis, quàm efficiens huius motus nobis inquirenda sunt.

Cur grauiora deorsum, leuia sursum tendant.

Finis huius motus.

Finem quod attinet, cum natura nihil frustra faciat, omnesque res naturales boni alicuius gratia agent, elementa etiam nullum ob finem certis moueri motibus, credendum non est, sed statuendum; Elementum quoduis ad suum locum, tanquam ad suam perfectionem ferri: unde rectè Arist. 4. de Cælo c. 3. t. 22. τὸ δὲ εἰς τὸν αὐτὸ τόπον φέρεσθαι ἕκαστον, τὸ εἰς τὸ αὐτὸ εἶδος δὲ φέρεσθαι, id est, *Ferri quodque in suum locum, nihil aliud est, quàm in suam formam ferri.* Elementorum enim formæ cum sint omnium infimæ & ignobilissimæ, & se ab externis iniuriis satis tueri vix possint, ad cor-

poris conseruationem formæ coadminister locus proprius est additus, qui id, quod formæ internæ deest, tanquam forma externa supplet. Ad locum igitur hunc proprium, tanquam suam perfectionem, quodlibet Elementum mouetur. Perfectio autem, quam in eo accipiunt, est caliditatis, frigiditatis, leuitatis, grauitatis, & per hæc formæ ipsius conseruatio.

Causa efficiens.

Quænam autem sit causa efficiens motus Elementorum, autores multis modis dissentiunt. Verum enim verò modò rem rectè æstimemus, nec sponte rem planam difficultatibus inuoluamus, & sensum quæstionis rectè animaduertamus, huic quæstioni respondere non ita difficile videtur. Nam si quærat, quæ sit causa efficiens motus, quod ignis & terra, iam actu per suam formam existentia, ille rectè sursum, hæc rectè deorsum, nisi violenter ab alio detineantur, moueantur; simpliciter respondemus; A forma ignis, ut proxima causa, ignem à medio mundi sursum, terram à forma sua ad centrum mundi deorsum moueri. Motus enim hic ipsis naturalis est; quapropter etiam à natura, seu interno principio, quod forma est, proficiscatur, necesse est, non ab externo. Hoc enim rerum naturalium proprium est, in se habere sui motus principium, ut 2. *Phys.* c. 9. t. 48. videre est. Forma etiam Elementi, quæ informat, & natura est, motus quoque principium est. Accedit his & illud, quod ut 2. *Phys.* c. 3. t. 37. dicitur, effectus actu existens requirit causam actu existentem, idque præcipue in effectis, quorum totum Esse in Fieri est, qualis est motus: huius enim causâ sublatâ, ipse etiam rollitur, nec vnquam à causa efficiente separari potest. Motus autem Elementorum est effectus actu existens. Existentem igitur actu requirit causam; quæ nulla esse potest præter formam. Hæc n. sola cum motu semper actu existit: reliquæ verò, quas nonnulli afferunt, causæ, ut generans, & remouens impedimentum, possunt à motu separari, & eodem adhuc existente, vel interire, vel, si non intereant, motui tamen non coexistere. Neque huic opinioni officit, quod supra de motu dictum: Mobile à mouente distinctum esse; quod Elementorum motui competere non videtur, si mouens forma statuatur. Nam terra, dum mouetur ad medium, non mouetur quatenus habet materiam. Materia enim per se non sursum potius, quàm deorsum moueri apta est, sed omnes motus indistinctè recipere potest; verum quatenus habet formam, quæ materiæ potentiam ad hunc motum recipiendum determinat & restringit. Quapropter cum forma hîc sit principium passiuum motus, eadem non poterit esse principium actiuum. Etenim huic dubitationi satisficit, si distinguatur inter agens cum transmutatione alterius, quod propriè efficiens appellatur, & requirit semper diuersum à se patiens: & inter agens per solam effectus emanationem, ut loquuntur, quod non agendo transmutat aliud, sed ad cuius naturam effectus sponte suâ, ipso quasi non agente, insequitur, quale agens est forma, respectu omnium accidentium, quæ composito naturaliter insunt. Omnia enim accidentia sine vlllo motu & transmutatione subiecti sponte formam insequuntur. De agente itaque per transmutationem verum est, quod supra de distinctione mouentis & mobilis dictum est. Agens verò per emanationem non necessariò à patiente distinguitur. Quamquam etiam in actione immanenti, seu quæ per emanationem tantum effectus fit, aliquam agentis & patientis distinctionem notare liceat. Forma enim, ut forma, agit; patitur, ut est in materia. Quare in Elementorum motu forma, ut forma, est causa efficiens motus; ut verò est in materia, simul mouetur. Compositum enim mobile, seu motus subiectum est, quod distinguitur à forma ratione materiæ. Nam hæc à forma re ipsa etiam distinguitur. Atque hæc quæstionis huius dextrè

dextrè propositæ genuina explicatio sit, quæ nullo modo cum vicinis quæstionibus est confundenda. Aliud enim longè est quærere; cur Elementum actu per suam formam existens, à nullo impeditum, ad locum suum proprium tendat, cuius causa iam reddita est: quàm quærere; cur, verbi gratia, aqua, quæ per se deorsum ruit, igni admota sursum ascendere & euaporare incipiat; vel, quæ causa sit, cur lapis, qui modò funi alligatus in aere detineatur, mox dissecto fune deorsum vergat. Prioris enim causa est partium ignearum & ærearum admistio, quæ aquam attenuant, secumque in altum eleuant. Posterioris autem causam esse illud, quod impedimentum remouet, manifestum est.

Elementa itaque non impedita, à suis formis, vt internâ & proximâ causâ, moueri, monstratum est: quæ quidem formæ, vt aliæ omnes, sensu percipi non possunt, sed per grauitatem & leuitatem, vt accidentia, nobis innotescunt & describuntur. Vñtatum enim est rerum formas latentes, propriisque nominibus destitutas, per propria accidentia nobis notiora describere.

Porro quanam sit causa, cur Elementa cum successione & morâ moueantur, An tantum medijs resistentia, An verò etiam alia causa, disquirendum. Sunt quidem recentiores nonnulli in ea opinione, duplicem dari resistentiam, vnam externam, quæ sit à medio pleno, quod causa est, vt motus tardior, quàm si in vacuo, si illud daretur, fieret: alteram internam, quæ proueniat ex natura mobilis, quod suo motori resistat. Verior tamen Aristotelis & Auerrois est opinio, statuentium, *Elementa tantum externam in suo motu habere resistentiam à medio*. Hoc enim cum plenum & corpulentum sit, mouenti in motu resistit, prout magis vel minus crassum est: nullam verò internam. Si enim interna aliqua resistentia esset, illa proueniret vel à forma vel à materia. Non à forma. Hæc enim cum sit mouens, sibi ipsi non resistit in motu, cuius autor est, sed quàm celerrimè mobile ad locum debitum transferre conatur. Nec à materia. Hæc enim cura merè passiue se habeat, & ad omnem motum suscipiendum sit indifferens, nullamque vim agendi obtineat, causa etiam resistentiæ esse non potest. Omnis itaque motus in Elementis velocitas & tarditas dependet à virtutis mouentis proportionè ad resistentiam medijs. Vbi enim virtus mouens multo maior est, quàm vis medijs ad resistendum, velox sit motus: Vbi verò virtutis mouentis excessus supra resistentiam medijs non ita magnus est, motus etiam est tardior. Vbi verò mouens nullo modo vim medijs, quàm ad resistendum habet, superat, nullus motus fit. Quæ tamen dicta sunt, tantum de Elementis, quæ corpora simplicia sunt, & internum sui motus principium habent, accipi volumus. De iis, enim, quæ ab externa virtute mouentur, aliter statuendum. Ea enim per propriam naturam mouenti resistunt, & pro excessu, quo ipsorum virtus à virtute mouentis superatur, velocius, vel tardius mouentur.

Ex his, quæ hætenus dicta sunt, facile causa reddi potest: cur graua & leuia tardius in principio, velocius in fine moueantur. Nam experientia testatur, rem grauem eiusdem ponderis ex alto loco delapsam vehementius ferire, quàm si è loco non ita sublimi decidat. Quamuis enim varijs hac de re variè senserint: tamen statuendum est, veram huius rei causam esse imminutionem resistentiæ medijs; imminutæ autem resistentiæ, motum antecedentem, qui augeat præcedentis motus velocitatè. Motus enim qui alium motum sequitur, velocior est eo, quem alius motus non præcessit. Cur autem motus præcedens sequentis velocitatem augeat; & medijs resistentiam imminuat, causa est hæc. Omne mobile velociter & facile

mouetur per medium, quod in eandem partem mouetur; minus velociter per medium quiescens; tardè per medium, quod mobili resistit, & in contrariam partem tendit: cuius rei nauigatio documentum exhibet. Quapropter cum corpus aliquod graue incipit deorsum ferri, primò ipsi resistit aër quiescens, cuius tamen resistentiam vincit corpus graue, & proximam aëris partem deorsum pellit: hæc prima aëris pars impulsâ pellit secundam vicinam sibi aëris partem. Ad hanc igitur vbi deuenit corpus graue, eamque in motu sibi non resistentem, sed obsecundantem, & in eandem partem motam inuenerit, velocius moueri incipiet: velocius ita motum corpus tertiam aëris partem vehementius impellet & propulsiabit: hæc etiam antè à secunda parte aëris impulsâ velocius mouebitur, quàm secunda, & fortius quartam deprimet. Tertiam itaque aëris partem cum corpus graue attinget, postquam eam velocius motam deorsum, quàm secundam inuenerit, in ea etiam velocius mouebitur; atque ita quartam partem iam antè à tertia depulsam, fortius adhuc deprimet, & ad eam vbi peruenerit, in eo, ob minorem resistentiam & motus similitudinem, etiam velocius mouebitur. Atque hæc motus velocitas ad finem vsque eadem de causa continuè augebitur. Ne quid tamen obscuritatis relinquatur, sciendum; *grauitatem & leuitatem dupliciter accipi, vel pro actu primo, seu qualitate, per quam res habet propensionem ad locum superum, vel inferum; vel pro actu secundo seu operatione, atque impulsu, quo corpora alia sursum, alia deorsum mouentur*. Quas duas res vt Scholastici distinguant, priorem appellant grauitatem, alteram, etsi minus latinè, grauitationem: atque hinc dicitur, grauitatem in Elementis augeri non posse, grauitationem verò augeri posse. Item: Elementa quidem in suo loco esse graua & leua, sed non grauitare & leuitare.

Proximum iam est, vt *numerum elementorum* inuestigemus, de quo miris modis recentiores dissentiant. Nos *quaternarium adstruemus*, atque ad eum probandum multas rationes non congeremus; cum ipsi sensus, quot Elementa sint, facile monstrant. Aquam enim, terram, itemque aërem amplissimum istud spacium supra globum terrenum explentem percipimus: nec ignis vis ignota est. Vnam tantum rationem, quâ plerique vtuntur, huc afferre libet. *Duo dantur motus recti, vnus à medio, alter ad medium*. Igitur duobus hijs motibus simplicibus totidem subiecta erunt, corpora simplicia, vnum, quod absolute graue est, quod vocatur Terra; alterum, quod absolute leue quod appellatur Ignis. Quia verò Natura mundum esse vnum vult, extrema autem contraria vnum constituere non possunt; extrema semper copulat per media, & postremum superioris generis connectit cum primo inferioris. Quapropter etiam hic medium requiritur. At hoc vnum esse non potest. Nam hoc si daretur, occuparet locum medium inter extrema, seu inter centrum & circumferentiam, & sic nullus motus rectus ipsi competere posset. Nam neque à medio verè moueretur, neque ad medium, sed vterque horum ipsi conueniret, neque magis graue, quàm leue appellari posset: Quare duo statuenda media, quorum alterum leue sit, & à medio sursum moueatur, secundum quid verò graue; quod Aër appellatur; alterum absolute graue sit, & ad medium tendat, secundum quid verò sit leue; quod Aqua dicitur. Quatuor igitur sunt Elementa: *Ignis, Aër, Aqua, Terra*. Quintum dari non potest, ob eandem causam, quâ vnum saltem medium dari non potest. Plura quàm quinque si quis statuere velit, hunc ipse sensus & experientia redarguit.

Hæc Elementa an pura in mundo reperiuntur quæritur:

Grauitas & leuitas duplici modo accipiuntur.

Elementorum numerus.

Elementa an pura reperiuntur in mundo.

cui quæstioni responderetur: Si Elementa absolute considerentur in ea simplicitate & puritate, quæ ipsorum naturæ debetur, & quæ sunt norma & regula mixtorum, vix ullibi pura reperiuntur. Si verò cum mistis conferantur, & quærat; an etiam extra mista seorsim existant, dici potest, reperiiri ea sincera & pura non quidem absolute puritate, de qua iam dictum, sed tali, quæ eis respectu mistorum contigit. Extrema tamen, quàm media puriora sunt. Nec tamen Elementa, etsi non planè pura reperiuntur, nomen suum amittunt, & mista dicenda sunt. Nam ea sunt tantum mista appellanda, in quibus tantus à naturâ & puritate Elementorum factus est recessus, ut abiectâ formâ & nomine, aliquid aliud ab Elementis diuersum iam sint, nouumque & peculiare, aliquius speciei corporis naturalis nomen suscipiant. Vbicunque verò tantus est Elementi vnius excessus, ut omnem cum aliis, quæ ipsi adiuncta sunt, comparationem superet, in eo seruatur nomen Elementi.

Restat iam, ut de Elementis in specie, quantum quidem instituti nostri ratio patitur, agamus. Atque ut ab Igne initium faciamus, etsi recentiorum plurimi eum è rerum naturalium numero exturbare, eumque sub concauo Lunæ præcipuè, non existere, probare conantur: tamen insigni præcipuorum Philosophorum consensui, sat firmis rationibus, ipsique experientie subscribamus: inprimis cum quæ in contrarium afferuntur, eò ferè omnia tendant; ignem hunc, qui apud nos est, non esse ignem purum: ex quo tamen non sequitur, nullum esse, aut nullibi reperiiri purum; nec si omnia quæ nostrati competunt, sublunari non conueniunt, eum verum ignem non esse; cum pleraque, quæ nostro igni vulgò attribuuntur, igni non per se, sed per accidens competant.

Magnum enim est discrimen inter ignem nostrum, qui διακονικὸς vocatur, & quo in quotidiana vita utimur, & ignem Elementarem purum. Διακονικὸς enim, cuius in coquendo aliisque rebus vsus est, purus non est, sed cum vaporibus & materia aliqua crassa mistus, ideòque lucet, vrit, alimento indiget. Sed ignem Elementarem purum quidem sub sphaera Lunæ esse, insignis eius leuitas, perpetuusque ascendendi conatus arguit. Est enim corpus omnium Elementorum leuissimum & rarissimum, cælo ut loco proximum, ita naturâ maximè cognatum, ad quod etiam, si ab eo vi dimoueatur, vel alibi generetur, tanquam ad proprium locum tendit. Qua de re Scaliger Exerc. 9. scribit. *Qui fumus ascendit, is ignis in se habet plurimum. Non enim ascendit propter aquam: tantò minus propter terram ipsam. Sed neque ab aëre fit motus is: in aëre enim iam est: Quem igitur quæret locum? Eum profectò qui supra aërem leuissima debetur materia.* Et iterum; *Demonstrationis, quâ conficitur, ignem esse in Luna concauo, hæc sunt principia. Corpus naturale motus, locus. Ex iis ita conficiuntur propositiones certæ, veræ, primæ, immediata, causæ conclusionis huius. Ignis locus est in supremo spacio sub Luna supra aërem. Omne mobile est corpus: Omnis ignis mobilis. Aliæ duæ: omne corpus est in loco. Ignis est corpus. Totidem tertio; omne mobile mouetur naturaliter ad suum spatium. Ignis est corpus mobile, Duæ postrema, quibus totum conficitur. Omne spatium, ad quod mouetur corpus naturaliter, est suum corporis illius. Ignis sursum mouetur naturaliter. E. spatium superum est suum ignis.*

Insignem ignis leuitatem insignis raritas comitatur, minimumque inter omnia Elementa materiæ obtinet, & inter res naturales maximè ad formæ naturam accedere videtur; vnde & maximam præ reliquis Elementis agendi vim obtinet. Non tamen impurus & per se vrit: quòd verò apud nos vrit, causa est, quòd condensatur, & inhæret crassæ materiæ, vnde partes eius condensatæ & coarctatæ maiorem vim habent. Seu, ut Scalig. Exerc. 2. f. 2. loquitur, vrendi vim

habet, à partium propinquitate, frequentia, coagmentatione, cohæsiōe, vnione. Cuius rei documentum esse potest ferrum ignitum, in quo ignis vis, ob partium condensationem, maior est, quàm in stipulis, quæ constant ex rariore materia. Idem patet, si spiritus vini incendatur. Nam per eum sine aliqua læsione, ut & per supremam flammæ partem, digitum transmittere possumus; quod in ferro candenti non licet. Idem ignis per se non conspicitur, ut nec aër, nec lucet, nisi in materia densa excipiat.

[Ignem ad elementa, mundum hunc, & corpora mista constituentia, pertinere, nemo sanorum Philosophorum negat. Quanquam enim Cardanus eum ex numero elementorum excludere conatus est: tamen rectè refutatus est à Iul. Cæ. Scaligero, exerc. 9. Cum enim, ut idem, exerc. 10. docet, calor, qui est manifestissima & efficacissima qualitas, multis rebus per accidens insit, necesse est, ut primum aliquod subiectum detur, cui primò & essentialiter insit. Nihil enim inest cuiuspiam accidentaliter, quòd secundum essentiam non insit alicui primò & per se. Et quidem primum hoc caloris subiectum ignis est, à Deo cum aliis elementis primitus creatus, & suis qualitatibus donatus. Et nullum vnquam tempus fuit, quo ignis suas istas qualitates, à forma eius fluentes, non habuerit. Ex ignoratione verò creationis mundi profecta est Aristotelis sententia, quam habet, 1. meteorol. cap. 3. quando inquit: *Cum in orbem primum elementum moueatur, ea forma, quæ in eo sunt, quod proximum semper est, inferioris mundi ac corporis motu discretum accenditur, & caliditatem facit. Oportet enim hinc sumpto initio sic intelligere. Corpus enim, quod sub supera circulatione est, cum, tanquam materia quadam sit, & potestate calida & frigida, & sicca, & humida, & quicunque alij effectus sequuntur hos, talis fit, & est à motu & immobilitate.* Absurda certè, & tanto Philosopho indigna sententia! Quæ enim, quæso materia cogitari potest actu per se existens, quæ potestate calida, frigida, humida, sicca sit, actu verò has qualitates à cælo accipiat. Quanquam enim nonnulli, ne ab Aristotele recederent, duplicem in igne calorem commenti sunt, vnum naturalem, qui propriam ignis formam consequatur; alium aduentitium, quem accipiat ignis à motu cæli: tamen rectè Zabarella de qual. prim. libr. 1. cap. 8. scribit, verba Aristotelis, totam hanc interpretationem non recipere, Inquit enim Aristoteles, totam hanc mundi inferioris materiam esse potestate calidam, frigidam, humidam, siccam, actu autem talem fieri à motu & immobilitate. Nullum igitur elementis calorem tribuit, præter illum, quem à motu cæli habent. Ipse tamen in multò absurdior opinio nem incidit, cum cap. seq. scribit: *Si quis quærat, an prima qualitates sint formis elementorum priores, an posteriores, dicendum est, & priores, & posteriores esse variis rationibus. Nam origine & generationis ordine priores absque dubio sunt, sicut præuia dispositiones sunt generatione priores forma substantiali, ad cuius educationem diriguntur, sed natura posteriores sunt, quatenus sunt accidentia. Nam accidentia sunt substantiis posteriora; & quatenus sunt effectus, forma verò sunt causæ, non quidem effectrices causæ, sed finales. Nam qualitates in materia producuntur, formarum substantialium gratia, & ad eas, tanquam ad finem, diriguntur, sicut etiam conseruantur in elementis à cælo, ut ipsa elementa conseruentur, ita ut causæ harum qualitatū finalis propinqua sit elementorum constitutio, remota verò & vltima sit productio mistorum. Nam elementa constituuntur propter mista, & ut eorum materia sint. Sic igitur dici possunt qualitates consequi formas elementorum, quatenus forma sunt eorum causæ finales: ipsa verò qualitates, etsi sunt præparationes pro educatione formarum, non ob id causæ formarum dici possunt, sed effectus tantum posteriores; cum accidentia sint natura posteriora*

Mista qua?

Ignis Elementaris an datur?

Ignis est Elementum.

Ac primum caloris subiectum.

Non verò vult Aristot. potentia tantum calidus.

Ignis Elementaris & διακονικὸς quomodo differant.

Ignis Elementum leuissimum.

Ignis diacronicus cur vrit.

viora substantiis. Quare dum simul in elementis existunt, ut naturaliter coniuncta, & forma substantiales, & propria qualitates, forma tamen priores sunt, qualitates vero posteriores, & ita dicuntur consequi formas elementorum, cum praesertim, ut modò dicebamus, formarum & educendarum, & conservandarum gratia tribuantur elementis à cælo. Etenim si calor est prævia dispositio ad formam ignis suscipiendam, cui, quæso, materia illa inducitur & cui materiae calor inhæret, antequam forma ignis adveniat. Et forma ignis eritne otiosa, & nullam à se qualitatem fundet? Ita dato absurdo, sequuntur infinita.

Ignis autem per se est substantia subtilissima, tenuissima, omnia penetrans, quæ neque lucet, neque videtur, dum simplex est & pura. Idem verò aliis rebus cohærens & admixtus, ignis διακρινός vulgò appellatur, qui ipsa essentia ab ignis puro elemento non differt, sed eo saltem, quòd alieni quid admixtum habet.

Equidem Thomas Fienus, in Apolog. aduersus Sanctæ crucis, pag. 50. ignem istum nostrum, quo utimur, saltem accidens esse statuit. Sed opinionis eius rationes refutatae sunt, hypomn. Phys. 3. c. 1.

Cum autem ignis iste διακρινός ad varios vsus adhibeatur, multi multa de eius inuentoribus scribunt, ut apud Plinium lib. 4. cap. 12. & lib. 6. cap. 30. Vitruvium, lib. 2. cap. 1. videre est. Verum primis parentibus, eorumque liberis & nepotibus ignis vsus notum fuisse, vel ex sacrificiis & historia Tubalcaini apparet. Etsi negandum non sit, alios vsus aliis gentibus tardius innotuisse: & inuenta noua semper accedunt; ut vel ex puluere pyrio, & variis, qui ex eo parantur, ignis modis satis apparet.

Quæ autem inter ignem, quatenus est in mistis potentia, ut vulgò loquuntur, & quatenus actu calefacit, sit differentia, explicare non facile, scitu tamen necessarium est. Nam sulphur ad tactum æquè frigidum, ac ligna non sulphurea; & lignum salicis siccum non frigidius est ad tactum, ligno piceæ. Et spiritus vini, qui multum ignis in se continet, frigiditate ipsi vino non cedit. Imò in flamma, quæ calefacit actu, minor ignis, & atomorum eius copia est, quàm in sulphure; cum in hoc non accenso paruo spatio vnita sit, quod in magna flamma diffusum. In puluere pyrio magna copia atomorum ignis latet, qui tamen tactu frigidius est. Flamma autem, quam ille puluis accensus facit, licet atomos habeat distinctas, insigniter vrit. Hoc ergo explicandum est, cur in mixto calido potentia, tot atomi igneæ contentæ & collectæ actualem calorem nullum producant, vel quid faciat ignem calefacere.

Prius accidit, quia ignis aliis rebus admixtus est, & quietus sub dominio superioris formæ continetur. Calefacit autem actu, cum à reliquis corporibus, quibus admixtus fuit, separatur, & sui iuris factus, liberè agit. De quo posteriore nunc agemus.

Ignis autem actualis vario modo se habet. Si enim sit purus, neque lucet, neque videtur. De quo Scaliger, exerc. 9. Quæ in veribus assantur, ab eo quem videmus, igne non tanguntur, sed ab eo tanguntur, quem non videmus: adeò verò tanguntur, ut etiam cumentur tandem. Eodem modo si quis manum supra flammam, ut flammam non tangat, teneat, nihilominus manus vretur. Deinde etiam percipitur ignis in calce viua, dum aqua ei infunditur, in fimo putrescente, aqua, oleo, lapidibus, metallis, quæ ignem conceperunt.

Visu verò, & non tactu solum, ignis apparet duobus modis; vel in carbone, vel in flamma, ut Theophrastus, l. de Igne, docet. Carbo autem de quouis corpore actu ignito, quod flammam non habet, accipitur.

Quid autem Flamma & Inflammatio sit, ut rectè cognoscatur, quadam principia præsupponamus, necesse est.

Primum est: Ignis in corporibus omnibus inest, &

quidem formam suam integram retinens, ut hypomn. Phys. 3. demonstraui, in alio tamen maiore, in alio minore copia.

Secundum est: ignis actualis naturaliter semper mouetur. Quòd autem hoc in mistis non facit, fit quia à formæ superioris dominio cum aliis, quibus mistus est, quietus continetur. Formæ enim sunt vincula rerum.

Tertium est: Ignis in mistis duobus modis inest, vno, ut fixus, in salibus, & aliis non combustibilibus, nec inflammabilibus; altero, ut volatilis, ita ut ob eum, corpus cui inest, inflammetur; quomodo est in sulphure, & in omnibus, quæ sulphur participant. Quæ ratione, quæ corpora ignem habent, facile ab igne resoluuntur, qui, ut Scaliger, exerc. 9. loquitur, ex ligno terra cineris, aqua humorem, aëri halitum distribuit, sibi, quod oculos vulgi fallit, animos haud latet sapientium, sumit ac seruat.

Quartum est: Rerum naturalium est consensus, & similia attrahunt sibi similia & ad ea spontè mouentur; contraria verò contraria fugiunt, ex hypomn. Phys. 1. cap. 1.

Quintum est: Ignis cum rebus inflammabilibus magnam habet cognationem, & similitudinem, utpote quæ maximam partem igne constant, & cum iis sese facile vnit.

Hinc concludimus, ignis actuationem in genere esse ignis, qui in misto potestate inest, (potestate autem dico non respectu actus primi, seu formæ ignis, quam reuerà etiam in misto habet, sed respectu actus secundi & operationem) à reliquis admistis separationem.

Quæ separatio fit variis modis, ut ante dictum, cum flamma, & sine flamma. Sine flamma in putredine, calce viua, carbone; cum flamma, in corporum incensione & inflammatione.

De qua ut in specie aliquid dicamus, statuimus: Inflammationem esse ignis è corpore inflammabili, & sulphuream exhalationem in se continente, eruptionem, ab ignis vicini contactu excitatam. Quando enim ignis iam actuator corpus inflammabile tangit, ignis, qui in eo est, ab igne externo attrahitur, & ob similitudinem ad eum etiam spontè mouetur & se cum eo vnit.

Flamma verò est ignis è corpore inflammabili, quod ignis actualiter tigit, erumpens, & in fumo, seu sulphurea exhalatione hærens, & in ea lucens, & motus cum ea. Vnde etiam Aristoteles, 1. meteoror. cap. 4. flammam definit, πνεύματος ἔνθε ζέον, & 4. meteor. cap. 9. καπνον καὶ οὐδον. Flamma nimirum ignis est, sed non purus, verum cum exhalatione sicca & inflammabili coniunctus. Et dum accenditur, ignis multo longius extenditur, quàm flamma. Vnde, ut antè dictum, quæ in veribus assantur carnes, ab igne quidem tanguntur, sed non flamma, & manus etiam supra flammam eleuata comburi, & charta vel lucerna accendi potest. Ignis tamen eo loco saltem videtur, vbi copiosius existens, fuliginem quandam è corpore accenso coniunctam habet.

Generatur autem ignis actualis, & tandem in flammam abit, vel per propagationem, vel per coitionem & vnionem. Primum fit cum ignis actualis, & sensibus manifestus, aliud corpus inflammabile tangit, idque accendit, & ignem in eo latentem elicit. Secundum, cum ignis, qui occulto modo in mistis later, sine ignis externi contactu elicitur, & vnitus se actu & manifestò exhibet.

Primus modus vulgarissimus est, cum ignis actualis alia corpora inflammabilia accendit. Is enim cum illis, ob cognationem, facile vnitur, eumque ad se extrahit, & sibi vnit. Galenus, de vs. respirat. corpus illud inflammabile ὁρίζων τῆς πυρρός: Theophrastus verò, lib. de Ign. ἀρχὴν πυρρός nominat

1. Axiomata

2.

3.

4.

5.

Ignis actualis quid.

Eius modi.

Quid inflammatio.

Quid flamma.

Generatur ignis actualis duobus modis.

1. Vel per propagationem.

Est substantia.

Non accidens.

Inueniuntur.

Est vel potentia, vel actualis.

Quid non calefacere. Quid verò calefacere faciat ignem.

Ignis purus neque lucet, neque videtur.

Visibilis fit duobus modis.

De flamma & inflammatione.

Sulphur sincerum quæ habent, facilius accenduntur.

Et quia omnia propter sulphur inflammantur & accenduntur, res facilius accenduntur, quæ sulphur sincerius habent, aut licet illud paucum habeant, ita tamen disposita sunt, ut ignis per eorum omnes partes sese facile insinuare possit. Primum enim si sulphur sit multum & sincerum, nec aliis per minima mixtum, sed ipsum ferè solum externo igni in primo limine obuium, facile cum eo ob similitudinem vnitur. Contra quæ corpora sulphur, licet copiosum, latens tamen & aliis per minima permixtum habent, non facile accenduntur. Vnde accidit, ut lignum piceæ facilius accendatur, quàm quernum, licet dubitare quis possit, an plus ignis sit in picea, quàm in quercu. Nam in illo quidem sulphureum igneum sincerum, & statim obuium est; in hoc autem igneum inflammabile altius delitescit, effectum tamen in hypocausto calefaciendo innotescit. Ob sulphuris sinceritatem & copiam spiritus vini facile accenditur, qui quò purior est, & à phlegmate magis separatus, eo facilius flammam concipit. Maxime verò in naphtha hoc fit, quæ maximè sulphurea, & spirituosam materiam, igni maximè affinem, continet, & propterea facile accenditur, & è longinquo etiam flammam concipit, seu, ut Plinius, *lib. 2. c. 105.* loquitur, ignis in eam transilit, vndeunque visam. Hoc modo ferunt, à Medea pellicem crematam, ut *ibid.* scribit Plinius. Cum enim Medea Creusæ coronam naphtha illitam donasset, & ut ea capiti imposita, ad sacrificium accederet, persuasisset, ab igne & facibus accensis corona naphtha illita flammam concepit, & Creusam exussit. Et memini, cum Balsamum sulphuris pararem, & in cucurbita vitrea flores sulphuris, spiritum terebinthinæ & vini affudissem, ut in digestionem poneretur, & Studioso cuidam commissem, ut cucurbitæ orificiū patella vitrea tegeret, & cera Hispanica clauderet, cera Hispanica accensa in patellam incidente, spiritum in cucurbita, etsi vix sexta parte plena erat, accensum fuisse. Huc pertinet sulphur vulgare, pulvis pyrius, pix, asphaltum, succinum. Hinc narrat Galenus, *lib. 3. de temperam. capite 2.* quendam sui temporis mirum ostentasse modum accendendi lucernam, quam prius extinxerat, dum eam muro admouebat, quod absque igne fieri simulabat. Id quamuis quibusdam magicum videretur: tamen cum innotuisset murum illum sulphure & liquido bitumine fuisse illitum, admiratio desuit. Simile est, quod refert Cardanus, *lib. 10. de rerum varietate*, nimirum quendam candelas non ad eò perfecte extinctas statuæ cuiusdam ori, ad hoc spectaculum exstructæ & sulphure ac bitumine, seu petroleo illitæ, admouisse, ut rursus accenderetur, & statua quasi ignem euomere videretur.

Cur corpora sicca facilius inflammantur.

Deinde corpora rara & sicca, etsi sulphur copiosum non habent, quia tamen sicca sunt, & aqueæ partes, quæ aliàs inflammationem maximè prohibent, non adsunt, sese ignis cum sulphure, quod in iis est, facile vnit; vnde inflammatio accidit. Talia corpora sunt ligna sicca, tedæ, stramen, & stipulæ, fœnum aridum, stupæ, lana, charta, fungi arborum exsiccati, funes incendiarij.

Contra cur viscosa & aquea difficilius.

Quod autem quædam, ut olea, seu, fera, quæ copiosum sulphur in se continent, non facile inflammantur, sed ut inflammentur, vel copioso igne opus habent, ut dum coquuntur, vel ellychnio mediante saltem accenduntur, causa est, quod corpora ista viscosa sunt & tenacia, non rara, & quod per minimas partes cohærent. Deinde quod aquosam substantiam per minima admixtā habent. Prioris ratione ignis in eorum poros sese ita facile insinuare non potest. Aquosarum verò partium admixtio maximè inflammationem prohibet. Aqua enim, si quid aliud, inflammationem remoratur, flammæque generationem impedit.

Nam cum aqua radice saltem lignis admixta, illa

minus inflammabilia reddat, multò magis id præstabit aqua intimè sulphuri permixta. Si verò ellychnium siccum oleo, seu, vel ceræ addatur, flamma, seu ignis actualis in ellychnio allicit sibi cognatum ignem in vicinio mixto, sed tardè, quia copiosè non potest. Obstat enim illa aquositas, quæ ut, quod sulphureum est, accendatur, prius remouenda. Hæc autem tardè dispellitur. Quod dum fit, ignis etiam aufugit, & ita nouo qui succedat, opus habet, quod etiam fit, quia ab aqua liberatus est. Et omnino in omni corpore, quod ignem alit tardè, est aliquid quod igni resistit. Nam alias nulla esset ratio, cur ignis in toto oleo, seu, cera non simul celerrimè accendi debeat, eodem modo, ut in stamine subito diffunditur. Et exemplum eius rei manifestum præbet ipsum sulphur, quod quidem facile flammam concipit, quia tamen spiritum acidum, qui inflammationi resistit, in se satis copiosum continet, planè lentè deflagrat.

Flamma autem, quæ in quacunque re accensa conspicitur, non eadem manet; cum ignis continuo moueatur ac auolet, & alius atque alius continua successione à re accensa subeat. Vnde, quod etiam Aristoteles docuit, dum 2. *meteor.* scribit: *φλῆξ ἡ αὐτὴ διαμένει ἐν τῷ αἵματι, ὡς ἐν πῶτι*. Flamma eadem nullo tempore permanet.

Quod autem vulgò dicitur, sulphurea, & quæcunque accenditur, esse ignis pabulum, id rectè accipiendum. Neque enim id simpliciter verum, cum ignis corpus simplex sit, quod propriè non nutritur. Quod verò ignis corpori accenso cohæret, non fit, quia pabulo indiget, sed quia ob similitudinem, ignem in corpore accenso latentem extrahere, & sibi vnire, atque ita se multiplicare conatur. Quilibet enim natura sese multiplicare cupit, & vnicuique enti insita est appetitio infinitatis & æternitatis, ut I. C. Scaliger, *exerc. 9.* ait, quod fit maximè per vnionem cum similibus. Ideoque etiam ignis tamdiu saltem corpori accenso cohæret, quamdiu in eo ignis & sulphur est, postea eo deficiente, euolat.

Quomodo ignis pascitur.

E quibus etiam, quæ sit differentia inter flammam, & carbones accensos, vel alias res sine flamma ignem fouentes, patet. Flamma, ut dictum, cum fuligine coniuncta est, & plus fuliginis est in flamma, quàm in carbonibus. Nam dum carbones fierent, maxima pars fuliginum exhalauit. Quia verò fuligo copiola flammam, imò ignem, suffocat, & illius propagationem subitanèam prohibet, necesse est ut fuligo exitum habeat. Vnde sæpe accidit, ut ignis in conclauis clauso lateat, sed flamma non exciteretur. At quamprimum ianua vel fenestra aperitur, & fuliginibus datur exitus, in flammam erumpit. Et quia carbones ipsi adhuc aliquid fuliginis habent, ignis, non plus carbonum absomit, quàm quantum fuliginibus egressus datur. Vnde etsi totæ fornaces Chymicæ semel carbonibus impleantur, tamen non plus eorum accenditur, quàm quantum fuliginum exhalare potest, & ita foraminibus & ventilibus, ut loquuntur, pluribus vel paucioribus, maioribus vel minoribus, apertis vel clausis, ignis pro libitu regi potest. Non enim plus ignis accenditur, quàm prohibens admittit. Imò carbones igniri possunt, ne consumantur, quod fit hoc modo: Sume ollam fortem, quæ ignem sustinere possit: eam reple carbonibus, & operculum impone, & luto arctè commissuras claude, & vbi lutum exsiccatum fuerit, igni circulari impone, ut olla tota igniatur; quod vbi fit, carbones simul igniuntur (quod si quis credere nolit, olla fracta experiri licet); quod vbi factum, ollam igni exemptam spontè refrigerari sine, postea ollam aperi vel frange, & carbones omnes integros reperies. Quod ideo accidit, quod ignis quidem, ut per ollam se in carbones insinuauit, ita etiam per ollam egreditur, carbonum verò substantia ollam transire nequit.

Quomodo differant flamma, & corpus quocunque modo accensum.

Notandum tamen hîc, non omni igni esse commune, nec igni ut igni, competere, ut loco clauso extinguatur. Nam dari lucernas perpetuas, quæ vase clauso diu arserunt, ex historiis notum: sed cuiusdam ignis hoc saltem esse proprium, illius scilicet, qui ex corpore mixto sulphureo, ligno, vel simili, cum fumo & exhalationibus egreditur. Ex talibus enim corporibus solum flamma exorta conclusa extinguitur. Nam cum in flamma continua fiat corporum mixtorum resolutio, mixtumque in alia, è quibus compositum fuit, resoluatur, corpus autem resolutum maius spatium requirat, quam congregatum, accidit ut, quia locus fuliginibus, quas excitat ignis, non conceditur, pars partem premat: & quia natura dimensionum penetrationem non admittit, dum compositum resolui prohibetur, causa quoque resolutionis, quæ ignis est actualis, simul inhibetur.

Atque hæc omnia quæ diximus, ad primum ignis generationis modum pertinent, cum scilicet ignis actualis corpori combustibili vel inflammabili admo-uetur, & corpus combustibile vel inflammabile ab igne admoto accenditur.

Ex hoc ignis modo plurima in usum humanum parantur: & hinc non solum ignes fusorij & reuerberorij, quibus Chymici & varij mechanici vtuntur, & qui in culinis etiam, & hypocaustis calefaciendis vsurpantur, sed & candelæ, faces, & lucernæ ortum habent. Candelæ, & faces sunt ex seuo, cera, pice, resina, additis filis & funibus lineis. Lucernæ fiunt ex olei liquore inflammabili, addito ellychnio, in vitro, vel alio vasculo. Parantur ad lucendum in tenebris. Vulgò vsurpatur ol. oliuar, è semine lini, cannabis, & similibus expresso. Lucernæ etiam spiritu vini, vel alio foueri possunt. Accenditur autem primariò vel principaliter oleum, vel liquor inflammabilis, quem ellychnium attrahit; quod ex eo patet, quod dantur ellychnia incombustibilia, quale paratur ex ligno asbesto, de quo Plinius, lib. 19. cap. 1. & 2. & lib. 36. cap. 19. & lapide de Amianto, de quo Dioscorides, lib. 5. cap. 147. ut & alumine plumoso. Si verò ellychnium sit combustibile, secundariò & id accenditur & comburitur.

Et si verò aqua ignem exstinguat, tamen etiam lucernæ, quæ in aqua ardent, & oleo extinguuntur, parari possunt; si nimirum vernice liquida imbuatur ellychnium, & immergatur aquæ, & incendatur. Tum enim in aqua ardebit; si verò oleum affundatur vice aquæ, exstinguetur.

Ut verò oleum diutius ardeat, metallica quædam admista faciunt. Ita si sumantur minij lb. j. cerussa lb. β. sulphuris viui ℥iij. ol. commun. lb. ij. & omnia in mortario prope ignem tribus diebus, interdum sensim agitando, misceantur, & postea in retorta vitrea octo diebus digerantur, & tandem destillentur, oleum fit, è quo fiunt lucernæ durabiliores. Vel ℥. lithargyri lb. j. Sulphur. ℥iij. magnetis ℥j. Omnia puluerisata incorporantur ol. oliuar. lb. ij. Massa hæc decem dierum spatio digeratur; & quotidie semel agitetur. Postea per retortam destillentur, & oleum pro lucerna adhibeatur. Si spiritus vini, ad lucernam adhibeatur, ut is tardius deflagret, præstari potest, si prius calcis viuæ, tartari crudi, & sulphuris partibus æqualibus affundatur, & semel per retortam destilletur. Vel affundatur spiritus vini calcis viuæ, tartari crudi, & salis communis partibus æqualibus, ac destilletur. De lucerna Ammonis videatur Plutarchus, de defectu oraculorum. Lucernas perpetuas etiam describit Cardanus, lib. 10. de rerum varietat. cap. 49. & lib. 1. de subtil. de principiis rerum cap. 10.

Atque hæc de primo generationis ignis modo, ad quem si quis referre velit & eum, qui per radios solares fit, cum eo non pugnabo. Nam si radij solares vitro cauo artificiosè parato ita colligantur, ut in pun-

cto concurrentes tandem inflammabile accendant, idem præstant, quod ignis admotus.

Deinde sunt & alij modi, quibus ignis, qui potentia est in misto, id est, qui quidem actu, & secundum formam, reuera est in mixto, sensibus tamen obuius non est, sed in misto latet, è misto euocatur, ut iam sensibus manifestus fiat. Seneca, *questio, natural. lib. 2. num. 22.* scribit, quod ignis duobus modis fiat, vno, si excitetur, sicut ex lapide percusso; altero, si attritu inueniatur, sicut cum duo ligna inter se diutius trita sunt. Sed reuera plures sunt, & ad minimum tres. Ignis enim fit primò putredine, secundò fuga contrarij, tertio, motu: quibus nonnulli quartum addunt, cuius antea in primo mentionem fecimus, radios Solis.

Primò cum in putredine calor & ignis in misto latens exhalet, & exhalans vniatur, putredine interdum ignis excitatur. Et notum est rusticis, quantum cumuli fimi incalescant, ut stramen in iis planè comburatur. Ita ex Theophrasto referunt, nauim humidis vestibibus onustam sic conflagrasse. Neque ignotum est, cumulos & strues humidi fœni, & frumenti combustas fuisse. In putrescente tamen materia vix tantus calor excitari potest, ut ignem concipiat materia, nisi aliunde vires acquirat. Cuius rei exemplum habet Galenus, 3. de temperam. cap. 2. ubi scribit: Stercus columbinum proiectum fuisse prope fenestram domus in Mysia, feruentissima ac media æstate. Putrescens ergo sterces, & sole calefactum, vaporem emittebat igneum, qui accendit fenestræ tabulas resina illitas, & tandem domum combussit.

Secundò fuga contrarij ignis colligitur & accenditur; cuius rei exemplum manifestum est in calce viua, cui si aqua affundatur, ea ita incalescit, ut etiam vicina ligna accendisse, compertum sit: quod fit, quia atomi igneæ in calce latentes aquam sibi contrariam fugiunt, & ita sibi vniuntur. Est tamen inter Autores dissensus, cur calx viua incalescat, dum ei aqua affunditur. Theophrastus, lib. de ign. ita hac de re scribit: Cum absque humore vel exhalatione calor non sit: idcirco calx infusa aqua magis urit, quam sola. Et sentire videtur, in calce ignem latitare, sed non percipi sine materia; affusa verò aqua in actum deduci, & cum vapore exhalare, & tactum afficere. P. Aponensis causam esse putat, quod cohibitus calor & vitæ & ætatis humoris frigidi vehementior euadat. Iul. Cæsar. Scaliger, exercit. 5. sect. 9. scribit: In calcis meatibus, consumpta genuina humiditate, inest ignis. Is aqua ingressum fugiens, ac se in partes solidas induens, stipat seipsum, atque acuitur condensatione: quia calcis gleba, cuius semissis tantum aqua tegitur, quanta extra aquam exstat, incalescit, recepto scilicet intro calore illo, qui exul fit. Commentator in Theophr. de igne, Scaligerum reprehendit, siquidem in calce non accidat, ut pars aquam habeat, pars ignem. Peruadit enim aqua, repletque vsquequaque cuncta foramina, neque potest hæc condensatio siue stipatio, tamquam in arce, in penitiora parte fieri.

Verum enim verò verum quidem est, aliquid etiam humoris exhalare è calce cum igne. Verum causa hoc modo non redditur, cur demum cum aqua exhalare incipiat ignis, & cur in aliis corporibus calidis affusa aqua idem non præstet. Nec P. Aponensis *ἀντιπρὸς αὐτῆς* locum habet: cum calorem potius effundi, quam ad interiora recipere sese, experientia restatur. Ita etiam illa ignis concentratio Scaligeri nulla est. Statim enim aqua affusa æqualiter per omnes partes calcis penetrat.

Itaque sententiam primo loco propositam vero magis consentaneam esse putamus. Nimirum in calce multæ sunt igneæ atomi, non tam ex, quæ ignis violentia elici non potuerunt, quam quæ longa illa lapidis calcarij vitione sese insinuarunt. Calx etiam corpus

Vel per coitionem & vniorem.

Quod fit modis pluribus.

1. Putredine.

2. Fuga contrarij.

Cur calx viua incalescat, dum ei aqua affunditur? Theophrastus.

P. Aponensis.

Scaliger.

Com in Theophr.

Examinatur.

Sententia Aponensis.

corpus raram est. Itaque affusa aqua mox in omnes calcis partes penetrat, quam, ut sibi aduersam, ignis fugiens, exhalat, & ita sensibilem sese offert. Quia etiam calx aliquid humidi adhuc in se continet, quo calx coheret, aquae affusae illud sese vnit, & corpus deserit, unde corpus calcis dissoluitur, & in pulverem redigitur.

Mistura
aqua vel
spato incen-
sibiles.

Ex hoc fundamento fiunt misturae, quae aqua, vel spato etiam accenduntur. Si nimirum pix navalis & Graeca, sulphur, tartarum, nitrum, & petroleum, portionibus aequalibus misceantur, iisque ad duplum pondus omnium calx viua addatur, & misceantur cum vitellis ouorum, & diebus aliquot in fumo equino vel balneo digerantur. Quae mistura pluuiam, vel alia aqua accenditur. Similis mistura fieri potest & calce viua, sulphure, modico gummi Arabici, & oleo lini, & qua pilae formatae aqua accenduntur. Ita si impleatur dimidium oui putamen calce viua, & superaddatur pulvis, & cera claudatur foramen: tum in frigidam massam coniecta accenditur.

3.
Motu.

Tertio etiam motu ignis excitari potest: quod fit mutuo attritu & allisione corporum duorum, ignem in se continentium. Attritu enim & motu, ignis qui quiescebat in mixtis, a forma superiore detentus, & contrariis permixtus, mouetur, atque ita actuatiorem & actiuitatem acquirit. Fit autem hoc pluribus modis, dum scilicet ligna arida aliorum lignorum, vel ferri etiam, in molis, vel funium attritu incalescunt, imò accenduntur. Idque facilius accidit; si lignis iam mutuo attritis pulvis sulphuris, vel pyrius, vel alius inspergatur: Ita Plinius, lib. 16. cap. 4. scribit: *calidas arbores esse morum, laurum, hederam, & omnes, & quibus fiant igniaria. Exploratorumque hoc usus in castris, pastorumque inuenit, quoniam ad excutiendum ignem non semper lapidis (pyritae) occasio est. Teritur igitur lignum ligno, ignemque concipit attritu, excipiente materia arida fomitis, fungi, vel foliorum facillime conceptum. Sed nihil hederam praestantius, quae teratur lauro, laurumque terat. Probatum & vitis sylvestris, alia quam labrusca, & ipsa hederam modo arborem scandens.*

4.
Radii Solaribus.

Quarto nonnulli huc etiam referunt modum, quo radiis Solaribus ignis accenditur, cuius supra, in primo modo, mentionem fecimus. De quo suum cuique iudicium relinquimus. Res ipsa per se manifesta est, & notum, speculis inurentibus & aliis vitris, & lignis, aliisque rebus aridis, ignem accendi. Huiusmodi speculis Archimedes hostium triremes accendit, & combussit. De qua re videantur Optici, & Iohan. Baptista Porta. Imò radij Solis etiam sine speculis & vitris ignem accendere possunt, compertumque, incensiones fortuitas sylvarum, ut & terrarum marisque bituminosorum, ex Solis radiis accidisse.

Refert huc
etiam modum
per aërem at-
tenuatum
Scaliger. Re-
ficitur.

I. C. Scaliger, Exerc. ib. sect. 1. alium adhuc generationis ignis modum habet, & ex aëre saltem attenuato ignem fieri existimat, dum scribit: *Fatendum est, ex aëre moto atque eliso & attenuato calorem fieri. Qui si procedat, ad ignis transit substantiam, idque propter partium attenuationem.* Verum falsum hoc esse, ex eo patet, quod lapides, & corpora durissima, inter se collisa, scintillas non emittunt, nisi sulphur copiosius in se contineant. Et sulphur, quod & silicibus excutitur, odore percipi potest. Praeterea aër nec attritu, nec villo alio modo accendi potest, sed hoc solum corporum mistorum sulphureorum proprium est. Et si aër ipse accendi posset, haec regio aëris inferior dudum in magnis urbium & sylvarum incendiis conflagrasset. Equidem. Aristoteles, 2. de caelo cap. 7. tex. 42. & 1. meteor. text. 3. scribit, motum aërem ἐκ πυρός, seu inflammare, & tela motu aded ignescere, ut plumbeae cuspides in iis liquefiant. Verum experientia ista respondere, non credo. Et si sagittarum cuspides plumbeae liquefcere possent, multò magis globi

An cuspides
metallis ei-
usmodi lique-

plumbei & sclopetis emissi incalescere deberent, quod tamen non fit. Et Paræus, *Apologismo primo*; ipsos etiam contra durum saxum allisos statim ab ictu innoxie manibus tractari posse scribit. Et si cuspides, vel globi plumbei, motu incalescerent, id magis, in cera fieri deberet; cum tamen constet, globum & ceram confectum, & sclopeto eiectionem, non liquefcere, sed asserem ligneum duos digitos crassum penetrare.

Tantum de generationis ignis modis. Deficit contra ignis, & praecipue flamma, cum vel materia inflammabilis deficit, vel licet adsit, inflammari, & ignis & mixto egredi prohibetur.

Contra defi-
cit ignis.

Primo enim, corpore inflammabili deficiente, deficit flamma, ubi omne sulphur, quod in corpore fuit, absumptum est. Sic seuo, cera, vel oleo deficiente, flamma in ellychnio & lucerna deficit, & ligno plane combusto, ac in cineres redacto, ignis exstinguitur; cum, qui primo aderat, auolat, & alius non succedit. Flamma nimirum est semper ἡν πῦρ γίνεται, & γινομένη φθείρεται πᾶς, ut loquitur Theophrastus, lib. de Igne. Dum enim ignis absumendo pabulo fit, simul interit, illo absumpto; ut vulgò loquuntur. Etenim ignis proprie non interit, sed auolat: quia tamen tamdiu saltem corpori inflammabili coheret, quamdiu, quod accenditur, adest, ubi, quod accendatur, deficit, interire putatur. Modus iste primus extinctionis, qui fit deficiente alimento, a Theophrasto, lib. de ign. dicitur φθορὰ ὡς περ πυρὶς τῆς, propè naturalis, & φυσικῆς.

1.
Vel ob defe-
ctum materiae
inflammabi-
lis.

De generatione & interitu ignis, egregium locum habet Galenus, lib. de usu respirat. cap. 3. dum scribit: *Omnes flammæ duplici motu mouentur, altero à materia, ex qua accenduntur, per quem maxime sursum feruntur, & undique disperguntur: altero vero, huic contrario, ad sui ipsorum principium, & veluti radices vergente, per quem confident & contrahuntur.* Etenim si facis quam maxime superiorem extremitatem accenderis, confestim ad inferiora peruenit ignis, & si, postquam lucerna flammam extinxeris, ad extremum fuliginosa fauilla sursum vergentis alium amoneris ignem, iam rursus ardentem lucerna funiculum videbis; cum nihil tale fieri posset, si ignis motum sursum tantum haberet. Motus autem huius duplicis hanc causam esse, addit: *Quandoquidem, inquit, omnis flamma velocissimam habet corruptionem. Semper enim ab ambiente dispergitur, ob id necessarium, etiam generationem eius velocissimam esse: alias enim neque minimo momento duraret. Atqui generatio uniuscuiusque flammæ est, ex materia accendi. Merito igitur non solum extra à proprio principio, sed contrarium ipsi, in proprium principium, vergentem motum, sibi à natura insitum habet. At vero & corrumpi omnem flammam necessarium est, si aut materia, aut altero motu sit priuata.* In quo Galeni loco duo illi flammæ motus diligenter annotandi. Primo ignis ad corpus inflammabile, & materiam, seu, ut Galenus appellat, radicem fertur, qui fit propter cognationem, & ad omnes quidem differentias, latera, sursum, infra: alter quo ignis qui elicitus est, naturali suo motu sursum fertur.

Motus flam-
mæ à Galeno,
duplex.

Causa
huius motus.

Modi autem, cum materia inflammabili praesente, flamma nihilominus deficit, plures sunt, qui omnes hoc commune habent, quod in extinctione actuati ignis fit abitus, nullus vero amplius & corpore mixto inflammato actuatus ignis ipsi succedit.

Primo fit hoc suffocatione; cum scilicet ignis cum fumo & corpore accenso erumpens, non inuenit locum, quem occupet. Tum enim cessat moueri ignis in fumo. Nam, ut antea etiam dictum, cum duo corpora non possint esse in vno loco, nec detur dimensionum penetratio; in inflammatione vero corporum mixtorum multae exhalationes cum igne, qui eas excitat, exhalant; si iis locus, quem occupent denegatur, earum euaporatio una cum flamma ex necessitate

2.
Vel ob nullam
nouam ignis
actuati ge-
nerationem.

Quod iterum
fit.

1.
Vel suffoca-
tione.

com-
to ely-
ij.

2.
discussio-
e dissipa.

flamma
e simul
teur &
nguatur.

ando, &
flamma
ellyphnio
incta ite-
excite-

r ignis
 mma
 potentior
 e carbo-
 m.

3.
l prohibi-
ne afflu-
s novi
nis.

An presente
contrario
etiam ignis
extinguitur.

Cur quidam
sub aqua ar-
deat ignis.

Corpora in-
flammabilia
duplicita.

Fax inex-
tinguibilis.

*Candela in
aqua ardens.
Exstinguitur
quoque flam-
ma cum ma-
ior minori
apponitur.*

De operatio-
nibus ignis.

Cæterum vt de effectis & operationibus ignis etiã
aliquid dicamus; Ignis essentiã quidem vnus est,
pro diuersitate materiæ verò, cui inest, diuersimodè
operatur. *Ignis in solido & terrene corpore calidissimus*
est.

Cur ignis
alius alio
validior.

est, inquit Theophrastus: *intenui verò & raro minus calidus*. Et Scaliger, *Exercit. 9. Ignis in ferro validissimus est, ob densitatem, in ligno minus, imbecillior in lana, tum in papyro nostrate hac; in flamma tam dilutus, ut manum traducamus, sine offensione; in aqua ardente adeò tenuis, ut ea madefactum linteum illasum relinquat*. Imò idem Scaliger, *ibid.* ignem non per se, sed per accidens vrere statuit, idque ob densitatem. Est tamen quæstio satis obscura, an ignis per se vratur, & alius alio calidior sit. Cardanus aliquot eius rei causas commentus est, quæ videri possunt apud Scaligerum, *exercit. 12.* Vt verò rectius explicari possit ista quæstio, faciem nobis præluceat Scaliger, *ibid.* qui communem, cur ignis igne sit validior, causam & modum statuit, nempe frequentiam eius partium, & coherentiam, propinquitatem, coagmentationem, cohesionem & vnionem, siquidem in densiori materia partes plurimæ paruo continentur loco.

Sententia
Scaligeri.

Impugnat
Libanius.

Impugnat quidem istam Scaligeri sententiam Andr. Libanius, *comm. Alchym. part. 1. lib. 2. cap. 12.* & nescio quam cum substantiarum, tum qualitatum intensiorem comminiscitur, & contra eam varia, sed parum firma obiicit, & vix statum controuersie rectè format. Primò enim ait, stipula laxa solutaque flagrat ignis, vagaturque liberè, & dicitur calor eius minor, propter dispersionem partium. Sed comprehendantur manipulo, iunganturque, & torqueantur, ignis tamen non fit Valentior: Verum facilis est responsio. Ipsæ stipulæ, siue dispersæ sint, siue in fasciculum ligatæ, naturam non mutant, sed raræ manent. Ergo etiam eundem ignis gradum excitant, nisi quòd, quæ diuersæ iacent, non ita coniunctam, cum aer multus intercedat, flammam suppeditate possunt, sicut quæ coniunctæ sunt. Deinde dicit, quòd ignis in raro ligno liberè ardens, plura habeat ad actum suum adiumenta, quàm in duro solidoque, etiam si singas, vtrumque totum inflammatum. Ignis prunarum laxarum spirituosior est perflatiorque, sed durum, licet contactu impressio ab his fieri videatur maior: tamen minus habet spirituum, minus ab aere accipit alimentum, & quia conclusus est, etiam infirmior est, licet ob materię robur diuturnior.

Examen ob-
iectionem
Libanij.

Verum naturam ignis non satis cognouisse videtur Libanius, & multa in his sunt veritati parum consentanea, & quæstiones diuersæ miscuntur. Neque enim quæritur, quanam materia facilius ignem concipiat, & in qua ignis facilius in actum deducatur, & quæ liberiùs ardeat. Hæc enim omnia corporibus rarioribus competere, concedimus. Sed hoc quæritur, in vtro corpore, raro, an denso, ignis magis vratur. Vbi dicimus, quòd in denso corpore ignis magis vratur, id quòd experientia testatur. Per flammam enim sine damno quis digitum transmittere potest, si verò ferro candenti digitus admoueat, in momento lædetur. Id quòd ipse Libanius confitetur, dum concedit, tactu percipi, ab igne in prunis durioribus maiorem fieri impressionem. Falsum verò est, quòd ignis ab aere accipiat alimentum, cum quicquid accenditur, in corpore inflammato fuerit. Si verò ignis multo aere diluatur, quòd fit in stipulis, & similibus, inde ignis non fit fortior, sed debilior. Et confundit Libanius ignearum partium augmentum, & hinc dependentem ignis actionem fortiolem, cum caloris ipsius intensiōne. Ignem alium alio esse maiorem, extra dubium est; sicut & illud manifestum, in maiori quanto maiorem esse vim agendi, in minori, minorem. Neque enim, quòd à multa flamma seu lignorum, seu carbonum, liquatur metallum, illud ab vnus candelæ flamma liquari potest. Sed de hoc quæstio est, an calor & ignis, qui in multa flamma est, per se sit intensior, quàm qui est in parua. Quòd negat Scaliger, ob causas suprà adductas, & statuit, partes ignis eas, quas, gradus vocant, coniunctione, non intensiōne virium,

consequi iuuamentum. Quam Scaligeri sententiam et si argutiam appellat Libanius: ipsam tamen admittat, necesse est, dum scribit, ignis calorem etiam in minima scintilla maximum, nihilque pari sibi detrahi per se, nec admittere in societatem vllam frigidi partem. Licet verò addat, subiectum vtriusque receptum alterari: tamen nec hoc negauerit Scaliger. Quò plus enim ignis in aliquo corpore est, eò id calidius est; quò minus, eò minus calidum. Exempli gratia (quo ipse vtitur Libanius) in aqua feruentissima est multum ignis, cui si affundatur frigida, fit tepida, ob aquæ frigidæ, quæ nullum in se continet ignem, admistionem. In ferro paruo potest esse maior quantitas ignis, quàm in multa stipula.

Ideoque Scaligeri sententiam retinemus, statui-
musque, ignem alium alio igne non esse calidiorē, sed quòd ignis vratur fortius, fieri propter partium multarum vnionem, quòd minus vratur, propter earundem distantiam. Quòd vt clariùs intelligatur, sciendum, ignem maximè aere dilui, qui facile in eius societatem se insinuat. Vnde sequitur, quòd in corporibus raris & porosis, quæ aërem plurimum in se continent, ignis est dilutior, eiusque partes non sunt nimis propinquæ. Contrà in solidis corporibus, in quæ ignis penetrat, vbi parum aëris est, magis sibi coheret & coagmentatæ sunt.

Sententia
Auroris.

Ex hisce tamen sequitur, ignem per se vrere, non per accidens, quòd vult Scaliger, contrà verò non vrere per accidens. Nimirum cum ignis per se sit calidissimus, (et si talis ignis purus apud nos non detur) & in puro igne maxima eius partium sit cohesio, etiam vratur necesse est: quòd etiam facit in ferro, & aliis metallis ignis, quia atomi igneæ sibi coheret, & vicinissimæ sunt, & plurimæ in paruo loco continentur, & ob coniunctionem efficacius agunt. Contrà in stipulis, & aliis corporibus rarioribus, quia flammæ aer permiscetur, & vt Scaliger, *Exerc. 9.* loquitur, ignis aere diluitur, ignis partes non coheret sibi, sed distant, intercedente aere, etiam tam firmiter agere non potest. Nimirum ignis est primum calidum & summum: quòd verò non semper summè agat, fit propter admistionem aliorum corporum non summè calidorum, imprimis aëris.]

Ignis vratur per
se non per ac-
cidens, vt
vult Scaliger

Igni proximus est Aer. Hic n. vt à raritate & caliditate ignis declinat; ita etiam locum paulò remotiorem à cælo occupauit, & secundum quid grauis est. Diuiditur aer in tres regiones: supremam, mediam & infimam. Suprema est supra cacumina montium altiorum. Si enim superficiem super excelsum montium cacumina; quæ totum terræ globum exactè rotundum efficiat, imagineris, aer, qui supra illam consistit vsque ad sphaeram ignis, supremam regionem aëris constituit. Reliquæ infra hanc sunt, quæ non semper æqualem obtinent magnitudinem. Nam in æstate, infima, quæ eo vsque prodenditur, quòd radij Solares reflectuntur, maior est; media in hieme. Tempore enim æstiuo cum Solis radij ad rectiores angulos incidunt, altiùs etiam reflectuntur; hieme verò Solis radij valde obliqui in latus reflectuntur, nec in altum resiliunt. Media regio respectu duarum reliquarum minimum caloris obtinet, vnde & frigida dicitur, quòd calor à cælo eò ita non penetrat, neque etiam radii Solis reflexi eò penetrant. Reliquæ duæ sunt calidiores; suprema quidem ob Cæli & Ignis vicinitatem; infima propter radios Solis duplicatos.

Aer quem
locum oc-
cupet.
Eius tres re-
giones.

Infima tamen regio variè disposita est, modò calet, modò friget, modò humida est, modò sicca, pura, nebulosa; & aer in hac regione variè dispositus, variè corpora nostra afficit. Eum enim perpetuò spirando attrahimus, eoque spiritus in corpore nostro instaurantur & refocillantur, & calor, qui in corpore nostro perpetuà ventilatione indiget, conseruatur.

Post

Aqua.

Post aërem *Aqua* est, Elementum graue, terrâ tamen aliquantum leuius. Nullibi hoc purum reperitur, sed vbique terræ & ambienti aëri permiscetur; cuius rei sapor index est, cum vix vllibi aquam, quæ nihil saporis habeat, inuenire liceat.

Terra.

Infimum locum *Terra* occupauit, quod Elementum omnium grauissimum est, & ad motum ineptissimum. Eadem plurimum habet materiæ, vnde densa est & opaca. Terra in superficie pura non inuenitur, sed, si alicubi pura est, in centro est, quod nullum, a quo corrumpatur, contrarium penetrat.


Aqua & Terra peculiarem sphaeram non constituent.

Aqua & terra non peculiarem, vt reliqua Elementa, sphaeram constituunt, neque aqua terram vndique ambit, sed intra sinus suos terra aquam recipit, plurimique in locis singulari Dei prouidentia ob commodiorem animalium aliorumque mistorum generationem & nutritionem terra eminet, radiisque stellarum liberius excipiendis patet. Vicit enim τὸ ἐν καὶ τὸ βαλτιον ἢ vim necessitatis, qua vniuersam terram complecti debebat aqua, vt Scalig. *Exerc. 9* loquitur.

Quæ autem terræ & aquæ sit magnitudo, vix definiiri potest. Totius quidem globi, quem terra & aqua constituunt, ambitum esse 180000 stadiorum seu 5400. miliarium Germanicorum; diametrum verò circiter 1718 miliarium Germanicorum, non dubitatur: sed an plus Terræ vel plus Aquæ sit in dubio est: Verum plus Terræ esse quàm aquæ vero magis consentaneum. Nam neque maior terreni globi superficies aquis tegitur, vt ex globi terreni certa delineatione apparet: neque reuera maior est aquæ quantitas, quàm terræ; cum terram sub mari latere per demissam bolidem deprehendatur & profunditas maris deprehensa cum semidiametro Terræ collata non ita magni momenti sit. Quâ de re videatur Alexander Piccolhom. in *tract. de magn. Terra & Aqua*.

Aqua cum terrâ vnum globum constituit.

Quod autem aqua non plana sit, sed cum terra vnum globum constituat, probant primò Eclipses Lunæ, in quibus umbra terræ circularis apparet; & proinde etiam tale corpus terræ arguit; deinde nauigationes. Etenim si quis in mari in altum vehatur, ædificiumque vel signum in littore statuatur, primò id integrum videt, hinc vix mediam eius partem, donec tandem omnino id è visu subtrahitur; quia tumor & rotunditas aquæ se inter visum & litus interponit; cum visio semper fiat per lineam rectam. Et quamuis terra ipsa non exactè globus sit, sed corpus globosum, alibi eminent, alibi depressum: tamen hæc eminentia, vel depressio vix habet aliquam proportionem cum toto; id quod ex Eclipsibus Lunæ apparet, in quibus umbra terræ facit lineam circularem.



LIBER TERTIVS.

CAPVT I.

De Elementis, vt sunt principia Mistorum.



Elementorum definitio.

Vm in sublunari mundi parte perpetua generationis & interitus rerum vicissitudo sit, dari quædam proxima principia necesse est, ex quibus variè inter se mistis & temperatis omnia generentur Principia hæc vulgo Elementa appellantur, & ab Aristotele, 3. de Cælo, c. 3. t. 30. sic definiuntur: *Elementa corporum sunt, in quæ cætera corpora diuiduntur, in quibus insunt actu vel potentia, ipsa verò sunt indiuisibilia, in alia specie distincta.* Ab Auicenna verò eodem sensu definiuntur; quod sint corpora simplicia, & partes primæ corporis humani & aliorum, quæ

Dan. Sennerti Tom. I.

in corpora diuersarum formarum diuidi minime possunt, ex quarum commixtione species diuersæ generatorum sunt. Vbi notandum, præcipuum Elementi, vt misti principium est, characterem esse indiuisibilitatem secundum speciem, non sensum. Quapropter & Galenus vbi lib. 1. de Element. cap. 1. Elementum definiuit esse minimam partem eius, cuius est Elementum, ipsemet addit; minimum verò non idem & sensui videtur & verè est. Multa enim exiguitate sensum effugiunt.

Elementa hæc cum corporis tangibilis & generabilis principia esse debeant, certas etiam Qualitates, quibus nobis patefiant, in se inuicem agant, & ad omnem mitionem efficiendam idonea sint, obtineant necesse est: quæ quales, & quot sint, primo loco videamus. Iis enim cognitis facile postea, & quot Elementa sint, & quæ eorum natura, cognoscemus. Qualitates hæc vulgò primæ appellantur, non quod sint absolutè primæ, vel primæ dignitate, aut quod omnes reliquæ. Qualitates ab iis ortum habeant, sed quod primis corporibus sublunaribus πρώτοις insint.

Qualitates primæ unde dicantur.

Hæ autem ipsarum sunt conditiones: vt constituat prima sensibilia, id est, tangibilia corpora, eorumque, quatenus talia, sint differentia: vt primum sensum, tactum nimirum, afficiant: vt insint omnibus corporibus generationi & corruptioni obnoxii: vt sint contrariæ, aptæque ad agendum & patiendum; generationis enim & corruptionis autores esse debent: vt se priores non habeant; vnde & primæ appellantur: vt ex se inuicem non fiant.

Earum conditiones.

Porro vt inuestigemus, quot sint tales Qualitates omnes Qualitates tangibiles inspiciendæ. Arist. 2. d. gen. & corr. c. 2. t. 8. εὐαντιότητες καὶ ἀδύναμις id est, primæ tangibiles contrarietates has recenset: Calidum, frigidum; siccum, humidum; graue, leue; durum, molle; viscidum, aridum; scabrum, glabrum; crassum, tenue. Verum ex his septem tangibilium Qualitatum oppositionibus solum duæ priores Qualitatum primarum nomen merentur. Nam graue & leue inuicem non agunt. Idem de reliquis quatuor oppositionibus dicendum. Nec enim inuicem agunt, & patiuntur; nec sunt primæ, sed ab aliis ortum habent, compositisque potius, quàm simplicibus competunt. Quapropter sunt tantum quatuor primæ Qualitates: caliditas, frigiditas, siccitas, humiditas. Iis enim omnes suprâ recensitæ primarum Qualitatum notæ insunt.

Qualitates primæ quot sint.

Definiuntur hæc Qualitates ab Aristotele, 2. de gen. & corr. c. 2. t. 8. & 9. sic: *Calidum est, quod congregat homogenea.* Quod enim segregat, quæ sunt heterogenea, fit ex accidenti. Nam cognata congregare, est, heterogenea segregare. Per homogenea autem intelligi debent, non solum quæ sunt eiuidem speciei, sed quæ similem habent temperiem, & in vnâ naturam conueri possunt: per heterogenea, non tantum, quæ sunt diuersæ speciei, sed etiam quæ diuersi temperamenti, nec in vnâ naturam redigi possunt. Calor enim nititur semper ea, quæ sunt diuersa, in vnâ naturam redigere: quod cum ob temperamentorum diuersitatem efficere non potest, ea solum, quæ similia iam effecit, vnit, reliqua, vt excrementa, reiecit. Caloris has operationes vbique videre est, & præcipue in coctionibus, quæ in animalibus fiunt. Calore enim; vt aptissimo organo, anima ad suas actiones obeundas præcipue vtitur. Nam in ventriculum congestis variis cibis, calor ventriculi ea, quæ idonea sunt in vnâ naturam redigit, in vnâ chyli massam conuertit; reliqua, quæ non sunt apta, vt feces & excrementa, per intestina reiicienda, segregat. Idem facit hepar; idem omnia membra. Caloris etiam beneficio omnes operationes Chymicæ ob-euntur. Ea enim ars per calorem metalla separat; partes diuersas plantarum, aliarumque rerum segregat, & alia admiranda præstat. Caliditas itaque primarum Qualitatum præstantissima est, primum ad ge-

Calidi definitio.

Quid sint homogenea & heterogenea.

E nera

nerationem efficiendam instrumentum, ad agendum efficacissima.

Frigidi definitio. Frigidum autem est, quod simul homogenea & heterogenea congregat. Videmus enim in glacie per frigus res diuersas, ligna, stramen, lapides, terram cogi: idemque alibi frigus præstat, resque, quibus superuenit, sine ulla heterogeneorum segregatione, constringit. Reicienda hic Cardani est opinio, qui frigus tantum caloris defectum & priuationem esse voluit. Frigus enim omnino Qualitas positua est; cum sensu percipitur, certasque agendi, & calorem oppugnandi vires habeat; quæ nudæ priuationi non competunt. Qua de re Scaliger Exerc. 18.

Humidi & sicci definitio. Humidum est, quod difficulter continetur termino proprio, facile verò alieno. Siccum est, quod proprio termino bene continetur, alienos verò non ita facile recipit. Aërem enim vndiquaque per se diffluere experimur, & rei continentis lateribus se facile accommodare; idemque facit aqua, terra verò non diffluit, sed proprios terminos retinet, nec facile sese omnibus continentis corporis partibus aprat. Ab humiditate itaque mixta habent coherenciam, unde res nimium exsiccata discumpi cernimus; à siccitate vim consistendi.

De his autem definitionibus hoc notandum: Aristotelem non definiuisse Qualitates primas absolute consideratas, ut Elementis tanquam corporibus simplicibus extra mista insunt, sed ut iisdem, dum mixturem ingrediuntur, conueniunt. Non quidem ignorauit Aristoteles, Qualitates primas, priores effectus illis, per quos eas definiuit, habere, calidumque calefacere, frigidum refrigerare, humidum humectare, siccum exsiccare: per hos tamen effectus Qualitatum primarum definitiones constituendas non censuit; tum quod nihil occulti illarum definitiones patefiant, sed idem per idem definiatur; tum quod elementis alia de causa primæ Qualitates à natura tribuæ non sint, nisi, ut per eas tanquam proxima instrumenta, essent mixturem principia. Primæque operationes primarum Qualitatum sunt quidem origine principaliores secundis operationibus earundem: sed intentione naturæ molientis generationem mixti non sunt præcipuæ, sed ipsis secundæ sunt principaliores. Quapropter, omissis illis communibus & per se notis, quas tum in mixtis, tum simplicibus edunt, operationibus, per eas, quas solum in mixtis exercent, definire eas voluit Aristoteles.

Qualitates primæ an re- & diuidantur in actiuas & passiuas. Diuiduntur hæ Qualitates in *Actiuas*, caliditatem & frigiditatem; & *Passiuas*, humiditatem & siccitatem. De qua diuisione etiam variæ sunt auctorum sententiæ, ut videre est apud Archangel. Mercenarium, p. 239. Zabarellam, de Qualit. element. cap. 5. Francisc. Piccolhomin. de Qual. pr. cap. 8. tamen ita sentiendum videtur. Omnes quidem hæ Qualitates, respectu actionis vniocæ, quæ quælibet per primas operationes sibi gignit similem, contrariamque interimit, tam in simplicibus, quam in mixtis, agunt & patiuntur: tamen respectu actionis æquiocæ, quam in mixtis tantum exercent, & quæ secundas Qualitates, ipsamque mixti naturam, à naturis elementorum diuersam producant, duæ dicuntur actiuæ, duæ passiuæ. Et hoc modo nullam vim agendi habent humiditas & siccitas, sed sunt tanquam materia, quæ ab artifice, calore & frigore, elaboratur.

Qualitates hæ cum elementis tanquam primis subiectis insint, rectè etiam per eas numerum elementorum inuestigabimus. Prætermissa autem illa ratione, quæ præcedente lib. 2. cap. ult. allata est, sic procedemus. Si elementa sunt alterabilia, plura omnino erunt. Nihil enim, quatenus idem, à se patitur, sed ab altero. At sunt alterabilia. Corporum enim alterabilium & corruptibilium debent esse principia. Igitur non vnum erit elementum, sed plura, eaque contrariis Qualitatibus prædita, per quas inuicem agant & pa-

tiantur. Hæc ratio conuenit cum illa Hippocratis, lib. 1. de nat. hum. t. 5. aientis: Si vnum existisset homo, nullo vnquam tempore doleret: neque enim esset, à quo dolore afficeretur; siquidem vnum esset, nullumque, ut Gal. ibid. in comm. ait: esset secundum, quod ageret in ipsum. Non enim sanè idem illud corpus à se ipso pati potest.

Quot autem sint Elementa, demonstrat Aristot. 2. de gen. & corr. cap. 3. t. 16. & c. 5 t. 34. hunc in modum. Elementa ea de causa dicuntur principia mixturem, quia inuicem alterata & mutata ista constituunt. Omnis autem alteratio & mutatio dependet à mutua primarum Qualitatum actione & passione; quæ quatuor sunt, ut iam dictum. Itaque illa corpora simplicia, quæ Qualitatibus primis subiacent, erunt mixturem principia. Ut autem rectè mixturem efficere possint, necesse est, ut quodlibet horum à quolibet pati possit, & proinde non vnam tantum, sed duas primas Qualitates possideat.

Ex his itaque sic concludimus. Tot sunt Elementa, quot sunt possibiles primarum Qualitatum combinationes: At eæ tantum sunt quatuor; Caliditatis & siccitatis; caliditatis & humiditatis; frigiditatis & humiditatis; frigiditatis & siccitatis; reliquæ verò duæ impossibiles sunt, nec summa caliditas cum summa frigiditate, nec summa siccitas cum summa humiditate consistere potest: cum contraria in eodem subiecto esse non possint. Tot igitur etiam sunt elementa; Ignis calidus & siccus; Aër calidus & humidus; Aqua frigida & humida; Terra frigida & sicca.

Huic addi potest & alia ratio, qua utitur Aristoteles, 2. de gene. at. & corrupt. cap. 8. t. 40. Tot sunt elementa, ex quot omnia perfecte mista constant. At ea constant tantum ex quatuor. Igitur etiam quatuor erunt Elementa. Nam videmus omnia perfecte mista plurimum terræ obtinere, moueri que ad terram: Mista verò mouentur ad motum elementi prævalentis. Mista autem quia connectuntur & coherent, & terminos recipiunt, aqua eis etiam inest; huius enim est connectere: si aqua & terra, etiam ignis & aër contraria elementa, à quibus remittantur, & misceantur. Nam mixtio non fit absque mutuâ actione & passione. Præterea omnis generatio fit à calore. Igitur præter aquam & terram ad mixturem etiam calor requiritur: sed vnum elementum calidum non sufficit: Nam vinceretur à duobus frigidis. Igitur præter aquam & terram, ignis etiam & aër ad omnia mista constituenda concurrunt.

Numero elementorum inuestigato, essentia iam & natura eorum inquirenda. Cum verò Qualitates primæ planè intimæ sint Elementis, primò quæritur; *An Qualitates primæ sint substantiales Elementorum formæ*; An verò, præter Qualitates, alias Elementa formas possideant. In re plana ne prolixi simus, breuiter statuimus: Qualitates primas, formas substantiales elementorum non esse, sed accidentia. Cuius rei indicium est, quod sensu percipiuntur Qualitates primæ; cum nulla substantia per se sensu percipi possit. Deinde, quod in aliis rebus reperiuntur, ut accidentia mutabilia; quapropter in ipsis etiam elementis nullo modo erunt substantiæ. Latentes tamen elementorum formæ per eas circumscribuntur ab auctoribus: unde ipsi etiam Hippocrati quatuor Elementa sæpe calidi, frigidi, humidi, sicci nomine appellantur, ut testatur Galenus, 1. de temp. c. 8.

Per Qualitates itaque Elementa nobis innotescunt. Nam Elementis tanquam propriis subiectis insunt, à quorum formis etiam dependent, & esse habent. Nec enim cum iis facimus, qui Qualitates primas, quæ Elementis insunt, à formis Elementorum, tanquam efficientibus per emanationem prouenire negant, sed eas omnes à motu cœli, vel eiusdem negatione prouenire asseuerant. Absurdum etenim est,

Qua

Elementorum numerus.

An Qualitates primæ sint formæ Elementorum.

An Qualitates primæ sint formæ Elementorum.

Qualitates à formis proueniunt.

Qualitatem naturalem aliunde, quàm à sua forma, proficisci. Nec formas Elementorum otiosas & effectas esse, nullasque producere Qualitates & operationes edere, credendum est. Nam si primæ non proueniunt à formis, quæ planè elementis intimæ sunt; non videmus, quæ aliæ ab iis prouenire possint. Præterea absurdum est, statuere, frigus tantum à priuatione motus cæli prouenire: cum enim Qualitas positiua sit, positiua etiam requiritur causa.

Cæterum cuilibet Elemento duas insunt Qualitates. Cum enim necesse sit, ut quodlibet Elementum, ob commodiorem rerum generationem & misionem, in quodlibet agere & à quolibet pati possit, duæ etiam cuilibet Qualitates obtigerunt. Illud autem hîc controuersum est: *An amba Qualitates ex æquo singulis Elementis conueniant? An verò unum Elementum sit magis vnius, quàm alterius Qualitatis, vnamque obtineat primariò, alteram secundariò:* Præterea; *An in quolibet Elemento amba Qualitates sint summa, an verò vna tantum summa, altera remissa:* disputaturque, quomodo locus Aristotelis, 2. de generat. & corr. cap. 3. t. 23. intelligendus sit, vbi sic, ait Aristoteles: γῆ μὲν ὁ ξηρὸς μάλλον, ἢ ψυχρὸς ὕδωρ δὲ, ψυχρὸς μάλλον, ἢ ὑγρὸς αἴρ δὲ, ὑγρὸς μάλλον, ἢ θερμὸς πῦρ δὲ, θερμὸς μάλλον, ἢ ξηρὸς; Terra sicci magis quàm frigidi: Aqua autem frigidi magis quàm humidi: Aër autem humidi magis, quàm sicci: Ignis autem calidi magis, quàm sicci.

Dissentientes auctorum opiniones de hac controuersia recensere longum esset, aliquid etiam certi definire, difficile est: quid, tamen nobis probabilius videtur, breuiter proferemus. Statuimus autem ut vnicuique elementi naturæ vna Qualitas intimior est & magis connexa, quàm altera: ita etiam vnam esse excellentem, aliam minus excellentem. Ignem scilicet, ut habet Aristoteles loco allegato esse calidissimum & siccum; Aërem humidissimum & calidum: Aquam frigidissimam & humidam; Terram siccissimam & frigidam; id quod sensus testatur: Et quidem has Qualitates hoc modo à forma cuiusque elementi fluere. Errantque ij, qui dum de attribuendis cuique elemento suis Qualitatibus solliciti sunt, non tam ad formas elementorum, quàm ad maiorem vel minorem à Cælo distantiam respiciunt, atque hinc qualitates deducere conantur. Neque id, quod multos mouit, ut contrarium sentirent, magni momenti est: Remissionem Qualitatis fieri à contrario; cum tamen elementa sint simplicissima & nihil contrarii admistum habeant. Nam hoc saltem de mistis verum est; non verò de elementis simplicibus: ac ista Qualitatum constitutio à sua cuiusque forma prouenit. Sicut enim hæc aëris natura est, ut sine vlla corporis grauis admistione non sit tam levis, sicut ignis: ita eiusdem est, ut non sit tam calidus, sicut ignis.

Quæritur hoc loco & illud: *An Qualitates symbolicae, verbi gratia, calor qui est in igne, & calor, qui est in aëre, sint eiusdem speciei.* Respondendum autem, Qualitates has diuersæ speciei non esse, nec octo, sed quatuor tantum primas Qualitates agnoscendas esse, quod primò ipse sensus testatur, qui omnem calorem eiusdem esse speciei iudicat: Deinde cum symbolica Elementa mutantur, Qualitas cognata manet: ipsumque frigus aqueum tam aëreo calori, quàm igneo contrarium est.

Ex his, quæ dicta sunt, colligi facillè potest, quæ cuiusque Elementi natura sit. Ignis enim est Elementum calidum summè & primò, & siccum. Quod vtrumque testatur experientia, quæ omnes quotidie edocemur, ignem siccitatem obtinere. Nam ignis & aërem & aquam transmutare potest. Quapropter etiam contrariis iis Qualitates obtineat, necesse. Transmutatio enim fit inter contraria: & cum tam aër, quàm aqua sint humida, ipse contra siccitatem obtinebit.

Dan. Sennerti Tom. 1.

Reicienda itaque *παράδοξος* Ioh. Bapt. Montani opinio, qui ignem, omniæque Elementa aliquid humiditatis obtinere, & quicquid continuatur in natura, siue sit simplex, siue compositum, id per solum humidum continuari, idque non solum in sublunari mundi parte, sed in cælo etiam fieri, tradit. Nam in misione tantum corpora diuersa simplicia per humiditatem copulantur: Non simplicia; aliàs enim simplicia non essent. Forma verò cuiuslibet corporis simplicis, ut dat esse & terminos, sic etiam partes coniungit & continet.

Ignis itaque cum primò sit & summè calidus, omnes etiam calidi operationes in eo magis elucet: & proinde pulchrè à Iul. Cæs. Scaligero iusto regi comparatur, qui suum cuique reddit, herciscens familias, & finium regundorum iniens rationem: prudentique œconomus, qui sibi, quantum satis est, sumit. Ex ligno enim terræ cineres, aquæ humorem, aëri halitum distribuit: Sibi, quod vulgi oculos fallit, animos haut latet sapientum, sumit ac seruat. Etsi verò plurimi hoc seculo ignem planè è rerum natura ablegare conantur: tamen eum non reiciendum putamus, ut supra, lib. 2. cap. 3. dictum.

Aër est Elementum humidum summè ac primò, & calidum. De caliditate verò magna est inter auctores dissensio. Stoici enim ut Seneca, natur. quæst. lib. 2. cap. 10. Cardanus, lib. 2. de Element. alique contra Peripateticos, aërem frigidum esse, statuunt. Nos tamen cum Peripateticis pro aëris caliditate stamus: cum pro nostra sententia rationes non infirmas inueniamus. Aër enim à calido producitur, & conseruatur: à frigore contrà condensatur, & in aquam vertitur. Deinde leuitas aëris caloris eiusdem index est, cum leuitas calorem insequatur, seu comitetur. Præterea si aër esset frigidus, nullum daretur corpus simplex calidum & humidum, & aqua cum aëre conueniret, & proinde alterum eorum esset superfluum. Plures pro hac sententia rationes apud alios legi possunt. Ea tamen omnia, quæ de aëre dicta sunt, de eo ut puro intelligenda sunt. Nam vaporibus admistus, & aliena qualitate affectus, sæpe refrigerandi, sæpe etiam exsiccandi vim habet, quod tamen ipsi non per se, sed per accidens competit.

Aqua est Elementum frigidum summè & primò, & humidum. Terra siccum summè, & primò frigidum. De his duobus Elementis controuersia non ita multa agitantur. Nam quod nonnulli disputant, an terra, an verò aqua sit primò frigida, facile ex iis, quæ dicta sunt, diiudicari potest. Qui enim terram aqua frigidiorē esse contendunt, malo fundamento nituntur: Qualitates nimirum elementares omnes à cælo prouenire; quod supra reiectum est. Hæc de Elementis.

CAPVT II.

De actione, passione, & misione Elementorum.

Postquam Elementorum naturam explicauimus, proximum est, ut, quomodo ex iis Mista componantur, tradamus, & de misione agamus. Verum enim uero cum Elementa, nisi alterentur, mista constituere non possint; nec verò alterari, nisi inter se inuicem agant & patiantur; sed neque agere & pati, nisi se mutuo tangant, ut Aristoteles, de generat. & corrupt. lib. 1. cap. 6. t. 43. docet: prius quædam de contactu, actione, passione, & reactione dicenda sunt.

Contactus præcipuè duplex est: vnus improprie dictus, quem *virtualem* appellant, quo res incorporeæ in alias res agunt, vel etiam corpus distans aliud corpus remotum sua virtute afficit. Alter est contactus magnitudinum; cuius rursus sunt plures modi.

Singulis elementis duas insunt qualitates.

An singulis elementis insit qualitas vna in summo gradum.

Ignis Regi comparatur.

Aër est humidissimus & calidus.

Aër est calidus.

Aqua est Elementum frigidissimum & humidum. Terra est Elementum siccissimum & frigidum.

An qualitates symbolicae elementorum inter se specie distinguantur.

Ignis.

modi. Nam absolutè, & in genere omnia ea se tangere dicuntur, quæ distinctam magnitudinem & positionem obtinentia, extrema habent simul. Postea est contactus Physicus appellatus, de quo in præsentia agitur; atque hic est corporum diuersas magnitudines habentium, quorum extrema sunt simul, & quæ inuicem agunt & patiuntur. Vel breuiter: Ea corpora se tangunt contactu physico, quorum vltima sunt simul, & quæ mutuò agunt & patiuntur. Nam præter ea, quæ omnibus corporibus, quæ se se tangere dicuntur, sunt communia, habere scilicet magnitudines distinctas, certam partium positionem, locum & extrema simul: hoc contactui physico peculiare est, ut corpora, quæ se eo tangunt, inuicem agant & patiantur. Terriò se tangunt ea corpora, quorum extrema sunt simul, & vnum tantum agit in alterum, nihil verò ab eo reparitur.

Contactus itaque tanquam necessaria conditio in rebus sublunaribus requiritur. Nam suprà in genere probatum est: Omne agens cum patiente simul esse debere. Cum enim per agentis actionem in patiente aliqua debeat fieri mutatio, necesse est adesse illud, quod mutat, aut saltem virtutem eius, virtus autem adesse non potest, nisi adsit illud, quod defert illam. Quapropter in omni actione patiens tangitur ab agente, vel saltem à deferente virtutem eius. Nihil enim agit in extremum, nisi prius agat in medium.

Obseruandum tamen hîc diligenter est; duplicem esse actionem, vnam primam, quæ proximè naturam rei insequitur; alteram secundam, à prima pròdeuntem. Actio prima Solis est illuminatio: secunda calefactio. Actio prima ignis est, calefacere; secunda, liquare, indurare. De prima autem saltem verum est, Agens non agere in extremum, nisi prius agat in medium. Secunda enim actio, præter id, quod primam præsupponit, etiam subiecti ad patiendum aptitudinem requirit; vnde illa in scholis Philosophorum vulgata: Actus actiuorum in patiente & disposito recipiuntur: Et; Quicquid recipitur, per modum recipientis recipitur. Sic à Sole lumen tam in parte mundi æthereæ, quàm Elementari producitur; calor verò non in cœlo, sed tantum in sublunaribus. Sic ignis tam ceram, quam lutum calefacit; illam verò liquat, hoc indurat: quia illa est inepta ad indurationem, hoc ad liquationem.

Cum Elementorum contactu mutuo eorundem actio & passio coniuncta est. Actionem autem hîc non pro quauis actione accipimus, sed pro ea, quæ est inter qualitates primas. Inter quæ autem actio fieri possit, antiqui non consentiebant, ut videre est apud Aristotelem, *de generat. & corrup. lib. i. cap. 7. t. 46. 47.* Alij enim statuebant, omnem actionem & passionem fieri inter dissimilia, nec simile posse pati, à simili: alij contra sentiebant, dissimile à dissimili non pati, sed tantum à simili. Nos cum Aristotele, *ibid. t. 50.* mediam tenemus sententiam, atque ita statuimus: Omne agens conari sibi simile reddere patiens, & proinde simile, quatenus simile, & secundum eam qualitatem, qua illi simile, in simile non agere: verbi gratia, frigidum, quatenus frigidum, non agit in frigidum: nec diuersum agere in omnino diuersum; calor enim non agit in caliditatem: sed contrarium agere in contrarium. Vnde ea, quæ inter se agunt & patiuntur, partim sunt similia, partim dissimilia; similia secundum genus, dissimilia secundum speciem, Contraria enim sunt sub eodem genere, sed dissident specie.

Illud tamen, quod dictum est; simile non agere in simile, paulò diligentius expendendum est: cum ex huius axiomatis recto intellectu in multarum in Physica & Medicina rerum cognitionem perueniamus. Obseruandum primò, de ea similitudine, quæ est inter Qualitates primas, esse hîc sermonem; deinde si-

militudinem hanc esse triplicem. Alia enim sunt similia tantum secundum qualitatis speciem; etsi in gradu, seu intensiōe qualitatis & actionis vehementia, quam Actiuitatem vocant, sint dissimilia. Sic omne calidum omni calido, & ignis aquæ tepidæ aliisque rebus quocunque modo calidis dicitur similis. Alia sunt similia & secundum qualitatis speciem & eiusdem gradum; etsi secundum agendi vehementiam differant, Hoc modo ignis, qui est in ferro candente, est similis ei, qui est in ligno. Alia sunt similia & secundum qualitatis speciem, & secundum eiusdem gradum, & secundum potentiam agendi. Sic duo ignes, qui sunt in materia eiusdem magnitudinis, & eiusdem raritatis, vel densitatis, sunt similes. Non enim hoc prætereundum: Æqualem actiuitatem seu ἐνέργειαν non semper ab eodem gradu qualitatis prouenire, nec omnem calorem similem gradu & intensiōe æqualem calefaciendi virtutem habere, sed sæpe vbi nullus est excessus gradus, tamen esse excessum operationis, vel propter materiæ copiam, vel propter eiusdem densitatem. Nam ignis, qui generatur ex integra lignorum strue accensa, non est calidior vel intensior illo, qui fit ex vna atque altera schidia; sed saltem maiorem habet agendi vim; & drachma vna piperis nō est secundū gradum caloris intensior; quàm vnum granū; sed saltem maiore virtutem agendi obtinet. In maiori enim magnitudine maior virtus est; & in multa materia multum formæ. Sic ignis in ferro candente non est calidior illo, qui est in stipulis: maius tamen agendi robur habet. Virtus enim vnita fortior est dispersa: & agens, quanto propius est patienti, tanto magis agit in ipsum. Partes autem corporis densi minùs distant à quouis puncto in patiente notato, quàm partes eiusdem corporis rarefacti, & in maiorem molem extensi. Præterea in corpore denso est plus materiæ, & propterea plus formæ, & partium coactione in minori spatio substantia maior: ac propterea maior vis. Nam partes cōdensatæ se habent ut plura indiuidua iuncta, quæ potētius agunt, quàm vnum. Quapropter vbicunque eiusdem qualitatis plures gradus, siue secundum intensiōem, siue subiecti magnitudinē, siue eiusdem condensationem congregantur, ibi maior fit actio.

His præmissis, nostram desimilium inter se actione sententiam hisce propositionibus includimus. *I. Similia primo modo possunt inter se agere; ita ut illud, quod est intensius, intendat remissum, & contra remissum remittat intensum; ut vulgatum fert medicorum axioma, quod artis componendi medicamenta principium est. Cum enim inter contraria fiat actio, non tantum extrema inter se mutuò agent & patientur, sed etiam media & extrema. Nam etiam ex medio, ut contrario, fit mutatio. ὅτι γὰρ πῶς τὸ μέσζον, τὰ ἀντα, id est, medium quodammodo extrema est. Arist. 5. Phys. cap. 1. t. 6. Remissumque obtinet locum alterius contrarij. Et ipsemet Aristoteles quid per contraria intelligat, explicat, 1. de gen. & cor. c. 7. t. 51. ἐπεὶ δὲ καὶ πάχον, inquit, καὶ τὸ ποῖον τῶ μὲν γένει τῶ αὐτῷ καὶ ὁμοῖα, τῶ δ' εἰς ἀνόμοια, τοιαῦτα δὲ παναντία, φανερόν, ὅτι παθητικὰ καὶ ποιητικὰ ἀλλήλων ὅτι, τὰ τ' ἐναντία, καὶ τὰ μεταζῶ: id est, quoniam autem agens & patiens genere quidem eadem & similia, specie verò dissimilia, talia autem contraria sunt, manifestum est, quod actiua & passiva, ac inuicem sunt contraria & media. Idem etiam experientia probat, qua obseruamus, id, quod minus calidum est, à calidiore fieri calidius, & contrà; aquamque tepidam infusam aquæ feruentissimæ eiusdem calorem remittere, & perpetuò ex intenso cum remisso composito resultare tertium quoddam, intensius remisso, & remissius intenso.*

II. Inter similia secundo modo nulla fit actio. Nam cum secundum speciem, & gradū, actūque primum, in quibus qualitatum natura consistit, & ad quæ tendit mutatio, hæ qualitates sint similes, nec specie differant; & proinde

Actio inter
similia
qualis.

Inter quæ
actio fieri
possit.

proinde non sint contraria: nulla etiam inter eas fiet actio. Omnis enim actio fit inter contraria, & omne agens agendo cupit sibi simile reddere patiens, eandemque ipsi naturam & actum tribuere. Præterea cum agere præsupponat esse: nihil, quod potentia aliquid est, ad actum perducere potest, nisi ab eo, quod actu tale est. Quapropter calidum ut quatuor, etsi intendi potest ad plures gradus: tamen à nullo intendi potest, nisi ab eo, quod plures quam quatuor gradus caloris obtinet. Experientia etiam nostræ assertioni suffragatur. Sint enim, v. g. duo corpora summe calida; vnum maius & densius, alterum minus & rarius; illud operatur quidem vehementius, neque tamen agere in hoc potest; quia antè iam summum gradum caloris obtinet.

III. Inter similia tertio modo etiam nulla datur actio. Cum enim rectè ab Arist. 1. de gen. & corr. c. 7. t. 31. dictum sit: τὸ ποιητικὸν ὁμοίῳ ἐαυτοῦ τὸ πάσχειν: inter ea, quæ omnino similia sunt, nulla fiet actio. Atque ex his patet, inter quæ sit actio & passio; quod breuiter complexus est Aristoteles, textu antè allegato, dum inquit: φανερόν, ὅτι παθητικὰ καὶ ποιητικὰ ἀλλήλων ἐστὶ τὰτ' ἐναντία, καὶ τὰ μετὰξὺ, id est, manifestum est, tum contraria, tum quæ inter ea media sunt inter se mutuo agere & pati.

Reactio an
detur inter
elementa.

Cæterum alia hic exsurgit controuersia ex eo, quod dicitur, omnia, quæ sunt eiusdem generis, inter se mutuo agere & pati, disputaturque; an inter Elementa reciproca detur actio & passio, quam vulgò Reactionem vocant: seu, An agens per sensibiles primas qualitates per se, patienti proximum, ipsique contrarium, aliquid rursum à patiente repatiatur. Actio autem hîc καὶ ἐξοχλῶ fortiori ascribitur, passio debiliori; & actio, qua patiens in fortius & potentius rursus agit, Reactio; passio verò, qua agens fortius debilioris actionem recipit, Repassio appellatur.

Præter alia autem, quæ in hac re difficultatem faciunt, & legi possunt apud Tolet. 1. de gen. & corr. c. 7. q. 15. Zabar. de reat. c. 2. Franc. Piccol. 1. de effect. & perpeff. operant. per nat. c. 20. Victorem Trincauell. in quæst. de Reactione: illud, quod apud Aristot. de animal. mot. c. 3. legitur: Quæcunque sunt æqualis roboris à se inuicem non patiuntur, per exsuperantiam autem vincuntur, multos in errorem induxit: alios quidem, ut reactionem planè negarent; alios verò, qui experienciâ & ratione eam dari demonstrari videbant, falsos modos Reactionis fingerent. Alij enim statuunt, dari quidem Reactionem, sed eam vel non secundum eandem partem, vel non secundum eandem contrarietatem. Nam si sit calidum quoddam; quod non æqualem caloris gradum in omnibus partibus obtineat, aiunt, posse illud agere secundum partes fortiores, & repati secundum debiliores: Si verò omnes partes æqualem calorem obtineant, tunc non posse quid pati à frigido secundum eandem contrarietatem, sed secundum aliam: ut si ignis agat in aquam, nihil ab eadem repati, ut frigida, posse tamen pati ab ea, ut humida. Alij ita sentiunt: Reactionem primariò quidem & per se esse secundum diuersam contrarietatem, secundariò tamen, & per accidens etiam secundum eandem. Posse enim vnam Qualitatem corrumpi per se à sibi contraria, per accidens verò ad corruptionem alterius, cum quo subiecto naturaliter inest, v. g. calorem ignis, dum agit in aquam, ut frigidam, per se à frigiditate aquæ nihil repati; quia tamen coniuncta siccitas patitur ab aquæ humiditate, simul etiam ipsum debilitari & remitti.

Plures opiniones legere est apud modò citatos auctores, quibus omnibus reiectis, ita statuimus: dari reactionem; eamque & secundum eandem contrarietatem, & secundum eandem partem, & per se ac primariò. Primum quidem primò suadet experientia. Nam si quis manu glaciem apprehendit, & manus

Dan. Sennerti Tom. I.

refrigeratur, & glacies liquefit; & ferrum ignitum aquæ frigida iniectum, & aquam calefacit, & ipsum simul refrigeratur. Idem euincit ratio. Nam sublata reactione, ipsa mistio tollitur: cum mistio fieri non possit, nisi Elementorum qualitates mutua actione & passione fractæ, remissæ, & alteratæ ad quandam temperiem & concordiam redigantur. Idem etiam prolatum ab Aristotele, 3. Physic. cap. 2. text. 8. 16. 1. de gener. & corr. cap. 7. t. 53. c. 10. t. 87. 89. lib. 4. de gener. anim. cap. 3.

Alterum eadem docet experientia, quæ testatur, aquam feruentem, & frigidam, quæ solo calore & frigore opponuntur, si commisceantur, temperari, & feruentem frigiditatem frigidæ, & frigidam caliditatem feruentis remittere. Idem etiam modò allata ratio probat. Nisi enim secundum eandem contrarietatem fieret reactio, non fieret mistio. Nam si ignis, ut calidus, tantum ageret, non pateretur: calor & humiditas aquæ manerent in summo gradu; & proinde non fieret mistio. Præterea: omne contrarium per naturam & secundum se in suum contrarium, dum præsens fuerit, agit. Huc facit illud, ex 4. de gener. anim. c. 3. τὸ θερμαίνον φύχεται ὑπὸ τῆ θερμανομένης.

Pro tertio facit eadem experientia, & ratio docet, si perfecta debet fieri mistio, omnes partes Elementorum esse alterandas, & ad mediocritatem redigendas.

Quantum etiam experientia confirmat, quæ edocemur, aquam calidam & frigidam, quæ humiditate conueniunt, solo calore & frigore opponuntur, tamen mutuo agere & pati. Et certè calor non peculiariter cum humiditate vel siccitate est coniunctus, sed cum vtraque potest consistere: vnde & Elementa cognata, quæ vnâ qualitate conueniunt, mutuo agunt & patiuntur.

Ut verò ex difficultate illa, quæ alios à veritate seduxit, nos liberemus, sciendum: Actionem esse duplicem, vnam imperfectam, & inchoatam, quam appellant actionem absque agentis victoria, quæ agens passum non totum immutat, sed saltem labefactat, atque aliquem qualitatis gradum ipsi imprimit: alteram perfectam & completam, quam nominant actionem cum victoria agentis, qua agens omnino sibi simile patiens reddit. Hinc respondemus, aliud esse agere, aliud superare; aliud pati, aliud vinci. Quapropter, si actio sumatur primo modo, pro actione inchoata, in omni alteratione datur reactio, & patiens contrarium in agens reagit; modò sit in debita distantia & quantitate. Nam & id, quod minus virium habet, antequam planè vincitur & aboletur, imprimit aliquid qualitatis in validius, & aliquos gradus contrariæ qualitatis extinguit. Si verò sumatur actio pro perfecta alterius qualitatis abolitione, nulla datur reactio. Nihil enim aliquid destruere perfectè potest, & simul ab eodem destrui. Dictum itaque illud, suprâ ex Aristot. 1. de motu an. c. 3. allatum, de hac actione, non de priore intelligendum est.

Atque hæc de Elementorum mutuâ actione & passione sufficiant: accedendum nunc ad misionem hinc resultantem, quam Aristoteles, 1. de gen. & corr. c. 10. sic definit: *Mistio est miscibilium alteratorum unio.* Miscibilia autem sunt, quæ separatim per se subsistere possunt, quales sunt solæ substantiæ. Hinc neque accidētia inuicem, neque ea cum subiectis misceri dicuntur, & mistio est propriè corporum, non qualitarum: deinde quæ sunt contraria, & inuicem agere & pati possunt: denique quæ molem misto tribuere possunt.

Misionis
definitio.

Sed non leuis hîc oritur controuersia quomodo Elementa maneant in mistis. Nam cum miscibilia debeant esse alterata, non corrupta; videtur, quod Elementa in misto remaneant, non pereant. Contra cum mistio non mera congregatio tantum

An & quomodo
maneant ele-
menta in
misto.

miscibilium, sed vnio, ita vt ex pluribus naturis vna fiat: videantur Elementa interire, & inde vna quadam noua natura fieri: de qua re variæ variorum sunt sententiæ. Nos, cæteris reiectis, Auicennam sequemur, cuius sententia à plerisque Medicis doctissimis approbatur, & Fernelio ita plana & firma videtur, vt, *lib. 2. Physiolog. cap. 6.* contrarium opinionem, puerilem vereque inanem, imò portentosam appellet, & pro tali habeat, quæ omnem Philosophi splendorem inquinat. Est autem Auicennæ sententia, *elementa non solum in mistis manere, sed & formas suas perfectas atque integras retinere.* Quæ omnino firmis rationibus nititur. Etenim primò, cum ipse Aristoteles, *in fine libri de ortu & interitu*, definiat misionem, quod sit *miscibilium alterorum vnio*; ipsa misionis ratio hoc indicat; cum illa quæ non seruantur, misceri non possint. Neque *unionis* vox hanc sententiam impugnat, vt Zabarella, *1. de mist.* putat, sed potius confirmat. *Vnio enim est eorum, quæ reuera sunt, copulatio*, non autem eorum quæ interiøre. Et quamuis ex pluribus vnum fiat: tamen nec simplicia illa interire necesse est, nec nuda est aggregatio, sed à forma superiore simplicia in vnum corpus rediguntur. Deinde, cum actio actum præsupponat, & in mistis elementorum actiones appareant, necesse est, vt ea actu iis insint. Vt de aliis non dicam, ipse Aristoteles, *initio lib. 1. de cælo*, mistum ad motum elementi præualentis moueri scribit. Tandem idem docet mistorum in Elementa resolutio. Mista enim in elementa resoluuntur, atque ipse Aristoteles statuit, *1. de gen. & corrupt. text. 84.* miscibilia posse iterum separari à misto: Quod si fit, actu in mistis exsistere necesse est.

Inepta verò omnino est illorum sententia, qui statuunt, elementa non eadem numero, sed specie redire è misto, nullaque ratione nititur, sed saltem ad palliandum absurdum dogma comparata est, imò rationi & experientiæ repugnat. Etenim cum statuunt, elementa à misto redire ob similis elementi actionem, quæ id, quod in misione amiserant, rursus acquirant; quomodo quæso in distillationibus & combustionibus aqua & terra è misto elici poterit, cum ignis agendo in mistum, nihil aquei, nihil terrei inducat, imò actio ignis, aquæ & terræ aduersetur, non verò ea augeat vel perficiat?

Et quod Auerroës & Zabarella, de formarum refractione afferunt, merum figmentum est, satisque à Latinis contra Auerrois sententiam disputantibus refutata est ista opinio, qui formas elementorum posse suscipere magis & minus statuunt, neque vnquam vllam vel saltem probabilem rationem isti pro sua sententia adduxerunt, sed simpliciter saltem affirmarunt, formas quosdam gradus habere, vt aliqui tolli possint reliquis remanentibus.

Non tamen solus elementorum concursus & actio, ad mistum producendum sufficiunt, sed formæ superioris directio accedat necesse est. Quod ipsum & Scaliger agnouit, dum *Exercit. 307. sect. 20.* scribit: *Nisi quatuor elementa rectorem haberent, temerè ac sine modo iactabunt & iactabuntur. Quid enim illud est, quod tantum terra commiscet cæterorum? At oportet in vnoquoque vnum esse motum vnum & primum. Non autem illa sese mouere vllam ad opus queunt, sed in compositis à forma excellentiore, in mistis imperfectis ab externo principio cientur ad mutuam connexionem.*

Totam ergo misionis rationem sic complectimur. In misione miscibilia primùm in paruas & exiguas partes diuidi debent; ideo etiam liquida, fragilia, subtilia, facilius miscentur. Facta sic in portiones exiguas, pro misti natura, Elementorum diuisione, eadem per contrarias qualitates agunt, & patiuntur murò, se inuicem calefaciunt, refrigerant, humectant, & ex-

siccant, vnũque agit in aliud, tanquam contrarium separatum: nondum enim ipsorum facta est vnio. Quia verò caloris & frigoris vis maxima est, ideo hæc primò se temperant, frigusque calorem temperatum & moderatum reddit, quantum natura misti producendi requirit. Hic calor temperatus postea humidum & siccum tanquam materiam extenuat, vt partes miscibilium misceri perfectè possint, quantum misti ratio postulat. Solus enim calor per se misionis autor est: frigus verò per accidens ad misionem concurrat, quatenus calorem moderatur.

CAPVT III.

De Generatione & Interitu corporum naturalium.

Cæterum cum mistum & misti generatio vel creipsa idem sint, vel certè vna sine altera esse nequeat: iam de generatione misti agendum. Verum cum corporum generabilium & corruptibilium variæ sint species, aliæque sint simplicia, alia mista, primò de generatione in genere dicemus, vt nimirum cuiuslibet substantiæ, generationi & corruptioni obnoxia, competit, postea de speciebus generationis, transmutatione nimirum Elementorum, generatione mistorum, eorundemque interitu, qui est putrefactio, tractabimus.

Generationem autem in genere sumptam Aristoteles, *1. de gen. & corrupt. cap. 4. t. 23.* sic definit: *γένεσις ὅταν ὅλον μεταβάλλῃ, μὴ ὑπομένοντι αἰδητὴ τινι, ὡς ὑποκειμένῃ τῇ αὐτῇ*, id est, *generatio est mutatio totius, non remanente sensibili quodam, vt subiecto eodem.* Cuius definitionis sensus est: Generationem esse mutationem substantialem, in qua specificā corporis naturalis forma abolitā, noua producitur, ita, vt non maneat idem subiectum sensibile acquisitæ formæ, quod fuerat subiectum deperditæ, & totum compositum dicatur corruptum, nouumque generatum. Totum enim in definitione generationis non omnis corporis naturalis partes significat; Materia enim prima non corrumpitur: sed integritatem, absolutionem & perfectionem corporis naturalis, in forma specifica consistentem, quæ inde etiam interdum ab Aristotele totum appellatur; quia totam rei essentiam complet & perficit. Vt enim numeri species mutatur vnicā vnitate demptā, & septenarius, ablatā vnitate, definit esse septenarius, etsi reliquæ sex vnitates maneat: ita ex interitu vltimæ & specificæ corporis naturalis formæ totum mutari & perire dicitur, ferturque equus interiisse, etsi forma tantum interierit, corpus adhuc superfit.

Quapropter in hac tota generationis & corruptionis natura consistit, vt aboleatur vltima seu specifica rei forma, & alia oriatur, vel introducatur, per quam compositum generatum à priori, quod periisse perente formā dicitur, specie differt. Hinc etiam patet, quomodo illud, quod vulgò fertur, Generationem & corruptionem non esse formæ, neque materiæ, sed compositi, & totius, intelligendum sit. Non enim hic huius pronuntiati sensus, quasi omnes partes corporis naturalis corrumpantur, vel de nouo generentur; Materia enim in omni generatione & corruptione superstes manet: sed quod ex vltimæ & specificæ formæ mutatione compositum ipsum mutetur, nouamque denominationem accipiat.

Hunc autem sensum esse horum verborum, & quid per mutationem totius intelligendum sit, sequentia hæc eiusdem definitionis verba declarant: *nullo sensibili manente, vt subiecto eodem.* Per quæ innuit Aristoteles; In nulla generatione substantiali idem subiectum sensibile vtriusque formæ, acquisitæ scilicet & deperditæ, manere posse. Etsi enim materia prima seruetur;

Generationis definitio.

Generationis & corruptionis natura in quo consistat.

*Natura primò
intendit ge-
nerationem
secundariò
corruptionem.*

seruetur: ipsa tamen sensibilis non est: atque hoc non solum in Elementorum, & mistorum inanimatorum, sed etiam animatorum generatione verum est. In interitu enim animalis forma, quæ amittitur, est anima: illud verò, quod est forma cadaueris, hoc est, mistum inanimatum, seu congeries plurium formarum, quæ plura & diuersa mista homogenea constituunt; atque ita duæ hæ formæ commune subiectum sensibile non habent. Nam illud, quod animæ loco subiecti erat, erat forma mistionis: abeunte autem animâ, formæ illæ plurium mistorum homogeneorum non amplius locum subiecti habent, sed formarum specificarum, quarum subiectum est materia prima. Quanquam verò in cadaueris generatione nulla noua forma adueniat: perinde tamen est, ac si noua adueniret. Forma enim mistionis in animato, respectu totius animati, ferè non erat loco formæ, sed subiecti potius & materiæ; cum in quolibet misto partes essentielles eam inter se habeant rationem, vt quælibet præcedens inferior ad sequentem & superiorem se habeat tanquam materia ad formam, & potentia ad actum. Ablatâ autem animâ, forma mistionis subit locum formæ specificæ, & formæ officium reuera sustinet, mistoque denominationem & Esse specificum tribuit; quod ante, dum aderat anima, non præstabat.

Ex his facilè responsio peti potest ad quæstionem illam: *An præter materiam primam aliqua forma, quæ prius fuerat in corrupto, remaneat in genito; vel, An in omni generatione fiat resolutio ad primam materiam.* Cum enim mista perfecta vel partes sint corporum animatorum, vel species aliæ corporum naturalium, vt gemmæ & metalla; & generatio horum non solum à concursu & actione elementorum absoluitur, sed à formæ superioris directione: deinde ea non semper simplicia elementa pro corporis sibi necessarij formatione attrahit & miscet, sed & prima mista, atque ita neque in corruptione neque in generatione semper resolutionem vsque ad materiam primam fieri necesse est.

Ex iisdem etiam omnes generationis causæ colligi possunt. Forma in definitione per mutationem substantialem exprimitur. Subiectum generationis commune est ipsa prima rerum materia; propinqua verò quatuor rerum sublunarium Elementa. Efficiens generale & remotum est virtus cœli; proximum verò & adæquatum generans seu agens, formæ scilicet rerum sublunarium. Hæ enim per primas qualitates, & calorem vitalem tanquam proxima instrumenta mista, sibi pro sui conseruatione & actionibus edendis necessaria efficiunt.

Materia verò prima adæquata generationis causa non est; cum sit ens merâ potestate, nihilque gignere, aut efficere, sed solum pati possit. Itaque vt generatio fieri possit, materia causa est: vt verò actu fiat ipsum agens, seu generans. Finis generationis est conseruatio specierum. Cum enim in sublunari mundi parte perpetuitas & æternitas indiuiduorum non sit, generationis perpetuitate Natura specierum æternitatem conseruat.

Definitio generationis etiam corruptioni competit, vt manifestè ex vltimis verbis *textus 22 c. 4. lib. 1. de generat. & corrupt.* & re ipsa patet. Nam generatio vnius, vt rectè Aristoteles, 1. *de generat. & corrupt. c. 3. t. 17.* ait, est corruptio alterius. Cum enim, quod corrumpitur, non planè in nihilum redigatur, sed materia remaneat; hæc autem per se sine aliqua forma exsistere nequeat; necesse est, vno composito abolito, & vnâ formâ perditâ, aliam formam accedere, quæ nouum compositum constituat. Deinde cum duæ formæ specificæ simul esse non possint in eodem subiecto, (nihil enim potest esse simul sub diuersis speciebus) necesse est, vnâ formâ adueniente, aliam, quæ in subiecto antè existit cedere. Vnde illud etiam est;

Naturam primò intendere generationem, secundariò corruptionem. Non enim potest vnum generari, nisi alterum corrumpatur. Nam cum generantis intentio sit patiens sibi simile reddere; hoc autem efficere non possit, nisi eius formam prius destruat: secundariò etiam corruptionem alterius appetit. Atque hæc perpetuitatis generationum & corruptionum causa est; Quia nimirum materia dum vnâ formâ spoliatur, aliam recipit, & dum vnâ induit, aliam exuit. Obseruandum tamen hîc generationem vnius non esse corruptionem corporis eiusdem secundum speciem, sed alterius specie differentis.

Post explicatam hætenus vniuersalem generationis naturam, de speciebus generationis iam agemus. Varia est Elementorum mutuò agentium proportio. Aliquando enim vnum contrarium alteri tantum viribus præualet, vt illud planè abolere, & in suam naturam conuertere possit; atque tunc fit vnius elementi simplicis generatio: aliquando elementa viribus quodammodo sunt æqualia, vel saltem non tanta est eorum inæqualitas, vt vnum alterum possit penitus interimere, & in suam naturam conuertere; & tunc mutua actione & passione sese debilitant, ac quasi amicitia inita in vnâ misti naturam coeunt. De Elementorum autem generatione priori loco dicemus. Etsi verò non solum olim Empedocles, atque alij antiqui Philosophi, sed etiam recentiorum nonnulli negent, elementa inuicem permutari: tamen vulgatam doctrinam retinebimus ad quam probandam rationibus & experientia vtuntur. Nam videmus quotidie, per ignem alia elementa in ignem conuertere, & aquam; quæ sua natura deorsum mouetur, igni admotam in aërem mutari, & sua sponte sursum; quod igni & aëri conuenit, ferri. Ratio autem hæc est: Ea permutari inuicem apta sunt, quæ sunt contraria, & commune habent subiectum. At elementa sunt talia: habent enim commune subiectum materiam primam, qualitatesque contrarias. Itaque inuicem permutari possunt. Mutantur tamen elementa non secundum totum, sed secundum partes.

Et quidem omnia Elementa inter se sunt apta permutari, nullumque est, quod in aliud transire non possit: *ἢ ὡς ἡ φύσις, vt Aristoteles, 2. de generat. & corrupt. cap. 4. text. 24.* ait, *εἰς ἐναντία, καὶ ἐξ ἐναντίων, τὰ ὅσα ἔστιν πάντα ἔχει ἐναντίωσιν εἰς ἀλλήλα, διὰ τὸ τὰς διαφορὰς ἐναντίας εἶναι*, id est, generatio enim in contraria & ex contrariis, elementa autem omnia habent contrarietatem ad inuicem, quia differentia sunt contraria. Elementa tamen, quæ in vnâ qualitate conueniunt, vt ignis & aër caliditate, aqua & aër humiditate, facilius seu celerius mutantur: Elementa autem contraria planè, & quæ vtrique qualitate dissident, difficilius transmutantur. Cum enim duo simul iuncta à duobus contrariis mutanda sunt, fortius resistunt, quàm dum vna tantum qualitas est contraria, altera similis; quia ob similitudinem contrario facilius patet aditus. Inde ex duobus Elementis contrariis facilius generatur medium, quàm vnum ex altero: videmusque, ex igne & aqua generari aërem. Medium enim qualitatibus cum vtroque conuenit.

Hæc de Elementorum generatione. Accedamus iam ad simplicem mistorum generationem. Sunt autem generatio misti & Mistio, de qua præcedente capite actum, *re ipsâ idem*: etsi ratione differant. Re ipsâ idem sunt. Nam & mistio, & generatio misti significat quendam progressum ad formam misti, qui constat primò in alteratione mutua, per actionem & passionem primarum qualitatum facta; deinde in actione duarum actiuarum in duas passiuas, seu in permissione humidi cum sicco; denique, & præcipue in ipsâ formæ productione: propterea & misti generatio in mistione, & mistio in misti generatione continetur. Vocabulum enim *ἐνώσεως* non solum significat

*An elementa
possint inter
se permutari.*

*Mistio &
misti genera-
tio non differ-
unt re ipsâ,
sed ratione.*

Elementorum congregationem, & iuxta positionem; sed vnius naturæ ex pluribus miscibilibus productionem. Contrà etiam misti generatio nihil aliud est, quàm vnius substantiæ ex pluribus Elementis productio.

Ratione tamen differunt. Cùm enim & in mistione, & in misti generatione Elementa sint quasi terminus à quo, mistum verò terminus ad quem: vox mistionis magis Elementa respicit, mistio enim est Elementorum, non misti: nomen verò generationis ipsum mistum spectat. Illud enim dicitur tunc generari, non elementa. Neque tamen vna sit sine altera; nec mistio tempore vel naturâ præcedit generationem: sed vtraque in vnius naturæ productionem consistit.

Misti generationis definitio.

Misti autem generationem definit Aristoteles, 4. meteor. cap. 1. hoc modo: ἐστὶ δ' ἡ ἀπλὴ γένεσις μεταβολὴ τῶν ποιητικῶν στοιχείων, ὅταν ἔχῃσι λόγον ἐν τῇ στοιχειώμενῃ ὕλῃ ἐκείνῃ, hoc est, *Generatio simplex est mutatio à virtutibus actiuis, cum habuerint rationem ex subiecta materia unicuique naturæ.* Sensus autem huius definitionis talis est: Generatio misti est mutatio substantialis facta à duabus qualitatibus actiuis, agentibus in duas passiuas, tanquam materiam subiectam, iisque dominantibus ea proportionem, quæ ad vnius cuiusque misti formam educendam necessaria est. Non enim proportio actiuarum qualitatum ad passiuas semper eadem est, sed varia pro diuersis mistorum naturis, quæ varia temperamenta requirunt. Nec etiam dominium actiuarum qualitatum in passiuas ita accipiendum est, quasi in omni misto actiuæ qualitates gradibus superent passiuas; cùm contrarium testetur experientia, quæ docet, mista quædam dicenda calida, quædam frigida, quædam humida, quædam sicca, pro dominantis qualitaris ratione: sed dominium hoc tantum intelligendum est respectu formæ misti generandi. Nimirum tunc dicuntur qualitates actiuæ passiuis dominari, quando talis illarum ad has est proportio, vt ex iis certam aliquam misti formam producere possint. Nam etiam calidum vt quatuor, agit in humidum vt sex, & ex eo mistum aliquod corpus efficit.

Illud etiam hoc loco non prætereundum: *An vtriusque Qualitatis actiuæ aqua sit hic potestas, & par dominium & officium.* De quo sciendum, & ipsam misti generationem & præuiam ad formam alterationem à calore per se & primariò proficisci, & frigus nullo alio modo concurrere, nisi quatenus temperat & moderatur calorem, atque ad huius vel illius misti productionem aptum facit. Misti enim generatio præcipuè in perfecta, pro misti natura, humidi cum sicco permistione consistit: at hoc fieri non potest, nisi per attenuationem, quæ facit vt omnes humidi particulæ cum particulis sicci exactè vniri possint: at extenuatio per se fit à calore, etsi nunc maiori, nunc minori. Frigus verò per se generationis non est instrumentum, sed potius corruptionis. In misto tamen iam genito, & in sua essentia constituto etiam frigus agit per se, ipsique quasi complementum, & ad operationes aptitudinem tribuit. Frigore enim congelantur & condensantur mista.

Putredo opponitur mistorum generationi.

Vltimo loco iam post misti generationem, agendum restat de eiusdem naturali interitu, qui *Putredo* est: de qua tantæ inter viros doctos sunt controuersia, vt recentiores Philosophi & Medici totos libros disputationibus de putredine impleuerint. Nos, etsi plura de ea dici possent, breuiter, quantum quidem instituti nostri ratio patitur, aliquid de ea dicemus. Cùm autem putredo mistorum generationi opponatur, facile è generationis cognitione in putredinis notitiam perueniemus. Totam mistionis seu generationis misti naturam in debitâ humidi cum sicco coniunctione, quæ à calore, in certo gradu constituto, fit, consistere dictum est: & cùm eadem

generationis & conseruationis misti causa sit, tam diu mistum etiam in suo statu naturali durabit, quàm diu debita & iusta humidi & sicci permistio sub iusto caloris dominio consistit: Interitus verò misti ex humidi & sicci dissolutione proficiscetur: hæc autem orietur ex caloris naturalis abolitione aut imminutione. Calor enim naturalis imminutus aut abolitus, partes siccas cum humidis iunctas amplius retinere non potest. Causa autem quæ naturalem calorem debilitat, est calor ambientis corporis, qui, si fortior est, naturalem educit. Calor enim naturalis, ab ambiente calore auctus, proportionem, quam ad passiuas habere debet, amittit, & propterea euaporat, & mistum deserit: quo, tanquam rectore, destitutæ partes humidæ & siccæ separantur, humidumque cum calore, tanquam eius vehiculo, ad exteriora fertur, & euaporat; atque ita fit Putrefactio, quæ sola corporis misti, quatenus mistum, naturalis est interitus, id est, qui fit secundum leges naturæ yniuersalis, quæ mista omnia voluit interitui esse obnoxia, & in Elementa, ex quibus constant, tandem resolui: sicut violentus interitus est, quando mutatur totum in vnum elementum, quod fit combustionem, vel etiam nimia frigiditate, vt nonnullis placet.

Totam hanc putredinis naturam Aristoteles, 4. meteor. cap. 1. hac definitione complexus est: σήψις δ' ἐστὶ φθορὰ τῆς ἐν ἐκείνῳ ὑγρῷ οὐκείας καὶ τῆς φύτιν θερμότητος, καὶ ἀλλοτρίας θερμότητος, αὐτὴ δ' ἐστὶν ἡ τῷ αἰετέχοντι: id est, *putrefactio est propriæ naturalisque caloris in vnoquoque humido existentis, ab extranea caliditate corruptio, hac autem est, quæ in ambiente existit.* Quæ definitio perfectæ demonstrationis terminos omnes continet, & de proprio subiecto per propriam causam propriam affectionem demonstrat. Subiectum proprium est *humidum*. Nihil enim putrescere potest, nisi sit humidum. Ideoque *omnia mista putrescunt, quatenus humida.* Causa proxima positiua est *calor ambientis*: quod non solum aër & aqua est, sed omne continens, quod calorem internum auget nimium, & rationem eius, quam habet ad cæteras qualitates, turbat. Affectio est caloris interni ipsiusque formæ substantialis corruptio.

Putredinis definitio.

Subiectum.

Causa proxima.

Affectio.

Ex hæcenus explicatis multarum quæstionum solutiones peti possunt. Facile enim hinc causa reddi potest, *cur omnia, quæ putrescunt, tandem fiant frigida*, etli in principio sint calidiora. Prioris causa est, caloris innati interitus: posterioris & calor externus, qui internum intendit, causa est, & quia calor internus iam turbata ratione, quam antè ad reliquas misti qualitates habebat, exiens, magis in sensum incurrit. In mistione enim ita erat temperatus, & reliquis qualitatibus amicitia quasi deuinctus, vt ferè non sentiretur; quo fœdere in putrefactione rupto, fit sensibilior, suamque actionem magis liberè exserit.

Cur omnia putrescentia postremò fiant frigida.

Atque ex hoc fundamento pendet distinctio illa Medicorum, quâ dicunt, alia actu esse calida, frigida; alia potentia: pipérque, zingiber, & vinum potentia saltem calida esse dicunt, quia tacta statim non calefaciunt, sed in corpus ingesta, & à ventriculi calore dissoluta. Huius enim rei hæc causa est: Piper, zingiber, & vinum, quamuis multum caloris in se contineant; is tamen ita cum reliquis qualitatibus temperatus est, vt suam vim non exserat, dum in misto, in suo naturali statu constituto, hæret. Vbi autem quis eadem in ventriculum assumpserit, illa harmonia Qualitatum à calore ventriculi dissoluitur, & turbatur, calorque horum mistorum euocatur; qui amicitia, quam prius cum reliquis qualitatibus fouebat, ruptâ, liberius & fortius agit, nò amplius tanquam calor misti, sed potius vt calor iam separatus, & sui iuris factus.

Cur putrescentia primo fiant humidiora, tandem vero sicca.

Eadem etiam causa est, cur putrescentia primo fiant humidiora, tandem verò planè exsiccentur. Nam humidum cum calore euaporat, diffluit, & ad exteriora exit;

exit; quod ubi tandem planè diffatur & euaporat, ex misto limus & terra efficitur. Ex iisdem etiam ratio peti potest, quare corpora mista tempore & locis calidis citius putrescant, quàm frigidis; Et cures valde frigida, vel valde calida non ita facile putrescant. Prioris enim causa est, quòd tempore & locis frigidis ambientis calor, si quis superest, non ita fortis est, ut internum euocare possit. Tempore verò calido contrarium accidit. Posterioris autem ratio est, quia & frigus internum forte calori ambientis resistit, ne innatum calorem corrumpere & euocare possit; & calidum internum validum se ab externo calore superari non patitur. Nec enim calor externus debilis internum fortem ita intendere potest, ut ad mistum conseruandum non amplius sit idoneus. Hinc etiam multum minus putrescit, quàm paucum; quia in magno corpore plus est vel caloris vel frigoris, quod etiam externo calori fortius resistit. Etiam res mota non ita facile putrescit, ut quiescens, præcipuè, quia ambientis caloris actioni minus subiaceret.

Atque ex his satis putredinis natura patet: quæ tamen, an sit una, an verò plures eiusdem species dentur, multi multis disputant. Nos longis disputationibus omissis, unam tantum putredinem agnoscimus, eam scilicet quæ supra definitione Aristot. explicata fuit. Diuersitatem tamen aliquam in rerum putrefactione esse, ex varia mistorum putrescentium natura & constitutione, quorum alia magis, alia minus, alia secundum totum, alia secundum partem putrescere dicuntur, concedimus. Perfectè enim & secundum totum ea putrescunt, quæ planè in elementa, ex quibus coarserunt, resoluuntur, ita, ut reliquis omnibus elementis euaporantibus, tandem nihil nisi terra remaneat: atque hoc modo omnia ea, quæ plurimum terræ obtinent, putrescunt.

Imperfectè autem & secundum partem ea putrescunt, quæ plus humidi obtinent. Cum enim humidum, quod in his magis abundat, totum cum calore educi non possit: saltem partes ipsius aliquæ, præcipuè tenuiores & subtiliores, educuntur, reliquæ seruantur; atque hæc putredo secundum partem appellatur, cuius tamen eadem, quæ putredinis supra definitæ, natura est. Fit enim in ea caloris interni ab externo corruptio. Hoc modo putrescunt vinum, humores in nostro corpore, Elementa tria, aer, aqua terra, quatenus non sunt pura, & modo quodam cum aliis mista. Ignis solus non putrescit, ob hanc præcipuè causam, quod nihil sit ipso calidius, quod eius calorem corrumpere & euocare possit. An tamen in putredine imperfecta hac forma misti planè intereat, nouumque mistum producat, an verò fiat saltem quædam alteratio, dubium est. Nos breuiter respondemus: In omni vera putredine aliquid corrumpi: imperfectæ tamen plures esse gradus, aliam maiorem, aliam minorem. Interdum enim tam levis putredo est, seu via potius ad putredinem, ut aliquibus saltem particulis corruptis, mistum tamen propriam formam retineat: interdum verò tanta existit, ut etsi non fiat planè totius misti in elementa resolutio, forma tamen eius tota aboleatur, & misti in aliam speciem fiat conuersio. Ideoque omnis putredo est corruptio, non alteratio tantum. Quamuis enim sanguis, qui putrescit in venis, non totus corrumpitur, sed ex parte alteratur tantum: tamen partes illæ, quæ dicuntur putrescere, reuera corrumpuntur secundum substantiam & ad naturalem statum redire non possunt, sed purgatione euacuanda sunt: reliquæ verò, quæ secundum substantiam non corruptæ sunt, propriè putrescere non dicuntur, sed tantum calefieri à partibus putridis.

Cum hæc de Elementis, eorum mutuâ actione & passione, atque Mistorum ortu & interitu actum sit: antequam ad ipsas Mistorum corporum species accedamus, quædam de Temperamento & Coctione adiungemus.

Temperamentum quod attinet, ex mitione elementorum id dependere, & ex Qualitatum primarum mutuâ actione & passione oriri, certum est: quid tamen illud sit, non ita liquidum. Nos omissis L. Fuchsi, qui parum rectè, *instit. medic. l. 1. sect. 3. c. 2.* temperamentum substantiam, non accidens esse, asserit, nonnullorumque, qui Temperamentum nudam relationem & Qualitatum harmoniam esse statuunt, & aliorum, quæ ab aliis recensentur, opinionibus, *Temperamentum esse unam Qualitatem ex mutua primarum Qualitatum actione & passione in mitione ortam* censemus. Eousque enim primarum Qualitatum, quæ pro misti generatione necessaria est, pugna progreditur, donec omnes refractæ & remissæ fuerint, abiectisque contrarietatum quibusdam gradibus, per quos extremè dissidebant, amicitia quasi inita, coierint, & in unam Qualitatem coarserint. Et sic temperamentum nihil aliud est, quàm una Qualitas simplicis essentia, quæ ex gradibus quatuor Qualitatum remissis constat. Ut enim ex elementarium formarum gradibus remissis una simplex actu forma oritur, quæ facultate tamen omnes in se continet: ita ex Qualitatibus primis una moderata & actu simplex Qualitas oritur, quæ illas omnes in se potestate complectitur. Non autem dicendum (quam sententiam malè Aui-cennæ affingi, nonnulli docti viri statuunt) temperamentum esse quintam quamdam Qualitatem, diuersam à quatuor primis, usque superadditam; sed unam tantum mediam, ex illis remissis & coniunctis ortam, easque in se continentem.

Sed cum elementa variis modis misceantur, qualitatesque primæ variis proportionibus inter se temperentur, variæ hinc temperamentorum oriuntur differentia. Nam si æquis omnino viribus & gradibus elementa & qualitates ad mitionem concurrant, temperamentum efficitur, quod æquale ad pondus appellatur; quasi in eo æquo pondere qualitatum gradus librati & distributi sint; item æqualitas abso-luta, quod scilicet ad nullum extrinsecum fiat comparatio. De graduum autem æqualitate hoc intelligendum est. Nam æquali quantitate elementa misceri non possunt; cum longè maior sit ignis, quàm terræ efficacia, & proinde si æqualibus portionibus concurrerent, ignis non mistum, sed ignem solum generaret: testaturque experientia, omnia perfectè mista corpora plurimum terræ obtinere, eiusque vi grauiora esse. Temperamentum hoc etsi nonnulli in rerum natura dari negant: rationem tamen firmam non videmus, quo minus statuamus, contraria pari gradu in misti alicuius constitutione posse concurrere: imò hoc reliquorum omnium norma esse, nec alia sine eo cognosci posse, statuit Galenus, *lib. de temp. cap. 3.*

Est deinde adhuc aliud æquale temperamentum, quod ad iustitiam æquale appellatur, in quo non planè æquali gradu qualitates concurrunt, sed eo modo, qui misti formæ & operationibus obeundis maximè conueniens est, & quod inter mista eiusdem speciei medium obtinet. Nam aliud mistum naturâ suâ calidius est, aliud frigidius, aliud humidius aliud siccus. Calidius est temperamentum leonis, quàm piscis; calidior caro, quàm neruus; siccus os, quàm caro. Quamuis autem hoc modo temperamentum hoc æquale appellari possit, quia nimirum æqualitas

Temperamentum unde dependet.

Temperamentorum differentia.

Temperamentum æquale ad pondus quid.

Temperamentum æquale ad iustitiam quid.

Temperamentum æquale ad iustitiam quid.

litas misto cuique conueniens in eo seruatur, & proportionem Geometricam suam cuique tribuitur: tamen respectu temperamenti absolute *ἐνκράτε* & æqualis, inæquale dici, & id, quod eo præditum est, intemperatum appellari potest: quamquam vulgariter illud, quod ab eo, quod naturaliter obtinere deberet, temperamento, recessit, intemperatum nominetur.

Quot verò huius temperamenti sint species, auctores non conueniunt. Nos cum Galeno. 1. de temp. c. 8. octo statuimus. Nam cum vna tantum qualitas exsuperat, vincitque sibi contrariam, duæ reliquæ æqualitatem seruant; verbi gratia, si mistum aliquod quinque gradus caliditatis, & tres frigoris, quatuor verò gradus humiditatis, & totidem siccitatis haberet: simplex temperamentum appellatur. Cuius quatuor sunt species; calidum, in quo caliditas frigiditatem superat, humiditas verò & siccitas sunt æquales; frigidum, in quo frigiditas caliditate superior est, passiuæ item sunt æquales; humidum in quo humiditas siccitatem vincit, caliditas verò & frigiditas sunt pares; siccum, in quo humiditas à siccitate superatur, actiuæ verò pares gradus obtinent. Cum verò duæ qualitates reliquas duas superant, Compositum appellatur; cuius iterum sunt quatuor species, secundum quatuor primarum qualitatum possibiles combinationes: calidum scilicet & humidum; calidum & siccum; frigidum & humidum; frigidum & siccum. Secundum has differentias aliquid vel temperatum, vel intemperatum dicitur: sed id variis modis. Dicitur enim quid tale, vel absolute, vel comparatè. Absolute sola Elementa sunt calida, frigida, humida, sicca; cum his solis hæ qualitates puræ & sinceræ insint. Per comparisonem verò & exsuperantiam quid tale dicitur, quod etsi omnes qualitates habeat, vna tamen præ reliqua excellit. Sic calidum dicitur, quod plus habet caloris; frigidum, quod plus frigiditatis. Fit autem comparatio ad quatuor; vel ad vniuersam omnium mistorum naturam, in qua si quod medium omnino æquale concipias, qualem hominis, cutem, eam præsertim, quæ est in manu & summis digitis, esse statuunt, cui etiam ea de causa omnium temperamentorum diiudicationem deferunt: reliqua omnia respectu huius. intemperata dicuntur, & secundum Qualitatem hoc medium excedentem, calida, frigida, humida, sicca appellabuntur; Vel fit comparatio ad genus proximum; vt si in toto animalium genere aliquod animal temperatum & *ἐνκρατον* concipias, qualis forsitan homo est, alia animalia omnia intemperata dicuntur, nomine mutuato à qualitate exsuperante: Vel fit comparatio ad medium eiusdem speciei; sic puer dicitur calidus, senex frigidus: Vel denique fit comparatio inter diuersas species, vel quæcunque obuia indiuidua. Sic canis respectu leonis est frigidus, respectu piscis est calidus. Sic Petrus Paulo collatus est calidus, alij calidiori si conferas, dicetur frigidus.

Notandum hic, temperamentum propriè esse mistorum homogeneorum, eaque, propriè hoc vel illud temperamentum habere dicuntur. Mista verò heterogenea, præcipuè animalia, cum vnicum mistum non sint, sed ex plurimis, quorum vnumquodque suam præditum est temperie, consent, vnicum etiam temperamentum habere ita propriè non dicuntur: eorum tamen temperamentum ex singularum similium partium temperie æstimatur. Si enim calidæ superant, totum dicitur calidum: si frigida, frigidum. Animalium tamen temperamentum præcipuè ex cordis & hepatis temperatura æstimatur. Hæc enim omnibus partibus nutrimentum, spiritus & calorem tribuendo, vnum quasi totius habitus corporis temperamentum constituunt.

Atque hæc de temperamento hoc loco sufficiant: ad coctionem iam, quæ temperamenti quædam perfectio & absolutio est, progrediamur. Sic autem Ari-

stoteles, lib. 4. meteor. cap. 2. coctionem definit: *πέψις* *ἐν τῇ τελείωσις ὑπὸ τῆ φυσικῆ καὶ θερμῆ ἐκ τῶν ἀντι-κειμένων παθητικῶν. Ταῦτα δ' ἐστὶν ὁικεία ἐκαστοῦ ὕλη*: id est, *Concoctio est perfectio, quæ à naturali & proprio calore ex oppositis fit passivis, quæ propria cuique materia existunt.* Hæc definitio, vt omnis legitima affectionum seu accidentium definitio, loco generis formam, loco differentia subiectum cum causa efficiente completur: quæ omnia hoc loco considerata sunt, vt integram coctionis cognitionem assequamur.

Forma coctionis est *τελείωσις*, quæ nihil aliud est, quam vltima proprii temperamenti absolutio. Tunc enim res cocta dicitur, cum eam, quam in qualitatibus seu temperamento habere debet, perfectionem & absolutionem consecuta est. Quapropter perfectio hæc non ea, quæ essentia est, & à forma substantiali tribuitur; sed ea, quæ in qualitatibus consistit, intelligenda est. Quod & Aristoteles significat, *sect. 12. probl. 7. ὅ γὰρ πέψις*, inquit, *ἀλλόιωσις ἐστὶ τῆ περιτρίψεως*, id est, *coctio est rei conquenda alteratio.*

Materia, seu subiectum coctionis sunt *duæ Qualitates passivæ*, præsertim tamen humiditas. Atque hinc patet, coctionem esse affectionem corporis misti, quatenus humidum nec solum coctionem in alimento animalium spectari, quia etiam aliæ res coqui dicuntur, quæ in animalium alimentum nunquam cedere possunt. Hinc etiam manifestum est, Coctionem esse rei iam genitæ, & per naturam suam constitutæ. Nihil enim coqui dicitur, nisi quod iam genitum est, aliquam tamen in temperamento habet imperfectionem, quæ vltiore alteratione perfici potest; quod vbi factum est, res cocta esse dicitur.

Causam efficientem quod attinet: *ἡ ἀρχὴ τῆς τελείωσος ἐστὶ θερμότης τῆς οἰκείας, ἢ τῆς ἐν αὐτῷ συμβαίνει, καὶ διά τινος τῶν ἐκτὸς βοηθείας σωπεπιτελεσθῆ* id est, *principium perfectionis à caliditate propria accidit, quamvis per aliquod exterius auxilium perfectum sit.* Principalis causa semper est calor proprius: etsi interdum is sufficiens non sit, & propterea indigeat alio quasi administro, vt coctio eò rectius & melius absoluat. Sic balnea & emplastra coctionem in ventriculo adiuuant. Sic mespila & alij fructus, ante maturitatem collecti & asseruati, suo ipsius calore maturantur: ad felicioram tamen maturitatem multum calor Solis facit.

Totius itaque coctionis modus hic est. Quando in misto iam per suam formam constituto aliqua est adhuc in temperamento imperfectio, nec humidum satis domitum & temperatum est, nec iustam & exactam ad siccum & reliquas Qualitates habet proportionem: calor naturalis humidum, quod abundat, absorbit & expellit; reliquum verò, quod iam Quantitate amplius non peccat, coercet, terminat, & cum sicco, quantum misti natura requirit, vnit, quæ actio Coctio appellatur.

Vt autem coctionis natura rectius intelligatur, Aristoteles præter internum finem, qui cum forma coincidit, etiam externum addit, his verbis: *τὸ δὲ τέλος τοῖς μὲν ἢ φύσις ἐστὶ. φύσις δὲ ἢν λέγομεν ὡς ἐστὶ καὶ ὅτιαν, τοῖς δὲ εἰς ὑποκειμένῳ τινα μορφῶν, ὅταν τοιοῦδ' ὁ γίνηται; καὶ τοσοῦδ' τὸ ὕψος*, id est, *Finis coctionis aliis natura est, quam vt speciem & essentiam dicimus: aliis ad quandam subiectam formam tendit, quando tale & tantum factum est humidum.* Quibus docet Aristoteles, finem externum duplicem esse, vel formam simpliciter & absolute, qui finis in maturatione fructuum præcipuè apparet, qui tunc maturi dicuntur, cum semen iam ita perfectum est, vt sibi simile generare possint, vel formam aliquam seu dispositionem ad vtilitatem aliquam præbendam, quæ vel consistit in nouæ formæ inductione, vel præparatione ad inutitium commodam excretionem. Prior vsus patet in elixatione, quæ fit in ventriculo. Hæc enim ideo instituitur, vt cibi ingesti rectius à facul

Coctionis definitio.

Coctionis forma.

Subiectum.

Causa efficiens.

Modus coctionis.

Finis externus.

Temperamenti æqualis ad iustitiam octo species.

Temperatum & intemperatum quot modis aliquid dicatur.

Temperamentum est mistorum homogeneorum.

à facultate, quæ est in ventriculo, in chylum conuertere possint. Talis etiam pituitæ naturalis est coctio. Alter apparet in humorum putridorum in vlceribus & alibi in corpore animalis coctione, qui tunc cocti & maturati sunt, cum à calore naturali ita sunt elaborati, ut ad excretionem sint apti. Cum enim ad formam aliquam perfectam, & rei nutriendæ utilem, propter magnam corruptionem, peruenire non possunt, saltem ad formam aliquam, ipsa putredine meliorem, coctione perducuntur. Atque ita coctio putredinem reprimit, eique finem imponit, & humores corruptos ab utilibus segregat, ac ut sine corporis noxa euacuari possint, idoneos reddit.

Coctæ itaque dicuntur res, cum materia coctionis, quæ præsertim humiditas est, à calore superata & terminata fuerit, debitamque crassitiem acceperit. Quapropter urina, alui feces, adeoque omnia corporis nostri excrementa rectè cocta, sanitatis indicia sunt. Calorem enim naturalem iustum in corpore nostro obtinere dominium: tantumque esse, ut omnes humores coercere & debitè domare possit, indicant. Eadem de causa cocta omnia & crassiora, & calidiora euadunt. Calor, enim, qui in coctione dominatur, simul etiam calefacit, partemque tenues resoluit. Cui etiam suffragatur experientia. Poma enim, pyra, vna, aliique fructus omnes, antequam maturescunt, sunt frigidiores, quam postquam maturitatem consecuti fuerint: Et lac, semen, pus in vlceribus, sordisque in oculorum angulis collectæ, crassiores sunt coctæ, quam inconcoctæ. Norandum tamen hîc, cum dicitur: concocta inconcoctis esse crassiora & calidiora, non vnâ rem cum alia specie distincta, & cum se ipsa, postquam speciem mutauit, sed eandem specie inconcoctam cum seipsa cocta comparandam esse.

Coctioni opponitur ἀπεψία, cruditas, seu ut loquuntur, inconcoctio. quæ ab Aristotele l. 4. meteor. definitur, quod sit ἀτέλεια δι' ἐνδεian τ' οἰκίας θερμότητος. ἢ δι' ἐνδεian τ' θερμότητος ψυχρότης ἐστὶ, ἢ δι' ἀτέλειαν ἐστὶ τῶν ἀντικειμένων παθητικῶν, id est, *Cruditas est imperfectio qualitatum patibilium, ob indigentiam proprii caloris. Indigentia autem caloris est frigus.* Ex qua definitione patet, in cruditate omnia contrario modo se habere, quam in coctione, excepto tantum subiecto, quod idem est. Forma enim ibi erat perfectio; hîc imperfectio; ibi causa efficiens calor, hîc caloris penuria, seu frigus. Quapropter cruda in genere dicenda sunt, quæ eos in Qualitatibus, seu temperamento perfectionis gradus, quos habere debebant, nondum sunt adeptæ, & in quibus humidum abundat, & ob imbecillitatem caloris rectè superari & terminari non potest.

Post explicatam Coctionis & Cruditatis naturam, ad ipsarum species accedamus. Vbi illud prius obseruandum; Coctionem non esse genus vniuersum, sed ex eorum numero, quæ πρὸς ἐν dicuntur, ideoque eius definitionem principali & primariæ speciei præcipuè competere; (qui mos est in definiendis iis, quæ dicuntur ab vno) exigua tamen facta mutatione etiam reliquis accommodari posse. Primaria autem coctionis species, & quæ coctionis nomen sola forsitan integrè sustinere potest, est maturatio, quæ tamen & ipsa, ut iam de coctione dictum, non æqualiter de omnibus subiectis speciebus prædicatur. Propriè enim ἡ τ' ἐν τοῖς περικαρπίοις προφῆς πέψις πέπανσις λέγεται, id est, *Maturatio est alimenti, quod pericarpio inest, coctio.* περικάρπιον autem appellatur illud in fructibus, quod est circa semen, quod Græcis frequenter καρπὸς appellatur. Facillioris autem doctrinæ causa Aristoteles fructibus tantum maturitatem applicat; etsi omnibus animalibus, plantis, & seminibus ad generationem relatis communis sit. Tunc autem Maturatio facta esse dicitur, cum semen, quod in pericarpio continetur, ita elaboratur, ut sibi simile generare valeat. Nam in principio, dum adhuc superflua humiditas

adeat, semen ad generationem nondum aptum est: cum autem humidum à calore naturali partim absumptum, partim melius terminatum fuerit, semen ad generationem idoneum fit. Deinde per translationem etiam pituita, pus, & alij humores in corpore nostro maturari dicuntur, cum ita à naturali calore digeruntur, ut vel ad nutriendum fiant apti; vel si nutrire non possint, ad euacuationem saltem disponantur. Maruratione verò ex flatulentis aquea; ex aqueis, tenuia; ex tenuibus, crassa redduntur. Primò enim calore spiritus, seu materia flatulenta digeritur; postea humor aqueus vltèrius coquitur, eiusque partes tenuiores resoluntur.

Maturitati opponitur, ἀμότης, immaturitas, quæ ut Maturitas, etiam duplex est: vna propriè, altera per translationem talis. Propriè enim dicta Immaturitas est cruditas alimenti, quod in pericarpio continetur, ob penuriam vel δυσμετείαν caloris naturalis. Quando enim calor tam exiguus est, vel humor tam copiosus, ut calor humorem exactè subigere non possit, fit immaturitas, semenque tum ad generationem aptum non est. Quapropter etiam, omnia immatura sunt flatulenta, aquea, eorumque humores tenues & frigidi, nec ad alendum idonei. Per translationem postea etiam catharrhi, sputum, pus in vlceribus, urina cruda appellatur. Item, lac nondum coctum, crudum dicitur, sicut & lateres, & omnia fictilia nondum cocta, cruda nominantur.

Altera coctionis species est Elixatio, quam Arist. 4. meteoror. c. 3. sic definit: ἐψις δ' ἐστὶ τὸ μὲν ὅλον πέψιν καὶ θερμότητι ὑγρᾶς τοῦ ἐν ἀρχῇ αἰθέρος ἐν τῷ ὑγρῷ, id est, *Elixatio in vniuersum quidem est indefiniti in humore existentis concoctio, ab humido calore facta.* Fit enim elixatio hoc modo. Calor igneus in humido aqueo receptus, rem elixandam humectat, poros eius aperit; patentioresque reddit, & sic humorem rei elixandæ à centro ad circumferentiam trahit, reliquumque humoris, quod manet, digerit, domat, & terminat, & proinde elixa minus humoris natiui obtinent, plus alieni. Arque hac de causa coqui carnes assas diligenter præparaturi, eas prius aliquantum elixant, ut nimirum aliquid humoris & excrementorum, quæ intus redundant, prius educatur, reliquum verò facilius assando absumi possit.

Patet ex his, ea propriè tantum elixari, quæ humiditatem habent, quæ à calore igneo, qui est in humido aqueo, vinci potest. Elixari verò non posse, vel quæ terrea sunt, & humorem præ se nullum habent, ut lapides, ossa, &c. vel quæ aliquam quidem humiditatem obtinent, eam tamen ita condensatam & cum sicco terreo iunctam, ut à calore humido educi & vinci non possit, ut ligna, metalla, &c. Hac eadem de causa difficilius elixantur carnes seniorum animalium, quam iuniorum, & bubulæ, quam gallinæ, quia nimirum illæ sunt magis siccae, terreae, solidæ, densæ, humoremque cum sicco tenacius iunctum habent, ut à calore humido facile euocari non possit. Impropiè tamen etiam ligna, metalla, &c. elixari dicuntur. Eriam enim non ita emolliuntur, ut verè elixabilia: tamen aliquid etiam de eorum humido educitur, & aquæ communicatur; quod sapor, quem aqua ex rebus talibus, quæ in ea elixantur, concipit, edocet. Elixatio deinde etiam tribuitur humido, quod parum siccum habet, ut lacti, musto, & aliis, quando nimirum per ebullitionem partes eorum aliqua euaporant, & reliquæ mutationem quandam in temperamento & sapore accipiunt.

Elixationi opponitur μόλυνσις, imperfecta elixatio, quam iniquationem & flacciditatem vocant, quæ definitur ab Aristotele, quod sit ἀπεψία τῶν ἐν τῷ σώματι αἰθέρος δι' ἐνδεian τ' ἐν τῷ ὑγρῷ τῷ αἰετῷ θερμότητι, id est, *inconcoctio eius, quod in corpore interminat propter defectum*

Immaturitas
quid?

Crudioris
definitio.

Coctio non est
genus vniuersum.

Coctionis species.

Maturatio
quid?

Iniquatio
quid?


defectum caliditatis, quæ in humido, quod circum. Μόλυσσις enim propriè nihil aliud est, quam inchoata elixatio, quando nimirum calor, qui est in humido aqueo, tantus quidem est, ut aliquo modo in rem elixandam agere possit: tam fortis verò non est, ut integrè eam coquere queat, sed vel à frigore, vel ab humore in re coquenda nimio obtunditur, & superatur, ut opus suum perficere non valeat: qualis imperfecta coctio sæpe accidit in senibus & ægris, quorum calor cibos quidem aliquo modo alterat, integrè tamen coquere non potest.

Affatio quid?

Ultima coctionis species est ὀπλυσσις, affatio, πέλεις, scilicet, ὁ δὲ θερμότητι τῆς ξηρᾶς καὶ ἀλλοτρίας, id est, *Coctio à sicco & alieno calore.* In misto enim humor, qui abundat, si à calore sicco externo absumitur & temperatur, affatio fieri dicitur. Sunt autem affa extrà quidem sicca, intus verò humida, humiditate propria, ipsisque elixis humidiora. Nam calor siccus externas partes desiccet, porosque coarctat, ut humori interno egressus non pateat. Affatio verò & elixatio præcipuè sunt ab arte, iisque per artem factis, ut nobis notioribus, præcipuè hæc nomina competunt. Eadem tamen etiam à natura fiunt. Nam alimentorum in corpore animalium coctio, & in primis, quæ fit in ventriculo, est elixatio: eadem quoque non incommodè in corporibus calidioribus & siccioribus affatio appellari potest.

Seminiflatio.

Affationi etiam quid imperfectum opponitur; illud tamen ἀνωμαλότερον, simile ferè σατεύσει appellatæ, quam vocem Latinè reddere se ignorare, scribit Gasp. Contàrenus Cardinalis, lib. 4. de Elem. Nonnulli *Tostionem* vertunt. Fit autem praua affatio ob caloris inopiam, qui vel per se exiguus est, vel non tantus, ut ingentem humoris copiosi abundantiam possit superare, & proinde affationem inchoatam non absolueret. *Hæc etiam de coctionibus.*



LIBER QVARTVS.

CAPVT I.

De Meteoris in genere.



VM hætenus de elementis, corporum naturalium principiis, eorumque mitione, & corporum naturalium generatione & corruptione in genere actum sit: ordo monet, ut de corporum naturalium speciebus agamus. Cum autem mista sint duplicia, perfectè & imperfectè mista; & imperfectè mista sint meteororum: ad eam Physicæ partem, quam omnes antiqui, teste Arist. *1.1. met. c. 1. μετεωρολογίαν* vocabant, nobis accedendum.

Recentiores quidem hîc dubij quid mouent, & alij corpus imperfectè mistum ac meteororum idem esse negant, latiusque meteoris nomen patere dicunt, cum multa sint meteororum, quæ non sunt corpora, qualia sunt illa quæ κατ' ἐμφασιν fieri dicuntur, tonitruum, terræ motus: alij contra meteoris nomen tantum corporibus imperfectè mistis attribuendum censent, & proinde illa, quæ ὑπόστασιν non habent sed tantum κατ' ἐμφασιν fiunt, è numero meteororum excludenda putant; cum omnia, quæ Physicæ subiectum constituunt, eiusque partes sunt, in corporum naturalium numero sint. Verum controuersia hæc facillè conciliari potest. Corpus imperfectè mistum alicubi in Physicis explicandū est, & quidem rectissimè post elementa: Ideoque partis eius Physicæ subiectum esse dicitur. Cum verò idem meteoris præbeat materiam, Meteorologiæ nomine ea Physicæ pars indigitatur. Etsi enim in illa ea quoque explicentur, quæ corpora naturalia non sunt, ut dictum: sunt tamen illa ipsa corporum imperfectè

mistorum vel affectiones vel effectus. Hinc vsus obtinuit, ut meteoris nomine, cum corpora imperfectè mista, tum eorum affectiones & effectus comprehendantur. Atque ita huius doctrinæ subiectum est μετέωρον, id est, aliquid ex halitibus è terra & aqua vi stellarum & ignis subterranei excitatis, in sublimi, magna ex parte, genitum. Μετέωρον, enim in genere significat quiddam sublime, eleuatum, & in alto quasi suspensum.

Meteororum quid?

Et per sublime intelligitur, non cælum, sed totum interuallum, quod à terrâ in cælum extenditur, qui locus etiam sursum dicitur. Imò cum Meteororum quiddam in altum eleuatum & suspensum significet, etiam ea, quæ in terræ cauernis ex halitibus ibi eleuatis fiunt, hoc nomine comprehenduntur. Neque enim omnia, quæ Meteoris nomine veniunt, sunt eiusdem generis; ut modò dictum. Hinc à nonnullis diuiduntur in hypostatica & emphatica. Commodissimè in tres classes distinguuntur. Vel enim Meteoris natura consistit in permutatione halitus in aliud quod in Meteoris ignitis, pluuiæ, & similibus accidit; vel in motu, ut in ventis, terræ motu; vel in radiorum reflectione, quod fit in iride.

Differentia Meteororum.

Efficiens causa à plerisque Cælum statuitur, Et est cælum, ac Sol præcipuè, causa, quæ exhalationes eleuat: verum non sola, sed concurrit etiam calor & ignis subterraneus, & in generatione metallorum ac mineralium multæ exhalationes attolluntur, ut metallorum scrutatoribus notum; & venti atque alia meteoora non minus tempore hyberno, cum radij Solares debiliores, quàm tempore æstiuo, generantur.

Causa efficiens.

Materia remota sunt non tantum quatuor Elementa, præsertim terra & aqua, sed & corpora mixta, de quibus oppositæ exhalationes eleuari solent. Proxima duplex halituum genus ex his calefactis eleuatum. Nam corpora cælestia, præcipuè Sol, & calor subterraneus duplex halituum genus excitant & eleuant, qui in genere ἀναθυμίασις appellantur: quorum vnus, qui ἀτμός, id est, vapor dicitur, calidus est & humidus, ex aqua, vel terra humidior excitatus, mediâ quasi naturam inter aquam & aërem obrinens, ut facillè in vtrumlibet elementum transire possit. Est enim summè humidus, caliditas verò in eo remissa est, atque aliqui gradus frigiditatis, seu portiones aquæ vnâ sublata in eo sunt reliquæ, atque ut Arist. *1. met. c. 3. αἰθέριον ἀτμός ἐστὶ δυνάμει οἷον ὕδωρ*. Alter verò halitus, qui nomine generis ἀναθυμίασις, exhalatio, & ἀναθυμίασις καπνώδης, fumida seu fumosa exhalatio appellatur, calidus & siccus est, è terra, & præcipuè eius partibus siccioribus, vi stellarum calefactis & attenuatis excitatus, mediæ quasi inter ignem & terram naturæ. Summè enim siccus est hic halitus, remissè verò calidus; aliquos enim frigiditatis terræ gradus, seu potius terræ aliquas partes simul eleuatas retinet, vnde Arist. *ibidem: ἀναθυμίασις ὁ δυνάμει οἷον πῦρ*. Sunt autem huius exhalationis duæ præcipuè species: vna, quæ ἐμφλογισις nuncupatur, quæ ex pinguiori materia educitur, & φλογισις est, seu facillè inflammatur; altera, quæ è terra aridior excitatur, nec ita promptè ignem concipit, sed potius in ventos & flatus abit. Hæc duo halituum genera etsi distinctæ naturæ sint, & tum ratione caliditatis, siccitatis, leuitatis & originis discrepant, quia nimirum vapor est frigidior, grauior, humidus, ex qua eleuatus; exhalatio verò calidior, leuior, sicca, ex terra sublata: tamen plerumque coniunctim & simul generantur, ea de causa, quod plerisque in locis terra cum aqua permista est: vnde etiam is, qui suâ naturâ grauior est, alterius leuioris beneficio eleuatur, & in altum tollitur; quamuis, vbi ad mediam regionem aëris veniunt, separantur, & exhalatio fumida altius attollitur, vapor verò subsistit. Atque hi duo halitus, ut vulgò appellantur, omnium meteororum materia sunt; vnde ipsa etiam corpora imperfectè mista appellantur; vel quod

Materia.

non

Mista duplicia.

non ex omnibus Elementis constant, vel quod in iis elementorum formæ integræ & distinctæ seruantur, nec in vnam misti formam coalescunt. Qua de causâ etiam eiusmodi corpora diu durare nō possunt. Non rarò tamen accidere solet, vt etiam atomi corporum perfectè mistorum halitibus hisce misceantur; ita tamē vt halitus isti à formis perfectè mistorum non in-formētur, sed corpuscula illa mista saltem contingāt.

Locus, vbi Meteora generantur, aer præcipuè est. Hic enim secundum diuersas regiones, in quas eum diuidi, diximus, diuersis meteoris, vt postea dicetur, locum præbet. Nam etiam ea, quæ in terra generari dicuntur, propriè in aëre, in terræ cauernis contento, generantur. In Sphærâ tamen ignis, & præsertim infimâ eius parte, ignita quædam meteora generari negandum non est. Ex his etiam, loco scilicet & materia; præcipua meteororum distinctio pender. Alia enim ex exhalatione, alia ex vapore constant: alia in suprema, alia in infirma aëris regione produ-cuntur. Nos ab iis initium faciemus, quæ exhalatio-ni originem debent, & quidem iis, quæ ignita vulgo & incensiones appellantur.

CAP V T II.

De Meteoris Ignitis.

Ignita autem meteora pleraque fiunt in suprema regione aëris. Nam cum halitus calidi & sicci eousque ascendunt, & ibi accenduntur, varia ignita meteora, pro materiæ dispositione varia, incensionif-que diuersitate, magnitudine, figura, motu, duratione distincta generantur: quorum etsi forsân plures spe-cies, appellationibus à figuris, quas inter deflagran-dum varias exhibent, mutuatis, recenseri possent, præcipuas tamen enumerabimus. A plurimis verò in-ter Meteora ignita, *Galaxias* & *Cometa* reponi solent. Verum de iis supra iam dictum est.

Plurima autem Meteora ignita oriuntur, solo ma-teriæ positu, multitudine & specie, quam inter de-flagrandum exhibent, differentia; quæ & ipsa expli-canda sunt. Atque vt hinc initium faciamus: Si ex-halatio calida & sicca, non admodum densa est & pin-guis, sed subtilis, in longitudinem & latitudinem ex-tensa, in suprema regione aëris ignem concipiat, *Flamma* ardens & collucens apparet, nonnunquam tanto splendore, vt noctis tenebras nonnihil discuti-at. Alij *Stipulas ardentis* hoc Meteorum appellant. Magnæ enim areæ subitò ardentis, stipularumque in aruis accensarum imaginem exhibet.

Capra verò saltantes dictæ apparent, cum exhalatio in longitudinem magis, quam in latitudinem pro-tenfa est, quæ vel partes non æqualiter dispositas, seu distinctas massas, per tenues & raras exhalationes con-iunctas habet, vel ad latera quasi quædam filamenta & villos annexos obtinet. Hæc enim si accendatur, ignis subitò vel ex subtili & rariori exhalationis parte tran-silit in aliam eiusdem partem, vel in latera & appen-dices & villos illos excurrit, moxque recurrit; & sic instar caprarum lasciuientium salire videtur.

Δάλοι autem seu torres appellantur, cum exhalatio similiter magis in longum, quam in latum extendi-tur; partes tamen æqualiter dispositas habet. Nam hæc si accenditur, ardentem torrem seu trabem refert. Trabesque non transcurrunt, nec præteruolant, vt fa-cès, sed commorantur, & in eadem parte cœli collu-cent. Cum hoc Meteoro idem ferè esse videtur, quod vulgò *Lancea ardens*, iaculum & sagitta ardens appellan-tur. His enim omnibus nominibus designatur meteo-rum, quod generatur ex halitu in longitudinem pro-tenso, partesque æqualis crassitie obtinente, qui in-census totus ardet, & hastæ vel iaculi imaginem ex-hibet. Nec ab hoc multum differt *Ignis perpendicularis*, aut pyramidalis dictus, quod perpendiculi formam re-

Dan. Sennerti Tom. I.

ferat; qui generatur ex exhalatione in longum porre-recta, & superiore parte leuiore, inferiore grauiore. Nam accensa parte superiore & leuiore, columnam ad perpendiculum erectam, parte inferiore & grauiore basin refert. Huic similis est *candela seu fax accensa*, quæ constat etiam ex halitu sicco & in longitudinem tantum disposito, & denso æqualiter. Hic enim ab vna parte accensus reliquam partem nondum accensam aliquo modo illustrat, & ardentis candelæ aut facis imaginem præ se fert.

Αἰέρες διαπρόντες, ἢ διαδρόμαὶ ἢ ἀέρον Plin. l. 2. nat. hist. cap. 37. stellarum discursus. Senecæ, l. nat. quæst. c. 14. *Stella transuolantes*, aliis *stella cadentes* & *vrai éliones* dictæ, quod stellarum cadentium aut volantium fi-gurâ appareant, duplici fiunt modo. Primò cum ex-halatio in supremâ regione aëris in longum disposi-ta, in multas quasi particulas discerpta, distincta & disseminata est. Nam prima pars inflammata alteri ignem celeriter communicat, secunda tertiæ, tertia quartæ &c. eodem modo, vt vnâ candela accensa, aliam, quæ modò exstincta erat, faciliè rursus, accendit, stellæque discurrentis imaginem exhibet. Deinde cum exhalatio in mediâ regione aëris subsistit, & vel per ἀντιπερίσσω frididi aëris accensi, leuiorque facta in altum tollitur, & quasi volans stella apparet, vel frigore nubis compressa & extrusa ignem concipit, & deorsum in latus plerumque violenter mouetur, & tunc stella de cœlo cadere videtur. Addi potest & tertius modus, cum nimirum exhalatio in longitu-dinem extensa, æqualiter disposita, & ad conflagran-dum apta, ignem concipit. Hæc enim dum subitò de-flagrat, & flamma celeriter vnam partem post aliam depascit, stellæ volantis imaginem exhibet. Nec enim Epicureorum deliriis fides habenda, qui docebant, stellas reuera è cœlo decidere. Nam, vt Senecæ verbis, l. 1. quæst. nat. cap. 1. vtar, si hoc fuisset, iam defuissent. Nulla enim nox est, quâ non plurimæ ire, & in diuer-sum videntur abduci. Atqui, quo solent, quæque in-ueniuntur loco. Magnitudo sua singulis constat. Vbi plures tales traiectiones acciderint, ventos secuturos denunciant. Siccas enim exhalationes, quæ ventis materiam possunt exhibere, adesse significant: de quo Virgil. l. 1. Georg.

Sape etiam stellas vento impendente videbis
Præcipientes cœlo labi, noctisque per umbras
Flammæ longos à tergo albescere tractus.

In media regione aëris generatur *Draco volans*. Fit autem hoc Meteorum, cum exhalatio non nimis vis-cosa & calida occurrit frigidæ nubi, & ab ea repelli-tur, atque ita vel motu, vel ἀντιπερίσσω, parte summa, qua leuior est, inflammatur, & scintillas ac flammæ emouere videtur: parte verò media, qua crassior est, & inflectitur, ventris imaginem quasi exhibet: parte posteriore, qua rursus angustior est & strictior, cau-dam repræsentat.

In infima regione aëris generatur *Ignis fatuus*, circa loca pingua, & vliginosa, paludes, sepul-cra, patibula, vbi viscosæ & pingues exhalatio-nes abundant. Eæ enim vel nocturni aëris ἀντι-περίσσω, vel motu accensæ, candelarum ardentium specie apparent, & variis agitationibus ad aëris mo-tum eientur; vnde & ignes fatui appellantur, & homines modò sequi, modò antecedere videntur. Nam cum ad tales ignes accedere volunt via-tores, pulso aëre, qui antè est, ignes hi etiam, ad motum aëris agitati, eos antecedunt & fugiunt: cum verò eosdem fugiunt: aëre, qui post tergum est, sequente, iidem insequuntur. Ignes hi viato-res sæpe in auia seducunt, in fossas, paludes ac amnes præcipitant: quia viatores rati, hos ignes esse candelas in proximis pagis lucentes, eos se-quuntur, rectamque viam deserunt, & in vicinos amnes aut paludes præcipitantur, vel ab his igni-

Ignis perpen-dicularis.

Candela seu fax accensa.

Stella ca-dentes.

Flamma ardens quomodo generetur.

Capra sal-tantes.

Torris seu Trabs.

Lancea & sagitta ardēs.

Draco volās.

Ignis fatuus.

Cur homine sequentes præcedat, fugientes se-quatur.

Cur ut pluri-mum ad aquas delin-cat.

bus, circa loca paludosa ortis ibidemque pabulum suum quærentibus, in easdem aquas seducuntur. Interdum tamen etiam diaboli, qui hominum perniciem semper meditantur, omnique occasiones nocendi quærit, illusiones & fraudes hinc concurrere, vix negandum est.

*Helena,
Castor, &
Pollux.*

Ex simili etiam exhalatione eodem modo generantur Meteora, *Helena, Castor & Pollux*, appellata, quæ plerumque nauigantibus in mari tempore tempestatum apparere solent: quæ si gemina conspiciuntur, Castor & Pollux appellantur; si vnum tantum, Helena: vnumque infaustum, gemina verò serenitatis signa censentur. Sic enim Plinius, *l. 2. nat. hist. c. 37*. Graues sunt hæ stellæ, si solitaria venere, merguntque nauigia, & si in carinæ ima deciderint, exurentes. Geminæ autem salutes & prosperi cursus prænuñtiant, quarum aduentu fugari diram illam ac minacem Helenam ferunt: Et ob id Polluci & Castori id numen assignant, eosque in mari deos inuocant, & nauibus tanquam duces tutelares pro insignibus apponunt, vt ex actis Apostol. *c. 28. v. 11*. apparet. Sed hæc potius ex Ethnicorum superstitionibus, quàm Physicis causis desumpta sunt. Illud magis verum videtur, hæc meteora, cum hinc illuc instabili motu mouentur, tempestates & ventos prænuñciare; dum verò in naues in tempestatibus decidunt, aut antennis adhærescunt, tranquillitatis & serenitatis indicia esse. Iam enim ventorum flatus, tempestatesque remittere significant. De Helenæ tamen sidere Cardanus, *l. 2. de subtil. p. 69*. sic scribit: Eiusdem ferme generis est Helenæ sidus circa malum nauis, quod cadens etiam ænea vasa colliquat, certus submersionis nuncius. Nam solum in grauius accidit tempestatibus, nec nisi crassissimo spiritu & magna ventorum vi vapor ille cogi potest in nauis, & ardere simul, vnde etiam imminem nunciat perniciem. Idem eodem in loco, causam reddere conatur, cur gemina hæc sidera apparentia salutem nautis promittant, quæ vix tamen satis firma est.

Pertinet huc etiam *Ignis lambens seu adhærescens*, qui in hominum capillis, vestimentis, reliquorum animantium pilis, aliisque rebus interdum conspiciuntur. Oritur hic ex subtili & pingui exhalatione per aërem dispersa, & animalium pilis aut vestibus adhærescente, vel ex sudoribus animalium calidioris temperamenti, aut vehementi motu excalefactorum *ἀντιπερὶ δόξ* vel motu vehementi incensa. Tale quid accidit Ascanio, de quo Virg. *2. Aeneid.*

Ecce leuis summo de vertice visus Iuli.

Fundere lumen apex, tactuque innoxia molli

Lambere flamma comas, & circum tempora pasci.

De Seruio Tullio simile quid refert Liuius, *Dec. 1. l. 1.* & Val. Maximus, *l. 1. c. 6*. Et L. Martio concionanti flammam fusam è capite sine ipsius sensu, cum magno fauore circumstantium militum, scribit Liuius, *Dec. 3. lib. 5*. Significare hos ignes diuulgationes vel insignis gloriæ, vel infamiæ, plerique autumant, & semper insignis ominis, seu fausti, seu infausti loco habitos esse, historiæ supràque allata exempla testantur. Quapropter ad naturales causas eos semper referendos esse, nonnulli negant. Illud insigne est, quod ex Cardano affertur; Quemdam post noctis horam primam domum venisse, & cum pallium deponeret, scintillam è dorso petasi profiliisse, receptumque pallium cum iterum deponeret, demum erupisse, ita vt geminato timore percussus fuerit: infra dies 15. ab inimicis accusatum fuisse veneficij, & quæsitum ad tormenta & supplicium: de consilio autem amicorum vltro concessisse in exilium.

Ex eadem exhalatione sicca etiam *Tonitru, Fulgur, & Fulmen* ortum habent. De *Tonitru* variæ antiquorum fuerunt opiniones, vt videre est ex Aristotele, *l. 2. meteor. c. 9*. Plutarcho, *de plac. Phil. lib. 3. cap. 3*. Seneca, *q. nat. l. 2. cap. 17. 18.* & c. Lucret. *l. 6*. nec recentiorum

eadem de hac re opinio. Bodinus enim tonitru, vt pleraque alia meteora, non à causis naturalibus, sed potius *θεία* vel *δαίμονι* δυνάμει excitari sentit. Aristoteles, cuius habetur sententia cæteris probabilior, Tonitrua ita generari sentit: Cum duplex halitus calidus & siccus simul eleuantur, & in nubem in media regione aeris conglobantur: nubisque ob loci frigiditatem condensata, præcipue quidem à summa parte, atque exhalatio calida in eo conclusa & à frigido obfusa fuerit, illa cum frigido pugnans, exitumque quærens huc & illuc per nubis cauitatem discurrens eiusque latera, concutiens, aut etiam perrumpens, sonitum edit, qui Tonitru appellatur. Exemplum esse potest sonitus, qui à bombardis editur, vbi spiritus igneus ex anthracotheo sale nitro, vt Scaligeri, *c. 1. sect. 1*. verbo vtat, genitus non potest eo capi spatio, quo, dum puluis esset, capiebatur, exitumque violenter quærit, & subito erumpit, ac tonitrus æmulum sonum edit. Quod etiam in lignis & castaneis, aliquid calidæ expirationis continentibus, igni admotis accidit. Halitus enim ille rarefactus, nec iam locum, quo contineatur, satis amplum habens, exitum quærit, & ruptis lignis sonitum edit.

Lucem tamen huic doctrinæ addunt operationes chymicæ, quæ non solum causam tonitru clarius & specialius declarant, sed & sonum illum non tantum à materia conclusa exitumque quærente, sed & ex aeris subita fractione, quæ fit à motu corporum sese mutuo auersantium & fugientium, fieri monstrant. Ex iis enim satis clarè videre est, quotiescunque Nitro sulphuris accensi portio aliqua accedit, strepitum & fragorem ingentem edi. Id quod in puluere pyrio bombardarum videre est, & præparatione Nitri, quem salem prunellæ appellant. Neque solum hoc sulphur commune præstat: sed & sulphur mineralium & metallorum, dum Nitrum ipsi coniungitur, vt ex calcinatione Antimonij per Nitrum patet: inprimis verò ex auro fulminante, quod ingenti & longè maiore impetu accensum, sed deorsum, ferit, quàm puluis pyrius fulminat. Neque ignotum, ex nitro, sulphure, calce viua & bituminibus misturas fieri posse, quæ humidi aspersione vel etiam sputo saltem accenduntur. Vis autem illa neque à sulphure solo, neque à nitro solo pendet, sed ab iis mistis. Sulphur quidem promptè flammam concipit, sed tardè deflagrat: Nitrum verò non ita facile inflammatur, sed semel accensum subito & quasi vno momento deflagrat. Itaque vt puluis pyrius facile flammam concipiat, habet à sulphure; vt verò tam subito totus deflagret à nitro est, & ex eo totus ille impetus. Ex quibus de generatione tonitru iudicare non difficile. Nam vbi vapores sulphurei & nitrosi tempore æstiuo à calore Solis, præcipue flantibus ventis meridionalibus inuisibiliter sursum eleuantur, & postea vel à ventis oppositis, vel frigiditate mediæ regionis vniuntur & condensantur, fit vt ibi accendantur, atque hinc & sonus & coruscatio oriarur.

Ex quo patet, posse etiam Tonitrua, aut simile quid illis, sine nubibus fieri, non planè à vero alienum esse. Nam & cælo sereno audita fuisse Tonitrua, historiæ testantur; refertque Plinius, *lib. 2. cap. 51*. quemdam sereno die fulmine ictum fuisse; Idque etiam ab aliis obseruatum est. Quæ tonitrua procul dubio ex spiritu & exhalatione calida, in terræ cauernis contenta, & magno impetu erumpente, genita fuisse, credendum est. Cui rei fidem facit illud, quod refert Seneca, *quest. nat. l. 2. c. 30*. in hunc modum, Ætna aliquando multo igne abundauit: Ingentem vim arenæ vrentis effudit. Inuolutus est dies puluere, populósque subita nox terruit. Illo tempore aiunt plurima fuisse tonitrua & fulmina: Quæ concursu aridorum corporum facta sunt, non nubium, quas verisimile est in tanto ardore aeris nullas fuisse.

*Tonitru
generationem
Chymica
operationes
declarat.*

*Tonitrua
etiam sine
nubibus fieri
possunt.*

*Tonitru
quomodo
generetur.*

Fulgor quid? De fulgure verò, seu Fulguratione, seu Coruscatione etiam nonnulla opinionum diuersitas erat, vt ex locis antè allegatis videri potest. Aristotelis sententiam plerique retinent, qui statuit: Fulgur esse exhalationem calidam ex nube expulsum, & collisione seu motu vehementi præcipuè accensam, fulgoremque de se spargentem. Quæ tamen sententia, ad eum modum, vt iam dictum, explicanda est, nimirum exhalationes istas esse sulphureas & nitrosas, in concursu accendi, & lumen de se spargere.

Cur prius in oculos incurrat, quàm tonitruum audiat. Et si autem tonitru prius sit, quam Fulgur, seu simul cum Fulgure: Fulgur tamen prius in oculos incurrit, quàm tonitru auditur; quia nimirum aspectus celerior est, quam auditus, speciesque visibiles magis spirituales, & ad propagationem subitam magis idoneæ sunt, quàm audibiles. Cuius rei etiam exemplum est in findentibus ligna in syluis, vbi ictum prius videmus, quàm audimus sonum: & in bombardis, vbi prius videmus ignem, quàm sonitum percipimus.

Fulmen quid. A Fulgure non multum differt Fulmen. Est enim Fulmen exhalatio calida & sicca, fulgure magis compacta, confertim è nubibus magna vi, magnoque impetu erumpens. Quapropter non semper in aere dispergitur, vt reliqua ignita meteora pleraque, sed sæpe in terram vsque fertur: tum quia vehementi & magno impetu è nube eiicitur, tum quia bene coherente & compacta constat materia: nunquam tamen quinque pedibus altius descendere in terram, auctor est Plinius, l. 2. nat. hist. c. 55. Hinc Seneca, l. 3. q. nat. c. 57: Eodem modo fit fulgor, qui tantum fulget, & fulmen, quod mittitur. Sed illi leuior est vis, alimentique minus. Et vt breuiter dicam, quod sentio: Fulmen est fulgur intentum.

Fulminis natura ex Chymicis declaratur. Et vt ex propioribus principiis hæc explicentur: Fulgur & fulmen, non nisi dispositione & copia sulphuris ac nitri differunt. Quò enim nitrum copiosius & subtilius: eò percussio sit vehementior: ob sulphuris verò abundantiam ignis maior conspicitur. Hinc etiam causa reddi potest, cur fulguret nunc cum tonitru, nunc absque tonitru. Non enim hoc fit, quod nubes sit vel rara vel densa, quæ exhalationi viam nunc intercludat, nunc liberum exitum concedat: Neque enim tam densæ sunt nubes, vt exitus intercludere fulguri possint: Sed quia nunc nitrum multum, nunc paucum cum sulphurea exhalatione coniungitur, accidit, vt nunc tonitru vehemens, nunc nullum vel exiguum audiat.

Fulmen itaque est spiritus igneus & tenuis, nitrosulphureus, non lapis, vt vulgò creditur. Nam mira vis & potentia fulminis, de qua paulò post, non lapidi, sed corpori longè tenuiori & subtiliori adscribenda est. Qui verò interdum in nubibus ex exhalationibus condensatis & coagulatis lapidem quendam solidissimum posse gigni, & cum fulmine, vt globum è bombarda, eiici, statuere velit, cum eo non pugnam: raro tamen id fieri credendum est.

Frequentius fieri existimo, vt à fulmine in terram incidente, arena, & quidquid ibi est aptæ materiæ, fundatur quasi ab igne, & ex fluida illa materia talis lapis efformetur, cum aliàs notissimum sit, ferrum & alia metalla à fulmine subito fundi posse.

Fulminis effectus. Effectus fulminum miri sunt. Nam à fulmine loculis integris & illæsis conflatur argentum: manente vagina gladius liquefit: & inuiolato ligno circa pila ferrum omne destillat: Carne salua ossa in animalibus comminuuntur: Et Martia Princeps Romana icta grauida, partu examinato, ipsa citra vllum aliud incommodum vixit, teste Plinio, l. 2. nat. hist. c. 51. Omnia denique dura & solida magis, quàm rariora lædit fulmen: cuius rei causam affert Aristoteles, 3. meteor. cap. 1. quia ea, quæ rariora sunt, ipsique transitum præbent, citius penetrat, quàm vt ledere & adurere ea possit. In iis verò quæ crassiora

sunt, moratur non nihil, dum quærit transitum, qui ipsi non ita facile patet: & ita magis lædit. Quod verò interdum fracto dolio stat vinum, causa est, quia calor fulminis exteriores vini partes condensat, vt vinum, quasi pelli inclusum, concretum stare videatur: non tamen ultra triduum rigorem hunc durare tradit Seneca, quæst. nat. l. 2. cap. 31. Illud etiam de mira fulminis potentia annotandum est, quod refert Volfgangus Meurerus, in comm. meteorol. p. 140. Ministrum quendam ita subito ereptum ex hominum oculis ictu fulminis, in via, quâ Lipsiâ itur Torgam, vt postea nunquam apparuerit.

A fulmine tutam esse laurum, vitulum marinum, & aquilam tradit Plinius, l. 2. c. 55. alij addunt lapidem Hyacinthum, alij etiam Corallia. Hæc tamen fabulosa esse plurimi putant, & à recentioribus obseruatum est, laurum de cælo tactam esse, atque contra Cardani assertionem de hyacintho disputat Scaliger, Exerc. 113. Motus fulminum plerumque in obliquum est: quia ignis suâ naturâ sursum tendit, vis autem, quæ è nube eiicitur, deorsum impellit. Atque hinc causa reddi potest, cur summos montes, turres, templa, proceras arbores frequenter fulmina feriant: quia cum plerumque obliquo motu ferantur fulmina, alta quæque magis iis sunt obuia, & propterea sæpius ab iis læduntur.

Hieme & æstate rara fulmina; vere autem & autumno crebriora fieri, tradit Plinius l. 2. n. hist. c. 50. Recentiores tamen tempore æstatis potissimum fieri fulmina, non ita frequenter in vere & autumno, scribunt; quibus etiam in nostris regionibus suffragatur experientia, in quibus quò tempus fuerit æstuosius, eò plura Tonitrua, Fulgura, & fulmina fiunt. In magnis enim caloribus plurimæ exhalationes calidæ fulminibus generandis idoneæ in altum eleuantur, & à frigiditate mediæ regionis aeris nubibus includuntur, & ex iisdem expelluntur.

Fulminum differentias quod attinet, diuidit ea Plinius, l. 2. hist. n. c. 43. in fatidica & bruta, superstitione potius Ethnica, quàm Physica aliqua ratione persuasus. Commodior est illa fulminum diuisio, quam Seneca, l. 2. q. n. c. 40. affert. Fulminum genera, inquit, sunt illa, quod terebrat, quod discutit, quod vrit. Quod terebrat, subtile est & flammeum, cui per angustissimum fuga est, ob sinceram & puram flammæ tenuitatem: quod dissipat, conglobatum est, & habet commistâ vim spiritus ignei & procellosi. Itaque illud fulmen per id foramen, quod ingressum est, redit & euadit. Huius latè sparsa vis, rumpit icta, non perforat. Tertium genus, quod vrit, multum terreni habet, & igneum magis est, quàm flammeum. Itaque relinquit magnas igneum notas, quæ percussis inhæreant. Nul- lum quidem sine igni fulmen venit, sed hoc propriè igneum dicimus, quod manifesta ardoris vestigia imprimit. Quod vrit & fuscet, tribus modis vrit: aut enim afflat, & leui iniuria lædit, aut comburit, aut accendit.

Meteoris, quorum natura & generatio hætenus explicata est, non incommodè adiungi possunt *φάσματα* appellata, quales sunt, *χάσματα* id est, hiatus, foueæ, sanguinei alique apparentes colores. Hi enim varij apparent ex lumine vel stellarum vel meteororum in aere densiore aut halitibus, copia, densitate, positione differentibus recepto. Nam vt flamma ex varia fumi cum igne permissione vario colore apparet: ita lumen stellarum exhalationumque accensarum pro diuersitate affectionum materiæ, in qua recipitur, varios colores & figuras nobis exhibet. Cum enim id, quod lumen recipit, valde densum & opacum est, obscurum quid & tenebrosum apparet; si non ita densum, cæruleum quid; si minus adhuc densum, purpureum. Quapropter fieri chasma seu hiatus duplici modo, statuunt. Primo, quando lumen Lunæ vel alterius stellæ, vel accensæ exhalationis (quod sæpius fieri

An aliqua à fulmine inta sint.

Fulminis motus qualis sit

Quo anni tempore fulmina crebriora sint.

Fulminum differentia.

Terebrans.

Dissipans.

Vrens.

φάσματα quæ dicantur.

Chasma.

crediderim) incidit in subiectam nubem, quæ in medio densior, in extremitatibus rarior est. Ita enim pars densior in medio, quam lumen penetrare non potest, velut profunditatem à nobis remotissimam exhibet: extremitatibus verò, per quas lumen transit, nobis propior videtur. Omne enim nigrum tenebrosum & obscurum, etsi æquè propinquum sit atque album, tamen eo remotius apparet: album enim visum magis afficit. Ideo etiam pictores rem depressam & remotiorem depicturi, colorem nigrum, vel nigro cognatum adhibent: in elata verò & eminentiore depingenda albo vtuntur. Eodem modo etiam fiunt foueæ. In iis enim saltem maior profunditas, quam in chasmate apparet. Aliorum colorum & figurarum, quæ in aere apparent, eadem est ratio. Pro varia enim nubium, secundum densitatem & raritatem, in variis partibus dispositione, apparent animalia, montes &c. Secundo modo chasma fieri statuunt, cum exhalatio tenuis supra nubem aliquam ardet, nubemque in medio magis magisque attenuat, vt in duas tandem partes diuidatur. Quo facto ipsa exhalatio incensa apparet, & cælum quasi apertum ardere videretur. Nonnunquam tamen talia prodigia & φάσματα à Deo in aere statui, ad malum aliquod imminens denunciandum probabile est, fidemque facit experientia.

CAP V T. III.

De Ventis.

Post ignita meteora de ventis & terræ motu agendum. Etsi verò de ventorum natura olim varij varie senserint, in primisque celebris & vulgata fuerit illa opinio, quæ ventum aeris agitationem, seu vt Seneca, l. 5. *quest. nat. cap. 1.* eum definit, aerem fluentem vel agitatum esse, asserebat: tamen hanc aliasque opiniones nihil firmitatis habere, ab Aristotele, l. 2. *meteor. c. 4.* ostensum est; Aristoteles verò de generatione ventorum ita statuit; quod aqua, quæ imbribus tota decidit, tota in terram distribuatur, terra verò multum ignis, multumque caliditatis in sese habeat, atque Sol non modò attrahat eum humorem, qui per summa telluris residet, verum etiam terram ipsam calefaciendo exsiccatur; qui in sublime eleuatus à frigore mediæ regionis aeris repellatur, & in transuersum agitetur.

Materia nimirum Aristotelicis ventorum est exhalatio calida & sicca: cuius rei hæc signa afferunt. Nam primò venti plurimum exsiccant. Deinde vt Cardanus, *de subtil. l. 16. p. 792.* tradit, & experientia consentit, rubeæ nubes toto cælo sparsæ, aut rubra Luna, item Solis occasus inter nubes rubeas ventos futuros significant, non alia de causa, nisi quod multas calidas & siccas exhalationes iam in sublime elatas esse, argumento sunt. Ventorum tamen materia pura exhalatio rarò est, ventique alij aliis sunt sicciores, quia halitus duplices, vt supra dictum, plerumque coniunctim è terra educuntur; deinde, quia miscentur cum halitibus & vaporibus, per quos transeunt: vnde etiam variæ variorum ventorum esse qualitates dicuntur, vt postea patebit, ob vapores, quos ex locis, per quæ spirant, secum afferunt.

Quænam autem sit causa motus & agitationis ventorum, auctores in diuersas abierunt sententias, vt videre est apud Franc. Piccol. l. *de meteor. c. 22.* Colleg. Conimbric. *de meteor. tract. 6. c. 3.* & certè non parum hîc difficultatis & obscuritatis est: plerique tamen, exhalationes siccas ad mediam ferè regionem aeris eleuatas, ab eius frigore repelli, & quia natura sua leues sunt, sursumque ascendere conantur, vi verò & pulsu aeris frigidi deorsum premuntur, in obliquum ferri statuunt. Non enim secus vt fumus, qui è fornace

sursum fertur, si vento occurrit, deprimitur, & oblique descendit atque hac atque illac dispergitur: ita exhalationem calidam occurrentem mediæ regionis aeris frigida ab eadem repelli absurdum non putant.

Verum enim verò vt hanc sententiam planè non reieciimus, cum ipsa experientia testetur, post pluuias in vicinis locis ventos excitari, vaporibus è terra pluuiis madidâ in altum eleuatis; tamen quædam adicienda & circa eam notanda videntur. Primò enim, etsi ille impetus & motus exhalationibus præcipue tribuendus: tamen aer ipse imperum illum auget qui ab exhalationibus motus & ipse agitur, & in varias partes rapitur. Sicut etiam à flagello, manu, vel aliâ re motum vento quid simile præstare percipimus.

Deinde etsi vix venti dentur sine exhalatione calidâ & sicca; cum rarò vnum halituum genus sine altero ascendat: tamen nihil obstat, quin etiam vapores frigidi & humidi ventis materiam præbere possint, darique ventos multos frigidos, multos humidos, experientia docet.

Tertiò credibile equidem est, è terra pluuiis humectatâ, multum halituum ascendere, sed hoc credibile non est, omnem ventorum materiam à superficie terræ attolli, & terram intra decem plus minus pedum altitudinem tantum vaporum emittere posse, quantum requirant venti sæpe numero ab iisdem locis continuo complures dies vehementissimo impetu spirantes, in primis cum terra sæpe adhuc cum ventis spirant pluuiis madeat: sed procul dubio maxima horum copia, è terræ cauernis erumpit. Nam tempore hyberno, cum omnia gelu & frigore in superficie terræ rigent, nihilominus venti sæpe plures & vehementiores quàm tempore æstiuo excitantur, & ex fluuiis & lacubus venti, imò ex mari procellæ oriuntur, & licet ventos vi caloris subterranei ex aquarum fundo sursum ferri nonnullis parum probabile videretur, tamen maximo suo periculo & malo nautæ id sæpe numero experti sunt. Hæc nimirum est illa Æolia, quam Virgilius 1. *Æneid.* describit, ex quâ

— *Venti, velut agmine facto*

Quâ data porta ruunt, & terras turbine perflant.

Quartò, etsi de hoc iam disputare nolim, an vapores & exhalationes, in altum eleuatæ, frigore mediæ regionis aeris repellantur: tamen etiam certum est, eos, dum è terræ cauernis erumpunt, omni impetu non destitui, & ex paludibus, fluuiis & lacubus non solum auram consurgere, sed ex mari etiam tranquillo sæpe procellas subito oriri. Interim autem impetum hunc tunc accipiunt venti, vel à multitudine aquarum in viscera terræ irrumpentium, aeremque & vaporem conclusos inibi extrudentium, vel ab igne in cauernis terræ contento, & aquas, aliamque subiectam materiam in vapores resoluente: quibus accedere potest ingens aliqua terræ portio, in magnâ aliquâ terræ cavitare & specu decidens aeremque violenter expellens. Inter causas tamen has præcipua videtur esse calor subterraneus, eumque non minus ad ventos excitandos valere, quàm calorem Solis, multa arguunt. Nam vt dictum modò, ex fluuiis, lacubus, mari erumpunt, & tempore hyberno, cum superficies terræ extra gelu riget, sæpissime excitantur. Et rem hanc non parum declarat instrumentum illud quo Chimici loco folliis vtuntur. Paratur globus ex cupro, ita vt aquâ repleti, repletusque exactè & artissimè claudi possit. Ex vnâ parte foramen angustum vel fistula angusti orificij in eo paratur. Aquâ postea repletus globus igni admouetur. Fistula verò alij igni, quem sufflare libet, loco folliis admouetur: vbi globus incalescit, atque aqua aërescit, continuò aer exspiratur, & donec aqua tota absumpta sit, folliis loco fungitur. Quibus tamen causis omnibus adhuc vna addenda videtur, nimirum corpusculorum minimorum, quibus exhalationes,

Sententia
Aristotelica
examen.

Foueæ, & alij
colores ac fi-
gura appa-
rentes.

Ventus non
est aer com-
citatus.

Ventorum ge-
nerationis
modus secun-
dum Aristo-
telem.

Materia .

Causa ef-
ficiens.

lationes, ventorum materia, constant, contrarietas. Hæc enim, vt ex multis operationibus Chymicis patet, in quibus ea de causa vasa sæpe cum impetu rumpuntur, dum sese mutuo auerſantur, fugiuntque, talem motum impetumque excitant.

Ad exhalationum tamen generationem etiam facit stellarum motus & positus, & præcipue Planetarum, qui in hoc vel illo cœli loco constituti, aut cum aliis iuncti, aut adſpectus mutuos habentes, materiam nunc hanc vel illam hoc vel illo loco variè mouent, agitant, & impellunt.

Numerus ventorum varius à variis auctoribus refertur, vt videre est apud Arist. *l. 2. meteor. c. 6.* Auctor. libr. de mûdo ad Alex. *c. 4.* Senecam, *q. nat. l. 1. c. 16.* Plin. *l. 2. hist. nat. c. 47.* Gellium, *l. 2. c. 22.* qui etiam in nominibus & situ ventorum nonnihil discrepant. Nos ita eos recensemus. Quatuor ventos principales seu cardinales esse, qui à quatuor principalibus Horizontis punctis, seu quatuor Mundi angulis spirant, omnes concedunt. Nam ab ortu æquinoctiali flat Subsolanus; à Meridie, Auster; ab occasu æquinoctiali, Fauonius; à Polo arctico, Septentrio. His ventis quatuor antiqui erant contenti: subsequens ætas quatuor addidit. Nam quia Sol non eodem semper loco oritur & occidit, sed alius est ortus & occasus æquinoctialis, à quibus Subsolanus & Fauonius spirant; alius solstitialis; alius hibernus: quatuor adhuc ventos adiunxerunt, spirantes à quatuor punctis intersectionis Tropicorum & Horizontis, seu à punctis ortus & occasus solis æstiuus atque hibernus. Illum enim, qui flat ab ortu æstiuo, appellarunt Cæciam: qui ab hiberno, Vulturum; eum, qui venit ab occasu æstiuo Corum; qui ab occasu hiberno, Africum. His addiderunt posteriores adhuc alios quatuor, qui spirant à polis Zodiaci, punctisque oppositis, seu à lateribus polorum, circulisque polaribus, seu punctis in Horizonte ab iis notatis, ita vt quilibet ventus cardinalis duos collaterales habeat, appellaruntque eum, qui est inter Septemtrionem & ortum æstiuum, Boream; qui est inter Septemtrionem & occasum æstiuum Thraſciam; eum verò, qui flat inter Austrum & occasum hibernum, Libonotum; qui inter Austrum & ortum brumalem, Phœnician. Atque hic vulgarissimus ventorum apud auctores numerus est. Nautæ recentiores numerum ventorum vsque ad 32. amplificauerunt. Horizontem enim in octo partes æquales diuidunt, quibus octo ventos tribuunt, quos Principales appellant, qui scilicet flant à quatuor punctis cardinalibus Horizontis, punctisque inter hæc exactè mediis. His addunt alios octo, inter principales medium locum habentes, mediisque appellant: his adiungunt alios sedecim, quos inter principales & medios medio loco interserunt, & Intermedios vel Quadrantes appellant.

Nos præcipuos hic recensere, qui hoc ordine ab ortu ad meridiem, à meridie ad occasum, hinc ad Boream & rursus vsque ad ortum sibi succedunt. Ab ortu æquinoctiali flat ἀπιδιώτης, Subsolanus, *Ostuvind*: hinc à loco inter ortum & meridiem medio νοταπιδιώτης, Euronotus, *Sudost*. A meridie Νότος, Auster, *Sud*: inter meridiem & occasum medius est Notozephyrus, *Sudvest*. Ab occasu æquinoctiali spirat ξέφυρος, Fauonius, *VWest*: inter occasum & Septemtrionem Thraſciozephyrus, *Norduest*. A Septemtrione venit ἡ παρακτία, *Nord*. Inter Septemtrionem & ortum est βορραπιδιώτης *Nordost*.

His si adiungantur octo, & inter Principales medio loco interserantur, qui antiquis etiam in vsu erant, & spirant ab ortu & occasu æstiuo atque hiberno, quosque Nautæ Medios appellant, 16. ventos obseruatione dignos habebimus. Inter Subsolanum enim & Euronotum est ευρος, Vulturum, *Ostfudoft*. Inter Euronotum & Austrum φοινίκιας, Phœnicias, *Sudsudost*. Inter

Austrum & Notozephyrum est λιβονότος, *Sudsuduest*. Inter Notozephyrum & Fauonium est λίψ, *Africus*, *VWestfuduest*. Inter Fauonium & Thraſciozephyrum est καύρος, σκείρον, ἀργέης, ὀλωμπίας, ἰαπύξ, Caurus, Corus, Sciron, Argestes, Olympus, Iapyx, *VWestnorduest*. Inter Thraſciozephyrum & Septemtrionem flat θρασκίας, Thraſcias, Circius, *Nordnorduest*. Inter Septemtrionem & βορραπιδιώτην spirat βορέας, Boreas, μέγας, Aquilo, *Nordnordost*. Inter βορραπιδιώτην & Subsolanum κακίας, ἐλλεσποντίας, Cæcias, *Ostnordost*.

In his ventis præcipue contrarietas obseruanda est. Sunt autem venti contrarij loco, qui plurimum loco distant. Distant autem plurimum loco, qui per diametrum, seu lineam per centrum Horizontis ductam sibi opponuntur. Hinc ortus opponitur occasui, Meridies Septemtrioni, ortus hibernus occasui æstiuo, occasus hibernus ortui æstiuo: & propterea etiam venti, qui ab hisce locis oppositis flant, sibi opponuntur. Sic opponitur Vulturum Cauro, Euronotus Thraſciozephyro; Phœnicias Circio, Libonotus Aquiloni, βορραπιδιώτης Notozephyro, Cæcias Africo.

Vbi illud obseruandum, ventos hos certa quasi lege spirare: Contrarij, quia per diametrum distant, simul spirare non possunt, sed qui fortior est, alterius vim supprimit: aut si eos simul spirare contingat, id cum maxima lucta, & insigni tempestate fiet. Hunc autem plerumque ordinem venti obseruant, vt cadentem sequatur proximus, ipsiusque collateralis, aut contrarius desinenti succedat. Temporibus præterea contrariis contrarij plerumque spirant venti: quia de re Aristoteles, *l. 2. meteor. c. 6.* Plinius, *lib. 2. nat. hist. c. 47.*

Deinde hæc ventorum temperies & vires notandæ sunt. Etsi enim omnes materiâ conueniunt, & constant exhalatione calida & sicca: tamen cum ea raro sola eleuetur, sed plerumque ex mari, terrâque pluuiis & niuib. irrigata hi duo halitus simul extrahantur, ventisque præbeant materiam: præterea per loca calida, frigida, sicca tranſeant, magnæ etiam ventorum in qualitatibus & viribus, ratione locorum, à quibus, & per quæ feruntur, est diuersitas. Nam venti non solum qualitates eorum locorum, in quibus oriuntur habent sed præcipue illas accipiunt à locis, per quæ tranſeunt.

Hippocrates, in libro de aëre, aq. & loc. ventos omnes in calidos & frigidos diuidit, quod harum qualitatū vis sit maxima: quem secutus Aristoteles, *lib. 2. meteor. cap. 6.* ventos omnes in Aquilonios & Austrinos diuidit, etiam respectu caloris & frigiditatis. Aquiloniis adiungit Fauonianos; Austrinis eos, qui ab ortu veniunt. Septemtrionales venti frigidissimi sunt, & sicci. Ortum enim habent à locis niuosis & frigidis, tranſeuntque per loca à solis via & calore remotiora. Cum his conueniunt occidentales venti. Nam & hi frigidiores sunt; quia feruntur per loca non ita à Sole calefacta, Aquiloni opponitur Auster, ventus calidus, quia tranſit per solis iter & loca à Sole calefacta: in Libya quidem siccus est, quia humidi vapores ibi à Sole abſumuntur: nobis verò, quia per mare mediterraneum ad nos fertur, est humidus. Orientales venti calidi & sicci sunt. Sol enim diutius fertur supra loca, per quæ feruntur.

Subsolanus est calidus, siccus, temperatus, suavis, purus, subtilis, salubris; potissimum manè: vnde nihil veneni affert. Vulturum, quia Austro vicinior, humidior est & nubilosus, aëremque obscurum & caliginosum efficit, vnde eo flante, omnia videntur esse maiora, & vt apud Arist. in *sect. prob. 26. probl. 56.* Cæcias, inconstans, subfrigidus. Hic nubes non procul pellit, sed ad se vocat. Inde prouerbiū: Mala ad se trahens, vti Cæcias nubes. Fauonius, hiemem, niues, pruinas resoluit, caloris & humiditatis habens temperiem, Herbas,

Venti contrarij.

Venti quasi certa lege spirant.

Ventorum temperies & vires.

herbas, floresque producat; unde etiam ξέρουθ quasi ξέρω φέρων dictus putatur.

Africus, frigidus, humidus, pluuiosus, tempestuosus. Hinc creber procellis Virgilio, *Æneid.* dicitur. Corus procellosus, niuosus, grandinosus, frigidus. Corus itaque & Aquilo omnium frigidissimi.

Auster humidus, calidus, fulminans, pestilens, generans nubes & pluuias copiosissimas, faciens aërem densum, nubilosum.

Libonotus ventus temperatus, calidus, pluuiosus, quandoque tonans.

φοινίκας calidus & humidus.

Auster itaque, Euro-Auster & Austro africanus calidi sunt, sed ex his Auster calidissimus noxius & pestilens: Libonotus humidus magis, quam calidus. Cæli tamen & locorum ratio hinc consideranda est.

Boreas est frigidus & siccus, frigoris autor, nubes secans, constringens corpora & poros claudens, humores puriores reddens, aerem pestiferum purgans.

Circius niuium & grandinis autor.

Aquilo frigidus & siccus, sine pluua, flores, fructus, vineasque germinantes lædens. Itaque Boreas, Aquilo & Circius aëra purgant, & nisi vehementer frigidi fuerint, serenum reddunt, præcipue tamen Boreas & Aquilo, & Boreas grandines, Aquilo niues adfert. Atque in vniuersum omnes à septentrione & occidente sicciores sunt quam à Meridie & Oriente.

Ventorum alij salubres, alij noxij sunt. Hinc venti alij salubres, alij noxij sunt. In genere tamen venti Meridionales aliis omnibus insalubriores sunt. Nam humiditatem & putredinis auctores sunt: unde his flantibus, nec cellæ, nec ædes, nec bibliothecæ, nec granaria aperiri debent. Noctu Auster vehementior Aquilo interdum. Mari quoque Auster: Terræ Aquilo.

Ventus Australis brevis & modicus aerem serenat: magnus & diuturnus turbat, & in fine validior esse solet, quam in initio: iccirco pluuias sub finem vehementiores quam initio fundit: Boreas contra.

Qui per loca populosa, ut vrbes populosas, & ubi exercitus copiosus diu commoratur, per loca fœtida ac venenata adueniunt, noxij sunt: qui verò per loca salubria, ut amœna prata, siluasque, & decurrentes aquas feruntur, salubres sunt, halitibus enim florum, foliorum, herbarumque imbuuntur. Plura de ventorum viribus passim exstant apud Medicos & Plinium loco antè allegato, posuntque etiam hac de re nonnulla peti ex Aristotele, *Probl. f. 26.*

Venti provinciales.

Atque hi venti communes sunt, κοινὰ πνεύματα πᾶσιν ἀνθρώποις. Sunt deinde etiam alij venti ἐν ἐκάστῃ χωρῇ ἀπὸ τῶν αἰθέρων πνεύματα, ut appellantur ab Hippocrate, *l. de aër. ag. & loc.* Dicuntur illi communes omnibus ventis, κοινὰ πνεύματα, non quod ubique locorum tot spirent; sunt enim nonnullæ regiones ad quas ob montium obstacula aliasque causas, communes illi non pertingunt: sed quod nusquam plures deprehendantur. Hi verò dicuntur Provinciales venti, ἀπὸ τῶν αἰθέρων πνεύματα, quia ultra certum tractum non procedunt, & vel in loco in quo nati sunt, quoque commorantur, & ad perflandos vltiores tractus non sufficiunt: quia ex modica materia geniti sunt, qua deficiente, ipsi etiam euanescent: quales ferè venti sunt, qui subterranei appellantur, qui ex terræ cauernis, exhalationibusque in cavitatibus superficiei terræ proximis egrediuntur: vel quia communium ventorum particulae sunt, ab iis, vel montium altitudine, vel vallium profunditate, vel loci calore aut frigore separatae. De quibus Seneca, *quest. nat. l. 5. c. 19.* Plinius, *lib. 2. nat. hist. cap. 47.* Gellius, *lib. 2. cap. 22.*

Venti anniuersarij. Chelidonia.

Sunt quoque venti anniuersarij, qui singulis annis statis temporibus redeunt, ique præcipue tres, ὀρνίθια, πρόδρομοι, ἐτησία. Ὀρνίθια ab auibus, seu χελιδονία ab hirundinibus, seu ῥόδωνες à rosis sic dicti, venti sunt ex Fauoniis, qui singulis annis placide tempore verno, quando hirundines & aliæ aues redeunt, rosæ-

que florent, spirare solent. πρόδρομοι verò, id est, præcuriores, sunt Aquilones, qui octo dies caniculæ exortum præcedere solent: sic dicti, quod Etesias præcedere solent. ἐτησία autem ab ἐτος, quasi anniuersarij, in specie appellati, quod maxime statim singulis annis biduo post exortum caniculæ 40. diebus spirare solent, sunt etiam Aquilones, hominibus & pecudibus grati & salutare. Flatu enim suo calorem moderantur, æstatem frangunt, & à mensium feruentissimorum grauitate defendunt. A tertia diei hora oriuntur, unde & somniculosi & delicati à nautis vocantur, teste Seneca, *l. 5. q. nat. c. 11.* & noctu ferè desinunt. Gigni hos ventos putant auctores à calore magno, niues in locis Septentrionalibus adhuc reliquas colliquare. Veri enim simile est, terras exoneratas niue, reiectasque spirare liberius. Quapropter etiam vltra caniculares dies non durant; quia post eos dispoliata sunt omnia, aut certe admodum pauca iacent adhuc sub niue.

Prodromi.

Etesia.

Venti interdum magnas tempestates excitant, & valde turbulenti sunt, quorum præcipui sunt Ecnephias, Typhon, & Prester. Ecnephias generationem sic describit Seneca, *lib. 1. quæst. nat. c. 12.* Cum magna inæqualitas & dissimilitudo corporum, quæ vapor terrenus, emittit, in sublimem eat, & alia ex his corporibus sicca sint, alia humida, ex tanta discordia corporum inter se pugnantum, cum in vnum conglobata sunt, verisimile est, quasdam cauas effici nubes, & interualla in illis relinqui fistulosa, & in modum tibiarum angusta. His interuallis tenuis intercluditur spiritus, qui majus desiderat spatium, cum euerberatus cursu parum libero incaluit, & ob hoc amplior fit, scinditque cingentia, & erumpit in ventum, qui verè procellosus est, qui supernè demittitur, & in nos cadit vehemens & acer, iterque sibi vi ac pugna parat. Hic flatus Græcis ἀνεμία, quod ἐν ἀνέμῳ, id est, è nubibus ruat, Latinis procella appellatur.

Venti turbulenti. Ecnephias.

Sin autem eadem exhalatio in partes diuisa fuerit, & vel ex diuersis nubibus, vel eiusdem nubis diuersis partibus eruperit, τυφὼν seu Turbo fit. Nam quia flatus exitum quarens alteri occurrit, & ex lato in angustum quasi adigitur, in latus semper, quo ipsi exitus patet, cogitur, circumgyrationemque efficit; mox conglobatus, & cum parte aliqua nubis permixtus in præceps fertur, & à terra repercussus circumrotatione sua obuia quæque euellit, & in altum subuehit; præcipua nauigantium, teste Plin. *lib. 2. nat. hist. cap. 48.* pestis est, non antennas modo, verum ipsa nauigia contorta frangens.

Typhon seu Turbo.

Sin eadem exhalatio calidior fuerit, & ἀντιαισθήσει vel motu accendatur, flammamque secum deferat, πρηνής ab ardendo appellatur. Igneus Turbo Senecæ est, *quest. nat. lib. 5. c. 13.* Hic non solum obuia quæque subruit, sed etiam vrit: & in hoc saltem differt à fulmine, quod plus flatus, minus flammæ habet; in fulmine contra plus flammæ est, minus flatus. *Hac de Ventis.*

Prester.

CAPVT IV.

De Terra Motu.

DE Terra Motu, qui ὁσσοὺς Græcis, dissencientes auctorum opiniones recensentur ab Aristotele, *lib. 1. meteor. cap. 7.* Seneca, *lib. 6. quæst. nat. a. c. 5.* usque ad 21. Plutarch. 3. *de plac. c. 15.* Plin. *l. 2. nat. hist. c. 79.* Gell. *l. 2. c. 28.* è quibus videre est, quam antiqui solliciti fuerint in inquirendis causis, cur nam illud, quod vnum immobile est, fixumque in mundo, quod nos & cuncta in se sustinet, supra quod vrbes sitæ sunt, quod fundamentum Orbis quidam dixerunt, interdum fluctuet atque titubet. Nos breuitatis studio, aliarum opinionum examine omisso, veritatem tantum aperiemus.

Terra Motus.

Terra cum per se immobilis sit, nec etiam à quodam eam extra ambiente, vel aquis vel ventis moueri possit,

Uniuersales
terra motus
naturales
non sunt.

Terra motus
duratio.

Terra motus
effectus mi-
randi.

Terra motus
caussa non
sunt aqua.

Vera caussa.

Terra mo-
tus duo
modi.

possit, contra quorum motus tempestatesque vehementissimas terra immota & stetit & adhuc stat: ab aliquo intra ipsam contento eam concuti credendum est. Terræ autem cauernis includuntur aquæ, duplexque halituum genus. Etsi vero aquarum subter in terrarum cauis abundantium fluctibus pulsibusque terram moueri antiquissimi Græci, teste Gellio, lib. 2. c. 8. existimauerint, atque inde Neptunum ἐνιοστήσαντες ὅτι δὲ ὁρῶντα appellauerint: tamen aquas, cum minus sint mobiles, nec ad motus velocissimos & vehementissimos aptæ, terræ motus caussa statuendæ non sunt. Cui illud etiam fidem facit, quod narrat Scaliger, Exerc. 38. Est, inquit, in occidentali parte Insulæ Hispaniolæ mons visendæ Altitudinis, multis intus cauus specubus: in quibus tanto sonitu, tantis aquarum fragoribus præcipitantur fluij, vt ad quinque millia procule ea ruina exaudiat. Nullus tamen inde terræ motus. De vaporibus humidis idem est iudicium.

Quapropter exhalationibus calidis & siccis terræ motus adscribendus est. Spiritus enim calidi & sicci ad motus, eosque velocissimos, violentissimos, & vehementissimos ciendos sunt idonei, quod etiam ex tonitru, fulmine, ventis, turbinibus, atque procellis, item bombardis apparet: omnique calidum sua natura sursum tendit. Huius rei alia etiam sunt indicia. Nam historiæ testantur, plerumque post terræ motum ventorum spirituumque magnam vim prorupisse, & lapides, cineres, atque obuia alia è terræ cauernis eiecisse, imò terræ motus plerosque non cessasse, priusquam flatus illi inclusi eruptionem fecerint: quod contigisse circa Heracleam Ponti, & Hieram Insulam, testatur Aristot. 2. meteor. cap. 8. Præterea mari tranquillo, cæloque sopito plerique terræ motus fiunt; dum scilicet omnis ventorum materia terrarum cauernis conditur. Plura signa ex Aristotele loco iam allegato peti possunt.

Spiritus autem hos vel in terræ cauernis à calore Solis, igniumque subterraneorum gigni; vel extra genitos in eam ingredi; vel per ἀντιπείσαντες αἰθρῆς frigidi ed pelli, vel quando duo venti contrarij simul spirant, alterum ab altero victum in obuias terræ cauernas penetrare, nonnulli statuunt, vel ratione vacui, aquis egredientibus, exhalationes in cavitates terræ sese insinuare. Verum prima inter has caussa vel præcipua vel sola est. Spiritus verò qui terram concutiunt, in terrarum cauernis profundioribus continentur. Nam qui in cavitatibus superficie terræ proximi sunt, cum facile exitum inueniant, terram non mouent. Mouentur autem hi flatus, quia locum idoneum, satisque amplum in terræ cauernis non habent, vel prementibus aquis à mari affluentibus & refluentibus, vel quia à frigoris ἀντιπείσαντες ἀντιπείσαντες, cōcluduntur, viribusque collectis, & calore aucto, attenuantur & rarefiunt; quod etiam ab ignibus subterraneis fieri potest.

Ex his itaque patet, Terræ motum fieri, cum spiritus calidi & sicci terræ cauernis præter naturam includuntur, exitumque quærunt. Hunc enim postquam non inueniunt, discurrunt, & huc atque illuc mouentur, terramque vi & impetu magno concutiunt. Modi autem terræ motuum varij ex maiori vel minori exhalationum copia, ex figuræ cauernarum diuersitate, è propiori vel longiori earumdem à superficie terræ distantia, è vario halituum erumpendi modo desumuntur, quos autor l. de Mundo cap. 4. aliique recensent. Omnes tamen ad duos referri possunt, quorum alter Tremor appellatur, qui fit, cum spiritus multus in longum & latum est extensus: Alter pulsus, cum exhalatio in longum magis est disposita. Hæc enim exitum quærens terram eleuat, eo ferè modo, quo arteria in ἀνισόλῃ attollitur.

Ex hæcenus dictis apparet, Terram totam simul concuti nunquam posse. Spiritus enim in cauernis

terræ inclusi ad totum terræ globum nullam ferè proportionem habent, nec tantarum sunt virium. Quapropter si Terræ motus vniuersales facti sunt, ij ad infinitam Dei potentiam potius, quam ad naturales causas referri debent. Cum terræ motu coniunctus est sonitus, ex vehementi spirituum in cauernis terræ discurrentium motu, & ad terræ latera collisione ortus, qui interdum præcedit terræ motum eiusque imminentis signum est, interdum eundem comitatur, & is quidem varius, pro qualitate materiæ excipientis, formæque vel cauernarum, vel cuniculorum per quos meat.

Duratio terræ motus non eadem est, sed varia, prout vel terra magis minusve resistit, seu facilem aut difficilem flatibus exitum concedit, vel ipsi spiritus copiosi aut pauci sunt. Pauci enim spiritus citius discutiuntur & exeunt; copiosi tardius: patentique libero exitu, confertim egrediuntur, quo præcluso aut angusto tardius excidunt, diutiusque tumultuantur. Sic Campaniam per plures dies assidue tremuisse, refert Seneca, lib. 6. quæst. nat. cap. 30. Et Liuius, Dec. 4. l. 4. scribit: Principio anni, quo L. Cornelius, Q. Minucius Coss. fuerunt, terræ motus ita crebros nuncios fuisse, vt non rei tantum ipsius, sed feriarum ob id indicatarum homines tæderet. Idem Dec. 4. lib. 5. narrat, per dies duoquadraginta terræ motum fuisse: imò nonnunquam annuo & bienni spatio terræ motus durauisse, & repetitis vicibus reuertisse, testantur Aristot. lib. 2. meteor. cap. 8 & Plinius, lib. 2. hist. nat. cap. 82.

Terræ motus admirandi profectò & horrendi effectus sunt. Nam sæpe, vt Seneca, lib. 6. quæst. nat. cap. 1. loquitur, non solum domos, aut familias, aut vrbes singulas haurit, sed gentes totas, regionesque subuertit, & modò ruinis opprimit, modò in altam voraginem condit, ac ne id quidem relinquit, ex quo appareat, quod non est, saltem fuisse: sed supra nobilissimas vrbes, sine vlllo vestigio prioris habitus solum extenditur; cum nimirum spiritu impulsæ, quassatæque maximè terrarum cauernæ corruunt. Nonnunquam verò vrbes, & ædificia non quidem à patefactis terræ cavitatibus absorbentur, sed terrâ in tumorem quasi eleuatâ prona concidunt. Calamitatum talium plenæ sunt historiæ. Tiberij Cæsaris principatu 12. vrbes Asiæ vna nocte terræ motu prostratas esse, refert Plinius, l. 2. nat. hist. c. 84. Idem in Creta terræ motu ruptum montem esse narrat, l. 7. c. 16. De Nicææ maxima parte disiecta scribit Theodoretus, lib. 2. histor. Eccl. cap. 25. De Helice & Buri meritis Seneca, lib. 6. quæst. nat. cap. 23. 26. 32. Ouid. lib. 15. metamorph. scribunt.

Sæpe etiam in mari patefacto hiatu aquæ absorptæ sunt, sicut in terra flumina, vt pisces & naues in terra constiterint. Sæpe contra terra in tumorem eleuata non rursus subsedit, & incontinenti montes, in mari insulas produxit: vnde etiam interdum mare instar montis in altum eleuatum, & post in proximas terras effusum fuit. Talis terræ motus meminit Socrates, l. 2. hist. Eccl. cap. 3. Eadem de caussa fluuiorum cursus interdum terræ motu immutatur, sublato scilicet ea in parte, in quam antea fluebat, tumore. Nonnunquam fluuij eruperunt, apertis viis, per quas aquæ subterraneæ feruntur. Ignis interdum & cineres per terræ motum eiicitur: sæpe venenatus spiritus efflatur, qui & hominibus & pecudibus perniciem affert. Exemplum de sexcentarum ouium grege, terræ motu exanimato, est apud Senecam, l. 6. nat. quæst. c. 27. Plura etiam alia mala secum affert terræ motus, quæ omnia complectitur vnicus ille terræ motus, qui sub Theodosio accidit, quem describit Euagrius, hist. Eccl. lib. 1. cap. 17.

Non verò præsentia tantum mala afferre, aut in ipso tantum motu periculum esse, sed par aut maius ostentum terræ motum prædicere, credendum est, & nunquam Romam tremuisse, vt non futuri euentus alicuius id prænuncium esset, rectè scripsit Plinius,

lib. 2. nat. hist. cap. 84. Testantur idem in aliis etiam locis euenisse historiae plurimae.

Quapropter, quod Romani olim faciebant, qui ubi terram mouisse senserant, nuntiatumue erat, ferias eius rei causa edicto imperabant, auctore Gell. *lib. 2. cap. 28.* nos potius, talibus malis vel praesentibus vel imminetibus, faciamus Deoque supplicemus. Nam quod Romanis metuendum erat, teste, *ibid.* Gellio, ne Deum alium pro alio nominando, falsa religione populum alligarent, & propterea Dei nomen, ita uti solet, cui sacra fierent, statuere & edicere non audebant, nobis metuendum non est, quibus notus est Deus, quo irato, commota est & contremuit terra, fundamenta montium concussa & conuulsa sunt, *2. Reg. 22. v. 8.*

CAPUT V.

De Nubibus.

Explicata sunt haec Meteorae, quae ex halitu calido & sicco generantur: ad ea nunc deuenimus, quae ex vapore, in media & infima regione aeris, producuntur. In media fiunt nubes, pluuias, Nix & grando.

Nubes generatur, cum vapores vel à calore, quem à Sole, aliisque causis calefacientibus acceperunt, vel à permixtis exhalationibus calidioribus in altum eleuari in media aeris regione congregantur, ita ut visui amplius imperuij sint. Nubes enim nihil aliud est, quam vapor in media regione aeris eleuatus, & ibidem cumulat, quod vel ex eo patet, quod in infima etiam regione aeris, dum vapores & exhalationes e rebus quae vel coquuntur, vel accenduntur, attolluntur, nubes representant, & quod qui e loco humili in montibus nubes vident, ubi montes adscendunt, per nubes quasi, nebulas ambulant; & quod quamprimum exhalationes illae condensantur, non amplius nubes maneat, sed pluuias fiant.

De nubium altitudine non eadem est autorum sententia. Alij putant nubes ultra tria milliaria à nobis non distare; imo nonnullas vix ultra dimidium milliaria eleuari. Alij nullam nubem ultra nouem milliaria à terra distare scribunt. Vitellionis opinio est, vapores passus 52000. seu milliariis Germanicis 13. ascendere. Cardanus, de subtil. l. 4. p. 105. Vitellionem reprehendit, & maximum spatium, ad quod vapores possint ascendere, docet esse 772000. passuum, id est, milliarium Germanicorum 193. Nubium tamen altitudinem non eandem, sed variam, pro varietate materiae, locorum & temporum esse, probabile est: imò eodem tempore, eademque in regione nubem aliam aliam esse altiore, atque vnam supra alteram ferri, visu percipimus. Ipse vidi duas nubes, contrariis moueri motibus: vnam supra alteram moueri versus occasum. Nec nubes ita longè distare, ut nonnulli credunt experientia testatur. Montes enim nonnulli cacuminibus suis nubes excedunt. Nam Olympus & Athos montes tam alti sunt, ut in eorum cacuminibus relictis cineres toto anno nec ventis diffrentur, nec imbribus eluantur: Er in Vesuuij vertice consistentes proximas quasdam nubes pari cum monte altitudine distare à terra animaduertisse, nonnullas etiam ex alto despicere potuisse referunt. Cui suffragatur illud, quod scribit Zabarella, de regionibus aer. c. 8. Ascendi, inquit, ad summam usque montis Veneris, qui in agro Patavino omnium altissimus est, ibique per totum diem habui aerem serenissimum, sed infra circiter medium montis videbam nubes, quae me visione vallium prohibebant. Vesper autem, postquam de illo monte descendi, inueni factam eo die infera parte magnam pluuiam, cum in montis cacumine nihil pluisset. Idem testatur Franc. Piccolhom de

meteor. c. 11. qui homines in sublimibus montibus degentes, vel per eos iter facientes infra se in conuallibus inspicere pluuias scribit; cum ipsi in sereno aere sint: idque sibi ipsi per Alpes & Apenninum iter facienti contigisse. Idemque in montanis cuius obferuare licet.

Colores nubium varij sunt pro varia materiae, astorum, Solisque praecipue radios recipientis, dispositione, quos his versibus Pontanus descripsit:

*Alba parum densa est, raroque immista vapore,
Quam Sol irrumpit radiis, & ad intima tranat.*

*Nigra grauem traxit densa caligine fumum,
Non illam ut penetrent Nemei lumina Phoebi.*

*Puniceam multus subiit calor: occupat humor
Caruleam grauidamque imbri longèque madentem.*

Nubium colores.

CAPUT VI.

De Pluuiis.

Nubes aliae steriles appellantur, quae albae & pelucidae sunt, & potius à ventorum agitatione in aerem abeunt, quam in pluuias: aliae foecundae, quae humidiores cum sint, ad pluuiam gignendam sunt idoneae. *Pluuias* enim nihil aliud est, quam nubes refrigerata & condensata, & in aquam mutata. Gigniturque pluuias, cum vapores, qui nubi praebent materiam, adhuc magis condensantur, atque in aquam mutantur; quae cum sit grauior aere, sponte sua guttatim decedit. Eodem enim modo fit pluuias, quo vapores calidos parietibus in balneis, aut hieme in calefactis hypocaustis orbibus vitreis, aut ferro cantharove stanneo frigido appellentes in guttas aqueas verti videmus.

Est autem aliqua pluuiarum diuersitas ex varietate nubium, eorumque loco, nunc altiori, nunc humiliore ortum habens. Nam cum nubes alta, dissimilis, rara, parumque foecunda est, guttaeque instar roris exiguae & rae descendunt, *serenae* appellantur. Si vero nubes fuerit propinquior, & densior, guttaeque crebriores decident, *Imber* dicitur. Si denique nubes adhuc spissior à maiore frigore subito condensetur, maiore & densiores guttae confertim cadant, *Nimbus* vocatur. Imò saepe tota nubes à subito frigore ita condensatur, ut aquae non guttatim, sed totis riuus descendant, pagosque & vrbes pessundent: atque tunc *Fragmen* nubis decidisse dicitur.

Sunt etiam *pluuias*, quae *prodigiosae* appellantur, quarum exempla passim exstant in historiis. Lacte pluuisse refert *Liu. Dec. 3. l. 7. Plin. l. 2. nat. hist. c. 56.* Sanguine pluuisse, idem *Liu. narrat, Dec. 3. l. 4. Dec. 4. l. 10.* Plin. loco citato. Carne pluuisse quoque *Liu. autor est, Dec. 3. l. 3. Plin. ibid.* Lapidibus pluuisse multis in locis *Liu. refert, Dec. 1. l. 7. Dec. 3. l. 1. 2. 3. 4. 6. 9. 10. Dec. 4. l. 5. 6. 8. Dec. 5. l. 1. 2. 3.* Terrae pluuisse idem *Liu. refert, Dec. 4. l. 45. 7. Dec. 5. lib. 5.* Plinius, loco ante allegato, ferro, lana, lapidibus coctis aliquando pluuisse scriptum reliquit. Nonnumquam pisces cum pluuiis descendisse autores tradunt, itemque ranas & alios vermiculos, qui post pluuiam apparent, cum pluuias delapsos esse, nonnulli credunt. Imò nonnulli ex *Auicenna* referunt, aliquando vitulum caelo delapsum esse.

Pluuias haec prodigiosae pleraque causis superioribus, Deo scilicet, de futuris malis homines commonefacienti, & diabolo, eiusmodi prodigiis homines in errores & superstitiones inducere conanti, adscribenda sunt: nonnullae tamen etiam ad naturales causas referri possunt. Lac & sanguis verus naturaliter per pluuias descendere non possunt; cum in animalibus tantum generentur: aliquid tamen illis simile delabi absurdum non est, cum scilicet radiis solaribus ex terra rubea vel alba vapor in altum attollitur, aut in

Earum causa.

Pluuias quid sit & quomodo generetur.

Pluuiarum diuersitas.

Serenae.

Imber.

Nimbus.

Fragmen nubis.

Pluuias prodigiosa.

Nubes quomodo generetur.

Nubes quid sit?

Nubium altitudo.

alto ira percoquitur, ut talem colorem referat, qui postea in pluuiam resolutus speciem lactis vel sanguinis exhibet. Lapides quoque minores è copiosis siccis exhalationibus à calore magno in aëre posse gigni, planè à vero alienum non est.

Animalia quod attinet, quæ aliàs ex putredine gigni possunt, qualia ranæ, vel ex materia aliqua pluuiis irrigata in terra (quod multis probabilius videtur) gigni, vel latere in rimis & cauernis terræ & pluuiâ decedente euocari quasi & exsilire, statuendum est. Animalia verò perfectiora, quæ non nisi ex semine generantur; & lapides maiores in aëre generari, credendum non est: sed ea ventorum turbinibus in altum alicubi sublata, aliis in locis decidisse, verisimile. Sunt autem pluuiarum, ut & aliarum tempestatum quædam præfagia, quæ hîc recensere longum esset, instituunturque ab aliis prolixi talium catalogi. Præcipua autem videri possunt apud Plinium, lib. 18. *nat. hist. c. 35*. Virgil. 1. *Georg.*

CAPUT VII.

De Niue & Grandine.

EX eadem materia, ex qua pluuiâ, etiam nix fit. Generatur enim *Nix* ex vapore ad mediam regionem aëris, aut paulò infra eam eleuato; seu è nube rariore; antequam in aquam & pluuiam vertatur; à vehementiore frigore congelata, ac in partes discepta, quæ instar lanæ mollioris, nunc maiores, nunc minores, pro frigoris vehementia descendunt. Generatur autem nix hyemino tempore potissimum, quia frigus tunc forte est & vehemens, ut non solum vapores in nubes & pluuias condensare, sed etiam in glaciem congelare possit. Est enim nix, ut Seneca, *nat. quæst. lib. 4. cap. 3*. ait, pendens quædam congelatio.

Nix autem alba est; quia gignitur è nube rara, quæ perspicua est. Perspicuum autem, postquam terminatur, proximè in albedinem, quæ maximè perspicuo cognata est, transit. Hoc patet in crystallo aut vitro perspicuo, item glacie pellucidior; quorum superficiem si quis inæqualem reddat, ut amplius non sit perspicua, aut in minores partes frangat & conterat, loco perspicuitatis producituralbedo. Accidit interdum, ut, cum regio infima aëris paulò calidior est, niues, ubi ad eam descendunt, liquecant; atque ita quod in altioribus locis nix est, in humilioribus est pluuiâ. Hinc sæpe dum in locis humilioribus pluit, in altioribus & montanis niues cadunt. Eadem etiam de causa in altissimis montibus, quando in planitie nullæ apparent, etiam media æstate, niues adhuc sunt reliquæ. De utilitate, quam frugibus & arboribus præbent niues, legatur Plin. *nat. hist. lib. 17. cap. 2*.

Præter pluuiam & niuem ex nubibus etiam grando gignitur. Est enim *Grando* nihil aliud, quam pluuiâ congelata, generaturque cum nubes in pluuiam resoluitur, descenditque, & inter descendendum vi frigoris intensioris in globulos congelatur. Non autem solum in media, sed etiam in infima regione aëris grando congelatur, quod inde colligi potest, quod interdum in grandine paleæ inclusæ inveniuntur, quas inter delabendum frigus simul intercepit, atque congelatæ aquæ inclusit. Frigus si sit remissius, imperfectior quædam & mollior grando, inter niuem & veram grandinem media, quam granulam appellant, gignitur, similis seminibus saccharo obductis, quæ præcipuè circa finem hiemis decidere solet. Ante casum grandinis plerumque magni quidam & terribiles sonitus in aëre audiuntur, qui sunt ob magnam caloris & frigoris in nubibus pugnam. Pili & paleæ alique, quæ interdum in grandine conclusæ

inueniuntur, à ventis in altum sublata fuerunt; frigoreque vna concreta. Quod verò interdum in grandine miræ imagines apparere dicuntur; partim hominum imaginationi adscribendum, qui grandines attentè inspicientes, varias in iis imagines, perinde ut in nubibus, concipiunt; partim ad diuinam vim referendum est, quæ grandinibus etiam aliquas imagines imprimat, quibus homines de vitiis nonnullis in vita & moribus admoneantur.

In grandine miræ sæpe imagines.

CAPUT VIII.

De Nebula, Rore, Pruina, Melle, Manna.

EX vapore in infima regione aëris quoque nonnulla Meteora generantur, quæ etiam recensenda sunt. Atque ut à *Nebula* incipiamus, eam sic autor libri de mundo, *cap. 4*. describit. : ὅτι δὲ οὐράνη μὲν ἀτμώδης ἀναθυμίασις τις, ἄγρον ὕδατος, ἄερ μὲν παχυτέρα, νέφες δὲ ἀραιότερα: γίνεται δὲ ἢ τοι ἐξ ἀραιώσεως ἀρχῆς νέφους, ἢ ἐξ ὑπολειμμάτων, id est, *nebula est exspiratio quædam rosida, aqua nequaquam genitrix: ut aëre crassior ipsa, sic nube rarior. Gignitur vel ex nubis primordiis rarefcentibus, vel ex reliquiis nubis.* Quibus verbis statuit, Nebulam seu caliginem esse quemdam vaporem aëre crassiolem, nube rariorem, terris incubantem, genitum ex halitu, qui nubi materiam erat daturus rarefcente, vel ex partibus nubis rarioribus, ad pluuiam gignendam ineptis, & post eam remanentibus. Itaque hæc futuræ serenitatis est indicium. Est deinde etiam alia nebula, quæ constat ex vaporibus crassioribus ex terra exhalantibus, qui & ob suam spissitudinem & calorem modicum, quem obtinent, in altum eleuari non possunt, sed in infimo aëre subsident, caliginemque efficiunt, qui si orientis Solis calore discutiantur & extenuentur, serenitatem indicant; si verò in aërem altius confertim eleuantur, eius frigiditate ibi concreti, pluuiæ sunt materia.

Nebula quid sit.

Ros autem fit ex paucis & tenui vapore, qui ob imbecillitatem caloris in mediam regionem aëris, & quidem infra summam eius partem subsidit, & temperatæ noctis frigiditate in aqueas guttulas mutatus, plantis, aliisque rebus adhæret. Inuenitur enim ros præcipuè in plantarum foliis & floribus, iisque inprimis leuibus & spissis, nonnunquam etiam in aliis earum partibus; ut & in lapidibus. Quanquam enim in omnia loca ima æquè decidat: tamen vel ab eorum poris frequentioribus & asperitate, vel ab eorumdem calore absorbetur aut dissipatur. In montibus altioribus ros non gignitur: imò interdum ultra duos cubitos non eleuatur, madefiuntque eò saltem gramina, quæ verò paulò sublimiora sunt, sicca manent. A pluuiâ itaque ros non nisi paucitate materiæ, loco, quo generatur & frigore imbecilliori, à quo congelatur, differt. Gignitur autem Ros præcipuè vere & autumnis: æstate verò feruenti & hieme frigida non gignitur. Æstus enim materiam absument; frigus verò tales vapores attolli non sinit. Idem non nisi cælo tranquillo & sereno generatur; quia cælo turbido & ventis agitato vapor ille difficitur, nec in rorem cogi potest. Numquam etiam cadit ros, nisi noctu vel mane. De die enim Solis calore absumentur, & degenerat in tenuissimum & leuissimum spiritum, usque adeo, ut si putamen oui vacuum rore impleatur, & foramen vel cera, vel alio glutine claudatur, Solique exponatur, putamen illud oui in altum euolet, dum ros in tenuissimum vaporem & spiritum, qui sursum ascendit, secumque oui putamen rapit, mutatur. Chymici docent, rorem continere subtilissimam nitri & salis volatilis in superficie terræ contenti partem & ob id ad extracta paranda usurpatur.

Ros quomodo & ubi generetur.

A pluuiâ quomodo differat, & quando generetur.

Roris natura à Chymicis explicata.

A rore

Pruina quomodo generetur.

A rore non admodum differt pruina. Gignitur enim pruina, cum vapor tenuis & paucus è terra attollitur, nec in altum eleuari potest, sed frigore noctis vehementiore congelatur, antequam in aquam abeat. Itaque quod nix est in media regione aeris, in infima est pruina; quod ibi est pluuia, hic est Ros.

Mel quid sit, & quomodo generetur.

Ad rorem etiam Mel referendum est. De cuius generatione ita vulgò statuitur: Cum vaporibus, qui interdum ex aquis & locis humidis educuntur, plerunque halitus calidos pingues & subtiles, non solum ex terra & aqua, sed etiam ex plantis aliisque rebus attolli, qui cum parribus terreis, aqueis, & aëreis permisti, & à calore Solis diurno tempore excocti, nocturnoque frigore moderato condensati, roris specie plantis præcipue adhæreant. Melque nihil aliud esse, quam succum, ex exhalationibus & vaporibus in aëre diurno calore permistis & coctis, nocturnoque frigore condensatis, & roris specie descendentibus, constantem.

Quæ sententia ut planè reiicienda non est: ita sola sufficere non videtur. Si enim ros alibi matutinis Solis radiis facile dissipatur, & discutitur: qui sit, quod manna & mel etiam non dissilantur. Ac non parum manna & mel à rore distant; neque ros per se aliquid pingue & lentum habet. Ideoque & hoc addendum videtur: Ex plantis succum vaporumque quemdam nativum seu exstillare, seu exspirare interdum, qui tamen à calore Solis diurno dissipetur: noctu verò eum cum illabente rore, qui prohibet, ne dissipetur, permisceri, & cum eo in unam naturam coire. Ex quo facile causam reddere est, cur hoc vel illo anni tempore & hac vel illa aëris constitutione, plus vel minus mellis colligatur.

Ideoque etsi omne mel ex se dulce est: quandoque tamen eius cum sapor tum odor variatur, pro plantæ ratione, in qua colligitur; unde etiam interdum, si à venenatis plantis colligatur, venenatum existit. Qua de re Plinius, lib. 21. nat. hist. cap. 13. Dioscor. lib. 1. cap. 74. & lib. 6. cap. 8.

Mel duplex

Mel hoc duplex est, Manna, quod etiam ἀερὸς μέλι & ἀροσόμελι, id est, mel aëreum vel roscidum appellatur, & quod κατ' ἐξοχὴν nomine generis simpliciter Mel appellatur. Manna enim est mel seu humor roridus, ex vapore cum subtilibus & pinguibus plantarum exhalationibus mistus, temperatoque noctis serenæ frigore condensatus, plantis, lapidibus, aliisque rebus circa terram inhærens, qui primò est liquidior, mox resolutis partibus tenuioribus durior redditur, & consistentia acquisita in quædam grana coagulatur. Etsi enim quidam statuunt, in quorum numero est Christophorus à Vega, lib. 2. de art. med. sect. 3. cap. 11. Mannam esse parvarum quarundam apium, culicibus crassis similium opus, à quibus gregatim atboribus insidentibus guttatim, quasi sudor, Manna defluat: tamen vero similis est, animacula hæc potius allici Mannæ dulcedine, quam id efficere. In Oriente plurimum gignitur, ob aëris ibi puritatem, calorisque & frigoris moderationem quamdam. In locis frigidioribus non generatur: In Italia paucum gignitur, præterquam in Calabria, unde id bonum ad alia etiam loca exportatur.

An nostrum Manna idem sit cum Israelitico.

An verò Manna, quo Hebræi annis 40. in deserto alebantur, idem cum vulgari fuerit, autores dissentiunt. Vallesius, de sacra Philosophia. cap. 57. alique recentiores eandem omnino rem, & secundum suam naturam eiusdem speciei cum vulgari fuisse statuunt: Conueniunt quidem plurima, quæ de Manna Hebræorum, Exod. 16. & Num. 11. dicuntur, etiam vulgari: in illo tamen à vulgari discrepare videtur, quòd ex eo molâ fracto, siue in mortario trito, & in olla cocto tortulæ siue placentulæ fiebant. Vulgare enim non est tantæ duritiæ. Ut ut sit, in hoc omnes conueniunt, plurima, quæ circa Manna Hebræorum

contigerunt, naturalibus causis attribui non posse, sed solius Dei opt. Max. potentia infinita assignanda esse.

Mel verò vulgare, à Manna parum differt, eademque est utriusque materia, nisi quòd Mannæ spissior, crassior, magis terrestris; mellis verò subtilior & magis cocta est. Est enim mel ros quidam, ab apibus collectus, & in vesiculis intra ipsas alterationem aliquam suscipiens, & postea ab iisdem in cellulas instar puri liquoris relatus, in quibus postea, ut mustum feruet, caloreque naturali coquitur, & crassitiem acquirit, ut testatur Arist. 5. de hist. an. cap. 22. & Plin. nat. hist. lib. 1. cap. 13.

Mel præcipue ab apibus colligitur, iisque tam domesticis, quam sylvestribus: imò etiam fuci, aliæque quædam insecta, ad naturam apum accedentia, mel colligunt: idque ἀπὸ πάντων, ὅσα ἐχει ἐν κάλυκι ἀνθρ, καὶ ἀπὸ ἄλλων δὲ, ὅσα ἀν' γλυκύτιλα ἐχει; id est, ex omnibus quæ florem caliculatum ferunt, atque etiam ex cæteris, in quibus dulcedo est: idque tamen sine villo fructuum detrimento. Plura de natura apum, mellisque eodem in loco habet Aristoteles, & Plinius, lib. 21. nat. histor. à cap. 5. usque ad 16.

CAPVT IX.

De Iride, Pareliis, Paraselenis, Virgis, Halone.

Post nubes, & quæ ex iis fieri solent, restant quædam, quæ in iis apparent & φαινόμενα appellantur, explicanda; qualia sunt Iris, Halo, cognatæque nonnullæ imagines. Et ut ab Iride (quam dictam volunt ab ἰρεω, quod est dicere, quod vel pluuiarum vel serenitatis prænuncia sit, unde & Poëtis Iunonis nuncia nominatur) initium faciamus, est ea arcus tricolor, in nube rorida, à radiis Solis aut Lunæ oppositorum refractis reflexisque apparens.

Iris quid?

Ut autem, quæ sit natura Iridis, rectius intelligatur, omnia definitionis membra accuratius perpendenda sunt. Subiectum Iridis est vapor roridus, seu nubes rorida, quæ iam in guttas seu pluuiam incipit resolui; nondum tamen est pluuia, sed tantum eis δεινδὰς guttulasque rori vel aquæ, quam quis ore non nihil concluso dispersim efflat, similes, condensatur. Non enim nubes continua est subiectum Iridis, sed partes eius, quæ amplius non coherent, sed vndique à frigore coarctatæ & condensatæ distant, & in plurimas minutas guttas, quæ velut parua quædam ενοπρία seu specula sunt, & inter aquam veram seu pluuiam perfectam & nubem, quasi mediam naturam obtinent.

Subiectum Iridis.

Non autem in vilo vapore continuo Iridem posse generari; in corpusculis vero multis rotundis eius generationem esse possibilem, ex natura reflexionis, pluribus ab opticis demonstratur. Nos illud hoc loco solum afferimus, quod ab experientia desumptum est. Occipite Soli obuerso, ore vel alio instrumento aqua spargatur in locum radiis Solis illustratum, ita ut aqua suam continuitatem amittat, & in plurimas, easque exiguas guttas resoluatur: quo facto, Iris quasi in illis guttulis, quæ vaporem roridum nobis representant, videbitur. Idem etiam obseruari poterit, ubi aqua per remos diffusa, vel ex saxo præcipiti lapsu decedens, ad radios Solis dispergitur. Etsi autem rorida nubes, quæ iridis subiectum est, non amplius est continua: nobis tamen continua apparet, propter partium vicinitatem & nimiam à nobis distantiam.

Causa efficiens Iridis sunt radij Solis & Lunæ in his guttulis refracti & reflexi. Reflexionem omnino, ut Iris nobis appareat, esse necessariam, inde patet; quia tam radij incidentes, quam refracti in oppositam corpori luminoso partem progrediuntur, nec ad visum

Causa efficiens.

Mel vulgare quid sit, quomodo à Manna differat, & quomodo generetur.

tam corpori luminoso partem progrediuntur, nec ad visum qui à corpore luminoso in spectantibus Iridem auersus est, peruenire possunt, nisi reflectantur. Itaque eo modo, quo à speculorum, quæ nobis à tergo sunt, imagines ad visum nostrum, perferuntur, etiam Solis vel Lunæ radij à paruis illis in nube rorida ἐνὸπτροῖς ad visum nostrum reflectuntur.

Refractionem tamen etiam concurrere necesse est. Nam ubi radius Solis vel Lunæ ad primam vaporis guttulam peruenit, eam, propter Solis viciniam nondum nimis condensatam penetrat, refractus tamen. Ab hac ubi ad posterius aliquod ἐνὸπτρον, quod satis densum est, nec nisi transitum concedit, pertingit, reflectitur recta, si nulla alia vaporis roridi gutta antè obstat: Si verò obstat aliqua, radius prius refringitur, & deinde refractus ad visum nostrum reflectitur. Multi quoque radij in plurimis obuiis guttulis refringuntur, & dum incidunt, atque ad guttulam aliquam densam, in qua reflectantur, per minùs densas penetrant; & tum à gutta tali rursus reflectuntur. Nam quilibet radius, tam incidens, quàm reflexus, in qualibet tali guttula bis refringitur. Primò quidem versus perpendicularem, quando guttulam ingreditur: quia ab aëre rariore in vaporem roridum densiorem incidit: Deinde à perpendiculari disiungitur, quando è guttula densiore in aërem rariorem rursus egreditur.

Generatur itaque Iris, cum nubes aliqua rorida, sit, atque in plurimas minutas guttas resolui & in aquam condensari incipit, quæ tamen guttæ adhuc rariores sunt, nec planè in aquam condensatæ, vt decidant. Hanc enim si Sol vel Luna ex opposito illustret, radij lucidi in his guttulis variè refracti, & pyramidis forma ad visum nostrum reflexi, lumine suo confuso, & cum calore ac vmbra guttularum permisto, arcum coloratum nobis exhibent.

A Sole autem plures Irides generantur; à Luna rariores. Hinc Aristoteles, intra 50. annos tantum duas Lunares irides conspectas esse asseuerat. Nam præter vaporem idoneum ad lunarem Iridem generandam etiam requiritur, vt Luna sit plena; aliàs enim eius radij nimis sunt debiles: & vt sit circa Horizontem: quæ omnia rarò concurrunt. Præcedente anno 1599. media æstate, noctu post ingentia tonitrua, fulgura & fulmina, pluuiamque, cessante iam tempestate, inter Septentrionem & ortum, insignem vidimus, coloris splendore & pulchritudine cum nonnullis Solaribus certantem. Cur autem à Sole, & Luna tantum Irides fiant, causa est, quia tantum harum stellarum radij secundum mundi diametrum ad nubes extendi, & inde reflecti possunt: Solis quidem, quia sunt fortissimi: Lunæ, quia maximè vicini. Reliquarum verò stellarum radij aut sunt nimis debiles, aut nimis remoti. Vel si sunt ita fortes, vt per mundi diametrum ad nubes vsque pertingere possint: adeò tamen fortes non sunt, vt ad visum nostrum inde reflecti possint. Lucēs enim reflexæ debiliores sunt directè radiantibus, per 3. secundi communis perspectiua.

Cur verò colores tantum, non ipsa imago Solis vel Lunæ in his ἐνὸπτροῖς appareat, triplex causa est. Primò, quia nubes non est continua, sed in minimas guttulas seu ἐνὸπτρα resoluta. Nam in tam paruis speculis imagines quoque minimæ sunt, quæ postea reflexæ ita sunt debiles, vt non distinctæ; sed confusæ appareant. Deinde ipsi radij per se debilitantur, antequam à corpore luminoso ad visum perueniant. Denique accedit nigredo nubis. Vapor enim roridus quia incipit in aquam resolui, nigredinem etiam quamdam, aqueumque colorem assumit, qui cum lumine permistus facit, vt imago Solis vel Lunæ distinctè apparere non possit, sed color potius.

Colorum autem in Iride diuersitas inde prouenit, quod radij alij profundius in vaporem roridum in-

grediuntur, & à remotioribus guttulis reflectuntur; alij à vaporibus vicinioribus, & mox in superficie nubis consistentibus reflectuntur, à quibus diuersæ reflectionum pyramides, bases æquidistantes habentes, constituuntur. Colores autem tres sunt: ποινικῶς, Puniceus seu rubeus, qui est supremus, seu externus, & producitur ex maiori splendore, radiisque eius reflexionis pyramidis, quæ inter cæteras basi sua visui maximè vicina est: vnde etiam eius radij sunt fortiores. Quia autem lumen est splendidum, aqua vero nigricantem colorem exhibet, color neque albus, neque niger apparet, sed puniceus, inter hos medius. Alter color est πράσινος, id est, viridis, qui medius est in Iride. Hic gignitur à radiis, à parte magis profunda vaporis reflexis; atque ideo magis ad nigredinē declinat. Nam & ipsi radij sunt debiles, quia ex loco remotiore reflectuntur, & vapor ille, quia est à Sole remotior, densior est, & plus ad aqueam naturam accedit, quàm prior. Huc etiam maximè faciunt vmbra, quæ à corporibus & ἐνὸπτροῖς prioribus versus posteriora sparguntur, quibus radij à posterioribus reflexi permiscuntur. Cuius rei exemplum sunt colores in collis columbarum, à radiis solaribus orti. Generantur enim hi ab vmbis, quæ à pennis sparæ lumini Solari permiscuntur. Tertius αλευργός, qui internus est, oriturque ex radiis ex loco adhuc magis remoto reflexis; & eadem ob causas, ob quas secundus est nigrior primo, tertius est nigrior secundo.

Et si autem plures, quàm hi tres colores Iridi inesse possint: tamen quia ob causas istas nigredo magis magisque augetur, post tertium nullus color percipi potest: & non solum radij reflexi ita sunt debiles, vt ad visum perferri non possint; sed lumen etiam à nigredine multarum vmbra ita obscuratur, vt à visu vix percipi queat. Color autem quartus, quem ξανθόν, id est, flauum appellant, & inter primum & secundum videtur, non est nouus color, sed ex vicinitate horum duorum oritur. Irides autem lunares albiores sunt, quàm solares: quia ipsum lumen Lunæ pallidius est, quàm Solis; deinde quia vmbra, quæ à guttis anterioribus versus posteriores proiiciuntur, nō sunt ita obscuræ & nigra, quàm illæ, quæ à lumine Solis sparguntur. Fortioris enim luminis vmbra nigrior est, & contra. His accedunt etiam noctis tenebræ. Illud enim, quod sua natura nigrius est, si iuxta magis nigrum ponatur, albius apparet.

Cur autem periphæria tantum circuli, non integra eius area appareat, causa est: quia de quouis irradiato corpore ea tantum pars videtur, à qua radij ad idem centrum visus secundum æquales angulos reflectuntur: & de nube radiata nihil videtur, quàm quod per radios, in eo axis puncto, in quo visus est, congregatos defertur. Hi autem arcum tantum efficiunt, vt plurimis demonstrant Optici.

Quamobrem autem Iris nunquam sit integer circulus, sed aut semicirculus tantum, aut arcus semicirculo minor: & semicirculus quidem luminari in horizonte constituto, arcus verò minor semicirculo, si idem sit supra horizontem, & quidem arcus tantò maior, quò luminare est propius horizonti, tantò verò minor, quò est viciniùs meridiano, inde, prouenit: quia corporis lucidi, visus, & iridis centrum semper consistunt in vna recta linea. Quapropter centro corporis luminosi constituto in horizonte, in opposita horizontis parte erit centrum Iridis, & sic semicirculus erit supra horizontem. Vbi verò Sol supra horizontem attollitur; centrum Iridis è regione deprimatur; atque ita illud circuli segmentum, quod est infra horizontem, maius est, quia centrum continet: hoc, quod supra, minus. Nos enim ea tantum videmus, quæ supra horizontem sunt. Quanto autem minus de diametro Iridis supra horizontem est, tanto maior est circuli periphæria; & semicirculus est medietas

Iris Lunaris
albior, quàm
Solaris.

Iris nunquam
integer circulus
est.

dictas minoris circuli, arcus alius quicunque maioris, quod ex radiorum refractione prouenit: quia circa ortum aer & vapores sunt densiores, qui postea à radiis Solis rectoribus attenuantur. Atque ideo Iris, quæ per medium densius adspicitur, etiam maior apparet. Sed hæc & alia, quæ de Iridibus dici possunt, præterimus, cum sine opticis demonstrationibus multisque schematibus, quæ breuitatis studio hîc prætermittenda sunt, explicari hîc integrè non possunt: ex Aristotel. lib. 3. meteor. c. 4. & 5. ex Opticis, & erudito de Iridibus Iohan. Fleischeri libello, quo Aristotelis & Vitellionis doctrinam de Iridibus comprehendit, explicauit, & necessariis demonstrationibus auxit, petenda sunt.

Parelius
quid.

Iridi cognati sunt Parelij, ficti Soles, aut quasi alij Soles iuxta verum positi. Est autem *παρήλιος* imago Solis, quæ in nube continua, densa, æquali, in aquam abeunte, & in anteriori parte pellucida, & quasi polita, posteriori opaca ac terminata, atque ad Solis latus ex obliquo posita, recipitur, & ad visum nostrum reflectitur. Vt enim, si quis ad latus rei alicuius ex obliquo speculum statuatur, rei imaginem bis videbit: ita etiam si Soli ex obliquo ad latus nubes aliqua instar speculi æqualis sita sit, plures Soles apparebunt. Plures tamen, quàm tres, ad suum sæculum conspectos non esse, scribit Plinius, *nat. hist. lib. 2. cap. 31*. Papiæ tamen ante bellum sex conspectos esse referunt. Rarò autem conspiciuntur eiusmodi Parelij; quia rarò nubes, quæ talem dispositionem, talemque ad Solem situm habeat reperitur.

Paraselenæ
quid.

Eadem etiam ratione Paraselenæ generatur, quæ in hoc solum à Parelio differt, quod hic est imago Solis, illa Lunæ. Duarum autem harum stellarum imagines tantum ad nos reflectuntur; cum earum radij sint fortissimi. Imò Paraselenæ non fit nisi lunâ plenâ, ubi lumen eius est copiosius & fortius.

Virgæ.

Huc etiam referendæ sunt Virgæ appellatæ, quæ sunt velut quædam lineæ & columnæ longæ, variis coloribus conspicuæ, in nube inæquali, Soli ad latus posita, ex eiusdem radiis refractis ortæ. Generantur enim tales virgæ, cum nubes inæqualis, quæ partes alias densiores, & aqueæ ferè naturæ, alias rariores habet, Solique ad latera posita est. In hanc enim ubi radij solares incidunt, æqualiter propter partiū diuersitatem penetrare non possunt, nec contigui apparent, sed potius disiuncti, & in partibus rarioribus, per quas penetrant, refracti, colores varios exhibent: eodem modo, quo radij per rimas, in conclaue conclusum incidentes, lucidarum linearum imagines exhibent. Colores autem non iidem, sed varij sunt, pro varia partium, in quibus recipiuntur radij, dispositione, qui in rarioribus lucidiores & candidiores, in densioribus nigriores & obscuriores apparent. Germani dicunt: *Die Sonne zeucht Vvasser*. Apparent autem plerumque hæ virgæ oriente vel occidente Sole, non in meridiano constituto; quia tunc eius radij sunt fortiores, ut densiores vapores faciliè attenuare & penetrare possint.

Halo.

Conspicitur denique in nubibus *ἅλως*, Halo, area, seu corona, quæ definiente autore, *l. de mundo cap. 4*. est *ἡμφοσις λαμπρότης* & *ἄσπερ πειραγυδς*, seu circulus lucidus sub Sole, Luna, vel alia stella clariore in nube æqualiter rara inter nos & stellam rectâ posita, apprensus, ex radiis eiusdem ibi refractis efformatus. Fit enim Halo, cum radij alicuius stellæ fortiores in nubem æqualiter raram incidunt, qui propter raritatem transire quidem possunt, in eadem tamen, quia aer densior est, refringuntur, & refracti ad angulos æquales, coronam efficiunt: In centro autem eius coronæ stella quæ eam efficit, apparet; quia radij recti sunt fortiores, nubemque magis attenuant, rarefaciunt, & illuminant. Noctu autem frequentius eiusmodi corona apparet. Solis verò calor vehemens vaporem

diffipat, rarioremque facit, ne ad radiorum refractionem, ex qua coloratus talis circulus oriri possit aptus sit. Debet autem, ut Halo appareat, aer tranquillus esse. Nam mota & variè agitata nubes nec æqualem partium dispositionem retinere, nec colorem certum ex radiis refractis exhibere potest.

C A P V T X.

De Fontibus.

Sed ut tandem meteorologiam finiamus, ultimo loco de fontibus & mari quædam dicemus. De fontium origine vulgata est Aristotelis sententia: aerem, halitusque in terræ cauernis, loci frigidityte, calorem suum amittere, crassescere, atque in aquam mutari: eo modo, quo in media regione aeris ex vaporibus condensatis pluuiæ generatur, quæ postea descendentes, atque ex pluribus locis in vnum collectæ atque effluentes fontem generant; cuius perennitas conseruetur ab aere quotidie nouo, ne vacuum detur, succedente, & in aquam postea mutato.

Aristotelis de
fontium ori-
gine senten-
tia.

Verum enim verò hæc sententia, si de omnibus fluminibus accipiatur, vero consentanea non est. Et si enim concedamus aliquam ex vaporibus in terræ cauernis condensatis aquam generari posse, & hanc fortasse fontibus quibuldam originem præbere: tamen tantam aquarum copiam ex iis generari, quantâ quotidie tot fontes & flumina decurrere videmus, persuaderi non possumus. Nam cum constet, quanta aeris copiâ ad exiguam aquam generandam requiratur, & quantum spatium vapores illi, ex quibus exigua pluuiæ generatur, occupent: vbinam tot & tantæ cauernæ erunt, in quibus tanti vapores, tantusque aer ad tot & tanta flumina producenda colligatur? Vix etiam fluuiorum perennitatis ex hac opinione causâ peti potest; cum non semper eadem vaporum sit copia. Multò minus ratio reddi, cur ex altissimorum montium cacuminibus plures fontes prorumpant.

Quapropter eam potius amplectamur sententiam, quæ omnium antiquissima est, quam Ecclesiastes c. 1. his verbis comprehendit: *Omnia flumina inrunt in mare, & mare non redundat; ad locum, unde exeunt, flumina reuertuntur, ut iterum fluant*, statuimusque cum plurimis doctissimis viris, fontes, ut in mare fluunt, sic etiam è mari ortum habere. Quoniam alio modo perennitas fluuiorum explicari non potest, nec causâ reddi, cur mare tot flumina recipiens, non exundet: aut cur fontes ex altissimis montium iugis oriantur. Et nisi flumina è mari ortum haberent, heri non posset, quin mare nimium augetetur. Neque enim nullam proportionem habent flumina ad maris molem; cum quædam validissimo impetu tanta copia in mare infundantur, ut ad multorum milliarium interualum in continente dulces aquas inter marinas nautis præbeant. Neque Sol ac venti tantum, quantum influit, absumere possunt de eo; sed mare detrimentum à Sole & ventis, sibi cum fluminibus commune, noctu ex aere refarcit. Fontes etiam multi cum mari multa habent communia. Plinius, 2. *nat. hist. c. 103*. de Iouis fonte in Dodone scribit, eum meridie semper deficere, mox incrementem ad medium noctis exuberare, ab eo sensim deficere. Idem, eodem in loco, narrat, contra Timæum amnem insulam parvam in mari esse fontibus calidis, qui pariter cum æstu maris crescunt minuunturque. Nec ab hac sententia alienus videtur fuisse I. Iaro, qui, in Phædone scribit, in terra esse *χάσμα*, eis δὲ τοῖς ῥέεσσι πάντες οἱ ποταμοί, καὶ ἐκ τῆς πάλιν πάντες ἐκρέεσι.

Cur mare
non exundet.

Atque hinc faciliè causâ reddi potest, cur fontes ex altissimis montium cacuminibus oriantur. Cum enim

Cur ex altis-
simis montiū
iugis fontes
oriantur.

enim globus terræ sit rotundus, & marinæ aquæ magna sit copia magnūque pondus: facile etiam potest aquam per terræ venas fluentem, in altissimos mōtes pondere suo protrudere. Quod verò aquæ fontanæ non sint salæ, cum tamen mare sit salum, sed magnam in qualitatibus habeant diuersitatem, inde prouenit; quia aqua marina per longas terræ venas & anfractus percolata, salēdinem amittit, aliasque qualitates ex terræ cauernis, per quas decurrit & defluit, assumit. Fontium verò magna differentia est: quidam enim potus loco, quidam medicamenti vsurpantur. Priores magis simplices sunt, posteriores compositi.

Aqua metallica qua.

Sunt duplices.

Aquæ metallicæ vel minerales sunt, quæ spiritus vel minimas particulas mineralium, metallorum, & succorum subterraneorum obtinent, & à potabilibus aquis aliis, odore, sapore, colore differunt, & proinde non potus loco, sed medicamenti vsurpantur. Sunt autem aquæ hæ duum generum; quædam ipsa corpora mineralium succosque minerales obtinent, quales sunt aquæ salæ, vitriolatæ, aluminosæ, è quibus aqua cocturâ separata, sal, vitriolum, alumen coquitur; neque loco balnei satis commodè vsurpantur. Quædam verò Spiritus metallorum continent, & proinde ob summam, quam habent, vim agendi ac penetrandi, medicamenti loco cum ad lauandum tum ad potandum vsurpantur. Quales sunt thermæ, acidulæ, falsulæ.

Aqua metallica unde vires suas accipiunt.

Vnde autem hæ aquæ vim istam obtineant, non eadem autorum est sententia. Nonnulli existimant, vim hanc eas accipere à mineralibus ac metallis, per quæ fluunt. Sed vero hoc consentaneum non est. Nam cum metallorum corpora tam compacta sint, aqua, quæ ea alluit, vires eorum tam facile imbibere non potest. Et si hoc modo vires suas acquirerent aquæ minerales ac metallicæ: multò plures darentur. Hoc quidem verum est, mineralia, vt vitriolum, alumen, ac similia corporaliter cum aquis permisceri; vnde etiam coctione ex aquis separantur: verumtamen illæ aquæ, quibus saltem corporetenus mineralia permiscuntur, eas vires non obtinent, quas veræ aquæ metallicæ, ex quibus nullo modo corpora mineralium separari possunt. Metalla verò sola alluione vires suas aquis communicare non valent.

Et experientia testatur, multos fontes è montibus erumpentes, aurum, argentum, cuprum, ferrum, stannum, plumbum, lapidem lazuli, armenum vna protrudere: nihilominus nullas vires eorum metallorum quæ vehunt & propellunt, obtinere, sed planè potabiles esse.

Præterea si hoc modo aquæ istæ metalla alluendo vires suas acquirerent: dudum venarum proximarum, per quas istæ fluunt, vires exhaustæ essent: cum tamen tot seculis vires easdem aquæ istæ obtinuerint, & adhuc obtineant. Insuper ex aquis istis metallicis nulla metalla, seu distillando, seu coquendo eliciuntur.

Ideoque istud veritati consentaneum est, aquas istas vires suas accipere à prima metallorum materia, quæ est subtilis, fluida, ac spirituosasubstantia, nondum in solidum corpus metallicum coagulata & compacta. Hi enim metallorum Spiritus cum aquis miscentur, eisque vires suas omnes communicant. Etenim vt ex vitriolo, sulphure, imò ipsis metallis vi ignis Spiritus eliciuntur, qui aquæ misti ipsi vires suas tribuunt: ita & Natura in magno isto terræ circulatorio in generatione metallorum Spiritus producit, qui cum aquis vicinis & præterlabentibus misti vires suas ipsis impertiuntur.

Caloris thermarum causa.

Nec minor occurrit difficultas in causâ thermarum inuestiganda. Nonnulli Solis calori, alij ventis, calidas exhalationes in locum vnum congregantibus causam adscribunt: verum sine vlla probabilitate. Alij à lapide calcario calorem istum concipere existimant. Sed nec hoc probabile est. Lapis enim calca-

rius non calefacit aquam, nisi prius ab igne in calcem redigatur. Et posito, quod ab igne subterraneo lapides isti prius calcinati essent: tamen calor iste perpetuari non posset. Postquam enim calcarius lapis semel aqua perfusus est, amplius postea non incalescit.

Alij itaque probabilius causam caloris thermarum ab ignibus subterraneis deducunt, & vel aquas per æstuaria illa subterranea decurrere, aut in via flammis æstuique iungi, aut iuxta supræve per canales tam diu currere, vt incalescere possint; vel dum ab ignibus subterraneis terra calefcit, vapores inde multos eleuari, qui tandem in amplo aliquo loco in aquam coeant atque alicubi exitum quærant. Quam rem isto exemplo declarant. Aqua salsa argillæ misceatur, fiatque ex argilla vel limo globus, qui intus excavetur, orificiūque iterum argilla obstruatur, in quod fistula indatur, globusque igni admoueat, vt fistula ab igne auertatur. Vbi globus incaluerit, ex globo per fistulam aqua salsa calida effluet.

Sunt tamen nonnulli, qui etsi hunc generationis modum multis in locis concedunt: tamen cum non vbique, vbi thermæ habentur, ignium subterraneorum habeantur indicia; & præterea thermæ reperiuntur, quorum calor, si in eorum ortum paululum fodiendo inquiratur, euanescit: probabile esse existimant, thermas quasdam fieri ex aquis duabus vel pluribus metallicis sua natura ad tactum frigidis, in concursu verò, ob spirituum repugnantiam, incalescentibus. Cuius rei exemplum præbet spiritus vitrioli & ol. vel sal tartari; item aqua fortis & tartarum, butyrum antimonij & Spiritus nitri: quæ etsi ad tactum sunt frigida: tamen, si misceantur, incalescunt; & quidem ita, vt si repente aquæ fortis, in qua ferrum solutum est, oleum tartari infundatur, non solum ebulliat, sed & flammam mistura concipiat: quod etiam accidit, si butyro antimonij dicto confertim Spiritus nitri infundatur. Itaque absurdum ipsis non videtur, si duæ scaturigines, repugnantium talium spirituum mistura constantes, in concursu misceantur, aquam inde incalescere posse.

De mari autem duas præcipuè in meteorologicis quæstiones autores tractare solent, vnam de maris salitudine, alteram de eiusdem æstu. De salitudine maris plures fuerunt antiquorum sententiæ, quæ ab Aristotele 2. *met. c. 3.* refutantur. Nos in hac re Aristotelem sequimur, atque statuimus, aquam marinam, suâ naturâ salsam non esse, sed ob admixtionem partis salæ fieri talem; quod etiam in lixiuio patet. Idque etiam ex eo colligi potest, quod, vt Arist. *loc. cit.* & Plin. *nat. hist. l. 31. c. 6.* tradunt, demissæ reticulis in mare concuæ è cera pilæ, vel vasa inania obturata dulcem intra se colligunt humorem. Nam multæ terrestres salæ exhalationes & cum pluuiis in mare descendunt, & cum fluuiis influunt: Sol verò ex mari partes humidiores & dulciores euocat, relictis grauioribus & terrestribus. Quare etiam in superficie mare salsius est, quàm in profundo; quia Sol in superficie dulces partes magis extrahit: & mare æstate quàm hieme, & ad orientem & meridiem, quàm in aliis locis salsius est; quia eò loci radij Solares sunt fortiores.

Quod verò æstum & affluxum ac refluxum maris attinet, maxima de eo difficultas est, quam præcipuè parit maxima, quæ in hoc motu est, varietas. Nam in aliquibus locis nullus est, aut vix sensibilis: in aliquibus tantus, vt etiam magna litora denudentur, & integri transitus existant, qui aliàs aquis reguntur: alicubi est tardus; alicubi velox, atque ita incitatus, vt intra vnam atque alteram horam aliquot milliaria aquis obtegat, totidemque recessu nuder, adeò vt vix cursu homines affluentium aquarum rapacitatem euitare possint.

Æstus maris unde.

G Nec

Nec tempus etiam idem ubique seruat hic motus. Magna ex parte senis horis extollitur, & diffunditur, totidemque subdit & deprimitur. In aliquibus tamen locis septenis horis affluit, quinque refluit: in aliquibus quaternis accedit, octonis recedit. In quatuor varietate hæc regularitas est, quod 12. hora affluxus & refluxus terminatur. In plurimis locis plenilunio incrementa maiora sunt; in nonnullis tamen etiam nouilunio. De qua motus varietate Scal. *Ex. 52.* Cardan. *l. 2. subtil. p. 168.* Caspar Contarenus Card. *l. 2. de elem. Colleg. Conimb. de met. tr. 8. cap. 4.*


De motus autem huius causa tot diuersæ opinionnes sunt, ut cui assentiaris, non facile videas. Vnde non sine causa I. C. Scaliger, *exerc. 52.* scripsit: *Quod ubique clamare soleo, nos nihil scire, maxime conuenit huic disquisitioni, qua maris tractat motum.* Et paulò post: *Quis non dicat hac in materia Philosophiam ipsam balbutire? Cum viderit iisdem penè litoribus, ad Calicutum pleniluniis, ad Indi flumini litora nouiluniis Oceani fieri incrementa. Hanc te persequi decuit Cardane subtilitatem: à qua si nos explicueris, non recuso, quin philosophorum Deus habearis. Rogabis me: Quid verò in tandem. Ego? Ego verò nihil aliud, quàm te expectabam. Nunc cum tu nusquam compares, ne meipsum quidem audeo expectare.* Itaque si tantus Philosophus hinc suam fatetur ignorantiam, quid nos post illum promittere possumus, nisi ut aliquot autorum sententias recensamus.

Ipse ergo I. C. Scaliger Lunæ hanc vim tribuit, cœlūque dimidium, quod 12. horis conuertitur, in duos quadrantes diuidit, & per vnum sex horis aquas Lunam ad *μεσσηνίαν* sequi, totidemque repulsas obiectu litorum incumbere in priores sedes statuit. An autem hoc incrementum fiat rarefactione, vel nouæ substantiæ appositione, affirmare non audet: tantum marinas aquas Lunam sequi, suspendique eas ab illa, tanquam ferrum à magnete, scribit. Et in hoc plerique consentiunt, à Luna æstum pendere, duodecimæque hora terminari. Et quia Luna non semper eodem loco oritur, nec eodem tempore supra horizontem fertur, etiam æstum non semper idem tempus obseruare. Motum autem hunc à Luna pendere, illud præter ea, quæ dicta sunt, etiam singulum esse videtur, quod singulis ferè diebus, vna hora tardiùs reuertitur; quia Luna 25. horis ad eundem ferè locum redit. Varietatis autem, celeritatis, & cessationis in nonnullis locis, aliorumque, quæ in hoc motu conspicua occurrunt, Scaliger, *ibidem*, ex vario locorum situ, litorum altitudine aut humilitate, maris magnitudine vel angustia, eiusdem planitie æquali, vel variis angustis & anfractibus, fundi ratione & profunditate, causas reddere conatur.

Contarenus putat, æstu crescente mare rarefactum tumefieri, terramque vndique petere, & circumquaque ad littora effundi: sursum decrescente æstu condensari, atque intra se cogi, & vndique à terra recedere: rarefactionem autem à calore prouenire: vim verò caloris pendere à Luna. Ut autem tempus æstus explicet, cœlum in quatuor æquales partes diuidit duobus maximis circulis, meridiano & horizonte recto, supra quem Luna ascendente versus meridianum aquam intumescere & diffundi; tum enim radios Lunæ maximam vim habere: cum autem Luna à meridiano ad horizontem occidentalem mouetur, aquam reflueri, atque intra se rursus cogi, ob debiliores radios, statuit. Cur autem, cum Luna ab occidentali horizontis parte mouetur ad partem meridiani, quæ infra horizontem est, iterum intumescat aqua, posteaque rursus decreseat, vbi Luna è meridiano subterraneo ad horizontem orientalem tendit, nullam adhuc verisimilem causam à se inueniri potuisse, neque ab aliis proditam percepisse.

Illud etiam adhuc sibi ignotum esse, cur alicubi non sentiatur æstus, profitetur.

Taurellus ita statuit: Mare in intima terræ, sese exonerans, facit, ut magno impetu ex litoribus circumquaque aquæ versus voraginem illam contendant. Nam qua parte suas mare in terræ capacitates aquas effundit, eadem ipsum quoque deprimitur, ut vndiquaque edese aqua reliqua perrepat, quæ iam oppletis terræ cauernis, in vnum circumquaque coacta pro maris amplitudine & aquarum impetu attollitur, & postea paulatim subsistit, & ad ante derelicta littora regreditur, facta etiam ex fluminibus aquarum accessione. Ita totus maris alueus aquis repletur, vsque dum exinanitæ cauitates terræ superiores aquis maris deposcant, quas eo, quem descripsimus, modo deglutiant.



LIBER. QVINTVS.

De Mineralibus & Metallis.

CAPVT I.

De Terris.



Post meteora de corporibus perfectè mixtis agamus, proximum est. Sunt autem corpora perfectè mixta duplicia: quædam inanimata, quædam animata. Inanimata sunt metalla. Nam voce ista in genere omnia subterranea & fossilia accipi, ex præf. Dioscoridis, in l. 5. patet. Recentiores in genere etiam mineralia vocant. Fodinas enim minas appellant.

De natura autem istorum omnium hoc primum tenendum, multos quidem esse in ea sententia, mineralia ista & metalla nihil in se, præter elementa, continere, & tantum mixta simpliciter esse: Verum parum rectè. Sunt enim operationes ipsorum longè aliæ, quàm quæ solum ex elementis deduci possunt. Ideoque rectè Scalig. *Exerc. 137. sect. 20.* scribit: *omnem formam cuiuscunque perfectè mixti, etiam si non est anima, ut in adamante, naturam esse quintam longè aliam à quatuor elementis.* Et *Exercit. 101. f. 14.* Cardanum reprehendit, quod credat, sola elementorum permixtione fieri posse, ut ferrum trahatur à magnete. Habent nimirum & ista suas formas & virtutes, ut sic dicam, seminarias, à Deo in prima rerum creatione inditas; nec demum post mundum creatum à vario elementorum concursu pugna genitæ, sed à Deo creatæ sunt; & per istas formas perpetuantur, atque ab iis non solum formatio corporis singulorum, quæ non minore admiratione digna est, quàm quarundam plantarum, & vires admirandæ, sed & propagatio & perpetuatio eorundem prouenit. Est enim metallorum ac mineralium forma sui multiplicariua, habentque ista vim à Creatione inditam in materia disposita locoque apto sese multiplicandi. Id quod vel nitrum satis docet. Etsi enim ex terra nitrosa semel sal coctione extrahatur: tamen ex matre Nitri, quam appellant, nouum nitrum regeneratur; idque non semel, sed sæpius; id quod nitri nocturnis hodie uotissimum. Imò nec antiquis ignotum fuit, ut ex Plin. *l. 31. c. 10.* vbi scribit; spumam nitri fieri, cum ros concidisset, prægnantibus nitrariis, sed nondum parientibus. Ob quam formam etiam fit, ut quanquam in mineralibus istis in forma externa fiat mutatio, & vel in liquores, vel pulueres, vel vitra reducuntur: nihilominus in metallicum corpus facillè redeant; quia forma interna salua manet, ut in Mercurio, Antimonio, Plumbo, & aliis videre est. Ideoque dum de generatione & principiis mineralium & metallorum quaeritur, non

Mineralium forma unde.

non satis est, ad vapores illos, quorum in meteorologia fit mentio, recurrere, sed magis determinatis & specificis principiis opus est.

Quæ autem hæc sint, in genere satis explicari non potest. Est enim magna mineralium varietas, quæ prius proponenda est. Diuiduntur verò ab aliis aliter. Nobis hîc retinere placet Alberti Magni diuisionem, qui tria genera cõstituit: lapides, metalla & media mineralia; quo nomine omnia reliqua quæ mediâ quandam inter lapides & metalla naturam habent, accipit.

Et vt ab vltimo genere incipiamus, complectitur in se multa; terras, lapides, sulphura, ac bitumina, & quædam ex his mista & metallis propiora. *Terras*, quod attinet, non accipitur hac voce simplex elementum, neque etiam ea terra, quam vbiuis agricolæ colunt, & quæ plantis ferendis idonea est, quæ etsi non simplex est, magis tamen ad naturam elementi terræ, quàm terræ metallicæ, accedit. Quamuis & hîc magna sit varietas, & alia de natura minerali nihil vel parum, alia plus participet. Participare autem terras multas aliquid de mineralibus, ex eo patet, quod dum vruntur, sulphureum vaporem, vt metalla & mineralia, expirant. Sed per terram hîc accipimus corpus fossile, naturæ mineralis particeps, quod iniecta aqua soluitur, & lutum fit.

Inter has autem terras vulgarissima est, & primum propterea locum habere videtur argilla, & terra, è qua operâ figulina fiunt: terra scilicet tenax, quæ in partem quamcunque ducta non abrumpitur, neque exsiccata dehiscit. Huius rursus est magna varietas, secundum quam & vasa, quæ non solum ad culinarum, & alios domesticos, sed & aurifabrorum, ac eorum, qui metalla fundunt, ac Chymicorum vsus fiunt, non parum differunt. Non enim ex quauis argilla quauis fieri possunt, atque alia ignem magis, quàm alia fert: alia item subtilius ac tenuius, quàm alia ducitur. Vnde nobilitas terræ figulinæ æstimatur.

Post argillam & terras figulinas proximè est Marga. Est autem Marga terra pinguis, & quasi terræ quidam adeps, appellatioque à Germanis indita est, nominaturque talis terra *Steinmark*, quasi Saxorum medulla: reperiturque inter Saxa inclusa. Sunt autem eius varia genera, Plinius sex recenset, Albam, Ruffam, Columbinam, Argillaceam, Tophaceam & Harenaeam. Singularum rursus multæ sunt differentiæ. Reperitur in multis Germaniæ locis, & inter eas celebris est Marga Rochlicensis, qua loco boli Armeni vtuntur.

Ad terras pertinet & Creta, quo nomine omnis terra accipitur, quæ ad expoliendum, mundandum, fricandum aut illinendum & colorandum vsurpatur. Eius multa sunt genera, multisque in locis reperitur: tamen quia in Creta potissimum effoditur, ab ea omnes reliquæ nomen acceperunt.

Sunt præterea & alia terrarum genera multa, quæ partim Medicis, partim aliis artificibus mechanicis in vsu sunt, quæ raritate, tenacitate, colore, sapore, vsuque differunt. Et quantum ad vsus medicum, aliæ adstringunt, refrigerant, & siccant, vt Eretria, Samia, Lemnia, Armenica: quædam cum adstrictione mordacitatem aliquam habent, aut ex nitro, vt Chia, Selinusia, Cimolia, Pignitis, quæ abstergunt: aut ex alumine, vt Melia, & thermarum lura varia, quorum ad podagricos ad maligna vlcera vsus est: aut ex bitumine & sulphure quid obtinent. Sunt & quædam terræ atramentosæ, quæ continent Chalcitron, Myss, Sori, Melanteriam; quædam plura horum simul continent.

Celebriores autem inter eas sunt terra Lemnia & bolus Armenus. Lemnia ab Insula, in qua reperitur nominatur. Sigillata autem à sigillo illi impresso. Testatur de ea Galenus fide oculata, collem quendam esse iuxta Ephestiadem vrbe, in qua nulla planta

viuit, solo veluti combusto, colore rubro, à quo terra effodiatur. Esse autem tres eius differentias: Vnam esse colore ruffo, manus tamen non iniiciente præstantissimam inter reliquas, quam solus sacerdos, vt rem sacram attingebat, & sigillo Dianæ, quod capræ est, signabat: alteram esse rubricam fabrilem, quæ manus tangentium inficiat; tertiam, mundandis vestibus vsitatam, ob facultatem abstergendi. Hodie qui in Lemnum nauigant, loco paludoso, sub canicula, colligi, sigillo seu characteribus quibusdam signari, & Imperatori Turcico mitti, ideoque raram esse, nec publicè vendi, scribunt. Verum notas antiquæ terræ Lemniæ omnes hæc non habet. Vim autem insignem contra pestem & morbos malignos terra Lemnia habebat.

Armenica terra seu bolus Armenus aduehebatur ex ea Armeniæ parte, quæ Cappadociæ finitima est, coloris erat pallidi, promptè in lauorem, calcis instar, soluebatur, mansus, vt butyrum, liquebat: Desiccabat & astringebat; ideoque ad dysenteriam & alui profluvia, & sanguinis exspuitionem, & catarrhos ac vlcera pulmonis adhibebatur; contra pestem etiam proderat.

Sunt deinde terræ aliæ multæ, Eretria, Samia, Celinusia, Chia, Cimolia, Pignitis, Melia, Rubrica & Sinopica, pleræque à loco, in quo effodiebantur, nomen sortitæ, de quibus vide Plin. l. 35. c. 16. & 17.

Verum enim verò antiqui vtiebantur iis terris, quæ ipsis tum notæ erant, & ex vicinis locis conuehebantur: cum autem de multis iam vix aliquid certi constet, & fodinæ antiquæ temporum iniuriâ & regnorum mutationibus vel ignorentur, vel exhaustæ sint, & passim hodie in aliis locis & nostris regionibus non absimiles reperiantur: præstat terrarum vires potius generi, quàm loco adscribere, & quæque ex sua natura æstimare, terrarumque vires experimentis probare.

Habetur enim bolus Tockauiensis in Vngaria, quem instar butyri in ore dilabi, & omnes notas veri boli Armeni habere, atque ad catarrhum valde profuisse, scribit Crato. in *Epistolis*, & longè præfert bolo Armeno hodierno, etiam illi, qui Imperatori ex Turcia allatus erat. Eundem plurimis in peste Viennæ profuisse, se reipsa comperisse testatur.

Deinde est terra sigillata Silesiaca Strigoniensis, quæ terra Lemniæ & Turciæ hodiernæ præfertur. Experimentis enim multis iam probatum est, eius insignes esse vires contra pestem, febres malignas, venenatorum animalium morsus, diarrhæam, dysenteriam. Chymici axungiam Solis nominant. Inuentor eius Iohann. Montanus, Silesi, qui scriptum de ea edidit, conuersum esse aurum, Dei prouidæque naturæ ordinatione in præminentem præparatum Medicinam transmutatumque peculiariter aduersus venena vtilem, non minus, quàm medicamenta, quæ magnis sumptibus ex auro Vngarico conficiuntur. Quod si ita sese habet, miror, cur potius à Spiritu vitrioli, quàm à Spiritu Salis soluat.

Reperitur & alia circa Lignitium & Goldbergam Silesiæ, candida, quam Chymici axungiam Lunæ nominant: & multis aliis in locis aliæ inueniuntur. Quapropter, vt dixi, terræ non tam ex loco, quàm suâ naturâ æstimandæ sunt. Et quia ex metallis & mineralibus omnem vim habent: de terræ alicuius viribus iudicaturi, cum quo minerali vel metallo cumprimis conueniant, inquirent. Proinde ad reliqua huius generis accedimus.

CAP V T II.

De Salibus.

Salem quod attinet, sunt eius multa genera. Primum est Sal Communis: qui rursus triplex: Fossilis, Sol communis triplex: Mari

Bolus Armenus.

Bolus Tockauiensis.

Terra sigillata Silesiaca.

Argilla.

Marga.

Terra Lemnia sigillata.

Salis origo.

Marinus, & qui ex fontibus falsis coquitur. Quam autem sal originem habeat, non ita planum est. Vulgò quidem dicitur, eum è succo aqueo & crasso terreo mistis generari: Verùm id rem satis non explicat, nec causa redditur, cur in certis tantum & definitis locis reperiatur. Probabilius & vero magis consentaneum est, salem, vt & reliqua mineralia & metalla, in prima mundi origine, creatum in terra esse, in qua adhuc vi à Creatore indita sese conseruet ac multiplicet. Si enim elementa simplicia in tot mutationibus & vicissitudinibus rerum sublunarium se conseruant & multiplicant, atque ita à mundi initio ad hunc vsque diem integra constant: cur hisce corporibus eadem vis denegari debeat, causam non video. Quod nimirum de Nitro antea dictum est, idem etiam de sale communi verum est. Ideoque non in omnibus, sed iis saltem locis generatur, vbi spiritus ille seu principium seminarium, si ita appellare liceat, præsens est; Sicut nitrum in ea terra tantum generatur, in qua Mater salis Petra est. Atque ex hoc salino principio in terræ cauernis, vbi humiditas multa non abundat, sal fossilis nascitur. Et prout materia illa, quæ à Salino principio & spiritu in corpus coagulatur purior est vel impurior: ita etiam sal fossilis iste nascitur purior, vel impurior, aliisque nigricans & opacus, alius candidus & instar Crystalli pellucidus, qui inde sal gemmeus appellatur.

Si verò illud salinum principium cum humiditate plurima & aquis per terræ cauernas labentibus miscetur: fontes falsi, ex quibus sal excoquitur, inde originem habent. Existimant quidem nonnulli, fontes falsos ex mari originem ducere. Verùm marina aqua non tantum salis in se continet, quantum multi fontes falsi; quod probatio ostendit. Neque est, vt quis dicat, aquam, dum per terræ cauernas fluit, exhalare, & à calore subterraneo absumi, atque ita fontes quoddam fieri falsiores ipso mari. Nam si hoc se ita haberet, fontes falsi, qui à mari sunt remotiores, plus salis containerent, quam propiores, quod tamen cum experientia non consentit. Alij putant, fontes falsos prouenire ex aquis per cauernas terræ salem fossilem plurimum continentes labentibus. Verùm etsi hoc planè negari non possit: tamen de eo ipso quæritur, vnde sal iste fossilis habeat suam originem & perpetuitatem. Si enim tantum ex aquarum per salem fossilem fluxu fontes falsi fierent: tot annorum seculis non perdurarent, sed sal ille fossilis aquis solutus absumeretur, & præcipuè fontes illi non semper æqualem salis copiam suppeditarent; cum vicinis aquis præterlabentibus sal alluione liquatus elueretur. Addendus ergo omnino spiritus salis, generandi salis primarium principium.

Marinus ex aqua marina fit, Solis calore humidum absumente. Si tamen calor Solis non sufficiat, igne reliquum perficitur: & vt candidior & purior fiat, solutione & coagulatione purgatur. Sunt & lacus quidam, qui æstiuo Solis calore in salem abeunt inde sal Tarentinus & Phrygius.

Salis vsus.

Salis vsus præcipuus est ad condiendos cibos, nullumque aroma sufficit ad cibos iucundos reddendos, si sal desit. Calefacit, exsiccatur, abstergit, humiditatesque superfluas absomit, & proinde à putredine præseruat. Quamuis autem à putredine defendit: non tamen conuenit in febribus putridis; non solum quia calidus est, sed quia nimis exsiccatur.

Sal Ammoniacus.

Præter esculentum salem est deinde alius fossilis, qui Armeniacus seu Ammoniacus ab ἀμμῶν dictus, quod sub arena in laminas concretus in Cyrenaica regione inueniatur. Erat colore nigricans, sapore non admodum gratus. Ideoque hodie non vsuatur; sed loco eius sale gemma vtuntur. Qui vero hodiè vulgò Armeniacus appellatur, & quo Chymici vtuntur, est factitius. Fit ex quinque partibus vrinae hu-

mana, & parte vna salis communis, ac parte dimidia fuliginis lignorum simul coctis ad consumptionem humiditatis. Reliquum sublimatur, iterum soluitur & coagulatur.

Hic sal est summè volatilis & omnia fixa reddit volatilia, & proinde à Chymicis ad solutionem & sublimationem metallorum adhibetur. In plantis verò & animalibus cum etiam sal alius fixus, alius volatilis reperiatur: volatilis à Chymicis non rarò Armeniacus nominatur. De sale videatur Plin. lib. 31. natural. histor. cap. 7. & 9. Dioscorides, lib. 5. cap. 85.

Tertiò Nitrum & ipsum ad sales pertinet, nasciturque in terra sui generis ad muros, & petras, instarque lanuginis sponte efflorescit, vnde & sal petrae appellatur. Sponte quoque nasci traditur in Asia in speluncis destillans, quod deinde collectum sole siccatur. Optimum Lydium, cuius probatio, vt sit minimè ponderosum & maximè friabile, colore penè purpureo. Aphronitrum hoc genus vocatur, quasi spuma nitri. Ex aquarum concretione etiam sponte nascebatur apud antiquos in Macedonia, quod vocant Chalasticum, candidum purumque proximum sali. Arte & coctura ex terris nitrosis conficitur. Sal autem hic admirandæ naturæ est. Visui enim apparet candidus; tactui frigidus: in se tamen continet spiritum rubicundissimum, calidissimum, & maximè inflammabilem, ac planè igneæ naturæ. A nitro tota pulueris tormentarij vis prouenit, qui à sulphure quidem, vt faciliè accendatur, habet: quia tamen sulphur totum in momento quasi non accenditur, sed per partes & successiue deflagrat: nitrum verò postquam semel flammam concepit, subito totum cum impetu deflagrat, & quia inflammatum, quo prius concludebatur, loco capi nequit; ac præterea nitrum & sulphur hostes quasi sunt: fulminei istius impetus causa est. Chymici nitrum antea benè purgatum amplius purificant ac præparant, super igne liquefacto iniiciendo particulas sulphuris; nitrumque præparatum & sal prunellæ appellant, quod eius insignis vsus sit in ardentibus febribus, iis præcipuè, quibus inflammatio faucium adiungitur. De nitro vide Plin. l. 31. natural. hist. cap. 10.

Nitrum.

Nitrum præparatum, Sal prunellæ dictum.

Quartò inter sales est Alumen, Græcè συλψία, ob vehementem adstringendi vim. Omne enim calefacit, adstringit, expurgat vlcerum putrida, humiditates exsiccatur, carnem luxuriantem coercet, ac propterea ad multa medicamenta vlceribus destinata adhibetur. Reperitur in suis mineris, & coquendo inde extrahitur. Et vbi alumen generatur, ibidem & vitriolum ac sulphur ferè reperiuntur. Habent enim inter se hæc magnam cognationem. Et dum coquitur, multum pinguedinis continet, quæ non potest separari, nisi vrina humanâ, quâ affusâ ad fundum præcipitatur. Dioscorides tria eius genera recenset. Fossile, Rotundum & Liquidum. Hodie plura nota sunt. Primum est alumen Rupeum seu Rochæ. Quæ Græca vox maximæ Europæ parti seruit, ad rupem significandam, vt Scalig. Exerc. 104. f. 6. ait. Appellant etiam glaciale, quod instar glaciei coagulatum sit; Romanum item. Hoc pro naturalibus maximè in vsu cedit, conficiturque in agro Romano ex cremato lapide. Modum integrè describit Scaliger, loco allegat. Saccharinum, in formam metæ sacchari formatum, fit ex alumine Rochæ, ouorum albumine, & aqua rosarum, ad mulierum dealbationes. Squamosum seu scajola (scaja enim & Scalia crustam significat & squammam, Scaliger Exerc. 104. sect. 7.) ex squamoso fit lapide, vitri modo prælucido, qui vsus in laminas dissilit, & gypsi modo albescit. Præterea est alumen fecis, quod fit è vini fecibus igne combustis. Item Catinum, ex plantæ kali seu sodæ cinere. Verùm hi sales plantarum artificiales potius sunt & compositi, quales ex omnibus plantis hodiè à Chymis parantur.

Alumen.

Aluminis genera.

Ad

Ad alumina refertur & lapis Amiantus, alumen plumosum; quod tamen alumen propriè non est, nec eandem cum aliis aluminis speciebus vires habet. Crescit in fodinis metallicis, quasi lapidibus intertextum, quod tam fixum est, ut etiam ignem sustineat; unde à nonnullis linum viuum appellatur. De alumine vide Plin. lib. 35. nat. hist. cap. 11.

Vitriolum seu
Chalcanthum.

Quintò inter sales est χαλκανθον, Latinis Attramentum, quod eo pelles & alia nigro colore inficiantur, appellant: item Vitriolum, à vitri nitore appellatur. Est hoc salis genus mirabilis & igneae planè naturae & sulphur ardens in se continet; inde in metallis soluendis, tingendis & generandis plus praestat, quam alij sales; Spiritusque eius ferrum in cuprum mutat. Continet autem in se duos spiritus, primò album, magni & notissimi in Medicina usus; Deinde alium adhuc rubrum; In terra tandem sal fixum remanet. Est autem vitriolum aliud narium, in terrae caavernis concretum, aut destillans ex iis; aliud factitium, quod ex lapidibus quibusdam chalcanthosis aut terra rubiginosa & æruginosa, aut cinerea maculis viridibus ac rubris interstincta coquitur, quae tamen res essentiae parvam facit differentiam: Sicut sal fossilis, & qui ex fontibus salis coquitur, essentia non differunt. Aliæ potius differentiae, unde virium etiam differentia pendet, obseruandæ. Etsi enim omne vitriolum æris naturam participet, & propterea aqua vitriolata ferrum in cuprum vertit, quod fit in Vngaria, item Goslaria: aliud tamen plus de æris seu cupri, aliud de ferri natura participat; unde aliud est cærulei, aliud viridis coloris, eiusque saturi vel diluti. Cæruleum cupri naturam participat; viride ferri. Estque praestantius, quod colore est maximè saturo & grato, ac perlucidum. Laudatur Cyprium, Romanum, Vngaricum; nec ignobile est, quod in quibusdam Silesiae locis reperitur. Praestantissimum hodiè Chymici è cupro parant, colore cæruleo gratissimo: quod vitriolum Veneris appellant. Est & vitriolum, quod album nominatur. Calefacit autem vitriolum & astringit, humiditatem absomit, carnemque contrahit, exsiccatur, humidæque carnes à corruptione praeservat. Antiqui etiam intra corpus, i. pondere exhibebant, ad vermes necandos, & aduersus venena fungorum. Verùm hodiè, ut dictum, Spiritus inde elicitur, qui tutius exhibetur, insignemque siccandi & putredinem sistendi vim habet; unde ad febres putridas & pestilentes vtiliter adhibetur. De chalcantho Plin. l. 34. nat. hist. c. 12.

CAP V T. III.

De Bitumine, & Sulphure.

Bituminis &
Sulphuris
origo.

Bitumen &
Sulphur
ubi genere-
tur.

Tertium genus subterraneorum seu mineralium esse bituminis ac sulphuris species diximus, omnia scilicet illa, quae oleosa & pinguis sunt atque ideo cum oleo miscentur facile; siue sint liquida, siue sicca. Atque ut de omnium horum origine aliquid in genere dicatur, vulgò quidem statuitur, ex calida & sicca exhalatione ista in caavernis terrae generari. Verùm quod antea de terris ac salibus dictum, idem iam de bituminis & sulphuris speciebus, posteaque metallis dicendum erit, elementorum quidem commistionem in hisce non negari; Verùm cum nullius corporis naturalis forma specifica sit, quae non autorem Deum in prima mundi creatione habeat, omnino statuendum, non demum post conditum Mundum ex vario elementorum concursu, pugna, tandemque mistione hæc generari cœpisse, sed ab omnipotente Deo in principio Mundi condita esse, mistionemque hanc, quam huc usque obseruant, & formam specificam ac vim se multiplicandi, & idoneam materiam in sui naturam committendi ab eodem Autore accepisse. Unde accidit, ut licet in nullo loco

Dan. Sennerti Tom. I.

elementa, quae misceri possint desint: non tamen in omni loco, ut sales & metalla, ita nec bitumen & sulphur generetur, sed eo saltem, in qua forma specifica bituminis & sulphuris reperitur, quae ubi nouum bitumen & sulphur generatur, mistionis elementorum, quae tum accidit, princeps causa & directrix est. Itaque licet concedamus, talia ex elementis constare: formam tamen ex iis habere, negamus, sed & hic illud Scaligeri, antea etiam allatum, ex Exerc. 137. sect. 20. usurpamus; omnem formam cuiuscunque perfectè misti, etiamsi non est anima, ut in adamantem, naturam esse quintam, longè aliam à quatuor elementis.

Etsi verò materiam bituminis & Sulphuris elementa esse concedimus: remota tamen saltem materia sunt: proxima verò materia, de qua omnis bituminis & sulphuris species participat, est corpus simplex & simile, inflammabile & pingue, quaque in genere & absolutè bitumen & sulphur, ut libet, appellari potest: cum qua postea ubi concurrunt sales, praecipue nitri, aquae atque aliae, seu spirituosae, seu fluidae, seu siccae & terreae concreciones metallica, principio plastico ad certam formam dirigente, fiunt inde variae bituminis & sulphuris species. Nascur autem bitumen & sulphur in terra, seu globo hoc ex terra & aqua constante. Quanquam enim nonnunquam ex aëre tale aliquid decedit: tamen ex mineris specie habitus prius in aërem eleuatum fuit, in quo ubi coagulatur, rursum decedit. Genitum autem in terrae caavernis vel in mare effunditur, atque ibi eiicitur; vel è terra seu solùm, seu cum aquis fontanis effluit, vel effoditur. Et vix aliqua mundi regio est, in qua non aliqua bituminis & sulphuris species reperiatur. Est autem omnis bituminis propria inflammabilitas, & postquam semel flammam concepit, rapidè ardere, effusaque aqua non copiosa non exstinguit, sed magis inflammari. Cuius causa hæc est, quod bituminosa eiusmodi, postquam flammam concipiunt, non solùm in summo, ut ligna & alia, sed tota penitus flammam admittunt, atque ignea euadunt. Hinc accidit, ut licet superficies exterior aqua perfundatur; intima tamen pars & ipsa flagrans aquam non admittat, sed potius in sese collecta intendatur, aquamque contrariam dissipet, magisque emicet. Atque hinc etiam euenit, ut mixturæ quaedam ex bituminibus sub ipsa aqua ardeant. Et incendia montium quorundam, terrarum, & aquarum, à bitumine & sulphure proficiuntur. Omnia autem bituminosa corpora vim calefaciendi & disentiendi habent, unde ad dissipandos humores frigidos in paralyticis, epilepticis, similesque affectus, thermæ fontisque medicati, qui bitumen & sulphur ferunt, vtiliter adhibentur.

Bituminis &
Sulphuris
materia.

Bitumen
inflammabile
est.

Bituminis
effectus.

Bituminis
differentia.

Est autem magna bituminosorum eiusmodi differentia. Rediguntur tamen omnia ad duo genera, quorum aliud est liquidum, quod olei consistentia fluit; aliud coagulatum & condensatum, vtriusque rursus multæ species. Liquida, quae omnia ἐσφαλτα nomine veniunt, sunt naphtha, petroleum, & bitumen liquidum in specie ita dictum, seu pix liquida nativa.

Naphtha.

Naphtha primum quae Bituminis Babylonij παρρημα, liquamen seu colamentum est, bitumen liquidum est; calidum, siccum, & naturae planè spirituosae & igneae, cui tanta cum igne cognatio est, ut etiam ex interuallo flamma in illud transfiliat, & calore Solis facile accendatur. Unde Plutarchus, in Alexandro, scribit, Naphtham à quibusdam phannacum Medae appellatam fuisse, qua coronam & peplum Creontis filiae inunxerit, atque hac arte combusserit. Quid si Hercules sacrificaturus ad aras accedens, veste naphtha illita flammam concipiente, combustus esset, & hic sit sanguis Nessi Centauri, quem Poëta fingunt de quo Ouidius, lib. 9. metamorph. fab. 2.

Controuertitur quidem inter auctores, an bituminis,

G 5

ant

an Sulphuris, an olei nomine appellanda sit Naphtha. Verum cum hæc nomina non semper eodem modo vsurpentur, non peccaueris, siue oleum, sed narium minerale, siue bitumen subtilissimum dicas. Reuera est spiritus bitumineus: videturque se habere ad bitumen, sicut Spiritus vini ad vinum, & Spiritus terebinthinæ ad terebinthinam. Naphtha purissima & præstantissima candida est: inueniri tamen & quamdam citrinam, quamdam etiam nigram referunt.

Ob insignem inflammationem ab vsu pæne omni abest: aliàs inter omnes omnium bituminum species maximè calida, sicca, & penetrans est. Ideoque ad humores frigidos discutiendos inungi potest colicis, soporosis, apoplecticis, paralyticis. De Naphtha vide Dioscoridem, lib. 1. cap. 85. & Matthiolum atque alios, qui in Dioscoridem scripserunt commentarios.

Naphthæ proximum est petroleum, quasi Petræ oleum, quod è petris odore validissimo exstillat. Est oleum bitumineum, non ita subtile, nec tam spirituosum, vt naphtha; vnde nec è distanti, nec tam fucitò flammam concipit. Coloris est varius; candidum, quod præstantissimum; flauum; rubrum; nigrum; quod vilius. Pertinet huc succinum liquidum & ambra liquida, quæ nihil aliud sunt, quam Petrolei species. Reperitur in pluribus regionibus. In Italia in agro Mutinensi è petris stillat candidum & rufum odore validissimo; In Sicilia fontibus innatat, quod oleum Siculum appellant, & eo ad lucernarum lumina instar olei vtuntur, & ad scabiem iumentorum à Plinio laudatur. Verum in aliis locis plurimis reperitur; nec tam ex loco, quàm natura æstimandum est. Omne autem calefacit, siccatur, ob essentia tenuitatem, penetrat, humoresque excrementitios discutit, atque ob id paralyti & aliarum partium, præcipuè neruorum, frigidis doloribus & morbis vtile.

Tertio loco est bitumen liquidum, nomine generis ad speciem translato ita dictum, petroleo crassius est, quod admisto seuo axibus curruum inungendis adhibetur. Si ei pix nigra incoquatur, etiam picandis nauibus inferuit, & Pissasphaltus nominatur. Videntur autem hæc tria, Naphtha, Petroleum, & Bitumen liquidum, non origine, cum plerumque in vna radice conueniant, sed partium tenuitate discrepare; vt id quod tenuius & spirituosius, Naphtha; medium & oleosum, petroleum; crassius & feculentius, bitumen liquidum in specie appelletur. Et horum bituminum differentia facile ex destillatione succini notari potest: in qua quod crassius in fundo remanet, axungiam bituminæ; oleum petroleum; subtilissima pars, Naphtham refert, quæ Naphthæ instar etiam flammam ad se rapit.

Tandem inter bitumina est Maltha, licet non videatur bitumen merum, sed colamentum eius limo argilloso mistum; cuius Plinius, lib. 2. natur. histor. c. 104. facit mentionem. In Conagenes, inquit; vrbe Somasatis stagnum est, emittens limum (Maltham vocant) fragrantem. Cum quid attingit solidi, adhæret: præterea tactus sequitur fugientes &c. In iungendis & ferruminandis muris calcis vsus præbuit. Ad Babylonis muros extruendos adhibitam fuisse, docet Vitruu. l. 1. c. 5.

Concreti & coagulati bituminis multa etiam sunt genera. Primum est Halosanthos, flos salis vel maris, à plurimis Sperma ceti dictum, pinguedo est quasi & spuma maris. Nihil quidem marinæ substantiæ est, sed aliunde influens materia, quæ tamen à mari aliquid, inprimis salum, contrahere queat. An eadem sit res halosanthos & sperma ceti, hic prolixè disputare locus non est. Videantur comment in Dioscorid. lib. 5. cap. 88. Hoc saltem monendum, nomen inditum esse satis noto iam medicamento à falsa opinione, quasi sit semen è vulua balænarum elapsum: cum ta-

men reuera sit pinguedo marina; vnde à nonnullis non malè ambra alba & succinum marinum nominatur. Spermatæ ceti insignis in sanguine concreto dissoluendo efficacia etiam vulgo nota est: Adhibetur quoque vtiliter ad humores crassos in pectore attenuandos, & asthmaticis prodest.

Deinde inter hæc bitumina est ambra odorata. Ambra autem nomen vulgò pro omni succino vsurpant. In specie ab Arabibus hoc nomine significatur medicamentum quoddam odoratissimum, quod Latinis Ambarum & Ambracane. Hermolaus Barbarus primus succinum orientale nominauit. Etsi verò intricatissima sit de Ambra natura & origine quæstio; tamen probabilior & pluribus rationibus probata illorum sententia, qui ad bitumina referunt. Est enim substantia quædam pinguis, odoratissima, in mari, inprimis Indico & Æthiopico, vel litoribus eius inuenta, quæ omnium quoque pretiosissima est; nunc durior, nunc mollior, plerumque friabilis, vt tamen sub dentibus & vnguibus etiam instar mastiches vel ceræ dilari possit. Color nunc vniformis, nunc puncta citrina aut alba interspersa habet. Quamquam verò in mari reperitur: tamen in mari originem non habet, sed est genus bituminis & olei ex suis fontibus manans, & in summo mari aëri expositum densatur & coagulatur, vt succinum. Testanturque historiae navigationum Indicarum, in aliquot Indiæ locis oleum seu balsamum nobilissimum è fontibus manare. Odor ille gratissimus à nobilissimo sulphure est. Imò Crato sulphur esse, aut ambra Chryseæ ὀν, sulphur, inesse scribit. Insignem vim Spiritus animales & vitales roborandi habet: hinc cerebro & cordi conuenit, & sensus omnes vegetiores reddit. Vtile est senibus & natura frigidioribus; contra synopen & melancholiam prodest.

Ambra succedit Succinum, Græcis ἡλεκτρον. Arabibus Carabe; Ambra item citrina, ad differentiam Ambra, quæ modo explicata est, & grysea vel chrysea appellatur; Gagates quoque & vernix. Hodie notissimum est, quod in litore Borussia ad mare mediterraneum reperitur, forma massæ seu glebæ nullam certam formam habentis, duræ solidæque instar lapidis, aliquando puræ & sinceræ, aliquando remissa herbis, lignis, bestiolis, Chalcantho quodam nigro, aliisque sordibus. Hinc quædam massæ sunt perspicuæ & pellucidæ, quædam opacæ: color etiam varius; odor gratus sui generis. Panno vbi fricatur, paleas & scobes siccas ad se trahit, per exeuntem spiritum. Flammæ admotum ardet, multumque fuliginis emittit.

De eius generatione & natura variæ sunt sententiæ, dum alij quid vegetabile, alij minerale, alij partim vegetabile, partim minerale statuunt, quas omnes hic recensere, & rationes, quæ pro singulis opinionibus afferuntur, examinare, nimis prolixum foret. Ergo sententiam eam tantum, quam vero magis consentaneam putamus, proponemus: Succinum nimirum bitumen esse putamus. Proprietates enim eius omnes obtinet, eruiturque è terræ mineris in Germania, Gallia, Italia, compertumque est, foris coagulatum & absolutum succinum fuisse, intus puram naphtham vel petroleum. Præterea etiam succino annatam fuisse melantheriam, chalcitin, atque alia mineralia. Denique & arte Chymicâ inde elicitur oleum cum petroleo conueniens. Atque hoc bitumen, prout est album, citrinum vel rubrum, nigrum, purum vel impurum, ita tale succinum inde generatur. Non autem ex solo bitumine & petroleo constat, sed etiam spiritus aluminosus, nitrosus, & vitriolatus concurrunt; inde in multis locis, vbi petroleum est, nullum succinum generatur, quia hi spiritus desunt. Primò verò succinum liquidum est, postea vbi in aquas effunditur, sine vlla partium exhalatione & diuaporatione à spiritu nitroso, aluminoso & vitriolato, concur

Eius vires.

Ambra odorata.

Ambra vires.

Succinum.

Naphtha vires.

Petroleum.

Succinum liquidum, & ambra liquida petrolei species.

Bitumen liquidum.

Maltha.

Halosanthos, flos salis, seu sperma ceti.

concurrente forsan & faldedine marina, coagulatur & concrefcit. Et hæc effe proxima succini principia, ipfa chymica refolutio oftendit. Nam fpiritus vitriolatus, aluminofus, falſus cum phlegmate egreditur: ac præterea fal collo Retortæ fatiſ copioſus adhæſcit. In rectificatione, ſi diligenter operatio inſtituatur, ſpiritus albus, Naphthæ Babylonica reſpondens, adſcendit, flammam concipiens, vt rurum non ſit candelas accenſas, vaſis, in quibus ſuccinum deſtillatur, propius admouere. Oleum duplex elici poteſt, flauum & rubrum, petroleo reſpondens. Nigræ feces ſi ad ſiccitatem ſinantur exſtillare, concreſcunt in bitumen Iudaico ſimillimum.

Succini vires.

Exſiccatur & calefacit, capitis diſtillationibus, Epilepſiæ, Apoplexiæ, paralyſi medetur, ſtrangulationem vteri compoſcit, ſanguinis reiectioni & tabi prodeſt, gonorrhæa quoque, partum facilem reddit, vrinam prouocat: fumus aduerſatur venenatis animalibus, ac Epilepticos deregat.

Gagates.

Affinis eſt ſuccino Gagates, vt à nonnullis pro eodem habeatur: eſtque etiam ex bituminum genere, ſeu lapis bituminofus, plerumque niger; interdum tamen etiam pallidi vel flauī coloris. Celeriter accenditur, odorem bituminis reddit, ſuſſitu comitiales detegit, vim habet emolliendi & diſcutiendi.

Asphaltus.

Eſt & adhuc aliud genus bituminis, ſed concretum magis, quod nomine generis, asphaltus nominatur, & quia picis more nigrum eſt, à nonnullis pix terræ & mineralis appellatur. Quæ durior eſt asphaltus, nihilque ſordidum admixtum habet, compingitur ſolidius, dum frangitur, purpuræ modo ſplendet, ponderoſum eſt, validi odoris. In quo genere Sodomæum primas tenet. Quod impurius eſt, nec ita ſplendet, nec tam grauiter olet. Exſiccatur & calefacit, diſcutit, emollit, vulnera glutinat: ſtrangulationem vteri ſuſſitu tollit. Vide Dioſcoridem, lib. 1. cap. 83. & ſeq. & commentarios Matthioli, & aliorum.

Tandem ad bitumina referenda ſunt quædam terræ & lapides bituminofi. Siue enim terras ſiue lapides dicas, non multum refert. Prima & præcipua origo eſt ex bitumine, cum quo vt plus terræ vel lapideæ concretionis concurrat: ita hoc vel illud nomen accipit. Atque hinc fit, vt in bituminum natura magna occurrat difficultas, dum ſcriptores ſæpe ad locos natales, vel ad externam figuram reſpiciunt, de interna verò natura parum ſolliciti, vel reiſdem generis ſegregant & diſcernunt, vel diuerſi coniungunt & confundunt.

Eſt enim bitumen hoc, è quo terra & lapides eiſmodi conſtant, non ſincerum bitumen, ſed ſuccis terreis, limo, argillæ, venis metallicis, lapidibus mixtum. Huiusmodi eſt terra ampelitis, quæ nigra eſt & carboniformis ac bitumini ſimilis; oleo ſoluitur, vermibusque reſiſtit, vt asphaltus ſiccatur, mollit. Nonnullis terra ampelitis, & carbo foſſilis ſeu lithanthrax, ſunt idem, alij verò ea diſtinguunt. Si idem planè non ſunt, certè valde cognata ſunt; vnde etiam Germanis variæ appellationes, *ſchunartſe*, *Kreide*, *Kohlerde*, *Steinkohlen*, *Bergkohlen*, *dorff*, & *durpte*. Hæc enim ſeu terrarum ſeu lapidum genera, omnia eandem radicem & matrem habent bitumen nigrum: ſingularis differentia ex vario concretionis modo & rerum admixtione prouenit.

Quod enim Germani dicunt *dorff* & *durpte*, cespites bituminofi ſunt, ſeu terra bituminofa, qua reſiccata ligni vice ad ignem fouendum vtuntur. Effoditur in Friſia occidentali, Geldria, Flandria, Brabantia, Seelandia. Reperitur & in Collao prouincia Peruana, quam Monardes his verbis deſcribit: In Collao prouincia Peruana locus quidam omino nudus eſt, in quo nec vlla arbor, nec planta creſcit, quia

terra bituminofa eſt, ex qua Indi liquorem eliciunt ad plurimos morbos curandos vtilem. Ratio eliciendi hæc eſt: Terram in cespites ſcindunt, quos loco aprico ſuper petricas, aut craſſiores arundines diſponunt, vaſis ad excipiendum aptis ſubiectis. Solis enim ardoribus hoc bitumen liqueſcit, ſeu ſuccus terræ inclufus reſoluitur & tranſſudat. Deinde remanent cespites ſicci, & ſine oleoſo liquore ad focum ſtruendum apti; quoniam eo loco & arbores & ſtruendo igni idonea deſunt. Sed is ignis noxiuſ eſt, ob ſumi denſam nigredinem, & tetrum odorem, quem excitat. Nihilominus alterius materiæ penuria, cespitibus iam dictis vtuntur. Liquor exceptus multis morbis prodeſt, præſertim ex frigore prognatis. Nam dolores mitigat, & tumores frigidos diſcutit. Curantur eo vulnera & reliquæ ægritudines, quibus Caranna & Tacamahaca ſunt vtilis. Color ei ruſſus ad nigrum tendens, odoris grauiſ. In Saxonia, Miſnia, Belgio, Scotia & alibi, cespites bituminofi & pingues reperiuntur: Germani vocant *Motten*.

Λιθάνθραξ, item carbo mineralis, vel foſſilis, aut carbo lapideus, *Steinkohlen*, durior eſt & lapideæ naturæ, ex bitumine & ſucco lapideſcente terreſtri conſtans, niger, inflammabilis & ad focos ac opera fabrorum ferrariorum præcipuè vtilis. In Germaniâ, Bohemiâ, Scotia plurimis locis naſcitur. Alius autem plus bituminis, alius plus ſucci lapideſcentis habet: vnde & alius flammam facile concipit, alius non niſi aliis carbonibus adhibitis & foliis inflammatur.

Lithanthrax seu carbo foſſilis.

Verum qui de bituminibus plura cognoscere cupit, legat commentarios in Dioſcoridem, & inprimis tertiam partem Singular. Andr. Libauij, in qua prolixè & eruditè hiftoriam & naturam omnium bituminum explicat.

Succedit Sulphur, Græcis *θεῖον*, ſuccus mineralis conſtans parte vnâ inflammabili & grauem odorem de ſe præbente, alterâ terrea, craſſa, fixa, ſuccum chalcanthoſum admixtum habente. Habetur pro agente & patre in generatione metallorum, mercuriumque coagulat, ſi ſpiritus metallicus & ſeminale principium accedat. Quò ſi deſtituitur, metalla deſtruit, conſumitque volatilia. Eſt autem duplex, natium ſeu viuum, *ἀπυρον* ſeu ignem non expertum. Gignitur enim purum, ſolidum & gleboſum, vt ad ſuperflua ſeparanda igne opus non ſit. Deſcribitur ab antiquis, quod ſit pellucidum. Hodie verò tale raro inuenitur, ſed eſt colore ſubcerinitio, intus, cum frangitur, ſubluteo. Factitium *πεπυραμένον*, ex effoſſa vena ſulphuris coquitur. Factitij autem quædam eſt differentia, præcipuè à puritate & hinc dependente colore deſumpta, aliudque citrinum, aliud pallidius eſt, quoddam etiam ad cinereum colorem vergit.

Sulphur.

Ex ſulphure cum hydrargyro fit cinabrium factitium. Ex fumo accenſi ſulphuris à campana excepto fit liquor acidus, inſtar ſpiritus vitrioli. Flores autem ſulphuris nominantur id, quod purius & ſubtilius à fale, & vitriolo calcinato ſublimatur.

Sulphur autem digerit, diſcutit & extrahit, prodeſt ſuſpirioſis & empyicis in ouo ſumptum. Extrâ pruritus corporis, cum butyro, vel axungia ſuilla, cum terebinthina lichenas curat.

Sulphuris effectus.

Vicinum ſulphuri eſt Arſenicum, Auripigmentum & Sandaracha, quæ natura & facultatibus conuenire, nec alio modo diſferre videntur, quàm quod aliud minus, aliud magis in terræ viſceribus excoctum ſit; aut aliud plus vel minus hydrargyri & ſalis cum ſulphure miſtum habeat. Nonnulli Arſenicum loco generis uſurpant, & Auripigmentum vocant arſenicum croceum; Sandaracham, Arſenicum rubrum, Riſagallum, arſenicum album. Quod tamen hi arſenicum album nominant, hodie plerumque

Arſenicum, Auripigmentum, & Sandaracha.

per nomen Arsenici absolute intelligitur. Auripigmentum scilicet tories cum sale sublimatum, ut fiat candidum, & crystalli modo pellucidum; unde & crystallinum appellatur: inter erodentia & putrefactientia venena validissimum. Est autem auripigmentum succus mineralis sulphureus, coniunctum habens hydrargyrum paucum & Spiritum salis. Omne causticum & erodens, partibus internis inimicum, quas erodit, humidumque radicale depascitur. Imò nec extra ob summam virulentiam & vim erodendi satis tuto adhibetur: Verum si per nitrum calcinetur, Mercurius volatilis & sulphur inflammabile tolluntur, ac relinquitur quædam pinguedo bucyracea, quæ extra ad fistulas & ulcera difficilia usurpatur.

Antimonii.

Referamus huc & Antimonium seu Stimmi & Stibium, quod etsi ad metalla propius accedere videtur, est tamen corpus minerale, plumbum quidem æmulans, sed fragile, ex sulphure & arsenico crudo & multo hydrargyro terreo, sed iis omnibus volatilibus constans. Unde halitum edit foetidum & noxium, qui maxima parte est mercurialis, aliqua etiam ex parte sulphureus & arsenicalis. Crudum extra adhibitum plumbi vires ferè æmularur, habetque vim adstringendi, carnis excrescentiam prohibet, oculorum sordes aufert, & ulcera ad curationem perducit. Chymicis multum negotij facessit, qui varia medicamenta purgantia & sudorifera inde conficiunt; de quo integri Chymicorum libri exstant, qui consulantur.

Bismuthum.

Tandem medium inter Antimonium & plumbum est Bismuthum, quod ideo & plumbum cinereum nominatur, corpus minerale albicans cum liuore, durum, fragile, Mercurio terreo & crudo similique sulphure & arsenico, iisque omnibus impuris & volatilibus constans.

Et ut hæc concludamus, varia ista, quæ hætenus recensuimus, terrarum & mineralium genera, & si quæ alia adhuc recenseri possunt, ex radicibus mineralium ortum habent. Accedunt enim in hisce etiam variæ corruptiones. Etsi enim aurum & alia metalla iam excocta non putrescant, & incorruptibilia videantur: in prima tamen origine corrumpi possunt. Ita terra sigillata, cuius supra facta mentio, nihil aliud censetur, quam prima auri, argenti, vel alterius metalli (nam sunt eius varia genera) materia corrupta, cum nimirum principia metallorum non unita manent, sed sulphur & mercurius separantur ac sublimantur, & vel alio transferuntur & propagantur, vel in auras disperguntur. Sic Antimonium nihil aliud videtur esse, quam aurum crudum, ante maturitatem corruptum; & Bismuthum argentum immaturum corruptum.

CAPUT IV.

De Lapidibus & Gemmis.

Lapidum generatio.

Inter mineralia durissima sunt Lapidēs. Cum autem sub hoc genere & lapides in specie dicti, & gemmæ, nobiliores scilicet & præstantiores lapides, comprehendantur, prius in genere aliquid de lapidum generatione dicendum. Vulgò statuitur, ex elementorum concursu ac mixtione, primis ac secundis qualitatibus cooperantibus, lapides & gemmæ produci. Etsi autem non negandum sit, ad horum constitutionem elementa concurrere: tamen elementa sola non sufficiunt, & non nisi remota lapidum & gemmarum causa sunt. Quocunque modo misceantur elementa; tamen absente primario agente nulla ex iis fit gemma.

Qui propiorē causam reddere voluerunt, exhalationem materiam lapidum constituerunt: sed quæ & ipsa nimis remota est, nec sola sufficit; nisi spe-

cialior determinetur. Auicennas & Albertus ergo, verem magis determinarent, lutum & succum materiam lapidum statuerunt: lutum scilicet lentum & tenax; ad cuius mixtionem plus terræ, quam aquæ confluerit: succum verò aquam, quæ terram sorbuerit, abarserit, vel tetigerit metallum. Hanc opinionem alij sequuntur, & ex luto seu terra humore quodam viscoso conglutinata lapides opacos; à succo autem perspicuo lapides pellucidos oriri statuunt.

Verum non solum aqua & terra, sed omnia elementa lapidibus, præsertim præstantioribus, insunt. Imò nec elementa sola sufficere putant Chymici, sed ut metalla, ita & lapides & gemmæ, tribus illis principijs Mercurio, sulphure & sale constare dicunt. De qua sententia alibi dicitur.

Hoc saltem hoc loco monemus: valde cognatam & affinem esse metallorum ac lapidum & gemmarum materiam, quod non solum locus natalis, sed alia multa ostendunt. Exempli loco nobis sunt granati, è quibus & ferro tam similes tincturæ eliciuntur, ut eas discernere facile non sit; & viliores, qui in Silesia & Misnia in magna copia reperiuntur, colore etiam ferrum referunt. Lapidēs etiam multi, si vruntur, sulphureos fumos, non secus ut metalla & mineralia emittunt, & ex metallis vitra fiunt, quæ gemmæ quasdam maximè æmulantur. Unde non incommode ad communia principia gemmæ & metalla reduci, & gemmæ ad certa metalla redigi posse videntur.

Magis adhuc hærent autores in causa efficiente lapidum explicanda, Plerique hinc etiam ad calidum & frigidum recurrunt, & ultra qualitates elementorum nihil sapiunt. Ex quibus quidem eos, quos ex luto fieri statuunt lapides, per assationem à calido & sicco tantum coagulari putant: eos autem, quos materia aquea constare censent, à frigore vehemēti coagulari, ut crystallos. Verum lapides tales opaci multi in mediis aquis & fontibus generantur, quorum coagulatio assatione à calido & sicco fieri non potest. Nimium verò simplices sunt, qui crystallos. Adamantem, & similes lapides à frigore coagulari putant: Cum in calidissimis regionibus, in superficie etiam terræ, Adamantes & aliæ gemmæ perspicuæ generentur; nec igne liquecant.

Chymici salem concretionis & coagulationis causam esse statuunt: contra quam sententiam etsi nonnulli acriter disputant: tamen planè reiicienda non est; cum multa euidētia documenta eam probent, ac certum sit, multa in humido coagulari & concrelescere, vbi neque exsiccatio, neque calor, neque frigus locum habent. Verum tamen cum duæ concretionis sint species, quæ accidunt, nulla parte materiæ vel dempta vel addita: nullo modo illæ confundendæ, & distincte de distinctis coagulationis modis loquendum.

Prior concretionis modus in salibus, ut in sale communi, vitriolo, nitro, alumine, vrina & salibus, quæ ex plantis & animalibus sunt, apparet, & salibus proprius est, qui natura sua ad talem coagulationem, ac quidem sub certa figura tendunt; ut illam diuersitatem in nitro, vitriolo, alumine & aliis videre est.

Verum quia sales per se duritiem non habent, sed facile franguntur & in humido liquecunt, gemmæ verò & lapides non solum concrecunt, sed & solidi & duri sunt, nec in humido liquecunt: aliud à priorē hoc genus concretionis est. Cuius concretionis causam nonnulli quidem etiam à sale deducunt, duritiem verò ad terram admixtam referunt: alij verò, & satis probabiliter, lapidescentiam ut sic dicam, seu in lapideam duritiem concretionem, à succo seu spiritu lapidescente provenire statuunt, qui spiritus & succus

Causa efficiens.

Concretionis & coagulationis vera causa.

Concrecio duplex.

Solis concretio.

Soliditatis & duritiei causa.

Lapidescentia.

succus lapidescens passim in terra & aqua reperitur, nec tamen sine sale est.

*materia
lapidum &
gemmarum
proxima.*

Atque ita proxima gemmarum & lapidum materia succus lapidescens, id est, materia suapte naturâ ad talem duritiem & soliditatem tendens, constituitur. Vt autem varij lapides & gemmæ generentur, id à specifica cuiusque forma proficiscitur. Habet enim quævis gemma propriam & specificam formam, quæ ab aliis omnibus discernitur, quam à seminali, ut sic dicam, sui generis principio nanciscitur. Quæ non ex elementorum mistura provenit, sed, ut rectè Scaliger nominat, essentia quinta est, à Deo optimo in prima rerum creatione huic naturalium rerum generi indita. Quod seminale principium & spiritus architectonicus etsi in peculiariter distincto corpore, ut in plantis plerisque, non apparet, neque etiam eius essentia satis explicari possit, iccirco tamen negandum non est. Vt enim salix, etsi semen non gignat, ut aliæ plantæ: tamen principium seminale per totam arborem dispersum habet, & hinc per ramum amputatum propagatur: ita seminale gemmarum ac lapidum principium in materia lapidifica latet; & in hac humanæ mentis caligine eius essentia nobis ignota est, ut reliquæ formæ omnes; & non nisi ex facultatum & operationum ac qualitatum diuersitate illarum differentia cognoscitur. Ex hac enim formarum diuersitate, accedente & materia idonea, colorum & figurarum externarum diuersitas dependet.

Hinc crystallo & adamanti Hungarico & Silesiaco figura est hexagona; quadrangula, Smaragdus occidentalibus; globosam figuram habet granatus Bohemicus, & Geodes; aliâque aliæ gemmæ.

colores gemmarum unde.

Colores autem gemmarum præcipuè à metallorum sulphure deduci posse existimo. Carbunculi enim, rubini & granati tinctura cum Auro & Marte participant: Turcois Veneris tincturam habet. Possuntque per spiritum salis, urinæ & alios liquores à metallis tincturæ extrahi, quæ gemmarum quarundam colorem planè referunt. Atque ex iisdem causis, formis nimirum & mineralibus principiis, aliæ quoque lapidum & gemmarum qualitates, ut durities, pondus, & aliæ, ut & earundem vires ac proprietates fluunt.

locus natalis gemmarum.

Locum natalem quod attinet, saxa ubique reperiuntur; gemmæ in multis tum aliarum regionum, tum Germaniæ locis, ut Misnia, Silesia, Bohemia, & aliis. Nobiliores tamen gemmæ præcipuè in India reperiuntur. Cuius rei alij alias causas assignant, & plerique in Solis positum & stellas supra Zenith causam referunt. Verum cum in Africa, America, aliisque regionibus, quæ sub eodem sunt climate, nec tanta copia, nec tamen nobiles gemmæ generentur: Potius in soli naturam, eiusque dispositionem & seminale principium in prima creatione inditum causam referenda.

lapidum differentia.

Sunt autem lapides alij vulgares, alij pretiosi, pro materia, ex qua constant, puritate vel impuritate, & formæ nobilitate. Vulgares enim lapides ex crassiore & impuriore materia constant, formamque ignobiliorē habent: unde & effectus minus præstantes sunt: Pretiosi verò ex puriore & subtiliore materia constant, & formam nobiliorem obtinent. Habet enim lapis calcarius, atque alij vulgares lapides etiam suum sulphur, quod, dum vruntur, satis deprehenditur; sed longè crassius & impurius, quàm rubinus, granatus vel amethystus.

*unicornu
fossile.*

Sunt autem lapides alij porosi, alij solidi. Inter lapides istos primo loco meritò explicandus ille, qui vulgo pro Monocerotis cornu habetur, alij ebur fossile, alij cornu fossile appellant. In Thuringia enim, ut & Bohemia & aliis locis inueniuntur talia cornua;

imò non solum cornua, sed & alia ossa: quæ ad vulnera & ossa fracta glutinanda, vlceraque sananda vtilia esse prædicantur. Inprimis autem cornua ista non paruum in Epilepsia febribus malignis, peste, alvi torminibus in infantibus, aliisque morbis sanandis habere vsum, experientia docuit; unde etiam vulgò pro cornu monocerotis venduntur. Verum à genuino Monocerotis cornu facile discerni possunt. Nam verum unicornu durum & solidum est, ut vix radi, multò minus teri possit: nec linguæ admodum adhærescit; Hic verò lapis durus non est, sed quasi calcinatus, facile frangitur teriturque, & linguæ admotus adhærescit, instar terræ sigillatæ aut margæ alicuius.

Eius usus.

*A genuino
monocerotis
cornu quomodo
discernendum.*

De eius generatione alij aliter sentiunt. Sunt qui putant ossa ista ex bestia illa Monocerote, diluuiò seu alia quacunque causâ terra obiecta, reliqua esse, carnibus & aliis mollioribus partibus vetustate consumptis. Verum rationi consentanea non est hæc opinio. Vnde enim in Thuringia & silua Hercinia prope Elbingrodam, item circa Heidelbergam, Hildeshemium, in Misnia, Silesia, Moravia, multisque aliis locis tanta monocerotum copia? Et cur in hisce potius, quàm in aliis locis, in quibus monocerotes degere credibilius est, ista cornua inueniuntur? Præterea non solum huius bestię, sed & quæ aliorum animalium ossa referunt, lapides inueniuntur.

Probabilius ergò statuitur minerales esse istos lapides. Quænam autem sit proxima materia, explicare non ita facile est. Alij birumen aut succinum corruptum, alij ut Anshelm. Boëtius, lib. 2. cap. 242. margam, alij lapidem aliquem putrefactum corruptum esse statuunt. Hoc certum est, esse materiam mineralem, terræ sigillatæ alicui non absimilem, seu succum mineralem cum terra tali mistum, & in formam cornu, dentis vel alterius ossis conformatum.

*Proxima eius
materia.*

Nec est, ut quem forma ista externa offendar. Quamuis enim causam conformationis nemò facile reddiderit; etsi in ea reddenda multi laborarint: tamen certum est, mira multa in terra efformari. Vt de aliis iam non dicam, quàm variæ figuræ in lapidibus fossilibus Islebiæ & alibi appareant, satis notum. Conspiciuntur enim in illis tabulis lapidum figuræ variæ plantarum & animalium, ranæ, Salamandræ, serpentes, viperæ, anguillæ, cyprini, auratæ, gobii: Imò Principum, virorumque illustrium imagines. Quæ verò istarum figurarum causâ sit, nemo facile dixerit.

Vires huius lapidis quod attinet, certum est, eas non esse exiguas ad epilepsiam ac morbos malignos, & propterea sæpe non minore successu, quàm cornu, quod animalis monocerotis habetur, vsurpatur.

Sunt autem lapides vulgares duplicis generis; alij porosi, alij solidi. Porosi sunt, porus seu Tophus, pumex, lapis ossifragus, & osteocolla, Stalactites, & plerique lapides, qui in animalibus generantur.

Lapides porosi.

Solidi sunt plures, saxum arenarium, saxum calcarium, silex, pyrites, cos, lapis lydius, smiris, quo vitrum findi solet. Marmoris varia genera, alabastrites, ophites, porphyrites, lapis fissilis, ceraunias, Belemnites; & alij plurimi.

Solidi.

Sunt deinde & alij lapides, inter vulgares ac crassos istos & nobiles gemmas quasi intermedijs de vno atque altero saltem aliquid dicemus.

Magnes primum lapis quidem sat notus est; eius verò effectus planè admirandi, & in quorum causâ reddenda multi docti viri hætenus laborarunt. Sunt autem magnetis effectus vel solius lapidis, vel ferri Magnete fricati, vel vtriusque, lapidis & ferri. Lapidis simplices effectus sunt, trahere ferrum, & versus mundi polos conuertere. Quod ferrum trahat, illud

*Magnes,
eiusque
admirandi effectus.*

etiam

etiam antiquis plerisque non ignotum fuit: vis verò versus polos mundi se conuertendi, vt hodie notissima, ita antiquis ignota, nec adhuc inuentus, qui monstraerit, Aristoteli, Dioscoridi, Theophrasto, Lucretio, Plinio, vel vlli ex antiquis Græcis, Latinis, cognitam fuisse: sed ante pauca sæcula primum hæc eius vis innotuit; etsi quo autore vel inuentore incertum sit.

Quæ verò huius motus causa, & an in cælo, an in terrâ querenda sit, valde obscurum. Vt tamen eam, quantum possibile, inuestigemus, hoc primum præsupponendum magnetem in plerisque locis non exactè ad polos mundi, sed versus eos conuerti, & ab iis nonnihil declinare, in aliis plus, in aliis minus. Quæ declinatio à polis mundi magni omnino vsus & momenti est. Cum enim antiqui, in quo mundi meridiano in mari versarentur, de die saltem ex Sole cognoscerent; & per stellas noctu eleuationem poli, & in quo mundi loco secundum latitudinem degerent, inuenirent: nunc beneficio magnetis locus etiam secundum longitudinem inueniri potest, & cum apud omnes Geographos antiquos in confesso sit, nihil difficilius esse in toto Geographiâ, quàm inuentionem longitudinum locorum, & eam ob causam in celeberrimarum etiam urbium longitudinibus assignandis ita varient: vnius magnetis beneficio facile & exactissimè loci cuiusque longitudo inueniri potest. Antiqui quidem gradus longitudinis ab insulis Fortunatis numerabant, atque ibi globi huius Mundani initium ac finem constituebant. Recentiores verò Cosmographi cum animaduernerent, polum magnetis & polum mundi in vno meridiano consistere in decimo gradu ultra Insulas fortunatas versus occidentem, circa Insulas Azores seu Flandricas: eò loci initium longitudinis, & quidem non ex arbitrio solum, sed naturali hac de causa constituunt: Quod scilicet in isto Meridiano poli magnetis & poli mundi conueniant. Ab isto verò initio & Meridiano versus orientem magis & magis augetur declinatio, & ea vel maior vel minor est, prout locus ab hoc primo meridiano vel magis vel minus declinat. In Germania, præcipuè circa Noribergam, est declinatio 10. graduum; hinc Vitebergæ 9. circiter. Belgæ, qui in Noruegiam & vicina loca nauigarunt, versus orientem declinationem magnetis à meridiano 16. graduum inuenerunt; & ad nouam Zemblam 17. graduum in locis magis versus ortum sitis modò exactis in obseruando instrumentis vsi sint. Et probabiliter asseritur, si Hollandi iter illud versus orientem absoluerent, quo magis in loca orientalia & Chinam versus penetrarent, eo magis declinationem magnetis à meridiano immui eos obseruatuos, tandemque ad eum locum versus orientem venturos, in quo poli magnetis & mundi in vno meridiano essent, nullaque poli magnetis sit futura deflexio, in 180. gradu longitudinis opposito initio longitudinis in occidente.

Est tamen vir quidam doctus, qui statuit, hac in re Hollandos deceptos esse. Cum enim in pixidibus nauticis obseruarent, eos non animaduertisse, pixides nauticas ita confectas esse, vt ferrum magnete tinctum non subiaceat præcisè ipsi Lilio in rosa marina seu pixide nautica, sed distet ab illâ per aliquot gradus. Dum igitur Hollandi ad Lilium respexerunt, & illud viderunt rectè monstrare septentrionem, putasse, nullam ibi esse declinationem magneticam; cum tamen ferrum magnete tinctum aliquot gradibus distaret à lilio seu vero septentrione. Itaque ipse in Insulis fortunatis seu Canariis cum antiquis primum meridianum constituit, eâ de causa, quod eo loci, nulla penitus sit magnetis declinatio. Quâ de re experientia consulenda. Mihi tamen probabile non videtur, Hollandos, quibus constructio pixi-

dum nauticarum notissima est, hac in re tam incautos fuisse.

Vt vt sit, hoc certum & multiplici experientiâ comprobatur, polum magnetis à polis mundi distare, & quidem 23. gradibus circiter.

Et probabiliter hinc à nonnullis colligitur, declinationem polorum magnetis à polis mundi, & declinationem polorum mundi à polis Zodiaci esse eandem, & cum declinatio planetarum summa sit 23. graduum & aliquot minutorum, eandem procul dubio quoque esse declinationem polorum magnetis à polis mundi.

Etsi verò poli mundi & magnetis distent: hoc tamen extra dubium est, dari meridianum, in quo poli mundi & magnetis conueniunt, & in quo acus magnetica cum meridiano exactè coincidat, siue is circa Insulas Azores & Flandricas, siue fortunatas & Canarias sit.

Hoc verò dubium est, an causa sit in cælo, an vero in terrâ, & vbi nam, siue sit in cælo, siue sit in terrâ. Sunt quidem nonnulli in ea sententia, esse quosdam magnetis montes sub polo, ad quos similitudine naturæ moueatur magnes. Verum nec satis compertum habent, quales vel quanti isti montes sint; nec aliis mundi locis mineræ magnetis defunt, sed plurimis in regionibus reperiuntur, præcipuè in Ægypto.

Alij ad polum, alij ad stellas quasdam circa polum conuerti magnetem dicunt. Verum exactè & directè polum non spectat magnes; nisi iis in locis, vbi Meridianus per polum mundi & magnetis simul transiit: in aliis omnibus declinat.

Deinde quod de conuersione ad polum septentrionalem dicitur, viri docti in dubium hodie vocant. Et alij quidem in magnete duo opposita puncta statuunt, quorum vnum ad boream, alterum ad austrum dirigatur, si lapis liber & pendulus relinquatur. Quod etsi alij non negent planè: punctum tamen, quod versus austrum mouetur, fortius esse illo, quod versus septentrionem tendit, atque ita magnetem potius ad Austrum, quàm ad septentrionem moueri statuunt. Et quamuis nihil esset in magnete, quod sua natura ad polum arcticum conuerteretur: sufficeret tamen ad polum ostendendum, si tantum versus polum antarcticum conuerteretur. Nam cum polus Austrinus Arctico directè opponatur: si vna pars magnetis aut indicis magnetici ad austrum vertatur, necessum est, vt altera polum arcticum monstret. Cuius rei illud insigne documentum est, quod pixidum nauticarum & horologiorum magneticorum fabri, ei parti indicis, quæ meridiem spectat, non cruci, seu illi quæ septentrionem respicit, magnetem affricant; vnde index magnetis versus austrum primariò mouetur, cuius pars opposita septentrionem spectat & indicat.

Hinc ergo alij in eam veniunt sententiam, Magnetem verti versus Austrum; quia vis & operatio omnium planetarum sit à meridie, cum Planetæ ab ortu per Meridiem versus occasum suos cursus peragant. Verum enim verò etsi in nostris regionibus ita sese res habeat: sunt tamen opposita loca, in quibus ecliptica ab Æquatore versus septentrionem declinat, & planetæ ab ortu per septentrionem versus occasum suos cursus peragunt. Deinde planetæ eodem in loco non consistunt, sed alius in alio; & præterea non fixi hærent, sed singulis diebus cælum totum peragunt. Si ergo planetas spectaret magnes, vnum locum, cum sint plures planetæ, spectare non posset, nec quietus hæreret, sed perpetuò moueretur & planetarum motum sequeretur.

Probabilior aliorum est opinio, qui statuunt, vt res aliæ ad suum locum tendunt: ita magnetem, nisi impediatur, semper eum situm appetere, quem in

*Conuersionis
Magnetis ad
polum quæ
sit causa.*

suo loco natali obtinuit. Vbi tamen experientia consulenda & quomodo situs magnetis in fodinis metallicis sese habeat, inquirendum est.

Maximè verò probabilis illa est sententia, magnetem moueri versus suum in terrâ polum, qui à puncto polo mundi respondente 23. gradibus circiter distet: & quidem vel Australem solum, vel si duos polos magnes habet, & una pars eius versus septentrionem, altera versus Austrum vergit (de quo itidem experientia consulenda) præcipuè tamen versus austrum tendere: quamcunque etiam cum suo loco, aut iis, quæ sunt eo loci cognitionem habeat; Ac omnino in terra potius, quam in cælo, punctum, ad quod mouetur magnes constituendum. Etenim punctum illud fixum est; polus verò Zodiaci, aut quæcunque etiam stella circa illum locum constituatur, ad quem magnes moueri debeat, mouetur, & 24 horis circulum absoluit; cum interim magnes perpetuò ad vnum punctum tendat. Neque etiam deprehenditur, magnetem aut filamenta ferrea etiam subtilissima magnete tincta versus cælum tendere. Contra referunt autores non contemnendi, magnetem versus terram tendere, idque his experimentis probari posse scribunt. Aciculam vel ferrum in æquilibrio statui iubent, vt neutra parte nutet, & terræ propior sit; hinc alteri extremitati magnetem affricare: quò facto, extremitatem magnete tinctam terræ appropinquare ferunt. Deinde si ferrea filamenta librentur & ad pondus expendantur; postea magnete tingantur, atque iterum lanci imponantur, fieri scribunt, vt iam grauiora sint & magis versus terram inclinent, quàm antea. Atque ita cum duo poli magnetis in terra constituendi sint, vnus à puncto polo mundi septentrionali subiecto 23. gradibus circiter, versus locum, quem vocant hodie el stretto le Anian, distans, alter in parte Australi opposita, sit in Meridiano, qui transit per Insulas Azores seu Flandricas, Caput Viride & Caput Coruo, vel vt aliis placet, qui transit in Insulas Canarias: in omnibus locis, qui sunt in hoc meridiano, nulla est magnetis declinatio, sed acicula magnete tincta exactè cum meridiano conincidit; in cæteris omnibus totius terræ locis, acicula hæc declinat à meridiano cuiusque loci, nunc magis, nunc minus, nunc versus orientem nunc versus occidentem; quâ de re observationes Hollandorum videantur, Hypomnematis Mathematicis Simonis Steuini, lib. 5. *Geograph.* Quid autem illud sit, ad quod magnes mouetur, nemo facile dixerit: Sufficiat illud nobis, quod Scaliger, *Exerc.* 131. vbi & alia de magnete habet lectione digna, scribit: *Concoris, inquit, atque consentiens Natura sibi rerum omnium tum superiorum, tum nostrarum connexionem admirabili serie hac, qua totum hoc vnum est, perpetua necessitudine coniungit: Ita vt non solum sint in rebus tanquam gradus, aditus, recessus, separatis: verum etiam earum, qua seiuncta penitus videntur, substantiarum commistiones.*

Cur Magnes trahat ferrum.

De vi verò trahendi ferrum, (Nam hic iam non disputo id, quod Scaliger, *Exercit.* 102. *sect.* 6. habet, An magnes trahat ferrum, an ferrum magnetem. Siue enim hoc, siue illud verum sit, vna tamen causa est,) non minor est controuersia. Epicurus dicitur statuisse, à ferro & magnete atomos defluere, quæ figura conuenientes se amplexentur & impingant in ferri & magnetis corpora, vnde reflexa ferrum trahant. Anaxagoras magnetem animatum, & potentia animali attractionem fieri statuebat. A quo non multum discrepat Cardanus, qui & ipse Magnetem viuere asserit; contra quem pugnat Scalig. *Exerc.* 102. *sect.* 5. Marsilius Ficinus; lib. 3. *de Vita cæl. comp. cap.* 15. ab vrsæ sidere causam petit, cui & magnes & ferrum subiecta sint, & ambo ordine vrsæ sequente claudantur, sed superiorem in ipsa vrsæ proprietate gra-

dum teneat magnes, inferiorem ferrum; atque ita magnetem, vt in superiore gradu constitutum trahere ferrum, quod in inferiore gradu sit existimet.

Verum enim verò si rem diligentius perpendamus, vix aliquid probabilius asserre licet, quàm illum mutuum rerum naturalium consensum. Est nimirum, in quo iam ferè omnes, qui magnetis naturam iam diligentius perpenderunt, docti viri consentiunt, magnes ferri quædam vena, & ex eo ferrum generari potest.

Vbi notandum, non totum, id quod vulgò magnetis nomine ostenditur, magnetem esse, neque enim totus lapis trahit ferrum: sed magnetis substantiam in lapide suo quasi per venas dispersam esse; sicut & alia metalla raro sola & pura, sed in suis matricibus generantur. Ideoque lapis magneticus ea etiam parte saltem trahit, in qua est vena magnetica.

Ex quo alterum sequitur, causam attractionis potius esse in magnete, quàm ferro. Ferrum enim iam fixum metallum est: Magnes verò nondum fixus est, ideoque vires suas & spiritus liberius emittere potest.

Andreas Libavius, *parte 3. singul. lib. 1. cap. 12.* vbi de vi attractiua magnetis agit, causam adhuc specialiore reddere conatur, scribitque, bituminosam naturam esse principij in magnete huius, quæ ad singularitatem cum ferro redacta directaque sit similitudine conspirationis misturæque, qua eadem principia in ferro coaluerunt: & esse ferreum spiritum bituminosumque communem vtrique, sed non effluere continenter, tamque valide è ferro sicut è magnete, propter diuersam coagulationem seu consistentiam. Vbi libenter quidem concedimus sulphur quoddam aut sulphureum spiritum magneti & ferro communem esse: quem si Libauio bitumen appellare libet, (Nam bitumen ipsi generalius quid sulphure est; sulphur bitumini originem suam debere, scribit Libavius,) de nomine cum eo non litigabo, Quod autem bituminosa seu sulphurea tantum sese mutuo appetant non video quomodo probet. Nec illud etiam monstrat, an ob sulphur saltem, an verò ob totam essentiam sese mutuo appetant. Quæcunque autem sit cognitionis, quæ inter ferrum & magnetem negari non potest, causa; manet verum illud generale axioma, quod ibidem ponit Libavius: Natura appetit naturam, ferturque simile ad simile, quantum potest; maximè qua parte vis exoritur, & hæret, apprehenditque alterum sibi familiare.

Armati Magnetis, quem appellant, omnino hic facienda mentio est, cuius multo maior vis est, quàm non armati. Magnes enim qui non armatus est, saltem acum maiorem aut particulam ferri vix vnus atque alterius drachmæ: si verò armetur, uncias sedecim vel plures trahit. Artificium tale est. Inquirantur in massa Magnetis poli eius, quod vel beneficio Indicis illius Magnetici in horologiis fieri potest. Polis inuentis Magnes expoliatur, & in formam quamcunque corpus Magnetis suscipit, poliando reducatur: (commodior tamen forma quadrata oblonga) ita tamen vt axis ab vno polo ad alterum tendens, inter duas lineas parallelas medius interiaceat, & ab vtraque æqualiter distet. Lateribus formatis etiam pars superior & inferior poliatur & lauigetur, vt & latera ad axis extrema. Hinc formentur duæ laminæ quæ ex chalybe optimo, quarum latus alterum quod Magnetem tangit, planum sit, si latera illa ad polos plana sint; aut cuiuscunque figuræ sint, ad latera Magnetis lateribus exactè, vt nullum spatium inter chalybem & Magnetem relinquatur, respondeant alterum verò latus sit nonnihil rotundum: parte verò inferiore lamina illa infra Magnetem nonnihil promi-

Magnes armatus.

promineat , & quæ prominere pars, reliquâ nonnihil crassior & quadrata sit instar columellæ. Laminæ hoc modo formatæ polis vtrinque applicentur , & vt firmiter contineantur , bracteis duabus argenteis vel orichalceis supra & infra Magnetem ambientibus annectantur. Bractea simili Magnes parte superiori tegatur, cui circulus inferatur , de quo Magnes ita armatus suspendi possit. Magnetis ita armati penduli columellis chalybeis prominentibus, chalybea lamina, quantam trahere potest, applicetur.

Bezoar.

Deinde lapis Bezoar non prætereundus , de quo passim multa in medicorum libris exstant ; cùm & pretiosus ac rarus sit , & contra venena inprimis prædiceretur. Dictum putant nonnulli à vocabulo Perfico Pazar , vel Pazan , quod hircum significat. Alij deduci ad Hebræo Bel , quod Dominum significat , & Zaar venenum , opinantur. Verùm Arabibus Bedloar alexipharmacum est , & hinc Arabes in genere Bezoartica medicamenta vocant omnia , quæ contra venena valent. Vnde lapis Bezoar dictus videtur , quod eius insignis contra venena vis sit.

Quid sit
bezoar.

Lapis autem bezoar non fossilis est, sed in hirci, vel capræ potius cuiusdam Indicæ montanæ, quæ non procul à cerui figura absit, & propterea à nonnullis cerui-capra nominatur, ventre generatur. Forma sunt oblonga lapides, orbiculares, glandis interdum vel castaneæ figura. Color nunc nigricans est, nunc flavescent, subviridis, subcinericius, plerumque spadiceus, aut ex viridi nigricans. Superficie est glaber & lævis. Non valde durus est, sed facile frangitur. Corticatim autem, vt sic dicam, & lamellatim generatur ex paruo initio, quod sæpè palea est; cui humor quidam adhærescit & agglutinatur, & hinc ex multis quasi laminis lapis iste coagmentatur, maior in seniore, minor in iuniore capra; omnesque laminæ tam internæ quàm externæ læues sunt & splendentes.

Eius genera.

Vus.

Sunt autem huius lapidis duo genera, vnum orientale, quod ex Persia, Ægypto, China, Cathajo & vicinis regionibus adfertur, altero præstantius: alterum occidentale, quod ex America & Peruvia aduehitur. Plurimum commendatur hic lapis ad omnia venena, exhibetur in febribus malignis, ad vermes puerorum expellendos, ad morbos melancholicos.

*Lacryma
cerui.*

Putant nonnulli lacrymam cerui esse lapidem bezoar. Verum etsi, ut antea dictum, vox bezoar Arabibus in genere alexipharmacum significet; & lacryma cerui etiam insignem contra pestem & venena vim habeat: tamen res diuersæ sunt. De lacryma autem cerui, quam se in Musarum thesauris habuisse carissimam scribit, hæc habet Scalig. *Exerc. I 12. Ante centesimum annum in ceruo nulla est. Post eam ætatem accrescit ad oculi cantum, ipsis ossibus, atque in os protuberans concrevit, ea durtia, qua cornu superat. Quæ parte prominet, rotunda est insigni nitore, coloris fulvi, non sine vestigiis atriorum venarum. Tanta leuitate, ut pene tactum effugiat: ita enim sese subtrahit, ut propemodum seipsam mouere videatur. Aduersus venena remedium præstantissimam. Peste correptis datur cum vini momento. Unde tantus cietur sudor; ut pene totum solui corpus credas. De lapide Bezoar vide peculiarem tractatum Casp. Bauhini.*

Corallium.

Est porro & Corallium, λιβάενδρον, frutex marinus, qui ex aqua extractus lapidescit. Cuius rei caussa est, quod plurimum salis & succi lapidescentis huic plantæ nest: id quod vel resolutio ostendit, qua corallia pæne tota in salem abeunt.

Atque hæc est vulgata omnium ferè autorum de Coralliorum generatione sententia, statuentium, corallium sub aquis molle esse, in aëre demum lapidescere. Eam tamen in dubium vocat, & falsitatis arguit Ioh. Beguinus, *tirec. chymic. lib. 2. cap. 10.* refertque ex fide dignorum relatione & certis experimentis, coral-

lium in ipsis aquis & sub mari æquè durum esse, ac postquam in aerem extractum est.

Triplex est eius differentia. Rubrum, nigrum, & album. Optimum rubens, racemosum. Adstringit, refrigerat mediocriter, sanguinis fluorem & reiectionem, ac gonorrhœam, in fœminis albos menses sanat. Epilepsiæ auxiliatur, & corroborat.

Ætires.

Pertinet huc & lapis *Ætites*, ita dictus, quod creditur, aquilam eum ad partum promouendum in nidum ferre. In se continet alium lapidem. Reperitur in pluribus locis: Orientales optimi sunt. Sed in Saxonia quoque, Misnia, & Silesia inueniuntur. Partum promouere & retinere creditur. Vt retineat, brachio alligatur; vt promoueat, femori.

Sunt & alij lapides, qui in animalibus reperiuntur, vt lapis Alectorius, Chelidonium, Bufonis, cancrorum oculi appellati, carpionum, percarum.

Amiantbus.

Suprà, lib. 5. cap. 2. inter aluminis species facta est mentio lapidis Amianthi, qui vulgò alumen plumosum appellatur, & pro eo venditur; sed potius ad hunc locum pertinet. Olim in fila aptabatur, mapæque ex eo, tanquam ex lana fiebant: à quibus tunice funebres Regum fiebant, vt crematorum cadauerum cinis à reliquo cinere separaretur. Verùm modus texendi hodie ignotus est.

Huius classis etiam est *Hamatites*, ad sanguinis fluxus imprimis utilis.

Hematites.

Succedunt lapides & gemmæ nobiliores. Primò in officinis pharmaceuticis nota & vñrata sunt fragmenta quinque lapidum preciosorum : qui sunt Sapphirus , Hyacinthus , Sarda , Granatus , Smaragdus.

Sapphirus primo coloris est cyanei vel cærulei; *Sapphirus*, qualis cæli sereni. Candidior *Sapphirus* fœmina vocatur. Venenis resistit, & corroborat. Gestata Anthracis pestiferos nasci prohibet, & super anthracem posita, eum exstinguit, & ne venenati halitus ab eo ad cor ferantur, impedit. Gestata ab homine impuro & venereo, gratiam ac nitorem amittit: Veneris tentigines prohibet: commendatur & ad oculorum affectus, eosque roborare dicitur.

Sapphirus.

Hyacinthus ex flavedine rubet, & quasi fulgorem aureum emittit, ignisque flammam imitatur. Ad pestem curandam annulo inclusa aut de collo suspensa commendatur. Somnum etiam conciliare & corroborare dicitur.

Hyacinthus.

Sarda seu sardius lapis, quod Sardibus primum repertus: item carneolus, quod loturæ carnis, seu carnifanguinolentæ colore similis sit, ita dicitur. Gestata sarda animum recreare, somnia tristia & timorem pellendi vim habere, dicitur; quo fine & electuario de gemmis additur; cum vino austero potus menses & sanguinem vndeunque fluentem prohibet.

*Sarda vel
Carneolus.*

Granatus rubet, sed cum flauedine aliqua ignis instar, & minij colorem refert. Cor roborare, tristitiæ & melancholiæ resistere perhibetur.

Granatus.

Smaragdus gemma est plane elegans, & inter vi-
rentes præstantissima ac iucunda sua viriditate oculos
recreat, & reficit. Exhibetur ad venena & venenato-
rum animalium morsus, pestilentésque febres. Coxæ
mulieris alligatus partum promouere; ventri impo-
situs retinere dicitur. Venereas res auersatur, & si
cutem tangat illius, qui Venerem exercet, disrum-
pi scribitur. Annulo inclusus aut à collo suspensus à
morbo comitiali præseruat.

Smaragdus.

Sunt & aliæ gemmæ pretiosæ multæ. *Adamas*, dictus quod nec ferro nec igni dometur. Omnium enim gemmarum durissimus est, aquæ instar pellucidus. *Adamanti* insignes vires attribuuntur à multis, & contra venena ac incantationes, terrentia somnia, & incubum amuletum esse, & pestiferis causis resistere perhibetur.

Adamas.

Carbun

Carbunculus.

Carbunculus ab igniti carbonis colore nomen accepit. Vulgò in tenebris lucere creditur, sed huius rei testis oculatus nondum inuentus est. Viri ergò docti cenſent, ſi quæ gemma eſt carbunculus, eſſe magnum & nobiliorem.

Rubinus.

Rubinus, cuius nitor & rubor quaſi flammeus præ reliquis lapidibus fulget. Vim habet Rubinus venenis & putredini reſiſtendi, à peſte præſeruandi, triſtitiâ & triſtia ſomnia pellendi, animûmque exhilarandi.

Granatus.

Granati rubini ſunt quaſi imperfecti & rudiores, de quibus antea dictum.

Amethystus.

Amethystus ſic dicta, quod ebrietati reſiſtere creditur, colore eſt violaceo cum purpureo quaſi permixto.

Opalus.

Opalus gemma eſt longè pulcherrima, quæ vna omnes reliquarum gemmarum colores obtinet. Ineſt n. illi, vt Plin. l. 37. c. 6. ſcribit, carbunculi tenuior ignis, amethyſti fulgens purpura, Smaragdi virens mare, & cuncta pariter incredibili mixtura lucentia. Vnde, vt aliæ gemmæ, nullo modo adulterari poteſt. Et cum omnium gemmarum colores obtineat, omnium etiam vires habere putatur. Inprimis verò geſtatus ad oculorum aciem conſeruandam laudatur.

Topaſius ſeu Chryſolitus.

Topaſius, qui hodiè Chryſolitus (quanquam nonnulli coloris ſplendore has gemmas diſcernant) à colore nomen accepit. Eſt enim gemma aureo colore, tranſlucida. Commendatur ad cor roborandum & melancholiam depellendam: inprimis verò ad Epilepſiam curandam, & ad ſanguinem ſiſtendum vulneribus applicatur.

Beryllus.

Beryllus colore maris quieti viriditatem aut Hyacinthum dilutioris coloris refert. Ad vulnera oculorum, ſi in puluèrem ſubtiliſſimum redigatur, inprimis commendatur.

Chryſtallus.

Chryſtallus quidem apud antiquos à glacie nomen accepit, ac proinde Chryſtallum in frigidiffimis montibus ex glacie tandem indurari nonnulli ſtatuunt. Verùm falſo. Nam etiam in Cipro, & aliis montibus, quibus calor nunquam deeſt, Chryſtalli generantur. Deinde igne non ſoluuntur, pro vt ea, quæ frigore concreuerunt, ſolent: ſed igne in calcem, ſeu terram & ſal redigitur: Et omnino à ſpiritu ſalino aut lapideſcente ſucco coagulata fuit. Chryſtallus ſub lingua poſita ſitim reſtinguit. In tenuiſſimum puluerem redacta & cum melle, vino aut iuſculo exhibita, lac à proprietate augere dicitur. Drachmæ pondere cum oleo amygdalarum præſens remedium eſt contra Mercurium ſublimatum hauſtum. Curat & dyſenteriam, ac menſes albos.

Iapis.

Iapis colores varios habet & hinc varia eius genera conſtituuntur. Rubicundus valde ad fluxum ſanguinis è naribus, vtero, hæmorrhoidibus; imò etiam vulneribus commendatur: referuntque viri fide digni, ſanguinis & vteri fluxum, qui nullo remedio potuerit ſiſti, iaspide femori alligato, vt & hæmorrhagiam narium, aliis remediis incurabilem, iaspide è collo ſuſpenſo curatam fuiſſe. Commendatur & ad Epilepſiam curandam, ſi ſuper os ſtomachi geſtetur.

Iapis Nephriticus.

Ante annos paucos ex Hiſpania noua allatus eſt *Iapis*, qui *nephriticus* appellatur, & non ſine cauſſa ad iaspides refertur. Eius ſuperficies ſemper pinguis & quaſi oleo illita videtur. Varia eius ſecundum colorem ſunt genera. Plerùmque & ex albedine viſcentem colorem habet. Commendatur ad dolores nephriticos; vnde & nomen accepit; & brachio alligatus vim admirandam, experientia tamen comprobatam, habet calculos atterendi & per vrinas expellendi: de quo paſſim Medici recentiores, qui de calculo ſcripſerunt.

Turcois.

Turcois, *Turcoſa*, *Turchina* vel *Turcheſia* gemma non tranſlucida eſt, colore tamen gratiſſimo ex viridi & cæruleo mixto prædita. Cor & ſpiritus roborare creditur. Inprimis verò admirandas vires contra caſum illi tribuunt. Si enim accidat, vt quis calu quocunque

Dan. Sennerti Tom. I.

modo periclitetur, facere hanc gemmam, ne geſtans eam lædatur, ipſamque gemmam vel rumpi, vel de colore remittere atque expalleſcere nonnulli affirmant. Quod fieri quoque dicunt, ſi quis valetudine aduerſa conſiſtetur.

Lapis Lazuli Arabibus, Græcis *κυανὸς λίθος* & ipſe opacus eſt, colore florum Cyani, aureiſque punctulis exornatus. Inſignem habet hic lapis vim humores melancholicos purgandi, & hinc morbis ab atro humore ortis auxiliatur. De quo Medicorum libri conſultantur. Ex lapide Lazuli paratur color ille præſantiſſimus, vltra marinus dictus, ipſo auro pretioſior. Ex eodem lapide & aurum elicitur. Et vel hic lapis docet; metallorum & gemmarum, vt antea dictum, principia eſſe communia: & metallorum materiam multas mutationes pati, atque inde varia mineralia generari poſſe, quorum quodlibet, cum metallo illo, ad quod generandum materia erat diſpoſita, cognatione peculiarem habet: quod aliis diligentius perpendendū relinquo.

Lapis Lazuli.

Metallorum & lapidum principia communia.

Ei & colore & viribus cognatus eſt *Lapis Armenus*. Verùm lapis Armenus non tam durus eſt, vt lapis Lazuli, nec aureis punctis, ſed maculis multis & viridibus & cæruleis & ſubnigris quibuſdam interſtingitur.

Lapis Armenus.

Margaritæ tandem claudant hanc de gemmis doctrinam: quæ quidem vt aliæ gemmæ in terra non generantur; iis tamen non minus pretioſæ & nobiles ſunt.

Margarita.

Generantur autem in conchis quibuſdam, ex eo humore, è quo teſta conchæ concreſcit. Præſantiſſimæ reperiuntur in mari Perſico, & in Chinarum ac Indiæ regionibus: occidentales, quia argenteum illum nitorem non habent, in tanto pretio non habentur. Habent autem margaritæ inſignem vim cor roborandi & ſpiritus reſcitiendi; atque hinc venenis ac putredini & peſtilentibus febribus reſiſtunt, animum exhilarant, contra ſyncopen, & melancholicos affectus auxilio ſunt. Contra ſanguinis & alui fluxum vtilis ſunt, cerebrum ac neruos roborant. Collyriis admixtæ, oculorum nubeculas, eorûmque ſordes detergunt, & lacrymas fluentes abſumunt.

Verùm & hæc de lapidibus & gemmis compendio dicta ſufficiant. Reliqua ex autoribus, qui ſpeciatiim hac de re ſcripſerunt, vt Franciſco Rueo, Georgio Agricola, Iohann. Kentmanno, Andrea Baccio, & præcipuè, qui de gemmarum & lapidum hiſtoria egregiū opus edidit, Anſhelmo Boëtio de Boodt, petantur.

CAPUT V.

De Metallis.

DE metallorum autem generatione variæ autorum opiniones ſunt. Et materiam quidem metallorum quod attinet, Ariſtotelici, vt foſſilia ab exhalatione fumosa, ſic metalla omnia ex vaporosa ortum deducere, humiditatemque in iis præualere, cum fuſilia ſint aut ductilia, ſtatuunt. Et metalla generari docent, quando vapor ſubterraneus incluſus, præſertim in lapidibus, propter ſiccâ exhalationem, quæ ſuſum ducebat; coarctatur in vnum & coagulatur, veluti ros, in minimas ſcilicet guttas, quod ſine frigidity fieri non poſſit: cum hac tamen differentia; quod in roris & pruina generatione ſeparatur dicta ſiccitas, quæ ſuſum ducebat: in metallorum autem ortu ſegregatio illa non fiat, ſed ſimul comprehendatur, & coaguletur ſicca exhalatio.

Ariſtotelicorum de metallorum materia opinio.

Verùm enim verò, niſi aliter explicetur, hæc opinio admitti non poteſt. Nam materiam nimis remotam ponit, & de metallorum generatione quaſi de meteoris loquitur. Ac mihi non aliter ſentire videntur ij, qui hoc modo de generatione metallorum ſtatuunt, ac qui de animalium generatione dicturus, non ſemen & ſanguinem, ſed exhalationem ſeu ſiccâ ſeu humidam principium animalium conſtituat.

H Rectius

*Chymicorum
opinio.*

Rectius ergo Chymici, qui in generationem & resolutionem metallorum diligentius inquisuerunt, sulphur & mercurium principia metallorum constituerunt; quibus recentiores, non sine causa, addidisse videntur sal, seu terram metallicam vel atramentosam aut chalcantiosam: ac his omnibus principium plasticum & vim seminalem à Deo Creatore initio mineris inditam, quæ ut Scaliger, *Exercit.* 307. *sect.* 20. scribit, natura quædam quinta sit, longè alia à quatuor elementis, quæque è materia disposita metallum, ut principale agens, formet. Hinc nullibi, ubi istud seminale principium deest, vllius efficientis opera ex exhalatione seu sicca seu humida metallum formatur.

Atque ita rem sese habere, ex fodinis metallicis, coctionibus, probationibus, ac resolutionibus metallorum, ipsisque metallorum proprietatibus constat. Nam in omnibus fodinis ista principia reperiuntur, & ex omni pyrite, in quo omnis generis metalla nascuntur, sulphur excoquitur. Metalla quoque in Mercurio viuum mutari, & ex mercurio metalla fieri posse, Chymicis notissimum. Imò oculorum & narium iudicio, quiuis facile discere potest, sulphur metallis inesse; quoniam in calcinationibus, fusionibus ferri & cupri, flamma viridescens ac rubea, odorque Sulphuris percipitur. Et plerique morbi, cum quibus metallorum fossiles & coctores conflictantur, à sulphure & Mercurio ortum habent. Idem & resolutio testatur, quæ non fit in elementa & exhalationes solum siccas & humiditas, sed in res metallis affines, suam naturam & proprietates in variis alterationibus & externis mutationibus retinentes. Plumbum enim in cerussam versum, etiamsi naturam planè exuisse videatur, si conflatur tamen, in plumbum redit. Imò vitrum Antimonij non ita difficulter in antimonium reuertitur. Idem arguunt proprietates specificæ metallorum, quæ non è sola elementorum commistione ea ortum habere testantur. Nam quod de magnete verum est, ut scribit Scaliger, nulla vi fieri posse, ut trahat ferrum: idem de multis metallorum proprietatibus & operationibus dici potest.

Et materia quidem Mercurialis præcipua est in constitutione metallorum; quæ cum sulphure fixo vel volatili & sale seu terra atramentosa vario modo mista varia metalla constituit. Ac vulgò à chymicis Mercurius Mater & principium femininum; sulphur Pater & principium masculinum appellatur. Cum sulphure verò vitriolum seu sal metallicum miscetur; & in sulphure vitriolum est, ac in omni vitriolo sulphur: vnde euenit, ut ex utrisque spiritus affinis eliciatur.

Ut verò alij aliter hac de re sentirent, id inprimis facit, quod non semper eadem facie & formâ quam quidem ipsi animo conceperunt, principia ista in fodinis reperiuntur. Deinde quod non, ubicunque argentum viuum & sulphur inveniuntur, metalla reperire est. Tandemque, quod ista principia non satis in metallis perspicere possunt. Putant nimirum opus esse, ut in omni fodina metallica ista principia cum metallis inveniuntur: & inprimis in Mercurij & sulphuris venis metalla sæper reperiri debere. Et sulphur, si sit in metallis, ut flammam concipiat, opus esse putat.

Verum nisi in tenebris ignorantie chymicæ cacutirent, facile in omnibus venis metallicis ista principia videre possent. Etenim non semper eodem schemate & forma externa apparent; licet nonnunquam & ea ipsa forma in fodinis reperiantur: sed modò halitus & spiritus specie errant, modò succi, modò terræ aut alia forma coagulata consistunt. Imò ipsa metalla nunc fixa, nunc volatilia reperiuntur. Natura nimirum Mercurium spirituali modo generat; cui si accedat sulphur atramentosum, & principium formatiuum, in metallum coagulatur. Si verò sulphur & principium

formatiuum desit, in sui generis materiam concrevit, & solus reperitur. Non enim vnum horum ad constituendum metallum sufficit, sed omnia requiruntur. Ideoque in iis fodinis, in quibus vnum adest, reliqua desunt, metalla non generantur. Ibi verò solum gignuntur metalla, ubi cum Mercurio Spiritus Sulphureus & Chalcanthinus fixatiuus in idonea ad suscipiendum metallum materia per minima miscetur. Corpora ista metalla non efficiunt, sed Spiritus per minima misceri necesse est. In formatione verò ista, antequam planè solidescant, & exsiccentur, ac maturescant, sæpè succi mineralis & immaturi metalli specie reperiuntur: tandemque in perfectum metallum coagulantur & solidescunt.

Qui verò inflammabilitate sulphuris offenduntur, sciant, non opus esse, ut metalla flammam ob sulphur concipiant, Aqua simplex madefaciat: at non in mistis, Aer sursum ascendit; sed non in misto. Deinde ignorant illi, rem inflammabilem & volatilem ita figi posse, ut flammam amplius non concipiant. Scilicet *φλογισόν* esse omnis sulphuris quidem proprium est: sed non semper: & quo magis figuratur, eo minus flammam concipit ac quo fixius est sulphur, eo minus metallum comburitur. Hinc fit, ut ferrum & cuprum comburatur & flammam etiam visu notabilem edat: aurum ob sulphur fixam ab igne non violetur.

Ex quibus etiam de causa efficiente & principio agente in generatione metallorum iudicare promptum est. Nam qui ex frigore solum metalla coagulari censent, suam aut simplicitatem aut imperitiam in metallicis produnt. Cum metalla iam internam coagulationis causam obtinent, & à calore soluta sunt: frigus saltem occasionem coagulationis præbet. Si vero illa interna coagulationis causa desit, nullum frigus externum ad coagulationem sufficit. Id quod in hydrargyro videre est, quod à nullo frigore congelatur, spiritu verò plumbi coagulatur. Imò in ipso igne per cœmentationes & alias coctiones fit coagulatio & fixatio.

Metallorum igitur fossilibus, excoctoribus, probatoribus, Chymicisque de metallorum natura & origine fides potius habenda, quam otiosis disputatoribus, rerum metallicarum ignaris, qui odio Chymicæ, nescio quibus rationibus aliud luadere conantur. Ideoque & ex Peripateticis doctissimi viri, qui in natura metallorum penitus inuestiganda laborarunt, hac in re opinionem Chymicorum sequuntur.

Metallorum autem communes affectiones sunt fundi à calore, à frigore concretere; duci & malleo extendi; argentum viuum imbibere; solui aqua forti.

Fluunt ob Mercurium: ideoque ea, in quibus Mercurius præpollet, funduntur facilius; difficilius, in quibus siccitas sulphurea & sal præualet. Et si Mercurij plusculum metallis iungatur, ita fiunt mollia, ut minimo calore liquefiant; contra quæ igne sæpius vruntur, sublata mercuriali humiditate, tandem difficulter funduntur; ut & si aluminosis & atramentosis ac fixatoriis aquis imbuantur.

Ductilitas itidem à mercuriali humiditate pendet. Et maxime duci ad dilatari possunt, quæ mercurialem humiditatem habent cum sulphure analogo exactissime mistam. Contra in quibus plus sulphuris vitriolati, & salis & terræ metallica est, minus ductilia sunt.

Combibunt verò metalla mercurium, quia vna ipsis est radix & substantiæ affinitas; sicut videmus olea oleosis, & aquam aquosis facile misceri.

Diuiduntur autem metalla ab aliis aliter, Chymicis vsitata est diuisio in perfecta & imperfecta. Perfectumque ipsis est, quod & substantia, & accidentibus est absolutum, & ad vsum optimè comparatum. Quod scilicet substantiam mercurialem subtilem habet, naturam ponderosissimam; quod ignem, omniaque ignis examina sine detrimento vel eo minimo sustinet; Mercurio facile

*Metallorum
caussa ef-
ficiens.*

*Metallorum
affectiones.*

*Metallorum
differentia.*

facile iungitur, amplissime & facillime dilatatur. Quæ notæ omnes cum maxime auro competant, omnium gentium consensu, inter metalla habetur præstantissimum & perfectissimum. Qua de re tamen legi potest Mirandulanus, libro de auro.

Metalla an
specie differant
nec ne.

Hic autem quaeritur, an metalla differant specie, nec ne. Plurimi è Chymicis statuunt, specie non differre, sed tantum gradu perfectionis, atque omnia constare ex eadem materia; eandem habere causam efficientem; eodem in loco generari, in plumbo inueniri semper aliquid argenti; in aliquo ære aurum; & plura simul plerumque nasci; transmutari mutuo, ut ferrum in cuprum; ex omnibus fieri vitriolum; omnia in mercurium resolui. Hinc procul dubio Chymicorum illæ locutiones: plumbum est aurum leprosum: Interiora argenti sunt aurum.

Si tamen, quod mihi videtur, dicendum est, etiam specie metalla differre, puto. Quamuis enim omnia eandem habere materiam rectè dicatur, non solum genericam ac remotam, sed & propinquam (qua ratione ab aliis rebus naturalibus differunt, & qua de causa fit, ut transmutentur, & plura simul in eodem loco generentur) non tamen habent eandem materiam ultimam; sed illa differunt. Neque etiam solum accidentibus discernuntur, sed formâ substantiali & specificâ, aliaque est forma auri, alia ferri, alia plumbi, quæ materiam illam communem pro sua natura disponit & elaborat, id quod ex operationibus & effectibus patet. Inde fit, ut licet omnia in vitriolum & Mercurium resoluantur; vitriolum tamen, quod ex cupro fit, non parum differat ab eo, quod ex ferro paratur. Ita Mercurius, qui ex plumbo paratur, non parum discrepat ab eo, qui fit ex ferro.

Neque alicuius momenti est, quod aliqui Chymici dicunt, Naturam perfectissimam semper intendere. Verum enim hoc est in vno quoque genere. In genere hominum intendit natura hominem facere perfectissimum, in genere vitis, vitem perfectissimam; in genere auri, aurum perfectissimum. Non tamen sequitur, quod, quia aurum inter metalla perfectissimum, tantum aurum intendat. Perinde enim est, ac si dicatur, Naturam in genere animalium semper intendere hominem, qui inter animalia est perfectissimus. Etsi natura semper intendit aurum, cur non copiosius reperitur? Metalla autem perfecta duo statuuntur, aurum & argentum: Imperfecta quatuor.

Aurum est metallorum perfectissimum è mercurio purissimo & perfectissime excocto & maturato, vi sulphuris rubei præstantissimi & maxime fixi, cum quo exactissime mistus & vnitus est, constans. Hinc colorem citrinum obtinuit; ponderosissimum est, in igne durat, malleo maxime dilatatur, cum mercurio facillime præ reliquis omnibus metallis vnitur. A Chymicis Sol appellatur.

Argentum.

Argentum est metallum perfectum, auro tamen inferius, constans mercurio pane fixo, ac sulphure albo, etiam pane fixo. Non enim tam graue, nec tam fixum; ut aurum. Ideoque etsi aliquo modo durer in igne, & in cineritio persistat: non tamen durat in cæmento regali, antimonio, Sulphure. Dilatatur post aurum maxime. Chymici Lunam appellant.

Imperfecta sunt, quæ principia non ita matura & bene excocta, nec ita fixa & pura obtinent: unde euenit, ut nec fulmen plumbi, nec cæmentum, nec sulphur sustineant, sed in fumum ac fauillas abeant, aut in scorias, vitra, lapides mutantur.

Sunt autem dura vel mollia. Dura sunt, quæ ob terrestre sulphur & mercurium induratum igniuntur prius, quam funduntur: Mollia, quæ ob mercurium humidiorum & minus excoctum funduntur, priusquam igniantur. Plus habent dura sulphuris, quam mollia; sed illud terrestre est, & plus vitriolati succi continent. Ideoque facile in vitriolum conuertun-

tur. Hinc accidit, ut igne detrimentum patiantur, nec examen perfectorum sustineant, sed in auras effugiant.

Sunt autem dura duo: *Æs seu cuprum*, & *Ferrum*. *Æs seu cuprum*. *Æs* est metallum imperfectum, durum, ex paucis mercurio & sulphure plurimo rubeo impuro, nondum planè maturatis, maiore quidem ex parte, non tamen vndiquaque fixis, constans, colore rubeo præditum. Et hinc sulphur auro cognatum, & principia ac semina auri in se continere, ac coctione ad maturitatem & perfectionem quandam peruenire posse, creditur. Habet & cognationem cum argento; cum sæpe in pyrite & lapide fissili vna reperiantur: & solum æs ac argentum vtrumque colorem caruleum habet. Chymici Venerem appellant.

Ferrum. *Ferrum* est metallum Imperfectum, ex paucis mercurio, & plurimo sulphure fixo constans, colore liuido albicante præditum. Hinc accidit, ut tardissime fundatur, & diu ignitionem sustineat; & calcinetur promptè. Difficile etiam iugitur mercurio; cum eius minus obtineat. Minus chalcanti obtinet, atque hinc color ex albo est liuidus. Chymici Martem nominant.

Mollia metalla sunt: plumbum candidum, quod stannum vocant; & plumbum nigrum, quod simpliciter etiam plumbum appellatur.

Plumbum candidum est metallum imperfectum, molle, album, ex mercurio multo, minus, quam in perfectis metallis, puro & fixo, quam tamen in plumbo nigro puriore & fixiore, ac sulphure albo impuro & minus maturo, constans. Auro & plumbo admistum ea tractabilia relinquit: sed reliquis adiunctum, facit, ut sub malleo frangantur. Chymici Iouem vocant.

Nigrum plumbum est metallum imperfectum, molle, coloris liuidi, ex mercurio multo, impuro, crudo, ac sulphure paucis itidem impuro ac færido genitum. Hinc in examine perfectorum adhibitum imperfecta absomit, & vnà per fumum abripit, aut in scorias conuertit: omnium metallorum facillime liquatur. Chymici Saturnum vocant.

Tandem metallis affine est argentum viuum, liquor mineralis, mirabilis planè naturæ, instar aquæ fluens, nec tamen madefaciens. Inter mineralia omnium ponderosissimum, & nihil in se demergi sinens, nisi aurum. Constat autem ex aqua metallica, viscida, terræque sulphurea exactè mistis; metallisque miscetur, inprimis auro, hinc stanno, plumbo, argento; difficulter cupro & ferro. Chymici Mercurium appellant, quod sicut Mercurius omnibus planetis, ita hoc omnibus metallis sese associat; & quod eius mobilis & versatilis natura est, quæ hactenus multos Chymicorum satis exercuit, nec dum satis cognita est. Vnde per compendium hinc de eo vix aliquid dici potest.

Hoc loco, ut hæc de metallis concludamus, prætereunda non est controuersia de metallorum transmutatione. E qua ut breuiter nos expediamus, cum, ut Arist. rectè censet, infirmitas quædam mentis sit, quaerere rationes & dimittere sensum, nullo modo quorundam chymicæ imperitorum ratiunculas experientia præferendas censemus. Notissimum autem est, in Hungaria ad oppidum Smolnitium in monte Carpatho fontem esse, in quem ferrum coniectum in optimæ notæ cuprum vertitur. Idem fit hodiè Goslaræ. Neque hoc saltem aquæ naturales præstant, sed & arte idem fieri potest. Etenim si ferrum in aquam vitriolatam conicitur, puluis ei adhærescit rubeus, qui igne fusus cuprum euadit. Ita mercurius in plumbum non magno labore vertitur. Metalla etiam reliqua in aurum mutari posse, nostro seculo sæpius probatum est: & quid ille Alexander, Sidonius, Scotus, Colonia, Basileæ, & aliis in locis præstiterit, notissimum. Qua de re videantur historiae transmutationis metallicæ ab Euualdo de Hoghelande descriptæ, & scripta Andreae Libauij, quæ pro defensione Alchymicæ transmutationis edidit.

Æs seu cuprum.

Ferrum.

Stannum.

Plumbum.

Metallorum transmutatio an possibilis.

Cum ergo de experientia satis constet : non est, ut prolixè hac de re disputemus. Breuiter hoc moneamus. Non artificialem esse simpliciter metallorum transmutationem, nisi quatenus res naturales ad certam actionem obeundam applicat. Neque ex principiis, quàm merè naturalibus ars procedit, sed ea, quæ natura generauit, certo modo miscet.



LIBER SEXTVS.

De Anima in genere, & de Vegetabilibus.

CAPVT I.

De Anima in genere.

An sit Anima.



VANDOQVI DEM ordo monet, ut de Animatis agamus : primò de Anima dicendum est. Esse animam ex ipsius operationibus manifestum est. Nam videmus animata plures exsequi operationes, quas emortua edere non possent. Sequitur igitur, corpus ipsum huiusmodi operationum causam esse non posse : sed in corpore aliquid inesse, quod huiusmodi operationes efficiat. Cum autem omnis operatio sit accidens quoddam transiens, nec vnquam in seipso firmè subsistens : necessarium est, esse in corpore aliquam causam, quæ stabilis sit & constans causa actionum, qua præsentem vitam actiōque omnis perficiatur, quaque decedente simul vita pereat : quam quidem causam huiusmodi actionum Animans appellantur.

Anima verò essentiam quod attinet, varias antiquorum opiniones, quas & recensent & multis refutant Arist. lib. 1. de Anima, Marf. Fic. lib. 6. 7. 8. Theologia Plat. omittimus, Aristotelisque definitionem retinemus, quæ 2. de an. c. 1. t. 6. talis exstat ; ψυχὴ ὅτιν ἐντελέχεια ἢ πρώτη σώματος φυσικῆς, ὅλη ἐχούσης διωάρει. id est, Anima est actus primus perfectiōque corporis naturalis potentiā vitam habentis, seu breuiter : σώματος φυσικῆς ὁργανικῆς, corporis naturalis, cuius partes sunt instrumenta. Anima enim neque accidens est ; cum id nec substantiæ compositæ, quale corpus viuens est, altera pars esse, nec primum omnium actionum principium esse, aut veram duarum substantiarum differentiam constituere possit : neque corpus ; duo corpora enim simul esse non possunt : sed est ἐντελέχεια ἢ πρώτη, id est, Actus, seu forma substantialis, per quam corpus animatum reuera est tale, hoc est, per quam insitam vim & facultatem habet omnes vitæ actiones obeundi. Plura de voce ἐντελέχειας, ex l. 1. c. 9. de Motu petatur, vbi genuinā huius vocis significationem pluribus explicauimus.

Non autem Anima cuiuslibet corporis perfectio & forma est : non artificialis, sed φυσικῆς. Neque etiam naturalis cuiusque. Nam non omne corpus naturale animatum est : sed illud tantum, quod potentiā vitam, seu potestatem habet vitæ actiones exercendi, & ita dispositum est, ut per illud, tanquam instrumenta propria, anima suas actiones exercere possit. Tenendum enim hic ex Arist. est, 2. Metaph. comm. 31. actionem agentis non prodire à subiecto sine forma, neque à forma sine subiecto : alioquin subiectum & eius forma duo essent in actu. Quod si actio fieri non potest à subiecto sine forma, neque à forma sine subiecto, multò minùs ab instrumentis sine opifice fieri poterit. E quibus sequitur, actionem fieri à quodam composito ex materia, forma, & instrumentis, ita ut totum compositum dicatur, principium ut Quod ; cum sit illud quod agit : forma verò principium ut Quo ; cum agat beneficio formæ ; instrumenta denique per quod ; cum per ipsa operetur. Est deinde etiam alia Anima

definitio apud Aristotelem 2. de an. c. 2. text. 18. talis : Anima est principium, quo viuimus, sentimus, mouemur & intelligimus.

Cum autem animatorum genera plura sint : in differentiarum cognitionem optimè ex effectuum & operationum animæ obseruatione deueniemus ; cum omnis causa suis effectis, & forma suis operationibus se prodatur. Est autem propria Animæ ἐνέργεια vita, quæ, ut actus secundus, animæ, ut actui primo, perpetuò comes & socia est. E distinctis ergo vitæ modis distinctas animæ & animatorum species constituere licebit. Viuit verò & homo, & reliqua animalia, & plantæ, sed singula peculiari modo. Plantarum vita in nutritione & cuique propria actione solum consistit : non verò sentiunt plantæ : animalium brutorum vita, præter nutritionem & actionem, sensum quoque continet & quælibet brutorum species sibi propriam actionem habet : homo denique, præter hæc omnia, etiam intelligit & ratiocinatur.

Tres igitur Animæ distinctæ species sunt ; quæ quidem omnes in materia sunt, & corpus animatum constituunt : earum tamen alia à materia magis absoluta est, alia eidem magis immersa ; & quædam species rerum spirituales atque immateriales, quæ in re vis cognoscendi sita est, recipere potest ; quædam minimè. Plantæ nutriuntur, nihilque sapiunt : Animalia bruta aliquid possunt, recipiunt species immateriales, cum aliquibus tamen materiæ conditionibus. Quæ enim percipiunt, hæc & nunc sunt ; cum sensus in singularibus occupetur. Anima verò rationalis species immateriales, etiā sine omnibus materiæ conditionibus, recipit.

Cum autem anima variarum actionum causa sit, variæque operationes in animatis edendi potentiam habeat, dispiciendum, quomodo potentia seu facultates Animæ ad ipsam Animam referantur. Statuunt hæc nonnulli, potentiam animæ esse ipsam animæ essentiam, quæ secundum varias actiones, quarum causa est, varia sorriatur nomina : Aliqui contrā sentiunt, potentias animæ, ut & alias omnes esse Qualitates secundæ speciei, ac re ipsa & secundum essentiam ab anima differre. Quæ posterior sententia posterior est. Sunt enim potentia seu facultates animæ reuera tantum proprietates, atque accidentia inseparabilia illius, & ab ea secundum essentiam distincta. Nam Anima substantia est : hæc verò accidentia seu aptitudines & propensiones quædam ad operandum ; quæ ab animæ essentia, ut causa prima, per solam emanationem fluunt, & pendent, & sine vlllo medio in eodem corpore animato, in quo anima est, recipiuntur. Omnis enim potentia in secunda qualitatis specie reponitur : & cum ipsæ animæ potentia inter se distinctæ sint, etiam ab anima secundum essentiam differunt. Cum hac enim si idem essent, ipsæ etiam inter se idem essent. Notandum tamen, facultates non esse agentia media, seu causas medias inter animam & operationes, sed saltem conditiones & aptitudines ad operandum. Operationes enim sunt ab actu, non à potentia : neque inter omne agens & operationem necesse est medium quoddam agens interuenire. Aliàs enim nec medium illud posset esse causa actionis sine alio medio : atque sic fieret processus in infinitum.

Animæ hæc diuersæ cum suis facultatibus ita se habent, ut superior facultas semper præsupponat inferiorem : inferior tamen possit esse sine superiore. Vegetans absque sentiente est in plantis : vegetans & sentiens sine rationali est in brutis animalibus : in homine omnes tres concurrunt. Quomodo autem in diuersis viuientibus facultates ad animam sese habeant : intricatæ & difficiles inter Philosophos agitantur controuersia.

Primò enim quæritur ; an in quolibet viuente sit vnica anima, an verò plures. Docent enim nonnulli,

Anima species tres distinctæ.

An & quomodo potentia seu facultates ab anima differant.

Anima definitio.

Anima neque accidens est neque corpus.

An in vno viuente plures, quàm vna, sint anima.

in quolibet viuento vnica tantum esse animam, eamque instructam omnibus animæ inferioris facultatibus, nec in homine esse tres animas, intelligentem, sentientem, & vegetantem, sed vnica, quæ horum omnium viribus prædita sit, denominationemque à nobiliori facultate accipiat: Atque ita facultates, quæ sunt in eiuſdem speciei animatis, ab eadem specie anima proficisci, quæ verò sunt in diuersæ speciei, viuentibus, à specie etiam differentibus animis oriri; etſi hîc & illic eadem nomina habeant, eadẽque operationes eas inſequantur. Alij contra ſtatuunt; non ſolum in diuerſis ſpecie viuentibus animas diſtinctas eſſe, ſed etiam in eodem plures reperiri poſſe, atque in homine non ſolum in eſſe facultatem nutriendi, ſentiendi, ſed animam quoque nutrientem, ſentientem, atque intelligentem; atque vbicunq; eſt facultas, ibi etiam animam eſſe, cui ea primò competit.

Etſi verò vtraque ſententia viros eruditos, & claros ſectatores habet: prior tamen, quæ ferè communis eſt, nobis probabilior videtur. Etenim cum cuiuſlibet rei vna eſſentia ſpecifica, & proinde vnica forma ſit: anima etiam, quæ forma eſt, & eſſentiam principaliter conſtituit, cuiuſque animati vnica erit. Deinde poſſibile non eſt, principia ſpecierum diſparatè oppoſitarum, animalque ſpecie diſtinctas poſſe coire, non vnitis aut confuſis ſpecierum eſſentiis: vel etiam ſubordinari; cum ſemper diſparatè opponantur, ac inuicem ex eodem ſubiecto ſeſe excludant. Præterea ſuperfluum eſt, animas multiplicare; cum vna anima pluribus potentiis inſtructa omnes vitæ gradus dare poſſit, & anima ſuperioris gradus ac nobilior, inferioris ac ignobilioris potentias includat; non ſecus ac quaternarius includit ternarium: Nec neceſſarium eſt, etſi dentur in intellectu per differentias ſubordinatas ſubordinati conceptus, quod etiam formæ ſubordinatæ dentur extra mentem. Non enim conceptus multiplices vniuerſales ſubordinati multiplicent eſſentiam & formam rei.

Præcipua autem erroris cauſſa alijs hæc fuit, quod putarunt, ſolam vegetandi vim eſſe peculiarem animam & plantam in ſpecie conſtituere; ſentiendi vim itidem peculiarem animam, quæ animal in ſpecie conſtituat: cum tamen multæ & plantarum & animalium ſint ſpecies; & plantæ inter ſe, vt & animalia inter ſe, ſpecie differant, & alia forma ſit ſpecifica roſæ, alia violæ, alia ſalicis; licet in omnibus vegetandi potentia deprehendatur: alia leonis, canis, lupi; licet potentiâ ſentiendi conueniant. Habent quidem plantæ omnes vim nutriendi & generandi, ſed non ſolum, verum præterea & proprium quid, quo viola à roſa & ſalice differt. Ita lupus nutritur, generat & ſentit, ſed hæc non ſolum agit, verum proprium quid, quo à leone & cane differt, habet: & ab eadem anima fluunt in cane vis nutriendi, ſentiendi & id, quod cani proprium eſt, & quo à reliquis animalibus differt, agendi. Nec in cane plures & diuerſæ eſſentiæ ſunt, quod alterius ſententiæ patroni malè præſupponunt. Neque enim vegetans & ſentiens, aut vegetans, ſentiens, & rationale peculiare quædam & generales formæ ſunt, & tres eſſentiæ, ſed ſaltem generales conceptus ex comparatione & conuenientia viuentium orti & conſtituti, qui nullibi ſeparatim exiſtunt, niſi in mente; non ſecus ac ens ſubſtantia, corpus: ideoque non multiplicat rei eſſentiam.

Quæſtioni, quæ iam diſcuſſa eſt, ſuccedit alia: An Anima tota ſit in toto corpore, & in qualibet parte tota; An verò tota in toto, & pars in parte. Sed primò ambiguitas, quæ in hac quæſtione latet, diſtinguenda eſt. Triplex enim totius ratio hîc iniri poteſt, è Subſtantia, è Quantitate, è Qualitate. Primum conſtituitur è partibus animæ in eodem viuento; ſecundum è ſubiecto, ad cuius extensionem anima etiam extenditur, vt quanta ſit; tertium è facultatibus, quibus in-

ſtructa eſt. Primum Scholaſtici appellant, Totum eſſentiale, ſecundum Quantitatum, tertium Poſſetatum.

Primum quod attinet, cum cuiuſque animæ eſſentia ſimplex ſit, nec ex partibus eſſentialibus compoſita, vbicunq; eſt, ibi tota eſt, & quidem in toto corpore tota eſt. Nec enim recipienda eſt illorum ſententia, qui ſtatuunt, animæ ſubſtantiam tantum in vna parte, quæ princeps eſt, eſſe; reliquum verò corpus per effuſas poſſetates gubernari. Hac enim ratione totum non eſſet animatum, ſed illa tantum pars, in quâ eſſet ipſa animæ ſubſtantia. Facultates enim, quibus, ex illorum opinione, reliqua membra gubernantur, cum ſint accidentia, formæ ſubſtantialis loco eſſe non poſſunt. Præterea cum potentiæ ſint accidentia, per ſolam emanationem ab animæ eſſentia fluentia, ſubiectum à forma diuerſum habere, aut in alio ſubiecto, quàm in quo anima eſt, produci non poſſunt: & propterea vbi ea ſunt, ibidem animæ etiam eſſentiam eſſe, colligere licet. Quapropter ſtatuimus, animæ eſſentiam in omnibus corporis animati partibus eſſe, nec vllam eâ deſtitui.

Non tamen in omnibus animatis eodem planè modo ſuo corpori ineſt. In plantis enim & animalibus nonnullis, nullum eſt membrum princeps, ſed loco membri principis humor quidam per totum corpus diffuſus eſt, per quem præcipue anima corpori iungitur: vnde etiam partes à toto auulſæ aliquando adhuc viuunt. Secus res ſe habet in animalibus perfectis, in quibus aliquod membrum princeps ſtatuendum eſt, in quo anima, tanquam in radice, quaſi ingenta & vernacula, reſideat, & ad reliqua membra ſeſe effundat. Vnde membro illo principali læſo animal mox emoritur; reliquis non item; & membra à corpore auulſa ſtatim emoriuntur.

Secundò, ſi quæſatur, quomodo anima ſecundum extensionem & Quantitatem ſit in corpore, breuiter reſpondemus: Omnem omnino formam, quæ materiam informat, eique vnitur & cum ea vnum compoſitum conſtituit, extendi ad extensionem materiæ. De qua re tamen notandum, ſolam materiam eſſe per ſe quantam & diuiſibilem; Animam verò per ſe nec quantam nec diuiſibilem eſſe. Interim quia totum corpus informat, toti corpori coextendi, & vbicunq; corpus eſt quod viuunt, ibi animam eius rectè eſſe dici. Hinc corpus propriè diuidi, & maius vel minus fieri dicitur; & plantæ corpus ab exiguo germine in proceram arborem excreſcit, vitulus in bouem; & corpus, quod contabescit minus fit, vt & arbor, cuius rami detruncantur. Non verò ita ſeſe res habet de anima, nec anima, quæ eſt in exiguo germine, minor eſt per ſe, quàm anima, quæ eſt in procera arbore, nec anima vituli minor eſt, quàm bouis, ſed eadem manens in nutrimentum appoſitum ſeſe diſſundit; nec dum planta vel animal generat, ſeſe communicando fit minor, vel dum arboris rami detruncantur anima eius fit minor, & animal, quod contabuit, minorem habet animam, quàm quod corpulentum eſt. Anima nimirum dimensionibus coniungitur, partim ſicut colores, partim alio modo. Nam corpus diſenſum & quantum informat, & eius plenitudo eiſque repletia (liceat ſic loqui) tanta eſt, quantum corpus ipſum, corporiſque diſenſio. Et ſi corpus excreſcere quantum liber intelligamus, ipſa nullo addito totum repletura eſt; & ſi quantum liber minuatur, non plus minusculo corpore replebit. Per ſe igitur anima quanta non eſt. Ratione verò dimensionum, quibus coniungitur, habet, vt non plus quantum corpus, ſiue paruum ſiue magnum, repleat. Ideoque etſi per accidens eius plenitudo coeretur & continetur: tamen non diſſecatur & imminuitur. Qua in re imaginem aliquam Dei Opt. Max nobis exhibet, qui, vt I. C. Scaliger loquitur.

Regnat ubique ſine loco, —

Extra omniâque omnis, ſine partibus que totus.

Denique cum ab anima plures, variæque potentiaæ fluant, quaeritur: An omnes eas Anima in omnibus corporis partibus simul habeat. Respondemus: In omni corporis parte omnes facultates esse secundum originem; Animamque in omnes corporis partes omnes facultates inferre: recipi tamen, ut in subiecto, peculiare in peculiaribus. Inest n. quidem in omni ut partibus anima, quæ omnium facultatum est origo: ea tamen est propriorum accidentium natura, ut à principio seu causa certa existat; in subiecto autem certo instant. Vnde Scalig. *Exerc. 103. §. 37. Dubitare videris; an memoria insit in omnibus corporis partibus. Quin dico tibi: intellectum esse in pedibus. Vna enim nobis anima suis omnibus undique præparata potestatibus, nempe essentialibus sibi. Vbi vero instrumenta sunt: ibi exercere actum suum ipsam potestatem. Si enim oculus esset in digito: videret digitus per oculum, nulla accita à cerebro potentia.* Nimirum anima, quæ est in toto corpore eadem, iisdem quidem ubique est instructa facultatibus; & in omnibus membris omnia, quæ sibi propria sunt, agendi potentiam habet: per certa tamen organa certas actiones perficit; Videt per oculum, audit per aures, olfacit per nares.

*Pars princeps
quam.*

Sed quia in principis partis mentionem incidimus, & præcedens quaestio sine controuersia, quæ de membro principe in homine & sanguineis aliis animalibus est, explicatione vix integrè percipi potest, eam non omittamus. Eadem enim quaestio est, quam sit sedes animæ, & quod membrum principale. Nam principatus illi membro deferendus est, in quo anima præcipuè residet. Membrum autem principale constituendum esse, & Philosophi & Medici consentiunt, ac quodnam illud sit acriter inter se certant: suadetque idem ratio. Nam cum anima non sit forma corporis homogenei, sed heterogenei & organici, quod multas & diuersas partes habet: omnino inter illas ordo quidam statuendus, aliamque alia digniorem esse, credendum: & cum, ut dictum, manus, pes, aliaque membra abscissa, mox moriantur, reliquis vitam retinentibus, vni quàm alteri animam magis vernaculam esse, sentiendum. Sed quodnam illud sit membrum princeps, Platonicis, quibus Galenus & Medici multi se adiungunt, cum Peripateticis lis est.

Plato & Galenus tres præcipuas partes statuunt; hepar, Cor, & Cerebrum; cerebrumque principatum; quod in eo sensus motusque principium sit, & anima rationalis resideat, deferunt. Peripatetici contra, Cor membrum principale constituunt.

Verum alij ad aliud in membro principali definiendo respicere videntur. Galenus ad actionum nobilitatem; Peripatetici verò ad animæ, ut ita dicam, radicationem respiciunt. Medicis animales, quas dicunt, facultates nobilissimæ sunt: Peripateticis actio cordis, utpote, à quo omnes reliquæ foveantur & gubernentur. Ideoque etsi Medicis concedi possit, tria esse membra corporis præcipua: si tamen de principatu & animæ radicatione quaeratur, Cum vnica saltem sit anima in quolibet animali, non plures, & vnum animal vniam saltem habeat animam ac formam specificam; vnicum etiam membrum præcipuum, in quo, ut arce resideat, constituendum est: Etsi in eo omnes operationes non exsequatur, sed definitas & distinctas in propriis & cuique actioni destinatis organis edat.

*Cor pars
princeps est.*

De hoc membro si iam quaeratur, Cordi cum Peripateticis principatum concedimus, atque in eo animam quasi in radice, hære, atque ad omnia reliqua membra diffundi statuimus. Imò non solum radicationem Animæ, sed & alias quasdam actiones, quas plurimi cerebro tribuunt, ipsæ sacra literæ cordi adscribunt. Et omnino antiqua est hæc opinio *Didicit*, inquit Scaliger, *in lib. 1. de Plantis, hæc à sapientibus Egypti Plato* (qui τὸ θυμὸν in corde sta-

tuit) à Chaldæis Ægyptij, quorum è decretis omnes sanctiores literæ dimanarunt. Chaldæi namque in corde omnium nostrorum motuum principia, tanquam in principio posuere.

Esse autem cor partem, in qua anima tanquam radice hæreat, & hac ratione princeps, ex multis patet. Nam illud est membrum princeps, non in quo, ut instrumento proximo, nobilissima actio exercetur; sed id, à quo omnium partium actiones, siue nobiles sint, siue ignobiles, dependent & gubernantur. Agens enim primum est præstantius secundario, atque instrumentario agente. Hinc inefficax est ratio Galeni, qui ita concludit: Illud est principium, à quo nervi, arteriæ & venæ oriuntur. Illud enim membrum fons & sedes facultatis videtur, à quo instrumenta oriuntur. At tria hæc vasorum genera à tribus membris ortum habent; venæ ab hepate, arteriæ à corde, nervi à cerebro. Ergo tria sunt membra præcipua: atque inter ea præstantissimum cerebrum. Distinguendum enim est inter principium operationis alicuius primum & præcipuum, & inter principium proximum & instrumentarium seu secundarium. Nec enim enim, quod est proximum actionis principium, est etiam semper primum & præstantissimum. Proximum sensus & motus principium est cerebrum: Non tamen Anima in ea radicatur.

Neque maioris momenti est illud quod animæ sentientis operationes læduntur, læso cerebro; cui etiam ea de causa medicamenta applicantur. Agens enim primum sine instrumentis agere non potest. Quapropter iis læsis, actio etiam tollitur. Itaque quamuis cor primum agens saluum sit, si cerebrum, quod agens proximum est, sit læsum, actio aboletur: Eodem modo læsâ manu, quamuis cerebrum sit saluum, apprehensio fieri non potest; quia proximum apprehensionis instrumentum est læsum.

Illud itaque principale membrum statuendum est, quod omnes totius corporis actiones gubernat; quod commune, & maximè familiare totius animæ instrumentum, spiritus nimirum, generat. At huiusmodi cor est: quod præter alia, etiam ex syncope manifestum est, in qua sensus & motus, omnesque omnino in corpore actiones tolluntur, ob spirituum è corde influentium defectum.

Deinde illud membrum præcipuum est, cuius unitatem vel multitudinem sequitur, unitas vel multitudo animalis. Quia enim animal per vniam animam vnum est; per duas, duplex: Illud membrum, quo duplicato animal fit duplex, animæ sedes omnino est constituenda. Tale autem cor esse, docet Aristoteles *l. 4. de gen. an. c. 4.* Nec falsò. Testatur enim experientia, non cerebro, sed corde multiplicato, animal duplex fuisse. Exempla afferam, quæ collegit Ioan. Schenckius, *obs. medic. p. 1, obs. 10.* In oppido quodam Emaus, Theodosio Cæsare imperante, puer natus fuit, qui umbilico tenus integer exstabat, supernæ autem partes eiusdem, geminâ facie apparebant, ut duo pectora, totidemque capita essent, suis partibus ac sensibus prædita. Nam & vna pars aliquando cibis & potione utebatur, altera abstinebat. Sic itidem in quiete & somno variè ac differenter se habebant, ut vicissim lusitarent, & risu & lacrymis tenerentur, mutuisque plagis se caderent. Annis autem propè duobus vixerunt. Factum est deinceps, ut cum alter periret, qui superfuit, quatrinduo post ex agnata tæbe computrescens interiret. Deinde anno 1531. natus est quidam, & ad perfectam viri staturam excreuit, capite & humeris tantum geminus, ita ut caput alterum retro esset, mira inter se similitudine. Barbis etiam & oculis sese referebant mutuo. Idem erat cibi appetitus, fames eadem, vox similima, idem vxoris, quam habebat, & excernendi vtriusque capitibus erat, desiderium. Ex quibus patet; in primo, in quo cor erat gemi

geminum, omnes animales actiones duplicatas fuisse; in altero verò, etsi id idem caput esset geminum, hæc fuisse simplicia; & proinde principatum cordi deberi. Nam si sensus, motus & aliæ animalis actiones à cerebro, non à corde primò pendent, cur tantum in priori erant duplices, in quo præter cerebrum, erat etiam cor duplex, & non in posteriori, in quo etiam erat caput geminum?

CAPUT II.

De Anima Vegetante.

Post hæc, quæ de anima in genere dicta sunt, de speciebus animæ agendum iam restat. Cum autem Anima vegetans omnibus viventibus communis sit, ab eius consideratione faciemus initium. Est autem ea *ἐντελέχεια* corporis organici, quæ vivit, nutritur, augetur, & sibi simile gignit. Sunt huius animæ facultates tres: Altrix, Auclrix, & Generatrix. Altrix est ad individui conseruationem: Auclrix ad maioris quantitatis adeptionem: generatrix ad speciei conseruationem. Altrix enim est, quæ alimentum in viventis corporis substantiam conuertit. Cum enim viventis corporis partes ab innato calore resoluantur, ne, si continua fieret resolutio, vivens mox interiret, facultas altrix concessa est, quæ id, quod absumptum est, refarcit. Durat autem hæc resolutionis & nutritionis vicissitudo per totam vitam, *πρόκειται ὁ ζῶν, ἕως ἂν πάσῃαι. Nutritur anima, quo usque vivit*, 1. de gen. & cor. cap. 5. t. 41.

Ad nutritionem autem tria sunt necessaria, ut docet Aristoteles, 2. de an. cap. 4. t. 49. τὸ τρέφον, καὶ ὃ τρέφεται, καὶ τὸ τρέφον τὸ μὲν τρέφον ὅτιν ἡ πρώτη ψυχή: τὸ δὲ τρέφον, τὸ ἔχον αὐτῷ σῶμα: ὃ δὲ τρέφεται, ἡ τροφή. Totam autem Nutritionis naturam sic complexus est Zabarell. lib. de accret. & nutr. cap. ult. Nutritio est aggeneratio partium materiæ in corpore vivente; ex alimento extrinsecus admoto, facta ab anima vegetante, per calorem naturalem, ut materia; quæ effluxit, instauretur, & ipsum vivens servari possit ad illud usque tempus, quod est ipsi à natura præscriptum. Scalig. Exerc. 101. sect. 17. eandem breviter sic definit: Nutritio est unio naturalis nutrimenti transmutati.

Facultates principales ministras alias potentias habent, quæ tamen à principibus non oriuntur. Facultas enim facultatem non habet: sed omnes immediate ab anima pendent & fiunt. Facultas altrix quatuor ministras facultates habet: Attracticem, Retentricem, concoctricem, Expultricem: addunt nonnulli Secretricem, quæ noxia secernit. Attractrix est, quæ alimentum attrahit: Retentrix, quæ idem retinet, donec debito modo elaboretur: Concoctrix, quæ illud alterat, & viventi idoneum efficit: Expultrix, quæ superuacua, & quæ ad nutritionem inepta sunt elicit.

In prima autem ætate non solum fit Nutritio, sed etiam Auclio, partésque, quæ viventi adduntur, maiores sunt iis, quæ à calore absumuntur. Est autem Augmentatio seu Accretio, definiente Zabarell. de accret. & nutr. cap. 25. motus viventis corporis, quo totum & omnes partes secundum omnes dimensiones simul extenduntur ad maiorem Quantitatem, factus ab anima vegetante, per calorem naturalem, ex alimento extrinsecus assumpto, & in maiores consumptis partibus partes substantiæ cōverso, ut ipsum vivens debitam sibi magnitudinem assequatur, ad exercendas omnes operationes vitæ. Accretio enim à nutritione subiecto, materiâ ex qua, & causâ efficiente non differt. Nam idem subiectum est, corpus vivens, materia ex qua, alimentum; efficiens, anima: sed formâ & fine differunt.

Nutritio enim est alimenti aggeneratio, & potius ad generationem, quam ad motum pertinet: Forma verò accretionis est motus extensionis ad maiorem Quantitatem totius & omnium partium. Finis etiam diuersus. In nutritione enim est partis absumptæ saltem instaurationis: in accretione maioris partis acquisitionis. Hinc Aristot. 1. de gen. & cor. cap. 5. t. 41. ἡ τροφή τῇ αὐξήσει τὸ αὐτὸ μὲν: τὸ δὲ ἐστὶν ἄλλο, ἢ μὲν γὰρ ὅτι τὸ προσὶόν δυνάμει ποσὴ σὰρξ, ταύτη μὲν αὐξητικὴν ταχέως: ἢ δὲ μόνον δυνάμει σὰρξ τροφή, id est, Nutritio idem est, quod accretio: ratio tamen est diuersa. Quatenus enim id, quod adiungitur, potentiâ caro quanta est, eatenus carnem augere potest: quatenus verò caro potentiâ solum, eatenus nutrire.

Quia verò etiam multæ improprie dictæ sunt Augmentationes, operæ præteritum est, ex Aristot. lib. 1. de gen. & cor. cap. 5. t. 33. tres propriæ accretionis conditiones, seu tria, quæ ad accretionem necessaria sunt observare: ὃν ἐν μὲν ὅτι, τὸ ὅτι μέρθ μείζον γίγνεται τῷ αὐξανόμενῳ μεγέθει: καὶ προστίοντ τινός: καὶ τρίτον σωζομένῳ τέτε αὐξανόμενῳ, καὶ ὑπομένοντι, id est, 1. non solum totum corpus maius fieri debet, sed etiam quolibet eius pars. 2. ex aliqua extrinsecus accedente materia res debet fieri maior. 3. id, quod augetur, idem numero debet manere postquam augmentum est, quod antequam augeretur fuit. Primâ conditione exponitur propria accretionis natura. Etsi enim dubitant nonnulli cum plures mutationes in accretione concurrant, & non solum alimenti appositio, sed etiam extensio sit necessaria, in qua mutatione eius natura consistat: Verior tamen est eorum opinio, qui utramque hanc mutationem coniungunt, & in materiæ alimenti in substantiam viventis conversione, simulque in eius extensione Accretionem positam esse statuunt. Accretio enim fit προστίοντ τινός: & τὸ αὐξανόμενον μεταβάλλει καὶ τόπον, 1. de gener. & cor. cap. 5. t. 25.

Quomodo autem maior Quantitas in vivente acquiratur, etiam non eadem est autorum sententia: alii putant, id fieri per pulsum, unamque partem pellere aliam, rursúmque illam aliam eodem modo, ut in vnguibus & capillis fieri videmus. Sed verò hoc non consentit. Rectius illi sentiunt, qui credunt, id fieri per extensionem; quando scilicet alimentum per omnes corporis partes, earundémque omnes positionum differentias extenditur; quod fit, dum omnes pori replentur; quibus repletis, partes extenduntur: extensis atque auctis omnibus partibus, totum etiam augetur; eodem modo, quo spongiam in amplam molem extendi videmus, postquam in omnes eius partes aqua se insinuauerit. Ad extensionem autem corporis etiam anima extenditur: quam si quis sic extensam maiorem appellare volet; is tamen & hoc teneat, formam per se nec magnam nec parvam esse. Hinc Scalig. ex. 101. s. 15. Forma cum se extendit in materiam novam applicatam, promouet se, non autem augetur. Non enim generat novam formam. Et sanè formam qui maiorem, aut minorem dicet, abutetur patientia sapientum.

Viventia autem non semper augentur, sed ad certum usque ætatis terminum: quod non fit ratione animæ. Neque enim hæc, neque eius vires, quæ ipsius essentiæ propriæ sunt, corrumpuntur, aut debilitantur; sed corpus tantum, Neque enim causa est in calore naturali. Hic enim in iuente tam fortis est, ac puero. Sed in corpore est impedimentum. Ossâ nimirum, quæ præcipua pars sunt, quæ augetur, & ad quorum augmentum totum augetur, in iuene sunt humidiora & molliora, & ad extensionem apta, quæ progressu ætatis à calore ita exsiccantur & indurantur, ut ad extensionem inepta reddantur. Quamvis autem in nonnullis caro & pinguedo sæpe augeatur: non tamen tunc vera fit αὐξήσις quia totum non augetur, sed partes saltem molliores.

Anima vegetantis definitio.
Facultates eius tres.

Nutritiva.

Nutritionis definitio.

Nutritivæ facultates ministræ quatuor.

Augmentativa.

Augmentationis definitio.

Augmentationis conditiones.

Generativa.

Generationis
definitio.

Generatrix denique est, quæ per semen prolificum simile sibi generat: viuentisque generatio, definiente Aristot. *de vita & mort. cap. 10.* est ἡ πρώτη μέθεξις τοῦ τῷ θεῷ τῆς ἀπειρίας ψυχῆς, id est, *prima vegetantis anima cum calore participatio.* Nam viuentia sibi simile generare dicuntur, dum aliquid de sua materia, & de sua forma largiuntur, id quod fit dum semen exhibent. *In semine enim est & materia, & forma futuri canis.* Neque differt à cane canis semen, nisi sicut potestas ab actu, semini que nihil additur, quam organorum expressio, quæ confusa prius erant, ait Scal. *Exerc. 268. & exerc. 65. & 7.* Forma est in semine canino, cuius in potestate dicitur esse; quia semen est potens dare formam, quam in se continet; sed quia caret instrumentis expressis, quæ postea & alterando totum & disponendo partes sibi ipsa anima fabricat, domiciliique sui ipsa architecta est. Et ibid. *sect. 10.* Generat igitur arbor, cum producit semen. Non autem generatur arbor, cum pullulat è semine; sed tunc generatum, quod erat perfectum, perficitur. Sic canis non gignit, cum nascitur catellus, sed cum semen gignit. Quia in ipso coitu multi obiere ante seminis ullam penitus in utero dispositionem, aut affectionem. Id quod in plantis luculentius videmus. Emortuâ enim amygdalo factum amygdalum amygdalus fit. Gignit autem animam anima sui promotione; eadem sanè ratione, quæ in accretionibus induit sese in alimenti materiam nouam.

Obtinent autem hanc vim sese propagandi viuentia è prima Dei creatione, dum viuentibus omnibus benedixit, dicendo, *Crescite & multiplicamini;* Et; *Germinet terra germen, herbam producentem semen, arborem fructiferam ferentem fructum iuxta speciem suam, cui insit semen suum super terram.* Et: *Producat aqua reptilia anima viuentis & volatile volet super terram in superficie expansionis cæli.* Et: *Producat terra animam viuentem secundum speciem suam, iumenta & reptilia atque bestias terra, secundum speciem suam.*

Est tamen varius propagationis animatorum modus. In plantis quidem si salicis ramus editus à matre ab eadem auellatur, diuiditur anima ad diuisionem materię, & manet in ramo; vnde ex ramo in terram condito arbor eiusdem speciei constituitur. Idem fit in aliis per radices, in aliis per semen; & in aliis per alios modos fit propagatio, vt apud rei rusticæ Scriptores videre est. In quibus tamen omnibus id necessarium est, vt materia auulsa conueniens domicilium animæ præbere possit; quod non in quibusvis plantis quodlibet præstare potest. Exempli gratia, per rami auulsum terræ commissum propagatur, vt dictum, salix, sed non pyrus.

In animalibus verò etsi quoque varius videatur propagationis modus, dum alia oua pariunt, alia viuos fœtus: tamen in eo conuenire videntur omnes, quod animalia per nullam corporis partem auulsam, sicut plantæ, sed per semen, aut semini quiddam analogum generant.

Hoc enim, quod Epicurus, vt est apud Plutarchum, *de placit. philosoph. lib. 5. cap. 3.* ψυχῆς ἢ σώματος ἀποσπασμα dicebat, à corpore reliquo deciso, ad subiecti diuisionem & ipsa anima diuiditur, & aliquid eius cum semine ab animali deceditur: quæ cum eiusdem speciei sit cum anima, à qua deceditur, iam verò ob subiectum numero differat: ex semine ob hanc animam iam nouum animal exoritur, dum anima in semine latens sese exserit & suas virtutes explicat, & operando sese manifestat, calidoque & spiritibus vtens, omnia quæ ad animalis constitutionem necessaria sunt, fabricare incipit, & subiectam materiam distinguit, disponit, ordinat, format, & effingit: vt ita integrum & aptum domicilium, simile illi, è quo decesserat, habere possit, atque instrumenta in promptu sint quibus omnes suas vires exserere, actionesque naturales exercere possit; quod domicilium postea occupat, eodem modo, quo

in accretionibus in materiam nouam alimenti sese induit.

Est tamen inter plantas & animalia, præcipuè perfectiora, hæc differentia, quod plantæ, quæ semen generant, tale generant, quod ad similem plantam producendam solum sufficit: In animalibus verò perfectioribus quæ sexum habent, neutrius parentis semen ad simile generandum sufficit, sed vt Plato ait, vterque sexus suum ad generationem confert σύμβολον, & neutrius sexus semen seorsim sumptum, sed vtriusque coniunctum, & in utero fœminæ vnitum, est semen prolificum & fœcundum.

CAP V T. III.

De Plantarum Partibus.

Cum ergo tres vitæ modi sint, plantæque viuant, nutriantur, augeantur, & generent; animalia bruta præterea sentiant, & loco moueantur; hominibus tandem præter hæc omnia quoque ratiocinetur: postquam de anima vegetante actum, antequam de anima sentiente & rationali dicamus, prius de plantis agendum est. Est autem Planta seu stirps, Græcis φυτόν, corpus animatum, vegetans, seu nutriendi generandique facultate præditum. Vbi hoc primum monendum, de quo antea etiam dictum, multos in ea sententia esse, plantarum omnes species, præter vim vegetantem, quæ totius generis communis, nullam amplius facultatem habere, sed finibus tantum quibusdam propriis genus idem restringi ad suæ speciei propriam vim. In animalibus item brutis nullam, præter vegetantem & sentientem animam requiri, sed eandem animam finibus quibusdam propriis suæ speciei determinari: in solo homine ad vegetantem & sentientem accedere animam rationalem. Verum falsa hæc est sententia. Si enim ita se res haberet, nulla reuera in plantis & animalibus daretur specifica differentia, neque rosa à quercu, aut mus à leone, nisi accidentibus quibusdam differret. Verum ita statuendum est: solam animam vegetantem nullam plantæ speciem constituere, sed vegetans saltem seu genus plantæ; nec animam sentientem bruti aliquam speciem, sed saltem animal, quod est genus brutorum & hominis: Plantarum verò & animalium species specificis formis, rosam nimirum à quercu, abietem à viola, canem à lupo, lupum à leone & homine differre. Et à formarum differentia hæc diuersitas actionum prouenit, vt inter animalia alia aliis ingeniosiora sint. Frustraque à nonnullis anxie disputatur, an quædam animalia præter hominem rationalia sint. Actiones enim illæ, quæ in animalibus quibusdam, quæ reliquis ingeniosiora videntur, non ab anima rationali, quæ soli homini propria est, sed ab anima illi speciei propria proueniunt. Nimirum vt alia anima est rosæ, alia populi: & hinc alia rosæ; alia populi sunt operationes: ita vt alia anima est quis, alia suis, alia canis, alia vulpis, alia Leonis, alia Elephanti; sic quoque singulæ hæ animalium species & corporis structura & actionibus specificis differunt. Et quanquam in nonnullis animalium speciebus actiones satis admirandæ appareant: sola tamen hominis anima propriam appellationem inuenit & Rationalis nominatur: reliquæ ferè propriis appellationibus destituuntur. Sed vt iam de plantis dicemus, constat quolibet planta anima propria, & corpore speciei isti conueniente.

De anima iam dictum: de corpore agendum restat. Prius tamen quæstio occurrit, an sexus vterque sit in plantis. Ad eam responder Scaliger, in 1. *de sexus sit. plantis*: Sunt in plantis, inquit, maris ac fœminæ confusa principia, idque optimo naturæ consilio. Cum etenim generatio sit ab agente in patiente: Natura

Planta definitio.

An quædam bruta rationalia sint.

An in plantis vterque sexus sit.

tura operi suo, cui simul & motum negasset & generationem tribuisset, generandi facultates proportionales indidit coniunctim. Id quod inde quoque potest colligi. Siquidem quarundam stirpium è semine alio mas, alio fœmina proueniat. Id constat in cannabe. Ex eodem stipite funditur semen, quod partim euadat mas partim fœmina.

Sunt autem partes plantarum aliæ ad totius corporis constitutionem necessariae; aliæ superuacaneæ. Excrementa quædam sunt dura, vt fungi & tubera annascentia; quædam mollia, vt lacrymæ, & quidem horum alia manent liquida, alia solidescunt, vt gummi.

Inter partes ad corporis constitutionem necessarias, præter succum istum per totius plantæ substantias diffusum, quo aluntur, quique sanguini in animalibus respondet, simplicissimæ sunt fibræ, nerui, & caro. Fibræ Græcis *ivēs* (quas tamen Scaliger, de *Plantis*, fila & villos appellare mauult: cum fibræ iecoris fissuræ & radiculæ exiliores sint) sunt partes illæ prælongæ, continuæ, protensæ, per totam plantam excurrentes, venis, neruis, arteriis & fibris in animalibus respondentes: quarum maiores & succulentiores venæ, item costæ, nerui autem tenuiores & sicciore appellantur. Sûntque cum ad nutrimenti in omnes plantæ partes distributionem, tum ad earundem firmitatem consistentiamque factæ. Caro est reliqua plantæ substantia, carni musculosæ in animalibus respondens. Caro autem triplicis generis est, quædam humida, qualis in cerasis, prunis & similibus fructibus est; quædam paulò solidior, qualis piri, & mali pulpa, quædam densioris & ligneæ quasi substantiæ.

Ex his fiunt aliæ, quæ & ipsæ inter simplices ac similes numerantur, scilicet lignum, matrix, & cortex. Lignum in plantis est corpus durum, fissile, tenuioribus constans fibris. Media in ligno pars medulla seu *καρδία*, cor dicitur; Tunica ex fibris contexta lignum ambiens cortex appellatur; quæ vbi tenuior est in specie cutis appellatur, præcipuè in fructibus, quorum caro cute semper obducitur: quæ crassior, nomine generis cortex nominatur. Cortex tamen & ipse non simplex; sed in plerisque exterior & interior. Interior cortex tenuis Liber appellamus.

Compositas partes quod attinet, partes aliæ constantes sunt, aliæ vicissitudinariæ. Constantes radix, caudex, ramus, & furculus: vicissitudinariæ, folia in plerisque, flores, fructus. Radix, est ima pars plantæ, cuius officium non solum est plantam firmare, sed & nutrimentum attrahere, vnde ori in animalibus assimilatur; imò à nonnullis etiam coctio alimenti è terra attracti radicibus adscribitur.

Caudex, caulis, truncus, stipes, est ea pars plantæ, quæ à radice proximè assurgit. Quæ quidem in herbis mollior est, & nomine generis caulis appellatur. In arboribus verò & cremiis lignosis durior & caudex dicitur. Caulis & caudex in ramos dispescitur, & quæ parte rami enascuntur propriè nodus dicitur. Ramus in furculos & brachia: furculi sunt rami partes exiliores, Græcis *ελόδοι* robustiores, brachia, *ῥῆι*. Præter hæc sunt stolones, *παρὰρριζοι*, pullulationes arborum à radice, seu virgulta parua arbori adnata ex eadem radice.

Ex ramis & furculis prodeunt folia, flores, & fructus, in quibusdam & capreoli, clauiculæ, ac pedamenta, quorum ope surriguntur, & sustentantur. Foliorum partes sunt pediculi, vnde pendent quibus tamen quædam plantæ destituuntur, vt ficus Indica.

Flores quasi plantarum fœtus sunt, qui in semine & fructu absoluuntur; vel totius primum fructus inuolucrum. Constantque flores ex tenuissimo halitu & spiritu subtili, qui prorumpit, cum planta quæuis

ad gignendum luxuriat & turgēt. Sine tali spiritu enim nulla fit seminis emissio, nec animæ traductio, nec in plantis, nec in animalibus. Includit autem & intra se tuetur flos fructum primò erumpentem, donec ille paulò firmior & ad aëris iniurias tolerandas aptior fiat. Tum enim, & cessante iam ac deficiente spiritu illo, qui cum fructu, & in actu generationis erumpit, flos decidit. Non omnes tamen plantæ florent: neque omnes, quæ florent, fructum ferunt. Flores autem ex variis partibus componuntur. Constant enim foliolis quibusdam tenuissimis variè in variis plantis coloratis, figuratis & dispositis. Deinde est calix, cui foliola quasi basi insident & eo tanquam theca concluduntur. Sunt etiam capillamenta, qualia in rosis & liliis luteum illud; demumque sunt pediculi, à quibus flores pendent.

Tandem est fructus, cuius nomine nunc semen saltem accipitur, nunc, præter id, caro cum semine in specie fructus nominatur. Semen enim vel siliquis, vt pisorum, fabarum, aut thecis includitur; vel pericarpiis, vt in prunis, piris, cerasis. *σπέρμα* autem Græci carnem illam seu substantiam, quæ nucleum aut semen ambit, nominant. Et ex his partibus constant plantæ, atque aliæ quidem omnes habent, aliæ non. Et harum quædam vnicam, quædam plures. Tuberum tota substantia radix ferè mera est. Quædam contrà radice carent, vt viscum, quod aliena radice nititur & alitur. Fungi etiam ferè radicem non habent: sine ramis iuncus est: sine foliis, cuscuta: sine flore, ficus: sine fructu, flos iridis: sine vtroque adianthum.

Præter has partes adhuc alias nonnullæ plantæ habent, quæ ex humore excrementitio nascuntur. Talis est muscus arborum vetustarum; Spongiolæ in rubo canino, & aliæ in aliis arboribus ex crescentiæ.

CAPUT IV.

De Differentiis Plantarum.

Diuiduntur autem plantæ in quatuor genera *δένδρον*, arborem; *θάμνον* fruticem, *φρύγανον*, quod suffruticem Gaza nouâ voce nominat, etsi I.C. Scaligero, *Exerc.* 139. non vndiquaque ea arident; & *βοτάνη* herbam. Qua ratione autem hæc differant non ita planum est. Vulgò quidem per stipitem & perennationem ferè distinguuntur: Sed non placet ista diuisionis ratio Scal. *Exerc.* 389. Nam & lingua ceruina sine stipite perennat: & stipitè habet lactuca & brassica, quæ herba. Ipse ergo *in loco allegato & in 1. de plantis* ita distinguit. Herba emittit ab radice folia, præter ea bina, quæ cunctis communia, illicò è seminis pulpa transmutata prodeuntia: Procedente verò tempore etiam stipitem, quædam nullum vnquam. In arbore verò & cremio frutice non hæc folia primum, sed scapus erumpit statim, & quidem vnus aut plures; si vnus aut magnus, & est arbor, aut paruus & est cremium; si plures, est frutex; arborique est, vt non intreat & renascatur: Cremii & fruticis, vt aliqui tales sint, alique intermoriuntur, quod cum herbis commune habent. Atque ita conueniunt arbor & Cremium, quod vtrique truncus singularis. Differunt verò magnitudine, aliquando etiam annuo interitu. Ab arbore verò frutex differt paruitate, in qua ei cum cremio conuenit: Ab vtroque verò stipitem frequentia. Perennare ei non est necesse, sicut nec cremio. Herba conuenit cum cremio stipitis vnitatem aliquando, vt brassica: aliquando cum frutice stipitem multitudinem, vt fœniculum; alias cum eorum neutro stipitis carentia.

Verum rem omnem penitus explicasse non videtur Scaliger; atque in primis de cremio seu suffrutice dubium.

Calx.

Fructus.

Plantarum diuio.

dubium hæret, quod ille cremium simplici caule constare statuit: cum alij cremio multiplicem esse, & ut videtur, non malè statuant, cremiumque esse dicant, quod inter lignosas minimæ sit altitudinis & crassitudinis, quales sunt ruta, salvia, hyssopus, althæa.

In vniuersali plantarum natura inuestiganda, differentiarum perquirendæ sunt: quæ omnino multæ sunt, ut sit difficile, nihil omittere, nihilque inutiles & superflui afferre. Petuntur autem istæ differentiarum ab ortu, loco natali, à forma cum interna, tum externa seu figura, materiaque. Formæ autem internæ cum lateant, nec sensui per se innotescunt: viribus tamen & qualitatibus hinc prodeuntibus innotescunt.

Primò à propagationis modo, qui multiplex est. Primò enim quædam plantæ spontè proueniunt iis in locis, quæ ab omnium hominum consortio sunt remotæ, nec vllum cultum patiuntur. Terra enim occulta plantarum semina, à primo mundi ortu, ac benedictione diuina sibi indita habet, & gremio suo depromit; vel etiam per ventos, aut pluuias, aut aliis modis, aliunde accepta concipit ac fouet; qui tamen modus ad sequentem pertinet. Secundò enim quædam plantæ ex aliis proueniunt; qui modus rursus multiplex est. Primò enim quædam plantæ per semen propagantur; quædam per radices, bulbos, ramos, & surculos, & quidem aliæ vno, aliæ pluribus his propagantur: aliæ ex semine solum proueniunt, ut apium, maiorana, hyoscyamus; aliæ ex semine vix aut nunquam, ut ficus, aliæ serò, ut pœonia; aliæ ex sola radice, ut lupulus, acorus; aliæ ex semine & surculis, ut rosmarinus. Et modus propagationis per surculos auulsi, rursus triplex est. Vel enim surculus aut ramus auullus simpliciter terræ committitur. Ita salix, rosmarinus propagatur. Vel surculus alij trunco inseritur, quæ insitio vocatur; vel cum *παρὰ τὴν* seu stolones à radice pullulantes auelluntur. Vel cum ramus prope suam radicem mediâ sui parte inferiore terrâ obruitur, altera supra terram eminente. Tum enim ramus ille in terra radices agit: quod vbi factum post vnum atque alterum annum ramus ille ab arbore abscinditur & peculiaris fit planta: Vel ex vna planta fiunt plures. Ita vitatores solent ablactare vites.

Deinde plantæ aliæ crescunt in locis humidis, aliæ in siccis. Quæ in humidis locis crescunt, vel in ipsis aquis nascuntur, aut prope, ut in ripis, vel ad parietes & rupes, aliisque locis, quæ aquarum appulsu, aspergine vel halitu humectantur, ut lichen, adianthum. Quæ in aquis, aut in summa aqua nascuntur, ut lenticula, aut ab radicibus. Item aliquæ nunquam emergunt, ut algarum genera; aliquæ exstant, ut Aquapium. Rursus aliæ in riuis, aliæ in fontibus, aliæ in stagnis, lacubus & paludibus; aliæ in mari crescunt; aliæ in locis, vbi aqua fuit & non amplius est, ut xanthium. Terrestræ rursus aliæ in montibus, collibus, rupibus, in saxis, muris, parietinis, ad sepes, in aruis, in pratis, in vineis, in siluis crescunt: aliquæ in planis, in locis terrenis, sabulosis, arenosis, argillosis.

Ad locum natalem pertinet & hoc, quod quibusdam plantis aliæ plantæ loco soli sunt, ut musco ac visco, qui in quercu, ilice, piro, corylo, tiliâ, betulâ, malo, pruno, abiete, pino, sambuco, castaneo crescit.

Veteres quidem plerique in ea fuerunt sententia, visci acinis à turdo comelis, pulpam concoqui, semen incoctum ab aluo deiici, sistique in arboribus iis, in quibus isti quiescere consueverunt, atque ex eo semine plantam nouam generari. Verùm rationi hoc consentaneum non est. Etenim non est probabile, semen ita cortices durissimos findere, ac ligna

durissima subire posse. Et cur non in multò pluribus arboribus crescit, in quibus nihilo secius aues istæ stabulantur. Neque in ventriculis atque intestinis turdorum visci baccis nutritorum vllum vnquam granum inuenitur. Vero igitur magis consentaneum est, viscum habere se quasi cornua ex ossibus animalium prodeuntia, & visci principia in succo sibi conaturali à calore interno forata, atque à calore externo adiuta in hanc plantam concrecere.

Præterea quædam celerrimè crescunt & statum consequuntur, quædam tardius, quædam non nisi tardissimè; ut hæc differentia in alno, salice, persico, picea, & quercu manifesta est.

Rursus quædam perpetuant, ut arbores & herbæ capillares; quædam non perdurant. Atque ex his aliæ intereunt; non renascuntur, ut triticum, hordeum; aliæ renascuntur, ut gentiana. Atque harum aliæ perennant, ut agrimonia; quædam ex his intra anni spatium intereunt, idque haud vno modo. Aliæ enim vnum, aliæ tres menses durant: aliæ verò biennium, aliæ triennium, aliæ quadriennium durant. Aliæ rursus perpetuò frondibus virent, ut abies, buxus; aliis folia decidunt, iterumque crescunt.

Aliæ porò sæcundæ sunt, aliæ steriles, aliæque flores solum, aliæ flores ac fructum ferunt; aliæque semel tantum in vita, aliæ sæpius; & vel quotannis, aut alternis; aliæque primo statim anno florent, aliæ secundo, tertio, quarto demum.

In figura quoque ac reliquis qualitatibus partim à forma oriundis, est magna diuersitas. Aliæ enim sunt rectæ, aliæ curuæ, rotundæ, angulosæ, turbinate, cauæ, solidæ, spinosæ, nodo carentes. In substantia differunt, quæ est rara, densa, mollis, dura, crassa, tenuis, pinguis, tenax. Aliæ sunt temperatæ, aliæ calidæ, frigidæ, humidæ, siccæ; aliæ leues, aliæ asperæ, aliæ spinosæ, hirsutæ, lanuginosæ. Sapore præditæ aliæ sunt dulci, aliæ amaro, acri, salso, austero, acerbo, acido; aliæ insipidæ sunt. Et quidem plantæ aliæ in omnibus partibus saporem habent, quædam in quibusdam tantum. Odore aliæ carent, aliæ grauem, aliæ suauem odorem, aliæ vehementem, aliæ obtusum, aliæque totæ, aliarum tantum partes quædam olent.

Colorum non minor est varietas. Quamquam enim omnes plantæ virides sint: aliæ tamen plus, aliæ minùs virent; aliæque viridi colore diluto, aliæ saturato præditæ sunt, atque in aliis viriditas ad albedinem, in aliis ad flauedinem, in aliis ad rubrum colorem declinat; aliæ maculosæ sunt, aliæ maculis destituuntur.

Præterea & partium ratione, è quibus constant, magna in plantis occurrit differentia. Succus enim, quo aluntur, quique sanguini in animalibus responder, in aliis aquam refert, in aliis lac; ut in esula; in aliis lac croco tinctum, ut in Chelidonio maiori; in aliis oleum: & proinde coloris, saporisque ratione multum differt. Alius quoque salubris est, alius catharticus, alius venenosus.

Fibræ deinde in aliis plantis sunt rectæ, aliis obliquæ, tenues, crassæ, molles, duræ. Caro in quibusdam est crassa, densa, in quibusdam rara, sapida, insipida, odore & colore quoque in aliis atque aliis variat. Cortex est carnosus, neruosus, viscosus, colore, sapore, odore, plurimum differens. Eadem differentiarum occurrunt in ligno. Matrix, aliis est solida, aliis est rara & fungosa vel spongiosa.

Radicum magna quoque varietas. Estque radix magna, parua, longa, breuis, perpetua, trunca, globosa, simplex & multiplex, fibrata, collecta, sparsa, profunda, superficialia, crassa, tenuis, mollis, rigida, lenta, crispa, æquabilis, recta, flexuosa, densa, fungosa, carnosæ, corticosa, lignosa, orbiculata,

ra, turbinata, singularis; hirta, lævis, scabra, muscosa, succulenta, sicca, lamellata, vniformis, friabilis, solubilis, coctilis, esculenta, grauis, leuis, alba, lutea, rubra, nigra, beneodorata, fœtida dulcis, amara. Magna radix magnam, parua paruam gerit plantam; magna pusillam; vt in rapo: pusilla magnam, vt in pino: vt has differentias collegit & digessit I. C. Scaliger, in 1. de plantis.

Caules alij oriuntur ante folia, alij cum folijs, in alijs sunt perennes, in alijs annui; alijs recti, curui, iacentes, proceri, crassi, tenues, solidi, caui, nodosi, alij nodis destituti, lignosi, herbacei, teretes, quadrati, triquetri, neruati, striati, æquales, scabri.

Foliorum varietatem ita digessit I. C. Scaliger, in 1. de plant. A figura: folia orbiculata, vt vmbilicus Veneris, penorbiculata, cyclamino, chelidonio minori, asaro; oblonga, hyssopo; plana, maximæ parti; teretia, semperuiuo minori; oræ continuæ, aristolochiis; cristatæ, lauro; serratæ, vlmo; obtusis dentibus, scordio; dentata, cichoriis duobus; sinuata, tertio cichorio, quod caput monachi vocant; furcata, caucalidi; digitata, elleboro, aconito; pinnata, filici; capillata, fœniculo. A superficie: aspera, mordacia, aculeata, borragini, vrticæ, cinaræ: Aculei aut à specie, perpetui, vt illici; aut ab ætate in specie, vt soncho. Pro folijs spinæ veræ, vt corrudæ; quasi spinæ, vt iunipero. Tenuia multis; crassa portulacæ. Pediculo annexa maximæ parti, recto, flexo, longo, curto; Prodeuntia sine pediculo, vt lilio. Item à locis plantæ; à radice; à stipite; à ramis; in summo; in imo; Mucronata iridi; obtusa maiori parte. A quantitate: magna, parua, lata, stricta: singularia, frequentia. A relatione ac situ: conferta, sparsa. A colore: viriditas pæne omnibus, sed alijs alia, paucis pallida, vt atriplicis speciei; item rubra, vt alteri speciei & betæ. Hinc natura nonnullis morbo sub autumnum interitura; rubo, viti, malis. A situ surrecta, pendula, panda, curua, crispa, conuoluta, sinuata, vt lactucis. Striata, neruata, venosa, anfractuosis canaliculis. Et quæ in superioribus omiffa, ad ea referri debent, mollia, rigida, carnea, coriacea, lenta, fragilia, splendida, tristia, lanata, hirsuta, odorata, acida, amara, salia, dulcia, aspera, insipida, continua, pertusa, aut quasi pertusa, vt hyperico. Tum affectus tremendi, cadendi, permanendi, & solstitialis inuersionis. Ordinis quoque, quod alia turbato, alia certo ordine posita, quædam alternatim, æquis interuallis ramum vestiunt, alia eandem rami partem ex aduerso posita ornant, siue bina, siue terna, siue quaterna, siue etiam plura instar coronæ ramum cingentia, aliqua folium in folio gignunt.

Flores alij ante folia prodeunt, vt in persico; alij post folia; alij primo cum plantis prodeunt anno, alia plantæ secundo, tertio anno, vel serius quoque florent. Et quidem secundum anni tempus hic magna occurrit varietas. Quædam enim in hyeme, vt elleborus niger: quædam primo, quædam vltimo vere, quædam ætate florent: & quidem alia quotannis semel, alia bis, ter. Situs quoque & locus, è quo exoriuntur flores, non est idem. Plerumque prodeunt è caule, aut surculo, aut ramis; nonnunquam tamen è radice. Haréntque flores alij in pediculis, & quidem vel longis vel breuibus; alij ex vno sinu & calyce singulo, alij plures pullulant; & quidem alij racematim, alij spicatim, alij in vmbella. In alijs flores plures, in alijs pauciores, atque alij pluribus, alij paucioribus folijs constant. Flores alij sunt fertiles, alij steriles, atque hi alij fructum ambiunt, alij insident fructui. In deflorescentibus quoque magna est diuersitas, alij tardius decidunt, atque alij in pappos abeunt, alij contrahuntur, alij exsiccantur.

Eadem varietas in coloribus, odoribus, saporibus & figura occurrit, quæ tota integrè vix explicari potest.

In seminibus tandem & fructibus eandem varietatem videre est. Plantarum enim alia fructum ferunt, alia non, vt lingua ceruina. Quæ fructum ferunt, alia multum, alia parum; quædam singulis annis, & quidem quotannis semel; alia singulis annis bis fructum ferunt, alia ter; rursus alia tertio quoque anno tantum fructum ferunt. Alia rursus temporibus, alia serò: morus serò floret, eius fructus citissimè absoluitur: cōtrà persicus tempestiuè floret, serò perficit fructum; rursus quædam tardè florent, tardè fructum ferunt. Fructus quibusdam sine flore, vt ficui; flores quibusdam sine fructu, vt iridi; plerumque fructus è floribus proueniunt. Fructus alij vnus generis, alij non vnus generis, vt quercus. Fructum alia ab radice è stipite, alia ad ramos, alia in ramis supra frondes, in frondibus, subtus frondes edunt; eumque surrectum, pendulum, affixum, sessilem, hærentem, cum petiolo, sine petiolo, singularem, numerosum, frequentem, sparsum, confertum, diffusum, rarum.

Semina alia nuda oriuntur, alia substantia aliqua concluduntur. Et quidem aliqua humore aliquo continentur, alia ossè, alia folliculo cauo includuntur, & quidem nunc in vno fructu vnum semen, nunc plura eaque vel certo ordine, vel sine ordine continentur. In figuris non minor est diuersitas, aliaque figura rotunda, alia oblonga, alia hoc vel illud referente prædita sunt. In folliculis vel siliquis, quibus semina concluduntur, eadem apparet varietas. Quædam enim siliquarum sunt esculentæ, grana non, vt ceratia. Quædam non totæ esculentæ, vt cassia: aliqua nullo modo, vt fabarum, lupinorum, papaue- ris cornuti; aliqua coctæ eduntur totæ, vt phaseolorum: aliquarum sola superficies membrana relicta, vt pisorum & ciceris columbini. Item à figura multa differentia: Præterea à granorum substantia, magnitudine, figura, numero, medulla, cortice, colore, situ, Scalig. in 1. de plantis. In fructibus quoque cortex, quo amittuntur, alius est tenuis, alius crassus, alius durus, aut ossèus, aut ligneus, alius leuis, alius asper, tegunturque omnes aut carne, aut cute, aut testa. Eaque aut tota obteguntur, aut semioperiuntur, idque non vno modo. Aliter enim glans obducitur, aliter auellana. Saporum quoque magna in fructibus est diuersitas; imò in vna parte fructus alius, in alia item alius. Fructus quoque alij esculenti sunt, alij non esculenti; & quidem alijs esculentum est intus, vt in amygdalis, alijs & nucleus esculentus, & exterior pulpa.

Istas autem plantarum differentias exemplis illustrare hic nimis prolixum foret. Factum hoc cum ab alijs, tum omnem istam varietatem, & quomodo plantæ differant loco natali, radicibus, folijs, caulibus, floribus, seminibus & fructibus, collegit doctissimus rei herbariæ scriptor, Andr. Matthioli, in præfatione in Dioscoridem.

CAPUT V.

De Historia Plantarum.

Uim autem, quod I. C. Scalig. Exerc. 104. f. 6. scribit: Ex libris colligere, qua prodiderunt auctores, longè est periculosissimum: Rerum ipsarum cognitio vera è rebus ipsis est; & in alijs verum sit, & in re herbaria verissimum: Plantarum cognitionem acquiri vt ipsas plantas cognoscant necesse est. Et si verò ad hanc rem nostro seculo typographia magna adminicula exhibuerit, dum non solum plantarum historia descripta in publicum à multis edita est, sed & elegantibus figuris plantæ delineatæ, & depictæ sunt à mul-

à multis doctis viris, inprimis Hieron. Trago, Andr. Matthiolo, Leonh. Fuchsio, Dalechampio, Petro Pena & Matthia Lobelio, Remberto Dodonæo, Car. Clusio, Tabernæ Montano, Bauhino & aliis; è quibus plantas, quàm ex solis descriptionibus agnosce- re multò facilius: tamen rectissimè αὐτοψία plantæ cognoscuntur.

Cum verò hoc loco per compendium plantas om- nes nec enumerare, multo minus describere possibi- le sit: ad plantas tamen cognoscendas summè vrile sit, summa quædam genera, ad quæ plantæ omnes rediguntur, cognita habere: classes aliquot hic & methodum quali rei herbariæ indicemque & No- menclatorem præcipuarum proponere, & vñratissi- marum quarundam vires subiicere placet. Etsi enim nonnullos anxie laborasse sciam, vt omnia ad αἰχο- τομία redigerent: quàm tamen parum feliciter id præstiterint, res ipsa docet. Itaque hac in re Lobe- lium & alios, qui in classes saltem quasdam plantas distribuerunt, sequi malo. Reliquas & minutissi- mas diuisiones & enumerationes è nominatis au- toribus petere, icones & descriptiones apud eos inspicere, cuiuslibet facile erit. Hoc saltem moneo, non paucos in nominibus & differentiis plurimis recensendis esse planè supersticiosos: in viribus ve- rò inuestigandis ieiunos. Præstat, mea opinione, pauciores plantas cognitatas, & simul earum vires per- spectas habere, quàm multarum nomina recensere posse, quod vel è vulgo hortulani omnium literarum rudes multi feliciter præstant; potestates verò ac qua- litates penitus ignorare.

CLASSIS I.

De Tuberibus & Fungis.

Cum Natura, imò ipse naturæ autor Deus nihil absque ordine meditatus sit atque efficiat: & in plantis quoque is maxime conspicuus est. Placet er- go à tuberibus & fungis, plantarum quasi rudimen- tis, incipere. Tuber intra terram nascuntur, absque caule, foliis, fibris aut capillamentis adnatis. Inter quæ excellit boletus ceruinus. Fungi alij ex terra oriun- tur, alij arborum caudicibus adnascuntur. Qui ex ter- ra oriuntur, alij præcoces mense Aprili, Germanis *Morcheln*: alij Autumnales & serotini sunt; quorum magna differentia à figura, colore & aliis qualitatibus; suntque alij esculenti, alij venenati. Singula genera apud singulas ferè nationes peculiaria inuenerunt nomina. Est peculiare etiam genus globosum, terræ, nullo pede aut cauliculo fultum, inhærens, albidum, quod vbi exsiccat puluerem quasi redditur, sine morfu exsiccat, & propterea ad intertrigines, & san- guinem sistendum à Chirurgis adhibetur.

Inter fungos qui arboribus adnascuntur nobilissi- mus est Agaricus, qui candidus, rarus, gustu subdul- cis, inprimis Larici adnascens, Medicis ad frigidos & pituitosos humores euacuandos notissimus. Ignia- rij ad ignem excipiendum & fouendum vtilis & no- ti, & ipsi arboribus adnascuntur. Refertur ad fungos & pila, aut vt appellant Balla Marina, Halcyonium; item fungus ac spongia marina.

CLASSIS II.

De Muscis & Muscosis.

Deinde inter plantarum rudimenta sunt & musci genera & muscosa quædam: inter quæ tamen & quædam perfectiores herbæ sunt. Est autem mus- cus villosa quædam substantia, caudicibus annosarum arborum, terræ item saxisque inhærens, aut aquis in- natans. Est I. muscus terrestris, quem lycopodium nominant, maior, minor, minimus. II. Huc pertinent humiles quædam herbæ, vt muscus capillaris, & po-

lytrichum aureum; ros Solis seu rorella. III. Muscus arboreus communis, & latifolius seu pulmonarius, quod vlcera pulmonum consolidat. IV. Lichen, in tenebrosis & humidis locis lapidibus adnascitur. Officinæ hepaticam, alij hepaticam petræam nomi- nant, quod hepatis inflammationibus & febribus ex- bile prodest. Frigida enim & sicca est, aliquantum ad- stringens; vnde hæmorrhagias sistit, & oris inflam- mationes cohibet. V. Muscus marinus, cuius plu- res species. VI. Corallina, & ipsa muscus marinus est, quæ vim siccandi & adstringendi habet, ac lumbricos necat, & cum admiratione eo ipso die expellit. VII. Fucus marinus. Cuius etiam aliquot genera; inter quæ est quercus marina. VIII. Propter caulium similitudinem, quam cum muscis capillaribus ha- bent, referri huc etiam possunt Adiantum nigrum Officinarum, seu capillus Veneris, item πολύτριχον & καλύτριχον, pectori inprimis & pulmone dicatum, cu- ius crassos humores extenuat. Calculos item frangit. IX. Ruta muraria seu adiantum album, nascens in locis humidis, in muris vetustis; Facultatibus Adian- tho nigro simile. X. In hac classe recenseri potest lens aut lenticula aquatilis seu palustris, quæ & ipsa qua- si muscus est, lenti similis, aquis stagnantibus in- natans, vim refrigerandi ac inflammationes sistendi habens.

CLASSIS III.

De Graminibus.

IN tertiam classem referimus gramina. Inter quæ vulgare pratense primum, radicibus longis, candi- dis, genicularis, ducibus. Quarum decoctum renibus & vesicæ prodest, eorumque vt & hepatis obstructio- nes, referat: lumbricos necat.

Eius variæ sunt species: Syluaticum, typhinum, cyperoides, geniculatum, caninum, pictum, sorghi- num, miliaceum, Canarium, ischæmon, mannæ, escu- lentum, lucidum, auenaceum, alopecurinum, leucan- themum, phalaroides, bulbosum, arundinacium, Par- nassi, aquaticum, fluuiatile, iunceum, paniceum, Mari- num, floridum, eriophorum, leporinum, spartinum, holostium, garyophylleum, cauda muris, phalangium, sparganium.

CLASSIS IV.

De Arundinaceis.

Quarta classis arundines & arundinacea comple- ctitur. Arundo, Græcis κάλαμος, multas habet species. Est enim primò vulgaris seu φραγμίτης, quæ operiendis domibus & sepimentis vtilis est; deinde solida siue plena, quam νασόν appellant, ac τοξικόν κά- λαμον, quod ex ea sagittæ fiant. Est etiam arundo sy- ringias: Donax, quæ à quibusdam Cypria appellatur: Indica latifolia seu Canna Indica. Pertinet ad arun- dines & Typha palustris.

Inter arundines autem excellunt, Calamus aro- maticus & arundo saccharina. Etsi enim hodie in Officinis pro calamo aromatico vtuntur radice acori veri: tamen tamen ea non est calamus antiquorum, qui non fuit radix, sed arundinea fistula; In Syria pro- pe Libanum, item in Arabia & India. Qui calamus et- si hætenus pæne incognitus fuerit: tamen hodie rur- sum innotuit, & iam passim apud pharmacopolas prostat. Calefacit & siccatur, leniter adstringit, parum acer est, & partium tenuitate meatus aperit, menses mouet, spiritus reficit.

Deinde Arundo saccharina est fungosa & medul- losa intusque succi dulcissimi plena, qui vel inciso trunco, instar lacrymæ, exstillat, vel ex medulla coctio- ne elicitur, donec coctione liquor tandem in saccha- rum salis instar concrefcit.

Corallina.

Adiantum
nigrum seu
capillus venRuta mu-
raria.Lens palu-
stris.

Gramen.

Crepitus lupi.

Agaricus.

Fungi ignia-
rij.Calamus
aromaticus.Arundo
saccharina.

Ad hanc classem referri possunt & Iridis species, colore floris imprimis differentes, quæ à colore variegato, quo iridem cœlestem referunt, nomen acceperunt. Duæ autem species præcipuæ in usu iam sunt; Vna vulgaris, quæ florem habet cæruleum; cuius radix, & imprimis succus ex radice expressus, potenter aquas hydropicorum educit: Ad quam pertinet & iris minor seu tenuifolia, item Chamæ iris. Altera flore & radice est candida, atque odore violaceo suauissimo; unde & Germanis *Violenkel* appellatur, vimque habet aromaticam, calefacit, extenuat; cordi, cerebro & imprimis pectori grata. Occurrunt & aliæ Irides, Dalmatica, Chalcedonica, biflora, Lusitanica &c. Ad Irides pertinet & spatula fœrida, Xyris, caule & foliis iridi similis, nigrioribus tamen & grauem odorem, unde & nomen habet, spirantibus, floribus quoque similibus sed minoribus, & purpureis, sed obscurioribus. Vt & Pseudoiris seu iris siluestris lutea, *Selbschunnertel*. Nec ab hac classe excludenda sunt, etsi ab aliis ad sequentem classem referuntur, gladiolus aquatilis, floribus purpureis, quem alij iuncum floridum appellant, & gramen arundinaceum, platanaria Dodonæo, Matthiolo sparganium.

In hanc classem etiam referendus Acorus vel acorum, quem vulgo in Officinis, sed magno errore, calamum aromaticum nominant. Atque hic est verus Acorus, pro quo interdum in Officinis perperam usurpant radices pseudoiridis luteæ; cum non parum differant facultatibus: cum pseudoiris inodora sit, refrigeret & astringat; acorus verus sit odore & sapore aromatico, calefaciat & siccet, urinas moueat, ad tormina profit, lateris, thoracis & hepatis doloribus auxilietur. Item Cyperus longus, & rotundus, & pseudocyperus. Cyperi autem radices calefaciunt & exsiccant, ac nonnihil adstringunt, ac propterea ad cicatricem in vlcibus humidis inducendam profunt. Incidunt etiam, unde calculosis, difficultati urinae, & mensibus prouocandis utiles sunt. Item Galanga maior & minor, quæ calefacit & omnibus frigidis morbis ex pituita succurrit, flatu discutit, & colicis medetur. Efficacior autem est minor. A nonnullis huc & Costus, Zedoaria ac Zinziber refertur.

CLASSIS V.

De Iuncis.

A Rundinaceis proximè propositis affines sunt Iunci, qui idcirco quintam classem constituunt. Sunt autem omnes absque foliis & loco foliorum caules rotundos, longos, enodes, in acumen desinentes edunt. Estque Iuncus varius, holoschœnius, brevis, aquaticus. Schœnanthum cuiusdam iunci odorati flos est. Pertinere huc videtur Spartum. Nonnulli huc & equiseti species referunt: cui quidem sunt iuncea & tenuia ad genicula folia, verum nodis non destituitur. Ad equiseti species accedit & polygonum fœmina, in locis humidis & iuxta rinulos ac fluuios nascens. Accensetur his & asparagus, quæ vox in genere tenerum & primò enascentem cuiusque plantæ caulem significat: in specie plantam tales cauliculos esui utiles præcipuè emittentem. Estque hortensis & siluestris; & syluestris aliquot species dantur.

CLASSIS VI.

De Bulbosis & Tuberosis.

Cum inter bulbosa non pauca sint quæ cum quibusdam arundinaceis & iuncea affinitatem habent: bulbosa sexta hac classe illis subiicimus: imprimis cum bulbosorum quædam sint, quorum vna saltem species bulbosa est; reliqua cum aliis iuncis ra-

Dan. Sennerti Tom. I.

dice etiam conueniunt. Dicitur autem bulbus, radix quædam brevis, rotunda, pluribus membranis & corticibus quasi constans. Primò est Asphodelus bulbosus Galeni. Deinde sunt adhuc alij Alphodeli, quorum radices non sunt verè bulbosæ, sed oblongæ, glandibus quodammodo similes, atque horum etiam plura genera. Est enim alius flore albus; isque maior & minor, cui pro radicibus multæ crassæ fibræ demittuntur. II. Est bulbus leucanthemus, seu ornithogalum; ornithogalum luteum; ornithogalum Narbonense. III. Iris bulbosa, item trium vel plurium generum IV. Gladiolus simplex & vtrinque floriferus. V. Sisyrinchium maius & minus. VI. Hyacinthorum varia genera. Est enim orientalis maior, minor; Botroides, duplex; comosus; Autumnalis maior, minor, VII. Narcissus, cuius etiam multa genera occurrunt: Narcissus medio purpureus, medio luteus; atque is non vnius generis, totus albidus, multiplex; iuncifolius maior & minor; siluestris luteus simplex, multiplex; autumnalis maior, parvus, marinus. VIII. Leucoium bulbosum, triphyllon, hexaphyllon; polyanthemum, autumnale. IX. Varia Tuliparum genera. X. Bulbus Eriopherus, & Tirigidis flos. XI. Liliorum variæ species, candidum, purpureum, & cruentum, cuius aliquot species sunt. Hemerocallis; Martagum; corona Imperialis. Quamuis verò varia liliorum dentur genera: tamen præ aliis in usu lilium album siue candidum, cuius insignis est vis in durioribus tumoribus emolliendis, maturandis, obstructionibusque auferendis: Ex cuius floribus oleum conficitur Anodynum elegantissimum. XII. Fritillaria. XIII. Colchicum, plerisque *ἐρίμπερον*; quod nonnulli hætenus male pro hermodactylis usurpant. Estque ephemerum seu Colchicum duplex. Primum strangulatorium & suffocando interficiens: alterum, quod à nonnullis bulbis agrestis & crocus pratensis nominatur; quod non strangulat: ab utroque differt Hermodactylus verus. XIV. Lilium non bulbosum, lilium conallium, unifolium. XV. Crocus verus, cuius flores, qui in usu, sunt calidi & sicci, spiritus recreant cor roborant, lætitiâ gignunt, sensusque omnes vegetos reddunt, hepatis obstructionem, ac icterum tollunt, menses mouent, urinam cient, Venerem excitant. Nimius tamen eius usus nocet, Crocus item siluestris; vernalis aliquot generum, & autumnalis. XVI. Scilla: cuius insignis incidendi vis est, & propterea ad frigidos cerebri & neruorum affectus commendatur. XVII. Cum scilla similitudinem habet Pancratium XVIII. Moly angustifolium, latifolium, Indicum. XIX. Caparum & porri genera; ad quæ pertinet Schœnoprasum, ampeloprasum, allium satium, & siluestris varia genera, vt tenuifolium, latifolium, seu vrsinum, Alpinum. XX. Multa orchidum genera, quæ varias à figura appellationes acceperunt. XXI. Palmæ Christi & saryrij species. Inter quæ vnum genus hodie est in usu, cuius radices in officinis pharmaceuticis saccharo condiuntur, & cum sint calidioris & humidioris naturæ, phthilicis summopere prodesse, insignemque vim stimulandi Venerem habere creduntur. XXII. Ad quæ refertur, orchidibusque annumeratur bifolium, quod ophris à plerisque nominatur; etiam duorum generum.

Lilium alb.

Crocus.

Scilla.

Palma Christi.

CLASSIS VII.

De Frumentis & Leguminibus.

In septimam classem referri possunt frumenta, & legumina: inter quæ triticum primas obtinet, cui succedit zea, zeopyron, secale, seu rogga; hordeum, auena, frumentum Turcicum, omnia scilicet illa, è quibus panis conficitur. Legumina verò &

I cerealia

cerealialia appellari Galenus scribit, è quibus panis non conficitur. Qualia sunt oryza, milium, panicum, frumentum Sarracenicum seu fagopyrum. Quamuis ab aliis & ista inter frumenta recenseantur, & ea solum legumina nominentur, quæ manu leguntur. In quorum tamen classem multa ab autoribus referuntur, quæ non in hominum, sed brutorum cibum veniunt, & quorum semen in usus familiares venit. Qualia sunt Bona dicta, faba, phaseolus, pisi multa genera, aracus, cicer; idque multi generis, satium, arietinum, silvestre; lens, eruum, lupinus, atque & is varius; vicia, fescamum.

Ad quam classem redigi possunt, quæ cognationem aliquam cum his habent, aut frugum vitia sunt, quorum tamen quædam etiam pabuli loco sunt: cuiusmodi sunt Alopecurus, linum satium & silvestre, cannabis, quæ ab aliis ad trifolia referuntur, satium & silvestris, fœnum græcum satium & silvestre; hedy-sarum seu securidaca, & ferrum equinum, Galega, cuius vis contra pestem maxima; onobrychis, terræ glandes, astragalus & astragaloides, anthyllis leguminosa, stella leguminosa Lobelij, ornithopodium, aphace, cracca seu arachi species, Triticum marinum, Bromos, Alopecurus, Triticum vaccinum seu melampyron, vtilago, orobanche, & anblatum Cordi, crista galli, tribulus terrestris. Referunt huc nonnulli & cassutham seu cussutham, quæ iecoris & lienis obstructions tollit, ictero medetur, vrinam mouet, morbisque à bile & melancholico humore ortis utilis est, capparem item fabaginem seu leguminosam.

CLASSIS VIII.

De Trifoliis, Quinque Foliis & his cognatis.

Trifolij primò multa genera sunt: Pratenſe, fruticans, siliquosum, bituminosum, Americanum, cordatum, cochleatum, corniculatum, odoratum: pertinentque huc omnes loti, & meliloti species, cytisus & pseudocytisus, medica, Lapogi species, trifolium acetosum seu oxys Plinij, trifolium aureum seu hepatica aurea; trifolium palustre.

Pentaphylli etiam variæ species sunt: maius, cinereum, serpens, palustre, seu bacciferum. Quò pertinet & tormentilla, cuius radix putredini aduersatur, contraque pestem valet, sudores mouet; aluum, sanguinem, & menses sistit. Etiam lapsis ex alto, & quibus suspicio aliquid intus læsum esse medetur. Sunt deinde & aliæ plantæ, quæ folia fere bina opposita habent, eaque hætenus enumeratis speciebus non absimilia, extremitate tamen ramorum trifolia referunt, quæ & ipsæ in hanc classem referri possunt. Quales sunt Anonis seu ononis, cuius radicis cortex vrinam cit & calculos frangit: fragaria, glycyrrhiza silvestris & vera, cuius radix arteriam asperam lenit, thoraci & iecori conuenit, sitim exstinguit, vesicæ scabiem & renum dolorem sanat; Genista & genistella. Genistæ autem semen vim quamdam habet aluum subsistentem laxandi & subducendi, vrinam prouocandi, calculosque tam in renibus, quam in vesica rumpendi. Hinc conferua ex eius floribus parata, ad iecoris & lienis anfractus remouendos utilissima: Hypericum, ascyrum, androsæmum. Ex hyperico oleum paratur, vulneribus consolidandis & sanandis efficacissimum. Habet hæc planta etiam vrinam ciendi & menses mouendi vim.

Centaureum minus, quod vulnera, contusum recens & impositum, glutinat, & vlcera expurgat. Est amarissimum; vnde & fel terræ nominatur, & propterea febres curat, & à febribus curandis apud Germanos nomen habet; lumbricos necat. Flos Solis cisto ac ledo similis.

Sena, quæ hodie & Medicis omnibus, imò vulgo fatis perspecta ac nota est. Insignem enim habet vim

aperiendi, digerendi, detergendi, aluumque leniter soluendi, ac insuper quæuis membra totius corporis humani mirè confortandi & corroborandi, ita vt sit purgans, omnique sexui conuenientissimum, omnibusque morbis diuturnioribus & melancholicis aptissimum.

Habet foliorum cum hætenus recensitis aliquibus non parum cognationem Ruta, cum silvestris, tum domestica, quæ est calida, sicca, tenuium partium, flatus discutit, crassosque & lentos humores incidit; & ob id respirandi difficultatem & tussis causam frigidam tollit; vrinas & menses mouet, Veneris appetitum inhibet: Inter silvestres numeratur & Hermala.

Nec prætereunda hæc Fumaria, quæ calida est, etsi ex accidente, subducta bile, refrigerat, & proinde à nonnullis refrigerare, sed falsò, dicatur: aperit, hepârque & lienem obstructione liberat, sanguinemque puriorem reddit, & vrinas purgat. Ac propterea febribus, & omnibus morbis ab adustis humoribus natis medetur, & in scabie, atque in aliis cutis vitiis curandis efficacissima & tutissima; cum simul ventriculum, iecur ac alia viscera roborat. Addendum quoque thaliætrum vel thalictrum maius & minus. Tandemque huc referenda Rubia: ad quam pertinent, Aparine, mollugo, gallium, asperula odorata, & aliæ eius species; cruciata.

CLASSIS IX.

De Anemonis, Ranunculis, Geraniis.

His rectè subiungimus Anemonas, Ranunculos, & Gerania. Anemonæ multæ sunt, foliis, radicibus, & floribus differentes. Est inter eas quædam tuberosa; est polyanthos; est trifolia. Referunt huc nonnulli & florem Adonidis; vt & dentariam alabastritem siue violam dentariam, & pulsatillam. Accenseri etiam hisce posset radix caua maior & minor, quam nonnulli malè pro Aristolochia rotunda vsurpant.

Deinde Ranunculi & ipsi multi sunt: Hortensis aliquot specierum; silvestris item non vnus modi, tuberosus simplex, & flore multiplici, gramineus, Illyricus, Alpinus, Ranunculus lanceatus maior, minor, atque alij. In hanc classem recenseri possent, Aconitum lycoctonum, luteum maius & minus; item purpureum ac cæruleum paruum, vt & Napellus & Anthora.

Tertiò Geraniorum multæ sunt species; tuberosum, Robertianum, moscharum, Creticum, pes columbinus, Geranium supinum, Batrochoides, montanum, &c.

CLASSIS X.

De Caryophyllorum, Lychnidum, Violarum, & Lysimachiarum generibus, & cognatis quibusdam.

Caryophyllei flores, quos nonnulli Betonicam siue vetonicam, & flores Tunicis appellant, multi sunt & colore florum, & figura, aliisque modis differentes. Est maximus, minor, simplex, multiplex, albus, purpureus; plumarius, item silvestris & superba dicta. Et Armeniorum florum multæ species; inter quas insignes est Caryophyllus Cartusianorum & Viscaria. Inter omnes autem hortenses in usu sunt, qui spiritus odoris suauitate mirè reficiunt, cerebro, iecori, stomacho & cordi amicissimi sunt. Hinc ex eorum floribus Sirûpus paratus cordi opitulatur, aduersus venena & morsus animalium venenatorum prodest, & à recentioribus ad sanguinem augendum & hepar roborandum commendatur.

Nec minor est Lychnidum varietas. Est enim primò Lychnis coronaria, cui varia à variis nomina attribuantur: ad quam pertinet & flos Constantinopolitanus & Lychnis Chalcedonica. Est deinde silvestris, flore simplici & multiplici: cuius species est

Ruta.

Fumaria.

Galega.

Cuscuta.

Tormentilla.

Anonis.

Glycyrrhiza.

Genista.

Hypericum.

Centaureum minus.

Sena.

Caryophyllus.

est Ocimastrum à nonnullis dictum. Pertinet huc & herba, quam vulgo papauer spumeum appellant. Nec à classe hac alienum est Nigellastrum seu pseudomelanthium : vt & Saponaria, Gentiana, & Cruciata.

Tertio in hanc classem reponi possunt viola purpurea, odorato flore, simplici & multiplici. Sunt istae viola frigida & humida, floresque internis inflammationibus pectoris vtilis, fauciumque & tracheae arteriae asperitatem leniunt, caliditatem hepatis, renum, vesicae, restinguunt, bilis acrimoniam mitigant, & hinc febrium ardorem & sitim tollunt, corroborant. Est postea silvestris inodora: item viola tricolor, seu herba Trinitatis.

Deinde est Leucoion siue viola alba simplici & multiplici flore. Item leucoium luteum, Arabibus Keyri dictum; cuius flores vt & semen menses mouent, secundinas & foetum educunt, oleum ex iis paratum humoribus frigidis resoluendis, doloribus sedandis, & nervis roborandis vtile est.

Quibus annumerantur viola matronalis, viola latifolia seu Lunaria Graeca; cui propinqua est viola Mariana, alias viola calathiana seu pneumonanthe: vt & flos Ambarualis, vulgo polygonon. Quibus postea accedit Ceruicaria maior, media, & minima.

Sequuntur Digitalis species inprimis colore florum differentes. Imò his annumerari potest Aquilegia, & ipsa florum praecipue varietate distincta. Cuius semen 3j. pondere sumptum ietericis ad sudorem prouocandum datur. Vulgo vsitatum est ad variolas & morbillos euocandos.

Ad hanc classem redigi potest Lysimachium seu Lysimachia, cuius species sunt, lutea, purpurea; eiusque genera plura, quarum aliae flores habent verticillatim caulem ambientes: aliae in siliquis, quae & inde siliquosae appellantur. Est & species, quam frutescentem non immerito dixeris. Inter pseudolysimachias & caerulea quaedam refertur. Sed ob florum affinitatem & aquatilia ac palustria quaedam subiungimus: vt violas aquatiles; ranæ scilicet morsum, nymphæam albam, luteam, ranunculum aquatilem, sagittam, caltham palustrem.

CLASSIS XI.

De aliis quibusdam plantis flore insignibus.

IN hanc classem multae plantae & variae referri possunt, inter quas floris magnitudine merito primas obtinet, Flos Solis seu Chrysanthemum Peruvianum. Deinde Helenium: cuius radix multi vsus, valet contra venena ac venenatorum animalium morsus, orthopnoicis prodest, crassos humores in pectore incidit & tussi medetur, vrinam ac menses mouet, ventriculum & coctionem iuuat.

Postea reliquae Chrysanthemi species, quae vulgo Buphthalmi nomine indigitantur. Cui cognatae sunt Chamameli species: Item Eranthemum seu flos Adonidis, quem ab aliis inter Anemones species numerari diximus.

Chamameli sat frequens in medicinâ vsus; calefacit, laxat, discutit, dolores externos & internos lenit. Chamamelo cognata & quasi silvestre chamamelum est cotula foetida, Calendulae genera & ipsa ad hanc classem referenda sunt, vt & flos Africanus: Item cyani species variae: Tragopogon, Scorzonera.

Nec aliena ab hac classe est Nigella seu melanthium, cuius semen calefacit, exsiccat, incidit & extenuat: Olfactum crebro destillationes capitis siccatur: Assumptum flatus discutit, pituitam incidit, menses mouet, dyspnoeae confert: pyrethrum.

Referendae huc & bellides, hortenses & silvestres: Aster Articus. Nec flore absimiles sunt Tanacetum species, vulgare, crispum, inodorum, minus seu album. Et quae huc pertinet, Matricaria, quas alij ad corym-

biferas plantas referunt. Tanacetum autem calida & sicca herba est, amara: Vermes necat, vrinam mouet. Matricaria itidem calida est in 3. sicca 2. aperit, abstergit, vtero prodest, foetus mortuos educit: Asthmaticis, melancholicis & calculosis medetur. Classem hanc claudit, quae & ipsa flore insignis est, Paeonia. Cuius radix inprimis efficax ad Epilepsiam arcendam, cerebrumque & nervos roborandos.

CLASSIS XII.

De Papauere, Hyoscyamo, Solano, & affinis.

PAPAUER primò est satium, idque multorum generum, inprimis flore, vt & semine differentium. Omne papauer vim refrigerandi & somnum ciendi habet; sed validiorem nigrum. Ex papauere fit opium, quod est succus ex nigri papaueris capitibus in regionibus calidioribus incisus exstillans & condensatus. Laudatur Thebaicum. Est autem amarum, odore graui, soporiferum ac narcoticum, dolorum immanitatem sedandi aut sensus potius stupefaciendi vim habens. De eius qualitatibus Medici inter se certant, dum alij frigidum in quarto esse statuunt, ob vim illam somnum inducendi ac stupefaciendi: alij calidum, ob amarorem & acrimoniam, quae in eo deprehenditur. Verum hodie non solum Chymici, sed & alij docti Medici statuunt, somnum conciliari & stuporem induci non tam à frigore, quam sulphure quodam narcotico, quod etiam in calidis rebus, vt spiritu vini, deprehenditur: atque à tali sulphure narcotico omnem etiam suam vim habet Opium; amarorem verò à sale amaro. Cuius rei vel hoc indicium est, quod largius sumptum veterum inducit, cum pruritu totius corporis: & Turcae Mafiac suo vtuntur ad animositatem in praeliis conciliandam, eoque quasi ebrii redduntur. Deinde est papauer erraticum; item papauer corniculatum, aliquot generum & Hypecoon.

Hyoscyamus & ipse multiplex, albus, niger, luteus; Peruvianus, quem Nicotianam & Tabacum nominant. Qui & ipse licet sit calidus & siccus in secundo ordine, nihilominus vim quamdam narcoticam habet, Fumus ore exceptus pituitam è cerebro elicit, succus robustis datus per aluum purgat, somno profundo sequente. Nonnulli aquam è foliis destillatam ante paroxysmum ad febrem tollendam exhibent. Vnguentum ex eo conficitur, vtile ad vulnera.

Solanum aliud est hortense; aliud vesicarium, quod Alkekengi & Halicacabum vocant; cuius species & quaedam peregrina est. Fructus Alkekengi vim habent insignem vrinam mouendi, & sabulum è vesica & renibus detrahendi. Est & solanum somniferum ac letale. Pertinet & huc Mandragora. Sunt & huius classis poma amoris seu mala aurea, & mala insana atque Aethiopica; Item stramonium; & strichnodendrum.

CLASSIS XIII.

De Intybaceis, Cichoraceis, Lactucariis, & Cognatis.

Pertinet ad hanc classem Intybum satium, cichorium latifolium & silvestre, dentis Leonis species, chondrilla: Quae omnia sunt frigida & sicca, subamara, vnde aperiendi & abstergendi vim habent: & nonnihil simul adstringendi; vnde viscera roborant. Arque hinc vtilissime & frequentissime in hepatis & viscerum obstructionibus aperiendis & humoribus biliosis extergendis vsurpantur. Hieracia varia: Senecio seu erigerum: Iacobaea: sonchus laevis & asper: lactuca satia & silvestris multae species. Lactuca autem omnis humectat & refrigerat, biliosum ventriculum iuuat, somnum conciliat.

CLASSIS XIV.

De Atriplice, Beta, Brassica, Lapatho, Eruca, Malua, Nasturtio, & cognatis.

Primò atriplicis variae sunt species; hortensis, siluestris, marina, bonus Henricus & tota bona; quam tamen nonnulli ad Lapathi species referunt: pes anserinus. Deinde est blitum maius, minus, rubens, maculosum; ad quod pertinent amaranthi purpurei species.

Tertiò Spinachia & Betae genera aliquot; atque inter ea beta rubra, cuius radix aceto condita in acetariis sumitur; item Brassica hortensis aliquot generum; item siluestris, cuius vnam speciem nonnulli perfoliatam nominant.

Quartò potest in hanc classem referri Buglossum & Borrago; ad quæ accedunt Anchusa & Echium. Habent autem buglossum & borrago, inprimis flores, vim cor roborandi maximam, & exhilarandi, spiritusque reficiunt ac recreant; vnde ex iis conferuæ ac Syrupi conficiuntur, qui in affectionibus melancholicis, morbisque ab humoribus adustis valde utiles sunt.

Quintò Mercurialis, mas & fœmina, Cynocrambe, & herba impatiens, seu Noli me tangere dicta, ac Parietaria, quæ est humida & subfrigida, abstergit, ambustis & inflammationibus conuenit; folia cataplasmatibus modo cum oleo amygdalarum dulcium pubi imposita calculosis præsidio sunt, atque vrinam iuppressam prouocant.

Sextò, Lapathi genera, vt lapathum siluestre, satium, Hippolapathum seu Rhabarbarum monachorum, Lapathum rubens: oxalis seu acetosa, oxalis tuberosa, oxalis minima. Acetosa autem refrigerat & siccatur, putredinem inhibet, appetitum excitat & hinc febribus continuis & pestilentibus confert.

Septimò, malua hortensis multiplici flore, quæ & malua arborea ac rosa vltamarina appellatur: item malua crispa; malua siluestris; Althæa, Abutilon, Alcea vulgaris, Alcea vesicaria; Gossipium.

Octauò, huc referimus ea quæ saporem acrem habent. Inter quæ primò Nasturtium aquaticum, & altera eius species flos cuculi; anagallis aquatica seu Becabunga; Cochlearia: nasturtium hortense; Barbarea; nasturtium Indicum; sinapi satium, siluestre. Nasturtia omnia calida ac sicca sunt, vrinam prouocant, calculum ac arenas expellunt, & propterea renibus & vesicæ profunt. Inprimis verò insignem vim contra scorbutum obtinent; atque in hoc genere excellit Cochlearia.

Item Eruca sativa, siluestris: Quibus addi possunt Chelidonium minus; Draco herba, draco siluestris seu prarmica: Thlaspius varia genera; inter quæ est Draba seu Thlaspi Candia; Irio siue Erysimum; Iberis; Lepidium: Rapum, Napus, Rapistrum: Radicula sativa, Lampsana, quam alij ad hieracia referunt.

Addimus tandem huic classi Vrticam, quæ alia est vrens, alia iners. Vrens aliquas habet species: omnis sicca est & calida, abstergendo cocta aluum deiicit, vrinam & calculum pellit; semen Venerem stimulat; crudos humores in thorace concoquit, & inde Orthopnoicis prodest: Contra cicutæ venenum, vt & hyoscyami & fungorum malignitatem, præsentissimum est remedium. Inertis seu mortuæ, vt appellant, Vrticæ & Lamij iridem plura sunt genera.

CLASSIS XV.

De Menta, Salvia, Marrubio, Melissa & cognatis.

Mentæ primò sunt multæ species: deinde est Mentastrum, Sisymbrium, Calamintha montana & siluestris, Menta cattaria, Balsamita seu Menta Sarracenica. Menta est calida & sicca; insignem vim habet ventriculum roborandi & coctionem adiu-

uandi; sistit vomitus: flatus dissipat, ac tormina sedat; aluum ac albos menses sistit: lac non finit coagulari in ventriculo, conceptum impedit. Calamintha & ipsa calida ac sicca est, asthmaticis prodest, tormina sedat, vterum sanat, lumbricos necat, menstrua ducit, atque inprimis vtero utilis est, conceptionemque promouet.

Secundò est Salvia maior, & minor; quæ calefacit & siccatur, aperit, inprimis capiti & nervis prodest, ac sanguinem spuentibus, tussientibus, & aduersus morsum venenatorum animalium utilis est. Salvia agrestis; Oruala seu Scarlea, & Horminum, quorum etiam aliquæ species sunt.

Tertiò, Marrubium seu Prassium album, nigrum. Marrubium autem calidum & siccum est, obstructiones hepatis, lienisque aperit, thoracem expurgat, & ob id tabidis, modò febris absit, prodest; menses, lochia & secundinas ducit, venenis & moribus serpentum aduersatur.

Quartò, Melissa seu Melissophyllon, & Molucca. Melissa calida & sicca est in secundo, cordi & cerebro inprimis amica & utilis, spiritus recreat, memoriam confortat: Contra venena utilis est, ac illita contra scorpionum, phalangiorum & canum morsus prodest: mouet menses.

Sunt & aliæ herbæ hisce odore affines, quæ meritò in hanc classem rediguntur, vt Ocymi seu Basilici species, quod tamen alij ὄσιμον potius à suauis odore, quem spirat, nominandum putant. Illudque olfactum capiti ac cordi prodest: semen affectibus cordis medetur, animi mœrorem ab atra bile ortum discutit, & hilaritatem lætitiæque gignit.

Pulegium calidum & siccum, cum amaritudine & adstrictione quadam, habet insignem vim obstructiones aperiendi, humores crassos incidendi; vrinam ciendi, & menses præcipuè mouendi; calculosisque hydropicis, podagricis & neruorum resolutionibus medetur.

Origanum verum & siluestre, calidum & siccum in tertio gradu; vim habet incidendi, attenuandi & detergendi maximam, venenis alexipharmacum laudatissimum. Hinc decoctum eius asthmaticis, conuulsis, hydropicis, & à serpente demorsis vt salutare medicamen vtiliter propinatur. Ad Origanum pertinet & Tragoriganum.

Serpillum, Pulegio maximè cognata planta est, odorem spirat suauissimum & fragrantissimum. Menses prouocat, vrinamque copiosè educit, capitis dolores à causa frigida subortos mulcet, ventrisque tormina sedat, Lethargicis utilis.

Stœchas Arabica, aduersus omnes capitis à causa frigida morbos efficacissima.

Polium item & hyssopus, qui calidus & siccus tertij ordinis, digerit, aperit & discutit. Hinc cum melle decoctus & epotus ad pituitam in thorace concoquendam & educendam plurimum confert, pulmonesque vitiosis humoribus infarctos, liberat, tussi diuturniori opitulatur.

Thymbra, thymus, satureia, cognatæ plantæ, eandem ferè vim obtinent, calidam & siccam; cibisque admixtæ ventriculi coctionem adiuuant, vterum flatibus distentum expurgant, paralyti, omnibusque affectibus soporiferis inderi creduntur.

Quibus addantur Lauendula, Spica, calidæ & siccæ, spirituosæ, oleosæ ac valde odoratæ plantæ, ad frigidos capitis morbos efficacissimæ. Vnde aqua ex iis destillata temporibus ac fronti illita hemiplexiæ & comitiali morbo prodest, & ex floribus conferua ad apoplexiam & alios frigidos cerebri morbos efficax paratur.

Succedit Clinopodium; & Rosmarinus, qui calidus est & siccus, cum adstrictione aliqua, omnibus capitis & cerebri morbis frigidis medetur, cerebrum siccatur,

siccatur, sensus & memoriam acuit, coryzæ confert, nervosas partes roborat, vterum confortat, eiusque fluxus diuturnos iuvat.

Maiorana. Maiorana, quæ etiam calefacit & siccatur secundo ordine, itidemque cerebri frigidis malis auxiliatur, naribus quocumque modo admota pituitam euocat, & sternutationem ciere, urinas ac menses mouet.

Betonica. Betonica itidem calida & sicca secundo gradu, incidit, epilepsiæ obnoxiiis, ac malis capitis frigidis prodest, pectus & pulmones expurgat, hepatis & lienis obstructions aperit, ictero laborantes sanat, ventriculum roborat & concoctionem adiuuat, urinam mouet, calculos frangit, renumque & vesicæ doloribus utilis, menses mouet, vteri suffocationem sedat, aduersus serpentum & venatorum animalium morsus prodest, vulneribus & Ischiadicis auxiliatur.

Dictamnus. Dictamnus verum seu Criticum pulegio facultate simile menses mouet, secundinas, & fœtum mortuum expellit, partum faciliat, contra venatorum animalium ictus vtile.

Scordium. Scordium calefacit & siccatur, viscera adstergit & expurgat, urinam & menses mouet, crassos & purulentos humores à pectore educit, & idè ad tussim veterem prodest. Antidotis contra venena vtiliter admiscetur.

CLASSIS XVI.

DE Scabiosis Et Gognatis.

Scabiosa. Scabiosæ plura sunt genera, maior, minor, media, Hispanica, maxima, Alpina. Est autem calida & sicca secundo ordine, attenuat, crassos & tenaces humores incidit; & hinc pulmones expurgat, difficultati respirationis rursusque prodest; scabiei auxiliatur; aduersus pestem, pestilentes febres, venenatorumque animalium morsus auxilium efficax; & ad sudores, in talibus morbis mouendos, utilis.

Quod pertinet Stœbe, Succida, Iacea nigra seu Aphyllanthæ. His accensent nonnulli & Cyanos, quorum supra classe XI. facta mentio; item consolidas regias, seu florem regium; & Serratulam; Centaurium maius; Solidaginem Sarracenicam, Virgam auream, ad vulnera sananda vtilis plantas. Admitat hæc classis & alias quasdam herbas, vt Agrimoniam, quæ vires habet attenuandi & aperiendi; & inprimis hepatis prodest: Item Herbam Kunægundis seu Eupatorium Auicennæ dictam.

Veronica. Veronicæ genera; quæ hepatis & lienis obstructions confert, urinas & calculum pellit; Scabiei, omnibus cutis vitis, vulneribus & vlceribus inprimis cancris medetur. Phthisicis quoque & purulenta exspuentibus auxiliatur.

Verbenam. Verbenam, Chamædryos & Teuchij ac Chamæpitrys species. Habent autem Chamædryos & Chamæpitrys cognatas vires. Chamædryos hepatis & lienis obstructions aperit, hydropi medetur, menses mouet, & contra serpentum morsus vabet. Chamæpitrys itidem viscerum obstructions aperit, renes mundat, urinam & menses mouet, nervos roborat, ischiadicis & aliis malis arthriticis conducit; vnde vulgò Iua Arthetica, & herba Apoplectica appellatur.

Euphrasia. Tandemque Euphrasiam, quæ mira vi oculos confortat, & contra caliginem valet.

CLASSIS XVII.

De Tomentosis Plantis.

Inter plantas, quarum folia quasi lanugine obducuntur, est primò Gnaphalium. Deinde pilosellæ species, Leontopodium Marthioli Stachas critina, Scorpioides tertium; Verbasci species, & Æthiopis. Ad quæ & alia, etsi lanuginosa non sint, referuntur, vt Blattaria, primula veris, quæ & herba paralytis nominatur.

Dan. Sennerti Tom. I.

natur, quod ad articulorum & nervorum morbos prodest, utilis etiam censetur luxatis & ruptis, & ad renum ac vesicæ calculos: Auricula vrsi. Huc refertur à nonnullis etiam Cynoglossum, & Anchusa.

Primula Veris.

CLASSIS XIII.

De Semperuiuo.

Ad hanc classem pertinent Semperuiui genera, arborescens maius, sedum seu semperuium minus, tertium seu illecebra: Telephium & Crassula.

Aloe. Aloe, ex qua fit succus notissimus in Medicina vsus, qui bilem flauam educit, prodest ventriculo & cerebro, putredini resistit, hæmorrhoides aperit, menses mouet; vulnera mundat, & ad cicatricem perducit.

Portulaca. Portulaca, quæ frigida & humida est & adstringit; dentium stuporem tollit, lumbricos puerorum negat, præsertim si febris adsit. Sanguinis sputo efficaciter medetur, dysenteriamque & sanguinis profluuium sistit. Referunt nonnulli huc & radicem rhodiam; ad capitis dolores inprimis vtilem.

Aloe.

Portulaca.

Radix Rhodia.

CLASSIS XIX.

De Repentibus Et Serpentinis Herbis.

Huius classis sunt, Bryonia, Vitis siluestris, Vitis alba, Dulcamara, Conuoluulus niger, Indicus, Campana carulea.

Scammonium. Scammonium, è quo notissimus ille succus, eodem nomine appellatus, ad purgandam bilem serosamque humores efficacissimus colligitur: qui præparatus & in Cydonio malo coctus, Diagyridium nominatur.

Smilax lævis maior & minor, seu volubilis & conuoluulus maior & minor; smilax aspera, lupulus, laminum, periclymenon, hederæ clematis, daphnoides, flammula; Alsine repens, hederæ terrestris, Nummularia, Argentina, soldanella; Mechoacanna, quæ antiquis ignota, hodie in satis frequenti vsu est, pituitam ac aquosos humores educit, epilepticis, arthriticis, asthmaticis, colicis, hysteris prodest. Potest huc referri & Epithymum, polygonum mas, anagallis; Herniaria, ad hernias, à quo etiam nomen accepit, efficacissima; quam Urinam quoque ciere & calculos frangere tradunt. Nonnulli eam peculiariter ad visum confortandum commendant.

Scammonium.

Mechoacanna.

Herniaria.

CLASSIS XX.

De Cucumere, Cucurbita, & Cognatis.

Propter caules sarmentosos, quibus reptant, hisce subiicimus cucumeres, citrullus, melones, angurias, pepones, cucurbitas: quorum omnium multa sunt genera. Quod pertinet colocynthis, charantia; Balsamina, quæ vulneraria herba est, oleumque, inprimis, in quo fructus, exempto semine, maceratus, quod combustis, ramici, doloribus & vlceribus mammillarum prodest.

Balsamina.

CLASSIS XXI.

De Spinosis.

In hac classe est Acanthus sativus, acanthium; carduus lacteus seu Mariæ, qui hepatis & lienis obstructions tollit, hydropicorumque aquas ducit. Semen conuulsis infantibus & à serpente demorsis auxiliari scribunt; ad pleuritidem verò vulgatissimè hodie vsurpatur. Carduus sphaerocephalus, eriocephalus; carduus chrysanthemus, stellatus, cinara, chamæleon, spina solstitialis, dipfacus & virga pastoris: Carduus benedictus, qui calidus & siccus est, expurgat & aperit,

Carduus.

Maria.

Carduus benedictus.

venenis resistit, viscera ab obstructionibus liberat, febres inueteratas curat, lumbricos negat, tormina sedat, sudores mouet, calculosis prodest. Carduus siluestris, cnicus seu carthamus satiuus & siluestris; eryngij & chrythmi species. Eryngium autem vrinas ciet, & menses, tormina sedat, confert hepaticis, nephriticis, Veneream excitat. Cyrsum.

CLASSIS XXII.

De Umbelliferis.

Fœniculum. **I**N hac classe occurrit fœniculum, cuius radices obstructiones soluunt, menses promouent, vrinam ciet. Semen ventriculum roborat, flatus discutit, vinum confortat, lac auget, vrinam & calculos pellit.

Anisum. Anisum fœniculo valde cognatum, itidem flatus discutit, ad Venerem incitat, spirandi difficultatem lenit.

Anethum. Anethum, cuius semen decoctum lac promouet, tormina sedat, singultum lenit, etiam odoratum.

Carum. Carum, cuius semen calefacit & siccit tertio ordine, flatus discutit, concoctionem iuuat, vrinam mouet.

Cuminum. Cuminum, cuius semen itidem calidum & siccum in tertio, tumores & flatus discutit, tormina sedat, etiam foris impositum, potum pectori refrigerato prodest, hæmorrhagiam narium sistit cum aceto tritum & odoratum.

Coriandrum. Coriandrum, cuius semen præparatum, id est, aceto maceratum & exsiccatum, post cibum ventriculi humiditatem exsiccat, saluam absorbit, concoctionem iuuat, lumbricos expellit, vrinam mouet.

Ammi, Meum, Daucus, Libanotis, Spondylium seu Branca Vrsina, Panaces Heraclium, Asclepium.

Leuisticum. Leuisticum, cuius radices cum vino bibitæ coctionem ventriculi iuant, inflationes discutiunt, sudores mauent; semen vrinas & menses ciet, secundinas abigit, strangulationi vteri prodest, serpentum moribus medetur.

Angelica. Angelica, quæ venenis & moribus animalium venenatorum aduersatur, concretum sanguinem dissoluit, thoracem expurgat.

Pimpinella. Siler montanum; Pimpinella, calida & sicca in tertio, cuius radix mouet vrinas, calculos frangit, ciet menses, hepar aperit, flatus discutit, colicos dolores sedat, venenis aduersatur.

Ostrutium. Imperatoria, ostrutium seu Astrantia, cuius radix calida & sicca in tertio, tenuium partium, frigidos humores concoquit, sudores & vrinas mouet, flatus discutit colicis, nephriticis, hydropicis prodest.

Petroselinū. Herba Gerardi; Ferula & Ferulago, Peucedanum; Apium hortense & palustre, Oreoselinum, Petroselinum, quod vrinam & menses ciet, calculos pellit. Hipposelinum; Chærefolium; Smyrnium; Caucais, Myrrhis, Gingidium; Cituta; Cicutaria.

Filipendula. Filipendula, quæ calida & sicca est, aperit, abstergit, cum quadam adstrictione; decoctum radicum vrinam & calculum pellit. Quidam puluerem eius ad epilepsiam commendant.

Valeriana. Vlmaria; Thapsia, pastinaca, Carotta; Valeriana, cuius radices ad venenatorum animalium ictus & pestem prosunt, stranguriam, tussim, flatus tollunt, oculorum vitia emendant, & visum conformant.

CLASSIS XXIII.

De Corymbiferis.

Artemisia. **I**N hanc classem referre libet plantas corymbiferas. Cum enim corymbi sint racemi in orbem conclusi & redacti, vt in hedera: corymbiferæ plantæ sunt, quæ in fastigio caulis tales corymbos aut racemos ferunt, vt sunt Artemisia, quæ ad menses mouendos valet, secundinas, fœtum, vrinas, & calculos pellit.

Mille folium, quod abstergit, cum adstrictione; Vulnere glutinat, sanguinem vndicunque erumpentem sistit, menses reprimit, & dysenterias sedat.

Tanaceti species; cuius flores in vino vel mulso decocti vermes necant & eiiciunt, calculos dissolunt, & sabulum expellunt.

Matricaria, quod & nomen indicat, fœminis, quæ vterinis doloribus obnoxie sunt, vtilissima & assumpta & extra adhibita, flatus discutit, vterumque mirifice roborat.

Ambrosia, Botrys, Abrotanum.

Absinthium, vulgaris sed multi vsus planta, calida & sicca, valpè amara, vtilissima ventriculo quem bilis molestat. Eam enim abstergendo per aluum & vrinas educit. Ventriculum roborat, appetentiam excitat, hepar confortat, eiusque obstructiones aperit, vitiosos humores per vrinas expellit, & hoc modo ad diuturnas febres, præsertim tertianas, quæ tandem cachexiam inducunt, cum insigni emolumento vsurpatur.

Chachamelum; cotula fœtica: quæ pleræque supra etiam classe I. enumerata sunt.

CLASSIS XXIV.

De Filiceis.

Pτὰς ὑπὸ πλεῖον in genere alam significat; in specie plantam filicem: cui annuere ari possunt omnes plantæ πλεονάδεις, quibus folia in ramis alarum instar disposita sunt. Filicis primò sunt genera aliquot, mas, fœmina; iisque affine polypodium maius & minus, quod crassos & lentos humores tergit, digerit. Purgandi vim plurimi ipsi adscribunt; verum vel nullam vel omnino exiguam ei inesse, experientia testatur: aliis tamen, præcipue humores atros purgantibus, vtiliter admiscetur. Dryopteris.

Phyllitis seu lingua ceruina; cui etiam ab aliis aliæ vires adscribantur: tamen experientia docuit, ad lienis affectus, cuius obstructiones tollit, duritiem & tumorem minuit, vt & hepatis similes morbos, vtiliter adhiberi; Hemionitis.

Asplenium seu Scolopendrium verum, Officinis Ceterach. Cuius etiam vis insignis est ad lienem aperiendum & minuendum, icterum sanandum, calculos atterendos & expellendos; Lonchitis. Adiungi his potest & Lunaria atque ophioglossum.

CLASSIS XXV.

De Lactariis.

PRæter supra enumeratas plantas, quæ lac ferunt, peculiare adhuc lactariæ sunt; omnes scilicet Tithymalli differentiæ; characias, cum suis speciebus, Cyparissias, myrrides, paralias, Helioscopius, latifolius, tenuifolius, tuberosus, dendroides: deinde omnes Esulæ & Pyriusæ Species: lathyris, peplis, peplion, chamefyce. Purgant autem Esulæ vehementer, & bilem ac pituitam educunt, vomitum mouent, fauces exasperant, atque exulcerant.

CLASSIS XXVI.

De Nervosis Plantis.

IN hanc classem reponi possunt omnes species plantaginis. Plantago autem refrigerat & siccit, adstringit & abstergit, mistalque vires habet, herpes & inflammationes sanat, ad omnes fluxiones, etiam sanguinis, prodest, putredini resistit, partesque roborat; & ad venena vtiliter adhibetur. Coronopus, Holostium, Paronychia.

Psyllium, cuius semen refrigerat ordine secundo; in humectando & siccando Galeno est σύμμετρον. Mucilago eius ardores intra & extra corpus mitigat, sitim sedat, exulceratis intestinis confert. Vfus tamen frequentior ventriculo obest. Huc quoque à non

nonnullis refertur Cynoglossum : Herba stella seu cornu ceruinum Dodonæi, Isatis ; Linaria & Linosyris : bursa Pastoris, polygonum ; Vincetoxicum, quæ, vt nomen indicat, venenis aduersatur.

CLASSIS XXVII.

Reliquas plantas, quæ hæcenus ita commodè recenseri non potuerunt, omnes simul in classem ultimam concludimus, & quo referri, aut commodo ordine digeri & disponi possint, amplius perpendendum relinquimus. Et primo loco ponimus Elleborum album ; cuius radix purgat vomitu, sed cum magna vehementia, foetus necat, mures interficit cum melle & polenta ; puluis naribus ad motus sternutationem ciēt. Elleborinam, Calceolum Mariæ.

Elleborum album sequitur helleborus niger, qui humorem melancholicum purgat, & propterea maniacis, hypochondriacis, lienosis, quatanariis, epilepticis, & omnibus morbis ex atra bile ortis curandis adhibetur.

Ricinus calefacit & siccatur : eius grana bilem & aquas per aluum educunt.

Alchimilla & sanicula, quæ vulnera sanandi vim habent.

Garyophyllata, ab odore radicis ita dicta, quæ calefacit & exsiccatur, ventriculo & hepati prodest, sanguinem intus concretum dissolvit, morsus, à venenatis animalibus auxiliatur.

Asari radices vomitum excitant, & crassos ac pituitosos humores expurgant : vrinam & menses mouent, iecoris & lienis obstructions tollunt, atque inde ictericis & hydropicis auxilio sunt.

Aristolochia longa & rotunda, ita dicta, quod puerperis conueniat, & earum *λοχία* ducat, sicut, & menses mouet, & præterea ad asthma & lienem prodest. Arum, cuius radix crassos humores in pectore & alibi incidit. Dracontium, Dracunculus aquaticus.

Bistorta, cuius radix refrigerat & astringit, & ideo aluum ac sanguinem sistit, dysentericis auxiliatur, partes internas roborat, putredini & venenis resistit, gingiuas firmat. Cyclaminus : Herba Paris : hydro-piper ; persicaria.

Tussilago seu farfara, cuius folia virentia nonnihil refrigerant, ideoque vlcibus calidis imposita profunt : Arida calida & sicca sunt, & modicè acria, quorum fumus per infundibulum ore exceptus orthopnoæ medetur : adhibetur ad eundem effectum, tussimque sedandam radix quoque ; vnde & nomen habet.

Perfoliata amara est & adstringens. Decoctum eius aut herba puluis datur ruptis & lapsis ex alto : prominentem puerorum umbilicum reprimat.

Symphytum tandem, cuius aliquot species sunt ; Magnum, quod refrigerat, contrahit & adstringit, hernias sanat, ossibus fractis medetur, sanguinis sputum & fluorem sistit, dysenteriam sanat, in vulneribus conglutinandis efficacissimum est.

Ad eam pertinet & symphytum maculosum, seu pulmonaria maculosa, ad vitia & vlcera pulmonis vtilis. Bugula item & symphytum petræum ; ac denique Prunella, quæ ad linguæ nigredinem in febribus ardentibus commendatur.

CLASSIS XXVIII.

De Fruticibus.

Frutices sunt rubus, maior, minor ; Cistus, Ribes, Oxyacantha, tragacantha ; Acacia, prunus siluestris, Rhamnus, Paliurus, Agrifolium, genistæ species, Spartum, Tamarix, fraxinella, colutea, erica vacciniæ, myrtus myrtillus, vitex, ligustrum ; syringa, rhus coriaria, Buxus, virga sanguinea, frangula, Euonymus.

CLASSIS XXIX.

De Arboribus.

Arborum multæ sunt species : non tamen tot, quot herbarum. Sunt Malorum multa genera & vulgaria ; & quæ huc pertinent, malus medica seu citria, limonia, aurantia, punica seu granata, cotonea, Persica, Armenica ; Amygdalus : pirus, cuius rursum genera multa sunt : prunus, cerasus, morus, ficus, mespilus, cornus, sorbus, ziziphus, castanea, iuglans, corylus, pistacia ferens arbor, & nucem vesicariam, palma, olea, Laurus, Rhododendron, iuniperus, Quercus, ilex, suber, fagus ; fraxinus, ornus, cedrus, populus, vlmus, tilia, Betula, alnus, acer, platanus, salix, sambucus, ebulus, lotus, sabina, cupressus, arbor vitæ, taxus, pinus, picea, abies, larix, terebinthus, lentiscus.

Atque hic præcipuarum plantarum Catalogus est : quem eo fine hic proposui, tum vt omnes, & imprimis otiosi disputatores, qui in eadem & generalissima quadam materia semper hærent, & nihilominus egregij Physici sibi videntur, agnoscant, & in vno hoc plantarum exemplo videant, quanta naturæ sit amplitudo ; & quomodo ea, quæ scimus, minima pars sint eorum, quæ ignoramus : tum vt rei herbariæ studiosi ansam cogitandi habeant, qua ratione & in re herbaria methodus aliqua obseruari, & quomodo plantæ omnes ad certas classes redigi possint. Quam quidem licet hic non perfecim : *ἰχνογραφίαν* tamen aliquam proposui. Vt de aliis iam non dicam : Andreas Cæsalpinus, in *libris 16. de plant.* operosam satis methodum molitur. Postquam enim primò arbores & frutices explicauit : secundum seminum varietatem in primis herbarum differentias proponit. Et primo eas describit, quæ solitaria ferunt semina sub singulis floribus, aut solitarium seminum conceptaculum : secundo loco, quæ bina sub eodem flore continent vel semina, vel seminum conceptacula : Tertio quæ terna ; quarto ; quæ quaterna aut plura includunt : tandemque, quæ nullum semen moluntur.

Verum etsi hæc plantarum distinctio satis curiosa ac operosa videatur, & propterea à nonnullis commendetur : non video tamen, quid fundamenti habeat ; scum in vna classe saltem ob numeri seminum conuenientiam ea coniungantur, quæ nec signatura vlla, nec alio modo conueniant. V. g. in libro quarto, quæ conuenientia est valerianæ, spicæ celticæ, cannabis, lupuli, betæ, tritici & reliquorum frumentorum ? in libro quinto, quomodo conueniunt cucumeres, cucurbitæ, cum epulo, solano, pipere Indico, lilio conuallium ; in sexto, quæ similitudo lychnidis coronariæ, rapi siluestris, numulariæ, portulacæ ? Quod iudicium & de reliquis esto.

Verum hæc cuilibet pro libitu mutare & elaborare integrum est. Nec enim sum nescius, alios in hac methodo tradenda aliud respicere. Medici plantas secundum facultates, quas in vsu medico habent, distribuunt. Physici alia spectant, & quidem alij aliud.



LIBER SEPTIMVS,

De Animalibus.

CAPVT I.

De Anima Sentiente in genere.



Vt facultas vegetans omnibus viuētibz communis est : ita omnibus animalibus inest sensus, isque tam brutis, quam hominī

competit, & τὸ αἰσθάνεσθαι τὸ ξῶν τρὶς τὸ μὴ ζῶν διότι-
ζουεν, id est, *sentiendi facultate animal à nō animali se-*
cernitur ut ait Arist. *de iuv. & sen. c. 1. & de sens. & sen-*
sil. c. 1. Quapropter, postquā & de anima in genere, &
de Anima vegetante & plantis actum; iam ad sentien-
tem nobis accedendū est, & de animalibus agendum.

Anima sen-
tiens nullius
animalis spe-
cifica forma
est.

Vbi mox in principio, quod antea etiam de plantis
factum, monendum: Animæ facultatem sentientem
nullius animalis, etiam si rationis expertis specificam
formam esse, nec propter solum sensus principium
equum esse equum: aliās enim & lupo piscis esset
equus, nec leo à cane differret. Quæ tamen animan-
tia forma specifica & hinc dependentibus operatio-
nibus specificis differre, manifestissimum est. Quæ
autem sint illæ formæ specificæ, definiri facile non
potest, sed è specificis actionibus innotescunt. Quas
etiam, secundum specificas formas, mirandas plane bru-
ta quædam edunt: non tamen sunt eiusmodi, ut ob
id rationalia & de intellectu participare dici possint.
Etenim, ut Scaliger. *Exerc. 3 17. s. 5.* rectè probat, ea,
quæ rationis propria sunt, nullum animal præter ho-
minem agit. Et soli homini, ut pote ad imaginem
Dei creato S. scriptura rationem, *Ecc. 17. v. 16. 17.*
18. & Psal. 32, v. 9. tribuit.

Bruta ratio-
nali non sūt.

Sed ut de sentiente Anima in genere agamus: eius
facultates tres sunt; *Cognoscens, appetens, & loco mo-*
uens. Cognoscens exteriores sensus atque interiores
dictos complectitur. Cognitionem appetitus sequi-
tur: denique ad rem appetitam animal mouetur. Cum
autem cognoscens reliquas præcedat, primò etiam de
ea agendum est, & eadem de causa, primo loco de
sensibus externis. Notandum autem hic, vocem sen-
sus dupliciter usurpari, interdum pro anima ipsa aut
eius facultate, interdum pro operatione, quæ ab ani-
ma sentiente proficiscitur, & aliās sensio appellatur.

Anima sen-
tiens facul-
tates.

Sensus vox
dupliciter
accipitur.

Ut autem fiat sensio, quatuor hæc necessariò con-
currere debent. *Primò*, Anima sentiens: *secundò* Or-
ganum: *tertiò* Obiectum: *quartò*, Medium inter or-
ganum & obiectum sensibile interueniens. *Primò* enim
et si sensio toti composito ex anima & corpore, puta
Animali tribuatur, animalque, ut Quod, sentire di-
catur: Sensio tamen animam sentientem habet pro
effectore primario, corpusque ratione animæ sentit,
animæque dicitur sentiens, ut Quo. Ipsa enim est
αἰσθησις, per quam corpus animatum sensibile extra
se positum percipit, & *αἰσθάνεσθαι* actu tale red-
dit. Quapropter corpus mortuum, neque anima sen-
tiente præditum, amplius non sentit. Efficiens verò
secundarium sensationis Instrumenta sunt, quæ etiam
necessariò ad sensationem requiruntur. Quamvis enim
anima secundum suam essentiam in toto corpore
præsens sit: amen nusquam sensus alicuius autor est,
nisi ubi habet organum: & licet eadem animæ essen-
tia, quæ est in oculo & aure, sit etiam in pede: tamen
quia in pede neque viuendi, neque audiendi est in-
strumentum; in pede nec viuet, nec audit.

Sensio quibus
perficitur.

Sensuum or-
gana.

Instrumenta verò sensuum, ut verbis Scalig. *Exerc.*
297. sect. 3. utar, duo sunt, spiritus propiore natura,
atque affici magis ipsi potestati: & membra, propiora
& similia ipsi sensibili. Sunt enim spiritus adeò
tenuis, ut pæne pro immaterialibus habeantur. Ii re-
cipiunt impressas species. Instrumenta verò sunt spi-
rituum vehicula. Et si verò organa sensuum ex multis
constant partibus: tamen una præ reliquis sensationis
præcipuum instrumentum est; id quod etiam Aristot-
eles, 2. *de part. An. cap. 1.* his verbis docuit: *ἡ αἰσθη-*
σις τῶν ὁμοίων παρὰ τὴν ἐν τοῖς ὁμοίοις μετέσθαι, διὰ τὸ ἴδιον
αἰσθάνεσθαι ὁ ποιεῖν ἐνός τινος ἴδιον ὡς, καὶ τὸ αἰσθάνεσθαι
ἐκάστου δεικνύει τὸν αἰσθητῶν, id est, *Sensus omnibus*
contingit per similes, scilicet propterea, quod quibus
sensus unius generis certi est, singulaque sensoria partes
singularum sensibilibus generum capaces habentur.

Obiecta.

Obiectum autem est illud, quod sensu percipitur;

Qualitates sensibiles scilicet. Quamvis enim obiecta
sensuum dicantur esse singularia, & substantiæ cor-
poræ: tamen substantiæ non sentiuntur, quatenus
sunt substantiæ, sed quatenus sunt qualitatibus sensi-
bilibus præditæ, & rationem formalem obiecti sensi-
bilis, in se continent. Petrus enim, verbī gratia, vi-
detur, quatenus coloratus; tangitur, quatenus cali-
dus, frigidus, &c.

Sensibile autem duplex est, vnum per se, alterum per
accidens. Sensibile per se est, quod primò & per se, non
interueniente alio, sensum afficit; ut color per se vi-
su percipitur. Sensibile verò per accidens, quod per
se sensum non afficit, sed alterius, cum quo copula-
tum & coniunctum est, beneficio. Exempli gratia,
cum dicimus: video rem dulcem, puta lac. Quia vi-
detur album per se, quod est oculi sensibile proprium;
quod cum dulce coniunctum est.

Sensibile quo-
duplex.

Sensibile per se duplex est, proprium & commune.
Sensibile proprium est, quod ab vno, & nullo alio sen-
su percipi, & circa quod error fieri non potest, ut co-
lor visu, sonus auditu, &c. Commune verò, quod
nullius sensus proprium est, sed & à pluribus percipi-
tur. Sunt autem talia quinque: Magnitudo, figura, nu-
merus, motus, quies, ut ea recenset Aristot. 2. *de an.*
cap. 6. t. 64. Atque ad hæc generalia capita omnia re-
liqua referri possunt, quæ ab aliis recensentur; Remo-
tio vel distantia, quam Scalig. *Exerc. 66.* sextum sensi-
bile commune facit; situs, continuatio, discretio, aspe-
ritas, læuitas & alia, quæ solent recenseri.

Qua tamen ratione sensibilia communia sensus
afficiant, inter autores controuersum est, dum alij ab
iis peculiare species sensibus imprimi affirmant, alij
negant. Rectius tamen illi sentiunt, qui statuunt,
communis sensibilia nullas peculiare species sensibus
obiicere: sed tantum propriorum sensibilibus species
determinare, peculiaremque aliquem modum iis ad-
dere. Quia enim sensibiles qualitates non à suis sub-
iectis abstractæ, sed in substantiis atque in concreto
percipiuntur, per vnam speciem simplicem proprium
cum communi in sensum incurrit; non nihil modifi-
catum tamen aliòque modo apparet color in corpore
rotundo, alio in quadrato. Si verò sensibilia communia
propriis species emitterent, etiam sine propriis hoc
præstare deberent. At non faciunt hoc, id quod pater
in translucidis, cuiusmodi aer est, cuius figuram non
ab eo, qui nullus est, colore, sed continente corpore
per imaginationem potius, quam sensu comprehen-
dimus.

Non tamen percipi sensibilia communia per acci-
dens dicimus, sed per se, & secundariò. Tria enim
sensibili per accidens competunt, quæ sensibili communi
non conueniunt. Primò sensibile per accidens nihil
agit in sensum exteriorem, à quo percipi per accidens
dicitur, sed tantum est coniunctum cum eo, quod per
se afficit. Deinde sensibile per accidens ab aliqua pecu-
liari in sentiente facultate per se cognosci potest, siue
illa sit sensus aliquis externus, siue internus, siue intel-
lectus. Deinde facile à propria potentia potest percipi.

Cum autem omnis actio per contactum fiat, obie-
ctumque sensibile sæpe longo intervallo ab organo
sensus distet, quaeritur, quo medio obiectum sensum
afficiat. In hoc omnes sanctiores Philosophi conueniunt:
qualitatem aliquam ab obiecto emitti ad sensum.
Sunt autem qualitates duplices, aliæ reales, seu mate-
riales, aliæ spirituales seu intentionales, ut supra *lib. 2.*
cap. 2. dictum, spiritualesque nihil aliud sunt, quàm si-
mulacra & imagines obiectorum sensibilibus, ab his
emanantes, puriores, tenuiores, & à materiæ concretione
liberæ, quas dari ipsa experientia docet. Nam tempo-
re æstiuo, sub arbore cubantium vestes viridi colore à
foliis arborum pingi vigemus; & iuxta vitrum, vino
rubro plenum, linteum positum rubro etiam colore
tingitur; aliæque exēpla affert Scalig. *Exerc. 80. sect. 8.*

¶ *Exerc. 298. sect. 3.* Et in genere artificialia specula hoc docent, quæ imagines visibiles etiam dissitarum rerum recipiunt. Idem etiam in aliis sensibus patet. Et omnino specierum sensibilibum ac spiritalium longè aliam esse rationem, quàm qualitatum materialium, multæ rationes docent, quarum aliquas proponit Leo Hebræus, *Dialog. de amore, lib. 3.* Prima est, quod omnes qualitates aliæ successiue se per subiectum suum diffundunt, lumen verò subito & in momento per diaphanum penetrat. Secunda: quod qualitas adueniens mutat naturalem dispositionem subiecti: lumen verò nullum in diaphano mutationem efficit, nisi quod illud illuminat. Tertia: quod qualitates aliæ se per infinitum spatium extendunt, lumen verò in infinitum non diffunditur. Quarta: quod etiam sublata efficiente qualitatibus causa, nihilominus impressio aliqua in subiecto manet, remoto verò illuminante nihil de lumine relinquitur. Quinta: quod qualitates reliquæ mouentur cum suo subiecto; lumen verò ad motum aëris vel aquæ non mouetur. Sexta: quod multæ qualitates eiusdem speciei in vno subiecto coniunguntur & miscentur: multa verò lumina non coniunguntur, sed duæ lucernæ faciunt duas vmbas, tres ternas.

Primò itaque illud hoc loco quæritur: *An omnes sensus species rerum spirituales recipiant.* Fuerunt quidem nonnulli in ea opinione, non in omnibus sensibus species spirituales esse necessarias, sed solummodo in visu; alios omnes sensus, præter visum, per materiales qualitates à suis obiectis afficit. Sed falsa est hæc opinio, omninoque omnes sensus à suis obiectis per species spirituales immutantur. Cum autem omnium sensuum tactus maximè terrestris sit, materiæque immersus, eiusque obiectum materialibus qualitatibus maximè cognatum videatur, si hunc non per qualitates reales, sed spirituales affici probauerimus, idem etiam de omnibus demonstratum erit. Materialiter agere dicuntur, quæ similem omnino qualitatem numero aliam in patiente producant. At calor, ex illorum opinione, agit in tactum materialiter: itaque in eo alium numero calorem producit, quod tamen falsum est. Omnes enim sensus idem numero obiectum, à quo afficiuntur, percipere dicuntur; quod rectè obseruatur in qualitatibus spiritalibus. Quamuis enim accidens seu obiectum reale etiam à spiritali, si secundum se, seu suam naturam consideretur, numero differat: quatenus tamen, vt imago eius, illud refert & repræsentat, idem numero dici potest, & sensus rei spiritalis imaginem percipiens, rem ipsam percepisse dicitur; nullo verò modo, qui qualitatem realem similem ab ipsa productam. Sic qui Æneæ imaginem vidit, Æneam vidisse dicitur: qui verò Africanum vidit, nunquam Æneam vidisse perhibetur. Idem patet ex discrimine, quod est inter qualitatem materiale & spiritali. Nam cum actio qualitarum primarum sit verus motus, & in tempore fiat, & raro in patiente qualitatem gradibus suæ virtuti respondentem producat, ob qualitarum contrariarum resistantiam: sequeretur, sensum etiam fieri in tempore & cum mora. Præterea, sensum raro sui obiecti verum gradum, sed ferè minorem percipere. Sed hæc cum in sensu non fiant, tantum species spirituales, quæ nullum habent contrarium, sensibus percipi statuamus: quam sententiam etiam Aristoteles, 2. de an. cap. 12. t. 21. professus est. Quod etiam maximè manifestum est in plerisque qualitatibus tangibilibus, quæ si materialiter in tactum agerent, in illo qualitatem realem sibi similem producerent, & organum tactus, si rem durum perciperet, durum, si mollem, molle fieret: cum tamen hæc qualitates talem agendi vim nullam habent; nihilque tale vel in tactu, vel in aliis sensibus deprehendatur.

Hic tamen notandum, omnes quidem species sen-

sibiles, esse qualitates non materiales sed spirituales, atque imagines & simulacra obiectorum sensibilibum ab iis emanantia, vt *locomodo alleg.* supra dictum: earum tamen aliquam esse differentiam, atque alias materiæ immerfas esse, neque ab ea emergere, alias procul à corpore, è quo oriuntur, sese diffundere, nulli materiæ alligatas esse. Sensuum infimus *Tactus* est; cuius obiectum nullibi sese extra materiam exserit, sed in materia latens, sese sensui oggerit. Ideoque nihil tactu percipitur, nisi quod immediatè corpus sensibile tangit. Eodem modo sese res habet de sapore, qui nunquam ad distans, vt loquuntur, gustum afficit, sed quidquid gustum afficere debet, immediatè linguam tangere & afficere debet. Species verò visibiles, lucem, naturam nobilissimam, imitantes, à materia absolutæ sunt, & per longa etiam interualla, nullo corpore, cui inhæreant, mediante, ad visum feruntur, eumque afficiunt. Eodem modo & *Sonus* ad longa interualla diffunditur, & non solum aërem, sed metalla, minus tamen solidissima, penetrat. Inter has species, tactiles putà, sapores, & species visibiles, quodammodo medijs sunt odores. Hi enim plerumque non equidem vt species visibiles, sine subiecto ad organum olfactus feruntur; interim nec opus est, vt corpus odoratum integrum naribus admoueat, sed corpora odorata de se *ἀπορροίας* quasdam emittunt, quæ quidem ipsæ non sunt propriè loquendo odores, etsi id statuunt nonnulli Medici, sed in iis sunt odores, neque sine iis species odorabiles in loca distantia transferri possunt.

De ortu autem specierum sensibilibum non est quod nos torqueamus, atque aliquem sensum agentem, qui ab obiectis species sensibiles former, introducamus. Ea est natura qualitarum propriè sensibilibum, hancque vim obtinent, vt se multiplicare, sui specie emissas, possint, omninoque omnes formæ sui sunt multiplicatiuæ, aliæ & realiter & spiritaliter, aliæ spiritaliter tantum. Qua ratione autem id faciant, si quis quærat, plus respondere non possumus, quam si dicendum nobis sit, cur calor calefaciat.

Medium etiam ad sensum necessarium est. Cum enim sensus ab obiecto tantum per virtutem afficiantur; medium inter ea interuenire necesse est: quod etiam Aristot. 2. de an. cap. 11. t. 114. protulit *αἰσθητικὸν μέσον*; ait πάντων δὴ τῶν αἰσθητικῶν 2. de an. cap. 9. t. 98. τὸ ἐπ' αὐτῷ τὸ θέμενον πρὸ αἰσθητικῶν, ἐν αἰσθητικῷ δὲ κοινὸν πάντων. Atque hæc omnia, quæ hactenus enarrata sunt, si sensio fieri debet, concurrant necesse est, & quidem rectè disposita: quodrum vnum si absit, vel non rectè dispositum sit, sensio vel cessat, vel vitatur.

In quo autem sentiendi ratio consistat, autores in diuersas abierunt sententias, nec leuis est controuersia: *An sensio sit mera passio*, nihilque aliud, quàm speciei rei sensibilis receptio: An verò præter speciei receptionem etiam alia fiat ab anima actio. Aliorum sententias omnes, quæ ab alijs prolixè exponuntur & refutantur, referre super sedemus, eamque solum afferimus, quæ verior nobis videtur, & talis est. Species sensibilis, seu obiectum speciem sensibilem emittens, non est agens vel actiuum sensationis principium: sentire enim est opus animæ, & quidem immanens, nec rei externæ, & quidem accidenti, tribuenda est: sed vt obiectum proximum rem sensibilem sensui repræsentat & offert. Nec sensatio est tantum receptio: quod præter alia, etiam ex eo liquet, quod sæpissime, dū species sensibilis in organo recipitur, nulla tamen fit sensio; ea de causa, quia anima alijs rebus intenta, species sensibiles non cognoscit: sed sensio etiam est quædam actio. Sentienti enim facultati actio quæ nobilior & præstantior est, quàm passio, deneganda non est, cum vegetanti & accidentibus ea comperat.

Non tamen duo sensus constituendi sunt, vnus

Species rerum sensibilibum ortus.

Sensuum media.

Sensio an sit mera passio.

An detur sensus agens, & patiens.

agens, alter patiens, realiter distincti: sed eadem anima & agere & pati dicitur, diuerso respectu. Anima etenim quatenus iudicat & agnoscit, eatenus agere dicitur: quatenus verò species in organo recipitur, eatenus anima quoque ipsa, quæ in organo est, illudque informat, pati dicitur. Quapropter recipere speciem sensibilem est organi; receptam iudicare animæ: quia tamen vim recipiendi species anima organo tribuit, ipsaque est ratio recipiendi, etiam passio ipsi adscribitur. Sensus itaque hoc modo fit: Species spirituales ab obiecto materiali productæ in organo animato recipiuntur: Receptas deinde anima cognoscit & iudicat, atque ita sentire dicitur: Denique actio in organo recipitur, totique communicatur.

Ratio sentiendi.

An sensus circa proprium obiectum errare possit.

Illud adhuc hîc explicandum restat, quantum fidei sensibus habendum sit, & an sensus circa propria sensilia errare possint. Epicurei tantum sensibus tribuebant, vt nunquam nos falli putarent, & omnia, quæ discuntur, sensuum corporis regulis metienda esse censerent, vt ait August. *de Civ. Dei*, l. 8. cap. 7. & hinc Lucretius, *lib. 5*. Solem cæterisque stellas eius magnitudinis esse putat, qua nobis apparent. Contra Academici quidam omnem fidem sensibus derogabant. Nos, vt quid hac in re sentiendum sit pateat, hæc obseruemus. Sensus tripliciter errare potest: Primò circa genus seu rationem communem sui obiecti, vt colorem pro sono, sonum pro odore percipiendo. Secundò in specie & particulari obiecti ratione, vt albedinem pro nigredine, amarum pro dulci. Tertiò in applicatione ad obiectum; cum sensibile quoddam ita apprehendit, ac si haberet in se aliquam qualitatem, quam reuera non habet: vt cum gustus iudicat cibum esse amarum, qui tamen reuera amarus non est, sed videtur talis, propter amaritudinem bilis, qua lingua infecta est.

Hinc itaque rem sic concludimus: Sensus circa proprium obiectum primo modo errare non potest. Visus enim nunquam percipit sonum pro colore: auditus odorem pro sono. Circa tamen communia sensilia hoc modo decipi potest. Illud enim, quod mouetur, sæpe quiescere putat: & illud, quod in multis partibus diuisum est, sæpe continuum & vnum esse iudicat. Secundo verò modo circa particularem & specialem etiam proprii obiecti rationem sensum decipi, impossibile non est; & sæpe cæruleum è loco remoto nigrum apparet. Denique in applicatione tam proprii quam communis obiecti decipitur. Sic res alba mittens sui imaginem per vitrum rubrum, ipsa etiam rubra apparet: quod etiam in Sole per nubem rubram conspecto accidit: tunc enim visus non errat in colore, sed in applicatione eius. Rubedinem enim, quæ in nube est, Soli attribuit. Itaque circa proprium obiectum tantum posterioribus duobus modis sensus falli potest: circa commune omnibus tribus. Errores tamen hi etiam euitari possunt, præcipue in propriis sensibilibus, si obseruentur hæc conditiones. Primò, vt organum rectè constitutum, nec in eo aliquod sit vitium. Deinde, vt Medium etiam ita sit dispositum, vt sensus illud requirit, nec aliena aliqua qualitate sit affectum. Denique vt sit debita inter obiectum & organum distantia.

C A P V T II.

De Visu.

Sensus externi quinquæ.

Sed vt iam ad ipsos sensus externos, qui in exteriore corporis parte, res externas præsentis percipiunt, in specie accedamus, quinque eos agnoscimus. Experientia enim constat, nec plura esse sensuum organa, nec in homine, qui perfectissimum

animal est, nec in aliis plures reperiri: totidemque & animalium vtilitati suffiunt, & intellectum ad substantiarum cognitionem introducere possunt. Plura de sensuum sufficientia, à fine, efficiente, subiecta materia, obiecto desumpta, petantur ex Scalig. *Exerc. 297 sect. 2. 3. 4*. A visu verò faciamus initium. Is enim omnium sensuum præstantissimus & nobilissimus est; cum præstantiora, plura & magis diuersa; celerius, & in maiori distantia, quam reliqui sensus, apprehendat; Scaliger, *Exerc. 298. sect. 6*.

Visus sensuum præstantissimus.

Est autem visus sensus externus, oculi beneficio rerum visibilium species percipiens & cognoscens. Visioque est visibilium specierum in oculo ab anima sentiente apprehensio. Organum videndi est Oculus, speculi instar species visibiles recipiens. Hinc illud vulgò circumfertur: *Oculum esse naturæ speculum*: & speculum esse oculum artis, vt ait Cæl. Rhod. *ant. lect. lib. 3. cap. 18*. Præcipua tamen organi pars est humor crystallinus, cuius gratia reliquæ oculi partes à natura constitutæ sunt.

Eius definitio.

Organum.

Obiectum visus est τὸ ὁρατόν. Quidnam autem illud sit, dispiciendum. Etsi autem multa videri dicuntur: tamen proprium visus obiectum quod attripet, præcipue de luce & colore videtur esse controuersia. Nam præstantiores Philosophi alicubi primum visibile, & per se visibile, lucem esse asserunt: alicubi proprium & adæquatum visus obiectum esse colorem, & omne visibile esse coloratum aiunt. Verum hæc duæ sententiæ non sunt contrariæ, sed si rectè explicentur, veram de obiecto visus opinionem includunt. Omnino enim visus adæquatum obiectum est color, atque omne, quod videtur, sub ratione coloris videtur; vnde & ipsa lux, quatenus videri dicitur, sub colore comprehenditur, estque instar albedinis. Sed obseruandum tamen est, aliud esse visibile, aliud actu videri. Omnis color sua natura actu visibilis est, nec ab vlla externa causa visibilitatem accipit, & quamuis nunquam videretur, tamen sua natura visibilis esset, ait Scalig. *Exerc. 325. sect. 4*. colorque, qui est in tenebris & in profundo rei, est actu color: vt tamen actu videatur, lumen requirit.

Obiectum

Definit autem Aristoteles, *de sens. & sensil. cap. 3*. Colorem, quod sit, τὸ διαφανὲς ἐν σώματι ὡρισμένον πέρας, vel: τὸ ἐν τοῖς σώματι διαφανὲς τὸ ἔχατον, id est, Perspicui terminati extremitas. Quæ definitio vt rectè intelligatur, norandum, Colorem omnibus rebus competere ratione perspicuitatis, & perspicuum terminatum colorum subiectum esse. Perspicuum enim si condensetur, vt non amplius transpareat, nec aliarum rerum imagines transmittat, fit coloratum, diciturque terminari. Visui enim limites & terminos præscribit, atque impedimento est, ne alias res, inter quas & visum interiaceret, videre possit. Etsi verò etiam ille color, qui in medio & profundo rei, color est: tamen eum potius videtur definiuisse, qui actu videtur, & est in superficie. Non enim vt nonnulli malè id explicant, color est superficies, sed est in superficie: Aliudque est extremitas corporis, quatenus corpus; aliud extremitas corporis diaphani, quatenus diaphanum. Terminus verò diaphani est, vbi sit opacum.

Color quid sit.

Color itaque ortum habet ex perspicui terminatione. Fit autem hoc duplici modo. Primò ex solius perspicui condensatione, sine alterius corporis admistione; qua ratione stellæ videntur. Deinde generatur color ex commistione opaci cum perspicuo. Sic ignis, qui sua natura perspicuus est, si commisceatur cum exhalationibus & fumis, rubicundus apparet, Idem etiam fit in aëre & aqua. Tria enim hæc elementa perspicua sunt; etsi vario gradu. Ignis enim maxime perspicuus est; post hunc aër; aqua iam ali-

quid

quid opacitatis habere videtur: Terra verò planè opaca est. Ideo ex admistione partium terrearum cum reliquis elementis varij fiunt colores. Transiit autem primò perspicuum in albedinem; & propterea perspicuum, lux & albedo eiusdem ferè naturæ sunt: similiter opacum, tenebræ & nigredo etiam cognata sunt. Sùntque hi primi simplices & extremi colores, qui etiam à primis simplicibus corporibus proueniunt; reliquique omnes colores horum commistione constant; quorum omnes species hîc recensere nimis prolixum foret; de quibus multa egregiè Scaliger, tota ferè *Exerc. 3 25*.

es appa- unde Apparentes autem colores fiunt ex colorum realium speciebus, cum aliis coloribus permistis. Hinc quando Solis lumen miscetur cum nubium coloribus, varij inde colores resultant. Itaque concludimus: visibile esse colorem: colorem tamen illuminatum seu splendentem tantum actu videri.

Ex quibus etiam causâ reddi potest, Quare quædam non solum conspiciantur, sed etiam alia conspiciua reddere possint, quædam verò per se videri possint, vt tamen alia videantur, efficere non valeant: alia denique nec ipsa per se videantur, nec vt alia cernantur, quicquam conferant. Quædam enim habent lumen internum & vernaculum; quædam tantum aduentitium. Connatum lumen quæ habent, conspici possunt absque aliorum ope. Et quæ illud habent copiosum & potens, vt Sol & Ignis, etiam alia conspiciua reddunt; quæ verò paucum lumen obinent, & tantum solum, vt se in conspectum proferre possint, & quidem noctu tantum, aliis, vt videantur, nihil conferunt; vt sunt ligna quædam putrida, cicindelæ & alia: quæ verò nullum congenitum habent lumen, nec alia conspiciua reddunt, nec se conspicienda præbere possunt, nisi ab alio illustrentur.

en quo- ad vi- m con- ut. Quia autem Lumen ad visionem necessarium est, qua ratione concurrat, disquisitione dignum est. Alij statuunt, tantum requiri ad illuminationem obiecti; alij ad mediij illuminationem, alij ad vtrumque; alij non solum ad obiecti & mediij, sed etiam ad organi illuminationem. Obiectum quod attinet, omnino id illuminari debet, vt actu conspiciatur; patetque id experientia. Nam quamuis totus aer, qui circa videntem est, sit illuminatus: si tamen ille, qui est circa colorem, non sit illustratus, color non videbitur. Colores enim ex se, nisi à lumine illustrentur, torpent quasi, vt sui imaginem producere non possint, lumenque est actus coloris, non quidem vt sit, sed vt videatur, vt Scalig. *Exerc. 75. f. 7.* ait. Ad medium verò etiam lumen requiritur: non tamen necessariò vniuersum debet illuminari, sed tantum ea pars, quæ est coniuncta rei visibili: Et sic lumen non videtur necessarium medio, quatenus medium; sed potius ratione obiecti visibilis, quod in eo consistit. Nam etiam in tenebris constituti, ea, quæ in medio illuminato sunt videmus, & in profundissimis puteis, quo nulla lux penetrat, stellæ etiam de die cernuntur.

Organum verò quod attinet, asserimus cum Aristotele, de *sens. & sensil. cap. 3.* quòd *ὡς περ ἐξ οὗτο ὃ ἐν τοῖς ἐκ ἀνέυ φωτός ὁραταί*, id est, sicut intra sine lumine non videtur, sic nec extra: internum tamen potius, vernaculum, & congenitum illud lumen esse statuimus, quam externum, quod multorum animalium oculi de noctu lumen emittentes satis confirmant. Oculum verò, qui in profundissimis tenebris consistit, illuminari & illustrari à lumine tam debili, quod etiam res sibi proximas illuminare potest, verbi gratia, quod à ligno putrido emittitur, vero consentaneum vix est. Sicut etiam illud *ἀκατάλητον* videtur, lumen colorémque exiguum & debilem, longissimo interuallo ab oculo diffusum, totum aerem vsque ad

oculos illuminare, quocunque modo.

Quia verò *lumen* omnino ad visionem necessarium est, quæritur, *An & ipsum videatur*. Respondemus: lumen, dum est in perspicuo, non videri, vt Quod, sed vt quo; nec conspici per se, sed per accidens; quia vt colores actu videantur, facit: colorem autem cum videmus, perspicuum illuminatum esse iudicamus.

Medium verò visionis est *perspicuum*; semperque illud, quod videtur magis opacum est, quam medium. Hinc aquam in aere videmus, & eadem res colorata in aqua limpida & pura conspicitur, in turbida occultatur. Ideoque etiam res colorata medium visionis esse potest; modò non sit planè opaca, sed magis, quam τὸ ὁρατόν, perspicua. Sic animalia in electro inclusa cernimus.

Modus visionis adhuc explicandus restat, de quo non exigua antiquorum erant controuersia. Et si enim in eo omnes consentiant, si debet fieri visio, necessarium esse, vt obiectum cum organo coniungatur: quo tamen modo id fiat, non omnium eadem est sententia. Platonici, (Nam Platonem quod attinet, alij aliter eius sententiam explicant, & Scaliger, locis ex Timæo, & Menone citatis, *Exerc. 3 25 f. 5.* probare conatur, Platonem sensisse, visionem fieri speciebus à rebus ad oculos effluentibus) Optici plurimi, & antiqui Philosophi vsque ad Aristotelem ferè omnes statuerunt, spiritus opticos radiosque ex oculis egredi ad obiectum, atque id apprehendere.

Sed falsa est hæc opinio, atque ab Aristotele castigata, vt non tam sint reprehendendi antiqui illi, quam corrigendi ii, qui post diuini viri iudicium, nugas illas sunt secuti, vt ait Scaliger, *Exerc. 298. f. 16.* Visio enim, vt alii sensus omnes, est actio immanens, ideoque in oculo, non extra oculum fieri debet. Et cum omne agens, quod extra se in aliud agit, operationis fructum & finem non in se recipiat; vt calefacientis operatio non recipitur in agente, sed patiente: visionis etiam, si emissionem radio- rum fieret, fructus esset in re visa, non in vidente: quod absurdum. Nam visionis finis in animali quidem est vitæ commodum: In homine verò, præter id, etiam cognitio Naturæ, comprehensio Dei, beatitudo. Denique quodnam illud esse potest, quod è tantula pupilla, ad res tam varias, quas simul intruemur, tam distantes, tam subito effundi potest? Corporea substantia, quales sunt spiritus optici, tanta copia effundi non potest. Nihil enim datur, quod tot spiritibus reparandis sufficiat: nec in instanti ex oculo ad cælum vsque moueri potest. Nec etiam qualitas quædam ex se hoc præstare potest: sed si hoc efficere deberet, anima in ea necesse esset. At subiectum animæ est substantia, non accidens. Imò in genere quicquid egredi, & visionem efficere statuas, id ratione animæ hoc præstaret. Ex quo sequeretur, aërem præditum esse non solum vna, sed multorum animalium animis. Atque hæc eadem, & multò plura, quæ affert Iacob Zabara. *lib. 2. de visu. cap. 4.* faciunt contra Galeni, aliorumque sententiam, qui statuunt, visum aliquousque progredi, & cum imagine rei visibilis vniri, & sic visionem fieri.

Quapropter cum Aristotele sentiamus, visionem fieri receptione imaginum visibilium intra oculos; statuamusque quemadmodum à quocunque puncto corporis lucidi in quoduis punctum perspicui mediij lumen propagatur: ita à quauis parte corporis colorati imaginem ipsius in medium perspicuum emitti secundum lineam rectam, & in oculum recipi, atque à visu cognosci. Nam & intra oculi pupillam imagines receptæ apparent: & excellens visibile lædit visum: receptionisque causa ex tot partibus oculus constructus est.

An & ipsum lumen videatur.

Medicum visus.

An visio fiat recipiendo, an vero emittendo.

Visionis verus modus.

CAP V T. III.

De Auditu.

Auditus definitio.

Obiectum sonus quid.

Quomodo sonus generetur.

Auditus medium.

Echo quomodo generetur.

Visui Auditum subiicimus. Is enim post visum præstantissimus est & cum eo de nobilitate certare videtur. Est autem Auditus sensus exterior, auris beneficio, τὸ αὐρὸν, sonum scilicet, percipiens. Obiectum enim auditus sonus est. Est autem sonus Qualitas, orta ex aëre vel aqua, solidorum corporum subita & vehementi concussione percussis & fractis.

Ad generationem soni tria corpora sunt necessaria. Duo, quæ se mutuò percutiant, aut certè vnum, secundum duas partes duorum officium præstans. Hæc autem corpora solida esse debent, vt aërem cogere & condensare possint, non multis poris prædita. Hinc spongiæ & lanæ si concurantur, sonum nullum edunt; quia, cum poris multis sint referta, aër percussus ab iis excipitur, & ita nulla eius fit fractio. Deinde vehementer & subito collidi debent corpora solida. Quæ enim sensim coniunguntur, sonum nullum edunt; cum ex lenta & tarda coniunctione nulla aëris fractio fiat. Præter duo corpora solida, tertium etiam requiritur, quod inter illa duo solida concussa intercipiatur & frangatur. Illud autem est quod etiam pisces audiunt.

Medium, quod sonum excipit, est τὸ συνεχές, aër & aqua. Hinc aër & aqua duplici ratione ad auditum concurrere possunt: primò, vt sunt medium sonum, excipiens: secundò vt sunt corpora, ex quibus inter duo solida collisa fractis sonus oritur.

De organo auditus est aliqua inter autores controuersia. Vulgò aërem quemdam ingenitum præcipuum auditus organum esse statuunt. Alij recentiores contra, cum sensationis organum pars similis animata esse debeat, aërem hunc reiiciunt: & principale auditus instrumentum Neruum quemdam in aure expansum esse sentiunt. Et certè prior opinio huic postponenda est; nisi eo modo forsan explicetur, quo Hieronym. Capiuaccius eam explicat: qui docet, sicut calidum innatum oculi est luminosum; ita calidum innatum auris esse acreum, vt à sonò possit affici, & complantati aeris nomine vulgò indigitari. Non verò illud esse peculiari alicui cauitati inclusum, sed neruo expanso insitum & implantatum.

Non hîc prætereunda est Echo, quæ est sonus reciprocus & reflexus ex loco læni & concauo. Quemadmodum enim lumen speciei que visibiles, in corpus politum & tersum incidentes, reflectuntur: ita etiam sonus, si incidat in corpus æquale, læue & concauum, in quo non frangatur, sed integrè feruetur, reflectitur. Sicut verò in genere, vt sonus audiatur, non necesse est, vt totus aër à loco, vbi primò fit sonus vsque ad aures continuè frangatur; sed satis est, si species eo vsque propagetur: ita etiam Echo non generatur ex noua fractione aeris; aliàs enim sonus hic reciprocus non esset articulatus: sed saltem ex prioris soni specie reflecta ad nos perueniente. Non autem tantum semel aliqua vox reflecti potest, sed pluribus vicibus: si nimirum vox percussa in alia loca caua continua semper incidat. Sic Cyzici septem turres acceptas voces numerosiore percussu multiplicabant. Et in Olympiæ porticu, quam ob id heptaphonon appellabant, eadem vox septies reddebatur, referente Plinio, *nat. hist.* l. 36. c. 15. Et Lucretius l. 4. sic scribit:

*Sex etiam aut septem loca vidi reddere voces,
Vnam cum iaceres.*

CAP V T. IV.

De Odoratu.

Odoratus præstantia visui & auditui succedit, qui est sensus externus, odores, nasi, seu processum mamillarium in eo, beneficio percipiens. Obiectum enim odoratus est.

De odoris autem natura vulgò docetur, quod sit Qualitas, ex sicco sapido cum humido à calore permisto & temperato, in mistis orta. Est enim, aiunt, odoris & saporis ea cognatio, vt omne sapidum odoratum sit, & omne insipidum odore destituatur. Hinc mista saltem odorata sunt, non elementa, quæ etiam saporem nullum habent: neque etiam mista omnia odorem obtinent, sed ea saltem, quæ sapida sunt. Lapidēs enim odorem non habent; qui etiam sapore destituuntur: signa verò & alia, quæ sapore sunt prædita, etiam odorem habent. In eo tamen odor & sapor differunt, quòd in sapore humiditas, in odore siccitas præualet. Hinc nitrum est odoratus sale, & sal sapidius nitro; quia in nitro plus sicci, in sale plus humidi est: & res odorata, si nimis humectentur, odorem amittunt. Eadem de causa, si post siccitatem pluuia decidat, in principio odor quidam percipitur; quia siccum cum humido permiscetur: tam diu verò saltem odor durat, quam diu siccitas humiditatem superat; si verò pluuia diu continuetur, vt ab humiditate siccitas vincatur, odor etiam cessat.

Efficientem odoris causam, vt omnium in mistis operum, calorem statuunt, qui siccum humido, more & modo debito, permisceat. Atque hinc causam petunt, cur odorata res pleræque plus odoris emittant, si incalescant; cur quædam nihil odoris spirent, nisi calefiant; & cur plus odoris interdum, quam noctu, atque æstate, quam hieme, res plurimæ emittant. Quando enim in misto humidum plurimum abundat, vel siccum cum humido non est iuste permistum: odorem vel nullum vel imperfectum oriri. Et proinde calore opus esse, qui vel nimiam humiditatem absumat, vel eam iusto modo cum sicco commisceat, docent.

Verum cum, quod de sapore scribit Scalig. *Exerc.* 279. *sect.* 4. nihilo magis oriri à qualitatibus primis saporem, quam risum, etiam de odore longè sit verissimum: frustra laborant, qui odores à Qualitatibus primis deducere conantur: cum in qualitatibus primarum potestate non sint, & ad propiora principia decurrendum sit. Ac Chymici longè probabilius è sulphure odores deducunt, ac primum odorabile sulphur esse statuunt; de quo alibi. *in tract. chymic. cum Aristotel. & Gal. cons. & dist. cap.* 11 dicitur.

Odorum differentia parum notæ sunt: sed quia olfactus gustui affinis est, odoresque plerique saporibus valde cognati, saporum appellationes etiam odoribus tribuuntur. Sequuntur autem hi saporis alimentum, quod etiam per eos ab animalibus exploratur: atque ideo hi saporis per se voluptatem, aut molestiam non afferunt, sed per accidens solum, quatenus alimenti indices sunt. Hinc nidor carniū famelicis gratus: saturis ingratus est. Hos odores animalia bruta exquisitè percipiunt, hominesque in eo superant.

Est tamen aliud odorum genus, quod alimentum non sequitur, sed per se delectat & gratum est, vel ingratum indicatur: cuiusmodi est florum aromatum, aliarumque multarum rerum odor. Atque his odoribus, vt & colorum venustate, vel solum, vel potissimum homines afficiuntur: atque animalia reliqua, quàm etiam exquisitè reliquos odores percipiant, in his tamen ab hominibus longè vincuntur: & vel nullam ex odoribus hisce capiunt delectationem, vel,

Odoratus definitio.

Obiectum.

Odoris natura.

Causa efficiens.

Differentia.

vel, si quam capiunt, qua de re Scalig. *Ex. 303. f. 2.* eam planè imperfectam & mancā, paucisque competentem esse, statuendum est.

Ex his non ita difficile est iudicare, quodnam verum odoratus obiectum sit, & quā ratione odores ab odoratu percipiantur. Obiectum odoratus odorem esse, antè diximus, nec est qui id neget: sed quā ratione id intelligendum sit, non ita manifestum est. Heraclitus, teste Arist. *de sens. & sensil. cap. 5* atque antiqui Philosophi plures, Galenus, *de instrum. olfact. c. 2.* & ex Medicorum familia plurimi in ea sunt sententia, non solum odoratum à specie aliqua spiritali affici, sed quandam substantiam corpoream, aeream, tenuem, seu *καπνώδη ἀναθυμίασιν* à rebus odoratis effluere, atque ab odoratu percipi. Peripatetici contra plurimi sentiunt, nudam odoris speciem à re odorata planè spiritaliter, ut imaginem à re visibili emissam, ad organum olfactus deferri, & ab eo percipi.

Nobis verior videtur posterior sententia, modò rectè explicetur: aliquid tamen veri etiam priorem includere negandum non est; quamvis aliqua in parte à vero aberret. Nam primò hoc omnino admittendum est, odores non esse substantias, nec quicquam corporeum. Sensus enim substantias non percipiunt, sed tantum earum accidentia. Deinde illud quoque antea monstratum est; Nullum sensum per qualitatem realem seu materiale, sed tantum eius speciem, seu qualitatem spiritalem & intentionalem, ut vocant, affici. Quapropter etiam in odore idem admittendum, odoratumque nihil corporei, neque etiam realem qualitatem, sed eius speciem percipere statuendum est.

Postea nec hoc negandum, aliquid è rebus odoratis effluere & exhalare, & per aerem deferri. Nam quotidiana experientia discimus, exhalationes odoratas variis modis cerebrum afficere, ipsiusque temperiem sapissime alterare, illudque nunc mulcere & temperare, nunc *καρπιδίαι*, ut est apud Hipp. *5. aph. 28.* gignere. Imò hoc non solum fit in cerebro; sed sæpe ab exhalationibus odoratis, nares, oculos & faciem quasi rodi, & dolorem in iis conciliari percipimus. Præterea videmus, res odoratas plurimas paulatim imminui & tabescere. Et oblata re odorata, manet odor sæpe satis longo tempore in aere, quod fieri per species solum non potest, quæ non manent in absentia obiecti. Quæ omnia docent, sæpe à rebus odoratis exhalationem aliquam corpoream, quæ im calefaciendi, frigefaciendi, aliæque præstandi, quæ nudis speciebus & imaginibus comperere non possunt, obtinet, effluere. Itaque hoc quidem concedimus, à multis rebus odoratum quemdam vaporem exhalare, & vapores odoratos corporeos à rebus odorabilibus emanare: sed tamen ad odoratum spiritua-lem speciem omnino requiri & præsupponi asseueramus. An autem utrumque semper sit necessarium, & an odoris species, quæ propriè ab odoratu percipitur, semper cum aliquo subiecto corporeo, vel vapore sit coniuncta, & sine ea ad organum olfactus deferri non possit, adhuc dubium est, & in eo cardo disputationis vertitur.

De specierum sensibilibus differentia supra, *cap. 1.* diximus, concessimusque odores plerumque quidem non sine subiecto corporeo ad olfactum deferri: hoc tamen perpetuò necessarium esse negamus, statui-
musque illam *καπνώδη ἀναθυμίασιν*, quæ è re odorata exhalat, non semper usque ad nares peruenire, imò interdum nihil tale à corpore odorato egredi, & olfactum fieri qualitatibus spiritalibus, & speciebus odoratum à re odorata ad organum olfactus peruenientibus. Si enim *καπνώδης* illa *ἀναθυμίασις*, semper cum odore, ut eius vehiculum, coniuncta esse deberet, pisces in aqua odores non perciperent, nec iis allekti escam quærent. Cum enim odoratarum ex-

halationum natura in sicco àalore elaborato consistat, & exhalationum ea sit natura, ut sursum ascendant, quomodo exhalationes illæ ad fundum aquæ peruenient? aut si eo peruenierint, quomodo siccitatem, & suæ naturæ integritatem in aqua retinebunt, cum aliàs res odoratæ humentatæ odorem amittant? Deinde, quomodo à rebus odoratis tantum & tam diuturnum potest fieri effluuium, quod ad spacia amplissima explenda sufficiat? Non certè, si res odoratæ, quæ sæpe minime sunt, totæ in vapores resoluentur, tam vasta spacia explere possent. Imò videmus, res multas diutissime odores emitte, nihil tamen imminui, nihilque tatescere.

Potest ex his simul etiam quæstio explicari, An odores nutriendi vim habeant. Cum enim alimentum corporis corpus esse debeat, & in iisdem nutriamur, ex quibus constamus; odores autem qualitates sint, vim nutriendi nullam eòs habere statuimus. Quod verò dicitur, ægros sæpe odoribus refici, & Democritum, in gratiam sororis, quam à festo Thesmophorum abstrahere nolebat, triduum produxisse vitam solo panis calidi odore, id non odoribus, sed vaporibus odoratis è pane exhalantibus, spiritusque resistentibus acceptum ferendum est. Nec tamen ea nutritio vera est, quæ ex similis substantiæ, seu sanguinis in hepate elaborati fit appositione; sed spirituum quædam refocillatio.

Organum verò odoratus quod attinet, etsi in eo omnes consentiunt, Nares odoratus instrumentum esse: tamen, quænam pars in ipsis præcipuum olfactus organum sit, inter Medicos & Peripateticos controuersum est. Peripatetici enim plerique proprium organum odoratus statuunt esse neruos in naribus dilatatos. Galenus odoratum in anterioribus cerebri ventriculis fieri statuit, *8. de usu part. cap. 6. de olfact. instr. c. 4.* Medici alij à cerebro prope oculorum cavitatem ad perforata narium ossa deriuari duos canales, quorum extremitates mammillis non videntur ab similes (vnde etiam processus mammillares, appellantur) atque in iis, ut proprio instrumento, odores percipi asserunt. Quæ sententia veritati magis consentanea est, eamque plerique & præstantiores Medici sequuntur. Cerebrum enim nullius exterioris sensus organum proprium est, sed commune, spiritum nimirum in organis sensuum exteriorum suppeditans. Nares verò quod attinet, verum quidem est, per eas tantum odores percipi, solasque has, à natura vias datas esse, per quas odores ad olfactus instrumentum ferantur: Non tamen in iis fit odorum perceptio & iudicatio, sed in processibus illis mammillaribus, qui ante cerebri ventriculos, tanquam odorum exploratores, collocati sunt. Nam si naribus solis, neruisque in iis dilatatis, absque processibus mammillaribus, tribuenda est facultas odores percipiendi, quid obstat, quo minus naribus saluis semper odores percipiamus? Testatur tamen experientia, obstructis illis processibus, ut in coryza fieri solet, odoratum lædi aut tolli, etsi in naribus nihil sit vitij. Deinde si in naribus fieret olfactus, etiam sine respiratione odores perciperemus: cum tamen quotidie experiamur, etiam rerum fragrantissimarum, naribus admorarum, odores non nisi attracto aere percipi: quod ideo fit, quia illi processus mamillares intra cranium collocati sunt, ita ut odor ad eos non nisi per aeris attractionem deferri possit.

Medium, per quod odores percipiuntur, est Aer & Aqua. De aere dubium nullum est. In aqua tamen etiam odores à piscibus percipi, illud argumento est, quod pisces odoribus escarum alliciuntur, quod pluribus exemplis probat Aristoteles, *de hist. an. lib. 4. cap. 8.* Hæc de odoratu.

CAPUT V.

De Gustu.

Gustus defini-
tio.
An gustus
differat à
tactu.

Obiectum.

Gustus verò est sensus exterior, linguæ opera sapores percipiens. Hunc etiam quidam cum tactu confundunt, eiusque speciem saltem statuunt: omnino tamen errant, & peculiaris sensus gustus agnoscendus est. Nam quamvis tactus interdum generaliter sumatur pro potentia sensitiva, quæ obiectum remotum non sentit, sed saltem organo admotum, possitque hoc modo etiam gustus tactus nomine indigitari; & hac ratione Aristoteli quidam tactus dicatur: non enim res remotas, ut visus colores distantes, sed saltem sapores linguæ admoti percipit: tamen ea significatio minus propria est, & quæstio est; an Gustus sit idem sensus cum potentia, quæ qualitates tangibiles percipit: Quod negatur. Nam & obiecto & organo differunt. Obiectum enim tactus sunt qualitates tangibiles dictæ: gustus verò sapores: saluoque tactu gustus potest in lingua aboleri. Quapropter organis omnino differunt, & quamvis in lingua est tactus, tamen non ubicunque est tactus, ibi etiam gustus est: sed solum in lingua, cuius caro rara, mollis & spongiosa, cui similis in toto corpore alia non est, proprium gustus instrumentum est.

Obiectum gustus sapor est. De cuius natura & origine antiquorum Empedoclis, Democriti, Leucippi, atque Anaxagoræ opiniones prætermittimus. Peripatetici ita de sapore docent. Nullum corpus simplex saporem habet, solumque mistorum affectio sapor est, & ad saporis generationem tria sunt necessaria: siccitas terrestris, aquea humiditas, & calor naturalium operum in mistis auctor. Cuius rei indicia passim obuia sunt. Nam aqua, quæ per se insipida est, si per siccum terrestre percoletur, sapida efficitur, ut patet in fontibus, qui varios sapores ex partibus terræ, per quas fluunt, accipiunt: & aqua lixiuij amara redditur, quia per cineres transcolata est. Saporis tamen natura magis consistit in humido, quam sicco: atque est qualitas gustum afficiens, ex permistione humidi aquei cum sicco terreo in mistis orta. Cum autem humidi cum partibus siccis varia sit permistio, & humidum aqueum cum sicco terreo permistum, quod saporum subiectum est, nunc sit crassius, nunc tenuius, calorque, qui saporum causa est, nunc sit intensior, nunc remissior, varia etiam hinc oriuntur saporum genera, quæ alij aliter recensent. Plerique septem præcipue sapores simplices agnoscunt, à quorum commistione alij vel oriuntur, vel ad eos referri possunt: Dulcem, acidum, austerum, acerbum, salsum, amarum, acrem, seu acutum. Considerari hi sapores possunt dupliciter, vel respectu ad primas qualitates, calorem & frigus, habito, vel ad gustum, quem afficiunt.

Priori modo à Medicis potissimum considerantur, suntque iis utiles ad Medicamentorum qualitates agnoscendas, & diuiduntur in calidos, & frigidos: in frigidos tres, acidum, austerum, acerbum: calidos in excessu tres, acrem, salsum, amarum, vnumque mediocre caliditatem obtinentem, dulcem scilicet. Atque hoc modo acutus & acerbus Medicis extremi sapores sunt; ille calidissimus, hic frigidissimus. Philosophi posteriori modo eos potius considerant, & eorum differentias non sumunt à qualitatibus tactilibus, sed ab effectu, quo gustum afficiunt: atque hac ratione, quia effectus gustui inditus ab amaro, maximè contrarius est dulci sapor, hic maximè gratus, ille maxime ingratus: hi duo etiam extremi à Philosophis censentur; reliqui verò inter hos medij sunt.

Dulcis itaque sapor maximè gratus est gustui, oriturque ex mistione aquei humidi cum parte terrestri, facta à calore ferè mediocri. Talis est in pane, lacte, vuis maturis, ficibus, glycyrrhiza, saccharo, melle.

Quamvis in his etiam in caliditate gradus quidam obseruari possunt: alia enim aliis calidiora: ea autem, quæ mediocritatem maximè obseruant, maximè ad hominem alendum sunt idonea.

Sapor acidus consistit in materia tenui & subtili, ortumque habet ex calore debili, vel quia in misto multæ sunt partes aqueæ, quæ à calore vinci non possunt, vel quia è mixto partes calidæ, præcipue puriores, acereæ scilicet, exhalarunt. Talis est in aceto, acetosa, succo limonum. Austerus sapor consistit in materia mediocriter crassa, ortumque habet à maiore adhuc frigore, caloreque imbecilliore, quam acidus. Si materia adhuc crassior sit, calorque imbecillior, frigiditas autem fortior, Acerbus sapor oritur, qui est in pomis nonnullis immaturis, glandibus, gallis.

Salus sapor est in materia terrestri, non subtili, sed crassa potius & terrestri: oriturque à calore, mediocritatem iam excedente. Itaque primum subiectum salis saporis est siccum terrestre, per quod humidum aqueum percolatur, adustum, parumque in eo superest aquei humoris: ab eius tamen parua portione magna aquæ copia infici potest. In amaro sapore calor ferè adhuc maior est, materiaque eius siccior & magisterrestris. Denique à maximo calore acris oritur, consistitque in materia subtili: vnde eo prædita, vrendi, penetrandi atque exsiccandi vim habent, Talis est in pipere, zingibere, allio, capis.

Hoc, inquam, modo sapores ac saporum genera à qualitatibus primis deducere conantur Peripatetici & Galenici. Verum, ut antea è Scaligeri, *Exerc. 297. §. 4.* dictum, nihilo magis oritur à qualitatibus primis sapor, quam risus. Et quam irritus sit conatus, è qualitatibus primis solum sapores deducendi, eruditè monstrauit peculiari libro, *de sapore amaro & dulci*, L. Grillus. Chymici è salibus probabilius sapores deducunt, & primum sapidum sal esse, & è variis salium generibus varios sapores prouenire docent, de quo alibi, in *tract. de cons. & diff. Chymic. cum Arist. & Gal. cap. 11.*

Medium externum ad gustum non requiritur, sed si rei Sapor percipi debet, linguæ applicanda est. Medium tamen internum est pellicula spongiosa seu porosa linguæ obducta, & salinalis humiditas. Huic enim sapor primò communicatur, cuius postea species per poros linguæ ad eiusdem carnem defertur, atque ibi anima sentiente percipitur. *Hæc de Gustu.*

CAPUT VI.

De Tactu.

Vltimus sensus exterior, isque maximè communis, Tactus est, qui qualitates tactiles percipit. De hoc non leues quædam controuersæ agitari solent. Primòque solet illud quæri; An tactus sit vnus numero sensus; seu, an sit vna numero potentia tangendi, sicut vna est videndi, vna audiendi, vna odorandi, vna gustandi, an verò plures. Mouet hanc quæstionem Aristot. 2. *de an. cap. 11.* dubitandique hanc rationem affert. Vnus sensus est vnus primæ contrarietatis: Vnusque sensus vnum habet obiectum proprium, ad quod omnia, quæ percipit, referri possunt. At tactus non videtur vnum commune habere obiectum; sed plura. Percipit enim calidum, frigidum; siccum, humidum; graue, leue; durum, molle; viscosum, aridum; scabrum, glabrum; crassum, tenue; quæ ad aliquod commune genus, eandemque rationem, secundum quam à tactu percipiuntur, reduci non possunt. Hac ratione plurimi persuasi, plures tactus statuerunt alij duos, vnum ad frigidum, & calidum; alterum ad humidum & siccum percipiendum: alij tres, duos iam dictos, quibus etiam durum & molle, asperum & læue attribuunt; & tertium, ad graue & leue per-

Acidus.

Austerus.

Acerbus.

Salus.

Amarus.

Acris.

Medium
gustus.

Tactus.

An sit vnus
numero sensus.

Saporum
genera.

Sapor dulcis.

percipiendum: Alij tot tactus esse statuunt, quot sunt *διαφοραί καὶ ἐναντιώσεις καὶ τὴν ἀφ᾽ αὐτῶν*, id est, differentiarum & contrarietates tangibilium. Alij adhuc alios tactus plures addiderunt, ad sentiendum dolorem, voluptatem, delectationem, Venerem, famem, sitim. Nonnulli contra vnicum tactum statuendum esse putant, qui etsi diuersa obiecta habeat, omnia tamen ea sub communi aliqua ratione apprehendat: eodem modo, vt visus, album, nigrum, rubrum, flauum, viride, sub communi coloris ratione percipit.

Etsi verò sit difficile hanc litem componere, doctissimique viri senserint, nihil hinc certi statui posse: tamen plurimis videtur probabilius, vnam esse tangendi potentiam. Varias verò tangibilium differentias ad communem quamdam naturam alij aliter reducere tentant. Alij enim aiunt, etsi obiectum tactus sit multiplex: sub vno tamen contineri genere communi; sed nomine illud carere. Esse autem qualitatem, quæ primò sequitur corpus, quatenus corpus, seu quæ à corporibus sublunaribus proximè dependet, elementorumque, & corporum ex his constantium formas necessario comitatur. Alij etiam qualitatibus tangibilibus vnum modum tactum afficiendi tribuunt, eumque esse, immutare complexionem primarum qualitatum, atque hinc tactum sensum temperamenti dici: ideoque primas qualitates præcipuum tactus obiectum esse, reliquas secundariâ ratione huc pertinere: quæ verò ad hos reduci non possunt, esse communia sensibilia, quæ peculiarem sensum nullum constituunt. Alij denique distinguunt inter sensibilia externa, vt sunt calidum, frigidum, humidum, siccum, durum, molle, &c. & inter interna, quæ in ipso sentiente sentiuntur, vt sunt dolor, voluptas, fames, sitis. Externa vnico sensu percipi putant. Etsi enim sint plura, ad vnam tamen communem rationem reduci posse: & certè experimur, quod, qui tactu potest percipere vnam illarum contrarietatum, etiam aliam potest per eandem partem sentire: & contra, qui non potest vnam ex iis sentire, etiam aliam non potest, vt sit in stupore. Famem verò, sitim, voluptatem, dolores corporeos, alia potentia percipi sentiunt; cum separentur hæ potentia & actus ita, vt in ea parte, in qua percipiuntur externa, non sentiatur fames, sitis, nec alia.

Organum verò quod attinet, illud vt reliquorum sensuum, inuenire non ita facile est, & non solum antiquorum, sed & recentiorum hac de re maximè sunt controuersia: alij enim carnem, alij cutem, alij neruum, alij quid aliud illud esse statuunt: Nos verum Tactus organum membranam esse sentimus. Nam vbicunque membrana est, ibi etiam tactus est; & vbi membrana non est, ibi etiam sensus tactus non est. Hinc cerebrum non sentit, nisi ratione membranarum: & remota membrana, quæ ossa ambit, ipsa ossa amplius non sentiunt. Deinde, quia tactus sensus maximè communis est, & animali in toto corpore, ad externas iniurias cauendas, concessus est, organum etiam eius per totum corpus diffusum esse debet, & quidem tale, quod aliud in animali officium non habet. Quilibet enim sensus proprium habet organum. At si ea, quæ in toto ferè corpore reperiuntur, consideremus, omnia, præter membranam, peculiaria habent officia: nerui spiritum animale deferunt, venæ sanguinem, aliæque alios, vt notum est, vsus habent. Quapropter iis hoc officium deferri non potest: sed reliquæ sunt solum membranae, quæ & similis pars sunt, aliūque vsus non habent, sed hac saltem de causa animalibus data, vt proximum tactus instrumentum sint.

Dan. Sennerti Tom. I.

CAPVT VII.

De Sensibus Internis.

Post explicatos sensus externos iam ad internos accedimus, qui circa sensibilia, per externos sensus oblata, versantur. Hæc enim inter sensus externos & internos præcipua est differentia, quod externi ab obiecto externo immediatè afficiuntur; vnde & externi dicuntur: interni verò non ab ipso externo sensibili immediatè, sed per sensus externos mouentur: vnde etiam interni appellantur. De numero autem sensuum interiorum tanta est controuersia, vt videre est apud Franciscum, Piccol. *de sens. intern. cap. 3. 4. 5. 6. 7.* Franciscum Tolet. *in lib. 3. de an. c. 3. 9. 6.* Colleg. Connimb. *in lib. 3. de an. cap. 3. quest. 1. art. 1. 2. 3.* vt ex ea difficilimum sit se expedire. Nos communem opinionem, quæ inter cæteras probabilior est, retinemus, & tres sensus interiores, ex diuersitate munerum & operationum, quæ ab iis administrantur, agnoscimus, Sensum communem, Phantasiam seu Imaginariam, & Memoriam.

Communis sensus omnino ponendus est. Cum enim animalia cognoscant differentias inter variorum sensuum obiecta propria, sensus autem externi hoc præstare non possint; cum quilibet tantum suum obiectum proprium agnoscat: omnino aliquis sensus internus statuendus est, qui omnium sensuum exteriorum obiecta apprehendat (vnde etiam communis sensus appellatur) & à se inuicem discernat, & colorem à sono, sonum ab odore, odorem à sapore, saporem à calido, calidum à nigro, &c. differre cognoscat. Præcipua enim officia sensus communis sunt, omnium exteriorum sensuum obiecta mediis sensibus exterioribus percipere: Cognoscere & percipere, nos sentire: Differentiam inter diuersorum sensuum obiecta cognoscere: Priuationem & absentiam obiectorum, vt tenebrarum, silentij, &c. diiudicare: Mouere phantasiam eique species sensibiles offerre. Est itaque hic sensus quasi interstitium exteriorum & interiorum sensuum, speciei que ab externis recipit, & reliquis internis communicat. Vnde non ineptè centro circuli comparatur, in quo quinque lineæ concurrant.

Præter sensum communem addenda etiam Phantasia. Cum enim in animalibus perfectis non solum sit necessarium, apprehendere res præsentis, sed etiam illud, quod iam amplius præsens non est, diligentius perpendere, vt ad illud vel quærendum vel fugiendum incitari possit: Inter sensus internos etiam Phantasia numeranda est, quæ species sensibiles, à sensu communi perceptas, aut à se formatas diutius retineat, diligentiusque examinet. Etsi enim Phantasiam omnino ab externo sensu primò moueri necesse sit: tamen postquam obiectum semel percepit, ipsiusque imaginem memoriæ credidit, postea, etiam absente obiecto externo, quotiescunque libet, illam imaginem repetere & imaginari potest. Omnino autem Phantasia primùm ab externo obiecto moueri debet, nihilque possumus imaginari, quod non prius sensu externo percepimus. Et quamuis aureum montem, aut Chimæram imaginemur, quæ nunquam tota vidimus: tamen secundum partem ea percepimus. Et nisi aurum & montem conspexissemus, aureum montem imaginari non possemus: sic nisi leonem, capram, draconem vidissemus, Chimæram imaginari impossibile esset.

Denique inter sensus interiores referenda est Memoria. Quia enim Phantasia sine cognitione recipere species non potest: plura autem simul agnoscere non possunt: ideo opus est facultate, quæ ipsa non cognoscat, cognitioni tamen inseruiat, id est, quæ plures species sensibiles, à Phantasia cognitæ, simul recipiat, &

referuet, atque eidem eas, cum opus est, rursus suggerat & exhibeat. Ipsa etiam experientia testatur, in morbis sensuum interiorum vnum sine altero posse amitti & destrui vel deprauari: & in febribus saepe accidit, ut aegrotantes, salua memoria, cibicines, aut alia adesse existiment, festucas & floccos, qui nulli adsunt, legant, cuiusmodi exempla passim apud Medicos obuia sunt: quod argumento est, Phantasiam esse distinctam a memoria facultatem.

Memoria
duplex.

Memoriam autem nonnulli duplicem faciunt, Sensitiuam & intellectiuam: verum satis videtur dicere, memoriam facultatem esse, quae homini cum brutis communis est. Qua ratione autem actus memorandi fiat, obscurissimum est. Vulgo statuunt, *disposita* in cerebro seu organo memoriae imprimere simulacra quaedam, perinde ut in cera figura sigilli inprimitur, quae etiam amoto sigillo manet. Vnde aiunt, quibus cerebrum siccus & durus est, iis difficiliorem apprehensionem, retentionem pertinationem: Quibus est humidius & mollius, eos facile recipere, retentione uti minus fidei ac diuturna.

Sed forsitan consultius est fateri: nos hic haerere in limo, id est, in Naturae tenebris, vniuerso generi humano communibus, quam talia statuere: praecipue si illa perpendas, quae Scaliger, *Exerc. 397. sect. 28.* contra hanc opinionem affert. Si enim hoc modo fit memoria; cum paene sit infinita: quibus spatiis continebuntur tot imagines? quibus sedibus ita dispositae atque ordinatae, ut & vnamquamque separatim, & cunctas confertim, & singulas ordinatim, promere, statuere, dirigere possimus; Cur autem cerebrum siccus ad memoriam sit aptius, nouam causam affert Scaliger, *loco iam citato*, quae inde peti potest.

Memoria
actus duo.

1.
Memoria.

Memoriae autem seu facultatis memorandi duo sunt actus: vnus, qui facultatis nomine appellatur Memoria: alter Reminiscencia. Memoria definitur rei antea cognitae (memoria enim tantum praeteritorum est) ut cognita est, iterata apprehensio; seu eius, quod antea perceptum erat sensibus, ut perceptum erat, repetitio, v. g. si interrogatus, quale regis Galliae sit nomen, promptè illud, ut aliquando nominari audiui, recitare scio. Reminisci verò est, ex vnus vel plurium rerum, in memoria asseruatarum, in alterius, quae non promptè occurrit, recordationem regredi: ut si cui aliquod nomen exciderit, & ille omnes vocales cum omnibus consonantibus ordine semel coniungendo, syllabasque singulas constituendo, ex initialis syllabae notitia in nominis totius, quod exciderat, recordationem peruenitet. Itaque plura requiruntur ad reminiscencia, quam ad memoriam: & memoria brutis etiam communis est; Reminiscencia non item. Ad memoriam enim satis est, ut rem eodem modo quo eam percepimus, rursus apprehendamus; ad reminiscencia verò requiritur, ut antea res exciderit, nec directè eius recordemur, deinde ut aliam rem memoriâ comprehensam habeamus, & eius ductu in ignotae notitiam rursus veniamus.

2.
Reminiscencia.

Plures sensus interni statuendi non videntur. Adhuc quidem nonnulli, Aestimatiuam ad discurrendum a noto ad ignotum in particularibus, seu ad percipiendum ea, quae sensus exteriores percipere non possunt, v. g. cum ouis solum colorem, magnitudinem, & figuram lupi visu & Phantasia percipiat, neque tamen propter hanc lupum fugiat: addendam putant Aestimatiuam, qua ouis lupi inimicitiam, quae sub externos sensus non cadit, percipiat.

Sed vero consentanea haec opinio non videtur.

Vis enim ratiocinandi & discurrendi solum ho-

mini competit: ad res verò sensibiles omnes apprehendas sola Phantasia sufficit: neque propter inimicitiam, vel voluptatem, vel odium seu dolorem, quae animalia ex nonnullis rebus percipiunt, potentia peculiaris, quam aestimatiuam appellant, statuenda est. Sunt enim haec nihil in ipso obiecto sensibili, sed passionibus & affectionibus rei perceptionem sequentes, & prouenientes a proprio quodam naturali instinctu, qui concessus est animalibus, ut excitet appetitum vel ad apprehendendum vel ad fugiendum obiectum. Nam in omnium sensibilibus perceptione haec tria ordine fiunt: Primum, obiecti sensibilis sub propria obiecti ratione perceptio: secundò, voluptas vel dolor ex perceptione ortus: tertio, appetitus excitatio, qui obiectum vel ut gratum sequitur, vel ut molestum fugit. Priora duo ad eandem facultatem, sensum scilicet vel Phantasiam pertinent, cum quadam tamen diuersitate. Apprehensio enim obiecti sub propria ratione est sensus, quatenus sensus, & Phantasia, quatenus phantasia; & obiectum sub obiecti ratione omnia animalia eodem modo percipiunt, & sensibus externis & phantasia: ut album colorem omnia animalia ut album, nulla ut nigrum cognoscunt. Sed apprehensio obiecti, ut iucundi vel molesti, non est sensus quatenus sensus, neque phantasia, neque omnibus animalibus eadem iucunda & grata apparent: sed est sensuum quatenus restringuntur, & determinantur a propria cuiusque animalis forma; quae cum plerumque nos lateat, a nonnullis instinctus naturalis appellatur. Hinc conspectus lupi oui dolorem affert, qui tamen nihil molestiae leoni, sed potius voluptatem, si esurienti offeratur, affert.

Istam quaestionem hoc modo Zabarella explicat. Potest eadem, eodem ferè sensu, forsitan nonnihil clarius, breuiter sic solui. In omnibus animalibus inest non solum anima vegetans & sentiens: sed etiam, ut antea quoque dictum, peculiaris quaedam forma specifica qua quodlibet animal ab aliis animalibus diuersae speciei omnibus differt, v. g. qua leo ab homine, equo, boue, &c. discernitur. Haec in homine est anima rationalis: in brutis etiam quaedam peculiaris anima est; quae etsi rationalis non est, rationali tamen animae in homine respondet, ac in aliis est nobilior, in aliis ignobilior: atque huic omnes illae nobiliores operationes, quae ad sensus referri non possunt, & a diuersis animalibus diuersae eduntur, adscribendae sunt.

Itaque non rectè docent ij, inter quos Piccolhomin. *de sensib. inter. c. 11.* qui sentiunt inter Phantasiae officia esse, addere subnotiones, & indicare obiecta, ut consentanea vel aduersa; item esse principium variorum admirabilium operum, quae ab expertibus rationis efficiuntur, ut in hirundine, formandi nidum; in araneâ, ducendi retia; in ape formandi fauicem, &c. Vt n. in homine Phantasia non est rationari: ita in brutis etiam non Phantasia, sed superiori facultati, quae quodlibet brutum ab aliis brutis distinguitur, officium est, suae speciei propria agere.

Potest hinc facile decidi quaestio, quae a nonnullis quaeritur; An bruta sint rationalia? Rationalia non esse, certum est: Cum non sint homines. Interim ut homo non per Phantasiam, sed per rationem a reliquis animalibus omnibus discernitur: ita cuiuslibet bruti anima & forma specifica supra Phantasiam propriam facultatem habet, quae ab aliis brutis differt. Atque hinc in actionibus & operibus brutorum tanta est varietas, aliaque aliis sunt ingeniosiora & astutiora; vulpes, suae, boue, asino; apis muscâ. Qua de re, qui rectè iudicare cupit, consideret ea, quae passim de Elephantorum, canum, bombycum, apum &c. operibus scripta exstant, & quotidie in rerum natura occurrunt.

An bruta
sint rationalia.

CAPVT VIII.

De Potentia Appetitiua & Loco motiua:

Postquam actum est de animæ sentientis potentia cognoscente: agendum iam est de appetitu. Et si verò varij sunt appetitus: & appetitus, vt Scalig, in lib. 1. de Plant, scribit, ὑμονύμωσ dicatur, in igne ad occupanda loca superiora; in ferro ad sui coniunctionem cum magnete; in planta ad humorem augendum; in equo ad Venerem; in homine ad beatitudinem: tamen hîc solum de appetitu, quem sensitiuum vulgo vocant, agimus; qui est vis animæ, quæ animal ad rem sensu perceptam inclinatur & propensionem habet. Obiectum eius est bonum, sensu apprehensum, siue id reuera sit bonum, siue tale appareat. Appetitus enim ad finem tendit: Finis verò omnis boni rationem habet. Quamuis verò appetitus dicatur bonum sequi, malum fugere: tamen malum etiam ad appetitum pertinet sub ratione boni. Fugere enim malum bonum videtur appetitui. Ex appetitu, tanquam eius actus, pròdeunt passionēs & affectus appellari.

Appetitus sequitur motus animalium spontaneus, Nisi enim animal potentiam, ea, quæ appetitus cupit, exsequendi haberet: frustra esset appetitus animali datus; quod de Natura sentiendum non est: sed concessa est animali vis, quæ sentientem animam sequitur, qua pro libitu vel se totum vel aliquam sui partem de loco in locum transferre potest.

Vt autem hic motus fiat, quinque sunt necessaria. I. Obiectum, quod animal ad motum excitet, & cuius gratia animal moueatur. Non enim frustra mouetur animal: sed ab obiecto, vt fine, & bono appetitus incitatur.

II. Necessarium est principium dirigens, à quo in animali existente prima fiat motio. Datus enim est motus spontaneus ad vtilia inuestiganda, & noxia vitanda animalibus: quod præstari non potest, nisi quædam vis sit, quæ obiectum cognoscat, idque Appetitui offerat, & ad illud vel fugiendum vel sequendum incitet. Quapropter hoc principium cognitione destitutum esse non debet. Deinde quia animal non solum ad præsentia, sed etiam absentia mouetur, non debet tantum percipere præsentia, sed etiam absentia. At hæc conditiones nec nutrienti animæ, nec sensibus externis, nec communi competunt: sed solum phantasiæ. Quamuis enim & mens ad motum dirigere possit: tamen magis remotum motus est principium, nec sine phantasia mouet; cum tamen phantasia sine mente mouere possit: quod videmus in animalibus brutis, quæ quamuis ratione destituantur, à phantasia tamen ad motum impelluntur.

III. Adhuc propius motus principium, & quod motum imperat, est Appetitus. Quia enim motus animalium fit ad quædam vtilia & commoda sequenda, & ad fugienda aduersa & noxia: ad appetitum verò affectus, Amor & odium pertineant: omnino ab appetitu proximè mouetur locomotiua, appetitusque motum imperat.

IV. Præter appetitum necessaria est virtus exsequens, quæ motum ab appetitu imperatum & iniunctum in actum producat, & exsequatur. Cum enim motus localis diuersa operatio sit ab operatione appetitus, & operationes facultatis appetentis sint immanentes, motus verò actio transiens: alia potentia danda est, quæ proxima sit motus localis spontanei in animalibus causa.

V. Denique instrumentum, per quod motus fiat, requiritur. Experientia enim testatur, eos, quibus membrum aliquod læsum est, quamuis obiectum adsit, & phantasia appetitum moueat, appetitusque motum imperet, mouere se loco non posse, ob

Dan. Seannerti Tom. 1.

instrumenti inaptitudinem. Quodnam autem motus instrumentum sit, etsi nonnulla est apud autores controuersia: musculus tamen id esse statuimus. Quod autem nonnulli anxie disquirunt, quænam in musculo pars præcipuum motus instrumentum sit, an neruus, an tendo; non adeo necessarium id facere videntur. Nam, vt est apud Aristotelem, 2. de part. an. cap. 1. ἡ μὲν ἀδυναμία ἐν τοῖς ὁμοιομερέσι: αἱ δὲ πράξεις δια τῶν ἀνομοιομερῶν ὑπάρχουσιν τοῖς ἑσώτοις, id est, vis sentiendi in similaribus sita est: actiones autem per dissimilares administrantur.

Motus itaque animalis spontaneus hoc fit modo & ordine. Primo obiectum externum offertur, quod vt immobile mouens per sensus externos & communem receptum phantasiæ communicatur, atque ab ea, quid sit, cognoscitur. Deinde attentius & accuratius, an commodum sit, & gratum, vel noxium & ingratum cognoscitur. Cognitionem hanc sequitur amor vel odium, seu appetitus, rem gratam & delectabilem apprehendendi, noxiam vero fugiendi. Appetitum in animalibus brutis mox motus sequitur.

In homine verò, antequam fiat motus, quædam adhuc intercedunt. Appetitus enim & hæc sensuum internorum motiones menti offeruntur, vt ab ea reprobentur vel approbentur. Si approbantur, & rectam esse sensuum appetitionem mens intelligit, statim motus sequitur: si verò, vt falsa, reiicitur, contentio & pugna oritur inter Appetitum sensitiuum & rationalem, donec alter alterum vincat; atque ille, qui vincit, motus est principium, facultatique motrici motum imperat. Facultas motrix, omnibus totius corporis musculis insita, eos, quibus opus est, musculos contrahit: Musculi contracti tendines attrahunt: tendines attracti ossa: denique ossibus motis membrum, vel totum corpus de loco in locum transfertur.

Motus animalis modus & ordo.

CAPVT IX.

De Somno, vigilia & Somniis.

Sensuum, qui hactenus explicati sunt, affectiones sunt vigilia & somnus. Vigilare enim aliquem deprehendimus ex sensuum externorum ενεργεία: Dormire verò, ex eorumdem cessatione. Quapropter somnus videtur esse σέρσις τῆς ἐξηγήσεως: & somnus & vigilia ad eandem facultatem pertinent, sentientem scilicet: somnusque & vigilia sunt sensus affectiones, & solis & omnibus, animantibus competentes. Hinc quæ inanimata sunt, seu quæ animata anima sentiente destituuntur, vt plantæ, neque vigilant, neque dormiunt. Deinde nullum animal vel semper vigilar, vel semper dormit. Quia enim omnia in suis operationibus defatigari necesse est, spiritusque per sensuum operationes absumuntur: Somnus etiam necessarius est, vt vires reparentur, & spiritus instaurentur. Et quamuis illud in animalibus imperfectioribus, quæ sensibus omnibus prædita non sunt, non ita manifestum sit: tamen perfectiora dormire, satis manifestè experientia conuincit. Qua de re Aristoteles, 4. de hist. an. cap. 10 Plinius. l. 10. nat. hist. cap. 75.

Somnus autem non quæuis sensuum cessatio aut sentiendi impotentia est. Nam & in animi deliquiis, aliisque morbis sensuum operationes cessant: sed quando est ἡ ἀδυναμία τῆς χρίσεως ἐν τῷ πρώτῳ αἰσθητήριῳ, ὃ αἰσθάνεται πάντων. Somnus itaque est cessatio naturalis sensus communis & primi, & exteriorum sensuum, salutis animalium gratia facta. Seu, vt Aristoteles ait, de somno & vig. cap. 3. ἡ τῆς πρώτης αἰσθητηρίας κατὰ λυψίς πρὸς τὸ μὴ δυνάσθαι ενεργεῖν seu ὑπέρμια τῆς πρώτης αἰσθητικῆς. De qua definitione vide Scaliger. Exerc. 289 Sensus autem communis præcipue in somno afficitur: hoc verò quiescente, etiam

K

3

reliqui

reliqui exteriores cessant. Reliqui verò sensus interni non necessario in somno quiescunt: sed, si id contingat, ideo fit, quia externi quiescunt. Nam si phantasia in somno interdum non operatur, non id ideo fit, quod eius affectio somnus sit, sed quia à sensibus externis nihil ad illam defertur, circa quod versari possit.

Somni
caussa.

Quanam autem sit causa, quæ sensus exteriores ita quasi vinciat, inquisitione dignum est. Causa huius rei alia non est, nisi quod spiritus animales è cerebro in organa sensuum non influunt. Quid autem impedimento sit, quò minus spiritus influant, non nihil obscurum est. Aristoteles, *de somn. & vig. c. 3.* statuit, hoc fieri, obstructa communis sensus via, per quam spiritus animales, tanquam commune animæ instrumentum, ad omnium sensuum organa emittuntur. Obstructionem autem facere vapores, præcipue è ventriculo in cerebrum sublato. Hi enim in quiete, per quam cerebrum nonnihil frigidius euadit, condensantur, & crassiores fiunt, grauiorésque nonnihil facti, ad inferiora rursus descendere incipiunt, nervorumque meatus obstruunt, ne spiritus animalis ad organa sensuum possit deferri. Cuius rei multa sunt indicia. Nam post cibum, præcipue copiosum, somnolenti euadimus, & ebrii maxime dormiunt: contra, qui diu in ediam passi sunt, insomnes noctes agunt, & medicamenta soporifera dicta pleraque vapores multos in caput emittunt, aut cerebrum refrigerant, ut in eo vapores nonnihil condensentur, & hinc meatus obstruantur. Alij contra sentiunt, somnum non fieri è vaporibus, & nervos obstruentibus, sed ideo, quia anima ad sese spiritus retrahat & reuocet, ne continua operatione animales vires destruantur. Hinc non solum post cibum nos dormire; sed etiam lassitudinem, cantus, tenebras, quietem, somnum conciliare.

Verum enim verò vtraque opinio coniungenda videtur, talisque est somni generatio. Composito ad quietem animali, anima virium quemdam languorem ex diurnis sensuum operationibus, spirituūque dissipatione, & viuifici Solis Luminis absentia percipiens, refectionem quamdam & instaurationem virium spirituūque, salutis animalis gratia, meditat. Et quia animales spiritus originem habent ex vitalibus, ut vitales prius instaurentur, cor ad se aliquid caloris, qui in exteriores partes sparsus est, colligit & reuocat. Hinc extrema membra, & præcipue cerebrum, frigidius nonnihil euadit; quò etiam nocturni aeris frigiditas, & motus atque agitationum corporis, quæ caloris causa sunt, cessatio conspirat: calor verò circa cor & vicina membra augetur. Calor auctus ex alimento suaves quosdam vapores excitat, qui ad cerebrum delati eius frigiditate nonnihil condensantur, & rursus descendere incipiunt, nervorumque radicibus illapsi, eorum meatus replent & obstruunt, & in causa sunt, ne & spiritus vitales calorque ex inferioribus in cerebrum influere possit, nec spiritus animales ad organa sensuum distribui: denegatis spiritibus membra concidunt, omnesque sensuum exteriorum operationes cessant.

Finis somni.

Finis itaque somni est virium in animali instauratione. Quia enim per motum & sensuum exteriorum operationes multum spirituum absumitur, ne animalis salus in discrimen adducatur, ij instaurandi sunt. Addit Scaliger *Exerc. 289.* alium etiam finem his verbis: *Somnus à Deo factus non solum, quod quidem rectè aiunt, ad corporis recreationem, sed etiam ad animæ libertatem. Qui enim, si ad officia spectes, propemodum plantam vitam viuamus dormientes: voluit, ut tum verè vine-remus. Nam seruus eo tempore liber est: atque etiam dominus euadit aliquando, per insomnia. Prauorum animi supplicii afficiuntur per insomnia, bonorum atque sapientum, veritatis inuestigatione, laudabilium officiorum fun-*

ctione, diuina mentes sunt per insomnia. Solutæ namque non à corpore, sed à corporis penso, suas agunt res. Seipsas enim mouent, atque etiam promouent ad effigiem sui finis, quæ sunt olim coram contemplanturæ.

Somno opponitur *Vigilia*, quæ nihil aliud est, *Vigilia.* quàm sensus *ἐγρηγεία*, seu *λύσις τῆς ἀιδήσεως*. Animal autem duplici modo à somno expergiscitur, vel sponte, vel à quadam causa externa turbatum atque interpellatum. Prior modus maxime naturalis est, & fit, quando calor, qui intra se at diderat, ad alimenti coctionem, & spirituum refectionem, coctione iam absoluta, spiritibus instauratis, sese rursus exserit, & ad externa diffunditur, vaporesque qui spiritibus obstaculo erant, discutit, ut spiritus ad organa sensuum liberum transitum habeant. Quanquam verò interdum etiam ex se animal expergiscitur, antequam coctio est absoluta, si vapores acres ex humoribus vitiosis ad cerebrum ferantur; vel etiam altis de causis; tamen modus is, quem tradimus, maxime communis & naturalis est.

Excitatio verò à somno per res externas, ut si quis clamore vel tactu excitatur, fit ex perceptione exteriorum sensuum. Quanquam enim in somno spirituum defectus sit in instrumentis sensuum: tamen non planè spiritibus animalibus organa carent, sed adhuc in iis aliqui supersunt, qui ad sensilia vehementiora percipienda sufficere possint. Itaque anima sentiens in somno ab obiecto externo vehementi incitata & lacessita ad sentiendum se conuertit, & primò quidem obscure rem percipit, postea subinde, ut eam clariùs cognoscere possit, maiorem spirituum copiam subministrat: qui ad sensus, qui afficitur, organum aditum quærentes, sensus communis viam perumpunt: atque ita ad omnium sensuum organa via patet, & somnus cessat. Hinc quibus meatus sensuum in somno à pluribus, iisque crassis vaporibus magis sunt obstructi, quod ebriis accidere solet, ij planè difficulter excitantur, nec spiritus facile viam inueniunt: Qui verò non ita crassis vaporibus abundant, ij faciliùs excitantur. Eadem de causa primus somnus profundior & arctior est; quia vapores in prima coctione sunt copiosiores & crassiores, qui postea paulatim absumuntur & attenuantur.

In somno accidunt Somnia. Non autem somnium *Somnium* est passio sensuum exteriorum. Nam dormientibus, *quid sit.* quibus solis somnia accidunt, omnes sensus externi vincti & ligati sunt. Neque etiam animæ rationalis. Nam præter hominem etiam canes, & alia animalia somniant. Sed sensuum interiorum, Phantasia præcipue, affectus somnium est: definiturque somnium, quod sit *φάντασμα* dormientibus apparens.

Quia verò in somniantibus phantasia occupatur, ipsique aliquod *φάντασμα* obicitur; non verò solum ea, quæ de die egimus, aut quæ in corpore nostro latent, somniemus, sed etiam ea, quæ maximis locorum interuallis à nobis seiunguntur, & quæ neque vnquam vidimus, neque audiuius, neque vllò sensu percepimus, imò quæ nondum facta, sed post futura sunt: quæritur quomodo rerum absentium, sensibusque nunquam perceptarum, & quæ nondum sunt, imagines phantasiæ obici possint. Epicurei, ut patet ex *Lucret. lib. 4.* statuebant:

*rerum effigies tenuesque figuras
Mittier à rebus, summo de cortice earum,
Quæ quasi membrana, vel cortex nominanda est,
Quod speciem, ac formam similem gerit eius imago,
Cuiuscunque cluet de corpore fusa vagari.*

Has dormientibus obici, & significare, quæ futura sunt, credebant. Sed dudum hæc opinio reiecta est.

Non multò melior est Calij Rhod. opinio, qui

l. 27. antiq. lect. cap. 11. simulacra illa Epicureorum, quæ volitare vltro citroque & vagari per auras possint, negat: tamen motiones aliquas esse concedit, quæ nos simulacrorum vice exerceant: Illas ex initiis quibusdam earum rerum prodire, quæ dicendæ nobis mox agendæque sint, aëre primum mutato. Tum deinde, per aurium foramina & narium meatus transmissas ad cor, facere, vt in somniis futurarum rerum exitus prænoscere videamur. Has verò motiones non posse alio tempore sensum sui, quàm noctu, ampliorem inuehere. Sed quænam rerum, quæ nondum sunt, motiones esse possunt? aut quomodo res absentes per 50. vel 100. milliaria aërem continuo afficere possunt? aut cur illæ motiones non quosvis obuios dormientes afficiunt, sed eos tantum, quorum eam rem scire interest?

Nos omnia ea somnia, quæ de rebus, quas nunquam antè sensu percepimus, vel ex causis, quæ in nostro corpore non latent, ortum habent, ad *θεοτέραν δυνάμιν* referimus. Itaque somnia ita diuidenda esse censemus.

Somnia alia sunt *φυσικά* seu Naturalia: alia *ὑπερφυσικά* seu diuina. Naturalia sunt, quæ ex naturalibus causis proueniunt. Diuiduntur hæc rursum à nonnullis in Animalia, & Naturalia, sic in specie appellata. Animalia appellantur, quæ circa res, quæ vigilantibus oblata sunt, occupantur. Sensibus enim internis species quædam sensibiliū externorum imprimuntur, quæ etiam absentibus sensibilibus manent, & somnia excitant. Hæc etsi in vigilantibus, circa alia sensibilia externa occupatis, non semper apparent: in dormientibus tamen, quando sensus à suis operationibus vacat, eadem rursum emergunt & phantasiæ se offerunt. Hæc somnia non semper eo modo res vt gestæ sunt nobis offerunt: sed nihil tam absurdum, ineptum, monstruosum cogitari potest, quod non in somniis interdum nobis offeratur. Anima enim à rebus externis non excitata, rerum antea oblatarum species reuoluit, & quamlibet cum qualibet, vt quælibet obuia est, coniungit, & ex multis diuersisque rebus vnā componit; rerum quoque ordinem & circumstantias miris modis confundit. Huc quoque vaporum vitiosorum copia facit. Vt enim vapores & humores vitiosi in vigilantibus, vt melancholicis & delirantibus, cerebrum turbando, absurdarum cogitationum causa sunt: ita idem in dormientibus præstant: vt rectè dicatur, somnia esse dormientium deliria; & deliria esse vigilantium somnia. Hinc Melancholicis, & iis, qui nimio cibo se repleuerunt, somnia absurda & terribilia eueniunt. Eadem de causa ebrij, & qui primum ad somnum se composuerunt, plerumque nihil somniant: quia tanta vaporum in iis est copia, vt cerebrum repleatur, omnesque imagines obruantur, ne apparere possint. Sub lucem verò & post cibi coctionem somnia sunt clariora, quia vapores, à cibis exhalantes, attenuari, & magna parte iam discussi sunt.

Naturalia verò sunt, quæ à causa, in corpore latente, vt humoribus, temperamento, aliaque affectione oriuntur. Si sit enim talis causa vehementior, potest aliquem etiam in somnis sensum externum afficere, sui que speciem phantasiæ offerre; eam tamen raro distinctè, sed per similes alterius speciem, aut cum similis specie coniunctam. Sic, vt refert Galenus, *de præsa. ex insomniis*, cum quidam somniasset, crux alterum sibi euasisse lapideum, paulò post, præter opinionem, eiusdem cruris Paralyti correptus est.

Ad hyperphysica verò somnia omnia ea referimus, quæ à causis superioribus, & externa nobis immittuntur; siue à Deo id fiat, siue ab Angelis, siue à Dæmonibus. Quæ à Deo & Angelis bonis immittuntur, in specie solent diuina appellari, quorum aliquot exem-

pla in sacris literis existat. Soler enim Deus Opt. Max. *Diuina*, vel nouas species hominibus in somniis obicere, vel eas, quæ antea præsentis sunt, ita ordinare vel coniungere, vt rerum futurarum sint indicia. Angeli verò easdem species, spiritus, vel humores, qui sunt in corpore, excitare & aptè disponere solent, vt de re vtili & necessaria homines admoneant. Diabolica verò *Diabolica*, eodem modo, quo ab Angelis, sunt: sed sine diuerso. Diabolus enim hominum perniciem meditatur, eosque etiam per somnia superstitionibus vanis imbuiere conatur; quod oracula per somnia facta demonstrant, quorum exempla quædam narrant Tertull. *lib. de an. Cæl. Rhodig. antiq. lect. l. 4. 27. cap. 4* vel impiis & obicænis somniis ad libidines & voluptates allicere tentat.

Ex his itaque constat, quomodo etiam res absentes & futuræ nobis per somnia obici possint. Platonici ad suos genios, & dæmones, quos singulis hominibus adiunctos putant, eosque de multis rebus mone-re statuunt, multa somnia referri posse opinantur, & rectius multò Theologi ad Angelos: quos singulis hominibus additos plurimi existimant. Illud tamen superioribus addendum videtur ex Tertull. qui in *l. b. de an.* ita scribit: Somniorum diuinorum liberalitas solet & in prophanos destillare, imbres etiam & Soles suos peræquante Deo iustis & iniustis. Siquidem & Nabuchodonosor diuinitus somniat. Sicut verò Dei dignatio & in Ethnicos ita & tentatio mali in sanctos, à quibus nec interdiu ablitit, vt vel dormientibus obrepat, quæ potest; si vigilantibus non potest.

Ex his facile etiam colligere est, quid de diuinatione per somnia sentiendum sit. Sunt enim somnia vel *σημαντικά*, quæ aliquid præagiunt, vel *ἀσήμαντα*, quæ *De diuinatione per somnia*, significationem nullam habent. *Σημαντικά* rursum sunt *ἁπλοῦς*, quæ speciem rei euenturæ clare & sine ambagibus exhibent: *ἀλληγορικά* verò, quæ rem figuris & ambagibus inuolutam atque adumbratam repræsentant. Hæc explicare non cuiusuis est, sed optimi somniorum coniectores ij sunt, qui similitudines & conuenientias rerum aptissimè possunt perspicere: qua de re agunt libri *ὄνειρον πρίσκιος*.

Somnia, quæ à Deo & bonis angelis immittuntur, omnino aliquid præagiunt: ea tamen omnes explicare non possunt, nisi quibus hoc à Deo concessum est. Diabolica pleraque vana sunt, & ad alliciendum homines in peccata comparata: vel si quæ vera sunt, (Nam & diabolus interdum futura vel ex superiore causa cognoscit, vel ex signis colligit) iisdem tamen etiam homines ad falsam religionem perducere conatur. Naturalia verò, quæ ex corporis nostri constitutione ortum habent, de eadem etiam indicia præbent: solentque ea obseruare Medici, & quæ somnia quam corporis affectionem prodant, docet prolixè Hippocr. *de insomniis*, & Galenus, *de præsa. ex insomniis*. Illa verò, quæ ex præteritis actionibus oriuntur, *ἀσήμαντα* pleraque sunt. Hæc autem cum sint frequentiora, rectè Ecclesiastes, *cap. 5.* ait: *Ὅτε multa sunt somnia, plurima sunt vanitates, & sermones innumerati. Tu autem Deum tuum time.*

CAPVT X.

De Different. Animal.

Postquam de forma bestiarum seu brutorum actū, iam de corpore etiam dicendū esset. Verum enim verò cum homo omnium seu animalium seu animantium (neque enim an hæc distinguenda sint, hic laboramus: de quo Scaliger, *Exer. 216.*) perfectissimus sit: in omni autem genere imperfectiora ex perfectissimo, tanquam mensura vnica, iudicanda sint: Præterea omnium animalium partes exactè nondum

cognitæ & descriptæ sint; in hominis verò partibus describendis ea ab Anatomicis adhibita sit diligentia, qua vix maior potest; quæ de partibus animalium in genere dicenda essent, ex Anthropologia petenda, & in quibus aliorum animalium partes ab hominum partibus discrepent, considerandum. Potius ergo iam de animalium differentiis hîc agemus; vbi tamen etiam quædam de partibus occurrent. Et cum animal omne anima & corpore constet, præcipuas, quæ cum ab anima, tum à corpore, & à toto ex his constituto fluunt, differentias perpendemus.

*Animalium
differentia
secundum
facultatem
vegetantem.*

Et primò facultatem vegetantem quod attinet, spectantur in ea communiter tria: Nutritio, Augmentatio & Generatio. Ac quantum ad nutritionem ac augmentationem, nullum prorsus datur animal, quod non utatur alimento. Ex his verò quædam vescuntur carnibus, ut Lupus, Tygris &c. quædam pluribus rebus promiscuè utuntur, ut Canes; quædam graminibus ac frugibus, ut equi & cerui; quædam vermibus, ut aues plurimæ; quædam piscibus. Ex his verò iterum quædam viuunt ex venationibus adeoque aliorum præda, ut Crocodilus, Leo, Lupus, &c. quædam æstate alimenta recondunt, ut formicæ; quædam noctu & die simul prædam ac cibum sibi acquirunt.

Generationem verò quod attinet, habent omnino bestia seu bruta vim, quam diuina benedictione in prima creatione acceperunt, multiplicandi sese, mediante quodam semine, siue illud sit propriè dictum, siue analogum in iis, quæ vulgò æquiuoca generatione produci dicuntur. Experimur enim insecta & similia, quæ æquiuoca generatione produci dicuntur, non in quauis, sed peculiari materia generari. Non enim scarabæus ex quauis, sed definita materia generatur. Hinc etiam fit, quod bestia genita ex substantia putrida, semen tamen idoneum continente, non differre deprehenduntur à cæteris eiusdem nominis animalculis. Præterquam enim quod figura & forma planè conueniunt, easdem insuper possident proprietates, easdemque edunt operationes & sibi similes progenerare valent.

*Generatio
animalium
triplex.*

Tribus enim omnino animalia producuntur modis. Nonnulla ex mutuo congressu maris & fœminæ; nonnulla ex putrefacta corporis corrupti materia, quæ tamen semper semen propagandæ bestiolæ analogum continet: nonnulla verò utroque modo, tam coitu, quàm ex putredine oriuntur, ut mures, locustæ, scarabæi, muscæ.

Iterum variè generant animalia, quædam more hominum producunt viua, vnde dicuntur viuipara, ut Cerui, Canes, Delphini, Viperæ; quædam oua edunt, è quibus calore benigno fotis producuntur pulli, ut aues, pisces: Quædam denique pariunt vermem.

Ouum definit Aristoteles, quod ex ipso animal existat, non quidem toto, sed altera tantum eius parte, reliqua in alimentum conuertenda. Vermem verò, quod ex ipso toto crescente euadat animal. Atque ita ouum in duas partes diuidit Aristoteles: quæ quidem in animalibus perfectioribus etiam colore differentes apertè distinctæ apparent; in minus verò perfectis distinctæ non conspiciuntur, sed ambæ confusæ in vnam substantiam coeunt.

Ex qua parte autem oui animal fiat, controuersum est. Hippocrates, seu autor libri *de natur. pueri*, ex luteo generari dicit: Aristoteles ex albo. Experientiam si consulas, ita sese res habet. Si ouum, quod sub incubante gallina est, secunda, tertia aut quarta die aperias, atque accuratè intuearis, cor esse membrum princeps, facile animaduertitur. Nam fœtum primò formari, & in eo primò cor, & cor in principio duas venas emittere; post fœtus autem generationem membranas fœtui inseruientes concrefcere, manifestè cernitur. Et quidem die octauo cor non so-

lùm ipsum constat, sed vnà cum venis colore similis, rubro nempe, conspicitur & apertè micat seu mouetur. Quarta die membranarum corpora iam confirmata & densiora facta minus perspicua esse incipiunt: Septima autem propter concretionem omnem ferè fœtum obscurant seu contegunt: cor tamen ob colorem rubrum conspicuum, ut vena etiam, atque ob motum videtur. Interea iecur nondum apparet, sed septimo-demum die primò liquor seu mucor quidam luteus conspicitur cordi subiectus, qui iecoris concrefcens initium est, & sequentibus diebus in iecoris corpus concrefcit; quod ad tempus multum luteum adhuc permanet, etiam in exclusis pullis. Atque in hoc iecoris loco totis nouem diebus à prima formatione sanguis nullus videtur; corde tamen interea maximè sanguinis pleno & sanguine affluente ac turgente, ut & vena amplissima infra cor toto corpore protensa. Ex quibus omnibus clarum euadit, animam in corde, quasi radice, hæere & cor primò esse, quod viuat, & quasi animalis rationem habeat.

Verum ex qua oui parte pullus fiat, & ex quo generatus alatur, non ita planum. Hoc tamen modo sese res habere videtur. Media ferè oui longitudine in extremo oui ambitu, quo luteum cum albo superius committitur, altera ab incubatione die consistit initium quoddam albescens, reliquo albo magis concretum, & quasi per vitrum species pulli, tenuissimæ nubis modo consistere videtur, capite potissimum conspicuo, & iuxta caput puncto rubro sese identidem dilatante & constringente. Diebus proximis, ab eo puncto rubro vena admodum rubra per totum pulli dorsum indies longius protenditur: ex qua deinde venæ ad pelliculas circa luteum ductas procedunt. Iuxta venam demum iecur luteo colore concrefcit. Ex quibus colligere licet, pullum ex albo primò formari: alimentum verò in sanguinem vertendum è luteo fieri, & per venas ad pelliculas circa luteum protensas aduehi, & in hepate confici; quod hepar etiam cum luteo similitudinem habet. Si quis tamen statuatur, luteum sanguini & partibus sanguineis: album verò albis ex se genitis & sibi similibus alimentum præbere, donec hepar ad id roboris peruenerit, ut omnibus partibus alimentum præbere possit, atque ideo locum conformationis in confinio lutei & albi datum esse, cum eo non pugnauerim.

Cæterum inueniuntur quædam animalia, quæ non tantum sapes, sed etiam multa simul gignunt, ut sues, lepores, columbæ, &c. quædam vero pauca gignunt, insuperque rarius. Hæc autem omnia in plerisque mediante utroque sexu, nec in vlllo animantium genere sexus confunduntur, fœminaque fit mas aut mas fœmina: quod quidam de leporibus affirmare non dubitant. Licet concedi forsan posset, Hermaphroditas hîc occurrere frequentius, quàm in speciebus reliquis.

Secundò & secundum facultatem sentientem in animalibus est differentia. Non enim omnis sensus omnibus animantibus conceditur: omnibus tamen animalibus tactus tanquam primus conceditur. Et quæ reliquis sensibus destituuntur hoc verò solùm prædita sunt animalia, ζῷα ἄσθητα appellantur. Reliqua omnia animalia plures sensus obtinent. Quin ipsi talpæ visum denegandum non censemus. Ad quod enim oculi ipsi dati essent, si videndi potentiam non haberet? Etsi enim visu opus non habet, ut sub terra videat: eum tamen obtinuit, ut lumen, & ærem lucidum, qui supra terram est, euitet. De qua videatur Scaliger, *Exerc. 244.*

Sed ramen sensibus aliis alia animalia magis vel minus valent: quædam visu, quædam odoratu, aliis alia non tantum externis, sed & internis, sensibus antecellunt.

*Animalium
differentia
secundum
facultatem
sentientem.*

Talpa.

Tandem

*Ouum quid
sit.*

*Ex qua oui
parte fiat
animal.*

Animalium
Differentia
iudum lo-
motiuam.

Tandem & secundum locomotiuam in animalibus magna occurrit varietas. Omne enim animal loco mouetur, sed alia aliter. Quædam ex parte tantum, ut iam de zoophytis dictum; quæ licet vni loco semper adhæreant, tamen sese contrahunt & dilatant. Quædam verò toto corpore locum mutant: atque alia aliter. Aliæ enim bestię gradiuntur, & quidem vel pedibus duobus vel quatuor, vel sex, vel pluribus, ut Araneæ; aliæ natando sese promouent, ut pisces & quædam amphibia: aliæ volando, ut aues: aliæ saltando, ut cicadæ: aliæ denique reptando, ut serpentes & vermes, qui corpore contracto atque iterum dilatato alium atque alium locum subinde occupant.

Animalium
Differentia
iudum
tes.

Deinde ratione partium magna occurrit in animalibus varietas. Nam ut Aristoteles, 1. de histor. animal. cap. 2. habet: τὰ μέρη τῶν ζῴων ἢ τὰ αὐτὰ καὶ ἑτεροῦ, ἢ καὶ εἰς 3, ἢ καὶ ἑποχῶν, ἢ καὶ ἀναλογίαν, ἢ τῇ δέσσει: *Partes animalium sunt eadem, & diuersæ vel formæ vel specie, vel exuperantia, vel analogia, vel situ.* Primò quidem partes, per quas capiunt alimentum & in quas recipiunt, omnibus animantibus communes sunt. Necessitas enim alimenti ipsis cum stirpibus communis est: quod quidem terra stirpibus suppeditat: ideoque in terra hærentes sat alimenti habent. Animalia autem cum plantis perfectiora sint, lautior cibus ipsis conueniebat, quàm qui à terra suppeditaretur. Ideoque non solum ad explorandum cibum gustus ipsis datus est, sed & membra, quibus assumeretur, & in alendo corpori vtilem succum conuerteretur, os scilicet & venter.

Alimentum autem hoc assumptum in aliis, atque aliis animalibus aliter mutatur in alimentum propriè dictum seu humorem, qui proximum corporis alimentum est, qui vbi seu natura ipsa, calore temporis progressu eum depascente, seu vi, ut in morbis & aliis casibus consumitur, vita exstinguitur. Hic autem humor proximum corporis alimentum in aliis est sanguis, in aliis sanguini respondens pinguis quædam & cruenta, instar saniei, humiditas; sicut & pars, qua continetur alimentum hoc, in aliis vena est, in aliis fibra. Hinc animalia alia dicuntur sanguinea, alia exsanguia. In animalibus perfectioribus actionibus nobilioribus natis, & hinc calore maiore indigentibus, humoris ruber est, & sanguis appellatur. Est tamen in quibusdam animalibus exsanguibus ruber quidam humor, sed non sanguis, verum excrementum, ut in purpura. Animalia verò alia, quorum corpora imperfectiora sunt, imperfectiore etiam alimento egent; si humidiora albo, si sicciora obscuro magis: qui humores cum propria appellatione careant, ichoris, id est, saniei nomine indignantur, suntque sanguis quasi imperfectus & inchoatus. Sicut & in animalibus sanguineis, vbi sanguis minùs rectè elaboratur, ichoris naturam quasi induit, ut in cachecticis videmus.

ypus.

phas.

Caput similiter omnia habent animalia, excepto polypo, qui loco capitis gerit alueum. Artus in quibusdam insectis desiderantur; in quibusdam pedes priores sunt loco digitorum. Vice manus Elephanti est promuscis ex ore demissa. Collo & ceruice pisces carent. Cauda eademque diuersa pleraque sunt prædicta animalia, qua homo caret. Loco dentium aues habent rostrum osseum, quo cibos conterunt; loco narium obtinent bina foramina; ut & loco aurium duos meatus. Oculi talpæ occultiores habent; iis tamen non planè carent. Vice linguæ multa animalia habent carneum quid intra os, multa etiam aculeo externo fungoso & cauo simul gustant & cibum attrahunt. Cutem habent omnia animalia sanguinea. Cerebrum in omnibus sanguineis & capite propriè dicto constantibus, & quidem parte priori, bipartitum inuenitur. Nerui visorii, auditorii, & gustatorii cum reliquis partibus totum organum sensus constituentibus, ani-

malibus perfectis competunt omnibus. Cor verò, saltem analogum, in nullo bestiarum genere desideratur. Pulmo in piscibus non reperitur: loco membrorum generationis habent pisces & serpentes meatus quosdam semini dicatos. Intestina & viscera in perfectis apparent pleraque, in imperfectis autem non exactè cum partibus corporis humani congruunt, magnaque ex parte in piscibus & serpentibus discrepant. Pisces loco ossium acceperunt spinam. Insectis peculiaris prorsus est conditio. Habent siquidem carnem fissilem directam in obliquum adeoque intermedium quippiam, inter nervos & carnem, quod est loco ossium & spinarum. Spiritus cuius animali attribuantur proprii, quibus immediatè anima ad sensitiuas actiones exercendas vtitur.

Sunt porro aliæ à loco vitæ & actionibus differentia. Primò enim animalia quædam in vnico tantum elemento habitant, atque ex eo viuunt: aëre, manu codiata, aqua, apua; terra, Bufo. An autem animalia sint, quæ in igne viuant, autores dissentiant. Salamandram & pyraustas in igne viuere; nonnulli, ut Aristoteles, Plinius, Ælianus, & Augustinus, statuunt. Salamandras quod attinet, tantum abest, ut ignibus delectentur, ut nusquam nisi in locis frigidis & humidis reperiantur, & carbones ardentissimos seu frigiditate suâ seu lentore restinguant, priusquam vrantur. Pyraustas in igne viuere acriter defendit Scaliger, Exerc. 9. 23. 194. f. 4. Alij verò nullum animal esse, quod ignibus non vratur & intereat, statuunt, & pyraustas quidem circa fornaces in cauernulis gigni & foueri, nusquam tamen in ignibus versari, sed in ignem coniectas vri. Quod probabile. Quædam in duobus manent, atque vtrinque cibum nanciscuntur, ut vespertilio, qui & in aëre culices venatur, & in terra suillas pernas populatur.

Animalium
differentia
à vitæ loco.

An quædam
in igne vi-
uant.

Hæc omnia rursus tribus generibus concludi possunt, Auium, Piscium, Terrestrium; quæ ita rursus diuiduntur. Auis in solo aëre, Manu codiata: Auis in solâ aquâ, in Oceano Brasiliæ marini anseres, colore atro, qui nunquam euolant: & in Oceano Sur, Chinam versus, aues apodes, quæ nunquam exeunt è mari. Auis in sola terra, Struthiocamelus. Auis in terra, & aqua, Ardea. Auis in aëre & terra, vespertilio. Auis in tribus vitam, sed non victum habens, Cycnus.

Pisces in aqua & terra, polypus, cancri. In tribus sunt iidem, qui in duobus; quippe in aëre, aqua, terra, qui in terra & aqua. In terra enim esse nequeunt extra aërem.

Terrestrium, quæ πεζῶ nominat Aristoteles, non ita faciliè Latine reddenda voce, quædam in terra & aqua, & vtroque victum capientes, ut lutra; quædam piscium auidissima aquarum contactum exhorrent, ut feles: quædam tantum in terra.

Alio modo animalia sic diuiduntur. Ob escam animalia quædam sunt aquatica, quædam terrestria. Aquatica aquam recipiunt, vel non recipiunt. Aquam recipiunt pisces branchiis muniti. Quæ non recipiunt, aerem captant, vel non captant. Captant pedibus nitentia, ut lutra, crocodilus; pedum expertia, hydrus; pennis nitentia, mergus. Non captant, vrtica, ostracoderma. Terrestria verò aërem admittunt, omnia sanguinea & quæ pulmonem habent; non admittunt, vespæ, apes, & insecta omnia.

Rursus terrestria animalia, sunt quædam volucra, ut aues, apes; quædam πεζῶ seu pedestria, quæ scilicet itinere terrestri solo vtuntur, quod pedare antiquis, siue id pedibus, siue alio quouis efficiatur.

Τὰ πεζῶ seu pedestria sunt vel gradientia, vel serpentina, vel se trahentia εἰλητικά Gradientia pedibus vtuntur, ad quæ pertinent τὰ ἀλλόωρα, hoc est, salientia. Serpentina verò longi corporis flexione vtrumque bino visu corpus impellente vtuntur, non aliter ut quadrupedia binis vtrumque pedibus idem præstant. Trahentia tandem sunt, quæ prioribus partibus prorsum

actis

actis, posteriores inde antrosum identidem adducunt, & ita corpus transferunt.

*Animalium
differentia
secundum
actiones.*

In vitæ actionibus & moribus differentias quod attinet, bestiae quædam gregales sunt, quædam solitariae, quædam autem ites, & in utrumque paratae. Gregales volucres sunt columbae, græves solitariae vinctatae omnes, quarum nulla gregalis est. Inter pisces gregales sunt, Curiores, Thunni, Pelamides, Amia. Viunt autem solitarie animalia ob victus necessitatem. Quanquam enim omne animalium genus alieni generis bestias fugiat, & tutius se cum suis vivere putet, ac similitudine alliciat: Bestiae tamen, quæ victus penuria laborant, prædamque raram habent, ut aues vinctatae, cum multis sui generis esse non possunt. Sicut enim aliae, quibus victus copiosior facile inuenitur, ut columbae, gregales sunt: ita his propter victus penuriam, solis & robur corporis & animi feritatem natura dedit, & prædandi necessitatem victus raritas imposuit.

Rursum siue gregales siue solitariae quædam eandem regionem perpetuo incolunt, quædam de vna in aliam migrant, remigrantque.

Gregalium rursum τὰ μὲν πολιτικά: τὰ δὲ ποσειδονικά, seu gregalium quædam vitam civilem colunt, quædam per se nulla civili necessitate res suas administrant. Civilis ratio, ut opus publicum ordine quodam ab omnibus administraretur, requirit, & utilitatem communicationem postulat; id quod faciunt apes, formicae, columbae; passeris non faciunt. Licet enim istae aues gregatim volent: tamen quæque separatim suam vitam curat, nihil pro tota societate laborat; quod apes & formicae faciunt.

Rursum alia animalia sunt carniuora, alia herbiuora, alia pisciuora, alia vermiuora, alia τέμνα, seu omniuora, alia propria esca vescuntur, ut apes, ut supra est dictum.

Iterum alia libero & aperto cælo utuntur, quædam in domiciliis viuunt. Aliaque ea habent supra terram, alia subter terram: alia rursum, quæ domiciliis sub terra utuntur, domicilia sibi effodiunt, alia in factas foueas se abdunt. Quæ supra terram domicilia habent, eorum quædam in muris & rupibus habitant, quædam peculiaria domicilia & nidos extruunt. Rursum quædam in domiciliis suis interdiu se continent, noctu vero exeunt & pabulantur, luce adueniente intra casas suas se rursum abdunt: alia contra in luce & interdiu sua peragunt, & noctu se abscondunt.

Iterum animantes quædam cicures seu mites sunt, quædam feræ. Et quidem, quæ feræ sunt, quædam semper sunt; quædam non semper sunt tales, sed mansuescere possunt.

*Animalium
differentia.
ratione vocis.*

Vocis etiam ratione multum differunt animalia. Vocem enim edunt alia, alia vocis expertia sunt. Quibus sonus aut vox data est in eum finem data est, ut affectus exprimant, aut necessitatem significant. Differunt autem hæc tria; Sonus, Vox, λέξις seu locutio. Sonus communissimus est. Vox vero non omnis sonus est, sed is solus, qui in animalibus beneficio pulmonum, thoracis, asperæque arteriæ, & in hac eius capitis, quod proximum vocis instrumentum, perficitur. Vox autem alia est literis expressa, & articulatè distincta, alia quæ literis notari non potest. Hæc simpliciter vox, illa λέξις seu locutio appellatur; quæ solius hominis propria est. Quanquam enim bruta & animalia rationis expertia, fremitu, stridore, latratu, hinnitu, aut quocunque alio modo hilaritatem, metum, dolorem, cupiditatem exprimant: solus tamen homo voce, literis articulatè distincta, omnes animi sensus exprimere, & cum aliis, ad quorum consociationem natus est, communicare potest.

Ceterum cum tot animalium sint differentiae, ad certa tamen genera, ut ex iis, quæ dicta sunt, patet, re-

*Sonus, vox,
dialektus,
quomodo
differant.*

*Animalium
alia perfecta,
alia imperfecta.*

digi possunt. Sunt alia imperfecta: alia perfecta: & hæc rursum trium generum, alia terrestria, alia aquatilia, alia volatilia. Si de singulis dicendum esset, ab imperfectis ad perfecta progrediendum esset: donec tandem ad hominem, qui omnium creaturarum complementum est, perueniatur.

Primum locum inter animalia obtinent ζώοντα seu plantanimalia, ut Græcam vocem reddidit Hermolaus Barbarus, quod inter plantas & animalia quasi media sint, & in corporis conformatione & figura ad plantas quidem accedunt, tactu vero & motu quodam cum animalibus conueniunt. Ex sensibus enim tactum habent, & tacta sese vi contrahunt. Licet vero de loco in locum sese non transferant: dilandandi tamen & contrahendi sese potentia prædita sunt.

Ex his quædam plantarum more terræ perpetuo inhaerent, ut arbor, quæ oritur in provincia Pudifetam, quæ rerum accessum videtur sensu percipere. Appropinquante enim homine aut animali ramos constringit; recedentibus pandit. Qua de causa nominant incolæ arborem pudicam. Cui arbori affinem herbam prodidit Apollodorus Democriti discipulus, quam iccirco Æschinomenen appellabat; quia admotam manum refugeret foliorum contractione: ut Scalig. Exerc. 18, sect. 28, scribit.

Quædam itidem perpetuo vel saxi vel arenæ adhaerent; ut pulmo marinus, vitica marina, spongia, holothuria. Quædam vero radicibus & fibris stirpium tamdiu coherant, quoad iustam magnitudinem assequantur, ut Mytuli, qui in caulibus algarum germinare dicuntur, ii quæ primò tenacissimè adhærere, atque incrementum & iustam magnitudinem adepti decidere à caulibus, non vero ut cætera ostracoderma, per se generari.

Hæc inlequuntur & maximè imperfecta sunt reptilia, quæ animalibus adhaerent, vel extra, ut scirus, qui & Acaris, pediculus, pedicillus, Pulex, Ricinus vermis canibus infestus, quem tamen canibus non adhaerere, sed in siluis generatum canibus in venatione adhærere tradunt: de quibus Scalig. Exerc. 19, sect. 7. vel in animalibus ac non solum in intestinis, sed & in aliis partibus, è quibus ferè nulla datur, in qua non aliquando vermes genitos fuisse, Medici obseruauerunt.

Huc pertinent ea insecta & animalcula, quæ ex aliorum animalium cadaueribus, ut & ex plantis generantur, vermes, vespa, musca, Crabrones, gurgulio, colossus, teredo, tineæ, blattæ, cicindulae, cimex, cantharis, bruchus. Quibus affinia sunt araneæ, phalangia, tarantulae, scorpiones & similia.

Inter ista autem animalia nobilissima sunt apes, & bombyces, quarum illæ mel dulcissimum & utilissimum conficere, hæsericum, quo ditiores superbiunt, nere solent.

Sequuntur hæc locustæ, quibus Iohannes Baptista vescabatur. Nec enim est, ut vocabulum ἀγρίδες vel arborum summitates, vel fruticem aliquem, vel caneros fluuiatiles, significare dicamus; cum & antiqui scriptores doceant, locustas quibusdam gentibus in cibis esse, ut Strabo, lib. 16. in descript. Arabia, qui etiam modum capiendi eas describit, & Plin. lib. 11. cap. 29. qui Parthis gratas esse dicit, & lib. 6. cap. 30. quosdam Æthiopiarum populos non alio cibo vivere, quam locustis, easque in hunc usum sale & fumo durare referat: & ex recentioribus Clenardus, in epistolis, scribat, Fessæ & Maroci integra plaustra locustarum interdum esse venalia.

His subiicienda sunt varia serpentum genera, ranæ, bufones, salamandræ, locustæ. Quibus & nominibus & figura proxima sunt insecta quædam marina, Muscæ, scolopendra, cantharis, stella marina, & similia.

Quibus

ζώοντα.

Arbor pudica.

Æschinomenen Apollodori.

Mytuli.

Ricinus.

Apes. Bombyces.

Locusta.

Quibus succedunt ostracoderma, seu duo cochlearum genera, quarum alia testam habent patentem anfractuosa, ac in gyros quosdam figuratam, quales sunt purpuræ, & turbinum innumera genera; alia vero testas quasi valvas ita concludunt, ut sine vi maxima aperiri non possint; cuiusmodi sunt ostreae, & id genus alia. Quibus cognata sunt crustacea illa pitium genera, Cancræ, gammari, astaci, locustæ marinae & similia.

His subiunguntur reliqua piscium genera, laeues & squammis carentes; squammosi; aculeati; Marini, fluuiatiles, palustres. De piscibus videatur inter alios etiam Scaliger, *Exerc. 218. tota. & Exerc. 223. 226.*

His succedunt amphibia, quæ partim in aqua, partim in terra versantur, ut testudo, salamandra aquatilis, scincus, Crocodilus, cordylus, Hippopotamus, Castor, cancer fluuiialis, mus aquatilis. Inter quæ tamen nullum est, quod, quod reuera altera sui parte piscem, altera quadrupedem referat, præter Castorem.

Post pisces explicandæ aues. Est autem avis non quoduis animal volans, sed quod simul sanguineum est, rostratum & pennatum. Hinc muscæ, scarabæi, apes & similia non sunt aues; ut nec vespertilio, qui inter mures & aues mediæ cuiusdam naturæ est, ut mus alatus dici possit.

Sunt autem auium variæ differentia, quas collegit Scaliger, *Exerc. 227.* Primo autem loco occurrunt Hirundines, auium omnium celerrimè volantes; quarum etiam quadam differentia est. Cum autem ferè cibo sint inutiles, nec ipsæ cibum, muscas, & id genus alia animalia in aëre volantia, hieme habeant: post finem æstatis & muscis iam deficientibus, ex his Germaniæ, ut & Galliæ regionibus, ad oras maris Baltici auolant, & sub altissimis rupibus mari imminuentibus mutuis complexibus hærentes, ad Æqui noctium vernum vsque delitescunt, ac ventis Auariis flare incipientibus suam quæque patriam repetunt.

Hirundinibus succedunt passeræ, pici, fringillæ, ac pari, atque aues oscines, Luscinia, Alauda, carduelis, turdi, ficedula, rubecula, rudicella: item garulæ, ut Psittacus, Merula, pica, sturnus, graculus, monedula.

Has sequuntur columbæ, cum domesticæ, tum siluestres, palumbi, turtures, & alia.

Has porro, gallorum & gallinarum genera, & his cognatæ aues, phasianus, perdix, attagen, coturnix, struthio, pavo.

Post has sunt aues aquaticæ, tum planipedes, ut olor, anserum, & anatum species, onocrotalus, coruus aquaticus, mergus, fulica planipes; tum non planipedes, ut Ardea, Alcedo, & reliquæ.

Tandem sunt aues rapaces, graculi, cornices, corui, vulturum, & accipitrum species, miluius, bubo, noctua; & denique Regina auium Aquila. De auibus vide Scaligerum, *Exerc. 227. & sequent, usque ad exerc. 24.*

Inter aues & quadrupedes mediam naturam obtinet, & alatus quasi mus est, vespertilio, in nonnullis locis miræ magnitudinis. Scribit enim Scaliger, *Exerc. 236. sect. 3. ad Catigan insulam maris Sur, Vespertilioes, quanta Aquila, esitari ab indigenis, Galliæ sapore. In specubus Atlantis montis esse vespertilioes, quarum corpora Columbos nostros æquant.*

Hoc loco Basilisci mentio non omittenda. Esse serpentis genus, quod Basilisci nomine appellatur, patet ex sacris, *Prouerb. 23. vers. 32. Esaiæ, 11. v. 8. & 14. vers. 29. & 59. vers. 5. Ierem. 8. vers. 27, ut & Plinio, lib. 8. cap. 2. & lib. 29. cap. 4. Solino,*

cap. 30. Lucano, lib. 9. Dioscorid. lib. 6. cap. ult. Galeno, de theriac. ad Pison. Aëtio, tetrab. 4. serm. 1. cap. 33. Et si autores in eo describendo non consentiant.

An vero Basiliscus, qui ex ouo galli decrepiti excludatur, detur, dubium est. Habetur id quidem à multis pro fabula. Vulgò tamen fertur, Viennæ in Austria quondam talem fuisse, eiusdemque imaginem in parte cuiusdam domus exstare; ut & Basileæ, & Zuicauia, ut Georg. Agricola, *lib. de animalibus subterraneis* refert. Memorabilis verò est historia, quam ex relatione D. Mosani, Archiatri Castellani, refert Io. Pincier, *anigmat. lib. 3. anigm. 23.* quæ quia forsan omnibus obuia non est, integram hic adscribere lubet. Vvarfouia in Polonia, Anno 1587. accidit, ut machæropæi cuiusdam filius vicinique ciuis filia, quinqueanes ambo, cum æqualibus, pro ætatis more cessationi impatientes, exercitatione ludicra tempus fallerent, latebrasque, in quibus à colludentibus haud facillè inuenirentur, quærent. Fuit haud procul ab eo loco, in quo ludebant, cella quadam subterranea, ob incendium, quod ante triginta circiter annos superstructum ædificium absumserat, desolata: in quam per semiputridos gradus vtcunque repi poterat. In eam cum ambo se dimitterent, in imis gradibus conciderunt & exspirarunt. Ut cænæ tempus appropinquauit, matres de suo quæque infante sciscitata, æquis ubi essent, sciret; nihil resciscere potuerunt. Itaque vxor machæropæi ancillam emisit, quæ diu quæsitos in gradibus cellæ, quos dixi, iacere conspexit, moxque exclamauit, ecce, ibi iacent. At verò neutro sese vel minimum commouente, suspicari cæpit somno correptos esse, claraque voce nunc hunc nunc illam nominauit; si fortè eos expergefaceret hac ratione posset. Postquam verò vel ad rauim clamando nihil se proficere, sed operam ludere animaduertit, ipsa quoque in cellam descendit, cogitans vellicando somnum dormientibus, ut opinabatur excutere. Quid sit? protinus & ipsamet iuxta infantes concidit & extinguitur. Ingredientem in profunda cellæ ancillam hera fuerat conspiciat. Ut verò eam diutius æquo morari videt,

Nec reuocare gradum superasque enadere in auras,

Attonita ad cellam accurrit, ancillamque cum infantibus humi prostratam cernit. Itaque & ipsa clamorem edit, altaque voce modò infantes, modò ancillam appellat. Quum verò & hoc incassum fieret, neque iacentium quisquam aut responderet, qui sese commoueret, examinatos esse colligit. Extemplò fit rumor, ciues concurrunt, nec tamen quid facto opus sit, sciunt, donec de tristi hoc casu ad Consules & Senatū referretur. A quibus mandatum, ut cadauera vncis incendiariis extraherentur. Ea extracta tympani instar turgebant, labia & linguam tumor obsederat, color erat fulcus, oculi extra suas cauernas ad dimidij oui gallinacei magnitudinem prominebant. Accessit ad hoc triste spectaculum, consulis rogatu, Palatinus N. & senex quidam Archiater Regius Benedictus nomine. Huius coniectura fuit, serpentem veneni præsentissimi in deserta illa cella stabulari, cuius pernicioso halitu aër in ea conclusus inquinetur; eum autem infirmam hominis naturam perferre non posse. Quamobrem credibile esse, hunc infantibus & ancillæ exitium attulisse. Fieri etiam posse, ut ibi latibula habeat Basiliscus, quem naturæ rerum indagatores ex ouo galli à bufonibus excluso nasci perhibeant, cuius tanta sit virulentia, ut, qui in oculos eius offenderint, subito moriantur. Interrogatus, quâ ratione rei veritas explorari queat; respondit, esse aliquem

An detur Basiliscus.

Historia Basilisci memorabilis.

aliquem in cellam mittendum, eumque circum-
quaque speculis auersis muniendum. Basiliscum
enim, si suam ipsius imaginem videat, protinus
emori. Fuere illic sub id tempus duo rei capitis sup-
plicio intra triduum afficiendi; quorum alter Po-
lonus, alter Silesius; atque huic nomen Iohanni Iau-
rero. His conditio oblata est, vter eorum in cellam
descenderet, serpentemque illum venenatum venar-
etur & quæreretur, ei capitis supplicium remitteretur.
Conditionem Iohannes statim accepit. Itaque toto
corpore corio indutus est; perspicilla oculis obliga-
ta, quæ visum tamen haud impedirent; vna manus
instructa ferreo rutabulo; altera face ardenti; denique
cunctis corporis partibus ante & retrò specula an-
nexa fuere. Sic adornatus cellam ingressus est, spe-
ctantibus plus quam duobus hominum millibus.
Postquam verò per hora spatium omnes cellæ rimas
omnesque angulos perquisiisset, neque serpentem
vllum inuenisset, vt alia noua fax in cellam deiice-
retur, postulauit. Esse enim iuxta cellam, in qua
erat, aliam, sed aditum ruderibus esse interclusum,
operam daturum se, vt in eam ingressum sibi parer.
Dum verò id agit, oculos fortè sinistrosum flectit,
& diu quæsitam bestiam gallinæ figura in quo-
dam muri foramine iam exanimatam iacere ex ino-
pinato conspiciat. Quod, cum iis, qui foris erant,
clamore significasset, Archiater monuit, vt fer-
reo rutabulo sublatam è cellæ tenebris in apertam
lucem exportaret; idque ilicò in oculis atque con-
gregatione magnæ hominum multitudinis factum.
Archiater bestiam visam Basiliscum protinus iudi-
cauit. Magnitudo ei mediocris gallinæ: capite ad
galli Indici figuram accessit; cristâ coronæ æmu-
lâ, partim flauo, partim cœruleo colore conspersâ;
palearia eodem modo colorata fuere. Dorsum habuit
multis maculis eminentibus, oculosque bufonum
adsimilantibus consutum, interiectis passim colori-
bus virulentorum animalium, vt plurimum autem
flauo. Iidem colores etiam alas extrinsecus occu-
pauerant. Sub alis totus flauus fuit, nec non sub
ventre, vbi tamen flauo cœruleum & viride &
alij miri colores interpositi fuere. Cruribus fuit
oblongis, galli cruribus simillimis, cydoniorum-
que malorum flauedine proximis. Ante & post hæc
crura vtrunque duo alia prodierunt, bufonum cru-
ribus & breuitate & figura respondentia. Cauda il-
li fuit incuruata, ac sursum reflexa, maculisque
superius, quales in dorso emicuisse diximus, ple-
na; inferius flaua, in extremo bufoni concolor. Plu-
ra de Basilisco, apud Io. Pincierum, loco allegato,
videantur.

Vltimo loco sunt quadrupedes bestię, quæ pro-
ximè ad hominem cum corporis partibus, cum fa-
cultatibus animæ sensitiuæ accedunt. Inter hæc au-
tem sunt, quæ ruminant, hoc est, cibum mansum
iam, & in vnum stomachi sinum delapsum, per gut-
tur reuocant, iterumque mandunt, & ad alterum sto-
machi sinum melius attritum & præparatum ad con-
coctionem exquisitiorem transmittunt. Quod enim
natura in superioribus dentibus denegauit, hoc per
duplicem masticationem restituit.

Deinde omnes tegumentis loco vestium sunt do-
nata, nonnullæ quidem pilis; hæ pluribus, illæ pau-
cioribus, nonnullæ villis, nonnullæ lanâ, nonnullæ
verò setis. Rursum quædam habent pedes solidos,
quædam dissectos.

Infinum autem gradum obtinent & imperfectissi-
ma inter has sunt, talpæ; mures, marmota, quæ des-
cribit Scaliger, *Exerc. 203*. Perfectiores sunt muste-
larum species, erinacei, feles, Canes, (de quibus
vid. Lipsius, *cent. 1. Epist. ad Belgas, epist. 44.*) Lu-
pi, oues, capræ, arietes, lepores, vulpes, asini, sues,
boues, simiæ, cerui, vrsi, elephanti, (de quibus

Scaliger, *Exerc. 204* & Io. Lipsius, *Cent. 1. Epist. mis-
cell. Epist. 50.*) Equi, alces, cameli, pardi, Rhino-
cerotes, monoceros atque alia, & tandem bestiarum
ac brutorum quasi Rex Leo.

De Monocerote saltem aliquid dicam, de quo va-
riæ variorum sunt sententiæ. Ambrosius Paræus, *Chi-
rurgia lib. 20. cap. 39*. vbi multis hac de re disputat,
postquam aliquot autorum narrationes de hoc ani-
mali adduxit, easque non consentire animaduertit,
tandem concludit: vnicornu haud esse proprium ani-
malis existentis in rerum natura nomen, sed rem pla-
nè commentitiam, à pictoribus, & rerum naturalium
scriptoribus ad legentium & spectantium volupta-
tem pro arbitrio effictam.

Verum enimverò absurda planè est hæc opinio; &
id negatur temerè; quod tot docti viri affirmant, at-
que ipsæ sacræ literæ, Iob. c. 39. v. 9. Esaia, 34. v. 7.
Deut. c. 33. v. 17. Psal. 22. v. 22. Psal. 29. v. 6. Num.
c. 23. v. 24.

Hoc potius ex discrepantibus illis narrationibus
& descriptionibus patet, non vnum esse saltem ani-
mal, quod vnum cornu gestet; sed reuera plura. Esse
enim animal aliud à Rhinocerote vnicornu ex sacris
patet. In locis enim allegatis, vt ferum, ad saltum
& cursum agile & expeditum introducit, quod
Rhinoceroti animali crasso & breuib; cruribus non
comperit. Præterea cornu Rhinocerotis multò est
exilius, quam quæ passim ostendantur. Cæsar quo-
que, *lib. 6. de bello Gallico*, meminit in silua Hercy-
nia bouis, cerui figura, cuius à media fronte inter
aures vnum cornu existat celsius. Et omnino quin-
que sunt talia animalia, quæ vnum cornu habent.
Bouis vnicornis siluæ Hercyniæ iam ex Cæsare fa-
cta mentio: & tales etiam in India reperiri, Plin. *l. 8.*
cap. 21. tradit. Secundò idem Plinius, *eodem in loco*,
ita Monocerotem describit. *Ælian. lib. 16. de animal.*
cap. 20. Tertiò Rhinocerotem, qui vnum cornu ge-
stet in fronte nigrum brachij ad conum crassitie des-
cribit, cuius cornu insignis contra venena vsus sit.
Quartò est Asinus Indicus, qui & ipse vnum cor-
nu gestet in fronte, de quo Aristot. *2. de hist. animal.*
cap. 8. & 3. de part. animal. cap. 2. *Ælianus, l. 6. 4. de*
animal. cap. 5. Plinius, *lib. 11. cap. 37. & 41*. Quintò,
ibidem Aristot. & Plin. Orygis vnicornis mentio-
nem facit. Vt iam dubitandum non sit, esse anima-
lia, quæ vnum cornu gestent: Sed hoc potius per-
pendendum sit, quorum ex his animalium sunt cor-
nua quælibet, quæ passim ostendantur. Neque enim
vnius animalis esse, varietas ostendit. Vnde etiam
quod contra venena efficax sit, non nisi ex effectu fa-
cilè iudicari potest. *Ælianus* potius Asini Indici,
quam Monocerotis, cornu vires ad plurimos morbos
& venena tribuit.

Verum omnia animalia per compendium vel re-
censere possibile non est; tantæque hîc iterum oc-
currit Naturæ amplitudo, vt ad eam perlustrandam
nullius hominis ingenium sufficiat. Et vt titulos pro
epulis conuiuiis apponamus, quod in Plinio taxat
Scalig. *Exerc. 107*. instituti nostri ratio facit. Rerum
naturalium studiosus hac de re consulat Aristotelem,
in lib. de hist. part. & gen. animal. Conradum Gesne-
rum, *de animal.* Edoardum Vottonum, *de differ.*
animal. Rondeletium, *de pisc.* Vlysses Aldrouandum.
Et qui in specie de quibusdam scripserunt; vt Andr.
Libauium, *lib. de Agno vegetabili Scythiæ*: eiusdem
Bombycior. libr. duos. secunda parte singular. libros Ba-
trachiorum duos, parte quarta singular. Bald. Angelum
Abbatium, *de vipera natura & facultatibus*, aliósque
qui de animalibus scripserunt autores plurimos.

Monoceros
an sit in re-
rum natura

Monocerotis
5. diuersa
sunt species

1.
Bos vnicor-
nis.

2.
Monoceros.

3.
Rhinoceros.

4.
Asinus In-
dicus.

5.
Oryx.

LIBER OCTAVVS,
De Homine.

CAPVT I.

De Anima rationali.

Restat tandem Homo, qui cum sit regula, ac mensura omnium animantium; & si cæteris animantibus conferatur, *καὶ ὅτι* quodammodo dici possit, eò quod quibus dotibus singulæ animantium species sunt donatæ, atque dotata, has vniuersas vnus homo in se contineat; in eius consideratione huic de rebus Naturalibus tractatui finem imponemus.

Constat autem Homo, vt & reliqua animalia, Anima & corpore. De Anima primo loco dicemus. Cum autem quælibet anima duplici respectu possit considerari, primò vt principium, & pars altera compositi, seu vt forma corporis; secundò, vt efficiens operationum: vtroque etiam modo de ea agemus, & primò dispiciemus, quomodo ad corpus hominis se habeat anima rationalis: deinde quas operationes edat.

Animam rationalem hominis esse formam nemo saniorum philosophorum est, qui neget. Sed cum duplex sit forma, vna, quæ informans appellatur, quæ est principium & altera pars compositi, & rei dat Esse specificum, eamque tanquam differentia ab omnibus aliis separat: alia assistens appellata, quæ non dat rei τὸ εἶδος, id est, Esse specificum, sed rei iam constitutæ & specificum Esse habenti, superuenit & adiungitur, ad nobiliores aliquas, quas propria vi exsequi non potest, operationes edendas; qualis forma est nauta respectu nauis, qui naui non dat τὸ εἶδος, sed iam perfectæ adiungitur, vt nauigationis, quam nauis ex se edere non potest, author sit: Quæritur; An anima rationalis sit forma hominis informans, alteraque eius pars; an verò tantum assistens, quæ homini iam perfectò; & formam specificam habenti, adiungatur, & nobilioris in eo operationis alicuius, puta intellectiōis, causa sit.

Auenrois in ea fuit sententia, Formam hominis esse cogitativam, quam ira appellat, & à phantasia diuersam facit, & per hanc hominem certam animalis speciem constituere; animam verò rationalem esse tantum formam assistentem. Latini tamen plerique sentiunt Animam rationalem esse veram hominis formam, eiusque, alteram partem; quam sententiam, vt veriore, retinemus. Si enim anima rationalis non esset forma hominis informans, homo nullo iure posset appellari rationalis; quemadmodum & nauis, etiam si nauta, qui in ea est, ratiocinatur, non potest intelligens & rationalis vocari; quod absurdum. Seu, quod idem, illud, quo primò aliquid operatur, est forma eius, cui attribuitur operatio. Nihil enim agit, nisi per actum & formam. Sed homini, quatenus homo, attribuitur intellectio. Ergo anima intelligens est forma corporis. Nec sufficit, quod dicunt, intellectum iungi homini per phantasmata. Habent enim phantasmata se ad intellectum, vt colores ad visum. Sicut itaque colores non vident, nec subiectum coloris: ita nec phantasmata, nec subiectum phantasmatum intelligit: sed potius intelliguntur. Itaque sic concludimus. Illud, per quod vna res specie ab alia differt, est forma eius. Sed per animam rationalem homo differt ab omnibus aliis animalibus. Igitur illa est forma hominis. Eiusdem etiam sententiæ videtur fuisse Aristoteles, vt patet, ex. 2. de an. cap. 1. t. 7. 8. cap. 2. t. 24. 25. 26. cap. 4. t. 36. 37. vt ladan. Sennerti Tom. I.

tius docet Zabarella, de mente humana, cap. 7.

Ex huius quæstionis explicatione facile etiam alterius solutio peti potest: *An nimirum anima rationalis in omnibus hominibus sit vna numero; An verò in singulis peculiaris.* Nonnulli, qui animam rationalem formam assistentem esse statuunt, eam non multiplicari secundum hominum numerum putant, sed in tota humana specie esse vnicam, quæ in omnibus hominibus intellectiōis causa sit. Verum enim uerò hæc opinio multis modis veritati contraria est. Omnis enim forma informans, qualem animam rationalem esse iam monstratum, multiplicatur ad indiuiduorum multiplicationem. Et si esset vna numero anima in omnibus hominibus, omnes homines essent vnus homo: haberent enim vnā formam. Deinde operationes atque intellectiōes, seu actus secundi multiplicantur in hominibus secundum indiuiduorum numerum, atque alia est mea, alia alterius intellectio. Ergo etiam anima, actus primus, est multiplex. Diuersitas enim operationum pendet à diuersitate formarum. Denique in vno intellectu essent opiniones contrariæ. Hic enim hac de re illam fouet sententiam, ille aliam. Sed in re manifesta pluribus non est laborandum.

Cum autem animam rationalem veram hominis formam esse dixerimus, oritur hæc quæstio: *An eadem sit immortalis, seu; an possit sine sui interitu à corpore separari.* Nos quod attinet, ex religionis nostræ institutis tenemus, animam nostram esse immortalem: immortalitatemque animæ constituta est inter cardines, super quibus versantur præcepta Religionis Christianæ. An tamen idem etiam rationibus Philosophicis probari possit, & quanam Aristotelis fuerit hac in re sententia, anxie à multis quæsitum est.

Principio autem illud tenendum, ex Scaligero, Exerc. 6. sect. 5. & Exerc. 307. sect. 20. solum Deum esse verè immortalem, atque incorruptibilem. Itaque duplex esse immortale, vnum quod nullo modo interire potest: quia est simplicissimum & ex se suum Esse habet, atque à nullo dependet: & talis est solus Deus, eiusque respectu omnia alia corruptibilia appellari possunt. Quamuis enim angeli & anima rationalis, quæ secundo modo immortalia dicuntur, quod actu nunquam corrumpantur, non habent contrarium, & sunt absoluta à subiecto: quia tamen non sunt absoluta à causa, & non habent causam essendi à se, sed sunt per aliud, & ab alio possunt è natura non esse. Omne enim dependens ab eo, à quo dependet, si est voluntarium principium, mutari potest, & à primi principij nutu deponi potest ab ea essentia, in qua est ab illo constitutum. Non corrumpuntur autem quædam, quia Creator non vult, qui in ipsis nihil contrarij, à quo corrumpantur, condidit, nec eas materiæ immergit, vt extra eam nec subsistere, nec operari possint. Atque in horum genere etiam animam rationalem esse, eamque à corpore sine corruptione posse separari, pluribus probare conantur Mar. Ficinus, de immort. an. lib. 5. Tolet. lib. 3. de an. cap. 5. quæst. 16. Franc. Piccol. lib. 2. de hum. mente. Colleg. Conimbr. in tract. de an. separ. disp. 1. art. 3. aliique.

Nos rem breuiter sic concludimus: Quælibet res ex suis operationibus cognoscitur, omnisque forma, qualis sit, suis operationibus se patefacit. Quapropter cum actiones hominis ita sint nobiles, vt substantiæ mortali, in materia penitus immersæ, competere non possint: animam rationalem, à qua prodeunt, immortalem esse, & à materia separabilem, non obscure inde colligi. Intellectus enim res à materia abstrahit & secernit, & sine conditionibus materiæ, sine quantitate, sine figura cognoscit; intelligit res à materia liberas; non offenditur multitudine & vehementia obiectorum, vt sensus; infinita potest capere, & quamuis plurima cognoscit, semper potest plura

An anima rationalis in omnibus hominibus sit vna numero?

An anima sit immortalis?

Immortale duplex.

cognoscere, numerumque quantumvis magnum potest augere; in se ipsum reflectitur, & non solum res intelligit, sed etiam semetipsum, atque intelligit, se intelligere, quod intelligat, se intelligere; potest velle & nolle; insatiabilem habet appetitum æternitatis, scientiæ, beatitudinis; qui cum in hac vita non expleatur, alium statum eius restare credendum est, in quo ille appetitus explebitur, operationes sine instrumentis corporeis edit. Vide Franc. Piccol. *de hum. mente, cap. 6.* Neque etiam ab hac sententia alienus videtur fuisse Aristoteles, ut patet, *Exerc. 7. Phys. cap. 3. t. 20. r. de an. cap. 3. t. 49. cap. 4. t. 64. 65. 66. 2. de an. cap. 2. t. 21. 3. de an. cap. 4. t. 3. 4. 7. 12. cap. 5. t. 19. 20. 1. de part. anim. c. 1. 12. metaph. t. 17.* De quibus vide Franc. Piccol. *lib. 2. de hum. mente, cap. 2. & seq.*

Dictum hactenus, quomodo anima rationalis ad corpus sese habeat: explicanda nunc eiusdem natura, quatenus est principium operationis. Exprimit autem hanc eius naturam Aristoteles, *lib. 3. de anim.* dum ait, quod anima rationalis sit *ἀμύνης*, immista. Duplici autem modo immistam oportet esse animam: Primò, ab obiectis, ne illorum naturam in sua essentia habeat, sed potestatem saltem illa recipiendi obtineat. Quia enim obiecta cognoscere debet; cognoscit verò ea recipiendo: necesse est, eam ab iisdem liberam, in affectam, & immistam esse; cum nihil recipiat id, quod iam habet, & intus apparet prohibeat alienum. Atque hæc immistio, ut sic loquar, animæ rationali cum sensibus communis est, qui itidem actu obiecta sua in se non habent, sed potentiam saltem illa recipiendi: præterquam, quod hi secundum quid in affecti & immisti sunt, scilicet à quadam specie Entis, verbi gratia, visus à colore, cum non circa omne ens versentur: Anima verò rationalis penitus ab omnium aliarum rerum naturis absoluta est, utpote quæ ad omnes res digitur, & omnia intelligere debet.

Deinde verò peculiari modo anima rationalis etiam ab organo est absoluta, nec cum eo permista, id est, cum operatur intelligendo, vel volendo, non utitur corpore, sed absque eo munia sua exsequitur. Nam quia ad actiones, quæ in corpore & per corpus fiunt, requiritur certa aliqua temperies qualitatum (cum non quodlibet corpus quocunque modo temperatum & affectum quamlibet rem recipiat) & per consequens certum itidem organum; cum diuersarum corporis partium diuersa sint temperamenta: Anima autem rationalis neque qualis sit, seu certæ temperiei primarum qualitatum alligata, nedum qualitativibus afficiatur, neque ullum eius proprium organum in corpore reperiatur: Omnino ratione suarum operationum eam à corpore non dependere, neque cum illo hoc modo mistam esse, credendum est.

Ex altera hac immistione colligere licet, qualesnam sint animæ rationalis operationes. Nam cum in agendo nulla prorsus ratione misceatur corpori, nihilque cum mentis actione communicent actiones corporis: manifestum est, intellectum & voluntatem esse potentias inorganicas, & per se ipsas agere, ita, ut intelligere & velle sint actiones mentis propriæ; neque mens per corpus, aut organum corporis, ut per medium Quo, intelligat. Opus quidem habet phantasmate; cum anima, dum est in corpore, nunquam sine phantasmate intelligat, *lib. 3. de an. cap. 7.* sed eo, non ut organo, verum ut obiecto utitur; quia oportet materiam intelligibilem menti per sensus suppeditari. Quare si omnino aliqui asseruerunt, actiones mentis esse organicas, & animam rationalem ministerio cerebri, spirituum & sensuum tanquam organis corporeis uti, id non nisi hoc sensu admittendum est, scilicet: Animam, dum est in corpore, citra præcedentem organorum corporis operationem non intelligere, & ante operationem propriam: seu in operatio-

nibus suis subordinatis uti organo, & indigere cerebro & spiritu: Inter operandum autem eo dum per se operatur, seu dum pure intelligit, & pure vult, minime, neque per organa intelligere, sed solam animam esse subiectum intellectionis, ut & actus volendi, quem barbari nostri Volitionem, tam novè quam necessariò, ac scite vocant, ut ait Scaliger. *Exerc. 307. sect. 3. & sect. 9.*

Et quamvis læso cerebro deprauatur ratiocinatio: tamen id fit, non alià de causâ, quam quia facultates administrantes, seu subordinatæ, quæ organicae sunt, & dependent à cerebri constitutione, læduntur.

Et si verò anima humana, omnibus facultatibus, quas hactenus animæ vegetanti & sentienti tribuimus, pollet: tamen duas adhuc proprias & peculiare facultates habet, quibus plantis & reliquis animantibus antecellit. Intellectum, quo res apprehendimus & cognoscimus; & Voluntatem, quæ ad ea, quæ sub ratione boni cognouimus, ferimur. Atque harum facultatum discrimen manifestum est, cum aliud sit cognoscere, aliud rem cognitam appetere; & duo hæc diuerso operandi modo fiant; illud quidem patiendi & recipiendo species, ita, ut res ad mentem ferantur: hoc verò persequendo, ita, ut mens ad obiectum feratur, & trahatur. Obiecti denique diuersitas potentiam cognoscendi à potentia volendi secernit; cum res cognoscamus, quatenus Entia; appetamus verò easdem, quatenus bonæ.

Intellectus itaque nullum est ex reliquis entibus actu: ea tamen omnia recipere spiritaliter & cognoscere potest. Quanquam verò quoad suum Esse idem sit, & vnus, utpote pars animæ inorganica, quæ nullam habet varietatem ex organis: tamen respectibus quibusdam in varias diuiditur differentias. Et primò quidem Aristoteles intellectum alium agentem, alium patientem facit, existimans in mente nostra præter id, quod aptum est fieri omnia, scilicet intelligendo, quodque materiæ locum obtinet, esse aliquid formæ rationem sustinens, quod aptum sit omnia facere, scilicet actu intelligibilia.

Quid autem sit intellectus agens, maximè in Philosophia obscurum est. Sunt plurimi, qui intellectum agentem vel Deum, vel alium aliquem dæmonem seu intelligentiam homini assistentem statuunt. Verum enim verò & ab Aristotele & à veritate horum opinio aliena videtur. Propositum enim est Aristoteli in *lib. de an. de intellectu humano agere*, idemque aperte, *lib. 3. de an. c. 5.* intellectum agentem appellat differentiam in anima. Deinde intellectio, quæ ab intellectu agente proficiscitur, in nostra facultate posita est, neque proximè à Deo, vel ab aliqua intelligentia prodit. Denique cum Deus in fabrica intellectus nostri potuerit illi, quantum satis est, lucis insinuare, non cogitur amplius ei assistere præsens ministerio, tanquam præfectus quidam prætorio, ut ait Scalig. *Exerc. 307. sect. 19.* Sed intellectus agens est, ex sententia Philosophi, differentia animæ nostræ non informantis, quæ ex potestate intelligibilibus actu intelligibilia facit. Ut enim ad effectum naturalem agens eiusdem generis requiritur, & ad effecta artificiosa opus est arte: ita ad opus mentis, intellectionem scilicet, requiritur agens, non ab anima seiunctum, sed quod sit pars, vel differentia aliqua animæ.

Et quamvis hic intellectus agens aliquibus minus necessarius, & à Physicis eliminandus existimetur: tamen omnino necessum, ut videtur, ponere intellectum agentem, ex eo; quia omne quod fit, in aliquo fit, & ab aliquo, sed alio. Vniuersalia fiunt intellectu patiente. Ergo oportet præter hunc aliam aliquam vim esse, quæ faciat vniuersalia. Nam cum omne patiens requirat aliquod agens, & nihil in natura seipsum

Anima rationalis immista.

Anima rationalis duas habet facultates proprias.

Intellectus differentia.

Intellectus agens quid.

Anima rationalis operationes sunt inorganicae.

seipsum è potestate ad actum deducatur: Intellectus autem noster sit in potestate ad actum intelligendi constitutus, & recipiendo intelligibilia actu patiarur: Manifestum est, posito intellectu patiente, simul poni agentem, & sublato hoc, illum quoque tolli. Intellectus itaque agens hac de causa necessarius est, ut omnia faciat, scilicet quoad Esse intellectuale, hoc est, ut obiectum de ordine in ordinem transferat. Nam cum obiectum siue phantasma materiale sit, atque ita sub opposita conditione potentia intelligentis, quæ abstracta est: ab intellectu intelligi nequit, nisi fiat intellectui proportionatum, abstractum & immateriale: id autem fieri minimè potest, nisi à virtute abstracta & à natura intelligente.

Ex quibus patet, officium intellectus agentis esse agere, id est, trahere de potestate ad actum, & ex potestate intelligibilibus actu intelligibilia facere. Officium hoc intellectus Aristoteles exprimit per analogiam, quæ illi est cum Arte, Natura, Habitu, Lumine. Est n. tanquam oculus & acies mentis, habetque se ad phantasmata, sicut lumen ad colores. Nam phantasmata conditionibus materialibus, quæ sunt instar tenebrarum, ac intelligibilitati, ut loquuntur, obfunt, inuoluta, illustrat, ut naturam intelligibilium induant, & ad intellectum patientem diffundantur: sicut color luminis beneficio, imaginem sui ad visum emittunt. Illustratio tamen hæc phantasmatum non fit formaliter, ita, ut imprimatur ipsis aliqua qualitas: neque obiectiue solum, sed effectiue; quia intellectus agens, tanquam lux externa, radij sui consortio actiue eleuat phantasmata ad producendam speciem intelligibilem. Neque solum pro obiecto requiritur intellectus agens, sed & aliud illi incumbit officium, scilicet quoad intellectum patientem, ut in eo actum intelligendi producat, repræsentando illi obiectum in specie intelligibili, id quod præstat, dum vnà cum phantasmate illustrato producit speciem rei intelligendæ in intellectum patientem.

Vnde colligere licet, in quodnam, & quomodo agat intellectus agens. Requiritur enim propter utramque actionem, tum ut in phantasma, tum ut in intellectum patientem agat. Diuerso autem modo in hæc agit. Nam phantasmatibus iungitur ante intellectionem, & quidem in phantasia adhuc existentibus, vbi eadem illustrans fit illorum forma, qua constituuntur obiectum motuum intellectus patibilis: postea iunctis phantasmatibus illuminatis agit in intellectum patientem, producendo in eo speciem intelligibilem, & per consequens ipsum actum intelligendi. Ipse autem intellectus agens, quæ agens est, non intelligit; cum non recipiat species aut notiones intelligibiles, etsi eas producat, nec sit in potentia ad intelligendum; sed actus intelligendi inest in patiente, ut in subiecto. Hic ergo formaliter intelligens dicitur: ille non nisi effectiue, utpote qui intellectionem efficit.

Intellectus *παθητικός*, id est, patiens, item patibilis, est veluti subiectum & materia, cui species intelligibiles imprimuntur; vnde & patiens & patibilis dicitur: quia nimirum patitur recipiendo speciem interuentu phantasmatum. Vocatur idem intellectus etiam possibilis, & mens potestate; quia potest omnia fieri, etiamsi nihil eorum actu sit.

Vbi primo tenendum, quod intellectus patiens respectu obiecti quidem sit potentia passiva; cum in illud nihil agat: verum collatus cum intellectione est potentia tum Actiua; qua scilicet intellectionem edit; tum passiva, qua eandem recipit. Actio enim immanens ab eadem potentia, in qua recipitur, proficisci debet.

Deinde obseruandum, quomodo illud intelligendum sit; Intellectum intelligendo omnia fieri, quod pulcherrimis verbis Scalig. ex *Exerc. 307. sect. 6.*

Dan. Sennerti Tom. I.

desumptis declaramus. *Principio*, inquit, *nego tibi illud à Philosopho dictum esse; Intellectum nostrum esse omnia essentialiter, aut formaliter, ut loquuntur. Sed est omnia subiectiue, sicut materia prima: quæ non fit equi essentia, sub equi forma: sed remanet id, quod erat, substantia quadam, ex qua & forma, fit hoc aliquid. Alia tamen ratio in intellectu informatione. Ipse enim non est potentia pura, ut materia prima, quæ reducatur ad hoc, ut actus sit hoc aliquid per formam. Sed ipse forma nostra est substantialis, separabilis, incorruptibilis, æternus: ex quo tanquam ex subiecto essentialiter perfecto, & specie, quam recipit, fit intellectus informatus: non alius à seipso: nisi sicut Cæsar edoctus, fit alius à seipso: propter receptas species accidentales. Non igitur fit intellectus simpliciter, nec fit ipsa species, sed sub specie.* Hæc Scaliger.

Atque hæc de prima intellectus differentia dicta sint. Vbi illud iterum obseruandum: Intellectum agentem & patientem non realiter & essentialiter, sed ratione tantum distingui; cum duæ formæ internæ non neantur per accidentia noua; & ad actionem immanentem, qualis est intellectio, cum efficiendam, tum recipiendam requiratur principium essentia vnum. Quare dicamus, vnā esse mentis agentis & patientis essentiam, & vnum, quoad Esse, Intellectum, qui quatenus facit intelligibilia, seu phantasmata illustrat, & eadem in patiente reponit, eatenus agens est: quatenus verò phantasmatum abstractorum est subiectum recipiens, patiens dicitur.

Præter enarratas differentias, sunt & aliæ notiones intellectus, ut intellectus in habitu, intellectus actu: qui quidem non sunt diuersi intellectus, sed vnus, qui plures habet gradus, quos Aristoteles differentias appellat. Intellectus enim in habitu est, qui habet phantasma reseruat in phantasia; estque in gradu perfectiori, quàm intellectus possibilis. Hic enim est in potentia ad actum primum: ille verò est in potentia ad actum secundum, seu ad operari, eoque perfimilis est habenti scientiam, & non contemplanti. Aliter tamen de hac re videtur sentire Zabarella, *l. de speciebus. intell. c. 8.* hoc modo, scilicet mentem nostram nasci primò rudem, & ineptam ad rerum cognitionem atque intellectionem: postea tamen ex multiplicatis intelligendi actibus intellectum acquirere maiorem quandam habilitatem atque aptitudinem ad res intelligendas, ita ut sine vlllo labore possit se, quando vult, conuerrere ad phantasiam, remque statim intelligere: Atque intellectum hac habilitate præditum, dici intellectum in habitu. Cum verò Intellectus patiens actu operatur, remque oblatam actu percipit, dicitur Intellectus actu.

Denique distinguitur intellectus in speculatiuum & practicum: quibus tamen terminis neque duæ facultates intelligendi constituuntur, neque eiusdem intellectus differentia & gradus innuuntur: sed notatur vtraque facultas animæ rationalis; per *θεωρητικόν* quidem intellectus propriè sic dictus, per *πρακτικόν* autem voluntas. Cum enim intellectus ratione apprehensionis rei, item quoad affirmationem vel negationem veri aut falsi non alio nomine, quàm speculatiuus, appellari queat: necesse est, illud discrimen ortum esse, respectu tertij attributi intellectus practici, nimirum persecutionis & fugæ, quæ sunt voluntatis.

Operatio intellectus, ad quam omnia graduum illius munia tendunt, est intellectio, quæ non idem est cum specie intelligibili, sed realiter ab ea differt, & rectius definitur per receptionem specierum intelligibilium (quo sensu etiam passio quædam à Philosopho esse dicitur, *de an. cap. 4*) & per earumdem diiudicationem. Duplicem enim intellectus circa suum obiectum exercet operationem; quarum prior est simplex apprehensio & cognitio: altera verò compositio & diuisio dicitur, estque apprehensio composita & iudicium, quod consistit in assensu vel dissensu

L. 2

Atque

Intellectus agens & patiens realiter non differunt.

Intellectus in habitu.

Intellectus speculatiuus & practicus.

Intellectus operatio.

Intellectio duplex.

Atque hinc dicitur intellectionem esse duplicem Simplicem, quando intellectus cognoscit simplex & incomplexum, ut vocant: & compositam, quando cognoscit propositionem veram aut falsam.

Obiectum intellectionis, quod intellectum simul mouet & terminat, est ens vniuersaliter sumptum, complectens materialia & immaterialia. Cui tamen conditiones aliquas addere necessum est. Primò quidem vniuersalitatem. Ut enim Ens ab intellectu percipiatur, debet esse abstractum à singularibus. Deinde intelligibilitatem seu abstractionem à conditionibus materiæ. Denique veritatem. Hoc obiectum, prout per intellectum agentem adæquatur & proportionatur menti, dicitur species intelligibilis: sicut id, quod sensus recipiunt, sensilis dici solet.

Species intelligibiles, quid sint.

Sunt autem species intelligibiles phantasmata illuminata, id est, à materiæ conditionibus denudata, & ab agente patienti impressa, & per consequens accidentia spiritalia & indiuisibilia. Non enim ut Scaliger, *Exercit. 303. sect. 7.* ait, recipitur in sensum substantia, sed sola accidentia. Quare etiam sola accidentia speciem efficiunt in intellectu: inter quæ & locus, & tempus & vnitas finita quantitatis, Quibus ablatis ipsius opere intellectus remanet species substantialis vniuersalis: veluti si personatum aut armatum videas aliquem: arma prius deprehendas, mox, iis detractis, hominem ipsum.

An & quomodo intellectus singularia intelligat.

Cum autem iam asseruerimus, ea, quæ intellectui offerri debent, & ab eo recipi, oportere denudata esse à materia & conditionibus singularibus, quæritur; Quomodo intellectus singularia intelligat, an verò vniuersalia tantum recipiat; Respondemus, Mentem humanam etiam singularia cognoscere. Cum enim omnes facultates cognoscentes subordinatæ ita iunctæ sint, ut finis actionis vnus sit principium alterius, & quicquid cognoscitur à facultate inferiore, cognoscatur etiam à superiore: sensus autem & phantasia cognoscant singularia: Mens quoque eadem cognoscat necesse est. Et ex hac cognitione fit, ut homo vniuersale cum singulari conferre valeat, & ut mens propositiones singulares efformet, ex iisdem vniuersalia colligat, & iudicium sensuum de singularibus toties corrigat, quoties hi propter malam ad obiectum dispositionem aberrant. Modus autem cognitionis singularium etiam fit per accidentia: quia ex accidentibus propriis singularibus elicimus notionem seu phantasma proprium singularium, sicuti ex notionibus propriis speciei elicimus notionem propriam speciei.

Intellectio recta.

Intellectio autem diuiditur vulgo in Rectam & Reflexam. Recta dicitur, quando tantum aliquid cognoscimus, nec amplius quid inquirimus, sed species Intellectum sistit, ut cum intellectus tantum est in prima apprehensione, hominis, bouis, equi &c. Reflexa autem, seu geminata, & quasi reciproca dicitur, qua mens seipsam cognoscit, scilicet se cognoscere, & cognoscendi habere potestatem: vel cum intelligimus ipsam intellectionem, & intellectus intelligit, se esse intellectum, scilicet se esse essentiam, & quidem immistam, atque intelligit, se intelligere, quod intelligat, se intelligere.

Reflexa.

Abstrahere quid.

Notandum autem hîc, quid sit abstrahere. Est autem abstractio separatio vnus ab aliis, & apprehensio seu intellectio vnus, non apprehensio seu non intellectus aliis. In abstractione enim non omnia, quæ rei insunt, cognoscuntur, sed id tantum, quod abstrahitur, verbi gratia, abstrahere animal ab equo, est solam animalis naturam considerare, non considerata naturam equi.

Voluntas quid sit.

Voluntas denique, (ut de hac quoque paucissimis agamus) est Animæ rationalis vis altera, qua ab intellectu cognita sequimur vel auersamur; seu, ut

Scal. *Ex. 307. f. 3.* ait, voluntas est intellectus extensus ad habendum vel faciendum, quod cognoscit. Appellant eam alij appetitum rationalem. Ut enim cognitionem sensus sequitur Appetitus sensitivus: ita mentis cognitionem etiam proprius appetitus sequitur, quem, ad differentiam prioris, voluntatem appellant, & differre hunc Appetitum rationalem scilicet à sensitivo, inde constat, quia sæpiissime inuicem pugnant.

Obiectum voluntatis est Bonum ab intellectu cognitum, voluntatique obiectum, & contrarium malum. Hinc bonum sequitur, malum fugit. Actio voluntatis est, velle & nolle. Sunt autem actiones voluntatis duplices, Elicitæ & Imperatæ. Elicitæ, quas voluntas per se edit & elicit, non per potentias inferiores. Imperatæ, quas inferioribus potentiis exsequendas imperat & iniungit. Habet autem imperium in Locomotiuam & Appetitum sensitivum. Ad mentis enim & voluntatis iussa & imperium mouemur, & quiescimus. Imperium verò, quod voluntas habere debebat in Appetitum sensitivum, valde labefactatum est per peccatum, turbatæque illa harmonia inter vtrumque Appetitum, adeo ut sæpe appetitus sensitivus imperium voluntatis & rectæ rationis excutiat, verumque sit illud: *Fertur equus auriga, nec audit currus habenas.* In vegetantem verò potentiam nihil imperij habet voluntas, planèque illa naturaliter agit, nec ad voluntatis nostræ arbitrium nutriri vel augeri possumus.

Voluntatis obiectum.

Actiones duplices.

1. Elicitæ.

2. Imperatæ.

CAPVT II.

De Corpore Humano, eiusque Functionibus.

Hominis autem anima, cum omnium præ regula sit viuientium, ut Scalig. *Exerc. 102. sect. 5.* ait: corpus etiam nobilissimum habeat, necesse est. Ideoque, ut anima: ita & corpore reliquis omnibus præstat animalibus Homo: Quod iam, ut reliquorum regula, describendum esset. Verum cum rei dignitas, imò necessitas ad id cognoscendum plures mouerit: tot de eo scripta sunt volumina, quibus & partes eius accuratè describuntur, & vsus omnium explicantur: ut in compendium ea redigere impossibile sit. Ut paucos nominem: Galenus multos hac de re libros; de musculorum, de neruorum, venarum, articularum, vocalium instrumentorum, vuluæ dissectione; de ossibus; de anatomicis administrationibus libros 9. de vsu partium 17. & alios libros scripsit. Galeni doctrinam nostri seculi plurimi doctissimi viri, qui de Anatomicis diligenter scripserunt, emendarunt, & auxerunt. Atque inter eos præcipue Vesalius, Fallopius, Columbus, Syluius, Piccolhomineus, Andreas Laurentius, F. Platerus, Bauhinus, Casserius, Fabricius, Riolanus, Spigelius & alij plurimi, quos omnes enumerare instituti nostri ratio non patitur. Nos ergo hoc loco breuiter partes, per quas omnes & singulæ actiones in corpore nostro perficiuntur, saltem nominabimus, quarum descriptio è nominatis autoribus, qui in omnium manibus sunt, peti poterit.

Ut verò corporis nostri partes ad actiones naturales obeundas aptæ sint, rectè dispositæ sint, necesse est. Dispositio autem illa in tribus consistit. Cum enim partium corporis nostri vel ut similes saltem, vel ut dissimiles & organicæ spectentur: in vtrisque hoc commune requiritur, vnitas, ac necessarium est, ut quælibet pars sit vna & integra. Deinde in similibus in specie requiritur Temperies: in organicis compositio & conformatio ad actiones necessaria, quæ pro varietate actionum edendarum in diuersis partibus diuersa est.

Partium corporis dispositio in quibus consistat.

Similium compositio.

Tempe

Temperamentum autem in genere quid sit, & quæ eius differentia, supra, lib. 3. c. 4. dictum. Hominis verò temperamentum, quod attinet, in eo, ut & in aliis animalibus, quorum ille quasi regula est, duplex temperamentum reperitur, vnum corporis, quatenus simpliciter mistum, alterum corporis viuentis. Nam dum homo moritur, temperamentum, quod viuenti competeat, vna euanesceat: in caadavere tamen, donec putredine corrumpatur, partes aliquandiu suam ex elementis compositionem & temperiem retinent.

De temperamento misti, loco allegato, satis dictum: Temperamentum verò Hominis viuentis, quod ex harmonia quadam omnium partium resultat, etsi sit calidum & humidum, & vita in calido consistat; tamen partium magna est diuersitas. Cutis temperatissima est, præsertim ea, quæ est in manu.

Inter calidas primum locum obtinet cor: cordi succedit hepar, lien, caro musculorum, renes, pulmo, vena, arteria, pinguedo & adeps.

Inter frigidas primum locum habent ossa, deinde sunt cartilagine, ligamenta, tendines, nerui, membrana, spinalis medulla, cerebrum.

Humidæ sunt, adeps, medulla ossium, cerebrum, spinalis medulla, testes, mamma, pulmo, lien, renes, caro musculorum, lingua, cor, nerui molliores.

Siccæ; ossa, cartilago, ligamenta, tendines, membrana, arteria, vena, nerui duri.

Temperamentum autem hoc viuentis corporis duplex est, seu ex duobus constat, caliditate innata, & influente. Caliditas innata calido innato inest. Per calidum innatum enim non nuda qualitas, sed qualitas cum subiecto intelligitur. Constat autem calidum innatum spiritu insito & humido primigenio: estque calidum innatum humidum primigenium insito spiritu & calore vndique perfusum. Hæc enim tria, calor, spiritus, & humidum radicale, seu balsamum naturale, ut nonnulli appellant, ita arctè coniunguntur, ut facillè separari non possint. Hoc nimirum est illud *σῶμα θεϊκότερον τῶν καλεμένων στοιχείων, καὶ φύσις ἀνάλογον ἑστὶ τῶν τῶ ἀέρος στοιχείῳ*, ut Aristoteles 2. de gener. animal. cap. 3. nominat, & per quod calida semina fecunda reddi, idem, *ibidem*, docet.

Calidum innatum hoc inest principaliter partibus spermaticis, quæ *πρῶτα μόρια* appellantur. Præcipue tamen fundatur in corde, quod ideo Galenus *ἑστὶν ἡ ἐμφύτη θερμὴ*, focus calidi innati nominat. Atque hoc calidum innatum est præcipuum animæ instrumentum, quo omnes actiones obit & perficit. Prima ætate plurimum est: procedente autem ætate humidum radicale paulatim absimitur & exsiccatur, tandemque eo absumpto, calor etiam exstinguitur, & mors naturalis sequitur.

Calidum verò hoc insitum fouetur & excitatur ab influente per spiritus: qui sunt corpus tenuissimum, calidum & mobile, ex tenuissima & maximè sincera sanguinis parte genitum; & cum calido innato iuncti proximum & præcipuum omnium actionum edendarum instrumentum, & faciunt, ut animæ facultates ad actum secundum accedere possint.

Spiritus hos facultatum esse vehiculum, & facultates per hos spiritus à partibus principibus in reliquas influere, vulgò quidem à pluribus docetur: sed falsa hæc est opinio. Cum enim facultates animæ inseparabiles proprietates sint; atque anima in omnibus corporis partibus insit: vbique suis instructa est facultatibus, nec aliunde eas mutatur.

De numero autem horum spirituum alij aliter sentiunt; atque alij vnum saltem, alij plures statuunt. Plures meritò esse statuimus. Etsi enim prima sit omnium materia, subtilior sanguinis pars: tamen diuer-

sam in diuersis partibus formam accipiunt, & ad diuersos vsus sunt comparati.

Sunt autem spiritus tres, Naturalis, Vitalis, & Animalis.

De naturali multi dubitant. Nos etsi in numerum spirituum eum admittimus: tamen non paruam inter eum & reliquos spiritus differentiam agnoscimus; neque ita propriè ei nomen Spiritus, ut reliquis competere, nec idem officium habere, concedimus. Generatur autem in hepate, & continetur in venis, ac tenuior ac spirituosior sanguinis pars est, seu corpus tenuius & subtilius ex sanguinis *ἀερώσει* genitum, & materiam spiritibus vitalibus subministrat.

Vitalem spiritum omnes concedunt, qui ex tenuiore sanguinis parte seu spiritu naturali ad cor influente & primum in dextro cordis ventriculo attenuato magisque elaborato, & aere per inspirationem & arteriarum dilatationem attracto in sinistro cordis ventriculo generatur. Hic spiritus non solum in ipso corde, cum calido eiusdem insito, actionum cordis præcipuum instrumentum est: Sed & per arterias in totum corpus diffusus, innatum singulis partibus calorem fouet, excitat, & auget, eique quasi perfectionem tribuit. Vnde & calidum influens à nonnullis appellatur. Idem spiritus animali materiam suppeditat.

Animalem Spiritum quidem non pauci negant: Veruntamen eum non immeritò admittimus; cum in peculiari membro cerebro elaboretur, nec spiritus vitalis eos vsus præstare possit, quos animalis præstat, & in parte vitali spiritu perfusa nihilominus sensus & motus, ob animalium spirituum defectum, tollatur, ut in apoplexia, paralyti, stupore videre est.

Est nimirum hic spiritus sensus & motus proximum instrumentum; & generatur è vitalis spiritus parte purissima, per carotidas & ceruicales arterias in cerebri basin, atque inde in cerebrum delata, & cum aere, inspirationis ope attracto, mista.

Organicis deinde partibus sua etiam & singularis est constitutio: debita scilicet compositio & nexus partium similiarium in vnam formam actioni obeundæ vtilem. Requiritur autem ad organicarum partium compositionem primò definitus partium componentium numerus: Secundò magnitudo earumdem: Terriò conformatio decens, quæ complectitur Figuram actioni obeundæ aptam, cavitates & meatus, ac superficiem, ut scilicet sit læuis vel aspera, prout natura partis requirit: quartò situm & cum aliis connexionem.

Hæc de quibus hætenus diximus, cum, omnibus partibus communia sint, & ad omnes actiones necessaria, iam porro per quas partes singulæ actiones & quomodo perficiantur, breuiter recensebimus.

Cum autem facultas vegetatiua sit infima, de ea primò agemus. Continet autem illa sub se Nutritionem & Augmentationem, ac Generationem.

Nutritionem & augmentationem primò quod attinet, cum in iis alimentum corpori aliunde apponatur: Alimentum autem primò dissimile sit, pluribus coctionibus prius elaborandum & corpori simile reddendum est.

Coctio autem hæc duplex est: priuata, quæ fit in singulis partibus: & publica, quæ in totius corporis vsu communem instituta est, & in ventriculo ac liene præcipue peragitur.

Prima ergo coctio fit in ventriculo: atque ea de causa ventriculo etiam duplex appetitus datur; Naturalis, quo sibi tantum alimentum appetit, Animalis, quo pro toto corpore.

Ab appetitu nimirum & fame homo stimulatus, ubi cibum sumpfit, prima præparatio fit in ore. In ore enim à dentibus cibum frangitur & conteritur: qui eam ob causam (et si & sermoni formando interuiant) plerumque 31. homini dati sunt; in vtraque maxilla sedecim: ex quibus alij incisores, alij canini, alij molares dicuntur. Incisores seu anteriores quaterni in vtraque maxilla: Canini bini: molares decem. Deinde simul saluæ permixtione & calore oris alteratur cibus. Comminutus hoc modo & præparatus ac alteratus in ore cibus motu linguæ per guttur hians in ventriculum detruditur. Quem ventriculus ministerio obliquarum fibrarum amplectitur & retinet, donec à ventriculi facultate concoctrice & calore proprio in massam cremori ptisanæ non absimilem, quæ Chylus appellatur, sit mutatus.

χύλος.

Chyli distributio.

Chylus ventriculo elaboratus per inferius orificium ad intestina emittitur, & ab iis nonnihil adhuc elaboratur. Sunt autem intestina duplicia: tenuia tria; duodenum, Iejunum, Ileum: crassa itidem tria, Cæcum, Colon, Rectum.

Excrementa prima coctionis.

Cum autem nullus cibus totus in alimentum verti possit, sed partes quasdam corpori alendo inutiles habeat: Natura inutilia in hac, ut in aliis coctionibus omnibus, separat, & duplex excrementum, alterum crassum, alterum aquosum generat.

Crassum seu feces alui.

Crassiora excrementa feces alui sunt: quarum expulsio per aluum fit, partim intestinis per fibras circulares & transuersas, quibus vtraque eorum tunica prædita est, supra sese contrahentibus, partim oper muscutorum abdominis, quibus abdomen comprimitur; atque ita excrementa deorsum protruduntur.

2
Tenuis & aquosum.

Excrementum tenuius & aquosum non mox excernitur, sed cum chylo mistum permanet, ut eo dilutus per angustas mesenterij & hepatis venas facilius transire possit.

Coctio secunda seu sanguificatio.

Coctione prima absoluta chylus à venis mesaraicis quarum orificia ad intestina pertingunt, recipitur, alteratur & mutatur nonnihil, & hinc ad venarum portæ radices & hepar deferitur.

Ut autem sanguis in hepate purior generetur, postquam in venis mesaraicis sanguis aliquod rudimentum accepit, quod crassius & feculentum in eo est, ex venarum mesaraicarum trunco, antequam ad hepar feratur, per ramum portæ splenicæ à liene attrahitur: qui id, quantum potest & materia patitur, alterat, & sibi ac ignobilioribus in infimo ventre partibus alimentum inde generat. Atque ita lien & sanguinem defecat, & aliquem sanguinem, licet crassiorem & feculentum, generat. Quod verò planè excrementitium est, & in alimentum verti non potest, partim per venas hæmorrhoidales & portæ truncum, partim per arterias spleneticas euacuatur.

Chylus, postquam sanguinis rudimenta aliqua in venis mesaraicis accepit, atque ita à feculentiore parte beneficio lienis purgatus est, in hepate perfecti sanguinis formam accipit: & hinc per venam cauiam in totum corpus omnesque eius partes ad eas alendas distribuitur.

Excrementa secunda coctionis.

1
Bilis flaua.

2
Vrina.

Cum autem in omni coctione excrementa generentur, etiam in sanguificatione duplex excrementum prouenit; Bilis flaua, quæ in vesiculam fellis colligitur, & inde per intestina euacuatur, quæ etiam acrimonia sua ad excretionem stimulat: Et serosum excrementum, quod per venas emulgentes à renibus attrahitur & per vretes ad vesicam transmittitur, & per eam excernitur, ac vrina nominatur. Est enim Vrina nihil aliud, quam aquosum illud humidum in chylo, ὀχνημα πορρὸς, & sal in cibo superfluum atque alendo corpori inutilis. Quod non solum ex affectis, sed & ex eo patet, quod sal satis copiosus ex vrina elicitur, aquoso illo humore separato.

Sanguis, qui in corpus totum ad illud alendum distribuitur, etsi vnica forma contineatur, & totus alendo corpori utilis sit: eius tamen partes non sunt planè similes, sed aliæ temperatæ, quæ in specie sanguis appellantur, aliæ calidiores & sicciore, quæ sanguis biliosus; aliæ frigidiores & humidiores, quæ sanguis pituitosus; aliæ frigidiores & sicciore, quæ sanguis melancholicus; vulgò autem bilis, pituita, melancholia nominantur.

Sanguis ex diuersis constat partibus.

Atque ex his partibus nulla excrementitia est, sed omnes sunt corpori alendo utiles, atque in corpore sano nihil excrementitij, sed tantum sanguis alimentarius in venis continetur, omnesque corporis nostri partes solo sanguine aluntur.

Tertia coctio.

Sanguis is in singulis partibus, pro cuiusque natura elaboratur, & tandem partibus assimilatur. Cum autem in ista elaboratione sanguis aliquas mutationes subeat, à Medicis in tertia coctione quatuor humores secundarij generari dicuntur, quorum vnus alterum sequitur, & per has mutationes sanguis in ipsam corporis alendi substantiam transit. Primus dicitur innominatus, Secundus Ros, tertius gluten, quartus Cambium.

Humores secundarij.

In hac coctione generantur duo excrementa, vnum crassius, seu sordes cuti adhærentes: alterum tenuius, quod partim per ἀήλον διαπνοήν, partim per sudorem discutitur. Ad quæ excrementa, euacuanda cutis poros suos obtinet.

Excrementa tertia coctionis.

Porro ut homo se propagare & multiplicare possit, vim generandi à Creatore accepit. Generatio autem fit per semen, quod in testibus elaboratur, ad quos è reliquo corpore sanguinis pars optima, spiritus & calor per venas arterias & neruos transmittitur, atque ab iis in vnâ naturam seu corpus album, spumosum & spiritibus refertum, redigitur, quæ semen nominatur, ac caloris & spirituum in toto corpore quasi compendium est.

Vis generatrix.

Semen in testibus elaboratur.

Semen hoc & à mare & à fœmina emittitur & ad generationem confertur. Nam cum fœminæ eadem instrumenta semini generando & emittendo dicata habeant, quæ mares; & libidine tentatæ concubitus appetant, & semen emittant: semen ipsas ad generationem conferre omnino concedendum est. Et quidem prolificum. Neque enim mas & fœmina differunt specie. Neutrum tamen semen solum ad generationem sufficit, sed hic ordo à Creatore constitutus est, ut ex utroque semine, tanquam duabus partialibus causis, vnum principium & vna totalis causa emergat, à qua vnus motus ad fœtus productionem, quodam tamen ordine sese habens, promoueat. Virtus enim & efficacia seminis masculini est maior, minor fœminini.

Semen & mas & fœmina conferuntur.

Semen fœmineum prolificum est.

Concepta in vtero semina ab innata vteri vi fouentur, & vis in semine latens excitatur, atque organorum expressio fieri incipit; & conceptio fieri dicitur, & tum conceptus seu κύημα appellatur. Formantur autem primò membranæ fœtum ambientes, quibus nobilior seminis pars ac spiritus concluditur; quæ sunt duæ, vna quæ χόριον appellatur, fœtum totum ambit, vasa vmbilicalia fulcit, eorundemque interuentu vtero tota adhærescit: altera proximè fœtum ambiens ἀμνιόν. Quæ tunica cum in partu quasi vnâ constituere videantur, secundina, quod post fœtum edantur, appellantur.

Generatio modus.

Conceptio. Membrana primo formantur.

ἀμνιόν.

Secundina. Partes quo ordine formantur.

Formantur autem primò partes spermaticæ; & quidem simul omnes. Postea verò quæque, pro dignitatis ac necessitatis ratione, ordine perficiuntur. Conspiciuntur enim primò quasi tres bullæ, ac innumera ferè filamenta solidarum partium stamina. Partes hæc postea à sanguine materno incrementum sumunt. Atque hinc à Creatore constitutum, ut à decimo quarto plerumque anno, ad quadragesimum quintum vsque, aliquid sanguinis, superflui quasi, in fœminis generetur & fœ

Sanguis menstrui.

& fœtui in gravidis materiam præbeat: aut si fœmina gravis non sit; singulis mensibus, ne fœminam gravet, aut corrumpatur, ad uterum mittatur, & per eum expurgetur.

Cum ergo omnia, quibus post primam ex semine delineationem opus habet, à matre fœtus accipiat, facta sunt vasa umbilicalia, vena scilicet, arteriæ duæ, & vrachus: quæ circa umbilicum cœunt. Vena, venæ portæ, cui contigua est, propago est; infantis quasi nutrix: Arteriæ duæ rami iliaci descendentes aortæ propagines sunt, quibus sanguis arterialis & spiritus infanti communicantur, & per quas spiritum ducit infans. Vrachus à vesicæ fundo ad umbilicum fertur. Infante in lucem edito, cum eorum hoc ministerio amplius opus non sit, coalescunt, & quasi ligamentorum vice funguntur.

Totum autem tempus à conceptu ad partum à Medicis in duas partes diuiditur, in tempus formationis à conceptu, usque ad tempus quo moveri incipit infans, & tempus perfectionis, quod est à motu ad partum. Ab aliis tamen in tres partes, scilicet in tempus formationis, quod Hippocrat. *de natura puer.* in fœminis quadraginta, in masculis triginta diebus definit: in tempus motus, qui in maribus tertio, in fœminis quarto mense fieri vulgò traditur: & tertium, quod est partus.

Partus autem tempus quod attinet, id in homine varium est. Ante dimidium tamen annum partum vitalem non edi experientia docet. Septimo mense qui nascitur, iam vitalis est: Octavo verò mense natus nullus unquam vivit, secundum Hippocratem; aliqui tamen & hunc esse quandoque vitalem statuunt. Maxime autem legitimum & frequentissimum pariendi tempus est mensis nonus, & plurimi partus eduntur à die decimo quinto noni mensis usque ad decimum quintum decimi mensis.

Etsi verò & undecimestres & post undecimum mensem facti à Medicis annotari sunt: tamen tales partus interea, quæ rarò fiunt, referendi sunt.

Menses autem, secundum quos tempora partus numerantur, Solares sunt: à quibus tamen Lunares conjunctiones, dierum scilicet 29. & hor. 12. ferè non multum discrepant. Neque operosa hæc hominis fabrica ad tam minuta temporis spatia alligata est.

Post facultatem Naturalem est facultas Vitalis, & actionibus & organis peculiaribus è naturali & animali facultate distincta, quæ in corde suam sedem habet. Facultatis autem vitalis nomine plures vires comprehenduntur, & cordi tres facultates *ἐνσώματα*, sanguinis ac spiritus & caloris vitalis generatrix, ac huic tandem inferuiens vis pulsifica insunt.

Ab irascibili facultate omnes animi affectus prodeunt, ira, mansuetudo, audacia, timor, spes, animi delectio, gaudium, mœstitia, & id genus alij, qui hos sequuntur. Horum autem nonnulli fiunt materialiter, ut sic dicam, seu per modum causæ efficientis, per caloris, spiritus & sanguinis expansionem, ut ira, gaudium & similes; quidam per eorundem concentrationem seu ad interiora reuocationem, ut timor, mœstitia & alij: formaliter autem omnes nihil aliud sunt, quàm appetitus; motusque hi sequuntur appetitum vel prosequendi, quod delectat, vel fugiendi, quod noxium est; quorum illum insequitur caloris & sanguinis expansio, hunc verò eorundem ad interiora retractio. Motus autem hi fieri non possunt, nisi per agitationem cordis & arteriarum & feruentis ac spirituosæ sanguinis. Ex quo patet, cur facultas *ἐνσώματα*, & viscere calidissimo, & prædito assiduâ agitatione, opus habuerit.

Situm autem est cor in media corporis regione, Thorace, ut ex eo tanquam fonte vitalis calor & spiritus in totum corpus promptè diffundatur. Habet autem cor duos ventriculos, dextrum & sinistram:

Dexter ventriculus è patenti venæ cavæ ostio per diastolen sanguinem haurit, quem excoquit & attenuat: cuius portio tenuior in sinistram ventriculum cordis, per foramina illa, quæ sunt in septo inter duos ventriculos medio (quod tamen aliqui negant) transmittitur; reliqua verò, & maxima, per venam arteriosam ad pulmones transit, cuius pars aliqua in pulmonum nutrimentum transit, multò verò maxima per arteriam venosam in sinistram ventriculum cordis fertur.

Perficiuntur autem hæc cordis mirabili quodam & perpetuo motu, quo in diastole contrahuntur extrema, & mucro cordis ad basin rapitur, atque ita cor brevius euadit, sed latera dilatantur; in systole verò cor longius, sed angustius euadit. Cum verò ad spirituum & sanguinis arteriosi generationem & aëre & sanguine opus sit, atque hæc duæ substantiæ vnico motu attrahi non possint: præter ventriculos humorem sanguineum trahentes utrinque ad basin cordis duæ cavitates notabiles in superiorem ventriculorum partem desinentes, quæ peculiari suo motu aërem ad spiritus refocillationem & caloris euentilationem ad se trahunt, additæ, sunt, quas aurículas cordis vocant. Harum enim usum etsi alij eum statuunt, ut sint quasi promptuaria sanguinis & aëris irrudentium, & venæ cavæ ac arteriæ venosæ munimenta: quidam tamen existimant, peculiari motu eas aërem attrahere; atque ipse Hippocrates, *lib. de corde*, folium instar cor refrigerare statuit.

Ne autem cor in suo motu impediatur, constitutum est ipsi domicilium amplum & membranosum, quod pericardium vocant, quod prohibet, ne quid cor premat & in motu impediat.

Ceterum cum nihil in cor ingredi, nihilque ex eo egredi posset, nisi certi ductus cordi additi essent: ea de causa in basi cordis quatuor insignia vasa apparent, duo in dextro, totidem in sinistro sinu. In dextro quidem duo, vena caua, & vena arteriosa, in sinistro itidem duo, arteria magna, & arteria venosa. Vena caua ad dextrum sinum cordis est, sanguinemque ad sanguinis arteriosi & spiritus vitalis generationem, & pulmonis nutritionem in cor effundit. Alij tamen sanguinem in hoc sinu elaboratum per totum etiam corpus distribui censent. Deinde est vena arterialis, quæ sanguinem è dextro sinu ad pulmones, pro eorum nutritione, & porro pro materia sanguinis arteriosi & spiritus vitalis generandi deferret; Arteria venosa aërem extrinsecus aduenientem & in pulmone præparatum sanguinemque è dextro ventriculo cordis per venam arteriosam aduecto in sinistram ventriculum cordis deferret, fumosasque exhalationes expellit, & portionem vitalis spiritus in pulmones distribuit. Tandem est aorta seu arteria magna, quæ spiritum vitalem & sanguinem arteriosum in sinistro ventriculo genitum, per totum corpus distribuit. Atque hi sunt, ut Hippocrates, *lib. de corde*, loquitur *τὴν αἰνὴν ὅτι ἐν τῷ στήθει*.

Cum autem hæc quatuor vasa singula duos usus habeant, exempli gratia, arteria venalis non solum aërem è pulmonibus ad sinistram cordis ventriculum attrahat, sed & spiritum vitalem & sanguinem arteriosum pulmoni communicet, ac fuligines expellat: ne substantiæ cor ingressæ per eadem vasa mox resiliant, antequam in eo suam perfectionem sint adeptæ, aut quod è corde effusum fuerit, in idem remeare possit, valvæ numero undecim vasorum orificiis additæ sunt; tres singulis reliquorum vasorum orificiis, duæ autem solùm arteriæ venosæ. E quibus aliæ foris apertæ, intus clausæ sunt, quæ nimirum materiam ad cor deducunt; aliæ intus apertæ, foris clausæ, quæ è corde aliquid effundunt. In orificio venæ cavæ valvula tres sunt, foris apertæ, intus clausæ; contra in venæ arteriosæ orificio totidem sunt, intus apertæ,

Cordis & ventriculi usus.

Motus cordis.

Auriculæ cordis.

Pericardium.

Vasa cordis quatuor.

Vena caua.

Vena arteriosa.

Arteria venosa.

Arteria magna seu aorta.

Valvula.

foris clausæ : Arteriæ venosæ orificio duæ perfectæ sunt foris apertæ , intus clausæ ; arteriæ magnæ orificio tres additæ sunt intus apertæ, foris clausæ.

Quia verò cor vniuerso corpori calorem & spiritum per arterias distribuit, ductus spiritui & sanguini arterioso per totum corpus deferendo facti sunt, rami scilicet arteriæ magnæ , qui & ipsi dilatantur & contrahuntur , & per cutis spiracula aërem externum attrahunt, fuliginosa excrementa expellunt & toti corpori spiritum vitalem, calorem, & sanguinem arteriosum communicant ; qui cordis & arteriarum motus Pulsus appellatur.

Pulsus autem duobus motibus constat, sistole & diastole. Diastole seu dilatatione cor impletur, aëremque, & sanguinem ex pulmonibus per arteriam venosam ; arteriæ verò per orificia sua, quæ in cutem desinunt, ex ambiente aëre aliquid attrahunt : sistole verò seu compressione cor per arteriam magnam spiritum vitalem & calorem in totum corpus distribuit, & fuliginosa excrementa ad pulmones per arteriam venalem expellit : arteriæ itidem fuliginosa excrementa per orificia sua expellunt, quæ actio *ἀναπνοή* nominatur.

Cæterum quia aër, qui à corde attrahitur, priusquam ad cor penetraret, alterari debebat, pulmones dati, & Respiratio instituta est. Respirationis organum præcipuum est pulmo. Etsi enim thorax, aliæque partes respirationi quoque inseruiant: tamen primariò à pulmonibus is motus perficitur, cui peculiaris vis sese dilatandi, iterumque contrahendi, eodem modo vt cordi & cerebro, concessa est: quem in viuorum animalium anatomia facile animaduertere est. Neque enim respiratio motus voluntarius est, & ad morum thoracis ratione vacui pulmo dilatatur; sed propria vi mouentur pulmones, & simul pulmo & thorax mouentur, quia in vnum finem conspirant. Vi nimirum insita pulmo dilatatur: vt verò id commodius fieri posset, & locum, in quo dilaretur, inueniat, cum pulmo mouetur, facultas animalis simul thoracem mouet. Et quidem hi duo motus proportionem inter se seruant. Neque etiam distenditur pulmo, quia repletur, vt vesica, quæ inflatur, solet; cum aliunde aër non infletur in pulmones: sed repletur, quia dilatatur, ad modum scil. follis.

Respiratio autem duobus motibus constat, Inspiratione & Expiratione. Inspiratione, dilatato pulmone & thorace, aër per os & nares, pro cordis refrigeratione & spiritus vitalis generatione, attrahitur: Expiratione verò & compresso pulmone & thorace fuliginosa excrementa per os & nares excluduntur. Hinc, & vt aër plurimus attrahi & in eo contineri possit, magnitudine omnia viscera pulmo superat; & substantiam raram & porosam habet.

Et cum aër ingressum & viam requireret, arteria, quæ aspera nominatur, facta est: cuius truncus maior aërem, partim per os, partim per nares exciperet; alii verò innumeri rami in omnes pulmonis partes distribuuntur, vt aër totum replere possit; quem vasa, quæ à corde ad pulmonem accedunt, ampla & magna satis, suis extremitatibus excipiunt, & ad ventriculos cordis deferunt.

Et cum aëre, quem spiritu ducimus, homo nunquam carere possit, ex annulis cartilagineis solidis arteria facta est, vt perpetuò hians ac patens conseruetur.

Ne autem cibus ac potus, in transitu super tracheam arteriam, in ipsam, cum vitæ discrimine, illaberetur: in suprema eius parte mollis & mucronata cartilago, epiglottis dicta, prominet, quæ in deglutione prohibet, ne quicquam arteriam ingrediatur.

Thorax verò cum partim munimentum, partium vitalium, partim respirationis instrumentum esse de-

beret: nec totus carneus, nec totus osseus fieri debuit.

Quapropter thorax costarum paribus duodecim constat, quæ vt ad dilatationem & constrictionem pectoris inuicem accedere possent, muscoli sexaginta quinque thoracem distendentes & contrahentes facti sunt; è quibus 32. distendunt & totidem contrahunt.

Verum quia in inferiore parte pectoris costæ non adsunt; vt pars esset, quæ & ea in regione distenderetur & contraheretur; simulque organa vitalia à ventre inferiore seiungeret: paries quidam quasi septum musculosum seu carnosum interiectum est, quod diaphragma appellatur, quod in expiratione attollitur, laxatum verò dilatatur & deprimitur in inspiratione. Quia verò per diaphragma, prope dorsum, gula, arteria magna & vena caua transeunt, ne perpetuo diaphragmatis motu hæ partes constringerentur & agitantur, medium diaphragmatis est membranofum, nihilque carneæ substantiæ continet, vt licet musculosa diaphragmatis pars moueatur, ea tamen pars non contrahatur.

Postquam hæc de vitali functione dicta, proximum iam est, vt qua ratione & quibus instrumentis sentientis facultatis operationes perficiantur; inquiramus. Tactus primò, qui sensus maximè communis est, instrumentum membranam esse. supra lib. 7. cap. 6. dictum est. Cutem verò quod attinet; verum quidem est, eam toti corpori circumdatam esse, non solum vt totum corpus vestiatur, & partes alias ab externis iniuriis defendat, & vt πάντων ζωώσεων καὶ ζώων ἐξίσταται efficiat: sed etiam vt instrumentum tactus sit, atque externa obiecta & iniurias vndecunque ingruentes percipiat. Rectèque dixit Galenus, 1. de temp. cap. 9. cutem, maximè, quæ in manu est, omnium sensibilibus normam esse, & tactus instrumentum prudentissimo animali proprium. Verumtamen & cutis, quod sentit, hoc præstat, quatenus membranosa est, seu villos & membranulas neruosas ex subiectis partibus recipit & participat.

Gustus instrumentum lingua est; cuius caro est rara, laxa & spongiosa, quam integrit membrana tenuissima, ori & palato communis, in quam nerui tertiæ & quartæ coniugationis expanduntur. Neruorum autem paria tria lingua accepit: priora duo per tunicam disseminantur ac gustui inseruiunt; postremum in linguæ musculos ad motum linguæ spargitur.

Olfactus organum processus mamillares esse, supra, lib. 7. ca. 4. dictum.

Auditus organum adæquatum quidem tota auris est. Quæ autem præcipua in aure pars sit, non parum inter autores controuersum est, dum alij aërem implantatum, alij neruum quemdam proximum auditus instrumentum esse dicunt. Verum si rem diligenter perpendamus, conciliari aliquomodo hæ opiniones possunt, vt & lib. 7. cap. 3. dictum. Nam aërem quemdam implantatum, seu ἀερώδην substantiam ad auditum requiri, planè probabile est. Vt enim ad species visibiles recipiendas organum visus est lucidum: ita & ad sonos recipiendos aëreum esse organum auditus, credibile est. Verum cum sensationis organum pars similis animata esse debeat, non simplex aër organum auditus esse poterit: sed erit substantia quædam aërea, ex purissima & aërea, seminis & sanguinis materni parte genita, quæ cum externo aëre cognationem habeat, & sonos intra delatos recipiat. An autem in neruo expanso, an vero in cavitare aliqua hic aër insitus sit, vix definiri potest: Cum anatomia hîc parum subsidij afferat, & post mortem, quod visui obuium sit, nihil occurrat. Inde etiam fit, vt & alterum explicari ita facile non possit; an aër hic saltem medium internum ad voces percipiendas & transmittendas ad verum auditus organum quod sit extremitas nerui auditorij dilatata; an verò, quod Capiuaccius

Eius costæ & Musculi.

Diaphragma

Cutis adæquatum tactus instrumentum non est.

Lingua partes & usus.

Auditus partes & usus.

Præcipuum eius organum quoddam.

Aër implantatus.

Ductus cordis, seu arteria magna rami.

Pulsus quibus motibus constat.

Respirationis organum præcipuum.

Respiratio non est motus voluntarius.

Respiratio duobus motibus constat.

Aspera arteria.

Epiglottis.

Thorax.

uacius vult, ipse hic aer in neruo expanso situs sit auditus organum.

Reliquae partes auris omnes suum quæque in auditione vsum habent. Aures externae prominentia sua sonum excipiunt, & ut in auditorium meatum repellantur, faciunt. Hinc quibus auriculæ istæ abscissæ sunt, non exactè audiunt, sed instar fluctuantis aquæ sonos percipiunt.

Ab aure externa sonus primò ad meatum auditorium peruenit, qui osseus est, & cute inuestitur tenui, denia & leui, ac ossi valde adhærescente, ad sonum excipiendum commoda. In fine huius meatus est membrana, quam alij tympanum, alij myringa nominant, eo fine facta, ne aer externus in auris cavitatem illaberetur, qui auditionem turbare posset.

Membrana autem hæc siccissima est, ut sonos rectè excipere possit. Ad resonantiam enim siccissima aptissima esse instrumenta musica docent,

Reliquarum auris partium, cavitatum, ossiculorum trium, mallei, incudis, & stapedis officium nemo facile explicauerit; cum non ea hic adminicula suppetant, quæ in instrumentis visus declarandis specula, perspicilla & similia suppeditant.

De Visu dicta sunt quædam, lib. 7. cap. 2. Eius instrumentum est oculus: cuius multæ partes sunt, quarum singulæ suos peculiares vsus habent. Prima est oculi cornea tunica, quæ perspicua est & omnis coloris expers, ut species visibiles per eam, & quidem puræ ac nullo alio colore infectæ, in oculum admitti possint. Eadem est aère densior, ut species ex aère, medio tenuiore, in crassius pertingentes refringerentur,

Inter corneam tunicam & crystallinum humorem, medium locum obtinet humor aqueus, eadem de causa, ob quam cornea, perspicua & coloris expers. Rarior autem est cornea, ut itidem noua hic fiat radiorum refractionis.

Aqueo humori succedit vnea tunica: quæ nigredine, qualis in nulla totius corporis parte apparet, prædita est, eo fine, ut species visibiles clariores fieret, & in crystallino melius apparerent. Lumina enim debilia in obscuro magis apparent, quam in luminoso. Videtur & alium finem habere hæc tunica, scilicet ut lumen copiosum, quod per pupillam ingredi, oculum & visum offendere posset, per hanc nigram tunicam interciperetur.

In vnea est foramen, quod pupilla appellatur, ianua quasi, per quam species visibiles oculum ingrediuntur. Hoc foramen, ut visio fiat perfectior & distinctior, longè minus est, quam corneæ ambitus. In aliis tamen amplius est, in aliis angustius: & quibus illud angustius est, acutius vident; quibus latius, debilius.

Coarctatur autem & dilatatur pupilla, ac in loco luminoso angustior, in obscuro patentior apparet. Cum enim lux nimia visum lædat, debilis vero etiam visui apta non sit, & in obscuro res visibilis non satis percipiatur: in ipso oculi aditu hæc quasi fenestra facta est, quæ & dilatari & contrahi, & dilatatione lucis debilioris, quantum requiritur, ad visionem admittere; contractione verò lumen copiosius, quod visum offendere poterat, excludere possit.

Atque ex hac vneæ constitutione tres modi viuendi naturales sunt; Vnus perfectissimus, qui in indiuisibili constitutus est; & quo res minimas distinctè videmus. Alter est perfectus, cum res visibiles in debita distantia, cum earum distinctione videmus, etsi minimum cuiusque non apprehendamus. Tertius est imperfectus & confusus, quo præter ea, quæ è directo perfectè spectamus, confusè etiam, quæ ad latera sunt apprehendimus: atque ad hanc visionem latitudo corneæ amplior est, quam vneæ, ut scilicet vno intuitu plura intueri possimus; etsi non omnia distinctè.

Causa autem huius differentie hæc est. Cum com-

prehensio rei visibilis fiat per pyramidem; certificatio verò per eius axem; ac sola illa perpendicularis, quæ axis dicitur, quæque non refringitur, rem efficaciter & planè distinctè repræsentet; alij verò radij, quanto sunt ei propinquiore vel ab eo remotiores, tanto sunt potentiores vel debiliores in repræsentando: hinc omnino fit, ut, cum pupilla est angustior, tantum perpendicularis in pyramide visionis, aut vnà radij, qui axi sunt propinquiore, ingrediantur; vbi pupilla est latior, plures radij obliqui & refracti cum perpendiculari ingrediantur.

Post vneam est humor crystallinus, qui non, ut nonnulli putant, in centro oculi situs est, sed in parte anteriore, & membrana ipsum ambiens oculum in duas partes inæquales secatur, quarum anterior quadruplo minor est posteriore. De vsu autem & officio crystallini autores non parum dissentiunt. Alij enim & plerique humorem crystallinum præcipuum visionis instrumentum esse, & tantum in crystallino specierum visibilium & receptionem & dignotionem fieri statuunt. Alij cum vitreum & ipsum perspicuum esse, ac crystallino longè maiorem & post crystallinum positum animaduertant; in crystallino visionem terminari, sed species visibiles per crystallinum transmissas in vitreo recipi, & refractas in vnum punctum colligi, & à neruo visorio recipi sentiunt. Quæ sententia valde probabilis videtur. Cum enim refractionis ad visionem sit summè necessaria: totus hic oculi apparatus, & in eo partium perspicuarum varietas facta est, ut variæ refractiones fiant. Atque hinc & crystallinus densior est humore aqueo, ut in eo noua fiat refractionis.

Crystallinus hic humor in parte anteriore vitrei situs est, qui ita dictus est, quod vitro fuso similis. Eius substantia crystallino est mollior, aqueo verò minus fluida. Huius quantitas tanta est, ut tres quartas cavitatis oculorum penè occupet. Hunc humorem ad crystallinum alendum factum esse Galenus & alij plurimi hætenus crediderunt: sed falsò. Quorsum enim tanta humoris vitrei quantitas, si tantum alendi crystallini gratia factus est; & longè compendiosius, quam hoc modo, nutriri posset crystallinus; neque ista tam operosa vitrei conformatione opus esset, si solum nutriendi gratia factus esset. Neque exemplum vllum in corpore toto est, ut vna pars alatur, alia, sed omnes suum alimentum è venis attrahunt, siue albæ sint siue rubræ. Verior igitur aliorum videtur sententia, qui humorem istum hanc conformationem, locum & quantitatem accepisse statuunt, ut in eo imagines visibiles seu radij è crystallino in vitreum, qui rarior, est quam crystallinus, refracti, in vnum punctum coeant, & hoc modo visui offerantur.

Nerui optici à posteriore parte cerebri oriuntur, & ad anteriora longo ductu tendentes tandem in oculos inferuntur. Hi nerui postquam ab exortu aliquoufque progressi sunt, simul copulantur, non per adhærentiam aut decussationem, sed per vnitionem omnimodam: mox tamen iterum separantur, & diuisi dexter ad dextrum, sinister ad sinistram oculum feruntur. Quod ideo nonnulli factum volunt, ne visibilia apparerent duplicata ob duplicatam oculorum. Verum cum nerui isti non statim in exortu, sed via coniunguntur, probabilius statuitur, hoc ea de causa factum esse, ut spiritus opticus, vbi opus, in vnum oculum totus ferè mitti, & ita visio fortius in vno oculo exerceri possit: quod fit, cum vno oculo clauso, altero rem acutius intueri cupimus.

Cum verò visio fiat per directum, si oculi essent immobiles, saltem directè opposita videremus. Vt ergo plura, eaque distinctè visus percipere possit, oculis muscoli dati sunt, quorum beneficio moueri possint. Et cum omnes motuum differentie oculis competere non possint: eos, qui iis defunt, motus capitis

Humor crystallinus.

An sit præcipuum visus organum.

Humor vitreus.

Nerui optici.

tis compensat. Ne aurem res vna oculis geminis visa duplex apparet, ambo oculi secundum naturam semper ad eandem positionis differentias simul mouentur: atque ideo nerui, quorum vi mouentur, nascuntur ex anteriori parte spinalis medullæ simul tanquam in puncto coniuncti, vt ita sibi in omni motu consentiant.

Palpebra.

Sunt præterea & externæ quædam partes etiam ad visum comparatæ, palpebræ scilicet geminæ, superior & inferior: quarum tamen superior saltem mobilis est: quarum vsus est, vt iis oculus contra externas iniurias, aërem, ventos, fumos, puluerem muniatur. Addunt tamen nonnulli & alium vsus, scilicet oculos purificandi. Cum enim visio diaphanum purum requirat; cornea verò ob humiditatem ex glandula resudantem, nec non externum aërem facile obfascari possit: vbi oculus aperitur, palpebra omnes sordes à cornea abstergeri censent.

Sensus exteriores sequuntur Interiores, de quibus, *libr. 7. cap. 7.* dictum. Instrumentum proximum, per quod & in quo exercentur, cerebrum est, quod ad has functiones obeundas substantiam peculiarem obtinet, cui similem in toto corpore reperire non est.

Cerebrum.

Cerebrum autem humanum, cuius substantia est mollis & alba, pro ratione molis totius corporis, est maximum; cum animalibus actionibus plus occupetur Homo, quam alia animalia, & propterea maxima spirituum copia indigeat, qui non nisi è multa materia & in loco amplo generari possunt.

Eius vsus.

Factum autem est cerebrum ad sensuum interiorum principisquæ facultatis actiones obeundas, & ad spiritus animales, qui actionum harum proximum instrumentum sunt generandos. Moueturque cerebrum motu quodam naturali & peculiari, propter spirituum animalium comodiorum generationem & sicut cor in diastole materiam ad spirituum generationem attrahit, in systole spiritus ad organa sensuum effundit.

Partes.

Diuiditur autem cerebrum in partes tres. Prima quidem à crassa menynge in partem anteriorem & posteriorem. Anterior, in qua præcipue spiritus generantur, totius nomen retinet, & cerebrum appellatur; posterior cerebellum, dicitur. Deinde iterum cerebrum à crassa menynge in partes duas æquales dextram & sinistram diuiditur. Habet & cerebrum suos ventriculos aliasque partes, quæ omnia diligentissime descripserunt Anatomici, nec hîc breuiter recenseri, nec sine *αὐτοψία* & figuris satis intelligi possunt.

In qua parte cerebri functiones animales peraguntur.

Istud hoc loco primum inquiramus, in qua parte cerebri functiones animales peraguntur. In ventriculis cerebri actiones istas perfici, vulgata & ferè communis opinio est: in quibus etiam spiritus animales ex inspirato aëre & per olfactus organum in cerebrum delato, vitalique spiritu à corde per arterias carotidas sursum misso generari, & ita spirituum animalium quasi promptuarium esse ventriculos cerebri plerique statuunt. Verum cum cerebri conformationem Recentiores diligentius perpendere, ab ista opinione recesserunt. Nam cum ad ventriculos cerebri nihil pertingat, præter glandulas, & ipsi ad aliam partem non sint peruij, nisi ad infundibulum, eiusdemque glandulam pituitam è cerebro omnium contentione excipientem: facile hinc patet, insignes illas duas cavitates, quæ ventriculi appellantur, excrementorum cerebri excipiendorum gratia factas esse: & propterea simul officinam & locum spirituum animalium esse non posse. Et proinde vero magis consentaneum est, in ipsa cerebri substantia spiritus animales generari, contineri, & animales functiones perfici.

An facultates principes in cerebro sedibus distinctæ.

Deinde & illud controuersum est, an omnes illæ, quæ cerebro competunt, functiones, in vna eius parte; an verò distinctæ in distinctis locis exer-

ceantur. Alij quidem sedibus facultates seiungunt, & phantasiam in anteriore, Ratiocinationem in media, memoriam in posteriore parte cerebri collocant. Atque vt id statuunt, eo persuadentur, quod læsa vna actione, altera salua maneat. Alij has actiones omnes sedibus & locis non disgregant: cum circa eadem obiecta versentur. Qui & ipsi non negant quidem, vnam actionem lædi posse, salua altera: verum hoc non ideo accidere dicunt, quod sedibus distinctæ sint, sed quia quælibet actio organum peculiariter dispositum requirit, vnde accidere potest, vt vna dispositio præter naturam vni actioni plus officiat, alteri minus, verbi gratia humiditas plus obest memoriæ, quam phantasie.

Et si verò hîc definire aliquid difficile, & omnino fatendum sit, vt in aliis rebus plurimis, ita & hîc, vt Scaliger, *Exerc. 307. sect. 21.* habet, Nos sicut vulpem elusam à ciconia lambere vitreum vas, pultem non attingere: tamen probabile magis videtur, sensum communem quidem in anteriore cerebri parte sedem habere; cum in hac parte omnes sensus externi, quorum ille quasi centrum est, concurrant. Reliquæ actiones sedibus seiungendæ non videntur; cum circa eadem obiecta versentur.

Restat nobilissima ac maximè propria hominis actio, Ratiocinatio seu intellectio, quæ omnino sine organis corporeis perficitur. Neque enim mens per corpus aut aliquam eius partem, vt per medium Quo, intelligit. Opus quidem habet mens humana phantasmate; cum anima, dum est in corpore, nunquam sine phantasmate intelligat: sed eo, non vt organo, verum vt obiecto vtitur. Si enim certo alicui organo, quo mediante ageret, alligatus esset intellectus, omnia intelligere non posset: sed pro ratione determinata illius ageret, & saltem quædam intelligeret: Sicut visus per oculum saltem colorata, non res alias percipit.

Et si verò hoc modo Intellectui sedes aliqua assignari non possit: per accidens tamen & consequenter ei sedes certa ascribitur, nimirum ea, in qua fit imaginatio; Imaginatio & Ratiocinatio in vna sede coniunguntur, ac Ratiocinatio potius in cerebro, quam pede vel hepate fieri dicitur; quia in cerebro phantasmata, quæ speculetur, ipsi obiciuntur, non in pede vel hepate.

Post animæ facultatem cognoscentem superest adhuc appetitus & motus localis, de quibus, *lib. 7. cap. 8.* actum. Vbi etiam dictum, Musculum esse spontanei motus instrumentum. Cum autem quatuor motus musculorum sint, & musculi vel contrahantur vel extendantur, vel transferantur, vel tensi maneant, vt Galen. *lib. 1. de motu muscul. cap. 8.* docet: tamen contractio, qua musculus versus caput & proprium principium trahitur, propria eius actio est, per quam partes, quocunque opus est, flectuntur. Est autem musculorum pro partium mouendarum & motuum edendorum varietate magnus numerus: mouentque alij crura, alij brachia, alij manus, dorsum, pectus, caput, maxillas & alias partes.

Ab eodem autem principio motus fluit, à quo sensus, cerebro scilicet; ab eius tamen parte posteriore, quod cerebrum nominatur: & nerui, qui ab eo oriuntur, sunt solidiores, & per musculorum substantiam diffunduntur.

Vt autem corpus de loco ad locum transferri possit, data sunt homini crura, quæ ad totum corpus sustinendum & transportandum ex ossibus robustissimis constant, quæ ne nimis ponderosa essent, intrus cana facta sunt.

Vt autem homo erectus & firmus staret, & in motu non vacillaret, pedes additi sunt in medio concaui, ita vt homo quasi quatuor fundamentis innitatur.

Sensus communis in parte anteriore.

Memoria, phantasia, ratiocinatio, sedibus non distinctis.

Ratiocinatio fit sine corporeis organis.

Intellectus sedes.

Motus animalis instrumentum.

Eiusdem principium.

Crura.

Pedes.

ratur. Cum enim homo versus anteriora mouetur, secundum priorem pedis partem in ambulatione firmitus insistit.

Ut autem pedes variè moueri possent, articulationes diuersæ factæ sunt. Genu enim inclinato humilia subimus loca; à decubitu vel sessione nos erigimus: quod fieri non potuisset, si crus esset continuum. Ita minorem pedem ante & ponè dum ad altera conuertimus, prout accliuè vel decliuè calcandum est. Pedis insuper vola, dum per acuta, aut alia inæqualia transimus, ceu manu ea comprehendimus; atque eo modo & scalas ascendimus. Vnde & pes minor, sicut manus, in quinque digitos diuisus est, qui in incessu, veluti vinci quidam, humi infiguntur; ac præterea faciunt, vt non solum per plana, sed & inæqualia, ac salebrosa incedere possimus. In digitis autem pedum pollex reliquis quatuor non opponitur, vt in manu, sed omnes eodem ordine collocati sunt. Cum enim manus apprehensionis organum sint; pedes verò ambulationis: vt in apprehensione magna motus varietas: ita in ambulatione stabilimenti firmitas & securitas requiritur. Vt præterea pedes varietati soli, ac basis, cui insistent, & in qua homo ambulat, sese applicare possint, præter digitos è pluribus ossibus compositi fuerunt, quorum ratione modo curuantur, modò extenduntur.

Cum verò homo solus inter animalia præditus sit ratione; solus etiam apprehensionis instrumentum manus, quæ sunt ὄργανον ὀργάνων, nactus est, quibus quidquid reliqua vel ad tutelam, vel ad tegumentum peculiare præ homine habere videntur, vnicè compensare potest. Manus autem geminæ factæ sunt, eo fine, vt si vna quid continere non potest, altera in subsidium veniat. Deinde multipliciter distinctæ sunt, vt magna, parua, & cuiuscunque figuræ corpora apprehendere possimus. Similiter in minori manu, reliquis quatuor ordine collocatis digitis, pollex oppositus est: cum omne id, quod firmiter comprehendere debet, aut circulo vrgendum, aut è locis contrariis attrectandum sit.

Cæterum à motu voluntatis sermo habet originem, quo hæc concludere libet: qui vt homini soli pro-

prius: ita ad humanam societatem conseruandam vtilissimus ac summe necessarius est. Vt enim, quæ deessent nobis, ab aliis peteremus; quæ haberemus, ad ea communicanda declararetur animi nostri significatio, sermo datus. Estque, vt Scaliger, *Exerc. 256.* ex Aristotele ait: *Ratio manus intellectus; Rationis, oratio: Orationis, manus. Manus enim iussa facit: iussa obediunt rationi: ratio vis intellectus est.*

Vocis autem & sermonis instrumenta alia sunt remota & communia, alia propinqua & propria. Illa sunt respirationis instrumenta, pulmo & thorax, & quæ ad hæc pertinent, septum transversum, musculi intercostales; quæ vocem non efficiunt, sed spiritum ac aërem, qui ad vocis formationem necessarius est, communicant. Propinqua verò sunt aspera arteria, larynx, musculi laryngem aperientes claudentesque, recurrentes nerui, lingula, lingua. Quibus & alia quædam inferuiunt, vt palatum, gargareum. Inter propinqua autem proximum est larynx, & inprimis laryngis ligula: quæ similis est fistulæ alicuius linguæ. Fistula enim absque lingua inutilis est, nec vox fieri potest, nisi transitus spiritus, seu aëris angustior reddatur.

Requiritur nimirum ad formandam vocem Spiritus & aër, tanquam materia: necessaria sunt instrumenta, quibus expellatur, quæ sunt pulmo & thorax: opus est instrumento, in quo collidatur, & in quo collisus aër resonet; quod larynx est, cuius orificium vbi coarctatur, aëre colliso vox editur. Et cum res ita postularet, vt homo non perpetuò; sed pro libitu vocem ederet, musculi laryngis plures dati sunt, quibus pro voluntatis imperio rima laryngis constringatur, ac dilateretur, ac ita variæ voces edantur.

Verum cum in homine vox articulata esse debeat, ad animi conceptus significandos, lingua facta est, & suos, quibus mouetur, musculos habet quibus mota variè voci è larynge prodeunti sese opponit, & ita vocem articulatam format: cuius formationi, & labia inferuiunt, quæ & ipsa voci se opponunt, motumque linguæ motu suo præcedunt, comitantur, aut subsequuntur, prout vocis articulandæ ratio requirit.

Vocis instrumenta remota.

Propinqua.

Labia.

DANIELIS
SENNERTI,
D. ET MEDICINÆ
PROFESSORIS.
HYPOMNEMATA
PHYSICA.

- I. *De Rerum naturalium principiis.*
- II. *De occultis Qualitatibus.*
- III. *De Atomis & Mixtione.*
- IV. *De Generatione viventium.*
- V. *De Spontaneo viventium ortu.*

DANIELIS
SENNERTI,
D. ET MEDICINÆ
PROFESSORIS.
METHODVS DISCENDI
MEDICINAM.

DANIELIS
SENNERTI
D. ET MEDICINAE
PROFESSORIS
METHODVS DISCENDI
MEDICINAM



METHODVS DISCENDI MEDICINAM.



Viter seu terrâ, seu mari facturi, non solum certum, quod profecturi sunt, locum præfixum habent, sed & quâ viâ compendiosissimè eo peruenire possint, & ne vili in deuia aberrent, diligenter inquirunt, de viatico sibi prospiciunt,

& inprimis nauigantes, suam helicen & cynosuram duces viæ propolitos habent, præcipuè verò indice magnetico directore vtuntur, & scopulos, syrtes, scyllas, charybdes studiosè vitant: ita & qui ad artem aliquam honestam & liberalem animum applicat, meritò sollicitus est, quâ ratione eam compendiosissimè addiscere queat, & de omnibus omnino, quæ ad artem eam discendam necessaria sunt, sibi maturè prospicit. Quod nisi faciat, tanquam in ignotâ sylua oberrabit, & finem vel nunquam, vel tardè assequetur. Quapropter & qui ad Medicinam discendam animum appellit, de methodo eam discendi sollicitus sit oportet. Hippocrates autem, in lib. de lege, eum, qui Medicinæ scientiam sibi comparare voler, horum omnium compotem esse debere docet, φύσις, διδασκαλίας, τέχνης, vel, vt alij legunt, τέχνης ευφύης, παιδομαδείας, φιλοπονήας, χέου: vt Naturam nactus sit, doctrinam, locum studiis aptum, institutionem à puero, industriam, & tempus; vel, vt, in libell. de dec. habitu, breuibus complectitur, Medico futuro necessaria sunt φύσις, σοφία, & τὸ χεῖρ: Natura, doctrina, seu scientia doctrinâ comparata, & vsus, seu exercitatio.

Et quidem Naturam quod attinet, ἡγεμονικώτατον τῶν πάντων ἢ φύσις: inter hæc omnia præcipuum & Dux quasi, est Natura; vnde, quod de omnibus disciplinis dicitur,

Tu nihil inuitâ dices, faciēve Minervâ,

etiam de Medicina verum est: & omnino in Medico docile ingenium, & ad Philosophiam aptum requiritur, & præcipuè σοχασμός, quo facili, quid ex quolibet sequatur, & latentes morbi è signis suis cognoscuntur; & præterea φιλοπονία. Non enim solum Ars medica longa est, & Medico multa discenda & cognoscenda sunt, sed & in visitandis & curandis ægris multum laboris impendendum. Verum cum natura à Præceptoribus tradi non possit, sed à Deo, ac Parentibus habeatur, se quisque examinet, & c perpendat.

— *Quid valeant humeri, quid ferre recusent.*

Interim studio & labori non parcat, & nōrit quod

— *Labor omnia vincit*

— *Improbis,*

Dan. Sennerti Tom. I.

Et quod, vt Epicharmus ait: πόνον πάλῃ σιν ἡμῖν παρ' ἀγαθ' οἱ θεοὶ: *Laboribus vendit nobis cuncta Deus.*

Doctrinam deinde quod attinet, illotis (quod aiunt) manibus ad artem Medicam discendam nemo accedat, sed earum rerum, quæ ad eam discendam necessariae sunt, cognitionem prius sibi compareret. Et cum verba sint notæ rerum, linguarum cognitio Medico futuro primò necessaria est. De Latina lingua nihil dicam. Cum enim ea omnium eruditorum communis quasi lingua sit hodie, nec Medicus eâ carere potest: cum eâ plurima à Recentioribus scripta sint. Græca verò lingua inprimis Medico necessaria est, cum Antiquissimorum Medicorum opera lingua Græcâ scripta sint & extent: Hippocratis putà, Theophrasti, Dioscoridis, Galeni, Aretæi, Ruffi Ephesij, Pauli Aeginetæ, Oribasij, Aërij, Alexandri Tralliani, Theophili, Philareti, Actuarij, Nicolai Mirepsi. Quorum scripta etsi latinitate donata sint: tamen nulla versio tam accurata est, vt non sit tutius & gratius, Artem ex ipsis fontibus haurire. Vtinam verò tam nota esset hodie lingua Arabica, quàm est Græca; forsitan non minus commodi perciperent ex ea Medici, quàm ex Græcis Autoribus; cum multi Medici linguâ Mauritanicâ scripserint, Auicenna, Rhafis, Auerrhoës, Auenzoar, Mesuës, Serapio, Alzaharaius, Haly-Abbas, & alij. Itaque si istam linguam discendi occasio Medicinæ studioso offeratur, nec eam negligat. Neque enim operæ, quam in eam impendet, ipsum pœnitebit.

Linguis necessariis instructus Medicinæ operam daturus, primò Philosophiæ cognitionem sibi compareret. Hæc enim Medico non solum summopere necessaria, sed & ornamento est. Vnde Hippocrates, de decent. habit. scribit: Δὲ μεταγεν τῷ σοφίῳ ἐς τὴν ἰατρικὴν, καὶ τῷ ἰατρικῷ ἐς τὴν σοφίαν. Ἰατρὸς γὰρ φιλόσοφος ἰσθῆσθαι, id est: *Decet sapientiam traducere ad Medicinam, & Medicinam ad sapientiam. Medicus enim Philosophus Deo aqualis.* Et Galenus peculiari libello probat, si quis optimus Medicus est, eundem esse Philosophum. Etsi verò nihil sit in Philosophia, quod Medico vtile esse non possit: aliæ tamen Philosophicæ disciplinæ aliis magis necessariae.

Inter instrumentales disciplinas Medico summè necessaria est Logica, & inprimis doctrina de Demonstratione; quam nisi calleat, nullius symptomatis perfectam definitionem constituere potest. Et vix in vlla disciplina plura demonstrationum exempla occurrunt, quàm in Medicina. Etsi enim affectiones demonstrandas non de adæquato subiecto, sed de humano corpore, demonstrat Medicus: tamen hoc vno obseruato omnes symptomatum perfectæ definitiones nihil aliud sunt, quàm demonstrationes sic saltem terminorum à demonstratione differentes. Continet enim talis definitio ipsius symptomatis

Doctrinâ.

Lingua Latina.

Græca.

Autores Græci.

Arabici.

Autores Arabici.

Philosophia.

Logica.

formalem rationem, subiectum cui inest, & causam proximam, per quam inest. Quam Logicæ necessitatem cum intelligeret Galenus *libb. de Demonstr.* scripsit, qui tamen temporum iniuria ad manus nostras non perueniunt. In Logicis tamen non nimis diu inhæreat Medicinæ studiosus, memineritque eam viaticum esse, non metam quod tendit.

E Mathematicis disciplinis in primis Medico utiles sunt Astronomia, ac inde pendens Astrologia & Optica. Et quidem Astronomiæ cognitionem sibi comparet Medicus futurus propter Astrologiā. Astrologiam autem cum dico, non equidem planè excludo doctrinam Genethliacam; in primis tamen intellectum volo eam eius partem, quæ, quales astra in morborum generatione & mutatione vires habeant, docet. Certum enim est, & experientiâ constat, in morbis non solum epidemiis excitandis, sed & aliis mutandis, cælum plurimum posse. Quartanas cum æquinoctio autumnali incipere, cum verno desinere, & alios etiam morbos motum Solis sequi, notissimum est: crises vero febribus secundum motum & ad aspectus Lunæ accidere, extra dubium puto.

Opticâ et si quoad cætera carere possit Medicus, tamen symptomatum, quæ citra læsam visionem accidunt, nulla certa causa sine Opticæ cognitione reddi potest: & ex Opticæ ignorantia passim in Practicorum libris multi errores, in causis læsæ visionis reddendis commissi occurrunt.

Inter omnes vero Philosophiæ partes Physica maximè Medico necessaria est, & vix aliquid tam subtile traditur in Physicis, quod cognitum aliquando Medico vñ esse non possit. Vnde rectè dixit Arist. *Vbi desinit Physicus, ibi incipit Medicus.* In primis verò Anthropologiæ & materiæ Medicæ, quam etiam suppe- ditat Physica, cognitionem sibi maturè paret Medicinæ studiosus. Cum enim subiectum Medicinæ sit corpus humanum, & finis, hominis sanitas, necesse est ut corporis humani omniumque eius partium, animæque facultatum, & hinc dependentium operationum, vsuumque & actionum omnium partium exactam notitiam habeat Medicus. Corporis humani cognitionem rectissimè ex αὐτοψία, quæ per Anatomiam fit, sibi comparabit: ideoque vbicunque exercitia anatomica sese offerunt, ea non negligat. Simul Anatomicorum libros & tabulas consulat, & diligenter legat Vesalij, Laurentij, Riolani, Bauhini, Spigelij, & aliorum in hoc genere scripta, & utroque modo corporis humani notitiam sibi comparet. Neque tamen sufficit partes, & earum structuram, cognitæ habere, sed præterea requiritur, ut sciat Medicus, qui singularum partium sint vsus, & quas actiones, & quâ ratione, anima humana per singulas partes perficiat. Equidem Anatomicorum plerorumque industria laudanda, dum in minutissimas etiam particulas inquirent: verum nisi etiam earundem partium vsus innotescat, ad symptomatum naturam & causas, in quo Medicinæ pars maxima occupatur, inuestiganda, ea non sufficit.

Medicamenta deinde quia Medici instrumenta sunt, quibus in morbis curandis vñtur, eaque maxima ex parte è plantis petuntur, Medicinæ Studiosus maturè det operam, ut plantarum notitiam sibi comparet. Ad quam assequendam et si libri Botanico- rum, Dioscoridis, Tragi, Matthioli, Dodonei, Clusij, Dalechampij, Penæ & Lobelij, Tabernæmontani, & aliorum, non parum faciunt, tamen rectissimè αὐτοψία cognoscuntur. Aliàs enim facile alicui accidere potest, quod Galenus, *lib. 6. de simpl. med. fac.* scribit: *Id genus, inquit, hominum (qui ipsi plantas, de quibus scribunt, non viderunt) simillimum est praconibus, qui formam, ac notas fugitivi mancipij, licet ipsi non viderint unquam, praconio tamen publicant. Notas enim ab alijs, qui nōrunt, accipiunt, & cen cantilenam, eas profe-*

runt; ut, si forte etiam, quem praconio indicant, propè ass- ficeret, agnoscere tamen non possent. Quâ in re tamen studiosè meminerit dicti Hippocratis: *Vita brevis, ars longa; & discernat ea, quæ simpliciter necessaria sunt, ab iis quæ saltem ornamento sunt.* Ut Medicus plantas, quæ in vñum Medicum veniunt, notas habeat, necessarium est; at, in quo multi laudem quærunt, omnium graminum, & similium, secundum numerum ab Autoribus variis descriptorum, notas & differentias habere, & in exoticis multis, in Medico vñu non obuiis, multum operæ ponere, res quidem non exigui laboris est, sed sæpe parvæ utilitatis, Medicumque ornare, sed ad praxin instructiorem reddere non potest. De quo rei herbariæ abusu scribit Ioan. Lipsius, *lib. de const. cap. 3. Herbulas aliquot, & flores exoticos, ambitiose conquirunt, & quasitos ita anxie fouent & tuentur, ut nulla mater suum gnatum. Hi sunt, quorum litera in Thraciam, Graciam, Indiam discurrunt, idque seminis exigui, aut bulbuli causa. Hi, quibus agrinus sit, florem aliquem nouum mori, quàm veterem amicum. Romanum illum riserit aliquis, qui piscem suum atratus luxit; isti plantam. Iam si quis ex his Florum Candidatis nouius aliquid aut rarius nactus sit, ut ostentat, ut alij competitores emulantur, inuident, &c.* Summa: præstat, pauciores plantas cognitæ, & simul earum vires perspectas habere, quàm multarum nomina recensere posse; vires tamen earum planè ignorare.

Quia tamen non solum plantæ, sed metalla, ac mineralia, lapides & gemmæ, & quorundam animalium partes in vñum Medicum veniunt, & ea cognoscere necessarium est, ut genuina ab adulterinis discernere possit. Atque ut exactiorem horum omnium cognitionem sibi comparet, si occasio datur, medicamentorum simplicium mercatores, quos Materialistas vocant, ut & Pharmacopœos ad- eat, à quibus vñisque simplicium medicamento- rum notitiam; ab his verò etiam artem parandi & componendi medicamenta sibi comparare potest.

Et cum hodie nemo elegans Medicus sine Chymia cognitione esse possit, eaque in primis ad medicamentorum compositionem necessaria sit, vbi occasio sese offert, etiam ἐγχειρήσεις Chymicas discat. Vbi tamen hoc monendum puto, Anatomica sine studiorum reliquorum iacturâ, & Botanica quasi per otium, & recreandi animi causa, etiam sub prima Medicinæ tyrocinia disci rectè posse, imò debere. Ut verò Tyro Medicinæ ad Chymiam, utpote quæ & multum temporis & laboris requirit, statim properet, & tempus aliis magis necessariis discendis surripiat, non suadeo. Sat citò Chymiam cognoscet, vbi Medicinæ cognitionem non leuem sibi comparauerit: aliàs qui ad Chymica, magis necessariis neglectis, nimis citò properant, medicamentis, aut potius medicamentorum encomiis nimium confisi, methodum medendi negligunt, & Empirici potius, quàm Medici rationales fiunt.

Iam ipsam Artis Medicæ cognitionem quod at- tinet, Artem equidem post Hippocratem plenè tradiderunt Galenus, & alij Medici, apud Arabes in primis Auicenna. Verum ut ad magnorum istorum voluminum lectionem aliquis in primo Artis Medicæ tyrocinio statim accedat, vix suadeo. Omnino enim necessarium est, ut quisque eius disciplinæ, ad quam animum applicauit, delineationem & Ideam primò mente concipiat. In cuius postea perfectionem & elaborationem, atque exornationem toto vitæ tempore incumbat. Nam vbi hanc animo concepit, liberè postea, pro re nata, quoscunque artis Medicæ libros euoluere, & quasi apīs, quæ ex obuiis quibusvis floribus in idem alucarium mel congerit, optima quæque excerpere, & suo loco inferere licebit. Qui enim hoc filo Ariadnes destituuntur, quisque hanc cynosuram non respiciunt, sed

Astronomia.
Astrologia.
Genethli-
ca.

Optica.

Physica.

Anthropolo-
gia.

Anatomia.

Autores
Anatom.

Materia me-
dica.

Botanica.
Autiores
Botanici.

Cætera
terralia.

Materiali-
Pharmaco-
pai.

Chymia.

Artis Medi-
cæ cognitio.

Idea Medi-
cæ.

sed in Autores quoscunque, ut fortè fortuna sese offerunt, irruunt, & quis Artis quam tractant, ambitus & methodus sit, nesciunt, nã illi in labyrinthum, è quo nunquam, aut nimis serò egrediuntur, sese inferunt, & pelago cuidam vastissimo, in quo facilè studiorum iacturam, aut naufragium facere possunt, se committunt.

Tales Medicinæ Epitomæ conscriptæ sunt, à Fernelio, Fuchio, Valleriolo, Duncano Liddelio, Heurnio, & aliis. Si quis etiam Epitomen Institutionum mearum, & postea ipsas Institutiones legere voluerit, forsan operam non ludet.

De dispositione etiam Artis Medicæ quædam mihi monenda videntur. De quo etiam videatur Iac. Zabarella lib. 2. de method. cap. 11. 12. 13. 14. Primò autem artis Medicæ dispositio diuidi potest in *Exoterica* quædam & *Artem ipsam*. Sunt enim quædam Medico cognitu quidem necessaria, quæ tamen artis partibus commodè includi non possunt, & propterea *Exoterica* nominantur. Talia sunt: *An Medicina sit necessaria, cum omnibus sit moriendum? An Medicinæ terminus, mortis prorogari possit? De Medicinæ origine, inuentoribusque Medicinæ: De sectis Medicorum, & scriptoribus singularum sectarum. An Medicina sit pars Physica, an subalternata Physica? An præstet, Medicum esse sanæ corporis constitutione, quam valitudinarium, & morbos expertum? An in Medico fortuna requiratur? De Virtutibus, quæ Medicum inprimis decet: De eiusdem ad agros ingressu & accessu. De vestitu Medici. & ornatu, gestibus, cum agris conuersatione. An faciat Medicum decant? De vitiis Medico fugiendis. Quomodo morbum simulantem deprehendi possint. An Medico liceat agrum fallere? An plures agros curandos simul suscipere debeat Medicus? An Medicus vocatus alicui operam suam denegare debeat? An non, nisi rogatus ad agri curationem accedere debeat Medicus? An Medicus hostem suum, vel diuersæ religionis agrum curare teneatur? An Medicus Christianus cum Iudæo vel Turca in curandis agris possit saluâ conscientia concurrere? De Medicorum præmiis & stipendiis. An Medicus cum agris de præmio pacisci debeat? An Medicus ab agrato, quem curauit, solum exigere debeat, nisi is sponte id offerat; & an eo denegato coram iudice illum accusare debeat? An Medicus ob malè administratam curationem in ius vocari possit? An Empirici & circumforanei in bene constituta Republica tolerandi sint? An mulierculis agrorum curatio permittenda sit? An Medicus operâ suâ, & Chirurgiâ quoque si opus sit, parturientibus succurrere debeat? Et si quæ huius generis sunt alia. Verùm cum tales quæstiones non ad ipsam artis constitutionem pertineant, & pleræque praxin ipsam spectent, & propterea possint ad tempus à tyrone ignorari, non suaserim, ut in istis primò occupetur, sed satis est de iis sollicitum esse; ubi iam Ideam Medicinæ animo concepit. Hoc enim primum, & summè necessarium est, ut Ideam Medicinæ primò animo concipiat. Quæ quomodo formari debeat, iam dicam.*

Ut autem hoc commodè fiat, primò notandum, Medicinam posse diuidi in duas partes, generalem, & specialem. Generalis agit 1. de corpore humano, eius partibus, partiumque vñibus & actionibus, de sanitate, & quæ ad eam pertinent. 2. De morbis, morborumque differentiis & causis; symptomatibus, atque eorum differentiis & causis. 3. De signis. 4. De diætâ, seu alimentorum facultatibus, & methodo tuendæ sanitatis. 5. De medicamentorum facultatibus, Chirurgiâ, methodo medendi, & compositione medicamentorum.

Quia verò Medicus non curat morbum in genere, sed in hac vel illa parte, hoc vel illo homine consideratum, specialis Medicinæ pars inuenta est, quæ illam doctrinam Pathologicam, Semioticam & Therapeuticam variis corporis partibus & indiuiduis applicare docet. De cuius partis peculiari constitutione alij ali-

Dan. Sennerti Tom. I.

ter sentiunt, ut postea dicetur. Inprimis verò Medicinæ tyroni necessarium est, ut ideam generalis Medicinæ partis animo concipiat. De eius ergo constitutione primò dicemus.

Principio Medicinæ studiosus operam dare debet, ut Medicinæ naturam cognitam perspectamque habeat; ubi primò etymologia & homonymia nominis consideranda. Deinde essentia. Essentia absoluitur genere, subiecto, fine. De Natura Medicinæ quidem varia sunt sententiæ, verùm rectissimè ij sentiunt, qui artem esse statuunt. Subiectum est corpus humanum, quatenus sanitati & morbis obnoxium. Et si enim & animalia bruta agrotare, & sanari possint: tamen quia hic non Mulo-Medicinam vel veterinariam profiteri animus est, sed Medicum hominis sanitatem curaturum informamus, subiectum hoc modo determinamus. Finis Medicinæ est sanitas, quæ vel præsens, & conseruanda est, vel amissa, & restituenda. Atque hinc proficiuntur quinque partes Medicinæ: φυσιολογική, παθολογική, σημειωτική, ὑγιεινή & θεραπευτική. φυσιολογική, & ὑγιεινή sanitatem tractant: illa quidem eius naturalem constitutionem, quæ complectitur sanitatis essentiam & differentias, causas & effectus, seu actiones naturales. ὑγιεινή, quæ Practica est sanitatem moderari docet. Circa morbos versatur παθολογική & θεραπευτική: & illa quidem eorum naturam, differentias, causas, & symptomata explicat; hæc morborum, & symptomatum curationem tradit. σημειωτική, & corpus sanum, & ægrum cognoscere docet.

Nimirum φυσιολογική subiectum, nisi antea sit cognitum ex Anatomia, tradit, & sanitatem explicat, scilicet eius essentiam & naturam, differentiam, seu latitudinem, & mutationis causas ad sanitatem, seu naturalem corporis constitutionem: ad quam pertinet temperamentum, calidum innatum, spiritus & organica constitutio, ac vnitas naturalis. Vulgò hoc loco res naturales & non-naturales proponunt, & res naturales septem numerant: elementa, temperamenta, humores, spiritus, partes, facultates, actiones: res non-naturales sex: Aërem, cibum & potum, motum & quietem, somnum & vigilias, excreta & retenta, atque animi pathemata. Verùm res naturales verè, præcipuè elementa, utpote remotiora principia, quatenus tales, ad Physicam pertinent; à Medico verò saltem ut causæ sanitatis, vel effectus sanitatis considerantur. Res verò non-naturales in Physiologia, etiam ut causæ sanitatis, quod scilicet naturaliter sese habentia, corporis naturalem constitutionem conseruant, considerari possunt. Cum verò eadem, ubi à mediocritate recedunt, morbos inducunt, ab aliis inter causas morborum referuntur, quo loco & eas in Institutionibus explicauimus.

Pathologia explicat morborum naturam, differentias, causas, symptomatum differentias & causas. De morbis saltem hoc moneo, ad doctrinam de morborum temporibus & mutationibus omnino pertinere doctrinam de crisi & diebus criticis. Quamquam enim plerique, quos & ipse secutus sum, de crisi & diebus criticis in parte semiotica agant: tamen non-nisi signa, quæ talem mutationem & tempus indicant, ad semioticam pertinent; de ipsa verò hac morborum mutatione in Pathologia, ubi de morborum mutationibus agitur, tractandum.

Semiotica & signorum fontes, & signa corporis sani & ægri, & quæ huc spectant, quod ad euentus morborum pertinet, tradit.

ὑγιεινή & θεραπευτική materiam medicam, seu instrumenta, quibus Medicus operatur, & ipsum modum operandi, seu methodum tuendæ sanitatis, & morbos curandi tradit. De quibus hoc notandum, etiam ad sanitatem tuendam in corpore neutro, & purgantia medicamenta, & Chirurgiam, putâ venæ

X 3

sectio

Idea generalis Medicinæ partis.

Medicina est Ars.

Medicina subiectum. Finis.

Partes quinque.

1. φυσιολογική.

2. παθολογική.

3. σημειωτική.

4. ὑγιεινή-
5. θεραπευτική.

Authores Institutionum Medicinæ.

Dispositio artis Medicæ.

Exoterica.

Ars ipsa.

Partes eius
generales.

Specialis.

sectionem, scarificationem, & similia usurpari posse. Quid tamen frequentior eorum usus est in agris, vulgò traduntur in parte Therapeutica, Medicique curantis instrumenta sunt Diæta, Chirurgia, & Pharmacia, è quibus, quæ ad sanitatem necessaria sunt, peti possunt, ne idem bis repetere opus sit. Hoc etiam moneo, sicut pars Therapeutica adiunctam habet Pharmaceuticam, seu doctrinam de compositione medicamentorum: ita διατητικὴν aliquid addi posset de arte cibos præparandi. Et omnino ad ὑγιεινὴν pertinet doctrina de correctione sex rerum non naturalium, quam Auicenna peculiari libello tradit.

Authores legendi.

*Antiqui.
Hippocrates.*

Atque hanc Medicinæ ideam ubi ex libris supra enumeratis animo tyro Medicinæ concepit, postea ad classicorum Autorum libros, ut & Recentiorum, accedat. Inter Antiquos quidem primus est Hippocrates. Verum quia multa scripta nomine Hippocratis circumferuntur, quæ non sunt Hippocratis, in lectione Hippocratis cautione opus est. Sufficit, si Medicinæ Studiosus primò aphorismos Hippocratis sibi familiares reddat, iisque adiungat commentarios Galeni, & Hollerij, vel alterius recentioris, eiusque prognostica cum commentariis Galeni & Ludouici Dureti legat.

*Galenus.
Qui Galeni
libri perti-
neant ad
physiol.*

Galenus libri penè omnes cum fructu legi possunt. Ad Physiologiam inprimis pertinent libri de Temperamentis, Anatomici omnes de naturalibus facultatibus, de respiratione, de usu partium. His subiungat Artem Medicam, in qua cum per compendium quasi artis præcepta proponantur, vulgò Ars parua nominatur, in quam varij exstant commentarij.

*Qui ad Pa-
thologiam.*

Ad Pathologiæ perfectiorem cognitionem comparandam, legantur Galeni libri de morborum differentiis, de causis morborum, de symptomatum differentiis & causis, de febrium differentiis, de morborum temporibus, de crisi, de diebus decretoriis, de tumoribus præter naturam.

*Qui ad Se-
miotica.*

Ad Semioticam legantur libri de pulsibus & urinis, de locis affectis, & commentarij in prorrhetica & prognostica Hippocratis.

*Qui ad
ὑγιεινὴν.*

Ad ὑγιεινὴν pertinent libri de alimentorum facultatibus, de cibis boni & mali succi, de tuenda sanitate, & similes.

*Qui ad The-
rapeuticam.*

Ad Therapeuticam libri de simplicium medicamentorum facultatibus, de venæsectione, & de curatione per sanguinis missionem, de hirudinibus, cucurbitulis, scarificatione, quos purgare oporteat, & quibus medicamentis, de methodo medendi, & curandi ratione ad Glauconem, de theriaca & antidotis, libri de compositione medicamentorum secundum genera & loca.

*Scriptores post
Galenum.*

Arabes.

Reliquorum Autorum, qui post Galenum scripserunt, lectio aliuquandiu adhuc, & ad maius otium, differri potest. Inter Arabes Auicenna maximè lectione dignus esset, nisi versio inculta & barbara obstaret. Et omnino optandum, ut Medicus aliquis Arabicæ linguæ peritus, eius versionem magis adornaret, qui rei Medicæ omnino rem utilem & fructuosam præstaret. Tum enim commentatores in Auicennam, Iacob. de partibus, & Foroliuiensis feliciter legi possent.

Recentiores.

Recentiorum Medicorum magna copia est, ut omnino delectu opus sit, cum vix vnius hominis vita omnibus perlegendis sufficiat; neque omnes eiusdem notæ sunt. Lectu dignæ sunt, & ad Authores Græcos intelligendos utiles, definitiones Medicæ Gorræi, Ioan. Baptistæ Montani opera, Syluij, Manardi, Controuersia Vallesij, Ioan. Baptistæ Syluatici, Valleriolæ, Victoris Trincauellij, Fallopiij, Mercurialis, Thomæ Erasti, Vidi Vidiij, Horatij Augenij, Riolani, salubrium libri Iul. Alexandrini, Bruyerini de re cibaria. Chirurgiæ scriptores antiqui, Chirurgia Ioan. Tagaultij, Ambrosij Paræi, Fabricij ab Aquapend. Peccetti, qui passim etiam in meis scriptis allegantur; & si qui sunt Au-

thores, qui de vno aliquo Medicinæ membro, v. g. Petrus Salius Diuersus, de febre pestilenti, Horatius Augenius, de venæsectione, scripserunt, ij etiam studiosè legantur. Atque hos Authores omnes eo fine inprimis legat, ut perfectam partis Medicinæ generalis cognitionem sibi comparet. Quam ubi maxima ex parte consecutus est, etiam de speciali sit sollicitus.

De eius verò constitutione Authores dissentiunt. Vulgata methodus est, quam Practicorum libri exhibent, qui secundum locos affectos morbos omnes explicant, & iuxta tres corporis regiones, primò morbos capitis, hinc thoracis, & tandem mediij ventris tradunt: quam methodum etiam in libris tribus prioribus Practicæ Medicinæ secutus sum: quales libri Practicorum passim multi exstant. Quibus meritò subiunguntur Scriptores de Febribus omnis generis, & de pestilentia; ubi inprimis legendi libri epidemiorum Hippocratis, cum commentariis Galeni, ut & libri de victus ratione in acutis, cum commentariis eiusdem, nec negligendi libri de lue Venerea, de morbis mulierum & infantium, & de externis corporis affectibus, qui vulgò in Chirurgorum libris traduntur, quosque etiam libris tribus posterioribus Practicæ explicauimus. Atque hanc etiam methodum secutus videtur Galenus, in libris de compositione medicamentorum secundum loca. Cum autem maximus sit Practicorum numerus, quò pertinent omnes in 9. Rhasis commentatores, omnino in legendis iis delectu opus est. Nemo enim omnes facile perlegere potest. Vnum qui legit, omnes ferè legit. Satis est, nunc hunc, nunc illum, in praxi inprimis versanti, pro re nata consulere. Antiquorum Practicorum, quique ante eum vixerunt, est quasi Bibliotheca Nicolaus Florentinus, qui omnes Practicorum ante se libros euoluit. Eius abbreviator quasi est Matthæus de Gradibus, ut & Valescus de Tarranta. E Recentioribus etiam legi possunt Leonardus Iacchinus Iacobus Hollerius, Rondeletius Donatus ab Alto mari, Benedictus Victor Fauentinus, Capiuacius, Mercurialis, Vidus Vidius, Hercules Saxonia, Massarias, & alij.

Verum Practicorum hæc methodus à nonnullis reprehenditur, quòd eadem indicationes & curationes sæpius repetantur. De quo Comes Montanus, in præfat. lib. suorum de morbis, ita scribit: *Quis non videat, in hac trita & vulgata curatione morborum, quæ per singulas partes traditur, in vnaquaque parte semper repeti eandem curationem? At quàm artificiosior & compendiosior esset curandi ratio; cum tria sint morborum genera, & vniuscuiusque generis differentia multa. si singularum istarum differentiarum curatio traderetur à prima vsque ad ultimam, indicando semper varietatem illam curandi, quæ à natura partium, à situ, & aliis circumstantiis oritur. Et miror, neminem adhuc extitisse, qui hanc curandi rationem conscripserit, aut saltem in docendo in Gymnasijs usurpauerit.* Franciscus Frisimelica, Medicorum omnium huius ætatis facile princeps, si iterum suscepisset docendi prouinciam, hanc, ut sæpe ex illo audiui, instituisset viam, magno cum totius artis emolumento; sed facta id non permisit. Hoc ordine passim usus est Galenus, præsertim in methodo therapeutica. Hæc Comes Montanus. Quod tamen morte præuentus aggredi non potuit Frisimelica, id tentauit Ioan. Paul. Pernumia, in libello; cui titulus: *Omnes totius corporis humani affectus præter naturam medendi ratio.* In cuius libro primo, secundo & tertio, in genere agit de curationis arte: in libro quarto de causæ antecedentis curatione: in quinto de curatione causæ continentis: in sexto de curatione morborum: in septimo de curatione symptomatum: in octauo de curatione affectuum simul implicitorum. In quibus libris omnibus in curatione causarum, morborum, & symptomatum, hoc agit, ut methodum generalem per singulas corporis partes diducat, & quam curandi varietatem quælibet pars suppeditet, monstret. Verum si sal-

*Constitutio
partis Me-
dicinæ specia-*

*Methodus
Practicorum*

*Practici an-
tiquiores,*

*Methodus
quorundam
Practicorum.*

Frisimelica.

Pernumia.

tem simplices morbi in ægris sese offerrent, nihil est, quod in hac methodo, quæ omnino artificiosissima est, desiderari posset. Verum cum affectus multi dentur complicati, omnes illi hisce capitibus concludi facile non possunt. Quamuis enim eos libro octauo tradere conetur Pernumia: tamen multò plures sunt, quàm vt tam paucis pagellis comprehendì possint, qui vulgò in Practicorum libris occurrunt.

Steeghij.

Godofridus Steeghij, in libris Medic. Pract. hunc defectum supplere conatus est: & libro quidem primo eodem modo generalem curandi methodum proponit: libro secundo curationem intemperiei calidæ per omnes corporis partes tradit, vbi rectè etiam febres subiungit. Libro tertio proponit curationem intemperiei frigidæ per omnes corporis partes. Sed an fatuitatem & amentiam, carum, lethargum, coma, rectè ad intemperiem frigidam simpliciter retulerit, dubium. Quomodo verò tussim & deglutitionem læsam huc referre potuerit, non video; cum hæc symptomata plures alias causas habere possint. Neque etiam hydrops ad intemperiem frigidam simpliciter commodè refertur, vt nec stranguria, nec ischuria, quæ omnia libro tertio inter intemperies frigidas tradit. Libro quarto agit de intemperie humida. Quò an rectè referatur epiphora, balburies, scelotyrbe, dubito. Libro quinto tractat de intemperie sicca. Sed an ex intemperie sicca solum prodeat melancholia, pupillæ angustia, asthma, iterum dubitatur. Libro sexto proponit morbos materiæ. Sed quòd illi peculiare morbi genus non constituent, in *Instit. lib. 2. part. 1. cap. 4.* monstratum. Libro septimo agit de morbis occultis ac venenatis; & rectè. Libro octauo de morbis meatuum tractat. Sed an rectè eo referri possit apoplexia, paralytis, tremor, stupor, conuulsiones, vertigo, albugo oculi, pterygium, tinnitus aurium, polypus, catarrhus, icterus, calculus renum, vesicæ, aneurysma, varices, hæmorrhagia narium, reiectio sanguinis per os, per aluum, vesicam, vterum, gonorrhœa, vomitus, nausea, ructus, singultus, cholera, diarrhœa, lienteria, affectio cæliaca, sudor, lectori iudicandum relinquo. Ego certè perspicere non possum, quomodo ad vitia meatuum tot affectus diuersi simpliciter referri possint. Libro nono agit de cavitatibus nimis vacuis & repletis. Sed an commodè huc referre potuerit somnum excedentem, vigilias nimias, dentium vacillationem, palpitationem cordis, cardiogramum, tremorem cordis, impotentiam virilem, pariendi difficultatem, non video. Eadem errata occurrunt in sequentibus libris, vbi affectus multos in iis locis recenset, in quibus ne per somnium quis eos quæsiuisset.

ars Medici-
specialis
disponen-
secundum
entē dicto-
m Autho-
m.

Si quis ergo hac methodo partem Medicinæ specialem disponere velit, agat de morbis partium similium, de morbis instrumentariis & solutæ vnitatis, & in singulis generibus omnes differentias persequatur, & curandi diuersitatem secundum omnes corporis partes, à capite ad calcem. Quia verò multi morbi in libris Practicorum occurrunt, qui ad hæc genera simplicia referri non possunt, & sæpe morbi cum morbis, symptomata cum symptomatibus, morbi cum symptomatibus coniunguntur & complicantur, affectus tales compositi peculiari loco tractandi sunt. Hoc tamen compendij haberi potest, vt singuli illi affectus coniuncti ad simplicium morborum & symptomatum genera reducantur, & quomodo curatio eorum inde peti possit, demonstreretur.

incauellij
thodus.

Mediâ viâ, & satis commodè, progressus est Victor Trincauellius (vt de Vido Vidio nihil dicam,) in libris duodecim, de ratione curandi affectus, qui particularim certis humani corporis partibus proprii sunt, à summo capite ad imos pedes. Nam & Galeni methodum generalem, & Practicorum ordinem coniungit. Quamuis enim de singularum partium affectibus præter naturam agit, à capite incipiendo ad pedes vs-

que: tamen semper generalem methodum præmittit. Primo enim libro de externis capitis affectibus agit, paralyti, conuulsione, vt & de catarrho, & oculorum affectibus. Et ita in reliquis etiam libris, quantum potest, semper generalia à particularibus separat, atque operam dat, ne ταυτολόγως idem sæpius repetat.

Plateri me-
thodus.

Singularem verò & nulli vsurpatam methodum secutus est Cl. Felix Platerus, in Tomis tribus Praxeos: in quorum Tomi primi libro sensuum læsiones tradit. Verum etsi primò symptomatum illorum naturam explicat: tamen in causis & curatione tradenda non singula seorsim proponit, sed ex vna causa plura deducit, & eorum, quæ ab eadem causa pendent, etiam vnam simul curationem monstrat: Signa verò nulla, prognostica planè pauca tradit. Eiusdem tomi libro secundo motus læsiones tractat, eodem planè modo. Tomo secundo, seu libro tertio, de doloribus agit, quos iterum secundum causas tradit. Et quia ab intemperie calida in febribus omnes totius corporis partes incalescunt, quem calorem aliqua sensuum molestia sequitur, totam doctrinam de Febribus hoc loco inter dolores explicat: loco, vt mihi videtur, planè alieno & incommodo. Ipsa enim febris per se non est symptoma, sed morbus, & proinde inter morbos intemperiei calidæ rectè explicatur. Deinde etsi calor præter naturam aliquam molestiam parit: tamen dolor saltem symptoma est, & sæpe tam exiguus, (vt in hectica febre) vt vix attendatur, & alia symptomata febrem sequentia longè sint grauiora. Tomo tertio tractat de vitis, & primò quidem corporis, vbi principio agit de morbis organicis; deinde de permutatione coloris; tertio de tumoribus & corporis defædatione, tandem de corporis decremento. Libro secundo excretorum vitia tradit, vbi agit de partium excretionem, procidentia vteri, ani, excretionem feminis, sanguinis, puris, aquosi humoris, exspuitione, vomitione, mictione, deiectione per aluum, animalium & similibus excretionem.

Examinatur.

In quibus omnibus hoc laudis meritò tribuitur Viro Experientissimo, quòd in causis symptomatum reddendis fuit diligentissimus, & sæpe felicius eas tradit, quàm alij Practici; & quòd non auctoritatibus, quarum nullas ferè allegat, certat, sed ratione & experientia nititur. Deinde quòd ad causas communes affectus præternaturam reducere conatur. Tertio quòd copiosam remediorum suppellectilem tradit. Quid verò in methodo eius desideretur, antea dictum. Et omnino affectus sæpe diuersissimos eodem loco tradit, & contra eos, qui cognati sunt, in diuersis locis proponit, & omnino tum à vulgari Practicorum, tum ab illâ quam Comes Montanus laudat, & Pernumia sequitur, methodo planè discrepat: ita vt, nisi quis continuâ lectione cum euoluat, & Indicem perpetuò ob oculos habeat & consulat, multos præternaturam affectus non facile reperturus sit. Tandem, vt antea etiam dixi, signa diagnostica & prognostica ferè omittit.

Etsi verò hæc in Medicinæ parte speciali disponendâ Authorum sit diuersitas: tamen, modò quis partis Medicinæ generalis perfectam cognitionem sibi comparauerit, non ita multum refert, quam methodum in speciali disponendâ sequatur; cum specialis illa pars nihil aliud doceat, quàm quomodo singularis illa singulis corporis partibus, & variis circumstantiis applicanda sit.

Verum cum non saltem λόγος, verum etiam μέτρα & experientia Medico necessaria sit, vbi Medicus Artis Medicæ systematis tum generalis, tum specialis ideam animo concepit quomodo iam omnia quæ didicit, ad vsum transferre, & indiuiduis applicare debeat, sollicitus sit necesse est. Ad quam rem duo sunt vtilia: Primò lectio obseruationum & consiliorum Medicorum. Obseruationum historias exhibuerunt Valleriola, Forestus, Schenckius, & plurimi alij; quòd pertinet & hi-

Observatio-
nes & consi-
lia Medica
qui scripse-
runt.

istoria Medica mirabilis Marcelli Donati, In Confiliis ferè adhuc specialius generalia Medicinæ præcepta indiuiduis applicantur. Qualia scripserunt & congefferunt Ioan. Baptista Montanus, Solenader, Scholtzius, Mercurialis, Zecchius, & alij. Et omnino, qui partem Medicinæ generalem cognitam perspectamque habet, & specialem illam praxin aggressurus est, nullam operam vel tempus perdet, quod obseruationibus, historiis, & consiliis Medicis legendis impendet.

Praxis.

Peregrinati

Alterum est, vt Praxin Medicorum exercitatorum obseruet, & quæ sibi vsui esse possunt, annotet. Ad quam rem & peregrinatio utilis, ideoque de eâ etiam aliquid monendum. Non omnis fert omnia tellus, nec vbiq; omnia cognoscendi datur æquè commoda occasio. Quâ de causâ non inutile fuerit, vt Medicinæ studiosus peregrinationem aliquando suscipiat, imò etiam vulgo in hac re satisfaciendum, cui peregrina plerunque arrident, domestica sordent. Id tamen non faciat, nisi prius solidâ Medicinæ fundamenta iecerit, quibus superstruere possit ea, quæ in peregrinationibus videntur vel audiuntur. Dispiciat etiam, vt fructus itineris sumptibus, tempori, & molestiis, quæ sæpe in peregrinatione cum valetudinis damno sustinenda sunt, respondeat, & ne foris quærat quod domi habet, & de morbis, qui exteris regionibus sunt vulgares, sit curiosus, & germano-domesticos negligat. Sint sanè quadam, quæ in Italia, & Gallia, & alibi frequentius videri & audiri possunt: tamen & in Germania sunt, quæ Medicinæ studiosum informare valent. Ideoque suaserim, vt Medicus iunior, antequam ipse Praxin aggrediatur, in populosis Germaniæ ciuitatibus, in quibus Practici celebres Medicinam faciant, & vbi ob populi multitudinem, varij morbi occurrunt, etsi Academia ibi non sint, aliquandiu commoretur, & in Medicorum celebriorum familiaritatem sese insinuet: eorum, quantum cuiusque loci conditio patitur, sequatur ductum, Praxin obseruet, pharmacopolia ibidem adeat, & quæ selectiora & efficaciora ad quosvis morbos hîc vel alibi in vsu sint remedia, annotet, & quid quæque præstent, diligenter inquirat. Neque enim ad vires & efficaciam medicamentorum cognoscendam sola ratio sufficit, sed inprimis experientia consulenda, & à multis, ac longo vsu probata medicamenta reliquis præferenda. Quâ in re tamen diligenter id attendendum, an qui sua medicamenta commendant Medici, etiam secundum methodum & indicationes ea adhibeant. Neque enim vlli Medico, sua medicamenta quocunque modo laudanti, fides adhibenda, si methodum & indicationes negligat.

Remedia.

Tandem cum de Locis communibus colligendis multi sint solliciti, de iis etiam breuiter aliquid dicam. Omnino autem loci illi communes memoriæ sunt subsidium; modò in iis colligendis non erretur, & tempus frustra perdatur. Ego vt meam eâ de re mentem & consilium breuiter aperiam, nulli auctor sum, vt, quamprimùm ad discendam Medicinam accedit, statim in locis communibus colligendis laboret, sed primò ex lectione, quos suprà nominaui, Authorum Ideam Medicinæ animo concipiat, & quis Medicinæ ambitus sit, & quomodo singulæ eius partes disponendæ sint, dispiciat. Postea vel ad Authorem aliquem, quem *μεθοδικώτερον* esse putarit, vbi quid notatu dignum in aliis Authoribus inuenerit, vel locum saltem Authoris, in quo id occurrit, annotet; vel ex illo Authore, vel etiam pluribus Authoribus, ad methodum suprà præscriptam Medicinæ capita in libro aliquo consignet, & postea Authorum loca, in quibus aliquid obseruatu dignum occurrit, annotet, quæ omnino tribus capitibus comprehendi possunt: locis consentientibus scilicet: quò pertinent & ea, quæ rem clariùs explicant; locis dissentientibus; & tertio paralipomenis. Idque primò faciat in parte Medicinæ generali: deinde idem faciat etiam in speciali, & Practicum aliquem elingat, atque ad illum notatu digna, quæ lectio quotidiana suppeditat, aut saltem loca Authorum annotet: vel titulos morborum ac symptomatum ex vno vel pluribus Practicis consignet, & sub illis, quæ memoriâ digna putauerit, assignet; quæ itidem tribus istis capitibus modò enumeratis comprehendi possunt: quibus quartum addi potest, insignes morborum historiæ & obseruationes, quas vel Practicorum lectio, vel experientia suggerit, quæ omnino diligenter annotandæ sunt.

Loci communes.

Vt conformandi.

Atque hoc modo in Idea Medicinæ primitus animo concepta elaboranda, atque exornanda toto vitæ tempore laborabit Medicus, & vt apes ex variis floribus in idem aluearium mel comportant; ita ex variis Authoribus, imò ipsâ experientiâ, ad idem Medicinæ corpus conficiendum & expolendum varia conferet. Memoria nostra est labilis, & inprimis ætatis progressu imminuitur; quapropter ne quod quis legit, animo excidat, si non plura excipere velit, saltem Authorum loca, in quibus notatu & memoriâ quid dignum reperit, annotet, vt huius indicis beneficio & adminiculo, quandocunque libuerit, ad Authorem illum recurrere liceat. Aliàs sæpe accidit, vt quis doleat, quòd id, quod olim se legisse recordatur, vbi legerit, sibi in animum & memoriam reuocare non possit.

DANIELIS
SENNERTI,
D. ET MEDICINÆ
PROFESSORIS.
INSTITVTIONES
MEDICINÆ.

SEN
D ET MEDICINE
PROFESSORIS
INSTITUTIONES
MEDICINAE



SERENISSIMO ATQVE ILLVSTRISSIMO
PRINCIPI AC DOMINO

D. IOANNE GEORGIO,
DVCI SAXONIÆ, IVLIÆ,
CLIVIÆ, ET MONTIVM,

SACR. ROM. IMP. ARCHIMARSCHALLO ET ELECTORI,
Landgrauio Thuringiæ, Marchioni Misniæ, Burggrauio Magde-
burgensi, Comiti de Marca & Rauensburg,
Domino in Rauenstein, &c.

DOMINO MEIO CLEMENTISSIMO.

Salutem & Felicitatem perpetuam P.



ANNI iam sunt septendecim, Serenissime atque Illustrissime Prin-
ceps Elector, Domine Clementissime, cum Deus Optimus Maxi-
mus Serenissimam Vestr. Celsitud. ad clauum gubernationis ha-
rum regionum collocaret. Quam cum tunc omnes passim, vt opti-
mum parentem, cuiusque humeris iam salutem patriæ gestari agno-
scerent, venerarentur, votisque & faustis acclamationibus, atque
aded munusculis etiam prosequerentur: ego quoque mearum par-
tium esse existimaui, inter reliquos otiosum & vacuum non compa-
rere. Etsi verò, præter vota, munus, quod offerrem, tanto Principe
dignum, non haberem: tamen Persam illum Sinætam, apud Ælianum, imitari volui. Vt enim
ille, cum Regi Artaxerxi iter facienti occurreret, Regique omnes pro se quisque, pro more
Persarum, munera offerrent, ipse verò, quod Regi offerret, nihil haberet, ad proximum
fluvium cursu contendit, & vtraque vola haustam aquam cum fausta acclamatione Regi
obtulit: Ita ego, cum nihil ad manus esset, quam prima Institutionum Medicarum Edi-
tio, quæ tum commodum in lucem prodibat, eam Sereniss. Vestræ Celsitud. humilli-
mè obtuli, illudque VIVAT, FELICITERQUE REGNET ILLVSTRISSIMVS
PRINCEPS ELECTOR, IOANNES GEORGIVS, acclamaui. Nec me facti pœ-
nitet. Etenim & Sereniss. Vestra Celsit. sereno vultu hoc munusculum accepit: & Deus
Clementissimus votum istud ratum habuit, Vestræque Sereniss. Celsit. non solum ad
hunc usque diem saluam & incolumem conseruauit, sed & eius gubernationem faustam
& felicem esse voluit. Nam cum aliquot annis post funesti illius belli in Bohemia flamma
accenderetur, atque ea hinc inde dispersa infelicis belli incendium, quo rota penè Ger-
mania conflagrauit, excitaretur: Dei Optimi, ac Benignissimi, Serenissimæ Vestr. Celsit.
prudentiam & sana consilia largientis, gratiâ factum, vt hæc regio ab omnibus istis cala-
mitatibus immunis, & sub Serenissimæ Vestræ Celsit. patrocínio facta & recta conseruata
fuerit. Quod meritò iam, cum tertium has institutiones Medicas in Publicum edo, mi-
hi in mentem reuoco. Non equidem naufragum

—Me tabulâ sacer

Votiuâ paries indicat vuida

Suspendisse potenti

Vestimenta maris DEO:

Alio nomine tamen meritò tabulam votiuam Deo benignissimo hîc suspendo, vtpote qui stans celso in littore tutus naufragij huius spectator (& mecum tota Patria nostra) fui: dum

Hi summo in fluctu pendent; his vnda dehiscens

Terram inter fluctus aperit; —————

Hos Notus abreptos in saxa latentia torquet;

————— *Hos fluctus ibidem.*

Torquet agens circum & rapidus vorat aquore vortex.

Apparent vari nantes in gurgite vasto,

Arma virum, tabuleque & Troia gaza per vndas.

Deo nimirum Seruatori debeo, debetque mecum Patria, gratias immortales, quod Sereniss. Vestram Celsit. haftenus incolumem conseruauit, cuius paterna cura, sollicitudine, prudentiaque effectum, vt à calamitatibus, quas alij multi perpeffi sunt, non solum nos immunes viueremus, sed iam toti Germaniæ optata & desiderata diu pax affulgere incipiat. Et cum in isto, quod Deus & Sereniss. Vestra Celsit. nobis fecit, orio cum aliis laboribus, tum operæ, quam recensendis & augendis, atque amplificandis hisce Institutionibus vltimùm impendi, vacare potuerim: meritò hoc quicquid operis est, quodque semel huic aræ consecratum, Sereniss. Vestræ Celsit. rursum offero, idque vt Sereniss. Vestr. Cels. sereno iterum vultu accipiat, humillimè oro. Deumque veneror, vt porro etiam Sereniss. Vestr. Celsitud. saluam & incolumem diu præstet, eiusque gubernationem, in nostrum omnium, adeoque posteritatis commodum, vndiquaque faustam & felicem esse iubeat. Vvittebergæ, pridie Calendas Ianuarij, Anno Christi, millesimo sexcentesimo vigesimo octauo.

Sereniss. Vestr. Celsitud.

Subiectissim.

DANIEL SENNERTVS D.

LECTO



Lectori Beneuolo S.



A N N I sunt quasi octo, cum Medicina epitomen quandam in hac Schola publice praelegerem, & qua ad artis Medicae corpus constituendum pertinere videntur, lineamentis quibusdam adumbrarem. Atque tunc quidem de edendo eo opere in publicum ne cogitatio mihi incidebat: sed id erat propositum, ut Auditoribus solum, quos habebam, prodessem. Non enim ignorabam, quantum prosit discipulis, ideam eiu, ad quam sese applicuerunt, disciplina primum animo concipere, in cuius absolutione atque exornatione toto postea vita tempore laborent. Factum tamen est postea, ut & alij quidam putarent, ex illo qualicumque labore se quoque aliquid commodi & emolumenti percipere posse. Qua res effecit, ut illa, qua tum conscripseram, in manus resumerem, quadam mutarem, quadam adderem, tandemque hanc, quam vides, operis formam effingerem. Etsi verò, qua in isto opere desiderentur, rectius forsitan, quam quibus alius, perspiciam; & si meo planè voto mihi standum fuisset, id, in tanta, qua hodie est, librorum copia, vel planè suppressissem, vel in multos annos adhuc pressissem: tamen aliquid amicis, aliquid temporis dandum, & cum iis, qui aliquid fructus ex eo sperant, illud communicandum putavi. Hunc itaque meum qualemcumque laborem, Lector candide, boni consule: quod te facile facturum confido, si eum animum ad legendum attuleris, quem ego ad scribendum, veritatis nimirum, alijque inseruiendi cupidum. Non diuersa esse hominum ingenia: neque ignoro, esse quosdam sciolos, *φιλαύτους* & *ἰδιόγνομονας*, qui, nisi quod ipsi dicunt aut faciunt, nihil rectè dictum aut factum putant. Istis ego non scripsi, neque eos moror, *ῥᾶν μὲν μὲν μὲν*. Neque ut doctos docerem, hunc laborem suscepi, sed ut tyronibus artis Medicae viam quandam monstrarem, cui si insistat, per immensum illum scriptorum Medicorum campum, non ut in ignota sylva temere vagari, sed ut in patrio quodam agro liberè exspatiari possint. Insuper & quaestiones controuersas quasdam, non ut discipulorum animos tritis quibusdam inuoluerem, sed ut potius ex iis, qua impedimento ipsis esse poterant, expedirem. Neque enim, quod nonnulli sibi persuasum habent, omnia ita plana, perfecta & absoluta Maiores nostri nobis tradiderunt, ut nobis nihil cogitandum & perpendendum amplius reliquerint, sed in beatum quoddam etiam nos collocauerint, quod totum suis tantum scriptis cognoscendis impendendum sit. Nihilque, ut rectè sentit I. C. Scaliger, Exerc. 306. infelicius est iis ingeniis, qua mordicus sentiunt, Maiores nostros nihil ignorasse, & qui, ut Idem, de causis Ling. Lat. c. 67. scribit, pertinaciter tuerentur errores, quos ij, qui cominifere, si viderent, emendarent. Neque enim, errasse, semper turpe est, sed errores fouere, ea verò vel extrema est dementia. Et omnino duo sunt inprimis, qua animos à veritate abducunt, & omnium disciplinarum incrementis obstant: seruilis quadam credulitas, & temerarium nouandi studium: verumque satis frequens & vulgare vitium. Sunt enim non pauci, qui antiquitatis vel maiestatis territi, vel amore fascinati, seruiliter nimis Scriptores antiquos celebriores ita venerantur, ut eorum scripta tantum non pro oraculis habeant. Hi ubi quid tractandum & probandum suscipiunt, satis suo officio se facere existimant, si antiquorum auctoritate suam sententiam confirmant: interim verò quam vel rationi, vel experientiae consentanea dicant, parum sunt solliciti. Imò ex his inuenti sunt, qui profiteri non erubuerunt, se malle cum illustrioribus ex antiquitate viris errare, quam cum recentiorum aliquo verum dicere. Nec defuerunt, qui naturam erroris incusare, eiusque mutationem aliquam omnino factam esse, persuadere conati sunt: modò ne experientia aliquid contrarium ab auctore, quem sequerentur, scriptum esse fateri cogerentur. Ex altera parte quoque plurimos reperire est, qui non veritatis, sed gloriae cuiusdam cupiditate, nouitati student, idque unice agunt, ut optime etiam à maioribus dicta conuellant, & concutiant, & pro iis, nescio quae noua substituant, atque ita ex aliorum reprehensione famam acquirant. Verum medium tenuere beati: qui ut terminos à Maioribus positos temerè mouendos non esse agnoscunt: ita libertatem inprimis amant.

Nullius addicti iurare in verba Magistri.

Maiores enim studium & diligentia, qui nobis ad eruditionem, & veritatem viam monstrarunt, non solum non vituperio, sed laude, imò admiratione digna est. Nam paucissimi sunt, quibus ea ingenij vis, institutionis felicitas, & optimorum praeceptorum copia, laborum tolerantia, sapientiae amor, ac veritatis studium, iudicandi facultas, atque alia ad sapientiam adiumenta contingunt, quibus omnibus magni illi heroes, & ad sapientiam duces fuere instructissimi. Perspicacis quoque ingenij sit oportet, qui nouum aliquem errorem animaduertat, quem tot docti, tot seculis viri videre non potuerint. Itaque ab iis, qua sapienter à Maioribus constituta sunt, non sine grauissima causa recedendum est, nec temerè id, quod multorum seculorum consensus approbavit, reiciendum. Neque tamen ideo sola maiorum auctoritas pro veritatis lege & norma habenda: sed *λόγος* & *ἔμπειρος*, ratio atque experientia omnis inuentionis, cognitionis, atque scientiae instrumenta, regula ac norma unice constituenda sunt. Et propterea sicubi vel ratio euident, vel experientia manifestè conuincat, maiores à veritate aberrasse, & bonum quandoque Homerum dormitasse: eorum errata dissimulanda non sunt; ne etiam nos ipsi posteritati imponamus. Atque liberi & ingenui est animi, magis veritatem, quam Platonem, ac Aristotelem, Hippocratem & Galenum amare; ignaui verò atque abiecti, non eandem velle diligentiam adhibere, quam antiqui olim in constituendis & excolendis artibus adhibuerunt, & vel hodie, si in viuis essent, adhiberent. Qua verò antiquorum hac in re mens fuerit, vel Galenus, 2. de compos. medic. sec. loc. cap. 1. docet. Cum enim Archigenem laudasset, hac addit: Non tamen in omnibus, quae tradidit, irreprehensibilis mihi videtur: verum velut ipse plerisque eorum virorum, à quibus adiutus optimus euasit, reprehendit: sic par est, ipsum delinquentem à nobis posteris examinari. Ratio nemque subiungit: *καλεπὲν γὰρ ἄνθρωπον ὄντα μὴ διαμαρτάνειν ἐν πολλοῖς, τὰ μὲν ὅλως ἀνοήτως, τὰ δὲ κακῶς κρίνοντα, τὰ δὲ ἀμελέσας γράλλοντα*. Difficile enim est, ut qui homo sit, non in multis peccet, quaedam videlicet penitus in ignorando, quaedam verò male iudicando, & quaedam tandem negligentius scriptis tradendo. Verum nimirum est Comici illud;

Nunquam ita quisquam bene subducta ratione ad vitam fuit.

Quin res, aetas, vsus semper aliquid apportet noui,

Aliquid moneat: ut illa, quae te scire credas, nescias;

Et quae tibi putaris prima, in experiundo repudies:

Præcipue in natura obscuritate ac veritate eruenda; & quidem in hac vite breuitate ob quam, ubi vix amplissimum istum naturae campum ingressi sumus, atque in hac veritatis palaestra nos rectè exercere didicimus, lampada alius tradere cogimur.

mur. Atque huic media via instituisse video viros præstantissimos, qui nostra & patrum memoria in Medicina excolenda non solum laborarunt, sed & profecerunt, laudèque & famam inde meriti sunt. Hi enim non solum antiquorum scripta narranda susceperunt, sed & ad rationis, atque experientia normam examinarunt, desiderantque operam, ut si quid minus rectè dictum ab ipsis esset, corrigeretur; si quid ignoratum vel omissum, adderetur. Quorum studium, quantum in me beneficio, assecutus sum; est, quod gaudeam. Si verò ea, quam ille in profundo absconditam esse aiebat, & me interdum latuit: humani aliquid mihi accidisse putabo, ac me extra hominum sortem positum non esse, parum dolebo. Et qui in talia incidit, si & se hominem, atque humani nihil à se quoque alienum esse cogitauerit: facile omnia in meliorem partem interpretabitur. Id tamen ab omnibus me impetraturum esse, ne spero quidem: præcipue hoc rei Medicæ statu, quo Meditina, qua olim quidem in plures diuisa, superioribus seculis in unam sectam quasi coaluerat, iterum in plures abire videtur, dum alij Hippocratici, Galenici & Dogmatici; alij Hermetici, Spagyrici & Chymici; alij Paracelsici; alij Chymicarii & Iatrochymici, Chymico Medici, & Galeno Chymici, audiri volunt. Indignabuntur enim forsitan quidam Galenici, me Chymica omnia, sine discrimine, non reieciisse, & Recentiorum quibusdam inuentis artis Medicæ suppellectilem augeri atque amplificari posse, concessisse. Egrè contra ferent Chymici quidam, me non plura antiquorum reprehendisse, & non posuisse ac prædicasse. Dicam, quod res est, & quod sentio. In antiquis mutandis, nouisque approbandis, timidiusculos potius & cunctabundos, quam audaculos & temerarios esse oportet. In primis cum iuuenes videamus in recentiorum quorundam, præcipue qua Chymiam spectant, scriptis, sæpe etiam non satis bonæ notæ, arripiendis esse nimis auidos. Ideoque licet plura addere potuissim: nondum tamen id facere libuit. Verum omnibus placere impossibile est, & ut sententia Ioan. Francisci Fici, lib. 2. stud. diu. & hum. Phil. cap. 6. concludamus; Quot capita, tot ferè sententiæ: ac qui veritate magis nituntur, sæpe magis oppugnantur; cum quod omnia iudicia recta non sunt, tum quod falsa interdum propter natura sunt vera, ob intellectus infirmitatem magis creduntur, quam sciuntur. Laboramus nimirum omnes multa ignorantia caligine. *Prid. Calend. Septemb. anno Christi 1611.*

Altera Præfatio.



QUæ instituti mei ratio fuerit, Lector beneuole, in ista Artis Medicæ Epitome ante annos hosce octo primum edenda, pluribus in Præfatione tum exposui. Et si verò illud multis bonis, & doctis viris non ingratum accidisse sciam: tamen tunc etiam prauidi, non eadem de eo omnium futura iudicia, atque id postea re ipsa comperi. Itaque in hac iterata Editione adhuc quadam præfandi necessitatem mihi imponi, animaduerto. Et principio quidem de Chymicis Medicamentis, quæ inserui, quadam monenda videntur. Quanquam enim, cum hac primum ederem, ita in hoc genere omnibus me attemperare studui, ut nec Chymica planè omitterem, nec in eis nimius essem, saltèque ex iis, quæ tum etiam ad manus plurima erant, quorum non pauca postea in publicum prodierunt, quadam seligere: tamen nec hoc modo omnibus satisfacere potui; sed alios & de iis paucis, quæ inserui, minus dextrè indicasse; alios plura, quæ ex Chymicorum sententia dici potuissent, desiderasse, intelligo. Verum enimverò, ut prioribus prius satisfaciam, quos etiam venena me inuentui obtruisse, conquestos audio, æquiores eos meo instituto fore, spero, si sine affectu rem ipsam perpenderit. Primò enim cum ea sit temporum hodie ratio, atque eò res rediisse videatur, ut sicut Themistocles, ut de eo Cicero scribit, habitus est indoctior, quod lyram recusasset; ita Medicus non undiquaque doctus habeatur, qui Chymica planè ignorat; & nemo ferè Medicorum sit, cui non aliquando in agris curandis quæstiones de Chymicis medicamentis offerantur, imò sæpe Empirici occurrant, qui periculosa satis medicamenta pro secretis habent, doctissimosque Medicos, quibus talia ignota putant, nescio quo fastu inflati despiciant ac contemnant: Medici docti cerè fuerit, nec talia ignorare, ut de iis suam sententiam eruditè exponere, ac talium ardelionum temeritatem, & fastum retundere possit. Et quamvis ex mineralibus & metallis petita quadam medicamenta sunt *σπασμωτέα*: tamen venenorum loco idè habenda non sunt; nec ego, qui talia non omisi, venenà proposuisse censendus. Nam & illa suum in Medicina locum habent, & quandoque duro modo durus quarendus cuneus. Ideoque nulli ad temeritatem me ducem præbere volui: talia tamen omittenda non censui, quæ ipsa necessitas quandoque requirere videtur, & olim iam à doctis viris usurpata sunt, atque hodie usurpantur. Ut enim de eo iam non dicam quod pluribus doctiss. Iacob. Zuingerus, in Chymic. princip. exam. cap. 3. & 4. monstrauit, Antiquos etiam non abstinuisse à mineralibus, metallis, & fossilibus intro accipiendis: quis hodie Doctorum Medicorum est, qui in Lue venerea curandâ Mercurium planè reiciat? Et si omnino inter medicamenta interna locum non haberent, inter externa tamen tolerari posse, experientia docet. Quibus accedit & hoc, quod facultates quadam metallorum ac mineralium non parum præparatione demi vel corrigi possunt; id quod vel unici bezoardici mineralis dicti præparatio satis enunciat. Et cum Antiqui & Recentiores, qui de materia medica, ac medicamentorum præparatione, ac compositione scripserunt, medicamenta illa *σπασμωτέα* non omiserint, colocynthidem puta, scammonium, elaterium, elleborum, esulam, euphorbium, & huius generis plurima alia, quæ nisi dextrè adhibeantur, metallicis ac mineralibus non minus noxia sunt, cur mihi vitio vertatur, quod istorum mentionem feci? cum non temerè & sine ratione talia adhibenda censeam, sed methodum medendi tradiderim, cuius ductu & præceptis eorum usus moderandus, & dirigendus est.


Neque enim, ut alteri parti, quæ nimia hoc in genere medicamentorum mihi videtur, etiam satisfaciam, in ea sum sententia, ut si Mercurio in lue venerea, vel alio grauiori morbo curando, si cum ratione adhibeatur, suus locus est, cum propterea pro Panacea habendum, & in omnibus, sine discrimine, morbis exhibendum esse credam. Nec eorum opinionem probabo, qui lenissimos morbos, qui leni aliquo è vegetalibus medicamento facile expugnari possent, hisce metallorum, ac mineralium arietibus aggrediuntur, & qui parum Chymici sibi videntur, nisi tantum ferè è metallis & mineralibus paratis medicamentis utantur, & per ea, nescio qua miracula pollicentur. Videntur mihi isti *δαυματῆρες* non incommodè comparari posse coquo illi Plantino, in Pseudolo, qui contemptis vulgaribus condimentis, suas escas se cicilindro, sipollindro, maci- rumque odorem louem quotidie cœnare, iactat. Et ut ita credulus non sim, nec magnis illis ac gloriosis inscriptionibus, & præconiis fidem semper adhibeam, sed sæpe, cum talia lego, vel audio, illud usurpem: manus nostræ sunt oculatæ, credunt, quod vident, facit & illud, quod scio, talia non pauca ab iis profecta esse, qui quidem in *ἡσυχίᾳ* Chymica probe versati

versati fuerunt, Medici tamen non fuerunt, nec eam rerum medicarum habuerunt peritiam, ut eorum iudicio in medicamentorum viribus æstimandis stare debeamus. Inprimis cum experientia me docuerit, non semper effectus splendidis illis titulis ac pollicitationibus respondere, & falsa non raro esse, quæ de nonnullis medicamentis prædicantur. Crollius hæcticis & aridis lac ♀ (ut hoc unum saltem è plurimis exempli gratia afferam) quod ex floribus sulphuris, qui eodem teste, efficacem exsiccandi vim habent, sudoremque mouent, paratur, flammamque, ut sulphur, concipit, odoremque sulphuris habet, prodesse scribit. Credat id, qui volet: mihi id non facile persuasum erit, ut hæctico, (hæctico dico, non phthifico) id propinem, & cum nullum unquam hæcticum hoc medicamento seruatum legerim, vel audierim, ego contra rationem periculum faciam: cum memor sim eius; quod Galenus, i. aphor. i. scribit, Non lateres, lutum, ligna, tegulæ, coria artis Medicæ, sicut aliarum, sunt materia: in quibus multifariam, citra cuiusquam offensam, licet quid possis, experiri, & circa eam materiam ad theorematum meditationem & confirmationem versari; quod in lignis fabri lignarij faciunt, in coriis coriarij. Ligna etiam & corium si malè tractando corruperint, nullum inde cuiquam imminet periculum. In corpore autem humano ea tentare, quæ non sunt experientia comprobata, periculo non vacat: cum temerariæ experientiæ finis sit hominis internecio. Ideoque certus sum, nullum medicamentum, cuius facultates perspectæ sunt, contra Indicationes, quatenus tale, usurpandum esse, quacunque etiam experientia prætendatur. Ita non minus periculosa sunt illa vniuersales aut indefinitæ enunciationes: In febribus; in febribus omnibus; in calidis, & frigidis; in omnis generis infirmitatibus, ventriculi, capitis: In omnibus febribus, continuis, & intermittentibus; in deploratis, longis & diuturnis morbis; stomacho, hepati, cordi, spleni prodest, & quæ sunt sexcenta huius generis alia, quæ tyronibus facile fraudi esse possunt. Ideoque tyronibus author sum, ut, si in tales libros inciderint, diligenter prius inquirent, quid illi authores medicando præstiterint, aut quo cū successu ab aliis talia adhibita sint, antequam & ipsi ea usurpent; ne istis ambitiosis, ac gloriosis præconiis fallantur ac decipiantur. Etenim sæpe fama fidem superat. Monendosque ipsos censeo, quod Prometheus Satyrum monuisse à Poëtis fingitur. Cum enim ille ignem à cælo in terras primum detulisset, hic verò rei nouitate, & pulchritudine ac splendore ignis allectus cum osculari, facultatis vistoria ignarus, vellet, ut ori & barba caueret, à Prometheus monitus est. Ita & tyrones Medici monendi, ne nouitate & magnis ac hyperbolicis præconiis adducti, Chymica medicamenta, de quorum preparatione vel viribus nondum satis constat, cum periculo experiantur. Verum in hunc sensum plura addere desino, cum satis multa hac de re, in tractatu de Chymic. cum Aristotele & Galeno, conf. & diss. dicta sint. Summam rei puto: dandam operam esse Medico, ut omnium morborum, & symptomatum naturam & causas cognitæ perspectasque habeat, easque è suis signis cognoscere discat; methodumque medendi ac indicationes, seu indicationes, tanquam cynosuram, semper in conspectu habeat; tandemque, ut idoneis auxiliis Indicationibus satisfacere possit, laboret; atque in eo genere caueat, ne plumbei telis pugnet, & propterea, ubi opus est, Chymica quoque non negligat. Et omnino pulchra harmonia est, si quis Italorum in methodo medendi atque Indicationibus accuratam diligentiam cum Germanorum experimentis, ac medicamentis elegantibus, atque efficacibus prudenter coniungat. Quæ cum ita se habeant, non dubitavi huic iteratæ Institutionum editioni plussculorum adhuc medicamentorum Chymicorum preparationes inserere. Ne verò quem offendar, quod singulis authorum nomina non præscripsi; nec quicquam suspicetur, me aliena mihi arrogare. Nam cum plurima sub variorum authorum nominibus circumferantur, ac non pauca antiqua hodie in usum reuocentur, eaque recentioribus tribuantur: ego hanc litteram meam facere nolui; præsertim cum id ad instituti mei rationem nihil faciat. Licebit cuique suum sibi vendicare, etque suum nomen, me non obstantem, præscribere.

Tandem de Medicamentis Chymicis & hoc monendus es, Lector, me preparationum modos sine vladisputatione, & medicamenta Chymica pleraque sub vstitatis, & vulgò notis appellationibus proposuisse: cum hic etiam locum habere putem. Loquendum esse cum multis, sentiendum cum paucis. Neque illa nominum æpiçia in usu Medico quicquam mutat, & siue solutionem, siue magisterium siue salem coralliorum aut margaritarum nomen, vnius medicamenti vulgò noti sunt hæc appellationes, quod quocunque etiam modo appellatum easdem vires & usum habet. Si tamen in preparationum causas inquirere, & ipsam rerum naturam diligentius rimari libeat, quod tamen à Chymicis plurimis, & male quidem, negligi video, de non paucis aliter sentiendum, imò & loquendum censeo. Tincturam coralliorum appellavi: quod tamen ex coralliis tinctura, seu color, ut ex roremarino, santalis, rosæ, atque aliis plantis extrahi possit, relicto corpore, quod neque colorem illum, neque alias qualitates amplius habeat, ut credam, adduci non possum. Et id de plurimis aliis etiam verum esse credo. Qui enim nouit, quod menstrua quadam lapidibus, mineralibus ac metallis affusa rubrum, vel alium colorem acquirant; & quod acetum destillatum, spiritusque alij supra corpora, ex. gr. margaritas, corallia, oculos cancri, cornu cerui, plumbum, & similia fusa, sal suum acidum, & volatile in corporibus relinquunt, quod iis ita arte unitur, ut ablutione facile elui non possit: is colores, qui à salibus eiusmodi & spiritibus soluentibus, aut certè ex mistione eorum cum corporibus proueniunt, pro lapidum, aut metallorum ac mineralium vera tinctura non habebit. Quanquam aliquid essentia rerum in tali liquore tincto & colorato contineri possit. Multo minus credendum, ex coralliis & lapidibus pretiosis cum ♀, ☉, vel aliis salibus, aut igne etiam calcinati veram tincturam extrahi posse; utpote quæ calcinatione eiusmodi pereat, & tinctura, quæ postea monstratur, vel salibus, cum quibus calcinata sunt, vel menstruis debeatur. E corporibus enim eiusmodi calcinati per menstrua extrahitur sal, quem corpora, cum quibus calcinata fuerunt, ipsis impresserunt. Multi etiam colores ab igne rebus induntur. Ita sulphuris nomen quibusdam tribui scio, quod colorem croceum; aut flauum habeant, quæ tamen Sulphur non sunt. Sic quoque salem coralliorum, ex. gr. cum vulgo appellavi, cum tamen purus putus sal non sit, qui è coralliis, sicut ex cineribus plantarum, relicto terreo corpore, extrahatur: sed corpus sui generis solutum (sicut & metalla in suis menstruis soluantur, & in liquorem abeunt) cui sal aceti vel aliorum menstruorum, quibus solutum est, adhærescit & unitum est. Quanquam multo sale talia corpora constare, & abundare non negem. Eodem modo sal, seu saccharum N dictum nihil aliud est, quam plumbum aceto dissolutum, ac in formam pulueris albi redactum. Atque ex hac mistura hic sapor oritur. Solutum tamen hoc modo plumbum naturam suam retinet, & in pristinam formam facile reduci potest. Et omnino multa sunt, quæ pro tincturis, oleis, sulphure, sale rerum venduntur, ac hisce nominibus appellantur, quæ composita sunt ex corpore aliquo soluto & menstruo solvente; ex qua mistione varij colores & sapes, imò nouæ qualitates ac vires, oriuntur. De quibus & aliis multis non pauca circa Medicamentorum Chymicorum preparationem moneri potuissent. Verum alij opera & tempori ista, quæ longiorem & ex principiis rerum naturalium, si Deus volet, deducendam ac petendam tractationem requirunt, reservare volui. Atque hoc primum est, Lector candide, de quo mihi monendus circa medicamenta Chymica videbaris.

Si verò, quod alterum est, prolixior alicui videtur hæc tractatio, quam ut ei Institutionum titulus competere possit: is sciat, artem medicam longam esse, & præter ista multa adhuc superesse, quæ ad solidam medicinæ cognitionem consequendam necessaria sunt. Imò facere non potui, quin in iterata ista editione quadam adhuc adderem. Nam cum doctrinam de temperamento corporis humani & partium cognoscendo deesse viderem; neque tamen illam à Galeno in arte medica tam contracta omissam scirem: & illam inferendam censui. Præterea cum Medicus in morborum curatione non solum me-

dicamentis, sed & manuum operâ, imò ferro & igne sapius opus habeat: ne manca & hac in re essent Institutiones, materiam, ac operationes Chirurgicas addidi, & quantum potui, breuissimè ad classes quasdam redegì, ac doctrina de medicamentorum facultatibus subiunxi. Quæ omnia, Lector candide, boni consules, atque eo, quo à me profecta sunt, animo accipies. Vvitteberga, Idibus Martij anno 1620.



Tertia Præfatio.



V M iam tertia harum Institutionum editio in publicum prodeat, iterum instituti mei ratio reddenda videtur, Lector Beneuole, Ferent enim proculdubio aliqui moleste, me in hac editione etiam quadam mutasse, illudque alij aliter interpretabuntur. Verum rogatos ego omnes volo, ne hanc operam alio, quam quæ à me profecta est, animo accipiant. Nam cum artis medica tyronibus hunc laborem meum non ingratum fuisse intelligerem, temporis aliquid adhuc etiam tertiæ huic editioni impendendum putavi. Ideoque aliqua addidi, aliqua mutavi. Id quod nemo inconstantia adscribat velim, sed veritatis & artis Medica studiosis inseruendi studio. Neque enim mea mihi tam placent, ut si vel authorum lectio, vel amicorum monita meliora suggerant, mea pertinacius defendenda censeam: quin potius à quouis discere volupe semper fuit, & porro erit. Ne tamen crebra ista mutationes alicui molesta sint: posthac nihil, quod alicuius momenti sit, mutabo; id quod hic significandum duxi. Tu ergo, Lector beneuole, etiam hanc editionem, ut priores, animo beneuolo & candido suscipe. Nihil aliud mihi hic propositum est, quam artis Medica tyronibus (iis enim hæc opera mea dicata; inseruire. Ideoque ne eos ullibi dubios dimitterem, prolixior interdum orationis serie opus fuit. Quod si qui forte sunt, (ut esse animaduerto) quibus ista prolixitas improbat, illi sciant, Artem medicam esse tam longam, ut nec prima eius rudimenta paucis comprehendere possint. Parua equidem opera res fuerit, in breuem aliquam summam ista contrahere; quod à quibusdam factitatum: plerumque tamen verum est, Breuis esse laboro; obscurus fio. Itaque cum breuia eiusmodi compendia & Institutiones à Medicina tyronibus sine commentario intelligi vix possint: rem iis & gratam & utilem me facturum putavi, si paulò prolixius ista traderem; perspicue tamen, ut etiam sine commentario intelligi possint. Et quamvis quadam in Physiologia à Physicorum scholis potius petenda fuisse videantur: tamen, si nihil, quod Physicorum aliàs & suo modo proprium est, hic inserere liceret, tota Physiologia omittenda fuisset. Cui cum omnes Medici eruditi hætenus inter Medicinæ partes locum reliquerint, nec me præter rem facturum putavi si ea, quorum cognitio exacta Medico summè necessaria est, diligentius & prolixius in Physiologia traderem, aut certè in Physicis cognita artis Medica studiosis in mentem reuocarem, & corpori humano applicarem, atque ita vera artis fundamenta clarius monstrarem. Neque etiam abs re mihi fecisse videor, quod controuersias quasdam inserui. Etsi enim optassem, rem ubique tam planam fuisse, ut nullis disputationibus opus fuerit: quia tamen in hac mentis humana caligine multa obscura, multa dubia esse animaduerti, non consultum esse censui, si in ipso Medicina limine tyronem dubium relinquerem, atque in auiâ errantem deduci paterer. Si verò quis aliud, quam Institutionum nomen huic tractatui quadrare putat, is id ei pro libitu imponat. Ego ambitiosius aliud præscribere nolui; non ignarus, quod tanta artis Medica sit amplitudo, ut etsi quis hæc ipsa omnia cognita habeat, non aliud tamen, quam artis Medicina fundamenta cognouisse dicendus sit, eoque multa adhuc discenda restent. Addidi reliquis etiam unum atque alterum Chymicum medicamentum, ab amicis nuper primum communicatum, in quibus præparandis nondum facere periculum potui, aliis negotiis præpeditus. Quia tamen præparationes probabiles videntur, ea præterire, & Lectorem celare nolui. Viatur iis, cum Deo bono, in agrorum commodum: quod fiet, si, quod sæpius monui, indicationes semper oculis præfixas habuerit, & in medicamentis, præcipue purgantibus, è metallis ac mineralibus paratis, usurpandis illud, Ne quid temerè, semper cogitauerit: cum monente Galeno, I. aphor. I. Temerariæ experientiæ sit hominis internecio. Bene vale, Lector candide, & hanc etiam operam boni consule. Vvitteberga prid. Kal. Ianuarij, anno Christi 1628.



INSTITUTIONVM MEDICINÆ

LIBER PRIMVS.

CAPVT I.

De Natura Medicinæ.



EDICINÆ vox cum à medendo, id est, ægris auxiliando, deducatur: propriè soli parti Therapeutica, quæ morbos tollere docet, competit: atque hac significatione olim sub primum Artis huius ortum à primis illis Medicinæ inuentoribus v-

surpata est. Primò enim pars Medicinæ Therapeutica, quæ scilicet maximè vrgeret, & in primis necessaria esset, inuenta est: Deinde adiecta est ea quoque pars, quæ præsentem sanitatem tuetur. Retenta tamen postea antiqua appellatio, & toti arti attributa est. Non aliter vt Geometriæ vox, quæ originem à metiendi terra traxit, nunc multò ampliore significatione vsurpatur. Vt verò ipsa Artis medicinæ Natura, quæ meritò omnibus, qui illi operam suam addixerunt, notissima esse debet, clarius sub conspectum veniat: quinam eius Finis sit, ad quod disciplinarum genus pertineat, & subiectum, in quo occupatur, primò explicandum est. His enim cognitis, ipsa Medicinæ Natura sese ob oculos offeret, definitionemque eius constituere, non erit difficile. Finis quidem Medicinæ extra omnem, vt putamus, controuersiam positus est, atque apud omnes in confesso habetur, Medicinam de sanitate esse sollicitam, & in eo occupari, vt præsens conseruetur, atque amissa restituatur. Hoc enim fine & olim Medicina inuenta est, & nunc excolitur. Nam cum animaduertent homines, corpus nostrum non in eodem statu perpetuò persistere, sed nunc secunda valetudine frui, nunc cum morbis conflictari: simulque intelligerent, longè beatiorum & feliciorum esse eorum statum, qui secunda valetudine fruuntur, quàm eorum, qui morbis affliguntur: artem condere cœperunt, quæ hominem in sanitatis statu, quantum possibile est, conseruaret, & in morbos prolapsus pristina valetudini restitueret; eamque etiamnum excolunt & in pretio habent: omnesque suas operationes ad sanitatis humanæ curam dirigunt Medici: Ideoque sanitas, quicquid alij dicant, Medicinæ finis est. Vulgo quidem hic inter scopum & finem Medici ac Medicinæ distinguere solent. Scopum enim esse dicunt, quod sibi primum proponit Medicus, etsi id non perpetuò assequatur, sanitatem scilicet, seu sanationem potius: Finem verò id, cuius causa omnia ars molitur, nimirum sanitatis adeptionem. Idque autoritate Galeni, qui, lib. de sectis, cap. 1. scribit: *Medicæ artis scopus sanitas est; finis*

ipsius sanitatis possessio; & Authoris Introductionis, qui cap. 6. hæc habet: *Aliud ar., aliud eius finis est. Quod enim appetit, id aliud ab ipsa est (sanitas scilicet) idque non perpetuò secum habet. Quò fit, vt quatenus ipsum non contingat, non finis eius, sed scopus dicatur: cum autem contigerit, finis.* Verum enim verò Finis nomen etiam scopo, quem Medici appellant, Aristoteles & Philosophi tribuunt; neque sine causa. Etenim finem propositum assequi semper in artificis potestate & manu non est. Qua de re I. Cæs. Scalig. in lib. 1. de plantis. *Est scopus, inquit, opera siue officium. Finis autem est, quod mouet artificem ad operam, id est, opera perfecti.* Mouent quidem etiam opera artificem, sed non primò; quia finis primò, non simpliciter; quia mouet propterea, quod mouetur. Idcirco finis etiam nomine donatus est scopus ab Aristotele. Duplicem namque finem idem esse docet ibid. *ω, η, θ.* Medici scopus & finis medius, seu quo, est Medicari: finis verus vltimus, primum mouens, est sanitas. Quamquam verò Medicus finem vltimum non semper assequatur; cum omnes ægros sanos reddere impossibile sit; nihilominus officio suo satisfecisse dicendus est, si eorum, quæ in Natura & Artis potestate sunt, ad sanandum nihil omiserit. *ων γὰρ ὅτιν ἡμῖν τοῖσι τε ῥούσεων τοῖσι τε ῥῆσι τεχνέων ὀργάνοις ὀπηρετέειν, τῶν ἐστὶν ἡμῖν δημιουργοῖς ἔτι: ἄλλων δὲ ἐκ ἐστὶν, ὅταν οὐ τι περὶ ἀνδρῶν κακόν, ὃ κρείσσον ὅτι ῥῆσι ἐν τῇ ἰατρικῇ ὀργάνῳ, ὃ προσδοκᾷ δὲ ἰατρικῆς κατὰ τὴν ἀν, vt rectè scripsit Hippocr. de Arte. Vnde etiam Arist. 1. Rhet. c. 1. scribit: *ἐκ ἰατρικῆς, τὸ ὑγιαίνειν ποιεῖν, ἀλλὰ μέχει ὃ ἐνδέχεται, μέχει τῶν προαγαγεῖν. ἐστὶ γὰρ καὶ τὸ ἀσθενάτους μεταλαβεῖν ὑγιαίνειν, ὅπως δευτερεῖν καλῶς.* Verum ad quodnam disciplinarum Genus Medicina pertineat: in controuersiam vocatur: dum alij artem, alij scientiam, alij partim artem, partim scientiam esse statuunt. Nos cum Hippocrate, Aristotele, Galeno, Auerrois, aliisque doctissimis viris, Artem statuimus esse Medicinam; ea de causa, quod non cognitionem solum, sed effectiorem sanitatis sibi habeat propositam. Disciplinarum enim distinctio proximè ex fine petitur: Finium rerò distinctionem pariunt obiecta. Nam cum, vt est apud Aristotelem, 6. Ethic. cap. 3. & 4. quædam sint, *ἐξ ἀνάγκης ὄντα ἢ γινόμενα, καὶ ἐν αὐτοῖς πρὸ ἀρχῆς ἔχοντα*; quædam *ἐνδεχόμενα καὶ ἔτι, καὶ μὴ ἔτι, καὶ ὧν ἡ ἀρχὴ ἐν τῷ ποιοῦντι*: illas quidem res tractamus, vt solum eas cognoscamus; cum eas, vt quæ solius Naturæ opera sunt, efficere non possimus: in harum verò tractatione versamur, non solum vt eas cognoscamus, sed ideo eas cognoscimus, vt eas efficere possimus. Ex quo duplici & rerum & tractationis genere duo etiam disciplinarum genera oriuntur. Nam quæ in rebus illis, quæ solius Naturæ opera sunt, & à nobis fieri non possunt, solum cognitionis & scientiæ gratia versantur, & nihil præterea querunt, Theoreticæ dicuntur; quæ verò in iis, quæ aliter,*

Disciplina
Practica.

Medicina
qua ratione
dicatur scien-
tia.

Medicina nō
est scientia
proprie dicta.

atque aliter sese habent, & à nobis fieri possunt, non cognitionis modò, sed imprimis operationis gratia occupantur, Practicæ vocantur; *πραξις* vocabulo in ampliore significatione, quæ *ποινσις* & *πραξις* in specie sic dictam sub se complectitur, accepto, Res enim contingentes, quæ à nobis fieri possunt duplices sunt, & proprie vel agi vel effici dicuntur; differtque actio ab effectione, auctore Arist. 6. *Eth. Nicomach. c. 4. & lib. 1. magnor. moral. c. 35.* quod Actio post se nullum opus relinquit: Effectio verò est operatio opus relinquens; Agique dicuntur, quæ circa virtutem & vitium versantur, & vitam morèque corrigunt; quorum habitus Prudentia dicitur: Efficiuntur verò, quæ corporis necessitati destinantur, quorum habitus Ars nominatur. In quo genere etiam Medicinam collocandam esse, & ex fine, quem habet propositum, & ex rei, quam tractat medicus, natura, cuius patet. Medicina enim finis est non cognitio solum, qui scientiæ; sed *ποινσις*, qui artis finis est. Et quemadmodum, ut Arist. 2. *Eth. c. 2.* scribit: *ἡ δὲ ἐν τῷ σώματι τὴν ἡμετέραν, καὶ τὴν τοῦ αἵματος, ἀλλ' ἢ τὴν ἀγαθὴν ἡμετέραν*; ita medicus agit de corpore humano, de sanitate, de temperamentis, de humoribus, de viribus plantarum, non scientiæ gratia, ut naturam, causas & effectus rerum naturalium cognoscat; sed ut medeatur, & corporis humani temperiem, naturalemque constitutionem, seu sanitatem conferuet, & si amissa sit, eam restituat. Scientiæ verò nomen etsi nonnunquam etiam Medicinæ attribuitur, ac Galen. ipse, *c. 1. art. med.* definitionem Herophili, qua Medicina definitur; scientia salubrium, insalubrium, & neutrorum, retineat: tamen tum scientiæ nomen non proprie, ut ab aliis habitibus intellectus distinguitur, sed latiore significatione, ut scilicet scientiis & artibus communiter tribuitur, usurpatur: quod Galenus ipse fatetur. Addit enim: *τὸ δὲ ὁρισμὸς ὁ νόμος τῆς κοινῆς τε, καὶ ἰδίως ἀκέραια χρεῖ.* Proprie verò scientiæ nomen usurpatum Medicinæ attribui non potest. Nam licet Medicinæ quoque sua sint principia, per quæ suas probat conclusiones, & conclusiones habeat vniuersales: tamen id ad scientiam constituendam non sufficit. Nam & Ars *ἡ κατὰ λόγον γυνώσκω* est, ut docet Arist. 1. *Meta. b. c. 1.* Et intellectus speculatiuus, actiuus, factiuus habent principia vniuersalia: sine tantum differunt, ut est apud Scalig. *exerc. 307. sect. 3.* aut certe præcipuè differunt. Etenim medicina non modò, ut dictum, sine, qui est sanitatis effectio, non solum cognitio; sed & aliis à scientiarum natura degenerat: cum neque ad primas causas ascendat, neque alias, quæ in scientia requiruntur, conditiones obseruet. Nam primas causas, sine quibus propinquiores satis cognosci non possunt, inuestigare non est medici, sed multa à Physico demonstrata præsupponit. Vnde rectè ab Auicenna, *prima doctr. 1.* dictum est: medicum fidem adhibere philosopho, & à philosopho, ut probata, & demonstrata mutuari; An sint Elementa, & quot sint, & quomodo sint, & quæ & quot sint facultates, & similia: Medicumque, si de iis tractet subtilius & diligentius philosophum potius agere, quàm medicum. Deinde etiam medicus causas cum effectis non æquat, neque affectiones de propriis subiectis, iis nimirum, quibus per se, primò, & quatenus talia, competunt, demonstrat: quod tamen ad scientiam necessarium est. Exempli gratia: dum docet hominem constare ex quatuor elementis, temperamentum habere, viuere, nutriri sanguine, sentire, esse morbis obnoxium: non de primo & adæquato subiecto, quod in scientia requiritur, id demonstrat; cum hæc omnia vel omnibus mistis, vel saltem aliis etiam animalibus competant: sed de homine solum ea de causa, ut cognoscat, in quo sanitas eius consistat; & ut hinc eam rectius conseruare, & amissam restituere possit. Cum enim apud omnes in confesso sit, de elementis, temperamentis, humori-

bus, nutritione, autione, & similibus *στωπία* Physici propriam esse: facile hinc patet, eandem, eodem respectu, nimirum scientiæ, & contemplationis gratia, medico non competere. Ita etiam de mineralibus, metallis, plantis & animalibus, alio modo & sine agit physicus, alio medicus. Physicus enim de iis agit, quatenus sunt partes sui subiecti seu species corporis naturalis; & quidem solius scientiæ gratiâ. Medicus verò de iis tractat, quatenus sunt medicamenta & instrumenta operationis. Neque etiam ex parte Medicina scientia est, ut nonnulli existimant; id quod sequenti capite demonstrabitur. Ars itaque est Medicina; & quidem artium omnium nobilissima: tum ratione subiecti, circa quod occupatur, quod corpus humanum est, omnium corporum naturalium longè nobilissimum; tum ratione finis, quem habet vnicum, sanitatē nimirum, quam efficit, non alterius externi finis, sed sui ipsius gratia. Ipsa enim sanitas per se expetenda est; utpote pars longè maxima felicitatis humanæ, & ex qua vna omnia reliqua mortalium bona eam, quā habent, gratiam & dignitatem mutuari videntur. Reliquæ verò artes omnes nihil per se expetendum, sed omnia externi cuiusdam finis gratia efficiunt; imò omnes reliquæ, quæ ad vitam victumque paratæ sunt artes, medicinæ ministræ & pedisse quæ sunt. Nam quod aramus, quod edificamus: ea omnia ad vitæ finem diriguntur, cuius magister est medicus, ut I. C. Scaliger scribit, *de re poet. lib. 3. c. 1.* Subiectum tandem Medicinæ corpus humanum, quatenus sanitati & morbis obnoxium, seu quatenus sanabile est, constituimus. Nam licet interdum Medicinæ agriculturæ quoque, & pecudum cura tribuatur: tamen hinc non veterinariam aut Mulomedicinam describere, sed qua ratione, animalis omnium præstantissimi, ac nobilissimi, hominis sanitas præsens conseruari, ac amissa restitui possit, docere nobis propositum est. Est autem hoc subiectum non solum aliarum artium omnium subiectis nobilissimum, sed hoc etiam præ subiectis reliquarum artium peculiare habet: quod reliquarum artium subiecta nihil agunt, sed obsequium saltem agentis artificis præstant: Medicinæ verò subiectum innatam quandam potentiam obtinet, qua à Medico adiutum sponte plerumque ad sanitatem tendit. Vnde etiam ab Hippocr. 6. *epid. comm. 5. tit. 1. v. 200* *φύσις ἐν ἑαυτῇ.* *Natura morborum medicatrices* dicuntur; & medicus naturæ minister appellatur: quod scilicet nō semper ita simpliciter sanitatem parere, sed potius parturienti naturæ opem ferre videatur. *Natura enim & medicus*, ut Galen. *de constit. art. c. 12. alio 13* scribit, *eorum, quæ corpori boni causa sunt, authores sunt. Sunt tamen alia Natura, alia medicis negata & concessa. Natura quidem impossibile est, ita os confractum, ut eius partes à nativâ sede aberrant, membrumque distortum sit, corrigere & conformare, quod Medicis possibile est. Quemadmodum & luxatum medicus reponere potest: Natura nō potest. Contra cauum vlcus carne replere Natura potest; medicus non potest: sicut ex semicoctis aut crudis aliquid concoquere. Sed in his medicus natura famulatur.* Has ob causas, hanc scilicet subiecti medicinæ peculiarem dotem, eiusdemque nobilitatem, non saltem superficialia, quæ in plerisque aliis artibus sufficit, sed accuratior eius cognitio requiritur. Neque enim, ut Galenus, 1. *aphorism. 1.* habet, *lateres, lutum, ligna, lapides, tegula, coria, artis medica, sicut aliarum, sunt materia, in quibus multis modis, citra cuiusquam offensam, licet, quid possis, experiri: in corpore autem humano ea tentare, quæ nō sunt experientia comprobata, periculo non vacat; cum temeraria experientia finis sit totius animantis internecio.* Et quidem ob hanc subiecti nobilitatem tam accurata eius cognitione opus est; ut etiam omnium principiorum, è quibus suas conclusiones exstruit medicus, exactior, quàm in vlla alia arte requiratur cognitio: atque adeo in Medico nulla potest esse perfectio sine illa *Encyclopadia*, quæ homini viam munit ad felicitatem,

Medicina
ars omnium
nobilissima.

Subiectum
Medicinæ.

Subiectū Me-
dicinæ accu-
ratè cogno-
scendum.

licitatem, ut ait Scalig. *de re poet.* l. 3. cap. 16 Vnde facile etiam elucet, & summam Medicinæ esse difficultatem, & veri Medici maximam dignitatem, adeoque verissimum illud Homeri: *ἰντὸς γὰρ ἀνὴρ πολλῶν ἀντάξιον ἄλλων*: neque sine causa I. Cæf. Scaligerum, *allegato loco*, descripsisse Medicum, *virum doctum, probum, lenem, diligentem, maturum, fortunatum, Deo fretum, non sua vel scientia, vel opera, vel successu tumidum*. Atque ex his, quæ hætenus de Fine, Genere, & Subiecto Medicinæ dicta sunt, talem Medicinæ definitionem constitutumus: *Medicina est ars, quantum possibile, sanitatem hominis præsentem conseruandi, amissam verò instaurandi.*

CAPVT II.

De Diuisione Medicinæ.

Medici recte diuisur in partem theoreticam & practicam. Et si à nonnullis Medicina diuidatur in partem theoreticam & practicam: tamen illa diuisio accurata non videtur; cum hoc modo non diuidatur in partes oppositas. Tota enim Medicina est vna disciplina, & vnus habitus per vnum finem; *περατικὸς* nimirum aut potius *ποιντικὸς*, ut quæ actionis gratia sit. Disciplina verò omnes non ex particularibus rebus, quæ in iis tractantur, sed à subiecto adæquato & fine, ad quem omnia diriguntur, Theoreticæ vel Practicæ denominantur. Ideoque et si quædam in Medicina tractentur, quæ ad Theoreticas disciplinas spectare videntur: tamen quia illa omnia non tractantur ob scientiam, sed ad operationem, tanquam communem finem, diriguntur; partim quatenus subiectum declarant, partim quatenus finem, qui est sanitas, ipsique oppositus morbus, cum suis causis, effectis & signis explicant: meritò tota Medicina pro Arte habetur. Quod autem vna pars vulgò dicitur Theoretica, altera Practica, hinc fit, quod hæc operationi propior est, & immediatè operationem respicit: illa verò ab eadem remotior est. Qua ratione author libri de partibus Medicinæ, cap. 7. Medicinam diuidit in partes primas & proprias, *ὁσιενὴν* scilicet & *θεραπευτικὴν*, & alias his superiores. Cuius etiam ductum sequentes, aliis diuisionibus missis, commodissimam esse eam iudicamus, qua medicina in partem *φυσιολογικὴν*, *παθολογικὴν*, *σημειωτικὴν*, *ὁσιενὴν*, & *θεραπευτικὴν* diuiditur. Hæc enim & ratione finis, qui est sanitatem præsentem conseruare, & amissam restituere, in duas primas & proprias partes, *ὁσιενὴν* scilicet & *θεραπευτικὴν*, Medicinam diuidit; nec illas superiores, quæ etiam necessariae sunt, omittit. Et si autem hæc diuisio vsitata sit: tamen cum ab omnibus causæ sat perspicuæ non reddantur, quare in tot, & hoc ordine sese subsequentes partes diuidatur, nec satis, quid ad quamlibet pertineat, explicetur: de eo aliquid breuiter hic dicendum, & Idea quædam Medicinæ constituendæ ob oculos ponenda est. Cum in omni arte subiectum, in quo operatio fieri debet, cognitum artifice, quantum satis est, esse debeat, nullusque artifex in materiam, cuius naturam planè ignorat, formam aliquam introducere possit: etiam Medico anticipata subiecti sui, hoc est, corporis humani, notitia necessaria est. Primo itaque loco corpus humanum ipsiusque partes omnes simpliciter, absque temperaturarum & functionum consideratione, explicari debent: quod rectissime per descriptionem ex Anatome petitam fieri potest. Deinde cum omnes artes à notione Finis incipiant, & prima in omnibus disciplinis practicis de Fine instituat deliberatio: post subiecti cognitionem primo loco de sanitate dicendum est. Quæ cum in naturali constitutione, naturalium operationum causa, consistat, atque hæc præcipuè in Temperamento sita sit: primo loco naturalis totius omniumque corporis partium temperies explicanda, item omnes actiones &

officia corporis enumeranda sunt. Atque his & hoc modo prima pars Medicinæ, *ευστολοσική* dicta, absoluitur, in qua de corpore humano agitur duabus de causis: primò cum sit subiectum, in quo sanitatem Medicus efficit: secundò ratione finis, qui est sanitas, de qua Medicus non solum hoc teneat, & sciat necesse est, eam amitti & recuperari posse, sed etiam quid sit, & in quibus consistat, cognitum perspectumque habeat. Ex quibus patet, Finem huius partis internum & proprium esse, corpus humanum, & omnia, quæ ad sanitatem necessaria sunt, cognoscere. Externum autem esse, ut inde vitalis Indicatio petatur. Cum autem sanitati opponatur morbus, idemque sit morbum depellere & sanitatem restituere: secundo loco de morbi natura, differentiis, causis eiusque effectibus, symptomatis dicendum est. Atque hæc pars *παθολοσική* dicta est, quæ res omnes præter naturam, quæ hominis sanitatem & actiones lædere & labefactare possunt, explicat; qui proprius & internus eius Finis est. Externus verò eius Finis est, ut inde Methodus *θεραπευτική* Indicationes Curatiuas, Methodus verò *προφυλακτική* præseruatorias petat. Cum post cogitationem de Fine altera deliberatio sit de mediis, quibus ad finem peruenitur, rectè ad Methodum tuendæ sanitatis, & Methodum medendi accedendum esset, nisi prius inferenda esset pars *σημειωτική*. Cum enim, ut est apud Aristotelem, *1. Metaph. cap. 1. actiones omnes & generationes circa singularia* sint, neque hominem; nisi per accidens, sanet Medicus, sed Petrum, aut Paulum, aut alium quempiam eorum: methodo aliqua opus est, qua latentes in corpore affectus cognoscantur. Ideo *σημειωτική* tradenda est: quæ loco commodiore, quàm post tractationem de sanitate & morbo inseri non potest; cum ex iis, quæ ibi tradita sunt, signa pleraque eruantur. Atque his ita explicatis, ad principia operationis deueniendum, & media ac modus sanitatem præsentem conseruandi, amissamque restituendi explicandus est, & partes illæ primæ ac propriæ medicinæ, *ὁσιενή* & *θεραπευτική* tradendæ. Agendum itaque post *σημειωτικήν*, qua ratione præsens sanitas conseruari possit, dicendumque de alimentorum natura & facultatibus, ac methodus tradenda est, qua ratione per propria instrumenta sanitas conseruari possit: quibus *ὁσιενή* absoluitur, quæ docet, qua ratione rebus ad mouendis, educendis, agendis, & extrinsecus incidentibus sanitas conseruari; & homo, ne in morbos incidat, quantum possibile, præseruari possit. Ut ita huius partis internus finis sit præseruatoriæ & vitalis indicationis inuentio: Externus verò præsentis sanitatis conseruatio, tum labentis perfectio. Vltimo denique loco de remediis, eorum natura, facultatibus, materia & compositione agendum, & methodus amissam sanitatem recuperandi explicanda: quibus pars *θεραπευτική* absoluitur. Cuius partis internus finis est Indicationum curatoriarum inuentio: Externus verò sanitatis amissæ restitutio. Atque hæc primariæ & principes partes Medicinæ sunt. Nam si quæ aliæ partes recensentur, ut *φαρμακευτική*, *χειρουργική*, *διαιτητική*, & similes illæ principales partes non sunt, sed minores, quæ sub hisce principibus, & maioribus comprehenduntur. ut suo loco diceretur.

CAPVT III.

De Sanitate.

HAs partes ut iam ordine, quantum quidem compendij, atque instituti ratio patitur, tractemus, à Physiologia incipiendum est; cum rectum sit iudex sui & obliqui, ut habet Aristoteles, *1. de anim. text. 85.* & ut rectè Galenus, *lib. de ossib. in initio* censet, Medicum

cum prius cognoscere oporteat id, quod est secundum naturam, deinde id, quod praternaturam. Et primo quidem subiecti, quod est corpus humanum, explicatio præmittenda esset. Verum cum hac de re in omnium manibus sint & veterum & recentiorum libri plurimi, locupletissimi, & plenissimi, ex quibus corporis humani cognitio hauriri potest: de corpore humano, quæ alias prolixior est, & compendij rationem excedere cogit, tractationem prætermittimus, atque ad libros Anatomicos, imprimis verò *αὐτοψίας* studiosos Medicinæ remittimus, & recte ad Finis Medicinæ, qui est sanitas, tractationem accedimus. Sanitatis verò Naturam inuestigaturi hinc sumamus initium, & hanc *ὁμολογούμενῳ ἀρχῇ*, & quod apud omnes in confesso est principium primo loco, cum Galeno, *de different. morb. cap. 2. & 1. meth. med.*

*Qui sani, qui cap. 5. ponamus. Omnes homines se sanos esse existimant, cum partium corporis ministerio naturales & vitæ necessarias actiones sine aliquo vitio atque impedimento obire possunt: Egri verò omnium consensu ij habentur, qui actiones illas vel non obire, vel non sine vitio obire possunt. Cum verò in eo, qui coniecta & naturalia corporis officia exsequitur, duo reperiuntur, ipsa actio & agendi potentia: hinc colligitur, sanitatem vel in ipsa actione, vel in potentia esse collocandam. Verum ab ipso agendi actu sanitatem æstimandam non esse, vel ex eo manifestum est, quod dormientes, vel quocunque modo quiescentes, à multis actionibus cessant, multasque partes nec movent, nec alio modo exercent, quæ nihilominus sanæ sunt. Itaque recte statuit Galenus, *de differ. morb. c. 2. & τὸ ἐνεργεῖν ἢ τὸ ὑγιαίνειν, ἀλλὰ τὸ δυνάμει*: & merito quilibet se sanum esse iudicat, non solum cum actiones debitas obit, sed & cum eas non obit; modò eas obire possit: neque is æger iure dicitur, qui actiones naturales non exercet, cum possit; sed qui eas non potest exercere, etsi velit. Et proinde formalis sanitatis ratio est, potentia corporis naturales actiones exercendi. Ut verò perfecta atque integra sanitatis definitio constitui possit, porro inuestigandum, vnde illa actiones naturales exercendi potentia ortum habeat, & quid causæ sit, cur hic ad omnes actiones exercendas aptus, ille verò ineptus sit. Cum autem duo ad omnem actionem requirantur, facultas, ut appellant, aut anima suis facultatibus instructa, quæ princeps operationis causæ est, & quæ corpus operatur; deinde organum, quo Anima ad agendum utitur, & quo mediante actiones suas exsequitur: in animam huius rei causæ reici non potest. Anima enim nec lædi, nec labefactari potest, sed eadem semper atque inuariata, quamdiu vivit animal, manet, & easdem operationes edit; modò habeat eadem instrumenta; vnde senex videret ut iuuenis, modò haberet oculum iuuenis: ut est apud Aristotelem. Homo verò nunc sanus, nunc æger est. Itaque in organi potius constitutione huius rei causæ quærenda est. Qui enim omnes partes secundum naturam constitutas habet; is ad omnes actiones exercendas aptus est. Quod & Galenus, *de different. morb. cap. 2.* docuit: *Agendi, inquit, facultas à naturali constitutione dependet. Est autem partis cuiusque constitutio duplex; Vna essentialis, altera accidentalis. Essentialis est, quæ pendet ex materia & forma substantiali, à quibus compositam suam naturam & essentiam habet. Accidentalibus verò est, quæ illam priorem insequitur, & Qualitatum accidentiumque aliorum in singulis partibus est dispositio, & proximum organum, per quod forma essentialis est efficax, omnesque actiones exercet, & pro eius diversitate diversimodè agit. In essentiali constitutione sanitas non consistit. Essentialis enim constitutio, quamdiu vivit homo, est immutabilis; cum essentia rei intendi atque remitti non possit, sed habeat sese ut numerus, & ubicunque est, ibi**

tota sit; sanitas verò, manente eadem forma substantiali atque essentiâ, mutari potest; idemque homo, nunc sanus, nunc æger est. Itaque in accidentali potius constitutione sanitas collocanda est. Hæc enim mutabilis est, & essentiali integra manente, varias mutationes subit, ratione ætatis, victus, æris ambientis, atque aliarum circumstantiarum; atque hæc mutatâ, ipsa anima per se eadem & non mutata, in corpore etiam eodem, aliter atque aliter agit; & hinc oculus senis non tam acutè videt, ut oculus iuuenis: idem ventriculus modò bene, modò malè coquit. Requiritur quidem, ut homo sanus sit, & suas operationes exercere possit, non solum accidentalis, sed & essentialis constitutio. Nam si homo non esset: sanus aut æger dici non posset: cum non Entis non sint accidentia, & accidentia sua requirant subiecta, quibus insint. Propterea tamen ex essentiali constitutione sanitas æstimanda non est. Ut homo sit, ex essentiali constitutione habet, quæ tam in ægro, quàm in sano reperitur; cum tam homo sit, qui ægrotat, quàm qui est sanus: sed ex accidentali constitutione, quæ variè mutatur, habet, ut sit sanus vel æger. Postquam hoc modo causam inuestigauimus, ob quam corpus nostrum ad actiones omnes obeundas aptum esse dicitur: facile etiam subiectum sanitatis inueniri potest. Nam cum actiones tantum partibus viventibus competant: ipsa quoque sanitas, seu agendi potentia tantum viventibus partibus attribui potest: & quibus nulla agendi, naturalisque actiones exercendi vis est, iis nec sanitas, nec morbus, nec potentia, nec impotentia agendi adscribi potest. Ex quibus iam sanitatis definitio extrui hæc potest. *Sanitas est corporis humani eas, quæ secundum naturam sunt, actiones exercendi potentia, à partium omnium naturali constitutione proveniens.* Etsi verò Galen. *de differ. morb. cap. 2. Sanitatem naturalem omnium corporis partium constitutionem, & de diff. sympt. c. 1. διαθεσιν καὶ φυσικὴν ἐνεργείας ποιτικὴν, dispositionem secundum naturam actionum naturalium auctorem esse docet* eo tamen fine hoc facit, quod constitutio illa Medici actionibus potius subiecta est, quàm potentia ut postea, *lib. 2.* pluribus dicitur, vbi de natura morbi tractabitur. Quem & nos hoc loco & eadem de causâ imitati, in ea, quæ adhuc restat, de fine Medicinæ, qui est sanitas, tractatione, potius constitutionem naturalem, quàm potentiâ agendi contemplabimur. Cum autem partes corporis non omnes eiusdem generis sint, non omnium etiam eadem est naturalis constitutio. Diuiduntur autem membra in *ὁμοιομερῆ* & *ἀνομοιομερῆ*, quod vulgò reddunt, in partes similes & dissimiles. Quas appellationes quidem reprehendit I. C. Scaliger, in *lib. 1. de plantis*, ea de causâ, quod prædicatio denominatiui non possit attribui primitiuo eius; sed accidentibus tantum, quæ in illa substantia insunt: existimâtque, si quis omnino mutuum responsum relationis, quam tamen in primaria voce inesse censet, curiosius explere voluerit, ut sit mutuus responsum relationis, vocandas consimiles & condissimiles. Quas appellationes quidam ex iis, quos vulgò barbaros vocant, usurparunt. Ita enim Nicolaus Florentinus, *tract. 1. part. 1. cap. 30.* appellat membra alia consimilia, alia composita & officinalia. Verum quia ciuitate Medica ferè donata sunt ista vocabula, nos etiam ea ut vsu trita retineamus. Et quocunque modo appellentur, utrisque sua naturalis constitutio obtrigit. Similares partes, quæ simplicissima sensui corporis nostri elementa sunt, (vnde à Galeno *2. de element. cap. 1. πρῶτα πρὸς τὴν αἰσθησιν ὁμοία & σοιχῆα πρὸς τὴν αἰσθησιν 1. de element. cap. 1. & πρῶτα ἀπλῆστα καὶ αἰσθητὰ σοιχῆα, lib. 3. de elem. cap. 9. nominantur*) dicuntur, quarum vniuersæ particulæ eandem inuicem retinent formam, ut definit Galen. *1. de elem. cap. 8.* siue ut est *8. de plac. Hippocr. & Platon. c. 4.* quarum particulæ tum inter se, tum toti sunt similes; seu quarum partes eiusdem essentia sunt cum

Sed in accidentali.

Subiectum sanitatis.

Sanitas quid.

Sanitatis definitiones Galenica explicata.

Partes corporis duplices.

Similares partes.

Sanitas non est ipsa actio.

Sanitatis ratio non in anima quærenda.

Sed in organo.

Partium constitutio duplex. Essentialis. Accidentalibus.

Sanitas non consistit in essentiali constitutione.

cum toto: ut si os in multas partes diuidatur, una quæque pars eandem formam seu essentiam retinebit. Notandum tamen hic, similes & simplices partes alias verè & exactè tales esse, alias ad sensum tantum. Verè & exactè tales sunt, in quibus neque sensu accuratio- re, neque ratione diuersitatem inuenire est, quales sunt os, cartilago, caro simplex, fibræ: Ad sensum tales sunt, quæ etsi primo intuitu tales videntur, tamen si diligentius spectentur, compositæ è pluribus deprehenduntur, ut caro musculorum, substantia venarum, arteriarum, quæ è suis fibris & carne propria constant.

ilarium
stitutio in
constat.

Similes partes, cum, quatenus similes sunt, ex elementis, ut alia mista, seu sanguine, ut propiore principio componantur, (duplex enim partium similarium est materia, Remota, quatuor elementa; proxima semen & sanguis, quæ duo generationis nostræ sunt principia) in quatuor qualitarum primarum legitima temperie earum constitutionem, accidentalem nimirum, & proinde sanitatem primò consistere, & ad similarium sanitatem iustam earum temperiem requiri, per quam ad naturales actiones obeundas aptæ sunt, vulgò docetur: neque id falsè. Verum, ut rectè I. C. Scalig. *exerc. 2. lib. 8. sect. 8.* ait: *omnia ad manifestas Qualitates reducere velle, summa impudentia sit*; atque corpora nostra non simpliciter & proximè, ut mista, ex elementis constant, sed sua proxima principia habeant, & calore quodam vitali, spiritu viuifico, humidoque primigenio prædita sint, & formam suam atque animam obtineant, à quibus multæ nobiles qualitates fluunt; ut cum ex aliis videre est, cum ex *συνπαθεία*, & *ἀντιπαθεία*, quam corpus nostrum & eius partes cum aliis corporibus naturalibus habent: non solum quatuor primarum qualitarum *συνπαθεία* similarium partium sanitatem absolui, sed, & nobiliores, & occultiores alias Qualitates ad eam requiri, omnino credendum est. Licet verò & alia in partibus similaribus reperiantur, ut certa figura, magnitudo, & similia: tamen illis hæc non competunt, quatenus similes sunt, sed quatenus organica. Quatenus enim similes sunt, nullam peculiarem figuram requirunt, sed satis est, si suam temperiem, cæterisque qualitates, quibus suas actiones obeunt, habeant; atque sub quacunque figura suam naturam retinere possunt, atque quælibet partis particula eandem retinet. Cuius naturæ respectu definitio partis similis, quæ est apud Aristotelem, *1. de hist. animal. c. 1.* Galen. *8. de plac. Hippocr. ac Plat. cap. 4. & 1. de elem. cap. 8.* ipsis competit; non verò respectu officij, quod habent, non ut similes, sed ut certam figuram, & conformationem obtinent, seu quatenus organicae sunt. Nimirum quælibet particula venæ vel arteriæ, si cum quacunque particula venæ vel arteriæ confertur, eiusdem cum ea naturæ est: etsi non sit vena vel arteria, id est, vas sanguini & spiritui vehendo dicatum. Ista, de qua modò diximus, similarium partium constitutio quidem etiam dissimilaribus competit; sed per accidens, quatenus nimirum ex similaribus constant. Propriam autem & peculiarem habent dissimiles constitutionem, quæ in compositione ad actiones apta & necessaria consistit; quæ pro varietate actionum edendarum in diuersis partibus diuersa est. Alia enim pars hanc, alia illam figuram habere, alia maior, alia minor esse, alia ex pluribus, alia ex paucioribus componi debet, ut infra *cap. 7.* docetur. Hoc itaque loco non prætereundum, sed diligenter perpendendum: An omnis pars organica dissimilis sit, atque an eadem sit pars dissimilis ac organica. Videmus quidem apud Authores sæpissime opponi simili partem organicam: Verum tamen ipse Galenus venas & arterias, quas, *2. de element. c. 1. & de different. morb. cap. 3.* inter similes partes numerauit, *lib. de differ. morb. c. 4.* inter prima instrumenta recenset. Ideo sciendum, si propriè loqui libet, non opponi or-

ulta etiã
litate
er primas
constitu-
em simi-
um requi-
tur.

ilarium
stitutio.

nnis pars
nica sit
milaris;
n organi-
pponatur
lari.

laris non
nitur or-
ica.

ganicam simili, sed dissimilem, seu compositam partem. Deinde notandum, organi vocem interdum latiùs, interdum strictiùs accipi. Latiùs si sumatur organum, etiam similes quædam partes organicae esse possunt. Cum enim organicae partis natura in eo sita sit, ut peculiarem aliquam actionem (non communem, qualis nutritio est, quæ omnibus partibus competit) edat, atque ad eam edendam certo modo conformata sit: aliquibus similaribus partibus etiam hoc conuenire, certum est. Habent enim venæ, arteriæ, nerui, dentes suam peculiarem conformationem, magnitudinem, & peculiaria ob hæc officia. Atque hoc modo organicae partium naturam etiam his inesse, & nomen non incommodè conuenire videmus. Instrumentum verò magis strictè definit Galen. *1. meth. med. cap. 6.* animalis partem, quæ perfectam potest edere actionem; quales sunt visus, auditus, incessus. Ideoque organicae partium duo genera rectè constituuntur: Quædam constant ex variis simplicibus partibus: quædam ex una tantum, verum figurata, & certo modo conformata. Ita vena quidem sua natura similis pars est; sed quatenus eo modo conformata est, ut sanguini vehendo aptus, canalis sit, organica dicitur. Sic tibiæ os quidem sua natura simplex est; sed quatenus suam peculiarem habet figuram & magnitudinem, tibia nominatur. Verum cum organi propriè dicti sit perfectam atque integram edere actionem, ut oculi videre, auris audire; partes verò simplices pleræque tales actiones non edant, sed saltem vsum aliquem in actione præstent; & illa compositionis varietas, quæ requiritur ad edendas perfectas actiones, reperiatur tantum in dissimilaribus: hinc patet, partes dissimiles in primis ac præcipuè actionum illarum organicae instrumenta esse. Et propterea etiam Medici plerumque pro eadem partem organicam & dissimilem habere solent.

Organum du-
pliciter dici-
tur.

Dissimilis
& organica
pars sæpe pro
eadem habetur.
An bona sit
diuisio par-
tium in simi-
lares & orga-
nicas.

¶ Tam vulgata est partium in Similes & Organicas diuisio, ut Authores, qui ea vtuntur, allegare sit superuacaneum. Vnde etiam orta est nota diuisio morborum in Similes & Organicos; quod scilicet ij partibus similaribus, hi organicis competant. Verum etsi vulgata sit ista diuisio: tamen, an bona sit, inquirendum. Fecimus quidè iam antea etiam huius questionis mentionem, *lib. 1. Instit. cap. 3.* operæ tamen pretium puto, eam adhuc clariùs explicare. Non videtur autem bona hæc diuisio, nisi rectè explicetur. Etenim cum affectiones partis organicae sint magnitudo, numerus, figura, compositio; vnde morbi magnitudinis, numeri, figurae, situs; eadem omnia etiam partibus similaribus competunt. Nam ossa habent suam magnitudinem, numerum, figuram, alia aliam; alia sunt recta, alia curua & inflexa; atque aliam figuram habet tibia, aliã femur, aliã os brachij & vlna, digitorum in pedibus & manibus articuli, dentes, costæ, cranium: quæ naturalis constitutio si mutetur, morbi instrumentarij excitantur, sicut sæpe tibiæ intorquentur, & naturalem figuram amittunt: costæ & cranium deprimuntur. Ita arteriæ & venæ habent suas cavitates, & sunt veluti oblongi canales, vnde obstrui possunt. Nerui sunt canales, spiritibus animalibus vehendis dicati, qui si comprimuntur, vel obstruuntur, vsum hunc præstare nequeunt. Effugere hanc obiectionem laborat Fuchs, *lib. 1. Instit. f. 5. c. 1.* vbi pluribus distinguere conatur inter partem instrumentariam & instrumentum. Partem instrumentariam nominat eam duntaxat, quæ composita est è pluribus, v. g. manum, pedem, oculum; Instrumenta verò appellat arteriam, venam, neruum. Licet enim quælibet earum perfectam operationem edere possit, venæ distributionem sanguinis venosi, arteriæ arteriosi, & spiritus vitalis; nerui distributionem spiritus animalis; instrumentarias tamen partes esse negat, sed similes statuit; cum è pluribus non sint compositæ. Verum distinctio ista causam eius parum iuuat. Equidem verum est, vocem instrumenti longè

Distinctio
Fuchij in
partem In-
strumenta-
riam & In-
strumentum.

Annon pars,
qua est in-
strumentum,
etiam appel-
landa pars
Instrumenta-
lis.

longè latiùs patere, quàm partis instrumentalis. Sunt enim multa instrumenta etiam extra corpus humanum; ita ferra, malleus, dolabra, acus instrumenta sunt. Verùm de hoc quæritur, annon, cùm pars aliqua corporis nostri instrumentum est, etiam meritò pars instrumentalis appellari possit & debeat. Quod omnino affirmandum. Dens certè instrumentum est, idem pars est corporis; cur non ergo dicatur pars instrumentalis? Quia tamen alia ratio est partis, quatenus similis, alia quatenus instrumentaria, omnino hæc distinguenda. Vidit equidem id aliquo modo Fuchsius, lib. 3. Instit. s. 1. c. 1. sed rem non satis explicat, dum scribit: *A magnitudine, figura, & connexione, similitudinem partium essentiali non mutari.* Et postea: *Nihil enim refert, os, quatenus est pars similis, esse contortum, rectum, quadratum, magnum, aut paruum.* Et iterum: *Nervus, quatenus est pars similis, neque solidus, neque cauus existit. Sic vena & arteria, quatenus sunt partes similes, non necessario canitate donata sunt.* In eo verò planè errat, quòd addit, *partes similes magnitudinem, figuram, & reliqua habere, quatenus ad partes instrumentarias componendas requiruntur.* Neque enim nervus comprimì & obstrui potest tantum, dum parti compositæ inseritur, sed etiam in ductu, dum ad nullius adhuc partis priuatæ constitutionem pertinet. Eodem modo in venis & arteriis sese res habet. Caua enim vena, & arteria magna, sunt canales sanguini vehendo dicati, & consequenter partes organicae, antequam ulli parti compositæ inseruntur. Itaque ut, quid de hac quæstione sentiendum sit, clarum fiat, explicandum, quid propriè pars similis sit, quid organica.

Quid pars si-
milaris.

Similis pars, ut ipsum nomen indicat (Similes enim partes, Græcis *ὁμοιομερή* dicuntur, *ἀπλὰ μέρη*) est, quæ simplicis & unius naturæ est, & ex partibus natura diuersis non constat, & proinde propriè opponitur dissimilari & compositæ; quales sunt ossa, cartilagine, caro, membrana, nervi, venæ, &c. Et si hoc modo consideretur pars similis, nullum publicum officium habet, sed saltem nutritionem suam procurat, aut, si quid etiam publico bono inseruit, id sua temperie, & quatenus similis, perficit. Et hoc modo consideratæ partes similes, organicam constitutionem, seu conformationem non requirunt, & os curuum, nimis magnum, aut paruum, æquè nutriri potest, quàm quod suam naturalem organicam constitutionem habet.

Organicum
quot modis
dicatur?

Organicum verò dicitur tribus modis: Generalissimè, quatenus nimirum omnes partes corporis, seu similes, seu dissimiles, sunt instrumenta animæ. Deinde stricta significatione ex partes organicae dicuntur, quæ non solum essentiam suam, & naturam similem habent, quæ priuatum suum officium perficiunt, sed præter temperamētum etiam certam compositionem & conformationem habent, quæ aliis partibus, vel etiam toti corpori inseruiunt. Hoc modo si accipiatur organica pars, ab iis non sunt excludenda ossa, venæ, arteriæ, nervi. Os equidem ad sui nutritionem non requirit, ut sit conformatum, sicut nec cranium, costæ, vertebræ dorsales; tamen, ut cranium cerebrum tegat, ossa cruris ambulationi, ossa brachij apprehensioni sint utilia, certo modo conformata esse, debent. Venæ saltem ob temperiem, & naturalem essentiam simplicem nutriuntur, ut verò sanguinem capiant, & ad alias partes vehant, sunt concavae, teretes, longæ. Idem dicendum est de arteriis. Nervi etsi manifestam cauitatem non habeant, aliquam tamen procul dubio habent, per quam spiritus animales decurrunt. Ligamēta, ut partes contineant, sunt dura, flexibilia. Ex quibus omnibus patet, in partibus simplicibus aliud esse similem constitutionem, aliud organicam conformationem, & utramque in eadem parte concurrere posse. Strictissimè tandem dicuntur partes instrumentales, quæ, ut est apud Gal. lib. 1. meth. c. 6. integram ali-

quam actionem edunt, velut oculus visionem, auris auditum, lingua loquelam, crura incessum, manus apprehensionem. Quæ actiones cùm homini maximè sint necessariae & conspicuæ, ex etiam partes, quæ tales actiones perficiunt, κατ' ἐξοχὴν instrumentariae dicuntur; etsi, ut modò dictum, nervis, venis, ossibus, etiam organica constitutio, quæ in magnitudine, figura, numero, situ consistit, competat.

Nimirum pars similis potest considerari primò simpliciter, ut vnum & simplex quiddam, ex aliis partibus diuersæ naturæ non constans, & suam dispositionem, quæ viuens constituitur, habens, abstrahendo omnem conformationem; & hoc modo pars similis patitur saltem morbos intemperiei & occultarum qualitatium: quos si etiam patiuntur dissimiles, ut cerebrum, ventriculus, hepar, sit id, quatenus constant ex similibus. Et licet totum nihil aliud sit, quàm suæ partes; tamen totum habet intemperiem propter partes, & quia partes sæpe habent intemperiem diuersam, vna temperies tunc toti non potest tribui. Ita pes constat ex ossibus, carne, nervis, tendinibus, ligamentis, membrana, cute, quæ singulae partes habent suam peculiarem temperiem. Videmus hoc etiam sæpe in aliis rebus: ita pomo citrio, granato, aurantio, non potest vna temperies tribui, sed aliam habet cortex, aliā pulpa, aliam semen. Secundò partes similes possunt considerari ut conformatae, & certam magnitudinem, figuram, situm habentes; & hoc modo ipsis etiam morbi organici competunt. Vnde rectè dixit Fuchsius: *In partibus similibus, quatenus similes sunt, non dari morbos in figura, & nihil referre, os quatenus est pars similis, esse contortum.* Nam os contortum & malè figuratum, quatenus pars similis, æquè nutritur, ut rectam figuram habens.

Neque hoc est nugari, ut Ludouicus Dugardi putat, qui existimat, hinc sequi, alias partes esse partes similes, quàm sint ipsæ partes similes, id est, idem esse aliud à seipso. Nam pars similis potest duplici modo considerari: primò ut sua simplici essentia constans & viuens, sine omni conformatione organica; deinde certam conformationem, quæ aliis vñibus, quàm soli nutritioni & vitæ, inseruit, habens. Qui tamen duplex respectus non duplicem partem facit. Eadem pars est os, quod nutritur & viuit, siue sit rectum, siue curuum, & rectitudo vel curuitas nihil ad nutritionem facit: quatenus verò incessui seruit, tibia dicitur, & suam figuram naturalem habere debet; quam si amittat, homo claudicat.]

Tandem est quiddam, quod vtrisque partibus tam similibus, quàm dissimilibus, commune est, nimirum Vnitas seu continuitas. Nam non solum totum corpus, sed etiam quælibet pars in nostro corpore, siue ut similis, siue ut organica consideretur, vna atque integra esse debet. Itaque tertio ad sanitatē nostri corporis Continuitas seu Vnitas requiritur, Vnitatisque tertium est, in quo sanitas consistit. Atque hæc tria si corpus nostrum obtineat, sanum est, & ad omnes actiones obeundas aptum: horum verò si quid desit, & à *συμμετρίᾳ* hac corpus declinet, ægrum euadit. Verum, ut Galenus, de different. morb. cap. 4. monet, non quæuis & exigua ab exacta *συμμετρίᾳ* declinationes mox morborum nomine censendæ sunt, sed ex demum, quæ actionibus noxas, quæ sensu percipi possunt, inferunt. In eo enim spatium, quod est ab ea *ἀμετρίᾳ*, quæ morbi nomine censetur, vsque ad eam, quæ ad vnguem salubris est, *συμμετρίαν*, multæ sanorum consistunt differentia, & magna est sanitatis latitudo. Quod Galenus, 1. de tuenda sanit. cap. 5. duplici ratione probat. Primò ex mutatione, quæ fit per ætatum vices. Cùm enim, postquam editum in lucem est animal, perpetuò eius temperamentum mutetur, neque qualitatū eadem perpetuò, atque in omnibus ætatibus ratio permaneat; ad sanitatē verò etiam tempera-

Duplex res-
ectus partium
similium.

Vnitas simila-
ribus & dis-
similibus
communis.

Sanitatis in-
titudo.

ramentum

ramentum qualitarum requiratur: Sanitatem eandem perpetuò permanere, possibile non est. Deinde idem probat actionum, quæ à diuersis eduntur, differentia. Nec enim omnes, qui oculos sanos habent, æquè acutè vident, sed alij aliis perspicaciores sunt. Ita etiam sese res habet in auditu, progressu, cursu, aliisque actionibus, quarum magna & inter sanos est differentia. Si itaque tot sunt actionum differentia: tot quoque erunt differentia constitutionum, à quibus pendunt; & proinde tot sanitates, non quidem secundum speciem seu *τὸ κοινὸν ἀπάσαις εἶδος*, ἀφ' ἧς *πᾶς ὁ γένει λέγονται*, verum *τὸ μᾶλλον ἢ ἥττον* differentes. Et si quævis debilitas pro morbo habenda esset: ἀειπάθῃα iudicaretur; omnesque, qui minus robore valent, quàm fortissimus aliquis athleta, omnesque senes ad iuuenes collati essent ægri. Quod cum sit absurdum: Medici sanitatem, & naturalem illam *συμμετρίαν* non in puncto quodam constituunt, neque etiam quamcumque ab exactissima *συμμετρία* declinationem morbi nomine dignantur; sed eam solùm, quæ præter naturam est. Itaque etiam si, vel ratione ætatis, vel sexus, vel alius naturalis constitutionis ratione, multi eas actiones exercere non possunt, quas alij possunt: tamen quia hoc ipsis secundum naturam ipsorum competit, hæc imbecillitas pro morbo habenda non est. Et quidem sanitatis latitudo duplex est, vna quæ secundum speciem, altera, quæ secundum Individua consideratur. Illa est, quæ quamcumque sanitatem humanæ speciei conuenientem comprehendit. Inter innumeros enim homines vix duo reperiuntur, qui eandem planè corporis constitutionem habent, sed alij aliis actiones suas perfectius edunt. Incipitque hæc sanitas ab optima sanitate, quæ in humano corpore reperiri potest. Individualis verò est, quæ propria est singulis Individuis. Idem etenim homo pro ratione ætatum & aliarum circumstantiarum nunc magis nunc minus sanus est, actionesque suas perfectius vel imperfectius edit. Et hæc sanitas æstimanda est respectu eius, quam quisque optimam sortitus est, qualis est in iuuentute & virili ætate, respectu ætatis. Vtraque verò definit in sensibilem operationum læsionem, & tum homo æger dicitur. Cum ergo inter læsionem actionum sensibilem & optimam sanitatem multi gradus sanitatis intercedant, quæ sanitatis latitudo est, Medici peculiariter eam considerant, & eos, qui ab optima quidem illa sanitate defleunt, ægri tamen non sunt, Neutros appellant, & Neutram constitutionem in medio quasi sanitatis illius exactioris, & morbi constituunt. De qua constitutione cum controuersia moueri soleat: sciendum, si rem exactè æstimemus, nullam dari mediam dispositionem à sanitate & morbo specie differentem: cum omnis homo sanus sit, vel æger, actionesque naturales exercere possit, vel non possit. Ideoque etiam philosophus, cum affectiones corporis viuentis recenset, saltem sanitatem & morbum, non verò neutram constitutionem recenset. Atque ipse Galenus, *de differentiis morborum c. 2.* saltem sanitatis & morbi mentionem facit: & *I. de tuenda sanit. cap. 1.* duas tantum primas & maximas Medicinæ partes facit, quarum alteram sanitatis tuendæ; alteram morbi profligandi facultatem appellat. Et quamuis dentur plurimæ constitutiones, quæ ab optima sanitate declinant: tamen hæ constitutiones ab optima sanitate specie non differunt, sed maioris & minoris ratione. Ipsaque adeò neutra constitutio ad sanitatis latitudinem pertinet. Sicut enim niuis candor ab eo, qui in lacte vel alia re est, quatenus candor, non dissidet: ita & huius sanitas non differt ab alterius sanitate specie, sed secundum maius & minus. Veruntamen Medici pro suo vñ Neutram constitutionem peculiariter considerant, & Neutros à reliquis sanis, non quidem specie, sed tamen minoris & maioris ratione, distinguunt. Alia enim est

sanitas perfectissima, & optimus corporis habitus Græcis *ὑγιεία*; alia, quæ quidem ab optimo corporis habitu & perfectissima sanitate defleat, ad consuetas tamen actiones obeundas sufficit, & de qua, vt in morbum ex se mox labatur, metuendum non est: alia, quæ iam titubat, & in morbum, nisi id præcaueatur, prolapsura est, quam Neutralitatem decidentia appellant: alia eorum, qui è morbo conualescunt, quam Neutralitatem conualescentia nominant. Atque hinc distincta oriuntur Medici officia, & Medicinæ partes, vel partium Medicinæ potius diuisiones, vt infra, *lib. 4. part. 2. cap. 2. 5. 6.*

CAP. V. IV.

De Temperamentis.

VT verò sanitatis natura magis perspicua reddatur: de triplici hac constitutione, in qua corporis sanitas consistit, in specie aliquid dicendum. Et primò partium similarium constitutionem quod attinet, ad eam pertinere Temperamentum diximus: ideoque de eo primo loco dicemus. Temperamentum ex mistione Elementorum prouenire, & ex quatuor primarum Qualitatum mutua actione & passione ortum habere, manifestum est. Sed quid sit Temperamentum, non parum apud autores controuersum est. Qui enim qualitates primas formarum loco in Elementis habent: temperamentum à forma misti non distinguunt. Fuchsius cum nonnullis, *instit. medic. l. 1. sect. 3. c. 1.* Temperamentum substantiam esse dicit, & morosos eos esse existimat, qui medicos ad philosophorum præscriptum loqui cogere annuntur. Verum enim uerò etsi hoc nemo neget, licere medico interdum loquendo se ad suum forum accommodare; tamen idcirco absurdas opiniones inducere, & cum principiis Philosophiæ pugnantiā proferre non licet. Sua enim principia à Phylca mutuatur, neque alia habet principia, quàm quæ Physicus suggerit; & propterea si physicis principiis contraria profert, vera non profert. Itaque rectius ij sentiunt, qui temperamentum nec substantiam esse statuunt, nec pro forma misti agnoscunt, sed saltem Qualitatem & accidens esse existimant. Cum enim temperamentum sensui subiiciatur; motu acquiratur; atque alterationi obnoxium sit; ex qualitatibus elementorum, vt dicitur, ortum habeat: substantia aut Forma rei Essentialis esse non potest. Quod enim vni est accidens, alteri substantia esse nequit: & ex qualitatibus non fit nisi qualitas; quæ cum sit accidens, non potest esse forma corporum. Etsi enim temperamentum non possit esse sine Elementis: tamen aliud est essentia elementorum, aliud qualitates, quæ ab ea promanant, & temperamentum, quod ex qualitatibus solùm oritur. Licet quoque temperamento forma misti, vt plerumque ignota, circumscribatur, & Temperamentum pro forma latente, vt quod eius ad operationes edendas organum est immediatum, & per quod se forma prodit, interdum vsurpetur: tamen si rem accuratè æstimare velimus, Temperamentum ad solas Qualitates; mistio verò ad ipsorum Elementorum essentiam extendenda est: cum formæ elementorum substantiales, & qualitates, vt ex philosophia naturali patet, reuera genere dissident. Facit quidem alterius adhuc temperamenti mentionem L. Mercat. *tom. 1. l. 1. part. 2. clas. 1. art. 2.* quod ex substantiis elementorum deducit; dum statuit vt ex mutua qualitarum alteratione temperamentum resultet: sic etiam ex mutua ipsorum actione & passione, comminutione substantiarum ad minima, quoddam totum fieri, quod sit sibi vndiquaque simile, confusas inter se qualitates continens, ita vt vnicuique misto suus succrescat substantiæ modus, suæque peculiaris re-

Non est alia
veritas Me-
dica, alia
Philosophica.
Tempera-
mentum non
est substantia,
nec forma rei.

Tempera-
mentum con-
stat tantum
ex Qualitati-
bus, non Sub-
stantiis.

peries illi substantiæ affinis & genuina, habitusque naturalis in grauitate, duritie, crassitie, densitate & aliis qualitatibus similibus consistens, qui omnium facultatum fundamentum existat: & mutari aut alterari citra maximam difficultatem non possit, ut reliquæ temperies, quæ elementorum qualitates sequuntur. Veruntamen ipse Mercatus concedit, hoc temperamentum etiam esse accidens, & qualitatem, non substantiam: & præterea statuit, hanc ipsam accidentium & Qualitatum rationem potius substantiæ modum, quam temperamentum appellari debere; cum temperamentum propriè ex qualitatibus primarum alteratione oriatur. Neque tamen hi, qui Temperamentum à forma misti aliud, & accidens solum, non substantiam esse dicunt, omnes eiusdem sunt sententiæ. Aliorum autem opinionibus missis, cum Auicenna statuimus, Temperamentum esse qualitatem ex mutua actione & passione primarum ortam. Ita enim Auicennas, *prima 1. doct. 3. cap. 1. Temperamentum est Qualitas, quæ ex mutua actione & passione contrariarum qualitatuum elementorum, quorum partes ita ad minimas sunt redactæ, ut cuiusque earum plurimum contingat plurimum alterius, provenit. Cum enim ita mutuo patiuntur & agunt suis vicibus, accidit ab earum summa Qualitas in toto earum similis, quæ est Temperies.* Qualitatem primò dicimus, cum ex Qualitatibus fiat, & sensui subiiciatur, tactuque dignoscatur. Eandem ex Qualitatibus primis constare, atque ex earum mutua actione & passione originem habere affirmamus. Nam dum concurrunt, ac se mutuo adoriuntur Qualitates; eousque earum pugna progreditur, donec omnes refractæ & remissæ fuerint, abiectisque contrarietatum quibusdam gradibus, quibus extremè diffidebant, amicitia quasi contracta coierint. Qua ratione primo ab iis diuersum sentimus, qui Temperamentum saltem harmoniam esse statuunt. Etsi enim in Temperamento sit quædam Qualitatum proportio: tamen temperamenti ratio non solum in illa proportione, & in harmonia consistit, sed est qualitas quædam, quæ ex primis Qualitatibus certa proportione & harmonia certa concurrentibus atque coeuntibus resultat. Cum enim temperamentum sit immediatum actionum organum; proportio verò Relatio, quæ nullam actionem habet: temperamentum saltem harmonia & proportio non est. Deinde neque cum iis facimus, qui planè aboleri qualitates primas concedunt: cum earum actiones & vires adhuc manifestè in temperamenti appareant, atque inde etiam temperamentum quoddam dicatur calidum, quoddam frigidum, quoddam siccum, quoddam humidum; quod in vno vis calefaciendi, in alio refrigerandi, in alio siccandi, in alio humectandi magis eluceat. Tribuunt quidem nonnulli, inter quos est Fuchs, *alleg. loc.* hanc sententiam Auicennæ, atque eum statuisse existimant, quod quatuor primæ qualitates pereant in mutua actione, & quinta, eaque simplex Qualitas inde emergat. Verum contra eius mentem hæc Auicennæ tribui videntur. Nihil enim aliud cum plurimis doctissimis Philosophis & Medicis statuit, quam ex contrariis qualitatibus, quæ magis & minus suscipiunt, manentibus, verum refractis & remissis, oriri vnā moderatam qualitatem, quæ sit finis & terminus alterationis, & quasi Qualitas media, quæ omnibus simul iunctis resultat, & ex iis quidem constat, diuersa tamen ab vnaquaque, & omnibus similis; sicut color pallidus inter album & nigrum medius est. Quæ etsi vna est, & distincta ab illarum qualibet, & omnibus similis: tamen suo modo est multiplex & totuplex, quot sunt simplices illæ, à quibus remissis orta est. Denominationem autem præcipuam ab illa capit, quæ in pugna palmam obtinuit, siue vna sit, siue duæ. Hinc etiam fit, ut omnis actio, quæ à tempe-

ramento provenit, superiori illi & excellenti adscribatur; etsi ab actionis consortio reliquæ inferiores minimè excludendæ sint. Quam sententiam Auicennæ fuisse ex eo manifestè apparet, quod allegato loco scribit: Temperamentum æquale esse, quando quantitates qualitatuum in Temperato sunt æquales; inæquale verò, in quo plus est vel frigoris, vel caloris. Tandem nec iis assentimur, qui temperamentum ex qualitatibus extremis atque integris & non remissis constare asserunt; quæ Fernelij est sententia. Qui enim hoc statuunt, ij, ut rectè Gal. *1. de elementis. c. 3.* censet, impossibilia moliuntur. Nam hoc modo elementa non alterarentur, nullaque daretur mistio. Cum enim mistio sit miscibilium alteratorum vnio: quomodo integras suas vires retinebunt Qualitates in misto, si elementa summas qualitates retinerent, nullaque fieret alteratio? Sicuti enim nulla fit mistio, sed corruptio, ubi vna qualitas alteram planè vincit atque abolet: ita etiam nulla fit mistio, si ea, quæ coniunguntur, solum confunduntur, sicut in acervo frumenti hordeum, cicer, ac fabæ, ut Gal. *allegato loco* loquitur: sed tum solum fit vera mixtio, ubi mutua Qualitatum primarum fit actio & passio, quæ pugna & elementorum substantiæ vniuntur & qualitates ad quandam concordiam deueniunt. Qua qualitatuum mutua actione & passione ortam concordiam temperamentum nominamus. Sed his in genere de natura Temperamentorum explicatis, ad species accedendum est. Temperamentum dici non potest, nisi quod temperatum est. Hoc autem dupliciter fieri potest. Vel enim temperatum quid dicitur simpliciter & absolute, quod simpliciter & exquisitè medium est, & in quo contraria reuera inter se sunt æqualia: vel dicitur tale relatione ad aliud, & in suo genere. Nam vel in Qualitatibus ea accidit moderatio, ut æquis omnino viribus concurrant: vel est quidem in viribus qualitatuum quædam inæqualitas, quæ tamen actionibus peculiari-bus conueniens & accommodata est. Illud Scholæ æquale ad pondus appellant, in quo nimirum ita æqualiter qualitates primæ concurrunt, ut si possibile esset ad trutinam eas expendere, nullus omnino excessus futurus sit: hoc verò æquale ad iustitiam, quod eo suum cuique tribuatur. Verum de temperie illa, quam ad pondus æqualem appellant, magna, quam plurimi prolixè tractant, agitur controuersia; & an detur, variè disputatur. Breuitatis studio pluribus illam hinc non agimus. Ut tamen ex ea nos expedire possimus, hoc primo obseruandum censemus: Temperamentum esse affectionem corporis misti, & propriè mistis homogeneis competere: iis verò, quæ ex partibus diuersæ naturæ constant, & præcipuè animantibus, cum vnum mistum non sint, sed ex pluribus, quorum vnumquodque sua præditum est temperie, constant, ita propriè vnicum temperamentum attribui non posse. Cum tamen homini & aliis animantibus temperamentum quoddam commune tribuitur: id fit propter commune aliquod, quod in omnes corporis partes diffunditur; quod præcipuè est calor à corde influens. Quando itaque queritur: An detur aliquod temperamentum ad pondus, id de homine accipiendum non est: illum enim esse calidum & humidum, manifestum est, ut postea dicitur. Nam Creator ita naturam disposuit, ut non semper ea, quæ simpliciter & absolute bona, & naturæ vniuersali cōmodiora videntur, fiant; sed & ea plerumque, quæ Naturæ particulari sunt vtilia & conuenientia. Si verò mixta simpliciter atque inanimata spectamus, nihil forsā absurdum est, nec naturæ repugnat, in aliquo mixto inanimato reperiri hoc temperamentum ad pondus: inprimis cum ad pondus hic temperamentum dicatur, non quod ex elementorum ad pondus quasi expensis æqualibus portionibus cōstet; sed quod eam habeat elementarium qualitatū *συμμετρίαν*, ut si possibile esset, sicut dixi

Temperamentum quid.

Temperamentum non est tantum harmonia.

Qualitates primæ non abolerentur in temperie.

Temperamentum quo modo sit vna Qualitas.

In temperamento Qualitates non manent integra.

Temperamentorum differentia.

Temperamentum ad pondus. Ad iustitiam. An detur temperamentum ad pondus.

diximus, ad libram & trutinā eas expendere, omnino æquales & pares reperirentur. Aut si omnino non datur: tamen imaginatione cōcipi potest, vt sit quasi norma excessuum & defectuū in reliquis tēperamentis, quæ ab æqualitate hac deflectūt, & quasi quædam Polycleti statua, quam artifices Canonem appellabant, ad quam, tanquam normam, plastæ & pictores collinearent, vt est apud Gal. *de temperam. cap. ult.* Verum cum nostri propositi non sit, de temperamentis in genere agere, sed quatenus actionum edendarum ab homine proxima instrumenta sunt: misso hoc temperamento, de eo, quod ad iustitiam tale in scholis appellatur, & à conuenientia ad actiones cuiusque rei æstimatur, dicemus. Sapientissimus enim rerum Creator vnicuique rei eam temperiem tribuit, quæ actionibus eius maximè conuenit, & quam qualibet animalis seu plantæ species pro suis actionibus obeundis requirere videtur, id quod iustitiæ distributiue est. Vnde & hanc temperiem æqualem ad iustitiam nominarunt. Et si enim, respectu temperiei absolutè æqualis, & hæc temperies inæqualis dici; & id, quod ea prædictum est, intemperatū suo modo nominari possit: tamen quia æqualitas hīc æquitas potius est, & Geometrica proportio, qua suum cuique tribuitur, respicitur: omne illud, quod eam, quæ actionibus edendis naturaliter conuenit & necessaria est, temperiem obtinet, temperatum dicitur; & illud saltem intemperatum appellatur, quod ab ea, quam naturaliter obtinere deberet, temperie deflexit. Vt autem magna specierum, & hinc dependentium actionū est varietas: ita non minor est temperamentorum diuersitas, quæ ad tot species redigi possunt, quot modis qualitas vna aut duæ reliquas excedere possunt. Si vna tantum Qualitas excedit sibi contrariam; reliquæ verò æqualitatem seruant: vt si mistum aliquod quinque gradus caliditatis, & tres frigoris; quatuor verò humiditatis, & totidem siccitatis habeat: simplex temperies appellatur. Cuius quatuor sunt species, pro numero primarum qualitatum. Calidum, in quo caliditas frigiditatem superat; humiditas verò & siccitas sunt æquales: Frigidū, in quo frigiditas vincit caliditatem; humiditas & siccitas etiam sunt æquales: Humidū, in quo humiditas siccitate superior est; caliditas verò & frigiditas pares sunt: Siccum, in quo siccitas humiditatem vincit; caliditas & frigiditas iterum æquales sunt. Cum verò duæ qualitates reliquas contrarias superant, compositum temperamentum emergit: cuius etiam quatuor sunt species, secundum quatuor primarum Qualitatum possibiles combinationes: calidum nimirum & humidum; calidum & siccum; frigidum & humidum; frigidum & siccū. In singulis tamen speciebus magna latitudo est. Neque enim omnia, quæ calidi temperamenti esse dicuntur, in eodem quasi puncto caliditatis consistunt: sed alia plus, alia minus caloris habent. Idem de cæteris simplicibus temperamētis dicendum. In compositis verò aliās ambæ qualitates eiusdem sunt excellentiæ; aliās vna est excellentior coniuge sua qualitate. Et si verò & ante & post Galenum quædam intemperierum harum species in dubium vocatæ sunt: tamen eas reuera dari facile monstrari potest. Fuerunt quidam olim, vt docet Gal. *1. de temper. c. 2.* qui temperamentum calidum & humidum; frigidum & siccum negabant. Existimabant enim, non posse humiditatem cum abundante calore consistere; aut cum frigiditate siccitatem: quippe absumi à calido, cum superat, humidum; calidumque corpus simul siccum euadere: eandem, vbi imbecillus in corpore est calor, incoctam imperfectamque manere; atque eo fieri, vt calido vincente sequatur siccitas; frigido superante, humiditas. Verum cum contrarium per se tantum agat in contrarium, calidumque per se solum agat in frigidum, non verò in humidum vel siccum; nec frigidum per se agat in humidum vel siccum, sed in calidum: hinc sequitur, calidum simul

posse tam cum humido, quam cum sicco consistere; & frigidum tam cum humido, quam cum sicco: quod ipsum sensus atque experientia testatur. Et licet concedatur, calidum agere in humidum, siue per se, siue ex accidenti, & tandem exsiccare: tamen hoc non obstat, quin aliquandiu humiditas cum calore persistere possit. Auerrois contra quatuor simplices temperies negauit. Verum dari illas satis euidenter demonstrauit Gal. *1. de tem. cap. 8.* hoc modo. Si vtraque ex actiuis cum vtraque ex passiuis potest consistere: nihil prohibet, quin possit & cum temperatis & media inter eas copulari. Et si vtraque ex passiuis potest copulari cum vtraque ex actiuis: nihil obstat, quin & cum temperata & media inter eas coniungi queat. Verum caliditas iungi potest tam cum siccitate, quam humiditate, daturque temperies calida & sicca, quæ in pluribus rebus est; calida & humida, quæ in infantibus & aliis apparet. Ergo etiam caliditas consistere potest cum temperie mediocri inter siccitatem & humiditatem. Et qui à temperatura calida & humida ad temperaturam calidam & siccā transmutantur, vt medium transeant, & aliquando calidi, in humiditate verò & siccitate temperati, sint necesse est. Porro calidum, frigidum, humidum, siccum aliquid dicitur non solum comparatione facta ad vniuersam omnium mistorum naturam, in qua, si quod medium omnino æquale concipias, reliqua omnia ad hoc collata intemperata dicuntur, & à qualitate excedente, calida, frigida, humida, sicca. Sed præter hoc adhuc ad tria fit comparatio. Primò enim comparatio fit ad genus proximum: veluti si in toto animalium genere aliquod animal temperatum, qualis procul dubio homo est, constituas: alia omnia eius respectu dicuntur intemperata, calida, quæ sunt eo calidiora, frigida, quæ sunt eo frigidiora. Deinde fit collatio cum medio eiusdem speciei. Sic puer dicitur calidus, senex, frigidus. Denique comparatio fit respectu obuij cuiusque indiuidui: vt hic collatus illi, vt calidiori, est frigidus; alij frigidiori collatus est calidus. Postquam hæc hætenus in genere de natura & differentiis temperamentorum diximus, nunc quæ sit in homine (cuius gratia hæc tractatio instituta est) temperamentorum ratio, videndum. Cum autem quò res quæque nobilior est & perfectior, eò etiam pluribus ad suam naturæ integritatem & actiones exercendas opus habeat: homo verò non solum mistis sit perfectior; sed & inter omnia viuientia nobilissimum, & nobilissimas edat actiones; maiorem etiam apparatus, corpusque eius nobiliorem compositionem requirere, facile hinc elucescit. Itaque homo non corpus simile solum habet ac mistum simpliciter, sed organicum ac viuens: & pròinde non vna solum temperies in eo inuenitur, vt in mistis simpliciter; sed duplex: sed duplex: vna corporis simpliciter; altera corporis viuientis: quod ipsa experientia confirmat. Nam dum homo moritur, corpus seu cadauer aliquandiu adhuc manet, & singulæ partes suam, quam ex illa ex elementis compositione & mistione habent, temperiem retinent, donec tandem per putredinem vel corruptionem & ipsa dissoluantur. Hæc verò corporis dispositio vt ex Elementorum mistione penderet: ita non dissoluitur, nisi per putredinem & cōbustionem, quæ miscibilia separat, & neque senio neque marasmo euertitur, sed etiam post mortem relinquitur. Corpus tamen illud, seu cadauer, quod ante ad tactum calidum erat, frigidum redditur. Et homo per senectutem extenuatur, & rugas contrahit, non ob defectum materiæ, ex qua corpus, quatenus simpliciter mistum est, cōstat: sed ob inopiam alterius substantiæ, quæ viuētibz propria est. Atque ita duplex est hominis materia, vna, quatenus habet corpus mistū simpliciter; altera, quatenus habet corpus viuens. Vt autē in prima cōpositione magna est partiū diuersitas, in calore, frigore,

An dentur
simplices
temperies.

Quot modis
aliquid cal.
frigidum,
hum. sicc. dī.
ei possit.

De hominis
temperie.

In homine
duplex temperies.

Humani corporis temperies calida & humida. Calor influens.

In homine est triplex temperies.

Qualis sit hominis temperies.

Homo non absolute temperatus est.

Qua sit temperies humana natura convenientior.

humiditate, siccitate, duritie; & aliis differentiis: ita materia, quæ uiuentibus propria est, in omnibus calida & humida est, vinctuosa & pinguis. Verum cum calor hic uiuentis corporis proprius mitis ac debilis nonnihil sit, neque solus ad vitam & actiones sufficiat: tertia adhuc datur substantia, quæ e corde præcipue effluit, & per vniuersum corpus spargitur: illudque calefacit: cuius rei indicium sumitur ex animi deliquiis, vbi corpus frigidum redditur, non propter temperamenti corporis simpliciter proprii mutationem; hoc enim in corporis per putredinem dissolutione demum tollitur: neque ob caloris uiuentibus insiti & proprii defectum; (Cum enim in eo vita consistat, eo planè animal destitui non potest, & ad tactum etiam partes apparent nonnihil tepidæ, nec sunt ita frigidæ, vt in mortuis) sed ob influentis caloris inopiam. Atque ita ex his patet, triplex in homine, ratione triplicis subiecti, dari temperamentum: Vnum corporis simpliciter, quod etiam in cadauere aliquandiu reliquum manet, tamdiu scilicet, quàm diu mistum integrum manet: aliud, quod uiuentibus partibus insitum est, & per calidum innatum à primo ortu inhæret: aliud denique, quod ex partibus principibus, corde præcipue, influit, & toti corpori communicatur. Seu duplex esse Temperamentum; vnum corporis, quatenus simpliciter mistum est: aliud uiuentis: idque rursus duplex esse, vnum insitum, aliud influens: aut certè ex his tribus hominis temperamentum constitui. Verum porro, qualis & hominis totius, & qualis singularum partium temperies sit, inquirendum. Sunt quidem plurimi in ea opinione, cum homo ad iustitiam optimè temperatus edat perfectissimas actiones, necessarium esse, vt tum temperamentum quod ad iustitiam coincidat cum perfectissima, & quæ ad pondus talis sit, temperie. Quod sensisse videtur etiam Galenus, i. de temperamentis, cap. 9. dum inquit: *Insistentes itaque hoc loco æstimemus, quisnam optimè temperatus sit homo, quem scilicet totius substantia, vel potius tum hominum tum reliquorum animalium medium, veluti regulam ac normam statuentes, reliquos omnes huic collatos, calidos, frigidos, humidos, siccos dicere oportet. Concurrant ergo oportet in hoc homine multe notæ; quippe & cum vniuersa substantia collatus, medius apparere in ea debet, magis etiam cum hominibus & bestiis.* Verum enimuerò etsi inter reliqua animalia proculdubio est temperatissimus; & si non planè mediam, saltem mediæ maximè vicinam habet temperaturam; adeò vt non solum reliqua animalia ad eum collata dicantur calidiora, frigidiora, humidiora, sicciora; sed & medici ad eum, tanquam rem temperatam, facta comparatione medicamentorum temperiem æstiment, atque alia temperata, alia intemperata dicant, calida scilicet, si hominem calefaciant; frigida, si refrigerent; humida aut sicca, si humectent aut siccent; quod Galenus proculdubio allegato loco intellexit: tamen simpliciter & absolute temperatus non est. Indicat enim hoc ipse sensus. Nam in temperamento illo absolute æquali sensus non iudicat vnā qualitatem plus excellere, quàm aliam, nullusque in temperato ad pondus vllius qualitatæ sensibilis excessus deprehenditur. At in homine calorem reliquas excedere; & temperamentum hominis tactu calidum deprehendi, tam manifestum est, quàm quod manifestissimum. Seruari etiam potest hominis temperamentum ad iustitiam per totam vitam, homoque toto vitæ decursu temperatus ad iustitiam esse potest: cum tamen certum sit, media saltem forsan ætate, & quidem paucissimo tempore, si daretur, consistere posse temperamentum ad pondus. Verum porro iam videndum est, quænam sit illa temperies humanæ naturæ convenientior, & ad omnes actiones obeundas magis apta. Hanc enim, vtpote reliquarum omnium regulam, nosse

in omnibus maximè interest. De quo tamen Principes medicinæ discrepare videntur. Galenus, lib. 6. de sanis. tuend. cap. 3. temperiem calidam & humidam maximè naturæ humanæ conuenientem esse docet. Ita enim scribit: *Qui maximè sunt humidi, & maximè sunt longæui; iidem & sanitate, vbi corpus ad robur peruenit, plus ceteris fruuntur, & ceteris, qui parem ætatem agunt, valentiores ad extremum usque senium sunt. Ideoque ferme tum medicis omnibus, tum Philosophis, qui corporis elementa diligenter inuestigarunt, temperamentum id laudatum est.* Quo loco etsi solum de humida temperie loqui videatur: tamen ex præcedentibus colligi potest, eum de temperie calida & humida loqui. Et 5. de simplic. medic. cap. 3. *Pus mouentia, vt calida & humida, simillimum corpori nostro calorem producere, absque vlla existentis in eo humiditatis aut consumptione aut abiectione,* scribit. Et Hippocrates, i. de natura humana, textu 33. Ver humidum & calidum esse docet; quod tamen, 3. aph. 9. saluberrimum esse dicit. Contra verò Galenus, i. de temperament. cap. 4. & seq. negat, vt calidum & humidum; & temperamentum calidum & humidum, non esse tam saluberrimum dicit, vt etiam sit multis morbis obnoxium: *Tantum enim, inquit, cap. 4. abest, vt aut Ver calidum & humidum pronunciem, aut si quid temperatum est, calidum atque humidam dicam, vt, quod planè contrarium est, affirmem, omnium aeris ambientis temperamentorum pessimum id esse, quod humidum est & calidum. Quod sanè temperamentum in quatuor anni temporibus inuenire nequeas: in morbo & pestilenti statu interdum incidit.* Et 8. meth. meden. cap. 7. docet; hanc intemperiem maximè omnium putredini expositam esse, & per ipsam sanitatem proximè ad putredinem accedere; veluti tum ex sudoribus conii cere est, qui grauiter his olent, tum verò ex vrinis, deiectione, atque etiam ipsa expiratione. Verum hæc quæ in speciem dissentire videntur, sententiæ, facile, conciliari possunt, & hinc vera elicitur. Certum est, vt scribit Aristoteles, libro de longit. & breuit. vitæ, τὸ ζῶον τὸ ὑγρὸν καὶ θερμὸν, καὶ τὸ ζῶον τοῦτον, Vitam nostram in calido & humido consistere, & quamdiu animal viuit, in qua, cunque etiam sit ætate, calore opus habere, vt præcipuo instrumento ad omnes actiones edendas; & humiditate, vt caloris pabulo & fomento: frigiditatem verò & siccitatem ad mortem deducere, ac quò citius animal refrigeratur & siccat, eò citius senescere & mori. Ex quo colligitur, verum esse, optimam corporis nostri temperiem esse calidam & humidam. Verum diligenter notandum est, non quamlibet calidam & humidam temperiem esse salubrem & conuenientissimam naturæ humanæ: cum ex altera parte verè à Galeno dictum sit, calidam & humidam temperiem maximè esse putredini obnoxiam, morborumque multorum, qui ex putredine oriri solent, autorem & causam frequentissimam: sed ea tantum calida & humida temperies est naturæ humanæ conuenientissima, atque omnibus actionibus edendis aptissima, in qua caliditas frigiditatem, & humiditas siccitatem superat, & quidem moderatè superat. Atque hæc pro temperata habetur, atque ad eam, tanquam normam & regulam, omnes reliquæ temperaturæ comparantur. Quæ verò maiorem habet caliditatem atque humiditatem, calida & humida dicitur; atque illa est insalubrior, & putredini facile obnoxia: quæ autem minus calida & minus humida est, frigida & sicca; quæ calidior & siccior, calida & sicca; quæ frigidior & humidior, frigida & humida dicitur. Etsi omnes in genere calidæ & humidæ sint: atque quamdiu homo viuit, vita in calore consistat: quæ tamen caliditas & humiditas suos gradus habet. Hanc differentiam temperamentorum vulgò nomine temperamenti sanguinei, biliosi, pituitosi, melancholici explicant, atque hunc sanguineum, illum biliosum, alium pituitosum, alium melancholicum nominant. Quæ appellatio-

Temperamentum hominis optimum, calidum, & humidum.

Qua temperies calida & humida sit optima.

An detur temperamentum sanguineum, biliosum, pituitosum, melancholicum.

nes,

nes, nisi rectè explicentur, non satis commodæ sunt, & laqueis inexplicabilibus sese inuoluunt, ut Fernelius, lib. 3. *Physiolog. cap. 11.* scribit, qui hunc bilioso temperamento esse pronunciant, illum sanguineo pituitoso aut melancholico alium; cum hæc non temperamentorum, sed dominantium humorum sint nomina. Id quod ipse Galenus innuisse videtur, qui, 2. *de temperamentis cap. 6.* eorum opinionem non probat, qui ex natura excrementorum indefinitè de temperamentis pronunciant. Putant enim, inquit, particularum temperiem fieri esse cum excrementorum natura. Id vero usquequaque verum non est. Sed fieri interim potest, ut pituitosa excrementa colligantur, nec tamen humida sit particula. Humorūque illæ redundantia consimilibus sibi temperamentis, à quibus porissimum natura & constitutio hominis deducitur, non semper respondent; cum & bilis & pituita, & melancholia in quavis natura redundare possit; ut experientia testatur, & Galenus, *lo. o alleg.* docet. Tamen si commodè hæc appellationes explicentur, & non ab humoribus excrementitiis, sed alimentariis, & ipsa sanguinis in variis corporibus diuersitate, sumantur, ferri possunt; quibus & ipse Galenus tum alibi, tum in 2. *de temperam. c. 6.* utitur. Cum enim totius corporis alimentum, imò materia, è qua formatur moles corporis in ipso utero, & præterea spiritus vitalis materia sanguis sit: omnino totius corporis temperies naturam sanguinis æmulabitur. Itaque si sanguis generatur temperatus, corpus etiam temperatum seu calidum & humidum erit; atque hoc appellant sanguineum. Si sanguis sit calidior & siccior, quem biliosum nominant: corpus ab illa optima temperie etiam versus caliditatem & siccitatem declinabit; idque nominant biliosum. Si sanguis sit humidior & frigidior, quem pituitosum nominant: corpus deflectet ad frigiditatem & humiditatem; quod pituitosum temperamentum appellant. Si denique sanguis sit frigidior & siccior, quem melancholicum nominant: corpus inclinabit ad siccitatem & frigiditatem: quod temperamentum melancholicum vocant. Etsi omnes hæc temperies in genere adhuc calidæ sint & humidæ. Atque hoc modo si hæc opinio explicetur, ei nihil obstant argumenta, quæ contra eam affert, *allegato loco*, Fernelius: sed eos solum tela illa petunt, qui ab humoribus excrementitiis, bile flaua, pituita, melancholia, temperamentis nomina indenda censent: quibus nullo modo assentiendum censemus. Sed huic rei etiam lucem afferent, quæ infra, *cap. 9. de sanguineæ massæ constitutione* dicentur. Cæterum cum impossibile sit, omnia ad qualitates primas in corpore humano referre, & ad *ἰδιουγενεῖαν* nobiliores quædam & occultæ qualitates pertineant, quæ multarum actionum & *συμπθεῖας* ac *ἀντιπαθεῖας* cum plurimis rebus sunt causæ: merito & illæ, quantum quidem in hac mentis humanæ imbecillitate fieri potest cognoscendæ, & quæ secundum illas quoque est in corporibus humanis diuersitas, obseruanda. Atque id suo modo videntur tentasse Astrologi, qui constitutiones hominum varias ad Planetas referunt, & alios Iouiales, alios Solares, alios Martiales, alios Venereos, alios Mercuriales, alios Lunares, alios Saturninos nominant; & sic primo secundum numerum 7. Planetarum septem diuersas hominum constitutiones ponunt: deinde singulas in duas rursus diuidunt; pro ut Planeta, cuius dominio sit subiectus homo, fortis & fortunatus, vel debilis & infortunatus sit: aliamque constitutionem deducunt ex Marte bene constituto, aliam ex eodem malè constituto. Ex. gr. Ex ♂ bene constituto hominem fortem & magnanimum deducunt, qualem ducem & Imperatorem bonum & fortem esse decet: Ex eodem infortunato fieri hominem temerarium, iracundum, præcipitem, violentum, & Tyrannum statuunt. Imò constitutiones

Dan. Sennerti Tom. I.

è diuersis Planetis mistas admittunt. Atque hæc non noua, & à recentioribus nuper inuenta doctrina est, ut nonnulli existimant, sed antiquorum Astrologorum opinio, ut videre est, cum apud Ptolomæum, in primis *quadripartiti lib. 3.* tum alios passim Astrologos. Verum eam non omnes recipiunt. Nam Ioh. Picus Mirandulanus, *l. 4. in Astrolog. cap. 11.* Absurdum & ab omni Philosophia maximè alienum esse scribit, quorum proprias causas videas & manifestas & sufficientes apud nos in viribus corporum inferiorum, in animorum diuersitate, in affectu, consilio, occasione, consuetudine, in concursu tam vario confluentium vndique rerum atque causarum, eorum tamen originem in sideribus quærere. Et ex professo hanc sententiam impugnavit Ioh. Baptista Porta, in *cælesti physiognomia*, atque diuersas constitutiones hominum non planetis, sed qualitatibus primis adscribendas censet, & totidem indoles conficiendas esse ex calidi & sicci, humidi & frigidi commistionibus, iisque aliquando intensius, aliquando remissius agentibus. Nimirum quem Saturninum dicunt, eum esse frigidum & siccum intensè statuit; quem Mercurialem appellant; in eo has qualitates remissiores esse existimat; quem Martialem nominant, eum esse calidum & siccum intensè; sed calidum & siccum remissè Solarem; eodémque modo Iouium calidum & humidum intensè, remissè verò Venereum esse existimat. Et quod ipsi fortunato Planetæ adscribunt, id Porta puris humoribus; quod illi infortunato, ipse feculentis & impuris humoribus adscribendum putat. Verum enim verò etsi Astrologorum plurimas absurdas opiniones & figmenta defendenda nullo modo putamus: tamen contra etiam negandum non est, multa fieri in corpore humano, quorum causas ex qualitatibus primis petere impossibile est. Deinde hæc inferiora à cælo gubernari certum; quod non solum aëris mutationes, sed & tot plantarum & animalium cum peculiaribus Astris consensus, & insignes illæ in corpore humano, pro variis siderum adspectibus, mutationes satis euidenter docent. Et res ipsa loquitur, in Iouiali & Venereo, Solari & Martiali, Saturnino & Mercuriali, quos ita appellant Astrologi, non solum secundum magis & minus in qualitatibus primis, sed & insigniorem aliquam subesse differentiam. Et quæ Mercurialibus attribunt Astrologi, nullo modo ex siccitate & frigiditate deduci possunt. Ita nec satis commodè Iouiales Venereis humidiores statuuntur. Ac proinde hanc Astrologorum doctrinam, si sano sensu accipiat, & ad doctrinam temperamentorum vulgarem non tollendam, sed explicandam & specialius determinandam producat, non planè reiiciendam; & omnino indiuiduas corporum constitutiones diligenter, quantum fieri potest, inuestigandas putamus. Totius autem temperamentum ex triplici quasi temperamento constitatur; temperamento partium singularum, quod ut mista simpliciter ex elementorum mistione similes obtinent: deinde temperamento illo, quod obtinent, ut viuentia, ob calorem singulis partibus connatum: & denique illo, quod à calore vitali influente, qui insitum fouet, & conseruat & quasi perficit, accipiunt. Aut si placet duo priora coniungere: Temperamentum totius corporis pendet ex temperie partibus singulis insita, & calore, ac spiritu vitali in omnia membra influente. Ut autem corpus nostrum diuersis partibus constet, quarum singulæ peculiaribus actionibus sunt destinatæ: ita etiam quælibet pars peculiarem habet temperiem, & non solum ex elementorum mistione diuersam constitutionem singula, sed & aliæ plus caloris insiti, aliæ minus eiusdem obtinent. Nihilominus licet diuersa sint partium singularum temperamenta: tamen ita calida frigidis & humida siccis æquantur,

Totius temperamentum unde constitatur.

Quælibet pars suam habet temperiem.

vt inde quædam harmonia oriatur, atque temperies media, quæ totum hominem temperatum reddit, producat: concurrente ad hoc calore & spiritibus ex principibus membris in totum corpus effluentibus. Etiam enim omnia membra sibi inuicem & toti imprimant & communicent suam temperiem pro virium suarum ratione. In ista tamen totius corporis temperie constituenda partes aliæ plus, aliæ minus valent. Nam quanto pars nobilior & potentior, est, & plus corpori reliquo communicat: eò plus in constituenda ista totius eius temperie potest. Inter omnes primum locum obtinet vt diximus, *cor*, caloris & vitalis spiritus fons & officina, cuius actiones sunt efficacissimæ & potentissimæ. Cum enim calor è corde cum spiritu vitali influens temperiem & calorem insitum omnium partium conseruet, foueat & perficiat: qualis est cordis temperies, talem omnes corporis partes, ob calorem influentem, quem ab eo accipiunt, representabunt. Post cor proximum locum Hepar obtinet. Etenim cum sanguis totius corporis alimentum in hepate præparetur; eius conditione omnes corporis partes, quæ eo aluntur, referent. Tertiæ partes meritò hîc tribuuntur testibus. Magna enim horum vis est ad temperamēti & eius cōstitutionis mutationem; vt non sine causa Galenus, 1. de semine. c. 15. testes animalibus & roboris originem esse & calido natiuo corpus perfundere scripserit, eoque alterum natiui caloris fontem constituerit. Et quanta corporis fiat mutatio per testes, Eunuchi & Spadones docent; carnesque castratorum & non castratorum animalium monstrant, quanta in testibus ad habitum corporis mutandum potentia sit. Quarto loco est Cerebrum spirituum animalium officina, quos ex se in totum corpus effundit. Neque nihil valet Ventriculus. Cum enim vitia coctionis primæ non corrigantur in secunda, & chylum æmuletur sanguis: hoc modo & ipse ventriculus ad temperiem totius aliquid facit. Hoc autem & totius corporis & singularum partium temperamentum non solum mitionem in singularum partium constitutione insequens, sed & calorem insitum ac influentem complectens, quale sit, ad cutem si conferatur, elucescit. Nam *cutis*, vt Gal. 1. de temperam. c. ult. scribit, *omnium extremorum, calidi, frigidi, humidi, sicci que verè media: maximèque quæ est in manu. Hac enim omnium sensibilium norma futura est, tactus nimirum instrumentum, prudentissimi animalium proprium: quæ de causâ ipsam ab omnibus extremis calido, frigido, humido, sicco, pari abesse interuallo oportuit.* Et si quicquam est in corpore nostro, quod ad illud, ad pondus æquale appellatum temperamentum, proximè accedit, cutis est; præsertim ea, quæ est in vola manus hominis bene se habentis, quæ callum non contraxit. Cum enim vt Gal. 2. de temperam. c. 2. docet, partium caliditas & frigiditas ex sanguinis & spirituum copia vel paucitate æstimanda sit; & omne ex sanguine sit frigidius sanguine prædito, vt ibid. docet cap. 3. siccitas verò ex duritie, humiditas ex mollitie ponderanda veniat: hæc autem inter sanguineum & ex sanguine mediam naturam obtineat, & quasi nervosa caro, aut nervus carnosus sit, caloremque moderatum insitum habeat, & calorem etiam moderatum ab internis partibus influentem recipiat, & duri mollisque, humidique & sicci medium occupat: facile hinc apparet, eam inter reliqua maximè temperatam esse. Et si verò aliæ partes reperiantur, quæ digniores sunt in corpore, & nobiliores edunt actiones, & propterea etiam nobiliori & meliore temperamento ad iustitiam, seu aptiore ad homini conuenientes actiones edendas sint præditæ, quàm cutis: tamen si pars quædam temperatissima, ad quam, tanquam medium, reliquæ conferantur, constituenda est: hæc cutis est. Imò etiam temperamentum ad iustitiam omnium partium ad hoc commune membrum, & quod communi omnium ferè cor-

poris partium beneficio suam temperiem obtinet, æstimandum & conferendum est. Quælibet enim pars rectius sese habet, & perfectius suas actiones exsequitur, quantò propius accesserit ad eum qualitatum excessum, quem supra cutis temperiem habet, dum homo in naturali statu est. Si enim homo ægrotat: & cutis alteratur, & tactus hominis fallitur: exempli gratia, Cor temperatum est ad iustitiam, quod cutis temperiem plus, quàm aliarum partium vlla, calore superat. Reliquæ partes omnes ad cutem collatæ vel ad caliditatem, vel frigiditatem, vel humiditatem, vel siccitatem deflectunt. Inter calidas primum locum occupat, & inter omnes calidissimum est Cor, vtpote calidi natiui fons, & spirituum vitalium officina, & quasi ignis quidam focus, vt scribit Gal. de fæt. format. c. 3. Cordi succedit hepar & caro musculorum, lien, renes, pulmo. Quod pertinent & venæ & arteriæ; quæ non solum inter calidas partes ideo recensentur, quod sanguinis & spirituum vasa sunt, sed quia etiam obtinent fibras carneas. Quod innuit Galenus, 2. de temper. c. 3. *Non est, inquit, idem fibrarum genus: sed quæ in musculis habentur, nervorum & ligamentorum sunt particula. Cordis propria quædam fibrarum species est, aquæ scilicet vt venarum atque arteriarum, itémque intestinorum, ventriculi, uteri & vesicæ viriusque. Licet enim in iis quoque instrumentis propriam quandam videre carnem suis ipsorum fibris circummatam. Atque hæc quidem carnes cuti sunt calidiores.* Tandem etiam in hanc classem meritò referenda est pinguedo & adeps, vtpote cuius materia est sanguis tenuior & oleosior, vt docet Gal. 2. de temperam. c. 3. & vim discutiendi, attenuandi & maturandi obtinet, facileque inflammatur. Inter partes frigidas primum locum obtinent ossa, deinde cartilagine, ligamenta, tendines, nervi, membranæ, spinalis medulla, cerebrum, vt Gal. 2. de temp. c. 3. docet. Cum verò idem cerebrum 8. de usu part. c. 2. calidum, & quidem aëre æstiuo calidius esse statuatur, sciendum, cerebrum vel considerari vt mistum simpliciter, quo respectu rectè inter partes frigidas refertur; vel vt viuens calore suo insito præditi, quæ ratione quidem simpliciter frigidum non est, calorem tamen longè minorem obtinet, quàm cor, vt spiritus vitales pro animalium generatione necessarij in eo temperentur (quæ ratione si Aristoteles cerebrum cordis refrigerandi causâ factum putauit, tolerari eius sententia posset,) vel vt eius innatum & insitum temperamentum à spiritu vitali influente perficitur. Quæ ratione cum & pro vitæ conseruatione, & pro spiritus animalis generatione spiritus vitales copiosos accipiat, calidum, & quidem aëre æstiuo calidius, statuitur. Humidæ partes hæ sunt, adeps & medulla ossium, cerebrum, medulla spinalis, testes & mammæ, pulmo, lien, renes, caro musculorum, lingua, cor, nervi molliores, quorum natura, vt Gal. 1. 2. de temper. c. 3. docet, proxima est cuti. Siccæ partes sunt ossa, cartilagine, ligamenta, tendines, membranæ, arteriæ, venæ, nervi duri. Pertinent huc & caro ventriculi, intestinorum, uteri, quæ à medio versus siccum non nihil recedunt. Porro est etiam quædam temperamenti in corpore humano differentia, ratione sexus & ætatis. Primò etsi fieri possit, vt fœmina aliqua piliosa viro piritoso comparata possit dici calidior: tamen vt plurimum, & si natura fœminarum cum virorum natura comparatur, fœminæ sunt frigidiores: idque in humano genere longè euidentius, quàm in aliis animalium speciebus, in quibus ferè æqualibus exercitiis mares ac fœminæ sunt deditæ. Nam præter id, quod frigidiorē naturam à principiis generationis contraxerunt fœminæ, id satis docet, fœminas esse maribus frigidiores quod plurimum sanguine abundare oportebat, qui fœtus etiam generationi sufficeret. Quæ de causâ & menstrua purgatio ipsis data est, quæ singulis mensibus, dum grauidæ non sunt, sanguinis illam copiam deponunt.

Partes calidæ

Frigida.

Humida.

Sicca.

Temperamenta sexuum

Ob id enim calor copiosior ipsis denegatus fuit, ne sanguis à calore illo absumeretur, & resolveretur, unde steriles euaderent; quod viraginibus, & quæ nimis calidæ sunt, accidere, experientia testatur. Sua enim natura non plus, vel minus etiam sanguinis generant, quàm viri. Viri verò etiam si eandem, aut fortassis etiam maiorem copiam sanguinis generent: calor tamen ipse maior & efficacior multum de eo resoluit. Quibus accedit & illud, quod vitam minus negotiosam & laboriosam agunt, quam viri: unde frigidorum succorum maior copia in iis colligitur, quibus calor veluti obruitur & retunditur, ipsarumque carnes sunt humidiores, molliores & frigidiores. Et si verò citius adoleſcant fœminæ: tamen id non prouenit à maiore calore, sed materiæ tenuitate & humiditate. Molliores enim & humidiores carnes & partes habent, quæ propterea etiam calori minori faciliè cedunt, atque ab eo extendi possunt. Longè verò maior temperamentorum apparet differentia ratione ætatum. Etates enim non tam annorum numero, quàm internis quibusdam calidi & humidi mutationibus præcipuè definiti debent; à quibus reliquæ, quæ in corpore fiunt, mutationes, quibusque ætates sæpe circumscribi solent, dependent, vt sunt vox articulata seu sermo, dentitio, intelligentia, pubertas, menses, robur, canorum ortus & similia. Nam cum corporis nostri natura sit mutabilis, & ab internis principiis hoc obtineat (et si causæ externæ etiam aliquid ad hanc mutationem faciant) vt non in eodem statu permaneat, calorque in humidum agendo continuo aliquid eius depascatur & absumat: hac corporis nostri, quæ ex actione calidi natiui in humidum primigenium oritur, mutatione ætates definiuntur & circumscribuntur. Quæ mutatio cum definito tempore non fiat, sed in aliis citius, in aliis tardius eueniat: etiam ætatum spatium annorum terminis ita exactè definiri non potest. Numerum autem ætatum alij aliter definiunt. Aristoteles, *de vita & morte cap. 18.* vitam humanam commode diuisit in tres ætates, dum inquit: *ἡρώς ἐστιν ἡ πρώτη μέθεξις τοῦ τοῦ δερμὸς τῆς ἀρσενικῆς ψυχῆς. Ζωὴ δ' ἡ μετὰ ταύτης. νεότης δ' ἐστὶν ἡ τοῦ πρώτου καταψυκτικοῦ μορίου αὐξήσις γῆγος δ' ἡ τοῦτου φθίσις ἀκμὴ δ', τὸ τοῦτων μέσον. Ortus est prima vegetatricis anima cum calore participatio: vita verò mora eius: iuuentia, prima refrigerabilis particule auctio: Senectus eiusdem decretio: status autem, quod horum medium est.* Quæ ratione quoque iam ante Aristotelem ætates diuisisse videtur Hippocrates, dum *1. aph. 13.* nominat *μεράκια, παῖδια καὶ βεσηκώτας, γέροντας*: & sequenti aphorismo *μεράκια & παῖδια* vnico τῶν αὐξανόμενων nomine comprehendit, atque ita etiam tantum tres ætates constituit; *αὐξανόμενον*, in quibus, vt Aristoteles explicat, est τὸ πρῶτον κατὰ ψυκτικὸν μέρος αὐξήσις καὶ βεσηκώτων, & γέροντων. Galenus etiam *lib. 2. de temper. c. 2.* ad temperiei, quæ necessitate quadam inuitabili ratione ætatis contingit diuersitatem demonstrandam, tres differentias sufficere putauit. Sunt autem illæ, *παῖδια, ἀκμή, & γῆρας*, puerilis, virilis & senilis ætas; aut si mauis, ætas prima, media, vltima, ad quas ætates aliæ, quæ ab autoribus aliis recensentur, faciliè referri possunt. Ad νεότητα enim & augmentum pertinet infantia, quæ ad septimum ferè annum extenditur: pueritia, quæ ferè decimo quarto anno terminatur: adolescentia in specie dicta, quæ terminatur vicesimo quinto anno, qui augmenti finis est. Hinc ad 35. est iuuentus, aut ætas florens. Consistens ætas à 35. ad 48. annum durat: Tandem senectus succedit, quæ etiam suos gradus habet. Habet autem quælibet ætas suum temperamentum. Infantes & pueri sunt calidi & humidi; quod non solum tactu, quo copiosus, blandus & halituosus calor deprehenditur, cognoscere, sed aliunde etiam colligere licet. Cum enim nostræ gene-

rationis principia calido & humido polleant: quod quis ortui propior est, eò etiam meritò calidior & humidior censetur. Deinde docent id naturæ opera, auctio & nutritio, quæ in pueris maximè vigent, & tamen non nisi caloris & humoris beneficio fieri possunt: cum duo ad nutritionem & auctionem requirantur; vnum, quod se habet vt materia, humidum scilicet; alterum, vt agens, quod est anima, quæ medio calore has actiones exercet. De quo etiam Hippocrates, *1. aph. 14.* τὰ αὐξανόμενα, inquit, πλεῖστον ἐχὺ τὸ ἐμφυλὸν θερμόν: πλείους οὖν δέονται τροφῆς. *Qui crescunt, plurimum habent calidum innatum, plurimo itaque alimento egent.* Adolescentia verò ætas temperatissima est, & naturæ humanæ conuenientem maximè temperiem obtinet, & reliquæ ætates omnes hac sunt deteriores, vt docet Galenus *6. de tuenda sanit. cap. 2.* Nam illam nimiam humiditatem, qua pueri abundant, & quæ ad planè salubrem statum necessaria non est, calor iam nonnihil absumpsit: neque tamen calor ille mordacior est, vt in iuuenibus. Adolescentiam sequitur iuuentus, seu ætas florens, ἀκμή & ætas virilis, quæ Aristoteles pro vnica ætate, quæ inter augmentum & senectutem interiacet, accipit. Alij in plures eas diuidunt, & iuuentutem à vigesimo quinto anno ad 35. extendunt; post hanc ponunt virilem seu consistentem vsque ad primum senium. Ætas hæc calida est & sicca. Indies enim humidum magis ac magis exsiccat & absumitur. Verum hoc loco de trium harum ætatum, pueritiæ scilicet, adolescentiæ & iuuentutis, temperamentis variè disputatur, & quæ inter has sit calidior, quæritur. Alij pueros esse calidiores adolescentibus & iuuenibus: alij contrà adolescentibus & iuuenes calidiores esse pueris statuunt: alij æqualem in omnibus calorem admittunt. Sed obseruandum, per calidum innatum, vt postea diceretur, non nudam qualitatem intelligi, sed comprehendi calori subiectam æream & oleosam substantiam, quæ humidum radicale & primigenium appellatur. Itaque dum quærimus, quæ ætas sit calidior, si per calidum non solum qualitatem, sed etiam humidum, cui inhæret, intelligimus; rectissime statuitur: pueros esse calidiores. In his enim adhuc humidum illud primigenium maximè abundat. Quod etiam docuit Hippocrates, qui, citato ante aphorism. 14. sect. 1. eos, qui augentur, plurimum habere calidi innati, statuit. Verum si ipsam qualitatem respiciamus, et si, si ipsum gradum caloris respicimus, nec in hoc forsan magna sit inter pueros, adolescentes & iuuenes differentia: tamen si ipsam efficaciam & modum & qualitatem caloris attendimus, rectè iuuenes & adolescentes pueris dicuntur esse calidiores. In pueris enim obruitur humiditate calor atque impeditur, quo minus sese liberè exserere possit: In adolescentibus verò & iuuenibus, absumpta nonnihil humiditate siccior est, liberior & expeditior, maioremque vim agendi habet, tactuque magis deprehenditur & mordacior apparet. Tandem succedit senectus, quæ ob humidi radicalis consumptionem, ac caloris defectum, frigida est, & sicca; & quidem magis vel minus frigida & sicca, prout magis à iuuentute recedit. Secundum enim hunc à iuuentute recessum, & hinc prouenientem maiorem & minorem siccitatem, aliquæ etiam senum differentia constitui ab autoribus solent. Atque vltimam senectutem mors tandem naturalis insequitur. Quod verò ab Hippocrate, *1. de salubr. dieta, 1. 7.* senes dicuntur frigidi & humidi, id non de natina membrorum temperie, sed de adscititia intelligendum est. Senes enim, ob caloris natiui debilitatem excrementorum maiorem copiam cumulant; unde humidi dicuntur: licet aliàs temperies partium solidarum siccissima sit, & vt Galenus, *lib. 2. de temper. c. 1.* habet, senes excrementis sint humidi, propria substantia sicci.

Adolescentia.

Iuuentus.

Virilis ætas.

Qualis sit temperies pueritiæ, adolescentiæ, iuuentutis.

Senectus.

CAPUT V.

De Calido innato, & Humido radicali.

VT autem hæc, quæ de Temperamentis diximus, clariora euadant, & quid ille calor insitus & influens, è quibus Temperamentum corporis constat & perficitur, sit, manifestius euadat: de Calido innato atque spiritibus aliquid addere liber. Et vt de calido innato, ac humido radicali primo loco dicamus: omnes quidem philosophi & medici fatentur, calidum & humidum innatum animatorum esse præcipuum animæ vegetantis instrumentum. Sed quæ sit eius natura, maximè dissentiant; adeò quidem, vt quò quis in inuestiganda calidi innati natura plures auctores in consilium adhibeat, eò ferè incertior reddatur. Vnde qui calidi innati naturam explicare tentat, rem difficilem & obscuram aggreditur; & si qua in re à vero aberrat, facile apud viros doctos veniam meretur. Hinc præstantissimus ille Medicus, Ioh. Bapt. Montanus, in comm. in aph. 14. sect. 1. scribit: *Ego, vt ingenuè fatear, profitebar me Doctorem esse, & vix tandem senex cognoui, quid esset calor innatus.* Verùm nec senex etiam, multorum sententia, calidi natiui, naturam integrè cognouit. Quia tamen non solum iucundum, sed & vtile est, medicique maximè interest, calidi natiui naturam cognitam & perspectam habere: in rei huius obscuræ inuestigationem, quantum poterimus, incumbemus. Per calidum autem innatum, θερμὸν ἐμφυτον seu σύμφυτον (etsi non ignorem, quod alij inter θερμὸν σύμφυτον & ἐμφυτον distinguere solent, & σύμφυτον illum calorem appellare, qui in mixto, vt mixtum, inest, & putredine amittitur; ἐμφυτον verò, qui est viuientium proprius, & in morte perit) non illum mistorum calorem, seu misti, quatenus mistum, temperamentum; sed quod viuentibus proprium est, intelligimus. Cum enim formæ animatorum nobiliores sint formis inanimatarum, & nobiliores ac præstantiores actiones, quam inanimata, edant nobilior etiam, & nobiliore & perfectiore modo dispositum subiectum & domicilium requirunt. Ideoque non saltem illa temperie, quæ mistis simpliciter conuenit, opus est; sed in primis calido & humido innato, in quibus vita animatorum consistit; id instructum sit oportet. Hæc enim duo proprium animæ domicilium constituunt. Et quidem humidum mediatum; calidum verò innatum proximum & immediatum, quod οἰκίος animæ subiicitur, vt si corrumpatur subiectum hoc, animam ipsam è corpore migrare, & vitam cum morte permutari necessum sit. Dum autem dicimus calidum & humidum natiuum, non intelligimus nudam qualitatem, sed qualitatem cum subiecto, seu concretum ex subiecto & qualitate, corpus scilicet calidum & humidum, & per calidum innatum duo comprehendimus, primò materiam seu subiectum, cui inest calor, deinde qualitatem, à cuius prædominio subiectum denominatur. Etsi enim interdum apud autores θερμότης vox de calido innato vsurpatur: tamen frequentius calidum innatum, non calor innatus, vel caliditas innata appellatur; cum non sit nuda qualitas, sed substantia & corpus, cui calor inest, à quo denominatur; imò pars corporis & animæ proprium instrumentum per omnes partes corporis extensum & diffusum. Vt itaque calidi natiui naturam cognoscamus, in primis quærendum est, quænam sit substantia illa, cui caliditas inest, & quæ à calore nomen accepit; vnde originem habeat; & quis sit eius vsus. Initiò autem cum apud auctores, dum de calido natiuo tractant, fiat mentio spiritus insiti & humidi primigenij seu radicalis: videndum, an vtrumque ad calidi natiui constitutionem & naturam pertineat. Spiritum insitum eundem esse cum calido innato, aut certè ad eius essentiam pertinere, apud omnes in confesso est, seu

vt Scaliger, exercit. 280. loquitur; scriptum reliquere sapientes, nihil aliud esse calorem naturalem, quam spiritum. Nam licet spiritibus ferè attribui soleat mobilitas; & hæc magis influentibus spiritibus, qui mobilitate maximè vigent, & per corpus hinc inde mouentur, competat, quam spiritui huic ingenito, qui partibus insitus & quasi infixus est; easque nunquam deserit: tamen cum calidum innatum etiam tenuissimum quoddam & subtilissimum corpus sit: meritò à sapientibus ipsi spiritus nomen attribuitur. Ita Aristoteles, 2. de generat. anim. c. 3. Calidum innatum seu θερμὸν, quod facit, vt fecunda sint semina, nominat τὸ ἐμπεριλαμβανόμενον ἐν τῷ σπέρματι, καὶ ἐν τῷ ἀφρώδι πνεύματι, spiritum, qui in semine spumosòque corpore continetur. Et Galenus, 2. de simplic. medic. fac. c. 9. expresse scribit: *Calorem innatum esse, quem in quoque animali natiuum spiritum nominamus, de quo & Aristoteles scripserit, quique ex Stoicorum opinione ipsa anima substantia habitus sit, certè primum eius instrumentum sit, & in omnibus animantis contineatur partibus.* Quanquam addat, nihil prohibere, sanguineam substantiam simulque æream vnà cum spiritu calidum innatum nominare. Atque omnino consultius videtur, cum Aristotele substantiam hanc spiritum appellare, quam cum Medicis calidum natiuum. Quanquam enim vox calidum innatum non nudam Qualitatem, sed substantiam significet: tamen procul dubio eam appellationem accepit in animalibus perfectioribus, quæ ad tactum calida apparent, & quorum actiones calore etiam sensibus obuiò perficiuntur: cum tamen in plantis idem Spiritus insit, sed sensu non percipitur; imò in iis frigore rigentibus inueniatur. Vbi tamen hoc animaduertendum, dum calidum insitum spiritum natiuum seu insitum esse dicimus, non intelligi spiritum, quem vulgo naturalem vocant: de quo, an detur, auctores valde dissentiant, & ipse Galenus, 12. meth. meden. cap. 5. dubitare videtur: cum tamen de calore natiuo, & spiritu insito, nec ipse, nec alij dubitauerint. Spiritus enim naturalis inter influentes, qui in hepate generetur, & hinc in reliquum corpus distribuatur, recensetur: spiritus verò innatus partibus insitus est. Quamuis verò calidum innatum & spiritum innatum idem esse Aristoteles, Galenus & omnes sapientes, vt Scaliger, exercit. 280. loquitur, scriptum reliquerint; & nemo de eo dubitauerit; soli tamen, quod sciam, Ioh. Dom. Sala, artic. Medic. cap. 9. aliud placet: ideo, quod credibile non sit, naturam in substantia adeò tenui ac dissipabili calorem illum posuisse; nec credi possit, eosdem spiritus toto vitæ curriculo perdurare; & absurdum sit tenuissimæ substantiæ nulla certa figura præditæ vitam tribuere; cum anima sit actus corporis organici. Ipse verò omnibus aliorum opinionibus, quorum plures recenset, reiectis, existimat, Innatum calidum esse non quidem totam partem dictam spermaticam, sed ipsius portionem puriorem, magis calidam, & magis internam, & prius genitam, & melius permixtam, ærea humiditate temperatam. Verum enim verò nec spirituum naturam satis intellexisse, nec virorum doctorum mentem satis assecutus, ac nihil diuersi ab iis, aut noui, quod tamen voluit, dixisse videtur. Etenim spiritus vocabulum non semper dissipabilem substantiam significat; Nam vt hoc iam non afferam (alterius enim naturæ illi spiritus sunt: etsi hoc inde pateat, etiam rebus non dissipabilibus spiritus nomen tribui) quod Angeli etiam à Theologis & Philosophis spiritus nominantur non solum subtilissimis illis corporibus, quæ hinc inde in corporibus animatorum mouentur, & spiritus influentes nominantur, nomen spiritus competit, sed etiam subtilissimæ & tenuissimæ illi animatorum corporum parti, quæ fixa & quieta, singulis membris inest, nec in alia mouetur, imò quæ in plantarum corporibus iam non

Spiritus insitus seu calidum natiuum non idem, quod spiritus naturalis.

Calidi innati difficultis cognitio.

Calidum innatum viuentibus proprium.

Calidum innatum non est nuda qualitas.

Spiritus insitus idem cum calido innato.

amplius

amplius præsente anima, diu adhuc sæpe persistit; unde etiam plantæ emortuæ, antequam putredine & carie consumantur, suas peculiares in medicina vires obtinent, quæ & artificiosa separatione inde eliciuntur. Et admirandum omnino artificium est, quod calidum etiam tactu perceptibile in corpore animalium posuit creator sapientissimus, quod toto vitæ tempore durat. Hinc enim spiritus est ille ignis perpetuus, illud lumen perpetuum, etsi flammam non concipit, quod frustra hæcenus imitari & accendere laborarunt multi Chymici. Nec tamen calidum innatum planè immutabile est; nec toto vitæ tempore perdurat, sed indies absumitur, & instauratione indiget. Sunt nimirum, ut ipse Sala, ratione & experientiâ edoctus concedit, in animatis in eadem parte partes diuersæ, ut separatio, præcipuè Chymica docet, quarum subtilissimas, purissimas & calidissimas Aristoteles & alij sapientes, spiritus nominant, quas dum vocabulo spiritus reiecto, aliter describere conatur Ioh. Dom. Sala, nec noui quid, nec clarius quid affert, sed idem, quod illi ipsi voluerunt, (quantum quidem ad genericam eius notitiam attinet,) dicit. Nec refert, quod per se nullam figuram spiritus habet. Hoc enim ad vitam non requiritur; sicut nec partes nutriuntur quatenus figuræ, sed quatenus similes. Alias enim partes similes aliæ non viuerent. Sed è multis partibus similaribus viuentibus omnia organa corporum animatorum, & tandem ex omnibus organis vnum corpus organicum, cuius actus est anima, constituitur. An verò humidum primigenium etiam ad calidi innati essentiam pertineat: dubitari potest. Sunt qui spiritum ingenitum tantum calidum innatum appellant: Sed hoc rarius, nec satis propriè fieri existimat Fernelius, lib. 4. Physiolog. cap. 6. atque ipse tribus, humido scilicet primigenio, insito spiritu, & calore, calidum innatum contineri, eiusque essentiam absolui statuit. Vnde etiam calidum innatum definit, humidum primigenium insito spiritu & calore vndique perfusum. Alij eos potius propriè loqui censent, qui tantum spiritum insitum cum suo calore calidi natiui essentiam complere existimant: eos verò minus propriè, qui etiam humidum primigenium ad calidi innati essentiam pertinere docent; cum diuersæ sint naturæ spiritus insitus, & humidum primigenium, quod spiritus insiti seu calidi innati est seu pabulum seu domicilium. Ut ut sit, hoc certum est, spiritum, si non solus est calidum innatum, certè eius præcipuam esse partem, cui omnes actiones, ut præcipuo animæ instrumento; acceptæ ferendæ sint. Contra etiam verum est, hæc tria, calorem, spiritum & humidum radicale, seu balsamum naturale, ut nonnulli appellant, non faciliè separari, sed arctissimo nexu coniungi. Cum enim calor quasi gubernator vitæ nostræ esse debeat: in humido stabili ac permanente ipse consistere, ut vita diutius protrahi possit, omnino debuit: humido scilicet non tenui & aqueo, sed oleoso & calido, quod partium similarium fibris ac staminibus insertum est, & humidum radicale nominatur, quod veluti vitæ nostræ radix sit, ἀρχήγονον, πρωτόγονον, primigenium, σύμφυτον, ἐμφυτον quasi à prima origine partium similarium substantiæ insitum sit. Ut autem porro natura & origo calidi natiui magis perspicua fiat: quæstio illa in primis discutienda; An calidum innatum sit Elementaris, an verò alterius naturæ. De quo præstantissimi Philosophi & Medici dissentiunt. Alij enim hanc substantiam alterius, quàm Elementaris naturæ esse statuunt. Atque hi principes in philosophia & Medicina viros, suæ sententiæ patronos constituunt. Ut enim Platonicos taceamus: inter primos occurrit Aristoteles, qui expressis & differtis verbis, 2. de gener. animal. cap. 3. Calidum hoc insitum elementaris naturæ esse negat. Ita enim eo loci. πᾶσις ψυχῆς δυνάμις ἑτέρου σώματος ἔοικε κεκοι-

νωμένη, καὶ θεοτέρου τῶν καλουμένων στοιχείων, ὥς ὁ διαφέρουσι τιμότητι αἱ ψυχὰ καὶ ἀτιμία ἀλλήλων: οὕτω καὶ ἡ τοιαύτη διαφέρει φύσει πάντων μὲν γὰρ ἐν τῷ σπέρματι ἐνυτάρχει, ὅπερ ποιεῖ γόνιμα ἔῃ τὰ σπέρματα, τὸ καλούμενον θερμόν. Τοῦτο δ' οὐ πῦρ, οὐδὲ τοιαύτη δυνάμις ἔστιν, ἀλλὰ τὸ ἐμπεριλαμβανόμενον ἐν τῷ σπέρματι καὶ ἐν ἀφρώδει πνεῦμα, καὶ ἡ ἐν τῷ πνεύματι φύσις ἀνάλογος οὕσα τῷ τῶν ἄσρων στοιχείῳ. *Omnis anima potentia corpus aliud participare videtur idque magis diuinum, quam ea, quæ elementa appellantur. Ut verò nobilitate ignobilitateque anima inter se differunt: ita & natura eius corporis differt. Inest enim in semine omnium, quod facit, ut fecunda sint semina, videlicet quod calidum vocamus. Idque non ignis, neque talis aliqua facultas, sed spiritus, qui in semine spirituosusque corpore continetur, & natura quæ in eo spiritus est, proportionem respondens elemento stellarum.* Et post: ὅτι μὲν οὐκ ἔστι ἐν τοῖς ζώοις θερμότης ἕτε πῦρ, ἕτε ἀπὸ πυρὸς ἔχει τὴν ἀρχὴν, φανερόν. *Calorem in animalibus neque ignem, neque ab igne originem ducere, manifestum est.* Quibus verbis Aristoteles duo clarè docet: calidum natiuum non esse elementare, neque ab igne aut aliis elementis originem ducere; non tamen etiam celestis esse naturæ, sed ἀνάλογον τῷ τῶν ἄσρων στοιχείῳ. Conantur quidem hæc Aristotelis verba aliter nonnulli interpretari. Nam, aiunt, calorem multa efficere non per propriam vim, sed per vim agentis primarij, quod est anima, diuersasque actiones fieri, non ob diuersitatem caloris, sed ob diuersitatem vtentis calore. Calorem nimirum, dum gubernatur à forma ignis, comburere: verum si eo vtatur anima, esse viuificum & benignum, atque alias actiones edere. Idque exemplo declarant bipennis, quæ si vtatur peritus artifex, id eius ope parabitur, quod arte fieri debet; si verò sit in manu imperiti artificis, omnia per eam deuastantur. Hinc quando Aristoteles dicit in seminibus esse calorem, qui fecunda facit semina, eumque non esse ignem, aut igneæ naturæ, id ita accipiendum putant: calorem quidem illum natura sua esse igneum atque elementarem, verum eo vti virtutem vitalem, cælo proportionem respondentem, ut habet Zabarella, de cal. cæl. cap. ult. seu, ut Capiuaccius loquitur, in comm. in aphor. 14. sect. 1. calorem illum non esse igneum, id est non regulari ab igne. Verum etsi hæc suo modo non absurdè dicantur: tamen ad mentem Aristotelis dici, huius sententiæ patroni non admittunt. Expressè enim scribit Aristoteles; calidum hoc (per quod non solum qualitatem intelligit: σῶμα enim nomina) καὶ πῦρ ἔστι τοιαύτῳ δυνάμει ἔῃ, ἕτε ἀπὸ πυρὸς ἔχει τὴν ἀρχὴν, sed φύσις ἔῃ, ἀνάλογον τῷ τῶν ἄσρων στοιχείῳ. Neque Aristoteles hic disputat, cuius rei instrumentum sit calidum hoc, sed cuius naturæ atque originis. Id quod ex eo patet, quod dicit, ἕτε πῦρ ἔῃ, ἕτε ἀπὸ πυρὸς ἔχει τὴν ἀρχὴν: & καὶ πῦρ ἔῃ, καὶ δὲ τοιαύτῳ δυνάμει. Et quod hic non sit sensus Aristotelis, quod diuersa sint agentia, quæ calore vtantur, licet caloris natura sit eiusdem speciei cum elementari, ex eo patet, quod addit Aristoteles: corpus hoc καὶ καλυμένον στοιχείων θεότερον, καὶ τῷ τῶν ἄσρων στοιχείῳ ἀνάλογον, non in omnibus animalibus esse eiusdem naturæ, sed ὥς διαφέρουσι τιμότητι αἱ ψυχὰ καὶ ἀτιμία ἀλλήλων, ἕτε καὶ τῷ τοιαύτῳ διαφέρειν φύσιν, *prout nobilitate aut ignobilitate anima inter se differunt: ita & naturam huius corporis differre.*

Atque nihil contra hanc sententiam facit, quod Erasius, part. 2. disp. contra Paracels. scribit: alibi quatuor solum esse elementa, neque plura, neque pauciora, sæpissime Aristotelem affirmauisse, & aliquando etiam demonstrauisse. Factum hoc quidem ab Aristotele, dum de elementis mundum constituentibus agit: interim istis omnibus saluis, vbi de principiis proximis animalium tractat, hoc corpus addere potuit. Sicut & dum de elementis & mistorum principiis in genere agit, nullam Animæ mentionem facit. Atque hanc Aristotelis sententiam in eo,

De sensu
verborum
Aristotelis
disceptatio.

humidum
primigenium
calidum
essentia
pertinet

calidum
humidum sit
elementaris
alterius
naturæ.
De quo præstantissimi
Philosophi & Medici
dissentiunt. Alij enim
hanc substantiam
alterius, quàm
Elementaris naturæ
esse statuunt. Atque
hi principes in
philosophia & Medicina
viros, suæ sententiæ
patronos constituunt.

eo, quod aliud admittere videtur præter elementa in viventibus corpus, secuti sunt præstantissimi quidam Philosophi & Medici, Scaliger, *Exer. 101. sect. 18. Exer. 280. sect. 1.* Fernelius passim, Valleriola, *loc. comm. lib. 1. c. 15.* Schegkii, *tum alibi, tum de calor. vi & effic. c. 4.* ubi omne corpus aut elementum, aut ex elementis concretum, aut cœleste esse, aut habere quandam analogiam & similitudinem cum cœlesti corpore, scribit. Et Ioan. Francisc. Pic. Mirand. *lib. de Element. cap. 3.* scriptum reliquit: si qui Philosophorum sententiæ atque auctoritati nollent acquiescere, & aliqua alia adhuc esse Elementa, quæ vulgo notis elementis mista sint, & occulta quadam vi naturæ concurrant ad res sublunares constituendas, statuerent: eos vix solidè refutari posse. Neque causas & rationes habuerunt nullas viri isti doctissimi, ut in hanc sententiam descenderent. Primo enim procul dubio ratio, quæ Aristotelem mouit, *loco allegato, 2. de gener. anim. cap. 3.* eadem, ut idem statuerent, aliis persuasit. Nimirum virtus diuini elementis in corpore inest elementis nobiliore. Oportet enim potentia & subiectum respondeant: Et ubicunque nobiliores potentia & Qualitates apparent, quam quæ ab elementis proficisci possunt, ibi nobiliora principia statuenda sunt. Esse autem tales actiones, sympathia & antipathia rerum naturalium docent, & infra pluribus probabitur. Vtiturque hoc ipso argumento Scaliger, *exerc. 307. sect. 20.* contra Alexandrum, & alios elementares animæ carnifices, ut appellat, ad probandum, Animam non esse ex elementis, & Herculeum appellat. Quanquam verò vim huius argumenti nonnulli effugere conantur, & vel ignem quidem simpliciter talia efficere non posse, sed in compositis mistum ac temperatum id præstare; vel ab igne & elementis aliis nobiles illos effectus non prouenire, sed ab anima hanc efficaciam accipere prætendunt: tamen hoc modo sese non expediunt. Primum enim quod attinet, etsi ignis atque alia elementa in misto alio modo agant, quàm simplicia: tamen ultra vires suas non agunt, & nullum elementum plus agit, quàm in sua & reliquorum, cum quibus mistum est, elementorum potestate est. Et si à mitione elementorum & temperatione Qualitatum primarum nobiles illas actiones deducere licet: cur non ab eadem mitione & temperatione deducuntur vita, motus voluntarius, visus & omnes actiones animales; imò cum Alexandro ipsa anima? Nam si illud Scaligeri, Nihil est in quapiam re, quod non fuerit actu in suis principiis, alicui non satis firmum in hac, in qua nunc versamur, disputatione, nec alicuius momenti ad qualitates occultas adstruendum esse videtur: monstret is, qua ratione locum aduersus Alexandros, animam ex elementis componentes, atque ita omnes animalium actiones ad elementa reducentes, habere possit. Aequè enim tùm alicui ad occultum & singularem mitionis elementorum modum confugere liceret. Deinde concedimus quidem, calorem multa operari, ut animæ instrumentum, quæ solus non efficeret, & propterea etiam diuersa efficere; in ventriculo Chylum, in Hepate sanguinem, aliud alibi: sed tùm tales actiones non soli calori, sed animæ potius calore vrenti attribuendas esse dicimus. Neque tamen omnes actiones, quæ elementis nobiliores sunt, ab anima proueniunt, ut etiam Scaliger monuit, *exerc. 101. sect. 8. & exerc. 102. sect. 5.* & pluribus etiam in tract. de Chymic. cum Arist. & Gal. conf. & diff. cap. 10. (ubi eandem controuersiam tractauimus) pag. 248. monstrauius, & præsertim, quod multæ sunt operationes & mutæ actiones inter se rerum naturalium, quarum corpora se mutuò non tangunt, ut in mirandis rerum sympathiis videre est: cum tamen anima extra suum corpus non agat: & quod species illæ spirituales seu intentionales, ut appellant

nonnulli, quarum multæ, præter species sensibiles vulgò notas dantur, per quas multi occulti rerum consensus & dissensus fiunt, alias reales & principales qualitates præsupponant, & hæc rursus sua subiecta, quibus insint, & à quibus fluant, necessario habeant; Ideoque etsi verum sit, calorem efficere multa non propria vi, sed virtute agentis primarij, ab eodem instrumento pro diuersis vrentibus & dirigentibus diuersa fieri: tamen & hoc verum est, quamlibet formam specificam requirere *οικείαν ὕλην* & nobiliorem formam opus habere nobiliore domicilio, nobilioribusque instrumentis. Et ut quilibet artifex pro suæ artis operibus parandis requirit peculiaria instrumenta, neque faber ferrarius eadem habet cum lignario, neque malleus pro ferra aut bipenni substitui potest: ita & in viventibus sese res res habet, & ut rectè scribit Aristoteles, sicut animæ nobilitate ignobilitatē differunt, ita & instrumenta illa proxima, quibus anima qualibet vtitur. Neque sola caliditas est instrumentū animæ: sed totum illud corpus, quod calidi vel spiritus insiti nomine venit, & non solum calore, sed & aliis nobilioribus qualitatibus instructū est. Itaque licet concedant, animam principale esse agens, quæ actiones in corpore viuente gubernat & determinat: tamen non satis probatum putant, quod calidum hoc seu spiritus hic sit elementaris naturæ; sed probabilius esse, sicut formæ viventium eleuantur supra elementorum sortem, ita & instrumentum hoc eorum proximum & adæquatum elementorum conditionem excellere. Quod etiam ex eo patet, quod Spiritus hic insitus suum dominium, quod ad actiones edendas requiritur, in corpore eo quoque obtinere potest, in quo aliàs frigus excellit. Imò videmus tempore hyberno in plantis in frigore, atque etiam in media glacie, Spiritum hunc innatum saluum atque incolumen persistere. Quod procul dubio si elementare saltem calidum esset, fieri non posset; sed tanto tempore à tanto frigore facile vinceretur atque exstingueretur. Præterea videmus in homine; in animalibus reliquis atque in plantis mirandas totius corporis, & peculiarium partium cum aliis sympathias & antipathias, atque alias nobilissimas actiones, quæ procul dubio à spiritu insito proficiscuntur; ab elementis tamen nullo modo deriuari possunt, quorum scilicet potestatem longè excedunt. Vid. I. C. Scalig. *exerc. 307. sect. 20.* sub finem. Neque sufficere putant, ut quis hæc omnia ab anima solum proficisci, neque ipsi calido, & spiritui insito per se competere dicat. Nam videmus etiam nobilissimas & longè supra elementorum sortem actiones plantarum, & partium animalium, quæ etiam in emortuis, & anima carentibus animaduertuntur: quales sunt vis purgandi, venenis resistendi, corpus veneno inficiendi, partes peculiare afficiendi, atque alia agendi: quæ omnia plantis fiunt, per spiritum insitum & humidum radicale superstes; quo etiam separato, reliqua corporis moles planè efficax redditur. Atque hæc omnia adhuc manifestiora fieri docent, si originem huius insiti spiritus, calidique innati perpendamus. Ad seminis naturam pertinere hoc calidum, & per id semina fœcunda reddi, rectè docuit Aristoteles. Semina autem non ex mitione elementorum proficiscuntur, sed generando à singulis speciebus viventium sui generis per traducem quasi propagantur & conseruantur. Primum autem originem habent semina, & in semine etiam hic insitus spiritus, calidumque innatum, sine quo semen esse non potest, ex prima rerum creatione, & iam creatis & constitutis elementis singulis rerum viventium speciebus omnipotenti Creatoris vi indita sunt. Dixit enim Deus: *Germinet terra germen, herbam producentem semen, arborem fructiferam facientem fructum, iuxta speciem suam, cui insit semen suum super terram. Et piscibus ac auibus iuxta speciem*

Forma specifica requirit propriam materiam

Anima instrumentum quod.

Spiritus insitus cum frigore perire potest.

Spiritus calidum innatum ex natura nobilioris quædam elementa edunt actiones.

Origo spiritus insiti.

ciem suam benedixit Deus, dicendo; Crescite & multiplicamini. Interim non negant, calidum hoc seu spiritum hunc insitum, etsi sit supra elementa atque alterius naturæ, quàm elementa, elementis tamen & mistis ex elementis esse associatum. Vnde quoque sicut anima, etsi non sit corporea tamen quia est in corpore, magnum cum eo habet commercium: ita etiam hunc spiritum, quia habet cum elementis commercium & societatem, ad officia sua bene vel malè disponi, ob elementorum associatorum dispositionem, mirum non est. Contra quia hic spiritus in mistis ex elementis latet: elementis & mistis ex elementis ea interdum adscribuntur, quæ tamen ipsis non ex se, sed ob insitum spiritum competunt. Hinc non difficile ipsis videtur ad ea respondere, quæ ii obiiciunt, qui spiritum hunc insitum in corporum ex elementis mistorum classem simpliciter redigere conantur. Etsi enim à calore elementorum foueri, & pabulo indigere hunc spiritum concedi possit: nihil tamen obstat, quin supra elementorum sortem sit. Calorem enim est communis *δημιουργός* & commune Naturæ instrumentum, quo ad virtutes rerum fouendas & excitandas utitur. Pabulum verò, quo animalia & homo utitur, etsi concretionis elementaris non sit expers: tamen planè elementare non est. Deus enim omni bestia terræ, cunctisque volucris cœli, atque omnibus reptantibus super terram, in quibus est anima viuens, omne olus herbae dedit in escam: Et homini omnem herbam producentem semen, quæ est in superficie totius terræ, & omne lignum, in quo est fructus arboris producentis semen, dedit in escam; & postea etiam omne reptile, quod est viuens. Animalia autem & plantæ, quæ homini & animalibus cibi loco sunt, non simpliciter mista sunt ex elementis, sed suum humidum radicale, suumque spiritum insitum obtinent, quo animalium, quibus in escam cedunt, spiritus insitus, calidum innatum, humidumque radicale conseruatur & instauratur. Quodlibet enim animal, quidquid est in carnibus vel plantis humidi radicalis calidique insiti, suo corpori aponit, corporique suo aptum reddit, & *οικείον* facit: reliquum corpus mistum, ut inutile, excernitur. Alij contra calidum hoc, spiritumque hunc insitum elementaris naturæ esse contendunt. Calorem enim omnem esse eiusdem speciei, atque vni frigori calorem quemcunque contrariari, & omni calori frigus esse contrarium; augeri etiam & foueri omnem calorem à calore elementari, atque ipsum quoque corpus, cui calor hic inest, non alterius esse, quàm elementaris naturæ, statuunt. Neque enim temerè esse multiplicanda entia; cum calidum elementare sub dominio animæ illa, quæ calido huic ascribuntur, efficere possit. Aristotelis verò auctoritatem nihil concludere putant: præsertim cum ratio, quæ addita, vitiosa sit, atque ignis igneusque calor non nisi in certo gradu corruptionis autor sit, in debito verò gradu & proportionem blandè omnia foueat, atque animatorum etiam generationes promoueat. Etsi verò tot præstantissimis Philosophis & Medicis dissidentibus aliquid definire periculosum sit, & propterea facilè hic quemque suo sensu abundare permittamus: tamen si aliquid dicendum est, existimamus, si omnino hanc rem diligenter trutinemus, & non solum actionum, virium atque affectuum huius spiritus nobilitatem, quæ ipsi non ob animam, cuius instrumentum est, sed ex sua natura, ut proprio sententiâ adductæ rationes monstrant, conuenit, perpendamus: omninò statuendum videtur, nobilioris essentia, quàm mista ex elementis simpliciter, esse hunc spiritum, rectèque de eo etiam illud Scaligeri, *exerc. 307. sect. 20.* affirmari posse, omnem formam cuiuscunque perfectè misti, etiam si non est ani-

ma, Naturam esse quintam, longè aliam à quatuor elementis. Atque ita vel simplex corpus erit hic spiritus, ab initio rebus à creatore inditum, atque hoc modo reuera aliud à quatuor elementis & mistis ex iis, ac *τὸ πρῶτον ἀσπρὸν στοιχεῖον ἀνάλογον*; vel si mistum fuerit ex elementis, non tamen erit mistum ex elementis simpliciter, sed habebit suam essentiam à peculiari forma, quæ, ut ex Scaligero dictum, reuera Natura quinta est longè alia à quatuor elementis; de qua infra, *lib. 5. part. 1. cap. 2.* diceretur, à qua illa eius præstantia nobiliorisque actiones proueniunt, & ob quam cœlo dicatur analogum. Atque ita ut cœlum, si in eo compositio est ex materia & forma (negat enim hoc Auenrois) etsi non aliam, quàm hæc sublunaria, habeat materiam; (ut sentit quidem Scaliger, *exerc. 17. & 61.* & necessariò omnes sentire videntur, qui in cœlo compositionem ex materia & forma admittunt) tamen ob formam, quæ est nobilior, quàm elementorum forma, & suam materiam sibi ita deuincit ac disponit, ut ad alias formas recipiendas potentiam particularem non habeat, actiones edit nobilissimas, & generationi ac corruptioni non est obnoxium: ita etiam hic spiritus, ob formæ, quam nobiliorem, quàm elementa, obtinet, præstantiam, nobiliores actiones edit, & *τὸ πρῶτον ἀσπρὸν στοιχεῖον* forsan non immeritò ἀνάλογον nominatur. Verùm hæc Philosophis diligentius perpendenda relinquimus. Porro cum partes duplices sint, aliæ spermaticæ seu solidæ in specie appellatæ, aliæ sanguineæ; seu quælibet pars, ut Galenus, *10. meth. med. c. 11.* docet, duabus substantiis constet; vna fibrosa, quæ primò generatur in formatione fœtus, & stamini similis est; altera carnosa, quæ fibrosæ quasi subtegmen adnascitur: & generatione & natura priores sint spermaticæ; vnde & *πρῶτα μέρη* appellantur, utpote quorum quasi *παρεργήματα* sunt sanguinea: manifestum est, in spermaticis à primo ortu quasi fundari humidum illud primigenium & radicale, calidumque narium. Etsi verò cuilibet parti suum sit calidum innatum: tamen principatus calidi natiui & humidi radicalis in corde est, quod ex spermatico humore, seu solida fibrosa substantia & calido admodum sanguine concretum est; vnde Galenus etiam *ἐπὶ τῷ ἐμφύτῳ θερμῷ*, focus calidi innati nominat. Ab eo enim, tanquam foco, calor influens, quo corpus animalium ad tactum calidum apparet, in omnia membra diffunditur; de quo mox diceretur Ex his quæ calidi innati essentia sit, si non satis, certè non parum perspicuum fieri arbitramur. De usu atque officio eius aliquid adhuc addendum est. Est autem calidum hoc innatum præcipuum animæ organum, quo omnes vitæ actiones obit, & quicquid salutare in nobis & vtile in generatione, nutritione, alimentorumque confectione perficitur, exsequitur. Per hoc Natura morbos morborumque causas & omnia mala depellit, & secundum Hippocratem, morborum medicatrix est. Atque hæc calidi innati dignitas & utilitas efficit, ut nonnulli ipsum & animam ferè pro eadem re haberent, ac præclaris atque insignibus nominibus appellarent, atque essentiam vitalis potentia, facultatem nos gubernantem, animæ substantiam, omniumque functionum autorem nominarent. Sicut cum ex aliis locis, tum Galeni, *lib. de marcore cap. 8.* videre est, ubi Galenus calori innato nutrimenti attractionem, elaborationem, appositionem, agglutinationem, augmentationem, corporis auctorem, partium omnium omnem omnino conformationem adscribit. Quæ nisi sano sensu accipiantur, & calido innato, ut præcipuo & summè necessario animæ, quæ corporea non est, & omnium actionum & facultatum prima origo, instrumento attribuantur: reprehensionem non effugiunt. Vnde etiam Iul. Cæs. Scaliger, *exerc. 101. sect. 18.* nefandum Hippocratis deliramentum, à quo non

Subiectum
calidi innati

Calidi innati
plurimum
in corde.

Vfus calidi
innati.

Eiusdem dignitas.

absint

*Calidi innati
mutatio se-
cundum æta-
tes.*

*Mortis natu-
ralis causa.*

absint Galeni trepidationes, nominat; Animam nihil aliud esse, quam cœleste calidum. Non autem hoc calidum semper in eodem statu permanet, ut capite præcedente dictum, sed ætatis decursu & inclinatione mutatur & imminuitur. Prima quidem ætate, quæ generationi & ortui proxima est, plurimus est hic calor, primaque ætas calidissima & humidissima iure censetur, & Hippocrates, 1. *Aphorism.* 4. scribit: *Qui crescunt plurimum habent innati caloris.* Ætate autem procedente paulatim pabulum illud caloris, humidum radicale, à calore absumitur, & exsiccatur, ita ut tandem humido planè absumpto ipse etiam calor, cum quo sese sustentet, non habeat, exstinguatur, & mors naturalis sequatur. Et si enim semper in locum absumpti humidi radicalis aliquid reponitur: deterius tamen id est, habereque se sicut aqua ad vinum, quæ vino permixta id debilius reddit. Atque ita hic idem calor, qui vitæ aliàs autor est, etiam interitus causa est: non tamen per se, sed ex accidenti. Hic enim dum naturæ ductu conseruari desiderat, fruiturque iucundè humidi radicalis pabulo, semetipsum conficit, sublato nimirum humido radicali, sine quo consistere nequit. Perinde enim, ut flamma in lychno oleum aut sebum depascitur, & tandem absumpta materia, ex pabuli inopia, exstinguitur: ita etiam calor natiuus noster, instar flammæ, humidum primigenium depascitur, tandemque humido deficiente, ipse etiam exstinguitur. Videtur quidem hoc Io. Domi. Salæ absurdum ideo, quod calor sibi propriam subiectam materiam non possit absumere, neque vlla qualitas in suum subiectum agere, postquam in ipsum est introducta (ita aëris caliditas sociam sibi humiditatem non absumit) nec quicquam in seipsum agere possit. Verum enim verò rationes hæ tanti momenti non sunt, ut à vulgata opinione discedamus. Et enim in simplicibus quidem hoc verum est, ubi nulla qualitas proprium subiectum, aut sociam qualitatem destruit, ut de aëre dictum; cum vtrique ab eadem forma fluat, in mistis verò & compositis aliter sese res habet, ubi omnis qualitatum repugnantia non abest. Ideoque cum spiritu & calore innato ac humido radicali calidi innati substantia constituitur, non impossibile est calorem in humidum agere. Neque tum idem agit in seipsum, sed in diuersum.

C A P V T V I.

De Spiritibus.

*Calidum in-
fluens.
Spiritus quid.*

Non verò calidum hoc insitum ad actiones omnes perficiendas sufficit, sed calido aliunde influente, à quo foueatur & excitetur, indiget: de quo etiam aliquid, atque ita de spiritibus, dicendum. Spiritus verò nomen et si & in aliis disciplinis, & in Medicina varias habeat significationes; & quandoque aërem vel ventum significet, ut est *cap. 4. lib. de mund.*; quandoque aërem qui respiratione attrahitur & expellitur; quandoque ipsam respirationem, quæ significatio Hippocrati satis familiaris est; quandoque difficultatem spirandi, Hippocrati; quandoque flatus in corpore; quandoque exhalationes aut vapores à corpore aliquo quomodocunque resolutos: hoc loco tamen dicitur corpus tenuissimum ac subtilissimum, calidum & purissimum, ex tenuissima & maxime sincera sanguinis parte genitum, Animæ quasi cum corpore vinculum, actionumque edendarum maxime necessarium instrumentum. Spiritus autem nomen et si potius rei mobili competat, & de natura spirituum esse videatur, ut sint mobiles: tamen cum in genere etiam spiritus nominari soleat substantia quædam subtilissima, efficacissima, purissima, & minime conspicua: solent spiritus diuidi in insitos & in-

*Spiritus du-
plices.*

fluentes. Influentes sunt, qui à partibus principibus in reliquas continenter influunt. De insito capite præcedente dictum est. Videntur tamen interdum auctores, dum de calido innato loquuntur, non solum illum insitum spiritum, sed & influentem, seu vtrumque coniunctum intelligere. Vtroque enim anima ad actiones exercendas, tanquam maximo & præcipuo instrumento vritur, & vterque necessarius est, ut corpus sit aptum animæ domicilium. De influentibus verò, de quibus iam dicendum, hoc primo monendum, vulgatam quidem esse sententiam, sed parum vero consentaneam; spiritus influentes esse facultatum vehiculum, facultatesque & potentiam agendi partibus per spiritus hos aduehi, & à partibus principibus in reliquas influere. Hinc non raro à medicis controuertitur; An solum facultates à partibus principibus in reliquas influunt; an verò cum facultatibus etiam spiritus. Verum enim verò cum facultates animæ inseparabiles eius proprietates sint, & ab animæ essentia, per emanationem simplicem, ut Philosophi loquuntur, fluant; recipiantur autem in animato corpore, ut subiecto: cuiuslibet hinc manifestum euadit, cum in corporis partibus omnibus, carne, ossibus, membranis & aliis tam insit anima, quam in corde, cerebro, hepate: etiam ibi illam suis instructam esse facultatibus, neque illas aliunde mutuari. Hoc enim si quis in dubium vocet; alterutrum concedat necesse est: vel animam in plerisque partibus adesse, neque tamen suis instructam esse potentiis & facultatibus; vel illa in membra anima destitui, atque inanimata esse, ac animam solum in membris illis principalibus hære, & proinde illa solum propriè animata esse: quod vtrumque absurdum est. Quamquam verò Galenus ab hac locutione non abstinuerit: tamen de eius mente potius quam verbis, sumus solliciti. Dum enim scripsit: suscipere membra per nervos facultatem animalem, & suas etiam facultates per arterias & venas: id non ita accipiendum est, quasi ipsæ animæ potentiæ à partibus illis in reliquas influant: sed de proprio & principali organo, spiritu scilicet, cuius beneficio anima suas facultates exercere, & ad actum secundum accedere valet intelligendum est. Spiritus enim primum & præcipuum instrumentum est, quod in partibus principibus confectum per suos canales in membra influit, & cum partium singularum calido innato atque insito iunctum facultates conseruat, & ut ad actum secundum accedere possint, efficit. Quo ubi partes destituuntur, vitæ ac sensu priuantur, nec amplius animæ organa idonea sunt. Rem ita sese habere, neque Galenum nomine potentiæ & facultatis semper propriè vti, sed nonnunquam accipere pro proximo animæ instrumento, per quam anima efficax est, vel ex eo patet, quod, 3. *de caus. sympr. cap. 1.* scribit, actionem frustrari, vel læsâ facultate, vel ob errorem externum. Vbi hæc mens Galeni non est, quasi ipsæ facultates, quæ imparibiles & incorruptibiles sunt, lædantur: sed hoc, ut ex sequentibus facile colligi potest, appellat facultatis læsionem, cum internum aliquod corporis vitium, quod ipsius facultatis (quæ propterea lædi dicitur) organum occupat, impedimento est, quo minus anima suas vires exerceat; animæ proximum instrumentum, quo suas facultates exerit, pro ipsa facultate accipiens.

[Notum est omnibus, quamprimùm res aliqua externis sensibus apprehenditur, & à facultate superiore, ut gratum vel ingratum, agnoscitur, appetitum excitari, qui rem gratam appetit, noxiam verò auersatur; & hinc statim organis motus voluntarij motum imperari, quæ etiam in momento id, quod facultas superior imperat, exsequuntur. Vnde manus ac pedes mouentur ad id, quod voluntas vult, peragendum. Quod quomodo fiat, inquisitione dignum, &

*Spiritus in-
fluens an
sint faculta-
tum vehicu-
lum.*

*Spiritus
influentium
utilitas.*

An facultates influant

& satis obſcurum. Vulgò equidem docetur, facultates & potentias agendi in partes cum ſpiritibus influere; & iis cum ſpiritibus communicari. Verùm falſa hæc eſt opinio, vt ſuprà dictum eſt. Sunt enim facultates animæ inſeparabiles animæ proprietates; atque anima in omnibus partibus ſuis facultatibus inſtructa eſt, neque aliunde eas accipit. Verùm licet eadem anima, quæ eſt in cerebro, etiam ſit in pede & manu: tamen accidit in paralyſi, vt, anima etiam præſente in manu & pede, neutra pars moueri poſſit. Quapropter adhuc aliquid deſit, neceſſe eſt, ob quod ille motus defectus accidit. Symptoma autem hoc accidere propter influxum ſpirituum, ob neruorum ſeu compreſſionem, ſeu obſtructionem, denegatum, extra dubium eſt. Nonnulli tamen nec hoc modo huius rei cauſam ſufficientem reddi exiſtimant. Dicunt enim, cum ſpiritus ſit corpus, non poſſe in momento per tantum ſpatium moueri, quod eſt inter caput & pedes. Idque etiam hac experientia probant: Si vinculo aliquo ligetur vel neruus, vel arteria, motus vel pulſus ceſſat in ea parte. Quamprimùm verò ligatura ſoluitur, eodem momento, quo mouentur partes proximæ ligaturæ, eodem quoque mouentur diſtantiſſimæ. Alij ergo alias cauſas afferunt. Nonnulli putant, hoc fieri propter continuitatem ſpirituum, & ſpiritus eſſe ſubtilem ſubſtantiam, à cerebro vſque ad extremas manus ac pedes extenſam, atque ita quamprimùm ſuperior cerebri facultas imperat, fieri motum in manu vel pede, illud imperium imprimi vicinis cerebro ſpiritibus, qui cum continui ſint cum ſpiritibus vſque ad manus & pedes, ſimul & ſtatim etiam iſtud imperium ſpiritibus in manu & pede contentis communicari. Alij, & vt iſſis videtur, probabiliùs, exiſtimant, à cerebro irradiationem ſeu illuſtrationem, ſeu influentiam, quæ contrarium non habet, in inſtanti ferri ad eam partem, ad quam deſtinatur. Et Galenus etiam hoc ſenſiſſe videtur, 1. de ſemin. cap. 16. 1. de loc. aff. cap. 6. 1. de cauſ. pulſ. in princip. 1. de cauſ. ſymptom. c. 5. Verùm idem Gal. 7. de placit. Hippocr. & Platon. vbi ex profeſſo hac de re agit, dubius fuiſſe videtur, dum ſcribit: *Quod ad facultatem, qua à cerebro deſcendit, ſpectat, non licet nobis promptè affirmare, quòd, quemadmodum ex Solis ſplendore qualitas quadam proſecta in omnem aëris regionem diſſeminatur, ipſa Solis ſubſtantia in loco ſuo permanente, ſic etiam ex cerebro virtus quadam membrum per neruos inſinat.*

Verùm neutra harum opinionum adhuc ſatisfacit, & clariùs, quàm ij, qui omne hoc ſpiritibus adſcribunt, rem hanc explicat. Equidem omnino concedendum, primò ſpirituum quadam continuatione à cerebro vſque ad membrum ſenſui & motui deſtinatum opus eſſe; interim negari non poteſt, hanc continuationem interdum intercipi poſſe, neruis ſeu compreſſis, ſeu obſtructis, & ſpiritus illos tam ſubtilia corpora eſſe, vt, quamprimùm anguſtia illa neruorum tollitur, ſpiritus ſeſe in momento in omnem partem diſſundere poſſint. Ergo ſaltem quæritur, quid ſpiritibus in neruis præſentibus, cum iis à cerebro, membrum ſenſui & motui deſtinato, communicetur. Qui imperium eſſe dicunt, quid imperium illud ſit, quod primò ſpiritibus in cerebro imprimitur, & hinc continuitate quadam per neruos ad manus vel pedes deſertur, non declarant. Neque ij, qui irradiationem & influentiam quandam à cerebro fieri dicunt, rem clariùs explicant. Non enim, quid illa influentia & irradiatio ſit, docent. Si dicunt, eſſe facultates influentes, falſum dicunt: Facultas enim motrix manibus & pedibus ineſt, & non à cerebro influit, & anima, vbi cunque eſt, ibi omnibus facultatibus inſtructa eſt: non verò in omnibus partibus omnia agit, quia non vbi que neceſſaria habet organa. Quid verò aliud ſit illa influentia & irradiatio, explicare non poſſunt.

Dan. Sennerti Tom. I.

Ex hac difficili controuerſia quòd nos expedire poſſimus, ſenſus externi docent. Quamprimùm enim ignis calor, vel alia qualitas tactilis, extremo digito, vel alia parte corporis percipitur, eodem momento eam apprehendit ſenſus communis, imò ipſe intellectus, phantaſmate ab imaginatione ſuppeditato. Si ergo quæras, quomodo hoc fiat, equidem ſpiritus animales ad hoc expediendum eſſe neceſſarios, extra controuerſiam eſt; cum iis non influentibus ſtatim ſenſus & motus ceſſet. Verùm ij ſoli hoc non faciunt, ſed ſpecies qualitarum tactilium, quæ nullum contrarium habent, in momento per neruos & ſpiritus ad cerebrum vſque diſſunduntur. Ita etiam in hac quæſtione ſeſe res habet, & ſi quis ſpiritibus ſolis acquiſcere nolit, neceſſe eſt, vt ſpeciem aliquam ab ipſo cerebro, beneficio ſpirituum animalium ad organa ſenſus & motus mitti ſtatuat; quam vbi facultas ſenſitiua & motrix percipit, mox ſentit, & motum inſtituit: eodem modo, quo ſpeciebus qualitarum tactilium perceptis ab externis corporis partibus, eæ facultatibus ſuperioribus communicantur. Atque omnino de talibus ſpeciebus explicandum eſt illud imperium, quod à cerebri facultate ſpiritibus animalibus imprimitur, vt & illa irradiatio & influentia ac illuſtratio. Nihil enim docent, niſi per talem ſpeciem explicentur.]

Deinde & hoc inquirendum videtur: An ſpiritus influentes animati, & corporis noſtri partes ſint. Vulgo quidem inter partes noſtri corporis non numerantur: verum Iul. C. Scalig. exerc. 280. ſect. 2. ſpiritus partes membrorum, & animatos eſſe defendit; vtpote qui proximum animæ in agendo inſtrumentum ſunt, & quibus deficientibus, animal ſtatim emoritur: qui eo loco videatur. Cui & Medici nonnulli aſſentiuntur, qui ſpiritus à membrorum numero non excludunt, quatenus in membris determinantur, vt agentium membrorum partes & inſtrumenta communia. In membris enim determinantur ſpiritus, vt proprij eſſe dicantur, & agentium membrorum quali pars aliqua: ſic ſpiritus animalis in oculis opticus nominatur. De numero autem ſpirituum horum magna & inter Medicos & inter Philoſophos eſt diſſenſio, dum alij vnum tantum ſpiritum, ſcilicet vitalem, quem omnes concedunt, ſufficere exiſtimant; qui ſubſtantia vnus exiſtens quandoque animalis, quandoque vitalis, quandoque naturalis dici queat, prout inferuit actioni animali, vitali, aut naturali; alij duos admittunt, ſpiritum ſcilicet vitalem & animale. De qua re quid ſtatuum ſit, inquiremus. Eſi verò omnes ex ſanguine attenuato, ſeu, vt Galenus loquitur, 1. meth. med. cap. 3. ex ſanguinis ἀερώσει, hoc eſt, aëratione, ſi ita loqui liceret, ſeu in aëream quodammodo ſubſtantiam attenuatione, proueniant: nemo tamen propterea omnes eiſdem ſpeciei eſſe dixerit: cum actiones à diuerſis formis & naturis prouenientes diuerſa & ſpecie differentia opera pariant; atque inſtrumenta diuerſis vſibus & actionibus deſtinata meritò diſſerre ſtatuantur. Itaque ſicut idem alimentum noua actio nouam ſubinde formam ac denominationem accipit, & nemo ſanguinem cum chylo, eſi ex eadem materia fiat, idem eſſe dixerit: ita nemo facile, eſi prima omnium ſpirituum materia ſit haliuola, & ſubtilior ſanguinis pars, eiſdem ſpeciei eſſe omnes ſpiritus dixerit; cum diuerſam formam in diuerſis membris accipiant, & ad diuerſos vſus comparati ſint. De quo iam in ſpecie videbimus, ſumpto initio à ſpiritu naturali, qui in generatione primus habetur, & maximè in dubium vocatur. Plurimi enim negant hepar peculiarem aliquem in reliquas partes influentem ſpiritum gignere, ſpiritumque, qui Naturalis vocatur, nullum eſſe cenſent. Galenus ipſe hac de re dubitaſſe videtur. Nam poſtquàm, 1. 12. met. med. c. 5. ſpi-

Sententia vera.

An ſpiritus influentes corporis partes ſint.

De numero ſpirituum.

Spiritus omnes non ſunt eiſdem ſpeciei.

De ſpiritu naturali.

ritum animale & vitalem enumerasset, dubius quasi de spiritu naturali hæc addidit: *Quod si naturalis quoque aliquis spiritus est, utique is quoque in iecinore & vena continebuntur.* Dari tamen hunc spiritum ex eo patet, quod videmus sanguinem aperta vena, spiritus, quo refertus est, impetu proflire & feruidum esse; ut & ex vñibus, qui postea proponuntur. Et si verò non planè reiiciendus sit hic spiritus, neque eo animal, ut iam dicitur, carere possit: tamen in eo doctiores Medici plerique consentiunt, non parvam esse inter hunc spiritum & reliquos differentiam, noménque spiritus ita propriè, ut reliquis, spiritui naturali non competere: cum neque ita subtilis & tenuis sit, ut reliqui, sed crassior; neque, quod officium à quibusdam spiritibus ascribitur, sit vinculum animæ cum corpore, neque actionis & facultatis proximum instrumentum. Naturalis enim facultas, omnibus partibus insita, insito vitalique influente solum spiritu ad suas actiones utitur. Itaque etiam in hepate, etsi nulla in eo sit cavitatis & sinus, generari potest. Sinus enim ea de causa in partibus constituuntur, quarum spiritus sunt tenuiores & copiosiores, ac confertim semper præsto esse debent. Spiritus verò naturalis influens ob crassitiem tardius resoluitur; ideoque non opus est, ut copiosius influat. Quapropter in venis quoque, etsi non ita densæ sint, ut arteriæ, facile, ne dissipetur, contineri potest. Spiritus verò nomen ea ratione saltem ipsi competit, quatenus est tenuior & spirituosior sanguinis pars, seu corpus tenuius & subtilius, ex sanguinis *ἀερώσει* seu sanguinis vaporosa & spirituosissima parte genitum; quod seu ex puriore & subtiliore chyli portione in spirituosam substantiam conuersa generetur. Vñus autem & necessitas generationis huius spiritus ex eo patet, quod necessariò corporis nostri partibus spirituosissimum alimentum præbere, & præterea materiam spiritibus vitalibus suppeditare debet. Cum enim omnibus corporis nostri partibus sua debeatur instauratio, suumque alimentum: etiam spiritus singulis corporis nostri partibus insitus instauratio indiget. Est verò hepatis hoc munus omnibus partibus solidis, carnis & spirituosissimis, alimentum conficere, atque adeò etiam aliquid, quo partes spirituosæ instaurantur, hunc scilicet spiritum naturalem, præparare. Neque hoc officium spiritui vitali deferri potest. Sunt enim distincta hac in re horum spirituum officia: naturalis materiam, qua partes nostri corporis spirituosæ reficiantur, suppeditat: vitalis verò calorem fouet & instaurat. Deinde spiritus hic materiam quoque spiritibus vitalibus generandis subministrat: eiusque proinde pars aliqua ab arteriis attrahitur. Quod autem ex venis in arterias aliquid transferatur, docet Galenus, 3. de fac. natural. cap. 15. Id quod sanguis esse non potest, utpote qui ob crassitiem in arterias penetrare non potest, sed spiritus hic sit oportet. Aliqui & hunc vñum huius spiritus addunt, ut inferuiat sanguinis perfectioni, meliorique per venas per totum corpus distributioni. Vitalem verò spiritum nemo est, qui neget: darique illum sensus ipse conuincit; ligatæque arteriæ amplius non pulsant, spiritibus nimirum liberè permeare non valentibus; & in syncope ac animi deliquiis omnes actiones pereunt, ob spiritus huius influentis defectum. Gignitur hic spiritus ex puriore & tenuiore sanguinis parte, seu spiritu naturali ad cor influente, & aëre ope respirationis & arteriarum dilatione attracto, in sinistro cordis ventriculo mistis & elaboratis, à fuliginosis excrementis separatis, & in corpus tenuissimum ac purissimum ac penè cæleste redactis. Id quod probat suam respirationis & perspirationis necessitas, per quam aëre attracto, tanquam familiari pabulo, spirituosissima illa in nobis substantia reficitur & fouetur; & summa illa recrea-

tio, quam in magnis æstibus auras frigidiores captantes percipimus. Vnde etiam pro aëris puritate vel impuritate spiritus puriores vel impuriore generantur. Aër tamen, qui inspiratione attrahitur, in pulmonis substantia, aliquo modo præparatur, & demum per arteriam venosam in sinistram cordis ventriculum fertur, ibique cum spiritu naturali, aut tenuiore sanguinis parte mistus materiam vitali spiritui suppeditat. Vbi autem sanguis spiritui vitali generando necessarius præparetur, & per quas vias in sinistram cordis ventriculum feratur, Recentiores dissentiant. Galeni sententia est, sanguinem in dextro cordis sinu attenuari, & magis elaborari, portionemque eius per venam arteriosam pulmonibus pro nutrimento transmitti; quod verò tenuissimum est, lib. 3. de fac. nat. c. 15. ex dextro cordis sinu in sinistram trahi statuit. Habere enim interpositum inter duos ventriculos septum foramina quædam, in quæ per altè quædam profunditates descendere visu agnoscere licet; quæ ex latiore ore magis magisque semper in angustum procedunt: quarum tamen vltimos fines tum propter paruitatem, tum quod in animali iam emortuo omnia sint perfrigerata ac densata, contueri non licet. Atque ita rem se habere eo probat: quod natura nihil facit frustra, ac propterea etiam non temerè neque fortuito hos profundos meatus in angustum versus sinistram ventriculum tendentes exculpserit; sed ut materia spiritibus vitalibus generandis per eos à sinistro ventriculo attrahatur & retineatur: qua ratione, ut & peculiari meatum horum conformatione, fiat, ne sanguis in dextrum relabatur: sicut videmus sanguinem è venis in partis substantiam attractum non remeare in venas. Verum enim verò licet concedatur, (quod tamen aliqui negant, qui hæc foramina facta docent, ut alatur per ea septum transversum cordis, cum à vasis coronariis non nisi superficies cordis allatur) foramina hæc peruia esse, & per ea aliquid è dextro ventriculo in sinistram mitti: tamen negari non potest, minimam esse portionem, quæ per septum in sinistram ventriculum è dextro quasi transsudat; maiorem verò per venam arteriosam, vas tam amplum, in pulmones effundi. At non credibile est, cum sanguis & spiritus è sinistro cordis ventriculo, vase tam magno & amplo, in totum corpus continuò transmittantur, & propterea copiosam materiam illis regenerandis suppeditari necesse sit, eam per cæca illa septi transversi foramina tam breui temporis spatio subministrari posse. Sicut nec hoc credibile, pulmonibus tantum alimentis (partem enim aliquam in pulmonum alimentum absumi, negandum non est) plus materię è dextro cordis ventriculo affluere, quam totius corporis necessitatibus in sinistram transmitti. Ideoque vero consentaneum est, si omnino (quod tamen alios negare, dictum) tenuior aliqua sanguinis portio è dextro in sinistram ventriculum permeat, nihilominus maiorem portionem in venam arteriosam mitti, atque ab hac accipere per *ἀνασπώσας* arteriam venosam, & in hoc ambitu refrigeratam hinc ferri in sinistram ventriculum. Quod & valvulæ ipsæ cordis persuadere videntur, quæ in vena arteriosa ab interioribus parent ad exteriora, ut refluxum materię elatæ impendant; in arteria verò venosa ab exterioribus ad interiora, ut refluxum materię illatæ impendant. Spiritus autem vitalis maximum ad vitam vñum habet, & non solum in ipso corde cum calido eiusdem insito actionum cordis præcipuum instrumentum est; sed & per arterias in vniuersum corpus distribuitur, innatumque singulis partibus calorem, qui per se imbecillior est, nec ad omnes actiones solus sufficit, excitat, auget, instaurat, eique quasi actum & perfectionem tribuit. Vnde & calidum influens à nonnullis appellatur. Præter hoc animali

Qua ratione spiritus naturalis à reliquis spiritibus non differat.

Vñus & necessitas spiritus naturalis.

Vitalis spiritus.

Vnde generetur.

Per quas vias sanguis in sinistram cordis ventriculum feratur.

Vñus spiritus vitalis.

animali quoque spiritui hic spiritus materiam, è qua generetur, suppeditat. De spiritu autem vitali hoc observandum, quod licet is non ad extremas usque membrorum partes arteriarum beneficio penetret. (Non enim arteriæ; ut venæ, in capillares ramos exiguos disperguntur, & proinde eas ad extrema usque corporis non comitantur, sed in profundo illius adhuc desinunt & finiuntur) eò tamen pertingit, quia subtilissimus est, præterea cum sanguine venarum confunditur, tum manifestè in cerebri finibus, in quibus venæ & arteriæ suum sanguinem confundunt, tum in liene, ubi eadem sit permistio, tum in habitu corporis, arteriarum osculis cum venarum osculis coniuventibus; atque ita cum sanguine & spiritu naturali ad singulas corporis partes defertur. Præter hunc vitalem spiritum plerique Medici adhuc alium spiritum constituunt, quem animale appellat, quod ad animales actiones Medicis appellatas, sensum & motum nimirum, sit necessarius. Sunt tamen è Philosophis & Medicis quidam, qui vitalem & animale spiritum non specie, sed accidentibus quibusdam tantum differre statuunt: inter quos est Argenterius, Zabarella, & Iacobus Schegkianus, qui peculiari libello euincere conatur; spiritum, qui continetur in ventriculis cerebri, non esse animale, sed vitalem: solèturque passim prolixè hac de re disputari. Vt autem rem hanc breviter & per compendium tradamus: Dari talem aliquem spiritum, non solum ex apoplexia, in qua deficiente in membris hoc spiritu sensus & motus tollitur, sed & ex paralyfi & stupore patet, in quibus etiam ob prohibitum spirituum influxum sensus & motus tollitur; ut & ex eius defectu cæcitas oritur. Etsi enim hic obiiciat Schegkianus, non influere spiritum, sed saltem *δύναμιν ἐπὶ τὸν σῶμα*, propter quam facultatem habeat istam sentiendi & mouendi corpus: tamen vix id locum habere potest. Nam si solum qualitas talis esset: obiectu corporis eius affluxus ita facillè impediri non posset; sicut videmus magnetem etiam per interiecta corpora ferrum mouere; sed cum id facillè fiat, corporeum quid esse hunc spiritum necesse est. Diuersum autem esse hunc spiritum à vitali spiritu, ex eo liquet, quod in peculiari membro, cerebro nimirum, elaboratur, atque inde per nervos in totum corpus distribuitur: tum etiam quod vitalis spiritus eos usus, quos animalis præstat, nullo modo præstare potest; cum viuentem parte, vitalique spiritu perfusa, nihilominus sensus & motus, ob animalium spirituum defectum, tolli possit. Hic enim spiritus cerebri omniumque organorum ad sensum & motum destinatum actionem quasi viuificat, perficit; & ad actum secundum deducit, rerumque species, ab externis sensibus perceptas, ad cerebrum, quasi iudicem & censorem communem, transeunt. Id quod vitalis minimè præstare potest. Nam etiam si, ut dictum, viuat pars, vitalique spiritu perfusa sit: nihilominus & sensu motu, ob animalium spirituum defectum, destitui potest: cum vitalis spiritus tantum calorem insitum foueat; ad motum verò & sensum nihil conferat. Vbi autem & quomodo spiritus animales generentur, alij aliter sentiunt. Vero consentaneum mihi videtur, cerebri sinus, per duræ matris diploas transeunt, tanquam canales & riuos quasi vasorum vicarios, sanguinem, tam venosum quàm arteriosum, & hunc spiritu tam naturali quàm vitali refertum, excipere, continere, aliquomodo alterare & præparare, & postea per ramulos & surculos plurimos in cerebri anfractus & omnem ferè eius substantiam deriuare, cum pro eius nutritione, tum pro spirituum animalium elaboratione. Plurimi equidem in plexu choroide seu labyrintho, qui partim ex arteriis ad cerebrum ascendentibus, partim ex vasis sinuum constituitur, spirituum animalium præparationem fieri statuunt; quidam etiam in rerum mirabili: Verum exigui isti plexus spiritibus præparan-

Dan. Sennerti Tom I.

dis non sufficere, aliosque usus habere videntur. Plexum equidem labyrinthum Varolius & Bauhinus saltem absorbendis superfluis humiditatibus inservire credunt: verum cum id glandulis potius, quàm iis supponuntur, quàm ipsis plexibus tribuendum videatur, usus plexus huius is esse videtur; ut attractum per nares aërem, & leuiter in anterioribus ventriculis cerebri alteratum & purificatum (hunc enim usum, præter id quod excrementorum cerebri receptacula sunt, etiam habere ventriculos anteriores cerebri, verisimile est, ob mirabilem, quam obtinent fabricam & structuram) trahant, attenuent, & subtiliorem ac puriorem reddant, eundemque ad vasa cerebri hinc inde discurrentia transmittant, fuliginibusque simul, si quæ in vasis redundant, ad ventriculos cerebri viam concedunt. Rete autem mirabile ideo factum esse verisimile est, ut distributioni spirituum vitalium inserviat, ut cerebrum etiam ab inferiore parte eos accipiat pro vita & sui conseruatione, simulque fuligines in plexum choroideum, cui ramulis nonnullis continuatur, deriuat, ut per cerebri ventriculos & nares tandem expurgari queant. Ex præparato hoc modo spiritu vitali in cerebri substantia, seu ut aliis, qui manifestam, ut in corde, etiam hinc cavitatem requirunt, placet, in cerebelli ventriculo, qui principio spinalis medullæ insculptus sit, & vulgò quartus cerebri ventriculus nominatur, spiritus animalis generatur, & hinc per nervorum principium in totum corpus distribuitur.

CAPUT VII.

De Partium organicarum naturali constitutione; & tam similaribus quàm dissimilaribus communi unitate.

Qua in re partium similarium sanitas consistat, dictum est hactenus. Quæ etsi per accidens, quatenus nimirum ex similaribus constant, etiam dissimilaribus competat: sua tamen & peculiaris dissimilaribus constitutio est, in qua ipsarum sanitas consistit, quæque non minus ad actiones naturales edendas necessaria est, quàm similarium temperies: quod manifestè in iis apparet, qui membrum aliquod non rectè conformatum, vel à natura vel casu obtinent. Est autem hæc dissimilarium partium naturalis constitutio debita earum compositio; nexus nimirum decens partium similarium in vnam formam actioni obeundæ vtilem & aptam. Plura autem ad partis dissimilarity hanc compositionem requiruntur. Primum necessarius est definitus partium componentium Numerus, ut nimirum partes, quæ ad compositionem concurrunt, neque pauciores, neque plures iusto sint. Sunt verò instrumenta alia prima, alia secunda, ut habet Galenus, *de differ. morb. c. 4.* aliæque minora, alia maiora. Quæcunque enim ex similaribus coagmentatis vnius functionis gratia facta sunt, in primo instrumentorum numero sunt: quæ verò rursus ex iis componuntur, ad secundum ordinem pertinent: quæ rursus ex his componuntur, magis sunt composita, atque tertij & quarti ordinis; donec tandem fiat perfectum organum: quod Gal. *1. meth. med. cap. 6.* definit animalis partem, quæ perfectam operationem edere potest; velut oculus visionem, crus incessum. Simplicior est vena & arteria; digitus magis est compositus; magis adhuc pes; & multò magis crus. Etsi verò instrumentum quodlibet ex pluribus partibus componatur, & omnes ad actionem necessariæ sint: tamen non sunt omnes eiusdem dignitatis, sed vna ferè ex iis est præcipua actionis causa, reliquæ saltem usum præstant; ut docet Gal. *de differ. morb. cap. 6.* Suntque ferè in quolibet

Partium dissimilarium & organicarum constitutio.

Numerus.

Instrumenta quotuplicia.

Organum quid.

Partium organum ali-quod constituentium genera.

CAPUT VIII.

De animæ facultatibus & actionibus in genere.

instrumento quatuor partium genera, quædam, per quas actio perficitur: quædam, sine quibus perfici non potest: quædam, per quas commodius & melius perficitur: quædam saltem ad custodiam & tutelam factæ sunt: id quod in oculo cuius patet. Deinde requiritur debita partium componentium magnitudo, nec iusto maior, nec iusto minor. Tertiò necessaria est Conformatio decens, quæ sub se complectitur, primò figuram conuenientem, & actioni obeundæ aptam: Secundò cavitates & meatus; ut scilicet si pars non solida sit, sed meatibus perforata, eorum iustum & numerum & magnitudinem obtineat: Tertiò superficiem; ut nimirum sit vellævis vel aspera, prout natura partis illud desiderat; & quæ sunt alia. Neque hæc satis sunt, sed præterea etiam necessarium est, ut quælibet pars suum locum obtineat, & aliis cohæreat: quare ultimo loco Situs & connexio requiritur. Superest adhuc tertia quædam constitutio, vtrisque communis, Vnitas nimirum, quæ est diuersorum corporum ad vnâ formam cohærentia seu coalitus; quæ si absit & tollatur, ipsa etiam actio læditur. Vnitas autem hæc duplex, altera propria similarium, altera dissimilarium partium. Similarium prouenit ex mixture principiorum, quibus corpus nostrum componitur ad vnus naturæ constitutionem sub vna forma coëuntium. Vnitas verò dissimilarium prouenit ex cohærentia, coalitu seu *μεσότητι*, ut Aristoteles, *5. phys. cap. 3.* nominat, partium similarium ad vnus organi constitutionem. Dissentiunt ab hac vulgata doctrina Auenrois & Argenterius, & vterque partibus similaribus & organicis vnitatem & communem esse negat. Auenrois quidem vnitatem per se & propriè tantum similaribus competere statuit; organicis verò ex accidente: cum organica & compositæ partes non sint continuæ, sed contiguæ tantum, earumque extrema non sint vnum, sed simul. Verum etsi partes organica & dissimilares eo, quo partes similes, modo vnum non sint: tamen concedi non potest, eas tantum contiguas esse; cum *μεσότητες*, quæ ad vnitatem & continuitatem meritò etiam refertur, inter se copulentur & arctissimè coalescant. Ita arteria magna cum sinistro ventriculo & substantia cordis coalescit; quod etiam in aliis partibus videre est. Argenterius contra vnitatem ad partium similarium constitutionem parum conferre, atque ipsarum actionibus nihil prodesse vel obesse statuit; satis absurdè. Quis enim non videt; partes similes esse non posse, nisi vnum sint, & nisi principia, ex quibus componantur, in vnum corpus sub vna forma, ad vnâ actionem edendam coëant, diuisasque illam suam essentiam & ad actiones aptitudinem retinere non posse? Nam cum in partibus principibus communicatio requiratur: ea sine vnitatem, & nisi pars continua sit, fieri non potest. Alio enim modo sese res habet in viuentibus, & alio in non viuentibus. In non viuentibus quælibet pars per se suam essentiam integrè, etiam ab alia diuisa, retinere potest, neque alia ab alia quid accipit, aut communis virtutis communicationem requirit: in viuentibus verò cum omnes partes ab vna anima informantur, & à partibus principibus calor & spiritus ad priuatas reliquas influant, ut omnes idoneum animæ domicilium atque instrumentum reddantur: facilè hinc patet, partes ut hoc obtineant, integras & continuas esse debere. Sed hæc ubi de morbis solutæ vnitatis dicetur, clariora fient.

Magnitudo.
Conformatio.

Situs.

Vnitas.

An vnitatis
partibus simi-
laribus &
organicis
communis sit.Cur in simila-
ribus vnitatis
necessaria sit.

Postquam in quibus consistat sanitas, & quæ ad actiones obeundas requirantur, dictum: nunc ultimo loco, quæ facultates Animæ & actionum in corpore differentiæ sint, explicandum. Primò autem ex Physicorum scholis, tanquam certum, accipimus; Animam esse *ἐντελέχειαν σώματος φυσικῆς ὁργανικῆς*, id est, actum & formam substantialem, per quam corpus animatum reuera tale est, seu per quam insitam potentiam habet omnes vitæ actiones obeundi. Non autem hoc loco controuersiam illam mouebimus, quæ à Philosophis disquiratur, an omnes illæ facultates, quæ in homine reperiuntur, ab vna, quæ his omnibus viribus prædita sit, anima proueniant; An verò distinctæ facultates distinctas animas sequantur: sed satis nobis hoc loco fuerit, si facultatum differentias cognitas perspectasque habuerimus, siue vnicam tantum animam, siue plures sequantur. Aliter verò Philosophi, aliter Medici facultatum differentias recensent. Philosophi quidem in homine, ut pote qui omnium viuentium regula, & quasi compendium est, omnes, quæ in reliquis viuentibus reperiuntur, animas, & præterea etiam rationalem, cui reliquæ, ut specificæ, subordinantur, inueniri docent; seu; ut alij non incommode sentiunt, animam hominis rationalem omnium animarum inferiorum facultatibus instructam esse; & proinde cum tres sint viuentium species, etiam in homine reperiri facultatem vegetantem, sentientem & rationalem. Sub sentiente facultate etiam motricem, atque irascibilem, ut & *φαντασίαν καὶ τὸ θυμοειδὲς*, comprehendentes. Galenus verò, *de sympt. differ. cap. 3.* actiones alias animales, alias naturales, esse dicit: 9. verò *methodi medendi cap. 10.* & alibi facultatem vitalem addit: & vulgatum est apud Medicos, facultates & actiones in homine diuidere in naturales, vitales & animales, & sub animali comprehendere, quod Galenus etiam hic facit, sensitivas, motrices & principes, seu *ὑπερνοϊκὰς*, ut Galenus *de sympt. differ. cap. 3.* nominat, nimirum imaginationem, ratiocinationem & memoriam, seu ut alij diuidunt, cognoscentes & mouentes: Nam Medicis hoc loco non idem, quod Philosophis, propositum est. Hi enim, è distinctis vitæ modis, qui in plantis, animalibus brutis, & in homine apparent, animæ species & facultates venantur atque inquirunt. Medici autem solum in homine actionum, quas integras conseruare, & læsas restituere debent, numerum & differentiam inuestigant; & non tantum ipsas facultates, quæ per se non læduntur, sed in primis organa, quibus actiones obeuntur atque perficiuntur, considerant, & secundum tria principalia membra, cerebrum, cor & hepar, à quibus actiones omnes in corpore gubernantur, actiones in animales, vitales, & naturales distinguunt. Nam licet sentiens & rationalis diuersæ sint species, ita ut vna sine altera in viuentibus reperiatur: tamen cum animæ rationalis actiones non lædantur, nisi ratione obiecti; mentisque, ut quæ in agendo corporeis organis non vitur, vitia non consideret Medicus, nisi quatenus obiecti & phantasie errata includunt, & à constitutione vitiosa cerebri, in quo omnes illæ actiones fiunt, pendent: illas sub animali concludit. Vitalis verò actio, cum in homine valde sit nobilis, & conspicua; in specie & illa consideranda fuit; de qua postea, c. 11. plura dicentur.

Anima quæ

Facultates
anima differ-
entia secun-
dum Philo-
sophos.Anima facul-
tates secundum
Medicos.Cur Medici
hoc modo fa-
cultates
anima enu-
merent.

CAPVT IX.

De Nutritione & Augmentatione.

Vulgatam itaque distinctionem secuti, à naturali facultate, vt primo & infimo gradu, incipiamus. Hæc à Philosophis vocatur *φυτική*, & *δρεπτική*, vegetatiua & nutritiua; à Galeno *φισική*, naturalis. Et si enim omnes actiones, quæ in corpore humano secundum naturam fiunt, naturales appellari possint, & hoc modo naturales actiones nonnunquam solum præternaturalibus opponantur, atque etiam animales & vitales naturales esse dicantur: tamen Galeno & medicis placuit *φισικὴν δυνάμιν* & *φισικὰς ἐνεργείας* eas in specie appellare, quæ à facultate *φυτική* seu vegetante Philosophis dicta proueniunt. In eo enim vis hæc cum Natura conuenit, quod semper eodem modo agit, nec ad vtrumque oppositorum aptitudinem habet. Facultatis autem naturalis actiones omnes vel ad speciei, vel ad indiuidui conseruationem pertinent. Ad indiuidui conseruationem faciunt Nutritio & Auctio: ad speciei conseruationem Generatio. Nam cum corporis partes perpetuò resoluuntur, ne homo ante definitum tempus interiret: Primò facultas Altrix seu Nutrix ei concessa est, cuius proprium opus omnium partium corporis conseruatio, quoad fieri potest, diutissime, vt Galenus 1. *de nat. fac. c. 5.* docet; quod præstat, dum alimentum in viuientis corporis substantiam conuertit, & id, quod absumptum est, restituit: duratque hæc resolutionis & Nutritionis vicissitudo per totam vitam, *nutriturque animal, quàm diu viuít*, vt est apud Aristot. 1. *de gener. & corrupt. c. 5.* Cum verò homò, vt & alia viuientia, in prima generatione molem perfectam corporis obtinere non possit: cum ob exiguam subiectæ materiæ Quantitatem, tum loci in quo partes corporis nostri formantur, angustiam: Anima vegetans secundam principem facultatem obtinuit, auctricem, quæ ad debitam molem corpus extendit, vt possint eum vsum præbere homini, cuius gratia factæ sunt. Huius itaque opera in prima ætate vigent, in qua non solum fit nutritio, sed etiam auctio, partésque, quæ corpori adduntur, maiores sunt iis, quæ à calore resoluuntur. Non autem semper augentur, vt nutriuntur, viuientia, sed ad certum vsque ætatis terminum. Quia verò homo, vt & alia animalia, connatas habet sui interitus causas, nullumque indiuiduum perpetuò durat: ne species intereant, sed propagentur, præter altricem & auctricem facultatem, tertia facultas diuinâ prouidentia addita fuit; cuius beneficio, quod in indiuiduis habere nequeunt, in specie animalia consequuntur. Atque hæ tres facultates quasi principes ac primæ sunt, & quæ primariò *φυτικῆς δυνάμεως* nomine veniunt: desiderant tamen aliarum quasi ministerium, iisdemque aliæ quasi ministræ ac secundariæ facultates additæ sunt, Attratrix, Retentrix, Concoctrix, & Expultrix. Sunt tamen, qui tres saltem ministras facultates statuunt, Attratricem, Retentricem, & Expultricem; Concoctricem verò ipsam facultatem Nutricem esse asserunt, quæ alimentum in substantiam partis conuertit. Attratrix enim vis primò vtile partibus alimentum seu succum familiarem, qui commodissimè queat assimilari, attrahit. Cum autem alimentum in momento mutari non possit, Retentrix vis, quæ alimentum tam diu retinet, donec sit debito modo elaboratum, additur. Concoctrix deinde, dum à retentrice alimentum retinetur, illud alterat, mutat & viuienti idoneum efficit: vnde etiam alteratrix siue assimilatrix nominatur, Græcis *ἐλλοιωτική*. Denique cum illud, quod assumitur, alimentum sit heterogeneum, & totum in corporis substantiam verti non possit, expultrix tandem facultas adest, quæ superua-

Dan. Sennerti Tom. I.

cua, & ad nutritionem inepta reiecit: vnde τῶν ἀλλοτρίων ἀποκειτική, ἐκκευτική ἢ πρὸς αὐτὴν nominatur. Habetque facultas expultrix cum Retentrice eam cognitionem, vt sint *διαδεχόμεναι ἀλλήλαις ἢ ἀσχωρήσαί τε* τῇ λοιπῇ, id est, se mutuo suscipientes, sibi que mutuo cedentes, vt vna agente altera ab actione cesset, vt cessante ab actione expultrice, agere incipiat retentrix; & contra cessante ab actione Retentrice, mox infurgat expultrix, quod exemplo vteri 1. 3. c. 3. *de natur. fac.* demonstratur. Causa autem, quæ & Retentricem ab opere cessare facit, & expultricem ad agendum irritare solet, vt genere vna est, nempe *ἀνία*, id est molestia, quam sentit pars ab ea, quæ retinetur, materia, ira secundum speciem est triplex nempe ἡ ὀγκος id est moles sua magnitudine partem distendens, ἡ τι βάρος aut pondus, ἡ δὲ ἔξις aut mordicatio aliqua. Facultates autem ministræ suas actiones perficiunt, vt est apud Galen. 3. *de nat. fac. cap. 8. 11.* & alibi, potissimum in organis publicis, beneficio fibrarum seu villorum, Attractio fit per fibras rectas per membri longitudinem dispositas: Retentio, obliquis: Excretio, transversis. Concoctio verò inprimis à vi & calore insito cum influente iuncto perficitur. Et si verò Nutritio & *αὐξήσις* seu accretio fine præcipuè differunt, quod in nutritione solum fit partis absumptæ instauratio; in accretione autem maioris quantitatis acquisitio & vt Aristot. 1. *de gener. & cor. cap. 5. t. 41.* loquitur alimentum, quod apponitur, in nutritione, sit *μόνον δυνάμει σάρξ*, in accretione verò *δυνάμει ποσὴ σάρξ*, tamen cum subiecto, quod est corpus humanum; causa efficiente, quæ anima; & materia ex qua, quæ alimentum est, conueniant: de iis coniunctim agemus. Cum autem & in nutritione, & in augmentatione fiat assimilatio alimenti corpori alendo: alimentum verò primo dissimile sit: nec quicquam assimilari & in substantiam alterius conuertere queat, nisi prius sensim & paulatim immutetur eousque, donec cognatum & simile euadat ei, in cuius substantiam est conuertendum: pluribus coctionibus prius elaborandum, & corpori alendo simile reddendum est. Coctio hæc vel est priuata, & tantum ob alimentum & vsum partis, in qua fit, instituitur; vel publica, quæ ob communem totius corporis vsum perficitur. Illa fit in singulis partibus: Nulla enim pars est, quæ nutritione non indigeat; & proinde etiam alimentum affluens sibi simile reddat. Concoctio autem, quæ ob communem totius corporis vsum fit, præcipuè peragitur in membris, quæ naturalia appellantur, ventriculo & hepate. Hæc enim membra toti corpori alimentum præparant. Sicut & lien sibi & vicinis membris sui generis sanguinem elaborat. Ventriculis quidem primum ex cibo chylum conficit: Ex chylo postea in hepate generatur sanguis: quem deinde singulæ partes elaborant, concoquunt, ac in suum nutrimentum conuertunt. Hinc vulgò tres coctiones constituuntur, quæ scilicet ad nutritionem corporis necessariae sunt: Prima, quæ fit in ventriculo; secunda, quæ in hepate: & tertia, quæ in singulis partibus perficitur. Verum ad publicam coctionem non incommode referri possunt etiam aliæ actiones, quæ quamuis non tali ratione ad corporis nutritionem faciunt: æquè tamen ob totius corporis vsum & emolumentum instituuntur: qualis est spirituum vitalium generatio in corde, ac spirituum animalium in cerebro, atque etiam lactis in mammis, & seminis in testibus. Nisi quis illam ad facultatem generatricem referre malit. Nam & illæ actiones merè naturales sunt, & beneficio temperamenti proprii partium illarum perficiuntur. Prima itaque coctio fit præcipuè in ventriculo. Hic enim primæ coctionis officina est, totique corpori alimentum præparare, & plus quàm sibi soli satis futurum erat, coquere debet. Qua de causa non solum vis coquendi maior ipsi à

Coctio.

Coctio priuata. Publica.

Concoctio publica ubi fiat.

Coctio in ventriculo.

Appetitus ventriculi.

Conditore indita, sed & appetitus duplex, alter animalis, quo incitatus alimentum toti corpori necessarium appetit; alter naturalis, quo sibi tantum necessarium alimentum concupiscit. Atque illo varia alimenta variis corporis partibus necessaria appetit; hoc verò ea solum, quæ sibi cōuenientia & grata sunt. Appetitus naturalis sensu non indiget, sed sicut reliquæ corporis partes omnes naturali instinctu alimentum appetunt & attrahunt: ita etiam ventriculus suum appetit alimentum. Appetitus verò animalis exquisitissimum sensum habet coniunctum, quo non tam suam quàm vniuersi corporis indigentiam perciperet. Vbi igitur homo cibum sumit, ut sensu illo tristi ac molestia, quæ in ore ventriculi sentitur, sese liberet, prima eius in ore fit præparatio. Ibi enim dentibus conteritur & frangitur alimentum, saliuæque humidatur, atque aliquam ab illa contritione, tum etiam saliuæ perfusione, orisque calore, & tunica, quæ cum ventriculo ori communis est, atrectatione, alterationem & elaborationem accipit. Cuius rei illud indicium est, quod cibi masticati mox colorem, odorem, aliasque qualitates mutant. Cibus hoc modo comminutus & alteratus in ore motu linguæ gulæque hiantæ detruditur, & per gulam in ventriculum demittitur, & deducitur, partim vi tractoris interioris ventriculi atque œsophagi tunica, quæ per rectas fibras, quas è fundo iursum recta tendentes obtrinet, perficitur, partim transversarum exterioris tunicae œsophagi fibrarum contractione & constrictione, per quam angusta redditur interna cavitas, quæ superna parte incipiens cibum & potum deorsum propellit, atque ita tractionem internæ tunicae adiuuat. Cibum acceptum ventriculus per retenti- uam facultatem, ministerio obliquoarum fibrarum, amplectitur arctissime, & retinet eo usque, donec omni ex parte sit à facultate ventriculi concoctrice, propria ventriculi substantia, proprioque & naturali calore, adiuuante tamen nonnihil calore partium adiacentium, concoctus, elaboratus, & in vnam formam ac massam, pituita cremoni non absimilem, quæ Chylus appellatur, mutatus. Assumpto cibo, cessat animalis ille appetitus, seu fames; cessante nimirum illa vellicatione & diuulsione, quasi ob defectum alimenti totius corporis. Naturalis verò ille appetitus non expletur, nisi perfecta nutritione, & corporis sui ex sanguine refectione. Neque enim credendum, chylo solum ventriculum ali. Nam ut fame animali non sui, sed totius corporis gratia, alimentum appetit: ita præcipue etiam χύλωσις, quæ huic appetitui respondet, non ventriculi, sed totius corporis gratia perficitur. Verè autem nutritur sanguine, ut aliæ corporis partes: quod satis insignes illæ venæ, quæ in substantiam ventriculi distribuuntur, ipsique sanguinem aduehunt, testantur. Generatus chylus per inferius orificium seu pylorum emittitur, qui ab intestinis primò accipitur, & à vi concoctrice ipsorum, quam ob communitatem cum ventriculo obtrinent, nonnihil adhuc elaboratur & perficitur: & ita in intestinis prima coctio, quæ in ore incipiebat, terminatur & absoluitur. Quemadmodum enim, inquit Galen. 4. de usu par. c. 17. Natura venis, quæ distributionis instrumenta etiam sunt, facultatem sanguinis generatricem indidit, ne dum per eas fertur, tempus ipsi alimento frustra periret: ad eundem modum & intestinis, distributionis in venas gratia institutis, facultas quædam concoctrix ciborum inest. Vnde & intestinorum substantia haud multum à ventriculo est diuersa. Cum autem materia concoquenda sit heterogenea, partesque diuersæ rationis obtineat; quasdam quas Natura in utile corpori alimentum mutare potest, quasdam, quæ ad coctionem ineptæ sunt: Natura inutilia separat & secernit. Talia sunt primò illa crassiora, quæ feces alui appellantur, & per aluum deii-

ciuntur. Qua de causa etsi intestina omnis generis fibras habeant: tamen pleraque sunt circulares seu transversæ, expulsionem dicatæ: pauca rectæ ipsis propter transversarum tutelam suppositæ sunt; & quidem ea de causa pauca in tenuibus, plurimæ in crassis, maxime in recto, propter dura & multa excrementa ibi congesta. Fit autem hæc expulsio duplici motu, vno naturali, per fibras, quibus intestina prædita sunt, dum scilicet intestina, irritata & stimulatæ naturali potetia ab acrimonia flauæ bilis, aut pondere excrementorum supra sese contrahunt, quo motu excrementa deorsum protruduntur; altero animali, dum nimirum irritata expultrice facultate, pro arbitrio hominis laxatur Sphincter, qui viam fecibus intercludebat, ne ante conueniens tempus effluerent, & abdominis muscoli in subsidium intestinorum veniunt, sese contrahendo, & abdomen cōprimendo fecum expulsionem adiuuant. Alterum primæ coctionis excrementum est tenuius & aquosius; quod nonnulli urinam esse censent: verum minus commodè. Nam, ut postea dicitur, urina non solum ex hac potulenta & aquosa materia, sed etiam sero sanguinis constat; & hæc sola aquosa materia urina nominari non potest. Non autem hoc aquosum excrementum, ut feces alui, mox excernitur, sed cum chylo mistum permanet, eo fine, ut eo dilutus & fluidior redditus chylus per angustas mesenterij, portæ & hepatis venas facilius transire possit. Quod docuit Galenus, 4. de usu par. c. 5. In venæ cava, inquit, multa adhuc humiditate tenui & aquosa plenus est sanguis. Vocat autem ipsam Hippocrates χύλωσις, hoc est, vehiculum nutrimenti, simul cum appellatione usum eius quoque ostendens. Neque enim ex ventriculo in venas commodè transire potest chymus iam ex cibis factus, neque facile pertransire venas, quæ sunt in hepate & multa & angustia, nisi tenuis quadam, & aquosa humiditas, tanquam vehiculum, fuisset ei admixta. Hæc, ubi suo officio functa est, à renibus secernitur, & cum sero sanguinis urinæ materiam suppeditat. Nonnulli adhuc tertium excrementum addunt, quod ex Gal. 3. de symp. causis 2. & 5. de usu par. c. 4. cibum semicoctum, atque excrementum pituitosum nominat; quod pituita qualitates referat, atque album, frigidum, & lentum sit. Verum cum ii ipsi confiteantur, hoc vel ex prava cibi natura, vel ex ventriculi imbecillitate generari: non inter excrementa illa naturalia, quæ in quouis homine, & semper generantur, sed potius humores excrementitios atque præternaturales, de quibus suo loco dicitur, referendum videtur. Coctione prima ita absoluta, Chylus in ventriculo genitus, & à crassioribus fecibus separatus, à venis mesaraicis, quarum orificia in intestina pertingunt, ad portæ venas & hepar defertur, atque ibi, ut communissima medicorum fert sententia, per innatam hepatis vim in sanguinem cōuertitur. De qua re tamen aliter quidam sentiunt, & carni iecoris vim sanguificandi tribuendam non censent, sed hunc solum eius usum esse statuunt, ut eius quasi medio coniugio copularentur primæ & secundæ venæ, & diffusus per innumeras minutas venulas in carne hepatis dispersas sanguis alteratione παρὰ φύσιν perfectior fieret: vim verò αἱματοποιητικὴν solum venis tribuunt. Quam sententiam inter alios, peculiari libello, quem hac de re scripsit, & de primo instrumento sanguificationis, inscripsit, pluribus probare conatur Iac. Schegkiius, promittitque, se certissimis demonstrationibus & argumentis effecturum, ut omnes eruditi & intelligentes ἀποδείξωσαν assentiantur, nisi stolidè & pertinaciter refragari velint. Verum si omnia illa diligenter perpendamus, vix illas ἀποδείξει ἰσχυρὰς καὶ βεβαίας inueniemus. Concedamus enim licet, venas non solum vim sanguinem integrum & incorruptum conseruandi habere, sed & ἑμφορὸν seu insitam quandam vim sanguinem aliquo modo conficiendi aut certè præparandi obtrine, & largiamur, quamprimum à venis mesaraicis recipitur chylus, alterari & mutari nonnihil, & prima rudimenta sangui-

Prima cibi
præparatio fit
in ore.

χύλωσις.

An ventricu-
lus alatur
chylo vel
sanguine.

Chyli distri-
butio.

Intestinis
vis quadam
concoctrix
inest.

Excrementa
prima coctio-
nis.

Feces alui.

Excremen-
tum Aquo-
sum.
Quare ex-
crementum
aquosum cum
chylo relin-
quatur.

An detur
tertium pri-
ma coctionis
excremen-
tum.

Sanguifica-
tio.

An hepar sit
officina san-
guificationis.

sanguinis accipere; quod & Galenus non negat, qui, 4. de usu part. c. 12. statuit, quod *φλεβὶν ὑπάρχει δυνάμεις τῆς αἵματός ποιοτικῆς, καὶ ὡς αἵματι πρὶν εἶναι ἢ παρ' ἀφ' ἑαυτοῦ ἐν τῇ σιτίων ἀναδιδόρμον χυμὸν αἵματος αὐτὸν αἰσθάνεσθαι περὶ κασι*; & c. 3. eiusdem libri, chylum in venis mesaraicis *ὑπογράφω τινα καὶ ἀμυρὶν εἶδος αἵματός*, acquirere, antequam ad hepar peruenit, scribit: tamen cur præcipuam vim sanguificandi hepatis adimamus, & solum venis tribuamus, causam non videmus. Neque enim saltem sanguis quidam extra venas effusus, & ibi concretus, quem *παρέγχυμα* appellare possis, (et si & hæc appellatio suo sensu recte substantiæ hepatis attribuitur) hepar est; sed à vi formatrice, non aliter, quam cordis, cerebri, pulmonum, & aliarum partium substantia efformatum est, vimque insitam accepit, materiam toti corpori nutriendo utilem, quam sanguinem appellamus, progignendi primò & per se, non solum mediantibus venis. Id quod satis læsa sanguificatio, quæ ad morbos hepatis sequitur, ostendit. Quæ de causâ etiam medici experientia edocti, ut sanguificationem conseruent, ita studiosè τὸν οὖν ac constitutionem hepatis conseruare nituntur. Eam etiam ob causam in infinitos ferè ramulos venæ deductæ sunt, ut hepar suam vim vndique in materiam elaborandam exserere possit. Qui si solum nutritionis gratia facti essent: tam numerosa earum serie opus non fuisset; & longè pauciores ad nutritionem satis fuissent. Ex his ramulis siue sanguis elaborandus effundatur, atque hinc in venam cauam transmittatur; quod nonnulli statuunt: siue è portæ radicibus in carnem hepatis Chymus non effundatur, sed, quod aliis videtur, per *ἀναστομάσεις* è portæ radicibus in cauæ radices transmittatur; dum vel per transversum se contingunt, vel portæ extrema in cauæ medias radices infiguntur, & contra: tamen res eodem redit, & vis primaria sanguinem generandi hepatis adscribenda est. Nam si etiam non effundatur succus ille in substantiam hepatis: tamè hepar vim suam in ipsum per venas, illas graciles & tenuissimam tunicam præditas facillè exserere, atque tum in massam sanguineam vertere potest. Itaque vulgatam sententiam retinemus, & de sanguinis generatione ita statuimus. Quamprimum à venis mesaraicis recipitur Chylus, alteratur & mutatur nonnihil: ita alteratus, per mesaraicas primùm ad venarum portæ radices & hepar deferitur, à quo porro coquitur, & in eo solum veri sanguinis formam accipit. Geniti hoc modo sanguinis portionem aliquam sibi, ut eo nutriatur, hepar adiungit, reliquum per venam cauam in totum corpus, omnesque partes, ad eas nutriendas, distribuitur. In caua autem vena adhuc magis perficitur, puriorque redditur sanguis. Pars tamen aliqua per mesaraicas quoque ad ventriculum, intestina & omentum deferitur: quod absurdum non videtur, et si eadem Chylum quoque ad hepar vehant; cum diuersarum partium diuersi sint appetitus, attractioque, quæ sine omni confusione fieri potest, ut cum in aliis, tum in criticis euacuationibus, fieri videmus. Imò si quis concedat iis, qui diuersum sentiunt, sanguinem, quo & ipsæ venæ hæ, & ventriculus, & intestina, & omentum nutriantur, in venis mesaraicis generari: tamen hinc non sequitur, quod hepar non sit primum sanguificationis organum. Ipse enim Schegkii concedit, non tam elaborato & perfecto sanguine hinc opus esse, quam partibus, quæ secundis & posterioribus venis nutriuntur. Ut autem sanguis purior generetur: non satis fuit illa prima excrementorum à chylo in intestinis separatio, sed postquam succus ille, qui in venis mesaraicis continetur, aliquod sanguinis rudimentum in iis accepit, à crassiore & feculenta parte amplius repurgatur, id quod beneficio lienis perficitur. Verum cum de eius usu autores dissentiant, atque res ea non parui momenti sit, paulò diligentius cum perpendere libet. Vulgatam de

lienens usu & officio, & quam plurimi nunc sequuntur, sententiam, proposuit Galenus, 2. de loc. aff. c. 1. & aliis in locis, ubi docet: lienem purgandis limosis, crassis & melancholicis succis in hepate genitis esse dicatum. Hos enim attrahere per vas venosum, & attractos, præcipuè arteriarum ope, alterare, sibi que conueniens alimentum inde elaborare: reliquum verò, & quod inutile est, ad ventriculum per aliam venam mittere; nec tamen sine utilitate, dum sua acerbitate actiones ventriculi roborat. Id quod Avicenna, prima primi, doctrina 4. c. 1. & ultimo, eumque alij plures secuti, de appetitu & fame explicant, & succum hunc à liene, ad ventriculum transmissum mordicatione atque acredine famem & appetitum excitare docent. Atque ad hoc statuendum his præcipuè se persuaderi dicuntur. Cum proculdubio in hepate in sanguinis generatione triplex excrementum generetur; aqueum & serosum, quod per renes expurgatur, æreum & tenue, quod vesicula fellis excipit; terreumque & feculentum: huic etiam receptaculum peculiare dicatum sit oportet; quod nulla alia pars esse potest, quam lien. Testantur id plurimi, qui lienem accidunt, morbi, obstructions, scirrhi & duri tumores, qui ab humore crassiore in hoc membro excitantur. Quod etiam docent symptomata, quæ ex liene non recte disposito oriuntur, quæ omnia ad humorem Melancholicum, tanquam causam, referuntur. Ex obstructione enim lienis fit sæpe icterus niger, non secus ut ex obstructione vesiculæ fellis icterus flauus, melancholia hypochondriaca, quartana. In quibus affectibus cum ob meatuum lienis obstructionem excrementum melancholicum in lienem recipi non possit, in totum corpus redundat, & cæteris humoribus permiscetur, ac putrescit, vel totum corpus inficit atque inquinat. Contra hanc sententiam alij pluribus pugnant, aliumque usum lienis assignant. Etenim quod de excremento crasso & feculento, quod hepar à se reiciat, lien verò ad se trahat, dicitur, non ita probabile videtur ei, qui venas & meatus, quibus donatus est lien, ac meatuum illorum exortum, progressumque perpenderit. Nam quod exortum eorum attinet: meatus in lienem exporrecti non ab hepate aut vena caua oriuntur, nullaque omnino ramus ex splenica vena in hepatis substantiam, sicuti folliculi fellei canales, pertingunt, sed à vena portæ egrediuntur; & quidem antequam hepatis corpus attingit: quo loco nondum sanguis coctus & elaboratus, & qui partium inutilium ab utilibus segregatione indigeat, continetur, sed potius Chymus adhuc confusus & semicoctus. Ut ita si meatus illi feculento excremento ad lienem vehendo dicati sint, loco planè incommodo constituti videantur; & humori illi crassissimo, si ab hepate ad lienem mittatur, per longas ambages, & exiles ductus transeundum sit: quod absurdum & ab æconomia & sapientissima corporis nostri constitutione alienissimum videtur. Progressus deinde ac insertio horum meatuum in substantiam lienis, summo cum artificio instituta, etiam longè aliud persuadet, quam eos excrementi saltem vehicula esse. Primò enim in cauo lienis, secundum eius longitudinem, profundior linea recta incedens impressa est, ut vasa, quæ lienem ingrediuntur, in primo in lienis carnem, quæ mollior est, ingressu firmarentur & munirentur. Deinde meatus ille ad lienem tendens in multos ramos dispersus & diuisus est, ne subito & confertim aliquid irrueret, sed sensim afflueret, ac sese insinueret. Ramuli hi ubi porro ad substantiam lienis perueniunt, iterum in plures ramos diducuntur, & per substantiam lienis variè distribuuntur, ut humor attractus per totam lienis substantiam diffundatur, atque ab ea alteretur. Quo fine etiam frequentissimas arterias lien accepit, ut calor ad elaborandum hunc humorem nullibi deficeret. Quæ certè omnia arguunt, hæc

Ex liene
oriuntur
morbi melancholici.

Recentiorum
de usu lienis
sententia.

Venarum ac
meatuum lienis
exortus.

Progressus.

vasa in longè nobiliorem ac præstantiorem vsum, quàm excrementi solum receptionem, condita esse. Et si excrementi saltem recipiendi gratia conditus esset lien: capacitate, procul dubio præditus esse deberet, ad excipiendum humorem tam crassum idonea; quod in reliquis excrementorum receptaculis, folliculo bilis, & vesica, factum videmus: quæ tamen nulla apparet, sed venarum plexus saltem variè in liene diuariantur, vt in Hepate. Neque etiam excrementi illius feculenti, ac limosi humoris vllum in liene apparet vestigium; sicut in vesicula fellis manifestè apparet bilis flaua. Quod enim lien sanguine atro refertus esse dicitur: id in cadaueribus non minus de hepate & corde dici potest, in quibus etiam sanguis nigerrimus reperitur. Et cum paucissimum sit excrementum melancholicum, & bilioso longè paucius, vt docet Galenus, 5. de usu part. cap. 6. quorsum opus fuerat tam amplum, & vesicula fellis longè maius, receptaculum? Nec magis, quæ de Melancholici humoris atque excrementi in ventriculum effusione dicuntur, videntur probabilia. Etenim natura non solet excrementa à partibus ignobilibus ad præstantiores depellere, sed potius longè à nobilibus amouere. Et si excrementum hoc feculentum Melancholicum à liene ad ventriculum mitteretur: fieri non posset, quin chylo admisceretur, eumque inquinaret & corrumperet, & plura mala symptomata excitaret. Neque etiam in more positum est Naturæ, in expellendis excrementis longis ambagibus vti, sed recta, quantum fieri potest, via inutilia excernit. Hic verò, si excrementum melancholicum è liene per ventriculum excernitur, quanta circuitione & quibus ambagibus vtitur, dum vltima excrementa ad primum alimentorum receptaculum mittit, & per tam longam viam excernit? Nam quod de necessitate huius circuituonis & usu traditur, dum aciditate huius excrementi actiones ventriculi roborari, appetentiàmque excitari aiunt; id ab omni ratione alienum videtur. Quasi verò non suo & nativo robore coctioni alimentorum sufficeret ventriculus; & non alimenti indigentia appetitus excitari possit, vt huius excrementitij humoris incitamento opus sit. Nam cum omnes aliæ partes naturalem appetitum, facultatèque sibi tributas actiones exsequendi habeant, vt externo incitamento, præcipuè excrementorum, non indigeant: solusne ventriculus, & quidem in publico officio, ea destituetur? Etsi verò βουλημία & canina appetentia ab acerbis & austerris in ventriculo humoribus excitetur: tamen illa vera fames non est, quæ ex alimenti defectu oritur, sed potius vellicatio & morsus ventriculi, ab humore noxio, quæ remittitur & demulcetur, assumpto cibo benigniore: Quin etiam ipsa Anatomia hæc quæ de excrementorum Melancholicorum in ventriculum transmissione dicuntur suspecta reddit. Qua de re insignis Anatomicus Andr. Vesal. lib. 5. cap. 9. hæc habet; Ego sanè, inquit, de hac recrementi lienis in ventriculum erudatione, & eius usu nihil afferre audeo: neque etiam sectio hac, quæ tamen citra vllam controuersiam Anatomes professores audacissimè asserunt, luculenter commonstrat. Primum enim nullum meatum illi, quo bilis in intestina repurgatur, similem esse, hand ambigo: venæ autem, quæ sinistro ventriculi lateri implantantur, non à lienis prodeunt corpore, sed ab illis, quæ iam lienis inseruntur. Neque alia penitus harum venarum per ventriculum series visitur, quàm reliquorum omnium corpus ventriculi petentium. Deinde nulla hic est prorsus vena coniuge carens arteria. Postremo si quid in ventriculum à liene defertur, id potius ventriculi fundum petit, quàm superius illius orificium. Et nulla sinistrum ventriculi latus adiens, vllò alio turget sanguine, quàm reliqua ventriculum implicantes venæ. Hoc itaque usu reiecto, aliud officium lienis, he-

patis muneri cognatum, αἱματοποίηση nimirum aliquam, tribuunt. Qua in re non planè noui aliquid se afferre, sed potius antiquorum Philolophorum & Medicorum sententiam repetere aiunt. Vt alios iam taceamus, Aristoteles, 3. de part. animal. cap. 7. tradit; quod lien sit οἷον νόθον ἥπαρ. Et, eodem capite, dum quædam duplicia esse docet, addit: φανεῖν γὰρ ἐπαμφοτέρησιν τέτοις τὸ ἥπαρ καὶ ὁ σπλῆν, καὶ γὰρ ὡς μονοφυεῖς ἐκάτερον καὶ ὡς ἀνθ' ἐνδὸς δύο φεραμένησαν ἔχοντα πλὴν φύσιν. Et, paulò post: τὸ μὲν ἥπαρ καὶ ὁ σπλῆν βοηθεῖ πρὸς τὴν πέψιν τῆς τροφῆς. Neque hoc temerè ab antiquis assertum, sed rationibus suis niti videtur. Nam primò qui lienis per vasa cum ventriculo connexionem & necessitudinem considerat: animaduertit, eam tantam esse, & talem ferè, qualis est ventriculi cum Hepate; atque inde coniecturam sumet, magnam esse ventriculi familiaritatem cum liene, & vel ventriculum aliquid lienis, vel lienem ventriculo, vel vtrumque vtrique supeditare, atque eam non in excrementi, sed rei longè vtilioris & magis necessariæ communicatione consistere. Et certè qui vasorum istorum originem, vt etiam suprà dictum, & omnes conditiones perpenderit: vix causam aliquam inueniet, cur non vsum eundem cum reliquis venæ portæ ramis iis attribuat, & cur non huic sinistro ramo venæ portæ, qui splenicus vocatur, eundem vsum cum dextro mesenterij adscribat; & concedat in lienem mitti succum, è quo sanguis conficiendus est, & lienem è venæ portæ succum non secus ac hepar trahere, tum etiam pluribus ramis quibus illi connexus est, è ventriculo allicere. Si igitur is succus, è quo sanguis elaboratur, à liene attrahitur: sequi videtur, officium aliud lienis non esse, nisi vt materiam illam, quam attrahit, elaboret, & in sanguinem mutet. Quo fine etiam venæ illæ, non aliter, quàm quæ in hepar tendunt, per illius substantiam variè disseminantur, non in aliquam cauitatem colliguntur, (quod necessariū videbatur, si humor ille excrementitius & tam crassus esset) sed per lienis totam molem angustissimis vasis disseminantur, in qua lienis substantia materia transmissa alteretur, & in sanguinem elaboretur. Quod ipsum etiam ipsa lienis constitutio, hepatis non parum cognata, arguere videtur: quæ etsi non nihil ab hepate diuersa est: tamen ad aliquam sanguificationem satis idonea, atque eo fine parata videtur. Imò animaduersum est, lienem vices hepatis subire, & hepate malè affecto, αἱματοποίησιν procurare, atque hepatis officio fungi. Vnde etiam mole sua & magnitudine interdum iecur superat. Cuius rei exemplum videre est apud Fernelium, lib. 1. physiol. cap. 7. Vesalium, lib. 5. c. 9. Schenk. obseru. lib. 3. obs. 91. Etsi sanguis, qui tum elaboratur, non ita perfectus sit, ac is, qui in hepate elaboratur, sed crudior. Plus enim chyli tum à liene recipitur, quàm vt capere, & rectè concoquere possit. Vnde etiam corporis nutritio non tam bona fit. Ipsa quoque symptomata, quæ, liene affecto, accidunt, e i aliquam αἱματοποίησιν inesse testantur. Nam tam ex obstructione & scirrhosis tumoribus lienis, quàm ex hepatis obstructione & scirrhosis affectibus, hydrops oriri potest. Quod ipsum testatur Hippocrates, lib. αὐτὴ παθὼν γίνεταί, inquit ὕδρωψ καὶ ἀπὸ σπλῆνός, ὅταν νοσήσῃ: aliaque etiam Symptomata modò ex huius, modò ex illius visceris affectibus oriuntur. Verùm si hæc, quæ pro vtriusque partis sententia afferuntur, studiosè considerentur: non planè è diametro opponi has opiniones, manifestum euadit. Nam primò ij, qui vulgò receptum vsum impugnant, negare non possunt, lienem sanguini defecando inseruire, & aliquid ignobilioris & feculenti ad se attrahere, quod ad sanguinem puriorem & perfectiorem generandum ineptum futurum erat: dum alij quidem, vt Caspar. Bauhinus anat. lib. 1. c. 43. crassiores & terrestriorem chyli partem, in venis mesaraicis iam alterari, & sanguinis dispositio-

Aristotelis.
sententia.Lienis cum
ventriculo
connexio.Ductus ramus
splenicus vsus.Lienis constitutio
hepatis
affinis.Lien interdum
vices
hepatis subit.Conciliatio
sententia Galeni & Recentiorum.
Lien sanguini defecando
inseruit.

Lien destituitur.

Melancholicum excrementum non effunditur in ventriculum

Melancholicum excrementum non excitat famem naturalem.

Lienis vsus.

nem adepti : quo postea hepar rectius chyli partes laudabiliores attrahat, ne sanguificatio, vasis à crasso crudoque sanguine obstructis, impediatur & alia mala attrahantur : alij, vt Hier. Reusner. *de Scorbuto, exercitat. 4.* humidiores chyli partes sorbere statuunt ; cuius sententiæ quoque fuisse censent Hippocratem, *lib. 4. morb. & Aristotel. lib. 3. de part. anim. cap. 7.* dum scribit : ὁ πλεὺς ἀντιστῆναι τῆς κοιλίας τὰς περὶ αὐτὴν ὑτρίque rectè, si vtraque opinio coniungatur. Si enim seorsim quisque suam opinionem vrgeat, vtrique falsa est. Verùm in eo rectè à vulgata sententia dissentiunt, quod negant, succum melancholicum in hepate genitum à liene attrahi ; sed statuunt, mox ex vena-
non transmutatum melancholicum ex hepate id ex splenico.
 narum mesaraicarum trunco, antequam chylus ad hepar feratur, ingenta facultate, per portæ ramum splenicum ab eodem allici. Trahit scilicet chyli partem meliorem ramus venæ portæ dexter seu mesentericus, eamque ad hepar deducit : reliquum & τὰς ἰκμάδας τὰς περὶ αὐτὴν ἀντιστῆναι, vt Aristoteles significanter loquitur, 3. *de part. animal. c. 7.* id est sinistrorsum rapit splenicus. Atque id ea, quæ paulò antè allata sunt, de ortu, progressu, & insertione rami splenici satis probant. Nimirum ortus rami splenici non ab hepate est, sed à vena portæ : qui statim diuiditur in ramos multos, quorum plurimi ad ventriculum tendunt : atque ita procul dubio idem officium cum ramo mesenterico habet. Neque refert, quod rami splenici venæ non ex ramo mesenterico ortum habent : Chylus enim ab omnibus venis mesaraicis attractus, atque in iis alteratus, ad truncum illum, è quo oritur ramus splenicus, transmittitur, atque ex eo meliorem & sibi analogam partem hepar attrahit ; reliquam feculentio-
aliquam vni-
gen-
di-
um.
 rem, lien. Deinde quoque illud rectè statuunt Recentiores cum antiquis quibusdam, atque id non obscure supra allata argumenta probant, quod non solum excrementi est receptaculum lien, sed quod etiam, quæ recipit, συνάται συμπέπειν αἱματώδης ὢν, & sanguinem sui generis conficit. A qua sententia ipse Galenus non dissentire videtur, qui, *allegato loco 2. de loc. affect. cap. 1.* lienem non solum melancholicos succos attrahere, sed attractos alterare, sibi que conueniens alimentum inde elaborare, scribit. Et cum nulla pars planè excrementitio humore nutriatur, sed sanguis totius corporis alimentum sit, aliqua illi sanguificatio omnino concedenda videtur ; scripsitque propterea rectè Aristoteles, quod non solum τὸ ἥπαρ, sed & ὁ πλεὺς βοηθεῖ πρὸς τὴν πέψιν τῆς τροφῆς. Atque si sanguis, quem lien generat, è rudiore & terrestriore illa chyli parte, lienì alendo, etiam Galeni calculo, idoneus est : ad alias quoque ignobiliores in infimo ventre partes alendas planè ineptus non erit. Imo quandoque lienem sanguificandi integrum opus perficere, hepate morbo detento, exempla & historiæ non obscure persuadent. Tertiò in eo vtrique etiam consentiunt, quod planè excrementitium est, & in alimentum à liene nullo modo transmutari potest, vt inutile reiici. Quod fieri potest, partim per venas hæmorrhoidales & portæ truncum ; partim per arterias splenicæ, à quibus ad renes materia excrementitia detiuari potest : vnde in lienis affectibus non rarò vrinæ nigræ minguntur. Arque vt hæc concludamus & in summam contrahamus, vtrumque admittendum : lienem scilicet & sanguinem conficere ; etsi non ita purum & perfectum, vt hepar, sui tamen generis, & pro sui, & partium quarundam in ventre inferiore, quæ sanguine crassiore ali possunt, nutritione utilem : & sanguinem expurgare ; quatenus scilicet crassio-
rem-
melan-
icum.
 rem succum, qui ad purioris & perfectioris sanguinis generationem aptus nō erat, ad se allicit, vt ex reliqua parte puriore purior & nobilior in hepate sanguis generetur. Neque facile adduci possum, vt credam, sanguinem, qui in liene elaboratur, tenuiorem, spirituosiores, & hoc modo per-

fectiorem esse. Hoc enim, si ita se haberet, lien non solum οἶον νόσον ἥπαρ esset, sed primas in sanguificando partes obtineret : cum tamen experientia constet, morbos melancholicos à liene prouenire. Et quamuis lien pluribus arteriis sit præditus, quàm hepar : tamen inde colligi non potest, quod nobilior & tenuior sanguis in eo generetur, sed ideo hoc factum, vt visceris frigiditas emendetur, coctioque eiusdem, quæ in humore crassiore & frigidiore occupatur, rectius & facilius perficiatur. Quamuis etiam sapius per hæmorrhoides tenuis & lucidus sanguis effunditur : tamen id accidit, quia à multo sero diluitur ; forsan etiam aliquid sanguinis arteriosi in liene ipsi permisceri potest. Interim certum est, vt experientiæ fide constat, morbos melancholicos hæmorrhoidum fluxu sanari. Lien nimirum eam chyli partem, quæ hepatis analogæ & conueniens non est, ad se trahit, & ex eo, quod in ea vrile est, sanguinem coquit, cum pro suo, tum pro partium quarundam vicinarum, omenti, mesenterij &c. alimento. Inutile aqueum, crassum ac feculentum per conuenientes vias euacuat ; aqueumque vel ad renes & vesicam, vel ad aluum : vel ad habitum corporis, vel denique ventriculum ablegat ; crassum per aluum cum vel sine excrementis excernit. Et quidem frequentissimè aqueum (sed nonnunquam & crassum & nigrum) per vrinas ; crassum verò per aluum euacuat. Nonnunquam tamen & aquosum per aluum, per sudores, per ventriculum expellit. Et per vrinam quidem vt aquosa ex liene expellantur, satis parata via est per arterias, quas lien numerosas habet, per quas aquosa ac serosa materia breui & compendiosa via ad meatus vrinarios peruenire potest. Hinc nonnunquam lienis affectus per vrinam copiosam, & nonnunquam atrox humorum per vrinam euacuatione soluuntur. Crassior verò pars per aluum euacuatur, nonnunquam cum excrementis, quæ etiam ab hoc humore nigredinem accipiunt, & commodissimè per aluum medicamentis expurgantur, 4. *aph. 9.* nonnunquam sine alui excrementis per hæmorrhoides. Interdum tamen & pars aquosa per aluum excernitur. Quamuis enim plerique melancholici sint sicci alui : tamen non omnes tales sunt ; & sæpe quoque lienosi sanantur, si illis superueniat dysenteria, vel etiam diarrhœa solum. Interdum & per sudores aquosa pars expellitur. Hinc in autumno febres sæpe sunt sudatoriae, & Quartanæ copiosissimis sudoribus solvuntur, ac Quartanarij in declinatione sudoribus tantum non diffuunt. Interdum etiam per ventriculum crassa & aquosa euacuantur. Hinc hypochondriaci nonnulli acidum, alij ἄποιον quid vomunt : iidem saluatores & sputatores sunt, sero ex liene in ventriculum, præcipuè quidem per vas breue, sed tamen & alia vicina vasa, effuso ; & salua copiosior morborum ex humore melancholico signum est. Hinc etiam Galenus, 1. *ad Glauc. 14.* & Aëtius *terrab. 1. serm. 2. cap. 9.* in Quartana vomitus præcipiunt. Atque hæc euacuationes, vbi non rectè perficiuntur, morbi plurimi fiunt, in quibus symptomata partim à crassis & feculentis, partim à tenuibus & aquosis humoribus proueniunt, prout modò hæc, modò illa pars præuallet, quæ tamen vtrique melancholiæ nomine comprehenditur, vt infra dicetur. Plura hac de re legantur in doctissimo *de lienis usu libro, Viri Clariss. Dn. D. Caspari Hofmanni* in quo istam, quam hæcenus fouimus, de usu lienis sententiam accuratè & prolixè defendit. Cæterum vt in aliis coctionibus ita & in sanguinis, excrementa generantur, à quibus sanguis, vt purus, & ad corpus alendum aptus fiat, purgandus est : quæ duo sunt, bilis ac serosi & aquosi humores. Primò itaque bilis flaua, ne in totum corpus distribuatur, partim in vesiculam fellis, quæ per meatum ex ipsius collo prodeuntem, & variè per hepatis substantiam inter Cauræ & Portæ venæ propagines distribu-

Excrementa
secundæ co-
ctionis.
Bilis flaua.

tum biliosum humorem ad se allicit, colligitur; unde ad intestina per meatum *χολιδόχον* mittitur, ut sua acrimonia facultatem expultricem intestinorum, ad expellendas feces, ne diutius ibi, quam par est, detineantur, stimulet; partim per porum bilarium, seu vas illud oblongum, quod ex hepate in intestini duodeni finem ac ieiuni principium abiens, oblique inter utramque intestini tunicam inseritur, ad intestina eodem fine deferitur. Alterum excrementum est humor ferofus, & aquosus, qui per venas & arterias emulgentes à renibus maxima ex parte attrahitur, & per vtereres ad vesicam transmittitur, à qua postea excernitur, atque vrina nominatur. Cum verò de huius excrementi natura non omnes idem sentiant: quanam verè vrinæ sit materia, disquirendum.

Vrinæ.

De vrina materia.

Eorum sententia, qui statuunt, vrinam nihil aliud esse quam aquosum excrementum.

Aquosa humiditas cibi vehiculum.

Vrina & sudor eandem habent materiam.

Eorum sententia, qui præter aquosam materiam adhuc aliud ad vrinam pertinere statuunt.

Aqua & aquosus humor per solam coctionem non incrassatur,

Ioh. Argenterius, *de urin. cap. 1. & 4.* Hier. Mercur. *de urin. cap. 2.* Laurent. Ioubertus, *de urin. cap. 1.* & alij nonnulli statuunt, vrinæ materiam nihil aliud esse, nisi excrementum tenue & aquosum, ex potu genitum; seu, quicquid in aquosum humorem verti potest; seu materiam potulentam, alimenti vehiculum; seu aquosam chyli portionem, sanguini pro vehiculo concessam. Idque pluribus probare conantur: & in primis Mercurialis, *de urin. cap. 3.* Primò enim, aiunt, animalia, quæ vel nunquam potant, vel exiguum, neque vesicam à natura habent, neque etiam vrinam generant. Secundò, animalia, quæ bibunt, si multum bibant, copiosam reddunt vrinam; si parum, paucam. Hinc videmus, belluones & potatores tanta copia plerumque reddere vrinam, quanta potus haustus est: quo modo & thermarum aquæ potæ reddi solent. Et propterea etiam medici præcipiunt, ut in suppressionibus vrinarum ægri à potu abstineant, ne vrina gignatur, utpote cuius materia potus sit. Quibus postea addunt auctoritates Hippocratis & Galeni. Hippocrates enim, *in libro de alimento*, *ὕδασις τροφῆς ὀχημα*, humiditatem cibi vehiculum esse docet. Neque enim, ut Galenus exponit, *4. de vsu part. cap. 5.* ex ventriculo in venas commodè transire poterat chymus iam ex cibis factus, neque facillè pertransire venas, quæ sunt in hepate & multæ & angustæ, nisi tenuis quædam & aquosa humiditas, tanquam vehiculum, ei fuisset admista: ex qua tamen cum nulla particula nutrirî possit, vrinæ materiam præbere, atque in excrementum hoc abire, necesse est. Et Galenus, *10. de simpl. med. fac. §. Sudor.* expressè scribit; *vrinam, & sudorem eandem habere materiam*, & utramque constare ex bibito humore. Et *1. de nat. fac. cap. ult.* totum id, quod bibimus, vrinam fieri docet. Et *5. de vsu part. cap. 6.* portionis excrementum vrinam appellat. Verum longè rectius sentiunt ij, qui, præter materiam potulentam & aquosam, aliud adhuc in vrina agnoscunt, ex quo constare meritò dicitur. Ut enim de iis vrinis, quæ copiosè interdum in morbis redduntur, etsi copiosus potus haustus non fuerit, nihil dicamus, reperiuntur animalia, quæ vel nunquam, vel longo tempore non bibunt, & tamen mingunt; inter quæ cuniculos recensent. Deinde si vrinarum effectus inspiciamus, de quibus paulò post dicemus, nec Chymicorum vrinæ resolutiones negligamus, longè aliud adhuc, præter aquosam & potulentam materiam, inesse animaduertemus; etiam in eorum vrinis, qui solum aqua potus loco vtuntur. Præterea, si solum potu & aquosa materia vrina constaret: quomodo de tot corporis & humorum affectibus aliquid certi ex vrina cognoscere & prædicere possemus? Neque quis harum rationum vim effugiet, si dicat: aquosum illud excrementum in corpore alterari, atque ita aliam quasi naturam induere, ac alias qualitates acquirere. Nam, ut ipse Argenterius, *de urin. cap. 5.* confiteretur; aquosus humor, sicut & aqua, per coctionem solam incrassari, & talem naturam & qualitates acquirere non po-

test, sed aliud quid ei admisceri necesse est. Quod quale sit, iam videamus. Hercules Saxonia, *de v. in. cap. 1.* partem cibi assumpti humidiorē potulentæ materiæ admisceri statuit. Verum si per partem cibi humidiorē illud, quod aqueum est in cibis, intelligit, nihil diuersum à Mercuriali & Argenterio, à quorum tamen sententia recedere cupit, sentit. Ipse enim Mercurialis per materiam potulentiam se non solum potum, sed & cibos humidiores, ac id, quod potulentum ac humidum in cibis est, intelligere, testatur, *de urin. cap. 2.* quam tamen sententiam, ob rationes allatas, non subsistere posse, ipse vix diffiteri potest Saxonia. Rectius alij, cum Vallesio, *de urin. cap. 1. & 2.* statuunt, vrinam constare duplici substantia, aqua scilicet epota, ac proprio sero sanguinis, & si quid aliud intra illud continetur. Quam sententiam procul dubio hauserunt ex Galeno, qui, *1. Epidem. commento 1. textu 5.* vrinam serum humorum in venis contentorum esse statuit. Hæc enim sententia toti vrinarum doctrinæ magnam lucem affert, & ex quibus vrina constet, sufficienter explicat. Primò enim vrina constat materia aquea & potulenta, seu aqueo illo, quod ad alendum corpus inutile in cibo & potu continetur. Quod cum nemo neget, frustra illud pluribus, qui priorem opinionem sequuntur, probare conantur: cum hoc potius probare debeant, ex sola materia potulenta, & aquea vrinam constare; quod tamen illa argumenta non euincunt, sed contrarium argumenta posterioris sententiæ demonstrant. Constat nimirum secundò etiam vrina ex sero seu seroso sanguinis excremento, quod cum alendo corpori inutile sit, post sanguinis elaborationem maxima ex parte ab eo secernitur, à renibus attrahitur, hinc per vesicam excernitur. Terrio loco rectè addidit Vallesius: & si quid aliud intra illud continetur. In sanis enim contenta naturalia in liquore continentur, atque inde nomen habent: in ægris verò contenta quoque præternaturalia in liquore vrinæ continentur, & humores alij etiam ipsi liquori vrinæ admiscuntur; de quibus suo loco dicetur. Verum nec hîc subsistendum; sed ulterius, nullius sectæ, sed vnius veritatis, quam contemnere, & alicuius auctoritati postponere, nefas sit, studio & amore progrediendum, & quid illud serosum sit, inquirendum censemus. Si autem diligenter vrinæ naturam perpendamus, inueniemus, serosum illud excrementum esse salem in cibo & potu superfluum, & alendo corpori inutilem, cuius partem nonnullam recentiores non incommodè Tartarum nominarunt, quod salî illi crassiori & feculento vini, quod à substantia vini secretum doliis adhæret, & Tartarum nominatur, non absimilis sit. Nam cum & sale pro condimento vtamur, ac præterea in omnibus alimentis aliquid salis reperiatur: id quod superfluum, & alendo corpori inutile est, post sanguinis generationem, per vrinam excernitur. Neque hanc sententiam recentiores solum nobis monstrarunt, sed & in antiquiorum scriptis inuenimus. Aristot. *2. Meteor. cap. 2.* hæc habet: *ἐν τοῖς ὅσιν ζῶον σώμασι τῆς τροφῆς εἰσελεθῆσθαι γλυκείας, ὅ τῆς ὕδατος τροφῆς ὑπόστασις, καὶ τὸ πλείωμα φαίνεται πικρὸν ὃν καὶ ἀλμυρὸν, τὸ γὰρ γλυκὺ καὶ πικτικὸν ἐκ τῆς ἐμφύτης θερμότητος ἐκλυθεῖν εἰς τὰς σάρκας καὶ τὴν ἀλλω σύστασιν ἤλθε τῶν μέρων, ὡς ἕκαστον πέφυκεν.* In animalium corporibus alimento ingrediente dulci, humidi alimenti subsidencia & excrementum apparet amarum esse ac falsum. Dulce enim & potui aptum ab innato calore attractum in carnes, & aliam constitutionem partium venit, ut qualibet nata est. De quo etiam agit, *cap. sequent. & sect. 2. probl. 3.* Ita & Galenus. *1. de diff. febr. cap. 6.* serosam humiditatem falsam nominat. Et Ruffus Ephesius, *de appellai, corpor. hum. cap. 36.* Vrinam dixit esse vitrosū humorem in vesicam delabentem. Atque rem ita se habere, vrinæ effectus satis superque testantur.

Vrina constat aquoso humore & sero sanguinis.

Quid sit serum.

Serum est salium excrementum.

stantur: de quibus Galenus, *lib. 10. de simplic. medic. fac.* hac habet: *Vrina hominum, ut si quid aliud, extergendi vim obtinet; quod cum alia multa satis indicant, tum maxime fullones, qui sordida vestium ea eluunt atque extergunt, &c.* quæ vis extersoria proculdubio à sale proficiscitur. Atque hunc salem inesse vrinae, res ipsa & experientia euidenter satis docet ac demonstrat. Notissimum iam omnibus est, ex vrinis varia salium genera elici, Dioscorides, *lib. 2. cap. 24.* Galenus, *lib. 9. de simp. med. fac.* Paulus Aegineta, *cap. 7. §. 8. pov*, Chrysocollam factitiam, quam Boracem vulgo nominant, ex vrina puerorum fieri docent. Nitrum ex terra, animalium vrinâ & excrementis imbutâ; parari notissimum est, modumque id parandi Andr. Baccius, *de thermis lib. 5. cap. 7.* his verbis breuiter describit: *Fit sal nitrum hodie ex acerrimo lixurio, quod excolatur ex fumo stercoreque antiquo, vel puri, è cœmeteriorum materie, terrisque simul studio quodam computrefactis, affusa pluries in tiniis ligneis eadem aqua. Coquitur hoc lixurium in magnis caldariis fûque sal nitrum longis seu salis fibris in fundo concrefcenribus.* Salem Ammoniacum illum factitium, qui in vulgari vû est, maximam partem ex vrinâ constare, hodie notissimum est. Ad varia quoque salium genera procreanda vrinam hominis vsurpari, docet Georg. Agricola, *de re metall. lib. 7. & 12.* Omnino autem ex vrinâ salem fieri posse, Chymicis satis constat, ad quos adeoque ad ipsam experientiam, eos, qui de his dubitant, remittimus, qua ad oculum demonstrari potest, non parum Salis in vrinâ contineri. Porro ex his, quæ hætenus de materia vrinae diximus, non magno negotio colligi potest, cuius coctionis excrementum sit vrina; de quo inter medicos quoque controuertitur, dum alij primæ, quæ fit in ventriculo; alij secundæ coctionis, quæ fit in hepate & venis excrementum esse statuunt vrinam. Argenterius, *de urin. cap. 2.* statuit: vrinam non gigni in hepate aut venis, nec esse excrementum illarum partium vel renum, sed concoctionis, quæ fit in ventriculo. Eandem etiam sententiam sequi videtur H. Mercurialis, *de urin. cap. 1. & 3.* Manifestè autem eam probat Salust. Saluianus, *lib. 1. de concoct. cap. 5.* qui vrinam tenue primæ coctionis excrementum esse dicit. Præcipuum autem huius opinionis fundamentum constituunt locum Galeni, *4. de v. u. part. cap. 5.* vbi Galenus hæc habet: *In vena cava multa adhuc humiditate tenui & aquosa plenus est sanguis. Vocant autem ipsam Hippocrates ὀχυρὰ τροφήν, hoc est vehiculum nutrimenti, simul cum appellatione vsum quoque eius ostendens. Neque enim ex ventriculo in venas commodè transire potest Chymus iam ex cibis factus, neque facillè pertransire venas, quæ sunt in hepate & multa & angustæ, nisi tenuis quedam & aquosa humiditas, tanquam vehiculum, fuisset ei admista.* Ex hoc enim loco colligit Argenterius, non in hepate & venis gigni illud aquosum excrementum: sed genitum fuisse in ventriculo, & ex ventriculo ferri per venas & hepar. Hoc tamen admittit, vrinae nomen tum demum accipere, quum à sanguine per renes separatur, & hinc per vretes ad vesicam ablegatur. Ibi enim, quæ prius aqua, aquosumque excrementum dicebatur, vrinae nomen accipere; atque ita seruari rem eandem mutato nomine. Alij contra statuunt, vrinam potius secundæ coctionis esse excrementum. Idque vt credant, eo adducuntur; quod vrina eam coctionem, quæ in venis fit, indicat: quodque præter humores aqueos, qui ex potu originem trahunt, etiam serum sanguinis vrinae permiscetur. Quod ipsum Galen. pluribus in locis docuit. *3. Epid. com. 1. t. 5.* affirmat; Vrnam serum esse humorum in venis contentorum: Et *1. de sanit. tuend. cap. 12.* dicit: varias esse excrementorum species, alias eorum, quæ in ventriculo perficiuntur; alias eius, quæ in jecinore, arteriis & venis; alias eius, quod per singula membra distribuitur, alimèti. Et paulò post addit, quod in venis

& arteriis coaceruatur excrementum, eiusmodi plane esse, quale in lacte concreto serum: atque hoc renes à sanguine secernere, & per vretes ad vesicam transmittere. Et certè si ea, quæ de materia vrina diximus, diligenter perpendamus, verò magis consentaneam sententiam posteriorem esse animaduertemus. Nam in eo proflus errant priori opinioni addicti, quod existimant, ex nulla re alia, nisi ex potulenta & aquosa materia vrinam constare: quod falsum esse, & serum sanguinis vrinae partem esse monstratum est. Cum itaque illud serosum falsumque secundæ coctionis excrementum vrinae materiam quoque præbeat: manifestum hinc euadit, vrinam primæ coctionis excrementum simpliciter statui non posse. Nam quamuis negandum non sit, potulentam & aquosam illam materiam esse partem vrinae: hinc tamen concludere non licet, vrinam esse primæ coctionis excrementum. Etenim præter id, quod modo de sero, quod propriè secundæ coctionis excrementum est, iam diximus, de eo ipso adhuc quis dubitare posset, an aquosum illud excrementum in ventriculo gignatur, aut potius secernatur, an verò in hepate. Etsi enim, dum Chylus elaboratur, talis fiat eius præparatio; vt aliquid, quod corpori inutile futurum est, secerni & ab utili segregari possit: tamen forsitan sufficit, si alui feces id excrementum esse dicamus, quæ à materia alimentosa secretæ succum quandam liquidum relinquunt, qui procul dubio aquosa quadam materia dilutus est. An non verò in illa prima coctione, vtpote, quæ ad secundam quasi præparatio est, aquosus ille humor utili parti (eodem modo, vtilia, quæ postea in serum & bilem abeunt) planè adhuc confusus & permixtus, & nondum ab utili secretus sit, & proinde primæ coctionis excrementum dici non possit, non immeritò quis dubitare posset. Verum dato hoc, quod ea iam sit facta in ventriculo chyli elaboratio, atque ea heterogenearum partium separatio, vt humor ille aquosus non minus, quàm feces alui, ab utili chylo facillè separari possent: tamen an ideo vrina primæ coctionis excrementum dicendum sit, eodem modo quis non immeritò dubitat. Nam cum quodlibet tum demum excrementum dicatur, cum ab utili secernitur: (sicut aliæ partes feculentæ chylo in ventriculo permixtæ, nondum excrementum dicuntur, etsi chylus ita elaboratus sit, vt partes illæ iam secerni aptæ sint) etiam materia illa aquosa tum demum excrementum propriè dicitur, cum ab utili secernitur. Atque si alia excrementa iis coctionibus adscribimus, quorum officinis emunctoria ac partes excipiendis excrementis dicatæ proximè adhærent: cur non etiam vrinam secundæ coctionis excrementum esse dicamus, cum cuius officina, hepate puta, renes, vretes, & vesica proximè cohærent, non verò cum ventriculo; Hoc modo repurgatus à suis excrementis sanguis, nihilominus in se plures humores continere dicitur. De qua re cum nonnulli satis incautè loquantur, atque excrementitios humores cum naturalibus confundere videantur, sciendum: massam illam sanguineam, quæ in venis continetur, atque alendo corpori destinata est, non planè esse homogeneam, sed diuersas partes continere. Cum enim chyli, ex quo fit sanguis, omnes partes eiusdem planè naturæ non sint, sed aliæ magis temperatæ; aliæ calidiores, aliæ frigidiores, aliæ sicciores, aliæ humidiores, aliæ tenuiores, aliæ crassiores; cum ob diuersitatem ciborum, quibus vtimur, tum ob diuersitatem alterationis diuersarum eius partium factæ in ventriculo, etiam massæ sanguineæ, quæ inde generatur, partes non planè eiusdem naturæ erunt; sed necesse est etiam ab eodem hepatis calore differentes illas chyli partes inæqualiter alterari & mutari; etiam si omnes sub forma sanguinis contineantur, & alendo corpori viles sint, vnde etiam diuersas appellationes sortiuntur.

Vrina non est prima coctionis excrementum.

Vrina est secunda coctionis excrementum.

Ex quibus constat massa sanguinis.

Sanguinis partes

fortiuntur. Pars scilicet massæ sanguineæ temperatio & optima in specie & simpliciter sanguis appellatur: pars verò calidior & siccior, nomine à bile, quæ calida & sicca est, mutuato, sanguis biliosus: frigidior & humidior sanguis pituitosus, frigidior & siccior, sanguis melancholicus nominatur. Ex quibus facile decidi potest illa quæstio, qua quæritur; An in venis actu cum sanguine reperiantur alij quoque humores, pituita, bilis, & melancholia. Cum enim ex his partibus omnibus, ex quibus sanguis constat, nulla sit excrementitia, sed, ut dictum, omnes adhuc sub sanguinis forma contineantur & alendo corpori aptæ sint: hinc manifestum euadit, sanguinem solum actu in venis contineri; & partes sanguinis potius sanguinem biliosum, pituitosum vel melancholicum nominari debere, quàm bilem, pituitam, melancholiam: quæ potius humorum excrementitiorum, quàm alendo corpori destinatorum sunt nomina. Interim tamen obseruandum, licet in venis actu sanguis tantum reperiat: quia tamen partes eius heterogeneæ sunt, illæ, quæ à mediocritate recedunt, in propinquo sunt, ut in alios humores mutantur; quod fit, dum vel in venis à calore non rectè gubernantur; vel dum extra venas quoquo modo veniunt, & à massa sanguinis segregantur, ac nativo calore venarum & spiritibus destituuntur. Tunc enim sanguis biliosus in bilem, pituitosus in pituitam, melancholicus in melancholiam degenerat. Deinde & hoc notandum, quod hæc, quæ dicta sunt, de sanis præcipuè vera sunt. In iis enim qui corpore sunt cacochymico aut ægro absurdum non est, etiam actu in venis bilem, pituitam & melancholiam reperiri. Itaque dubito, an ad demonstrandum, humores in venis, etiam in corpore sano, tota substantia inter se differre, & cum iis, qui extra venas sunt excrementitij, verbi gratia, bilem in venis & vesicula fellis, esse eiusdem essentia, firmissima & certissima, ut nonnullis videtur, sit demonstratio, qua utitur Hippocrates, *de natur. human.* 2.27. & seq. quod scilicet in omni ætate, quouis anni tempore, die ac noctu, exhibito medicamento cholagogo, bilis, phlegmagogo, pituita, atrabilario, melancholia educatur. Purgantia enim non debentur sanis, sed vitiosis humoribus, morbum factoris vel facientibus. Ideoque in corporibus, in quibus tales humores reperiuntur, talia fieri concedimus. An verò in sanis etiam id fiat, experientiam amplius consulendam censemus. Docebit ea, in quocunque corpore, exhibito forti medicamento purgante, liquida & serosa, qualia in sanguine semper reperiuntur, ut postea dicetur, deici, & in *καθάρσει* sæpe tanta copia, ut certum sit, bilis flauæ tantam copiam in homine sano reperiri non posse. Quia ergo sanguis, qui est in venis, alendoque corpori aptus, sub vna forma continetur, specieque distinctas partes in se non continet, ut cuilibet sanguinem emissum diligentissime consideranti patet; nisi quod sero, quod sanguinis quasi vehiculum est, diluitur: Platerus opinione ista de quatuor in venis humoribus suisque deque habitata, sanguinem lacti comparat, & tribus partibus constare asserit, docetque portionem aliam eius serosam esse, quæ dum calet, omnino illi confusa est, cum verò crassescit, separata serum dicitur; aliam verò pinguiorem, quæ lactis butyro comparatur, & dum sanguis refrigeratur in superficie eius, plerumque rubicundior cernitur, ex qua pinguedinem generari statuit. Reliquam omnem corpori nutriendi idoneam caseosæ lactis substantiæ respondere. Ex iisdem & altera quæstio decidi potest; An corpus nostrum quatuor humoribus, an verò solum sanguine nutriatur. Inter Philosophos enim & Medicos quædam de eo videtur esse controuersia: priorémque quæstionis partem Medici passim; posteriorem verò philosophi defendunt; utrique rationibus quibusdam persuasi, in-

primis verò principum Medicinæ & Philosophiæ, Hippocratis, Galeni, atque Aristotelis autoritatibus adducti. Ita enim Hippocrates, 1. *de nat. hum.* 18. *Homini corpus in seipso sanguinem habet, & pituitam & duplicem bilem, flauam & nigram. Et hæc quidem sunt natura corporis ipsius, & ob hæc dolet & sanus degit. Et Galenus lib. 2. de elementis, expressè statuit, hominem constare & nutriri non solo sanguine, sed quatuor humoribus. Idem asserit, 8. de decret. Hippocrat. & Platonis, cap. 5. & alibi passim. Neque id sine ratione. Cum enim vnumquodque simili alatur: corpus nostrum verò pluribus partibus, iisque diuersæ naturæ constet: opus esse videtur, ut proximum alimentum partium non eiusdem planè naturæ sit, sed diuersarum partium diuersum. Aristoteles contra, lib. 2. de part. anim. cap. 3. scribit; cum omnis alimenti omnisque excrementi conceptaculum aliquod esse oporteat, venæque quasi vasa sint sanguinis: patere, sanguinem esse animalibus sanguineis vltimum alimentum. Plures rationes in partem vtramque adducit Iacob. de partibus, in primam primi *Auicenna*, doct. 4. cap. 1. variasque affert solutiones, & tandem concludit, vtramque opinionem esse apparentem & probabilem. Verum diffidium hoc tantum non videtur, ut non componi possit. Nam sciendum, vocabulum sanguinis dupliciter usurpari. Frequentissime sanguis accipitur pro tota illa massa, quæ in venis continetur, atque alendo corpori destinatur: Quæ tamen massa partes quasdam heterogeneas diuersasque nonnihil obtinet, ut modò dictum & explicatum. Ideoque dum Aristoteles solo sanguine animalia sanguinea nutriri dicit, intelligendum id est de tota massa sanguinea; quam forsan nec Aristoteles, nec ullus sanior philosophus partes diuersæ naturæ continere, & ex ea singulas corporis partes, quod sibi magis cognatum est, allicere negabit. Medici verò dum dicunt, non solo sanguine nutriri corpus nostrum, sed & aliis humoribus, sanguinem in specie intelligunt pro temperatissima illa massæ sanguineæ parte; & hoc saltem innuunt, non solum illam, sed & reliquas, quæ in sanguinea massa continentur, partes, etsi ita planè temperatæ non sint, nihilominus tamen alendo corpori aptas esse; modò nondum in excrementitiorum humorum naturam abierint. Aliud quippiam si quis per sanguinem & alios humores intelligit, dum dicitur; non solum sanguinem nutrire, sed & alios humores: is videat, quomodo rationes contrarias soluat. Nos qua ratione humores excrementitij nutrire possint, non videmus, sed solum sanguinem pro corporis alimento habemus. Is enim ita elaboratus & defecatus per venas in omnes corporis partes mittitur, ubi demum fit tertia concoctio, sanguisque adhuc in singulis partibus, pro earum Nutritione, vltius elaboratur. Singulis enim inest facultas, qua è venis proximis familiare & idoneum attrahant alimentum, id retineant, alterent, apponant, agglutinent, & in suam substantiam conuertant. Galen. 1. *de nat. fac.* cap. 10. 11. Et quamuis sub vna essentia ingrediatur substantiam partium: tamen donec eis assimiletur, aliquas externas dispositiones subit, & propterea ab *Auicenna lib. 1. fen. 1. doct. 4. cap. 1.* eiusque interpretibus in quatuor humores secundarios diuiditur, qui in tertia coctione oriuntur, specieque non differunt, sed tantum secundum magis & minus; cum vnus sequatur alium tamquam magis perfectum, ex quo ut imperfecto transit. Nam ubi sanguis vsque ad minimas illas & capillares dictas, venas peruenit, à facultate partium, quibus illæ venæ insunt, mutatur sanguis in dispositione externa sensibili, etsi secundum plures conditiones sanguis maneat, & propterea humor innominatus dicitur, qui in spermaticis partibus albescit, in carnosus rubeus permanet. Postquam hic humor postea extra venarum officia excidit, roris modo in*

An in venis cum sanguine alij humores reperiantur.

Partes sanguinis interperata facile in excrementitios humores abeunt.

An corpus nostrum alatur solo sanguine.

Sententia Medicorum

Sententia Aristotelis

Conciliatio

Sanguis dupliciter accipitur.

Sententia Aristotelis explicatio

Sententia Medicorum explicatio

Tertia coctio

Humores secundarij.

Humor innominatus.

do in substantiam partis diffunditur, atque ibi alteratur. Vnde etiam ros hæc humiditas appellatur. Vt autem hic humor parti apponatur & agglutinetur, adhuc magis coquitur, & coctione lentorem & crassitatem acquirit. Atque hinc tertia humiditas, quæ gluten dicitur, oritur. Atque cum hæc cum substantia partis deperdita commutanda sit, magis adhuc coquitur, & cambium dicitur; quod scilicet in substantiam partis transit, & cum illa naturam suam cambit, mutatque. Sumpsisse autem hanc doctrinam videntur Arabes à Galeno, vbi 7. meth. cap. 6. & 7. de quatuor siccitatibus ad tabem perducentibus agit, & vbi 1. de fac. nat. cap. 10. docet, nutritionem perfici triplici actione, *προσθήσει, προσφύσει & ὁμοίωσει*, id est, appositione, agglutinatione & assimilatione. Per *προσθήσει* imbutur pars eo humore, qui è venarum extremitatibus excidit; per *προσφύσει* idem humor parti adhæret & agglutinetur, vt non diffluat; per *ὁμοίωσει* similis efficitur substantiæ partium & in eam conuertitur. Tertia autem hæc coctio etiam sua excrementa habet, eaque duplicia; vnum crassum, alterum tenue. Crassum sunt iordes, quæ apparent in linteis & vestimentis cutem tangentibus, item in cerebro, oculis, auribus. Tenue autem est, quod per insensibilem transpirationem resoluitur, interdum etiam per sudorem. De sudore, an sit naturale corporis excrementum, iam olim dubitatum. Diocles enim, vt videre est de diff. sympt. cap. 6. & 1. aphor. 15. naturæ lege sudorem accidere negabat, statuebatque omnibus ritè in corpore dispensatis, probèque cocto à natura & victo cibo, nequaquam per cutem humorem, qui sensu percipitur, excerni. Nam sudores illi, quibus per balnea & vehementes exercitationes, concitatosque corporis motus, & æstiuos calores toti manant homines, causas consequuntur violentas. Contra Galenus, de diff. sympt. cap. ult. sibi hanc opinionem duram, & præter rerum euentiam videri, ait. Verum argumentis eam non oppugnavit; quod conatus est Vallesius, lib. 5. cont. cap. 2. cui ea de causa Dioclis opinio falsa habetur: quod materia sudoris secundum naturam colligatur in homine, etiam quam maximè secundum naturam constituto, eodem modo, vt vrinæ: & via, per quam sudor fit, à natura, quasi providente euacuationis indigentiam, illi sit destinata. Deinde quod sudor fieri possit omnino sine morbo aliquo totius corporis, aut partis cuiuspiam. Cardanus verò, in com. in aph. 83. s. 4. sudorem tota substantia medium esse, statuit inter excrementum naturale & præternaturale. Verum hanc controuersiam, quæ non tam in rebus, quam verbis consistere videtur, componere non adeò difficile est: si quædam distinguamus. Nam naturalis & præternaturalis excretio dicitur, aut respectu ipsius expellentis virtutis; quæ vt debilis vel robusta est, & rectè vel malè agit, ita excretio naturalis vel præternaturalis fieri dicitur: aut respectu ipsius materiæ, quæ expellitur; quæ ipsa vel naturalis, vel præternaturalis est. Verum hic non quæritur de ipsa excretionem, seu de vi expellente, facileque conceditur, hoc respectu multos sudores naturales esse, & cum virtutis robore ac providentia de ægri salute fieri, qua ratione sanguinis per nares profusionem, vomitus, deiectiones, & similia, quæ aliàs toto genere præter naturam sunt, Galenus, de diff. sympt. cap. ultimo, præter naturam esse negavit, modo tempestiuè fiant, & id, quod molestat, expellatur. Sed de ipsa materia, quæ excernitur, præcipuè est quæstio, & hoc quæritur; An sicut feces alui, vrinæque & bilis in corpore etiam optimè sano naturaliter & colliguntur & excernuntur: ita etiam atque eodem modo naturaliter & colligatur & excernatur sudoris materia. Vbi cum Diocle respondendum censemus: si ritè omnia in corpore dispensentur, probèque co-

quatur à natura ac vincatur cibus; præterea nihil externum ac violentum, vt sunt balnea, vehementes exercitationes, calores, accedat: nequaquam per cutem humorem, qui sensu percipitur, seu sudorem excerni; id quod experientia testatur. Neque enim concedendum est Vallesio, à corpore optimè sano, & quam maximè secundum naturam constituto materiam sudoris colligi. Etsi enim hoc verum sit, aliquid materiæ serosæ cum sanguine relinqui, & in corpus distribui: tamen id in corpore optimè sano omnino paucum est, & tantum solum, vnde sudor aliquis leuissimus, vel mador potius quidam, ac quasi levis ros, qui nihil est aliud, quàm coacta exhalatio, ortum habet: sudor verò propriè dictus inde oriri non potest, eumque propterea aliquis optimè constitutus non emitteret, nisi vehemens exercitatio, aut similis causa accedat. Interim tamen non negamus, multos adhuc sanos esse, & in naturali statu constitutos, qui tamen ab eorum, qui exactè sani sunt, aut ab optima sanitate non adeò longè recedunt, conditione absunt; atque in his naturaliter sudores contingere concedimus. Ita sæpe post victus errores, potumque copiosorem in sanis sudores erumpere solent; & natura per hanc viam, si quid humoris vitiosi colligatur, expellere consuevit. Vnde tales sudores, si sint copiosiores, aut diutius durent, morbos non raro prælagire solent. Hinc Hippocrates, 4. aph. 41. *Sudor multus per somnum factus, copiosiore cibo corpus vti significat. Quod si parcius epulanti hoc accidat, euacuatione indigere, sciendum est.* Et 7. aph. 61. *Sudor multus, calidus aut frigidus, semper fluens, humoris copiam inesse significat.* Ex eadem quoque materia, sanguinea

Auctio.

Forma augmentationis.

Finis augmentationis.

CAPVT X.

De generatione.

ET si verò nutrantur animantia, & cibo assumpto id quod absumptum est, instauretur: tamē nec homo nec vllum viuēs hoc modo perpetuari potest, sed tandem deficiente humido, & calore tabescente, mors sequitur. Vt ergo, quæ in Indiuiduis perpetuè esse non possunt, in speciebus conseruentur, & homini,

Bb

& aliis

Vis genera-
rix.

Sexuum di-
stinctio.

Principia
fœtus.

Semen.

Semen & ef-
ficientis &
materiam ratio-
nem habet.

& aliis viventibus à rerum Creatore insuper Gene-
ratrix vis indita est, qua per semen prolificum simi-
le sibi generarent. Quæ etsi & plantis communis
sit: tamen in homine & perfectis animalibus ma-
iorem requirit apparatus. Plantæ enim cum ob ali-
mentum perpetuo terræ infixæ hæreant, in aliis
non generant, sed semen maturum in terræ gremium
quasi abiiciunt; cuius vis ubi calore Solis atque
aëris ambientis excitatur, similis planta producitur.
Verum in homine atque animalibus perfectis sexuum
est distinctio, & in qualibet specie mas & fœmina
reperiuntur; qui tamen ob generationis hoc offi-
cium mutuo quodam amore & insigni desiderio
trahuntur, atque ubi Venereis complexibus con-
iunguntur, uterque parens aliquid ad fœtus ge-
nerationem confert, qui in utero matris formatur,
& tandem perfectus suo tempore in lucem editur.
Hinc mas non in seipso, sed in alio; fœmina in seipsa
generare dicitur. Mas enim solum semen emittit,
atque in fœmininum uterum coniicit; quod cum se-
mine fœmineo mistum, ab eodem fouetur nutritur &
retinetur, donec perfecti animalis formam acceperit.
Ad quam rem utriusque sexui necessaria mēbra à Crea-
tore data sunt: maribus testes, vasa seminaria, præpa-
rantia & deferentia, penisque ad eiciendum in ute-
rum semen necessarius; seminis, vasa seminaria, te-
stes, & uterus. Sunt autem principia, quæ ad fœtus ge-
nerationem concurrunt, duo: semen & sanguis ma-
ternus. Etsi enim supra, c. 3. sanguinem omnium cor-
poris partium similium principium esse dictum sit;
contra sæpe etiam solum semen principium fœtus di-
catur: tamen hæc facile inter se conciliari possunt.
Reuera semen solum illud est, è quo corporis humani
partes omnes primam originem trahunt, & mate-
riam formamque nanciscuntur. Sanguis verò saltem
pro nutritione & auctione partium materiam submi-
nistrat; qua ratione & id alterum principium gene-
rationis dicitur. Quia verò, ut est apud Galenum,
lib. 1. de nat. hom. c. 37. moles materiæ seminalis, ex
qua tot spermaticæ partes fieri oportet, planè exigua
est, & respectu eius, quod ex sanguine materno acce-
dit, quasi pro nihilo habetur, & non nisi quædam
spermaticarum partium primordia inde formari pos-
sunt, reliquum earum augmentum ex sanguine totum
est: sanguis interdum solus omnium partium simila-
rium principium dicitur. Præterea semen ipsum ex
sanguine amplius elaborato ortum habet. Semen au-
tem à variis variè definitur. Verum non incommodè
Epicurus, ut est Plutarch. de plac. philos. lib. 5. cap. 3.
ψυχῆς καὶ σώματος ἀπὸ πατρὸς esse dicebat. Viventia enim
dum generant, aliquid de sua materia & sua forma lar-
giuntur, semen exhibendo: estque semen corpus
quoddam spirituosum, calidum & humidum, in testi-
bus genitum, seu spiritu & σπέρμα θεοτέρω καὶ καλυμμένον
σπέρματι, καὶ ἀναλόγῃ τῶν ἀνδρῶν σπέρματι plenum, ad ani-
mæ propagationem, & similis animalis generationem
aptum. Et tale semen à mare in uterum fœmineum im-
mitti, extra controuersiam est: sicut nec de eo dubi-
tatur, semen hoc masculinum efficientis rationem ha-
bere: verum hoc in controuersiam vocatur; An solum
efficientis, an verò materiæ quoque rationem obti-
neat. Etsi verò plurimi philosophi sint in ea opinione,
semen masculinum tantum efficientis rationem ha-
bere: tamen rectè Medici, imò nonnulli etiam præstan-
tissimi philosophi, semen masculinum quoque fœtui
materiam tribuere censent. Etenim si in plantis &
animalibus ex ouo natis seminis corpus in plantæ
& animalis corpus abire videmus: quid, quæso, causæ
fuerit, cur hominis & perfectorum animalium semen
in idem partibus fœtus formandi materiam suppedita-
re non debeat? Imò experientia testatur, hæc ita sese
habere, qua constat, abortum primorum dierum ma-

teriam esse instar seminis & lactis albam. Membra
enim solida & alba, quæ primò efformantur, & fœtus
quasi rudimentum & fundamentum sunt, tali materia,
qualis est semen, indigent: foretque omnino laborio-
sum, tam breui tempore ex sanguine illa corpora so-
lida efformare. Vnde aut nihil aut parum sanguinis
primo formationis tempore ad uterum attrahitur.
Ipsaque vasa umbilicalia, per quæ sanguis attrahi de-
bet, prius ex seminis corpore efformari opus erat. Et
si conceditur, matris semen esse loco materiæ, quid
obstat, quo minus & mas semen materiam corpori
fœtus suppeditare possit? Et quo fine retinetur ma-
teria seminis in utero: si non in materiam fœtus ce-
dit? Neque enim credendum, quod Aristoteles 1.
de gen. animal. c. 16. & lib. 2. cap. 2. & 3. & lib. 5. de
hist. animal. c. 8. putat, semen, ubi suum usum præsti-
terit, ex utero exire, atque in flatum dissolui. Neutrum
accidere potest. Ita enim uterus clauditur post conce-
ptum, ut ne minimo specillo aditum præbeat, & fœ-
minæ sanæ grauiditatis tempore nullum flatum aut
humorem ex utero exire sentiunt. Neque hac ratione
principium actiuum & passiuum confunditur: cum
non secundum idem semen actiuum & passiuum
principium esse dicatur; & corpus saltem seminis
in materiam fœtus abeat, anima verò in semine de-
litescens efficiens sit; quæ duo omnino diuersa sunt.
Generatur autem semen in testibus, qui quasi offi-
cina sunt, ad quam reliqua membra præcipua ma-
teriam, spiritum, caloremque, per venas & arte-
rias transmittunt, quam testes innata vi in vnam
naturam redigunt, quæ semen appellatur: quod pro-
pterea ex omnium membrorum spiritu ac calore
quodammodo constat, calorisque ac spirituum quasi
quoddam compendium est. Vnde ex seminis in cor-
pore præsentia & copia virilitas oritur, & caloris co-
pia rursus in vniuersum corpus ex testibus quasi re-
dundat. Castrata verò animalia, licet cor, hepar, cere-
brum & reliqua membra habeant: tamen non ita ve-
geta & calida sunt, ut non castrata; ob seminis defe-
ctum, & deficientem seminis officinam. Eadem de
causâ seminis emissio plus, quam sanguinis, aut alia
evacuatio, corpus debilitat. Quod verò Aristoteles, 1.
de generat. anim. cap. 18. semen appellat excrementum
alimenti ultimi partium solidarum: id non ita ac-
cipiendum est, quasi semen quiddam excrementi-
tium sit; cum semen sit materia longè nobilissima &
præstantissima: sed quòd illud, quod in partibus ad
alendum superat & abundat, cum spiritibus ad testes
mittatur, materiamque semini suppeditet. Hinc se-
nes & pueri semen non habent: hi quidem, quod
omne alimentum in augmentum corporis absuma-
tur: illi verò, quod minus, quàm satis sit,imenti ge-
nerent. Plerique enim seminis materiam à tertiâ co-
ctione peti existimant; & quia à tertiâ coctione se-
minis materia decidatur & suppeditetur, rudem quasi
delineationem, signaturam & formam præcipuarum
partium in se complecti statuunt. Cum enim alimen-
tum, si alere debet, simile parti alendæ necessario fiat,
& proximam potentiam ad suum membrum, quod
alere debet, accipiat: ex hoc alimento iam determi-
nationem ad partem hanc vel illam adepti, vna
cum spiritibus semen gigni sentiunt. Hinc quando
Hippocrates dicit, semen à toto corpore decidi: id
non ita accipiendum esse volunt, quasi ipsum semen
iam factum à toto corpore decidatur, sed quod ma-
teria ad seminis generationem necessaria à plerisque
aut certè principibus partibus suppeditetur. Alij ta-
men, præter spiritus, tantum sanguinem rubrum, nul-
lòque modo à solidis partibus alteratum, à venis
& arteriis seminalibus è vena caua & arteria magna
testibus communicari statuunt, & ideam par-
tium à spiritibus influentibus, ob eam, quam cum
institis

Prima
brorum
ris form
ex sem

Prægener
semen.

Qua ratio
semen excre-
mentum d
possit.

Seminis gen-
randi mater-
unde suppe-
ditetur.

Semen qua
ratione à to-
corpore dica-
tur decidi.

institis habent familiaritatem, deriuant: quæ tamen delineatio rectius soli animæ & formatrici facultati tribuenda videtur. Verum hîc magna agitari solet controuersia inter medicos & plurimos philosophos; An scilicet solum mas, an verò etiam fœmina semen ad generationem fœtus suppeditet. Nos ab eorum parte stamus, qui ab utroque parente semen prouenire statuunt. Nam cum Creator nihil frustra fecerit, & fœminæ eadem instrumenta semini generando & emittendo dicata habeant, quæ mares: proculdubio etiam semen habebunt. Quod & ex eo patet, quod libidine tentatæ concubitus apperunt, seménque in coitu & citra illum interdum effundunt, & inter bruta quædam fœminæ stato tempore ὀργῶσι, & quasi furentes in coitum feruntur, semine abundante stimulatæ; eadémque castratæ neque coeunt neque concipiunt. Quæ res cum satis euident sit, ut facillè negari non possit: nonnulli aliquid quidem in fœminarum testibus gigni, & à fœmina communicari concedunt; sed illud verum semen non esse, aut certè si sit semen, non esse eiusdem generis cum masculino, neque instar efficientis, sed solum materiæ se habere asserunt. Quam quidem controuersiam, ob rationes, quæ in utramque partem afferuntur, satis probabiles, decidere non adeo facile; dissidentque hic non solum medici à philosophis, sed & medici à medicis, & philosophi à philosophis. Pro eorum sententia, qui tantum materiæ rationem semen fœmininum habere statuunt, varia quidem afferuntur argumenta, verum non omnia eiusdem momenti. Illud non parui ponderis est, & quod, ut diligentius perpendatur, dignum, quod pro Aristotele habet I. C. Scaliger, exerc. 268. qui ex principiis illis: Species non miscentur: & Ex duobus entibus per se non potest vnum ens per se fieri: hæc tandem concludit: *Sicuti forma non potest esse nisi vna vnius rei: ita principium continens ipsam formam non potest esse, nisi vnum. Vnum igitur semen. Forma enim cum sit simplex & indiuisibilis, ex duobus componi non potest. At componeretur, si à matre prodiret ac fœmina.* Quibus addi potest & hoc: si utrumque semen vim actiuam contineret, alterum abundaret, & frustra concurreret; possétque fœmina sine mare concipere; cum omnia, quæ ad generationem necessaria sint; in se contineat. Qui tamen etiam semen fœmininum prolificum esse, vimque agendi in se continere existimant, ij mihi probabilior sententiam defendere videntur, & non solum eo nituntur; quod semen hoc fœmininum à simillimis organis generetur, atque in Venere cum eadem oblectatione excernatur: sed & hoc præcipuè, quod ab animalibus eiusdem speciei proueniat. Cum enim formas eiusdem speciei sequantur potentia eiusdem rationis: mas verò & fœmina specie non differant: non solum mas ad fœtus generationem potentiam actiuam conferet, sed & fœmina. Et cum mater vera relatione ad filium referatur, illa etiam relatio in actiua potentia consistet. Ac si mater solum materiam fœtui conferret, non multum à nutrice differret, quæ infantem sat longo tempore lacte è suo sanguine genito alit. Possuntque hi Scaligero respondere, hic species non misceri; cum fœmina & mas specie non differant. Ad illud verò; Ex duobus Entibus per se non posse vnum ens per se fieri: illud, quod ipse Scaliger, exercit. 106. sect. 6. habet, reponere; nimirum ex duobus actu existentibus fieri vnum tertium in Natura. Ita enim is ad Cardanum: *Ma-*

Dan. Sennerti Tom. I,

palma fient. Vnus, inquam, stipes numero, externis truncis, ortu, materia, quantitate, loco separatis. Neque etiam alterum semen frustra abundare, aut fœminas ob id sine viro concipere posse existimant. Licet enim & semen matris actiue concurrat: tamen solum ad generationem non sufficere, sed hunc à Creatore in Natura ordinem sancitum esse, ut ex utroque semine, tanquam duabus partialibus causis, vnum principium, & vna totalis causa emergat, à qua vnus motus & ἐνέργεια ad fœtus productionem, quodam tamen ordine sese habens, proueniat. Virtus enim & efficacia seminis fœminini est imperfectior, quæ propterea cum masculino, cuius semper maior, siue ad fœminas siue ad masculos generando, est efficacia, copulatur. Vnde ipso ita censente Aristotele, 1. de generat. anim. cap. 8. Empedocles maximè rationi consentanea scripsit, cum dixit: Maris ac fœminæ quasi symbolum esse; totum verò à neutro proficisci. Sanguis verò maternus tantum materiale principium est. Vnde à Creatore constitutum, ut circa decimum quartum plerumque annum, usque ad quadragesimum quintum vel etiam quinquagesimum plerumque annum, quo interuallo fœminæ ad conceptionem aptæ sunt, singulis mensibus aliquid ex sanguine, quo reliquæ partes non indigent, ad vterum mittatur, quod vel fœtui materiam suppeditet, vel si fœmina grauida non sit nec lactet, expurgetur, ne retentum vel fœminam grauet, vel corrumpatur. Neque enim sanguis menstruus ideo expellitur, quod vitiosus sit, sed quod redundet. Et si quod vitium habet, non ex sua natura habet, sed ex mora diuturniore, & aliorum humorum admistione, vitiosaque aliqua fœminæ constitutione. Nam naturam etiam alios humores vitiosos, si qui adsunt, cum hoc sanguine singulis mensibus euacuare, credibile est. Porro qua vi ex hisce principiis fœtus generetur, & quidnam sit illud, quod ex eo, quod in utroque semine habet rationem materiæ, ac sanguine materno, fœtum formet; seu quænam sit in semine vis actiua, seu formatrix corporis animati, inuestigatione quidem dignum est, sed inuentu difficilimum. Opus enim generationis maximè omnes Philosophi semper admirati sunt, cum, ut Galenus loquitur, τέχνη καὶ σοφία μέγιστη in eo appareat; fateturque Gal. cap. 6. lib. de fœtus formatione, τὴν τέχνην τὴν κατασκευάσαντων ἡμᾶς εἰς τὴν αἰσθητὴν ἀλογον referri non posse; & se persuaderi non posse, ut credat, ἀνευ σοφίας τε καὶ διωατάτα τε δημιουργεῖ opus ita affabre factum existere. Non verò tantum omnium seculorum Philosophi generationem animatorum admirati sunt, sed & in causa illa formatrice inuestiganda laborarunt, atque quæsiuerunt; quod illud sit, quod omni perfectionis genere materiam instruat, magnitudines, numeros, figuras, ordinem, situmque & alia, quæ in corporibus animatorum conspiciuntur, apparet. Verum simul in labore hoc difficultatem summam agnouerunt. Vnde factum est, ut nonnulli de veritate inuenienda planè desperarint; alij aliter senserint. Galenus, lib. de fœtus format. studium suum & diligentiam in inuestiganda hac causa summam profertur. Et cum à Philosophis sui temporis frustra id discere conatus esset, nec, quo animus discendi cupidus satiaretur, apud eos inuenisset: scribit; se tristitia magna affectum secum inuestigare cœpisse, an τινὰ λόγον ἰσχυρὸν ὅτι ταῖς ἡμῶν κατασκευαῖς, inuenire potuerit: inuenisse autem nullum: id quod scripto hoc se confiteri testatur, rogátque omnes Philosophos, ut si quid veri inuenerint, εἴ τι σοφὸν εὐρίσκοιεν id sine inuidia secum communicent. Et paulo post addit: se μήν ἄχει διωατὴ ὁπνοίας, μή τιγε βεβαίως γνώσεως, aliquid τοῦ διαπλάσαντος ἡμᾶς τεχνίτε inuenire, εἰ ἄχει τοῦ πιθανοῦ peruenire potuisse. Nam cū videat, ἄκραν ἐν τῇ διαπλάσει σοφίαν ἄμα, καὶ

Fœmina non possunt concipere sine viro

Sanguis maternus alteri generationis principium.

Sanguis menstruus an sit vitiosus.

Quænam sit vis formatrix.

Opus generationis admirandum.

Vim formatricem inuestigare difficile. Galeni in vi formatrice inuestiganda studium.

Διῶαμιν: non se credere posse, τὴν ἐν τῷ σπέρματι ψυχὴν διαπλάσσειν τὸ ἐμβρυον, ἢ μόνον ἐκ ἑσῶν σοφῶν, ἀλλὰ καὶ παντάπασιν ἄλογον. Qui verò de cognitione formationis animatorum non desperarunt, in varias sententias abierunt. Alij enim in semine animam inesse, atque ab ea omnes corporis partes delineari fabricarique statuunt: alij animam inesse negant in semine, & solum λόγον quendam πλαστικόν, seu διῶαμιν πλαστικὴν, & vires quasdam, potentiam & facultatem hæc efficiendi in semine inesse dicunt. Verum alij aliter id explicant. Fernelius, lib. 1. de abditis rerum causis, pluribus in locis, cum calore & spiritu semini vires committi docet, quæ vteri vi ac benigno calore impulsæ subiectam sibi materiam omni præparationum genere instruant, vt substantiæ tandem particeps forma extrinsecus assumatur. Vbi enim iam omnis ad plenum absoluta sit præparatio, tum extrinsecus speciem accedere naturali quadā & inevitabili necessitate. Atque vnde formas aduenire existimet, docet, cap. 10. Cælum, inquit, nullo semine multas profert tum animantes, tum stirpes; at semen nihil quicquam sine cælo generat: semen gignendis rebus materiam concinnè duntaxat, & conuenienter apparat & instruit: cælum in apparatus illam speciem, summamque perfectionem immittit, vitamque suscitatur in omnibus. Et post: Animantium, stirpium, lapidum & metallorum omnium, quacunque & fuerunt & esse possunt, formas una cæli forma potestate comprehendit, & innumerabilibus illa quasi grauida formis omnia gignit & fundit ex sese. Iac. Schegkij, lib. 1. de plast. sem. fac. semini λόγον πλαστικόν tribuit, docetque se τὸν λόγον vocabulo intelligere formam substantialem, vt quæ nullo sensu, sed duntaxat mente & ratione percipitur. Semen tamen & hunc actum substantialem non è principalium agentium, sed ex instrumentalium numero esse, atque instar manus artificis corpora animata efformare, statuit. Iterum dicit: quod sit actus substantialis, à substantia primi actus separabilis, qui habeat proprium subiectum humorem spermaticum. Et rursum: quod sperma sit instrumentalis causa, & λόγος quidam ποιητικὸς seu πλαστικὸς, sed non ἐνυλός, efficiens seu generans corpus animatum, & non etiam ipsum animatum existens, mediū inter animatū & inter animandū interpositū sine informatione alicuius materiæ ad efficiendū efficax, vt actus & ἐνέργεια quadam secunda. Alij vt fœtum anima matris viuere existimant: ita etiam formationem partium animæ maternæ tribuunt. Vt iam de Platonis nihil dicamus, qui referente Galeno, de fœt. format. c. 6. animam, quæ per totum mundum diffusa sit, fœtum formare existimabant. Verum enim verò est, quod in his opinionibus plerisque in genere, & singulis seorsim desideremus: quæ qualia sint, ex his, quæ iam dicuntur, patebit. Nam primò ij omnes nobis errare videntur, qui animam, quæ formationis causa sit, in semine inesse negant. Etenim cum vim formatricem in semine esse ab omnibus concedatur: animam etiam in eo esse, concedendum est. Nam cum potentiæ non sint separabiles ab anima, cuius sunt potentiæ: impossibile est, potentiam aliquam alicui propriam esse in subiecto, in quo non est forma, à qua fluit potentia. Et cum ex operationibus ad latentis essentia notitiam perueniamus: quid causæ est, cur semini animam non tribuamus, quæ suis in eo operationibus satis se prodit? Sunt autem illæ duæ: seminis & conceptus viuificatio, & partium omnium, quæ ad vitæ actiones edendas necessariae sunt, efformatio. Quoduis enim semen, vt in plantis manifestum est, vegetante anima conseruatur & aliquandiu prolificum permanet: & quandiu integrum, & incorruptum est, in loco idoneo, & præsentem alimento, vt viuens operatur & exercet suas actiones in eam, quæ præstò est, materiam, non secus, vt ipsum viuens integrum omnibus partibus: quod

non solum in animalibus in actione & partium nonnullarum regeneratione, sed præcipue, vt postea dicetur, in plantis videre est. Nam eadem operationes in semine, & in planta omnibus numeris integra conspiciuntur: quæ propterea idem in utroque principium & mouens indicant. Eadem enim est omnino operatio, cum anima in semine latens ex attracta materia corpus plantæ fabricat, & cum eadem postea singulis annis amissa folia & flores instaurat, nouos surculos, ramos, radices protrudit: & propterea eiusdem omnino facultatis, eiusdemque animæ indicium est. Neque hoc solum fit in plantis, sed & in animantium perfectorum seminibus idem fieri, concedendum est. Nam si non fit ex sanguine caro, nisi caro ipsa animata sanguinem in carnem mutet: multò minùs fiet ex sanguine animal, si semen anima careat: neque attrahere posset semen sanguinem maternum, nisi esset animatum. Cum enim incipit semen attrahere alimentum, iam actu operatur. Tribuendas verò esse has actiones semini, Aristoteles, 2. de gen. animal. cap. 1. docet; & rationes idem euincunt. Ἄλογον enim videtur, inquit Philosophus, ἔξωθεν τι ποιεῖν ἐκάστον: ἢ τῶν ἀπλόγων, ἢ τῶν ἄλλων μερῶν, κινεῖν τε γὰρ μὴ ἀπτόμενον, ἀδύνατον, καὶ μὴ κινουῦν τὸ πάχυν τι ἐκ τοῦτου. Nimirum efficiens immediatum necessariò coniungitur cum patiente, dum fit actio. In formatione autem partium nihil coniungitur cum materia quam semen. Ergo illud generat & agens hic est principale. Nam quod nonnulli hic semini solum partes instrumentarii agentis, & generanti principes tribuunt: id ex eo falsum apparet, quod generans, & à quo semen communicatum est, vel longè abesse, vel periisse potest. Sed ὅσα φύσει γίνεταί, ἢ τέχνη ἐκ ἐνεργείας ὄντος γίνεται. Et: τὸ κινουῦν ἐνεργείᾳ τῷ δεῖ. Deinde cum omnia agentia vniuoca non sint è numero causarum instrumentalium, sed principalium, & sibi simile generent: semen verò ab Aristot. 7. metaph. cap. 9. inter agentia vniuoca rectè numeretur: pro instrumentali causa propriè dicta tantum haberi non potest: nisi ita appellare alicui placeat, quod medio & beneficio seminis generans simile generare dicatur. Sed is etiam sciat, semen non esse instrumentum, vt alia, quæ cum principali agente necessariò coniunguntur, & ab eo subordinantur; sed separatim à generante, eò quod in se virtutem & omnem vim agendi habeat. Ideoque vt ipsius Schegkij verbis utar, cum instrumentum per se nullam habeat efficaciam, vtpote quod non nisi χρῆσι principalis efficientis definiatur: & cum mouendi principium, vt in instrumentis artificum externum est; ita in naturalibus abditum recondatur intra ipsa instrumenta: hinc colligitur, plasticam vim in ipso semine esse; & quidem ipsum principale efficiens in semine, non extra semen esse. Et quidem illud agens omnino est anima. Nam (iterum vtor Schegkij verbis) animatum corpus cum sit præstantius & perfectius: sequitur non animatum non esse principalem animati corporis causam; sed animatum ab animato, vt principali causa, produci. Ac nisi agens illud principale in ipso semine esset, & anima esset: multa absurda sequerentur. Ita enim nulla erit generatio vniuoca, & generans nihil nisi materiam generando dabit, eiusque soboles erit animatum, quod animam dederit. Et quomodo anima ibi non præsens sit, vbi operationes animæ eduntur? Cum omnes facultates cuiuslibet formæ, vt modò dictum, atque in primis animæ, emanantes sint proprietates ab ipsius animæ essentia propria, & inseparabiles qualitates: & proinde vbi facultates & actiones animæ reperiuntur, meritò ibi etiam animam adesse, concludi potest. Quod ipsum voluit & docuit Arist.

Varia de vi formatrice sententia.

Fernelij opinio.

Iacobi Schegkij opinio.

Quidam ab anima materna fœtum formari statuunt. Verior sententia. Anima est in semine.

Anima operationes in semine.

Semen non solum agens instrumentarium.

Inanimatum non est corpus, animati causæ principis formationis causa est semine.

Aristot. 2. de gener. anim. cap. 3. ἔτε δ' ὅς αὖ ψυχὸν, inquit, δαίη τις τὸ κύημα καὶ καὶ πάντα τρόπον ἐκτελεῖν ζῶντος. ἔδεν δ' ἥπλον τὰτε σπέρματα καὶ τὰ κύματα καὶ ζῶντων ζῆ τῶν φυτῶν, καὶ γόνιμα, μέγχι τινός ὅπιν ὅτι μὴ οὐ πῶν ἀρετικῶν ἔχουσι ψυχῶν, φανερόν, Ex quo facile videre est, eorum sententiam à vero alienam esse, qui vim formandi partes in semine inesse concedunt, animam autem inesse negant, eamque nescio vnde deducunt. Quomodo enim adsit ibi facultas animæ, atque ipsa anima non adsit? Nam accidenti alicui soli officium hoc deferri non potest: quia accidens animam, vt substantiam, producere non potest; cum nihil ultra suas vires operetur, & nullum accidens agat, nisi per vim substantiæ, & à forma, à qua pendet, dirigatur. Sed & hic ad aliquam formam præsentem recurrere necesse est, eamque anima non inferiorem & ignobiliorē: cum omnia illa opera in corpore formando præstet, quæ anima in corpore iam formato, vt ex augmentatione, carnis amissæ instauratione, & similibus videre est. Et quod antea etiam dictum, quomodo ab eo, quod actu non est, fieret generatio, nisi ipsi semini actus atque animæ essentia tribuatur? Et quomodo generatio esset vniuoca, aut vnde anima deduceretur, nisi generans adhuc viuens semini animæ essentiam immisisset: dum scilicet ex ouo, etiam fornacis calore, pullus excluditur; aut dum in plantis & animalibus semine ad generationem communicato generans moritur. Quod verò Schegkiius peculiarem hic λόγον πλασικόν, actum substantialem, εἰς αὐτὴν εἰς αὐτὴν efficientem, αὐτὸν, qui tamen anima non sit, introducit: nā ille frustra nobis videtur multiplicare entia. Cum enim huic substantiali actui operationes animæ tribuat: cur non concedat eundem animam esse? Et cur actum hunc alium ab anima statuere sit necessarium; cum anima in semine sufficere possit? Aut quid opus est, λόγον hunc πλασικόν, quasi actum secundum alterius actus primi, & vicarium quasi generantis, in semine statuere, qui desinente motu generationis, ipse etiam desinat? Statuere enim αἴτιον τι (ἢ) κεχωρισμένον, ἄλογον: & φθίρειν αὐτὸν εἰς πάντα τὰ μέρη, ἢ τε τινὰ, ἢ τόπον. Atque animam in semine hæc omnia efficere, neque formationem corporis animati alterius rei opus esse: satis quoque videtur probare plantarum nonnullarum generatio, quæ ex parte à planta auulsa propagantur; cum scilicet particula animæ cum parte materiæ cohærens auellitur, vnde planta priori similis excrefcit. Neque enim hic aliam vim formatricem ab anima rosæ vel salicis diuersam comminisci licet: sed potius hoc inde colligitur, sicut in hoc propagationis modo ab animæ parte cum parte corporis auulsa plantæ formantur: ita etiam in semine vim formatricem partium non vlli alij attribuendam esse. Nimirum formæ animatorum, etsi per se non sint quantæ & diuisibiles, tamen quantæ dicuntur, imò etiam diuiduntur ad diuisionem materiæ; vnde aliquid animæ, cum corporis parte auulsum, simile & sibi necessarium corpus fabricare, atque ita nouum animatum emergere solet. Verum non cum qualibet corporis parte animæ aliquid auulsum ad hoc aptum est: sed talis sit materia, in qua anima auulsa commodè delitescere, & ad suum opus sese accingere possit. Iungitur enim anima corpori, iunctaque retinetur, intercedentibus quibusdam dispositionibus, quæ subiectum aptum faciunt ad suscipiendam & retinendam animam; inter quas præcipue est calor natiuus sufficiens, & in certo gradu constitutus. Vnde etiam Aristoteles generationem dixit esse primam vegetantis animæ cum calore participationem. Hinc varius est propagationis animatorum modus. In plantis quidem si salicis ramus edicus à matre ab eadem auellatur, diuiditur anima ad diuisionem materiæ & manet in ramo: vnde ex rame in terram condito ar-

bor eiusdem speciei constituitur. Idem fit in aliis per radices; in aliis per semen; in aliis per alios modos fit propagatio, vt apud rei rusticæ scriptores videre est. In quibus tamen omnibus id necessarium est, vt materia auulsa conueniens domicilium animæ præbere possit: quod non in quibusvis plantis quodlibet præstare potest. Exempli gratia, per ramum auulsum terræ commissum propagatur, vt dictum salix; sed non pyrus. In animalibus vero etsi quoque varius videatur propagationis modus, dum alia oua pariunt, alia viuos fœtus: tamen in eo conuenire videntur omnes, quod animalia per nullam corporis partem auulsam, sicut plantæ, sed per semen aut semini quiddam analogum generant. Hoc enim, quod Epicurus, vt est apud Plutarch. de plac. philo. soph. lib. 5. cap. 3. ψυχῆς καὶ σώματος ἀπόσπασμα dicebat, à corpore reliquo deciso, ad subiecti diuisionem & ipsa anima diuiditur, & aliquid eius cum semine ab animali deciditur; quæ cum eiusdem speciei sit cum anima, à qua deciditur; iam verò ob subiectum numero differat: ex semine ob hanc animam iam nouum animal exoritur, dum anima in semine latens sese exferit & suas virtutes explicat, & operando sese manifestat, calidoque & spiritibus ytens, omnia, quæ ad animalis constitutionem necessaria sunt, fabricare exorditur, subiectamque materiam distinguit, disponit, ordinat, format, & effingit; vt ita integrum & aptum domicilium, simile illi, è quo decesserat, habere possit, atque instrumenta in promptu sint, quibus omnes suas vires exserere, actionesque naturales exserere possit; quod domicilium postea occupat, eodem modo, quo in accretionibus induit sese in alimenti materiam nouam. Nimirum, vt ex Themistio loquitur Scaliger, Anima est sui domicilij architecta, quæ sibi fabricatur conueniens accommodatumque instrumentum: & vt scribit Aristot. 2. de gener. anim. cap. 1. τὸ σπέρμα τοιοῦτον, καὶ ἐχέει κίνησιν καὶ ἀρχὴν τοιαύτην, ὥστε πανοράνους τῆς κινήσεως γίνεσθαι ἕκαστον τῶν μορίων, καὶ ἐμψυχόν. Quanquam verò Aristoteles potentia solum semen animam habere dicat: id cum Scaligero ideo dictum putamus, non quia egeat aliqua substantia sese eliciente atque perficiente; sed quia caret instrumentis expressis, quæ sunt in eius potestate: seu, non quia non sit ipsa essentia animæ in semine, semenque actus primi respectu non animatum esse dicatur; sed solum de potentia secunda, quæ perficitur actu secundo, id accipiendum est, nimirum respectu operationum, quas nondum edere potest, ob defectum organorum. Nam in semine non est reipia apparatus ille organorum ac partium distinctus, deestque semini non illa ab anima, sed illa à corporis structura, & partium compositione ac conformatione perfectio, ob cuius defectum semen planta perfecta, vel animal perfectum nominari non potest. Nam cum semen ex efficientium numero sit, 1. de gener. animal. cap. 18. atque omne agens operetur, non quatenus potentia, sed quatenus actu tale est: animam actu in semine inesse negandum non est. Et nisi actu inesset, à quo, quæso, in actum deduceretur: cum illud non nisi tale esse possit, quod similem actum haberet. Quod verò Galenus animam ad hoc officium formandi partes corporis ineptam putat, quod sit, ἢ μένον ἢ σοφὴ, ἀλλὰ καὶ παντάπασιν ἄλογος: errasse in eo videtur, quod formis naturalibus simpliciter ἀλογίαν adscripsit. Quanquam enim intellectus & mentis expertes sint: nihilominus sunt principium diuinum, & immutabile, quod determinat omnes actiones & passionēs rei naturalis, & sunt quasi instrumentum & manus sapientissimi opificis ac Creatoris Dei, qui hanc vim & efficaciam his suis instrumentis, quibus nihil mirabilius ne-

Anima est domicilij sui architecta.

Quomodo semen potentia animatum dicatur.

Anima actus est in semine

Anima non est planè ἄλογος. Formarum vis agendi vnde.

cogitari quidem potest, largitus est in prima creatione, cum diceret: *Germinet terra germen, herbam producentem semen, arborem fructiferam facientem fructum iuxta speciem suam, cui insit semen suum super terram; Et: crescite & multipli. amini.* Quæ cum Galeno fuerint incognita: mirum non est, quod ex his sese expedire non potuerit. Hoc magis mirum est, quod multi, quibus hæc cognita sunt, ea non diligentius perpendunt. Neque tandem ii ex hisce difficultatibus sese extricare possunt, qui & formandi partes officium animæ maternæ tribuunt, & ab anima materna animam deducunt. Nam si hæc opinio vera esset, cur foemina non absque viris conciperent? cur oua subuentanea, quæ à foeminis absque mare concipiuntur, foetui producendo sunt inepta? & quid omnino de ouiparis dicemus, quæ viuum integrum foetum non pariunt? quid etiam de plantis, quæ vtero non concipiunt, sed maris solum munere funguntur, & semen maturum in terræ gremium coniiciunt, à qua, tanquam intra vterum, fouetur, vt inde suo tempore planta integra edatur. Vnde enim in his anima? Quis hic admirandarum illarum operationum auctor? quis omnibus partibus numerum, ordinem, situm, figuram, quantitatem & similia tribuit, nisi illa ipsa anima, quæ in planta postea omnibus partibus integra, si quid auulsum est, illud instaurat & reparat, & singulis annis, cum novos ramos producit, & flores & folia reparat, formationis opus quasi de nouo aggredditur? eodem planè modo, quo cum primum in paruo seminis corpore lateret, ex attracta materia plantæ architecturam inchoaret. An verò hæc, quæ de anima in semine existente hæcenus diximus, & quibus animæ vegetantis, vt & sentientis, præsentiam in semine probauimus, de Rationali quoque anima intelligenda sint: hic non decidimus. Neque enim grauissimam illam quæstionem, de animæ Rationalis, quæ immortalis est, origine, hic discutendam proposuimus, sed solum vim formatricem corporis animati inquirere voluimus. Plura de hac quæstione diximus in tractatu de Chymic. cum Aristot. & Galen. conf. & disens. c. Attribuuntur autem animæ seu generatrici facultati duæ aliæ facultates vulgò à Medicis, Alteratrix & formatrix. Alteratrix, quæ materiam generationis in substantiam foetus mutat, & in singularum partium substantiam, os scilicet, carnem, neruos, ligamentum, & reliquas partes simplices conuertit. Atque hæc totuplex constituitur, quot sunt partes similes: nominaturque à medicis vis membranifica, ossifica, carnifica, &c. Formatrix autem Facultas nominatur, quæ membra cuncta efformat, iis quantitatem, figuram, numerum, situm, & reliqua, quæ ad actiones & ad vsus cuiusque membri sunt necessaria, tribuit. Verum alij censent, non opus esse ita multiplicare potentias, sed vnā formatricem omnibus his sufficere, quæ ad hæc omnia efficienda à Deo optimo rerum omnium Creatore condita est, & ad eius nutum atque præceptum omnia agit & exsequitur. Vtitur verò anima & vis formatrix, vt instrumento, calore plastico, qui, vt supra etiam ex Aristotele, 2. de generat. anim. cap. 3. dictum, ποιεῖ γόνιμα ἔτι τὰ σπέρματα; seu spiritu, qui sit δειότερον τῶν καλυμμένων σπέρματων, & ἀνελογ. τὸ τῶν ἄσρων σχεῖν. Vterus autem in foeminis & ipse ad generationem necessarius est. Postquam enim in coitu maris & foeminæ semina effunduntur, vterus illa recipit. Hoc autem in menstrua purgatione fieri, atque tum solum vterum aperiri, & sanguinem ad foetus conceptionem effluere, nonnulli statuunt: sed tamen iidem censent, conceptionem non posse fieri medio purgationis tempore, cum à sanguine multo & copiosius tum affluente semen obruat & corrumpatur; verum commodissime in principio & fine fluxus se-

men recipi; cum tum sanguinis aliquid saltem exsudet, & foetui aptam materiam præbeat. Verum enim verò experientia aliud testatur, qua sapissime compertum habetur, plurimas alio etiam, quàm menstruæ purgationis tempore, concepisse; imò quasdam concepisse, quibus nunquam fluxere menstrua: Sicut huius rei obseruationes collegit Schenkiius lib. 4. obseru. Vteri enim, seminis quasi auidi, os quouis tempore aperiri potest: imò in ipsis præsignantibus, in quibus aliàs arctissime clauditur, interdum aperitur: vnde superfœtatio. Et quia primo formationis tempore nihil aut parum sanguinis ad vterum attrahitur: nihil impedit, quod minus extra tempus menstrui fluxus fieri possit conceptio. Concepti. Recepta in vtero miscentur semina, retinentur, fouentur, atque à calore innato vteri vis in semine latens excitatur, ac tum conceptio fieri dicitur, atque organorum, quæ confusa prius erant, expressio tum fieri incipit, vt loquitur Scaliger, exercit. 268. & tum conceptus siue κύημα appellatur, quod vsque ad septimum diem fieri vulgò statuitur; testaturque Hippocrates, lib. de natura pueri, sibi id, quod sexto die excidit, conspectum fuisse, vt si quis ouo crudo externam testam vndique auferat, in qua interiore membrana contentus humor pelluceat; præterea rubrum fuisse & rotundum. Conspiciebantur etiam fibræ albæ & tenues in membrana cum ichore crasso & rubro contentæ. Nam quod Hippocrates, libro περὶ ἀρχῶν, scribit quod ἐν ἑπτα ἡμέρῃσιν ἔχει ὁ σάκερ δὲν ἔχειν τὸ σῶμα, habeat, quæcunque ei corporis habere necesse est, & in tali abortu omnia membra deprehendantur: id nonnulli hyperbolicè dictum esse, nec non nisi de quibusdam rudibus lineamentis, quæ partium singularum loca quasi indicent, accipi posse, non sine causâ putant. Hinc reliqua sit membrorum formatio atque omnium organorum clarior expressio. Circa quam rem duo inprimis perpendenda, ordo & tempus formationis. Primò enim de ordine formationis auctores dissentiunt, dum alij cor, vt Aristoteles; alij primò hepar, deinde cor, tandem cerebrum; alij omnia simul conformari statuunt: & singuli pro sua sententia rationes quasdam afferunt. Verum experientiæ fidem habeamus, & id, quod per eam deprehenditur, rationibus quoque muniamus. Docet verò experientia, membranas foetum ambientes primò omnium formari. His enim nobilior seminis pars concluditur, spiritusque ac calor seminis tegitur & quasi obvallatur. Sunt autem membranae duæ; vna, quæ χόριον appellatur, foetumque totum ambit, & vasa vmbilicalia fulcit, eorumque interuentu tota vtero adhærescit. In ea enim est massa quædam carnea ex arteriarum & venarum ramis & sanguine affuso constans, quæ vmbilici vasa per chorion innumeris ferè ramis sparsa fulsit, donec omnia in venam vnā arteriali que binas collecta per vmbilicum subeant, eidem cum alimento spiritum vitalem allatura. Altera tunica proximè ambit foetum & ἀμνιον appellatur. Hæc duæ tunicae in partu quasi vnā constituere videntur; & quod plerunque post foetum & secundo quasi loco edantur, δευτέριον, seu secundina appellantur. Ipsas verò corporis partes quod attinet, proculdubio sese res habet, sicut scribit Hippocr. 1. de diata: διακρίνεται δὲ τὰ μέλη, inquit, ἀμα πάντα καὶ αὐξεται καὶ ἔτε πρότερον ἔδεν ἕτερον ἕτερον, ἔδ' ὕστερον. τὰ δὲ μείζων φύσει πρότερα φαίνεται τὰ τῶν ἐκαστῶν, ἔδεν πρότερα γινόμενα. Discernuntur & augentur omnia membra simul, non alterum altero prius, nec posterius. Qua tamen natura sunt maiora, minoribus priora conspiciuntur; licet non prius genita sint. Nimirum solidæ atque spermaticæ partes simul omnes delineantur: & postea suo quæque ordine, pro ratione dignitatis ac necessitatis, perficiuntur; non verò spermatica pars vna ex alia proce

Anima materna non est formationis causa.

Generatricis facultates. Alteratrix.

Formatrix.

Calor πλαστικός.

Quando fiat conceptus.

Concepti.

Ordo formationis.

Membranas primò formantur. Membranas foetus. χόριον.

ἀμνιον.

Secundina.

Partes spermaticæ simul omnes delineantur.

procedit & oritur. Aliæ tamen citius, aliæ tardius formam absolutam accipiunt, prout fœtui, dum in vtero est, vel postea etiam, vbi in lucem prodiit, inferuire debuerunt. Primò enim conceptus tempore tres quasi bullæ, spiritibus turgentes, quæ cerebri, cordis & iecoris sunt rudimenta, & innumera ferè filamenta, quæ venis, nervis & arteriis originem præbent, & solidarum partium quasi stamina sunt, apparent. Atque id ita omnino fieri debuit. Est enim harum partium materia eadem præsto; est idem artifex; est idem usus, nullaque necessitas, ut hæc vel illa pars prius formetur. Neque enim per os cibum capit infans, & nec prima nec secunda coctione indiget, nec cordis influxu, aut cerebri sensu opus habet: sed ista, quibus indiget, à matre accipit. In quem finem quatuor vasa umbilicalia dicta habet, venam nimirum, duas arterias, & vrachum, quæ circa umbilicum coeunt, & in vnum canalem quasi funiculum connectuntur. Vena nimirum venæ portæ, cui continua est, propago est, infantis quasi nutrix; quæ simplex est, vsque ad umbilicum, vbi autem umbilicum permeavit, in duos ramos diuiditur, atque hi in alios atque alios; qui membrana, quæ Chorion dicitur atque inprimis placenta illa carnea, quæ in ea est, suffulti cum venarum vteri osculis coeunt. Arteriæ duæ rami iliacei descendentes aditæ propagines sunt, per quas spiritum ducit infans. Ab hac tamen communi opinione dissentit Adrianus Spigelius, lib. de formatione fœtus; vsúmque longè alium arteriis hisce tribuit; qui ibi videatur. Vrachus à vesicæ fœtus fundo ad umbilicum fertur; per quem vrina fœtus excernitur in spatium illud inter dictas iam binas fœtus membranas, vbi conseruatur vsque ad pariendi tempus, & tunc vel cum fœtu, vel ante fœtum expellitur: Infante autem in lucem edito, cum hoc eorum munere amplius opus non sit, coalescunt, & quasi ligamentorum vice funguntur. Quibus autem temporum spatiis singula perficiantur, definire non ita facile est. Medici à conceptu vsque ad partum tempus in duas partes diuidunt, priorem Formationis appellant, à conceptu vsque ad tempus, quo moueri incipit infans; posterior exornationis est, à motu vsque ad partum. Hippocrates, de natura pueri, fœmellæ conformationem diebus ad summum quadraginta duobus, masculi autem triginta fieri, scribit. Auicennas, atque alii, hæc minutius explicare conantur, & non solum, quo tempore tota formatio absoluat, sed & quæ in formatione dierum trium, sex, duodecim, breuibûsque omnino interuallis fiat mutatio, docere conantur. Verùm cum hæc non nisi abortuum observatione deprehendi possint, neque alicui facile tot dierum abortus offerantur; neque conceptuum initia semper exactè cognita habeantur; insuper etiam caloris vis & efficacia non in omnibus sunt eadem: ita exactè hæc definiri vix possunt. Verùm, D E V S ;

Compago mira corporis nostri, tua

Miraculum est solertia.

Massa recentis rudia adhuc primordia,

Rudisque massa semina.

Ceu scripta haberes corporisque lineas,

Motum, statumque noueras:

Et membra nondum cum forent, quid adderent,

Dies sciebas singuli.

Hoc tamen obseruandum, Autores, dum variè de formationis tempore loqui videntur, nunc de rudi & imperfectiore, nunc de perfectiore formatione intelligendos esse. Quod enim masculus diebus 30. fœmina 40. efformari dicitur; id de imperfectiore formatione accipiendum est, & ut Platerus ex variis abortuum inspectionibus & obseruationibus statuit, de ea solum, quæ ex semine fit. Docet enim ad 30. vsque diem omnes partes ex puro & solo vtriûsque parentis semine formari, nullo adhuc affluente sanguine.

& fœtu nondum aliquo rubore perfuso. Post trigessimum verò diem partes omnes sanguine affluente nutrir, atque increfcere incipiunt, & omnia exactius elaborantur; quod quidem in masculis non ante tertium, in fœmellis non ante quartum mensem accidit. Videatur de his F. Platerus, in quæst. Med. paradox. & endox. quæst. 1. & 2. vbi accuratè de formatione fœtus agit. Vbi membra omnia iam formata sunt, indies omnia solidiora & firmiora redduntur: tandemque ossibus formatis, & membranis, nervis, tendinibûsque siccioribus redditis, & sensoris cerebroque magis perfectò, calcitrare & moueri incipit infans. Id in maribus tertio, in fœminis quarto mense fieri vulgò traditur, uti Hippocrates de natura pueri docet; qui tamen ipse hoc limitat, & ὅτι το πᾶσιον fieri dicit: ita ut tempus formationis duplicatum sit tempus motionis; triplicatum verò motionis tempus, sit tempus partus. De hoc idem Hippocrates, 2. epid. sect. 2. οἱ πόντοι ἐν αἰετοδοισιν, ὅτι ἐν ἐξδομήκοις τα κινέεται ἐν τριπλασίῳσι τελεῖται. *Labores certis temporum circuitibus sunt, & fœtus, qui septuaginta diebus mouetur, ter iisdem in se ductis perfecti funt.* Et, libro de alimento. *Ad conformationem soles triginta quinque, ad motionem septuaginta: ad perfectionem ducenti decem. Alij tradunt ad formam quadraginta quinque ad motionem sex & septuaginta, id exitum ducentos & decem requiri. Aliis ad speciem quinquaginta: ad primum salum, centum: ad perfectionem trecenti: Ad distinctionem quadraginta: ad transitionem octoginta, ad elapsum ducenti quadraginta.* Ex quo Hippocratis loco apparet, non ita exactè motus tempus definiri posse, motumque hunc nunc citius, nunc tardius fieri, non solum pro sexus diuersitate, sed & pro robore fœtus probabile est. Plerumque verò circa medium gestationis tempus motum hunc primum sentiri fœminis, etiam vulgo persuasum est. Et quod de formatione dictum, & hic obseruandum, motum scilicet alium esse obscuriorem, qualis forsitan etiam circa quadragesimum diem attentè obseruanti occurrit: manifestiorem alium, circa diem nonagesimum. Et si vera est illa regula, atque ordine inuerso à partu ad motum, & à motu ad formationem numeremus; motus erit die nonagesimo, formatio quadragesimo quinto; cum plerique partus nono mense fiant. Sed tempus partus quod attrahet, id etsi in reliquis animalibus vnum est: homini tamen multiplex datum, ut rectè scribit Aristoteles, 3. de histor. anim. cap. 4. Verùm tamen sunt certi termini, ultra quos partus non est vitalis: qui quales sint, videndum. Experientia enim constat, ante annum dimidium non vitalem esse fœtum: septimo mense verò iam vitalem fœtum edi: interdum ad vndecimum vsque mensem partum differri: Ut plurimum tamen circa noni mensis finem & decimi principium partum naturalem accidere, atque eum terminum partui humano maximè naturalem esse: cum quæ magna ex parte fiant, maximè secundum naturam esse, rectè pronunciet Aristot. 3. de part. anim. cap. 3. & 1. de gener. anim. cap. 19. Atque hinc omnes autores Authentici nouum & decimum mensem legitimum naturalis partus terminum constituunt. Cum enim nec formatio, nec motus fœtus in vtero in vnum diem præcisè semper incidat, sed aliquam latitudinem habeat, ut monet Hippocr. in lib. de aliment. & Aristot. 7. de hist. anim. cap. 3. atque à formatione ad motum, à motu ad partum cum Hippocrate soleat fieri numeratio: partus quoque terminus ita præcisè ad nonum mensem alligari non potest, sed in decimum mensem excurrere ut plurimum solet. Etenim cum temperamentorum & constitutionis corporum magna varietas sit: alij fœtus citius, alij tardius absoluuntur & perficiuntur; & perfecti alimentum aliud aciemque ad respirationes desiderant, vterûsque extensionem amplius non fert, atque onere

Tempus motus.

Partus tempus.

Menses quales secundum quos partus tempora numerantur,

grauatus pondere isto sese liberare conatur. Verum quales menses sint, secundum quos Medici partus tempora numerant, autores non consentiunt. Alij enim mensem Lunarem coniunctionis, spatium nimirum 29. dierum, horarum 12. & minorum 44. ferè; quod nimirum ab vna coniunctione Solis & Lunæ ad aliam intercedit: alij mensem Solarem, dierum scilicet 30. intelligendum existimant. Et Hippocrat. ipse varius esse videtur. Nam, *de septimestri partu*, sexaginta diebus vno dempto, ferè duos menses constare, & quinque menses dies 147 $\frac{1}{2}$ habere scribit, vbi vni mensei dies ferè 29. cum dimidio adscribuntur. Contra, *lib. de æt. æt. 30.* dies mensei adscribit, vbi partum nouem mensium & decem dierum quatuor decadas habere scribit id est, 280. dies: Τέσσαρες δεκάδες, inquit, ἐβδομάδων ἡμέραι εἰσὶν διηκόσιαι ὀγδοήκοντα. ἐς τὴν πλὴν δεκάδα πρὸς ἐβδομάδων ἐβδομήκοντα ἡμέραι. ἔχει δὲ καὶ τὸ ἐπὶ ἡμέρων ἡρόδοτος πρὸς δεκάδας ἐβδομάδων. Quatuor decadas hebdomadarum dies sunt ducenti octoginta: Hebdomadarum autem decuriam dies septuaginta constituunt. At septimo mense editus partus tres hebdomadarum decurias obtinet. Si enim septimestris partus tres habet decadas hebdomadarum, id est, 210. dies, & nouem menses ac decem dies constituunt 280. dies: mensis vnus erit 30. dierum. Et, *libro de septimestri partu* scribit: αἱ δύο ἡμέραι χεῖρον πέντε καὶ δεκάτη μείων τῶ μὲν, duo dies ferè decimam quintam mensis partem constituunt: tres verò dies decimam partem Ita, *lib. de alim. & 2. Epid. sect. 3.* triginta dies mensei attribuit. Atque ambigere quis posset, vtriusvis magis, in generatione sese exferat. Solis an Lunæ: cum Sol & homo generare hominem dicantur; Luna verò eo tempore, quo Sol semel, duodecies vel decies ter Zodiacum conficiat, rerumque motioni, & propterea etiam partui præfecta videatur, atque secundum Lunæ motum alias menses cieri soleant. Verum enim verò et si negandum non sit, Hippocratem, *de septim. partu*, lunares menses adhibere, vt monstrat septimestrem partum dimidium anni continere; cum vulgata opinio tum fuerit, dimidio anno nasci fœtum, vt ex eodem libro patet: tamen alias Hippocrates, vt vetustior, mensium rationem antiquis vsitaram secutus est, qui mensibus 30. dierum utebantur. Talibus enim Hebræos, Ægyptios, Athenienses, Romanos ex Numæ ordinatione, vsos esse passim ex autoribus patet. Et Hippocratem suum calculum per tricenarios instituisse, satis loca allegata docent. Sed quanquam hæc ita sese habeant: tamen cum vtrumque luminare ad rerum generationem non parum faciat, qui vtriusque menses obseruandos esse putant, non ita multum peccant; neque multum referre videtur, Solarem nē, an Lunarem mensem obserues; inprimis, si mensis Lunaris coniunctionis obseruetur, qui Solari non multò breuior est. Neque enim Naturæ effectus atque opera, et si sua definita tempora habeant, ita ad punctum aliquod alligata sunt, sed in latitudine quadam temporis perficiuntur. Ideoque et si solaris mensis mense coniunctionis ferè 12. horis sit longior: tamen paruum hoc est discrimen in operosa humani fœtus fabrica, quæ longiore tempore indiget. Ante annum dimidium fœtum vitalem non edi, experientia docet. Et si quandoque accidit, vt paulò ante septimum fœtus vitalis nascatur, id quod nonnulli se obseruasse referunt, id rarissimum est. Fitque id ea de causa, quod tum nondum perfectus est, tum viribus minus adhuc validus. Ideoque si vel ob alimenti indigentiam, vel alia de causa tum exitum sibi quærere cogatur, facile in exitu suffocari, vel compressione lædi potest, atque ad aërem externum ferendum, nouamque alimenti rationem nondum aptus est. Septimo autem mense, quia partium omnium perfectio iam absoluta est, vitalis est, seu, vt Hippocrates, *lib. de æt. æt. 30.* scribit: παρὶς τὸν ἐπὶ ἡμέρων γίνον ἥρμενον λόφον γέγονται, καὶ ἔτι: atque

inprimis, qui, vt Hippocrates definit, dierum est 210. id est, circa finem mensis septimi. Nam qui initio mensis septimi nascuntur, et si vitales sunt: tamen valde debiles sunt, & plurimi intereunt. Sicut & illi vitales non sunt, qui quidem omnia ea consecuti sunt, quæ etiam perfectissimi habent, in iis tamen quocunque modo aliquid imperfectionis obtinent, & eam, qua partes vltimam absolutiorem accipiunt, perfectionem, quam Aristoteles, *4. de gener. animal. cap. 4. & 6. τελειογονίαν* appellat, nondum adepti sunt. Cur autem nonnulli tanto temporis spatio consuetum partus terminum præueniant, causa proculdubio est in temperie seminis & sanguinis; vnde facultatis robur & debilitas dependet. Acceleratur verò interdum pariendi tempus propter robur facultatis formatricis, concurrente materia probè cocta, quæ actionem formatricis facultatis facile recipit, & formam, quam debet, induit. Licet verò septimestris ex materia proba & facultate robusta proueniat: tamen imbecillis est, quia formationem nimis festinus motus excipit. ὀκτάμηνον δὲ ἥρμενον ἐστὶν βίω πᾶποτε: octauo autem mense natus nullus vnquam viuit, vt ait Hippocrates, *lib. de æt. æt. 30.* Idque eam, quam Hippocrates, *lib. de octimestri partu*, reddit, ob causam, quod διασπᾶς ἐρῶς κακοπαθείας ἡγορεύας, duas continenter consequentes afflictiones ferre non possit. Cum enim septimo mense, ob conatum exeundi, debilitetur infans: sequentes partus labores mox ferre non potest; sed vt eos ferre possit, octauo mense intra vterum adhuc contineri, virēsque instaurari necesse est. Alij tamen etiam octimestrem partum aliquando vitalem nasci statuunt, eiusque rei exempla adducuntur à Schenckio, *lib. 4. obseruat.* Etenim si latitudo temperiei humanæ & diuersa corporum humanorum constitutio causa est, cur fœtus alij septimo, alij nono, alij decimo perficiuntur: vix aliqua causa dari potest necessaria, quæ impediat, quo minus saltem ex se & natura seminum in octauum mensem tempus perfectionis & partus aliquando non incidat. Vix etiam solida & firma causa reddi posse videtur, ob quam mense octauo perfecti & naturaliter editi vitales esse non possint; atque ex accidenti quasi illegitimi & abortiui fiant. Etenim illud, quod de motu septimo mense facto dicitur, an satis certum sit, inquirendum adhuc videtur, & dispiciendum, an omnis fœtus naturaliter septimo mense ad exitum moueatur. Et si enim septimo mense complementum primum & principium perfectionis accipiat fœtus: non omnes tamen τελειογονίαν eo mense accipiunt, vt propterea ad exitum moueri debeant; cum nonnulli hoc mense infissis meatibus prodeant, vt est apud Aristot. *7. de hist. anim. cap. 4.* sicut nec alimentum eis tum deest. Sed ij saltem fœtus naturaliter egressum septimo mense affectant, qui, vt Auicenna habet, *lib. 3. sen. 21. tr. 2. c. 1.* sunt fortis creationis & complexionis, quorum creatio velox fuit, & quorum motus festinauit, & quorum petitio ad exitum fuit velox. In reliquis nulla euident apparet ratio, cur fœtus tribus mensibus ante exitum, affectare debeat. Neque illud certum, quod grauidæ motum aliquem vehementiorem septimo mense magis, quam reliquis, percipiant. Et si infans ex motu illo ita debilitatur septimo mense, vt nec integro mense vires recolligere, & propterea octauo mense vitalis edi non possit: multò minus eo ipso mense vitalis edi poterit. Præterea nec illud experientia satis responderet, quod mulieres pleræque mense octauo peius habeant, quàm septimo vel nono. Atque ita ex natura fœtus & matris vix rationes aliquæ firmæ dari posse videntur, quæ probent, octimestrem partum vitalem esse non posse. An verò (si omnino, in quod tamen diligenter inquirendum, ita sese res habeat)

Ante dimidium annum partus non vitalis.

Septimo mense nati.

habeat) ex astris caussa dari possit, disquirere, longiorem, quam quæ huius loci est, operam requirit. Maxime autem pro legitimi habentur mense nono nati, & plerique vitales partus eo tempore eduntur, & maxime naturale ac frequentissimum tempus partus habetur à die decimo quinto noni ad diem decimum quintum decimi mensis. Verum quoniam vltiores partus sint termini, non ita expeditum est. Hippocrates, *lib. de nat. pueri*, inquit: ἐν δόκα μῆτι γίνεται, ταῦτα τὸ μακρότατον, in decem mensibus, quod longissimum est, nascitur fœtus. Libro verò de octimestri partu & decimestres & vndecimestres admittit. Idem facit Aristoteles, 7. de *hisor. animal. cap. 4.* & consentit ipsa experientia, vt videre est apud Schenckium, *lib. 4. obser.* Verum distinguenda sunt consueta Naturæ opera, atque ea, quæ raro accidunt. Itaque Hippocrates rectè, de *natura pueri*, longissimum terminum gestationis constituit mensem decimum, vt maxime familiarem & naturalem. Vix enim post decimum mensem fœtui iam grandiori & alimentum & locus sufficiunt. Etsi verò non solum vndecimestres, sed & aliorum mensium post vndecimum partus annotati à Medicis legantur: tamen illa inter ea, quæ rarissime eueniunt, numeranda. Partus nimirum legitimus fit, cum fœtui iam grandiori nec alimentum amplius satis copiosum suppeditatur, nec locus satis amplus est. Tum enim infans calcitrare, ruptisque membranis exitum sibi parare incipit, doloresque parturientes apprehendunt, atque vterus sarcinam istam deponere conatur, ac vi expultrice, qua præditus est, fœtum, exitum quærentem, excludit: quam rem etiam iuuat voluntarius parturientis conatus, qui fit contracto spiritu, & depresso diaphragmate, ac compressis abdominis musculis. Et quidem frequentissime, & maxime naturaliter, prodit Infans capite deorsum, manibus verò sursum versus ad fœmora directis. Nam quocunque alio situ ac modo infans edatur, partus periculosior redditur, Infans verò, qui prius, dum in vtero continebatur, alimentum per vasa vmbilicalia ex materno sanguine trahebat, mox vbi natus est, naturali instinctu ex matris vberibus lac sugere incipit. Et qui sanguis prius ad vterum ferebatur in matre, is edito in lucem fœtu ad mammas confluit, & ab iis vltiore coctione in lac conuertitur, vnde Hippocr. 1. *epid. sect. 3.* τὰ γάλακτα τῶν θηλαστικῶν ἀδελεῆα dixit. Videatur Hippocrates, de *Natura pueri*.

CAPVT XI.

De Facultate Vitali.

Non solum sensu & motu hominem ac reliqua animalia à plantis differre; sed præterea etiam peculiari facultate, quæ in corde residet, ac vitalis nomine ferè indigitatur: notissimum est. Verum non ita notum & manifestum est, quænam sint cordis vires, & ad quamnam animæ partem facultates cordis pertineant. Vt autem ab iis, quæ in confesso sunt, incipiamus, atque hinc ad dubia descendamus: in eo plerique consentiunt, vim *θυμοειδῆ*, seu irascibilem in corde residere; id quod probauit Galenus eo, quod in corde affectus animi euidentissimi apparent, & pulsus per eos euidentissime immutantur, 8. de *placit. Hippocr. & Plat. cap. 1.* Ex eodem fonte adhuc alias duas fluere facultates; nimirum spiritus vitalis, calorisque influentis & sanguinis calidissimi ac spirituosissimi generationem, & vim pulsatilem, etiam extra controuersiam est, atque ita meritò cordi tres facultates, *θυμοειδῆς*, spiritus & caloris vitalis generatrix, atque pulsifica attribuuntur. Verum, cuius generis hæc vitalis facultas sit, an ad naturalem, an verò ad animale pertineat, seu an mista sit ex vtraque, an distincta ab vtraque, de eo & inter Philosophos, & inter

Medicos pluribus disceptatur. Sunt, qui ad Nutrientem facultatem reducere vitalem conantur. Cum enim hæc facultas neque ad intelligentem, neque ad sentientem referri posse videatur: cum per modum coctionis & necessariò agat, quod illis non competit; & cum cognitione obiecti non operetur: præter has autem alia, quam vegetans, anima non detur: ad illam hanc facultatem reducendam, idque optimo iure, censent. Nam cum hominis, vt & reliquorum animalium, nutritio ad nobiliores, quam, quæ in plantis sunt, operationes quasi viam sternat, & ad maiorem perfectionem tendat: Nutritionem quoque perfectioris & nobilioris gradus esse debuisse, & actiones ad nutritionem pertinentes magis diuersas, atque accuratorem organorum efformationem, ipsiusque vegetantis animæ cum propriis eius operationibus eminentiam, quæ ex facultate vitali dependeat, necessariam fuisse censent. Verum etsi negari non possit, facultatem vitalem cum naturali magnam habere cognationem; cum spiritus vitalis & sanguinis arteriosi generatio merè naturalis facultatis opus sit, & per naturalem coctionem perficiatur: tamen si vim pulsatilem, & quæ affectus ciet, spectemus, simpliciter naturalis, atque omnino eiusdem cum vegetante speciei haberi non potest. Nam motus localis nobiliorem vitæ gradum constituit: naturalisque facultas ac nutritio sine tam insigni motu, qualis in pulsibus animaduertitur, suas operationes exercet. Est enim innumera cordis motus pulsusque tam in sanis, quam in ægris differentia; præcipuè in affectibus, & morboris quibusdam dispositionibus, in quibus tanto impetu cor interdum mouetur, vt costas suo loco dimouisse atque effregisse compertum sit. Præterea vegetabilis potentia semper agit vsque ad vltimum conatum, quantum potest. Verum vitalis facultas non semper agit, quantum potest, nec vires suas omnes, sed, pro vsus & operis ratione, nunc magis nunc minus exserit. Insuper facultas vegetans seu nutriens non præsupponit & necessariò coniunctam requirit sentientem & intelligentem: verum facultas *θυμοειδῆς* necessariò eas requirit, neque affectus cietur, nisi præcedente cognitione obiecti, atque hinc dependente appetitu. Alij contra ad facultatem animale referunt, & sentientis animæ facultatem esse hanc vitalem statuunt. Verum cum pulsus non in hominis arbitrio sit positus, vt motus, qui à facultate animali pender, in arbitrio agentis positus est, neque etiam in somno quiescat; præterea nullo instrumento, quæ actionibus animalibus dicata sunt, qualia sunt nerui, & spiritus animalis, proximè actiones vitales perficiantur: pro animali haberi non potest. Alij itaque, vt Eustachius Rudius, hos motus à duplici facultate motiua, animali scilicet & naturali simul mistis, procreari, & proinde tum animales, tum naturales nominari posse censent. Nam cum cor in animali caloris, & totius vitæ principium sit: putant, ea de caussa id non solum in medio corporis sedem obtinere, sed & in cunctis facultatibus & functionibus suis debere tum naturalem, tum animale virtutem æqualiter participare. Atque hinc porro statuunt, cordis pulsus provenire ab animali facultate: at irascibilem facultatem ad speciem animæ cognoscentis reduci debere; cum nunquam sine ea reperiatur: de quibus omnibus prolixè differit Eustach. Rud. *lib. 1. practic. cap. 53.* Quod verò iidem motus etiam aliqua ex parte naturales sint, inde probare conatur; quod, qui nos offendunt, naturaliter odio prosequimur, primique motus, secundum vulgatum dictum, non sunt in nostra potestate, deinde, quod cordis arteriarumque pulsus nullo pacto fiant ex voluntatis arbitrio, vt alij motus animales, sed ex caloris innati moderandi & iuuandi necessitate. Verum etsi negari non possit, vires cordis vtrique facultati esse affines; & quidem spiritus vitalis & fan

An sit naturalis.

An sit animalis.

An sit facultas ex naturali & animali mista.

cordis irascibilis.

caloris vi generantis & pulsificæ.

Facultates
non miscen-
tur.

Vitalis facul-
tas ab ani-
mali & na-
turali diuer-
sa est.

Qua ratio-
ne Animalis
dici possit.

sanguinis arteriosi generationem magnam cum naturali facultate cognationem habere; imò merè naturalem videri: contra pulsum & affectus animalibus actionibus cognatos videri: tamen pro potentia ex vegetabili & animali mista haberi vitalis facultas non potest. Neque enim facultatum mistio vel necessaria, vel possibilis est, & omnino ἀκατάλληλον videtur, potentias misceri, atque ex duabus vnam fieri. Licet verò dentur quædam actiones, quæ à facultate naturali fiant, concurrente etiam & adiuuante eam motu musculorum: tamen vtraque facultas suas partes distinctè agit, & per peculiaria organa quævis facultas suas actiones exercet; etsi vtriusque facultatis operatio in vnam communem actionem conspiret. Verùm in corde non alia sunt organa, quæ solum naturali, alia quæ animali facultati inserviant, sed vna facultas vno organo utitur. Itaque cum actiones, quæ à corde obeuntur, non solum ab actionibus, quæ à facultate naturali & animali eduntur, differant, sed & per peculiaria omnino & propria organa exerceantur; neque, ut reliquæ actiones, quæ à facultate sentiente proficiuntur, beneficio spirituum animalium, sed propriorum & peculiarium spirituum, qui inde vitales dicuntur, obeantur: existimamus, facultatem vitalem neque pro naturali, neque pro facultate ex animali & vegetabili mista, sed pro peculiari facultate, inter vegetabilem atque animale media, habendam. Si quis tamen animale hanc facultatem ideo appellare velit, quòd in vegetabilibus nunquam reperiatur, neque vnquam sit citra animalis potentiae consortium: cum eo non pugnandum censemus. Ita enim hac de re Ludov. Mercatus, de facultate vitali: *Credendum est, inquit, ab eadem forma, quæ ipsum animal constituit inesse animali, proficisci potentiam aliquam, cuius ministerium sit, calorem hunc, tantopere animantibus necessarium & expetitur, tueri, augere, & miro quodam artificio, quo minus pereat, præcauere, quod exsequitur perenni motu.* Rectè tamen hoc interpretandum est. Neque enim, si nusquam reperitur, nisi in animalibus, & fortasse inde animalis appellari potest, eadem est cum sentiente facultate. Nam per sensum nulla animalis species constituitur: sed sicut in homine est anima rationalis, per quam homo non solum à plantis, sed & omnibus animalibus discernitur: ita quælibet animalium species à peculiari anima constituitur, à qua variæ facultates fluunt: inter quas primò est facultas quædam specifica, qua quælibet animalis species ab omnibus aliis animalibus discernitur, bos à leone, asino & aliis, sicut homo per rationem ab omnibus differt: deindè sensus & motus: tertio facultas hæc vitalis: & demum vis vegetans. Neque sine causa hoc modo facultas vitalis diuersa à sentiente, & vegetante, & media inter eas statuitur. Nam, ut diximus, & sede, & instrumentis, quibus actiones suas obit, ab omnibus aliis facultatibus distinguitur, vitalisque meritò appellatur; quia huius facultatis, & caloris vitalis, à corde, tanquam fonte vitæ, profluentis beneficio, omnes reliquas potentias in actum dirigi, & contra, eiusdem vitio omnium potentiarum actus corrumpere, ipsa experientia notissimum est. Communisque hæc facultas omnium actionum: quæ in viventibus apparent, causa est, eiusque opera simpliciter ad vitam necessaria sunt; cum reliquarum facultatum & partium operationes non simpliciter, sed potiùs secundariò, aut ad melius perfectiùsque viuendum sint necessariae. Sed ut de Facultate vitali & viribus cordis in specie aliquid dicamus, primò à corde vitalis spiritus & caloris influentis generatio, pro caloris natiui continua quasi exsuscitatione, omniumque actionum, atque adeò ipsius vitæ conseruatione necessaria, perficitur. Verùm prior hæc facultas sine secunda suum officium exsequi non potest,

& ad vitalis spiritus generationem ac conseruationem pulsus est necessarius. Nam cum cor membrum sit calidum, spiritumque calidum gignat: citra ventilationem actionem suam exercere nequit. Itaque cordi data ea vis est ac cõpositio, ut perpetuò moueretur, pulsaretque & proprio ac peculiari motu aërem à pulmonibus per respirationem transmissum susciperet & attraheret. Non tamen hoc officium toti cordi, sed sinistro tantum eius ventriculo competit. Nam cum dexter ventriculus calorem ita feruidum non haberet: etiam ventilatione, & per consequens motu hoc non indiguit. Et quia cor vniuerso corpori calorem & spiritum per arterias distribuit: eadem de causa pulsus in omnibus corporis partibus necessarius est. Atque ita vnus est cordis & arteriarum vsus & finis, nimirum caloris natiui conseruatio, & spirituum vitalium generatio, ac per vniuersum corpus distributio. vnde & arteriæ in omnes corporis partes distributæ sunt, & ut cor dilatantur ac comprimuntur, attrahuntque per cutis spiracula externum aërem, & fuliginosa excrementa expellunt, spiritum quoque vitalem, calorem & sanguinem arteriosum ad omnes corporis partes deferunt. Hæc autem cordis arteriarumque functio Pulsus nominatur, motus nimirum cordis & arteriarum, systole & diastole constans, ut spiritus vitalis generetur, distribuatur, calorque natiuus in naturali συμμετρίᾳ seruetur. Per diastolen enim seu dilationem cor impletur, aëremque cum sanguine à dextro ventriculo, per venam arteriosam transmissum, ut Recentioribus non sine causa videtur, ex pulmonibus per arteriam venalem in sinistrum cordis ventriculum, ad spiritus & caloris vitalis generationem & refocillationem, attrahit: Per systolen verò per arteriam magnam spiritum vitalem & sanguinem arteriosum in totum corpus distribuit & transmittit, ac fuliginosa excrementa ad pulmones per arteriam venalem expellit. Eodem modo arteriæ diastole per orificia sua, quæ in cutem desinunt, ex ambiente aëre aliquid attrahunt, ad calorem ventilandum, vnde homo refocillatur; id quod præcipuè in magnis æstibus animaduerti potest, in quibus, auras frigidiores captantes, recreamur, & magnum inde commodum, recreatis spiritibus, percipimus: qua verò ad cor finiuntur, trahunt ex ipso sanguinem calidissimum & tenuissimum spiritu vitali plenum; quatenus autem ἀναστροφῶν habent cum venis, trahunt ex iis id, quod in sanguine est maxime spirituosum, ac subtile, pro pabulo caloris: per systolen verò iis vndique contractis, præsertim qua finiuntur ad cutem exteriorem, fuliginosa excrementa expelluntur; quæ actio διαπνοή, & ἀδνηθ διαπνοή, quod per occulta cutis spiracula fiat, Latinis transpiratio, appellatur, & respirationi respondet. Ut enim se habet διαπνοή ad arterias: ita se habet ἀναπνοή seu respirationis respectu cordis. Itaque cum de facultate vitali & cordis motu agitur, etiam Respirationis faciendæ mentio. Vtraque enim actio, Pulsus & Respirationis, vnum finem habent, & solius cordis gratiā instituuntur. Siquidem pulmo quasi cordis flabellum & ventilabrum est, & præcipuum respirationis organum cordi aërem & sanguinem, tanquam pabulum & spiritui vitali generando idoneam & necessariam materiam, subministrat. Sanguis enim, quem à dextro ventriculo per venam arteriosam accipit, cum aëre, qui inspirando attrahitur, inspirationis & expirationis continua vicissitudine commiscetur & in pulmone elaboratur atque à corde per diastolen attrahitur. Nam licet per se solus pulmo hunc motum non absoluat, sed etiam thoracis motus necessarius sit: tamen quia totus motus hic in eum finem dirigitur, ut aër attrahatur, atque à pulmone fiat hæc eius attractio: meritò pulmo præcipuum respirationis organum statuitur: cui etiam peculiaris vis, eodem modo

Pulsus.

Respiratio.

Pulmo peculiarem vim mouendi habet.

Vitalis spiritus generatio.

modo ut cordi, à facultate animali diuersa, indita est. Neque enim istud, quod aliqui putant, credendum, respirationem esse actionem verè voluntariam, saltèmq; ad motum thoracis moueri pulmones; sed propria vi eos moueri, statuendum est. Licet enim thorax; non moueatur aut quiescat, quin pulmo quoque moueatur aut quiescat: tamen neutrum alteri principium motus est, sed ideo saltè simul fiunt, quia in vnum finem conspirant & destinati sunt. Quàm primùm enim pulmo attrahendi aëris necessitatem percipit, mox vis eius naturalis attractrix excitatur, & aërem attrahere conatur. Ut verò id commodè præstare possit, & locum inueniat, in quo dilatetur, facultas animalis simul, cum pulmo mouetur, thoracem mouet & attollit; postea, depresso pulmone, iterum thoracem comprimit. Neque solùm simul fiunt, sed & proportionem quandam inter se seruant. Distenditur enim pulmo, ut aëre repleatur: verùm tantum aëris attrahitur, & tantum dilatatur pulmo, quantum thorax distenditur, & quantum thorax dilatatus spatij relinquit. Et contra thorax plus vel minùs dilatatur, prout plus vel minus aëris attrahendum est. Sed non fit eius dilatatio, quia thorax extenditur; verùm sua virtute pulmo dilatatur, & impletur tantum, quantum par est, ut vacuum eueretur. Vnde videmus in viuorum animalium anatomia, non solùm pectore vulnerato, omnino motum pulmonum durare: sed per vulnus etiam extra thoracem lobos pulmonum extendi; & quidem suo motu ita moueri. Neque enim hoc admitti facile potest, quod statuit Ludouic. Mercat. *rom. 1. lib. 1. part. 4. class. 4. quæst. 120.* dilatari pulmonem, quia impleatur, & ex repletionem prodire distensionem. Nam si dilataretur ob repletionem, sicut vesica, quæ inflatur: aliunde aërem in pulmonem immitteri, & quasi inflari necessum esset; sed repletur, quia dilatatur suapte natura, ad modum folliis scilicet. Id quod non solum in viuorum sectione apparet, vbi aperto & vulnerato thorace, neque ratione vacui, & ad motum thoracis solùm, pulmo mouetur; neque ipse thorax sua dilatatione aërem, qui consequenter pulmones impleat & dilatat, attrahere potest; utpote qui vulneratus & apertus sit, & ratione vacui aërem attrahere non possit: verum & ex eo colligi potest, quod in quibusdam cerebri affectibus, in quibus motus thoracis aboletur, respiratio nihilominus superest, eaque sæpius tam leuis, ut vix per plumam ori admotam possit deprehendi. Ut autem pulsus duobus motibus constet, systole & diastole: ita etiam respiratio gemino motu perficitur, & quasi duas partes habet; Inspirationem scilicet, & expirationem. Inspiratione aër, dilatato pulmone & thorace, per os & nares attrahitur; Expiratione verò, compresso thorace & pulmone, aër calidior & fuliginosa excrementa itidem per os & nares excluduntur, simulque hac motus vicissitudine aër attractus & sanguis in pulmone miscentur. Porro cum tam ad pulsum, quàm Respirationem tria requirantur; primò ad pulsum vis motrix in corde, & arteriis; ad respirationem, vis mouens pulmones & concurrens facultas animalis; deinde instrumenta, pulsus, cor & arteriæ; respirationis, pulmo, thorax, aspera arteria; terciò vsus & necessitas, quæ facultatem ad agendum incitant: hæc verò variè affici, & variis modis sese habere possint: hinc multæ oriuntur pulsuum & respirationis differentiæ, de quibus suo loco dicetur. De facultate verò *θυμοειδῇ*, quam in corde residere vel ex eo patet, quod cor ea maximè impellitur atque agitur, & à qua ira, gaudium, tristitia, metus & similes affectus oriuntur, multa addere supersedemus; cum Ethici potius, quàm Medici sit istos, gubernare.

CAPVT XII.

De Sensibus Externis.

Quæ restant animæ facultates, eas paulò aliter Medici, aliter Philosophi diuidere solent. Philosophi enim cum è distinctis vitæ modis, qui in plantis, animalibus brutis, & homine apparent animæ species ac facultates veniunt: sentientem à rationali distinguunt; cum hæc sine illa reperiatur. Medici verò, cum saltè in homine actionum, quas integras conseruare, & lasas restituere satagunt, numerum & differentiam inuestigant, atque animaduertant, animam rationalem in agendo organis corporeis non vti, nullumque proprium organum habere, sed ibi esse, vbi imaginatio est, & proinde eius actiones non lædi, nisi ratione obiecti, & ob phantasiam errata: rationalem etiam facultatem sub animali comprehendunt; atque animalem in sentientem, mouentem & principes facultates distinguunt: & sub sentiente solùm sensus externos; sub principibus, sensus internos, & vim rationalem complectuntur. Verùm cum in numero admodum non varient, & res ad easdem differentias redeat: illas hoc ordine recensebimus: primò de sensibus externis; hinc de internis, & facultate rationali; tandem de appetitu, & facultate motrice, dicemus. Et ut de sensibus externis primo loco dicamus. Externi sensus sunt, qui, sine præcurrente alia facultate, externa obiecta sensibilia percipiunt & indicant. Ut autem fiat sensio, quatuor hæc necessariò concurrere debent. Primò, Anima sentiens: secundò, Organum: terciò, Obiectum: quartò, Medium inter organum & obiectum sensibile interueniens. Primò enim etsi sensio toti composito ex anima & corpore, puta animali, tribuatur animalque, ut quod, sentire dicatur: sensio tamen animam sentientem habet pro effectore primario, corpusque ratione animæ sentit, animaque dicitur sentiens, ut quo. Ipsa enim est *ἡ ψυχὴ αἰσθητικὴ*, per quam corpus animatum sensibile extra se positum percipit, *διὰ τὴν αἰσθητικὴν* actu tale reddit. Quapropter corpus mortuum neque anima sentiente præditum, ampliùs non sentit. Efficiens verò secundarium sensationis instrumenta sunt, quæ etiam necessariò ad sensationem requiruntur. Quamuis enim anima secundum suam essentiam in toto corpore præsens sit, tamen nusquàm sensus alicuius auctor est, nisi vbi habet organum. Et licet eadem animæ essentia, quæ est in oculo & aure, sit etiam in pede: tamen quia in pede neque videndi, neque audiendi est instrumentum: in pede nec videt, nec audit. Instrumenta verò sensuum, ut verbis Scal. *exerc. 197. f. 3.* vtamur, duo sunt, spiritus propiore natura, atque affini magis ipsi potestati: & membra, propiora, & similia ipsi sensibili. Sunt enim spiritus adeò tenues, ut penè pro immaterialibus habeantur. Ii recipiunt impressas species. Instrumenta verò sunt spirituum vehicula. Etsi verè organa sensuum ex multis constant partibus: tamen vna præ reliquis in singulis sensationis præcipuum instrumentum est, estque in singulis sensuum organis pars quædam similis, in qua exprimitur cuiusque obiecti forma. Atque ea propterea similitudinem quandam habet cum proprio suo obiecto, ut secundum eius naturam alterari eiusque formam suscipere possit. Id quod etiam Aristoteles, 2. de part. anim. cap. 1. his verbis docuit: *ἡ αἰσθητικὴ συνεργεῖται πᾶσιν ἐν τοῖς ὁμοιομερέσι, διὰ τὸ τῶν αἰσθητικῶν ὁποιανοῦν ἑνὸς τίνος ἔχει φύσιν, καὶ τὸ αἰσθητικὸν ἑκάστου δεκτικὸν ἔστι τῶν αἰσθητικῶν*, id est, *sensui omnibus contingit per similes, scilicet propterea, quod cuius sensus unius generis certi est, singulaque sensoria partes singulorum sensibilium generum capaces habentur.* Obiectum autem illud est, quod sensu percipitur; τὸ αἰσθητικὸν Græcis; Qualitates sensibiles scilicet. Quamuis

Sensus externi.

Necessaria ad sensum.

Anima.

Organum.

Obiectum.

uis enim obiecta sensuum dicantur esse singularia & substantiæ corporeæ: substantiæ tamen non sentiuntur, quatenus sunt substantiæ, sed quatenus sunt qualitatibus sensibilibus præditæ, & rationem formalem obiecti sensibilis in se continent. Cum autem omnis actio per contactum fiat, obiectumque sensibile sæpe longo intervallo ab organo sensus distet; quaeritur; quo medio obiectum sensum afficiat. In hoc omnes saniores Philosophi conveniunt; Qualitatem aliquam ab obiecto emitti ad sensum. Sunt autem qualitates duplices, aliæ reales seu materiales, aliæ spirituales seu intentionales; spiritualesque nihil aliud sunt, quam simulacra & imagines obiectorum sensibilium, ab his emanantes, puriores, tenues, & à materiæ concretionem liberæ, quas dari ipsa experientia docet. Nam tempore æstivæ, sub arbore cubantium vestes viridi colore à foliis arborum pingi videmus; & iuxta vitrum, vino rubro plenum, linteum positum rubro etiam colore tingitur, aliaque exempla affert Scalig. *exerc. 80. sect. 8. & exerc. 298. sect. 3.* Et in genere artificialia specula hoc docent, quæ imagines visibiles etiam dissitarum rerum recipiunt. Idem etiam in aliis sensibus patet. Est autem hoc omnibus sensibus commune, ut non ipsas res, sed solum rerum simulacra atque imagines, seu species sensibiles recipiant; neque sensibilia suas formas, sed solum formæ imaginem sensui communicant. Dividit autem Aristoteles, *lib. 2. de anim. cap. 6.* sensibilia vere & per se ita dicta in *ἴδια καὶ κοινὰ* seu propria & communia: & propria vocat quæ non nisi vno sensu percipiuntur; à visu scilicet lucida & colorata; ab auditu, sonus; à gustu sapores; ab olfactu odores; à tactu qualitates tactiles: communia ea appellat, quæ pluribus sensibus percipiuntur, qualia sunt figura, magnitudo, numerus, motus, quies. Medium etiam ad omnem sensum necessarium esse persuasus præcipue iis, quæ circa visionem fiunt, putat Aristoteles, *dum 2. de anim. cap. 11. text. 114.* scribit: *αἰσθητὰ πάντων διὰ τὸ μέσον*; & *2. de anim. cap. 9. t. 89. τὸ ἐπ' αὐτῷ τιθέμενον τὸ αἰσθητὸν ἀνασθητὸν ἐστὶ*: κοινὸν πάντων. Verum etiam si hoc de visu verissimum sit, & de auditu etiam atque olfactu probabiliter explicari possit: tamen de gustu & tactu res difficultatis plena est, ex qua Auenrois, in *commentario* se extricare conatus est, verum vix satis potuit; cum necesse habeat fateri, Tactilia sensorio suo imposita sentiri. Atque hæc omnia, quæ hætenus enarrata sunt, si sensio fieri debet, concurrant necesse est; & quidem rectè disposita quorum vnum si absit, vel non rectè dispositum sit, sensio vel cessat, vel vitatur. In quo autem sentiendi ratio consistat, authores in diuersas abierunt sententias, nec levis est controuersia: An sensio sit mera passio, nihilque aliud, quam speciei rei sensibilis receptio; An verò, præter speciei receptionem, etiam alia fiat ab anima actio. Aliorum sententias omnes, quæ ab alijs prolixè exponuntur & refutantur, referre super sedemus, eamque solum offerimus, quæ verior nobis videtur, & talis est. Species sensibilis, seu obiectum speciem sensibilem emittens, non est agens vel actiuum sensationis principium; sentire enim est opus animæ, & quidem immanens, nec rei externæ, & quidem accidenti, tribuenda est: sed ut obiectum proximū rem sensibilem sensui repræsentat & offert. Nec sensatio est tantum receptio: quod, præter alia, etiam ex eo liquet, quod sapissime, dum species sensibilis in organo recipitur, nulla tamen sit sensio; ea de causa, quia anima, alijs rebus intenta, species sensibiles non cognoscit; sed sensio etiam est quedam actio. Sentiendi enim animæ actio, quæ nobilior & præstantior est, quam passio, deneganda non est; cum animæ vegetanti & accidentibus ea compe- rat. Non tamen duo sensus constituendi sunt, vnus agens, alter patiens, realiter distincti: sed eadem ani-

ma & agere & pati dicitur, diuerso respectu. Anima enim quatenus iudicat & agnoscit, eatenus agere dicitur: quatenus verò species in organo recipitur, eatenus anima quoque ipsa, quæ in organo est, illudque informat, pati dicitur. Quapropter recipere speciem sensibilem est organi; receptam iudicare, animæ: quia tamen vim recipiendi species anima organo tribuit, ipsaque est ratio recipiendi: etiam passio ipsi adscribitur. Itaque ut sensus fiat, & speciei sensibilis in organo receptio requiritur, & in cerebro dignotio, seu, ut Galenus, *lib. 7. de plac. 8.* scribit, *ἡ αἰσθησις τῶν αἰσθητῶν γίνεται δι' ἀλλοιώσεως τε καὶ διαλύσεως*. Nimirum propria cuiusque sensus obiecta agunt in sensorium proprium, & quidem secundum naturam suam, eique sui speciem imprimunt: Quæ in sensorio alteratio τῇ ἰγερμονικῇ in cerebro consistenti communicatur, quæ eam agnoscit & diiudicat. Sed ut ad sensus externos in specie accedamus, quinque, omnium ferè Philosophorum consensu, sensus externi statuuntur. Experientia enim constat, nec plura esse sensuum organa; nec in homine, qui perfectissimum animal est, nec in alijs plures reperiri: totidemque & animalium utilitati sufficiunt, & intellectum ad substantiarum cognitionem introducere possunt. Plura de sensuum sufficientia à fine efficiente, subiecta materia, obiecto desumpta petantur ex Scaligero, *exerc. 297. f. 2. 3. 4.* A visu verò faciamus initium. Est autem Visus sensus exterior, oculi beneficio rerum visibilium species recipiens & cognoscens. Organum videndi adæquatum est Oculus: qui species visibiles recipit. Etsi enim olim de modo visionis aliter quidam senserint; tamen ab Aristotele, eiusque Interpretibus ita sunt castigati, ut non tam sint reprehendendi illi, ut I. C. Scalig. *exerc. 298. sect. 16.* ait, quàm corrigendi ii, qui post diuini viri iudicium nugæ illas sequuntur. Quæ de causa etiam illam disputationem hic planè omittimus. Hoc verò Medici maximè interest, scire, quem qualibet in oculo pars vsum habeat, & quomodo fiat imaginum in oculo receptio. Nisi enim hoc cognitum perspectumque habeat: exactè omnium symptomatum, quæ circa visum accidunt causas inuestigare non potest. Ideoque etsi & alios pleræque partes visus generales habeant; tamen de iis solum agemus, qui proximè visum respiciunt. Primò autem occurrit oculi tunica cornea. Hæc facta est perspicua, ut speciebus visibilibus transitus pateat. Eadem est ἄχροα & omnis coloris expers, ut imagines puræ, & nullo colore alieno infectæ, in oculum permeare, & rem visibilem rectè repræsentare possint. Eadem adepta est figuram rotundam, & etiam, quæ maiora se sunt, videre oculus possit. Si enim, ut est in *perspect. comm. lib. 1. prop. 29.* oculus non esset rotundus, quantitati rei capiendæ non congrueret. Eadem quoque cornea aëre est densior, ut imagines per aërem progressæ ex medio tenuiore in crassius pertinentes refringerentur. Hoc enim in genere obseruandum, cum visio refractè fiat; refractionem autem fiat ob diaphani varietatem: oculi partes præcipuas, & quæ proximè visui inseruiunt, officium suum præstare, quatenus perspicuæ sunt, & ut diaphanæ secundum tenuitatem & crassitiem differunt. Etsi verò nihil oculum intrare possit, nisi per foramen tunicæ vueæ; vueæ verò foramen longè minus sit, quàm latitudo corneæ: tamen non frustra corneæ latitudo foramen vueæ excedit: sed maiorem hanc latitudinem propter visionem indistinctam accepit, ut scilicet plura vno intuitu videre possemus; etsi non omnia distinctè videamus. Inter corneam tunicam & crystallinum humorem medium locum obtinet humor aqueus, & ipse diaphanus, ac omnis coloris expers, cornea verò rarior. Diaphanus est & coloris expers ea de causa, qua cornea. Rarior factus est corneæ, ut noua hîc fieret radiorum refractionem.

Species
sensibiles.Sensus exte-
ni quinque

Visus.

Organum
videndi.
Modus
visionis.

Medium.

Cornea
tunica.An sensio sit
tantum passio;
an verò etiam
actio.Humor
aqueus.An datur
sensus agens
& patiens.

Vena tunica.

Post

Post aqueum humorem consideranda est vuea tunica. In hac primò perpendenda est eius nigredo, qualis ea de causa facta, & corporibus illis clavis circumdata videtur, vt visibilia in oculo fierent illustriora. Lucēs enim debiles, vt est apud Alhazen. *lib. 1. pr. p. 33.* in locis obscuris magis apparent; in luminosis latent. Galenus, *lib. 10. de usu part. c. 3.* alium inter reliquos vsum ei adscribit, vt scilicet visui affecto medicamentorum esset spectaculum. Cum enim offēdatur visus, si continuò rem lucidam adspiciat, si omni remedio fuerit destitutus: ne hoc accideret, & neque crystallini splendor in oculo, neque vitrei dissiparetur; tunica cheroide naturam prouidisse, dum multis partibus illam tum nigram tum fuscā effecit. Addi & hoc posset; cum ad imagines in oculum immittendas vnice destinatum sit foramen vueæ, & per nullam aliam partem luci aditus patere debeat: commodius hoc fieri non potuisset, quàm nigra hac tunica interiecta: cum ipsa experientia testetur, nihil rectius lumini aditum intercipere, quàm quæ nigra sunt. Vt verò tunica hæc, quæ respicit crystallinum, nigra est: ita, quæ respicit corneam, diuersicolor est, & quidem in aliis aliis coloris: qui an vsus alicuius, quod probabilius, gratia; an verò ob ornatum & decorem saltem dari sint, non ita facile definiri potest. In vuea est foramen pupillæ, quod quasi ianua & fenestra est specierum visibilium. Hoc foramen & cum cornea, & cum humore crystallino collatum longè angustius est, ob certiorē & distinctiorem visionem factum. In aliis tamen est amplius, in aliis angustius. Et qui illud habent angustius, acutius vident: qui amplius, debilius. Cum enim, vt est in *perspectiu. comment. lib. 1. prop. 38.* rei visibilis comprehensio fiat per pyramidem radiosam; Certificatio verò comprehensionis fiat per eius axem super visibile transportatum; & sola illa perpendicularis, quæ axis dicitur, quæque non refringitur, rem efficaciter repræsentet; alij verò radij quantò sunt ei propinquiore, tantò sint potentiores & fortiores in repræsentando: facile hinc colligi potest, quòd vbi latius est vueæ foramen, plures radij obliqui & refracti cum perpendiculari ingrediuntur; vbi verò angustius, tantum perpendicularis, aut ij vnà solum, qui axi sunt propinquiore, & minimam habent refractionem, ingrediuntur. Ideoque nisi hoc foramen angustum esset, pleraque solum & indistinctè, & confusè; nihil ferè autem distinctè videremus, nec visibilium differentias exactè apprehendere possemus. In hoc pupillæ foramine hoc inprimis obseruandum est, quòd dilatari & contrahi potest. Causam dilatationis vulgò attribuunt spiritui; alteroque oculo clauso alterius pupillam dilatari existimant, quòd totus spiritus ad oculum apertum confluat: Verum alia causa quærenda est; cum vtroque oculo aperto nihilominus pupillam & contrahi & dilatari videamus. Si quis enim in oculos alicuius apertos, Solisque lumini obiectos, intueatur: videbit, pupillam adeò coarctari, & ita angustam reddi, vt vix acus cuspidem admittere videatur: si verò idem oculus in loco obscuro postea inspiciatur, adeo dilatata pupilla animaduertitur, vt ferè lentem capere possit: sicut hæc annotauit Ioh. Bapt. Porta, *lib. 3. de refract. cap. 6.* Cum quo consentit Hieron. Fabricius ab Aquapendente, qui, in *libro de vision. part. 3. cap. 6.* testatur; cum oculos ægri fortè in loco non admodum claro videret, sæpenumero id sibi imposuisse; cum patientem pupillæ dilatatione laborare opinaretur. Imò quemlibet experientia & vsus docere potest, foramen hoc in magna luce angustius reddi, in minore dilatari. Atque hanc vim sese coarctandi & dilalandi vueæ non frustra Creator indidit. Nam cum lux nec nimia, nec debilis & obscura, visui sit apta; sed nimia visum lædat, in obscuro verò minus rectè

videatur: in ipso oculi aditu quasi hæc ianua posita est, ex cuius contractione immoderatum lumen excludi; dilatatione verò necessarium admitti, & imaginibus per latiorē fenestram aditus liberior concedi potest: seu cuius beneficio nimia lucis parum, debilioris verò multum in oculum admittitur: ita vt nec vehementior lux lædere; cum copia minor eius recipiatur: neque debilior non mouere possit; cum maior eius copia intus recepta sit. Quod nisi factum fuisset, angustioribus terminis conclusa visio fuisset: at hoc modo omne lucis genus in oculum admitti potest: lucis scilicet nimia parum, contractione pupillæ; debilis verò plus, eiusdem dilatatione. Quomodo autem & per quod contrahatur vuea docet, Iac. Schegkius, in *libello de spir. animal.* Musculi medij in radice oculi, circumdantis neruum opticum contractione censet ampliari vueæ foramen: relaxatione autem id ipsum fieri contractius & angustius; siquidem tunica terminari in extremo seu radice oculi videantur. Humorem postea crystallinum quod attinet, nec de eius officio satis constat. Plerique crystallinum visionis præcipuum organum esse statuunt; idque hoc modo probat Hier. Fabricius ab Aquapendente. Cum sensus non solum sit alteratio, sed & receptio seu alterationis dignotio: patet, ad partem, quæ præcipuum visionis organum esse debet, neruum pertingere oportere. Etsi verò & ad vitreum, & ad aqueum & crystallinum neruus pertingat: tamen hoc officium soli crystallino tribuit hæc de causa: quòd in oculo à re visibili nihil afficiatur, præter neruum opticum; id quod ex suffusionibus intelligere est, quas qui patiuntur, à luce etiam valida non afficiuntur, quòd ad neruum, propter effusionis obstructionem, lux non perueniat. Neruum autem non pati, nisi quatenus diaphanus est: cum nihil à luce & speciebus visibilibus patiatur, nisi quod diaphanum est. Non verò nisi in crystallino est diaphanus neruus, vbi retina tunica corpulenta & opaca in araneam diaphanam migrat. Itaque nullibi neruum pati & affici à speciebus visibilibus, quàm in crystallino & sic in crystallino tantum tum receptionem, tum dignotionem fieri. Vitreo verò visionem adscribi non posse existimat; quia neruus, qui ipsam obuoluit (retina tunica puta, in quam neruus hoc loci abit) opacus est, non diaphanus. Alij verò visionem in crystallino fieri non admittunt: sed cum vitreus & ipse perspicuus factus sit, sine omni colore, crystallinoque rarior, & sedem post crystallinum habeat, eamque quantitatem obtineat, quæ ad hanc refractionem respectu magnitudinis & densitatis crystallini necessaria est: in eo radios, vbi crystallinum transferunt, refractos in vnum punctum colligi, & retiformi tunicæ, seu neruo visorio offerri, & ab eo recipi, existimant. Quicquid autem hinc statuatur, hoc certum est, refractionem ad visum esse maximè necessariam, atque hinc crystallinum duobus humoribus circumdatum, vitreo & aqueo; non nutritionis gratia, vt vulgò creditur; cum longè alia facilior nutritionis via inueniri potuisset: sed vt per varia media crebrò refracta species visibilis, tandem stabilita, certa quadam commensuratione, visui offerretur. Vt enim visio per refractionem fit: ita refractiones fiunt ob diaphani varietatem. Itaque omnes oculi partes, quatenus ad visum proximè conferunt, id faciunt, quatenus sunt perspicuæ, & diuersam perspicuitatem obtinent. Etsi verò tam varia atque admirabilis in oculis fiat refractione, vt eam exactè inuestigare vix possibile sit; & in tantilla parte corporis tantum artificium Rerum Creator exhibuerit, vt sit, in quo se humana exerceat sapientia & curiositas: tamen vtilitatem & modum huius refractionis aliquo modo perspicilla monstrant, quæ visibilia & clariora & maiora faciunt, ea

Humor crystallinus.

Refractione ad visum maximè necessaria.

Conformatio-
nis crystallini
ratio.

de causa, quod species visibiles primò ab aëre, ut diaphano tenuiore, transeunt perspicilla, ut diaphanum crassius, & inde rursus per aërem, atque hinc iterum per corneam densiorem, & per corneam rursus in aqueum tenuiorem, atque hinc iterum in crystallinum densiorem. Ob hæc igitur crystallinus primò perspicuus est, & omni colore, instar crystalli, unde & nomen accipit, caret. Densior est humore aqueo, ut noua in eo fiat refraction. Situs eius ob refractiones radiorum peculiariter planè à Creatore commensuratus est. Respectu laterum quidem, & si linea per pupillam ad principium nervi optici ducatur, in medio situs est: non tamen in ipso centro oculi, sed versus anteriora, & pupillam oculi positus est, ut vberior fieret visio. Nam si in centro oculi hæreret, maior pars eorum, quæ nunc videntur, non videretur. Sphæricus est, sed anteriore parte, qua spectat vream, depressus, tum aliis de causis, tum ob eam præcipuè, ut Galenus, 10. de usu part. cap. ult. docet, ut maiore sui parte cum obiectis communicaret. Quare & distinctæ & indistinctæ visioni inseruit: distinctæ sua rotunditate; ob quam in vnum punctum, seu ad perpendicularum lineæ radiantes commeant & vniuntur: indistinctæ verò quatenus aliquantum depressior est; ob quod lineæ multæ ad latera perueniunt: ut ita maxima sui parte cum obiectis communicet. Post crystallinum est humor vitreus, de cuius usu etiam alij aliter sentiunt. Galenus, lib. 10. de usu part. c. 1. scribit: *Humori crystallino, qui albus est, clarus & splendidus, nutriri quidem ex ipso sanguine non conueniebat, ut qui multum qualitatibus ab eo dissideret: sed alimentum quoddam familiarius postulabat. Itaque obigit ei, comparatumque fuit à natura alimentum accommodatum, humor vitreus, qui quanto crassior est sanguine, atque albus magis: tanto à crystallino humore albedine relinquitur. Hic enim albus est planissimè, & mediocriter durus: Vitreus verò humidus est, instar vitri cuiusdam igne liquefacti. Albus autem tantum, quantum si intellexeris, exiguum nigrum multo albo per totum esse admixtum, albedinisque perfectionem esse adulteratam.* Verum in his Galeni verbis, ut, quod res est, dicamus, non pauca à veritate aliena sunt. Ipsum hoc, quod asserit, humorem vitreum esse alimenti loco humori crystallino, falsum est; ut & rationes, quibus ad hoc probandum vitur. Nam si nutritionis gratia tantum factus est humor vitreus, longè aliam faciliorem & compendiosiore nutriendi humoris crystallini rationem inire potuisset Creator, neque tanta mole vitrei humoris, qui quadruplo vel etiam sextuplò maior est crystallino, neque ista eius pulcherrima constitutione opus fuisset: neque simile quid in toto corpore in vllâ parte alenda animaduertitur, sed omnes suum alimentum è venis sensim attrahunt. Ratio verò illa, quâ dicitur, humorem crystallinum, quia albus, clarus, & splendidus est, sanguine nutriri non posse, non magni ponderis est. Nam ut substantia sanguinis mutatur in substantiam partis nutriendæ: ita colores quoque mutantur. Videmusque partes alias albas in corpore sanguine nutriri, nervos puta, ossa, cerebrum, ipsam corneam tunicam: neque ipsarum claritati & pelluciditati hoc modo aliquid incommodi affertur. Deinde etiam non est albus propriè humor vitreus, multò minus aliquam nigredinem admixtam habet: sed, ut ex *αὐτοφύκ* patet, est planè pellucidus, omnisque coloris expers, ut humor crystallinus. Hoc igitur usu reiecto, quis verus sit vitrei humoris usus, ampliùs disquirendum. Qui præcipuum visionis organum humorem crystallinum esse statuunt, ea de causa vitreum humorem factum esse docent, ne imagines, vbi crystallinum transeunt, à colore corporis opaci infectæ visui iterum offerrentur. Nam nisi hic humor perspicuus hac parte crystallino fuisset adiunctus: necessarium fuisset, corpus opacum post eum locare. Quod

Vitreus humor.
Vitrei usus secundum Galenum.

Verus vitrei humoris usus.

si factum fuisset, lumen & imago ad illud peruenissent, & ab eo reflexa, ac ab eius colore infecta iterum crystallino oblata, visui non paruum impedimentum attulissent, & colores illos internos oculo repræsentassent, ut docet Zabarella, lib. 2. de visu c. 5. Hier. Fabricius ab Aquapendente, de visione part. 3. c. 10. Alij verò, qui in nervo visorio visionem fieri existimant, vitrei hunc usum esse statuunt, ut in eo radij, vbi crystallinum transeunt, refracti, in vnum punctum coeant, ut imago visui repræsentetur. Atque hac de causa factum esse perspicuum, sine omni colore, crystallino rariorem, & locum post crystallinum accepisse, eamque quantitatem obtinere, quæ ad hanc refractionem, respectu magnitudinis & densitatis, crystallino necessaria est. Ita enim imagines visibiles, seu radios è crystallino in vitreum egressos, cuius medium est rarius crystallini medio, refringi eo modo, quo solent radij è densiori medio in rarius incidentes refringi, nimirum versus axem, & tandem in vnum punctum planè coire, in quo imago visibilis visui repræsentetur. In nervis opticis præcipuè illa coniunctio attendenda est, per quam, postquam ab exortu suo aliquo usque progressi sunt, vniuntur, & simpliciter in vnum coeunt tantummodo, ac simul atque vnitæ sunt, iterum separantur, & dexter in dextrum, sinister in sinistrum oculum tendit, ut anatome docet; qua etiam obseruatum, aliquando separatos, & nullibi vnitos repertos fuisse. De huius vnionis causa atque vtilitate alij aliter sentiunt. Verior autem huius vnionis hic usus statuitur, ut scilicet vis videndi per communionem istam in vno fortius vigere, & spiritus visorius in vnum oculum, vbi opus, totus ferè mitti possit. Qui usus magni momenti est; cum interdum vno oculo clauso, altero saltem rem acutiùs intueri volumus. Et præcipuè magna hæc esset vtilitas, si vera est Io. Bapt. Porta sententia. Is enim, lib. 6. de refract. c. 1. vno inprimis oculo tantum nos semper videre existimat, atque eam de re ita docet. *Vnica videndi vis est, etsi duo sint oculi, quæ utrique in paruo temporis momento, vbi necesse est præsto est, tam facile, ut nosmetipsi, quomodo id fiat, minimè sentiamus, & famularia instrumenta tam citam eiusmodi virtuti obedientiam præstant, ut ferè prius exsequantur, quam imperatum sit: seu (ut clariùs & commodius res hac verbis exprimat) virtus videndi utrique oculo insita est, sed tamen sine spiritibus visoriis officium suum exsequi non potest. Hi igitur, prout eorum usus in dextro vel sinistro oculo necessarius est, in momento temporis præsto sunt, & virtuti visus famulantur. Etsi igitur duos oculos homo habeat; dextro tamen præcipue vitur, si quid à dextris, sinistro, si ea, quæ à sinistris, visurus est: atque ita una vice unico inprimis oculo videt, etsi utrumque apertum habeat.* Hæc autem ita sese habere hoc modo probare conatur. Inter vtrumque oculum intercedat aliqua tabula vel paries: tum animaduertetur, vno tantum oculo res obiectas videri. Obiciatur enim liber dextro oculo, qui eo rectè videbitur: sin autem & sinistro oculo quis librum obiciat, non solum non legere illum poterit, dum in dextro legit, sed neque paginas videre nisi sinistro oculo videat solum, & videndi virtutem, sed potius spiritum visorium, à dextro oculo subtrahat, muteturque sinistro. Deinde vitur hoc argumento: si quis baculum ante se ita collocauerit, ut rimæ alicuius parietis rectè obiciatur: si sinistrum oculum clauserit, baculus non videbitur ab opposita rima dimotus; quia vnusquisque dextro oculo cernit, ut dextra manu præcipue vitur: at si dextrum oculum clauserit, illico baculus ad dextram partem accedere videtur. Terriò inquit: Natura duos oculos fecit, ut altero à dextra, altero à sinistra parte occurrentibus iniuriis caueremus: quod præcipue in aibus apparet, quarum oculi à lateribus sunt positi, & alter alteri oppositus est, & proinde in videndo non vtroque simul, sed

Nervi optici

Vnionis
eorum op-
rum cau-

Io. Bapt. Porta
sententia
oculo tan-
tum nos sem-
per videre.

sed

sed saltem alterutro, prout opus est, utuntur: quod etiam in aliis animalibus fieri credibile est. Verum hæc optice accuratius perpendenda relinquimus; præcipue cum rationes quædam, quas adducit Ioh. Bapt. Porta, dubitationem aliquam pari videantur. Tandem, ut alia prætereamus, & muscoli oculis dati sunt, ob commodiorem visionem. Nam cum visio fiat per directum: si oculi essent immutabiles, saltem id, quod directe oppositum est, & ita paucissima, viderent. Ut itaque omnia & totum hemisphærium videri possit, id motus beneficio, quo sese omni visibili opponere possunt, oculis obtrigit, per quem non solum omnia luce illustrata, sed & distinctè videre possunt. Atque ut spatium adhuc latius extenderetur, oculi duo facti sunt, iique insigni satis intervallo distantes. Cum autem omnes motuum differentie oculis attribui non potuerint, qui ab oculis haberi non possunt, motus à capitis motu compensantur. Post visum considerandus est Auditus, qui est sensus externus Auris beneficio sonum percipiens. Obiectum enim Auditus sonus est. Medium, quod sonum excipit, τὸ δῆμιχες: Aër nimirum & aqua. Organum adæquatum aures sunt. Aurisque in homine quasi porta mentis sunt, per quam menti communicantur, quæ doctrina & institutione de Deo & aliis rebus necessariis traduntur, & quæ nullo alio sensu addisci possunt. Inter partes autem Auris primò occurrit Auris externa, eo præcipue fine condita, ut si quid soni aures præterlapsurum erat, id ad hanc partem prominentem allapsum in auditorium meatum repellere-
tur. Hinc bruta videmus naturæ instinctu ad sonos vocisque excipiendas aures mouere & arrigere, & homines quoque, ut exactius audiant, cauam manum iis apponere. Facta est verò anfractuosa & tortuosa, ut soni & distinctè exciperentur, & intenderentur, & introrsum deferrentur. Soni enim exactissime recipiuntur in concavis, duris & excavatis corporibus. Atque hic usus ex eo fit manifestior, quod quibus aures abscissæ sunt, non exactè audiunt, sed instar fluctuantis aquæ sonos percipiunt. Ab aure externa aër sono alteratus primò ad meatum auditorium pervenit, qui osseus est, oblongus, rotundus, & cute inuestitur tenui, densa, dura & perpolita, ac ossi valdè adhaerescere, ut sonus in eo densetur, colligatur, & acuatur. Oblique autem ad myringam accedit, ut sonus vehemens in eo frangatur, ne membrana ab eo lædatur. In fine huius meatus membrana est, quam alij tympanum, alij myringam nominant, quæ interstitium quasi est inter aërem externum & internum, eaque de causa facta, ne aër externus ingressus interno misceretur eumque moveret, & organum auditus labefactaret. Cum enim aër externus sit sæpe crassus, impurus: etiam aërem internum eodem modo afficeret, ipsiusque naturalem illam tenuitatem & puritatem turbaret. Factum autem est hoc interstitium non osseum, ut soni admitterentur: neque tamen etiam carneum & molle, quod ad sonum transmittendum foret ineptum; sed membrana densissima, tenuissima siccissimaque: ut ob densitatem aërem externum rectè ab interno discluderet; ob tenuitatem sonum transmitteret: ob siccitatem verò sonos optime exciperet. Siccissima enim rectissime sonos recipere, & maxime resonare instrumenta musica docent. Reliquarum partium usus obscurior est. In secunda auris cavitate tria illa officula reperiuntur, quæ malleum, incudem & stapedem nominant. Cum enim solida & dura corpora ad soni delationem & communicationem sint aptissima: Creator & hæc tria officula dura, solida & polita fecit, ut per ea sonus aëri implantato communicaretur. Atque ea de causa etiam nuda facta sunt. Nam si alio corpore molliore obducta essent, ad soni receptionem & delationem non ita apta essent. Et propterea in omni ætate perfecta

Dan. Sennerti Tom. I.

sunt, quod in omni ætate auditus necessarius est. Ex iis malleus sua extremitate centro & medio applicatur membranæ; eodem ferè modo, sicut pediculus in umbilico veneris folio adhæret: ut, cum aër per auditorium meatum ingressus, & instar turbinis conglomeratus est, atque ibi unitus quasi impingit & terminatur, per mallei interuentum sonus aëri implantato communicetur. Præcipue autem, ut reliqua, de quorum usu coniecturæ potius apud auctores, quam certi & firmi aliquid legitur, omittamus, perpendendus est aër implantatus, quem vocant. Et si enim omnes partes ad auditum sint necessariae: tamen vulgata est opinio, aërem quendam implantatum esse præcipuum audiendi organum. Quod iam olim Plato docuit, & post eum sensisse videtur Galenus, 7. de decret. Hippocr. & Plat. cap. 5. vbi auditum aëreum esse dicit. Quemadmodum enim ad species visibiles recipiendas lux interna requiritur, quæ ob cognationem facile externam recipiat: ita etiam in aure esse aërem, seu aëream substantiam ex purissima & aërea seminis & sanguinis materni parte genitam, quæ sonos intro delatos recipiat. Quo autem loco hic aër implantatus sit situs, non ita planum est. Hier. Capiuaccius in nervo expanso collocat Archang. Piccolomineus in extremo eo antro, seu in extremo eo ductu, qui exsculptus in lapidosi ossibus, cui auris assistit, inesse scribit, lect. 5. Et paulò post docet, staphæ quasi pusillam vesiculam adhærere, in qua conclusum sit aëreum audiendi instrumentum. Hier. Fabricius ab Aquapendente, de audit. p. 1. c. 8. omnes aures cavernas, alias vacuas, ab eiusmodi aëre implantato repleti existimat. Et credibile, ac veritati contentaneum videtur, esse aëream quandam auri innatam substantiam, quæ cum externo aëre cognationem habeat, eumque recipiat: sed præcipuum, & quod facultatem iudicandi sonum habeat, instrumentum aërem esse, negat Hercules Saxonia, ut & Andr. Laurentius, & alij, qui aërem hunc implantatum saltem pro medio interno, ad sonos & voces suscipiendas & transmittendas ad verum organum auditus, habent. Ipse verò instrumentum auditus, quod suscipiat & iudicet, auditorij meatus finem, vbi dilatatur, & simul etiam cum eo nervum sensorium esse docet. Statuisse hoc quoque videtur Galenus, qui, 1. de caus. sympt. cap. 3. primum auditus instrumentum esse scribit τὸ ἐν δὲ πῆρας, hoc est, internum finem, siue extremitatem porij auditorij, vbi extremitas illa dilatata nervi auditorij portionem excipit. Aër enim ille innatus & implantatus sonum, ab externo aëre per tortuosos aurium anfractus communicatum, recipit, qui deinde ad nervum auditorium deferretur; qui quamvis, ut alij nervi, communis cerebri soboles est, ad sonos tamen speciatim percipiendos contrahitur, & determinatur in aure. Sed quo loco sit situs, & qualem figuram, globosamne, ut autumat Piccolomineus, vel aliam habeat, non facile determinari potest. Non enim, ut humor crystallinus & vitreus, post mortem reliquus manet, & conspici potest, sed evanescit. Ita non minus explicare difficile est, quem in sonis percipiendis quælibet pars in auribus usum præbeat; cum pleraque non nisi fracta conspiciantur, atque integra sub adspæctum non veniant; atque ea, quæ in partium oculorum usu inuestigando habemus, hic nobis desint adminicula. In oculo enim etiam in cadavere, quam quælibet tunica, & quilibet humor, substantiam, magnitudinem, figuram, colorem habeat, aspicere licet; & præterea in modi visionis cognitionem ex usu speculorum, perspicillorum, vitrorum, pilarum crystallinarum, & similium pervenire possumus: quibus omnibus in modo audiendi inuestigando destituimur. Sed, ut paucis, quid verum hic sit, dicamus, certum est, primum instrumentum auditus non esse, nisi partem corporis viventem; cum omnes actio-

Aër implantatus.

Sedes aëris implantati.

Usus aëris implantati.

Instrumentum auditus præcipuum.

Olfactus.

Obiectum
odoratus.Odores non
sunt substan-
tia.Olfactus tan-
tum speciem
percipit.An species
odoris semper
vaporis vehi-
culo indigeat.

nes partium viuentium opera perficiantur : atque ideo aër simplex instrumentum auditus præcipuum & proximum non esse. *Ἀερώδης* tamen esse proximum auditus instrumentum, sicut oculus lucidus est, omnino credibile est. Auditui succedit Olfactus, qui medius quasi est inter sensus. Visus enim & Auditus distantissima etiam percipit : Gustus & Tactus non nisi proxima, & sensorio admota : Olfactus verò medio modo sese habet. Est autem Olfactus sensus externus, odores, nasi, seu processuum mamillarum in eo, beneficio percipiens. Obiectum odoratus color est. Nec est, qui id neget : sed qua ratione id intelligendū sit, non ita manifestum est. Heraclitus, teste Arist. *de sens. & sensil. c. 5.* atque antiqui Philosophi plures, Galenus, *de instrum. olfact. c. 2.* & ex Medicorum familia plurimi, in ea sunt sententia, non solum odoratum à specie aliqua spiritali affici, sed quandam substantiam corpoream : aëream, tenuem, seu *καπνώδη ἀναθυμίασιν* à rebus odoratis effluere, atque ab odoratu percipi. Peripatetici contrà sentiunt, nudam odoris speciem à re odorata planè spiritaliter, vt imaginem à re visibili emissam, ad organum olfactus deferri, & ab eo percipi. Nobis verior videtur posterior sententia, modò rectè explicetur : aliquid veri tamen etiam priorem includere, negandum non est ; quamuis aliqua in parte à vero aberrat. Nam primò hoc omnino admittendum est, odores non esse substantias, nec quicquam corporeum. Sensus enim substantias non percipiunt, sed tantum earum accidentia. Deinde illud quoque demonstratum est : Nullum sensum per qualitatem realem seu materiale, sed tantum eius speciem, seu qualitatem spiritalem & intentionalem, vt vocant, affici. Quapropter etiam in odore idem admittendum, odoratumque nihil corporei, neque etiam realè qualitatem, sed eius speciem percipere, statuendum est. Postea nec hoc negandum, aliquid è rebus odoratis effluere & exhalare, & per aërem deferri. Nam ex quotidiana experientia discimus, exhalationes odoratas variis modis cerebrum afficere, ipsiusque temperiem sæpissime alterare, illudque nunc mulcere & temperare, nunc *καρψαγίας*, vt est apud Hippocr. *5. aph. 18.* gignere. Imò hoc non solum fit in cerebro, sed sæpe ab exhalationibus odoratis nares, oculos & faciem quasi rodi, & dolorem in iis conciliari percipimus. Præterea videmus, res odoratas plurimas paulatim imminui & tabescere. Et ablata re odorata, manet odor sæpe satis longo tempore in aëre ; quod fieri per species solum non potest, quæ non manent in absentia obiecti. Quæ omnia docent, sæpe à rebus odoratis exhalationem aliquam corpoream, quæ vim calefaciendi, frigefaciendi, aliâque præstandi, (quæ nudis speciebus & imaginibus competere non possunt) obtinet, effluere. Itaque hoc quidem cōcedimus, à multis rebus odoratum quendam vaporem exhalare, & vapores odoratos corporeos à rebus odorabilibus emanare : sed tamen ad odoratum spirituale speciem omnino requiri & præsupponi asseueramus. An autè vtrumque sit necessarium, & an odoris species, quæ propriè ab odoratu percipitur, semper cum aliquo subiecto corporeo, vel vapore sit coniuncta, & sine ea ad organum olfactus deferri non possit, adhuc dubiū est, & in eo cardo disputationis vertitur. Nos illud perpetuò necessarium esse negamus, statuimusque, illam *καπνώδη ἀναθυμίασιν*, quæ è re odorata exhalat, non semper vsque ad nares peruenire ; imò interdum nihil tale à corpore odorato egredi, & olfactum fieri qualitatibus spiritalibus, & speciebus odorum à re odorata ad organum olfactus peruenientibus. Si enim *καπνώδης* illa *ἀναθυμίασις* semper cum odore, vt eius vehiculū, coniuncta esse deberet, pisces in aqua odores non perciperent, nec iis allekti escam quærerent. Cū enim odoris natura in sicco à calore elaborato consistat, & exhalationū ea sit natura, vt sursum ascen-

dant, quomodo exhalationes illæ ad fundum aquæ peruenient ? aut, si eò peruenierint, quomodo siccitatem, & suæ naturæ integritatem in aqua retinebunt ; cum aliàs res odorata humectata odorem amittant ? Deinde, quomodo è rebus odoratis tantum & tam diuturnum potest fieri effluuium, quod ad spatia amplissima explenda sufficiat ? Non certè, si res odorata, quæ sæpe minimæ sunt, totæ in vapores resolverentur, tam vasta spatia explere possent. Imò videmus, res multas diutissimè odores emittere, nihil tamen imminui, nihilque tabescere. Organum verò odoratus quod attinet, etsi in eo omnes consentiūt, Nares odoratus instrumentum esse : tamen, quænam pars in ipsis præcipuum olfactus organum sit, inter Medicos & Peripateticos controuersia est : Peripatetici enim plerique proprium organum odoratus statuunt esse nervos in naribus dilatatos. Galenus quandoque simpliciter odoratum in anterioribus cerebri ventriculis fieri statuit, *8. de usu part. c. 6. de olfact. instr. c. 4. & 3. de loc. affect. c. 10.* Aliquando tamen non simpliciter ventriculis cerebri anterioribus olfaciendi facultatem tribuit, sed eorum extremitatibus, quibus parte posteriore angustiores facti deorsū & in anteriora reflectuntur, tandemque in binos processus albicantes desinunt, qui ad ossa colatoria pertingūt, vt ex *lib. 3. de loc. affect. c. 1. l. 7. de placit. c. 5. & 1. de caus. sympt. c. 4.* videre est. Hinc plerique Medici alij à cerebro, propè oculorum cavitatem, ad perforata narium ossa, deriuari duos canales, quorum extremitates mamillis non videntur ab-similes (vnde etiam processus mamillares appellantur) atque in iis, vt proprio instrumento, odores percipi asserunt. Quæ sententia veritati magis contentanea est, eamque plerique & præstantiores Medici sequuntur. Cerebrum enim nullius exterioris sensus organum proprium est, sed commune, spiritum nimirum organis sensuum exteriorum suppeditans. Nares verò quod attinet, verum quidem est, per eas tantum odores percipi, solasque has à natura vias datas esse, per quas odores ad olfactus instrumentum deferantur : non tamen in iis fit odorum perceptio, sed in processibus illis mamillaribus, qui ante cerebri ventriculos, tanquam odorū exploratores, collocati sunt. Nam si naribus solis, nervisque in iis dilatatis, absque processibus mamillaribus, tribuenda est facultas odores percipiendi, quid obstabit, quò minus, naribus saluis, semper odores percipiamus ? Testatur tamen experientia, obstructis illis processibus vt in coryza fieri solet, odoratum lædi aut tolli, etsi in naribus nihil sit vitij. Deinde si in naribus fieret olfactus, etiam sine respiratione odores perciperemus : cū tamen quotidie experiamur, etiam rerum fragantissimarum, naribus admotarum, odores non, nisi attracto aëre, percipi : quod ideo fit, quia illi processus mamillares intra cranium collocati sunt, ita vt odor ad eos non, nisi per aëris attractionem, deferri possit. Medium, per quod odores percipiuntur, est Aër, & Aqua. De aëre dubium nullum est. In aqua tamen etiam odores à piscibus percipi, illud argumento est, quod pisces odoribus escarum alliciuntur, quod pluribus exemplis probat Aristot. *de hist. an. l. 4. c. 8.* Gustus est sensus exterior, linguæ opera saporis percipiens. Hunc etsi quidam cum tactu confundunt, eiusque speciem saltē statuunt : omnino tamen errant, & peculiaris sensus gustus agnoscendus est. Nam quamuis Tactus interdum generaliter sumatur, pro potētia sensitiva, quæ obiectum remotum non sentit, sed saltem organo admotū, possitque hoc modo etiam gustus tactus nomine indigitari, & hac ratione Aristoteli quidam tactus dicatur : cū non res remotas, vt visus colores distantes, sed saltem saporis linguæ admotos percipiat : tamen ea significatio minus propria est, & quæstio est, an Gustus sit idem sensus cum potentia, quæ qualitates tangibiles percipit : quod

Organum
factus.Medi-
factus.

Gustus.

us à ra-
ffert.

um Gu-

ctus
numero
fir.ada-
est
m.

quod negatur. Nam & obiecto, & organo differunt. Obiectum enim tactus sunt qualitates, tangibiles dictæ; gustus verò, sapor: saluòque tactu, gustus potest in lingua aboleri. Quapropter organis omnino differunt, & quamuis in lingua est tactus: tamen non ubique est tactus, ibi etiam gustus est: sed solum in lingua, cuius caro rara, mollis & spongiosa, cui similis in toto corpore alia non est, proprium gustus instrumentum est. Obiectum gustus sapor est. De cuius natura, origine, & differentiis agere, non huius loci est. Medium externum ad gustum non requiritur, sed si rei sapor percipi debet, linguæ applicanda est. Medium tamen internum est pellicula spongiosa seu porosa, linguæ obducta, & salivalis humiditas. Huic enim sapor primò communicatur, cuius postea species per poros linguæ ad eiusdem carnem defertur, atque ibi ab anima sentiēte percipitur. Vt enim color obiectum visus est, & tamen sine lumine videri non potest: ita sapor obiectum gustus est, qui etiam non gustatur sine humido, quod est veluti actus medij. Vltimus sensus exterior, isque maximè cōmunis, Tactus est, qui qualitates tactiles percipit. De hoc nō leues quædam controuersie agitari solent. Primòque solet illud quæri: An tactus sit vnus numero sensus; seu, an sit vna numero potentia tangendi, sicut vna est videndi, vna audiendi, vna odorandi, vna gustadi; An verò plures. Mouet hanc quæstionem Aristoteles, 2. de anim. cap. 11. dubitandique hanc rationem affert: Vnus sensus est vnus primæ contrarietatis: Vnusque sensus vnum habet obiectum proprium, ad quod omnia, quæ percipit, referri possunt. At tactus non videtur vnum commune habere obiectum; sed plura. Percipit enim, vt est, 2. de gen. & cor. a. 2. t. 8. calidum, frigidum; siccum, humidum; graue, leue; durum, molle, viscosum, aridum; scabrum, glabrum; crassum, tenue: quæ ad aliquod commune genus, eandemque rationem, secundum quam à tactu percipiuntur, reduci non possunt. Hac ratione plurimi persuasi plures tactus statuerunt; alij duos, vnum ad frigidum & calidum, alterum ad humidum & siccum percipiendum: alij tres, duos iam dictos, quibus etiam durum & molle, asperum & leue attribuunt; & tertium ad graue & leue percipiendum. Alij tot tactus esse statuunt, quot sunt διαφοραι καὶ ἐναντιότητες καὶ πλεονάζοντες, id est, differentiæ & contrarietates tangibilium. Alij adhuc alios Tactus plures addiderunt, ad sentiendum dolorem, voluptatem, delectationem, venerem, famem, sitim. Nonnulli contrà vnicum Tactum statuendum esse putant, qui etsi diuersa obiecta habeat, omnia tamen ea sub communi aliqua ratione apprehendat: eodem modo, vt visus album, nigrum, rubrum, flauum, viride, sub communi coloris ratione percipit. Etsi verò sit difficile hanc litem componere, doctissimique viri senserint, nihil hinc certi statui posse: tamen plurimis videtur probabilius, vnam esse tangendi potentiam. Licet enim tactum immutatio quædam materialis præcedat in organo; eaque secundum diuersitatem obiectorum diuersa esse possit: tamen ab hac non æstimatur vnitas tactus, sed ex spiritali solum alteratione; cum omni sensui proprium sit, rerum formas atque imagines sine materia suscipere. Atque illa spiritalis alteratio, quæ vnus modi est in omnibus obiectorum tangibilium cōtrarietatibus, vnum sensum facit. Aliàs in aliis sensibus non minor reperitur diuersitas. Neque ob dolores & voluptatem plures tactus constituere opus est; cum dolor & voluptas non sentiantur tactu, sed obiecta earum passionum. Organum verò quod attinet, illud, vt reliquorū sensuum, inuenire nō ita facile est, & non solum antiquorum, sed & recentiorum hac de re maximè sunt controuersie. Alij enim carnem, alij cutem, alij neruum, alij aliud quid illud esse statuunt. Sed quid de omnibus hisce sententiis statuendum sit, ex his, quæ dicemus,

facile patebit. Cum singuli sensus sua peculiaria organa habeant, sensuumque operationes sine illis organis expediri non possint; & contra organa sensuum rectè disposita à suis obiectis affici apta nata sint; & quod à sensibili aliquo afficitur, meritò pro sensus eius organo habeatur: rectè etiam de Tactu colligi existimamus; In omnibus mēbris, quæ sentiunt (tactiles qualitates puta) organum tactus esse; & eam partem, quæ in quocunque corporis loco à qualitatibus tactibilibus afficitur, organum tactus esse. Atque cum in nulla parte sit sensus, nisi adsit membrana; & contra ubique sunt mēbranae, ibi sit Tactus sensus: mēbranas verum, proximum, & adæquatū organum Tactus esse; & omnes partes, quæ sentiūt, membranarū beneficio sentire, porro concludimus. Nonnulli quidē istā sententiā refringere conantur; sed frustra. Nam quod obiciunt, etiam carni per se sensū inesse, id falsū est. Neque enim caro per se sentit, sed quatenus fibras neruosas seu membranosas habet, quæ per totam musculi longitudinem progrediuntur. Caro verò viscerum & glandularum, quæ ita dicitur, quia tales fibras non habet, etiam non sentit. Quanquam etiam Galen. 7. de plac. c. 6. scribit, quod ἀπαντι μορίῳ νεύρων μεταλαμβάνοντι δύνατον αἰσθάνεσθαι, quod omnis pars, quæ neruorum particeps est, sentire possit: tamen id saltem verum est, quatenus nerui & ipsi membranosi sunt, & fibras suas partibus communicant. Aliàs verò nerui, si quatenus nerui considerentur, non sunt propriè instrumentum tactus, sed canales animali spiritui in corpus reliquum è cerebro vehendo dicati; quæ ratione non magis tactui; quàm reliquis sensibus inseruiunt. Quod verò sentiunt, habent hoc à membranis, quod manifestè in vulneribus neruorum, præcipuè magnorum, animaduerti potest, quorū medulla sine omni dolore tangi & extrahi potest; membrana verò si tangatur, exquisitissimi dolores excirantur. Quod & in aliis partibus omnibus accidit, cerebro, ossibus & aliis, quibus, membranā demptā, omnis sensus adimitur, qui antea etiam acutissimus erat. Quo ipso facile evertitur Hier. Montalti opinio, qui lib. 1. de homine sano, c. 25. scribit: proprium & adæquatum organum tactus esse neruum; principalem autem & propriam particulam functionis authorem esse propriam medullarem substantiam. Quantum verò ad cutem: verum est, eam toti corpori circumdaram esse, vt instrumentum tactus sit, atque externa obiecta & iniurias vndecunque ingruentes percipiat; & rectè Galenum, 1. de temp. 9. dixisse existimamus, cutem, maximè quæ est in manu, omnium sensibilibus normam esse, & tactus instrumentum prudentissimo animali proprium, quæ, vt communi instrumento; ad res tangendas & apprehendendas, omnium qualitarum tangibilium differentiæ rectius, quàm vlla alia corporis parte, dignoscuntur. Verum tamen vnicum & adæquatum organum tactus non est: sed cum & aliis partibus ad iniurias percipiendas tactus sensu opus sit, latius longè diffusus is est, & ea de causa membranæ per totum corpus dispersæ sunt, sensusque tactus per eas inest etiam partibus internis atque iis plurimis acutissimus. Ex cutis ipsa, quod sentit, hoc obtinet, quatenus membranosa est; seu vt alij volunt, neruosa, id est, villos & fibras, ac membranas neruorum participat, & vt Gal. 9. de vsu part. c. 15. docet, propagines & fibras tenues, raras, ægrè conspicuas, instar aranearum cuiusdam filorum, ex omnibus subiectis partibus recipit. Quamuis verò reliquæ membranæ interiores tangibilium differentias non exactè discernant: tamen ex organis tactus excludendæ non sunt. Cum enim non sint in propatulo positæ, atque iis omnes tangibilium differentiæ non offerantur: non opus quoque fuit, ita esse constitutas, vt omnes illas differentias discernere, sed satis fuit, si iuuantia & lædencia, seu noxia à commodis dignoscere

Nerui non
sunt propriè
instrumentum
Tactus.Cutis est in-
strumentum
Tactus præci-
puum, sed non
adæquatum.

cere possent: in quo sensum habere exactissimum & exquisitissimum, imò nonnullam etiam discernendi illa obiecta tangibilia & molesta differentiam, ex doloribus & eorum differentiis satis patet. Et si hac de causa essent reiiciendæ aliæ membranae: neque etiam cutis in omnibus corporis partibus pro organo tactus habenda esset; cum non ubiuis in toto corpore æqualem vim sentiendi habeat. Ex quo tandem colligi potest: præcipuum quidem organum tactus esse cutem, & illam præcipuè, quæ est in vola manus, ut organo communi rerum omnium apprehensioni dicato: adæquatum verò, membranas, quarum beneficio & aliæ, præter cutem, partes sensum tactus obtinent.

CAPUT XIII.

De Sensibus interioribus.

Post explicatos sensus externos iam ad internos accedimus, qui circa sensibilia, per externos sensus oblata, versantur. Hæc enim inter sensus externos & internos præcipua est differentia, quod externi ab obiecto externo immediatè afficiuntur; unde & externi dicuntur, interni verò non ab ipso externo sensibili immediatè, sed per sensus externos mouentur: unde etiam interni appellantur. De numero autem sensuum interiorum tantum est controuersia, ut ex ea difficilimum sit se expedire. Nos communem opinionem, quæ inter cæteras ferè probabilior est, retinemus, & tres sensus interiores, ex diuersitate munerum & operationum, quæ ab iis administrantur, agnoscimus: sensum communem, Phantasiam seu Imaginatiuam, & Memoriam. Communis sensus omnino ponendus est. Cum enim animalia cognoscant differentias inter variorum, sensuum obiecta propria: sensus autem externi hoc præstare non possint; cum quilibet tantum suum obiectum proprium agnoscat: omnino aliquis sensus internus statuendus est, qui omnium sensuum exteriorum obiecta apprehendat (unde etiam communis sensus appellatur) & à se inuicem discernat, & colorem à sono, sonum ab odore, odorem à sapore, saporem à calore, calidum à nigro, &c. differre cognoscat. Præcipua enim officia sensus communis sunt: omnium exteriorum sensuum obiecta, mediis sensibus exterioribus, percipere; differentiam inter diuersorum sensuum obiecta cognoscere; priuationem & absentiam obiectorum, ut tenebrarum, silentij, &c. diiudicare; mouere phantasiam, eique species sensibiles offerre. Est itaque hic sensus quasi interstitium exteriorum & interiorum sensuum, speciesque ab externis recipit, & reliquis internis communicat. Unde non ineptè centro circuli comparatur, in quo quinque lineæ concurrant. Præter sensum communem addenda est Phantasia. Cum enim in animalibus perfectis non solum sit necessarium, apprehendere res præsentis, sed etiam illud, quod iam amplius præsens non est, diligentius perpendere, ut ad illud vel quærendum vel fugiendum incitari possit: inter sensus internos etiam Phantasia numeranda est, quæ species sensibiles, à sensu communi perceptas, aut à se formatas, diutius retineat, diligentiusque examinet. Etsi enim Phantasiam omnino ab externo sensu primò moueri necesse sit: tamen postquam obiectum semel percepit, ipsiusque imaginem memoriæ credidit: postea etiam, absente obiecto externo, quotiescunque libet, illam imaginem repetere & imaginari potest. Omnino autem Phantasia primum ab externo obiecto moueri debet, nihilque possumus imaginari, quod non prius sensu externo perceperimus. Et quamuis aureum montem, & Chimæram imaginemur, quæ nunquam tota vidimus: tamen secundum partem ea perceperimus. Et nisi aurum & montem conspexis-

semus, aureum montem imaginari non possemus. Si nisi leonem, capram, draconem, vidissemus, Chimæram imaginari impossibile esset. Denique inter sensus interiores referenda est Memoria. Quia enim Phantasia sine cognitione recipere species non potest; plura autem simul agnoscere non possunt: ideo opus est facultate, quæ ipsa non cognoscat, cognitioni tamen inferuiat, id est, quæ plures species sensibiles à Phantasia cognitæ, simul recipiat & referuet, atque eidem eas, cum opus est, rursus suggerat & exhibeat. Ipsa etiam experientia testatur, in morbis sensuum interiorum vnum sine altero posse amitti & destrui, vel deprauari: Et in febribus sæpe accidit, ut ægrotantes, salua memoria, tibicines, aut alia adesse existiment, festucas & floccos, qui nulli adsunt, legant; cuiusmodi exempla passim apud Medicos obuia sunt: quod argumento est, Phantasiam distinctam esse à memoria facultatem, Qua ratione autem actus Memorandi fiat, obscurissimum est. Vulgò statuunt, *αἰσθητὰ* in cerebro seu organo memoriæ imprimere simulachra quædam, perinde ut in cera figura sigilli imprimitur, quæ etiam amoto sigillo manet: unde aiunt, quibus cerebrum ficius & durius est, iis difficiliorem fieri apprehensionem, retentionem pertinaciorē; quibus est humidius & mollius, eos faciliè recipere, retentione uti minus fideli ac diuturnâ. Sed forsitan consultius est, nostram ignorantiam fateri, quàm talia statuere: præcipuè si illa perpendas, quæ Scaliger, *exerc. 307. sect. 28.* contra hanc opinionem affert. Si enim hoc modo sit memoria, cum penè sit infinita, quibus spatiis continebuntur tot imagines? quibus sedibus ita dispositæ atque ordinatæ, ut & vnamquamque separatim & cunctas confertim, & singulas ordinatim promere, statuere, dirigere possimus? Memoriæ autem seu facultatis memorandi duo sunt actus: vnus, qui facultatis nomine appellatur Memoria; alter Reminiscencia. Memoria definitur rei antea cognitæ (Memoria enim tantum præteritorum est) ut cognita est, iterata apprehensio; seu eius, quod antea perceptum erat sensibus, ut perceptum erat, repetitio. Verbi gratia, si interrogatus, quale Regis Galliæ sit nomen, promptè illud, ut aliquando nominare audiui, recitare scio. Reminisci verò est, ex vnus vel plurium rerum, in memoria asseruatarum notitia, in alterius, quæ non promptè occurrit, recordationem regredi. Itaque plura requiruntur ad Reminiscenciam, quam ad memoriam: & Memoria brutis etiam communis est; Reminiscencia non item. Ad memoriam enim satis est, ut rem eodem modo, quo eam percepimus, rursus apprehendamus: ad reminiscenciam verò requiritur, ut antea res exciderit, nec directè eius recordemur. Deinde ut aliam rem memoriâ comprehensam habeamus, & eius ductu in ignoti notitiam rursus veniamus. Instrumentum sensuum interiorum, & harum principum actionum Cerebrum esse, & Medici statuunt, & Philosophi negare non possunt. Etsi enim Philosophi nonnulli talia etiam Cordi attribuunt, ac Cor naturalium, vitalium & animalium facultatum originem esse statuunt: tamen id non nisi de principio remoto concedi potest, utpote in quo generantur spiritus vitales, sine quibus nulla omnino actio in corpore fieri potest. Verùm si de principio & organo non remoto, sed proximo quærat, omnino concedendum est, actiones has in cerebro & à cerebro exerceri; quod tùm alia docent, tùm hoc, quod, læso cerebro, hæ actiones læduntur, & quod in curatione non cordi, sed cerebro remedia applicantur. Has autem actiones, ut & alias, quæ ab ipso proficiscuntur, exsequitur per eam partem, cui in toto corpore similem non est reperiri, nimirum per propriam suam & peculiarem substantiam seu *παρὶσχυμα*, quæ facultatum ipsius

Numerus sensuum interiorum.

Communis sensus.

Phantasia.

Memoria.

Memoria actus.

Memoria.

Reminiscencia.

Instrumentum sensuum interiorum.

ipſius ſedes eſt, & actionum proprium organum. Sed, an omnes illæ actiones in tota cerebri ſubſtantia fiant; an verò diſtinctæ operationes in diſtinctis cerebri locis exerceantur, facultatēſque illæ principes ſedibus diſtinguantur: non ita planum eſt. Alij enim, qui Arabes ſequuntur, ſedibus diſtinctas eſſe docent, & Phantaſiam in anteriore, Ratiocinationem in media, Memoriam in poſteriore cerebri parte, ſeu ventriculo collocant. Ad quam opinionem ſouendam, & facultates ſedibus diſcludendas, illud præcipuè eos adduxit, quòd, læſa ſæpe vna facultate, altera ſalua manet, atque vt ex allegatis in lib. de different. ſympt. hitoriis patet, ſæpe aboletur memoria, ſaluâ imaginatione & ratiocinatione, & contra, imaginatio, ac ratiocinatio læditur, non vitiatâ memoriâ. Quod autem eas hoc modo diſcludunt & diſponunt, ea de cauſâ faciunt, quòd vt aiunt, memoria, quæ ſola receptione fit, durior, qualis eſt poſterior, cerebri requirit partem; imaginatio autem molliorem, cuius rei argumentum & illud afferunt, quòd memoriâ valere dicuntur, quibus occiput eſt amplius; quibus autem ſinciput & frons prominet, ij magis valere imaginatione, & ratiocinatione creduntur. Alij contra, in toto Cerebro has actiones exerceri ſtatuunt, atque has actiones, cum circa eadem ſpectra verſentur, efficiendi tantum ratione differre, atque vario modo circa eas occupari. Vnde etiam, vt in Epilepſia videre eſt, vnâ ſaltem parte affectâ, omnes illi interni ſensus læduntur, & contra, toto ſæpe cerebro affecto, vna tantum ſola actio, vel ſaltem magis, quàm reliquæ, læditur. Nam vt aliàs in eadem parte ſæpe concoctrix læditur, ſaluâ retentrice, excretrice, & contra: ita idem in cerebro fieri aſſerunt. Et quamvis totum cerebrum omnium facultatum ſedes ſit: tamen, ſi paulò ſiccior fuerit, ad memorandum eſt aptius: ſi humidius, aptius ad imaginationem. Vnde etiam, quacumque facultate læſa; toti Cerebro Medici medicamenta applicare iubent. Eſt verò difficile eſt, hîc aliquid ſtatuerè, & omnino conſtitendum ſit, nos hîc hæſere in limo, hoc eſt, in Naturæ tenebris, vniuerſo humano generi communibus: tamen ſi quid omnino ſtatuum eſt, mihi eorum ſententia probabilior videtur, qui ſensus internos omnesque animæ principes operationes ſedibus diſcludendas non eſſe ſtatuunt. Eſt enim ſensus communis quali centrum ſit, in quo omnes ſensus externi concurrunt, atque in eo loco collocandus ſit, ad quem viæ à ſenſibus externis patent, qui ex vulgata ſententia eſt pars cerebri anterior: tamen cum ex recentiorum, Varrolij & aliorum, qui diligentius in neruorum originem inquiſuerunt, obſervatione conſtet, non ex anteriore parte cerebri ſenſibus externis infernientes neruos oriri, cauſſa etiam ſufficiens nulla datur, cur eum in anteriore parte cerebri collocare debeamus. Reliquæ verò principes operationes etiam ſedibus diſcludendæ non videntur. Nulla enim ratio euidenter vrgere videtur, cur memoria à phantaſia, & per conſequens etiam à ratiocinatione ſecludenda ſit. Circa eaſdem enim ſpecies verſatur imaginatio & memoria, ſed ſaltem diuerſis modis. Phantaſia nimirum in imaginum cognitione & æſtimatione occupata eſt; memoria verò ſpecies à phantaſia cognitæ recipit & aſſeruat, atque eidem eas, cum opus eſt, rurſum ſuggerit & exhibet. Eſt verò vna facultas lædi poteſt, ſaluâ manente alterâ: id tamen non fit tam ob diuerſitatem organorum & partium cerebri, à quibus illæ actiones obeuntur, quam mutationem diſpoſitionum propriarum, atque eorum quæ ad actiones illas obeundas requiruntur. Nam, vt de erroribus externis, quibus forſan vna actio, ſaluâ altera, turbari poteſt, nihil dicamus, in hoc fere omnes conſentiunt, ad memoriam commodiorem eſſe ſiccitatem cerebri; quàm humiditatem; phantaſiæ verò

humiditatem non ita obeſſe. Fieri itaque poteſt vt illa cerebri conſtitutione læſa, quæ ad memoriam magis neceſſaria eſt, lædatur memoria, non læſa imaginatione, & contra; & omnino nunc vna, nunc altera lædatur, prout vna facultas, paratior eſt magis lædi ab vna, quàm altera cauſſa; ſicuti ſæpe concoctio læditur ob intemperiem aliquam, ſaluâ retentione. Atque hinc etiam concedere forſan poſſumus, cerebri partem poſteriorem, vtpote ſiccior, commodiorem eſſe ad memoriam, & retinendas imagines: interim tamen negandum non eſt, etiam in poſteriore fieri imaginationem, & contra. Senſuum, qui hætenus explicari ſunt, affectiones ſunt Vigilia & Somnus. Vigilare enim aliquem deprehendimus ex ſenſuum externorum ενεργεία: Dormire verò, ex eorundem ceſſatione. Quapropter ſomnus videtur eſſe *ἐκλειψις τῆς ἐνεργήσεως*: & ſomnus & vigilia ad eandem facultatem pertinent, ſentientem ſcilicet, ſomnūſque & vigilia ſunt ſensus affectiones. Somnus autem non quævis ſenſuum ceſſatio, aut ſentiendi impotentia eſt. Nam & in animi deliquiis, aliſque morbis ſenſuum operationes ceſſant: ſed quando eſt *ἡ ἀδυναμία τῆς χηρίσεως ἐν τῷ πρώτῳ αἰσθητήρῳ ᾧ αἰσθάνεται πάντων*. Somnus itaque eſt ceſſatio naturalis ſensus communis & primi, & exteriorum ſenſuum, ſalutis animalium gratia facta; ſeu, vt Ariſtoteles ait, de ſomno & vig. c. 3. *ἡ τῶ πρώτῳ αἰσθητήρῳ κατάληψις πρὸς τὸ μὴ δυνάσθαι ενεργεῖν, ſeu ἡρεμία τῶ πρώτῳ αἰσθητικῷ*. De qua definitione vide Scalig. ex. 289. Senſus autem communis præcipuè in ſomno afficitur: hoc verò quieſcente, etiam reliqui exteriores ceſſant. Reliqui verò ſensus interni non neceſſariò in ſomno quieſcunt: ſed, ſi id contingat, ideo fit, quia externi quieſcunt. Nam ſi phantaſia in ſomno interdum non operatur, non id ideo fit, quòd eius affectio ſomnus ſit, ſed quia à ſenſibus externis nihil ad illam deſertur, circa quod verſari poſſit. Quænam autem ſit proxima cauſſa, quæ ſensus exteriores ita quaſi vinciat, inquiſitione dignum eſt. Cum enim plurimæ maximæque differentes cauſſæ ſint, quæ ſomnum inducunt, nimirum longæ vigiliæ, labor & deſatigatio, curæ, nimium frigus ac æſtus, balnea, nimia euacuatio, lenis frictio, motus cunarum ſuavis, cantus; murmur & ſtrepitus aquarum, tenebræ, ſilentium, cogitationum ſuſpenſio, lectio non attentata, ſolitudo, potus & cibus; fieri non poteſt, vt vnum eundemque effectum, ſcilicet ceſſationem ſensus & motus in corpore inducant, niſi quid commune agât. Et cum ſensus pariter omnes ac motus ſimul ceſſent: fieri non poteſt, quin principium ſensus ac motus ab omnibus afficiatur. Si autem cauſſas ſomni omnes modò enumeratas conſideremus, animaduertemus, alias ſomnum inducere Spiritus animales abſumendo, quales ſunt vigiliæ longæ, labores, & deſatigatio, curæ, balnea, æſtus; vel obtundendo & minus mobiles, & quaſi ignavos aut torpidos ſpiritus animales reddendo, ſeu, vt aliis placet, viam iis ocludendo, vt ſunt vaporofi odores, & vapores à cibo & potu aſcendentes, & ſi quæ huius generis ſunt alia; vel ſpiritus animales quaſi placidè ſiſtendo, & à motu ad quietem inuitando, ac ne diſſuant, prohibendo, quales ſunt cantus ſuavis, murmura aquarum, frictio blanda, cogitationum ſuſpenſio, lectio parum attentata, ſilentium, tenebræ. Si verò ad communem efficiendi rationem reducendæ ſint, omnes illæ ea communi ratione ſomnū inducere percipiemus, quòd ſpiritus animales in cerebro quietos detinent, & faciunt, vt ad organa ſensus & motus non influant. Ac proinde à ſpiritu animalium à cerebro influentium, quiete, feriatiōe, denegatione, detentione, aut quomodocumque appellare libeat, ſomnum fieri ſtatuimus, & cum Gal. lib. 1. de cauſſ. ſympt. cap. ult. dicimus, in ſomno aut omnino feriari ſensus, aut exiliter agere; & rationabile cū eodem eſſe ſtatuimus, exiguum ſpiritu animalium

Vigilia & Somnus.

Somnus quid

Somni cauſſa proxima.

memoria, phantaſia, ratiocinatio diſtinctis non diſtinguitur.

Argenterij
sententia.

à principio in singulos tùm confluere; & profundè quidem ac non profundè dormire homines ex quantitate influentis virtutis; cùm quantò minus influit, tantò sit somnus profundior. Atque ex his de aliorum opinionibus iudicare non ita difficile erit. Argenterius, lib. 1. de som. & vigil. c. 11. somnum & vigiliam ab vnica, immediata & communi causa, nempe calidi influentis à corde motu fieri statuit. Ideo enim sensoria vniuersa simul non sentire ait, quòd vim sentiendi calidum innatum ad ea non deducat, aut quòd illa vis, vt nec alia corporis facultas, absque illo exerceri non possit. Sensus autem recipere, cum in illa influit calor huiusmodi. Fieri verò somnum à calido nativo non influente, pluribus probare conatur. Primò id ipsius somni naturam ostendisse dicit. Cum enim per somnum omnes sensus otientur, communem causam esse necesse est; qualis est hæc caloris influentis reuocatio. Deinde quoniam subito fit somnus, subitoque soluitur, & rursus redit & abit minimo temporis spatio, non nisi motu id fieri potest. Nulla autem ex causis necessariis ad sensum est, quæ tam celeres mutationes subire possit, quàm calidum influens, quod mobile existit: vt ex animi defectu, timore, verecundia, ira, gaudio, tristitia, & similibus patet, quæ subitam habent generationem & mutationem, ob celerem calidi influentis motum. Tertiò vigilantium facies aliæque partes externæ rubent & bene coloratæ sunt: pallescunt verò in dormientibus; quod fit, quia sanguis in dormientibus ad interiora repit, in vigilantibus verò ad exteriora erumpit. Atque illa, quæ somnum excitare dicuntur, ad hanc proximam causam redigere conatur, & quicquid somnum conciliat, id vel calidum innatum ad motum ineptum reddere, vel aliò auocare, vel viam ad sensoria intercludere, vel simile quid agere asserit. De qua Argenterij sententia plura loco allegato videre licet. Sed Argenterij opinio toleranda non videtur. Verùm quidem est, calorem illum influentem ad sensuum operationes esse necessarium, sed tamen non proximè. Calor enim ex corde influens partibus potius competit, quatenus viuunt, quàm quatenus sentiunt: ad sensum verò proximè requiritur spiritus animalis. In illius itaque potius defectum, vtpote proximi instrumenti, quàm caloris influentis denegationem somnum reducendum censemus. Sed quocunque modo sit necessarius partibus sentientibus, non videtur eius tantus esse in dormientibus defectus, vt hinc sensoria ad sensuum operationes reddantur inepta: cùm etiam dormientium membra ad tactum calida percipiantur. Agnoscit hanc difficultatem ipse Argenterius, & propterea eam hoc modo remouere conatur. Non ita, inquit, intelligendum est, calidum innatum influens externa membra prorsus deferere, cùm dico, illius absentiam somnum excitari; quandoquidem pulsus, & calor, qui in singulis membris percipitur, dormiente homine, docent illa non prorsus esse eo calore destituta: sed non sufficit quilibet calor ad sensum & motum. Atque ita in somno membra quidem planè calore destitui non dicit, sed tamen minus illius habere, quàm ad sensum sit necessarium, affirmat. Sed nec hoc modo sese ex hac difficultate expedit Argenterius. Magnum enim satis petiturum est, dormientes non tantum in organis sensuum habere caloris influentis, quantum ad sensum requiritur. Satis certè caloris eos habere, vel inde patet, quòd multi ægri, imò & senes, in quibus calor, & insitus, & influens, deficere incipit, non tantum in externis partibus (quòd tactus, calor, & alia indicant) caloris habent, quàm iuuenis aliquis dormiens: qui nihilominus omnes adhuc sensuum operationes habent. Præterea inter dormiendum recordamur & imaginamur; cerebrum per somnum longè felicius coquit, quàm per vigilias, & per somnum spiritus in-

Argenterij
refutatio.

staurantur, multorumque capitis dolorum & morborum remedium præstantissimum somnus est; quæ omnia sine calore cordis influente non perficiuntur. Si verò, qui agnoscunt quidem à spirituum à cerebro influentium detentione somnum prouenire, & tamen vniuersalem somni causam, quæ spirituum animalium influxum prohibeat, vel vapores suaues ab alimentis adscendentes constituunt, vel à spirituum & caloris reuocatione somnum fieri statuunt, frustra in alia, quàm quæ antea proposita est, causa proxima quærenda laborant. Particulares enim hæ causæ sunt; & dantur, vt dictum, adhuc aliæ plures, quæ suo quoque modo somnum inducunt, & quæ omnes ad communem illam, spirituum scilicet animalium in cerebro detentionem reducendæ sunt: non verò ad has, vt particulares, reliquæ reduci possunt. Imò ex particularibus causis sæpe plures concurrunt, & quas nonnulli solitarias somni causas constituunt, coniungendæ sunt. Composito enim ad quietem animalis, anima virium quendam languorem ex diuturnis sensuum operationibus, spirituumque dissipatione, & viuifici Solis luminis absentia percipiens, refectionem quandam & instaurationem virium spirituumque, salutis animalis gratia, meditat. Et quia animales spiritus originem habent ex vitalibus, vt vitales prius instaurentur, cor ad se aliquid caloris, qui in exteriores partes sparsus est, colligit & reuocat. Hinc extrema membra, & præcipuè cerebrum frigidius non nihil euadit; quò etiam nocturni aëris frigiditas, & motus atque agitationum corporis, quæ caloris causæ sunt, cessatio conspirat; calor verò circa cor & interiores partes augetur. Calor auctus ex alimento suaues quosdam vapores excitat, qui ad cerebrum delati eius frigiditate non nihil condensantur, & rursus descendere incipiunt, neruorumque radicibus illapsi, eorum meatus replent & obstruunt, vel, vt alij non malè sentiunt, spiritus animales antea agiles minus mobiles ac quasi torpidos reddunt, atque ita faciunt, ne spiritus animales ad organa sensuum distribuuntur. Denegatis spiritibus membra concidunt, omnesque sensuum exteriorum operationes cessant. Hisce tamen causis sæpe aliæ adhuc accedunt, quæ faciunt, vt homo vel facilius in somnum prolatur, vel profundius dormiat, vt lenes frictiones, cantus, aquæ strepitus, & similes modò recensitæ, quæ suo quoque modo, vt antea dictum, vt spiritus in cerebro detineantur & quasi otientur, faciunt. Finis itaque somni est virium in animali instauration. Quia enim per motum & sensuum exteriorum operationes multum spirituum absumitur, ne animalis salus in discrimen abducatur, ij instaurandi sunt. Somno opponitur Vigilia, quæ nihil aliud est, quàm sensus *εγρηγία*, seu *λύσις τῆ ἀιδήσεως*. Animal autem duplici modo à somno expergiscitur, vel sponte, vel à quadam causa externa turbatum, atque interpellatum. Prior modus maximè naturalis est, & fit, quando calor, qui intro se abdiderat, ad alimenti coctionem, & spirituum refectionem, coctione iam absoluta, & spiritibus instauratis, sese rursus exerit, & ad externa diffunditur, vaporesque, qui spiritibus obstaculo erant, discutit, vt spiritus ad organa sensuum liberum transitum habeant. Quanquam verò interdum etiam ex se animal expergiscitur, antequam coctio est absoluta, si vapores acres ex humoribus vitiosis ad cerebrum ferantur; vel etiam aliis de causis: tamen modus is, quem tradidimus, maximè communis & naturalis est. Excitatio verò à somno per res externas, vt, si quis clamore, vel tactu excitatur, fit ex perceptione exteriorum sensuum. Quanquam enim in somno spirituum defectus sit in instrumentis sensuum: tamen non planè spiritibus animalibus organa carent, sed adhuc in iis aliqui supersunt, qui ad sensilia vehementiora percipienda sufficere possunt. Itaque anima sentiens in somno.

Vigilia.

somno ab obiecto externo vehementi incitata & lassata ad sentiendum se conuertit, & primò quidem obscure rem percipit, postea subinde, vt eam clariùs cognoscere possit, maiorem spirituum copiam subministrat: qui ad sensus, qui afficitur, organum adiutum quærentes, sensus communis viam perumpunt: atque ita ad omnium sensuum organa via patet, & somnus cessat. Hinc quibus meatus sensuum in somno à pluribus, iisque crassis vaporibus magis sunt obstructi, quod ebriis accidere solet, ij planè difficulter excitantur, nec spiritus facile viam inueniunt. Qui verò non ita crassis vaporibus abundant, ij faciliùs excitantur. Eadem de causa primus somnus profundior & arctior est; quia vapores in prima coctione sunt copiosiores & crassiores, qui postea paulatim absumuntur & attenuantur.

CAPVT XIV.

De Facultate Intelligente.

Tandem restat facultas intelligens, ex qua pendet summa hominis perfectio, & quâ supra reliqua animalia homo eleuatur, Deoque propior fit. Intellectus enim res à materia abstrahit & secernit, & sine conditionibus materiæ, sine quantitate, sine figura cognoscit; intelligit res à materia liberas; non offenditur multitudine & vehementia obiectorum, vt sensus; infinita potest capere, & quamuis plurima cognoscit, semper potest plura cognoscere, numerumque quantumuis magnum potest augere; in se ipsum reflectitur, & non solum res alias intelligit, sed etiam semetipsum; atque intelligit, se intelligere, quod intelligat, se intelligere; potest velle & nolle; insatiabilem habet appetitum æternitatis, scientiæ, beatitudinis. Quas operationes sine instrumentis corporeis procul dubio edit, & in agendo nulla prorsus ratione miscetur corpori, nihilque cum mentis actione communicant actiones corporis, neque mens per corpus, aut organum corporis, vt per medium Quo, intelligit. Opus quidem habet phantasmate; cum anima, dum est in corpore, nunquam sine phantasmate intelligat, l. 3. de anim. c. 7. sed eo, non vt organo, verum vt obiecto, vtitur; quia oportet materiam intelligibilem menti per sensus suppeditari. Quare si omnino aliqui asseruerunt, actiones mentis esse organicas, & animam rationalem ministerio cerebri, spirituum, & sensuum tanquam organis corporeis vti, id non nisi hoc sensu admittendum est; scilicet Animam, dum est in corpore, citra præcedentem organorum corporis operationem non intelligere, & ante operationem propriam vti organis: inter operandum autem minimè, neque per organa intelligere, sed solam animam esse subiectum intellectionis, vt & actus volendi, quem barbari nostri volitionem, tam nouè, quàm necessariò ac scite vocant, vt ait Scal. exerc. 307. sect. 3. & sect. 9. Ex quo etiam patet, quid de sede Intellectus statuendum sit. Nam cum Ratiocinatio sit actio planè inorganica, neque mens per corpus, vt organum, & per medium Quo, intelligat: per se etiam illi in cerebro, vt organo, aliqua sedes assignari non potest. Veruntamen quia Intellectus opus habet phantasmate, & Anima, dum est in corpore, nunquam sine phantasmate intelligat, & intelligentem phantasma speculari oporteat, atque imagines à phantasia intellectus primùm accipiat: hinc patet, etiam Ratiocinationi per consequens seu accidens certam aliquam sedem assignandam esse, nimirum eam, in qua sit imaginatio, & proinde etiam Imaginationem & Ratiocinationem sedibus discludendas non esse, neque ipsi Intellectui, vtpote qui in sua operatione nullo organo corporeo vtitur, neque per organa corporea intelligit, vllam peculiarem sedem assignandam. Includit

autem anima Rationalis duas facultates: Intellectum quo res apprehendimus & cognoscimus; & Voluntatem, qua ad ea, quæ sub ratione boni cognouimus, ferimur. Atque harum facultatum discrimen manifestum est: cum aliud sit cognoscere, aliud rem cognitam apperere; & duo hæc diuerso operandi modo fiant, illud quidem patiando, & recipièdo species, ita, vt res ad mentem ferantur, hoc verò persequendo, ita vt mens ad obiectum feratur, & trahatur. Obiecti denique etiam diuersitas potentiam cognoscendi à potentia volendi secernit; cum res cognoscamus, quatenus Entia; appetamus verò easdem, quatenus bonæ.

CAPVT XV.

De Appetitu & facultate mouente.

Postquam actum est de animæ sentientis potentia cognoscente: agendum iam est de appetitu. Et si verò varij sunt appetitus, tamen is solum huc pertinet, quem sensitium vulgò vocant: qui est vis animæ, qua animal ad rem sensu perceptam inclinatur & propensionem habet. Obiectum eius est bonum, sensu apprehensum, siue id reuera sit bonum, siue tale appareat. Appetitus enim ad finem tendit: Finis verò omnis boni rationem habet. Quamuis verò appetitus dicatur bonum sequi, malum fugere: tamen malum etiam ad appetitum pertinet, sub ratione boni. Fugere enim malum, bonum videtur appetitui. Ex appetitu, tanquam eius actus, prodeunt passionēs & affectus appellati. Appetitum sequitur motus Animalium spontaneus. Nisi enim animal potentiam ea, quæ appetitus cupit, exsequendi haberet, frustra esset appetitus animali datus; quod de Natura sentiendum non est; sed concessa est animali vis, quæ sentientem animam sequitur, qua pro libitu vel se totum, vel aliquam sui partem de loco in locum transferre potest. Motus itaque spontaneus hoc fit modo & ordine. Primò obiectum externum offertur, quod, vt immobile mouens, per sensus externos & communem receptum phantasiæ communicatur, atque ab ea, quid sit, cognoscitur. Deinde attentius & accuratius, vt commodum sit & gratum, vel noxium & ingratum, cognoscitur. Cognitionem hanc sequitur amor vel odium, seu appetitus rem gratam & delectabilem apprehendendi, noxiam vero fugiendi. Non enim frustra mouetur animal, sed ab obiecto, vt fine, & bono appetitus incitatur. Appetitum in animalibus brutis mox motus sequitur, virtusque mouens motum ab appetitu imperatum & iniunctum statim in actum producit & exsequitur. In homine verò antequam fiat motus quædam adhuc intercedunt. Appetitus & hæc sensuum internorum motiones menti offeruntur, vt ab ea reprobentur, vel approbentur. Si approbantur, & rectam esse sensuum appetitionem mens intelligit, statim motus sequitur: si verò, vt falsa, reicitur, contentio & pugna oritur inter appetitum sensitium & rationalem, donec alter alterum vincat; atque ille, qui vincit, motus est principium, facultatque motrici, motum imperat. Facultas motrix, omnibus totius corporis musculis insita, eos, quibus opus est, musculos contrahit. Musculi contracti ossa: denique ossibus motis membrum, vel totum corpus de loco in locum transfertur. Cum autem hoc loco quæri soleat; Quodnam motus instrumentum sit. Nos in genere adæquatam motus instrumentum musculum esse statuimus, quia nullus motus absque musculo perficitur, & abscisso aliquo musculo semper perit aliquis motus: unde etiam vulgò definitur, esse organum spontanei motus. Si verò porro quærat, quomodo singulæ musculi partes ad motum concurrant, & quænam in musculo pars illam contractionem, qua motus proximè perficitur, efficiat; nō nervis, quatenus tales, quod nonnulli faciunt,


Obiectum
Appetitus.

Motus.

Motus spontanei
modus.

id

id officium attribui potest. Hi enim non nisi ut causa, sine qua non, & quatenus animalem spiritum, ut canales, ad musculos vehunt, motui inseruiunt; non verò musculos contrahunt, ut pluribus probat Th. Erastus, in *disputatione de Convulsione*. Fibrae autem praecipua (& si quis per nervos fibras illas musculorum, in quas nervi ac ligamenta resolvuntur & abeunt, intelligat) pars sunt musculi, per quam motus perficitur, & nullus sit motus, nisi per fibras, ac cum in musculis fibrae intenduntur, atque ad principium retrahuntur, musculus movetur. Atque hinc accidit, ut membra corporis pro vario fibrarum situ, varios motus habeant. De qua re videatur Hier. Capiu. *de meth. anatomica* c. 20. Nam, ut est apud Aristotelem, 2. *de part. an.* c. 1. ἡ ἐκ τῆς αἰσθητικῆς ἐν ταῖς ὁμοιομερέσι; αἱ δὲ πράξεις διὰ τὴν ἀνομοιομερῶν ἀρχοῦσι τοῖς ζώοις: id est, vis sentiendi in similaribus sita est: actiones autem per dissimilares administrantur. Et si autem quatuor motus musculorum sunt differentiae, dum vel contrahuntur musculi, vel extenduntur, vel transferuntur, vel tensi manent, ut Galen. *l. 1. de motu musc.* c. 6. docet: tamen contractio, qua musculus caput versus, & ad proprium principium trahitur, contractusque ad se partem, in quam inseritur, trahit, propria eius est actio, qua partes, quocunque opus est, flectuntur. Extensio & ipsa quidem necessaria est: verum proxima motus causa non est; & passio potius, quam actio est. Dum enim contractus musculus extenditur; ab alio, opposito scilicet, patitur, non ipse id agit. Ad contractionem pertinet & tonicus motus, in quo musculorum villi tensi manent. In quo licet quies quaedam videatur: tamen reuera in quiete illa musculi agunt, dum membrum in eo situ, ad quem motu id perduxerunt, conseruant. Plura de prima hac Medicinae parte non addimus; cum eum, qui feliciter manum Medicinae admovere cupit, talia in Philosophorum scholis cognovisse oporteat. Neque enim sumus in ea sententia Medico superficiale quendam Philosophiae, atque imprimis Physicae, cognitionem sufficere; sed planè cum Galeno, qui id peculiari libello docuit, nobis persuasum habemus: *si quis optimus Medicus est, eundem esse Philosophum*: neque sine Philosophia quemquam solidam Medicinae cognitionem sibi comparare posse: nullamque, ut supra etiam, *cap. 1. ex Scaligero dictum*, in Medico esse perfectionem sine illa encyclopaedia, quae homini viam munit ad felicitatem.



INSTITUTIONVM MEDICINAE

LIBER SECVNDVS.

PARS I.

De Morbis.

CAPVT I.

De Morbi Natura.

DE iis, quae corpori secundum naturam insunt, nimirum quid sit sanitas, à quibus causis dependeat, & quae ab homine sano actiones proficiantur, dictum haecenus. Cum autem contraria pertineant ad idem genus, sanitatque opponatur Morbus; & Medici sit, non solum praesentem sanitatem tueri, sed etiam amissam restituere, quod idem est, ac morbos depellere: iam de morbo agendum, & quid sit, quae eius sint differentiae, à quibus

causis dependeat, quas actionum laesiones producat, quaeque singulorum sint genera dicendum. Atque ita tribus pars haec Pathologica absoluetur; Morborum, Causarum morbificarum, & Symptomatum tractatione; seu rebus praeter & contra naturam; seu iis, quae recedunt ab eo, quod in nobis secundum naturam, & nobis utile & conueniens est, faciuntque ad naturam humanam destruendam. Distinguit quidem Fernel. *l. 1. pathol. c. 2.* inter res contra & praeter naturam, dum ita scribit: *omnis corporis constitutio atque affectus, aut naturalis, aut non naturalis existit; atque non naturalis alius praeter naturam, alius contra naturam est. Praeter naturam, tamen ex natura praescripto non est, illi nullam vim infert: Contra naturam, non modo natura limites excessit, sed & illi vim infert, cuiusque vires & functiones manifeste inuertat.* Verum sine causa & praeter auctoritatem antiquorum haec facta distinctio. Ex eo enim sequitur, morbum, qui non solum secundum naturam non est, sed & actiones laedit, praeter naturam non esse; quod falsum est. Deinde antiqui medici nullam faciunt hac in re distinctionem, sed Graeci vnica voce *παθόν* vtuntur; quam Latini nunc praeter, nunc contra naturam vertunt. Innuiturque in genere his vocibus declinatio quaedam ab eo, quod est secundum naturam. Neque ipse Fernelius hanc suam distinctionem obseruat, cum, *l. 4. pathol. c. 1.* definiat febrem esse calorem praeter naturam. De morbo autem in primo loco agamus, & quae eius natura sit, inuestigemus. Sed cum contrariorum eadem sit ratio & subiectum: ex natura & definitione sanitatis facile in cognitionem morbi perueniemus. Sanitatem autem esse ad agendum ea, quae sunt secundum naturam, potentiam, *l. 1. c. 3.* dictum & monstratum est. Quapropter morbus rectissime per impotentiam naturales actiones exercendi definitur: & consentiunt in eo omnes homines, quod sicut ij, qui ad agendum ea, quae sunt secundum naturam, apti sunt, sani dicuntur: ita illi rectè agri appellantur, qui ad actiones has obeundas inepti sunt. Non enim, ut est apud Galenū, *l. de diff. morb. c. 2.* morbus in ipsarum actionum cessatione, sed in impotentia ad agendum, ponendus est. Quoniam & dormientes, aut alioquin in tenebris & otio degentes, neque vlla corporis parte mouentur, neque alium rei extrinsecæ sensum habent: nihilominus tamen sani sunt; cum omnes partes secundum naturam constitutas habeant, ut, quando opus est, actiones naturales exercere possint. Cum autem solum ea, quibus à natura ad agendum vis data est, & quae ad actiones in corpore obeundas apta nata sunt, impotentia ad agendum dici possint; ea autem, quae à natura nullam agendi vim habent, impotentia ad agendum rectè non dicantur; solum partes corporis viuentes, ut sanitatis, ita etiam morbi subiectum esse: omnia verò, quae in partium viuentium numero non sunt, ut humores & alia, morbi subiectum non esse, plurimi doctissimi Medici statuunt. Solum enim partium viuentium ministerio actiones in corpore nostro exercentur. Si quae verò dantur actiones laesae, quae non à partium solidarum, sed humorum vel spirituum vitio contingunt: eas non à morbo proficisci, sed ab errore externo prouenire, existimant. Cum enim, ut Galen. *3. de sympt. causis. c. 1.* de laesis actionibus scribit, duo prima genera sint τῆς ἀποτυχίας, τὸ μὲν ἑτερον ἢ διωάμεις αὐτὴν πεπονθεῖα, τὸ δὲ ἕτερον ἐξ ὧν τις ἰπλημύλεια: facultatem in agendo sine suo frustrari statuunt, vel ob morbum aliquem, vel ob errorem externum. Atque ad errorem externum Capiuaccius non solum humorum, sed & spirituum vitia refert, ut ex Practica eius passim videre est. Eustachius tamen Rudius, qui & ipse contenta, non continentia aut impetum facientia, subiectum morbi esse docet, & spirituum, humorum atque excrementorum affectus, et si praeter naturam sint, morbos non dicendos putat, quoniam in partis substantia non inhaerescant, *l. 3. pr. cap. 1.*

Quae ad
thologia
pertinet

An praeter
contra n-
ram diffe

Morbi nati

Morbi subie-
ctum.

cap.1. Idem tamen, *lib.1. cap.19.* organum species visibiles recipiens spiritus animales esse statuit. Alij contra viri pariter docti non solum solidas partes, seu continentia, vt appellat Hippocrates, sed & Spiritus, ac humores subiectum morbi esse docent: idque pluribus probare conantur; etsi alij aliter paulò hac de re loqui videantur. Donatus ab alto Mari, *de med. febr. part.1. cap.12.* Spiritus & humores simul cum partibus solidis ipsius cordis temperamentum, naturam, & calidum innatum constituere docet, vt absque iis cor proprias actiones obire nequeat, & propterea cor non sit, neque propriam suam naturam, essentiam, temperamentum atque calidum innatum, neque proprias vires obtineat, neque optimè & perfectè constitutum sit. Quem sequitur Al. Massarias, *de febr. cap.1.* cum statuit, Spiritus & humores esse partes cordis, quæ principi illius parti vsum afferant; & propterea calorem in spiritibus, ac humoribus accensum, febrem & morbum dicendum esse censet. Idem tamen mox addit: non ideo dicendum, Spiritum & humorem febricitare, sed cor laborare, vitiatis propriis Spiritibus & humoribus, cum reuera sanitas & morbus tribui debeat parti viuenti, vt docet Aristoteles. Andreas Planerus sanitatem & morbum contentis esse ascribenda censet, etsi animata non sint, nec vllam actionem animatam exerceant: quia sint in corpore humano, eiulque ἐνέργειαν sint cum materia, tum instrumentales causæ, tum obiecta, in quæ partes animatae actiones suas dirigant. Sanguinem nimirum esse materiam nutritionis solidarum partium; morionum & lenius causas instrumentales, spiritus; & in genere contenta esse obiecta & patientia corpora, in quæ suam actionem dirigant agentes particulae solidæ: quarum, vt omnium agentium, determinata conditio & vis sit respectu patientiam. Atque hinc accidere, vt quamuis continentia sint sana, nihilominus ἐνέργεια impediatur propter vitium contentorum, teste quoque Galeno, *1. epid. com. 2. part. 46.* Nimirum sanitatem adesse corpori, quando & agens agit, vt agere debet, secundum naturam, & patiens ab illo agente, vt fieri naturaliter debet, patitur: & contra morbum existere & ἐνέργειαν impediri, vel quando agens ipsum, vt secundum naturam debebat, agere non potest, vel quando patiens subiectum actionem agentis non in se recipere, & sic non hoc, quod secundum naturam pati debebat, pati potest. Et cum actio ac passio non sint duæ ἐνέργειαι sed vna ad numerum ἐνέργεια: & vitium in contentis ἐνέργειαν impediatur: atque vbi non est passio, ibi quoque non fit actio; & vbi nec actio, nec passio, ibi nulla sit ἐνέργεια: in contentis quoque morbum esse concludit. Absurdum quoque esse censent, dicere, vel actionem impediri posse, nullo existente in corpore membro; cum morbus sit hoc primum, quo impeditur, ἐνέργεια, & symptomata sine morbo, quemadmodum umbra sine corpore, consistere nequeant; vel partes solidas & continentes sanas & nulla δυσκρασία affectas ægrotare tamen & laborare morbo propter impeditam ἐνέργειαν contentorum vitio. Verum enim verò diuersis istæ sententiæ nituntur principiis, & res, de quibus non dissentiant, aliis aliter appellare placet. Et enim si sanum & ægrum generaliter accipere alicui libeat, qua ratione Aristoteles, *3. de histor. animal. c.19.* ὕγιες αἷμα & νοσσηδὲς αἷμα appellat, & Hippocrat. *lib. de flat. c.1.* τὸν ἀνθρώπον, quicquid homini molestiam affert, morbum appellat; & ubicunque aliqua actio non fit, aut non bene fit, ibi morbum adesse quis statuere velit: ille omnino etiam morbum contentis & impetum facientibus attribuere poterit. At qui magis propriè loquuntur, & morbum à causa & symptomate arctioribus limitibus discernunt, & actionum duo genera constituunt, & cum Galeno, *3. de sympt. caus. c.1.* actionem frustrari vel læsa facultate,

vel ob errorem externum statuunt, morbumque propriè & formaliter sumptum impotentiam ad agendum esse docent, aut (Galeni definitionem per hanc explicantes) morbum esse dispositionem præter naturam, à qua partes corporis ineptæ & impotentes ad agendum redduntur: Il nullo modo admittere possunt, morbum etiam esse in contentis & humoribus; cum, sicut dictum, iis, quibus nulla actiones corporis exercendi data est potentia, impotentia ad agendum attribui non possit. Atque hi libenter quidem concedunt, vt actio aliqua rectè obeatur, non solum requiri, vt agens, vt debet, agat, sed etiam, vt patiens, vt debet patiatur, atque agentis ἐνέργειαν recipiat: tamen morbum non dicendum putant, nisi cum læsa facultate actio non fit, & partes corporis viuentes ob dispositionem præternaturam agere non possunt. Si verò pars salua sit & nihilominus actio non fiat; non ob morbum, sed ob errorem externum cum Galeno id fieri dicunt. Et si ventriculus per se saluus cibi copiam nimiam ingestam aut cibos vitiosos in bonum chylum conuertere non possit: aut alius feces, ob earum duritiem, excernere non valeat, nec ventriculus, nec intestina morbo laborare commodè dicuntur: multò minus commodè dici potest, cibum, aut stercorea morbo affici. Et omnino de contentis & humoribus res videtur esse satis plana, lædi interdum attractionem, retentionem, alterationem & expulsionem, nullo partis & agentis, sed obiecti vitio, atque ita frustrata in agendo facultate non ob morbum, sed ob errorem externum. Et certè si methodus medendi turbari, & Indicatio curatiua cum præseruatoria confundi non debet, necessarium est, vt dispositiones humorum cum dispositione partium non confundantur, nec morbi humoribus atque excrementis tribuantur. Atque agnoscit hoc ipse Massaria, qui hac de causa pugnantiæ statuere cogitur, dum reuera sanitatem & morbum tantum partibus competere dicit, & propterea humores ægrotare negat: & nihilominus humorum vitia morbos esse docet, quia partes laborent humoribus vitiatis. De Spiritibus res est paulò difficilior, atque ij, qui cum Capiuaccio contentorum & obiectorum vitia ad externum errorem referunt, non omnes spirituum vitia cum eodem inter externos errores recensent, sed spirituum vitia ad instrumentales causas referunt, atque ita ad ipsum organum, quod actionis causa est, spiritus, suo modo, pertinere concedunt; quatenus scilicet cum calido innato permixti sunt organum operationis, quæ partis illius propria est. De modo autem hîc Authores non consentiunt. Alij quidem cum Scaligero Spiritus animatos esse statuunt, & hoc modo sese facile explicant: alij verò, qui Spiritus, vtpote qui hinc inde mouentur, animatos esse negant, & absurdum esse censent, facultatem in cavitatibus cum spiritibus residere, ij qualitatem quandam à spiritibus per substantiam partium diffundi statuunt, quemadmodum à Solis splendore qualitas quædam per vniuersum aërem diffunditur, atque per istam qualitatem facultates corporibus copulari, seu partium viuientium constitutionem perfici statuunt, vt actionum edendarum idonea instrumenta sint. Porro cum partes corporis nostri ad munia sua obeunda aptæ sint, cum naturalem constitutionem obtinent: ineptæ autem ad agendum redduntur, cum eandem amittunt: hinc manifestum euadit, causam morbi, seu illius ad agendum impotentia esse malam partium corporis constitutionem; vt sanitatis & naturalis ad agendum potentia causa est recta earundem dispositio. Licet enim à facultatibus animæ omnis actio procedat: cū tamē animæ ministerio partium corporis indigeat: pro varia constitutione organorum varias actiones edit, & rectè ac expedite, vel vitiosè & impeditè agit. Vnde perfecta & formalis morbi

Morbi causa:

Morbi definitio
Galenii.

Διάθεσις.

Omnis mor-
bus est Qua-
litas.

morbi definitio talis constitui potest. *Morbus est partium viventium corporis humani ad actiones naturales exercendas impotentia seu ineptitudo, ab earundem constitutione præter naturam orum habens.* Quæ definitio facile extendi potest, ut & in Physica locum habeat; Si propria affectio proprio subiecto, sanitas scilicet & morbus corpori viventi attribuantur. Tunc enim totam demonstrationem complectitur, & ab ea solum positione terminorum differt. Verum enimvero et si rectè sanitas per potentiam ad operandum; & morbus per impotentiam definiatur, & etiam secundum Galenum, τὸ δυνάμει ἐνεργεῖν, sit ὑγιαίνειν, & contrà, agrotare sit, τὸ μὴ δυνάμει ἐνεργεῖν: tamen cum ex ea definitione nec morborum differentia, nec utiles indicationes peti possint; Medicus verò omnia ad sanitatis conseruationem & instaurationem dirigat, atque ideo omnia, quæ prioribus partibus tractat, ita tractare debeat, ut ὡς ἔστιν, & θεραπευτικῇ insequi possint; Galenus pro formali definitionem causalem substituere voluit, & l. de differ. morb. cap. 2. definiuit sanitatem, omnium corporis partium naturalem constitutionem; morbum verò, constitutionem præter naturam vitiatæ functionis causam: & de differ. sympt. cap. 1. sanitatem διάθεσιν καὶ φύσιν ἐνεργείας ποιητικῶν, dispositionem secundum naturam actionum auctorem; & morbum, διάθεσιν καὶ φύσιν, ὑφ' ἧς ἐνεργεῖται βλάπτειν, dispositionem præter naturam, ob quam actio læditur. Quæ tamen definitiones & ipsæ omnia perfectæ definitionis membra continent. Constitutio enim seu dispositio præter naturam, quæ loco generis ponitur, proxima & propria morbi causa est: Subiectum sunt partes corporis: ipsa verò forma eo indigitatur, cum dicitur, constitutionem illam esse læsarum actionum causam. Nam dum dicimus, sanitatem esse ad dispositionem secundum naturam, quæ iustas edit operationes: nihil aliud est, ac si dicamus; esse talem constitutionem & dispositionem partium, ob quam corpus efficitur potens & aptum ad omnia, quæ secundum naturam sunt, agenda: contrà dum dicitur, morbum esse dispositionem partium præter naturam, ob quam læduntur corporis actiones: idem est, ac si dicatur; morbum esse talem dispositionem partium ob quam corpus ineptum ac impotens redditur ad exercendas actiones naturales & consuetas. Ad hanc porro partium constitutionem declarandam Galenus utitur duobus vocabulis, διάθεσις & κατὰσκευῆς: quæ Latini verterunt, dispositionem, constitutionem, affectionem, affectum. Quæ vocabula quid significant, à nonnullis in dubium vocatur. Fuchsius, lib. 3. institut. sect. 1. cap. 1. διάθεσιν à Galeno aliter usurpari dicit, quàm ab Aristotele. Aristotelem enim διάθεσιν tantum pro qualitate accipere, quæ facile à subiectis dimouetur: Galenum verò pro constitutione seu re permanente & fixâ, ac stabili, aut permanentem habente essentiam usurpasse. Quod idem docet, cap. 3. ubi scribit; διάθεσιν à Galeno non pressâ & stricta significatione, quemadmodum ab Aristotele, usurpari, ut sit ab habitu distincta; sed largâ & amplâ, pro omni corporis affectu, siue facile, siue difficulter amoueri queat, siue qualitas sit, siue substantia. Quod etiam docuit Fernelius, lib. 1. patholog. cap. 2. Quæ Græcis, inquit, διάθεσις nobis affectus appellatur: non ea quidem præcisa angustâque significatione, quam Aristoteles usurpauit, sed admodum largâ & multiplici verbi potestate, quæ omnem corporis constitutionem contineat, siue in substantia, siue in qualitate & temperamento, siue in conformatione, & figurâ, siue magnitudine, siue in numero ea consistat. Verum enim verò omnis morbus est accidens, & in genere qualitatis; quemadmodum sanitas: quæ duo, ut contraria, meritò sub vno genere collocantur: morborumque omnium vnum genus est, & omnes morbi in vna formali ratione conueniunt, quæ nihil

aliud est, quàm terminus mutationis à naturali statu, seu qualitas quædam, ob quam corpus ad malè agendum disponitur; sicut sanitas qualitas est, ob quam corpus ad bene agendum disponitur, ut ex Aristotele, in Categoria Qualitatis, videre licet, & ex Galeno, de different. sympt. cap. 1. patet. Et si enim illud, in quo fit mutatio, per se consideratum alterius generis esse possit; exempli gratia, sextus digitus sit substantia, magnitudo & numerus quantitas, calor & frigus, ut patibiles qualitates, pertineant ad tertiam speciem qualitatis, figura ad quartam: tamen hæc omnia per se morborum genera non sunt, nisi qualitate quædam determinentur. Nimirum non substantia, non magnitudo, non numerus, non figura, non reliqua talia, vel sanitas, vel morbus sunt; sed horum omnium διάθεσις, seu qualitas quædam, per quam corpus vel ad rectè agendum disponitur, vel ineptum redditur. Sic magnitudo linguæ per se neque sanitas, neque morbus est; sed qualis quædam magnitudo, quæ scilicet secundum vel contra naturam est, & ob quam homo ad loquendum disponitur, vel in loquendo impeditur: sic figura cruris per se sanitas non est vel morbus; sed qualis quædam figura, ob quam scilicet homo ad ambulandum disponitur, vel in ambulando impeditur. Eodem modo numerus digitorum per se sanitas vel morbus non est, sed quatenus per eum manus vel ad apprehendendum disponitur, vel inepta ad idem officium redditur. Ita nec caliditas, nec frigiditas per se & absolute sanitas vel morbus est, sed qualis quædam caliditas; cuiuslibet membro peculiaris, seu ventriculo, seu hepatis, seu cordi; quæ si mutetur, morbus adest. Atque ita non illud, in quo fit mutatio, sed recessus à naturali statu pro morbo habetur, omnisque morbus in genere διάθεσις consistit. Neque aliter vocem hanc Galenum accipere, quàm antiquos philosophos & medicos, ex eo patet, quod, lib. de differ. morb. cap. 2. illam vocem antiquam & vulgatam esse dicit: Deinde quod eandem causam, quam Aristoteles, in κατηγορίαις, reddit, de differ. sympt. cap. 1. cur sanitas & morbi appellentur διάθεσις, nimirum quod homo secundum eas διακρίνεται, seu disponitur. Reperiuntur deinde & alij, qui Galenicam morbi definitionem vel impugnant, vel non rectè explicant. Ac primò Christoph. à Vega, lib. 3. de art. medic. cap. 1. atque alij quidam morbum non qualitatem, sed Relationem esse statuunt. Verum et si non negemus, non ipsum calorem, frigus, siccitatem & humiditatem, quatenus simpliciter & per se considerantur, esse morbos; neque ignoremus, Galenum nominare morbum ἀμετρίαν, sicut sanitatem συμμετρίαν: neque hoc negemus, vocem διάθεσις, si æquiucocè sumatur, & qualitatem significare, & pro relato sumi; cum dispositio sit dispositæ rei dispositio: tamen simpliciter morbum relationem esse, & vocem διάθεσις, quatenus morbi genus est, relationem esse, non concedimus; sed qualitatis vocem & morbum ipsum absolutum quiddam, & non relatum esse, statuimus. Non enim sanitas simpliciter συμμετρία Galeno est, sed συμμετρία τις quædam proportio; seu potius qualitas σύμμετρον seu proportionata, ut ita dicam. Talis scilicet διάθεσις & constitutio, in qua talis σύμμετρον est, ob quam pars apta & potens ad agendum efficitur. Contrà morbus non est solum ἀμετρία, sed qualitas quædam ἀμετρον, hoc est, vitiosa partium constitutio, seu constitutio, in qua talis est ἀμετρία, & à naturali statu discrepantia, ob quam pars inepta & impotens redditur ad naturales actiones exercendas. Atque ut hæc de relatione concludamus, et si non negamus, aliquo modo, eo nimirum, quo virtutes & viria ibi collocantur, morbum in relatione poni posse: tamen morbi essentiam in relatione consistere, non concedimus. Posituum quiddam morbus est,

Galenus dicit
ἵνα ἐν ἐοικέν
modo accip
quo Aristot
les.

An morbus
sit Relatio.

non in comparatione tantum consistens; neque acci-
dit corpori absque vlla eius permutatione, vt rela-
tiones. Deinde Argenterius, *lib. de morb. gener. c. i.* plu-
rima, vt alia omittamus, in morbi definitione repre-
hendit, atque inter ea hoc; quod Galenus antiquam
vocabuli διαθέσεως significationem corrumpat, quan-
do διαθεσι vocat alterationem, & qualitatem, quæ
sit in habitu ac stabilis: cum Aristoteles aperte scri-
bat, διαθεσι seu dispositionem significare qualita-
tem, quæ facile dimoueri potest, diuersam ab ea, quæ
in habitu posita est. Esse etiam manifestè falsum, scri-
bit, sanitatem & morbum esse e genere earum qua-
litatum, quæ stabiles sunt, & ad aliquod tempus per-
manent; cum dolor colicus, apoplexia, febres eph-
emeræ & similes adfectus morbi sint: etsi breuissimo
tempore durent. Imò sibi ipsi repugnare Galenum
existimat, qui, *i. meth. med. cap. i.* eos reprehendit, qui
morbum stabile malum esse definebant, vt quod ad
morbi naturam explicandam nequaquam pertineat;
sed differentiam inter morbum longum & breuem
constituat. Verum vt ex his nos expediamus; hoc
primò ex interpretibus Aristotelis diligenter notan-
dum: vocabulum διαθέσεως dupliciter usurpari. Primò
generaliter, pro qualitate, secundum quam aliquid
διακρίνεται, disponitur, seu illa facile, seu difficulter tol-
latur & emouetur: Deinde specialiter pro qualitate
facile mobili, opposita ei, quæ difficulter mouetur.
Primam & generalem vocis διαθέσεως significatio-
nem ipse Aristoteles innuit, cum, in *Categor. qualitat.*,
calorem, frigus, morbum & sanitatem, similesque
qualitates ideo dispositionem esse dicit, quia διακρί-
νεται πῶς κατὰ ταύτας ὁ ἀνθρώπος disponitur aliquo
modo secundum illas homo. Et in hac significatione,
allegato loco, dicit, quod & habitus dispositiones sint:
Et 4. *Metaph. c. 20.* dicit, habitum esse dispositionem, καὶ
ἢν ἐδ' ἡ κακὸς διακρίνεται τὸ διακρίνον, secundum quam
bene vel male disponitur dispositum. In altera verò spe-
ciali significatione si dispositio accipitur, tum ha-
bitus non est dispositio, sed differt ab eâ; quod ha-
bitus non facile remouetur à subiecto, dispositio
verò facile tollitur. In priori autem significatione vox
dispositionis in morbi definitione accipienda est;
potestque idcirco attribui morbis, & qui facile tol-
luntur, & qui difficulter à subiecto mouentur. Imò
& hoc notandum, in generali significatione vocem
διαθέσεως latissimè sæpe extendi, vt non tantum de
morbo & sanitate, sed & de morbi sanitatisque caus-
sis atque symptomatibus accipitur; imò & τὰ πάθη
καὶ τὰς ἐνέργειας complectatur. Per vnum quodque
enim horum contingit διακρίνεται ἢ διατίθεται, id est,
affici ac disponi aliquo modo corpus. Magis tamen
proprie sumptum διαθέσεως vocabulum significat id,
quod per πάθος καὶ ἐνέργειαν producit, iisque tan-
quam factum aliquid, opponitur. Vnde Galenus, *de*
sympt. differ. c. i. eam, quæ cessante causa alterante, in
parte patiente relinquitur alteratio; διαθεσι ipsius
dici, scribit. Et in hac significatione morbi quidem
omnes, vt & sanitas, sunt διαθέσεις; causæ morbificæ
& symptomata non omnia sunt διαθέσεις. Ex quo pa-
tet, Galenum antiquam significationem vocis δια-
θέσεως non corrupisse, sed retinuisse. Falsum etiam
est, quod assert Argenterius, quasi Galenus per affe-
ctum permanentem intelligat stabilem, & qui per-
manentiam ad aliquod tempus habeat, affectum. Nam
quod Galenus, *de diff. Sympt. c. i.* scribit: Cum quiescit
alterantis alteratio in re, quæ perpeffa est, eiusdem rei δια-
θεσι esse; & πάθος esse, dum quidpiam conuertitur, mu-
tatur, alteratur, monetur, affectum verò in subiecto corpore
& permanere & seruari: id non aliter intelligendum
est, quam hoc modo. Aliud est efficientis motus, quo
aliquid aliquo modo conuertitur, alteratur, mutatur-
que, aliud verò qualitas illa, quæ motu inducitur, &
quasi impressum actionis vestigium est. Quam diu

iraque res in motu est, & ad aliquam qualitatem mo-
uetur, res patitur, & qualitas in fieri est: cum verò
qualitas illa motu & actione efficientis inducta est,
& terminum, quem spectabat, attingit motus, res per-
manere dicitur. Causa enim habitus, seu cuiuscun-
que qualitatis præsentis gratia, res amplius non mo-
uetur. Atque ira res amplius non moueri, sed perma-
nere dicitur: siue qualitas illa inducta diu permanere
possit, siue non possit; siue causa fouente indigeat,
siue non indigeat. Quanquam enim fieri possit, vt
qualitas illa inducta causa fouente opus habeat, aut
etiam fieri possit, vt morbus augeatur: tamen quate-
nus terminum illum motus iam attingit, & qualitas
iam inducta est, quæ actiones lædit, respectu illius
qualitatis permanere dicitur; quia iam est, & vt fiat,
motu amplius non opus est. Sed de his plura suo lo-
co in diuisione morborum in fientes & factos. Atque
vt breuiter rem comprehendam; dum dicitur, mor-
bum esse quiddam permanens, id respectu motus, qui
terminum suum iam attingit, non temporis, intelli-
gendum est. De voce πάθος, à qua tota hæc doctrina,
quæ de morbis, eorum causis & symptomatibus agit,
Pathologia appellatur, hoc non prætereundum, Ga-
lenum quidem, *loco modo allegato*, πάθος nominare,
dum quippiam adhuc mutatur. Hippocratem tamen
etiam morbis, & quidem tam acutis quam diuturnis
hoc nomen tribuere, vt idem Gal., *aph. 28.* docet. Si
quæ alia præterea circa definitionem morbi vel ab
Argenterio, vel ab aliis mouentur difficultates, ex iis
sele facile explicabit is, qui ad illam formalem defi-
nitionem morbi respexerit, & Galenicam definitio-
nem, vt quæ ex ea ortum habet, ex ea explanauerit:
Et cum à Galeno dicitur, morbum esse constitutio-
nem, vel dispositionem præter naturam, quæ lædit
actiones; id ita interpretatus fuerit: quod morbus
sit vitiosa, & à statu naturali recedens partium cor-
poris dispositio, ob quam ad actiones naturales ob-
eundas ineptæ atque impotentes redduntur. Ea enim
genuina morbi natura est.

Morbi defini-
tionis expli-
catio.

CAPVT II.

De Morborum differentiis.

Explicata morbi natura, ad differentias morbo-
rum accedendum est. Sunt autem morbi diffe-
rentiæ duplices: Essentiales seu propriæ, quæ ab
ipsa morbi essentia, id est, constitutione præter na-
turam, sua cuique parti peculiari & propria, su-
muntur, & ita vni speciei competunt, vt alteri com-
munes esse non possint: & Accidentales, quæ à con-
stitutione in genere, iisque, quæ essentiam morbi in-
sequuntur, aliisque circumstantiis petuntur, & pro-
pterea pluribus communes sunt. Essentiales, vt primo
loco inuestigemus, dispiciendum primò, quod duplex
sit partis cuiusvis naturalis constitutio. Nam cum,
quod Gal. *de diff. morb. c. 2.* est principium ab omnibus
concessum, σύμμετρον sit καὶ φύσιν τὸ δὲ ὁρμητικὸν ἀμε-
τρον: & propterea sanitas σύμμετρον τῆς φύσεως: morbus verò
ἀσύμμετρον: si quod duplex sit naturalis constitutio
perspectum habeamus, ex recessu ab illa naturali con-
stitutione facile morborum genera inuestigabimus.
Tot enim oportet esse prima summaque genera mor-
borum, secundum quot modos maximè vniuersalis
iste recessus fieri potest. Dictum autem est supra,
partes esse duplices: alias quidem simplices & si-
milares, alias verò organicas seu dissimilares. Par-
tium similiarium sanitas consistit in naturali illa, quæ
ex prima ex principiis compositione pendet, consti-
tutione accidentali. Dictum enim iam antè est, ne-
que sanitatem, neque morbum in ipsa essentiali con-
stitutione collocandum esse, sed in illa accidentali,
quæ essentialem constitutionem sequitur. Cum verò

Morbi diff-
rentia dupli-
ces:
Essentiales.
Accidentales.

Partium si-
miliarium
constitutio.

similares partes componantur ex quatuor elementis, atque elementorum mistionem proximè insequatur temperamentum; ad similiarium partium sanitatem requiritur temperies, seu iusta primarum qualitarum moderatio, & *συμμετρία*. Atque in hac qualitarum *συμμετρία*, seu temperie solùm sanitatem partium similiarium vulgò constituunt. Verùm cum corpus humanum non solùm sit mistum simpliciter, sed sit corpus viuens, & animatum, atque habeat calorem vitalem, spiritus viuificos, humidumque radicale, atque formam specificam, à qua animatur, à quibus multæ nobiles qualitates, quæ in mistis simpliciter non inueniuntur, emanant; meritò non solùm in qualitarum primarum *συμμετρία* sanitas partium similiarium ponenda, sed & occultarum qualitarum quædam peculiaris requiritur constitutio, sine quibus partes similes, etiamsi in primis qualitatibus suam naturalem constitutionem habeant, sanæ ac saluæ esse non possunt. Aliam deinde habent constitutionem partes, quatenus organicae sunt. Vt enim actionum edendarum possint esse idonea organa, requiritur in iis commoda forma seu figura, magnitudo, partium constituentium numerus, & situs. Quæ quidem partium organicarum constitutio & compositio in aliis alia est, pro varietate actionum edendarum. Alia enim pars hanc, alia illam figuram habere; alia maior, alia minor; alia ex pluribus, alia ex paucioribus componi debet. Atque hæc omnia nisi pars quælibet obtineat, organi nomen & officium sustinere non potest. Tandem est quædam constitutio, vtriusque & similiaribus & organicis partibus communis. Omnis enim pars, siue vt similis siue vt organica consideretur, integra atque vna esse debet. Itaque tertio ad sanitatem partium requiritur ipsarum vnitas, seu continuitas. Cùm ergo in hac triplici constitutione sanitas consistat, atque hæc tria, vt & pars aliqua, & totum corpus sanum sit, & suas actiones exercere possit, requirantur: ex recessu ab ea triplex morborum genus oriatur. Primum nimirum morborum genus est partium similiarium, inter quos primò sunt morbi intemperiei; cùm debita illa qualitarum primarum proportio, quæ ad actiones necessaria est, non obseruatur, sed vel vna reliquas tres, vel duæ reliquas vincunt. Vnde intemperies simplex est, cum vna saltem qualitas excedit: quæ est quadruplex, calida scilicet, frigida, humida, sicca: Composita, in qua duæ excedunt, quæ etiam secundum quadruplicem *συζυγίαν* qualitarum primarum quadruplex est; calida, humida; calida, sicca; frigida, humida; frigida, sicca. Deinde reperiuntur in partibus similiaribus morbi occultarum qualitarum, vel, vt vocant, totius substantiæ, seu formæ, cùm reliquæ nobiliores, præter primas qualitates, mutantur. Secundò, Morborum organicorum tot sunt genera, quot ad organi constitutionem requiri diximus. Cùm verò pars instrumentaria non ex quibuslibet, iisque temerè congestis, & coagmentatis, sed ordine quodam, numero, figura, situ, magnitudine decenti constantibus, vt & totum corpus, componatur: hinc quatuor genera primæque differentia morborum partium organicarum emergunt. Primum cùm forma seu figura corrumpitur, hoc est, cùm membri figura naturalis vitiatur, & quod rectum est, fit curuum: quod rotundum, rotunditatem amittit: cùm meatus, qui patere debebant, clauduntur, aut quos clausos esse decebat, patent: aut quod asperum esse debebat, læue euadit, similique modo à naturali conformatione membrum recedit. Alterum genus morbi est in numero, cùm deest quidpiam, quod adesse debebat; aut adest, quod abesse debebat. Tertium est in magnitudine, cùm membrum vel maiorem, vel minorem magnitudinem, quàm naturalis constitutio requirit, obtinet. Quartum in situ est, cùm pars naturalem situm non habet; & in con-

nexione, cùm pars, vt debebat, cum aliis non connectitur. Cùm verò quoddam commune sit, quod & partibus similiaribus & dissimiliaribus ad sanitatem necessarium est, nimirum vnitas & continuitas; si hæc amittatur, tertium morbi genus oritur, quod solutæ vnitatis, seu vnionis vel continuitatis nominant.

[Ex doctrina de diuisione partium in similes & organicas fluunt differentia morborum, quas et si, suprà me diligenter explicauisse puto, vt ex iis dubia etiam, quæ in hac doctrina superiore tempore exorta sunt, facile solui possint: tamen quia Ludou. Dugardi, *Instit. Med. part. alter.* dubia noua iniecit, quæ Tyrone Medicinæ forsanturbare possent, & illa soluenda sunt. Nam primò diuisionem morborum vulgarem in morbos partium similiarium, organicos, & solutæ vnitatis, malam esse, eo probare vult, quia in partibus dissimiliaribus multi consistunt morbi, qui non sunt instrumentarij; seu quia detur morbus similis in parte dissimilari, quatenus non est organica: vt caliditas nimia cerebri, frigiditas cordis nimia. Verùm inutiles hæc *λογομαχία* est, dicere morbum in dissimilari parte, quatenus non est organica. Etenim verum est, cor & cerebrum saepe intemperie laborare, non quatenus partes organicae sunt, interim etiam non laborant intemperie, quatenus dissimilares, sed quatenus similes. Cerebrum nimirum ob suum parenchyma, quod est substantia similis; cor ob suum parenchyma simile intemperie laborant, & intemperies cerebro, cordi, hepati, quatenus similes sunt partes, competit. Id quod ipse concedere necesse habet, dum scribit cerebrum non dici calidum ratione venarum, arteriarum, id est, quatenus ex pluribus partibus componitur, & dissimilare est, sed ex se, & ratione sui, hoc est, secundum parenchyma suum, quod similis & simplicis substantiæ est.

Deinde cùm simile tribus modis accipi posse putat; primò pro eo, quod non est compositum, sed suam simplicem substantiam & qualitates habet nullo habito respectu ad organicam structuram; secundò pro eo, quod est instrumentarium; tertio pro eo, quod non est compositum è diuersis partibus. Primo modo dictam similaritatem mauult appellare materiationem, atque hoc simile non putat opponi dissimilari, quia similaritas & dissimilaritas hoc modo sumpta non possit esse in eodem subiecto, & e.g. adducit cerebrum, in quo sit partium similaritas & dissimilaritas. Verùm errat in hoc vehementer: cùm propriè loquendo dissimilare nunquam possit esse simile. Etsi enim cerebrum etiam possit considerari, vt constat ex suis membranis, venis, arteriis; tamen ea ratione nullo modo dicitur pars similis, sed & composita & dissimilaris: sed eo saltem respectu dicitur similis, quatenus eius parenchyma est similis substantiæ. Et hîc saltem propriè simile est, quod non constat è partibus diuersæ essentia. Huic tamen similari accidit, vt habeat organicam structuram. Ita tibia, quatenus os est, similis pars est, & ex vnus generis substantia constat, & dissimilari ac compositæ parti opponitur; quatenus verò tibia est, organica pars est. Et similis partis hoc modo considerata proprium est, viuere & nutrirî, & sibi proprias actiones per substantiam & qualitates proprias perficere, non considerata organicâ structurâ.

Tertio. Materiam autem appellat omne id, ex quo corpus viuens constituitur, dempta organizatione. Et morbos materiaturæ triplices facit: morbos materiæ; morbos temperamenti; morbos formæ. Morbos materiæ esse dicit factos ex diuersa materiæ elementaris mixtione. Et species huius morbi esse dicit, nimiam substantiæ partis densitatem,

Partium organicarum constitutio.

Vtriusque communis constitutio.
Tria morborum genera.

Partium similiarium morbi.

Morbi occultarum qualitarum.

Conformationis.

Numeri.

Magnitudinis.
Compositionis.
Vnitas salutis.

De differentiis morborum

Obiectione quædam Dugardi.

Simile quomodo accipiat Dugard

Materia Gardino quid? Quotuplices ipsi morbi materiaturæ? Qui materiaturæ?

tem, aut raritatem, duritiem aut molliem, crassitatem, aut tenuitatem, visciditatem aut friabilitatem, laxitatem aut densitatem, actionem ladamtem per se. Morbos temperamenti dicit esse intemperiem, & qualitatum naturalium mutationem. Morbos formæ statuit esse in iis rebus, quæ à Medicis usurpantur pro viuentis forma. Vt autem probet morbos, quos appellat materiaturæ, à morbis structuræ differre, vtitur hoc exemplo. Quemadmodum, inquit, thorax, si sit panno lineo solum constitutus, dicitur esse constitutus ex materiatura simplici seu similari; seu constitutus sit, tum ex panno lineo, tum ex panno laneo, tum ex serico, dicitur esse constitutus ex materiatura composita seu dissimilari. Si verò hæc materiatura, quæcunque etiam sit, sit conformata in structuram thoracis secundum magnitudinem, figuram, numerum, & situm debitum, dicitur habere structuram thoracis, & esse instrumentum aptum ad inuestiendum pectus, dorsumque & brachia. Quod si istius thoracis materia sit nimis dura, aut nimis tenera, si multas habeat maculas, aut deformes nimium colores, si sit putrida, aut maligna aliqua qualitate intoxicata, quamuis sit optimè constructus, dicitur hic thorax habere vitium in sua materiatura: si verò iste thorax constitutus quidem sit ex optima materiatura seu ea sit similis, seu dissimilis, & interim habeat structuram malam, dicitur hic thorax habere vitium structuræ, quæ debeat esse organizata pro pectore & dorso, brachiisque illius, pro quo constructus fuerat. Si ergo fuerit aut nimis magnus, aut nimis parvus, aut aliud in figura, numero, vel situ vitium habeat, dicitur habere vitium in sua structura. Vt ergo thorax potest habere malam constitutionem seu vitium in sua materia; sic pars qualibet corporis, seu sit similis, seu dissimilis, potest habere vitium in materiatura, quod vitium morbus materiaturæ dicitur. Et sicut thorax potest habere bonam materiam, & vitium in sua structura; ita pars quælibet, seu similis, seu dissimilis, potest habere vitium in sua structura, quod morbus structuræ seu instrumentalis dicitur. *Hæc Ludovicus Dugardi.*

Verum nodum in scirpo quærit, & rem vulgaram nouis nominibus obscurat. Nemo enim est, qui neget aliud esse materiam corporis nostri, aliud structuram eius, & materiam corporis nostri esse partes similes, quatenus similes; & quidem partes similes esse alias exactè & verè tales, quales sunt os, cartilago, caro simplex, fibræ; alias ad sensum tales, quales caro musculorum, substantia arteriarum, venarum, quæ è suis fibris & carne propria constant, quas Galenus, *de different. morbor. cap. 4.* inter prima instrumenta recenset; esse deinde alias partes, quæ è pluribus componuntur, vt sunt manus, pes, oculus. Secundò etiam libenter concedimus, aliud esse materiam, aliud structuram, non solum in compositis, sed etiam in simplicibus partibus; atque id manifestè ex ossibus apparet. Os enim certam partis simplicis ac similis naturam significat, & eatenus in eo nulla structura consideratur; quatenus verò certo modo figuratum est & constructum, dicitur cranium, dens, maxilla, costa, vertebra, humerus, vlna, femur, tibia, & os femoris & tibiæ essentia ratione non differunt, sed ratione structuræ & conformationis, vnde etiam diuersa sortiuntur nomina.

Ergo de hoc non quæstio est, an materia partis, & structura eiusdem differant, sed de hoc controuersia est, quænam ad partis similitudinem, vt sic dicam, & materiaturam, vt ille loquitur, pertineant, quibus læsis partis similis, quatenus talis, seu materiaturæ morbi accidant, quæ verò ad eius structuram neces-

saria sint. Galenus in parte similari vnicum saltem morbi genus ponit, nimirum intemperiem: Fernelius addit morbos materiæ & formæ: nos, præter intemperiem, morbos occultarum qualitatum. Ludovic. verò Dugardi, in plerisque Fernelius secutus, morbos materiæ, quos appellat, diuidit in morbos materiæ, morbos temperamenti, morbos formæ. De morbis temperamenti nullum dubium est, vtpote quos omnes concedunt. De morbis materiæ & formæ, quos appellant, iam quæstio est. Et primò quidem morbos materiæ quod attinet, dicit in genere, eos ex diuersa mixtione materiæ elementaris provenire. Verum dictum est suprà ad partis similis constitutionem equidem necessariam esse mixtionem materiæ elementaris, & eam temperamento diuersam esse; sed in ea morbum non consistere, vtpote cuius mutatione pars ipsa destruitur. Etenim essentialis illa constitutio, quæ à materia & forma pendet, in viuentem non mutatur: at morbus non essentiali constitutione, sed accidentali, quæ variè mutari potest, consistit. Vnde idem homo nunc sanus, nunc æger est. Et sit sanè, vt materia aliquod vitium habeat, sicut materia vestis id habere potest, quod nunc à primo ortu accidit, vnde morbi hæreditarij proveniunt: non post ortum: tamen nullum nouum morbi genus, præter intemperiem & occultarum qualitatum inde oritur; aut si qui videntur dari, ad morbos structuræ pertinent: quod vt manifestum fiat, omnia morborum materiæ genera ab ipso ortu examinanda.

Primò enim raritatem & densitatem quod attinet, sunt illi morbi organici, quod ex eo manifestè apparet, quod ex cutis densitate, & raritate non nutritio cutis, quæ ipsi, quatenus similis pars, competit, sed organicum officium læditur. Cutis enim cum, vt regumentum sit toti corpori obductum, poros habere debeat, per quos fuligines exhalare possint, & ventilatio corporis fieri; si ij sint nimis laxi & patentes, vel clausi, inde perspiratio læditur. Admittit hanc raritatem & densitatem esse morbum organicum, Ludovic. Dugardi; sed præter eam aliam adhuc raritatem & densitatem ponit, densumque esse dicit, quod in parua mole multam habet materiam, rarum, quod in maiore mole parum habet materiæ. Verum sit sanè (de quo tamen apud Physicos controuersia est) vt densitas & raritas talis detur, quæ alia sit, quàm quæ è pororum paucitate vel multitudine provenit: tamen illa saltem simplicibus elementis competit, in mixtis verò omnia, quæ parua mole multum habent materiæ, etiam paucos & paruos poros habent, quæ verò in magna mole parum habent materiæ, magnos vel multos poros habent.

Duritiem & molliem quod attinet, interdum saltem symptomata tactus sunt; cum scilicet nullam actionem ladam. Si verò læditur actio, vt dum homo propter molliem ossium stare nequit, est morbus organicus. Stationi enim inseruire, non est actio similis, sed organica. Ita dum tendines nimis molles, vel nimis duri fiunt, vt motum rectum perficere non possint, est morbus organicus. Mouere enim est actio, quæ parti competit, non quatenus similem, sed quatenus organicam functionem præstat, nec tum similis actio læditur. Tendo enim vel ligamentum nimis durum vel molle æquè viuit & nutritur, ac rectè habens.

Eadem crassitie & tenuitatis est ratio; quæ ipsa etiam ad organicam constitutionem pertinet. Dum enim tunica cornea, humor aqueus, crystallinus, vitreus in oculo sit crassior, tollitur naturalis perspicuitas, vnde visio læditur.

Visciditatem & friabilitatem etiam inter morbos materiæ ponit, sed nullum exemplum afferre potest.

Examen morborum Dugardi.
1. A raritate & densitate.

2. A duritie & mollietate.

3. A crassitie & tenuitate.

4. A visciditate & friabilitate.

5. A laxitate
& tensione.

Laxitas & tensio sunt morbi organici. Dum enim ligamentum laxatur, ut partem quam debet in suo loco amplius retinere non possit, non actio similis lacidur, vita puta, & nutritio, sed organica.

Morborum
forma.

Morbos formæ quod attinet, agnoscit ipse Gardinus, se non intelligere posse per formam alteram partem essentiali compositi; cum forma ita propriè dicta nullam mutationem suscipere possit, & talis forma non sit Medicæ considerationis; & id accipit, quod Medici sumunt pro forma, & à quo immediatè prodeunt actiones viuentis, quatenus est viuens, seu quod inter res naturales formaliter dat esse viuenti, seu, quod clariùs dixisset, id, quod proximum animæ in agendo instrumentum est. Verùm abutitur hoc modo nomine formæ, nec ea licentia Medicis à Philosophis conceditur. Neque enim instrumentum ipsa forma est, sed formæ inferuit. Principium autem hoc dicit esse spiritus calore suo natiuo perfusus, & facultates. Sed quod facultates attinet, cum immediatè ab anima fluant, non mutantur, nec vllum morbi genus per se habent. De spiritu ergo insito, seu calido natiuo dispiciamus, an nouum morbi genus pariat, quod neque ad intemperiem, neque ad qualitates occultas reduci possit. Dari tales morbos, probare conatur Ludouic. Dugardi authoritatibus variis. Primò enim Galenus 2. ad Glaucon. scribit, *indicationes etiam sumendas esse à partium virtute. Et: Remedia, quæ morbos tollunt, virtutem saepe offendere, qualia sunt, quæ moderatè laxant & refrigerant. Et, calorem natiuum fortasse substantiæ virtutem esse.* Hinc concludit, vsu refrigerationum finiri quidem morbum calidum posse, verùm eiusmodi refrigerantia esse causas efficientes, quæ in spiritibus calore natiuo perfusis talem generarent constitutionem, ut propter eam multæ actiones malè fiant, seu quæ generant morbum aliquem, qui nihil aliud erit, quàm morbus formæ, seu morbus in virtutibus corporis. Et quia Galenus dixit, calor natiuus fortè substantia virtutum est, morbum hunc formæ, seu totius substantiæ esse putat.

Secunda autoritas Galeni, quam adducit, est, 5. de simpl. med. facult. c. 16. ubi Galenus scribit, torporem à torpedine impressum, esse virtuti totius substantiæ partis contrarium, nec tolli simpliciter calefacientibus, sed iis, quæ à tota substantia tali malo à torpedine impresso aduersantur.

Deinde adducit auctoritates plurimas Recentiorum, quorum aliqui morbos formæ defendunt, ut Fernelius, Argenterius, Rondeletius, Erasius: alij inuitè concedere coguntur, imprimis Iul. Alexandrinus, qui, in *Ant-Argentericis*, scribit: *Morbos hosce à forma, vel tota substantia, non ignorauit Galenus, sicut nec formam illam: omisit autem eorum tractationem, quod arte & methodo comprehendere non posse viderentur.* Et Fuchsius, lib. 3. *Instit. sect. 1. cap. 4.* morbos hos concedit, à Galeno tamen sub morbis temperiei comprehensos esse putat, additque; *Non negamus: aliquas qualitates, quas vocant específicas, & vires peculiare, corporibus à Deo Opt. Max. inditas, quas commixtioni primorum corporum, seu elementorum, acceptas referre non possumus. Voluit enim Deus haud dubiè remedia certis rebus contra certos morbos indere. Hanc autem tantam Dei clementiam erga nos homines cum Galenus ignoraret, nihil mirum est, eum omnia mixtura primorum corporum tribuisse.*

Verùm hæc auctoritates omnes etsi suo loco relinquimus, pleraque etiam planè admittimus: tamen causam Gardini nihil iuuant. Primò enim nimio refrigerantium vsu calorem natiuum posse debilitari concedimus, sed morbum illum temperiei esse dicimus. Torpedinem non primas qualitates muta-

re, & dari vires ac qualitates, quæ mixturæ elementorum non debentur, cum Fuchsius statuimus: sed quoniam illi morbi sint, iam porro disquirendum. Nos illos morbos occultarum qualitarum esse diximus. Quod si etiam statuit Ludouic. Dugardi, rectè sese res habet. Verùm rem eum vidisse existimo, clarè verò explicare non potuisse, dum & fundamenta non solida ponit, & rem à Fernelio acceptam nouiter confictis vocabulis obscurat. Fundamentum ipsius est hoc; calorem innatum esse facultatem corpora nostra gubernantem; Galen. 1. aph. 15. calorem natiuum esse naturam nostram, 5. aph. 22. 4. aph. 37. & animam nihil aliud esse, quàm calidum ipsum. in libell. de tremor. & spiritum in animalis contentum partibus esse animæ essentiali, 5. de simpl. med. fac. 8. Deinde species morbi formæ tres præcipuè statuit: Depauperationem; Conturbationem, & Inquinamentum formæ.

Verùm primò fundamentum solidum non est. Etsi enim Galenus interdum ita loquitur, valde tamen impropriè id facit; cum apud sanos Philosophos & Medicos constet, calidum natiuum & spiritus non esse ipsam animæ essentiali, sed saltem instrumentum animæ proximum.

Deinde posito, quòd ita licuerit Galeno, pro suo vsu instrumentum animæ proximum pro ipsa anima sumere, & concessio, proximum illud animæ instrumentum morbos aliquos à temperie qualitarum primarum diuersos pati posse, morbos scilicet occultarum qualitarum: tamen eos non rectè explicat.

Depauperationem quod attinet, dicit esse diminutionem vel in quantitate, vel in temperie. In quantitate, cum ob spirituum influentium defectum etiam spiritus insiti deficient. In temperie depauperari dicit; cum calor natiuus per penetrabile extremumque frigus debilitatur, aut per caloris æstiu nimium æstum discutitur. Item cum à torpedine extinguitur. Idem accidere posse statuit, cum spiritus insitus in oculo depauperatur, ob denegatum influxum spirituum animalium. In qua tamen re sibi non constat. Primò enim dicit, quòd dissipatio spirituum influentium non est morbus, sed causa morbi, & rectè; cum saltem partibus viuentibus competat. Postea verò dicit, quòd depauperatio hæc sit morbus in oculo subiectatus; cum in oculo sit priuatio cuiusdam rei, quæ ad illum iugiter debet affluere, ut visionem efficiat. Atque idem defectus spirituum influentium esset morbus; quod absurdum.

Verùm ut de nouis sine causa confictis vocabulis nihil dicam, spiritus influentes non sunt proxima actionum causa, sed partes viuentes, & quidem quatenus naturalem suam constitutionem obtinent: quæ præter organicam constitutionem & unitatem consistit in dispositione illa, quæ emergit è temperie mixtionis, & temperamento viuentibus proprio, quod ex calido insito & influente perficitur; à qua dispositione nec occultæ qualitates excludendæ sunt; cum ad eas in rariorum symptomatum, verbi gratia, quòd quidam certos cibos auersantur, causis reddendis confugiendum sit. Huius dispositionis mutationem ad quam & spirituum influentium defectum facere libenter concedimus, si morbos formæ quis nominare velit, id per me licet, sed is sciat, primò se valde impropriè loqui, & nomine formæ abuti; cum illa dispositio forma non sit, sed formæ instrumentum. Deinde & hoc sciat, se nihil noui inuenisse; cum Galenus morbos temperamenti iam dudum explicauerit; Fernelius etiam morbos formæ ad eundem modum ferè statuerit: ego verò morbos occultarum qualitarum iam Anno

Fundamentum Gardini.

Species morborum formæ tres sec. Gardin.

Depauperatio.

1607. primus (absit verò verbo inuidia: ideò enim hoc monendum fuit, cum videam, alios hos morbos è meis in sua scripta transtulisse) addiderim, & hoc modo morbos totius substantiæ vulgo dictos clarius explicauerim. Ad has occultas qualitates pertinent qualitates illæ specificæ, corporibus à Deo Opt. Max. inditæ, quas commixtioni primorum corporum, seu elementorum, acceptas referre non possumus; vt rectè scribit Fuchsius. Talis morbus occultarum qualitarum, non formæ, propriè loquendo, est qualitas illa à torpedine impressa, quæ non tollitur calefacientibus, sed occulto modo, & tota substantia agentibus. Præter hos intemperiei, & occultarum qualitarum morbos, nemo alios in partibus similaribus, quatenus tales, morbos monstrabit. Et si qui à spirituum influentium influxu denegato & prohibito eueniunt, vel ad morbos intemperiei, vel occultarum qualitarum reducendi sunt. Ipsius verò spiritus insiti immutationem quod attinet, equidem ipso immutato actiones læduntur ac debilitantur: verum illa ipsa spiritus insiti immunutio, non morbus est, sed causa morbi. Spiritu enim insito mutato, natia partis dispositio mutatur, & dispositio mutata morbus est.

urbatio. Secundam speciem morborum formæ Ludouic. Dugardi nominat Conturbationem seu perturbationem formæ, definitque, spirituum ab ordine, quem natura præscripsit, alienationem, actionem lædentem primò, & adducit eius morbi exempla, Eroticum furorem, seu Amorem insanum; idque eo probare vult, quòd id, quod est impressum, non est calor, non frigus, non alia qualitas prima, nec læsa conformatio, solutione continui, sed impressa aliqua qualitas in ipsa facultate imaginatiua. Idque porro probat, quòd hoc malum non curatur remediis intemperiem corrigentibus, sed distractione imaginationis, & mentis ad alias cogitationes auocatione. Refert huc & odium, melancholiam, ebriositatem, pigrinem, furacitatem, gulositatem, & similia in appetitu vitia ex pluribus actionibus genita, & in habitum quasi mutata; ea de causa, quòd talia non expugnentur aliis remediis, sed actionibus contrariis, & vsu conueniente bene adhibitarum animi passionum.

Verum valde hinc errat Ludouic. Dugardi. Neque enim amor insanus, melancholia, & similes animi passionis, vtcunque in habitum degenerauerint, morbi sunt, sed symptomata, vt omnibus notissimum, vt mirer, ipsum in re tam vulgata & nota in hunc errorem delapsus esse. Erquidem talia symptomata, quæ, vt Capiuaccius *lib. 1. Pract. cap. 11.* de melancholia rectè docet, non læsa facultate ob morbum, sed ob errorem externum, phantasma scilicet vitiosum, accidunt. Ideoque etiam non mirum est, talia symptomata tolli phantasmate illo vitioso ablato, & imaginatione ab appetitu ad curas alias & obiecta vocato.

Tertiam morborum formæ speciem ponit Inquinationem, quam definit, malam corporis constitutionem, resultantem in eo ex impressione cuiusdam qualitatem tertiam quartamue æmulantis, factam in ipsa forma.

inatio. Verum hoc morbi genus quidem suo modo admittendum est, imò vnicum morborum totius substantiæ nominatorum genus est, sed aliter explicandum. Quod ille enim tertiam quartamue qualitatem nominat, nos rectius occultas qualitates dicimus, quales sunt in venenis tum intus genitis, tum extra admissis, vt morbis contagiosis, hydrophobia, & aliis. Quod verò ipse dicit, hos morbos fieri, esse, & inhærere in ipsa forma, falsum est, nisi nomen formæ planè improprie acci-

Dan. Sennerti Tom. 1.

cipiat. Rectius dicitur, morbos tales in parte viuentem, quatenus occultarum qualitarum capax est, inesse. Id quod ex eo ipso patet, quòd dicit, formam constare ex spiritibus & calore nativo. Improprie enim vocabulo formæ vtitur, & instrumentum formæ pro forma accipit. Neque enim ipsa forma constat ex spiritibus & calido nativo, sed pars spiritibus & calore nativo prædita formæ instrumentum est.

Ex quibus omnibus patet, in morbis partium similarium, quatenus tales, nullum aliud dari morbi genus, præter intemperiei, & qualitarum occultarum. Præterea quidem in eo rectè sentit Gardinus, quòd agnoscit, dari morbos qualitarum, alios à morbis qualitarum tactilium. Sed in eo errat, quòd scribit, necessarium esse, vt vel constituent vnam quartam, à morbi similaris speciebus distinctam, vel vt referantur ad morbos temperamenti. Neutrum necessarium est nec sequitur, morbus aliquis est qualitas aliqua sensibilis: ergo pertinet ad morbos similes. Datur tertium. Potest enim esse morbus organicus. Ita asperitas, curuitas, & alia figuræ, & superficiæ vitia sunt qualitates, nec tamen sunt similarium partium morbi, sed partibus, quatenus organicæ, conueniunt. Quapropter omnes morbi, quos ille in hanc classem refert, nisi sint morbi occultarum qualitarum, sunt vel symptomata; si scilicet actionem non lædant, vel organici, si actiones proximè lædant. De quo, supra dictum.]

Conclusio.

C A P V T III.

De morbis Intemperiei.

DVo ad partium similarium naturalem constitutionem, in qua sanitas consistit, requiri diximus, iustam qualitarum primarum *συμμετρίαν*, qualis quidem ad cuiuslibet partis operationes edendas necessaria est; tum etiam occultiores quasdam qualitates. Primò itaque temperiem quod attinet, si illa à naturali statu recedat, morbi intemperiei oriuntur; qui tot sunt, quot sunt naturalia temperamenta, atque ab iis recessus. Oritur enim intemperies, cum debita illa qualitarum primarum proportio, quæ ad actiones edendas necessaria est, non seruetur, sed vel vna reliquas tres, vel duæ reliquas duas vincunt. Vnde intemperies alia est simplex alia composita. Simplex est, in qua vna qualitas excedit: & hæc pro quatuor qualitarum primarum numero est quadruplex; calida, frigida, humida, sicca. Composita, in qua duæ qualitates excedunt, ex quadruplici *συζυγία* qualitarum primarum etiam quadruplex est: calida & humida: calida & sicca: frigida & humida: frigida & sicca. Atque ita octo sunt intemperies. Sed hæc intemperies rursus variis modis distinguuntur. Quæ tamen distinctiones non nouas species, sed differentias pariunt, quæ in pluribus specie differentibus reperiuntur, quæque speciem non constituunt, sed aliquo modo mutant. Quæ de causa si quis eas ad accidentales differentias referre velit, id per me ei integrum esto. Primò enim alia intemperies est cum materia, alia sine materia. Si enim ad locum aliquem materia, quæ & ipsa intemperata sit, confluat, aut in eo colligatur, & qualitates suas parti communicet, atque intemperie in ea & excitet, & foueat: appellatur intemperies cum affluxu materiæ; à nonnullis intemperies materialis. Si autem in parte à causa aliqua intemperies exciterur, ita tamen, vt nulla in ea materia, & nullus humor præter naturam hæreat, vt fit in intemperie, quæ excitatur ab æstu Solis, aut igne, aut medicamentis impositis & similibus: appellatur intemperies

Morbi intemperiei.

Intemperies duplex. Simplex. Composita.

Intemperies cum materia.

Intemperies sine materia.

sine materia, aut sine affluxu materiæ, à nonnullis intemperies immaterialis. Vbi obseruandum, frequentiores esse intemperies cum materia; cum plerique morbi ex redundantia humorum oriuntur. Et quamuis fieri possit, ut in aliquam partem nuda intemperies inducatur: tamen vix fieri potest, ut diu sola duret, sed plerumque paulò post, vel ob partis debilitatem, vel ob humorum in corpore copiam, materia adsciscitur, ut ex nuda intemperie intemperies cum materia fiat. Tantùm sicca sæpe diutius subsistere sola potest. Deinde alia intemperies est æqualis, alia inæqualis. Æqualis est, quæ in omnibus membri partibus est similis, easque omnes similiter & æqualiter afficit. Dissimilis est, quæ in vna parte est intensior, in alia remissior, & aliàs magis, aliàs minus afficit. Cum enim membra corporis ex pluribus particulis constituantur, si causa alterans occurrat, ab ea æqualiter omnes mox affici non possunt: sed aliæ magis, aliæ minus alterantur, & de naturali statu deiiciuntur; unde oritur inæqualis intemperies. Si autem eius actio eoque procedat, ut omnes tandem æqualiter alterentur, & naturalem temperiem amittant: æqualis ea intemperies dicitur. Vnde etiam inæqualis intemperies cum dolore & molestia est coniuncta: in æquali autem nullus dolor aut molestia percipitur. Quamdiu enim pars adhuc immutatur & alteratur, dolore afficitur: cum autem iam alterata est, & intemperies quasi natiua & domestica euasit, dolor & molestia amplius non percipitur. Hoc autem fit in æquali, illud in inæquali intemperie. Nam æqualis intemperies iam planè facta est, & alteratio absoluta: in inæquali autem pars quidem facta est, & ex parte naturalis temperies mutata, ex parte autem adhuc alteratur & immutatur. Æqualis intemperies est in cachexia & hectica; inæqualis in reliquis febribus. Plura de his legantur apud Galen. in libro, quem *de inæquali temperie* scripsit. Et si verò hic quædam in controuersiam vocari soleant: tamen ex iis, quæ supra, l. 1. cap. 4. de numero temperamentorum dicta sunt, ea expediri possunt. In specie saltem hoc addimus: iam olim Athenæi sectatores quidam, ut Gal. 1. *de temper. cap. 3.* docet, negabant, calidum, humidumque statum vitio dandum, aut vllum morbum inueniri, qui calidus sit & humidus. Cum enim mors ad frigidum & siccum perducatur: certè vita, ut illi contraria, in caliditate & humiditate consistet. At verò si vita cum caliditate & humiditate coniuncta est, omnino saluberrima & optima, nulloque modo morbosa erit hæc temperies. Verùm licet concedatur, totius corporis temperiem naturalem suo modo esse calidam & humidam: tamen in toto corpore multæ sunt partes, quæ diuersa habent temperamenta. Cum enim partes diuersæ diuersa habeant officia, diuersas etiam requirunt temperies. Itaque quæ debet esse calida & sicca, si euadat calida & humida, vel quæ debet esse frigida & humida, euadat calida & humida: iam morbosa est illa temperatura. Et quod totius corporis temperiem attinet, licet verum sit; calidam illam esse, & humidam, & propterea nonnunquam à medicis pro temperata & pro optima, ac reliquarum quasi norma censeretur: tamen non de qualibet temperie calida & humida accipiendum est; sed de illa solùm, in qua caliditas frigiditatem, & humiditas siccitatem moderatè superat. Hæc enim temperatura homini naturalis est, ipsique ad iustitiam temperato conuenit, & proximè ad illam exactissimam temperiem accedit. Si verò magnus est caloris & humiditatis excessus, tantum abest, ut illa sit optima temperies, ut etiam rectissime à Galeno, 8. *method. med. cap. 7.* omnium maximè putredini obnoxia esse statuatur.

Intemperies
æqualis.
Inæqualis.

An detur in-
temperies ca-
lida & hu-
mida.

Qua tempe-
ries calida &
humida sit
optima.

CAPVT IV.

De totius substantiæ seu occultarum Qualitatum morbis.

Porrò cum præter temperiem aliud quippiam ad partium similiarum constitutionem requiri dixerimus: meritò etiam aliud morbi genus, præter morbos intemperiei, in partibus similiaribus admitendum est. Itaque hic illa nobilis, intricata, atque utilis quæstio explicanda venit, qua quæritur: an præter hos, quos hætenus ex Galeno recensuimus, partium similiarum morbos, nimirum morbos intemperiei, alij adhuc dentur morbi partium similiarum. Apud Galenum quidem, atque alios antiquos medicos, aliorum morborum præter hos, nulla distincta fit mentio: à Recentioribus autem, inprimis Fernelio, plurima hac de re scripta sunt, & ut ea, quæ, 1. *lib. patholog. c. 7.* & prolixè *lib. 2. de abditis rerum causis cap. 9. & seqq.* hac de re tradidit, breuiter contrahamus, utitur allegato loco his præcipuè argumentis. In quorum naturali constitutione consistit sanitas, in eorum mala & præternaturali constitutione consistit morbus. At tria sunt, in quorum bonâ constitutione sanitas consistit, nimirum temperamentum, materia & forma. Ergo totidem etiam erunt, in quibus morbus consistit; Et proinde non dabuntur solum morbi intemperiei, sed præter eos etiam morbi materiæ & formæ. Minorem probat. Licet enim sint, quæ temperamento conueniunt: tamen materiæ laxitate, adstrictione, mollitie, duritie, crassitie, tenuitate differre possunt. Exempli gratia, pulmones & cor, etsi temperamento non multum diffideant: tamen materia multum distant, ut quæ cordi est densa & grauis, pulmonibus rara & leuis. Formam quoque & speciem à materia & temperamento diuersam esse, eo probat, quod secundum Aristotelem ratio ea, qua caro, aut os est, non à primis elementis, sed à semine & diuiniore principio nascitur: neque continuò quicquid similiter atque os densum & frigidum est, id continuò os est, sed præterea necesse est, propriam ossis formam accedere. Atque sicut horum trium bona constitutio ad sanitatem & actionem naturalem necessaria est: ita porro monstrat, ab iisdem malè sese habentibus actiones lædi. Intemperies primò, quod actionibus incommodet, extra controuersiam est. Ob materiæ vitium lædi actiones, eo monstrat, quod plurimi sunt optimo temperamento præditi, qui tamen neque calorem, neque frigus, neque laborem, neque vllam excessuantiam ferre possunt, ea solum de causa, quod molli, raro, laxoque sunt corpore: cum alij, qui sunt corpore intemperato, ut rustici, ob solidam corporis constitutionem, hæc omnia bene ferant. Hinc etiam Galenus in curandis morbis ventriculi, hepatis & similiarum partium, quæ communem corpori usum præbent, nimis laxantia cauere, adstringentia non omittere, & omnino roborearum partium conseruare iubet. Formam seu speciem etiam requiri docet, & eo probat; quod sicut struthiocamelus, non elementorum calore, non temperamento, sed totius essentia ratione ferrum coquit: ita & quæ in nobis fiunt conditiones, totius substantiæ vi perficiuntur. Tandem allegat etiam Galenum, qui, 2. *ad Glauconem. cap. 2.* scribit: Ea, quæ moderatè laxant, soluere robur, & propterea membri virtutem: quæ autem supra modum refrigerant, natium calorem extinguere; & tandem qualitates quasdam extraneas virtutem dissoluere posse. Quo loco Galenum vel inuitum tres læsarum virtutum causas statuere existimat, relaxantia, refrigerantia, & alienas qualitates. Probat deinde eandem opinionem ex curandi ratione. Medicamenta enim quædam primis qualitatibus agere, ait, & morbis

An detur
morbis totius
substantiæ

Argumentum
Fernelii pro
morbis totius
substantiæ.

morbis intemperiei succurrere; quædam verò secundis, quæ materiæ immoderationi; quædam tertiis & quartis, quæ toti substantiæ opitulantur. Atque ita tria morborum in partibus similaribus genera statuit; nimirum intemperiem, materiæ immoderationem, & totius substantiæ corruptionem. Tria hæc porro in plures differentias diducit. Intemperiei morbi sunt, quos supra enumerauimus. Immoderate autem materiæ differentias statuit molliem & duritiem, laxitatem & adstrictionem, tenuitatem & crassitatem, raritatem & densitatem: affertque exemplum cuiusdam militis, cui ossa crurum, brachiorum & femorum ex morbo tam flexibilia euaserant, ut ceræ modo quocunque flecti possent: quod vitio materiæ adscribit & morbum materiæ appellat. Totam autem substantiam statuit esse perfectionem atque integritatem, quæ res vnaquæque consistit. Hæc enim quoties mutatur, & de perfectione decedit, res tota continuo perfringitur: ipsamque illius decessionem morbum totius substantiæ appellat. Totius autem substantiæ corruptionem nondum consummatam se intelligere, scribit: Perfectam enim consummatamque corruptionem interitum rei esse. Hanc verò corruptionem substantiæ duplicem constituit, vnam simplicem corruptionem, alteram putredinem. Corruptionem simplicem esse dicit, spiritus, calidique natui dissipationem, aut extinctionem. Putredinem esse substantiæ dissolutionem in gangræna & sphacelo, in phthisi, & aliarum partium corruptionibus. Et quidem hos morbos alios esse manifestos, alios occultos, docet. Manifestos, qui ex manifestis ortum habent qualitatibus: occultos autem, qui ex abdita, & quæ supra elementorum conditionem est, causa proficiunt. Quo in genere continentur omnia pestifera, deleteria, & venena. Atque dici tales à tota substantia agentes causas, etiam ex Galeni, & Hippocratis sententia probat, locis allegatis, ex 5. de simpl. med. facult. cap. 1. & 14. Et 2. de natural. hum. text. 14. Ex quibus ita concludit: Cum omnis actio sit inter contraria, quæ sub vno eodemque genere comprehenduntur: dentur autem agentia, quæ totius substantiæ proprietatibus afficiunt, necessum est, ut ea non primas corporis qualitates, sed totam substantiam afficiant. Hæc in genere ferè Fernelius de re, ut initio cap. 10. lib. 2. de abd. rerum causis, scribit, perquam obscura, intricata, nullaque hactenus arte comprehensâ, dicit. Capp. postea seqq. in specie morbos illos occultos explicat. Sequitur Fernelium Argenterius, de morborum generibus cap. 4. qui cum ea de causa morbos alios præter intemperiei morbos dari existimat, quod tria sint, quibus partium similarium natura constat, forma, temperies, decensque materia; tunc idè, quod dantur medicamenta tota substantia agentia. Si enim, inquit, datur medicamentorum genus, quod tota substantia vel tota natura, non ob suas evidentes qualitates, corporis similis morbos propelet: cur non etiam eosdem in corpore morbos statuamus, quibus illa mederi solent? Alioquin profectò frustra erunt excogitata hæc alterius esse natura, quam alia, quorum effectus ad manifestas primasque qualitates rediguntur. Quibus alij etiam ex recentioribus non pauci subscribunt. Verum his sese opponunt alij etiam non pauci, qui negant, alium in partibus similaribus, præter intemperiei morbos, morbum dari. Quamquam enim concedunt, in parte simili tria inueniri, materiam, temperamentum, atque formam: tamen hæc tria sanitatem efficere & constituere, & ad sanitatis naturam pertinere negant. Duplicem enim esse rerum constitutionem, vnam essentialem, alteram accidentalem. Essentialem, quæ resultat ex substantiis, materia, & forma, ex quibus compositum suam essentiam habet: accidentalem alteram, quæ illam priorem insequitur & comitatur, & proprium de-

terminatumque principium est, per quod forma compositi est efficax. Sanitas autem & morbus non in essentiali, sed accidentali constitutione collocanda sunt, cum huius ratione, non illius, sanitas & morbus corpori accidant. Accidentia enim sunt sanitas & morbus, quæ, rei essentia inuiolata, variè mutari possunt: & rei forma, quæ indiuisibilis est, aliàs cum sanitate, aliàs cum morbo coniungitur; ideòque homo nunc sanus est, nunc æger: cum sanitas & morbus sint accidentia separabilia, nec contrariorum expertia. Forma verò intendi & remitti non potest, sed est constituta in indiuisibili. Vnde quidam contra corruptionem totius substantiæ ita argumentantur. Hæc corruptio vel est in termino & absoluta, vel in via. Si in termino, non est morbus, sed interitus rei, ipso id concedente Fernelio. Si est in viâ, non est verè corruptio, sed alteratio corruptionem præcedens, quæ fit à qualitatibus primis. Atque ita cum rei corruptio iam facta morbus non sit, sed rei interitus; corruptio verò in via non sit corruptio verè, sed alteratio solum: hoc modo nulli noui præter morbos intemperiei inducentur morbi. Hæc sunt dissidentes in genere præcipuæ de hisce morbis recentiorum sententiæ. Verum est, quod in vtrisque probemus: est quod desideremus. Nam primò hoc verissimè contra Fernelium à recentioribus dici existimamus; non idè, quia tria sunt in parte qualibet, temperamentum, materia, & forma, dari totidem morborum genera. Rectèque dicitur; sanitatem & morbum non ad essentialem, sed ad accidentalem constitutionem, quæ in qualitatibus consistit, pertinere, nullumque ex corruptione substantiæ dari morbum posse. Essentia enim rei intendi atque remitti non potest, & nulla pars essentiæ est, qua perempta & sublata, non ipsa tollatur tota: cum rei essentia sit sicut numerus, quæ aut tota est, vbi est, aut nulla est. Ideòque nullus morbus dari potest, qui, manente re, formam & substantiam corrumpat; sed formâ sublatâ, ipsum totum corrumpitur. Quod verò corruptum est, amplius sanum vel integrum dici non potest; cum non entis non sint accidentia. Atque ita minor syllogismi primi Fernelij neganda est, qua dicebatur; tria ad sanitatem pertinere, temperamentum, materiam & formam. Frustraque laborat Fernelius, ut monstrat, aliud in corpore nostro esse temperamentum, aliud materiam, aliud formam. Nemo enim, opinor, negauerit, ad corporis constitutionem materiam, & formâ requiri: Verum ad sanitatis & morbi constitutionem ac naturam etiam pertinere, concedi non potest. Et qui id statuunt, & non solum accidentalem, sed & essentialem constitutionem ad sanitatem & morbum requiri putant, non parum falluntur. Quamuis enim sanitas & morbus sine iis esse non possint; &, nisi homo esset, & ex materia suam essentiam haberet, sanus vel æger esse non possit: tamen ea non pertinent ad sanitatis & morbi naturam, quæ accidentia sunt, & manente eodem subiecto, per vices adesse possunt. Cum ergo, essentiali constitutione manente eadem, morbus oriri possit: inde clarum fit, eam neque ad sanitatis, neque ad morbi naturam pertinere. Et quamuis concedamus, in corpore humano, præter animam rationalem, alias adhuc dari formas, singularum partium proprias, (his enim præter naturam, præcipuè à stellarum occulto influxu, affectis, nonnulli morbos formæ siue totius substantiæ produci statuunt) quibus os à nervo, cerebrum à corde, hepar à corde & cerebro differt, easque formas non elementares esse, sicut rectè Iulius Cæs. Scalig. exerc. 307. sect. 20. scribit, omnem formam, cuiuscunque perfectè mixti, etiamsi non est anima, naturam esse quintam, longè aliam à quatuor elementis; ab iisque occultas rerum sympathias & antipathias profici-

Argumentorum Fernelij examen. Sanitas & morbus non pertinent ad essentialem constitutionem. Nullus datur morbus formæ.

cisci, quod alibi satis probatum est; atque has formas etiam cum cœlestibus corporibus magnum habere consensum & analogiam: tamen ab iis morbi formæ non fiunt, vel dicuntur, quod hæ formæ immediate afficiuntur. Formæ enim hæ etiam, ut aliæ, intendi & remitti non possunt, neque iis affectis, salua rei essentia, ulli morbi generantur. Sed sicut ab elementorum formis fluunt qualitates, quibus mediantibus elementa inter se agunt & patiuntur, ita etiam à formis hisce fluunt occultæ qualitates, à quibus occultæ rerum sympathiæ & antipathiæ ortum habent, & quæ in morbis, qui formæ dicuntur, solum afficiuntur, non verò ipsæ formæ. Et sicut nec ipsæ formæ stellarum immediate in hæc inferiora agunt (neque enim à cœlo descendunt) sed mediantibus qualitatibus occultis ita etiam formæ inferiores hæ ab iis non immediate afficiuntur, sed mediantibus, quæ ab iis fluunt, occultis qualitatibus. Atque ita patet, primo hoc Fernelij argumento non concludi, alios, præter morbos intemperiei, in partibus similaribus morbos dari. Et nisi alia in promptu essent argumenta, facile Fernelius eiusque affectu causa caderent, & tota de morbis totius substantiæ doctrina corrueret. Verum enim verò alia firmiora dantur pro hac sententia argumenta. Nam illud, quod ultimo loco habet, à causis tota substantia agentibus sumptum, firmissimum est. Omnis actio fit inter contraria, quæ sub eodem genere comprehenduntur; seu omne agens, & omne contrarium agit in suum contrarium; & omne agens, ut agit, cupit naturaliter sibi simile reddere patiens. Sed agentia à tota substantia, dum morbos inducunt, & in nostrum corpus agunt, corpus nostrum sibi simile reddere conantur. Ergo in sibi contrarium agunt; & proinde non qualitates primas afficiunt, nec quatenus in totam substantiam agunt, morbos intemperiei inducunt, sed occultum quid afficiunt, & suæ naturæ congeneres & respondentes morbos excitant. Conantur quidem argumentum hoc eludere multi, sed frustra. Nam primo certum est, dari agentia à tota substantia, & actiones à multis rebus edi, quæ in nullam manifestam qualitatem reduci possunt; quod eos, qui id negant, saltem in venenis exempla, ut Scaliger, exerc. 218. sect. 8. ait, docere poterant. Eorum namque multa diuersas habent ab elementorum qualitatibus proprietates, quæ omnino latent animos temperatos, illudunt curiosis: adeo, ut rectè, *ibidem*, Scaligero censente, *ad manifestas omnia deducere qualitates, summa impudentia sit*. Et iis, qui id conantur, plerumque euenit id, quod de Epicuro & Asclepiade Galenus, lib. 1. de nat. fac. cap. 14. scribit, ut vel rationes ineptas & ridiculas adferant, vel ea negent, quæ etiam experientia certa confirmata sunt. Alij itaque, cum agentia à tota substantia nullo modo negari posse videant, ad aliud confugiunt, & causas quidem morborum à tota substantia agentes concedunt, verum ab iis non alios morbos introduci, quam intemperiei, aut alios ab omnibus receptos, affirmant. Hinc Capiuaccius in lue venerea actionem à tota substantia, & quæ sit supra elementorum qualitates, agnoscit, illamque peculiarem proprietatem, quæ aduersa est corpori humano, quæque non nisi alexipharmacis deleri potest, confiteretur: Verum illam proprietatem saltem in excremento præter naturam, quod à toto genere potens sit lædere, agnoscit: at quod morbum aliquem nouum, ac occultam proprietatem generet, negat, & quod tantum vulgò notos morbos producat, intemperiem, obstructions, tumores & vlcera, affirmat. Verum hoc modo vim argumenti non effugiunt. Et si enim hoc non negemus, ea quæ à tota substantia agunt, etiam vulgò receptos morbos inducere, libenterque concedamus, venenum Gallicum exulcerare, erodere; pestilens posse putrefa-

cere & calefacere: tamen hoc non concedimus, venena illa & similia agentia hæc facere, quatenus tota substantia agunt, sed quatenus & ipsa manifestis qualitatibus prædita sunt. Quod verò actionem à tota substantia attinet, ex ea certissime colligi potest, per eam induci alios, præter intemperiei, morbos: cum propositio superioris argumenti firmissima sit; omnem actionem esse inter contraria, quæ sub eodem genere comprehenduntur. Hinc enim concluditur: si dantur, ut dantur, actiones à tota substantia, eas fieri non in qualitates primas, nec per eas qualitates primas mutari, & qualitates primas induci, sed alias præter naturam qualitates, & agenti congeneres & respondentes morbos excitari. Neque alij Recentiores hoc expugnare potuerunt. Dum enim dicunt, etiam venena aliisque occultas virtutes depeculari manifestas corporis nostri Qualitates: nihil proficiunt. Concedimus enim, venena etiam manifestis Qualitatibus agere: tamen id non faciunt, quatenus venena, & occultis Qualitatibus prædita sunt, sed quatenus & ipsa temperiem suam è Qualitatibus primis obtinent. Venenorum verò actiones, quatenus talia, longè sunt aliæ à primarum Qualitatum actionibus. Et cum omne agens, ut agit, conetur sibi simile reddere patiens, & sibi congeneres Qualitates ipsi inducat: etiam venena sibi similem dispositionem in corpore, in quod agunt, excitabunt. Cuius malignæ διαθέσεως Galenus quoque meminit, dum, lib. 1. de semine cap. 16. scribit; *Minima portio humorem lethalem venenorum, quæ ἀνάνθηα appellantur, ubi animalis corpus ingressa fuerit, totum id momento temporis immutat, sibi quæ simile affectione alterat*. Deinde nec eo effugiunt, dum docent, occultas Qualitates ex variè mistorum singulari temperie nobis planè incognita, Deo & Naturæ soli nota, oriri; neque aliud esse, quam latentem variè mistorum ἰδιουγενῆσιν; *crasin ignorari; & ob id occultas vocari Qualitates*. Principium enim petunt, satisque antea, & alibi etiam probatum, occultas Qualitates à primis ortum non habere. Nam quamuis istas etiam rationes infringere conentur, dum scribunt: *Mistorum elementarium variâ mixture ut nascitur indicibilis qualitas, quæ in nulla re alia antea exiit: Ita illa est magna & latentis efficacia; præcipue cum à Forma ad tam mirificas actiones dirigatur*: tamen & hoc modo principium petitur. Nam de hoc ipso quæstio est, imò hoc à nobis negatur, quod ex qualitatibus primis, quocunque modo, seu ἐν τῷ seu ἐξ ἑνὸς mistis, occultæ qualitates tantarum virium & quæ supra facultatem sint suorum principiorum, oriri possint: & occultus mixture modus nullas novas vires inferre potest. Rectius longè Scal. Exerc. 308. sect. 20. *Quin istis edico simul, omnem Formam cuiuscunque perfectè misti, etiamsi non est Anima, ut in Adamante, naturam esse quintam, longè aliam à quatuor Elementis*. Et paulò post: *Est in anima potestatis, quod nunquam fuit in potestatibus Elementi cuiuscunque*. At nihil est in quapiam re, quod non fuerit actu in suis principijs: Principia namque sunt actus eorum, quorum sunt principia. At in Anima est facultas ad mouendum antrosum, retrorsum, dextrorsum, sinistrorsum, quod in Elemento nullo. Alia quoque longè illustriores sunt Anima potentia, quæ non sunt in Elementis. Licet verò de Anima saltem ibi agat Scaliger: tamen eodem argumento hic inferre possumus. Actiones illas nobiliores & potentiores, quæ in venenis, & aliis plurimis apparent, non prouenire à temperie; cum nunquam fuerit in potestatibus Elementorum. Meritoque iterum ipsis regerimus; Nihil agere ultra virtutem suæ speciei; seu nihil posse causare, ultra actum suum adæquatum: cum istam potentia virtutem impleat. Quomodo autem ex manifestis qualitatibus deducetur vis Magnetis, Pœonia, Rhabbarbari, & similia; cum calefactio sit actus adæquatus caloris,

Firmiora pro
morbis totius
substantia
argumenta.

Dari agentia
à tota sub-
stantia.

An agentia
à tota substā-
tia tantum
vulgò rece-
ptos morbos
inducant.

seu potentia calefaciendi, refrigeratio frigoris, &c. Quod verò dicitur; tam mirificas actiones edere, quatenus à Forma diriguntur, sciendum: Etsi Qualitates sint Formarum instrumenta, & à Formis dirigantur, nunquam tamen amittere suas vires aut naturam, sed eas ipsas solummodo exercere. Si quid nobilius editur, ab aliis Facultatibus, & concurrentibus Qualitatibus fieri. Et proinde etiam dum à Formis suis diriguntur, præter vel ultra suæ speciei vires non agere. Ut res essentiis differunt: ita operationibus, & Instrumentis. Sed de his plura diximus, *de consensu & diff. Chymic. cum Arist. & Galen. cap. 8.* Alterum deinde Fernelij argumentum etiam satis firmum est, quod ex morborum curatione deducit. Morbi enim curantur medicamentis sibi contrariis. Sed tota substantia agentia multos morbos curant. Ergo morbos sibi contrarios curant, non solum intemperies, & vulgò notos morbos. Rectèque addit Argenterius; *Nisi darentur morbi aliqui occulti, frustra inuenta essent remedia tota substantia agentia.* Morbi enim intemperiei per primas qualitates medicamentorum satis expugnari possent, nec opus esset nouis medicamentis: & quid opus esset medicamenta inuenire, quæ nulli morbo sunt contraria? Dari autem medicamenta à tota substantia agentia, satis tum pestis, tum aliorum morborum malignorum curatio docet: & tam clarum hoc est, ut qui id negare ausit, reprehendendus potius quam refutandus sit. Tandem addimus & hoc argumentum: Quod dantur actiones læsæ, quæ ad nullum morbum vulgò notum, neque ad errorem externum referri possunt. Nam omnis actio læsa vel prouenit ab aliquo morbo partis, vel ab errore externo. Sed dantur actiones læsæ in partibus similaribus, quæ neque ob errorem externum, neque à morbo aliquo intemperiei proueniunt. Ergo necessarium est, ut in partibus similaribus adhuc aliud morborum genus detur, à quo illæ actiones læsæ proueniant. Sæpe enim actiones lædæ, quarum læsionum causa à morbis intemperiei peti non potest, cum ex aliis, tum ex venenis notissimum. In pestilentia certè actiones hominis subito prosternuntur; imò homo sæpe subito iugulatur: neque tamen illa, aut certè exigua in qualitatibus primis apparet mutatio. Quod & in aliis venenis euenit. Vnde concluditur, aliquid aliud adhuc, præter primas qualitates, affici, quod totius læsionis causa sit. Ex quibus omnibus manifestum euadit, & rectè in genere concluditur, alios adhuc, præter notos intemperiei, in partibus similaribus morbos dari. Verum quinam illi sint, iam in specie videndum. Ut enim in hisce morbis in genere demonstrandis partim firma, partim lubrica, & quæ id, quod probandum erat, non concludunt, argumenta attulit Fernelius: ita etiam in morbis hisce recensendis partim vera dixit, partim non parum lapsus est. Primò enim quod pulmonis, iecoris, lienis, aliarumque partium putredinem, etiam ex causis manifestis ortam, inter morbos totius substantiæ refert: in eo valdè hallucinatur. Nam satis suprà monstratum est, vel hîc intelligendam esse integram corruptionem, vel saltem præuiam alterationem. Si integra corruptio partium per putredinem hîc intelligitur, Fernelio ipso hoc asserente morbus non est illa putredo, sed vera partis corruptio atque interitus. Si verò per putredinem intelligitur præuia illa alteratio, & motus in qualitatibus, qui ad putredinem tendit: nullus alius in putredine inuenitur morbus, quàm morbus intemperiei. Putredo enim, quod ipse Fernelius concedat, necesse est, ex primarum qualitatum actione ortum habet. Neque est, ut quis hanc corruptionem à reliquis distinguat, atque ideo inter morbos totius substantiæ referat, quod proximè corruptionem rei intendat. Nam hoc omnibus omnino morbis competit; & omnes morbi interitum homi-

nis intendunt. Et si hoc in hisce mutationibus sit euidentius: illa differentia saltem est secundum magis & minus, neque variat speciem. Quod tamen inter morbos formæ refert vlceram malignam, id alicuius momenti est. Etsi enim vlceram, quatenus vlceram, nullum nouum morbum constituent, sed sint morbi compositi ex soluta vnitatem, atque intemperie: tamen si malignitas accedit, atque non solum in humore, qui ad vlceram affluit, inueniatur, sed & in ipsam partem exulceratam maligna *diabetsis* à causa maligna inducta sit: illa meritò pro peculiari morbo, ut postea dicetur, habetur. Monstratque id curatio; cum etiam si vlceram tollatur per vulgaria & nota medicamenta: malignitas tamen non nisi tota substantia agentibus expugnari potest. Deinde huc refert Fernelius spiritus innati dissolutionem per vigilias, labores, inedias, atrocisque dolores, & natiui caloris extinctionem in strangulatione, vel in penetrabili, extremoque frigore. Verum rectè hoc explicandum est. Etsi enim & spiritus influentes, & insiti, varias mutationes subire possint: eæ tamen solum ad morbos totius substantiæ pertinent, cum à Qualitatibus occultis in iis aliqua sit mutatio. Quæ verò fit à manifestis causis, etiam manifestos morbos parit. Si verò calor innatus vel dissoluatur planè, vel suffocetur, non amplius pars ægrotat, sed emoritur. Nam cum, ut ipse Fernelius, *Physiol. lib. 4. cap. 5.* docet, spiritus ille insitus ad partis similis constitutionem pertineat, & partis similis essentiam absoluat & compleat: Spiritu illo & calore dissipato, absumpto, & suffocato, partis similis substantia integra amplius non est, sed pars ipsa corrumpitur: sicut id in gangræna & sphacelo fieri videmus. Vidit hoc proculdubio Argenterius, ideoque, etsi alia ferè omnia, quæ Fernelius de morbis substantiæ habet, recenseat: tamen in iis enumerandis, nullius horum, quos hactenus ex eo recensuimus, facit mentionem: sed tantum eos enumerat in partibus similaribus morbos, quos ad primas qualitates minimè referre possumus, quales sunt pestilentes febres, morbus Gallicus, & alij, qui maligni morbi dicuntur, & quos venena ea quæ toto genere lethalia sunt, concitant: contra quos non calidis, frigidis, humidis & siccis, sed his, quæ tota substantia agunt; pugnamus. Reuera enim nulli alij dantur morbi totius substantiæ in partibus similaribus, quàm quorum læsio ad primas qualitates referri non potest, quos maligna & venenata causa excitat; & qui non qualitatibus primis, sed his, quæ tota substantia agere dicuntur, curantur. Nimirum ubi maligna & venenata qualitas corpori occurrit, illud afficit, alteratque & sibi similem affectionem in eo excitat, quæ etiam non calidis, non frigidis, non humidis, non siccis, sed occulto modo agentibus solummodo expugnari potest. Non ignorasse videtur ipse quoque Galenus dispositiones has, quæ à qualitarum occultarum, & tota substantia agentium actionibus inducuntur: dum, 2. aph. 22. ita scribit: *Medicamenta, quæ à rabido cane demorso adhibentur, duobus modis appellant: interdum aduersum rabiem remedia, tanquam affectionem, quæ rabiem generat, dicerent: interdum non remedia, sed rabiei futura amuleta, id est, prouidenda & auertenda rabiei vim habentia.* Quibus verbis distinguit inter remedia, quæ saltem causæ opponuntur, & faciunt, ne venenum canis rabidi suâ actione malignam dispositionem, à qua rabies prouenit, inducere possit; & inter ea quæ affectionem, seu dispositionem à veneno canis rabidi in corpore genitam, unde rabies prouenit expugnat. Facit quoque huius à veneno in corpus introductæ *diabetsis* mentionem, lib. 1. de semine cap. 16. *Minima, inquit, portuncula humoris, lethaliū venenorum, quæ ἀλλοτρία appellantur, ubi animalis corpus ingressa fuerit, tota id momento tem-*

Ulceram malignam an sint morbi totius substantiæ.

Spiritus dissolutio non est morbus totius substantiæ.

Verri totius substantiæ morbi qui.

Morbi totius
substantia ad
manifestas
qualitates re-
ferri non pos-
sunt.

poris immutat, sibi que simili affectione alterat. Etsi verò inueniantur, qui laborant, ut hos morbos quoque ad manifestas intemperies reducant: tamen laterem lauant. Primò pestem quod attrinet, sunt nonnulli, qui eam saltem à putredine, nescio qua, excitari statuunt: sed quàm nullius hæc sint momenti, monstratum est, l. 4. de febr. c. 1. Et propterea hac de re nihil addo, nisi hoc, quosdam reperiri, qui cum vim illam malignam, pestem excitantem, negare non possint, ad id confugiunt, ut dicant: inquinamentum illud, à quo pestis excisatur, non esse morbum, sed causam morbi, quæ omnia morborum genera excitare possit, ex intemperie, instrumentarios, & ex soluta vnitrate; cum pestis omnium morborum formam induat: & antidotos, quæ exhibentur in peste, tantum ad profligandam causam exhiberi, sicut & in febribus putridis & alterantia & euacuantia humores putridos exhibentur. Verum vana hæc sunt. Etsi enim verum sit, nihil ferè morbi esse, quod cum peste coniungi non possit: tamen non sequitur omnia illa, quæ cum peste coniunguntur, ad pestis essentiam pertinere, atque ea ipsa esse, per quæ tum homo iugulatur. Etenim, licet in peste adsit quædam intemperies, adsint alij morbi: tamen nullus ex iis tantam vim habet, ut ea, quæ in peste accidunt, efficere, hominemque tam subito vel iugulare, vel in summum vitæ discrimen adducere possit. Ex quo sequitur, aliam malignam *διαθεσιν* à causa pestilenti in corpus induci; quæ & mortis, & omnium illorum pestilentium symptomatum primaria & vera causa est, quam meritò pro morbo occulto & pestilenti habemus. Neque solum, ut materiam pestilentem è corpore expellant, adhibentur *ἀλεξιφάρμακα*, verum etiam, ut malignas illas & venenatas qualitates, corpori, & præcipuè cordi, à pestilenti febre impressas, expugnent. Hinc doctissimi medici præcipiunt, etiam si post quartum diem alexipharmaca ad sudores ciendos amplius non faciliè adhibentur, eorum tamen usum post quartum quoque diem non esse intermittendum: quo tempore nihil aliud agunt, quàm ut cordis naturam constitutionem, viresque eius occultas roborent; venenatas verò & malignas *διαθεσεις* deleant & expugnent. Et qua ratione, quæso, dicuntur causæ illæ malignæ & pestilentes, nisi malignum & pestilens aliquid in corpore excitent? Si enim qualitates primas saltem inducerent, ab iis meritò etiam denominari deberent, & non occultæ, malignæ, ac pestilentes dici. Et occultas ac malignas causas admittere, ab iis tamen saltem notos morbos excitari, statuere, idem est, ac si quis concedat & statuatur, qualitates primas induci à coloribus, vel alterius generis qualitatibus toto genere ab iis discrepantibus. Nam omne agens pro sua natura & qualitatibus ac viribus, quibus instructum est, effectus producit. Et cum hi authores præcipuè hac in re vrantur autoritate Galeni, etsi supra quoque ex Galeno monstrauerimus, malignitatem non tantum in causis hære, sed causas easdem etiam malignas qualitates corpori nostro inducere, vnicum tamen adhuc locum, ex libri 6. de locis aff. c. 5. afferre libet. Eò enim loci, ubi de venenis & in corpore genitis, & ab externis causis ei communicatis, eorumque vi maxima docuit, addit: *parua molis res solo tactu maximas inducere alterationes*. Et post: *Ab exiguo initio sputi, videlicet canis rabidi qualitate, inducitur quandam dispositionem* (quæ certè non amplius causæ, sed morbi naturam habet,) *ad magnitudinem notatu dignam prouenire*. Et clariùs postea illam ipsam malignam qualitatem corpori communicari docet, dum scribit: *Vitioso humore in animalis corpore genito, paulatim tractu temporis principium partium aliquam consentire, à qua deinde uniuersum corpus celeriter alteratur*. Ex quibus omnibus, quæ hæcenus dicta sunt, patet, hos morbos non incommodè morbos occultarum qualitatum nomi-

nari posse: quod scilicet eorum natura in maligna quadam & occulta in corpore *διαθεσει* consistat. Vulgò morbos totius substantiæ, seu formæ nominant. Verum de nomine cum nemine litigabimus, modò rem teneamus. Nimirum partes similes non solum manifestis *δυσκρασίαις* affici, sed & ab agentibus tota substantia, seu occulta proprietate malignam aliquam qualitatem, quæ occultiori alicui corporis qualitati opponatur, in eas induci; ob quam partes ad agendum impotentes redduntur, & non nisi occultâ proprietate agentibus in integrum restituuntur. Illud etiam de actione à tota substantia obseruandum: non ita id accipiendum esse, quasi ipsa substantia proximè agat in externa, & ea afficiat. (Formæ enim solum mediantibus qualitatibus agunt.) Verum cum qualitates istæ occultæ sequantur immediatè & proximè formam, quæ totam rei substantiam complet & perficit: à tota substantia nominantur hæ actiones, ad differentiam earum, quæ fiunt à qualitatibus primis & aliis ab iis ortis. Qualitates enim primæ pendent ab elementis: elementa verò in talibus naturalibus rebus non rei substantiam complent, sed materiæ loco sunt, & nobiliori formæ subiacent. Itaque quamuis in rebus naturalibus formæ omnes actiones determinent: tamen quia qualitates elementorum, à quibus manifestæ illæ calefaciendi, refrigerandi, humectandi, siccandi actiones fluunt, à forma rei specifica & essentiali non pendent, non appellantur à tota rei substantia: sed illæ solum actiones à tota rei substantia, fieri dicuntur, quæ manant ab occultis proprietatibus, quarum proxima & vnica causa est forma rei specifica. Verum de his plura dicuntur lib. 5. part. 1. c. 2. Illud saltem adhuc hoc loco addimus. Lud. Mercatum, tom. 1. lib. 1. part. 2. class. 1. art. 2. peculiarem opinionem habere de tota substantia & morbis substantiæ. Eo enim loci, ut etiam suprâ, lib. 1. c. 4. dictum, duplex temperamentum statuit, atque docet, ut ex mutua qualitatum alteratione temperamentum resultat: sic ex mutua ipsorum actione & passione, comminutioneque substantiarum ad minima quoddam totum effici, quod sit sibi vndique simile, confusas inter se continens qualitates; ita ut vnicuique misto suus succrescat substantiæ modus, suæque peculiaris temperies illi substantiæ affinis & genuina; quæ nunc grauitatem, durtiem, crassitiem & alia accidentia præ se fert; nunc verò contraria, quæ mutari, atque alterari citra maximam difficultatem non possunt, ut reliquæ temperies, quæ elementorum qualitates sequuntur. Atque hunc substantiæ modum, ut nominat, virium naturalium sedem esse dicit; & hanc esse causam, existimat, cur, licet sit idem calor in diuersis partibus, non oriatur in omnibus idem effectus. Et licet anima plures habeat potentias, quas potest communicare corpori, non quamuis tamen posse cuilibet parti communicari, sed ei solum, cui inest adæquata dispositio, quæ propriè consistat in diuersitate temperamenti substantifici, ut appellat. Atque hinc etiam totius substantiæ morbos deducere conatur. Duplicem enim esse statuit in partibus similaribus sanitatem, primam ex temperie, alteram ex vnione miscibilium, seu modo substantiæ: quibus etiam opponatur duplex morbi genus; illi, morbus in intemperie; huic morbus à tota substantia, qui sit vera corruptio, in qua miscibilia verè separentur ac degenerent in limum ac cinerem. Verum hac in re non parum hallucinatur Mercatus. Primò enim cum Fernelio & aliis in communi illo versatur errore, quod sanitatem in essentiali corporis constitutione collocat, & confundit ipsam rei corruptionem atque interitum cum morbo. Si enim in aliqua parte miscibilia separentur, & pars in limum & cinerem degenerat, amplius non agrotat, sed interiit, & corrupta est. Deinde minus, quàm pro rei dignitate, sentit de tota rei sub-

Actio
substan-
quid.

Ludon.
Mercati
nio de n
totius su-
stantia.

Ludon.
Mercati re-
tatio.

Morbi ocul-
arum quali-
tatum.

rei substantia. Nam (vt de illo substantiæ modo præterea nihil disputemus) cum, vt ipse postea de temperamento qualitatuum, *art. 38* rectè disputat, formam cuiusque rei, siue viuens sit, siue non viuens sit, qualitates esse, aut ex qualitatibus fieri absurdum sit, & omni probabilitate careat; (cum accidens non possit esse forma & substantia perfectorum corporum,) & præterea actiones animalium, vt & aliarum rerum naturalium à diuiniore quodam principio proficiscantur: certè hunc substantiæ modum & elementorum hanc vel illam missionem esse totam rei substantiam nullo modo concedere possumus. Inprimis cum durities, crassities, & similia accidentia, quibus substantiæ modum definit, patiendi potius, quàm agendi sint principia, & materiam spectent: hinc verò quæritur rei substantia & essentia, à qua actiones fluunt. Et licet verum sit, quòd anima in omnibus partibus, omnibus facultatibus instructa sit, sed non cuilibet parti quamlibet communicet, sed ei solùm, cui inest adæquata dispositio: tamen illa dispositio non solùm in his materiæ elementaris conditionibus consistit, neque solùm cor ab hepate aut pulmonibus densitate differt, vel crassitie carnis, sed ad *οινειαν ὕλην*, & propriam dispositionem forma partis substantialis pertinet, qua prædita quælibet pars, sit proprium & adæquatum subiectum, & sedes propriæ facultatis. Et sicut chylus, sanguis, lac & similia in corpore, etsi animata non sint, tamen forma sua sunt, quod sunt; & non solùm accidentium dispositione differt chylus à sanguine, sed forma: ita etiam hepar, caro, cerebrum, & quælibet pars habet suam naturalem formam, sine qua nulla pars ad recipiendam animam & viuendum apta esse potest. Atque ita anima non potest esse sine his naturalibus formis; licet formæ hæ naturales, anima amplius non præsentē, adhuc remanere possint. Materiæ verò morbos quod attinet, pro iis nec à Fernelio, nec ab aliis vllum firmum argumentum, adduci video. Nam illud argumentum, quo ideo morbos materiæ dari concludunt, quòd præter temperiem materia quoque ad similis partis constitutionem pertineat, supra satis refutatum est, vbi monstratum, sanitatem & morbum esse accidentia, neque pertinere ad essentiam aut essentialē partium constitutionem. Deinde sanitas & morbus sunt accidentia, quæ non vni parti constituenti saltem, sed toti composito conueniunt. Et sicut ab ipsis elementis, quæ materiam misto præbent, fluunt qualitates primæ: ita etiam fluunt secundæ. Vt non videam, cur hæ præ illis debeant appellari morbi materiæ. Fuchsius, *l. 3. Inst. sect. 1. c. 4.* & alij nonnulli hoc modo reicere conantur hos morbos, quòd durities, mollities & reliquæ qualitates secundæ non proueniant sine actione calidi, & frigidi; seu quòd hæ qualitates secundæ ortum habeant ex primis, & propterea ad morbos intemperiei redigendæ sint. Verum hæc responsio non sufficit. Nam si ideo mollities & durities essent morbi intemperiei, quia producantur per qualitates primas: etiam asperitas, & læuitas ad eosdem essent redigendæ. Breuiter igitur respondemus, illas dispositiones, quas Fernelius appellat morbos materiæ, vel esse tantum *συμπώματα*, vel morbos quidem, sed organicos, vel causas morborum. Et vt hoc in specie addamus, mollities & durities plerumque sunt symptomata qualitatuum tactilium, vt satis ex Galeno patet, *de symp. diff. c. 5.* Si tamen interdum ob mollitiem lædi actiones contingat, vt illud exemplum supra è Fernelio allatum demonstrat, vbi militi crura instar ceræ euasere flexilia, ibi respondemus, mollitiem talem in parte, quæ dura esse debet, esse morbum, sed morbum organicum. Dum enim ob mollitiem ossium homo non potest cruribus insistere, læditur ibi actio, non quæ partibus, quatenus similes sunt, competit, sed quæ ipsis, quatenus organicae sunt, & instrumen-

tum ad incessum necessarium, congruit. Quanquam enim nonnulli hunc morbum saltem ad intemperiem humidam referre conentur: tamen eo non satisfaciunt. Verum quidem est, ossa talia flexibilia fieri humidiora: incessus tamen non læditur ob humiditatem, sed ob mollitiem & flexibilitatem. Ita si pars aliqua, sua naturâ mollis, & propterea ad flexionem apta, ita induretur, vt amplius flecti nequeat: durities illa est morbus organicus. Rarum verò & densum quod attinet, sunt & hi morbi organici. Cum enim rarum sit, quod meatus multos per totum obtinet; contra verò densum, quod eosdem paucos; facile hinc apparet, hanc constitutionem partibus competere, non quatenus similes, sed quatenus organicae sunt. Itaque si pars rarior vel densior euadat, quam naturalis constitutio requirit, morbus ille erit organicus. Quod expressè & rectè Galenus docuit, *2. de tuend. sanit. c. 5.* dum inquit: *alterum in instrumentalibus, ratione meatuum, affectus genus consistit, quod densum esse, vel rarum dicitur.* Exempli gratia: cutis suos poros habet, per quos naturaliter fuliginosa corporis excrementa expelli debent. Hæc igitur eius constitutio si mutetur, & pori vel arctentur, cute condensata, vel obstruantur, morbus est organicus; non materiæ, non partis similis. Ita si iidem pori nimis pateant, vt externo aëri facile detur ad alterationes inducendas ingressus, morbus erit organicus, qui alteri quoque morbo occasionem præbere potest. Itaque quod assertit Fernelius; corpus temperatum, si sit nimis rarum, obuium esse externis iniuriis: id non ita simpliciter verum est. Nam corpus bene temperatum non erit nimis laxum & rarum. Et quod talia corpora sunt obnoxia externis aëris iniuriis, id non accidit ob aliquem nouum materiæ morbum, sed ob morbum organicum, qui postea causa est alterius morbi. Nisi enim pori paterent, non posset adeò facile aër se insinuare. Tandem etiam huc Fernelius & Argenterius refert sensum acrem, ob quem ventriculus facile corripitur vomitu, singultu, & aliis symptomatibus, & ob quem tinnitus in auribus excitatur. Verum cuilibet paulò diligentius hæc perpendenti patet, sensus acrimoniam & *εὐαισθησίαν* in parte non esse morbum, sed esse rem naturalem: quæ tamen ad generationem symptomatum facit; non per se, sed quod, dum illi offertur res præternaturalis, quæ lædit & molestat, facile offenditur, & molestias illas facile percipit.

*Sensus acris
non sit morbus.*

CAP V.

De morbis Compositionis in genere.

Secundum morbi genus est partium organicarum, quod in genere mala compositio appellatur: vbi nimirum partium, quatenus organica, naturalis constitutio variatur: quod etiamli similaribus quoque conueniat: tamen iis non competit, quatenus similes, sed quatenus organicae. Huius differentiarum tot sunt, quot sunt, quæ ad partis organicæ naturalem constitutionem pertinent. Requiritur autem ad partis organicæ naturalem constitutionem primò definitus partium constituentium numerus: deinde conueniens earum magnitudo: tertio conformatio iusta; quæ figuram decentem, cavitatem aut soliditatem, & superficiem læuitatem vel asperitatem & similia complectitur: denique opus etiam est, vt pars quælibet locum naturalem occupet, & cum quibus opus est, connectatur. Ab his igitur omnibus & singulis, quæ ad naturalem partis organicæ constitutionem pertinent, cum ad statum præter naturam fieri recessus possit: totidem etiam oriuntur morbi organici genera: nempe morbi Numeri, Magnitudinis, Conformationis & Compositionis. Quod si conformationis vitia, in tria illa, quæ eò pertinent, nimirum

*Morborum
compositionis
genera.*

in morbos figuræ, cavitatum & superficiei diuidere velis, sex erunt morborum organicorum genera. Quod si insuper compositionem placeat diuidere in morbos situs & connexionis, septem numerabuntur morbi organici. Quid autem organum sit, & quæ partium in organis sit differentia, supra lib. 1. c. 3. & 7. dictum est. Et si verò non parua est partium in organis differentia, & vna pars præcipua est, quæ actionem illam perficit, reliquæ saltem vsum præbent: tamen omnes ad actiones necessariae sunt; & propterea non solum parte præcipua læsa, sed etiam reliquis actio vitari & impediri potest. Nam licet pars præcipua actionis in organo causa esse dicatur: tamen ea sola actionis causa non est, sed adæquata integræ & perfectæ actionis causa est totum organum. Ideo quacunque parte præter naturam disposita, actio lædi, & morbus generari potest. Vt, et si muscoli non sint præcipua visionis causa, neque in iis recipiantur species visibiles: tamen ad perfectam & meliorem visionem & ij necessarij sunt, vt scilicet oculi quibuscunque obiectis obuerti possint. Illi igitur si præter naturam sese habeant, nec officium suum rectè exsequi possint, non minus visio perfecta non fit, quam si humor crystallinus læderetur. Ex his quoque quæstio, quæ hoc loco prætereunda non videtur, explicari potest. Quæ etsi antiquis non ita cognita fuit: à recentioribus tamen, Andrea Cesalpino præcipuè, mota est, quæ quæritur: denturnè morbi in vsu? id est, an solum morbi oriuntur, si ob præternaturalem dispositionem partium actio lædatur; an verò etiam, si vsus vitietur: seu, an vsus læsio non æquè morbum pariat peculiare, atque actionis læsio. De qua hoc saltem in genere respondemus; Nullum dari morbum ex vsu, alium à morbo, qui definitur dispositio præter naturam, lædens actionem: quia vsus non propter se partibus competit, sed propter actionem totius organi. Si quæ n. incommoditas, & læsio in corpore excitatur in parte, quæ vsum saltè præbet in organo, illa non fit proximè ob vsum læsum, sed quia ob partis, quæ vsum præbet læsionem actio læditur. Itaque omnis morbus est dispositio præter naturam læsæ actionis causæ, siue illa actionis læsio proueniat à dispositione partis, quæ præcipua actionis causa est, siue à partis vsum præbentis malà *διαθέσει*. Id quod Galenus expressè docet, cum, *de diff. morb. c. 6.* scribit: *partes, quæ præcipua actionis causa non sunt, sed vsum saltem præbent, morbos pati, cum totius organi actionem lædunt.* Nimirum cum partes illæ ob se non sint factæ, nec vsum sibi præstent, sed toti organo, & actioni, quæ toti organo propria est, inseruiant: si illum vsum amplius præstare non possunt, ob aliquod vitium, non aliquis morbus nouus oritur, sed morbus organicus, & actio læditur, quæ toti organo tribuitur. Neque verò etiam ratione sui vlla pars morbum ex vsu appellandum patitur. Nam cum quælibet pars, quæ vsum toti organo præbet, communes quoque operationes exerceat, sui scilicet nutritione: si illa operatio lædatur, hoc fit ex intemperie, vel soluta vnitate, non aliquo nouo & peculiari morbo. Exempli gratia, oculi tunica cornea vsum præbet toti oculo, admittendis speciebus visibilibus. Hæc igitur si disponitur præter naturam, actionis læsio semper oritur, & nullus morbus in vsu appellandus. Nam si ita vitietur, vt vsum illum, quem visui præstare debebat, amplius præstare non possit, oritur morbus organicus, qui propterea etiam toti organo adscribitur: si verò illa, vt priuata, lædatur, patitur morbum vel intemperiei, vel solutæ vnitatis, vnde nutritio eius læditur. Et quod de cute dicunt, quod solum vsum præstet, ob cuius tamen obstructionem corpus ægrotare possit: ad hoc respondendum; sicut particularia in corpore organa ex pluribus partibus componuntur, ita totum corpus est vnum ex omnibus organis compositum instrumentum, cuius pars cutis est, quæ om-

nia membra ambit, complectitur, & quasi ad vnum redigit. Hæc, quatenus vsum præstat corpori organico, constitutionem quoque habet organicam, atque inter reliqua etiam meatibus quibusdam, quos poros appellamus, perforata est. Hi igitur si obstruantur, non aliquis morbus nouus, quem morbum in vsu appellare debemus, exoritur, sed morbus organicus, conformationis scilicet, in meatibus obstructis: ob quem cum virtus expultrix totius corporis fuliginosa excrementa expellere non possit, corpori toti aliquod malum conciliari inde mirum non est. Ex quibus omnibus patet; vsus læsionem ad morbum constituendum non sufficere: atque vsus læsiones, non quatenus vsus læsiones sunt, ad morbos pertinere, sed quatenus vsus actioni organi propriæ est coniunctus; & nullam dispositionem præter naturam morbum esse, quatenus solum vsum lædit, sed quatenus actionem organi totius, cui pars illa vsum præbet, offendit atque impedit. Vsum nimirum ex illorum genere est, quæ ad aliquid dicuntur. Quod enim vsum præbet, alicui præbet, & illud spectat. Itaque vsus, dum secundum naturam sese habet, illi inseruit, ad quod refertur: dum verò læditur, parti illi, seu organo, cui inseruire debebat, officit: parti verò, à qua procedit vsus, nihil officit, si naturam illius vsus spectes: sed vniuersum damnum in partem, cuius vtilitatis gratia facta est, redundat. Et propterea vsus læsio non partis præcipuè, à qua proficiscitur vsus, sed partis, cui inseruit, morbus erit. Sed ad singulas morborum organicorum differentias accedimus.

CAPVT VI.

De Morbis Conformationis.

Differentiam & numerum morborum conformationis recessus à naturali conformatione supeditat. Ideoque primò constet necesse est, quæ ad naturalem conformationem pertineant. Ad conformationem autem partis organicæ tria requiri, nimirum figuram conuenientem, cavitatum ac meatuum dispositionem, & terriò superficiei asperitatem & læuitatem, vulgò receptum est. Quapropter etiam morborum in conformatione triplicem hanc differentiam, nimirum in figura, cavitatè, & superficiei, ordine videbimus, & postea disquiremus, an alij adhuc, præter hos, dentur morbi conformationis. Morbus primò figuræ est, quando figura partis à naturali statu ita recedit, vt ob eam actio partis vitietur, & rectè exerceri non possit. Est autem magna figurarum in partibus, pro edendis variis actionibus, varietas. Quædam enim sunt rectæ, quædam curuæ, aliæ alio modo dispositæ: quæ quotiescunque mutantur, & in aliam degenerant, oriuntur inde morbi conformationis, quos morbos Figuræ appellant. Talibus morbis laborant ij, quos vatios & varias, valgos, varos, plantos & plancos appellamus. Huc pertinet gibbositas, simitas. Quæ vitia interdum aduentitia sunt, & genitis ex causis præter naturam accidunt, vt si casu articuli luxati aut ossa fracta non rectè componantur, interdum in vtero ex vitiosa conformatione obtingunt. Secundum morborum conformationis genus est, quod cavitatum & meatuum, seu viarum morbos nominant. Distinxit quidem hos morbos Auicennas, secutusque est ipsum Fernelius lib. 1. *Pathol. c. 8.* & meatus, seu vias eas partes appellauit, per quas materia ex vno loco in alium transit, quales sunt gula, aspera arteria, venæ, arteriæ, nerui, meatus vrinarij, ductus fellei, intestina, pori cutis, & similes: conceptacula autem seu cavitates nominat, quæ aliquam materiam continent, vt sunt ventriculus, cordis cavitates, cistis fellis, vesica, vterus. Comes verò Montanus, lib. 3. c. 4. Auicennam & Fernelium reprehendit, negatque peculiare

An dentur
morbi in vsu.

Parti vsum
saltem præ-
stantiū morbi
interdū ipsis,
interdū verò
toti organo
adscribendi
sunt.

Ad nat
conform
nem na
ria.
Tres mor
conform
nis diffe
tia.
Morbus
gura.

Morbi
tum.

culiæres morbos adscribendos cavitatibus & peculiæres meatibus; cum eadem vitia meatibus, & cavitatibus accidant, & frustra bis proponantur. Nam cum partes quædam viis & meatibus ad aliquid recipiendum & expellendum, vel cavitatibus ad aliquid retinendum præditæ sint: & cavitates seu receptacula, & meatus seu vias præter naturam disponi, morbosque contrahere putat, cum Galeno, *de differ. morb. c. 7.* vel in numero seu multitudine, vel in magnitudine; & utrumque rursum accidere, vel in excessu, vel in defectu statuit. Verum clarior & magis perspicua videtur Auicennæ doctrina. Etsi enim quidam morbi cavitatibus & meatibus communes sunt: non tamen iisdem planè afficiuntur. E. gr. *Ανασφαισις* vasorum propria est, non receptaculorum; repletio cavitatis thoracis in empyemate, quæ est peculiaris angustiae species, ad nullam angustiam, quæ viis competit, speciem referri potest. Ideoque cavitatum seu receptaculorum & meatuum ac vasorum vitia seorsim proponemus. Cavitatum vitia quatuor recenset Auicennas, *lib. 1. Fen. 2. doct. 1. c. 3.* dilatationem, adstrictionem, repletionem, inanitionem. Etsi verò cavitatum vitia secundum magnitudinis ac multitudinis defectum æstimari posse videantur: tamen cum in multitudine vix hic aliquem morbum dari putemus (nisi forsan ab ortu in numero aliquis morbus concurrat, & pars aliqua, quæ receptaculi loco est, vel deficiat vel duplex sit) solùm in magnitudine secundum excessum vel defectum hic morbos querendos putamus. Et quidem morbus magnitudinis accidit in cavitatis nimia dilatatione: Defectus in magnitudine, est in angustia: quæ rursum pro causarum varietate est multiplex. Vel enim est à conformatione & primo ortu, ut quibus ventriculus angustior obtrigit, Galen. *cap. 2. artis med. Forest. l. 18. observ. 3. 4.* vel fit à repletionem, ut dum in empyemate pus cavitatem thoracis angustiore reddit, ut pulmo liberè dilatarì non possit, aut in ventriculo tumor aliquis, aut in ventriculo vel vesica calculus nascitur: vel à compressionem, dum à quacunque causa membro cauo incumbente cavitatis eius comprimitur: vel à subsidencia parietum eius: vel à constrictionem dum ventriculus nimio astringentium usu contrahitur & angustior redditur. Meatuum verò viarum seu vasorum morbos quod attinet, excessus in multitudine est, quando plures, quàm secundum naturam esse debebant, sunt viæ, aut meatus. Ita naturaliter unus à vesicula fellis meatus ad intestina tendit: accidit tamen, ut in quibusdam geminus inveniatur, quorum superior inseritur iuxta ventriculi fundum: unde talibus bilis effunditur in ventriculum, & eos ad bilis vomitum facit proclives. Ita sæpe per vlcerà nouæ viæ vrinæ & fecibus alui excernendis parantur. Defectus in multitudine est, quando eadem sunt pauciores. Sic à calculo via ex renibus ad vesicam, & in vesica vrinarius meatus interdum planè clauditur. Excessus in magnitudine est, cum via aut meatus aliquis plus æquo dilatur. Defectus in magnitudine est, cum eadem angustior, quàm par est, redditur. Ad excessum pertinent vitia, quæ appellantur *Ανασφαισις*, *διαπύδνσις*, & *διαίρεσις*. *Ανασφαισις* est, cum oscula vasorum nimis aperiuntur & dilatantur. *Διαπύδνσις* est, quando tunica vasorum ita rarefiunt, & laxantur, ut humores diffluere, & quasi transsudare possint. *Διαίρεσις* est, cum à causa incidente, erodente, vel rumpente, via aliqua & meatus, qui adesse non debebat, aperitur, vel qui adest, dilatur. Ob quæ vitia omnia accidit, ut humores, qui in vasis contineri debebant, effluant. Defectus contra pro ratione causarum, à quibus oritur, seu pro generationis varietate, quinque vitia continet; Obstructionem, Constipationem, Coalescentiam, Compressionem, Subsidenciam: quæ in genere nomine angustiae vulgò appellari solent. Obstructio, Græcis *ἐμπερις*,

est, cum meatus aliquis ob humorum vel copiam, vel crassitiem, & visciditatem, aut grumum sanguinis, vel calculum aut simile quid, clauditur. Constipatio, *ὑποσφαισις*, est, cum via ob carnem annatam vel tumorem in meatu existentem clauditur. Compressio, *ὑπέρσφαισις*, est, cum à re aliqua externa ipsi incumbente, & ipsam eius comprimente, meatus vel angustior redditur, vel planè occluditur. Quo etiam referenda videtur illa meatuum angustia, cum ij conuoluuntur, & contorquentur, ut dum intestinum ileum in scrotum decedit, & contorquetur, & hinc fecibus exitus præcluditur. Idem factum fuit in hernia vterina, de qua postea *cap. 9.* dicemus, ubi ob situm vteri mutatum, & vteri collo contorto partus naturalis fieri non potuit. Ita Platerus, *observ. lib. 3. pag. 797.* annotauit, piscatori cuidam vesicam ex abdominis cavitatem in inguina prolapsam, & hinc meatu vrinario contorto & compresso vrinam suppressam fuisse. Coalescentia, *συνίησις*, est, cum partes vasorum conuiuent & quasi subident. Quibus nonnulli addunt Constrictionem, cum à re externa meatus contrahuntur, ut dum à frigore cutis pori constringuntur. Tertiam morborum conformationis speciem constituunt morbi Qualitatum secundarum mutatarum, quatenus actiones corporis lædunt. Referuntur ergo huc commodè morbi superficiei; asperitas nimirum & læuitas; mollities & durities in ossibus, tendinibus, ligamentis; perspicuitas mutata in partibus oculi pellucidis, ob peregrinum quendam colorem tunicis & humoribus inhaerentem. Primò nimirum huc pertinent morbi superficiei, seu asperitas & læuitas. Cum enim partes aliæ secundum naturam læues sint, hoc est, in quibus omnia sunt æqualia inter se, & nihil eminent, nihil subsidet: aliæ asperæ, in quibus partes inæqualem situm habent, atque aliæ eminent, aliæ depressæ sunt: Si hic naturalis earum status immutetur, & quæ aspera esse debet, læuis euadat; aut contra, quæ læuis, exasperetur, atque inde actiones aliquæ impediuntur: morbi oriuntur, quos superficiei morbos nominant, quod superficiem partium occupent. De his tamen morbis nonnulli dubitant, an rectè referantur inter morbos organicos; cum oriantur à qualitatibus primis, & propterea referendi videantur inter morbos similes. Verum sciendum, asperitatem & læuitatem non esse datam partibus, quatenus sunt similes; sed quatenus sunt organicae, & non actionibus; quæ partibus, quatenus similes sunt, sed quatenus organicae sunt, tribuuntur, incommodare: neque semper oriri à qualitatibus primis; sed ex diuersitate partium vario modo collocatarum. Ex quibus omnibus patet, merito etiam recessum à naturali statu in hisce dispositionibus ad morbos organicos referendum esse. Etsi verò vulgò tantum morbi superficiei ad tertium morborum conformationis genus referuntur; tamen non sine causa hic queritur, an non plura, quàm figura, cavitates, & superficiei asperitas & læuitas, ad partium naturalem conformationem pertineant, & proinde plures etiam sint morbi conformationis, quàm morbi figuræ cavitatum & superficiei. Primò enim queritur de duritie, & mollitie, raritate & densitate. De raritate & densitate res non videtur esse adeò intricata. Nam cum partes quædam raræ esse debeant, hoc est, multis poris & meatibus quasi perforatæ; aliæ densiores: vtrique hæc constitutio si mutetur, morbi organici oriuntur, sed non noui & peculiæres, verum in meatibus dicti. Mollities verò & durities etsi à nonnullis partibus, quatenus similes sunt, adscribatur, atque earum propria dispositio esse dicatur: tamen rectius ad organicam constitutionem refertur. Nam si os fiat mollius, caro durior,

Constipatio.

Compressio.

Coalescentia.
Subsidencia.

Morbi superficiei.

An alij præterea dentur conformationis morbi.

Mollities & durities.

inutiles sunt ad actiones organicas. Et videntur animalia non progredi, nec alios motus efficere posse, non aliam ob causam, nisi quia ossa in duritie non sunt planè perfecta; et si iis in similari constitutione nihil desit. Et miles ille, ut Fernelius refert, cui crura instar ceræ euasere flexilia, ambulare non potuit. Contra si tendines, qui natura sua flexiles esse debent, duri fiant & rigidi, motus aboletur; quod in iis accidit, quos vulgò Contractos nominant. Atque omnino hoc certum est, in corpore humano magnam esse actionum varietatem, quarum qualibet peculiare organum obtinet, & id, pro diuersitate actionum, diuersimodè dispositum: & sunt quædam, quæ ad nonnullas actiones exercendas nihil conducunt, vel efficiunt; cum tamen ad alias maximi momenti sint. Exempli gratia; suum in apprehendendo vsum præbere possunt ungues, quomodoque etiam sint colorati: quod etiam in dentibus verum est, qui æquè ad masticationem utiles sunt, siue albi sint, siue liuidi. Ita cutis in Æthiope eundem vsum habet, quem in Germano. At in oculo, visionis scilicet instrumento, res longè aliter sese habet. Ita & perspicuitas ad nullius alterius partis actionem necessaria est: sed in oculo omnino requiritur. Cum enim per tunicas exteriores ad interiora species visibiles transire debeant: necesse est, ut cornea tunica, humor aqueus & vitreus sint perspicui; & præterea nullo colore infecti: ne species visibiles transeuntes alieno colore inficiantur. Hinc illa satis vulgata quæstio decidi non magno negotio potest, qua quæritur; an colores præter naturam in oculis morbi sint? Nam si colore alieno oculus inficiatur, & humor aqueus fulco aliquo colore tingatur, ægri quasi per nebulam se videre existimant; aut si alius color adsit, eundem omnia visibilia referent. Idem etiam in cornea nonnunquam accidit. Ideoque non immeritò quæritur, an calor hic præter naturam morbus sit vel symptoma? Mouerunt hanc quæstionem commentatores in Auicennam, Forliuensis, Iacobus Departibus, & alij; ipsique ansam dubitandi præbuit hoc, quod color hic lædit visionem; seu quod definitio morbi colori præter naturam oculorum competit, quod scilicet sit dispositio præter naturam, lædens actionem. Verum mouerunt quidem eam, sed non satis explicarunt: quod & à recentioribus factum, quorum plurimi circa hanc quæstionem soluendam laborarunt, sed plerique parum feliciter. Singulorum sententias breuiter perpendere libet. Primò Forliuensis rationis huius vi persuasus colorem hunc morbum esse, concedit; neque iniuria: sed dum alium à tribus illis vñtatis morborum generibus constituit in eo fallitur, ut postea dicitur. Iacobus Departibus, in secunda doctrina 1. cap. 2. censet, colorem hunc reducendum esse ad morbos intemperiei, cum consequatur immediatè temperiem. Verum non hoc satisfacit. Nam id primò in quæstione est positum: an colores sequantur temperiem quatuor primarum qualitarum; quod vix concedi potest. Deinde nulli sunt noti in medicina morbi, reducibiles ad quatuor primas qualitates, sed tantum intemperierum simplicium & compositarum sit mentio. Et positò, quod qualitates primæ sint causa, colorum: tamen nec hoc sufficit. Nam morbi non ex causis, à quibus ortum habent, sed ex natura sua æstimantur, & ad hanc vel illam classem referuntur, prout nimirum constitutio naturalis, quam vitiant, partibus, quatenus similes, vel quatenus organice sunt, competit. Et nisi hoc fieret, forsitan etiam morbi asperitatis & læuitatis ad morbos intemperiei reducendi essent; cum etiam à sicca vel humida intemperie induci possint. Fernelius, lib. 1. patholog. cap. 9. ut vim argumenti illius effugeret, nec tamen concedere cogeretur, esse morbum, negat, competere colori, ut proxime

actionem lædat, atque noui cuiusdam morbi interuentu actionem hic lædi, docet. Verum si morbum illum exprimeret, cuius interuentu hæc actio lædatur, totam controuersiam facile componeret: Sed cum hoc non faciat; neque etiam facere possit, quæstionem non soluit. Fuchsius, lib. 3. inst. sect. 1. c. 3. eadem ratione in soluenda illa obiectione utitur, qua Fernelius, sed morbum illum, cuius interuentu lædatur actio, exprimere conatur. Ita enim scribit: *Lædere colorem heic actionem, primò & immediatè, id est, quod constanter negamus. Non enim color actionem lædit sed morbus cuius hic color præter naturam symptoma est. Morbus autem est humor ille, qui præter naturam ad corneam affluit, quique visum lædit, facitque, ut talia appareant visa, quale est medium, per quod cernimus.* Verum absurda est hæc opinio. Nam humores non sunt morbi, sed causa morborum: humoresque sunt substantia, morbi verò accidentia. Et humores, non quatenus humores, lædunt actiones; aliàs enim à quolibet humore eadem fieret in visu hallucinatio: sed humores sunt causa huius læsionis mediata, quatenus nimirum colorem præter naturam oculo communicant; & quidem pro varietate colorum varia accidit hallucinatio. Et si humor morbus est, ad quod, quæso morbi genus referetur? Estne morbus intemperiei, compositionis, vel solutæ vñtatis? Non multò melior est Iulij Alexandrini responsio, qui etiam morbum inter læsam actionem, atque colorem, medio loco constituere conatur, à quo proximè lædatur actio, atque hunc morbum statuit esse obstructionem. Verum si obstructio causa esset huius læsionis, non visionis deprauatæ, sed vel imminutæ, vel ablatae causa esset, & si obstructio esset proxima causa huius læsionis, à quocunque humore fieret eadem læsio. Neque enim refert, quo modo humor, qui obstruit, coloratus sit, modò obstruat. At videmus, aliam visus hallucinationem accidere, si color sit flauus: aliam, si rubeus: aliam, si alterius coloris. Itaque læsio visus non obstructioni, sed proximè colori est adscribenda. Et quod postea adiicit Alexandrinus, nullius momenti est, dum inquit: In ictericis in nulla alia parte color lædit actionem, Ergo nec in oculo. Nam cum in nulla alia parte fiat visio, & nulla alia in parte colores & species visibiles recipiantur, neque color vlla alia in parte ad constitutionem partis organicam necessarius sit: non mirum etiam, si color solum in oculo lædat actionem. Ita etiam asperitas vel læuitas in organis vocis necessaria est: non tamen in omnibus aliis partibus. Argentarius, de morb. gen. cap. 1. agnoscit & concedit, colores præter naturam in oculo lædere primò actionem, & hallucinationes, quæ in visione circa colores fiunt, non ab alia proxima causa committi, quàm quod color illius tunice sit mutatus, & omnino colorem, qui in certis oculi partibus est, proximam esse causam, cur flaua, aut rubra, aut alterius coloris appareant, quæ videntur. Hæc, inquam, concedit; & agnoscit, proximè à colore lædi visionem: verum tamen morbum esse non concedit; sed tantum inter symptoma numerat. Atque idcirco reprehendit Galenicam morbi definitionem, utpote quæ quædam symptomata non excludat. Verum non demonstrat quod color hic sit symptoma, sed illud potius præsupponit, & loco allegato cap. 1. de gen. morb. hanc solam rationem affert, cur inter symptomata recenseri debeat; quippe quod sit qualitas mutata. Verum nullius momenti est hæc ratio. Est enim æquiuocatio in vocabulo qualitatis mutatae. Nam qualitas mutata sumitur in specie & in genere. Qualitas corporis mutata in specie differentiam quandam symptomatum constituit, quam aliàs affectus corporis simplices nominant: sed qualitates illæ actiones nullas lædunt. In genere verò omnis morbus etiam qualitas mutata appellari potest, ut cuilibet

omnia

Qualibet actio peculiari organo opus habet.

An color præter naturam in oculis morbus sit.

Opinio Forliuensis.

Iacob. de partibus.

Fernelij.

Fuchsi.

Iul. Alexandrini.

Argentarij.

Qualitas mutata dupliciter dicitur.

omnia tria morborum genera perpendenti facile videre est. At color corneæ non est e priorum, sed posteriorum qualitatuum mutatarum genere, utpote, qui etiam actionem lædit, & propterea morbus est. Michaël Gauaffetius, *de reb. præter naturam*, c. 13. cum cum Argenterio animaduertit, frustra eos laborare, qui monstrare conantur, colorem non proximè lædere actionem, concedit, colorem esse dispositionem præter naturam, à qua primò lædatur actio. Ne tamen cōcedere cogatur, esse morbum, ad aliud confugit, & negat, quod sit dispositio præter naturam corporis viuentis; quoniam neque sit intemperies, neque soluta vnitas, neque mala compositio: affirmatque, colorem primò & per se non conducere ad structuram oculi, & proinde neque illius vitium eiusdem oculi structuram labefactare posse. Verum affirmantur hæc, sed non probantur. An verò color ad constructionem oculi sit necessarius, nec ne, antea dictum, pauloque post etiam monstrabitur. Comes Montanus, *lib. 3. de morb. cap. 7.* postquam ferè omnes has sententias excussit, & difficultatem à nullo tolli animaduertit, ipse, ut loquitur, difficilem huius nodi explicationem aggreditur, & primò pro certo constitutoque habendum censet, colorem veram esse causam erroris huius, qui in visione accidit, rectèque hac in parte sentire Argenterium existimat. Verum ut hac in parte opinionem Argenterij verissimam esse statuit, Fuchsi & Alexandrini falsissimam: ita ex aduerso in altera parte malè Argenterium, rectè verò Fuchsi & Alexandrinum sentire censet, nimirum colorem hunc non morbum esse, sed symptoma; & miratur, quomodo adeò turpiter in hac hallucinatione omnes hallucinati sint. Verum ipse non minus hallucinatur. Postquam enim sese variè torsisset, ut negaret colorem hunc esse morbum, concedit ea, ex quibus conclusio hæc; Color corneæ est morbus, deducitur. Nimirum Galeni definitionem, morbum scilicet esse affectum, seu dispositionem præter naturam, à quo lædatur actio, extra omnem dubitationis aleam ponit. Concedit etiam illud, & ut diximus, pro certo & constituto habendum censet; colorem veram esse causam erroris huius, qui in visione accidit, hoc est, colorem esse affectum præter naturam, qui lædat visionem. Ut tamen conclusionem, quæ ex his certissimè deducitur, neget, ad aliud confugit, quo tamen definitionem Galeni, quæ aliàs bona est, & quam tueri omnibus viribus conatur planè suspectam reddit: nimirum symptomata quandoque obtinere conditiones morborum, non ideo tamen esse morbos, quia etiam sine illis conditionibus esse possint. Verum enim verò bona definitio nunquam ulli alij rei, quàm suo definito, competere debet; & definitio semper cum definitio est conuertibilis; & quæ alij, quam definito, competit definitio, bona non est. Ideoque quia definitionem Galeni, ipso consentiente, pro bona agnoscimus; ea verò colori competit: cur inter definita, hoc est, morbos, eum non referamus? Reliqua, quæ affert, etiam nullius ponderis sunt. Cum enim dicit; quo promptissimè hanc difficultatem & facile euitari posse existimat, ex symptomate etiam symptoma oriri posse, id de aliis quidem facile concedimus, sed de actione læsa omnino negandum censemus. Actio enim aliqua in corpore læditur, impeditur, vitiatur, aut, ut ut appellare velis, vel ob morbum, vel ob externum errorem, seu, ut Galenus, 3. *de sympt. caus. cap. 1.* scribit, τὰ πρῶτα δύο ὅσην τῆς ἀποτυχίας εἰσὶ. τὸ μὲν ἕτερον ἢ διώμισις αὐτῇ πεποντῆα, τὸ δ' ἕτερον ἐξ ὁρῶν τῆς πλημμέλειαι. Nimirum facultas in agendo frustratur, vel ob morbum aliquem, cum organi ad actionem destinati constructio læditur, ut ad actionem ampliùs aptum non sit; vel cum, saluo & rectè constituto organo, ob aliam, quæ extra constitutionem organi sit, causam facultas in agendo frustratur, suumque scopum non assequi-

tur. Hic itaque cum visio lædatur, & immediatè quidem à colore corneæ: ut color hic vel morbi, vel erroris externi rationem habeat, necesse est; non symptomatis, quod vult Comes Montanus, Quod cum intel-
ligeret Capiuaccius, colorem hunc rationem erroris externi habere, scribit, vbi de visione læsa agit; quia nimirum species visibiles, dum per corneam transeunt, ab eius colore inficiuntur, & ita colore infectæ visui offeruntur. Verum cum error externus sit extra constitutionem partis; hic autem color in ipsa sit cornea, eiusque vitium: nec hoc modo nodum hunc rectè solui existimamus. Cum itaque frustra hoc modo in argumento isto soluendo à tot, & tantis viris laboratum sit, & omnino concedendum sit, colori præter naturam in oculo morbi definitionem competere: morbum quoque illum esse, negandum non est. Neque tamen propterea nouum morbi genus comminisci oportet, sed ad alios conformationis morbos non incommode hic morbus referri potest. Cum enim, ut supra dictum, magna sit in corpore actionum varietas: qualibet pars peculiarem constitutionem organicam requirit; & proinde ad vnus partis constitutionem aliquid pertinere potest, quod ad alterius necessarium non est. Ita etsi color ad aliarum partium constitutionem non sit necessarius: tamen ut oculus idoneum visus instrumentum esse possit, necessarium est, eum ita esse conformatum, ut species visibiles ab eo recipi, & quidem quales sunt, & nullo colore infectæ, possint. Itaque requiritur, ut & oculi cornea tunica, & humor aqueus, & vitreus sint non solum perspicui, sed & coloris expertes. Hanc verò naturalem, & necessariam ad visionem constitutionem si oculus amittat, & partes illæ, quæ perspicuæ, & coloris expertes esse debebant, opacæ, aut coloratæ fiant, visio læditur, & vel species visibiles recipi non possunt, vel etsi recipiuntur, alieno colore inficiuntur; unde visus fit hallucinatio. Quæ præternaturalis oculi constitutio meritò pro morbo habenda est, & non minùs quàm asperitas, vel læuitas, quæ si in quibusdam particulis præter naturam reperiatur, & actionem lædat, nemine contradicente, inter morbos recensetur.

Capiuaccij.

Vera sententia.

ἀξία ad oculi conformationem est necessaria.

CAPVT VII.

De Morbis in Numero.

Secundum morborum Organicorum genus constituunt Morbi in numero. Cum enim ad cuiuslibet organi in nostro corpore constitutionem naturalem certus & definitus partium, è quibus quodlibet componitur, numerus requiratur, atque ad aliorum organorum compositionem plures, ad aliorum pauciores partes requirantur: quotiescunque ille partium constituentium naturalis numerus non obseruatur, morbus oritur, qui numeri vel in numero appellatur. Atque accidit hic morbus non solum ex similium, sed etiam ex minorum instrumentorum & partium dissimilium minus compositarum in maioribus constituendis non iusto numero. Minus enim compositæ partes respectu magis compositarum pro simplicibus habentur. Est autem morbus in numero partium duplex. Vel enim aliquid deest, vel aliquid abundat. Atque ita morbus est in numero vel deficiente, quando scilicet id, quod naturaliter adesse debebat, deest; vel abundante, quando id, quod abesse debebat, adest. Galenus & plerique medici morbos in numero excedente duplices constituunt. Nam quod redundat, vel est ex genere rerum naturalium, vel est toto genere præter naturam. Secundum naturam sunt sextus digitus, duplex ordo dentium, aut dens alteri denti adnatus, *πρόσφυον*, seu vnguis in oculo, seu adnatæ in oculo membranæ excrescentia, ab

Morbus in numero duplex.

Morbi in numero excedente.

altero oculorum angulo exortum habens, & hinc ad pupillam progrediens, eamque obtegens. Ita etiam in aliis partibus possunt rerum naturalium, aut certe rebus naturalibus quàm similimarum fieri excrescentiæ, omnes nimirum, quæ ex utili & corpori alendo apta materia, in loco, in quo non esse debebant, generantur. Rerum autem toto genere præter naturam, quæ abundant, multæ sunt differentiæ. Huc pertinent lumbrici, ascarides, atque omne genus vermium, calculi, non solum in vesica & renibus, sed & in aliis corporis partibus, grâdo in oculo, suffusio, pus, *ἀποκονίσεις*, hoc est, verrucæ, & similia, quatenus scilicet sunt materia toto genere præter naturam in parte contenta. Nam quædam ex his, quatenus cavitates & meatus obstruunt, morbos in cavitatibus excitant. Verum quâ ratione calculi, vermes & similia ad morbos in numero pertineant, non omnes idem sentiunt. Aliqui calculum & talia ipsum morbum esse dicunt: alij solum morbi causam esse affirmant, morbum verò esse negant; & quidem rectè. Morbos enim non esse, ex eo patere potest, quòd morbi definitio ipsis non competit, siue ipsa per se, siue ut hoc vel illo modo disposita consideres. Nam talia omnia substantiæ sunt; & præterea non sunt in partium viventium numero. Nonnulli quidem, ut Com. Montanus, *de morb. lib. 4. c. 13.* respondent, licet partes corporis non sint, cum tamen actiones lædant, esse morbos. Verum hoc modo scrupulum non eximunt, & definitionem morbi suspectam reddunt, quæ tamen bona est. Nam cum actiones à partibus corporis nostri viventibus obeantur: nihil etiam, præter errorem externum, actionem lædere potest, nisi quod corporis viventis dispositionem vitiat; cum sanitas & morbus sint contraria, atque in eodem subiecto. Turisanus, *in artem med. Gal. p. 3. tex. 76.* respondet, licet hæc modò recensita partes corporis non sint: videri tamen partes, non quidem intra membri organici substantiam collocatas, sed ab eius spatio comprehensas. Quæ sententia si rectè explicetur, satis commoda est. Nam sciendum, neque calculum, neque vermem, neque aliud tale toto genere præter naturam, morbum esse per se. Sunt enim hæc omnia substantiæ: Morbus verò est accidens. Neque etiam sunt subiecta morborum. Non enim sunt partes viuentes, sed toto genere præter naturam. Eatenus verò ad morbos referuntur, quatenus ob ea dispositio naturalis partium vitatur. Sunt enim quidam alicui parti præter naturam additum, & ob eorum præsentiam aliquid in parte præter naturam abundat, atque ita in talibus numerus vitiosus est, si non ob partes constituentes, tamen ob ea, quæ continentur. Morbus nimirum in numero è rebus toto genere præter naturam ortus est *ἀλλόθεν* quædam partis præter naturam, quatenus scilicet aliquid toto genere præter naturam continet, & numero non naturali contentorum laborat. Calculus vero, ut & reliqua eiusmodi, non ipse per se morbus est, sed causa, ut talis affectus, qui definitur numero contra naturam, parti insit, seu quia supra numerum est eorum, quæ contineri debent in parte. In numero deficiente si sit morbus, pars vel planè periit, ut dum digitus vel manus amputata est, dentes euulsi, vel ex parte est ablata. Quæ autem desunt, omnia secundum naturam, seu è rerum naturalium numero sunt; nec rei præternaturalis defectus esse possunt: cum naturaliter abesse debeant. Hoc morbo laborant, qui quatuor saltem digitos habent, quibus dentes desunt, qui vno oculi sunt, castrati, quibus articulus aliquis, manus, crûs, aut simile aliquid deest: qualia vitia quibusdam à primo ortu accidunt, ut iis, qui quatuor saltem digitos à natiuitate obtinent: quibusdam verò casibus fortuitis, aut necessariis curationibus contingunt.

An res toto genere præter naturam sint morbi in numero.

Morbi in numero deficiente.

CAPVT VIII.

De Morbis Magnitudinis.

Tertio loco inter morbos organicos sunt morbi magnitudinis. Ut enim certus partium constituentium ad quodlibet organum numerus requiritur: ita & definita magnitudo, atque ut aliæ maiores, aliæ minores sint, oportet. Si itaque illa magnitudo naturalis mutatur, partesque ad actiones suas edendas ea de causa ineptæ redduntur, inde morbi magnitudinis oriuntur. Qui duplices sunt, auctæ & diminutæ magnitudinis, prout totum vel pars supra modum augeatur aut imminuitur. Ad auctam magnitudinem pertinent tumores omnes, *ἐξανάσσεις*, *ὑπερσάρκωσις*, capitis, linguæ & aliarum partium incrementum nimium. Ad diminutam magnitudinem referuntur *φθίσεις*, *ἀσθία*, *ρῦσις*: item partium quarundam mutilationes, ut omenti, linguæ. Quia verò morbi Numeri communicant cum eo morbi genere, quod ad magnitudinem pertinet, ut Galenus, *artis medica, cap. 97.* scribit: ne confundantur, sed rectè distinguantur, videndum. Est autem hæc differentia. Si integræ partes, aut certa particula in membro aliquo corporis desideratur, ut si integer pes vel manus, aut digitus pedis vel manus: non propriè est morbus magnitudinis imminutæ, sed propriè est morbus in numero. Si verò non integra pars, sed partis alicuius tantum particula deficiat, seu aliquid desit, quod ad magnitudinem partis pertineat, molèque partis saltem sit imminuta; ut si carnositas in pede vel manu substantia sit imminuta: est morbus in magnitudine. Eodem modo si integra aliqua substantia in parte reperiatur, quæ naturaliter in ea contineri non debebat: est morbus in numero. Si verò non noua aliqua substantia in membro contineatur, sed moles tantum & quantitas quarundam particularum, quæ aliàs ad constitutionem partis necessariae sunt, parsque quantitate & mole præter naturam sit aucta, ut si caro in parte aliqua sit nimis aucta: est morbus in magnitudine. Ex quo sequitur, necessarium esse, ut Gal. *de differ. morb. cap. 9.* docet, in numero addito, vel immutato figuram mutari: in magnitudine verò imminuta figuram non necessario semper mutari. Interdum tamen morbi numeri & magnitudinis coniunguntur. Ne tamen quilibet partis defectus simul pro morbo numeri & magnitudinis habeatur, hæc traditur regula. Cum ex organo aliqua pars simplex tota eximitur, ut dens, columella: morbus est tantum in numero deficiente, læditurque actio, ob defectum partis, non verò eius imminutam magnitudinem. Si autem portio aliqua totius organi auferatur, ita ut vnâ multæ particulae tollantur; ut si omentum dimidium abscindatur: morbus est in numero deficiente, & magnitudine imminuta: quia & partes simplices aliqua amissæ sunt, & ipsa magnitudo imminuta.

Morbi magnitudinis duplices.

Quædam morbi numeri & magnitudinis tamen.

Morbi numeri & magnitudinis coniunguntur.

CAPVT IX.

De Morbis Compositionis.

Vltimum genus morborum organicorum est, quod *συνθέσις* morbos, vulgò morbos compositionis in specie nominant. Hoc enim in genere obseruandum, morbos compositionis aliàs specialiter ita appellari, aliàs generaliter. Apud Auicennam morbi compositionis in genere omnes morbi organici dicuntur. At hoc loco & apud plerumque alios morbi compositionis pro peculiari inter morbos organicos genere habentur. Duo autem in compositione spectantur, situs & connexio; & pars quælibet non solum suum locum & situm requirit, sed & cum vicinis & aliis vel eiusdem organi, vel totius partibus connecti debet.

Atque

Morbi compositionis duplices.

Atque hæc nisi obtineant partes, suas actiones exercere nequeunt: & hinc hoc morbi genus in alia duo diuiditur: vnum, cum partes naturalem suum situm mutant; quod morbum in situ, seu positu nominant: alterum, cum non, vt debebant, cum aliis connectuntur, & quæ coniuncta esse debebant, disiunguntur, aut quæ disijuncta coniunguntur, quos morbos in connexionem vel vicinitate, alii consensus, societatis vel colligantiae morbos appellant. Communissimus morbus in situ est Luxatio, Græcis ἐξάρθρωσις, cum ossa suis sedibus excidunt, seu cum articuli, aut capita ossium è suis acetabulis seu cauis excidunt, vnde membri motus impeditur. Sunt autem variae luxationum differentiae. Primò diuiditur luxatio in perfectam, quæ nomen generis retinet, Hippocrati ὀλίγημα dicitur; & imperfectam, quæ ἀρθρῶσις, subluxatio, ab Hippocrate διακίνημα, à nonnullis contorsio nominatur, cum caput articuli à sua sede aliquo modo dimouetur, sed non prorsus excidit. Quæ luxatio imperfecta in omnibus articulis fieri potest, præterquàm in femore, & humero, vt docet Hipp. 4. de art. 1. 1. *Femoris & brachii capita, inquit, quàm simillimè inter se utraq; elabuntur. Simplicè enim rotunditatē habent: sinus verò, qui ea excipiūt, orbiculares sunt, capitāque ipsis adaptantur. Quapropter in his vt dimidium articuli excidat, fieri non potest. Nam ob rotunditatē vel in exteriorē, vel in interiorē partem prolabetur.* Deinde omnis luxatio tribus modis fieri potest. Primò in partem anteriorem & posteriorem fit luxatio. Deinde in interiorem vel anteriorem, seu versus dextram & sinistram. Tertiò in superiorem vel inferiorem locum, vt scilicet, quod naturaliter superiori loco esse debebat, excidat versus inferiora, & contra. Atque nonnulla in omnes differentias excidere possunt: alia in certas tantum differentias, pro articulationis ratione. Ita cubitus, manus & femur versus anteriora, posteriora, interiora, exteriora, luxari possunt: supra autem & infra non possunt. Genū in partem anteriorem, interiorem, & posteriorem luxari potest; sed non in priorem partem, propter patellam; sicut nec versus superiora, vel inferiora. Humerus deorsum hoc est, sub alam luxatur; quia vbi nihil obstat, interdum etiam in partem anteriorem: In partem autem superiorem luxari non potest; cum obstat scapularum processus. Vertebrae in spina in partem posteriorem & priorem, hoc est, versus anteriora & posteriora, nonnunquam & ad alterutrum latus, possunt luxari. Maxilla tantum in partem anteriorem luxatur. Nam vt in posteriorem non possit luxari, impedit os: vt ad dextrum non possit, prohibet caput maxillæ sinistrum: at sinistra, dextrum caput prohibet. De qua re plura videantur apud Hippocr. de articul. & Galen. in comment. Deinde etiam aliæ partes, præter ossa, sua sede excidere possunt; quod in hernia fit, in qua intestina, vel etiam omentum in scrotum descendit. Ita interdum per magna vulnera intestina excidunt: vnde etiam tunica oculi per corneæ vulnus excidere, & humor crystallinus sua sede interdum dimoueri potest. Alterum compositionis vitium est, quando partes, quæ coniungi debebant, disiunguntur; aut quas seiunctas oportuit, coniunguntur. Natura enim nonnullas partes ligamentorum & vinculorum quorundam interuentu inter se colligauit. Hæc itaque si vel laxentur, vel nimium intenduntur, aut etiam abrumpantur, (vbi simul morbus solutæ vnitatis concurret,) breuiores aut longiores fiunt: partes amplius non benè connectuntur, & inde operationem suam rectè exercere non possunt: potestque hoc in articulis euenire, etsi nulla sit luxatio vel subluxatio. Imò etiam in aliis partibus, vt in lingua, cuius vincula, si nimium intenduntur, sermoni impedimentum affertur. Si rumpantur, aut laxentur in vtero vincula, fit inde eius procidentia; quod & in intestino recto fieri solet, & ani proci-

dentia appellatur. Alterum in consensu vel connexionem vitium sese contrario modo habet, cum partes, quas seiunctas esse oportuit, coniunguntur: vt quum palpebræ coalescunt; sphincteris extremitates connectuntur, atque ita anus clauditur; aut cum digiti duo cohærent, quod nonnullis à natiuitate accidit. Nonnulli tamen hunc partium inter se præter naturam coalitum referre malunt ad vnitatem vitiatam, quam ad connexionis vitium: & vnitatem non secus quam connexionem dupliciter à naturali statu recedere statuunt, & cum, quæ prius aderat, perit, & cum noua, ac quæ adesse non debebat, accedit. Huius generis morbi insigne & foras inauditum hætenus exemplum apud nos accidit, ὡσπερ κήλης nimirum, simulque partus cæsarei, cuius historiam integram hîc inferere libet. Vrsula, vxor Martini Opitz, victoris, cum maritum in incuruanda pertica, ex qua vinculum dolii parandum erat, iuuaret: fortè ab eadem reciprocante ad sinistram inguen percussa est, ruptumque, seu laxatum potius, quantum ego quidem ex sectione iudicare potui, est peritonæum. Paulò post enim tumor ad sinistram inguen oboritur, qui breui tempore tantum incrementum sumpsit, vt nullo modo intra abdomen recondi posset. Etsi verò de vtero prolapsus suspicio incideret: tamen nec ipsa, nec aliæ fœminæ id facillè crediderunt, donè tandem res ipsa atque euentus omnem dubitationem sustulit. Nam vterus, conceptu grauidus, ita indies aucto fœtu dilatatus, simulque cum eo cutis inguinis sinistræ, quæ vterus prolapsus erat, extensa est, vt vtero & cute conclusus fœtus instar sacci ferè aut cucurbitæ oblongæ maioris modo propenderet; motusque infantis tandem & tactu & visu perciperetur. Quæ res cum ipsam, maritum, cognatolque perturbaret: Collegium nostrum in consilium adhibuerunt. Cum autem ob fœtum iam iam maturum de vtero in abdomen reponendo, atque adeo partu naturali, nullam spem superesse videremus, si naturæ res relinqueretur, & fœtum & matrè tandem de vita periclitaturos, nullaque alia à re, quàm sectione auxilium expectari posse ostendimus. Quod cum & ipsa, atque maritus, cognatique facillè intelligerent, atque spem vitæ in angusto esse animaduertent: vt sectio fieret, omnes petierunt. Cum igitur die vigesimo primo Aprilis, anno 1610. partus tempus adueniret, doloresque parturientem apprehenderent, Deo inprimis in auxilium vocato, præsentibus mecum Dn. D. Ernesto Hettenbachio, & Dn. D. Tobia Tandlero, collegis; M. item Henrico Silbermanno, Ecclesiæ nostræ Archidiacono; duabus obstetricibus, atque aliquot honestis fœminis, horà octauâ matutinâ, sectionem instituit Chirurgus Ieremias Trautman, ministrante & altero Chirurgo Christophoro Seefsb. Primùm secta est cutis & peritonæum. Hoc enim, quantum ego quidem visu diiudicare potui, cuti integrum adhuc suberat, & in sectione à cute manifestè distingui poterat. Hinc & ipse, qui iam extra cutem facillè prorumpibat, vterus apertus, hæmorrhagia non adeò insigni, neque etiam adeo acerbo dolore, quod ipsa postea passa est. Vtero secundum longitudinem aperto, infans facillè cum secunda extractus est; imò quasi suoptemotu, cum via facta esset, exitum quæsiuit, & quidem, Dei beneficio, saluus atque incolumis. De vtero verò intra abdomen reponendo, cum, ob eius magnitudinem, nulla spes esset, cutis, sanguine conueniente decocto prius absterfo, ipsi inducta & confuta est; ipse vero vterus non confusus. Qui etsi aliqua insigni inflammatione non corriperebatur tamen quia extra abdomen propenderet, & ab externi aëris incurso in curatione vulneris defendi non posset: membrana quasi purulenta circa labia vulneris obducta est: quæ tamen post, adhibitis idoneis medicamentis, sublata est, vteruq; iteru purus euasit, & naturalem faciem & habitum circa diem deci-

Historia admiranda herniæ vterina, partusque cæsarei.

mun quartum ostendit, atque indies magis in se contractus ad naturalem magnitudinem rediit. Verum post dies aliquot labia vulneris nigrescere, cum tangerentur facile sanguinem fundere, atque adeo gangræna suboriri cœpit, ut ferro, sine sensu, particula de labiis vulneris demi possent: sed cum idonea medicamenta adhiberentur, omne illud malum cessauit, & caro circa labia vulneris ad pristinum colorem & statum planæ rediit, vulnusque indies euasit: adeo, ut intra paucos dies coalitum vulneris speraremus, & vix vllum de recuperanda integra sanitate dubium superesset. Verum enim verò cum illa, 16. Maij, hora 4. pomeridiana, extra lectum aliquandiu confedisset, atque iterum in lectum sese reciperet, lipothymia suboriri cœpit, & præter omnem spem intra dimidiam horam, procul dubio abstantibus, cum esset paupercula, non rectè in lipothymia tractata, yram cum morte commutauit. Ipsa mortua, ut planè sciremus, an in vtero omnia salua fuissent, an verò aliqua latens putredo lipothymia & subita huic morti causam præbuisset, vterum aperuimus. Verum omnia salua in eo inuenimus. Infans etiamnum viuit saluus & incolumis, Dei beneficio. Huic enim soli & ipsa mater acceptum ferebat, quod toto gestationis tempore à variis & periculosis moribus nihil damni percepisset. Etsi enim vterum extra abdomen pendulum in fascia gestaret: tamen in obeundis domesticis negotiis, quæ ipsimet, ob rem familiarem angustam, expedienda erant, vterum cum foetu nunc in femore, nunc in hoc, nunc in illo loco, prout vsus & res expediendæ exigebant, reponere necesse habebat. Ita Mirabilia sunt opera Domini. Puer iste demum sub finem anni 1619. mortuus est.

CAP V T X.

De Morbis solutæ unitatis.

Restat tertium morbi genus, quod solutæ unitatis nominatur, cum partes, quæ vnum & continuum, quiddam esse debent, diuiduntur, & continuitatem amittunt. Hoc vtrisque & similibus, & organicis partibus commune esse vulgò statuitur. Verum cum hoc in dubium vocetur, & Auenrois neget, hoc morbi genus instrumentariis partibus per se competere, & similiarium solum proprium esse, contendat: Argenterius contra non similibus conuenire, sed solum instrumentariis affirmet: mox in principio hæc controuersia decidenda est. Primò pro Auenrois sententia, statuentis, tantum partibus similibus competere unitatis solutionem, hæc afferuntur. Solutio unitatis est duplex; continuitatis & contiguitatis. De contiguitatis solutione quæri non posse videtur; cum, ut capite præced. dictum, contiguitatis solutio morbos connexionis pariat. Qui autem unitatem solutam partibus organicis competere negant, eo præcipuè nituntur argumento; quod partes organicæ non sint continuæ, sed contiguæ. Cum autem propriè non sint continuæ; nec continuitatis solutionem ipsis competere posse. Conatur hoc argumentum Auenrois soluere Fernellius, lib. de morb. cap. 9. & turpiter falli Auenroem scribit, ea de causa: quod vera instrumenti ratio sit conformatio. Quoniam igitur continui solutio rei figuram & conformationem vitiat, ac peruertit, ipsa quidem per se ac primum instrumenti morbus est; huicque perinde atque similari per se accidit. Verum hoc modo ad argumentum Auenrois nihil responderetur: potestque id vrgeri pro opinione Auenrois; Si solutio continui non per se, sed quatenus lædit conformationem, actionibus officit, est potius causa morbi, quam

morbus. Ideoque si solidè hoc Auenrois argumentum refutare velimus, necesse est, ut argumentum Galeni, quod, de different. morb. cap. 4. proposuit, his verbis, sarrum rectum conseruemus. Siquid, inquit, commune omnibus inest, quatenus secundum naturam sese habent, quod vel usum aliquem, vel actionem animalibus largiatur, omnino, eo corrupto, communis quidam oriatur morbus. Hoc autem est unitas: quæ cum adfuerit, causa erit, ut pars qualibet una esse dicatur, unamque actionem vel usum perficiat. Quod si qua solutio contingat, partis illius erit agritudo. Nimirum defendendum est, partes organicas non solum esse contiguas, sed etiam continuas. Neque enim concedendum est, quod exempli loco affert Conciliator, differentia 75. quod partes corporis nostri tantum sint vnum, sicut murus est vnus, ex lapidibus & calce compactus: cum partes corporis, quæ organum constituunt, passim in vnum coaluisse videamus, ut supra, lib. 1. cap. 7. monstratum est. Contrariam sententiam, ut diximus, tuetur Argenterius, qui, de morb. gener. cap. 12. monstrare conatur, solutionem continui non esse communem morbum similiarium & instrumentariarum partium, sed propriè duntaxat organicarum; eo imprimis argumento: quod actio similiarium non lædatur. Nam, quemadmodum, inquit, nemo negauerit, lædi partes similes, cum figuram suam vel magnitudinem naturalem amittunt, non tamen ob id morbum in parte similari ea committere quispiam concedet, quoniam illius essentia & constitutio non corrumpitur; id quod cognoscitur, quoniam actionibus huius partis huiusmodi mala non obsunt: ita cum vnio similiarium labefactatur, eas quidem aliquo modo offendi certissimum est; læsionem tamen ad essentiam & compositionem haud quaquam pertinere, nec in illis morbum parere, eadem ratione putandum est, quod scilicet nullum inferatur earum actionibus damnum. Breuiter id sentit Argenterius: Similes partes proximè non affici à solutæ unitate; quod earum actio non lædatur. Actio enim læsa morbi in parte indicium est: Non læditur autem, ut existimat Argenterius, similiarium partium actio, scilicet nutritio, à solutæ unitate, nisi mediante temperamento, atque ita interuentu morbi proprii parti similari. Ideoque solutæ unitas non propriè partium similiarium morbus esse videtur. Neque Galenum sufficienter probasse existimat, dari morbum similiaribus & organicis partibus communem, cum dicit, allegato loco: si quid commune est secundum naturam similiaribus & organicis partibus; eo vitiat, communis morbus oriatur. Nam & figura, inquit, & magnitudo, & alia similibus & instrumentariis partibus sunt communia: neque tamen in figura, magnitudine & similibus morbus similiaribus & organicis communis statueretur. Ergo non hoc, sed illud potius Galeno probandum erat, dari aliquid, quod actionis causa sit in similiaribus & organicis. Eo enim vitiat, communis morbus oriatur. At solutæ unitas tale non est. Nam cum quatuor sint partium similiarium actiones, quæ ex temperie promanant, attractio, retentio, coctio & expulsio: pars vulnerata, nisi intemperies accedat ex humorum affluxu, attrahet, retinebit, coquet, expellet, non minùs, quam dum erat integra. Sicut hoc videmus in vulneribus & vlcerebus, vbi pars non solum nutritur, sed etiam caro pro cavitatem implendâ, aut vulnere conglutinando necessaria generatur. Fuchsius, lib. 3. instit. sect. 1. cap. 6. obiectiones has Argenterij soluere conatur, & hæc affert: Si vnio similiarium partium corrumpitur, necesse est, earundem commodationem, adeoque partium similiarium constitutionem, quam ex primis elementis consecuta sunt, vitari. Si verò solutæ unitate corrumpatur earundem essentia constitutio, actionem quoque illarum, utpote quæ

Auenrois de
morbis solutæ
unitatis sen-
tentia.

Argente-
sententia

Fuchsius
no.

quæ constitutionem necessariò sequitur, labefactari docet. Verùm nullius momenti est hæc responsio. Neque enim temperies partium secari, vulnerari, discerpi, aut quocunque modo solutâ vnitatē lædi potest. Id, quod ipse Fuchsius agnoscit, cùm addit, Quòd autem corrumpi similarium partium essentiam per continui solutionem dicimus, non intelligimus, ita eam corrumpi, ut in alteram speciem transferatur & abeat; nam id solius primæ qualitatis opus est, sed quòd vnitatis substantiæ separatur. Quibus verbis ipse innuit; temperiem non lædi per vnitatis diuisionem: & addita appendice, cùm ideo lædere dicit, quòd vnitatis substantiam separaret, innuit quidem, sed non satis explicat, ubi hic nodus hæreat; nimirum solutam vnitatem, non per intemperiem lædere actionem similarium partium, sed proximè, nulliusque alterius interuentu. Quælibet enim constitutio corporis præter naturam eas actiones vitiat, quibus inseruit constitutio secundum naturam. At vnitatis similaribus ea de causâ hic necessaria est, ut virtutis quasi fiat communicatio. Licet enim in non viuientibus quælibet pars per se suam essentiam integram retinere possit, etiamsi ab alia nihil accipiat: in viuientibus tamen cùm ab vno principio ad singulas partes aliquid mitti soleat, quòd ad earum vitam necessarium est: id fieri non potest, nisi partes sint continuæ. Ex quo patet, vnitatem per se etiam competere partibus similaribus, & solutam vnitatem non minùs ipsis conuenire, quàm partibus organicis. Quòd verò Argenterius solis organicis vnitatis solutionem propriam esse contendit, ideo, quòd actiones similarium partium ab ea per se non lædantur, & pars vulnerata, nisi intemperies accedat, ex humorum affluxu, attrahat, retineat, coquat, expellat, atque ita nutriatur, non minùs, ac dum erat integra; præterea caro pro cavitatē implenda aut vulnere conglutinando generetur: ad id respondendum, Actiones naturales non solum lædi, cùm abolentur, sed etiam cùm imminuntur aut deprauantur. Imminui autem has actiones in partibus vulneratis, ut & deprauari, certum est, ut sæpe ex excrementorum copia & aliis symptomatibus patet.

Longè verò alia ratio est vnitatis, quàm magnitudinis & figuræ, & similitudinis, quæ Argenterius etiam similaribus competere dicebat, etsi morbi magnitudinis & figuræ similaribus attribui non possint. Falsum enim hoc est, quòd præsupponit Argenterius, figuram & magnitudinem competere etiam partibus similaribus; cùm similes partes sub quacunque figura & magnitudine suam essentiam retinere possint: Solis verò organicis partibus competit figura & magnitudo, atque ideo partes figura & magnitudine præditæ sunt, quia organicæ sunt. Sed his missis, ipsos morbos solutæ vnitatis videamus. Primò si differentias ex ipsa natura solutæ vnitatis petamus: tot ex sunt, quot figuræ & modi solutæ vnitatis esse possunt, qui ferè infiniti sunt. Vulnus enim & vlcus potest esse rectum, obliquum, longum, latum, profundum, aut alterius figuræ. Deinde sumuntur differentiæ à causis soluentibus vnitatem: & tandem à parte affecta. Quædam enim eorum, quæ soluunt vnitatem, secant; qualia sunt omnia acuta: quædam erodunt; qualia sunt acria & mordacia: quædam tendunt; qualia sunt, quæ nimis replent, aut alio modo partem quasi diuellunt, & rumpunt: quædam contundunt; qualia sunt grauiora, dura, & obtusa. Partes verò, quarum vnitatis soluitur, aut sunt similes, aut dissimiles, & ex his aliæ molles, ut cutis, panniculus, fibræ, caro, nerui, venæ, arteriæ, ligamenta, tendines; aliæ duræ, quas ossa dicimus. Si partis mollis à re secante, & quidem cæsum, vnitatis soluitur, à Græcis τραύμα, à Latinis vulnus appellatur: etsi Celsus, lib. 5. cap. 6. latius vocem vul-

neris, quàm Græci τραύμα usurpare, atque etiam contusis tribuere videatur. Nam, inquit, *peius vulnus est, quòd etiam collisum, quàm quòd totum discissum est: adeò, ut acuto quoque, quàm retuso telo vulnerari commodius sit.* Si verò pars mollis à re acuta punctim soluitur, appellatur punctura, *πύγμα καὶ νύσις*: utrumque hoc solutæ vnitatis in parte molli genus comprehendit *τμήσις*, sectio siue cæsum siue punctim facta. Si autem pars mollis, quæ ictui cedere & in se cogi atque comprimi potest, à re dura & obtusa graui, ut malleo, lapide obtuso, lædatur, vocatur vulgò contusio, aut etiam collisio, Græcis est, *θλάσις* & *θλάσμα*: ut Galeno; Hippocrati *θλάσμα, κατ' ἰντρον*. text. 2. & propriè ita dicitur, quando, integra superficie partibus, quæ in profundo sunt corrumpuntur & contunduntur, seu cùm, integra adhuc & continua cute partis contusæ, partium sub cute mollium vnitatis soluta facta est, nec ad sensum patet. Si verò non solum pars intus comprimatur, & contundatur, sed etiam extra atque in superficie rumpatur: hæc solutio vnitatis iam composita est, neque aliquod peculiare nomen habet. Et cùm à re dura partem mollem contundente, partem, dum in se comprimitur & cædit, quasi excauari necessum sit: si ex compressione cavititas maneat, Græcis vocatur *ἐνθλασις*; Latini verterunt illisionem: Si verò, remota re contundente, & comprimente, pars ad pristinum statum redeat, vocant collusionem. Si pars mollis ex re tendente rumpatur, ruptio, *ρήγμα* nominatur, & in neruis peculiariter hæc solutæ vnitatis species *σπάσμα*, diuulsio & *τίλημα*, vulsio, lib. 3. κατ' ἰντρον. text. 31. nominatur. Fit utrumque ex distensione seu ex violenta contusione. Tò *ρήγμα* porò fit aut disruptione fibrarum, quæ à ligamentis enatæ per musculorum carnem disperguntur, aut disruptione vasorum aut membranarum, s. *meth. med. cap. 2.* qualis disruptio Celsi, lib. 4. cap. 4. *ρήγμοχασμός*, hians ruptura dicitur. Tò *σπάσμα*, verò in specie fit cùm fibræ neruorum plus nimio tensæ rumpuntur, de constit. artis cap. 6. diuulsione scilicet seu disruptione villorum, qui ex neruis orti per musculos distribuuntur. Vbi notandum, esse differentiam inter vocem *σπασμα* & *σπασμος*: cuius ignoratio causa fuit, ut Argenterius Galenum iniuste taxarit. Nam ita, de morb. gen. cap. 13. *Quantum verò Galenus in nominibus euariet, unicuique licet intelligere: Nam ut à conuulsione incipiamus, quam spasma vocat, scribit, 4. Method. Med. & in lib. de const. art. & de differ. morb. & alibi sæpius hoc nomine solutionem continui significari: cùm tamen, in libro 2. de caus. sympt. inter motus deprauatos, conuulsionem, & rectè quidem, ponat. Aliud verò est motus deprauatus, aliud continui solutio. Conuulsionem præterea neruis solis tribuit, in libro de morb. quam in libro de constitutione artis ad masculorum fibras spectare scribit. Ac etiam omnem solutionem continui, quæ in neruis fit, conuulsionem vocare, est, ut credo, nomine abuti; quippè cùm ea solum ita videatur nominanda, quæ ob vehementes distensiones neruorum, quales sunt per conuulsorios motus, contrahitur. Docet præterea, quomodo arcenda sit conuulsio à neruo vulnerato, quòd frustra tentaret facere, si omnis continui solutio, quæ in neruo oritur, conuulsionis nomine continetur.* Verum hæc omnia, quæ tanto apparatu dicuntur, vnica distinctione inter vocem *σπάσμα* & *σπασμός* concidunt. Nam licet Hippocrates *σπάσμα* interdum pro *σπασμῷ* usurpare videatur: apud Galenum tamen *σπάσμα* est propriè neruorum ruptio per tensionem: *σπασμός* verò est symptoma, motus nimirum deprauatus, seu conuulsio à contractione musculorum proueniens. Huc pertinet seu hinc oritur *ἐκχύμωμα* & *ἐκχύμωσις*, quæ & *ναυσίωσις* & *βλεφῶν* dicitur, 2. *fract. text. 24.* Latini sugillata vocant. Est autem *ἐκχύμωμα* affectus in cute, s. de compos. med. sec. loca cap. 1. cùm contusa caro in regio-

Punctum.

Contusio.

Ruptio.

σπάσμα.
Differentia
inter
σπάσμα &
σπασμός.Argenterij
error.

nem sub cute, seu partes cuti subiectas sanguinem effundit, ipsa cute integra. Est nimirum mistus ex contusione & ruptione affectus, 4. *de meth. Med. cap. 1.* Nam & carne musculorum contusa, & simul valis seu venis paruis ruptis, tunicisque contusis fit sanguinis effusio, qui sub integra cute colligitur, eamque liuidam reddit. Si verò in parte dura, ut osse, fiat solutio continui, ab alia causa, quam ab erosione, nimirum sectione, contusione, aut tensione, fractura Latinis dicitur, Græcis *ἄγμα & κάταγμα*. Differentias tradit Galenus, 6. *meth. med. cap. 5.* Aliàs nimirum franguntur ossa in longitudinem, ut ligna finduntur, quæ fractura *ῥαμμή* recta, propriè fissura dicitur, Galeno *ῥιδακνόν*; aliàs in transversum, quæ fractura propriè dicitur, aliàs *ἐγκάρσιον* transversa dicta, aliàs in obliquum. Fractura quoque nonnunquam simplex est; nonnunquam cum vulnere aut etiam luxatione coniuncta: præterea os nonnunquam in duas partes saltem fractum, nonnunquam in plures contritum est, quæ fractura *συντριμμα*, comminutio, Galeno *καρυνδόν* dicitur, fractura facta in modum contusarum nucis testarum. In capite verò hæc unitas soluta quædam peculiaria nomina habet, de quibus consulatur Hipp. *de vuln. capitis*. Si verò ab erosione in osse unitas diuidatur, appellatur *τερενδόν*, caries. Si ab eadem causa in aliis partibus, quam ossibus, solvatur continuïtas, nominatur *ἔλκος*; vlcus, quandoque & *διὰ βρονοίς*, id est, erosio. Interdum tamen vox *ἔλκος* generalius usurpatur: quomodo Galenus eam, *de differ. morb. cap. 11.* etiam usurpare videtur, cum in genere dicit: Solutionem continui in osse fracturam, in carne communiter vlcus nominari. Verum ut diximus, propriè vlcus dicitur soluta continuïtas partium carnosarum, aliarumque his ob molliem cognatarum, ab erosione ortum habens. Tandem si partium organicarum & compositarum unitas solvatur, & quæ diuersi generis naturaliter inter se compactæ sunt, atque coalescunt, disiungantur, diuisis & abruptis ligamentis, filamentisque illis fibrosis, quibus coniungebantur, *ἀποσπασμάτα* nominantur; ut cum cutis à membrana, membrana à musculis, musculus à musculo, atque omnino partes, quæ inter se cohærebant naturaliter, disiunguntur. Non autem *ἀπόσπασμα* dici potest, cum pars aliqua ita fuerit ab altera separata, ut omnino à toto organo sit auulsa. Nam tum non propriè est *ἀπόσπασμα*, sed morbus in numero deficiente. Exempla, *ἀποσπασμάτων* non rarò occurrunt in percussione capitis, præcipuè ex lapsu. Cutis enim capitis & pericranium cranio per membranulas quasi & fibras adhærent, & quasi adnascuntur. Hæ itaque si rumpantur, fit *ἀπόσπασμα*. Atque hæc solutio continui propria est instrumentorum. Cum enim particula, per quas partes, ex quibus organa constituuntur, coalescuntque, diuelluntur: partes, quæ erant coniunctæ, amplius non cohærent, neque vnum amplius organum dici possunt. Nonnulli quidem de apoplepsia aliter docent, idque esse statuunt partium dissimilariarum à toto corpore auulsionem, ut si ex manu digitus auellatur, è capite oculus eruat, aut musculus aliquis totus excindatur. Verum fefellit illos hoc, quod putarunt, *ἀποσπασμάτα* dici, quasi à toto *ἀποσπασμένα* seu auulsa; cum ita dicantur potius, quod à partibus, cum quibus connectuntur, auelluntur. Quod ex Galeno satis patet, *de differ. morb. cap. 11.* (in quo de morbis solutæ unitatis, non numeri agit) qui scribit, cum diuellitur *σύνδεσμον* seu ligamentum *ἡ ἀρτηρία* (ita enim legendum, non *ἀρτηρία*) communis est totius instrumenti & diuulsæ particulae morbus. Nam vtriusque soluta est continuïtas: totius quidem instrumenti, cum partes non amplius cohærent, neque vniuntur: (non à toto corpore auelluntur) ipsius verò particulae diuulsæ; quoniam non am-

plius est vna, sed in duas particulas diuisa. Et longè clariùs, 4. *meth. med. cap. 1.* *ἀπόσπασμα* in ligamentis fieri docet, cum scilicet ligamenta, quibus partes inuicem connectuntur, diuelluntur. Cum verò ex hæcenus dictis pateat, solutionem continui communem esse partibus similaribus & compositis: est illud addendum, aliquando solutionem continui tantum similarium esse propriam; aliquando tam similarium, quam instrumentalium. Quod quomodo se habeat, explicat Galenus, *lib. de const. art. cap. 4.* Si, inquit, *similaris pars aliqua ex toto diuidatur, affectio illa partim illius, quæ secta est, dicitur, partim totius instrumenti. Quamuis nonnunquam huius non nisi ex accidente dicenda sit, cum vel musculus vel alia huiusmodi aliqua particula patitur: quandoque tamen etiam primario competit, utpote, cum ligamentum diuiditur.* Qui locus Galeni, cum ab aliis aliter explicetur, genuina eius sententia tradenda est, quæ hæc est. Si pars aliqua similaris non ex toto disseccetur, per se erit morbus partis similaris, ex accidente autem totius organi. Si verò aliqua pars similaris ex toto diuidatur, morbus ille communis est & parti simili, & organice, similarique semper per se competit, organice autem interdum per se, interdum ex accidente. Si enim pars, quæ non est ligamentum, disseccetur, morbus ille & parti isti & instrumento comperit, sed parti primò & per se, instrumento solum secundario, & ex accidenti: ut si musculus, vel alia eiusmodi pars disseccetur. Nam etsi musculus, per se consideratus, sit pars dissimilariarum: tamen respectu totius organi magis compositi, & ut pars illius consideratus, quodammodo pro simili habetur, eiusque diuisio per accidens dicitur morbus totius organi: exempli gratia, manus vel pedis. Licet enim totus musculus diuidatur: ob id tamen partes instrumenti non diuelluntur: ideoque nisi ligamenta secantur, aut abrumpantur, non erit morbus per se instrumenti. Quod verò Galenus, *de differ. morb. cap. 11.* diuulsionem arteriæ non solum similaris, sed & organice partis morbum in soluta unitate esse dicit, id ea causa factum, quod per diuulsionem duo accipi possunt, nimirum & soluta unitas ipsius arteriæ, quæ est morbus similaris, & eius separatio à partibus, quibus cohæret, quæ sit disruptis illis ligamentis & fibris, per quas partes mutuo coalescunt: quod expressè Galenus innuit, cum dicit: quod partes totius organi sibi inuicem amplius non cohærent. Si verò pars, quæ disseccatur aut diuiditur, sit ligamentum, morbus ille quidem primò attribuitur, sed instrumento non ex accidenti, sed eodem modo. Per ligamenta enim partes organorum inter se connectuntur, & proinde nulla soluta unitas in parte instrumentaria esse potest, nisi fibrosa illa ligamenta, & quasi filamenta, quibus partes inuicem connectuntur, solvantur.

CAPVT XI.

De Accidentibus & communibus morborum differentiis.

Atque hæcenus omnes morborum essentielles differentias explicauimus: restant iam differentie accidentales, quæ ab iis, quæ essentiam morbi insequuntur, ut sunt magnitudo, motus, mos, à subiecto, causis, aliisque circumstantiis petuntur, & propterea pluribus communes sunt. Quarum etsi plures sint: tamen à Galeno, *lib. de differ. morb.* ferè prætereuntur. Nos hoc capite plerasque illas accidentales differentias complectemur. I. Primò morbi alii dicuntur solitarii, alii multiplices. Laborat enim corpus nunc vno, nunc pluribus morbis. Vnusque morbus dicitur, qui vnâ saltem partem obsidet, eiusque actiones

Solita
aliquan
tantum
laribus
quando
laribus
strumen
competit

Morbi sim
ces.

lædit: multi verò morbi sunt, qui multas variasque partes occupant, earumque actionibus officiant. Morbus verò, qui vnam partem occupat est vel simplex vel compositus. Simplex est, qui cum nullo alio coniungitur. Compositus, qui cum alio in eadem parte copulatur. Componuntur autem morbi variis modis inter se, vel eiusdem generis, vel diuersi. Eiusdem generis, ut intemperies calida, sicca; calida, humida; frigida, humida; frigida, sicca: unde oriuntur intemperies compositæ, de quibus supra dictum. Deinde organicus organico coniungitur; ut, si articulus sua sede emotus & luxatus vas aliquod comprimat, angustiamque in eo efficiat, duo sunt morbi: vnus in situ, alter in cavitare. Quod etiam de tumore dici potest. Diuersi generis morbi coniunguntur, ut similis organico; exempli gratia, si luxationi superueniat inflammatio, coniungitur morbus organicus, luxatio nimirum, atque intemperies, inflammatio scilicet. Ita coniungi potest intemperies cum soluta vnitare. Fieri enim facile potest, ut pars aliqua vulneretur, simulque intemperiem aliquam contrahat. Ita organicus morbus cum soluta vnitare coniungi potest, ut, cum vulnere imminuta magnitudo, vel etiam morbus in numero deficiente excitari potest. Nonnunquam omnia tria morborum genera in vna & eadem parte concurrunt. Laboret, exempli gratia, pars vlcere cum inflammatione & tumore insigniore: ibi adest primò intemperies calida; deinde tumor; imò etiam magnitudo imminuta, si sit vlceris cauum: & tandem soluta vnitatis. Illos autem morbos, qui solum cum causa aliqua, aut grauiore symptomate connectuntur, propriè compositos vocandos non existimamus, Fernelius, *lib. de morb. diff. c. ult.* eos comitatos vocat; sicut solitarios illos, quos neque causa, neque vllum graue symptoma comitatur. Sicut nec ij morbi compositi iure dicuntur, qui varias partes occupant; sed si plures morbi simul diuersas partes occupant, pars non composito morbo affici, sed corpus multis morbis simul laborare iure dicitur. Multos autem morbos Fernelius diuidit in separatos, disiunctosque, in implicitos, & in connexos seu consequentes. Separati & disiuncti sunt, qui in diuersis partibus consistunt, quæ nec communem vsum vel actionem habent, nec affectus sibi inuicem communicant, ut Ophthalmia & Podagra. Implicitos autem morbos vocat, qui quidem & ipsi diuersas partes afficiunt, sed tales tamen, quæ vnum communem vsum atque actionem habent, ut, si diuersæ partes thoracis laborant. Tandem connexos & consequentes nominat, cum vnus morbus alterius causa est; ut, si ex magna inflammatione febris accendatur. Quod pluribus modis accidere potest: primò, partium societate & cognatione; qualis est ventriculi cum cerebro: deinde ob situm, cuius gratia vna pars alterius excrementa excipere facile potest; sic pulmones excrementa cerebri facile excipiunt: vel quia vna pars fortior in aliam debiliorem sua excrementa depellit atque deponit. II. A generationis & subsistentiæ modo, morbi alij facti, alij (liceat hoc vti vocabulo) fientes dicuntur. Fieri autem dicuntur hîc morbi, non qui simpliciter non sunt, aut quorum natura planè *ἐν τῷ αἵματι* consistit: (cum morbus non sit motus, sed res iam permanens motu facta) sed ij morbi dicuntur Fientes, qui, etsi iam sint, & causa sua producti sint: tamen sine causa efficiente subsistere non possunt, sed, causa recedente, & ipsi à subiecto recedunt. Ut enim, quæ simpliciter, absolute & propriè fieri dicuntur, cessantibus causis mouentibus, & ipsa cessant: ita & hi morbi etsi iam facti sint: tamen quia sine causa fouente in corpore hære non possunt, fieri dicuntur similitudine quadam. Facti autem morbi dicuntur, qui, etiam remotis & ablatiis causis generantibus, remanere & superesse possunt, nec, illis subla-

tis, statim tolluntur. Ita ex frigida potu intemperies frigida, ventriculo, aut ex potu calidiore intemperies calida hepatis induci potest, quæ, etiam remota causa, quæ eam excitauit, remaneat. Verum, ut hæc rectè intelligantur, quot modis morbi fieri & fientes dici possint, obseruandum. Primò enim & propriè morbi fieri dicuntur, cum nondum sunt, sed producantur & generantur; sicut dum pars aliqua à causa præternaturali alteratur, qualitas tamen præternaturalis nondum eum terminum attingit, ut lædat actiones. Atque hoc modo morbi omnes fieri dicuntur, cum nondum sunt sed primò oriuntur. Verum in hac significatione ferè à Medicis non accipitur morbus fiens morbusque nullus, qui iam est, simpliciter & absolute fieri dicitur: cum morbus omnis sit dispositio & affectus morbum finiens ac terminans, seu aliquid motu inductum. Secundo modo morbi fieri dicuntur, qui augentur adhuc; quamuis, sublata causa, non tollantur, ut quæ eos in corpore solum augeat, non verò conseruet. Tertio ij morbi fientes dicuntur, qui etsi iam existunt, & affectus sunt, quibus actiones læduntur: tamen absque causa generante in corpore subsistere non possunt, & ita subiecto inhærent, ut cum causis suis recedant. Etsi enim hi simpliciter & absolute non fiant, quemadmodum ij, qui primo modo fieri dicuntur; sed eo respectu iam facti sint, atque ita propriè fieri non dicantur: tamen ea de causa & similitudine quadam fieri dicuntur, quia à causa effectrice ita dependent, ut citra eius præsentiam in corpore durare non possint. Talesque morbi sunt omnes, qui dependent à materia, ut tumores, obstructions, febres itidem putridæ. Hæ enim ab humore putrescente excitantur, & humore putrescente, qui earum causa est continens, euacuato per insensibilem transpirationem, per aluum, per sudores, aut alias vias, cessant & tolluntur: non aliter quàm flamma, quæ, nutrimento deficiente, exstinguitur. Verum hîc non immeritò queritur: an differat morbus Fiens, & morbus *ἐν χέσει*: morbus item factus *μόνιμος* & *ἐκτικός*. Etsi verò nonnulli hæc ita accurate non distinguant: tamen si rectè rem æstimare velimus, discernenda videntur, opponiturque *γινόμενον νόσημα* seu fiens morbus *γεγονός*, Facto seu *μόνιμος*: diciturque Fiens, qui à sua causa ita pendet, ut sine ea subsistere non possit. *Γεγονός* verò seu *μόνιμος* & Factus, qui etià manere potest sua causa ablata, siue facile sanari possit, siue difficulter. *Εκτικός* verò morbus etsi, si generaliter vocabulum accipiat, idem sit quod *μόνιμος* & factus; tamen in specie *ἐκτικός* opponitur *χετικός*: & *χετικός* dicitur, qui *εύλυτος* est & facile tollitur, siue fiens siue factus sit. Omnis enim fiens dici potest *χετικός*, sed non omnis *χετικός* fiens. Nam quod caret causa, & facile soluitur, ut febris ephemera, est *χετικός*; sed non fiens. *Εκτικός* verò in specie ille morbus dicitur, non qui simpliciter permanet, sed qui etiam omnino non, aut difficulter curatur & *δύσλυτος* est. Atque ita morbi *γινόμενοι* neque *μόνιμοι* sunt, neque *ἐκτικοί*, sed tantum *χετικοί*; *ἐκτικός* que est species τοῦ *μόνιμου*, & omnis quidem hecticus est *μόνιμος*, sed non omnis *μόνιμος* *ἐκτικός*: cum sint etiam *χετικοί* quidam morbi *μόνιμοι*, sed tamen non hectici. Exempli gratia, si à radiis solaribus caput calidam intemperiem contraxerit, proculdubio illa intemperies est morbus & quidem factus; cum etiam aliquandiu, cessante causa, manere possit: sed tamen hecticus morbus vix commode dici potest; cum facile iterum tolli possit: hecticus verò facile tolli non possit, ut qui quasi euerfa partis naturæ, ita in eam sese insinuauit, ut ipse habitus loco esse & naturalis quasi habitus vicem gerere videatur. Licet enim febris hectica primus gradus difficile cognitionem, facilem verò curationem habere dicatur: id tamen potius respectu ad alias he-

Quot modis morbi fieri dicuntur.

An morbi fientes & facti, *μόνιμοι* & *ἐκτικοί* differant. Fiens. Factus.

χετικός.

Hecticus.

ctica

etica species, quàm respectu aliarum febrium, ephemera & putrida, dicitur. Nam etsi satis difficilis curationis sit respectu aliarum febrium: tamen respectu aliarum specierum hectica longè facilius, quàm illa, curatur. III. Ratione subiecti, morbus alius occupat totum, alius partem. Qui totum occupat, à nonnullis appellatur communis; sed rectius vniuersalis dicitur. Nam communis, propriè à causa dicitur, qui scilicet à causa communi ortum habet, pluresque vna vice, ob causae communitatem, aggredditur: Vniuersalis verò est, qui totum corpus occupat, qualis morbus est febris. Particulares autem morbi omnes dicuntur, qui peculiariter aliquam, quacunque etiam, partem occupant; vt ophthalmia, polypus, obstructio hepatis, vulnus, vlcus in aliqua parte. Ratione subiecti & loci etiam morbi diuiduntur in externos, qui externas corporis partes, visui obuias; & internos, qui internas corporis partes occupant. Morbi etiam alij congrui dicuntur, alij non congrui. Congrui, qui temperamento & constitutioni corporis similes sunt, vt calidi in corpore calido, frigidi in frigido: non congrui, qui dissimiles; vt calidus in corpore frigido. IV. Ratione ætatis alij dicuntur morbi infantium, alij puerorum, alij adolescentium, alij iuuenum, alij virorum, alij senum; de quibus Hip. 3. aph. 24. 25. 26. 27. 29. 30. 31. & plura videantur apud interpretes. Ita & ratione sexus alij morbi dicuntur virorum, alij mulierum. V. A causis etiam peruntur differentia. Primò morbus alius per *ιδιοπάθειαν* seu essentiam, alius per *συμπάθειαν* seu consensum vulgò dicitur. Morbus per essentiam est, qui ortum habet à causa, eo in loco genita, in quo morbus excitatur. Per consensum verò dicitur morbus, qui excitatur à materia genita extra partem, in qua morbus est. Exemplum habetur in Melancholia. Si enim ipsum cerebrum melancholico temperamento sit affectum, vt melancholicos & tenebricosos spiritus gignat, dicitur melancholia per essentiam: si verò materia aliunde suppeditetur, fit melancholia per consensum, qualis est hypochondriaca, vbi ex liene, & venis mesaraicis vapores melancholici in caput attolluntur. Quanquam rectius hæc diuisio actioni læsæ competere posset. Sæpe enim alicuius partis actio læditur per consensum, etsi non adsit morbus in parte, quæ per consensum affici dicitur; si nimirum actio læditur ob errorem externum. Ideoque si morbus per consensum dici debet, non sufficit, vt actio lædi dicatur per consensum, sed vt etiam in illa parte, quæ per consensum affici dicitur, sit dispositio præter naturam. Imo si actio ob proprium partis affectum lædatur, potius propriè & absolutè morbum dicendum, quàm per consensum, existimant aliqui; nisi forsitan, ob diuturniorem illam affectionem, per consensum pars proprium morbum contraxerit. Atque tunc potius posterior hic morbus per *δευτεροπάθειαν* seu secundarius, sicut ille prior per *πρωτοπάθειαν*, seu primarius dicitur. Quod enim morbus alius primus, seu per *πρωτοπάθειαν*, alius secundarius, seu per *δευτεροπάθειαν* dicitur, differentia ex eo petitur, quod agens morbum produciens interdum tantum causa sit, interdum etiam morbus. Nam si causa aliqua, morbum produciens, tantum sit causa, & non simul morbus, appellatur morbus primarius: si verò causa morbi & ipsa morbus sit, ac morbus ab alio morbo producat, appellatur is morbus à primo productus morbus secundarius. Sunt tamen, qui distinguunt inter morbos per *συμπάθειαν* & *δευτεροπάθειαν*. In morbo enim per consensum aliquam saltem intemperatam dispositionem esse statuunt, ob quam pars imperfectior reddita faciliè quamuis materiam suscipiat; ideoque morbos per consensum, ablata causa, euanescere: cum secundarij morbi non necessario, sublato morbo primo, tollantur. Per con-

sensum autem affectus tribus modis excitari possunt: Primò cum pars aliqua materiam, vaporem scilicet vel humorem, aliunde excipit, vt, cum caput, eleuatis è ventriculo vel vtero vaporibus, afficitur. Referri huc potest & illa sympathia cum pars recipere & tolerare cogitur materiam, qua vacua esse debebat: vt quando hepar primum, & hinc venosum genus, & tandem corpus vniuersum ob vesiculam fellis & lienem malè affectum afficiuntur. Nam si vesicula fellis obstructa, vel lien affectus sit, hepar & corpus vniuersum tandem afficiuntur. Secundò cum spiritus, animæ actionibus necessarium instrumentum, influere prohibentur; vt, si contusa spinali medulla, vel alibi vehementer contuso & læso neruo sensus aut motus earum partium pereat, in quas ille neruus inseritur. Tertio cum materia ad actionem necessaria denegatur, vt, cum pulmonibus obstructis, vel perforatis, aut resolutis costarum musculis, spiritus, seu aer exspiratus sufficiens ad vocis formationem non suppeditatur. VI. Morbi alij dicuntur legitimi & puri (Recentiores Exquisitos dicunt: sed vt I. C. Scal. lib. 3. Poët. cap. 33. censet, voce purissimâ, puri scilicet repudiata, vocabulo satis infelici) alij nothi & spurij: Competitque hæc diuisio iis morbis, qui ab humoribus ortum habent. Legitimi enim, & puri sunt, qui ab vna & simplici causa proueniunt; vt febris tertiana legitima seu pura, quæ à sola bile excitatur: phlegmone pura, quæ è solo sanguine ortum habet. Illegitimi verò, & nothi morbi sunt, qui ex mistis humoribus excitantur, vt tertiana notha, in qua bilis & pituita miscentur; phlegmone erysipelatodes, in qua miscetur cum sanguine bilis. Videtur quidem, quasi hæc differentia sit eadem cum illa, qua diximus, morbum alium esse simplicem, alium compositum; sed reuerà differunt. Nam morbus simplex & compositus dicitur, respectu alterius morbi: morbus legitimus ac nothus, respectu causæ. Nam potest esse morbus simplex & vnicus, exempli gratia, vna febris tertiana; quia tamen ex causis mistis, bile & pituita, oritur, appellatur notha. Ideoque nothus morbus is solum est, qui vnus quidem est, sed ex mista causa prouenit. Contra potest esse morbus compositus, qui tamen non est nothus, sed exquisitus; exempli gratia, phlegmone ex solo sanguine est morbus purus & legitimus: Verum quia in eo est intemperies calida & humida, & præterea aucta magnitudo, appellatur morbus compositus. Nonnulli etiam loco legitimū ac spurium morbum distingui posse existimant. Si enim ille ipse locus, qui morbo proprius est, afficiatur, morbus legitimus dicitur; vt pleuritis legitima, cum ipsa pleura afficitur. Spurius verò, vbi non ille, sed vicinus afficitur, vt cum externa membrana thoracis afficitur, pleuritis spuria appellatur. VII. Morbi alij à primo ortu homini inhaerent; alij genito iam adueniunt. Qui à primo ortu adsunt, sunt duplices: Primò, quidam dicuntur hereditarij, quorum causæ ab ipsis parentibus in liberos propagantur, & cum vitium aliquod, cui parentes antea fuere obnoxij, cum ipso parentum semine, & sanguine materno in liberos deriuatur. Ita datur Epilepsia & podagra hereditaria. Vt enim ea, quæ sunt secundum naturam, plerumque à parentibus in liberos transfunduntur, liberique parentibus non solum secundum speciem, sed & secundum sexum, vel etiam individuales proprietates similes nascuntur: Ita etiam si quid morbosi sit in parentibus, & illud solet in liberos deriuari: & quo morbo, aut morbosa dispositione parentes afficiuntur, ea per semen in liberos transit; & vt maternus sanguis, corporis alimentum, fuerit dispositus, ita & infantis corpus disponitur. Etsi enim ipsa facultas formatrix affici & lædi non possit, & ipsa semper id, quod optimum est, intēdat, & quodlibet indiuiduum speciei conueniens reddere conetur: tamen quia est in materia, & pro ratione ac

Morbus vniuersalis.

Particularis.

Morbi Congrui & non Congrui.

Morbi ætatis.

Morbi per essentiam.

Per consensum.

Morbus primarius & secundarius.

Affectus consensum quod fiat.

Morbi mi.

Morbi.

Morbi hereditarij.

ac dispositione materiæ agit, producit quidem similem speciem, respondentem tamen dispositionibus materiæ, ac certis & definitis affectionibus indiuidui, vnde semen decisum est, & vnde accepit formationis materiam. Insunt autem tales materiæ dispositiones, ob quas forma in agendo impeditur, & ad hoc vel illud agendum adducitur, vel in toto corpore, vt in morbo gallico, elephantiasi; vel in aliqua parte. Ita podagrici podagricos generant; epileptici, epilepticos, surdi, surdos; muti, mutos; calculosi, calculosos; & qui ventriculo aut hepate malè sunt dispositi, liberos eodem modo constitutos. Et quidem vel illi ipsi morbi actu mox in vtero communicantur liberis, quales præcipuè sunt organici, vt dum surdi surdos, aut cæci cæcos generant: vel saltem dispositiones quædam & apparatus ad aliquem morbum communicantur, in quem postea tardius aut citius, pro morbi natura, ad hanc vel illam ætatem magis disposita, incidunt. Sic Epileptici epilepticos generant, qui mox in pueritia hoc malum patiuntur, ob ætatem huic morbo alias obnoxiam. Podagra verò in adultis demum se exferit, vbi natiua humiditate aliquo modo absumpta, dispositio vitiosa, & hæreditarium vitium sese exferit, inprimis si accedat victus ratio, quæ natiuum vitium augeat. Ita apoplexia hæreditaria demum senibus accidit sæpissimè. Alij deinde, præter hæreditarios, morbi etiam à primo ortu quosdam infestant, vbi scilicet conformationis vitio morbus aliquis liberis obtingit, qui in parentibus deprehensus non est. Ideoque omnes morbi à primo ortu homini communicati non propriè sunt hæreditarij. Sæpe enim à parentibus etiam sanis, ob impeditam naturam in conformatione, propter repentinum aliquem casum, liberi non sani generantur, vt in terroribus, imaginatione vehementi, & similibus fieri videmus. His morbis omnibus opponuntur morbi aduentitij atque adscititij, qui iam genitis ex quacunque causâ obtingunt. VIII. Morbi quoque alij dicuntur contagiosi, alij non contagiosi. Morbi contagiosi sunt, qui sui seminium, atque inquinamentum quoddam in aliud corpus transfundere, & per illud simile in corpore vitium excitare possunt. Non contagiosi dicuntur, qui alium, communicato inquinamento, inficere non possunt. Verum, quid contagium sit, & quæ eius sint differentia, suo loco pluribus dicetur. Hoc loco istud saltem meminisse sufficiat, non quamlibet similis productionem ad contagium sufficere, sed in contagio necessarium esse, vt agentis tanta sit vis, tantæque efficacia, vt in corpus immissum non solum aliquam dispositionem ad morbum aliquem inducat, qui postea ex accidente sequatur, sed vt ex se, atque propriis viribus, citra sensibilem alterationem, possit sibi simile in corpore producere: qualis morbus est pestis, morbus Gallicus, & similes. IX. Morbi quidam *ποράδες* *πορὰ δίκου* seu sparsi dicuntur, qui diuersæ speciei plures inuadunt, seu, cum plures diuersis morbis laborant: vt, si hic ophthalmia, ille podagra, alius caculo laboret: Quidam verò sunt communes, *πανδημιοὶ ἢ κοινοὶ, ἢ παύκοινοι*, qui eiusdem speciei plures eodem tempore corripunt. Hi rursus diuiduntur in *ἐνδημιοὶ* & *ἐπιδημιοὶ*. *Ἐνδημιοὶ*, quasi vernaculi sunt, qui frequenter locum aliquem occupant, eiusdemque regionis incolas, propter communem causam, vt aërem patrium, aquas, vel victus rationem, corripunt. Talis morbus est Scorbutus incolis littoris maris Baltici: & secundum nonnullos lues venerea incolis Indiæ vernacula putatur. Talis est Bronchocele, seu gutturi tumor, Alpinarum regionum incolis familiaris. Ita Plica, qua capilli capitis, ceu glutine quodam inuiscati, mirè contorquentur & inuicem complicantur, Sarmatis & Polonis peculiaris est: de qua scripserunt Her. Saxonia & Th. Minadous. *Ἐπιδημιοὶ* ve-

rò morbi sunt, qui eiusdem generis plures ab eadem causâ, non tamen vernaculâ, simul corripunt, quales Hippocr. in *Epidemiis*, descripsit. Suntque plerumque maligni & pestilentes *λοιμώδεις*: interdum tamen *μη λοιμώδεις*, non pestilentes. Monendum & hoc, quod nonnulli tertium genus addunt, & *παγκοινοὺς* aut *πανδημιοὺς* in *ἐνδημιοὺς*, *πανδημιοὺς* in specie appellatos & *ἐπιδημιοὺς* diuidunt: & *πανδημιοὺς* in specie sic dictos eos morbos communes appellant, quorum causâ est in cibi potûque communis vitio; *ἐπιδημιοὺς* verò, qui ex solius aëris ambientis vitio vndecunque etiam contracto ortum habent. Verum præter antiquorum Medicorum auctoritatem id faciunt. Gal. enim, in *Præfat. in 1. Epid.* duo tantum communium morborum genera constituit, *ἐνδημιοὺς* & *ἐπιδημιοὺς*: quem alij etiam Medici sequuntur, qui morbos, qui non semper, sed quibusdam in temporibus in vna siue pluribus regionibus in multos grassantur, *ἐπιδημιοὺς* nominant, siue ex prauis victus ratione, siue ex aëris vitio ortum duxerint. Hoc loco etiam notandus est error Herc. Saxonie, qui *l. de phœnig. sect. 2. c. 1. & 2.* pestem duplicem constituit, Epidemiam & Endemiam. Epidemiam appellat eam, quæ vno ac eodè tempore plures corripit atque interimit, ac in pluribus regionibus vagatur. Si verò febris aliqua vnius regionis ac vrbs incolas corripit atque interficiat, hanc pestilentem Endemiam appellat. In qua re valdè errat, nec verum discrimen morbi Endemij & Epidemij agnouisse videtur. Siquidem Endemius & Epidemius morbus multitudine ac paucitate regionum vel vrbiū, quas inuadunt, non distinguuntur: sed Epidemius etiam in vna saltem ciuitate esse potest; nec opus est, vt totam regionem, multò minus, vt plures regiones peruagetur. Contra Endemius etiam in plurium regionum incolas grassari potest. Ita Scorbutus Belgio, Daniæ, Noruegiæ, Sueciæ & pluribus Saxonie locis endemius est. Vera autem differentia inter morbum Endemium & Epidemium est, quod cum vterque sit morbus communis, Endemij vel semper vel stans periodis ciuitatem aut regionem aliquam infestant, atque ita quasi patrij & vernaculi sunt: Epidemij verò, qui à causâ quidem communi, non tamen loco vernacula, originem habent, per aliquod saltem temporis spatium in ciuitate vel regione alia vagantur. X. Temporum anni ratione morbi alij dicuntur verni, alij æstiuī, alij autumnales, alij hyberni. Licet enim, vt est apud Hippocratem, 3. *aph. 19.* quilibet in quibuslibet temporibus morbi fieri possint: nonnulli tamen quibusdam magis & sunt, & irritantur. Æstiuī dicuntur, qui propinqui sunt æstati, & cum illius temperie conueniunt, atque ab illius calore inprimis excitantur; vt, tertianæ febres appellantur æstiuæ, quod à bile, quæ in æstate potissimum viget, & cum eiusdem temperamento conuenit, ortum habent. Eadem de causâ quartana appellatur morbus autumnalis. Qui autem morbi cuilibet tempore proprij sint, docet Hippocrates, *lib. 3. aph. 20. 21. 22. 23.* Medici tamen interdum æstiuos & autumnales morbos nominant non tantum eos, qui cum æstate aut autumno temperamento conueniunt, sed simpliciter, qui æstate aut autumno generantur, vt æstiuæ quartanæ, tertianæ autumnales. Temporis diei ratione alij morbi dicuntur diurni, qui interdiu hominem magis affligunt; alij nocturni, qui noctu magis. XI. Diuiduntur & morbi in magnos seu vehementes, & paruos. De qua re alij aliter docent. Plerique tamen dicunt, morbos aliquos esse per se, primò, atque sui ratione magnos, aliquos verò per accidens, atque alterius interuentu. Morbus magnus per se tribus modis dicitur: Primò ratione dignitatis seu potestatis, qui organum natura dignius, & constitutionem ad vitam magis necessariam lædit. Et cum ad organi constitutionem tria pertineant: temperies, compositio

Morbi æstiuī.

Autumnales.

Morbi diurni,
Nocturni.

Morbi magni.

Morbus magnus quot
modis dicatur.

positio atque vnitas : atque inter hæc temperies primum locum occupet, atque præcipuum animæ in agendo sit instrumentum ; huicque vnitas succedat, quæ tam ad similes, quàm ad dissimiles necessaria est ; vltimòque loco sit compositio : inter morbos morbi intemperiei maioris erunt dignitatis, hinc vnitatis, & tandem compositionis. Secundò per se dicitur morbus magnus ratione propriæ essentia, seu recessus à naturali statu. Discernendaque hæc est magnitudo, quæ specifica, vel etiam individualis est, ab ea, quæ generica est. Etsi enim omnis febris ratione dignitatis, quia scilicet temperiem corrumpit, sit morbus magnus ; tamen alia febris alia maior est, prout plus vel minus à naturali statu recedit, ardensque febris longè maior est, quàm ephemera. Tertiò dicitur morbus magnus, ratione κακότητος, seu mali moris, cum nimirum praua aliqua qualitas effectui coniuncta est. Per accidens verò, aut alterius interuentu morbus potest dici magnus, primò, ratione partis præstantis, quando nimirum morbus partem præstantem occupat, vel talem, quæ, etsi sua natura præstantis non sit, partem tamen præstantem in consensum trahere potest. Quod magnitudinis genus à primo eo discernitur, quòd hoc tale dicitur respectu adæquati, & totius peculiaris alicuius actionis instrumenti, exempli gratia, cordis, cerebri, hepatis ; illud verò respectu peculiaris in qualibet parte constitutionis, qualis in qualibet parte triplex est ; temperies scilicet, compositio, atque vnitas. Atque hac ratione morbus, qui aliàs paruus est, magnus dici potest. Exempli gratia, vulnus, quod & ratione dignitatis, & propriæ essentia non magnus morbus est, si in cor incidat, ob partis nobilitatem, etiam si aliàs minimum sit, pro magno morbo habetur. Contra intemperies aliqua, aut vulnus, quod & dignitatis, & propriæ essentia ratione magnum est, si incidat in partem aliquam ignobilem, pro morbo magno non habetur. Deinde morbus etiam magnus dicitur ex læsione facultatis corpus nostrum gubernantis, cum scilicet morbus facultatem, ex cuius læsione vitæ periculum imminet, deiciat. Circa hanc differentiam nonnulli hoc monent, non adeò commodè morbos malignos, seu κακότητων ad hanc differentiam referri ; cum peculiarem differentiam morbi benigni & maligni constituent. Atque ideo censent, hos morbos potius prauos, quàm κακότητες, appellandos esse, qui grauissima symptomata accersunt, & hinc malam conditionem ostendunt, ob magnam virium dissolutionem. Neque n. omnia grauia symptomata, quæ vires exsoluunt, à κακότητι ortum habent, sed etiam aliunde. Deinde & hoc notant, nō propriè omnes morbos magnos appellari vehementes. Sunt n. plurimi magni morbi, & essentia ratione, & qui partis nobilis respectu tales dicuntur, qui tamen vehementiā carent ; vt febris hectica est morbus magnus, non tamen vehemens. Nam vehementia conditio magnitudini adiuncta est, & quendam impetum, & pugnam inter naturam & morbum innuere videtur. Magni & parui morbi dicuntur etiam respectu spatij & loci, quem occupant ; & morbus dicitur magnus, qui magnum spatium ; paruus qui paruum spatium occupat ; vt vulnus magnum, paruum. XII. Est etiam morbus alius benignus, alius malignus. Morbus benignus est, qui nihil grauium symptomatum supra propriā naturam habet, tantumque ea, quæ proueniunt à peculiari à natura recessu. Morbus verò malignus est, qui peiora, quàm pro suæ naturæ ratione, habet symptomata. & cui ex occultis qualitatibus aliquid vitij, quod vires deiciat, cōiungitur ; qui etsi periculosus sit ; tamen accidentia pleraque sæpe non admodum violenta & sæua habet, vnde simulata benignitate non rarò & ægros, & Medicum fallit, & de quibus salutis spes concipitur, præter spem, atque inopinatò moriuntur.

Similes nimirum sunt tales morbi hominibus malis, qui aliud vultu & verbis præ se ferunt, aliud corde occultant & factis præstant. Alij ab his sunt morbi pestilentes, vbi præcipua atque euidentis læsio à pestilenti qualitate est. Nam in morbo maligno ipsa morbi natura quasi praualeat, cui solum accedit mala conditio, vt febris maligna. Pestilens autem morbus is dicitur, qui ab occulta & pestilente qualitate nomen mutuatur, neque primis aut secundis qualitatibus homini ferè nocet. XIII. Ratione motus, durationis, & finis, atque exitus, morbi etiam variè diuiduntur. Alij enim dicuntur breues, alij longi. Breuis morbus est, qui celeriter mouetur, & citò ad terminum peruenit. Morbus verò longus est, qui tardius mouetur, & ad finem peruenit. XIV. Est deinde morbus alius acutus, alius non acutus. Neque n. idem morbi sunt breues & acuti. Morbi quidem omnes acuti breues sunt ; sed non contra. Febris n. ephemera morbus est brevis, sed non acutus. Neque acuti morbi natura in eo solum consistit, vt breui temporis spatio absoluantur, sed vehementia & grauitas symptomatum præterea accedat necesse est ; & acutus non dicitur morbus, nisi breuitati & celeri motui adiungantur grauia symptomata, & nisi cum vehementia atque impetu, neque absque periculo, citò vel ad salutem, vel ad mortem terminetur. Vnde acutus morbus definiri potest, qui velociter atque cum impetu & periculo ad statum mouetur, vt patet ex Galeno. 2. aph. 19. & 23. Hinc etiam omnes morbi propriè acuti κρίσιν terminantur ; quæ ad breues simpliciter morbos, in quibus ex propria natura nulla tam vehemens inter mortem & naturam pugna est, necessaria non est. Ex quibus etiam facile quæstio illa discuti potest, quæ quæritur ; An omnes morbi acuti febrem coniunctam habeant ? De qua quæstione, quam etiam mouit Hier. Card. contr. med. 1. tract. 4. contradiet. 17. pluribus disputandi occasionem recentioribus quibusdam dedit de peste tractatio. Nam cum in controuersiam veniret apud Medicos, an pestis necessariò febris coniungatur ; & pro affirmante sententia eam nonnulli rationem adducerent ; quòd pestis sit morbus acutus : contra verò, qui contrariam sententiam defendunt, negarent, omni acuto morbo febrem coniungi : prolixè de hac quæstione disputare cœperunt : quam breuibus hoc loco complecti liber. Et cum meritò illis nominibus res appellamus, quæ ab antiquis sapienter iis imposita sunt : vtraque pars auctoritate Hippocratis & Galeni suam sententiam defendere conatur ; atque alteri quidem ostendere nituntur acutos morbos tantum eos ab Hippocrate appellari, qui, febrem coniunctam habent : alteri verò probare laborant, iis etiam morbis acuti nomen tribui, qui omni febre carent. Et quidem priores adducunt pro sua sententia Gal. qui, 3. de diff. respir. cap. 9. ita scribit : Verum ipsi propositum est in prænotionibus, de his, qui propriè acuti nominantur, facere sermonem. Sunt autem tales, qui omnino cum febribus continuis sunt, velut ipse in libro de victu acutorum ostendit, (comm. scilicet 2. t. 8.) sic scribens : Sunt itaque hi acuti ; quales veteres nominarunt pleuritidem, peripneumoniam & phrenitidem, & causum, & alij quicunque his consimiles, quorum febres omnino sunt continuæ. 1. verò aph. 7. hæc habet : Si propter inflammationes aut febres, quæ semper comitantur morbos acutos. & c. 1. 3. autem de diebus decret. c. 13. ita scribit : Acuti morbi propter velocitatem periculosi, vt Archigenes describebat ; vt autem Hippocrates, cum febre continua euenientis accidens necessariò erit, vt celeriter indicetur. Contrarium verò qui sentiunt, hæc pro sua opinione loca afferunt. Gal. 2. aph. 19. hæc habet : Sed & morbos acutos febres ferè comitantur continuæ. Rarò verò sine febribus reperiuntur, qualis est apoplexia. Et 5. aph. 31. Siue enim acutus cum febre morbus sit, necesse est febrē continuā esse & c. siue absque febre alius quispiam morbus

An morbus magnus & vehemens idē.

Morbus benignus.

Malignus.

Pestil.

Morbus brevis Longus

Morbus acutus

An omnes acuti febrem coniunctam habeant.

morbus acutus fuerit qualis est epilepsia, apoplexia, convulsio, tetanus, &c. Et 1. prognost. t. 25. Hip. scribit: *spirationis facilitatem existimare oportet per quam magnam vim habere ad salutem in omni morbo acuto, qui cum febre infestet.* Vbi in commento Gal. addit: *Adieci quoque; qui cum febre infestet, ut eum à convulsione & tetano, & cholera disjungeret, & quicumque alij morbi sine febre acuti sunt.* Et 5. aph. 6. Galenus tetanum morbum peracutum esse dicit, qui tamen sine febre esse potest. Atque hæc loca, pro utriusque partis sententia adducta, cum tam clara sint: non mirum, authores de hac quæstione diuersa sensisse. Sed quid statuendum sit, & qua ratione Hippocrates & Galenus à contradictione, quæ hoc modo ipsis impingi videtur; liberari possint, iam dispiciendum est. Qua in re ipse Galenus facem nobis præfert, qui allegato loco, 1. 3. *de difficultate respir.* c. 9. scribit: Hippocratem in prognosticis sermonem habere *ἡσυχίας τῶν ἰσχύων ὀξείων ὀνομαζομένων.* Esse autem tales morbos, qui accidunt cum febribus continuis. Vnde concludimus: acuti morbi nomen non eodem semper modo ab antiquis accipi, sed nunc ampliore, nunc strictiore significatu. Nam in genere acuti morbi ij dicuntur, qui celeriter terminantur, & simul periculum coniunctum habent. Breuitas enim & velocitas motus, ut Gal. 3. *de dieb. decret.* c. 13. docet, ad morbum acutum constituendum non sufficit; & morbus brevis; v. g. febris ephemera, si periculo sit vacuus, acutus dici non potest. Atque in hac significatione latiore si morbus acutus accipitur: multi sunt morbi acuti, qui nullam habent febrem coniunctam; è quorum genere sunt apoplexia, tetanus, 5. aph. 6. similesque, quibus etiam merito morbi plerique venenati accenseri posse videntur. Hi enim omnes sunt periculosi, & vita cum iis diu consistere non potest; unde vel ipsum hominem citò è medio tollunt, vel ipsi à natura vincuntur & superantur. Verum *ἰσχύων*, atque in specie, & peculiariter ij solum morbi acuti dicuntur, qui, ut docet Gal. 2. aph. 19. celeritati status etiam magnitudinem coniunctam habent, & præterea criticè citò solvuntur. Hi enim morbi acuti à prioribus eo differunt, & præ reliquis hoc peculiare habent, quod oriuntur à materia, quæ coctionem illam in morbis, de qua passim Hippocrates & Galenus loquuntur, postulat, & propterea criticè plerumque solui solent. Atque cum morbi, qui à tali materia cruda oriuntur, & criticè solvuntur, non sint sine febribus: rectè propterea febrem continuam coniunctam habere dicuntur, & ea de causa, 7. aph. 5. morbi acuti dicuntur, quorum febres sunt continuæ. Et tales sunt morbi, de quibus passim in prognosticis, aphorismis, atque aliis locis, Hippocrates loquitur, holsque solum acutorum appellatione intelligit, atque in specie & *ἰσχύων* hoc nomen ipsis tribuit. Est autem acutorum morborum magna varietas. Distinguuntur n. in *κατόξυς* peracutos, acutos simpliciter seu *ἀπλῶς ὀξείας*, & acutos *ἐν μεταπτώσει*, ex decidentia. Peracutorum terminus est dies septimus. Diuidunturq; in *κατόξυς ἀκριβῶς ἢ ἐσχάτως*, in exquisitè & extremè acutos, qui quartum diem non excedunt, appellanturque peracutissimi, exquisitissime peracuti, extremè peracuti, peracuti à nonnullis, à quibusdam peracuti simpliciter: & *ἐν ἀκριβῶς κατόξυς*, non exquisitè peracutos, qui vsque ad diem septimum extenduntur. *Ἀπλῶς ὀξείας*, simpliciter acuti dicuntur, qui non tam subito, ut peracuti, mouentur, eorumque ultimus terminus est dies vigesimus. Sunt autem duplices: alij *ἀκριβῶς* tales, seu acuti simpliciter exactè, qui plurimum die decimo quarto finiuntur; vel *ἐν ἀκριβῶς* tales, seu acuti simpliciter non exactè, qui ultra decimum quartum, vel etiam ad vigesimum extenduntur. Tandem sunt acuti *ἐν μεταπτώσει*, qui quasi à natura acutorum degenerant, & ultra vigesimum, atque etiam vsque ad diem quadagesimum extenduntur. Ultra verò 40. diem qui

extenduntur morbi, iam omnes diuturni sunt. Alij tamen aliis diuturniores sunt. Quidam enim 60. alij 80 alij 100. alij 200. die terminantur; nonnulli durant menses 7. alij 7. annos: quidam mares vsque ad pubertatem; fœminas, dum menstrua erumpunt, comitantur. Eadem fermè cum hac differentia est, qua diuiduntur morbi in eos, qui terminantur criticè, & eos, qui criticè non solvuntur. Sunt enim ij, qui criticè solvuntur, plerumque omnes acuti. Ut autem morbus per crisin solvatur, duo requiruntur: primò, ut totam humorum vitiosorum massam natura simul aggrediatur, eamque coquere atque elaborare nitatur. Nisi enim materia tota simul coquatur, etiam simul expelli nequit, sed paulatim soluitur morbus. Ex hoc oritur alterum, ut vehemens inter naturam & morbum pugna sit. Si enim materia vna vice expelli debet, & natura fortis sit, & vehementiori conatu materiam aggrediatur, oportet. Hinc & illud elucet, morbos, qui criticè solvuntur, tantum ex calidis humoribus ortum habere. Hi enim & naturam valdè irritant, & ob tenuitatem ad expulsionem aptiores sunt. Contra morbi longi, & qui paulatim solvuntur, ortum habent ex causa contraria. Ratione durationis etiam morbi alij sunt noui, qui nuper primum inceperunt; alij vetusti, qui diu iam durarunt. XV. Ratione exitus quoque alij morbi appellantur lethales, alij non lethales, seu salubres & salutare. Salutaris est, qui plerumque, & magna ex parte ad salutem ægri terminatur. Lethalis verò, qui plerumque ægrum interficit. Vtrique autem vel simpliciter & absolutè vel secundum quid tales dicuntur. Simpliciter salutare sunt, qui ad perfectam atque integram sanitatè terminantur. Lethales autè simpliciter tales sunt, qui ægrum ad mortem deducunt. Tales sunt omnes, qui ex causis potentibus excitantur, ut nulla vi à natura expugnari possint, & qui partium substantiam, temperiem, reliquamque constitutione euertunt, spiritusque ita dissipant aut suffocant, ut Natura nullum amplius instrumentum habeat, quo sese defendere, atque in pristinum statum redire possit. Contra salubres & lethales secundum quid sunt, qui quidem ad salutem ipsi terminantur, non tamen in perfectam atque integram sanitatè desinunt. Tales sunt, qui in alium morbum terminantur, ut cum pleuritis in phthisin aut empyema desinit; aut cum ex aliquo alio morbo alius, vel curabilis vel incurabilis, oritur, & cum æger nec prorsus sanatur, nec etià planè à morbo extinguitur. Tales etiam sunt, qui reuertuntur, & periculum recidivæ coniunctum habent: & hi ab Hip. 2. aph. 12. appellantur *ἡσυχίας ποσάδες νοσήματα*, recurrentes morbi & *ἡσυχίας ποσὰς ποιεῖν*, recidivam facere dicuntur, qui nimirum cum penitus ablati videntur, reliqua manente aliqua dispositione, aut causâ morbificâ, postea, nisi victus ratione diligenti, & remediis planè extirpentur, facile reuertuntur. Redeunt autem interdum vel iidem morbi, vel in alios continuos, aut diuturni in acutos terminantur. XVI. Morbi, alij sunt continui alij intermittentes. Continui sunt, qui continuo affligunt, atque continuo à principio vsque ad finem mouentur, nec toto durationis tempore ad intermissionem veniunt. Intermittentes verò sunt, qui aliquando ad quietem perueniunt, & quibusdam periodis affligunt atque desinunt, quorum scilicet causa non in continuo motu est. Continui *συνεχεῖς*, iterum diuiduntur in *συνώχες* seu continentes, qui non solum perpetuò durant, sed & toto durationis tempore non intenduntur nec remittuntur; & *συνεχεῖς*, siue continuos, nomine generis ita dictos, qui quidè perpetuò durant, interdum tamen aliquam exacerbationem atque remissionem habent. Verum hæc magis febribus, quam aliis morbis competere videntur, atque ideo etiam in differentiis febrium vberius explicantur. XVII. Morbi alij sunt ordinati; alij

Morbi noui, vetusti.

Morbi salutare.

Lethales.

Morbi continui.

Intermittentes.

Morbi ordinati.

inordinati. Ordinati sunt, qui certis & definitis temporibus, quod Græci *περίοδος* nominant, affligunt, quales non solum sunt febres, ut tertiana, quæ tertio quoque, quartana quæ quarto quoque die redit; sed & dolores & alij morbi per certa intervalla affligunt, quæ non solum sunt dies, sed & menses, imò anni sicut in epilepsia, podagra, & aliis morbis accidere videmus. Inordinati verò, seu erratici sunt, qui nullam certam periodum observant, sed nunc hac, nunc illa die redeunt: nunc citius, nunc tardius. Tales sunt febres erraticæ Mutatur autem non solum ordo in morbis, sed interdum etiam forma, locus, tempus; unde inconstantes morbi dicuntur: contra vero constantes, si ea omnia seruentur similia. Morbi forma interdum manet eadem, interdum in aliam, degenerat. Locus interdum non idem, ut in pleuritide, quam Hippocrates ideo adscendentem & descendentem facit. Tempus circuituum interdum idem est, ita ut eadem hora reuertantur; interdum non idem, cum anticipant, aut postponunt & tardant.

Inordinati.
Morbi con-
stantes, in-
constantes.

CAPVT XII.

De Morborum Temporibus.

Hisce morborum differentiis merito coniunguntur & subiiciuntur Morborum Tempora. Qualis res in animalibus ætas est, talis sunt tempora morborum, quæ Græcis *καιρός* vocantur. Quanquam enim *καιρός* simpliciter etiam tempus significat; tum quoque occasionem agendi, & conueniens exhibendis auxiliis tempus, in qua significatione ab Hippocrate, in principio aph. 6. *καιρός* *ὁ καιρός* appellatur: tamen hoc loco saltem pro morbi decursu & vicissitudine, ac mutatione, partibusque morbi, quæ animalium ætati respondent, accipitur. Ut enim animalia primò generantur, hinc augescunt, tandem ad *ἀκμὴν*, & summum illum ætatis vigorem perueniunt; postea rursus sensim contabescere incipiunt; donec tandem moriuntur: ita & morbi habent sua principia, postea augmentum sumunt, hinc ad summum vigorem perueniunt, postea iterum declinant, donec tandem planè euanescent ac solvantur. Monendum tamen hic, Medicos, dum de temporibus morborum agunt, intelligere morbos, qui pendent à materia, cuius cruditate & coctione tempora determinantur. Et si enim & alij morbi sua tempora habeant, ut morbi intemperiei, qui ut successiue inducuntur, ita successiue atque cum tempore desinunt: tamen quia in primis temporum in morbis illis, qui secundum materiæ, à qua pendent, coctionem & cruditatem, durant & desinunt, observatio utilis, imò necessaria est: hisce in primis morbis doctrinam de temporibus morborum accommodant. Sunt autem illa tempora duplicia, alia vniuersalia, alia particularia. Vniuersalia dicuntur respectu totius morbi; & sunt illa, quibus totius morbi decursus includitur & comprehenditur. Cum autem morbi quidam sint, qui vel quædam intervalla, novæque rursus accessiones, seu *παροξυσμοί*, vel saltem quasdam remissiones & exacerbationes habeant: Particularia tempora dicuntur, quæ vnius paroxysmi & particularis accessionis periodo circumscribuntur. Tempora vniuersalia Galenus quatuor constituit: *ἀρχὴν*, initium; *ἀύξησιν*, augmentum, vel incrementum; *ἀκμὴν*, vigorem seu statum, & *παρακμὴν* declinationem. Principium autem morbi tribus modis accipi potest, ut docet Gal. l. 1. de cris. c. 13. 1. aph. 12. Vel enim principium dicitur de primo morbi insultu, qui simplex est, & latitudine caret, cum scilicet, læsis actionibus, & mutato corporis statu, à morbo se invadii homo percipit Sed hoc significatum *ἀρχὴν* est, huiusque principij consideratio ad curationem parum facit. Deinde de primis tribus diebus, seu eo morbi tempore, quod ad tertium usque diem exten-

Morborum te-
pora duplicia.
Vniuersalia.
Particularia.
Tempora
vniuersalia.

Principium
quot modis
dicatur.

ditur, non nulli antiqui Medici Principium accipiebant. Nam cum inter morbos acutos biliosi acutissimi sint, iidemque de tertio in tertium moueantur: non sine causa spatium primæ periodi, quæ triduo finitur, pro principio morbi habuisse videntur. Sed nec hoc principium est, quod propriè querimus; quamvis vulgus sæpe ita definiat, & principium morbi in hac vel priore significatione accipiat; sed falsò cum sæpe, quod illi pro principio habent, iam incrementum sit. Neque in his significationibus accepit vocem principij Hip. cum, 2. aph. 29. scribit: *Incipientibus morbis, si quid mouendum videtur, moue*; & cum, 1. aph. 24. ait: *In morbis acutis raro, idque per initia medicamento purgante utendum*. Sed adhuc restat tertia significatio Medicis propria, in qua principium accipitur pro totius morbi parte prima, quæ scilicet totus morbus in Principium, Augmentum, Statum & Declinationem diuiditur: aliquamque latitudinem, sæpe etiam amplam, habet, & interdum per plures dies extenditur. Verum in specie in aliis morbis aliter definitur. Habent febres hecticae, sicut & reliqui morbi, sua tempora; habent suum principium febres, quæ à materia pendent; in quibus in genere potest definiri Principium illud tempus in quo materia morbifica adhuc cruda est, & signa coctionis nondum apparent; seu, ut Auicenna definit, Principium est hora, in qua calor naturalis provocatur à materia, submergente ipsum in membro; Et est hora, in qua apparet digestionis aut corruptionis contrariæ vestigium. Sunt enim febres aliæ salubres, aliæ insalubres. In iis febribus, quæ salubres sunt, principium morbi totum illud tempus est, in quo materia adhuc cruda est, eiusque terminus est, cum apparent corporis indicia. Tam diu enim morbi tales in principio esse dicuntur, quam diu cruda est materia, & nulla signa coctionis apparent: sed in morbis lethaliibus neque in principio, neque postea apparent signa coctionis. Incrementum autem, quod *ἀύξησιν* & *ὁρμησιν*, & *ἀνάβασιν* nominant, est, quando symptomata ingrauescunt, & vires sumunt, & signa coctionis manifeste apparere incipiunt in morbis salubribus; vel quando apparent contraria coctioni in morbis, qui sunt lethales. Hæc autem duo tempora non in omnibus morbis æquè manifesta sunt, sed sunt quidam morbi, qui principium & augmentum brevissimo temporis spatio percurrunt, ut sensu vix deprehendi possint, ac statim, ut inuaserunt, ad summum vigorem peruenire videntur: unde factum est, ut à nonnullis, ut Archigene, quemadmodum refert Gal. de morb. temp. c. 2. incrementum inter tempora morborum non sit numeratum. Veruntamen citra incrementum ad vigorem non perueniunt vlli morbi, sed quidam illud breue habent, & citò transeunt. Qua ratione accipiendus est Gal. qui, l. de opt. c. 46. multos morbos, simul atque incipiunt, in summo consistere, & c. 47. acutos morbos, qualis est apoplexia, simul atque inuaserunt, ad extremam ascendere magnitudinem docet. Cum n. dicat; conscendere eos ad summam magnitudinem: eo ipso innuit, non mox habere summam magnitudinem, sed per incrementum ad eam venire, et si illud sit breue. Status seu vigor est, quando pugna maxima est inter morbum & naturam; ubi & symptomata omnia sunt vehementissima, & aliquandiu in eodem statu consistunt & vigent: unde & nomen obtinuit. Quo quidem tempore necesse est victoriam in alteram partem inclinare, & vel morbum, vel naturam vincere; apparentque tum manifesta vel coctionis, vel corruptionis alicuius, coctioni contrariæ, indicia. Declinatio denique est, quâ mitescere morbus à Natura victus incipit; unde nonnulli non solum tum declinationem esse volunt, quando post vigorem morbus imminuitur, sed etiam, cum morbus in principio, & quasi in prima herba, antequam ad summum vigorem perueniat, remittit. Verum antequam ad reliqua progredia

Incrementum

Status

Declinatio

grediamur, hinc duo adhuc explicanda sunt. Primò, quòd morborum tempora quatuor esse diximus, id non ita accipiendum est, quasi omnes morbi hæc quatuor tempora habeant, sed cum morbi alij sint lethales, alij salubres, seu, ut Græci loquuntur, *συνήσεις* & *μέλλοντες*: lethales quidē quatuor illa tempora non habent. Ager n. naturā victā & prostratā, moritur vel in principio, vel, quod sæpius accidit, in incremento & statu, talēque ad declinationem non perueniunt, & nemo, ut Gal. 3. *l. de cris. c. 5.* scribit, vnquam in morbi declinatione perit. Neque n. possibile est, ut postquā causā morbiſica iam est concocta & victā, ac Natura superior euasit, æger moriatur; modò recta curatio adhibeatur, & æger etiam suum officium faciat. Nam si cōtingat, ut æger tum moriatur, sit hoc ob errores, qui vel ab ægris, vel interdum etiam à Medicis committuntur, aut quòd morbus in alium grauiorem mutatur. Et quanquam ante mortem symptomata interdum remissiora, & morbus declinare videatur: tamen vera declinatio non est, sed, viribus resolutis, Natura iam succumbens causis morbiſicis sese amplius opponere non potest; vnde quædam in corpore videtur tranquillitas, quæ tamen ad mortem tendit. Salubres verò morbos quod attinet, illi quidem plerumq; quatuor illa tempora, siue per *κρίσιν* soluantur, siue pedetentim ac sensim finiantur: veruntamen nonnunquam etiam pauciora habent. Nam, ut est apud Gal. *de opt. secta ad Thrasybulum c. 47.* si inter initia remediis adhibitis morbus deleatur, morbi cætera tempora præueniuntur quasi & præciduntur, & ne morbus incrementum sumat, prohibetur. Ita si materia turgens in principio educatur, morbus in principio cessat. Ita Galēnus se *σύννοχον*, antequam putredo inciperet, sectā venā, & sanguine copiosius euacuato, quasi iugulasse scribit. Verum cum hanc rem, quot nimirum quisque morbus vniuersalia tempora habeat, præ cæteris diligentius explicare videatur Io. Argenterius, *l. de morbi temp. seu part. c. 6.* ad eius loci lectionem lectorem remittimus. Neque etiam hæc tempora in omnibus morbis sunt æqualia, neque certis horarū vel dierum spatiis definiri possunt. Sunt n. alij morbi aliis longiores, aliis breuiore; & propterea fieri non potest, ut morbus, qui quatuor vel septem dierum spatio finitur, æqualia tempora habeat cum eo, qui ad quadragesimum vsque diem extenditur. Vnde cum hæc tempora, sicut & particularia, sæpe non paruum latitudinem habeant: rursum diuiduntur in principium, incrementum, statum & declinationem, seu ut, planius id eloquamur, in principium, medium, & finem. Est nempe principij principium, medium & finis. Principium principij, seu principium principians, ut vulgò loquuntur, est planè primus morbi insultus: Finis est illud tempus, quod Incremento est proximum: Medium est, quod inter hæc duo interiacet. Ita etiā sese res habet de incremento, statu & declinatione. Status scilicet principium est circa finem incrementi. Medium, cum summus est morbi vigor. Finis tempus declinationi proximū. Deinde & hoc obseruandum, in enumerandis & definiendis temporibus Vniuersalibus recentiores non consentire. Alij n. simpliciter, ut iam dictum, hæc tempora enumerant & definiūt: alij verò temporū vniuersaliū hic nouam distinctionē faciunt, & tempora vniuersalia alia esse dicūt ipsius essentia, & hinc statum, quo ad dispositionē, seu essentiam affectus, esse aiunt, quando morbus ad maximum magnitudinis suæ incrementum peruenit: alia verò, inquit, tempora esse concoctionis, alia symptomatū. Vt enim hæc tria, nimirum essentia ipsius morbi, materia concoctio, & morbi symptomata non sunt idē, sed reuera differunt: ita hæc tempora non necessario concurrere existimant; atque opinantur, morbum nonnunquam in vno esse tempore, symptomata verò in altero; nonnunquā symptomata augeri, morbum

verò sedari; vel etiam symptomata sedari, coctione crescente: aiuntque, hominem semper mori in acerbissima parte morbi, respectu symptomatū; cum tamē nonnunquā hoc accidat in principio aut incremento coctionis. Verum reiicitur hæc sententia à Vallesio, & pluribus aliis: neque immeritò. Quanquam n. cōcedatur, hæc tria differre, essentiam nimirum morbi, concoctionem materiæ, & morbi symptomata: tamen fieri non potest, ut disiungantur; cum omnia ab vno fonte fluant. Nam morbus pendet à materia, & pro huius mutatione morbus quoque mutatur; symptomata verò omnia sequuntur vel morbū, vel morbi causam, ut rectē scribit Vallesius: morbus materiæ, à qua genitus est, sequitur mutationes; & symptomata cum morbo, cuius sunt, mutantur ad incrementum & decrementum inclinantia. Et proinde inutilis est horum temporum distinctio, neque diuersam vehementiam in diuersis morbi temporibus quærere licet, sed in solo statu eoque vnico, omnia sunt vehementissima. In statu n. omnes corporis facultates contra morbum insurgunt, eūque expellere conantur; vnde ex pugna illa symptomata etiam vehementia excitari necesse est. Et quod hæc tria concurrant, coniunganturq; semper, vnicuiq; sit status, non diuersus, satis docent ea, quæ de diætā præcipit Hip. 1. *aph. 8.* vbi tenuissimo victu vti iubet, cum morbus in statu est. Causam huius rei reddit Gal. *in com.* cum scribit, id faciendum esse, cum propter symptomatū magnitudinem, tum propter morbi coctionem. Imò ipse Hippocrates causam reddit, 2. *aph. 30.* cum circa initia & finem morborum remissiora omnia esse docet; in vigore verò vehementiora. Quòd verò dictum est, mori homines in acerbissima morbi parte; cum tamē id fieri possit in principio & augmento morbi: verum est, satis acerbam & vehementem esse illam morbi partem, & acerbissimā in toto, qui fuit, morbo, quæ hominem iugulat: sed non sequitur, quòd non grauiora circa statum morbi secutura fuissent symptomata, si homo diutius morbum sustinere potuisset. Sunt illa, quæ hominem iugulant, acerbissima symptomata, inter ea, quæ fuerunt: sed non, si cū futuris conferantur, si homo diutius vixisset. Quòd etiā nonnulli obtēdunt, tum esse mitiorem & minorem morbum, quando Natura magis dominatur materiæ peccanti; id autem contingere morbo vigente potius, quàm eodem in augmento aut principio constituto: facile ad id responderi potest, id intelligendum esse de eo morbi tempore, quo Natura iam perfectè morbū superauerit, quòd accidit solūmodò in declinatione & status fine. Verum in ipso statu, & dum Natura adhuc pugnat, cum morbo, etsi Natura superior sit: tamen cum adhuc repugnat morbus, sine magna perturbatione & agitatione corporis victoria illa accidere non potest. Defendere quoque cōtrarium conatur Hercules Saxonia, *raet. l. 8. c. 12.* dum scribit, neque essentiam morbi, neque symptomata conuenire necessario cum cruditate. Nam si putrescant humores in vasis communibus, & sint calidi, ut in synocho: statim in principio ratione essentia febre esse in statu, & statim in principio excitari vehementissimum calorem: si autem in parte determinata, v.g. in orificio ventriculi, materia hæreat, statim in ipso febris principio erunt symptomata maximè horrenda. Verum non video, qua ratione symptomata morbi, cum materiæ & morbi motum sequantur, non etiam vigeant, morbo vigente. Quanquam enim fieri possit, ut in principio morbi mox sint symptomata vehementia: fieri tamē etiam potest, ut in statu adhuc sint vehementia. Et creduntur nonnulli morbi esse in principio vel augmento, cum tamen iam sint in statu. Nonnulli enim morbi alia tempora citius, alia tardius percurrunt. De quo Gal. *lib. 3. de cris. c. 4.* scribit: *Febris, inquit, quæ propriè σύννοχος nuncupatur,*

Moritur homo
acerbissimo
morbi tempore.

idem sit
or morbi,
ctionis, &
symptomati.

longus est status: imò tota hæc febris status est. Et de tot. morb. temp. c. 4. Cognoscere, inquit, morbos interdum aperte licet, aliquando obscure; vel etiam prorsus diu ignorantur. Hinc quidam statim, ubi vigent, inuadere videntur; quod ex eorum numero est, quæ fieri non possunt. Neque enim $\sigma\upsilon\nu\omega\chi$ febris protinus a vigore quandoque inuasit: verum primo in iu tu usque ad perfectissimum vigorem, horis quatuor, vel tribus, quod minimum est, peruenit; inde prorsus æqualis sibi permanens continuo ad iudicium properat. Fallitur itaque in eo Saxonia, quod febrem, calorem vehementissimum habentem, adhuc in principio esse putat. Et omnino morbi vehementia à cruditate & coctione materiæ, utpote à quâ totus morbi decursus pender, separari non potest. Hoc tamen non diffitemur, in principio morborum quorundam quandoque grauiora symptomata obseruari, quam postea reliquis morbi temporibus. Itæ memini infantes, antequam variolæ & morbilli erumperent, Epilepsiâ & Pleuritide correptos fuisse. Vt & in Tertianarum febrium primo insultu, Epilepsiâ correptos infantes obseruauit. Ita in primo febrium insultu nonnulli vomitu & cardialgiâ infestantur. Imò obseruauit, nuper, quendam in principio Arthritidis, antequam materia ad articulos protruderetur, in grauissimum delirium incidisse. Quæ symptomata tamen morborum illorū non sunt propria, sed accidunt, ubi materia in principio morbi agitata, hanc vel illam partem magis infestat: quæ cum postea vel ad ambitum corporis protruditur, aut à calore febrili absorbitur & dissipatur, eadem symptomata postea non reuertuntur. Particularia autem morborum tempora quod attinet, spectantur illa in iis morbis, qui periodos certas & sua interualla, rursūque paroxysmos & accessiones habent; possuntque particularia tempora cum quolibet vniuersali incidere. Nimirum & in principio, & in augmento, & in statu, & in declinatione vniuersali potest accidere paroxysmus, qui habet suum principium, incrementum, statum, declinationem. Periodus autem qualibet habet suum paroxysmum & exacerbationem, quam sequitur remissio vel interuallum. Paroxysmus suis temporibus definitur, nimirum principio, augmento, statu, declinatione, quæ in aliis morbis aliter solent recenseri. Intermittentium morborum tempora particularia febris tertianæ exemplo explicabimus. Principium paroxysmi est, quando post interuallum & $\alpha\pi\rho\sigma\epsilon\lambda\iota\alpha$ Natura incipit materiam mouere. Tunc aduenit horror, & cum horrore extremæ partes subito refrigerantur; postea frigore & rigore membra concutiuntur, pulsus fit durior & minor, & quasi submersus videtur. Quod tempus nonnunquam per vnam atque alteram horam durat. Hinc frigus nonnihil remittit, pulsus fit maior, velocior & densior, & qui antea quasi latebat, incipit sese exserere. Calor etiam sese prodit, ægrīque intus multum calorem sentiunt, extremis adhuc frigentibus; vnde hoc tempus secundum $\alpha\nu\omicron\mu\alpha\lambda\iota\alpha$ inæqualitas nominatur; quod tamen nonnunquam ab authoribus omittitur, & sub incremento comprehenditur. Tertio calor augetur, & per totum corpus dispergi incipit pulsusque calori responderet. Quarto status est, cum calor per totum corpus dispersus est, & ad summum peruenit. Quinto statum sequitur declinatio, cum calor iam manifestè decrescit, pulsus ad naturalem constitutionem redit, atque omnia illa deponit, quæ præter naturam ex magnitudine, celeritate, & frequentia habebat, halitusque per cutem vel insensibiliter, vel per sudorem discutiuntur. Declinationem interuallum sequitur: quod postea tertio die iterum paroxysmus excipit. Morbi continui etiam quatuor hæc tempora habent, principium, incrementum, statum, declinationem. Principium tamen vix percipi potest. Cum enim morbus iam presens sit, augeri saltem, non incipere videtur.

Particularia morborum tempora.

Intermittentium morborum tempora particularia.



LIBRI II. PARS II.

De caussis Morborum.

CAPVT I.

De Causis Morborum in genere.



ORBORVM differentiis rectè succedit doctrina de morborum caussis. Nam cum nullius rei perfecta haberi cognitio possit, sine caussarum notitia; neque morbi, nisi causæ caueantur, vitari; neque caussis præsentibus adhuc tolli possint; de morborum caussis doctrina summè necessaria est. Verum cum rectè à Philosophis quatuor caussarum genera constituentur, forma, materia, finis, efficiens: videndum, de quo caussarum genere Medicis, dum de caussis morborum agunt, præcipuè sermo sit. Formam quod attinet, de ea hic sermo non est. Nam forma morborum, qualem quidem accidentia habere apta nata sunt, supra explicata est, ubi dictum est, quæ sit natura, essentia, atque idea & morbi in genere, & cuiusque in specie. Morbi nimirum natura sita est in quadam dispositione præter naturam, à qua actiones læduntur: quam omnes morbos, ut morbi sint & dici possint participare necesse est. Deinde in specie cuique peculiaris natura est, aliæque est formalis ratio intemperiei, alia compositio-nis, alia vnitatis solutæ. Neque etiam hîc, cum de caussis disquiritur, de materia sermo est. Cum enim morbus sit accidens, non opus habet materia; sed solum materiæ loco subiectum requirit, in quo sit, & cui inhæreat, corpus scilicet humanum. Finalis quoque causa in morbis non reperitur. Finem enim ea solummodo habent, quorum essentia in aliqua perfectione consistit, & rationem boni, non mali obtinet. Morbus verò ex defectu perfectionis oritur, atque suam essentiam in imperfectione habet. Et si enim causæ morbi propter finem operentur, ut scilicet sibi simile generent, & sibi contrarium corrumpant; calida nimirum agendo in corpus nostrum id agant, ut calorem inducant, frigida, ut frigefaciant, tamen morbus pro fine haberi non potest, sed solum ex accidenti succrescit & generatur. Licet quoque consultò interdum, atque data opera, morbos inducant Medici, dum secant, vrunt, erodunt: tamen Medicis tum non est propositum, morbum quatenus morbus, efficere, sed quatenus vicem & rationem auxiliij habet; actionesque illæ habent finem, quatenus per eas aliis morbis succurritur, non quatenus iis morbi inducuntur. Ut dum Medicus vomicam aperit, non id habet propositum, ut simpliciter morbum vulnūque parti inducat, sed ut, aperta vomica, pus euacuet. Itaque tantum de caussis morborum efficientibus hîc sermo instituendus: Medicique cum Galeno plerumque causæ & efficientis nomen pro eodem habent. adeo, ut dum causam simpliciter atque absolutè nominant, ferè tantum efficientem intelligant. Vnde etiam Galenus, i. de loc. affectibus, cap. 2. causam definit id, quo tangente afficimur, & quo separato cessat affectus. Et Hippocrates, lib. de vet. Medic. scribit: *causas vniuscuiusque ea putare oportet, quæ cum adsunt, talem affectionis modum fieri necesse est, quorumque in aliud permutatione affectio cessat.* Verum antequam plura de efficientibus dicantur, illud discutiendum; An præter dicta quatuor caussarum genera aliæ adhuc sint causæ, quæ meritò sub Medici considerationem veniant. Argentarius enim, lib. de caus.

Causarum morbi cognitio necessaria.

Quæ causæ genera morbi.

Morbi non habent materiam.

Neque finem.

Medicus de efficientibus caussis inprimis agit.

An plura sint, quam quatuor causarum genera.

caus. morb. c. 2. præter vulgò nota quatuor caussarum genera, alia adhuc quatuor vel quinque, atque ita octo, vel etiam nouem causas constituit. *Octo*, inquit, *caussarum genera constituimus: quoniam octo quarimus, nec plura quæstio propter quid completi videtur. Velenim perimus, quid faciat rem esse, sine quid res sit; & Formam assignamus: vel à quo res sit; & Efficiens asserimus: vel ex quo conficiatur; quæ Materia est: vel in quo; quod est Subiectum: vel cuius gratia; & Finis ratio est: vel per quod; ad cuius quæstum Instrumentum respondemus: vel sine quo nullo modo, aut cū quo melius faciliusque res peragitur; id quod est querere causam sine qua non, vel cū qua.* Quibus postea addit causam circa quod. Quæ omnia allegato loco pluribus exponit. Verum enimvero etsi negandum non sit, vtile esse in Medicina, vt efficientes principes causæ ab instrumentalibus distinguantur, atque ipsæ etiam causæ sine quibus non diligentius explicentur, atque omnino necessarium sit, vt causæ in Medicina specialius cognoscantur, & quantum quælibet ad rei generationem faciat, exactius perpendatur: tamen propterea noua caussarum genera constituenda non videtur. Neque Aristoteles & Galenus atque alij Medici hæc omnia, quæ ab Argenterio proferuntur, ignorarunt, sed cum *Arist. 2. Phys. c. 3. t. 31.* omnem illam varietatem caussarum in *τέτθαρας τρόπους τὴν φανερωτάτης*, in quatuor modos, qui sunt manifestissimi, cadere rectè statuerunt: neque plures, quàm quatuor generales caussandi modos agnouerunt; etsi vnumquodque genus latè diffundatur. Itaque & instrumentalis, & causa sine qua non, ad causam efficientem referenda est: quod & *Arist. fecisse videtur, qui, 2. Phys. c. 3. t. 29.* omnia illa, quæ alio mouente inter ipsum & finem sunt, ad duo genera refert, nimirum ad instrumenta & opera. Alia scilicet est causa principalis, quæ virtute & motu proprio operatur: alia instrumentaria, quæ mota ab alia & alterius virtute operatur. Et licet instrumenta non nisi alterius virtute operentur: tamen & ipsa actiue in effectum diriguntur, & agentis principalis actionem insequuntur. Opera verò etiam in multis actionibus necessaria sunt, vt agens suum finem assequatur, quæ merito pro mediis efficientibus habentur. Vel si quid è numero eorum, quæ rationem eius, sine quo non, habent, planè otiosum videatur, ita vt ad efficientes causas vix redigi possit: aliud tamen caussarum genus non constituet, sed saltem ad necessariò antecedentia pertinebit. Ita medicus, vt sanitatem inducat, purgat, extenuat, vt habet *Aristot. allegato loco*, atque alia agit. Ad hæc duo genera omnes causæ sine quibus non referri possunt, nullæque datur causa sine qua non, quæ non sit aut instrumentum, aut opus ad finem consequendum necessarium. Caussarum igitur per se rem constituentium alia genera, quàm quatuor ab authoribus recepta non sunt. Causa verò instrumentalis, & sine qua non, non alia ratione accedunt ad rei constitutionem, nisi quatenus mouentur ab eo, quod primò mouet, & sunt mediæ inter id, quod primò mouet, & finem. Verum cū de his accuratius inquirere alterius loci sit: his missis, ad causas morborum efficientes reuertamur, earumque varietatem inuestigemus. Causæ autem morborum efficientes vel morbificæ variè à variis diuiduntur. Nos earum differentias hoc modo commodissimè proponi posse existimamus. Causæ morborum efficientes vel respectu ad effectum seu morbum, vel absolute, seu, vt res sunt, quæ caussarum morbificarum naturam inducere possunt, considerantur. Si vt ad morbum, seu suum effectum, referuntur, causæ considerantur: primò causa alia est proxima seu immediata, alia remota seu mediata. Proxima est, inter quam & morbum nihil intercedit. Causa Remota est, inter quam & effectum alia causa propior intercedit. Cū verò nihil sine causa fieri possit: causa proxima semper ne-

cessaria est; remota non semper: cū causa proxima sæpe sat virium habeat, vt effectum producat sola, neque semper opus sit, vt ab alia moueatur. Ex quo patet, in aliquibus morbis vnicam saltem causam reperiri; in aliquibus plures, ac non rarò longam caussarum seriem sese consequi. Cū verò caussarum, quæ proximam antecedunt, sit quædam varietas: alia apud Medicos adhuc habetur caussarum diuisio, quæ alias *προκαταρκτικὰς*, primitiuas; alias *προηγμένας*, antecedentes; alias *συνεκτικὰς*, coniunctas nominant. Sed quid per hæc nomina intelligendum sit, & quales hæ sint causæ, non omnes rectè explicant. *Προκαταρκτικὰς* nonnulli primitiuas appellant, alij præincipientes, quòd ab illis prima mali in corpore præbeatur occasio, & quasi principium aliis præstetur; alij prægressas nominant, quòd plerumque, confecto opere, discedant; alij etiam manifestas & euidentes indignant. Sunt autem, si rem rectè æstimare velimus *προκαταρκτικὰς*, quæ latentes in corpore causas excitant & mouent, & ita quidem, vt manifestè & ad sensum euidenter corpus nostrum afficiat. Tales sunt calor externus, frigus, vigilia, inedia, motus, curæ, tristitia, atque alij corporis atque animi motus, similisque causæ, siue in corpore, siue extra corpus sint, modò euidenter & manifestè corpus afficiant, primūque quasi principium morbo præbeant. Antiqui (*Hip. 3. aph. 12.*) *προφάσεις*, occasiones vocabant, teste *Gal. 1. de caus. procatart. c. 1.* eas scilicet causas, quæ, vt docet *Gal. 4. de vict. rat. in ac. t. 115.* suapte natura vehementem morbum procreare non possunt, sed si in corpus ad morbosam affectionem paratum, & morbosam *ὑποκειμένην* habens, incidant, illud in morbum conicere, & latentem affectionem quasi manifestare possunt. Nullus enim, vt *Gal. allegato loco*, scribit, qui bono constat corporis habitu, si vel secundum crura frigeat, vel calore æstuet, vel præter modum exerceatur, statim etiam ægrotat: sed huiusce generis causæ sola inualida corpora commouent. Itaque tales causæ vt *Gal. allegato loco*, 4. de rat. vict. in ac. t. 115. docet, *κυρίως & propriissimè προφάσεις* dicuntur, *ἔχοντες φανερὰς*, non simpliciter euidentes & manifestæ. Ex quo porrò colligi potest, si ea, quæ differunt, accuratè discernere velimus, differre causas *προκαταρκτικὰς* seu *προφάσεις*, & *φανερὰς*. Etsi enim omnis causa *προκαταρκτικὴ* sit euidens & manifesta: tamen non omnis manifesta causa *προκαταρκτικὴ* appellari potest. Nam si causæ *προκαταρκτικὴ* seu *προφάσεις*, vt ab antiquis eas nominari diximus, nullum suapte natura vehementem morbum excitare possunt, & nullus, qui bono corporis habitu est præditus, statim, vt ab his causis afficitur, ægrotat, sed saltem inualida & imbecilla corpora, vt habet *Gal. lib. de caus. procat. c. 1.* ab huiusmodi causis commouentur: manifestum hinc euadit, multas dari causas *φανερὰς*, manifestas & euidentes, quæ non sunt *προκαταρκτικὴ*; eas scilicet, quæ proximè morbum inducunt, & solæ ad morbum inducendum sufficiunt. Nulla enim causa *προκαταρκτικὴ* propriè loquendo, est causa proxima; neq; sola ad inducendum morbum, cuius causa *προκαταρκτικὴ* dicitur, sufficit: sed vt ipsum nomen satis innuit, causæ *προκαταρκτικὰ* *προκατάρχονται τῷ ἐν σώματι διαθέσει*, eas, quæ in corpore sunt dispositiones antegrediuntur; vt est apud *Gal. 1. de caus. puls. c. 1.* primum principium præstant, dispositionem morbosam in corpore præexistentem requirunt, aliamque omnino causam, quæ morbo sit propior, in corpore præsupponunt & postulant, seu, vt *Gal. com. 2. de nat. hum. t. 1.* habet *προκαταρκτικὰ & προκατάρχοντα αἴτια* sunt, à quibus oriuntur causæ *προηγμένα*. Causæ verò Euidentes multæ dispositionem aliquam aut *πρασκυμένην* in corpore non requirunt, sed solæ sufficiunt ad effectum in quocunque corpore producendum. Exempli gratia, gladius est causa euidens vulneris,

Causa προκαταρκτικὴ.

προφάσεις.

Causa προκαταρκτικὴ & Euidentes differunt.

Euidentis causa.

Causse
προκατα-
ρκτική &
externa dif-
ferunt.

Causse An-
tecedentes.

Causse Ante-
cedentes in
quibus morbis
reperiuntur.
Non est idem
caussa genus
Antecedens,
interna &
abditā.

De causse
Continente.

lapis & percussio fracturæ; sed non causse προκαταρκτική. Frigus hybernus, quod non solum hominem refrigerare, sed & enecare potest, est evidens & manifesta causse refrigerationis; sed non προκαταρκτική. Ignis & aqua calida est causse calefactionis evidens; non verò προκαταρκτική: quia hæ causse & similes nullam peculiarem in corpore dispositionem requirunt, sed eundem effectum in quocunque corpore habent. Ut verò non idem causse genus est evidens & προκαταρκτική: ita quoque non sunt eadem causse προκαταρκτική & externa, & malè à plerisque externæ, & προκαταρκτική, causse confunduntur. Externæ enim non dicuntur respectu morbi, sed respectu corporis: & ut id, quod morbum inducit, vel in corpore est, vel extra illud: ita etiam causse interna, vel externa appellatur. Causse verò προκαταρκτική respectu ipsius morbi dicitur, eaque est, quæ latentes in corpore causse excitat & movet, siue sit in corpore, siue extra corpus. Vnde & animi perturbationes, somnus, vigilia, & similes causse, per quas homines sæpe in morbos incidunt, potius ad προκαταρκτικές aut quandoque etiam evidentes, quàm externas referendæ sunt. Nisi fortasse quis, quādam licentiā, ideo externas nominare velit, quod omnibus extrinsecus ita pateant, ut non solum Medicis sint perspectæ, sed etiam vulgo, quasi extrinsecus essent positæ. Ea verò de causse (quam rationem Fuchsius habet) externæ vix nominari possunt, quod sint inter ea, quæ corpus nostrum non constituunt. Nam & humores vitiosi, ac similia in corpore, corpus nostrum non constituunt: neque tamen propterea pro causis externis habentur. Προηγμένα verò αἰτια, Antecedentes causse sunt dispositiones quædam in corpore latentes & abditæ, quæ morbum antecedunt, ex quibus morbus oriri potest, & quas morbus sequi solet, quæ tamen cum morbo coniunctæ non sunt; seu, ut Galeni verba habent, *art. Medic. c. 88. antecedens causse est διάθεσις, ἣν ἡ γένεσις πέφυκεν ἰνὸς &*, dispositio, quam sequi, seu à qua generari morbus aptus natus est. Licet enim propriissime causse efficiens dicatur, quæ iam agit: tamen Medicis in usu est, etiam iis causarum morbificarum nomen tribuere, quæ morbum nondum produciunt, sed tamen produci possunt. Vnde causse antecedentes non actu efficiendi, sed potentia definiuntur, suntque priores ἡρώσει morbo neque, iis positis, morbus ponitur, sed fieri potest, ut tollantur, antequam ex iis morbus nascatur; & propterea hæ causse non ingrediuntur morbi definitionem. Soli autem morbi cum materia coniuncti tales causse habent; quales κακοκυμία & πλήθωρα. Quorum morborum ortum prohibemus; sublatâ illâ dispositione, quam sequi solent. Ita morbos, qui ex plenitudine oriuntur, subtracta redundantia sanguinis, præcauemus; & morbos, qui ex cacochymia, sublatâ cacochymia, auertimus. Vulgò plerique pro eadem causse habent προηγμένα internam, & abditam; sed parum rectè. Nam interna soli opponitur externæ, & non dicitur respectu morbi, sed corporis: estque, quæ in corpore est, omnis, siue sit προκαταρκτική, siue antecedens, siue coniuncta. Antecedens verò respectu morbi dicitur, quæ antecedit; opponiturque coniunctæ, non externæ. Interna enim causse, ubi ad morbum refertur, dupliciter considerari potest, vel quatenus morbum προηγνται, antecedit, solamque potentiam habet morbum efficiendi; vel quatenus cum morbo coheret, eumque efficit: atque ita nunc antecedens, nunc continens appellatur. Ita etiam abditæ causse solum opponitur manifestæ, potestque omnis causse in corpore latens abditæ appellari, siue sit antecedens, siue coniuncta. Præter antecedentem causse nonnulli nullam aliam causse esse statuunt, eamque, quia est in corpore, etiam morbi proximam causse esse sentiunt, causseque continentem saltem commentum quoddam Avicennæ, &

aliorum Arabum Medicorum, à Galeni placitis alienum, imò Medicinæ inutile esse affirmant; sicut hæc de re Fuchsius, *lib. 3. Instit. s. 1. c. 2.* scribit, ubi causse continentem omnibus viribus explodere conatur. Verum frustra, ut res ipsa postea docebit. Alij quidem causse continentem concedunt, sed quid sit, non omnes eodem modo explicant. Nonnulli, ut Vallesius, *lib. 4. controu. c. 3.* quem sequi videtur Lud. Mercatus, *tom. 1. l. 3. part. 1. art. 3.* distinguunt inter causse coniunctam & continentem, coniunctamque nominant omnem causse proximam seu immediatam, & proinde omnem causse, quæ continens est, eandem & coniunctam esse, sed non contra omnem coniunctam esse continentem, statuunt. Verum si cui libet hæc ita distinguere, cum eo de nomine saltem non litigabimus. Hoc tamen monendum est, plurimas esse causse proximæ, quæ cum effectu amplius non coniunguntur, & propterea nomen causse coniunctæ vix merentur. Neque etiam Græci aliam vocem habent, cui apud Latinos nomen causse coniunctæ, & aliam, cui continentis vocabulum respondeat: sed hoc genus causse ab iis nominatur σώματι αἰτιον, ἢ σώματι-κόν ἢ ποτεχέει, ἢ ὅπως ἀντὶς ἐνομάζειν ἐβέλη, ut scribit Gal. *1. de caus. sympt. c. 5.* Itaque & nos proximam seu immediatam causse dicimus quamlibet, inter quam & morbum nihil intercedit, siue sit interna, siue externa, siue cum morbo coniuncta maneat, siue eo generato cesset: coniunctam verò & continentem pro vno, & quidem peculiari causarum proximarum genere habendam censemus; quod, quale sit, iam videamus. Argenterius, *lib. 1. de caus. morb. c. 10.* statuit causse coniunctam esse ἀμετρίαν vitiatamque & corruptam proportionem. Positâ, inquit, vitiatâ proportionem in his quæ corpus nostrum componunt mala compositio siue morbus ipse statim sequitur: eâ verò sublata & sanitas redit, quæ ex iusta proportionem nascitur, & morbus esse desinit. Atque ita in omnibus morbis tam factis, quàm fientibus, tam iis, qui cum materia sunt coniuncti, quam immaterialibus, ut appellant, ex Argenterij sententia causse continens datur. Verum et si morbus sit dispositio vitiosa, seu qualitas ἀμετρία, ex proportionem vitiata nata, neque morbus possit tolli, nisi illa ἀμετρία tollatur, & parti sua naturalis συμμετρία restitatur: tamen illa ἀμετρία potius ad morbi formam pertinet, & morbus ipse est, quam morbi efficiens causse. Cum enim de causse continente seu coniuncta disputatur, non de causse formali, atque iis, quæ ad morbi formam pertinent, quaritur, sed de causse efficiente sermo est Causse itaque coniunctæ eam esse statuimus, quæ in corpore morbo proximè adhæret, & qua positâ, morbus ponitur, ac ablata, tollitur. Atque hæc causse non in omnibus morbis reperitur. Licet enim nullus morbus fieri possit sine causse, omnesque propterea morbi causse proximam habeant: tamen non omnes morbi habent causse coniunctam seu continentem. Continentes enim causse sunt non tam quibus res sunt, quam quibus existunt. Neque omne, quod est, absolutam in subiecto, sed sæpe cum causse efficiente quadam coniunctam habet essentiam; plurimorumque effectuum rationes & definitiones causis, cum ipsorum essentia coniunctis, explicari solent. Id quod etiam in morbis quibusdam verum est. Dictum enim fuit, *parte præcedente*, morbos alios esse fientes, alios factos. Facti sunt illi, qui à causse sua ita sunt producti, ut etiam sublata causse, subsistere possint. Ita vulnus, ablato gladio, & intemperies frigida, à frigore, hyberno inducta, etiam amplius non durante frigore perdurare potest. Fientes verò dicuntur, qui et si à causse sua producti sunt: tamen, ut sint & durare possint, causse perpetuò fouentem requirunt. Ut inflammatio est διάθεσις præter naturam, tumor scilicet, à sanguine excitatus, in parte quapiam corporis, ut subiecto, hærens. In ea sanguis nec subiecti, nec morbi

An d.
caussa
nens &
iuncta.

Causse con-
nens ex effi-
cientium m-
mero est.
Causse con-
nens quid.

morbi seu διαδεσως & qualitatibus præter naturam rationem habet; sed causa est, ut hæc διαδεσις in hoc subiecto insit, quæ idcirco tam diu durat, quam diu sanguis præter naturam in parte reperitur. Eadem ratio est obstructionis. Obstructio enim morbus est, nimirum partium, quæ patere debebant, occlusio. Humores verò sunt causa, à qua hæc obstructio pendet, quæ etiam, ubi iam facta est, nihilominus, ut sit & permaneat, causam requirit. Idque expresse docet Galenus, de diff. morb. cap. 7. ubi hæc habet: *σταυρὸν αὐτὴ μὲν ἡ διαδεσις, ἐνέργειαν βλάβη πρῶτως, τὸ δὲ αἷτιον αὐτῆς μὴ βλάβη· πῶς μὲν διαδεσιν νόσημα, τὸ δὲ ἐργαζόμενον αὐτῷ αἷτιον ὀνομάζειν καὶ νοσήματι. ὥσπερ ἐπὶ τῇ γλίστρῳ ἐχὼν χυμὸν καὶ τῆς ἐμφράξεως, αὐτὴ μὲν γὰρ ἡ ἐμφράξις τὸ νόσημα ὅτι οἱ χυμοὶ δὲ αἷτιον τοῦ νοσήματι.* Cum ipsa dispositio operationem primò impediuerit; eiusdem autem dispositionis causa non primò lædit actionem: dispositionem quidem morbum; quod autem ipsum fouet, causam morbi appellare oportet: quemadmodum res sese habet in lentis humoribus, & obstructione; ipsa quidem obstructio morbus est, humores verò sunt causa morbi. Id quod de omnibus aliis morbis, qui cum materia coniuncti sunt, & ab ea fountur, intelligendum est. In talibus enim omnibus causa continens reperitur. Ut in febribus putridis, putridus vapor non est ipsa febris, sed causa febris continens. Dissentiunt hîc quidem authores, qui causam continentem aliàs concedunt, & Vallesius, lib. 4. controu. cap. 3. eos tantum morbos habere causam continentem statuit, qui additione alicuius rei consistunt: morbos verò intemperiei causam continentem habere negat, ea de causa, quod, ablata causa, non tolluntur, sed sunt qualitates, quæ per motum generantur, ex remissione contrarij; ac propterea momento & puncto temporis, sublata causa, tolli non possint. Verum probabilior videtur aliorum sententia qui etiam in febribus putridis causam continentem admittunt. Licet enim facile concedamus, à materia aliqua intemperiei in partem quampiam ita induci posse, ut etiam, sublata materia, diu durare possit: tamen cum febres putridæ sint χεῖμα, & ortum habeant à vaporibus putridis, ac durent, donec omnis vapor putridus exhalauerit: non incommode vapores putridos causam febrium putridarum continentem nominare licet. Quamuis enim calor aliquis, iam discussis vaporibus putridis, remaneat, & non totus momento temporis evanescat: tamen calor ille non est febris, sed vestigia quædam febris, quæ iam præterit, adsunt. Neque enim omnis calor mox pro febre habendus est: sicut nec quæcunque imbecillitas, qualis, verbi gratia, in iis, qui conualescunt apparet, morbosa habenda. Quod verò nonnulli causam continentem cum antecedente confundunt, id ex eo maximam partem ortum habere videtur, quod non distinguunt inter causam internam & antecedentem, sed omnem internam causam antecedentem esse statuunt; seu, quod ea, quæ aliquo modo sunt vnum, pro simpliciter vno habent. Cum enim rei, cui accidit coniunctam causam esse, eidem etiam accidat antecedentem esse causam: fallaciâ accidentis in hunc errorem lapsi sunt, ut causam antecedentem & coniunctam pro eadem haberent. Quod tamen faciendum non fuerat. Licet enim idem humor sit, qui in corpore nunc saltem abundat, ad partem aliquam affluit, & potestatem obstructionem vel inflammationem pariendi habet; nunc actu inflammationem vel obstructionem excitat: tamen non utrobique eiusdem causæ rationem habet; sed ibi solum causæ antecedentis rationem obtinet, hîc continens naturam induit. Nam coniuncta seu continens causa cum morbo coheret, eiusque essentiam continet, atque eâ positâ, ponitur morbus; ablata tollitur,

& propterea ad definitionem morbi requiritur antecedens verò, ut ipsum nomen innuit (nam antecedere morbum, est, non esse simul cum morbo) cum morbo coniuncta non est, sed morbum saltem factura est. Quapropter, posita antecedente causa, non necessario ponitur morbus, neque ea ablata tollitur; unde antecedens causa in definitione non ponitur. Et si verò Galenus interdum duas tantum morborum causas recenset, causamque continentem videtur omittere: tamen id ideo solum ab eo factum, quod vocabulum continentis causæ aliter accipiebatur à Stoicis, qui per eam, nescio quod vinculum, quod formam & materiam coniungeret, intelligebant, naturamque continentis causæ veræ Medici plerique non satis intelligebant. Ideoque tum ὁμοῦμος ut maluit vocabulo causæ antecedentis, & sub ea etiam continentem complexus est. Verum si ea, quæ differunt, non confundere velimus, omnino sunt distinguendæ, aliudque omnino, ut dictum, causæ genus est, quod simpliciter morbum antecedit, & simul cum morbo non est coniunctum; aliud, quod efficienter antecedit, ut Cicero loquitur, & simul cum morbo coheret, ideoque rectissime continens & coniuncta causa appellatur. Quod & ipse Galenus fecit, qui in pluribus locis causam continentem ponit, ut ex libro, qui medicus inscribitur, c. 8. lib. de opt. sect. c. 7. 6. epid. com. 3. 1. 3. lib. 1. de caus. puls. c. 1. lib. 2. de nat. hum. 1. 1. videre est. Deinde & hoc iis, qui causam continentem negant, errandi occasionem præbuit, quod morbus dicitur res permanens. Ita enim Fuchsius, in instit. l. 3. s. 1. c. 2. Cum verò nullus morbus sit, quin idem sit permanens, hoc est, manere possit, sublata etiam sua causa, consequitur, causam continentem in morbis esse non posse. Morbos autem manere, sublatis suis causis, exemplis hoc modo monstrare conatur. Phlegmone facta, inquit, manet, etiam si causa sua desit, & non amplius ad phlegmonem obsessam partem sanguis confluit. Ideo vel suppurantibus, vel discutientibus medicamentis ad curationem eius, quæ facta est, phlegmones opus erit. Pari ratione obstructio morbus quidem instrumentalis manet, sublata etiam sua causa. Quamquam enim facta iam obstructione aliqua in corpore plenitudo omnis per sectionem venæ, aut crassi, aut visceridi humores affluentes per purgationem tollantur: nihilominus tamen adhuc obstructio manet & perdurat. Verum enim verò si hoc modo vocabulum permanens usurpare libet, ut scilicet permanens sit, quod manere possit, sublata sua causa: valde errat Fuchsius, dum scribit, nullum esse morbum, qui non sit permanens, id est, qui non possit manere sublata sua causa; atque id, quod in quæstione est, pro concessio sumit. De hoc ipso enim quæritur, an non sint morbi, qui quidem non ut fiant, sed ut sint, & suam subsistentiam habeant, causam requirunt, seu qui sublata causa subsistere non possunt. Atque esse tales, omnino affirmamus, docentque id satis ea, quæ paulò ante dicta sunt. Neque contrarium conuincunt exempla Fuchsi. Nam sanguis & plenitudo in venis, aut crassi & visceridi humores in iisdem non sunt phlegmones aut obstructionis causa proxima, utpote quæ loco & tempore à phlegmone & obstructione seiunguntur, ideoque actu phlegmonem aut obstructionem non generant. Unde etiam non mirum est, quod iis sublatis, morbi isti non tolluntur, cum nec positus iis ponantur. Proxima verò & continens causa phlegmones sunt humores extra venas effusi, & in parte hærentes; quibus idcirco ablatis phlegmone tollitur: sicut obstructionis causa est humor actu meatum aliquem claudens; quo similiter ablato, continuò cessat obstructio, neque momento temporis permanere potest. Sed cum sint, qui ita strictè vocabulum, permanens, non accipiunt, sed permanens id dicunt, quod amplius non est in motu, sed quiddam, quod motu in subiectum impressum, & post motum relictum est; si hac ratione

Cur Galenus interdum continentis causam mentionem non faciat.

Galenus causam continentem admittit. Quomodo morbus dicatur res permanens.

Qui morbi continent causam continentem.

à non- is causa cedens inens undatur.

morbis omnis quiddam permanens dicatur, nihil verat, quin aliqui ex iis causam continentem habeant. Nam, ut iam supra dictum, rerum permanentium hoc modo dictarum, seu motu factarum, duo sunt genera: vnum earum, quæ postquam extra motum sunt, seu postquam motu effectæ & productæ sunt, & iam permanent, ut sint & subsistant, causæ non amplius indigent, sed sublata etiam causâ, permanere possunt: alterum earum, quæ etsi amplius in motu non sunt, sed iam factæ sunt: tamen ut subsistant, causam, à qua continuò foueantur, requirunt. Ita, ut iam dictum, nec tempus cogitari potest, quo sublato humore aut calculo, maneat obstructio. Neque verò inutile est, in hæc accuratius inquirere, & hanc morborum & causarum differentiam nosse. Nam morbi, qui causam continentem habent, ablata causâ, tolluntur, neque contra morbos tales longum apparatus medicamentorum instituire, sed solum causas illas amoliri opus est. Reliqui verò morbi, qui per se esse permanentes habent, atque ut consistant, causâ fouente non indigent, non solius causæ ablatione tolluntur, sed si curari debent, opus est, ut ipsi contrariis adhibitis expugnentur. Sunt deinde & aliæ causarum differentia. Nam aliæ causæ dicuntur per se, aliæ per accidens. Causa per se est, quæ propriis viribus & non per aliud, atque alterius interuentu effectum producit. Ita ignis, vinum, piper per se calefaciunt: aqua frigida propriis viribus, non alterius interuentu, refrigerat. Per accidens autem causa dicitur, quæ non propriis viribus, sed alterius interuentu aliquid producit. Sic aqua frigida per accidens caliditatis causa esse potest, dum constringendo cutem exhalationes calidas intus detinet & colligit. Tandem causæ quædam sunt positivæ, quædam priuatiuæ. Positivæ sunt, quæ suâ præsentia aliquem effectum sibi similem producant. Hoc modo aqua frigida causa positiua est frigiditatis. Priuatiuæ sunt, quæ sua absentia effectum sibi dissimilem & contrarium producant, ut calor influens priuatiua causa est frigiditatis, dum ad interiora recurrens exteriora destituit. Causæ etiam aliæ dicuntur communes, ut aer, cibus, potus, cum multi simul in vno loco iis vtuntur; aliæ propriæ, quæ certis hominibus peculiares sunt. Ita suum cuique est humoris vitium.

CAPVT II.

De Rebus, quæ causæ morborum sunt; & primò de Rebus non naturalibus.

Atque hæc sunt differentia causarum morbos efficientium, quatenus respectu ad morbum considerantur. Deinde verò causæ morborum efficientes absolutè etiam, seu ut res sunt, quæ causarum morbificarum naturam induunt, considerari diximus. Omnia autem illa causæ morbificæ fieri possunt, quæ corporis naturalem constitutionem lædere atque immutare valent. Sunt verò tales causæ iterum duplices, internæ & externæ. Internæ sunt, quæ in nostro corpore consistunt: Externæ verò, quæ extra illud sunt. Externarum rerum rursum aliæ necessariò nobis obveniunt, quæ omnibus necessariò ferendæ sunt, & quas nemo subterfugere potest: aliæ non necessariò nobis obveniunt, & nec necessariò, nec omnibus ferendæ sunt, sed euitari possunt. Prioris generis sunt, aer, cibus, potus, & similia, quæ in hunc censum veniunt ex rerum non naturalium numero. Sunt autem res non naturales dictæ numero sex: Aer, Cibus & Potus, Somnus & Vigiliæ, Motus & Quies, Excreta & Retenta, atque animi *παθήματα*. Et dicuntur ita, non quòd non sint ex rerum naturalium numero, sed quòd ad constitutionem corporis nostri non ita pertineant, nec tamen etiam præternaturales sint, sed inter illas,

quæ corpus nostrum constituunt, & præternaturales, quasi mediæ; ac, si rectè vsurpentur, corpus nostrum conferuent, si non rectè adhibeantur, idem corrumpant & destruunt. Vix tamè hæc res omnes inter causas externas commodè referri possunt, sed solum aer, potus & cibus propriè causæ externæ dicuntur, cum extrinsecus accedant. Reliquæ verò quatuor, nempe somnus & vigiliæ, motus & quies, excreta & retenta, atque animi *παθήματα*, commodius euidenter vel *προκαταρκτικά*, quàm causæ externæ dicuntur. Motus tamen non sunt vnius generis, sed, ut Galenus, 2. de tuend. sanit. c. 11. docet, membra aliàs à se & propria vi ac virtute, ut in ambulatione, cursu, &c. aliàs ab aliis & per alienam vim, ut frictione, victione, mouentur: quorum posteriores ad externas commodè referri possunt. Atque ita ad hunc locum pertinere videtur ea diuisio, quæ causæ morborum aliæ dicuntur esse euidenter & manifestæ, aliæ occultæ, latentes & abditæ. Causæ enim euidenter & manifestæ sunt, quæ sensibus deprehenduntur, siue sint extra corpus, siue in corpore, modò signis, quibus deprehendantur, non egeant: Latentes verò, abditæ & occultæ sunt, quæ sensibus non subiiciuntur, sed ut cognoscantur, signis & ratiocinatione opus est. Res non necessariò nobis occurrentes sunt, quas fugere, & consilio ac iudicio temperare aut auertere possumus. Quales sunt, quæ vulnerant, contundunt, aut simili modo corpori nocent; quorum nec certus euentus, nec numerus est: Ideoque Medici curæ & prouidentia non subiiciuntur. Vtræque autem res, tam necessaria, quàm non necessaria, & manifestæ seu euidenter, ex quatuor fontibus petuntur, & ad quatuor classes commodissimè referri possunt; ea nimirum, quæ assumuntur, quæ geruntur, quæ retinentur & excernuntur, denique quæ foris adhibentur aut incidunt. Iis, quæ assumuntur, comprehenduntur aer, quatenus attractus in corpus, illud afficit, cibus, potus, medicamèta per quemcunque locum aut quocunque modo intra corpus assumpta. Per ea, quæ geruntur seu aguntur, completimur tum animi, tum corporis motus; ut animi perturbationes, iram, tristitiam, gaudium, somnum, vigiliæ, exercitia corporis. frictiones, nauigationes, gestationes, vitæ genus & similia. Eorum, quæ retinentur & excernuntur, nomine veniunt, quæ quocunque modo è corpore exeunt, ut feces alui, vrina, sudor, humores, qui vel per venæ sectionem, vel purgantia medicamenta educuntur; semen, menstrua, hæmorrhoides, & similia. Hæc enim omnia, quatenus excreta corporis constitutionem mutant, ad ea, quæ excernuntur, pertinent. Eadem cum retinentur, ad contrarium genus, retentorum scilicet, referuntur. Denique ea, quæ extrinsecus adhibentur, seu foris incidunt, comprehendunt ea, quæ nos ambiunt, ut aërem, balnea: quæ corpori applicantur ut vestes, tegumenta, olea, vnctiones, emplastra & similia: denique quæ vi & impulsu in nos agunt, ut vulnerantia, contundentia, ictus, puncturas animalium, & similia. Verum cum quorundam ex his, ut modò dictum, certus numerus non sit, nec euentus: ideoque Medici curæ & prouidentia non subiiciantur: hic saltem de rebus non naturalibus dicemus, & quidem quatenus sunt morborum causæ. Nam reliqua quæ de iis dici possunt, è libro quarto patebunt. Primò ab aëre fit maxima alteratio, utpote in quo continuò degimus, & sine quo viuere ne breuissimo tempore possumus. Is autem dupliciter nos alterat; ut Galen. 1. de diff. febr. c. 4. docet, dum scilicet inspiratione attrahitur, & dum corpus nostrum ambit, illud vndique attingit, ob tenuitatem substantiæ in profunditatem eius penetrat per poros, atque etiam arteriarum dilatatione attrahitur. Hoc modo enim intus & extra intemperiem, quam haber, corpori nostro communicat. Calidus aer, ut Galenus, loco allegato, scribit, qualis maximè circa

Causa continens inuestigatio non est inutilis.

Causa per se.

Per accidens.

Causa positiua.

Priuatiua.

Causa communis & propria.

Causa dentes.

Abdita.

Res non necessario nobis occurrentes.

Quæ assumuntur.

Quæ geruntur.

Quæ retinentur & excernuntur.

Quæ extrinsecus adhibentur.

Causa Interna & Externa.

Res non naturales.

Aër.

circa canis ortum contingit, per inspirationem quidem manifestè corpus calefacit, & ipsi extrinsecus circumfusus totum ipsum calidius efficit, sed præsertim arterias, cum quibus omnibus simul cor affici necessarium est, & cum supra modum incaluerit, ipsum primum atque potissimum calorem febrilem suscipere, atque ad vniuersum corpus transmittere. Idem aëris calor humores dissoluit, liquat, attenuat atque adurit, bilem auget & acuit, spiritus inflamat, vnde morbi calidi & acuti ortum habent. Et quia poros aperiendo naturalem calorem & spiritus euocat ac dissipat, coctionem & nutrientis facultatis actiones debilitat. Frigidus aer contra corpus refrigerat, densat, poros claudit, humores incrassat. Humidus corpus humectat & debile reddit, humores superfluos cumulat, calorem natium obtundit, & cruditates, destillationesque generat: inprimis iunctus cum frigiditate. Si verò caliditati iungatur, omnium maximè putredines excitat. Siccus aer corpora exsiccatur, humores densat, obstructionesque propterea parit; & si caliditati sit iunctus, humores adurit, vtramque bilem generat. Non solum autem qualitatibus, sed & substantiæ alienæ admistione aer morborum causa euadit. Neque enim semper purus est, sed non raro caliginosus & nebulosus, qui facit, ut spiritus in nobis impuri procreentur; interdum crassus, qui adeo quandoque respirationem lædit, ut hominem non aliter strangulet, quam si in aquam demergatur, qualis est, qui ex terræ cauernis quandoque, ex carbonibus accensis aut parietibus calce recens incrustatis, & similibus exhalat. Verum pendet aëris constitutio à temporibus anni: ex quibus Ver est temperatum, Æstas calida & sicca, Autumnus frigidus & siccus, Hyems frigida & humida. Atque hinc sui sunt singulis anni temporibus morbi familiares. Ver est quidem anni tempus saluberrimum, ut est apud Hippocr. 3. aph. 9. eo tamen corpora laxantur & rarefiunt, atque ambiens calore humores fundi, & moueri incipiunt. Itaque quos bonis humoribus præditos inuenit Ver, eos in sanitate conseruat, nihilque ex propria natura nouat: vitiosos verò humores mouet, & partibus principalibus ad ignobiles, & præcipuè cutem, propellit; vnde scabies, vitiliginis, impetigines, vlcera, atque articulorum dolores oriuntur, alique etiam morbi, sed plerumque salutares, & qui rectè iudicantur. Æstas verò corpora nimio æstu calida reddit, exsiccatur, attenuatur, fatigatur & debilitatur, humores accendit, bilem plurimam generat, sudores excitat, appetitum deiicit, sitim auget, eaque omnia ob nimiam caliditatem & siccitatem facit. In Autumno, ut docet Hippocrates, 3. aph. 9. in vniuersum morbi acutissimi & perniciosissimi fiunt. Is frigiditate & siccitate corpora refrigerat & siccatur, aut potius ἀνομαλία & inæqualitate corpus nostrum ad plurimos morbos disponit. Matutino enim tempore aer est frigidior in Autumno, circa meridiem æstus, circa vespertinam iterum frigus. Ideoque hoc tempore atra bilis maximè abundat, corpora densantur, atque densata cute humores ad interiora pelluntur. Hyems est frigida & humida, ideoque pituita tum abundat, & corpora fluxionibus ac morbis à frigiditate & humiditate natis obnoxia redduntur. Verum de his Hippocrates, 1. aph. 20. 21. 22. 23. & Commentatores consuli possunt. Cæterum tempora anni non semper illam naturalem constitutionem obseruant, sed non raro Ver non est temperatum, sed vel aquilonium, vel hyemale, vel austrinum. Sic æstas interdum vel borealis & frigida, vel ob continuos imbres humida, vel etiam minus æstuans est. Ita hyems non raro non satis frigida est: declinatque etiam nonnunquam autumnus à naturali sua constitutione. Quod ubi fit, plurimi morbi excitantur, iis constitutionibus similes & cognati, quæ tum vigent. Neque enim temporis anni ratione morbi accidunt, sed ob aëris ambientis

constitutione, qui eo, quo affectus est, modo corpora nostra afficit, seu, ut Gal. 3. aph. 4. scribit, non temporum appellationes causæ morborum sunt, sed temperaturæ; de quibus videatur Hipp. 3. aph. 4. 6. 7. 8. 11. 12. 13. 14. 15. 16.

Faciunt & ad aëris mutationem Ventii, qui eam, quam habent, temperiem aëri communicant, & quo modo sunt affecti, corpora nostra afficiunt; de quibus Hippoc. 1. aph. 5. & 17. Si autem vicissitudine quadam aquilo austrum sequatur, multi ex fluxionibus morbi excitantur. Ab austris enim humores funduntur & liquantur; ab aquilone exprimuntur: vnde nascuntur grauedines, rauedines, tussis, pectoris & laterum dolores. Tandem & aëris constitutio secundum regiones & loca differt, atque alia loca ad alios morbos, etiam aëris ratione, sunt procliuia; de quibus pluribus agit Hippocrat. in lib. de aëre, aquis & locis. Non verò solum qualitatibus primis atque intemperie sua aer corpora nostra lædere, & in iis morbos excitare potest; sed etiam cum corruptus, & à putrida, & maligna euaporatione infectus est, morbos progenerat. Talis enim aer corpora nostra prauis humoribus replet, & spiritus inquinat, humoresque ad putrescendum paratos corrumpit. Inprimis verò sæpissimè malignitatem & pestilentiam secum circumfert, eamque corporibus nostris communicare valet. Qualis est, qui stagnantium aquarum, aut paludum halitu infectus est, aut ex profundo & venenoso specu exhalat, aut qui ex cadauerum putrescentium exhalationibus inquinamentum concepit. Talis enim omnis ob μιάσμα, id est, inquinamenta maligna, quæ continet & circumfert, morbos epidemios, malignos & pestilentes concitare valet. Secundò Cibus & Potum quod attinet, etsi ad corporis nutritionem atque instaurationem comparatus sit; tamen si idem vel nimis copiosus, vel vitiosus sit, vel in eo assumendo error committatur, plurimorum morborum author esse potest: verissimumque est illud vulgatum; plures crapula, quam gladio interire. Atque omnino credibile est, percipuam causam, ob quam tam pauci iustam ætatem attingunt, sed ante senectutem moriuntur, esse errorem in victu. Cum enim cibi ad humores ἀναλογίαν habeant: nisi alimentum rectè sese habeat, morbis materiam præbet ac suggerit. Peccat autem alimentum quantitate, utendi modo & tempore, tum qualitate. Si nimia cibi & potus copia ventriculus obruatur: tum neque rectè clauditur, neque cibos rectè complectitur, atque ita hiante orificio ventriculi calor sensim exhalat & languidior redditur, calorque ventriculi nimie cibi copię coquendæ non sufficit, & propterea cibus non rectè coquitur, simul etiam sursum magna halituum & vaporum copia ad cerebrum fertur, qui illud replent. Repleto cerebro, & vaporibus frigiditate cerebri densatis, oriuntur fluxiones, quæ sese diffundunt postea, ac intra cranium petunt fauces, ventriculum, pulmones, spinam dorsæ, & principium nervorum, effunduntur in venas & arterias, in quibus efficiunt cruditates curatu difficiles; aut effundunt sese extra cranium in musculos & articulos, ibique dolores & alia mala excitant. Ex eadem materia putrescente nonnunquam vermes oriuntur. In mesenterio quoque obstructiones plurimæ excitantur, & concepta putredine accenduntur febres, læsque hepate hydropes generantur. Quod si ista non eueniant, debilitatur tamen & languescit virtus hepatis: vnde cachexia & alia mala ortum habent, humoresque omnino vitiosi cumulantur, secundum illud vulgatum; vitia coctionis prima non corriguntur in secunda. Sicut autem immodica cibi & potus copia varios morbos excitat: ita etiam inedia longior plurima incommoda secum affert. Absumit enim in corpore sano bonos atque viles humores, corpusque exsiccatur ac consumit, ut est apud Hippocrat. 1. aph. 14. In corpore verò caco-chymico & impuro mouet & agitat corruptos humo

Venti.

Regio.

Aër pestilens.

Cibus & potus.

Cibi nimia copia quæ mala pariat.

Inedia immodica.

Qualitas ci-
borum.

humores, ac pars illorum in defectu alimenti boni ad ventriculum trahitur, qui inde non leuiter perturbatur, & per consensum cerebrum ac cor affliguntur, adeo, ut aliquando lipothymia aut epilepsia suboriantur. In specie si bilis exsuperet, regurgitat illa inedia ad ventriculum, atque ita καρδιαλγία oritur, & fumi ad cor & cerebrum transmittuntur. Si pituita abundat, accedunt cibi fastidia, nausea, ructus, vomitus, animi deliquia & totius corporis grauitas. Si melancholia exsuperet, excitatur oris aciditas, vigiliae, moror & similia. Non minus noxium est, si cibus ingeratur priore non concocto, nec ventriculo vacuo. Cruditates enim obstructions atque alia mala parit. In primis verò varietas ciborum morborum omnium, qui à cruditate dependent, materia est, atque bonae valetudinis hostis infensissimus. Qualitas verò ciborum & ipsa saepe corpori noxia est. Et si enim alimenti, quatenus alimentum est, sit, in substantiam corporis nostri conuerti, non verò corpus nostrum mutare aut afficere; tamen cibi quidam sunt, qui etiam qualitates quasdam, quibus corpus nostrum alterant, coniunctas habent, & ob id cibi medicamentosi nominantur; qui propterea, dum à natura nostra coquuntur, in similis qualitatis humores, calidi in calidos, frigidi in frigidos, humidi in humidos, sicci in siccos mutantur, & in corpore sano similem intemperiem introducere, in agro dissimilem inducere, & contrariam mutare possunt, si scilicet in contrario morbo adhibeantur, sicut simile in simili augent. Neque solum qualitatibus primis, sed & aliis cibi inter se differunt, atque alij tenue, alij crassum, alij multum, alij paucum; alij bonum, alij malum alimentum suppediant. Verum cum ad tuendam sanitatem pertineat, causas morificas, dum nondum morbum efficiunt, praecauere, diætāque moderari; libro quarto non solum de alimentorum facultatibus, sed & reliquarum rerum non naturalium viribus plura dicuntur. Tales autem cibi, ut Galen. 1. de diff. febr. c. 2. docet, vel à natura tales sunt, ut allium, cepae, porri, brassica, ocymum, vrtica; vel naturā quidem optimi sunt, sed ob quosdam putrefactionis modos aequale praedictis, aut maius aliquando, vitium attraxerunt, veluti frumenta, hordea, atque omnes aliae fruges, quae ad vsum cibi assumuntur; quarum nonnullae temporis longitudine ad putrescibilem ducuntur dispositionem; aliae, quoniam male repositae sunt, seu replentur; quaedam verò & in primo ortu rubigine deprauantur. Tales cibos saepe, urgente fame, multi comedunt, unde nonnulli putridis & pestilentibus febribus intereunt; nonnulli pustulas, instar scabiei ac leprae, in corpore contrahunt. Et in primis hoc accidit, cum post huiusmodi cibos assumptos feculenta vel lutulenta, atque ex lacunis vel piscinis, siue paludibus, siue alio quouis modo corrupta aqua superbibitur; id quod saepe in castris in aquae bonae defectu fieri solet. Verum de his Galen. in libro de aliment. facult. & libro de cibis boni & mali succi. Tertiò somnus & vigiliae moderatae sanitatem seruant, immoderatae verò eandem destruunt, seu, ut Hippoc. 2. aph. 3. scribit, somnus & vigiliae, si modum excesserint, malum. Nam si somnus sit nimius, naturales euacuationes atque excrementa detinet, crudos & pituitosos humores cumulat, calorem corporis hebetiorem reddit, spiritus, praesertim animales, ob pituitae coacervationem obscurat, & quasi torpidos reddit, unde actiones omnes segniore fieri necesse est, corpus totum sit languidum & ignauum, & pallore suffunditur, atque adeo somnus nimius morborum frigidorum & diuturnorum, in primis destillationum, non raro causa est. Nocet etiam somnus, si intempestiue ineatur, atque ut Hipp. 2. progn. 11. habet, Interdum vigilare, noctu verò dormire oportet; & ut Auicena. 3. primi, doct. 2. c. 9. scribit, In die dormire malum est. Generat enim morbos humidos, catarrhos, & cor-

rumpit calorem, grauat splenem, lassat nervos, efficit pigritiam, debilitat appetitum, & generat apostemata ac febres. Et quidem ob eam causam, quod non sufficit tempus, in quo dormitur ad perfectam coctionem, sed interruptitur, & natura stupida & quasi perterrita reduitur, dum retrahitur ab eo, in quo erat occupata. Vnde, ut Paulus Aegineta, l. 1. c. 97. scribit, interrupta ante tempus coctione ex somno meridiano surgentes saepe ructum acidum habent, saepe etiam flatibus implentur, quidam etiam fluctuationes habent. Si tamen lassitudo à labore adsit, aut praecesserit nox insomnis, de die quoque dormire non adeo incommodum est: sicut nec iis somnus meridianus nocet, qui illi assueri sunt. Ex longo enim tempore consueta, etsi deteriora fuerint, inconsuetis minus molestare solent, ut testatur Hippoc. 2. aph. 50. Vigiliae nimiae contra spiritus dissoluant, corporis vires labefactant, coctionem impediunt, cruditates pariunt, vniuersum corpus, atque in primis cerebrum exsiccant, bilem accendunt & acuunt. Nam cum natura circa sensus & exteriora corporis occupatur, euocat & distribuit multum spirituum & caloris ad exteriora; unde necessum est interiora refrigerari & exsiccari, ac humiditatem, quae in instrumentis sensuum est, operis diuturnitate & magnitudine consumi. Atque in primis in cerebro, ut quod in vigiliis maxime laborat, non solum sensus & motus instrumentis spiritus suppeditando, sed etiam intentione animi atque cogitatione adeo, ut tandem spiritibus exhaustis, & cerebro exsiccato mentis alienationem inducere possint. Atque ita vigiliae nimiae per se fieri possunt causa morborum calidorum & siccorum, ut febrium acutarum, dum humores acres & adustos, si adsint, accendunt, vel praeparant. Per accidens verò vigiliae sunt causa morborum frigidorum; quia calorem natium debilitant ac dissipant, humidumque radicale absumunt.

Quarto eadem ferè ratio est Motus & Quietis. Otium enim & quies nimia corpus excrementis, quae non discutiuntur, implent, pituitam augent, calorem natium obtundunt, ciborumque coctionem & distributionem infeliciorem efficiunt, corpus segne atque inualidum reddunt. Contra motus nimius, & qui modum excedit, spiritus & solidarum partium substantiam exhaurit ac dissipat, & per consequens totum corpus refrigerat, coctionem impedit, venas & vasa saepe rumpit, unde vomitiones, expuitiones, & mictiones cruentae. Motu etiam nimio sanguis cum impetu extra venas fertur, & in partibus exterioribus inflammationes excitat, quales plerumque in membrana costas succingente accidunt, unde pleuritis. Quod si sanguis non extra venas effundatur, sed in iis nimis agitur & incalescat, calidos à se fumos emittit, qui sursum feruntur in caput, & membranas ac vasa distendunt, atque dolores capitis efficiunt, vel etiam uiridis intra venas agitatus sanguis febres putridas excitat. Atque in primis multa mala oriuntur ex nimio motu, si humoribus vitiosis corpus refertum sit. Nam humores prauis, qui antea sopiti quasi quiescebant, motu agitati per vniuersum corpus feruntur, replent cerebrum fuliginem & halituum copia, aut ad aliquam partem imbecilliore, quae eos repellere nequit, delati, incipiunt in ea putrescere; unde tumores & vlcera excitantur. Si verò ad interiora regurgitant, profluua alui, vomitionesque excitant, aut intra venas haerentes concepta putredine febres accendunt, aliosque morbos plurimos generant. Quam ob causam corpora vitiosis humoribus repleta non sunt temere & nimium exercenda. Valde etiam nocet motus nimius mox post cibum, & coctione nondum absoluta. Nam si motu nimio à cibo corpus mox agitur, crudi humores in viscera & habitum corporis deducuntur; cum cibus distribuatur, antequam sit coctus. Non minor vis est in morbis gi-

Vigiliae

Motus
quies.

Somnus.

Animi
aus.

gnendis animi motuum & affectuum; inprimis ira, gaudium, timor, mœstitia, si modum excedant, magnas in corpore mutationes efficiunt. In Ira enim spiritus & sanguis in corde quasi effervescent, & cum impetu ab interioribus ad exteriora mouetur. Vnde ira, spiritus atque humores turbare atque agitare, & accendere, corpus vniuersum calefacere, febresque generare potest. Patiuntur etiam irari tremores artuum, cordis palpitationes, conuulsiones quandoque, & mulieres interdum abortiunt. Nemo tamen ex ira mortem proximè obiit, utpote in qua nec calor exstinguitur, nec suffocatur, sed liberè saltem atque cum impetu per vniuersum corpus fertur. Nam quod ex ira nonnulli mortui dicuntur, id intermediis aliis affectibus, nimirum apoplexia vel epilepsia, ex agitatione humorum excitatis, factum est. Gaudium verò etsi, si moderatum sit, totum corpus, atque inprimis cor & spiritus vitales recreat: tamen si nimium sit, spiritus per id adeo dissipari & cor deserere possunt, ut obseruatum sit, quosdam ex profuso gaudio repentina morte extinctos fuisse. Timor & paor etiam insignes in corpore mutationes efficiunt. Nam in iis calor omnis & spiritus ac sanguis exteriora deserunt, atque ad cor subito reuocantur, vnde vires resoluuntur; & pulsus sit paruus cum extremorum refrigeratione; testanturque historiae, quosdam metu mortis & pœnarum vnica nocte canos factos fuisse, quas collegit Schenckius, *lib. 1. obseru. 1.* Imò in nimio metu & pauore, suffocato calore, quosdam mortuos esse, quoque obseruatum est: sicut & illud, quosdam ob terrorem & metum conuulsione correptos, & extinctos fuisse; ut apud Platerum, *lib. 1. obseru.* videre est. Mœstitia tandem tam subitas quidem mutationes in corpore, ut timor & paor, non efficit: tamen sensim & paulatim id plurimum immutat. Spiritus enim dissoluit, corpus refrigerat & siccat, concoctionem vitiat, vigilias inducit, & morbos melancholicos generat. Tandem Excreta & Retenta morbos inducere possunt. Nam cum ad corpus nostrum alendum atque instaurandum alimento opus sit, atque in ipsa alimentorum coctione necessariò aliquid excrementorum generetur: si ipsa, quæ corpus nutrire debent, alimenta in corpore retineantur, excrementa verò iusto tempore & quantitate excernantur: sanitas sese rectè habet. Verum si vitiles humores intempestiuè atque immoderatè euacuentur, vires debiliuntur, & corpus consumitur; aut si excrementa, quæ euacuari debent, retineantur, morbi illis cognati excitantur. Si quæ aliæ de Excretis & Retentis dici posse videntur, ea iam ex causis morborum internis patebunt. Hoc saltem adhuc considerandum est, quæ requirantur, ut hæ res causæ morborum euadant. Non enim, quæ assumuntur, quæ geruntur, quæ excernuntur & retinentur, quæque foris adhibentur, semper morbos excitant: sed requiruntur quædam, quæ vbi accedunt, tum demum morbos generare valent. Quæ autem illa sint, docet Galenus, *de caus. morb. c. 2.* nimirum tempus, magnitudo, vicinitas & corporis præparatio. Et rectè. Nam ut in omni actione, ita etiam in actione causarum morbificarum, præter agentis vim, requiritur tempus, quantitas, vicinitas, seu approximatio, ut loquuntur, agentis ad patiens, & patientis ad actionem recipiendam habilitas. Primò enim cum motus nullus fiat in instanti, tempus est necessarium & sufficiens mora in agendo. Itaque ille solùm, qui sat diu in aère calidiore vel frigidior moratur, afficitur; qui verò breuissimo in eo versatur tempore, vix aliquid damni percipit. Secundò requiritur quædam agentis & patientis proportio. Neque enim vna vel altera gutta potus calidioris vel frigidioris intemperiem calidam vel frigidam in ventriculo excitabit, sed iusta eius quantitas. Terriò cum omnis actio fiat per contactum, necesse est, ut causæ

morbifica corpori proxima fiat. Quartò denique necessaria est corporis aptitudo & dispositio ad patiendum: cum quodlibet non agat in quodlibet, sed in dispositum. Variæ autem sunt corporum partiumque corporis dispositiones; ideòque pro varia earum natura alia facilius, alia difficilius ab iisdem causis afficiuntur.

CAPUT III.

De causis Morborum Internis, & de Plethora ac Cacoehymia in genere.

Res autem internæ, quæ causæ morborum sunt, vel secundum naturæ legem sunt in corpore nostro, vel præter naturam in eodem inueniuntur. In priorum genere sunt tria illa ex Hippocratis diuisione, *ἰχοντα ἰχόρμα καὶ ὀρμήματα*, continentia, contenta, & impetum facientia, seu, ut alij appellant, *σπερμα, ὕγρὰ, καὶ πνευματώδη*, solida, humida & spirituosæ. Nam etiam partes corporis viuentes, quæ Hippocrates per continentia intelligit, & spiritus, quos *ὀρμήματα* vocat, causæ morborum fieri possunt, si aliqua intemperie laborent, eamque partibus vicinis communicent. Contenta sunt humores naturales, qui & ipsi, ut dicitur, si modum excedant, causæ morborum fieri possunt. Præter naturam autem reperiuntur in corpore & causæ morborum sunt humores præternaturales dicti, calculi, arenulæ, vermes, & omnia, quæ intus generantur. Quo etiam nonnulli neque sine causâ referunt globos, sagittas, & similia. Etsi enim aliàs hæc in rerum externarum numero sint: tamen, cum in corpore reperiuntur, inter causas internas referendas censent. Imò ut infra etiam, *lib. 5. part. 2. sect. 1. cap. 5.* dicitur, aër, cibus, potus & omnia, quæ extra corpori adueniunt, ei tamen ita se insinuant, ut interna quasi facta sint, ac intus morbum faciant vel foueant, inter causas internas numeranda videntur; cum ut reliquæ causæ internæ corpori noceant & sui amotionem indicent. Res verò hæc omnes actu morborum causæ sunt, quatenus vel toto genere sunt præter naturam, ut nulla artis vel naturæ diligentia naturæ vitales reddi possint, ut sunt omnia putrida, vermes, calculi & similia: item illa, quæ tota substantia & occultis qualitatibus nobis aduersa dicuntur: vel peccant qualitatibus notis, primis vel secundis: vel quantitate: vel motu, dum is scilicet vel nimius est, vel diminutus, vel abolitus, atque id, quod moueri debebat, vel minus, quàm per est, & diminutè, vel supra modum debitum, vel omnino non mouetur: vel loco, dum aliquid ea de causâ lædit, quod eo in loco est, in quo esse non debebat. Verum ut hæc specialius & clariùs explicemus, primò & præcipuè de humoribus agemus, & eorum vitia perpendemus. Et quidem primò de humoribus doctrinam hæcenus in Scholis Medicorum vsitatam, quam commodissimè fieri poterit, proponemus: Deinde Chymicorum & Recentiorum opiniones, & quid de iis monendum sit, subiungemus. Omne autem humorum vitium in *πυκνότητι καὶ καλοχυμίας* diuiditur. Sunt enim omnes humores vel corpori alendo vitiles & apti, vel ad alendum inepti. Priores, quos nonnulli succos propriè appellant, sunt illi humores naturales, qui in venis continentur, sanguineamque massam constituunt. Qui etsi nonnihil differant: omnes tamen sanguinis formam obtinent. Et quamuis nomine excrementorum, propter similitudinem, & quod faciliè in ea degenerare possint, partes illæ sanguinis, quæ à mediocritate nonnihil declinant, appellantur, & præter partem maximè temperatam, quæ in specie sanguis nominatur, etiam adesse dicitur in massa sanguinis bilis, pituita, melancholia: tamen excrementa propriè non sunt,

Modi causarum morbificarum.

sunt, sed humores alendo corpori idonei, potiusque sanguis biliosus, pituitosus, melancholicus, quam bilis, pituita & melancholia appellandi sunt, ut *lib. 1. cap. 9.* dictum. Reliqui humores in corpore omnes sunt excrementitij: quorum tamen alij lege naturæ necessario generantur, planèque inutiles non sunt, quales sunt excrementa naturalia; alij præter naturæ institutum producantur, & à naturali constitutione degenerant; quales sunt humores præternaturales. Cum itaque sanguis seu humores alendo corpori viles supra mediocritatem abundant, plenitudo, *πληθώρα* & *κακοχυμία* appellatur. Fit autem hoc, si vel omnes illi humores, qui sanguinis massam constituunt, *ἰσοτίμως*, id est, æqualiter, aut potius, si ita loqui licet, proportionaliter, hoc est, ea æquitate & proportionem, quæ illis naturaliter debetur, augentur: vel si solus sanguis, id est, melior & temperatior illius massæ sanguineæ pars, quæ in specie sanguis appellatur, abundat: vel si vnus aut duo ex reliquis succis augentur, ita tamen, ut purior & temperatior illa sanguineæ massæ pars simul incrementum sumat. Plenitudo hæc duplex esse vulgò censetur; vna *πρὸς αἷμα*, quo ad vasa; cum sanguis nimirum ita augetur, ut vasa, quibus continetur, mole sua distendat: altera *πρὸς δυνάμιν*, quo ad vires; quando videlicet plus est sanguinis, quam natura & vires ferre, gubernare & conficere possunt. Sæpe enim fit, ut etiam mediocri sanguinis copia viribus grauis & molesta sit. His addit Horatius Augenius ex vtraque hac mistam, cum nimirum tanta est sanguinis copia, ut & vasa repleat ac distendat, & viribus grauis sit. Est autem sanguis ille, qui vasa distendit, ferè integer & bonus, & saltem, quantitate peccat: qui verò facultatem onerat, etsi nondum ita vitiosus sit, ut cacochymiam pariat, non tamen planè integer est, nactusque est hominem imbecillum & temperiem partium solidarum perfectam non habentem. Vnde sanguis ipsi oneri est, ac facile putrescit, & morbos excitat, qui ex intemperie fieri consueverunt. Si verò humores alij, præter sanguinem, qui scilicet corpori alendo idonei non sunt, abundant, *κακοχυμία* appellatur. Hic tamen cum id propriè abundare dicatur, quod quidem adesse debebat, sed non tanta copia: per abundantiam & copiam non solum eius, quod naturaliter adesse debebat, nimia quantitas intelligenda; verum etiam prauitas & qualitas humorum accipienda: vnde auctores prauitate & qualitate humorum *κακοχυμίας* definiunt; qualitatem pro idea & forma humoris sumentes. Nam tunc dicitur adesse cacochymia, cum vel humores excrementitij naturales copia peccant, vel etiam in quacunque copia adsunt humores excrementitij præternaturales, & dum hi seu illi putrescunt, ac peregrinam naturam induunt. Ideoque tales humores etiam in minima quantitate præter naturam sunt: & cum in nulla, etiam minima copia, debeant adesse in corpore, copia etiam cacochymiam non efficiunt, sed sola illorum substantia & qualitas ad cacochymiam constituendam sufficit. Etsi interim an copiosiores, an pauciores sint, considerare non sit inutile. Ex quibus etiam patet, sedem plethoræ esse in venis solum, aut in his ac carnosio genere. Cacochymiam autem non solum in venis, sed etiam extra eas, vel in toto corpore, vel in parte aliqua corporis, præcipuè visceribus, consistere posse. Miscetur autem non raro plethora & cacochymia; vnde & plethora & cacochymia in puram, & non puram seu notham diuiditur. Plethora pura est, in qua tantum bonorum, non verò malorum humorum est abundantia; Cacochymia contra pura est, cum prauis humores adsunt, bonorum verò succorum nulla est abundantia. Cum verò & boni succi abundant, & prauis humores adsunt, plethora vel cacochymia notha appellatur, prout maior vel minor sanguinis aut malorum hu-

morum est abundantia, denominatione semper ab eo sumpta, cuius maior est excessus. Ut autem de plethora & cacochymia in specie aliquid dicamus, ad plethoram & sanguinis abundantiam generandam plures causæ faciunt; quædam materiam suppeditant, quædam efficientes sunt, quædam sanguinem genitum quasi detinent & cumulant. Materiam suppeditat victus plenior; præcipuè si alimenta boni succi, & multi nutrimenti ac boni succi copiosius assumantur: qualia sunt panis bonus & fermentatus, in primis triticeus, oua recentia mollia, carnes gallinarum & pullorum gallinaceorum, perdicum, phasianorum, turdorum, vitulina, hædina, animalium iuniorum castratorum, lac ab animalibus boni succi petatum, vinum dulce. Ad causas efficientes pertinet constitutio corporis, atque in primis hepatis & cordis, calida & humida, ætas adolescentium iuuenilis, anni tempus vernum, & quævis aëris constitutio temperata. Sanguinem genitum cumulant & detinent, ac parum eius absumunt & digerunt, otium, somnus immoderatus, vita sine curis & exercitatione & cum lætitiis, suppressæ consuetæ sanguinis euacuationes ex venis narium, vteri. Multus quoque sanguis colligitur, quamuis non nimis multus generetur, vel quod membrum aliquod abscissum fuerit, & maneat in corpore pars sanguinis, à qua illud ali solebat; vel quod tempestas nimis humida sit, & non sinat sanguinem digeri. Cacochymia verò pro varietate humorum vitiosorum est multiplex. Interdum enim pituita, interdum bilis flaua, interdum melancholia atque atrabilis, interdum serosi humores abundant: quorum humorum rursus multæ sunt differentiæ.

CAPVT IV,

De Pituita.

Primò varia sunt pituitæ genera, diuiduntque vulgò pituitam in naturalem & præternaturalem. Naturalem statuunt esse succum frigidum & humidum, seu sanguinem minus perfectè coctum, saporis penè expertem, aut potius dulcem. Vnde à nonnullis duæ species pituitæ naturalis constituuntur, nimirum dulcis & insipida. Galenus tamen, *2. de natur. facult. ult.* omnem naturalem pituitam dulcem esse statuit, id est, alieni saporis expertem. Cum enim chylus heterogeneas partes habeat, illud, quod est in eo frigidius, humidius ac crudius, initium primò ac rudimentum sanguinis suscipit, & ita quidem elaboratur, ut partibus frigidioribus & humidioribus alimentum præbere queat; respectu verò sanguinis optimi crudius adhuc & minus perfectè coctum est: tandem verò maiore caloris actione perfectiorem sanguinis naturam adipisci potest. Atque ita cruditas, quam hic humor habere dicitur, saltem respectu secundæ coctionis accipienda est, non respectu eius, quæ sit in ventriculo; cum, si hac destitueretur, ne succus quidem omnino esset, ut Galenus docet *2. de facult. nat. e. ult.* vel certè humor crudus nominandus esset. Verum enimverò hæc pituitæ species ad eos humores, qui excrementitij sunt, & cacochymiam, de qua hic agimus, constituunt, commodè non refertur; cum partium alimentum esse possit, & nullius coctionis excrementum sit: & propterea rectius sanguis pituitosus, quam pituita nominatur, & ad sanguinem, utpote cuius massæ pars est, referendus est. Ideoque hoc humore seposito, de pituitæ, alendo corpori ineptæ, differentiis agamus. Sunt autem omnes pituitæ species, præter illam, de qua modò dictum, præternaturales, neque vlla naturalis. Atque ideo, ut Galen, *alleg. loco*, scribit, Natura nullum instrumentum condidit, quod pituitam expurger. Nam pituita naturalis, seu sanguis potius pituitosus, de quo modò dictum

Plenitudo
duplex.
Ad vasa.
Ad vires.

Cacochymia.

Sedes Plethoræ.
Cacochymia
sedes.

Plethora &
Cacochymia
pura & Notha.

Plethora
causæ

Pituita
naturalis

Pituita
separata

dictum, non vacuari, sed in corpore manens alterari desiderat. Reliquæ verò pituitæ species omnes, cum sint planè præternaturales, nullum peculiare instrumentum, per quod euacuentur, obtinent, sed per communes vias, aliis excrementis destinatas. euacuantur, ut alij humores præternaturales. Quamvis enim illud excrementum, quod per nares excernitur, aut à capite in os defluit, nonnulli etiam pituitam nominant: tamen Galen. loco alleg. istud excrementum non rectè pituitam, sed, sicut & nominari solet, βλένναν, seu κόρυζαν, & mucum appellari scribit; utpote priuatum cerebri excrementum: nisi forsitan pituitosi humores in corpore cumulari per hanc partem euacuentur. Pituita porro præternaturalis species alijaliter recensent, differentias à modo substantiæ, sapore, aliisque qualitatibus desumentes. Plerique tamen eius species tres enumerant, nimirum pituitam acidam saltam; & vitream: quibus non incommode addi potest insipida. Licet enim tantum pituitoso humori naturali nomen insipidæ pituitæ nonnulli tribuant: tamen & præternaturalis pituitæ quædam species non incommode, respectu acidæ & salis, insipida nominari potest. Soller autem hæc pituita peculiariter & καὶ ἐξ ὅλης crudus humor appellari. Et si enim cruditas tam calidis, quam frigidis humoribus attribui, & quælibet coctio suam cruditatem habere possit: tamen in specie & per excellentiam, ut est apud Galenum, 4. de iuend. san. cap. 4. Medici appellare solent humorem crudum, qui, ob coctionis defectum, non est assecutus perfectionem in ventriculo, quam assequi debebat, & propterea nullibi in corpore humano in substantiam alendo corpori utilem mutari potest, sed crudus permanens leui occasione morbos excitat. Talis humor si abundat, corpus colorem plumbeum, aut colorem ex albo liuidoque mistum, vel liuorem solum sine albo habere solet, ut scribit Galenus, allegato modo loco. Talem quoque humorem aliquando in vrinis subidere docuit Galenus, puri similem, verum neque graueolentem, ut pus, neque lentum. In eorum nimirum vrinis, qui ex crudorum humorum copia febricitant; & inter sanos frequenter in puerorum vrinis ob ἀσυνέτην, aut corum, qui multum cibi, præcipue cocti difficilis, ingerunt. Vnde Galen. lib. 1. de alim. fac. c. 2. Si quis nostrum, inquit, panibus istis vtatur, quibus athletæ vtuntur, succus ex iis cumulatibit crassus, ac frigidus, qualem propriè crudum succum nominare consueuimus. Secundo loco est pituita acida, à sapore, quem exspuentibus exhibet, dicta, quæ etiam cruda est, & ob defectum caloris genita. Nam licet aliquam alterationem passa sit in ventriculo: tamen calor in operatione defecit, ideoque postea in venis vix ullam alterationem amplius suscipit. Et quidem harum pituitæ specierum eadem ferè causæ esse videntur, quæ ut maiorem, vel minorem frigiditatem cruditatemque inducendi vim habent, ita nunc hanc, nunc illam pituitæ speciem generant. Tales sunt, cibi frigidi & humidi, crassi & lenti, concoctique difficiles, & multo humore crudo abundantes, cibibus item plenior & liberalior, porusque largior, ac intempestiuè, priore nondum concocto, assumptus: corporis constitutio frigidior in senibus, fœminis, vel iis, qui ventriculum, atque hepar vel naturâ, vel ex usu causarum refrigerantium frigidiores habent, siue illud frigus cum humiditate, siue cum siccitate coniungatur; cum utroque modo coctio non rectè perficiatur: æris constitutio frigida & humida: otium, somnus nimius, suppressa pituitæ euacuatio. De salis verò pituitæ generatione authores dissentiunt. Galen. 2. de diff. feb. c. 6. duas causas pituitæ salis statuit: putredinem, aut salis serosæ humiditatis admistionem. Auicennas, prima 1. doct. 4. cap. 1. ex humoribus adustis & amaris pituitam saltam fieri putat. Ita enim scribit: *Omnis verò salisuginis causa est, ut aquosa humiditati pau-*

Dan. Sennerti Tom. I.

ei saporis, aut saporis experti, terræ partes adusta: sicca, saporisque amari aequali temperamento misceantur. Si enim multa fuerint, amarus sapor prouenit. Et hoc modo pituitam saltam fieri ex eo probat, quod ex re vsta cinis fit, ex cinere verò falsedo, ut in salibus, qui ex plantis & aliis rebus conficiuntur. Galeni verò sententiam improbat. Et si enim ex putredine falsedinem fieri posse concedat, quod humores adurit, & in cinerem quasi redigit: aquositatem tamen solam, nisi alia accesserit causa, falsedinem efficere posse negat. Itaque in allegato Galeni loco pro disiunctiua, Aut, coniunctiuam, Et, ponendam censet; cum humor aquosus seorsim, & putredo seorsim falsedinem producere non possint, sed tum demum falsedo gignatur, cum id, quod putredine adustum & in cinerem quasi redactum est, aquosa humiditate diluitur. Contra sunt alij, qui Auicennam reprehendunt, & præter rationem, atque experientiam ab eo statui existimant, quod amarum cum humido mistum falsedinem efficiat. Neque enim ex amaro salsum, sed potius amarum fit. Nam si vel minimam fellis vel aloës partem multæ aquæ admisceas, amara, non salta reddetur: quod multo magis fiet, si æqualis portio rei amaræ humido misceatur. Verum enimvero si, seposito partium studio, rem ipsam intueamur, authores hi non adeo discrepare, sed diuersis verbis ferè idem docere videntur. Nam cum salsum id sit, quod salis naturam refert, eiusque misturæ, quæ sal efficit, est particeps; & pro ut magis, vel minus de ea participat, ita magis, vel minus salsum dicatur: patet hinc omnes falsuginis causas rectè ad vnâ ab Auicenna redactas esse. Quæ qualis sit, videndum. Rectissime verò causam illam explicuisse videtur Galenus, dum dicit, ex salis serosæ humiditatis admistione fieri pituitam saltam. Quid autem sit illa serosa humiditas, lib. 1. cap. 9. dictum est, & maxime ex vrina eius causa cognoscitur, in qua mistura salis satis deprehenditur. Non verò rectè Auicennas mentem Galeni recenset, dum pro serositate aquositatem substituit, & contra Galenum pugnat, quasi statuentem, ex sola aquositate admista saltam pituitam fieri. Neque enim ex cuiusque aquositatis admistione pituitam saltam fieri statuit Galenus, sed ex serosæ salis humiditatis admistione. Quam ipsam forsitan & Auicennas intellexit, aut certè intelligere debuit, dum omnis falsuginis causam esse scribit, terreas partes adustas, siccas, saporisque amari, humiditati insipidæ permistas. Nam amarum quodlibet non potest intelligere. Neque enim ex amaro propriè ita dicto, qualis aloë & similia vnquâ, quocunque etiam modo aqueæ humiditati permisceatur, salis sapor generabitur: sed amarum salsum intelligendum est, quale in lixiuiis ex cineribus factis apparet, ex quibus sales conficiuntur: quo exemplo ipse Auicennas usus est, & hoc modo satis declarauit, quale amarum intelligat; non quodlibet scilicet, sed tale, quod in se salem, seu, ut ipse loquitur, tale, quod simul etiam partes terreas adustas complexionis siccae in se contineat. Cum verò talis serosa humiditas per se necessariò non sit putrida; interdum tamen à putredine falsa excrementa producantur: Galenus etiam putredinis mentionem facere voluit; quæ tamen si rem accuratè perpendamus, ad primum illum modum reducenda est, quod & Auicennas fecit. Neque enim ex quauis putredine pituitam saltam generari manifestum est, sed cum caloris in putredine in agendo ea est conditio, materiæque, quæ putrescit, ea natura, ut siccum terreum adustum, aut si propriè loqui velimus, salsum producat, humidumque permisceatur. Ex quibus facile quoque patet, quæ sit pituitæ salis temperies, nimirum calida; ob salis partium, quæ omniū consensu calidæ sunt, admistionem. Licet enim Galen. modo pituitam saltam calidam, ut 3. aph. 12. modo omnem pituitam frigidam esse dicat, ut 2. de diff. feb. c. 6. 7. de nar. fac.

Salsedinis causa.

Amarum non est causa salsedinis.

Pituita salta temperes.

fac. c. 9. proculdubio tamen ad diuersa respexit. Nam in pituita falsa duo sunt, ipsa pituita, quæ per se; si fuerit insipida, est frigida; deinde falsum illud & ferofum excrementum, quod est calidum. Propt igitur maior, vel minor falsedinis pars admista est, & propt maius vel minus pituitosus humor, aut falsa serofitas abundat: ita etiam magis vel minus de caliditate participat pituita falsa, & vel frigida vel calida dici poterit. Respectu tamen ad reliquas pituitæ species omnis pituita falsa aliquid caliditatis in se continet; et si humore frigido nunc magis, nunc minus diluta sit. De pituitæ falsæ generatione & causis, pluribus agit Fr. Valleriola, *enarrat. med. lib. 1. c. 7.* Tandem est pituita vitrea, ita à Praxagora appellata, quod vitro fuso colore & substantia sit similis. Hæc natura temperamentoque est valde frigida, viscida & crassa, sæuissimosque dolores, ac cruciatus excitans, si alicubi detineatur: id quod Galenus ipse expertus est, qui cum, ut refert, *2. d. loco, affect. c. 5.* dolorem pateretur vehementissimum, ut videretur in infimo ventre terebra perforari, putaretque in altero vterum lapidem impactum, iniectione oleo rutaceo, excreuit humorem hunc vitreum appellatum, frigidissimum, euacuatoque humore dolor cessauit.

Pituita vitrea.

CAPUT V.

De Bile.

Secundò Bilem quod attinet, vulgò illam triplicem constituunt; alimentosam, naturalem, & præternaturalem. Verum, quam alimentosam appellant, ea ad hunc locum non pertinet. Massæ enim sanguineæ pars quarta est calidior & siccior, ex tenuiore & calidior chylis parte genita, atque alendis partibus calidioribus apta. Quæ, quod bilem quodammodo referat, bilis vulgò nominatur: cum potius sanguis biliosus quam bilis appellanda sit. Neque enim ij rectè sentiunt, qui hunc sanguinem biliosum eiusdem materiæ cum ea bile, quæ in vesicula fellis colligitur, statuunt. Sicut hac de re docet Valleriola, *locor. comm. lib. 1. c. 11.* atque alij etiam, dum scribunt, huius bilis portionem multam vnâ cum sanguine vasa permeare ad membra biliosa nutrienda, sanguinemque attenuandum: Reliquum verò ad vesicam felleam, seu superfluum & noxium futurum, nisi à sanguine secernatur, à natura transferri. Nam non ideo bilis flaua à sanguine secernitur, quod saltem copia superflua futura erat, sed quod tota substantia differat à sanguine, atque adeò etiam hac eius calidior & siccior parte, & planè alendo corpori inutilis sit. Licet enim pars illa sanguinis calidior bilem quodammodo referat, & ob nimium calorem in bilem facile degenerare possit: tamen excrementum non est, sed sanguineæ massæ, quæ ex humoribus excrementitiis non constat, pars, formamque sanguinis habet, & proinde corpori utilis est. Bilis verò flaua sanguinis formam non accipit, sed facultatem acrem, mordacem, & omnia abradentem habet, ut Galenus, *5. de usu partium, cap. 4.* docet: Et proinde alimentum corporis, esse non potest, verum tota excrementitia est; licet excrementum naturale sit. Bilis enim, quæ alendo corpori apta non est, duplex est, vna naturalis, præternaturalis altera. Naturalis est, quæ lege naturæ generatur, & flaua appellatur, atque etiam intelligitur cum absolute bilis nominatur, ut Galenus, *de tumorib. c. 5. 3. de alim. facult. cap. 39. & 6. Epid. com. 5. t. 13. docet.* Est autem bilis flaua excrementum secundæ coctionis; generaturque in hepate, seu potius per ipsius coctionem à sanguine, ut excrementum ad alendum inutile, secernitur, & in vesiculam fellis colligitur, atque in ea naturæ suæ quasi vltimam perfectionem adipiscitur; eodem modo, quo feces in intestinis. Generatur verò, ut Gal.

Bilis flaua non est pars massa sanguinea.

Bilis naturalis.

Bilis flaua.

Bilis flaua generatio.

2. de nat. facult. cap. 9. docet, ex eo, quod assum quasi vltimumque in nutrimento est, quale est, quod est calidissimum, ac dulcissimum, ut mel & adeps; inprimis accedente hepatis temperie calidior. Hæc eadem bilis etiâ pallida interdum & rubra nominatur. Quamuis enim vna tantum sit bilis excrementitiæ naturalis species, quæ in genere flaua, & absolute, ut diximus, sæpe bilis appellatur: tamen respectu corporum diuersorum aliqua est eius differentia. Cum enim corpora sana alia sint exactè sana, aut certè ad illam optimam constitutionem propius accedant, alia ab illa optima temperie vltro citroque nonnihil deflectant: corporibus frigidioribus bilis pallida est naturalis; quæ rufa seu subrufa est, mediam temperiem habentibus: sicut flaua siccioribus & calidioribus naturis naturalis est. Bilis deinde præternaturalis est, quæ non secundum naturæ legem in corpore nostro generatur, sed quodcumque reperitur præter naturam genita est. Sunt verò eius variæ species, variisque in locis generantur. A plerisque quatuor eius species numerantur, vitellina, porracea, æruginosa & *ισατόδης*, seu Isatidis herbæ colorem referens. Vitellina flaua est calidior & crassior, ut docet Galenus, *2. de nat. facult. cap. 9.* vbi de bile flaua ita scribit: *Est autem hoc tenue, humidumque, ac fluidum; non quale cum ad vltimum est excoctum, flauum, igneum, & crassum, vitellis ouorum simile.* Generatur enim ex flaua bile exusta. Nam ferofa humiditate vi caloris absorpta, & crassior fit, & calorem intensiorem accipit. Vnde quoque interdum retorrida bilis nominatur. Est deinde & alia bilis vitellinæ species, minus propriè ita dicta, quæ fit ex alterius substantiæ cum bile flaua permissione, præcipuè pituitæ: quæ à priore & propriè dicta vitellina bile eo differt, quod neque tam calida, neque tam flaua, sed remissè pallida, ob pituitæ admistionem est, atque simul viscida. Secunda bilis præternaturalis species est Porracea dicta, quod porri foliorum viriditatem colore æmuletur; qualis sæpissimè in infantibus per aluum excernitur. Gignitur frequentissimè porracea bilis in ventriculo, ob cruditatem, atque inprimis ex alimentis ad talis bilis generationem aptis, interdum quidem ex oleribus, quæ natura planè vincere & mutare non potest, & præcipuè ex cibis calidis, & qui facile corrumpuntur; qualia sunt, allium, cepæ, lac in infantibus, quod etiam facile corruptioni obnoxium est. Itaque & ab hominibus cætera sanis talis bilis excerni potest, ut testatur Galenus, *3. de al. fac. cap. 39.* Alias, inquit, biles omnes, porracea excepta, cum corpus grauius ægrotat, excerni videmus. Flaua verò & pallida & porracea etiam sine morbis euacuantur sæpenumero, & deiciuntur. Gignitur tamen interdum in venis quoque ex vitellina à calore ingenti hepatis & venosi generis, & hinc in ventrem aut superiorem, aut inferiorem decumbit, ut Galenus, *2. progn. t. 39.* docet: estque calida, & valde mordax, æruginosæ proxima. Nam æruginosa gignitur, vbi calor est vehementior, & quidem, secundum plurimorum sententiam, in ventriculo ex corruptis alimentis; quod & Galenus docuit, *lib. de aira bile, cap. 2.* vbi bilem flauam & vitellinam in vasis generari statuit; in ventriculo autem porraceam & æruginosam. Verum alibi in hepate quoque & venis generari statuit. Nam, *5. de loc. aff. cap. 7.* in hepatis inflammationibus bilem vitellinam, quæ postea æruginis colorem aliquando refert, reici scribit. Et, *1. prorrh. com. 1. t. 10.* flauam bilem, cum supra modum assatur, primum quidem in æruginosum migrare succum dicit, deinde in nigrum tendere. Tandem est bilis *ισατόδης*, sic dicta, quod colorem Isatidis referat, eumque porracea intensiorem habeat: fitque ex æruginosa magis adhuc adusta, bilique atræ ob id proxima est. Ex quibus facile colligere est, quam bilis causa sint. Materiam suppeditant alimenta calida & sicca

Bilis præternaturalis.

Vitellina.

Porracea.

Æruginosa.

Isatidis.

Bilis causa.

ficca naturæ, tenuiorisquæ substantiæ; qualia sunt inprimis dulcia & pingua. Causa efficientis rationem habent, corporis constitutio calida, atque inprimis viscerum calida & sicca intemperies, ætas iuuenilis, constitutio aëris calida, vigiliæ, inedia, ira, corporisque exercitatio nimia: quæ causæ quod vehementiores sunt, eo bilem magis adurendi vim habent, & nunc hanc, nunc illam eius speciem producunt. Detinent in corpore bilem suppressa, atque impedita bilis à iecore, atque in vesicula fellis ad intestina euacuatio, vt & intermissa, quæ medicamentis fieri consueuerat, per vomitum, per aluum, aut sudores eiudem expurgatio.

CAPVT VI.

De Melancholia.

Tertio loco est humor melancholicus: cuius etiam vulgò tres species constituunt: Alimentarem, excrementitiâ, naturalem & præternaturalem. Verùm quod de bile & pituita dictum, id etiam de melancholia dicimus: nobis hic sermonem esse de humoribus excrementitiis, à quibus *μυχοχολία* ortum habet: & proinde melancholiam alimentarem, quæ massæ sanguineæ quarta pars est frigidior & siccior, alendo corpori utilis, & ob id potius sanguis melancholicus, quàm melancholia propriè dicitur, huc non pertinere; verùm saltem humores excrementitios, quorum huius generis duo sunt; vnus naturalis, alter præternaturalis. Naturalis melancholia est illud crassum feculentum excrementum, quod postquam ad eam, quæ in hepate fit mutationem suscipiendam ineptum, vt docet Gal. 2. de nat. fac. c. 5. in liene, secundum vulgaram doctrinam, colligitur: Generaturque, vt Gal. ibid. docet, ex eo, quod in sanguine crassum & terreum est. Quod quomodo accipiendū sit, supra lib. 1. c. 9. dictum, & dicitur de eo etiam postea, c. 8. Atque ideo cibi, qui multum terrei, & crassi succi in se continent, huic humori generando plurimam materiam suppeditant, vt sunt caro bubula, aprina, ceruina, leporina, caseus vetus, panis furfuraceus, brassica, legumina, pisces, & carnes animalium sale conditæ, & fumo induratæ. Reliquas causas, quæ humorem melancholicum generant, quod attinet, inter eas præcipuè est calor exsiccans, non tamen adeo vehemens, vt vrât. Nam hic efficit atram bilem. Hinc post caliditatem: & siccitatem plerumque morbi melancholici sequuntur. Frigus quoque & siccitas, quæ humorem tenuem absumendo sanguinem terreum & crassum reddunt. Vnde ad melancholiam generandam faciunt. Quod etiam facit sicca & frigida corporis constitutio, ætas ingrauescens, aëris constitutio sicca & frigida, qualis est autumnalis, præcipuè si præcesserit ætas calida & sicca, vigiliæ, curæ, timor, tristitia: sicut eandem cumulant impeditæ per vterum, aut hæmorrhoides, aut, ob obstructionem lienis, consuetæ Melancholiæ euacuationes. Qui verò præternaturam generatur humor ater, etsi sæpe eodem nomine, quo prior, appellatur: tamen vt Galenus, allegato loco, 2. de fac. nat. c. 9. scribit, plerique Medici antiqui id, quod naturaliter se habet, excrementum *μέλανα χυμόν*, & *μέλαινα χολή*. atrum succum, non atram bilem nominant; id verò solum, quod ex vitione quadam, aut putrescentia, in acidum degenerat, atram bilem nominare solent. Differt enim atra bilis multum à succo humoréve nigro: quod hic est frigidus & siccus, naturaliterque etiam in homine sano generatur: Illa verò calida & sicca, saporisque instar aceti acerrimi. Estque hic humor inter reliquos longè pessimus, vt qui animalis corpus rodit, carnem liquat & corrumpit, in terra, si super eam affundatur, velut fermentationem ebullitionemque excitat, & tam prauus est,

Dan. Sennerti Tom. I.

vt nullum animal eum degustet. Statuitur autem hæc atra bilis à plerisque triplex, omnisque ab immodico calore, atque vitione ortum habet. Vna, quæ ex sanguine adusto fit, habeturque pro mitissima. Secunda, quæ generatur ex succo melancholico; quæ à nigro humore naturali differt, sicut feces vstæ à non vstis. Tertia oritur à bile flaua seu vitellina magis adusta, quæ inter reliquas pessima est, & tantò peior, quantò bilis succo melancholico acrior, atque in ea inprimis omnes illi effectus, qui atræ bili attribuuntur, manifestius apparent, & plus, quàm cæteræ species, corpus erodit & corrumpit. Ex quibus, quæ atræ bilis causæ sint, facile videre est. Nam etsi materiam illi suppeditare possint omnia illa, quæ humorem melancholicum vel bilem etiam generant: tamen maximam partem generatio bilis atræ à nimio calore dependet, qui humores valde adurere solet.

CAPVT VII.

De seroso Humore, & Flatibus.

Præter hos tres humores, qui triplex Cacochymia genus constituunt, etiam apud Medicos frequens fit mentio serici, seu serosi humoris. De eius itaque natura vltimo loco aliquid addendum est. Galen. 6. epid. com. 2. 38. serum non peculiare humorum genus constituere, sed pro parte reliquorum humorum agnosce-re videtur. Ita enim scribit: *Quemadmodum in lacte serosa quadam humiditas est, veluti colamentum & circumfluens crassiorem eius partem eodem sanè modo in cruribus succis & humoribus seorsim quendam & tenuem liquorem reperire est.* Idem porro, 2. de fac. nat. cap. 9. docet, serici genera omnia, quæ in succis habentur, esse excrementa. Atque ideo plerorumque Medicorum ea est sententia, serum, vrinam & sudorem habere eandem materiam: & tantum differre, quod vrina mox per renes separatur, serum adhuc in venis remanet, sudor denique per poros cutis excernitur. Verùm Lud. Mercatus, tom. 1. lib. 1. p. 3. clas. 5. g. 94. hæc tria quidem ex vna eademque materia fieri concedit; natura tamen, substantia & vsu dissidere longissimis intervallis statuit. Vrinam enim esse excrementum, aqueâ scilicet illam substantiam, quæ potui & alimentis inest, atque ideo mox ab exortu venæ cauæ, vi emulgentium vasorum ac renum, à reliquis humoribus separatur, concedit: serum verò etiam si similitudinem quandam cum vrina habeat, alterius tamen substantiæ & conditionis, naturæ scilicet familiaris, esse, putat, & quæ vsu corpori præbere possit: distributioni nimirum sanguinis inseruiat, & sua substantia corporis partes humectet, humores refrigeret, ne feruore exæstuent, aut ariditate indurentur, tandemque ad carneas reliquasque partes perueniens humido rorido eas reficiat, & ita inter alios vsus vicem alimenti habeat. Atque hinc fieri existimat, vt serosa hæc substantia aded cum sanguine permixta sit, vt, etiam si sanguis emittatur, nihil eius percipi possit, nisi sanguis concresecat, atque concreione serosa hæc pars à crassiore secernatur. Sudorem verò solidarum partium excrementum esse statuit. Quæ sententia cum à communi opinione aliquo modo discrepare videatur, quid vtrique veritatis habeat, videndum. Primò autem sciendum, in genere interdum humores serosos dici omnes humores tenues: interdum verò in specie eos solum, qui non solum aquosi sunt, sed & ob quandam falsedinem cum sero conuenientiam habent: quos Galenus, 2. de diff. febr. cap. 6. falsam serosam humiditatem nominat. Itaque etsi à tenui, ac humidior sanguineæ massæ parte substantiam humidioris corporis nostri instaurari concedamus: tamen an illa propriè serum dici possit, dubitamus: cum illa sit portio sanguinis alimentosa; serum

An serum, vrina & sudor materiam eandem habeant.

Serum quos modis accipiat.

verò omne, teste Galeno, 2. *de fac. nat. c. 9.* excrementum, & ad seri naturam pertinere videatur, non solum vt humidæ & aqueæ substantiæ sit, sed & salsuginem quasi quandam in se contineat. Et talem quidem substantiam in vrina contineri & maiorem serosæ materiæ partem per vrinam excerni, *lib. 11. c. 9.* dictum est, neque facile quis id in controuersia reuocabit, & ipse Mercatus, *allegato loco*, vrinam nitrosæ & salsuginosæ naturæ esse dicit. Eiusdem tamen aliquam quoque portionem cum sanguine ad illum diluendum & facilius distribuendum relinqui, & tandem, vbi officio suo functa est, per poros cutis, vel per insensibilem transpirationem, & leuē quasi madorem, vel sudorem expelli, plerique Medici statuunt; & quidem recte, etiam Galeno astipulante, qui, *lib. 10. de medic. fac. s. sudor.* vrinam & sudorem eandem habere materiam & generationis modum docet. Id enim ipse sudoris sapor euincit. Nam sæpe & nolentibus in os defluens dictam qualitatem præ se fert, vt *ibidem*, Galenus scribit. Et licet sudor excrementum tertiæ coctionis nominatur: tamen id eo saltem modo accipiendum est, quod materia hæc, vbi munere suo functa est, non amplius naturæ necessaria est, neque in tertiæ coctione in alimentum corporis mutari potest, ideoque tum vt superfluum & excrementum secernitur. Atque ita seri propriè dicti, vrinæ, atque sudoris eadem materia & generatio est, & substantia eadem. Huius autem serosi humoris in homine sano minima quædam quantitas solum in venis relinquitur. Interdum tamen; ob causas præternaturales, maior eius copia reperitur. Materiam ipsi suppeditant cibi multam aquosam & serosam substantiam habentes, vt fructus plerique & olera; aqua item copiosior. Ad eius verò generationem faciunt obstructio & intemperies viscerum, ob quas non recte hæc serosa materia ab alimentari secernitur. Detinetur tandem & cumulaturrenum non attrahentium vitio, & ob expultricis debilitatem, suppressionemque serosæ illius humiditatis per vrinam & sudores euacuationis; vnde hydrops, febres, pustulæ in cute, & alia mala oriuntur. Atque hæc de humoribus hîc sufficiant. Hoc tamen adhuc addendum est, humores hosce, inprimis pituitam & melancholiam, materiam præbere vaporibus, & flatibus, qui & ipsi multorum malorum causæ sunt. Nam non solum vapores, sed etiam sæpe flatus, seu multitudo quædam halituosi spiritus à calore excitati è materia, quæ in corpore præsto est, partes corporis, in quas fertur, molestia afficit. Statuitur autem vulgò flatus fieri à debilitate caloris natui: quod recte accipiendum est. Etsi enim verum sit, quod nimius calor Flatus & vapores dissipat, atque absumit; nimium verò frigus vix vllum vaporem & flatum excitat, vt quod materiam resolvere non potest: nihilominus tamen sæpe satis magnus est calor, qui flatus producit; recteque docet Galenus, 12. *meth. med. c. vlt.* si qui ob crassos, glutinososque succos dolore corripuntur, inter illos eos tutius longiore tempore curari, qui mediocri victu vtuntur, quàm qui violenter calefacientibus vtuntur. Ideoque sciendum, calorem dici posse duobus modis debilem; primò suapte natura, vt qui in materiam quidem agit, & eam aliquo modo dissoluit, verum ob debilitatem diminutè & imperfectè. Deinde calor dicitur debilis respectu materiæ; qui etsi aliàs satis fortis sit, tamen à tanta materiæ copia obruitur & opprimitur quasi, vt eam totam vincere non possit. Quò & illud accedere videtur, si calor nimis subito totam materiam resoluat, aut subito agitet, vt de melancholia hypochondriaca dicetur. Itaque non solum ad calorem, sed etiam ad materiam respiciendum est. Materiam verò præbent cibi flatulenti, vt fabæ, castanæ, rapa, immoderatusque & fluctuans potus; præsertim cum bilis flaua vel atra ventriculo substrata est, vt in hypochon-

driaca melancholia. Tunc enim liquidi flatulentique cibi pars maxima coctione calorisque vi facessit in flatum, vt recte scribit Fernel. *de part. morb. & symp. lib. 6. c. 3.* Imò etsi cibus flatulentus non assumatur; tamen cum humore illo atro mixtus fermentatur, ac flatuosus redditur. Vnde fit, vt quouis etiam cibo assumpto flatus excitentur in hypochondriacis.

[Vt ea, quæ, suprà, & *Præf. Medicina, lib. 3. p. 6. sect. 2. c. 4.* & alibi de flatuum generatione dicta sunt, clariora fiant, & omnia, quæ in hac doctrina occurrere possunt, dubia remoueantur, quædam de flatuum generatione addenda sunt.

Ad flatuum, qui nihil aliud sunt, quàm copia halitusorum spirituum, ex cibo & potu, aut humoribus in corpore nostro prouenientium, generationem duo requiruntur, Efficiens, & Materia. Efficiens constituitur, calor debilis, & quidem vel natura talis, vt qui in materiam agat quidem, & eam ob imbecillitatem aliquo modo dissoluat, verum diminutè & imperfectè; vel respectu materiæ, qui etsi natura sua satis fortis sit: tamen à materiæ copia obruitur, vt eam vincere non possit.

Verum cum caloris, seu fortis, seu debilis, quo animal in concoctionibus vitur, officium non sit, in vapores & flatus cibum & potum resolvere, & resolutum dissolvere, sed eum coquere, & in aliam naturam mutare: omnino ea, quæ de calore debili, flatuum causa dicuntur, diligentius, perpendenda, & tria explicanda: 1. qua ratione calor debilis viscerum flatus generet. 2. Non solum calorem debilem, sed & fortem, flatuum causam esse posse. 3. Annon solum in visceribus causa flatuum efficiens, sed etiam in humoribus quærenda sit.

Primum quod attinet, duo in omnibus coctionibus fiunt opera; primum est alimenti resolutio. Neque enim alimentum nouam formam acquirere potest, nisi resoluitur, & priorem formam deponat. Atque in hoc opere non facile flatus generantur, sed, si calor sit debilis, alimentum crudum, vel semicrudum relinquitur: vnde crudi humores sæpe magna copia proueniunt; citra tamen vllam flatuum generationem. Alterum est, alimenti resoluti in aliam naturam corpori nostro conuenientem, mutatio. In quo opere inprimis flatuum generatio accidit. Cum enim, vt alimentis resolutis noua forma inducatur, calidum innatum, & vis viscerum requiratur, quæ primò inutilia segregare, deinde, quæ vtilia sunt, licet sint diuersa, gubernare, & sub vna forma vnire possint, si viscera fortia, & recte constituta sint, quæ partes alimenti resolutas ita commiscere, vnire, iisque nouam formam inducere possint, turbatio nulla accidit, sed omnia sub vna forma quietè degunt. Si vero calidum innatum & vis viscerum est debilius, neque inutilia rectè segregantur & expelluntur, neque diuersa corpora ex alimento resoluta ab iis gubernantur, vnde accidit, vt quasi diuersa principia confusa, & nulli formæ parentia, ac sibi relictæ, varîe inter se pugnent, & quædam, quæ passiuè sese habent, ab actiuis in flatum resoluantur. Hînc accidit, vt vnus cibus, qui in duobus ventriculis coquitur, in vno in flatum, in altero in vtilem succum mutetur.

An verò etiam calor flatum generare possit, dubium. Vulgò id quidem negatur, & statuitur, neque calorem extremè debilem, neque vehementem, sed eum, qui medium inter has affectiones obtinet, flatum gignere posse. Verum Fienus, *de flatibus, cap. 5.* etiam calorem vehementem flatum excitare posse docet: non tamen per se, sed ex accidenti, nimirum ratione materiæ, quæ à calore in flatum resolui apta est. Quod etiam docuisse videtur Galenus, 12. *meth. med. cap. 8.* dum scribit: *Si ex accidenti aliquo coniunctus his humoribus crassis halituosis spiritus*

Seri causa.

Flatui.

Flatuum generatio.

Calor debilis quot modis dicatur.

De Flatuum in corpore manente generatione.

Quid sit.

Causa tui, Efficiens calor d.

Quare calor debilis viscerum flatum generat.

An calor se, flatum generare possit.

Spiritus est, qui ex iis, quibus continetur, corporibus erumpere prorsus non potest, grauissimis omnino doloribus, qui ita se habent, cruciantur. Quippe id accidit ipsis ex duplici causa, vel obstructione, vel calore. Nam & obstructio spiritum cohibet, nec exire permittit, & crassa, glutinosaque cum calefunt, flatuosum spiritum gignere solent. Et paulo post: Quo pacto igitur tumores eius, quos medius tumor in modo intestinorum excitauit, sanare conuenit? Sanè non profusionibus, & cataplasmatibus, quae valenter excalefaciunt. Lenti enim omnes, crassique & frigidi humores omnes ab iis, quae calefaciunt, nisi etiam digerant, liquantur & in flatum mutantur. Oportet igitur eos incidere simul & concoquere, quas res tenuantia medicamenta praestabunt, potissimum si calidi vehementer non sint. Verum cum hoc modo flatu potius materiae, quam efficientis ratione generentur, hoc misso, quaeritur, an calor etiam per se flatu generare possit. Et quidem de duplici calore haec quaestio accipi potest, primò viscerum, deinde humorum.

*Viscerum calorem quod attinet, sunt, secundò nonnulli in ea sententia, etiam à calore viscerum nimio flatu generari posse, idque exemplo hydropis tympanitæ probant. De quo Christoph. Guarinonius, consil. 563. scribit: Calorem in tympanite torrefacientem potius esse, quam debilem, qui in chylum blandè agat, eumque quasi foueat, sed subtiliores eius partes in flatu resoluat. Hepar enim, præcipuè in parte caua, qua venam portæ excipit, esse siccum & densum, non molle, ut in *coçapnois*, & pinguibus esse solet, & calorem acrem habere. Nam calor, qui significationi inseruit blandus esse debet, qui chyli partes omnes quasi fouere & vnire possit, donec formam sanguinis acquirant: non verò subtiles resolvere, & in flatu mutare, crassas verò adurere debet. Vbi tamen nonnulli in ea sunt opinione, calorem viscerum non immediatam flatuum causam esse, sed remotam, nimirum generando adustos & atrabilarios humores, qui postea flatu generant cum efficiendo, tum materiam præbendo.*

*Proinde tertio rationi & experientiae consentaneum esse puto, causam efficientem flatuum esse etiam humores adustos, atrabilarios, acidos, instar fermenti sese habentes, in primis viis cumulosos. Hi enim si sinceri sunt, & benignioribus humoribus non permixti, in alios sibi dissimiles humores præcipuè ad flatu dispositos agentes, eosque fermentantes, flatu excitant. Neque enim sunt saltem materiae loco, sed efficientis potius rationem habent; aliosque humores fermentant. Quamuis hoc negare nolum, ex illis ipsis etiam humoribus aliquid resolui posse, quod in flatu abeat. Sententiae huius iam olim fuit Diocles Caristius, ut docet Galenus, lib. 3. de loc. affect. c. 7. De quo etiam, lib. 3. Pract. Medic. par. 5. sect. 1. cap. 1. 2. & 3. dictum. Hic tamen notandum, flatu hoc modo excitari non à calore simpliciter, sed à falsedine, aciditate, & repugnantia humorum cum aliis humoribus. Ut enim, si cretae acetum, vel sal tartari spiritus vitrioli affundatur, fit quaedam ebullitio, & flatu quasi excitantur, non à calore simpliciter, sed à pugna contrariorum, vel subito similitudinem ad se inuicem motu: ita & humores atri & acidi alios humores affluentes fermentare, ac ebullire faciunt, atque ita flatu excitant. Atque si affectus præter naturam, qui à flatibus excitantur, perpendantur, plerique non à calore debili, sed adustis humoribus provenire patefiet. Cholica certè à causa calida non minus frequens est, quam à frigida. Hydrops tympanites, doctissimorum Medicorum sententia, potius à causa calida, quam frigida excitatur. In affectione hypochondriaca, in qua flatu ita sæpe abundant, ut *quodædam* inde nominetur, plus caloris, quam decet, esse in venis, quæ alimentum à ventriculo acci-*

piunt, sanguinemque in ipsis esse factum crassius, docet Diocles, referente Galeno allegato loco. Et experientia ipsa, & omnia symptomata id testantur. Capitis dolor à flatulento spiritu ex hypochondriis eleuato frequentissimus est; nullis tamen frigiditatis, sed potius caloris, & adustorum humorum in hypochondriis existentium signis praesentibus.

*Materia autem flatuum duplex est. Quaedam enim in se, & per se flatulenta sunt: quaedam saltem respectu causae efficientis certae. Materia per se flatulenta, vel extra genita in corpus assumitur, vel in corpore generatur. Prioris generis sunt alimenta varia flatulenta, ut fructus quidam crudi, dulces, poma, mustum, succique è fructibus expressi, rapa, raphanus, mel, in primis legumina quaedam, fabae, pisa, phaseoli, ut & castaneae crudae, quæ si putamine non cisso igni apponantur, flatu excitati cum sonitu erumpunt, & castaneae profiliunt. Est etiam quoddam gramin arundinaceum quod ab effectu *Perschtrant* nominant. Hoc enim si boues & vaccae, praesertim viride (siccum enim non ita nocet; unde in succo potius vis nocendi esse videtur) deuorent, intumescunt, ut pene rumpantur, & tandem moriuntur, ut ipse in vicino pago factum vidi: quod etiam docet Dioscorides, lib. 4. cap. 32. Qua ratione autem gramin hoc ista praestet, dubium. Rustici vulgò putant, gramin hoc, utpote acutum, in faucibus haerere, & boues suffocare. Verum falsam esse hanc opinionem, id docet, quod iumenta non prius moriuntur, quam venter intumescat, id quod subito accidit. Tabernæmontanus, lib. 2. sect. 6. cap. 2. scribit, vulnerari ab hoc gramine linguam faucis, atque hinc sanguinem in ventriculum effundi, qui ventrem in tumorem attollat, & oues etiam inde phthisin contrahere. Verum etsi negandum non sit, sanguinem in ventriculo coagulatum animalibus nocere posse: tamen, quod hoc ab isto gramine etiam fiat, non probabile. Etenim in faucibus & gula non sunt tam magna vasa, ut inde tanta copia sanguinis, quæ animal iugulare possit, in ventriculum effundi queat. Præterea iis, qui à sanguine in ventriculo coagulato mali aliquid patiuntur, non tam subito venter inflatur, nec ex inflatione ventris periclitantur. Et cum oues tandem huius graminis esu phthisin contrahant, non credibile est, solum ex sanguinis in ventriculum effusione iumenta periclitari. Itaque sum in ea sententia, gramin hoc vel insignem flatu concitandi vim habere, vel etiam malignum & venenatum quid obtinere, unde etiam mors subito sequitur. Rusticae mulieres, ut periculum ex flatibus & ventris inflatione praecaveant, ventrem arctis fasciis constringere; & abdomen subulis perforare solent. Idem vaccis accidit, si raporum folia viridia copiosius deuorent, & aquam potent. Imò, quod mirum: talia non solum, seu fortis, seu debilis caloris vi flatu excitant, sed etiam frigida aqua humectata: id quod in pisces & similibus accidit. Etenim si pisa, fabae, & similia terræ committantur, etiam digiti altitudine, & pluuia larga postea decidat, pisa in superficiem terræ erumpunt.*

In corpore verò genita materiam flatibus suppeditant humores crassi, viscosi, lenti, tenaces, qualis pituita, in primis vitrea, existit, quæ in flatu resoluta, dolores cholicos acerbissimos excitat. Hi enim vel à calore corporis, vel humorum aliorum calore, in flatu resoluntur. Imò & alia excrementa, licet non præternaturalia, si ultra tempus moram trahant in corpore, à calore viscerum tandem in flatu resoluntur: id quod euenit, cum propter occupationes, vel alias causas, faeces alui ultra debitum tempus retinentur, aut cum ob faeces alui duras alui suppressitur.

Materia autem ad flatu generandos disposita respectu agentis, est omnis illa, quæ humori agenti,

Materia.

Extra in corpus assumpta.

Gramen arundinaceum Perschtrant.

In corpore genita.

Materia flatibus generandis idonea.

vel fermentanti, bilioso adusto, atrabilario, acido est dissimilis. In hos enim ubi alij humores incidunt, si impetuosè in illos agant eos fermentant, & ebullitionem excitant. Cuius rei exemplum acetum cretæ, spiritus, vitrioli salis tartari, spiritus nitrum antimonio infusus, ut antea dictum, præbet. Hinc quibus in hypochondriis humores adusti & acidi multi abundant, cuiusculque etiam generis cibum ferè & potum assumant, flatu in hypochondriis concipiunt. Estque in nonnullis causa ita potens, ut ex alimentis & humoribus ad flatu aliàs non dispositis flatulenti spiritus excitari valeant. Ij tamen, qui in diætâ peccant, vel crudos & flatulentos humores colligunt, peius habent. Vnde nonnulli, quamprimum cibum & potum cuiusculque etiam generis sumunt, tormina ventris patiuntur, & torsiones circa umbilicum percipiunt. Quando autem à cibis abstinent, tale quid non patiuntur.

CAPUT VII.

De Humoribus ex Recentiorum, & Chymicorum sententia.

Chymicorum
de humoribus
opinio.

Atque hæc Galenicorum hætenus, & quidem ex iis communiora & commodiora de humoribus fuerunt dogmata. Quia verò Recentiores, & præcipuè Chymici, non pauca hîc nova dogmata proponunt, nec ea prætereunda videntur. Et primò quidem illa, quæ à Recentioribus mota est, quæstio explicanda venit; An humores rectè inter causas morborum referantur, an verò aliundè causæ morborum peti debeat. Quercetanus, in consilio de Arthritide, statuit quatuor humores nihil exprimere, quod faciat ad essentiam morbi, humoresque simplices nihil conferre ad morborum generationem, & præcipuè calculi, de quo ibi loquitur, utpote, qui neque salis, neque acidi, neque alterius saporis sint, sed in calido toti exhalent, nihilque relinquunt. Ante ipsum verò Petr. Seuerinus, in Idea Medic. c. 12. fatuitatem se mirari eorum scripsit, qui phantasticos illos humores, sanguinem, bilem, pituitam, communem morborum causam statuunt: suntque plurimi alij qui, contra vulgatam doctrinam, potius ex mineralibus, sulphure, sale & mercurio, quàm ex quatuor humoribus morbos oriri docent. Contrà, qui antiquam doctrinam defendunt, ex quatuor humoribus causas morborum internas deducunt, & mineralia illa reiiciunt nonnullique ne micam, ut Bertinus, lib. 3. Medic. c. 11. scribit, mercurij, salis aut sulphuris in toto corpore delitescere statuunt; id quod singulorum morborum signa & curatio satis docere possit. Neque enim mercurij, salis, aut sulphuris motus sese in conspectum dedisse, sed bilem, pituitam, melancholiam. Verùm cum causarum morbificarum cognitio fundamentum sit ferè totius Medicinæ, liberè hæc perpendere, atque in examen vocare placet. Primò autem plerorumque deliria non probamus, atque eos, quibus humorum vulgata nomina ita sordent, ut Dogmaticos Medicos ineptè Humoristas nominent, non plus sapere existimamus, quàm eos, qui sanguinem, lac, semen, salis, sulphuris, mercurij nomine potius, quàm hisce vîtatibus appellanda censent; & proinde eos errare putamus, qui, reiectis humorum nominibus, saltem mineralium vocabulis causas morborum explicandas censent. Cum enim, ut rectè Galenus, 1. de loc. aff. cap. 2. scribit, id, quo tangente afficimur, & quo separato statim cessat affectus, causam esse apud omnes in confesso sit; seu cum id, quo præsentè fiunt, absente tolluntur morbi, causa eorum merito statuatur: videamus autem humoribus viciosis præsentibus morbos excitari, atque iis euacuatis morbos evanescere: causam nullam videmus, cur humo-

Pseudochymicorum refutatio.

res non pro genuinis causis morborum agnoscere, & causis morborum à mineralibus remotius petita nomina imponere, & id, quod in febribus vomitu reiicitur, sulphur potius, quàm bilem nominare debeamus. Faciunt etiam iidem antiquis Medicis iniuriam, dum ita contra illos pugnant, quasi illi per humores saltem aqueam quandam substantiam, quæ omni præterea facultate destituatur, intellexerint, eosque & corporum principia, & morborum causas statuerint: cum res sese longè aliter habeat. Nam ut per sanguinem, qui etiam inter humores est, non corpus simplex & meram aquam accipiunt: ita quoque, dum de causis morborum loquuntur, per humoris nomen non saltem aqueam quandam & simplicem substantiam, sed corpus mistum sui generis, liquidum intelligunt; quod ut magis quàm aqua, compositum est, ita longè plures & præstantiores, quàm aqua, vires habet; & ut humores sunt varij in corpore, ita varios ab iis morbos generari statuunt. Errandi tamen occasionem & contradicendi ansam ij præbuisse videntur, qui dum de humoribus & morborum causis loquuntur, nihil ferè, nisi quatuor illas primas corporum simplicium qualitates, caliditatem, frigiditatem, humiditatem & siccitatem nominant. Ideoque ut secundo loco, & ex altera quoque parte, quod res est, dicamus; etsi humores, utpote quos ipsa experientia monstrat esse morborum causas, reiiciendi non sint: tamen non solum qualitatibus primis definiri debent. Et licet à caliditate, frigiditate, humiditate, siccitate humorum multi morbi excitari possint: tamen plurimas adhuc alias qualitates in humoribus inuenire est, quæ non minùs, quàm primæ qualitates, corpori nocere possunt. Docuit hoc Hippocrates, qui lib. de prisca Med. scribit: *Non calidum, frigidum, humidum, aut siccum esse, quod magnam agendi vim habet; Verùm amarum & salum, & dulce & acidum, & insipidum & acerbum*, atque alia sexcenta in homine esse, quæ quanquam in mixtione & mutua inter se contemperatione neque cernantur, neque molestia afficiant: tamen ubi horum quippiam secretum fuerit, & per se extiterit, tunc & conspicuum fieri, & hominem molestiâ afficere, eique nocere. Maximè autem nocere, quod in vnoquoque potentius est, & supra humanam naturam, adeo, ut ab ea superari non possit. Esse autem valentissimum inter dulcia dulcissimum, inter amara amarissimum, inter acida acidissimum, & quod in vnoquoque genere summum est. Neque hoc sine causa docere videtur. Cum enim homo plantis & animalibus, (quæ & ipsa plantis nutriuntur) pro victu utatur; plantæ autem suum alimentum ex terra, quæ in variis locis diuersa, & plerumque falluginosæ materiæ non parum, aliòsque minerales spiritus in se continet, attrahant, & quantum fieri potest, alterent & immutent, planè tamen immutare non possint: fieri vix potest, quin in hominem aliquid tale deriuetur. Etsi enim homo alimentum assumptum in sanguinem, & tandem suam substantiam conuertat, & nobilius assumpta ignobiliora corrigat, exaltet & perficiat: tamen alimenta assumpta sæpe ita sunt *ἀνέστητα, ἀκρίτα, ἢ ἰσχυρά*, ut nominat idem Hippocrates, ut quamuis in sanguinem conuerti videantur, bona tamen ex parte pristinam naturam retineant, neque à natura humana superari possint. Ideoque, ut, eodem loco, scribit Hippocrates, si calidum, vel frigidum alimentum sit offerendum, mox quæri potest, an acerbum, an insipidum, an alterius facultatis sit offerendum. Tantæ enim harum qualitatum vires sunt, ut non solum in homine, verùm etiam in corio & ligno, nullum tamen, ut homo, sensum habentibus, contrarias mutationes efficere possint. Et nisi alia essent, quæ hæc probarent, solum vinum satis euincere posset, alimenta, quæ ab homine assumuntur, non semper penitus immutari, sed sæpe pristinam naturam retinere, hominiquè

Quid lo-
ris nomi-
intelliga-

Humores
solum pr
qualitati
corporum
afficiunt.

Alimenta
sæpe mor-
rum cau-
suppedi-

minique non parum nocere. Videmus enim quanta sit vini, pro ratione soli, diuersitas; tantumque abest, ut alimentum ex terra attractum à vite planè immutari possit, ut & in vino ad oculum demonstrari queat, imò in homine remaneat, & in morbis, præcipuè arthritide, sese satis prodant. Ideoque, ut Hippoc. *de prisa Medic.* scribit, alimenta, quibus homines copiosissime vtuntur, panis nimirum, huius ἀκρήτης καὶ διαφέροντος χυμῶς, intemperati & excellentis succi, minimam partem habent: quæ verò amara sunt, aut salsa, aut acida, aut alio modo intemperata sunt & vehementia, perturbationem in corpore efficiunt, & minimè nobis conueniunt, atque in corpus ingesta homini sunt noxia. Istas autem noxias, intemperatas & vehementes, præter primas qualitates, *ibidem*, Hippocrates δυνάμεις, appellat. δυνάμιν enim ἡσυχυμῶς, seu potentiam succorum, τὰς ἀκρότητας καὶ ἰσχύς, extremas humorum qualitates & vires esse dicit; τ' ἀλλὰ (præter scilicet qualitates primas: ὅσα κακοπαθεῖ ἀνθρώπος, πάντα ἀποδυνάμειων γίνεσθαι, quicquid mali patitur homo, id omne ex facultatibus oriri docet. Et talia quidem quò pluribus permiscuntur; eo mitiora & meliora euadunt, & is optimè habet, in quo talia omnia quiescunt, nihilque propria facultate præpollet: at si quid horum secretum fuerit, & seorsim extiterit, tum homo molestia afficitur, ut idem, *eodem loco*, scribit. Et in ipsis etiam febribus has δυνάμεις, earumque differentias notandas censet Hippocrates: καὶ, inquit, διὰ τὸ δερμὶν ἀπὸ πῶς πυρεταίνεσθαι οἱ ἄνθρωποι, ἔδὲ τὸ τοῦ αἵματος τῆς κακότητος μὲν ὄντος· ἀλλ' ἐστὶ καὶ πικρὸν, καὶ δερμὶν, τὸ αὐτὸ, καὶ δερμὶν, καὶ ὀξύ, καὶ ἄλμυρον, καὶ δερμὶν, καὶ ἄλλα μυρία· καὶ πάλιν γε τὸ ψυχρὸν καὶ δυνάμειων ἑτέρων, id est, Neque calido simpliciter febricitant homines, neque ipsum solum affectionis causa est, sed est amarum & calidum idem, & calidum & acutum, & salsum & calidum, aliæque sexcenta: & rursum frigidum cum aliis facultatibus coniunctum est. Vnde etiam tanta symptomatum in febribus, quæ eiusdem generis quoque esse dicuntur, differentia pendet. Quod autem Hippocrates hîc de secretionem dicit, id illud maximè est, quod vulgò adustione fieri dicitur. Nam, exempli gratia, si humor amarus (ita enim bilem flauam, *ibid.* Hippocrates appellat) alicubi in corpore detineatur exsicceturque à calore præternaturali, tum procul dubio partibus humidioribus, quibus antea diluebatur, & acrimonia nonnihil temperabatur, absumptris, ipse longè amarior, acrior, & corpori noxior euadit. Atque hoc modo vbi secreta isthæc fuerint, & per se extiterint: tum maximè perspicua sunt, & proprias vires manifestas reddunt, ut, *ibidem*, loquitur Hippocrates, ac cuius naturæ, atque originis sint, satis produnt. Id quod sæpe in vomitibus apparet, in quibus interdum porracea, æruginosa, adeò feruentia, reiciuntur, ut lancibus excepta ebulliant, & pelues etiam argenteas æruginoso colore floridissimo inficiant, quem nec lotio vlla delere, nec fortis frictio cassare potest, ut historia à Schæckio, *med. obseruat. lib. 3. §. priore obseru. 62.* annotata docent. Et clarissimus D. D. Michaël Döringius, *lib. 1. de Medicina & Medico, p. 109.* refert, quendam Iuris Licentiatum urinam reddidisse, à qua, ceu spirita vitrioli, linteamina erosa fuerint. Talesque humores in morbis plurimis sese produnt, prurigine, scabie, vlceribus erodentibus serpentibusque, & inprimis cancro, in quo qui salem corrosiuum non agnoscit, eum parum perspicacem esse puto. Vnde Galenus atque alij Medici falsos, nitrosos, æruginosos, atque alios humores, denominatione à mineralibus sumpta, nominant. Quod non solum ita accipiendum est, quasi saltem quandam analogiam ad ea habeant, sed quòd reuera aliquid salis, aut talium rerum in se contineant; quod effectus satis docent, qui quidem tum maximè apparent, cum ab humoribus aliis, quibus quasi diluebantur & occultabantur, secernuntur. Ut

enim modò ex Hippocrate dictum, vbi horum quippiam secretum fuerit, & per se extiterit, tum & conspicuum sit, & hominem molestia afficit. Quibus omnibus lucem addit, & maiorem fidem facit historia, quam recenset Fernelius, *de lue venerea. cap. 7.* Cum quidam ab Empeirico persuasus, aduersus arthritidem pulueris plumbi libram dimidiam cum cibis dierum quindecim spatio absumpsisset: non solum grauissimis ventris doloribus correptus est, sed etiam quæcunque ingerebantur, vel in plumbeum nidorem, vel in mucaginem tenuissimam versa reuocabantur, & omnia, quæ tum infra, tum supra, aut sponte, aut artis beneficio prodire, plumbeo colore infecta erant. Ex quo patet, non solum plumbum ἀνεπιτήδειον καὶ ἰσχυρὸν fuisse, hoc est, ineptum & contumax ad coctionem, ut licet virtus coctrix in eo mutando, quantum potuit, laboraret, illud tamen vincere non potuerit; verum etiam omnia assumpta à plumbi qualitate corrupta fuisse. Et quod hic in plumbo factum, id in aliis quoque rebus fieri potest, sique alimentis aliquid ἀνεπιτήδειον admistum fuerit, illud non ita facile à corpore nostro vincitur, sed etiam in corpore suas qualitates maximam partem retinet. Quapropter illud paulò durius à Bertino dictum videtur, ne micam salis vel alterius rei talis in corpore delitescere posse. Nam ut de aliis nihil dicam, sal satis in scabie, catarrhis nonnullis, ophthalmia, cancro, ut modò dictum, aliisque morbis sese prodit. Et ex vrina, quæ & ipsa est excrementitius humor, magna eius copia separari, atque ad oculum demonstrari potest. Et omnino in pluribus locis satis sese prodit materia illa mucilaginosa, & feculenta cum sale permista, quæ, quod illis fecibus, quæ à vino separantur, & ex lutosa & salsa materia coagulantur, dolorumque lateribus adhærescunt, & tartari nomine vulgò appellantur, affinis sit, Tartarum etiam nunc à plurimis appellatur. De quo etsi alij aliter loquantur, commodissimè tamen ij sentiunt inter Chymicos, cum quibus & Galenici non pauci consentiunt, qui dicunt, succum quendam lapidescentem, ut Fallopius, & Matthiolus appellant, seu materiam quandam coagulationi naturæ suæ aptam, ut Paracelsus, *de tartar. lib. 1. tract. 1. cap. 1.* nominat, passim in terra reperiri. Hunc succum cum alimento à plantis attrahi, & per plantas, quæ animalium alimenta sunt, in ea transferri. Si tamen omnia sese rectè habeant, materiam illam ab vtili alimento separari, & à natura excerni. Si autem vel ob coctricis, separatricis, vel excreticis facultatis debilitatem, vel ob eius succi in alimento copiam, omnis in ventriculo secerni, & hinc expelli non possit: in reliquum corpus transire, & in corpore cumulari, atque vbi materiam viscosam, mucilaginosa, crassam terrestremque apprehendit, eam coagulare, & quidem in corpus eius naturæ, ex qua primum ortum habet, & ex qua plantæ, & vegetabilia illum hauserunt, limosum, argillosum, arenosum. Qua in re pro regionum, terrarum & aquarum varietate magna est differentia, atque aliæ terræ & aquæ puriores, aliæ impuriore sunt; vnde vini & frumenti, hincque parari cibi & potus magna est diuersitas; suntque alia salubria, alia insalubria. Cholicam, Calculum, Arthritidem & alios morbos generantia. Etsi verò huius tartareæ materiæ, quam appellant, præcipua separatio fit in ventriculo: tamen quod in ventriculo non separatum est, in reliquis coctionibus postea separatur. Atque hinc fit in renibus & vesica calculus, in articulis arthritidis, & alij morbi generantur. Et omnino multorum morborum causas à tali ad coagulationem tendente salsa vel tartarea, aut quomodocunque appellare libet, materia pendere, multa docent. Quod enim vina sunt magis insalubria, eo plus talis materiæ tartareæ, calcaris, argillosæ, vel alius huiusmodi in

An salis ali-
quid conti-
neatur in
corpore.

Tartarū quidē

se continent, & arthritidem, calculum, cholicam similique morbos generant. Hinc quoque accidit, ut vina defecata non defecatis salubriora sint, & vina illa, quæ tali materia abundant, qualia sunt Vngarica, Morauica, & his in hoc genere cognata, iterata defecatione fiant salubriora. Eodem modo sese res habet in cereuisia. Imò talis materia tartarea, calcarea, vel lapidosa. (Nam longè alterius naturæ videtur esse materia illa, quæ in vino multorum morborum causa est, quam sal vini, qui propriè tartarum appellatur; etsi cum eo sæpè uniatur) in vinis potentibus ita per minima substantiæ vini, in salem quasi volatilem redacta, permiscetur, ut nulla defecatione separari possit: quia tamen ἐν τῷ ἀνεπιτηδείῳ est, tandem ab utili alimento separata, & ad articulos protrusa, ibique cumulat, arthritidis, atque in aliis locis aliorum morborum causa est. Apparètque talis materia manifestè in tophis Arthriticorum: sicut & ipsa vrina eam satis prodit: quæ quamuis clara & pellucida apparèt: postea tamen, si turbatur, magna pars matulæ materiæ quasi limosa, & quæ sæpè farinam laterum refert, impletur, quæque vitro ita tenaciter adhærescit, ut vix inde auelli possit, & si sponte etiam sine omni calore violento exsiccetur, salem satis prodit. Excrementa autem arguunt humores in venis contentos. Huic causæ, quæ in alimentis consistit, accedit sæpè & alia, humorum scilicet corruptio, transmutatio, & in alios degeneratio. Id quod in venenis & contagio manifestissimum est. Minima enim portiuncula, ut Galenus, 1. de sem. c. 16. ait venenorum, quæ δηλητήρια appellantur, in corpus assumpta, sibi simili affectione id alterat, humoresque in sibi similem naturam mutat. Quod & in contagio accidit. Etenim an humores illi, à venenis & rebus venenatis & contagiosis geniti, saltem primis qualitatibus definiendi sint, & omnes ad bilem, pituitam, melancholiam commodè referri possint: prudentes rerum æstimatores dispicient, de quo & postea dicetur. Deinde in hac Doctrina nec hoc dissimulandum, in doctrina de humorum differentiis non paucas apud Galeni & Auicennæ interpretes difficultates occurrere: è quibus non ita facile est se expedire, ut nonnulli putant. Vnum nomen primò pluribus tribuitur, quorum essentia est diuersissima. Definitur vulgò Phlegma, quod sit humor frigidus, colore albus, humidus; cum tamen phlegma falsum sit calidum. Vnde Auicennas Phlegma in genere non definit. Quàm etiam humores diuersi vno bilis nomine appellantur, satis notum. Ut iam de bile æruginosa, quæ diuersæ naturæ est à bile flaua, non dicam: Humores, qui ob eundem colorem flauæ bilis nomine veniunt, etiam non sunt eiusdem generis, sed ex iis nonnulli nullum amarorem habent. Vidi ante paucos dies à fœmina humorem planè croceum vomitu reiectum, quem ipsa dulcem esse, imò sapore glycyrrhizam ferè æmulari affirmabat. Ab aliis quoque medicis obseruatum, humores flauos sæpè nullam amaritudinem obtinere. Ita sub melancholiæ nomine comprehenditur primò humor frigidus & siccus: deinde atra bilis, humor calidus & siccus, erodendi vi præditus, atque is non vnius generis. Humor certè, qui canceri author est, à sanguinis fece, quæ propriè melancholia nominatur, non minùs differt, quàm bilis in vesicula fellis collecta ab eodem, vel à pituita. Atque ita multa bilis flaua nominari videntur, quæ bilis propriè non sunt; multa melancholia; quæ melancholia propriè non sunt. Certè an humores à venenis & rebus venenatis contagiosis geniti ad pituitam, bilem, melancholiam, commodè referri possunt, non extra dubium est. Cardanus, contradiet. 9. lib. 2. tractat. 5. refert, è cuiusdam fœminæ, quæ venenum hauserat, vena aperta prodiisse non sanguinem, sed virentem quasi herbæ succum, vsque ad uncias nouem: viri verò cuiusdam sanguinem

emissum lacti aded similem fuisse, ut nihil similius. Et Marcel. Donatus, de medic. histor. mirab. cap. 4. narrat, sanguinis è cuiusdam vena emissi ferositatem, quæ satis copiosa erat, in lac abiisse. Imperialium seruatorum cuidam à vipera morso vniuersi corporis color mutatus est, ut porri colorem referret, qui à Galeno theriaca sanatus est, 5. de loc. aff. cap. 6. Brassauol. in comm. in aph. 62. sect. 4. scribit, quendam Sulpitium Tombesium morbo regio & febre laborasse, cui iecorariam venam incidi iussit, & totus sanguis erat luteus, excrementa lutea, lutea spuma, vrina lutea: qui tamen à febre liber effectus est, & cū regio morbo superuixit, & iisdem vrinis, & excrementis, aded ut eius anima in bile viueret, vel potius humore corrupto, ut non sine causa addit Beniuenius, de abdit. morb. caus. c. 56. narrat, se habuisse famulum, qui scorpiene ictus, subito tanto & tam frigidus sudore toto corpore perfusus est, ut argentissima niue, atque glacie sese opprimi quæreretur. Et exstant passim apud Medicos historia, quod, qui venenum hauserunt, vel à venenoso animali morfi fuerunt, iis totum corpus luteis, caruleis, fuscis, nigris, & omnino diuersis maculis subito conspersum fuit. Cerussa vomitum album efficit, dentes tamen nigros: atque alia venena vomitus prassinos, flauos, virides, albos, rubros, varios efficiunt. In quibus humoribus omnibus ad pituitam, bilem, melancholiam reducendis si quis laborare velit, per me id faciat licet. Ego verò potius hîc de veneno, quàm bile, pituita & melancholia sollicitus esse velim, & cum Cardano, in 62. aph. s. 4. dixerim: Cum alicui post cibum morsus in vetriculo sentitur, & aluus & vomitus mouetur, & color inter sex horas fit auriginosus & maculosus, scias, quod ebibit venenum letiferum, & propterea medicamentis non ad bilem, pituitam, melancholiam, sed ad venenum directis opus esse. Ex quo patet, etiam ob curationem rectè instituendam in humorum diuersitatem diligenter inquirere, eumque rectè distinguere, utile & necessarium esse. Imò non solum in corruptione humorum à venenis inducta, sed & in febribus & aliis morbis plurimis ista humorum corruptio & degeneratio notanda & discernenda est; & humores colore & tota consistentia differentes, aut si colore conueniant, sapore & substantia diuersi ad eandem speciem referri non debent. Ac proinde, ut hæc concludamus, humores quidem naturaliter in corpore geniti, & in quibus non insignis est aliquis excessus, suis & vîtatibus hactenus nominibus nominentur. Imò & omnes omnino præter naturam humores, quocunque modo in corpore geniti, humores dicantur; quia reuera sunt tales: sed qui à reliquis multum differunt, cum iis non confundantur, sed generationis modus, locus, causa, & qualitarum illarum & δυνάμειν Hippocraticarum excessus attendatur, & quantum quidem fieri potest, cuiusque natura determinetur, & ab aliis distinguatur, & ad sui generis classem referatur, ut determinatum remedium ei opponi possit. Distinguantur nimirum humores naturales à præternaturalibus: quilibet verò præternaturalis, aut corruptus, & ex aliorum degeneratione ortus humor ab eo principio & δυνάμει atque ἀκρότητι Hippocratica denominetur, quæ in eo excellit. Imò in qua coctione seu cuius coctionis vitio quilibet humor præternaturalis sit generatus; & quæ causa degenerationis & corruptionis humoris cuiusque fuerit, diligenter determinandum, quod ad curationem, ut modò dictum, multum facit; atque ita morbi multi, penitiùs cognoscuntur, & faciliùs curabuntur. Alia enim est longè curandi ratio, si chylus in vetriculo in humorem flauum vel viridem degeneret, quod sæpè in infantibus ex lacte corrupto accidit; alia si talis in hepate generetur. Et longè alia curatio requiritur, si quis ab animali venenato morsus toto corpore auriginosus fiat; alia si à bile flaua:

Humorum
degeneratio
& corruptio.

Humores di-
uersi non con-
fundendi.

Humorum
degeneratio

Humorum à
venenis cor-
ruptiones.

Humores
modo di-
guendi.

alia item, si cui scorbuto laboranti purpureis vel fuscis maculis cutis tingatur; alia si à venenari animalis morfu idem accidat. Nimirum si à veneno generatus sit humor, quemcunque etiam colorem, aut aliam qualitatem externam referre videatur: non tam ad illas, quàm ad veneni naturam respiciendum, & veneno sua antidotus opponenda. Eadem ratio est in humoribus falsis, aluminosis, nitrosis, vitriolatis, æruginosis. Animaduerterunt hæc Medici quidam nostri seculi doctissimi, qui deò in differentiis febrium pestilentium & malignarum rectè ordinandis & discriminandis laborarunt, & pestem aliam arsenici, aliam cerussæ, aliam Mercurij naturam; aliam venenum viperinum, aliam scorpionis, aliam serpentis, aliam canis rabidi, aliam tithymali, aliam etulæ, aliam cicutæ, aliam napell, aliam hellebori, aliam opij aliam alterius venenum referre & quodammodo participare scripserunt Tandem hoc etiam loco non prætereunda est controuersia, quæ de humore melancholico à Recentioribus mouetur. Est quidem vulgata opinio melancholiam naturalem esse crassum, terreum & feculentum excrementum: ab Hippocrate tamen melancholia aliquoties ὕδωρ & ὑδρωπῆς appellatur. Ita enim lib. πρὶ γυναικῶν: εἰ σὶ τῆσάραι ιδέαι τῶν ὕδρων: αἷμα, χολή, ὕδωρ καὶ φλέγμα. τὰ αὐτὰς γὰρ ιδέας ἔχει ξυμφερέας ὁ ἀνθρώπος ἐν αὐτῷ, καὶ ἀπὸ τούτων αἱ νόσοι γίνονται, ἢ ἐκ νόσων διακρίσεις. Et initio lib. 4. de morbo. ἔχει τὴν καὶ ἡ γυνὴ καὶ ὁ ἀνὴρ τῆσάραι ιδέας ὕδρων ἐν τῷ σώματι, ἀπὸ ὧν νόσοι γίνονται, ὅποια μὴ ἀπὸ βίης νοσήματα γίνονται. αὐτὰς τὴν αἰδέαν εἰς φλέγμα, αἷμα, χολή, καὶ ὑδρωπῆς. Et ibidem, τῆσάραι ἔόντα, τότε αἷμα, καὶ ἡ χολή, καὶ τὸ φλέγμα, καὶ ὁ ὑδρωπῆς, &c. Atque hisce proculdubio locis Hippocratis adductus Hieron. Reusnerus, de scorbuto, exerc. 4. pluribus defendere conatur, lienem humiditates tenuiores ex ventriculo sorbere, & coquere, & sanguinem tenuiorem humidiorēque à liene apparari; atque ex humore tali tenui. Quartanam, scorbutum & alios morbos oriri, qui vulgò ab humore crasso originem habere dicuntur. Atque pro ista opinione, etiam facere videtur locus, lib. 1. de morbo mulier. Γίνεται ὁ σπλὴν ὑδατώδης ἀπὸ τοῦ δὲ τοῦ παθήματος: ἐπὶ τῷ σπλὴνι ἔχει καὶ μὴ ἀφ' ἑνὸς ἀνθρώπου, καὶ δὲ μίαν μιναμμένην καρτερὴν, καὶ πίνῃ, καὶ μὴ ἀπεμέσῃ: τὸ μὲν γὰρ ἐς πλὴν κύστιν δίδωκεν διέρει, τὸ λοιπὸν δὲ ὁ σπλὴν λαμβάνει, διασπῶν ἀπὸ τῆς κοιλίας πρὸς αὐτὸν ὅτε ἀραιὸς ὢν, καὶ πογγοειδὴς, κερμαῖος τε καὶ τῆς κοιλίας. καὶ τῷ τῶν ὕδρων ἔχοντων μὴ ἰδρώσει, μηδὲ ἡ κοιλία χαλᾷται, αἶρεται ὁ σπλὴν ὑπὸ τῆς, καὶ μᾶλλον τῷ ὕδρω ἢ τοῦ ποτόν. Id est; Fit splen aquosus ex huiusmodi affectione, cum febris habuerit, & non dimiserit hominem, & sitis ipsum corripuerit fortis, & biberit, ac non remouerit. Nam quod in vesicam penetrat, per urinam eiicitur: reliquum verò splen capit, abstrahens à ventre ad seipsum, ut qui rarus est, & spongiformis, & secundum ventrem situs. Et si his sic habentibus non exsudarit, neque aluius laxetur, ab hoc splen attollitur, & hoc magis si aqua fuerit potus. Cum autem planè contrariæ opiniones sint, melancholiam esse humorem crassum, ac terreum, & esse humorem aqueum & tenuem: P. Salius Diuersus, in comm. in lib. 4. de morbis, negat in allegatis locis per aquam ab Hippocrate intelligi succum melancholicum, qui sit totus terreus, & elemento terræ in corpore humano proportionē respondeat: sed per aquam partem ichorosam & serosam, quæ in corpore humano naturaliter non tantum humoribus diluendis & temperandis, verum etiam pluribus aliis vsibus, sicuti ad subungeda ossa, ad humectandos articulos; ad leniendas partes siccas, ad dandum humoribus facilem per corporis anfractus permeationem debetur, intelligendum censet. Quam ichorosam partem Hippocrates tanti fecerit, ut eam inter principales partes recensuerit; utpote, qui sicut cæteri humores, ubi mediocriter affluat, sanitati, ubi autem abundet, vel deficiat, mor-

bos afferat. Atque hunc humorem ab Hippocrate intelligi ex eo etiam probat, quod, in eod. lib. 1. 8. eum ex potu gigni docet: cum ex potu non melancholicus, sed ichorosus, seu serosus succos generetur: atque ex eo nec valdè fortes, nec diuturnas febres gigni docet; cum tamen ab humore melancholico vehementes & ferè semper diuturnæ febres oriantur. Sed cum hoc modo, si scilicet per aquam non humor melancholicus, sed serosus solum intelligendus sit, humorem melancholicum omittit, & quidem malè, videatur Hippocrates: Alij inter quos, Anut. Foësius, in Oecon. Hippocratis, per aquam humorem melancholicum Hippocratem intellexisse, putant: cum is humor plurimum æri habeat, quod satis testantur Quarta enim nium copiosissimè sudant & meijunt. Verum enim verò ij, ut supra etiam lib. 1. 9. dictum, commodissimè sentire videntur, qui vtramque opinionem coniungunt, & humorem crassum quidem, sed multa aqua dilutum & feculentum à liene attrahi, eumque nomine melancholici humoris venire statuunt; sicut in lixiuio sal & feculentæ, atque adustæ partes ita aqua miscentur, ut non animaduertantur. Sunt nimirum in chylo partes quædam terreæ, crassæ, falsæ, feculentæ, quæ non magis nutrire possunt, quàm cineres; aliæ contra aqueæ, ex potulentis & liquidis cibi & potus partibus superflue, quæ terreis illis & crassis necessariò pro vehiculo sunt easque dilunt. Vtræque cum ab hepate non trahantur, nec trahi debeant, eas mistas lien ad se trahit. Atque hanc partium in humore melancholico misturam satis non solum morbi & symptomata, quæ ex eo oriuntur, indicant, sed & alia multa probant; & ab antiquorum doctrina hæc sententia non aliena videtur. Nam primò si lienis naturam intueamur, color satis indicat naturam humoris ipsi familiaris. Etsi enim rubicundus sit: tamen, si cum hepate conferatur, semper minus luculentus est, & obscuro colore nigricat, qui color crassi, terrei & feculenti humoris indicium est. Et cum partes terreæ & crassæ chyli nutrire non possint, certè eas à bono chylo separare conuenit; quod à nullo alio membro, quàm liene fieri potest. Præterea si catalogum ciborum, qui melancholiam suppeditant, quem Gal. 3. de loc. aff. 7. proponit, intueamur, omnes illi crassum, terreum, candosum & feculentum succum suppeditant. Et tam euidentis hoc est, & ab omnibus receptum, ut vix in dubitationem vocari possit. Et omnia, quæ ad generationem humoris melancholici faciunt, & qui cum sequuntur morbi & symptomata apertissimè demonstrant, lienem trahere succum crassum, lutosum, feculentum. Et hinc scribit Hippocrates, de aer. ag. & locis, quod qui habitant loca paludosa, lienosi fiunt; quia scilicet aqua lutosa ῥοπλῶ ad lienem habet. Et si lien saltem aquosos & tenues humores attraheret, qui sit, quod obstructionibus & scirrhis tam obnoxius est? Ex altera verò parte lienem etiam aquosum humorem ad se attrahere, antiquum dogma est. Non solum enim, loco antea allegato, lib. 1. de morbo mulier. docet Hippocrates, quod potus pars in vesicam penetrat, reliquum verò lien ex ventre ad se trahit & recipit, ὅτε ἀραιὸς ὢν καὶ πογγοειδὴς, κερμαῖος τε καὶ τῆς κοιλίας: sed etiam, lib. 4. de morbis, apertissimè & clarissimè scribit, quod lien aquam ad se trahat; & si plus iusto traxerit, neque euacuetur, homo agrotare inde incipiat. Et omnino diligenti consideratione digna sunt, quæ allegatis locis Hippocrates de generatione hydropis habet; ut & quæ in allegatum locum è lib. 1. de morbo mulier. commentatus est Mauritius Cordæus. Et 6. epidem. sect. 2. tom. 3. docet Hippocrates, quod sanguis melancholicus sit ἰχωροειδὴς καὶ λεπιδῆς; additque Vallesius, in comment. sanguinem melancholicum esse serosum, similēque vitioso lacti, quod in caseum & serum ferè totum resoluitur, nihil habens boni & utilis lactis. Atque hinc fieri, ut melancholici sint saluatores

Lien crassa attrahit.

Lien etiam aquosum attrahit.

& plu

& plurimum sudent. Neque illud serum esse expers Qualitatum, & tantum crudum, velut, quod abundat in crudo & pituitoso sanguine, sed acre & mordax. Et talis cum sit humor lienis, diuersi inde fiunt morbi & symptomata. Nam, vt *ibidem* docet Vallesius, crassum & feculentum in inferiora, tenue & serosum in superiora repit. Vnde fieri videmus melancholicis in cruribus, & imo ventre venas nigras, & crassas, ac nonnunquam hamorrhoides crassum sanguinem fundere: ex nare sinistra tenuem, & aquosum copiosum exire; gingiuas rem intumescere & exulcerari, quod scorbuticis euenit. Recteque scribit Vallesius, *com. in 4. epid. in Eudemot. 104.* Potu pauco vti debere lienosos; & multo plurimum ladi-
~~neque rationem obliuiscamur, cum enim lien spongiæ~~
 fieri hydropicos, rem esse expertissimam, sit similis, plurimum aquei liquoris imbibit, atque distenditur, obruiturque in eo facile calor. Et si liberius bibant lienosi, statim in sinistro hypochondrio borborygmos sentire, experientia testatur. Et si quis fortasse diligentius perpendere voluerit numerosas illas arterias, quibus præditus est lien, & inquirere, an non per illas breui via humores ex liene ad renes peruenire possint; inueniet proculdubio aliquid, quod ad hanc rem fecerit; & quomodo nigra illa, quæ interdum in melancholicis per urinam euacuantur, neque per vias occultas & cæcas, neque per longas ambages, sed compendiarie via ad renes deriuantur. Est autem crassæ illius partis maxima differentia. In sanis enim saltem terreum, feculentum & lutosum est crassum excrementum melancholicum. Imò in ægris etiam quibusdam nullus insignis in excremento nigræ qualitatum excessus apparet; & vt Galenus, 6. *aph. 56.* scribit, humor melancholicus non semper mordet & irritat. Et idem, *de atra bile, cap. 3.* humorem melancholicum vomentibus interdum acidum, atque acerbum sentiri, quandoque verò nullam, quæ percipi queat, qualitatem habere; atque, *eod. cap. 3.* de pestilentia quadam, nigrum in quibusdam per aluum excrementum mordacitatem non habuisse scribit. Interdum tamen qualitatum quidam excessus apparet, quæ & seroso humori communicantur, sicut cineres lixivio suas qualitates tribuunt. Inter eas primò est acerbitas, vnde, vt Galenus, 3. *de aliment. c. 12.* habet, lien gustu non exactè suauis est, sed in eo perspicua quadam acerbitas deprehenditur. Sequitur postea aciditas, & hinc illa atra bilis, quæ summam erodendi vim habet. Atque ex hac humorum, qui in liene & circa lienem cumulari solent, diuersitate tanta morborum, qui ab humore melancholico oriri dicuntur, varietas ortum habet.

CAPVT IX.

De Calculorum & Vermium generatione.

Porrò cum præter humores & alia in corpore reperiantur, quæ sæpe causæ morborum sunt: de illis quoque aliquid addendum. Tales autem causæ propriè sunt calculi & vermes. Quantum calculos attinet, in corporibus animalium in omnibus ferè partibus eos gigni, experientia docuit. In cerebro calculos genitos, & repertos esse annotauit Ioannes Kentmannus in libell. de calculis: Hollerius lib. 1. de morbo intern. in Schol. cap. 48. Cornel. Gemma lib. 1. Cosmocr. cap. 6. Guilhelm. Fabric. centur. 1. obseru. 11. In palpebra, Aërius, tetrab. 2. serm. 3. cap. 80. I. Cas. Scaliger. exer. 108. sect. 3. Sub lingua, Nicol. Flor. serm. 4. tractat. 1. cap. 8. & serm. 5. tractat. 9. cap. 12. Guainer. tract. de calcul. pass. c. 1. Kentman. loc. alleg. Cornel. Gemma loc. alleg. Laur. Ioub. paradox. 3. dec. 2. contr. Brun. Seidelium. In consillis & faucibus; Nicol. Flor. serm. 5. tractat. 9. cap. 12. Langius,

lib. 1. epist. 57. Kent. loc. alleg. In gutture, Auicenna lib. 3. fen. 9. cap. 9. In pulmonibus, Alex. Trallian. lib. 5. cap. 4. Arctæus, lib. 1. c. 1. P. Aegineta lib. 3. cap. 31. Fernel. lib. 5. de part. morb. & sympt. c. 10. Ant. Beniuen. de abdi. & mir. morb. caus. & sanat. cap. 24. Iul. Cas. Scalig. loc. alleg. Dodonæus Medic. obseruat. cap. 23. Trincauell. lib. 10. curat. part. aff. cap. 6. Kentm. loc. all. Cardanus in com. aph. 79. sect. 4. Hippocr. Circa basin arteriæ magnæ, Cornel. Gemma loco alleg. In cordis arteriis, Fernel. lib. 5. de part. morbor. & sympt. cap. 12. In corde, Holler. lib. 1. de morbo intern. in schol. cap. 29. & 50. & com. 1. in lib. 6. sect. 2. Coac. Hippoc. aph. 4. Th. Erastus in consil. à Laur. Scholiz. ed. r. cons. 103. In mammis, Lemn. lib. 4. de occult. natur. mirac. cap. 12. In ventriculo, Nicol. Flor. serm. 5. tract. 4. cap. 53. Gentil. in var. in Auicenn. lib. 4. fn. 1. tract. 2. c. de febre sextana. Cardan. contrad. 9. lib. 2. tract. 2. Idem lib. 2. de subtil. Corn. Gemma loc. alleg. In intestini, Galen. 1. de loc. affect. c. 5. & 6. de loc. aff. cap. 2. Arculan. 9. Rhas. Gentilis loco alleg. Beniuen. c. 19. Fern. lib. 6. de part. morb. & sympt. cap. 9. I. Cas. Scalig. loc. alleg. Trincauell. loc. alleg. Kentm. loc. alleg. Holler. lib. 1. de morbo intern. c. 48. in schol. Hier. Capinac. lib. 3. pract. cap. 13. Mercurial. lib. 2. a. excrem. cap. 4. & lib. 2. var. lect. c. 2. Ambr. Parus lib. 24. c. 9. P. Sal. diuers. in annot. in cap. 79. Altimar. Marc. Donat. de hist. medica mirab. lib. 4. c. 30. Crato in epist. à Scholtzio collect. ep. 140. P. Forest. lib. 14. obs. 26. in schol. In mesenterio, Fern. lib. 6. par. morb. & sympt. c. 9. Holler. loc. allegat. In vena portæ, Columb. lib. 15. In hepate, Kentm. loco all. Beniuen. c. 3. & Dodon. in schol. Cal. Rhodig. antiq. lect. lib. 4. cap. 17. Iul. Cas. Scalig. loc. allegat. Iac. Camenicensus in Matthiol. lib. 5. epist. Holler. loc. alleg. Columb. loc. alleg. Domin. 1. con. de art. med. lib. 5. c. 6. In vesica fellis, Nicol. Flor. loc. alleg. Beniuen. c. 94. & Dodon. in schol. Fernel. lib. 1. physiol. c. 7. & lib. 6. de part. morb. & sympt. c. 5. Langius loc. alleg. Volch. Coiter. in obser. Chirurg. & Anat. miscell. Fallop. in obseru. ad P. Mannā & tract. de fossilib. c. 7. Gemma Cosmocr. lib. 1. cap. 8. Forest. lib. 14. obs. 26. in schol. Iac. Camenicensus ad Matthiol. lib. 5. epist. In liene, Vesal. lib. 5. fabric. corp. bum. c. 9. Holler. loc. alleg. In venis hæmorrhoid. Columb. loc. alleg. In umbilico, Author de finit. medic. Columb. loco alleg. Herc. Sax. pr. lib. 3. cap. 41. In vtero, Hippocr. 5. epid. agr. 25. Aëtius tetrab. 4. sermon. 4. c. 98. Nicol. Flor. serm. 5. tract. 9. c. 12. Holler. loco alleg. Marc. Donat. loc. all. P. Sal. diuers. in animadu. in Altimar. c. 113. In glanduloso corpore, quod vesicæ adnascitur, Marcel. Donat. loc. all. In iuncturis arthriticorum tophaceam & gypseam quasi materiam concretere notissimum est. In abscessibus, Fallop. de tumor. p. n. c. 4. Kentman. loc. alleg. Schenck. l. 5. obser. 58. Verum in renibus & vesica frequentissimè calculi nascuntur; quorum solum cognitionem cum habuerit Gal. 1. de loc. affect. c. 5. & 6. de loc. affect. c. 2. lapides tantum in vesica & renibus, & vt alij referunt, etiam in intestinis generari scribit. Sed qua ratione calculi generentur, non ita clarum est, De materia quidem non ita multum controuertitur. Omnes enim ferè concedunt, lapides in corpore nostro generari ex materia viscosa, lenta, crassa, & vt ij, qui accuratius loqui volunt, nominant, feculenta, terrea, limosa & lufosa. Sed de efficiente causâ maximè dissentiunt Authores. Alij à calore calculos generari statuunt; alij etiam frigus admittunt. Verum aliis neutra harum opinionum satisfacit. Neque id sine causâ. Nam frigus quod attinet, probabile non videtur, id primariam lapidum in corpore humano causam esse. Quis enim credat, tantam in viuente corpore posse reperiri frigiditatem, à qua humores in tantam duritiem coagulari possint? Quam rationem etiam affert Author de ren. aff. dignasc. cap. 2. dum inquit: In nobis lapides frigus non parit. Neque enim fieri potest, vt vino corpori tantum frigus accidat, quo concretere valeat in homine lapis. Deinde si à frigiditate sola congelarentur, à caliditate iterum soluerentur; quod tamen non fit, vt experientia docet, vt est apud Aristotelem,

Calculorum materia.

Calculorum causa efficiens.

An à frigore generentur.

Calculi.

alore. 4. *Meteor. cap. 6.* Qui verò à calore calculos coagulari sentiunt, etsi aliquid probabilius dicere videantur, & plurimos applausores habeant: tamen nec ipsi omnino huic quæstioni satisfacere videntur, nec concedi potest, solum calorem calculos generare. Si enim à solo calido concreverent, aqua soluerentur, ut docet Aristoteles, *loco allega.* Si verò aliquis dicat, quam sententiam plerique sequuntur, calculos generari à calore per exsiccationem humidi, seu à calore absumente humiditatem: neque is nodum hunc planè soluet. Neque enim credibile, tantum esse in corpore nostro calorem, qui calculos, veluti lateres, coquat. Nam si à modico saltem calore gignerentur, aqua iterum soluerentur: sicut videmus lutum modico igne siccatum, si humore iterum imbuatur, solui; & non nisi vehementissimo igne in lapideam durti-
ne sic. tiem concrecere. Deinde cum vix aliquo in loco plus humoris; & perpetuò reperiatur, quàm in renibus & vesica, utpote locis ad excipiendâ & expurgandâ aquosâ & serosâ excrementa destinatis; ex defectu atque absorptione humidi eo loci frequentissimè calculos generari, vix credibile est. Ideoque etsi admitti possit, aliquid ad generationem calculi calorem facere: tamen soli calori, ut primariæ causæ, generatio calculorum adscribenda non videtur, sed alia causâ quærenda est. De qua etsi recentiores plurimi consentiant, & aliam, præter calorem & frigus, causam ponant, in ipsa materia, & forsan in ipso sensu conveniant, & omnes peculiarem vim coagulandi requirant: tamen alij aliter eam describunt. Nam, ut scribit Mauritius Cordæus, *comm. 7. in Hipp. lib. 1. de Muliebr. Præter externas & aduentitias caloris, frigoris & siccitatis causas, alij succum, alij lixivium, alij sal, alij aquam congelatam, non solum ut materiam indurationis, sed etiam ut quodammodo electricam, & in ipsis indurantibus insitam, fixamque delitescere existimant.* Sic Corallium (ut idem addit) cui proprium est aëri expositum lapidescere, non quidem solum ab ambientis frigore induratur, sed quod absconditam habeat in se durtiei causam, quæ à circumstante aëre effecta illa producit, Chymici concretionem & coagulationem hanc tribuunt sali, & ex salis, vel tartari, quod est in humore, coagulatione, calculum fieri, & tartaream materiam suapte natura vergere ad coagulationem & indurationem statuunt. A quorum sententia non multum abesse videtur Felix Platerus, qui acrem & salum, qui terrestreitari in sero & vrina permiscetur, atque inest, succum tophos, calculosque compingere & veluti ferruminare docet. Alij quidem solum de lapidum extra corpus humanum generatione, atque aliarum rerum in lapides coagulatione loqui videntur: tamen cum utrobique non dispar videatur esse ratio, eorum sententia huc non incommodè adduci potest. Matthiolus, *in præf. in lib. 5. Diosc.* succi lapidescentis mentionem facit, & duabus illis causis vulgaris, calori & frigori, tertiam addit, succum lapidescentem, qui præterquam quod sit lapidum materia, etiam causæ efficientis partes subit, quando in corpus aliquod per meatus penetrat, idque totum secum in lapidem convertit. Eiusdem succi lapidei alij quoque faciunt mentionem. Quæ sententiæ etsi verbis nonnihil discrepare videntur: in eo tamen consentiunt, atque id docent, in lapidum generatione aliquid, præter calorem & frigus, concurrere, idque in ipsa materia, unde lapides generantur, inesse, & sponte sua ad coagulationem tendere. Etsi verò in quæstione hac admodum difficili facilius sit sententiam, quod in simili quæstione Mauritius Cordæus, *loco allegato,* facit, suspendere, quàm aliquid definire: tamen placuit postremam hanc authorum sententiam, quæ nobis verior videtur, veritatis investigatoribus proponere. Cur enim non eo modo in corporibus animalium calculos generari credamus, quo extra corpus nostrum fre-

quentissimè generari videmus? Certè in thermis aliisque fontibus, tophos, ac stirias lapideas accrescere; & in montium concauitatibus, ac speluncis è saxis stillante aqua stirias tales, imò columnas prægrandes concrecere; & fontes, ac lacus reperiri, qui stirpes, ossa, ac alia iniecta in lapides commutent, experientia docet. Quod certè in solum frigus, aut calorem reicere non possumus; cum aliæ etiam aquæ dentur, quæ caliditate & frigiditate cum his conveniunt, & nihil tale præstant. Videmus etiam in vino salem istum cum materia feculenta mistum in lapideâ durti-
tiem in vino concrecere, & doliorum lateribus adhærescere, quem Tartarum appellant, à quo sumpta nominatione Chymici etiam materiam calculi tartarum appellant, feculentum scilicet ac limosum quid, sali permistum. Imò non solum alibi lapides hoc modo concrecere, sed & in ipsis vrinis è corpore humano emissis cernimus. Si enim vrinæ, ut ex salso & nitroso humore constantes, præcipuè autem magis salis, acres, & limosam ac lutosam materiam continentes, in matulis asseruntur: videmus sabulosam materiam iis adhærescere, ac si diutius in matulis detineantur, lapideam quandam, & tartaro vel calculis, qui interdum eiiciuntur, non dissimilem materiam accrescere. Testatur præterea experientia, cibos, ac potus, qui talis feculentæ salis, aut quomodocunque appellare libuerit, materiæ multum continent, vberem calculis generandis suppeditare materiam, ac calculosis esse summè noxios. Et comperimus in animalibus, & capris, quæ sale valde delectantur, murosque ob id lambunt, præsertim senescentibus, plerunque calculos generari. Verum etsi ista materialis causâ lapidum generandorum talis sit, quæ scilicet non ab externo calore & frigore in lapideam durti-
tiem concrecat, sed internum concretionis & coagulationis habeat principium: tamen cum in renibus præcipuè & vesica; & quidem non in omnibus, sed quibuldam solum, calculi generentur: causâ adhuc alia efficiens & adiuans addenda videtur, quam Fernelius, *lib. 6. pathol. c. 12.* appellat arenosam calculosamque renum constitutionem; Platerus, siccitatem: quæ facit, ut materia illa tartarea, à sanguine secreta, in sero delitescens, & propterea ad concretionem in renibus & vesica aptior, principium concretionis nanciscatur. Ita videmus in thermis canalibus tophos illos accrescere; vitriolum facilius concrecere, si baculi lignei vel arundines aquæ vitriolatæ iniiciantur; in matulis, nisi mudentur, sabulosum istud & tartareum excrementum in dies incrementum sumere, & augeri; sicut idem & in dentibus accidit, quibus tartarum, quod nominant accrescit. Atque hinc fit, ut ea quæ calculum frangunt & expellunt, ad præservandum, ne calculus de nouo generetur, exhibeantur. Calculosa enim illa dispositio tantum abest, ut calculum frangentibus & expellentibus medicamentis, quæ ferè calida & sicca sunt, tollatur, ut etiam non raro ab iis augeatur. Sed si præcauere velis, ne calculus de nouo generetur, opus est, ut & materia, è qua calculus generari possit, euacuetur & abstergetur subinde, & dispositio illa in renibus ad calculum tollatur; quorum posterius non fit diureticis calidis & siccis, sed potius humectantibus, & non raro refrigerantibus, ut radicibus althææ, glycyrrh. fragis, violis, & similibus. Qualia & extra adhibere necessarium est. Summa ergo huius rei est, in corpore nostro calculos generari, si talis feculenta ac terrea materia salso, vel lapidescenti, aut quomodocunque nominare libeat, succo permista loca angustiora ac sicciora peruadat, iis adhærescat, ac sese agglutinet. Quod præcipuè in renibus & vesica fieri solet: quæ loca materia serosa, à sanguine secreta, continuo perlabitur, ac perpetuum augmentum materiæ subsistenti ac hærescenti præbet; unde sæpe in magnâ molem calculi excrecunt. Veruntamen & alij

360 De Cauffis Morb.intemp.sine materia.

in partibus sæpe vis illa *λιδροποιητική* reperitur, vt ex locis ante allegatis pater, imo & in iplo vtero; cum obseruatum sit rætum in vtero in lapidem conuersum fuisse, de quo videatur Schenckius, *lib. 4. obseru.* Vermes quoque in omnibus ferè corporis nostri partibus generari posse, tradunt historiæ à Marcello Donato, *lib. 4. de hist. med. mir. c. 26* aliisque collectæ. Quæ verò horum animalium caussa sit, non facile est explicare. Et si enim omnes statuunt, vermes & similia animalia, non solum in corpore humano, sed & extra illud, generari ex putredine, seu calore, qui à putredine excitatur; tamen qua ratione putredo, seu calor putredinalis, vt vocant, talia generet, non ita planum est, atque illud inprimis obicium, vnde ista formam suam accipiant. Nam non sufficit, quod nonnulli dicunt, produci talia non tam à putredine, quam à coctione, quæ cum putredine coniuncta est, seu à calore, postquam materiam putrefecit, agente in quâdam partes opere separatim dicato vermium generationi: id quod ex Aristotele habent, qui *3. de generat. anim. cap. 11.* *ἢ αὐτομάτων γινόμενων γινέσθαι ἢ ἀπὸ σπέρματος, ἀλλὰ πεπρωμένου, nihil eorum, quæ sponte gignuntur, putrescens, sed coctum fieri,* scribit. Neque enim calor siue putredinalis, siue coquens, siue quocunque modo appelletur, per se substantiam efficere, & sese nobilius aliquid producere potest. Sicut nec illud rem expedit, quod quidam ad calorem cœlestem, seu cœlum confugiunt. Cœlum enim est agens tantum commune, ac vniuersale, præter quod in cuiusvis rei sublunaris generatione proprium & proximum agens necessario requiritur; Et propterea & hoc loco: cum & ipsi vermes, qui in homine & extra eum generantur, sint diuersi generis, atque idcirco etiam ex diuersis materiis generentur. Nascuntur ex equo vespæ, è vitulo apes, bombyces è mori foliis, non salicis: Nascuntur sui generis & peculiare vermes à salice, fraxino, populo, abiete, carne, caseo, in animalium pilis, excrementis, atque aliis rebus, singuli sui generis. Quæ omnia arguunt, non minus imperfectorum illorum, quæ ita dicuntur, animalium, quam perfectorum esse propriam materiam, diuersorumque diuersam; ita vt idem calor agens producat diuersa animalia, si sit diuersa materia; eadem, si sit vnius generis. Itaque statendum videtur, nec in talium generatione semen aut certè quiddam semini *ἀνάλογον* deesse, & proximum principium & peculiarem in materia potentiam ad talem formam suscipiendam latere. Quod innuisse videtur Aristoteles, qui, *3. de part. animal. c. 11.* scribit: *generari in terra humoreque animalia & plantas, quoniam humor in terra, spiritus in humore, calor animalis in vniuerso inest, ita vt quodam modo plena sint a vna omnia.* Et, *3. de gen. anim. c. 3.* idem docet, etiam in excrementis posse principium vitale inesse. Plurimarum enim rerum semina non ita elaboratam requirunt materiam, formæque illæ ignobiliores sæpe diu sub rudiore quoque materia latere possunt, quæ postea à calore excitatæ sese suis operibus produnt. Verum de his accuratius disquirere philosophi est, & actum hac de re pluribus est, *de Chymicorum cum Arist. & Galen. consens. & diff. cap. 12.* Medico hoc scire satis sit: Primò materiam, è qua vermes generantur, in omnibus ferè corporis partibus reperiri posse. Quanquam enim in ventriculo generari posse vermes, nonnulli non solum in dubium vocent, sed & acriter negent: tamen cum in ventriculo non minus, quam in intestinis, sæpe plurimi vitiosi humores colligantur; iidem certè non minus, quam illi, qui in intestinis hærent, idoneam vermibus materiam suppeditare, putredinemque concipere possunt in corpore, cuius calor blandior est, & cum humiditate coniunctus: & probat id ipsa experientia, vt videre est, apud Amat. Lusitanum *cent. 1. curat. 6.* Et quid hoc videatur mirum de Ventriculo, cum in aliis partibus longè minus excremen-

tis scatentibus, vermes generentur? Generantur & vermes in habitu corporis, apud nos quidem in infantibus in cute, & dorso inprimis, quos vulgo *Mitesser* vocant, quasi dicas vermes alimentum in infantibus absumentes. Qui enim infantes iis laborant, macilento sunt corporis habitu, interim multum edunt. In adultis verò, præcipuè in Ægypto, & India, vt Aëtius, *tetrab. 4. serm. 2. c. 8.* & Paulus, *lib. 4. c. 59.* testantur, in musculosis corporis partibus, brachiis, cruribus, lumbricorum forma sese exerunt, quorum capita apprehensa si trahantur vehementem dolorem excitant; qua de re videatur in epistolis à Laurentio Scholtzio collectis, *epistola 27.* Vvierus, in *tractat. German. de dracunc.* Forestus, *lib. 20. in fine, in obseruat. medic.* materiam hanc nonnulli tantum crudam, & pituitosam esse statuunt, qualis in pueris voracibus congeritur ex ciborum assumptorum varietate, negantque hi, ex materia acri & calida, frigida & sicca, qualis est flaua bilis, atque atra, vermes produci posse; quod talis materia amara sit, & minus putrescat: Alij ex omnibus humoribus fieri credunt. Verum in materia tali non præcipuè ad primas atque ex iis ortas, aut iis cognatas qualitates, sed potiùs quiddam, quod semini quodammodo respõdeat, latensque principium, & peculiarem in materia potentiam ad talem formam suscipiendam, respiciendum est. Cum experientia constet, æquè ex absinthio, atque aliis herbis vermes generari. Caussa verò efficiens calor putredinis est. Is enim in materia disposita *ψυχικῶν δυνάμεων & ζωτικῶν ἀρχῶν*, vt Aristoteles, *allegato loco*, nominat, delitescens excitat, & vt in actum erumpat, in caussa est. Ad quam rem maximè aptus est calor humidus, & qui nõ subito rem dissoluit & corrumpit, sed calidum innatum paulatim euocat: qualis cum sit in pueris, non mirum est, in illis ex iis cibis vermes nasci, è quibus in adultis, quorum calor acrior est, nulli nascuntur.

C A P V T X.

De Cauffis Morborum intemperiei sine materia.

Postquam hætenus in genere, quæ caussarum morbos efficientium sunt differentia, & quæ res sint, quæ caussarum morbificarum naturam induunt, dictum: iam explicandum est, quæ singulorum morborum sint caussæ in specie. Quod vt commodè expediamus, eundem ordinem, quem in differentiis morborum enumerandis adhibuimus, obseruabimus; & proinde primò de caussis morborum partium similarium dicemus. Sunt autem morbi partium similarium duplices: Intemperiei, & totius substantiæ, seu occultarum qualitatum. De caussis morborum intemperiei primo loco agamus. Galenus, *de causs. morbor. cap. 2.* caussas intemperiei calidæ quinque recenset: Motum, Putredinem, Viciniam rei calidæ, *εγγύτητα*, seu corporis constipationem, & per hanc calidi illius effluuij & transpirationis retentionem, Calidæ rei permissionem, seu assumptam, id est, alimenta, & medicamenta calefacientia. Verum hæ res non omnes eodem modo calefaciunt, verum aliæ proximè, & per se, aliæ per accidens. Motum primò quod attinet, qua ratione is calorem excitet, in genere inquire Philosophi est. Medico hoc loco satis est, scire, qua ratione in corpore humano motus caloris caussa sit. Et si autem planè non negemus, motu, præcipuè membrorum corporis, per attritionem mutuam, etiam aliquid caloris in corpore nostro generari posse: tamen inprimis motus corporis, atque animi calorem produçunt, nimia agitatione spirituum & humorum. Cum enim ad omnes actiones in corpore nostro spirituum ministerio opus sit: motibus

Vermes.

An calor sit caussa generationis vermium.

An cœlum vermes generet.

Ad vermium generationem, præter calorem, alia principis & propria caussa necessaria.

An in ventriculo vermes generari possint.

Materia qua vermes generantur.

Caussa intemperiei.

Motus.

motibus corporis & animi spiritus, & cum his sanguis, ad membra, quæ mouentur & exercentur, concitantur & varie agitantur, atque ita ex concursu spiritus ac sanguinis membra calidiora redduntur. Præterea etiam motu & agitatione spiritus & sanguis attenuantur & incalescunt, conceptumque calorem partibus solidis communicant. Secundò inter caloris causas recensetur putredo. Etsi enim in putredine, ut ex eius definitione ab Aristotele, 4. Meteor. cap. 4. tradita patet, fiat proprii natiuique caloris corruptio, & omnia, quæ putrescunt, tandem reddantur frigida: tamen, ut Aristoteles scribit, 2. sect. probl. 20. omnia, quæ putrescunt, calida fiunt. Calor enim internus ab externo extrahitur & euocatur, & ad exteriora tendens fit sensibilior, qui antea contraria qualitate erat quasi absconditus, & ita temperatus, ut non sentiretur, quod vinculum & copula in putrefactione dissoluitur. Apparet id frequenter in rebus multis extra corpus humanum; Galenusque in columbarum agrestium excrementis ex putrefactione ignem accensum vidit, ut testatur, de caus. morb. cap. 2. Idem & in corpore nostro accidit, & dum humores, vel in vasis, vel extra ea in tumoribus putrescunt, magnus calor excitatur, & sæpe febres generantur. Tertiò intemperiem calidam excitant contactus & vicinia rei calidæ. Cum enim omnes res naturales qualitates, quibus prædita sunt, corporibus vicinis communicare soleant: quæcunque calida corpori nostro occurrunt atque applicantur, ut sunt aer calidus, radij solares, ignis, medicamenta calida applicata, corpori nostro calorem, quo prædita sunt, imprimunt. Partes quoque corporis nostri præter naturam calefactæ, ut in inflammationibus, bubonibus & aliis tumoribus calidis accidit, vicinis partibus calorem communicare possunt, & febres symptomáticas vocatas, excitare. Quartò calidam intemperiem excitare valet cutis constipatio & constrictio. Nam cum corpus nostrum perpetuam ventilationem, & liberam respirationem requirat, ut & aer frigidus calori temperando necessarius attrahatur, & calidæ fuligines expellantur: si cutis spiracula occludantur, neque calor iusto modo refrigerari, neque calidi vapores excerni & expelli possunt, sed in corpore retinentur, quod inde incalescit, & hinc febris sæpe excitatur in iis maximè corporibus, quæ multis acerbis & fuliginosis humoribus excrementitiis abundant. Huc pertinent omnia, quæ vel poros cutis obstruere, vel constringere & claudere possunt, qualia sunt, frigus ambiens, balneum adstringens. Denique res calidæ in corporibus assumptæ calidos morbos excitare possunt. Quod enim calida corpus nostrum extra tangentia præstant, illud multò magis præstare possunt calida intrò assumpta & usurpata, siue sint cibi, siue potus, siue medicamenta calida, vel aer calidus attractus. Atque his modis agant necesse est omnes illæ causæ morbificæ, quas supra in quatuor classes distribuimus, nimirum in ea quæ assumuntur, quæ geruntur, quæ retinentur & excernuntur, & quæ foris adhibentur aut incidunt, si morborum calidorum causa fieri debent. Nam primò ea, quæ assumuntur, alia proximè & per se id faciunt, & ad vltimum modum seu genus pertinent, de quo iam diximus, cibi, potus, & medicamenta calida, aerque calidus & æstuans, intra corpus attractus, illud calefaciunt. Deinde alia per accidens id faciunt. Ita cibi frigidi, vel crassi, & viscidii, vel etiam nimia copia assumpti, obstructions pariunt, meatusque internos claudunt, atque ita prohibita transpiratione, calor, & frequenter etiam putredo excitatur. Si verò parciore iusto quantitas assumatur, in alimentis necessarij defectu, calor in ipsas partes solidas agit vehementius, easque calefacit, &

in corporibus dispositis bilem generat & accendit, atque ita biliosas febres producit. Secundò ea, quæ geruntur, calidam intemperiem excitant; animi nimirum & corporis motus, eo, ut iam dictum, modo. Tertiò, retenti calidi humores atque excrementa, quæ euacuari debebant, intemperiem, quam habent, corporis partibus, in quibus hærent, communicant, atque inprimis, si putredinem concipiant. Quartò, quæ extrinsecus accidunt corpori, non vno modo calorem, excitant. Per se quidem aer calidus, Sol, ignis & medicamenta calida applicata; ac potissimum in corporibus calidis, rarioribus, & quæ humoribus biliosis abundant. Per accidens verò calefaciunt frigida & astringentia, foris corpori adhibita. Hæc enim cutis poros densant, & calidas expirationes prohibent, quæ in corpore retentæ, vel ex sua natura, quod calidæ sunt, vel quod putrescunt, morborum calidorum causæ sunt. Huc pertinent aer frigidus, balnea aluminosa, ferrata. Frigida autem hoc præstant facilius in iis corporibus, quæ iam incaluerunt, aut antea habent adstrictos nonnihil poros. Quibus enim pori antea patefacti sunt, in ea facilius sese frigus insinuat. Hinc fit, ut qui ex cursu, labore & aliis exercitiis æstuant, & hinc mox frigidus aer sese committunt, facile febribus corripiantur. Quibus verò antea pori sunt adstrictiores, iis facile frigore externo plane occludi possunt. Causæ quoque morborum calidorum sunt, quæ corpus vehementius lædunt, doloremque excitant, ob quem in partem dolentem humores attrahuntur, qui cum diffari satis ob copiam nequeant, obstructionem, & hinc putredinem excitant. Causas morborum frigidorum has recenset Galenus, de caus. morb. c. 3. refrigerantium propinquitatem, ciborum potusque quantitatem & qualitatem, stipitationem & rarefactionem, ac præterea otium & immodicum motum. Verum à recentioribus commodissime in quatuor classes rediguntur causæ intemperiei frigidæ, ad quas & hæc à Galeno nominatæ, & si quæ aliæ dari possunt (nam in numero harum causarum deficere Galenum existimat Argenterius, de caus. morb. cap. 8.) reduci queunt. Omnes enim causæ, quæ intemperiem frigidam inducunt, id agunt vel alterando, & propria vi refrigerando; vel calorem innatum suffocando; vel eundem dissipando; vel pabulum calori subtrahendo, ut marcescat & contabescat. Alterando refrigerant res frigidæ vicinæ, siue extra corpori incidentia atque applicata, siue intus assumpta; ut aer frigidus, aqua frigida, cibi, potus, & medicamenta frigida. Calorem natium suffocando refrigerant omnia, quæ caloris natiui ventilationem, & fuliginosorum excrementorum diffusionem prohibent, vel aliàs calorem nimia copia obruunt. Nam ut flamma exstinguitur, si ostium & fornacis foramina obstruantur, vel cucurbita aut simile quid ipsi iniciatur: ita etiam in corpore nostro calor natiuus suffocatur, si fuliginosa excrementa diffari & euacuari nequeant. Id quod fit, dum vel pori, vel externa cutis spiracula à causis, maxima ex parte externis, ut aere frigido, balneis adstringentibus, similibusque clauduntur; vel venæ & arteriæ à causis internis, ut humorum copia vel crassitie, obstruuntur. Deinde, sicut flamma exstinguitur, si vel ligna vniuersim & multa supra parvam flammam coniicias, aut oleum copiosius affundas: ita & calor natiuus à multitudine & copia alimenti obruitur. Et ut flamma eò facilius exstinguitur, si nimia copia materiæ, quæ vel nullo modo apta est, ut ardeat, vel cum difficultate incendium concipiat, ipsi iniciatur: ita inprimis eorum alimentorum copia calor suffocari potest, quæ crudiora sunt & frigida. Ad hoc genus causæ pertinent sônus nimius, quies, otium & tristitia.

Quæ geruntur.
Retenta.

Quæ extrinsecus accidunt.

Causæ morborum frigidorum.

Refrigerantia

Calorem suffocantia.

362 De causs. morb. intemp. sine materia.

Calorem dissipantia.

Pabuli in calori superabundantia.

Causa intemperiei calida, quomodo frigidam quoque excitent.

Quomodo intemperiem frigidam generent, quae assumuntur.

Qua generantur.

Qua excernuntur & retinentur.

Qua extrinsecus accidunt.

Intemperiei humidæ causæ.

Tertiò; frigidam intemperiem excitant, quæ calorem dissipant. Nam sicut videmus ad claros Solis radios, & calido loco, aut ad maiorem flammam minorem marcescere, & minorem à maiore dispergi; & ventilatione quidem mediocri flammam augeri & suscitari, verum vehementiore motu vel vento dissipari & extinguui; ita & moderatæ exercitia ac motus calorem suscitant & conseruant, verum immoderata calorem & spiritus dissipant ac absumunt, atque ita corporis & animi motus nimij, aeris constitutio calida, cibi potusque calidi discutientes, creber purgantium medicamentorum, sicut & balneorum vius, calorem natium dissipant, & frigidam intemperiem excitant. Tandem & intemperies frigida in corpore excitatur, contabescente calore, ex defectu necessarij alimenti. Vt enim flamma, si ipsi nihil vel parum olei, aut alterius pabuli subministraueris, tandem marcescit & extinguuitur: ita & calor noster, subtrahito necessario alimento, contabescit. Atque hoc modo inedia & cibi inopia, vel vitium humorum, qui corpori alimentum præbere solent, sanguinis scilicet nimia euacuatio, calorem natium extinguunt, ac frigidam intemperiem excitant. Ne verò quis miretur, cur pleræque causæ intemperiei frigidaæ antea etiam inter causas intemperiei calidaæ sint recensita: sciendum, omnes causas, quæ aliàs intemperiem calidam excitare solent, si excessu nimiaæ sint, fieri causas frigoris. De putredine antea iam dictum est, in principio quidem per eam calorem excitari, sed tandem, corrupto calore nativo, frigidam intemperiem succedere. Ita vinum modicè haustum innatum calorem auget, & alij cibi boni, vitale suppeditando alimentum, calorem natium roborant: verum & vinum, & quodcunque aliud alimentum nimia copia sumptum cruditates parit, & calorem natium obruit & suffocat. Sic si constipatio & obstructio non nimia sit, & superfluitates, quæ detinentur, pauciores, febris accendi potest. Verum si tanta fuerit constipatio meatuum, ut nulla detur transpirandi via, calorem extinguui necesse est. Ita res calida vicina primò quidem calefaciunt: verum si calor sit immodicus, calorem natium dissipant; moderatūque exercitium, ut iam dictum, calorem conseruat & suscitatur, immodicum verò dissipat & dissoluit. Atque hos esse modos, quibus generantur morbi frigidi, inueniemus, si visitata illa causarum genera perlustremus. Nam primò assumpta vel sunt frigida, & propria vi frigidam intemperiem inducunt, ut aer frigidus, cibi potusque, & medicamenta frigida: vel sunt calida, & per accidens refrigerant, dissipando calorem: vel nimia quantitate calorem obruunt, ut in iis, qui ingluuiei dediti sunt, videre est: aut ob defectum & denegationem alimenti calorem contabescere sinunt. Secundò quæ geruntur, frigidus morbos pariunt, vel calorem natium dissipando, ut motus corporis nimij, vigilia nimia, gaudium nimium: vel obruendo calorem excrementitiis & frigidis humoribus. Tertiò, quæ excernuntur & retinentur morborum frigidorum causæ sunt: per se quidem frigidi humores in corpore abundantes & retenti, qui suam natiam frigiditatem corpori nostro imprimunt; per accidens verò, si calidi humores euacuantur, sanguisque inprimis, corporis necessarium alimentum, nimis profunditur. Denique & quæ extrinsecus accidunt, alia per se frigefaciunt, alia per accidens. Per se, aer frigidus, aqua frigida, nix, glacies, medica menta frigida. Per accidens, aer calidus internum euocando ac dissipando. Vincula quoque partes constringendo illas refrigerant, dum calorem influentem aditu prohibent, quo deficiente & caloris ventilatio prohibetur, & materia insito calori excitando & fouendo idonea denegatur. Causæ intemperiei humidæ ad duas reduci possunt, nimirum ad

viciniam humorum, seu ea, quæ alterando humectant; & quæ transpirationem corporis impediunt, atque humida illa corporis effluua retinent. Itaque ex iis, quæ assumuntur, cibus humidus, potusque copiosus assumptus, aer humidus inspiratione attractus, medicamenta humectantia usurpata, corpus alterando humectant. Ex iis verò, quæ geruntur, otium & quies, somnus nimius, animi tranquillitas, corpus humectant, quia parum per ea discutitur. Excreta quod attinet, humidi & pituitosi humores copiosius geniti, parciusque euacuati, & prohibita corporis transpiratio, corpus reddunt humidius. Ita inter ea, quæ extrinsecus accidunt & admoventur, aeris constitutio humida ex imbrium & pluuiarum multitudine & frequentia, austrique flatu, balnea aquæ dulcis tepida frequentia, inunctiones & similia humectantia extra adhibita, vim habent humidam intemperiem corpori inducendi. Intemperies sicca à contrariis causis, nimirum ab alteratione exsiccantium, nimia resolutione, *διαρροή* & paucitate alimenti ortum habet. Itaque inter ea, quæ assumuntur, cibi & potus siccandi vim habentes, aut medicamenta eandem facultatem obtinentia, aer siccus inspiratione attractus, corpus exsiccandi, intemperiemque siccam excitandi vim habent. Siccus quoque corpus redditur, ob cibi potusque paucitatem, quod in inedia & tenui diæta accidit. Cum enim à calore innato corporis partes assidue resoluantur, nisi per idonea alimenta absumpti fiat instauratio, corpus exsiccari necesse est. Huc non incommodè & ea referuntur, quæ meatus, per quos alimentum ad partem aliquam defertur, claudunt, partique commeatum & nutrimentum intercipiunt; unde siccitatem & *ἀσπλαγ* in parte, cui alimentum denegatur, excitari necesse est. Hinc Medici in curanda siccitate corporis ea alimenta & medicamenta, quæ astringendi vim habent, prohibent, quod meatus constringendo nutrimenti in membra deductionem & distributionem impediunt. Ex eorum verò, quæ geruntur, genere, corporis & animi motus nimij, ut labor immodicus, frictiones duræ, asperæ & longiores, curæ & sollicitudo, vigilia, dolor, atque omnia, quæ spiritus, humores, & substantiam corporis resoluendi ac dissipandi vim habent, intemperiem siccam inducunt. E tertia classe, eorum scilicet, quæ retinentur & excernuntur, nimia euacuationes corpus exsiccant; inprimis alimenti atque utilis succi: quod pertinet venus immodica. Contra bilis flaua, atra & pituita falsa præsentia & retentio, etiam corpus exsiccant. Tandem inter ea, quæ foris corpori accidunt atque adueniunt, sunt aer ambiens calidus, siccus, balnea sulphurea, nitrosa, bituminosa, aluminosa, medicamenta exsiccantia foris applicata. Atque hæ sunt simplicium intemperierum causæ: quæ si coniungantur, compositas intemperies excitant. Causarum tamen complicatio ad compositam intemperiem inducendam semper necessaria non est: cum multæ causæ sint, quæ geminis viribus polleant & præditæ sint. Ita aer calidus plerumque non solum calefacit, sed & exsiccatur; quod & alimenta calida pleraque facere possunt. Interdum vna causa vnā intemperiem inducit per se, alteram per accidens. Veruntamen tales causæ non semper geminam intemperiem inducunt, sed non raro simplices morbos pariunt: idque ideo, quod vel altera qualitas præpoller, alterius verò potentia inferior est: vel ob corporis, quod afficitur, dispositionem. Sit enim aer calidus & siccus, afficiatque duo corpora, quorum alterum calidum sit & siccum, alterum calidum & humidum: in utroque quidem calidam intemperiem inducet; siccum verò simul multò facilius in eo, quod antea ad siccitatem est dispositum, quam in illo, quod humidum est, causisque exsiccantibus diutius

Intemperies sicca.

Compositas intemperies.

diutius resistere potest. Ita tristitia quidem omnia corpora exsiccant: febrem verò & calorem non in omnibus excitat, sed in iis solum; qui ad calidam intemperiem pròni & dispositi sunt. In huiusmodi quoque causarum variarum concursu contingit aliquando corpus ab omnibus huiusmodi causis similiter alterari: aliquando à contrariis causis affici, quarum scilicet aliqua calefaciant, aliqua refrigerent, quædam humectent, quædam exsiccant. Quando autem à contrariis causis alteratur corpus, tunc contingit, vincere aliquando earum causarum actionem, quæ plures numero, ac diuturnæ magis fuerint: aliquando earum, quæ sunt fortiores; aliquando denique æqualiter à contrariis causis alterari corpus, & fieri inæqualem intemperiem.

CAPVT XI.

De causis Intemperiei cum Materia.

Explicauimus hætenus earum intemperierum causas, in quibus ipsa substantia partium similiarum solis qualitatibus alteratur, & solida ac similes particulae vel nimis incalescunt, vel refrigerantur, vel humectantur, vel siccantur. Iam earum intemperierum causæ inuestigandæ sunt, cum quibus in partibus affectis aliquis humor coniungitur. Etsi enim inter illas causas etiam humorum aliqua sit facta mentio, & nudæ illæ intemperies non diu persistere possint, quin aliquem humorem vel attrahant vel gignant: tamen in specie aliquid de materialium illarum intemperierum generatione dicendum est; quales non solum sunt in tumoribus, sed cum etiam sine tumore humor, flatus, aut vapor aliquis in parte aliqua continetur, siue is hæreat in venis & arteriis, quæ per particulae substantiam dispersæ, & disseminatæ sunt, siue per inania spatia diffusus sit, siue in partis alicuius sinu & cavitare contineatur.

Cum enim quilibet humor suum peculiare temperamentum habeat, illud parti, in qua hæret, imprimat & communicat. Sanguis, qui est calidus & humidus, calefacit & humectat; bilis flaua, quæ est calida & sicca, calefacit & exsiccant; pituita, quia est humida & frigida, humidam & frigidam, melancholia, quia est frigida & sicca, frigidam & siccam intemperiem inducit, & si qui alij sunt humores, de quibus diximus, eam, quam habent, intemperiem partibus, in quibus hærent, inducunt. Materia autem, quæ materialis intemperiei causa est, in parte affecta vel sensim colligitur, vel in eam confertim influit. Congeritur materia in parte vel ipsius partis, vel alimenti vitio. Ob partis vitium congeritur, cum vel concoctrix, vel expultrix non suum facit officium. Nam si concoctrix est debilis, parum rectè alimentum elaborare potest, & ex bono quoque alimento plura excrementa producit, quam expultrix possit expellere. Si expultrix est imbecilla, ut etiam excrementa ea, quæ necessariò aliàs & non nimia quantitate generantur, expellere non valeat; aut morbus aliquis conformationis adsit, meatusque excrementis euacuandis destinatus non pateat: excrementa in corpore cumulari necesse est. Patet ex his sæpe intemperiem materialem esse effectum nudæ intemperiei. Nam ob intemperiem partis coctio & expulsio vitatur, & pars, si à causis quibusdam externis calorem, frigus, vel aliam qualitatem contrahat, eam humori, quem in se continet, imprimat: qui humor rursus illam qualitatem parti, in qua hæret, communicat, eiusque intemperiem fouet, & augeat. Alimenti verò vitio materia in parte congeritur, cum illud vitiosum est, & tale, ut tanta excrementorum copia ex eo generetur, aut materia tam crassa & viscida producat, ut facultas expultrix iis expellendis par non

fit, vel meatus euacuationi destinatus non sufficiat. Fluxio autem fit vel per *ῥοι* vel per *ἄλξι*, id est, humores, qui ad aliquam partem confluunt, vel ab ea attrahuntur, vel aliunde transmittuntur. Attractio fit inprimis ob calorem & dolorem. Nam primò si calor, siue à Sole, siue ab igne, siue à motu, siue à medicamento aliquo in parte aliqua excitetur, partem illam calefactam ex reliquo corpore humores ad se trahere experientia docet; etiam cum in reliquo corpore non est aliqua insignis humorum abundantia: licet, si in corpore humores abundant, eorum maior copia attrahatur. Deinde dolor attrahit, & ad partem dolentem humores faciliè confluunt; idque tribus ferè de causis. Nam natura, quia doloris causam propulsare & excernere nititur, ut id præstet, sanguine ac spiritu dolentem locum replet. Deinde pars dolens à sanguinis & spirituum transmissorum copia incalescit, unde postea ob calorem magis attrahit. Tertio dolor partem debilitat: partes autem debiles si non attrahunt, tamen promptissimè recipiunt affluentem materiam. Etsi verò recentiores nonnulli contra has attractionis causas disputent, neque concedant, calorem dolorumque, ut nec vacuum, esse proximam attractionis causam: tamen nihil noui, & quod alicuius momenti sit, contra vulgatam doctrinam afferunt. Nam dum à Medicis & vulgò dicitur, attractionem fieri doloris, caloris & vacui ratione, non ea ipsorum sententia est, quòd attractio hæc per peculiarem vim attractricem fiat: verum saltem manifestas & euidentes causas proponere voluerunt, quæ fluxui humorum ad partem aliquam occasionem præbent, humoresque quasi alliciunt, & quas, ne fluxio vel concitetur, vel augeatur, submoueri necesse est, quacunque etiam efficiendi vi attrahant. Nihilque aliud sentiunt Medici, dum nunc per *ῥοι*, nunc per *ἄλξι* humores affluere dicunt, quam quòd causa, quæ facit, ut humores ad partem quampiam fluant, nunc sit in parte mittente, nunc verò in recipiente. Affluunt verò humores ad partem affectam, etsi non attrahantur, duplici ratione, duplexque est transmissionis modus. Nam primò sapius humores in vasis accumulati suo pte impetu moueri incipiunt, & subito in membrum aliquod, pro partium situ, & venarum dispositione irruunt. Sicut enim videmus in magno mundo vapores à calore resolutos in altum attolli, secumque etiam aliquid aqueæ vel alterius substantiæ, quæ sua natura aliàs ad motum illum inepta est, sursum rapere, vaporumque copiam, ubi concreuit frigore, in pluuiam mutari: ita & in corpore humano animaduertimus, sæpe humores, quorum proprium est deorsum, non sursum ferri, à tenuibus ac calidis spiritibus & vaporibus, qui ex inferioribus sua natura sursum tendunt, rapi, atque in ipsum caput etiam, spirituum illorum ac vaporum calidorum quasi vehiculo, ascendere. Videmus quoque vapores, spiritus, flatus, halitus, in aquam quasi concrevere, & cum impetu deorsum, prout via in hanc vel illam partem pròrior patet, ruere; unde catarrhi suffocatiui, humorumque ad dentes, in maxillas, humeros, articulos & alias partes defluxiones ortum habent. Nonnunquam & humores ita augentur in suis vasis, ut in iis ob copiam amplius contineri non possiunt: sed ruptis, apertisque osculis in partem aliquam ferantur, in quam nimirum gravitate sua inclinant. Atque ad hunc primum modum pertinent omnes externæ causæ, quæ fluxiones concitant; ut calor dissoluens, & frigus constringendo humores exprimens, & si quæ sunt aliæ huius generis, quæ humoribus motum conciliare possunt, ut postea suo pte impetu, qua via patet, ruant. Deinde transmittuntur humores, ubi, quæ expultricem habent validam, partes laceffitæ atque irritatæ vel qualitate,

Fluxio quomodo fiat.

Attractio fit à calore.

Dolor quomodo attrahat.

An dolor, calor & vacuum attrahant.

Transmissio humorum quomodo fiat.

*An pars una
in aliam hu-
mores trans-
mittat.*

vel copia humorum, onere se leuant, & id, quod molestum est, aliò propellunt. Sunt quidem ex recentioribus nonnulli, qui hunc transmissionis modum in dubium vocant, & id, quod in omnium Medicorum ore, est; In fluxione considerata esse membrum mandans, & membrum recipiens, non ita accipiendum & intelligendum esse existimant, sicut verba sonant, quasi membrum nobilius onere vel pondere aut qualitate humoris grauatum vel stimulatam, naturali robore suo, & facultate expultrice aliò propellat, deponat, & in abiectionem, ignobiliorem ac infirmiore partem protrudat sua superuacua excrementa; & hoc pacto nullum membrum mandans esse statuunt, quod sua naturali vi humores, quos continet, superfluos, sibi que molestos, in alia loca amandet: sed propterea solum membrum mandans appellari posse persuasum habeant, quia ibi sit terminus ex quo, & quia inde & ex illo membro fluxionis sit origo; quæ fluxio tamen suum proprium & internum habeat mouens principium, de quo in primo transmissionis modo dictum.

Verum enimverò etsi ille prior transmissionis modus, ubi vel sine expultricis opera humores suo impetu & motu in partem aliquam tendunt, admittendus sit: propterea tamen alter hic reiiciendus non est: Nam, ut rectè Galenus, cum alibi sapius, tum, *de caus. morb. cap. 6.* docet, qualibet non solum animalis, sed & plantæ particula quatuor facultates habet, atque inter reliquas & eam, qua quod superfluum est & excrementitium, excernit & expellit. Ac ne facile animal de salute ac vita periclitaretur, Creator expultricem facultatem membris nobilibus fortiorē indidit. Et nisi hoc admittatur, non solum alia multa, sed tota de crisi doctrina in dubium vocaretur. In crisi enim manifestè videmus, quomodo partes nobiliores & principes humores, quibus grauantur, vel è corpore expellere, vel ad membra ignobilia depellere soleant: & cum hoc non faciunt membra nobilia, sed oneri succumbunt, neque vitiosos humores expellunt, plerumque de vita actum est. Mittunt autem hoc modo vel partes omnes seu totum corpus, vel aliquæ. Corpus totum cum potentia superet omnes partes, seorsim sumptas, illud, quod redundat, in quamlibet partem deponere potest. Cum tamen rectè agit Natura, plerumque in glandulosas & cutaneas partes id, quod molestum est, protrudere, aut per conuenientes vias potius è corpore expellere solet. Priuatæ partes similiter vel copia vel prauitate humorum stimulatæ in alias partes imbecilliores ea, à quibus molestantur, ablegare consueuerunt. Humores autem vitiosi in priuatis partibus vel ob aliquod partis vitium continuò generantur, & inde quoque continuò ad alias amandantur, vel paulatim & sensim in parte colliguntur, donec natura ab iis grauata eos amplius ferre non potest, sed eiicit, & ad alias protrudit. Colliguntur autem & congeruntur humores in parte aliqua, non solum concoctricis, vel expultricis, vel alimenti vitio, ut modò dictum; sed etiam, quia pars illa ex aliis materiam recipit, ut in capite plerumque fieri solet, quod plurimos à toto corpore vapores suscipit, qui in eo in humores mutantur, sensimque cumulantur, donec Natura grauata eos in partes inferiores deponit. Arque hoc modo sapissimè reciprocus quidam humorum motus fit in corpore, dum è toto corpore, vel etiam partibus quibusdam priuatis superflui humores vel vapores ad partem aliquam mittuntur, qui postea rursus ab eadem parte, vel ad easdem, vel ad alias partes partes reiiciuntur & propelluntur. Ut autem fiat humorum fluxio & transmissio, non solum pars mandans sit oportet, sed & recipiens. Recipiunt autem humores affluentes partes, quæ vel imbecilles sunt, vel ad recipiendas

fluxiones procliuës. Etsi enim hîc iterum nonnulli dissentiunt, & ut membrum nullum propter robur & nobilitatem mandans esse statuunt; sic neque recipiens constitui debere propter ignobilitatem & infirmitatem, sed propter situm solum existimant: tamen verissimum est, quod Galenus, *allegato loco*, scribit; non omnium partium esse æquale robur, sed quasdam esse ignobiliores, quæ, si opus, reliquorum excrementa recipere possunt. Multa quidem ab initio instrumenta expurgandæ materiæ inutilis gratia molita Natura est: quæ quidem sola ad tuendam sanitatē sufficiunt, cum nulla in corpore vitiosorum humorum est redundantia: verum si quis error accidat, non amplius naturalia sufficiunt instrumenta ad excrementorum multitudinem expurgandam. Ideoque tum accidit, ut fluxiones à nobilioribus impulsæ partibus ad ignobiliores & imbecilliores ruant, siue illæ natura tales sint, siue ob aliquam morbosam constitutionem. Naturæ tales sunt laxæ, molles, raræ, aliæque ignobiles, & nulli ferè insigni actioni destinatæ: qualis cutis, quæ cum insignem nullam operationem habeat, & præterea omnium partium aliarum extrema sit, & earum quasi velamentum & amictus: non absque ratione totius corporis excrementa recipit. Procliuës tandem ad recipiendam fluxionem sunt partes, quæ cum parte mittente conexum, & vias, quibus humores admittant, amplas & patentes habent, vel quæ ita locatæ sunt, ut mittentibus subiaceant, & ad eas ex mittentibus via procliuës sit. Grauis enim materia semper promptius repit & fertur ad inferiora. Atque hisce modis, ubi ad partem aliquam humor aliquis peruenit, siue in ea sensim colligatur & congeratur, siue ad eam conferatim affluat: eius intemperie mutare potest, & si diutius in ea hæreat, putrescere & corrumpi incipit, & hinc omnes tumorum differentiæ ortum habent, quæ variae sunt, pro varietate humorum, à quibus excitantur, de quibus Gal. *l. de tumoribus, §. 4. aph. 34.*

*Tumorum
generatio.*

CAPVT XII.

De causis Morborum totius Substantiæ.

IN partibus similaribus, præter morbos intemperiei, aliud adhuc genus morbi reperiri, quod totius substantiæ, vel occultarum qualitatatum, vel quomodo libet appellatur, dari, supra monstraui. Eorum itaque morborum causæ quoque proponendæ sunt. Etsi Fernelius, *de diff. morb. c. 7. §. 2. de abd. rer. caus. c. 10.* causas alias manifestas statuatur, alias occultas: tamen supra satis probatum est, nullum morbum substantiæ ex manifestis qualitatibus oriri, sed omnes, qui ab intemperie aliqua manifestarum qualitatatum dependent, morbos ad intemperiem pertinere: totius verò substantiæ, seu occultarum qualitatatum, ut appellantur, morbos omnes à causis occulto modo, & à tota substantia, ut nominant, agentibus produci. Quales causæ sunt omnia venenata, maligna & pestilentia. Quibus etsi curiosiores nonnulli non acquiescunt, & venena omnia excessu primarum qualitatatum enecare statuunt: tamen id frustra & temerè conantur. De quo cum supra etiam dictum sit, hîc saltem istud afferimus: Si venenorum actiones comparemus cum elementorum, & reliquorum, quæ primis qualitatibus agunt, actionibus: diuersitatem longè maximam, & toto genere discrepantiam inueniemus. Nam quæ à qualitatibus primis fit alteratio & læsio, tantarum virium non est, ut hominem subito enecare atque interimere possit: quod in pluribus venenis fieri videmus. Morbus enim aspidis, teste Gal. *in lib. quod an. mores c. 3.* illicò interimat: idemque nappellus, opium & alia venena præstant. Neque enim qualitates primæ in minimo corpore summas vires

Venenæ quibus viribus agant.

Venenorum etiam in parua quantitate vis maxima

exerce

Partes transmittentes.

Partes recipientes.

exercere possunt. Ignis quidem est calidus; nix est frigida: sed, ut rectè scribit Gal. 3. de temperam. cap. 4. si quid horum prorsus exiguum est, nullum euidenter in corporibus nostris excitat affectum. Imò ne in maiore etiam copia corpora valde calida & frigida, ut piper, nix, aqua frigida, hominem enecant. At venena etiam in minima dosi exhibita vel enecant hominem, vel grauissima inducunt symptomata. Quis enim crederet, inquit Galen. 3. de loc. affect. c. 7. vel à scorpionis infixo aculeo, vel à phalangiorum ictibus totum corpus ingenti & inusitata mutatione affici, nisi sæpenumero id accidere videret; præsertim minimam quandam rem feris in ipsum demittentibus? Et paulò post Marina turturis, quemadmodum & terreni scorpj aculeus in partem extremam acutissimam illam quidem finitur, ubi nullum foramen est, per quod venenum deici possit: necesse tamen est, ut excogitemus substantiam quandam esse aut spiritualem aut humidam, quæ ut mole minima, ita facultate quàm maxima est. Et Ælianus, l. 9. de animal. cap. 5. refert, morsuum vestigia, quæ aspri imprimit, tam obscura & parua esse, ut indicia vix acri oculorum acie deprehendantur. Tandem si alteratio, quam venena faciunt, solum à primis qualitatibus proficeretur: cura etiam per medicamenta primis qualitatibus agentia perficeretur; quod tamen impossibile est. Venena enim alexipharmacis, & peculiari proprietate agentibus expugnantur. Vidit hoc procul dubio Galenus, & propterea hanc sententiam securus est pluribus in locis. De simpl. med. facult. 5. c. 19. ita scribit. Sunt, quæ tota substantia nobis sunt contraria. Proinde si vel minimum eorum assumptum fuerit, omnino ledant necesse est, cœu dryopteris & pityocampo & thapsia, & solanum manicum, & hydrargyros, & fungorum nonnulli, prætoræ salina, & fel venenatorum animalium. Nam talia omnia genere sunt deleteria, non quantitate. Idem docet, 6. epidem. comm. 6. t. 5. 3. de temper. cap. 4. ubi expressè scribit: Nequaquam sic (scilicet eo modo, quo elementa ignis & aqua agunt) indicanda deleteria sunt; imò totius naturæ suæ contrarietate: quod & alibi docet. Cui Auicennas, & alij passim assentiuntur. Tales autem causæ, quæ occulta malignitate & venenositate corpus nostrum corrumpunt, aliæ in corpore producuntur, aliæ illi extra adueniunt. Nam primò interdum humores & excrementa in corpore retenta adeo corrumpuntur, ut id non minus lædant, quàm, quæ ipsi extrinsecus obueniunt, venena. Ita interdum sanguis concretus & putrescens, semen corruptum, aliique humores corrupti pessimam naturam induunt, & venenosas qualitates acquirunt. Verùm quia hac de re Medici non consentiunt, paulò altius veritas huius rei inquirenda est. Humores in corpore nostro varias mutationes subire, & variè corrumpi, certum est: an verò corruptio illa eò usque sese extendere possit, ut humores etiam venenatam qualitatem induant, in dubium vocatur. Hieron. Mercurialis, de venen. l. 1. c. 14. existimat, simile quid veneno quidem in corpore nostro generari posse, sed verum venenum generari posse negat. Neque enim id à calore naturali, utpote vitæ & salutis authore, neque à præternaturali produci posse. Nam etiam calorem præternaturalem supra potentiam propriam agere, & venenum producere non posse. Verùm contrà plerique sunt in ea sententia, humores in corpore humano adeo interdum corrumpi posse, ut planè naturam veneni induant. Nam cum effectus in causarum cognitionem nos deducant, atque experientia testetur, humores adeo sæpe corrumpi, ut eisdem planè effectus proximè & per se, quos venena alia assupta, edant: quis neget, eos veneni naturam induisse? Vtitur hoc argumento ipse Galen. 6. de loc. aff. cap. 5. dum inquit: Qui maximè videntur super hac ambiguitate disputasse, ij, eosdem affectus fieri concedunt, & à lethali veneni portione, & à corruptione, quæ à corpore ortum habet. Cum

enim homo suapte natura probis humoribus abundans, ac sanorum more educatus repente moritur, ut lethali veneno assumpto fieri assolet; deinde corpus aut liuen, aut nigricans, aut varium est, aut diffuens, aut putredinem molestam olet: hunc venenum sumpsisse aiunt. Igitur si eiusmodi affectibus nos infestari fateamur, qui ex nobismetipsis accepto sua originis impetu similes sunt his, qui pernicioso epoto veneno eueniunt: nihil mirum, si vitiatum semen aut menstruum huiusmodi, cum retinetur, aut putrescit, corporibus ut afficiantur idoneis, graua inferat accidentia. Atque ipse Mercurialis hanc venenorum in corpore genitorum in effectibus conuenientiam concedit, & fatetur: quod primò conueniunt in celeritate mortis; quoniam æquè citò interimuntur homines ab humoribus, qui generantur in corpore nostro, ac illi, qui necantur à veneno lethali. Deinde sicut venena assumpta graua symptomata afferunt, dolores, lipothymias, dementias & infinita alia: sic quoque humores prauis in corpore nostro geniti & similia, & maiora his inducunt. Tertio, quia sicut venena extrinsecus assumpta corrumpunt & putrefaciunt corpus nostrum: ita etiam humores huiusmodi corrodunt & corrumpunt vniuersum corpus. Apparent autem hi effectus in febribus malignis & pestilentibus, in quibus planè eadem symptomata conspiciuntur, quæ in iis, qui assumpto veneno pereunt. Cuius rei exemplum est, 3. Epid. com. 3. agr. 4. De quo Galenus ita scribit: Vt epoto lethali veneno quidam postridie vel tertio moriuntur, qualitate eius, non copiâ mortem afferente: ita & hic ager statim tertio die censensus obiisse à qualitate succorum virulentorum, non à phrenitide peremptus. Et paulò ante, ubi de veneno canis rabidi differuisset, subiungit. Item in hac phrenitide vitiosus humor in corpore coaceruatus fuit veneno lethali similis, in corporibus vicinis aliud paulatim agens: quæ quando vitio iam aliquo pacto opportuna erat, humorque ipse enaserat malignissimus, lethale repente apparuit symptoma. Et si autoritatibus certandum esset, plurima loca ex Galeno, l. de const. artis c. 19. 6. Epid. comm. 2. tit. 38. 1. Proreth. com. 2. t. 17. 6. Epid. com. 6. t. 5. de cib. boni & mali succi cap. 1. & aliunde coaceruari possent: nisi ipsa rei euidencia atque effectus naturam humorum corruptorum sapissime satis indicarent, & venenatas in iis Qualitates producerent. Quod verò obiicit Mercurialis, à calore venenum generari non posse: hoc ipsi forsan concedi posset. Neque omnes actiones in corpore nostro solum calori attribui possunt, sed multa totius substantiæ ratione, seu occultarum qualitarum vi peraguntur: quæ qualia in veneni generatione sint, explicari facile non potest; præsertim cum ipsa veneni vis occulta sit, & peculiari antipathia nobis contraria. Ipsum verò calorem quod attinet, si principaliori agentis coniungatur, illud foueat, eius actiones, latentisque in corpore dispositiones & semina suscite: mirum non est, si etiam ad veneni generationem faciat, non ut agens principale, sed ut instrumentum alij principaliori inseruiens. Addit tamen Hercules Saxonia & hoc, de febribus c. 37. Cum, inquit, in animalibus generetur venenum ex quodam certo determinato temperamento, quod naturaliter in homine non reperitur: fieri potest, ut detur temperamentum præter naturam in quodam subiecto & parte determinata, cuius ratione generetur venenum, prorsus simile ei, quod ei aculantur bruta animalia. Sed responsio prior tutior & probabilior videtur. Sed iam porro quæritur: An venenum hoc absque putredine in corpore generari possit. Quæ de re dissentiant Gerard. Columba, & Hercules Saxonia. Gerardus Columba, de febr. pest. l. 1. c. 41. statuit, ut venenum in corpore fiat ex humorum corruptione, nullo modo leuem vel paucam sufficere, sed ut summa, vehemens, insignis & excellens sit, necessarium esse. Alioquin, ut verba eius habent, à corruptione humorum in corpore nullo modo & nunquam cinis,

Idem sunt effectus humorum corruptorum & venenorum.

Calor quomodo ad veneni generationem concurret.

An venenum in corpore absque putredine generetur. Ger. Columba opinio.

sed omnino & semper venenum produceretur; quod falsum est. Deinde cum Galenus venenum in corpore genitum cum veneno canis rabidi compareret; canis vero rabidi venenum non nisi post summam humorum corruptionem generari possit: in corpore quoque humano venenum non nisi post summam humorum corruptionem generari posse putat. Quod etiam probat autoritate Galeni, qui, 4. *Epid. com.* 3. *tex.* 75. tum demum venenum in corpore fieri statuit, cum humor summè malignus euahit. His addit hoc: ut humor naturalis fiat venenum, debet mutari ab amico ad inimicum, à nutrimento ad deleterium & corruptum, & ab eo, quod potest à natura concoqui & euinci, ad id, quod nullo modo à calore vinci possit. Sed hæc mutatio fieri non potest, nisi per summam & valde intensam & corruptionem & transmutationem. Aliàs enim omnis humor corruptus, & ad benignum non reducibilis venenum esset. Quod cum falsum sit, requiritur vltior ac longè maior transmutatio & corruptio; quam etiam Galenus pluribus in locis agnoscit & concedit. Verum rectius sentit Herc. Saxonia, qui, de *Phanig. sect.* 2. c. 10. venena in corporibus absque insigni humorum putredine, vel etiam absque putredine, de *febr. c.* 7. generari & augeri posse statuit; idque has ob causas, Primò, cum in animalibus & plantis venenum etiam sine putredine, utpote ex naturali etiam eorum constitutione, generetur: impossibile non est, in corpore humano quoque venenum sine putredine generari, & propterea, vbi nullæ sese putredinis notæ exhibent, non opus est, nescio quam, putredinem fingere; cum ex suis causis etiam sine putredine venenum generari possit. Quod idem docet veneni pestilentis in aëre generatio & propagatio. Nam cum in siccissima etiam aëris constitutione, & quæ nullum putredinis indicium exhibet, nihilominus pestilens venenum generari, propagari & augeri videamus: quid prohibet, ut idem in corpore humano fieri non possit? Animaduertimus quoque in pestilentibus febribus, quæ à venenata ac maligna qualitate ortum habent, sæpe minorem longè putredinem, quam in aliis febribus putridis, in quibus malignitas abest: quod ipsum satis arguit, putredinem necessariò ad veneni generationem non requiri. Tandem ut alia prætereamus, quæ idem affert Saxonia, putredo insignis diu in corpore latere non potest, quin suis se prodatur indicibus; cum tamen venenum diu in corpore latere possit. Qua de re Galen. 6. de *loc. aff. c.* 5. *Ut ab ex. quo.* inquit, *initio, spuri videl. rabidi canis qualitate, aucta quadam in corpore dispositio, quando ad magnitudinem notatu dignam peruenit, discerni potest, idque post sex menses, cum nonnunquam ante id tempus nulla nota deprehendatur: sic eodem modo vitioso humore in animalis corpore genito, paulatim tractu temporis partium aliqua consentit, à qua deinde vniuersum corpus celeriter alteratur.* Ratione autem Gerardi Columbæ quod attinet, facile solui possunt; si obseruemus, malè ab illo confundi putredinem & corruptionem. Latius longè patet corruptio, quam putrefactio. Etenim cum generatio vnius sit, corruptio alterius: quotiescunque vnum generatur, aliud corrumpi necesse est: sed ut hoc per putrefactionem semper fiat, non est necessarium. Neque enim generatio misti est alterius putrefactio. Ideoque etsi concedamus, vbi humor veneni naturam induit, magna corruptione & mutatione hoc fieri, & requiri, ut planè aliam naturam acquirat: tamen hoc non concedimus, putrefactione necessariò id fieri. Multæ enim & in corpore humano, & extra illud passim maximæ & in res diuersissimas fiunt mutationes, sed non omnes per putredinem. Neque ipsa veneni ratio in putredine consistit, sed in occulta vi, quam peculiariter corpus nostrum corrumpere aptum natum est, quam etiam ex putredine principa-

liter & primariò non acquirit: aliàs enim omne putridum esset venenatum. Inter causas verò, quæ extra corpori obueniunt, malignas & venenatas primò aër est: Secundò varij morbi venenati, qui contagio in alios deriuari possunt; ut lues venerea, elephantiasis, & similes: Tertiò sunt omnia venena, quæ hausta aut quocumque modo intra corpus sumpta, illud corrumpendi vim habent: Quartò venena animalium, quæ ictu & morfu corpori nostro communicantur, aut aliunde extra corpori adueniunt. Atque aërem primò quod attinet, ipsum venenosum fieri posse, negat quidem Mercurialis, atque existimat, si tantillum veneni aër habeat, omnia animalia, præcipuè hominem, periclitaturum; cum copiosissimè ab omnibus attrahatur. Et tantum concedit, aërem facere ad generationem veneni pestilentis, quatenus corporibus præparatis inducit quendam calorem præternaturalem, animali inimicum, qui calorem natium oppugnet: cuius custodia & gubernatione postquam destituuntur humores, corrumpuntur, & veneni naturam induunt. Verum etsi non negemus, aëris constitutionem, præsertim calidam & humidam, ut ex Hipp. 1. & 3. *Epid.* videre est, ad insignem humorum corruptionem plurimum facere: tamen non semper ab aëre demum in corpore gigni venena, docet repentina mors eorum, qui pestilentibus constitutionibus subito moriuntur. Tam inopinatò & nonnulli aëre venenato per inspirationem attracto concidunt & moriuntur, ut tam breui tempore venenum in corpore generari potuissent, eo, quo Mercurialis existimat, modo, credibile non sit. Neque necessarium est, ut totus aer sit venenatus; aliàs enim vix quisquam immunis & saluus in eo vivere posset: sed sufficit, si venenatis vaporibus hinc inde inquinatus sit. Quod tamen vbi accidit, longè periculosissimum est, in tali aëre versari; & pestilentes constitutiones, vbi aër ipse iam infectus est, sunt longè grauissimæ, & passim in obuios quosque, ob cõmunis aëris vitium, grassantur. Aër autè venenum illud modò aliunde accipit, modò id in ipso generatur. Nam cum aër ex inferioribus omnis generis exhalationes & vapores recipiat: fieri potest, ut vapores & exhalationes illæ iam antea malignam & venenatam qualitatem habeant; vel in aëre demum eam accipiant. Nam primò ex voraginibus & specubus, aut paludibus, aut cadaueribus animalium, aliarumque rerum putridarum venenatos vapores exhalare atque aëri permisceri, notum est. Secundò ipse aër, seu vapores aëri permisti corruptionem subeunt, ob aëris constitutionem calidam & humidam, vel ab occultis quoque siderum influentiis. Aëri in causis meritiò subiicitur Contagium: cum morbi maligni, venenati ac pestilentes maximam partem contagiosi sint, & aër contagij plerumque vehiculum sit. Non tamen hanc causam cum priore planè eandem esse, pestilentes constitutiones docent. Neque enim omnis, quæ aliqui grassatur, pestis primariò ab aëris vitio pronenit, vel à cibo communi prauo ortum habet; sed fieri potest, ut contagium aliunde delatum, & primò paucis communicatum, eadem ita sese disseminet, atque ab vno in plures diffundat, ut iam toti oppido vel regioni pestis epidemia fiat. Contagium autem etsi, si nomen spectes, non aliquam affectionem, aut aliqui affectus impressionem aut communicationem significare videatur; & proinde contagium nonnullis, inter quos est Petr. Salius Diuersus, nihil aliud sit, quam aliquorum, vel saltem duorum corporum contactus, cuius ratione similis gignitur morbus: tamen vsus obtinuit, ut non solum pro corporum contactu, sed & pro affectione, quæ alteri corpori communicatur, nomen hoc usurpetur. Est enim contagium affectio præter naturam, quæ alteri corpori à corpore præter naturam similiter affecto comunicatur, seu potius productio similis affectionis in alio; seu semipiorum simi-

Herc. Saxonia.
sententia.

Corruptio latius
patet,
quam putrefactio.

Veneni natura non in putredine sita.

Aër quod morbos generat natus

Contagium

Contagium quid?

similem affectum in corpore alio producere valentium in aliud corpus transitus. Atque ij morbi contagiosi dicuntur, qui eiusdem speciei affectum in alio corpore producere possunt. Id vt rectius intelligatur, sciendum; vt in aliis actionibus, ita & in contagione tria esse considerata: Primò ipsum agens, seu corpus contagiosum, quod alia inficere potest. Secundò Affectionem, quæ alij communicatur. Tertiò Patiens, seu corpus, quod à contagio inficitur, & cui illa affectio imprimitur. Primò agens quod attinet, est corpus aliquod iam præter naturam affectum, & affectionem illam præter naturam, qua alia inficere potest, ipsum etiam obtinens. Etsi enim aliquid morbi alicuius causâ esse possit: tamen nisi & eo ipso morbo laboret, contagiosum esse, & aliud contagio inficere non dicitur. Hinc si quis à serpente mordeatur, veneno quidem, sed non contagio infectus dicendus est. Quamuis enim serpens sit venenosus, non tamen, si propriè loqui liceat, venenatus est, nec veneno infectus esse dicitur: cum istud serpenti naturale sit. Ita qui ex attractu torpedinis stuporem contrahit, contagio infectus non est. Nam torpedo etiam si stuporem alicui conciliare possit: ipsa stupore tamen infecta non est. At qui lue venerea, peste, vel simili morbo inficitur ab alio; contagio infectus esse rectè dicitur. Quoniam idem in utroque est affectus. Secundo loco illud, quod communicatur, est quiddam præter naturam, non tamen ipse morbus, quo prior infectus est, qui in alium non transit, sed corpus quoddam & semen quasi, quod alteri adhærens & communicatum affectum illum, quo laborat is, à quo communicatur, excitare potest. Ad huius autem seminis naturam pertinet, vt qualitatem illam occultam, qua morbum à tota substantia dictum in corpore, à quo recipitur, excitare possit, obtineat: ob quam etiam in exiguo corpore magna contagij vis est. Cum enim elementares qualitates, vt multum agant, etiam multam desiderant materiam: hæ qualitates, quia formæ affectæ sunt, etiam in exiguo quanto magnam habent vim, atque ad inficiendum totum corpus minima quantitas talis seminis sufficit. Deinde & hoc requiritur, vt corpus, in quo hæret hæc qualitas, non facile resoluatur, sed tenue, viscidum ac lentum sit, vt sese facile insinuare, tenaciter inhærere, & diu durare possit. Obseruatum enim semina talium morborum, etiam in aëre ventorum moribus agitato, Solisque ardoribus vel frigori exposito, perdurare, & sæpe per longa locorum interualla vehi ac dispergi, vestibis, parietibus, & pavementis sese arctè insinuare; nonnunquam per aliquot annorum spatium vires suas saluas & integras conseruare, & si iterum agitentur, non minus, quàm cum à corpore contagioso primùm emitterentur, lædere posse. Tertiò. Patiens est corpus, quod contagium ab alio corpore recipit. Cum autem non quodlibet agat in quodlibet, sed in proportionatum: etiam hinc quædam inter agens & patiens proportio requiritur. Plurimi quidem asserunt similitudinem intercedere debere inter ipsum contagium, & corpus, quod contagio inficitur, atque similia à similibus maximè affici; idque ideo, quod simile facile recipiat simile. Alij tamen contrarium sentiunt, & licet similitudinem illam inter agens & patiens concedant, in receptione rei perfectiæ: non tamen concedunt de receptione rei corruptiæ; cum hoc à natura omnibus insitum sit, vt quantum possunt, sese à contrariis defendant, iis resistent, eaque omnibus viribus à se propellant. Itaque similitudinem hinc saltem inter corpora, illud scilicet, quod contagium communicat, & illud, quod contagium recipit, admittunt. Affectio enim præter naturam, quæ vni corpori facile communicatur, alij quoque, quod illi simile est,

facile communicari potest. Vt enim causâ illa præter naturam priori aduersa est, & tam potens, vt illud vincere potuerit: ita & alteri, quod priori simile est, erit aduersa, & tam potens, vt illud æquè ac prius inficere possit. Quæ sententia etsi vera sit: hoc tamen addendum; semper inter contagium & corpus patiens aliquam peculiarem ἀντιπαθεῖαν requiri, & actionem non tam ob similitudinem corporis communicantis & recipientis fieri, quàm ob contagij peculiarem contrarietatem. Omnis enim actio contrarietatem præsupponit, & omne agens cupit sibi simile reddere patiens, eandemque ipsi naturam & actum tribuere. Et cum, vt Aristoteles, de gener. & corrupt. cap. 7. text. 51. scribit, τὸ πάχον καὶ τὸ ποῦν τὸ μὲν γένει ταῦτα καὶ ὁμοία, τὸ δὲ εἶδει ἀνόμοια: agens & patiens genere quidem eadem & similia, specie verò dissimilia sint: etiam hinc contrarietas peculiaris inter contagium & corpus, quod ab illo inficitur, requiritur. Nam cum sicut sese duo similia habent ad aliquod tertium; ita illud tertium sese habeat ad vtrumque illorum: si contagium duo corpora æquè inficiendi vim habet, non solum necesse est, vt duo illa corpora inter se similitudinem habeant, sed & hoc requiritur, vt contagium vtrumque æquè inficiendi vim & vtrumque æquè à contagio patiendi potentiam habeat. Itaque etsi contagium efficacissimæ naturæ sit, vt nemo sibi ab eo facile immunitatem planè polliceri possit, & magnam corpora mutandi vim habeat: tamen non in quodcunque corpus æquè promptè agit, sed in sibi tantum dissimile obiectum, & cum quo peculiarem ἀντιπαθεῖαν habet: id quod & de toto corpore verum est, & de totius corporis partibus. Hinc fit, vt contagium sæpe vni saltem animalium generi noxium sit, reliqua animalia non inficiat. Hinc quoque accidit, vt idem contagium non æquè omnibus corporis partibus noceat. Sic exhalatio à phthifico emanans non cutim, sed pulmones inficit: contrà, licet fortè contagiosum quid è corpore scabioso effluens per pulmones attrahi possit, eos tamen haudquaquam, quemadmodum externam cutim, inficit. In qua re autem illa inter contagium & corpus patiens ἀντιπαθεῖαν, & inter duo corpora, quæ ab vno contagio æquè promptè inficiuntur, similitudo consistat, explicare facile non est. Proculdubio autem illa consistit in occulta aliqua qualitate, ob quam corpus, quod afficitur, facile alteratur, à statu naturali recedit, & actioni contagij succumbit. Non est porro eadem contagij ratio. Fracastorius tria contagij genera constituit, atque alia contactu solo inficere; alia fomitem relinquere, & per ipsum contagiosa esse; alia denique non contactu solum aut fomitem, sed ad id quoque quod distans est, contagium transmittere posse docet. Verum non sine causâ dubitari potest; an rectè tria contagionis genera constituentur, & an ea, quæ per fomitem, & illa, quæ ad distans appellantur, peculiare contagij sint differentia, & quidem ei, quæ per contactum dicitur, opposita. Etsi enim in hoc differunt, quod vehiculum, per quod contagium disseminatur, modò aër est, modò fomes aliquis, vt vestis, vel simile quid: tamen ad peculiarem contagionis differentiam constituendam id vix sufficit. Nam cum vtrique hoc commune sit, vt non solum per contactum, sed etiam corpus aliquod remotius ac distans inficere possit; vtrumque hoc contagium ad distans non incommode nominari potest. Et proinde ex modo, quo affectio præter naturam ex corpore infecto in aliud corpus transfertur, contagium hoc modo commodissimè diuidi potest: quod aliud sit immediatum seu per contactum, aliud mediatum seu ad distans. Nam etiam si omnis actio fiat per contactum, & ea, quæ se mutuo non contingunt, agere inuicem non possint: tamen

Non idem contagium omnia inficiendi vim habet.

Contagij genera.

An contagium per fomitem & ad distans differant.

Contagium duplex.

cum contactus sit duplex, vnus corporalis, quando duo corpora sese proximè & immediatè contingunt; alius virtualis, cum ipsa corpora sese non contingunt, diffitum tamen corpus vi alterius corporis afficitur; atque ille corporis contactus in specie sæpe contactus appellari soleat: meritò etiam omne contagium vel per contactum, vel ad distans dicitur.

*Per contactū.
Ad distans.*

Illud quidem, quando corpus, quod inficitur, corpus infectum proximè attingit: hoc verò, quando corpus aliquod ab alio longo satis locorum intervallo distans, per medium, quod emittit, seminium, seu *νοσέπλιον ἀποκρίσιν* id inficit. Verum cum de his lib. 4. de febr. cap. . plura dicta sint: hinc nihil ampliùs addimus. Tertio morbos totius substantiæ excitant venena, quæ intra corpus assumpta, illud corrumpendi vim habent. Et si verò nonnulli venena diuidant in calida, frigida, humida, sicca: tamen hæc diuisio non competit ipsis, quatenus sunt venena. Neque enim talia lædunt, & hominem interimunt, quatenus sunt calida, frigida, humida, sicca: sed quatenus peculiarem aliquam homini aduersam qualitatem habent. Quæ autem qualitarum illarum natura sit, occultum est, & propterea etiam quomodo vnum venenum ab altero reuera differat, explicari satis non potest, sed vt Scaliger, *exerc. 218. sect. 8.* rectè ait, *latent qualitates animos temperatos, illudunt curiosis.* Et licet nonnulli ad manifestas qualitates deducere venenorum effectus laborent: tamen oleum & operam perdunt, vt supra monstratum est. Ideoque hinc saltem rerum illarum venenatarum differentiam enumerabimus; cum, quia ratione venena ipsa inter se differant, explicare non queamus. Inter plantas venenatæ sunt: aconitum, napellus, cicuta, mandragora, hyoscyamus, opium, quod est succus papaueris nigri, solanum furiosum, sardonæ vel sardonis herba, taxus, colchicum, camæleon, fungorum varia genera, & si quæ sunt inter plantas aliæ. Ex animalibus; cantharides, buprestis, salamandra, lepus marinus, piceæ & pini erucæ, bufo, cerebrum felis, & ex animalibus alia quædam his similia. Ex mineralibus & metallis: arsenicum, auripigmentum, Mercurius sublimatus, sandaraca, ærugo, cerussa, spuma argenti, & pleraque metallica alia. Inter quæ tamen alia aliis magis vel minus noxia sunt, & alia citius, alia tardius, & quidem quodlibet suo modo hominem iugulant; de quibus Dioscor. lib. 6. & Matthiolus, in commentario, videatur. Hoc loco non prætereunda est hæc quæstio: An venena certo tempore interimere possint: seu an venena alia sint præsentanea, alia temporanea; vt appellant? Sunt nonnulli in ea opinione, fieri id non posse; cum venena etiam in minima quantitate exhibita difficilè cohibeantur, quin brevissimo tempore hominem interimant. Ex altera parte contrarium experientia testari videtur, atque in primis venenum canis rabidi, quod non solum per dies aliquot, sed & menses, imò annos in corpore delitescere potest; quod tamen postea, vbi sese exserit, inuitabilem mortem affert. Ideoque alij non sine causa & probabiliter statuunt, etiam alia venena aded temperari posse, vt non mox hominem iugulent, sed ex insidiis quasi opprimant, & lenta morte enecent. Solet enim ingepium humanum sæpe, Satanæ instinctu, in artibus in perniciem generis humani comparatis, inueniendis æquè ac in vtilibus curiosum & felix esse. Sed quod venena dari possint, quæ certis temporibus, & præfixo quasi termino interimant, id omnino negandum est. Nam primò omne agens agendo reparitur, atque agens ad modum patientis dispositi agit; solèturque natura causis aduersis sese, quantum potest, opponere. Verum naturæ robur secundum temperamenta, ætatem, sexum, consuetudinem, aliasque circumstantias plurimum differt. Quamobrem

Venena intus assumpta.

Plantæ venenatæ.

*Animalia venenata.
Venena ex mineralibus & metallis.*

An venena quædam certo tempore interimant.

brem quocunque etiam modo temperatum venenum non in omnibus corporibus eodem tempore suos effectus perficiet, sed in aliis, in quibus virium robur maius est, tardius; in aliis, in quibus idem debilius est, citius. Atque experientiâ obseruatum est, in eadem mensa pluribus idem venenum à venefico propinatum fuisse: non tamen omnes eodem tempore obiisse, sed alios mox, alios post aliquot dies, alios post aliquot menses. Quibus accedit & hoc, quod plerumque alexipharmaca contra venena, si quæ hausta sunt, exhiberi solent: quæ certè vim veneni, si non planè expugnant, nonnihil infringere possunt. Vltimò inducuntur morbi totius substantiæ & venenati per venena, quæ extra corpori obueniunt. Inter quæ primò sunt morsus & ictus venenatorum animalium, vt aspidis, dipsadis, viperæ, & si quæ aliæ sunt anguim species, crocodyli, phalangij, tarantulæ, scorpionij, pastinacæ marinæ, draconis marini, rabidi canis, atque aliorum animalium rabidorum. Quæ vulnera aliàs periculosiora, aliàs minus periculosa sunt, non solum prout ab animali magis vel minus rabido infliguntur, sed etiam prout huic vel illi parti inferuntur. Nam si læsio accidat in arteria, facilè homo perit, ac in syncopen incidit: si in venam, humores maximè corrumpuntur: si in neruum, conuulsiones excitantur, semperque per consensum pars aliqua nobilis, quæ cum affecta cognationem habet, afficitur. Sunt tamen etiam venenorum cum peculiaribus partibus peculiare antipathia, atque alia cor petunt, ac syncopen, sudores frigidos, palpitacionemque cordis excitant: alia per nervos reptant, cerebrumque petunt: alia hepati insidiantur, humoresque corrumpunt, & morbum regium sæpe pariunt. Quæ sunt violentissima, etiam duo vel tria horum faciunt, & nullam spem auxilij relinquunt, sed celerrimè perimunt. De quibus videatur Dioscor. lib. 6. Et Auicennas, lib. 4. fen. 6. tract. 3. Porro feruntur esse animalia, quæ non solum ictu & morsu, sed etiam visu aut sibilo, vel potius halitu, aut occulta qualitate emissâ interimunt. Quæ de Basilisco dicantur, notum est, inter quæ non pauca fabulosa sunt: Auicennas *allegato loco 22.* ita eum describit, quasi illum viderit; additque militem quendam, cum eum lancea percussisset, mortuum esse. Quod forsitan de serpentis aliquo genere, & inter eos quasi rege, verum est, concedique potest, esse animalia, quæ exitiosum halitum exspirant, & quæ, si vel re aliqua intecedente tangantur, nihilominus nocent. Id quod rustico cuidam accidisse testatur Matthiolus, in præfat. in 6. Dioscoridis, qui cum horrendum quendam serpentem hasta transfodisset, magno statim tremore correptus est, & semimortuus concidit, ac vix theriaca & aliis alexipharmacis in vitam reuocari potuit. Et quid hoc mirum sit, cum certò constet, torpedinem piscatoris manum torpidam reddere per funem aut tridentem. Verum qui plura & scitu non indigna de Basilisco cognoscere cupit, legat Iohan. Pincier; *enigmat. lib. 3. enigmat. 23.* Deinde malitia vnguenta inuenta sunt, simili malignitate prædita, quorum alia per vulnera, si sagittæ vel gladij iis inficiantur, alia quoque per integram cutem, imò per occulta eius spiracula inficere possint. Turcas talia venena habere, quæ solo attractu eodem die interimant, narrat Cardanus, lib. 1. de venenis cap. 15. & Matthiolus, in allegato loco. Ac per talia vnguenta etiam pestilentiam quandoque excitatam fuisse, historiæ docent. Quinimò etiam si odor nullum occidere possit: tamen aliquid tam exitiosum odori coniungi posse, vt cum odore attractum hominem subitò enecet, etiam obseruatum est, annorauitque Matthiolus, *allegato loco*, circumforaneum quendam olfactu garyophylli ab alio in Senensi foro è viuis sublatum

Venena admodum.

Ictus animalium venenatorum periculosi.

An animalia quædam enecent.

Vnguenta venenata.

sublatum esse. Quod incredibile non est: cum etiam umbram quarundam arborum noxiam esse experientia doceat. Nam sunt multa occulta rerum effluvia, per quæ multi & admirandi in rebus naturalibus effectus fiunt, quorum naturam cum ignoremus, multa sæpe, quæ verissima sunt, negamus, multosque effectus quidem videmus, quorum tamen causas reddere non possumus. De quo exstant versus Fracastorij, qui quia sunt planè elegantes, & multa illos quoque, qui se totam rerum naturam penitissimè comprehendisse existimant, ignorate docent, eos hîc apponere libet.

*Quid dicam miserum me agere, & quam ducere vitam,
Irrequietum animi, & quarentem indagine vana
Naturam semper fugientem: quæ se ubi paulum
Ostendit mihi, mox facies in mille repente,
Ceu Proteus, conuersa, sequentem, eludit, & angit
Mœrentem sentique horas casumque laborem.
Nuper enim tenues species simulacraque rerum,
Quæ fluere ex ipsis dicuntur, perque meare
Omnia, dum sector meditant, tacitûsque requiro
Ania sylvarum, & secreta silentia solus:
Cognoui tamen his spectris illudier ipsis:
Ut sensus feriant nostros, semperque laceessant,
Perque fores caulasque anima ludantque meentque,
Ac remeant, ipsamque nec inter somnia linqunt.*

Qui versus etsi de speciebus sensibilibus tantum loqui videantur: tamen proculdubio plures similes seu species seu ἀπορροιας de rebus emanant, à quibus etsi sensus nostri non afficiuntur, tamen ab iis aliarum rerum, quæ se corporaliter non contingunt, sympathiæ & antipathiæ, qualis est inter Magnetem & ferrum, aliasque res plurimas, ortum habent. Verum de venenis satis. Præstat potius indagare auxilia contra venena, quam venena in publicum prodere. Quæ tamen nominantur, potius eo fine produntur, ut vitentur, quam ut vsurpentur.

CAPVT XIII.

De causis Morborum Organicorum.

Explicatis causis, quæ morbos partium similarium proprios producant, ad eas iam quæ morbos organicos gignunt, accedimus. Et primò quidem de causis morborum conformationis agemus, inter quos primi sunt morbi figuræ. Figuræ autem morbi accidere possunt primò in vtero, ob facultatis formatricis errorem, dum scilicet magna est materiæ copia, quam virtus formatrix disponere satis non potest, vel aliud in semine est vitium, aut aliud obtingit, quod virtutem formatricem in suo opere impedit: Quando scilicet grauidæ mulieres propter casum, percussione, terrorem, timorem, & similia, aliquod figuræ vitium fœtui imprimunt. Præter hunc facultatis formatricis in vtero errorem, reliqua figuræ vitia, quæ extra vterum obueniunt, potissimum & frequentius à motu violento ortum habent, siue eorum, quæ extrinsecus accidunt, siue quæ à nobis geruntur; quorum varia sunt genera, & casu ac inopinatò plerumque hominibus obueniunt, ut omnia methodo comprehendere vix possint. Nam primò in ipso partu, ob oris vteri angustiam, & infantis magnitudinem, membrum aliquod comprimatur, & contorquetur: Et obstetrices ac nutrices non rarò figuram deprauant, dum mollia ac tenera infantium corpora durius & imprudentius tractant, ineptè fasciis inuoluunt, imprudenter erigunt vel reponunt. Idem quoque accidit, si infantes intempestiue ad ingressum inuitentur. Cum enim tum crura ad-

huc mollia sint & flexilia, sub onere, quod satis sustinere non valent, comprimuntur & distorquentur. Iisdem de causis sæpe & adultioribus naturalis figura deprauatur, ab iis scilicet quæ vulnerare, contundere, rumpere aut intorquere membra possunt. Quod pertinent & errores tum Chirurgorum, tum ægrorum in fracturarum & luxationum curatione. Si enim Chirurgus fracta ossa non rectè & ad pristinam figuram composuerit; aut æger, priusquam callus durior & solidior redditus sit, os fractum intempestiue atque violentius mouerit: figura ossis naturalis mutatur & peruertitur. Præter hanc tamen figuræ vitiatæ causam alia adhuc datur. Nimirum ob nimiam repletionem & augmentum, & alimenti defectum, magnitudinemque imminutam, ut & numeri vitium, figura partium corrumpi potest. Ita non solum in elephantiasi, ob humorum vitiosorum copiam, nares, labia atque aliæ partes adeò crassescunt, ut figura vitiatur; sed in aliis tumoribus idem accidit. Contra in tabidis partes alimenti defectu nimis extenuatæ figuram quoque amittunt. Quod ipsum accidit etiam, si in membro particula aliqua desit: ut si ex digito vel alia parte os exemptum sit, figura naturalis mutatur. Atque his modis ἡ πρώτη λογὴ, ut Galenus; de causis morborum cap. 7. docet, figura vitiatur: per accidens verò mutatur, cum ἐτερόρροπον γίνεται το μέρος, in aliam partem vergit & declinat, ob neruorum resolutionem & conuulsionem, phlegmonem, scirrhum; aut ubi nerui vel tendines dissecti sunt, aut iis dura cicatrix inducta est. Nam primò si, exempli gratia, musculi in dextra faciei parte resoluantur, ad sinistram trahuntur; vnde oris tortura oritur, aut faciei figura deprauatur, & ita quidem, ut distorsio ac figuræ vitium non in læsa, sed in sana parte deprehendatur. Nam cum musculi resoluti ab actione sua cessant, atque ad suam functionem obeundam non sufficiunt: à musculis oppositæ & sanæ partis, qui nullo morbo detenti actionem suam perficere possunt, trahuntur; vnde distorta pars illa apparet & manet, quia contracti vel distorti illi musculi neque à se ipsis, neque à resolutis oppositæ parti musculis extendi possunt. Est enim musculi motus duplex, vnus per se, contractio; alter per accidens, extensio, quæ fit à contrario musculo. Manet itaque pars illa distorta, quia musculus sanus contractus sese extendere nequit, nec à contrario musculo ægro, qui id facere debebat, extenditur. Eadem causa est, cur vulnerato vno temporali musculo, alter conuelli quasi videatur. Etsi enim alij alias huius rei causas reddere conantur: tamen hoc verissimum est, quod, cum musculi oppositi opposita habeant officia, & si vnus contrahat, alter extendat, si vnus vulneretur, ut amplius suum officium facere non possit, alter partem ad se contrahat, & quia ex accidenti iterum extendi nequit, sequatur hæc quasi conuulsio, non propriè tamen ita dicta. Si verò ob conuulsionem figura vitiatur, contrarium accidit. Nam si pars vna faciei conuellatur, eiusque musculi versus sua principia contrahantur: tum alteram partem sanam ad læsam siue conuulsam trahi necesse est, atque ita latus, in quo figuræ vitium deprehenditur, verè est latus affectum. Eodem modo phlegmone, scirrhos, cicatrix dura, & tales alij affectus, qui, ut tendines & nerui contrahantur, faciunt, partes vicinas ad se trahunt, atque ita figuram corrumpunt. Secundum morborum conformationis genus cavitatum & meatuum vitia complectitur, cum meatus scilicet & cavitates vel excedunt, vel deficiunt, idque in numero vel magnitudine, ut de diff. morb. dictum est; ubi horum morborum differentiæ enumeratæ sunt. Ἀναστομωσις primò seu orificiorum in vasis apertio fit primò & sæpius à copia & qualitate humorum facultatem expultricem stimulante. Facultas enim expultrix hoc modo

*Causa mor-
borum in ca-
uitatibus.*

*Ἀναστομω-
σις
causa.*

modo irritata ad expellendum insurgens, & onere, quo grauat, ac molestia sese leuare cupiens, humores impetu propellit, vt orificia vasorum aperiuntur. Imò ipsa copia humorum, vel caliditas orificia vasorum aperire posse videtur. Deinde aperiuntur orificia vasorum à medicamentis, aliisque, quæ orificia vasorum laxandi vim habent. Διαίρεσις fit, cum à causa erodente, vel incidente, vel distendente & erumpente, via aliqua, quæ adesse non debebat, aperitur. Nam primò potest διαίρεσις fieri ab humoribus acris, qui erodendo vnitatem soluunt, & viam aliquam patefaciunt; quod etiam medicamenta acris præstare possunt: modò crassarum partium sint. Nam tenuium partium non rodunt; cum non hæreant diutius. Deinde humores copiosi διαίρεσις causa esse possunt, qui partem distendendo rumpunt. Tertiò causæ plurimæ euidentes διαίρεσιν faciunt, omnes scilicet, quæ contundendo, & distendendo vnitatem vasorum soluunt, qualia sunt motus vehemens, clamor, pondus graue, vulnerantia, contudentia, casus, saltus & similia. Inter quæ & flatus referri possunt, qui retenti tanta vi interdum corporis partes distendunt, vt non solum naturales cavitates dilatent, sed rumpendo etiam nouas faciant, & ipsi quoque vnitatem soluant. Tandem διαπύδνσις fit ab humidantibus & rarefacientibus. Circa defectum verò vel angustiam meatuum hoc primò notandum, κοιλότητα seu cavitatem in genere dictam, in tres quasi differentias diuidi posse, κοιλίαν seu κοίλον, ventrem, qui est magna cavitatis, qualis est in ventriculo, cerebro, corde, vtero; πόρον seu meatum, qui minor est cavitatis, vt venarum, arteriarum, vterum & similia; & στόμιον seu orificium, quod est caput seu finis vasorum & cavitatum quarumcunque, vt venarum, arteriarum, vteri, vesicæ. Quælibet autem harum cavitatum vel aboletur, vel angustior redditur. Et id quidem quinque modis fieri posse, ex Gal. de causs. morb. cap. 7. dictum est, qui sunt: ἐμφραξις, obstructio; στενοχωρία, constipatio; σύμφοσις, coalescentia; θλίψις, compressio; συώζησις, subsidencia. Primò obstructio fit, cum aliquid, quod in meatu continetur, ipsi tamen non adnascitur, eum vel claudit & abolet, vel angustiore reddit. Talia autem plura sunt. Primò enim ab humoribus crassis, lentis, & viscidis passim multæ obstructions in corpore fiunt; in hepate, splene, aliisque visceribus, præterea in neruis opticis, vnde visus obscuritas & cæcitas ortum habere potest; in auribus, vnde surditas & auditus difficultas; in pulmonibus, in asthma; in vesicula fellis, aliisque venis & vasis. Deinde obstruuntur cavitates ab iis, quæ ex siccitate & concretionem induruerunt. Ita nonnunquam obstruuntur intestina à fecibus induratis; renes, vterus, & vesica à calculo. Quibus adiungi possunt sanguinis grumi, pus, vermes, similesque materiæ, quæ toto genere præter naturam sunt. Tertiò copia solum & quantitas humorum obstructionem facere potest. Ita sanguis intra vasa contentus nimia copia & multitudine obstructionem in ipsis facit, & impedit transpirationem & caloris natui ventilationem. Deinde στενοχωρία seu constipatio fit, cum à carne ipsi cavitati annata, aut tumore in ipso meatu genito, vel angustior redditur, vel planè clauditur cavitatis. Ex quo patet, quæ inter στενοχωρίαν & obstructionem sit differentia. Nam obstruentia quidem in cavitatis hærent, eius tamen parietibus non adnata sunt: Constipantia verò ipsis parietibus cavitatis adnascuntur. Tertiò σύμφοσις seu coalescentia fit, cum post vulnus aut vlcus parietes aliqui meatus coalescunt. Quartò, Compressio fit ab omnibus extra cavitati incidentibus atque incumbentibus, eamque grauitate, vel violentia, vel quocunque alio modo comprimendi, aut ad interiora impellendi vim habentibus.

Inter causas internas comprimendo angustiam efficiunt tumores alicui cavitati vel meatui foris incumbentes: quo modo propter inflammationem vesicæ ceruix nonnunquam comprimitur, vt nihil vrinæ effluere possit; & propter inflammationem musculorum colli & faucium in angina ita comprimitur & coarctatur caput asperæ arteriæ, vt vix aërem admittere; & œsophagi principium, vt cibum & potum deglutire non possit. Ita interdum ossa suis sedibus dimota vicinarum partium cavitatem comprimunt. Inter externas causas sunt vincula, contusiones, ictus & similia. Tandem συώζησις seu subsidencia accidit, cum cavitatis in se ipsam quasi concidit, & parietes meatuum subsident: quod fit, dum parietes nimia humiditate laxiores redduntur, vt amplius rectè tendi non possint; vel dum ea, quæ in iis continebantur, euacuata sunt. Huc alij quoque referunt contractionem à refrigerantibus & astringentibus: sed forsan non incommodè hæ causæ ad compressionem referri possunt. Tertiò ad morbos conformationis pertinent morbi superficiei, cum scilicet superficies, quæ læuis naturæ est, aspera euadit; aut quæ aspera est, læuis redditur. Asperam reddunt superficiem, quæcunque acris sunt, & detergendi erodendique vim habent, aut etiam quæ vehementer siccant. Qualia è causis internis sunt humores acres, vt bilis & pituita falsa, item medicamenta talibus qualitatibus prædita. In partibus mollioribus non solum ab erodentibus, sed & à nimium siccantibus asperitas induci potest, vt apparet in febribus ardentibus, in quibus, absumpta linguæ humiditate à calore nimio, asperitas inducitur. Inter causas autem externas sunt acres vapores, venti, fumus, quibus interdum fauces exasperantur, cibi item potulque acres, & mordentia ac venenata medicamenta. A contrariis causis orum habet læuitas. Sicut enim acres humores superficiem partium exasperant: ita lenti ac glutinosi superficiem, quæ aspera ante erat, æquabilem reddere solent, oblinendo & obducendo quasi rugas illas & eminentias, à quibus pender asperitas. Morborum in numero duo dantur genera, quorum alterum ex defectu rei, quæ adesse debebat; alterum ex excessu eius, quam abesse oportebat, constituitur. Primò si deficiat aliqua pars ab ipso ortu, accidit hoc ob defectum materiæ ad partis generationem necessariæ; vel ob imbecillitatem facultatis naturalis, quæ sufficientem materiam attrahere, retinere & elaborare non potest: vel etiam vtramque ob causam. Verum si post ortum aliqua particula amittatur, ob quinque causas, vt Galenus, de causs. morb. cap. 8. docet, id fieri potest; nimirum vel sectione, vel vitione, vel erosione, sicut interdum ob humores acres & erodentes morbo Gallico laborantibus gurgulio decedit; vel putredine, vel refrigeratione nimia, ob quam extincto calore natui pars emoritur, & postea vel sponte decedit, vel eximenda est. Si verò quid præter naturam abundet, & id sit res naturalis, & quidem à primo ortu abundet, in causa fuit vtilis & ad conformationem aptæ materiæ copia, cum facultatis formatricis robore. Si autem post ortum aliquid accesserit, & hoc sit è rerum naturalium numero, vt si caruncula alicubi excreuerit, aut membrana, vt vnguis in oculo, à materiæ vtilis copia & hoc proficiscitur. Si autem id, quod abundat, præter naturam sit, materiæ vitiosæ copiam significat, qua ratione verrucæ, calculi & similia generantur. Galenus, allegato loco, vtroque, tam scilicet vbi id, quod abundat, secundum naturam est, quam vbi præter naturam est, requiri virtutis robur docet. Alioquin enim, ait, neque quod vtile erat natura efformasset, neque quod vitiosum excreuisset. Verum enimverò res, quæ præter naturam esse dicuntur, distinguendæ sunt. Aliæ enim ferè solum ob vitiosam qualitatem præter naturam

Διαίρεσις
caussa.

Διαπύδνσις
caussa.

Obstructionis
caussa.

Constipatio
caussa.

Coalescentia
caussa.
Compressionis
caussa.

Subsidencia
caussa.

Asperitas
caussa.

Læuitas
caussa.

Morborum
Numerus
caussa.

turam dicuntur, sicut ex sanguine vitioso producuntur verrucæ, ad quarum generationem etiam naturam concurrere credibile est. Verum alia sunt toto genere præter naturam, ut calculi, vermes, ad quorum generationem facultatem formatricem & validum naturæ robur requiri nemo facile dixerit. Eadem ferè etiam causæ sunt magnitudinis auctæ & imminutæ. Est enim inter hos morbos quædam conuenientia, & auctæ magnitudini responderi aliquo modo excessus in numero; diminutæ verò, defectus in numero. Itaque ut morbi in numero excedente fiunt ob materiæ multitudinem: ita & morbi in magnitudine aucta fiunt ob materiæ copiam. Et contra ut morbi in numero deficiente fiunt, vel sectione, vel vitione, vel erosione, vel putrefactione, vel nimia refrigeratione: ita ob easdem causas magnitudo imminui potest. Sed ut in specie aliquid de morbis magnitudinis dicamus, magnitudinis incrementum duobus modis fit. Vel enim membrum per aliquot saltem dimensiones augetur, non per omnes, atque ita incrementum sumit, ut si vna dimensio augeatur, altera imminuatur, sicut in vesica inflata videre est; vel per omnes dimensiones æqualiter augetur. Primo modo augetur magnitudo, vel à flatu, ut in ea hydropis specie, quæ *τυμπανίτις* vocatur, & in tumore scroti, qui *πνευματοκήλη*, seu hernia ventosa appellatur; vel ab aqua, ut in ea hydropis specie, quæ ascites dicitur, & in tumore scroti, qui *ὕδρoκήλη*, seu hernia aquosa nominatur; vel à decubitu vnius partis in alteram. Ita tumor in scroto excitatur ex prolapso intestinorum in scrotum, vel in inguine, cum eadem intestina ad inguina in bubonocèle decumbunt. Sic ob ossa suis sedibus elapsa atque alios morbos in situ morbi magnitudinis auctæ excitari possunt. Atque ita idem malum duplicis morbi rationem habet. Respectu enim partis, quæ in aliam decumbit, est morbus in situ; quatenus verò membrum, in quod pars aliqua decidit & incumbit, intumescit, est morbus in magnitudine aucta. Ad hoc magnitudinis incrementum nonnulli omnes omnino tumores referunt. Etsi verò negandum non sit, nonnullos tumores, qui vel à flatuoso spiritu, vel aquea materia, vel ossea ac dura substantia, ut modò dictum, excitantur, sicut & eos, ubi ex pure in abscessu contento pars intumescit, huc commodè referri: tamen reliqui tumores, qui ex sanguine vel alio humore per totam partis substantiam diffuso fiunt, commodius ad secundam classem redigi posse videntur. Secundò itaque, cum membrum secundum omnes dimensiones augetur, accidit id ab humore in omnem partis substantiam diffuso. Vnde autem humor ille ad partem perueniat, nimirum, quod in ea vel sensim colligatur, vel confertim ad eam affluat, supra de causis intemperiei cum materia dictum est, quæ & hîc locum habent. Istud hîc notandum, quòd hoc magnitudinis incrementum fit vel ob materiam vtilem, vel inutilem. Ob utilis humoris copiam, facultatisque robur, quæ sanguinem etiam nonnihil copiosius affluentem parti apponere potest, augetur magnitudo in iis, quorum corpora carne & pinguedine nimium aucta præter modum crassescunt. Nam præter pinguedinem in hac aucta magnitudine caro solum augetur, non autem vniuersæ corporis partes. Cum enim partes spermaticæ in adultis non augeantur, neque ossa maiora reddantur: si aliquod corpus, vel aliqua corporis pars augeatur, caro duntaxat accrescit, & maiorem molem acquirit. Atque ita hæc magnitudo aucta præcipuè carnis *πᾶσι* est. Ex quo patet, aliud esse primum subiectum naturalis augmenti partium, cum tempore pueritiæ atque adolescentiæ totum corpus augetur; aliud morbosum augmenti, quod post adolescentiam interdum accidere solet. Naturale n. augmentum omnibus partibus ex

æquo conuenit, nec solum caro, sed & ossa ac reliquæ partes spermaticæ augentur: in præternaturali verò augmento atque incremento solum caro augetur. Ob inutile verò materiam augetur magnitudo non solum si qualitate peccet, & vitiosa sit, vnde varia tuberculorum & vlcerum genera procreari solent, sed & materia sola quantitate peccans, tantæque copia parti incumbens, ut virtus totam eam apponere non possit, adfluit, quæ idcirco in spatia partium effunditur, easque in tumorem attollit. Augetur autem magnitudo vel in toto corpore, in ea hydropis specie, quam *λευκοφλεγματίαν*, nominant, quæ oritur ab humore pituitoso & crudo: vel in vna parte, quod à quocunque humore accidere potest. Vnde oriuntur varia tumorum, tuberculorum, pustularum genera, pro varia humoris specie, vel simplicis, vel cum aliis misti. Imminuitur verò magnitudo ob virtutis debilitatē, & materiæ ad alendum necessariæ inopiam, ut in inedia morbisque corpus exsiccantibus videre est, sicut & in obstructionibus venarum, per quas alimentum partibus aduehi debet. Deinde imminuitur magnitudo ob loci angustiam, in quo pars augeri debet; quo modo, ut ille Chæreas apud Terent. in *Eunucho*, ait, virgines, tametsi bonæ sunt naturæ, matres reddunt curatura iunceas, dum non solum cibum deducunt, sed & vincto pectore graciles efficere student. Tandem imminuitur magnitudo, sectione, vitione, putredine, erosione, refrigeratione. Denique inter morborum organicorum causas morborum compositionis, seu situs & connexionis vitiatæ causæ inquirendæ restant. Situm autem mutant partes primò ob partium, à quibus continentur, laxitatem, aut solutam vnitatem. Hoc modo, vulnerato abdomine, intestina excidunt. Ita ob dilationem vel rupturam meatus, qui à peritonæo ad scrotum descendit, intestina vel omentum in scrotum delabitur, atque hernia excitatur. Sic, ruptis aut laxatis vteri vinculis, vterus in mulieribus procidit; & vulnerata vel erosa oculi cornea tunica, vnea excidit: imò iisdem de causis oculus interdum planè excidit. Deinde idem fieri potest contractis nimis ligamentis, seu ob exsiccationem, seu ob repletionem. Tandem & partes suo loco vi mouentur, atque violenter vel *πάτη* vel *ῥήγνι* sua sede deturbantur. Neque alias ob causas luxationes, quæ frequentissimæ sunt inter morbos situs, accidunt. Nam primò fit laxatio, quando ossis excipientis cavititas vel laxior, vel angustior redditur. Laxior fit, quando franguntur sinum includentia supercilia: ita enim in iis ossa liberiùs vagari, atque excidere possunt. Nonnunquam humiditas articulos reddit humidos, nimirum madefaciendo & laxando totam articulationem. Angustior fit, quando materia aliqua sinum articuli occupat, & os sensim sua sede exturbat; ut interdum in arthritide fieri solet. Deinde etiam fit luxatio, cum ligamenta nimis emolliuntur & laxantur, tenduntur, aut rumpuntur. Frequentissimè autem fiunt luxationes, cum à violenta impulsione ossa suis sedibus dimouentur, ut in casu, saltu, similibusque violentis causis fieri solet. Vicinitas autem & connexio partium, cum scilicet pars, quæ alteram contingere debebat, eam non attingit; aut contra, eas, quas seiunctas esse decebat, coniunguntur, iisdem ferè de causis vitiantur. Nam cum diuersæ corporis nostri partes certorum vinculorum & ligamentorum interuentu connectantur, & quæ seiungi debent, partium quarundam interuentu secerantur: si partes, quæ inter alias mediæ intercedunt, laxentur, vel ligamenta rumpantur, aut vulnerentur: partes, quæ antea coniungebantur, disiungi necessum est, aliasque, quas seiunctas esse decebat, coniungi. Exemplum huius ultimi morborum in conformatione generis insigne, quod focer meus, D. Andreas Schatto, Phil. & Med. Doct. & hîc olim Prof. p. m. annotauit, addere libet, ubi scilicet ob vulnus diaphragmatis ven

*Imminuta
magnitudinis
causæ.*

*Morborum
in situ causæ.*

*Luxationis
causæ.*

*Connexionis
vitiata
causæ.*

ventriculus sedem mutauit, atque in mediam corporis regionem adscendit. Anno 1582.20. Septembris, Studiosus, quidam Reualiensis Liouon, e Saxonia inferiore VVitebergam reuertens, & melancholia laborans ante portam suo se gladio confodit. Ex vulnere tamen illo intra menses duos sanus euasit. Verum anno sequenti, 28. Aprilis iterum malè habere cœpit, vomuitque sequentibus diebus crebrò, primò aquam, & quicquid assumpsisset cibi, postea viridia, tandem die 2. Maij planè nigra, magna copia, & post vltimum vomitum eodem die 2. Maij exspirauit. Corpus apertum est, deprehensumque, vulnus per pulmonem & diaphragma penetrasse, & vt videbatur, transossum erat diaphragma in nerueo circulo. Pulmonis ferè nihil repertum est in sinistro latere confosso, præter exiguam portiunculam, quæ supra costis adnata erat; reliquum proculdubio per vulnus cum pure exierat. Ventriculus totus adscendebat in sinistram thoracis latus, & cor cum capsula de sua sede depulerat in dextrum latus, vbi & viuus ille ac post vulnus sanitati restitutus, manu imposita, cordis pulsationem obseruari iusserat.

CAPVT XIV.

De causis Morborum soluta Vnitatis.

Causa soluta vnitatis.

Restant tandem causæ tertij morborum generis, quod solutam vnitatem appellant, explicandæ. Causæ autem eæ etsi variæ sint: tamen commodè ad quinque classes redigi possunt. Omnia enim, quæ continuitatem alicuius partis soluunt, vel secant, vel erodunt, vel contundunt, vel tendunt & rumpunt, vel adurunt. Quæ secant, sunt omnia acuta corpora, quæ siue cæsum, siue punctum corpus vulnerant, vt omnia armorum & telorum genera, spinæ, morsus animalium & similia. Erodunt omnia acria, vt humores acres, medicamenta acria, caustica erodentia, & σπλίνα, venena item acria & similia. Contundunt & frangunt, quæ grauiasunt & obtrusa, vt lapides, ligna, lapsus item & allisus corporis ad rem duram: quæ si in partem, quæ in se ipsam cedere & cogi potest, incidunt, contundunt: si verò in partem duram, & quæ in se ipsam cedere non potest, incidunt, eam frangunt. Tendunt & rumpunt, quæ vel partem replent, vt humorum & flatuum copia; quæ item exsiccant, vehementer, & partem vehementer distendunt, vt saltus, magnus validusque conatus; aut onus graue partem premens. Pertinet huc & frigus immodicum, cum aeris, tum aquæ, quod vt vasa interdum rumpantur causa est. Tandem adurunt candentia ferramenta atque alia metalla, vel aliæ res ignitæ, feruentes. De mira ossium fractura, eiusque causa videatur Guilielmus Fabricius, centur. 2. obs. 66. 67.



LIBRI II. PARS III.

De Symptommatibus.

SECTIO. I.

De differentiis Symptommatum.

CAPVT I.

Quid sit Symptoma.

Est tertium rerum præter naturam genus, quod vulgò Symptoma nominant: Olim etiam συμπτωμα fuit nominatum: satisque commoda vide-

tur appellatio; cum ea, eodem modo vt symptomatis vox, aliquid, quod alicui accedere, & quasi supernasci solet, significetur: verum vsu ita trita non est. Συμβιβνός etiam seu accidens, à συμβαίνειν, quod simul venire seu euenire & contingere significat, deductum, etsi à Symptomate, quod à συμπίπτω, simul cadere & accidere deriuatur, significatione non discrepare videatur; cum vtrumque id, quod alicui accidit, seu quod aliquid sequitur, significet: tamen vsurpatione differunt, vsusque obtinuit, vt distinguantur. Nam, vt Galenus, 1. meth. med. c. 9 testatur, ea, quæ sanorum constitutione sequuntur, συμβιβνότε, id est, accidentia; quæ verò ægotantium, symptomata dicuntur. Itaque cum vsitatis & receptis vsu nominibus vtendum sit, & in tota Medicorum schola symptomatis nomen sit vsitatissimum: id meritò retinemus, & quid sit, inquirimus. Id autem non ita facillè explicari potest; cum ambigua valde & varia huius vocis passim apud auctores occurrat significatio. Interdum enim generaliter accipitur nomen symptomatis, pro re omni, quæ præter naturam corpori accidit, ita vt etiam morbi, & causæ morbi symptomatis nomine generaliter accepto comprehendantur, vt docet Galen. de diff. sympt. c. 1. Verum ea generalis significatio ita in vsu non est, neque eam hic vsurpamus; sed per symptoma quiddam à morbo & causa morborum distinctum intelligimus. Ideoque quid symptoma, à morbo & causa distinctum, propriè sit, inquirimus. Gal. de diff. sympt. c. 1. affectus, qui morbis superueniunt, eosque, tanquam vmbra corpus, sequuntur, Symptomata nominari scribit: & 2. meth. med. c. 1. scribit, symptoma esse, quicquid morbum sequitur. Vnde nonnulli statuunt, symptomata propriè dicta tantum ea esse, quæ morbum immediatè, & tanquam vmbra corpus, sequuntur. Et cum nihil aliud morbum necessariò, ac suæ naturæ ratione proximè sequatur, quàm actionum læsio: actionum læsione tantum symptoma propriè dictum comprehenditur; reliqua omnia, quibus nomen hoc, tribuitur, illegitima & minus propriè dicta esse symptomata. Verum etsi libenter concedimus, actionum læsionem esse præcipuum symptomatum genus: tamen sola actionum læsione symptoma definiendum esse non censemus; cum etiam alia sint, vt qualitates corporis mutatae, & excrementorum vitia, quæ omnium ferè consensu inter symptomata referenda sunt. Nam cum rerum præter naturam tria tantum sint genera, morbi, causæ morborum, & symptomata: talia verò neque è morborum, neque è causarum numero sint, ad symptomata meritò referuntur. Itaque Galen. ipse de diff. sympt. c. 2. quicquid præter naturam sese habet, exceptis morbis ac causis, symptoma esse docet. Vnde symptoma definiri potest, affectus, seu accidens præter naturam in iis, quæ extra constitutionem partium ad actionem necessariam sunt, aliquid aliud præter naturam sequens. Qua ratione à morbo differt, quod est extra constitutionem partium ad actionem necessariam, constitutionemque ad actionem necessariam non mutat & vitiat. Ex quo facillè iudicari potest, quid de eo sentiendum sit, quod nonnulli morbos illos, qui alios insequuntur, symptomata appellant. Quamuis enim tales affectus insequantur alios morbos: tamen cum sequi aliud non totam naturam symptomatis compleat, sed etiam hoc requiratur, vt extra constitutionem partium sit, tales etiam affectus non in classem symptomatum, sed morborum, referendi sunt. A causa verò eo differt, quod aliquid, quod comiterur, præcedens habet; cum causa non necessariò aliud sequatur. Quod autem symptoma aliud præter naturam sequi dicitur, hoc nonnulli solum ad morbum restringunt, & symptomata tantum à morbis pendere volunt: alij etiam à causis & aliis symptomatibus symptomata prouenire posse statuunt: quæ de re quid sentiendum

Sympt.
quot m.
dicatur.Sympt.
quot m.
dicatur.Morbi, q.
alios sequi
tur non
symptom.

sciendum sit, mox ex causis symptomatum, de quibus iam dicendum, patebit.

CAPUT II.

De causis & differentiis Symptomatum in genere.

DE causis autem symptomatum in genere auctores dissentiunt. Et si n. vulgò, ratione causarum, in tria genera diuidantur; in symptoma scilicet morbi, quod morbum; symptoma causæ, quod causam morbi; & symptoma symptomatis, quod aliud symptoma sequitur: tamen alij aliter id explicant. Nonnullis enim placet, nullum symptoma posse citra morbum oriri. Nam licet symptoma aliquod proximè oriri possit ab alio symptomate, vel causa morbi, vel forsan etiam morbis aliis à primo morbo diuersis: tamen semper necessariò requiri morbum in corpore, qui causa primaria huius symptomatis dicatur, etsi alio mediante ab eo proueniat. Verum animaduertit ij ipsi, dari actiones læsas; vbi nullus morbus adest; Ex. gr. bene & secundum naturam constituto ventriculo, nullòque morbo laborante, nihilominus coctio impediri aut lædi potest, ob cibi copiam, prauitatem, aut similes causas. Eodè modo sese res habet in hepate, in quo aliàs bene constituto, ex malo in ventriculo, etiam ob errorem externum, genito chylo bonus sanguis generari non potest. Itaque alij tales *ἀποτυχίας* actiones læsas non appellandas censent; alij quidem actiones læsas nominant, sed omnem actionum læsionem symptoma esse negant, neque omnia præter naturam symptomata esse existimant, & talia actionum impedimenta solù impotentias naturales vel symptomata naturalia appellanda putant. Vt n. si quis pòderis, quòd facillè gestare potest, duplum vel triplum gestare nò possit, actionem eius læsã esse propriè vix dicitur; cum supra eius vires sit tale pondus gestare: ita etiam censent rem se habere in ventriculo, hepate & aliis partibus, in quib⁹ obiecta proportionè facultati respondere debent. Et cū ventriculi non sit, quāuis cibi quantitatem concoquere, aut ex malo cibo bonum chylum generare: eius actionem læsam, aut certè læsionem illam, qualècunque symptoma non nominari posse statuunt: eodem modo vt opera, quæ natura, vt se à maiori incommodo liberet, vltra modum & consuetam rationem exsequi videtur, qualia sunt sternutatio criticæque euacuationes. Verum quod illa opera naturæ attrinet, si alicui illa præter naturam dicere, aut in symptomatum numero recensere non placet; cum fiat, quòd fieri debet, naturæque illud, quod molestum est, naturaliter expellat, tantumque illud quòd expellitur, sit vitiosum: eum eo quidem non pugnabimus. Nam & Galenus in hac videtur esse sententia, qui, *de sympt. diff. cap. ultimo*, diligenter attendendum esse monet, vt accuratè distinguantur ab operibus symptomata. Sæpe enim ita similia inter se esse, vt & symptoma putetur opus, & opus symptoma. *Vnde, ait, si naturalem excretionem vel quantitatem, vel genus ipsius substantiæ pro scopo sibi quis proponat, deinde huc intuens symptomata iudicet, subinde fallitur, &c.* Quamuis enim aliqua toto genere præter naturam sint, veluti sanguinis per nares profusio; vel aliud eiusmodi: tamen præter naturam adhuc non sunt, si modò tempestiuè fiant. Fiunt autem tempestiuè, cum id, quod molestum est, expellitur. Verum tamen & hoc obseruandum, etsi tales excretiones secundum Naturam, & Naturæ opera dici possint, quatenus à natura fiunt eique conferunt: quia tamen fiunt à natura à causa morbifica & præter naturam irritata, eatenus inter symptomata non incommode referri possunt. Nam etsi natura tunc agit: morbosa tamen est causa, à qua stimulatur, & corpus præter naturam afficitur. Reliquas

Dan. Sennerti Tom. I.

verò actionum læsiones quod attinet, ibi quoque non sit, quod fieri debebat. Itaque etsi de nomine cum nemine litigandum censeamus; neque differentiam, quæ est inter has *ἀποτυχίας* siue frustrationes, impedimenta actionum, aut quomodocunque libet appellare, negemus; & libenter concedamus, hanc frustrationem esse alterius generis quodammodo, quàm illam læsionem, quæ vitio organi accidit: tamen à præcipuis etiam Medicis inter symptomata recensentur. Galenus hoc facit, *lib. 3. de sympt. caus. c. 1.* vbi actionum, quæ fiunt in ventriculo, læsarum causas non solùm ad ventriculi morbos, sed & ad errorem externum refert. Neque id sine causa. Nam cum talia præter rationem in corpore nostro accidunt, & tamen actionum illa frustratio neque ad morbum, neque ad causam morbi referri possit: meritò ad symptomata referri videtur. Licet enim respectu virium & facultatis nihil præter naturam fiat: tamen corporis nostri, quod ob tales actionum frustrationes in magnum discrimen adducitur, & operum, quæ per illas actiones fiunt, respectu, omnino aliquid, quod aliter in homine fieri debebat, accidit, & proinde actionem læsam aut frustratam esse non sine causa dicimus, eamque ad symptomata referimus. Quæ propterea etiam sub Medici considerationem venit. Hic enim nisi in actionum læsarum causis inuestigandis ad hæc quoque errata respiciat, facillè in causis reddendis fallitur. Eiusdem Medici est, tales actionum frustrationes auertere & præcauere; cibum ordinare, diætamque præscribere, & omnia moderari, vt actiones ita exercentur, ne quid in corpus nostrum damni redundet. Vnde Michaël Gauassetius, *de reb. præ. nat. cap. 1.* definit symptoma, quod sit res præter naturam rem aliam præternaturalem consequens, quæ vbiuis consistit, & adeo insignis, & vehemens est, vt cogat Medicum ad illius causam submouendam. Ex quo patet, non adeo malè primò diuidi symptoma in symptoma morbi, symptoma causæ, & symptoma symptomatis. Symptoma Morbi est, quòd proximè morbum, nullo alio interueniente affectu præter naturam, sequitur; verbi gratia, intemperiem ventriculi proximè sequitur, mala coctio seu *χύλασις*: Hepatis morbos sequitur mala *αἱματοποισις*: Symptoma causæ est, dum à causa aliqua morbifica actio læditur, seu dum actio læditur tantum facultate frustrata ob errorem externum, vt dum coctio chyli non rectè expeditur, saluo ventriculo, ob nimiam cibi copiam aut eiusdem prauitatem: aut dum prauus sanguis generatur, non ob hepatis, sed ob chyli, ex quo confici debet, vitium. Symptoma Symptomatis est, quòd aliud symptoma præcedens proximè sequitur, nullo alio interueniente affectu præter naturam. Nimirum cum symptomatis sit rem aliquam præter naturam sequi, tria autem sint rerum præter naturam genera; morbus, causa morbi, & symptoma: totidem etiam erunt symptomatum genera. Deinde vulgata & antiqua est symptomatum diuisio in actionem læsam, excretorum & retentorum vitia, ac corporis affectus, seu qualitates mutatas, eas scilicet, quæ corporis nostri actiones non lædunt. Si enim affectus aliquis præter naturam, & qualitas aliqua corporis mutata actiones lædat: iam non in symptomatum, sed morborum numero habenda est. Verum hæc differentia postea magis in specie patebunt. Ad causas earum in genere accedimus. Harum itaque differentiarum causas in genere quod attinet, & primò actiones læsas: læsarum actionum causas, vt diximus, nonnulli solùm morbum esse statuunt: verum quid de eo sentiendum sit, iam dictum est. Si nimirum actio læsa (& symptomatis vocabulum strictius vsurpetur, omnis actio læsa à morbo prouenit; cū vnica & proxima causa omnis impotentia agendi sit constitutio præter naturam partis. Inde Gal. 1. *de locis aff. cap. 2.*

I i

veluti

An actiones frustrationes symptomata sint.

Symptoma morbi.

Symptoma causæ.

Symptoma symptomatis.

Symptomatum differentia.

Læsa actio causa.

veluti principij loco habendum cenſet; nullam actionem vnquam lædi, niſi pars, quæ ipſam facit, afficiatur. Verum cum actionis fruſtratio, quæ fit ob errorem externum, ab actionum læſarum numero planè excludi non poſſit; cum non fiat, quod fieri debet, atque ita ſi non læſa, tamen fruſtrata actio, aut opus fruſtratum omnino dici debeat: cum eodem Galeno, 3. de ſympt. cauſ. cap. 1. ita ſtatuiſimus; τὰ μὲν πρῶτα αὐτοῦ ὅτι ἀποτυχίας εἶναι, τὸ μὲν ἕτερον ἢ διωκόμεν ἂν τὴν πεπονηθεῖα, τὸ δὲ ἕτερον ἐξωθεν τῆς πλημμέλειαι: duo ſunt genera fruſtrate actionis, alterum læſa ipſa facultate, alterum ob errorem externum. Seu, vt clariùs dicamus, actio læditur, dum aut facultas in agendo ſine ſuo fruſtratur ob morbum aliquem, vel ob errorem externum.

Per facultatē læſam quid intelligendum.

Hoc enim hic obſeruandum, quando Medici cum Galeno dicunt: lædi actiones læſa facultate, id non ita accipiendum eſſe, quali ipſæ animæ facultates lædantur; quandoquidem animæ facultates incorruptibiles ſunt, animæque ſemper omnes facultates ſuas ſaluas, integras, & ad agendum promptas habet; modò instrumenta ſint idonea; ſenexque, vt ait Philoſophus, videret vt iuuenis, ſi haberet oculum iuuenis. Sed lædi actio læſa facultate dicitur, cum instrumentum ægrotat, ac præter naturam affectum eſt, & læditur partis naturalis conſtitutio, quæ facultatis proximum eſt instrumentum, & quā vitiatā anima exercere ſuas actiones nequit; ſeu cum ob morbum facultas in agendo fruſtratur. Contra ſi organum omnibus modis ſeſe rectè habeat, & rectè ac bene ſit conſtitutum, nihilominus ob aliam, quæ extra partis conſtitutionem ſit, cauſſam, facultas in agendo fruſtretur, atque, vt ſinem ſuum aſſequi non poſſit, impediatur: actio lædi ob errorem externum dicitur. Non enim, vt actio aliqua rectè fiat, aut (ſi quis iſtam locutionem tolerare nolit, putetque, vt actio aliqua rectè fiat, ſufficere ſolam facultatem) effectum ſeu opus rectè fiat, ſolùm neceſſaria eſt facultas ſeu vis agendi, organumque actioni deſtinatum bene diſpoſitum; ſed etiam requiritur, vt illud, in quod actio exercetur, ad recipiendam agentis actionem rectè ſeſe habeat; & reliqua, quæ ad actionem neceſſaria ſunt, adſint. Ab iſdem enim læditur actio, à quibus perficitur: eo discrimine, quòd ad actionem edendam omnia neceſſaria ſunt; actio verò lædi poteſt, ſi vel vnum ex iis deficiat, atque ſeſe non rectè habeat. Ideoque quando agente ſeſe rectè habente, quacunque de cauſſa actio non ſit, aut non rectè ſit, id Medici dicunt fieri ob errorem externum. Quapropter vbi actio aliqua læditur, & non rectè perficitur, non ſemper aliquis morbus quærendus eſt, ſed ad alia interdum recurrendum. Ad facultatem autem & instrumenta pertinet non ſolum calidum inſitum, ſed & ſpiritus & calor influens. Quamuis enim agens aliàs ſit bene diſpoſitum, & conformatum: tamen ſi calor & ſpiritus influentes deficiant, facultas ſuas actiones exercere nequit; id quod in omnibus actionibus, tum præcipuè in viſu & reliquis ſenſibus manifeſtum eſt, qui exerceri non poſſunt, ſi ſpiritus animales in organis ſenſuum præſentes non ſint. Eſt enim à plerisque ſpiritus influentes in partium numerum non referantur: tamen calor & ſpiritus influentes cum partium ſingularum calido innato iuncti inſitam temperiem perficiunt, facultatem conſeruant, & vt ad actum ſecundum accedere poſſit, efficiunt: & contra ipſi in partibus, in quas influunt, ita determinantur, vt proprii & quali pars organorum illorum dici poſſint. Ita ſpiritus animalis in oculo opticus; in aure auditorius appellatur. Erroris autem externi rationem habent omnia, quæ extra partis conſtitutionem poſita actioni incommodant, & parte, quæ actionem edit, non læſa, in cauſſa ſunt, vt natura, quamuis omnia instrumenta ſalua & integra habeat, ſinem tamen & ſcopum ſuum in agendo aſſequi, &

opus ſeu effectum, quem debebat, & vt debebat, producere non poſſit. Sunt autem illa, quæ præter partium morbos, actionibus impedimento eſſe poſſunt, varia; & quidem in aliis actionibus alia. Eſt enim alia aliarum actionum ratio. Primò huc pertinet obiectum, inter quod & agens iuſta ſit proportio oportet; & materia, in quam debet fieri actio, ſit rectè diſpoſita, & ad agentis actionem recipiendam apta. Niſi enim obiectum in quantitate & qualitate reſpondeat facultati, actio læditur. Exemplum aſſert Gal. 1. de loc. affect. c. 4. Eſto, inquit, vt quiſpiam mane exſurgens dicat nidorofum ruſtum ſe emittere aut aliquid huiusmodi, vt ab ouis friſtis aut alia quapiam re magis foetente & putri. Ille itaque, qui nidorofum ruſtum percepit, fateatur, ſe à cœna placentam nidorofam comediſſe, quales ſunt, quæ ex oleo, iſtris & aliis huiusmodi preparantur: Alier verò confiteatur friſta oua ingeſſiſſe, atque nunc illorum nidorem eruſtare. Deinde alius complures radulas comederit, vt foetens putriſque ab eo exeat ruſtus. Igitur cibos in eo non fuſſe bene concoctos nemo negat, quamuis ex hac re ventriculus haudquaquam fuerit affectus, neque etiam, quod ad ipſius rationem pertinet, circa actionem errauerit: haud aliter quàm vbi quis integros acinos per aluum deiecerit. Quod ſanè noſſe & definire ad Medicum haud inutiliter pertinet. Deinde etiam huc referenda ſunt omnia, cum quibus ſunt aut ſine quibus actiones non ſunt, vt tempus. Cum enim motus fiat in tempore: niſi cibus in ventriculo tanto tempore derineatur, quantum ad χύλωσιν perficiendam neceſſarium eſt, actio læditur, neque cibus ſatis percoquitur. Locus item neceſſarius eſt. Si enim capſula cordis aqua plena ſit, cor liberè moueri non poteſt, motuſque eius vitiatur. Ordo in quibuſdam quoque requiritur. Neque nihil refert, quo ordine cibi ingerantur. Ita huc pertinet actionis vſus & neceſſitas, quæ & ipſa actionem mutare poſſunt, quod maxime in pulſu & reſpiratione videre eſt, quæ pro vſus mutatione multis modis mutantur. Itaque in læſarum actionum cauſſis inueſtigandis non ſolùm ad membrorum & organi diſpoſitionem reſpicere Medicum, ſed, niſi falli velit, & obiecta, & omnia, quæ ad actionem requiruntur, perpendere oportet. Ea autem iuxta actionum in corpore varietatem non parum variant; cum ad vnā plura, ad aliam pauciora requirantur, ideoque in genere commodè vix explicari poſſint. Reliqua ſymptomatum genera ab actionum læſionibus pendent. Excreta enim & retenta cum actionum naturalium opera ſiant: etiam iſis læſis, ſymptomata in excretis & retentis oriuntur; & ex mala coctione praua excrementa generantur: à quibus deinde corporis qualitates mutantur. Quales n. ſunt humores in corpore, tales in corpore inducuntur colores, odores, ſapores, & ſimiles qualitates. Tandem cum, vt iam diximus, ſymptomata non ſolùm à morbis, ſed etiam aliis ſymptomatis interdum pendeant, atque ea ſequantur: ſymptomata etiam ita diuiduntur; quod aliud ſit primum, aliud ſecundum. Primum ſymptoma eſt, quod præcedit ſecundum, & proximè morbum vel cauſſam morbiſicam ſequitur; ſecundum eſt, quod primum inſequitur.

CAPVT III.

De Actionum læſarum differentiis in genere.

Verum iam ſingula ſymptomatum genera ſpeciatiim videamus. Et primò quidem actionum læſarum vulgò tres ſtatuantur differentiæ; actiones nimirum abolitæ, diminutæ, & deprauatæ. Abolita actio eſſe dicitur, cum ceſſat: Diminuta, cum natura debiliter & imperfectè agit, & actionem vel longiore, quam

Excretorum
& retentorum
& qualitatū
mutatarum
cauſſa.

Actio abolita

Per facultatē
læſam quid
intelligendum.

Actionem lædi
ob errorem
externū quid.

Ad errorem
externū quæ
pertineant.

quàm par est, tempore perficit; vel etiam nunquam perfectionem, quam debebat, assequitur; vel si quis alius modus est, quo à perfectione declinari potest. Deprauatè autem & vitiosè agit, quotiescunque aliud, quàm debebat, efficit. Argenterius aliter hæc diuidit, & secundo actionum læsarum generi, quod diminutas & debiles actiones complectitur, addit etiam auctas; & præterea etiam addit quartum genus, quod tristes & voluptuosas præter naturam actiones complectatur. Et quidem auctas & superfluas actiones seu excessum actionum quod attinet, non videtur esse res de nihilo. Vitiosa enim etiam dicitur actio, quæ vehementior, & validior, & fortior in suo genere est, quàm debebat. Neque tamen ad deprauatam ita commodè referri potest. Cum enim diminuta non referatur ad deprauatam, sed peculiare genus constituat; etiam hæc (cum contraria sub eodem genere comprehendere debeant) non ad deprauatam referenda erit, sed vel peculiare genus constituet, vel potius cum imminutis sub vno genere comprehendetur: præsertim cum in talibus actionibus nullus error, perinde vt in diminutis, nullaque hallucinatio, sed solus excessus sit. Tales actiones sunt somnus nimius, vigiliæ nimix, pulsus magnus, respiratio magna, velox, sitis magna, bulimia seu fames magna, alixque actiones maiores, celeriores, frequentiores, longiores & similes, quæ mediocritatem excedunt, & longè ab ea, quæ deprauata est, actione differunt. Verbi gratia, appetentia nimia, quæ nonnullis canina dicitur, apertè distinguitur à praua appetentia. Etenim in praua appetentia mulieres sæpe appetunt carbones, cineres, cretam & alia inepta ac cibi appellatione indigna: in fame verò magna nihil absurdum & ineptum expetitur, sed solum excessus appetitus vitiosus est. Nisi forsitan quis ideo ad deprauatas referte velit, quod non actionibus debilitatis, sed ordinatis & naturæ conuenientibus sunt contrariæ. Verùm omnia illa actionum vitia facilius animaduertemus, si omnia, quæ præter agens in actione requiruntur, consideremus; vt sunt patiens seu subiectum, tempus, spatium, seu terminus per quem & ad quem, ac ipse modus agendi. In his enim omnibus si quid peccetur, actionum enarrata vitia oriuntur. Quid verò de quarto illo genere, quo tristes & voluptuosas, quæ scilicet ex causâ morbifica oriuntur, actiones comprehendendas censer, sentiendum sit, suo loco patebit, cum de natura doloris dicetur. Hoc in genere hîc sufficiat, dolorem ad actiones deprauatas non incommodè referri posse. Actio n. deprauatur vel vitio organi, vel vitio obiecti; seu sensus vel fallitur in iudicio, vel quidem non fallitur in iudicio, sed molestè afficitur, ob excellentiam obiecti, quæ organum corrumpit & destruit; qua ratione pro cognitione obiecti, quæ naturaliter expetitur, molestia excitatur, & à quo obiecto sensus & sensoriam perficere debent, (perfectionis enim est sensibilia cognoscere) ab eodem corrumpuntur.

C A P V T IV.

De Symptomatibus facultatis Naturalis.

Cum facultatem naturalem complecti Nutritionem, Auctionem, & Generationem, atque has tres primarias alias quatuor, quasi ministras, Attractionem, Retentionem, Concoctionem, & Expultricem habere, l. 1. c. 9. docuerimus: hinc apparet, magnâ esse symptomatum facultatis naturalis varietatem. Potest enim lædi vel attractio, vel retentio, vel concoctio, vel expulsio; & quidem in coctionibus publicis & priuatis: ac porro iis modis, qui antea nominati sunt, dum scilicet qualibet actio vel aboletur, vel immi-

Dan Sennerti Tom. I.

nuitur, vel deprauatur, & si cum Argenterio id addere libeat, vel augetur. Quæ quidem læsæ actiones in aliquibus partibus peculiaria acceperunt nomina, in aliis iisdem destituuntur. Primò enim quod coctionem illam priuatam, quæ tertiam appellant, quæ in singulis membris perficitur, attinet, ablata Nutritio est in *ἀτροφία*, quo ad sensum scilicet, quo diiudicamus, partes non nutiri, quas indies tabescere videmus: quamuis reuera alantur. Nam alias non viverent. Sed alimentum adeò paruum est, vt sensum lateat. Imminuta, in gracilitate; deprauata, in cachexia, elephantiasi, scabie, pso. a. & similibus, in quibus prauum alimentum apponitur & agglutinatur, non tamen perfecte partibus assimilatur. *Ἀτροφία* nimirum nutritionis defectus est, in qua corpus sensim exsiccat, & contabescit. Quanquam enim, quàm diu viuimus, nutrimur: tamen cum illa nutritio ad sensum non fit, partesque indies contabescunt, *ἀτροφία* nominatur. *Ἀτροφία* autem potest vel vniuersum corpus occupare, vel aliquam saltem partem. Quæ fit in toto corpore *ἀτροφία*, illam sequitur marcor, id est, viuentis corporis, præ siccitate & alimenti defectu, contabescencia seu consumptio. Est autem illa *ἀτροφία* seu marcor duplex; fitque vel secundum naturam, vel præter naturam, de qua agere huius instituti est. Senectus enim & ipsa marcor quidam ineuitabilis existit, & quem nemo secundum naturæ cursum effugere potest. Sed sæpe fit, vt etiam totum corpus ante tempus senectutis extenuetur, atque senectus ita quasi anticipetur; vnde ille marcor senectus ex morbo nominatur. Sæpe verò & aliqua pars tabescit & *ἀτροφία* laborat, reliquis nihil tale patientibus. Talis est oculi seu pupillæ *ἀτροφία* & tabes: talis est atrophia, quæ interdum cruribus & brachiis accidit, cuius insigne, & notatu dignum exemplum annotauit Forestus, l. 10. obs. 97. Concoctionis autem illius communis symptomata etiam valde euidentia sunt in hepate, & præcipuè in ventriculo, omniumque actionum, quæ ad coctionem necessaria sunt, læsarum magna est ibi euidentia. Et quidem ventriculi coctionem quod attinet, quæ Chylificatio vulgò appellatur, etsi illa planè naturalis sit, & ab innata & peculiari temperie illius proficiatur: tamen actiones inferuientes illi peculiare sunt, quas nec plantæ, nec reliquæ partes habent. In animalibus n. cum ob ipsorum mollitiem, innatæque caloris robur & copiam, multa fiat dissolutio & dissipatio, & alimentum non ita semper præsto habeant, vt plantæ: Creator ipsis alimenti sensum dedit, cuius beneficio alimenti penuriam & defectum perciperent; vnde appetentia, & desiderium noui nutrimenti, quo illud, quod deperditum & dissolutum erat, instauratur, excitatur. Appetitus autem ille duplex est, vt, lib. 1. c. 9. dictum, Naturalis & Animalis. Illo ventriculus, naturali instinctu, sibi tantum necessarium alimentum appetit; Iste verò sensus tactus est, in ore ventriculi exquisitè vicens, ob nervos grandiores à sexto pari cerebri ad ipsum deriuatos. Quanquam autem sensus hic, & inde ortus appetitus ad facultatem animalem pertineat: tamen cum coctioni in ventriculo inferuiat, illique cohæreat, Galenus etiam cum actionibus naturalibus eum coniungere voluit. Quanquam postea, l. 1. de caus. sympt. c. 7. ad symptomata, quæ tactui accidunt, eum retulerit. Quinque n. actiones sunt, vt, loco iam alleg. scribit Galenus, quæ sese ordine sequuntur: primò vacuatio substantiæ per continuum illum è corpore nostro effluxum; secundò vacuatorum restituendorum naturalis appetentia: tertio suctio venarum exhaustarum è toto corpore: quarto sensus illius suctionis in ventriculo: quinto denique appetitus animalis, quo animal ad quærendum cibum stimulat; qui duplex est: fames & sitis. Fames nimirum cibi, Sitis potus appetitus, quorum

Ἀτροφία.

Symptomata quæ circa chylificationem accidunt.

symptomata iam videamus. Et primò quidem cibi appetitum læsum quod attinet, appetitus vel auferatur, vel imminuitur, vel augetur, vel deprauatur. Abolitur appetitus cibi in ἀνορεξία seu ἀποσιτία, qua qui laborant, cibos non appetunt, vel oblatos quoque fastidiunt, quos Græci ἀσίτες ἢ ἀποσίτες nominant.

Quò pertinent ij, qui non solum per aliquot dies & menses, sed & annos sine cibo vixerunt, quorum historia videri possunt apud Ioan Lang. lib. 2. epist. 27. Schenck. obser. Med. l. 3. sect. priore, obs. 39. Marcel. Donat. de hist. med. mirab. l. 4. c. 12. Laurentium Ioubertum

de acad. prima paradoxa. Imminuitur autem appetitus in δυσορεξία, quæ & ἀμυδρά ὀρεξις, id est, obscurus appetitus nominatur, cum quidem aliqua fames adest, sed ea valde exigua, & parum appetitur. Terriò augetur appetitus in iis affectibus, qui βέλεια vel βελιμία, & κωὸδὸς ὀρεξις appellantur, magna fames, & canina appetentia, in quibus est insatiabilis quædam edendi appetentia, ut sæpe à cibis ad vomitum, & à vomitu ad cibos subinde redeatur: unde & caninæ appetentia nomen accepit. Deprauatur denique appetitus, cum cibi prauī & absurdi appetuntur, quod fit in κίττα vel μαλακία, vulgò picā; qua qui laborat, appetit acida, acerbā, acrida, interdū terram, lutum, testas, cretam, carbones, crudas carnes, & similia inepta ac alendo corpori inutilia. Appellationem autem à pica accepit hæc affectio, siue quod pennarum aut vocis in hac aue sit varietas, siue quòd ipsa sæpe hoc malo laboret, ut Aegineta existimat, ib. l. c. 1. (sed minus rectè. Cui enim auis huius appetitus cognitus?) vel ut Aetius, tetrab. 4. serm. 4. cap. 10. censet, ob hederæ similitudinem, quæ Græcis κίττα vocatur, quod sicut hæc variis, prout occurrunt, plantis se implicare soleat: ita hoc malo laborantes varia edulia appetant. Μαλακία dicitur, quòd mollieties quasi quædam & defectio sit, prægnantium inprimis, qua languentes modò hoc, modò illud appetunt. Distinguunt tamen nonnulli inter Picam & μαλακίαν: atque alij aliter. Verùm si quæ admittenda distinctio, commodissimum videtur, appellare Picam, quando homo, seu vir, seu mulier, vitiosa & aliena, v.g. cretam, carbones, appetit; μαλακίαν verò eam appetentiam, quando prægnans non quidem alienos à natura hominis cibos, sed consuetos appetit, verùm auidius & animo impotenti, ita, ut nisi eorum particeps fiat, languorem vel abortum patiat, aut stigma infanti imprimat. Frequens & familiare hoc symptoma est grauidis, inprimis cacochymicis, primis duobus aut tribus mensibus. Accidit & viris hoc quandoque: & Fernel. lib. 6. de part. morb. & sympt. c. 3. viri Nobilis meminit, qui tanto caloris viuæ edendæ desiderio premebatur, ut illam pugni magnitudine voraret. Ac plura talia exempla collegit Schenckius, l. 3. obseru. sect. priore, obseru. 33. Et Marcellus Donatus, de hist. med. mirab. l. 4. c. 1. Ut cibi appetitus læditur, ita & potus. Nam vel auferatur sitis, vel imminuitur, vel augetur, vel deprauatur. Et quidem sitis abolitio, imminutio, atque intensio frequenter accidit, & frequentissima est in febribus sitis magna & aucta: sed ut potus à natura alienus appetatur, id rarius contingit. Appetitui cibi & potus vbi homo satisfacit, cibumque & potum assumere cupit, primò deglutitione opus est: ad quam tum facultas naturalis, tum animalis requiritur. Naturalem quod attinet, ea est attractrix & expultrix. Attractrix est in œsophago, & ventriculo, qui per rectas fibras, quibus interior tunica prædita est, cibum ad œsophagi initium depressum in partes penitiores attrahit. Expultrix facultas in œsophago, ope fibrarum transuersarum tunica externæ infertarum, cibum in œsophagum attractum in ventriculum de-

phagi principium protrudit, qui ab œsophagi attractrice attractus, & expultrice expulsus, in ventriculum descendit. Idque eò facilius, quò maior ipsius appetitus præcesserit, & quò minor in cibo fuerit resistētia. Hinc deglutitio in iis, qui conuenientes cibos auidè appetunt, ocyssimè fit: in iis verò, qui vel medicamentum aliquod coactè bibunt, vel cibum aliquem loco medicamento sumunt, molesta est deglutitio, ægréque perficitur. Atque ex his facile patet, deglutitionem lædi posse, cum aliquod iis, quorum beneficio fit deglutitio, vitium accidit. Tunc enim deglutitio vel amittitur, ut homo nihil possit deglutire; vel cum difficultate fit deglutitio; vel deprauatur, cum palpitando, tremendo, aut conuellendo peragitur deglutitio. Porro Retentricem facultatem quod attinet, cum eius officium sit, ut cibum contineat, & quidem ita contineat, ut nullum locum relinquat inter ventrem & cibos vacuum; tum complectendi tempus cum concoquendi tempore exaquet, cibumque tam diu contineat, donec eius coctio absoluta & perfecta sit: facile hinc patet, lædi Retentionem, cum vel non rectè & probè continet cibum ventriculus, vel non continet, aut non tam diu, quàm diu opus est, continet, vel in utroque peccat. Si non continetur cibum, aut non tam diu, quàm diu debebat, continetur, cibi sequitur in ventre corruptio, vel cibi non cocti egestio, quod in lienteria accidit. Si imbecillus sit cibi complexus, consequentur, ut Gal. de differ. sympt. c. 4. scribit, fluctuationes, quas Græci κλύδωνας vocant, & flatulentia. Non rectè verò & minus probè cibum complectitur ventriculus; quando cum palpitatione quadam, vel tanquam cum conuulsione & tremore, ac vibratione quadam complectitur. Palpitatio ventriculi est, quando ventriculus secundum suum corpus & tunicas ita eleuatur, & deprimitur, ut in aliarum partium palpitatione. Conuulsio quasi accidit in singultu ex inanitione. Immodicè exinanitus ventriculus postea circa cibos se constringit, & nimis violenter & vehementer se constringit, unde quasi quadam conuulsio oritur. Nam vera conuulsio non est cum ventriculi motus non sint voluntarij, sed naturales. Terriò est tremor quidam, cum ventriculus quidem circa cibos se constringit, eosque complecti conatur, sed difficulter, & veluti cum tremore: quem Galenus hoc modo describit, de differ. sympt. c. 4. Vbi à comedendo nec κλύδων aliquis siue fluctuatio cum sonitu te infestat; nec inflatio, nec palpitatio vlla, nec singultus, sed difficultas alias insucta in ventre sentitur, grauaturque is ac laborat, cupitque celeriter onus vel per inferiores, vel superiores partes abicere, acceditque præterea ructus quidam, cum difficultate quadam aliena, nec facile tolerabilis in æthelitu assequitur: existimabis ventriculum circa cibos constringi quidem, ceterum id velut cum tremore fieri. Vibratio autem quasi quadam percipitur, cum in ventriculo molestia quadam sentitur, similis illi, quæ in initio intermittentium febrium in rigore percipitur. Concoctionis verò ventriculi, quæ χύλωσις appellatur, læsiones contingunt, cum aliquid ventriculo occurrit, cuius vi cibum in chylum, id est, utilem succum, ex quo in hepate bonus sanguis generari possit, non conuertitur. Est autem læsæ χυλώσεως seu concoctionis in ventriculo vitium triplex. Vel nulla fit ciborum concoctio & alteratio, quæ ἀπεψία ἀπεψία, & cruditas nominatur: vel fit quidem concoctio, & cibi in chylum mutatio sed tardè & longiori tempore, quæ βραδυπεψία dicitur, quanquam in hac etiam sæpe non omnes cibi partes satis coquantur & mutantur, sed aliquæ crudæ remaneant: vel cibum corrumpitur, & in aliam substantiam mutatur, quæ τῆς πέψεως διαφθορά nominatur, id est, cibi & concoctionis deprauatio. Denique & Expulsionis sunt quædam symptomata, nimirum singultus, nausea, vomitus & cholera. Quanquam n. inter motus symptomata, à nonnullis hæ

Appetitus
ablatus.

Appetitus
imminutus.

Appetitus
auctus.

Appetitus de-
prauatus.

Pica.

Μαλακία.

Sitis.

Deglu-
latio.

Reten-

Expulsionis
symptomata.

hæ actiones referantur: tamen, si rem rectè perpendamus, inter motus quidem vitiosos referri singultum, nauseam, vomitum & cholera concedemus, verum non inter motus animales, verum naturales. Planè enim naturales hi motus sunt, & à nostro arbitrio & voluntate non dependent, sed à facultate naturali, expultrice scilicet, stimulata tamen à causâ morbifica, quæ naturam cogit, vt hos prauos motus instituat. Singultus, Græcis *λύγξ* & *λυγμός* & *λύγξ*, est motus prauus tensionis & dilatationis ventriculi secundum partem superiorem, quod id, quod molestum est, & præcipue orificio inhæret, elidere & eiicere tentat. Et motus hic in singultu satis magnus est, maiorque sæpe, quàm in vomitu. In vomitu enim ea tantum, quæ in ventriculi capacitate consistunt, eiiciuntur, & plerumque conatu non adeo magno: singultu verò ea quoque, quæ in ipsius ore & tunicis penitus insident; quæ propterea non nisi magnâ vi excutiuntur, vt docet Gal. 6. *aph.* 39. Præcipua tamen differentia inter singultum & vomitum consistit in expellendi modo. In vomitu enim vis expultrix partes, quibus inest, præcipue in fundo, constringit, & materiam versus superiora expellit. In singultu verò ventriculus ad expellendum sibi molesta concutitur ad eum fere modum, quo in conuulsis moribus & epilepsia natura molesta expellere conatur. Nausea porro, Vomitus & Cholera cognati affectus sunt, deprauati scilicet motus expultricis facultatis, quibus facultas expultrix excernit per os ventriculi, quæ molesta sunt. Nausea primò, quæ Græcis *ναυτία* vel *ναυτίας* dicitur, est inane vomendi desiderium. In nausea n. ventriculus secundum partem inferiorem constringitur, secundum verò superiorem dilatatur, & id, quod molestum est, per superiora eiicere conatur: sed inanis tamen conatus est; atque, seu ob materiæ vitium, seu naturæ imbecillitatem, illud efficere non potest. Sunt apud Gal. 8. *de comp. med. s. l.* ex Asclepiade vocabula *ναυτία* & *ἀνατροπὴ τῆς τροφῆς*, subuersionis stomachi, quibus *ναυτιώδης διαβέσις* significari ait Galenus, cum nimirum post sumptum cibum, si homo paulò vehemētius moueatur, vomitus accidit: quæ à nausea differunt, quòd hæc etiam non sumpto cibo accidit; hæc autem stomachi subuersiones tantum sumpto cibo. Vomitus verò, Græcis *έμετος*, est motus ventriculi deprauatus, seu eorum, quæ in ventriculi cauitate continentur, per os ventriculi superius eiectio. Quamuis verò etiam postea, c. 11. vomitus inter excretorum vitia recensatur: tamen id fit tantum habito ad materiam, quæ eiicitur, respectu. Sed cum exiens hoc non semper substantiâ, quantitate aut qualitate peccet, rectius in genere deprauatarum actionum recensetur. Hoc tamen obseruandum, quanquam omnes vomitus præter naturam videantur, ratione loci, per quem eiicitur materia, nimirum oris ventriculi, quod ad cibos assumendos, non ad eiicienda excrementa conditum est: tamen quidam vomitus naturæ potius opus, quàm actio læsa sunt, si tempestiuè fiant, hoc est, cum virtutis robore, & eo fine, vt excreis iis, quæ naturæ inimica sunt, salutis hominis prospiciatur, & morbi auertantur. Cholera denique, à *χολή*, id est, bile flaua, à qua scilicet frequentissimè ortum habet motus ventriculi prauus est, quando per vtrumque orificium ventriculi materia praua expellitur: quo modo qui laborant, *χολεικοί* & *χολειώντες* appellantur. Trallianus, lib. 7. c. 4. non ἀπο τῆς χολῆς, sed ἀπὸ τῶν χολάδων, id est, intestinis, quæ Græcis veteribus *χολάδες* dicebantur, deriuat, quòd materia, quæ sursum effertur, ex intestinis excerni videatur. Verum prior deriuatio commodior videtur. Frequentissimè n. ex bile supra infraque erumpente hoc malum excitatur. Est enim Cholera motus deprauatus ventriculi, ventrisque perturbatio ex multa cruditate, vel ciborum corruptione, qua bilis aut humores alij pra-

ui supra infraque eiiciuntur. Verum præter hanc cholera, qua corrupti humores eiiciuntur, & alterius ex Hip. 4. *de rat. vic. in acut. aphor.* 104. & seqq. nonnulli mentionem faciunt, in qua nihil humidi expellitur, sed tantum spiritus flatuosus, acer, per ventriculum & intestina exit, & partes, per quas transit, affligit & exasperat; quæ propterea Cholera sicca appellatur, de qua Petr. Salius Diuers. *de affect. part. cap.* 1. Pertinet huc & Ructus, qui est flatuum cum strepitu oris è ventriculo per os excretio. Quod malum nonnullos non parum molestare solet. Memini virum quendam hypochondriaca laborantem, & ex eodem malo tandem mortuum, ferè quoties cibum sumpturus erat, maximè ructibus infestatum fuisse, vt sæpe vna vice plures quàm centum ederet, adeò, vt si quicquam cibi sicci & solidioris assumeret, merus strangulationis immineret, nec quicquam cibi tutò assumere posset, antequam vnum atque alterum haustum bibisset. Nisi forsitan quis hoc malum ad cholera siccam, cuius modo mentionem fecimus, referre velit. Viuit nunc & alius, qui, & ipse hypochondriaca laborans, vel mille ructus vna die emittit. Huius generis est etiam circa primam coctionem Lienteria, Diarrhœa, Dysenteria, Tenesmus, aluique suppressio. Lienteria est fluxus alui seu excretio præternaturalis, à qua cibus & potus non immutatus excernitur. Gal. 3. *aph.* 22. A lienteria saltem secundum magis & minus differt affectio seu passio cœliaca dicta, quæ est nimis celer cibi & potus parum mutatorum deiectio, seu excretio alui præternaturalis, in qua chylus adhuc crudus & imperfectè coctus deiicitur. Diarrhœa verò est immoderata seu copiosa & frequens deiectio excrementorum humorum. Dysenteria appellatio tribuitur à veteribus etiam fluxui alui sanguinolento seu cruento, sine intestinorum exulceratione, & sine dolore. Ita Gal. 3. *de caus. sympt. c.* 2. *ἐκρίσεων αἱματώδων* quatuor differentias numerat, quatuor *διαδέσεις* corporis succedentes. Prima est sanguinis etiam boni in iis, quibus artuum aliquis abscissus est, aut qui consuetam corporis exercitationem & per hanc eiusdem absumptionem aliquandiu intermiserunt, aut quibus menses suppressi sunt, repetens quibusdam intervallis, & critica quasi, à toto vacuatio. Secunda, quando ex hepatis *ἀτονία* seu imbecillitate, sanguinem neque ritè concoquentis, neque retinentis, aquosus ille & semicoctus deiicitur, loturæ carnis animalis recens macerati similis. Tertia, quando concoctio quidem sanguinis facta est, sed *ἀνάδοσις* in corpus impeditur, propter hepatis & venarum in eius gibbo obstructionem, aut tumorem aliquem præter naturam; rariùs ob venarum in corpore refrigerationem. Tunc enim sanguis diutius in hepate retentus adurit, vt nigrescat, pauloque acrior redditus orificia venarum in intestinis aperit, indeque perfunditur. Galeno melancholici, similis pici liquidæ, splendentisque sanguinis est excretio, nō eius tamen humoris, qui atra bilis dicitur, mordens & corrodens terram, cuius per aluum profusio lethalis est. Atque hæc tres differentia improprie dysenteria vocantur. Prima *αἱματηρὴ* vel *αἱματώδης*, de locis *aff.* 1. 4. c. 5. altera *ἡπατική*: tertia etiā *αἱματηρὴ*, vt è Paulo liquet, l. 3. c. 42. Quarta denique, quæ verè & proprie dysenteria nominatur, est sanguinis integri aut concreti deiectio, cum pure, aliquando, & vt vulgo putatur, intestinorum membranis, ob horum exulcerationem. Differt hæc à prioribus tribus speciebus, quòd in hac parum breui tempore excernitur: in illis multum, confertim & longioribus intervallis. Est igitur *αἱματώδης ἐκκρεσις*, vt à dysenteria proprie dicta diuersa est, sanguinis per aluum quantitate aut qualitate molesti fluxus, citra intestinorum exulcerationem, per vasorum mesenterij *ἀναδύωσιν* factus. Dysenteria verò est frequens alui excretio, in qua materiâ mordax cum sanguine ac-

Ructus.

Lienteria.

Cœliaca affectio.

Diarrhœa.
Dysenteria.

Tenesmus.

torminibus & torsionibus ventris excernitur. Tenesmus, ἀπὸ τάσεως, id est, contentione & nisu, qui in eo fit, cum vehementi cupiditate egerendi laceffiti crebro exurgere coguntur, ita dictus, ut docet Galenus, 7. aph. 27. est continua & implacabilis desiderandi quædam cupiditas, qua nihil præter modica cruenta, & mucosa deiiciuntur. Tandem alius in excernendo vel segnior est, vel sat longo etiam tempore nihil excernit; cuius rei insignes historias collegit Schenckius, lib. 3. obs. sect. 1. obser. 225. & seqq. aliquot.

εἰλεός.

Ad quod genus symptomatum & εἰλεός pertinet, qui nomen habet vel à parte affecta, ab εἰλεῶ, scilicet, hoc est, intestino tenui (et si enim in crasso etiam aliquando contingit, 3. epid. 2. 1. 6. tamen tanto id non fit cum dolore & periculo) vel à symptomate, quod in hoc malo intestina εἰλεῖσθαι, hoc est, conuolui videantur; unde & voluuli appellatio nata est. Actio χορδαία vocatur, ἀπὸ τῆς χορδῆς ἀπτεσθαι, quod qui manum loco doleri admouet, quasi chordæ intensæ, aut duriter conuolutæ speciem sentiat. Est autem εἰλεός cibi superfluitatum, quæ per alium excerni debent, retentio; quod malum ubi increfcit, fecesque retinentur, accidit interdum, ut cibus stercore inquinatus per os fœda specie reiiciatur.

Sanguificatio læsa.

Porro ut coctio in ventriculo interdum læditur: ita & sanguificatio in hepate. Cum enim hepatis sit ex chylo sanguinem generare, si illa sanguinem gignendi facultas in hepate frustratur, sanguificatio læsa dicitur. Et quidem αἱματώσις seu sanguificatio vel tollitur, vel imminuitur, vel deprauatur. Aboletur sanguificatio, cum ferè nulla sit chyli mutatio & alteratio, ac loco coctionis inquinatio quædam, & pro bono sanguine sanguis serpsus, pituitosus, ac flatuosus, qualis est in hydropicis, producitur. Si verò sanguis quidam semicrudus, & non satis elaboratus producitur, sanguificatio imminuta esse dicitur. Deprauatio tandem sanguificationis est, cum ab hepatis calore sanguis adurit, atque sanguis calidus & adustus generatur; unde postea erysipelata, herpes, canceri, carbunculi, & similia mala oriuntur. Symptomata verò, quæ circa excrementorum secundæ coctionis euacuationem accidunt, sunt ἰσχυρία, δυσουρία, σπασμυρία, mictio inuoluntaria, diabetes. Et si enim à nonnullis hæc & alia, quæ sequuntur, referantur inter excreta & retenta: tamen si ipsa expulsionis actio respiciatur, & consideretur, ex eo, quod humores excernuntur aut detinentur opportunè, vel importunè, non aliquam differentiam in ipsis excretis, sed in actione & excretionem constitui; omnino clarum euadit hæc symptomata ad actionem læsam commodissimè referri. ἰσχυρία est mictio ablata; δυσουρία verò urinae difficultas, cum urina, quando excernitur, liberè non profluit, sed ut excernatur, magno conatu opus est, siue id fiat cum dolore, siue sine dolore. In δυσουρία enim urina quidem tempus excernendi exspectat, atque aliquando diutius, quam oporteat, sed cum excernenda est, difficultas occurrit, σπασμυρία autem est, cum urina paulatim & guttatim exstillat, & assiduam ad mingendum irritationem facit, ut definit Aëtius, tetrab. 3. ser. 3. c. 19. Urinae incontinentia est, cum præter voluntatem urina effluit. Diabetes denique est copiosa potus non vel parum mutati mictio, seu copiosus urinae fluxus, quo quicquid bibitur; quale sumptum est, per urinam redditur. Hisce actionis naturalis symptomatibus & ex læsæ actiones annumerari possent, quæ circa sanguinis & spiritus vitalis ac animalis generationem accidunt: verum de iis alio loco commodè dicitur. Pertinent huc & vitia, quæ in lactis generatione eueniunt. Nam & lac in fœminis vel planè non generatur, vel nimis parua, aut nimia quantitate generatur; vel vitiosum generatur, vel concrefcit. Inprimis verò huc referendæ sunt omnes vitiatæ retentiones & excretiones quæ

circa quamcunque coctionem, & quocunque loco accidunt: ut gonorrhœa inuoluntaria, & sine actu venereo seminis excretio; item mensium suppressio, diminuta euacuatio, stillicidium, & nimium profluuium. Habet deinde & auctio sua vitia, cum nimirum vel totum corpus, vel pars aliqua non satis augetur, & augeri desinit; antequam ad iustam magnitudinem peruenit: vel nimium augetur, & in nimis magnam molem extenditur. Ita Nicomacho Smirnaeo, referente Galeno, de diff. morb. c. 9. ad tantam molem corpus increuit, ut loco moueri non posset. Et ibidem refert, se vidisse linguam cuiusdam mirum in modum auctam, citra omnem doloris sensum, ut neque œdema, neque scirrhus, neque phlegmone videretur. Ita & labra, & nasus in nonnullis supra modum augentur. Deprauata auctio est, cum corpus quidem augetur, sed vitioso alimento appposito, ut in Elephantiali. Denique & facultati generatrici suæ sunt læsiones. Aboletur, cum nulli generantur liberi: Imminuitur, cum pauci, imbecilles, parui generantur: deprauatur, cum monstra, vel partus mutili aut quocunque modo imperfecti aut vitiosi generantur. Ac cum ad hominis generationem congressus maris & fœminæ requiratur, vtriusque ratione potest lædi generatio: atque in viris est impotentia & languiditas; in fœminis Venus extincta, sterilitas, seu concipiendi impotentia. Quod pertinere etiam videntur abortus, & ad abortiendum procliuitas, fœtus monstrosi; partus difficilis, & omnia illa, quæ in causâ sunt, ut hominis conceptio, generatio & natiuitas impediatur, aut non rectè perficiatur.

Auctio læsa.

Generatio læsa.

CAPUT V.

De Symptomatibus facultatis vitalis.

Quæ sint actiones, quæ à facultate vitali proficiuntur, lib. 1. cap. 11. explicatum est, dictumque inter illas Medico præcipuè considerandam esse spirituum vitalium generationem & pulsum. Itaque iam symptomata, quæ circa spirituum vitalium generationem & pulsum accidunt, inuestiganda sunt. Verum cum ad spiritus vitalis generationem necessarius sit pulsus, & respiratio, neque spiritus vitalis sine pulsu cordis & respiratione generari possint: vna opera & coniunctim de symptomatibus, quæ circa vitalem facultatem & respirationem accidunt, agemus. Primò autem huc refertur palpitatio cordis, lipothymia & syncope. Palpitatio cordis est symptoma in læso, & quidem deprauato, ac simul etiam aucto cordis motu, dum actio illa à naturali suo statu ita recedit, ut cor tam prauo & tanto motu afficiatur, ut quasi prosilire, & fugere à re noxia conetur. Interdum enim cor adeò mouetur, atque tam violenter, ut quasi locum mutans, ad costas impetuosè delatum, illas luxet, nonnunquam confringat. Et annotauit Forestus, lib. 17. obs. 1. iuuenem quendam in thorace vulneratum in cordis palpitationem adeò vehementem incidisse, ut etiam extra domum, in qua ager decumbebat, à transeuntibus (potissimum si fenestræ occlusæ aures admouerent) palpitatio cordis exaudiretur. Imminuitur & aboletur cordis pulsatio in lipothymia & syncope: quæ symptomata non specie, sed saltem secundum magis & minus differunt. Hoc verò obseruandum, quod pulsatio dupliciter imminui potest: vel subito ac confestim, vel sensim & paulatim. Hoc autem loco non agitur de ea pulsatione imminuta & ablata, quæ sensim fit, & ad quam tandem omnes morbi tendunt, sed de subito facta pulsationis imminutione. Sunt autem eius pulsationis cordis imminutæ, ut vulgò recensentur, tres gradus. Primus est deliquium animi, ἀποθυμία, & λαι

Palpitatio cordis.

Lipothymia.

ἰσχυρία. δυσουρία.

σπασμυρία.

Urina incontinentia. Diabetes.

CAPUT VI.

De Symptomatibus Sensuum externorum.

A Vitalis facultatis symptomatibus ad animalis symptomata adscendimus, & primò quidem ad sensus externos, quos quinque esse diximus; Visum, Auditum, Olfactum, Gustum, Tactum. Visus primò læditur in cæcitate, & visus imbecillitate ac hebetudine: quæ si sine vila apparente manifesta in oculis causa, & oculis ad aspectum serenis accidat, appellatur *εμαύρωσις* & *αμβλυωπία*. *Εμαύρωσις* est integra visus abolitio & amissio: *αμβλυωπία* eiusdem hebetudo. Huc etiam referenda *μυωπία*, lusciositas, quæ qui laborant, oculis semiclausis res propius admotas, etiam paruas, vident: sicut & *νυκταλωπία*, cum quis scilicet interdiu rectè videt, occidente verò Sole obscurius, noctu verò ferè nihil Paul. *Ægin. lib. 3. cap. 22.* Aëtius, *tetrab. 2. serm. 3. c. 46.* Hippocrat. tamen, 2. *prophet. νυκτάλωπας* nominat, qui noctu melius vident, interdiu deterius; cum quo consentit Author definitionum medicarum. Vtramque significationem complexus est Author Isagoges, cum scribit: *νυκτάλωπας λέγεται, ὅταν ἡμέρας μὴ βλέπουσι εμαύρωτον, δυσμένει ἢ ἡλίᾳ λαμπρότερον, τυκτὸς ὅτι μᾶλλον. ἢ ὡναντίως, ἡμέρας μὲν ὀλίγα, ἑσπέρας δὲ ἢ νύκτι ὅδ' ὅλως.* Quæ posterior significatio magis communis videtur. Deprauatio verò varia visus est, & variis modis res aliter visui repræsentantur, quàm sunt: ut cum, quæ alba sunt, flava apparent, vel rubea; quæ recta, curua; quæ integra, dimidia vel perforata, quæ simplicia, duplicia; cum oculis araneorum telæ, muscæ, culices, aut huiusmodi alia idola, quæ nulla sunt, obscurari videntur. Quò etiam referendi sunt splendores oculorum. Splendores enim quidam & quasi coruscationes, quas Græci *μαρμαρυγὰς* appellant, obuersari nonnullis non sine admiratione videtur. Quale quid cuidam Comitissæ accidisse refert Marcellus Donatus, *de histor. Med. mirab. lib. 2. cap. 8.* quæ cum ferè cæca euassisset, ut nihil præter tenebras nebulas cernebat, & iam tres annos hoc malo laborasset, repente Ianuario mense, iam occidente Sole, ab ancillis percontari cœpit, an Solares radij thalamum illuminarent: se enim vndique splendores intueri, qui ferè paucum, quod illi reliquum erat, videndi munus adimerent: nocte etiam, clausis fenestris, nec candelis accensis, se sub Sole versari affirmabat, & adstantium umbras in Sole videre. Et *ibidem* refert, mulierem quandam Lauram, dum vena ipsi aperiretur, quandam in media parte capitis interna crepitum, ac si vesica disrumperetur, percensisse, ex quo in leuem lipothymiam incidit, quæ leuata maximo animi mœrore correpta est, ac post nonnullos dies globulum igneum sibi videre visa est, qui postea in maximam flammam excreuit; ac deinceps melancholicis & epilepticis symptomatibus vexata fuit per intervalla. In oculo dextro, qui sæpius illi dolebat, velut lumen sibi resplendere, & sinistro oculo non nisi dimidium hominem ac reliqua obiecta velut per medium dissecta se videre referebat. Galenus quoque scribit, 7. *de decret. Plat. & Hipp. cap. 4.* se quendam nouisse, qui post somnum, patefactis repente palpebris, magnam ante oculos lucem videre solitus est, atque ita videnti sensum amisit. Vulgò etiam notum est, quod nonnullis oculos debiliores habentibus circa candelam accensam iris vel halo apparet. Huc denique referendum exemplum est, & rarissimus ille casus à Schenckio, *in obs. de c. hum. ob. 310.* relatus de quodam, cui, ex malè curato oculorum vulnere, per patentis narium meatus species visibiles affuebant, ita ut per nares proxima quæque dignosceret obiecta. De quo etiam videatur *epist. 75. & 76. in epist. à Scholtzio collectis.*

Visus symptomata.

εμαύρωσις. αμβλυωπία. μυωπία.

visionis deprauatio.

& *λεποφυχία*, in qua actio cordis pulsans subitò & confestim imminuitur, ut pulsatio euadat parua, tarda & rara; non tamen in extremo gradu. Verum prior adhuc alius videtur esse gradus, nimirum, *εκλυσις*, leue animi deliquium. Differre enim *εκλυσις* à *λεποφυχία* vel *λεποφυχία*, ex Hippocrate patet, qui 7. *aph. 8.* inquit; à *tuberculi introrsum eruptione εκλυσις ἢ λεποφυχία οἴεται*. Et *Ægineta, lib. 3. cap. 34.* inter syncopes signa *εκλυσις* & *λεποφυχία* refert. Secundus gradus est Syncope, quæ fit à causa longè validiore, & pulsus habet longè minorem, cardiorum & ratiorem. Tertius gradus est *ἀσφυξία* pulsus ablati, seu ita exiguus, ut sub sensum minimè cadat, qui à causa adhuc vehementiore oritur, & morti proximus est, ac summus syncopes gradus. Aëtius, *tetr. 2. serm. 1. cap. 7.* syncopen à lipothymia sic distinguit: quòd in lipothymia æger non sudat; syncope verò cum sudoribus frigidis accidit, qui idcirco syncoptici dicuntur. Aufertur autem in syncope sensus & motus in toto corpore: neque tamen propterea syncope cerebri est affectio, sed cordis: sensusque ac motus cessat, quòd spiritus vitales cerebro à corde non communicantur, atque ita, vitali robore in cerebro deficiente, etiam huius actio & spiritus animales deficiunt: cum, vitali virtute collabente, omnes alias actiones labi necesse sit. A corde enim omnibus membris calor vitalis affluit, cuius beneficio actiones suas perficiunt, & eo deficiente etiam in agendo deficiunt. Describitur syncope à Galeno, quòd sit præceps & subitus virium lapsus. Reliqua symptomata facultatis vitalis constituunt pulsuum illas præter naturam differentias. Est enim vnus *τόνος*, ὁ διασέλλων ἢ συσέλλων ἅμα τῇ καρδίᾳ τὰς ἀρτηρίας, ut Galenus, 3. *de presag. ex puls. c. 3.* scribit, vnusque cordis & arteriarum finis & vsus. Ideoque de pulsuum præter naturam differentiis hîc meritò agendum esset: Verum quia pulsus & urinæ iudicia in morborum signis maximi momenti sunt, alios authores secuti, in sequentem librum, quæ de pulsibus dicenda hîc essent, reieciimus. Porro quia pulsus & respiratio vnum finem habent, & cordis gratia instituuntur, pulsui rectè subiungitur læsa respiratio. Læditur autem Respiratio, cum actio respirandi vel planè aufertur, quod vitium *ἀπνοία*; vel deprauatè editur, quod *δύσπνοια* nominatur. Notandum verò hîc est quando dicitur respirationem auferri, id non ita accipiendum esse, quasi penitus reuera aboleatur, sed tantum quod ad sensum, propter paruitatem, ob quam latet. Sicut enim pulsus non cessat, quam diu animal viuit: ita nec respiratio planè aboletur. Reliqua vitia Respirationis varia sunt. Fit enim Respiratio vel magna nimis, vel parua; frequens, vel rara; velox vel tarda; æqualis vel inæqualis. Magna est vel propter thoracis dilatationem magnam, vel propter inspirati aëris multitudinem, vel propter vtrumque; qualis est in febribus ardentibus absque instrumentorum respirationi dicatorem angustia. In iis enim aëris inspirati quantitas respondet magnitudini dilatationis thoracis. In quibus verò tumor, vel angustia aliqua est in pectore sine febre, in his quidem magna est dilatatio thoracis, aër verò, qui attrahitur, dilatationi eius non responderet, sed paucior est. Crebri etiam anhelitus quædam sunt differentie secundum magis & minus. Si enim moderatam respirationem paulò excedat, dicitur Anhelatio; à Galeno & Celso, nomine omni difficili respirationi communi *δύσπνοια*. Si verò respiratio sit valde frequens, appellatur *ἄσπνοια*; quæ si ad summam frequentiam ascendat, vocatur *ὀρθόπνοια*, quòd tum erecti respirare cogantur. Sunt & respirationis læsæ differentie compositæ, magna & rara, magna & frequens, parua & rara, &c. de quibus omnibus Galen. *in lib. de diffic. respirat.*

*Auditus
symptomata.*

Auditus icidem aboletur, imminuitur & deprauatur. *Χωφωσις*, id est, surditas, est auditus planè ademptus & abolitus, ut ægri neque magnum, neque exiguum sonum audiāt. *Βαρυνία* verò, & *δυσηχοία* & *ἐποχωφωσις* est auditus grauitas, difficultas & imminutio, cum exigui soni planè non percipiuntur, magni verò non nisi difficulter. Auditus autem deprauati vitium est, cum aures citra omnem externi aeris commotionem intra seipsas sonant: quæ affectio Græcis *ἤχη* & *τρυφεύς*. Latinis sonitus, sibilus, strepitus & tinnitus aurium appellatur. Fernelius, *lib. 5. c. 6.* species distinguit appellationibus; ut Sibilus sit ex tenui flatu leniter elabente; Tinnitus, ex eiusdem cursu interrupto; Sonitus, ex crassiore flatu lenius erumpente; Strepitus, ex eiusdem valido impulsu; Fluctuatio, ex humoris inundatione; quibus tamen appellationibus authores promiscuè uti solent, de quo suo loco. Olfactus

*Olfactus &
Gustus sym-
ptomata.*

similiter læditur, cum aboletur, imminuitur, & deprauatur: quod eodem modo Gustui accidit. Aboletur nimirum Gustus, cum nullius cibi vel potus sapor percipitur. Cuius rei admirandam historiam annotauit Realdus Columbus, *lib. 15.* de quodam Lazaro vitruorace, qui nullo prorsus gustu præditus erat, nullam in edendo voluptatem, nihil iucundum perferentebat; insipida, amara, dulcia, pingua, salsa, acrida non distinguebat; vitrum, lapides, ligna, viua animalia, carbonēs, lutum, lineos laneosque pannos, fenum, stipulas deuorauit, & aliquando aromatario Patruino carbonēs cum sacculo. Deprauatur verò Gustus, cum non natiuus propriusque cibi ac potus sapor, sed alienus, quo linguæ humor est imbutus, percipitur, isque cibis inesse putatur. Tactus denique symptomata eiusque læsi tot sunt differentiae, quot reliquarum actionum læsarum. Imminutus tactus est in stupore; abolitus in *ἀναισθησία*, qualis est in paralyti & apoplexia; deprauatus in dolore. Primo nimirum est *νάρκη* seu stupor. Et si enim *νάρκη* & *νάρκωσις*, Latinis stupor seu torpor in genere imbecillitatem actionum significet: quo sensu Hippocr. *6. epid. comm. 2.* *νάρκωσιν γνῶμης*, mentis stuporem, & *6. epid. comm. 3. t. 1.* *νάρκωσιν κοίτης*, ventris torporem & segnitiam dixit: tamen in specie sensus tactus imbecillitatem significat; estque stupor propriè tactus symptoma, cum pars ita tactu priuatur, ut obiectarum rerum qualitates non percipiat, idque vel nullo ferè modo, ac si esset mortua; vel diminutè, ac si, ut vulgò loquuntur, obdormiisset. Huc pertinere videtur *αιμωδία*, stupor dentibus peculiaris à rebus acidis, acerbis, item limarum & serrarum, nec non similium rerum attritu ac strepitu ortus. Deinde à plerisque Medicis in classem hanc symptomatum, & tactus læsiones, refertur Dolor. Verum cum de eo non eadem omnium sit sententia, de eius natura accuratius inquirendum est. Dolorem primò quid præter naturam esse, ab omnibus conceditur, & quidem non ad morbos, verum ad symptomata ab omnibus refertur. Sed an ad tria illa symptomatum genera referri debeat, an verò aliquod peculiare symptomatum genus constituat, de eo authores non consentiunt. Vulgò quidem ad actiones læsas refertur dolor, & definitur: quòd sit sensio tristis, aut sensio corrupta. Cum autem non ita planum sit, quomodo dolor sit actio corrupta: ita hoc demonstrare conantur Recentiores, dum dicunt; Actionum deprauatarum tria esse genera; vnum, quod quidem à natura perficitur, vi tamen coacta & stimulata à causa morbifica, qualis tussis est; aliud, quod planè est præter naturam, ad quod natura nihil confert, qualis est palpitatio & conuulsio; aliud, ad quod simul natura & res præternaturalis concurrunt, qualis est tremor. Atque ad primum genus dolorem referunt, & deprauatam actionem in dolore, non secus ac in tussi, esse dicunt, quod non solum excedat naturæ limites, sed quod propriam

speciem ac formam deponat. Et quidem hanc actionem deprauatam à Galeno optimè nomine tristis sensationis expressam esse porro statuunt, utpote quod essentiam doloris commodissimè exprimat, & omnia illa, quæ in dolore concurrunt, complectatur. Nam dum dicit; dolorem sensationem esse, significat, primò in dolore concurrere facultatem sentientem, quæ obiectum sensibile, quatenus sensibile, apprehendit. Deinde concurrere aliam facultatem, quæ cognoscit obiectum sub nocentis & iuuantis, vel grati & ingrati ratione. Alij contra ex recentioribus Dolorem sensationem esse negant. Si enim aiunt, ipsa sensio esset dolor, omnia cum dolore perciperentur, & obiectum aliquod dolor haberet, sicut alij sensus. Deinde & deprauatam sensationem esse negant, cum res non deprauatè, nec aliter percipiat, quam qualis est, neque illis qui dolent, quid accidat, quod deprauatè videntibus accidit, quibus etiam alba rubea vel flaua apparent. Itaque hi iubent sensationem ab eo, quod in ea fit, & cum ea coniunctum est, separare; & doloris naturam non in ipsa sensatione, sed in molestia illa, quæ cum sensatione illa coniuncta est, positam esse statuunt, atque dolorem definiunt molestiam, quæ fit in sensu à soluentibus continuum: adduntque Galenum, dum dicit: Dolorem esse tristem sensationem, non dolorem ipsum definiuisse, sed modum, quo dolore afficitur. Tunc enim nasci dolorem, cum tristis sit sensio. Et certè si rem accuratè perpendamus, omnino agnoscendum est, dolorem non esse ipsam sensationem simpliciter; vnde & Galenus dixit: Dolorem esse sensationem non simpliciter, verum tristem sensationem; sed in dolore necessariò duo concurrunt, ut diximus, primò apprehensio obiecti sensibilis, quatenus sensibile, verbi gratia, quatenus calidum, frigidum, asperum, &c. secundò eiusdem apprehensio, quatenus gratum vel ingratum. In vtro autem doloris natura sit constituenda, si porro quæramus, omnino concedendum videtur; dolorem non esse ipsam obiecti sensibilis apprehensionem, sed molestiam, quæ ex sensu & perceptione obiecti ingrati, seu sensorij corruptione oritur, quam sequitur in appetitu tristitia. Veruntamen quia hæc molestia cum sensatione coniuncta est, atque ab ea, tanquam proxima & continente causa, pendet, Galenus, quod & in aliis quibusdam fecit, per causam dolorem inferentem, dolorem definire, & sensationem tristem nominare voluit. Qua ratione etiam dolor ad actiones deprauatas referri potest. Quanquam enim obiectum percipitur quale est: tamen quoniam excedit limites & formam naturalis sensus, & ut molestiam & tristitiam inferens percipitur, eatenus illa actio deprauata esse dicitur. Etenim ad sensationem naturalem requiritur, primò obiectum bene dispositum, & bene proportionatum, ne vel excellens sit nimium, vel alia qualitate præditum, qua sensum turbet ac deprauet; deinde, ut ipsum organum, per quod fit sensus etiam rectè sese habeat, & bene dispositum sit: quòd cum non fiat in dolore, sed obiectum violentum sit, atque præter naturam, atque ob id organum corrumpatur, actio deprauata esse dicitur. Cum igitur ad sensuum læsiones dolor hoc modo referatur, quæritur porro: An dolor in solo tactu; an verò in omnibus sensibus contingat. Galenus, *de different. sympt. cap. 8.* dolorem in omnibus sensibus admittere videtur: sed magis euidenter id explicuit, *1. de sympt. caus. cap. 6.* dum scribit: *Delectatio autem & dolor omnibus sensibus contingunt, non tamen pari eidentia.* Percipitur enim dolor in oculis ex rei nimis lucidæ aspectu, ex boatu in auribus, & similibus. Et qui hanc opinionem sequuntur, in omnibus sensibus duplicem agnoscunt dolorem, vnum tactu in ipsis affecto, alterum affecto proprio sensu. Cum enim tactus omnibus reliquis sensibus quasi substratus & subiectus sit, ipse in vnoquo

Dolor quod sit tristis sensio.

Dolor quod sit actio deprauata.

An dolor in omnibus sensibus.

Dolor.

Dolor est symptoma.

An dolor sit actio deprauata.

quoque sensu affici potest: vnde & Galenus, *de differ. sympt. cap. 3.* in hunc modum scribit: *Tactus egregium præter ceteros sensus, in actione sua symptoma possidet dolorem, qui etiam reliquis sensibus: sed tamen ab externis propriis sensibilibus, accidit: Huic verò non solum ab externis, sed etiam multo magis ab affectibus, qui intra corpus consistunt, sique subinde tam vehemens, ut nonnulli cruciati videri, sibi ipsis mortem consciscant. Ac sentiunt quidem & oculi ex lucis splendore dolorem quendam, & aures ex magno quopiam & aspero sono sic in gustu quoque & odoratu alij tales incidunt dolores, à proprio scilicet sensibili unoquoque sensu male affecto. Maximi verò dolores tactus sensui contingunt; quippe qui ex aurium inflammatione, aliove affectu, vehementer non angunt, ij proprii auditus dolores non sunt, sed tactus.* Alij contra dolorem solius tactus symptoma esse statuunt. Atque hi quanquam illud non impugnent, quòd dicitur; reliquis sensibus fieri duplices dolores, quosdam ab obiectis tactus, quosdam ab obiectis propriis: tamen hos dolores omnes excitari statuunt, quatenus tactus sensum afficiunt. Hucque trahunt verba Galeni, *allegato loco*, dicentis, *tactus egregium, præter ceteros sensus, in actione sua symptoma possidet dolorem*: existimantque album & splendidum, vel sonum asperum, non aliter inferre dolores, quàm tactum afficiendo, continuum nimirum soluendo. Verùm etiamsi omnino negandum non sit, in aliis etiam sensibus voluptatem contingere, & ex viridiorum amœnitate & aspectu voluptatem excitari, & proinde etiam ex contrariis dolorem: vt dum Philosophus meditabundus campanas sibi propinquas audit: tamen non eiusdem generis videtur esse voluptas & dolor hic cum illo, de quo hîc agimus, & qui Medico considerandus venit, atque in numerum symptomatum refertur, neque doloris vocabulum pro quocunque cuiusque voluptatis opposito accipitur, sed solum pro tristi sensatione, quæ circa sensum tactus accidit. Recteque proinde, quod antea etiam allatum est, à Galeno dictum videtur: *tactus egregium, præter ceteros sensus, habere symptoma dolorem.* Ad dolorem quoque Pruritus refert Galenus, eumque ex hoc symptomatum genere esse scribit. Quanquam verò nonnulli dubitent, An pruritus rectè dolor & tristis sensio appellari possit; cum, dum scalpitur pars pruriens, voluptas percipiatur: tamen magni momenti illa dubitatio non est. Neque enim in ipso actu pruritus voluptas percipitur, sed molestia tantum & dolor: Voluptate autem demum afficitur, dum pars scalpitur, & scalpendo ad naturalem statum deducitur.

C A P V T VII.

De Symptomatibus Sensuum Internorum.

Post sensuum externorum symptomata iam internorum sensuum actiones latè inquirendæ sunt. Dictum autem, *libro primo*, præter facultatem intelligentem seu Ratiocinantem, tres esse sensus interiores, Sensum Communem, Phantasiam & Memoriam; somnumque & vigiliam eorum, ac præcipuè sensus communis, esse affectionem. Quamvis enim & sensus externi in somno afficiantur & quiescant: tamen imprimis id fit ob sensum Communem, quo quiescente & ipsi quiescunt. Somnus enim & vigilia, si secundum naturam sese habeant, per vices permutantur, vt vigiliam suo tempore somnus excipiat, & post moderatum somnum rursus vigilia sequantur. Quod si non fiat, & homo vel non dormiat, aut non quantum satis dormiat; vel nimium, aut nimis profundè dormiat: symptomata oriuntur, quæ appellantur vigilia nimia, somnus nimius, & *κῶμα* seu *καταφορά*: quæ hoc loco pro symptomatibus sensus communis

enumerabimus. Vigiliæ nimirum præter naturam sunt, cum homo vel dormire non potest per aliquot dies, vel longius tempus; vel, etsi dormiat, tamen nimis breui tempore dormit. Vigiliæ opponitur Somnus, qui vel naturalis est, vel præternaturalis. Naturalis est vel absolute talis, vel non absolute talis. Absolute naturalis est, qui post consuetas vigilias, moderatum cibum, & exercitia, noctu quotidie hominem occupat, ad spirituum instaurationem. Non absolute naturalis est, qui fit ob calorem, & spiritus supra modum exhaustos, ob insignem aliquem corporis laborem; qualis etiam videtur ille, cuius Galenus mentionem fecit, *2. prorrh. l. 29* qui ægrotos interdum inuadit post tridui vel quadridui vigilias, & interdum diem ac noctem durat, magno cum ipsorum commodo; vel qui ob halitus & vapores caput replentes inuadit, quod ebriis accidit. Præter naturam autem somnus est, de quo hîc præcipuè sermo, qui à causa morbifica ortum habet, quique ad spirituum & virium instaurationem, sanitatisque commodum & emolumentum nihil confert. Hunc appellant *κῶμα* & *καταφοράν*. *Κῶμα* tanquam *κοίμημα* dicitur, à *κοιμᾶν*, quod est somno profundiore & prolixo sopitum esse. *Καταφορά* verò, quòd vehementior, & quidem præter naturam, in somnum sit propensio & inclinatio. Nonnulli quidem inter coma & cataphoram discernunt, & cataphoram pro minore malo habent: verùm, *1. prorrh. l. 1.* libello de comate, promiscuum harum vocum usum esse, & Hippocratem cataphoram omnem coma appellare, demonstrauit Galenus. Est itaque *κῶμα* seu *καταφορά* grauis & nimia in somnum propensio, seu quies, aut actio sensus communis imminuta, qui velut torpet, neque vim suam in externos sensus diffundit, neque ab iis oblata obiecta cognoscit & diiudicat. Etsi autem omnes, qui hoc affectu laborant, in somnum propensionem habeant, & omnibus commune sit, vt oculos attollere nequeant: tamen aliqui non dormiunt, vnde duplex *κῶμα* constituitur, *ὑπνώδες* seu somnolentum, & *ἄγρυπνον* seu vigil. Somnolento comate ii laborant, qui clausis oculis profundè & nimium dormiunt. Qui autem vigili comate afficiuntur, ij oculos quidem attollere nequeunt, sed tamen vigilant, & somnum, in quem propensi sunt, capere nequeunt, ob varias imagines ipsis occurrentes, somnumque interturbantes. Qua de causa etiam Imaginatio & Ratiocinatio afficitur, ac delira loquuntur; & præterea, vbi in somnum delabuntur, quasi territi & spasmò correpti manum vel crus repente, & inordinate mouent, totumque corpus concutitur, propterea compositus quidam affectus hic, non solius sensus communis esse videtur. Nonnulli *τυφομανίαν*, quasi attonitam insaniam, & soporem delirantem appellant. In hoc affectu, vt diximus, quanquam magna sit in somnum propensio, & decubitu, oculisque clausis somnum exprimant ægri: tamen vigilant, & varia ac absurda spectra & imagines obuersantes habent, & inde delirant: vel si dormiunt, quæ altera typhomania species est, insomniis horrendis vexantur, quæ postea vigilantes narrant, & vera esse credunt, ac inde delirant, quem affectum aliqui soporem grauem nominant; qualis videtur esse eorum, qui vulgo *ἐνσατικοί* nominantur. Sed hi cum non sint vnius modi, ac qui dicuntur *ἐνσατικοί* alij quid naturale, alij quid diabolicum, alij quid diuinum patientur: de hac ex causis differentia, suo loco dicetur. Pertinere etiam huc videtur Sopor ille Dæmoniacus sagarum, quæ se per aërem ferri, choreas ducere, epulari, cum Dæmone congregari, atque alia agere in somnis putant, & eadem postea etiam vigilantes credunt. Quanquam enim hac de re diuersæ sint opiniones authorum, atque negandum omnino non sit, experientia id euincente, reuera, Diaboli ope, sagas interdum ad peregrina loca

Vigilia nimia.

Somnus naturalis.

Somnus præternaturalis.

Κῶμα.

καταφορά.

Coma somnolentum.
Coma vigil.

Τυφομανία.

ἐνσατικοί.

Sopor Dæmoniacus.

Somnambuli.

loca & tales conuentus abduci: tamen etiam com-
petum est, tales sagas in cubilibus suis quasi ecstati-
cas repertas, & maritos interrogatos testatos fuisse,
uxores suas, quæ se choreis illis interfuisse confessæ
erant, nunquam lecto pedem extulisse. Huc porro re-
ferendus videtur & eorum affectus, qui vulgò No-
ctambuli seu *νυκτοβάται*, rectius forsan *κοινοβάται*, som-
nambuli, appellantur, qui dormientes, & eo tempore,
quo quiescere debebant, ambulant, ac dormientes, è
lecto surgunt, ac vigilantium opera exercent. De qui-
bus iam olim Aristoteles, *de gen. an. cap. 1.* ita scribit:
Accidit, inquit, do mientibus etiam animalibus sensus,
non modò, quæ somnia vocantur, sed & præter somnia, ut
is, qui dormientes surgunt, & quidem pleraque sine somno
agunt. Sunt enim, qui dormientes resurgant & ambulent,
videntes eo modo, quo qui vigilant. Et mira huius affe-
ctus passim occurrunt exempla. Petrus Salius Diuer-
sus refert, se artificem nouisse, qui dormiens è lecto
surgebat, è thalamoque exiens domum ferè totam
peragrabat, scalasque nullo discrimine ascendebat:
qui semel nullis indumentis amictus, domo exiens
apothecam suam adiuit, eamque clauibus aperuit, à
qua demum excitatus ab amicis, qui ei fortè obuiam
facti fuerant, maxima cum verecundiâ & timore, du-
bitans, ne inde stultus existimaretur, non amplius
dormiens, sed vigilans domum rediit. Qualia passim
ab aliis etiam plura annotata reperiuntur. De sen-
suum interiorum & Ratiocinationis, adeoque facul-
tatum principum symptomatibus hoc primò notan-
dum, quòd licet Intellectus seu Ratiocinatio sine in-
strumentis corporeis perficiatur, eiusque actiones ob
id organicæ non sint: nihilominus cum eadem in
corpore exerceatur, & aliquo in corpore existente, ut
operetur, indigeat, phantasiâ nimirum, à qua phantaf-
mata accipit; Phantasiæ verò seu Imaginationis se-
des seu locus sit cerebrum: rectè sedes Ratiocinatio-
nis in cerebro statuitur, & in cerebro per mediam
Imaginationem suas operationes exercere dicitur. Et
propterea prout cerebrum se habet: ita & imagina-
tio, & propterea læso cerebro & vitatis spiritibus
imago imago læditur. Ratiocinatio verò quia instru-
mentis corporeis non perficitur, cerebro læso per se
non læditur; sed per accidens, læsa scilicet imagina-
tione. Cum enim ratiocinantem phantasmata specu-
lari oporteat, si praua phantasmata ratiocinanti fa-
cultati obiciuntur, idque fiat enormiter, fieri potest,
ut mens praua phantasmata contemplando ipsa quo-
que prauè ratiocinetur; unde etiam ex læsa ratioci-
natione rectè colligitur imaginationem læsam esse.
Verum non semper id fieri necesse est. Et enim ratio-
cinatio obiecta sua recipit vel à phantasia vel à me-
moria, & præterea ratiocinatio non saltem appre-
hensione imaginum absolvitur, sed etiam discurret ab
vno ad aliud, & imagines inter se componit. Ideo-
que etiam si à phantasia deprauatæ imagines offeran-
tur: tamen alias non deprauatas à memoria accipere
potest, indeque errorem corrigere; & licet in appre-
hensione imaginum erret: in compositione tamen
ut erret, non est necessarium. Id quod Theophilo
Medico accidit, ut Galenus, *de diff. morb. sym. t. c. 3.* re-
fert. Hic enim quanquam tibicines in angulo domus
adesse & assiduò sonare falsò putabat: rectè tamen
ratiocinabatur, dum eos, ut molestos sibi, domo ei-
cere iubebat, & de aliis etiam prudenter differebat, &
ad interrogata appositè respondebat. Deinde & hoc
obseruandum, cum non solum ratiocinatio & sensus
communis, memoria, & omnes illæ actiones princi-
pes in cerebro exerceantur, sed & reliquorum sen-
suum exteriorum actiones, motusque à cerebro
fluant, atque omnes actiones animales è cerebro
pendeant, & ab eo gubernentur: rarò vnâ actionem
principem solam, sed sæpe plures vel etiam omnes,
interdum etiam vnâ sensuum exteriorum actiones &

Intellectus
sedes.Ratiocinatio
quomodo læ-
detur.

motum vitari; imò nonnunquam omnes actiones
animales lædi; quod qua ratione fiat, iam videndum
est. Ratiocinationem quod attinet, ea, ut iam antea
dictum, cum organica non sit, & actiones suas per
organa corporea non exerceat, per se lædi non po-
test, sed læditur interdum per accidens, ob læsionem
Imaginationis. Cum enim Imaginatricis facultatis
officium sit, phantasmata seu imaginationes parere: si
illa phantasmata non rectè sese habeant, Ratiocina-
tio interdum lædi potest. Ut verò id semper fiat, ne-
cessarium non est, ut modò dictum. Porro cum Ratio-
cinatio per compositionem & diuisionem fiat; com-
positio autem & diuisio memoriâ & variis imagini-
bus indigeant: si ratiocinatio rectè fieri debet, etiam
memoria opus est: & propterea læsa imaginatione
læditur quidem ratiocinatio, sed magis vel minus,
prout memoria vel magis vel minus afficitur. Atque
ita, pro variâ harum functionum læsione, varia ratio-
cinatio & reliquarum harum actionum oriuntur
symptomata. Ratiocinatio & imago imago semper si-
mul læduntur: memoria verò interdum salua est, in-
terdum vnâ læditur, ut iam patebit: Et ut ab ablatis
& imminutis actionibus incipiamus, abolentur &
imminuuntur actiones principes in affectibus, qui
ἀνοια amentia, *γνώμης νάρκωσις*, *μώρωσις*, stupiditas,
mentis torpor, fatuitas, stultitia nominantur, cogna-
tæque affectiones sunt, neque semper accuratè ab
authoribus distinguuntur. Ita tamen non incommo-
dè distingui posse videntur. Cum imago imago, me-
moria & ratiocinatio ferè abolentur, *ἀνοια* seu Amen-
tia nominatur. Ab hac secundum magis & minus sal-
tem differre videtur mētis torpor, stupiditas, fatuitas,
cum quis quidem intelligit intelligenda, sed parum
de iis ratiocinatur. Græcis hoc vitium *μώρωσις* nomina-
tur. Ita enim Galen. in *primum prorrh. com. 2. text. ult.*
scribit; *μώρωσις* est symptoma citra delirium ægros
fatuus similes reddens, quales etiam ex iis, qui dicun-
tur consenescere, nonnullos nouimus. Et Aëtius scri-
bit, quod *ἡ μώρωσις ἀπόλειδα λέγεται καὶ πρῶτον*. Aliud ta-
men adhuc & ab hisce differens vitium est, quod
stultitia nominari potest. (Neque enim Latini voca-
bula stultitiæ & fatuitatis semper exactè distinguunt.)
Nam in hisce symptomatibus facultatum interiorum
actiones vel abolentur, vel imminuuntur saltem: at
in stultitia & actio deprauata, & imminuta concu-
runt. Nam stulti & parum, & malè iudicant. Hæc ta-
men de hisce actionibus non quocunque modo de-
bilitatis vel abolitis intelligenda sunt: sed de ea
solum læsione, quæ sine aliis affectibus, ut comate &
lethargo, accidit. Non enim rarò euenit, ut cum me-
moria, phantasia, & ratiocinatione etiam sensus &
motus, & omnes adeo functiones animales lædantur;
ut sit in comate, lethargo, apoplexia, & similibus affe-
ctibus: quibus qui laborant, non propriè dementes
& fatui nominantur; sed illis hæc appellatio solum
conuenit, quibus memoria, imago imago & ratiocina-
tio ferè sine reliquarum actionum animalium vitio
læditur. Exempla huius rei vita communis passim
suppeditat, atque eos exhibet, quibus ratiocinatio,
phantasia, & memoria ita debilitantur, vel etiam abo-
lentur, ut de apprehensis & oblatis sibi rebus non co-
gitare, & ratiocinari, non ex præcedentibus conse-
quentia colligere, non rectè distinguere, neque bo-
na appetere, aut mala vitare queunt. Potest autem
memoria non solum cum ratiocinatione & imagina-
tione in affectibus dictis, stultitia nimirum & amen-
tia, lædi, sed & sæpe sola in obliuione & imminutio-
ne ac abolitione memoriæ. Cum enim memoriæ sit
phantasmata & imagines recipere & conseruare, &
proinde pati, non agere: debilitari saltem & aboleri
potest, non verò deprauari. Nam memoria vel omnia
recipit ac conseruat, quæ recipere & conseruare de-
bet; & tunc rectè sese habet: vel non omnia recipit
& con

Amen-
tia
Fatui
stulti

Memoria

& cōseruat, quæ recipere & cōseruare debet; & tunc debilitata est: vel nihil prorsus recipit & cōseruat; & tunc dicitur abolita. Prauè verò memorari non potest. Nam licet interdum prauas imagines recipiat & retineat: tamen ex se tum non peccat, sed rectè suum officium in imaginibus oblati recipiendis & retinendis præstat: erratum autem si quod tum adest, id ascribendum facultati, quæ memoriæ falsas & absurdas imagines subministrat. Deprauari tamen nonnulli censent memoriam, cum homo quidem rerum præteritarum meminit, sed alio modo, tempore, ac loco, quam fuerunt, ita vt confundat & peruertat omnia. Memoriæ læsæ illustria passim exempla annotantur. Galenus, *de diff. sympt. c. 3. & lib. 2. de caus. sympt. cap. 7.* ex Thucydide, *lib. 2. belli Peloponnesiac.* refert, nonnullos è pestilentia seruatos adeo omnium, quæ antea nouerant, fuisse oblitos, vt non solum suos familiares non agnoscerent, sed ne seipsos quidem. Et vt Lucretius, *lib. 6.* scribit:

*Atque etiam quosdam cœpisse obliuia rerum
Cunctarum, neque se possent cognoscere ut ipsi.*

Et Plinius, *lib. 7. nat. hist. cap. 24.* commemorat, quendam lapide ictum, oblitum tandem esse literarum; quendam ex præalto recto lapsum, matris & affinium, propinquorumque; alium seruorum etiam; sui verò nominis oblitum esse Messalam Cornuini Oratorem. Thomas Iordanus, *tract. 2. cap. 2. de pestis phænomenis*, ex narratione Rondeletij tradit, iuuenem quendam studiosum, in Monspelienfi Academia, ex vulnere tanta obliuione correptum fuisse, vt omnia, quæ antea norat didiceratque, memoria exciderent, vsque adeo, vt, infantum instar, prima pueris tradi solita elementa denuo discere coactus fuerit. Et vulgò fertur, Georgium Trapezuntium in extrema senectâ oblitum esse literarum: Franciscum item, Hermolai Barbari amicum, Græcas literas, quarum prius erat doctissimus, in extrema senectâ oblitum esse, quamquam diiudicandi & commentandi facultate polleteret. Ita & Christophorus à Vega, *lib. 3. de arte Med. c. 10.* annotauit, Monachum quendam Franciscanum, qui acutâ febre laborauerat, soluto morbo, memoriam amisisse, ita, vt cum aliàs peritus esset Theologus, nec literas agnosceret, neque nomina rerum, quæ illi assidue in vsu erant, memoriâ teneret, ita vt illi primæ literæ iterum discendæ fuerint. Deprauatæ autem Imaginationis & Ratiocinationis longè maior est varietas. Delirium seu *ῥεσσησις* commune vocabulum est, quod omnem ratiocinationis & imaginationis deprauationem complectitur; & omnes, qui prauè ratiocinantur & imaginantur, in genere delirare dicuntur. Hippocrates & Galenus variis vocabulis vtuntur. Hippocrates quidem ad leuem delirantiam significandam ferè vocabulo *ῥεσσησις* & *ῥεσσησις* siue *ῥεσσησις*; Galenus vocabulo *ῥεσσησις*, *ῥεσσησις*: sicut ad grauem significandam *ῥεσσησις*, *ῥεσσησις* & *ῥεσσησις* utitur: *ῥεσσησις* verò de vtrâque vsurpant. Sunt autem delirantium varij ordines, alij sola imaginatione & cogitatione delirant, ac sæpe longam telam absurdarum cogitationum texunt, etsi pauca loquantur; vnde & *ῥεσσησις* nominantur: alij & sermone delirant, & ridicula, aliena, magnifica vel maledica non solum cogitant, sed & proloquuntur: alij denique opere & factis cogitata exequuntur. Et hæc omnia præstant vel *μετὰ γέλωτος*, vel *μετὰ πόνου*, vt est apud Hippocr. *6. aph. 53.* Sed hi omnes delirantium ordines ad certas differentias à Medicis redacti sunt. Et sub delirio in genere dicto, comprehenduntur *ῥεσσησις*, *ῥεσσησις*, *μελαγχολία*, *μανία*, & alij, qui huc referuntur affectus. Delirium enim est vel cum febre, vel sine febre. Quod cum febre est, est *ῥεσσησις*, & quod simplex appellatur delirium, Græcis *ῥεσσησις* vel *ῥεσσησις*, vel *ῥεσσησις* symptomata nimirum febrium ardentium, vel inflamma-

tionum in partibus inferioribus. Quod sine febre est, aliud est mediocre, non dissimile delirio, quod iam diximus, simplici, quod iisdem etiam nominibus Græcis appellant: aliud est *μελαγχολία* aliud *μανία*. Delirium simplex, seu *ῥεσσησις*, est illa imaginationis & ratiocinationis deprauatio, seu delirium moderatum, & sine ferocitate, quod sæpe febres ardentes, & inflammationes partium interiorum comitatur, & ex humoribus & vaporibus calidis in caput elatis originem habet, & à quibusdam *ῥεσσησις* appellatur; interdum etiam sine febre excitatur, ob vigilias, nimiam vini potionem, & similes causas. Sed hæc deliria, non sunt perpetua, sed mitigata febre, aut vino repente discusso, mitigantur & sedantur: aut si diu durant, sæpe in grauiora deliria abeunt. Gradus enim quosdam hæc deliria habent, & ratiocinatio ad magnitudinem læsionis imaginationis læditur. Si ipsa Imago non plane læsa est, nec omnes eius actiones sunt vitiosæ: etiam ratiocinatio interdum aberrat, interdum rectè se habet; vnde sæpe fit, vt qui delirant, nunc rectè ratiocinentur, nunc ratiocinando aberrant. Quod vel exemplo Galeni patet, *4. de loc. aff. cap. 2.* qui cum febre ardente laboraret, & festucas atro colore ex cubili eminere, & floccos similiter in vestibis esse putaret, eosque auferre tentaret, atque duo ex amicis, qui tum aderant, dicerent; videlicet hunc & floccos euellere, & festucas colligere: mox intellexit id, quod dicebant se fecisse. Itaque rectè dicitis, inquit, proinde ne Phrenitis me corripiat, auxilio estote. Phrenitis verò est delirium perpetuum, imaginationis scilicet & ratiocinationis deprauatio cum febre, ex inflammatione membranarum cerebri. Imago nimirum in phrenitide per se; ratiocinatio verò per accidens deprauatur, & quidem ita deprauatur, vt veri phrenetici nunquam ex toto sapiant. Licet enim delirium in iis modò excedat, modò minuatur: tamen nunquam planè mentis compotes sunt; cum in aliis deliriis, quæ febres comitari solent, in deelinatione mens iterum constet, discussâ causâ, quæ delirium excitabat. Memoria verò hîc quidem non deprauatur, sed imminuitur; vnde peti-
tâ matulâ sæpe mejere, linguam exsertam retrahere obliuiscuntur: & quod est maius, ipsius etiam quasi respirationis oblitum, non nisi rarò respirare deprehenduntur, & tum solum, vbi adeò aucta est huius actionis necessitas, vt metus suffocationis impendeat, respirant; vnde & magnam respirationem edunt, talisque respiratio inseparabile phrenitidis signum est. Fit verò imminutio memoriæ per accidens quidem semper, etiam si organum proprium non lædatur, propter innumeram obiectorum & imaginum multitudinem, quæ ab Imaginatione deprauata continuo, & sine ordine, offeruntur: non secus, vt interdum sani etiam, cum aliquem sermonem exordiuntur, ob nouum obiectum subito occurrens, sæpe eum, quem cœperunt, sermonem narrando pertexere obliuiscuntur. Interdum tamen & per se memoria læditur in phreneticis, cum organum proprium afficitur. Et cum hoc modo Memoria variè afficiatur: ipsa etiam Ratiocinatio variè, secundum magis & minus afficitur. Nam si memoria solum ex accidente lædatur, ratio non ita deprauatur; quod in phreneticis multis videre est, qui multa rerum obiecta & familiares agnoscunt, & suis nominibus appellant. Si verò per se lædatur memoria, ferè nullius recordantur, & ferè continuo prauè ratiocinantur: Phreneticus fuit is cuius Galen. *de diff. sympt. c. 3.* mentionem facit, & *4. de loc. aff. c. 2.* qui, obseratis ianuis, vitrea vasa ad fenestram protulit, interrogans prætereuntes, iuberentne ea proicere, & cum illi iuberent, singula, quæ suis nominibus appellabat, cum spectantium acclamatione & risu proiecit. Postea cum interrogasset, iuberentne puerum quoque deiici, atque illi

ῥεσσησις

Phrenitis.

annuif

Melancholia.

annuissent, illico ipsum quoque deiecit. Qui quidem memoriam eatenus saluam adhuc habuit, quod singula vasa suis nominibus appellauerit: sed prauè imaginabatur & rationabatur, quando pueri præcipitium sibi propositum habuit, & consilio prætereun-
 rium obtemperauit, idque, quod prauum erat, opti-
 mum esse iudicauit. Melancholia porro delirium est, quod à causâ nomen accepit, ratiocinationis scilicet & imaginationis deprauatio, sine febre, cum timore & tristitia; ut à plerisque definitur. Verum fieri potest, ut sæpe simul ratiocinatio & phantasia lædatur: Ratiocinationem tamen in omnibus lædi necessarium non est, sed nonnunquam, ut Aretæus, *lib. 1. de caus. & sign. morb. d. ut. cap. 5.* loquitur, in melancholia in vna aliqua re est lapsus, constante in reliquis iudicio. Memoria verò in Melancholia nec per se, nec ferè per accidens læditur, ipsaque ratio tantum ad magnitudinem læsæ phantasie læditur. Atque ideo, ob saluam memoriam, sæpe rectè ratiocinantur, & multi ipsorum satis callidi & versuti sunt. Huius delirii, pro dispositione humoris, cerebri conditione, vitæ & cogitationum varietate, infinitæ sunt varietates. Et mirandum planè est, quàm varia Melancholicis phantasmata offerantur. Timorem etiam & mœstitiâ omnibus melancholicis communem esse statuunt; verum cum etiam melancholici reperiantur, in quibus nulla mœstitiæ & timoris indicia adsunt, sed potius lætitia, quâ afficiuntur, dum falsis suis imaginationibus indulgent, & se reges, principes, diuites esse imaginantur: malim cum Aretæo, *allegato loco*, melancholiam definire, quod sit animi angor in vna cogitatione fixus atque inhærens absque febre: seu delirium in vna plerumque cogitatione falsa defixum sine febre. Sunt autem melancholicorum imaginationes variæ. Quidam in testam sese commutatam esse existimabat, & proinde neminem sibi appropinquare volebat, ne frangeretur, referente id Galeno, *3. de loc. aff. c. 7.* Trallianus, *lib. 1. cap. 17.* mulierem vidit, quæ ea imaginatione vexabatur, ut medium manus suæ digitum constringeret, tanquam in ipso totum gestaret orbem. Quæ plorabat quoque, & verebatur, ne, quando digitum inflecteret, totus orbis corrueret, & omnia statim interirent. Ita eodem, *ibid.* referente, Medicus quendam, qui sibi caput amputatum esse putabat, curauit, imposito repente capiti ipsius plumbeo pileo, ut grauitatem sentiens, caput se recepisse putarit, gaudisusque sit plurimum, atque ideo vana imaginatione liberatus. Sic & alius, qui se cornua gestare putabat, capiti ceruinis cornibus alligatis, serræque resectis & ostensis, insania liberatus est. Ut & ille, qui se in capite passerem habere dicebat, Medico per nares eos se extrahere simulante, & ægrotanti, quem in manica absconderat, passerulum monstrante, sanatus fuit. Ferrariensis quidam pistor, referente id Marcello Donato, *de hist. medic. mirab. lib. 2. c. 1.* se ex butyro compactum affirmabat, nulloque pacto igni vel clibano appropinquare volebat, corporis colliquationem metuens. Eodem annotante, Senensis quidam nullo modo persuaderi poterat, ut vrinam redderet. Aiebat enim, si mingeret, totam urbem diluuiio perituram: quem ad lotium excernendum eleganti commento perduxerunt. Nam pulsantibus campanis ad insanientem accurrunt, magno incendio urbem conflagrare nuntiantes, obnixæque rogantes, ut, reddita vrina, ciuitati, ob incendium periclitanti, opem ferret. Iohan. Bapt. Montan. *consil. 23.* scribit, se vidisse quendam, qui totam mundi superficiem imaginabatur ex subtilissimo vitro, & subditos esse serpentes; se in lecto, tanquam in Insula, vnde si egrederetur, frangeret vitrum, & incideret in serpentes, atque ideo nolabat lecto egredi. Et Lemnius, *lib. 2. de complex. cap. 6.* refert, quendam opinatum esse, ex vitro sibi conflatas nates, atque ideo omnia sua negotia stando expedi-

uisse; cum metueret, ne, si in sedile se inclinaret, nates frangeret. Sed Melancholicorum deliriorum passim plurima occurrunt exempla, & tot sunt Melancholicorum imaginationes, ut numero facile comprehendere non possint. Nihilque tam ineptum & absurdum somniantibus occurrere potest, quod non Melancholici imaginentur & verum esse opinentur; verèque dicitur, deliria vigilantium esse somnia. Pro dispositione enim humorum varia, vitæ & conditionis & cogitationis varietate, innumeræ sunt varietates. Nam quidam risum admiscunt: quidam cum ira aliqua & contentione Phreneticis assimilantur: quidam desperabundi mortem sibi inferunt: quidam diuina affectant, & colloquia cum Deo ac Angelis somniant: alij auari nihil nisi de diuitiis cogitant: quidam quasi diuites, etsi tales non sint, de magnis opibus gloriantur: quidam elati & superbi, vel de pretiosis vestibus, auro & gemmis cogitant & loquuntur, vel se principes aut reges esse opinantur: alij contra animi abiecti, licet diuitiis abundant de paupertate conqueruntur: alij de studio, quo sunt delectati, perpetuò cogitant & loquuntur: alij criminis alicuius se reos opinantur & supplicia metuunt; imò in inferno se ob id damnandos conqueruntur: alij nescio de quibus corporis morbis conqueruntur. Ad Melancholica deliria meritò etiam referuntur ex Amore delirantes, seu amantium deliria. In quibus quamvis intus appetitus saltem deprauatus sit, dum ea, quæ nulla spes consequendi est, impotentius appetunt & ambiunt: tandem tamen plerique in delirium & melancholiam degenerant. Barbari, corrupto vocabulo Græco *εἰς*, affectum hunc appellant hereos: qui non minus certè, quàm alia Melancholicorum deliria notandus; cum ex prauo appetitu ac iudicio & ipse oriatur. Cum enim id, quod cupiunt, consequi nequeunt, cogitabundi adeò fiunt, ut & necessaria corpori, verbi gratiâ, cibum, somnum, & alia obliuiscantur. Et quidem in hoc affectu varia animi *παθήματα* concurrunt, nunc gaudium, nunc tristitia, nunc ira. Etenim cum spem consequendi rem amatam concipiunt, in profundissimum sæpe gaudium erumpunt, & multa stulta ac inepta agunt & loquuntur, & periculis se non raro exponunt. Vbi verò de consequenda re amata desperant, nec successum optatum & mutuum amorem animaduertunt: lagent, dolent, aut etiam irascuntur. Et omnino varij sunt, atque ex curis & affectibus illis sæpe in graues morbos incidunt, & nonnunquam etiam mortem sibi accersunt. Egregiè amore insano correpti imaginem descriptam exhibuit Plautus, in *Cistell. actu 2. sce. 1.* *Credo ego amorem &c.* Et exempla passim occurrunt, quæ Medico notata habere non inutile est; cum amor, si immoderatus sit, valde corpus alteret, & homines ita immutet, ut non eosdem agnoscas. Amantium hoc modo affectus descripsit Paulus Aegineta, *lib. 3. de re medica, cap. 17.* Ab Erasistrato Iuuenem amore erga patris pellicem accensum deprehensum esse; & quomodo ipse mulierem ex amore decumbentem cognouerit, docet Galenus, *lib. de præcogn. ad Posthumum c. 6.* Et tale quid etiam annotauit Valerius Maximus, *lib. 5. cap. 7.* Tria quoque exempla habet Amatus Lusitanus, *curat. medic. cent. 3. curat. 56.* Et Valeriola, *obseru. 7. lib. 2.* refert, quendam ex amore in insaniam deductum melancholicum effectum esse, qui miris visis interdiu noctuque agitabatur, & modò in iram ac furorem agebatur, modò in risum effundebatur: amata speciem se in momenta singula in conspectu habere affirmabat, illi blandiebatur ac si præsens fuisset; mox, quod se redamare nollet, miris increpabat modis: omnis illi de amata sermo, omnis inter luctus ibat dies, noctem sine somno, tristis, mœrensque consume-
 bat, & ipse sibi manus inieciisset, nisi à suis prohibitus fuisset.

fuiſſet. Atque hoc modo totos ſex meſes inſaniuit, vixque magno labore à Valeriola curatus fuit. Vulgò creditur, ſaſcino & philtris tales affectus induci: de quo ſuo loco, vbi de cauſis huius ſymptomatis agetur. Mania denique ſeu Furor eſt delirium, ſeu imaginationis & ratiocinationis deprauatio ſine timore, imò potiùs cum furore, audacia, ira, iurgiis. Maniam interdum quidem cum Melancholia authores confundunt, quod & Galenus facere videtur, 6. aph. 21. Verùm mania, ſiue propriè dicta inſania, multum à melancholia differt. Eſt enim ſine metu & triſtitia, vt dictum, & omnia habet turbulentiora: Et qui hoc delirio laborant, obuios quoſque inuadunt, & ſibi iſtis ſape non parcunt: Ac omnino miſeranda eſt eorum conditio. Nam ab humanis moribus degenerantes ferinam planè vitam induunt, (vnde etiam *ἑρπίδιον* iſta deliria nominantur) & omnia præter rationem agunt: truci & toruo ſunt aspectu, obſcœna & horrenda loquuntur, vociferantur, veſtes dilacerant, & niſi probè custodiantur, vincula, quibus conſtringendi ſunt, rumpunt, carceres effingunt, quod Aiaceſ, Oreſtem, aliòſque feciſſe hiſtoriæ teſtantur. Nonnulli ex his ſape ſanam mentem blando ſermone ſimulant, incautòſque poſtea ex inſidiis aggrediuntur, eòſque laniant, mordicant, & peſſimis modis tractant. In hoc tamen delirio memoria per ſe non læditur; vnde & maniaci, à morbo liberati, plerumque ſuarum actionum ſunt memores: verùm per accideſ læditur. Cum enim eodem modo, vt in phrenitide, maniaci innumera ferè phantaſmata offerantur, quibus omnibus retinendis memoria non ſufficit: memoria per accideſ læditur. Ad maniam refertur non immeritò iſ affectus, qui *λυκανθρωπία*, ſeu lupina inſania appellatur; quo qui laborant, lupinam ferè naturam morèſque induunt. De quo cum non eadem authorum ſit ſententia, de eius natura paucis diſpicere libet. Nonnulli in ea ſunt opinione, reuera homines in lupos mutari. Ad quod probandum non illud inprimis afferunt; quod Virg. in Eclog. *Vidi ſape lupum fieri, & ſe condere ſyluis Mœrim.* Et quæ Ouidius de Lycaone ſcribit: ſed hiſtorias allegant, ex quibus pateat, reuera homines in lupos mutari. Olaus Magnus, *lib. hiſt. de gentibus ſeptentrional. c. 18.* refert, in feſto Natiuitatis Chriſti ſub noctem, magnam luporum ex hominibus diuerſis in locis habitantibus conuerſorum copiam congregari, quæ poſtea eadem nocte mira ferocia, cum in homines, tum in cætera animalia ſauiat, vt maius detrimentum ab his iſtius regionis inhabitatores, quàm à veris & naturalibus lupis accipiant. Et *ibidem* cum alias, tum hanc hiſtoriam recitat: Contigiſſe, ait, in Liuania, vt Nobilis cuiuſdam vxor cum ſeruo diſputaret; Homineſnè in lupos mutari poſſint. Seruum ſe extemplò eius rei exemplum proditum promiſiſſe, atque in cellâ ingreſſum, inde paulò poſt lupi forma egreſſum, à canibus in ſyluam fugatum & oculo altero læſum eſſe poſteraque die ad dominam ſuam vnoculum rediſſe. Atque alia exempla hominum in lupos mutatorum citantur à Nicolao Remigio, *lib. 2. demonolatr. c. 5.* Verùm rectiùs ſentiunt ij, qui conuerſionem hanc hominum in lupos negant, ſed ſaltem quandam apparentiam luporum, vt & animalium aliorum agnoſcunt. Anima enim humana non poteſt informare corpus brutum, nec anima lupi, vel aſini corpus humanum; cum qualibet forma certam, ac ſibi conuenienti modo diſpoſitam, & peculiarem requirat materiam. Deluſio autem hæc fieri poteſt duobus modis. Vel enim phantaſia perturbata homines ſe in lupos commutatos eſſe falſò imaginantur. Hi quamuis aliis humanam ſpeciem habere videantur; tamen quia ſibi perſuaſiſſimum habent, ſe lupos eſſe, domo egrediuntur, potiſſimum noctu, & loca ſolitaria petunt, ac circa mortuorum ſepulchra verſantur, lupòſque cunctis actionibus & moribus imi-

tantur, affectuſque lupinos, & deſiderium gregem ouium inuadendi, laniandi & deuorandi habent. Hi etſi ratiocinationem, & imaginationem deprauatam habeant: tamen memoriam non planè amittunt; quod ex eo patet, quod ſcribit Donatus ab alto mari, *de med. morbis, c. 9.* *Quidam, inquit, qui me prius nouerat, cum deſentus hoc malo eſſet, obuia mihi factus eſt; ipſe verò timens ſeceſſi. At ille modicum me aſpiciens abiit. Hic demum curatus liber euasi: qui cum iterum mihi occurreret, nunquid timuiſſem, interrogauit, cum in tali loco, cum inſanus erat, eum offendiſſem.* Atque hæc Lycanthropiæ ſpecies Medicis propriè conſideranda venit. Neque qui ea laborant, magi ſunt, ſed etſi ipſi ſe lupos eſſe putent, luporumque morès imitentur: aliis tamen homines videntur. Huic ſimilis eſt affectus, qui *κυνανθρωπία*, ſeu canina inſania appellatur: quo ægri ſe in canes transformatos eſſe exiſtimant, & omnes canum actiones imitantur, quale exemplum annotauit Foreſtus, *lib. 10. obſeruat. 26.* Sed de lycanthropia, & *κυνανθρωπία* etiam Paulus Aegineta, *lib. 3. cap. 16.* Aëtius, *tetrabibl. 4. ſerm. 2. cap. 11.* tractauit. Alter Lycanthropiæ modus eſt, quo non ſolùm ipſi, qui in lupos mutari dicuntur, ſe lupinam formam habere exiſtimant, ſed & aliis tales videntur; quod Dæmonum ope accidit, obiectu mentitarum formarum ſenſus ludificantium. Poſſet quidem quis ſibi perſuadere, non ſolùm hæc ludibria eſſe, atque externæ formæ quandam adumbrationem, ſed reuera hominis in lupum fieri mutationem; cum tales omnia lupina agant, & quæ præter naturam humanam ſunt. Etenim deprehenſum eſt, validiſſima etiam animalia ab iis in campis proſterni, proſtrata diſcerpi, crudis eos veſci carnis, & auidè, luporum more, neque hæc præſtigias eſſe, ſed omnium harum actionum veſtigia, ac documenta ſape ſupereſſe. Veruntamen, Dæmone adminiſtro, & conatus hos adiuuante, atque ea, quæ potentia humanæ deſunt, ſupplente, talia fieri poſſe, quilibet facilè æſtimare poteſt. Duobus autem modis tales præſtigias à Diabolo oculis humanis offundi, credibile eſt. Aliquando enim ementiro & ficto ſubſtituto corpore, vel corporis imaginè, ipſe ſolus omnia illa, quæ ab hominibus illis tranſmutatis fieri creduntur, perpetrat; illis interim hominibus alicubi ſoporatis, & profundo ſomno detentis. Aliquando verò magorum corporibus aërea, & à ſe efficta corpora, vel corporum imagines, accommodat, & membris, caput ſcilicet capiti, pedes pedibus, ora oribus applicat, vt propterea mirum non ſit, ſi poſtea, vbi aſſumptam & affictam illam formam depoſuerunt, iis in membris vulnera gerant, quibus ictum exceperunt. Et hoc modo effictò corpore, ea, quæ ſupra potentiam humani corporis ſunt, Dæmon ſupplet. Qua de re etiam videatur Auguſtinus, *de Ciuitate Dei, lib. 28. cap. 18.* Huc porò pertinet iſ affectus, qui Rabies & *ὑσποφobia* appellatur, delirium nimirum, quod ij incurrunt, qui à cane vel lupo rabido, vel aliis animalibus demorſi fuère, in quo aquam & omnia liquida, ac potulenta auerſantur. Hoc tamen malum non mox in principio ipſos infeſtat. Nam vbi hoc venenum corpori communicatum eſt, latet ſape per meſes & annos, & latenter corpus labefactat, ac ad partes principes ſerpit, tandemque homines ad rabiem deducit: quo vbi malum peruenit, mens turbatur, loco ſtare nequeunt, torum ac truceſ habent adſpectu, ſiriunt, tandem alios morſu petunt, latrant, vt canes, vel ululant vt lupi, ſpumam, circa os habent, conuelluntur, & vt diximus, aquam & omnia liquida ac potulenta auerſantur, ad eò vt mori malint, quàm ea admittere. Sed hoc hic etiam monendum eſt, quamuis plerumque delirent, qui à canibus rabidis mordentur, & propterea hoc malum etiam rabies canina appelletur: tamen obſeruatum eſt, omnes demorſos non delirare, ſed plurimos vel ad extremum halitum mente conſtare, qui ſuam

Rabies & Hydropobia.

miseriam agnoscunt, & deplorant, astantes monent, ne vel manum, vel aliam corporis partem ori suo admoveant, ne morfu lœdantur, rogantque, vt valide contineantur, ne aliis noccant. Febricitant interdum etiam rabientes; quod tamen ipsis potius aliam ob causam, quàm ob virus illud, quod rabiem infert, accidere videtur. Sed huius affectus miræ historiæ videri possunt apud Marcellum Donatum, *de histor. med. mirab. lib. 6. cap. 1.* Ioannem Bauhinum, *in lib. German. de lupis rabidis.* Huc denique etiam referendus est rarus quidem ille sed mirandus, simulque horrendus affectus, ac furor, quem ab insano quodam saltandi, & choreas ducendi desiderio, & S. Vito, cuius ope ægros liberari superstitione creditum est, Choream S. Viti appellant. Hoc enim malo qui derinentur, tanto saltandi desiderio feruntur, vt, nulla ferè interposita quiete, dies noctesque choreas ducere gestiant, quibus non mox defatigantur, sed etiam iis recreantur, & nisi choreas ducant, valde læduntur; adeo, vt etiam viros robustos aliquot saltando debilitare possint: quod tam diu agunt, donec viribus prostratis summam debilitatem sentiant. Et insaniam ac deliriorum omnium, pro causarum varietate, magna est varietas, delirantesque plurimum animalium actiones imitantur, prout causa delirii ab hoc vel illo animali deducta est. Obseruatum enim est, annotatumque à Mart. Vveinrichio, *de monstr. c. 15.* puellam, hausto felis sanguine, felis naturam ex intervallo induisse, &, quod id animal in ædibus solet id illam imitatum voce, saltu, gestu, cum mures in silentio venaretur, idque tam diu, dum paroxysmi vehementia remiserit.

Chorea
S. Viti.

Felis sanguinis
hausti
damnum.

C A P V T VIII.

De Motricis Facultatis Symptomatibus.

Post cognoscentis facultatis symptomata Motus læsiones perquirendæ sunt, & quot modis Motus solus lædatur, videndum. Nam quomodo cum aliis actionibus animalibus vitietur, de eo postea agemus. Estque inter symptomata Motus primò motus impotentia, seu motus abolitus, quæ sub se non solum paralytin, sed & quacunque de causa alia motum impeditum complectitur. Monendum enim hic, motus impotentiam latius sese extendere, quàm paralytin. Nam ob luxationem articulorum & ossium dislocationem, eorundemque fracturam, exsiccationem & duritiem partium motui inseruientium, vt fit in nodosa podagra, vulnera musculorum & similes causas, mouendi impotentia excitatur; quæ tamen paralytis commodè non dicitur. Sed tum propriè paralytis nominatur, cum facultas mouendi cessat, aut frustratur ob spirituum animalium defectum. *ῥαλυσις* enim à *ῥαλύνειν*, id est, resolui dicta, est motus voluntarij abolitio, seu, vt Galenus, *3. de loc. affect. cap. ult.* describit, *τῆς κινήσεως ἀπώλεια*, quando virtus nervi, & musculi, in quem nervus interitur, ita resoluitur, vt ad motum *παραρρηκτικὸν* exercendum fiat ineptus. Auicennæ interpretes mollificationem nominant, nò quod reuera semper nervi & tendines emolliantur & laxentur, sed quod molliores videantur. Propria enim musculi actio est contractio ad originem, qua tendo fit rigidior & durior quasi, vt videmus in fidibus. Cum autem nervi ab actione illa cessant, & tendines non contrahuntur, videntur esse molliores: etsi reuera molliores non sint, ac nulla essentialis mollitio ipsis accidat: sicut & fides, cum remittuntur, reuera non emolliuntur, sed laxiores saltem fiunt. Atque hoc est *παράλυσις*. Eadem & *πάρεσις* dicitur: vt & quandoque *ῥαπληγία* & *παρρηγία* & *ἡμιπαρρηγία*. Non enim omnis *ῥαλυσις* *ῥαπληγία* aut *παρρηγία* aut *ἡμιπαρρηγία* nominari potest. Nam ei

Paralytis.

παράλυσις, in qua solum lingua aut pes, aut manus aut aliud particulare membrum resoluitur, hæc nomina conueniunt, sed *ῥαλυσις* ea saltem *παρρηγία* & *παρρηγία* & *ἡμιπαρρηγία* appellatur, quando vel omnes sub capite partes, vel tantum dimidium corpus, seu omnia vnius lateris membra resoluntur, ad differentiam apoplexiæ, quæ *πάθος* est totius. Sic enim Galenus, *in 3. proorrh. t. 26. c. 60.* *ῥαπληγία* tale *πάθος* est dimidij corporis, quale apoplexia totius. Nonnunquam & sensus amittitur, sed qui fiat, quod sensus & motus nunc simul pereant, nunc alteruter solum, de eo, tractatu de causis symptomatum agendum. Deinde imminutio quasi motus voluntarij est Lassitudo. In lassitudine enim fit motus debilis. Deprauatio verò motus varia est. Primò est Tremor, Græcis *τρεμός*, deprauatio motus voluntarij, in qua pars liberè moueri non potest, sed aliter mouetur, quam naturaliter debebat moueri, nunc scilicet eleuatur, nunc deprimitur seu deorsum fertur. Duobus enim motibus contrariis partes tremantes agitantur: vno, qui à facultate mouente proficiscitur, quo membrum attollitur, & eleuatum in suo situ feruari annuitur. Altero, qui fit contra voluntatis imperium, & contra motum facultatis motricis, quo membrum pondere suo deprimitur. Atque ita modò vincente, modò victa facultate motrice à pondere membri, & sibi alternatim hisce motibus succedentibus Tremor oritur. Vnde perpetua quasi pugna est inter Naturam, ac facultatem motricem & alteram motum membri, qui fit ab eius pondere. Natura nimirum non permittit membrum continuo versus inferiora vergere: contra membri pondus & grauitas illud iterum deprimit, facultatemque imbecillam vincit. Atque ita continua horum duorum motuum vicissitudo est, & adeo crebris, ac breuib; fit interuallis, vt sensu vix discerni possint. Est deinde motus deprauatio etiam *σπασμός*, *Spasmus* conuulsio: Celso neruorum distensio, motus nimirum membrorum deprauatus, quo musculi versus suam originem, præter voluntatem, contrahuntur, atque ita pars simul, in quam musculi tendo inseritur, violenter tenditur. Quanquam enim & in sanis per musculum partes, in quas inseritur musculus, ad musculi principia trahantur: tamen id in sanis non fit præter voluntatis imperium, verum in conuulsione id inuito musculo & voluntate accidit. Conuulsionum autem à loco affecto sumuntur quædam differentia. Alias enim conuulsio totum corpus occupat, alias partem vnâ, vel plures. Si totum corpus afficitur, tres conuulsionis species statuuntur. Prima est *ἐμμεσθοτόν*, quando non solum cernix, sed & reliquum corpus in anteriora conuellitur, vt æger se erigere non valeat. Altera est *ὀπισθοτόν*, cum corpus in posteriora reuollitur. Tertia est *τίταν*, hoc est, distensio neruorum, qua cernix & reliquum corpus rigidum est, vt in neutram partem inclinari possit. Quanquam enim in hoc corporis affectu partes manifestè conuulsæ non apparent: tamen æqualiter ante & retro tenduntur, atque in æquilibrio quasi permanet, vt corpus nec in posteriora possit flecti. Exemplum talis spasmus, obseruat. *de cap. hum. 211.* annotauit Schenckius, & *ὀπισθοτόν* exemplum habet *obseru. 212.* Conuulsiones autem, quæ partes priuatas occupant, variæ sunt, & in nonnullis peculiaria habent nomina. Celsus quidem *ἐμμεσθοτόν*, *ὀπισθοτόν*, & *τίταν* vocabula de cernicis solum conuulsione accipit: verum vniuersi corporis conuulsioni rectius accommodantur. Spasmus *κωικός* conuulsio est musculorum oris; *τετμής* verò musculorum mandibularum est conuulsio, cum dentium concussione, ac stridore. *στραβισμός* est conuulsio musculorum oculi, præcipue qui oculos ad latera mouent. In cæteris partibus conuulsiones particularia nomina vix habent. Etsi autem satis frequenter conuulsiones accidunt:

Lassitudo
Tremor

Spasmus

Conuulsio
differentia

Spasmus
nicus.

miri

miri tamen & rari sæpe eius contingunt modi. Marcellus Donatus, lib. 2. de hist. med. mirab. cap. 3. refert, mulierem quandam Mantuæ per plures annos convulsivas commotiones perpeſſam eſſe; quæ die noctuque caput, collum, ac ſcapulas mouebat, & antroſum retroſumque, ſeu ederet, ſeu biberet, quaſſare cogebatur, ita vt nec ipſa, nec adſtantes eam continere valerent, quò minus id pateretur. Quod ſi valida vi id aliquando prohibere tentaſſent, in animi deliquium incidebat. Ita & alteram quandam ſceminam ſimile quid perpeſſam ſcribit, quæ pollicem pedis continuo, modò ſurſum attollendo, modò deorſum deprimendo, agitare cogebatur, ita vt nec in ſomno à motu illo deſiſſeret; quæ etiam ad mortem uſque, multis tentatis præſidiis, ita perſeuerauerit. Leonhartus Iacchinus, in nouum Rhaſis, cap. 13. ſcribit: ſe vidiffè rigentes tendines colli adeò contractos, vt nulla vi per naturam, ne ad dimidium quidem contrahi poſſent. Et Cardanus, lib. 11. de ſubtilitate, vidit puerum, cui tanta ſub femoribus diſtenſio, ac palpitatio relicta eſt, vt immotis pedibus, circulatorum more, corpus perpetuò reſiliret. Neque hoc loco prætereundæ ſunt vocis & loquelæ læſiones. Nam non ſolùm vox auferri, quod malum ἀφωρία nominatur, ſed etiam deprauari poſeſt. Nam cùm vox optima, quæ organorum, & partium voci inferuentium bonam temperiem & conformationem conſequitur, ſit lenis, & præterea ſuauiſ quodammodo & delectabilis, quæ inter magnam, parvam, grauem & acutam mediocritatem ſeruat: ab his optimæ vocis conditionibus ſi vox deſciſcat, lædi dicitur; quod quidem fieri poſeſt tribus modis. Vel enim auferitur, vel imminuitur, vel deprauatur. Abolita vox ἀφωρία vocatur, quâ qui laborant, muti dicuntur. Imminutæ voces ſunt parua, ſeu tenuis & ſubmiſſa. Deprauatæ voces ſunt vox clangoſa, aſpera, rauca, tremula, abrupta. Sermo verò & loquela etiam ſua ſymptomata habet, Nam nonnulli potentia loquendi deſtituuntur, qui Muti itidem appellantur, vitiumque hoc Hippocrati vt docet Galen. 3. in 3. epid. ἀναδία dicitur: alij difficulter loquuntur: nonnulli cum difficultate literas quaſdam, inprimis R, pronunciant: alij in loquendo nunc ſubiſtunt, nunc ſermonem præcipitant, quæ mala τραλότης & φελλότης nominantur. His motus ſymptomatibus meritò & ſequentia addimus. Eſt enim primariò accidant ob virtutem expultricem, à cauſſa præternaturali ſtimulatam: tamè quia & iis voluntarij motus organa afficiuntur, nec ſine animali virtute, aut certè animalis virtutis organis perficiantur: animalis motus ſymptomatibus eâ ſubiungere placeat. Talia ſunt Tuſſis, Sternutatio, Oſcitatio, Pandiculatio, Horror, Rigor. Tuſſis enim inter eius generis motus deprauatos recenſetur, qui quidem Naturæ ſunt, & à Natura fiunt, irritata tamen & coacta à cauſſa morbifica, & ſtimulata ad expellendum id, quod moleſtum eſt. Eſt nimirum tuſſis motus deprauatus, & vehemens eſſlatio à veloci pulmonis, atque thoracis conſtrictione edita, vt id, quod ſpirandi instrumentis moleſtum eſt, excutiat. Hoc enim motu & hac eſſlatione Natura ad expurgationem peſtoris vtitur; ſicut ſternutatione ad cerebri, ſingultu & vomitu ad ventriculi expurgationem. Nam vt tuſſis fiat, neceſſe eſt, vt aliquid præter naturam pulmonem & vaſa eius moleſter. Etenim ſparſi per pulmonem trachææ ramuli intus tunicâ obducti ſunt, cui non obſcura ineſt vis ſentiendi ea, quæ pulmoni moleſta ſunt. Si igitur irritetur à re aliqua præter naturam pulmo, ad illud expellendum naturali ſua virtute, expultrice ſcilicet, inſurgit. Verùm cùm hoc ſolus efficere non poſſit, adiunatur à diaphragmate, & muſculis intercoſtalibus: quorum moribus aër impetuoſè expiratur, & cum aëre illo, quod moleſtum eſt, sæpe eiicitur. Et cùm tuſſi ex pul-

monibus, quæ moleſta ſunt, ſoleant expelli, ſicut vomitu id, quod ventriculum infeſtat: quod in ventriculo eſt naulea, vomitum præcedens, id in hac affectione eſt κέρχυνθ, id eſt, leuiſ quædam ad taſſiendum propenſio, è faucium parua aſperitate, aut ex tenui & pauco proſus humore. In ſternutatione verò cerebri thoraciſque motus concurrunt. Quam enim inprimis & principaliter ſternutamentum ad naturalem facultatem cerebri, expultricem puta, pertineat: tamen præter cerebri motum ſecundariò etiam thoracis motus concurrit, qui cerebri motum adiunat. Vnde & à Galeno, 1. de ſympt. cauſ. 4. inter ſymptomata motus animalis refertur; ſicut & tuſſis. In oſcitatione Natura humiditatem flatuoſam, & ſpiritum vaporoſum conatur expellere, ideoque maxillam mouet, & hiatum oris inducit; qui motus sæpe tam vehemens eſt, vt eo etiam maxillam luxatam eſſe obſeruatam ſit. Quod oſcitatio eſt in ore, in toto corpore eſt Pandiculatio, in qua ſit membrorum ad vaporum diſcuſſionem diſtenſio, & vt Feſtus habet, qui toto corpore extenduntur, pandiculari dicuntur, eò quod pandi ſiant. Rigor, Horror & Refrigeratio cognata ſunt ſymptomata, ideoque rectè inuicè ſecernenda ſunt. Vt fiat rigor, refrigerationis quidem ſenſus concurrat neceſſe eſt: ſed refrigeratio ſola non ſufficit ad rigorem conſtituendum. Nam multi in frigida verſati diutiùs ſenſum frigiditatis percipiunt, ſed non ſtatim rigent. Sed ſi rigor fieri debet, vt corpus concutiat & agitetur, & eius inæqualis ac præter voluntatem fiat motus & agitatiō, neceſſarium eſt. Sin autem non totum corpus commoueatur, ſed ſolùm cutis quatiat, Horror appellatur. Rigor nimirum eſt totius corporis vibratio & concuſſio: Horror autem ſolius cutis eſt concuſſio. Si quis tamen hæc ſymptomata ad motus voluntarios deprauatos, qui que coacta naturâ fiunt, referre malit, ſi tamen ſciat, hos motus omnes fieri ſtimulatâ expultrice à cauſſâ morbificâ, ad expellendum id, quod moleſtum eſt.

CAPVT IX.

De ſymptomatibus, in quibus omnes, vel pleraque actiones animales læduntur.

C Vm hætenus explicauerimus ſymptomata, in quibus actiones animales vnius ordinis ſeorſim læduntur, ſcilicet vel ſoli ſenſus interiores, vel exteriores, vel motus; atque præter ea alia adhuc ſymptomata reperiuntur, in quibus actiones animales vel pleraque, vel omnes læduntur, illa quoque recenſenda ſunt. Ad hæc primò refertur Lethargus, ἀπὸ τῆς λήθης ἀπρὸς dictus, quaſi ſomnolenta & pigra rerum omnium obliuio, Latini Veternum appellant. Eſt autem Lethargus perpetua dormiendi neceſſitas, cum omnium rerum obliuione, & lenta febre. Quamquam enim generaliter nonnunquam lethargi vt & comatis & cari vocabulum, pro omni ſomno profundo, ex quo æger difficilè expergeſcit, uſurpatur: in ſpecie tamen & propriè lethargus & veternus iſ affectus eſt, in quo perpetua adeſt in ſomnum propenſio, cum obliuione & imaginatione, ac ratiocinatione læſa, ac lenta febre. Atque ita lethargus affectus eſt mediæ naturæ inter coma vigil & carum. Nam qui lethargo laborant, profundius dormiunt, quàm qui coma vigil patiuntur: leuius verò, quàm qui caro. Nam qui caro laborant, excitari nihil reſpondent: lethargici excitari oculos aperiunt, audiunt, reſpondent, quamquam agere, & delirant. Vnde nonnulli definiunt lethargum eſſe deliriū continuū cum febre, ſopore graui & memoriæ læſione. Deinde κάρπος, ἀπὸ τῆς κάρης. id eſt, à capite, dictus, vt quaſi grauitas ſit, & inexpugnabilis dormiendi neceſſitas,

maior etiam quam in lethargo. Quanquam verò κα-
 ρθ, si de notho, & non exquisito, vox accipiat,
 idem sit cum comate; tamen exquisitus à comate dif-
 fert, ut à lethargo; Et in eo non solum adest somnus
 profundior, sed præterea etiam ægri non audiunt, &
 punctu vix sentiunt. Qui enim hoc malo laborant,
 somno profundo detinentur, oculos clausos habent,
 non audiunt, & dum punguntur vix, & non nisi ob-
 scure sentiunt; neque tamen loquuntur, neque ocu-
 los aperiunt, atque ita omni sensu ferè & motu priua-
 ti sunt; solum respiratione excepta. Quamvis verò
 Galenus & Aëtius in hoc dissentire videantur, quòd
 Galenus, 4. de loc. aff. cap. 2. in Caro hominem neque
 sentire, neque moveri, neque intelligere, neque me-
 minisse scribit; Aëtius verò, tetrabib. 2. serm. 2. c. 5. illos,
 dum punguntur, sentire docet; tamen reuera non dis-
 sentiunt. In Caro enim sensus etiam integer nō est, &
 carotici non sentiunt, nisi obscure & confuse, dum
 scilicet obiecto vehementiore stimulant, ac irritante
 partem contrahunt. Tercio loco est κατάληψις, vel
 κατοχή seu κατόχθ. Quanquam enim κατόχθ vox non
 eodem modo ab omnibus vsurpetur, & à nonnullis
 etiam comati vigili attribuitur: tamen frequentius
 & vulgatius κατοχθ pro κατάληψις accipitur. Dicitur
 autem κατοχθ à κατέχεσθαι, id est, detineri vel oc-
 cupari, & κατάληψις à καταλαμβάνειν, id est, prehen-
 di: quod qui malo hoc corripiuntur, in eodem statu,
 quo erant, permanent. Est enim κατοχή, seu κατάλη-
 ψις principum functionum, cum tactus & voluntarij
 motus abolitione, diminutio; seu, ut vox innuit, subi-
 ta prehensio & occupatio tum mentis, tum corporis,
 qua qui corripiuntur, sensu, præsertim tactus, motūque
 voluntario destituti, rigidi in eodem, quo prehensi
 fuerunt, situ & statu corporis manent, apertis & im-
 motis oculis; unde & hoc malum à nonnullis Con-
 gelatio appellatur & stupor, qui si validus incumbat
 & diuturnius insideat, εκσασις dicitur à Græcis, ut I. C.
 Scalig. exerc. 3. 2. habet. Interdum, ubi malum est mi-
 nus vehemens, æger non nihil audit, videt, nonnullorū
 recordatur, sed neque loquitur, neque membrum
 vllum mouere potest; quod suo condiscipulo Gale-
 nus, 2. prorrh. 56. accidisse refert. Et omnino in admi-
 rationem sui trahit hic affectus, cuius historias ali-
 quot etiam peculiariter authores annotarunt; ut apud
 P. Æginetam, lib. 3. cap. 10. & apud Aëtium tetrab. 2.
 serm. 2. cap. 4. videre est. Duas habet Fernelius, de par-
 tium morb. & sympt. lib. 5. c. 1. Iacotius, quod, in com. ad aph.
 7. secundi Coacarum Hippocratis, annotauit, vidit senem
 hoc malo correptum, qui mensa accumbens, apertis
 oculis, ac firmo corpore, manu dapibus admotā, ut
 prandere mortuus videretur. Quarto in horum sym-
 ptomatum classem refertur από πηξία, quæ Græcis no-
 men, sicut & Germanis ab ictu habet. Homo enim
 hoc morbo correptus, non aliter, atque victima ad
 aram prostrata, atque vnico ictu percussa, corruit. Est
 autem Apoplexia omnium animalium actionum, mo-
 tus nimirum ac sensus, cum principis animæ facul-
 tatis læsione, in toto corpore abolitio. Sola respiratio
 aliquandiu seruatur; cum ob maximam eius necessita-
 tem, qua Natura de salute hominis sollicita, quic-
 quid Spirituum potest ad mûculos thoracis mittit:
 omnibus aliis motibus, quibus homo sine mortis pe-
 riculo carere potest, ablati; respiratio tamen, qua ho-
 mo carere non potest, seruatur; tum quia respiratio
 non est actio animalis, sed primariò motu pulmonis
 perficitur, concurrente tamen etiam thoracis motu,
 sicut & pulsus seruatur; quia & is non ab animali, sed
 vitali facultate proficiscitur. Hippocrates tamen, ut ex
 7. aph. 40. videre est etiam apoplexiæ nomen priuatæ
 alicui parti tribuit, quæ tamen propriè paralysis est.
 Quinto his annumeranda est Epilepsia, quæ από τοῦ
 ἐπιλαμβάνειν dicta est, quòd subito mentem, sensus-
 que omnes quasi prehendam & intercipiat. Vulgò ap-

pellatur morbus Comitialis, quòd in comitiis & ho-
 minum frequentia sapius detegatur, & quod si hoc
 morbo tum quis correptus fuisset, comitia peragi fas
 non erat. Latinis & Caducus dicitur, à subito lapsu:
 Sontricus etiam, quasi valde nocens, corpusque offen-
 dens: Lunaticus quoque, quòd ad Lunæ φάσεις & con-
 uersiones excitatur, seu quòd qui concipiuntur vel
 eduntur in interluniis fiunt Epileptici. Vnde & σε-
 λωιαζόμενοι epileptici dicti. Veteres ἐπὶ νόσημα voca-
 runt, seu quòd crederent eum diuinitus immitti, seu
 quòd diuinissimam corporis partem, caput & cere-
 brum, perturbet, seu quòd magnus & abominandus
 sit morbus. Nominatur & morbus Herculeus, non
 tam, quòd Hercules eo laborarit, quàm, ut sentit Ga-
 lenus, 6. epid. in fine, quòd sit morbus vehemens & ma-
 gnus, seu ob τὸ δυσκαταμάχτην, quòd facillè vinci &
 superari non possit. Hippocrates, in lib. de aere aq. &
 loc. appellat πᾶσι παίδιον, vel νόσημα παίδιον, quòd
 pueris frequens malum est. Vnde etiam Auicennas
 matrem puerorum appellat. Est autem Epilepsia to-
 tius corporis motus prauus, cum reliquarum om-
 nium animalium actionum abolitione. Nam in epi-
 lepticis subito functiones animales omnes tolluntur,
 tam principes, quàm non principes, & motus est de-
 prauatus cum retractione partium, quæ aliàs motu
 voluntario moveri solebant. Atque principes facul-
 tates, sensusque illi interiores ita diuturnitate tem-
 poris debilitantur, ut tandem ferè stolidi euadant.
 Et si autem epileptici in principio paroxysmi ali-
 quam vocem, quæ actio animalis est, edant, atque
 hoc modo aliqua actio animalis superesse videatur,
 tamen & illa vox sit solum in principio, & est corru-
 pta, ut alij motus, & non tam à voluntatis arbitrio
 & imperio sit, quàm ab expultricis irritatione, qua
 mûculi laryngis tenduntur. Et si autem in Epilepti-
 cis totius plerumque corporis motus deprauatus &
 conuulsus adest, & propterea ægri concidunt: ta-
 men & affectus quidam reperiuntur, qui & ipsi epi-
 lepsiæ accendi sunt, velut parua quædam & im-
 perfecta epilepsiæ, aut certè via ad epilepsiam, in
 quibus aliqua partes saltem conuellantur, & ægri
 non concidunt. Ita Hollerius, in scholiis in cap. 16.
 obseruauit monachum quendam triginta anno-
 rum epilepsia correptum fuisse, cum capitis tan-
 tum, & sine vlla partium subiectarum concussionem.
 Marc. Donat. de hist. med. mirab. lib. 2. c. 4. refert, se vidisse
 puerum, qui singulis diebus quater epilepsia corri-
 piebatur, cum sola capitis concussionem & oculorum
 eleuationem. Atque idem narrat, quendam histri-
 onem hoc modo epilepsia correptum fuisse: primò sentiebat
 sibi caput oppleri; ac deinde statim ipsam contractio-
 nes manuum ac pedum inuadebant, ita ut illas hinc
 inde, instar eorum, qui in monomachia pugnant, ia-
 ctare cogeretur, ac in altum oculos contorquebat,
 nunquam tamen cadebat. Anton. Beniuenius, de abd.
 nonnull. ac mirand. morb. ac san. caus. c. 97. refert, se vidisse
 puellam Aretinam, quæ cum epilepsia corriperebatur,
 minimè, ut fieri solet, concidebat, minimèque ex eius
 ore spuma ferebatur, sed stans caput tantum hinc in-
 de, ac si quid inspicere vellet, cum tota ceruice moue-
 bat, nihil interim loquens, nihil audiens, nihil sen-
 tiens. Cumque iterum ad se reuerteretur, interrogata,
 quid egisset, omnia penitus ignorabat. Et, in annot. in
 hoc caput Beniuenij, hoc addit Dodonæus: Memini,
 inquit, ego virginem viginti annorum, me cura-
 rasse, subinde conuulsam, & clausas manus habentem,
 sed toto accessionis tempore sedens permanebat.
 Thomas Erastus, in anatomia librorum Comitum Montani,
 part. 2. p. 195. scribit, se curasse adolescentem, qui paro-
 xysmi epileptici tempore, ter, quateruè sapius in gy-
 rum se vertebat, impetūque facto, si non corriperebatur,
 versus locum aliquem procurrebat, priusquam pror-
 sus concideret (plerumque autem non cadebat, sed
 magna vi manib. faciē cōfricabat) nec ad se reuer-
 quam

Catalepsis, &
 Catochus.

Apoplexia.

Epilepsia.

Epilep-
 ticular.

quam eorum, quæ euenissent, sciebat. Et, *ibid.* puellam se vidisse testatur, quæ cum antea grauissima epilepsia laborasset, ac proximè, tanquam mali nihil pateretur, in conclau per dimidiam horam sursum deorsum cursitauisset, atque interrogaretur, vtrum aliquid vidisset, vel audiuisset, negauit se quenquam vidisse, ac audiuisset. Parietes tamen illam vidisse existimat Erastus, quod, cum ad eos accessisset, se rursus cõuertebat. Et ab aliis pluribus, atque à me quoque obseruatum est, nõ in omni epilepsia cadere ægros, sed aliquando caput, aliquando pedes tantum moueri: vertiginèscque etiam visæ sunt, in quibus accidentia erant adeò similia epilepticis symptomatibus, vt vix dignoscerentur, & à Medicis dubitaretur, vtrum vertigines, an potius epilepsia nominari deberent. Sexto & huc referenda est Vertigo, vtpote in qua etiam plures animales actiones læduntur, nimirum sensus & motus deprauantur. Qui enim hoc malo laborant, iis omnia in gyrum agi videntur; nonnunquam & visus obtenebratur; interdum etiam planè collabuntur ægri: auditus quoque nonnihil deprauatur, & fluctuatio quædam auditur: in nonnullis & olfactum, in aliis gustum quoque lædi testatur Paul. Aegineta, *lib. 3. c. 12.* Græci pluribus nominibus hoc symptoma appellarunt. Nominatur enim ab iis δῖνθ, ἰλιγγθ, σκοτόδινθ, σκοτώμα, σκοτωματικὸν πάθος: quibus tamen vocibus diuersi tantum huius mali gradus significantur. Cum enim solum circumuerti res videtur, δῖνθ, & ἰλιγγθ appellatur: si verò oculi etiam obtenebrantur, tenebris quasi & caligine offusæ, & nisi proxima adminicula prehendant, ægri corruant, σκοτώμα & σκοτόδινθ, tenebricosa vertigo nominatur. Quæ autem facultas in vertigine præcipuè afficiatur, apud authores valde cõtrouersum est. Nonnulli potissimum vitium in visu esse existimant, qui ita deprauetur, vt res omnes externæ circumagi videantur: phantasiam verò non deprauari, & sensum communem solum ex accidenti deprauari statuunt, quatenus scilicet ei falsus motus à visu offeratur: cetera rectè sese habere, & motum illum à quiete discernere, & motus magnitudinem diiudicare. Verum ipsa experientia testatur, non in oculo & visu præcipuè causam hære, quod res quietæ moueri putantur: cum etiam, si quis oculis clausis aut tectus in gyrum agatur, nihilominus vertigine corripiatur, pauimentumque, cui insistit, circumgyrari putet, & nisi adminiculo aliquo sese sustentet, concidat. Imò vertigo morbosa oritur, etsi nulla vel à visu, vel à motu, aut certè leuis occasio præbeatur. Alij ergo sensum communem præcipuè, non læsa phantasia, alij phantasiam, non læso sensu communi, deprauari statuunt. Verum imprimis & sensus communis & phantasia lædi videntur, vtpote affectis spiritibus, qui harum actionum proxima instrumenta sunt. Quanquā enim à visu sæpissimè occasio præbeatur: tamen cum nulla etiam à visu occasione data, oriri vertigo possit, præcipua læsio est sensus communis & phantasie, qui ea, quæ quiescunt, moueri existimant; & rectè à Galeno dictum existimamus, 4. de vi<. rat. in acut. t. 42. δῖνον vocari, ὅταν ἡ κεφαλὴ περιέρεται φαντάζεται. Etsi verò nonnulli phantasiam lædi negant, eā de causâ, quod in quibus imaginatio deprauatur, vt fit in melancholia & phrenitide, illi nullo modo se falsa imaginari agnoscant, quod vertiginosi faciunt, qui, quamuis ipsis omnia circumgyrari videantur, errorem illum agnoscunt, & certò sibi persuasum habent, res, quæ videntur moueri, reuera quiescere; tamen hoc argumento id non euincunt. Nam hæc cognitio non phantasie necessariò est, sed rationatricis facultatis, quam non ob quodlibet obiectum falsum, seu quemlibet errorem phantasie, lædi totam necesse est; cum multas veras species oblatas habere queat, ex quibus vera colligere, & quosdam phantasie errores animaduertere & corrigere potest. Neque tamen ob id vertigo ad

Dan. Sennerti Tom. I.

deliria referenda est. Nam in delirio ignorant ægri, quod habeant imaginationem deprauatam; sed in vertigine sciunt esse falsum id, quod vident. Ideoque in omni vertigine sensus communis & phantasia læditur, idque, vt in causis dicitur, ob inordinatum, ac circularem spirituum motum: quod vitium, prout nunc maius, nunc minus est, ita etiam visum, auditum, & facultatem motricem magis vel minus in consensum trahit; vnde differentie illæ seu gradus potius vertiginis suprà enumerati ortum habent: vel spirituum vitio & perturbatione etiam reliquis sensibus communicata; vel quia motus, qui à phantasia regitur, læsa imaginatione consequenter læditur. Vt tamen læsiones illæ omnes concludantur, Vertigo à nonnullis describitur, quod sit primarum sensationum deprauatio cum motus imbecillitate. Denique & his symptomatibus accensendus est Incubus, ἐφιάτης Græcis dictus, ab ἐφάλλεσθαι, id est, insiliendo; quidam & ἐπιβολὴ nominant, id est, aggressionem vel inuasionem; cum qui malo hoc corripiuntur, se ab aliquo incumbente premi somnient. Nominant & πνιγᾶλίωμα, & πνιγέμονα, & πνιγμὸν ἐνύπνιον, quod hoc malo laborantes in somno suffocari videntur. Nihil enim est aliud Incubus, quàm respirationis cum prauis insomniis læsio; seu respirationis offensio, & vocis interceptio corporisque oppressio, speciem incumbētis thoraci oneris præ se ferens. Ita enim Rhases, ad *Almans. lib. 9. c. 12.* hunc affectum describit: Cum quis, inquit, in somno ponderosum quiddam sibi incumbere imaginatur, vox ei suppressitur, aut in cœca indiscretâque editur, incubo correptus dicitur. Cum enim motus thoracis aliàs in somno etiam superstes & integer sit, & animal, etiam reliquis membris quiescentibus, valde necessarius: fit, vt quamuis vniuersa facultas motrix lædatur, nihilominus solum thoracis motus, tanquam summè necessarius, læsus percipiatur, & hinc sensus grauitatis in thorace oritur, qui phantasie oblatas facit, vt homo in somno se ab incumbente aliquo onere suffocari somniet, atque existimet: non secus, vt, qui in aliqua parte corporis latentem causam morbi, vel doloris habet, ea se nonnihil exserente, se eâ parte lædi, vel vulnerari somniat. Veteres in dæmones hoc malum retulerunt, & etiam vulgò in sagas hoc symptoma refertur. Atque hæ sunt læsarum actionum omnium differentie.

Incubus.

CAPVT X.

De Symptomatibus, quæ in Qualitatibus corporis mutatis consistunt.

Alterum symptomatum genus est, quod in affectu corporis simplici, seu qualitatibus corporis mutatis consistit, cum nimirum aliqua qualitas naturalis corporis mutatur, ex cuius tamen mutatione nulla actionum læsio sequitur. Nam si ob qualitatem aliquam mutatam corporis constitutio ita mutatur, vt actiones naturales inde lædantur, morbus iam exoritur, non symptoma. Symptomatum autem horum, pro sensuum, quibus illæ qualitates mutaræ subiiciuntur, numero, sunt quatuor differentie, secundum Galenum, *de diff. sympr. cap. 5.* Nimirum qualitates illæ mutaræ aliæ ad visum pertinent, aliæ ad olfactum, aliæ ad gustum, aliæ ad tactum. Visibiles qualitates mutaræ sunt colores mutati & præternaturales, siue in toto corpore, siue in aliqua parte. Totius corporis color naturalis mutatur in ictericis, seu morbo regio, cum totius corporis color in citrinum, seu flauum, seu nigrum degenerat; sicut & in hepatitide, splenitide, hydrope, elephantiasi & similibus vitiis. Vnius verò partis color mutatur in erysipelate, carbunculo, gangræna, cancro, aliisque particularibus tumoribus: item in

Qualitatum mutatarum differentia.

Colores.

lingua in febribus color linguæ rubicundus in nigricantem sæpe mutatur. Pertinet huc & dentium color mutatus, cum dentium naturalis albedo & candor in colorem nigricantem transit, dentesque denigrantur; sicut & turpes colores vnguium, cum color naturalis vnguium in nigrum vel flauum, vel liuidum colorem mutatur. Posse huc referri & facies Hippocratica dicta ab Hippocrate 1. *prognost.* 1. 7. descripta. Neque ex hac symptomatum classe segreganda videtur canities, quæ homini non solum naturaliter in senectute aduenit, sed etiam iuuentutis nonnuquam tempore intempestiue & præmature homines corripit. Obseruatum enim est, iuuenes quoque nonnullos, & quidem iuiores, canos euasisse. Ita refert Scaliger *exerc.* 12. historiam, quæ sub Franc. Gonzaga accidit. Is affinem suum, suspectum coniurationis, cum in turri ad quæstionem, aut supplicium asseruari iussisset, nuntiatum est manere, totum repente canum factum; similisque historias annotauit Schenckius, *obs.* 1. de *cap. humano*. Secunda qualitatū mutatarum differentia est in Odoribus, atque ad hoc symptomatum genus pertinent omnes fætidī mali corporis humani odores, qui humano odoratiui molesti sunt; cum nimirum homo vel ex toto corporis ambitu, vel tantum ex ore, aut ex naribus, aut regione alarum, aut pedibus terrum odorem spirat. Tertiū ad hoc symptomatum genus, & qualitates corporis mutatas, refert Galenus etiam sapes præternaturales, cum scilicet sudorem in os aliquando defluentem gustamus, aut saliuæ mutatam qualitatem percipimus; sicut & eorum, quæ ex pulmone eiiciuntur, aut è ventriculo euomuntur, quæ aliàs austera, aliàs acida, aliàs falsa, aliàs amara, aliàs dulcia apparent. Sed hæc omnia ad sequens, & vltimum genus symptomatum potius, atque ea, quæ è corpore excernuntur, pertinere videntur, nullumque symptoma reperiri videtur in hisce qualitatibus mutatis; cum sapor partium corporis nostri non percipiatur. Quæ verò sub Tactum cadunt qualitates mutatae & circa ægrorum cutim apparent, multæ sunt, caliditas nimirum, frigiditas, humiditas, siccitas; mollities, durities; quæ non quatenus actiones lædunt, sed saltem quatenus tactui molestæ sunt, huc referuntur. Alij quoque addunt Auditus symptomata, atque ipse Gal. de *symp.* diff. 5. ea reicere planè non videtur, cum symptomatum, quæ in vocis & sonis, qui in animalibus exaudiuntur, sunt, mentionem facit. Ita Naturalis vox interdum mutatur, ut quando redditur tremula, rauca clangosa. Verum hoc symptoma non propriè ad hunc locum, sed ad actiones læsas pertinet. Commodius huc referuntur crepitus, soni, & murmura, & similia, quæ auditu percipiuntur ut tinnitus aurium, stertores dormientium, dentium stridores. Referenda tamen huc sensibilia communia, figura, magnitudo, &c. Si præter naturam sint. Ideoque huc pertinent illa signa, quæ in facie Hippocratica lib. 1. *prognost.* describuntur, figura partium mutata, magnitudo corporis aucta, tumores, cum actiones nondum lædunt,

CAPVT XI.

De Symptomatibus in Excretis & Retentis.

Vltimum superest symptomatum genus, quod eorum, quæ à corpore excerni, aut præter naturam in eo retineri solent, vitia complectitur. Cum verò ab authoribus multa, quæ supra inter actiones læsas retulimus, inter hæc symptomata enumerentur, ut vomitus, lienteria, diarrhœa, alui suppressio, diabetes, disuria & similia: videndum, quomodo ab hoc symptomatum genere, quod excretorum & retentorum vitia continet, illud, quod actiones læsas complectitur, differat; ne diuersa symptomatum genera con-

fundantur. Itaque sciendum, ad hoc vltimum genus symptomatum excreta & retenta referri, tantum habito ad materiam, quæ excernitur, respectu, non ad ipsam excretionem, seu excernendi actionem; neque hîc, à quo quid fiat, sed eius, quod excernitur, naturam & substantiam spectari; neque huc referenda esse, quæ saltem in actione seu excretionem, non verò in excremento aliquam faciunt differentiam. Ex quo patet, ea saltem vitia, ob quæ eorum, quæ excernuntur & retinentur, natura à naturali statu decedit, ad hunc locum referenda esse. A statu autem naturali ea, quæ excernuntur & retinentur, recedunt & peccant vel tota substantia, vel qualitate, vel quantitate. Toto genere seu tota substantia peccare dicitur, cuius non solum quantitatem & qualitatem, sed totam naturam, si ut excrementum consideretur, damnamus. Itaque primò toto genere præter naturam sunt ea, quæ nusquam in toto corpore, ne quidem excrementi loco, reperiuntur. Tales sunt vermes, qui non solum ex intestinis, sed & ex aliis corporis partibus interdum excernuntur. Ita narrat Beniuenius, *obs.* 100. amicum se habuisse, qui cum dolore capitis vehementi & mentis alienatione laboraret, ac aduentante die septimo, mors ipsa, nullis conferentibus auxiliis, iam adesse videretur, vi tandem robustioris naturæ vermem è dextra nare palmo longiorem eiecit, quo propulso, omnis statim cum eo amotus est languor. Ita Holerius, in *schol.* ad c. 54. lib. 1. refert puellam vermem album, latum palmo maiorem, saris crassum reiecit per nares, nulla tussi nullo vomitu antecedente. Annotauit quoque Franc. Hildesheim, de *cerebri & morbo intern.* p. 45. cuidam tredecim oblongos vermes, villosos seu lanuginosos, viuos, instar crucarum, seu oniscorum, quos auriculares vocant, per fauces, nares & aures prodiisse. Amatus Lusitanus, *en.* 7. *lib.* 6, annotauit, in quadam puella ad anteriorem oculi angulum lumbrici cuiusdam caput apparuisse, quem adstantes ilico manu, longitudine dimidij palmi, colore albo, viuum extraxerunt. Valescus de Taranta scribit, lib. 4. c. 30. se vidisse vermes duos aut tres, ad formam granorum pini, ex aure cuiusdam iuuenis, febri acuta laborantis, expulsos. Antonius Beniuenius, c. 77. scriptum reliquit, laborasse quendam molesta tussicula, qui cum marrubij succum ex melle deuoraret singulis diebus, & interiectis diebus, scyllam lamberet, tandem vermem è pectore cum tussi eiecisse, & sanitati restitutum esse. Et Dodonæus, in *scholio*, narrat, cuidam viro vermem in vesica multis modis molestum fuisse, quandoque etiam sanguinis mictu prouocato, donec tandem, per penis meatum sponte egressus, finem doloribus faceret. Ita ex vlceribus vermes eiici, nouum non est. [Zacutus Lusitanus l. 3. *Prax. Med. Admir.* *obs.* 95. historiam raram, sed (ut scribit) veram refert. Familiaris quidam eius, rei herbariæ peritus, annis ferè quatuor coxæ doloribus laborauit, & varia, sed sine fructu, remedia expertus est. Cum verò quodam die immani & intolerabili dolore corripere-tur, & febris accederet, externa malleoli vena aperta est, è qua cum feruentissimo sanguine vermis viuus profluxit, teres, longitudine palmæ, quo excreto dolor miraculo quasi in posterum sedatus est.] Sic & calculi uti in omnibus ferè corporis locis generari possunt, ut supra, lib. 2. *part.* 2. dictum: ita quoque è variis locis eiiciuntur. Cum vrina excerni frequens est, annotauit Beniuenius, cap. 24. quendam tussicula sicca & lateris dolore per triennium vexatum, tandem calculum ad auellanae magnitudinem è pectore eiecisse. Alexander Trallianus, lib. 1. cap. 4. narrat, virum quendam calculum exquisitè figuratum exspuisse, durum & renitentem, ut in terram quoque proiectus sonum ederet. Et per intestina calculos eiectiones esse, sæpe obseruatum est. Ita etiam pus ac sanies è multis corporis partibus eiiciuntur. Neque verò hæc solum,

Canities.

Odores.

Sapores.


Excreta
canities
substantiaVermes
bus
corpora
tantaVermes
ris
con
duntur
causis
excretaCalculi
omnibus
corporis
tibus
paniturQua ratione
hoc sympto-
matum genus
ab actione læ-
sa differat.Mira-
cia

sed

sed & alia, quæ magis præter naturam videntur. Gal. 6. de loc. aff. cap. 3. ita scribit: *Ea verò, quæ pilis similia sunt, Hippocrates quoque cum urinis excerni vidit: Ac ipsi etiam vidimus aliquando, quæ semipedis longitudinem æquarent, interdum etiam iis longiora: quod & alij obseruauerunt.* Frustorum carniū, scarabeorum, glomorum è capillis vomitu reiectorum historias hîc non recensēbimus, quas collegit Schenckius lib. 3. obseru. 73. & seqq. Mirum hoc est, quod annotauit Alexand. Benedictus, lib. II. c. 7. *Vidimus, inquit, mulieres duas, quæ acus crinales, vitri frusta, capillosque pluscūlos euomuerunt, quarum altera exanimata interiit, altera etiam tres ingentes cauda canina arefactos nodos euomuit.* Et Forestus, in schol. ad obseru. 26. lib. 18. testatur, se vidisse pannum, clauos, ferramenta, & nescio quæ non, vomitu reiecta. Cultrūque ferreum ex hypochondriis egressum, refert Ioan. Langius, lib. 1. epist. 38. & eius rei exempla plura legantur apud Vvierum de præstig. demon. lib. 4. c. 16. Alia deinde quidem toto genere præter naturam non sunt, sed quòd hoc vel illo modo præter naturam excernuntur. Excernuntur naturaliter feces alui per intestina; vrina, ex vesica; sudor, per poros cutis; menstruas purgationes habent fœminæ per vterum. Hæc itaque si per alium locum excernuntur, inter hæc symptomata recensentur. Et licet sanguis in fœminis naturaliter excernatur: tamen nō mammarum vel oculorum excrementum est, neque per eas partes excerni debet, & si per eas excernatur, mammarum & oculorum respectu excrementum toto genere præter naturam est. Ita annotauit Salomon Albertus, in anatomia, cuidam fœminæ singulis mensibus sanguinem præscriptione naturæ vacuari solitum, è mammis liberalissimè prorupisse: aliis eundem per nares euacuatū esse, obseruatum est. Sic lachrymas sanguineas Dodonæus, cap. 15. obseru. medicin. se obseruasse refert in virgine quadam sedecim annorum, cui cum menses non succederēt, natura per oculos superfluum sanguinem expellere conata est. Sunt tertio & res quædam, quæ ipsæ planè quidem naturales sunt, sed quæ retineri potius, quàm euacuari debebant, & propterea, si excernantur, hoc symptomatum genus constituunt. Etsi enim alui, & vesica sua excrementa naturaliter reddat: tamen per istas partes sanguis, qui nullo modo naturaliter euacuandus, non euacuari debet, & si per eas euacuetur, excrementum toto genere præter naturam dicitur. Huc itaque pertinent sanguinis profusiones, hæmorrhagiæ narium, sanguinis vomitus, per tussim reiectio, per aluum profusio, per vesicam, eiectio. Sanguineus item sudor huc referendus est. Nam & id aliquādo accidisse compertū est. Ipse Arist. 3. de hist. anim. c. 5. aliquos sudasse sanguineū sudorem testatur. Et Fernellius, lib. 6. de partium morbis & sympt. cap. 4. refert, se animaduertisse, sanguinem interdum ab extremis venis, quæ in cutem desinunt multis è locis effundi. Et Beniuenius, c. 4. recitat historiam cuiusdam, cui singulis mensibus per cutem, quæ ima iecoris pars subiaceret, sanguinis libra quasi ex vena aperta effluebat: quo euacuato, nullus discernere poterat, vnde euacuatio facta esset, ita nullum foramen, nulla cicatrix apparebat. Huc pertinet, cum interdum per tussim particulæ pulmonis, eiusque vasorum reiciuntur, aut tunicæ intestinorum erosa in dysenteria per aluum deiiciuntur, aut in exulceratis renibus, vt vesica, carunculæ, aut membranofum quid cum vrina redditur. Secundò qualitate peccant interdum excreta: quod vitium varium est, ac multiplex, variisque sensibus comprehenditur. Nunc enim caliditate, nunc frigiditate, humiditate, siccitate, visciditate, crassitie, fœtore, aliisque modis, quæ excernuntur, peccant. Sic sæpe excrementa alui sunt calidiora, frigidiora, quod cholicis nonnunquam accidit; humidiora, sicciora, acriora, nimis fœtida, vel odoris omnino expertia, cum sono, ac strepitu deiiciuntur;

non rectè colorata sunt, & vel albicant, vel colorem habent nimis flauum, viridem, nigrum, aliūque; sunt nimis liquida, aliisque modis præter naturam se habent. Ita & vrina nonnunquam nimis est calida & acris, naturalem colorem non habet, sed vel albicat, vel rubet, vel viridis est, vel nigricat, fœtet nimis, spumosa est. Atque huius loci propriè esset tota de differentiis vrinarum doctrina: verum quia cum pulsu præcipuum fontem signorum suppeditat: ad librum sequentem doctrinam de vrinis reuicimus. Eodem modo sudor interdum frigidus emittitur, malè olet, coloratus est, & è parte aliqua solum emanat. Quod similiter & de aliis excretis dici potest, vt de sputo, si coloratum sit, album nimis, rotundum (naturaliter enim cum liquidum sit, figuram nullam habere debet), iis, quæ vomitu reiciuntur; & sanguine, qui in fœminis per menses euacuatur. Peccant denique Excreta etiam Quantitate. Nam cum omnia secundum naturam sese in corpore habent, ea, quæ excernuntur & euacuantur, nec maiore, nec minore, quàm debebant, copia euacuantur: at si corpus à naturali statu recedit, modus ille & mediocritas non seruetur, sed sæpe plura, quàm debebant, sæpe pauciora excernuntur. Alui deiectiones naturaliter quantitati cibi respondere debent; quod si non fit, hoc symptomatum genus oritur, cum scilicet vel pauciora, quàm par est, vel plura per aluum egeruntur. Ita & vrina quantitati liquidorum, quæ assumuntur, & potus inprimis respondere debent. Verum interdum maior eius copia emittitur, interdum minor. Item menses aliàs parcius, aliàs copiosius in fœminis fluunt.

Excreta peccantia quantitate.



LIBRI II. PARS III.

SECTIO. II.

De Causis Symptomatum.

CAPVT I.

De Causis Symptomatum Facultatis Naturalis.



OSTQVAM omnes omnino differentias symptomatum tractatu præcedente inquisimus & explicauimus: proximum est, vt omnium causas inuestigemus. Neque enim satis est, symptomatum numerum scire; sed hoc inprimis Medici est, omnia & singula symptomata ad suas causas reducere, & omnium symptomatum rationes reddere posse; quo ipse ab aliis Medicinæ ignaris discernitur. Etsi verò causæ symptomatum non nouum & quartum rerum præter naturam genus constituunt, sed omnes comprehenduntur sub tribus rerum præter naturam generibus, nimirum sub morbis, causis, & symptomatibus: tamen vtile est, scire, quæ symptomata à quibus causis pendeant; cum non omnia ab omnibus æquè oriantur. Cum verò supra de causis symptomatum in genere dictum sit: iam in specie de iis agendum, & eo quidem ordine, quo symptomatum differentia enumerata sunt, causæ omnes inuestigandæ. Primò itaque Facultatis Naturalis symptomata quod attinet, eius actiones omnes vel ad indiuidui, vel ad speciei conseruationem esse directas, de differ. sympt. diximus; atque ad indiuidui conseruationem spectare Nutritionem & Auctionem, nutriticūque facultatem habere quatuor alias ministras, Attractricem, Retentricem, Concoctricem, atque Expultricem, inter quas præcipua est concoctrix. Cum autem nutritio ex alimento parti assimilato fiat: duplex necessaria est concoctio; vna, in partibus singulis,

gulis, qua sanguis, commune corporis alimentum, in partis nutriendæ substantiam vertitur; altera in organis communibus, puta ventriculo & hepate, quæ toti corpori alimentum præparant. De vtriusque ergo concoctionis vitiis est agendum, dicendumque, secundum ordinem, loco allegato, propositum, de imminuta & ablata nutritione, quæ fit in gracilitate & ἀσθία: deinde de eadem deprauata, in καχεξία: post quæ de coctionum illarum, quibus in ventriculo & hepate vniuerso corpori alimentum præparatur, vitiis, eorundemque caussis tractabimus. Gracilitas autem & ἀσθία fit, vel in toto corpore, vel in aliqua parte. Causa autem harum affectionum in genere est frustrata nutritio. Galenus, 3. de sympt. causs. c. 1. postea causam refert in virtutis imbecillitatem; in nutrimenti vitium, & in vitæ rationem, ac ea, quæ extrinsecus animali accidunt: quæ tamen non incommodè ad duo, ad virtutis scilicet imbecillitatem, atque alimenti vitium, reduci posse videntur; cum quæ extrinsecus accidunt, vel virtutem debilem, vel alimentum prauum reddant. Virtus debilitatur potissimum ob cordis affectus, atque inprimis ob eius intemperiem siccam, præsertim si ei caliditas coniungatur, vt fit in hecticis, atque aliis lentis febribus, quæ ex pulmonis vlceribus, à quibus phthisis excitatur, aliarumque partium vicinarum similibus affectibus, aut aliarum etiam partium remotarum, quæ tamen affectus suos cum corde communicare possunt, vitiis ortum habet, hominemque tandem ad tabem, & ἀσθίαν deducunt. Cum enim calor ille influens, insitumque partium calorem fouens, præcipuum nutriens facultatis instrumentum sit, atque eius beneficio omnes illæ actiones naturales dictæ, attractio, retentio, concoctio, expulsioque exerceantur; eius autem officina & fons Cor sit: manifestum hinc euadit, si cor non rectè sese habeat, & iusto calidius, ac siccus euadat, totum corpus hinc malè effici, atque exsiccari. Alimenti causâ ἀσθία oritur, dum ipsius non sufficiens suppeditatur copia, vel dum praua aliqua qualitate affectum est. Deficit, atque iusta eius copia corpori non communicatur, quod exigua nimis alimenti copia assumitur: vel etiam si satis cibi & potus assumitur, cibus non concoquitur; aut coctus non distribuitur, aut dissipatur, aut non agglutinatur. Quod fit, cum partes & viscera, quæ alimentum elaborant, & toti corpori suppeditant, ventriculus nimirum & hepar, non bene affecta sunt. Nam partes hæ si calida & sicca inprimis intemperie, aut alio grauiori affectu laborent, debitam alimenti quantitatem corpori vniuerso subministrare non possunt; unde illud contabescat, atque exarescat, necesse est. Accidit idem, si canales; quibus alimentum in omnes corporis partes distribui debet, venæ nimirum circa hepar, obstructæ sint; aut ob tumorem aliquem claudantur; aut si ipsæ partes, quæ nutriri debent, non rectè sese habeant, & præcipuè sicca & calida intemperie laborent. Vnde qui naturaliter calidi & sicci sunt, proximi sunt tabescentibus, & si ipsis aliquid præter naturam accidat, & corpus nimium paulò exsiccetur, facile in tabem incidunt. Ob alimenti verò prauitatem corporis extenuatio & ἀσθία contingit, cum ob intemperiem, præcipuè calidam & siccam, viscerum multa excrementa biliosa & calida colliguntur & coaceruantur, & sanguis minus temperatus elaboratur. Tales enim humores cum non idoneum & gratum corpori alimentum suppeditent, à partibus auide non attrahuntur, aut si attrahuntur, non perfectè assimilantur. His itaque modis, nimirum ob virtutis debilitatem, vel alimenti vitium, cum Nutritio imminuatur, vel aboleatur: huc facile tertium caussarum genus, quod Galenus addit, victus scilicet errata, vel quæcunque corpori extrinsecus accidunt, reducere possumus. Inedia nimirum, nimia corporis exercitatio, vigilia,

curæ & sollicitudines, dolores, copiosæ per aluum, per sudores, sanguinisque fluxus euacuationes, venus, æris constitutio calida & sicca, febres, colliquantes, corpus extenuant & tabefaciunt, tum alimentum absumendo, tum spiritus dissipando & exhauriendo. Quod & vermes referri possint, qui in intestinis stabulantes alimentum intercipiēdo quandoque atrophie causa sunt. Dum autem vnica aliqua pars contabescit, illud etiam accidit, vel ob virtutis naturalis in parte illa debilitatem, vel quod sufficiens parti illi alimentum non suppeditatur. Læditur autem facultas priuatim in aliqua parte, dum pars frigida intemperie laborat, & calore nativo priuatur. Hic enim cum naturaliū actionū præcipuum instrumentum sit, vt dictum: sine eo pars neque attrahere, neque concoquere, neque sibi assimilare nutrimentum potest. Refrigeratur autem pars non solum ab externo aëre, sed etiam propter nimiam quietem, vt dum in paralyti calor torpet. aut etiam proptervenarum ad partem tendentium angustiam, de qua mox dicetur, ob quam sufficiens spirituum quantitas influere non potest. Deficit alimentum ob viarum, & præcipuè venarum, per quas alimentum parti communicatur, angustiam; cuius rei exemplum: *de Foresti lib. 10. obseru. 97. in lib. de diff. sympt. allegauimus.* Angustiora autem vasa redduntur, vel ab obstructione à crassa & viscidâ materiâ, vel per compressionem, quæ fit per vincula in fracturis & similibus malis, vel per scirrhus & tumores, inprimis autem luxationes incurabiles; vnde post luxationes insanabiles partes frequenter extenuari videmus. Deprauata Nutritio est in καχεξία, quæ principium quoddam hydropis est. In ea enim color corporis ex viuido in pallidum muratur, eaque laborantes ex viridi albicant, inualidique redduntur, concoctio læditur, appetitus deicitur. Cachexia autem proxima causa est vitiosum & crudum corporis alimentum: quod quamuis apponatur, & corpori aliquo modo assimiletur: tamen cum vitiosum sit, à partium virtute concoctrice rectè elaborari & partibus assimilari non potest; vnde nutritionis inquinatio potius, quam vera nutritio oritur, atque nutritio ob errorem externum læditur. ratione obiecti scilicet. Si verò malum hoc diu protrahatur, tandem, ex continuo vitiosi alimenti appulsu, ipse habitus corporis refrigerari potest, vt tum simul & ob prauum alimentum, & ob virtutem partium debilem, bona nutritio non fiat. Cum itaque vitiosum alimentum præcipuè cachexia & prauæ nutritionis causa sit: ortum habebit à vitio hepatis & ventriculi; quæ membra elaborationi alimentorum dicata sunt. Si enim in ventriculo non generatur bonus chylus, ex eo non potest bonus sanguis generari, atque primæ coctionis vitium non emendatur in secunda, multò minus in tertia coctione. Postea quamuis ventriculus rectè sese habeat, si tamen hepar laboret, etiam bonum chylum corrumpet, & inde prauum sanguinem generabit. His caussis forsan non incommodè addi potest (nisi quis illam ad priorē causam, ob quam malus chylus generatur, referre velit) error externus, si quis nimirum diu prauo cibo & potu vtatur. Nam cum ex cibo prauo neque bonus chylus, neque bonus sanguis generari possit: credibile est hominem etiam hac de causa in cachexiam incidere posse; quamuis à tali cibo prauo, si eius vsus cōtinuetur, tandem ventriculi & hepatis naturalis constitutio lædatur. Si verò humores non crudi sint, sed potius vitium in substantia, vel malam intemperiem & qualitatem prauam, salsam, nitrosam, acrem, aut aliam prauitatem habeant: nutritio etiam deprauabitur, & fient in cute impetigines, vitiligines, scabies, lepra, elephantiasis, & aliæ cutis sceditates & quidem variæ pro vitiosorum & corruptorum humorum varietate & copia. Concoctio, quæ fit in organis publicis, quæque omnibus partibus commune alimentum elaboratur, absoluitur in ventriculo & hepate. In hepate enim sanguis,

Gracilitatis
& ἀσθίας
causa.

Virtus de-
bilitatur.

Alimenti vi-
tium.

Calidi &
sicci tabi fa-
cile obnoxij.

Cachexia
causa.

Scabies
Impetigo
Lepra &c.

sanguis , proximum omnium partium alimentum, conficitur : sanguis verò non proximè fit ex cibo & potu assump-^{us} o, i. e. è cibo prius in ventriculo in chylum mutato. Quæ ventriculi actio *χύλωσις* appellatur. Quæ etsi planè naturalis sit : tamen actiones aliæ sunt , quæ illi inferiunt , inter quas primo loco esse diximus appetitum & desiderium alimenti , quod famēs & sitis appellatur. Fames enim cibi ; sitis potus appetitus est. Cum autem cibi appetitus vel auferatur in *ἀνορεξία* seu *αποσιτία* , vel imminuatur in *δυσσορεξία* , vel augeatur in *βελίμω* , seu canina appetentia ; vel deprauetur in *κίπη* , seu pica ; sitis quoque sæpenumero intendatur , nonnunquam etiam remittatur , vt *de diff. sympt.* dictum est : de causis horum symptomatum ordine dicendum est. Et quantum primò ad *ἀνορεξίαν* & *δυσσορεξίαν* , seu appetitum ablatum & imminutum , cum causa appetitus cibi seu famis proxima & immediata sit sensus suctionis illius , quæ venæ mesaraicæ inanità chylum attrahunt , & è ventriculo quasi exsugunt ; sensus autem ille in orificio ventriculi exquisitiùs vigeat , ob nervos à sexto pari cerebri ad ipsum deriuatos : facilè hinc colligere est , appetitum cibi amitti , si aut nulla , vel exigua suction fiat , aut sensus ille suctionis venarum non percipitur. Galenus , *1. de sympt. caus.* cap. 7. addit tertiam causam ; cum nimirum corporis moles non euacuatur : sed hæc non incommode videtur ad primam reduci posse. Si enim corpus non euacuatur , etiam nulla sit suction è ventriculo. Suctio non fit , aut exigua fit , quia multi & vitiosi humores os ventriculi obsident , atque excrementa cruda , insipida , lenta , & pituitosa , seu è cibo genita , seu à capite aut aliunde affluentia ventriculum implent : vel chyli copia adhuc hæret in ventriculo : vel quia alimentum in corpore adhuc abundat & luxuriat ; quod potest fieri , cum non euacuatur , aut ob cutis densitatem , aut ob otium , quo calor naturalis hebetatur & torpescit , aut cum calor innatus alia de causa debilitatur : vel quia attractio non fit ; quod euenire potest ob intemperiem venarum , potissimum frigidam & humidam , aut aliam intensam qualitatem , vt cum calida intemperies robur venarum dissoluit ; aut ob obstructionem & angustiam venarum mesaraicarum & canis hepatis. Idem accidere potest , si coctio & distributio in ventriculo labefactetur. Hæ enim actiones si nõ rectè fiant , nec appetitus sequitur ; quod senibus ob ætatem , nonnullis post morbos graues & diuturnos euenit , ventriculi robore debilitato. Nonnulli inter has causas etiam referunt defectum humoris melancholici , qui à liene ad ventriculum so-^{entia} leat transmitti , & aciditate sua actiones ventriculi roborare , tum præcipuè appetitum excitare. Verum non probabile videtur , ventriculum non posse sine excrementi stimulo , insita vi & virtute , operationes suas exercere , de quo etiam supra , *lib. 1. c. 9.* diximus. Deinde etiamsi suction interdum fiat , tamen non semper percipitur. Nam vt de eo nihil dicamus , quomodo vitio facultatis sentientis , cum scilicet influxus spirituum animalium à cerebro inhibetur in apoplexia , epilepsia , caro , appetitus nullus adsit ; aut quomodo idem deficiat , cum spiritus deficiunt & languent in morbis lethalibus & grauib ; aut cū facultatis actio aliò conuertitur , vt in phreneticis & delirantibus ; aut cum nerui sextæ coniugationis præternaturam afficiuntur : sæpe ob ipsum orificium ventriculi affectum suction non percipitur. Accidit hoc vel ob intemperiem frigidam & humidam calorem obtundentem : vel ob calidam , calorem naturalem dissipantem , aut , vt alij volunt sitim parientem , quæ cum fame , vt pote diuerso appetitu , non possit coniungi ; vel ob tumorem aliquem ; vel ob vlcus. Quò etiam referre possumus stuporem ventriculi , quem efficiunt *ναρκωτική* exhibita. Tum enim , sensu tactus stupefacto , omnis cibi appetentia amittitur. Hoc loco consideratione

non indignæ videntur eorum historia , qui non solum per aliquot dies & menses , sed & annos sine cibo vixerunt , atque inquirere operæ pretium est ; cur tam diu à cibo omni abstinere potuerunt. Langius , *lib. 1. epist. 27.* id accidere suspicatur relaxatis in ventriculi orificio nervis , vnde suctionis sensus penitus perierit. Verum quamuis etiam hac de causa appetitus tolli possit : tamen hinc nondum liquet , cur sine cibo tam diu viuere potuerint. Si enim in reliquo corpore omnia salua sunt , certè quotidiana nutritione opus est : cui cum alimentum denegatum fuerit , ex alimenti defectu hominem perire necesse est. Plurimi causam referunt in humorem pituitosum , multum & crassum , caloremque debilem , qui illum humorem crassum non valeat concoquere. Cum enim hac de causa senes , in quibus calor est languidior , & excrementorum pituitosorum maior copia , faciliùs ferant inediam , atque alij , qui ex natura , vel viuendi genere , sunt temperamento humidior & frigidior , minùsque cibi appetant : non putant esse impossibile , homines hac de causa etiam longiùs ferre inediam posse. Verum cum videamus in cachecticis , & aliis sæpe plus pituitæ , humorumque frigidorum abundare , & calorem esse debiliorem , quàm in iis , quos historia nobis describunt , qui diu sine cibo vixerunt : nec hæc ratio satisfacere videtur. Nonnulli tales aëre solum nutriri credunt , aëremque inspiratione attractum pabulum spirituum fieri , atque inde vitam sustentari statuunt. Sed magna adhuc sub iudice lis est , an aër nutriat. Et si nutrit tamen solus ad nutriendum corpus nostrum non sufficit. Nec hinc causa reddi potest , cur paucissimi solum , atque non etiam alij simili modo aëre nutrantur. Probabilior eorum sententia videtur , qui corpora talia penè indissolubilia , nihilque aut parum ex iis exhalare aut insensibiliter expirare dicunt : quòd humore tenaci , bene concreto & compacto , & actioni caloris , nutrimentum depascens , minimè cedente , & , quod vno verbo dici posset , fixo & stabili consent : caloremque mirissimum esse & placidissimum ; nec multum alimenti requirere , atque ita ex alimento bene confecto , tenaciterque retento , longo tempore conseruari animal posse. Porro vt appetitus interdum , planè aboletur vel imminuitur : ita interdum augetur appetentia in *βελίμω* & canina appetentia : quæ nomina plerumque pro synonymis ab authoribus vsurpantur , à nonnullis tamen , vt Galeno , *1. de sympt. caus.* cap. 7. Paul. Ægineta , *lib. 2. c. 50. & 51.* ita distinguuntur ; quòd canina appetentia cum vomitu fiat , & quòd , qui ea laborant , instar canum , vbi ventriculum repleuerunt , mox vomitu cibum eicere soleant ; in *βελίμω* verò non fiat vomitus. Deinde , quòd *βελίμω* lipothymia comitetur ; canina verò appetentia sine lipothymia fiat. Causas auctæ appetentia omnes ad duas redegit Galenus , *1. de sympt. caus.* cap. 7. *Vitiosa appetentia* , inquit , *quæ modum in quantitate excedunt , vocanturque à quibusdam canina , tum existunt , cum vel acidus quispiam vitiosus succus ventriculum mordet , vel totum corpus immodicè digestum inops alimenti redditur. Vitiosus namque succus , qui frigidus est , similem suctui morsum infert ; appetentiam verò prouocat , naturalis affectus similitudine.* Idem 2. *aphorism. 21.* frigus addit , dum scribit ; *vel propter intemperiem ventriculi frigidam , vel propter acidos quosdam succos ventriculi os imbuentes fieri consueuerunt appetentia canina.* Atque ita omnes causæ famis & appetentia nimia ad nimiam ventriculi constrictionem & suctionem quasi reducendæ videntur , quæ vel ab humore aliquo in ventriculo hærente , vel ab alimenti indigentia vel frigiditate constringente excitatur. Humores , qui in ventriculo hærentes famis præternaturalis causa sunt , secundum communem sententiam , id præstant , dum aciditate & austeritate sua ventriculum constringunt aut stimulant. Talisque humor fatuitur

Appetentia nimia causa.

Humor melancholicus quomodo sit causa appetentia canina.

statuitur esse melancholicus, qui non solum à lienis venis, sed & aliis porarum ramis ad ventriculum defluentibus in illum effundatur. Hac tamen opinio Platero non placet, qui putat, quod talis ab acidis ventriculi constrictio, aut frigiditas, aut alia qualitas manifesta adeo functionem illius intendere non possit, cum ab hisce causis appetitus prosteratur potius, quam augeatur: sed, quod abstrusa quaedam in humore vis immoderatum hunc sensum efficiat, existimat. Humores enim melancholicos, atramque bilem, ubi corrumpuntur, venenatas qualitates induere, atque affectus incredibiles excitare posse, inter quos etiam sit canina appetentia. Sed cum hoc loco, ubi appetitus proxima causa est sensus suctionis ventriculi, non facile ad occultam aliquam & venenatam causam recurendum videatur: recentiores nonnulli causam huius rei referunt in humores quosdam in ventriculo, qui qualitates aut spiritus quosdam voraces, & dissoluendi magnam vim habentes obtineant, à quibus repente, & quasi vno momento, quicquid ciborum assumitur, resolui statuunt, quod cuilibet perpendendum relinquimus. Defectus autem alimenti, qui magnam famem parit, variis de causis ortum habere potest. Accidit interdum ob vermes cibum absumentes: cuius rei exemplum est apud Alexandrum Trallianum, lib. 7. cap. 4. de quadam muliere, quæ cum immodica hac cibi appetentia laboraret, post hieræ vium vermem duodecim cubitos longum excreuit, & postea ab hoc symptomate liberata est. Deinde famis nimia causa est alimenti defectus, cum illud absumitur propter exercitia, euacuationes nimias sanguinis, vomitus, vigilias. His enim de causis cum alimentum corporis absumatur, ob alimenti penuriam chylus citius, quam par est, è ventriculo rapitur, famelique oritur. Inducit quoque famem maiorem, ob alimenti defectum, inedia: & diuturnior à cibo abstinencia: quod interdum post morbos diuturnos & graues, in quibus appetitus deiectus est, nihilque ferè cibi assumptum fuerit, accidere solet. Tum enim conualescentes sæpe auidius cibum appetunt, & βελίμω quid simile patiuntur; unde quoque, nisi sibi temperent, non raro recidivam pari, aut in alios morbos incidere solent. Tandem etiam aërem frigidum famem excitare posse experientia sæpe docuit. Plutarchus, in sympos. lib. 6. cap. 8. de Bruto refert, quod Dyrachio per niues in Apolloniam expeditionem mouens, & per altam niuem iter faciens in bulinum & mortis periculum propè inciderit. Nec ignotum hodie iter per Alpes Rheticas facientes idem pati, & cibo ad iter muniri iter suscepturos oportere, ita ut quamvis in quibusdam montibus vix duo miliaria Germanica ab una radice montis ad alteram intersint, nemo tamen ieiunus hyeme eum montem possit superare. Quomodo verò aër frigidus id præstet, non ita planum est de quo lib. 3. prætic dicitur. Depravatus appetitus est in pica, seu μαλακία, qua qui laborant, res absurdas & alienas, calcem viam, cretam, carbones & similia appetunt vehementer & deuorant. Communiter enim pro eodem affectu pica & malacia accipitur. Sunt tamen, qui distinguunt inter eas: quod pica sit appetitio rerum alienarum & absurdarum, siue id accadat feminæ, siue maris, μαλακία autem sit appetitus solum in prægnantibus, quo non solum absurda & aliena appetunt, verum etiam cibos consuetos, sed auidius, atque nisi iis frui possint, vel abortum patiantur, vel notam aliquam foetui imprimant. Accidit autem vitiosus appetitus interdum quoque viris; sed magis familiaris est feminis, & præsertim prægnantibus, præcipue primis duobus aut tribus mensibus. Etenim dum foetus adhuc minor est, minus alimenti, atque illud purius solum attrahit; unde relictum impurius symptoma hoc excitat: quod postea desinit, ubi foetus iam grandior

factus copiosius alimentum attrahit, & parum superflui relinquit. Cui hoc accedit, quod vomitus prioribus mensibus interdum feminis familiaris esse solet, quibus vitiosi humores reiciuntur; & quod ob ciborum plurimorum fastidium, quo pleræque etiam primis mensibus, laborare solent prægnantes, pars aliqua de crudis illis humoribus absumitur. Huius enim affectus causa in ventriculo hæret, & est humor vitiosus & prauus tunicis eius impactus. Quæ autem ratione humores illi vitiosi hoc malum excitent, non ita facile explicare est. Nonnulli solum ex venenata & maligna qualitate, quæ ex effectu potius cognosci, quam aliàs describi possit, hoc malum oriri statuunt: Alij & occultas seu malignas, & manifestas qualitates hinc admittunt. Qualicunque autem qualitate humores hi affecti sint, aliàs in ventriculo gignuntur, aliàs aliunde affluunt. In ventriculo gignuntur ex praua victus ratione, & cibis prauis frequentius assumptis. Affluunt plerumque ab utero; unde grauidis hoc malum familiare est, atque interdum etiam virginibus, si iis menses supprimantur, accidere solet. De eo verò hinc dissentiant auctores; An in hoc affectu similia, an verò contraria humorum prauo, in officio ventriculi hærenti, appetantur. Rondeletius, meth. med. morbos, lib. 3. cap. 4. similia appeti putat; ut si atra bilis in ventriculo effusa sit, non vitæ, acida appeti; si vitæ sit, & incinerata, carbones, cineres, & alia alimenta sicca; si salii humores, salia. Sed plerique cum Auicenna contrarium sentiunt, atque existimant, ventriculum potius contraria, quasi remedia, quæ humores illos vitiosos tollant, exposcere; cum sensus malè affectus contraria requirere soleat, quibus excessus ille qualitatum sibi molestarum corrigatur: si nimirum lenta & viscida in ventriculo hæreant, appeti acida; si frigida, excalefacientia & acida; si occulta aliqua, & quæ explicari non possit, qualitate prædita, contraria etiam occulta aliqua & ἀέρητος qualitate affecta exposci. Hoc enim negandum non videtur, non semper ad manifestas qualitates vitiosi huius appetitus causas referri posse. Iam eodem modo appetitus potus læsi causæ inuestigandæ sunt. Illas omnes Galenus, 1. de causis. sympt. cap. 7. ita collegit: Symptomata, inquit, quæ circa potus appetentiam contingunt, sunt aut veluti priuatio sitis, cum corpus vel propter excessum humoris & frigoris omnino potione non eger, vel ventriculus præsentem penuriam potus non sentit: aut imminuta sitis est, cum causæ illa remissiores ad iunt: aut denique vitiosa & deprauata sitis est, ut vel immodicus potus postuletur, siue quod in ipsis tunicis ventriculi succus falsus & biliosus continetur, siue quod humidum ventriculi nativum & instum effervescent; & alienus potus desideretur, pro ratione dominantis in ore ventriculi cacochymia. 3. Quæ causæ ordine videndæ sunt. Sitis nimirum tollitur vel imminuitur, pro magnitudine scilicet vel remissione causarum, si humor multus, frigidus, dulcis, insipidus, pituitosus & aqueus, vel ex cibo & potu in ventriculo genitus, vel aliunde, quod à capite frequenter accidit, defluens, ventriculum continuo humectet. Ventriculus penuriam potus non sentit in phreneticis, de quo Hippoc. 3. Epid. com. 3. aph. 44. scribit, quosdam in febre ardente nihil sitiisse: non tam, ut Galenus, loco allegato, explicat, quod illis humiditas in ore ventriculi afflueret, quam, quod, quæ patiebantur, non intelligerent, & facultatem haberent stomachi appetitricem, quæ exinguebatur ob cerebri vitium. Augetur sitis ob humoris inopiam, & caloris copiam, ut habet Galenus, 1. de simpl. med. facult. cap. 30. Verum cum sitis appetitus humidi præcipue

Appetitus vitiosus causa.

Sitis ab ea causa.

Sitis aut causa.

ab iis omnibus, quæ facultatē exsiccandi, & humiditatem ventriculi nativam abluendi pollent. Quæ causæ omnes ad exsiccantia & calefacientia referri possunt. Et si utraque causæ concurrat, & ventriculus simul incalescat, sitis maior excitatur. Consistunt autem istæ causæ, vel in toto corpore, quarum tamen actio ad ventriculi orificium pertingit; vel tantum & præcipuè in ipso ventriculo; vel gula, linguâ, ac palato, quæ communem cum ventriculo tunicam, quæ reguntur, habent; vel in parte vicina, quæ vapores calidos ad orificium ventriculi, aut linguam, ac palatum mittere potest. Hinc inter causas internas sitim excitant humores calidi & sicci, acres & salii, intemperies calida & sicca in ipso ventriculi ore genita, vel à toto, quod fit in febribus; vel aliqua parte ventriculo vicina; ut hepate, pulmone, corde, venis mesaraicis, intestinis, siue id fiat per vapores & humores siccos, aut etiam calidos communicatos, siue propter communionem tunicarum & membranarum, quæ ventriculum, asperam arteriam, œsophagum, vicinasque partes obducunt. Inter causas externas & evidentes sunt, medicamenta calida & sicca, potio vini veteris generosi, potus aquæ marinæ, cibus calidus, & siccus, potus defectus, venena, nimia corporis euacuationes per purgationes & alios modos, motus vehementes, præcipuè linguæ & partium locutioni dicatarum, æstus solis, balneorum, aer patente ore attractus. Vide Galenum, 1. de causis sympt. cap. 7. 2. de loc. affect. 9. lib. 6. cap. 3. Sitis vitiosa, ut nimirum quis ea, quæ aliàs potus loco non usurpantur, appetat, rarior est. Si tamen aliquando eveniat: ortum habet ab humore aliquo vitioso & toto genere præter naturam in orificio ventriculi hærente. Porro ubi appetitui satisfacit homo, & cibum potumque assumit, primò deglutitione opus est, quæ partim naturalis facultatis beneficio per œsophagi fibras; partim ope animalis facultatis per musculum principio gulæ præpositum perficitur. Eius itaque abolitæ & imminutæ causæ etiam inuestigandæ sunt. Læditur autem deglutitio vel læsa facultate, vel ob errorem externum, seu ratione obiecti. Læditur facultas vel naturalis, vel animalis. Naturalis, dum aut attractrix per rectas internæ tunicæ fibras cibum in partes penitiores non potest attrahere, aut expultrix per fibras transversas tunicæ externæ insertas cibum in œsophagum attractum ulterius in ventriculum detrudere non potest. Quod fit ob varios œsophagi morbos, ob intemperiem præsertim frigidam & humidam, inprimis materia tali ex capite ad fauces defluente, qua fibræ illæ relaxantur & resoluuntur: ob nimiam œsophagi exsiccationem, ob quam commodè laxari non potest: ob tumorem aliquem, vlcus, excoriationem, ob quam præ dolore assumptos cibos transire non patitur. Animalis autem facultas læditur, cum musculus, qui initio gulæ præfectus est, vel inflammatur, quod fieri potest in angina; vel convulsione, aut paralyti corripitur, ob nervorum sexti & septimi paris affectus. Ad œsophagi vitia referri potest ea angustia, quando, œsophago alias saluo, comprimitur illa via cibo in ventriculum admittendo destinata; quod accidit ob luxationem vertebrarum in ceruice, vel tumorem in gutture, qui aliquando tantam angustiam excitat, ut potus per nares regurgitet. Ob errorem verò externum, seu obiecti vitio deglutitio læditur, cum res aliqua dura, sicca, aspera, inæqualis, aut viscida, vel etiam ingrata, & insuavis deglutienda est. Diximus enim, de differentiis symptomatum, cibos gratos & suaves, ut avidè appetuntur, ita etiam ocyus vel facilius deglutiuntur; contra ingratos ægrè & cum molestia, ac tardius, Priora tamen obiecti vitia ad morbos ipsius œsophagi, obstructionem nimirum, referre solent nonnulli, quæ ab ossibus, spinis, acubus, aliisque rebus solidioribus & siccis fieri solet; sicut & ob lentam & viscidam pituitam eo loci

hærentem. Cibus ubi in ventriculum assumptus est tamdiu in eo detineri debet, donec totus concoctus sit. Quod nisi fiat, quod in lenteria, de qua postea dicemus, accidit, cito solet fieri delectio. Unde licet lenteria ad fluxus alui, & expultricis symptomata referatur: tamen causæ eius est ablata retentio in ventriculo. Cito enim deiciuntur cibi, quia non retinentur. Quod & Galenus docuit, qui, de diff. sympt. cap. 4. hæc habet: *Retentricis facultatis actio secundum naturam sese habet, cum tempus complectendi cibi cum tempore concoquendi exæquat, ac cibos undique prorsus constringit: privatio verò omnimoda eius actionis fit, cum prorsus non complectitur; id quod in lenteria accidit.* Quod autem cibus planè non retinetur, unde flatulentia & fluctuationes cum sonitu succedunt, causæ sunt, ut Galenus, 3. de sympt. causis. cap. 4. docet: flatulentia quidem, ubi & cibi flatuosi sunt, & ventriculus non planè frigidus; fluctuationis verò cum sonitu, cum vel nihil in eo continetur, quod verti in flatum possit, vel vehementer sit perfrigeratus. Nam cum cibum ventriculus non sustinere & satis comprehendere queat, expellere eum à se nititur, & proinde vago quodam motu exagitans fluctuationes parit. Verum sine potione non facile sonoræ fluctuationes fiunt. Si autem planè non retinere queat cibum ventriculus, & extremè imbecillus sit: fit id ob morbos cum intemperiei, atque inter hos inprimis intemperiem frigidam & humidam, tum organicos. Symptomata verò, in quibus non rectè ventriculus cibos complectitur, quod attinet, Palpitatio, in qua cum fluctuatione, & sonitu interdum, affectuque palpitationi, quæ sub cute fit, non dissimili, ventriculus cibum complectitur, oritur à flatibus crassis in ventriculo conclusis, qui ventriculum eleuant, quibus subsidentibus ventriculus iterum deprimitur, ut in aliis partibus. Ipsam tamen hinc retentricem aliquando concurrere, credibile est, dum nimirum circa materiam illam flatuosam sese constringere contendit. Flatus autem hi vel à causis cruditatis, vel ex cibo flatulento, vel à bile flava, aut atia ventriculo substrata, quod fit in hypochondriaca affectione, ortum habent, de quibus dicere alterius loci est. Convulsio est singultus quidam, ortus ex inanitione & defectu alimenti. Ventriculus enim inanitus nimium, postea circa cibos assumptos sese nimis violenter & depravatè constringit, & quid simile convulsioni, & musculorum præter naturam contractioni efficit. Tremoris, cum nimirum ventriculus cibos quidem complecti, & se circa illos constringere nititur, sed non nisi cum difficultate & tremore id præstare potest, causæ est debilitas retentricis, à frigida potissimum intemperie ventriculi orta, pondusque cibi grauens. Tandem vibratio & quasi concussio quædam oritur cum ventriculus, quando circa cibum sese constringere conatur, à mordaci aliqua, inprimis biliosa materia, secundum totum corpus molestat & vellicatur. Ventriculus dum assumptum cibum retinet, eundem solet coquere, & in chylum seu succum quasi albicantem, ex quo postea sanguis generatur, mutare. Quæ eius actio *χύλωσις* appellatur: cuius læsio fit in *ἀπειρία*, seu cruditate; in *βραδυπέψια*, siue tardiore coctione; & cibi corruptione, quam nonnulli *δυσωψία*, aut cibi *διαφθοράν* nominant. De causis horum symptomatum Gal. 3. de sympt. causis. cap. 1. ita scribit: *Causa eorum communis est coctricis facultatis frustratio. Ea dividitur in species & genera. Ac primò quidem duo genera frustrationis sunt alterum ex facultate ipsa læsa, alterum ex errore externo quopiam proveniens. Dividitur porro horum utrumque. Virtutis quidem læsio bifariam: aut enim substantia sua incidit culpa, aut morbi alicuius instrumentarij. Externus error triplex est: alius in excrementis, quæ in ventriculo hærent, alius in cibis, alius in tempore somni.* Quæ ita clarius explicari possunt, & *χύλωσις* frustratio

Palpitationis
ventriculi
causæ.

Convulsio
ventriculi
causæ.

Tremoris ven-
triculi causæ.

Vibrationis
ventriculi
causæ.

Χύλωσις
læsa causæ.

Facultatis læ-
sio quid.

frustratio fit, aut primario & per se, aut secundo, & ex accidente. Primario & per se frustratur *χάλασις*, quando à munere suo deficit citra reliquarum facultatum læsionem. Atque hoc accidit, vel quia ipsa hæc facultas læditur, vel quia aliquis error externus occurrit. Facultatis primò læsionem quod attinet, etsi, de quo alibi diximus, ipsa facultas non lædatur verè & propriè: tamen non absurdè, sed ex vñ Medico, à Galeno & aliis Medicis dicitur, lædi facultatem, cum naturalis illa membrorum (ut hîc ventriculi) constitutio, proximum & necessarium actionum edendarum instrumentum, peruertitur. Quanquam autem triplex illa constitutio in temperie, compositione & ynitæ ad actionem sit necessaria, & omne morborum genus facultatem lædere & actionem vitare possit: tamen quia coctio in ventriculo propriè & proximè fit per temperiem propriam, & calorem naturalem ventriculi; constitutio verò reliqua ferè ut causa sine qua non solum est necessaria: etiam hîc Galenus dicit, læsionem facultatis fieri, vel eius substantiæ læsâ, id est, temperamenti culpa, vel morbi aliquius instrumentarij, seu, ut alij rem hanc dispescunt, facultatem, vel labefactari à morbis intemperiei, vel impediri à reliquis morbis. Quantum itaque ad intemperiem, læditur actio, cum temperamentum & calor ille proprius & naturalis ventriculi mutatur; quod fieri potest ex causis & humoribus intus hærentibus; ex vicinarum partium, hepatis, lienis, mesenterij, & cæterarum intemperie; ex assumpto cibo, potu, medicamentis, venenis, & omnibus, quæ naturam eius temperiem quocunque modo destruere possunt. Et quidem si intendatur frigida intemperies, coctio vel aboletur, vel imminuitur; si calida, sequitur prava coctio & ciborum corruptio. Ita & alij ventriculi morbi, tumores, vlcera, & similia coctioni obsunt. Inter errores externos Galenus primò recenset Excrementa. Hæc, siue in ventriculo genita sint, siue aliunde affluerint, si abundant, sunt causa *ἀπεψίας*, si frigiditate peccent, *βραδυπέψια*; si calida & biliosa fuerint, nidærosas cibi corruptiones efficiunt, ut vel crudos pisces, vel lutum, vel putridum quid odore referant. In cibo error est, vel in quantitate, vel in qualitate. In quantitate error est, cum magna nimis cibi copia ingeritur. Si enim plus cibi, quàm à virtute coqui & elaborari potest, assumatur, coctionem impediri, & crudos humores relinqui necesse est. Eidem coctioni incommodant cibi multiplices & varij vna vice assumpti. Nam si cibi multiplices, *πολυποικίλοι* Platoni dicti, qui diuersis qualitatibus pollent, & diuersam constitutionem habent, simul ingerantur: alios quidem coqui, alios verò corrumpi necesse est. Qualitate peccant cibi, quam vel natura talem obtinent, vel ex præparatione. Natura suâ cibi frigidi concoctioni obsunt, ventriculumque debilitant: cibi duri & visceri tardius & difficilius concoquantur: acrida, oleosa, pingua ad ciborum corruptionem non parum faciunt. Nam cibi nonnulli facile corrumpuntur, & putrescunt, ut lac, fructus *ὀψαρίοι*, fungi: & nonnulli iam antea corrupti & putridi sæpe sunt, & propterea bonam chyli materiam suppeditare non possunt: Sunt deinde & occultæ qualitates, ob quas cibi in nonnullis ventriculis facile corrumpuntur. Nam cum nonnulla individua, ex peculiari & occulta causa, quosdam cibos, verbi gratia, caseum, abhorreant: si vel coactis, vel dolo deceptis tales cibi obtrudantur, grauius inde offendi solent, cibique tales vel non coquantur, vel corrumpuntur. Huc etiam referri solet tempus & ordo assumendi cibi. Tum enim nouus cibus assumi debet, cum prior iam concoctus est. Hoc itaque si nō fiat, & nouus cibus ingeratur, antequam prior sit concoctus, turbari coctionem necesse est. Ordinem quoque in cibo assumendo requirunt plerique; ut primo loco nimirum assumantur molliora, conco-

ctiue facilia & laxantia; vltimò verò duriora, concoctu difficilia & astringentia. Hoc enim nisi fiat, antequam, qui primo loco sunt assumpti, coquantur, reliquos molliores corrumpi existimant. Sunt tamen, qui id in dubium vocant, & non multum referre statuunt, quo ordine assumantur; cum, quæ superiora sunt, in coctione possint fieri inferiora, & contra; de quo alibi plura dicentur. Reliquorū errorum exemplum affert Galenus somnum. Sunt enim plura adhuc, ob quæ, ventriculo bene constituto, coctio impediri potest. Somnum quidem quod attinet, cum in somno, calore intus reuocato, coctio melius fiat, si homo post cibum sumptum non dormiat, sed vigilet totas noctes, vel parum dormiat, coctio etiam non rectè perficitur. Ita si quis post sumptum cibum mox vehementer laboret, & sese exerceat, aut animi affectibus indulgeat, calor exhauritur, atque à ventriculo auocatur, vnde coctionem impediri necesse est. Secundo & ex accidente frustratur *χάλασις*, quando cæteræ facultates, attractrix scilicet, retentrix, & expultrix, suo munere non rectè funguntur. Nisi enim cibus rectè attrahatur, conueniente modo, ac quamdiu debet, retineatur, concoctio etiam bene perfici non potest. Expultricis tandem functionis in ventriculo symptomata diximus esse singultum, nauſeam, vomitum, choleram. Singultum quod attinet, qui est *πασμῶδης τῆς διὰ θώρακος*, conuulsiva quædam morio, seu *ὁ πᾶσις* iam, de *diff. sympt.* diximus, eum fieri, cum id, quod parti superiori, præcipuè orificio, ventriculi molestum est, elidere & expellere ventriculus motu illo conatur. Causæ autem, quæ ventriculi orificio molestiam aliquam parere possunt, variæ sunt & vel in ipso ventriculo hærent, vel ob aliarum partium affectum & consensum ventriculum afficiunt. Materia in ventriculo hærens vel copia sua eum grauat, vel qualitate laceſcit & vellicat: atque talis materia est vel cibus, qui corruptione mordacitatem atque acrimoniam acquisiuit, vel humor acer ac mordax, ut bilis flaua, vel medicamentum acre, ut piper, vel venenum aliquod. Vapor quoque nonnunquam prauus, siue à toto siue à parte aliqua missus, & ventriculum vellicans, singultum excitat. Possunt & vermes, siue mordeant ventriculum, siue vapores prauos ad eum mittant, singultum excitare. Fernelius, *lib. 6. de part. morb. & sympt. cap. 3.* obseruauit ab iis quoque, quæ ventriculum extrinsecus premunt, singultum generari; & quendam tres continuos menses singultu vexatum nullis consuetis remediis ante potuisse liberari, quàm costæ extremum, quod tum primum deprehensum est contorqueri, aliūque in ventriculum infigi, blandè ac molliter erectum fuisset. Generatur etiam singultus ob intemperiem frigidam immoderatiorē, quæ nervoso generi inimica est. Sed & per consensum aliarum partium oriuntur singultus, nervis scilicet illis sextæ conjugationis compatiens. Fit hoc, dum cerebrum afficitur, inflammatur, percutitur. De inflammatione est locus apud Galenum, vbi, ad *aphor. 3. sect. 7. A vomitu singultus & rubor oculorum, malum*, addit: Si ne humoribus quidem vomitu eiectis singultus cessauerit, ex duobus alterum, vel nervorum principium, cerebrum, vel ventriculum non parum pati inflammationem denunciat. Idem accidit inflammato pulmone: ileo intestino, de quo Hippocrates, 7. *aphor. 10. Ab ileo vomitus & singultus, & desipientia, & conuulsio, malum*: Hepate inflammato, de quo Hippocrates, 5. *aph. 58. Iecore inflammatione laborante interuenit singultus*. Et, 7. *aph. 17. propter iecoris inflammationem singultus, malum*. Inprimis verò diaphragmate inflammato & affecto singultum accidere, credibile est. Cum enim diaphragma non solum ventriculo propinquum sit, illique incumbat; sed & communem cum ventriculo tunicam habeat, eisdemque cum ventriculi orificio

herios obtineat: non mirum, ventriculum eius incommoda facile percipere, & contra ventriculi affectibus diaphragma affici. Nausea deinde, Vomitus & Cholera, cognati affectus sunt: inprimis nausea & vomitus; cum vomitu, quæ in ventriculo continentur, reiciantur, nausea verò tantum inane vomendi desiderium sit, & proinde ab iisdem causis dependant, saltem secundum magis & minus differentibus. Originem autem habent symptomata hæc vel à ventriculi vitio & imbecillitate, vel à re aliqua præter naturam ventriculum laceffente, & ad expulsionem irritante. Imò ex vtraque causa coniuncta nausea & vomitus oriri potest. Etenim si ventriculus sit debilis, atque aliquo vitio laboret, facile laceffi atque irritari potest, ut vel nauseet, vel vomitu reiiciat. Vitium & imbecillitas ventriculi, eiusque partis, præcipue superioris, ortum habet ab intemperie, inprimis humida & frigida; à conformatione vitiosa & nativa quadam ventriculi angustia, ut cibum satis capere non possit. Interdum medicamentis, longa inedia, & vacuationibus ventriculus ita exsiccatur, & quasi contabescit; ut satis extendi non possit & proinde cibos, si præsertim nonnihil copiosius & avidius ingerantur, vomitu reiiciat. Idem accidit à tumore & ulcere. Vomitus & ipse frequens robur ventriculi infringere, & ad frequentiores vomitus disponere potest. Nonnunquam per sympathiam, affecto cerebro, & ore ventriculi compatiante, vomitus concitatur, ut in capitis vulneribus: de quo Hippoc. 6. aph. 50. *quibus cerebrum est vulneratum, his febrem & biliosum vomitum superuenire necesse est*: quod etiam accidit, dura membrana affecta. Contingunt etiam vomitiones ob affectus colicos nephriticos, ob communionem membranarum, quæ has partes inuestiunt. Pertinet huc & illud vitium, quando os inferius ventriculi, quacunque de causa, siue inflammatione, siue tumore duro & callo, præter naturam clauditur. Tum enim chylum, cum exitum per inferius orificium non inueniat, per superius reiici necesse est: cuius rei historiam annotauit Antonius Beniuuenius, *de abdit. & admir. morb. & sanat. caus. cap. 36*. Quod ipsum etiam ob intestinorum & mesenterij integram obstructionem fieri posse, vero consentaneum est; id quod in ileo accidit, in quo excrementa vomitu per os reiiciuntur. Denique ob *περίσπλιον*, & inuersum fibrarum, quæ sunt in intestinis, motum, quo etiam glandes ano inditas vomitu reiectas esse compertum est. Materia, quæ ad expellendum irritat ventriculum, vel copia sua grauando id præstat, vel acrimonia vellicando, vel lubricando & mollificando os ventriculi, ut cibos parum probè contineat, vel etiam maligna qualitate stimulo: siue materia hæc ex assumptorum numero sit, ut cibis & potus, medicamenta, venena; siue intus in corpore genita; eaque vel in ventriculo producta ex chylo crudo aut corrupto, vel aliunde ex hepate, liene, intestinis, mesenterio illapsa, ut vermes, sanguis, sanies & pus ex ruptis vlcerebus. Huc attractricis vitium nonnulli referunt, quæ præter modum à partibus inferioribus ad superiora attrahat. Sed hoc potius ad materiæ *ἀναρροπία*, quæ viam versus superiora affectat, referendum videtur. Hac enim de causa clysteres per anum immisos per superiora reiectos fuisse obseruatum est. Reliqua, quæ & ipsa vomitum concitare possunt, ad causas euidentas & externas pertinent. Tales sunt; nimia corporis agitatio, nauigatio, percussio super ventriculum, imaginatio & intuitus rerum abominabilium. Imaginationis enim vi, & obiecti parum grati consideratione expultrix ventriculi, stimulat, ut cibi etiam boni reiiciantur. Cholera verò qua bilis humorisque prauus & vitiosus per aluum & vomitum reiiciuntur, similiter ortum habet à praua & acri materia, vim expultricem irritante, atque ad excretionem per superiora

& inferiora stimulante. Materia hæc vel intus in corpore collecta est, vel extrinsecus accedit. Interna causa est humor acer & corruptus, prauaque qualitate præditus, qualis inprimis est bilis, dum circa hepar, pancreas, intestina, stomachumque colligitur: nonnunquam etiam acidus humor, adustus, falsus, nitrosus. Ad materiæ autem huius generationem faciunt causæ externæ, cibi nimirum & potus acres; alij, porri, ut & raphani (ob cuius nimium in cœna usum quendam in hunc morbum quinta noctis hora incidisse refert Amatus Lusitanus, *centur. 2. curat. 32.*) aromatatumque inultus usus, aut cibi aliàs corrupti, qui vel suâ naturâ facile corrumpuntur, quales sunt; lac & fructus plures horarij, vel ob cruditatem relictæ corrumpuntur; quod fieri solet post aquæ frigidæ, ieiuno ventriculo, potum, & ingestionem postea cibi cocti difficilis. A mesaraicis enim exinanitis chylus crudus auidè attrahitur, & facile corrumpitur. Facit quoque ad mali huius generationem hepatis & venarum calidior intemperies, ob quam copiosior bilis generatur, & humores exuruntur ac corrumpuntur. Materia autem hæc praua aliàs copia sua, aliàs qualitate partes ad excernendum stimulat, quæ copia grauata, & qualitate irritata, materiam hanc ad vias illas, per quas sursum & deorsum excernitur, mittunt. Incitatur & commouetur eadem materia à purgante medicamēto calido, ut helleboro, colocynthide, antimonio, quæ excrementa cumulata magno cum impetu & copia commouent, quibus excernendis cum non sufficiat via per intestina, per ventriculum quoque ea reiici necesse est. Quod & materia venenata stimulo præstare potest. Alterius verò adhuc Cholera, quam siccam nominant, & cuius respectu illam, de qua diximus, quæ ex humore ortum habet, humidam appellant, ex Hippocrate, 4. de rat. viat. in ac. text. 104. & seqq. nonnullos, & præcipue Petrum Salium Diuersum, *de affect. partic. cap. 13.* mentionem facere, *de diff. sympt.* diximus, quæ nimirum flatuosi spiritus per superiora & inferiora excernuntur, qui cum acres sint, partes, per quas transeunt, mordicant. Generationem horum flatuum Petrus Salius Diuersus ad duas causas refert, nimirum in Ventriculum, qui ob calorem igneum cibum ita corrumpat, deinde in cibos assumptos flatuosos & nidolosos, ut sunt cepæ, raphanus. Verum non incommodè hic ea causa afferri posset, cuius supra mentionem fecimus, nimirum bilis flaua & atra adusta, ventriculo substrata, ob quam in hypochondriaca affectione flatus copiosi generari solent. Qui enim vidit, quantum calx viua aqua, creta aceto perfusa efferuescat, & qui vidit, quantum & quandiu sales minerales ac spiritus ex iis parati efferuescant, si confundantur & permisceantur, ita scilicet, ut etiam vitra & vasa rumpantur, si incautiùs & copiosius permisceantur: ille non mirabitur, ex humore adusto & falso, circa hypochondria latente, tantam flatuum acrium copiam per superiora atque inferiora erumpere, si humoris alterius permissione efferuescat. Tandem & huc retulimus Ructum, Lienteriam, Diarrhœam, Dysenteriam, Tenesum, alui suppressionem. Ructus omnis ex crassioribus fumidisque vaporibus erumpentibus, & ad expulsionem excitantibus ortum habet. *Λιεντερία*, quasi *λεϊότης τῶν ἐντέρων* dicta est, quod qui primi hanc appellationem inuenerunt, malum hoc ob læuitatem seu lubricitatem internæ intestinorum superficiei fieri existimarunt, perdita illorum naturali asperitate. Verum Galenus eos reprehendit, 6. arb. 1. & 6. de loc. affect. cap. 2. quippe qui ingestos cibos circumplicare & amplecti, & constringendo retinere tempore legitimo, posteaque deorsum propellere proprium ventriculi munus esse ignorauerunt: & rursum quemadmodum in vesica sic stranguria, cum ipsa scilicet vrina impatiens, non ex-

*Cholera sicca
caussa.*

*Ructus
caussa.*

*Lienteria
caussa.*

ſpectat, donec coaceruetur, ſed ſtatim mordacem aut ſibi grauem ſumit, & reicit: eodem quoque modo etiam per ventrem cibi potuſque permeationem fieri non intellexerunt. Attamen hanc cauſam Aërius inter alias quoque admittit. Cauſa nimirum lienterix eſt retentricis ventriculi inprimis, atque inteſtinorum, læſio, ſeu potius abolitio, ob quam & cibi concoctio legitimo tempore fieri nequit; vt ita crudus & nondum immutatus ac liquidus mox deiciatur. Neque enim quia incocti permanent cibi, ideo citò deſiciuntur, ſed quia citò deſiciuntur, idcirco coqui & immutari & in corpus diſtribui non potuerunt. Læditur retentrix vel per ſe, vel per accidens. Per ſe quidem vel labefactata ipſa ab inſigni & habituali quaſi intemperie, præſertim frigida & humida, eaque aut ſola, aut cum humore frigido & pituiſo coniuñcta, quæ nonnunquam è cerebro atque inteſtinis in ventrem decumbit; vel impedita à cicatrice denſa & læui, vt, Aëtio quidem placet, quæ dyſenterix magnæ, & vlcerationi profundæ ſuccedere ſolet; vbi ob denſitatem cicatricis ciborum per corpus diſtributio impeditur, oſculis venarum meſaraicarum obturatis: ob lauiorē verò cibis ad perfectam coctionē retineri nequit, *tetrabib. 3. ſer. 1. c. ult.* Etiam à pinguium & lubricorum immoderato uſu mollior & laxior factus ventriculus cibos non retinet. Per accidens læditur Retentrix; dū expulſrix valde irritata cibos mox deorſum propellit, ob vlcerofam ventriculi aut inteſtinorum ex acribus & mordentibus ſuccis diſpoſitionem, eo modo in ſuperficie illorum membrorum factam, ſicut aphthæ in ore puerorum fieri conſueuerunt, teſte Galeno, *3. aph. 22.* Interdum & ob occultam alienamque qualitatem, ventriculum obſidentem, idem malum accidit, ex uſu fungorum & fructuum putreſcentium, ex veneno, ex peruerſa aëris conſtitutione, ex quorum poſtremo epidemix lienterix originem ducunt. Eſt & quando ab externa violentia, ictu ſcilicet, caſu, aut contuſione ventriculi, quam tumor eiſdem ſequitur, lienteria exiſtit. Cæterum lienterix cauſa præcipua eſt humor frigidus pituiſoſus, aut frigida & humida ſola intemperies, qua Retentrix labefactatur, aut vlcerofa inteſtinorum diſpoſitio: eæ, ſi remiſſiores ſint, cœliacam affectionem gignunt. Etenim hæc minus celer ciborum ac potuum, & quidem nonnihil muratorum, vt chyli rudimenta in iis appareant, exitus eſt; in quibus duobus cœliaca poſitiſſimum à lienteria differt. Fernelio, *lib. 6. path. c. 10.* non cibi ſemicocti, ſed chyli etiam abſoluti imperfecta eſt diſtributio, ob meſenterii, lienis, aut hepatis obſtructionem, vel ob trahentis in his partibus facultatis imbecillitatem, aut ob alimentorum, præſertim caco-chymicorum, & potus quoque copiam & corruptionem. Atque ita cœliaca ipſi à ventriculi vitio haudquaquam exiſtit. Sed Galenus, *6. de loc. aff. c. 2.* lienteriam & cœliacam tum inteſtinorum, tum ventriculi affectione euenire ſcribit, & κοιλιακή à parte affecta, hoc eſt, à ventriculo nomen accepit, tanquam peculiaris ſit ventriculi affectio. Diarrhœæ, quam Latini generis nomine profluuiam alui nominant, qua humores ſinceri vel mixti continenter per inferiora euacuantur, abſque inſigni dolore, aut inteſtinorum exulceratione, cauſa eſt humorum copia, cruditas, interdum quoque prauitas, naturam ad expellendum ſtimulans, ſiue humor ille in toto, ſiue in aliqua parte, etiam cerebro, ac præcipuè in ventriculo & meſenterio, cumulatus ſit. Remotiores cauſæ ſunt concoctionis, & diſtributionis alimenti imbecillitas, ob vitium ſiue ventriculi, ſiue meſaraicarum, ſiue hepatis, ex aliqua intemperie. Accedunt cauſæ aliæ, cibis & potus vitioſus, aëris intemperies, omiſſa corporis exercitatio, cutis in toto corpore adſtrictio, venenum ſumptum, aut pharmacum fortius, & quæ ſunt huius generis alia. Dyſenterix improprie dictæ,

ſeu ſanguinolenti fluxus, ſine exulceratione inteſtinorum, vt à ex iis, quæ, *die diff. ſympt.* dicta ſunt, patet, *avaſquor* venarum meſenterii cauſa eſt. Huius verò cauſa triplex, ſanguinis aut nimia copia; aut cruditas ob imbecillitatem concoctionis in hepate; aut retentio diutius in hepate & venis aduſtio à calore præter naturam. Dyſenterix verò proprie dictæ cauſæ ſunt acres & mordaces omnes humores, quos Chymici non malè ad ſales referunt & proprietatibus ſcammonii, colocynthidos & ſimilium explicant, ſiue à toto, ſiue ab aliqua parte ad inteſtina conſuant, ſiue in ipſis inteſtinis ſint geniti. Eiſmodi ſunt, bilis flaua cum ſuis ſpeciebus, à qua dyſenteria plerumque incipit; bilis atra, quæ ferè lethalem dyſenteriam parit; 4. *aph. 24.* falſa pituita, quæ vndecunque in inteſtina delata, & lentore ſuo diutius adhærens, aſſidue illa extergendo tandem exulcerat, quemadmodum Galenus docet, *3. aph. 12. & 3. Epid. com. 3. t. 30.* ſanies denique acris & purulenta, pharmaca acria exedentia, qualis colocynthis eſt, malè contrita, & per clyſteres infuſa, puluis adamantis, venenata medicamenta. Quæ autem cauſæ horum humorum ſint, aliunde iam notum eſt: quo in genere præcipuè continentur fructus, qui in fine ætatis matureſcentes, *ὑπερβολοὶ* vocantur, auidiusque ingeſti facile putreſcunt, qua ex cauſa pueris frequentius dyſenteria accidere ſolet. Plura de dyſenteria videantur in tractatu de dyſenteria. Eadem quoque cauſæ Tenesmi ſunt. Tenesmus enim, vt Galenus *7. aph. 27.* docet, fit in recto inteſtino appellato, eandem & cauſam & affectionem obtinente, quam per dyſenterias ſuſcipit vnum aliquod ex inteſtinis ſuperioribus, & originem ferè habet à pituita falſa, quæ ob lentorem craſſæ recti inteſtini tunicæ adhærens difficulter propellitur. Tandem alius non excernit, aut tardiùs ac rariùs egerit excrementa, quia vel expulſrix inteſtinorum læſa eſt; vel quia abdominis muſculi ei non ſuppetias ferunt; vel quia feces ad excernendum non ſtimulant; vel quia inteſtina ſtimulum & irritationem non ſentiunt. Expulſrix non expellit, vel quia læditur, vel quia vitium eſt in obiecto. Læditur facultas expulſrix, quando vel labefactatur propter frigidam & ſiccām intemperiem: vel impeditur à retentricis robore, ex ſiccitate, iſque, quæ retentricem roborant, oſto, quales ſunt cibi & potus adſtringentes; aut à viarum anguſtia, dum in inteſtinis craſſis eſt vel compreſſio, propter vicinarum partium tumores, aut muſculos recti inteſtini extremitatem claudentes nimis refrigeratos & coarctatos; vel coſtipatio à tumore inteſtini recti, vel obſtructio à pituita viſcida. Obiecti verò vitio, nō fit expulſio, quando feces ſunt nimis craſſæ, viſcidæ & duræ. Craſſæ & viſcidæ ſiunt ob cibos tales, Duræ ſiunt, quia exſiccantur, omneque earū humidum exhauritur; vel à totius corporis caliditate & rariore conſtitutione naturali & febrili, vel à cauſis externis excitato, vel hepatis & partium vicinarum caliditate, vel inteſtinorum ſiccitate, vel quia attractrix totius immoderate trahit, quod fit in cōualeſcentibus, in quibus corpus ſucco exhaustum à chylo omnem humorem vtiliorem ad corporis refectionem exſugit, vel quia partes ſeroſæ per vrinas & ſudores copioſius euacuantur, vel quia longiorem moram in inteſtinis trahunt. Quod etiam faciunt alimenta ſicciora & incrassantia, vt infra quoque, *lib. 2. part. 3. ſect. 2. cap. 8.* dicetur & potus parcius aſſumptus. Abdominis muſculi in expellendo opem non ferunt, quia ipſi aut ſubiacentes partes dolent, vel quia debiles reddit ſunt. Deinde feces non ſtimulant & irritant ad expulſionem, cum vel pauciores ſunt, vel non mordaces & ad ſtimulandum aptæ; quod fit vel ob ciborum frigiderum uſum, vel quia bilis flaua iis non permiscetur, *2. de rat. viſc. in ac. tit. 29.* Inteſtina verò irritationem non ſentiunt, vel

Ten
cauſaSuppr
aluiCœliaca affe-
ctionis cauſa.Diarrhœæ
cauſa.Dyſenteria
cauſa.

quia

quia eorum sensus torpidior est, vel quia assueverunt ferè fecibus, ob longiorem earum retentionem; quod iis accidit, qui negotiis quibusdam detenti suo tempore alium non reddunt; vel quia pituita intestina repleta sunt, ob quam stimulum ita facilè percipere non possunt. In illo verò gignendo ex his causis præcipuè locum habet intestini alicuius inflammatio, aut obstructio alui à duro & arido stercore, aut enterocèle, teste Galeno, 6. de loc. aff. cap. 2. 3. aph. 22. 3. Epid. comm. 2. textum 6. 3. de nat. fac. cap. 13. 6. aph. 44. Post χύλωσι læsam αἰματώσιν læsæ causæ inuestigandæ sunt. Nam postquam chylus in ventriculo coctus est, transfertur per venas mesaraicas ad hepar, à quo in sanguinem mutatur: quæ tamen hepatis actio sæpe impeditur. Læditur autem sanguificatio in hepate per se & primariò, vel secundariò. Primariò læditur vel læsa facultate, vel ob errorem externum. Facultas læditur ob morbos quosunque hepatis, intemperiem, obstructionem, & alios. Et quidem, qui citra manifestum alium hepatis affectum imbecillitate eius ex sola intemperie laborant, hepatici dici solent. Quamquam enim ἡπατικοὶ in genere omnes nominari possint, qui ex hepate quouis modo affecto laborant, & veteres præcipuè eos hepaticos appellarint, qui hepatis inflammationem patiuntur, sicut pleurici & peripneumonici dicuntur, quibus pleura vel pulmones inflammati sunt: tamen, ut dictum, in specie à recentioribus hepatici dicuntur, qui citra alium manifestum morbum, ut inflammationem, abscessum, scirrhum, ex sola intemperie, imbecillitate hepatis laborant, unde facultas concoctrix sanguinem crudum, & semicoctum, & instar aquæ, in qua carnes recens mactatorum animalium ablutæ sunt generat. Neque tamen à sola frigiditate hepatis coctio lædi potest, sed & à calore. Nam si adsit calida & sicca intemperies, adurit quasi chylus, & oritur sanguis biliosus, calidus & siccus, vel etiam atrabilis, pro caloris & chyli diuersitate. Erroris externi vel obiecti vitio læditur sanguificatio, cum chylus in ventriculo non rectè elaboratur. Nā error, qui in prima, quæ in ventriculo fit, coctione, & chyli elaboratione committitur, non corrigitur in secunda coctione, quam hepar perficit. Deinde quamquam bonus in ventriculo chylus generatus sit: tamen si excrementum aliquod ipsi permisceatur, mistura illa vitiosi chyli iam rationem obtinet, & proinde ab hepate, ut debet, elaborari non potest. Atque hæc obiecti vitia si diutius perseuerent, ipsum hepar tandem afficitur, & vel intemperiem malam concipit, vel obstructionem incurrit. Atque ita ob morbos hepatis postea & læsa facultate simul sanguificatio læditur. Per accidens verò aut secundariò læditur sanguificatio, si attractio, retentio & expulsio lædatur. Attractio læditur ob morbos hepatis, & mesenterii obstructions: Retentio læditur etiam à morbis hepatis, præsertim ob intemperiem humidam, item vasis erosio, aut propter chyli tenuitatem. Expulsio læditur, præsertim ob intemperiem frigidam, & gibbæ hepatis partis obstructionem, ob quam sanguis distribui non potest. Porro quantum causas symptomatum, quæ circa vrinæ excretionem accidunt, attinet, δυσουρία & ἰσχυρία easdem genere causas habent, solum maioris & minoris ratione dissidentes. Quæ enim causæ faciunt, ut cum difficultate vrinæ reddantur, eæ, si augeantur, eam omnino suppressere possunt. Rectissime autem causas horum symptomatum inueniemus, si primò quæ ad mictionem requiri soleant, inquiramus. Ut verò fiat mictio, primò vrina requiritur, quæ sua copia inprimis naturam ad excernendum stimulet: secundò necessarium est, ut irritatio & stimulatio hæc à vesica percipiatur: tertio opus est, ut vis expultrix ad expellendum insurgat, adiuta interdum à musculis abdominis; tandem requiritur, ut via, per quam excerni debet, pateat. Harum itaque

rerum aliqua si se rectè non habeat, & siue facultas ipsa lædatur, siue in errore externo culpa consistat, vrinam vel cum difficultate reddi, vel planè suppressi necesse est. Primò itaque vrinam, quæ erroris externi rationem habet, quod attinet, mictio imminuitur vel cessat, dum vel nulla aut nimis pauca vrina ad vesicam peruenit, vel vrinæ nimia copia in vesica colligitur. Et si enim id vitium, quando vrina non redditur, quia in vesica non colligitur, ἰσχυρία propriè non dici, cum vesica tum non afficiatur, nonnulli censent: tamen ut omnes suppressæ vrinæ causæ patefiant, & hæc non omittenda est. Non peruenit autem vrina ad vesicam, quia renum vel attractrix, vel expultrix læditur. Attractio læditur vel læsa facultate, vel ob errorem externum, dum vel labefactatur ob intemperiem frigidam, vel impeditur ob aliquam, quæ vel in vasis emulgentibus, vel in renibus, vbi vasa emulgentia inseruntur, est, obstructionem, genitam vel à crassa pituita, vel à pure, quod ex abscessu in superiore aliqua parte rupto eò confluit. Vitio verò obiecti læditur attractio tum præcipuè, cum serum ad alias partes fluit, id quod instante crisi aliquando accidit, dum omnis serositas alio diuertitur, siue ad sudores, siue ad alium. Similiter si copiosior facta sit alui deiectio, non prodeunt vrinæ, euacuata per alium serositate. Idem in hydrope fieri solet, vbi in abdominis cauo colligitur. Expultrix autem læditur ob angustiam vel renum, vel vterum. Quod in renibus quidem accidit, dum vel inflammatione, vel obstructione laborant. Obstruuntur vel à calculo, vel à copia arenularum cum viscida pituita. Ita & vterus vel inflammationem patiuntur, vel obstructionem à calculo, à sanguinis grumo, à pure vel pituita viscida. Deinde si vrinæ nimia copia in vesica colligatur, pariter ob errorem externum expultrix læditur. Vesica enim si nimium repleatur lotio, expultrix nequit vesicam attrahere atque vrinam expellere. Repletur autem vesica primò, quando sponte aliquis, urgentibus negotiis, in concionibus, in senatu, in conuiuio vrinam diutius detinet. Tum enim fieri potest, ut retenta diutius vrina nimium extendat vesicam, postea expultrix vesicam contrahere non queat. Deinde nimis repletur vesica, dum vrinæ stimulus non percipitur, seu, ut Galenus, 6. de loc. aff. cap. 4. scribit, ob obtusum vesicæ sensum, vbi scilicet proprii vesicæ nerui afficiuntur, neruis musculi cervicem vesicæ stringentis munere suo fungentibus, & expultrice non læsa. Id quod cuidam accidisse. *ibidem*, Galenus scribit, luxatis spinæ vertebris. Huic enim cum torperet ob affectos neruos vesicæ sensus, atque inter dormiendum non sentiret vesicam impleri, ipsa nimium extensa nihil excernere potuit. Tertio læditur vrinæ excretio læsa facultate, quæ vel labefactatur ob intemperiem potissimum frigidam, siue illa ab aëre frigidore, siue aqua, aut medicamentis refrigerantibus sit inducta, aut læsionem à narcoticis & stupefacientibus, præcipuè opio, sicut ex eius usu quibusdam vrinam fuisse suppressam refert Iachinus; vel impeditur ob meatus angustiam. Quod pertinent quartò omnes causæ, quæ faciunt, ut via, per quas vrinæ excerni debent, minus pateant. Quarum Galenus, 1. de loc. aff. c. 1. tres in vniuersum recenset. Aut enim musculus cervicem vesicæ circumdans in tantum tumorem præter naturam attollitur, ut meatus inde occupetur, aut ei aliquid præter naturam, ut caruncula, vel callus, innascitur; aut à re quapiam obstruitur meatus. Corpus ipsius in insignem tumorem attollitur, si vel inflammatione, vel scirrho, vel abscessu, vel alio quopiam tumore fuerit affectum. In meatu caro quidem oritur, si præcesserit vlcus: alia verò res longo temporis spatio ex crasso lentoque humore paulatim nasci potest. Obstruitur meatus vel à lapide, vel à grumo sanguinis

Stranguria
causa.

sanguinis, vel pure, vel crasso lentoque humore. Verum his causis omnino addenda est compressio, cum ob tumorem aliquem extra vesicam in vicina parte meatus comprimitur. Imò nonnulli his adiungunt subsidientiam, dum musculus cervicis convulsione afficitur, ut ad voluntatis arbitrium relaxari non possit. Verum hæc vrinæ difficultates ferè sine dolore sunt: interdum tamen & dysuria quædam accidit, ardor vrinæ vocata, ubi quidem tempus reddendi urinam, & quantitas vrinæ parum mutatur, mictionis tamen tempore vrina cum dolore aut ardore redditur; quod fit propter vitium aliquod meatus, per quem vrina transit; dum scilicet vel ab vrina, vel seminis acrimonia, aut etiam virulentia, ut in lue venerea, eroditur, vel vlcerè aliquo atque abscessu laborat. Vbi verò non solum consueto mingendi tempore, sed & reliquo dolor percipitur, atque vrina frequenter, sed guttatim solum, & pauca quantitate cum dolore redditur, symptoma id stranguria & vrinæ stillicidium nominatur. Cuius symptomatis causas Galenus, 3. de symptom. causis, cap. 1. & 5. aph. 58. duas constituit, vrinæ acrimoniam, atque imbecillitatem vesicæ: ob has enim expultrix ad sæpius excernendum stimulat. Cum verò Galenus insuper his addat, 6. de locis affectis, cap. 4. vlceris in vesica, aut matu vrinario; & ab aliis etiam rectè adiungatur calculus & arenula, omnes causas referre possumus ad materiam irritantem, & vitium vesicæ vel meatus vrinarij. Ad materiam & causam irritantem primò pertinet vrina acris, quæ vel talis generatur ob pravam victus rationem, cibique ac potus acrioris frequentem usum, vel ob hepatis vitium ac renum feruorem; vel talis euadit, quia ipsi acris materia, ut bilis, pituita salsa, & pus ex abscessu renum, vel alterius partis superioris rupto, aut qualiscunque materia acris admiscetur. Pertinet huc & calculus vesicæ, qui in cervicem vesicæ sese insinuans eam irritat & molestat, ut frequenter urinam reddat, quod malum calculo vesicæ laborantibus frequentissimum est, quo tamdiu vexantur, quamdiu calculus in cervice hærens affligit. Ad vitium verò vesicæ & meatus primò pertinet intemperies, quæ vel dolorifica est, vel vesicam imbecillem reddit, ut etiam à pauca vrinæ copia virtus expultrix citius irritetur. Vnde, qui ardori vrinæ ex eius acrimonia obnoxii sunt, facilius eum patiuntur quando post pharmacum purgans sumptum, vel alias causas diutius in sella sedere coguntur, & membrum virile, atque vrinæ euacuandæ destinata, refrigerantur. Deinde stranguriam excitant inflammationes vesicæ, & calidi tumores, qui quatenus dolorem inferunt, ad excernendum stimulare possunt: si tamen inflammatio maior sit, potius ischuria, quam stranguria excitabitur. Neque solum vesicæ, sed & partium vicinarum, ut recti intestini, aut vteri inflammationes stranguriam pariunt, quod vicinitatis ratione vesica etiam patitur, intemperiemque ac inflammationem participat, premitur atque angustior redditur. Vnde Hippocrates, aph. 58. Ad recti intestini aut vteri inflammationem, renisque purulentos, vrina stillicidium superuenit. Tandem etiam stranguria accidit ob vesicæ vel meatus vrinarii exulcerationem, quæ ab vrina irritatur, & quidem eò magis, si pus acre simul hæc loca molestat. Contrarium his vitium est mictio inuoluntaria eorū, qui urinam retinere vsque ad debitum excretionis tempus nequeunt. Quod malum etsi ex consuetudine etiam quodammodo oriri possit, ob quam causam infantes, nocte sæpius lectum commingendo, huic in tempestiuæ mictioni quasi assuescunt, ut postea etiam adultis familiare maneat: tamen ubi à dispositione aliqua præternaturali oritur, illa vnicè in sphincteris seu musculi, qui vesicæ collum claudit, ablata contractione querenda est. Neque enim aliam urinam reti-

Mictionis in-
voluntaria
causa.

nendi facultatem vesica habet, præter hanc, quæ in musculo nominato consistit. (Ne enim vrina ex renibus ad vesicam demissa continuè effluat & delabatur, sed tamdiu detineatur, donec copia naturam grauare incipit: musculus satis robustus collo vesicæ appositus est, qui id exactissimè claudit: ubi verò voluntatis arbitrio aperitur, vna vice collecta vrina effluit; imò si præter voluntatis arbitrium laxetur, urinam amplius vesica retinere non potest, sed nobis inuitis effluit; quod euidenti argumento est, nullam peculiarem vim reentricem corpori vesicæ datam. Læditur autem facultas musculi contractrix pluribus modis. Primò dum musculus hic paralyti afficitur, ob nervorum, qui ad hunc musculum perueniunt, angustiam, vel propter compressionem, in luxatione vertebrarum, spinæ circa os sacrum, ictu, casu, aut tumore aliquo, vel propter obstructionem, vel propter læsionem eiusdem musculi fibrarum quarundam in excecando calculo vesicæ. Id quod & in paru difficili contingere potest. Deinde si musculus frigida & humida intemperie laboret musculusque molior, laxior & imbecillior reddatur: cui rei fidem facit historia, quam habet Galenus, 6. de loc. aff. c. 4. Cum enim piscator quidam, in fluuio pisces venans, adeò circa sedem & vesicam infrigidatus fuisset, ut ipso inuito effluerent & alui excrementa, & vrina, per calida remedia affectis musculis adhibita celeriter sanus euasit. Arque ab hac præcipuè causa afficiuntur, qui noctu lectum permingunt. A superflua enim humiditate musculus laxatur, ut impotens ad contractionem fiat; præcipuè in somno, quiescente animali facultate. Addunt tertio nonnulli ad hæc aliam causam, nimirum violentam coactionem, quando scilicet facultas animalis cogitur quasi ad musculi vesicæ collum claudens relaxationem, & proinde contractionem, quæ propria musculi actio est, aufrendam: quod fit vel à copia vrinæ, vel à tumore aliquo, vel pondere supra vesicam existente, & vesicam comprimente; ob quam causam vterò gerentibus in vltimis mensibus hoc vitium interdum accidit. Hæc tamen causæ equidem stimulare vesicam ad citius excernendum possunt, non verò efficiunt, ut præter nostram voluntatem id fiat. Tandem rari illius affectus, quem alij hydropem ad matulam, alij vrinæ profluvium & διαρροίαν eius εἶπα, alij diabetem, alij diplacon à siti vehementi, quam patiuntur ægri, nominant, causam quod attingit, Galenus, 6. de loc. aff. cap. 3. eam in renum imbecillitatem, & attractionem nimiam refert: quem plerique alij sequuntur, & præcipuam huius mali causam referunt in valde calidam renum intemperiem, ob quam copiosius è venis serum trahunt, quod cum retinere ob imbecillitatem non possunt, ad vesicam mox ablegant; venæ rursus è iecore; hoc ex intestinis & ventriculo trahit. Vnde orificium ventriculi manitur, & sitis excitatur, potiusque appetitur; qui assumptus mox iterum à venis, iecore, & renibus attrahitur, & copia iterum expultricem grauans ad vesicam demittitur. Verum Recentiores alias causas adferunt. Fernellius, de part. morb. & sympt. lib. 6. c. 13. etsi causam hanc non reiciat: tamen tandem addit; sed hoc symptoma quàm rarissimè usu venit, vixque ullus est deprehensus, qui copiosæ mictionis non aliam intus causam haberet. Enstachius Rudius, l. 2. pract. c. 39. præter renum calidiorem intemperiem, se experientiâ edoctum aliam causam inuenisse scribit, nimiam iecoris caliditatem, & ventriculi retentionem læsam: atque in testimonium affert exemplum cuiusdam, in quo non solum quæ meiebantur, odore, calore & consistentiâ assumptis similia erant, verum etiam feces. Et licet Galenus ventriculi vitium ea de causa excludere velit, quod si hac de causa fieret diabetes, etiam materia per alium excerneretur: tamen testatur experientia, ab iis, qui potum copiosius ingurgitant, copio

Diabetes
causa.

copiosissime & creberrime, præcipue si hepate sint calidior, urinam aquosam emitti; licet per alium nihil deiciatur. Fel. Platerus etiam eam, quæ vulgò affertur, causam suspectam habet: cum renum intemperies calida satis frequens malum sit; Diabetes verò rarissimus affectus. Ipse verò aliam causam affert, nimirum serosi humoris aut causæ morbi cum sero subitam & profusam quasi euacuationem, ut vniuersum ferè serum è corpore effluat; unde calor corporis & sitis, si præsertim febris adsit, excitetur necesse est. Atque verum diabete, in quo subita corporis colliquatio cum calore & siti intolerabili excitatur, febris ardenti colliquatiuæ potius accidere, huicque colliquationi occasionem aliquam præbere; & proinde ut febris ipsa rara est, rarum & periculosum illi copulatum esse symptoma existimat. Nisi forrè, si citra febrem Diabetes aliquis oriatur, ob copiam potus in venis mesaraicis diu retenti & coaceruari, posteaque vi naturæ subitò ad renes propulsi potius, quàm attracti, id accadat: unde & potus ferè talis, qualis assumptus fuerat, parùmque aut nihil mutatus, nec in prima coctione, quam effugit, elaboratus, mingatur. Hisce, quæ de facultatis naturalis symptoma is, & eorum causis diximus, subiungendæ merito essent causæ symptomatum, quæ circa sanguinis & spiritus vitalis generationem, accidunt: verum de iis postea dicitur. Pergamus ad ea symptomata, quæ in lactis generatione accidunt. Cum tenera & imbecillia adhuc animalia solidiores cibos concoquere non possint: sapientissimus rerum Creator id constituit, ut ipsis, postquam edita sunt, in mammis è sanguine conuenientissimum alimentum conficeretur, lac scilicet. Interdum tamen accidit, ut lac vel planè deficiat, vel nimis parua quantitate generetur. Quod ubi euenit, id vel materiæ, vel mammarum, quæ efficientis rationem habent, vitio accadat necesse est. Nam primò sicut chylus in ventriculo generari non potest, nisi cibus assumatur: ita si sanguis in toto corpore paucior sit, etiam lac sufficiente quantitate in mammis generari non potest. Deinde licet sanguis in reliquo corpore satis sit copiosus: tamen si aliqua adsit in mammis intemperies, ob quam sanguinis sufficientem quantitatem attrahere non possit, vel meatuum, per quos sanguis affluere debet, sit angustia, lactis iusta copia non generatur. Iisdem de causis lac vitiosum generatur. Nam sicut ex vitioso cibo prauus generatur chylus, & ex prauo chylo prauus sanguis: ita ex prauo & intemperato sanguine prauum lac generatur. Potest tamen & bonus sanguis ob mammarum intemperiem vitari. Tandem lac in mammis interdum concrescit: de cuius rei causis etsi nonnulli scrupulosè inquirent; hæc tamen sufficiant. Concrescere potest lac, dum vel nimio calore exurit, aut si copiosum est, & diutius hæret in mammis; quod accidit, ubi lac iusto tempore non exsurgit. His causis forsan addere licet coagulum. Ut enim extra videmus lac per coagulum concrescere, idemque etiam in ventriculis infantium fieri, si vitiosus aliquis humor in iis hæreat: ita forsan etiam in mammis, si vitiosus humor lacti permisceatur, causa esse potest, ut id concreseat & coaguletur. Donat. Ant. ab Altomari hic quidem distinguit inter lactis in casei speciem coagulationem, & in grumos concretionem, *de med. corp. hum. morb. cap. 58*. Verum sine causa hoc fieri P. Sal. Diuersus, in *animad.* docet. Super sunt adhuc aliorum quorundam symptomatum, quæ circa naturalis facultatis operationes, inprimis retentricem & expultricem, accidunt, causæ inuestigandæ; gonorrhœa nimirum, menses in fœminis suppressionis, diminutæ euacuationis, stillicidij, & nimij profluuij. Gonorrhœa primò, ut nomen indicat, in genere omne seminis præter naturam profluuium significat: cuius tamen sunt quædam differentię. Proprie enim gonorrhœam au-

thores nominant seminis excretionem inuitam, colle haudquaquam extenso, ut videre est apud Galenum, *6. de loc. aff. cap. 6*. Aëtium, *tetrab. 3. serm. 3. cap. 33*. Paul. Æginet. *lib. 3. cap. 55*. Hæc autem accidit ob læsam seminis retentionem. Læditur retentio vel læsa facultas, vel vitio seminis. Facultas læditur propter intemperiem, inprimis humidam, vasa laxiora reddentem, siue ex intempestiuo coitu, siue humorum pituitosorum affluxu, siue balneo laxante, siue quacunque alia de causa, quæ partes illas, præcipue vasa deferentia, laxiores reddere potest, contracta sit. Quandoque tamen fieri potest, ut etsi retentrix maximè robusta sit per se: tamen ab aliqua causa expultrix irriteretur, semenque expellatur, ut in quibusdam Epilepticis conuulsionibus accidere solet. Vitio verò seminis sit gonorrhœa, si semen frigidius, aquosum, tenue & crudum abundet. Deinde alia adhuc est gonorrhœa differentia, quæ etsi quandoque interdum, si inueterata sit, & à causa aliqua semen mouente ipsi occasio præbeatur, accidere possit: tamen quia plerumque noctu, & cum venereis insomniis, ac membri virilis extensione accidit, pollutionem nocturnam nonnulli potius, quàm gonorrhœam nominandam censent. Hæc ortum habet à seminis copia, calore, atque acrimonia, titillantis ac stimulantis expultricem, quæ quia incitata importunè ad expellendum insurgit, retentrix secundariò & ex accidenti læditur, dum expultrici cedens atque obsecundans non retinet. Id quod præcipue iis accidit, qui renes partesque vicinas, a quibus testes materiam semini generando petunt, habent calidiores ac latiores, quibusque humor aliquis acris ad vasa spermatica confluit: & tum inprimis, cum ex attempta rei venereæ cogitatione, vel somniis venereis, natura ad seminis ejectionem stimulat, aut ubi ob supinum decubitus lumbi calefiunt. Tertiò adhuc alia est gonorrhœa species, quam veneream aut Gallicam nominant; quod morbum Gallicum comitetur; ortumque habet à semine acri, prauo, corrupto & virulento, expultricem stimulantem atque irritantem. Tandem menstruarum euacuationum in fœminis vitia quod attinet, supprimuntur primò præter naturam menses, & superfluous sanguis non euacuatur, inprimis ob venarum vteri angustiam, deinde & ob sanguinis vitium. Nam licet aliàs tria ad quamlibet euacuationem requirantur, facultas expultrix, obiectum, & via per quam: tamen vix fieri potest, ut sanguine superfluo præsentem in venis, adeò debilis sit expultrix, ut nihil eius expellere possit. Primò vasorum vteri angustiam quod attinet, clauduntur vteri vasa variis de causis. Nonnunquam enim coalescere possunt vasa: quod interdum ob abortum accidit, postquam venæ, quibus alligabantur secundinæ, ita colligantur, ut postea separari nequeant. Deinde comprimuntur vasa à tumore partium vicinarum, ut vesicæ, vel ipsius vteri tumore, aut nimia partium vicinarum pinguedine. Tertiò venæ vteri clauduntur ex subsidencia & condensatione, ac contractione & siccitate substantiæ vteri; quod fit ob frigidam vel siccam, vel utramque intemperiem, ob quam & corpus vteri, & vasa in eo exsiccantur & contrahuntur. Quartò plerique vasa claudi statuunt, dum membrana aut caro quædam à natiuitate, quod vitium Clausuram Vteri nominant, vel in labiis vel alis vteri concrescit, & foramen obturat, aut post ortum callus aut carnositas quædam adnascitur, aut cicatrix relinquitur, aut tumor adest. Verum aliis hæc causa non immerito suspecta est. Nam licet os vteri clausum sit: potest tamen fieri euacuatio per venas ad collum pertingentes, neque à membrana illa aut carne omnes vteri venæ clauduntur; sicut neque callus talis esse potest, qui omnes vteri venas claudat. Sed frequentissima causa suppressionis mesium est obstructio vasorum à sanguine & humoribus crassis & lentis. A sola enim copia sanguinis

Mensium suppressorum causa.

omnimodè suppressio vix fieri potest; cum venæ hîc satis latæ aliàs atque amplæ sint. Atque ita venarum angustia & obstructio, ac sanguinis vitium plerumque concurrunt. Nam si humores in venis vteri crassi & viscidî hæreant, non solum quatenus ad motum inepti sunt, sed præterea etiam atque inprimis, quia in venis illis obstructionem pariunt, mensium suppressorum causa sunt. Addunt quidem alij & alias causas, verum vix eæ in suppressione propriè dicta locum habent. Ob facultatis imbecillitatem vix integrè suppressi menses posse, antea dictum est. Addit Galenus, 5. aphor. 57. & aliam causam, nimirum vasorum vteri robur affluentem sanguinem non admittentium. Verum vix credibile hoc est. Cum enim vterus ita à naturâ constitutus sit, ut per ipsum sanguis superfluous commodè expurgeretur: tantum robur narium non habebit, quo sanguinem affluentem à se repellere possit. Nisi fortasse quis adscitum aliquod robur, seu potius vteri densitatem ex medicamentorum immodicè adstringentium usu contractam intelligere velit. Ita etiam vix alia, quæ in obiecto considerari possunt, vitia hic locum habent. Nam quod de motu & inclinatione ad alias partes, ut hæmorrhagia narium, similibusque per alias partes euacuationibus dici posset: id hîc admitti non potest. Nam cum vasa in vtero satis ampla, laxa & multa sint, locoque inferiore, & ad superflua suscipienda, satis accommodato posita, atque adeo à naturâ ad huius superflui sanguinis euacuationem destina- ta sint: vix credibile est, nisi aliqua in his vasis sit angustia, Naturam omne superfluum per alium locum minus commodum, & huic euacuationi aliàs non dictum, euacuaturam atque expulsuram. Fit quidem & alterius adhuc mensium suppressionis mentio apud autores, ubi scilicet eam ob causam menses non euacuantur, quod sanguis in corpore non abundat, nec superfluous est. Quod accidit, siue quod sanguis non generatur, ut in senili ætate, & frigida corporis constitutione, aut præcipuè alicuius partis, ut cordis, hepatis frigida intemperie vel obstructione; siue quod genitus dissipatur, atque absimitur, ut in ætate ante pubertatem, tempore gestationis seu graviditatis, lactationis, aut in constitutione corporis calida & sicca, fluxibus alui sanguinolentis, aliisque immodicis euacuationibus, cura, mœrore, similibusque causis. Verum plerique censent, hanc non propriè mensium suppressionem dici; cum sanguis in corpore non abundet: sed eam solum propriè mensium suppressionem dici, cum sanguinis in corpore superflui euacuatio impeditur. Eadem ferè causæ, sed leuiore, inducunt imminutam mensium euacuationem. Angustiam tamen hîc nonnulli reiciunt. Nam si sanguinis sufficiens copia adsit, etiam si vasa vteri angustiora reddita fuerint, mensium imminutam euacuationem non futuram existimant, sed mensium potius stillicidium, seu talem fluxum, qui quidem paulatim fiat, sed diutius durer, tam diu scilicet, donec vniuersa superflui sanguinis copia euacuata fuerit. Neque enim expultrix ab euacuatione, quam inchoauit, desistet, quàm omnem, à quo grauabatur, sanguinem euacuauerit. Stillicidij autem mensium, cum menses stillatim, & cum dolore exeunt, causæ rectissimè in humore & viis quærentur. Ipsam verò vim expultricem quod attinet, in solam eius debilitatem causa reici non potest. Etenim si sanguis rectè sese habeat, viæque pateant, sola virtutis imbecillitas potius tardum mensium fluxum producet, quàm stillicidium. Si enim tam potens fuit natura, ut venas aperire potuerit etiam fluxum faciliè continuabit. Sanguinem itaque quod attinet, si is sit multus, crassus, viscidus, impurus, mordax & acris, & maiore cum impetu ad vterum feratur, ut viæ ab eo aliquo modo obstruantur & distendantur, dolor-

que inde excitetur: stillicidium oritur. Ob vias verò sit stillicidium mensium, cum venæ, quæ circa vterum & in vtero ex parte angustiores redduntur, & inprimis, ubi sanguis acris & mordax maiore impetu ad eas ruit. Superflui & nimij mensium profluij Galen. 5. aph. 57. causas his verbis proponit: *Potest immodica fieri mensium vacuatio & vasorum ad vterum pertinentium osculis nimium apertis; & tenuiore aut calidiore sanguine; & toto corpore propter aliquam cachexiam (et si nondum is conuenientem naturæ symmetriam superet) grauato, atque propterea ipsum in vteri venas protrudente.* Primò nimirum sanguinis nimium profluium excitari potest, cum venarum vteri orificia aperiuntur, siue id fiat ab *ἀνασφοδῶς*, vel à copia & caliditate sanguinis, vel à balneis fomentisque relaxantibus proueniente: siue à *διαιρέσει*, quam vel erodentia, ut humores acres & mordaces, cuius exemplum habetur 5. meth. med. cap. 5. aut medicamenta acria, vel causæ rumpentes aut contundentes, ut sanguinis copia, partus difficilis, abortus, item primus concubitus in quibusdam, casus, percussio, ponderis magni gestatio, & similia producere possunt. Deinde oritur nimium mensium profluium, cum sanguinis caliditate ac tenuitate & mobilitate peccat. Quod pertinent omnes causæ, quæ sanguinem calefacere, attenuare, serosum reddere atque agitare possunt, ut & facultatem expultricem irriter, & vasorum orificia faciliè aperiat, atque impetuosius ad venas vteri feratur. Denique accidit nimium mensium profluium, cum totum corpus ob aliquam cachexiam grauatur, expultrixque facultas ad id, quod molestum est, expellendum hoc modo incitatur. Menstruis excretionibus, quæ præter naturam sunt, agnatus est muliebris fluxus, quem vulgo menstrua alba vocant. Atque hæ sunt causæ plerumque symptomatum, quæ ad primam læsarum actionum Naturalis facultatis classem pertinent: iam symptomatum, quæ circa auctiorem corporis accidunt, causæ reddendæ sunt. Et primò quidem vel totum corpus, vel pars aliqua non satis augetur, & augeri desinit, antequam ad iustam magnitudinem perueniat. Cuius rei causa ex iis, quæ de *ἀποφῆ* & gracilitate dicta sunt, faciliè peri potest. Quod verò illud vitium attinet, cum corpus vel totum, vel pars aliqua nimium augetur, & in nimiam molem excrescit, eius causæ hîc inuestigandæ sunt. Nos verò hîc non loquimur de illo corporis augmento, cum vel hydropicorum, vel elephantiasi laborantium corpus, ob humores vitiosos, in nimis magnam attollitur molem: sed cum ex bono nutrimento, carne præcipuè & adipe crescente, corpus augetur, seu cum ex naturali & consueto alimento corporis moles nimium augmentum sumit. Cum autem proximum partium alimentum sanguis sit: rectè causa huius symptomatis in nimiam sanguinis abundantiam & virtutis, quæ sanguinem in substantiam partium mutat, robur refertur. Cum enim gracilitas propter facultatis imbecillitatem, & alimenti vitium accadat corpulentia à contrariis causis oritur. Materia nimirum, vnde corpus augetur, est bonus & ad nutriendum accommodatus sanguis. Efficiens verò, calor temperatus; qui nec ad frigiditatem declinat, nec eam excedit & nonnullam humiditatem coniunctam habet. Hinc omnia illa, quæ corpus nonnihil humectare, & alimentum bonum ac probum, idque satis copiosum, producere possunt, ad corporis molem augendam faciunt. Inter quæ est copiosior potus, & præsertim vini crassi, quod multum nutrit; alimenterum item aliorum, quæ humectant & multum nutriunt, vsus. Vita etiam deses & otiosa, somnus multus, frequens balneum aquæ dulcis. Restant tandem inter symptomata facultatis vegetantis seu naturalis, Generationis læsæ causæ inuestigandæ. Cum verò ad generationem hominis vir & femina requira

Mensium imminutorum causa.

Stillicidij mensium causa.

Mensium profluij causa.

Auctiorem corporis causam.

Generantis facultatis læsæ causa.

requiratur utriusque causa generatio non fieri potest. Viri quidem ratione ob seminis vitium. Læditur seminis generatio vel læsa facultate, vel ratione obiecti. Læsa facultate, seu ob morbum partium semini generando dicatarum: seminis generatio læditur, si testes intemperie aliqua laborent, frigida & humida præsertim, à qua eorum calor obtunditur, crudum, tenue ac fluidum, spiritibusque destitutum semen generatur; siue calida, à qua acre nimis semen producit. Ratione autem obiecti, seu ob errorem externum seminis generatio læditur, dum primò deficit sanguis, ac spiritus semini generando necessarij; aut propter ætatem senilem, aut ob febrem, tabem, aliisque affectus totum corpus, vel principalia membra exsiccantes, aut inedia, parcumque alimentum, & similia. Deinde cum eadem seminis futuri materia aliqua intemperie prædita est, & sanguis vel frigidior, vel humidior adest, & ob intemperiem illam aptam semini materiam non suppeditat. Vnde quæcunque humores spiritibusque corrumpere possunt, seminis generationi obsunt, & qui καχεξία vel latente aliquo ventriculi, hepatis, lienis, vitio laborant, κακοχυμία in corpore fouent, vel semen non generant, vel si aliquid producant, illud infœcundum & imperfectum est. Verum cum non sufficiat semen generari, sed, si generatio fieri debet, necessarium sit, ut semen in uterum muliebrem coniciatur: si seminis illa emissio quacunque de causa non fiat rectè, generatio etiam nulla sequitur. Ut si penis sit breuior vel naturâ, vel præfectus vel frigore insigni aut putredine corruptus; quoniam talis semen in penitiorem uteri sinum eiaculari non potest: aut si idem ob ligamenti breuitatem vel naturalem vel acquisitam est obliquior & contortus. Nonnulli & penem longiorem damnant; quod in via longa semen refrigeretur, antequam in uterum perueniat. Verum Syllius rectè putat hanc rationem frigere. Nam cum penis calidus sit, & à collo uteri undique ambiatur: quomodo à frigore aliquid incommodi semini accidere potest? Fœminæ vitio variis de causis, ob quas mulieres steriles dicuntur, generatio impediri potest. Primò, cum ex sententia Medicorum & ipsæ semen emittant ad conceptum: si illud non faciunt, vel non fœcundum emittant, etiam nulla fit generatio: quod accidit iis de causis, quas modò de vitili semine enumerauimus. Secundò cum mulier conceptura præter suum semen viri quoque semen necessarid recipiat & attrahat: si hæc receptio non fiat, conceptio impeditur: quod accidit, cum genitali clauso aut non admittitur coles, aut non satis, aut cum dolore, aut dum uteris frigida aut humida intemperie laborat, tumore aut vlcere obsidetur, os uteri cervixque angustior redditur; quod etiam fieri potest ob tumores, annatam carnem, compressionem, aliasque causas. Tertiò semen acceptum retineri necesse est. Si igitur semen non retinetur, vel ob intemperiem humidam, vel vlcus, uteri laxitatem, oris uteri hiatum, fluxusque mensium & aliorum humorum, qui uterum lubricum reddunt, semenque acceptum secum foras rapiunt vel corrumpunt: conceptio impeditur. Quartò semen retentum ab uteri temperie & calore foueri debet. Quod non fit, si uteris intemperie, præsertim frigida, aut vlcere, similibusque, ut dictum iam, morbis laborat. De quo Hippocrates, 5. aph. 62. *Quæ frigidos, inquit, & densos uteros habent, non concipiunt; & quæ præhumidos grauidari nequeunt. Exstinguitur enim in ipsis genitura. Et quæ sicciores & æstuosos. Nam alimenti defectu semen corrumpitur. Quæ verò ex utraque oppositione moderatam nata sunt uteri temperiem, ea fœcunditate valent.* Ut enim semina plantarum non quæuis in quauis terra rectè sese exerunt & pullulant, sed vel exarescunt, vel ob uimiam humiditatem corrumpuntur: ita etiam nisi illa uteri peculiaris temperies planè rectè & ad amissum sese ha-

beat, semen fouere non potest, unde semen corrumpitur. Quintò cum semini nutriendo, seu fœtui formando sanguis maternus sit necessarius: si hic deficiat, vel prauus, & ad hoc opus incommodus sit: conceptio impeditur. Abortus tandem, qui præmaturus, quidam partus est, fit propter uteri expultricem facultatem præter naturam molestam. Quod fit vel ob molem nimiam, ut uterus ampliùs distendi non possit; vel cum humores, qui in membranis continentur, iis ruptis, in uterum effunduntur, ubi putrescunt, aut acrimoniam acquirunt, à qua expultrix uteri facultas irritatur, vel cum quacunque de causa ea vasa, quibus fœtus utero adhæret, rumpuntur & laxantur. Verum cum de his ex professo, & prolixè passim in libris, qui de morbis mulierum tractant, agatur, hæc hoc loco saltem breuiter attigisse sufficiat.

Abortus
caussa.

CAPVT VII.

De Causis Symptomatum Facultatis Vitalis, & Respirationis læsa.

Symptomatum facultatis naturalis, quam Medici dicunt, causas compendio reddidimus: ad alterum iam symptomatum genus, quæ Facultati vitali accidunt, progredimur. Esi autem ad vitalem facultatem etiam alia symptomata referri possint: tamen cum de diff. sympt. cap. 1. reliqua in alium locum reiecerimus, & eò loci saltem palpitationem cordis, lipothymiam, & syncopem recenserimus eorum solummodo causa hoc capite explicandæ sunt. Palpitationis quidem causam in genere in aliis partibus Galenus, lib. de tremore & palpitatione cap. 3. refert ad spiritum crassum & vaporosum, cui non sit transitus. Verum cum palpitationis cordis aliquid ab aliarum partium palpitatione differat, & non simpliciter ac solum à causa morbifica perficiatur, ut in aliis partibus; sed sit motus deprauatus pulsantis virtutis cordis, stimulatæ atque incitatæ ab usu eius actionis aucto: etiam hinc & ab usu pulsus cordis aucto causa palpitationis cordis inquirendæ sunt. Vfus autem pulsus cordis tribus de causis augetur: vel ob spirituum vitalium aliquem defectum, vel ob caliditatem præter naturam, vel ob alienum quid, quod expellere cupit. Primò enim, dum spiritus vitales cordis deficiunt, cor eos, utpote à quibus conseruatur, pulsus instaurare cupit. Accipiendum autem hoc est de spirituum defectu non immodico, qualis fit in syncope & lipothymia, sed mediocri aliquo. Tum enim Natura frequentia & crebritate pulsus cordis, quem faciliùs exercere potest, eum defectum compensat. Accidit verò ille defectus ob euacuationes immodicas, dolorem vehementem, tristitiam, inedia, & similia. Deinde si calor præter naturam augetur, refrigerationis quoque usus augetur, & proinde pulsatione refrigerationem maiorem cor efficere conatur. Tertia causa, quæ à nonnullis solum recensetur, est aliqua substantia aliena & molesta, cordi obueniens, quam depellere & excutere Cor conatur. Potest autem illa causa varia esse. Est enim, ubi cordi aliquid externum occurrit, quod illud pungit, rodit & rumpit. Interdum tumor in pericardio excitatur, siue is sit scirrhusus, humoris experts, siue humorem in se contineat, qualis est pustulis, quæ & arides nominantur, effundi solet; cuiusmodi tumores in dissectis cadaueribus interdum inueniuntur. Deinde possunt humores & vapores cordi molestiam creare. Humores cor molestant in eius, tum pericardij inflammationibus & tumoribus; aut dum alijs humores venenati, putridi, corrupti, acres & calidi nimis cordi molesti sunt, vel etiam copia & mole illud grauant & premunt;

Palpitationis
cordis causa.

quod interdum fit in vulneribus, in quibus sanguis in cor irumpit, aut dum humiditas, urinæ specie, nimium in pericardio incrementum sumit, ut cor premat & grauet. Vapores autem, qui palpitationem efficiunt, vel copia, vel qualitate, vel utroque illi molestiam creant. Quæ alias illa est interdum occulta, venenata & maligna; quod fit venenis assumptis, in febribus pestilentibus, vermibus, aut dum ex alia putrida materia vapores maligni ad cor exhalant. Vapores manifestis qualitatibus molesti, ex humoribus melancholicis effumant. Talis vapor quoque in corde, & præcipue pericardio colligi potest, resolutus ex materia frigida & crassa, eo loci hærente. Hercules Saxonia alias adhuc causas addit præter usum auctum, à quibus virtus pulsifica cordis ad motum incitur. Primò enim, ait, interdum solum cor præter naturam moueri, non simul etiam arterias, atque habere se illi in motum non aliter, quam in aliis partibus palpitationem, & proficisci non à flatu contento in ventriculis cordis, sed in pericardio, eiusque rei exemplum inueniri apud Valeriolam, lib. 1. obseru. 18. & Holerium, in scholio capitis de palpit. cordis, ubi in quodam iuvene dissecto inuentum fuerit pericardium vitis modo eleuatum & distentum. Verum etsi concedatur, & flatum, & aquam in pericardio colligi, atque illud distendere posse: tamen, quod ab ea cor non molesteretur, & hoc modo ad pulsationem præter naturam incitur, nondum probatum est. Deinde vehementissimi illius motus & pulsationis cordis, cuius sæpe tanta vis est, ut etiam animaduersum sit, vicinas costas effregisse, aut potius luxasse, teste Fernelio, lib. 5. de part. morb. & sympt. cap. 12. causam non refert in flatum aut facultatem expultricem, sed in bilem retorridam & exustam, ad cordis substantiam confluentem & impetum facientem, quæ non secus ac puluis tormentarius accensus moueat ac propellat vicinas partes. Sed satis absurda est hæc opinio. Vnde enim ille tam subitus & copiosus bilis retorridæ in cor impetus? Et potest-ne bilis in corde instar pulueris tormentarij accendi? Testaturque experientia, ex vulneribus aliisque causis, in quibus nulla de bile talis suspicio, vehementissimas eiusmodi palpitationes ortas fuisse. Ac quid absurdi est, motum hunc cordis actioni tribuere? cum alias videamus, quanto conatu & impetu cor moueri soleat, si rem aliam quam molestam percipiat. Motus cordis imminuitur & aboletur in affectu, qui in genere virium lapsus à nonnullis appellatur, cuius differentias Græci nominibus peculiaribus distinxerunt. Primò enim est *εκλυσις*, secundò *ληπτοθυμία* vel *ληποθυμία*, tertio *συνκοπή*, quarto *ἀσφυξία*, ut, in differ. sympt. alleg. loco, dictum. Verum cum hæ differentie seu gradus solum secundum magi & minus differant, & causas etiam intensione & remissione differentes habeant, vna operâ de causis *ληπτοθυμίας* & *συνκοπῆς*, imò etiam aliorum, qui à nonnullis adduntur, graduum, & in genere de causis lapsus virium agamus. Omnis autem ille virium defectus & lapsus à spirituum vitalium virio dependet. Quanquam enim ad robur cordis etiam solidarum partium naturali constitutio necessaria sit: tamen eius ætio causa immediata horum affectuum non est, sed solum mediante spirituum læsione. Spirituum verò vitio *ληπτοθυμία* & *συνκοπή* fit, quando spiritus vel non generantur, vel generati absumuntur. Non generantur, quia vel materia, vnde generari debent, deficit: vel facultas generatrix affecta est. Materia deficit, dum deest aer & sanguis, aut etiam si adsint, tamen vitiosa sunt, & præcipue si sanguis deficiat, quod in *ἀσφυξία*, fame atque inedia euenire creditur. Vix tamè credibile nonnullis videtur, tantum in viuente sanguinis defectum esse posse, ut pulmones & eius vasa tantum eius non contineant, quantum spiritibus generandis necessarium videtur. Ex sanguinis tamen ni-

mia euacuatione id fieri posse, adeò absurdum non est; quanquam tum etiam alia causa concurrat, ut postea dicetur. Facultas generatrix causa spirituum vitalium deficientium est, cum ipsa cordis substantia & partes solidæ sese non recte habent. Absumuntur verò & corrumpuntur spiritus variis de causis. Primò quia suffocantur, quod fit, cum calor & sanguis initio ad cor repente conflunt, quem confluxum appellant concentrationem spirituum; vel cum crassities & copia humorum frigidorum arterias replet & obstruit, ut spiritus libere moueri non possint; quod & à timore magno & repentino fieri potest. Addi his causis possent vapores à ventre infimo ex liene, mesaraicis, & similibus partibus adscendentes. Deinde absumuntur spiritus; quia resoluntur & dissipantur; quod fit per nimios animi & corporis motus, ut labores, vigilias, effusum gaudium, quod Galeno est *παραρρηξία*; dolores vehementes, quando natura parti afflictæ opem laura magno impetu spiritus ad partem affectam mittit. Ita dolores colici, nephritici, oculorum, dentium, interdum *ἀσφυξία* excitant, tanòque magis, quanto maiorem pars affecta cum corde consensum habet, qualis est os ventriculi. Id enim si afficiatur, facile cor in consensum trahere, & animi defectum excitare potest. Absumunt quoque & dissipant spiritus immodicæ euacuationes, quibus cum prauis humoribus boni vna excernuntur, siue id fiat per aluum, siue per vomitum, sudores, fluxum sanguinis quemcumque, per nares, uterum, hæmorrhoides, vulnera, venæ sectionem; imò etiam excretiones vitiosorum humorum, si subito & confertim fiant, aut cum dolore, cum spiritus agitent & absumant, vires deicere possunt. Quod etiam alia pertinent, quæ spiritus ad exteriora euocant & dissipant, ut sunt æstus aeris ambientis, balneum. Ita etiam spiritus dissipat calor internus nimius: vnde post labores vehementes, corpore nimis calefacto, *ληπτοθυμία* sequitur; & in febribus ardentibus interdum eadem de causa illa euenit. In primis autem à maligna & venenata, spiritibusque vitalibus & cordi infecta qualitate vires deiciuntur, & sæpe lipothymia & syncope ingruit: siue illa qualitas proveniat à materia in corpore genita, quod fit in febribus syncopalibus dictis, aut cum vermes aliquo in loco flatulentos & putres ac malignos vapores ad cor mittunt, cum semen vel sanguis menstruus corruptus in corpore delitescit, siue extra adueniat, ut si venenum sumptum, vel haustum, vel ictu corpori communicatum sit, vel pestilens & venenata aura spiritu attracta sit: ad quam classem causarum non immeritò referuntur peculiæres *ἀντιπαθήσεις*, cum aliqui interdum ad alicuius rei odorem alias etiam non ingraturum, aut rei alicuius præsentiam, animo linquntur & deficiunt. Etsi autem, ut supra etiam dictum, hoc loco pulsum præter naturam causæ addendæ essent: tamen consultò id in alium locum reuicimus, & quæ pulsui affinis est, Respirationis præter naturam causas, quas Galenus tribus de difficultate respirationis libris diligenter & prolixè explicauit, breuiter contrahemus. Deprauatur respiratio vel pulmone laborante, vel læso thoracis motu, vel obsum præter naturam. Pulmone primò affecto Dispnoea oritur, cum in eo & bronchiis eius angustia est, viæque illæ, per quas spiritus ducitur, & fuligines expurgantur, angustiores redduntur. Fit hoc primò ab obstructione, quando nimirum materia crassa & viscida, interdum etiam flatulenta in viis illis hæret; vnde inter respirandum sonus strepitus, & stridor auditur. Materia hæc sæpe ita induratur, ut gypseam quasi naturam & calculosam duritiem induat ad quam si nouæ destillationes accedant, asthma exquisitum oritur: quæ destillatio si subito, repente ac confertim ingruat, catarrhus suffocariuus appellatur. Si enim antea pulmonis bronchia obstructa & repleta sint,

Animi deliquij causa.

Respiratio læsa.

Catarrhus suffocariuus.

sint, atque noua materia accedat, & confertim affluat, ex gemina causa via respirationis intercluditur, atque ita periculum suffocationis impendet. Eadem via etiam intercluduntur à crudo tuberculo, quod etiam asthma generat. Deinde angustia ab aliis etiam causis ortum habere potest, quæ impediunt, quò minus pulmones rectè dilatari possint, vt sit in empyemate, in hydrope, ex collecto in thorace seroso humore, in quo pulmo sæpe totus natat, in inflammatione thoracis, in humoribus ex inferioribus ad thoracem regurgitantibus. Rarius est illud, quod interdum pulmones thoracis membranis annascuntur, vt liberè dilatari non possint: quod interdum ab ortu, interdum post ortum, ob casum vel pleuritid. m. accidit. Secundò ob thoracis motum læsum læditur respiratio, vel ob spirituum animalium vitium, vel ob ipsos thoracis musculos, vel ob septum transversum affectum. Spirituum vitio motus hic læditur, dum vel deficiunt, vt in morituris: vel non influunt, siue ob cerebrum affectum; siue ob spinalis medullæ morbos, quæ aut comprimuntur à luxatione vertebrarum cervicis, aut obstruuntur; siue etiam ob nervorum in thorace angustiam. Fitque hoc frequentius a catarrhis in musculos thoracis decumbentibus. Quod etiam accidit, si iidem muscoli vulnerentur, inflammentur, tumoremque alium patiantur, aut dolore afficiantur. Et cum ad thoracis motum etiam abdominis muscoli faciant, si illi afficiantur, ob easdem causas respiratio læditur. Inprimis verò respirationi incommodat diaphragma, si aliquid præter naturam patiatur, eiusque motus impediatur: quod variis de causis euenire solet. Accidit primò id nervis, qui ad diaphragma pertinent, ob catarrhos & destillationes angustioribus redditus. Deinde si diaphragma in motu impediatur à vaporibus, qui in ventre infimo, in mesenterio, & circa alia viscera collecti, & versus superiora exhalantes, circa hoc infimi & medii ventris interstitium subsistunt aliquandiu, ipsique in suo motu impedimento sunt: vnde non solum difficilis respiratio, sed sæpe etiam suffocationis metus suboritur. Atque si continuo vaporum appulsu hæc compressio diaphragmatis continetur, sæpe ferè continuus affectus inducitur; aliàs, vaporibus discussis, malum mox iterum cessat. Interdum flatus abdomen implent, septumque comprimunt, atque hoc modo dispnceam efficiunt: quam excitat humor aquosus abdomen distendens in hydropicis: visceribus item sepro incumbentibus, vel illud pondere suo, ne liberè moveri possit, grauantibus & detrahentibus, respiratio difficilior redditur. Quod etiam euenit, cum ventriculus vel cibo nimium repletur, aut intumuit, vel hepar & lien obstructionibus & tumoribus laborant. Denique si visus respirationis mutatur, difficultas respirationis oritur: cum nimirum ignea caliditas in pulmone & corde accenditur.

CAPVT III.

De causis Symptomatum Sensuum externorum.

Restat tertia actionum læsarum classis, quæ symptoma facultatis animalis complectitur: eorum igitur iam causæ explicandæ sunt, factò à sensibus exterioribus initio. Et primò quidem de causis læsæ visionis agemus. Læditur autem visio vel videndi instrumento, oculo, læso, partibusque illi seruientibus; vel ob vitium spirituum visoriorum. Quamquam etiam ob errorem externum visio lædi possit vel frustrari, ex obiecti nimirum vel nimia distantia, vel situ positique diuerso, vel medii inæqualitate, citrà omne oculi vitium; tamen cum illi visus er-

rores & ἀποτυχίαι non sint Medicæ considerationis & curæ, de illis opticis tractare permittimus. Nos saltem de iis visus læsionibus atque impedimentis agemus, quæ oculi partiumque visui destinatarum & inservientium, spirituumque visoriorum vitio accidunt. Nam præter externum obiectum seu speciem visibilem, & medium, per quod species ad oculum deferretur requiritur organum visionis rectè dispositum, & facultas videndi spiritibus suis instructa. Primò autem oculi vitia, ob quæ visio læditur, perpendemus, & quod eodem ordine, quo species visibiles excipiunt, atque visui inserviunt. Postea etiam, quomodo ob spiritus non rectè sese habentes visio lædatur, inuestigabimus. Quod dum faciemus, atque ex quibus partium oculi spirituumque vitiis, quæ læsio in visu accidat, perpendemus: omnium visus symptomatum causas inueniemus, & ex quibus causis visus vel aboletur, vel imminuatur, vel deprauetur, cognoscamus. Læditur enim visus, vt aliæ actiones pleræque, tripliciter; & cum aboletur, & cum imminuitur, & cum deprauatur. Et quidem hæc visus læsiones rursus, pro causarum varietate, variæ sunt, & varias appellationes accipiunt, vt iam ex earum enumeratione patebit. Ac primò Corneam quod attinet, ea illa parte, qua pupillæ obicitur, perspicua facta est & pellucida, & præterea omnis coloris experta, vt visibilium simulacris & imaginibus non modò transitum concederet, sed eum etiam purum permitteret, nullòque colore alieno eas inficeret, vt tales, quales sunt, visui offerantur. Primò igitur si perspicuitas illa tollatur, in primo quasi limine aditu prohibentur species visibiles, ipsique in oculos transitus denegatur. Fit autem hoc, cum vel ipsa cornea tunica suam perspicuitatem amittit, ob nimiam crassitiem & densitatem, aut humiditatem. Incrassatur autem primò & densior ac obscurior redditur vel tota cornea, quod vitium Caligo appellatur senibus familiare; vel pars saltem aliqua alba redditur, quæ Albugo dicitur. Quæ macula si sit perfecte alba, vt nullum transitum speciebus visibilibus permittat, totamque pupillam obtegat, cæcitatem parit. Si autem non sit perfecte alba, & aliquo modo adhuc imagines transire permittit, visum debilitat: aut si non totam pupillam obtegat, visus aliquam hallucinationem parit, & rem visam quasi diuidit, de quo postea in vitiis humoris aquei dicetur. Incrassatur vero & densa nr præcipuè ob exsiccationem. Sicut enim videmus in piscibus & aliis animalibus, humorem crystallinum, qui in viuientibus perspicuus est, si coctione aut alio modo exsiccetur & induretur, pelluciditatem amittere: ita etiam interdum in senio, & inflammationibus hæc tunica exsiccatur & induratur, vt pelluciditatem amittat. Idem fit & post vlcera & vulnera oculorum, vbi cicatrices relictæ corneæ perspicuitatem vitiant. Deinde & ob humiditatem perspicuitatem illam lædi in ophthalmia laborantibus videre est; quibus cum humore affluente, & larga lacrymarum quasi copia pars hæc oculi perfundatur: fit, vt nihil vel parum videant. Eadem etiam perspicuitas in vesiculis & pustulis, quæ φλύκταιναι ἢ φλυκτίδες appellantur, læditur. Obducitur etiam corneæ tunica in malo, quod πλερύγιον vocant, seu vnguem, vngulam & panniculum oculi: cum nimirum membranula ex annata tunica frequentius ab angulo maiori, rarius minori orta principio quidem tenuior, mox crassescens & carnosa, vel partem aliquam corneæ, vel totam obtegit, atque visibilibus speciebus aditum intercludit. Secundò coloribus alienis dum inficitur, pro varietate colorum, variæ visus deprauationes & hallucinationes, quas Græci παροράσεις nominant, accidunt. Si enim cornea tunica aliquo alio colore imbuatur, etiam visibiles species illo colore inficiuntur; eodem modo, quo per vitrum colora

Visus læsio
corneæ vitio

Caligo.

Albugo.

Cæcitatis &
visus debilis
causæ.Πλερύγιον seu
vnguis.Visus hallu-
cinationis
causæ.

Visus læsio
humoris aquei vitio.

Suffusio.

coloratum videntibus omnia illius vitri colorem referunt. Accidit hoc in laborantibus morbo regio, ubi colore citrino interdum tingitur hæc tunica, unde omnia flava apparent: sicut in *ωσφάγματι* seu ligatione, ubi sanguinis ex venis oculi effusi portio aliqua in corneam quoque effunditur; unde videntibus omnia rubra offeruntur. Vbi species visibiles Corneam traiecerunt, per humorem aqueum pupillamque porro transeunt. Humor enim aqueus spatium inter humorem crystallinum & corneam explet, humoremque crystallinum ab externo splendore & lumine externo copiosius occurrente defendit, simulque & ipse est pellucidus, colorisque omnis expers, ut speciebus visibilibus aditum permittat, atque transeuntes nullo colore inficiat. Ab hac igitur naturali sua constitutione si discedat, variatum visus læsionum causa est. Peccat autem vel quantitate, vel substantia, vel qualitate. Quantitate peccat, dum deficit & imminuitur. Quod ubi fit, oculi globus non satis distenditur, sed nonnihil corrugatur & collabitur; unde & pupilla suam amplitudinem non servat, & *παρρησθής* super crystallinum decidens, spatium, quod effluxu humoris vacuum redditur, brevius efficit, & reliquorum humorum situs nonnihil contrahitur: unde externi luminis splendorem per exiguum medium humori crystallino occurrere & cœcitatem oriri necessum est, si maius malum sit; vel visus imbecillitatem & depravationem, si minus. Deficit autem vel imminuitur hic humor ob vlcus aut vulnus, cum rupta vel discissa, vel ab humore acri erosa tunica corneam, humor hic vel totus vel aliqua eius pars effluit. Absumitur etiam hic humor morbis longis & diuturnis, extremo senio, atque hoc quoque humore absumpto iis, qui morti vicini sunt, oculi flaccescunt. Substantia autem modo peccat hic humor, dum crassus & impurus redditur, aut alienæ substantiæ aliquid ipsi permiscetur. Crassus si euadat hic humor, fit visus hebetior, & quæ visui offeruntur, quasi per nubem videntur, & per medium crassius, si sint remotiora, non videntur; si verò sint propiora, non exacte videntur. Atque ita crassus interdum hic humor redditur, & perspicuitatem omnem amittit, ut pupillæ foramen claudat, cœcitatemque inducat, quod in malo, quod *ωόχυμα* & *ωόχυσις*, vulgò cataracta seu suffusio appellatur, accidit, in quo pupillæ est obstructio ab humore crassiore intra pupillam & corneam hærente. Sensim autem hoc generatur, & gradus suos habet. Quanquam enim Fernelius, lib. 5. de part. morb. sympt. cap. 5. scribit se vidisse, omnino crassam & consummatam suffusionem vno die congeri; & alii quoque referant, nonnullos subito, dum sani viderentur, in hoc malum incidisse & excæcos fuisse: tamen id procul dubio saltem de subita humoris ad foramen pupillæ translatione accipiendum est, humorque is antea sensim in oculo collectus fuit; cum impossibile sit, materiam tam crassam in momento quasi generari. Et primò quidem cum humor, qui incrasari incipit, nondum omnem pelluciditatem amisit, nubes vel nebula quasi & vapor oculis obtendi videtur, atque omnia, quasi per nebulam adspicerentur, apparent; quæ crassities & densitas postea augeatur, donec tandem, omni perspicuitate sublata, quasi pellicula pupillæ obducitur, cœcitasque omnino oritur. Interdum tamen à tali humore crasso, mucosaque materia, non tota pupilla obtegatur, sed saltem pars eius. Quod cum evenit, visibilia quidem videntur, sed vno intuitu non plura, sed singula seorsim conspiciuntur. Nam cum visio per pyramides radios fiat, accidit, ut quò plures tales pyramides in oculo concurrant, plura videamus; quò pauciores, pauciora. Quapropter si totus humor aqueus non est obscurus, nec perspicuus, sed pars eius aliqua opaca; ea parte, quæ obscura & opaca est,

& perspicuitatem amisit, species illas visibiles non admittit, sed illam solum, quæ perspicua est. Et propterea vno intuitu non multa simul: sed pauca solum videntur. Eadem ex causa, cum scilicet non tota pupilla, sed pars eius, & quidem extremitas aliqua, obtenebratur, directo intuitu obiectum integrum non cernitur. Quod si in medio & pupillæ centro aliqua saltem particula talis materiæ adsit; partes verò omnes circumcirca claræ sint & perspicuæ: quicquid adspicitur, id in medio non integrum, sed quasi fenestratum apparet, vel concavum, atque rei visibilis pars aliqua in medio deesse videtur. Nam cum illam partem humoris aquei, in qua crassa illa materia hæret, species rei visibilis transire non possit, atque ab ea parte nulla in visu fiat mutatio; per reliquas verò species visibiles transeant: accidit, ut illa pars, cuius species intercipitur à materia opaca, deesse, & res non integra esse videatur. Atque hoc etiam accidere potest in morbo, qui *ωόπυον* appellatur, cum pus quoddam sub cornea post phlegmonas ex sanguine effuso colligitur. Sin verò in aqueo humore corpuscula opaca non continua, sed diuisa & multa, hæreant: culices, muscæ, araneorum telæ & umbræ, quædam in aëre apparere videbuntur, quæ tamen sunt in oculo. Ex causa non dissimili valde etiam nothæ suffusiones oriuntur, cum aqueo humore alias rectè sese habente, vapores ex aliis partibus per venas & arterias ad oculos feruntur. Fit hoc in ebriis, in quibus vapores ex vino geniti totum caput pervadunt. Fit idem in febrium ardentium vigore, cum fumi per venas & arterias simul cum sanguine & spiritibus sursum feruntur; præcipuè instante *κρίσει* per hæmorrhagiam narium, aut vomitu, ut putent homines se videre ea, quæ non adsunt, & proinde floccos carpunt, & festucas legunt. Ex cerebro etiam tales vapores interdum ad oculos mittuntur, ut in phreneticis, teste Galeno, 4. de loc. aff. c. 7. sicut & ex ventriculo siue ob cruditatem, præsertim nidorosa, siue ob humoris biliosi in ventriculum confluxum; vtero; pulmonibus, ut in peripneumonia, teste Galeno, 1. progn. t. 23. vel aliis partibus inferioribus. Quanquam verò Platerus hic diuersum sentiat, & talia evenire non ob oculi vitium, sed solum cerebrum existimet, & vapores hos anteriora solum cerebri petere, spiritibusque animalium confusos illic splendori imaginum, quæ à nervo optico cerebro offeruntur, officere statuat, & falsa eiusmodi spectra cum veris imaginibus in cerebro demum misceri credat: tamen, cur hic planè ab antiquorum sententia discedamus, causas sufficientes nondum videmus. Verum quidem est, in delirantibus multa simulacra phantasiæ offerri, & ob vaporum vitium, imaginationemque corruptam delirantes multa se videre existimant, quæ tamen nusquam sunt: sed tamen semper hoc fieri, & nunquam oculorum vitio tale quid accidere, credibile non est; docetque id illud, & causam in oculo hæreere ostendit, quòd tales & similes imagines iis præcipuè apparent, quibus oculi sunt debiliores. Etenim iis, qui oculos habent debiliores, & qui destillationibus atque ophthalmia laborant, interdum iris circa candelam apparet, quæ tamen non est circa candelam, sed intra humorem aqueum ut multa testantur. Nam non omnibus apparet, sed iis solum, qui hoc morbo laborant. Deinde cum lumen candelæ sit oblongum vel pyramidale, iris etiam nonnihil oblonga & pyramidalis esse deberet. Tertiò si circa candelam est, cur accedendo imminuitur, & recedendo maior fit; cum contrarium fieri deberet. Nam quæ longius distant, minora videntur; quæ propiora sunt, maiora. Quartò, si circa candelam esset iris illa, non videretur, nisi aëre humido & crasso; cum tamen oculis laborantibus tam aëre sicco, quam humido appareat. Quæ omnia satis docent non extra oculum esse, sed in oculo iridem illam, & fieri vitio humoris

Iris,
ca
inter
paret
oculo

humoris aquei. Nam radii lucernæ tranſcuntes humorem aqueum, qui tunc non eſt puriſſimus & pellucidiffimus, ſed ob fluxionem quaſi roſcidus, & guttulis multis conſperſus, ſeſe refrangendo colores generant; qui omnes ad refractionum loca percurrentes, circulum circa candelam rotundam efficere videntur, quia rotunda pupilla eſt. Hoc igitur ſi in hac viſus depravatione ſit: annon etiam reliqua ſimulacra ob eiufdem humoris aquei vitium generari credibile, vel ſaltem non impoſſibile eſt? Neque verò tantopere de via, qua vapores hi ad oculos perveniant, ſollicitos nos eſſe oportet, vel iſtis planè viam denegare. Cùm enim in corpore vivente omnia ſint conflabilia & conſpirabilia: facilè vapores in quævis loca ſeſe inſinuant; quod ipſa experientia paſſim teſtatur. Tandem ſi colore alieno inſiciatur humor aqueus, ea viſus depravatio, quam ob colorem corneæ evenire diximus, accidit, omniaque quæ viſui offeruntur, eum colore referunt, quo imbutus eſt humor aqueus. Cùm enim talia appareant intus, quale eſt medium, per quod videmus: ſi hic humor, qui internum viſionis medium eſt, aliquo colore inſiciatur, rerum viſibiliarum imagines omnes illum colorem referent, quo is eſt imbutus. Sed cùm vitium humoris aquei plerumque etiam in pupillam derivetur, de ea iam dicemus. *Παγοειδής*, ſeu vicia tunica, quæ duræ ſubiacet, parte anteriore, qua cryſtallino obtenditur, perforata eſt, & fenestrata quaſi, quæ fenestra pupilla dicitur. Pupilla igitur hæc, ut ſpecies viſibiles admittat, etiam perſpicua & omnis coloris expers eſſe debet. Quod ſit, cum humor aqueus, qui ſpatium, quod à concava corneæ ſuperficie uſque ad cryſtallinum humorem extenditur, complet, limpidus & purus eſt. Si verò idem humor opacus vel coloratus reddatur, pupilla vitatur, atque ea accidunt, quæ ob humoris aquei vitium evenire iam diximus. Verùm eadem pupilla dilatari & conſtringi poteſt. Nam cùm lux nimia oculum lædat; in luce verò obſcura viſio non ſatis clara fiat: in veſtibulo oculi hac fenestra opus fuit, cuius contractione immoderatum lumen excluderetur, & imaginibus per latiore fenestram aditus liberior concederetur, ut *lib. I. c. 12.* dictum fuit. Sed hæc dilatatio & contractio pupillæ ſenſim & moderatè fieri debet; quo ſine Creator inter diem & noctem crepuſcula quædam interiecit; ut conſtricta ob diurnam lucem pupilla, tenebrarum aduentu in crepuſculis ſenſim dilataretur. Repentina enim & ſubita mutatio noxia eſt; & videmus eos, qui diu in tenebris ſunt commorati, ac ſubitò Soli & luci obſciuntur, viſu maximè lædi, ob copioſius lumen per pupillam ampliorem ingrediens: quod à Dionyſio, Siciliæ tyranno, factum legimus, qui ſuper carcerem tenebricoſum, domum extruxit clariſſimam, lucidiſſimam & ſplendidiſſimam, calce illitam, & homines carcere obſcuro diu conſuſos ex profundis tenebris in lucem ſplendidiſſimam educendo occæcavit. Contra qui ex Sole in locum tenebricoſum ſe conuertunt, cæcutiunt; quod pupilla Solis lumine coarctata ſubito tenebrarum occuſu dilatari nequit. Neq; verò Solis, ſed & aliarum rerum lumen & colores eadem hæc præſtant. Pupilla enim coarctatur ob colores fulgidos, croceos, candidos, polita metalla. Hinc per niuem iter facientibus oculi læduntur: fabri sæpe cæcutiunt ex continua ignis inſpectione. Contra nigri colores, & qui ad nigrum tendunt, viſum hebetant, pupillam relaxando. Medii verò colores, inprimis viridis, viſum iuvat, ipſiq; grati & commodi ſunt; quia neq; conſtringunt, neq; dilatant pupillam. Sed hic pauliſper digredi, & quærere non inutile, ſed & iucundum fuerit; Cur lumen nimium, & colores luci cognati viſui officiant, & lux nimia quoque excæcare poſſit; Multi hic reſpondent, lumen diſgregare vitium: tenebras verò congregare. Sed quid illud; viſum diſgregare ſit, non ſatis expli-

cant. Si ſpiritus ſolùm in oculo nimia luce diſſipari exiſtimant: nulla affectio *ἐκτικὴ*, ſed ſaltem *ὑπερβολὴ* quiddam induceretur, ſpiritusq; diſſipatus brevi tempore à natura reſarciretur oculoque clauiſo novus ſpiritus viſorius occurreret. Verùm cùm mala illa, ex nimia luce orta, ſatis diuturna sæpe ſint imò perpetua cæcitas hoc modo induci poſſit: alia ratio huius affectus quærenda eſt. Hoc autem primò animaduertendum, refractionem, ad viſum maximè neceſſariam eſſe, atq; hinc humorem cryſtallinum duabus circumdatum eſſe humoribus, vitreo, & aqueo, non nutritionis gratiâ, ut vulgò creditur; cùm à Creatore longè alia & faciliore via nutritio ipſius inſtitui potuiſſet; ſed ut per varia media, tunicam corneam, aqueum humorem, cryſtallinum, vitreumq; cerebro refracta, ſuoq; tandem loco ſtabilita certâ quâdam commenſuratione imago viſui offerretur. Oculi igitur partes cùm ad refractionem radiorum Solis aptæ ſint, non minus quàm vitra, perſpicilla & cryſtalli; & notiſſimum ſit, radios refractos conglomeratosque efficaciffimos eſſe, & refractos conglomeratosq; radios etiam ignem accendere poſſe: in ea opinione eſt Ioh. Baptiſta Porta, ſi Solis lumen copioſius admittatur, in oculi ſine ob refractionem, ſi non ignem accendere, maximum tamen ardorem generare poſſe, à quo oculi conſtitutionem lædi credibile & valde probabile eſt; quod vel dolor in oculis, qui tum percipitur, arguit. Alij in ea ſunt ſententia, cryſtallinum humorem, dum à luce copioſiore repente imperu concutitur, affuſum undique ſpiritum diſplodere conari, atque ex ea colluſatione, mutuæque partium ſubiectionum quaſſatione, compage diſrupta, humores inter ſe confundi, totiusque oculi, & præcipuè humoris cryſtallini *ἀναταραχῆς* excitari, atque hinc in iis, qui tali modo excæcati ſunt, non integram apparere oculi ſtructuram, ſed pupillæ cum cryſtallino humore aliquam diſlocationem animaduerti. Sed ad pupillam revertamur. Hæc præter obſtructionem, de qua iam in humore aqueo diximus, quatuor modis à naturali ſtatu mutatur, ut docet Galenus, *1. de cauſ. ſympt. c. 2.* vel ampliata, vel imminuta, vel in partem aliquam diſlocata, vel rupta. Atque Ampliationem, ſive à naturali ſit, ſive poſt accidat, ſemper viſui incommodare: Imminutionem verò, quæ à natiuitate inceperit, acutiſſimi viſus eſſe occaſionem; quæ verò poſt incidit, mali. Reliquorum verò virium neutrum, neque ſi à natiuitate incidat, neque ſi poſt eveniat, quicquam, quod æſtimatione dignum ſit, viſui officere putat. Cauſam autem horum ſymptomatum hoc modo reddit: confluere ad oculum ſpiritum animale & tum in cryſtallinum ipſam, tum verò locum eum, qui ante illum eſt. Vbi igitur amplior reddita eſt pupilla, parum commode totam animali ſpiritu impleri; eum igitur diſſipari & diſſipari: contra verò in minore pupilla colligi, conſtringi & denſari: collectionem verò & conſtrictionem ſpirituum ad ſenſus bonitatem conducere; diſſipationem verò ac diſſolutionem ad ſenſum noxam cedere. Pupillæ autem conſtrictionem ſuapte natura nullam viſioni læſionem afferre, ſed quicquid tum vitii eſt, id fieri vel ob humoris aquei defectum, aut ob alia, quæ conſtrictio pupillæ ſequitur, vitia accidere docet. Sed rectiùs ij ſentire videntur, qui cauſam horum ſymptomatum, quæ ob dilatationem & conſtrictionem pupillæ accidunt, in externi ſplendoris ac luminis quantitatem, quæ maior & minor, prout pupilla ampla vel anguſta eſt, oculo recipitur, referunt. Nimirum qui latam & amplam pupillam habent, noctu & in loco obſcuriore meliùs; interdiu & in loco lucidiore hebetiùs vident: contra qui arctam & anguſtam habent pupillam, interdiu acutiùs, nocte hebetiùs vident. Qui enim amplam habent pupillam, de die multo lumine offenduntur, noctu verò ſimulacra rectiùs percipiunt; qui

*Pupilla quor
modis vitie-
tur.
Pupilla di-
latatio.*

*Pupilla con-
ſtrictio.*

quo-
vi-

uen
vi-
at.

qui verò angustam habent pupillam, lumine ita de die non offenduntur, & propterea acutiùs vident; noctu verò visibilia imagines commodè recipere nequeunt. Quæ ratio in genere à nonnullis vsurpatur ad probandum, quòd qui angustà sunt pupillà acutiùs, qui ampla, hebetiùs vident. Quòd autem, qui pupillam habent, quàm pro naturâ angustiore, omnia maiora, quàm sint, vident, causam esse statuunt: quòd, quibus pupilla angustior est, iis omnia ferè obliqua obueniunt & refranguntur; quibus verò lata, rectè accedunt & minus refringuntur. Dilationis autem proxima causa est, vt docet Galenus. tensio vuae tunica. Tenditur autem vuae tunica vel ob intemperiem siccam, non aliter atque perforata coria, cum exsiccantur, patentiora foramina acquirunt; vel ob tumorem; vel ob inclusum flatum, spiritum aut humorem, à quo distenditur. Angustior autem fit, cum ob humiditatem laxatur, & in se ipsam quasi collabitur. Deinde cum aqueus humor deficit. Hic enim vbi deest, vel imminuitur, spatiumque, quod antea plenum erat, inanitur, vuae contrahitur corrugaturque, & pupilla minuitur. Angustior etiam redditur, dum aliqua materia crassa hæret in humore aqueo, de quo iam antea dictum est. Dislocationem verò pupillæ & rupturam etsi visioni Galenus nihil officere existimet: tamen experientia docet, quòd vbi sedem suam non occupat pupilla, ea, quæ ad latera sita sunt, potiùs, quàm quæ recta opponuntur, videntur; & rectè opposita non videntur, donec oculus eo vsque motus fuerit, vt rebus ante faciem positis rectà opponatur. Vitium hoc Strabismus appellatur; quod quamuis etiam à contractione vel conuulsione musculorum oculi, vt dicitur, oriatur: tamen à vitioso quoque pupillæ situ excitari potest. Nam si pupilla non in ipsa anteriore oculi parte medium locum obtineat, sed ad alterum latus magis inclinet: necessum est, vt, si res rectà oppositas aspicere velint, oculum torquendo pupillam rectà rei visibili rectà oppositæ opponant; vnde in vno latere plus albi apparet, aspectusque toruior exhibetur, & si cum aliorum oculis comparentur, ea, quæ ad latera sunt, obliquè aspicere videntur. Postquam pupillam quoque transiit species atque imago visibilis, offertur humori crystallino: qui & ipse, si visioni rectè inseruire debet, suâ naturalem constitutionem habeat necesse est; crystallinam nimirum, vnde & nomen accepit, obtineat perspicuitatem & pelluciditatem, omni colore careat, atque naturalem suum situm habeat, vt lib. 1. cap. 12. dictum. Hæc igitur naturalis crystallini constitutio si mutetur, variæ visus læsiones accidunt. Et quidè si solidior non nihil & obscurior fiat, vt quidam cætera adhuc sese rectè habeant, maiore tamen illuminatione indigeat: euenit, vt non nisi plena luce perfectè & integrè homo videat; cum verò ea deest, minus rectè vel nihil videat: quem affectum *νυκταλωπία*, & nocturnam cæcitatem appellant; qua qui laborant, interdum quidam satis vident, occidente verò sole obscuriùs: noctu nihil. Alij & in causis vitium spirituum addunt, spiritumque crassum, etsi multus sit, non sufficere ad illustrandum in crepusculo oculum per se obscurum & obtenebratum, dicunt. Si porro pelluciditatem vel ex parte, vel planè amittat, humorque nimium induretur: visus debilitatur; vel omnino cæcitas oritur. Interdum, cum nativam pelluciditatem amittit humor crystallinus, glaucum quasi colorem acquirit, qui morbus appellatur *γλαύκωμα*, seu *γλαύκωσις*, quem qui patiuntur, quasi per nebulas & fumum se videre existimant. Ob situm deinde crystallini mutatum etiam visus læditur. Nam siue ad superiora, siue ad inferiora, siue ad latera extra oculi medium deferatur, & à pupilla declinet: species visibilis per pupillam admissa vel non offertur, vel non rectè offertur humori crystallino; vnde prout maior vel minor est situs mutatio,

cæcitas, visus obscuritas, vel aliqua visus hallucinatio oritur. Et quidem si ad superiora vel inferiora declinat, maior fit læsio, quam si versus alterutrum angulum situm mutet. Accidit nimirum, vt omnia dupla appareant; quoniam axes pyramidum, secundum quas fit visio, in duplici plano figuntur; seu, vt recentiores sentiunt, quoniam videndi virtus, quæ simplex est, & simpliciter intuendo rem simplicè binis oculis conspectam simplicem videt, situ humoris crystallini diuiditur, & vnicuique oculo sua virtutis pars ascribitur. Si porro crystallinus humor versus partem anteriorem vel posteriorem suâ sede motus fuerit, etiam peculiare visus læsiones accidunt. Nam si versus medium & centrum recedat: propinqua rectè, remotiora obiecta non satis videntur & discernuntur, quod nonnullis à primo ortu ob hunc crystallini circa centrum oculi, & magis, quàm opus erat, versus posteriora vergentem situm euenit. Quod si fortè ultra medium & centrum versus neruum opticum recesserit humor crystallinus: adhuc minus vident res remotas, & propterea ea, quæ cernere cupiunt, oculis necessariò adhibent: quod vitium *μυωπία* & lusciositas appellatur. Si verò humor crystallinus magis versus anteriora & pupillam situs sit: contrariù euenit, & qui talem crystallini humoris positum habent, res propinquas minus vident, easdemque ab oculis remotas rectiùs discernunt. Quod vitium senescentibus familiare est, iisque præsertim, qui legendo aliisque negotiis, demissis oculis expediendis, per omnem vitam valde occupati fuere. Ex ista enim capitis inclinatione continuà crystallinus humor cum vitreo sensim ad anteriora vergit, atque inprimis si humor aqueus ætate imminutus ipsi locum facillè concedat. Atque in hunc crystallini situm vitiosum causam horum symptomatum referre longè probabilius est, quàm, quod vulgò fit, in spiritu vitium vel defectum. Etenim talia vitia etiam iuuenibus, in quibus nullum spirituum vitium vel defectus animaduertitur, eueniunt, atque accidunt, vt & ipsi solum propinqua, non verò remota exactè discernant. Præterea hæc visus vitia perspicillorum vsu compensari possunt; quod non fieret, si à spirituum vitio hoc accideret. Perspicillum enim spirituum vitia emendare non potest. Post crystallinū est humor vitreus, qui cum ob vsu, quem in visione præstat, de quo, allegato loco, dictum, sit perspicuus, & sine omni colore, crystallinūque rarior factus, ac sedem post eum habeat, eamque quantitatem obtineat, quæ ad hanc refractionē respectu magnitudinis & densitatis crystallini necessaria est: si in his quid mutetur, & à naturali hac suâ constitutione humor vitreus desciscat, visio vitatur. Si nimirum situs ob ictum vel contusionē mutetur, vitreique humoris aliqua pars ante crystallinum deferatur: veluti albugo sub pupilla cernitur, & tunc visus hallucinatio accidit, refractionesque mutantur. Nam cum densior sit hic humor aqueo, simile quid incipienti suffusioni oritur. Si autem tanta huius humoris pars antrorsum delapsa sit, vt crystallinum loco suo mouerit, & posteriora versus retruserit: visum vehementer turbare necessum est. Nec verò crediderim, impossibile esse humoris vitrei perspicuitatem & claritatem mutari posse, vt de crystallino diximus. Et tunc proculdubio eadem accident, quæ tum enumerata sunt symptomata. Vitreum iam ambit retiformis tunica, seu neruus visorius & retiformis, vt nonnulli appellant. Huius quidè solius ratione vix aliqua læsio visui accidere potest: cum bene munitus sit; nisi ob cerebri & aliarum partium vitium. Neruus etiam ille opticus, vt vulgò vocatur, qui à cerebro ad oculum deferatur, visui incommodare potest, si spiritibus transire deneget, de quo postea. Atque ita, qua ratione singularum oculi partium vitio visus lædatur, diximus. Læditur tamen etiam interdum visus vel toto oculo, vel pluribus partibus non rectè se habentibus. Nam primò si non

Pupilla dilationis causa.

Pupilla dislocatio & ruptura.

Strabismus.

Crystallini humoris vitia.

Nyctalopia causa.

Cæcitatis & visus debilis causa.

Glaucoma. Crystallini spiritus vitiatum.

Luscia causa.

Vitreus humoris vitia.

Oculi mutatio.

si non rectum situm habeat oculus, non recta fit visio. Hoc primum accidit in oculi procidentia, cum oculus sua sede excidit, à paralyti, ab inflammatione vehementi, aut alio magno præter naturam tumore, fluxione, quæ ut interdum articulum aliquem, ita etiam oculum, si vehementior sit, loco suo prorruere potest. Idem etiam accidere potest ab ictu & casu. Situs quoque oculi mutatur in Strabismo, cum, aliquibus oculi musculis conuulsis vel contractis, oculus in latera contorquetur; unde quæ recta obiciuntur, non videntur, sed quæ ad latera sunt posita. Musculis enim oculos mouentibus præcis aut conuulsis, pupilla in eam partem, quæ trahit, contorquetur, nec rebus visibilibus recta opponitur. Ad situm oculi vitiatum pertinet quoque ille admirandus & rarissimus casus de Rhinopte, cuius Schenckius, *lib. 1. obseru. 292.* facit mentionem, & cuius etiam fit mentio, in *epist. à Scholtz. collect. epist. 75. & 76.* quemque se vidisse narravit Erastus, teste Stupano, *part. 3. pathol. cap. 2. disp. 1. th. 24.* qui per patentes narium meatus, post vulnus oculorum malè curatum, species visibiles accipiebat, ita ut proxima obiecta dignosceret. Cum enim ipsi musculus, qui oculum ad minorem angulum trahit, fuisset dissectus, accidit, ut oculus ab opposito musculo versus maiorem angulum traheretur, ita ut pupilla ei carni opponeretur, qua repletum est foramen in narium cauitatem tendens. Unde diu nihil vidit: tandem verò carne illa glandulosa vlcere sanioso depasta vel etiam ferro excisa, per narium cauitatem videre cœpit. Oculo enim citra humorum perturbationem ita in obliquum acto, & pupilla parti illi narium obuersa, per hiantes & excauatos illos meatus species visibiles oculo oblata fuere. Est etiam motus oculi necessarius, ut circumcirca videre possit; qua de causa suis musculis instructus est. Hic aboletur in paralyti oculi: qua qui laborant, nisi moto & inflexo toto capite, ea, quæ ad latera sunt, & sursum ac deorsum, videre non possunt. Interdum plures humores ex oculo prolabantur, atque ex amplis oculi vulneribus, ab inflammationibus, & corneæ vlceribus magnis, viâ patefactâ, sæpe cum aqueo crystallinus vel etiam vitreus excidit. Quod ubi fit, perpetua cæcitas inducitur. Nonnunquam oculus totus atrophia seu tabe laborat, atque marcescit & contabescit; unde visio debilitatur, & tandem planè aboletur. Quæ deinde spirituum culpâ accidit læsio visus, ea fit præcipuè cerebro læso, ob intemperiem frigidam, compressionem, obstructionem, aliòsque morbos, qui in causa sunt, ut spirituum non iusta in oculo sit copia. Sed tum plerumque etiam alij sensus externi & interni læduntur, ut fit in apoplexia, epilepsia, cæro, mortique propinquis. Aboletur tamen interdum solus visus, si ea nimirum cerebri pars afficiatur, è qua optici nerui originem habent. Ita ex fronte diu multumque frigido aëri exposita, ex refrigerantibus medicamentis fronti incautiùs impositis, solum lædi visum, illæsis aliis sensibus, compertum est. Si nerui optici causa visio lædatur, vitium in nulla oculi parte alia, neque in cerebro vel spiritibus animaduertitur, & pupilla naturali modo sese habet, nisi quod paulò nigrior & nonnihil amplior apparet. Et ferè repenti hoc malum inuadit: appellaturque à nonnullis gutta serena. Et quidem vitium nerui optici est coarctatio & angustia, vel ruptura; quæ à pluribus causis accidere solent. Nonnunquam hoc euenit à percussione, casu vel ictu, vel quocunque motu violentiore, quo neruus opticus aut violenter contorquetur, aut vulneratur, aut rumpitur, aut eius causa humor aliquis eò delabatur; quod nonnunquam in epilepticis conuulsionibus, & in immoderata ac violenta spiritus retentione accidit, ut nonnunquam euenit tubicini- bus & fœminis in partu difficili & vehementi con-

Dan. Sennerti Tom. I.

tu. Nonnunquam & sine causa violenta post morbos graues, ut pestem, vehementes capitis dolores, post cruditates & similes causas hoc euenit. Et quidem frequentius ab excrementis cerebri pituitosis, quæ ad infundibulum in cerebri basi, à quo non procul nerui optici suam originem habent, defluunt, & neruorum opti- corum ductum sequentes eos humectant aut nimis comprimunt. Quin tamen etiam ex ipso cerebro humor talis in neruos opticos infundi, eosque obstruere possit, non video quid obstat. Et cum hoc accidit, redundantis in cerebro pituitæ signa adsunt, & nulla alia, quæ lædere visionem possit, causa in oculo apparet. Atque ut hæc de causis læsæ visionis concludamus, tandem hîc causa reddenda est splendoris & coruscationum, quæ Græcis *μαρμαρυγαι* appellantur, & quæ nonnullorum oculis non sine admiratione obuersantur, ut ex historiis, quæ, *supra de diff. sympt.* allegatæ sunt, patet. Galenus, *2. de rat. vict. in ac. 1. 44.* accidere talia docet, propter eam, quæ à ventre sursum fertur, exhalationem & euaporationem, & propter sanguinis, qui in caput fertur, abundantiam. Verum ut non negamus, tales splendores hinc causari posse: tamen primò & per se hinc non generantur. Aliud enim potius quiddam, nubes- culæ nimirum, imagines culicum, muscarum, & similia oculis apparentia, de quibus antea diximus, ex his causis proximè proueniunt. Quid antiqui alij hac de re itauerint, discutere operæ pretium esse non videtur. Quis enim lauigationem in oculo hunc splendorem efficere? Quis ictu spiritus exardescere crederet? Alia itaque ratio, & proxima symptomatis huius causa indaganda est. Hoc autem primò supponamus: visus instrumentum lucidum esse. Nam sensio exposcit mutuam quandam consensionem, & similitudinem instrumenti & obiecti. Unde ut in aure esse aërem Aristoteles affirmat, *2. de ani.* & cum eo omnes Philosophi & Medici: ita etiam *in oculo est quiddam cognatum luci*, quod ut Scaligeri verbis, *ex 298. sect. 16.* utat, *quasi tessera hospitem suum sese extrinsecus insinuantem recipit. Est enim lumen oculi portitor quasi quidam, qui speciem traiecit ab externo lumine ad intimum animæ.* Atque tale lumen oculis inesse, manifestè apparet in oculis nonnullorum animalium, qui lucidi & splendidi sunt, adeò quidem, ut etiam noctu videant, ut in felibus, canibus, & aliis animalibus manifestum est. Atque cum spiritus influens insitum cuiusque partis foueat ac perficiat; cum eo cognationem & affinitatem habeat necesse est: ac propterea spiritus visorij & ipsi lucidi sunt. His igitur ita sese habentibus, si oculi constitutio vitietur, & præsertim si crassi vapores vel humores crystallino, vel etiam vitreo obducantur aut admisceantur, reflectuntur luminis illius externi radij, & coruscationes hæ excitantur. Ut enim in crystallo vel vitro, dum perspicua sunt, radiis transitus conceditur; si verò à tergo plumbo & hydrargyro obducuntur, lumen reflectitur, ita, ut imago in speculo recepta in plura alia diffundi reflexa possit: sic etiam in oculo radij lucidi obiecto corpore denso reflectuntur, reflexique visui offeruntur. Alij, inter quos Ioh. Bapt. Porta, lucem hanc præcipuè humori aqueo tribuunt, atque hunc quacunque de causa motum illas coruscationes & splendores efficere existimant; atque ad id credendum eo adducuntur: quòd in animalibus illis noctu videntibus non tantum illud spatium, quod pupilla circumscribit, & per quam aliqua portio crystallini translucet, sed multò maior, tanta scilicet, quantam sub cornea aqueus humor occupat, lucida apparet. Atque hæc de causis symptomatum, quæ visui accidunt, nunc eodem modo causas symptomatum in auditu, grauis nimirum auditus, surditatis, auditusque deprauationis, quæ fit in sonitu, sibilo & similibus, inquiramus; quod facere etiam operæ pretium fuerit. Sunt enim symptomata hæc

Splendoris in oculo causa.

Visus instrumentum est lucidum.

Auditus læsæ causa.

grauissima, & surditas præcipue miserandum malum est. Nam cum aures præcipue sint porta mentis, per quam menti communicantur, quæ doctrinæ & institutione traduntur de Deo & aliis rebus necessariis, & quæ alio sensu addisci non possunt: miser certe ille est, qui hoc maxime necessario adminiculo destituitur. In causis autem symptomatum inuestigandis sequemur monitum Galeni, qui, in 1. de causis. sympt. cap. 3. scribit, ad exemplum læsæ visionis etiam in causis symptomatum reliquorum sensuum inuestigandis procedendum esse. Itaque inquiramus, quæ ratione & ob organum auditus, & ob facultatem, ut Galenus appellat, seu spirituum vitium, auditus lædatur, atque ut in visu factum, ab organorum auditus, quæ, lib. 1. cap. 12. explicata sunt, vitiis incipiamus, in quibus itidem, ut in visu, eum ordinem obseruabimus, quo sonus per ea auditui offertur. Aurium igitur externarum vitio primò lædi potest auditus. Nam si ex vulnere, vel alia quauis de causa præcitantur & amittantur aures, auditus deprauatur, & qui externis auribus carent, iis soni & articulatae voces fluctuantis aquæ aut resonantis cicadæ modo offeruntur. Deinde si meatus auditorius repleatur & obstruatur, vel ex parte, vel totus, auditus læsi causa existit. Obstruitur autem meatus iste cum ab iis, quæ extra obueniunt, tum quæ in ipso corpore ortum habent. Primò enim possunt extrâ lapilli, nucleii, globi, &c. incidere, aqua potest illabi, vermes irrepere. Deinde ab inflammatione, carnosio tuberculo, quando in ulcere humido & non bene siccato caro subcrescit, à callo, scirrhus, abscessu, sordibus illis, quæ in auribus generantur, cumulatæ & concretis, idem meatus obturari potest. Hic itaque meatus si ex parte obturetur, causa est non solum diminuti seu grauis auditus, sed etiam deprauati, qui varius est, prout res in meatu hoc hærens contactu suo varium sonum efficit, & nunc strepitum, nunc fluctuationem edit. Si verò totus hic meatus obstruatur, non solum sonus externus non percipitur, sed & sonitus quidam in aure sentitur; quod quilibet animaduertet, si manu aures obturet. Atque hic sonus maior audietur, si aliquid auribus apponatur quod sit cauum, & aërem in se contineat, ut si quis cauum manum, vitrum vel concham adhibeat. Fit enim hic sonus ob aërem, qui in aure remansit, & fit maior vel minor, prout est copiosior, vel minus copiosus. Facere tamen huc etiam aliquid pulsus arteriarum in auribus, credibile est. Tercio si membrana, quam tympanum vocant, à constitutione naturali desciscat, etiam auditui obest. Et quidem sæpe à primo ortu hæc membrana crassior est, atque incurabilis surditatis causa existit. Sæpe post ortum affluentibus humoribus humectatur & crassior efficitur, simulque laxior redditur, ut non satis tendatur; quod ab oleorum & aliorum liquorum infusione crebra, & inprimis opiatorum usu, accidere potest. Idem quoque euenit ob inflammationem in scirrhum conuersam. Neque tamen nimia siccitas etiam utilis est. Si enim nimis exsicceat atque induretur hæc membrana, quantum opus est, tendi non potest. Quapropter si post morbos graues, vel ætatis decursu nimis exsicceat: auditus grauitas oriri solet. Si verò integra non sit hæc membrana: officio suo amplius fungi non potest, & propterea surditatem parit. Potest autem rumpi vi externa, ut ab auriscalpio, vel simili violentius immisso atque intruso. Potest & eradi ab ulcere aurium profundiore. Nonnulli statuunt membranam hanc ab acutissimo & vehementissimo sono, ut bombardarum & campanarum ingenti sonitu, sicut & à frigore vehemente, non dolore solum affici, sed & rumpi posse. Alij tamen nimis saltem tendi à talibus vehementibus obiectis membranam hanc existimant, atque ita nimis tensam laxiorem reddi,

ut sonum amplius edere non possit. Reliquarum iam partium vitus obscurior est, atque hinc etiam causas auditus læsi eruere difficilius est. Aër nimirum inter-nus, seu calidum innatum auris aëreum si non secundum naturam sit constitutum, grauis auditus vel surditas oritur, pro vitij magnitudine. Hic enim aër aliquando impurius redditur, dum materia aliqua vitiosa, seu à toto corpore, seu à cerebro ipso permiscetur. Aliquando planè deficit, ubi alimentum aëri illi fouendo necessarium, propter obstructionem aliquam in aure, ad eam deferri non potest. Si verò nervus expansus refrigeretur, fit auditus grauis: si densior reddatur, aut tumore afficiatur, auditus tollitur vel imminuitur. Officula illa tria si loco suo moueantur, vel ictu, casu, sonitu, vel humoris affluxu, aut à naturæ primordiis non recte formata vel locata sint, auditui incommodant. Interiores tandem illi meatus, cum à materia aliena vacui esse debeant, si humoribus à cerebro affluentibus repleantur, auditus grauior redditur, vel planè aboletur. Solet hoc interdum accidere in morbis acutis, in quibus materia etiam ad aures nonnunquam protruditur, & auditus grauis vel surditatis causa existit. Idem euenit & ob catarrhos, qui ut ad alias partes, ita & ad aures non raro viam affectare solent, præcipue in illis, quibus aures sunt debiliores. Sed & in senescentibus hoc loco excrementa colligi, grauemque auditum excitare solent. Eadem cauerna si è materia vaporosa & flatulenta repleantur, quæ siue in aure, ob eius debilitatem, sit genita, siue aliunde in eam illapsa, atque in ea moueatur & agitetur: varij soni in auribus excitantur, pro varietate materiæ, motusque ipsius. Alij hoc etiam accidere docent ob arteriam, quæ aures subit. Hæc enim si spiritu copiosiore, calidior aut nimis agitato impleatur, pulsusque eius intendatur: in auribus sonus excitatur, ut in febribus ardentibus & doloribus capitis interdum animaduertitur. Denique & nervus auditorius, si naturalem constitutionem non obtineat, auditui obest, atque ob huius vitium nonnulli surdi nascuntur: quod cum accidit, iidem plerique etiam muti sunt. Nam cum lingua præter alios nervos, quibus ad sensum indiguit, etiam à nervo illo quinti paris in aurem tendente surculum acceperit: si hic nervus auribus & linguæ communis non rectè sese habeat, accidit, ut non solum surdi tales fiant, sed & muti, linguamque sufficienter, & tantum, quantum ad vocem articulata edendam opus est, mouere non possint; etsi sensum & aliquem motum ob reliquos nervos integrum habeant. ¶ Grauis omnino & difficilis agitur cōtrouersia à Philosophis & Medicis, cur, qui surdi sunt à natiuitate, iidem & muti sunt. Etsi verò circa hanc controuersiam varia occurrant dubia: cardo tamen controuersiae duabus quæstionibus includi potest, & duæ sunt de ea sententiæ. Primò enim nonnulli in ea sunt sententiæ, vocem quidem à natura homini datam esse, locutionem tamen, quæ homini propria est, eum hominem à natura non habere, sed ex imitatione saltem discere; dum nimirum infantes alios loquentes audiunt, eosque imitari discunt, & propterea, si alios loquentes audire non possunt, necessario muti fiant: atque ita causam, cur, qui surdi sunt à natiuitate, etiam muti sint, hanc vnicam esse statuunt, quia alios loquentes, quos imitari possint, non audiunt. Secunda opinio est eorum, qui non à denegato auditu mutitatem, ut sic dicam, deducunt, sed vtramque affectionem surditatem scilicet & mutitatem, à communi causa, organo scilicet communi læso, ortum habere existimant.

Prioris sententiæ videtur fuisse Aristoteles, qui, in 4. histor. animal. cap. 9. ita scribit: Vox, inquit, explanata, quam esse quasi locutionem vel brutorum diximus, differt & ceterorum animalium, & eorum, quæ genere eodem

Aurium externarum vitio qua ratione auditus lædatur. Meatus auditorij vitia. Obstructio meatus auditorij.

Tympani vitia.

Meatus auris.

Nervus auditorij.

Cur qui nascuntur etiam muti sint.

Surdi à natiuitate muti.

Opinio.

Altera.

Prioris opinionis Aristoteles.

eodem continentur, loci ratione. V.g. perdicum alij caca-
bant, alij strident. Et auicularum nonnulla haud vocem
eandem mittunt, quam sui parentes, si praecepta cauerint
paterna educatione, ac moribus & cantibus ceterarum
auium adfuerint. Iam verò lusciniā modulos suos pullos
docere, versūsq̃, quos imitarentur, tradere visa est: ut-
pote cum non perinde locutio, ut vox, per naturam proue-
niat, sed acquiri possit per disciplinam ac studium. Vnde
homines quoque locutione utuntur varia, cum voce omnes
utantur eadem. Hæc Aristoteles. Aristotelem sequitur
Alexander Aphrodisæus, qui, i. *Probl.* 138. ideo sur-
dos à natiuitate simul mutos esse scribit; quoniam
sermo & locutio sit per disciplinam, disciplina ex auditu.
Itaque sublato auditu non est locus disciplina, & conse-
quenter locutio disci non potest. Idem sentit Albertus
Magnus, qui, *lib. 4. de animal. tract. 3. cap. 2.* scribit:
Muti à generatione & surdi sunt, quia idioma per audi-
tum discere non potuerunt. Atque hoc loco, qui huius
sunt sententiæ, auditus nobilitatem extollunt. Cum
enim sermo sit animi interpres, auditus verò sensus
disciplinæ, quomodo quis rem aliquam sermone in-
terpretabitur, quam propter auditus defectum nun-
quam nominari audiuit. Vnde Aristoteles, *lib. de sen-
su & sensil. cap. 1. in fine*, concludit, quod ex his, qui
alterutro sensuum, auditu scilicet & visu, à primo
ortu priuati sunt, aptiores sint ad discendum cæci,
quàm ij, qui nati sunt surdi. Auditus enim, ut paulò
ante dixerat, ad discendum & percipiendum maxi-
mum adfert adiumentum. De qua re pluribus agit
Iul. Casserius, *de vocis organ. structur. lib. 1. cap. 1. & de
audit. organ. structur. lib. 1. cap. 1.* ubi asseuerare non
veretur, auditum, si consideretur in ordine ad homi-
nem, qui non tam ad vitam vegetalem & anima-
lem, quàm rationalem, suæque naturæ conuenien-
tem agendam natus est, homini simpliciter necessa-
rium esse, quippe cum nemo sit, qui nesciat, in hoc
potissimum hominis vitam consistere, quod co-
gnoscat, speculetur, & animum virtutibus ex-
poliat.

Alij contrà surdos loqui non posse, non ideo
putant, quod, quos imitentur loquendo, audire non
possint, sed id accidere statuunt ob communionem
& sympathiam organorum auditus & locutionis.
De qua re Andr. Laurentius *Anatom. 11. quæst. 11.*
agit, & priorem sententiam oppugnat, dicitque, si
ideo obmutescerent surdi, quia idioma nullum, au-
ditu, sensu disciplina, orbari, addiscere potuerint,
cur gemitus & suspiria, quæ pathemata sunt natu-
ralia difficulter edunt? Deinde cur non, ut primi
rerum inuentores, verba & dictiones fingerent, qui-
bus animi sensa exprimerent, si eas proferre possent?
Ad quod confirmandum, hoc etiam nonnulli affe-
runt, quod scilicet surdi ac muti à natura sæpe satis
sunt ingeniosi, & propterea, si lingua salua esset, ac
vitium saltem in auditu hæreret, facile sibi verba
fingere possent. Consensum verò linguæ & aurium,
Andr. Laurentius, non, ut nonnulli, in eo consistere
putat, quod neruus quintæ coniugationis acousti-
cus, & septimus, qui linguam mouet, in exortu ea-
dem vestiantur membrana; cum diuersum *avlovia*
doceat, qua constat, diuersos esse vtriusque coniu-
gationis ductus, satisque longo interuallo inter se
dissidere: sed causam consensus in neruum audito-
rium quintæ coniugationis refert, qui varios de se
promit furculos, quorum maior in aurem, & mem-
branam exquisitissimi sensus expanditur, & sonorum
omnes species ad cerebrum defert, minor ad linguam
& laryngem excurrit.

Verum hanc sententiam ij, qui priorem defen-
dunt, impugnant variis rationibus. Primò aiunt, si
consensus & communio ista nerui quintæ coniu-
gationis causa huius rei esset, sequeretur necessario,
& post ortum idem accidere posse, nimirum si post

ortum neruus auditorius vel obstruatur, vel densior
reddatur, ut inde auditus vel solum hebetetur, vel
prorsus aboleatur. Tum enim necessarium fore, ut
locutio eodem modo lædatur; quod tamen non
accidit: & experientia testatur, auditum & loque-
lam varias læsiones seorsim & priuatim suscipere, &
auditum lædi posse salua loquela, & contrà. Imò
etiam difficulter à natiuitate audientes inueniuntur,
qui expedite loquuntur, & contrà. Præterea S. San-
ctorius, in *Art. Med. Gal. part. 2. quæst. 41.* scribit,
quod omnes surdi à natiuitate sint muti, etsi non
semper causa eius surditatis sit affectus existens in
origine quinti paris neruorum, à quo oritur neruus
auditorius, & qui mittitur ad laryngem, sed possibile
sit, ut surditas à natiuitate oriatur & ab aliis causis.
Læso enim quolibet interno aurium instrumento
surditas suboritur, si nimirum à prima generatione
in malleolo, incude, stapede, in vtraque aure vitium
sit. Tum enim auditum, & consequenter loquelam,
lædi posse, nullo vitio in neruo quintæ coniugatio-
nis, auri & laryngi communi, existente. Quod idem
accidere potest, si meatus auditorius obstruatur, aut
tympanum vitietur, aut aer implantatus sese non
recte habeat. Hieronym. Fabric. ab Aquapend. *libr.
de audit. organ. cap. 4.* aliam adhuc causam addit,
scribitque, interdum, quanquam rarò, extrà, ante
tympanum, tunicam quandam crassiorem præter na-
turam adnasci opponique, quam ipse in pueris bis
viderit, cuius quoque P. Ægineta, *lib. 2. cap. 23.* men-
tionem fecerit. Hanc, si adsit, auditum tollere, ho-
minemque surdum reddere, & surdos consequenter
mutos nonnunquam propterea à natiuitate fieri
autumat.

Hæ sunt dissidentes hac de controuersia senten-
tiæ. Nos mediâ viâ incedendum putamus, & vtram-
que causam, nimirum & auditus defectum, & or-
ganorum vitiosam constitutionem, causam esse pu-
tamus, cur, qui sunt surdi à natiuitate, etiam sint
muti. Quod ut clarius fiat, primò illa quæstio expli-
canda: an potentia articulata vocem proferendi,
seu loquendi, sit homini naturalis, an verò saltem
ab imitatione, dum quisque sermonem, quem alium
loqui primò audit, & ipse discit ac loquitur. Equi-
dem sunt nonnulli in ea sententia, infantem sibi
relictum tandem sponte locuturum, quod probare
volunt factò Psammetichi, Ægyptiorum Regis, qui,
an aliqua lingua hominibus esset natiua, & an ali-
qua gens Ægyptiis esset antiquior (omnium enim
hominum primos se putabant Ægyptij) hoc modo
experiri voluit. Nam, ut est apud Herodotum in *Eu-
terpe*, siue, *libr. 2. initio*, pueros duos ex humilibus
parentibus recens natos tradidit pastori inter peco-
ra educandos, hunc in modum, iubens, neminem co-
ram eis vocem edere vllam, sed in deserta casa am-
bos seorsim collocari, eisdemque certis temporibus
capras adduci, ut lac suggerent: ubi autem lacte ex-
pleti fuissent, alia administrari. Hoc autem ideo fa-
ciebat, iubebatque Psammetichus, quod, quæ vox
prior ex his pueris eruptura esset, ubi inarticulatè
vagire desiissent, audire cuperet, prout contigit. Nam
breui exacto tempore pastori, qui hoc administrabat,
aperienti ianuam, & intranti, ambo infantes porre-
ctis manibus occurrentes, Beccos, clamabant. Quod
primò audiens pastor, obtinuit. Cum verò crebrius
adeunti & obseruanti, idem frequentaretur verbum,
ita demum, re Domino indicata, iussus ab eo, pue-
ros attulit exhibuitque. Quos cum ipse Psammeti-
chus audiisset, percontabatur, quinam homines
Beccos quippiam appellarent. Hæc percontatus
comperit, Phryges panem sic appellare. Tali negotio
argumentari Phryges, se priores extitisse Ægyptiis
sibi persuasunt.

Verum probabile non est, vllam linguam homini

Sententia
Authoris.

Quæstio. An
loquela ho-
mini natura-
lis?

Historia.

esse naturalem, nec narratio modò adducta id probat; cum nonnulli eam pro fabulosa habeant, nec omnes de horum infantium educatione consentiant. Verùm sit sanè, quòd res ita, vt narratur, gesta sit, quis verè affirmare auit, infantes hos fame stimulos, & quòd panem expeterent, hanc vocem Beccos inuenisse, & non potius casu aliquo in eam erupisse. Credibilius est, infantes hanc vocem ad imitationem balantium caprarum, quarum lacte nutriti fuerant, sinitisse.

Hoc verò consentaneum esse putamus, organa ad sermonem formandum necessaria, & potentiam iis vtendi, à natura habere hominem, & ita potentiam loquendi homini à natura inesse: vt verò homo actu sermonem proferat, hoc esse ab imitatione & auditu, & si infans neminem loquentem audiat, nunquam locuturum esse; cum, quid sermo articulatus sit, nesciat, (nihil enim est in intellectu, quod non prius fuerit in sensu) quia nullum articulatum loquentem antea audiuit. Et contra narrationem superiorem aliam referunt historiae, de magno regno & Rege Maguth, quòd is Rex, triginta infantibus in locum solitarium inclusis, custodibus eorum hoc negotij dederit, cauerent, ne vcula vlla ad eorum aures accederet, vt experiretur, quanam lingua aliquando essent vsuri, atque adeò, vt eius nationis religionem amplecteretur, cuius infantes linguam proferrent. Sed cognouit tandem, & professus est Rex ipse, vanissimum hunc fuisse laborem, siquidem nullus ipsoz distinctè locutus est. Quam ob causam etiam nullam religionem Rex iste amplexus est. Confirmant idem & aues quædam, quæ articulas voces exprimere, & hominum sermonem aliquo modo imitari discunt, quales sunt graculi, & moneulæ, ac psittaci. Hæ enim aues, etsi si pulli capiantur, & ab hominibus educantur, vocem humanam imitari discunt, tamen sibi relictae nunquam sua sponte vllam humanam vocem proferunt. Et inprimis Psittaci, qui tamen maximè vocem humanam imitantur, in syluis saltem inarticulatam vocem edunt, postea eam, quam audiunt, imitantur, seu, vt Apulejus loquitur, Psittacus nihil aliud, quàm quod didicit, pronunciat. Si conuitia docueris, conuitiabitur, diebus ac noctibus perstrepsens maledictis.

Neque, quod Andr. Laurentius obiicit, homo sine auditu ipse sibi verba fingere potest, quia ratione donatus. Etenim cum homini scientia non sit à natura indita, & in se habere scientiam, sit solius Dei, nihilque sit in intellectu, quod non prius fuerit in sensu, atque à Deo homini sensuum organa data sint, ad res externas cognoscendas; sensus auditus disciplinæ sensus est, & auditus obiectum sonus, & hinc voces ac sermo. Qui ergo sensu auditus destituitur, aliorum sensa animi cognoscere non potest, & qui loquentem neminem audiuit, nec ipse loqui potest, sed eum quisque sermonem loquitur, quem alios loquentes audiuit, & nulla linguæ species homini connascitur, sed omnes, quas audire, voces exprimere discunt, neque, sicut vita, ita sermo à parentibus in liberos transfunditur, sed temporis progressu imitatione atque usu discitur. Ad quam rem auditus necessarius est. Quanquam enim illud, quod supra ex Casserio diximus, simpliciter verum esse non concedamus, auditum scilicet esse sensum ad vitam rationalem simpliciter necessarium; cum vis intelligendi ab auditu sit distincta, & in surdo etiam vigere possit, sicut videmus, multos surdos & mutos esse satis ingeniosos, & ex phantasmatibus, quæ phantasia è speciebus visibilibus, & aliis sensibilibus, desumpta suggerit, multa intellectus colligere possit: tamen hoc omnino concedimus, auditum ad sermonem esse simpliciter necessarium; cum sermo nullo alio sensu, quàm auditu percipiatur, & proinde, si

is deficiat, homo nunquam loqui possit. Quamuis enim organa ad articulatam vocem necessaria homini à natura data sint; nisi tamen sermonem articulatum proferendi rationem didicerit, nunquam articulatè loquetur. Non didicit autem, quia auditus sensu, quo articulationis ratio percipitur, destituitur. Quisque igitur eam saltem linguam loquitur, quam audiuit, nequedum compertum est, quenquam aliam linguam locutum esse, quam non audiuit. Ex quibus omnibus concluditur, nullum sermonem esse homini naturalem. Habet nimirum res sese, sicut in Musicis, & arte his vtendi, vt & inflatione tibiarum; in quibus organa quidem ad instrumenta illa necessaria homini à natura data sunt; nemo tamen his rectè vti potest, nisi qui modum vtendi à Magistris didicerit, & auditu instructus sit. Quamuis enim digitos sanos & saluos habeat: tamen modum citharam pulsandi discere non potest, si auditu destituatur, quo sonorum differentias & harmoniam ac dissonantias percipiat. Neque est, vt quis obiiciat, etiam alios motus infantes statim edere non posse, verbi gratia ambulare, sed tum demum id præstare, vbi instrumenta ad motum illum edendum perfectionem necessariam sunt adepta. Etenim longè alia ratio est horum motuum, ad quos nihil, nisi musculorum robur, requiritur; quod postquam infans adeptus est, tum etiam ambulare potest: ad sermonem verò auditus omnino necessarius est, quo alterius præeuntis sermo percipitur. Et quàm vsus necessarius sit in linguis discendis, etiam adulti in linguis peregrinis discendis testatum faciunt, dum multi toto vitæ tempore etsi in eo valde laborent, peregrinam aliquam linguam rectè pronunciare nunquam possunt. Ergo cum isti voces, quas clarè audiunt, imitari non possint, quomodo surdi, cum cuius sermonem imitentur, audire non possint, voces articulas proprio ingenio deprostant? Equidem infantes lallare incipientes, dum ob linguæ & instrumentorum locutioni destinatarum nondum satis confirmatam aptitudinem, verba quæ audiunt, imitari & exprimere non possunt, ipsi sibi voces, quas proferant, faciunt, quibus tandiù vtuntur, donec illas, quas audiunt imitari possint. Verùm tales voces nullo modo pro articulo sermone habenda sunt, sed potius pro errore in loquendo. Sermo enim articulatus est, qui ex multis vocibus, quasi articulis, componitur; verba verò illa, quæ infantes primò sibi fingunt, monosyllaba ferè sunt, quæ pro sermone articulo haberi non possunt. Neque est, vt quis lectione defectum auditus compensari posse putet. Tunc enim, vt Iul. Casserius loquitur, legeres, nisi legere, mediante auditu, prius didicisses? Eleganter, quia ratione ipse loqui didicerit, docet Augustinus, lib. 1. confess. c. 8. Non, inquit, eram infans, qui non farer, sed iam puer loquens eram, & memini hoc, & unde loqui didicerim, post aduerti. Non enim docebant me maiores homines, præbentes mihi verba, certo aliquo ordine doctrinae, sicut paulò post literas, sed ego ipse mente, quam dedisti mihi, Deus meus, cum gemitibus & vocibus variis, variisque membrorum motibus edere vellem sensa cordis mei, vt voluntati pareretur, nec valerem, quæ volebam, omnia, nec quibus volebam, nominibus prensabam memoria, cum ipsi appellabant rem aliquam; & cum secundum eam vocem corpus ad aliquid mouebant, videbam ac tenebam hoc ab eis vocari rem illam, quod sonabant, cum eam vellent ostendere. Hoc autem eos velle, ex motu corporis aperiabatur, tanquam verbis naturalibus omnium gentium, quæ fiunt, vultu & nutu oculorum, ceterorumque membrorum, actu & sonitu vocis indicante affectionem animi in perendis, habendis, reiiciendis, fugiendisque rebus. Ita verba in variis sententiis locis suis posita, & crebrò audita, quarum rerum signa essent, paulatim colligebam, measque iam voluntates, edomito in eis signis ore, per hac enunciebam. Hæc Augustinus.

Nullus
hominis
ratis.

Sermo
latius, q.

Responsio ad
argumenta
Laurentij.

quæstio.

Secundò verò, etsi hæc ita sese habeant & facile concedamus, surditatem à natiuitate etiam ad mutitatem inducendam sufficere posse: tamen iam de hoc quæstio est, quo organo læso à natiuitate, auditus lædatur, & an in surdis à natiuitate saltem vitium sit in priuatis auditus organis; an verò, quòd organum sensui auditus & linguæ ad loquendum necessarium simul lædatur. Hoc primò certum est, vnius auri vitio surditatem non induci, sed causam necessariò consistere vel in vtraque aure, vel in organo, quòd vtrique auri inseruit. Etsi verò diuersæ hac de re Authorum sunt sententiæ; tamen veritati magis consentaneum esse puto, priuatim in auribus vitium esse, sed in neruo quintæ coniugationis, qui vtrique auri, & simul laryngi inseritur: quòd vel eo patet, quòd, qui à natiuitate sunt surdi & muti, vtraque aure surdi sunt. Quæ verò vitia à natiuitate in ipsis auribus consistunt, vix sunt in vtraque aure; & ita auditum planè abolere, & consequenter mutitatis causâ esse non possunt. Quanquam enim, vt Hieron. Fabric. ab Aquap. lib. de organ. audit. cap. 4. refert, interdum, etsi rarissimè, extra, ante tympanum, tunica quædam crassior præter naturam adnascitur: tamen hanc in vtraque aure nasci, nondum experienciâ constat. Eadem ratio est ossiculorum & tympani aurium. Vix enim fieri potest, vt natura in vtraque aure talem errorem erret. Neque ratio, quæ pro Hieronym. Fabric. ab Aquap. sententia adferretur, satis firma est, quòd scilicet multi surdi & muti à natiuitate satis ingeniosi sunt, memoriâ pollent, omniâque ea quæ vident, gestibus exprimere, non in præsentia solum, sed & post longum bene tempus, possunt. Id enim arguere videtur, cerebrum cum neruo auditus & linguæ saluum esse, & propterea surditatem saltem à priuato aurium vitio prouenire. Verùm hoc non sequitur. Potest enim cerebrum ipsum, in quo residet & perficitur phantasia, ratiocinatio & memoria, saluum esse, interim aliquis morbus esse extra cerebrum, in neruo isto quinti paris, auditui & linguæ communi.

alia.

Conclusionis loco hîc adhuc hanc quæstionem proponere libet, an, etsi surdi & muti à natiuitate loqui non possint; tamen scribendo sensa animi exprimere valeant. Fieri id posse, historiâ quadam probat Felix Platerus, lib. 1. obs. p. 110. vbi refert, quendam surdum & mutum ab ortu nihilominus cretâ, quam secum continuò gestabat, in tabella animi sensum depinxisse, & ab aliis scripta notasse. Verùm distinctione quadam hîc opus est. Hoc concedimus, surdos & mutos, cum aliâs animi conceptus gestibus satis feliciter exprimant, & aliorum animi sensa è gestibus percipiant, & visum habeant, quo ea, quæ gestibus demonstrantur, etiam notis delineata intelligere posse, verbi gratiâ, hanc notam panem, illam piscem, aliam calceum significare. Quòd verò integrum sermonem notis exprimere, vel literis expressum intelligere possint, vix credo.]

lasi

Sæpe quoque neruus auditorius post ortum obstruitur, vel densior redditur, & grauis auditus vel surditatis causâ est, prout maius vel minus hoc vitium est; & modò in vna, modò in vtraque aure, prout neruus hic in vtraque simul, vel altero latere tantum afficitur. Ob vitium verò spirituum læditur auditus, vel propter angustiam cerebri in apoplexia & epilepsia, in quibus planè aboletur; vel frigidam intemperiem, ob quam grauis auditus excitatur, de quibus alibi. Odoratus similiter & ipse læditur vel organorum vitio, vel spirituum, vel ob errorem externum. Organum odoratus quodnam sit, de eo variè discreptatur. Plerique & præstantiores Medici nunc Vesalij sententiam amplectuntur, qui organum olfactus statuit processus cerebri oblongos, albicantes, neruisque non absimiles, qui sub carunculis mammillaribus in anteriore parte capitis à cerebro nascun-

tur. Ad hoc autem præcipuum olfactus organum cum odor per nares exteriores feratur: illæ sufficienter & debite pateant necesse est. Si itaque in naribus illic sit quædam angustia, quæ proueniat vel à compressione facta à causâ aliqua externa, vt ab ictu siue contusione; vel constipatione orta à tumore aliquo præter naturam; vel obstructione, quæ excitatur à carnis excrescentia, vt fit in polypo, aut ab humore crasso & viscido, vt in coryza & catarrho; vel à materia purulenta; aut sanguinis grumo: aboletur vel imminuitur odoratus. Narium externarum meatum vbi transit odor, ad os ἰσχυρὸς seu cribriforme appellatum pertingit. Hoc igitur os, atque eius membrana si obstruatur, vt fit in grauedine: odoratus imminuitur vel aboletur. Atque materia eò loci delapsa & incrassata sæpe diuturnioris olfactus abolitionis causâ esse solet. Hoc loco etiam materiam quandam calculosam, vt & vermes genitos fuisse, experientia docuit. Ob ipsum tandem olfactus organum præcipuum præter naturam affectum olfactus læditur, cum intemperie, præsertim humida, laborat, vel à materia affluente obstruitur, quòd in catarrhis accidit. Secundò ob vitium spirituum eodem modo, quo in visu & auditu læso, etiam odoratus læditur, si nimirum spiritus vel deficient, vt in morti propinquis accidit; vel influere prohibeantur, vt fit in apoplexia, epilepsia & similibus cerebri vitiis. Denique & ob errorem externum deprauatur olfactus, dum vapor aut materia aliqua graueolens & fœtida hæret in viis, per quas odor transit. Hic enim dum per materiam illam fœtidam transit, odore illo graui inficitur, atque hinc etiam res non malè olentes ab odoratu fœtidæ percipiuntur, sicut in ozænis accidit. Gustus etiam læditur, læsa facultate, seu ob vitium spirituum animalium, vel ob morbum, vel ob errorem externum. Vitio spirituum Gustus læditur, dum deficient, & ad linguam non transmittuntur; quòd in moribundis solet accidere, paulatim calore natiuo & spiritibus deficientibus: vel dum, etiamsi transmittantur, influere prohibentur ob obstructionem, vel angustiam eius partis cerebri, vnde nerui illi gustatorii oriuntur, vel iis ipsis neruis obstructis & compressis, vel vulneratis, vnde pro morbi magnitudine gustus vel planè aboletur, vel imminuitur. Sed rarò vitium est in neruo vel cerebro, nisi cerebrum vniuersaliter afficiatur, vt fit in apoplexia, & similibus affectibus. Peculiare est illud de Lazaro vitriuorace apud Columbum, in quo ea neruorum coniugatio, quæ gustus gratiâ in aliis hominibus à natura producta est, neque ad palatum, neque ad linguam reptabat, sed ad occipitium reflectebatur. Postea ob linguæ morbos itidem gustus vel imminuitur, vel aboletur, puta ob aliquam intemperiem, vt cum lingua frigidâ & humidâ materiâ perfunditur, vel dum exsiccatur. Hoc enim cum fit, res omnes sapore quasi destitui, & vt ægri loqui solent, ligni instar insipidæ esse solent. Nam lingua naturaliter est mollis & humore perfunditur, quo, ceu vehiculo, sapores rectius in carnem eius spongiosam sese insinuant. Hoc igitur si destituitur, ita rectè penetrare sapores non possunt. Exsiccatur autem tum aliis de causis, vt cum ore aperto aër attrahitur; tum præcipuè in febribus, cum vapores calidi exhalantes partes has valde exsiccant, & sæpe quasi adurunt. Huc pertinent etiam pustulæ & vlcera, quæ interdum linguam obsident. Denique ob errorem externum gustus deprauatur vel à causis externis, vt re aliqua in os assumpta, cuius sapor non facilè è lingua eluitur; vel ab interna causâ, vt humore vel vapore, quo lingua imbuitur. Succus enim postea extrinsecus à cibis accedens, vitiosum linguæ succum, qui prius quieuerat, excitat & mouet, atque ita gustandi facultas non tam eum, qui recens accessit, saporem, sed illum potius, quo lingua

Gustus læsi
causæ.

Tactus sym-
ptomatum
caussa.

Stuporis caus-
sa.

Doloris caus-
sa.

antea perfusa est, aut saltem permistum saporem ex-
cipit, & quod gustatur, vel salum, vel amarum, vel
alio sapore præditum putatur, prout materia salsa
vel amara est, qua lingua infecta est. Humor autem
ille & vapor linguae communicatur interdum ex
ventriculo, interdum ex hepate, liene, pulmone &
thorace male affectis. Interdum ex faucibus vlcere
aliquo la. orantibus, interdum etiam à cerebro. Re-
stant causæ symptomatum, quæ Tactui accidunt, ex-
plicandæ. Inter illa autem primò est Stupor. Hic ead-
dem ferè habet causas, quas paralytis, minores sal-
tem leuiorésque, vnde etiam quali via est ad paraly-
sin, & venturæ prælagium 2. de sympt. caus. cap. 2.
ἀμυδρὰ ἀδύλυσιν, leuis quædam paralytis dicitur. Fit
autem stupor spirituum in primis vitio. Primò, cum
illi vel non gignuntur, seu ob efficientis vitium, vt
caloris natui debilitatem, quod fit in sensibus, seu
materiæ defectum, post magnas euacuationes & si-
milis: vel dum resoluuntur. Deinde fit stupor, cum
ob neruorum angustiam ad partem aliquam spiritus
influerè non possunt; quod fit vel ob obstructionem
ab humore frigido & crasso; vt vulgo docetur, aut
etiam tenui, vt postea de paralyti dicitur, vel consti-
pationem, si scilicet nerui & spinalis medulla à cras-
sis succis replentur & nutriuntur, vel compressionem
à tumore aliquo præter naturam, à contusione, luxa-
tione, vinculo iniecto, à frigore vehementer constri-
gente. Idem præstat solutio continui. Nam abscisso
neruo aut spinali medulla omnes inferiores partes
amittunt sensum & motum. Tandem etiam accidit
stupor, cum in ipso membro spiritus nimis dissipantur,
vel refrigerantur; vel sopiuntur quasi, quod fit à
medicamentis narcoticis. Huc & ἀμυδία seu stupo-
rem dentium referri supra, de differ. sympt. diximus:
quanquam forsan non incommodè etiam ad tactum
deprauatū seu dolorē referri queat. Est enim ἀμυδία
molestus quidam in dentibus sensus, quem percipere
potius, quā verbis exprimere queas, ab acidis austeris-
que cibis ortus: Quandoque etiā ex vomitu humorū
acidorum contrahitur. Similis etiam affectus, & qui
eodē nomine insignitur, ex auditu stridoris serræ &
similium concipitur. Huc deinde pertinet Dolor, cuius
natura vt obscura & explicatu difficilis est: ita
etiam causam doloris reddere, ob diuersas authorum
sententias, non ita planum est. In plures enim opi-
niones Philosophi & Medici hūc diuisi sunt, Auicen-
nas enim, secunda primi, doctrina 2. cap. 19. duas agnos-
cit causas doloris, intemperiem & solutionem con-
tinui. Quod etiam sentire videtur Galenus, in arte
Med. cap. 8. 2. de loc. affect. cap. 5. 2. de victus rat. in acut.
2. 1. 1. 2. meth. med. cap. 1. in quibus locis omnibus duas
doloris causas ponit, nimirum alterationem, & con-
tinuitatis solutionem Alij vnam saltem doloris caus-
sam admittunt, continuitatis nimirum solutionem;
idque etiam ex Galeni sententia, qui docet, 4. de
sympt. med. fac. 6. 3. de fract. t. 2. 4. 1. de sympt. caus. cap. 6.
qualitates primas per mediam solutionem continui
dolorē excitare. Quam sententiam Auerrois lib. 3.
collig. cap. 1. 3. impugnat, atque à sola intemperie do-
lorem oriri defendit. Recentiores quidam ab his om-
nibus dissentunt, & neque solutionem continui, ne-
que intemperiem seorsim, neque intemperiem atque
solutionem continui æqualiter doloris causam pro-
ximam atque immediatam esse statuunt; sed subi-
tam & violentam mutationem qualitarum tactiuarum:
cuius quidem mutationis terminus sit conti-
nui solutio, ex qua tamen doloris causa peti non
debeat, sed ex qualitarum tactiuarum excessu, qui
continuum soluit. Hoc modo cum Authores de
caussa doloris proxima dissentiant: in veritatem hūc
vlterius inquirere operæ pretium erit. In veræ autem
causæ cognitionem facilius veniemus, si ea, quæ
supra, de sympt. differ. dicta sunt de dolore, considera-

uerimus, nimirum dolorem non esse sensationem sim-
pliciter, sed sensationem tristem: & notauerimus, duo
in dolore concurrere, apprehensionem obiecti sensi-
bilis, quatenus sensibile, verbi gratiā, calidum, frigi-
dum, asperum; deinde eius apprehensionem, qua-
tenus gratum vel ingratum: doloris autem natu-
ram non consistere in apprehensione obiecti, quate-
nus sensibile, sed potius in molestia & tristitia sen-
sui coniuncta, quæ ex perceptione obiecti ingrati
oritur. Si tandem etiam hoc repetiuerimus ex Ga-
leno; tactum egregium præter ceteros sensus habe-
re symptoma dolorem. Deinde si & hoc obseruaue-
rimus: etsi plures doloris causæ mediatae atque re-
motiores admitti possint: tamen cum vnus effectus
vna proxima atque immediata sit causa; & cum, si
à pluribus causis vnus effectus producit, eas om-
nes ad communem quandam efficiendi rationem
reduci oporteat: etiam hic vnam saltem proximam
atque immediatam causam admitti posse, ad quam
omnia, quæcunque dolorem efficere dicuntur, redi-
guntur; ac proinde falsam eorum esse opinionem,
qui plures simul proximas doloris causas, vt intem-
periem & solutionem continui, statuunt. Iam itaque
videamus, quænam sit illa proxima atque vnica
causa. Intemperiem illam non esse, ex eo facile pa-
ter; quod plurimi dolores, sine vlla intemperie, ex-
tensione, sectione, aliisque qualitatibus tactilibus
excitantur. Neque vlla alia qualitas tactilis simpli-
citer, & quatenus talis, pro causa doloris proxima
haberi potest. Nam si qualitates tactiles simpliciter
& quatenus tales essent causa doloris: in omni sen-
satione fieret dolor. Ideoque etsi illud quidem verum
sit, quod doloris (cum seu sensus quidam sit, seu af-
fectio sensus) causa in qualitatibus sensibilibus
seu tactilibus quaerenda est: tamen quia illæ qua-
litates quatenus tales & per se, non sunt causa
doloris, aliud iis addere necesse est, quod forma-
lis quasi ratio sit, ob quam dolorem generant, quod-
que in omni dolore adsit, & sine quo nullus dolor
excitari possit. Quid autem hoc sit, generalius in-
terdum authores explicant. Plato, in Timæo, illud,
quod præter naturam est, & violenter ac repente
nos afficit, doloris causam esse dicit. De quo Gale-
nus, lib. 1. de sympt. caus. 6. scribit: Communis omnis
doloris causa est; quam Plato in Timæo his verbis ex-
plicat: τὸ ὁδὸν φέρειν καὶ βίαιον γινώσκειν ὅτι ἀπὸ τοῦ πᾶσι
πᾶσι, ἀλγύνειν. Nimirum illud, quod dolorem in-
ferre debet, violenter & vehementer simul ac re-
pente tactum afficiat, & corpus nostrum immutet,
necesse est. Quod ipsum iam ante Platonem Hip-
pocrates, in libro de loc. in hom. circa finem, etiam do-
cuit, vt, loco allegato, etiam docet Galenus, qui ab
his, quæ naturam mutant & corrumpunt, dolores
excitari scribit. Idem quoque sensisse videtur Ari-
stoteles, qui, lib. 1. de An. cap. 12. τῶν αἰσθητῶν τὰς ὑπερ-
βολὰς φέρειν τὰ αἰσθητῆρα: 6. lib. 3. cap. 2. τὸ ὑπερ-
βάλλον ἢ λυπεῖν ἢ φέρειν scribit. Recentiores quos-
dam hūc subitam & violentam mutationem quali-
tatum tactiuarum, seu qualitates tangibiles vio-
lenter agentes in sensum, proximam doloris caus-
sam statuere, diximus. Verum cum illi ipsi agnos-
cant, non quamlibet repentinam & violentam al-
terationem qualitarum tactiuarum dolorem face-
re: Medici magis specialiter causam illam expli-
cant, & quid illud βίαιον sit, determinant, ac
non quamlibet repentinam ac violentam altera-
tionem qualitarum tactiuarum dolorem facere con-
cedunt, sed illam demum, quæ eò excessus deue-
nit, vt continuum soluat. Idque rectè. Nam tan-
gibilia dolorem non excitant, nisi continuum sol-
uant. Atque ita causam non videmus, cur non
solutionem continui pro doloris causa proxima
admittamus; atque in causis dolorem excitantibus
ipsi

Doloris
causa
proxima
vna.

An inte-
ries sit
ma dol-
causa.

An sub-
mutatio
litarum
lium sit
ris causa

Solutio
nisi est
ma dolor-
causa.

ipsi agendi rationem ascribamus. Vbiunque enim adest dolor, ibi adest continui solutio: & contra; vbi continuū soluitur, ibi dolor excitatur. Qua de causa etiam Galenus & alij præstantissimi Medici etsi sæpe plures doloris causas constituere videntur: tamen illas omnes tandem ad solutionem continui reducunt, utpote vltimum in serie ista causarum dolorem excitantium, & inter quod & dolorem nihil intercedit. Cum autem solutio illa continui fiat, vel à qualitatibus primis, vel à secundis: hinc factum, ut Galenus interdum duas doloris causas, subitam alterationem, continuūque solutionem, constituerit. Nam mutationem in qualitatibus primis, alterationem; mutationem verò in qualitatibus secundis, continui solutione explicat. Quamuis n. in omni dolore continui solutio fiat nullūque dolor sine continui solutione excitari possit: tamen in primarum qualitatium actione manifestius apparet alteratio; solutio verò continui in ea obscurior est: contra verò in secundis continui solutio euidentior est; alteratio verò obscurior. Neque id, quod nonnulli obiiciunt, satis probat, Intemperiem non solum quatenus continuum soluit, sed per se etiam, tanquam essentia partium corruptivum, inducere dolorem; quia in dolore à causa calida adhibentur refrigerantia; in dolore à causa frigida calefacientia, non verò consolidantia. Nam in dolore nondum est soluta continui unitas, ut opus sit consolidantibus: sed si causæ unionem soluentis actio impediatur, dolor etiam sedatur; quod fit, si calefacientis actio vel introducta dispositio per refrigerantia impediatur, frigefacientis per calefacientia. Ad dolorem etiam pruritus retulimus. In quo locus affectus cutis est, utpote, quæ densior est subiectis carnibus, unde contingit, ut quæ excrementa per subiectas partes molliores vi expultricis propellantur, vbi ad cutem peruenerint, ibi hæreant, ac pruritus & similes affectus excitent. Ortum verò habet ab excremento mordaci, falso nimirum vel acri, quod ad scalpendum hominem incitat, ex quo voluptas quædam oritur, ob euacuationem materiae illius, quæ molesta erat & mordicabat; seu, ut alij sentiunt, quia partes, quæ mordebantur ab acri materia, ad statum naturalem conuertuntur, in quo à motu illo præternaturali cessant. Ut enim dolor est violentus quidam transitus per solutionem continui ad statum præter naturam; & eò maior est dolor, quò violentior est motus ille præter naturam: ita voluptas est quidam transitus à *ἀσθία* seu confertim factus, sine violentia tamen ad statum naturalem, ad quem quidem scalpentibus reducimur prurientes partes. Cum autem mirum alicui videri possit, cur ex scalptu etiam vehementiore, & qui fit rebus durioribus, & sæpe tanta per ungues lincinatione & vehementia, ut unitas solvatur, voluptas oriatur, & non potius dolor: sciendum, quod ideo voluptate afficiuntur, qui etiam violenter cutem rumpunt, quod ad solutum esse, seu solutam unitatem deducunt id, quod erat in solutione unitatis. Cum enim partes doleant, dum soluuntur: cessat dolor, dum illa mutatio desinit: & quod soluebatur, iam solutum est.

CAPVT IV.

De causis Symptomatum Sensuum interiorum.

Postquam hætenus symptomatum, quæ in sensibus exterioribus accidunt, causas reddidimus: iam & eorum, quæ in sensibus internis eueniunt, inuestiganda. Inter quæ primò occurrunt vigiliæ & somnus nimis. Quæ autem sint horum symptomatum causas, facile ex iis, quæ, *li. c. 13. de vigiliis* &

somni naturalis generatione diximus, liquet. Peruigilium seu vigiliæ nimia ortum habent à nimia spirituum animalium ad organa sensuum effusione, ob defectum vinculi sensus primi, irritationemque nimiam sensus communis. Primò deficiunt illæ suaves exhalationes, quia vel in corpore non generantur, quod fit in nimia inedia, aut ob vsum ciborum, qui tales halitus non suppeditant; vel quia penitus absumuntur, dissipantur, & à cerebro auocantur. Absumunt & dissipant istas exhalationes calida & sicca intemperies, seu cerebri solum, seu totius corporis, cum vel sine materia. Hinc & in ardentibus febribus, & in phrenitide vigiliæ agros molestant, & ab humoribus ac vaporibus biliis, melancholicisque vigiliæ excitantur. Eadem ferè causæ etiam sensum communem irritandi vim habent, & præter eas in primis dolor, qui cum in quacunque etiam corporis parte sit, in sensum tactus vehementer agat, sensum quoque communem excitat, quo commoto etiam reliquos sensus excitat, & ita peruigilium fieri necesse est. Somni contra non naturalis causa sunt ea omnia, quæ prohibent, ne spiritus ad exteriora iusto tempore & modo effundantur: qualia sunt, quæ vel calorem & spiritus nimis ad interiora reuocant; vel spiritibus, ne ad exteriora regrediantur, impedimento sunt. Hinc primò, quæ spiritus resoluunt & absumunt, ut sunt motus nimis, laborque, vigiliæ nimia, balnea & similia, somnum profundorem inducunt. Exempla huius rei in agris interdum apparent, qui tribus vel quatuor diebus vigiles permanserunt, quibus postea difficilis excitatu somnus superuenit, & sæpe diem noctemque perseuerat, magnūque ipsis auxilium affert. Nam cogitur calor eousque retractus permanere, donec humiditas vehementer absumpta exactè reparata fuerit, ac noui spiritus deperditis suffecti. Deinde quæ caput halituosis vaporibus replent, itidem somnum conciliant. Vapores hi ad cerebrum mittuntur vel à toto, ut in febrium nonnullarum, in quibus vapores calidi & humidi multi ad caput feruntur, accessionibus, quæ idcirco *καταδύς* nominantur, quod etiam in ebriis accidit; vel à parte aliqua, ut ventriculo, aut alia attolluntur; vel in cerebro nimis humectato & refrigerato coguntur. Cerebrum enim refrigeratum & humectatum vapores ex alimentis condensat, & magnam eorum copiam cogit. Sed illud hinc meritò discutendum: An etiam sola frigiditas somnum inducere possit. Plerique hinc ex Galeno distinguunt inter somnum non naturalem & profundum, ac somnum morbosum. Gal. enim, *1. aph. 3.* somnum longum, quem & non naturalem nominant, eum appellat, qui tempore quidem naturalem superat moderationem, sed nondum ad expergiscendum difficultatem habet: *κόμα*, quem & morbosum ac præternaturalem somnum appellant, dicit, cum in expergefaciendo difficultas coniuncta est. Atque somnum longum & profundum cum Galeno in humiditatem, nunquam verò frigiditatem reiciunt. Si verò frigiditas sit intensa, non ampliùs somni non naturalis, qui solum longus & profundus est, non tamen difficilem habet expergefactionem, sed soporis, à quo difficilis est excitatio, causa est. Ita enim Gal. *1. de sympt. caus. cap. 8.* scribit: *medicamenta*, (quæ somnum scilicet inducunt) quæ duntaxat humectant, omnia meritò somnifera vocantur; quæ verò perfrigerant, nec somnum, nec indolentiam afferre rectè dicuntur, sed pro somno *κόμα*, & carum pro indolentia; ob perfrigerationis excessum, vel prorsus insensibilitatem, vel cerè sensum diminutum. Ex his tandem somni præter naturam seu comatis & cataphoræ causam reddere nō est difficile. Hic n. cum sit sensus communis, & cum eo sensuum exteriorū quies præternaturalis tanta, ut ægri facile excitari non possint: ortū habet à causa, quæ spiritus animales ad sensus organa perferri non sinit. Nam nihil tam profundum &

Vigiliæ nimia, in causa.

Somni nimij, causa.

An sola frigiditas somnum inducere possit.

Comatis & cataphoræ causa.

excitatu difficilem somnum procreare potest, quàm quod impedit, ne spiritus animales ad organa sensuum liberè emitti possint. Nonnulli quidem multas & varias comatis causas recensent: verùm illæ omnes comatis causæ non sunt, sed aliæ solùm somni paulò profundioris, aliæ potiùs cari & lethargi, quàm comatis. Tantùm vapor, spirituum animalium ad organa sensuum influxum prohibens, comatis causa est, & καύμα proximè fit à vapore solâ copiâ peccante. Hic vapor pender vel ab intemperie cerebri, vel ab aliqua materia cerebrum petente. Intemperies, ut docet Gal. comm. i. in 3. Epid. 1. 7. vel frigida, vel humida vel frigida & humida simul est. Ita enim scribit: *frequentèr ubi multum humidatata est pars, quæ est sensus fons, sopor sequitur, ut nonnullis usu venit ebriis: subinde ob solùm frigus. Est, cum ambobus his succedat profundus & soporosus somnus.* Primas autem in symptomate hoc inducendo obtinere frigiditatem docet idem Gal. 3. de loc. aff. c. 5. Frigiditas enim strenuè densat vaporem alimenti. Materia motu peccat & copia. Motu ad cerebrum fertur. Copia substantiæ vaporosæ cerebrum replet & irrorat. Potest tamen etiam coma fieri à materia calida & humida, quæ vel ex toto in caput mittitur, quod fit in febribus ex pituita dulci vel sanguine, ex quibus vapores benigni solùm copia peccantes confertim in caput feruntur, unde febres illæ, ut diximus, κατωδεις, id est, soporosæ nominantur; vel ex parte aliqua, ut ventriculo, intestinis & vermibus in his, vtero & aliis. Et hæc quidem de somni præternaturalis causis ex vulgata Medicorum sententia proposuimus. Verùm cum Recentiores aliquam adhuc lucem huic doctrinæ attulisse videantur, & illorum sententia hîc non prætereunda. Recentiores nimirum Medici, non solùm Chymici, sed & Galenici malè hîc frigiditatem, ut & solî copię vaporum, somni profundioris & præternaturalis causam attribui putant. Nā aiunt, neque aqua frigida, neque nix, neque glacies, utpote summè frigida, somnum per se inducunt: ideòque etiam in opio, mandragora & aliis multis vis somnum inducendi non dependebit à frigiditate, sed à vi peculiari ὑπνωτικῇ & ναρκοτικῇ quæ etiam calidis medicamentis inest, ut anetho, quod Gal. 6. de simpl. medic. fac. somnum conciliare scribit. Atque ita medicamenta illa potiùs calida erunt, oleaginosa & sulphurea, quàm frigida, utpote quæ oleum etiam de se emittant flammam concipiens, ut in papauere, hyoscyamo & similibus patet. In qua parte oleosa vis illa hypnotica & narcotica sita erit. Hæc n. medicamenta leuiora, aut in parua quantitate assupta somnū quendam quasi artificialem inducunt: quæ si fortiora & copiosius exhibeantur, stuporem tantū inducunt, ut quasi apoplectici sine sensu & motu iaceant. Quod & fumus, carbonum præstat: de quo in causa apoplexiæ postea plura. Eandem vim narcoticam non in frigido sitam esse Platerus vini exemplo probat, cuius usu immoderato, nō propter euaporationes, uti putatur, sed ob narcoticam illius vim, sopor immodicus & stupor quoque, qui non minus, ac si opiū sumpsissent, eos attonitos reddit, sæpèque interficit, in ebriosis sequitur: quemadmodum ex spiritu vini id quoque magis & potentiùs accidit. Atque talem vim inesse proculdubio etiam venenis quibusdam existimant, quæ morfu comunicata hominem in soporem sæpe lethalem coniiciunt. Similem quoque vim humores in corpore nostro interdum, ubi malignā qualitatem induunt, habere statuunt; & cerè non absurdè: atque hinc in febribus pestilentialibus & malignis somnum profundum excitari non tam ob copiâ vaporum, quàm eandem peculiarem malignitatem ac vim narcoticam. Hinc & epilepticos in fine paroxysmi sopore corripì dicunt, non ob defatigationem cerebri, sed ob vapores malignos, qui priùs neruosi genus afficientes motus illos epilepticos excitabant,

nunc cerebrum obsidentes somnum profundum generant, qui eousque durat, donec omnes discussi fuerint. Comatis autem vigilis causam quod attinet, ea vulgò assignatur bilis, cum pituita vel sanguinis copia mista. Verùm enim verò pituitæ admistio non necessaria videtur: cum somnum præter naturam non tam à frigido humore, quàm peculiari vapore & humore narcotico prouenire dictum sit. Ideòque calidus vapor cū & spiritus turbet, & exhalationes somnum impediens secum ad caput rapiat, ac vi narcotica præditus sit, & delirium excitare, & somnum ciere, atque ita vigilis comatis causa esse potest. Sicut id in vino & Spiritu vini manifestum est, quo si homines inebriantur, & delirant quasi & somno corripuntur. Quanquam n. vis ὑπνωτικῇ ad somnum disponat: tamen si multæ imagines phantasie offerantur, somnus interturbatur; sicut & eos, qui cogitabundi ad somnum se componunt, non benè dormire comperimus. Etsi enim lassi sint & dormire cupiant, tamen crebrò occurrentes imagines & cogitationes somnū impediunt. Tale ergo quid & in comate vigili accidit. Quanquam n. vapor ille vim narcoticam habeat, aditque ad somnum inclinatio, & oculis perpetuò conuiueant ægri: quia tamen idem vapor in causa est, ut multæ absurdæ imagines phantasie obiciantur, accidit, ut ægri delirent, & dormire non valeant. Atque ita rem se habere etiā illud argumento est, quod Paul. Ægineta scribit, etiā à veneno posse induci hoc malum. Etenim in veneno nulla est pituita & bilis mistio, sed peculiaris malignitas, quæ simul & deliriū & in somnum inclinationem parit. Inprimis verò maximam vigilandi necessitatem parit inflammatio phrenetica, si adsit. Etsi n. vapor ille narcoticus faciat, ut æger ad somnum propensus sit: tamen inflammatio somnum impedit. Atque hinc accidit, ut prout huius vel illius causæ vis maior est, etiam somnus vel vigilia ac deliriū præualeat, atque æger nunc plus nunc minus moueatur. Huius symptomatis causa interdum etiam, ut docet Gal. 3. epid. com. 1. 7. est virium infirmitas, quæ accidit calore naturali dissipato, & paulatim emoriente in vehementissimis doloribus, immodica aliqua euacuatione, & similibus. Hoc enim modo qui affecti sunt, etsi oculis conuiueant, nihil tamen prorsus aut parum dormiunt, sed vigilant, nec tamen attollere palpebras queunt. In vigili autem comate non solùm sensus communis, sed ferè & imaginatio & ratiocinatio læditur. Et qui hoc malo laborant, stulta loquuntur plerumque, & alia delirantium opera faciunt, corpus omnèque partes temerè mouent, festucas & plumas colligunt, repenti & temerè è lecto prorumpunt ac surgunt, mox iterum decumbunt: omnia tamen oculis ferè conuiuentibus, & in somnum, quem tamen capere nequeunt, inclinantibus agunt. Affectum hunc nonnulli antiquiores etiam Catochum nominarunt. Verùm minus propriè: cum alia veri catochi sit natura, & non tam in deprauatione facultatum principum ac sensuum, quàm in motus ablatione catochus consistat, ut suo loco dicetur. Hoc modo cū dormientes quasi delirent, qui comate vigili laborant, à nonnullis hoc symptoma τυφομανίαν, quasi attonitam insaniam, item soporem delirantem nominari monuimus. Etenim, ut diximus, inclinationem quidem habent in somnum, & clausis oculis somnum exprimunt, ob vapores, quibus caput repletur: sed tamen quia illi sunt acriores, ægros excitant, & deliria inducunt, ac varia absurda spectra & imagines ipsis obiciunt, quæ & ipsa somnum interturbant. Huc pertinere etiam diximus Soporem grauem, quem nominat, eorum, qui profundè dormiunt & somniant, ac postea, quæ somniarunt, vera esse credunt, & tanquam vera narrant, quos vulgò ἑκστατικὸς nominat. Horū cū tria genera esse dixerimus, atque alios quid diuinum, alios quid diabolicū, alios quid

An frigiditas
somi profundioris
causa
sit.

Vinum qua
ratione somnum
inducat.

quid naturale pati: de Ecstaticis, qui à Deo vel Dæmone tales fiunt, nostrum non est hîc disquirere: de iis verò, qui à causa naturali ita afficiuntur, disquirere à Medico alienum non est. *Εκστασις* apud Hippocratem de vehementi mentis aberratione vsurpatur, & *ἐκστασις* idem ipsi est, quod *ἐκστασις*. Verùm vulgò *ἐκστατικοί* dicuntur, qui quasi mente à corpore abstracti diu iacent, & postquam euigilant, mira, quæ vidisse & audiuisse se dicunt, narrant. Hoc an vi naturæ fieri possit, primò expendendum est. Suadere id videtur hoc, quod aliqui, quoties volunt, *ἐκστασις* corripiuntur. Cardanus, *de rerum variet.* & de se ipso, & Facio patre id testatur, ac quoties vellent, animis sic abreptos scribit, vt nullum omnino dolorem in eo statu sentirent. Augustinus, *lib. 14. de Ciuit. Dei, cap. 24.* simile quid narrat de quodam Presbytero, cui Restituto nomen erat, qui, quando ei placebat, ita se auferebat à sensibus, vt iaceret mortuo similimus. Quod & ratio conuincere videtur. Nam si anima aliis rebus ita intenta esse potest, vt speciem visibilem etiam oculo præsentem, & vocem aures circumsonantem, oculo & aure sana non percipiat: fieri etiam posse existimant, vt intellectus ita se ad rerum sublimium considerationem applicare possit, vt sensuum functiones deserat. Verùm distinguendum est inter *ἐκστασις*. Tria enim, vt diximus, sunt, quæ nomine *ἐκστασις* veniunt, vna vera est *ἐκστασις*, qua mens à corporis actionibus (nam an ab ipso etiam corpore anima tum separatur, quærere & explicare huius loci non est) ad cœlestia contemplanda abstrahitur. Sunt deinde & aliæ *ἐκστασις*, quæ cum hac quiddam simile habent. Prior illa plerumque non sine virtute superiore accidere posse videtur, atque Intellectus à naturali illa à phantasia dependentia & cum eadem nexu vix vlla vi naturali absolui potest. Verùm simile quid accidere potest vel à Dæmone, vel à causa naturali. In priorem classem nonnulli referre non dubitant etiam Cardani patrem, quem *δαίμονα πᾶρεδρον* habuisse ipse non obscure testatur. Extra verò controuersiam etiam huc pertinent Lappij, quos Olaus Magnus, *lib. 3. de gent. Septentr.* ceremoniis quibusdam adhibitis subito labi, & quasi exanimari scribit, vt anima quasi è corpore excessisse videatur, eisdemque postea horis 24. elapsis, ceu profundo somno expergisci, & quasi in vitam reuocari, ad interrogata respondere, & quid de absentibus etiam per trecenta miliaria fiat, narrare, & indiciis additis fidem facere. Quæ à vi Diabolica, & fœdere cum Diabolo prouenire planum est: vt & ea, quæ Sibyllis plerisque, & oraculorum sacerdotibus contigerunt. Vnde à nonnullis pro certissimo occulti cum Diabolo fœderis indicio huiusmodi voluntarij raptus habentur. Quod autem illam affectionem attinet, quæ naturalis est, atque à naturali causa pendet, & vulgò etiam *ἐκστασις* nominatur, ad hæc symptomatum genera & soporem grauem ac delirantem referendum esse diximus. Tales enim ob causas, quas modò in comate recensuimus, somno profundo, atque ex quo difficulter excitari possunt, detinentur. Et cum varia & absurda spectra ac imagines in somniis phantasie obuersantia habeant, atque reliquis sensibus cessantibus & feriantibus imaginatio circa illas magis occupata & fixa sit, vbi euigilarunt, somnia illa ex phantasie illa intentione vera esse credunt, & pro veris, ac iis, quæ verè sibi per quietem acciderint, narrant, & sic hac ex parte, etsi cætera sese rectè forsan habeant, delirant. Sunt tamen nonnulli in ea sententia, etiam per naturam hominibus posse accidere imperfectam aliquam *ἐκστασις*, in qua non omnino cesset operatio phantasie, sed ficta facta imaginatione quibusdam posse accidere, vt Deum & Angelorum choros se videre existiment, atque ad hanc melancholicos, vt

aliàs cogitabundos, aptiores esse docet Fracastorius, *lib. 2. de Intellectione.* A nonnullis huc etiam soporem, quem appellant Dæmoniacum, sagarum referri diximus, in quo se per aërem ferri, laute epulari, choreas ducere, cum Dæmone congregi putant. Verùm quæcunque huius rei causa sit, de eo disquirere Medici proprium non est. Siue enim reuera transferantur, & vnguentis, nescio quibus, delibutæ, ceremoniisque nonnullis adhibitis, ad loca conuentusque nocturnos à Dæmone transportentur; quod fieri interdum verissimè historiæ testantur: de eo differere Medici non interest, siue etiam corpore non transferantur, sed domi suæ sopitæ, & grauiore somno oppressæ se choreis & conuiuiis illis interesse somnient, & vigilantes postea in eodem errore permaneant (quod etiam accidisse ex historiis patet) iridem causam rimari Medici non est. Neque enim somnia illa naturalia sunt, fierique non potest, vt tanta sit loco, temperamento, ætate, sexu & studiis differentium in somniis consensio, vt vna nocte, vna hora, de vno tali conuentu somnient, atque planè de loco, numero & conditione personarum similibusque circumstantiis conueniant: sed à causa supernaturali, Diabolo videlicet, Deo permittente, confœderatis talia somnia suggeruntur. Vnde etiam sagis illis seriò conuersis, & conuentibus illis amplius interesse nolentibus, talia somnia amplius non contingunt; quod indicio est, ea antea à naturali causa profecta non fuisse. Hoc potius Medici interest, de illius affectus causa disquirere, quem qui patiuntur, Noctambuli, forsan rectius Somnambuli appellantur, quod dormientes è lecto surgant, & vigilantium opera exerceant. Illud autem hîc præmonendum, vocabulum Noctambuli à nonnullis quidem latius extendi, dum eos quoque, qui per plana fortè iter faciunt, atque inter eundem obdormiunt, atque dormientes aliquò vsque progrediuntur, quod Galenus sibi accidisse scribit, 2. *de motu muscul. c. 4.* noctambulos appellant. Verùm si propriè loqui velimus, hi noctambuli aut somnambuli dicendi non sunt. Nec enim ad quietem compositi è lecto surgunt, nec ad ambulationem illam peculiari aliquo phantasmate impelluntur, sed iam, antequam obdormirent, ambulabant, atque ideo tam diu saltem dormientes ambulant, quamdiu in plano versantur; quamprimum ad obstaculum aliquod perueniunt, impingunt atque excitantur: quod non fit in veris Somnambulis, qui somno dati, phantasmate, vt dicitur ad surgendum impelluntur, atque more vigilantium non solum per plana incedunt, sed & scalas ascendunt, atque loca vix vigilantibus adeunda superant. Solent autem de causa huius affectus nonnulli pluribus disquirere: nos rem breuiter complectemur. Motum hunc animale esse, atque oriri beneficio pedum ac manuum, & motui progressiuo atque apprehensioni dicatorum organorum, perinde vt in vigilantibus, certum est. Cum autem ad motum animale non solum requiratur instrumentum, sed & virtus locomouens, atque præter hanc appetitus, qui motum imperat, & locomotiuiam impellit; appetitus autem stimuletur à phantasia, quæ obiectum oblatum cognoscit, atque appetitui offert & illud fugiendum vel sequendum monet, atque ita in motu animali sese hæc consequantur, obiectum oblatum, phantasia illud vt bonum vel malum agnoscens, appetitus vt bonum cupiens, vel malum auersans, vis mouens atque instrumentum, quod motum obit: etiam in somnambulorum motu hæc inueniri necessum est. Et quidem vim mouendi quod attinet, etsi in somno illam deesse aliquis existimare posset, quod in somno non solum sensus quiescunt, sed & animalis motus cessat, atque primi sensus quies somnus est, spiritusque in organis sensus & motus, ad sensum & motum sufficientes non adsunt: tamen id non ita acci-

Sopor Dæmoniacus.

Somnambuli.

Qua vi moueantur somnambuli.

*A quo ad
motum inci-
tentur som-
nambuli.*

*Quid imagi-
nationem in
Sonnambulis
excitet.*

accipiendum est, quasi spiritibus animalibus planè organa illa careant, sed certum est, superesse adhuc aliquos in iis, qui ad sensibilia vehementiora percipienda, & motus etiam, qui per somnum imperantur, edendos sufficiunt. Itaque anima sentiens in somno non solum ab externo obiecto vehementer incitata & laceffita ad sentiendum se conuertit, & primò quidem obscure rem percipit, postea subinde, ut clariùs cognoscere possit, maiorem spirituum copiam subministrat, qui ad sensus, qui afficitur, organum aditum quærentes sensus communis viam perumpunt, & ut animal sæpe etiam in somno moueatur, in causa sunt: sed & ab interno obiecto & imagine phantasiæ oblata idem fieri potest. Imaginatio enim ab interno obiecto per somnum representato affecta mouet facultatem motricem. Atque ita non aliunde, quàm ex Imaginatione symptomatis huius causa petenda videtur. Quanta verò vis Imaginationis sit, & quàm variè corpus nostrum ab imaginatione afficiatur, notissimum est, ut pluribus probare hinc opus non sit. Imaginatio enim potest in corpore imaginantis excitare omnia, quæ cum imaginatione naturaliter sunt coniuncta. At imaginatio mouet inferiores facultates corporis nostri sibi coniunctas. Cum autem imaginatio facultates sibi coniunctas & subiectas moueat, non prout semper vsus requirit, sed secundum representata, seu ut imagines hoc vel illo modo imaginationi offeruntur: non mirum etiam videri debet, quod nonnulli, dum quiescere debebant, è lecto surgunt, ambulant, pugnant, ad summa ædificiorum fastigia adscendunt, & alia plurima agunt. Cum enim reliquæ facultates per somnum quiescant; imaginatio verò non sit otiosa, sed semper operetur: tantum valet, ut motricem potentiam tum etiam stimulare, & ad motum animale incitare possit. Excitatur autem imaginatio ex rerum asseruatis speciebus; quæ postquam imaginationi per somnum offeruntur, illa circa eas intentiùs versatur; appetitum, & hinc motricem facultatem stimulat, ut organa motui destinata ad id, quod imperatur, agendum impellat. Atque hoc non solum in sonnambulis, sed aliis plurimis accidit, qui quidem è lecto non surgunt, sed tamen in lecto vel se circumuoluunt, vel brachia aut pedes iactant, loquuntur, clamant, rident, plorant, disputant, prout phantasmata seu à diurnis actionibus aut curis reliqua, seu ob dispositionem naturæ imaginationi offeruntur. Quæ actiones omnes cum ad imaginationem extra controuersiam referantur: causam non videmus, cur non ad eandem etiam sonnambulorum hunc affectum referre debeamus. Idem enim est, siue quis in lecto manens, siue è lecto surgens talia efficiat. In hoc enim saltem ab his differre videntur, quod sonnambulis non solum imagines rerum, quæ à quiescentibus etiam peragi possunt, ut est risus, clamor &c. offeruntur, sed quod talia etiam phantasmata ipsis obuersantur, quorum gratia homo ad surgendum, & aliquid in loco remotiore agendum & exequendum incitatur atque impellitur. Et si forsan etiam aliis dormientibus, qui è lecto non surgunt, tales imagines & obiecta offeruntur: in hoc tamen est differentia, quod imaginatio in sonnambulis validior, atque ad præsentia obiecta magis intenta, ac peculiaris aliqua spirituum dispositio est. Ut enim, qui spiritus habent crassos ac torpidos, nec vigilantes mentis ac sensuum operationes habent subtiles ac agiles, nec dormientes clara somnia, sed confusas saltem rerum agnoscunt imagines: ita contra, qui spiritus claros habent ac subtiles, & vigilantes ad omnes illas actiones sunt aptiores, & somnia habent clariora atque euidentiora, atque imagines in somniis sæpe tam clare discernunt, ac si vigilantibus offerrentur. His si accedat fortis & intenta imaginatio, quæ circa oblatas

imagines fortiùs atque intentiùs versatur: fit, ut etiam in somno verissima credant, quæ offeruntur, & maxime eadem affectu cupiant. Atque hinc forsan causa reddi potest; Quæ fiat, quod non omnibus hoc accidit, ut surgant de nocte: & quod quibus hoc accidit, non semper accidit, ut surgant, sed interdum saltem: quibus si addamus causam, cur non, dum hæc agunt, excitentur, nonnullam causarum huius affectus habebimus notitiam. Primò quod attinet, de eo authores alij aliter, & ferè non satis clare ac perspicue loquuntur. Singulorum opiniones recensere non libet. Rem verò ita se habere existimamus. Qui huic affectui obnoxij, sunt, omnino eum patiuntur ob phantasiæ motum fortiolem, mentis verò actiones tum obscuras. Nam cum in homine inter appetitum sensitium & motum adhuc aliquid intercedat, appetitusque & sensuum internorum operationes menti prius offerantur, ut ab ea vel reprobentur, vel approbentur; (vnde pugna inter appetitum sensitium & rationalem excitatur) in dormientibus verò his sonnambulis phantasiæ actiones sint fortiores & vigeant, mentis verò actiones sint obscuræ: fit, ut motus, qui tum imperatur, & ad quem phantasia stimulat, à mente & deliberatione vltiore non impediatur, sed facile in actum deducatur. Motus autem ille phantasiæ fortior non semper ab eadem causa proficiscitur, neque forsan omnes aliquam morbificam dispositionem ad hunc affectum habent; crediderimque, posse fieri, ut ex sola diurna cogitatione & cupiditate, motusque phantasiæ fortior tale quid eueniat, præsertim iunioribus, in quibus cupiditatem & audaciæ maior vis est. Sed hi rariùs id patiuntur. Quanquam enim ab audacia & phantasiæ motu ac cupiditate iterum ad similes actiones stimulentur: tamen si antea castigati & rephensi fuerint, periculique magnitudo ipsis sit monstrata, pœnæ atque obiurgationis, & periculi imago priorem phantasiæ motum interturbat, neque eum tam fixum esse, vel in actum deduci sinit. Alij verò, & qui frequentius id patiuntur, ab interna corporis dispositione in hunc affectum incidunt, quæ tamen etiam non videtur esse eiusdem generis. Alij enim spiritus animales alacres habent, & phantastici sunt; & sua cogitata aliàs strenuè prosequuntur, vel affectibus concitatiùs ad fugiendum vel appetendum quid mouentur. Alij ex simplicitate quadam id facere videntur, qui in quoduis, quod ipsis occurrit, temerè feruntur. Sed in his omnibus talem cerebri constitutionem coniungi oportet, quæ directionem imaginationis, quæ à ratione fit, inuoluit, & obscurat, ac somnum, ex quo etiam, dum surgunt, non excitantur, inducit. Vaporibus nimirum halituosis cerebrum abundare oportet, eodem modo, ut in melancholicis, phreneticis & ebriis. Quod vel illud docet, quod ebrij interdum vestibis exutis, nescio quibus in locis se quieti componunt, atque in cubiculo id se facere existimant; manè autem nihil eorum, quæ fecerunt, recordantur, nisi à somno excitati conspiciant, quo in loco se ad somnum composuerint. Quod vel vnicum ferè satis docere potest, qualis sit sonnambulorum affectio, nimirum quæ cum melancholicis, ebriis & delirantibus non nihil commune habet. Sonnambuli quæ simile quid etiam pati videntur illis, qui comate vigili laborant, qui clausis oculis varias imagines obuersantes habent, & nihilominus vigilare videntur. Quod secundò autem non singulis noctibus ambulant tales, accidit, quod singulis noctibus illæ causæ, quæ ad hunc affectum disponunt, non adsunt. Surgunt autem & ambulant, cum affectio aliqua vehementior, quæ phantasiæ motus fortioris causa est, præcessit, aut dispositio aliqua corporis, quæ tale quid inducere solet, ut cum ebrius est quis, aut constitutionem ebrio vel phrenetico non dissimilem habet, adest. Nonnulli dispositionem talem

*Sonnambuli
iornu
et c
no 2*

Cur sonnambuli noctibus ambulant

talem à cerro aliquo ciborum genere accipiunt, ut fabis & similibus flatuosis; quæ etiam in cholericis melancholicum quid inducendi vim habent. Quod denique non excitantur inter ambulandum, ideo fit; quod halitus & vapores pertinaciores & copiosiores cerebrum occupant. Hi enim cum non permittant, ut facile excitentur; contra verò spiritus animales cum sint vegetiores, & ad motus suos prompti: hinc fit, ut quasi medio modo inter dormientes & vigilantes sese habeant, modò oculos aperiant, modò claudant, perinde ut ij, qui excitantur nondum satiati somno, & dum sese induunt, iterum obdormiscunt. Sed de hoc authores dissentire videntur; An somnambuli clausis, an verò apertis oculis res suas peragant. Verum non videntur esse omnes eiusdem generis. Qui enim per conclavia nota saltem incedunt, possunt id facere clausis oculis; non secus ut cæci, quibus omnes anguli domus noti sunt. Qui autem domo exeunt, seras aperiunt, scalas adscendunt, & similia agunt, certè ea clausis oculis perficere non possunt, sed vel eos apertos habent, vel breuib. intervallis modò claudunt, modò aperiunt: Quod vel ille puer, cuius Libani mentionem facit, docet, qui nudus ad portam usque oppidi progressus, domumque iterum, cum eam clausam inueniret, regressus est, atque interim vigilem in medio oppido sedentem observavit. Ex his etsi, ut existimamus, causæ huius affectus non obscurè pateant: quædam tamen, quæ mira vulgo videntur, discutienda sunt. Cum in motum fortio-rem imaginationis affectus huius causam retulerimus, mirari quis primò posset, quid fiat, quod somnambuli sæpe talia agant: quæ imaginationi non satis respondere videntur. Sed huius rei causæ est, quod, quæ agant, & quomodo agant sensibus satis non agnoscunt, sed quasi in tenebris obambulantes, atque aliud agentes, intentioni suæ, quomodo possunt, satisfaciunt, & sæpe una re præ altera utuntur. Pertinet huc illud, quod habet Petrus Salius Diuersius: *Iuvenem, inquit, novi, qui somnians sibi propter negotium equitænam esse, è lecto surgens, indutis vestimentis, ocreisque & calcaribus adaptatis, super fenestram (nam in tabulato degebat) conscendit, & hinc inde dinaricatis cruribus parietem, perinde ac si equus esset, & voce, & calcaribus ad cursum incitavit.* Quod autem, quæ vigilantes præstare non possunt, dormientes efficiunt, causæ est, quod dormientes & semisopiti pericula non agnoscunt, neque timent, atque spiritus diffusos non habent; atque in vnum collectis spiritibus id vnicè agunt, ut illud, quod imaginationi offertur, exsequantur. In hoc enim causæ solùm, non in corporis leuitatem, spirituum copia turgentis, referenda videtur; & rationi consonum non est, quod Lemnius scribit, corpora somnabulorum, quoniam flatibus turgescunt, & spiritu aëreo implentur, in sublime rapi ac suspendi, non secus ac turgida illa dolia, quæ apud Belgas Oceani ostiis iniiciuntur, quo nautæ fidam stationem tutumque portum consequantur, nec ad loca vadosa declinent, ac non submergantur, quæ dolia spiritu, & aëre plena & inflata sunt. Sed his missis, ad reliqua sensuum interiorum principumque facultatū symptomata accedamus. Et primò quantum Ratiocinationem attinet, eam per aliquod organum corporeum non exerceri, iam aliquoties monuimus, atque ut à Philosophis probatum accepimus. Illi enim cum doceant ac probent, operationes Intellectus non per aliquod organum corporis exerceri: hinc illud conclusimus & deduximus; Ratiocinationem per se lædi non posse, sed solùm per accidens, læsa imaginatione & memoria. Quod quamuis neget Donatus Alrimarus, *tract. de function. princip.* atque statuatur, etiam Ratiocinationem per se, nulla susceptâ offensâ ab ipsius imaginationis læsione, nec à falsis imaginibus delu-

sam lædi posse: tamen rationibus ad id probandum parum sumis utitur. Hoc quidem verum est, Ratiocinationem esse actionem ab imaginatione, memoria & sensu communi separatam, & ratiocinatricis facultatis proprium esse, ut super phantasmata discurrat; illamque ex se primò habere, quod bene discursum illum perficiat, neque illum discursum atque illam ipsam actionem ab imaginatione dependere: sed hoc falsum est, quod ideo sola & ex se lædi possit, & quod ex se etiam habeat, quod illum discursum male perficit, & quod imaginatione rectè sese habente mens ex seipsa diminutè aut depravatè, aut nequaquam circa ea operetur, eius propria facultate læsa, & non à fictis simulacris seu imaginibus illusa. Nam cum nulla facultas suarum actionum læsarum per se causæ sit, sed omnis illa læsio vel à morbo organi actioni destinati, vel ab errore externo pendeat; atque hic nullus organi morbus adesse possit; cum Intellectus in intelligendo nullo utatur organo corporeo: ratiocinationis etiam læsæ nulla alia causæ esse potest, quàm obiecti vitium, atque ipsa sola & ex se nunquam læditur, sed saltem vel læsa imaginatione, vel memoria, vel vtraque. Quanquam enim, ut iam dictum sapius, ipsa inter agendum non utitur organis corporeis, neque per corpora intelligit: tamen cum materia intelligibilis menti per sensus suppeditetur: omnino etiam, dum anima est in corpore, citra præcedentem organorum corporis operationem intelligere non potest, sed phantasia opus habet atque memoria, à quibus imagines accipiat. Ex quibus omnibus iam patet, ratiocinationem proximè quidem fieri in cerebro, & læso cerebro ipsam etiam lædi, sed non proximè & per se, neque solam, verum ob læsam memoriam & imaginationem, & ratiocinatione læsa vna atque prius etiam lædi imaginationem, vel memoriam, vel vtramque actionem, ut ex iis, quæ in doctrina de differentiis symptomatum dicta sunt, patet. *Ανοια* enim & *μωροσυ*, stultitiam & amentiam quod attinet, cum ratiocinationis, imaginationis & memoriæ abolitione & labefactione constant: harum actionum læsarum causas inueniemus, si imaginationis atque memoriæ ablatae & imminutæ causas recensuerimus. Nam causæ horum symptomatum solùm secundum magis & minus differunt, & pro maiore vel minore vehementia hoc vel illud inducunt. Quænam autem sint causæ læsarum harum actionum, patebit, si prius, quænam ad ratiocinationem, imaginationem & memoriam requirantur, explicemus. Requiritur verò tria: agens, organum, & obiectum. Agens in his omnibus actionibus est anima huius facultatibus instructa, quæ cum nec intendi, nec remitti, aut omnino mutari queat, ex ipsa causæ nulla læsarum actionum peti potest. Organum est cerebrum; propriè quidem memoriæ & imaginationis; ratiocinationis verò eo, quo diximus, modo. Cerebrum itaque si rectè se habeat, actiones hæ rectè obeuntur: si verò non rectè sit dispositum, & vel morbo aliquo intemperiei, vel conformationis vel unitatis solutæ laboret, actiones læduntur. Inprimis autem temperiei mutatio hinc multum potest: quæ non solùm in cerebro, quatenus ipsi, ut corpori misto simpliciter competit, consideranda est, sed etiam quatenus viuentis propria est, & calido innato perficitur. Calidum enim cerebri innatum, quod à spiritibus animalibus fouetur, præcipuum est harum actionum organum. Tertium, quod requiritur ad has actiones, est obiectum, quod & ipsum, nisi rectè sese habeat, actiones has vitare potest. Hinc ut aliæ actiones, ita & hæ læduntur, vel læsa facultate, seu ob morbum cerebri, vel ob errorem externum. Ratiocinatio quidem, ut iam dictum, cum nullo mediante organo corporeo fiat, solùm ob errorem externum, obiecti nimirum vitium, & læsa inprimis phan-

Stultitia & amentia causæ.

Quæ ad actiones principales sunt necessaria.

Ratiocinationis læsa causæ.

phantasia, tum etiam interdum memoria, læditur. Imaginatio verò & memoria aboletur ac imminuitur primò & præcipue ob morbos. Morbi sunt inprimis intemperiei: ad quos etiam calidi innati mutationem referendam censemus. Quanquam verò Capuaccius, si in calido innato & spiritibus sit vitium, lædi tum actionem ob errorem externum statuatur: tamen rectius ad morbos referri illam læsionem existimamus. Calidum enim innatum ad ipsam cerebri constitutionem pertinet, & ipsum in cerebro præcipuum animæ in exercendis animalibus actionibus instrumentum est: Spiritus verò etiam sensuum instrumenta sunt; & quidem, ut Scaliger, *exerc. 97. f. 3.* ait, proprio natura atque affini magis ipsi potestati. Si tamen Spiritus vitium quoddam obtineant, atque illud speciei sensibili communicent atque imprimant: tum, obiecti ratione, actionem ob errorem externum lædi, dici potest. Abs hoc si sit, ob calidi innati & spirituum vitium actionem lædi læsa facultate rectè dicitur. Purissimus enim ille calor innatus, qui in cerebro residet, cum præcipuum sit & proximum animæ in exercendis actionibus illis principibus instrumentum, meritò etiam ad eius imminutionem seu frigiditatem actionum harum abolitio & imminutio refertur. Vnde etiam Galen. 2. *symp. caus. c. 7.* scribit: *Manifestum est, & fatuitatem & obliuionem ex refrigeratione creari. Quia & medicamenta, quæ eiusmodi symptomata inducunt, frigida viribus sunt. Ac talia quidem symptomata ipsum cerebri corpus refrigeratum esse docent.* Quod etiam repetit, *de loc. affect. c. 5.* ubi ratiocinationis læsionem cum memoria ab eadem dispositione proficisci, atque illam frigidam intemperiem esse docet, quæ omnes actiones animales torpidas efficiat. Potest autem caloris natiui defectus esse vel natiuus, & à primo ortu contractus, vel post partum adscitus. Natiuum si sit hoc vitium, calidum innatum deficit vel quantitate, vel qualitate. In Quantitate deficit, dum caput vel nimis paruum est, paucumque cerebri continet; vel inconcinnam habet figuram, caputque aliqua ex parte depressum est, qualis figura plerumque in stolidis & fatuis apparere solet. In Qualitate verò deficit, dum caput vel nimis magnum est, in quo calor ob magnam cerebri molem nimis diffunditur & dispergitur, atque inde imbecillior redditur; vel humiditate nimia obtunditur, quod cum in pueris fiat, animales actiones omnes imbecilliores habent: hincque siccitas ad prudentiam, humiditas ad stoliditatem deducit. Si autem post ortum calor natiuus deficere incipiat, sit hoc varias ob causas. Primò inter res naturales est ætas, senectus scilicet, in qua ob calidi natiui defectum senes iterum quasi pueri fiunt. Secundò inter res non naturales est cibus, frigidus nimirum, crassus & humidus; item aer, qui si sit tenuis ac purus, reddit ingenia subtilia ac acuta; crassus verò, quia calorem obruit, tarda & crassa. Hinc, ob victus & aeris in diuersis locis varietatem, omnino magna ingeniorum diuersitas est. Athenienses ob aerem tenuem & purum ingeniosi & sapientes habiti sunt: Thebani verò & totius Bæotiae incolæ crassi & stolidiores, ob aerem crassum. Tertio inter res præternaturales morbi sæpe calorem natiuum debilitare possunt. Ita nonnunquam ob casus, vulnera, & morbos, dum cerebrum concutitur, aut aliqua materia repletur, densiusque redditur, calor natiuus, euanescere & suffocari potest. De quo Gal. 2. *de symp. caus. c. 7.* scribit: *visum est, inquit, non raro morbos, ubi in abscessum abierint, stultitiam ac obliuionem intulisse.* Ita etiam ob causas morificas tum internas, tum externas calor imminui potest. Internæ sunt materiæ, quæ quantitate peccant, cerebrumque obruunt, & spiritus ac calorem innatum destruunt. Inter externas sunt vigiliæ nimia, nimia animi intentio & stu-

dium, inedia & similia, quæ spiritus absumunt & dissipant. Quanquam enim talia omnia calefaciunt: tamen quia exsiccant, spiritusque absumunt, ex accidenti etiam calorem imminunt. Vnde Galenus, 8. *de loc. aff. cap. 5.* medicamentis calefacientibus & humectantibus, victuque probo, quibus scilicet calor natiuus absumptus instauretur, curandos esse docet. Atque hæc forsitan de abolita & imminuta ratiocinationis & imaginationis causis sufficere possunt: de memoria imminuta ac abolita in specie adhuc quædam addenda videntur. Habet enim memoria abolita & imminuta plerumque eandem, quæ iam dicta est, causam, nimirum caloris innati defectum, frigidamque intemperiem, quæ omnes omnino actiones animales torpidas & segniores reddere solet, atque inprimis memoriam. Vnde vulgò obliuio frigiditatis filia fertur. Quod illud satis docet, quod qui cerebro natura sunt frigidiores, aut quibus ex morbo vel medicamentis cerebrum refrigeratum est, memoriâ minus valent, eandemque firmiorem acquirunt per medicamenta calefacientia. Plerumque frigiditati humiditatis excessus coniungitur, qui & ipse non solum cum frigiditate coniunctus, sed & solus memoriam debilitandi vim habet. Hinc etiam vulgatum est: humiditatem plus obesse memoriæ, quàm imaginationi: Et; sicco iuuari memoriam. Cuius rei ratio hæc vulgò redditur; quod si humidior & mollior, quàm par sit, cerebri substantia fuerit, quamuis ceræ mollioris instar facile imagines admittat & recipiat: tamen easdem impressas non diu, neque fideliter retinet & conseruat. Iulius Cæsar Scaliger, *exercitatione 307. sectione 28.* cum hanc sententiam suis difficultatibus premi animaduerteter, neque quomodo sine confusione tot specierum receptio hoc modo fieri possit, satis videret, aliam rationem attulit, atque sicco iuuari memoriam priuatione docet; propterea, quod in humido cerebro multi spiritus committentes sese, tanquam circuli in aqua, secant. Quod fit etiam in siccis cerebris, si sint biliosa, propter spirituum multitudinem. Igitur species ipsas ubi requirit phantasia, item quando intellectus recolit vniuersalium recognitionem: interponuntur in humido cerebro multa, videlicet inter intellectum & species seruatas: quæ si sint crassa, fit obliuio: si mobilia, fit dilatio recordationis, atque ibi reminiscencia, cum remouentur intercedentia impedimenta. Alij dicunt, cerebrum humidum languidius esse ad operationes. Posset autem hîc quisquam dubitare de humiditate; Num memoriæ oblit: cum videamus pueros ea, quæ ipsis accidunt, firmiter memoriâ comprehendere, adeò, ut senes etiam eorum, quæ, pueri dum essent, acciderunt, rectius recordentur, quàm eorum, quæ nuper contigerunt. Verum sciendum, duabus de causis pueros, quamuis humido sint cerebro, multorum rectius, quàm adultos meminisse. Prima causa est Nouitas. Cum enim nouitas admirationem pariat, admiratio attentionem; attentio fidelem apprehensionem; fidelis apprehensio firmam memoriam: pueris autem, utpote rerum plerarumque imperitis, plurima, quæ vident ac audiunt, noua accidunt, atque inde ea admirentur, animumque iis attendant: sit, ut fideliter ea memoriæ infigant, atque tenaciter retineant. Adulti verò cum talia sæpius viderint, ea non multum curant, atque cum iis animum non attendant, fideliter etiam memoria non comprehendunt ac retinent. Altera causa est, quod pueri cogitationibus curisque vacant, mentemque minus, quàm adulti, distractam habent: vnde etiam ea, quæ obueniunt, firmitus apprehendunt & retinent. Siccitas per se memoriæ non obest: sed tamen si vehementior sit, cerebro exsiccato, & humido radicali absumpto, calor etiam innatus euanescit, quo deficiente, omnes animales actiones læduntur: qua de causa, in senibus & memoriâ, & alias

Mem
causSicc
brum
ad n
dumAn h
ras ob
moriamCur p
nacion
beant
riam
senes.

alias animales actiones deficere diximus. Frigus itaque & humiditas, inprimis si coniungantur, memoriae obsunt, & praecipue si humor similis, nimirum frigidus & humidus, qualis est pituita, accedat. Ex quibus causis evidentes & procatacticas memoriam laedentes colligere est. Omnia enim illa, quae cerebrum refrigerant, eius calidum innatum absumunt aut dissipant, humores, ac pituitam in illo coacervant, causa laesa memoriae esse possunt. Laeditur nimirum memoria, si quis iter per loca frigida & niuosa faciat; & omnino aer frigidus, ac praesertim nocturnus, memoriae obest. Noxium etiam est memoriae nudis pedibus per lutum & aquam frigidam incedere. Vini potentis frequens usus memoriae incommodus est. Coitus frequens memoriam debilitat: sicut & somnus mox post cibum, & alias superfluous. Quae omnia literatis, utpote quorum thesaurus memoria est, diligenter vitanda sunt, atque inter reliqua inprimis quinque illa, quae Marsilius Ficinus, *lib. 1. de tuenda Studio. san. c. 7.* pro praecipuis studiosorum hostibus habet, pituita, atra bilis, venus, satietas, matutinus somnus. Medicamenta etiam, ut dixi, quae vim refrigerandi habent, siue extra applicentur, siue intus assumantur, memoriae nocent; sicut & alia, ut sanguinis nimia profusio spiritus exhauriens, purgatio vehementior, ictus, lapsus, morbus diuturnus & grauis capitis, inprimis calorem cerebri natuum destruens, cerebrum felis comestum, & si quae his sunt similia. Laeditur tamen & aliquando memoria ob errorem externum, obiectorum scilicet vitium, in phrenitide, & morbis cerebri calidis, cum scilicet ab innumeris penè obiectis & imaginibus, ab imaginatione & ratiocinatione subministratis, memoria à suo munere distrahitur & auocatur. Quale quid etiam sanis euenire videmus, qui dum in re aliqua narranda occupantur, ab obiecto aliquo fortuito oblato ita auocantur, ut reliquam narrationis telam pertexere obliuiscantur, atque ut ad institutum redire possint, manus oculis obiciunt, oculosque claudunt, omnesque sensus seuocant, ut obiecta, quae impedimento esse poterant, amoueantur. Atque haec actionum principum imminutarum & abolarum causae sunt: iam etiam deprauatarum causae quaerendae sunt. Hoc autem iterum hic monendum, memoriam non depruari. Neque enim prae memorari potest: sed vel nullius recordatur, cum abolita est: vel aliquorum saltem, & non omnium, quorum debebat, cum scilicet est imminuta. Ratiocinationis igitur & imaginationis deprauatae solum causae quaerendae sunt: & cum antea saepius iam dictum sit, ratiocinationis vitia omnia ab imaginatione laesa dependere: satis fuerit, si imaginationis deprauatae causas tantum inuestigauerimus. Et quidem cum plures imaginationis, & hinc etiam ratiocinationis deprauatae sint differentiae, nimirum delirium simplex, phrenitis, melancholia, mania, & quae huc pertinent, de singulis seorsim agemus. Ac primò Delirium simplex & *ἁπλοῦς φρενίτις* quod attinet, habet id delirium ortum à vitio spirituum animalium, ob quod imagines deprauantur. Spiritus autem vitium hoc contrahunt ob vapores calidos à partibus inferioribus communicatos. Ut enim frigus facultatum principum actiones torpidas & segnes reddit: ita caloris excessus imaginationem & ratiocinationem deprauat, ac turbat. Accidit hoc in febribus, partium inferiorum, ut ventriculi, hepatis, pulmonis, pleurae & similibus inflammationibus, à quibus calidi humores, vaporesque in cerebrum mittuntur, qui spiritus animales turbant. Atque facilius in hisce morbis delirium excitatur, si humores malignitatem, quod fit in malignis febribus contraxerint, ob quam cerebrum facilius turbari & dementari potest. Idem accidit, si quid in cibo vel potu assumatur, quod vim temulen-

tiam & delirium quasi inducendi habet. Tale inter cetera, & quod frequentius id praestat, vinum est, cuius vaporibus spiritus incalescunt nimis, atque agitantur, & actiones animales, praecipue principes, turbantur: quod à spiritu vini, utpote vini calidiore, subtiliore & facile sursum euaporante parte facilius praestatur. Solent autem deliria illa differre pro diuersitate humorum & constitutionis corporis eius, quod vinum largius bibit: quae omnia Horatius quinque speciebus complexus est, *lib. 3. Carm. Od. 21.* dum amphoram vino plenam ita alloquitur:

*O nata mecum Consule Manlio,
Seu tu querelas siue geris iocos,
Seu rixam, & insanos amores,
Seu facilem, pia testa somnum.*

Si enim vini vapor ac spiritus cum melancholia misceatur, querelas excitare solet, non tamen timorem. Timor enim vino pellitur, & ebrietas audaciam conciliat, ac, ut idem Horatius ait: addit cornua pauperi. Si verò misceatur vini vapor cum redundantis sanguinis blando vapore, homo ad iocos propensior redditur: si cum bile, rixas excitat: si vasa seminaria turgentia reperiatur, amorem concitat: si caput sit humidum, somnum conciliat. Quae diuersitas deliriorum etiam in deliriis ab aliis causis ortis apparet. Eadem vis inebriandi, & temulentiam, ac delirij hoc genus concitandi etiam aliis plantis inest. In lupulo ea notissima est; vnde cereuisia nostra suam inebriandi vim habet. Sed est & in aliis, quae vel vino, & cereuisiae mista ipsi vim facilius & potentiùs inebriandi communicant, vel etiam sola sumpta idem praestant. Talia sunt cannabis, lolij & pseudomelanthij semen, hyoscyami item, cortex mandragorae, opium, ex quo Turcae Maslach, quod vocant, suum faciunt, ex cuius usu non somnolenti fiunt, sed animosi, idque si, cum in praelium ipsis descendendum est, copiosius sumant, quasi insani redduntur, ut in quauis pericula audaciùs ruant. Talis vis Tabaco seu Nicotianae quoque deesse non videtur; cuius fumus si naribus & palato hauriatur, vel, ut vulgo plerumque loquuntur, bibatur, ebrios quasi homines reddit. Atque ex his omnibus causis excitatum delirium cum non fiat cerebro per essentiam affecto, sed ob vapores aliunde transmissos, turbatis spiritibus: intermittere solet, quamprimum causa illa, quae vapores communicat, desinit. Phrenitis verò, quae perpetuum delirium est cum febre acuta, ortum habet ex tumore calido cerebri, eiusque inprimis membranarum. Etenim si materia calida, siue illa sit sanguis tenuior, siue bilis, cerebri membranas petat, earumque venas repleat, imò per ipsarum orificia & tunicas inter spatia membranarum, vel etiam, si malum incrementum sumat, hinc in ipsam cerebri substantiam effundatur: tumor calidus, qui vel *φλεγμανὴ*, vel *φλεγμανὴ ἐρυσιπελατώδης*, vel etiam *ἐρυσιπέλας* appellari potest, excitatur. Et quidem mitissima est phrenitis, quae fit ex sanguine & bile pallida; vehementior, quae fit à flaua; adhuc vehementior, quae oritur ab eadem bile iam adustionem patiente. Quanquam verò de causa efficiente huius mali alij aliter loquuntur, atque alij à sanguine, alij à bile, & quidem diuersis eius speciebus excitari phrenitidem dicant: tamen commodissime exprimi videtur illa, dum dicimus, fieri à tumore calido, quem nonnulli appellatione *φλεγμανὴς* generaliter acceptae indignant, atque ortum habet à sanguine bilioso; quod omnia symptomata arguunt. Bilem tamen aliàs maiore, aliàs minore adesse copia, eadem arguunt. Pars affecta est cerebrum, eiusque membranae, ut scribit Galenus, *lib. 2. de sympt. caus. cap. 7.* seu potius, ut docet Paulus Aegineta, *lib. 3. cap. 6.* membranae cerebri, aliquando etiam ipsum cerebrum.

Qua inebriant.

Phrenitidis causa.

Nam etsi de parte affecta alij aliter loqui videantur: tamen in eo plerique consentiunt, in phrenitide semper affici atque laborare tumore calido membranas cerebri, cerebrum autem non semper tumorem pati. Ob vicinitatem quidem cerebrum semper in phrenitide incalescit & calida intemperie laborat: non tamen semper cum tumore, sed tum potissimum, cum tenuis membrana afficitur: cum, ut Galen. 4. de prasag. ex pul. cap. 9. scribit, tenuis meninx sola, nisi cum cerebro talem affectum subire non possit, nec etiam, cerebrum citra meningem. Dura vero meninx, quoniam longius à cerebro dissidet, sola affici & inflammari potest. Dubitant quidem nonnulli; An ipsa cerebri substantia inflammari & tumorem pati possit, & sunt, qui id negant, ac partem nimis mollem humorem influentem non retinere existimant. Sed non video, quid obstat, cur non & cerebrum inflammari possit. Cum enim cerebrum, ut alia partes, per minimas venas in poros suos alimentum assumat, atque inde in nutritione extendatur: impossibile non est, ex humore, ibi quidem non collecto, sed subito affluente, inflammari, atque etiam intumescere posse: cum in hydrocephalo infantum cerebri substantiam manifestè ex humorum affluxu intumescere observatum sit. Et quamvis cerebrum, non intumesceret: tamen inflammari, & humorem alienum imbibere posse, negandum non est. Est enim cerebrum molle, ac rarum, sanguinemque tenuem, ac biliosum imbibere potest, non aliter atque lana, quæ quamvis humorem imbibit, non mox in tumorem attollitur. Sed si quis de inflammatione substantiæ cerebri dubitat, legat, quæ de ea scripsit Petrus Salius Diuersus, de affect. partic. cap. 1. ubi morbum phrenitidi similem & ratione affectionis, & loci affecti ratione describit, in quorum scilicet utroque est inflammatio, cerebrumque afficitur: qui tamen ratione partis & loci affecti ac symptomatum eatenus differunt, quod in phrenitide potius est inflammatio in membranis, quam in cerebro: at in isto, quem Salius describit, affectu internas cerebri partes, eiusque propriam substantiam inflammatio occupat: & quod in phrenitide est delirium; in inflammatione verò cerebri sensus interni & externi amittuntur. De quo plura videantur loco allegato. Solet hæc inflammatio in sphacelum desinere, de quo etiam quædam habet Hippocrates de morb. post initium. Reliqua, quæ Phreniticos comitantur, symptomata ab eadem causa pendent. Læditur memoria, & petita matula sæpe mingere, linguam exsertam retrahere obliuiscuntur, & quod magis est, ipsius quoque respirationis quasi oblitum non nisi raro respirant, tum demum scilicet, cum respirationis usus tantum auctus est, ut, nisi respirent, suffocatio imminere videatur. Quæ læsio fit ex accidente plerumque, quatenus, ut nuper dictum, ab innumeris illis & confusis rerum imaginibus à suo officio memoria abstrahitur. Accidit tamen interdum, ut quoque in phrenitide memoria per se, ob organi morbum, lædatur, dum materia, quæ cerebrum eiusque membranas obsidet, non quatenus calida est, sed copia peccat, cerebrique meatus occupat & comprimit, & inprimis, quod nonnullis placet, dum materia hæc postremam cerebri partem obsidet. Ex qua diuersa memoriæ læsione, quarum vna fit per se, ipso cerebro læso, altera ex accidente, ipsa ratio cinatio quoque vel magis vel minus læditur: magis læditur, si memoria per se vitiatur; minus, si per accidens. Tertio loco inter deliria est Melancholia. Cuius mali natura ut manifesta fiat, de subiecto & causa eius efficiente querendum est. Cerebrum affici in hoc affectu dubium nullum est. An autem solum cerebrum, quod vulgo docetur, an verò simul cor afficiatur, inuestigatione dignum: cum id ad curationem rectè expediendum faciat. Cum verò ne-

gandum non sit, ut Fernelij verbis utar, dum iracundia, doloribus, gaudio, metu, cæterisque eiusmodi animi perturbationibus concutimur, conspicue, atque insigniter cor in nobis opprimi & gestire, animique perturbationes in corde fieri: Melancholia verò sit delirium plerumque cum tristitia & metu: concedendum est, in melancholia simul cor affici. Imò, ut mox ex causarum enumeratione patebit, cum spiritus animalis obscurus & tenebrosus reddatur, vel si spiritibus animalibus genitis talis materia permisceatur, vel si ipsi spiritus tales generentur: accidit posterius hoc præcipue, cum vitalis spiritus obscurus est & tenebrosus, qui cum spiritibus animalibus materiam suppeditet, fieri non potest, quin ex eo quoque talis spiritus animalis generetur. Arque in hac Melancholia, non tam cerebro, quam cordi medicamenta adhibenda sunt. Causam autem efficientem proximam quod attinet, ea est, ut Capiuaccius loquitur, phantasma tenebrosus, mite, cum timore & tristitia delirium inducens: læditurque & deprauatur imaginatio non læsa facultate, sed ob errorem externum. Phantasma autem tenebrosus redditur à praua quadam, & inprimis tenebrosa, ut vocant, spirituum animalium dispositione. Cum enim, ut antea diximus, spiritus animales debeant esse lucidi, tenues, subtilis, puri, mobiles, & ipsum cerebrum ea de causa nitidissimum & nullo ferè colore præditum factum sit: si vapor melancholicus iis misceatur, illam naturalem luciditatem & puritatem amittunt, & obscuri, opaci, ac tenebrosi fiunt. Et quod de spiritibus animalibus dictum est, id omnino quoque de vitalibus accipiendum. Cum enim metus & tristitia cum delirio concurrant, proculdubio spiritus vitales crassiores impurioreque erunt, quam naturaliter debebant. Sicut enim spirituum puritas & subtilitas animum hilarem & alacrem parit: ita crassi, frigidiore & impuriore mestum, ac tristem. Redduntur autem spiritus opaci, impuri & tenebrosi duobus modis. Primò quidem cum ipsi spiritus suam naturam sunt puri, ipsis verò materia aliqua aliena impura & tenebrosa misceatur. Deinde quia ipsi spiritus suam naturam sunt tales, talesque generantur. Prius fit tribus modis, primò cum in capitis tantum vasis materia illa opaca & impura spiritus obfuscans continetur, id quod accidit, quando phrenitidi succedit melancholia; cum scilicet resolutis partibus tenuioribus crassæ relinquuntur, quæ spiritui animali permixtæ eum crassum & melancholicum efficiunt. Secundò, cum ab vniuersi corporis & præcipue maioribus venis materia ista cerebro communicatur. Tertio, cum ab hypochondriis inprimis transmittitur, quæ melancholia inde hypochondriaca nominatur. De qua re diligenter agit Galenus, 3. de loc. affect. cap. 7. Si verò spiritus animalis suam naturam sit impurus ac tenebrosus, talisque generetur, id duobus modis fieri potest; vel quia spiritus vitalis in corde vitiosus & impurus gignitur, qui cum sit spiritus animalis materia, ex eo in cerebrum delato spiritum animale similem gigni necesse est; & tum cordi potius, quam cerebro medicamenta adhibenda: vel quia licet spiritus vitalis bonus & purus sit, nihilominus cerebri constitutio vitiosa est, quæ spiritum vitalem purum in animale tenebrosus mutat. Quanquam enim hoc Capiuaccius neget, & à nulla primarum qualitatum intemperie in cerebro melancholiam excitari posse statuat, dicatque à cerebro calido fieri spiritus animales calidiores, & hinc delirium maniacum; à frigido spiritus animales paucos, & frigidos, indeque fatuitatem: tamen non solum ad primas qualitates in partium constitutione respiciendum est, sed etiam ad secundas aliasque, ipsamque rei substantiam, sicut id manifestè oculi constitutio de

An cerebrum
inflammari
possit.

Melancholia
caussa.

demonstrat. Ideoque impossibile non videtur, talem posse esse cerebri constitutionem, quæ spiritus vitales etiam puros inquinet, & ex iis sibi congeneres spiritus animales tenebricosos gignat. Atque hinc quatuor sunt melancholiæ differentiæ, quæ in curandi ratione non parum variant. Prima est, cum cerebrum affectum est, & melancholia in ipsis cerebri venis consistit, spiritusque vitales à melancholica cerebri dispositione inquinantur: atque ea est per primum cerebri affectum, reliquæ species sunt per consensum vel totius vel certarum partium. Secunda nimirum species est per consensum cordis & totius corporis, cum spiritus vitales impuri ad spiritus animales generandos, sanguisque melancholicus ad cerebrum nutriendum suppeditatur. Tertia est hypochondriaca; quò & lien ac hepar pertinet: Quarta est ex vtero, Sed qua ratione melancholicum phantasma & spiritus melancholicus timorem ac tristitiam inducat, de eo alii aliter sentiunt. Galenus causam refert in colorem atrum, & tenebricosam humoris melancholici constitutionem. Ita enim, 2. de sympt. caus. c. 6. Ex humore, inquit, melancholico timorem & tristitiam oriri, nihil mirum: siquidem etiam eorum, quæ extra corpus sunt, nihil videmus, quod nos perinde terreat, ac tenebræ. Ergo cum tenebra rationalis anima parti sunt circumfusa, necesse est hominem timere, ut qui semper unà cum corpore sui timoris causam circumferat. Idem etiam docet, 3. de loc. aff. c. 7. Verùm hanc Galeni sententiam Auenroes, 3. collig. c. 40. non probat, coloremque ait non ita efficacem qualitatem esse, ut animæ has actiones mutare possit. Deinde actionum causa est temperamentum: & temperamentum corporis sequuntur mores animi, non autem colores. Denique cum nihil sit in intellectu, quod non fuerit in sensu, & anima non videat absque oculis: etiam nigredinem humoris melancholici, utpote oculis non obuiam, non percipiet. Ipse igitur, & cum eo alii nonnulli existimant, humorem melancholicum, non quatenus niger aut tenebricosus est, sed quatenus frigidus est, timorem inducere. Tantùm enim vnumquemque habere audaciæ, aiunt, quantum habet caloris. Vnde & mulieres viris, pueri adultis, senes iuuenibus timidiore sunt. Quod & illo probare volunt, quòd melancholicos calefacientibus & humectantibus Galenus curandos statuit; & vinum tristitiam adimit, non propter colorem suum, sed ob caliditatem & humiditatem. Verùm enim verò vtraque opinio si rectè accipiatur, à veritate planè aliena non est. Etenim quod Auenrois opinionem attinet, concedendum quidem est, frigiditatem & siccitatem humoris melancholici ad timorem etiam conferre. Frigiditas enim & siccitas humoris melancholici spiritus crassos reddit, & absorbet: & cum spiritus animales suâ naturâ sint aërei, calidi & humidi, materia melancholica, quæ naturâ frigidâ & siccâ est, hoc suo temperamento spiritibus planè aduersatur, sicut contra vinum, quod est calidum & humidum, spiritibus amicissimum est, hominemque lætificat. Hinc tamen causa altera, quam Galenus affert, simpliciter reiicienda non est. Siquidem coloris & tenebrarum mentione intelligitur illius naturalis puritatis ac luciditatis amissio, seu spirituum obscuritas, impuritas & tenebricositas. Sicut enim spirituum opticorum ad videndum requiritur luciditas, & oculus nisi lucidus sit, naturalem suam constitutionem non habet: ita & spiritus animales si non lucidi & puri, verùm opaci, obscuri, & quasi tenebricosi sint, actionibus illis principibus non rectè inserviunt. Et quamvis illa opacitas spirituum oculis primò non videtur, & hinc ad imaginationem defertur: tamen imagines per sensus perceptæ repræsentantur imaginationi & ratiocinationi per spiritus obscuros & opacos, sicut imagines, quæ visui per coloratam corneam, aut humorem aqueum fumis inquinatum, aut vitrum coloratum transmissæ colorem

induunt. Quod si sit, ob illam opacitatem, quæ species & imagines quasi inficiuntur, non mirum est, timorem & tristitiam oriri. Cum enim videamus, alios colores alios magis delectare, alios quasi ad lætitiâ, alios contra ad mœstitiâ inuitare: cur non idem fiat, si intus in cerebro imagines, talibus coloribus inficiuntur? Sunt tamen etiam nonnulli (quod circa hanc quæstionem & omnino totam huius affectus naturam monendum videtur) in quorum numero est Eustachius Rudius, & Fel. Platerus, qui materiam melancholicam occulta quadam proprietate talia symptomata inducere existimant, & materiam illam aliqua malignitate non carere, eamque quasi venenatam (quo modo Galenus ex corrupto semine & sanguine materiam venenatam gigni docere) esse statuunt. Coniunguntur autem metus & tristitia. Etenim quamprimùm hoc vitio spirituum illa alacritas animi exstinguitur: in eius locum ignavia quædam & tristitia succedit; vnde necessarium est, ut minus sperent, atque etiam tandem desperent. Eadem causa & humoris melancholici tenebricositas solitudinem & tenebrarum amorem ingerat: quò tamen & id facit, quòd melancholici intenti suis imaginibus se præsentia aliorum impediri sentiunt: ob quam causam omnes etiam alii tristes consuetudinem & consortium hominum fugiunt, ac solitudinem amant. Illud porro quæstione non indignum est; Quæ fiat, quod tam absurda, miranda, ridicula, incredibilia imaginantur, ut ex historiis, de sympt. diff. allegatis, & similibus passim apud alios obuiis patet. Pendet hoc ex causa proxima melancholiæ, nimirum vitiosa illa dispositione spirituum animalium, qui à vaporibus melancholicis inquinantur, turbantur & agitantur. Acciditque melancholicis idem, quod somniantibus, suntque melancholicorum deliria quasi somniantium phantasmata, nihilque ferè aliud, quàm vigilantium somnia. Ut enim dormientes in somniis mira & non coherencia inter se componunt: ita melancholici vigilantes idem faciunt. Non incommoda est similitudo, quam affert Aristoteles, lib. de insom. cap. 3. Quemadmodum, ait, in aqua commota aut nulla effigies redditur, quæ appareat, aut redditur quidem, sed obscura & tortuosa: quiescente autem & stagnante aqua rei nativæ imago apparet: ita & dormientibus (& delirantibus) idem evenit. Dum enim vapores in cerebro errabunda motione circumaguntur, imagines aut penitus obrutæ delitescunt, aut non nisi turbulenta quædam & prodigiosa viâ exhibent. Et quidem melancholici non semper in omnibus delirant, sed in quibusdam. Neque enim semper ratiocinatio & in omnibus læditur. Fieri enim potest, ut, licet phantasia corrupta sit, tamen memoria imagines non falsas retineat, easque ratiocinationi offerat, circa quas dum occupatur ratiocinatio non aberrat. Quæ autem materiæ melancholicæ huius causa sit, & vnde generetur, illud explicare huius loci non est, sed ad causas morborum pertinet. Breuiter hoc saltem addimus: inter causas internas multum hîc posse hepatis, cordis, reliquorumque viscerum caliditatem. Talis enim viscerum constitutio sanguinem crassum & nigrum efficit. Inter reliquas causas ad humorem melancholicum generandum plurimum faciunt animi affectus & perturbationes. Terror & metus grauis ex improviso animum percellens sæpe grauiorem, quàm vlla alia causa, melancholiâ inducit. Ita refert Platenus, puellam, conspecto suspenso extra urbem, in melancholiâ summam incidisse, quæ postea in conuulsiones desinens, mortem intulit: aliamque mulierem, cum serò patibulum prætergrederetur, & metueret, ne vrbe exclusa illic pernoctare cogeretur, in diuturnam melancholiâ incidisse. Tristitia & mœror idem præstare potest, quacunque etiam de causa ortum habeat. In specie autem causam melancholiæ Hypochondriacæ quod attinet, quæ Arabes & Barbati

Cur Melancholici ament solitudinem.

Cur melancholici tam absurda imaginantur.

Melancholia hypochondriaca causa

mirachial. m., quod Arabibus mirach abdomen sit, appellant, ea latet sub hypochondriis in abdomine. Hypochondriorum autem nomine non solum sita in iis, hepar & lien, intelligenda sunt, sed in primis quoque mesenterium. In mesaraicis enim venis, non tantum mesenterium & omentum, sed & alia viscera perreptantibus, in primis ubi maiores venae portae rami versus lienem & ventriculum in sinistro latere, (quo loci & dolores ac molestiae frequentius sentiuntur) tendunt, latet & coaceruatur haec materia melancholica, quae fumis suis postea cerebrum molestando & turbare solet. Verum cum ab eadem causa ac materia non solum melancholia, sed & alij affectus plures excitentur, alio loco de affectione hypochondriaca in genere plura dicentur. Ad melancholica deliria etiam Amorem, seu ex amore insaniam retulimus. Neque id immerito. Granissimus enim hic affectus est, ut eius vim Philosophi etiam satis admirari non potuerint, vix enim, qui mentis omnia consilia perturbat, hominemque ita immutat, ut vix idem agnoscatur. Pater huius affectus vehementia in Medea, quae impotentia amoris & Ζηλοτυπία in Iasonem filios discerpit: in Didone, quae amore in Aeneam victa manus violentas sibi infert. Quapropter de causis huius affectus inquirere non inuile fuerit. Illud autem praemonendum est, huius affectus gradus quosdam esse. Alij enim saltem impotentius amant & cum ratione insaniunt. Hi quamvis amoris impetu a rectis consiliis abducantur, prorsus tamen mente non aberrant, sed etiam, dum minus recte agunt, errorem agnoscunt, nihilominus affectus magnitudini ob animi molliem obsecundant, & vident meliora probantque, deteriora sequuntur: & ut est apud Terent. in Eunuch. act. 1. scen. 1. prudentes, scientes, viui videntesque percutiunt: qui non tam a Medico, quam morum doctore corrigendi sunt. Sed saepe eoque affectus magnitudo procedit, ut ex continuis, quibus noctes diesque vexantur, affectibus, tristitia, curis, sollicitudine, ira, tandem plane mente priuentur. Neque hoc mirum, cum alias notissimum sit, curam, tristitiam, sollicitudinem aliis etiam de causis ortam, in melancholicam & delirium hominem conuicere posse. Sed hoc loco non praetereunda quaestio illa est, cuius etiam de sympt. diff. mentionem fecimus. An nimirum philtis, seu potionibus amatoriis, & id genus aliis, affectus talis induci possit. Quam rem ut breuiter expediamus, statuendum censemus, philtis amorem non conciliari, fierique non posse, ut pharmanis, vel aliis ceremoniis quicquam cogatur & impellatur, ut aliam nolens volens amet. Cum enim amor rei pulchrae (sive reuera talis, sive apparentis) desiderium sit; desiderium & appetitum rei notitia praecedat, atque ignoti sit nulla cupido, nemoque appetat, quod non nouit, & vulgo recte feratur; ἐκ τῆ ὁρᾶς γίγνεται τὸ ἐρᾶν: facile hinc patet, nec herbis, nec aliis, quae philtorum nomine circumferuntur, cogi animos hominum posse, quod minus libera voluntate eligant, quod ament: Et in voluntatem hominis nec Daemonis, nec pharmanum vllum esse imperium. Et si quid tale contingit, ob conuersationem potius cum illa persona, quae philtum exhibuit, quam ob ipsum philtum prouenit. Hoc tamen non negamus, pharmanalia ardorem in venerem concitare posse: sed ardor ille non in definitam aliquam & peculiarem terminatur personam: nisi forsan amator ille maleficus tum temporis homini caetro libidinis quasi percito & furenti sese offerat & oggerat, & artibus amatoriis in amorem pertrahere conetur, quod tum facile obtineri potest. Hoc etiam verum est, philtum illa saepe non

amorem, sed furorem inducere, hominesque ad insaniam redigere; cuius rei passim historiae exstant, quae testantur, puellas & uxores amatos ac maritos, quos in sui amorem philtis pertrahere conatae sunt, ad insaniam redeisse. Quin tamen diabolus etiam talibus magicis & superstitiosis actionibus suam operam praestare, & impuris perditae amantium imaginationibus sese iungere ac miscere, & animos hominum commouere, ac turpes affectus & cupiditates accendere possit, non dubitamus. Quanto loco inter deliria enmerauimus Maniam, delirium scilicet non cum timore, sed potius cum furore, audacia, ira, iurgiis, & aliis vehementissimis animi affectibus. Causa huius symptomatis iridem, ut in melancholia, residet in spiritibus: sed alia dispositio est spirituum in melancholicis, alia in maniacis. In melancholia, ut dictum est, spiritus sunt obscuri, opaci & tenebricosi: vitiosa vero dispositio, quae est in maniacis, est ignea, spiritusque quasi ignei & feruidi euaserunt, vel ob adustos vapores feruidos, vel ob intemperiem cerebri calidam: in quo cum phrenitide conuenit. In hoc tamen mania a phrenitide differt, quod in phrenitide est tumor, putredo ac febris: in mania vero nullus tumor adest in cerebro, & nulla putredo, atque hinc etiam nulla febris. Est autem materia illa, quae hos igneos & feruidos vapores communicat, bilis atra, seu ex sanguine feruente, seu ex bile adusta, seu ex humore melancholico adusto generata fuerit: & continetur alias in capitis tantum, alias vero in vniuersi corporis venis, maioribus praesertim. Consistere autem causam in humore illo adusto ac feruente, vel id docet, quod maniaci, qui in claustris & domunculis publicis custodiuntur, etiam hybernum gelu nudi, sine vlla corporis laesione & iactura, ferunt, & quod mirandum est, si tangantur, non frigere, sed calere in medio frigore hyberno deprehenduntur, ut videre est apud Forestum, lib. 10. obseru. 20. Atque talis humor cum sit huius mali causa, non est mirum, maniacos non solum delirare, sed etiam cum audacia delirare, esse iracundos, sauos, temerarios, truculentos, aliosque magis, alios minus, pro humoris varietate. Platerus & hic monet, materiam hanc malignitatem peculiari non carere: quod ex accidentibus illis enormibus, quae se, ac si veneno essent perciti & infecti, in maniacis proferunt, coniciendum esse existimat. Causae autem remotiores sunt illae omnes, quae humores ita adurere & cerebro intemperiem calidam communicare possunt; ut sunt mora sub sole diuturnior, multus usus vini potentis, diuturna mcestitia, cura, sollicitudo, vigiliae nimiae, ira, animi intentio, & studium nimium; atque omnino omnia, ut diximus, quae cerebrum tantum, vel vna totum corpus ac humores calefacere atque adurere possunt. Ad Maniam etiam retulimus λυκανθρωπίαν, ut & κυνανθρωπίαν γαλεανθρωπίαν, cum homines in lupos, canes, feles & similia animalia se mutari credunt. Item rabiem ex morsu animalium rabidorum huc pertinere diximus. λυκανθρωπίαν quod attrinet, duplicem eius modum dari diximus, de diff. sympt. vnum, qui daemonum ope & praestigiis fit, qui homines ita dementat, ut credant, se in lupos, vel alterius generis animalia mutatos; spectatores vero obiecto ementitarum & fictarum formarum ita ludificant, ut externam illam figuram adumbrationem pro vero lupi corpore habeant; qui modus sub Medici considerationem non venit: alterum vero, cum illi, qui in lupos se mutari existimant, phantasia solum decipiuntur, & deprauata phantasia in lupos se mutatos esse persuasum habent, & persuasione illa etiam lupina facinora edunt; cum tamen spectantibus non lupi, sed homines appareant. Quae quidem lycanthropiae species Medico consideranda est, inquirendumque; quae causa sit illius affectionis

Amoris insani causa.

An philtis amor induci possit.

Mania

Lycanthropia

tionis. Plurimum ad hanc rem valere sanguinem
brutorum potum sequentia docent. VVeinrichus,
in lib. de monstris, cap. 15. refert, Breslæ puellam quan-
dam, cum publicè spectaret à carnifice latronem ca-
pire truncari, territam in epilepsiam incidisse, atque
post, cum alia remedia non iuuarent, nescio à quo per-
suasam, felis sanguinem loco medicamenti hausisse:
quo facto, puella felis naturam induit ex intervallo,
& quod id animal in ædibus solet, id illa imitata est
voce, saltu, gestu, cum mures in silentio venaretur, in
angustissimis etiam, quibus posset, foraminibus. Alia
quoque, *ibidem*, recensetur historia de quodam, qui
suillo sanguine pastus luto delectabatur ad fastidium
vsque. Et omnino magnam in sanguine ad corporum
& morum mutationem vim esse, aliunde etiam patet.
Et quanquam omnis sanguis id faciat: tamen præci-
puè arteriosus, utpote efficacior, plurimum præstat. Is
enim sanguis, potissimum adhuc calens, & spiritibus
plenus, potus miras mutationes in homine inducit, ut
vel generatim saltem bestiarum feritatem exprimat,
vel etiam speciatim alicuius bestię mores imitetur.
Nam cum sanguis naturam animalis sui habeat, &
omnes animalis actiones potissimum spirituum & ca-
loris natiui beneficio perficiantur: illo ab homine as-
sumpto, in spiritibus eius & calore, ac consequenter in
humoribus & solidis etiam partibus fieri mutatio-
nem, credibile est. Omne enim alteratum naturam al-
terantis sequitur. Et forsitan hac etiam de causa Deus
toties & tam seuerè sanguinis bestiarum, & præser-
tim calentis & adhuc viuentis animalis, vsum prohi-
bit. Idem euenire potest, rariùs tamen, à lacte, præci-
puè in prima illa tenera ætate assumpto, & carne ani-
malium comesta. Ita obseruatum est, quendam lacte
caprino nutritum, cum adoleuisset, semper saltate so-
litum immoderatiùs, quicquid ageret, plantasque, ut
capræ solent, arrodere petulantiùs. Cerebrum item
ad tales mutationes multum facit; unde quendam,
vrsi cerebro comesto, eius bestię naturam induisse,
annotatum est. In primis autem ad tales affectus indu-
cendos plurimum valet venenum à rabiosis animalibus
(de quo iam dicendum) communicatum, ut cani-
bus, lupis & aliis. Quanquam enim antiqui nonnul-
li in quorum numero est etiam Galenus, *lib. 6. de loc.*
aff. cap. 5. negent, alia, præter canem, animalia in ra-
biem agi: tamen contrarium docuit experientia; quod
si ipsis cognitum fuisset, procul dubio non contradi-
xissent. Lupos in rabiem agi, iam notissimum est,
collegitque notatu dignas luporum rabidorum histo-
rias peculiari libello Iohannes Bauhinus. Aristoteles,
de hist. an. l. 8. c. 22. & 24. Camelum & equum in ra-
biem incidere testatur. Sues, boues, vulpes in rabiem
actos, idem Iohannes Bauhinus eodem tractatu anno-
tauit; quod & felibus accidere obseruatum est. Com-
municatur autem hoc venenum plerumque per mor-
sum, per vulnus nimirum, saluam seu spumam in corpus
immisam. Alij tamen etiam aliis modis venenum il-
lud rabidorum animalium communicari posse refe-
runt. Matthiolus, *in l. 6. Diosc. cap. 36.* se duos vidisse
testatur, qui spuma tantum perfusi, nullo quidem ex
morsu accepto vulnere, rabiem contraxerunt. Ex so-
la impositione manus in os canis rabidi, sine morsu;
ex osculo item canis rabidi rabiem conciliatam esse,
ab aliis compertum. Carnes quoque rabidorum
animalium comestas homines in rabiem agere, plura
exempla docent. Fernelius, *de abd. rer. caus. l. 2. cap.*
14. refert, venatores quosdam, cum in lupo sæui-
orem incidissent, illum trucidatum in varia obsonio-
rum genera apparasse & coxisse. De quo omnes, qui
esitarunt, non multo post tempore, rabie correpti
sunt, atque alij perierunt, alij sociorum morte pru-
dentiores facti, sibi prospexerunt. Ex Lycosthe-
ne narrat Bauhinus, hospitem quendam scelera-

Dan. Sennerti Tom. I.

tum conuiuis carnes suis à rabido cane demorsa ap-
posuisse, ex cuius esu omnes rabiem contraxerunt.
Idem hoc narrat; suam, cum in rabiem acta esset, à
rustico occisam & sepultam esse. Sed cum negligen-
tiùs & non satis profundè eam sepeliisset, accidit, ut
tempore hyberno cadauer erutum vulpes deuora-
rint, ex cuius esu vulpes & ipsæ rabidæ euaserunt: à
quibus postea & aliæ pecudes, equi, & ipsi etiam ho-
mines læsi sunt, & omnes, quotquot demorsi fue-
runt, rabidi euaserunt, & maxima parte miserè pe-
rierunt. Vnde etiam censent Medici, cibum vel po-
tum non esse sumendum, quem homo rabidus, vel à
rabido animali demorsus, & propterea de rabie sus-
pectus gustauit. Tanta nimirum huic atrociissimo
veneno sese propagandi vis est, ut faciliè & pluribus
modis in alios derivari possit. Quocunque autem
modo venenum rabidi animalis homini communi-
catum fuerit, non mox sese exserit, sed sæpe aliquan-
diu nihil mali sentit homo, nisi forsitan ex vulnere
dolorem, & antequam erumpat, sæpe non solum
per menses, sed & annos latet. Fracastorius, *lib. 2.*
de morbis contag. cap. 10. Serpit, inquit, tam segniter
& per moras, ut rarissimè ante vigesimum diem prod-
atur infectio; maiori ex parte post trigesimum; multis
non nisi post quatuor aut sex menses; quibusdam etiam
post annum. Aliqui & post quinquennium manifestari
tradiderunt. Vidi ipse puerum, qui octauo post mense,
ex quo demorsus fuerat, contagionem ostendit, ex qua
mox perit. Imò memoria proditum est, malum hoc in
sextum, septimum, imò duodecimum annum dilatum
fuisse. Rei huius admirandæ si ratio quærat, hæc
reddi posse videtur. Venena, cum tota substantia à
natura nostra aliena sint, neque à calore nostro vin-
ci aut superari possint, quamdiu etiam in corpore la-
teant, suam naturam retinent, atque vim suam tan-
dem exserunt, etsi id aliàs citiùs, aliàs tardiùs fiat.
Quæ diuersitatis ratio in agentis & patientis forti-
tudine ac debilitate consistit. Venenum enim aliud
alio, atque alio quoque tempore, efficacius est; mor-
susque venenatorum plerorumque animalium in re-
gionibus & temporibus calidis vim suam efficacius
atque citiùs exserunt, quam iisdem frigidis. Ita etiam
corpus patientis aliud alio ad resistendum fortius est,
& plures sæpe eodem veneno assumpto non eodem
tempore, neque omnes extincti sunt. Itaque quam-
uis forsitan plures vel ab eodem cane aut lupo rabi-
do lædantur: alius tamen vno, alius duobus, tribus
aut pluribus mensibus post rabie corripitur; quod
nimirum alius ad resistendum veneno est fortior,
alius debilior. Ita & venenum in animali rabido
hoc vehementius & efficacius esse potest, quam in
alio. Potest & victus ratio hinc aliquid præstare. Si
quis enim vtatur victu, qui vim veneni heberandi
habet, diutiùs malum differetur. Verum vtut etiam
malum protrahatur, nisi præsentissimis remediis, &
ferè mox in initio è corpore eliminatum fuerit, sen-
sim radices agit, vitamque latenter oppugnat, atque
eius vehementiæ est ac potentiæ, ut à calore nostro
superari non possit, unde in certum & inuitabile
tandem exitum hominem coniecit ac præcipitat.
Vbi igitur venenum sese exserit, apparere incipit
tristitia & metus, ira, tacita quædam obmurmuratio,
lucis fuga, sitis orisque siccitas, singultus & conuulsi-
ui quidam motus, facies rubet, oculi sunt torui, spu-
ma ex ore manat, vox raucescit, sudor in facie appa-
ret, angustia in toto corpore obrepit. Delirant ple-
rique, & canum more latrant, ac obuios quosque
morsu imperunt, atque vbi tandem res ad extremum
est deducta, aquam, imò omnia liquida, abominan-
tur, ut emori malint, quam aquam bibere, aut ad eam
deduci; unde hic affectus antiquis *ὕδρφοβία* nomina-
tur. Nonnulli inter rabiei signa, seu illa, quæ demorsis

Venenum ra-
bidorum ani-
malium diu
latere potest
in corpore.Symptomata
demorsorum
à rabidis a-
nimalibus.

à cane rabido eueniunt, & hoc recensent, quòd in urinis talium apparent quædam corpuscula, catulorum figuram præ se ferentia. Verùm esse symptoma- tum in diuersis aliquam diuersitatem, neque omnes delirare, iam dictum est, *de diff. sympt.* Causæ iam horum symptomatum restant inuestigandæ: Vbi mox in principio id, quod alibi etiam docuimus, repetendum est, quod morsus canis rabidi vel alterius animalis, non qualitate aliqua prima nocet; sed omnia ferè, quæ demorsis accidunt, symptomata in occultam qualitatem referenda sunt. Venenum enim omnino est id, quod à cane & aliis animalibus rabidis communicatur, & propterea, aliorum venenorum more, non primis qualitatibus, sed occulta proprietate, seu tota substantia agit. Quod satis efficacia summa & agendi potentia, quæ ipsi cum aliis venenis communis est, docet. Etenim exigua morsuuncula, aut etiam contactus saltem huius veneni ita corpus hominis inficere potest, vt maximè appareat, nulli primæ qualitati tantam vim & potentiam inesse. Quod & inde patet, quòd cælo tam calidissimo, quam frigidissimo, atque aëris contrariis mutationibus canes in rabiem agi possunt; quod non fieret, si ex qualitate prima ortum duceret. Sicut & illud hoc persuadet, quòd venenum hoc augetur, & sopitum quasi resuscitatur occultarum qualitatum actione. Si quis enim à rabido animali, demorsus cornum tangat, aut sanguineam virgam tractet, qui antea rabie laborauit, in eandem iterum incidit. Quod etiam euenire scribunt, si quis sub sorbo dormiat; testaturque Matthiolus, in l. 6. *Diosc. c. 39.* se vidisse quendam rabie correptum, quòd corni arboris virgis lanam diu excussisset; cum lanificio daret operam, & rabidum interiisse. Et si nihil aliud conuinceret, actionem hanc non à primis, sed occultis qualitatibus dependere, sola curatio satis hoc doceret: siquidem hinc medicamenta non per qualitates primas, sed à tota substantia, & per qualitates occultas agentia requiruntur, si quid in curando proficere velimus. Præter hæc, si etiam autoritatibus certandum est, idem docet Galenus, lib. 11. *de simpl. med. fac.* dum Pelopem præceptorem reprehendit, quòd huius affectus rationem ex causis manifestis se redditurum ambitiosius iactaret; & manifestè scribit, cancrorum fluuiatilium cinerem substantiæ proprietate prodesse demorsis à cane rabido. Et *ὁ δὲ ποσειδών* in specie quod attinet, quidam ab immodica siccitate eam excitari docent. Ex nimia enim siccitate sitiunt quidem tales, aiunt; fugiunt tamen naturali quodam instinctu aquam, quemadmodum animalia ratione carentia tanquam sibi contrariam: ideoque etsi eam desiderant: tamen cum sint multum exsiccati, timent eandem, tanquam sibi contrariam, sicut & cætera humida. Verùm neque à siccitate, neque ab vlla alia qualitate prima malum hoc pendere, modò monstratum est. Et si à siccitate hoc symptoma eueniret: certè illam maximam esse oportet; cuius tamen in demorsis à canibus rabiosis nulla euidentia signa apparent. Neque enim color, neque habitus corporis, neque alia, quæ intemperiem siccam sequuntur, insignia symptomata, vel antequam incidunt in rabiem, vel postea apparent. Et si causa huius mali est corporis siccitas: cur non omnes hæctici hydrophobia laborant? Et contra, cur non omnes demorsi à cane rabido hæctica laborant? Et quare in curando hoc malo calida & sicca, vt theriaca, gentiana, zedoaria, melissa, carduus benedictus, imperatoria, angelica, puluis cancrorum fluuiatilium vstorum, & similia adhibentur? Atque cum siccitas, si adesset, præter naturam adsit, aquam potius appetere, & auide assumere deberent, tanquam siccitati contrariam, & quæ posset præternaturalem illam siccitatem auertere, & corpus ad naturalem statum reducere. Alij occultæ proprietati hu-

ius veneni causam adscribunt. Sicut enim ij, qui ab araneæ illa specie, quam Tarantulam vocant, demorsæ sunt, dum sonum Musicum audiunt, melius habent, ac diutius saltantes sudore perfunduntur, atque sanitati restituuntur: ita putant proprium esse huius veneni, vt aquæ auersationem inducat. Alij hanc huius symptomatis rationem reddunt, quòd rabidis, cum ratiocinationem & imaginationem deprauatam habeant, ex longa circa canes, vtpote à quibus læsi sint, cogitatione in phantasia formæ & idola canum imprimantur, ita vt assidue præ oculis canes sibi habere videantur, imò se canes euasisse putent, & larrando aliisque actionibus canes imitentur; & tum præcipue, cum in aquam, tanquam in speculum, intuentur, & faciem suam rubicundam torventem atque ira plenam aspiciant, aut imaginentur canes in ea esse; vnde aquam abhorreant & fugiant, vt qui morsum canis iterum timeant, vel à cane aquam inquinatam credant. In huius rei fidem adducitur historia ex Aëtio, *tetrab. 2. cap. 24.* *Philosophus quidam*, ait Aëtius, *morsus à carne rabioso, & generoso animo affectioni resistens, ratus, canem in balneo apparere (apparebat enim illi, quemadmodum etiam aliis hoc modo affectis) Ratiocinatus igitur, & sic secum locutus: Quid cani & balneo commune? superauit affectionem, & sanatus est ab ea, ubi citra timorem bibisset.* Affertur & alia historia ex Rhase huiusmodi: *Vidimus*, inquit, *quendam in nosocomio, quem momorderat canis rabiosus, & vidi, quod non terrebatur ex aqua imò petebat eam, & querebatur de siti. Cum autem aquam daremus ei, ipsam abominabatur, & sordes in ea esse aiebat, intestina nimirum canum, & cum aliam ei offerremus, idem dicebat.* Verùm Petrus Salius, Diuersus hanc sententiam non admittit, atque eam experientia destitui, neque rabientes in aqua quid videre, cum sapius etiam eos interrogasset, affirmat; nec aquam solum, sed omnia liquida auersari, in quibus nulla species & imago visibilis repræsentari potest. Præterea & istud huic sententiæ obstat, quòd & ij aquam timent, qui nunquam à cane rabido demorsi sunt, & causam proinde nullam, cur canes timeant, habent, quibusque alio modo venenum hoc communicatum est, vel etiam in quorum corporibus, vt creditur, internis de causis illud generatum est. Ipse verò Petrus Salius Diuersus aliam huius symptomatis rationem reddere conatur hoc modo. Vt venenum hoc non ratione qualitatum primarum, sed occultæ proprietatis effectus suos edit & symptomata inducit: ita obseruatum est, ait Diuersus, peculiarem *ἀντιπάθειαν* habere ad omnia liquida, quorum vsu scilicet ita exasperatur, vt, maiori ferocia exultans, sæuius petat & cruciet internas partes: hinc cum à liquidorum vsu valde lædantur ægri, vt id, vt habet Salius, omnes vno ore affirmant: ita deinde omnia liquida abominantur, vt ex eorum sola oblatione ac aspectu grauissimè crucientur. Nam cum aliàs ex aspectu etiam rerum insuauium & ingratarum nausea & vomitus excitari possit: non quoque hic mirum est, ex liquidorum, à quibus antea læsi fuerunt, solo aspectu vel oblatione corpus commoueri, & propterea ægros ab eorum vsu abhorrere. Ex quibus omnibus illud deducit, rabientes liquida omnia auersari & abhorrere non ratione alicuius falsæ imaginationis, sed quia reuera, à liquidis tum assumptis, tum oblati lædantur. Notatu dignum & hoc est, hydrophobiam non semper à rabidi animalis veneno, sed quandoque etiam ex terrore induci, cuius rei historiam notabilem habet Platerus, lib. 1. *observationum*, pag. 83. de quadam fœmina, quæ noctu ad fluuium sola relicta & spectris territa, ab eo tempore nec aquam nec vinum, nec iusculum, nec aliud liquidum deglutire potuit, sed statim hisce oblati magisque ori inditis, suffocandæ similis, spiritum cum vo-

Cur Rabidi
aquam ab-
horreant.

ciferatione, veluti interclusum, trahebat. Et quod mirum, ex solo contactu liquidorum idem accidens patiebatur, imò si liquida in conclaue inferrentur, illis conspectis horrescebat, denuòque afficiebatur, adeò vt non prius graue hoc symptoma cessaret, nisi hisce è conspectu ablatis. Sed & aërem nonnihil agitatum, vel auram aliquam lenem sentiens, idem patiebatur.

in lotio
rum
in ima-
interdū
eant.

venenū
rabie
t, in
gene-
sit.

S. Vi.

Cum porrò inter symptomata, quæ rabidis accidunt, & hoc à nonnullis annotetur, quòd in lotio excreto canum imagines appareant, neque illud prætereundum videtur. Pro fabula id à plerisque habetur, vtpote quòd nulla experientia comprobatum sit. Ab Arabibus tamen id narratur. Auicennas, lib. 4. dist. 6. tract. 4. scribit: mungi à demorsis à rabido cane vrinam, in qua appareant res carnosæ mirabiles, quasi animalia, & quasi canes parui. Idem ex Abenzoare, & Nicolao Florentino referunt. Quod si ita se habet, proculdubio non tam in imaginationem, quod Abenzoari placet, quàm summam huius veneni efficaciam referendum; quòd hominis constitutionem valde immutat, & caninam quasi efficiat. A quo & humores ita corrumpi, vt animalcula quædam catellis similia in corpore generentur, non adeo absurdum est: præsertim si illud verum est, quòd à fide dignis pro comperto & vero nobis relatum, ex spuma canis rabidi, vesti aut linteo inhærente, animalcula quædam paruis catellis similia generata fuisse. Sed vt hæc concludamus, illud tandem etiam quærendum; An causa huius mali in corpore humano, nullo præcedente ab animali rabido communicato contagio, generari, seu; An humores in corpore humano ita corrumpi possint, vt veneni rabidi animalis vicem habeant, & eadem, quæ illud, symptomata inducant. Authorum experientiis fides si habenda est, res plana erit. Quinque enim exempla recenset Marcellus Donatus, lib. 6. de hist. med. mirab. c. 1. eorum, qui non aliunde communicato hoc veneno, sed in corpore genito, in hydrophobiam inciderunt: similémque historiam affert Petrus Salius Diuersus, de affect. partic. c. 19. Verum enimverò hoc quidem certum est, posse humores in corpore nostro ita corrumpi, vt venenorum naturam induant: sed hoc admiratione dignum est, posse hoc tam determinatum & speciale venenum in corpore nostro, nulla accedente causa externa generari. Quapropter etsi experientias & historias illas non in dubium voco: tamen existimauerim, consultum esse, vt si quid tale accidat, atque aliquis in hydrophobiam incidat, non solum de morfu animalis rabidi diligenter inquirere, sed etiam de aliis modis, quibus venenum hoc communicari posse diximus: & quidem non solum de eo quærere; an nuper, sed etiam, an vnquam tale quid ipsi acciderit; cum venenum hoc multos annos, antequam vim suam exserat, latere posse itidem docuerimus. In hanc classem delirantium vltimò etiam retulimus ratum illum quidem, sed admirandum affectum, quem à perpetuo & insano quodam saltandi desiderio, sanctique, cuius ope ægros inuari supersticiosè creditum est, nomine, S. Viti choream, vel saltum, S. Veits Tants, appellarunt. Simulatum esse hunc affectum à quibusdam, elemosynas maiores colligendi gratia, compertum est: subesse quoque vim interdum superiorem, & à Dæmone talia, Deo permittente, proficisci, credibile est. Impossibile tamen etiam non est, à naturali causa hoc symptoma prouenire, & facilius hoc credit, qui ea legit, quæ de tarantulæ morfu scribit Matthiolus, in lib. 2. Diosc. cap. 57. in hunc modum. *Isti à tarantulis alij perpetuò canunt, alij rident, alij plorant, alij clamitant, &c. Nam atra bile tentatis, pro eorum temperamentis, omnia hæc adesse conspeximus.* Et paulò post: *sed mirum certè, quàm facile huiusce veneni vis Musicà mulceatur. Quandoquidem, (vt equidem attestari possum) auditis lyricis instrumentis, per tibiæ sonum primo statim*

occursum isti à tarantula à plangoribus cessant & in medium tripudiare & saltare incipiunt, tamque diu rem persequuntur, ac si sani essent, & nullo vnquam tenentur dolore. Quod si eueniat, vt tibicines tantillum quiescant, non multo post tempore in terram concidunt, & ad pristinos redeunt languores, nisi tamdiu indeficiente sonitu saliant atque tripudiant, donec venenum partim insensibiliter per cutis meatus, partim per sudorem exeat & discutatur. Ob id igitur tibicines stipendio conducuntur, alternatimque mutantur, vt absque vlla sonitus intermissione tam diu tripudiant demorfi, quousque penitus curati conquiescant. Hoc itaque si demorsis à tarantula accidit: non absurdum est, Viti choream, quæ non paruam cum hoc affectu similitudinem habere videtur, etiam à naturali causa ortum habere posse: cum satis constet, quàm diuersa symptomata, diuersa desideria, variasque imaginationis corruptiones inducat atra bilis, pro diuersa ipsius corporisque ægri constitutione. Aliqui quidem conuulsionis speciem hunc affectum esse volunt; sed reuerà hic nulla adest conuulsio: Verùm ratiocinatione ac imaginatione deprauatâ in hunc insanum & peruersum saltandi affectum feruntur: quòd forsan aliquid etiam facit humoris feruor corpus stimulans & quasi titillans.

CAP. V.

De causis Symptomatum facultatis Motricis.

Atque ita causas reddidimus plerorumque symptomatum, quæ facultati cognoscenti accidunt: ad inuestigandas causas symptomatum, quæ in motu eueniunt, accedendum est. Inter quæ primo loco occurrit Paralysis, quæ fit, cum spiritus animalis ad organa sensus & motus non influit: quod euenit, cum vel à cerebro non transmittitur; vel etsi transmittatur, in partem aliquam aut non admittitur, aut ob malam eius dispositionem, motum & sensum in ea excitare non potest. Motus enim voluntarij organum est Musculus: Nerui spiritum animale deferunt: Cerebrum eum communicat & transmittit. In hisce ergo tribus Paralyseos causa est quærenda. Cerebri vitio quomodo fiat motus abolitio, explicare huius loci non est, sed ad apoplexiam & epilepsiam, ac similia symptomata pertinet, in quibus cum motu sensus interni & externi aboleretur. Neruorum, quo nomine etiam dorsalem medullam complectimur, vitio paralysis oritur, cum vel intemperie aliqua laborant; vel cum angustiores, vt spiritui animali transitus non pateat, redduntur, vel inciduntur aut eroduntur. Si enim nerui aliqua portio à quacunque harum causarum ad officium suum inepta reddatur, partes omnes, quibus nerui illius ductus reliquus communicatur, resoluuntur. Inter intemperies inprimis frigus est neruis inimicum, & frigida ac humida intemperies *παλυσας* maxima causa est, siue illa ab interna siue ab externa causa proficiscatur. Sic refert Galenus, 1. de loc. aff. cap. 6. in paralyin incidere posse aliquem, si diu super frigido lapide sedeat, aut diu in aqua frigida commoretur. Et idem Galen. 4. de loco aff. cap. 4. annotauit, quendam tempore frigido & pluuioso, cum madidum pallium diutius collo obuolutum gestasset, in manus paralyin incidisse, neruis, qui à spinali medulla ad manus deriuantur, nimis refrigeratis & humectatis. Calida verò & sicca intemperies & ipsa paralyin inducere potest; vel quod pituitosos humores fundat, ipsisque quasi vehiculum sit, vel, vt alij sentiunt, quòd adeò neruos induret, vt spiritus eos permeare non possint. II. Etsi hæc ita sese habeant, & hæc causa, quam ipsa experientia comprobatur, negari

Paralysis
causa.

non possit: in frigida tamen & humida intemperie subsistendum planè non putamus: sed huic causse aliam adhuc addendam censemus, nimirum vim narcoticam, & peculiari vi nervis inimicam, quæ non solum in externis causis, ut medicamentis narcoticis, sed & internis, ut humoribus reperitur. Talèque naturam habere non rarò humorem illum, qui post Apoplexiam paralyseos causa est, credibile est. Etenim si saltem frigiditate & humiditate paralyfin excitaret, non tam pertinax esset illud malum, nec tam diu sæpe tam efficacia medicamenta calefacientia & siccantia sine omni vel cum paucò fructu adhiberentur: quod satis arguit, causam aliquam longè potentiorè & efficaciorè, quàm solam intemperiem frigidam & humidam, subesse. Ab hac causa proculdubio est paralyfis, quæ à contrectatione argenti viui provenit & aurifabris atque iis, qui specula parant, ut de Venerianis testatur Herculus Saxon. familiaris est. Vinum etiam huc pertinere credibile est, quod quantum nervis incommodi immoderatus sumptum pariat, tremor manuum in potatoribus non rarò docet. Quanquam enim paralyfin à vino induci putent alij à siccitate, alij, ut Rondeletius, quod suo calore & tenuitate excrementa ad nervos deducat, alij, ut Eustachius Rudius, quod in nervis acetosum euadat: tamen probabiliorem putamus Plateri sententiam, qui statuit vinum peculiari vi narcotica sensus & spiritus sopire: refertque Fernelius, l. 5. de part. morb. & sympt. cap. 3. se vidisse, aliquando univèrsam corporis cutem ex crapula & vinolentia stupore affectam fuisse. III. Augustiam nervorum quod attinet, ex obstructione nervorum & ab humore pituitoso nervos obstruente, ac spiritibus animalibus transitum præcludente, paralyfin oriri, plurimi docent. Atque ut vnum saltem locum pro multis in testimonium huius rei adducamus: ita hac de re scribit Galenus, 2. de caus. sympt. cap. 2. *Ostendimus, inquit, nervum vel frigore densatum, vel crassum, & lentis humoribus obstructum, vel à quapiam extrinsecus causa pressum in torporem & paralyfin adduci.* A recentioribus tamen hoc in dubium vocatum fuisse, animadvertimus, atque imprimis à Fel. Platero, qui in ea est sententia: humores hos non per dorsalis medullæ, aut nervorum substantiam, sed per cavitatem dorsi vertebrarum, dorsalem medullam continentem, descendere, illucque vel circa principium, aut progressum illius subsistere, vel ulterius per ductus eorum sequi, alicubique circa nervos hære, atque eos vel pondere suo comprimere, spirituique animali viam interciperè; vel, & præcipue quidem, humiditate sua nervorum substantiam irrigare, replere, refrigerare, eorumque intemperiem destruere, atque ita impedire, quò minus spiritu animali impleri, eoque perfrui possint. Causam verò, cur hoc modo affectis potiùs, quàm obstructis nervis paralyfin excitari putet, hanc affert: quòd nervi sint solidi, aut ex filamentis consuti, nec cavitatem ullam, quæ humorem illum crassum admittere possit, habeant. Verùm etsi satis probabile sit, nervos, qui hinc inde partibus inferuntur, ita solidos esse, ut humorem crassum vix admittant; impossibile tamen non videtur, ut humor etiam crassior nervos in exitu suo obstruere possit. Quò minus enim caui sunt nervi, eò facilius obstruuntur. Non tamen necessarium videtur, semper humorem adeò crassum statuere. Et, ut serosus humor, vel vapor, præcipue narcotica vi præditus, in substantia Cerebri in humorem mutatus, in nervos infundatur, & influxum spirituum animalium prohibeat, impossibile non videtur. Compressio etiam fit à tumore quocunque præter naturam siue ille sit in partibus vicinis, nervumque comprimat, siue sit in ipso nervo, sicut post vulnera nervorum, & eorundem contusionem calli

vel cicatrices oriri solent, aut etiam tubercula: à contusione, ab ictu vel casu, à luxatione vertebrarum in obliquum repente facta, à vinculo iniecto. IV. Nervus dissecto, quia continuas cum parte tollitur, & spiritus animalis in partem influere non potest, membrum sensum & motum amittit. Quod & ob contusionem nonnunquam accidit vehementem, qua nervus ita læditur, ut ad officium suum præstandum planè inutilis reddatur. Tandem etiam conformationis vitio, ab ortu nervi rectè non formati & quo decet non ductis, motus impotentia accidere potest. Excitatur autem paralyfis modò in pluribus, modò in paucioribus partibus, & modò in hac, modò in illa, prout plures vel pauciores in hac, vel illa parte nervi afficiuntur. Nam si omnes à facie aut capite partes inferiores motu priventur & resolvantur, servato motu partium faciei, capitis atque sensibus: spinalis medullæ initium laborat, & quidem utraque eius pars illæso cerebro: si verò in altero tantum latere motus cesset: illius etiam lateris saltem pars in spinali medulla afficitur. Si autem nervus saltem aliquis à dorsali medulla profectus afficiatur, prout pluribus vel paucioribus partibus inferuit, plurium vel pauciorum partium motus tollitur: Et prout huic vel illi parti inferuit, ita etiam huius vel illius partis motus læditur: unde ex parte læsa conici potest, qui nervus afficiatur, si ex Anatomia nervorum exortus & propagatio cognita & perspecta habeatur. Nam à qua parte spinæ aut quibus nervis rectè sese habentibus unaquæque pars accipit spiritum animale, ab iisdem male habentibus læditur. Verbi gratia, si crura solum sint affecta, utrumque vel alterum: mali causa hæret infra lumbos in vertebris ossis sacri, & spinalis medulla vel transversim, vel in altero duntaxat latere læsa est. Eadem est ratio partium à cerebro deductorum. Hæc enim vel illa pars afficitur, prout hæc vel illa nervorum coniugatio læditur. Verbi gratia, si lingua solum resoluatur: malum à septima nervorum coniugatione provenit. Si vox deficiat, nervi recurrentes affecti sunt: atque idem de cæteris esto iudicium. Verùm cum suprà dictum sit, Motus impotentiam non solum paralyfin, sed quacunque etiam alia de causa motum impeditum complecti, reliquæ quoque motus impediti causæ addendæ. Etenim præter nervorum vitia, ob musculorum quoque, qui voluntarii motus instrumenta sunt, morbos motus aboleri potest, si nimirum illi eorumque tendines ab humore aqueo diutius irrigentur, ut tendinibus laxatis partis attractio fieri non possit: vel si tumor aliquis durus, ut scirrhus, aut nodus, aut callus post vulnus in musculo oriatur, & proinde in causa sit, ut membra attracta ita contracta relinquantur. Quod etiam accidit, si musculi, eorumve tendines exsiccentur & indurentur, ut ad motum flexumque inepti reddantur. Si quoque musculi nimium refrigerantur, ut calor narius quasi sopiatur, motus impeditur. Quod tandem & ob solutam musculi unitatem & vulnera evenire potest. Verùm cum ad motum non solum eorum, quæ dicta sunt, recta constitutio requiratur, sed & partium, quæ moveri debent, aptitudo: ob earum vitium etiam motus impediti solet. Si nimirum ossa in membris, quæ iis firmata sunt, loco moveri non queant, membri illius motus aboletur; ut si ossa sint fracta, contusa, luxata. Ita quoque si ligamenta, quæ articulos obvolvunt, & in motu in naturali statu retinent, vitientur, motui obfunt: ut si rumpantur; quod tamen ob soliditatem facile fieri non potest; vel in vulnere dissecentur, aut in apostemate & sinuoso ulcere erodantur; vel si laxiora aut molliora fiant, aut contra exsiccentur, indurentur, & callis nodisque occupentur. Atque huius loci videtur esse explicare quæstionem illam, quæ

Differen-
rum p
seos cau

An ex ob-
structione pa-
ralysis exci-
tetur.

ambiguitur; Cur interdum pereant sensus & motus simul; interdum verò sensus illaeso motu: & contra, motus illaeso sensu pereat. Vulgò ea de re docent, partes plures esse, quæ nervos diuersos habeant, quorum alij sensum, alij motum conferunt; atque in his, vbi in parte aliqua apparet hæc differentia, non esse difficile causam reddere, cur pereat nunc sensus, illaeso motu, & contra motus, illaeso sensu; cum sint distincti nerui, qui his operationibus inserviunt. Sic si in oculo primum pars nervorum lædatur, secundum sit saluum, visus læditur, manente oculi motu. Et in lingua si tertia quartaque coniugatio nervorum cerebri lædatur, septima verò sit integra, gustus læditur, illaeso linguae motu, & contra. Sic in tribus minoribus digitis manus, si quintus nervus brachij lædatur, integro quarto, servatur motus, laeso sensu in cute foris eos ambiente & contra. Cur autem interdum, etsi vtrique vis ab eodem nervo pendeat, vel motus solum, vel simul sensus aboleatur, causam reddunt ex inopia spirituum animalium. Paucos enim spiritus animales sufficere quidem ad sensum, sed non ad motum, vtpote qui maiori facultatis robore indigeat. Et propterea statuunt, nunquam posse servari motum, non integro sensu. Non enim rationi consentaneum videtur, deficiente infirmiore, sensu scilicet, validiorem operationem servari, motum nimirum. Verum circa hanc explicationem notandum videtur; hoc rectè accipiendum esse, quod nerui in sensorios & motorios distinguuntur. Nam nerui sunt canales spiritui animali vehendo dicati, & propterea in genere animalibus actionibus inserviunt. Nerui etiam omnes, quia membranas obtinent, ratione earum sentiunt. Et proinde per se nerui alij sensorij non sunt, atque alij motorij, sed hoc ipsis ex insertione competit, quatenus nimirum in partem sensui solum, vel etiam in partem motui dicatam inseruntur. Si itaque nervus, qui in musculum inseritur, ita afficiatur, ut spirituum animalium influxus prohibeatur: fieri potest, ut inde simul motus & sensus lædatur. Quod etiam accidere potest, cum à musculorum nervis propaggines ad membranas & cutem feruntur. Ex tali tamen nervo affecto accidere potest, ut solum motus imminuatur vel tollatur, integro sensu; cum, ut rectè dicitur, maiori spirituum copia opus sit ad motum, quam ad sensum edendum. Si verò nervus aliquis solum in membranam aut cutem, partemque motui non destinatam inseratur, atque is afficiatur; tunc solum sensus, integro motu læditur. Verum enim verò, An præter hæc tenus explicatam paralyin non alia adhuc detur, non frustra quæri potest. Paralysis enim quædam, quæ dolores colicos sequi solet; nostro seculo plurimis Germaniæ regionibus satis familiaris est; cuius tamen etiam inter antiquiores mentionem facit Paulus Aegineta, lib. 3. c. 18. & 43. De hac non immeritò quæritur; An sit eadem cum paralyi, quæ in antiquorum, & passim etiam recentiorum libris describitur. Etsi verò in hoc convenire videntur, quòd in vtrique sit quædam ad motum impotentia: tamen in reliquis non parva inter eas deprehenditur differentia. Vnde etiam hanc affectionem nonnulli παράσιν, quam ὀδύνην appellare malunt; etsi antiqui istas voces in eadem significatione usurparint. Nam in paralyi antiquorum, quæ plerumque apoplexiam non lethalem sequitur, cerebrum & nervorum principium est affectum, & à capite ad spinam dorsii ac inferiora membra materia paralyin excitans transit. In hac verò, quæ colicam sequitur, paralyi, saluo plerumque cerebro & nervorum principio, artus solum, aliunde transmissa materia, afficiuntur; quod & curatio indicat. In illa enim paralyi capiti, principio nervorum, & spinæ remedia adhibemus; in hac verò ad intesti-

na potius respicimus, & ipsis membris affectis remedia applicamus. Quam curandi rationem breuibus comprehendit celeberrimus Medicus, Iohan. Crato, dum, *Consilio* 171. ita scribit. *Cum in hoc malo non ad principium nervorum, sed plerumque ad musculos malum transmittatur; atque ut post graues labores, langueant: consequens est curationem in exstirpanda materia ex musculis, iisque corroborandis consistere, non neglecta corroboracione intestinorum.* Et consilio seq. *In paralyi post colicam malum ab intestinis oritur, & impetu quodam ad membra exteriora fertur ac musculos, tendines, & partes exteriores occupat, sæpe principio nervorum illaeso.* Itaque primum intestinum malam intemperiem corrigere, studemus: deinde materiam, quæ in membris exterioribus est, discutere, & membra corroborare, hoc est, ad suam temperiem reducere. Deinde paralyis antiquorum caret omni dolore; imò non raro in ea etiam sensus perit, aliòsque affectus secum coniunctos non habet; nisi quod apoplexiam plerumque sequitur. In hac verò paralyi sæpe dolor grauis cum impotentia mouendi coniungitur, eademque in conuulsiones interdum transire solet. Aliis quoque affectibus hæc paralyis coniungitur, & sæpe arthriticis doloribus superuenire solet. Vnde nonnulli etiam παράσιν hanc à colica ad arthritidis familiam referunt. Esse tandem inter hos duos affectus non exiguam differentiã, vel illud docet, quòd vulgata illa paralyis est diuturnus ac curatu difficilissimus, ut neminè ferè latet, affectus: hæc verò, præcipuè si recens sit, non adeò contumax est, sed breuiore sæpe tempore idoneis remediis curatur. Accedit tandè & in scorbuto interdum quædam ambulandi impotentia, & quasi paralyis quædam ægros sæpe comprehendit; vnde & σκελετόρρηξ nonnullis hoc malum appellatur. De qua non immeritò quæritur: An cum antiquorum paralyi, an verò cum paralyi illa ex colica magis conueniat. Si verò paralyin hanc scorbuticã cum ea, quæ colicam sequitur, diligenter conferamus: cum ista potius, quam cum vulgata illa paralyi conuenire animaduertemus. Nã omnia illa ferè, quæ in paralyi post colicam conspiciuntur, eamque à vulgata paralyi discernunt, etiam in hac, quæ scorbutum comitatur, paralyi conspiciuntur. Præterea etiam hæc animaduertuntur. Primò, etsi pedes transferendi & firmiter figendi robur desit: decumbentes tamen adhuc quendam motum habent. Deinde hæc scorbutica paralyis nõ, ut genuina & vera illa antiquorum paralyis, à principio ad finem perpetua & constans est, sed suas per vices mutationes & interualla habet, adeò quidem, ut qui pridie ne pedem figere in terram potuerunt, leui aliquo adminiculo iterum nonnihil progrediantur: imò eadem die ægros ambulandi impotentia sæpius corripit iterumque recedit: cuius rei exemplum habet *Seu. Eugaleus, de scorbut. part. 1. ed. 1. sen.* Et si totam generationem vtriusque huius paralyeos consideramus: eadem ferè vtriusque videtur esse ratio. Nam in scorbuticis etiam tota mali causa in inferiore ventre, & sentina illa corporis hæret, & intestina non raro lancinat & excruciat. Hinc in reliquum corpus diffusa plurimas partes affligit, & inter reliquas etiam per venas in artus extremos effusa & arthritidem quandam, & mouendi impotentiam excitat. Quomodo verò Paralyis ex colica generetur, non adeò expeditum est; atque & de ipsa materia, & de viis, per quas in artus mittitur, authores dissentiant. Alij enim in ea sunt sententiæ; eam ipsam materiam, quæ doloris colici causa est, ab intestinis ad membra exteriora non transmitti, sed aliunde ad membra affecta fluere. In qua sententia est *Casp. Hoffmannus*, qui, in *consiliis Medic. à Laur. Scoltizio editis, consil. 173.* docet, non in intestinis contineri humores, qui ad artus mittuntur, sed tamen denum hanc paralyin fieri, vbi iam maxima pars materiae

Paralyis
scorbutica.

Quomodo
generetur
paralyis
ex colica.

materiæ pituitosæ in intestina effusa per aluum excreta, ac per paroxysmos absorpta est, ut iam quodammodo mitescere & rariùs inuadere colica videatur. Tum enim reliquos humores pituitosos, & præsertim eos, qui sunt in capite, propter dolores, inedia, vigiliæ, calidorum incidentium medicamentorum usum attenuatos, relictâ priore consuetâ viâ, ad propiorem viam declinare, ac ita secundum nervos ad musculos, & sic ad manus & pedes contendere: unde artus laxentur. Atque hinc non in omni colica resolui artus, sed tantum in ea, quæ magna ex parte pendet ex delapsu pituitosi humoris ex capite per venas in intestina. Volcherus Coiter, in *miscellan. observ. anat. & Chirurg.* statuit, paralyfin oriri ab aqua tenui & limpidâ, quæ in cerebri ventriculis, atque in spina dorsii collecta sensim à superiore parte nervos irriget, quoad pervenerit ad eorum extremitatem: atque proposita historia paralyfis ex colica docet, cerebrum cum orificio ventriculi maximum habere consensum, plurimòsque vapores in caput elatos ibi in tenuem istam humiditatem conuerlos fuisse, atque cerebrum irrigasse: Cerebro undique repleto, hanc humiditatem per sacram fistulam ad nervorum originem defluxisse. Thomas Erastus & ipse negat, humorem in intestinis collectum, & hinc ad artus ablegatum fuisse. Idque primum ex eo probat, quod natura nunquam per aluum pituitam illam excernit; quod certè, si non semper, frequenter ipsam facere oporteret. Longè namque faciliùs crassum humorem per patentes & à natura ad hoc ipsum destinatos meatus, id est, per vias usitatas & convenientes, præsertim ab enemate aut pharmaco irritata, expurgat, quàm ad longinqua loca per impeditissimum iter deponit. Deinde etiam ex eo, quod per intervalla dolores minuuntur, augentur, ac recrudescunt, materiâ iterum collectâ & affluente. Ideoque statuit, non in intestinis contineri humores, qui ad artus reiciuntur, sed ex venis eò potius extrudi à natura exonerare se volente. Alii illam ipsam, quæ dolores colicos excitat, materiâ ad articulos fluere statuunt; sed aliis viis. Nonnulli enim de viis non sunt solliciti valde; cum totum corpus sit *σύμπνοον καὶ σύρροον*: alii verò humores hos per intestinorum tunicas penetrare intra vertebrae lumborum & spinæ existimant, inde ad nucham, quam vocant, pervenire censent, mox secundum nervos ad artuum extremitatem descendere. Ex tot sententiis ut iam veritatem eruamus, danda est opera. Primum autem ii errare videntur, qui solum humorem pituitosum huius mali causam statuunt. Etsi enim concedi possit, aliquid crudi humoris etiam coniungi: tamen omnia symptomata si perpendamus, non abesse biliosum humorem, animadvertemus. Testatur enim Erastus, se ex infinitis propè nullum hoc modo affectum vidisse, qui non esset natura calidiore & sicciore, & in quo non multum simul bilis generaretur. Iisque locis hoc malum familiare est, ubi sunt vina fortia & sulphurea. Adest præterea sitis, color corporis citrinus ferè, urinæ rubicundiores plerumque, & alia, quæ bilem arguunt. Deinde & ii errant, qui materiâ, quæ paralyfin excitat, è capite ad articulos fluere arbitrantur. Etsi enim faciliè concedere possimus, in ea scemina, cuius historiam recitat Volcherus Coiter, etiam caput affectum fuisse, utpote quæ in delirium quoque & epilepsiam incidit; & non negemus, in aliis quoque idem fieri posse: hoc tamen concedendum non est, plerumque caput affici, & ex eo materiâ paralyseos causam in articulos descendere. Nam præstantissimi Medici, & ipsa experientia testatur, in hac paralyfi ferè nervorum principium non lædi, & caput ab omni dolore, aliòque affectu esse vacuum; quod certè accidere non posset, si materia ei, quæ tantos in intestinis dolores excitat, si-

In Paralyfi ex
colica nervorū
principium
non læditur.

milis in eo hæreret. Præterea docet eadem experientia, colicam terminari in paralyfin, & cessantibus doloribus paralyfin oriri: quod certo indicio est, eam ipsam materiâ, quæ dolorem colicam vel excitat, vel fouet, ad exteriora ferri. Nam si ea saltem materia, quæ in capite hæreret, ad articulos fluere, nihil obstaret, quo minus alia in intestinis dolorem excitans persistere, atque ita dolor colicus cum paralyfi coniungi & unâ diu perseverare possit. Itaque eorum sententiam approbandam censemus, qui illam ipsam materiâ, quæ, ut diximus, dolorem colicum seu excitat, seu fouet, ad articulos transmitti statuunt. Quam materiâ ab intestinis ad artus translationem in primis horum affectuum transmutatio & unius in alterum terminatio docet: sicut & hoc quod, ut est in *Coac. isaph. 462. in Codic. Foesii*, dysenteria intempestivè suppressa *ἀνίσταται* facit in lateribus, visceribus & costis: & ut testatur Hollerius de sua experientia, in *com. in eundem aph. secundum suam dist. com. 1. in lib. 6. sect. 2. Coac. aph. 38.* alii suppressa intempestivè dysenteria in epilepsiam, alii in pleuritidem, alii in manuum affectus incidunt. Nam si humores, qui dysenteriam excitant, per *μετάστασιν* in aliis membris varios affectus excitant: cur non iidem etiam in articulos translati paralyfin eam excitare possent? Neque de via, per quam ad articulos pervenire possint, anxie disquirere, & ad illam occultam *σύμπνοαν καὶ σύρροαν* confugere, aut per densas intestinorum tunicas & inexplicabiles ferè labyrinthos materiâ ad articulos deducere opus est; cum dentur viæ satis patentes, & naturæ in multis morbis familiares, venæ nimirum. Itaque hinc cum Erasto (qui in eo, quod ex venis à natura humores ad articulos detrudi statuit, rectè sentit) statuimus, materiâ hanc è mesaraicis, atque intestinorum venis regurgitare in venam cavam, atque hinc ad musculos à natura extrudi. Nam si humoribus illis, qui colicam gignunt, aditus quasi præcludatur, ut liberè in intestina effundi non possint; quod variis de causis accidere potest: è venis mesaraicis in cavæ venæ propaggines regurgitant (unde &, cum imminet eiusmodi humorum *μετάστασις*, urinæ ob materiâ in venas transfusionem tingi solent) atque hinc in habitum corporis & musculos, in quos venæ terminantur, à natura effunduntur. Quod fit, ut nervi & tendines, qui musculis inseruntur, tum ob plenitudinem spiritum animale non admittant, tum in primis propter molliem tendi, & membra, quibus inseruntur, trahere nequeant: unde immobilia quasi permanent. Atque humorum *μετάστασιν* hoc modo fieri, nemo mirabitur, qui in causis morborum rimandis paulò diligentior operam posuerit, atque inde didicerit, quot morbi etiam in exterioribus membris è vitiosis humoribus in primis viis & sentina illa corporis cumulatis, & postea per venas ad exteriores partes transmissis, originem ducant: qua ratione etiam natura sæpe è venis maioribus id, quod molestum est, ad intestina exonerare, atque in eo motu si impediatur, ad exteriora membra ac remotiores partes depocere soleat. Lassitudo deinde, quæ est motus voluntarii quasi debilitas quædam & imminutio vel spontanea est, atque à causis internis oritur, vel labores sequitur. Qui enim humoribus siue pravis, siue copiosis abundant, difficulter partes, tanquam oneratas, movet, & ubi paululum laborarunt, defatigantur & lassantur. Si autem quis vel nimis diu laborat, vel labore nimis gravi & valido sese exerceat, lassitudo oritur: quia muscoli, nervi, & tendines tenduntur, spiritus animales dissipantur, & humidum illud glutinosum atque viscidum, quod ad faciliorem motum articulis inest, absorbitur; unde membra postea ad motum ineptiora redduntur. Depravatus autem motus primò est Tremor, motus, ut suo loco dictum, depravatio, membrisque

Lassitudo
causa

Tremor
causa
alli

assidua eleuatio, & rursus depressio, quæ à facultatis motricis imbecillitate oritur. Facultas autem imbecillis redditur, vel ob spiritus animalis defectum, non absolutum quidem, ut in paralyti, sed talem, ob quem virtus mouendi sufficienter partem mouere non potest; qui aut non generatur, ob intemperiem aliquam cerebri, præsertim frigidam, tum ob spirituum vitalium inopiam, aut genitus dissipatur & absumitur: quod fit ob nimias purgationes & euacuationes sanguinis vel aliorum humorum, longiorem inedia, vigilias, morbos longos vel vehementes, nimium veneris usum: ob quas causas, prout vehementes sunt, sæpe satis diuturnus tremor excitatur. Si autem causa sit breuior, sæpe non diu durat tremor, sed collectis iterum spiritibus, motus naturalis membris restituitur, ut accidit in subitis animi affectibus, timore, ira, moribusque aliis corporis & animi nimis. Vel in nervis causa mali hæret, cum aut intemperie laborant, præcipue frigida, ex aqua frigida, niue, aëre frigido, potu aquæ è niue & glacie soluta contracta; aut iis læduntur, quæ tota substantia ipsis sunt infesta; qualia sunt narcotica, opium, hyoscyamus, quorum usu sæpe tremor excitatur; quale item est hydrargyrum, à cuius vaporibus, quos incaute sæpe attrahunt aurifabri, hunc affectum incurrunt. Quod etiam accidit interdum iis, qui morbo Gallico laborantes cinnabatis suffitu incaute curantur. Vini quoque potoribus malum hoc familiare esse solet. Potest tandem in nervis esse obstructio, seu, ut alij volunt, compressio & irrigatio ab humoribus excrementitiis; minor tamen quam in paralyti. Conuulsio verò à quibus causis exciteretur, res planè intricata est. Equidem, si antiquorum sententias tantum proponere liberet, res sanè expedita esset. Nam cum Hippocrates, 6. aphor. 39. scripserit, spasmus vel ex inanitione, vel repletionem fieri: plurimi ad istas duas causas quascunque conuulsionum causas reducere conantur. Nervorum enim eam naturam esse aiunt, ut humiditate replente, & siccitate corrugante breuiiores reddantur; sicut chordæ & lora ex coriis facta his de causis tendi & rumpi solent: qua similitudine Galenus utitur, 3. de loc. aff. cap. 6. & 2. de sympt. caus. cap. 1. 5. aphor. 1. 6. aphor. 39. & aliis in locis. Verum enim verò non pauca sunt in hisce dubia. Primò quod inanitionem attinet, res multis dubia videtur. Nam vix tanta in corpore viuentis siccitas induci potest, ut nervi, instar chordarum, contrahantur & corrugentur: cum nec in febribus ardentibus pluribus, nec in hecticis, in quibus maxima sit corporis exsiccatio, tale aliquid fieri videamus. Quanquam enim in febribus ardentibus nonnunquam fiant conuulsiones: tamen corpora illa nondum, ut hecticorum, exsiccata sunt, sed magis sæpe succulenta sunt, quam aliorum, qui nihil tale patiuntur; & alia conuulsionum earum commodior causa reddi potest; sicut & illius, quæ fit ob nimiam purgationem, ut postea dicetur. Neque enim credibile, si quis habitu corporis carnoso & pleno, post sumptum helleborum, aut aliud medicamentum purgans vehemens conuulsionem patitur (quod fit sæpe breui post sumptum medicamentum purgans tempore, & habitu corporis nondum valde imminuto) ita corpus inaniri & exsiccari posse, ut nervi, instar chordarum, contrahantur. Nec minor difficultas premit alteram causam repletionem. Existimant enim recentiores ab humore nervos seu obstruente, seu emolliente & irrigante potius paralytin oriri, quam spasmus. Præterea negari non potest, dari adhuc alias causas spasmi, quæ neque ad exsiccationem, neque repletionem commodè referri possunt. Accidit enim nonnunquam conuulsio à materia nervos neque replente, neque exsiccante, sed vellicante; quam causam Auicennas

& Arabes plerique addiderunt. Qui ergo Hippocratis & Galeni sententiam simpliciter defendere propositum habent, varias dubiorum horum solutiones quærunt. Primò enim quod attinet siccitatem, & quod hecticici spasmus non patiantur, nonnulli id fieri dicunt: quia siccitas hecticorum sit æqualis. Verum cum videamus chordas, quæ æqualiter exsiccantur, nihilominus contrahi, Mercurialis hecticos conuulsionem non pati statuit, quia nervi secundum totam substantiam, & secundum cavitatem non exsiccantur, idque propter duas causas: quia hæc membra perpetuò cibo irrigantur, & eò magis, quia hecticici vtuntur cibis valde humectantibus: deinde quia in corporibus hecticorum continua sit colliquatio carnis & pinguedinis, ab huiusmodi colliquatione nervi humectantur, & ita humectati nervi conseruantur, ut non siccescant. Verum nec hæc responsio satisfacit. Quamuis enim hecticici cibis humidis vtuntur; tamen in iis, qui incurabiles sunt, ut de aliis non dicam, multò maior est siccitas, quam ut à cibo præcaueri, arque inhiberi possit. Vnde tandem etiam corpore exsiccato moriuntur; neque etiam carnis & pinguedinis colliquatio eam impedire potest. Etenim calor ille exsiccans & resoluens non tantum est in carnibus, sed & in nervis; ac in hecticis Marasmode omnis pinguedo absumpta est, & carnes ita exsiccata, ut ob earum colliquationem nervi humectari non possint; inprimis cum illud, quod resoluitur, non in corpore relinquatur, sed mox insensibiliter discutiatur. Secundò quod repletionem attinet, & cur illa non afferat paralytin, respondet Mercurialis, nervos posse repleri duobus modis, vel secundum cavitatem, vel secundum substantiam: si repleantur secundum cavitates, fieri necessario breuiiores. Dum enim latera dilatantur, abscedunt à se inuicem, & necessario versus principium contrahuntur. Dum verò replentur secundum substantiam: nervi potius mollescent; atque hoc modo fit Paralytis. Cui responsioni contraria est Herc. Saxonie opinio: qui statuit, si materia inferatur in substantiam nervi medullarem, fieri paralytin; si in membranam circumdatam, fieri conuulsionem. Alij causam in viscidam & lentam materiam referunt, quæ nervis impacta eos contrahat. Alij contra in tenuitatem materiæ, quæ totam penetret nervorum substantiam. Verum cum paralytis ab utraque & crassa & tenui materia fieri possit: alij causam diuersitatis hanc esse dicunt; quod in paralyti nervi magis obstruantur, atque eorum longitudo eadem permaneat: in conuulsione verò aut totus nervus, aut plurimæ eius partes ita repleantur, ut breuior ipse redditus musculum & membranas contrahat. Aliqui tandem hæc omnia perpendentes concedunt, materiam in conuulsione semper aliquid acridinis nervos laceissentis habere, idque ex Gal. 3. de loc. aff. c. 7. Multò verò maior est difficultas in numero causarum, an scilicet duæ tantum dentur, in aph. 39. sect. 6. propositæ: an verò præter has alia. Nonnulli quidem laborant, alias causas omnes, humorum sc. acrimoniam, puncturam & similia, ad repletionem & inanitionem referre, sed frustraneo conatu. Ideoque plerique ex Gal. 5. aph. 3. distinguunt conuulsionem in conuulsionem per se, & quæ primariò accidat, ac vera & legitima sit, in qua scilicet, nervi in sua substantia repleti, vel arefacti afficiantur; & in conuulsionem per consensum aliarum partium, à quibus aliquid ad cerebrum & nervos ascendat, quo irritata virtus expultrix illud tanquam infestum, & noxium contractis nervis expellere nitatur, quæ notha sit & spuria conuulsio, in qua nervus, ac musculus concurrat, non sicut in legitimo spasmo, ut organum facultatis animalis, sed ut organum facultatis naturalis, scilicet expultricis. quemadmodum etiam in singultu accidit. Atque ita docent, conuulsionem, quæ per se existit, causam habere

An à nervorum exsiccatione conuulsio fiat.

habere vel repletionem vel inanitionem, in all. aph. Hippocratis propositam. Conuulsionem autem, quæ fit per consensum, à qualitate oriri siue manifesta acri ac mordaci, siue occulta. Neque hæc sine causa docere videntur, cum ipse Galenus tertiam conuulsionis causam addat 5. aphor. 1. vt dictum, dum scribit: *Fit & per consensum conuulsio*. Et, 12. method. med. cap. ult. docet, quatuor esse causas conuulsionis, repletionem, inanitionem, mordacem & tenuem humorem, qui neruosa corpora arrodant, atque insigne frigus, quod tale quippiam, quale glacies, efficit. Præterea singultus & ipse conuulsio est sine repletionem vel inanitione ex solo sensu rei acris proueniens. Ita & Epilepsia, quæ est totius conuulsio, ab humore cerebri vellicante per consensum euenit. Ita & ex insigni dolore, morsu feræ venenatæ, & similibus causis conuulsio nonnunquam accidit. Mercatus illam per essentiam conuulsionem permanentem, quæ per consensum accidit, fientem nominat, aut potius motum conuulsium appellandum ceniet. Massarias quoque veram conuulsionem nullam aliam habere causam existimat, quàm repletionem & inanitionem, ab Hippocrate propositas; reliquas autem differentias non esse veras conuulsiones, sed potius motus similes conuulsioni, aut conuulsuos. Idque eâ de causa, quod, vt Galenus docet, palpitatio & conuulsio solius morbi opera sint; hi autem motus conuulsorij à natura irritata & conante expellere id, à quo grauatur, atque tales motus à Galeno appellari *παρὰ φύσιν* conaturque omnes causas, quæ spasmus legitimum efficiunt, ad inanitionem & repletionem reducere. Et ad id, quod hecticis contra siccitatem obiicitur, respondet conuulsionem tantum ex partium neruolarum siccitate fieri. In hecticis verò et si partes principales, & præcipuè cor, maximè extenuantur, & exsiccantur, tamen eam siccitatem non ad neruos penetrare. Sed quis credat, à laboribus, fame, vigiliis, nimia purgatione, quas causas ipse omnes ad inanitionem refert, plus, exiguo sæpe temporis spatio, neruos siccari, quàm à febre hectica diuturna. Cardani etiam peculiaris de conuulsione opinio videatur in comment. in aphorism. allegat. 39. sect. 6. seu vt ipse habet 37. Cum ergo tot dissentientes authorum de spasmo opiniones sint, non mirum viros doctos & ingeniosos de vera causa inuenienda ferè desperasse, atque inter hos Auenroem, dum, 3. collect. scribit: *Vtinam scirem, cur distendantur in latum nerui & non in longum*. Et mox: *Scias, Medicorum verba in hoc symptomate vniuersè propiora esse verbis Muscorum, seu fabellas canentium, quam demonstratorum*. Thomas Erastus ergo, in disputat. de conuulsione, omnes has opiniones reiecit, quasi falsâ hypothesi nitentes, nempe proximam causam conuulsionis esse nerui breuitatem, seu contractionem; & conuelli musculos & per hos membra, quia præ siccitate, aut repletionem nerui decurtati musculos ad se versus capita contrahant. Ipse verò statuit, neruorum munus publicum nullum aliud esse, quàm vt instar canalium deferant vim & mouendi & sentiendi à cerebro ad subiectas partes; quod ipse etiam Galenus confessus sit, de musc. mot. cap. 1. de constitut. art. cap. 3. & 4. Neruos autem per se nullam partem mouere, & musculos à neruis non moueri ex Galeno, 3. de loc. aff. cap. 6. & 12. de usu part. cap. 3. & de placit. Hippocr. & Platon. lib. 1. cap. ult. probat: quia minutissimi sunt nerui, qui muscoli inseruntur; quia non cernantur moueri motis musculis nerui: quia in demortuis manibus nostris tracti nerui non sic percipiuntur ad se musculos attrahere, quo modo hos tractos ossa videmus attrahere. Præterea & ista de causa neruis motum denegat: quia multis partibus nerui dati sunt, qui contrahi extendique non possunt, vti ori ventriculi, intestinis, vtero, vesicæ, renibus, lieni,

hepati. Nam hæ partes voluntario motu destituuntur, neque quoties volumus, contrahi possunt. Ideoque & nerui, qui musculis inseruntur, non contrahuntur; & cum ipsi non contrahantur, nec musculos contrahent. Vix etiam probabile esse scribit, vt nerui, cum corpora tam mollia sint, quæ in dissectionibus vix leuiter tacta rumpuntur, in perpetuis, ac vehementibus motibus, violentisque conuulsionibus non rumpantur, si contractione sua musculos mouerent. In musculos etiam multos tam minuti nerui inseruntur, vt per totos diffundi, in quantulasunque fibras diffundi imagineris, non possint. Nerui quoque non semper in capita musculorum inseruntur, sed aliquando ad ventres, aliquando ad caudam accedunt, aliquorumque accessus ita est sinuosus, vt non credibile sit, eos ita contrahi posse, vt musculos contrahant. Cum etiam cerebri vitio sit conuulsio, planè incredibile esse statuit, propter cerebrum contrahi, vt breuiore redditi musculos contrahant. Neque id euincere putat, quod nerui sint principale & proximum motus instrumentum, quod iis obstructis vel aliter læsis motus lædatur. Necessarium enim tantum vsum habere, non verò proximum motus instrumentum esse hoc modo ostenditur. De qua re plura videantur, allegata disp. à thesi 12. ad 29. Postquam hæc in genere ex neruorum natura petita protulisset ad probandum, neruos non esse proximam & præcipuam motus voluntarij causam, postea multa adfert, à thesi 38. ad 52. quibus monstrat, neruos per siccitatem aut inanitionem membra non conuelli, quorum pleraque iam antea sunt proposita. Similitudinem nimirum illam à chordis petitam dissimillimam esse dicit; cum nunquam ita sicci sint nerui, aut ita intendantur, vt in fidibus chordæ; & in febricitantibus, qui sunt sicci, & sæpè sicciores quàm multi, qui conuulsionem patiuntur, nihil tale accidere, vt in purgatione videre est. Neque enim credibile est, paucarum horarum spatio ita neruos exsiccari posse. Et cum sicca intemperies inter omnes curatu sit difficillima, si à siccitate neruorum conuulsio in purgatione accideret, quomodo tam citò purgatione cessante absumpta humiditas neruis restitui posset? Eodem modo probare conatur, à thesi 52. ad 67. nec propter repletionem neruos, contrahi, atque impossibile putat, tantulos neruos quantuli in singulos musculos ingrediuntur, sic propter repletionem dilatari, vt manifestè breuiore euadant, totumque musculum sæpe satis magnum contrahant. Tam laxi enim minimæque tensi, tamque pusilli ad singulos musculos accedunt, vt imaginationi huic locus esse non possit. Atque ita duo principalia controuersie huius capita & fundamenta se demonstrauisse putat Erastus, nimirum primò neruos voluntariis motibus non moueri, neque ad hunc vsum factos, esse, vt moueant musculos per sanitatem; ideoque neque præuè moueri in conuulsionibus; cum morbus nullius alterius partis affectio sit, quàm eius, quæ eandem sanitatis tempore integram edit: sed neruorum munus proprium hoc tantum esse, vt veluti canalium vsum præstent, per quos virtus motrix à cerebro in totum corpus deriuetur. Deinde neruos neque humorum copia refertos, neque à siccitate, aut euacuatione inanitos sic contrahi, vt ob eos muscoli sic violenter contrahantur. Vnde concludit, neruos non esse proprium subiectum dispositionis, quæ conuulsio appellatur. Porro cum tres partes solum ad motum voluntarium concurrant, nerui, muscoli, & cerebrum, vltèrius iam probare conatur, à thesi 73. ad 77. nec in musculis causam consistere. Cum enim quinque ferè ob causas muscoli breuiore fiant, seu contrahantur præter naturam, vt extendi secundum naturam non possint, scilicet propter repletionem, siue congelationem, dolorem, visionem & oppositorum musculorum resolutionem: nullo horum conuulsionem fieri

Thoma Erasti
opinio.

Nerui non
trahunt mu-
sculos,

Erasti
causa
conuulsionis.

fieri posse existimat; nisi cum à flatu distenduntur. Atque ita necessario in conuulsione affici putat cerebrum, subiectumque primum & proprium conuulsionis cerebrum ponit. Idque ex eo patere existimat, quod per conuulsionem cuncti nonnihil delirant, vel præter consuetudinem obmutescant: de oculorum quoque obscuritate viriumque animalium exsolutione vniuersi ferè conquerantur: Plurimi quoque spasmus laborantes, se conuelli nesciant in ipso Paroxysmo, quod affecti cerebri euidentis indicium est. Atque ita duas in vniuersum Spasmi differentias constituit, *thesi* 84. vnam, quæ fiat solum musculorum vitio, nullâ cerebri ægritudine concurrente; alteram, quæ fiat cerebro affecto. Atque hanc duas habere species statuit. Cerebrum enim vel proprio morbo affici, vel aliis partibus compati idque rursum duobus modis. Vel enim humor aut substantia vitiosa, mordax, putrida, venenata, alioue modo cerebro inimica in caput attollitur, vel qualitas duntaxat realis sic cerebrum vellicat. Vt autem porro, quomodo conuulsio fiat, monstret, primò omnium præsupponit, eadem illa vi conuulsiones cieri, cerebro præter naturam affecto, quâ, dum naturaliter dispositum est, voluntarij motus efficiebantur; idque ex Galeno, *l. 1. de sympt. caus. c. 2.* probat. Deinde argumento hoc, vt existimat, insolubili sic id demonstrat. Actiones sunt compositorum, non componentium. Conuulsio igitur si est actio animalis deprauata, non sine efficiente anima perficitur; & conuulsionis effectrix causa est anima, seu virtus animæ mouens. Deinde & hoc affert argumentum, quod itidem insolubile putat: Causa deprauatæ actionis est morbus. Morbus autem est habitus aut dispositio partis præter naturam. Propter habitum autem & dispositionem res non agit, sed melius, aut deterius, facilius aut difficilius agit; atque ita morbus causa est non actionis, sed actionis vitij. Quare impossibile est, vt morbus causa sit tum actionis siue motus, tum actionis eius vitij. Vt enim sanitas absque causa alia mouente, anima scilicet non producit actionem laudabilem: ita neque morbus sine causa propria efficiente prognerat actionem vituperabilem. Atque ita ex his colligit, quæ cerebri facultas per sanitatem motus præcipit musculis congruentes, eandem per morbum præcipere motus deprauatos: & quo instrumento actiones bonæ edi solent, eodem quoque vitiosas produci. Nemo verò nescit, appetitum & imaginationem esse principia motus voluntarij. Et quanquam voluntas, quæ appetitus quidam rationalis est, in sanis ad motum ciendum concurrat: in conuulsione tamen, & motu præter naturam tantum appetitus irrationalis musculos contrahit. Nunquam enim voluntas membra conuelli imperaret. Verum enimuero difficile quidem est, in controuersia tot dissentientibus opinionibus intricata suam sententiam interponere; inprimis cum qua ratione spiritus animalis motum perficiat & quomodo muscoli contrahantur in motu voluntario, non satis perspectum habeamus. Vnde & Erasius, *alleg. disput. de conuuls. thes. 131.* scribit: *Quod si iam sciremus, quomodo motus Spiritibus rectè imaginetur & appetat animal, haud difficulter illud etiam perspicere, quomodo eisdem motis perperam has actiones exerceat. Sed quia laudabile est, quadam nescire velle, quæ scilicet caput ingenij superant, vltius progredi ne tentare quidem ausim.* Et Theodor. Collado, in *observat. in Holler. meth. c. 29.* cum multis, qua ratione Paralysis & conuulsionis causæ differant, disputasset, tandem concludit: *Quare cum quibusdam doctissimis dicam; Hac esse de arcanis natura, quæ nondum quispiam scire penitus potuit, & hinc acquiescendum.* Et quo loco Auenrois Medicorum de conuulsione disputationes habuerit, supra iam dictum. Ne tamen planè hanc rem

Dan. Sæmerti Tom. I.

inexpeditam relinquamus, aliquid adhuc de ea addemus. Et primò quidem pluribus rationibus, quæ supra propositæ sunt, satis demonstratum putamus, ipsos nervos, qui ad musculos tendunt, contractione sua musculos non mouere, sed eorum officium hoc esse, vt spiritum animale ad motum necessarium ad musculos vehant. Deinde & hoc à pluribus satis probatum iis rationibus, quæ vix solui possunt, nervos neque ita repleri; neque ita exsiccari posse, vt instar chordarum contracti musculos contrahant, atque ita admitti non posse, quod à nonnullis docetur, solius morbi, non verò facultatis opus esse conuulsionem. Et certè dari conuulsionem, in qua talem vel repletionem, vel exsiccationem ne imaginari quidem possumus, docent tum alia proposita, tum venena, quæ ab ictu animalium venenatorum inferuntur, vaporisque, quos & ipsos sæpe conuulsionem inducere à Practicis obseruatum: quæ certè nec nervos replere, nec tam breui tempore ita exsiccare possunt, vt breuius redditi, & contracti musculos contrahant. Nimirum non nervus, sed musculus motus voluntarij proprium & adæquatum instrumentum est. Et quanquam etiam nervus ad constitutionem musculi concurrat: tamen nervus, quatenus nervus, non aliter concurrat, nisi vt causa sine qua non. Nisi per nervum fibras illas musculorum velit intelligere aliquis, in quas nervi & ligamenta resoluntur & abeunt. Fibræ enim illæ in musculis sunt præcipua pars musculi, per quam motus voluntarius perficitur; quæ de re videatur Capivaccius, in *meth. Anatom. cap. 10.* Et nullus motus fit nisi per fibras, ac cum in musculis fibræ quoque intenduntur, & ad principium retrahuntur, motus musculorum perficitur; atque hinc accidit, vt membra corporis pro vario fibrarum positu varios motus habeant. Hæ enim fibræ cum maximam partem è nervis & ligamentis fiant, hoc saltem modo nervosarum partium, id est, fibrarum in musculis, non verò ipsorum nervorum extra musculos, contractione conuulsio accidit. Atque ita musculi ratione fibrarum cum sint motus voluntarij instrumentum, etiam conuulsionis causa erunt. Ab eadem enim parte eduntur actiones deprauatæ, à qua integræ: & morbus non alterius partis affectio est, quàm eius, quæ tempore sanitatis integram actionem edit. Cum tamen fibræ hæ à nervis habeant originem, per nervos causa conuulsionem efficiens communicari potest. Iam verò si quæritur, à qua causa hæc musculorum & fibrarum contractio præter, naturam excutetur, Mercurialis quidem & Thom. Erasius in ea sunt sententia, ab animali facultate hunc motum fieri, ducti argumentis, quæ putant, insolubilibus, & irrefutabilibus. Nimirum musculum esse facultatis animalis instrumentum, & quæ per eum fit, actionem animale. Animalem verò actionem nullam sine cooperatione facultatis animalis provenire posse; neque ab alia facultate actionem depravatam fieri, quàm ab ea, à qua integra & laudabilis editur. Atque omnino inexplicabile esse, quomodo facultas naturalis musculos ad eum modum contrahendo moueat, quo à voluntate & facultate animali per sanitatem mouentur. Verum enimuero concedimus quidem, ad istos motus facultatem animale concurrere, neque sine facultatis animalis aut certè spirituum animalium ope facultatem naturalem solam tam vehementes motus perficere posse; etsi qua ratione iste motus perficiatur, ex iis sit, quæ ita exactè ab ingenio humano inuestigari non possunt: facultas tamè naturalis excludenda non est, sed ab ea primum motus huius fit initium, & omnis conuulsio inter eius generis motus referenda, qui accidunt facultate naturali expultrice stimulata, & animale in consensum trahente; quales sunt sternutatio, singultus, vomitus, tussis, rigor, concussiones, quæ sub initium

Nervorum
usus.

A qua causa
musculi in
conuulsione
contrahantur.

somni accidunt. Neque causam habuit Erasius, cur Conuulsionem ab iis motibus separaret, cum scribit, esse hos motus naturæ turbulentos, intercisos, breues, & concussiones, quassationes, seu iactationes potius, quam musculorum motiones naturalibus similes. Etenim licet motus isti non durabiles sint: tamen tam vehementes non raro sunt, quam veræ conuulsiones. Atque ita Conuulsionis proximam causam esse statuimus, facultatis expultricis fibrosarum partium ex nervoso genere compositarum à re molesta irritationem, quæ animalem in eodem subiecto sibi coniunctam in consensum trahit, atque ad motum incitat. Aliter nimirum se res habet in expulsionem in parte, quæ motu voluntario prædita est aliter, in ea, quæ eo motu destituitur. Neque refert, quod hi motus contra voluntatis imperium fiant neque partem conuulsam etiam volentes extendere possumus. Etenim vel ab appetitu irrationali fiunt, vel ut Arist. *l. 3. de anim. c. 3.* habet, διὰ τὸ ἐπικαλῦνθαι τὸν νῦν ἐνίοτε πᾶσι, ἢ νοσοῦσι, ἢ ὑπνῶσι: quia mens nonnunquam perturbatione, vel morbo, vel somno submergitur, & obruitur quasi, seu ut Auerrois ait; Anima ebria quasi atque errans eiusmodi prauos motus edit. Et docuit hoc Gal. *l. 2. de mot. muscul. cap. 6.* ubi voluntarios motus duplices statuit. *Apparent eorum*, inquit, *operum, quæ motu voluntario fiunt, alia quidem libera esse, alia affectibus corporis seruire.* Priora itaque perpetuò absque impedimento à nobis fiunt; posteriora verò non perpetuò sed in tempore & cum mensura. Nam ire ad aliquem, & alloqui, & capere aliquid absolute libera sunt; egerere verò & mingere, corporis affectuum sunt remedia: atque nonnulli tacuerunt annum integrum & eò amplius, & quæ spontè sua: egestionem verò vel urinam retinere non modo annis, sed ne mensibus quidem, atque imò nec diebus paucis continere nemo potuit, &c. Neque tamen opus est, ut propterea cum Erasio musculos nullius conuulsionis causam esse, sed cerebrum propriè subiectum huius mali esse, utpote, in quo principium motus animalis, imaginatio scilicet siue ἀρχὴ αἰσθητικὴ sedē habet, statuamus. Etenim etsi hoc rectè statuit, tria ad motum voluntarium requiri, nervos, musculos & cerebrum; & nervos extra musculum constitutos & ad musculum tendentes motus voluntarij, ut & conuulsionum causam esse non posse: tamen parum rectè musculos reiicit, & iis omissis, cerebrum proprium subiectum conuulsionis esse statuit. Nam cum musculi proximum & adæquatum motus illius, qui secundum naturam per musculos fit, instrumentum sint, etiam motus illius deprauati seu conuulsionis subiectum meritò statuantur. De causa saltem quæritur, quam ille primariam & ferè solam facultatem animalem esse docet, sed parum rectè. Etenim cum causa, quæ conuulsionem parit, in musculo resideat, seu humor, seu vapor: primo inde afficitur, & irritatur facultas naturalis, quæ sibi facultatem mouendi coniunctam in consensum trahit; quæ etsi aliàs salua sit, atque imaginatio etiam non deprauata, ob irritationis tamen vehementiam, & totius animalis salutem, & illam, quæ est in toto corpore, sympathiam partium & actionum obsequi cogitur, & cum motum coacta seu imperat, seu permittit, quem non irritata non imperasset, nec permisisset, sicut modò ex Aristotele & Galeno diximus. Aut certè facultas animalis, à naturali in consensum tracta & irritata spiritus animales coacta ad membrum istud affectum mittit, forsitan etiam non concurrente imaginatione. Neque enim adeò credibile esse videtur, cum tam graues conuulsiones fiant, ita ut membra etiam vi extendi non possint, eam contractionem ab imaginatione aut locomotiuam dirigente facultate imperari, sed potest forsitan per spiritus animales ad membrum affectum affluentes, etiam inuità imaginatione, motus ille, cuius modum ignoramus, fieri. Vnum adhuc superest explicandum

de spasmo illo flatulento, quem vulgò *den Krampff* nominant, an alterius sit generis, an verò eodem modo, ut conuulsiones propriè dictæ, generetur, & saltem breuitate differat. Erasius hunc solum sine facultatis animalis motricis subsidio fieri, & à causa præternaturali, flatu scilicet musculos replente, perfici existimat. Verum dubium adhuc videtur, quomodo flatu musculum ita replere possit, ut ita contrahatur, ut spasmus efficiat. Multò verò minus mihi probabile videtur, flatum aut flatulentum spiritum non in musculos solum sed in nervos præcipuè erumpere, eosque cum cruciatu tendere. Si musculi instar loculorum se haberent, flatu repleti, & distenti quidem breuiore redderentur: verum musculi ita vacui non sunt, sed ut contrahantur, singulas fibras in se ipsas versus caput musculi contrahi necesse est. Animaduertit hoc proculdubio Platerus, qui propterea statuit, à flatu non in musculorum corpora, sed in illa spatia, quæ musculi inuicem iuncti vel vicinis partibus annexi efficiunt, erumpente, suæque copiæ, vnum vel plures distendente, adeò ut breuiore facti partem ad se violenter aliquando contrahant, spasmus, illum, quem flatulentum vocant, oriri. Veruntamen ipse mox agnoscit, validissimam membri contractionem, quæ sæpe accidit in spasmo flatulento, à solis flatibus vix fieri posse: ideòque aliam adhuc causam addit; nimirum cum impetu attractionem musculorum illorumque tendinum. Sæpe n. accidere dicit, ut nimium illis & ultra terminum contractis vel alioquin distortis seu inflexis, aut à situ nonnihil declinantibus, adeò, ut mox iterum relaxari nequeant, membrum ultra mediam figuram trahant, fiatque spasmus ille, qui tories homines, cum violenter aut inordinato motu membra extendunt, aliquandiu detinet; flatu quoque tunc in illud spatium, quod eleuatus efficit, erumpente, illiusque distensionem adiuuante, idque tam diu, donec musculo rursum relaxato, spasmus iterum cesset. Verum enim verò dubitare quis non immeritò potest, an musculi ita contrahi possint, ut statim relaxari nequeant: cum multi vehementer & inordinatè moueantur, musculosque valdè contrahant, & tamen spasmus non patiantur, sed iis saltem hoc eueniat, qui aliàs ob vaporem aut aliquem humorem tenuem ad hoc malum apti & proni sunt. Et contractio vehementior huius mali causa non videtur, quod ultra modum membrum contrahat, sed quod materiam illam moueat, & molestiam parti affectæ pariat: sicut aliàs etiam videmus, materiam in musculo aliquo hærente sæpè nullum dolorem percipi, si musculus quiescat: quamprimùm verò mouetur, dolorem percipi. Quid si ergò statuamus, spasmus illum flatulentum eodem modo generari, quo reliquæ conuulsiones producuntur, nimirum ab humore tenui aut flatu aliquo capita musculorum vellicante? cum non quilibet flatu hoc malum inducat, sed melancholici imprimis, & qui quartanâ laborant, ac dolores *οἰκόντῆς* habent, aut aliàs flatu nervis infestos cumulant, huic malo inprimis sunt obnoxij; Et cum hic spasmus frequentius rediens veri ac legitimi spasmi nuncius esse soleat: à reliquis saltem conuulsionibus causæ imbecillitate ac leuitate & durationis breuitate differre videtur. Et ut hæc concludamus, si quis vnam causam spasmi esse statuit, remotiores illas facilius ad eam reducerit, quam si plures nimirum repletionem, inanitionem, vellicationem, flatum distendentem; cum ipsi Authores incerti sint, ad quamnam ex his causis, quæ vulgò recensentur, quamlibet causam remotam referre debeant, capitis scilicet ac nervosarum partium vulnera, compressiones, punctiones, contusiones, inflammationes, luxationes, ciborum corruptiones, vsum medicamentorum vehementer purgantium, ac malignorum, acres, mordaces, venena

venenatosque humores ac vapores, vel in corpore genitos, ut in febribus malignis & ardentibus, vermibus & vteri affectibus accidere solet, vel venenatorum animalium ictu aut morsu communicatos, subitum terrorem, iram & similia. Cum autem inter conuulsionem veram & conuulsivos motus quædam differentia sit, ut supra, lib. 2. part. 3. sect. 1. c. 8. dictum: quæ huius, quæ item illius causa sit explicare non facile est. In re obscura probabile videtur, conuulsivorum motuum causam esse vel vaporem, vel humorem tenuem ac serosum, malignum & prauum, qui facile hinc inde mouetur, & nunc huius nunc illius nerui, vel plurium principia vellicat, nec in vno loco fixus hæret, qui tamen, dum non planè & facile discuti potest, eadem loca per intervalla repetit & infestat, vel nouus subinde subministratur, conuulsivum motum talem satis diuturnum aut crebrius recurrentem excitare potest. Conuulsionis autem veræ causam esse puto humorem, qui alicuius nerui, vel principij neruorum initio pertinacius inhæret, locum non mutat, & deserit, sed eum continuò vellicat. Si quis tamen in re ista dubia conuulsionis veræ causam repletionem atque inanitionem esse demonstrare possit; conuulsivorum autem motuum causam materiam malignam neruos vellicantem, modò probabiliora protulerit, rectiora monstrantem libenter sequemur. Porro Vniuersalis Spasmi differentias tres esse diximus: ἐμπροσθεν, ὀπίσθεν, τετραόν. Ἐμπροσθεν, cum non solum ceruix, sed & reliquum corpus anteriora versus conuellit, ut æger se erigere non valeat, oritur, musculis ceruicis, cæterisque totius spinæ, qui corpus versus anteriora flectunt, affectis. Ὀπίσθεν, cum scilicet corpus in posteriora reflectitur ut versus anteriora sese inclinare non possit, ortum habet, cum musculi, qui corpus versus posteriora flectunt, afficiuntur. Τετραόν, seu illa conuulsio, qua partes corporis æqualiter antè & retro tenduntur, atque tenentur quasi in æquilibrio permanent, proficiscitur ab æquali musculorum dictorum contractione, atque oritur, cum partes inuicè ab oppositis musculis in contrarium retrahuntur. Atque hinc etiam ortum habet πασμὸς κωικὸς, seu oris tortura, aut oris distortio, ut Celsus, lib. 4. c. 1. appellat. Oritur hoc malum tum à paralyti musculorum mandibularum, tum & frequentius à conuulsione musculorum faciei. Musculi verò faciei præcipuè sunt, qui maxillam inferiorem, pinnas narium, labia & buccas mouent, quibus nerui maxima ex parte à tertia coniugatione cerebri inferuntur. Galenus, 4. de loc. aff. cap. 2. etiam μωδὸς πλατύσματ, seu musculosa latitudinis mentionem facit, quæ non à tertia coniugatione cerebri, sed à primis ceruicis vertebriis neruos accipit, & nonnullos à quinta coniugatione cerebri. Quando igitur à conuulsione musculorum tortura oris oritur, musculique faciei versus sua principia contrahuntur, tum pars sana ad læsam trahitur, & latus, in quo tortura cernitur, est latus affectum: Si verò à paralyti ortum habet, pars læsa ad sanam trahitur, & distortio non in læsa, sed in sana parte apparet. Verùm Petrus Salius Diuersus torturam hanc faciei à paralyti spasmus κωικὸν appellare non vult; cum nulla sit in ea conuulsio. Inter motus voluntarij symptomata etiam retulimus vocis & loquelæ læsiones. Ἀρρωίας seu vocis defectus causas quod attinet, sæpe ab ortu, ob peculiare aliquod conformationis vitium, nonnulli muti nascuntur. Aliis post ortum idem accidit. Fit autem vel spirituum & neruorum, qui eos deferunt, vitio, vel ob ea, quæ ad vocem edendam sunt necessaria; qualia sunt larynx, lingua, & motum illorum adiuuantes musculi, tum ipse spiritus, qui ad vocem formandam necessarius est. Qua ratione, affecto cerebro, & ob defectum spirituum animalium in apoplexia, epile-

psia, caro & similibus affectibus, vbi tota animalis facultas afficitur, etiam vocis vsum aboleri, notissimum est, atque ex illorum affectuum explicatione patebit. Neruis læsis, vocis & locutionis vsum tollitur, si par neruorum tertium, vnde etiam lingua neruum accipit, lædatur: quod vitium si natium sit, plerumque etiam auditus aboletur, ob neruorum auri & linguae communium communem læsionem. Inprimis verò homines muti euadunt, si nerui sexti & septimi paris, qui recurrentes & vocales nominantur, vel incidantur, vel diuellantur, vel refrigerentur nimium per topica medicamenta nimis frigida, colli parti anteriori apposita, vel intercipientur, vel quocunque modo lædantur, ut suum officium amplius præstare non possint. Inter instrumenta autem propria est primò larynx. Huius igitur membrana si humore nimio impleatur & mollescat valde, etiam vox interdum aufertur: inprimis verò, si eius rimula à tumore aliquo præter naturam, ut in angina, luxatione vertebrarum spinæ dorsæ, vel quacunque causa angustiam pariente, occludatur. Deinde lingua si amputetur aut mutiletur quocunque modo; ἀρρωία inde oriri solet. Musculi autem, quibus læsis vocis & sermonis vsum tollitur, alij laryngem, alij linguam, alij thoracem mouent. Si musculi, qui laryngem claudunt, vel aperiunt, resoluantur; vel ex vulnere, contusione, aut simili causa moueri non possint: homo obmutescit. Idem accidit, si linguae musculi ad motum inepti reddantur. Thoracis autem musculis intercostalibus resolutis ideo vox non editur, quod aer seu exspiratio ad vocem deficiat. Nam cum sonus ex refractione aeris fiat, & vox articulata atque sermo è spiritus, qui è thorace egreditur, fractione ab instrumentis sermoni formando dicatis fiat: vox non editur, si spiritus ille in thorace non effletur. Efflari autem non potest, si musculi thoracis intercostales, à quibus illa actio proficiscitur, sint resoluti vel vulnerati. Idem etiam spiritus deficit, & proinde homines obmutescunt, si aspera arteria incidatur, aut quocunque modo occludatur. Sed in hoc casu vita diu dure non potest. Ex causa, quæ ἀρρωίαν inducunt, etiam vocis & locutionis imminuta causa sunt, si sint minores. Causa autem hæc frequentius hæret in lingua. Nam sæpe ab ortu ligamentum linguae longius, quam debebat, vsque ad extremitatem linguae extenditur. Sæpe post ortum lingua vulneratur, vlceræ & tumores patitur, & sæpe in tantum intumescit, ut vix ore possit contineri. Nonnunquam ex altera saltem parte paralyti afficitur. Si laryngis & thoracis musculi difficulter moueantur, etiam vox imminuitur. Tanta scilicet pars vocis perit, quanta pars musculorum intercostalium est resoluta & læsa, ac quanta inde portio spiritus deest. Vocis verò & locutionis deprauatae plures sunt differentiae. Est Balbuties & Blasphas: quæ accidunt ob intemperiem præcipuè humidam, siue illa sit natia, ut in infanti us, qui ob organorum constitutionem natiam humidam & laxam nulles voces articulate profere possunt, quas postea decursu ætatis, mutatâ illa constitutione, rectè proferunt; siue sit aduentitia, ut in catam his ex capite defluentibus, ebrietate. Interdum etiam sicca intemperies huius rei causa est; ut in febribus ardentibus, linguâ nimium exsiccata, videre est. Idem malum interdum dependet à linguae & musculorum eius mala cōformatione, vel si tumor sub ea nascatur, qui ipsi in motu impedimento sit. Voci quoque incommodant columellæ vitia. Hæc enim cum plectrum quasi vocis si, si erodatur, aut alio modo mutiletur, vox deprauatur. Quod & ob defectum dentium accidere testatur experientia. Nam cum vox articulata ex variâ aeris & spiritus fractione fiat, & in quibusdam literis pronunciandis etiam lingua dentibus anterioribus allidatur: si dentes illi defint, balbuties quædam

Difficultatis loquendi causa.

Balbuties & Blasphas causa.

Rauca dicitur
causa.

oritur. Vox rauca originem habet primò ab internis causis, à nimia humiditate superficiei horum instrumentorum, ob quam ictus ille exsufflationis retunditur, siue materia illa à capite defluat, siue è pectore eiiciatur. Columella quoque si laxetur inflammeturque, sæpe vocem raucam parit. Causæ externæ sunt aer, & aqua frigida, vehemens & diuturnior vocis intensio, & alia, quæ inæqualitatem inducunt asperæ arteriæ. Tandem restant causæ inuestigandæ eorum motus symptomatum, qui etsi quidem à facultate expultrice primò excitantur, quia tamen in iis etiam motus voluntarius afficitur, animalis motus symptomatibus subiunximus; qualia sunt Tussis, Sternutatio, Oscitatio, Pandiculatio, Horror, Rigor. Tussis oritur ab omnibus, quæ spirandi instrumentis molestiam pariunt. Si quid enim molestum spirandi instrumentis accidat, natura illud excutere contendit, plurimo spiritu in pulmones emisso, forasque iterum celeriter expulso, ut hoc motu & impetu, quod viis spiritus molestum est, excutiat. Illæ autem, quæ in organis respirationi dicatis molestiam pariunt, causæ aliæ sunt internæ, aliæ externæ. Ab interioribus causis vel per *ἰδιότητα*, vel per *συμπάθειαν* organa respirationis afficiuntur. Per *ἰδιότητα*, organa respirationis affectis, tussim excitant primò intemperies inæqualis, calida & sicca; frequentius verò frigida, quæ thoraci est maximè inimica. Deinde tussim excitant morbi compositionis, inter quos primò est asperitas in trachea arteria; unde omnia, quæ tracheam exasperare possunt, tussim excitant, siue sit intemperies, siue humores mordaces à capite defluentes, siue medicamenta aut potus acres. Est deinde obstructio, quæ fit vel ab humore crasso, lento & frigido, bronchia pulmonis obstruente, siue à cerebro defluente, siue in pulmone collecto: vel ab humore tenui, ut in pleuritide, hydrope pulmonum, peripneumonia; vel dura materia, qualis est calculus, materia grandini similis, vermes, crudum tuberculum, pus, grumus sanguinis. Per *συμπάθειαν* autem aliarum partium tussis excitatur, si aliæ partes afficiantur, quæ organa respirationis in consensum trahere possunt: quod fit diaphragmate, liene, aut ventriculo inflammato atque etiam in hydrope. Cum nimirum ob tunicarum consensum illæ in partibus affectis tunicæ organorum respirationis vellicant, vel vapores à partibus hisce adscendentes illas partes molestant, vel à tumore aut obstructione harum partium diaphragma comprimitur. His enim de causis omnibus tussis excitari solet. Causæ autem externæ sunt aer frigidus, eiusque siccitas nimia, aqua frigida auidius pota, frigida medicamenta pectori applicata, fumus, puluis, vaporesque acres qualescunque & vndecunque exorti, fauces & pulmonem ingredientes. Præterea etiam, quæ præter naturæ ordinem ab œsophago aberrantia in asperam arteriam delabuntur, ut cibus, potus, vel qualescunque illud sit. Nam siue tale aliquid viam spiritus intercipiat & intercludat, siue arteriam exasperet, siue illam solum, ut quæ exquisitum sensum habet, & contactum etiam ferre non potest, molestat, tussis excitatur. Sternutatio autem excitatur à causa quacunque nares & cerebri illam partem anteriorem ad excretionem stimulante; naturæque ad illam excretionem duplici motu utitur: altero quidem narium & cerebri, quæ molestantur, expultrice; altero verò neruis, veluti longis quibusdam brachiis in thoracem demissis, ut loquitur Gal. 2. de sympt. caus. c. 5. Per hos enim illum contrahit, per ossa verò, quæ *ἰνδορθεα* vocantur, ipsum emittit spiritum. Quæcunque igitur nares & partes illas anteriores cerebri stimulant atque irritant, causa sunt sternutationis, siue intus in corpore genita sint, siue extra aduenerint. Internæ causæ sunt humores acres è capite defluen-

Tussis causa.

Sternutatio
causa.

tes. Per sympathiam etiam interiorum tunicarum accidere sternutatio creditur, ventriculo in intestinis affectis, in cardialgia nimirum, cum lumbrici in intestinis hærent, unde pueri nares fricant, & sternutationem pari solent. Causæ externæ sunt quæcunque acria per nares attracta, ut helleborus albus, piper, pyrethrum & similia: odores item & vapores acres. Splendor Solis, & lux nimia, oculos offendendo, cum vicinam narium tunicam stimulet, sternutationem excitare solet. Oscitatio & Pandiculatio etsi sæpe pigritiæ saltem signa sunt, aut ex imaginatione proficiuntur: interdum tamen à causa morbifica ortum habent, & morborum instantium sunt præfagia, imprimisque febrium paroxysmos appropinquare significant. Oscitatio quidem fit, musculis masticationi dicatis, & inferiorem maxillam mouentibus, affectis, cum halitus vaporosi in iis collecti sunt, qui hoc motu discutiuntur. Interdum tamen sola imaginatio oscitationis causa est. Cum enim quis vider alium oscitare, ipse quoque ad oscitandum inuitatur, præcipue si piger & somnolentus sit, partisque illæ vaporibus eiusmodi repleta sint, quæ imaginatione illa mouentur. Quod verò in ore est oscitatio, id Pandiculatio est in toto corpore. Si enim halituosi vapores in spatiis musculorum totius corporis colligantur, qui tamen acres non sint, sed solum copia molestiam pariunt: musculi, ut eos expellant, constringuntur. Accidit hoc interdum in spontanea illa lassitudine, ubi corpus copia humorum oneratum est, vaporesque & halitus in spatiis musculorum colliguntur; unde ut oscitatio, ita & pandiculatio crebra & futurorum morborum, & instantium paroxysmorum signum est. Plerumque post somnum quoque pandiculatio accidit. Nam in somno ex coctione nutrimenti, & cessatione ac quiete à motibus & exercitiis corporis halituosum excrementum in musculis congeritur, quod ut Natura discutiat, & corporis perspiratio liberior reddatur, tali motu musculorumque constrictione vapores illos & halitus dispergere solet. Tandem post labores Pandiculatio oritur, tum quod vapores labore continuo vel magno circa musculos collecti sunt, tum quod musculi defatigati, & per quietem lassitudinem illam percipientes, cum mouentur mediocriter & moderate, nonnihil hoc modo recreantur. Horrores tandem & Rigoris causas quod attinet, Horrores causæ eadem sunt, quæ Rigoris, saltem vehementiæ & magnitudine differentes. In Horrore enim, saltem cutis concurritur, & paruus quasi rigor est, acciditque à causa non tam valde molestante atque mordicante, ut in rigore. Verum qua ratione Rigor generetur, & quænam sit eius proxima causa, satis obscurum est, neque de hoc omnes idem sentiunt & docent. Plurimi ex Galeni libro, de tremore cap. 6. ita de rigoris generatione sentiunt. In confesso est, aiunt, rigorem affectum esse caloris natiui, qui à corde influit, & ut membra actu calida sentiantur, efficit. Hinc enim calor cum, ut prolixè eo loci à Galeno explicatur, perpetuò mobilis sit, si validus idem sit, ut expandi in omne corpus possit; prohibeatur autem: accidit, ut corpus agiteretur, & duplici compositoque motu concutitur, inordinatoque motu præter voluntatem moueatur, ob caloris innati mox ad interiora, mox rursus ad exteriora reciprocum motum. Nam naturalis calor, qui neque substantiæ, neque robore sit imbecillis, sed solum propter molestiam ad interiora retractus sit, iterum expandi cupit, & in omnes corporis partes distribui: prohibitus autem, & vi in altum repulsus, ad proprium principium refugit. Cum verò in intimis partibus inclusus calor contineri diu nequeat; cum sit mobilis, & nisi expandatur ac diffundatur, suo proprio excremento exstinguatur: sese colligit, & rursus

Oscitatio
causa.Pandiculatio
causa.Horror
causa.Rigor
causa.

ad ex

ad exteriora, & quidem maiore impetu, collectisque viribus, quasi è carcere exsiliens, prorumpit, & insurgit aduersus ea, quæ transitum ipsi intercipiunt, atque illa propellere conatur. Cum autem impingit atque incidit in ea, quæ ipsi obstant, totum corpus perturbatur, & intro rursus resilit, ac iterum ad principium reuertitur, iterumque resilit; unde totum corpus concutitur. Atque hic motus reciprocos tamdiu durat, quamdiu cum re molesta, sibi que exitum prohibente, pugnat, eiusque pugna tum demum finis est, cum calor nativus robore suo tandem rem molesta superavit. Unde etiam post rigorem vehementem calor auctior sentitur, sudorque sequitur. Etenim calor primò in altum colligitur, qui deinde totus foras prorumpit; pugna quoque ac motu illo accenditur, augetur, & si vicerit, sudor concitatur. Atque ita omnem illam membrorum concussionem motumque præter voluntatem & inordinatum, ob calidi innati inæquales motus cursum recursumque, & cum re molestante pugnam fieri statuunt. Alij ex eodem caloris ad interiora recursum rigorem etiam deducunt; paulò tamen aliter. Rigoris enim causam proximam esse statuunt ἀλλοτρίω κατὰ φύσιν dolorificam refrigerationem, seu sensum dolorificæ refrigerationis in partibus externis; quæ refrigeratio proveniat à caloris versus cor, seu propinquas cordi partes, recessu. Verùm hi modi generationis rigoris non satis rationi consentanei videntur. Ecquis enim sibi facile persuaderi patiatur, corporis totius illam vehementem concussionem, fieri saltem à motu atque reciproco cursu calidi illius naturalis? Præterea nonnulli rigores absque refrigeratione incipiunt, ut qui fiunt ex bile, ex medicamento acri ulceri imposito; ex quibus fit concussio & dolor, quibus demum succedit refrigeratio. Et si externorum refrigeratio, intus coacto calore, esset causa rigoris motusque istius: quò externa frigiditas esset vehementior, eò rigor esset maior: quod tamen falsum est, ut ipse Gal. 2. de symptomat. caus. c. 5. docet, qui ex materia frigida & pituitosa rigores minus vehementes fieri scribit. Longè autem probabilius est, quod ipse etiam Gal. lib. 10. meth. med. c. 4. & l. 2. de sympt. caus. c. 6. docuit, rigorem expultricis virtutis validum motum esse, & à re molesta per ambitum corporis mota atque expultricem stimulante excitari, motumque hunc fieri à facultate irritata à causa noxia. Qua ratione à tremore differt, qui est motus causæ morbi-
ficæ & facultatis, quæ tamen non irritatur ab illa causa, cum utraque motum suum præstet. Et verior rigoris generandi modus videtur, quem Galenus, 2. de sympt. caus. c. 5. expressit his verbis: *Quoties aliquid per carnes & corporis habitum violenter agitur, ac ad cutim defertur, necesse est, dum carnem cutimque permeat, omnia, in qua incidit, pungat, stimulet, ac lancinet. Quòd autem omnis mordax causa, siue ea calida, siue frigida sit, animal in horrorem ac rigorem ducit, primò quidem ex talibus intelligere licet. Si sano corpori ferventem aquam subito infundas, aut ignis scintillam iniicias, statim horrore vexabitur. Ita cum ulcerata particula causticæ medicamentum imponitur, primò quidem horrent, deinde rigent, mox etiam febricitant nonnulli. Quid, quòd tertiana febres, quæ omnium febrium maximè biliosæ calidæque sunt, omnium maximè horrore infestantur: quantoque sinceriores tertiana sunt, tantò etiam rigor in iis incidit vehementior.* Ipse etiam dolor, & ἀλλοτρίω illud non semper à refrigeratione dependet, & proinde ἀλλοτρίω κατὰ φύσιν non est causa huius motus. Nam refrigeratio aliquando tam levis est, ut ab ea dolor & concussio præter voluntatem eueniens excitari non possit: sed interdum solum dolor à causa refrigerante pendet, plerumque verò à motu illo & vibratione corporis; quod ipsi ægri sentiunt, quibus aliàs frigus, aliàs concussio corporis magis molesta est. Itaque rigor potius defi-

Dan. Sennerti Tom. I.

niendus videtur corporis vibratio & concussio cum refrigeratione, quam à refrigeratione dolorifica. Causæ autem, quæ mordicatione sua rigorem efficiunt, aliæ sunt externæ, aliæ internæ. Externæ, quæcunque foris corpori incidentes partes sentientes vellicant, aut faciunt, ut humores acres in habitu corporis contenti agitentur ac moveantur; ut ignis scintilla iniecta, aqua feruens infusa, medicamentum mordax ulceri impositum, frigus penetrans, partem ulceratam externam offendens, & similes. Internæ verò causæ, sunt humores acres & mordaces quicunque. In partibus autem illis sentientibus materia vel generatur, vel aliunde attrahitur, vel transmittitur. Hoc tandem saltem notandum, ad rigorem non solum facere, quæ illos acres in corpore humores generant ac retinent verum etiam quæ illos humores mouent & agitant, ut sunt metus, ira, aliique animi & corporis motus, medicamenta aut potus calidi, balneum calidum, mora sub sole.

CAPUT VI.

De Causis Symptomatum, in quibus omnes vel pleraque actiones animales læduntur.

Atque hæc sunt causæ symptomatum, in quibus seorsim vel sensus interni, vel sensus externi, vel motus læduntur: adhuc eorum symptomatum causæ reddendæ restant, in quibus tota animalis facultas laborat, aut pleraque actiones animales, sensus nimirum interni & externi, atque etiam motus animalis. Inter quæ primò retulimus Lethargum, quo qui laborant, omnium obliuiscuntur, difficulter sentiunt, & neque vocati, neque puncti facile excitantur. Et quamvis excitentur, atque oculos aperiant, audiant, respondeant: ægrè tamen hoc faciunt, & mox iterum in somnum prolabantur, simulque febre laborant. Hoc symptomatis genus, ut vulgo docetur, ortum habet ab humore pituitoso in cerebro putrescente, atque ita à materia per se quidem frigida, calida tamen per accidens ob putredinem. Hic enim humor in cerebro putrescens, & inflammationi quid simile exhibens, dum vapores ad cor mittit paucos & non impensè calidos, febrem illam lentam excitat: quia verò hæc materia non in ventriculis cerebri (aliàs apoplexiam excitaret, neque ægri excitarentur) sed in anfractibus, seu, ut Auicennas nominat, sinibus cerebri, hoc est, in sinuosis eius ductibus & plicaturis, hæret, atque illa pars, quæ nondum computruit, cerebrum refrigerat & humectat, seu, ut nonnulli sentiunt, quia materia hæc cerebrum immoderatiùs humectat: omnes actiones animales torpidas reddit, atque hebetatur imaginatio, memoria laborat, sensusque omnes torpescunt, & inprimis adeit inexpugnabilis quædam dormiendi necessitas & in somnum propensio, ob quam sentiendi quoque vis, & reliquæ actiones animales affliguntur & hebetantur. Sed ab hac Antiquorum sententia Recentiores dissident. Platerus enim ex pituitæ putredine, præsertim in capite, febrem accendi posse negat; absurdumque esse putat, eundem humorem pituitosum suo frigore lethargum, calore verò febrem accendere: atque aliam longè causam, talem scilicet, qualis est Cæli illius, qui febres sequitur, lethargi statuit. Putrescentem enim in partibus inferioribus materiam, caloremque attenuatam, copiosè sursum in caput ferri; atque hoc accidere tum in intermittentibus, tum in continuis febribus, tum in hoc ipso affectu, qui sopor grauis est, cum febre continua copulatus, fieri existimat: & hunc soporem ac carum ab alio carò, qui vel in rigore, vel post ipsum in

Lethargi
causæ.

febris accidit, non aliter differre, nisi quod propter nimiam euaporationem, cerebro præsertim ad carum disposito, mox cum febre inuadit. Sed ut & ex ista controuersia nos expediamus, in eo quidem rectè mihi Platerus sentire videtur: impossibile esse, ut ex pituita in cerebro putrescente febris oriatur. Etenim nec humor hic per se ad putredinem concipiendam aptus est, nec tantam in cerebro concipere potest, quæ in totum corpus calorem diffundere possit, præcipuè si extra substantiam cerebri aut vasa eiusdem in sinuosis anfractibus putrescere debeat. Contra tamen nec hoc à veritate alienum videtur, si aliqua copia pituitæ in capite collecta sit, cerebrumque alicuius sit humidius, atque homo ille in febrem incidat, pituitam illam in cerebro liquari & fundi, atque ab ea cerebrum humectari & irrigari posse. Istud verò maximè probabile videtur, & ex omnibus difficultatibus, quæ de generatione Lethargi apud authores occurrunt, facile nos expedire possumus, si statuamus, Lethargum febri quotidianæ continuæ accidere, & generari, dum humor siue pituitosus, siue vi narcotica præditus, qui cerebrum seu irrigando seu spiritus animales torpidos reddendo, somni huius præter naturam causa est, ad cerebrum per febrem ruit. Atque ita febris talis erit comitata, quam appellat Platerus, eaque lenta, pro ratione humoris, qui huic febri originem præbet. Ut ita symptoma sit Lethargus febris quotidianæ continuæ; quod vel id arguit quod singulis diebus sub noctem febris exacerbatur. Præterea & alia signa arguunt humorem pituitosum non solum in cerebro, sed & in venis contineri. Vrinam enim reddunt agri instar iumentorum turbidam, cuius causa est crudorum humorum in venis à calore facta agitatio. Alui excrementa sunt liquida; plerumque tument oculi & facies; ubi à somno excitati ad se reuertuntur, conqueruntur de colli doloribus ex humorum decubitu ad spinæ vertebrae. Deinde ad hanc classem pertinet Carus exquisitus & propriè dictus, cuius causa proxima proculdubio in spiritibus animalibus consistit: qua ratione tamen hic spiritus afficiantur, non ita planum est. Plerique causam huius mali esse statuunt cerebri ventriculorum anteriorum angustiam. Angustiam verò oriri vel ab obstructione, vel à compressione, vel à subsidencia, Obstrui cerebrum à vaporum copia, quales in nonnullarum febrium paroxysmis in caput effumantes carum efficiunt; vel pituita, quæ ventriculos cerebri repleat vel obstruat. Verum enimvero an angustia ventriculorum cerebri huius mali causa sit, non immeritò dubitari potest, ut ex iis, quæ postea de Apoplexia dicentur, patebit. Potest quidem ex compressione & concussionem cranij & cerebri hoc malum generari, ut docet Gal. 4. de loc. aff. c. 2. & testatur Fernel. l. 5. Patholog. c. 2. se vidisse quendam icu adeò vehementi ac valido ita concidisse, ut sanguis ex oculis, naribus, auribus & ore emanaret: hinc totius mentis sensuumque stupor inuaserit, ut caluaria pertusa ac denuò obducta fuerit, omneque remedij genus sine sensu inductum fuerit, sitque is tertio mense restitutus, immemor omnium, quæ acciderint. Refert quoque Mercurialis, se vidisse quendam ex importuna perforatione cranij caroticum factum. Et ab humore pituitoso intra cerebrum congesto, earum fieri, multis signis patet. Verum enimvero cum idem Mercurialis referat, Sabæos populos incidere in hunc morbum ex odore & fragrantia fructuum & florum apud eos nascentium, & curari suffitu bituminis & barbae hirci: etiam sine angustia cerebri morbum hunc prouenire, indicio est. Quod & illud testatur, quod quædam venena carum inducunt, sicut ex morfu Aspidis soporem ac torporem lethalem accidere, Plutarchus in morte Cleopatrarum scribit. Sicut & hoc, quod acutos morbos quosdam

& febres malignas sequitur hoc malum, in quibus humores crassos, qui angustiam in cerebro faciant, adesse probabile non est. Ideoque etsi non negemus, ab humoribus frigidis (ut pituitosi somnolenti esse solent) quandoque somnum profundum excitari, non tamen angustiam cerebri ventriculorum pariendo, quàm vel cerebri basin premendo, vel cerebrum humectando, refrigerando, replendo, spiritusque hoc modo alterando: Tamen hæc vnica ac sola causa non est; sed probabile quoque est, sæpiissime causas internas vi quadam narcotica tam graue malum inducere, dum spiritus animales torpidos & ad actiones sensuum ac motus ineptos reddunt: ut ex iis quæ modò de Sabæis, qui ex odoribus fragrantibus hoc malo corripiuntur, dicta sunt, aliisque rebus externis somnum grauem inducentibus hoc patet: inter quas est fumus carbonum fossilium & terræ bituminosa; itemque ex febribus acutis malignis, ut modò dictum, videre est. Et quidem accidit hoc non solum in continuis, sed & in intermittentibus febribus, in quibus materia in primis viis hæret, & in principio paroxysmorum calore attenuata & agitata vapores sursum ad caput mittit, qui somnum profundum inducunt, qui non prius cessat, quàm in paroxysmo vapores illi discussi & absumpti fuerint: sicut & ab aliis partibus, ut vermibus in pueris & vterò idem accidere potest. Præterea etiam causas illas violentas externas, comprimendo & concutiendo cerebrum hoc malum inducere, extra dubium est. An tamen saltem angustiam faciant, an præterea quid aliud adhuc præstent, extra dubium non est. Etenim ut Fernelius, *oc. alleg.* scribit, non solum angustia hoc præstare videtur, sed & agitatæ ac commotis spiritibus nulla actio rectè edi potest, atque subsistit homo quasi attonitus, ac cum effractum est cerebrum, atque eius aut nervorum inde prodeuntium diuulsio quadam obtrigit, omnibus quidem fractis ac debilitatis deterrimus oritur sopor exiguum salutis spem relinquens. Sed ea, quæ de Apoplexia dicentur, etiam cari generationem manifestiorem reddent. Tertio loco enumerata est Κατοχὴ, & quid sit, de diff. sympt. explicatum. Eius causas, quæ hic explicandæ sunt, quod attinet, variè de iis sentiunt Authores, neque quid sequaris, facile videre est. Nonnulli à frigida & sicca intemperie partis cerebri posterioris, vel potius nervorum inde prodeuntium, ortum habere docent. Verum etsi ab externa frigiditate homines interdum rigidos fieri experientia docet: tamen nonnullis non videtur credibile, interdum frigus tantum esse posse, ut nervos ita congelare valeat; neque etiam intemperies ita repente induci, iterumque aboleri potest. Alij itaque addunt materiam frigidam & siccam, quæ sit vapor aut humor melancholicus; sed eam alij aliter explicarunt. Rondeletius, lib. 1. meth. curandi morbos, c. 20. à sanguine copiosius irruente, & substantiam cerebri occupante, atque sua multitudine venas & arterias distendente, tensasque retinente, excitari hoc malum vult; non alia ratione, quàm humorum plenitudo nervos in conuulsione contrahit tenditque. Alij vaporem aut materiam melancholicam in partem cerebri posteriorem infundi existimant; quæ cum sit durior & siccior, facile nervis illis, qui duriores ab ea oriuntur, frigida & sicca intemperie affectis, non solum motum voluntarium & tactu perire, sed totum etiam corpus rigidum & læsum relinquit; non, ut in lethargo, caro & apoplexia, laxum & molle, ob intemperiem frigidam & humidam. Verum & hoc modo non satis ab aliis affectibus distingui videtur catoche; & difficile est credere, à tali etiam causa nervos ita exsiccari, ut talis inde rigiditas sequatur; frigidamque & siccam intemperiem tam citò amoueri, cum paroxysmi interdum satis sint breues. Godefr. Steeghii, lib. 2.

Cari causa.

Catochi causa.

lib.8. medicina cap.5. solam contractionem omnium musculorum, tam extendentium quam flectentium, huius rigiditatis causam esse statuit, neque ad aliud, quam conuulsionis genus hoc symptomata reduci debere existimat. Verum eorum, qui conuulsionem patiuntur vniuersalem, membra facile flecti & moveri non possunt, quod tamen hoc affectu laborantibus accidit. Obseruauit enim Fernelius, quendam hoc malo laborantem, quicquid in os inferebatur, promptè vorasse, & è lectulo sublatum solum constitisse, impulsuque incessisse, & quocunque vel manus, vel brachium, vel crus inflecteretur, illic quasi fixum & stabile permanisse. Hercules Saxonia, *lib.1. cap.8.* putat affectum mistum esse ex paralyti & conuulsione: & fieri ex vapore replente partim membranam, quæ circumuestit nervos, partim implente medullam. Verum non videtur probabilis hæc paralyseos & conuulsionis commistio, atque signa paralyseos non adsunt, neque membra sunt resoluta, sed rigida. Platerus effusis seu profusis spiritibus in nervos, cerebro continuatos, hanc affectionem fieri existimat. Per nimias enim & vehementes, perseverantesque sensuum interiorum operationes, & vehementem cogitationem atque intentionem in aliquam rem, fieri spirituum animalium in externorum sensuum organa dissipationem; inde accidere, vt tales veluti attoniti leuiter stupeant, sed mox remeantibus spiritibus ad sese redeant, vel si diutius perseuerent, κατὰ νύκτα seu κατὰ ὄχθραν affectu comprehendantur, partesque illæ, quæ spiritibus destituuntur, ab operibus suis cessent. Et si verò in affectu hoc certè admirando, & inter tot dissentientes opiniones aliquid definire difficile sit: vnam tamen adhuc sententiam, in quam Erasius, & Nicolaus Piso inclinare videntur, proponemus, & studiosius ac diligentius perpendendam relinquemus. Erasmo, *part.4. adu. Paracelsi.* verisimilius videtur; vaporem frigidum & siccum in cerebrum irruentem, spiritusque quodammodo sistentem & immobiles reddentem, malum hoc producere. Sed cum addit; sistere spiritus distendendo ventriculorum actionem, & spirituum motum impedire, id minùs probabile videtur. Cur enim non alia causa etiam prohibens transitum spirituum catochen excitaret; Probabilius est id, quod Nicolaus Piso, *de morb. cur. & cognosc. cap.13.* scribit, catalepsi non à cerebro, sed potius ab animalis spiritus intemperie committi. Hi enim dum congelantur, & quiescere manent, atque in quacunque parte corporis intercipiuntur: partes manent rigide. Quæ κατὰ νύκτα ratio si cui mira & ἀπρόβλεπτον videtur, illi plura hac de re cogitanti ansam præbere possunt: quod à fulminis spiritu in dolio subito vinum congelatur; quod aliquando in terræ motibus è terra tam potentes erumpunt spiritus, per quos homines & bruta repente consistunt, & rigida hærent, quod ex specubus nonnullis spiritus erumpunt, qui aquas congelant; quod mira vis figendi in nitro, & pluribus aliis metallicis ac mineralibus reperitur. Quarto loco Apoplexia fuit, quæ qua ratione generetur, & quæ eius sit causa, satis intricatum. Et si enim hætenus communis ferè opinio fuerit, ex Galeno, *3. de loc. aff. cap.7. & 2. de sympt. caus. cap. vlt.* desumpta, Apoplexiam generari, cum frigidus ac crassus humor confertim principes cerebri ventriculos replet & obstruit, vnde influxus spirituum animalium in nervis prohibeatur, quibus cum destituuntur membra, omnes actiones naturales cessant: tamen ista opinio hodie variè in dubium vocata est. Primò enim quod in ista opinione præsupponitur, spiritus animales in cerebri ventriculis generari & contineri, atque inde in sensuum organa influere, à plerisque negatur. Et propterea ventriculorum cerebri obstructione reiecta, alij, vt Platerus, non ab ob-

structione ventriculorum cerebri, sed nervorum principij in basi calvarie compressione apoplexiam generari statuit, dum scilicet vel ab humoribus frigidis & humidis longo impulsu cerebrum adeò irrigetur, vt magna eius moles mollior laxiorque facta, subito diffuset & subsidat, nervorumque principium in basi calvarie à cerebro prodiens premit, & spiritui animali transitum præcludat: vel dum ventriculos seu cavitates cerebri pituita subito adimpleat, & non quidem obstruendo, sed eodem modo cerebri basin grauet & comprimat, & spiritibus animalibus viam intercludat. Idque ex eo manifestum fieri existimat, quod caro & epilepsia mortuis copiosius hic humor per os effluere solet, & in dissectis interdum post mortem caput tali humore refertum inuentum est. Idem tamen Platerus non hanc vnicam causam apoplexiæ agnoscit, sed præterea etiam à sanguine extra vasa delato, & non in substantiam cerebri infuso, sed anfractus & ventriculos subito opplente, nervorumque initium premente, apoplexiam excitari statuit. Sicut & si à causa violenta externa cerebri substantia contusim vel casim punctimve lædatur, vel si fracta depressaue calvaria cerebrum substratum premit. Idem, si penitus atque eo usque consumantur spiritus animales, vt non tantum functionum debilitas, sed omnimodò sequatur illarum abolitio, grauem & subito hominem iugulantem apoplexiam excitari opinatur. Fernelius verò vulgatam quidem opinionem de obstructione ventriculorum cerebri, *lib.5. de pa. 1. morb. cap.3.* admittit: attamen, *de abdit. rer. caus. lib.1. cap.15.* aliam adhuc addit, nimirum arteriarum, quæ retiformem contextum efficiunt, & quæ illius in cerebri ventriculos propagatæ choroidem alterum constituunt, obstructionem vel compressionem; quod tum cerebrum nihil spiritus è corde per subiectas arterias recipiat. Atque in hanc sententiam adductus est, quod vidit aliquando virum sinistri oculi ictu vehemētiore repente attonitum concidisse, moxque sensu & motu priuatum fuisse, cum spiritu difficili ac stertore, & cum aliis fortis apoplexiæ indiciis, atque intra horas 12. interiisse. Diuissio verò apertæque capite neque ossis, neque meningum, neque substantiæ cerebri quicquam confractum diuulsumve, sed duntaxat interiores oculi venas contusionis vi diruptas fuisse, è quibus sanguis cochlearium duorum mensura in cerebri basin procubuerat; cerebri ventriculos autem prorsus illæsos inanésque fuisse. Deinde in altero, qui citra causam externam extinctus erat, inuenit humorem crassum & viscosum, similiter ad contextum retiformem, cerebri ventriculis nec oppletis nec obstructis. Chymici & recentiores quidam ab humore pituitoso & crasso apoplexiam generari posse, planè negant. Nec enim putant rationi esse consentaneum, ab humore crasso, qui grauis & ad motum ineptus est, tam subitam & momentaneam inuasionem fieri posse; Et cum materia talis non nisi sensim in cerebro possit aggregari, procul dubio, antequam tota colligatur, aliquo indicio sese proderet, & aliquod symptoma, soporosum nimirum affectum, vel simile quid inducere deberet. Et mirum ipsis videtur, quod, si ab humoribus frigidis hoc modo generatur apoplexia, in hydrocephalo, in quo totum caput aqua repletur, non apoplexia oritur: cuius rei historiam Vesalius, *de fabr. hum. corp. lib.1. cap.5.* prolixè recenset, de puella quadam bienni, cui in mensibus plus minus septem caput ita increuit & intumuit, vt viri caput magnitudine seu æquaret seu excederet, in cuius cerebri cavitare, & dextro sinistroque ventriculo nouem ferè libræ aquæ continebantur; quæ nihilominus ad mortem usque sensibus omnibus integrè vsa est. Ad aliam itaque causam apoplexiam nonnulli reducant: nebulosas scilicet

cet quasdam exhalationes in cerebrum effumantes; quæ si ilico congelentur, quod ex spiritu aliquo congelante fieri possit, constringendo & coarctando apoplexiam excitent. Cuius rei documentum sumunt è fumis ex carbonibus, ob quos nonnulli subito extinguuntur, & apoplectici concidunt. Verum enim verò ut quid in tanta opinionum discrepantia nobis verò consentaneum videatur, aperiāmus, primò hoc monendum: Antiquos, dum vnam saltem apoplexiæ causam proponunt, ad eam saltem apoplexiam, quæ sine causis euidentibus ac violentis, à sola causa interna accidit, & senibus familiaris est, respexisse. Interim alias etiam Apoplexiæ causas dari, id est, hominem subito concidere, & sensu ac motu priuari posse, à pluribus causis, experientia testatur, & ex allegatis authoribus satis patet, ac paulò post etiam monstrabitur. Verum etsi plures causæ sint, quæ homini omnem sensum & motum adimere possunt: tamen ut omnes ad vnam communem causam & efficiendi rationem reducantur necesse est. Hanc ut constituamus, illud, quod communi Medicorum sententia receptum est, spiritus animales sensus & motus instrumentum esse, & sensum & motum sine spiritibus animalibus obiri non posse, præsupponimus. Ex quo colligimus, spirituum animalium in organis sensus & motus defectum proximam & continentem apoplexiæ causam esse. Verum quanam causæ sint, quæ faciunt, ne spiritus animales in organa sensus & motus influant, illud est, quod controuertitur. Antiquorum sententiam quod attinet, ea merito suspecta est. Præsupponit enim spiritus animales in ventriculis cerebri elaborari, contineri, & hinc in nervos influere. Verum Recentiores, Varolius, Platerus, Bauhinus, & alij pluribus rationibus longè probabilius esse demonstrarunt, non in cerebri ventriculis, sed in ipsa cerebri substantia suis membranis conclusa spiritus animales generari & contineri, atque hinc in nervos influere. Ex quo sequitur, ventriculorum cerebri obstructionem per se influxum spirituum animalium non prohibere, nec apoplexiæ causam esse posse. Idemque docent observationes anatomicæ, ex quibus constat, in Apoplexia mortuis cerebri ventriculos saluos ac inanes repertos fuisse; sicut huius rei exempla antea è Fernelio allegata sunt. Quod confirmat etiam Constantius Varolius, qui pag. 136. scribit, in dissectione eorum, qui apoplexia moriuntur, in ventriculis cerebri non reperiri maiorem excrementorum copiam, quam communiter in aliis reperiri soleat. Contra qui hydrocephalo laborant, apoplexia non corripiuntur; quod omnino fieri deberet, si ex obstructione ventriculorum cerebri apoplexia ortum haberet: cuius historiam modò è Vesalio, *de fabr. humani corp. lib. 1. cap. 5.* recensuimus de puella quadam bienni, qui in mensibus minus septem, caput ita increuit, & intumuit, ut viri caput magnitudine seu æquaret seu excederet, in cuius cerebri cavitare & dextro sinistroque ventriculo nouem ferè libræ aquæ continebantur, quæ nihilominus ad mortem vsque sensibus omnibus integrè vsa est. Cum ergò ventriculorum cerebri obstructio influxus spirituum animalium prohibiti per se & proxima causa non sit, neque in omni apoplexia ventriculi cerebri necessario oppleantur: alia causa quærenda est: quæ omnino duplex videtur, vel principij neruorum in basi cerebri talis angustia, ob quam ad omnia sensus & motus organa spiritus animalis influxus prohibeatur; vel spirituum animalium vitium. Vtrumque enim ad apoplexiam & omnia, quæ in apoplexia accidunt, inducenda sufficit. Siue enim spiritus proprio vitio, siue ob meatuum, per quos feruntur, angustiam, in organa sensus & motus non influant: sensus omnes externos motumque aboleri necesse est. Sensus verò

internos & principes actiones quod attinet, spirituum vitio, de quo postea dicetur, & illas aboleri posse; satis manifestum est. Ob angustiam tamen principij neruorum itidem aboleri possunt. Etenim spiritus animales in perpetuo motu sunt; qui cum ipsis denegatur, suffocari quasi eos necesse est. Et membro vna ex parte læio, tota eius œconomia turbatur; sicut id in epilepsia videre est, in qua etiam sensus omnis & motus simul læditur; cuius rei causam qui reddet, facile eam quoque in apoplexia inueniet. Neque etiam credibile est, cerebrum tam grauitè affectum spirituum animalium generationi sufficere. Sed ut causas omnes ordine videamus, primò quidem principij neruorum angustiam quod attinet, qui omnium neruorum originem in cerebri basi, sicut ea clarè & exactè à Varolio & aliis anatomicis recentioribus monstrata est, diligenter perpenderit, facile animaduertet, omnium neruorum, seu a cerebro seu à cerebello oriundorum, primum principium tam vicinis locis & terminis concludi ac contineri, ut omnes nerui, tam motui quam sensui inservientes, mox sub primum exortum ita occludi possint, ut spiritibus animalibus in organa sensus & motus transitus & via omnis intercipiatur: ita quidem ut nec nerui optici, & ipsi iuxta caudicis exortum originem habentes, salui sint. Et sit, ut cerebellum totum læsum non sit: tamen quicquid adhuc spiritus animalis suppeditare potest, illud omne thoracis motui pro respiratione, quæ maximè vrget, inservit, & sæpe vix sufficit. Itaque primò omnia illa apoplexiam inducunt, quæ basim cerebri, vbi omnium neruorum principium est, occludunt, & spirituum animalium è cerebro effluxum impediunt. Inter quas causas primò ab antiquis excrementa cerebri, pituitosa præcipue, rectè ponuntur; etsi modum, quo pituita apoplexiam generet, non satis rectè explicarint, dum ventriculos cerebri obstruendo hac excrementa apoplexiam generare statuunt. Etsi verò recentiores nonnulli hanc causam planè reiiciant: tamen admittendam esse, plura indicant: quod nimirum ætas senilis affectui huic potissimum obnoxia est, quod tempore cœlique constitutione frigida potissimum accidit; quod de capitis grauitate ægri antea conqueruntur, quæ non semper ex vaporibus solum ortum habet; quod mortuis magna sæpe pituitæ copia per nares & fauces excernitur; quod paralysis sequitur, materia illa postea in spinam descendente. Neque subita inuasio apoplexiæ humores pituitosos excludit, sed potius eos arguit; cum ad subito obstruendum humores crassi aptissimi sint. Neque tamen hinc nescio quam crassitiem imaginari opus est, ob quam humores nec calore fundi, nec frigore exprimi possint, & ad motum planè inepti sint: sed sufficit, si sit tam crassa, aut etiam tam copiosa, ut in exortu neruorum & viis illis, per quas spiritus animales in totum corpus influere debent, angustiam parere queat. Et qui catarrhorum suffocatiuorum generationem saltem perpenderit, ut ab humoribus eiusmodi apoplexia generetur, non impossibile esse, facile animaduertet. Quod verò, qui hydrocephalo laborarunt, apoplexia non correpti sunt, causa est, quod, ut Vesalius, *loco allegato*, de puella illa refert, cerebellum cerebrique basis vniuersa secundum naturam sese habuerint, ut & neruorum productiones. Secundò eandem angustiam pariunt humores extra cerebrum ad basim effusi, ac principium neruorum comprimentes. Atque hoc modo etiam cerebri excrementa, si ad hunc locum effundantur, apoplexiam generare posse, à ratione alienum non videtur. Sanguinem verò ictu aut quocunque modo vasis suis in eum locum effusum apoplexiam excitasse experientia docuit, & patet id ex historia, quam ex Fernelio antea recensuimus. Quanquam enim

enim Fernellius ex arteriarum, quæ retiformem contextum efficiunt, compressione, apoplexiam generatam fuisse putet: tamen id locum habere non posse, postea dicitur. Ideoque vero magis consentaneum est, sanguinem è vasis suis ad cerebri basim effusum neruorum principium comprimendo & coarctando apoplexiam inducere; nisi per nares, aures, aliasque vias, ut interdum fit, erumpat. Tertio non solum sanguis è venis effusus apoplexiam generat, sed & intra vasa sua adhuc contentus, dum nimirum, ut Galen. 2. aph. 42. docet à φλεμονώδης διαθέσις cerebri meatus comprimuntur & angustiores redduntur: quando arteriæ & vasa cerebri sanguinis copia ita replentur, ut substantia cerebri compressa, meatibusque & poris angustioribus redditis, nec spiritus vitales liberè à corde ascendere, nec animales in neruos influere possint. Quæ quidem affectio non φλεμονώδης, sed φλεμονώδης διάθεσις nominatur, quoniam sanguis adhuc intra vasa continetur, nec dum extra ea in substantiam cerebri illapsus inflammationem excitat, ita tamen vasa distendit, ut ab iis vix capi queat, & propterea partes vicinas comprimat. Atque hæc procul dubio est illa apoplexia sanguinea, cuius nonnulli mentionem faciunt, quam excitant τὸ φλεβὸν ἀπολήψις, ut nominat Hippocrates, 4. de rat. vic. in ac. aph. 23. cum nimirum multus sanguis in principium animalis confertim incumbit, ut loquitur Galenus, lib. de cur. ratione per vena sect. cap. 5. Sed de hac sanguinea apoplexia nonnulli minus rectè loquuntur, cum existimant, non solum hoc, quo diximus, modo, à sanguine generari apoplexiam, sed etiam, cum arteriæ carotides, & venæ iugulares obstruuntur. Nam quamvis verum sit, ex tali obstructione, vel occlusionone horum meatuum, si detur, & diu duret, tandem hominem iugulari posse: tamen cum vasa hæc in collo tam ampla & spiritu, qui in perpetuo motu est, plena sint: penitus ea in momento quasi ita obstrui & obturari non possunt, atque ita apoplexia inde generari non potest; inprimis si verum est, quod Galenus, 1. de placit. Hippocr. & Plat. cap. 9. scribit, ligatis & constrictis venis iugularibus & arteriis carotidibus neque sopiri, neque motum amittere animal, & proinde multò minus apoplexiâ corripit. Quarto accidere quoque ex hac causâ apoplexia potest, si fracta vel depressa ictu vel casu vehementiore caluaria cerebrum ipsum adeoque neruorum initium comprimatur. Et multos ex ictu vel casu capite vehementius læso subito sensu & motu omni priuatos concidisse, experientia sæpius docuit: an verò omnibus illis, præcipuè quibus cranium valde depressum non fuit, basis cerebri compressa fuerit, & an non potius ex spirituum perturbatione, vel vasorum ruptione, & sanguinis è vasis suis in cerebro effusione hoc acciderit, consideratione dignum. Verum præter hos modos omnes, & licet nulla principij neruorum vel obstructio vel compressio adsit, apoplexiam generari posse, credibile est, si nimirum spiritus suo vitio in organa sensus & motus non influant, & ad actiones animales inepti reddantur. Quod sit primum, si spiritus animales qui naturâ suâ sunt mobiles & tenuissimi, crassescant, aut suâ naturâ degenerent, & torpidi reddantur, ac quasi sopiantur. Etenim cum Carus grauis in apoplexiam degeneret, carusque & apoplexia tam cognari affectus sint, ut etiam dubitatum sit, an & quomodo differant, ut apud Alex. Massariam, lib. 1. cap. 14. & Capiuacc. lib. 1. cap. 19. videre est: etiam à communi causâ prouenire poterunt; & si causâ, quæ Carum excitat, intendatur, apoplexiam generabit. Et cum à recentioribus satis monstratum sit, ut antea dictum, Carum sine angustia cerebri à vi narcotica prouenire posse: non video, quid obstat, quin ab eadem causâ apoplexia excitetur. Causæ nimirum illæ,

quæ vi narcotica pollent, faciunt, ut spiritus animales torpidi reddantur, à sua natura quali degenerent, & omnino ad actiones animales inepti fiant. Et si causâ dari potest, quæ spiritus vitales subito corrumpit, id quod in syncope ex venenis & venenatis humoribus accidit: cur non etiam possit dari causâ, quæ eodem modo spiritus animales afficiat? Neque ista Chymici hodie saltem, sed & alij Medici docuerunt. Hercules enim Saxonia, Medic. pract. lib. 1. cap. 8. interdum ex vaporibus internis & externis, qui sint venenati vel non venenati, apoplexiam immediatè originem trahere docet. Quod procul dubio etiam pertinent fumi à carbonibus ignitis accensis, qui per nares & os in cerebrum attracti nonnullis subitum exitium attulere, ut exempla non ignota sunt, & aliqua quoque à Marcello Donato, de hist. med. mirab. lib. 2. c. 6. annotata fuere. Quod quamvis fieri possit, quod crassitie sua cerebri meatus & principium neruorum obstruant atque oppleant: tamen ipsos etiam spiritus grauitè ab iis affici, negandum non est. Deinde an non à spirituum perturbatione & confusione quasi, aut quocunque modo illud spirituum vitium appelletur, fieri possit, ut homo subito sensu & motu destitutus concidat, omnino consideratione dignum. Videmus enim eos, qui grauitè in capite percutiuntur vel vulnerantur, subito concidere, omnesque actiones animales amittere. Cerebro enim grauitè læso, impossibile est, ut spiritus animales rectè sese habeant. Iis verò vel deficientibus, vel non rectè sese habentibus, actiones animales omnes aboleri necesse est. Docuit hoc Fernell. lib. 1. pathol. c. 2. *Fiunt, inquit, præterea & soporosi affectus cerebro ictu vel casu vehementius concusso. Agitatis quippe & commotis spiritibus nulla actio rectè edi potest, nunquam subsistit homo quasi attonitus, ut qui aut timore aut verecundia obstupuit. At si concussionis vi & impetu fracta ac depressa caluaria meninges cerebrumque premit, sensus atque sermonis expers ager obstupescit.* Addunt quidem & alij adhuc alias causas, sed quæ vix locum habere possunt. Primum Fernellius, ut dictum, Apoplexiam induci statuit, si plexus retiformis occludatur. Verum ob solius huius plexus angustiam omnes spiritus vitales intercipi non posse, satis manifestum, & ex anatomia clarissimum est. Secundò Platerus statuit, cerebri substantiam longo humoris impulsu irrigatam ac laxiorem factam subito diffluere & subsidere, neruorumque principium in basi caluariæ premere, & spiritibus transitum præcludere. Verum nisi rectè explicetur hæc sententia, vix locum habere potest. Hoc quidem non impugnaverim, cerebrum ita ab humoribus irrigari ac laxari posse, ut subsidat, eiusque machina quasi collabatur, neque ut antea extendatur: Verum tam subito in corpore viuente cerebri substantiam dissolui & diffluere posse, credibile non est. Neque enim, quæ in mortuis offertur, cerebri constitutio eadem planè talis in viuis fuit: cum vix vlla pars sit in toto corpore, quæ post mortem tam citò flaccescat & quasi diffluat, sicut cerebrum. Tertio Platerus etiam ob spiritus animalis consumptionem grauem & subito hominem iugulantem apoplexiam excitari existimat, quâ senes aliquando intereant. Verum quidem concedimus, ut antea dictum, apoplexiam quandoque oriri, cum spiritus animales à natura sua quasi degenerant; atque hoc modo si ista sententia explicetur, illi assentimur. Quod verò cerebrum ita debilitari possit, ut nullos animales spiritus generet, aut quod spiritus animales, præsertim non deficientibus vitalibus, ita consumi possint, ut inde Apoplexia excitetur, non ita probabile est. Quinto ad hoc genus symptomatum pertinet Epilepsia, de cuius causâ variæ ac dissidentes passim extant Medicorum sententiæ, ut si authoritati

ritatibus nobis standum sit, res facile componi non possit. Verum quia, dum mali huius grauissimi ac difficillimi causam inquirimus, merito non quis aliquid dicat, sed quid à quolibet dicatur, attendendum; maiorque veritatis ac salutis humanæ, quam cuiusquam authoritatis, habenda sit ratio; liberè rationum momenta perpendemus. Galenus quid sentiat, docet, 2. aph. 45. dum scribit: *Apoplexia & Epilepsia inter se quodammodo affines & cognate affectiones sunt. Nam & eundem locum affectum, & eundem humorem habent mali auctorem. Hoc differunt, quod apoplexia fiat propter virtutis ad nervos affluentis plenam consummatamque priuationem; epilepsia ob motum vitiosum & peruersum. Quin etiam utriusque frigidus humor est & crassus.* Et, 2. de caus. sympt. cap. 7. *Apoplexia, inquit, & epilepsia ex pituitosi succi multitudine in cerebri ventriculis collecta gigni videntur.* Et, 3. de loc. aff. c. 7. ait: *Velox eius (epilepsia) discussio crassum humorem spiritus vias in cerebri ventriculis obstruentem hunc maxime affectum peperisse declarat, nervorum principio seipsum quatiente, quo excutiat id, quod noxium est.* Et paulò post: *a crasso humore hunc affectum induci, argumento est, quod subito fit, & soluitur confestim. Nam subita meatuum obstructio à crasso viscoso humore fit.* Et iterum: *Ex his omnibus rationi consentaneum est, in cerebro hanc affectionem fieri, impediēte humore animale spiritum, qui in ventriculis eius continetur, quo minus possit exire.* Hanc Galeni opinionem plurimi Medici sequuntur, statuuntque epilepsiam fieri ab humore crasso, qui ventriculos cerebri non integrè, quod in apoplexia fit, obstruat, quem dum cerebrum conatur eicere, sese contrahit; quo contracto nervi etiam contrahuntur, & in consensum trahuntur. Verum alij Medici hanc opinionem rejiciunt, atque illam Galeni rationem, qua demonstrare volebat, epilepsiam fieri ab humore crasso, potius contrarium concludere existimant; nimirum, quia subito hoc malum generatur & discutitur, non fieri ab humore crasso ac viscido, qui tam citò discuti non potest, sed potius à materia vaporosa, seu spiritu, qui ad motum aptissimus est. Ipse Galenus utitur hoc argumento, lib. de tremore & palpit. cap. 5. ubi palpitacionis causam esse docet spiritum, seu substantiam spirituales, ob motionis ac solutionis celeritatem. *Quid enim, inquit, tam facile vel congregari, vel inaniri potest aliud, quam spiritus?* Et paulò post: *citam vacuationem aut repletionem, aut distensionem, aut subsidientiam, aut depressionem, aut elationem, aut alium quendam motum nullum ex omnibus, prater spiritum, effecerit.* Verum quidem est, humorem crassum ad obstructionem faciendam aptissimum esse: sed idem tam citò discuti non potest. Demus enim citissimè ab humore crasso obstrui ventriculos cerebri: humorem tamen crassum tam subito discuti posse, ut nullum ferè relinquat sui vestigium, verisimile non est: cum videamus, quid in apoplexia, quid in caro, similibusque affectibus fiat, & quanta cum difficultate, quantoque temporis spatio materia illa discutiatur, quorum nihil post epilepsiam accidit. Sed illud ipsum in dubio versatur: An materia, quæ epilepsiam generat, obstruendo id præster. Etenim si ab obstructione cerebri epilepsia ortum haberet: motus aut planè tolleretur, aut saltem imminueretur. Et cur in caro motus convulsiui, ac reliqua, quæ in epilepticis conspiciuntur, non accidunt symptomata? cum, ex hac opinione, causis non multum distent. Idem ferè etiam de Apoplexia dici potest. Si enim ab eadem causa epilepsia & apoplexia proueniunt, & hoc saltem discrimine dissident, quod humor crassus in apoplexia perfectè obstruit ventriculos cerebri, in epilepsia non perfectè: tantum minoris & maioris ratione differrent, neque tam diuersa haberent symptomata. Præterea si ab humore crasso cerebrum ex parte obstruente fieret epilepsia, Apo-

plexiam antecederet & sequeretur Epilepsia. Neque enim credibile est, ut videtur quidem Massariæ, tam repente & tam inexplicabili temporis momento totam cerebri obstructionem fieri, ut nullo modo ob inchoatam & semiplenam obstructionem Epileptica præcederent symptomata, si hoc modo generaretur Epilepsia: cum sæpe dolores capitis, vertigines & similia symptomata Apoplexiam præcedant. Multò minus possibile est, vno momento integrè illam obstructionem solui posse. Ideoque cum obstructio non est integra, siue ingruente siue desinente Apoplexia, Epilepsia generaretur. Quod autem tenuis & vaporosa quædam materia, seu, ut Pelops Galeni præceptor, nominabat *πνευμαλινὴ τῆς ὀσῆς, ὡς περ αὐτῆς*, epilepsiæ causa sit, multò probabilius est, utpote quæ ad motum omnem subitum aptissima est; quem in epilepsia fieri ipsa experientia docet. Hæc enim materia non solum subito, ex aliqua parte sumpto motus initio, cerebrum, totumque nervosum genus pervadit: sed etiam paulò post, nullo ferè relicto sui vestigio, discutitur; imò eadem plures paroxysmos excitat eadem sæpe die; atque epilepsia nonnullos decies etiam eadem die laborasse observatum est; quam tamen nulla insignior excretio, nullum ex materia in alias partes translata evidens damnum secutum est: imò refert Brassauolus, in comm. aph. 42. sect. 2. se curasse puerum lactentem, qui quadraginta vicibus singulis diebus epilepsia corripiebatur: quod proculdubio, si materia crassa & lenta esset, non contingeret. Atque hanc epilepsiæ causam ipse Galen. negare non potest, qui, 3. de loc. aff. cap. 7. epilepsiam quandam admittit, quæ excitatur, dum à ventriculi orificio, vel alia quadam parte aliquid ad cerebrum adscendit; edoctus exemplo pueri cuiusdam, cui aliquid ex tibia initio sumpto rectà per femur, ilia ac latera, ad caput tandem adscendebat, epilepsiamque excitabat: ut & alterius adolescentis exemplo persuasus, qui quasi frigidam auram adscendere aiebat; & præterea exemplo Grammatici, quod, 5. de loc. aff. cap. 6. assert, qui quoties vel nimis vehementer doceret, aut cogitaret, aut in ediam sustineret, aut irascere, comitiali morbo corripiebatur, ore ventriculi affecto. Neque est, ut quis ad hoc confugiat, & cum Galeno, 3. de loc. aff. cap. 7. Epilepsiam in tria genera distinguat, eamque generari dicat, nunc consistente in ipso cerebro affectu; idque pluribus epilepticis accidere: nunc à ventriculi ore ad cerebrum per consensum ascendente: nunc à parte aliqua incipere affectum, qui deinde ad cerebrum usque adscendat; idque rariùs fieri: atque statuatur, illam quidem, quæ per consensum aliarum partium accidit, epilepsiam à vaporibus vel humoribus acerbis excitari; sed leuiorem esse, & modum quendam palpitacioni similem potius, quàm convulsioni, & per maiora intervalla efficere: veram autem, & genuinam illam epilepsiam, ut eam, quæ frequentior sit, gigni ab humoribus crassis, ut plurimum pituitosis, interdum etiam melancholicis. Etenim tantum abest, ut rara sit illa per aliarum partium consensum epilepsia, ut etiam satis frequenter eam accidere, & à materia è variis partibus, ut summo vertice, è liene, utero, vesica, intestinis digitis manus, brachiis, cruribus, pedibusque transmissa, originem duxisse observatum sit. Eandemque etiam symptomatum gravitate alteri epilepsiæ non cedere, eadem Medicorum observationes docent. Deinde cum certò constet, ab illa renui aura epilepsiam generari: quid aliam causam, cum in ipso capite fons mali hæret, quærere & addere opus est; quin potius omnia omnino epilepsiæ genera ad unam hanc proximam & immediatam causam reducenda sunt; statuendumque, omnem omnino epilepsiam à vaporosa & tenui materia, seu acrimonia sua, seu qualitate venenata & maligna, cerebrum

An ab obstructione ventriculorum cerebri fiat Epilepsia.

An
caus
crass
tius
vapo
teria

Modus
rationis
lepsiæ

Cerebrum nervosumque genus vellicante & molestante, excitari: quod & præter hæc dicta alia suadent. Nam cum diligentes Medici sæpius capita epilepticorum post mortem aperuerint, causamque epilepsiæ rimati sint; nihil, unde obstructio colligi potuerit, inuenerunt: verum talia potius, quæ cerebrum mordicando & vellicando molestant; nunc scilicet maculam, nunc humorem aliquem atrum vel spumofum in interna calvaria sede aliqua, vel ossis, vel membranæ; interdum verò nihil penitus. Fernellius, *lib. 5. de part. sympt. ac morb. cap. 3. §. 2. de abdit. rer. caus. cap. 15.* testatur, causam epilepsiæ sæpius à se deprehensam esse, abscessum cerebri, interdum corruptam meningis portionem calvæ adhærentem, quibus è locis teter vapor in cerebri ventriculos penetrabat. Præterea cum videamus sternutationem, quæ veluti parva quædam epilepsia est, ut nominatur ab Auicenna, *scen. 1. lib. 3. tract. 5. cap. 8.* fieri, quando quod molestum est, in anteriore cerebri parte continetur, prope eius appendices & narium foramina; eodemque modo singultum excitari à re ventriculorum mordicante & vellicante: quidni eundem etiam in epilepsia causæ modum agnoscimus? Admittit eum ut eundem in epilepsia per consensum Galenus, dum, *3. de loc. aff. cap. 7.* ita scribit: Existimaui similem aliquem (in epilepsia) cerebro motum evenire, qualis stomacho interdum à re quapiam molestatò accidere solet. Sed cur eadem causæ non in omni epilepsia admittatur, rationem non videmus; cum exhalationes, quæ cerebrum seu acrimonia, seu peculiari aliqua & occulta qualitate lædunt, undeunque etiam, & ex quacunque materia siue sanguine corrupto, siue sanie foetida, siue humore maligno, siue vermibus, siue simili quacunque prodeant, epilepsiam excitare possint: qualem materiam in cerebro, vel circa illud generari impossibile non est. Quod & illud persuadere videtur, quod annotavit Rondelietus, *lib. 1. de curand. morb. intern. cap. 36.* *Novi, inquit, multos, qui cum iter facerent, ex aere vel vento concepto statim epilepsia corripiebantur: à qua, si aures bombace, aut aliqua alia substantia molli obstruerent, sese vindicabant.* Quanquam verò eo plerisque persuasos esse existimamus, ut humorem crassum cerebrum obstruentem causam epilepsiæ statuerent; quod in epilepsia non solum apparent motus illi convulsiui; sed & ægri plerumque concidunt, non vident, non audiunt; memoria, imaginatio, ac ratiocinatio læditur; tamen causæ hæc sufficiens esse non videtur. Quod enim ita sensuum & principum facultatum actiones abolentur, non in obstructionem cerebri à materia frigida & crassa id alij referunt, sed horum symptomatum alij alias causas reddunt. Platerus in epilepsia nervosum genus molestiæ affici eamque ut excutiat, insurgere statuit; quod dum facit, simul cerebrum exagitari, atque in consensum trahi, & dum suppetias ad expellendam molestiam adferre nititur, spiritus animales à se in nervorum initia propellere, atque ita effusis è cerebro in nervos spiritibus sensus internos cessare, dum cerebrum spiritibus destituitur, & suis functionibus destitui: non aliter, quam nonnunquam in syncope cor, spiritibus extra vagantibus, à sua functione cessat. Alij meatus illos ad organa sensuum quidem occludi concedunt, verum obstructione id fieri negant; sed cerebrum, dum à vapore molesto irritatur & vellicatur, contrahi atque constringi quasi asserunt; unde meatuum angustia ortum habeat, quam spirituum animalium in corpore defectus, ac animalium actionum abolitio sequatur. Verum magis probabilis est eorum sententia, qui simpliciter turbatis atque afflictis spiritibus animalibus cerebri functiones lædi statuunt. Cum enim actiones illæ sine spirituum ministerio non perficiantur; spiritus autem ad ministerium hoc

obeundum, nisi rectè constituti, apti non sint: vapores hos spiritus turbantes atque obfuscantes actionibus illis animalibus obesse, absurdum non est. Sextò his symptomatibus accensimus Vertiginem. Huius proxima causa est motus inordinatus spirituum animalium, seu ut Capiuaccius loquitur, affectio circularis, ut producit à spiritu animali, quatenus præter naturam circumducitur. Et si autem spiritus ille etiam sine admixtione vaporis commoveri atque agitari possit, & similem in externis motionem repræsentare, ut postea dicitur: tamen, de qua hic sermo est, & quæ etiam sine causa externa vehementi aut certe leuissima occasione excitari potest, vertiginem morbosam, atque illam circumgyrationem præternaturalem plerumque efficit *πνεῦμα ἀτμώδες καὶ φυσώδες*, per venas potissimum ac per arterias plexus, *χοροὶ δὲ* in cerebrum infusum; quod cum inordinato motu movetur, spiritus animales quoque gitat, qui ad parietes cerebri allisi in gyrum aguntur, & hanc speciem falsam motus rerum externarum, vel etiam proprii corporis, si oculi claudantur, exhibent. Spiritus autem flatulentus motum hunc excitat, motusque sui occasionem sumit vel à seipso; cum nimirum spiritus in arteriis cerebri feruidiore & copiosiores colliguntur, qui cum inquieti sint, & naturæ suæ mobiles, ex se, aut leuissima accedente occasione, commouentur: vel aliunde moventur, ut postea dicitur. Gignuntur autem vel in capite, unde vertigo *καὶ ἰδιοπαθείαν*, vel aliunde sursum mittuntur, ut è toto corpore, in febribus nonnullis, vel à parte aliqua priuata, ut ventriculo, vtero, liene & similibus, unde vertigo *καὶ συµπαθείαν* originem habet. Causæ externæ & procatacticae sunt, quæunque humores subito fundere, & in vapores dissolvere, vel flatibus illis & spiritibus motum inordinatum conciliare possunt. Sunt inter illas causas austrina aëris constitutio, ut est apud Hippocratem, *3. aphor. 17.* & repentina aëris mutatio. Unde ex grauibis morbis conualescentes, & sese subito aëri libero committentes sæpe vertigo corripit. Immoderata & intempestiva corporis exercitia, ira, balneum, incidia, in iis, qui Hippocrati, *1. de rat. vict. in ac. text. 29.* *τὰ ἀνω πικρόχρολοι* nominantur, qui nimirum ob bilem, circa orificium ventriculi hærentem, sanem ferre non possunt, & si diutius ferant, in vertiginem atque alia mala incidunt. Idem præstat longior corporis circumgyratio. Motum enim capitis eo modo factum spiritus etiam agitati sequuntur, atque accidunt, ut postea etiam, quiescente corpore, nihilominus aliquandiu spiritus moveantur, donec tandem à motu cessant. Accidit idem ex aspectu rerum, quæ in gyrum circumuertuntur, ut rotarum, vel alio modo vehementius motorum, ut aquarum præcipiti cursu labentium. Ex visionis enim illa agitatione, quæ ad obiecti subitam motionem accidit, spiritus quoque commouentur, & motu illo continuo circumferuntur. Prospectus quoque ab alto in nonnullis vertiginem excitare solet. Cuius rei alij aliam causam afferunt. Nonnulli id reiciunt in spirituum exteriorum dissipationem, qui internos agitant. Sed spiritus, ut alias notum est, cum re visa non coniunguntur. Hercules Saxonia ex inspecta re in profundo sita consumi existimat spiritus nonnullos, cum multis ad rem profundam videndam opus sit; & propter spirituum animalium absumptorum defectum, ne vacuum detur, postea attrahi vapores, qui vertiginem excitent. Verum rationi consentaneum hoc non videtur. Nam quod de attractione vaporum, ne vacuum detur, dicitur, planè absurdum est; neque plus spirituum requiritur ad res profundas, quam ad res altas adspiciendas, ex quarum tamen aspectu nemo vertigine corripitur. Unde probabilius est, ex rei quasi horridæ & metuendæ inspectione spiritus diffundi, atque ex

Vertiginis
causæ.

Quomodo pro-
spectus ab al-
to vertiginem
excitet.

terrore rursus retrahi, atque sic inordinato motu moueri. Vnde qui assueti sunt in alto versari, neque metuunt sibi, si ex alto prospiciant, vertigine facile corripitur non solent. Excitatur etiam vertigo à capitis percussione, atque ex ictu, & omnibus, quæ, ut diximus, in spiritibus motum illum inordinatum, & circumgyrationem producere possunt. Quod tamen facilius accidit, si spiritus vaporosi & flatulenti in capite hæreant. Quanquam enim circumgyratio corporis, & alia quædam etiam in sanis vertiginem excitare possint, ut dictum: tamen cessante illa circumgyratione, vertigo quoque postea facile cessat. In quibus verò causæ internæ vertiginis latent: ij leui de causa in vertiginem incidunt, & sæpius, neque tam facile ab ea liberantur. Incubi tandem causa inuestiganda restat. Antiqua iam opinio est, hoc malum à dæmonibus induci, & vulgò etiam in sagas dormientium corpora comprimentes refertur. Quæ opinio an aliquid veritatis habeat, disquirere nostri instituti non est. Nos potius causam physicam inquiramus. Est autem illa vapor. Nam malum hoc citò oritur, & citò desinit. Et quidem vapor crassus est: quia hoc malo correpti cum aliqua difficultate expergiscuntur. Videndum autem, vnde hic vapor oriatur, & quam partem afficiat. Vapor hic crassus resoluitur à materiâ in hypochondriis, & circum viscera in venis mesaraicis hærente. In his enim multa primæ coctionis excrementa, sanguisque impurus cumulat. Vnde etiam noctu, & cum concoctio fit, hoc malum homines corripit, quod tum temporis vapores iis in locis collecti, accedentibus cruditatibus, augentur, & mouentur, & ad caput feruntur; quod etiam facit supinus decubitus, in quo vasa incalescunt. Oriuntur autem & cumulantur hi vapores cum sua materia à praua victus ratione; atque post errata in victu commissa, & post crapulam frequentius hoc malum homines inuadit, & iis, qui ad affectiones hypochondriacas propensi sunt, familiarius est. De loco autem affecto, & mali generatione nonnihil variare videntur authores. Alij enim statuunt, causam mali huius proximam esse obstructionem ventriculorum cerebri, ac posterioris inprimis, siue meatus, qui ad principium spinalis medullæ pertingit, quo toto, vel ex parte obstructo à vapore, spiritus ad musculos thoracis transire non possunt; vnde thorax attolli non potest, & hoc modo respiratio impeditur. Recentiores plerique à vaporibus eiusmodi ex ventre inferiore ascendentibus septum transversum comprimi existimant. Verum posterior causa etsi quandoque locum habere, vel cum priore concurrere possit: tamen non semper à cruditate & crapula, verum etiam sine his Incubum fieri posse, & cerebrum præcipue affici, illud argumento est, quod non solum motrix respirationi interuiens, sed & quæ voci ac aliorum membrorum motui præest, non satis libera est; & Incubus sæpius grauior cerebri affectuum prælagium est, ac Incubo laborantes difficulter expergiscuntur atque etiam excitati, capite vaporibus nondum vacuo, in eadem opinione & falsa imaginatione perseuerant. Tota itaque mali generatio hæc est. Ex hypochondriis & mesaraicis venis vapores crassi in somno in altum eleuari, partim diaphragma comprimunt, partim cerebri partem posteriorem prope spinalem medullam obstruunt. Ex quo etiam si tota facultas motrix lædatur: nihilominus cum reliqui motus in somno necessarij non sint, sed solum respiratio: eius sola læsio, sensusque grauitatis in thorace præcipue phantasie offertur. Quam cum homo percipit in somno, varias causas, vnde proueniat, comminiscitur & somniat, ut ab hoc vel illo se premi & suffocari per somnum homo opinetur: non aliter, ut quibus in aliqua parte causa morbifica & dolorem excitans delitescit, & per som-

Incubi causa.

num agitur: ij se vulnerari, ab animalibus morde-
ri, vel alio modo lædi, somniant: Attenuatis verò
iisdem vaporibus longa lucta atque dissipatis, ex-
pergiscitur homo, & soluitur paroxysmus.

CAPVT VII.

*De causis Symptomatum, quæ in Qualitatibus
corporis mutatis consistunt.*

PRIMI symptomatum generis, actionum nimirum læsarum, causas breuiter reddidimus: ad alterum iam accedimus, quod in affectu corporis simplici, quod vocant, seu qualitatibus corporis mutatis consistit. Inter illa autem primò sunt Qualitates visibiles, seu colores corporis præternaturales. Horum causam Galenus, lib. 3. de causis sympt. cap. vlt. summam humores esse docet. Tales enim totius corporis vel partium colores sunt, quales humores in eas influunt. Vnde ex apparente extra colore de humoribus in corpore dominantibus iudicium facere possumus. Ictero qui laborant, iis totum corpus flauo colore tingitur, ob bilem flauam cum sanguine in totum corpus effusam. Hepaticorum color corporis quasi plumbeus est. In Leucophlegmatia, ob pituitam, corpus pallidum. In Carbone partes nigricant, vel cum obscura rubedine liuent, ob sanguinem adustum in parte contentum: in Erysipelate pars roseo colore rubet, ob sanguinem tenuem & biliosum affluentem. Dentes interdum denigrantur vel alimenti vitio, vel cum quid limosum è ventriculo, cerebro, aut aliunde affluens, aut etiam ex cibis relictum adhærescit, quod corruptum, & quasi putrescens dentes denigrat & corrumpit. Nonnunquam & vngues naturalem colorem mutant. De causa auctores dissentiunt. Alij existimant non posse vngues colorem mutare, nisi cum mutatione coloris subiectæ cutis, coloresque illos, qui in vnguibus apparent, potius esse acceptos ferendos cuti, quam vnguibus. Alij verò existimant, in ipso vnguium corpore causam huius rei subsistere. Et quidem verè. Nam experientia testatur, crescentibus vnguibus tales colores à radice vnguium ad digitorum apices transire. Et si alia vitia vngues contrahere possunt, ob materiæ vitiosæ affluxum, quidni colorem quoque mutare queant? cum videamus pilos etiam colores mutare. Retulimus huc & Canitiem, eam præsertim, qua maturius interdum iuuenes adhuc, & ante senilem ætatem, cani euadunt, & capilli, natiuo colore amisso, ante tempus & præmature colorem illum album & canum accipiunt. Causam autem canitie alijs ex sola siccitate depromunt, quos impugnat Aristoteles, 5. de generat. an. cap. 4. & canitiem potius ex imbecillitate caloris, seu situ quodam & putredine excrementitiorum humorum, ex quibus pili generantur, fieri statuit. Nam cum caloris inopia alimentum integrè coqui nequeat, in situm quandam incidit. Cum quo consentire videtur Galenus, 2. de temper. cap. 5. dum ita scribit: *Quibus autem ad summam siccitatem cutis non peruenierit, imbecillibus omnino, albique pili sunt, quos vulgò canos vocant. Imbecilli quidem, conuenientis alimenti penuria; albi vero propterea, quod alimentum, quo aluntur, velut situs est pituita, quæ spatio compuruit.* Sed hæc potissimum senectutem spectant. Quod autem iuuenes interdum cani sunt, nonnulli id in vaporem à pituita eleuatum referunt: alij in siccitatem, seu conuenientis alimenti inopiam. In quam reiciunt nonnulli etiam eam canitiem, qua nonnulli subito præ timore correpti sunt: alij tamen aliter hoc explicant. Quidam in timore calorem cum sanguine & spiritibus ad cor confugere scribunt; vnde extrema calore destituuntur

Color
poris
rumVngu
loris
causaCan
causa

tur & refrigerantur, sicque quasi exarescunt, & capilli cani fiunt, quemadmodum folia arborum, dum alimento destituuntur, albescunt. Alij destitutis calore influente partibus extremis, humores in iis putrescere existimant, ex quibus vapores eleuentur, qui capillos inficiunt. Addit his tertiam opinionem Marcellus Donatus, quæ hæc est. Frigidi, ait, proprium est indurare, & cogedo exficcare. Cum itaque in timore magno refrigeretur corporis cutis, simul quoque induratur & siccatur, porique arctiores redduntur. Atque ideo cum pili ex fuliginosis humorum reliquiis ortum ducant, quæ per angusta cutis spiracula foras propulsa impacta hærent in transitu: accidit, ut in timore, coarctatis cutis meatibus, fuligo illa subiecta, seu excrementum album & pituitosum exprimatur ex coarctatione atque compressione, atque in capillorum substantiam dispergatur, illisque albedinem breui temporis intervallo impertiatur, quam aliàs paulatim inducere consueverit. Quod si excrementum seu fuligo sub cute contenta nigra fuerit, aut alterius coloris: ex timore etiam ingenti & repentino canities non orietur, atque hinc canities ista solum in iis, quibus album & pituitosum excrementum sub cute capitis hæret, fieri potest. Ut colores in corpore humano interdum mutantur: ita etiam Odores præter naturam fiunt. Nam quanquam homo naturaliter nihil oleat, quantum quidem nos sensu dignoscere possumus: accidit tamen, ut interdum odor fœtidus quidam expiret vel è toto corpore, vel ex ore, alis, pudendis, naribus, auribus, pedibus. Ex toto corpore fœtidi halitus expirent, ubi corpora calida & humida crudarum humiditatum copiam procreant, quæ cum à calore nequeant vinci, putredinem concipiunt, & fœtorem ex vniuerso corpore emittunt. Ex ore verò fœtor emittitur pluribus de causis. Vel enim in ventriculo cruditates multæ coaceruantur, quæ corumpuntur, & putridas ac fœrentes exhalationes per palatum emittunt; vel ex putredine in pulmonibus vapores fœtidi exhalant; vel in dentibus, gingiuis aut palato materia talis hæret, aëremque qui expiratur, fœtore suo inficit. Alarum fœtorem, quem Hircum appellant, referunt in adstrictionem pororum cutis sub alis, ob quam cum vapores liberè expirare non possint, circa eam regionem putrescunt & corumpuntur, fœtidumque odorem emittunt. Verum si constitutionem corporis eorum, sub quorum alis hircus, ut Poëta, loquitur, habitat, & sudores etiam, qui per patentis poros sub alis frequenter effluunt, perpendamus: potius hoc symptoma provenire existimabimus ab excrementitiis humoribus, qui à corde ac partibus internis tantâ copiam ad hæc loca & emunctoria mittuntur, ut toti facile discuti non possint, sed corruptionem & fœtorem concipiant. Eodem modo etiam Inguinum fœtorem ad cutis constrictionem referunt, ob quam nequeant perspirare vapores & humiditates excrementitiæ, quæ à jecore venisque ad emunctoria eò loci sita expelluntur. Sed & harum partium fœtorem malim referre in copiam excrementorum, quæ ab hepate & venis ad emunctoria illa deponuntur. Narium fœtor accidit ob excrementitios humores eò loci collectos & detentos, qui putrescunt, & fœtorem emittunt. Idem fit, si polypus, cancer, vel aliud vlcus sit in naribus. Aures fœrent nonnunquam ob abscessus, & vlcera auris internæ, vel si aliquod in cerebro vitium sit, quod vitiosos humores continuo gignat, & per aures expurget. Pedes denique fœtorem sæpe emittunt in iis, qui sunt temperamento humidioris & calidioris, & crapulæ atque ingluviei dediti. In his humiditates multæ excrementitiæ cumulantur, quæ ad pedes descendere ob motum præcipue pedum, & eò loci putrescere solent; præsertim cum

pedes vestibus bene muniti sint, ut ita liberè, sicut in aliis partibus, vapores expirare non possint. Reliqua symptomata quod attinet, quæ ad qualitates tactiles pertinent, caliditatem, frigiditatem, humiditatem, siccitatem, mollitiem, duritiem, & quæ pluribus sensibus obiciuntur, figuræ, numeri, magnitudinis, & alia compositionis vitia; cum hæc omnia modò in morborum, modò in symptomatum classem referantur, in classem scilicet morborum, quatenus ab iis actiones læduntur; symptomatum verò cum vitium minus est, ut inde nulla ad agendum sequatur impotentia, sed tactui solum molestiam pariat: meritò causæ horum vitiorum non hoc loco explicantur, sed ex doctrina de causis morborum, ubi nimirum agitur de causis caliditatis, frigiditatis, siccitatis, humiditatis, figuræ & similium vitiorum, etiam symptomatum horum causæ petuntur; cum ab illis non specie, sed secundum magis & minus solum differant.

CAPUT VIII.

De causis symptomatum in Excretis & Retentis.

Restat adhuc vltimum symptomatum genus in excretis & retentis, cuius triplex genus supra de differ. sym. constituimus. Ea enim, quæ præter naturam excernuntur & retinentur vel tota substantia, vel qualitate, vel quantitate peccant. In primo genere sunt vermes & calculi. Verum cum eadem ad causas morborum quoque pertineant, de eorum generatione supra part. 2. cap. 9. dictum est: quæ, ubi excernuntur, hoc symptomatum genus constituunt. Reliqua quæ toto genere præter naturam excernuntur, alia naturaliter in corpore generata sunt, alia nullo modo naturaliter in corpore generari poterunt. Scarabæos & alia animalculorum genera in corpore generari & excerni posse, non impossibile est, generanturque hæc eodem modo, ut vermes, de quibus supra dictum. Generari aliquid carni aut capillis simile in corpore, etiam incredibile non est, sed res artificiosæ, ferramenta, acus, cultelli naturaliter in corpore humano generari non possunt; cum artis hæc opera sint: sed præstigiis dæmonum vel corpori humano insinuantur, vel, quod Vviersus vult, de præstig. dæmon. cap. 14. foris locis, per qua egredi videntur, præstigiis dæmonum adaptantur & applicantur, ibique quasi egredientia ostentantur. Deinde & alia quædam præter naturam excerni diximus, quæ quidem toto genere præter naturam non sunt, & aliàs naturaliter excernuntur, sed non hoc vel illo modo. Ita feces, quæ in prima coctione separantur, naturaliter per aluum eiiciuntur: verum si via illa vel coalescat, vel obstruatur, vel quocunque modo occludatur, per os feces eiici necessum est: eadem per vulnus patefactum violenter emittuntur: Naturaliter fœminis sanguis menstruus per vterum euacuatur: sed si euacuatio illa prohibeatur, per vomitum, per nares, per mammas, imò per oculos euacuari interdum obseruatum est. Ita quibus hæmorrhoides familiares sunt, si eæ supprimantur, per vomitum sanguis copiosè interdum reiicitur. Natura nimirum, superflua certis periodis euacuare solita, non facile ab opere isto desistit; ideòque si viæ, per quas euacuatio illa fieri debet, occludantur, à copia materię læcessita operi se accingit, & si per vias consuetas id præstare non potest, novas quærit, vel magis patentis, vel alias, ad quas stimulus aliquis eam ducit, vel quas suo con-igit, cuius facti rationem reddere semper facile est. Tertiò hæc pertinent quædam, quæ ad naturalium rerum ordi-

*Excretorum
toto genere
præter natu-
ram causæ.*

nem pertinent, sed non euacuari debent, & proinde si euacuentur, hoc symptomtum genus pariunt. Talis est præcipue sanguinis per nares, tussim, vomitum, aluum, vesicam, aliasque partes effusio. Cum autem sanguis naturaliter in venis & arteriis contineatur: venas vel arterias, si sanguis euacuari debet; aperiri necesse est. Vasa autem hæc aperiuntur iis modis, qui suprà, *part. 2. cap. 13.* de caussis morborum explicati sunt. In specie sudorem sanguineum quod attinet, qui nonnunquam etiam ex caussis naturalibus erumpit, de eius caussis Aristoteles, *3. par. an. c. 5.* scribit, quod accidat propter vitiatum corporis habitum, cum scilicet corpus laxum fluidumque est, sanguisque præ cruditate humescit imbecillitate caloris, qui exiguis venulis inclusus concoquere non potest. Duas nimirum agnoscit caussas Aristoteles; vnam sanguinis tenuitatem & aquositatem, alteram verò raritatem & laxitatem cutis, ac pororum apertionem: quibus nonnulli tertiam addunt, nimirum facultatum nutritioni inseruientium debilitatem, si scilicet retentrix debiliter contineat, expultrix verò fortiter expellat. Reici interdum etiam per tussim intestina, vesicam, particulas corporis diximus: quod accidit, cum à parte aliqua interna, quæ per viam illam euacuari solet, vel in via ipsa ab ulcere, putredine & humore acri, aliquid erosum, & à reliquo corpore separatum est. Alterum vitium in excretis est in Qualitatibus, cum nimirum excrementa naturales & consuetas qualitates non habent, sed vel nimis calida, frigida, humida, sicca, crassa, lenta, viscida, acria, fœtida, colore præternaturali prædita sunt. Calidæ feces deiiciuntur, si bilis & calidi humores admisti sint; si hepar & intestina sint calidiora; si cibi calidi in vsum venerint. Frigidæ fiunt ob extinctionem caloris natiui, vsum ciborum frigidorum, vt sunt lactuca & similes: admistionem humorum frigidorum. Liquida excrementa deiiciuntur primò in cruditate, cum cibus non concoquitur in ventriculo, quod in lenteria euenit: deinde propter mesaraicarum venarum obstructionem, cuius ratione chylus ad hepar penetrare non potest, & propterea, fecibus mistus, eas liquidiores reddit: tertio ob cibos aluum humectantes, quales sunt malua, pruna, cassia, pamarindi: quarto ob defluxiones à capite ad intestina: quinto ob bilis ad intestina effusionem. Ex iisdem ferè caussis feces molliores fiunt: nimirum ob vsum ciborum emollientium, ob permistionem humorum cum fecibus. Dura verò stercora redduntur à calore nimio, qui omnem ferè illorum humiditatem absument, siue ille sit internus hepatis, mesenterij & vicinarum partium, siue totius corporis. Et iste quidem vel naturalis, vt in habitu corporis calidior & rariore, quo qui præditi sunt, multum comedunt & parum excernunt, & tamen graciles sunt; quia multum alimenti diffatur: vel præternaturalis, vt in febribus, aut à caussis externis, vt balneis, nimio corporis motu, aëre calido excitatus, deinde induratur ab intestinorum, vel etiam totius corporis siccitate. Sicca enim intestina feces exsiccant, & corpus siccus, exhaustis humoribus, feces sicciores relinquit. Hinc melancholicorum excrementa sunt sicciora; sicut & eorum, qui exercentur valde, & præcipue ad ignem, vel in calore. Terribus fiunt feces duriores, si vrina copiosius fluat: tunc enim, materiâ humidâ nimis ad renes conuersâ, feces exsiccantur, quod & per sudores accidit. Quarto idem fit ob cibos adstringentes & incrassantes, pyra, mespila, & similes. Quinto exsiccantur feces à mora longa in intestinis, ob quam quicquid adhuc fuerit humidi in iis reliquum, ab intestinis exsugitur & absuntur. Tandem etiam hoc facit attractrix membrorum vis, quod in conualescentibus accidit, in quibus plurima fit in corpus distributio. Acres fiunt feces ob

admistionem humorum acrium, & ciborum acrium vsum. Fœtor nimis accidit ob ciborum vsum, qui fœtorem ipsis conciliare possunt, quales sunt allium, capæ & similes: dein ob malam coctionem, ad quam præcipue facit ciborum variorum permistio; sicut & corporis humiditas & caliditas, quæ ad putrefactionem suscipiendam prona est. Deiiciuntur sæpe feces cum sono ac strepitu, ob flatuum multorum cum impetu erumpentium permistionem. Albicant feces alui præcipue, quando bilis cum iis non permiscetur; quod fit in ictero, ex obstructione vesiculæ felle: deinde ob ciborum albicantium vsum, vt lac, &c. tertio ob pituitam copiosiore permistam. Flauo colore prædita sunt excrementa, si bilis flaua copiosius permisceatur. Virent feces inprimis ob bilem æruginosam. Nigricant à cibo aut humore nigro, vt ex vso cassiæ, mororum & similium, & humoris melancholici admistione. Rubent eadem ob sanguinis permistionem, item flauam bilem adustam. Fiunt spumosa excrementa propter pituitam viscidam, & flatuosam materiâ à capite defluxum, de quo Hippocrates, *7. aph. 30.* quibus in alui profluvio spumosa excrementa sunt, is à capite pituita defluit: deinde propter flatuum admistionem, & eorum, quæ ad flatuum generationem faciunt. Vrina & ipsa & in qualitatibus primis, & secundis mutationes patitur: quæ cum satis multæ sint, & præcipue semioticæ inseruiant, ad librum tertium eam doctrinam reuicimus. Sudor verò suas in qualitatibus mutationes accipit ab humoribus, qui in vniuerso corpore abundant. Sudores calidi fiunt ob calidos humores, vel dum humores incalescunt, & præcipue dum materia euicta, attenuata & cocta est. Frigidi autem fiunt vel ob materiæ crudæ copiam, quæ non ita facile vinci potest & calefieri; vel ob resolutionem spirituum, & extinctionem caloris natiui; vel ob materiæ malignitatem. Sudores autem fœtenti, ob humorum fœtidorum & prauorum copiam, vt in leprosis, scabiosis, & febribus malignis, ac iis, qui corpore sunt calidior ac humidior, & ad putredinem aptior, videre est. Ita etiam sudores coloribus humorum nonnunquam tinguntur. Pallidi & flauo fiunt interdum in ictericis: Virides ob bilis porraceæ admistionem. Qua de causa sudores sanguinei fiunt, iam ex Aristotele diximus, nimirum ob sanguinis aquositatem & tenuitatem cutisque laxitatem. Reperiuntur & vna quadam, quæ si bibantur, vt colorati sudores emittantur, in causa sunt. Sapores quoque suos ex humoribus mutantur sudores. Salisunt sudores plerique, vt vrinæ, quod ex seroso salsoque corporis excremento consistit. Amari verò fiunt, ob bilis admistionem. Acidi interdum, ob acidos humores. Peccat & is sanguis sæpe, qui in fœminis per menses euacuatur, dum albus, flauus, ater est, aut alium vitiosum colorem habet, aut etiam dum fœtidus est; vel nimis aquosus. Quod fit, dum similes humores in corpore aut circa vterum cumulantur, & per hanc viam effluunt. Sputorum quoque multæ sunt mutationes, ob multas causas. Crassius fit sputum, si diutius in ore contineatur, eiusque tenuiores partes absumantur, aut si materia crassa à capite destillet. Spumofum verò fit ob spiritus & aëris multi permistionem, vt in iis, qui diu loquantur, videre est. Redduntur sputa crassa & viscida, materiâ crassa & viscida permista: sapissime verò, vt in febribus accidit, ob calorem incrassantem & condensantem. Sapores salios, amaros, acidos, mutatur sputum ab humoribus præcipue in ventriculo hærentibus. Ita & colores ab humoribus in visceribus, & hinc exeuntibus vaporibus, accipiunt sputa: album à pituita; rubrum à sanguine; flauum à bile; nigrum à melancholia aut crasso sanguine resiccato; viridem à bile æruginosa; fœtorem verò si habeant sputa, ab interna putredine,

Sudoris sanguinei causa.

Excretorum qualitate peccantium causa.

Excrementorum alui fluidorum causa.

Fecum alui induratum causa.

Sudoris natura.


Menstrui causa.

Sputi causa.

præcipue ab vlcere in pulmonibus, acquisiuerunt. Tandem peccant excreta Quantitate, cum vel plura, quam debebant, vel pauciora deiciuntur. Alii feces ciborum quantitati naturaliter respondent: verum interdum maiori, quam par est, copia euacuantur. Quod accidit primò ob cibum humidiorum, præcipue si post eum copiosus potus assumatur. Secundò si cibum sit excrementitius. Nam quo melior cibum est, & quò plus boni succi continet: eò pauciora ex eo excrementa generantur: si autem cibum succi alimentaris non ita multum contineat, multa inde excrementa cumulantur. Tertiò multa excrementa excernuntur, si chylus non rectè distribuatur. Quartò si à partibus aliis multa excrementa ad intestina confluant, quæ fecibus mista earum copiam augment. Pauciora verò, quam par est, excrementa deiciuntur ob contrarias causas: Si nimirum cibi sint duriores, & inprimis, si parum potus post eos sumptos ingeratur: si cibum boni alimenti sit, & qui non multum excrementi habeat: vel cibi parum assumatur, chylus auidè à venis mesaraicis arripiatur: & si bilis, quæ in excernendis fecibus quasi stimulus est, non multa ad intestina fluat. Ita vrina quantitas naturaliter quantitati potus respondere debet: sed & ipsa interdum maiori vel minori quantitate excernitur. Maiore vel minore, quam par est, copiâ vrina emittitur pluribus de causis, quæ, lib. 3. part. 1. sect. 2. cap. 7. explicabuntur. Porro sudores & ipsi interdum copiosius erumpunt. Cuius rei causæ sunt variæ: primò corporis raritas, quæ sudori facile transitum indulget, vt videmus tempore æstiuo, & in corporibus mollioribus ac rarioribus sudores copiosius fluere. Deinde robur virtutis expultricis: excrementorum abundantia vel tenuitas. De quo & Hippocrates, 4. aphor. 41. *Sudor multus per somnum factus copiosiore cibo corpus uti significat. Quid si parcius epulanti hoc accidat, vacatione indigere, sciendum est.* Et 3. aphor. 6. *Quando æstas sit similis veri, sudores in febribus multos expectare oportet.* Nam, vt Galenus explicat, si æstas sit valde sicca & torrida, humiditatem contentam absorbet & resoluit. Si verò similis veri sit, calore quidem euocat ad cutem, sed præ humiditate in vaporis speciem resolvere non potest. Morborum itaque crisi humiditas dum tota simul & confertim excernitur, multos sudores facit. Sudoris paucitas contrà fit, vel ob excrementi paucitatem; vel eius crassitiem, ob quam per angustos cutis meatus penetrare non potest; vel meatuum angustiam; vel virtutis debilitatem, vel propter caloris vehementiam, qui dissipat & absorbet materiam; vnde etiam in ardentibus nonnullis sudores non fiunt, & qui nudi ardenti soli subiacentur, minus sudant, quam qui vestibus tecti sunt. Cur tandem menses vel copiosius, vel parcius fluant, supra, part. 3. sect. 2. cap. 1. vbi de mensium suppressione, diminutione, profluvio actum, diximus.

* *

Dan. Sennerti Tom. I.



INSTITUTIONVM MEDICINÆ

LIBER TERTIVS.

PARS I.

De signis in genere.

SECTIO. I.

De Signorum differentiis & fontibus.

CAPVT I.

De methodi Semioticae necessitate & utilitate, & quid signum.



OSTQVAM hætenus quid sit sanitas, & in quibus consistat, tum quæ sit rerum præter naturam differentia, explicauimus, rectè iam ad methodum medendi, tuendæque sanitatis accedendum, docendumque videtur, qua ratione sanitas conseruari, & morbi tolli possint. Verum enimverò cum artes versentur circa singularia, Medicusque non curet hominem in genere, sed Petrum, Paulum &c. methodus ac via prius explicanda, qua præter naturam cuiusque hominis tum sani tum ægri constitutio agnosci, latentes in singularibus & indiuiduis morbi per signa inuestigari, & quid de exitu morborum sperandum sit, cognosci queat, methodusque semiotica proponenda est. Quæ etsi non sit necessaria ad cognitionem curationis, cum possimus cognitionem curationis affectus acquirere, etsi, qua ratione cognoscendus sit, nondum cognitum habeamus: tamen cum necessarium sit, si ad operationem & curationem descendere animus est, vt perspectam habeamus rationem cognoscendi affectus, affectumque non cognitum curare non possimus: meritò hinc methodus semiotica præmittitur. Paterque hinc, quæ sit methodi semioticae necessitas & utilitas. Etsi enim, vt dictum, necessaria non sit ob cognitionem curationis: ob curationem tamen ipsam necessaria est. Ea præterea etiam est methodi huius utilitas, quòd dum ægri ea, quæ sibi eueniunt, iam Medico cognita vident, non solum Medicinam extollunt, sed etiam Medico magis fidunt, & magis obediunt: atque ita non solum ad curationem necessaria est, sed etiam ad Artis auctoritatem facit methodus semiotica. Id quod Hippocrates, *initio prognosticæ*, monet: *προγινώσκων καὶ προλέγων ὅτι τὰ τοῖσι νοσέουσι τὰ τε παρόντα, καὶ τὰ προγεγονότα καὶ τὰ μέλλοντα ἐστὶν ὁ νόσος ὅτι αἰτίαι αὐτῶν εἰσὶν οἱ αἰτιόγοντες ἐκ τῆς γένεσός, πιστεύουσιν ἂν μάλιστα γινώσκων τὰ καὶ νοσούντων πρὸς μάλιστα ὥστε τοὺς μὲν ὁπότε περὶ τὸν ἀνθρώπου σφῆας εἰσὶν αὐτοὺς τὸ ἴδιον.* Adde quod Medicus præuidens ea, quæ ægris sunt euentura, tempestiuè iis potest occurrere. Hac quoque instructus Medicus vulgi calumnias faciliùs euitare potest; dum, quæ futura sunt, prædicat, nec optima medicamenta, quæ pluribus profuerunt, infamat, ijs ea exhibendo, in quibus nulla salutis spes superest. Quapropter & nos, ne in hac parte deficiamus, methodum semioticam hoc loco subiungemus, & de signis, indicantium methodi curatricis præcipue, agemus, ac qua ratione indicantia cognosci possint, explicabimus. Signorum autem appellatione intelliguntur omnia ea, quæ rem aliquam significant; seu omnia euidentia, quæ rem ignotam & occultam patefaciunt; seu, vt author definitionum Medicarum loquitur, Signum est τὸ τῷ

Methodi semioticae utilitas.

Signum quid

ἀδύναμις δηλωτικόν. Capitūque vox signi hīc latius, quā in Logicis. Logici enim effectus solum pro signis habent, & demonstrationem à signo illam appellant, quā ab effectu est; Medici verò hīc omne id, quod aliquod eorum, quā in methodo medendi indicant, significare & monstrare, motumque reddere potest, signum appellant. Qua ratione & causa inter signa recensetur, & ex causis, quā præcesserunt, aut præsentibus sunt, affectus signa petuntur.

CAPUT II.

De Signorum differentiis.

Signorum genera.

Signorum autem quædam sunt differentiæ. Et primò quidem pro varietate corporum & ipsa dicuntur alia salubria, alia insalubria, alia neutra. Salubria dicuntur, quā salubritatem aut sanitatem; insalubria, quā insalubritatem; Neutra, quā neutram dispositionem ostendunt. Deinde dicuntur quædam διαγνωστικά seu δηλωτικά, demonstrantia seu demonstratiua, quā præsentem constitutionem, seu secundum naturam, seu præter naturam ea sit, demonstrant: quædam προγνωστικά, quā futura prænunciant: quædam αναμνηστικά, quā eum, qui iam præterit, corporis statum in memoriam reuocant. Præterea signa alia sunt propria, alia communia. Propria sunt, quā vni solum affectui conueniunt: Communia verò sunt, quā in pluribus & diuersis reperiuntur. Propriorum rursum plura sunt genera, Galenus, 1. de febrium differentiis. cap. 3. tria eorum genera constituit, atque alia inseparabilia, alia propria, alia inseparabilia & propria simul nominat. Inseparabilia illa appellat, quā affectum significant, & ab effectu separari non possunt, & omni, sed non soli competunt, à quibus non licet argumentari affirmatiuè, sed solum à negatione talium signorum ad negationem affectus procedere. Exempli gratia; incepisse à causa aliqua manifesta, est à diaria inseparabile signum, & sequitur: Hæc febris non incepit à causa manifesta: Ergo non est diaria. Non verò sequitur: Hæc febris incepit à causa manifesta. Er. est diaria. Propria sunt, quā soli, sed tamen omni non conueniunt. Propria & inseparabilia sunt, quā soli & omni conueniunt. Ex hac diuisione aliæ oriuntur signorum apud Medicos differentiæ. Nominantur enim apud Græcos παθογνωμονικά, σημεῖα, σημεῖα, δηλωτικά, apud Latinos inseparabilia, assidentia, comitantia, superuenientia, mox seu post apparentia: quā quomodo differant, non omnes satis explicant. Commodissimè autem ita distingui posse videntur. Παθογνωμονικά sunt, quā morbi essentiam consequuntur, & cum eo necessariò coherent, ideòque necessariò mox in principio morbi adsunt, & à morbo separari non possunt, ac omni tali & semper conueniunt; & ubi sunt, affectum illum adesse necessariò significant. Verum cum rarissimè ex vno signo proprio affectum cognoscere liceat: plerumque signa pathognomonica constituuntur ex pluribus coniunctis, quā si seorsim sumantur, pathognomonica non sunt. Ita nec respiratio difficilis, nec tussis, nec febris continua per se & separatim sumpta sunt signa pleuritidis: verum respiratio difficilis, febris continua, tussis, dolor pungens, pulsus durus & ferrinus, ut loquuntur, si simul appareant, pleuritidis signa pathognomonica sunt. Συναδρόντα, id est, assidentia sunt, quā à morbo inseparabilia non sunt, neque eius essentia necessariò coherent, neque semper adsunt, sed ποτὲ μὲν συμβάλλει, ποτὲ δὲ ἀπγίνεται, ποτὲ δὲ ὅλως γίνεται: interdum, præter pathognomonica, mox à principio apparent, interdum postea succedunt, quandoque etiam nullo morbi tempore adsunt, ut Galenus, 1. aph. 12. docet: ideòque ipsum morbum, eiusque speciem non indi-

Signa παθογνωμονικά.

Signa συναδρόντα.

cant, sed conditionem aliquam eius significant, & οἰκίας διαφορὰς efficiunt, qualia sunt in pleuritide, quod æger facilius decumbat in latus affectum vel oppositum, quod dolor ascendat ad iugulum, vel hypochondria. Sub his & ἀπγαινόμενα & ἀπγινόμενα, forsan complecti liceret. ποτὲ γὰρ ἀπγίνεται συναδρόντα, ut Galenus ait: & sunt nonnulli, qui συναδρόντα, ἀπγαινόμενα, & ἀπγινόμενα pro eodem signorum genere habeant: tamen ab authoribus artis Medicæ disiungi videntur. Συναδρόντα enim, ut dictum, sunt, quā ipsum morbum non indicant, eiusque essentiam non consequuntur: familiaria tamen morbo sunt, eiusque aliquam conditionem, & οἰκίας differentias manifestant. Ἀπγινόμενα verò, & ἀπγαινόμενα sunt, quā neque morbi naturam ac speciem, neque eius conditionem significant, sed eius mutationem solum indicant. Suntque hæc triplicia: alia enim sunt signa coctionis & cruditatis: alia, quā salutem & mortem significant: alia κρίσιμα seu decretoria, quā solutionem morbi prænunciant, ut Galenus, 1. de crisi. cap. 4. docet.

CAPUT III.

De Signorum fontibus.


Signorum autem fontes etsi plures sint: ad tres stamen redigi posse videntur. Primò enim sumuntur signa ab ipsa rei natura & essentia, seu, ut Galenus loquitur, cap. 8. artis med. ἀπὸ τῆς ὑπαρχόντων τῆς ἐστίας λόγου, id est, ab essentialiter inhaerentibus, siue res illa sit morbus, siue causa, siue symptoma. Sæpe enim res ex se, seu ex propria natura manifestæ sunt, atque earum magnitudo, color, figura atque alia, quā ipsis essentialiter inhaerent manifesta sunt, & visui sese offerunt, ut aliis signis opus non sit. Quorum verò naturæ non ita in propatulo positæ sunt, ex aliis signis cognoscuntur, & quidem duabus viis ad quoduis demonstrandum & cognoscendum progredi possumus, à causa nempe, & ab effectu. Secundò itaque petuntur signa ab effectibus, id est, omnibus, quā sanitatem, morbum & causas morborum insequuntur, accidentibus & symptomatibus, siue sint læsæ actiones, siue excreta & retenta mutata, siue qualitates corporis mutata. Quas res nonnulli speciatim considerant, atque ita plures signorum fontes constituunt. Tertiò à causis, siue sint externæ, siue internæ, siue per se, siue per accidens, siue quæcunque aliæ. Huc pertinent quædam, quā quia signa manifestiora exhibent, nonnulli pro peculiaribus signorum fontibus ea habent. Talia sunt habilitas seu dispositio corporis, & hinc facilis vel difficilis in hunc vel illum morbum lapsus. Ille enim monstrat similem temperiem, hic contrariam. Homo enim natura calidus facile morbis calidis corripitur, difficulter frigidis. Huc etiam referenda ea sunt, quā iuuant & nocent. Ea enim, quā morbum augent, argumentum sunt, morbum habere conuenientiam cum re, quā morbum auget. Si aliquid iuuat & prodest ægroto, contrariam morbo naturam ei inesse indicio est. Homo enim sanus gaudet similibus, læditur contrariis: æger contra gaudet contrariis, læditur similibus. His signorum fontibus addunt nonnulli similia & dissimilia. Per simile verò & dissimile intelligitur vel corpus, quod alteri corpori, aut sibi ipsi confertur; vel pars, quā alteri parti, aut cum seipsa comparatur. Nonnullis tamen videtur, quod similitudo & dissimilitudo non peculiaris signorum fons, sit, sed ratio potius alia signa aptè inter se conferendi. Atque id est, quod Hippocrates, in lib. de iis, quæ in Medicat. fiunt, t. 1. præcipit: *similia an dissimilia sint, à principio inspicendum*. Ut autem recta fiat comparatio, requiritur præcipue, ut eius, cum quo fit comparatio, certa habeatur

Signa res. i. E. ter. tin.

2. E.

3. C.

habeatur notitia, & ut Galenus, in comm. docet, ægrotum εἶναι, καὶ εἶναι καὶ φέρει. Medicus cognita habeat. Nisi enim id, quod comparatur cum alio, notum sit, nullum certum signum similitudo aut dissimilitudo exhibere potest, atque in comparatione decipi facile est, ut illi Empeirico accidit, referente Galeno, commento 1. in loc. allegat. qui contendebat, humerum non esse luxatum; quia alteri humero similis planè apparebat, ignorans, alterum quoque humerum luxatum fuisse. Ita si æger aliquis habeat nares acutas, oculos cautos, tempora collapsa, non mors mox prædicenda est: sed videndum, an non naturalis sit ea ægri facies. Vnde patet, plus fidendum esse ei Medico, qui sæpius cum ægro versatus est, quàm alij, cui planè ignotus est. Ad hunc signorum fontem etiam referuntur communiter vagantia mala. Comparantes enim hunc ægrum cum aliis plurimis, qui communi aliquo morbo ægrotant, eum etiam eodem malo laborare non sine causâ suspicamur.



LIBRI III. PARS I.

SECTIO II.

De cognoscenda corporis humani & præcipuarum eius partium Temperie.

CAPVT I.

De signis corporis saluberrimi.



OSTOYAM hæc in genere de signis tradidimus, iam ad species accedendum. Et cum corpora sint duplicia, sana & ægra, corporisque sani, quod neutra sub se complectitur, quædam sit differentia & latitudo: Primò qua ratione sani corporis eiusque partium constitutiones variæ cognoscendæ sint, dicendum. Idque summè & maximè necessarium est, ut inde recessum à naturali statu in morbis colligere, & cuique conuenientia remedia Medicus præscribere possit. Primò verò hominem sanum ab ægro discernere non difficile est. Omnes enim, ut rectè Galenus scribit, cum se sanos esse iudicant, cum omnes, quæ homini conueniunt, actiones obire possunt. Et proinde notissimum hîc signum est, quod ab actionibus sumitur, terminusque, qui sanum & ægrum distinguit, est operationum læsio sensibilis. Cum verò magna sit sanitatis latitudo, primò optimæ constitutionis corporis humani, quæ reliquorum velut norma sit, signa proponenda sunt. Laudabant quondam homines, ut Galenus, 1. de temp. cap. ult. scribit, quandam Polycleti statuem, Canonem appellatam, quæ ita artificiosè facta & fabrefacta erat, ut summa omnium partium inter se esset harmonia. Ita & Medico hîc optima quædam corporis constitutio describenda est, ad quam omnium ætatum, sexus, regionum, conditionum, naturarum homines comparandi sunt, & inde, quales sint, temperati an intemperati, æstimandi. Galenus autem in æstimandis corporis constitutionibus è duobus præcipuè fontibus, in arte Medica c. 5. signa petit, primò ἀπὸ τοῦ ἀρχόντων καὶ τῆς ἐσίας αὐτοῦ λόγον, ab iis, quæ secundum essentiam rationem ipsis insunt: secundò, ex iis, quæ ex necessitate hæc sequuntur, operationibus & accidentibus. Vtrumque genus plura sub se complectitur. Primò enim cum partes sint duplices, similes & dissimiles, in similibus recta ex Elementis suis compositio, & hinc dependens temperies, per quam omnes partes ad naturales actiones obeundas aptæ sunt, requiritur. Is igitur homo optimam constitutionem partium si-

milium obtinet, in quâ ea omnes optimam, quam debent, temperiem obtinent. Quæ quidem temperies non pondere ac mensura contrariorum Elementorum est metienda, sed in qua talis est elementorum & qualitarum proportio, secundum quam, ut Galenus loquitur, quodlibet αἰσα ἐκ τῆς οὐσίας φέρει, optimè se habet in propria natura. Neque enim omnium partium constitutio eadem esse debet: sed ut diuersarum partium sunt diuersæ actiones: ita & temperies; Calidior nempe cordis, quàm Hepatis; Hepatis, quàm cerebri; siccior ossium & membranarum, quàm carnis. In dissimilaribus verò & Organicis partibus requiritur certus partium constituentium numerus, magnitudo, figura, conueniens situs & cum aliis connexio. Ergo homo optimæ constitutionis & saluberrimus, præter optimam temperiem, omnium partium conuenientem numerum habeat, totius corporis staturam & singularum partium magnitudinem; partes omnes ritè conformatæ & figuratæ sint, suumque locum & situm obtineant; respondeantque ad proportionem partes partibus; dextræ sinistris, magnitudo capitis amplitudini thoracis, manus brachii, pedesque cruribus sint commensurati. Sunt quidem nonnulli in ea opinione, corpus optimè constitutum & saluberrimum esse posse, quod minoris paulo staturæ est. Nimirum sicut Artificum sigilla non minus interdum admiramur, quàm Colossos: ita vitium corpori nullum adscribendum censent, in quo vis formatrix delatam ad se materiam quantamcunque digestam suis locis applicat, & parti cuique, quantum satis sit, ex ea tribuit, eamque ita in totius corporis efformationem absomit, quæcunque etiam inde exsurgat eius magnitudo; modò omnia aliàs numeris suis absoluta sint. Verum enimverò certiora longè sunt reliqua corporis optimè constituti & temperati signa, ubi etiam iusta eius statura & magnitudo obseruatur. Nimirum arguit hoc iustam materiam copiam, sicut minor statura materiam defectum, aut maior statura maiorem, & quam natura satis regere non possit, materiam copiam. Alia tamen etiam de causâ moderata in corpore optimè constituto statura requiritur. Si enim ingens corporis moles sit, ab anima semper ritè regi non potest. Nempe cum anima non solum corpus alere debeat, sed & secundum meliorem sui partem alia officia exercere, si nimia sit corporis moles, vix utrique sufficere potest, & propterea ad alterum conuersa & potiore desiderio capta, maximè nutriendo corpori intentæ est, reliquumque munus negligenter tractat; unde quidam mentis torpor actionesque ingenij minus perfectæ deprehenduntur. Contrà si anima nimis paruo corpore, quasi claustris, coarctetur, commotis spiritibus igneum veluti corpus reddit, & cum se ad rerum contemplationem transfert, studio nimio corpusculi vires debiliores sæpe attenuat, & feruore quodam superandi lites excitat & litigiosos reddit. Præter hæc in utrisque tam dissimilaribus, quàm similaribus requiritur vnitas. Nam non satis est, ut corpus bonam obtineat temperiem & eleganter sit conformatum, sed præterea omnes partes pulchrè inuicem vnitæ & coniunctæ sint, oportet. Verum enimverò cum hæc quidem sensu in exterioribus percipi possint, in interioribus verò lateant: rectè ἐν τῇ ἐξ ἀνάγκης τέτοις ἐπορεύων, ex iis, quæ necessariò ista consequuntur, de totius corporis constitutione iudicium sumendum. Inter illa autem ἐπορεύα & consequentia sunt primò actiones, & proinde cum actiones de constitutione corporis testantur, homo optimè constitutus præstantissimas edit actiones. Quæ autem actionum sit differentia, supra, libro 1. dictum. Homo ergo optime sanus actiones has omnes probè obit, & nullus in iis defectus est. Excrementa naturalem suam substantiam, qualitatem, quantitatem, tempus & locum con-

A temperie.

A conforma-
tione.

An corpus
paruum possit
esse saluber-
rimum.

Ab Vnitate.

Ab Actioni-
bus.

Hominis tem-
perati descri-
ptio.

uententem, per quem eliciuntur, obseruant. Neque etiam temperatissimus homo multum vorat, sicut ij, qui fame canina laborant, sed, vt Galenus, *cap. 1. lib. 2. de temperamento* scribit: Homo temperatissimus moderate edit & bibit, concoquitque optimè cibos, non in ventriculo tantum, sed in venis etiam totòque corporis habitu. Idem sensuum functionibus mentisque actionibus optimè erit præditus. Idem medius erit inter somnolentum & pervigilem: Idem concupiscendi & appetendi vim ita castigatam habebit, vt rationis imperio obsequatur, neque tamen planè torpeat, ideòque non semper corporeo instinctui satisfaciet, sed quod superior facultas iusserit, id aget, & propterea nec helluo erit, nec tamen obtrusi planè ad obiecta illa omnia sensus; non ardelio erit & subito rerum quarumcunque desiderio rapietur, nihil verò perficiet. Idem nec iracundus erit, nec lentus, sed mitis; non crudelis, nec temerè nimis misericors, sed humanus; non temerarius aut audax, nec timidus, sed fortis; non cunctator, nec præceps, sed maturi consilij. Erit idem *εὐδύμου, φιλόσοφου, φιλόθεου, φιλόπολις*. Mediocritatem etiam seruabit in tristitia & hilaritate. Per actiones autem non tantum agendi vis hinc intelligenda, sed etiam resistendi causis, quæ morbos in corpore producere possunt. Temperatissimum enim corpus minimè morbis est obnoxium; causis tamen violentis exceptis. Deinde consequuntur optimam corporis constitutionem accidentia quædam, seu qualitates quædam externis corporis partibus ab optima corporis constitutione eiulque causis imprimuntur, quæ variæ sunt. Primò in optima constitutione color faciei, imò totius corporis ferè, optimus, roseus scilicet ex albo & rubro mistus est. In caliditate & frigiditate, in mollitie & duritie, in leuitate & asperitate, corpus optimè constitutum mediocritatem obtinet. Pili & ipsi mediocres sunt, & corpus optimè constitutum nec glabrum nec hispidum & nimis pilosum est; ac pili in iuuenili ætate ad flauedinem, in virili ad nigredinem tendunt. Corporis habitus est *εὐραπύης*, inter nimis corpulentum & gracilem medius, sicut & statura, vt dictum, decens est. Ex quibus omnibus atque ex ista rerum ad corporis constitutionem necessariarum *συμμετρία* totius corporis pulchritudo emergit. Et quidem ista omnia euidentius apparent, corpusque tale temperatissimum, quod Canonis loco sit, in ætate media tantum conspicitur. In prima enim ætate corpus adhuc nimis humidum est, nec iustam assecutum staturam, vnde nec ea actionum omnium, qualis in ætate media, perfectio: suis tamen etiam se notis tum prodit. In ætate verò senili etsi prioris roboris, vigoris & pulcritudinis vestigia appareant: ob caloris tamen decrementum de iis omnibus multum remittit. Atque vt hæc omnia in summam contrahamus, corpus optimè constitutum & saluberrimum est, quod est temperatissimum & optimè conformatum; quod in omnibus actionibus expeditissimum & felicissimum est, quodque externis iniuriis minimè obnoxium, ac tandem in omnibus accidentibus modum ac decorum obtinet. Duo tamen hic ab Auctoribus disceptari solent. Primum: An omnes actiones corporis saluberrimi sint perfectiores, quàm in minus temperatis. Deinde, an corpus temperatum fortius resistat omnibus causis morbos gignentibus, quàm intemperatum. Primam quæstionem quod attinet, rectè statuitur, corporis temperatissimi, & optimè constituti actiones esse perfectissimas & optimas. Nam cum vt actiones nunc rectè, nunc vitiosè edantur, vel planè intermittantur, non anima in culpa sit, quæ semper eodem modo se habet, easdemque facultates obtinet, sed causa in organis sit: facile hinc colligere est, quod corpus quò perfectius & melius constitutum est, eò nobiliores & perfectiores actiones edit. Licet enim in intem-

Qualitati-
bus corporis.

An actiones
corporis tem-
perati sint
perfectissima.

peratis quædam actiones alicuius partis fortiores videantur: tamen si integrum alicuius partis vsum, & multò magis si totius hominis officium & finem consideres, ad omnes actiones obeundas homo temperatus promptior est. Cerebrum quidem humidius facilius recipit imagines; sed easdem non fideliter retinet. Cerebrum siccus difficius recipit; sed receptas imagines firmiter retinet. Cerebrum verò rectè temperatum ad omnia sese rectè habet, & non solum promptè recipit imagines, sed & easdem fideliter conseruat: immò ad omnes reliquas actiones obeundas accommodatissimum est. Ita ventriculus frigidior vehementius appetit sæpe quàm temperatus, & non raro plus, quàm possit concoquere. Verum cum ventriculus non solum sit factus, vt cibum appetat, sed vt eundem quoque retineat & concoquat: ad totum hoc officium exsequendum ventriculus temperatus aptior est. Neque is ventriculus optimus est, qui copiosius appetit, neque qui amplius & solidius concoquit; sæpe enim is quoque alimentum corrumpit: sed qui in omnibus modum seruat. Sic Melancholici plerique ad rerum cognitionem & inuentionem apti sunt: quia verò homo non tantum ad contemplandum, sed etiam ad agendum natus est, & vt rectè Peripatetici dixerunt, vt *θεωρητικὸς sit ἡ δυνάμις, & πρακτικὸς ἡ δυνάμις*, actiones reliquæ in Melancholicis minus perfectæ sunt, & plerique in moribus deficiunt, & sunt inuidi, suspiciosi, duri, timidi. Alteram verò quæstionem quod attinet, statuendum existimamus, corpora temperata omnibus causis morbos simul maximè resistere; quoniam ab omnibus excessibus æqualiter distant, & minus apparatus morborum gignere, atque inde ex sua natura minus in morbos incidere. Licet verò intemperata vni alicui extremo, fortius resistent, calida scilicet frigido, frigida calido: tamen facilius apparatus morborum cumulant, & calidum facile læditur à calidis, frigidum à frigido: corpus verò temperatum omnibus extremis æqualiter resistit.

C A P V T II.

De signis Corporum ab optima constitutione deflectentium.

Cognito hoc modo saluberrimo corpore, non difficile est corpora à perfectissimo statu deflectentia cognoscere: quæ duplicia sunt, ægra quædam, quædam adhuc sana. Ægra à sanis actionum læsione discernuntur, terminusque, qui sana & ægra corpora discernit, sensibilis actionum læsio est. Quæ autem actiones nondum sensibiliter læsas habent, ea omnia adhuc sub sanis comprehenduntur. Eorum tamen magna latitudo est. Quædam enim in simularium temperatura ab optimo statu deflectunt; quædam in Organicarum compositione; quædam in vtrisque: & quidem vel in aliquibus, vel in omnibus; rursusque defectus ille nunc magnus, nunc paruus est. Et primò temperiem quod attinet, auctores in temperamentis illis ab optimo statu deflectentibus describendis variant nonnihil. Quod enim ab aliis humidum & calidum, illud ab aliis sanguineum; quod calidum & siccum à quibusdam, illud ab aliis biliosum; quod frigidum & humidum, ab aliis pituitosum; quod frigidum & siccum, ab aliis Melancholicum nominatur. Qua de re quid sentiendum sit, supra *lib. 1. cap. 4.* dictum. Tolerari nimirum istæ appellationes possunt, si rectè explicentur, & non ab humoribus excrementitiis, sed alimentariis, & ipsa sanguinis in variis corporibus diuersitate sumantur. Ideòque hisce nominibus postea, rem potius spectantes, sine discrimine vtremur, & signa temperamentorum ab optima corporis temperie deflectentium explicabimus.

Corpora

Corpora calidiora ergo, in siccitate verò & humiditate ferè moderata, talia se actui ostendunt, pilis abundant in toto corpore, & his flauis ac crassioribus; sunt graciliora, quantum ad pinguedinem, & pingua non sunt. Sciendum enim quod duplex est crassities, vna, quæ πολυσαρκία dicitur, id est, carnosæ substantiæ abundantia; altera, quæ πικρὸς καὶ παχύς, id est, habitus pinguis crassusque nominatur. Ad motum sunt alacria & robusta, ad iram prona; faciei color est rubicundior, quàm temperati corporis; à caussis calidis faciliè læduntur. Si calori siccitas coniungatur, quos Biliosos appellant, corpus erit calidum, durum, gracile, macilentumque, tam quoad carnosam substantiam, quàm quoad pinguedinem pilosum, pilique erunt nigri & crispi: pulsus arteriarum erit magnus, venæque magnæ. Iracundi sunt tali temperie præditi, pertinaces, rixarum amantes, pauca appetunt, etsi plura concoquere possent: ad generationem masculorum apti sunt. Si calori humiditas iungatur, quod temperamentum sanguineum nominant, erit corpus calidum & molle, multo sanguine abundans, latis venis præditum, carnosum: atque hoc temperamento præditi in iuuentute frequenter hæmorrhagiam narium pati solent: & si humiditas nonnihil excedat, ad morbos quoque è putredine ortos proni sunt. Si corpus sit frigidius, id tactu tale apparebit; erit pingue, segne & tumidum, ac molle, glabrumque: frigidis faciliè læditur, thoracem obtinet angustum & glabrum, venasque angustas, quæ vix apparent: timidique sunt ac subtristes tali temperamento præditi, color ad albedinem vergens: plus appetet, quàm possit concoquere; & si frigus valde excedat, corporis color erit liuidus, pili sunt albi, tenues, & exigui plerumque incrementi. Si iungatur frigiditati humiditas non multa, nec ipsa frigiditas sit magna, corpus erit colore album, pingue, crassum, molle, pili rufi, qui ad pallorem vergant. Si verò frigus cum humiditate sit intensius, corpus erit crassum, colore liuidum, valde glabrum, capillus plausus, venæ delitescences. Tali qui temperamento sunt præditi, heberi sunt ac tardo ingenio; & ferè ad omnia ignaui minisque expediti, simplices & ad iram minimè proni. Si frigiditas siccitati copuletur, corpus tale tactu deprehenderetur, erit macilentum, glabrum, pallidum. Talique præditi temperamento incessu sunt tardi, vultu demisso, oculis constanter. Verùm hîc dubitatio non contemnenda occurrit. Nam cum supra dictum sit, in corpore temperato omnes actiones perfectissimas esse: à plurimis tamen constitutio melancholica, quantum ad ingenium, præfertur. Ita enim habet problema primum Sectionis 30. apud Aristot. *Cur homines, qui ingenio claruerunt, vel studiis Philosophicis, vel in Republica administranda, vel in carmine pangendo, vel in artibus exercendis. Melancholicos omnes fuisse videamus, & alios ita etiam, ut vitiiis atra bilis infestarentur, ceterum inter Heroas de Hercule fertur?* Primò autem id, quod supra dictum, omninò verum existimamus, corporis temperati actiones omnes esse perfectissimas, simul scilicet sumptas, & proinde animales quoque in temperato esse optimas, hominemque temperatum vi sentiendi, imaginandi, memorandi ac ratiocinandi valere, & has omnes functiones recte exsequi, esse acutum, sagacem, docilem, ingeniosum, prudentem, veritatis amantem. Nam cum beneficio Spiritus animalis istæ actiones fiant, quò ille est purior & melior: eò etiam omnes actiones redduntur elegantiores. Optimus autem est in corpore temperato. Etsi verò in intemperatis aliquæ actiones nonnunquam superare videantur: tamen in aliis est quidam defectus. In vno Phantasia plurimum valet; sed memoria parum viget: in alio viget memoria, sed phantasia infirmior est: in alio

intellectus vacillat. Imò ipsæ intellectus actiones in omnibus non aequè felices sunt: alius subtiliter contemplatur & inuenit; alius facilius ab aliis tradita discit & arripit; alius iudicij dexteritate valet, & de omnibus rebus dextrè iudicat. Hæc verò omnia si coniungantur, felicissimus est temperatus, qui solertia, inuentione, ingenio, discendi facultate & iudicio & opinionum dexteritate ac consilio valet. At ex intemperatis singuli in vno valent: in reliquis parum possunt, vt postea, vbi de signis temperierum cerebri dicetur, patebit. Quid verò iam de Aristotelis problemate sit sentiendum, & quid melancholici in hoc genere valeant, dicendum. Primò autem hoc obseruandum, per humorem melancholicum hîc non intelligi humorem excrementitium, sed quartam sanguinis partem. Deinde sciendum, & respectu humoris naturalis & alimentarij melancholicos esse duplices. Primò enim dicuntur melancholici, qui à natura frigidum & siccum sanguinem habent, & proinde respectu partis temperatissimæ sanguinis bono sanguine minus abundant. Et de his problema Aristotelis accipi non potest. Tantum enim abest, vt hi ingeniosissimi & ad artes omnes aptissimi sint, vt potius sint ingenio obtuso & stupido, coloreque corporis liuido & plumbeo: neque sine causa. Frigida enim & sicca humoris huius temperies motum spirituum animalium hebetat, animum timore replet, & ad actiones ingenij ineptos facit. Deinde melancholici dicuntur ij, qui natura bono & copioso sanguine abundant; cui pars tamen quædam crassior & siccior permixta est, quæ licet ipsa absolute calida & humida sit, atque ipsa formæ sanguinis particeps: tamen respectu partis temperatissimæ sicca dicitur. Nonnulli eam feci vini comparant, neque planè ineptè. Sicut enim robur suum vinum à parte illa crassiore, quam Tartarum appellant, non parum habet: ita & crassior hæc sanguinis pars robur quasi sanguini addit reliquo, inprimis cum attenuatur & veluti funditur. Vnde & ipse Aristoteles, loco allegato, vino Melancholiam confert, cum vtrumque πνευμάτων sit. Hinc videmus nonnullos, vbi paulum vino incalescunt, multò felicius versus scribere, vel in concione loqui, quàm ieiunos. Nam ad exercendas artes, quæ magis natura, quàm doctrina constant, qualis est Poësis, natura est multò alacrior, quando Spiritus incalescunt & funduntur quasi; intra certos tamen limites: id quod optime fit in humore melancholico. Hic enim incalescit & quasi in Spiritus resoluitur à vino: biliosus verò sanguis ab eodem nimis efferuescit, Spiritusque nimium incalescunt. Habet nimirum hæc res, vt in Spiritu vini, qui ex vino Maluatico, aliòque generoso longè præstantior, quàm ex alio minus generoso vel etiam minus calido elicitur. Talis humor verò non generatur, nisi in corpore, in quo antea bonus sanguis abundat, vnde sanguinei procedente ætate ferè plurimum huius humoris cumulant, atque ita ex sanguine bono & humore hoc crassiore fit mixtura actionibus ingenij exercendis valde apta. Ex quibus patet, tales, de quibus loquimur, Melancholicos ab optimo corporis habitu multum non abesse, & longè maiorem boni sanguinis copiam habere, quàm vel pituitosi vel biliosi habent. Docuit hoc ipsum Hippocrates, lib. de statib. t. 3. 9. vbi scribit: *Nihil inter omnia, quæ in corpore sunt, ad prudentiam conferre, quam sanguinem, inprimis cum in constanti habitu persistit.* Nam qualis sanguis, talis Spiritus; qualis Spiritus, talis animus: ex optimo verò sanguine optimus & purissimus Spiritus. Hinc causam reddere non difficile est, cur Melancholici ad actiones ingenij obeundas reliquis temperamentis sint prompiores; nimirum propinqui sunt bono corporis habitu.

Melancholicos
duplices.

Qui ingeniosi

habitu, & sanguinem ita constitutum habent, Spiritusque copiosos & puros & omnino ad actiones ingenij aptiores, quam biliosi vel pituitosi. Et si sanguis, quatenus nimirum calidus & humidus est, & ab optima temperie abest, simplices & stolidos facit, seu ut Galenus, 1. de nat. human. l. 39. habet, τὸ ἀπλοῦν καὶ ἡλιθιώτερον διὰ τὸ αἷμα, cum humiditas intellectui officiat & animus prudens sit in sicco spiritu: à crassiore hac & sicciora parte sanguis in melancholicis temperatur. Præterea studiis & animi intentione spiritus & sanguis exsiccat; unde Plato animum tum efflorescere, cum corpus deflorescit, dicebat. Atque ita Melancholica hæc constitutio magis, quam reliquæ temperaturæ, ab optima deflecentes, ad disciplinas & artes est apta. Cum enim intelligentem Phantasmata speculari oporteat, accidit, ut dexteritas in intelligendo à phantasiæ præstantia non parum dependeat. Phantasia verò plurimum valent melancholici. Etenim humoris melancholici natura est, ut sit πνευματώδης & magnam spirituum copiam suppeditet. Interea tamen, quod antea diximus, si omnes intellectus operationes respiciamus, temperatissimus homo eas omnes feliciter expedit: in quibusdam verò Melancholici, & in primis phantasia valent; cum hæc sit hominis melancholici conditio, ut rectorem actionum principium mentem ingenti phantasmatum varietate afficiat. Ideoque melancholici in iis artibus & disciplinis plurimum valent, quæ expeditorem & pertinaciora phantasia potius, quam subtiliorem intellectum postulant. Et melancholici non semper cæteris sapientiores aut omni ex parte ingeniosiores sunt, sed ferè prudentiores & maiores cunctatores. Nam & hoc hisce, quæ dicta, addendum, Melancholicos in disciplinis ea quoque de causa præstantiores reddi, quod laborum sunt patientes; quod quantum in omnibus rebus possit, extra controuersiam est, ut Galenus, 3. de decretis Plat. & Hippocr. c. 2. testatur, dum probo ingenio præditum non exercitatum inepto exercitato peiorem esse dicit. Et ut quæstionem hanc cum Aristotele, è quo eam produximus, concludamus, eiusque autoritate confirmemus: In quibus (inquit Aristoteles) multa & frigida bilis est atra hi stolidi sunt & ignavi: in quibus permulta & calida, ij perciti & ingeniosi, amasi propensi ad omnem excandescantiam & cupiditatem, nonnulli & loquaciores: quibus verò calor ille remissior, temperatior & ad mediocritatem quasi reductus est, ij sunt longè prudentiores; & quanquam aliqua in parte minus excedunt, aliis tamen in rebus cæteris sunt præstantiores; alij in studiis literarum, alij in artibus, alij in Republica. Porro cum supra, libro 1. cap. 4. quandam corporum differentiam secundum numerum Planetarum ab Astrologis petitam adduxerimus, atque ea non nemini arrideat: earum etiam differèntiarum signa secundum ordinem Planetarum addemus. Saturnini igitur sunt pallidi & fusci, cutem habent siccam, nigros pilos, atque ipsi rebus nigris delectantur, oculos habent paruos, pulsum paruum, incesum tardum & lentum, sunt timidi, mæsti, solitudinem amant, sunt cunctatores, auari, res graues & tardarum molitionum, ac talia studia tractant, in quibus non corporis leuitate & agilitate opus est, sunt taciturni, paucorum verborum, laboriosi, somnia habent terribilia, obscura, de cadaueribus, sepulcris, tenebris, demonibus, rebus nigris. Attri nimirum in iis humoris abundat copia, Spiritus sunt minus agiles, sed fixi & pauciores; lien inter viscera potens est. Unde alij, ut dictum, omnia, quæ Saturninis attribuant Astrologi, à Melancholia deducunt. Iouiales sunt formosi, facie rosea, ad speciem iucundo, venerabili ac omnino maiestatem aliquam & dignitatem præ se ferente. Oculi eorum plerumque sunt nigri,

corporis habent iustam staturam, pulcram, omniumque membrorum aptam compositionem, habitus corporis est εὐσάρκῃ, atque inter pingues & macilentos medius, sanguine abundant & spiritus copiosos lucidos habent. Hinc sunt mites, lati, ingeniosi, benefici, moderati, amicorum amantes, iusti, morèque omnes ad venustatem compositos habent: incessusque eorum est moderatus. Martiales bile abundant, corpus macilentum potius habent, quam pingue, faciem rubram & subfuscā, oculos minaces & flagrant, pectus latum, erectam ceruicem. Sunt ad iram propensi, contentiosi, audaces & sæpe præcipites, periculorum contemptores, seditiosi. Solares sunt colore subflauo aut croceo ad rubedinem tendente, capillos habent flauos, aureos, & crispas, oculos nigros protuberantes, faciem plenam, incessus est mediocris, nec tardus, nec celer. Sanguinem habent calidiorem & Spiritus fortes. Hinc sunt homines tales compositi ad humanitatem, sapientes, aperti & honesti, ac ad honestatem omnia dirigentes, fortes, magnifici & ad alta adspirantes, & quandoque superbæ spiritu inflati. Venerei sunt pulchri & venusti, ad fœmineam tamen pulchritudinem & mollitiem accedentes, delicati; color iis est rubeus vel ex candido in nigrum defleuens, oculi sunt flagrant, scintillantes & quasi lasciuientes, supercilia & labra subtilia; sunt mansueti, lati, conuersatione iucunda, iocis, choreis, cantu, musica delectantur, lasciuui sunt, corporisque in primis munditiem & ornatum amant. Mercuriales sunt macilenti & graciles, corpore potius paruo quam magno, facie subpallida, paruos habent oculos, eosque intra orbes reconditos, subtilia labra & nasum, faciem etiam in ætate virili iuuenilem, raram barbam, vocem expeditam, spiritus lucidos. Unde homines sunt sagaces & intelligentes, subriles, rerum secretarum & subtilium studiosi, memoria valentes, facundi, sed inconstantes, & si Mercurius sit infelix, astuti, fallaces, versuti, mendaces, & qui faciunt candida de nigris, & de candentibus atra. Lunares tandem sunt corpore magno, pingues, crassi, albi; instabiles & qui modò hac modò illa re delectantur. Verùm ista omnia de constitutionibus corporum simplicibus sunt intelligenda: accidit tamen non raro, ut mixtæ quædam constitutiones corporis sint, quæ ex mixtis signis dignoscuntur. Atque id maxima parte pendet ab inæquali membrorum principalium temperie. Non enim semper temperatura partium sibi mutuo respondet, sed quædam est inæqualitas. Et quæ hæcenus diximus, clariora fient in sequentibus, in quibus de signis partium corporis in specie agemus.

CAPVT III.

De Signis Temperatura Cerebri.

ET ut à cerebro incipiamus, Galenus, *Artis Med. cap. 10.* fontes sex constituit, è quibus signa temperiei cerebri peti possunt. 1. totius capitis dispositionem. 2. Sensitiuarum operationum. 3. Prædicarum, id est, motus voluntarij virtutem & vitia. 4. virtutem & vitium actionum principum, scilicet quæ ad mentem & intellectum pertinet. 5. Actiones naturales, & tandem alterationem, quæ cerebro ab extrinsecus accidentibus, aëre ambiente, odoribus &c. accidit. Verùm enimuero fontes hos ad supra propositos faciliè reducere possumus, nim. ad ea, quæ secundum essentia rationem cerebro insunt; deinde ad ea, quæ necessariò hæc consequuntur, qualia sunt actiones & quædam accidentia, atque in primis capillorum capitis constitutio. Et si enim quod primum fontem

Saturnini.

Iouiales.

fontem attinet, cerebrum sensibus externis obuium non sit: tamen quia eius magnitudo & conformatio magnitudini & conformationi cranij responderet: magnitudo & figura capitis de magnitudine & conformatione cerebri testantur: ideoque primò petemus signa ex magnitudine & conformatione capitis: deinde de signis agemus, quæ suppeditant eiusdem actiones, quarum aliæ cerebro propriæ sunt, quæ partim in cerebro terminantur, vt ratio, memoria, phantasia, sensus communis, somnus & vigiliæ; partim à cerebro prodeunt & in aliis extra illud membris exercentur, quales sunt actiones sensuum externorum & motus voluntarius: aliæ verò communes cum aliis partibus, vt actiones naturales, nutritio scilicet & excrementorum expulsio. Ad actiones has pertinet etiam vis resistendi actionibus causarum extrinsecus occurrentium. Tertiò de signis, quæ ex capillis petuntur, agemus. Hæc ergo vt ordine videamus, Priùs de signis quæ ex magnitudine & figura capitis sumuntur, dicendum. Et primò magnitudinem quod attinet, magnum & paruum caput dicitur respectu cæterarum corporis partium, quarum *συμμετρίαν* excedit talis magnitudo capitis. Nam *συμμετρία* partium omnium corporis esse debet, & corpus bene constitutum si sit magnum, ei etiam magnitudo capitis responderet; si verò corpus minus sit, itidem ei proportionem caput responderet. Si ergo corpus sit magnum, caput verò paruum malum indicium est. Nam cerebrum in tali capite etiam paruum erit, & proinde spirituum animalium generationi minus sufficit; qui tamen in corpore bene constituto, & inprimis magno, satis copiosi sint necesse est, in tot vsus scilicet destinati. Inseruiunt enim spiritus animales, & à cerebro subministrantur omnium sensuum externorum organis, oculis, auribus, naribus, linguæ, tactui per totum corpus. Deinde per eisdem partium omnium motus administrantur, & variis actionibus plurimi absumuntur; iidem imaginationi, memoriæ, ratiocinationi inseruiunt. Esse igitur in homine bene constituto cerebrum satis amplum oportet, è quo, tanquam è promptuario, omnium actionum organis spiritus suppeditari possint. Aut si omnino satis copiosi generentur spiritus, in angusto tamen cerebro satis bene moueri non poterunt, sed vel coarctari hærebunt, vel concitati impetuosius mouebuntur. Vnde plerique paruo capite præditi instabiles sunt & multa inconsideratè agunt. Præterea è corpore vastiore sursum missi spiritus liberè discurrere seseque animæ idoneum instrumentum præbere nequeunt, vnde virtus animalis corpori regendo par non erit, & actiones omnes imbecilliores minusque expeditas existere necesse est. Malè etiam temperatum cerebrum caput paruum significat. Nam cum virtus formatrix, seu potius calor, quo tanquam primo instrumento anima vitur, imbecillior fuerit, quàm vt satis materiæ attrahere potuerit, aut materia ipsa ita cruda & crassa, vt trahenti virtuti non obtemperauerit: vtrumque cerebri intemperiem, inprimis siccitatem, arguet. Atque ita Galeno paruum caput pro reliquo corporis modo semper malum est. Auicennas tamen paruum caput, si figuram concinnam habeat, laudat; atque reperiri omnino talis figura capitis potest, siquidem materia per se proba sit & virtus formatrix & calor fortis, materia verò pauca. Et Aristoteles, 30. sect. problem. 3. Homines *μικροκέφαλοι φρονιμωτέρους* esse scribit. Verùm cum homini cerebrum maius, quàm brutis, ad plures & nobiliores actiones obeundas datum sit: meritò caput respectu reliqui corporis paruum suspectum est. Cum enim in homine, vtpote ratione prædito, plures actiones à cerebro proueniant, officinam quoque ampliorem esse oportet. In paruo autem capite, vt dictum, parum

cerebri est, & pauci spiritus continentur; aut si copiosiores sint, angustia loci vim suam perdunt & quasi suffocantur aut clausi excandescunt & exurantur. Neque figura concinna istum magnitudinis & loci defectum compensare potest. Quod verò Aristoteles homines *μικροκέφαλοι φρονιμωτέρους* esse dicit, id ita accipiendum. Quibus caput paruum est, iis spiritus propter loci angustiam celeriter moti discursus quidem promptitudinem efficiunt; firmitas verò rationis, cogitationis & memoriæ tanta in iis non est, cæteræque actiones animales imbecilles esse solent. Galenus autem bonitatem constitutionis cerebri ex omnium actionum integritate & perfectione æstimat. Vel laudat Aristoteles caput paruum, non simpliciter collatum cum magno, sed cum magno, quod simul humidum est, in quo propter spirituum crassitiem & torporem, actiones omnes segnius & ineptius obeuntur: sicut hoc in pueris apparet, qui postea tamen, vbi humidum superfluum ætate exsiccat, prudentiores fiunt. Si verò accedat, vt, vbi adoleuerint, caput grandius, & excrementosum retineant, stolidi manent. Magnum verò caput non semper bonæ constitutionis signum est: quia copiosior materia non semper in concinnum ordinem redigi potest, neque etiam spirituum vitalium, è quibus animales generantur, quantitas sufficiens semper transmittitur: sed cum bonum est indicium, cum concinnam figuram habet & annatas partes, vtpote ceruicem, spinam & totum nervosum genus respondentia. Partes enim, quæ quocunque modo à cerebro pendent, aut ab eo aliquid accipiunt, considerandæ. Ex occipite autem quasi truncus collum prodit. Ergo si id amplum sit, magnæque, quibus constat, habeat partes, ossa, musculos, tendines, ligamenta, ipsi insideat pars capitis posterior itidem magna: tum omnia mutuo sibi respondent, cerebrumque bene constitutum significant. Indicium enim hoc est, virtutem fortem formatricem validam fuisse, quæ materiæ etiam copiosam rectè informare & elaborare potuerit, neque materiæ copia quasi victa & obruta in corpore succubuerit, & materiæ ipsam bonam ac tractabilem fuisse, quæ ductum virtutis facile secuta fuerit. Arguitque tale caput homines sensuum vigore præditos, ingenio & iudicio valentes, & ad quauis peragenda aptissimos. Si autem ista defuerint, materiæ tantum copiam significat, virtutem verò imbecilem, quæ materiæ tantæ impar fuerit, & propterea bonæ constitutionis capitis indicium esse non potest. Et tales plerumque sunt stolidi & indociles. Figuram capitis quod attinet, naturalis & quæ optima sit capitis figura sphaeræ assimilatur, ad latera vtrinque leniter compressæ, ita vt compressio illa ab auribus versus anteriora porrigatur. Hæc enim figura vsibus cerebri accommodatissima est. Nam cum tot actionum, vt ante dictum, cerebrum fons & officina esse debuerit, meritò figuram capacissimam requirebat, in qua copiosi spiritus generari, contineri, liberè & expeditè moueri possint. Imò & ad speciem & pulchritudinem & ad robur figura hæc capacissima & aptissima. Comprimi autem in lateribus caput oportuit, & quidem versus anteriora compressionem vergere, quoniam sensuum organa eò dirigi oportuit, quò progressus sit animalis. Qui ergo hanc figuram capitis habent, ij vigorem & alacritatem sensuum obtinent, pollent ingenio, iudicio & memoria, & robore corporis præstant. Quæ verò capita ab optima ista figura recedunt, ea *φοῖα* generaliter à Galeno nominantur, in quibus scilicet vel anterior vel posterior vel vtraque eminentia deest, vt vel retro solùm, vel ante, vel sursum fastigiata talia capita appareant. Nam sciendum de hoc vocabulo, *φοῖα* in genere dici, qui acuminato sunt

Figura
capitis.

φοῖα qui
to sunt

ro sunt capite & fastigiatio, in quamcunque etiam partem eminentia promineat: in specie autem *φοξὸν* dicuntur, quibus altera eminentia deficiente, reliqua admodum est fastigiata & turbinata. Galeno *φοξόπης δὲ ἔστι* nominatur. Et ij, qui caput hoc modo figuratum obtinent, imprudentissimi sunt, petulantissimi, fraudulentissimi & aliis vitiis turpissimi, multis quoque morbis, quos *Hipp. 6. epid. cap. 1.* recenset, obnoxij. Variis autem modis caput acuminatum reddi potest. Primò enim fieri potest, ut priori eminentia non deficiente, posterior tamen paulò maior sit, quod per se malum signum non est. Potissimum enim ventriculorum cerebri ibi continetur, & radices inde agit spinalis medulla. Itaque si cervix tota, imò reliqua ossa huic respondeant, multum bonæ materiæ adfuisse indicio est, ex qua caput formatum sit; si tamen etiam figuram concinnam habeat. Si autem in gracili, prælongo & inualido collo occiput tantum emineat magnitudine, aut deforme sit: malum signum est, & materiæ tantum inutilis copiam, facultatis verò formatricis debilitatem significat. Ita & de sincipite res se habet. Nam & illud, non planè deficiente posteriore eminentia, eminentius esse potest. Idque si bonam habeat figuram, visus, gustus, olfactus sese bene habeant, indicio est, materiam licet quodammodo abundantem à valida tamen virtute in partis illius augmentum rectè dispositam & elaboratam fuisse. Contra verò si cum figura infirmi & indecora sit coniuncta ea magnitudo, sensusque sint debiles, facultatem imbecillum, quæ copiosam materiam rectè elaborare non potuerit, significat. Deinde fieri potest, ut vel anterior eminentia desit & posterior emineat, vel posterior desit & anterior emineat, vel vtrique deficiente caput acuminatum quasi & fastigiatum sit. Itaque quibus anterior eminentia deest aut depressum est sinciput, ij sensus omnes imbecilles & stupidos habent, sed memoria & robore corporis non raro valent; quoniam nervi motorij à parte posteriore cerebri propagantur. Quibus contra posterior eminentia deest, sensus externos & internos integros habent, sed memoria & robore corporis destituuntur. Qui vtrique eminentia destituuntur & caput sursum valde extuberans habent, ij ad actiones omnes sensuum, rationis, iudicij, memoriæ sunt inepti, & robur corporis imbecillum habent, propter cerebri angustiam, nervorumque exilitatem; quale caput Therisitæ Homérico attribuitur, & tum τὸ φοξὸν per δὲ κεφαλον exprimitur. Ut autem anteriore & posteriore eminentia deficiente caput ad latera prope aures extuberet, eam figuram reperiri Galenus negat, aut si reperiat, quod Petro Apponensi, Conciliatori dicto, & Vesalio compertum est: talem tamen hominem, cum monstruosus sit, vitam diu ducere non posse censet, *9. de usu partium cap. 17.* aut si diu vivat talis homo, certè ad actiones animales erit ineptissimus. Nam cum naturaliter quidem caput versus anteriora & posteriora extuberet, si extuberatio illa non nihil augeatur, malum adeò signum non esse potest. Verum cum caput naturaliter in lateribus sit compressum, si conformationis vitio accadat, ut caput versus latera dextrorsum ac sinistrorsum protuberet, fieri non potest, quin statim vna contentarum partium situs ordòque perturbetur. Itaque & materiæ ad conformationem ineptæ, & facultatis formatricis imbecillis talis figura indicium est. Atque ut ista in summam quasi contrahamus: Vitiosum semper caput est, quod siue vna parte, siue pluribus magnitudine & eminentia iusta destituitur. Magnum quoque & quacunque parte eminens bonum signum non est, nisi virtutis validioris, quæ etiam copiosam materiam elaborare potuerit, signa adfuerint. Secundò actiones animales de constitutione cerebri signa præ-

bent. Cum autem illæ, ut diximus, sint variæ, certissima signa suppeditant actiones principes dictæ. Cum enim cerebri ipsius sint propriæ, nec mediantibus aliis organis fiant, sicut actiones sensus & motus: hæ actiones per seipsas principij sui signa sunt; sensus verò & motus à solo cerebro non obeuntur, sed per nervos, musculos & sensuum instrumenta administrantur. Et si verò actiones principes alij aliter numerent: vulgarissimè tamen tres recensentur: Phantasia, memoria & ratiocinatio: quarum virtutes & vitia de constitutione cerebri testantur. Primò autem loco nominat Galenus *ἀρχινοίας*, id est, sagacitatem ingenij, quæ Aristoteli, in *fine prior. Analyticor.* *ἐν σοφία* quædam est, *ἐν ἀσκέσει χρόνον τὸ μέσον*, id est, perspicacitas citò medium seu causam rei colligendi & inveniendi. Atque hanc ingenij solertiam tenuitatis partium substantiæ cerebri signum esse Galenus docet. Verum quid per tenuitatem intelligendum sit, non satis explicat, neque id ita planum est. Reprehendit primò hinc Galenum Argenterius, quod alibi solis qualitatibus primis contentus ad eas solum actiones referat; hinc verò præter qualitates illas tenuitatem substantiæ addat, neque tamen quid per tenuitatem intelligendum sit explicet. Verum enimverò Galenus facillè excusari potest, Et si enim maxima primarum qualitatum omnium vis sit: præter eas tamen aliquid etiam in partibus reperiri, quod facillè explicari non potest, & vel nomine modi substantiæ, vel *ἰδιουσυγκρασίας* venit, negari non potest. Deinde & conformatio ac organica compositio ad partium constitutionem requiritur. Non malè ergo hinc Galenus etiam tenuitatis mentionem facit: per quam quid intelligendum sit, videndum. Quidam hinc per tenuitatem spirituum tenuitatem intelligunt. Verum etsi spirituum tenuitas quoque ad *ἀρχινοίας* multum faciat; tamen Galenus expressè hinc ipsius substantiæ cerebri tenuitatem, non spirituum tenuitatem nominat. Alij per tenuitatem intelligunt luciditatem, puritatem ac æream quasi naturam æmulantem dispositionem, ob quam & ipsi spiritus tenues & puri in indagandis rebus sine impedimento permeare, discurre, resque cogitatione comprehendere possint; cuius contrarium in crassa cerebri substantia, veluti in turbulento & caliginoso aëre, accadat. Si enim in serena aëris constitutione homines ad omnes actiones aptiores sunt, quàm in crasso, nebuloso & caliginoso aëre, atque homines, propter locorum & aëris diversitatem, alij aliis subtiliores perhibentur: multò magis domestica & interna cerebri constitutio aëri respondens ad hanc rem plurimum faciet. Verum luciditatem quod attinet, an ea in cerebri corpore opaco admitti possit, valde dubito: puritas rectius admittitur. Omnino enim ex puriore materia conformatum cerebrum ad omnes actiones aptius esse, probabilius est; & tandem illud probabilissimum, per tenuitatem substantiæ: modum substantiæ & organicam compositionem hinc intelligi, quæ ut aliis partibus, ut alia cordi, alia Hepati, alia renibus, alia pulmonibus, ita & cerebro sua est, & quæ etiam secundum individua non nihil differt. Et si enim, ut Argenterius scribit, cerebrum viscidum, frigidum crassum, terrenum & graue in mortuis videatur: tamen in viventibus proculdubio talis constitutio eius est, ut spiritus sese in omnes partes eius penetrare facillè possint; sicut & per nervorum medullam spiritus animales in omnes partes influunt: etsi in mortuis nulli meatus manifesti appareant. Atque ista cerebri conformatio proculdubio alia est in aliis: & qui talem habent cerebri conformationem, ut spiritus animales liberè & sine impedimento moveri & discurre possint per omnes partes, ij proculdubio tenuem cerebri substantiam habere dicuntur: quibus contrarium acci-

Signa
actionum
anim.Tenuitas
cerebri quæCapitis vitio.
si figura

dit, ij crassius habent cerebrum. Aristoteles, 2. part. *Animal. cap. 4.* cum solertiam ingenij ex tenuitate & puritate sanguinis deducit, idem dicit. Nam sanguinem omnia in corpore æmulantur, & si sanguis sit purus & tenuis, inde etiam puri & tenues spiritus generantur, & substantia cerebri etiam naturam sanguinis repræsentat. Optima tamen etiam cum tenuitate debet esse temperies. Immoderatio enim calor sanguinis & spirituum vsum rationis & ingenij turbat. Corpora tamen talia robore raro excellunt, eò quod quantum solertiæ animi accedit, robori corporis decedit. Quibus verò sanguis est crassior & fibrosus, ij quidem robore corporis valent, sed ingenio ferè hebetiore sunt. Deinde est *ευμεθεια*, id est, facilitas discendi vel apprehendendi res ab aliis traditas, quæ mollem substantiam cerebri significare creditur, in quam rerum species leui negotio imprimantur; cum contra dura cerebri substantia ægrè rerum formas suscipiat. Memoria firma stabilem cerebri substantiam indicat, quæ eadem & mediocriter dura & sicca sit. Oblivio fluxam, molliorem humidiorémque significat. Quod enim nimia humiditate diffluit, si forsitan rerum formas suscipit, eas tamen diu retinere non potest. Sicut quod nimis durum & siccum est, haud ita facile imagines suscipit, susceptas tamen diu retinet & conseruat. Per stabilem & fluidum cerebri substantiam, non intelligenda est, quæ in eodem statu permanet & non permanet, & quæ incremento vel decremento variatur; sed stabilem intellige illam, quæ sicciorém temperiem habet; fluidam, quæ mollior & humidior est. Et hæc est, vt Scaliger, *Exerc. 307. sect. 28.* ait, Communis omnium sapientum sententia, nimirum, quibus cerebrum durius est, iis difficilem apprehensionem, retentionem pertinaciorém esse; quibus sit mollius, eos facile recipere, retentione vt minus fideli. Verum quæ hoc fiat, valde obscurum est. Nam quæ de impressione imaginum, quasi sigillorum, dicuntur, suis difficultatibus non carent. Cum enim memoria nostra penè infinita; quibus spatiis contineantur illa simulacra, quibus sedibus ita disposita atque etiam ordinata, vt & vnum quodque separatim & cuncta confertim, & singula ordinatim promere, statuere, digerere possimus, explicatu penè impossibile est. Ipse Scaliger causam potius in spirituum motum refert, qui in siccioré cerebro facilius fieri possit. Verum, ipso Scaligero teste, hæremus hîc in eodem luto, id est, naturæ tenebris vniuerso generi humano communibus. Existimat quidem Argenterius, structuram ipsius cerebri, vt est pars organica, plus conferre ad facilitatem & difficultatem discendi, quàm temperiem: verum qualis illa sit, non explicat, & eo ipso fatente, nemo satis explicabit, qua ratione cerebrum rerum imagines recipiat & retineat. Nobis ergo hîc satis sit, scire, facilem apprehensionem cerebri mollioris & humidioris: pertinacem retentionem cerebri siccioris esse indicium. Facilis mutatio opinionis calidam cerebri temperiem; contrarium, frigidam arguit. Calidum enim *κινητικόν* est; frigus verò tarditatem efficit. Quorum igitur cerebrum calidius est, ij *πεπραμένοι* sunt, vel facile ab vna opinione in aliam labuntur, sententiam mutant, prout posterior ratio verisimilior apparet, quàm prior. In pueris verò alia mutabilitatis sententiæ causa est, eorum videlicet imperitia, qua rationes & merita rerum non expendunt, negligentiusque omnia æstimant, ideoque vt citius pronunciant, ita & facile à pronuntiato recedunt. Et hîc Aristoteles, iuuenes non aptos ad philosophandum in moralibus esse dicit; cum plerumque non stabiles sint in opinione propter calorem. Cerebrum primò temperatum quod attinet, dicitur tale (quod & de aliis partibus omnibus, de quibus postea dicetur, obseruandum) non

quod æqualem omnium qualitarum missionem habet, sed tale est ad iustitiam, seu quod eam temperiem habet, quæ cerebri functionibus est aptissima. Est autem cerebrum respectu reliquarum partium frigidum & humidum: in istarum tamen qualitarum temperie suam *ἰσοσυγκρίαν* habet. Tale enim cerebrum optimè constitutum omnes actiones bene edet; nisi tamen in sensuum externorum organis sit vitium. Nam cum sensuum actiones per peculiaria organa exerceantur, si illa vitiosa sint, actio non rectè fiet, licet cerebrum se rectè habeat, & spiritum animale subministret. Eadem ratio de motu est. Idem etiam externis causis facile resistet. Non enim cerebrum temperatum magis calidis, quàm frigidis; vel humidis, quàm siccis offenditur, sed æquè omnibus illis resistit; cum reliquæ temperaturæ, vt quibusdam excessibus magis resistunt, ita similibus facile læduntur. Monet hîc tamen Argenterius, in extrinsecus occurrentibus non solum considerandam esse cerebri constitutionem, sed & cutis & ossium capitis. Nam qui rariorem habent cutem & ossa capitis, eos, quancunque etiam cerebri temperiem habeant, facile ab externarum causarum occurſu lædi, probabile est. Per externa autem occurrentia non sunt hîc intelligendæ solum qualitates primæ in aëre, si excedant, sed & odores omnes, flatus, crapula, alimenta, & quæcunque cerebrum quocunque modo afficere valent; quæ omnia cerebrum debilius & intemperatum facilius offendunt, quàm temperatum & bene constitutum. Excrementa quoque in omnibus moderata erunt in cerebro temperato. Primò enim nec nimis cruda aut fluida erunt, nec nimis adusta & exsiccata, quorum alterum frigoris, alterum caloris nota. Deinde nec multa nec pauca erunt. Præstat tamen pauciora esse, quàm nimis copiosa. Significant enim alimentum esse optimum, & facultatem concoctricem rectè se habere, quæ non plus attrahat, vel expellat, quàm opus. Tertiò non salsa erunt aut acia; non citrina, non viridia, aut alio colore infecta, quæ omnia qualitatis alicuius excessum notant. Locus ipse quoque conueniens erit, scilicet palatum, nasus, aures, oculi. Ac in primis palatum excrementis cerebri dicatum, & aliqua ex parte nares. Pertinent huc & somnus & Vigiliæ, quæ sensus communis affectiones sunt. Nam homines temperati cerebri moderatè dormiunt, moderatè vigilant; quorum contrarium in aliis temperaturis accidit: cum frigidi & humidi multum, sicciparum dormiant, vt in pueris & senibus videre est. Pueri plus dormiunt, senes parum. Tandem pilos quod attinet, quibus temperata est cerebri constitutio, iis in infantia capilli sunt *καμπυροί*, pueris subflauis, adultis flauis, figura media inter crispas & rectas, nec citò per caluitiem decedentes. Verum antequam ad alia accedamus, quædam hîc addenda. Etenim non solum in dubium vocat, sed planè negat Argenterius, ex pilis temperaturarum cerebri signa peti posse; idque idè, quod excrementum illud, seu materia, è qua nascuntur pili capitis, nec nascatur in cerebro, nec per cerebrum transeat, nec cutis ipsa capitis aliquid commune cum cerebro habeat. Primò in cerebro excrementum hoc non generari ideo statuit; quod cerebrum frigidum & humidum tantum excrementi generare non possit, quantum requirat pilorum multitudo in capite & barba. Mirum enim, inquit, & perpetuum in cerebro oportet esse ardorem, qui tantum fuliginem excitaret; reliquæque corporis partes, quæ calidiores & sicciores sunt, & maiorem substantiæ molem habent, quàm cerebrum in cute sibi subiecta & subtenſa pilos gignere deberent. Et ipse Galenus alibi materiam pilorum capitis magna sua parte à toto corpore consurgere & loca illa superiora corporis petere ait.

Deinde

An ex pilis
signa tempera-
tura cerebri
peti possint.

Deinde per cerebrum non transire materiam, è qua capilli generantur, probat. Nam si (inquit) per cerebrum transirent ista excrementa, fierent in eo tumores, deliria vel certè ardor sentiretur. Et si cerebrum transirent, cum nulla alia via ad cutem detur, quàm per futuras, pili solùm in capitis ea parte, quæ futuras tegit, generari deberent, aut certè abundare, nec ibi caluities fieri; cum tamen in occipite & circa tempora plurimi sint capilli, & qui nunquam decidunt; contra ubi est recta & coronalis futura, rara & lata, pauciores sunt pili, & calui ea parte maximè fiunt homines. Tandem nec cutem cerebri naturam sequi statuit. Fieri n. illà duram, mollem, rarà, crassam, tenuè, pro natura sanguinis, quo nutritur & pro sua tēperie. Verùm ut hæc rectè explicentur, primò aliquid in genere de pilorum ortu, materia efficiente, & loco disquirendum. Etsi enim propriè huius loci non sit ista doctrina: tamen ut hæc clariora fiant, obiter quasi eam inferere libet. Vulgata sententia est, generari pilos ex vapore fuliginoso & lentore aliquo prædito, qui tertiæ coctionis & vltimi alimenti est excrementum, per poros corporis transpirante. Efficientem causam esse calorem fuligines eiusmodi de excremento vltimi alimenti excitantem & ad cutem propellentem, cuius rei signum sit, quod libidinosi, qui propter copiam seminis calore naturali abundant, pilosi magis sint. Atque ita ex vulgata sententia pili generantur, dum expulsa ad cutem perforatam fuligo semper iuxta radicem pilorum noua alia succedit, priori ob lentorem cohærens, eamque è profundo continenter protrudens, ut eiusmodi teres & longum corpus existat. Atque ita cutis locus pilorum est; cumque cicatrix cutis propriè non sit, pili in ea homini non nascuntur. Verùm diligentius paulò explicanda hæc videntur. Nam etsi calor, facultas expultrix, & motus ille materiæ excrementitiæ ad cutem, ad causas efficientes pertineant, locusque in quo generantur pili, cutis sit: tamen hoc modo nondum primaria generationis pilorum causa exprimitur, neque ratio datur, cur in certis solùm partibus in corpore pili generentur, & cur viri in mento capillos habeant, quibus carent fœminæ. Præterea cur in quibusdam corporis partibus, ut capite & mento, pili ita augeantur & tam prolixi fiant, in aliis verò locis, ut in palpebris, superciliis, æqualem semper magnitudinem obseruent. Disputat hac de re Galenus contra Mosen, lib. 11. de usu part. cap. 14. & de oculorum pilis & superciliis ita scribit. *Num igitur nostri opifex solis his pilis æqualem seruare magnitudinem præscripsit: hi autem siue imperium metuentes præscribentis, siue Deum ipsum præcipuè reueriti, seu melius hoc esse facere persuasi obseruant id ut mandatum sibi fuerat? Certè quidem Moses ita de natura ratiocinabatur. Postea verò potentiam Dei limitibus naturæ circumscribit, imò Deo quasi naturam præponit, dum affirmat; non satis esse, Deum hoc vel illud ita velle facere, nisi sit in naturæ potestate; tandemque concludit: Affirmamus quædam à natura fieri non posse eaque Deum ne aggredi quidem. Et paulò post de pilis in palpebris; Affirmamus, eos etiamsi milies voluisset, nunquam tales futuros, si ex cute molli producti fuissent. Verùm enim verò in his Galeno assentiri non possumus. Primò enim impudenter naturæ limitibus, quæ Dei tamen opificium est & ministra, Dei potentiam coercet, & quod nihil sapientius inueniri possit, quàm quod nobis iam ita videtur. Verùm quidem est, ut scribit Galenus, Deum id quod melius est, in ipsis opificiis eligere, tum etiam materiam deligere; sed in talibus non à natura, quod oportet, accipit, sed naturæ, quod vult, dat & præscribit. Ideoque vel in ipso naso, addo & hoc audacius, hac ipsa nasi constitutione pilos creare potuisset, si voluisset, atque ex usu vel ornatu hominis esse vidisset. Ergo de*

generatione & natura pilorum aliter, quàm vulgo docetur, sentio & statuo. Pilos alij in partium corporis numerum referunt, alij ab eo excludunt: & possunt sanè pili corporis partes dici, vel non dici, prout quis vel strictiorem Fernelij, vel latiore Galeni, lib. 1. de usu part. cap. 1. & lib. 2. de adm. nat. c. vlt. definitionem secutus fuerit. Ac referantur sanè in partium numerum, cum toti cohæreant, suam circumscriptionem habeant, & ob certum usum facti sint: quiuis tamen facillè animaduertere potest, longè aliam capillorum rationem esse, quàm reliquarum corporis partium, carnis, membranarum, ossium, cutis, quas sine damno corporis, ut pilos, abscondere vel abradere non licet; & propterea partes corporis ignobilissimas esse, & cum ungulis ac cornibus animalium in eandem classē reponendas. Atque hæc cum ita sese habeant, non principaliter procreantur saltem à calore & facultate expultrice excrementa fuliginosa eiiciente per cutem. Hinc enim ratio demonstratiua nulla dari potest, (etsi allegato loco id tentarit Galenus) cur fœminæ barba careant; cur non in fronte, naso & aliis locis, eodem modo atque in capite, palpebris, mento, pili crescant. Sed principem causam generationis pilorum statuo esse facultatem formatricem, quam Creator pro sua sapientia certis partibus indidit, & ei in iis necessaria instrumenta indidit, ut ex conueniente materia pilos generet; quæ etiam, licet hoc Galeno ridiculum videatur, ut ministra, sicut in aliis partibus aliarumque partium formatione, Dei præscribentis & iubentis imperium exsequitur. Atque ut id credam, vel ungues primò arguunt, qui nec ipsi cæteris partibus vinentibus æquiparantur, & in hoc cum pilis conueniunt, nec tamen solùm caloris & facultatis expultrici opus sunt, sed à facultate formatrice, quæ solum digitis manuum & pedum insita est, effinguntur. Vnde etiam in aliis corporibus aliter efformantur, & ex imaginationis vi natura interdum in conformatione turbatur, ut opus suum non rectè exsequatur, & solum dimidium vnguem vel aliud vitiosum producat. Idem cornua & ungulæ in animalibus docent, quæ non solum caloris vi protruduntur, sed à vi formatrice ex materia quadam superflua & excrementitia formantur, ut id extra dubium est. Nam alio modo formantur ungulæ & cornua in boue, aliter in ceruo, aliter in alce. Idem persuadent pennæ in auibus, quæ sine facultate formatrice fieri non possunt. Ergo proculdubio ita etiam se res habet in pilis, & facultas formatrix pilorum certis partibus indita eos format, & ad usum & ornatum eius partis, ut debebat. Idque vel inde etiam patet; quod color pilorum & pennarum in quadrupedibus & auibus vi imaginationis variari potest, ut historia Iacobi & quotidiana experientia testatur. Et quidem ista facultas pilos in aliis corporis partibus aliter generat, pro cuiusque ut dixi, & ornatu & usu; in cuius rei causa reddenda frustra se torquet Galenus. Sicut enim facultas ossium formatrix illa tria ossa auditus non proportionaliter auget cum ossibus in reliquis partibus; ita nec pilos in palpebris & ciliis tantum auget, quantum in reliquo capite & barba. Interim non negandum, pro subiecta cutis & materiæ conditione capillos variari, & prout materia copiosa vel pauca est, plures vel rariores capillos gigni, & pro materiæ ratione, mollitie, duritie & calore differre. Facultas enim formatrix in subiectam materiam agit, cuius conditionem opus, quod effingit, æmuletur; nisi, ut dixi, vi imaginationis in actione sua turbetur. Et huc pertinent, quæ Galenus, d. 1. de generatione pilorum scrupulosè disputat. Ea enim omnia saltem materiam pilorum explicant, vel cutis, in qua generari debent, conditiones describunt. Cutem videlicet vult Galenus esse in suo genere temperatam,

De pilorum
generatione.

Galeni de
Dei potentia
opinio.

Pilorum
causa efficiens
est facultas
formatrix.

ram, quæ neque nimis humida, neque nimis sicca sit. Hæc verò caussa saltem sine qua non est. Præcipua caussa verò effectrix est vis formatrix pilorum, quæ ex reliquiis alimenti, inferuiente calore & facultate expultrice, in cute disposita, pilos generat. Materiam autem pilorum quod attinet, etsi ex mero excremento eos generari non facile dixerim: procul dubio tamen ex viliore & ignobiliore humorum parte, & quæ reliquis partibus alendis idonea non fuit, & ferè excrementi naturam habet, formatur. Solet enim natura id, quod maximè alimentosum est, & optimum, respectu corporis nutriendi, in partium nobilium formationem & nutritionem absumere; ex reliquo, quod nobilioribus partibus alendis ita non conuenit, ignobiliores formare & nutrire; vt in vngulis & cornibus ac pennis animalium videmus, quæ procul dubio non ex optima sanguinis parte, sed eo, quod aliis partibus alendis non conueniebat, formantur. Atque ex tali etiam pilos generari credibile est: vnde accidit, vt pili non semper colori cutis respondeant, sed nonnunquam, qui colore cutis sunt roseo vel albo, nihilominus nigros capillos habeant; & per morbos pili, in barba præcipuè, mutantur, & nunc flauī, nunc nigri crescunt; natura, quod optimum est, in cutis alimentum transmutante, reliquo, quod ferè excrementitium est, in pilos abeunte. Atque hoc modo cum pilorum materia sese habeat, naturam eius alimenti, quo cutis alitur, sequuntur, qualisque est color humoris in corpore, aut potius eius, quod ferè excrementum est in humore nutriente, talis etiam coloris sunt pili: ideoque pili tum cutis, tum partium subiectarum temperamentum sequuntur. Et de cute res manifesta est in maculosis animalibus brutis, quorum cutis præ se fert vestigia eius coloris, qui in pilis cernitur. Simul tamen calor considerandus est, materiam plus vel minus vrens ex hepatis & cordis intemperie. Non excludenda tamen hic est facultas formatrix, quæ vt aliarum in fœtu dispositionum, ita & procul dubio coloris pilorum primaria caussa est, vt ex historia Iacobi *Genes. cap. 3. 1.* patet. Denique etiam à causis externis, vt ab aëre & aliis pilorum color mutatur, quod ex mulierum κοσμητικῶν notum. Figura alij recti sunt, vel simplices, alij crispī, alij quasi inter hos mediij. Crispitudinis caussa est vel siccitas temperamenti, vel meatuum cutis obliquitas, quæ est vel à conformatione, vel imbecillitate vaporis fuliginosi, qui sibi viam rectam per cutem moliri nequit, aut à cutis ipsius duritie, quæ robustum etiam vaporem ad latus inflectit, aut ab utroque. Diuersas caussarum harum hoc modo deprehenditur, si crispitudo est à siccitate vaporis, pili tum sunt duri. Si à radice tortuositate, sunt molliores nec asperi. Hinc quales in radice pili finguntur, tales perpetuò postea sunt in sui productione. Caluities in hominibus est simile πῦρ foliorum lapsui in arboribus, ex defectu materiæ, qua pili nutriuntur. Quapropter resinosa arbores, vt Pinus, Abies, Laurus & similes, folia non amittunt; quoniam plus humidi pinguis à natura obtinent. Et hæc etiam caussa est, quod in homine casus pilorum ad senectutem differtur. Nam abundare hominem copioso pingui humido, tum longæuitas vitæ præ multis animalibus, tum sanguinis & innati caloris copia testatur. Non autem quemadmodum arbores quotannis denuò frondescent tempore verno, redeunte tum, quod hyeme deficiebat, pingui humido, ita pili homini renascuntur; quia non reditus est homini ad iuuentutem à senectute, sicut arboribus ab hyeme ad æstatem. Capite autem caluescit homo, quod parum pinguis humidi continet, idque citius exsiccat, præsertim iis, qui Veneri magis indulgent, quorum cerebrum etiam impensius refrigeratur. Ex quibus omnibus, quid de Argenterij sententia supra proposita statuendum sit,

Dan. Sennerti Tom. I.

colligi potest. Facultatem formatricem quidem principalem pilorum causam statuimus, quæ certis partibus indita beneficio caloris eos efformat. Verum cum necessario subiecta materiâ vtatur, eoque ex tertiæ coctionis cuiusque partis superfluo, materiæque, & subiectis membris ad quamlibet partem exhalante (vt in pectore videre est) producat: hinc planum euadit, materiæ, & qua formantur, conditionem pilos referre, & propterea negandum non esse, etiam de temperie cerebri pilos testari posse. Cum enim cutis capitis sicciior sit, quàm aliarum partium, in quibus pili generantur, ipsique cranium, non caro, subiectum sit: facile apparet, tantam pilorum multitudinem ex solo cutis capitis excremento prouenire non posse, sed bonam partem à cerebro, membro satis humido & spirituum animalium officina, exhalare & cum tertiæ coctionis in cute superfluo misceri, & hinc pilos generari. Et fuliginibus illis satis viæ ad cutem patet. cum per suturas cranij, tum per ipsum cranium, quod omnibus poris in corpore viuente destitui credendum non est. Qualis ergo sanguis, quod cerebrum alitur, qualisque cerebri substantia, tales etiam fuligines inde exhalantes, pilisque aliquam materiæ partem præbentes. Verum vt ad institutum nostrum redeamus, signa temperaturarum cerebri peruestiganda sunt, & quidem primò simplicium temperaturarum. Calidum ergo cerebrum qui habent, ij mutabiles sunt in opinionibus, celeres in motu, & alacres & acuti sensibus, somno vtuntur breui & non admodum profundo. In calido enim cerebro vapores humidi, qui ad somnum inducendum faciunt, partim absumuntur & discutiuntur, partim non ita infrigidantur vt in humorem quasi condensari, somnumque inducere possint, caliditasque mobiles spiritus parit & ad vigilandum promptos. Excrementa capitis pauca sunt & concocta, ob excessum caloris dissipantis multa, & reliquam ad iustam consistentiam reducentis; ita vt excrementa illa primò moderatè crassa sint, deinde bene compacta, humido scilicet cum sicco à calore dominante optimè misto. Sicciores itaque iis nares sunt, sicci oculi, aurisque parumque per os sputi reddunt. Id verò eousque verum est, quamdiu in diæta nullus error committitur: quando verò in victus ratione peccatur, talis cerebri constitutio sanitatem admodum inæqualem gignit. Modò enim per sanitatem capite leues sunt, modò pleno & repleto capite graues & afflicti. Iidem à calidis extrinsecus occurrentibus & intro sumptis, vt ventis calidis, odoribus, cibo potuque calido, facile læduntur. Nam à simili qualitate similis augetur & intenditur, & à calido cibo ac potu cum per se multi vapores attolluntur, tum spontè à capite attrahuntur; cum caput calidum, vt est apud Alexand. Trallian. *capite de Cephalæa*, cucurbitulæ instar à toto attrahat; imò per meatus in cerebro calido amplos & patentes faciliior vaporibus ascendentibus transitus datur. Facies rubicundior est. Licet enim præcipuè ab hepate, sanguinis officina, color ille pendeat: auget tamen illum cerebrum calidum. Illud enim cum copioso alimento indigeat, plus sanguinis & spirituum sursum attrahitur per venas amplas, à calore laxatas, cerebrumque calidum sanguinem attractum magis fundit. Ideoque soli huic signo fidendum non est, sed reliquorum signorum συνσπονδῆ coniungenda. Eandem ob causam venæ in oculis sunt manifestæ; quoniam sanguine magis turgent, & in alba oculi tunica apparent. Argenterius quidem nullius momenti hæc signa, quæ sumuntur à colore, esse putat. Salubrem enim calorem cerebri vndique ossibus septi nihil conferre posse ad rubedinem & colorem faciei & aliarum externarum capitis partium existimat. Præterea cerebrum per externas venas, quæ sunt in cute, vbi fit calor & rubor, suum non trahere alimentum, sed ex partibus inferioribus

Calidi cerebri signa.

Frigidi cerebri signa.

Sicci cerebri signa.

cibo potuque infectis spirituosam consurgere substantiam, cum sanguine tenuiore, ex quibus externae partes leui calore & rubore suffunduntur. Verum etsi negandum non sit, ruborem faciei maxima parte ex Hepatis & hinc prouenientis sanguinis constitutione dependere: tamen, negandum nec hoc, eundem nonnihil augeri posse à cerebri calore. Et si duo eandem Hepatis constitutionem habeant & vtriusque facies rubeat: rubicundior tamen illius futuram, qui cerebrum habet calidius (intra tamen sanitatis limites) quam qui habeat cerebrum temperatum. Cerebrum enim, ut dictum, calidius sanguinis plus attrahit, eum magis fundit, & spiritus animales calidiores reddit, quæ omnia ad rubedinem faciei inducendam plurimum faciunt. Capilli tandem in iis citius nascuntur, quod calor cutis poros statim aperit & materiam capillis suppeditat: color eorum ad nigredinem tendit ob vstionem. Iidem sunt robusti & densi, ob materiae copiam & meatuum cutis amplitudinem. Crispi etiam sunt, calore eos exsiccante & in torquente. Quod si cerebrum paulo minus calidum sit, capilli in prima ætate flauī sunt, quoniam à pituita admixta color diluitur, qui postea, paulatim absumpta pituita, nigrescere incipiunt. Citius quoque caluescunt, quibus cerebrum est calidius; quoniam calore materia & nutrimentum pilorum absumitur & cutis vehementius exsiccatur. Frigidior contra cerebro qui sunt, in iis sensus sunt tardiores & imbecilliores, & ingenium, imaginatio & memoria obtusior, corporisque motus minus alacris & expeditus est: Mediocriter somnolenti quidem, quia calor non est tam fortis, ut humores, & vapores somni causam discutere possit. Mediocriter tamen somnolenti sunt: vnicam enim tantum habent causam somni, scilicet frigiditatem; Potissima verò causa deest, humiditas, quæ in simplici ista temperatura est mediocris & non excedit. Excrementorum copia perpetua est, etiam non repleto cerebro. Ob frigiditatem enim cerebrum superflua rite concoquere & discutere nequit, & omnis materia, quæ à calore non vincitur, utpote imbecilliore, pituitosa fit. Ab extra occurrentibus frigidis, aëre, cibo, potu facile læduntur; in primis à vento Boreæ, qui pituitam è cerebro, tanquam è spongia, exprimit & multam intus cumulat: vnde destillationes & grauedines excitantur. Quæ circa caput sunt, nec tangentibus calidiora, nec intuentibus rubra apparent, & venæ, quæ sunt in oculis, non ita conspicuæ. Capilli recti sunt, & media ætate, quando temperatis sunt flauī & calidis nigrescentes, frigidis sunt rufi. Materia enim, è qua fiunt pili, nullo modo est adusta & torrida, sed pituitosa quodammodo. Iidem tardius gignuntur, propter inopiam caloris, qui vix procedente ætate materiam pilorum colligit; stabiles tamen sunt: Frigiditas enim non absumit materiam capillorum, nec cutem exsiccatur. Primò sunt tenues; quia ex humore frigido & crasso color languidior parum & tenuius saltem resoluit; procedente verò ætate, quando calor plus resoluit, capilli fiunt robustiores. Siccior qui sunt cerebro, sensus acres, perspicaces & subriles habent. Nam organa omnibus excrementis vacua & pura sunt & spiritus subriles & sinceri, qui ad sensuum externorum, tum internorum actiones expediendas, ipsumque motum obeundum sunt aptissimi. Vnde Heraclitus siccam animam sapientiorē esse dixit. Licet verò senes etiam sicci sint; tamen siccitas illa cum defectu caloris natiui coniuncta est. Vigilantiores quoque sunt, ob defectum humiditatis in cerebro. Excrementa in vstatis cerebri emunctoriis non apparent, & adhuc minus excernitur in sicco, quam in calido cerebro: cum calor etiam mediocriter copiosam materiam secum patiat, siccitas verò minimè, Capillos robustissimos habent, ex copia & siccitate fugilinum. Cum enim calor mediocris cum siccitate

fit coniunctus, materiam non resoluit & dissipat: vnde citissime nascuntur. Citius tamen etiam senescunt; cum cutis citius siccescat. Crispi sunt frequentius, ob pororum tortuositatem, & quod cutis dura & sicca erupentibus resistat. Interdum tamen & recti sunt, ob pororum rectitudinem; cum in temperatura calida semper crispī sint, ob crassitiem materiae. Humidius tandem qui habent cerebrum, iis sensus sunt obtusiores & turbulenti: quoniam eorum organa multo humore imbuuntur, ipsique spiritus crassiores sunt. Somno multo profundo vtuntur, ob humiditatem cerebri, excrementa cerebri habent copiosa. Capilli sunt simplices, molles, albicantes & durabiles, nec tales caluescunt, vel certè difficulter, cum perpetuo materia pilis suppetat & ob humiditatem non resoluatur, cutisque non exsiccetur. Atque hæc signa temperaturarum simplicium sunt: è quibus compositarum notæ faciliè elucescunt. Eisdem tamen addere breuiter, necessarium est, cum in compositis effectus quidam deprehendantur, qui in simplicibus non ita animaduertuntur. Vbi in genere notandum. Primò in compositis temperaturis vel vtramque qualitatem intensam esse vel remissam, vel alteram intensam & alteram remissam. Secundò signa compositarum differentiarum alia ambas qualitates sequi, alia vnam tantum: posterius cum accidit, signa hinc non opus est peculiaria recensere, cum sint eadem, quæ in simplicibus temperaturis sunt exposita. Et primò quidem calidum & siccum cerebrum quod attinet, siccitas caliditati coniuncta vires eius auget, & altera alteram fouet, & in sicco calor magis elucet, viresque suas potentius exserit, & siccitas calore adiuta adhuc vehementius siccatur. Itaque in calido & sicco cerebro omnia, quæ in sicco & calido separatim conspiciuntur, clariora & euidentiora sunt. Sunt nimirum tales ingeniosi, prompti, in tentandis & agendis rebus industrii; sentiendi vis in iis est exquisitissima. Calidi & sicci spiritus ad motum prompti ac planè apti sunt; sicut ipsa quoque organa. Mobiliores tamen sunt ferè, quam oportet. Vnde etiam vigilantissimi sunt tales, somnumque habent breuissimum. Cerebri etiam excrementa gignunt paucissima. Calidus & siccus aër ipsis minus commodus est. Tangentibus caput apparet calidum. Facies vsque ad ætatem consistentem rubicunda est. Hinc, inclinante iam ad siccitatem temperamento & calore deficiente, pallida; secus quam in sanguineis & calidis & humidis, qui etiam per ætatem declinantem retinent caloris humidi natiui notas, atque in ipsa senectute coloris rosei in facie reliquias. Calidum & humidum cerebrum quod attinet, Sicut siccitas coniuncta caliditati eiusdem effectus & opera omnia clariora reddit; ita humiditas eadem obscurat. Vnde in contrarium propè tendunt signa. Humiditas enim, ut dicitur, facit, ut multò plura excrementa procreentur, quam in cerebro calido, vel calido & sicco. Caliditas tamen, quæ concoctionis author, efficit, ne eadem cruda maneant, sicut vbi humiditati frigiditas coniungitur. In hac differentia inæqualitas, de qua suprà dictum, maximè conspicua est, potestque caliditas & humiditas intensa esse; potest vtraque esse remissa; potest etiam vtraque esse mediocris. Si ergo caliditas & humiditas parum excedat, excrementa capitis plura sunt, quam in temperie calida & sicca. Licet enim calor humori iunctus bene attrahat, concoquat & apponat nutrimentum: superflua tamen ita probè discutere non potest, calorque humiditate obtusus superflua ita feliciter non resoluit. Faciliè læduntur, qui hanc temperiem habeant, à calefacientibus, atque à cibis. potibus, odoribus, vaporibus replentur & grauantur capite, atque id multò magis & multa excrementa cumulant, si etiam humectentur. Color capitis est bonus, id est, candidus, rubore perfusus, venæ in oculis

Humidi cerebri signa.

Cerebri di & signa.

Calidi & humidii cerebri signa.

lis sunt magnæ : capilli recti sunt, ob humiditatem; cum crispi fiant per siccitatem : subflavi sunt , quia materia non adurit, humiditasque adustionem moderatur. Nec facile decidunt; quia humiditas materiam absumptionem prohibet , & cutis indurationem impedit. Si autem utraque qualitas multum excedat, sensus non admodum acres sunt , ob spiritus minus puros & humores copiosos, quibus sensuum instrumenta inquinantur. Tales non diu vigilare possunt, ob vaporum humidorum abundantiam. Somnus tamen non est placidus & continuus. Fit enim lucta quædam inter calorem & vapores somnum inducentes, calorque intensus vapores discutere conatur, eos tamen discutere nequit, vaporesque quidem & humiditas somnum inducunt, sed caliditas, utpote ad motum apta, rursus excitat à somno. Deinde somni habent varia , ob vaporum multorum ascendentiū turbulentam agitationem, patiunturque aliquid simile ebriis & febricitantibus. Cum enim in somno sensus interni non orientur , sed imagines prius conceptas depromant, & variè inter se componant, atque in cerebro calido & humido Spiritus sunt turbulentiores, & sensuum instrumenta impuriora, & vapores multi adscendentes calore agitati per cerebri vias meent remeantque spiritusque agitent, qui variè sibi occurrentes plurimas easque confusas species imaginationi obiciunt : accidit, ut rerum imagines minus expressè & exquisitè, sed confusè ac perturbatè intueantur. Prout tamen vel caliditas vel humiditas superat, ita hic quædā diuersitas percipitur. Nam sicut qui cibo & potu nimis replètur, somnia primis somni horis non habent, quod imaginatio abundante humore obruat, ut id officiū, quod in somniis formādis requiritur, exercere nequeat ; post verò discussis ex parte vaporibus somnia oriuntur : ita si humiditas multa præualeat, vix somniant tales. In quibus verò humiditas calorem ita non obruit, iis plura somnia occurrunt. Iidem caput habent multis morbis obnoxium & facile in ægitudines incidunt. Cum enim humiditas semper plurimorum excrementorum mater sit, plura excrementa colliguntur, quàm à calore discuti possunt. Læduntur calefacientibus & humectantibus, inprimis verò ab Austro, qui humectando caput grauat, sensusque hebetat. Boreas verò ipsis salubrior est. Nisi tamen vehementiores eius flatus sint: tunc enim exprimendo genitos in cerebro humores destillationum auctor est , subiectasque partes fluxionibus replet. Si verò vna qualitas alteram superet & cerebrū sit iusto calidius, paulo verò solum humidius, calidæ temperaturæ signa supra proposita manifestè se exhibent. Obscuriora verò sunt humiditatis signa. Quod si contra cerebrum sit multò humidius, paulò verò calidius, conspicua erunt humiditatis signa; Caliditatis verò obscuriora. Id quod etiam de reliquis intemperaturis accipiendum est. Quando enim æquales sunt qualitates, æqualiter utriusque qualitatē signa apparent; vbi verò altera alteram superat, vnius notæ euidētiōr, alterius obscurior est. Qui Cerebrum frigidum & siccum habent, præcoci sunt ingenio , atque in iis in ætate tenera sensus sunt acres satis , actionesque eorum vitio carent. Non enim sunt multi vapores humidi , qui spiritus & organa sensuum inquinant, facultatēque turbent, calorisque etiam in ista constitutione satis est in prima ætate ad actiones istas obeundas. Progressu verò ætatis, quando alij sapere incipiunt , & omnibus sensibus vigent , in iis sensuum acrimonia remittit. Calor enim ad sensuum opera efficienda necessarius ob paucitatem cito deficit, & cerebri substantia quasi terrea & ad imaginationem reliquasque actiones animales minus idonea redditur. Vnde natum prouerbum videtur: Præcocia ingenia raro ad frugem peruenire. Nam quæ ad ingenium , sapientiam, omnesque actiones accommo-

data esse solet in vigore ætatis cerebri temperies eam ii in prima ætate , in qua defectum temperiei ætas, quæ calida & humida est, compensat, obtinent, atque ita non raro nos in sui admirationem trahunt: postea verò progressu ætatis calor paulatim deficit, & quod aliis vix multo annorum spatio intercedente accidit, id his multo citius, & sæpe in prima iuuentute obuenit , nimisque citò vigor ille omnium actionum labascit , tandemque perit : ita ut non solum actiones ingenii languere incipiant, sed & ante tempus senectus adueniat , & immaturā morte tales extinguantur, conceptamque de se spem fallant: inprimis si cum cerebro reliquorum quoque viscerum cordis & Hepatis temperies consentiat. Si tamen reliquum corpus frigidum & siccum non sit : in eo etiam senectutem non ita maturè sentiunt, quæ se in cerebro nimis citò prodit. Cæterum iidem sanitate fruuntur instabili. Etenim quàm diu externa læsio abest, tam diu sani degunt : cum ob siccitatem plura excrementa non cumulentur , quæ aliàs ob humiditatem cumulari solent. Si verò ab externo frigore lædantur, longè deterius habent, inprimis si incommoda victus ratio accedat, vnde tum multa excrementa colligunt & diuturnis fluxionibus sunt obnoxii. Caput tangentibus frigidum est , nec colore bono prædita facies, nisi aliunde, ex cordis scilicet & Hepatis calida temperie facies coloratior euadat. Signa enim ista, quæ à partibus vicinis sumuntur, non sunt tam certa, ac ea, quæ vel ab essentialiter in hærentibus vel necessario consequentibus petuntur. Nam sæpe accidit, ut virtus formatrix seminis partes inæqualiter digerat, ut non mutua sibi temperie respondeant, ex. gr. Hepar sit calidum , Ventriculus frigidus. Sæpe quoque euenit, ut vapores, Spiritus & sanguis ab vna parte ad alteram mittantur , à quibus ista afficiantur, ita ut naturalia eius signa obfuscentur. Venæ quoque in oculis non apparent ob sanguinis paucitatem. Capilli tardè iis crescunt, exilesque sunt; quoniam neque materia eorum in promptu est, neque calor, qui eam euocet. Iidemque ob frigiditatem rufi sunt. Et quod caluitiem attinet, si frigiditas siccitatem superet, non caluescunt ; cum calor, qui deest , fuligines pilorum materiam absumere non possit. Si autem siccitas frigiditatem excedat caluescunt. Tandem qui cerebrum habent frigidum & humidum, ingenio sunt tardo & heberi , sensusque minus acres habent. Humiditas enim spiritus ac sensuum organa impuriora reddit. Vnde actiones animales omnes heberantur, & excrementa multa cumulantur; cum frigiditas malè concoquat, inprimis humiditati coniuncta. Grauius & multum dormiunt tali cerebri temperie præditi. Vapores enim in cerebro à debili concoctione ob calorem debilem & humiditatem generati crassi & multi sunt, & à reliquo corpore ad caput ascendentes facile , & multum incrassantur & in organis sensuum tenacius hærent, somnūque ita & multum & profundum inducunt. Frigiditate & humiditate æris facile læduntur, frigiditasque & humiditas interna ab externa augetur. Vnde caput habent repletioni & fluxionibus valde obnoxium , & catarrhis & grauedine perpetuò laborant. Capillos longos & molles habent, & in infantia & pueritia pene albescentes & argenti colorem referentes. Non caluescunt; quia calor & siccitas, quæ materiam absumunt, absunt; atque in hoc prope foeminarum, quæ non facile caluescunt , temperamentum æmulantur viri. Verum conclusionis loco illud hîc monendum; signa, quæ ab actionibus cerebri sumuntur, ubique locum habere, & esse multò certiora, quàm quæ à capillis & externis eiusmodi petuntur. Quæ enim à pilis sumuntur signa, vix in alia , quàm temperata regione locum habent; atque externa æris constitutio non raro capillorum colorem mutat. Deinde interdum humores quidam in abdito corporis latent,

Cerebri frigidi & humidi signa.

latent, atque à partium solidarum temperamento discrepant, capilloque variant, utpote qui ab excrementis humorum parte & oriuntur & augentur; sicut videmus nonnullos colore cutis planè nitido & colore faciei plane roseo habere nihilominus barbam & capillos nigros, ob atrabilarium aliquem humorem in corpore latitantem.

CAPUT IV.

De Signis Temperatura Cordis.

Partium temperies quo respectu talis dicatur.

Postquam signa temperaturarum cerebri explicauimus, proximum est, ut cordis temperiei signa proponamus. Quod autem de cerebro dictum, id etiam de corde, ut & reliquis membris dicendum, vocari scilicet cor calidum, humidum, frigidum, siccum, non absolute, sed respectu ad idem specie, & quidem temperatum. Est in omni partium genere aliquid symmetrum & temperatum constituendum, non quidem tale, quod æqualem omnium qualitatū mistionem habeat, seu, ut loquuntur, quo tale sit ad pōdus, sed quod ad iustitiam tale sit, & ad actiones debitas & naturales obeundas optimè constitutum. Aliàs verò, si quæ illa temperatura conueniens cuilibet parti sit, explicandum est, sit hoc collatione ad cutem, quæ inter partes omnes temperatissima est, & ad illam æqualitatem, quæ pondere quasi mensuratur, proximè accedit. Sicut ergo, si absolute loquendum sit, cerebrum in corpore viuente calidum & humidum est; tamen hoc respectu cutis scilicet, frigidum & humidum dicitur, & illud cerebrum temperatum appellatur, quod conuenientem cerebri actionibus perficiendis temperiem obtinet exactissimè, huiusque respectu cerebrum dicitur calidum, quod temperato illo cerebro calidius est; frigidum quod frigidius: Ita etiam de corde se res habet. Cor enim sua natura etsi, si cum reliquis membris, in primis cute, conferatur, calidissimum est omnium membrorum in corpore nostro, imò calor & spiritus influentis focus & officina: Idemque, si cum plerisque membris conferatur, ut Hepate, Liene, siccum est, atque inde etiam inter siccas partes ab Auicenna collocatur: Quia tamen cute humidius est, à Galeno humidum constituitur. Atque ita cor, quod hanc temperiem habet & optimè ad actiones cordis obeundas est constitutum, temperatū in sua specie dicitur, illud verò, quod ab optima hac constitutione versus calidum declinat, dicitur calidum; quod versus frigidum, frigidum; quod versus humidum, humidum, &c. Etsi omne cor in quouis homine & omnibus animalibus sit calidū, & suo modo humidum. Cognoscuntur autem temperies cordis rectissimè ex eius operationibus, deinde & aliis quibusdam, quæ temperiem quālibet sequuntur. Sunt autem actiones cordis triplices: 1. Motus eius. 2. Motus arteriarū seu pulsus. Et 3. Actiones *θυμικæ*, quod etiam pertinere videtur respiratio. Etsi enim cor respirationis causa immediata nō sit; tamen idem eam non parum variat, & quædam eius constitutio eam citat, quædam moratur, hæc maiorem, illa minorem respirationem efficit; eodem modo, ut in pulsu. Si enim cor temperatum sit in suo genere, in motu eiusdem, arteriarum pulsu & respiratione mediocritas obseruatur. Calor enim eius in suo genere temperatus est, & fuliginum expellendarum inde mediocris copia generatur. Vnde & motus eius & arteriarum & respirationis mediocritatem sequi necesse est. Deinde qui tale cor habent, optimis moribus præditi sunt, nec effæminati, nec furibundi, quasi nec iracundi, sed humani & comes; non auari, nec prodigi, sed liberales; non blandi & simulatores; nec superbi, sed candidi absque fūco & fastu, benigni, temperantes; non præcipites, ne cunctatores, sed in consiliis maturi,

Cordis temperati signa.

non inuidi, sed bonorum studiosi. Calidi verò cordis signa hæc sunt; Primò motum cordis, pulsus & respirationem quod attinet, cum omnes hi motus cordi inferuiant, ac cor & calor in omnibus membris moderatè refrigerari postulet, id quod attractione aeris frigidi præstatur & inspiratione & cordis dilatazione, & arteriarum *διαστολῇ* perficitur; Deinde etiam opus sit fuliginum, quæ in officina ista caloris, spirituum & sanguinis vitalis, imò in toto arterioso genere producantur, & continentur, expulsionem; id quod expiratione & cordis contractione ac *συστολῇ* arteriarum in reliquo corpore præstatur. Quò calidius cor fuerit, eò magis refrigerari postulat. Quod perficitur magnitudine, celeritate & frequentia, cum respirationis, & motus cordis, tum pulsus. Nam quò magis pulmo, thorax, cor, & arteriæ dilatantur & attolluntur, & quò celerius & frequentius mouentur, eò plus aeris attrahitur. Quò magis eadem contrahuntur & celerius & frequentius, eò plus fuliginum expellitur. Iraque magnitudo motus, modò vires consentiunt, id quod in sano homine præsupponitur, magnitudinem caloris ostendunt; & cum, qui temperato est corde, satis caloris habeat, virtutemque ipsam mouentem robustam, etiam qui corde sunt temperato, satis magnum cordis motum habent, satisque magnos pulsus edunt; sed cum in calido corde calor sit auctior, maior adhuc inde pulsus prouenit. Verum cum motus cordis, pulsus & respiratio non sui gratia fiant, sed primariæ illi actioni, quæ est spiritus vitalis & caloris influentis generatio, inferuiat, etiam à calore totius corporis de temperatura cordis nonnihil iudicare licet. Cum enim ab eo, tanquam foco, per arterias in vniuersum corpus calor & spiritus diffundatur, quò maior est calor cordis, eò etiam calidius corpus percipitur, nisi forsitan Hepatis temperies obstat. Cum enim Hepar sanguinis totius corporis nutrimenti officina sit, si duo hæc membra, Cor & Hepar, consentiant, mutuas operas tradunt & maior in corpore calor excitatur. Si verò cor calidum quidem sit, Hepar verò frigidius, minor, quàm si vtrumque calidius esset, calor in corpore deprehenditur. Postea *θυμικæ* seu morales actiones dictæ de temperie cordis testantur, utpote quod in ira, dolore, lætitia, motu, cæterisque huius generis perturbationibus euidenter impelli atque affici deprehenditur, etsi à facultate superiori gubernari debeat. Postquam enim obiectum externum per sensus externos & communem receptum phantasie offertur, atque ab ea quid sit cognoscitur, & commodum & gratum vel noxium & ingratum esse deprehenditur, mox cognitionem hanc sequitur appetitus sensitivus, rem gratam delectabilemque apprehendendi, noxia verò fugiendi; atque hinc animi perturbationes, amor, odium, ira, iracundia, metus, & similes excitantur; qui tamen in homine à rectæ rationis iudicio gubernari debent. Appetitus enim & sensuum internorum motiones menti offeruntur, & ab ea vel reprobantur, vel approbantur. Et hinc sæpè fit pugna vel contentio inter appetitum sensitivum & rationalem, atque ille tandem, qui vincit, est motus principium, facultatique motrici motum imperat. Ut verò facilius vel difficiliter appetitus sensitivus rationali cedat, & affectus ratio moderari possit, ad id non parum facit temperies cordis. Eorum enim, qui cor minus temperatum habent, mores sunt diuersi, sicut diuersæ sunt ipsæ temperaturæ. Qui enim corde sunt calidiores, animosi sunt, ad suscipienda negotia alacres & impigri, & in periculis subeundis audaces. Et si calor maior sit, gignit *θυμικὰν μανίαν*, suntque tales iracundi, præcipites & temerarii. Cum enim calor ad motum sit aptior, spiritus & humores in calido corde facile commouentur; & hinc fit, ut feruente quasi in corde sanguine à spiritibus temerariè sæpè & nimis concitatè ad obiecta ferantur tales, & rationem domi-

Cal signa

Ab a totum

Ab a facit

nari, resque, quales sint, satis perpendere non permittant; unde appetitus sensitiuus rationalem vincit. Unde accidit, ut ira potius mentis imbecillitatem, quam cordis calorem sequatur. Qui enim rationem appetitu inferiorem habent, ideo facile irascuntur, quod res satis non perpendunt, & res etiam minimas non raro ira dignas esse existimant. Verum hic sibi parum constare videtur Galenus, quod *θευθυμους*, frigidioris naturae esse dicit, qui ex leui causa facile excandescunt, mulierum more, & qui *μικρόψυχοι* sunt. Verum sciendum, Galenum non simpliciter *θευθυμίων* inter signa cordis calidi referre, sed *θευθυμίων μανιών*. Nam *θευθυμοι* in genere dicuntur omnes animi impotentes, qui nulla iusta causa in iram erumpunt, quales sunt feminae plerumque & pueri, qui leui de causa commouentur, neque iram moderari possunt. Atque his opponuntur *θυμώδεις*, qui *ἀνδρείοι* sunt, viriles & magnanimi, resque paruas contemnunt, & non nisi iusta & magna de causa irascuntur, grauius tamen vindictam persequuntur; & tales sunt temperati, vel potius paulo calidioris corde. *Οἱ θευθυμοι* verò & calido & frigido corde esse possunt. Si enim sit magnus caloris in corde excessus, oritur *θευθυμία μανιών*, quam Galenus vocat. Et qui tali temperamento praediti sunt, sanguine nimis feruente rationi non obtemperant & in iram praecipitantur, & furiosi quasi temerarie & cum vehementia vindictam aggre- diuntur. Qui verò corde frigidioris sunt praediti, *μικρόψυχοι* sunt, neque generoso & virili animo, & ipsi quidem facile concitantur, verum facillime affectibus imperant & animum ad moderata flectunt. Hispidum quoque & hirsutum pectus calidi corde habent, interdum ad hypochondriorum loca usque; ipsumque cor interdum hirsutum repertum est. Ita enim refert Plinius, lib. 11. nat. hist. c. 37. & Valer. Max. l. 1. c. 8. de Aristomene Messenio, qui 300. Lacedaemones interfecerat, & aliquoties captus astu elapsus erat, quod ei capto cor exemptum, hirsutum & pilis re- fertum inuentum est. Simile de latrone quodam refert Beniu- enius, c. 33. de abditis; & de aliis alij. Vide Amat. Lusit. cent. 6. obser. 65. & Ant. Muret. lib. 12. variar. lect. c. 10. Ex calido enim corde plures fuligines attollun- tur, & potius in anteriorem, quam posteriorem tho- racis partem exeunt; cum anterior thoracis pars ra- rior sit & minus ossibus munita, quam posterior. Sunt verò & alia signa, quae ut plurimum, sed non semper & perpetuo calidum cor indicant; inter quae est Thoracis latitudo & altitudo. Cum enim calidum cor multo aëre ad refrigerationem sui indigeat: Vir- tus formatrix, modo iusta materiae copia adsit, etiam amplum thoracem magnae respirationi necessarium, parabit; & maiore motu, qui in calido corde neces- sarius est, thorax dilatatur. Simpliciter tamen ex ma- gnitudine thoracis de cordis calore pronuntiandum non est, cum non à calore simpliciter, sed à vi forma- trice & materiae copia pendeat. Sed simul coniun- genda est capitis consideratio. Nam in corpore bene constituto, capitis magnitudo, vertebrae & spina dorsi & hinc thorax proportionem respondere debent. Quan- ta enim sunt vertebrae, tanta est spina, quae ex iis con- stat; & ad spinam, reliquae thoracis partes confor- mantur, & coniunguntur. Sicut enim qui carinam primò parat magnam, is quoque magnam nauem ex- struit: Ita vis formatrix ad spinam quasi carinae magni- tudinem reliquum thoracem conformat. Et si verte- brae longae sint, longa sit spina; spinæque longitudi- nem sequitur thoracis longitudo, reliquamque ver- tebrarum crassitiem costae quoque, quae iis inserun- tur, sequuntur, & hinc thoracis amplitudo sequitur. Ideoque quando amplitudini thoracis capitis ma- gnitudo respondet, non simpliciter inde de calore cordis pronuntiandum est, sed alia quoque signa ex motu cordis, respiratione, pulsu &c. coniungenda sunt.

Dan. Sennerti Tom. I.

Si verò thorax amplius & latus sit, caput verò non magnum, maximum & satis certum indicium est ca- loris in corde, utpote qui à primo ortu auctior neces- sario thoracem extenderit & dilatabit. Si verò pectus sit angustum, caput verò magnum, cordis frigiditatem notat, utpote cuius calor debilius materiam suppe- rentem dilatare & extendere non potuerit. Sed non placent haec, quae haecenus ex mente Galeni dicta sunt, Argenterio, qui nihil ad thoracis amplitudinem cordis calorem conferre existimat. Nam inquit: Cor non est, quod format & figurat partes; sed formatrix vis, quae in femine est, & parentum naturam sequitur. Magni enim parietes magnos generant, parui paruos, & monstrum est aut adulterina proles, si ex utroque parente magno paruus generetur foetus. Confert ad hoc etiam mater, quae materiam vel copiosam vel mi- nus copiosam suppeditat. Cordis ergo calori hoc com- petere non posse statuit, neque in prima generatione, ubi cor vel nondum factum est, vel exiguam magni- tudinem & vim paruam habet, neque post generatio- nem, cum aliis his, qui frequenter febribus laborant, ob vehementissimum calorem thorax cresceret, idem- que deberet fieri in hepate & cerebro. Verum facilis ad haec responsio est. Verum quidem est, calorem cordis non primario facere aut formare thoracem, sed hoc praestare facultatem formatricem. Fortiorem tamen calorem multum facere ad amplitudinem thoracis, negandum non est. Primò n. facultas formatrix recte agens, ubi partes seminis digerit & disponit, membra- que format, cuilibet membro dat magnitudinem & reliquam constitutionem conuenientem. Itaque si cor, quod formatur, sit calidius & propterea maiore refri- geratione opus habeat, idem addet iustam magnitu- dinem thoracis, quae huic vsui conueniens sit. Deinde etiam calor ad dilationem thoracis iam formati non parum facit. Sicut enim multos, qui à natura aequalem corporis magnitudinem habuerunt, nihilominus ob vitae genus diuersum, inaequaliter augeri videmus: ita etiam in thorace se res habet. Nam ea partes in primis roborantur & maiorem molem acquirunt, quae plus exercentur, ut in pistoribus & fabris videre est, qui digitorum molem maiorem habent, quam ij, qui mi- nus laborant & exercentur manibus. Idem in thorace fieri, rationi consentaneum est. Quò calidius enim est cor, eò plus aëris ad refrigerationem requirit, atque ut is attrahatur, thoracem magis dilatari necesse est. Ex qua continua dilatare amplior redditur pro- culdubio thorax. Quod verò de febribus avertit Ar- genterius, nullius momenti est. Neque enim perpe- tuum id est, & non à primo ortu accidit, sed saepe ij, quibus iam solidiores redditae sunt omnes partes, ut multum dilatari non possint, febribus corripiuntur: tantumque abest, ut febres frequentiores calorem na- tium augeant, ut eum potius debilitent. Hepar verò non mouetur. Ergo nec ventrem dilatare potest. Fri- gidum cor calido contraria signa habet. Primò enim cum calor, spiritus & sanguis, qui in corde frigido generantur, & in totum corpus per arterias diffun- duntur, non tam calidi sint, ac in corde calido: etiam totum corpus minus calidum erit, nisi forsitan tempe- ries Hepatis calida id compenset. Deinde motum cordis, respirationem & pulsum quod attinet, cum cor frigidius multa respiratione opus non habeat, ac in eodem non tot fuligines ac in calido corde gene- rentur, inde nec motu nec respiratione, nec pulsu magno celeri & frequenti opus habet. Et quidem pul- sus, ut & respiratio, minor semper in corde frigidioris; non tamen necessario tardior & rarior: cuius rei alij aliam rationem reddunt. Alij putant, id accidere, quod vis pulsandi interdum imbecillior sit, aut arteria à circumstantibus partibus comprimatur, aut angu- stior sit, ut arteria, quantum satis erat, dilatari, pul- susque ad iustam magnitudinem peruenire non queat.

An calor cor-
dis ad thora-
cis amplitu-
dinem ali-
quid faciat.

Cordis frigidi
signa.

queat. Verum imbecillitas virtutis in corpore sano, de quo hic sermo, locum habere non videtur, ut & arteria compressio vel angustia. Nam natura cordis proculdubio etiam respondent arteria. Probabilius est ex gradibus caloris in corde hoc provenire. Magna siquidem est latitudo cordis frigidioris. Potest enim a temperata cordis constitutione parvus saltem ad frigiditatem esse recessus: ubi ventilatio sufficiens esse non posset, si pulsus esset simul rarus, parvus & tardus. ergo tum saltem parvus erit, atque eo unico a pulsu temperato distabit: in reliquis erit frequens & velox, aut certe mediocris. Quod si maior fuerit recessus ad frigiditatem, minore adhuc ventilatione opus erit: & propterea pulsus fient parvi & rari: inter veloces autem & tardos mediocres. Quod si maximus (qui quidem fieri possit in homine sano) sit a calore recessus, pulsus erunt parvi, tardi, rari; quia minima refrigeratione opus habent. Eadem est ratio respirationis: quae est pulsi *ἀνάληψις*: modò thoracis constitutio consentiat. Nam si thorax maior sit, quam frigiditas cordis requirit: Respiratio & tarda & rara erit. Cum enim calor parvus magna ventilatione opus non habeat, semel attracto aëre copioso, & capacitate pulmonum repleta, non opus erit iterata saepius respiratione, nec necessarium erit, ut thorax citò & crebrò moueatur. Si verò cor quidem frigidius sit, thorax tamen adhuc minor, quam ut calori cordis eius amplitudo ventilando sufficiat: vero consentaneum est, cum calor, licet parvus, semel inspirato aëre ob pulmonum angustiam satis ventilari & refrigerari non possit, iterata saepius respiratione opus esse, velocemque propterea & crebram respirationem requiri. Inter actiones morales signa sunt *ἀοργησία*, id est, ad iram lentitudo; *δειλία*, metus, id est, timor impendentis mali, quod qui frigido sunt corde nimium & interdum frustra metuunt; *ἀτολμία*, diffidentia rei siue assequendae siue fugiendae; *δυνία*, segnitie; *μελλησιμύς*, seu cunctatio in actionibus suscipiendis, quae etiam ex timiditate provenit: unde tales sunt effeminati, gloriae & honoris cōtēptores. Pectus quoque frigidis corde pilis nudum est; quia cor frigidius paucam materiam pilorum generat. Paruitas thoracis quomodo signum sit cordis frigidi, antea iam dictum; nimirum si caput magnum sit & thorax parvus, id satis certum frigiditatis cordis signum est. Nam materia copia quidem significatur, sed caloris debilitas, qui illam extendere, dilatare & dirigere nō potest. Siccioris verò, quam temperato convenit, cordis signa sunt, pulsus durus. Durities enim siccitati coniuncta est. Ad iram quidem tales non sunt prompti; quia cor densum & siccū promptè calorem non suscipit, & motum, quem iniuriæ species animo concepta secum adfert. Postquam verò ad iram concitati sunt, ea est fera & implacabilis. Accensus enim in corde denso & sicco calor non facile refrigeratur, siccitasque est lima quasi caloris. Idem etiam iram magis dissimulare possunt. Ratio enim multis vaporibus sursum elatis ita non perturbatur, ut in humidis. Sunt quoque pertinaces & avari. Corpus uniuersum magna ex parte siccus est; nisi fortè siccitatem illam Hepatis humiditas moderetur, sanguinem humidiorum cum pro nutritione totius corporis tum cordi ad generandum spiritus vitales suppeditando. Tandem humidioris cordis signa sunt, pulsus mollis. Ut enim cum siccitate durities: ita cum humiditate mollities coniungitur. Ad iram tales sunt proclives: minus tamen, quam qui calidi sunt corde; cum calor præcipuū sit iræ instrumentum, sed facile iterum placantur, imprimis si prudentia usu comparata accedat, quae facit, ut animus motum, quem iniuriæ species affert, non sinat ad cor transferri, cum agnoscit eam non esse tangi momenti; ut & mollia facile alienas impressiones recipiunt, ita easdem facile amittunt. Atque hæc simplicium temperaturarum cordis signa sunt, proximū

est, ut compositarum differentiarum signa explicentur. Calidi igitur & sicci cordis signa sunt: pulsus durus, magni, veloces, frequentes, & respiratio magna velox, frequens; quæ multò magis ad velocitatem & frequentiam vergunt, si thorax proportioni cordis non satis respondeat. Caliditas nimirum magnitudinem affert. Licet enim siccitas per se arteria dilatationem prohibere videatur: tamen iuncta calori siccitas, ita necessitatem refrigerationis augeat, ut dilatationem arteria in omnes eius dimensiones, quantum possibile, fieri necessarium sit. Duri fiunt pulsus ob siccitatem arteria, ut dictū; eademque frequentiam augeat. Cum enim siccior arteria non tam apta sit ad extensionem, ac humida semel aëris, quantum caloris ventilando opus est, attrahere non potest; ideoque frequentia, quod deest, refarcitur. In respiratione quoque si amplitudo thoracis calori cordis respondeat, thorax semel tantū aëris attrahit, quantum sufficit ad calorem vehementiorem ventilandum; & propterea tunc respirationis celeritate & frequentia non tam opus est. Si verò angustia pectoris paulò maior, quam cordis caliditas ferat, aut certè non minor, iteratā & crebrā respiratione opus erit. Cum enim semel tantum aëris, quantum cordi refrigerando satis sit, attrahi non possit, crebrò & parvā interiectā morā respirandum est. Tali verò corde qui præditi sunt ad actiones suscipiendas & peragendas prompti, animosi & audaces sunt. Calorem enim ad propriū finem, siccitas ad constantiam in agendo conducit. Et quia calor solus ad iram proclives reddit, siccitas perseverantes in ira: qui calidi & sicci sunt corde, & ad iram propensi sunt, & in ea perstant. Sunt quoque invidi & superbi. Quod si calor & siccitas plurimum exceßerint, euadunt homines non solum concitati & præcipitis iræ, sed & tyrannicis moribus præditi, id est, feroces, crudeles, immisericordes, nullique parcentes. Hirsuti sunt iidem, maxime in pectore & hypochondriis. Nam in tali constitutione copiosissime fuliginosa materia attollitur. Totum quoque corpus calidum & siccum erit, nisi hepatis temperies repugnet; & thorax latus atque amplus, nisi capitis paruitas obstat, ut antè dictū. Calidi & humidi cordis signa sunt pulsus molles, magni, celeres & frequentes. Molles ob arteria mollitiē & humiditatem. Magni ob calorem auctum & instrumentum, scilicet arteriam, ad maiorem dilatationem aptum. Celeres & frequentes & propter calorem auctū & propter humiditatem, quæ multa excrementa fuliginosa exhibet. Respiratione pulsi respondet, modò calori cordis thoracis amplitudo respondeat. Minor enim thorax, ut dictū, minus aëris attrahit, atque ideo frequenter attrahere cogitur. Maior cōtrarias ob causas & rariores facit respirationes & tardiores. Qui tale temperamentum cordis habent, sunt industrii & prompti ad actiones ob calorem: Non tamen feroces. Caloris enim acrimonia ab humiditate quasi obtunditur. Ad iram quidem sunt proprii: ea tamen non est acerba & pertinax, sed placabilis. Quod reliqua in hac temperie attinet, calida & humida temperies, si modum non multum excedat & calor humiditati valde dominetur ad vitam diutius protrahendam accommodatissima est. Si autem humiditas ita calorem superet, ut vapores, qui colliguntur, discuti non possint, & transpiratio & caloris libera ventilatio prohibeatur, facile putredo excitatur & febres putridæ gignuntur. Quando enim retētis exhalationibus calor amplius humiditati dominari nequit, humiditas ab externo calore corrumpi incipit, atque ita ista temperies putredini maxime obnoxia est. Qui frigido & humido sunt corde, pulsus edunt molles, ob humiditatem & mollitiem arteria paruos quoque, tardos & raros. Paruus enim cordis & hinc pendens totius corporis calor multā refrigeratione opus non habet: eandē ob causam respiratio parua, tarda & rara est. Qui tale temperamentum obtrinent,

Cordis sicci signa.

Cordis humididi signa.

Cordis calidi & sicci signa.

Cordis
signa

Cordis
signa

obtinere, non sunt audaces, sed meticulosi & diffidentes, effeminati, segnes. Nam & frigus per se torporem & segnitiam in omnibus actionibus adfert & ipsa humiditas calorem obtundit: Vnde neque ad iram proni sunt, & si ad iram concitentur, facile placantur. In corde n. frigidior non ita facile humores efferuescunt, ut ira accendatur. Si tamen accidat, ut ad iram concitentur, non vehemens est & facile placatur. Etenim cor per se est minus calidum, & humiditas calorem accensum temperat. Sunt quoque clementes, verecundi, in rebus aduersis desperantes, & omnino molli & muliebri animo praediti. Pectus pilis nudum habent. Vtraque enim qualitas ad pilorum generationem necessaria deest. Totum corpus, & thoracis amplitudinem quod attinet, habet se ea, ut ante in simplicibus temperamentis dictum est. Tandem qui cor frigidum & siccum habent, in iis deprehenditur, in pulsu durities, paruitas, raritas, tarditas. Duri sunt pulsus, ob siccitatem arteriarum, parui cum ob paruum calorem, qui magnam refrigerationem non desiderat, tum ob arteriarum duritiem, quae ita liberè in omnem dimensionem distendi non potest. Eandem ob causam, quod scilicet calor exiguus magnam refrigerationem opus non habeat, sunt tardi & rari. Ex respiratione, cum nullum certum signum temperamentum cordis sumi possit, nisi simul consideretur pectoris amplitudo, ea & hic considerata. Nam cum cor officina caloris vitalis sit, & cor hic ut frigidum consideratum, nihilominus omnibus membris aliis calidius sit: etiam si cor sit frigidius, modo pectoris quantitas temperamento cordis respondeat, nec tarditas, nec raritas in respiratione apparebit. Si verò pectoris amplitudo maior sit, quam calor cordis necessario postulet, tum demum tarda & rara respiratio apparebit. Semel enim in pectore amplo attracta aeris frigidi copia maiore ferè, quam calor ventilandus requirit, ad aerem iterum attrahendum & tardius & rarius pulmonem moueri satis est. Idem ad iram minime propensi; concitati vero & ad iram quasi coacti, iram diutius retinent. Iisdem tribuitur auaritia. Sunt quoque omnium maxime nudi pilis in pectore; quia materia pilorum ob siccitatem & calor causa efficiens deest, frigiditasque cum siccitate iuncta parum fuliginum generat. Atque haec de signis temperierum cordis dicta sunt. Conclusionis loco cum Galeno hoc monendum, ea, quae de signis ex actionibus moralibus petitis hic dicta sunt, non de moribus seu bonis, seu prauis ex institutione vel consuetudine comparatis, sed congenitis intelligenda esse. Obseruandum enim, mores in genere ita dictos esse duplices, quosdam natiuos, quos Plato ingenitos, Galenus *ὀρμῆς* appellat, qui à primo à parentibus contrahuntur; quod Aui-cennas non sine causa etiam lac nutricum refert. Non raro enim accidit, ut infantes non minus nutricum, quam parentum mores referant. Deinde alios adscititios, qui à disciplina & consuetudine cum aliis pro-ueniunt. Saepè enim usu venit, ut qui optimis moribus à natura est praeditus, mala educatione & consuetudine malorum euadat pessimus. Et contra, qui prauos à natura obtinuit mores, bona educatione & cum bonis conuersatione fiat probus. Ex Natiuis ergo solum moribus signa de temperamentis cordis sumere licet. Et proinde ne in temperamento cordis agnoscendo fallamur, videndum, an mores natiui sint, an adscititij; Et alia quoque signa adiungenda. Ex quibus facile illa controuersia, quae inter Medicos & Philosophos agitur: An scilicet mores sequantur temperamentum corporis, decidi potest. Si nimirum, ut iam dictum, distinguatur inter mores natiuos & adscititios. Omnia enim, quae nonnulli Philosophi contra sententiam Galeni & aliorum, qui statuunt, mores sequi temperamentum corporis, afferunt, de moribus adscititiis, disciplina, consuetudine & conuersatione comparatis vera sunt: & per se planum est, mores il-

los temperamentum non sequi. Interim natiuos mores à temperamento corporis pendere, certissimum est. Et quamuis negandum non sit, mores in specie à Philosophis dici, quod more & aduetudine comparantur: tamen & illae *ὀρμῆς* ac inclinationes ad peculiare virtutes & vitia mores saepe dicuntur; atque ipse Arist. 6. *Ethic. c. 13.* dicit: Singulis hominibus mores quosdam per naturam competere.

CAPVT V.

De Signis Temperatura Hepatis.

Cor di succedit Hepar, Officina sanguinis. In Hepate enim Chylus à ventriculo coctus & per venas mesaraicas transmissus atque ab iisdem aliquomodo alteratus in sanguinem, vniuersi corporis nutrimentum futurum, conuertitur, simulque à superfluis & inutilibus in eo purgatur, transmissis & ablegatis iis in vasa vicina huic vsui destinata. Est autem Hepatis temperamentum natiuum calidum & humidum, cognatum nimirum sanguini, qui in eo generatur. Atque id temperamentum si Hepar obtineat, & optimè constitutum sit, id ex totius corporis habitu & carne cognoscitur. Neque enim tali temperamento Hepatis praediti sunt nimis carnosae & graciles, sed medio corporis habitu. Color corporis est roseus, & reliqua, quae in temperato corpore signa reperiuntur, in hac Hepatis constitutione apparent pleraque. Vrina etià est optima. Cum enim vrina seu in Hepate generetur, seu amplius elaboretur, atque ab eo proximè secernatur, si optima fiat in eo coctio, optima quoque vrina erit. Hepatis verò calidioris signa sunt, Bilis flauae abundantia, consistente verò atate etiam bilis atrae seu sanguinis biliosa. Ita enim flauae bilis, ut & atrae atate consistente abundantiam explicadam censemus. Neque n. ut supra l. i. c. 9. dictum, humores excrementitij in corpore sano & rectè se habente in venis continentur, sed pro diuersa temperatura ratione nunc sanguis calidior, nunc frigidior, nunc siccior, nunc humidior generatur, qui sanguis biliosus, pituitosus, Melancholicus dicitur. Ita ubi Hepar est calidius, à calore Hepatis sanguis plus caloris concipit & calidior redditur, què vulgò biliosum vocant, quod multas partes calidas, quae caliditate & siccitate cum bile excrementitia conueniunt, atque in eam facile conuertuntur, habeat. Progressu verò aetatis, ubi humido immixto calor fit siccantior & acrior, sanguis magis adhuc adurit & plures partes adustae cumulantur. Interim non negamus, in Hepate calidior, praesertim ex calidis alimentis, plurimum bilis flauae excrementitiae generari, quae tamen in suum receptaculum, fellis vesiculam, amandatur; sicut progressu aetatis sanguinis calidi partes crassiores in atram bilem abeunt. Quia quoque Hepar venarum suo modo principium est, atque ab Hepate per venas sanguis diffunditur: Si Hepar sit calidius, venae erunt latae & amplae; cum calor distendere & in amplitudinem deducere materiam aptam soleat. Et quia sanguis vniuersi corporis alimentum est, si Hepar sit calidum, & in eo calidior sanguis generetur, vniuersum corpus calidius apparebit. Neque hic, quod quidem monet Galenus, cor multum ob stare potest. Cum enim cor etiam frigidum in homine sano sit Hepate calidius, & sanguis arteriosus in sano homine sanguine venoso calidior: nullo modo caliditas sanguinis venosi obtunditur à temperamento sanguinis arteriosi & spiritus vitalis. Hoc tamè verum est, corpus apparere minus calidum, ubi saltem in Hepate calor excedit; non verò etiam in corde, quia si cor simul sit calidius. Sunt quoque in iis, qui Hepar habet calidum, venter & hypochondria hirsuta; cum multa fuliginosa excrementa suppediet. Et cum Hepar ad concupiscentias voluptatum cibique appetitum

Hepatis temperati signa.
Hepatis temperamentum.

Hepatis calidioris signa.

Hepatis frigid. signa.

An venarū amplitudo Hepatis temperiei signa exhibeat.

Hepatis sicc. signa.

Hepatis humidi signa.

Hepatis calidi & sicc. signa.

Hepatis calidi & humidi signa.

non parum faciat, ij, qui Hepate sunt calidiores, ad voluptates præcipue ex cibo & potu capiendas feruntur. Idem calidis cibis & potibus, ut & aëre, offenduntur. Iuvant verò eos aër & cibi potusque frigidiores. Alium insuper habent sicciorē. Sunt siticulosi; nisi frigiditas & humiditas ventriculi obstiterit; calidis quoque morbis facile sunt obnoxij. In frigido verò Hepate omnia sunt contraria. Venæ nimirum sunt angustæ, sanguis frigidior, quem vulgo pituitosum vocant, id est, in quo plurimæ partes crudiores adhuc & frigidiores continentur. Hinc totum corpus, quod tali sanguine nutritur, apparet frigidius, nisi cordis caliditas obstiterit. Hypochondria quoque & ventrem habent glabrum; cum ob frigiditatem pauciores fuligines attollantur. Ceterum quod inter signa Hepatis calidi venarum amplitudo & latitudo; inter signa Hepatis frigidi, venarum angustia à Galeno eiusque interpretibus ponitur, id reprehendit Argenterius. Venæ enim, inquit, ex sanguine parentum, antequam Hepar sit factum, generantur, & illis postea affunditur Hepatis substantia. Et proinde si venæ prius sunt factæ, quàm Hepar: magnitudinem ex materia multa, è qua sunt factæ, non à calore Hepatis habent. Et si calor aliquis ea in re aliquid potest, id calori, qui est in semine & utero, tribuendum est, non ei, qui in carne Hepatis insitus est. Verum enim verò quod supra de cordis signis dictum, id hinc etiam locum habet. Verum quidem est, magnitudinem venarum à copia materiæ, & facultate formatrice earum robusta provenire. Est tamen hoc etiam verum, quod natura rectè agens, dum seminis partes digerit & disponit, cuilibet membro tantum materiæ apponit, quantum eius naturæ ratio postulat. Et proinde si Hepar sua natura sit futurum calidius, & quod copiosum sanguinem sit generaturum, eidem tales ac tantas venas apponit, quæ sanguinem illum capere possunt. Contrà si pars seminis, è qua Hepar est formandum, sit iam in sua conformatione frigidius, venas quoque tales effingit, quæ isti Hepatis temperamento respondeant. Deinde & hoc negari non potest, sanguinem calidiores esse magis spirituosum, quàm sit sanguis frigidior: & proinde si sanguis sit calidior, magis venas dilatabit, quàm si sit frigidior. Sicci Hepatis signa sunt sanguis paucus & crassus, venæ duræ, totius corporis habitus gracilis. Quale autem nutrimentum, sanguis scilicet in Hepate genitus, talis corporis constitutio. Neque cordis, visceris scilicet sua natura siccioris, humiditas unquam tanta est, ut Hepatis siccitatem emendare possit. Hepatis tandem humidi signa sunt sanguis abundans, isque tenuis & dilutus, & totum corpus humidius. Sicut enim sicca Hepatis temperatura serofas humiditates absumat, ita humida eadem congregat. Atque hæc simplicium Hepatis temperaturarum signa sunt; è quibus signa compositarum temperaturarum coniungi possunt. Calidi & sicci Hepatis signa sunt venarum amplitudo & durties, sanguisque crassior & siccior. Licet enim caloris proprium sit attenuare: tamen cum idem tenue resoluat, hoc modo sanguis incrassatur, crassitiemque siccitas adiuuat, quæ humiditates absorbet. Hypochondria in iis, qui tale temperamentum obtinent, sunt valde hirsuta, Sanguis est biliosus; qui in ætatis vigore promptè in atram bilem abit, & proinde totum corpus est calidius & siccus. Si verò Hepar sit Calidum & Humidum, sanguis generatur copiosior. Calor enim inprimis ad sanguinis generationem facit; humiditas verò ad eius copiam. Reprimi enim calorem, ne multum de genito sanguine absumat ac dissipet. Ac præterea humiditas facit, ut partesimenti exatissimè misceri, & calor in omnes eius partes suas vires exserere possit. Sanguis etiam mediocris est consistentiæ. Et si enim propter humiditatem fluidior &

aquosior esse debeat: tamen calor superans eum adiutam & mediocrem crassitiem deducit. Venæ sunt magnæ, latæ & molles, totiusque corporis habitus humidior & mollior. Calor enim humiditati iunctus materiam facilius extendere, & in omnes partes dilatare potest, quàm si sit in materia sicca. Hirsuta quoque sunt hypochondria, sed minus, quàm in temperamento Hepatis calido & sicco. Calor enim siccitati iunctus magis adurit humores, quàm sociatus humiditati: Vnde magna fuliginum copia gignitur, è quibus pili generantur. Si verò utraque qualitas, caliditas & humiditas, valde excedat, tali temperamento præditi in multos ex putredine morbos incidunt; & præsertim si humiditas magis, quàm calor, excedat. Nam & à redundante humido calor quasi suffocatur, & ob humiditatem excrementa plurima cumulantur, quæ à calore vinci non possunt: & calor exiguus humido copioso dominari non potest. Si verò calor plurimum sit auctus, humidum verò minus, minus quoque tale corpus cacochymia & putredini est obnoxium; cum calor humiditatem vincat atque excrementa dissipare & eiicere possit. Et quidem Hepatis constitutio calida & humida plus facit ad morbos ex putredine genitos, quàm cordis. Hepar enim humorum officina est, & alimentum toti corpori suppeditat. Si Hepar sit frigidius & humidius, sanguis generatur pituitosus & crudior; venæ sunt angustæ, & totum corpus, nisi cor resistat, est frigidius & humidius. Hypochondria quoque pilis nuda sunt; quia utraque qualitas pilorum generationi obstat. Tandem Hepatis frigidi & sicci signa sunt; sanguis paucus. Nam frigiditas ad omnia naturæ opera ineptissima est: atque ideo in tali constitutione nec coctio nec nutritio felix est, unde nec pilorum copia succrescit, totumque corpus est frigidius & siccus; nisi forsitan cor frigiditatem Hepatis emendet. Siccitatem verò Hepatis cor ipsum, scilicet natura siccus, emendare non potest. Cæterum quia hæcenus sæpe facta mentio *Ἀντιπράξεως* inter Hepar & cor, atque aliquoties dictum, eam temperiem, quam cor toti corporis habitui communicat, aliquando ab hepate mutari & corrigi posse; & contra eam, quam corpus totum ab Hepate accipit, à corde emendari: Conclusionis loco explicandum videtur, quæ qualitas magis vel minus oppositam sibi qualitatem è temperie alterius horum viscerum emanantem obtundere & mutare possit. Primò frigiditas Hepatis à caliditate cordis facile superatur & emendatur. Cor enim vitalis caloris fons omnes partes, etiam frigidas, facile calefacit, & cor in actiuis qualitatibus longè potentius est quàm Hepar, utpote ex quo spiritus vitalis, res calidissima & efficacissima, in omnes partes deriuatur. Minus verò facile caliditatem Hepatis à frigiditate cordis emendari posse, censent. Verum supra dictum, impossibile nobis videri, ut Hepatis caliditas seu calor ab Hepate in toto corpore proveniens à corde temperetur. Cum enim cor quodvis, etiam frigidius, Hepate quovis calido sit calidius, & eadem sit ratio sanguinis venosi & arteriosi; & sanguis arteriosus semper, etiam respectuè frigidior, quovis sanguine venoso sit calidior: ut caliditas Hepatis à corde, utpote calidiores, temperetur, fieri non potest. Ita nec cor humidum siccitatem ab Hepate provenientem humectare potest. Cum enim & ipsum cor succum suum ab Hepate accipiat, & cor natura semper siccum sit, si cum Hepate conferatur, eiusque naturalis caliditas magnam exsiccandi potestatem habeat, quamvis cor respectuè humidum sit, non tamen potest siccitatem Hepatis vel siccitatem partium, quæ ab Hepate provenit, moderari, nec unquam in homine sano cor à naturali suo temperamento ita deflectere & ad humiditatem declinare potest, ut siccitatem totius ab Hepate provenientem humectare possit. Et per se sic

se siccitas difficilius tollitur, quam humiditas. Rursum caliditas cordis difficulter tollitur ab Hepatis frigidityte, & si hoc facere debeat, vehementer eam obfistere oportet. Frigiditas cordis etiam non facile superatur & corrigitur à caliditate Hepatis: sed facillimè humiditas cordis ab hepatis siccitate; cum cor aliàs etiam, cum humidum dicitur, satis siccum sit. Cæterum quæ de ἀντιπράξεις cordis & Hepatis dicuntur, non tam de ipsarum harum partium, quàm de totius corporis mutatione, quam in eo Hepar & cor faciunt, accipienda sunt. Cor enim & Hepar in omnia corporis membra per arterias & venas sanguinem ac Spiritus transmittunt, quibus membra nutriuntur & fouentur ac simul alterantur.

CAPYT VI.

De Signis Temperaturæ Testium.

Natura hominem, quem produxerat, immortalem esse, si fieri potuisset, optasset; sed cum per mutabilem & caducam quatuor elementorum contrariorum naturam, è quibus constabat, id non liceret, generationis immortalitatem excogitauit, atque ita ἐκ τῶν συναντῶν elegit id, quod melius fuit, lib. 14. de usu part. cap. 2. veræ religionis & causæ generationis ignarus, scripsit Galenus. Etenim non solum mortalitatis, quæ ex peccato primi hominis prouenit, subsidium futura, sed & homini non morituro ad propagationem & multiplicationem sui inferitura fuerat generatio. Plurimum autem ad eam testes faciunt; neque id tantum præstant, sed & virilitas quædam ab iis in vniuersum corpus emanat, totiusque corporis habitus ab eorum constitutione non parum afficitur; & pro varia testium constitutione alij planè steriles sunt, alij ad mares, alij ad fœmellas generandas apti. Itaque & de signis testium aliquid addere, operæpretium omnino fuerit. Primò cum temperata partis cuiusque constitutio ad omnes actiones, quæ parti alicui propriæ sunt, obeundas sit aptissima: meritò qui temperatos ad iusticiam testes habent, sunt fœcundissimi. Sunt quidem nonnulli, qui maiorem in calido & sicco temperamento testiū fœcunditatem statuunt, quàm in temperato. Quemadmodum n. inquit, ex duabus ventriculi functionibus coctio in calido melior sit, quàm in temperato, eò quod calore promouetur coctio: Sic quò maiore calore coctum est semen, eò ad fœcunditatem aptius. Verùm iis non adsentimur, neque concedimus, meliorem coctionem fieri in ventriculo calido, quàm in temperato. Licet enim forsitan crassiores & duriores quosdam cibos ventriculus calidior felicius concoquat: tamen contra cibos coctu faciliores aduret & corrumpet; cum in omnibus actionibus se rectè habeat ventriculus temperatus. Quamuis etiam Galenus calidos & siccos testes fœcundissimos esse dicat: id tamen saltem de collatione cum aliis intemperaturis, non verò de temperata testium constitutione accipiendum. Imò sunt alij, qui calidam & humidam testium temperaturam, utpote quæ naturali eorum constitutioni sit vicinior, præferant. Qui autem calidos testes habent, salaces sunt, & in Venerem, ac quidem maturè, prompti. Cum n. veneris appetitus in animalibus ideo proueniat, ut semen, quod turget & ad excretionem stimulat, excernatur: si semen sit calidius, maturius ac valide, naturam ad excernendum stimulat. Caliditas enim acrimoniam semini conciliat. Sunt quoque fœcundi, cum multum seminis gignant, idque calidum & potens. Et propterea masculorum procreatores sunt. Iisdem quoque celeriter partes genitales, & quæ circa eas sunt, pilis vestiuntur. Frigida testium temperies contraria signa habet, ex contrariis causis. Qui nimirum frigidam testium temperiem habent, in Ve-

nerem proclives non sunt, nec fœcundi, & si generant, fœminas potius, quàm masculos, procreant; partésque genitales glabras & minus pilis vestitas habent. Qui humidos testes habent, multo semine abundant & aquoso. Sicca testium temperies parum feminis procreat, idque mediocriter crassum. Quidam etiam, nec abs re, ex barba indicia sumunt, statuuntque, calidos citò, frigidos autem tardè vel nunquam barbatos fieri: Sic humidos parum; siccos multum. Et videmus eis, qui ante pubertatem castrati sunt, pilos, quos post genitos Aristoteles appellat, non exire post pubertatem; castratis decidere, exceptis pilis pubis. Compositas temperaturas quod attinet, calida & sicca crassum semen generat, & cum Galeno à plerisque fœcundissima statuitur, & quæ celeriter & maturè ad venerem stimulat. Verum enimverò si semen iustam crassitiem habeat, generationi satis aptum est. Potest tamen & tam crassum esse, ut non sit aptissimum generationi. Ità, ut dictum, temperata constitutio vbique optima & ad generationem aptissima. Si autem aliqua intemperies valde excedat, tum contrariæ misceri debent, ut semen sit fœcundum; vnde calidum & siccum nimis semen iustam generationi materiam non exhibet. Si tamen paulò calidiores & sicciores sint testes & inde semen, fœcundior est ea constitutio, quàm frigidior & humidior: quoniam multam feminis materiam attrahit, concoquit & partes excrementitias absumit, & quia semen calidius & siccus est acrius, citius & propè ab ineunte ætate ad Venerem stimulat. Humidum verò prima ætate obtusum quasi est, ut ad venerem ita stimulare non possit. A venere tamen calidi & sicci magis læduntur, ob nimiam, quæ à Venere fit, exsiccationem: cum contra calidi & humidi non tam facile à Venere lædantur, sed ab ea excessus ille quasi ad mediocritatem redigatur. Monet tamen hîc Argenterius, noxam, quæ ex Venere percipitur, potius ab intemperie totius corporis & maximè Hepatis, quàm testium tantum prouenire. Nam si humores in corpore abundant, Venus proderit; oberit verò, si corpus calidius & siccus sit, quacunque temperie testibus affectis. Si enim Hepar sit calidum & humidum, à quo plurimum boni sanguinis generatur; testes verò calidi & sicci: nihil incommodi percipiet corpus ex frequenti Veneris usu: maius verò damnum sequetur, si Hepar & vniuersum corpus sit siccus, licet testes sint calidi & humidi. Qui calidos & siccos testes habent, masculos procreant; nisi insigni repugnantem mulieris naturam nacti sint. Et talis proculdubio fuit Hercules, quem ex numerosa 72. liberorum prole vnicam suscepisse fœminam ferunt. Calidis & siccis etiam celerius pili erumpunt in genitalibus, & omnibus, quæ circa ea sunt, partibus, sursum quidem in locis circa umbilicum, deorsum verò vsque ad media femora. Qui calidos & humidos habent testes, semine magis abundant. Nam calor attrahit materiam & semen generat; humiditas verò eam conseruat prohibendo dissolutionem. Vnde quidam non tantum appetunt Venerem, ut calidi & sicci; cum humiditas in semine calorem obtundendo illud blandum reddat & minus acre, ut copia potius, quàm qualitate stimulet. Ferunt autem Veneris usum facilius, ob seminis abundantiam; si tamen, ut dictum, Hepatis & reliqui corporis temperies consentiat. Imò si paulò magis caliditas & humiditas aucta sit, iam nec sine damno tales continentes sunt, & si à Venere abstineant, grauitatem corporis sentiunt, ob nimiam seminis redundantiam. Quando enim semen superfluum in corpore retinetur, facile aliquam prauam qualitatem concipit, & aliàs calida & humida ad putredinem aptiora sunt; vnde nonnunquam grauissima Symptomata, Epilepsia, Melancholia, Syncope, suffocatio vteri & similia oriuntur, de quibus

Testium humidorum & siccorum signa.

Testium calidorum & siccorum signa.

Testium calidorum & humidorum signa.

Testium frigidorum & humidorum signa.

Testium frigidorum & siccorum signa.

quibus Gal. 6. de locis affectis cap. 5. Idem tam ad masculos, quam generandas fœmellas apti videntur, & minus etiam, quam calidi & sicci, circa partes genitales hirsuti sunt. Qui frigidos & humidos testes habent, tardè Venere vri incipiunt, neque ita, ut calidi & sicci proni sunt in Venerem. Tardè enim semen in iis gignitur, atque ipsum tenue est, & aquosum, & ideo ad stimulandum minus idoneum. Semen etiam est infœcundum; aut si fœcundum sit, ad fœminas potius, quam mares generandos aptum. Etenim si maior frigiditatis in testibus sit excessus, semen planè infœcundum est; Si verò is minor sit, tantum ad fœminas generandas aptum. Tandem frigida & sicca testium temperatura crassius semen generat, sed omnino paucum. Vnde hi magis adhuc à concubitu læduntur, quam frigidi & humidi. In humidis enim maior est seminis copia, quam in siccis.

C A P V T VII.

De Signis Temperatura Ventriculi.

Partes, quarum signa hactenus recensuimus, præcipuè sunt, è quibus totius corporis temperamentum pender, utpote ex quibus toti corpori nutrimentum, calor & spiritus suppeditatur. Vtile est tamen & reliquarum partium, quæ vel principibus vel toti corpori inserviunt & publici usus gratia factæ sunt, temperiem perspectam habere. Et ut à Ventriculo incipiamus, eius temperies primum ex actionibus cognoscitur. Sunt autem ventriculi duæ præcipuè actiones; appetitus & coctio, qua cibus in chylum conuertitur. Appetitus duplex est, fames & sitis. Secundò ex ciborum noxa vel salubritate. Tertio ex foris occurrentibus. Primò ergò temperatus ventriculus in omnibus se mediocriter habet, tantum appetit, quantum potest concoquere; & quidem bene concoquit; neque cibos molles & coctu faciles corrumpit; neque duos crudos relinquit, neq; à cibis oblati facile læditur. Calidus verò ventriculus melius concoquit, quam appetit. Nam coctio est opus caloris; frigus autem ad appetitum excitandum facit non quidem per se, sed contrahendo & cogendo tunicas ventriculi; vnde suctio & corrugatio in orificio ventriculi oritur. Sciendum autem, in appetitu hæc ordine sese consequi. Primò sit inanitio partium totius corporis; deinde *φισικὴ ὁρεξις* seu naturalis appetitus eius, quod deest: Tertio sit attractio seu suctio, qua membra reliqua à venis & Hepate, Hepar verò à ventriculo alimentum appetit; Quarto sensus eius tractionis & suctionis in orificio ventriculi, quod ordine vltimum est & sentiendi vim ob plures nervorum furculos aciorè habet: Vltimo est *ὁρεξις ψυχικὴ* seu appetentia animalis, quæ ex sensu suctionis in orificio ventriculi orta, animal, ad quærendum cibum stimulat. His ita se habentibus appetitus in calido ventriculo non est magnus: Cum calor partes solidas laxet, minusque idoneas ad ventriculum sugendum & vellicandum reddat; præterea humidum fundendo efficiat, ut spatia membrorum vacua expleantur. Deinde ventriculus calidus duos, & qui non facile concoquuntur, cibos felicius concoquit, contra verò cibos molles & coctu faciles corrumpit, ac in bilem vertit, vnde morsus ventris & ructus nidorosi oriuntur, & biliosi quandoque vomitus, ac dolores capitis. Hinc tales ventriculi carnes bubulas melius, quam pisces saxatiles & oua, concoquunt. Proprio enim inter calorem coquentem, & id, quod coqui debet vel crudum & imperfectum relinquitur vel corrumpitur. Potest quidem multum in hac re victus ratio consueta, & experientia testatur, eos, qui carnibus fu-

mo duratis aliisque cibis durioribus assueti sunt, non bene habere, sed in morbos incidere, si pullos gallinaceos, carnes vitulinas, oua forbilia & similia comedant. Præcipua tamen causa huius differentie est ventriculi constitutio, quæ ob caloris robur duriora melius, quam mollia concoquit. Delectatur etiam ventriculus calidus potu & cibo calidiore, eoque potius tali *δυσάμει*, utpote naturæ suæ amico & cognato; à frigidorum tamen occurso tam non læditur, ut eorum moderato usu ab vltiore ad caliditatem lapsu præseruetur. Sitis denique est maior, quam appetitus cibi. Frigidior autem natura ventriculus, aut dius appetit, quam quod possit concoquere: & in primis cibi frigidi & coctu difficiliore à tali ventriculo non bene coquuntur, sed in eo facile acescunt, vnde ructus acidi eduntur, & post cibum paulò copiosius sumptum grauitatis sensus in eo percipitur & quasi pondus circa ventriculum, fluctus item, & nauisæ inanes, quandoque etiam vomitus contingunt. Humidus ventriculus non facile sitit. Humor enim, qui sitim prohibet, copiosus non facile absumitur: deinde largiore potu, utpote temperaturæ suæ cognato, non facile læditur; delectatur etiam cibis humidis, utpote naturæ suæ cognatis, famem facile tolerant. Siccioris ventriculi signum est sitis; nisi ea fiat ex membro aliquo vicino, ut corde & pulmone. Cum enim cor & pulmo non longè ab orificio ventriculi absint, si viscera illa calida sunt, sitis causa erunt; licet mediata. Ergo dispiciendum, vnde sitis proveniat, de quo postea in signis pulmonis dicetur. Quod autem sicci ventriculi facile siriunt, causa est, quod humidum eorum statim absumitur: modico tamen potu sitis illa sedatur. Ut enim paucus humor citò absumitur: ita etiam paucò potu reparatur. Læduntur verò tali ventriculi temperie præditi à potu copiosiore. Cum plus, quam opus sit, assumitur, natura illud superfluum, ut noxium respuit, vnde fluctuatio in ventriculo excitatur, cum ventriculus potum illum, ut molestum arctè non complectitur, aut per summa in ventriculo innatat vnde saliuæ frequens & copiosior colligitur. Vtrobique autem potus crudus & imperfectè coctus relinquitur. Appetunt tales, quamdiu ista temperies in naturali statu permanet, cibos siccos, utpote naturæ suæ similes. Id quod omnibus (ut regulam hanc communem tradit Galenus) partium temperaturis commune est. Cum enim omnes partes se conservandi desiderium habeant: id sit similia appetendo, dissimilia verò & sibi contraria fugiendo. Itaque congenitæ dyscrasie similibus qualitatibus gaudent, calidæ, calidis; frigida, frigidis; & auersantur contrarias. Ex morbo autem contractæ intemperaturæ contrarias qualitates postulant, ut quod præter naturam est, expellatur, & pars suo naturali statui restituatur: id quod fit per contraria; cum contrariorum sint remedia. Atque hæc vulgata secundum Galeni mentem de signis temperaturarum ventriculi doctrina est, in qua tamen aliqua in dubium vocat Argenterius, quæ prætereunda non videntur. Primò quidem illud, quod cum Galeno omnes Interpretes statuunt, intemperaturas scilicet à temperata constitutione recedentes seu omnes congenitas dyscrasias, quam diu sunt in naturali statu, gaudere similibus; ea verò solum, quæ præter naturam sunt, appetere contraria, ab Argenterio non admittitur. Primò enim cum Medicinæ partes præseruatricæ & curatricæ in quanto, non in quali differant, ita scilicet ut pars conservatrix saltem minora emendet, pars verò curatrix maiora, calorem scilicet exiguum & qui nondum sanitatis limites egreditur, pars medicinæ conservandæ sanitati dicata febrilem verò calorem pars medicinæ curatrix tollat: non appetit natura in vno statu similia, in alio dissimilia & contraria, cum hæc qualitate & specie differant. Neque sine causa fieri videtur illud ipsum. Cum enim

Ventriculi temperati signa.

Ventriculi calidi signa.

Veri

hu

signa

Veri

sic

An in

rationem

vel con

appet

enim conseruatio sanitatis sit non solum similitum conseruatio, sed & excessum leuiorum emendatio: necessarium est, ut tum fiat mutatio; mutatio autem sit per contraria. Euacuatum nempe corpus conseruatur per id, quod contrarium est euacuationi, repletionem scilicet seu alimentum; Repletum contra, fame atque inanitione. Ita si friget sanus, calefacientibus conseruationem sanitatis petit. Arque id ipsum alibi Galenus innuere videtur, cum scilicet de oculorum temperaturis, in *arte Medica*, scribit, eas à similibus suæ temperaturæ causis facile offendi, recreari autem à modico contrariorum usu, idque commune esse in omni cuiusque partis temperatura. Et de ipsis signis temperaturarum ventriculi scribit; calidum ventriculum à frigidis nullam noxam percipere, si ipsis moderatè vtatur. Et de pulmone inquit; maximum frigidi pulmonis esse indicium, inspiratione frigida lædi, caliditatem autem ipsi esse amicam. Et cum ventriculus siccus siticulosus sit, certè non gaudebit siccis cibis, sed potius humidis delectabitur. Et res ipsa idem testari videtur. Post modicam enim exercitationem, in qua calor est auctus moderatè, nemo ad sanitatis conseruationem appetit potum calidum, sed frigidum. Æstate etiam omnes frigida appetunt, non calida; & qui Hepate sunt calidiore, omnes potius gaudent potu frigido, quàm calido. Præterea non viderur esse ratio alia ciborum, & eorum, quæ extra occurrunt. Vtraque enim ad conseruandum naturalem statum comparata esse debent. Cum verò Galenus scribat, frigidum ventriculum frigida extrinsecus occurrentia non diu tolerare, quemadmodum neque calidum calida; etiam intus assumpta frigida non tolerabit bene ventriculus frigidus; sicut neque calidus calida. Tandem etiam si concedi possit, in genere similia similibus conseruari, & proinde calida calidis gaudere, frigida frigidis, humida humidis, sicca siccis, quatenus scilicet talia, id est, elementorum qualitates sunt, & ut res naturales sui conseruationem postulant: tamen in corpore humano non considerantur solum qualitates hæ, quatenus tales, & Elementorum qualitates sunt, sed quatenus corporis humani & partium eius, ex.gr. ventriculi, qualitates. At ventriculus sui conseruationem postulat, quando mediocritatem affectat, cum qua perfectio: At si in eo aliquis excessus est, atque appeteret adhuc similia illi excessui, iam sui corruptionem & statum præternaturalem appeteret. Arque hæc sunt, quæ contra Galeni sententiam affert Argenterius, quæ omnia non sunt de nihilo. Nam ut vltimum saltem repetamus, cum quælibet pars sui perfectionem desideret, maximè mediocritatem & statum optimum in suo genere affectabit. Et cum omnes intemperaturæ, licet sint intra sanitatis terminos, eatenus tales denominentur, quatenus ab optima, quæ parti conuenit, temperatura deflectunt: manifestum euadit, si similes cibi & potus ipsis exhibeantur, intemperiem illam magis augeri, & maiorem à mediocritate versus morbosum statum recessum fieri: Si verò moderatè contraria ipsis exhibeantur, excessum imminui, & ad mediocritatem reduci. Ergo ut hæc concludamus, si ad statum optimum corpora intemperata, aut partes corporis intemperatas reducere, animus est, sensim ad contraria assuefacienda. Si verò talia corpora ad meliorem statum reducere, vel animus vel otium non est, similibus, sed moderatis, conseruanda, qua de re *lib. 4. part. 2. cap. 6.* Deinde & hoc reprehendit Argenterius, quod vulgo dicitur, à frigida intemperie ventriculi fieri appetitum maiorem, & quidem ideo, quod frigidi vis sit constringere, repellere, constringendo exprimere & exprimendo euacuare ventriculum. Nam, inquit, ventriculus, qui dicitur frigidus, est actu calidus, ac plus habet in se caloris, quàm frigoris, & calore viuente

abundat & actionibus suis, coctione scilicet, satis de calore suo testatur. Frigidus verò is solum dicitur ventriculus, qui minus caloris habet, quàm conueniat temperato ventriculo, atque sic ventriculus frigidus etiam, cum sit calidus actu, non potest comprimere & constringere, quod solum actu frigidi officium est. Verum enim verò ista potius contra quosdam interpretes, quàm contra Galeni sententiam militant. Et si enim faciliè concedimus, in corpore sano non posse esse tantam frigiditatem actualem, quæ constringere & constringendo, quod in partibus est, exprimere possit, & proinde in reddenda causa huc plerisque interpretes lapsos esse: interea tamen hoc nec ab ipso Argenterio negari potest, frigidiorum ventriculum auidius appetere, quàm calidum. Cum moderata enim frigida temperie magis seruetur tonus & robur ventriculi, quàm cum calidiore, à qua substantia ventriculi laxatur. Deinde & hoc accidere potest, ut acidus aliquis humor, pituitosus, aut melancholicus austerus in ventriculo hæreat, qui quidem non frigiditate, sed austeritate, appetitum augeat: sicut acerum & austeros fructus ad appetitum excitandum facere videmus. Arque hæc signa simplicium temperaturarum ventriculi sunt, è quibus faciliè compositorum temperamentorum signa colligi possunt.

CAPVT VIII.

De Signis Temperatura Pulmonis.

Calidi pulmonis signum primò respiratio suppeditat. Nam quibus calidior est, quàm par erat, pulmo, ij pectus magis dilatant & plus aëris attrahunt, quàm quibus pulmo & cor temperatum est, & in contrahendo pectore moram magis trahunt; cum copia maior sit fuliginum. Deinde qui calidos pulmones habent, siticulosi sunt: Verum cum, ut supra dictum, ex ventriculo sicco quoque sitis oriatur, quatione sitis à ventriculo & pulmone, ut & à corde orta, distinguenda sit, videndum. Primò ex respirationis diuersitate signum sumitur. Primò enim spiritus multus & longa exspiratio cum siti cordis & pulmonis caliditatem arguit: sitim verò ex stomachi intemperie nihil tale sequitur. Deinde si in thorace calor sentitur, sitis est à pulmone vel corde vel ab utroque: si in hypochondriis, à ventriculo: Tertiò sitis ex ventriculi intemperie faciliè potu sedatur, sed eam, quam pulmonis aut cordis caliditas parit, non nisi longiore tempore vinci experimur. Nam potus rectè in ventriculum fertur, & proinde stomachi intemperiem statim alterare potest: ad superiora verò viscera tardè & non nisi per longas ambages potus peruenit. Illud verò, quod frigidum de potu roris modo per communem cum œsophago tunicam ad pulmones descendit, planè exiguum est. Præterea sitim ex ventriculo ortam faciliè sedant humida, eam verò, quæ ex pulmone, saltem frigida. Imò ne frigidus quidem potus sitim ex caliditate pulmonis ortam satis sedat, sed magis frigidus aër, qui faciliè ad pectus transit. Aër verò sitim ex siccitate ventriculi ortam non faciliè tollit; cum parum de aëre frigido inspiratione adducto ad ventriculum perueniat: sed aër etiam sæpe sitim illam augeat. Argumento sunt hi, qui aperto ore dormiunt: ferè enim siccitatem oris contrahunt. Frigidi contra pulmonis signum primum petitur ab aëris, qui inspirando attrahitur, qualitate. Frigidi enim pulmones maximè offenduntur aëris frigidi inspiratione. Ac proinde qui tale temperamentum pulmonis habent, ab Aquiloniis flatibus maximè offenduntur, nisi naribus & ore opertis aër non nihil temperetur, antequam ad pulmones admittatur. Respiratio etiam

Pulmonis calidi signa.

Sitis à pulmone & ventriculo quomodo discernenda.

Pulmonis frigidi signa.

etiam est parua ; quia non magna refrigeratione opus est : nec sitis urget. Deinde licet propter cor, quod simpliciter calidum, licet respectu frigidum dicatur, aliqua refrigeratione indigeant : tamen respectu eius refrigerationis, quæ in pulmone calido requiritur, hæc minus frigida est ; & proinde calida inspiratio, id est, minus frigida pulmonibus frigidis amica esse dicitur. Et cum crudi & pituitosi humores frigiditatis soboles sint, in frigido pulmone plura excrementa cumulantur, quæ nunc per tussim nunc per simplicem secretionem reiiciuntur : per tussim quidem, ubi confertim erumpunt ; per secretionem vero, quando paulatim adscendunt & in faucibus coeunt. Sicci pulmonis indicia ab excrementis sumuntur, quibus non abundat, & proinde nec tussis, nec secretionem ad reiicienda ea multo opus est. Contra humidi pulmones plura excrementa cumulant. Ut enim pituitæ primariæ causæ generationis frigiditas est, ita humiditas secunda. Unde qui siccos pulmones habent, longam orationem, & quidem alta voce, sine impedimento habere possunt. Qui vero humidos habent, plurimum inter perorandum excreare necesse habent. Cum enim humiditas motu pulmonis moueatur, cum vehementius & acutius loqui conantur, materia mota adscendit atque iterum delabitur, quæ vocem impedit & non nisi magno difflatu reiicitur. Verum cum vox inprimis de pulmonis & tracheæ temperie testetur, peculiariter de signis pulmonis & vna tracheæ à voce petitis agendum. Quæ ut clariora fiant, primò notandum, vocem quæ, ut est apud Arist. 2. de animac. 8. est percussio aëris inspirati, facta ad tracheam arteriam & laryngem, ab animæ virtute motrice in illis partibus, cum intentione aliquid significandi, inprimis tres habere differentias, quæ hic considerandæ sunt vocemque aliam esse magnam, aliam paruam ; aliam lenem, aliam asperam ; aliam altam, aliam grauem. Primò ergo vox magna tracheæ amplitudinem & efflationis vehementiam, quæ aër multus, isque ad laryngem per virtutem validam celeriter & fortiter allisus emittitur, significat. Parua vox contrarium significat, id quod in musicis instrumentis videre est. Nam clangor tubæ magnus duabus ex causis oritur, primò ex magnitudine tubæ & robore tubicinis eam vehementer instantis. Amplitudo verò tracheæ & robur musculorum & pulmonis caloris indices sunt. Calorem enim magnum omnia in prima corporis formatione ampliora reddere, & deinde mox à primo ortu dilationem partium adiuuare, supra dictum est. Atque ita vox magna & parua temperiem tracheæ & pulmonis calidam aut frigidam significat, non primò & per se, sed per accidens & secundariò, id est, mediante tracheæ amplitudine aut angustia & virtutis aërem elidentis robore vel debilitate. Hæc tamen de natua & à primo ortu congenita caliditate & frigiditate accipienda sunt, non de aduentitia. Caliditas enim à morbo, regione, anni tempore & similibus, demum post ortum contracta, angustiam à frigiditate naturali in prima conformatione ortam corrigere nequit. Atque ista ita se habere, fœminæ & pueri argumento sunt : fœminæ enim vocem minorem viris, & pueri minorem puberibus edunt. Viri enim fœminis calidiores sunt, & pubertatis tempore instrumenta vocis non solum maiora euaserunt, quàm in pueritia erant, sed & calefiunt & exsiccantur, præsertim humida & frigida, in quibus calor humido quasi submergebatur. Deinde signa temperaturæ pulmonis & asperæ arteriæ ex lenitate & asperitate vocis petuntur. Lenitas enim & asperitas vocis ex tracheæ constitutione nascitur. Aspera quidem facta est arteria, ut & nomen habet, ut vox in ea magis articuletur, & spiritus repercuteretur. Sed rursus hanc asperitatem quadam humiditate oblini oportet,

ne vox omnino dura, sed paulò lenior redderetur. Hanc itaque mediocrem constitutionem si arteria obtineat, & moderate secundum omnes qualitates habeat, lenis vox oritur. Aspera contra siccitatem sequitur & defectum humoris membranam asperæ arteriæ illinentis, eamque planam & aquabilem reddentis. Si enim is deficiat, trachea inæqualis redditur, & aër in eminentiorem tracheæ partem illisus sonum inæqualem efficit, prout partes illæ mollitiæ & durtiæ tum magnitudine inæquales sunt. Exemplum est in lima, quæ asperum edit sonum ob partium inæqualitatem ferrum percutientium. Et quidem vox aspera à siccitate orta cum claritate coniuncta est. Deinde etiam vox aspera redditur, sed cum obscuritate, à copioso humore tracheam imbuente, sicut in catarrhis fieri solet, quam quidem raucedinem Latini, Græci βρόγχον appellant. Lenis ergo vox temperatam constitutionem tracheæ, in caliditate, frigiditate, humiditate, siccitate indicat. Aspera verò inprimis siccitatem, à qua durtiæ & inæqualitas cartilaginum tracheæ & membranarum eas inuestientium, significat. Quæ verò asperitas & raucedo à catarrho oritur, potius ad præternaturalem quàm naturalem statum pertinet. Tandem vox grauis & acuta aliquid etiam de temperie asperæ tracheæ significat. Fit autem vox acuta à Laryngis aut capitis asperæ arteriæ angustia. Grauis contra à Laryngis amplitudine oritur. Exemplum præbent lingulæ tibiarum. Sicut enim lingula angustior acutior reddit sonum, potentior grauiorem : Ita quò Larynx est angustior, eò fit acutior vox ; quò amplior, grauior. Et in eodem homine vox secundum acutum & graue variatur, quando musculorum laryngis ope vocis organum, atque inprimis γλωττις variè contrahitur & attemperatur. Et ut grauis vox magnæ est proxima : ita vtraque amplum organum postulant. Sed in hoc videtur differentia constituta, quòd in magnitudine vocis totius tracheæ amplitudo requiritur : In voce autem graui & acuta formanda præcipue Laryngis, proximi scilicet vocis Organi, amplitudo & angustia requiritur. Ex his ergo ut temperamenti signa colligamus, Acuta vox angustiam laryngis, & consequenter frigiditatem asperæ arteriæ natuam indicat. Grauis contra Laryngis amplitudinem, & proinde calorem ab ortu fortem significat. Hinc pueri & fœminæ vocem acutam edunt, ob organi vocis angustiam ; in senibus & à morbo conualescentibus vox acuta est, ob virtutem imbecillam, quæ vocis instrumentum valde dilatare non potest. Atque hæc de signis temperamenti præcipuarum partium dicta sint. Non autem necessarium est, reliquarum similiter partium priuatarum temperiem seorsim inquirere, cum ferè naturam principum viscerum sequantur. Sed neque facile est, earum differentiam cognoscere ; cum ferè intus contineantur, neque alibi se prodant. Quemadmodum & priuatorum hominum priuata vitia intra priuatos parietes continentur ; Primatum verò vitia diuulgantur, atque

*Omne animi vitium tantò conspectius in se
Crimen habet, quantò maior, qui peccat, habetur.*

Reliquorum tamen signa commodissimè petuntur è duobus fontibus. Primò à iuuantibus & lædentibus : secundò ex actionum naturalium virtute vel vicio, quæ sunt attractio, retentio, concoctio, expulsio : quòd pertinent & excrementa, quæ à qualibet parte excernuntur. In omni enim, ut antè dictum est, recessu à mediocritate commodus est mediocris contrariorum vsus, quibus scilicet pars magis ad perfectionem & optimum statum deducitur ; noxius verò est similium vsus, præsertim nimius. Calidum nimirum temperamentum in qualibet parte calidiorum

Pulmonis sicci & humidi signa.

*A voce de temperie pulmonis petita signa.
Vox quid. Vocis differentia.*

Vox magna quid significet.

Parua vox quid significet.

Lenis vox quid significet.

dorum usu; frigidum frigidorum, humidum humidorum, siccum siccorum usu lædatur. Contrà calidi temperamenti indicium est à frigidorum; frigidi, à calidorum; humidi à siccorum; sicci ab humidorum usu benè habere. An verò omnes actiones naturales in qualibet parte rectè obeantur, inprimis excrementa indicant. Nisi enim rectè actiones administrantur, plura in ipsis excrementa cumulari necesse est. Deinde circa actiones & hoc notandum, aliud temperamentum attractioni, aliud concoctioni, aliud cæteris magis deberi. Calidum enim & humidum temperamentum inter omnia felicissimè concoquit; difficilior autem retinet: Siccitas verò inprimis ad retentionem facit; humiditas contra lubricas vias reddens retentioni aduersatur. Attractrix seu Expultrix magis calore gaudet; frigus verò ad omnes actiones est ineptissimum, cui si coniugatur siccitas, omnium pessimè concoquit & nutrit; ad expellendū tamen & retinendum quandoq; suo modo conferre potest. Igitur ex eo, quod singulæ partes melius ac deterius attrahunt, retinent, coquunt alimentum, & excrementa expellunt, quam qualitates in qualibet præualeant, colligere est.



LIBRI III. PARS I.

SECTIO III.

De Vrinis.

CAPVT I.

De Abusu inspectionis Vrinarum.



OSTQVAM hæc de corporis sani constitutione cognoscenda explicata sunt, iam de morborum & causarum morbificarum, ac locorum affectorum signis dicendum. Quia verò inter fontes signorum eminent Vrinæ & Pulsus, & ex iis præcipue plurima signa, quibus morbi & causæ eorum cognoscuntur, peti solent: hoc loco, antequam ad reliqua accedamus, de Vrina & Pulsu agemus. Mentionem tamen aliquam etiam aliorum, quæ signa morborum & causarum morbificarum suppeditant, faciemus. Et primo vrinæ quod attinet, Cum cuiuscunque partis in corpore superfluitas eam, quæ illi inest, dispositionem ostendat, ut rectè docet Galenus, 1. de Crisibus cap. 7. inter signa, quibus in affecti loci atque ipsorum affectuum & morborum, ac causarum morbificarum notitiam peruenimus, non immeritò ab eodem Galeno, lib. 1. de loc. affect. cap. 5. excreta recensentur. Quo in genere cum primum locum ferè teneant vrinæ, Medicus earum considerationem atque inspectionem non negligat in iis morbis, in quibus aliquod signum exhibere possunt. Nam in hoc silentio non prætereamus, de Vrinarum inspectione falsa mentibus multorum tam altè insedit opinio, ut quis Æthiopem facilius dealbauerit, aut purpuream e veste tincturam eluerit, quam hanc ipsis opinionem exemerit. Quamuis enim plurimi & præstantissimi Medici, & voce & scriptis hac in re laborarint: tamen ad hunc usque diem id, quod volunt, obtinere non potuerunt. Hinc videmus adhuc hodie non solum de vulgo, sed ferè omnes cuiuscunque conditionis homines, impostorum artibus & consuetudine praua seductos, si quis agrotet, vrinam, neglectis interim veris & certis mor-

borum indiciis, sæpe non integram, sed exiguam eius partem, ante diem vnum atque alterum nonnunquam exceptam, non in vitio semper, sed in fictili, vel alio, nescio quo antea liquore imbuto, vase, ad Medicum mittere; & sæpe quidem per eos, qui agrum nec viderunt, nec ex aliorum sermonibus quicquam de eo perceperunt; adeo, ut si Medicus ex latore, cuius sit vrina, quid mali æger patiat, quærat: nihil audiat, nisi hoc: ægri cuiusdam esse; cuius sit, se nescire. Ab alio enim sibi traditam esse, & ea de causa ad Medicum mitti, ut quid mali sit, ex eo audiat, & hoc inprimis cognoscatur, an ægro ex hoc morbo moriendum sit, an verò vitæ aliqua spes supersit. Aut si vrina ei, qui agrum familiariter nouit, committitur: ipsi tamen seuerè interdicitur, ne quid de ægri natura, conditione, sexu, ætate & similibus apud Medicum hiscat. Id enim vulgus sibi falsò persuasit, ex solius vrinæ inspectione, omnem omnino ægri conditionem, & quid non solum intus & in corpore, sed & extra patiat, an lapsus, an percussus sit, an digirus, an calcaneus doleat, an venenum hauserit, an vir, an fœmina, an virgo vel nupta grauidaue sit, cognosci posse. Ad cuius voluntatem si Medicus diuinandi aleam iaciat, & vel casu & fortuito, vel solertia quadam seu aliunde sumpta coniectura, variisque interim percunctando obseruatis, hæsiando aliquid eorum, quæ audire gestit, vel obliquè saltem innuat: hem! quàm pro perito, & digno, cui æger sese committat, Medico proclamatur, & omnibus de optima nota commendatur. Quod si quis, cui mens generosior, ad hanc seruitutem, & fallendi potius, quam prædicendi artem sese nolit demittere, sed ad agrum se vocari postulet, ut coram ex omnium signorum consideratione naturam morbi inuestigare queat: hic pro imperito atque ignaro habetur, ut qui ex vrinis diuinandi artem non calleat. Cui rei ansam non parum præbent Medici nonnulli, qui vel lucris causa, vel ne quid eorum, quæ vulgò scire creduntur, ignorare; vel ut plus etiam, quam alii, sapere videantur, ad matulam, ægro non viso, nihilque aut parum de eius statu & conditione certiores redditi, quasi ex tripode, multa vaticinantur, atque, ut popularem auram caprent, si quid, quasi aliud agentes, de natura morbi expiscati sunt, longam symptomatum (quod etiam non inspecta vrina facere possent) telam texunt, aut in genere & ambigüe de multarum partium affectibus multa dicunt: interim tamen id vnicè agunt, ut videantur hæc omnia ex vrina perspicere. Atq; ita artem arte deludunt, & mundum, qui vult decipi, decipiunt, deceptumque & delusum apud animum proculdubio falsè derident. A quorum instituto ut Medicus verus est quàm alienissimus: ita nec vrinarum inspectionem & considerationem planè negliget, sed in memoriam sibi reuocabit illud, quod Hippocrates, 1. aphor. 12. habet: τὰς παροξυσμὰς καὶ τὰς καταστάσεις δηλώσουσι αἱ ὕραι &c. καὶ ἔργα καὶ ὑποχωρήματα, καὶ ἰδρώτες, καὶ ὀνείματα, καὶ δύσπνευτα, καὶ βραχέα, καὶ μακρὰ τὰ νοσήματα διαφανόμενα δηλοῦν. Et propterea operam dabit, ut, quod artis est, non temerè negligat, nec artis etiam limites transiliat. Quod cum nemo facere possit, nisi qui & vrinæ generationem, & differentias, & causas tot differentiarum in vrinis cognitæ & perspectas habet: meritò de his inquiri debet. Verum de generatione & materia vrinæ satis, lib. 1. cap. 9. dictum est, monstratumque, vrinam esse excrementum secundæ coctionis, constans materiâ potulentâ, seu aquosâ & serosâ, quod à sanguine vrili in hepate & venis secernitur, atque à renibus potissimum per venas emulgentes attrahitur;

Medici diuinatores.

hitur; & hinc per vterque ad vesicam transmittitur, tandemq; per meatum vrinarium e corpore expellitur, cui tamen alia etiam in statu praternaturali corporis excrementa & colliquamenta misceri & excerni solent. Itaq; hic mox ad ipsas differentiis accedimus.

CAPUT II.

De vrinarum differentiis, & primò de Vrina
Substantia eiusque affectionibus.

Substantia
vrina.

Vrina verò non in omnibus eiusdem generis apparent, sed maxima in iis conspicitur diversitas. Ut verò omnem earum numerum comprehendamus, sciendum, præcipue & propriè substantiæ ratione duo in vrina considerari, ut est in lib. de vrinis authoris innominati, *χρῆμα καὶ παρυσία* liquor, & quod liquori inhæret seu contentum, atque illud, quod cum sero in vrina inuenitur. In liquore rursus duo considerantur; *οὐσασίς* & *χρῶμα*, consistentia & color; quibus postea aliæ multæ differentiæ minus principales & accidentales adduntur, quæ maioris vel minoris momenti sunt, prout magis & minus longè à principalibus & primariis illis recedunt; videlicet quantitas, odor, & si quæ sunt similes. In contentis quædam accidentales differentiæ considerantur. Nam quæcunque liquori aliunde generationem suscipientia inhærent, ut sunt grumi sanguinis, ramenta, pili, squamæ, arenulæ & similia, non propriæ substantiæ ratione insunt vrinis; unde ex illis accidentales differentiæ sumuntur. Quas differentiis omnes ut complectamur, primò agemus de differentiis, quæ sumuntur à *οὐσασίς* seu consistentia vrina: & deinde tractabimus differentiis, quæ à colore, odore, quantitate, & si quæ sunt huiusmodi, desumuntur: vltimò de contentis agemus. Primò igitur, quod substantiam siue consistentiam vrinae attinet, vrinae aliæ sunt crassæ, aliæ tenues, aliæ moderatæ & mediocres; quæ differentiæ facilius monstrantur, quàm definiuntur. Vix enim quemquam, quid tenuis vel crassa vrina sit, definire animaduerto. Nam quæ de tenuitate & crassitie ex Aristotele, *f. 11. probl. 16.* & Galeno, *2. aph. 54.* assert Mercurialis, *de vrinis cap. 4.* planè præter & contra mentem authorum assert. Aristoteles enim & Galenus his in locis loquuntur de magnitudine corporum; definitque ibi Aristoteles τὸ λεπτόν seu tenue, quod ἐν διάσῃμα ἔχει, vnicam dimensionem habet; crassum verò, quod plures dimensiones obtinet. Similiter Galenus, quod in latum & profundum legitimam proportionem excessit, magnum corpus quandoque nominari, cum propriè crassum nominari debeat, docet: Quæ vrinis non competere quis non videt; Vrina enim crassa & tenuis non ratione magnitudinis & dimensionum dicitur; sed dari possunt duæ vrinae eiusdem secundum latitudinem & profunditatem atq; omnes dimensiones magnitudinis, quarum tamen alia sit tenuis, alia crassa. Alij illud ex Galeno, *l. 1. de cris. c. 12.* afferunt, vrinam tenuem esse, quæ nondum in liquorem versa est, hoc est, quæ substantiam, qualis vrina naturalis liquoris esse debet, nondum adeptæ est. Sed ut clariùs rem hanc explicemus, vrina Tenuis ea proculdubio est, quæ ferè ex aquosa & potulenta materia constat; serosi verò & illius, quod in hepate & venis secernitur, vel etiam alterius humoris, nihil aut parum admistum habet: Crassa verò contra, quæ multum serosæ falsæ humiditatis aut aliorum etiam humorum admistum continet. Mediocris aut mediocrem crassitiem habens vrina est, quæ tantum illius serosi excrementi aquosæ humiditatis permistum obtinet, quantum ferè in naturali corporis constitutione admisceri solet. Hæc enim ita sese habere, aliarum

Vrina consi-
stentia.

Vrina crassa
& tenuis.

rerum consideratio docere potest. Vinum, quod est aquosius, eò tenuius: quod potentius, eò crassius: quod medio modo sese habet, mediocrem etiam consistentiam obtinet. Ita lixiuium, quod minus salis continet, eò est tenuius: quod plus salis habet, eò est crassius. Deinde vrinae aliæ sunt claræ, aliæ turbidæ aut turbatæ. Quia verò plurimi hanc differentiam cum priori confundunt, hoc loco discutendum est: an eadem sit vrina turbida & crassa. Qui vrinam turbidam & crassam pro eadem habent, inter quos Fr. Vallesius, *lib. 3. contr. cap. 23.* præcipue authoritatibus Galeni & Hippocratis nituntur. Galenus enim, *1. de Crisibus cap. 12.* manifestè vrinam crassam & conturbatam pro eadem habet, & omnem, quæ mediocri crassior est, conturbatam statuit. Quod præcipue hæc eius verba testantur: *Quæ optimè cocta est vrina, mediocrem crassitiem habet. Quæ verò hæc ipsa est crassior aut tenuior, coctionem imperfectam significat. Siquidem altera nondum in humorem est conuersa, altera verò adhuc conturbata est.* Et alibi etiam nullius alterius crassitie meminit, quàm quæ est, ex conturbatione; & vbi Hippocrates vrinam crassam nominat, non conturbatam, Galenus de mediocri substantia interpretatur, *ut 4 aph. 76. & 77.* Et alia loca ex Hippocrat. epidem allegant, quibus crassa vrina pro conturbata sumitur. Verum contraria sententia verior est. Nam cum clarum sit, quod perspicuum est & externum lumen admittit: turbidum verò, quod visus penetrare non potest; experientia testatur, dari multos liquores tenues, qui non sunt clari, sed turbidi: contra verò etiam multos crassos, qui nihilominus sunt clari & perspicui; quod è variis vini & olei generibus manifestum euadit, in quibus dantur crassa & clara, & contra tenuia turbida. Agnouit hoc Auicennas, *l. 1. Fen. 2. doctr. 3. c. 1.* vbi docet, claritatē & turbulentiam in eo consistere, quod visus vrinā penetrare vel non penetrare potest; & differre hoc genus à tenuitate & crassitie: quoniam detur substantia crassa & clara, sicut est albumen oui, gluten piscium, vitrum liquatum, & oleum; & contra res tenuis turbida, sicut aqua turbida. Hoc cum negare non possit Vallesius, & experientia ipsa testetur, dari multas res crassas claras; & contra tenues turbidas: fatetur id, & concedit in aliis rebus; sed existimat deceptum fuisse Auicennam, aliarum rerum differentiis in substantiā & perspicuitate ad differentiis vrinarum transferentem. Verum in vrinā vnicum esse accidens dicit, crassum & turbidum; tenue & perspicuum; atque existimat, vrinam aliter crassescere non posse, nisi per crassorum admistionem seu potius confusionem. Crassum enim, ait, perfectè misceri, aut confundi. Si perfectè misceatur, elaborari concoctione, ac proinde esse naturale & mediocre: Si confundatur & crassam reddere, & conturbare. Vnde concludit, non aliam inueniri extremæ crassitie causam, quàm conturbationem. In qua Vallesij sententia adhuc est, quod desideres. Nam primò quod docet, in vrinis, ut in alijs rebus, non differre crassitiem & turbulentiam; tenuitatem & perspicuitatem: id falsum esse, experientia docet. Sapissimè enim offeruntur vrinae, quæ à mediocritate ad crassitiem non parum declinant, & crassæ sunt, ac nihilominus sunt claræ, & perspicuitatem ac claritatem, antequam turbentur, aliquandiu retinent, & turbulentiam postea demum acquirunt. Neque vnquam demonstrabit Vallesius, omnes vrinas, quæ extra demum turbantur, vel tenuis, vel mediocris consistentiæ fuisse. Secundò nec hoc concedi potest, omne crassum, quod perfectè (suo modo) miscetur & concoctione elaboratur, esse naturale & mediocre. Hoc quidem verum est, turbidas vrinæ fieri, quando crassam liquori solum confusum est;

An
sic
bid
sa

Mul
tur
qua
clar
trā
qua
ra

est; claras verò, cum eidem perfectius à natura permiscetur: sed non sequitur, mox eiusmodi vrinas naturales esse. In suo genere quidem sunt mediocres & perfectæ: sed si cum verè perfectis (quod hic faciendum) & sanorum vrinis conferantur, imperfectæ & reuera crassæ sunt. Neque naturæ insuetum est, etiam res præternaturales non solum confundere, sed quantum potest elaborare, & ad eam, quam recipere possunt, mediocritatem & perfectionem reducere; quod in puris & aliorum excrementorum concoctione quoque videmus. Si tandem de vrinis extremè crassis loquitur, & has non alia via, quam per conturbationem generari posse statuit: nondum id obtinuit, quod vult. Nam inter mediocres & naturales, ac extremè crassas, multæ adhuc sunt interiectæ aliæ magis, aliæ minus crassæ; reuera tamen tales, & quæ neque in tenuium, neque in mediocrium & naturalium, sed crassarum vrinarum classem referendæ sunt: quales cum sæpe claras mingi experientia testetur, frustra contra experientiam laborat & conatur defendere Valesius, non differre vrinam crassam à turbulenta. Quantum vero Galeni loca attinet, optandum foret (ut candidè dicamus, quod res est) Galenum, præcipuè *lib. de crisib. c. 12.* res diuersas distinctius proposuisse: non tamen ubique hoc discrimen eum neglexisse, patet ex *3. epid. com. 1. t. 5.* vbi vrinæ eius ægri crassas, quæ non subsidebant, ex conturbatis & turbidis fuisse dicit; atque ita agnoscit, non eandem speciem, sed diuersas esse vrinæ crassas & turbidas. Quod etiam fecit Hippocrates, *3. epid. comm. 3. t. 72.* vbi reddidisse scribit vrinam, crassam illam quidem; ceterum turbatam: hoc ipso innuens, crassam esse posse, quæ non sit turbata. Vrina autem clara vel mingitur clara & permanet clara, vel mingitur clara & postea turbatur. Vrina turbida vel talis redditur & talis permanet, quam vulgò subiugalem nominant, quod vrinæ iumentorum similis sit; vel turbida mingitur, & postea clara euadit. Altera vrinarum differentia, quæ colores concernit, varia est, & varia à diuersis autoribus recensetur. Autor Græcus *lib. de vrinis* sex colores recenset, 1. λευκὸν, album 2. ὀχρὸν pallidum; 3. πορρὸν, flammeum seu fuluum; 4. ξανθὸν flauum; 5. ἐρυθρὸν, rubrum; 6. μέλαν, χρώμα, nigrum colorem. Actuarius, *de vrinarum differentiis, c. 8.* nouem constituit vrinarum in colore differentias, dicitque vrinæ alias esse albas, alias spiceas, alias aureas, alias croceas, alias rubeas, alias vineas, alias passeas, alias fuscas, alias nigras; quibus postea in explicatione etiam alias addit, quod & alii authores faciunt. Sed sufficere possunt sex illæ priores differentię, quas etiam ferè retinet Galenus, *1. de crisib. cap. 12.* ad quas, si quæ sunt, aliæ reduci possunt. Primò itaque est λευκός, albus. Ad hunc Galenus, *cap. 12. lib. 1. de crisib.*, refert ἕρπον ὑδατῶδες, aquosam vrinam, & illam, quæ vini tenuis atque albi mistam ideam refert, similisque est aquæ puræ, in quam parum ochræ aut bilis inieceris. Actuarius verò diuidit hunc colorem in colorem intensæ seu summæ & remissæ albedinis. Ad summam refert crystallinas, & quæ aquæ puræ colorem referunt. Alii etiam niueam, quæ niuis candorem refert. Ad remissam vrinæ albedinem refert lacteas, glaucas & χαροπὰς. Glaucum colorem esse dicit, qui cornu pellucidum refert, aut similis pilis est subalbidis cameli. Sed dubitant nonnulli, an glaucus & cæsius seu χαροπός color vrinis attribui possit, cum proprius oculorum sit, ut ex Galeno, *3. Epid. com. 3. t. 70.* videre est. Secundò est ὀχρός seu pallidus color, quali in ochra, peculiari terræ genere, apparet. Galenus ad hunc etiam refert ὑπωχρόν, suppallidum, qui in aquâ ochra tincta conspicitur. Nā si ochræ parū aquæ puræ admisceatur, ita ut aquæ color quidem exactè non seruetur, sed remissæ albedinis fiat, potius tamē aquæ

quàm ochræ color superet: nondum is color ὑπωχρόν, id est suppallidus, sed adhuc albus appellatur. Quod si tantum ochræ aquæ puræ admistum sit, ut ab eius colore aquæ color superetur, ὑπωχρόν seu suppallidus, ut vertunt, nominatur, ὀχρός verò color in ipsa ochra est. Actuarius appellat has vrinæ spiceas & subspiceas, postquam enim vrina iam aliquam tincturam accipit, subspicea, & hinc spicea appellatur. Plurimi hunc colorem comparant colori, qui in paleis antiquis conspicitur. Hunc sequitur πυρρὸς, flammeus, igneus, seu fulvus, qui & ipse suos gradus habet. Comprehenditur enim sub eo ὑπόπυρρὸς, subigneus seu subfuluus, qui remissior est, quàm flammeus vel igneus color. Vterque in citro apparet, & in igne clarè lucente atque ardente, à quò etiam appellationem accepit. Actuarius has vrinæ aureas, & subaureas videtur appellare. Subaureas quidem eas, quæ non vsque adeò similes sunt auro puro: aureas verò, si colorem puri auri referunt. Proximus fuluo eique maximè cognatus est ξανθός, flauus: qui duo colores, docente Galeno, *lib. 1. de crisib. c. 12.* ita differunt, quod τὸ πυρρὸν est λευκότερον, id est, magis ad album accedit; τὸ ξανθὸν seu flauum σιλπρότερον, id est, nitidius & splendidius. Vnde sicut πυρρὸν in igne & clara flamma esse diximus: ita ξανθὸν colorem, quia σιλπρότερον est, astrorum colori, vel splendori cognatum esse statuere possumus. Quantò videl. fuluum seu flammeum flauo est albidius: tantò albidius est pallidum seu ὀχρὸν fuluo: & quantò flauum magis ab albedine recedit: tantò etiam magis ab albedo recedit rubicundum, quàm flauum. Habet & hic color suos gradus, & ad eum pertinet ὑπόξανθός, subflauus, qui flauo dilutior est. Apparent hi colores in fœminarum capillis & maturis frugibus. Actuarius hos colores subcroceos & croceos nominat; & subcroceum quidem colorem in carthami floribus, croceum vero in croci floribus apparere dicit. Sed, ipso monente Actuarius, hoc non accipiendum est de coloribus, qui apparent in ipsis carthami & croci floribus (subrubei enim, & hi rubei potius sunt) sed de coloribus, qui in aqua, cui flores carthami & croci triti admisti sunt, apparent. Quinto loco est color ἐρυθρός. Galenus, *comm. 2. prorrh. t. 25.* tres huius gradus constituit, ὑπερυθρὸν, ἐρυθρὸν & ξιρυθρὸν: atque ἐρυθρὸν seu rubrum in medio τῶ ἐξιρυθροῦ, id est impensè rubentis, & ὑπερυθροῦ, id est, subrubentis constituit. Subrubeum in bolo armeno & terra Lemnia esse docet: rubeum verò apparere in cerasis & malis. Alii quatuor faciunt rubei coloris differentias & primò ponunt colorem dilutè rubeum, qualis in capillis illorum, qui rufi appellantur, conspicitur. Qui tamen in gradus etiam quosdam distinguere potest, in rufum simpliciter & subrufum, qui à rubro magis versus flauum tendit. Secundum gradum constituunt roseum colorem, qui in rosis conspicitur. Tertius est purpureus. Quartus sanguineus. Hoc loco reprehendit Mercurialem Hercules Saxonia, *de vrinis cap. 2.* quòd rufum colorem ad rubeum referat; ea de causa, quòd, *lib. 1. de crisib. c. 12.* Galeno rufus color minus sit intensus flauo, & propterea ante flauum, nō post flauum inter rubeos poni debeat. Sed sciendum, alio modo alios autores, alio Galenum & Medicos τὸ πυρρὸν, quod plerique rufum vertunt, accipere. Galeno πυρρὸς color propriè minus flauo tinctus est, ut expressè ex loco allegato apparet. Et dubito, an rufus, ut ferè omnes interpretes verterunt, nominari debeat, ac non potius flammeus vel igneus, qualis in candela ardente aut lucida flamma apparet: Cum rufus vulgò apud maiores pro rubeo colore accipiatur. Si quis tamen πυρρὸν rufum vertere velit, sciat, non esse accipiendum rufum colorem de illo qui in capillis eorum apparet, qui rufi nominantur, sed de eo, què diximus. Si enim rufus color pro eo, qui vulgò ita nominatur accipitur,

Fulua vrinæ

Flaua vrinæ

Rubea vrinæ

Color
πυρρὸς
quis.

piatur, rectè is inter rubros à Mercuriali refertur, & proinde immeritò reprehenditur ab Hercule Saxonia. His subiungit Actuarius τὸ εἶδος οἰνωδὲς vineam vrinam, quæ vini, quod, quàm rubrum est, nigrius, hepatisq; colorem refert, colorem obtinet. Huic addit passam vrinam, quæ sit similis colore passo, id est musto, ut habet Actuarius, ad tertiam usque partem decocto, seu, ut Dioscor. lib. 5. cap. 7. explicat, quod ex vuis Sole siccatis in area aut in sarmento torrefactis exprimitur. Actuarius hunc colorem colori ceraforum ad nigredinem inclinantium comparat. Ultimo loco est color niger. Sub quo alii plures colores, viridem, liuidum, atrum & similes comprehendunt. Viridis in herbis innumera apparet differentia: duas hic præcipue constituunt. Prasinum, qui in foliis porri conspicitur, & æruginosum, qui ærugini similis est. Liuidus est qui plumbi colorem refert, unde nonnulli plumbeum nominant. Eundem colorem putat esse fuscum Mercurialis, & ad eum quoque refert violaceum. Verum liuidus & fuscus non parum differre videntur. Si enim in homine vel exanguis & malè valente, aut ictibus contuso color liuidus appareat, deformis est: fuscus verò nonnihil gratiæ habet. Non bene etiam ad liuidum violaceum, qui in violis purpureis conspicitur, referre videtur. Sicut nec commodè cæruleum, qui cælo sereno apparere videtur, ad atrum refert. Sunt enim ab atro & nigro hi colores diuersi. Quapropter rectius fecisse videntur, qui viridem, cæruleum, nigrum, & si qui sunt similes, ut distinctos colores, non ut coloris atris gradus proponunt. Actuarius verò post passum colorem habet fuscum, quem interpretes malè reddiderunt venetum aut cæruleum. Quem enim colorem intelligat, ipse explicat, dum dicit, eum ex puro albo atque nigro aqua ratione mistis gigni; ut si albißimam calcem atramento vel simili rei æquali portione miscueris. Post hunc ponit colorem viridem: deinde oleagineum, de quo postea seorsim: hinc liuidum, in quo scilicet nigrum ad album in mixture duplici rationem habet: & tandem nigrum enumerat. Verum, ut dixi, magna est colorum varietas: sed qui præcipuos nouerit, faciliè reliquos ad suas classes referre poterit. Inter has differentias vrinam quoque oleaginosa referri diximus: Verum non satis liquet, an oleaginosa vrina dicatur talis ratione coloris, an verò ratione substantiæ; quæ quæstio integrè hoc loco, causis non cognitis, explicari non potest. Sufficiat hoc interim ex Galeno, 3. epid. com. 1. 72. scire, vrinam oleaginosa pro pingui accipi à quibusdam: Verum probabilius esse vrinam oleaginosa illam tantum dici, quæ olei colorem & crassitiem refert. Unde apparet non solum coloris, sed & substantiæ ratione oleaginosa vrinam dici. Sed quæ de causa tales vrinæ fiant, postea dicetur. Atq; hæc ex substantia & colore sunt differentia: quæ inter se complicatae compositas faciunt differentias, prout varii colores cum diuerso substantiæ modo coniunguntur. Vrina, quæ moderatam habet substantiam, & ipsa in colore est moderata. Vrinæ verò crassæ & tenues cum variis coloribus coniungi possunt. Autor libri de vrinis septem combinationes affert: Tenuem & albam; tenuem & pallidam; tenuem & flammeam seu fulviam, crassam & albam; crassam & rubram; crassam & nigram. Nam quæ aliæ posse videntur esse complicationes, nimirum tenues & rubræ; tenues & nigra; crassæ & pallidæ; crassæ flammeæ; crassæ flauæ, has impossibiles esse idem author statuit; quod nimirum causæ harum vrinarum & colorum illorum contrariæ sint, & proinde simul consistere non possint, ut suo loco dicetur. Sed contrarium statuere videtur Hippocrates, qui vrinam nigram & tenuem obseruauit, 1. epid. com. 3. agr. 3. tenues subnigras, ibid. agrot. 7. Et 4. de vict. ratione in acutis text. 50. ait: Vrinæ cras-

siores pallidioresque meliores, tenuiores verò & nigriores, magis perniciosæ sunt. Verum autores hos conciliandi ansam præbet Galenus, qui, in com. in alleg. modo locum, ita scribit. Crassiores, dixit, tenuibus, non verò naturalibus comparans. Unde colligi potest, quædo apud Hippocratem & alios autores nominantur vrinæ crassæ pallidæ vel fulvæ, vel flauæ, non semper simpliciter tales intelligendas, neque cum moderatis conferendas esse, sed cum aliis tenuioribus; ut ita crassiores potius, quàm crassæ propriè dicantur. Ita quando tenues nigrae vel rubrae dicuntur, non cum moderatis, sed aliis crassioribus conferendas esse; unde tenuiores potius, quàm tenues dicendæ sunt. Et si enim, ut Galenus hac de re, 4. aphor. 76. scribit, propriè quidem superlativum & extremorum oppositiones ita dicantur: per abusionem tamen etiam symmetro interdum tribuuntur extremorum nomina, nobis id, quod symmetrum est, ad summè quidem crassum, tenue; ad summè verò tenue, crassum appellantibus. Itaque quæ Galenus, 1. epid. com. 3. agr. ult. de vrinis tenuibus & boni coloris scribit, dum ait: quatenus valet bonus vrinarum color cum tenuitate coniungi; eatenus interpretari debemus eum, cum dicit vrinam perpetuò boni coloris, sed tenuem fuisse: id etiam hinc applicandum: nimirum nigras & rubras cum tenuitate; pallidas, fulvas & flauas cum crassitie, coniungi quantum tenuitas & crassities cum his coloribus coniungi valet. Quantum autem coniungi possint, ex causarum explicatione patebit. Sunt deinde præter has, quæ circa vrinæ substantiam considerantur, aliæ etiam differentia, quæ ab aliis circumstantiis & qualitatibus petuntur. Ab odore primò quæ petitur differentia hæc est: quod vrinæ aliæ ferè nihil olent; aliæ parum olent, & eum odorem, qui vrinæ naturalis est, habent; aliæ valde foetent. Quæ tamen bene oleant, nullas dari statuit Valerius, de vrin. c. 2. quod de vrinarum odore, quem ex sua substantia obtinent, concedi potest. Verum experientia testatur, ex rebus quibusdam comestis vrinæ odoratas fieri, vulgatumque apud Medicos, ex terebinthinæ usu violatum ferè odorem acquirere. Huic subiungunt nonnulli differentiam à sono, quod quædam vrinæ, dum emittuntur, nullum sonum edunt eodè modo, ut olea; aliæ verò sonum reddunt, sicut vinum vel aqua, Quod ad quantitatem; vrinæ aliæ mediocri copia, aliæ parcius, aliæ copiosius redduntur. Quod ad modum; aliæ sine difficultate & dolore; aliæ guttatim, aliæ confertim emittuntur.

CAPVT III.

De contentis in Vrina.

PRÆter liquorem ad vrinam pertinere etiam περιεχόμενα, contenta, mox ab initio diximus. Est autem contentum omne illud, quod corpulentum vrinæ liquori admiscetur. Diuiduntur autem hæc contenta à nonnullis non incommode in essentialia & accidentalia. Essentialia contenta ea vocant, quæ ferè in omnibus vrinis sanorum, & pluribus etiam agrotorum apparent: Accidentalibus verò, quæ neque semper, neque frequenter in vrinis conspiciuntur. Essentialia ratione sitûs seu loci, in quo in vrina hærent, tria sunt: ὁβόσσις, sedimentum; ἐναώρημα, suspensio; & νεφέλη vel nubes. Altitudo enim corporis vrinæ totius in tres quasi partes diuidenda est, in fundum seu imam regionem matulæ, in supremam regionem vrinæ, & quæ inter hæc duo extrema medium locum occupat. ὁβόσσις igitur, sedimentum seu subsidentia est, quod in vrina versus fundum descendit, & in vrina subsidet. Ἐναώρημα suspensio

Oderum.

Contenta in vrinis duplicia.

Sedimentum vrinæ.

sio seu sublimamentum, quod in media parte vrinæ continetur, & in medio, ac ab utroque extremo æqualiter remotum quasi suspenditur. Tertio Νεφέλη seu nubes ac nubecula est, quod in vrinæ parte superiore nubeculæ instar eminet. Notandum tamen ab Hippocrate nubeculæ appellatione etiam interdum ἐναώρημα seu suspensionem includi, cuius rei exemplum est, 1. prog. t. 29. Nam eo loci ex voce θινέρεται, innuebitur; Galenus, in cōmento, colligit per nubeculam sublimamentum intelligi. Facit quoque Hippocrates, 3. epid. cōm. 1. t. 4. suspensionis nubilosæ mentionem: per quam quid Hippocrates intelligat, ita Galenus, in cōm. explicat: *Nubis nomen, inquit, solent Medici ab aëre ad urinam transferre, siue Hippocrates primus hoc nomen pro aliqua, quæ pendet in urina specie, siue alius his attribuerit. Ut ergo in aëre interim tempestas sit, ubi nubibus condensatus sit acris, caliginosa; interim purus apparet & serenius videnturque nubes per eum quadam deiecta, ac tum aër nubilosus dicitur; quo quidem tempore nubium cernimus colorem, non exquisitè atrum nec lucidum, sed inter hos medium: Haud aliter urinas mihi & suspensiones appellare Hippocrates nubilosas videtur, quæ neque colore sunt albo, neque nigro planè, cæterum horum medio.* Hæc hic Galenus, quid per θινέρεται ἐναώρημα intelligat, explicans. Quid si per ἐναώρημα θινέρεται suspensionem, quæ ad nubeculæ naturam ferè accedit, intellexisset? Neque enim, ut rectè Actuarius, cap. 13. de differ. urinar. monet, omnium horum contentorum simpliciter est eadem planè ratio: sed adhuc quædam in iis apparet differentia, quæ ad iudicium non parum facit. Sedimentum enim aliud occupat planè naturalem locum, ut neque totum tangat matulæ fundum, neque etiam ab eo recedat: aliud totum fundo hæret: aliud verò ab eo recedit, quasi locum proprium declinans, & ad enæorema deflectens. Ita etiam enæoremata alia exactè medium locum observant, alia superius paulò adscendunt, alia versus inferiora nonnihil descendunt. Sic quoque nubes alia parum à superficie abest: alia eam tangit: alia nonnihil versus ἐναώρημα τὸν descendit. In his tribus contentis aliæ deinde considerantur differentię. A substantia dicitur contentum vel crassum vel tenue, vel æquale vel inæquale. Æquale est, cum omnes partes contenti sunt eiusdem tenuitatis vel crassitiei: Inæquale est, cum pars alia est crassa, alia tenuis. Æqualia tamen contenta Galenus, lib. 1. de crisib. cap. 12. duabus conditionibus definit; quòd nulla parte diuulsa sint, & omni tempore talia. Planum & leue contentum appellant, quod partium continuitatem observat; sicut quod minimè continuum est, diuulsum appellatur. Ita enim Actuarius, cap. 14. de urin. differ. lævia contenta definit, quæ sunt continua sibi & coacta, tanquam vnum & continuum corpus cuius partes non videntur esse veluti rugis inter se coniunctæ & constrictæ, neque à se inuicem diuulsæ. Colorem quod attinet tot ferè colorum possunt in contentis differentię animaduerti, quot in liquore notantur; sed plerunque & magna ex parte trium colorum aliquis in iis conspicitur, atque sedimentum, suspensio & nubecula, vel albo, vel nigro colore, vel etiam rubro, vel certè his vicino tingitur. Ratione quantitatis cōtentum dicitur esse, vel paucum, vel multum, vel mediocre. Hæ differentię variè quoque complicari, & diuersi colores cum diuersis, à loco, substantia & quãtitate petitis differentiis coniungi possunt. Differentię item ex liquore & contentis inter se complicantur. Sed compositas differentias facilè inueniet is, qui simplices nouerit. Exempli gratia, potest dari sedimentum album æquale; potest dari album inæquale; datur rubrū æquale; rubrum inæquale; inuenitur vrina tenuis flaua cum sedimento albo inæquali. De horū contentorum materia & generatione multa

inter autores disceptantur: verum cum sine causis illa controuersia dirimi non possit, ad eum locum hanc tractationem reiicimus, & reliquas contentorum differentias subiungimus. Differentias itaque accidentales quod attinet, quæ præter naturam in vrina continentur; vel à naturalium contentorum natura degenerant, alia in fundo, alia in medio, alia in superficie hærent; alia matulæ lateribus adhærescunt, alia etiam cum vrina confunduntur. In primo genere sunt sedimenta illa, quorum Galenus cum Hippocrate, 2. progn. t. 28. tria genera constituit. Ita enim Hippocrates: κρινωδες & τεταλωδες, *sedimenta farinacea* (κρινωδὲν enim crassam farinæ partem, quæ exactiorem molæ confectionem fugit, appellant) *mala sunt: deteriores verò sunt τεταλωδες & σκαλωδες, quæ squamas referunt, vel foliacea seu laminea sedimenta* (πέταλον enim laminam, folium, & omnia, quæ longitudinem habent & latitudinem, non verò magnam profunditatem, nominant:) *Pessima verò sunt furfuracea sedimenta.* Author libri de urinis, cap. 26. & Actuarius, de urinar. differ. cap. 15. addunt & σκαλωδες & οροβειδεις orobea seu orobi similia sedimenta, quæ videlicet referunt grana orobi vel erui, quorum etiam facit mentionem Galenus, 4. aph. 76. Verum proculdubio Hippocrates sub farinaceo sedimento orobeum complexus est. Si enim in eo, quod Hippocrates farinaceum appellat, sedimento partes crassiores & rubicundiores semini erui, vel orobi appareant similes, orobeum illud sedimentum appellari potest. Præter hæc etiam in vrina interdum subsident grumi sanguinis, arenulæ, calculi, carunculæ, pus, vermes. In medio vrinæ innatant, & interdum quoque fundum aut superiora petunt corpuscula atomis, filamentis & pilis similia, refertque Galenus, 4. aph. 76. se vidisse quendam, qui pilos & corpora tam longa mingeat, quæ dimidium æquabant cubitum. Adhærent etiam nonnunquam matulæ lateribus arenulæ plurimæ, aut materia tartarum referens, eaque varii coloris. In superficie verò vrinæ præcipuè quatuor præter naturam apparent; bullæ, spuma, corona, pinguedo. Bullæ sunt exiguæ quasi vesiculæ in superficie vrinæ apparentes, similes illis, quæ in aqua feruente conspiciuntur. Sunt aliæ magnæ, aliæ paruæ, aliæ in vna, aliæ in pluribus superficie partibus consistunt. Spuma nihil aliud est, nisi plures bullæ coniunctæ & complicatæ. Obseruandum autem hic, non eas bullas, aut spumam intelligi, quæ, dum vrina emittitur, generatur, & mox iterum euanescit, sed illâ, quæ diutius permanet. Ex hac enim sola aliquid præfagire licet. Corona quid sit, non omnes eodem modo, nec satis perspicuè explicant. Hercules Saxonia, de urinis, cap. 11. Coronam nil aliud esse dicit, quàm circulum illum circumferentiæ vasi vrinario inhaerentem, bullis quibusdam seu vesiculis plenum. Verum errare in eo videtur, quòd bullas in definitione coronæ ponit: neque enim ad eam pertinent: rectiusque sentit Actuarius, de urinar. differ. c. 18. qui bullas interdum in corona apparere, non verò eam constituere docet, dum ita scribit: *bulle alia per omnem superficiem vrinae eunt alia per solam coronam, & vel per totam coronam, vel per aliquam eius partem; vel plures partes dispersæ, vel per coronam, & mediam vrinae superficiem, vel per solam medietatem superficiei; aut in ordinato ac alio modo & complicato tam per superficiem, quam per coronam innatant.* Actuarius, ibidem, ita definit coronam, quod sit linea adumbrata, quæ circumcurrit per ambitum superficiei vrinæ. Atque in genere definiri potest, circulus vrinam ambiens. Verum cap. 19. eiusdem lib. alterius coronæ, quæ proculdubio maioris est momenti, facit mentionem, quæ non sit solum circulus, aut adumbrata quædam linea, sed circumferentia huiusmodi corporis vrinæ: atque appareat maximè

Sedimenta
farinacea.Sedimenta
foliacea.Sedimenta
furfuracea.
Sedimenta
orobea.Pili in
vrinis.

Arenulæ.

Bulla in
vrina.Spuma in
vrina.Corona in
vrina.

cum extremæ partes, quæ liquoris superficies & circumferentia sunt, alio colore tinguntur, quam reliquus humor. Hanc coronam qui agnoscere cupit, cum iubet Ioan. Montanus decocta pullorum inspicere: in iis enim evidentissimè circa vas apparere coronam istam, quæ non faciat pinguedinem. Verum vix fieri potest, ut extremæ vrinæ partes alium colorem habeant, quam reliquus humor. Itaque in genere corona videtur nihil aliud esse, quam umbra vel lumen per vrinæ circumferentiam transiens, in ambitu vrinæ recepta. Quod verò corona non semper eiusdem modi apparet, accidit, quia vrinæ superficies lumen internum per vitrum recipiens non semper eodem modo sese habet, tum quia etiam circulus ille nunc in elatiore nunc humiliore atque capaciore vel angustiore vrinæ sede apparet. Ultimo loco est pinguedo, quæ in superficie vrinæ interdum superna at eaque nunc copiosa, nunc paucior, ita ut in superficie vrinæ puncta olei nunc pauca, nunc plurima, nunc tenuia, nunc crassiora, veluti in re pingui refrigerata, innatare videantur. Huc pertinent etiam proculdubio liquamenta quædam araneorum telis similia, illis scilicet continuis, atque velamini similibus, quales parietibus annectere solent. Sed hæc omnia qualia sint, ex causarum, ad quas iam accedimus, explanatione clariora euadent.

Pinguedo in
vrina.

C A P V T I V.

De causis Vrinarum Tenuium, Mediocrum & Crassarum, Clararum & Turbidarum.

Postquam iam omnes, quæ à consistentia, colore, & similibus, ipsisque contentis in vrina petuntur, differentiam exposuimus: proximum est, ut iam omnium differentiarum causas inuestigemus. Iis enim cognitis finem, quem propositum habemus, rectissimè assequemur, & quid ex qualibet vrina prædici possit, discemus. Ut autem eundem, quem in differentiis proponendis obseruauimus, ordinem retineamus: primò agemus de causis variæ vrinarum consistentiæ, deinde de causis colorum & singulis affectionibus qualitatum: tandem de causis varietatis contentorum. Primò itaque ratione *ous & reus* diximus, alias vrinas esse tenues, alias mediocres, alias crassas; quæ vrinæ differentiæ vnde ortum habeant, non omnes eodem modo explicant. Argenterius, de *urin*, cap. 5. arbitrat, vrinas semper suapte natura tenues esse; fieri autem crassas aliorum humorum permixtione. Aquosum enim humorem, sicut & aquam, per coctionem solam inspissari & crassescere non posse. Verum per eam consentanea suis principiis loquitur Argenterius. Nam si vrina omnis ex se est tenuis; & vrina, quod præcedente capite docet, est aquosus humor, seu aquosum excrementum; Aquosus autem humor coctione solâ crassior reddi non potest: omnis sanorû vrina erit tenuis. Quod cum falsum sit, patet hinc falsitas illius opinionis supra etiâ refutata, quâ statuitur, materiâ vrinæ nihil aliud esse, nisi aquosum excrementum. Et proinde necessariò supra statuimus, ex alio adhuc, præter aquosum excrementum, vrinam constare, quod ipsi naturalem illam & moderatam crassitiem largiri credimus. Hoc autem nihil aliud est, nisi serosum sanguinis excrementum. Facultate enim coctrice, & omnibus illis, quæ ad secretionem & excretionem serosi illius excrementi requiruntur, in corpore rectè constitutis, illud, quod serosi seu salis in sanguine superfluum est, ab hepate expellitur, à renibus attrahitur, & in vesicam transmissum per meatum vrinarium excernitur. Quod cum in corpore sano in mediocri sit quantitate, inde etiam vrina mediocrem crassitiem acquirit, & neque

An omnis
vrina suapte
natura sit te-
nuis.

Vrina medio-
cris consisten-
tiæ causa.

planè tenuis est, ut pura aqua, neque tam crassa, ut ea vrina, cui alii etiam vitiosi humores admiscuntur. Ab hac optima vrina defleunt tenuis nimis & crassa. Tenuis vrinæ, quæ serosi illius excrementi parum habent admistum (ex quo enim alio tenuitas æstimari possit, non video) ex variis causis oriū habent. Galenus, lib. 1. de *crisibus* cap. 12. tenuiorem, quam debebat esse, vrinam fieri quâdo nondū in humorē conuersa est, & coctionis imperfectionem significare, dicit. Itaque prima causa vrinarū tenuium statuitur coctionis debilitas. Si enim coctio non rectè sese habeat, sed debilis sit, aquea humiditas, ut vulgò loquuntur, non permittitur; seu potius in coctione languida materia non rectè elaboratur, partesque serosæ illæ, & alendo corpori inutiles, non secernuntur atque ita humori aqueo non permiscuntur. Spectatur autem debilitas coctionis hinc præcipuè in Hepate, & venoso genere, utpote in quibus sanguis elaboratur, & serosum excrementum ab utili secernitur. Ventriculi tamen quoque affectus frigidus, & debilem coctionem vrinam tenuem, efficere plurimi statuunt. Etenim si prima in ventriculo coctio non rectè sese habeat, impossibile est, ut secunda in hepate rectè perficiatur. Hinc etiam cibi potusque nimia copia vrinas tenues reddit; quia naturam grauat, ne coctionem rectè absolueret possit. Atque inprimis porus multitudo in causa est vrinarum tenuium & aquosarum. Propter copiam enim potulentæ & aquosæ materiæ non potest tam diu in hepate permanere, donec coctio & sanguificatio sit absoluta, & serosum excrementum secretum. Coctionis autem debilitas, quæ vrinæ tenuis causa est, præter errorem externum, & cibi ac potus nimiam copiam, de quo iam diximus, fit ab intemperie tum frigida, tum calida, seu ut Actuarius, lib. 1. de *causs. vrin.* cap. 12. loquitur, quia caliditas naturalis excedit ab eo, quod conuenit, aut quia superata est ab aliqua potente frigiditate, aut quia extranea aut corruptrix caliditas aliqua occasione præcedens occupat caliditatem naturalem, ita ut obscuretur & ab actione propria prohibeatur. Calor enim, ut ad coctionem aptus sit, moderatus esse debet. Itaque siue deficiat, siue excedat, ad coctionem legitimè perficiendam ineptus est. Deinde ex Auicenna, lib. 1. *fen. 2. doct. 3. cap. 3.* inter causas vrinæ tenuis referunt renum intemperiem frigidam, ob quam debiles reddit, serosum excrementum non attrahunt, nec à sanguine separant. Tertiò idem Auicenna alique authores plurimi inter causas vrinæ tenuis ponunt obstructionem & angustiam vasorum, per quæ vrina effluere debet: & ipse Galenus lib. 1. de *loc. aff. c. 1.* vrinæ tenuitatem ad obstructionem refert: ipsaque testatur experientia, in obstructionibus viarum, per quas vrina defluit, vrinam sæpe reddi tenuem & aquosam, quibus postea reſeratis crassa promanat. Verum vocant hoc nonnulli in dubium, atque ansam dubitandi ipsis præbuit id, quod Galenus, 4. *aph. 69.* scripsit, vrinas crassas paucas fieri, quod renes agrè permeent. Nam si vrinæ, quæ tam crassæ sunt, ut vix penetrare vias consuetas possint, & propterea pauciores reddantur; nihilominus crassæ & non tenues minguntur: non videtur obstructio obstare quo minus crassæ reddantur. Et si extra corpus hominum res alias consideramus, obseruamus res, quæ exactè mistæ sunt, colatione tenuiores fieri non posse. Nam si vinum crassum, vel lixiuium clarum & depuratum, sed crassum, decies vel sæpius coles, nihil tenuius efficies. Sed ut hoc dubium solvatur, sciendum; vrinas duobus modis tenues dici posse, primò cum illam, quam naturaliter ex coctione & permixtione humoris serosi habere debent, crassitiem non habent deinde cum crassos humores, à quibus crassiores reddi solent, admistos non habent. Posteriori autem solum modo, cum humores scilicet crassi permiscuntur, ex obstructione potest fieri vrina tenuior

Vri-
cau-

An
nues
obstru-
vason

Vrina
duplici
causa

nuior. Tales enim humores cum non sint exacte liquoris permisti, sed cum eo saltem confusi, facile in angustis viis hærere possunt: sicut videmus colaturâ lixiuium impurum, aut vinum, aut alium liquorem reddi clariorem, etsi non tenuiorem. Prior verò tenuitas, quæ ipsi ex propria substantia competit, colatura & obstructione viarum illi accidere non potest; sicut nec vino, nec lixiuium, aut ulli liquori naturali crassities colaturâ adimitur. Itaque si vrina aliàs sit mediocris substantiæ, permisceantur verò illi crassi humores, unde crassior reddatur: ob obstructionem viarum, posterior crassities illi adimi, prior verò non potest. Si contra sit cruditas in ventriculo, hepate & venis, vrina erit tenuis, siue adsit obstructio aliqua, siue non adsit. Addunt tandem his causis & hanc, materiæ in alium locum motum & conuersionem. Nam si materia, quæ vrinæ permisceri debeat, alium locum petat, vrinæ fiunt tenuiores: de quo Hippocrates, 4. aph. 72. *Quibus, inquit, pallida & albida sunt vrina, malum; maxime verò si in phreniticis appareant:* quod scilicet ut Galenus habet, in comm. & magnam cruditatem, & præterea totius bilis flauæ motum sursum in caput esse factum denunciant. Crassæ verò vrinæ, quæ ex altera parte à mediocritate deflectunt, in genere censentur ex materiæ alicuius crassæ permissione ortum habere. Materia autem illa diuersis de causis misceri potest. Primò enim crassæ fiunt vrinæ ob crudorum humorum in venis copiam, qui à reliquis iam secernuntur, & à natura, quæ iis grauatur, per hanc viam expelluntur. Deinde crassæ vrinæ redduntur, vbi ex lie-
ne, hepate, renibus & aliis partibus aperta obstructione, aut rupto abscessu materia crassa vrinæ permiscetur. Tertiò etiâ vrinæ crassæ redduntur ob illius humoris serosi & salis copiam. Vt enim lixiuium, quod plus salis è cineribus ipsi permiscetur, & quod sapius per cineres percolatur, crassius fit: ita etiam vrina crassa redditur, si multum illius salis humoris ipsi permiscetur. Sed quæ vrinarum crassarum sit diuersitas, & quotuplices causæ, ex iis, quæ iam de vrinis turbidis & clavis dicenda sunt, magis patebit. Vrina etenim crassæ, tam turbidæ, quam claræ esse possunt. Claras esse diximus, quæ perspicuæ sunt, & quas visus penetrat; turbidas verò, quæ sunt opacæ, & per quorum medium non videmus. De perspicuitatis verò & opacitatis causis in genere multa à Philosophis disputantur, quæ tamen pleraque non satisfaciunt, nec in quo animus acquiescat, monstrant, neque ad iudicium ex vrinis petendum multum faciunt. Itaque illis missis hoc, quod huius loci proprium est, & maiorem vtilitatem nobis ostendit, de vrinis inquiramus, cur vrinæ aliæ turbidæ sint, aliæ claræ; & cur aliæ claræ mingantur & post turbentur; aliæ claræ mingantur, & tales permaneant; & cur aliæ turbidæ reddantur, & tales permaneant; aliæ turbidæ reddantur, & post clarescant: de cuius rei causis non omnes Medici idem planè sentiunt. Alii in qua sententia est Capiuaccius, de vrinis c. 11. & alii plurimi, in flatu vrinæ permistos seu flatulentum spiritum vrinæ permistum causam reiciunt, quod vrinæ sint turbidæ. Fieri autem flatu è materia cruda & crassa, in quam calor natiuus agit, statuunt. Vnde de harum vrinarum differentiis ita sentiunt. In morborum initiis (intelliguntur vt plurimum febres) quando natura nondum aggreditur materiam morificam, non sunt vrinæ turbulentiæ, sed crudæ, aquæ instar: postea verò cum natura nondum quidem omni conatu agit in materiam, sed mox aggressura est concoctionem, aut sensim iam sese ad eam accingit, & quasi quoddam vestigium coctionis adest, suscitantur flatus, qui quia non sunt copiosi, vrina redditur clara: sed postea, dum flatus exitum querunt, ratione huius commotionis turbatur, & quod citius turbatur, eò flatus copiosiores sunt, & proinde calorem magis agere in materiam arguunt. Pro-

grediente morbo, dum calor magis agit, & maior fit inter materiam morificam & naturam pugna, materia morifica à calore natiuo magis agitur, producanturque copiosiores flatus, & vrina turbida redditur & excernitur. Quæ si non clarescat, fit hoc ob copiosos flatus, crassos & valde permistos, ob quos materia descendere & fundum petere nequeat: si autem clarescat, flatus sunt attenuati. Vnde rectè Galenum, 1. de crisibus, c. 12. dixisse existimant, peiorem esse illam vrinam, quæ clara reddatur & postea turbetur; cum saltem inchoatæ coctionis adsit vestigium: non ita malam esse, quæ turbida redditur, talisque permanet; quia natura tum sit aggressa coctionem: minus adhuc malam, quæ reddatur turbida, & postea clarescat. Atque hanc sententiam plerique alii sequuntur. Hieronymus Mercurialis, de vrinis cap. 6. aliam causam affert vrinarum turbatarum, videlicet admistionem corporum crassorum & obscurorum, quæ si viscida & lenta sint, & exactè commisceantur, vrinas semper turbidas reddi: si autem corpora illa neque perfectè misceantur, neque sint viscida, vrinas clarescere; quoniam illa corpora aut propria grauitate fundum petant, sicque substantiam vrinæ puriorem & lucidiorem relinquunt, aut beneficio caloris externi vel ignei separentur, atque in aliquam speciem contentorum abeant. Quæ autem clara est, & postea turbatur, eam statuit fieri vel à cruditate, quæ replet multis vaporibus crassis vrinam, qui postea in aquam densati, turbent illius perspicuitatem; vel à calore præternaturali, qui reddat substantiam vrinæ claram, quod postea abeunte etiam amittatur illa perspicuitas. Verum etsi de hisce opinionibus non pauca dubitari queant, & quis de priore (vt de Mercurialis, quæ in multis non minus dubia videtur, nihil dicamus) ambigere posset: an semper flatuosus spiritus ille in vrina contineatur: cur copiosus non citius erumpat, quam paucus: & an non potius ex defectu spirituum turbetur vrina, quam ab ipsis spiritibus, atque alia in hac opinione desiderari possent: tamen hanc sententiam, quæ proculdubio ex lib. 1. de crisibus cap. 12. vbi Galenus perturbari vrinas ob permissionem flatuosi spiritus, velut in vinis nouis fervescentibus, docet, petita est, planè reicere, & Hieronymum Cardanum imitari nolumus, qui, 4. aphor. 70. in comm. Galenum insectatur, atque existimat, eum nullius partis medicinæ, quam huius, magis expertem fuisse; sed sententiam, quæ nobis in re obscura veritati maxime consentanea videtur, præcipuè ex Ioan. Bapt. Montano, qui de hac re diligentissimè scripsit, proponemus. Primò autem hoc præmittendum vel repetendum: non malè à nonnullis, quod etiam fecit Laurentius Ioubertus, de vrin. cap. 9. Vrinas turbulentas diuidi in turbatas, quæ claræ minguntur, & postea vel per se, vel ab externo frigore turbantur, atque à calore externo splendorem pristinum recipiunt. Deinde in turbidas, quæ tales excernuntur, atque à calore externo splendorem non accipiunt, sed sponte subsidentibus partibus crassioribus, postea clarescunt; quas comparant non incommodè vino aliàs claro, sed ob permissionem fecum turbido reddito, quod tamen postea subsidentibus fecibus sponte clarescit. Tertiò in vrinas, quas vulgò confusas nominant, quæ turbidæ minguntur, & neque externo calore clariore euadunt, neque etiam sponte crassas partes deponunt & clarescunt, quæque similes sunt vino, quod in vappam degenerat, aut quod à tonitru mutatur. Vel secundum Herculem Saxoniam ita distinguere posse. Materia, quæ vrinæ admiscetur, eamque crassam & turbulentam reddit, vel miscetur vrinæ iam genitæ & elaboratæ, vel cum elaboratur. Si vrinæ iam elaboratæ permiscetur materia aliqua, siue ex renibus, siue ex vesica, siue ex capite, siue ex pulmonibus, siue aliunde: tunc

Mercurialis
sententia.

Conclusio.

Vrinarum
turbidarum
genera.

quidem vrina crassa mingitur & turbata; verum crassities illa & turbatio mox cessat, vbi vrina non nihil quiescit, postquam videlicet quod graue est, & non exacte permixtum vrinæ, in fundo subsidet, & sedimentum aut contentum præbet. Sin autem vrina reddatur crassa & turbida, quia in ipsa generatione vrinæ alii humores ipsi permiscuntur: variis modis hoc accidere potest, vt ex sequentibus iam patebit. Vbi coctio in corpore nostro sese recte habet, non solum ipsum alimentum optime, & vt corpori alendo sit quam conuenientissimum, elaboratur, sed & ipsa excrementa, quantum potest, natura elaborat, & optimas, quas quidem recipere possunt, qualitates eis inducit; quod in puris etiam & aliorum excrementorum coctione videre est. Hinc vrina optima non solum substantiâ mediocri, colore aurea, sed & ita exacte mista est, vt clara & perspicua euadat. Itaque cum vrina turbida est, calorem coquentem sese recte non habere, neque bonam coctionem fieri indicio est. Nam si coctio bona fieret, etiam excrementa naturali modo sese haberent. Vrinam tamen hic turbidam intelligo, cum materia crassa in ipsa coctione vrinæ permiscetur; non eam, cum iam elaboratâ aliqua materia aliunde effunditur. Sed quodnam in coctione vitium sit vltius perpendendum. Itaque primò si vrina clara mingatur, & postea turbetur, videndum est; an à sano, an ab ægroto talis vrina mingatur. Si à sano talis vrina excernatur, signum est, cum ab optimo sanitate statu deflectere, & in morbum, præcipue febrem, incidere posse. Est enim, vbi talis vrina in sano apparet, aliqua causa præternaturalis, & humor crudus in venis, qui coctione indiget; quem quidem natura iam aggressa est, & aliquo modo in eum agere, illumque ad formam & claritatem vrinæ naturalis redigere cœpit, nondum tamen perfecte concoxit. Vnde vrina mingitur clara, & aliquamdiu clara permanet, quamdiu scilicet aliquem calorem & partes calidas retinet. Coctio enim æquat omnia, ita vt quamuis aliquid vitiosi sero permixtum sit, perspicuitatem tamen non tollat. Verum vbi vrina ab aëre refrigerata fuerit, calidæ partes euanescent, & inde vrina turbatur. Vbi tamen obseruandum, in eo vix recte sentire Ioan. Bapt. Montanum, quod statuit, vrinam reddi claram & lucidam, ob spiritus, qui sunt lucidi & clari. Hoc enim ipsum adhuc dubium est, an spiritus propriè dicti sint in vrina, an non potius vapores quidam calidi: de quibus tamen etiam dubium est, an aliquam lucem obtineant, & vix hoc probari poterit. Ideoque magis probabile est, luciditatem illam ab æquali partium vrinæ mixture provenire: quam in turbatione vrina, partibus seorsum secedentibus, amittit, dum verò in calore externo calefit, eam iterum recuperat. Ex quo patet, calorem præcipue materiam ita elaborare & æquare. Vnde etiam causa, cur vrina, quæ clara mingebatur, & postea turbatur, hæc potius est, quod ea vrina nondum perfecte à calore elaborata est. Ideoque aliquandiu saltem clara manet. Postea verò quilibet humor ad pristinam naturam redit, atque ita vrina turbatur. Quæ eadem etiam ægris ferè applicari possunt. Nam si vrina ab ægro clara mingatur, & postea turbetur, significat aliquam coctionem, & cum aquosa substantia iam aliquid materiæ vitiosæ permixtum esse. Verum cum mixtio illa non sit adeò exacta, postea ob externum aërem aliquam occasionem nacta vitiosa illa materia à reliquo humore separatur, atque ita vrina turbatur. In ægris tamen vbi tales vrinæ apparent, distinctione aliqua opus esse putat Ioan. Bapt. Montanus, atque eas vrinas hoc modo distinguit. Si in principio morbi clara reddatur, & postea turbetur, non videtur causa claritatis calori naturali adscribi posse (cum calor naturalis non mox aggrediatur cru-

dam materiam) sed calori potius præternaturali & igneo materiam claram reddenti. Si post principium appareat talis vrina, aliorum etiam signorum consideratio adiungenda, & videndum, quomodo substantia, color, & quantitas vrinæ sese habeat. Si enim hæc recte sese habeant, indicio est, calorem naturalem iam incipere materiam elaborare, atque eam hoc modo disponere. Quod si reliquæ vrinæ conditiones malæ sint, significat, augeri materiam morbi & putredinem, caloremque inde ortum; qui quandiu durat in vrina tali, clara permanet, postea verò cum euanescit, redditur turbida. Hic tamen non immerito quis dubitare potest de eo, quod claritatem in vrinis ægrotorum interdum ascribit calori præternaturali; turbari vero, postquam calor ille euanescit. Falso enim illo fundamento nititur hæc opinio, à spiritibus igneis per se lucidis vrinæ claritatem conciliari. Deinde vix probabile est, calorem illum igneum vrinas præseruare, ne turbentur, & turbari illas vrinas, vbi calor ille euauerit; cum potius, ex sua natura, quam quod sint destitutæ calore illo præternaturali, turbentur. Itaque hæc sententia hoc modo commodè explicanda videtur. In morbis, in quibus vrinæ clara minguntur, & postea turbantur, respiciendum est non modò ad claritatem, sed & ad reliquas eiusdem conditiones, & inprimis ad consistentiam. Nam si vrinæ consistentia bene sese habeat, indicio est, claritatem illam proficisci à calore naturali, iam elaborante materiam, & crudos humores coquente. Verum quia postea turbatur talis vrina, significat, coctionem nondum ita perfectam, neque materiam ita elaboratam & æquatam esse, vt etiam extra corpus aliquandiu clara persistere possit. Si verò vrina sit tenuis & simul clara, tunc illa claritas non potest esse indicium coctionis, sed potius cruditatis. Vrinæ enim tenues & claræ sunt aqueæ quibus scilicet adhuc nihil humorum, coctione & secretionem nondum inchoatâ permixtum est; & si quem habent alium, quam aquæ, colorem tales vrinæ, illum à biliosis plerumque crudis humoribus permixtis obtinent, qui cum humori aqueo nondum exacte permixti sunt, postea ab eo secernuntur, atque ita vrina turbatur. Circa hæc & ista monet Capiuaccius, de vrin. c. 11. & vrinas in febribus distinguit in bonas & malas. Bonum esse dicit vrinam, quæ prius non turbatur, turbari, si hoc fiat non præcipue ab ambiente aëre, sed à causa interna, id est, ex aliqua iam inchoata coctione. Antea enim tales vrinæ non turbabantur; quia planè erant crudæ; nunc verò turbantur, quia iam coctio incepit. Quod si vrina, prius turbata non solita, turbetur ob ambientem aërem, non est bonum signum. Indican enim calorem fieri debilem, qui amplius ambienti aëri resistere non potest, sicut antea. Turbari autem vrinam à causa externa vel interna, ita distinguere, docet. Si à causa externa turbetur, hoc potissimè fit in aëre frigido: sin verò ob internam causam turbetur, fit hoc in aëre quoque calido. Sin verò vrina mingatur turbida & postea clarescat, id accidit ideo quoniam naturalis calor incepit aggredi materiam, eam concoquere & agitare, sed nondum tamen partes separauit. Vnde vrinæ redduntur turbidæ, claræ tamen postea fiunt, postquam calor naturalis in vrina iam etiam excreta materiam amplius coquit, & segregat, vt suam propriam formam & locum conuenientem acquirat. Posset tamen hic alia causa huius rei afferri, hæc videlicet; quod feruor & calor, qui vrinam confundebat, iam cesset quodammodo, vnde eo euanescente, sponte secernuntur partes heterogeneæ & subsident. Tertiò si vrina reddatur turbida, significat magnam humorum agitationem & confusionem fieri in venis à calore non recte coquente. Et quidem si appareat talis vrina in principio morbi, quo nulla adhuc coctio à calore naturali fieri solet

*Vrina turbida
causa.*

*Vrina clara
qua postea in
sano turba-
tur, causa.*

*An spiritus
vrinam red-
dunt claram.*

*Vrina clara,
qua postea
turbatur, in
ægro causa.*

*Vrina
medi-
con-
sist.*

*Vrina
tenue.*

*Vrina
de qua
sten cl-
causa.*

*Vrina
turbida
causa.*

solet, à calore præternaturali & igneo humores in venis agitante & conturbante fieri indicio est. Quod si vrina in principio non fuerit iurbida, sed clara; postea autem fiat turbulenta: morbum in deterius labi, & calorem præternaturalem materiam agitantem augeri, statuit Montanus. Quod si primò fuerit turbida, postea etiam turbulenta, seu magis & planè turbida reddatur, reliqua signa etiam considerata sunt. Nam si virtus sit fortis, indicat calorem naturalem in venis iam aggredi humores vitiosos eosque superare & materiam valde agitare: Verùm quia nondum coctio est absoluta, excrementa quoque suam naturalem formam nondum obtinent, & vrina adhuc manet turbida. Quod si ex signis aliis cognoscamus vires esse debiles, est indicium, augeri putredinem, & calorem, igneum ac præternaturalem inde ortum magis turbare, agitare, & confundere materiam. Inter hæc, quæ diximus, ex sententia præcipuè Ioan. Bapt. Montani, de causis vrinarum clararum & turbidarum, tum alia, tum hoc imprimis improbat Ioan. Argæterius, *de vrin. c. 15.* quod de causis vrinarum, quæ laræ minguntur, & postea foris conturbantur, & corrumpuntur, dictum est; statuitque vrinæ tantum externas corruptionis causas habere, non internas. Tandiu enim claras manere, quamdiu ab interna causa reguntur: illa autem deficiente, & absumpta ea, quam dedit aer ambiens, corrumpi. Idque ex eo probat, quod non solum vrinæ ægrotantium, sed & sanorum, si diu in aëre asseruentur, tandem corrumpuntur, sed citius in frigidior. Qua in re cum iis fere sentit, quorum opinionem affert & refutat Actuarius, *de vrinar. diff. cap. 10.* his potissimum rationibus. Si solum & præcipuè aer externus esset in causa, cur vrinæ turbarentur, duæ vrinæ eidem expositæ aëri eodem modo turbari deberent; quod tamen non accidit: sed duabus matulis eidem aëri expositis, vrina vnius turbatur, alterius minimè. Deinde quædam vrinæ citius congelantur à frigore, quam turbantur. Præterea eiusdem hominis vrina in eadem aëris constitutione hodie turbatur, cras non turbatur. Ideoque etsi concedamus, vrinæ omnes tandem, si diu satis in aëre asseruentur, turbari: tamen cum videamus, alias mox, alias tardius, alias tardissimè turbari in eodem aëre, causam non solum reicere possumus in externum aërem, sed in peculiarem etiam vrinæ constitutionem. Nam vrina sanorum quia optimè elaborata, naturalem illam constitutionem diutissimè conseruat: & quod melior est, eò diutius: Quæ verò clara mingitur, & postea turbatur, aliquo modo quidem elaborata est, sed non adeò perfectè; ideoque cum calor postea & spiritus euanescent, turbatur & corrumpitur.

CAPUT V.

De causis Colorum in Vrina.

Post ipsam liquoris consistentiam secundo loco colores eiusdem considerandos esse diximus. Ideoque iam etiam secundo loco earum causæ inuestigandæ sunt. Non autem generalem de causis colorum tractationem, quæ huius loci non est, instituimus: sed suffecerit, si de causis saltem colorum, qui in vrinis apparent, agamus. Hic verò mox in principio sese offert quæstio, quam etiam tractat Valesius, *l. 3. cont. cap. 30.* An color vrinæ possit mutari sine nouæ substantiæ accessione; seu, an sola alteratio sufficiat ad colorem in vrina progignendum vel mutandum, an verò necessarium sit, aliquid substantiæ admisceri. Fernelius, *de vrin. c. 13.* non solum alieni humoris permissionem, sed & viscerum corporisque calorem effectrices colorum causas statuit, & ci-

trinum vrinæ colorem temperato moderatoque calore ascribit; citra hunc quicumque subsistit color, eum imminuti caloris & cruditatis esse sobolem: qui autem supra medium sunt vsque ad rubrum, ab excedente calore prouenire. Cui sententiæ fauisse videtur Galenus, qui, *1. de crisib. c. 12.* docet colorem linidum tantum esse frigiditatis effectum, & nigrum etiam ex refrigeratione prouenire posse. Cui & ipsa experientia adstipulari videtur. Fames enim, exercitatio, æstus, febris & aliæ causæ corpus calefacientes vrinam tingunt, eoque magis, quo vehementiores sunt. Ita etiam quæ vrina diutius in corpore remanet, magis tincta est, & quæ mox à cibo mingitur, pallida est; quæ autem longius ab illo, rubicundior. Alii contra statuunt, ex humorum potius permissione vrinæ colorari, & colores naturam humorum, tanquam vmbra corpus, sequi, humorumque redundantium notas esse colores. Vnde Hippocrates, *6. epid. com. 5. r. 14.* linguæ colorem, cuiusmodi vrina sit, indicare ait, & vt Galenus explicat, & linguam & vrinam succorum affectiones detegere. Itaque si color linguæ, qui vrinæ nota duntaxat est & character, humorum affectiones detegit: quantum certius ex ipsa vrinæ humores licebit agnoscere, utpote, quæ ipsis humoribus permixta antea fuit, & postea ab ipsis secreta excernitur. Verùm non difficile est vel authores hos conciliare, vel saltem controuersiam hanc dirimere, si ea, quæ de materia vrinæ diximus, perpendantur. Nam cum vrinæ duplex sit materia, vna aquosum illud & potulentum excrementum; altera serum sanguinis, & si alii humores in ægris vrinæ admiscuntur: ab aqua color proficisci non potest, neque aqua ex nuda intemperie vlla colorem potest acquirere; sed color omnis ex sero, & aliorum humorum admixtione proficiscitur. Et proinde posterior opinio vera est, quæ ex admixtione humorum potius, quam ex nuda aliqua intemperie colores vrinæ mutari docet, si hoc de potulenta & aquosa materia intelligamus, & per humores admixtos ipsum etiam serum & alios humores in ægris potulentæ materiæ admixtos accipiamus. Verùm cum ipsum serum alteram quasi vrinæ partem esse dixerimus, & in ægris alios etiam humores, qui admiscuntur, ab vrina excludendos esse non censeamus; serum verò sanguinis, atque alii humores ex variis intemperiebus variè in coloribus immutari possint; prior etiam sententia planè reicienda non est; sed hoc sensu admittenda, quod intemperies colorem vrinis conciliant, quatenus hunc vel illum humorem generant, atque tale vel tale serum faciunt: & hoc sensu verum est, quod de inedia, æstu & aliis corpus calefacientibus dictum est. Generant enim tales colores talia in vrinis, quatenus concurrunt ad generationem humorum his coloribus tinctorum. Verùm in specie iam colorum causas consideremus. Et primò colorem aureum seu citrinum quod attinet, qui medius est, & vrinis sanorum competit, hunc omnes ferè adscribunt portioni aliqui bilis flauæ, quæ vrinæ liquori permiscetur. Hoc enim excrementum cum inter reliquos humores solum hunc colorem obtineat, & vel flauum, vel pallidum, vel rubrum sit; si huius modica portio vrinæ admisceatur, accidit vt vrina citrino vel aureo colore tingatur; qualis color apparet in sanis, & qui sunt temperati ac ætate florentes. In his enim cum nec bilis nimis calida sit, nec maiore copia generetur; sit, vt vrinæ, quæ à talibus minguntur, colorem aureum & citrinum obtineant. Quam sententiam etsi non improbamus: cum & illa ipsa bilis salis non parum participet, tamen hoc saltem veritatis studiosis perpendendum relinquimus; annon ab ipso sero & falso humore, qui altera vrinæ pars est, & genuinum sanguinis excrementum, hic color deduci possit. Nam vt diximus supra, dum omnia in corpore sese rectè habent, &

Color aureus
in vrinis
causa.

omnes

omnes coctiones rectè perficiuntur, non solum ipsi humores alendo corpori destinati suam naturalem constitutionem, atq; inter cetera etiam colorem habent, sed & ipsa excrementa suum naturalem colorem & reliquas conditiones obtinent, & vtilium humorum conditiones æmulantur. Non igitur video, quid peccaret ille, qui in naturali corporis constitutione colorem aureum vrinæ à seroso & falso excremento proficisci diceret, & in homine sano ac temperato aqueum illud excrementum cum falso ita misceri statueret, ut hinc aureus ille color resultaret, & plerumque vrinas ob seri admistionem & colorem colorari diceret. Sicut aliàs aquam à cinerum mediocri quantitate hoc colore tingi, dum lixiuium fit, videmus. Et quomodo à sale coralliorum aliisque salibus Spiritus vini & alii liquores colorentur, Chymicis notissimum est. In quam sententiam vel eo quis adduci potest, quod vrinæ sanorum (imò & igneæ sæpe vrinæ) linteamina & res alias non tingunt, & in ipso liquore detenta suum naturalem colorem obtinent; quod fieri vix posset, si flauedo illa à bile proficisceretur flaua: cum videamus, si bilis flaua vrinæ interdum, ut in ictero, permiscetur, linteamina & res alias flauo colore tingi. Alia verò postea ratio est coloris vrinarum in ictericis, & in febribus, ubi facile concedimus à bile admista colores illos prouehire. Chymici id sulphuri adscribunt, ut & febres à sulphure deducunt. Hinc videmus etiam lixiuium, quod fit aqua cineribus affusa, multò magis tingi, quam aqua, in qua sal purus resoluitur, quod fit ob partes adustas sali adhuc adhærentes. Quales si quis etiam seroso & falso vrinæ humoris adhærere statuere velit, cum eo non pugnaui. Coloratio enim sanorum vrina videtur, quam ut à puro & puro sale prouenire possit. Ab hoc optimæ vrinæ colore alii colores deflectunt, vel in defectu, vel in excessu. Inter eos, qui in defectu à citrino colore recedunt, primo loco & in extremis est albus, & ea, quæ ad eum pertinere diximus, differentiæ, quales præcipuè sunt aquea vrina, crystallina, lactea. Ioan. Bap. Montanus commodè omnes vrinarum albarum differentias ad duas referre videtur, dum docet, albedinem duabus de causis prouenire. Vel enim vrina fit alba, quoniam ipsi nihil admiscetur, quod tingat eam, unde permanet pura & alba, eodem modo ut aqua vel aliud corpus *διαφανές*; vel redditur alba vrina, quod eius perspicuæ humiditati aliquod corpus album admiscetur, qualis est albedo, cum aquæ cerussa, farina vel lac admiscetur. Prioris generis alba seu aquosa vrina variis de causis fieri potest. Primò omnes ferè eam à cruditate & caloris natui imbecillitate prouenire statuunt, qui cum nequeat alterare humores, & bilis ac humorum calidorum parum generet, relinquitur ille color, qui aquæ substantiæ est proprius. Qui à sero vrinas tingi existimant, itidem in cruditate aqueæ vrinæ causam referre possunt. Nam dum est cruditas in corpore, & coctio non rectè perficitur: ut ipsi humores alimentarii, ita & excrementarii, atq; inter hos serosi, non rectè elaborantur, vel certè à reliquis non separantur. Secunda causa est obstructio, quando videlicet viæ per quas materia vrinæ transfluere solet, obstruuntur, ut materia, quæ vrinam crassam, simulq; coloratam reddere solet, non possit penetrare, sed solum illa aquositas. Tertiã causam pleriq; statuunt, si bilis ad alium locum feratur, unde in phrenitide interdum vrinæ albæ & aquosæ redduntur. Quod tamen præcipuè, de iis vrinis intelligendum est, quæ antea bile tinctæ erant, quæ postea ad alium locum fluente, post tinctam vrinam subito aquea & alba redditur. Nam aliàs in acutis talibus morbis, & in principio inprimis eorum, tales vrinæ potius à cruditate proficiscuntur. Quartò talis aquosa vrina mingitur ob potius copiam, quæ tamdiu in cor-

pore retineri nequit, ut illi vel bilis vel serosum excrementum permisceatur, sed copia suâ naturam mox ad excretionem stimulat. Quinta causa esse potest caliditas renum ac hepatis, quæ potum copiosè ad se trahunt, sed non cōcoquunt, unde profluit ut aqua, quod in diabete accidere traditur. Addunt sexto loco lapidem in vesica vel renibus, etsi non obstruat; & allegant locum ex Hipp. lib. de aëre, aquis & locis, ubi ita scribit, *Pueri calculo* (vesicæ intellige) *laborantes, limpidissimam vrinam reddunt*. Cuius rei causam Hier. Cardan. 4. aph. 72. hanc reddit: quod ob irritationem vrina non contineri, non contenta non coqui possit, & proinde cruda maneat. Verum in calculosis sæpe satis diu retinetur vrina, & nihilominus alba mingitur, neq; etiam in vesica vrina suam elaborationem habet, sed potius in venis & renibus. Itaq; potius hic assentimur ipsi Hippocrati, allegato loco hanc huius rei causam reddenti, quod scilicet crassissimum in vesica subsistat, concresecat, & in tophum dure scat; quod verò tenuissimum & purissimum est, transeat. Quam causam valde probabilem esse, ex iis, quæ suo loco de generatione calculorum diximus, patet. Nimirum serosum illud falsum, & ut Hippocrates nominat, *δαλδέςατον*, turbidissimum, & tartareum, ut recentiores appellant, concresecit & in lapidem coagulatur; reliquum aquosum & quod coagulari & concresecere non potest, effluit, unde vrinæ fiunt aqueæ. Aliam adhuc, sed quæ ad vltimam hanc forsan non incommode reduci potest, causam affert Hipp. eod. lib. alui scilicet adstrictionem & ardorem, qui vesicæ communicatur; ex quo fit, ut huius ardore partes biliosæ condensatæ in vesica retineantur, subtiliores autem solummodo emittantur, ex quo vrina splendidissima fit. Alterius generis vrinæ albæ fiunt tales ob substantiæ alicuius albæ admistionem, siue illa sit pituita, siue pus, siue semen, quales vrinas lacteas ferè appellamus. Sed tales vrinæ cum plerumque sint turbidæ, & postea residueant; ubi quiescerunt quis sit naturalis liquoris color, & quæ materia fuerit, quæ albedinem inducebat, facile apparet. Reliqui colores iam ab albo recedunt, atque illi citra medium illum colorem, alii ultra consistunt. Quò autem plus ab albo recedunt, eò plus humoris tingentis, aut, ut Argenterio placet, humoris magis tincti admistum habet, qui præcipuè ad rubedinem vsque bilis est. Notandum tamen hic, bilis nomine & serosam coloratam humiditatem, de qua antea dictum, comprehendi posse; quam & ipse Galenus ad tingendam vrinam admisit, cum, 1. de cris. cap. 12. ita scribit: *optima autem omnium vrina subrufa, (aut potius subfulua aut subflammea) ac subflaua est, velut si extra etiam tale quid facere velles, sanguinis serum ac bilem rufam aqua permisceas*. Vbi flauum colorem expresse etiam à sero sanguinis proficisci posse statuit. Deinde nec hoc prætereundum, bilis aliquot esse differentias, aliam esse pallidam, aliam flauam, aliam rubram; & præter has vitellinam, porraceam, æruginosam, & isatidi similem. Hæc enim nomina à quibusdam Medicis reperta sunt, & à coloribus, quibus quoque bilis infecta est, indita, teste Galeno, lib. 6. epid. com. 5. t. 14. Non omnes autem hæc bilis species eodem modo vrinas tingere possunt, sed plus in tingendo potest rufa, quam flaua; flaua rursus plus, quam pallida. Hinc itaque *ὀπαρος* seu subpallidus, qui primum vrinæ tinctæ gradum constituit, color fit, quando bilis pallida, in sufficiente quantitate, vel flauæ parum omnino vrinæ admistum est, ita ut vrina paleæ hodei similis, appareat. Si verò iam multum pallidæ bilis, aut flaua in mediocri quantitate vrinæ admisceatur, inde color *ὀχρῶς* seu pallidus oritur. Reliqui postea colores per gradus oriuntur, prout bilis, sicut est apud Actuarius. 1. de caus. urin. cap. 8. aut qualitate aut quantitate intenditur. Cui Argenterius etiam, de urin. cap. 9. assentitur

Albarum
vrinarum
caussa.

Alba vrina
duplex.

Vrina aquosa
caussa.

Cur
lofir
aque
dant.

Vrina
lactea
caussa.

Vrina
pallida
sa.

Pallida
na ca.

Flaua
caussa.

titur, qui non incommodè statuit; vrinæ capere colorem vel à simili humore; vel ab eo, qui intensiorem habet colorem, in minore quantitate admisto. Hinc facile colligere est, pallidam bilem, cum sit colore remissiore, nunquam vel fulvum, vel flauum, vel rubrum colorem vrinæ inducere posse; sicut & ochra quacunque etiam quantitate admisceatur, nunquam aquam colore croceo, aut rufo tinget. Contra manifestum est, intensioris gradus colorem aqua dilutum remissiore colorem inducere posse. Atq; ita bilem flauam in parua copia aquosæ humiditati admistam facere vrinam pallidam; rufam minore quantitate admistam facere flauam. Interdum tamen etiam præter has causas internas, causæ externæ vrinam tingentes accidere possunt, quæ perpendendæ ac inquirendæ sunt, ne quis decipiatur, & à causâ interna vrinæ colorari existimet. Ita rhabarbarum, crocus, folia senæ, & similia alia, ipsa experientia teste, vrinæ tingunt. Rubeus verò color cum suis gradibus & à bile, & à sanguine ortum habere potest. Si vrinæ tingatur à sanguine, non splendet, & propriè cruenta dicitur, habetque colorem, qualem aqua fere, in qua recens matatorum animalium carnes abluuntur, & mingitur, cum vase aliquo læso sanguis vrinæ admiscetur. Quod fieri potest tum ex vehementi corporis agitatione & motu, quo vena aliqua aperitur vel rumpitur, tum ex renibus caculi attritu læsis & vulneratis, tum ex vteribus à calculo transeunte læsis, aut exulceratis, vel osculis vasorum laxioribus redditis, & hiantibus, ut per ea sanguis excidere possit. Idè interdum ab hepatis & renum debilitate contingit, ob quam sanguinem continere & sibi assimilare nequeunt, & tum serosus sanguis cum vrinâ redditur. Ut enim, sicut Galenus, 1. *proorhetic. com.* 1. t. 31. docet, ventris valdè rubra proluuiis affecto hepate fieri potest: ita etiam prærubra vrinæ ex renibus suo perperam fungentibus munere fieri potest. Contingit etiam aliquando abundantem in vniuerso corpore sanguinem cum vrinâ, statis temporum intervallis excerni, sine molestia, imò ut inde bene habeant. Sanguis autem, qui admiscetur vrinæ, vel tenuis est, vel crassus. Si tenuis est, fit vrinæ rubra & subrubra: si verò crassus, fit, & multus admisceatur, fit vrinæ valde rubra; si autem minore quantitate admisceatur, fit vrinæ vel rubra simpliciter, vel subrubra. Quæ autem à bilis copia & bile coloratiore & rubicundiore ortum habet vrinæ rubra, à cruenta vrinâ non difficile discernitur, præcipuè si splendeat & flammea quasi appareat. Tales autem vrinæ ortum habent à bile flava magis adusta & rubicundiore reddita. Sæpe etiâ vrinæ ob bilis permistionem rubra & crassa redditur, instar vini ex rubro nigricantis, ob copiosam bilis rubræ admistionem; talesque apparent in hepatis inflammationibus & vesiculæ fellis magna obstructione, & inde orto ictero: & tali vrinæ si linteum immergatur, flauo & croceo colore tingitur. Hæc, quæ ex Actuário & plerorumque Medicorum sententia de vrinæ rubræ causis diximus, reprehendit Leo Roganus, lib. 2. de vrinis, cap. 4. atque negat vrinam rubram ex bile fieri, existimatque hoc aduersari Galeno, qui, 6. *epid. com.* 5. t. 14. scribit, non cogitari posse, ab alio abundante humore vlla in parte rubrum colorem fieri, quàm à sanguine; statuitque, flauum, dum à nimio calore aduritur, priusquam ad nigredinem conuertitur, medios colores plures suscipere, qui omnes virides videntur, aut certè porracei, æruginosi vel cærulei. Verùm quod ad Galeni locum attinet, facile concedimus, nullam corporis partem ab alio humore, quàm sanguine, rubro colore tingi posse; cum vix alius humor rubicundus in parte tanta copia abundare possit, ut ipsi colorè rubrū conciliet; sed nihil prohibet, bilem rubram copiosius in venis generari posse, vrinæque misceri, ut illi hunc colorè tri-

buat. Flauum autem colorem etiam in rubrum degenerare posse, & proinde bilem rubram ex flava fieri experientia testatur, & falsum esse, flauum solum per viridem in nigrum degenerare, res multæ docent: ut si crocum vel mel quis torreat, animaduertet, non mox nigrescere aut virefcere, sed prius rubescere. Ad hanc differentiam etiam *ἔργον οὐκ ἔστιν*, id est, vrinam vineam & passæam referri ab Actuário in differentiis diximus. Vrinæ vinea ex admistione bilis cæruleæ, vel isatidis colorem referentis, in quam humores nimio calore assati & conuersi sint, generatur. Passæam ex admistione flauæ bilis valde assatæ, atq; in colorem veluti violaceum mutatæ, adeò, ut in atram ferè bilem degenerare videatur, generari, docet Actuarius, lib. 1. de causis vrinar. cap. 11. Sæpe tamen ex bile rubra copiosa & crassiore vineas quasi vrinæ reddi videmus in ictericis; in quibus vrinâ turbatâ nihil cæruleum vel similis coloris, sed flauum ac rubicundum quid subsidet. Vltimam in coloribus differentiam diximus esse vrinarum nigrarum, ad quas nonnulli virides & liuidas, & si quæ his cognatæ sunt, referunt: sed rectius inter rubras & nigras hæc quasi intermediæ & peculiare differentia ponuntur; quod & Galenus facit, qui, lib. 1. de crisib. cap. 12. ita scribit: *color viridis fit in transitu ad nigrum, & veluti quoddam principium nigri est. Nam si morbus malignus fuerit, & vomitibus, & alui excrementis, & vrinis viridibus postmodum nigra superueniunt.* Viridem seu virentem colorem Actuarius, lib. 1. de causis vrin. c. 11. docet fieri ab excessu prauissimæ bilis, æruginosæ scilicet vel porraceæ. Cum enim ex calore adurente, vel etiam peculiaribus alimentis, quæ facile in hunc humorem degenerant, bilis illa æruginosa vel præsina generatur, colore suo vrinam inficit. Capiuacius hac de re aliter sentit, dum, de vrin. c. 18. ita scribit, viridem colorem non solum esse principium nigri, 1. de crisib. cap. 12. sed etiam liuidi; & proinde dum est principium nigri, fieri à calore exurente; dum est principium liuidi, fieri à frigore. Dum enim, ait, causa exsiccans & calefaciens adest, color viridis degenerat in nigrum absque medio liuido: si occurrat causa refrigerans & imbecillitas caloris, tum color viridis degenerat in nigrum colorè per medium liuidum. Verùm vtra opinio verior sit, ex his, quæ iam de vrinis liuidis & nigris (quas solum gradibus differre, & causas etiam habere secundum magis & minus discrepantes statuimus) dicentur, patebit. De liuido colore in vrinis authores non eodem modo docent, & controuersum est, ex quibus causis internis nigræ & liuidæ vrinæ reddi possint. Nam de externis nihil dubij est, ex rebus quibusdam assumptis, vrinæ nigro colore infici posse. Ita testatur Mercurialis, de vrin. c. 6. se obseruasse clysteres factos ex sapa sola vrinæ atras reddidisse; Et Auicenna ac Rhases referunt, si quis ligustri albi fructu corpus oblinat, vrinæ nigras reddi. De causis verò internis ita docet Galen. lib. 1. de crisib. c. 12. *Ipsarum vrinarum color niger ad duas causas refertur, calorem scil. immoderatum, aut mortificationem ex refrigeratione vehementi.* Ex paulò post; *olor autem liuidus est tantum frigiditatis effectus.* Ex quo loco nonnulli euincere volunt, ex solo calore vel frigore citra alicuius materiæ admistionem generari posse vrinæ nigras; & liuidas ex solo frigore. Verùm supra in genere diximus, quid intemperies ad vrinæ colorem conferat, nimirum varium serū generare, & ad variorum humorum generationem conferre, qui vrinæ postea admisti eā tingunt. Ideòq; Aëtius hoc rectè explicat, *tetrabib. 1. ser. 1. c. 44.* vbi docet, non ex frigiditate vel caliditate simpliciter vrinæ fieri nigræ, sed quod ex caliditate vel frigiditate generatur materia nigra, quæ vrinæ admiscetur, atq; tres vrinæ nigræ causas adducit: primò humorem melancholicum, qui expurgatur; secundò ipsam

*Vrinæ vineæ
& passæ
causæ.*

*Viridis vrinæ
causæ.*

*Vrinæ liuidæ
& nigræ
causæ.*

Quomodo ex
frigidityte
fiat vrinæ ni-
gra.

atram bilem, tum quæ ab assatione; tum quæ à frigiditate facta est. Primo enim interdum vrinæ nigræ minguntur ab iis, qui habent debilem splenem, aut dum alias Natura humorem melancholicum euacuat, ob cuius admissionem vrinæ nigræ redduntur, quæ periculosa non sunt, sed etiam nonnunquam cum commodo emittuntur. Deinde fit vrinæ nigra, si bilis ita exuratur, ut in atram bilem abeat, & tanta eius copia generetur, ut etiam vrinam tingere possit. De tertio modo res intricatior est, & quomodo ex frigidityte aliquis humor niger vrinæ admisceri, possit, non ita planum est. Aëtius, *loc. alleg.* dicit, esse bilem atram, quæ ex frigidityte fiat: quem sequitur Capiuaccius, qui quoque statuit, calorem ita remissum esse posse, ut generet atram bilem, pessimum illum succum. Verum cum bilis atra sit humor calidus & siccus, impossibile videtur, ut ab insigni frigidityte generari possit. Vnde Argentarius, *de vrin. c. 12.* & Mercurialis, *de vrin. cap. 6.* solum duas causas admittunt vrinæ nigræ, humorem melancholicum, & bilem atram exustam, & contra eos, qui ex frigidityte insigni vrinam nigram fieri statuunt, disputant. Aiunt enim, etsi partes externæ à causis actu frigidis liuorem & nigritiem contrahere possint; tamen in partibus internis id fieri impossibile est, cum internæ partes, quamdiu vivit animal, caleant. Nam ungues & extremitas nasi cum nigrescunt, quod interdum in principio paroxysmorum in febribus accidit, si tangantur frigida apparent: at vrinæ etiam nigræ, dum minguntur, calida vel certe tepida sunt. Verum commodissime hanc tertiam vrinarum nigrarum causam explicant Ioan. Bapt. Montanus & Herc. Sax. *de vrin. c. 12.* ubi statuunt, non aliquam atram bilem ex summa frigidityte nasci, aut frigiditytem vrinam simpliciter tingere posse, sed extincto calore nativo & spiritibus sanguinem non minus in venis, quam in partibus externis nigrescere, & postea permixtum vrinæ eas liuidas vel nigras reddere. Non enim impossibile videtur, sanguinem eodem modo, ut in gangræna in partibus externis, ita etiam in venis in morbis pessimis & lethalibus corrumpi, & extincto calore nativo putrescere posse, qui vrinis communicatus eas nigras reddit; quæ propterea periculosissimorum morborum sunt indicium.

CAPUT VI.

De Causis Vrinæ Oleaginosæ.

Vrinæ Olea-
ginosæ causæ.

SVpra inter vrinæ differentias etiam numeravimus vrinam oleaginosam appellatas, diximusque dubitari, an dicantur tales ratione substantiæ vel coloris: controuersiam tamen illam sine causis explicari non posse: & propterea eam ad hoc caput reiecit, in quo etiam nunc merito inquirimus, quænam sint vrinæ oleaginosæ & quæ earum causæ author libri de vrinis, *cap. 5.* Oleaginearum vrinarum tres differentias recenset, cum scribit, *ἐλαϊώδη ἔρα τὰ μὲν ὄντι ἐλαϊώχρα, τὰ δὲ ἐλαϊοφανή, τὰ δὲ ἐλαϊώδη*, Oleagarum vrinarum quædam olei colorem referunt, quædam olei splendorem habent, quædam nomine generis oleosæ appellantur. Primas dicit initium colliquationis esse; secundas paulò accuratorem adeptas esse missionem olei. Oleagineas autem vrinam totas simul & in colore, & in consistentia merum quasi oleum esse, & summum vigorem colliquationis indicare. Tales tamen vrinam etiam ex renum adipe tabescente prodire. Actuarius & Aëtius idem ferè sentiunt, & proculdubio ex authore hoc Græco innominato suam sententiam hauserunt. Actuarius, *de vrinar. diff. cap. 8.* vrinarum oleacearum ita communiter appellatarum alias apparentiam habere olei, alias esse coloris olei, alias oleaceas & generi cognomines dicit; additque de colore primæ speciei harum trium am-

bigi, an aqueus, an oleaceus sit, ob tenuitatem coloris tingentis humorem. In secunda verò specie colorem olei esse euidentem vrinæ colorem intendentem, oleaceam verò vrinam colore oleo esse similem. Aëtius, *teirab. 2. serm. 1. c. 31.* docet, Febres pinguedinem primò eliquare, postea carnem, postremò & ipsa solida corpora, & pinguedine aut renum, aut totius corporis liquefacta, oleosas vrinam excerni: in principio autem colliquationis ita oleosas fieri vrinam, ut ambiguum sit, an aquosæ sint, an oleaginosæ. In augmento verò oleosas fieri, ita ut notabiliorem oleosi mixturam habeant; in vigore autem colliquationis totas vrinam per totum tum in colore, tum in substantia velut oleum esse. Galenus verò, *3. epid. com. 3. t. 27.* refert, alios oleosam vrinam intelligere illam, quæ liquecente pinguedine per morbum feruidum & adurentem fit: alios verò eam intelligere, quæ colore & crassamento oleo sit similiis, testaturque, sapius se vidisse vrinam talem nullo detrimento agri redditam, imò verò interdum planè contrario cum morbi cōcoctione. Haud tamen ita visam esse prorsus, ut oleum, pinguem. Et paulò post addit: *Nos pinguedines fluitantes vidimus supernare, verum nunquam excretam talem vrinam, neque in medio pingui pendere, multò minus subsidere.* Nam ita comparatum est omne pingue, ut reliquis humoribus inuehatur. Neque alterius pinguis vrinæ facit Hippocrates mentionem. Nam *2. prognost. t. 35.* scribit *Si pingue desuper natans aranearum speciem referat, damnum est; indicat enim consumptionem.* Et, *7. aph. 33.* quibus, inquit, *in vrinâ adipalis superficies est & conferta, iis nephriticum & acutum morbum adesse significat.* Atque ita hoc loco Galenus non definit vrinam oleosam, quæ oleum admixtum habeat, sed quæ oleo colore & crassitie similis sit. Ut autem oleum non est vniùs exquisitè coloris, neque crassitudinis: ita nec oleosam vrinam, pallidam quidem omnino existentem, sed aut plus aut minus, statuit. Et quidè quicquid ipsius ad candidiorem tendit colorem, ex soluto colore pallido, humorum denotare cruditatem; quod verò vehemèter pallidum est, ut ad flauum accedat, biliosum humorem denotare docet. Et reuera in eo, quod statuit Galenus, vrinam oleosam ex admissione olei nō dari posse, rectius sentit, quam ii, qui existimant, oleosum quid ipsi substantiæ vrinæ permisceri posse. Ea enim pinguedinis & olei est natura, ut cum aqua permisceri non possint, sed etiam si agitata non nihil confundantur: tamen mox, ubi aqua vel quicunque liquor aqueus quiescit, pingue omne ad superficiem fertur atque innatat. Atque ita ex Galeni sententia vrinæ oleaginosæ ad duas classes referuntur, quarum aliæ tantum in superficie pinguedinem innatantem habent; aliæ etiam si non sint pingues, oleum tamen substantia & colore referunt. Priorem differentiam ex eo, quod continetur, seu ex contentis, non ex substantia, esse existimat Valesius, *lib. 3. contr. cap. 37.* Hercules verò Saxonia, *lib. de vrinis cap. 3.* non solum hanc differentiam in contentis, sed & in colore esse existimat. Nam statuit, pinguedinem colliquatam, siue pauca sit, siue mediocris, siue multa, vrinæ supernatantem illi aliquem colorem tribuere, non solum in superficie, verum etiam in tota substantia. Colorem enim viridè representatum in superficie vrinæ, dum ex refractione luminis ad aliud corpus impingit, esse causam, ut idè color representetur in tota vrinâ, non aliter, ac si vas vrinarum herbis virentibus admoueretur. Verum hæc opinio Herc. Saxoniæ valde dubia videtur. Hoc quidem verum est, multos liquores accipere colores apparentes à rebus vicinis, ut herbis virentibus pannis rubris & similibus sed necessarium est, ut color ille, à quo apparens ille color proficiscitur, sit satis intensus. Sed videmus plerumque pinguedinem illam innatantem non adèò multam esse, neque tantam

tam habere viriditatem, vt toti vrinae liquori illam communicare possit. Ideoque probabilior videtur Vallesij sententia, qui statuit, illas vrinas, quae colliquatam pinguedinem in superficie habent, ad differentias in contentis referendas esse. Alterum verò genus harum vrinarum, quae colore & substantia tantum oleum referunt, vnde oriatur, non ita planum est. Fernelius, *de urin. c. 14.* has vrinas fieri docet, cum vel phthisi, vel hectica febre, vel hydrope corpus liquefit. Quem impugnat Herc. Saxonia. Nam si intelligatur colliquatio pinguedinis, militat contra Fernelium ratio Galeni, quod scilicet pingua humiditati aquosae non permiscetur, sed eidem supernatant. Si autem intelligit colliquationem carnis: colliquatio carnis faceret sedimentum orobi granis simile, & praeterea potius colorem fuluum vel rubeum, quam ad viridem deflectentem. Sicut enim colliquata caro, ex sententia Gal. 8. *de comp. med. secund. loc. c. 4.* facit excrementum alui fuluum vel rufum: ita eadem colliquatio faceret in vrina eundem colorem. Hercules verò Saxonia approbat sententiam Sabini, quam Gal. 3. *epid. com. 3. t. 72.* recenset, existimatque, oleosam vrinam reddi ex admistione substantiae alimentalis, quae in venis continetur, & vnicuique membro deputatur. Quia sicut oleum est materia ignis in candelis ita hoc alimentum est materia & pabulum calidi innati in partibus solidis, facitque vrinam crassam, & propterea oleo non dissimilem. Solet autem haec fieri colliquatis ipsis humoribus à calore febrili. Hieronymus Reusnerus, in *Villich. de urin. c. 14.* & ipse ab alimentali substantia vrinam oleaginosam reddi putat. Etsi enim id, quod de partium solidarum colliquatione dicitur, impugnat, atque existimat, solum pingua, non verò carnes & partes solidas colliquari posse; cum ea, quae à calore concrefcunt, non liquefcant calore, sed euaporante humiditate potius exsiccentur: vrinas tamen oleaginosas ex substantia alimentali admista reddi statuit hoc modo. Calor vehemens non solum illud roridum alimentum, & quod ab officio cambium nominarunt, in partibus absumit, sed & omnes actiones eneruat ac debilitat. Partes autem nutrimento destitutae, & calore nimio labefactatae valde debilitantur, vnde alimentum non possunt attrahere, neque quod ad ipsos defertur, retinere. Sinunt itaque exire cum vrina partes alimenti utiles, quae reddunt vrinas oleosas. Argenterius, *de vrinis cap. 13.* Vrinas has oleaginosas, quae non sunt pingues, sed substantia & colore referunt oleum, neque ex pinguedinis, neque ex carnis, neque ex sanguinis colliquatione, neque ex substantiae alimentaris admistione fieri statuit, sed ex portione bilis pallidae & atrae, & ob id esse periculosos morbos, in quibus excernuntur tales vrinae: eò quod bilis atra, quae pessimos morbos parit, admista sit. Admisceri tamen ad pituitam statuit, atque hinc habere vrinam cruditatem cum quadam viriditate, vt oleum. Eam enim agitatam à calore, vndiquaque vrinae misceri; vnde etiam talis vrina longos & difficiles morbos interdum significat, qualis fuit ille, cuius in allegato 3. *epid.* loco fit mentio, Atque ita in tali vrina tres humores admittit Argenterius, bilem flauam, atram, & pituitam. A bile flaua vrinam habere flauedinem quandam statuit; ab atra verò liuiditatem coniunctam cum splendore; crassitiem cum quadam visciditate ab agitatione magna in pituita facta. In hac sententiarum discrepantia veritatem inuenire non facile esse, quilibet agnoscit. Hoc principio verum est: vrinas non posse fieri tales ex materia pingui admista, ob causam saepius iam allatam, quod scilicet pingua aquae non miscetur, sed innatant. Deinde quod attinet colliquationem carnis aut colliquationem substantiae alimentalis, quae in venis continetur ex cuius admistione vrinas

oleosas reddi existimat Hercules Saxonia, vocatur, id à recentioribus planè in dubium, de quo tamen hic non disputabimus. Hoc saltem hic perpendendum cuilibet relinquimus, quod supra ex Galen. 3. *epid. com. 3. text. 72.* attulimus: vrinas has interdum nullo aegri detrimento reddi, imò interdum planè è contrario, hoc est, cum commodo in morbi concoctione: quod certè nullo modo fieri posset, si ex colliquatione siue carnis, siue sanguinis haec vrina proueniret. Nunquam enim vtiliter & cum commodo aegri, sed potius cum detrimento colliquatur, & per vrinam excernitur substantia alimentalis. Et si ab aliqua colliquatione tales vrinae prouenirent, potissimum in febribus hecticis conspici deberent. Quae eadem etiam contra Hier. Reusn. sententiam faciunt. Et praeterea non videtur probabile, illum succum alimentalem per vrinas excerni. Cum enim sit familiaris naturae, & naturae sanguineae, retineretur potius in venis cum sanguine, quam excerneretur. Quapropter probabilius videtur, cum Argenterio in humorum excrementitiorum admistionem talem vrinam referre: quod ipsum confirmare videtur locus antea etiam allegatus ex Galeno, in quo statuit, quicquid ipsis ad candidiorem tendit colorem, humorum denotare cruditatem; quod verò vehementer pallidum est, vt ad flauum accedat, biliosum colorem. Atque ita Argenterij verbis in hac ipsa materia hic concludimus; haec ratio videtur dictare: afferant meliora, qui possunt, de causis harum vrinarum. Porro differentiam in substantia & colore coniungi posse, supra diximus in differentiis, & quas combinationes possibiles habeamus, etiam proposuimus: id verò cum ex causarum explicatione clariùs futurum promiserimus, aliquid de eo hoc loco addendum est. Valesius, *l. 3. contr. c. 5.* praecipue de quatuor coloribus disputat, de nigro, subrubro, pallido & subrufo: & primò quaeritur: an vrina tenuis nigra esse possit: Deinde an tenuis subrubra esse possit. Tertio an detur vrina crassa subrufa. Et primò colorem nigrum quod attinet, diximus supra, negari ab autore innominato, hunc colorem cum tenuitate coniungi posse, & quâ ratione loca illa, in quibus apud Hippocratem mentio fit vrinarum nigrarum tenuium, accipienda sint, explicauimus. Sed Valesius reuera tenuibus & citra mediocritatem consistentibus vrinis nigredinem coniungi posse statuit, idque probat experientia & pictorum documento. Colores n. extremi, & praecipue qui ad nigredinem accedunt, etiam in minima quantitate multum tingunt, adeò, vt si in vas aliquod satis magnum aqua plenè paucillum atramenti iniicitur, tota aqua colore nigro inficiatur, sed inde non crassa reddatur. Fieri ergo posse existimat, vt portio atri humoris incidat in vrinae liquorem, quae valeat illum tingere, sed non crassiorè reddere, vnde vrina fiat tenuis nigra. Verum enim verò hoc, quod de coloribus dicitur aqua permixtis, negari non potest. Sed quis non immeritò dubitare posset; an dentur in corpore humores tam atri, vt atramentum? Deinde etsi darentur tales humores: tamen non sequeretur, quod exigua earum portio mox totam vrinam tingere posset. Neque enim omne atrum tingendi alia vim habet. Exigua pars atramenti aquae infusa nigredinem parit: Sed carbonēs atri, nisi sufficiente quantitate aquae permisceantur, ita vt etiam crassam eam reddant, atro colore non tingunt. Itaque etsi ater humor detur: tamen non habet vim colorem suum in tenui portione in totam vrinam diffundendi, sed tum demum vrinam nigram reddit, cum satis magna eius quantitas toti liquori vrinae permiscetur, vnde vrina talis crassa redditur. Subrubrum colorem quod attinet, quo etiam tenuem vrinam, exigua portione sanguinis permixtam, tingi posse statuit: in eo facile assentimur Valesio, & non negamus, vasa

Vrina, quae substantia & colore oleum referunt, an ex colliquatione fiant?

An vrina tenuis nigra esse possit.

Vrina tenuis subrubra.

An detur
urina crassa
& subrubra.

aliquo aperto, ut sanguis effluat, ab exigua portione sanguinis urinam quoque tenuem subrubro colore tingi posse. Sed cum duas esse causas urinae rubrae dixerimus, sanguinem & bilem: ut de sanguine concedimus: ita de bile negamus. Nam sanguis, quocunque morbi tempore, si vas aliquod aperiatur, & dum urina adhuc tenuis est, permisceri potest: Sed bilis à natura urinae non miscetur, nisi praesente coctione, aut si miscetur, non habet vim tingendi urinam subrubro colore, nisi tanta copia adsit, ut urinae aliquam crassitiem conciliet. Quantum verò ad urinas crassas, & an urina crassa & simul subrufa esse possit; existimat Valesius, possibile esse, ut hi colores cum hoc substantiae modo coniungantur. Si enim, inquit, urinae crassae & albae, portio flavae bilis admisceatur, prodibit inde urina crassa & pallida; si addatur plus bilis, ex pallida subrufa fiet. Hic cum praesupponat Valesius, urinas tales fieri posse, si primò sint albae & crassae, & postea iis bilis admisceatur: in memoriam nobis revocare debemus id, quod, *cap. precedente*, de causis urinae albae diximus, eam videlicet duobus modis fieri posse, vel cum nihil ipsi admisceatur, quod eam tingat, ita ut aqueum colorem urina retineat; vel cum ipsius perspicuae humiditati aliquis humor albus, ut puta semen, pus, pituita, admisceatur. Priores urinas albas quod attinet, quae aquam ferè repraesentant, illae cum sintennes, si tantilla solùm bilis portio admisceatur, ut fiant pallidae, manent adhucennes: sed si tanta copia effundatur, ut inde fiant crassae, etiam colorem, quàm pallidus est, intensiorem recipiunt. Verùm de alterius generis urinis albis, quae scilicet ex permixtione humoris albi tales euadunt, si hoc intelligit: his si aliquid bilis postea permisceatur, tum non negarim, illas ipsas urinas crassas ante albas iam pallido colore tingi. Sed tamen qualis humor, qui urinam reddit albam, sit, perpendendum est. Si enim ex crudorum humorum copia talis sit: quis non immeritò dubitare posset; an cum iis etiam bilis, quae urinam tingat, generari queat.

CAPUT VII.

De causis Odoris, Quantitatis & similium Accidentium.

Urinarum in odore quænam sint differentiae, supra diximus. Aliæ videlicet parum olent, hoc est, eum, quem naturaliter obtinere solet urina, ex coctione habent odorem; aliæ verò nihil olent; aliæ nimis olent; & quidem aliæ bene, aliæ malè. Quæ illud naturalem odorem obtinent, significant nativum calorem sese rectè habere, & coctionem bene perficere. Nam cum urina sit excrementum, vix fieri potest, quin aliquem foetorem habeat, sed tamen illud minus molestum; cum Natura rectè agens omnia ad mediocritatem quandam redigere, & etiam ipsa excrementa, quàm fieri potest optimè, elaborare soleat. Si verò nihil, & minus quàm urinae sanorum solent, oleat urina: indicio est, calorem nativum esse debilem & coctionem nullam ferè fieri, nec serosum atque excrementitium humorem urinae permisceri, sed aquam ferè saltem ac materiam potulentam per urinam excerni. Urinam verò odoratam seu bene olentem quod attinet, nulla talis naturaliter ex causis internis euadit, sed si quæ talis reperitur, odorem illum bonum ex cibis vel medicamentis assumptis acquisiuit; ut ex usu terebinthinæ, quæ urinam odore violæ inficere solet. Urinae foetidae ex pluribus causis gignuntur. Primò nonnulla, quæ in cibo, potu, & medicamentis assumuntur, urinas foetidas reddere solent. Ita ex usu anisi, allij, putris casei urinae foetidae

Urina nihil
olentis causa.

Urina bene
olentis causa.

Urina foetida
causa.

dicuntur fieri. Verùm & cibi ac potus, qui aliquem foetorem urinis conciliant, in aliis magis, in aliis minus id praestant, prout in illo melius, in hoc peius concoquuntur. Io. Bapt. Montanus existimat, si quis comederet res foetidas, fieri inde urinam odoratam; si quis contra comederet res odoriferas, gigni inde urinam foetidam: ut si quis ederet anisum, reddi inde urinas foetidas: contra si quis terebinthinam comederit; fieri inde urinam odoratam. Verùm falsam esse hanc sententiam, ipsa experientia testatur. Nam carduus nullum habet insignem odorem, & reddit excrementa quoque foetida. Terebinthina verò non habet, quod existimat, foetidum odorem, sed potius suavem, aut certè non ingratum. Argenterius itaque aliter hac de re sentit. Ea, quæ assumuntur, inquit, alia difficulter mutantur, & paucam secum materiam trahunt, & eam, quæ non habet vim conciliandi malum odorem; & tum urinae redolent odorem rei assumptæ, quod iis accidere diximus, qui terebinthinam sumplerunt, ut & illis, qui allium comederunt: alia verò facile alterantur; & praeterea multos secum humores trahunt, à quibus urina odorem acquirit. Ita carduus, cum crassos humores commoveat, & ad vias urinae ducat, foetidas reddit urinas. Altera causa urinarum foetarum est cruditas & ciborum non bona coctio. Nam si cibus non bene coquatur in ventriculo, postea etiam in hepate non bonus inde generatur sanguis, & ipsa excrementa maiorem, quàm debent, foetorem acquirunt. Tertia & praecipua causa est putredo. Vnde in febribus malignis, & iis, in quibus magna est putredo; etiam insignis foetor in urinis percipitur. Ita etiam si pus foetidum ex abscessu rupto urinae permisceatur, aut vlcus in viis sit, per quas transit urina, redduntur urinae foetidae. Quartò, si urina diutius in vesica detineatur, foetorem concipere solet. Considerant etiam nonnulli sonum urinae, existimatque Hercul. Saxonia, *de urin. c. 13.* urinas, quæ, dum minguntur, clarum reddunt sonum, indicare abundantiam caloris nativi, facultatemque expellentem validam, clarumque sonum fieri ex forti collisione urinae ad matulam. Quæ verò obscurum habet sonum, eam indicare aut caloris & spiritus defectum, aut ipsiusmet substantiae urinae oleositatem & crassitiem. Sed hæc non magni momenti sunt. Plus utilitatis habet considerare urinae quantitatem. Urina naturaliter potui ferè respondere debet. Itaque si potu multo assumpto urina copiosa; vel paucò hausto urina paucior reddatur, id nihil singulare portendit: sed si respectu potus urina vel copiosior vel paucior reddatur, id considerandum est. Redditur autem urina multa non solum, ut dictum est, à potu copiosiore, sed & ab omnibus, quæ aquosam humiditatem copiosiore subministrare possunt; qualia sunt olera, fructus plurimi, & similia. Deinde redditur urina multa, si aquosum & serosum excrementum, quod vel motu discuti, vel per alias vias expurgari consuevit, in corpore retinetur, & ad vias urinae conuertitur. Hinc post otium multum & somnum urina copiosior reddi solet; & mictio noctu plurima paucam deiectionem significat, ut est apud Hippocratem, *4. aphor. ult.* Tertio sæpe ex aliis partibus, vel ex toto corpore Natura vitiosos humores per urinae vias expurgat; sicut hoc interdum in criticis euacuationibus, nonnunquam & symptomacis accidere videmus. Ita Fernellius, *lib. 3. c. 11.* refert, se quendam obesum novisse, qui ex multa & copiosiore mictione diebus circiter octo mirum in modum extenuatus sit. Et Gattinaria, *c. de involunt. exitu urin.* refert, puellam quandam singulis diebus minxisse pocula 16. per dies sexaginta; cum tamen illud, quod in potum & cibum sumebat, non ascenderet ad quantitatem trium poculorum. Narrat quoque Laur. Ioubertus, *de urin. c. 13.* mulierem quandam per

Quantitas
urinae

Urina
causa

per annos 20. sterilem, multos serofos humores in ventre cumulasse, unde venter sensim intumuit, ut per totos nouem menses conceptus spem fouerit: quæ tamen postea nihil nisi serosum & aquosum humorem reddidit. Copiosissima verò vrina ferè reddi solet in affectu, quem Diabètem nominant, qui ut admirandus, ita rarissimus est, & quem Galenus tantum bis vidit, ut ipse testatur, 6. de loc. aff. cap. 3. in quo non solum vrina copiosa redditur, sed & talis materia, qualis assumpta fuit, excernitur, renibus nimium, ut plerique existimant, calefactis, ut vndique humores ad se attrahant. Tandem etiam redduntur vrinae multæ, si medicamenta διουρητικά & vim humores attenuandi, & ad vias vrinae ducendi habentia, assumpta fuerint. Pauca contra vrina ex causis contrariis oritur. Primò non solum ex potu parciori sumpto, sed etiam si reliqua, quæ cibi loco assumuntur, sicciora fuerint & parum humiditatis obtinuerint. Deinde paucior redditur vrina, si materia illa aquea absumatur; quod in ardentibus febribus fieri solet, motu nimio atque exercitiis, & aliis, quæ humores absumendi & discutiendi vim habent. Tertio si vrina ad alias partes vertatur, ut ad aluum, ad ventrem in hydrope. Frequentissimè verò ex vasorum & viarum, per quas vrina excerni debent, angustia vrina paucior redditur; imò interdum planè supprimitur.

CAPVT VIII.

De causis contentorum in Vrinis Sanorum.

QUAM sit contentorum in vrinis differentia, supra, c. 3. dictum est. Inter ea autem occurrunt primò illa tria, quæ in omnibus ferè rum sanorum, tum ægrorum vrinis reperiuntur, & propterea essentialia à nonnullis appellantur, & pro ratione loci, in quo hærent, diuersa sortiuntur nomina. Si enim in fundo vasis hæret contentum, κόσμος nominatur, Latinis sedimentum: si in parte superiore vrinae innatet, νεφέλη nubecula: si neque fundum petat, neque in summo natet, sed quasi in medio suspendatur, ἐναώρημα, Latinis suspensum aut sublimamentum appellatur. Quæ tria ferè ratione materiae & causae efficientis conueniunt, & pro agentis minus vel magis perfecta actione discrepant: ideòque vnà ferè operà de iis agi potest. De his verò contentis tanta est inter authores dissensio, ut non sine causa Herc. Saxonia, de vrin. c. 5. scripserit; vix vllum inueniri, qui cum altero consentiat, & proinde, nisi huius veritatis inuentio multum conferret ad prælagium, omitti non sine causa posse longas hac de re disputationes. Sed quia non cum parua utilitate harum questionum explicatio coniuncta est, nec nos eas prætermittimus. Primò verò hoc discutiendum occurrit, quænam sit materia & generatio contentorum in vrinis sanorum. Ut ab antiquioribus incipiamus, Galenus, 1. de crisib. cap. 12, ad sanguinem seu humorem crudum & inconcoctum referre videtur, dum ita scribit. Si vrina calorem exquisitè seruanerit, subsidentiā verò albam, lauem ac aequalem & multam fecerit: sic quidem etiam coctionis signum exquisitè fecerit; plus autem de humore, qui crudus vocatur, euacuari demonstrat. Præterea & in pueris omnibus ferè & perfectam ætatem habentibus, qui otiosam vitam degunt, aut quouis alio modo repleti sunt, satis multam vrina habet subsidentiā, quoniam in his omnibus plus est de inconfecto & crudo humore; his quidem propter desidem vitam; illis verò propter satietatem, pueris verò ob satietatem (voraciores enim sunt) & ob id etiam, quod ventriculi operatio non potest duobus simul sufficere, augendo scilicet atque nutriendo. Et 1. progn. t. 42. hæc habet. Quicquid alimenti in sanguinis

generatione natura refugit coctionem, subsideat in vrina, neque ut sanguis ab ea mutatum, neque ut pus præternaturam causæ particeps. Actuarius, de causis vrinae. l. 1. c. 14. statuit, contenta esse excrementa sanguinis concocti in venis. Quicquid enim non mutatum est in meliorem mutationem atque alterationem, id in hanc speciem mutari à virtute naturali vincente. Donat. Anton. ab Alto mari, l. de sedim. in vrin. cap. 2. pluribus de sedimenti generatione differit, quorum hæc summa est. Sanguis in venis, etiam iam serosis & excrementitiis humoribus purgatus, non omnino est ἀμωγνός, sed aliæ partes magis, aliæ minus perfecte sunt elaboratæ, prout quædam ad suscipiendam formam sanguinis magis aptæ, quædam minus. Partes minus elaboratæ & quasi semicoctæ etsi ob familiaritatem, quam cum sanguine perfecte cocto habent, per venas & arterias distribuuntur; & à venarum insita vi alterentur, & album illum colorem acquirant: tamen in alimentum verti nequeunt. Ideòque postquam assimilari non possunt, ab earum facultate expultrice tanquam onus & quiddam inutile, excernuntur; & cum alia conuenientior via non adsit, quàm ad renes & vesicam: quo tempore renes serosum excrementum à venis attrahunt, ipsa quoque vasa hoc excrementum excernunt; quo fit, ut cum vrina ad vesicam descendat. Tandemque concludit, proximam sedimenti materiam esse quandam semicocti illius alimenti portionem, quæ omnino in verum ac perfectum sanguinem commutari non potuit, dum ipse generaretur. Hanc sententiam etiam alij plerique interpretes & Medici sequuntur, & plurimi concedunt, sedimentum in vrinis esse reliquias alimenti, seu partem aliquam, quæ coctionem subterfugit. In hac tamen sententia aliquid adhuc desiderare videtur Argenterius, de vrin. c. 8. Primò enim, inquit, hoc adhuc dubium est, quænam sint illa, quæ refugiunt coctionem, an omnia excrementa, quæ assimilari non possunt. Sic enim bilis vtraque, quæ post sanguificationem expurgatur à massa humorum, præberet materiam his contentis. Refugit quoque coctionem cibus ingestus totus, cum ob naturæ infirmitatem, vel materiae copiam, vel qualitates vinci nequit, nec fieri sanguis bonus potest: vbi tamen tota illa cruda materia non præbet contentis materiam. Præterea si succus crudus esset contentorum materia, subsideret semper ob crassitiem & grauitatem, nec ex eo ἐναώρημα fieri posset. Ipse itaque aliam materiam contentorum affert, nimirum humorem pituitosum. Solam enim pituitam inter alios humores viscidam esse & visciditatis causam; viscida autem oportet esse huiusmodi contenta. Fieri etiam hæc contenta alba, cum proprius pituitæ color albus sit: unde etiam in morbis biliolis, qui maximè sunt contrarij generationi pituitæ, nec nubecula, nec ἐναώρημα, nec sedimentum conspicitur; quod & in iis, qui in ediam patiuntur; aut laboriosè exercentur, accidere solet. Fernelius de vrin. c. 17. Hypostasim docet esse vrinae partem crassiorē, insiti caloris vi secretam atque in imum depulsam. Quicquid enim in emissa vrina crassioris inest substantiæ, licet non protinus aspectabile sit, mox tamen secerni atque coire, ac plerumque subside, perinde ut fex in aqua rosarum stillatitia, idque insiti caloris beneficio, cuius est vis heterogenea secernere. Hieronymus Reusnerus, in Vill. de probation. vrin. 4. cap. 1. materiam sedimenti putat esse pituitosum & melancholicum excrementum. Cum enim in venis contineantur quatuor humores, ex his aliquid necessariò vrinae permisceri, quod sit materia sedimenti, existimat. At sanguis hoc non faciet. Est enim partium nutritioni destinatus. Neque etiam bilis flaua: hæc enim colligitur in vesiculam fellis. Ergo erit pituita & melancholia: quæ etiam si reperiuntur in vasis: tota tamen substantia sunt excrementitia,

Actuarius.

Don. Anton. Alti mari.

Argenterij.

Fernelij.

Hieronymi Reusneri.

Conclusio.

*Quis coctio-
nis excremen-
tum sit mate-
ria sedimenti.*

& nutritioni partium non idonea, & propterea per-
emulgentes in renes, & ex his per vteretres in vesicam
secerunt. Verum non est quod à communi senten-
tia, quā materia sedimenti, & contentorum dicitur
esse pars aliqua alimenti, quæ subterfugit coctio-
nem, recedamus. Itaque ut & clarius ea fiat, & quæ
hactenus dicta sunt, magis explicentur, porro inqui-
rendum, cuius coctionis sit excrementum hoc, de
quo authores non conveniunt. Alij enim secundæ
coctionis excrementum esse dicunt (aut si locum, in
quo secundum horum opinionem generatur, respi-
ciamus, primæ) qui statuunt, contentum esse in vrinis
reliquias alimenti seu portionem chyli, quæ in san-
guinem mutari non potest. In qua sententia est Hie-
ronymus Mercurialis, qui, *de vrinis c. 4.* docet, mate-
riam sedimenti esse partem chyli nihil vel parum
mutatam. Cui & Hieronym. Capiuaccius, *de vrinis. c.*
4. ad stipulatur, & Hercul. Saxon. *de vrinis c. 7.* qui om-
nes docent, chylum, in quem cibi in ventriculo mu-
tantur, non planè eiusdem naturæ esse, sed partes alias
in sanguinem abire posse, alias esse impuriore &
imperfectiores, quæ in sanguinem mutari non pos-
sunt. Atque has partes, quæ videlicet neque in san-
guinem mutari possunt, neque etiam bilis, pituita
aut melancholia sunt, materiam sedimento suppeditare
statuunt, idque eo probant, quod conceditur; se-
dimentum vrinæ naturale esse id, quod subterfugit
sanguinis coctionem: tale autem esse succum cru-
dum, Deinde ex eo, quod in quibus corporibus non
reperitur crudus succus, non reperitur sedimentum
in vrinis: contra verò in quibus reperitur crudus
succus, in iis etiam hoc sedimentum inuenitur: in
sanis n. corporibus tenui victu utentibus sedimen-
tum non reperitur, sicut & in morbis biliosis. Contra
verò qui in otio & intemperanter viuunt, in iis sedi-
mentum est copiosius. Impugnat hanc sententiam
Donatus ab alto mari, *tractat. de sedimen. in vrin. cap. 2.*
Impossibile enim esse autumat, ut pars aliqua chyli
per venas ad hepar usque transiens adeo à sanguinis
natura sit aliena, ut in viis primò nullam recipiat al-
terationem & demum ab ipso hepate aliquando sal-
tem immutetur & assimiletur. Quamvis enim, quod
obijci potest, sit cruda quodammodo: tamen tam
crudam vix esse posse existimat, ut nullam mutatio-
nem suscipiat. Cum enim tale sedimentum sit si-
gnum bonæ coctionis, certè calor tam debilis esse
non potest, ut, si non potest mutare chyli hanc par-
tem in sanguinem, ipsi saltem colorem aliquem no-
uum non inducat, & non ita planè inalteratam relin-
quat. Et si esset pars cruda chyli sedimentum, potius
cruditatis, quàm optimæ coctionis signum esset. Hic
itaque, & qui eum sequuntur, existimant, sedimen-
tum hoc neque in prima, neque in secunda, sed in
tertia & nouissima coctione, quo scilicet tempore
sanguis pro arteriarum & venarum nutritione appo-
nitur, agglutinatur & assimilatur, generari, atque eius
materiam propriam esse quandam semicocti alimenti
illius portionem, quæ omnino in verum & perfe-
ctum sanguinem commutari non valuit, dum ipse
generaretur. Hanc enim simul cum sanguine per ve-
nas & arterias permeare, & ab earum caliditate in-
nata quodammodo euctam & assimilatam sedimen-
ti suscipere formam, & quæ ad eam consequuntur,
colorem scilicet & figuram; quæ in iecore prius
suscipere non valuerat. Differre etiam à pituita (aut
sanguine potius pituitoso) (hoc modo docet Anto-
nius ab Altomari, quod illa sit quasi ex dimidio co-
ctum alimentum, magis tamen utilis, pro sanguinis
perfecti generatione, utpote in quam ulteriori co-
ctione mutatur: cum sedimentum neque in sangui-
nem exquisitè elaboratum, neque in vasorum nu-
trimentum; cum ex deteriori & crudiori alimenti
parte fuerit genitum, mutari valeat. Verum etsi plu-

ribus hac de re disputent authores: tamen si ad di-
uersa respiciamus, non adeo multum dissentire vi-
dentur. Nam hoc omnes concedunt, sedimenti ma-
teriam esse eam alimenti partem, quæ neque in san-
guinem perfectum, neque in partem alicuius nutri-
mentum potuit mutari. Negari etiam vix potest, ex-
cerni demum post secundam, imò tertiam coctio-
nem. Nam cum hæ partes non planè sint excremen-
titiæ, ut bilis & serum, sed aliquam cum sanguine
conuenientiam habeant: Natura, quasi sperans ad-
huc posse hoc imperfectum alimentum in partium
nutrimentum conuertere, id cum reliquo sanguine in
venam cauam distribuit, & quidem illud aggreditur,
& quantum fieri potest, immutat: verum cum ad
alendas partes inutile sit, & nullo modo in alimen-
tum conuertere possit, iterum expellitur, & cum vrina à
renibus attrahitur, & per vesicam excernitur. Atque
hinc illi non malè statuunt, qui tertiæ coctionis ex-
crementum esse dicunt, & tum excerni docent, post-
quam in vena caua in perfectum sanguinem & par-
tium alimentum mutari non potuit. Interim tamen
nec illi reprehendendi adeo, qui paulò aliter sentire
videntur, & chyli portionem crudiorē esse dicunt.
Nam hoc certum est, illam partem, quæ sedimento
materiam suppeditat, iam eā in chylo habuisse natu-
ram, & ita fuisse dispositam, ut neque in sanguinem
perfectum, neque in partem alicuius nutrimentum ab-
ire potuerit. Huic quæstioni alia succedit; an in om-
ni sanorum vrinâ contentum aliquod apparere de-
beat. Argenterius, *de vrin. cap. 18.* id concedit de iis
tantum, qui sunt temperati, aut temperatis frigi-
diores. Temperati enim, ait, nequeunt agere nisi
temperatè, & propterea non possunt absumere pe-
nitius pituitam (quam ille sedimenti materiam esse
statuit) frigidiores verò plurimum illius necessariò
relinquunt. At calidiores, præsertim si cum calore
coniuncta sit siccitas, vincunt, assimilant, & dissipant
pituitam: quare vel nullum relinquunt contentum,
aut certè perexiguum. Alij, qui ex succo crudo se-
dimentum fieri credunt, non concedunt in omni
homine sano necessariò reperiri sedimentum; cum
humor crudus non necessariò in omnibus reperitur,
sed in iis tantum, qui non sunt exactè sani, aut in vi-
ctu peccant. Verum istis & experientia, & ratio ad-
uerfatur. Nam ipsa experientia testatur, vix dari vri-
nam, etiam hominis optimè sani, in qua non con-
tentum appareat. Et generatur illud necessariò tum
ratione causæ efficientis, tum ratione materiæ. Nam
vix datur vllum corpus ita exactè sanum, & tam
exacta sanitate præditum, ut nil talis excrementi
generet, & si daretur tale corpus, quod instar re-
gulæ Polycleti omnia exactè sana obtineret: tamen
nullum datur alimentum, quod sit planè simile, &
quod non aliqua excrementa seu partes quasdam,
quæ non verti possunt in substantiam nostri corporis,
habeat, atque inter eas etiam tales, quales conten-
tis & sedimento materiam suppeditant. Vnde pro
diuersitate ciborum, & pro naturarum etiam diuer-
sitate, quædam in copia sedimenti sese offert diuer-
sitas. Et verum est, si ad veram materiam accommo-
detur hoc, quod dicebat Argenterius, temperatos
aliquid necessariò de materia, quæ in alimentum
verti non possit, relinquere; plus adhuc, qui tempe-
ratis sunt frigidiores; sed qui sunt calidiore corpore
& sicciore, cum plus absumant humoris, & fortius in
eum agant, nihil vel parum de humore illo crudo re-
linquere, & propterea vel nullum vel paucum habere
in vrinis sedimentum; quod & in iis accidit, qui se
valde exercent, & qui cibo calido sicco, aut etiam par-
ciore vtuntur. Sed de copia sedimenti postea. Porro
contenta in omnibus ferè vrinis diximus esse tripli-
cia. Aliud enim inferiorem locum occupat, & dicitur
sedimentum; aliud medium, & appellatur enaorema;
aliud

*An om-
nium
sedimen-
ti aliquod
beat.*

*Sedimen-
ti diuersitas
unde.*

*Contentorum
diuersitas
unde.*

*Sedimenti
materia est
alimenti pars,
quæ in partem
nutrimentum
mutari non
potest.*

aliud summum, & dicitur nubecula. Nam etsi optimum contentum subsidere debeat; tamen cum sit magna sanitatis latitudo, neque omnes illa exactissima sanitate fruantur, & valetudine aut cibis optimis utantur: neque reliqua contenta planè sunt reiicienda. Illa tamen maximè laudantur, quæ ad optimi naturam proximè accedunt. Contenta autem hæc in sanis habent eandem materiam, sed differunt tamen secundum materiæ conditiones, & caloris ac coctionis diuersitatem. Capiuaccius, *de urin.c.4.* ad materiæ conditiones causam diuersitatis refert. Non enim est, inquit, ut quis dicat, suspensum vel nubeculam non esse secundum naturam, suspensumque idcirco fieri, quoniam materia suspendatur, nec subsidere possit ob flatum. Non enim locum habent flatum in quocunque suspensio & nubecula, sed tantummodo in ægrotantium vrina: Verum in sanorum vrina possunt fieri diuersa contenta, ob varietatem alimentum, quo utuntur homines, prout scilicet alimentum crassius, vel minus crassum est; unde interdum magis subsidet, interdum magis ascendit. Alij etiam calorem addunt, & docent, pro varia caloris conditione apparere diuersa sedimenta, & calorem, si validus sit, sparsam materiam in humore vrinæ citò segregare, colligere, in inferiores partes deponere, & sic in vnum cogere, ut nihil diuulsum, nihil asperum appareat: Si verò calor non sit ita validus, hoc præstare non potest, sed in partibus superioribus materia sæpe nonnihil dispersa manet. Reliquas differentias & conditiones contentorum, & primò colorum quod attinet, docet Hippocrates, 2. *prognost. text. 26.* in vrina optimum sedimentum candidum esse debere. De cuius coloris causa auctores dissentiunt. Galenus, 1. *prognost. in fine*, tradit, sedimentum in vrina reddi candidum eandem ob causam, ob quam pus redditur candidum, pus autem reddi candidum, quod assimilatur corporis partibus solidioribus, quæ sunt conceptaculorum tunica, nerui, ligamenta, membrana, cartilago, ossaque, Hier. Capiuaccius, *de urin.c.4.* contentum dicit esse album, quoniam non confici potest in iecore; cum sit cruda portio chyli, quæ non potest verti in sanguinem: cum quo consentit Hor. Augenius, qui, *lib. 10. epist. & consultat. med. ep. 6.* statuit, eandem causam esse sedimenti albi in vrina, quæ est coloris albi in chylo. Io. Argenter. *de urin.c. 18.* ex sua sententia sedimentum esse album dicit, quia pituita sit alba Herc. Saxonia, *de urin.c.7.* peculiarem habet opinionem, & albedinem in sedimento fieri posse docet, ex facultate vesicæ alteratrice. Nam si mamma, inquit, mutant sanguinem in lac, quid mirum erit, si vesica quoque, proprium feri receptaculum, illud alterare, atque illius sedimentum in album commutare colorem possit? Verum hæc Herc. Saxoniae sententia vix fidem meretur. Nam si eo modo à vesica colorem album acquirit sedimentum, quod suam albedinem lac in mammis, cui non tota substantia vrinæ alba redditur, sicut totum lac album efficitur in mammis? Argenterij opinio de pituita, materia sedimenti, ferri etiam non potest. Vix etiam fieri potest, ut chyli aliqua portio in hepate tamdiu contineatur, & nullam saltem mutationem in colore acquirat, sed planè chyli naturam retineat. Cum etiam ab hepate ipsum accipere non queat, Galeni sententiam retineamus, & statuamus, à venis & partibus solidioribus, quæ rebus, quas immutant, album colorem imprimant, sedimentum hunc colorem accipere album. Cum enim illæ partes sedimentum elaborare sibi que assimilare conentur: illud tamen ob materiæ ineptudinem præstare non possint, saltem colorem hunc album illi communicant. Diximus præterea supra, optima contenta æqualia & læuia esse debere, hoc est, omni parte obtinere eandem crassitiem &

tenuitatem, esse continua, non diuulsa, atque omni tempore apparere talia: cuius rei causa etiam à calore coquente & materia dependet. Nam si calor coquens sese rectè habeat, & materia sit obediens: calor ita subigit etiam hoc excrementum, ut non sit vnà parte tenue, alterâ crassum; vnâ album, alterâ rubrum; sed ipsum æqualiter elaborat, & alterat, ut vndique sit simile. Præterea etiam ita præparat, ut sibi sit continuum, nec diuulsum & dispersum. Quod si calor sit debilior, non æqualiter materiam elaborat, sed hæc in parte crassam relinquit, alterâ tenuiorem efficit; hanc partem albam reddit, illam rubram vel flauam relinquit. Sedimentum etiam bonum figuram pyramidalem obtinet: quæ sit in vrina, cum aliæ partes fundum occupant, aliæ loco paulò altiore consistunt, aliæ superstant in cacumine. Cuius rei causa probabilior hæc videtur esse, quod etiam si ad sensum omnes partes videntur æquè crassæ, ut iam dictum est: tamen reuera aliæ sunt crassiores, aliæ tenuiores. Et vix fieri potest, quin aliæ magis, aliæ minus attenuatæ sint. Tenuior itaque pars, & quæ verè ad vaporis naturam accedit, parte superiore consistit; hinc sensim reliquæ subsident, atque ita pyramidalis hæc figura constituitur. Copia quoque in sedimento attendenda. Aliàs enim sedimentum est copiosius, aliàs paucius: quod sit præcipue ob succi illius crudi, qui sedimento materiam suppeditat, copiam vel paucitatem. De quo Galenus, *lib. 1. de cris.c. 12.* scribit, quod in pueris omnibus ferè, & ætatem perfectam habentibus, qui otiosam vitam degunt, aut quouis alio modo repleti sunt, satis multam habent vrinæ subsidentiam; quoniam in his omnibus plus est de inconfecto & crudo humore; his quidem propter desidem vitam; illis verò propter satietatem. Et, 2. *progn. t. 26.* scribit, quod vrina sedimentum nullum habeat, si tenuiter viuitur; copiosum verò, si largius; exiguum verò, si modicè viuitur. Quæ ratio etiam est sexus & temporum anni. Nam feminae plus frigidorum & crudorum humorum habent, & propterea plus sedimenti. Viri verò, quia sunt calidiores, crudorum & frigidorum humorum, & sedimenti minus habent. Ita quoque in æstate sunt vrinae cum pauciore sedimento, quàm in hyeme. Addunt tamen & alij causas, ob quas in sanis sedimentum paucius est vel deficit; obstructionem scilicet vel potum multum ac tenuem, qui antea distribuitur, quàm vllam cum cibo permissionem aut coctionem acceperit. Fit verò etiam in sanis copiosum sedimentum ex suppressa alui, menstruorum, hæmorrhoidum, aut alia naturali euacuatione: paucum verò contra omnia ea efficiunt, quæ multum substantiæ nostræ absument, Eodem modo, ut propter conuenientiam materiæ hæc addamus, habet se res de vrinis ægrotum. Nam, ut Gal. *lib. 1. de Cris.c. 12.* scribit, qui ex otio & repletionem febricitant si sanitati restitui debent, necessario plurimum subsidet: minus verò in iis, qui ex inedia & labore ægrotant, & sufficit in his nubecula vel *ἐνυδρηνία* bonum, Et, 2. *Progn. t. 26.* sedimentum, inquit, habet copiosum vrina, quoties morbus ex crudis humoribus fatigat. Nullum verò aut omnino minimum, quoties ex biliosis oritur, sed satis erit, si habet enaorema. Quod verò in morborum initiis, & incrementis contenta deficiunt, causa est vel alteratrix imbecilla ex intemperie; vel impedita ex morbis instrumentariis, aut ex humorum multitudine & crassitie, ut propterea eam non possit alterare, nec expellere. Quamprimum enim calor naturæ vincit, atque imminuitur plenitudo, & expugnatur morbus, tum sedimentum hoc tanquam materiæ iam concoctæ indicium apparet.

Cur sedimentum habeat figuram pyramidalem.

Sedimentum cur aliàs sit copiosius, aliàs paucius.

CAPVT IX.

De causis contentorum in Vrinis Aegrorum.

An sit eadem
materia se-
dimenti in
vrinis sanorum
& aegrorum.

Diuerfam esse
materiam
statuentium
rationes.

Eandem esse
materiam
sentientium
rationes.

Conciliatio.

Primò autem hinc sese offert illa quæstio: An eadem sit materia sedimenti, quod in sanis, & illius, quod in aegris conspicitur? Galenus, i. de different. febr. cap. 6. materiam putrescentem in febribus materiam sedimento præbere, videtur docere his verbis: Quotcunque in abscessibus putredinis sunt differentia: totidem & in febribus, quæ ex putredine accenduntur, sunt eorum, quæ in vrinis apparent formæ. Optima verò vrina, quæ à putrescente humore, concoctionem à continente vase suscipiente, perficitur est, quæ album, læue & æquale, ac minimè foetidum sedimentum habet. Eandem sententiam sequitur Donatus ab Altomari, tract. de sed. in vrin. cap. 3. in quo statuit, quemadmodum ex putrescente in inflammationibus & abscessibus materia pus generatur: ita eodem modo ex materia intra vasa putrescente naturam superante, id fieri, quod in vrina sublidet, sedimentum. Et hinc porro docet, sedimentum in vrinis aegrorum non tantum differre secundum efficientem causam, verum etiam secundum materiam; atque eos reprehendit, qui statuunt; etiam in aegris sedimentum esse superfluitatem alimentari, humoribus permixtam; & pluribus, loco allegato cap. 3. hanc suam sententiam declarat. Idem statuit Mercurialis, de vrin. cap. 4. & quidem his de causis. Primò existimat, quia colores & alia accidentia in vrinis sanorum & aegrorum sunt diuersa: eodem modo & contenta diuersa esse debere. Deinde, quia si eadem essent utraque contenta, non possent Medici ex contentis peccantium humorum naturam agnoscere. Tertio, quia in aegris fit multa perturbatio humorum, impossibile esse putat, nihil eorum vrinis permisceri & in iis sublidere. Alij hoc negant, & non concedunt, sedimentum esse partem humoris putridi. Inter quos est Fernelius, qui, de vrin. cap. 17. hoc dogma imprimis perniciosum medicinæ commentum appellat. Vritur autem his inter alias rationibus. Non, inquit, ardentis febris materia, quæ cruda bilis est, in pus aut quid simile puri coctione conuertere potest, neque eadem est huius atque phlegmones ratio. Neque febris materia in statu cocta, etiam si per aluum aut vomitum eiiciatur, alba apparet, sed planè flaua, biliosa & crocea. Quomodo igitur sedimentum, quod in statu ardentis febris conspicitur pars eius materia, quæ computruerat, & quæ post coctionem adhuc flaua apparet, & nunquam abiecit, esse potest? Addunt alij & hoc, quod sæpe materia morbum efficiens per sudorem euacuatur, & propterea longè tenuior est, quàm illa, ex qua sedimentum constat. Itaque hi eandem esse materiam sedimenti in aegris & sanis statuunt. Tam enim, inquiunt, debent nutriri ægroti, quàm bene valentes; sed cum non possint bene nutriri, ob sanguinem crudum & nutrimentum malum, relinquuntur talia excrementa, quæ postea materiam sedimento præbent. Vnde quamprimum in acutis febribus apparet sedimentum, indicat caloris & naturæ dominium atque victoriam, quæ putridos humores non ita pridem ferocientes tum repressit ac domuit, & quæ iam ad pristinas muneris functiones redit. Vt autem quisque inter hos de materia sedimenti in sanis sentit: ita etiam hinc de materia sedimenti in aegris statuit, & alij quidem existimant, sedimentum esse in aegris partem chyli, quæ non potuit mutari in sanguinem, alij esse illam materiam, quæ in tertia in venis coctione assimilari non potuit. Verum rectissime facere ij videntur, qui utramque sententiam coniungunt. Nam cum etiam ægri nutrantur, si sedimentum constat ex parte alimenti crudioris, quæ in nutrimentum partium abire

non potuit, proculdubio etiam in aegris tale superfluum quid colligetur, & materiam sedimento præbebit. Interim tamen hoc negandum non est, crudo huic succo vel imperfecto alimento, aut quomodocunque appellare libeat, alios quoque humores admisceri, qui morbum excitent: imò interdum tales humores solos materiam sedimento præbere. Quid enim absurdi est, partem vitiosorum humorum per vrinas excerni, & aliquid ex iis contenta etiam efficere? Et si sedimentum nihil humorum, qui febrem excitant, habet; unde flaua vel rubra, vel alterius coloris esse sedimenta, & hoc vel illud significare possent? Neque refert, quòd illa, quæ per sedem aut vomitum in febribus interdum reiciuntur, non ita alba sunt, vt sedimentum, sed flaua & crocea. Nam non semper ex venis, sed sæpe ex primis viis, & vicinis locis materia illa reicitur. Et etiam si in venis contineretur: tota tamen illa eius copia non ita coqui potuit, sicut illud paucum, quod sedimentum euasit. Et quamuis materia in venis febrem excitans ita elaborata fuisset, vt aliquam albedinem acquisiuisset: tamen ex biliosi humoris admistione, cum per aluum descendit, aut vomitu reicitur, potest tingi colore flauo. Ita sæpe vitiosus humor per hæmorrhagias narium à Natura euacuatur: qui tamen ob admistionem sanguinis rubei vix, cuius coloris sit, animaduerti possit. Sed dicet quis, si etiam in aegris sedimentum ex imperfecto alimento, seu eo, quod in nutrimentum partium mutari non potest, constat: quò sit, quod, vt modò dictum est, interdum soli vitiosi humores contento materiam præbent? Aut cur non omni tempore morborum contenta conspiciuntur: cum tamen probabile sit, hominem, quam diu viuit, semper nutriri? Ad quod responderi potest, sanguinem in principiis morborum plerumque esse crudum, & parum nutritioni aptum, naturamque propterea in eo maxime occupari, vt cruditatem & vitia humorum corrigat; eamque ob causam parum nutritioni partium intentam esse. Hinc videmus in febribus corpora extenuari. Atque ea de causâ, quia scilicet natura vix vacare potest nutritioni, illud excrementum, quod aliàs est paucum, & coctionem subterfugit, paucum conspicitur. Postea verò & cruditas illa tollitur, & natura iterum nutritioni partium incipit incumbere, & postquam sanguinem in meliorem statum reduxit, iterum quoque excrementa generari incipiunt. Quomodo autem cognoscendum sit; an contenta in vrina ægrotantium sint eiusdem naturæ cum contentis sanorum, an diuersæ: id docet Mercurialis, alleg. loc. hoc modo: Consideranda sunt errata ægrotantium in victu commissa. Si enim certi sumus, in victu nullum erratum committi: tum certò pronuntiandum est, ea contenta esse humorum putrescentium partes. Quòd si aliquando, vt contingit, æger plus cibi capiat, quàm par est: tunc suspicandum est, contenta apparentia potius esse ex cibis, & eiusdem naturæ cum sanis, quàm partes putrescentium humorum. Verum hæc tantum de copia sedimenti accipienda esse, non sine causâ videtur. Nam vbi natura, causâ morbificâ non nihil superatâ, iterum ad consueta redit munia, & nutritioni partium iterum se accingit: nihil prohibet etiam tum aliquid superflui & imperfecti alimenti, vt in sanis, si non totam, partem tamen materiæ sedimenti præbere. Sed iam causas contentorum in vrinis inquiramus. Contenta in aegris, seu consistunt ex parte illa alimenti, quæ ob imperfectionem assimilari non potuit, seu consistunt ex materia morbifica, quò magis similia fuerint sedimentis sanorum, id est, vt est apud Hippocratem, 2. prog. text. 26. candida, læuia & æqualia per omne tempus: eò meliora sunt, & ipsius materiæ benignitatem, & naturæ robur arguunt. Reliqua, quæ ab iis secedunt, peiora sunt,

Cur
morbi
conten
parea

Contento
in vrinis
aegrorum
causæ

sunt, siue hoc fiat in colore & aliis qualitatibus, siue etiam in substantia. Rufa contenta non sunt ita praua, sed ab aliquo calore praternaturali proficiuntur: qui calor quò magis intenditur, eò contenta sunt peiora. Verùm cum contenta rubra, liuida, nigra easdem ferè causas habeant, quas liquorum illarum in coloribus differentiarum, pluribus de iis hinc non opus est dicere. Summa hæc est: ex humore, ex quo constant, suos colores sedimenta accipiunt. De causis verò diuersarum substantiarum sedimentorum, seu cur alia sint farinacea, alia foliacea, seu squamosa, alia furfuracea, alia orobea, alii aliter sentiunt. Galenus & plerique Medici has differentias sedimentorum à calore adurenti fieri statuunt, & pro varia materie dispositione in varias mutari formas existimant. Farinaceum enim sedimentum Galenus, 2. progn. t. 28. tale reddi statuit assato sanguine crassiore, vel consumptis inæqualiter carnibus; quoties scilicet calore igneo, quæ tenera & nuper concreta est caro, in ichorem resoluitur; duriuscula verò iis, quæ friguntur in sartagine, sublimis exsiccata constiterit. Atque ea de causa malas has iudicat esse vrinas, ut quæ non exiguum & paruum, sed insignem iam colliquationem significat, quæ non solum adipem, verum & carnem; non solum teneram & nuper concretam, sed & duriusculam absumat. Squamosum autem sedimentum, *ibid.* fieri statuit, cum solidæ partes inæqualiter consumuntur, atque ita squamosæ particule cum vrina excernuntur. Ita furfuraceum sedimentum à flammea & consumente febris caliditate Galenus deducit. Et, 4. aphor. 77. docet, sanguinem & quemuis alium humorem crassum vehementius perustum & frictum, furfuracea sedimenta efficere. Quibus addit & venarum quandam scabiem; ut Hippocrates etiam vesicæ scabiem, dum inquit: *quibus cum vrina crassa furfurosa quadam exeunt, his vesica scabie laborat. Quemadmodum enim, inquit Galenus, cuius superficies tenuis & squamosa per lepram & scabiem abiicit: sic cum pars quæpiam interna simili aliquo, quo cutis, vitio laborat, & vel vesica, vel venarum tunica tale quid deperdunt, per vrinas id redditur, & sedimentum furfuraceum efficitur.* Hinc Capiuaccius, de vrin. c. 3. triplex huiusmodi contentum constituit, vnum, quod vitio vesicæ fit, quando abraditur corpus vesicæ: aliud, quod fit, ex absorptione partium solidarum totius: tertium, quod non fit ratione colliquationis totius, sed ratione causæ exurentis sanguinem. Orobeum quoque sedimentum à colliquatione proficisci docet Galenus, 6. epid. com. 1. §. 15. & partes aliquas eruum vel hordeum referentes, si cum vrina exeant, à iccore proficisci statuit, sicut carnosiora à renibus. Et postea addit: *hordeacea magnitudine & duritie, sed non albida, colliquata carnis nota sunt, sicut & nigra lienis magis.* Actuarius, de causis vrin. cap. 20. orobeam substantiam fieri docet, cum febris ad carnem usque processit, ut eam liquefaciat, iam antea consumpto pingui. Tum enim in matulæ fundo subsidere, quærum de substantia carnis depastum est. Caterum vocantur hæc à recentioribus in dubium: neque forsan immerito. Herc. Saxonia enim, de vrin. c. 17. se non assequi posse scribit, quomodo per colliquationem talia sedimenta generentur. Siquidem ex carne molli colliquata tenuior humor exprimitur, qui vrinæ permixtus potest quidem colorem & substantiam immutare; sed carnis formam & substantiam nunquam æmulabitur: quia duritiem contrahere non potest. Et cap. præc. 16. scribit, in viuenti animali tunicas venarum interiores nunquam & nusquam posse esse adeò sanguine vacuas, ut igneus calor præ nimia siccitate possit eas ita exsiccare, ut quid decerpatur, & scabies & lepra quasi iis inducatur. Et ipse Galenus, 10. meth. med. in fine, nunquam animali viuenti partes fibrosas & membranosas posse colliquefcere docet. Addit Argentarius

hoc: si ex partibus solidis colliquatis fierent talia sedimenta, perpetuò apparerent in iis, qui hectica febris & colliquantibus morbis aliis pereunt. Vnde Saxonia tandem statuit, ex carne duriore & vasis, nisi separaretur per modum vlcis, nihil posse colliquari, quod ad vrinas descendat. Et propterea cum Hippocrate, 4. aph. 77. & 81. sedimenta furfuracea & squamosa à vesica scabiosa & vlcera prouenire existimat. Et quamuis Hippocrates, 2. progn. t. 28. hæc duo sedimenta ut pessima proponat: tamen non ideo talia esse statuit, quod colliquationem significant, sed quod in morbis acutis & febribus talem indicent caliditatem & humorum acrimoniam, quæ possit etiam breui temporis spatio ipsam vesicam scabiosam & vlcerosam reddere; quod fieri posse concedit etiam Galenus, qui, de cibis boni & mali succi, scribit, in quadam pestilentia humores acres vesicam exulcerasse. Ioan. Argent. de vrin. cap. 20. sedimenta, quæ farinæ formam referunt, fieri statuit ab humore crudo vocato, qui in venis acruari solet; orobeam, si nigrescat, docet habere materiam humorem melancholicum; furfuraceum verò squamosum & foliaceum vesicam exulceratam sequi putat. Non autem præter naturam solum hæc contenta, quæ farinam, squamas, aut orobi grana referunt, subsidere diximus in differentiis horum contentorum, sed & calculos, arenulas, grumos sanguinis, pus, carunculas, vermes. Arenulæ & calculi qua ratione generentur supra, lib. 2. part. 2. cap. 9. diximus, nimirum ex materia crassa, viscosa & feculenta, quæ non principaliter à frigore concrefcit, aut à calore coagulatur, sed quæ habet internum in se coagulationis principium; & ad quam cogenam vel leuis aliqua occasio sufficit: sicut videmus ad matularum latera talem materiam, quæ vix vi aueli potest, accrescere, & in doliis vini ob insitum salem tartarum concrefcere. Plurimi calculos in vrinis apparentes calculi intus latentis indicium esse putant. Sed quid de eo sentiendum, videatur Pract. Med. lib. 3. c. de calculo. Grumi sanguinis in vrina conspiciuntur cum vel ex vlcere, vel aliàs ex læso, rupto aut hiante vase in partes, per quas vrina transit, sanguis emittitur. Eadem de causa etiam ferè pus in vrina conspicitur: ex sanguine enim pus generatur. Itaque vbi pus apparet; aut abscessus aliquis, vel vlcus in renibus, vesica aut aliis viis, per quas vrina transit, later. Sed nec ex his solum, verum ex partibus quoque superioribus natura interdum per vias vrinarias euacuat, ut ex pulmonibus. & similibus Vnde Galenus aphorismum illum, 73. §. 4. ab interpretibus quibusdā cū copulandi particula in hunc modum legi scribit: *si quis sanguinem & pus meiat, renum, aut vesicæ ex vlcerationem significat*: quia si alterum horum, pus scilicet, solum mingatur, non modò renum & vesicæ exulcerationis, sed superiorum etiam partium signum esse possit. Exiguas carunculas vlceratorum renum substantiæ partes esse docet Galenus, 4. aphor. 76. Quamquam se nullum talem casum vidisse confiteatur, quem tamen viderunt posteriores. Redditur & inter mucosum quiddam, seu crassa & tenax pituita, instar muci narium, cuius etiam causa hinc reddenda est; nisi quis forsan ad farinaceum vel simile sedimentum eam referre velit. Hæc pituita aut hic mucus si cum dolore emingatur, vesicæ calculum, aut vesicæ sordidum vlcus denunciare putat Fernelius, cap. 16. de vrin. Talem enim affectum vesicam, quia frigida & membranosa est, cumulare, & calculi molem fouere: sed quæ nullo dolore fluit, è crudo renum aut circumpositarum partium vlcere vel abscessu prouenire. Turpiterque illos hallucinari existimat, qui pituitam hanc vel è cerebro, vel è crudiore ventriculo in vesicam permeare statuunt. Neque enim per venas illam puram, nec sanguine tinctam, nec perfusam defluere posse in renes. Paulò post tamen idem Fernelius docet, materiam

Arenularum
& calculorum
in vrinis
caussa.

Grumi sanguinis
in vrinis.
Pus in vrinis.

Caruncula in
vrina.

An pituitosum excrementum in urina tantum ex vesica excernatur.
An cum pituita cum dolore mingitur, semper vesica calculum aut ceruicis vlcus significet.

Vermes in urina.

Filamentorum & pilorum in urinis causa.

Bullarum & spuma in urinis causa.

illam pituitosam plerumque à renibus profluere, & postea vesicæ vitio & imbecillitate concrefcere circa calculum; idque eo probat, quod talis materia plerumque manet etiam exempto calculo. Verum huic Fernelij experientia suam opponit Laurent. Iouber-tus, *de differ. urin. cap. 1.* & se de hoc affectu, utpote sibi metuendo & hæreditario, valde sollicitum in non paucis 24. annorum obseruationibus didicisse, præ-sente calculo frequenter mucum cum vrina eiici, qui mox à lithotomia fluere desinat. Vnde colligit, à par-tibus superioribus in calculosis mucum illum non fluere, sed vesicæ calculosæ proprium excrementum esse. Hoc etiam in Fernelij ista opinione inprimis consideratione dignum est; an cum pituita cum do-lore mingitur, semper vesicæ calculum aut ceruicis vlcus denunciet? Et an adeò, ut Fernelius statuit, ab-surdum sit, statuere, è locis etiam vltra renes sitis ma-teriam talem ad renes affluere & per urinas excerni. Ego certè, nisi me omnis sensus & σοφισμὸς medicus fefellit, salua vesica, saluis renibus, cum maximo in meiendo cruciatu, talem materiam per aliquot se-ptimanas continuò tanta copia cum vrina eiici vidi, ut impossibile esse existimauerim, illam saltem à re-nem vel vesicæ vlcere profluere potuisse. Docuerunt alia etiam materiam illam crudam fuisse, & cacochy-miæ in partibus vltra renes sitis sobolem, quam Na-turæ per hanc viam euacuare placuit. Quod & euen-tus, ac curatio docuit, post quam nec in vesica, nec in renibus vllius prioris mali vestigium apparuit. Ver-mes quidem rariùs, nonnunquam tamen etiam in urina apparent. Plurimos albos, breues, tenuissimos, qui nec pediculi dimidium æquabant, & diu viue-bant, se eminxisse testatur Cardanus, *in comm. aph. 76. sect. 4.* Ortum autem habent ex corrupta & sordida materia. Præterea conspiciuntur in urinis, & modò in medio natant, modò fundum, modò superficiem petunt, ut in differentiis contentorum diximus, cor-puscula atomis, filamentis, telis araneorum & pilis similia. Hippocrates, *4. aph. 76.* ad renes causam refer-re videtur, quando inquit: *Quibus cum vrina crassa exigua caruncula aut veluti pili exeunt, iis à renibus excer-nuntur.* Galenus, *in comm.* ita hac de re scribit: *Exi-guas carunculas renum substantia quidem notas esse & in-dicia; illud verò, quod veluti pili excernitur, renum sub-stantia indicium nullo modo esse posse, neque enim fieri posse, ut in talem substantia formam ren dissoluatur: sed neque exesa vesica hoc fieri posse.* Ille igitur πριχάσιον (ita enim affectum hunc Græci Medici nominant, & πριχάζειν ipsis est pilos mingere) refert ad humores in renibus siccatos & torrefactos. Sexto tamen libro de loc. affect. cap. 3. sibi probabilius videri dicit, huius-modi res in venis generari. Verum maximè probabi-le videtur, vbiçunque hæc materia cumuletur, siue in venis, siue in renibus, formam capillorum accipere, ut docet Actuarius, *lib. 1. de causis urin. cap. 21.* in iis vasis, quæ à renibus ad vesicam tendunt. Quanta enim est longitudo horum vasorum: in tantam etiam longitudinem humores in iis excrefcunt. In supre-ma parte conspiciuntur bullæ, spuma, corona, pin-guedo. Bullæ & spuma constant ex eadem materia. Spuma enim nihil aliud est, nisi multæ bullæ aggre-gatæ & cohærentes. Generantur autem bullæ à flatu in viscida materia incluso, qui cum exhalare ne-queat, materiam in tumorem attollit. Dum enim flatus in materia tenaci agitantur, neque facillè tran-sire possunt, bullæ proueniunt; atque quò humor is est viscidior, & flatus crassior, eò diutius bullæ & spu-ma durant. Docuit hæc Galenus, *7. aphor. 34. & 2. aph. 43.* dum inquit: *spuma generatio omnis à duarum substantiarum mistura proficiscitur, quarum spirituosior una est, altera humida. Hæ autem partes permiscantur inuicem in multas partes fractis virisque & communis, atque plu-rimas inter colligendum bullas paruas excitantibus. Aut*

si à flatu urinæ permixto quis bullas originem habe-re neget, & urinam spumofam ab aëris externi, dum mingitur, permixtione potius fieri dicat, is tamen hoc concedat necesse est, materiam illam urinæ, cui aër includitur, viscidam esse. Mercurialis, *de urin. cap. 16.* statuit omnes bullas & spumam esse albam, arbitra-turque, ea omnia, quæ de colore spumæ Actuarius habet, falsa esse. Verum ipsa experientia testatur ali-ter se rem habere. Videmus enim manifestè in san-guine emisso spumam sæpe esse flauam. Ita etiam in urinis bullæ possunt esse diuersi coloris, pro natura humoris, in quem flatus inclusi bullas excitant, ut manifestè in ictericis apparet. Coronam quod atti-net, de ea authores variè sentiunt. Fernelius, *de urin. c. 16.* scribit: coronam docere, qualis in vasis maio-ribus sanguis habeatur. Nam tenuem & albam dilu-tum sanguinem, & sero tenui perfusum ostendere; crassam & albam, pituitosum; citrinam, naturalem; croceam bile multa eaque flaua conspersum; rubram, ardentem, feruidum & accensum; viridem, bile pra-sina & æruginosa: cæruleam & liuidam, vel na-turali melancholia, vel atra bile inquinatum. Ioan. Bapt. Montanus, *in tract. de urin.* docet substantiam, quæ facit coronam, esse humidum existens in solidis, quod vel est substantificum, vel alimentale, colliqua-tum à calore igneo, seu, ut mox addit, substantiam ali-quantulum crassam, & viscidam in se continentem aliquam leuitatem, propter illam naturam acceden-tem ad pinguedinem. Hanc sententiam reprehendit Argenterius, *de urin. cap. 23.* experientiamque testari scribit, in plurimis sanis, & leuioribus morbis, maxi-mè circa autumnum tales apparere circulos. Ipse verò humoris melancholici tenuiorem partem, & ichorem quendam, humoris melancholici portionem, circu-lum hunc constituere statuit, idque ea de causa: quod circulus ille ut plurimum ad nigrum vel viri-dem vergat colorem, & sit depressior urinæ superficie: quod sine aliqua grauitate geri non possit. Hercules Saxonia ex melancholia & pituita mistis coronam deducit. Verum cum & hi proximam causam reddere non videantur, nos in re obscura interim maxima ex parte retinemus sententiam Fernelij. Cum enim co-rona varij sit coloris, ut docet Actuarius, *de differentiis urin. c. 19.* pro varietate & diuersitate humorum, coro-nas varios colores habere statuimus, & existimamus cum Fernelio, multa in superiore parte urinæ, atque illo circulo de substantia & colore oculis subiici, quæ in reliquo humore cerni non possunt. Magis enim visui obuia & peruia est illa pars superior. Et si quæ videtur coronæ in colore à reliquo liquore dif-ferentia, quæ hunc circulum constituit, forsan ad id aliquid facit radorum illa per vitrum refraction. Nam si quemcunque liquorem in vitrum infundas pellu-cidum, semper circulus aliquis in parte superiore apparebit; sed diuersus, pro diuersitate coloris, quem habet humor in vitro contentus. Lumen enim in su-perficie liquoris aliter refringitur & recipitur, quàm in medio. Sed quòd non semper animaduerti potest corona, ideo fit, quòd, ut rectè docet Fernelius, quæ æquabilis & vbiq; similis (addo etiam non nimium tincta) est vrina, in ea vix potest dignosci circulus hic: facillè verò in ea, cui partium dissimilitudo quæ-dam inest, aut humorum exagitatio; aut color ali-quis magis tinctus. Tandem si pinguedo urinis su-pernatat, prouenit ex colliquatione adipis. Hæc au-tem omnis fit à calore. Verum pro copia & condi-tione pinguedinis in corpore in aliis facilius & sine periculo, in aliis maiore cum periculo liquatur. Qui enim habent plurimum adipis mollioris, in iis etiam leui de causa aliquid pinguedinis, præcipuè circa renes, colliquatur, & urinæ innatat. In aliis verò cor-poribus, in quibus minor est copia adipis, non nisi grauiori de causa adeps liquefcit. Ideoq; cū continuò telas

Coron. urini

Ping. in v. caus.

telas aranearum referens pingue vrinis innatat, indicat consumptionem & colliquationem corporis, vt est apud Hippocratem, 2. *progn. tit. 35.* Fernelius hoc insuper hic monet, de *urin. c. 16.* se animaduertisse, nonnunquam ex epoto oleo quasi puncta olei in vrina natate.

CAPVT X.

De causis Commutationis Vrinarum.

Galenus, lib. 3. de *causs. puls.* postquam præcedente libro omnes continentes & proximas pulsuum causas recensuisset, eas causas subiungit, quæ non per se planè, sed quod mutant primas, causæ pulsuum sunt. Hunc secuti Medici in doctrina de vrinis, etiam post hæcenus enumeratas vrinarum proximas causas tales causas recensent, quæ vrinas neque generant, neque corrumpunt, sed mutant citra morbum: quas idcirco causas commutationis nominant: quales sunt temperamentum, sexus, ætas, anni tempus, somnus, vigiliæ, exercitia, animi affectus & similia. Primò temperamentum quod attinet, Calidi naturâ vrinam habent coloratiorem, & tenuiorem, paucique sedimenti, aut pro sedimento saltem enæorema vel nubeculam. Omnia enim sedimenta in talibus absumuntur ferè & sunt leuiora. Qui verò sunt frigidiores, ij habent vrinas minus coloratas, & parum etiam contentorum, nisi crudi succi, qui in debiliore coctione proueniunt, vrinæ permisceantur. Tum enim copiosiora in vrinis apparent contenta. Ratione ætatis ita differunt vrinæ. Pueri habent vrinas albas, crassiores copioso sedimento. Nam ob humiditatis abundantiam, & quod voraciores sunt, & copiosiore sæpe, quàm par est, alimento vtuntur, vrinæ minus coloratæ redduntur, & crudum succum multum continent; vnde vrinæ fiunt & crassiores; & habent multum sedimenti. De quo intelligi potest illud, quod Hippocrates, 2. *progn. tit. 33.* scribit: *in mulieribus*, inquit, & *viris vrina nigra, in pueris aquosa deterrima est.* Cum enim, vt addit Galenus, in *comm.* maximè naturæ contraria perniciosissima habeantur; crassa verò vrina naturalis sit: illa, quæ tenuis & aquosa est, in pueris pro pessima, vt naturæ maximè contraria habetur. Non verò ita à iuuenum natura vrina tenuis aliena est. Nam iuuenum vrinæ substantiæ tenuioris sunt, & contentum paucius habent; sed sunt coloratiore. Iuuenes enim vtpote calidiores, materiam magis attenuant, & ob humorum biliosorum aut bili cognatorum maiorem prouentum, maiorem colorem inducunt vrinæ. Senes habent vrinas albas, tenues & sine contentis. Verùm quia senes multa excrementa coaceruant, si illa cum vrinis permisceantur, accidit, vt vrinæ crassas & cum copioso contento mingant. Qui medij sunt inter has ætates, medias habent vrinas. Qui inter pueritiam & iuuentutem medij, cum calorem ferè moderatum habeant, etiam reddunt vrinæ colore, substantia, contentis mediocres. Qui verò inter senectutem & iuuentutem sunt medij, habent vrinas nec iuuenum, nec senum vrinis planè similes, sed medias, non tamen planè moderatas. Ratione sexus quoque in vrinis aliqua differentia conspicitur. Virorum vrinæ mulierum vrinis sunt longè coloratiore, tenuiores, & pauciora habent contenta; seu, vt Auicenna loquitur, vrinæ mulierum sunt maioris crassitie ac albedinis, & minoris pulchritudinis. Cum enim viri non solum naturâ sint calidiores, sed & vitæ genus plerumque habeant, quo plus exercentur, quàm fœminæ, & hinc plus incalescunt: vrinæ eorum colore excedunt vrinæ mulierum, & sunt tenuiores ac cum paucio sedimento. Mulierum verò vrinæ sunt palli-

diores, & ob crudorum humorum copiam crassiores, & cum sedimento copiosiore. Addunt nonnulli & hanc causam, quod plerumque etiam ex vtero aliquid vrinæ misceatur. Nonnulli verò eò progressi sunt audaciæ, vt putent, se ex vrinæ inspectione iudicare posse, an vrina viri vel fœminæ sit. Cui rei Arabes & superiorum seculorum Medici nonnulli occasionem præbuerunt. Ex Rhase & Auicenna Nicol. Florent. *tract. 5. doct. 3. cap. 38.* docet, vrinæ viro- rum, quando mouentur, turbari, & quidem versus superiora; vrinam verò mulierum esse subtilem, & quando mouetur, non turbari, & in superficie eius spumam esse rotundam, ob admistionem vntuositatis propter gulositatem, vt loquitur, & viscositatem materiæ. Verùm hæc experientia proculdubio non respondent: & si omnino quid in mulierum vrinis plerumque conspicitur, id tamen tale est, vt etiam in vrinis virorum, præsentibus illis causis, non raro inueniri possit. Vnde ex sola vrinæ inspectione tale quid colligere temerarium est. De vrinis vtero gerentium maior est difficultas, & an peculiare aliquæ sint vrinæ grauidarum, seu an ex vrina cognosci possit, mulierem esse grauidam, nec ne, inter authores ambigitur. Medicorum quidem nonnullorum culpâ apud vulgus praua radices egit opinio, vt existiment, non solum sexum, sed in primis an mulier grauida sit, ex solius vrinæ inspectione cognosci posse. Qua de causâ etiam cum de conceptione dubiæ sunt mulierculæ, non raro hoc solum sine vrinæ ad Medicum afferunt, vt ipse ex vrinæ inspectione patefaciat, an conceperint necne. Vbi si Medicus quis cordatior non ad libitum ipsis respondeat, accidit interdum, vt ea de causâ, sed immeritò, pro minus docto habeatur. Cui errori non paruum ansam præbuerunt, & adhuc præbent ij, qui, vt apud vulgus in maiori pretio habeantur, multa hac de re promittunt. Arabes in hac diuinatione fuerunt audaciores, & ex sedimento gossypio carminato simili, & nescio quibus aliis conditionibus, an mulier grauida sit, agnoscere docuerunt. Alij Medici plerique contrâ docent, non esse peculiare & proprias vrinæ vtero gerentium; & statuunt, ex solius vrinæ inspectione, an mulier grauida sit, perspicere non posse. Neque enim si certum aliquod signum ex vrinis hac de re peti posset, Hippocrates, alias in signis ex vrina recensendis diligentissimus, id prætermisisset, & proculdubio, 5. *aph. sect. in qua, aph. 51. & 61.* signa conceptionis, & alia multa in aliis aphorismis de grauidis proponit, hoc signum proposuisset. Verùm vt ex hac controuersia breuiter nos expediamus, id quidem negandum non est, aliquam mutationem in vrinis fieri in grauidis. Nam cum menstruus sanguis, qui singulis mensibus euacuari solet, in grauidis retineatur; neque tamen, præsertim primis mensibus, in fœtus adhuc exigui nutritione absumi possit: hinc non parua sit in corpore mutatio, coctio ventriculi turbatur, atque appetitus læditur, vnde crudi succi & excrementa multa in corpore cumulantur, atque adeò ipse sanguis impurius euadit; quod color faciei mutatus, atque alia symptomata restantur. Mutato autem sanguine, & statu corporis, fieri non potest, quin etiam vrina mutetur. Verùm quod vrinæ illæ tales sint, vt ex iis solis, an fœmina grauida sit, certò cognosci possit, concedendum non est. Nam vrinarum illa, quæ in grauidis sit, mutatio, cum ex suppressione menstruum, & crudorum ac vitiosorum humorum in corpore coacervatione ortum habeat, proprium signum non est conceptionis; sed commune, quod in aliis etiam fœminis, quibus vel ob mensium suppressionem, vel alia de causâ, multi vitiosi humores in corpore cumulantur, apparere potest. Vnde eos, qui ex solius vrinæ inspectione iudicant, an fœmina sit grauida, nec ne, fallere & falli

An ex Vrina
sexu cognosci
possit.

An ex vrinis
cognosci possit
mulierem esse
gravidam.

neceffe

Mutatio vrinæ secundum anni tempora.

necesse est. Variantur & vrinæ secundum anni tempora. Vere enim medio cuiuscunque generis vrinæ sunt moderatæ; vt & in autumnii medio. Quò magis verò versus æstatem annus accedit, eò magis color vrinæ intenditur, ac crassities & contenta imminuuntur. In æstate autem sunt vrinæ coloratiores, tenuiores & pauca habent sedimenta. Nam tum temporis corpora nostra bile magis abundant. De autumnio alij aliter docent. Nonnulli statuunt, Autumnum cuncta diminueret, colorem, substantiam & contenta; alij verò, vt Mercurialis, probabiliter statuunt, colores vrinarum remitti & tenuitatem. Nam bilis iam in autumnio imminuitur, & ob fructuum crudorum vsum, & alias causas, multi humores crudi cumulantur, ob quos calor vrinæ remittitur, & sedimenti maior copia cumulat. Ita & hyeme non idem statuunt. Alij docent ineunte hyeme vrinæ fieri minus coloratas, tenues & pauca habere contenta. Mercurialis verò docet, vrinæ hyeme ad optimum statum propius accedere. Cum enim eo tempore corpora sint calidiora, & coctio fiat melior, & calor, & substantia, & sedimentum vrinæ à naturali statu non multum recedunt. Cum secundum regiones & cœli statum in corpore nostro à calore & frigore, humiditate & siccitate, humores afficiantur: vrinis quoque aliqua inde inducitur mutatio. In calidis enim regionibus & calidiore cœli statu vrinæ redduntur coloratiores, tenuiores & pauci sedimenti: in frigidis regionibus fieri vrinæ coloratas, & sæpenumero perturbatas, docet Mercurialis; quòd à frigore externo intus cohibitus calor augeatur, & auctus vrinam efficiat coloratam, intusque etiam vrinam agitet & conturbet. Verum quis non immerito dubitare posset, an calor naturalis ita ab externo & ambiente frigore augeri possit, vt etiam vrinam conturbare, eiusque colorem intendere valeat. Sunt & aliæ, præter has, causæ, ob quas vrinæ mutantur. Ii, qui modicè exercentur & laborant, bene coctas vrinæ, & in colore, substantia, ac contentis moderatas reddunt. Exercitationes enim moderatæ calorem natium augent. Qui autem immodicè exercentur & laborant, in iis primo color augetur ac crassities: & contenta imminuuntur. Nam quæ diutius durant exercitationes, vires resoluunt. Qui verò in otio viuunt, vrinæ habent non multum coloratas, & præterea crassas, & cum multis sedimentis. Nam in otio vires & calor languent. Gignunt & vigiliæ, & somnus mutationem aliquam. In vigiliis immoderatis principio color eodem modo, vt in exercitiis, augetur; sed si diutius durent, remittitur. Somnus si moderatus sit, vrinæ secundum substantiam, colorem & contenta moderatæ & bonæ redduntur. In somno enim reuocatur calor ad partes interiores, atque hinc optimæ coctiones & vrinæ fiunt: si verò, iam absoluta coctione, quis amplius dormiat, initio calorem intus detentum, & supra modum alimentum permutare, & colorem vrinæ augere, contenta verò & substantiam imminuere statuunt; postea verò cum non amplius agit in alimentum, nec foras etiam fertur, otiosum euadere imbecillumque reddi, & hinc vrinæ à perfecta coctione deficere. Non secus ab animi affectibus & perturbationibus vrinæ nonnihil mutantur. Qui leues & breues sunt, illi non magnam vrinæ mutandi vim habent; qui verò sunt grauioribus & diuturnioribus, ij non leuiter vrinæ immutant. Cum autem affectus alij calorem augeant, alij imminuant, de quo alibi dictum, secundum caliditatem & frigiditatem, quam corpori inducunt, vrinæ alterant. Tandem & cibi vrinæ immutare valent. Nam cibus moderatè sumptus mediocre suppeditat sedimentum, copiosus copiosum, tenuis nullum. Vt iam nihil dicamus de iis cibis, sicut & potu, & medicamentis, quæ magnā vim coloris & odoris vrinæ mutandi habent.

Mutatio vrinarum secundum cœli statum.

Vrina post labores.

Vigilia & somnus quales vrinæ pariunt.

CAPVT XI.

Quæ obseruanda sint in Vrina inspectione.

Postquam iam omnes vrinarum differentias & differentiarum causas explicauimus: vnicum hoc restat, cuius gratia hæc tractatio instituta est, vt iam videamus, quem vsum habeant vrinæ in agnoscendis morbis & morborum causis, & quid ex iis prædici possit. Antequam tamen id faciamus, præmittendum videtur, quæ obseruanda sint in vrinæ inspectione. Multa enim possunt interuenire, quæ, nisi obseruentur, iudicium corrumpunt. Primò autem obseruandum, quo tempore vrina excipienda sit. Nam etsi non inutile sit, omnes quocunque tempore exceptas vrinæ inspicere: tamen non omnes ad significandas corporis dispositiones vim eandem habent. Quæ enim mox sumpto cibo emittuntur, certi nihil significant, (præcipue verò si copiosius quis biberit) quia nondum absoluta est concoctio & excrementorum separatio. Itaque perfecta concoctione demum vrina excipienda est. Laurent. Ioubertus, de vrin. cap. i. tempus hoc non longè ante horam prandij esse dicit. Verum nimis longus hic videtur terminus. Circa tempus matutinum enim plerumque coctio absoluta est, & vrinæ satis tum ad inspectionem sunt idoneæ. Nonnulli existimant eam vrinam quoque (quod non inutile est) quæ ante cœnam & post cibi in prandio sumpti coctionem excipitur, inspiciendam esse: quanquam tam certa indicia exhibere non possit, vt matutina; cum noctu fiat melior concoctio. In febribus etiam ad paroxysmos respiciendum. Nam secundum hos vrinæ quoque variari solent, atque experientia docet, alio modo tempore paroxysmi, alio extra paroxysmum vrinam sese habere; id quod ob materiæ morbificæ, quæ tempore paroxysmi fit, expulsionem accidit. Secundò videndum, an causæ aliquæ præcesserint, & loco cibi, potus, vel medicamenti quid assumptum sit, quo vrina mutari possit: exempli gratia ex cassia sumpta vrina nigra; ex rhabarbaro flaua redditur, ex terebinthinæ vsum violæ odorem acquirit. Medicus itaque cognitum habeat, an tale aliquid præcesserit, ne in iudicando decipiatur. Tertio tota vrina vnâ vice emissâ simul excipienda; neque pluribus vicibus emissæ miscendæ sunt. Nam nisi tota vrina excipiat, neque substantia integra, neque ipsa contenta satis apparent. Si autem quæ pluribus vicibus emissæ sunt, vno vase excipiantur, diuersæ substantiæ & contenta confunduntur neque certum iudicium inde peti potest. Quarto etsi non inutile sit, vbicunque datur occasio mox redditam vrinam inspicere: tamen integrum iudicium ferendum non est, antequam subsederit, & contenta propria loca occupauerint. Nam si vrina mox excepta inspicatur: tantum color apparet; consistentia verò vrinæ & contenta atque bullæ ita exactè agnosci non possunt. Nam quamuis in vrina statim reddita aliquæ bullæ appareant: fieri tamen potest, vt postea omnes euanescant. Contenta quoque non statim apparent, sed demum vbi vrina quieuerit. Et sæpe initio apparent nubeculæ, quæ tamen sensim postea ad medium matulæ, atque hinc ad fundum descendunt. Separatis iam & ad fundum segregatis contentis, tum demum vera vrinæ consistentia patet. Sæpe enim, dum contenta adhuc cum liquore permiscuntur, vrinæ substantia crassior apparet. Aui-cenna tempus, post quod obseruari debet vrina, horâ ferè definit, & post horam sextam vrinam inspicere non vult, cum tanto spatio iam corrumpatur. Verum spatium ita exactè designari non potest. Dantur enim sæpe

Quæda.

Tota vna emissâ.

Vrina quam inspicimus quiescente.

sæpe vrinæ, quæ non solum per sex horas, sed per totum diem integræ conseruantur. Dantur contra & alia, quæ vel intra horæ spatium conturbantur. Hæ itaque vrinarum conditiones animaduertendæ sunt.

Quintò cauendum, ne vrina aëre frigido, vel ventis, præcipuè vase aperto, asseruetur, atque corrumpatur. Vt verò nimium frigus est vitandum, ita & nimius calor, & proinde vrina neque igni aut fornaci ad-mouenda est; nec radiis solaribus obiicienda. Nam à calore nimio non minùs, quàm à frigore mutari potest. Sextò cum autem non rarò accidat, vt vrina diligenter etiam asseruata suâ naturâ turberetur: quæ-ritur quid cum ea agendum sit? Nonnulli, inter quos est Mercurialis, de *urin. cap. 9.* vrinæ semel turbatæ non multam fidem habendam censent; quòd igne vitiari atque extenuari vrinam credant: &, vt Mercurialis ratio habet, cum id, quod semel corruptum est, idem numero ampliùs redire non possit. Verùm etsi meliùs sit, vrinam inspicere, antequam turbatur: tamen si turbati contingat, vñtatum est, turbatas ad ignem aut potiùs in aqua calida iterum soluere, vt ad pristinum statum redeant: solutæ autem aliquan- diu quiescere debent, vt contenta omnia locum na- turalem petant. Et testatur experientia, colorem, sub- stantiæ modum & contenta, quæ in turbatis omnia turbata erant, iterum conspicienda exhiberi. Neque violentus aliquis calor adhiberi debet, qui vrinam possit vitare & corrumpere, sed lenis & blandus, qualis est aquæ calidæ. Ludit verò in vocabulo cor- ruptionis Mercurialis. Nam quamuis verum sit, quod semel corruptum est, idem numero redire non posse: tamen in vrina, quæ sæpe mox atque emissæ est, tur- batur, nullam talem corruptionem concedimus, sed saltem aliquam alterationem & mutationem, quæ le- ui calore emendari & facillè tolli potest, ita vt vrina planè ad pristinum statum redeat. Cuius rei exem- pla quoque sæpe offeruntur in aliis liquoribus, qui eandem numero essentiam retinentes in locis cali- dis sunt clari & perspicui, in frigidis turbantur. Sed quæritur & istud hoc loco; an vrinæ turbatæ, ante- quam iterum soluantur, inspiciendæ sint. Vallesius, de *urin. cap. 3.* multò minus ex perturbatâ frigore, quàm ex soluta igni perspicui posse statuit; cum in perturbata neque substantia vrinæ, neque quod con- tineatur, agnosci possit, color verò omnino obscure. Argenterius, de *urin. cap. 3.* refert, Ioan. Bapt. Mon- tanum, solitum fuisse vrinæ turbatas, antequam ad ignem reciperent, quam prius habebant, naturam, inspicere, idque sibi sæpe risum, dum Patavij cum ipso ægrotos communi operâ inuiseret, mouisse. Nam quid, inquit, ostendere possunt tales vrinæ cor- ruptæ à frigore, vel à calore externo? Quandoqui- dem videmus omnes vrinæ, & tenues, & crassas, & albas, & pallidas, & alias quascunque tandem ita corrumpi, perturbari & confundi. Verùm enim verò non causam habet sufficientem Argenterius, cur virum hunc diligentem & peritum rideat. Nam etsi verum sit, vrinæ omnes tandem turbati: tamen fal- sum est, omnes vrinæ tenues & crassas, albas & palli- das, aut alias quascunque, vbi turbatæ fuerint, eiuf- dem naturæ apparere. Sed conspiciuntur longè maxi- ma in turbatis vrinis differentia: & sæpe vrinæ, quæ non turbatæ ferè conuenire videntur, vbi turbantur, maximè differunt: & in turbatis vrinis ea sæpe vri- næ materia sese exhibet, quam vix in clavis contine- ri quis credidisset. Quapropter inutile non fuerit, turbatas vrinæ, antequam iterum igne soluantur, inspicere. Septimò, Matula quieta contineatur & nō agitetur. Quamvis enim vñtatum fuerit barbaris Medicis, vt scribit Vallesius, vt vrinæ mouerent, & matulam circumducerent, antequam eam inspice- rent; tamen praua hæc est consuetudo. Nam cuncta hoc modo turbantur, vt neque substantia vrinæ, ne-

que color, neque contentum rectè agnosci possit. Octauò, & vasis, in quo inspicienda est vrina, habeat- tur ratio. Inprimis autem vas sit clarum, perspicuum & omnis coloris expers Nisi enim sit planè perspicuū & omnis coloris expers, neque substantia, neque co- lor vrinæ rectè percipi potest, sed color vitri colorem vrinæ mutat. Deinde sit eâ figurâ præditum, qua illa vasa vitrea vulgò parari solent. Nondè, Neque in loco nimis vmbroso, neque luminoso plerique Medici vrinæ inspicere iubent: cum lumen nimium fallat & alios colores inducat; locus verò obscurus colo- res obscurare soleat. Quomodo se gesserit hac in re Valesius, scriptum reliquit, de *urin. cap. 3.* Si, inquit, *ad sit Solis splendor, transfero matulam à Sole in vmbra, & rursum in Solem: si quid variegatum, aut insigni co- lore affectum, moueo, & rursum eo versus reduco, idque ter aut quater facio, vt res videtur exigere, quousque non possit me fallere, quid id, quod circumstat, faciat aut non faciat, & proinde quid proprium, quid alienum sit vri- næ. Neque quidem ita me fugit quicquam.* Quædam enim meliùs in loco vmbrosi, quædam in Solis splendore videntur. Colores in vmbrosi, nisi om- ninò obscurus sit, meliùs percipiuntur: an verò con- tineatur aliquid, in Sole rectius cognoscitur. Et ipsa testatur experientia, commodiùs esse, vitrum cum vrina non in vno saltem loco fixum retinere, sed si- tum & locum mutare: ne tamen moueatur vrina. Alia enim in alio loco, vt diximus, commodiùs conspi- ciuntur. Ne verò lumen incidens quem fallat, aut co- lorem aliquem in vrina mentiatur, manu vel brachio interiecto lumen interciperi iubent Medici nonnul- li. Decimò autem tandem præcipiunt nonnulli, ne nimis longè amoueatur vrina, sed ita propè retinea- tur, vt etiam odor, si opus sit, aliquo modo percipi possit. Ita enim à vino & aliis liquoribus rectius dis- cerni potest vrina. Verùm cum vulgus nonnunquam, Medicos decipiendi gratiâ, alios quosdam liquores, vel aliorum etiam animantium vrinæ pro humana vrina ad Medicos mittat: qua ratione fraus illa ani- maduerti possit, à nonnullis docetur. Primò nonnul- li, vt Argenterius, de *urin. cap. 27.* monent, in vrina semper aliquid sursum deorsumque ferri, more ato- morum, quod in aliis rebus non fiat. Verùm rectè Mercurialis, de *urin. cap. ult.* hoc signum pro incer- to habet; cum sint multi liquores, quibus huiusmo- di corpuscula miscuntur, & exempli loco adducit vina, quæ aqua Tyberina temperantur. Deinde fal- sum est, in omni vrina talia corpuscula conspici. Sæ- pe enim vrinæ tam claræ sunt, vt nihil talium corpu- sculorum vel ascendere, vel descendere videamus. Secundo, hoc modo alios liquores ab vrinis discer- nere docent. Alij liquores omnes ex syrupo aceto- so, aqua mellis, aqua croco tinctâ, & similes, quòd propiùs oculis admouentur, eò clariores & tenuiores apparent: quantò verò longiùs ab oculis remouen- tur, eò crassiores apparent, atque eò magis eorum claritas imminuitur. Vinum excipiunt, vt quod & propinquum, & remotum semper sui tenuitatem ostendat. In vrina verò contrarium accidit. Nam quantò maiore distantia ab oculis remouetur, eò clarior & tenuior apparet; si verò propiùs oculis admoueatur, crassior, & minus clara redditur. Opti- mè autem odor vrinæ ab aliis omnibus liquoribus discernit. Ab aliorum verò animalium vrinis homi- nis vrinam discernere hoc modo docet Auicenna, lib. 1. fen. 2. doct. 3. sum. 2. cap. 11. & qui eum sequun- tur. Vrinæ asinorum aiunt esse sicut butyrum liqui- dum, turbidas & crassas: Boum autem equorumque vrinæ vrinis asinorum esse similes, sed magis citri- nas & parte superiore clariores, inferiore turbidas. Vrinæ ouium esse albas, propinquas vrinis homi- num, ad citrinum colorem inclinantes, sed non ha- bere substantiam (forsan intelligit consistentiam

Vas, in quo
vrina inspi-
cienda, quale
esse debeat.

Quo loco vri-
na inspicien-
da.

Qua ratione
vrina homi-
nis ab aliorū
animalium
vris vel
aliis liquori-
bus discerni
possit.

co af-
la vri-

vrina
inspi-

vrinis
an-
cla-
quid
offit.

crassiores) & earum sedimentum esse sicut oleum aut amurca; urinas capreoli urinis ouium & hominum similes esse, & neque substantiam habere, neque sedimenta, sed esse clariores. Verum forsitan hæc non ita exactè urinam ab aliis liquoribus & urinis discernunt, ut quis etiam, cum maximè cauet, decipi non possit, & si quis Medicum fallere velit, non adeò difficulter id præstare queat. Sed seipsos maximè decipiunt, qui hoc modo Medicos decipere cupiunt. Danda autem est opera Medicis, ne quam tale quid tentandi ansam præbeant vulgo; quod fiet rectissimè, si ex inspectione urinae non plura promittant, quàm in potestate artis est. Nam si candidè vulgum monerent, quid ex urina prædici possit, neque facile ægro non viso & ad cuiusvis ignotæ fallacis & subdolæ mulierculæ libitum multa ex urina vaticinarentur; vix unquam tale quid tentare auderet.

CAPUT XII.

Quid ex Urina perspicere & prædici possit.

ET si ex præcedente de causis urinarum doctrina satis pateat, quid quælibet urina portendat: tamen in specie quædam explicare non inutile est. Primò autem videndum, quousque sese extendat hoc ex urinis iudicium, ne Medicus plus, quàm in artis potestate est, polliceatur, & cum artis dedecore omnia sese ex urinis agnoscere posse temerè iactitet. Falli enim tales omnino existimamus, ex causis, quæ mox dicentur, qui omnes omnium partium affectus, ex urinae solius inspectione, ægro etiam absente, certèque & sufficienter totam morbi naturam sese cognoscere posse existimant, & inspecta sola urina, etsi aliunde nullam morbi cognitionem habeant, medicamenta cum ægri periculo præscribere audent. Primò enim, nisi alia signa coniungantur, urinae sufficientia signa non exhibent, neque omnes morbi & affectus ex sola urina perspicere possunt; cum dentur multarum partium morbi, qui nihil urinam alterant, & de quorum causis urinae nihil permiscetur. Et ut hoc iam solum dicamus, potest quis morbo maximè bilioso laborare, ita tamen, ut nulla bilis in urina ligna appareant, si videlicet bilis cum urina non excernatur, sed ad alias partes feratur, exempli gratia, si tota ad caput moveatur, ut docet Galenus 4. aph. 72. Vnde & Hippocrat. citato aphor. pellucas & albas urinas malas esse scribit, maximè si in phreniticis appareant. Deinde patet ex iis, quæ capite præcedente diximus, magnas ex cibo & potu, medicamentisque, ut & ætate, sexu, tempore anni, vitæ genere posse fieri urinarum mutationes, quæ si ignotæ sint Medico, neque ægri naturam & alias circumstantias cognitæ habeat, plurimis modis errare potest. Facit & ad errandum illud non parum, quod urinae ad eos, qui hac in re vulgi applausum quærunt, & ex prædictione ex urinis famam captant, multis modis corruptæ, negligentius asseruatæ, in vasculis non mundis, sed alienâ qualitate imbutis exceptæ afferuntur. Ex quibus nihil certi cognosci posse, quilibet facile perspicit. Sed his missis iam videamus, quid ex urina cognosci & prædici possit. Primò eam, quæ in iecore & venis est, dispositionem indicare urinam, extra controuersiam est. Docuit Galenus id multis in locis, 2. progn. tex. 26. hæc habet: *Facultatis in ventre indicia agnoscuntur ex iis, quæ quotidie deiciuntur: facultatis verò in iecore & venis, ex urina.* Et, 1. de cris. cap. 7. ait: *inferioris ventris concoctionem excreta; venosi generis urina, instrumentorum autem, quibus spiramus, sputa concoctionem ostendunt.* Et, ibid. *Concoctionis, quæ in spirandi instrumentis fit, sputa; eius verò, quæ in venis,*

urinas: illius autem, quæ in ventre, alui excreta signa esse statuere oportet. Et in febribus omnibus ad urinas præcipue attendere oportet. Quod repetit 3. de cris. c. 3. *Nō aqua, inquit, omnium signorum dignitas est existimanda, sed in morbis quidem thoracis, & pulmonis præcipue sputamina sunt animaduertenda; non tamen urinarum contemplatio negligenda, sed & alui excreta sunt inspicenda. Si verò tantum febricitent sine visceris alicuius passione aut cum inflammatione hepatis, vel renum, vel vesicæ, vel splenis, maximè urinis animum adhibere oportet.* Neque hæc sine causa statuit Galenus, sed fundamenta huius rei habet, 1. de loc. affect. cap. 5. ubi inter signa, per quæ simul locus affectus & dispositio deprehenditur, excreta etiam recenset. Et, 1. de cris. cap. 7. ubi monstrat, cuiusque partis in corpore superfluitatem eam, quæ illi inest, dispositionem ostendere. Quales enim intus humores sunt, & qualis coctio in qualibet parte, talia quoque excreta eiciuntur. Secundò est & hoc extra controuersiam; quod Galenus secundo loco addit, 1. de cris. cap. 7. Urinas quoque renum & meatuum, per quos urina defluit, & vesicæ ac penis affectus significare. Nam si quid in viis, per quas urina transit, præter naturam contineatur, id facile urinae permisceri potest. Vnde & Hippoc. 2. progn. t. 37. postquam de urinis quædam dixisset, concludit: *Non te fallat, inquit, si ipsa vesica egrotans aliquam talem urinam reddiderit. Non enim totius, sed ipsius per se vesicæ indicium est.* Tertiò, an verò præterea quid ex urina cognosci possit, Medici dissentunt. Nonnulli enim nihil præter hepatis & venarum dispositionem, ac meatuum, per quos urina transit, hinc agnoscere statuunt: citantque pro se Galenum, qui, comm. 2. prorrh. ad text. 2. ubi Hippocrates hæc habet; *multoque magis, si urina in sublime elata sit & quæcumque alia in ea sunt desipientiæ signa, hæc addit: memoriâ tenere tyrones oportet, nullum in urina esse signum, quod delirium portendat. Nempe hæc partium hepatis, renumque & vesicæ affectionem significat, vasorumque sanguinem continentium, & virtutis succos generantis tum robur, tum imbecillitatem. Affectionum verò cerebri alia sunt tum symptomata, tum signa.* Alij verò longè latius extendunt hoc ex urinis prognosticum. Actuarius, de urin. iudic. l. 2. cap. 25. cerebri, membranarum cerebri succingentium, lienis, pulmonis, colli & aliarum partium affectiones ex urina cognosci posse autumat. Latius etiam videtur hoc iudicium extendere Hippocrates, qui, 4. aph. 70. scribit: *quibus per febres urinae sunt turbida, qualis iumentorum, vel dolor capitis adest, vel aderit.* Et inuenias Medicos, qui nescio quæ ex urina prædicant. Verum enim verò si rem æquâ lance expendamus, animaduertemus, hoc ex urinis iudicium neque nimis late extendendum, neque etiam nimis arctè contrahendum. Nam hoc certum est, ex urina de nullius partis affectu posse fieri iudicium, nisi aliquid causæ morificæ, quæ affectum illum generat, urinae permisceatur, vel ipse partis affectus quocumque etiam modo urinam immutet. Cum autem urina venosi generis excrementum sit, hinc manifestum euadit, eas partes affectas, quæ nihil ad venas mittunt, vel sanguinem in venis non mutant, etiam ex urinis cognosci non posse. Quartò, quàm late autem extendi possit hoc prognosticum, hæc docebunt. Primò, cum non solum illa materia, quæ in venis continetur, sed & quæ in aliis partibus, urinae permisceri possit, credibile est, illarum etiam partium, è quibus materia in venas mittitur, & urinae permisceatur, affectiones urinam significare posse. Deinde cum materia, quæ in venis continetur, ad alias partes ferri, easque lacerare possit, & de illarum partium affectibus aliquid iudicabit urina. Tertiò cum multarum partium affectus cum venosi generis affectibus coniungi possint, etiam de partium illarum, quæ una affliguntur, conditione & statu aliquid

Urina sufficientia omnium affectuum signa non exhibet.

Hepatis & venarum dispositio ex urina cognosci potest.

Renum
tuum
riorum
vesicæ
dus
urinæ

An
paris
renu
rum
fluit
aliud
gnific
urina

Quous
se exte
urinis
cium.

aliquid significabit. Primò enim negari vix potest, non solum materiam, quæ in hepate, venis & renibus continetur, vrina permisceri, sed & aliunde non raro affluere. Nam totius corporis excrementa ad vesicam & ad aluum confluere posse rectè scripsit Gal. 2. prog. t. 37. & epid. comm. 2. t. 41. Ita ex capite pituita in venas fluere, & hinc cum vrina permisceri potest. Vnde spumosas vrinas capitis plenitudinem, & ab eo detensum pituitæ in partes subiectas significare docet Argenterius, de vrinis c. 25. Idem docet; cum pituitæ generatio fiat in hepate, non solum vitio hepatis, sed & quando ventriculus non satis concoxit, nec præparauit alimentum hepati, id etiam posse vrinam significare existimat, & proinde statuit, vbi aquosæ minguntur vrina, raro aberrare Medicos, si debilem ventriculi coctionem inde colligant. Eodem modo & ex aliis partibus materia ad renes & hinc ad vesicam mitti potest. Hippocr. 6. aph. 44. scribit: quibus à stranguria ileus superuenit, intra septem dies moriuntur; nisi febre superueniente copiosa vrina fluxerit. Et 4. aph. 73. totumina intestinorum & hypochondriorum, vrina quoque multa profluente, solui posse existimat. Sic testatur experientia, aquas hydropicorum interdum euacuari per vesicam; pus in pulmone & thorace collectum per vrinas interdum expurgari statuit Gal. 6. de loc. affect. cap. 4. Quanquam autem hæc viæ difficiliores esse videantur: tamen certum est, materiam ex venis in omnia corporis loca posse penetrare; quod non solum partium nutritio, sed & alia docent, & contra attenuatam in easdem refluere posse & remeare. Quæ cum ita sese habeant, non solum substantia, contenta, & omnia accidentia vrinae diligenter sunt considerata, sed aliarum partium Symptomata & affectiones perpendendæ. Nam si aliqua pars peculiariter afficiatur, & mutata vrina, etiam in parte affecta peculiaris aliqua fiat mutatio, indicio est, ex parte illa ad renes & vesicam fuisse transmissam materiam. Secundò accidit & hoc interdum, vt ad alias partes humores ex venis ferantur, & varia symptomata inducant; vt si ad caput tendat, delirium & phrenitidem gignat. De vrinis turbidis, quales sunt iumentorum, dolorem capitis significantibus, allegatus iam est aphorismus 70 sect. 4. vbi est & alter aphorismus, 72. quibus pellucida & alba sunt vrina, mala; maxime verò si in phreniticis appareant: cum vt Gal. in com. addit, totius bilis flauæ motum sursum ad caput factum esse denunciaret, & com. prorrh. t. 4. inquit: Vrina in turbulentis vigilibusque nigra sublimis petentes phrenitica. Et, 2. prorrh. t. 1. si quippiam in vrina sublimis petierit, occultato coxa dolore, delirium portendit. Verùm de his vrinis obseruandum est, quod habet Gal. in commento allegati modo loci ex prorrh. t. 4. Phreniticorum ea signa sunt certissima, quæ perpetuò & solis insunt phreniticis. Deinde ab his, quæ perpetuò quidem, sed non solis, quæ in suis tractatibus à nobis sunt tradita, demonstratūque, neque in vrinis, neque in deiectionibus, neque in sudoribus, neque in spuris, neque in vomitibus phrenitica signa esse. Nam neque turbata, neque tenues vrinae, neque enæorema habentes, perpetuò tale quid significare; cum etiam ex aliis causis ortum habere possint. Itaque sciendum, tales vrinas non per se, sed per accedens tales affectus significare; & propterea consultissimum fuerit, non solum ad vrinas respicere, sed quomodo se actiones animales & aliarum partium habeant, inuestigare. Nam si ingruentia symptomata, v. g. instante delirio, capitis dolor, vigilæ, oculorum rubedo & similia adsint, & consentiant cum his vrinae: tum forsan delirium aut similem morbum prædicere licet. Aliàs verum est, neque in deiectionibus, neque in vrinis certa phreniticorum signa esse. Docuit hoc etiam Gal. 3. epid. comm. 3. agrot. 12. sect. 83. cum ait: Quia etiam in aliis agris cum dixerit, suspensiones elata, statim subiecit,

Dan. Sennerti Tom. I.


delirauit, innuens, quod eiusmodi suspensiones deliria comitantur in presagiis, vbi omnia, quæ accidunt vrinis, est persecutus, nullum fecit presagium ex eis delirij. Quare signum hoc videtur per seipsum delirium nunquam denunciare, sed casu nonnunquam demonstrari, quia flatuosior esse sanguinem significat. Tertio cum multarum partium affectibus febres & venosi generis affectus coniungi possunt. Quapropter etsi tunc vrina illum ipsum partis priuatæ morbum primò non indicent: tamen non inutile fuerit tum vrinas considerare, & salutis & mortis signa inde petere. Quod ipsum monuit Galen. 1. prorrh. t. 4. Quæ de vrinis, ait, dicta sunt, à phreniticis quidem separata sunt, sed ad inspiciendum, utrum perniciosè aut salubriter ager habuerit, conducunt. Itaque etsi ipsa luxatio, fractura, vulnus, aut tumor alicuius partis ex vrina cognosci non possit: tamen cum febres non raro coniungantur talibus affectibus, non inutile est, vrinas inspicere. Ex vrinae enim inspectione cognosci potest, an febris coniungatur, nec ne, & cuius conditionis febris sit: unde colligi potest, quàm periculosè æger decumbat. Melius enim semper est febre in talibus vacare, quàm febrem coniunctam habere: & ipsa febris conditio maius vel minus periculum denunciabit. Monuit hac de re Gal. 1. de cris. c. 7. in fine, his verbis: In iis, qui laterali morbo afficiuntur, primò quidem sputamina, secundo loco vrinas attendere oportet; quoniam is morbus omnino cum febribus coniungitur: in passionibus autem ventris, si sine febre fuerint, sola alui excrementa inspicere oportet; si autem cum febre, etiam vrinas. Latius si quis vrinae inspectionem extendat, non videmus, quo modo & quibus de causis ei assentiri possimus. Conatur quidem Her. Sax. de vrin. c. 18. defendere, intemperiem quoque partium dererminatarum (v. g. neruorum, pulmonum, cerebri) etiam venis non communicatam posse ex vrinis agnosci; atque huius rei hanc affert rationem, quod serum accedat ad partes determinatas, vt sit vehiculum sanguinis, ac proinde accipiat qualitates partium illarum. Vnde existimat, si postea regurgitet, & per vrinas emittatur, illarum partium affectus posse ostendere. Verùm enim verò longè petita videtur hæc ratio. Nam etsi negari non possit, aliquid serosi humoris cum sanguine per venas distribui, & forsan in exiguis venis sanguini vehiculi loco esse: tamen illud paucillum est, & per sudores, ac insensibilem transpirationem discutitur. Et si omnino eius aliquid per vesicam expurgetur, cum maiore quantitate reliqui humoris serosi & potulenti permixtum, vix potest aliqua peculiaris partium dererminatarum & longè remotarum exhibere indicia. Sed quæ in specie ex vrinis cognosci possint, pluribus recensere opus non est, ne actum agamus. Nam qui cognitum habet ex superioribus, ex qua causa quælibet vrinarum differentia proueniat, ille eadem operâ intelliget, quid quælibet vrina significet. Exempli loco saltem aliquid de vno ferè colore, ex c. 5, afferamus. Cum enim eo loci dictum sit, vrinam tingi à bile seu sero bilioso & tincto, & in corpore temperato bilem nec nimis calidam, nec maiori copia generari, seu serum non nimis aduri & coloratum reddi, atque hinc vrinas ex moderata bile seu seri biliosi admistione accipere colorem aureum: facile quiuis inde colliget, vbi est vrina bene colorata, ibi moderatam esse coctionem. Si verò vrina sit alba ex admistione substantiæ alicuius, quales sunt lacteæ, ex eodem capite colliget, pituitam vel pus admisceri; quod quale sit, vbi vrina subsederit, facile agnosci, & aliis in corpore symptomatis consideratis, ex qua parte proueniat, inuestigari poterit. Si verò sit alba & aquosa, & nulla sit suspicio obstructionis, neque etiam bilis ad alium locum feratur; quod ex eo colligi potest, si consideretur, an vrina antea colorata fuerit, nec ne, neque etià quis copiosius biberit: ex eodem

In omnibus morbis, quibus febris coniungitur, vrina consideranda.

An intemperies partium priuatarum venis non communicata ex vrinis perspicui possit.

T t capite

capite discet, à cruditate tales vrinas ortum habere, dum icilicet in hepate & venis præcipue calor natus ob imbecillitatem suam officium non facit, sanguinemque non recte elaborat, & serum biliosum & falsum humorem non separat; siue hæc imbecillitas proueniat à frigiditate, siue calore nimio. Ab utro autem ortum habeat, ex eo colligi potest, quod scilicet febris adest, vel non adest. Verum reliqua de his suo in loco, in speciali de signis doctrina, proponuntur.



LIBRI III. PARS I.

SECTIO IV.

De Pulsibus.

CAPVT I.

Quid sit Pulsus.

Pulsus nomen antiquis quomodo usurpatum.



VLVS nomen, qui Græcis *σφύζεις* & *σφύζις*, antiquioribus Medicis non ea planè significatione, quàm nunc, usurpabatur. Nam vt Gal. 4. de rat. vict. in ac. 1.26. docet, tantum de motionibus, do-

lorem in membris inflammatis excitantibus, de palpitationibus quoque, & præterea de vehementi arteriarum motione, seu, vt idem annotauit, in lib. quod animi mores temperam. corporis seq. cap. 8. non de omni arteriarum motu, sed de sensibili solum, & qui ipsi homini prorsus vehemens esset, nomen pulsus veteres accipiebant. Quem loquendi modum ipse etiam Hippocrates retinuit, dum, 2. epid. scribit: *cui vena quæ in cubito est, pulsauerit, is iracundus & furiosus euadit.* Id enim de conspicua, vehementi & celeri arteriarum pulsatione saltem intelligendum. Verum idem Hippocrates primus omnium, vt Galenus, 1. de diff. puls. cap. 2. annotauit, omnem arteriarum motum pulsus nominauit. Quem posteriores Medici omnes in primis Erasistratus, Herophilus & Praxagoras secuti sunt, qui omnes perpetuum illum arteriarum motum pulsus nominant. Nimirum, vt Galenus, 4. de diff. puls. c. 2. habet, quibusdam in partibus corporis percipimus motum quendam, non modò si attingamus, sed interdum oculis etiam. Hic in omnibus valentibus multis corporis partibus cernitur, de quibus est carpus manus; atque primò quidem animaduertimus quiddam de profundo ascendere & nos ferire, ab ictu interdum apertè iterum recedere, inde requiescere: interdum primò statim species ostenditur requiescentis, ac deinde ascendentis, iterum ferientis, atque mox reprimentis se rursus atque quiescentis. Eum motum omnes homines pulsus appellant. Quem si definire placet, *Est motus cordis & arteriarum dilatatione & constrictione constans à facultate vitali, ad symmetriam caloris natui conseruandam institutus.* Verum enim verò vt natura & definitio pulsus clarior reddatur, quatuor, quorum in definitione mentio facta, ordine considerata sunt; primò instrumenta seu corporis partes, quibus pulsus perficitur; secundò, facultas seu causa efficiens, quæ organa illa mouendo pulsus author est; tertio usus; quartò partes pulsus. Instrumenta pulsus sunt cor & arteriæ. Nam cum animalium vita & actiones sine spiritu & calore viuifico persistere & perfici non possint: cor conditum est, quod caloris & spiritus vitalis fons, domicilium, focus atque officina sit. Cum verò spiritus vitalis calidæ naturæ sit, & vt conseruetur, refrigeratione & ventilatione perpetuò opus habeat: ita comparatum est cor, vt perpetuo motu, sese dilatando & contrahendo, moueatur, quò & aërem

Instrumenta pulsus.

frigidum à pulmonibus per respirationem attractum & admissum ad sese attraheret, & fuligines calidas expelleret. Et quia calorem vitalem non sui gratia solum cor generat, sed vt totum corpus eo quasi viuificaret: canalibus opus fuit, quibus à corde, tanquam fonte, calor hic viuificus in vniuersum corpus deriuaretur; atque isti canales arteriæ sunt. Vt est in lib. de corde. *Hæc sunt naturæ humanæ fontes, hincque flumina excurrunt, quibus corporis alueus irrigatur. Atque hæc vitam homini conferunt, & si resiccata fuerint; homo perit.* Cum verò calor iste per totum corpus diffusus, non minus quàm in corde, refrigeratione atque ventilatione opus habeat, & ipsas arterias, itidem vt cor, moueri, & motu aërem frigidum attrahere, ac fuligines, quæ calorem suffocare possent, expellere oportuit. Hoc loco illud non prætereundum, quod à quibusdam in dubium vocari solet: An eodem tempore cor & arteriæ dilatentur & constringantur, an verò corde dilatato constringantur arteriæ, & constricto corde dilatentur arteriæ? Verum cum temerarium sit his, quæ sensibus percipiuntur, non acquiescere, non est cur negemus, cor & arterias simul atque eodem tempore dilatari, & simul etiam constringi. Nam non solum ex viuorum anatomia, vt monet Galenus, 7. de administr. anat. c. 14. sed ex eo quoque percipi potest, cor & arterias simul atque eodem tempore moueri, quòd, si vna manus imponatur cordi, altera verò arteriæ, simul atque eodem tempore pulsus percipiuntur. Quòd verò nonnullos, vt contrariam sententiam fouerent, & statuerent, cor, quando arteriæ constringuntur, dilatari, & contra, quando dilatantur, constringi, adduxit, istud est præcipue. Cor & arteriæ, dum constringuntur, expellunt; dum verò dilatantur, attrahunt. Si igitur, quo tempore cor constringitur & expellit, etiam arteriæ constringantur; sequeretur, neque ipsas posse recipere, quod eo tempore cor transmittit, neque cor posse expellere; cum arteriæ, quæ comprimuntur, id non possint recipere: & contra, si, quo tempore cor dilatatur, & arteriæ dilatentur, cor non posset ab arteriis trahere, nec contra; quoniam mutua tractiones sese mutuò impedirent. Verum tantum abest, vt aliquid incommodi ex eo, si cor & arteriæ simul dilatentur & comprimantur, sequatur, vt etiam id ad sanguinis & spiritus vitalis in corde elaborationem commodissimum sit. Nam etsi arteriæ simul cum corde constringantur: tamen non ita comprimuntur & clauduntur, vt planè nihil possint recipere, sed sufficiens adhuc in contractis est cavitatis ad id, quod cor transmittit, recipiendum. Deinde cor & à pulmonibus trahit; neque arteriæ solum ex corde, sed etiam ex vicinis partibus & venis in dilatatione trahere possunt, & qui cordis ac valvularum cordis structuram perpendit diligenter, facile animaduertit, hanc sententiam nihil absurdi includere. Deinde post organa Causa efficiens pulsus inquirenda est, videndumque, quæ ea sit, quæ organa ista moueat. Vbi sese mox quædam opinionum diuortia offerunt, disputaturque; An pulsus à peculiari aliqua facultate excitetur, an verò alia causa sit, quæ sine peculiaris facultatis ope arterias moueat? Aristot. de respir. c. 20. statuit, quod *ὀγκωσις* seu tumefactio, quæ fit ex alimento per calorem, pulsus faciat; exemplumque affert ebullitionis, quæ fit, cum inflatur humidum à calido. Eleuatur enim propterea, quòd amplior fiat moles. Quem etiam alij nonnulli sequuntur, qui putant cor & arterias ideo distendi, quia replentur. Repleri autem cor & arterias ob sanguinis quasi ebullitionem & *πνευμάτωσιν*. Nam quia ob talem ebullitionem maior moles fit, arterias & cor dilatari necesse est. Subsistere verò, vbi illa efferuescentia, & quasi ebullitio cessat; quod fit aëris frigidi, qui feruorem sanguinis compescit, attractione. Ex qua sententia sequitur, pulsus non ab aliqua peculiari facultate

Arri
usu

temp
et a
later
com

Caus
ciens

An p
peculi
cultas
ueniat

edi, sed tantum à sanguinis & spiritus efferuescentia. Et licet alij aliter hanc Aristorelis sententiam explicent: in eo tamen omnes conueniunt, cor & arterias dilatari, quia implentur. Verum fidem hæc sententia non meretur, neque pulsus pro accidentario solum motu habendus, sed pro tali, qui à natura ad finem aliquem est ordinatus, & animalibus secundum naturam ipsorum competit. Etenim à principio ad mortem usque animalis durat, & si intercipiatur, animal moritur. Et si repletio solum atque ὀγκωσις sanguinis vitalis est causa dilatationis: sequeretur, hunc motum potius esse violentum, quam naturalem. Neque hic sufficiens causa reddi posset, cur, moto corde, omnes capillares arteriæ, & quidem eodem motu, moueantur. Etenim non sunt tam duræ, ut corde eleuato ipsæ ob continuitatem simul eleuentur; neque etiam par est omnium arteriarum ratio, sed quæ cordi sunt propiores, sanguinem & spiritum feruentiorem habent, quam quæ in remotioribus partibus. Multorum quoque pulsuum rationes reddi non possent. Nam si solum à πνευματώσει atque inflatione organorum vitalium pulsus fieret, nulla à facultatis peculiari constitutione daretur pulsuum differentia; cum tamen certum sit, pulsuum vehementem à facultate forti; debilem à debili ortum habere: adestque interdum in pestilentibus febribus maximus feruor atque æstus; cum tamen pulsus ob debilitatem virtutis sint languidi. Sicut & illud absurdum est, motum tam certum, & in quo tam exactus ordo & harmonia obseruatur, & multa præsentia & futura cognosci possunt, solum à causa accidentali dependere. Quibus omnibus ipsa experientia & sensus suffragatur. Si enim viuum animal aperiatur, atque cor eximatur, aliquandiu adhuc videtur moueri; etsi sanguis iam effluxit. Quapropter cum Galeno & Medicis statuimus; cor & arterias non dilatari, quia implentur, sed impleri, quia dilatantur. Dilatatur autem cor à peculiari facultate sibi insitâ, quam vitalem & pulsificam nominant, quæ qualis sit, alibi dictum. Atque hanc vim & potentiam cordi inesse manifestum est: sed an & arteriæ talis vis insit; an verò aliunde eam arteriæ accipiant, controuertitur. Nam ut de ea opinione, quæ iam refutata est, nihil dicam, quæ statuit, ob sanguinem feruidum, qui in arteriis continetur, arteriarum pulsuum fieri, aliqui in ea sunt sententia, arterias vim σφυγμικὴν seu pulsificam insitam habere, quæ tamen facultas à spiritu à corde effuso exciteretur atque in actum deducatur. Atque hinc accidere, ut, si spiritus à corde, non influat, & pulsus non edatur, neque vlla vis pulsandi moueat. Alij & plerique Medici Galenum secuti vim pulsificam primò cordi competere statuunt, atque hinc eam in arterias influere, iisque communicari, & quidem non per caua, sed per tunicas earum; quod inde colligunt, quod pars arteriæ vinculo intercepta non pullat, quod non fieret, si facultatem σφυγμικὴν in se habent arteriæ. Verum hac de re prolixius disputandum non censemus. Nam si facultates omnes ab animæ essentia per emanationem simplicem fluunt; in organis verò idoneis, ut subiecto, recipiuntur; arteriæ autem & ipsæ non solum animatæ sunt, sed non minus, quam cor, pulsandi organa: quid absurdi est, statuere, ipsis etiam arteriis aliquam vim pulsandi inesse? Interim tamen facile conceditur, arterias moueri non posse, nisi rectè sint dispositæ, calidèque viuifico à corde perfusæ. Vnde Galenus, 8. de placit. Hipp. & Platonis c. 7. ab insito calore arteriarum motus causari scribit: non quod calor præcipua pulsus causa, sed tantum instrumentum sit. Sicut & id concedi potest, esse quidem in arteriis facultatem σφυγμικὴν, sed cum dependentia à corde. Cum enim omnes quidem partes, atque inter has arteriæ quoque, animatæ sint, sed ita, ut anima in corde quasi radicetur, atque hinc in omnes corporis partes

sele diffundat; facultates verò ab anima dependant: eo modo, quo anima à corde communicatur & dependet, etiam facultatem pulsificam à corde communicari arteriis concedimus: sed an facultas sola absque anima à corde in arterias influere possit, non sine causa dubitatur. Tandem quod vsus & partes pulsus, quæ coniunctim commodissimè explicantur, attinet, vsus pulsus in genere est, conseruare συμμετρίαν caloris natiui, seu ut Auicena. l. 1. fen. 2. doctr. 3. c. 1. loquitur, regere spiritum. Qui generalis vsus alios sub se complectitur, nimirum refrigerationem, ventilationem & nutritionem spiritus & caloris natiui, ac fuliginosorum excrementorum expulsionem. Idque docet Galenus, 8. de placit. c. 8. Arteria, inquit, dum distenduntur per capita, quibus cutem adeunt, exteriorem aërem in corpus attrahunt; atque id tribus de causis, ut refrigerent, ut ventilent, ut spiritum animale gignant. Dum contrahuntur verò, quicquid in ipsis fuliginosum fumosumque creatum fuit, id expellendo elidunt. Primò enim cum viuientium calor fit feruidior, quam plantarum quæ ob id etiam pulsu & respiratione opus non habent, aëre non solum per inspirationem (quæ fit per pulmones) sed & transpirationem (quæ fit per poros cutis) attracto opus fuit, qui calorem internum temperaret, ne nimium efferuesceret. Deinde ventilationem præstat pulsus, id est, separationem fuliginum à calida substantia. Cum enim aëris motu quælibet flamma feruidior reddatur, deinde eo fumi, à quibus extingui poterat, auferatur ac separentur, & flama ad alimentum remittatur, ut nutrita quasi reuiuifcat & viuidior reddatur; animalium verò calor in reconditis corporis partibus delitescat, aërisque externi beneficio frui non possit: ne à suffocatione periclitaretur, Creator istud artificium corpori indidit, & arterias constituit, quarum pulsu aër attractus calorem internum ventilaret. Etsi enim & per respirationem aër attrahatur: tamen vniuersi corporis & partium à corde remotarum calor per eam gubernari non potuit, sed hæc per poros cutis aëris attractio adiungenda fuit. Terriò pulsuum ad generationem spirituum animalium facere, alleg. loc. docuit Galenus. Vbi commodius dictum putarem, ad generationem spirituum simpliciter, vel ad generationem spiritus vitalis: nisi quis forsan in generali significatione per ψυχικὸν πνεῦμα etiam vitalem spiritum intelligere velit. Nam motus tam cordis, quam arteriarum non proximè ad generationem spirituum animalium, sed vitalium destinatus est. Licet enim per respirationem quidem aër etiam per nares proximè ad cerebrum attrahatur: tamen motus cordis & arteriarum cerebro proximè aërem non communicant, sed per illos attractus aër spiritus solū vitales reficit, qui postea animali materiam suppeditant. Nutriti enim, seu potius generari spiritus vitales etiā ex aëre attracto, negandum non est, quod tum ex aliis, tum ex isto patet, quod pro constitutione aëris spiritus puriores & impuriores generantur. Docuitque Gal. idem, 12. meth. med. cap. 5. vbi spiritum in corde & arteriis contineri, & tum ex sanguine, tum ex respiratione nutriri scribit. Et 7. de placit. Hipp. & Platonis c. 3. inquit: spiritus, qui in arteriis continetur, vitalis & est, & dicitur, & in arteriis ac corde gignitur, materiā generationis ex inspiratione & humorum exhalatione sumpta. Quod & ipsum docuit Hippoc. lib. de aliment. ἀρχή, inquit, πρὸς πνεῦμα ὅτι εἶναι, σῶμα, βρόγχος, πνεύμων, καὶ ἄλλη διαπνοή: alimenti spiritus principium, nares, os, guttur, pulmo reliquæque perspiratio. Tandem etiam per pulsuum fuliginosa excrementa, quæ in generatione spiritus vitalis & sanguinis arteriosi proueniunt, expelluntur. Hos verò vsus præstat pulsus per geminum illum motum, ex quo ceu partibus componitur, nimirum per συστολὴν & διαστολὴν, seu arteriæ dilationem & contractionem. Cum verò hi duo motus sint oppositi: etiam duæ quieres intercedant necesse

vsus pulsus.

Partes pulsus.

celle est. Cum enim motus ad suum terminum peruenit, necessarium est, ut ibi quiescat; neque potest res moueri ad oppositum, nisi prius quiescat. Atque ita necessario inter hos motus oppositos duæ quies intercedunt; una quæ diastolen; altera, quæ systolen sequitur; & nisi hoc fieret, idem moueretur motibus oppositis, & ex oppositis motibus vnus cõtinuus motus fieret; quod est impossibile, ut monstrat Arist. 8. phys. c. 7. r. 62. Ut autem hi motus sunt oppositi, & ad oppositos terminos fiunt: ita non ad eundem finem destinantur, nec eundem usum habent. Dilatatione quidem fit attractio, ad caloris refrigerationem, ventilationem & spirituum generationem. Contractio verò inprimis ad fuliginum expulsionem facta est. Cor quidem, dum dilatatur, attrahit sanguinem, spirituum vitalium sanguinisque arteriosi materiam, & aërem ex pulmone per arteriam venosam. Arteriæ verò à venis vicinis aliquid sanguinis tenuioris alliciunt, præcipue verò aërem per oscula sua in poros cutis attrahunt, ad spirituum generationem, refrigerationem & ventilationem. Per systolen autem seu compressionem inprimis fuliginosa excrementa expelluntur, deinde & spiritus, & sanguinis arteriosi aliquid singulis partibus communicatur. Atque hinc accidit, quod, ubi in febribus est magnus calor, multique fuliginosi vapores ascendunt, quod fit præcipue in principio paroxysmi, contractio fit maior, quam dilatatio: cum verò postea calor est in summo, dilatatio fit maior, quia maiore refrigeratione & ventilatione tum opus est.

Dilatationis
usus.
Contractionis
usus.

CAPVT II.

De simplicibus Pulsuum differentiis.

Pulsuum differentiarum plurimarum ab authoribus recensentur; sed ab aliis aliter: quæ tamen omnes commodissime in tres classes redigi possunt. Primum enim differentiarum aliarum sunt absolutæ, aliarum relatiuæ. Absolutæ differentiarum sunt, cum pulsus quamque differentiam absolute & in sua natura, nullâ ad aliam differentiam factâ comparatione, consideramus. Relatiuæ verò differentiarum illarum sunt, quæ ex pulsuum comparatione inter se oriuntur. Absolutæ rursus sunt duplices, simplices & compositæ. Quæ tria pulsuum genera, simplices, compositos, & relatiuos, ordine videbimus; initio factò à simplicibus pulsuum differentiis. Cum autem ad motum localem quinque requirantur, Mouens; spatium, per quod fit motus; Tempus; & si motus ex contrariis est compositus, Quies inter duos oppositos motus intercedens; & tandem Instrumenta, per quæ motus perficitur: pulsus verò motus localis sit: etiam hæc quinque in eo considerata sunt, primum spatium, per quod fit; secundò tempus, quod consumitur in spatij transitu; tertio quies, quæ motum vtrumque sequitur; quarto mouens; quinto instrumenta. Atque hinc differentiarum pulsuum simplices petuntur. Etsi enim in vnoquoque pulsu quinque hæc requirantur: tamen quælibet simplex differentia vnum horum præcipue respicit, & simplices differentiarum sunt, quarum quælibet vni causarum pulsus respondet. Primum enim, respectu spatij seu quantitatis distensionis, in spatio æstimatur magnitudo & paruitas pulsus; atque hinc dicitur pulsus alius magnus, alius paruus. Tempori, quod arteria in motu consumit, respondet qualitas pulsus, ut pulsus alius dicatur celer, alius tardus. Quantitati quieris respondet crebritas & raritas pulsus, & prout parum vel diu in quiete moratur, dicitur creber vel rarus. A motore pendet vehementia & debilitas; atque hinc pulsus alius dicitur vehemens, alius debilis. Tandem ab organo pulsus, quod est arteria, quæ nunc est mollior, nunc durior, oritur differentia, quod pulsus alius est mollis alius durus. Atque ita simplices pulsus decem erunt, magnus, paruus, celer, tardus, creber, rarus, vehemens, de-

bilis; durus, mollis: aut si inter oppositos pulsus moderatum seu mediocre in suo genere intericiamus, quindecim erunt pulsus simplices, quos iam in specie considerabimus. Etsi verò nonnulli alias etiam differentias addant: tamen sunt vel incomprehensibiles (cum tactu non percipiuntur) vel inutiles, & propterea merito præmittuntur. Neque sine causâ dixisse videtur Ioan. Bapt. Montanus, consil. 2 § 6. ea, quæ alij de aliis dicunt, forsitan esse imposturam; & inprimis quod minores differentias illas, in quas enumerata pulsuum genera ab autoribus diuiduntur, attinet, de iis ingenuè fateretur idem Montanus, consil. 2 § 7. se eas cognoscere non potuisse, & Galenū hac in re nescio quid Græci habuisse existimat, atque se ostendere ait, Galenū, cum ista scriberet, & pulsuum genera ad minima diuideret, risisse. Vtut autem sese istarum differentiarum habeant, & ratione atque intellectu colligi possint: tamen proculdubio omnes tactu perceptibiles non sunt, ut suo loco dicitur. Primum pulsuum magnum & paruū dici diximus respectu spatij, per quod transit & mouetur arteria, seu magna ea sit, seu parua. Etsi enim arteriarum aliarum sint maiores, aliarum minores; & proinde aliarum maius, aliarum minus, in motu spatium occupent: tamen cuique suum & definitum, in quo naturaliter moueatur, spatium attributum est; quod si arteria motu saltem occupet & permeet, pulsus est moderatus, atque inter paruū & magnum medius: quod si id excedat, est pulsus magnus: contra, si illud non totum peruadat, erit pulsus paruus. Cum verò in spatio longitudo, latitudo & profunditas considerari possit: pulsuum magnum & paruū nonnulli in alias tres differentias diuidunt, scilicet longum & breuem; altum & profundum; latum & angustum: quibus si moderatus addatur, nouem inde fient genera. Atque si isti modi inter se coniungantur, viginri septem differentiarum, quæ pulsus octoginta & vnum complectuntur, emergunt; quas qui volet cognoscere, legat Gal. de diff. puls. cap. 5. Secunda differentia est à tempore, quod in motu consumitur, seu à qualitate motus petitur; atque hinc pulsus alius celer, alius tardus, alius moderatus dicitur. Celer pulsus est, cum arteria breui tempore spatium suum percurrit; tardus, cum longo; moderatus, cum mediocri tempore spatium id emittitur. In motu enim celeri & tardo definiendo non solum temporis quantitas, sed & spatium, per quod fit motus, respiciendum est. Isque est motus celer, qui æquali tempore maius spatium, vel minori æquale conficit: Tardus verò, qui æquali tempore minus spatium, vel maiori æquale conficit. Exempli gratiâ, si duo currant, atque alter duodecim horis sex miliaria conficiat, alter tria horis sex: neuter altero tardius vel celerius mouebitur; etsi alter duodecim horas, alter sex saltem insumpserit: quia vtrobique est eadem ratio temporis ad spatium, nempe dupla. Si verò alter duodecim horis quatuor, alter duodecim horis sex miliaria percurrat: celeritate & tarditate motus discrepant; etsi vterque idem tempus insumpserit: quia impar est ratio temporis ad spatium; ibi tripla, hinc dupla. Vnde & pulsus moderati non immerito sunt dicendi, qui æquali, & quod naturaliter vsitatum est, tempore æquale spatium conficiunt; qui verò idem spatium minore, vel æquali tempore maius spatium percurrunt, celeres; contra, qui maiori vel pari tempore minus, tardi sunt appellandi. Verum quia non omne spatium, quod arteria transit, tactu cognoscere licet: Medici in definiendo & dignoscendo pulsu celeri vel tardo ad ipsam motus qualitatem inprimis respiciunt; An nimirum is incitatus vel remissus sit. Ut enim in aliis corporibus, quæ mouentur, ea, quæ à locis, à quibus discedunt, sese facile explicant, celeriter moueri iudicantur: tardè verò ea, quæ in locis morantur, & nec facile, nec leuiter sese ab iis explicant: Ita etiam inter pulsus ij habentur celeriores, qui à locis suis se-

Pulsus
gnus &
um.

Celer
dus.

Quæ in pulsu
sunt conside-
randa.

Pulsuum sim-
plices diffe-
rentia.

Pulsuum sim-
plices diffe-
rentia quot.

fese facile explicant, atque in iis moram non faciunt; tardi contra. Cum enim celeritas non sit differentia, sed qualitas motus: ex effectu potissimum cognoscitur. Effectus autem celeritatis est, citò transferre corpus de loco in locum; tarditatis verò lentè. Hippocrates, 6. epid. comm. 2. t. 10. celeritatem & tarditatem in respiratione extensionem & vrgentiam nominat. Extendens enim, vt Galenus, 3. de difficult. respir. cap. 3. explicat, spiritus tardus est, vrgens autem velox. Idem docuit Galenus, in libello de puls. ad tyr. cap. 3. Propriè, inquit, ad motum pertinent celeritas & tarditas; quorum hæc est motus remissus, illa incitatus: de quibus sciendum est indicium ex comparatione naturalis pulsus. Tertia differentia sumitur à tempore quietis. Cum enim pulsus ex duobus contrariis motibus constet, dilatatione nimirum & constrictione, geminam quietem, vt dictum, in eo reperiri necessum est; vnâ post diastolen ante systolen, alteram post systolen ante diastolen. Non enim Natura alium motum inchoat, nisi prius sedato contrario. Cum autem quietis tempus non semper vnum sit, hæc oritur inde pulsuum differentia, quòd alius dicitur frequens seu creber, alius rarus. Frequens seu creber est, qui breui quiete interposita perficitur; Rarus, qui longâ; Mediocris, qui medio modo sese habet. Etsi verò cum quies gemina in pulsu sit, inde etiam duplex crebritatis & raritatis pulsuum possit statui differentia, vna in quiete externa, in qua si non diu pulsus immoratur, fit pulsus in externa quiete creber; & si diu immoratur, fit pulsus in eadem quiete rarus: altera in quiete interna, ob quam etiam pulsus fit creber vel rarus, prout parû vel diu in ea pulsus immoratur: tamen, vt Galenus rectè monet, in libello de puls. de tyron. cap. 4. consultius est, si tyrones hîc, quasi insensibilis sit omnino contractio, sese exerceant, & in pulsu crebritatem & raritatem ex toto eo tempore, quod contractionem & geminam quietem complectitur, æstiment. Vnde diuidit pulsuum in ictum & interuallum. Ictum nominat arteriæ motum tactui occurrentem: Interuallum vero interpositum tempus inter duos ictus, quo contrahitur distenditurque arteria, quod quò breuius vel longius est, eò pulsus dicitur esse frequentior vel rarior. Quarta differentia sumitur à virtute arteriam mouente, quæ vt fortis est vel debilis, ita etiam pulsuum efficit vehementem vel debilem. Vehemens enim pulsus est, qui tangentis manum valde & cum renisu percutit, & quasi tactum euertit: Debilis, qui debiliter manum ferit. In vehementi nimirum pulsu est vehemens & quasi tactui resistens arteriæ motus: debilis verò non vehementer tactum afficit, eique facile cedit. Etsi verò vulgò apud authores σφοδρότης seu vehementiæ nomen dicatur καὶ ἐνεργείας ἰσχυρὰς τε αἵμα καὶ ταχέας, de contenta seu forti, simulque celeri actione; & homines ij σφοδροὶ dicantur, qui εὐτάνως τε αἵμα καὶ ταχέως ἐνεργῶσι, qui contentam & celerem edunt actionem, vt habet Galenus, 3. de diff. puls. cap. 5. & propterea idem Galenus, ibidem, scribat, si vocabula medica constituendi potestatem haberet, sibi que liberum esset nomina pulsibus imponere, simplicem qualitatem ac differentiam τῆς ἀντιβατικῆς καὶ ἀναπνευστικῆς τῆς ἀφῆς τῆς σφυγμῆς, renitentium ac tactum euertentium pulsuum, se nominaturum ἰσχυρὸν, ἢ ῥώμην, ἢ ἐνδυνάμειαν, vim vel robur, vel contentionem, vel simile quid: differentiam verò ex hac & celeritate compositam σφοδρότητα seu vehementiam se appellaturum. Veruntamen quia nomina σφοδρότης seu vehementiæ maxima pars Medicorum de vna è simplicibus differentiis usurpat, & illud retinendum nec mutandum censet. An verò moderatus quoque pulsus hîc adiungendus sit, non immeritò dubitatur. Cum enim sani ac temperati corporis actiones omnes fortes esse debeant: etiam pulsus eius debet esse ἰσχυρὸς καὶ ἐνδυνάμειος, & non

Dan. Sennerti Tom. I.

inter vehementem & languidum medius, qui iam aliquam debilitatem includere videtur. Et reuera si vehementem pulsuum debili opponamus, hominis sani pulsus vehemens esse, atque ab omni debilitate recedere, neque moderatus esse debet, si mediocritatem cum vehementi pulsu conferamus. Verum cum quædam latitudo sit vehementiæ, atque alio modo vehemens sit pulsus in corpore naturaliter & rectè sese habente, alio verò, & longè vehementior in corporibus; qui sese exercuerunt, aut ira concitati sunt, aut qui vino sese repleuerunt: si hi pro extremis habeantur, illi quodammodo pro temperatis & moderatis haberi possunt; ipsi tamen etiam vehementes, verum inter debiles & vehementes illos, qui à causâ non naturali proueniunt, medij. Vltima differentia pulsuum simplicium sumitur à qualitate arteriæ. Hæc enim aut dura est & resistit tactui, aut est mollis & flaccida, eique cedit; atque hinc pulsus dicitur alius durus, alius mollis. Etsi verò inter pulsuum durum & vehementem, ac mollem & debilem magna sit conuenientia, & tam in duro, quàm vehementi sit quædam violentia, quæ abest à molli & debili: tamen non difficulter discerni possunt. Vehementia enim pulsuum consistit inprimis in impellendo & euertendo; durities in premendo & contundendo: & vehemens pulsus quod agit, id impetu & vi agit, per quam quasi tactum euertit, & prementis digitos reiecit: Durus autem non vi & vehementia agit, quod agit, digitosque non à se pellit, sed eorum pulpas comprimit, & quasi ingreditur. Id quod etiam, in aliis rebus videre est. Actiones leonum, taurorum, ventorumque & fluuiorum decursus sunt vehementes, & quæcunque renituntur, euertunt vehementia, non durities: lapides & ferrum dura sunt. Finge itaque manum rapido aquæ fluctui occurrere: finge eandem occurrere lapidi, qui sensim admoueat: ex aquæ rapido fluctu manus impellitur & euertitur, non durities, sed impetu; ex lapide premitur, sed non impellitur atque euertitur. Cum verò durities non eiusdem modi semper esse videatur, & alia sint dura, quia tenduntur, vt vesica inflata; alia, quia concreuerunt, vt glacies; alia ob siccitatem, vt ossa, lapides, lutum: etiam pulsuum durorum non eadem est ratio. Præcipuè & propriè ij pulsus dicuntur duri, qui ab arteriæ siccitate proueniunt: deinde qui tales euadunt ob tensionem, seu ea fiat ob plenitudinem vaporum, vt in inflammationibus accidit, seu conuulsionem morbosarum partium.

Duri & molles.

C A P V T XII.

De compositis Pulsuum differentiis.

Q Vi pulsuum simplices differentias perspectas habet, facile etiam compositas differentias inuenire poterit, easque omnino plurimas, & tam varias vt si quis omnes recensere velit, obscuritatem ferè aliquam huic doctrinæ allaturus sit. Quapropter quædam opera, vt vtiliores ac vsui medico magis accommodatæ saltem enumerentur. Inprimis verò cauendum, ne διαφοραὶ ἀνύστατοι, vt Græci appellant, hoc est differentiæ, quæ simul consistere non possunt, inter compositos pulsus referantur. Exempli gratia, pulsus magnus cum debili subsistere non potest. Virtus enim languida arteriam per magnum spatium non distendit & attollit, sed vt pulsus magnus fiat, naturæ robur requiritur. Ita pulsus magnus & durus coniungi non possunt. Durities enim obsistit magnitudini: neque possibile est, vt arteria durior tantum distendatur, vt possit efficere pulsuum magnum. Hæ itaque præcipuè sunt pulsuum compositorum differentiæ.

Magnus,
Magnus,
Magnus,
Moderatus,
Moderatus,
Moderatus,
Moderatus,
Moderatus,
Moderatus,
Moderatus,
Parvus,
Parvus,
Parvus,
Parvus,

Celer,
Celer,
Moderatus,
Celer,
Celer,
Moderatus,
Moderatus,
Moderatus,
Moderatus,
Moderatus,
Tardus,
Celer,
Moderatus,
Tardus,
Tardus,

Creber,
Moderatus,
Moderatus,
Creber,
Rarus,
Creber,
Moderatus,
Moderatus,
Moderatus,
Moderatus,
Rarus,
Rarus,
Creber,
Moderatus,
Moderatus,
Rarus,

Vehemens,
Moderatus,
Moderatus,
Vehemens,
Debilis,
Vehemens,
Vehemens,
Moderatus,
Debilis,
Debilis,
Debilis,
Vehemens,
Moderatus,
Moderatus,
Moderatus,
Debilis,

Mollis,
Moderatus,
Moderatus,
Durus,
Mollis,
Durus,
Moderatus,
Moderatus,
Mollis,
Mollis,
Mollis,
Durus,
Moderatus,
Moderatus,
Moderatus,
Durus.

Et quæ seprimo loco posita est differentia, eam Authores pro norma quasi & regula reliquorum pulsum constitunt, & propterea quadratum seu *εὐκρά-
τον* nominant, quod corpori optimè temperato, quod Medicis *εὐκράτον* & quadratū appellatur, sit peculiaris. Verum qui pulsus simplices coniungi & quidem vtiliter possint, clarius ex causis pulsum patebit; quæ ad tria potissimum redigi possunt, nimirum facultatem, vsus, & instrumenta, quæ quia variè inter se implicantur, variæ etiam oriuntur pulsum compositorum differentia. Implicantur autem aut omnes simul, aut vsus & instrumenta, aut vsus & facultas, aut facultas & instrumenta: quæ omnia rursus variis modis possunt sese habere. Potest enim facultas esse firma, vsus mediocris, instrumenta mollia: potest esse facultas infirma, vsus magnus, instrumenta mollia: quæ omnia plures pulsum differentias pariunt.

CAPVT IV.

De Pulsu æquali & inæquali.

Respectuæ seu relatiuæ pulsum differentia tres sunt. Vel enim respectus fit ad æqualitatem, & inæqualitatem; vel ad ordinem; vel ad proportionem seu *ῥιθμόν*. Primò æqualitatem seu inæqualitatem quod attinet, nihil aliud est æqualitas & inæqualitas, quàm vnus rei in pulsibus cum alia collatæ conuenientia vel discrepantia. Æqualitatem autem & inæqualitatem Medici primò diuidunt in æqualitatem vel inæqualitatem simpliciter & absolute talem; vel æqualitatem aut inæqualitatem secundum quid, quæ in quodam saltem genere est. Absolute enim & simpliciter æqualis pulsus dicitur, qui neque in magnitudine, neque in celeritate, neque in frequentia, neque in vehementia, neque in mollitie immutatur. Si verò in nullo horum æqualitas seruetur, & neque eadem quantitas distensionis, neque qualitas motus, neque quies, neque vehementia, neque arteriæ status permaneat, vocatur pulsus absolute & simpliciter inæqualis. Si autem non in omnibus his pulsus æqualitatem seruat, neque tamen etiam in omnibus inæqualis redditur: secundum quid, & in quodam inæqualis esse dicitur, denominatione ab eo desumpta, in quo æqualitatem non seruat. Ita potest dici inæqualis in magnitudine, in celeritate, si in his solum quædam inæqualitas obseruetur, in reliquis verò maneat æqualitas. Deinde has inæqualitates rursus diuidunt in systematicam seu collectitiā, & singularem. Inæqualitas systematica est, quæ in pluribus pulsibus obseruatur; seu, est primi pulsus ac reliquorum insequentium inæqualitas. Hæc rursus duplex est, nimirum inæqualitas æqualiter, & inæqualitas inæqualiter. Inæquales æqualiter pulsus sunt, cum sicut se habet in mutatione primus ad secundum, ita se habet secundus ad

tertium, & tertius ad quartum, & sic deinceps. Inæquales verò inæqualiter sunt, qui non æqualiter sese habent in mutatione, nec sicut primus habet sese ad secundum, secundus se habet ad tertium, & tertius ad quartum. Neque alicui hoc mirum videri debet, rem eandem dici æqualem simul & inæqualem. Quatenus enim pulsus à propria natura permutati æqualitatem amittunt, dicuntur inæquales: sed quatenus semper æqualem faciunt mutationem, dicuntur æqualiter inæquales: sicut si faciant inæquales mutationes, inæqualiter inæquales nominantur. Exempli gratia, sit secundus pulsus paulò minor primo; & tertius tantò minor secundo, quantò secundus fuit minor primo; & rursus quartus tertio tantò minor, quantò tertius fuit minor secundo; atque ita deinceps: hæc pulsum series est quidem inæqualis, sed quia semper æqualem facit mutationem, appellatur inæqualis æqualiter. Atque hos pulsus hoc modo se habentes Græci *μύρες*, à similitudine caudæ muris appellant; nonnulli decurtatos nominant. Vt enim muris vel soricis cauda ab aliqua crassitie sensim & æqualiter in acutum tendit: ita pulsus hic in magnitudine sensim & æqualiter imminuitur, sequensque ictus semper minor est priore. Horum autem pulsum Medici porro aliquas differentias constituunt. Quidam enim perpetuò imminuuntur, donec tandem planè in quietem desinant, & pulsare amplius cessent, quos Græci *μύρες ἐκλείποντες*, myuros deficientes nominant. Quidam verò minui tandem cessant, at non planè in quietem desinunt. Vtrique rursus non sunt vnus generis. Alij enim paruitatem, ad quam gradatim perueniunt, seruant, qui proprio nomine carent: alij non perseverant in ea paruitate, sed iterum augentur, & ad magnitudinem redeunt, quos Græci *μύρες πάλινδρομούντες*, decurtatos reciprocos recurrentesve nominant. Et hi rursus varij sunt. Qui enim iterum augentur, vel ad pristinam redeunt magnitudinem, vel ad minorem vel ad maiorem; & quidem ambo iis excessibus augentur, quibus immutati sunt, vel maioribus, vel minoribus. Idem etiam de deficientibus accipiendum est. Alij enim ex his reciproci sunt, alij non. Inæqualiter verò inæquales pulsus & ipsi varij sunt, in magnitudine distensionis, in celeritate & tarditate, & raritate & crebritate, in vehementia & debilitate, in duritie & mollitie. Qui tamen omnes peculiaribus nominibus carent, præter paucos, quibus nomina indiderunt antiqui, atque alios appellarunt intermittentes, alios deficientes, alios intercurrentes, intercurrentesve. Intercurrentis nomen ei, quæ in crebritate est, inæqualitati conuenit. Intermittentis verò illi, quæ in paruitate & raritate: vel, ut Galeno magis placet, intermittentis nomen ei propriè conuenit inæqualitati, quæ fit in sola raritate; cum, qui in paruitate habent inæqualitatem, potius deficientes vocandi sint. Intermittens enim pulsus inæqualis fit ob

Æquales & inæquales pulsus quotuplices.

Absolute æqualis pulsus.

Absolute inæqualis pulsus.

Pulsus secundum quid inæqualis.

Inæqualitas systematica.

Inæquales æqualiter.

Inæqualiter inæqualiter.

Pulsus secundum quid inæqualis.

Myuri cientes.

Decurtati reciproci.

Intercurrentes.

Intermittentes.

ob nimiam raritatem, deestque ei vna, vel duæ, vel tres pulsationes. Arteria enim in quiete illa immoratur, ut pulsatio aliqua inter duas deficere videatur, & pulsus tam fit rarus, ut cessasse planè ab omni actione videatur, unde intermittens appellatur: verum postea rursus motum aggreditur. In deficiente autem pulsu arteria postquam inæquales fecit pulsationes, planè deficere in motu & cessare videtur, ut præ nimia paruitate arteria putetur esse motu omnino destituta. Hic si ad pristinum redit motum, deficiens reciprocus nominatur. Etsi verò intermittens & deficiens conuenire videntur: tamen non parum differunt. Deficiens enim reciprocus post longum interuallum, quo homo videtur pulsu destitui (solum enim ad sensum, non reuera tum quiescit arteria) redit: intermittens verò ad summum post quinque pulsus intermissos reuertitur, aut si diutius moretur, mortis prænuncius est, & iam pulsus abolitionem significat. Intermittens enim pulsus fit à facultate ob debilitatem quiescente, & ab actione cessante: Deficiens verò à facultate diminutè agente, & pulsus tam paruum efficiente, ut tactu ampliùs percipi non possit: etsi reuera planè non cesset: ideo deficiens pulsus saltem spectat paruitatem; intermittens verò raritatem. Intercurrentes seu intercidentes intermittentes sunt oppositi. Nam sicut intermittentes post aliquot pulsationes vna atque altera pulsatione deficiunt: ita in intercurrentibus post quasdam pulsationes vna vel plures pulsationes interueniunt, quæ inæqualitatem crebritatis inducunt, sicut illæ raritatis. Nonnullis tamen placet, etiam hac in specie inæqualitatem in celeritate reperiri. Nam ea pulsatio, quæ inter duas media intercurrit, celerior est iis inter quas media existit. Quapropter detrahit natura à quietibus, quod in hoc intermedio motu temporis consumit; atque ob id quietes esse breuiiores, oportet, pulsusque crebriores. Hoc tamen loco observandum, ne quis hac in re turbetur, authores pulsus *μύρπος* non solum in systematica inæqualitate, quæ in pluribus pulsibus deprehenditur, constituere, verum etiam in inæqualitate simplici atque in vno pulsu. Atque hic *μύρπος* nominant eos pulsus, quando tangentibus pulsum quatuor digitis, pulsus, qui apparet sub digito, qui tangit arteriæ partem cordi propiore, & maior cæteris; sub secundo verò est minor; & adhuc minor sub tertio; & adhuc sub quarto minor. Nam & hic pulsus æmulatur caudam muris. Verum de inæqualitate pulsus singulari, & quæ in vno pulsu fit, iam dicendum est. Est autem Inæqualitas singularis seu simplex pulsum, quæ in vno arteriæ ictu deprehenditur. Atque hæc vel est in vna parte arteriæ, vel in pluribus, siue sub vno digito, vel pluribus, vel omnibus. Inæqualitas in vna parte arteriæ, seu sub vno digito est, quando in dilatatione, vel constrictione diuersitas quædam in celeritate reperitur, ita ut vnius motus pars alia celerior, alia tardior percipiatur. Atque hanc inæqualitatem Authores in tres differentias diuidunt, pulsum nimirum intermittentem, impari citatum, & *δίκροτον* seu bis pulsantem. Intermittens in vno pulsu est, quando dilatatio arteriæ, antequam ad terminum suum & externam quietem peruenit, in medio quasi motu interruptitur, & quiete interpolatur, ita tamen, ut non maneat in quiete, sed motum perficiat, & ad consuetum terminum, quietem externam perueniat. Cuius Authores nonnulli plures differentias constituunt, inter quæ præcipua est pulsus Græcis *δορκασίζων*, Latinis caprizans dictus, cum scilicet diastole quasi media quiete interruptitur, ita tamen, ut post quietem facultas fortius insurgat, motumque perficiat: unde in caprizante pulsu est in vna diastole quasi duplex ictus, & quidem posterior priore celerior. Nomenque hic pulsus accepit à saltu caprarum, quæ, cum ali-

quem adoriuntur, inter saliendo quasi sublimes hærent, & antequam motum perficiant, quiescere videntur, sed mox maiore impetu & celeritate motum absoluunt & perficiunt. Deinde impar citatus, qui Græcis *ἀνισοταχὺς* dicitur, est, quando motus quidem est continuus, nullaque quiete interruptus, verum pars distensionis alia est tardior, alia celerior: ut si motus distensionis tardè incipiat, & postea celeriter absoluitur; aut contra celeriter incipiat, & postea tardè desinat. Tertius est pulsus *δίκροτος* Græcis dictus, *ἀπὸ τοῦ δίκρουν*, quod est bis pulsare, qui accidit, quando arteria incipit moueri, sed antequam motum perficit, retrò cedit, & exiguâ factâ contractione, iterum assurgit ad motum perficiendum; & secundò fertur, ut ita duplex appareat pulsatio, quæ tamen vnicâ distensione constat. Altera enim distensio noua non est, sed prioris complementum; cum non separentur & discernantur cognoscibili quiete. Nam licet arteria recurat: nulla tamen apparet quies (quamuis adsit) quæ inter motus illos interueniat, eosque discernat. Huius pulsus naturam respiratio nobis monstrare potest. Nam accidit sæpe, ut qui aliquid meditantur, aut affectu aliquo tenentur, loco vnius in respirando distensionis, paruâ interpositâ contractione, duas quasi faciant; quod & in pueris flentibus, dum anhelant, videre est. Atque horum pulsum nonnulli plures differentias ponunt, quas qui cognoscere cupit, legat Galenum, lib.i. de different. puls. cap. 14. 15. 16. Combinationes enim tales faciliè institui possunt: sed an cognosci queant, id non ita planum est, de quo postea dicetur. Secunda verò inæqualitas etsi quoque in vno pulsu contingat: tamen non in vna parte arteriæ accidit; sed in pluribus, cum nimirum in vna diastole pulsus duos, tres aut quatuor digitos ferit, sed eos inæqualiter; ita ut in vno digito pulsus aliter percipiatur, quàm in alio: idque duplici modo. Vel enim est motus interruptus, ita ut aliqui digiti motum sentiant, aliqui non: vel est motus continuus, & arteria sub aliquibus digitis mouetur celerius, sub aliquibus verò tardius. Et quod exempli loco de celeritate dictum est, idem etiam de reliquis generibus, de quantitate distensionis, de vehementia, de mollitie dici potest. Et quidem qui ob magnitudinem in hoc genere fiunt æquales, eos *μύρπος* in vno pulsu appellari, iam supra diximus; cum scilicet pulsus sub primo digito est maior, minor sub secundo, adhuc minor sub tertio. Si verò pulsus sub mediis digitis sit maior, sub extremis vtrinque minor, nominant pulsus prominentes, eminulos & prominulos, Græci *μύρπος* in vtramque partem; Archigenes *πενευκόςτα*, circumnutantem, siue circumnudentem pulsum appellat. Ex his porro simplicibus inæqualitatis differentiis aliæ compositæ oriuntur. Possunt enim simplices inæqualitates variè coniungi, & vel inæqualitas systematica cum simplici, vel systematica cum systematica, vel singularis cum singulari complicari: unde variæ pulsum differentie constitui possent. Verum pleræque nomine carent, paucisque tantum ab antiquis nomina indita sunt. Ex quibus præcipuæ sunt caprizans, vndosus, vermiculans, formicans, ferratus, hecticus. De Caprizante iam antea dictum est, quod sit in vna pulsatione, & in vna parte arteriæ, cum diastole quasi media quiete intercipitur, sed postea celerius & vehementius perficitur. Vnde in caprizante pulsu est duplex inæqualitas, in celeritate, & vehementia. Altera enim pars motus est celerior & vehementior priore. Vndosum pulsum constituunt duæ potissimum inæqualitates, magnitudo nimirum diastoles, diuersa in diuersis partibus arteriæ, & crebritas diuersa; cum scilicet arteria quidem continuo ac motu non interrupto mouetur, verum inæqualiter, ita ut magnitudo appareat primò

Impar citatus.

Dicrotus.

μύρπος in vno pulsu.

Caprizans.

Vndosus.

sub primo digito, deinde sub secundo, hinc sub tertio, tandem sub quarto, ad modum vndarum sese attollentium & fluctuantium; unde & nomen accepit. Ab vndoso pulsu sola magnitudine differunt *Vermiculans.* vermiculans, & formicans. Nam vermiculans, ut & formicans, eodem modo hanc inæqualitatem habent, ut pulsus maior primò deprehendatur sub primo digito, hinc sub secundo, postea tertio, tandem quarto; sed in vermiculante arteria minus & tardius attollitur, quàm in vndoso: estque gressui vermium similis, qui, sese inflectendo & contorquendo, lentè & paulatim progrediuntur, exhibetque speciem quasi arteriam perreptantis vermìs, unde & nomen sortitus est. Vermiculante adhuc minor & tardior, sed frequentissimus est formicans; solèrque fieri transitus ab vndoso in vermiculantem, à vermiculante in formicantem, ita dictum à gressu formicæ, quæ quidem crebros gradus facit, sed paruos, crebròque pedes mouet, sed parum promouet, & parum spatij etiam longiore tempore emittitur. *Serratus.* Serratus est, quando vna pars arteriæ magis attollitur, digitòsque magis ferit, altera minus attollitur, digitòsque minus pulsatur. *Hecticus.* Hecticus pulsus à similitudine febris hecticæ dictus videtur. Ut enim febris hectica nullam ferè in calore habet mutationem: ita & hic pulsus semper in eadem inæqualitate persistit, siue magnus sit, siue paruus; siue celer, siue tardus; siue creber, siue rarus; siue debilis, siue vehemens, siue durus, siue mollis. *Tremens.* Tremens tandem seu tremulans ac palpitans pulsus habet inæqualitatem in pluribus pulsibus, in magnitudine, crebritate & vehementia, eo modo, quo in cordis palpitatione id videre est. Atque istæ sunt præcipuæ pulsuum inæqualium differentiæ.

CAP V T V.

De Ordine ac Rhythmo in Pulsibus.

Pulsus ordinatus. *Inordinatus.* Secunda pulsuum relatiuorum differentia constituitur, dum ad ordinem sit respectus. Hæc autem differentia solum competit pulsibus inæqualibus, atque ordo & ordinis perturbatio in pulsibus, solum in pulsibus inæqualibus spectatur. Aequales enim semper ordinati sunt. Est autem pulsus ordinatus, qui etsi sit inæqualis, ordinem in pulsando aliquem seruat. Inordinatus verò est, qui & inæqualis est, & ordinem nullum in pulsando seruat, seu ut Galenus, *in lib. de puls. ad tyron. cap. 6.* loquitur, cum pari semper numero paribus pulsibus intercurrit vnus impar, æqualitatem quidem corrumpit, sed proportio circuituum quendam ordinem conseruat. Est autem circuitus eius rei, quæ sit, in se ipsam conuersio seu reditus. Itaque si accidat, ut arteria quatuor efficiat pulsus æquales, quintus verò ab æqualitate desciscat: pulsus circuitus quidam factus dicitur. Quod si alter circuitus huic par sit, atque arteria etiam quatuor efficiat pulsus æquales, deinde iterum succedat quintus, qui ab illa æqualitate deflectat, dicitur pulsus ordinatus. Licet enim sint inæquales: tamen quia pares circuitus obseruant, & quintus semper in ordine reliquis inæqualis, dicitur pulsus esse ordinatus. Exempli gratia, sint primus, secundus, tertius, quartus pulsus magnitudine æquales, quintus verò minor sit, & à magnitudine præcedentium deflectat: pulsus talem inæqualem esse manifestum est: sed an ordinatus vel inordinatus sit, reliqui pulsus monstrabunt. Nam si sextus, septimus, octauus, nonus, æquales sint, & primo, secundo, tertio, quarto respondeant; decimus autem minor iis sit, ac quinto respondeat: pulsus est ordinatus. Quod si primus & secundus pulsus sint magnitudine æquales, tertius verò minor; quartus, quintus, sextus, iterum ma-

gnitudine æquales, & septimus minor: est pulsus inordinatus. Non enim habet circuitus partes. Nam in primo circuitu post duos pulsus æquales vnus impar intercurrebat: in secundo vero circuitu, post quatuor demum æquales vnus inæqualis interuenit. Eodem modo sese res habet, si post plures pulsationes idem ordo obseruetur. Nam si pulsus decem sint magni, vndecimus paruus, & rursus decem magni, atque iterum vndecimus minor, est ordinatus pulsus. Quod si primò decem magni sint, & post hos paruus, & post paruus quinque saltem magni, est pulsus inordinatus. Ac, quod exempli loco de magnitudine diximus, etiam de celeritate, crebritate, & vehementia accipiendum est. Si enim in his æquales circuitus obseruentur, est pulsus ordinatus; si non, inordinatus. Inordinatos nonnulli rursus in absolutè inordinatos, & non absolutè inordinatos, seu inter ordinatos & inordinatos quasi medios diuidunt. Plures enim circuitus considerare iubent, atque si sequentes circuitus nullo modo primis respondeant, absolutè inordinatum pulsuum nominandum censent. Quod si posteriores circuitus, licet inter se impares, primis respondeant, non absolutè inordinatos, sed medios inter ordinatos atque inordinatos esse existimant. Exempli gratia, sit primus & secundus magni, tertius paruus; quartus, quintus, sextus magni, septimus paruus; octauus, nonus, decimus, vndecimus magni, duodecimus paruus; decimus tertius, decimus quartus magni, decimus quintus paruus; decimus sextus, decimus septimus, decimus octauus magni, decimus nonus paruus; vigesimus, vigesimus primus, vigesimus secundus, vigesimus tertius magni, vigesimus quartus paruus. Est quidem hic quædam inordinatio, nec omnes circuitus sibi sunt pares: sed tamen in hac ἀτάξια etiam quidam ordo reperitur; cum quartus circuitus sit par primo, quintus secundo, sextus tertio, atque ita hic pulsus inter ordinatum & inordinatum quasi medius constituitur. Vltima pulsuum relatiuorum differentia respectu ad proportionem seu rhythmum constituitur. Rhythmi autem nomen à Musicis ad Medicorum scholas translatus est, nihilque aliud est, quàm temporum in pulsibus ad se inuicem proportio. Proportio autem est duarum vnus generis quantitatum ad se inuicem habitudo. Aliter verò de rhythmis docuerunt Antiqui, aliter Galenus. Antiquorum de rhythmis opiniones tres erant. Primò enim quidam contractionem percipi posse negabant, atque hi conferebant tempus distensionis cum tempore interualli, quod, ut supra dictum, comprehendit quietem externam seu superam contractionem, & quietem internam seu inferam, & ex proportionem diastoles cum interuallo rhythmum æstimabant. Alij verò contractionem sentiri posse docebant, atque hi rursus in duas sectas diuidebantur. Alij enim conferebant tempus systoles cum tempore dilationis; Rhythmusque his nihil aliud erat, quàm proportio temporis diastoles ad tempus systoles. Alij verò quietem adiungebant, & diastolen cum quiete externa conferebant cum contractione cum quiete interna, rhythmumque ex proportionem diastoles ac quietis externæ cum systole ac quiete interna æstimabant. Inter istas autem sententias potior fuit secunda, eorum scilicet, qui tempus systoles cum tempore diastoles conferebant; secundum quos δύο μέρη duæ præcipuè sunt differentiæ. Rhythmus enim alius est æqualis, alius inæqualis. Æqualis est, quando tempus contractionis æquale est tempori distensionis. Inæqualis verò, quando diastoles tempus maius vel minus est tempore contractionis. Æqualis sanorum hominum est proprius. Cuius tamen est magna latitudo, sicut etiam sanitatis est magna latitudo. Alij enim homines sunt calidiores, alij

alij frigidiores, alij temperati, alij pueri, alij iuuenes, alij viri, alij senes; alij mares, alij mulieres; viuunt nunc in æstate, nunc in hyeme, in regione calida vel frigida: secundum quæ rhythmum habent nunc tempora longiora, nunc breuiora. Pulsus igitur secundum horum sententiam, qui proprium temperamentum, ætati, sexui rhythmum seruet, *εὐρυθμὸς* dicitur; *ἄρρυθμὸς* verò, qui à proprio ætatis, temperamenti, sexus, rhythmum defleat. *Ἀρρυθμὸς* enim pulsus non *εὐρυθμὸς* priuationem plane significat, sed vitium eius. Vitij autem huius tres differentie constitui possunt. Nam pulsus dum à proprio rhythmum mutatur, vel defleat in proximum ætatis vel temperamenti rhythmum, & *ἡμιρρυθμὸς* nominatur, vel non proximum, alium tamen in eodem genere, & *ἑτερόρρυθμος* appellatur. Nam si planè à totius generis rhythmum defleat, *ἐκρυθμὸς* dicitur. Vt de ætate solum, quasi exempli loco, dicamus, ætas quælibet proprium rhythmum in pulsu habet: exempli gratia, si puerorum motum pulsationis comparamus minimæ, iuuenum semibreui, virorum breui, senectutis longæ: si hunc rhythmum pulsus obseruet *εὐρυθμὸς* dicitur. Si verò pulsus pueri degeneret in pulsum iuuenis, vt vicinorum, dicitur *ἡμιρρυθμὸς*: si in pulsum ætatis senili proprium, nominatur pulsus *ἑτερόρρυθμος*: si autem defleat in pulsum, qui nulli ætati est proprius, vt si diastole sit instar semibreuis, systole instar longæ, dicitur pulsus *ἐκρυθμὸς*. Verum cum fieri nequeat, vt tactus arteriæ motum, cum se intrò recipit, integrè cognoscat & percipiat: si ex collatione partium pulsus, quæ sensibus obuiæ sunt, de toto coniecturam facere velimus, decipi facile possumus. Galenus itaque rhythmum non ex collatione temporis contractionis cum tempore distensionis constituit, sed potius ex collatione qualitatis motus, seu celeritatis & tarditatis, quas facilius est inter se conferre: vt ita illi rhythmus nihil aliud sit, quàm qualiratis diastoles & systoles; contractionis & distensionis inter se proportio, & pulsus *εὐρυθμὸς* sit, in quo systole ac diastole æquè celeres sunt; *ἄρρυθμὸς* autem, in quo systoles & diastoles est inæqualis celeritas. Horum autem rhythmorum inæqualitatem in nouè differentias diuidere possumus. Nam diastole vel est celeris, vel moderata, vel tarda; systole itidem celeris, moderata vel tarda: quæ variè inter se coniungi possunt. Etenim diastole vel celeris, & systole celeris; vel diastole est celeris, & systole moderata; vel diastole est celeris, & systole tarda; vel diastole est moderata, & systole celeris; vel diastole est moderata, & systole moderata; vel diastole est moderata, & systole tarda; vel diastole est tarda, & systole celeris; vel diastole est tarda, & systole moderata; vel diastole est tarda, & systole tarda. Atque hæc, vt Galeni verbis, ex libello de puls. ad tyron. c. 8. vtamur, tyronibus de pulsuum differentiis sufficere existimamus: imò forsan pauciora suffecissent. Et si enim plures proponi possent, & ab aliis proponantur: tamen pleræque non tantum sunt difficiles, & cōiectura potius, quàm sensu constitutæ ac comprehensibiles, verum etiam, vt plurimi doctissimi Medici censent, non solum tyronibus, sed & veteranis inutiles: plurimique, vt habet Herc. Saxonia, l. 1. de puls. c. 3. eas differentias, quæ ad Artem nihil conferunt, proponunt, non quòd ipsi sensu eas cognouerint, sed vt Galeni mentem, alioquin obscuris verbis inuolutam, quoad fieri potest, plenius aperiant, aut nihil, quod à Galeno aliquando propositum fuerit, neglexisse videantur.

CAPVT VI.

Derequisitis quibusdam ad Pulsus cognoscendos necessariis.

Altera pars doctrinæ de pulsibus complectitur rationem dignoscendi pulsus, eamque maximi

momenti, & Medico summopere necessariam. Et si enim ratione & discursu multæ differentie possint colligi, & multa de pulsibus constitui: tamèn nisi tactu agnosci & comprehendi queant, Medico parum sunt vtilia. Vt verò summè vtilis hæc est doctrina: *Pulsus cognoscere difficile est.* ita non paruam difficultatem coniunctam habet; ita vt nonnullis vix verisimile videatur, Galeni illas cogitationes immensas καὶ ἀκαταλήπτους à quoquam vnquam ad vsum practicum reuocatas esse, aut reuocari posse: quidam etiam censeant, nonnullos de pulsuum quorundam dignotione multa iactare, eo sine potius, vt non minus, quàm Galenus & alij Medici, sapere videantur, quàm quod reuera eos agnoscant. Ita enim Ioan. Baptista Montanus, *consil. 257.* refert de quodam Medico, qui cum dixisset, ægrum habere pulsum ferrinum, atque alter doctior eum se deprehendere negaret, tandem & ipse professus est, nec se deprehendisse; hoc tamen ideo dixisse, ne si fortè alter eum cognouisset, ipse minus scire videretur. Ipse verò Montanus, *part. 2. Medicina p. 534.* ingenuè fatetur, se nunquam potuisse percipere constrictionem, neque se cupere, quod multi in rebus difficilissimis faciunt; vt excellere videatur. Ac Galenus ipse, *lib. 1. de dignosc. puls. cap. 1.* scribit se quidem à primis ætatis temporibus, & quamprimum Medicis cæpit operam dare, mirificam cupiditatem pulsus cognoscendi habuisse, nondum tamen vsque ad eum diem, quo ista commentatus est, omnem artem se assecutum esse. Fatetur etiam multos annos, an dignolci tactu clarè arteriæ contractio possit, se incertum fuisse, & in profunda hæsitatione volutatum fuisse: tandem verò cum acrius in inuestigationem incubuisset, speciem contractionis tactui apertè repræsentatam esse. Itaque, vt Ioan. Baptist. Montanus, *allegato loco*, scribit, vel difficulter cognoscitur contractio, vel impossibile est illam percipi. *Quomodo enim, inquit, illam percipies, cum Galenus, qui subtilis fuit ingenij, de se narret, quòd viginti annis non potuerit illam exquisitè dignoscere? Exercuit enim se in tangendis pulsibus per continuos annos viginti; vt omnino illam perciperet: tandem se illam agnouisse dicit.* Verum idem, *pag. seq.* addit: *Deus scit, an quisquam reperiat, qui illam cognouerit. Atque ego, ait, de Galeno etiam dubitauerim, qui ob id se illam percepisse fortassis dixit, vt maximus omnium videretur. Solet enim de se gloriosius loqui: in his præsertim rebus, quæ videntur aliquid noui habere.* Verum enim verò difficultas ista, quantum potest, studio superanda est. Nam vt Galenus, *1. de dignosc. puls. cap. 1.* scribit, *quidam in inquirendo clam inducitur habitus, vsque comparatur, qui progreditur pedetentim, neque dum absolutus sit, vnquam cepisse apparet. Simul ac completus est, cumulatè fert omnium exhaustorum laborum quàm citissime fructum, adeoque cum ipsa usura.* Vt autem ista exercitatio rectè instituatur, & exactè, quæ pulsum differentie cognosci possint, perspicatur, primò quædam, quæ requiruntur ad exercitationem in tangendis pulsibus, & principia quædam ad dignoscendos pulsus necessaria cognoscenda sunt. Primò ergò, vt pulsus rectè percipiantur, quædam in Medico, quædam in ægro requiruntur. In Medico requiritur primò, vt habeat tactus sensum exquisitum manumque mollem, præcipuè in pulpa extremi digitorum articuli, quam partem pro pulsus exploratione arteriæ applicare oportet. Si enim molles sunt digiti, cedunt, & facile in se arteriam recipiunt. Eadem de causâ Medici manus nec valde calida sit, nec valde frigida, sed temperata. Secundò Medicus non mox, vt ad ægrum ingressus est, arteriam attingat, ne forsan, ægro vel reuerentia erga Medicum, vel alia de causâ ob aduentum Medici turbato, pulsus sit immutatus; atque ita Medicus in pulsu diiudicando decipiatur: sed ex-

In Medico ad pulsuum cognitionem necessaria.

spectet

*Qua ratione
applicanda
manus ad
arteriam.*

spectet aliquantisper, donec ægrum animo tranquillo & pacato esse intellexerit. Tertiò attingere debet arteriam in loco patenti & obiuo, hoc est, in carpo alterutrius brachij. Quartò videndum, ut digiti rectè applicentur arteriæ. Primò quatuor aut tres digiti arteriæ apponantur, ut plures differentiæ pulsum possint apprehendi. Deinde debito modo applicanda est arteriæ manus. Potest verò triplex manus applicatio ad arteriam esse, comprimens, suspensa, & media, ut nominant. Comprimens applicatio est, quando digiti arteriam quasi comprimunt. Suspensa est, quando manus leniter, & ut tantum cutem sine vlla compressione tangat, arteriæ applicatur. Media est, quando medio modo, seu cum aliqua compressione applicatur. Neque parum refert, quo horum modorum manus arteriæ applicatur. Prima enim applicatio aliquid demit de spatio, in quo naturaliter mouetur arteria, ita ut arteria, si tam fortis sit, in pulpam digitorum quasi penetraret, & in eas sese insinuet, ut satis spatij pro motu proprio habeat. Ita ad contractionem, si potest, cognoscendam magis conueniens est, ut & pro vehementibus pulsibus, qui manum quasi repellere possunt. In languidis verò pulsibus compressio magna ex parte pulsum aufert. Suspensa applicatio spatium arteriæ motui destinatum integrum relinquit, & propterea pulsus vehementes per eam non satis percipiuntur. Tertius modus medio modo sese habet. Hic enim, nec ut in vehementibus lenis contrectatio, nec ut in languidis compressio, motum obscurat. Ex parte verò ægri ut pulsus rectè percipiatur, etiam quædam attendenda sunt. Primò, de quo antea etiam dictum, videndum, ut æger, quo tempore pulsum tangit Medicus, sit liber ab omni animi affectu & perturbatione, ne eæ, quæ ex animi affectu accidunt, pulsus mutationes Medico imponent. Neque etiam pulsus explorandus mox post corporis motum, ne & hac de causa decipiatur Medicus, sed expectandum, donec, quæ à motu prouenit, in corpore perturbatio omnis sit sedata. Secundò manus ægri situm rectum habeat. Neque enim manum quomodo libet sitam tangere licet, sed ut pulsus rectè percipiatur, manus sit ab omni motu voluntario libera, ægerque digitos non flectat multum aut distendat, sed in media & naturali forma retineat. Manum quoque æger suis viribus non eleuet, ne tremat, pulsusque variet. Interest etiam, an manus sit supina vel prona, & an Medicus supra vel subter arteriam tangat. Supra autem applicari manus dicitur, quando supinâ locatâ manu ægri supra ipsam Medici manus imponitur: Subter verò, quando brachium prouersum situm habet, ut quodammodo ab ipsa arteria pendeat manus. Et si autem vterque situs pro diuersis pulsibus cognoscendis sit necessarius: medius tamen frequentissimè usurpatur, qui minimum etiam pulsum variat. Secundò principia quædam & fundamenta quasi præsupponenda sunt, quibus præcognitis Medicus facilius in cognitionem differentiæ pulsum perueniet. Primum autem principium hoc est, Principiò corporis temperati pulsum esse cognoscendum, ut ad illum quasi normam reliqui pulsus conferantur & æstimentur. Cum n. pulsus alij dentur magni, alij parui, alij celeres, alij tardi: alterius respectu ita nominari necesse est. Itaque primò danda est opera, ut in hominum, qui corpore sano, quadrato & temperato videntur præditi, pulsibus explorandis sese exerceat, & qualem tales homines in magnitudine, celeritate, frequentia, vehementia, mollicie pulsum habeant, exploret, ad quam, quasi regulam, postea aliorum hominum pulsus examinet, & quantum ab eo deflectant, inuestiget. Non solum verò pulsus ægrorum ad hominum optimè temperatorum pulsum expendere oportet, sed quoque, si fieri potest, cuiusque ægri pulsus cum proprio ac naturali pulsu, quem habebat, æquequam in morbum incideret, conferendus

*Qua in agro
ad cognoscen-
dos pulsus
requirantur.*

*Pulsus homi-
num tempera-
torum primò
explorandi.*

est. Verum cum fieri non possit, ut Medicus omnium hominum, qui curandi offeruntur, pulsus exploratos habeat: danda est opera, ut communis cuique generi natura perspecta habeatur. Cum enim alius pulsus sit marium, alius fœminarum, alius puerorum, alius virorum, alius senum; alius corporum gracilium, alius obeforum; alius calidorum, alius frigidorum: Medicus in id incumbat, ut menti pulsum, qui cuique generi communis est, infigat, ad quem postea cuiusque indiuidui pulsum conferre poterit. Vbi & hoc non prætereundum, quorundam hominum esse quasi monstruosam pulsum constitutionem à primo ortu; in quibusdam etiam pulsum deprauari ob vulnera accepta, similesque causas. Accidit enim interdum, ut quidam arterias in carpo profundissimè latentes, & multâ carne rectas habeant. Obseruatum etiam est, nonnullis vitiosum arteriæ situm à natura obtigisse, ob quæ pulsus non in consueto loco percipitur; nonnullos quoque naturaliter habuisse pulsum intermittemtem. Ita interdum post arteriarum vulnera, ob cicatrices relictas, aut ob tubercula circa arterias pulsus deprauatur & mutatur: quæ nisi Medico perspecta sint, aut referantur, facile fieri potest, ut in prædictione ex pusu erret. Alterum principium est, tactu non solum ictum percipi posse, sed etiam distensionem arteriæ, hoc est, motum arteriæ in longum, latum & profundum. Nam nisi distensio percipiatur, multæ differentiæ pulsum cognosci non possent; cum ictus pluribus pulsibus communis sit, in quibus tamen distensio aliter atque aliter se habet. Animaduerti autem distensio non solum visu in corporibus gracilibus, sed & tactu percipi potest. Sentimus enim differentiam inter pulsus magnos & paruos, & pulsus magni vel parui apparent, ob maiorem vel minorem distensionem arteriæ: quod & in aliis differentiis locum habere potest. Tertium principium à plerisque constituitur hoc; Arteriæ contractionem sentiri posse. Verum non solum ex antiquis multi id negarunt, sed & à recentioribus idem in dubium vocatum. Ioan. Baptistam Montanum ingenuè fassum esse, se nunquam systolen percipere potuisse, antea dictum est. Idem fatetur Her. Sax. l. de motibus arteriarum cap. 7. statuitque systolen vel nullo modo, vel difficilimè comprehendi posse, & propterea consulit, ne in indaganda systole, vel distinguendis duabus illis quietibus tantum studium, tantusque labor adhibeatur, inprimis, cum systoles comprehensio adeò insignem vtilitatem non habeat. Nam cum, ut Gal. l. 1. de dign. puls. c. 5. docet systole non possit sentiri, nisi in vehementibus & maximis pulsibus; pulsus verò vehementissimi & maximi vel in sanis tantum sint, vel in leuioribus morbis, in quibus pulsus exploratio tam necessaria non est; in pulsibus verò languidis, nec admodum magnis, quales sunt in grauioribus morbis, contractio cognosci non possit: non adeò de eius cognitione laborandum censet, sed totum illud tempus, quod est inter vnam & alteram diastolen pro intervallo, cum Gal. in libello de puls. ad tyrones, accipi iubet. Idem etiam, de puls. l. 2. c. 5. multa in eandem sententiam profert: tandemque concludit, Galenum hac in re nimium proprio tactui credidisse, & mente potius, quam tactu systolè cognouisse. Verum ne quenquam ab industria & studio hinc auocare videamur, modum viamque agnoscendi systolen, qui à Galeno eiusque interpretibus traditur, proponere libet. Cum autem à nonnullis systole ea de causa insensibilis putetur; quod ea tantum, quæ cōtingimus & palparamus, tactu perceptibilia sint; ea verò, quæ amplius nos non attingunt, atque à contactu nostro discesserunt (id quod in contractione arteriæ fieri videtur) sentiri non possint; initio distinguendum est inter ea, quæ se contingunt, seu inter modum potius contactus. Nam corpora, quæ se inuicem tangunt, vel leuiter

*Non
ictum
percip
& di*

*An
tactu
possit*

*Medi
gnos
solen
di*

saltem

saltem atque superficie tenus se contingunt, vel impetu ac impulsu quodam id, quod validius ac durius est in alterum, quod mollius est ceditque, quasi penetrat & ingreditur. Quæ primò modo sese contingunt, citissimè discedunt, & temporis momento alterum ab altero separatur, vt discessus tempus sub sensum cadens nullum animaduerti possit. Quod verò cum impetu ac quodam impulsu aliud tangit, eius recessus sub sensum cadens tempus animaduerti potest: neque illud, quod in aliud impetu quasi penetravit, ab eo subito & insensibiliter recedit. Et enim inter primum discessus initium, & illud momentum, quo corpora ista se tangere amplius desinunt, intercedit tempus medium, quo scilicet ab eo loco, in quem ex durioris impetu mollius redactum est, peruenit ad eum terminum, quem occupabat, antequam à duro impelleretur. Videre hoc est in multis rebus, vt in vtribus, foliis, vesicisque inflatis & similibus. Tale enim corpus si quis leniter & superficie tenus digito contrectet, momento etiam temporis digitus ab eo iterum remoueri potest; neque vllus cum in applicatione digiti, tum in retractione eius sit motus: verum si fortius digitum imprimas, foliis vel vtris partem, quæ digito premitur, & in applicatione, & in retractione digiti moueri, digitumque qui impellebat & imprimebatur, comitari, vsque quoad priorem statum redeat, videbis. Quod si eorum alterum, mollius scilicet, sensu esset præditum, alterius corporis abeuntis motu perciperet. Vnde Galenus, *i. de dign. puls. cap. 4.* comparat arteriam digito, & vasi corpus, quod arteriam contingit, vasque sensum inesse fingit. Verum fictione hæc opus non est; cum in corporibus sentientibus huius rei exemplum haberi possit. Si quis enim carnosorem musculum vel etiam abdomen pressius tangat, & digito comprimat, digitumque paulò tardius ab eo iterum remoueat: manifestè non solum compressionem, quæ digito fit, sed & digiti recessum, & musculi vel abdominis compressi dilatationem percipiet. Eodem modo sese res habet in pulsu. Si enim arteria debiliter & leniter moueatur: digitos saltem superficie tenus pulsabit, neque eorum pulpas comprimet, & propterea eius recessus & contractio sentiri non poterit, neque tempus erit, quo quis dicere possit, illam recedere, sed solum recessisse dicere poterit. Verum si arteria vehementer & quasi cum impetu moueatur, ac pulpas digitorum comprimat: digitus non solum arteriæ impetum, & compressionem ab impellente arteria factam sentiet, sed & eam amoueri ac recedere percipiet, vt quis non solum arteriam recessisse, sed & iam recedere dicere possit. Ex quibus iam per se liquet, non omnes pulsus ad dignotionem contractionis esse vtilis, sed tantum vehementes, & quò vehementior est pulsus, eò facilius contractionem sentiri posse; in languidis verò contractionem percipi non posse. Ad contractionem commodius percipiendam magnitudo quoque facit. Quod enim altius ascendit arteria: eò longius ad descensum tempus requirit. Quod si tarditas insuper accedat, exactius adhuc sentietur: quia in motu longius tempus consumit. Huic principio quartum subiungunt, nimirum initium distensionis, & finem contractionis sentiri non posse. Vt enim arteriarum illarum, quæ profundior situm habent, & carne multâ teguntur, motus non sentitur, quod digitum contingere non possint: ita eadem de causa diaholes initium, & sistoles finis percipi non potest. Nam cum arteria cutem ita arctè non attingat, sed aliquid habeat spatij, in quo naturaliter moueri possit: is motus arteriæ, qui fit, antequam cutem attingat, percipi non potest. Eadem ratio est finis contractionis. Siquidem in quo spatio mouetur arteria in principio diaholes, in eodem mouetur in fine sistoles: ad quod cum tactus noster

penetrare non possit, illam quoque percipere non potest. Quibus tandem & hoc addunt, externam quietem integram posse cognosci, si quis aptè manum applicet: cum, quando abest motus, sentiatur quies.

CAPVT VII.

De cognoscendis simplicibus Pulsuum differentiis.

His præmissis, ad ipsas pulsuum differentias agnoscendas accedimus: & primò quidem simplices. Nam in his, qui in pulsuum exercitatione proficere vult, primò exerceri oportet, & imprimis in pulsu magno, forti, duro. Cum enim pulsus tactu percipi debeat: ij pulsus facilius percipiuntur, qui fortius mouent, quales sunt magnus, fortis, durus, qui maiorem compressionem faciunt. Pulsus verò debilis, si fortius arteria prematur, ne percipitur quidem; atque ira nec diahole, multò minus verò systole deprehendetur. Primò autem quod pulsus magnos & paruos attinet, pulsus magnos & paruos dici non respectu magnitudinis arteriæ, sed respectu magnitudinis motus, ex differentiis supra propositis notum est. Pulsus enim magnus est, quando arteria in spatio, in quo mouetur, valde distenditur: paruos, quando parum, siue arteria sit magna, siue parua. Cuius rei exempla & in aliis corporibus habentur. Ita vesicam etiam paruum valde inflatam distentam dicimus: contra saccum, qui etiam multas vesicas capere posset, laxum nominamus, si non valde distentus sit. Eodem modo sese res habet in arteriis. Earum enim, siue magnæ sint, siue paruæ, tunicæ si valde distendantur, vt vix vlla pars laxa relinquatur, pulsus magnus dicitur: si verò parum distenditur, ita vt multò magis distendi possit arteria, pulsus paruos dicitur: si medio modo distenditur, moderatus. Ita puer etsi multò minores habeat arterias, quàm senex: tamen pulsus habet maiores. Puerorum enim paruæ arteriæ magis distenduntur, quàm senum. Vt verò, quanta sit distensio, cognoscamus, ad optimam naturam semper respiciendum, & ad magnitudinem arteriæ, quam tangimus. Si enim animaduertamus arteriam plus, quàm debebat naturaliter, distendi, & valde dilatari: & propter distensionem magnam repellere quasi digitos, aut foueam iis imprimere: pulsuum esse magnum censebimus; si parum, paruum. Auertendum tamen hic, an corpus sit gracile, an verò earnosum. Nam in corpore gracili magnitudo pulsus magis apparet: in carnosus vero corporibus pulsus etiam magni moderati videntur. Potest autem in magnitudine pulsus considerari longitudo, latitudo & profunditas. Verum non omnis dimensionis quantitas exactè sentiri potest. Moles enim corporum, quæ, vt omnis arteriæ distensio non percipitur, in causa est, eadem prohibet, ne omnis magnitudo percipiat. Itaque danda opera, vt is tangendi modus adhibeatur, qui ad omnem dimensionem, quantum fieri potest, percipiendam commodissimus est. Ad longitudinem autem percipiendam leniter saltem applicare digitos oportet. Et enim pulsus vehemens, etsi nihil prematur, tamen, quantus sit, percipitur. Si verò pulsus paruos & languidos premamus, maxima pars motus obscurabitur. Ad latitudinem verò & profunditatem integrè percipiendam si tactus non satisfacit, ratione supplendum, quod sensus non assequitur; & quidem hoc modo. Leniter contrectemus arteriam, & si pluribus vel paucioribus partibus occurrit, inde colligere licet, magnam vel paruum esse distensionem. Cum n. arteriæ teretes sint, & cylindri quasi figurâ obtineant: ea maior est distensio, quæ maiore circulo comprehenditur; minor, quæ minore. Itaque cum arteria partes

Qui pulsus facilius percipitur.

Pulsus magnus & paruos quomodo cognoscatur.

quas

*Pulsus celer
& tardus
quomodo
agnoscatur.*

*Frequens &
rarus quomo-
do deprehen-
datur.*

quasdam habeat supremas, quasdam obliquas, quæ ex utroque sunt latere: si obliquæ illæ, & quæ ad latus arteriæ sunt, partes magis appareant, talis pulsus latus est; si verò obliquæ illæ & ad latera positæ partes nihil aut parum appareant, pulsus est angustus. Secundam differentiam constituit celeritas & tarditas, celerque pulsus dicitur, quando arteria citò de loco in locum transit; tardus, quando tardè. Cognoscitur autem celeritas & tarditas comparando pulsus ad hominis temperati vel cuiuscunque hominis naturalem pulsus. Si enim animaduertatur, arteriam de termino ad terminum celeriore & citatior, quàm in homine temperato vel sano fieri consuevit, impetu moueri: pulsus is celer est; si verò spatium suum tardiore quasi gressu permeet arteria, tardus est. Frequentes & rari pulsus quomodo agnoscendi sint, in libris de dignosc. puls. non tradidit Galenus; idque ea de causâ, quòd tota crebritatis & raritatis ratio à tempore quietis dependet. Itaque quietis cognoscendæ modo perspecto, facillè etiam pulsus frequens & rarus cognoscitur. Duplicem autem esse quietem, vnam externam, alteram internam; & propterea etiam hæc frequentiam & raritatem considerari posse, supra dictum est. Si enim arteria diutius moratur in loco, ad quem per diastolen peruenit, antequam iterum contrahi incipiat: pulsus rarus secundum quietem externam dici potest: si non diu in eo moretur, frequens. Eodem modo sese res habet de quiete interna. Galenus, lib. 1. de dignosc. puls. c. 10. quietem externam sentiri posse integram affirmat. Verùm cum contractio difficulter, neque in omnibus pulsibus percipitur; & quies externa nisi cognita contractione percipi non possit, neque aliàs quies externa, licet reuera intercedat, præcipuè in pulsu celeriore, ita facillè animaduerti possit; quies verò interna saltem per ratiocinationem possit colligi, cum media sit inter finem contractionis, & principium distensionis; quorum vtrumque percipi non potest: rectissimè fecerint tyrones, si, quod supra quoque proposuimus, Galeni consilium, in lib. de puls. ad tyron. cap. 4. sequantur, & omne illud, quod inter duos ictus intercurrit, quietem scilicet externam, contractionem, quietem internam, adeoque etiam principium distensionis, pro intervallo & quiete habeant, & hinc pulsuum crebritatem & raritatem æstiment, comparando nimirum pulsus cum hominis temperati & sani pulsu. Si enim cognouerit quis, quodnam in homine temperato aut sano intervallum sit inter vnum atque alterum ictum, atque cum hoc alios pulsus comparauerit: facillè intelligere poterit, qui pulsus sit frequens, qui rarus. Nam si intervallum inter vnum atque alterum ictum sit longius, pulsus erit rarus; si breuius, frequens. In quarta differentia seu pulsu vehementi ac debili cognoscendo videndum, ne pulsus magnus, celer, durus & vehemens confundantur. Omnes enim hi pulsus quodammodo in hoc conueniunt, vt tactum, hoc est, digitorum pulsam, qua arteriam contrectamus, validius afficiant. Verùm si cautio adhibeatur, non ita difficulter discerni possunt. Pulsui enim vehementi soli hoc peculiare est, reniti & sese opponere quasi manus comprimenti applicationi; id quod reliqui pulsus, nisi simul vehementes sint, non faciunt. Nam etsi pulsus magni, duri, aut etiam celeres tactum euerant; tamen hoc solummodo faciunt in leni & suspensa manus applicatione: si verò manum pressius applices, tactui amplius non resistunt, sed cedunt, & propterea vehementes non sunt. Solus verò vehemens compressioni manus resistit, tactuique renitur. Si verò magnus aut durus, aut celer simul comprimenti manus applicationi renitatur, tum pro vehementi quoque habendus est. Vltima superest differentia, quæ pulsus duros & molles complectitur.

*Vehemens &
debilis quomo-
do perci-
piatur.*

*Durus &
mollis quomo-
do cognoscen-
dus.*

Est autem magna pulsus duri & vehementis cognatio, & propterea ne confundantur, diligenter attendendum est. Vterque enim pulsus, vt antè etiam dictum, durus scilicet & vehemens, tactum euerit in ictu, sine quo vterque non percipitur. Differunt autem secundum Galeni & plerorumque Medicorum sententiam, quòd vehemens propriè ad motum pertinet, arteriæque motum sequitur: durus verò etsi sine ictu non deprehendatur, non tamen à motu prouenit, sed ab arteriæ duritie & mollitie. Molles enim arteriæ humidæ sunt, carnosæ, & digitis cedunt: duræ verò siccæ sunt instar corij, & rigidæ, digitis que premunt. Ac propterea licet vterque pulsus tactum euerat; vehemens tamen solum euerit tactum, & quidem vehementer impellendo; durus verò præterea premit: sicut videmus ventum & aquæ rapidæ fluctum hominem & obuia quæque impetu ac violentia euertere, sed sine compressione, dura verò præterea comprimere & contundere. Verùm cum vehementia etiam duritiem habere, & propterea etiam comprimere possit: vt certius adhuc pulsus durus & vehemens distinguantur, tenendum; duritiem nunquam cum magnitudine, neque vehementiam cum paruitate, licet vehementia cum duritie, & durities cum paruitate coniungi possit, vt in caus. puls. dicitur, coniungi. Itaque si tactus eueratur quodammodo in pulsu, verùm is pulsus sit parvus: hinc colligere licet, pulsus cum esse propriè durum, non verò vehementem; id quod in pleuritide observari potest, in qua nonnunquam pulsus duri sub falsa vehementiæ specie Medicis illudunt, à cautiorebus tamen ob paruitatem deprehenduntur. Sin contra pulsus sit magnus, tactumque euerat: magnitudo indicat adesse veram vehementiam, non duritiem. Ex quibus nonnulli hos pulsus ita discernunt: quod pulsus durus, si leniter tangatur arteria, non occurrit digitis, quemadmodum vehemens; si verò fortiter comprimatur, non ita fortiter resistit, vt vehemens.

CAPVT VIII.

De cognoscendis respectivis Pulsuum differentiis.

Postquam qua ratione pulsuum simplices differentia cognosci possint, dictum: iam de compositis & respectivis cognoscendis, dicendum. Verùm de compositis differentiis cognoscendis peculiaribus præceptis opus non est. Qui enim simplices cognovit, eadem operâ etiam compositas deprehendet; & qui cognoscere potest pulsus magnum, pulsus celerem, pulsus frequentem, vehementem: is facillè simul cognoscet pulsus magnum, celerem, frequentem, vehementem. Eodem modo inæquales atque inordinati pulsus facillè cognoscuntur, si simplices differentia perspectæ habeantur, & ea, quæ supra de differentiis pulsuum inæqualium ac inordinatorum dicta sunt, nota sint. Quapropter primò in pulsibus simplicibus cognoscendis diligentissimè sese exerceat Medicus; cum sine horum cognitione pulsus inæquales atque ordinati cognosci non possint. Primò autem pulsuum inæqualitatem in vnicâ pulsatione, atque sub vno digito deprehendere inter reliquos difficilimum ferè est, & penè impossibile. Nam cum hæc inæqualitas in vna distentione spectetur, si agnoscere debet, necessarium est, vt omnes partes distensionis cognoscantur, quod tamen nulla manus applicatione in omnibus pulsibus fieri potest. Etenim si comprimente manus applicatione utaris, posterior pars motus plerumque observari non poterit: si suspensam manus applicationem adhibeas, solum ictum, non verò inæqualitatem percipies: quòd si mediam applicationem vsurpes, aliquas differentias pulsuum percipies, aliquas non. Itaque si inæqualitas ista

*Inæqualitas
singula
vno d
vix sen-
est.*

ista singularis percipi potest, solum in maximis & vehementibus pulsibus cognoscetur, qui compressionem sustinent. At in parvis & debilibus eam observare impossibile est. Sit enim, exempli gratia, reuera in pulsu paruo & debili diastoles initium celerius, medium eiusdem motus tardius, finis rursus celerior: tamen in tantillo spatio, in quo tum mouetur arteria, motum ad sensum ita in tres partes dispescere impossibile est. Cui & hoc accedit, quod si comprimentem applicationem adhibeas, arteriae motus obscuratur & succumbit. Quin imò & in pulsibus maximis ac vehementibus vix agnosci potest hæc inæqualitas singularis; atque ut melius cognoscatur, quantum quidem potest, vario modo manus applicanda est, & nunc comprimente applicatione utendum, mox suspensâ, interdum mediocri, & quidem prout cuiusvis pulsus natura fert & requirit. Quandoquidem maximus & vehementissimus pulsus sustinet comprimentem applicationem; reliqui eam non ferunt; & prout quilibet à vehementia & magnitudine magis deflectit, eò magis suspensam applicationem requirit. Præterea nunc vnus, nunc duo, nunc tres, nunc quatuor digiti applicandi, ut si forsan sub vno aut omnibus digitis inæqualitas non percipiatur, sub aliquo tamen deprehendatur. Si enim sub vno digito diastole aut interrumpi, aut finem pulsationis à principio diuersum esse tactu deprehendatur, pulsus is dicitur inæqualis, & quidem ea inæqualitas singularis ac in vno ictu, & sub vno digito appellatur. Si verò inæqualitas vnus ictus sub variis digitis exploranda est, quatuor digitos arteriae applicare oportet. Nam si pulsus maximè appareat sub digito versus cor atque originem arteriae, sub reliquis sensum & consequenter minor, est pulsus myurus. Qui si iterum à paruitate ad magnitudinem redeat, myurus reciprocus nominatur. Quod si subtrahas digitos, atque iterum applies, nihil tamen de pulsu percipias, *ἀποξία* dicitur; quæ in eo à pulsu deficiente differt, quod pulsus deficientes tum solum quiescere videntur, cum digitis onerantur: si verò digitos amoueas, iterum sentiuntur. In *ἀποξία* verò neque si manum imponas, neque si subtrahas, neque in prono, neque in supino manus situ vllus motus percipitur. Si in vnâ manus applicatione post vnum atque alterum pulsus defectum iterum pulsus tactui occurrat, est intermittens: si verò in vna manus applicatione pulsus non reuertatur, sed tum demum, vbi manum submoueris atque iterum applicaueris, est pulsus deficiens reciprocus. Deinde ad ordinem atque ordinis perturbationem cognoscendam diuturniore manus applicatione, opus est. Si enim in longa pulsum serie aliqua pulsum diuersitas obseruetur, ea tamen talis, quæ aliquem ordinem, de quo supra in differentiis dictum, retineat, pulsus is ordinatus est: verum si in pulsibus quidem appareat diuersitas, sed inter pulsus illos diuersos nullus ordo obseruetur, nominatur pulsus inordinatus. Tandem quod rhythmorum cognitionem attinet, ea proculdubio, si acquiri debet & potest, accurata diligentia opus habet. Nam ut de antiquorum rhythmis nihil dicamus, quos ut tactu non perceptibiles, ipse Galenus, reicit, utpote ad quorum cognitionem notitia temporum distentionis & contractionis requiritur, quæ tamen inuestigari non possunt: ipsius Galeni rhythmus difficultate, ut cognoscantur, non carent. Cum enim tota rhythmorum illorum cognitio pendeat à cognitione systoles ac diastoles, ac horum motuum inter se collatione; systolem verò in pulsibus omnibus cognoscere si non impossibile, tamen difficile sit; in quibusdam verò planè impossibile sit eam deprehendere, ut quæ non nisi in vehementibus pulsibus perceptibilis habeatur: pater hinc rhythmum, qui ex horum motuum inter se collatione oritur, facilem cognitu

non esse. Ex iisdem manifestum, alia ad rhythmos cognoscendos necessaria non esse, quàm quæ ad pulsus celeres cognoscendos requiruntur.

CAPVT IX.

De causis Pulsuum in genere.

Cum tota hæc de pulsibus tractatio eo fine instituat, ut Medici & præsentis corporis affectus inde cognoscere, ac futura prælagire possint: id verò sine causarum cognitione fieri non queat; causæ pulsum iam inuestigandæ sunt. Diuiduntur autem causæ pulsum à Medicis in causas generationis & causas mutationis. Generationis causas eas nominant, quæ pulsum efficiunt, eiusque naturam quasi continent, & propterea *συνεχτιναι*, hoc est continentes nominantur: commutationis verò causas eas appellant, quæ pulsum non efficiunt, sed alterant atque immutant. Alij has causas nominant immediatas seu proximas, & mediatas; alij primarias & secundarias. Immediatas, proximas seu primarias appellant, quæ proximè ad pulsum generationem faciunt & necessariae sunt, & quibus positis, ponuntur pulsus; ablati cessant. Mediatae seu secundariae sunt, quæ continentibus intermediis pulsum mutant. Continentes causæ pulsum, ut ex iis, quæ supra de natura pulsus dicta sunt, colligere est, sunt tres, facultas, vitalis nimirum, quæ est author & causa efficiens pulsus, instrumenta, & vsus seu finis, cuius gratia facultas motrix per instrumenta pulsum efficit. Mediatae seu secundariae, seu commutationis causæ sunt plurimæ, quæ tamen ad tria capita redigi possunt, ad res scilicet naturales, non naturales, & res præter naturam. Naturales sunt temperamentum, sexus, ætas, habitus corporis. Non naturales sunt illæ vulgò notæ, aer, cibus, potus, motus, quies, somnus, vigilia, excreta & retenta, animi *πάθηματα*. Præter naturam sunt morbi, causæ morbi, symptomata. Causæ continentes pulsum singulæ duas habent differentias. Facultas enim vel est fortis, vel debilis; vsus est auctus, vel imminutus; instrumenta sunt mollia, vel dura. Quibus potest & mediocritas adiungi. Atque ex his hoc vel illo modo sese habentibus oriuntur illæ primæ pulsum differentia; sed non eodem modo. Alij enim pulsus ex vna saltem causa perpetuò oriuntur, quos Galenus *ἐξ ἀνάγκης ἐπὶ πάντα*, necessariò consequentes, alij proprios & inseparabiles vocant. Tales pulsus facultatem & instrumenta consequuntur, non verò vsus. Vsus enim nullum proprium habet pulsum, sed cum reliquis causis continentibus communes. Facultatem propriè & inseparabiliter, atque *ἐξ ἀνάγκης* consequuntur pulsus fortis & debilis; fortis quidem facultatem fortem, debilis debilem. Arteriae faciunt pulsum durum & mollem, durusque solum arteriam durum, mollis mollem necessariò sequitur, aded ut pulsus hic cum causa sua sint conuertibiles. Licet n. dicere: facultas est fortis, ergo pulsus est vehemens: & contra, pulsus est vehemens, ergo facultas est fortis: facultas est debilis; ergo pulsus est languidus: & contra, pulsus est languidus; ergo facultas est debilis. Alij verò ex pluribus causis oriuntur, seu ut fiant, semper duas, vel etiam tres causas requirunt, atque hos *οἰκίους* seu familiares nominant. Licet enim tales pulsus magis fiant ab vna causa continente, quàm illa: ab illa tamen sola non proficiuntur, sed aliæ quoque concurrere oportet. Familiares fortis facultatis pulsus sunt; magnus, celer, rarus; debilis, parvus, tardus, creber: vsus adaucti pulsus familiares sunt, magnus, celer; creber; diminuti, parvus, tardus, rarus. Arteriae molles familiares pulsus habent, magnos, celeres, raros; duræ paruos; tardos, crebros. Nominantur

Causa pulsum quatuorplex.

Generationis.

Commutationis.

Immediata & primaria.

Mediata. Continentes pulsum causæ.

Commutationis pulsum causæ quatuorplex.

Pulsus proprii & inseparabiles.

Pulsus familiares.

autem hi pulsus familiares, quod vni aut alteri causæ plus vel minus cognati & familiares sunt. Magnos celeres & frequentes pulsus vsui aucto familiares esse diximus; idque ita sese habere ex eo cognoscere licet, quod licet facultas & instrumenta nihil mutantur, ex sola vsus mutatione tales pulsus oriuntur, primò quidem magni, deinde celeres, tandem etiam frequentes. Non enim in pulsu solùm, sed & in respiratione vna harum actionum id, quod ab altera præstari nõ potest, supplere & compensare solet. Nam vbi calor augetur, primò magnitudo cum respirationis, tum pulsus augetur; verùm si calori temperando magnitudo non satisfacit, celeritas accedit: si nec celeritas sufficiat, adiungitur frequentia. Natura enim rectè agens primò semper agit id, quod est optimum. Optimum verò id est, quod finem maximè assequitur. Melius autem calorem attemperat aer multus in magno pulsu, vt & magna respiratione attractus, quàm celeriter saltem attractus. Ita melius est, aerem celeriter attrahere, quia citius ad membra alteranda peruenit; quàm frequenter solùm & crebrò. Itaque natura rectissimè aucto vsui primò magnitudine, deinde celeritate, tertio frequentia subuenit. Istud tamen accipiendum est; si antequam vsus augeri incipiat, hæc pulsum differentia rectè & naturaliter sese habeant. Nam cum natura maximè naturales differentias obseruare soleat; si aliqua differentia à naturali deflexerit, eam prius, quàm quæ naturales sunt, mutat natura, naturalésque tam diu retinet, donec præternaturales ad mediocritatem reduxerit. Exempli gratiâ, si vsus augeri, calorque augmentum sumere incipiat, cum pulsus in aliquo corpore est moderatus, verùm tardior & rarior naturali; tum pulsus primò mutabitur in celeritate, deinde in tarditate, & tertio demum, vbi illæ duæ differentia ad naturalem statum redactæ fuerint, etiam magnitudo augebitur. Contrario modo sese res habet decrescente vsu; primò imminuitur frequentia, deinde celeritas, tandem magnitudo; atque vbi frigiditas incrementum sumit, primò pulsus rari fiunt; si plus augetur, tardi, & si adhuc magis augetur, tandem parui. Facultati robustæ ex differentia familiares & accommodatiores sunt, quæ vsu melius complent. Talis autem est magnitudo & celeritas: frequentia verò est familiaris debilitati, per quam natura supplet magnitudinis & celeritatis defectum. Id quod exemplo senum & puerorum illustrari potest. Senes enim & pueri nec multum progredi possunt, nec celeriter, etsi id vsus & necessitas requiratur; quod facultatem, quæ motum ciere debet, debiliorem habent. Arteriæ molles promptè mouentem facultatem sequuntur, & multum, ac celeriter distenduntur: duræ autem ad distensionem sunt ineptiores, & valde dilatari non possunt: vt in vesica videre est, quæ si sit mollis, facile; multum & citò distenditur, si verò sit dura, nec multum, nec celeriter distendi potest, licet quis id præstare conetur. Et proinde ad pulsum magnum aptior est arteria mollis; pulsus verò parvus arteriæ duræ familiaris est: & quia ob arteriam duram pulsus sit paruus, necesse est, si ceteræ causæ consentiunt, vt idem pulsus fiat celer & creber. Etsi verò tam celer, quàm magnus pulsus facultati forti & mollibus instrumentis sit familiaris: tamen familiares magis iidem sunt magni, quàm celeres; quod facultatis robur, & instrumentorum mollities plus faciant ad motus magnitudinem, quàm eiusdem celeritatem. Id quod vel ex eo colligi potest, quod vbi vsus imminuitur, firma manente facultate, plus de celeritate, quàm de magnitudine remittitur; & quod mollia primò apta sunt, vt in omnem partem distendantur, deinde vt celeriter moueantur; quodque dura non ita inepta sunt ad celeritatem motus, quàm ad distensionem. Atque hæc causarum istarum ad pulsus efficien-

dos vis est, si seorsim & solæ considerentur. Verùm cum sæpe non solùm vna causæ, sed & reliquæ simul mutari possint: iam, quæ causarum istarum complicationum ad pulsus efficiendos vis sit, videndum. Galenus & Medici plerique duplicem causarum istarum complicationem faciunt. Vel enim duæ tantum causæ complicantur, vt vsus & facultas; aut vsus & instrumentum; aut facultas & instrumentum; vel omnes simul, facultas scilicet vsus, & instrumentum. Etsi verò Herc. Sax. de motibus arter. c. 10. vltimam saltem complicationem retineat, reliquas verò vt superuacaneas atque inutiles reiiciat: tamen causæ, cur id faciat, vix sufficiens videtur. Quia enim fieri non potest pulsus magnus, celer vel frequens, aut oppositi ex solo vsu & facultate, aut solo vsu & instrumento, sed semper hæc tria necessariò concurrunt: idcirco eam saltem complicationem, quæ omnes tres causas complectitur, retinendam censet. Verùm licet ita res sese habeat, & ad omnem pulsum hæc tres causæ requirantur; tamen non necessariò mutantur, & præter naturam sese habent; sed fieri potest, vt vnâ sese rectè habente, reliquæ duæ à naturali statu deflectant. Exempli gratiâ, potest instrumentum esse naturaliter constitutum, virtus verò & vsus à mediocritate deflectere: Id quod iam in singulis complicationibus videbimus. Primò enim si facultas & vsus complicentur, & vtrique causæ à naturali statu recedat, instrumenta verò naturalem obtineant constitutionem, hi pulsus oriuntur. Facultas fortis & vsus auctus faciunt pulsus magnos, celeres, frequentes, & præterea vehementes. Facultatem enim fortem semper & necessariò pulsus vehemens sequitur, vt supra dictum. Facultas fortis & vsus imminutus edit pulsus magnitudine moderatos, tardiores, raros, vehementes tamen. Nam sicut magnitudo forti facultati familiaris; sic paruitas vsui diminuto; ex quibus complicatis fit mediocritas. Tarditas verò est infra mediocritatem. Nam tarditas magis familiaris est vsui diminuto, quàm forti virtuti celeritas. Insignis verò est raritas, cum per eam vsui per omnia satisfieri possit. A facultate infirma, atque vsu modicè aucto prouenit pulsus in magnitudine & celeritate moderatus, creber, languidus. Facultas enim non extremè debilis ab vsu stimulara non nihil magnitudinis & celeritatis retinet. Si verò valde sit debilis virtus, pulsus est paruus, tardus, creberrimus, debilis. A facultate debili & vsu imminuto proueniunt pulsus parui, tardi, crebri, languidi, & si magna sit infirmitas, minimi, intermittentes, deficientes. Secundò si vsus & instrumentum simul à naturali statu deflectant, hi producuntur pulsus. Vsus auctus cum instrumento molli facit pulsus magnos, celeres, in frequentia moderatos, aut si magnus fuerit excessus, frequentes, molles. Vsus auctus & instrumenta dura edunt pulsus minores, celeres, crebros, si durities superet; si verò vsus, maiores. Si mediocris vtriusque sit excessus, in magnitudine mediocres, celeres, crebros. Cum enim vsui aucto familiaris sit magnitudo; instrumento duro paruitas: si vsus vincat, & nimium excedat, magnus fieri pulsus debet; si instrumenti durities, paruus: quod si ob duritiem arteriæ vsui satisfieri non potest, celeritatem & crebritatem accedere necesse est. Vsus imminutus cum instrumento molli efficit pulsus moderatos magnitudine, tardos, raros molles. Vsus imminutus cum instrumento duro reddit pulsus minores, tardiores, crebriores, duos: & excedente duritie instrumenti pulsus in paruitatem magis, quàm in tarditatem deflectunt; cum potius ad magnitudinem, quàm ad celeritatem inepta sint instrumenta dura. Contrario modo sese res habet, si refrigeratio exce-

CAPVT X.

De causis simplicium Pulsus differentiarum.

EThi ex his quibus colligere possit, quæ pulsum simplicium causæ sint; tamen, ut in specie hæc clariora fiant, & quia præter enumeratas causas continentes interdum etiam quædam alia, quæ concausas nominant, concurrunt, præter ea, quæ hætenus dicta sunt, quædam adhuc addere libet. Sunt autem concausæ illæ, quæ commoditatem aliquam ad pulsum generationem præstant, & sine quibus illi non fiunt, ac recensentur à Medicis quinque; nimirum crassities corporis, gracilitas, locus circa arteriam vacuus, grauitas superiacentium corporum, & formationis partium proprietas. Magni pulsus continentes causæ sunt virtus fortis, quæ possit dilatare arteriam; vsus seu necessitas, calorque auctus, qui naturam ad magnam dilatationem cogat, & tandem aptitudo arteriæ, quæ ob mollitiem virtuti dilatanti facile cedat. Itaque pulsus magnus à sola facultate, licet robusta, non editur, nisi conspirantibus reliquis causis. Pulsus parvus fit præcipue ob debilitatem virtutis, quæ dilatare arteriam non potest: interdum etiam causa paruitatis est vsus, cum scilicet magna refrigeratione opus non est; & durities instrumenti, quod ad dilatationem magnam est ineptum. Et quidem si facultas sit fortis, vsusque auctus, ac simul locus circa arteriam amplius, fit pulsus simpliciter magnus. Alii verò pulsus causa est virtus fortis, vsusque auctus, accedente crassitie corporis mediocri, & circum arteriam loco stricto & angusto. Nam cum vsus auctus magnam postulet fieri dilatationem; facultasque fortis eam præstare possit: locus verò ob crassitiem corporis sit angustus; nec arteria locum, in quo liberè distendatur, habeat, quam versus cutem; pars eius superior, quæ cuti proxima est, extenditur liberius, atque ita fit pulsus altus. Humilis pulsus fit à facultate languida, cui accedit ut concausa corporis crassities. Cum enim caro & adeps arteriam profundius demergat: à facultate debili altius attolli non potest. Nonnunquam tam in gracilibus, quam in crassis corporibus ex naturali conformatione pulsus est humilior, quod natura profundiore loco arteriam recondiderit, ut vix tactu percipi possit. Latus pulsus fit à virtute non admodum debili, accedentibus ut concausis loco amplo & grauitate superiacentium corporum. Cum enim virtus non sit admodum debilis, & amplum sit circa arteriam spatium; superior autem arteriæ pars à grauitate incumbens seu carnis, seu rugosæ cutis, ut in senibus, seu madore & humore, ut in hydropicis, deprimatur: quantum ab altitudine detrahitur, tantum in latitudinem sese extendit arteria. Gracilis pulsus causa est facultas debilis, atque arteria dura. Concausæ verò sunt corporis gracilitas, & cutis tenuitas ac siccitas. Hæ enim causæ si concurrant, efficiunt pulsum instar fili seu chordæ exilis & tenuis. Celeris pulsus causa est vsus auctus, virtus mediocriter fortis, & instrumentum molle. Cum enim vsui aucto virtutis robur planè satisfacere non possit, per celeritatem id, quod deest, compensat. Quod si vsus sit auctus, & facultas debilior, augebitur celeritas. Tardi pulsus causa est vel virtus debilis, vel vsus imminutus, vel vtrique harum causarum concurrens. Frequentis pulsus causa est vsus auctus vel cum debilitate virtutis, vel cum duritie arteriæ. Etenim siue ob duritiem arteria non possit multum dilatari, siue virtus ob debilitatem valde vel celeriter attollere eam non queat: necessarium est, ut adiungatur frequentia. Rarus pulsus provenit à robore virtutis cum vsu imminuto. Cum enim vsus non urgeat, facultas post unum motum absolutum diutius quiescit, moramque necit, antequam alium motum in-

Magni pulsus causa.

Parvi pulsus causa.

Alti pulsus causa.

Humilis pulsus causa.

Lati pulsus causa.

Gracilis pulsus causa.

Celeris pulsus causa.

Tardis pulsus causa.

Frequentis pulsus causa.

Rari pulsus causa.

strumenta mollia faciunt pulsus manifestò maiores, aliquantum tardiores & rariores ac molliores. Cum enim facultas & instrumentum vsui satisfacere possint, celeritatem & crebritatem accedere opus non est. Facultas fortis & instrumenta dura edunt pulsus paruos, crebros, & plerumque celeriores, si scilicet excedat durities. In æquali verò vtriusque causæ recessu pulsus in omnibus moderati, hoc excepto, quod sint duriores. Facultas verò debilis cum instrumentis mollibus facit plerumque pulsus in magnitudine & celeritate moderatos & molles. Si enim par est vtriusque recessus, isque modicus, facultas etsi parum imbecilla fuerit: tamen si instrumenta non obstiterint, retinebit & motus quantitatem & qualitatem. In recessu verò immodico erunt parui, tardi, crebri. Quod si facultas valde infirma sit, pulsus parui & tardi fiunt, & cum hoc modo vsui non satisfiat, crebritas necessariò accedit. Si tandem facultas sit infirma cum instrumento duro, pulsus oriuntur parui, tardi, crebri & duri. Nonnunquam verò omnes tres causæ complantur; Idque pluribus modis. Primò enim complicari possunt facultas fortis, vsus auctus, & instrumenta mollia; & tum fiunt pulsus magni, celeres, frequentia moderati, vehementes, molles. Secundò si complantur facultas fortis, vsus auctus, & instrumenta dura, atque durities sit parua, vsus verò valde auctus: pulsus iusto maiores, celeriores & crebriores fiunt. Si verò nec instrumenti durities, nec vsus sit valde auctus, pulsus magnitudine moderati, celeriores & crebriores eduntur. Tertiò si facultas sit fortis, vsus imminutus & instrumenta mollia: pulsus magnitudine moderati, tardiores, rariores, vehementes, molles; & si vsus multum imminuatur, aperte minores, tardiores & rari. Quartò si facultas sit fortis, vsus imminutus, & instrumenta dura, fiunt pulsus minores, celeritate & crebritate moderati, vel etiam si magnus sit vsus, & instrumenti à mediocritate recessus, minores, tardiores & rariores. Duritie verò instrumenti superante magnum vsus à natura recessum, erunt parui tardiores, crebrique. Quintò si facultas sit debilis, vsus auctus, & instrumenta mollia, pulsus fiunt magnitudine & celeritate moderati, crebriores tamen. Moderati in magnitudine & celeritate fiunt; quia arteria mollis facile dilatatur: vsus verò auctus urget facultatem ad dilatandum, quæ licet infirma sit, moderatè tamen dilatat, & qua potest celeritate monet. Cum verò hoc modo vsui satisfacere non possit, frequentia id supplet: si tamen virtus valde sit debilis, pulsum efficit paruum, tardum & creberrimum. Sextò si facultas sit debilis, vsus auctus & instrumenta dura, fiunt pulsus parui, tardi, crebri. Facultas enim debilis non potest arteriam duram multum extendere: ob vsus tamen auctum facit pulsum satis frequentem, & nisi sit maximè debilis, celeritate moderatum. Septimò si facultas sit debilis, vsus imminutus, instrumenta mollia: fiunt pulsus minores, tardiores, crebritate moderati, vel etiam rari. Tandem si facultas sit languida, vsus imminutus, & instrumenta dura: pulsus eduntur parui, tardi, crebri; non tamen semper eiusdem paruitatis, tarditatis & frequentia, sed pro causarum excessu minores, tardiores & frequentiores. De quo in genere hic notandum. Primò, vires & potentiam potius causarum æstimandam esse, quam numerum; cum vna potentior plus possit in mutandis pulsibus, quam plures debiliores. Tantò verò causarum qualibet potentior habetur, quantò longius à statu naturali recedit. Secundò duritiem arteriæ semper resistere pulsus magnitudini; cum arteria dura dilatari non possit: celeritati verò & frequentia non ita resistere. Tertiò ad pulsus paruos nullam esse efficaciorē causam, quam virtutis debilitatem. Cum enim facultas inter pulsus causas sit efficacissima, ex nulla alia causa pulsus magis imminui potest, quam ex virium debilitate.

*Vehementis
& debilis
pulsus causa.*

choet. Vehementis seu fortis pulsus causa est virtutis robur, siue ex naturali constitutione, siue ex accidenti, vt in iratis. Debilis contra pulsus fit ob virtutem languidam, quacunque etiam de causa virium & natiui caloris debilitas proueniat. Mollis pulsus prouenit à mollitie arteriæ. Durus ab eiusdem duritie; seu illa fiat propter tensionem, vt in inflammatione, aut causa conuellente; seu ob siccitatem & humidi absorptionem, vt in hecticis.

*Mollis & durus
pulsus
causa.*

CAPVT XI.

De causis respectiuarum differentiarum
in Pulsibus.

*Inæqualitatis
pulsuum
causa.*

HÆ sunt causæ simplicium differentiarum: proximum est, vt iam, qua ratione ab iisdem causis respectiua pulsuum differentia fluant, perpendamus. Primò inæqualitatem quod attinet, aliunde, quam à tribus istis causis, peti non potest. Verùm ex vsu solo inæqualitas in pulsu nō oritur. Neque enim tam subitò calor augeri vel minui, atque vsus tam citò inmutari potest, vt hinc aliqua fiat in pulsu inæqualitas. Hinc in febribus ephemeris & tertianis, quia nihil ferè insigniter præter vsum mutatur, pulsus inæquales non percipimus. Inæqualitas autem ista solùm intelligenda est, quæ tactu deprehendi potest. Aliàs enim si pulsus multos ratione inter se conferamus, exempli gratia, primum cum tricesimo comparemus, aliqua inæqualitas etiam occurrere potest. Cùm igitur ex vsus mutatione tum solùm fiat inæqualitas, cum ad contrarium permutatur; hoc verò in momento & subitò fieri non possit: inæqualitatis causa in facultate & instrumentis potissimum quaerenda est. Facultas quidem inæqualitatis causa est, cum debilis est, vel sua natura, vel onere pressa, atque humorum copia grauata. Instrumenta verò inæqualitatis causa sunt, cum vel obstructa, vel compressa, vel nimis mollia aut dura fuerint. Ex his itaque causis petenda omnis in pulsu inæqualitas, sicut in specie iam videbimus. Dictum autem est supra, inæqualitatem esse duplicem; singularem, & systematicam; singularem rursum esse, vel in vna parte arteriæ, vel in pluribus; atque in vna parte arteriæ, seu sub vno digito esse inæquales pulsus vel intermittentes, vel continuos, sed motus celeritate impares; vel recurrentes. Intermittentes primò quod attinet, quando facultas à motu inchoato desistit, eumque paulò post continuat, & ad finem perducit, eorum causa hæc est, quod vsus quidem dilationem poscit, & facultas etiam prompta ac parata est, vt vsui satisfaciat, verùm vel humorum copia atque onere grauata, vel compressis aut obstructis instrumentis impeditur. Cùm enim vsus motum postulet, facultas etiam bene valeat, rectè & promptè motum inchoat; sed quia humorum onere premitur, vel quia propter obstructionem aut compressionem aer deest, qui arteriam distensionem compleat, facultas à motu quasi quiescit. Verùm, quia, vt dictum, & vsus motum flagitat, & facultas eum sequi potest, iterum à quiete motum aggredditur, & interruptum quasi absoluit. Deinde Inæqualitatis in motus celeritate & tarditate, cum scilicet in vno continuo motu arteria non eadem celeritate mouetur, eadem causæ sunt, verùm leuiiores. Nam facile conicere est, non tam magnum incommodum facultati inferri, cum saltem motus celeritatem mutare, quam cùm motum interrompere quasi cogitur. Itaque inprimis talis pulsus fiet à facultate non per se debili, sed onerata, & instrumentorum obstructione, repletionem & compressionem. Tertiò *διεσπόμεν* seu bisserientis pulsus causam plerique cum Galeno referunt in cordis vel arteriarum inæqualem intemperiem seu facultatem, ob inæqualem intemperiem

*Intermittentis
pulsus causa.*

*Diversi pul-
sus causa.*

vitiatam, quæ motum perficere non potest, sed à contraria causa urgente in medio itinere contrariū quasi inchoare cogitur. Inæquales verò sub pluribus digitis, seu in diuersis partibus arteriæ pulsus proueniunt vel à facultate debili, vel ab humorum copia, vel arteriarum mollitie. Facultas enim debilis non æqualiter omnes partes arteriæ mouet, sed alias celerius, alias tardius, alias plus, alias minus; ac tales pulsus simul sunt parui ac debiles. Deinde etiam fit talis inæqualitas ab humorum copia, quæ facultatis impetum remoratur, & quasi interruptit. Hoc vbi fit, licet pulsus sint inæquales, aliquando tamen sunt vehementes & magni. Tertiò huius inæqualitatis causam referunt in arteriæ mollitiem, quæ simul in omnibus partibus eleuari nequeat. Atque ab his causis proueniunt pulsus myuri, & eminuli atque prominuli seu prominentes, quos appellant. Myuri enim ex facultatis debilitate proueniunt, quæ cùm à corde seu influat, seu dependeat, quò remotior est à corde, eò languidiores motus efficit. Quod si contrarium contingat, & pars arteriæ cordi vicinior motum minorem atque debiliorem edat; remotior verò maiorem & vehementiorem: in arteriæ situm huius rei causam referendam censent Authores, cuius scilicet pars à corde remotior magis in superficie & propatulo sita sit, cordi verò propior in profundum magis demersa lateat. Prominentes pulsus ex arteriæ inæquali situ, & inæquali intemperie, tum ex imbecilla facultate fieri scribunt. Cùm enim facultas sit imbecillis, non potest mouere omnes partes arteriæ, sed eas, quæ ad motum magis dispositæ reliquis, facilius; quæ ad motum minus sunt dispositæ, difficilius mouet. Posse enim, aiunt, in aliqua parte nullam, vel omnino paucam, in alia multam carnem superiacere; posse etiam arteriam in diuersis partibus siccam esse & humidam. Herc. tamen Sax. *de moribus arteriar. c. 14.* illud pro mero figmento habet. Neque animo concipi posse existimat, quomodo vnum corpus arteriæ in vna particula mollius, in aliis duabus, & quidem tam breui intervallo, sit durius. Et posito, quòd talis sit dispositio arteriæ, quomodo fieri potest, vt Medicus mox medio digito incidat in partem molliorem, extremis verò in duriores? Et nonne potest applicationem variare, ac nūc digitos magis versus carpum, nunc versus cubitum ad mouere? Post singularem inæqualitatem inæqualitatis systematicæ causæ videndæ sunt. Huius autè inæqualitatis causa est facultas & instrumentum. Facultas debilis est, & quidem tribus de causis. Vel enim opprimitur & grauatur: vel distrahitur, cum scilicet ad plura & diuersa opera eodem tempore simul edenda auocatur, quod etiam fit in animi affectibus, ob quos facultas vitalis sæpe subitò contrariis motibus agitari incipit: vel irritatur facultas à causa aliqua mordente, vt extra institutum quasi aliquid agere cogatur; quod fit, vbi humores vel vapores non copia, sed qualitate molesti circa cor hærentes facultatem irritant. Instrumenti vitio hæc inæqualitas accidit, cum arteria vel comprimitur, vbi scilicet spatium, in quo moueri debet, aut ab humoribus, aut à tumore aliquo occupatur; vel obstruitur à crassis & viscidis humoribus, vel repletur ab humorum copia. Si enim spatium, in quo moueri debet arteria, occupent humores eò diffusi, vel arteria ab inflammatione, scirrho, aut quocunque tumore, alio, aut plenitudine vicinarum venarum, addo etiam onere incumbentium digitorum comprimatur, vt arteria non satis, & quantum opus est, dilatari queat; dilatatio verò requiratur & necessaria sit: natura insurgit interdum, & pulsus aliquos à prioribus diuersos edit. Ita etiam si humores crassi arterias, & præcipuè earum orificia obstruant, vt nec spiritus liberè moueri, nec aer attrahi, nec vapores expelli possint: varia inæqualitas nascitur ex pugna naturæ

*Myuri
causa.*

*Promin-
pulsus*

Sulfus

Rhythmorum
causae.

*Temperamen-
torum pulsus.*

510 De mediatis seu commutat. Puls. caus.

Nam sicut in crassis corporibus, cum arteriæ multa carne regantur, & proinde liberè distendi non possint, pulsum paulo minorem reddi, & cum magnitudini distensionis aliquid decedat, augeri crebritatem necessarium est; ita in corporibus gracilibus cum liberè dilatari arteriæ possint, pulsus maior redditur, & quantum accedit magnitudini, tantum rursus decedit frequentiæ, unde pulsus sunt rariores. Sexum quod attinet, viri mulieribus pulsum habent ut plurimum maiorem, vehementiorem, paulò tardiorè & rariorem. Cum enim mares fœminis sint calidiores, & laboribus atque exercitiis vitale robur atque calorem augeant: necessum est & vsum in maribus esse auctiorem, & facultatem fortiorè: unde pulsus, qui hisce causis continentibus conveniunt, à viris eduntur. Dictum autem est suprâ, facultatem fortem pulsum proprium habere vehementem familiarem, magnum, qui & vsui aucto familiaris est: quibus accedit, ut concaussa, amplitudo spatij, in quo mouetur arteria. Fœminæ contra habent pulsus minores: verum defectum hunc complet celeritas & frequentia. Atque id ut plurimum fieri diximus. Accidit enim interdum, ut fœmina aliqua sit gracilis, nigra, hirsuta: mas verò pinguis & carnosus, albus, glaber. Talis fœmina cum sit tali viro calidior, etiam pulsus eo habebit maiores & vehementiores. Quod ad ætatem puerorum, pulsus est magnus, celerrimus, creberrimus, in vehementia medius. Nam cum pueri sint calidi & humidi, & ob auctiorem, & calidi innati copiam multo vtantur alimento, ac propterea, excrementis maximè abundant: & aëre copioso ad augendos & refrigerandos spiritus indigent, & expulsionem fuliginum opus habent. Arteriæ quoque ipsorum molles sunt, quæ faciliè distendi possunt, virtusque ad pulsus edendos satis fortis est: & proinde magnos habent pulsus. Et quidem in pueris maximè vrget contractionis necessitas. Nam plura excrementa in pueris congregantur, quàm in iuuenibus & aliis ætatibus. Quia verò arteriæ in primis in pueris sunt parvæ, atque ea de causa distensio, licet suo modo magna, vsui satisfacere non possit, accedit celeritas & frequentia, & quidem maxima, ut hoc modo vsui satisfiat. Quantum verò ad vehementiam, pulsus est medius; cum virtus ad edendum pulsum in pueris sit minus fortis, quàm in iuuenibus. Licet enim pueri calido innato abundant, & propterea ad omnes actiones obeundas promptiores alicui videri possint: tamen nihil absurdi est statuere, pueros iuuenibus in quibusdam actionibus edendis esse inferiores ac debiliores. Nam cum actiones quædam sint, in quibus trahendum vel retinendum, vel impellendum, vel quocunque modo aliquid mouendum est, quas Galenus *πρακτικὰς* appellat; quædam, quæ sine omni impetu ac partium motu, sola adhæsione perficiuntur, quas *ἀνοιωτικὰς* nominat: corpora moderatè sicca & nonnihil duriora, multò rectius illas priores actiones obeunt, quàm mollia & humida. Qualia cum sint puerorum corpora, non mirum est, in plurimis actionibus edendis eos à iuuenibus, quorum corpora sunt sicciora, vinci, & superari. Iuuenum ergo pulsus sunt maximi & vehementissimi; in celeritate & frequentia moderati. Cum enim calor in iuuenibus sit acrior, vsusque propterea vrgeat, & refrigerationem maiorem requirat; instrumenta ad motum sint apta, facultasque ipsa fortis: pulsus maximos & vehementissimos in iuuenibus fieri necesse est. Cum autem per pulsum magnum vsui satisfiat, in celeritate & frequentia pulsum mutari opus non est, qui ob id naturalem mediocritatem obtinet. Senum pulsus sunt minimi, tardissimi, rarissimi & maximè debiles. Cum enim senes sint frigidissimi, & propterea nec magna refrigeratione opus habeant, nec calidas fuligines multas generent, languidique

ac debiles sint, alios pulsus, quàm minimos, tardissimos, rarissimos, & maximè debiles edere non possunt. Et si verò plures ætatum differentiæ enumerentur: tamen reliquarum ætatum pulsus peculiariter recensere opus non est. Nam prout ætas aliqua ad enumeratarum ætatum aliquam magis accedit: ita & in pulsu cum ea magis conueniet. Mutatur & pulsus ratione temporum anni. Medio Vere pulsus sunt maiores & vehementiores, quàm aliis anni temporibus; in celeritate & frequentia moderati. Nam cum Vere medio sit aër temperatissimus, corpora saluberrima, facultasque fortissima: etiam eo tempore magis, quàm aliis anni temporibus, sunt pulsus magni & vehementes; quibus cum vsui satisfiat, in celeritate & crebritate non fit mutatio, sed mediocritas seruatur. Istud tamen de corporibus bene constitutis accipiendum est. Nam si corpus aliquod sit calidius vel frigidius, citius vel tardius, atque in ea anni parte, quæ suæ constitutioni est conuenientior, pulsus optimos efficit. Ver autem declinans, nonnihil de magnitudine & vehementia detrahit, celeritatemque ac crebritatem auget: posteaque in ætate sunt pulsus languidi, parui, celeres, crebri. Cum enim ob immoderatum æstum facultas reddatur debilior; calor vero crescat, atque ita vsus augeatur: decrescit magnitudo & vehementia, & quod magnitudine expleri non potest, suppletur celeritate & frequentia. Minus tamen decrescit magnitudo, quàm vehementia. Nam licet facultas sit debilior: quia tamen vsus vrget, & ad dilatationem maiorem stimulat, quantum potest, magnitudinem in dilatando natura seruat. In Autumno pulsus sunt debiles, magnitudine, celeritate ac crebritate inæquales. Nam cum vires calore æstiuo debilitatæ sint, & propter subitam inæqualitatem, quam natura citra incommodum perferre nequit, quando scilicet eadem die modò calor, modò frigus percipitur, magis debilitentur: pulsus fit languidus, & ob eandem inæqualitatem, huic tempori peculiarem, pulsui accedit inæqualitas. Pro aëris enim mutatione, & prout vsus postulat, nunc maiores, celeriores & frequentiores, nunc contrarios pulsus edit natura. Hyeme pulsus sunt parui vel mediocres, tardi & rari, & debiles: minus tamen languidi, quàm in ætate; atque ob id, et si vsus minus vrgeat, quàm in ætate, tamen quia debilitas tanta non est, ut in ætate, virtutis robur pulsus minores non fert. Hæc tamen omnia de temporibus anni naturalem constitutionem obseruantibus intelligenda sunt. Nam si aliqua pars anni suam naturalem temperiem non obseruet, sed alterius anni partis temperamentum habeat, etiam pulsus, qui illi anni tempori familiaris est, obseruabitur. Ac quod de anni temporibus dictum est, de regionibus quoque accipiendum. Temperatæ enim regiones habent pulsus, quales Vere fieri solent; calidæ, quales ætate; frigidæ, quales hyeme. Non parum quoque mutant pulsum Cibus & Potus. Moderatus quidem cibus efficit pulsus magnos, celeres, crebros, vehementes. Auget enim calorem & robur. Si verò cibus nimis copiosus assumatur, sunt pulsus inæquales atque inordinati; cum ob eius copiam facultas grauetur atque oneretur. Inedia reddit pulsus minores & debiliores; sed tamen non mox tardos & raros, imò in principio celeriores & crebriores. Cum enim inedia humores adurat, caloremque primò augeat: quantò pulsus sunt minores, tantò sunt celeriores & crebriores. Verum si diutius toleretur inedia, vsus cum facultate imminuitur, fiuntque pulsus non solum minores & debiliores, sed & tardiores ac rariores. Vini vsus pulsum mutat, partim ut alimentum, partim ferè ut medicamentum calidum, facitque pulsus magnos, celeres, crebros, & vehementes. Et quia mutatio, quæ à vino provenit, citius fit, & citius recedit, quàm quæ à cibo: idcirco & citius

Sexui pulsus.

Puerorum pulsus.

Iuuenum pulsus.

Senii pulsus.

Tempus anni.

Cibus et potus.

citiùs pulsus immutat vinum, & immutatio ab eo facta citiùs recedit. Plus tamen augetur magnitudo & celeritas, quàm crebritas. Certum enim est, vinum plus calefacere, quàm cibum: vnde pulsus in magnitudine & celeritate augetur; quæ cum maiore ex parte vsui satisfaciatur, crebritatem ita augeri opus non est. Eodem modo ex potu cereuisiæ, pulsus mutatur. Est tamen vt vinorum, ita & cereuisiarum magna varietas. Quædam enim sunt calidiores, quædam minus calidæ; aliæ sunt crassiores, aliæ tenuiores. Quæ itaque sunt calidiores & crassiores, magis calefaciunt, & maiorem in magnitudine & celeritate pulsus mutationem, & quidem durantem inducunt; quæ verò sunt tenuiores & minus calidæ, minorem mutationem & non diu durantem efficiunt. Somnus naturalis & ipse pulsus mutat. Initio fiunt pulsus minores, debiliores, tardiores, rarióresque. Postea fiunt maiores, vehementiores, tarditatemque & raritatem pedetentim augent. Tandem si somnus diutiùs, quàm par est, protrahitur: iterum ad paruitatem & debilitatem redeunt, ac tarditatem & raritatem retinent. Etenim per somnum, animali facultate à suis actionibus cessante, naturalis facultas eò valentiùs suis actionibus incumbit, & proinde initio naturalis calor ad interiora reuocatur, atque alimento, quod concoquere tentat, quasi obruitur & imbecillior redditur, vel potiùs natura alimenti coctioni incumbens alias actiones minus valenter perficit, vnde fiunt pulsus minores, celeriores, tardiores & rariiores. Postea verò alimento concocto iterum fortior redditur. Quod si somnus diutiùs protrahatur, & iam confecto alimento calor intus detineatur, quasi marcescit & torpescit; ex quo pulsus ista, quam diximus, mutatio provenit. Cum excitatur homo, pulsus incipiunt fieri maiores, vehementiores, celeriores, crebriores: æqualiter quidem, si paulatim homo exciteretur à somno; inæqualiter verò & turbatè, si repente: paulò post tamen pulsus iterum mediocritatem assequitur. Nam cum post somnum calor iterum emergat, atque ad membra exteriora sese extendat, vt meatus & arterias à fuliginibus, quæ per somnum fuere collectæ, expurget, & corpus perspirabile reddat natura: postquam homo primum euigilat, magni celeres, & crebri pulsus fiunt. Postea causâ illa cessante, atque vsu amplius non urgente, ad naturalem mediocritatem redeunt. Vigiliæ longæ faciunt pulsus paruos & debiles; celeres tamè & crebros: quæ si omnino diu protrahantur, & modum planè excedant, tandem calore extincto, & facultate debilitatâ, tardos & raros. Non idem etiam est pulsus in Motu & Quiete. Motus atque exercitatio mediocris facit pulsus magnos, vehementes, celeres, crebros. Constat enim per motum augeri calorem, & ob urgentem vsus facultas omne robur adhibet. Si verò exercitatio sit nimia & laboriosa: fiunt pulsus parui, languidi, celeres, crebri. Vfus enim augetur, facultas debilitatur. Tandem si exercitatio & labor planè supra modum continentur, fiunt pulsus parui, tardi & rari. His subiungimus balnea. Balnea enim calida moderata cū vires recreent, & calorem modicè augeant, faciunt pulsus, quales ex vsu aucto & facultate forti provenire solent, nimirum magnos, celeres, crebros, vehementes. Quod si modum excedant, calorem immodicè augent, virtutemque debilitant; vnde pulsus fiunt parui & languidi, & necessariò celeriores ac crebriores. Nec minorem pulsus mutandi vim habent animi affectus, ira, lætitia, tristitia, timor; cum ab iis calor ac spiritus variè moveantur atque agitentur, & proinde vsus varietur, & facultas ipsa interdum lædatur. Ira facit pulsus magnos, celeres, crebros, vehementes. In ira enim nativus calor accenditur, & foras sese effundit, facultasque impendente necessitate omnes vires suas exserere cogitur. Lætitia reddit pulsus magnos, raros, & tardos,

vehementiâ mediocres. Nam per lætitiam calor in vniuersum corpus effunditur, quo motu etiam quodammodo incrementum sumit, vnde pulsus magnitudo augetur: quia verò illa agitatio non magna est, vsui magnitudo satisfacere potest, nec opus est accedere celeritatem & crebritatem. Et cum facultas nec robustior reddatur, nec vires suas exserere cogatur, retinetur in vehementiâ mediocritas. Si tamen lætitia sit nimia & effusa, oppressa facultate, inæquales atque inordinati pulsus fiunt. In tristitia fiunt pulsus parui, languidi, tardi, rari. Cum enim in tristitia calor ad cor reuocetur, atque ibi quasi suffocetur, ac inde facultas debilitetur, necessariò tales pulsus fiunt. Eadem causæ cum in timore inueterato reperiantur, non alij pulsus in illo inueniuntur, quàm in tristitia: recens autem timor pulsus reddit celerem, vehementem, inordinatum, inæqualem: quia subito reuocatur spiritus & sanguis ad cor. Tandem euacuationes si modicæ sint, quia corporis & facultatum robur tuentur, magnitudinem & vehementiam pulsus seruant. Si verò sint immodicæ, quia facultatem debilitant, pulsus efficiunt facultati debili proprios. Vltimum superest causarum pulsus mutantium genus, res scilicet præter naturam, quæ variæ sunt, & varias in pulsu mutationes efficiunt, quas tamen omnes cum Gal. in initio c. 11. in l. de Puls. ad tyr. ad capita quædam reuocare possumus. Causæ enim istæ omnes præter naturam, siue morbi sint, siue morborum causæ, siue symptomata, vel vsus immutant, vel instrumenta, vel facultatem afficiunt. Atque in primis ex facultate affecta multæ pulsuum mutationes fiunt. Facultas autem vel dissolvitur, vel oneratur ac grauatur. Dissolunt & labefaciunt facultatem, quæ spiritus ac solidas partes, è quibus Medici robur facultatis æstimant, dissolunt, quod fit à morborum praui- tate, magnis intemperiebus, dolorum vehementia, ac diuturnitate, alimenti inopia, ac nimis euacuationibus. Atque tales causæ omnes faciunt pulsus primò paruos, celeres, crebros, debiles: deinde paruos, tardos, crebros, languidos: postea minimos, tardissimos, creberrimos, languidissimos: tandemque facultate vel penè exhausta, vel admodum resoluta, intermittentes, deficientes, myuros, vermiculantes, formicantes. Grauant verò atque onerant facultatem humorum copia, instrumentorum morbi, vt inflammationes, alique tumores. Neque enim sufficit facultatem esse saluam, sed & obiecta, circa quæ versatur, moderata esse; atque instrumenta, quibus vtitur, rectè sese habere oportet: aliàs, grauatis viribus, actiones non rectè obeuntur, atque hinc oppressa atque onerata facultate omnia pulsuum inæqualium atque inordinatorum, seu peculiaria nomina habeant, seu iisdem destituantur, genera ortum habent. Et hac per omnia affectuum præter naturam genera discurranti manifestiora euadent. Hoc loco vnum atque alterum quasi exempli loco in specie considerare libet. Febris primò omnis, quæ febris, pulsus facit magnos celeres, & crebros. In febre enim, quatenus febris, nihil nisi vsus augetur. Verum cum febre multa accidere possint, hi pulsus non in omni febre observantur. Nam si facultas sit tam debilis, vt arteriam non satis attollere possit, aut arteria tam dura, vt satis distendi non queat, non fient pulsus magni, sed celeritas solùm atque frequentia augebitur. Ephemera quidem febris pulsus habet naturali proximum; nisi quod maior & celerior est diastole. Cum enim in febre ephemera tantum sint spiritus inflammati, calorque auctus: magnitudo quoque & celeritas in dilatione augetur. Cum verò tantum in spiritibus sit incendium, nec adsit magna fuliginum copia, systole non mutatur. In febribus putridis initio fiunt pulsus parui & inæquales. Opprimitur enim calor innatus; vnde fit pulsus paruos: calorque frigori est

Res præter naturam quomodo pulsus mutant.

Febrim pulsus.

Inflammatio-
num pulsus.

permixtus; unde inæqualitas. In omnibus etiam putridis systole est velocior; quam diastole, inprimis per augmentum; cum multa fuliginosa excrementa in febribus putridis abundant. Verum ut non est vnum putridarum febrium genus: ita nec pulsus in omnibus eiusmodi. Pulsus tertianarum, cum paroxysmi inuadunt, sunt quidem parui, debiles, tardi ac rari: non tamen parum à pulsibus quartanarum differunt. In quartana enim principiis arteria videtur esse quasi alligata, atque ad interiora retracta. Et quamuis æger sit iuuenis: tamen talis est motus arteriæ, qualis in senibus. Increfcente paroxysmo in tertiana pulsus magni, vehementes, celeres, ac crebri, omnisque inæqualitatis, præterquam febrilis, expertes sunt ob materiæ tenuitatem, quæ faciliè inflammatur. In quartana verò pulsus rarus est toto morbi progressu, & nulla febris ex omnibus est, quæ pulsus tam tardos ac raros habeat, quam quartana. Etsi enim, dum increfcat paroxysmus, fiant pulsus velociores & frequentiores: tamen si eos cum pulsibus tertianæ comparaueris, longè tardiores, ac rariores animaduertes, quam in tertiana. Hæctica tandem febris ob facultatis vitalis debilitatem, pulsum magnum & vehementem habere non potest: cui accedit instrumentorum durities, quæ commodè distendi non possunt. Unde pulsus necessariò parui, frequentes, imbecilli, duri & aliquomodo celeres oriuntur. Inflammationes & ipsæ pulsum mutant, inprimis internæ & magnæ. Inflammatio omnis, ut Galenus, *de pulsu ad tyr. cap. 11.* docet, habet communem pulsum, veluti serrantem, ut alia pars arteriæ attolli, alia non videatur; cum illa scilicet videatur durior. Habet etiam vibrationis aliquid hic pulsus, ac celer quidem & creber est, non tamen perperuò magnus. At verò cuique est proprius: nascenti quidem iustò maior & vehementior, & celerior & crebrior: Augescenti adhuc, cum illa omnia increfcent, tum clarè iam durior & magis vibratus. Vigescenti autem manifestior est, duriorque & vibratus magis: sed minor est, quam dudum: non tamen languidior, nisi facultatem excedat affectus, quo casu crebrior fit, & celer. Adest enim in inflammatione calor nimius, ob quem vsus augetur, naturæque cogitur, ut pulsus faciat magnos, celeres, frequentiores: cui etiam dolor accedit. Deinde reperitur in inflammatione tensio, ob quam fiunt pulsus duri. Quibus omnibus concurrentibus, necessarium est pulsus fieri serrantes. Irritata enim natura dolore & vsu aucto cogitur, ut faciat pulsus magnos: verum arteria dura ob tensionem ad extensionem inepta est; & quia durities illa non ita æqualis est, sicut illa, quæ ex siccitate provenit, fiunt inde pulsus serrantes: cum scilicet partes duræ extensione non attolluntur, reliquæ, quæ minus tenduntur, altiùs eleuantur. Verum ut Philosophi istud scimus, & necessariò hunc pulsū in inflammationibus reperiri credimus: licet rarò huiusmodi serrantem pulsum tactu deprehendamus; ut loquitur Lud. Mercatus, *de Caus. Puls. cap. 25.* id quod fortassis de aliis nonnullis pulsibus quoque verum est. Cum autem varia in inflammationibus accidere possint, fit sæpe, ut hæc pulsum differentia non in omni inflammatione reperiantur. Sit enim facultas debilis, tum imminuitur magnitudo, & crescit frequentia. Ita pro partium inflammatarum ratione pulsus mutantur. Quando membrum est mollius, etiam pulsus est minus durus, pars, quæ nervis abundat, facit pulsus duros: quæ contrà nervis non abundat, etsi arteriis abundet, minus duros; cum faciliùs intendantur nervi, quam arteriæ. Copia verò arteriarum ad inæqualitatem facit, quam gignit magna arteriarum obstructio. Omni quoque internæ parti inflammata accedit febris continua, & prout pars est calidior vel minus calida, cordi vicinior vel

ab eodem remotior: ita fiunt pulsus maiores. Ex quibus, qui omnium inflammationum pulsus sint, colligere non ita difficile est, quos qui in specie cognoscere volet, consultat Galenum, *in fine libri de pulsu ad tyr.* Exempl. gratiâ hoc saltem annectimus, pulsus pleuriticorum & phreneticorum sunt duriores; lethargicorum, peripneumonicorum, in inflammatione ventriculi, utriusque, molliores: quod illæ partes sint duriores, hæ molliores. Peripneumoniæ pulsus non est durus, sed valde inæqualis; inflammationis diaphragmatis, & pleuræ, est serræ similis; cum pulmo careat nervis, pleura verò & diaphragma copiosis nervis contexta sint. Inter symptomata, quæ pulsum mutant, præcipuè est dolor. Facit autem dolor pulsus initio maiores, vehementes, celeriores. Facultas enim rei dolorificæ præsentia irritata cupit id, quod molestum est, expellere, & sanguis ac spiritus à motu incalescunt; unde & vsus augetur, ac facultas maiori conatu actionem obire cogitur. Si verò dolor augeatur & continuetur, ut vitalis facultatis robur deiciatur, fiunt pulsus minores, debiliores, celeriores tamen & frequentiores, tandemque ex dolore, facultate penè dissoluta, extremè parui, debiles & formicantes.

CAPUT XIII.

Quid Pulsuum simplices differentia significant & præsagiant.

Restat ultimum, nimirum ratio ex pulsibus affectus præter naturam cognoscendi, morbi que euentum prædicendi. Etsi verò faciliè ex causis pateat, quid quilibet pulsus significet: tamen qua ratione distingui illæ causæ possint, & quantum periculi portendant, in specie explicandum est. Magnum primò pulsum provenire posse à facultate forti, instrumento molli, & vsu aucto, supra dictum est. Ex quo manifestum est, magnum pulsum inprimis familiarem esse vsus accretioni, deinde facultati forti & instrumento molli; atque hinc in ægrotantibus calidum morbum significare. Nisi enim calor esset auctus, vsusque vrgeret, natura ultra mediocritatem arteriam non attolleret. Ac propterea magnus pulsus, nisi impediatur, omnes febres sequitur. Impeditur autem vel ab imbecillitate facultatis, ut in malignis febribus fieri solet, vel à duritie instrumenti, vel à causis hisce coniunctis. Et cum arteria valde dilatari non possit, nisi virtus fortis sit, vel certè non debilis, pulsus magnus simul etiam virtutis robur, vel mediocritatem significat. Si fuerit virtus fortis, pulsus simul est vehemens. Si verò non sit vehemens, vsus magis auctum indicat, cum quo tamen virtus moderata, & instrumentum ad dilatationem aptum concurrat. Ac proinde pulsus magnus in omnibus febribus bonum signum est. Etiam pulsus magnus fieri non potest, licet vsus vrgeat, vel arteria sit mollis, nisi quoque tale virtutis adsit robur, quod arteriam valde dilatare possit. Paruus verò pulsus aut facultatis debilitatem, aut vsus remissionem, aut instrumentorum duritiem arguit. Facultas enim debilis arteriam valde dilatare non potest, licet vsus vrgeat, & instrumentum aptum sit. Instrumentum durum dilatari valde non potest, quamvis vsus vrgeat, & facultas ad distendendum satis roboris habeat. Nisi verò vsus vrgeat, Natura, quæ nihil frustra agit, arteriam valde non distendit. Ex quibus verò harum causarum pulsus paruus proveniat, hoc modo distinguendum. Si pulsus paruus simul languidus fuerit, à facultate debili paruitatem provenire indicio est: si pulsus sit parvus & durus, ab arteriæ duritie proficisci indicat: si nec debilitas, nec durities in pulsu deprehendatur, ab vsu imminuto dependere argu

argumento est, & vel calorem imminutum, vel spiritus dissipatos esse significat, quod ex præcedentibus facile distingui potest. Ex quibus patet, pulsus paruos non semper idem indicare, sed varia, pro varietate causarum, à quibus pendent. Parui enim cum facultate debili, mortem: reliqui parui longos & difficiles morbos plerumque significant. Celer pulsus usum auctum, & vires adhuc fortes, aut certe non admodum debiles significat. Primò enim omnino usum auctum indicat. Nam si Natura magnitudine vsui posset satisfacere, non opus esset adiungi celeritatem; verum, quia magnitudine non valet vsui satisfacere, defectum illum celeritate complere conatur. Vtus tamen solus ad celeritatem inducendam non sufficit, sed ut celeriter moueatur arteria, moderate virtute robusta, aut certe non debili opus est, cum languida facultas celeriter mouere non possit. Quamobrem sola celeritas nunquam reperitur, sed illi vel magnitudo, vel mediocritas, vel crebritas adiungitur. Magnitudo solet antecedere celeritatem, quæ id, quod deest magnitudini, complet: quæ si nec ipsa sufficit, adhuc adiungitur crebritas. Interdum & sola frequentia celeritati adiungitur. Cum enim vsus vrget, facultas verò ex aliqua causa debilitatur, ut vsui satisfacere non possit, magnitudo imminuitur, & quantum de magnitudine decedit, tantum frequentia iterum supplet. Vnde in sanis pulsus magnus & celer calorem ex motu atque exercitiis, balneis & similibus causis excitatum, qui tamen vires nondum debilitarit, significat: pulsus verò celer & creber sine magnitudine, indicat motum nimium atque exercitationem, vel balnea, quæ vires, iam debilitarint, ut magnum pulsum edere amplius non possint, sed loco illius crebritatem adiungere necesse habeant. In ægris verò pulsus celer affectionem calidam significat, & ut Galenus, 3. de præfag. ex puls. c. 3. habet, iure censuerunt plurimi & præstantissimi Medici, celeritatem febricitantium pulsibus perpetuam esse; certiusque est febris signum celeritas, quam magnitudo aut frequentia. Et quidem si adiungatur magnitudo, usum auctum significat, sed ita, ut illi magnitudo virisque in dilatando sufficere possint. Si verò frequentia sine magnitudine adiungatur, affectum calidum indicat, qui vires debilitarit, ut, quantum satis est, arteriam dilatare, vsuique satisfacere non possint. Quod si vsus vrgeat, verum instrumenti durities distensionem impediat: durities ea tactu percipitur. Tardus contrarium indicat, caloris scilicet inopiam, & necessitatem refrigerationis non magnam; virisque non satis firmas. Si à facultate debili prouenit tarditas pulsus, simul est languidus; si verò ab vsu imminuto, solum est tardus. Frequens pulsus usum auctum valde, vel facultatem imbecillam, vel instrumentum durum significat. Si à solo aucto vsu prouenit pulsus, non est languidus, neque durus, crebrumque pulsum tum ancedit magnitudo & celeritas; & sic maxima in corporibus ægrotantibus caliditas, quæ omnem in pulsu mediocritatem euertit, significatur. Si à debili facultate proueniat, ipsa debilitas in pulsu percipitur, sicut & arteriæ durities, ob quam, quia pulsus magni fieri non possunt, frequentes eduntur. Adiungiturque ferè omnibus paruis pulsibus frequentia; cum natura id, quod deest magnitudini, primò celeritate, deinde & frequentia compensare soleat. Rari verò pulsus fiunt vel ob facultatem fortem & instrumentum molle, vel ab vsu imminuto. Nam si facultas sit fortis, atque instrumentum aptum distensionis satisfacere possit, non addit celeritatem

vel frequentiam. Vnde in sanis corporibus temperamentum frigidius pulsus rarus indicat: in ægrotis verò, ubi pulsus ad naturalem cuiusque hominis pulsum comparatur, raritas morbum frigidum indicat, cordisque & contentorum in eo frigiditatem significat, & proinde suspectus plerumque est, & pro malo signo habetur. Validus ac vehemens pulsus facultatem fortem monstrat, & quò fortior est, eò maiores vires significat. Si tamen planè naturæ limites excedat vehementia, non tantum virtutis robor, sed & irritationem magnam significat. Languidus contra vires deiectas indicat, & quò languidior est pulsus, eò maiorem virium imbecillitatem arguit. Cum verò facultas non vno, sed pluribus modis debilis reddi possit: distinctione quadam opus est. Vel enim facultas debilis est ex spirituum dissipatione ac resolutione, & tunc pulsus sunt debiles ac parui; & si vsus non vrgeat, tardi: vel facultas opprimitur humorum copia; idque indicant pulsus inordinati atque inæquales. Tandem si pulsus sit mollior, arteriæ molliem propriè indicat, & proinde in corpore sano vel potum immoderatum & cibum humectantem, vel balneum, vel otium significat: in ægrotis verò humidum corporis habitum, qualis est in hydropicis. Duriores contra pulsus arteriæ duritiem vel ex tensione vel ex siccitate indicant. Tensio fit à conuulsionibus, vel tumoribus, aut repletionem vasorum aut humoribus vel flatibus. Exsiccatio fit in febribus ardentissimis & malignis; vel febre hectica ac marasmo, qui exsuccum corpus reddit, vel ex Melancholia, & Quartana febre. Faciunt idem & aquæ sulphureæ, ac medicamenta exsiccantia, si quis iis diu vtatur: item victus exsiccans, & atrophia, in quâ arteriæ nutrimento destituuntur, fames, labor, sudor nimius, sollicitudo, vigilia, tristitia: quas causas è præcedentibus & præsentibus facile distinguere licet.

Vehemens & debilis pulsus quid significant.

Pulsus durus & molli quid indicet.

CAPVT XIV.

Quid reliquæ Pulsuum differentia significant & præfagiant.

Reliquas pulsuum differentias, & primò æqualitatem atque inæqualitatem quod attinet, pulsus æqualis in ægris etiam si materiæ dispositionem fixam significet: tamen malam spem non præbet, quòd naturæ ad morbum concoquendum firmitatem declaret. Inæqualitates verò omnes peiores sunt, & vel vasorum obstructions, aut compressiones, vel humorum abundantiam virtutemque oneratam significant. Et quidem inæqualitas singularis periculosior est, quam systematica; cum causa, quæ vnicum pulsum vitiat, grauior proculdubio sit, quam quæ plures vitiat. Vnde pulsus in vno pulsu intermittentes perniciosiores sunt, quam in pluribus intermittentes; cum periculosius sit, ne vnum quidem ictum integrum perficere posse, quam inter plures aliquando intermittere: modò vtrique intermissio à debili facultate proueniat. Nam si vitio tantum instrumenti in vno pulsu intermissio fiat, etsi facultatem non parum offendi atque impediri significet: tamen periculosa semper non est; ut in caprizante pulsu accidit, ubi motus quiete solum interpolatur, & in duas quasi partes diuiditur. Impares itaque citati, myuri & dicroti valde mali sunt: quamvis inter eos aliqua videatur esse differentia, quod impar citatus minus præfagiat periculum, quam intermittens in vna pulsatione. Indicat enim facultatem quidem debilem, aggrauatam tamen, & minus imbecillem, ac propterea conantem expellere id, quod molestum est. Inæqualitas systematica ex quibus causis fiat, supra dictum. Ex quibus colligi potest, inæqualitatem systematicam inæqualiter factam, esse minus periculosa-

Æqualitas & inæqualitas pulsus quid indicet.

Intermittens pulsus quid significet.

lam, quàm inæqualitatem æqualiter factam; cum illa plerumque instrumenti vitio, hæc verò ab imbecillitate facultatis accidat. Intermittentes proueniunt vel ab instrumenti vitio & obstructione, vel à facultatis debilitate. Si ab instrumenti vitio fiat intermissio, magnitudinem & vehementiam pulsus vix planè amittit; verum si à facultatis debilitate proueniat intermissio, omnes pulsus debiles erunt, qui omnino sunt periculosi, alij tamen minus, alij magis. Periculosi sunt, quorum intermissio non excedit tempus vnius pulsus: quod si diutius quiescat, tanto sunt prioribus periculosiores, quanto diutius quiescunt. Qui verò duorum pulsuum tempora intermittendo transigunt, omnium sunt periculosissimi; & eò periculosiores, quòd plures ictus & quòd diutius intermittunt; existimaturque Galenus, 2. de prælag. ex puls. cap. 4. si duorum pulsuum tempore arteria quiescat, vix superstitem hominem esse posse. Minus tamen senes, quàm iuuenes periclitantur cum pulsu intermittente; & mox ab illis pueri, vt idem, allegato loco, docet; obseruaturumque est senes, qui in febribus & asthmate pulsus habuerunt intermittentes, conualuisse: pueros item cum tali pulsu superuixisse. At iuuenes cum tali pulsu ægrotantes vix euadunt; nisi talis pulsus sit alicui naturalis, qualem refert, fuisse in quodam iuvene Galenus, in fine lib. de prælag. ad Posthum. Imbecillæ enim facultates à paruis quoque occasionibus offenduntur: at firmæ tantum deiiciuntur à maximis. Adhuc periculosior est pulsus deficiens; maiorem enim imbecillitatem arguit, nihil mouere posse, quàm per interualla tantum mouere posse. Intercurrens verò pulsuum omnium inæqualium est securissimus. Licet enim oneratam virtutem indicet; tamen eam adhuc validam esse, integram, & cum causa morbi pugnantem significat, & proinde victoriam promittit. Reciproci deficientes vt intermittentes sunt cognati, ita etiam magnam facultatis imbecillitatem, & magnum naturæ laborem, cum pugna tamen quadam aduersus causas præter naturam, indicant. Myurus & ipse facultatis imbecillitatem consequitur atque indicat. Vermiculans quoque facultatem insigniter debilitatam significat. Formicans facultatis adhuc magis deiectionis indicium est; & si in febribus morbisque diuturnis percipitur, mortis certum signum est. Pulsus hos facultatem prostratam significantes complexus est Galenus, 2. de prælagis ex pulsib. cap. 3. his verbis. *Quare oratione summatim repetita sermonis hic finem faciamus: omnes pulsus, qui longè à naturali mediocritate discesserunt, non sunt boni. Languidissimus verò, & tardissimus, rarissimusque, omnium pessimi sunt; ab illis minimus, mollissimus, inde creberrimus: at non celerrimus, vel maximus, sed sunt hi modicè periculosi.* Vndosus & ipse interdum facultatem oneratam & grauata ac debilitatam significat. Et malum signum est, cum in vermiculante mutatur: interdum tamen virtutem non mediocriter validam, arteriasque humore madentes, & propterea decretorium sudorem significat. Serratus pulsus nec ipse bonum signum est, & internam inflammationem magnam indicat, à qua, nisi fortis sit virtus, æger non facile euadit. Ordo fixam & perpetuam quodammodo causam significat; perturbatio verò ordinis variantem. Itaque ordo si pulsus aliàs est commodus, viriam firmitatem indicat. Inordinatus verò facultatem imbecillam, eamque à fuliginosis excrementis oppressam significat. Verum vbi ordo cum incommoda pulsus inæqualitate inuenitur, non solum non virtutis robur, sed & summam debilitatem significat, fixamque & permanentem causam indicat, & malum signum est; ordinisque perturbatio in optimis pulsibus non tam malum signum est, quàm in malis ordo constans. Tandem rhythmum quod attinet, cum præcipua va-

riationis rhythmici causa sit vsus mutatio, rhythmici mutatio vsus variationem significat.

CAPVT XV.

Qui Pulsus salutem vel mortem Crisimque præfagiant.

EX quibus omnibus facile apparet, qui pulsus facultatem fortem vel debilem, & consequenter salutem vel mortem indicent. Quæ vt summatim quasi complectamur, facultatem fortem significant pulsus magni, celeres, vehementes, dicroti, vndosi. Inter extremos verò solum vehementissimus robustam facultatem indicat. Inter pulsus verò facultatem fortem significantes primum locum habent omnes vehementes; post eos est pulsus magnus; hinc celer, vndosus; postea dicrotus. Vehemens enim pulsus semper à facultate robusta pronenit; & quò est vehementior, eò maius naturæ robur indicat. Languidas verò vires significant pulsus parui, languidi, intermittentes, myuri omnes, vermiculantes, formicantes, atque omnes pulsus, qui à mediocritate ad extremum deflexerunt, excepto vehementissimo, quem semper virtutem fortem significare diximus. Et quidem ostendunt hi pulsus facultatem vel ex se imbecillam, vel vitio aut multitudine humorum grauata. Qui ex se ipsa facultatem imbecillam ostendunt, æquales sunt: qui verò ab onerata & grauata facultate proueniunt, inæquales sunt: nonnulli facultatem & per se debilem, & ab humoribus adhuc magis oppressam significant. Hinc vermiculantes, formicantes, intermittentes, & myuri deficientes mali sunt; & quò pulsus est languidior & minor, eò maiorem virium debilitatem arguit. Cum autem omnis de morbi euentu prædicendi ratio pendeat ex collatione virium cum morbo: facile hinc patet, pulsus, qui salutem in ægris promittunt, aut certè salutis spem non adimunt, esse eos, qui parum à naturali & sanorum statu declinant, & sunt æquales, ordinati, magni, vehementes: inter languidos verò, paruos, inæquales atque inordinatos illos, qui minus languidi, maiores, æqualiores, atque ordinatiores euadunt. Tales enim pulsus virtutis robur augeri significant. Inprimis verò pulsus vehemens & magnus bonam salutis spem præbent, & omnium maximè, si in differentiis probam obseruant æqualitatem. Illud tamen, quod dictum fuit, pulsus eos esse optimos, qui sanorum pulsibus similes sunt, de iis solum morbis accipiendum, qui nullam malignitatem coniunctam habent. Sæpe enim accidit in febribus planè malignis & pestilentibus, vt sicut vrina, ita & pulsus sanorum pulsibus ferè similes appareant, etiam cum mors præ foribus est. Ideoque alia signa tum perpendenda sunt, & soli pulsui in hisce morbis non fidendum, atque illi ipsi pulsus ideo suspecti esse debent, quòd aliquam debilitatem ferè coniunctam habent. Neque enim illi pulsus præter naturam omnes sanorum condiciones habere possunt; ac, qui sanis similes in cæteris esse dicuntur pulsus, languidiores tamen sunt, & quandoque etiam minores. Contra pulsus languidi, parui, tardi, atque alij, qui facultatem debilem indicant, mortis periculum portendunt; si vnà quoque alia mala signa appareant. Hic enim diligenter notandum, ex pulsibus malis solum mortem non facile esse prædicendam. Deinde & hoc attendendum, an aliqua externa atque euident causa, quæ pulsum mutauerit, præcesserit, ne, quæ aliunde prouenit pulsus mutatio, eam morbo adscribamus. Mali quoque sunt omnes pulsus, qui ad extremitatem, excepto vehementissimo, perueniunt, atque inter illos minimi, lan

Intercurrens.

Reciproci deficientes.

Myuri.

Vermiculantes. Formicantes.

Vndosus.

Serratus.

Ordo quid indicet in pulsibus.

Rhythmus quid significet.

languidissimi, tardissimi & rarissimi omnium pessimi habentur. Proueniunt enim tales pulsus ab ingenti debilitate, & frigiditate, quæ cor, vel spiritus, vel sanguinem occupauit. Ex inæqualibus verò minus periculosi sunt, in quibus plures pulsus magni ac vehementes reperiuntur. Valde verò periculosi sunt ex inæqualibus, formicans, vermiculans, intermittens, intercurrents, myurus. Formicantes sunt longè perniciosissimi, virtutemque ad extremam debilitatem peruenisse arguunt, & in febribus, quæ temporis diuturnitate vires iam exhauserunt, certum sunt mortis indicium. Intermittentes & ipsi alij planè exitiales sunt, alij summum periculum portendunt. Et quia alij in vno pulsu, alij in pluribus intermittere dicuntur, qui in vno pulsu tantum intermittunt, eos periculosiores esse iis, qui in pluribus intermittunt, antea dictum est, & præsertim si sequens motus priore sit minor. Vbi verò in pluribus pulsibus sit intermissio, quò quies atque intermissio est diuturnior, eò maius periculum indicatur. Atque in pulsu intermittente senes ac pueros minus periclitari, quàm iuuenes, iam supra dictum. Iuuenibus enim hos pulsus planè exitiales statuit Galenus. Obseruauerunt tamen recentiores, ægros quosdam, in quibus pulsus vltra septem ictuum spatium intermisit, euasisse: verum id rarum est. Sunt & illi pulsus intermittentes valde periculosi, in quibus motus posterior priore languidior est. Facultatem enim magis magisque deiici indicatur. Ex hoc genere sunt pulsus myuri, & inprimis deficientes atque intermittentes, qui eouque decrescunt, vt arteria tandem planè quiescere videatur. Tandem etiam ad euentus modum cognoscendum aliquid pulsus faciunt. Pulsus enim, qui sunt imbecilliores, tardiores ac rariores, per crisin morbum non desituros significant, sed potius per solutionem paulatim factam: pulsus verò inæquales, vehementes, magni, celeres & frequentes potius per crisin solum iri morbum indicant; & quidem instante crisi pulsus inordinatos atque inæquales fieri necesse est. Nam cum in crisi fiat naturæ cum morbo pugna, ea sine motibus inordinatis atque inæqualibus fieri non potest. Et quidem si pulsus ex languidis fortes, ex paruis magni fiant, proximam crisin significant. Ac bonam crisin prælagiunt ij pulsus inæquales, in quibus plures sunt pulsus magni, quàm parui; plures celeres, quàm tardi; plures moderati, quàm crebri; plures vehementes, quàm languidi.

CAPVT XVI.

De signis è lingua petendis.

Atque hi quidem præcipui fontes sunt, è quibus signa morborum & causarum morborum petuntur. Diligens tamen Medicus in vrina & pulsibus non planè subsistit; sed & sudores, sputum, linguam & alia considerat; vt ex sequentibus in specie patebit. Verum cum de sudoribus, spuris, alui excrementis iam aliquid dictum sit, tractatu de differentiis & causis symptomatum, hinc saltem aliquid de lingua addemus. Lingua plurima & certa satis, præcipue in febribus, signa exhibet, ita vt morbi natura & mutatio ex lingua sæpe non minus, quàm ex vrina, cognosci possit. Docet hoc ipse Hippoc. 6. epid. sect. 5. aph. 13. *Lingua humorum serum quale sit indicat. Pallida quidem seu lutea lingua ex bilis redundantia sunt: Biliosum autem à pingui. Rubicunda verò à sanguine; Nigra ab atra bile: valde resiccata ex succensa fuligine & utero: Alba ex pituita.* Et aphor. 15. *Lingua humorum dominium colore refert. Ideoque per hanc ad humorum dignotionem peruenimus.* Et quoties vel coloris vel saporis in lingua mutatio sponte accidit: toties in corpore mutationem aliquam fieri certum est. De quo etiam

Hippocrates, ib. aph. 16. *Carnes gustanti salsa superuacaneam quandam humiditatem indicant.* Cum autem omnes linguæ, quæ morbosam affectionem significant, sanorum linguæ sint dissimiles, sciendum primo, quæ linguæ hominis sese rectè habentis sit constitutio. Est autem hominis sani lingua nec sicca nimis, nec humida; nec densior, nec rarior; nec aspera, nec lauis nimis. colore rubicundo, pura, nulla humiditate aliena obducta, ad sapores omnes percipiendos apta. Ab hac naturali constitutione si declinet, morbosam constitutionis indicium est, & qualis sit humorum in corpore constitutio, indicat. Cum enim lingua carnem habeat raram & spongiosam, ac insignes venas, facile ab humoribus, præcipue eorum sero & fuliginibus ab inferioribus adscendentibus mutatur. Duæ enim præcipue causæ sunt, quæ naturalem linguæ constitutionem mutant, nimirum humores è venis & arteriis linguæ exsudantes, & linguæ tunicam præcipue inficientes; deinde fuligines & humores ex partibus inferioribus, ventre præcipue & thorace, adscendentes. Quibus tamen interdum humores è capite defluentes coniunguntur. Principio autem colorem linguæ mutatum, & quidem album colorem quod attrinet, eum à pituita prouenire, & in omni febre putrida talem fieri nonnulli statuunt, pituita à febrili calore in capite liquata. Verum cum non semper in capite pituitæ abundantis tum adsint indicia, magis probabile est, saluam, quæ lingua semper madet, ac qua præcipue eius tunica humectatur, à calore febrili exsiccari, & mutari, ac ita simul colorem tunicæ huius & linguæ mutari. Id quod docet Hippoc. 7. epid. in historia Pythodori: *Lingua, inquit, ex semno si non collueretur, subalba præ siccitate.* Atque idem testatur experientia. Color verò albus, postea ferè in luteum vel nigrum mutatur, dum humores alij linguæ communicantur, & tunica illa externa præcipue à fuliginibus febrilibus mutatur. Vnde & naturam & tempora febris linguæ color indicare potest. Nam, vt Hipp. 3. de morb. habet; *Principio lingua alba est vel flaua: progressu temporis nigrescit; & si in principio morbi nigrescat, citius morbus finitur, sin posterius, tardius.* Ideoque dum lingua diu manet alba, vel pituitæ abundantiam significat, vel tardum morbi motum, & humorem linguæ superinfusum non multum à calore febrili alterari indicat. Contrarium accidit, si morbi motus sit velox, & statim extremos labores habeat. De quo etiam Hip. in Coacis: *quibus pleuriticis lingua in principio biliosa fuerit, septimo die indicantur.* Non ergo linguæ color niger, semper extimescendus; cum si reliqua signa bene sese habeant, potius morbi brevis sit indicium: cum contra lingua diu alba vel flaua manens, cum signis aliis non bonis, morbum diuturnum vel periculosum significet. Vt enim humores, quorum serum & pars tenuior saluæ permiscetur & linguæ superinfunditur, sese habent, & mutantur: ita etiam linguæ tunica, quæ humorem illum imbibit coloratur. Eaque porro à fuliginibus calidis ascendentibus ita sæpe corrumpitur, vt planè abscedat. Coctione verò procedente & febre declinante, etiam color linguæ ad naturalem statum redit, & humor linguæ superinfusus absumitur, & quod corruptum est separatur. Et quidem ea mutatio in extremitate linguæ primum apparet; hinc etiam reliqua lingua sensim pura redditur; vltimò radix. Et si quis quotidie linguam ægri diligenter inspiciat, morbi decrementum non minus certò, quàm ex vrina, inde cognoscere poterit. Non solum autem color, sed & sapor, qui in lingua percipitur, humorum in corpore statum indicat. A bile nimirum fit sapor amarus, à pituita dulci dulcis; à salsa, salsus ab humore acri acidus. Sicca etiam sæpe & aspera lingua redditur, vt historias ægrorum in libris epidem. Hippocratis percurrenti, & quæ in ægris quotidie fiunt obseruanti facile innotescit.

Lingua naturæ
valis constitutio.

Causa mutatio
linguæ.

Caloris
linguæ mutatio.

Sapor in
lingua.

rescit. Fit autem lingua arida ex humiditatis, quæ à calore febrili absumitur, defectu. Aspera redditur, ob quandam partium inæqualitatem, quarum aliæ subsident, aliæ exstant, ex siccitate nimirum. Vnde aspera lingua maiorem adhuc humiditatis defectum arguit, quàm sola siccitas. Imò sæpè lingua rimas agit & finditur. Vnde tales asperæ linguæ febrilem ardorem ex ichoribus biliosis genitum significant,



LIBRI III. PARS II.

De Signis Diagnosticis.

CAPVT I.

De Signis caussarum in genere.



ED vt ad speciem accedamus, Cum tria sint signorum genera, *ἀναμνηστικά, διαγνωστικά & προγνωστικά*, præcipuè de Diagnosticis & Prognosticis agemus. De anamnesticis hæc saltem monemus,

caussas, quæ antecesserunt, cognosci vel ex effectis, quæ reliquerunt, vel ex commodo aut incommodo, quod afferunt, quæ adhibentur. Et primò signa diagnostica quod attinet, Principiò qua ratione corpus ægrum à sano discernendum sit, inquirendum, & morbus seu imminens seu præsens cognoscendus.

Imminens morbi signa.

De imminens morbi signis generalis hæc regula sit, omnem mutationem in actionibus, in accidentibus, & excrementis, quocunque modo præter consuetudinem & citra externam causam euenientem, morbum minari. Cum enim ista omnia secundum naturalem constitutionem sese habentia sanitatis signa sint, quàm primum in iis aliquid à naturali statu mutari incipit, à sanitate ad morbum delapsum significat. Exempli gratia, si, qui antea corpore erat crassiore, emaciari incipiat; si quis calor in corpore toto vel in parte percipitur; si grauitatis sensus & lassitudo spontanea suboritur; si horror percipitur; si dolor caput vel crura infestet, vel totum corpus perambulet; si somnus interrumpatur; si pustulæ ac aliena in corpore efflorescant; si sudor præter solitum erumpat: hæc omnia iam imminens morbi indicia sunt, & vel plethoræ vel cacochymiae præsentis, aut iam

Morbi præsentis signa.

etiam putredinis incipientis signa exhibent. Eadem signa si cumulantur & augentur, morbum iam præsentem indicant. Non enim specie, sed magnitudine saltem signa ista discrepant. Vt si quis absque manifesta causa externa plus sitire incipiat, morbum meritò suspicamur; si quis verò sitim intolerabilem patitur, morbum iam adesse indicio est. Sed cum non sufficiat nosse homini morbum imminere aut iam etiam ægrotare, sed scire opus sit, quo morbo laboret: morborum, caussarum morbigicarum, & locorum affectorum, vt & symptomatum, signa proponenda sunt. Et cum inter signa, quæ nos in morborum notitiam deducunt, etiam causæ morbigicæ sint: meritò signa caussarum præmittuntur. Etsi autem fontes signorum supra propositi hîc omnino etiam adhibeantur & locum habeant: tamen signa, quæ inde petuntur, non eiusdem necessitatis, verum alia vix topica sunt, neque certi aliquid ex iis de humore latente concludere licet: alia verò maiorem in morbis indicandis necessitatem habent. Signa autem illa necessaria & conuertibilia sunt duplicia, alia propria, alia communia, sed per syndromen collecta, & subiecto proprio determinata. Propria sunt sapor, color, & motus humorum. Sanguis enim est dulcis; pituita aquosa insipida; bilis, amara; pituita salsa salsum habet saporem; melancholia acidum, sicut & pituita acida;

Signa propria humorum.

melancholia adusta ponticum. Sanguis est rubeus, vt & bilis rubra; pituita alba habet album, bilis pallida pallidum, flaua flauum, porracea porraceum, æruginosa æruginosum; melancholia nigrum turbidum, atra bilis nigrum splendidum colorem habet. Et cum vnus sapor vel color duobus humoribus competat: ex sapore & colore coniunctis possumus humorem cognoscere. Ita ex albo colore & acido sapore acida pituita; ex acido sapore & nigro colore melancholia; ex sapore pontico & nigro colore cum splendore atra bilis colligitur. Tandem etiam humores suos determinatos motus habent. Singulis diebus mouetur pituita: alternis diebus bilis: melancholia de quarto in quartum mouetur. Si talis motus absit, sanguis peccat. Neque solum in febribus hi motus obseruantur, sed & diligentius attendenti in aliis morbis occurrunt. Ita dolores capitis, arthritis, aliique morbi statim temporibus suas periodos habent, easque non solum respectu dierum, sed & horarum obseruant. Bilis enim plerumque circa meridiem mouetur, vesperi melancholia, noctu pituita. De quo Gal. 12. meth. med. c. 5. *Qui ex crudis succis laborant, hos quotidie accessiones exercent, præcipuè ad vespertinam & nocturnam, non manens, nec usque ad meridiem.* Neque etiam tantum periodi, sed & velocitas & tarditas motus morbi ab humoribus pendet, eosque indicat. Morbus enim velox ab humore tenui, calido, & bilioso dependet: tardus à lento & crasso. Verum quia humores in penitioribus corporis partibus latentes non semper licet per sapores & colores cognoscere, fieri etiam potest, vt periodi occultentur, aut à Medicis, qui perpetuò agris assistere non possunt, non obseruentur: plerumque syndrome signorum communium Medicis instar propriorum signorum est, atque iis ad cognoscendas etiam causas morbigicas vtuntur. Licet enim, si singula separatim considerentur, nihil certi ex iis de morbo concludere liceat: tamen si coniunctim sumantur, atque ita determinentur, necessariò Medicum in latentis humoris cognitionem deducunt. Talia autem signa suppeditat fons caussarum & effectorum, seu antecedentia & consequentia. Antecedentia omnia ad duos fontes pertinent, primus omnes causas externas atque euidentes, seu res non naturales; secundus corporis dispositiones complectitur. Consequentia verò sunt omnia symptomata, & quæ profunt ac nocent. Primò quod attinet res non naturales, seu ea, quæ assumuntur, geruntur, retinentur & excernuntur, & foris corpori incidunt: res eæ saltem corpus & viscera ad huius vel illius humoris generationem disponunt, prout corpus vel calefaciunt, vel refrigerant, vel alias in eo mutationes efficiunt. Quas autem mutationes in corpore efficere possint res non naturales, supra, lib. 2. part. 2. c. 2. de causs. morb. dictum est. Deinde maximam in humoribus generandis vim habent, & propterea in indicandis humoribus plurimum possunt dispositiones, sine quibus causæ illæ euidentes & res non naturales parum possunt in producendis humoribus. Hinc enim fit, vt etsi plures in eodem aëre calidiore versentur, non omnes tamen in febrim incidunt; aut qui eodem cibo vel potu intemperato vtuntur, non omnes morbo corripiantur. Possunt autem illæ dispositiones ad quatuor capita redigi: primum est hæreditaria aliqua dispositio. Secundò ætas. Senes enim frigidi, iuvenes calidis humoribus abundant. Tertiò corporis constitutio. Macilenti enim & graciles calidos potius humores, quàm frigidos; obesi contra frigidos potius, quàm calidos habent. Quartò, intermissa aliqua consueta euacuatio. Cuius enim humoris euacuatio consueta omiſsa est, illum abundare, & faciliè augeri posse indicio est. Verum cum signa, quæ causæ præcipuè particulares suppeditant, non semper certa sint, nisi plura concurrant, neque semper in hyeme pituita abun-

Con.

abundet, sed etiam quis febre ardente corripitur, eademque etiam senex laborare possit: præter hæc effectus & subsequencia considerare utile est, quæ rectissime humores redundantes prædunt, Subsequentia verò sunt symptomata, & inter ea primò omnium actionum læsarum genera; deinde excreta & retenta; tandem qualitates corporis mutatae. Huc etiam referunt nonnulli morbos ab humoribus ortos. Ita febris ardens bilem, quartana melancholiam, phrenitis bilem indicat. Deinde iuuantia & lædencia.

CAPVT II.

De Signis caussarum & humorum in specie.

ET vt in specie secundum hos fontes singularum caussarum signa inquiramus, sanguinem abundare & plethoram quoad vasa colligimus, si caussæ præcesserint, quæ supra, *lib. 2. part. 2. c. 3.* enumeratae sunt. Habitus corporis est carnosus & firmus, habitusoso vapore perfusus, venæ sunt editiores, & præcipue ab exercitatione & æstu turgent, & musculi distenduntur, cum præ copia venæ maiores se in minores exonerant; unde & musculosas partes repleti accidunt. Virium robur cum sanguine proportionem quadam incrementum sumit. Et si sanguis omnem venarum cavitatem nimis repleat, vt satis diffusi non possit, crassescit, & præ pondere magis partes inferiores affectat. Hinc ribiarum musculi repleti laboriosius mouentur, & lassitudo gignitur. Respiratio quoque ex minimo labore difficilior redditur. Nam musculi thoracis sanguine quasi onusti ac pigri difficiliter mouentur, omniaque vasa tumida ac plena sunt, vt respirationis instrumenta liberè dilatari non possint. Animi mores sunt hilares & iucundi, discursus & memoria hebetiora, seu, vt Galenus, *1. de nat. hum. 1. 39.* scribit, τὸ ἀπὸν καὶ ἡλιθιώτερον διὰ τὸ αἷμα. Somnus est profundior & diuturnior, vaporibus multis à toto corpore in cerebrum exhalantibus; & blandus cum iucundis insomniis, de rebus rubris, ac sanguine. Motus difficilior & minus expeditus. Pulsus magnus, fortis. Naturales actiones maximè perficiuntur: cum & vberius homo alatur ac tenera quoque ætate plurimum augetur, & magis idoneus sit ad liberos procreandos. Urina est copiosior, colore & substantia mediocris, contentumque in ea paulò copiosius. Totius corporis, atque imprimis faciei color rubicundus est & roseus, oculorum venæ rubent: cutis calida tangitur; calor tamen lenis est: Facile ferunt sanguinis euacuationes, siue fiant manifestæ per venæ sectionem, siue obscuræ per inediam, laborem, vigilias; cibi paucitas lassitudinem tollit, & sitim extinguit, vt est, *6. Epid. com. 3. t. 28.* Læduntur verò à calidis & humidis; & omnibus quæ calorem augent, nocet otium & cibi sanguinem augentes. Plethora verò ad vires cognoscitur ex corporis grauitate, pulsu inæquali, cruditate, & sæpè incipientis putredinis signis. Ex iisdem fontibus peti possunt signa, quibus pituita abundans cognoscitur. Nam primò omnia illa præcesserunt, quæ ad pituitæ generationem facere possunt, quorum supra *lib. 2. part. 2. cap. 4.* facta est mentio. Deinde ij, in quibus pituita abundat, in omnibus actionibus lenti sunt, torpidi ac segnes, tardi ad motum, stupidiores sensibus, & tardè tradita percipiunt, quæ tamen apprehenderunt, firmiter retinent; ad somnum sunt propensi, dormiuntque profundius; somnia habent de pluuiis, aquis, niuib, grandine, glacie, submersione. Mores quod attinet, sunt insulsi, non facile irascuntur. Pulsus est paruus, tardus, rarus & mollis. Siti non vexantur: appetentia est languidior. Corripuntur morbis frigidis & humidis, vt hydrope, le-

Dan. Sennertii Tom. I.

thargo: morbi, quos patiuntur, sunt chronici, & tardioris motus. Per nares, os, tussimque plurima pituitosa excrementa reiciunt, saliuæque abundant. Urina est alba, pallida, nunc tenuis, nunc crassa & turbida. Cruda item & pituitosa est deiectio: sicut & sanguis, qui quocunque modo è corpore effluit. Totum corpus est album, crassum, molle, & ad tactum frigidius. Cibi potusque calidi, & omnes causæ calefacientes & siccantes prosunt: Facile quoque ferunt, quæ vim pituitam incidendi, attenuandi, euacuandi habent: ferunt etiam facile ieiunium: nocent contra refrigerantia & humectantia, incrassantia, quæque pituitam retinent & augent. Atque hæc signa pituitam naturalem & dulcem abundare demonstrant. Si acida verò pituita abundet, omnia signa modo enumerata sunt vehementiora. Salsa verò pituita cognoscitur, si præcesserint causæ & pituitam, & serosam humiditatem generantes: si adsit sitis, sapor salus, mordicatio; quæ excernuntur cruda sunt, sed simul mordacia. Quæ iuuant non simpliciter calida sunt, sed talia, vt aliqua ex parte etiam refrigerent, ac temperent illam salsedinem. Nocent quæ nimis siccant, sicut & quæ nimis calefaciunt aut refrigerant. Actiones animales minus torpent. Cutis minus frigida sentitur, quàm ubi alia pituita redundat. Tertio Bilis peccare cognoscitur, si antecesserint causæ & dispositiones corporis, quæ ad generationem bilis faciunt, quæ itidem supra, *l. 2. p. 2. c. 5.* expositæ sunt. Si homo non sit somnolentus, sed vigil, somniet de igne, tonitru & fulgure, litibus; sit agilis in motu, & in consilio præceps; facile irascatur; pulsus sit vehemens, velox, frequens, durus & magnus; nisi tanta bilis copia fuerit, & adeò feruens, vt cordis vires debilitet; Si coctio magis deprauetur, quam imminuatur vel auferatur, cibique facile corrumpatur in ventriculo, & nidorem exhalet: si appetitus cibi quàm potus minor sit: si morbi affligant calidi & sicci; vt docet Gal. *4. aph. 2.* vt febres tertianæ, siue intermittentes, siue continuæ, & qui velocem habent motum, inflammationes sine magno tumore & pondere, herpes, erysipelas, pleuritis, phrenitis, similesque affectus calidi, qui varia habent symptomata, prout in varias partes incidunt. Nam si in cerebrum irruat bilis, fiunt deliria cum iracundia & rixis, vigiliæ; si in ventriculum, sitis, nausea, oris amaritudo; si in intestina, dysenteria; si in cutem, pustulæ erodentes & biliosæ. Eadem cognoscitur, si urina sit flaua & splendida, excrementa multum tincta; sanguis siue spontè effluat, siue mittatur, biliosus appareat, corporis habitus siccus, macer & gracilis, acrimque & mordacem calorem præ se ferens; venæ sint amplæ, color corporis flauus. Delectantur & iuuantur tales frigidis ac humidis, vt & bilem detrahentibus, prodèstque iis acetum. *3. de rat. vi. in ac. t. 3.* 8. læduntur calidis & siccis, ieiunium non ferunt. Et prout causæ & effectus, seu antecedentia & consequentia sunt vehementiora: eò etiam bilem magis adustam, & proinde hanc vel illam eius speciem denotant. Succus Melancholicus itidem cognoscitur ex causis & dispositionibus antecedentibus, quæ etiam supra, *lib. 2. part. 2. c. 6.* explicatae sunt. Consequentia verò, quæ præsentem arguunt, hæc sunt: In quibus abundat humor melancholicus, sunt taciturni, cogitabundi, stabiles & constantes, vel etiam pertinaces, tardique ad iram, quæ tamen inueterata fertur in odium, neque facile sedatur; somnum habent turbulentum, cum insomniis ac imaginibus horrendis ac terribilibus, rerum nigrarum, fumi, cadaverum, mortis, ac similibus: sunt mæsti, tristes ac meticulosi sine manifesta causâ: pulsum habent paruum, tardum, rarus ac subdurus. Color liuidus, fuscus, subniger est. Cibus quidam & venerem immoderatiùs appetunt, sitis expertes sunt, & salina abundant, *l. de plen. c. 11.* Sanguis è corpore quomodo liber

Bilis signa.

Melancholia signa.

effluens crassior & nigrior conspicitur. Vrinam emittunt copiosam, & quidem si nihil melancholiæ vnâ euacuatur, tenuem, albam; si verò aliquid eius vnâ effluat, crassam, liuidam, nigram: sudoribus quoque copiosis in somno madefiunt. Abundant enim seroso humore Melancholici. Hæmorrhoides, quæ turgere, & sanguinem nigrum emittere solebant, supprimuntur: flatus in corpore sunt multi, ructus acidi; habitus corporis est macilentus, asper & durus, color liuidus: Splen iis interdum tumet vel indurefcit, varices apparent & hæmorrhoides, corripuntur & aliis morbis melancholicis. Atra verò bilis, quæ ex adustis humoribus nascitur, & de bilis & melancholiæ natura quasi participat, mista etiam signa habet, apparentque eâ peccante quidem melancholiæ indicia, sed cum manifestis caliditatis & feruoris signis coniuncta: vnde ex ea oriuntur mania, cancer, elephantiasis, scabies praua, & similes affectus. Serosorum autem & aquosorum humorum abundantia colligitur non solum ex causis antecedentibus, puta cibis humidis, potu liberaliore, vita otiosa, tempore hyberno, regione humida, cœli statu simili, sed etiam ex corpore subhumido & pallido, vrina cruda & aquosa. Si sanguis euacuetur, multum seri innatat. Morbi, qui ex seroso humore proficiunt, sunt hydrops, hydatides, tumores aquosi, dolores vagi, arthritici, diarrhœa. Tandem flatus, ab iis causis & dispositionibus, quæ supra, l. 2. par. 2. c. 7. enumeratæ sunt, geniti sese produnt, dum fluctuationes, & rugitus in intestinis & hypochondriis sentiuntur, doloresque tensui sine grauitate hinc inde per corpus vagantur & discurrunt, ac citò oriuntur & citò desinunt: aurium sonitus & tinnitus percipitur, partium corporis palpitationes, ructus deprehenduntur, flatusque per aluum excluduntur, & excrementa alui cum strepitu exeunt; vrinæ sunt spumosa. Signa quibus humores maligni & pestilentes, atque inde orti similes morbi, cognoscantur, de febribus diximus; hîc saltem venenorum signa in genere proponemus, quæ tamen alia aliis, pro venenorum diuersitate, accidunt. Hausti quidem veneni signa sunt, si alicui sano aliàs post sumptum cibum vel potum morsus in ventriculo & intestinis accidit, alui & vomitus mouetur, & color intra sex horas fit auriginosus & maculosus. Et si statim hoc eueniat, & extrema frigeant, æger morietur. Si verò appareat iste color postquam incaluerit, spes aliqua salutis superest. Si accidat syncope, palpitatio cordis, tumor. Si quis verò ab aliquo animali morsu vel aculeo, vel sputo læsus sit, atque pars læsa emoriatur, putrescat, inflammetur atque intumescat, dolor magnus adsit, præsertim si alia etiam ex modo dictis accedant symptomata, venenosum illud animal fuisse indicio est.

CAPVT III.

De signis morborum.

Cognitis causis, genera morborum cognoscere non adeò difficile est; imò sæpissime non solum causarum & effectuum, sed & sensuum adminiculo proximè cognoscuntur. Estque res facilis negotij agnoscere aliquem vulneratum esse, calore aut frigore affici, numerum, magnitudinem, aut figuram in parte deprauatam esse. Ideoque in specie morborum signa non enumerabimus, sed in genere signa illa ex causis præcedentibus, tum consequentibus, morbumque comitantibus affectibus, seu, quod idem est, tres illos fontes, nimirum causas, essentialiter inhærentia, & effectus proponemus. In primis cum in genere omnium morborum signa, nisi ad partem aliquam restringantur, recenseri vix commodè possint. Primò quæ causæ morborum signa suppeditent, & quos morbos significent, pluribus hîc docere opus

non est, cum cuilibet libri præcedentis partem secundam legenti id manifestum fiat. Ibi enim explicauimus, quæ cuiusque morbi causæ sint. Causa itaque aliqua si adsit vel præcesserit, morbi, quem efficere apta est, indicium est: & si de morbi natura dubitetur, quatuor causarum genera, ea nimirum, quæ assumuntur, quæ geruntur, quæ foris adhibentur, & quæ excernuntur & retinentur, perpendenda sunt. Vix enim fieri potest, quin, si hæc diligentius examinentur, morbi latentis natura innotescat. Non autem solum causæ morbos efficientes considerandæ, sed etiam causæ disponetes, id est, corporis constitutiones ad hoc vel illud genus morbi facilius suscipiendum perpendendæ sunt. Calida enim corpora facilius in calidos, frigida in frigidos, humida in humidos, sicca in siccos morbos incidunt. Si verò corpus in contrarium suæ naturæ morbum incadat, morbum magnum significat. Validissima enim causa sit necesse est, quæ hominem in morbum constitutioni corporis planè contrariū coniciat. Inclination autem & dispositio illa variis à causis pendet. Nam alia ætas aliis morbis est obnoxia, vt libro præced. parte 1. cap. 11. dictum fuit. Ita ob sexus, & ob vitæ genus victusque rationem alij ad aliud morbi genus magis sunt propensi. Ira iracundi, macilenti, vigiles, coloris citrini, magis sunt morbis calidis obnoxij: obesi, pigri, pusillanimes in frigidos morbos facilius incidunt. Neque prætereunda sunt hic iuuantia & nocentia. Si enim profunt calida; nocent frigida, morbus frigidus significatur: contrarium si fiat, calidus. Si iuuant sicca, nocent humida, morbum humidum adesse significatur; siccum, si contrarium fiat. Idem iudicium de reliquis morbis esto. Deinde morbi ex propria ipsorum essentia, seu essentialiter inhærentibus, faciliè cognoscuntur in partibus externis, vt alia signa adhibere non sit opus. Sic intemperiei, figuræ, superficiei, magnitudinis auctæ & imminutæ, numeri, situs & solutæ unitatis morbi partium externarum sensibus patent. Internarum tamen etiam partium morbi essentialiter inhærentibus cognoscuntur: verum non immediatè, sed mediantibus aliis. Sic tumor hepatis, lienis, vesicæ, cognoscitur mediante cute, quæ à partibus subiectis tumidis & ipsa in tumorem attollitur. Tertio effectus & symptomata, scilicet actiones læsæ, excreta & retenta præter naturam, & qualitates corporis mutata, plurima etiam morborum signa subministrant. Inter actiones autem frustratas seu læsas solum eæ pro signis haberi possunt, quæ ob morbum aliquem proueniunt: eæ verò, quæ ab errore externo pendent, locum hîc non habent. Cum enim hæc morbos non sequantur, etiam morbum non significant. Actiones igitur læsæ, si non sint ab errore externo, morbum adesse significant; eumque varium, pro ratione instrumenti, quod ad illam actionem necessarium est. Aliæ enim sunt partium actiones, quatenus similes; aliæ quatenus organicae. Atque actiones quædam magis calore, vt coctio; quædam frigiditate aliqua, vt appetitus, gaudent. Plerumque tamen actionum ablatio aut imminutio intemperiem frigidam, & diminuta quidem non admodum morbum frigidum, ablata verò valde frigidum morbum significat: deprauata autem actio vt plurimum caliditatis argumentum est. Neque solum actiones ablatæ aut diminutæ morbum significant, sed etiam modus læsionis morbi speciem prodit. Nam cum intemperies non ita subito fieri aut desinere possit, sed alteratio tempus iustum requirat: ideo actio, quæ subito tollitur, & subito restituitur, vt in apoplexia & epilepsia accidit; non morbum intemperiei, sed organicum significat. Si autem statim actiones auferantur, & diu ablatæ maneant: vel obstructio à crassiore materia, vel intemperies frigida, vt quæ sequitur nimium fluxum sanguinis, significatur.

Excreta

Atra bilis
signa.Serosi humo-
ris signa.Flatuum si-
gna.Dis-
corp-
mori-
ficien-Effect-
inhe-
quos-
india-Effect-
sym-
quos-
argu-Actio-
quos-
signif-Causa mor-
borum quos
morbos indi-
cent.

Excreta etiam atque retenta, siue per aluum, siue per vesicam, siue aliam quamcunque regionem corporis excernantur, etiam sua præbent morborum signa. Excreta enim, vt vrina & feces, nimis colorata calidum morbum significant: eundem feces sicca. Viscida verò, crassa & alba frigidum. Inter symptomata denique qualitates corporis mutata etiam quædam signorum nomen habent. Sic mollities humidam intemperiem significat: color corporis albicans frigidam: rubicundus calidam intemperiem significat. Qualitates tamen hæc potius causas morborum, quam morbum significant. Colores enim, odores, & similes qualitates corpori ab humoribus communicantur. Hoc verò maioris operæ atque momenti est, speciem, locum affectum, conditionemque morbi agnoscere posse. Primò morbum magnum indicant causæ, quæ præcesserunt, præsens morbi constitutio, seu propria ipsius essentia, & affectus. Nam si causa magna præcesserit in quocunque morbi genere, magnamque aliquid vel alterandi, vel vulnerandi, vel rumpendi, vel alium morbum excitandi vim habeat, procul dubio generabit morbum magnum. Ita bilis atra, alique humores, in quibus magnus à naturali statu est recessus, quos morbos excitant, magnos esse simul significant. Essentia verò, & propria morbi natura facile seipsam prodit, & quam magna sit, ostendit, & præcipue per signorum pathognomonicorum magnitudinem. Quò enim signa pathognomonica maiora vel minora fuerint, eò etiam morbum maiorem vel minorem significant. Ita calida frigidaque intemperies, figuræ vitia, vulnera & alij morbi ex sua essentia, & pathognomonicis signis, quam magni sint, cognoscuntur. Huc pertinet & partis, cui morbus inhæret, dignitas. Sic vulnera ligamentorum, neruorum, tendinum, ventriculi, thoracis, vesicæ, licet ad sensum parua sint: tamen meritò pro magnis habentur, quia partem nobilem, vel eas, quæ partes nobiles in consensum trahere possunt, affligunt, & magna protinus attrahunt symptomata. Tandem quæ morbum consequuntur symptomata, eius magnitudinem vel paruitatem denotant; qualia sunt dolor, sitis, inappetentia, vigiliæ, deliria, sopor: inquietudo, pulsus, vrina, excreta, qualitates corporis mutata. Quò enim magis increpant talia symptomata, & à naturali statu magis recedunt: eò morbum maiorem indicant. Quibus & hoc accedit, si exquisitis & magnis remediis morbus nihil vel parum cedat. Deinde mos & malignitas morbi similiter ex antecedentibus, morbi ipsius natura, ac sequentibus effectibus & symptomatibus cognoscitur. Nam si ex insigni putredine, vitione, & humorum ac partium corruptione, ex aëris constitutione vitiosa, ex potu & cibo vitioso, aut venenatis medicamentis ortus sit morbus, malignitatis participem esse indicio est. Deinde nonnulli morbi sua ipsius natura malignitatem produnt, vt, modò ipsi cogniti sint, peculiaribus signis ad malignitatem cognoscendam opus non sit. Sic morbus Gallicus, elephantiasis, carbunculi, cancer, ita ob malignitatem infames sunt, vt eorum natura cognita, mox simul malignitas prodatur. Tertio effectibus satis esse patefacit malignitas. Nam cum nullum quidem periculosum aut vehemens adest symptoma ac signum, nihilque æger, quod valde molester, referre potest: nihilominus est inquietus & debilis: cum morbus post leuam remissionem celeriter & vehementius exacerbatur; vbi scilicet in materiam & humores præsentis amplius se propagat & diffundit malignitas: cum ex sudoribus atque excretionibus æger nihil leuaminis percipit; præsertim si frigiditas extremorum, vigiliæque accesserint, morbi maligni, & naturæ iam succumbentis indicium est. Nec minoris mali signum est, si à principio ægros somnus grauior

detineat: si dolores adsint, qui sine excretionem aut abscessu remiserint, qua ratione febres malignæ sæpe pleuritidem simulare solent: vel qui neque excretionem neque medicamentis leniuntur. Si æger sine causa horreat, incalescat, sanguinem stillat, cætera verò febris lenta & quasi cum signis salutis videatur: tumor mox in principio, non conueniente loco, minor, quam pro natura morbi, erumpat: fauces exasperentur; cum linguæ nigredine atque asperitate æger non sitiat: si pulsus respectu caloris febrilis insolitam paruitatem cum inæqualitate & frequentia habeat: à leui occasione accidant animi deliquia: hæc morbum malignum arguunt. De quibus in specie plura de signis febrium malignarum dici solent. Acuti morbi ex eo præcipue cognoscuntur, quòd celeriter mouentur, & mox à principio ac circa primos dies graua symptomata habent. Id quod Hippoc. I. aph. 7. docuit, Cum, inquit, morbus peracutus est, extremos protinus labores habet. Humores enim in acutis sunt calidi, tenues, mobiles & mordaces, & mox naturam ad pugnam lacerant: quos cum Natura diu ferre non possit, & ad pugnam descendat, mox à principio graua excitantur symptomata, vehementes capitis dolores, sitis magna, vigiliæ, deliria, dolores corporis, inquietudo, cibi fastidium & similia, eaque quotidie sensibilibus crescunt, fiuntque maiora, quò magis morbus ad statum properat. Et licet forsitan etiam in aliis morbis non acutis talia symptomata apparere possint: tamen contrahuntur ad acutos per vehementiam magnam ac tempus, in quo apparent. Nam vt sint morbi acuti indicia, mox à principio intra tres primos dies, aut certè paulò post appareant, & incrementum suscipiant necesse est. Etsi verò hoc loco & temporum morborum signa inuestigari possent: tamen cum temporum cognitio in primis ad præfagiendum inferuiat, signa ista ad partem prognosticam reiiicimus, & quod restat, ad locorum affectorum signa accedimus.

Acutorum morborum signa.

CAPVT IV.

De Cognoscendis locis affectis.

Non satis est, Medicum in eo laborare, vt cognoscat, quo morbo æger afficiatur, sed & hoc cognitum perspectumque habeat oportet, quæ pars ægrotet, vt medicamenta debito moto adhibere sciat; cum partium affectarum diuersitas curationem non parum variet, quas Hippocrates & Galenus loca affecta appellant. Quanquam, vt I. C. Scal. in librum 1. de plantis, monet, si pura atque inculcata locutionis ratio attendenda esset, potius loca male affecta appellari debuissent. Est enim τὸ πᾶθος ἢ πάθημα, id est, affectus & affectio nomen μέσον, & potest esse tam secundum naturam, quam præter naturam, vt valetudo. Sunt autem loci alij externi, seu in superficie corporis positi, qui, cum sensibus obuij sint, signis non admodum indigent: alij verò in profundo corporis latent, nec sensibus patent; ideoque signis & artificiosa coniectura inquirendi sunt. Signorum fontes, ex quibus loca affecta cognoscuntur, Galenus quinque enumerat, lib. 1. de loc. aff. cap. 5. Actiones læsas, excreta, positum seu situm, propria accidentia, & proprietatem doloris. Sed cum sub fontibus supra propositis & hi contineantur, nouos hic fontes signorum non proponemus, sed supra numeratos retinebimus. Primò itaque à causis sumuntur locorum affectorum signa. Ea, quæ assumuntur, quòd attinet, si aqua fuerit intempestiue pota, ventriculus, hepar, aut lienem affectum arguit. Si post lac assumptum æger male habeat, vel obstructum erit hepar, vel lac corruptum, vnde febres accendi possunt, vel in ventriculo coagula

Signorum fontes, quibus loca affecta cognoscuntur. Causa.

Essentialiter
inhærentia.

Effectus.

Actiones læsæ
quæ loca affe-
ctū indicent.

gulatam, unde suffocationis metus impendit. Si cantharides sint assumptæ, læsam vesicam esse significat; si lepus marinus, pulmones. Ad ea, quæ geruntur, pertinent artes & vitæ genus. Sic iis, qui argentum viuum tractant, ut aurifabris, plerumque nervi læduntur. Cœmentariis & latomis, ob puluerem, pulmones afficiuntur. Platerus tamen, *tract. 3. prax. lib. 1. cap. 8.* id potius disruptioni vasorum in pulmonibus ob summum conatum, qui in lapidibus loco mouendis adhibetur adscribit. Si quis vocem valdè intendat, & post malè habeat, vas in pulmone ruptum esse significatur. Somnus & vigiliæ, ubi modum excedunt, cerebrum præcipuè lædunt. Ita feruorem affert vniuerso corpori, sed potissimum cordi. Aër intemperatus inter alias partes maximè pulmonem lædit. Quæ retinentur, magis eam partem lædunt, in qua verantur, ut menstruus sanguis vterum, & excrementa alui intestina. Sic ex iis, quæ foris adhibentur, signa peti possunt. Si quis sub radiis solaribus diu versetur, atque inde non rectè valere incipiat, caput proculdubio læsum est. Si quis inunctionibus mercurialibus usus sit, partes nervosas læsas esse probabile est. Quod communiter vagatur malum, eam partem affectam significat, quam constat in aliis ægrotantibus laborare. Quadam enim tempestate pulmo maximè afficitur, aliâ ventriculus, aliâ hepar, aliâ intestina. Deinde essentialiter parti affectæ inhærentia signa loci affecti suppeditant. Per essentialiter autem inhærentia intelligi debent & partis proprietates, & morbi ipsi inhærentes. Et si enim morbi non sint de essentia partis, quatenus pars: tamen quatenus affecta est, seu quatenus ægrotat, morbi ipsi essentialiter inesse videntur. Itaque si pars aliqua ad tactum intemperata percipitur, illa ipsa ægrotare significatur. Sic magnitudo aucta locum affectum indicat. Tumor in abdomine, aut musculis abdominis, aut ventriculo, aut hepar, aut lienem, aut vesicam, aut aliam in abdomine partem affectam esse significat. Quæ autem ex his laboret, situs & natura tumoris manifestabit. Si in dextro hypochondrio tumor durus appareat, hepar proculdubio affectum erit; si in sinistro, lien. Si tumor magis sit superficialis, erit in musculis abdominis: qui si in longitudinem ventris exporrigitur, in rectis est abdominis musculis. Tumor in pube cum *δυσουρία* vesicam laborare & vrinæ copia distentam esse denotat. Situs etiam alia signa locorum affectorum suggerit. Ex intestinis in icrotum delapsis peritonæum ruptum esse indicatur. Sic quod ad figuram, gibbositas spinam læsam esse demonstrat. Proprietatem autem partium quod attinet, hæc etiam locos affectos monstrare potest; cum sint quidam affectus partibus quibusdam propriis, & quibusdam locis solis hic ille morbus accidat. Sic si calculos cum vrina reddi videmus, renes aut vesicam proculdubio laborare coniicimus; cum hæ præcipuè partes vim calculos generandi habeant. Ab affectibus verò seu consequentibus symptomatibus sic locus affectus innotescit. Inter symptomata autem primum locum habent actiones læsæ. Actio itaque læsa membrum illud affectum esse significat, à quo perficitur; nisi lædatur ab errore externo. Nam antequam de loco affecto pronunciemus, diligenter perpendendum est, an actio læsa à morbo aliquo, an verò solum ab errore externo proueniat. Ab errore enim externo cum prouenit, sicut neque morbum aliquem, ita neque locum affectum significat. Si autem absit error externus, rectè ex actione læsa in partis affectæ notitiam venire possumus. Vbi opus est partium omnium in corpore actiones & usus cognitos perspectosque habere, ut ex earum læsione in partis læsæ notitiam venire possimus. Sic læsa ratiocinatione, imaginatione, memoria, aut non rectè sese habentibus somno &

vigilia, aut læso motu totius corporis, cerebrum affectum esse significatur: Læsa visio affecti oculi; auditio, auris; olfactio, narium; gustatio, linguæ affectæ indicium est. Sic si vrina suppressa sit, causa in renibus, vteribus, vesica, aut meatu vrinario querenda est. Si bilis flaua non expurgetur è sanguine, vesicam bilariam affectam esse rectè pronunciamus. Huc pertinet etiam dolor, qui Galeno vltimum signorum fontem constituit: cum ad partium sentientium symptomata pertineat. Dolor enim ubi adest, partem aliquam sentientem affectam esse docet. Diuersus tamen diuersarum partium affectarum est indicium. Dolor pungēs seu punctorius membranarum inflammationum proprius est, teste Gal. 2. *de loc. aff. c. 5.* quas ita solet afficere, tanquam si ex centro, quo punctio fieri videtur, in ambitum diffundatur. Qualis sentitur in pleuritide. Pulsans dolor fit in partibus inflammationis sensu præditis, & arterias continentibus. Arteriæ enim dum pulsan, partes vicinas sentientes inflammant, ob loci angustiam, comprimunt, atque ita dolorem excitant. Ex quo apparet, pulsatorium, qui præ cæteris euidentissimè percipitur & frequentissimè, dolorem præcipuè musculosis partibus competere. Dolor grauis seu grauians est, in quo quasi grauitatem quandam, seu pondus premens ægri sentiunt; & competit parenchymati seu substantiæ viscerum, pulmonis, hepatis, lienis, renum, &c. Cum enim ipsa horum viscerum caro & substantia sensum non habeat: tamen si præter naturam afficiatur & distendatur, propter membranam inuestientem quasi pondus quoddam premens ac grauians ægri sentiunt. Dolor profundus quasi partem frangens & contundens, membranas ossium affici significat; unde etiam *ὀσσεῖοι* illi dolores appellantur, quia dolentibus intus quasi ossa dolere videntur, qui læuissimi sunt, & ab illis qui morbo Gallico, aut etiam febre quartana laborant, sentiuntur. Dolor latus & circumcirca se diffundens membranarum affectarum indicium est; angustus, tenuius, neruorum. Gal. 6. *aph. 5.* Læsis actionibus vitalibus, cor laborare significatur. Atque huc pertinet doctrina de pulsibus, quæ supra seorsim explicata est. Actiones denique naturales cum omnibus partibus insint, læsæ etiam in quacunque parte, eius affectæ notam exhibent: sed in priuatis partibus obscurius; manifestius in publicis, ut hepate & ventriculo. Chylosis enim læsa, modo externus error absit, ventriculi affecti: hæmatosis, hepatis laborantis indicium est. Secundum symptomatum genus est excretorū, quod etiam plurima signa suppeditat. In excretis autem plura considerari possunt, species scilicet, qualitas, *Excreta* *partes* *indica* modus excernendi, quantitas, ordo. Species & substantia excretorum duplex est. Primò enim aliquid de substantia partis alicuius excretum partem illam affectam esse significat. Si enim quædam tunica aut carūcula ore reiciatur, pulmonem, asperam arteriam, epiglottidem, œsophagum, aut ventriculum erosum esse significat. Quodnam autem horum læsum, sit, natura excreti, & modus excretionis indicat. Quæ enim ex thorace veniunt, tussi reiciuntur, quæ ex ventriculo, vomitu. Et si ea, quæ tussi reiciuntur, sint bronchia parua, vasa magna, caro mollis & rara, pulmonem erosum esse indicio est: Si autem bronchia sint magna, vasa parua, asperam arteriam læsam esse significatur. Sic si per aluum membranæ excernantur, intestina proculdubio exulcerata sunt: quæ quidem si crassæ sint, crassa intestina læsa sunt; si tenues, tenuia. Ita membranosa hypostasis cum vrina excreta, vesicæ vlcus significat; fursuracea, eiusdem scabiem: carnosæ autem substantiæ renum vlcus significat. De qua re videatur Hip. 4. *aphorism. ab aphor. 75. ad finem libri* Non solum autem substantia partium excreta sedem affectam monstrat: sed etiam, si quid excernitur, quod in parte continetur, gignitur, aut illi familiare est. Cibis,

Cibus, potus aut chylus per vulnus eiectus, ventriculum perforatum esse indicat. Chylus tamen etiam ex tenuibus intestinis perforatis reici potest. Distinguere igitur hic opus est. Nam ex ventriculo lasso si fluit chylus, plurimum eructant ægri; cum ex intestinis, flatus & crepitus per sedem exeunt. Urina per vulnus aut vlcus profluens, vesicam, vteres, renes lasso esse significat: quæ autem harum partium affecta sit, situs vulneris indicabit. Sic feces per vulnus eiectæ, aut odor stercoreis in vulnere perceptus, intestina, præcipue crassa, læsa esse monstrat. Si ex vulnere thoracis pulmonis pars exseratur, ostendit cum musculis thoracis læsam esse membranam succingentem costas. Si ex vulnerato abdomine omentum, intestinum aliquod, hepar aut pars aliqua alia ibi contenta promineat, peritoneum perforatum esse significatur. Si calculus cum urina excernatur, renes aut vesicam affici indicat. Si capiti vulnerato fungus adhæscatur, indicat membranam affectam esse. Pus etiam, sanguinis grumus & similia ex aliqua parte excreta, earum partium, ad quas ex via tendit, aliquam læsam esse significat. Quæ cum sæpe plures esse possint, qualitas rei excretæ, & modus exeundi perpendenda sunt. Nam sanguis tenuior, calidior, magis floridus, cum diastole saltu exiens, arteriam discissam demonstrat. Si autem sit crassior, & sine saltu profluat, venam affectam indicat. Sanguis per aluum instar loturæ carnis profluens; hepar laborare arguit. Si sanguis, qui exspuitur, tenuis apparet, & puniceo colore, ex trachea arteria: si spumofus, tenuis, floridus aut flauus, ex pulmonibus provenit, *s. aph. 13*. Et quidem à carne & substantia pulmonis, si totus sit spumofus. At è vasis pulmonis non semper spumofus est, sed aliquando rupta aut exesa vena emittitur non spumofus. Quod si & inde sit spumofus, non tamen ex toto spumofus est, sed plurimum saltem, & talis est potius à causa & propter agitationem in inspirando aëre & expirando. *Vid. Hollerius & Liebaud. in alleg. aph.* Si quid exspuitione solum excernitur, os, aut partes ori proximas affectas esse indicat; nisi fortè ex capite in os per foramina palati influxerit: si per screatum, fauces aut laryngem: si per tussim, asperam arteriam & pulmones: modò non ex capite defluens in fauces tussim exciteret: si per vomitum, gulam & ventriculum, ut etiam paulò ante monuimus, ita tamen, ut qui vomitu reicitur, sanguis non semper ex ipso ventriculo proveniat, sed sæpe in ventriculum ex hepate, liene, aut aliis vicinis partibus confluat. Quantitas etiam excretorum signa præbet. Si tussi multus sanguis reiciatur, pulmonis affecti indicium est; si paucus, asperæ arteriæ. Aliquando tamen ex pulmonibus paucus primum, postmodum facta erosione copiosus reicitur. Plura enim & maiora sunt vasa in pulmone, quàm in arteria. Sanguis qui ab exulcerato pene profluit, purus est & paucus: qui ab exulceratis renibus & vesica venit, urinae permixtus est. Sed qui à renibus manat, copiosior: qui à vesica, paucior. Plura enim & maiora vasa sunt circa renes; quàm vesicam. Ordo quoque in excretis loci affecti indicium est. Nam si prius sanguis, deinde feces excernantur, anum vel intestinum inferius laborare significatur. Si prius feces, deinde sanguis, intestina tenuia, aut partes his superiores affectas esse commonstrat. Sic si pus, quòd cum urina fertur, antecedit, monstrat, vlcus esse in cole; si sequatur, ulceratas esse partes superiores. Attenditur etiam mixtura in iis, quæ euacuantur. Nam si cum deiectione sanguis exeat parum mixtus, depunciat locum affectum esse in inferioribus intestinis; si valde mixtus sit, in superioribus. Potuit enim longiore itinere commisceri. Attenditur & tempus, quod sequatur expulsio. Nam si statim à dolore ventris sequatur deiectione, notat intestina inferiora affecta esse,

Dan Sennert. Tom. I.

si multò post, superiora. Qualitates denique mutaræ etiam quædam locorum affectorum signa suggerunt. Color rubeus maxillarum inflammationem pulmonum significat. Color corporis, & faciei præcipue, albus, seu pallidus, mollitiesque in toto corpore, hepatis affecti signum est. Color flauus vesicam fellis se non rectè habere significat. Sic caro & cutis livida, ossa subiacentia corrupta esse indicat. Odor foetidus ex naribus exhalans, partes intra nares affectas esse indicat; ex ore, dentes, fauces, pulmonem aut ventriculum: sicut foetor in vulnere abdominis intestina vulnerata. Durities dextri hypochondrij signum est iecoris affecti; sinistri verò lienis. Ad effectus denique pertinent morbi quidam alios loci affecti morbos consequentes, qui propterea symptomati plerumque appellantur. Sic febris continua, quæ alternis diebus exasperatur cum dolore lateris & difficili respiratione, pleuræ affectæ: hydrops hepatis malè habentis signum est. Hic autem illud diligenter notandum, partem læsam sæpe partes alias in consensum trahere, imò satis frequenter actionem læsam non tam in parte affectâ, quàm illâ, quæ per consensum afficitur, manifestè conspici. Ideoque videndum, ne in loco affecto per actionem læsam cognoscendo erremus, atque eam, quæ per consensum affecta est, partem pro primario affecta habeamus, & empiricorum errorem erremus, qui semper eo in loco, ubi symptomata vident, affectum curandum censent. Ne autem in hunc errorem incidamus, imprimis corporis humani anatomia & functiones notissimæ sint oportet, ut sciamus, qui nervorum & musculorum ductus, situs & officium sit, & quæ partes per quos mutuam consensum habeant. Sæpe enim accidit, ut morbus vno in loco sit, eo scilicet, è quo nervi vel musculi ducunt exordium, actio verò læsa in alia appareat, ea nimirum, in quam inferuntur. Id quod ex historia à Galeno, *1. de loc. affect. cap. 6.* annotata videre est. Occurrit enim Galeno quidam, qui medicamentum, aliàs satis conveniens, triginta diebus, digitis tribus, qui sensum amiserant, frustra adhibuerat. Cum verò Galenus comperisset, neque inflammationem, neque refrigerationem, neque ictum præcessisse, sed ipsum paulatim sensum amisisse; è vehiculo verò decidisse, & dorsi initium fuisse affectum: inde coniecturam fecit, in primo exortu nervi post septimam vertebam prodeuntis, partem quampiam ob ictum fuisse inflammata, ac nunc scirrholam habere dispositionem: & propterea idem medicamentum illi spinæ parti, quæ affecta erat, adaptavit: secutaque est res, ut adspicientibus videbatur, & admirabilis, & inopinata, quòd digiti manus, adhibitis spinæ medicamentis, essent curati. Talia quotidie in corpore humano obvenire possunt. Itaque si in membro aliquo sensus vel motus lædatur, non solum ad illam ipsam partem respiciendum, sed si illa nihil mali passa sit, videndum, qui nervi in eam inferantur, qui musculi eam moveant, & unde nervos musculi illi accipiant; inquirendumque an partes illæ, unde musculi & nervi oriuntur, aliquid mali passæ sint. Ita enim rectissime in loci affecti cognitionem perueniri potest, nec opus est partem, in qua mali origo non hæret, frustra medicamentis fatigare. Et quod de sensus ac motus per consensum læsione dictum, etiam de aliis per consensum affectibus accipiendum est, videndumque, quæ membra quibus compati possint; id quod ex situ, connexionem, officij genere & similibus patet. Læso nervo, vitium facile communicatur cerebro; arteriarum mala cordi, venarum hepati communicantur. Publicum est cordis, hepatis, cerebri, ventriculi officium. Itaque his partibus affectis, malum etiam in alias partes redundat: cerebroque affecto, sensus &

Qualitates mutaræ quarum partium affectarum sint signa.

Quomodo pars primario & per consensum affecta discernenda.

motus; corde, actiones vitales; hepate, nutritio labefactatur. Ventriculus & pulmo ob situm facile capiti compatiuntur, & ab eo defluentem materiam fulciunt. Causæ quoque, quæ non facile communicantur, & de loco in locum mouentur, ut humores frigidi, crassi, morbum per essentiam ferè significant: contra, quæ facile ex vna parte in aliam transferuntur, ut flatus, vapores, humores calidi & tenues, morbum per consensum plerumque monstrant.

Partium corporis humani consensus triplex.

¶ [Partium corporis humani consensum Galenus aliquot in locis triplicem facit. Primus est, Sympathia generis, cum pars vna alteram afficit ob partis, quæ utrique communis est, continuitatem, quæ sit per nervos & membranas. Secundus est Sympathia ob operis familiaritatem, quæ est inter partes, quæ ad vnum opus sunt destinatæ. Tertius est Sympathia vicinitatis, cum pars vicina alia aliam per sensibiles & insensibiles meatus afficit.

Enumeratio specierum primi. Per musculos.

Verum cum posteriores duæ differentia per se planæ sint, de prima saltem agemus. Ut autem ista rectè cognoscatur, Anatomia notitiâ opus est, è qua discimus, unde nervorum, venarum & arteriarum sit origo, & unde quælibet pars suos nervos, venas & arterias habeat, unde musculi longius deducti sua trahant initia, quos habeant progressus, quibus partibus inferantur, quem membranæ cuiusque partis cum aliis consensum habeant. Sæpe etiam accidit, ut, cum morbus est in parte hac, dolor in alia parte percipitur; & falsum est, quod semper, ubi dolor sentitur, vel actio aliqua læditur, ibi morbus sit. Quod qui non attendit, in curatione errat, & sæpe parti, cui non debet, medicamentum sine fructu applicat. De qua re prolixè toto lib. 2. de method. vitæ andor. error. in Medicin. agit S. Sanctorius. Nos breviter eam proponemus, & exemplis aliquam multis declarabimus.

1. Observatio. In brachiis & manibus.

Cum officium primi paris musculorum brachij sit, brachium ad pectus adducere, è quinta verò vertebra thoracis nervus hunc musculum vestiens progrediatur, si in nervæ illa propagine angustia aliqua accidit, inde fit, ut brachium ad pectus adduci non possit; & propterea tum medicamenta non brachio, sed quintæ vertebræ thoracis adhibenda.

2. Ita Galenus, de loc. affect. cap. 6. refert, quendam Romam cum proficisceretur, è vehiculo decidisse, ac non multo post digitorum trium sepsum amisisse, illa seruatō motu; & Medicum quendam iam triginta diebus medicamenta digitis adhibuisse, sed sine fructu. Quod cum Galenus animaduertisset, & in causam morbi diligentius inquisivisset, & ab ægro intellexisset, in lapsu isto manum non fuisse læsam, sed dorsum interim fuisse afflictum, atque inde coniecturam fecisset, in primo exortu nervi post septimam vertebram prodeuntis, partem quampiam ab ictu fuisse inflammatam, ac inde scirrhosam habere dispositionem, iussit medicamentum à digitis amovere, & ei spinæ parti, quæ lapsu læsa erat, imponere; unde, multis admirantibus, digitis sensus restitutus est. Non verò solum stupor digitorum hoc modo oriri, sed & motus eorum lædi potest, si musculorum origines, quæ sumunt exordium ab humero, sint læsæ.

3. Sic à quarta, quinta, sexta vertebra cervicis nervus ad diaphragma transmittitur, unde illud motum habet. Si ergo accadat, ut in nervo illo angustia fiat, seu ab obstructione, seu compressione, respiratio inde læditur, & tunc curatio non ad pectus, sed ad collum dirigenda.

4. Ita latus in collo est musculus, intertextus nervæis propaginibus, à tertia, quarta, & septima cervicis vertebris ortum habentibus, cuius officium est, labrum inferius deorsum obliquè trahere. Quod si accadat, ut is musculus morbo afficiatur, & labrum non rectè

moueat, non labio, sed musculo illi medicamenta applicanda.

Sic musculus quartus brachij, qui deorsum brachium trahit, oritur à dimidia parte ossis sacri. Si ergo motus brachij ob musculum hunc affectum lædatur, medicamenta non brachio, sed ossis sacri regioni adhibenda.

Temporalis musculi officium esse, in masticando, & præcipuè rebus durioribus dentibus frangendis, inferiorem maxillam constringere & contrahere, notissimum est. Hic ergo musculus si aliquid mali patiatur, siue inflammetur, siue post inflammationem duritiem scirrhosam contrahat, siue vulneretur, & transuersim secetur, seu nervi ad hunc musculum è tertio & quinto pari nervorum prodeuntes lædantur, masticatio læditur.

Primus musculorum brachij adducit brachium pectori. Is, cum enascatur à media iuguli sede, ab osse pectoris, progrediturque versus sternum, & anteriorem thoracis partem occupet, si lædatur in illo funis tormento, in quo ferè diuellitur, vel si alio modo lædatur, medicamenta non brachiis, sed pectori applicanda.

De hoc musculo & hoc observandum, quod carnosa eius membrana connectitur cum primo ventris musculo, qui descendit ad os pubis usque, & qui intestina in fecibus excludendis premit. Si ergo is lædatur, potest dolor usque ad os pubis extendi, & contra, læso musculo abdominis, potest dolor in humero percipi. Cuius exemplum nuper observavi in equite quodam in publico diuersorio vulnerato. Is enim cum gladio prope umbilicum in parte sinistra vulnus obliquum, versus dextrum tendens, non tamen in abdomen penetrans, punctim acceperat, acutissimum dolorem in humeris, præcipuè sinistro, sensit, qui procul dubio ob consensum membranarum musculi brachiorum primi, & abdominis obliquè descendentis ortum habuit.

Caput ad posteriorem partem rectè trahit primus musculorum capitis, & secundus: ita quidem, quod primi paris musculi ambo vna attrahentes id præstant; qui à quinta vertebra thoracis pronati adscendunt ad tertiam cervicis, & inde extrorsum obliquè adscendunt, atque ita ambo concurrentes rectè caput ad partem posteriorem trahunt. Si verò alter musculus tantum trahat, caput in latus circulariter flectit, & non rectè in partem posteriorem trahit. Secundum verò par quod attinet, vnus sine suo coniuge, caput rectè in partem posteriorem attrahere potest, quia insertus est in medio occipitis, & quia secundum par musculorum capitis exoritur à transverso processu quartæ & quintæ thoracis vertebræ, & recto ductu adscendentes occipitis ossi inferuntur. Hinc patet, in toto spatio, quod est inter quintam thoracis vertebram & occipitium, causam consistere posse, ut caput ad partem posteriorem vel rectè, vel ad latus, moveri non possit, & propterea tum non cervicem, sed locum primariò affectum esse curandum.

Musculus primus abdominis obliquè descendens oritur à sexta, septima, octava & nona costis, antequam in cartilagine desinat; oritur quoque à vertebris lumborum, & à dimidia appendice ossis sacri, & implantatur utrobique cum suo coniuge alteri parti appendicis ossis ilium & ossi pubis, & definit in lineam albam in medio positam, tanquam in terminum omnium musculorum abdominis. Quapropter non est mirum, si tumor aliquis circa sextam costam hæreat, dolorem etiam peruenire posse ad lumborum vertebra, ad os pubis, & ad testiculos, quia musculi isti abdominis in duplici loco sunt perforati, circa umbilicum, & circa os pubis, per quæ foramina vasa semen testibus præparantia deicen

descendunt, & adscendunt deferentia. Ita violentis vastis semen præparantibus & deferentibus acuti possunt excitari dolores, quamvis nullus ibi sit morbus; cum ille dolor accidat per consensum, & propter tumorem circa sextam costam distendentem perforatos tendines. Eodem modo dolor ille descendere potest usque ad lumbos; quibus annectitur ille musculus.

11. Sic muscoli abdominis recti à medio ossis pubis enascuntur, & rectis fibris adscendunt ad mucronatam cartilaginem & sternum usque, ac cohærent sextæ & septimæ costis. Vnde accidere potest, ut tumore aliquo, vel læsione existente inter sternum & mucronatam cartilaginem, dolor circa umbilicum & medium os pubis percipiatur.

12. Ita musculus quartus thoracis oritur ab osse sacro, & ab interno osse ilium, & adscendens per lumborum vertebrae, adhæret decem primis costis, quæ huius muscoli ministerio arctantur ad constringendum thoracem, & exprimendas fuligines, & tandem inferitur septimæ cervicis vertebrae. Ideoque accidere potest, ut tumore vel dolore existente in exortu huius musculi, in consensum partes modò nominatæ, quibus connectitur, trahantur, ac hinc respirationis difficultas oriatur. Ob eiusdem musculi in exortu læsionem motus brachiorum imminui potest, quoniam nervi inferuientes brachio & manibus exoriuntur à vertebrae cervicis, quorum nervorum capita aliqua comprimi possunt à distentio hoc musculo, qui usque ad septimam cervicis vertebrae extenditur.

13. Sic primus dorsi musculus, cuius officium est, flectere superiorem partem dorsi, oritur à quinta vertebra thoracis, & subiectus stomacho & œsophago adscendit per internas partes usque ad occipitium, & primæ cervicis vertebrae inferitur. Vnde fieri potest, ut si contusio & læsio aliqua in exortu huius musculi ad quintam vertebrae fiat, cervix non possit flecti parte superiori.

14. Quartum par musculorum, quod erigit dorsi partem superiorem & cervicem, & caput consequenter extendit, oritur à septimæ thoracis vertebrae spina, & adscendit per intermedia vertebrae, & ad secundam usque cervicis vertebrae excurrit. Itaque si circa septimam vertebrae thoracis humor aliquis colligatur, accidere potest, ut cervix propterea extendi non possit, quia adest distensio fibrarum huius musculi.

15. Sapissime etiam accidit, præcipue in senibus & melancholicis, in quibus frequenter halitus melancholici dorsi musculos distendunt, ut rectè extendi vel flecti non possit, dolores etiam nunc in hac, nunc in illa dorsi parte percipiuntur; causa tamen horum malorum saltem in una parte consistat & hæreat, vel in osse sacro, vel interna parte ilium, vel in musculi exordio. Musculi enim sexti paris sunt omnium musculorum corporis nostri longissimi, & exortum habent ab ima ossis sacri parte, & ab interna ilium, atque ad primam thoracis vertebrae, & caput usque extenduntur. Accidere ergo potest, ut, si initium horum musculorum humor aliquis repleat, ac distendat, dolor perveniat ad tendines huius musculi, annexos vertebrae thoracis & cervicis.

16. Musculi primi cubiti, qui Pisciculus dicitur, officium est, trahere cubitum ad pectus. Is cum à scapula oriatur, fieri potest, ut nullo vitio in cubito existente, nihilominus is ad pectus flecti non possit, si nimirum humores aliqui in scapulam confluant, vel scapula percutiatur, aut vulneretur in processu ancyroideo, vel in parte superna supercilij acetabuli; à quibus partibus enascitur primus musculus cubiti.

Musculus flectens secundos articulos quatuor digitorum, ortum habet ab interno humeri tuberculo, & deinde factus carnosus, iuxta longitudinem cubiti & radij fertur, & ubi medium cubitum præterit, tendens in angustum, terminatur in quatuor tendines perforatos, qui implantantur secundis articulis quatuor digitorum, ipsosque flectunt. Itaque fieri potest, ut si quis in humero vel ceruice percutiatur aut vulneretur, secundi quatuor digitorum articuli flecti non possint. Quo in casu non ipsis digitis, sed humero & ceruici medicamenta sunt applicanda. Fieri tamen etiam potest, ut motus hic articulorum in digitis lædatur, non saltem humero læso, sed etiam morbo aliquo iuxta cubiti radiique longitudinem existente, per quam partem iste musculus fertur.

Eodem modo cum musculus, qui tertium articulum quatuor digitorum, pollice excepto flectit, oriatur à parte anteriore, & interna articuli cubiti, & antequam ad brachiale perveniat, descendens, dividitur in quatuor tendines, qui cum sint subiecti tendinibus primi musculi, ante radicem secundi digitorum internodij perforant eos tendines, & deinde inferuntur in tertia digitorum ossa; accidere potest, ut tertius articulus quatuor digitorum flecti non possit, morbo hærente in parte anteriore, & interna articuli cubiti, è quo loco musculus articulos hos flectens exoritur.

Contrà fieri potest, ut digiti non possint extendi, quamvis nulla eius rei causa in digitis hæreat, nimirum cum musculus digitos hos extendens affectus est, qui oritur ab externo humeri tuberculo, & deinde progreditur per cubitum & radium, & in quatuor latos tendines desinit, qui inferuntur deinde à primo usque ad tertium articulum quatuor digitorum sub unguitibus. Cum ergo affectus aliquis præter naturam, qui musculum hunc afficere potest, vel in externo humero, vel inter cubitum & radium, vel iuxta brachiale consistit, accidere potest, ut digiti hi non possint extendi. Contingere etiam potest, ut digitus minimus non possit separari à reliquis, si tumor consistat in externo humeri tuberculo quacunque de causa ortus.

Ita si quis indicem digitorum non possit oblique extendere, causa hæere potest in tertio musculo externo, qui prodit à medio cubito, ubi est linea illa aspera & oblonga. Huius enim musculi officium est, extendere indicem; & propterea si is afficiatur vel in ipso exortu, in medio cubito, vel in una, vel in cubito, ubi est linea aspera & oblonga, vel in brachiali, quem locum transit, extensio indicis prohiberi potest.

Quarti musculi externi digitorum officium est, tertium articulum pollicis extendere, & ab aliis digitis abducere. Is cum è cubito oriatur, penes tertium musculum, & progreditur supra radij appendicem, & inferatur tertio articulo pollicis; fieri potest, ut articulo isto salvo, in cubito tantum sit morbus, & nihilominus extensio tertij articuli impediat.

Musculus digitorum quintus, extendens totum pollicem, enascitur ab eadem linea cubiti, prope quartum musculum, & oblique progreditur pollicem versus, & in quatuor plerumque tendines desinit, quorum primus inferitur in tertium pollicis articulum, secundus in secundum, tertius in primum articulum pollicis, quartus in brachiale. Quare fieri potest, ut pollice salvo, in musculo hoc causa consistat, ob quam pollex extendi non possit.

Interdum accidit, ut manus non possit supina reddi, vel flexio brachialis impedita sit, ut in iis videre est, quibus in scribendo manus tremit. Huius tremoris causa esse potest non solum in brachiali, sed

etiam in musculis flectentibus manum & brachiale, qui duo sunt: alter est inter externos ordine octauus, illeque longissimus, qui oritur ab humero, & oblique transit per radium, & membranoso tendine inseritur in radij appendicem. Itaque & in humero, & in locis, quæ transit ille musculus, causa esse potest, quod manus non possit supina inflecti.

In femore ac pedibus.

24.

Quod de brachio & manibus dictum, etiam verum esse potest de femore & pedibus, ut scilicet causa motus impediti non saltem in membro, quod moueri non potest, consistat, sed in loco longius remoto. Tibia sæpe non potest attrahi sursum, versus inguina, causa extra tibiam consistente, præcipue parte anteriore & supremâ ossis ilium, unde oritur primus tibiæ musculus, & deinde oblique secundum internam femoris partem ductus, anteriori tibiæ parti inseritur. Officium enim huius musculi est, (auxilio tamen musculorum femoris & aliorum tibiæ, quoniam gracilis est, ut totum pondus per se attollere non possit) tibiam trahere sursum versus inguina.

25.

Ita etiam accidere potest, ut qui tibiam supra tibiam tollere non possit, existente tamen causa non in tibia, sed in osse pectinis. A parte enim anteriore ossis pubis, prope cartilaginem, exoritur secundus musculus tibiæ, cuius munus est, tibiam supra tibiam tollere. In principio ergo huius musculi si aliquis morbus sit, accidere potest, ut tibia supra tibiam attolli non possit.

26.

Eodem modo fieri potest, ut tibia introrsum flecti non possit, ob morbum non in tibia, sed in coxendice hærentem. A coxendice enim oritur musculus, qui flectit introrsum tibiam.

27.

Similiter contingere potest, ut tibia in rectum flecti non possit, morbo non in tibia, sed in partibus superioribus hærente. Musculus enim, qui tibiam in rectum flectit, oritur à coxendice, & descendit per femoris partem posteriorem, inseriturque in caput fibulæ, & dum peruenit ad mediam partem femoris exterius positam, recipit magnam carnis molem ortam à medio femoris. Itaque siue in exordio huius musculi, siue in illa carne exterius sita, aliquis morbus vel impedimentum sit, fieri potest, ut in rectum tibia flecti, & homo ambulare vel currere non possit.

28.

Eodem modo cum sexti musculi tibiæ officium sit, extendere in rectum tibiam, atque ille oriatur à media appendice ossis ilium, & descendens iungatur maiori trochanteri, & desinat in magnum tendinem, quo non est maior in corpore, & deinde rectis fibris decedens rotulam genu amplectatur, & in anteriorem tibiæ fibulæque partem inseratur, accidere potest, ut siue in ilibus, siue in trochantere, siue in femore morbus aliquis sit, symptoma & motus impedimentum in tibia appareat.

29.

Præterea quia septimus musculus, cuius officium est, in suo latere tibiam extendere, à magno trochantere oritur, & ad patellam usque carnosus fibris progreditur, & deinde desinit in latum & membranosum tendinem, qui patellam amplectitur, & inseritur anteriori tibiæ parti, si is vel in suo principio, vel in femore, ubi sit carnosus, lædatur, tibia extendi non potest.

30.

Idem potest accidere ob octauum eiusdem tibiæ musculum, qui in ceruicem femoris inseritur, si is aliquo morbo afficiatur.

31.

Insuper si in parte anteriore ilium aliquis morbus existat, potest euenire, ut tibia non possit extendi. Nonus enim tibiæ musculus, qui eam extendit, exoritur ab anteriori parte ossis ilium, supra articulum coxendicis, & incedit inter septimum & octauum musculum, & coit cum septimi & octauum musculi tendinibus, cum quibus una patellam amplectatur, & in anteriorem tibiam inseritur.

32.

Contingere quoque potest, ut femur rectè exten-

di non possit, morbo aliquo non in femore, sed in osse sacro & coccyge existente. Primus enim femoris musculus, cuius officium est, si secundum omnes fibras operetur, femur rectè extendere, sed si cum superioribus vel inferioribus tantum fibris operetur, modò in vnum, modò in aliud latus femur ducere, oritur à dimidia appendice ossis ilium, & ab osse sacro, & à coccyge, & amplà insertione in maiorem trochanterem inseritur. In hisce ergo partibus omnibus, à quibus hic musculus oritur, si morbus aliquis sit, fieri potest, ut homo non possit femur rectè extendere, nec rectè stare.

Similiter euenire potest, ut femur, etsi in eo nullus existat morbus, non possit trahi nec flecti introrsum, ob sextum musculum femoris affectum, & morbo in prima & secunda lumborum, vel vndecima & duodecima vertebris thoracis existente. Oritur enim hic musculus ab vndecima & duodecima vertebris thoracis, & à prima & secunda lumborum, & progrediens per internam ilium partem inseritur in trochanterem minorem.

Accidere quoque potest, ut æger aliquis non possit tollere calcem digitis terram premendo, nullo vitio in calce existente, sed læsis musculis calcem mouentibus, qui tres sunt, primus nimirum, secundus, & quartus pedis, quorum primus & secundus, qui videntur vnus musculus, exoriuntur ab interno femoris capite, retrò iuxta genu, & deinde progredientes constituunt suræ partem, ac postea cum tendine omnium robustissimo quarti musculi vniuntur, & in vnum tendinem desinunt, qui in calcem inseritur. Itaque accidere potest, ut morbo aliquo existente in capite interno femoris, in exortu musculi, vel in progressu in sura, vel paulò infra, calcaneus non debito modo moueri, nec pes extendi, digitos in terram figendo possit.

Eodem modo fieri potest, ut quis non possit mouere calcaneum versus anteriora in obliquum, non quod calcaneus aliquo morbo laboret, sed laborante & affecto tertio musculo pedis, qui oritur ab externo capite femoris.

Sicut quoque euenire potest, ut aliquis pedem versus interiora mouere, & sursum calcaneum trahere non possit, ob quintum musculum pedis affectum, cuius officium est, hunc motum præstare, qui oritur à tibia & fibula, & descendit carnosus usque ad extremam tibiam, & prope internum malleolum desinit in robustum tendinem, & excurrit sub interno malleolo, & sub osse naviculari, & demum sub planta pedis in tarsi os amplum implantatur. In quibus omnibus locis causa hære potest, cur pes versus interiora moueri & calcaneus sursum trahi non possit.

Simili ratione euenire potest, ut digiti pedis sursum, versus genua, non attolli, & calcaneus deprimi non possit, vitio non existente in digitis pedum, vel calcaneo, sed in quatuor musculis, qui extendunt digitos pedum versus genua, calcem in terram premendo, quorum primus est musculus sextus pedis, qui oritur ab interiori parte tibiæ, quæ illi fibula superius coarticulatur, & progreditur per superiorem tarsum, & inseritur ossi illi, quo pollex fulcitur; cuius officium est, flectere partem illam versus genua: secundus est septimus pedis, & à fibula exoritur, & latus tibiæ externum occupat, & inseritur ossi fulcianti pollicem: tertius est octauus pedis, & oritur à media fibula, & inseritur radici ossis pedis, paruum digitum sustinentis: quartus, qui nonus pedis dicitur, est pars musculi mouentis quatuor digitos, & inseritur in medium ferè longitudinis ossis pedis ante paruum digitum positi. Qui musculi omnes simul operantes cum extendant & flectant digitos pedis versus superiora, si vel in exortu, vel in progressu lædantur, motus hic digitorum pedis impediti potest.

Tandem

Tandem accidere potest, ut tertium internodium quatuor digitorum pedis flecti non possit, non morbo in loco, ubi motus læditur, hærente, sed sub genu existente. Etenim sub genu oritur secundus & tertius musculus digitorum pedis, & quidem secundus oritur à parte posteriore tibiæ iuxta genu, & deinde in plantam per partem posteriorem progrediens desinit in quatuor tendines, qui inseruntur tertiis internodiis quatuor digitorum, perforantes primi musculi tendines. Musculus verò tertius oritur à nexu fibulæ cum tibiæ iuxta genu, & in planta desinit in tendinem, qui exiguâ quadam portione implantatur tertio internodio primi & medij, & tandem reliquus totus tendo in secundum os pollicis inseritur. Ideoque si morbus aliquis sit iuxta genu, vel in progressu musculorum, fit, ut tertia internodia digitorum flecti non possint.

Ex quibus omnibus apparet, in variis motus læsionibus non semper causam in parte, cuius motus impeditur, sed etiam in distantibus, unde musculi partem aliquam mouentes exoriuntur, vel per quam incedunt & progrediuntur, hæreere posse. Medici ergo est inquirere, in qua parte morbus primarius, motus læsi causa, consistat, & illi medicamenta adhibere, non verò semper parti affectæ.

Potest tamen accidere, ut neque in parte affecta, neque in musculis partem mouentibus, vllum vitium sit, sed in nervis spiritus animales musculis communicantibus. Ideoque si post diligentem inquisitionem nullus morbus in parte affecta, vel in musculis partem affectam mouentibus, deprehendatur, de nervis, qui musculis inseruntur, inquirendum, an in illis morbus aliquis hæreat. Quod ubi accidit, plerumque non solum in vna, sed in pluribus partibus, motus vel sensus læsio apparet; cum plerumque vnus nervus varios furculos ad varias partes mittat, quæ omnes læduntur, nervo principali & communi læso: contra verò si vitium saltem sit in musculo, saltem ea pars, quam ille musculus mouet, motum amittit, non verò aliæ; vix etiam sensus tollitur. Qui autem nervi cuilibet musculo inserantur, ex Anatomicis petendum. Neque enim paucis hoc expediri potest.]

Ut autem sciatur, quæ inter partes, quæ aliquem quacunque de causa consensum habent, primario, quæ per consensum afficiatur, hi signorum fontes perpendendi sunt. Primò causæ præcedentes inquirendæ sunt. Nam si pars, quæ afficitur, à nulla causa evidente læsa sit; pars verò, cum qua consensum habet, aliquid mali passa sit: per consensum partem illam affici probabile est. Id quod in exemplo ex Gal. 1. de loc. affect. c. 6. supra proposito, patet. Ita si quis in capite percussus bilem vomat, non ventriculum, sed cerebri meninges primario affici, facile colligere est. Vel si quis ex ventriculo, vel vtero, diu laborauerit, & caput dolere incipiat: suspicio est, à ventriculo, vel vtero, ad caput mitti doloris causam. Secundò si affectus aliquis cum alterius membri affectu ita cohæreat, ut ad eius augmentum augeatur, ad eiusdem decrementum imminuatur, ipsoque cessante & ipse desinat: per consensum excitatum fuisse talem affectum, indicio est. E qua etiam parte prius recesserit morbus, eam per consensum affectam indicat; per essentiam verò, in qua diutius manserit. Tertio affectus per consensum non continuo infestat, sed per intervalla. Ita deliria, vel capitis dolores, qui in febribus accidunt, evanescent, dum febris declinat vel intermittit. Delirium tamen ab inflammato diaphragmate ferè continuum est. Galenus, 5. de loc. affect. cap. 3. Quarto si duæ partes simul afficiantur, atque ex adhibitis vni iuvantibus vel nocentibus altera vel lædatur vel iuuetur, per consensum eas affici augmento est. Atque hos signorum fontes si quis in conspe-

ctu habeat, ad omnium locorum affectorum, & particularium affectuum notitiam peruenire poterit. Id quod signa particularium affectuum à Practicis descripta monstrant, quæ omnia ex his fontibus petita sunt. Ut tamen in specie quædam, & exempli gratia addamus, primò cerebri affecti signa petuntur ferè ex actionibus eiusdem læsis & excrementis. Sunt autem actiones capitis, ut supra dictum, variæ. Primò sunt actiones principes dictæ, ut Ratiocinatio, Imaginatio & memoria. Atque actiones hæ vario modo afficiuntur, quando scilicet abolentur, imminuuntur, depravantur. Abolentur istæ actiones in fatuitate, memoria deperdita, veterno & similibus: Imminuuntur in stultitia, Memoria debili: depravantur in deliriis omnibus, phrenitide, Melancholia, Mania. Ergo ubi horum quid accidit, cerebrum affici indicatur. Deinde cum cerebrum sensui & motui voluntario obeundo, spiritum animale omnibus membris communicet, sensuum externorum, & motus læsiones sæpè etiam de cerebro affecto testantur; quales sunt, hebetudo visus, auditus. Non tamen hoc signum necessariò concludit, cum cerebrum non sit immediata causa sensuum externorum, sed præter ipsum proprium & proximum organum requiratur, in quo sæpè causæ actionis læsæ hærent. Motus præterea læsus in Apoplexia & Epilepsia & similibus affectibus cerebrum lædi demonstrat: Dolor etiam de sua sede in capite testatur. Quanquam enim cerebrum ipsum sensum nullum habeat; tamen membranæ eius exquisitè sentiunt. Tandem excrementa peremuntoria cerebri emissæ cerebrum affectum indicant. Quanquam enim excrementa illa ab emuntoriis proximè emittuntur: tamen illorum origo in cerebro est; unde de cerebri affectibus indicium sumi potest. Verum ex his ipsis non solum caput affici, sed ipsa pars, quæ in eo afficitur, ostendi potest. Aliàs enim membranæ, aliàs cerebrum; aliàs rursum cerebri substantia, aliàs eius ventriculi, aliàs iterum cerebri pars prior, aliàs posterior, aliàs vtrique afficitur. Exempli gratia, ut dictum, dolor capitis membranas cerebri, aut pericranium affici indicat, quæ rursum doloris diuersitas discernit. Nam qui in pericranio residet, ferè tactu exploratur; verum qui in interioribus est membranæ, ad oculos vsque deriuatur & frequenter sensus vnà afficit, ut neque lumen, neque sonitum ægri ferre possint. Rursum dolor, qui supra cranium est, lenior plerumque est, sed qui internas membranas occupat, leui ex causa recedit & rursum exacerbatur. Doloris etiam diuersitas causarum varietatem prodat. Acris & perforans dolor humores ac vapores tenues ac biliosos; Grauius, pituitosos; distendens flatuum copiam; pulsans, putrescentes humores & inflammationes generantes significat. Cordis affecti signa pauciora sunt. Pauciores enim sunt affectus cordis. Nam partes cor constituentes pauciores numero sunt & ferè omnes eiusdem naturæ, præter cordis capsulam. Rariore etiam affectus cor patitur. Est enim viscus maximè nobile & optimè munitum; & raro capsula cordis tuberculum contrahit, raro cordis caro, rarius adhuc ventriculi prauam & malignam materiam admittunt. Imò nec morbis sine materia multis cor subiectum est. Cum enim sit calidissimum & valde siccum, raro intemperiem frigidam incurere potest; rarius adhuc humidam. Solis autem calidis & siccis morbis est obnoxium: & quidem siccus affectus incurrit in febre hectica aut pulmonis exulceratione; caliditatem frequentius patitur in febribus humoralibus. Signa autem cordis affecti sumuntur ferè ex actionibus vitalibus & qualitatibus corporis mutatis. Nam actiones morales vix aliquid de morbis cordis testantur; cum sequantur semina naturalis temperamenti, quæ vix vnquam penitus tolluntur. Primò ergo respirationem quod attinet, etsi

Capitis affecti signa.

Cordis affecti signa.

cor respirationis organum non sit : tamen cordis gratia respiratio instituta est. Quando ergo respiratio omnibus thoracis musculis perficitur, significatur ignea in corde vel pulmone caliditas vel in aliquo spirandi instrumento angustia vel debilitas facultatis thoracem mouentis. Ex aliis ergo signis discernendum, An Respiratio talis accadat ob cordis calorem, an ob diaphragmatis, musculorum thoracis, cerebri aut spinalis medullæ affectum. Secundò certum signum cordis affecti est eius palpitatio, quæ est immoderata cordis concussio, vehementi systole & diastole molesta. Tertiò certum etiam affecti cordis signum exhibet pulsus, de quo supra satis dictum. Dolor ad signa cordis affecti parum facit, quod in eius panniculo solum consistat, & cor dolorem non diu toleret. Plerique enim, quos vulgus cordis dolores vocat, oris ventriculi, aut partium in sinistro latere cordi vicinarum dolores sunt. Deinde & corporis qualitates mutatae affecti cordis signa præbent. Cum enim cor vitalis caloris & spirituum, à quibus omnis caloris vigor in corpore pendet, officina sit, calore cordis debilitato, iste etiam mutatur, & prout cor se habet, ita calor & color in toto corpore se habet. Hepatis affecti signa primò ab operationibus eius sumuntur. Est autem Hepatis munus & officium sanguificatio. Apparet autem sanguificatio læsa primò ex vrina & fecibus alui. Vbi enim Hepar sanguinem minus, quàm par est, coquit, vrina dilutior; vbi verò multa caliditate eum corrumpit, biliosa apparet. Alui excrementa quoque si aquæ, in qua nuper mactata caro abluta est, similia sunt, hepatis affecti signum sunt. Deinde eadem vitata ex habitu corporis & sanguinis in venis penuria agnoscitur. Sanguinis enim defectus & paucitas Hepar malè affectum docet. Idem indicat color malus totius corporis, qui alius atque alius alium atque alium humorem copiosius in Hepate aliter atque aliter affecto gigni significat. Interdum tamen etiam Lienis vitio, aut ob excrementa in venas aliunde regurgitantia color totius corporis mutatur. Sed hoc tempus facile distinguit. Nam excrementa in venas regurgitantia statim habitum vitiant; alteratio verò alimenti in Hepate tardius id afficit. Tertiū signum est mutata præter naturam nutrimenti distributio & excrementorum expulsiō. Defectus distributionis ex totius corporis tæbe cognoscitur, deinde etiam ex ventris fluxu. Neque enim venter potest esse siccus, vbi distributio cibi impeditur. Quartò grauitatis sensus in dextro hypochondrio Hepatis affecti signum est, qui si pondus quoddam trahens referat, non tantum Hepatis inflammari, sed & obstructionis venarum, quæ tam à porta, quàm à caua ortum ducunt, nota est. Quod si tensionis sensus exhibeatur, à flatu est exitum non habente. Distinguendum igitur est vtrum inflammatio sit, an obstructio, & vtrum in gibba, an sima Hepatis parte. Imò ipse tumor sine inflammatione, scirrhusque Hepatis sua figura & circumscriptione Hepar affici significat, quæ ipsa ab eius loci tumoribus aliis discernitur. Non enim solum Hepar, sed musculi dextro lateri incumbentes, rectus, obliquus, transuersus, eosdem tumores pati possunt, qui ex figura inprimis ab Hepatis discernuntur tumoribus. Plura de Hepatis affecti signis videantur apud Galen. 5. de loc. affect. c. 7. Ventrículo affectum ex actionibus eius læsis etiam vulgus hominum ferè agnoscit. Si enim non rectè appetant, vel malè concoquant, ventriculum incusant. Et quidem appetitus læsus per se cognoscitur. Concoctionem autem læsam ex aliis actionibus colligunt, quod scilicet vel dolorem à cibo sentiunt, vel inflationem, ructum, nauseam, vomitum. Ista enim omnia cibum à ventriculo non bene ferri significant. Nam sæpe homines grauantur ita à cibo in ventriculo, vt

alij cibum mox vomitu reiiciant, alij paulò post; quorum priores ventriculum planè imbecillum habent, posteriores paulò firmiorem, qui propterea cibum non statim reiiciunt, sed vbi concoquere incipiunt: tum enim inflatio quædam suboritur. Quod si minor, imbecillitas fuerit, sola nausea vel ructus sequitur. Sunt etiam quidam, qui extra vllum cibum nauseam, ructum, vomitum, singultum patiuntur, ob humores scilicet aliunde influentes vel ibidem collectos, qui ita à prioribus distingui possunt, quod his non solum à cibo, sed & ante cibum hoc euenit, & cibi mutatio parum iuuat. Pars etiam in ventriculo affecta discerni potest. Nam quæ euomuntur, in ventris spatio continentur; nauseam mouent, quæ adherent; singultum, quæ in ipsis tunicis continentur. Licet quoque ex ventris deiectionibus ventriculi vitia cognoscere. Nam si citra vllum Hepatis vitium tardior vel citior fiat deiectio, ventriculus suspectus est. Tardam enim coctionem tarda sequitur excretio, neque excretio iustum tempus anticipat, nisi vel retentio sit læsa, aut causa quædam ad excretionem stimulans sit in ventriculo vel intestinis. Thoracis affecti signum primum est respirandi difficultas. Cum enim respiratio propriè actio thoracis sit, lædi non potest, quin thorax vel per se, vel per consensum aliquid patiatur. Itaque respiratio difficilis sequitur pleuritim, peripneumoniam, inflammationem diaphragmatis ac musculorum thoracem mouentium, crudum irem tuberculum pulmonis arteriis innatum easque obstruens, quæ adhibitis aliis signis discernenda sunt, de quibus egit Gal. 4. de loc. affect. Secundò. Vt nausea, vomitus, singultus ventriculi affecti signa sunt: ita tussis thoracis. Vt enim ex ventriculo per nauseam, singultum, vomitum quicquid molestum est eiicere tentat. Ita quicquid spirandi organis molestum est, illud natura valida ista expiratione, quam tussim nominamus, excutere conatur. Tertiò. Dolor ipse thoracem affectum denotat, & quidem partes thoracis affectas idem dolor distinguit. Dolor enim in membranis & musculis est acrior: vbi verò causa est in ipso pulmone, sensus grauitatis & angustia potius percipitur. Tandem omnia, quæ à thorace per tussim eiiciuntur, eundem affectum significant, humor scilicet, sanguis, pus, quæ nunc alio & alio colore prædita vel sincera vel inter se mista sunt. Ita initio inflammationis thoracis sputum tenue: pulmone affecto sanguis recens & spumosus: è thorace autem ob viæ longitudinem niger & concretus eiicitur. Tracheæ verò affectæ signa ex iisdem petuntur. Vox affecta inprimis tracheam affectam significat, sed & pulmonem. Quod tamen ex eo distinguitur, quod vbi pulmo affectus est, tussis etiam sequitur & spirandi difficultas. Solà autem asperâ arteriâ affectâ vox solum mutatur, & nunc rauca est, nunc parua, nunc omnino intercepta. Aliquando tamen tussis coniungitur. Tussis enim tracheæ vitio accidit, quando aliquid molestum in ea hæret, aut quando exasperata est magno clamore, aut perfrigerata ab inspirato frigido aëre. Verum plura, & magis particularia ac specialia è practicum libris petantur.

CAPVT V.

De cognoscendis Symptomatibus.

Symptomata etsi plerumque sensu seu vno seu pluribus, & quidem vel ægri vel Medici & adstantium, cognoscuntur: quædam tamen etiam latent, & signis opus habent. Sumuntur autem ex iisdem locis seu fontibus, è quibus sumuntur signa morborum & causarum, nimirum ex causis & effectis. Causæ, à quibus oriuntur, sunt vel morbi, vel causæ morbigificæ, vel etiam symptomata. Effectus itidem sunt vel morbi,

Hepatis affecti signa.

Ventriculi affecti signa.

Thoracis affecti signa.

Tracheæ affecti signa.

Signa morbi latentia.

morbi, vel causæ, vel symptomata. Quamuis enim re ipsa symptomata sint effecta: tamen effectum vnum alterius causa esse potest. Nutritio quidem quomodo perficiatur, sensus later: ex effectu verò colligitur. Etenim si nutritio sese rectè habeat, corpus & omnes eius partes pristinum habitum retinent, neque extenuantur: sin minus, extenuantur, & contabescunt. Si auctio rectè perficitur, corpus & omnes eius partes conueniente modo incrementum sumunt: sin minus, non augentur. Si facultas generatrix suum opus rectè perficiat, liberi sani generantur: sin minus, nulli vel debiles. Attractionem non rectè fieri, ostendunt causæ præcedentes, refrigeratio; effectus & quæ consequuntur, vt quod partes non aluntur ob alimenti inopiam, & quod eiiciuntur ea, quæ attrahi debebant, vt sanguis. Eodem modo Retentio ablata vel imminuta ex effectis præcipuè agnoscitur, & inprimis iis, quæ expelluntur, si vel modum superant, vel tempus consuetum antevertunt. Deprauata ex eo, quod cum dolore fit. Coctio quidem patet ex temperie ægrotorum, & caloris dispositione, ab iis quæ assumpta sunt, iuuantibus, & nocentibus, vt & ex effectis & iis, quæ euacuantur. Ita coctio in ventriculo ex fecibus alui cognoscitur; quæ fit in hepate & venis, ex vrina; quæ in thorace, ex sputo. Tandem expultricem læsam esse cognoscitur, si ea retinentur, quæ expelli debent. Eodem modo facultatis vitalis actio læsa ex effectis cognoscitur, pulsus nimirum cordis & arteriarum. Ablatus enim ad sensum cordis & arteriarum pulsus, actionem ablatam & cessantem significat; idem imminutus, imminutam vel debilem; deprauatus deprauatam, cum hi motus aliter fiunt, quam secundum naturam fieri debent. Deniq; actionem animalem quod attinet, cognoscit Medicus facultatum principum deprauationem ex effectis, dictis & factis puta, quæ à decoro & congruo aliena sunt. Cum verò interdum vt hanc, ita alias actiones læsas nonnulli simulent, ne Medicus decipiatur, caueat. Sed difficilis est diuturna si multatio; & qua ratione morbum simulantes agnosci possint docet Gal. de præsagiis ad Posthumum, & lib. proprio, quomodo simulantes morbum deprehendantur. Eodem modo memoria læsa facile ex effectis deprehenditur. Sensus communem affici, ex somno & vigilia læsis patet. Sensus externi cum auferuntur aut imminuuntur, id rectissimè ab ægrotantibus percipitur: si verò deprauentur, hoc ipse æger discernere nequit; cum sensus deprauatus non sit idoneus iudex, sed ratiocinando id cognoscat necesse est. Cum enim animaduertit, quæ alij se dicunt sentire, se non percipere, colligit sensum esse læsum. Motus symptomata sensibus subiiciuntur, nec signis opus habent. Ita & symptomata, quæ in qualitatibus sensibus obuiarum mutatione consistunt, omnes etiam sensibus cum ægri tum Medici & astantium percipiuntur, nec signis opus habent. Ita & ea, quæ retinentur & excernuntur, sensibus quidem obuia sunt, sed quantum à naturali statu recedant, ratiocinando Medicus colliget, conferendo ea, quæ sunt præter naturam, cum eo, quod naturaliter se habere solet.



LIBRI III. PARS III.

De Signis Prognosticis.

CAPVT I.

De Signorum Prognosticorum generibus.

ESTANT tandem signa prognostica, per quæ futura, quæ accident ægro, cognoscimus. Tria

autem præcipuè in ægro Medicus prognoscere debet: primò, quisnam sit futurus morbi euentus seu exitus: secundò, quo tempore morbus finem sit habiturus: tertio, quo modo. Antequam autem, quomodo in specie morbi exitus, exitusque tempus & modus prævideri possit, tradamus, in genere aliquid de signis prognosticis, simulque de temporibus morborum (quæ cognoscere & prævidere summopere vtile est) cognoscendis dicemus. Est autem omnium signorum, vt passim ex Galeni libris de crisibus, atque aliis locis patet, hæc differentia; quod alia signa sint cruditatis & coctionis, alia mortis ac salutis, alia critica seu iudicatoria. Cruditatis & coctionis signa sunt vrinæ, alui excrementa, sputa & excreationes: quibus & materiam catarrhosam addere licet; cum cruditatis & coctionis, quæ in cerebro præcipuè fit, signa exhibere possit. Mortis & salutis signa sunt, quæ cum vrinis & alui excrementis excernuntur. Sudores item, facilis & difficilis spiratio, leuis vel difficilis morbi tolerantia, pulsus, facies & decubitus decens, & similis consuetudo vel his contraria; de quibus passim Hippocrates in libris prognosticorum. Critica tandem signa sunt, quæ subitam mutationem acurbationem ostendunt. Et sunt ex his quædam tanquam causæ & signa, vt vomitus, alui excrementa, multitudo vrinarum, sanguinis è naribus fluxus, sudores, parotides, decubitus humorum ex vno loco in alium, quæ λυθῆαι, quod morbum soluant, Hippocrates nominat, In Coacis t. 146. in codice Foëssiano, cum scribit: *quæ febres neque criticis diebus, neque cum signis solutionis μὲν σημεῖον λυθῆαιον desinunt, recidivam patiuntur.* Quæ autem illa sint, compendio collegit, ibid. t. 150. *Acuti, inquit, morbi indicantur, effluente è naribus sanguine, idque die iudicatorio, ac sudore copioso exorto, vrinaque purulenta ac vitrea confertim reddita, in qua subsedit laudabile sedimentum, aut abscessu effatu digno, & aluo mucosa deiciente, & de repente prorumpente, vomitibusque non pravis sub indicationem contingentibus.* Quædam tantum signa sunt, vt delirium, vigilia, sopor, dolor capitis, difficilis sensus, inquietudo, difficilis spiratio, tenebræ quasi oculis, obortæ, aurium sonitus, splendores oculis obuersantes, lacrymæ inuoluntariæ, nox absque ratione molesta, labri inferioris agitatio, vehemens rigor, facies & oculi rubescentes, hypochondriorum retractio, nausea, æstus, & sitis vehemens. Non autem eadem horum signorum vis est. Coctionis signa nunquam mala sunt, quocunque etiam tempore appareant: critica verò interdum mala sunt. Neque enim vnquam nisi in statu apparere debent, & si in principio aut augmento appareant, bona non habentur. Nam nec sudores, nec vomitus, alui profluvia, tumores post aures, si in principio appareant, per κρίσιν morbos solvunt, etsi aliàs, vt causæ, morbum soluere possunt. Ita nec, quæ hæc indicare solent, in principio bona sunt. Sic nimirum deliria, vigilia, dolores, difficultates spirandi, tenebræ ob oculos obortæ & similia, si primo morbi tempore, quando morbus adhuc crudus est, accidant, boni aliquid non significant, sed pessimæ constitutionis signa sunt. Coctionis autem signa, etiamsi in ipsa accessionis prima hora appareant, bona sunt; imò, quod citius apparent, eò meliorem spem præbent. Signa verò coctionis quod attinet, alia vni morborum generi sunt propria; exempli gratia, in morbis thoracis sputum est: alia multis morbis & febricitantibus communia; qualia Hippocrates, 1. aphor. 12. enumerat, vrinam, alui excrementa, sudores. Alui excrementa, de ea coctione, quæ in ventre fit, signa præbent; sicut vrinæ de coctione in venoso & arterioso genere; cum arterias hoc nomine, se ipso teste, etiam complectatur Galenus. Quanquam verò & vrinæ partium, per quas transeunt, vt renum, vterum, vesicæ,

Signorum prognosticorum genera.

Cruditatis & coctionis signa.

Mortis & salutis signa.

Critica signa.

Coctionis signorum differentia.

ficæ, penis, iecoris signa propria exhibent: tamen illa ab his vt communia distinguenda sunt, cauendumque, ne in morbis vniuersalibus & acutis decipiamur particularibus illis renum, vesicæ, & similibus partium vitiis. Qua de re nos monuit Hippocrates, 2. *Prognost.* 37. qui cum de signis ex vrina pendendis præcedentibus aphorismis egisset, addit: *nec te fallat, si in sa vesica agrotans talem aliquam reddiderit urinam. Non enim totius, sed ipsius per se vesica indicium est.* Quod autem de vesica dicit, etiam de renibus, vteribus, meatu vrinario intelligendum est: nimirum iubet, vt Medicus sit cautus in distinguendis iis, quæ à toto corpore & venis proueniunt, & quæ à determinata & priuata aliqua parte. Nam vt cum sani sumus, excrementa totius venosi generis per urinam excernuntur: ita cum ægotamus, etiam de toto venoso genere excrementa per urinam eiciuntur: & præterea illa quoque, quæ præter naturam in renibus, vteribus, vesica & meatu vrinario hærent. Quippe non raro per urinam crassa quædam purulenta, acrida, biliosa, fœtida & graueolentia, fursuracea, squamosa & similia excernuntur, vt docet Hippocrates, 4. *aphor.* 75. 76. 77. 78. 79. 80. & 81. Quæ si Medicus venoso generi attribueret, atque inde excerni putaret, valde deciperetur. Quod autem de vrinis dictum est: id etiam de excrementis alui dici potest. Etenim vt Galenus, in *comm. allegati aph.* 37. è 2. *Prognost.* scribit; *Commune est utrique excretioni, totius corporis recipere excrementa, atque etiam illarum partium, per quas transeunt & excernuntur.* Duo autem hîc scrupulum alicui mouere possunt. Primò enim dubitare quis posset; An rectè inter symptomata & signa illa *σημείωτα* & communia numerentur alui feces; cum à Galeno, 1. *de Crisib. cap.* 4. dicatur, alui excrementa saltem de coctione, quæ in ventre fit, signa suppeditare. Sed sciendum, verum quidem esse in statu naturali, & dum omnia rectè sese habent, saltem illius coctionis primæ, quæ in ventre fit, excrementa esse alui feces: verum sæpe non solum vicinorum intestinis viscerum, vt hepatis, lienis, mesenterij, sed & totius venosi generis excrementitij humores fluere in intestina, & vel mixti fecibus vel sinceri excerni solent: vnde tum non solum de coctione in ventre, sed etiam de vicinis partibus, adeoque toto venoso genere, ex illis incrementis indicium capi potest. Addo & hoc, coctionem, quæ fit in ventre inferiore, totius corporis alendi gratiâ institui, atque ex hoc ventre totum corpus alimentum sibi petere: vnde si illa coctio sese rectè non habeat, minor de salute in morbis spes est; & quantò illa melior est, tantò etiam meliorem morbi exitum sperare possumus. Ex quo patet, magnam esse inter sputa & excrementa alui differentiam. Sputa enim ex solo thorace eiciuntur, neque è thorace totius corporis excrementa euacuari possunt. Deinde admirari aliquis posset? Quî fiat, cum Hippocrates sæpius allegato *aph.* 12. *sect.* 1. vrinas, alui feces & sudores coniungat, quòd Galenus *lib.* 1. *de Crisib. cap.* 7. & 8. sudores præterit; cum tamen etiam aliqua, & non leuia signa exhibere possint. Verum animaduertendum, et si sudoribus homines sæpe à multis morbis liberentur, & multa de morbo è sudoribus coniici possint: tamen illa, quæ hîc quaruntur, coctionis signa suppeditare non possunt, sed de ipsis sudoribus, quales sint, ex aliis signis iudicatur. Boni enim sudores sunt, qui accidunt signis coctionis apparentibus; mali sunt, qui fiunt nondum adhuc accidentibus signis coctionis. Quæ cum ita sese habeant, ex iis de coctione iudicari non potest; sed potius ex signis coctionis & cruditatis de sudore iudicium fertur. Et sunt huius generis plura alia, quæ quidem indicia quædam præbent de morbo, ex quibus tamen coctionis signa sumi non possunt, sed

de quibus ex coctionis signis iudicatur, an bona vel mala sint. Talia sunt hæmorrhagiæ narium, tumores iuxta aures, vel humorum in alias partes defluxus & decubitus; quæ si tempore fiant opportuno, prodesse possunt; intempestiua autem & tempore non opportuno nihil iuuant. Et vt cum Gal. 2. *de Crisib. c.* 7. paucis hæc omnia complectamur; *Coctionis*, quæ in spirandi instrumentis fit sputa; eius verò, quæ in venis, vrinas; illius autem, quæ in ventre, alui excrementa signa statuere oportet. Et in febribus omnibus, quoniam venosi generis sunt passionis, (quo genere & arterias comprehendimus) ad vrinas præcipuè attendere oportet. In iis autem, qui laterali afficiuntur morbo, primum quidem sputamina, secundo loco vrinas; quoniam is morbus omninò cum febribus coniungitur. In passionibus autem ventris, si sine febre sint, sola alui excrementa inspicere oportet: si autem cum febre, etiam vrinas.

CAPVT II.

De Signorum, quibus Tempora Morborum cognoscuntur, Generibus.

SVMME vtile esse, tempora morborum, & præcipuè statum cognoscere, certum est. Nam nisi statum præcognitum habeat Medicus, etiam vtrum crisis futura sit, & quando, & qualis, cognoscere non poterit. Optimum enim, vt *lib.* 1. *de Crisib. c.* 1. dicebat Galenus, prænotionis crisis principium est, quod etiam futuri status: statûsque veluti norma est, secundum quam de crisi iudicium fertur. Etenim crisis non fit, nisi appareant signa coctionis. Signa autem coctionis perfecta non apparent, nisi in statu; & proinde tum solum bonæ sunt *κρίσεις*: aut nisi appareant signa coctionis, bona crisis non fiet, ægerque morietur in statu. Deinde & propter victum & medicamenta statum præcognoscere vtile est: de quo Hippo. 1. *aph.* 8. cum in vigore morbi tenuissimo victu vt iubet: & *seq. aph.* etiam victum respectu status futuri moderari docet: quod etiam facit, *aph.* 10. & alibi in statu quiescere præcipit. Recensent autem Temporum morborum signa alij aliter. Verum sequemur hic Hippocratem, quem etiam Gal. 1. *de Crisib.* secutus est. Is autem, 1. *aph.* 12. ita scribit: *Accessiones verò & constitutiones morborum indicabunt tum morbi ipsi, tum tempora anni, tum periodorum proportionis inter se observatio, siue ea quotidie, siue alternis, siue maiori intervallo fiat. Sed ex iis, quæ postea apparent, iudicium sumitur: veluti in pleuritide sputum, si initio appareat, breuem fore denunciat; si verò posterius conspiciatur longam. Quin etiam vrina, alui feces, sudores & indicia faciles, aut difficiles, & breues, aut longos morbos fore, cum superueniunt, demonstrant.* Quo aphorismo omnia illa signa petuntur primò à morbi forma, essentia & idea; deinde à tempore anni, aliisque similibus; tertio à morborum accessionibus & circuitibus, incrementis & decrementis; quarto à morborum symptomatibus; seu à morbi essentia atque idea, causis & morbum antecedentibus; symptomatibusque, atque iis, quæ morbum comitantur. Primò morbi forma seu idea, cum illam ex totius morbi temporibus compositionem significet, rectè etiam tempora morborum monstrare potest. Talem verò ex temporibus morborum compositionem hîc intelligere Hippocratem, colligi potest ex 1. *Epid.* 3. t. 10. Sunt autem morbi alij breues, longi alij. Quantò igitur motus morbi velocior est: tantò propius statum adesse, morbumque breuiorem futurum, indicio est. Quantò autem tardius morbus mouetur: tantò remotior erit status. Qui autem morbi velocissimum, qui velocem, qui tardum habeant motum, ex particularibus de iis tractationibus notum est. Febris ardens, pleuritis, peripneumonia, cholera, angina, conuulsio, omnes sunt morbi acuti, & proinde

An alui excrementa inter signa communia numeranda.

An sudores inter coctionis signa numerandi.

Sta
pra
sci

Sign
rū

Mor
quom
pora
monst

proinde breue habent principium, & statum non remotum. Morbi verò diuturniores sunt quartana, hydrops, tabes, arthritis; & propterea suum principium non vno percurrunt paroxysmo, statumque habent remotiorem. Atque ita morbus, qui septem finietur diebus, potest fortè mox post primam inuasionem principium & augmentum percutere, & ad statum propèrare. Verùm qui aliquot mensibus finietur, longius habebit principium, & tardiùs ad statum perueniet. Deinde etiam tempus anni, aliæque causæ ac præcedentia considerata sunt. Æstate enim qui accidit morbus, habebit statum propinquiorem: Hyeme verò qui inuadit, remotiorem. Ita in temporibus plurius febres sunt longiores; acutiores verò in tempore sicciore. Quibus coniungi potest Regio. Nam in calidis regionibus morbi sunt acutiores & breuiiores; in frigidis verò longiores. Idem de natura & constitutione corporis dici potest. Naturæ enim calidiores calidioribus, & hinc breuioribus affectibus subiiciuntur; frigidæ frigidioribus & diuturnioribus. Ad morbos vitandos illa constitutio est optima, in qua plurimum est calidi innati. Concoquit enim & absorbet celeriter noxios succos, atque idcirco morbum longè superat citius & celeriter vincit: vbi verò calidum innatum est paucum, etsi vincere interdum morbum queat, non tamen cito vincet, sed tardè; cum non possit celeriter coquere & discutere succos vitiosos. Ita habitus corporis rarus ad discussionem humorum vitiosorum facit; densitas verò & adstrictio pororum affert morbi diuturnitatem. Quod de victus quoque ratione, quæ antecessit, dici potest. Victus enim calidior & sicciore calidum corpus reddit, & calidos humores cumulat; frigidus verò & humidus corpus frigidum & humidum reddit, & pituitosos humores auget. Hinc in corpore calido, & quod abundat calidis humoribus, generantur calidi morbi, qui breuiiores sunt: contra in corpore frigido & humido, & quod scatet humoribus pituitosis, facile excitantur morbi frigidi, qui tardiore motum habent. Quæ omnia in cognitionem causæ morbificæ nos ducunt, & propterea imprimis materia morbi, & virtus considerari & conferri debent. Quò enim materia est tenuior & calidior, morbus erit breuior & acutior: quo crassior & frigidior, diuturnior. In morbo non lethali virtus fortior morbum breuem, & statum in propinquo esse significat. Nam virtus fortis causam morbificam citius vincit & expellit: si autem virtus sit debilis, statum longius abesse, & morbum longiorem significat; tardiùs enim superabit materiam morbificam. Si verò morbus sit lethalis, virtus fortis, longitudinem morbi indicat; virtus enim fortis diutius impetum morbi sustinebit. Si verò virtus sit debilis, status erit propinquus, & morbus brevis. Nam virtus debilis citius succumbet & prosternebitur. Tertio paroxysmorum mutationes & ἡ ἀλλοίωσις πρὸς ἀλλήλας ἀνταποδόσεις perpendendæ sunt. Conferendæ verò sunt paroxysmorum mutationes & motus in tribus: in hora, qua reuertuntur morbi; in tempore durationis; & in symptomatum magnitudine vel vehementia. Neque enim an morbus augeatur, ex eo tantum quis colligere potest, quod accessiones anticipant, sed tria hæc coniungenda sunt. Si enim paroxysmi citius reuertantur, ita vt secundus anticipet horam primi, tertius horam secundi, atque ita aliquot deinceps: deinde si secundus longius durat, quam primus, & tertius, quam secundus: tertio si secundus sit vehementior primo, & tertius vehementior secundo: indicio est, morbum augeri & ad statum propèrare. Contrà, si paroxysmi postponant, id est, tardiùs inuadant, breuiori tempore durent, minùsque sint vehementes: indicio est, morbum declinare: verbi gratia, si paroxysmus quintus tardiùs inuadat, quam quartus; & sextus tardiùs, quam quintus; septimus etiam tardiùs

quàm sextus: duret etiam breuiore tempore quintus, quàm quartus; & sextus iterum breuiori, quàm quintus; & rursus septimus breuior, quàm sextus; sic tandem quoque quintus mitior, quàm quartus, sextus mitior quinto, septimus sexto: declinatio morbi significatur. Anticipatio verò sola sufficiens signum non est: cum in quibusdam febribus, quæ τύπος ἀνταποδόσεων, id est, anticipantes habent, id peculiare sit, vt ab initio ad finem vsque anticipent, atque ideo anticipatio in iis neque augmenti, neque declinationis signum sit. Ita contra sunt febres quædam, quæ τύπος ὑστερητικῆς, id est, tardantes, aut postponentes vt loquuntur, habent, quæ à principio vsque ad finem postponunt, in quibus etiam ipsa postpositio neque augmentum, neque declinationem significat. Si quis tamen paroxysmorum recursus, & τὰς ἡμέρας πρὸς ἀλλήλας ἀνταποδόσεις, vt Hippocrates, 1. aph. 12. nominabat, id est, periodos inter se conferre velit, atque hinc aliquid de tempore morborum colligere: hoc modo præstare poterit. Paroxysmi interdum æqualiter inuadunt, ita quidem, vt ea hora, qua primus inuasit, reuertatur etiam secundus, tertius, quartus & sequentes, siue id fiat singulis, siue alternis diebus, siue longiore intervallo. Idque vbi accidit, ferè morbus longus significatur, quod etiam apud Hippocratem, 4. aph. 30. traditum est; Quibus, inquit, accessiones fiunt, quacunque hora febris dimiserit, eadem si postero die repetat, indicium difficile esse solet. Vbi enim accessionum causa firma est & stabilis, eundem seruat tenorem; quæ autem firmata sunt, magnam vim ad expulsionem expostulant. Aliquando non æqualiter inuadunt, neque eandem horam obseruant, sed diuersas; idque variè. Aliquando enim anticipant, ita vt secundus aliquot horis accedat ante tempus, quo primus inuasit, & tertius iterum aliquot horis præuertat tempus secundi, & ita reliqui. Nonnunquam postponunt, ita vt secundus paroxysmus aliquot horis tardiùs accedat, quàm primus inuasit, & tertius aliquot horis post tempus secundi reuertatur. Atque hæc anticipatio vel postpositio est vel æqualis, vel inæqualis. Æqualis, quam nonnulli anticipationem & postpositionem absolute nominant, est, cum morbus in anticipando & postponendo æquale semper tempus obseruat; verbi gratia, si paroxysmus primus inuasisset circa meridiem, secundus verò adueniat hora decima ante meridiem; tertius hora octaua ante meridiem; quartus hora sexta ante meridiem; & ita sequentes singuli duabus horis anticipent: æqualis anticipatio esset. Aut si primus paroxysmus accidisset circa meridiem, & secundus adueniret hora secunda pomeridiana; tertius hora quarta pomeridiana; quartus hora sexta pomeridiana; æqualis postpositio esset. Inæqualis autem anticipatio vel postpositio est, cum morbus in anticipando vel postponendo æquale tempus non obseruat: verbi gratia, si inchoasset morbus circa meridiem, alter autem paroxysmus accideret hora decima ante meridiem, tertius hora septima, quartus hora secunda; inæqualis anticipatio. Aut si morbus inuasisset primo quidem circa meridiem, secundus autem paroxysmus accideret hora secunda pomeridiana, tertius hora quinta pomeridiana, quartus hora nona pomeridiana inæqualis postpositio est. Aliquando paroxysmi interdum æqualiter inuadunt, interdum anticipant, interdum postponunt. Si itaque paroxysmi æqualiter inuadunt & statim sunt, indicio est, statum adhuc longius abesse, & morbum futurum longiorem. Si verò inæqualiter inuadunt paroxysmi, significant statum esse propiorem. Deinde si paroxysmi anticipant, quamdiu anticipatio est æqualis, tum, non apparentibus signis coctionis, est principium. Si verò anticipatio incipiat augeri, & iam pluribus horis anticipet morbus, quàm antea, est augmentum. Si iterum aliquandiu est æqualis anticipatio,

Anticipatio
& postpositio
paroxysmorum
quid significet.

530 De signis temporum Morborum in specie.

est status. Tandem ubi incipit imminui tempus anticipationis, est declinatio. Si verò morbus aliquis *seu tardantem vel postponentem typum habeat*: si postpositio est æqualis, & signa coctionis non appareant, est principium morbi: cum postpositio incipit fieri minor, est augmentum: cum æqualitatem obseruat, est status: cum tandem iterum incipit mutari postpositio, est declinatio. Si verò ordo paroxysmorum est varius, vt modò æqualiter inuadant paroxysmi modò anticipent, modò postponant, vbi paroxysmi, æqualiter inuadunt, non apparentibus signis coctionis, adest principium: cum anticipant, augmentum: cum verò non amplius anticipant, est status: cum postponunt, declinatio. Hoc tamen si eodem morbi tempore accidar, & quidem ex diuersitate materiæ proueniat, statum adhuc remotiorem esse, & morbum longum significat: si autem hoc accidar ob virtutis debilitatem, quæ non possit regere materiam, morbum significat breuem, sed periculosum, & qui cito ad interitum ægrum sit ducturus. Verum enim uerò tutissimum est etiam reliqua, quæ proposuit Hippocrates, signa coniungere, & ipsam quoque longitudinem, & magnitudinem paroxysmorum, quæque his affinia sunt, considerare. Considerandum videlicet est, an illa multa, diuturna, valida & magna; an contra pauca, brevis temporis, & parua fuerint: quibus adiungenda etiam est intermissionis & declinationis consideratio. Si enim declinationis vel intermissionis tempus breue sit, neque tolerabile planè, neque omninò à symptomatibus liberum: augmenti indicium est. Contra si declinatio vel intermissio sit longa, toleratu facilis, & ab omnibus symptomatibus libera: indicatur præsens declinatio. Sed hoc non prætereundum, sæpe ex his signis hæc tempora aded exactè distingui non posse; cum in morbis sæpè tempora omnia vix sensibilia sint, & plura breuissimo tempore cursum suum absoluant. Accidit enim interdum, vt quatto paroxysmo, adhuc præsentibus signis augmenti, quintus adueniat paroxysmus declinationis principium. Quod scilicet status brevis & momentaneus ferè fuit, aded, vt cum adesset, agnosci non potuerit, sed postea demum ex declinationis principio agnoscat. Ita accidit nonnunquam, vt cum præcedens paroxysmus habuerit adhuc signa principij, posterior iam signa declinationis exhibeat: quod scilicet primus paroxysmus complexus fuerit principium, augmentum & statum: in prima sui parte principium, in altera augmentum, in tertia statum. Quod tamen in priore paroxysmo ita exactè agnosci non potuit, sed deinde ex sequenti paroxysmo cognitum fuit. Verum cum hoc etià vulgus postea agnoscat, Medici est, diligenter in id incumbere, vt præcognoscere hæc possit, antequam accidant, non demum agnoscere, vbi acciderunt. Verum enim uerò ad certam & exquisitam temporum morbi cognitionem non planè sufficiunt hæc. Aliquam quidem artificiosam coniecturam ex iis petere possumus; verum ex iis solis non planè exquisitam: sed maximè in his morbis considerata sunt coctio & cruditas. Quandounque enim coctionis signum mox apparet, breuem & salutarem morbum futurum ostendit: cruditatis autem signum vel longum, vel etiam lethalem morbum monstrat; seu vt Hippocrates, 1. Epid. 2. t. 45. & 46. scribit: *Coctiones celeritatem portendunt indicij, securitatemque salubrem: cruda verò & inconcocta, atque in malos abscessus conuersa, aut ænerias, aut dolores, aut diuturnitatem, aut mortem; aut recidivas.* Cum enim morbi soluantur & salutes fiant, si Natura causas morificas vincit; contra verò morbus vel lethalis, vel periculosus, vel diuturnus euadat, si Natura causam morificam vincere nequit: Natura autem causas morificas superet coctione; superior verò sit causa morifica, quamdiu cruda manet: certè coctio & cruditas si-

diffima signa exhibebunt de futuro morbi statu & exitu. Coctio nimirum naturam robustam, & causa morifica superiorem ostendit: cruditas naturæ debilitatem. Ex quo facile signa reliqua & symptomata discernere possumus. Exempli gratiâ, si quis morbo angatur, deliret, aut simile quid patiat, distinguere licet, an in ægri perniciem, an verò ad salutem tendat. Nam si cum signis coctionis fiant, neminem talia turbare debent: si verò sine signis coctionis, & cum cruditate contingant, meritò terrori sunt, & periculum portendunt.

C A P V T I I I.

De Signis temporum Morborum in specie.

ATque vt in specie aliquid, qua ratione tempora morborum cognosci possint, addamus, principium morbi est, quamdiu crudus est morbus. Et si enim & alia principij morbi sint signa, morbi nimirum idea, tempus anni, regio, ætas, & natura ægrantis, victus ratio, paroxysmorum inter se collatio: tamen certissimum signum sumitur ex coctione. Et quidem perfecti & absoluti iam principij signum certissimum est euident & manifesta concoctio. Neque enim habetur exquisita principij absoluti cognitio, antequam incipiat augmentum: sicut neque augmenti absoluti cognitio habetur, antequam incipiat status. Fuisse autem hanc mentem Hippocratis, clarum est ex *aphor. 22. sect. 1.* vbi inquit: *concocta maturaque medicari ac mouere oportet, non cruda, neque per initia, nisi materia turgeat: id quod perraro fieri solet.* Et 4. de rat. vict. in acut. t. 23. *Quicunque ea, que inflammantur, statim inter morborum initia medicamento soluere conantur, non solum ab incensa inflammataque parte nihil educunt, cum non cedat, obsequaturque, quæ adhuc cruda est, affectio, sed etià quæ morbo resistunt & sana sunt, colliquefcere faciunt.* Ex his enim locis manifestum est, ab Hippocrate totum illud morbi tempus, in quo morbus crudus est, nominari principium. Nam cum *aphor. 22. sect. 1. cocta*, solum purgare iubet: mox illi vnica coctioni opposuit, quæ cruda sunt, & in principio: quasi idem sit, *crudum esse morbum, & in principio*: & allegato loco c. 4. de rat. vict. in acut. manifestè dicit, in principio morbum adhuc crudum esse. Eodem ferè modo, sicut coctione & augmenti præsentia principium terminatur: ita finis incrementi status præsentia definitur. Quæ autem status sint indicia, docuit Hippocrates, 2. aph. 30. vbi scribit: *circa initia & finem morborum omnia esse remissiora, in statu verò vehementiora.* In principio enim morbi natura adhuc contra causam morbi non pugnat: per augmentum autem omnia crescunt, & pugna inchoatur: In statu sunt omnia vehementissima, & pugna inter naturam & morbum acerrima; vnde etiam symptomata, anxietudo, dolores, & similia ingrauescunt & cumulantur. Fit autem hoc interdum citius: interdum tardius. Peracuti morbi protinus extremos labores habent, vt docet Hippocrates, 1. aphor. 7. Et nunc ad statum tardius adscendunt morbi & augentur; nunc etiam status diutius, nunc breuiore tempore durat. Nonnunquam enim duo paroxysmi æquales ferè status tempus circumscribunt: nonnunquam vnicus saltem paroxysmus omnibus præcedentibus est vehementior, & proinde solus status tempus complectitur. Ad tres verò aut plures paroxysmos in acutis status vis extenditur: verum in diuturnioribus morbis status non solum per tres, sed sæpè plures paroxysmos durat.

Longitudo & magnitudo paroxysmorum quid significet.

Coctio & cruditas quomodo temporum morborum monstrant.

CAPVT IV.

*De Signis, è quibus Morbi euentum seu salutem
& mortem, præſagire in licet genere.*

Postquam hæc in genere quasi de prognosticis dicta sunt: iam tribus illis, quæ præſagiri solent, nimirum de morbi exitu, seu salute & morte, de tempore exitus, & de modo in specie dicendum; Et primò quidem de morbi euentu. Cum verò morborum alij ægrum interimant; alij rursus desinant, vt æger ad amissam sanitatem postliminiò redeat; alij neque ægrum occidant, neque etiam in certam sanitatem mutantur, sed ægrum ad mortem vsque comitentur: alij in alium morbum, & nunc quidem deteriorem, nunc mitiorem mutantur: quadruplex omnino erit morbi euentus. Cognoscitur autem euentus morbi ex collatione roboris, seu virium naturæ & morbi; id quod Galenus docuit, 2. prognost. t. 6. Summa, inquit, totius præſagitionis in morituris conualliturisque est, quoties vis morbi cum ægri facultate confertur. Hæc enim duo cum duorum athletarum instar confligant & pugnent, penes vtrum sit futura victoria, ex artificiosa virium vtriusque collatione inter se & comparatione à Medico prudenti & sagaci prædici potest; & ex naturæ robore ægri salus; ex eiusdem infirmitate & morbi robore ægri interitus; ex paribus viribus morbi perseuerantia colligi potest. Vt verò certius de pugna inter naturam & morbum fiat præſagium, & tertium perpendendum est, & præter naturæ ac morbi vires etiam longitudo morbi, seu futurus status prænosendus est. Perinde enim vt scire non possum, an aliquis oneri alicui ferendo sufficiat, nisi eius vires, oneris grauitatem, & viæ longitudinem considerem: ita an aliquis morbum superare possit, scire non possum, nisi eius vires, morbi magnitudinem & longitudinem seu statum perpendam. Æger enim portanti onus aptè comparatur; morbus oneri; tempus autem ad statum morbi, viæ longitudini, vt Galenus, 3. de cris. cap. 5. docet. Statum autem morbi si æger transeat, ampliùs vt ex illo morbo mortis periculum metuat, opus non est; cum post statum & in declinatione nemo vi morbi moriatur. Non enim possibile est, vt, postquàm Natura superauit causam, & materiam morbificam euicit ac concoxit, æger moriatur. Status igitur morbi præuidendus, & cogitandum, an ad illud tempus morbi, quo natura morbum vincere, & materiam morbificam concoquere solet, durare possit, & quomodo tunc se sit habitura. Hæc enim nisi sciamus, neque de victu quid certi statuere possumus, neque salutem, vel mortem prædicere, neque de crisi, an futura sit, necne, & si futura, quando & qualis, aliquid præſagire. Statum igitur morbi ante omnia cognoscere oportet. Verùm de eo iam suprà aliquid dictum, & plura postea de tempore euentus præſagiendò dicentur. Quamobrem hoc loco saltem de morbi & virium robore cognoscendo, atque ex earum collatione de salute vel morte præſagienda dicemus. Primò virtutis fortis vel debilis signa quod attinet, petuntur ea potissimum à causis & effectibus. Roboris autem naturæ proxima causa vna est, plures remotæ. Proxima est naturalis partium constitutio. Hæc itaque quantò in temperie, in compositione & vnitate, naturali propior est, eò virtutem firmiorem significat: quantò remotior, tantò debiliorem. Temperies tamen ad robur plus facit, quam compositio vel vnitas; & ad imbecillitatem plus valet intemperies, quàm vitium compositionis & soluta vnitas. Vbi etiam considerata est ætatis & sexus differentia. In masculis enim & iuuenibus vires sunt firmiores: in fœminis, senibus, ac pueris imbecilliores.

Remotæ autem causæ omnes sunt, quæ vires interuentu naturalis constitutionis imminuunt, augent, aut conseruant: qualia sunt ea, quæ assumuntur, geruntur, foris adhibentur, & euacuantur ac retinentur. Hæc enim si omnia moderata præcellerint & adsint, vires robustas esse significant: si autem eadem sint immoderata, imbecillitatem monstrant; & quidem quò immoderatiore, eò maiorem imbecillitatem. Inter effecta sunt primò actiones, quarum quantò plures & quantò magis secundum naturam seruantur, tantò magis ipsam valere significant: contra quantò plures aut nobiliores, & quantò magis læduntur, tantò magis languere indicant. Secundò sunt excreta, quæ naturam validam esse significant, cum substantia sua, quantitate & qualitate, id est, odore, colore, & reliquis maximè sunt similia naturalibus, & per sanitatem excerni consuetis: contrario modo si se habeant, contrarium significant. Qualitates denique mutatas quod attinet, hæc etiam quanto fuerint qualitatibus sanorum propiores & similiores, tantò maiores ægri vires indicant; quantò magis ab iis discrepant, tantò maiorem imbecillitatem. Vbi meminisse oportet, eas etiam per sanitatem in singulis corporibus variari, & propterea, ne in prædicendo fallatur, nota esse debere Medico hominis, dum esset sanus, vultum & constitutionem, vt, quantum ab iis recesserit, scire possit, & inde de virium robore aut imbecillitate rectius iudicium facere. Morbi autem robur similiter ex essentialiter inhærentibus, causis & effectibus, seu consequentibus symptomatibus cognoscitur. Essentialiter igitur inhærentia, seu ipsam constitutionem præter naturam si spectemus, per se futura non indicat, cum nullus morbus specie sua lethalis, vel salubris sit, & ex quouis ægrum mori, & conualescere contingat: sed differentia, quæ vel morbi formam, vel causas, vel subiectum insequuntur, signa de euentu suppeditant. Sic morbus magnus periculum & mortem indicat, parui salutem. Quot modis autem morbus magnus sit, præcedente libro, part. 1. cap. 11. explicatum est. Hoc saltem hîc addimus, cum quilibet morbus propria symptomata habeat, quæ eius ideam detegunt, & pathognomonica ob id dicuntur: illorum etiam magnitudo & vehementia, vel paruitas & remissio maximè morbi robur vel debilitatem indicare possunt. Quò enim pauciora vel leuiora sunt symptomata: eò minus etiam morbi robur, minorque contra naturam pugna indicatur: quò verò plura vel maiora illa sunt: eò etiam maior morbi vehementia significatur. Exempli gratia, pleuritidis symptomata pathognomonica, quæ eius ideam nobis manifestant, sunt; febris continua, tussis, respiratio difficilis, dolor pungens, pulsus durus & ferrinus. Hæc itaque symptomata quo grauiora fuerint, eò maiorem vim morbi: quò minora & mitiora, eò morbum debiliorem & mitiorem, & quem Natura faciliùs superabit, significant. Eadem ratio est & in aliis morbis. Maximè autem semper suspecta esse debet malignitas. Ideoque licet morbus interdum placidus videatur, appareantque concoctionis aliqua signa: tamen fieri potest, vt ob malignitatem æger solum pereat. Ita sæpe fit, vt nonnulli febricitent; febris autem appareat planè mitis, vt vix febricitare putentur; vrina etiam atque alia excrementa cocta sint: ob malignitatem tamen, quæ in pulsu debili, linguæque arida, aliisque signis morbi maligni, quæ supra explicata sunt, sese prodit, paulò post vitam cum morte commutent. Ita magnitudinem ratione partis præstantis quod attinet, vlcus in pede non facile lethale est: in pulmone tamen ægro mortis causa esse solet. Sic vulnus in brachio, sui tamen generis, non facile ægrum interimit: in cerebro tamen & corde lethale est. Deinde & alter fons, qui à causis antecedentibus sumitur

*Morbi roboris
signa ex essentialiter
inhærentibus.*

Quomodo
caussa robur
vel debilita-
tem morbi in-
dicent.

robur & vehementiam seu debilitatem morbi indicat. Sunt autem vel causæ efficientes morbum, vel dispositiones, quæ eum præcesserunt, vel iuuantes, seu morbum tollentes. Efficientes rursus vel internæ, vel externæ. Internæ sunt corpora solida & fluida. Morbi igitur, qui ortum habent à materia solida, vt lapidibus, tophis, præcipuè iam magnis, plerumque insanabiles sunt, nec ab vlllo naturæ robore, vt nec ab arte, superari possunt. Humores autem si morbum efficiant, quales sint, videndum. Si peccant tota substantia, vt sæpe in peste fit & febribus malignis, periculum & mors vt plurimum indicatur. Deinde humoris putrescentis substantia, quantitas, qualitas, & locus etiam perpendenda. Quod enim humor putrescens minus naturæ aduersus, in minori copia, & qualitate minus noxia & molesta, in loco minus nobili, & à nobilibus visceribus remotiore subsistit: tantò morbum minus periculosum significat: contrarius si sit, contrarium indicat. Pertinet huc & coctio ac cruditas. Quod enim humor crudior est, eò magis naturæ aduersatur: qui verò concoctus est, non ita viribus officit. Ex specie quoque humoris peccantis aliquid prædici potest. Nam si morbus à sanguine proueniat (modò is non valde putrescat, aut nimia copia vires suffocet) plerumque salubris est. Sic etiam morbi ex bile flaua & pallida non adeò periculosi sunt: ex porracea verò & vitellina plerumque lethales. Ex æruginosa semper ferè lethales: sicut etiam ex atra bile oriuntur. Morbi quoque sunt periculosiores & mitiores, prout ab humore simplici vel misto generantur. Qua in re qualitas humoris peccantis consideranda. Morbus enim exquisitus ab humore valde prauo sincero periculosior est, quàm si is cum alio mitiore misceatur. Vbi verò plures humores viriosi miscentur, periculosi ij sunt & difficiles, ac morbi spurij, qui à pluribus humoribus mistis proueniunt, sunt periculosiores, quàm qui ab humore simplici; humoris tamen peccantis habita ratione. Periculosiores quoque sunt morbi, qui ab humore turgente proueniunt, quàm qui à quieto; modò non parti principi quietus inhæreat. Causas autem externas seu euidentes potiùs quod attinet, de iis, cuiuscunque etiam generis sint, hoc in genere notandum, si diu & vehementer in corpus agant, & præterea malignæ sint, affectum periculosum & plerumque lethalem significant; omniumque periculosissimum & maximè lethalem, si non solùm malignæ sint, & vehementer agant, sed etiam in corpore, in quod agunt, permaneant, qualis est aër pestilens in corpus attractus. Contra salutes & minus periculosi morbi sunt, qui à causis benignioribus, breuius & mitius agentibus, ortum habent. Hinc morbi ab aëre pestilente geniti, aut à venenis, aut à venenatis armis inflata vulnera plerumque periculosa & lethalia sunt. Periculosior quoque est morbus, qui diuturnum & frequens aliquod in victu, aut aliis rebus non naturalibus, erratum sequitur, quàm qui à leui aliquo peccato proficiscitur. De dispositionibus corporum Hippocrates, 2. aph. 34. ita scribit: *Minus periculose agrotant, quorum vel natura, vel ætati, vel consuetudini, vel temporis similis est morbus, quàm quibus horum nulli affinis cognatusque existit.* Et Galenus 1. meth. 9. ait: *si quando in frigido ambiente vehementer vri agrum contingat, exigua salutis spes est.* Ita etiam febres ardentes in senibus plerumque sunt lethales. Galenus, 1. aphor. 14. 2. aph. 34. Nam cum frigidi sint, non facile in febres ardentes incidunt: si autem incidunt, magnam causæ vehementiam adfuisse necesse est. Ætas firma, sexus virilis, robur maius indicant: senectus verò & sexus muliebris vires imbecilliores. In primis verò vterogentes, si morbo acuto laborant, valde periclitantur. Tandem iuuantia, quid de morbo sperare debeamus, suggerunt. Nam si ea, quæ iuuare debent, siue sint ex-

terna, siue interna, siue à natura fiant, siue ab arte, iuuant: morbum salutarem & non periculosum significant. Nocentia verò, cuiuscunque etiam sunt generis, & quæ quouis modo nocere solent, si non noceant, monstrant naturam valere. Contrà si eadem, quæ iuuare debent, non iuuant: morbum periculosum & lethalem præfagiunt. Exemplis rem declaremus. Natura aliquam excretionem tentet, siue per aluum, siue per sudorem, siue per hæmorrhagiam, siue alio modo, atque ea non solùm non iuuat, sed morbus etiam post eam augeatur & symptomata crescant, morbi periculosi & lethalis id signum est. Itidem si Natura aggrediatur coctionem manifestè, symptomata tamen non minuantur, sed augeantur, morbum malignum indicat. Sic si somnus non iuuat, morbi periculosi indicium est. 2. aphor. 1. Idem etiam dicendum est de medicamentis adhibitis. Hæc enim si idonea adhibeantur, nullusque circa ægrum error committatur & tamen nihil profint; paruam de salute ægri spem relinquunt. Contra autem si ea, quæ iuuare debent, iuuant, morbusque per ea mitior & leuior reddatur: morbum salutarem fore indicatur. Tertio effectus; & quæ consequuntur morbum, symptomata, eius moram & magnitudinem arguunt. Quod enim antea de signis pathognomonicis dictum, idem etiam de assidentibus & post apparentibus dici potest. Quod sunt leuiora symptomata, eò morbus est mitior: quod grauiora, eò vehemrior. De quo Hippocrates, 3. prognost. text. 8. *Qui conualiturus est, facilius spirat, sine dolore agit, noctu dormit, & alia signa securissima habet. Qui verò moriturus est, spirat difficulter, conflatur, vigilat, & alia signa deterrima habet.* Et 2. prognost. text. 56. de suppurationis ait: *Bona hæc sunt; facile morbum ferre, bene spirare, dolore vindictum esse, sputum facile extussire, corpus equaliter calidum videri, ac molle, siti non detineri, urinas, deiectiones, somnos, sudores, singula intelligere bona, vt præscriptum est, succedere. At horum contraria, difficulter tolerare morbum, spirationem magnam esse & crebram, dolorem non sedari, sputum vix extussire, siti admodum conflari, corpus à febre inaequaliter haberi, ventrem & costas calidas valde esse, frontem autem, manus ac pedes algidos, urinas, deiectiones, somnos, sudores, mala; malum.* Verum enim verò hoc loco obseruandum est illud, quod monet Hippocrates 3. prognost. text. 37. *Oportet, inquit, eum, qui sit rectè præsensurus sanitatem ac mortem, & in quibus morbus pluribus diebus fatigaturus est, & in quibus paucioribus, indicia ediscendo omnia distinguere, astimando vires eas inter se.* Neque enim vni signo fidendum est, sed omnia, vt idem, *ibid. text. 35.* docet, scrutari conuenit, ita vt nihil prætereatur eorum, quæ ad ægotantem pertinent. Nam & quæ parui videntur, sæpe sunt magni momenti, & ex multis paruis colligitur aliquando, quod est maximum, & quæ sola nos non mouent, necessariò, vniuersa tamen atque connexa inter se mouere debent. Neque etiam pluralitas signorum semper attendenda est, & signa plura paucioribus præferenda sunt, cum sæpe vnum signum fortius plus valeat in significando, quàm multa debilia. Qua in re annoranda diligentissimus fuit Hippocrates; qui non solùm in prognosticis passim docet, quæ signa bona sint, quæ mala, sed & gradus ac differentias signorum malorum constituit, & peculiaribus appellationibus distinguit. Itaque necessum est, primò scire, quæ bona sint signa, quæ mala, & quæ inter vtraque simpliciter talia sint, optima vel pessima: & quæ inter bona & mala signa quasi media sint; & quæ bonis propiora, quæ malis. Deinde comparare signa decet, tum cum viribus ægri, tum inter se. Quædam enim signa meliora sunt vel peiora, quatenus cum viribus vel fortibus vel debilioribus coniunguntur. Deinde & ipsa signa inter se cõferenda sunt,

Effectus
morbi
sequen-
quomodo
magnitudo
indici

Signorum
res dilig-
astiman-

sunt, non solum bona cum bonis, & mala cum malis, sed & bona cum malis, & videndum, quæ ex his fortiora sint, & vim maiorem significandi habeant. Dignitas autem signorum siue bonorum siue malorum præcipue respectu vitæ æstimatur, semperque dignissima ea habentur, quæ facultatis vitalis robur vel imbecillitatem indicant. Atque hoc si faciat Medicus, neque multum formidabit mala, quæ præter rationem eueniunt; neque ipsi accidet id, quod vulgo & imperitis Medicis euenire solet, qui sæpe, vbi aliquod symptoma repente ingruit, terrentur; cum tamen metu opus non esset: & contra, vbi æger summo est in periculo, ipsum morbo liberatum iri credunt, eique victum liberiores concedunt, aut alia agunt, quibus ægro summe nocent. Exempli gratiâ, si quis laboret febris, quæ mox ab initio bona signa habuit, & in qua coctionis manifestæ & constantis notæ adfuerunt; accadat autem, vt æger circa statum delirare incipiat, de dolore capitis & anxietudine conqueratur, nauseet, & alia similia patiatur: hinc vulgus terreus solet, & de ægri salute desperare incipit: Medicus contra, qui omnem signorum naturam perspexit, morbum salutem & minime lethalem esse ex iis nouit, crisinque iam instare agnoscit, non tantum non turbatur, sed etiam optima quæque ægrum sperare iubet, ipsique certam salutem promittit. Et si enim (qua ratione signa hæc, quando bona vel mala sint, discernere docet Galenus, 1. de cris. cap. 8.) si absque signis coctionis appareant deliria, vigiliæ, somni graues, & dolores, & lachrymæ, & difficultas spirandi, & tenebræ oculis obortæ, & similia, pessimatum dispositionum sint indicia: tamen si post coctionem adueniant, criticarum euacuationum sunt indicia. Contra sæpe, quod & antea dictum, accidit, vt febris aliqua placida & mitis videatur, urinæ sint bonæ, æger non sitiat, de calore nimio non conqueratur, atque alia bona signa adsint; atque adstantes, quibus malignitas morbi incognita est, optima quæque sperent: æger tamen paulò post intereat; quod ipsum ex signis malignitatis prudens Medicus iam antè præuidet.

CAPUT V.

De Salute & Morte ex Actionum Læsione
ac vitiis præsagienda.

Atque hæc in genere de signis, quæ virium & morbi robur indicant, & proinde de euentu morbi nos certiores reddere possunt, diximus. Cum verò signorum istorum magna sit varietas, atque idem sæpe signum & virtutis debilitatem ac morbi robur, aut contra morbi debilitatem, ac virium robur indicet, exempli gratiâ, cruditas humorum, morbi robur, & virtutis naturalis debilitatem; coctio contra, morbi debilitatem, ac virtutis robur arguant: in specie, quid ex symptomatibus prælagiri possit, & quomodo quodlibet symptomatum genus morbum natura debiliorem vel fortiolem, & proinde salutem vel mortem indicet, dicemus. Quorum omnium hæc quasi summa est: Quæ naturæ similia, maximè salutaria: quæ dissimilia, maximè lethalia. Et primò quod actiones læsas ac facultatem animalem attinet, scripsit de eo Hippocrates, 2. aphor. 33. *In quouis morbo valere ratione, rectèque ad ea, quæ assumuntur, habere, bonum; contra se habere, malum.* Est autem mente constare, seu ratione valere, ea agere & loqui, quæ rationi consentanea sunt, eaque omnia decorè & consueto modo agere: mente autem non constare dicuntur ægri, qui aliquam voluntariam actionem rectè non edunt, & præter

consuetudinem, vel parum, vel multum, vel ferocius, vel absurda aut obscœna loquuntur; manus indecorè mouent, festucas colligunt, corpus & obscœnas partes nudant, aut vt est 2. aphor. 6. qui aliqua parte dolentes dolorem non sentiunt. Quæ omnia breuiter complexus est Hippocrates, 2. Coac. sect. 1. aphor. 10. vel aphor. 47. in Cod. Foës. *Præter consuetudinem aliquid facere, & velle aliquid prius non consuetum, aut contra, prauum & delirio proximum.* Inprimis autem mente constare bonum signum in iis morbis, quibus cerebrum afficitur, vel in consensum trahitur, vt sunt cerebri, diaphragmatis, vteri, spinalis medullæ, neruorum & similium partium inflammationes. His enim inflammatis, mente constare, præcipue cum aliis signis bonis optimum; sicut contra vix quisquam, qui supra dictarum partium inflammatione laborat, mente constans moritur. In aliarum verò partium affectibus, vt pleuritide, peripneumonia, angina, hepatis, lienisque affectibus, licet mente constare bonum signum sit: tamen ad salutem non sufficit, cum multi tali de causa febricitantes mente constantes moriantur. In specie verò de actionum voluntariarum læsionibus, quæ ægrum mente constare vel non constare docent, & bonum vel malum portendunt, multi extant passim aphorismi apud Hippocratem, 2. Coac. sect. 1. aphor. 14. seu aphor. 51. in Cod. Foës. *In homine moderato ferox & audax resposio, malum.* 1. prognost. aphor. 23. *Qui à febre acuta, aut pulmonis, aut capitis dolore manus ad os fert, aut frustra venatur muscas, aut colligit festucas, aut de veste auellit pilos, aut de pariete stipulas carpit: id omne malum exitialeque.* In Coac. aph. 6. Et 2. prorrh. 30. *Cum rigore familiares non agnoscere, malum.* *Malum quoque obliuio.* Et si verò nullum delirium tutum est, vt Galenus, 2. aph. 53. scribit: tamen, vt, *ibidem*, Hippocrates habet, delirium, quod cum risu sit, tutius: quod verò *μὲν πρὸς τὸν θυμὸν*, periculosius; audax verò & temerarium, vt Galenus addit; omnium pessimum. Neque tamen ad solum delirium respiciendum, sed ad alia etiam, quæ tum adsunt, signa. Si enim cum bonis signis adsit, minus periculosum est; præsertim, si non sit perpetuum: ac inprimis si tantum per paroxysmos fiat. Non tamen illud vnum ac solum sufficit ad tutius delirium denotandum; non esse perpetuum: sed videndum etiam, an sit leue & paruum, ægerque in paucis actionibus aberrat; an verò magnum, vehemens & ferox. *Desipientia enim*, vt est 1. prorrh. t. 25. *quæ paruo tempore feroces sunt, ferinae sunt.* Ne tamen simulata delirij benignitas Medico imponat, cauendum. Interdum enim ob vires valde languidas, & vt Galenus, 1. prorrh. t. 33. ait, quod defatigata virtute validissimè moueri nequeant, quietiores ægri videntur, & qui sunt exitio proximi, mitius delirare putantur. Sed periculum ex virium debilitate, & signis malis colligitur. Itaque in delirio, vt & aliis præsagiis instituendis, tria præcipue, quæ magni sunt ad salutem ponderis, vt Galenus 3. epid. commen. 3. text. 80. docet, attendenda, pulsus robur, respiratio inculcata, & appetitus saluus. Est & illud delirium cum minore periculo, quod somnus excipit: quod & Hippocrates docuit, 2. aph. 2. *Vbi somnus delirationem sedat, bonum.* Vigiliæ enim & delirium ab eadem causa proueniunt. Itaque si delirium somnus sequatur, indicio est, causam delirij cessare. Deliria verò perniciofa ex ipsorum magnitudine, tempore & signis aliis periculosis, quæ cum ipsis coniunguntur, iudicantur. Mala enim signa cum deliriis apparentia mortem minantur: lethalia verò certum exitium denotant. De quibus passim plura apud Hippocratem extant prognostica 1. prorrh. aph. 9. & aph. 100. in C. Foës. *Desipientia, quæ iam admodum fractis debilitatisque viribus succedunt, pessima.* 4. Coac. sect. 1. aph. 30. seu aph. 65. in Codice Foëlij, *In febribus insania vehementes, lente agro,*

Delirij præsa-
gia.

534 De euentu Morb. ex anim. act. cognosc.

sed non priuato voce, lethale est. 1. prorrh. 14. *Mente ob melancholiam aberrantibus, tremores superuenientes maligni.* Et 3. Coac. sect. 1. aph. 22. seu aph. 97. in Codice Foëlij, *in vehemēti phrenitide tremores mortiferi.* Et aph. 88. 93. 97. Foëlj. *Qui cum his, quæ supra dicta sunt, furiosa & vehemēti mentis amotione tenentur, si tremuli euadunt, malignè habere iudicantur, & aphor. 19. Vacillationes mentis cum voce clangosa, lingueque conuulsiones cum tremore, & voces ipsæ obtremiscentes, mentis indicant ab alienationem, duritiisque his pernicioſa.* Tria enim præcipuè aucto delirio superuenire solent symptomata grauiora, silentium, tremor, & tandem instante morte, conuulsio. 4. aphor. 72. *Quibus pellucida & alba sunt vrina, mala: maximè verò in phreniticis; nullumque, in quo talis fuerit vrina, Galenus saluatum vidit, vt in comm. testatur.* Et 1. prorrh. t. 13. *Phreniticis alba deiectio, mala.* Et in Coac. aph. 91. Codic. Foëlj. *In phrenitide albicans deiectio, ac torpor, malum denunciat. His succedens rigor pessimus.* In Coac. aph. 81. *Desipientia cum difficultate spirandi, & sudore, lethalis est. Quin etiam cum difficultate spirandi & singultu mortem affert.* Et aphor. 98. *desipientia, quæ circa necessaria sunt, pessima, & quæ ex his ingrauescunt, exitum portendant.* Et aph. 12. *in phreniticis in principio clementer habere, sed crebrò permutari, malum.* Quam sententiam repetit, 3. Coac. sect. 1. aphor. 17. & 26. seu aphor. 92. & 101. in Codice Foëlj. idem periculum atque exitum indicatur, si alia signa praua cum delirio appareant, quæ qualia sint, ex sequentibus manifestum euader. De memoria verò læsa Hippocrates, 2. prorrh. aph. 30. *Ignorantia cum rigore mala: mala quoque obliuio.* Quæ enim post magnum calorem, refrigerato cerebro, accidit, victum calorem natium ab ea, quæ symptomata est, refrigeratione significat, ac utrumque per se malum symptoma est; & si ambo simul fiant, geminam perniciem indicant; vt Galenus, in comm. addit. Quæ tamen cum delirio accidit obliuio, minus periculosa est, modò ipsum delirium, cum quo apparet, non sit periculosum. Somnus quoque & vigilia non parua salutis vel mortis exhibent indicia. Si enim somnus & vigilia consueto modo sese habeat, aut cerè naturali statui sit similior: eò melior. De quo Hippocrates, 2. prognost. t. 11. & 12. *De somno, quemadmodum ex natura & consuetudine est, interdum vigilandum, noctu dormiendum est. Si contra commutetur, peior est. Minimè verò offendit, si quis dormiat prima luce ad tertiam diei partem. Qui verò ab hoc tempore somnus est, deterior est. Pessimum verò est, si neque interdum, neque noctu dormiat. Dolor enim ac labor vel desipientia ab eo significatur.* Et 2. aphor. 3. *Somnus & vigilia si modum exceſſerint, malum.* Vigiliæ tamen si ante crisi, coctâ materiâ, accidant, nihil mali denotant: cum eo tempore non vigiliæ solum, sed & alia symptomata ingruere soleant. Hinc Hippocrates, 2. aphor. 13. *Quibus crisis fit, nox, quæ accessionem præcedit, grauis.* Et 3. prorrh. aph. 40. 43. 44. inter alia symptomata, quæ sanguinis profusiones præcedere solent, etiam recensentur vigiliæ. Reliquæ vigiliæ omnes sunt malæ, & præcipuè iis, qui corpore sunt sicciore, noxiæ. Corpus enim magis exsiccat & consumunt, ac sæpe conuulsionem excitant, & phrenitidis causæ sunt; cruditates præterea in febribus fouent & augent. Somnus quoque, vt est 2. aph. 1. *si in morbo laborem afferat, mortiferum est: si verò leuationem, minimè est mortiferum.* Et ibid. aph. 2. *ubi somnus delirationem sedat, bonum.* Et in Coac. aphor. 151. *Somni profundi neque turbulenti firmum iudicium significant.* Spiritus enim in somno instaurantur, calorque febrilis extinguitur & humoris morbifici reliquiæ concoquuntur atque absumuntur. Vt autem utilis hic somnus à morboſo & qui fit, cerebro pituita multa imbuto, aut vi maligna occupato, distinguatur: profundus hic somnus non expurgandi difficultate, sed longitudine æstimandus est. Nam som-

Memoria læsa quid præſagiat.

Somnus & vigilia quid præſagiant.

nus grauis & κοματώδης eo præcipuè à somno naturali profundo discernitur, quod in κοματώδης ægri vix excitari possunt, somnus verò naturalis profundus et si sit arctior, tamen ægri faciliè excitari possunt. Coma verò, si in principio morbi fiat, morbum periculosum significat. Tantam enim humorum multitudinem arguit, vt ab iis cerebrum quoque occupetur. Morbi etiam lethalis indicium est Coma, quod in vigore morbum calidissimum & vehementissimum, aut facultatis imbecillitatem sequitur. Vtrumque enim horum extremè est periculosum; atque insanabilia sunt frigora, cum calidis & siccis morbis succedunt, vt scribit Galenus, 3. Epid. com. 1. t. 7. Alia quoque symptomata cum comate apparentia maius vel minus periculum portendunt. Si enim alia praua symptomata comati coniungantur: maius malum significatur, cuiusmodi Hippocrates, in Coac. aph. 180. exposuit. *Qui comate oppressi, inquit, ab initio exsudarunt leuiter, vrinis concoctis, cum magno corporis æstu, citra indicationem refrigerantes, breuib. intervallis ardore redeunt, torpore, sopore, aut conuulsione tentari, pernicioſe habent.* Circa somnum etiam illud Hippocrates, 6. aph. 52. monet. *In somnis, inquit, etiam an de oculis aliquid subappareat, spectare oportet. Nam si quid non exactè commissis palpebris de alba appareat, modò non ex alui profluuiio, aut medicamenti potione accidat, malum signum est, & valde periculosum.* Aut enim ob palpebrarum siccitatem, aut propter virtutis ipsas mouentis imbecillitatem accidit, vt Galenus, in comm. addit. Sensuum externorum læsiones, quod attinet, et si visus lædi possit sine periculo, instante crisi: tamen id accidit cum signis coctionis, & virium roborre. Si verò signa coctionis non præcesserint, visus læsio periculo non vacat, & summè perniciosum est, si post crisi aliquam, præcipuè malam, vt sanguinis è naribus stillicidium, sudorem capitis frigidum, similisque, æger non videt, vel tenebræ atque caligo oculis oboritur. Et vt 4. aphor. 49. & in Coac. aphor. 72. Hippocrates docet, *in febre non intermittente, si labium, aut supercilium, aut oculus aut nasus perueritur, si non videt, si non audit, imbecillo iam corpore: quicquid horum acciderit, in propinquo mors.* Auditus læsio et si, vt iterum id repetamus, si ob crisi accidat, non semper mala sit, perinde vt alia symptomata, deliria, tenebræ oculis obortæ, anxietates & similia: tamen citra hanc si accidat, mala est, & in acutis plerumque læsum cerebrum denotat, & lethalis in primis ea, quæ extinctâ facultate fit, vt modò ex aph. 49. sect. 4. dictum. Est quoque surditas mala, quæ à malis euacuationibus accidit; de quo 3. prorrh. 37. *Post modicam sanguinis eruptionem, nigramque deiectionem, in acutis morbis surditas mala est: atque in primis si cum aliis signis malis accidat.* Et in Coac. aph. 175. *Qui capite dolent, cum aliqua surditate, manuum tremore, ceruicis dolore, nigricantes reddentes vrinas, & densas, si nigra euouerint, pernicioſe habent.* Omniumque pessima est, & maximè lethalis, quæ viribus iam labascentibus accidit, vt est 4. aph. 49. & quæ extinctâ facultate vi morbi oritur, in qua non leuiter mens offenditur, & sentiendi facultas extinguitur. De qua in Coac. aph. 190. *Surditas in acutis ac turbulentis morbis obueniens mala est. Quin & in longis morbis malum portendit, ac in his ad coxendices dolores excitat.* Sonitus & tinnitus quoque in auribus continuus, si cum signis cruditatis, atque in die non critico, & viribus languidis accidat, phrenitidem lethalem significat. Aliàs in morbi vigore, & diebus decretoriis accidentes, hæmorrhagiam narium significant. Accidit etiam interdum, vt ægris omnes cibi potusque grauitè olere videantur, quod quia accidit ex summè putridis humoribus, vaporibus suis organum olfactus viriantibus malum est. Ex eo verò, quod sæpe ægrotis omnia vel amara vel salsa apparent, saltem humoris peccantis signum, non verò de euentu euident aliquod

E
exten
lesion
prad

aliquod indicium petitur. Hoc tamen malum & lethale signum est, si æger extincta facultate gustu priuetur; id quod certius aliis ex signis malis concurrentibus cognoscitur. Stupor quoque, qui in morbis accidit, malum signum est; cum vel vitiosi humoris ad cerebrum delati, vel caloris nativi extincti sit indicium. De quo in Coac. aph. 14. *Rigores multi torporem inferentes, maligni.* Dolores vel mox in principio vel post apparent. Qui mox in principio apparent, signorum pathognomonicorum rationem plerumque habent, & viscus aliquod inflammatione correptum significant, inflammatoriique vocantur, quando nimium dolor cum febre, tumore vel tensione partem aliquam corripit. Bonum autem est, si dolores hi nec nimium vehementes sint, nec continui, & breui tollantur vel remittant, nullumque perniciosum signum coniungatur. Optimum verò est, si fideliter, seu cum ratione tollantur vel minuantur, id est, si ex bona, vel à naturâ, vel ab arte institutâ, euacuatione cessarint vel remiserint. Qui autem diu durant, sæpius abscessus prænunciant. Qui verò procedente morbo eueniunt, mali non sunt, quia crisin denunciant, & vel sanguinis per aliquam partem eruptionem, vel vomitum, vel aliam euacuationem denunciant. De quo Hippocr. 1. epid. com. 2. t. 55. *In ardentibus autem cæterisque febribus, quos colli dolor, temporum grauitas, caligo oculorum, vel hypochondry contentio neque cum dolore corripit: his è naribus sanguis profluit.* Et 3. prorrh. 45. *cervicis dolores, impensè rubri oculi, sanguinis eruptionem ostendunt.* Bonum quoque signum est, & maximè apparente iam coctione, si dolores partes remotas, atque à visceribus longè distitas, inuadunt, idque inprimis die decretorio. Indicio enim sunt, naturam materiam morbosicam à membris nobilibus ad ignobiliores depulisse, quod in quocunque morbo optimum est. De quo Hippocrates, in Coac. aphor. 118. *In longis febribus vel tubercula, vel labores in articulis fiunt, & si fiant, non inutile.* Atque eò melius signum sunt, si iis copiosæ euacuationes coniungantur: aliàs enim cum materia ad partem aliquam ablegata causam planè non tollat, recidiuæ metus relinquitur. Mali verò sunt dolores omnes, qui principes partes affligunt, inprimis si cum febre continua, aliisque malis symptomatibus coniungantur. Hinc Hippocr. 4. aph. 65. *In febribus circa ventriculum vehemens astus & cordis morsus, malum.* & aph. 66. *in acutis febribus conuulsiones, & circa viscera, vehementes dolores, malum.* Et 2. progn. aph. 11. *Capitis dolor vehemens & continuus cum febre, si quod ex indiciis extiterit exitiosus, lethalis admodum est.* Et 2. progn. aph. 70. *Dolores, qui cum febre affligunt circa lumbos & inferas sedes, si præcordia attigerint, inferas relinquentes sedes, exitiales admodum sunt. Itaque considerata alia signa sunt. Nam si quod & horum prauum extiterit, desperandus æger est. Si verò, ascendente in præcordia morbo, alia signa non praua extiterint, talem fore purulentum admodum expectabis.* Et seq. aphor. *si vesica dura est, ac dolore vexatur, difficilis omnino & exitialis est. Exitiosissima verò est, quacunque cum febre continua contingit. Qui ex ipsa vesica fatigat dolor, interimere hominem sufficit.* Et 7. aphor. 26. *In dolore vehementi partium ad ventrem attinentium extremorum perfrigeratio, malum.* Et omnino, quò grauiora vel plura mala symptomata alia cum dolore coniunguntur, eò maius periculum portenditur. Dolores verò partium ignobiliorum boni sunt, ut supra diximus, si post coctionem accidant, partesque diutius affligant, & non mox euanescent, atque ab ipsis alia symptomata vel cessent, vel mitiora reddantur, atque ægri melius habeant. Si verò mox initio, crudâ adhuc materiâ, accidant, morbusque ab iis non minuat, sed potius augeatur, ægrique magis affligatur; vel mox euanescent, & sine causa manifesta quiescant; vel à parte

ignobiliore incipientes ad nobiliores ascendant: malum indicium est. Materia enim vel diuiditur, & plures partes afficere incipit, vel ob copiam & malignitatem, morboque crescente, plures partes occupat, vel aliò transmittitur, unde nouorum symptomatum accessio & mortis periculum, nisi natura robustior aliqua insigni euacuatione aut abscessu materiam vitiosam iterum à se propellat: de quibus passim Hippocr. in Coac. aph. 30. *Conuulsio in febre, manuum pedumque dolor, maligna: Malignus quoque ex femore doloris impetus. Sed nec genuum dolor bonus. Quin & suturarum dolores maligni sunt, ac mentis emotio, tum aliàs quoque, tum si in urina quid sublime innatet.* Et 2. prorrh. 1. *Si quippiam in urina sublime petierit, occultato coxa dolore, delirium portendit.* Malum quoque esse dolorem in aliqua parte non sentiri, & iis, qui dolentes parte aliqua dolorem non sentiunt, mentem ægrotare, supra ex 2. aph. 6. dictum est 3. prorrh. 5. *Lateris dolores ex spuris biliosis si absque ratione euauerint, in furorem aguntur: & ibid. aph. 78. dolores absque indicatione soluti, inutiles.* Eadem ferè etiam est lassitudinum ratio. Nam quæ cum signis coctionis, atque ex decubitu humorum à partibus nobilioribus propulsum ad partes externas & mûculos fiunt, bonum signum sunt, atque inprimis si post euacuationem, seu criticam, seu arte institutam, euanescent. Si verò sine coctionis signis, & cum aliis symptomatibus prauis coniungantur, neque euacuatio minuat, malum portendunt. De quo 2. prorrh. aph. 3. *Quibus alius liquidus, lassitudo, capitis dolor, sitis, vigilia, obscuritas, & impotentia fuerit, ut hi mente moueantur, spes est.* In Coac. aph. 35. *Lassitudine detenti, caliginosi, peruigiles, sopore detenti, desudantes, recalescentes, male habent; cuius generis etiam est* aph. 36. & 45. Cæterum & quæ citra Motum accidunt symptomata, de salute vel morte multa exhibent præfagia. Corpora enim facili & rectè moueri, bonum: non verò rectè aut difficulter moueri, malum. De quo Hippocr. 2. Progn. t. 6. & 7. *Qui morbo vexatur, facili conuertatur, sitque resurgendo leuis oportet. Si corpus omne graue est, & item manus ac pedes, maiori cum periculo est.* Huc referendus est ægri decubitus, cum & is ab animalis facultate dependeat. Optimus autem est decubitus, quem sanus usurpare consuevit, & est, 1. progn. aph. 13. & in Coac. aph. 497. *Solent autem sani in alterutrum latus decumbere, manibus, cervice, & cruribus parum inflexis, corpore erecto, non prolapsi ad pedes. Egrum itaque, ut Hippocr. 1. progn. t. 13. habet. cubantem offendi à Medico oportet in latus dextrum aut sinistrum, ac manus, cervicem & crura paululum reuicta habentem, & omne corpus molliter positum. Ita enim plerique bene valentium cubant.* Hunc autem naturalem decubitus ægri non seruant, vel quia ob virium debilitatem, aut instrumentorum vitium eum retinere non possunt, vel quia nesciunt, qualis sit commodior decubitus. Debilitati enim & fracti viribus distentis cruribus oblectantur, & moribundi ad pedes deuoluuntur; inquieti atque anxij nunc hoc nunc illo modo decumbunt, nullamque decubitus formam seruant; delirantes è lecto se proiciunt, pedes, manus atque etiam pudenta nudant. De quo Hippocrates, 1. progn. tom. 14. & seqq. *Supinum verò cubare, manibus & cruribus, extentis, minus bonum est. Si verò procliuior est, ac deorsum delabitur subinde ad pedes, maiori periculo est. Si verò nudos habeat pedes, nec admodum calidos, ac manus, collum, & crura dispergat inæqualiter, malum est. Significat enim inquietudinem. Exitiosum autem & hiantem dormire semper: si crura quoque supini cubantis admodum reducta distractaque sint. Si quis cubet ventrem, nequaquam solitus ita dormire, quo tempore finis fuit, malo est. Delirium enim, aut dolor circa intrinsecam sedem significatur. Si verò velit residere ag in ipso morbi vigore in omni morbo acuto, malum; pessimum verò in pulmonia est. Ad decubitus etiam per-*

Ex motu
quid præfagi-
re liceat.

Ex decubitu
quid præfagi-
endum.

inet inquietudo seu anxietas, quæ ab Hippocrate per plures voces, nimirum *δυσφορία*, *ἐπιτασμον*, *βληντισμόν*, *ἀστω*, *ἀλυσμόν*, & *ἀπορίαν* exprimitur; atque id symptomatis genus significat, cum ægri in varias decubitus formas transmutantur, nec vno in loco quiescunt, sed variè se iactant ac mouent, modò se attollunt, modò deiciunt, modò in latus, modò in ventrem, modò in dorsum decumbunt, nec vllam figuram seruant. Anxietas autem hæc si critica sit, mala adeò non est, neque per se de salute aut morte aliquid certi prælagit. Ita non rarò à stomacho affecto fit anxietas, quæ nausea & vomitu agnoscitur, & quæ sæpe vomitu tollitur. Sic interdum in febrium ardentium vigore, ob calorem anxietas accidit, quæ talium febrium symptoma proprium est; & propterea minus metuenda, atque in primis si crisis, circa quam omnia turbulenta esse solent, sit indicium, quam postea rigor, atque hinc sudor, vomitus, alui defectio vel hæmorrhagia subsequi solent, vt Galenus docuit, 1. *prorrh. aph.* 27. Si indicatorius, inquit, rigor ex inquietatione fiat, morbum soluit, superuenientibus sudoribus, vel vomitionibus commodis, vel alio subducta. Reliquæ inquietudines & anxietates omnes, vt est 2. *prorrh. aphor.* 27. malæ sunt. Fiant autem vel propter visceris alicuius inflammationem, aut humores summè putridos, in venis circa præcordia æstuant, aut propter occultam malignitatem, aut propter virium debilitatem. Atque in primis malæ sunt, quæ cum refrigeratione accidunt, vt est in *Coac. aph.* 2. Eodem modo conuulsiones, tremores, horrores, rigores, quarundam partium resolutiones, quid de ægro sperare debeamus, indicant. Conuulsionem primò quod attinet, illa non solum febribus, sed & aliis pluribus morbis superuenire solet; vnde plurima etiam indicia exhibent conuulsiones. Ea autem periculosior est conuulsio, in qua motus magis apparet deprauatus, & contractio vehementior ac diuturnior: quæ etiam plures partes occupat, & cerebro viciniore. Perniciosa quoque est, quæ respirationem difficilem, interruptam & suspiriosam reddit, musculis thoracis conuulsis. Et à copioso sanguinis fluxu, aut *ὑπερκαθάρσει* singultum aut conuulsionem malam esse docet Hippoc. 5. *aph.* 3. & 4. Et 5. *aph.* 1. Conuulsionem ab helleboro lethalem; Et 7. *aphor.* 25. A medicamenti potione conuulsionem mortiferam esse dicit. Et 5. *aph.* 56. in specie de muliebri profluio habetur, conuulsionem aut animi defectum, si ei superueniat, esse malum. Conuulsio quoque à vulnere perniciosa est, vt habetur 5. *aph.* 2. Si ebrius quispiam de repente obmutescat, conuulsus moritur, nisi febre corripiatur; aut qua hora crapula soluitur, vocem recuperet. 5. *aph.* 5. Quæ verò in febribus accidunt conuulsiones, omnes quidem grauem morbum & periculosum indicant, non tamen omnes lethalem. Non minus periculosæ sunt conuulsiones, quæ pueris accidunt, propter nervosi generis imbecillitatem. Id quod docuit Galenus, 1. *Epid. comm.* 2. r. 24. Pueri, inquit, propter nervosi generis imbecillitatem, conuulsionibus sunt opportunissimi. Quò facilius etiam parvis de occasione hoc iis mali accidit, minusque est perniciosum. Et Hippoc. in *Coac. aph.* 356. Conuulsio febri succedens lethalis; minimè verò pueris. Minus etiam habet periculi conuulsio, vbi critica aliqua materiæ motio ad caput aut nervosum genus facta est; aut quæ propter morsum ventriculi ab acrimonia humoris, aut medicamenti, aut à contentione in vomendo oritur, & non diu perseverat. De quo conuulsionum genere loquitur Hippoc. in *Coac. aph.* 156. Conuulsio in febre facta, si quidem eodem die conquiescit, bonum. & *aphor.* 19. Conuulsio in febre suborta, febre soluit eadem die, aut altera, aut certè tertia. Quod si tempus transgrediatu, quo incepit, nec desinat, malum. De reliquis conuulsionibus omnibus est illud Hippocratis, in *Coac. aph.* 269. Cum febre acuta conuulsiones lethales: & 4. *aph.* 56. In acutis febribus conuulsiones, & circa viscera

vehementes dolores, malum. & seq. *aph.* In febribus per somnum paiores aut conuulsiones, malum. Et 2. *aph.* 26. Conuulsioni febre accedere satius est, quam febri conuulsionem. Et in *Coac. aph.* 357. Adultiores, & qui septimum annum exceperunt, conuulsione in febre non corripiuntur: alioqui lethale est. Et si magna adsit virium debilitas, propinquæ iam mortis signum est, vnde Hippoc. 4. *aph.* 49. In febre non intermittente si labium, aut supercilium, aut oculus, aut nasus peruertatur, si non videt, si non audit, imbecillo iam corpore, quicquid horum acciderit, in propinquo morse est. Maximè verò exitialis est, quæ phrenitidi succedit. Nec quemquam ita conuulsorum se sanatum vidisse, aut alium narrantem audiuisset, refert Galenus 12. *meth. med. c.* 8. Vbi hoc addit. Sæpenumero conuulsio accidit vel ex repletione partium nervosarum, vel ex mordente & tenui humore, qui nervosa corpora rodit, vel ex ingenti frigore, quod tale quippiam, quale gelu, efficit. Atque hæc tres conuulsiones subinde percurantur. Sed quæ ex nervosarum partium siccitate provenit, insanabilis est. Ab ileo quoque vomitum, & singultum, & desipientiam, & conuulsionem 7. *aph.* 10. & propter vigiliam conuulsionem aut desipientiam, ib. *aph.* 18. malam pronunciauit Hippocrates. Conuulsioni affinis est Singultus: qui quidem si citra febre ac alium morbum à potu aut cibo, vel frigido, vel calido, vel acrimortum habeat, nihil insignis periculi portendit. Talis est singultus, qui pueris, cum se supra modum repleuerunt, accidit, vt habet Galen. 6. *aph.* 13. & 8. de *comp. med. s. loca cap.* 3. Talémque singultum vomitus curat, & sternutatio soluit 6. *aph.* 13. At post nimiam inanitionem, & cum inflammationibus ac febribus singultus semper periculosus sunt. Modòque dictum, singultum à copioso sanguinis fluxu aut *ὑπερκαθάρσει* malum esse, secundum *aph.* 3. & 4. *sect.* 5. Et in primis si senibus supra modum purgatis singultus adueniat, non est bonum, vt est in 7. *aph.* 41. Cum enim immodicæ purgationi superueniens singultus omnibus hominibus malus sit: senibus grauior esse solet, propter ætatis imbecillitatem. A vomitu quoque singultus & oculorum rubor, malum. 7. *aph.* 3. Qui enim singultus sit humoribus totum nonnunquam ventriculū, sæpius verò os ipsius & stomachum, infestantibus, si vomitione illi expellantur, cessat. Quod si, humoribus iis vomitu reiectis, singultus duret: vel cerebrum, vel ventriculum non paruum pati inflammationem, denunciat. Oculorum autem rubor vtriusque partis inflammationem sequitur; sed cerebri magis. Est & malus singultus ab Hepatis inflammatione. 5. *aph.* 58. & 7. *aph.* 17. Non verò semper ad inflammationem hepatis singultus sequitur, sed vbi illa in maximam molem excreuit. Ita & ab ileo singultus, malum, 7. *aph.* 10. In omni verò febre singultus est periculosus; nisi sit criticus, & signa coctionis materiæ in morbo manifesta appareant. Sic enim indicat crisi vomitione futuram. Sunt verò quædam febres, quibus hoc symptoma familiare est; vt ferè per totum morbum singultus duret, & cum febre augeatur ac remittatur, quæ idcirco *λυγρόν* seu singultuosæ nominantur. Suntque tales febres plerumque periculosæ; & fiunt vt plurimum inflammato tenui intestino aut hepate. Nonnunquam herniosis accidunt, acutè febrientibus, in quibus singultus non curatur, nisi reposito intestino. Verum vt tam ex conuulsionibus, quàm ex singultu certiora de morbi exitu possint sumi indicia, reliqua etiam signa perpendenda: Quæ si lethalia & perniciosa sunt, certius etiam de morte ægri faciunt indicium, qualia signa sunt vomitus mali, sudores frigidi, extrema frigida non recalcrescentia. Hinc illud 1. *prorrh. aph.* 32. Aphonia cum singultu, pessima. Et in *Coac. Vomitus sinceris, singultus malum, mala quoque conuulsio.* Et ibid. *aphor.* 45. *delassati, singultuosi, soporosi, malè habere significantur.* Tremor musculorum & neruorum affectio est, viriumque imbecillitatem significat, vt quæ oneri ferendo pares non

Ex conuulsione quid prælagiendum.

Singultus quid significat.

Tremor quid significat.

non sunt. Itaque si in principiis morborum accidat tremor, qui nec à vigilia, nec inedia, aut lassitudine, vel venere, vel simili euidenti causa ortum habet, humorum multitudinem significat; & propterea morbum non carere periculo, præcipuè si longior vel grauior futurus sit, indicat; cum virium debilitas semper suspecta esse debeat. Eoque maius periculum denunciatur, si alia grauius symptomata coniungantur. Qui verò postea apparet tremor, si à critica humorum ab interioribus ad musculos expulsionem fiat, præcedentibus coctionis signis, nihil mali denotat, sed solum instantis crisis signum est. Ita labri inferioris tremor, instante crisi, vomitus indicium est. Tremor quoque paralyti succedens non malus iudicatur: quoniam indicium est naturæ vel vincentis morbum, vel minuentis, ut abolitus antea motus iterum recuperari, etsi ægrè & diminutè, incipiat. Reliqui tremores omnes siue in febribus ardentibus, siue in cerebri inflammatione, siue quocunque modo læso principio neruorum accidant, mali sunt. In febribus ardentibus tremoribus delirium succedit, ut est 6. aph. 26. μετασάσει materiæ facta è venis in neruos; sed cum ægri detrimento. Cum enim priori morbo succedit alius perinde grauis aut etiam grauior: viribus hac ratione consumptis, exigua tunc vitæ spes superesse necesse est. Et qui ad manum resiliunt, malè habere indicantur, in Coac. aph. 59. Aliquando enim, si manus ægri diligenter spectetur, aut attingatur, intremiscentem illam reuelli subito animaduertimus, qui motus est ex tremore & conuulsione mixtus, ac σασμωδὸς appellari potest, ex 3. prorrh. aphor. 13. Estque periculosa affectio; non tamen simpliciter. In longis enim febribus, vbi multa cruditas est materiæ, minore illa periculo accidit, neruis non tam exsiccatis, quàm humore madentibus, vnde & muti euadunt. In acutis verò & ardentibus, vbi incendio febrili nerui læsi sunt, lethale signum est, ac ferè delirium & conuulsio sequitur, vnde ægri moriuntur. In vehementi quoque phrenitide & melancholia ex bile flaua in atram exusta, tremores fiunt mortiferi, teste Hippocrate, 1. prorrh. aph. 14. in Coac. aph. 88. 93. Tremor quoque in apoplexia vel lethargo accidens, malum signum est. Indicat enim, quod virtus extremè oppressa exurgere nititur ad expulsionem materiæ, in quo tamen conatu deficiens, extincto calore naturali, tandem succumbit. Horrores interdum criticas euacuationes antecedere solent. Ideoque si in febribus continuis eà horâ, qua exacerbatio fieri solet, præcedentibus signis coctionis, horror superueniat, indicium est futuræ crisis, & bonus habetur idcirco, si euacuatio aliqua bona sequatur, febrisque remittere incipiat. Alias horrores in febribus continuis boni non sunt. Nam si in principio morbi appareant, maximam humorum prauitatem adesse significant, ob quam natura expulsionem quidem tentat, sed ob imbecillitatem perficere nequit; & proinde mali habentur. Eodem modo mali iudicantur, qui cum mala aut difficili crisi fiunt. De quo Hippocrates, 7. aph. 4. Α sudore horrores, non bonum. Et in Coac. aph. 46. & 2. prorrh. 43. Qui crebris leuibusque horroribus desudant, difficili morbo laborant. Et in Coac. aph. 36. Lassitudine laborantes cum horrore, iudicii modo leuiter exsudantes, & celeriter incalescentes, malè habent, tum præsertim, si eo tempore sanguis è naribus stillauerit. Rigores, qui in intermittentibus accidunt periodicè, eorumque quasi symptomata sunt, nihil mali significant, de quibus Hippocrates, 4. aphor. 63. Quibus in febribus die certo rigores repetunt, eodem febres soluantur. Nec in continuis mali sunt, qui post signa coctionis accidunt, & criticarum euacuationum signa sunt, & post quas corpus iterum incalescit, atque aliqua euacuatio critica sequitur, & morbus vel tollitur, vel imminuitur; ut docet Hippocrates, 4. aphor. 58. Si, inquit, febre

ardente laboranti rigor superueniat, solutio fit. Reliqui rigores, qui fiunt cruda adhuc materia, à quibus corpus non incalescit, quos nulla aut mala euacuatio nec morbi remissio sequitur, & cum aliis malis signis apparent, omnes mali sunt. Hinc Hippocrates, 4. aphor. 29. Febricitantibus, si sexto die rigores fiant, indicationem habent difficilem. Et 2. prorrh. aph. 31. Ex rigore refrigerationes, quæ non recalescunt, mala. Caloris enim natiui languorem extinctionemque significant, ut habet Galenus, in comm. Et, in com. aph. 35. Scribit: Rigor in morbis postea apparens, si indicationem non intulerit, deterrimum existit. Et 4. aph. 46. & in Coac. 9. Si Rigor in febre continua agro iam debili incidat, lethale est. Et 2. prorrh. 30. Ignorantia cum rigore mala; mala quoque obliuio. Ibid. aph. 57. In oculorum peruersione cum febre & lassitudine rigor, perniciosus; comatosique in his malè habent. In Coac. aph. 1. Qui ex rigore perfrigescent, cum capitis ac cervicis dolore, vocis defectione ac leui sudore, ubi vires quasi resumpsisse videntur ac voce edita moriuntur. Et ibid. aph. 7. Rigores cum sopore aliquando lethales sunt. Et facies incensa cum sudore malignitatem significat: iisdemque posteriorum partium refrigeratio conuulsionem accersit. Ac omnino posteriorum partium refrigeratio conuulsionem minatur. Porro Torpor, qui quædam parua paralytis est, & sensus ac motus difficultas, perpetuè malum signum est. Præter id enim, quod citra febrem apoplexiam prænunciat, in febribus etiam, cum caloris natiui extinctionem, cerebrique refrigerationem significet, insigne periculum portendit; de quo in Coac. aphor. 14. Rigores multi torporem inferentes, maligni.

[Mulierum prognosticum vulgare est, si anus ita hiet, ut clysterem infusum retinere non possit, id certum esse mortis præsagium. Medici nonnulli de eo dubitant. Verum cum id semel atque iterum in apoplecticis viderim istud prognosticum vanitatis arguere nolo, inprimis cum ratione nitatur. Nam si morbi vi ita facultas animalis prosternatur, ut non solum aliæ partes, sed & ani sphincter resoluatur, ut ea de causa is pateat, & claudi non possit, instantis iam mortis signum est. Quamuis enim in febribus acutis nonnulli non animaduertentes faeces alui in lectum excernant, & tamen euadant: (quod quidem rarè fit) tamen id tum non accidit ob ani paralytin, sed ob delirium, & quando, sensibus internis laborantibus, mictionem & alui excretionem non attendunt, sed in lectum urinam & faeces alui emittunt.]

Tandem inter vitiatos, partium peculiarium motus maximè vitia vocis sunt conspicua, & plurima salutis vel mortis indicia exhibent. Vox autè vel vitatur, vel aboletur. Vitiatæ voces sunt, tremulæ, clāgosæ. Vox clangosa, quæ à graui tono inchoata in acutū definit, qualis gruum est, periculum minatur; cum summam exsiccationem vocalium instrumentorum denotet; eamque malam esse pronunciat, 2. prorrh. aphorism. 12. Et 1. prorrh. aphor. 17. Ex vomitu graui, fastidioque vox clangosa, oculique concretum puluisculum habentes, vesaniam ostendunt. Et aphor. 19. habetur: Vacillationes mentis cum voce clangosa, lingueque conuulsiones cum tremore, & voces ipsæ obtremiscentes, mentis indicant alienationem, duritiæque his perniciosæ. Et in Coacis aphor. 257. Vox acuta & lugubris & oculorum hebetudo conuulsionem minatur. Doloribus autem ad inferiora versis fit, ut ægri facillè ferant. Et aph. sequ. Cum voce tremula, alui præter rationem solutio, in iis longiore tempore perseverante malo, lethale. Αφωία etsi nunquam bona sit, aut periculo careat: tamen non semper lethalis est. Talis est, quam critica euacuatio sequitur. De qua in Coac. aph. 77. Qui in febre continua muti iacent, & oculis conuulsi nictantur, si è naribus sanguis effluxerit, & vomuerint, atque ex eo loquantur, & ad seipsos redeant, seruantur. Quod si nihil horum accidat, cum spirandi difficultate, citò moriuntur. Cui cognata est illa,

Torpor quid præsagiat.

Resolutio ani an mortis signum sit.

Aphonia quid significet.

illa, d qua Hippocrates, aph. 5. *Si ebrius quispiam repente obmutescat, conuulsus moritur, nisi febre corripiatur, aut qua hora crapula soluitur, vocem recuperet.* Periculosa quidem etiam est ἀφωία à cerebri læsione: non tamen semper lethalis. De qua Hippocrates, 7. aph. 58. *Quibus occasione aliqua cerebrum vehementer fuerit concussus, mutos protinus fieri necessum est.* Et in Coac. aph. 499. *Quibus cerebrum concussus fuerit, & doluerit, percussis, aut aliter lapsis, statim priuantur voce, non vident, non audiunt, ac ferè moriuntur.* Et quò breuius durat, eo cum minore est periculo: quo diutius, eo maius periculum significat. Reliquæ verò ἀφωία ferè omnes sunt malæ & lethales; atque eo peiores, quo perniciosioribus signis coniunguntur. De iis in Coacis, aphor. 245. *Vocis defectio cum virium exsolutione pessima.* Ibid. aph. 247. *Quos vox cum febre absque vlla indicatione deficit: y tremuli intereunt.* Et aph. seq. qui etiam habetur 2. prorrh. 19. *Quæ in febribus aphonia conuulsorio modo fiunt, in mentis amotionem cum silentio transeunt, lethales sunt.* Et vtrobique seq. aph. *Quibus ex dolore aphonia accidit, y tandem cum graui cruciatu moriuntur.* In Coac. aph. 254. *Insania vehementes cum vocis interceptione, lethales.* Ibid. aph. 252. *In vocis defectio respiratio velut eis, qui suffocantur, cōmotis sursum scapulis, malū.* Qui aphor. & 1. prorrh. 24. habetur, vbi Galenus πνεύμα πρὸ χειρὸν per φανόλους explicat, vbi scilicet ægri, dum inspirant, scapulas mouent totas, ita vt per vestimenta motio conspicuè appareat, tanquam validè ipsi superioribus thoracis partibus operentur. 1. prorrh. 23. *Aphonia cum singultu pessima.* Secundò facultatis vitalis robur, atque infirmitas maximi ad salutem vel mortem prædicendam momenti est. Si enim hæc morbi imperum ferre potest, nullum de vita periculum est: si verò eadem morbi vehementiæ succumbat, ægrum mori necesse est. Innotescit autem huius facultatis robur inprimis ex pulsu; & deinde ex respiratione. Verum quid pulsus indicent, supra dictum. Hoc in summa quasi hîc addimus. Pulsus omnem, qui à naturali symmetria recedit, bonum non esse. Languidissimus tamen, tardissimus & rarissimus est omnium pessimus; post hos est minimus, & mollissimus, & durissimus: postea frequentissimus, at non celerrimus neque maximus. Solus in extremis optimus est vehementissimus. Ex solis tamen pulsibus iudicium facili non ferendum est. Sed & alia signa coniungenda sunt; & ad illud quoque attendendum, an pulsus ex morbo, an verò ob causam aliquam externam, atque euidètem tales euaserint. Huc pertinent & cordis palpitantes, lipothymia, & syncope; quæ facultatis vitalis deiectionem, & summum periculum indicant, si accidunt ob ipsius cordis affectionem. Nam si cor solum per consensum afficiatur, licet & illud non bonum sit, non tamen ita periculosum est. Facile enim reficiuntur spiritus, si leuè saltem aliquod dispendium passi sint. Respirationem verò quod attingit, spirationis facilitatem perquam magnam vim habere ad salutem in omni morbo acuto, qui cum febre infestat, & quadragesimo die iudicatur, docet Hippocrates, 1. prognost. aph. 25. Nam, vt Galenus in comm. addit; si respiratio secundum naturam sese habeat, neque thoracem, neque cor ac pulmonem, neque præcordia, doloris quandam habere affectionem, quin etiam neque partes iis adiunctas, significat: atque eo magis, si alia etiam bona signa adint. Contra verò respiratio præternaturalis etsi semper lethalis non sit: tamen semper mala est; pessima verò, si cum aliis malis signis coniungatur. Vnde Hippocrates, 4. aphor. 50. *Vbi in febre non intermittente difficultas spirandi & delirium acciderit, lethale.* Sunt autem respirationum præternaturalium plures differentiæ. Magna & velox respiratio, ob vsum vrgentem fit, & magnam fuliginosorum excrementorum copiam significat; organa tamen sunt prompta, & facultas integra

ac fortis aut parum immutata, vt est 1. de difficult. resp. cap. 20. Magna verò & tarda solis mente moris contingit, vt ibidem, Galenus docet. Magna respiratio & frequens, vt est 1. progn. aphor. 24. alicuius ex instrumentis respirationis, vt sunt cor, diaphragma, pulmones, pleura, musculi, dolorem aut inflammationem significat. Cum enim non possint, vt opus est, dilatari, respirationis frequentia id compensari necesse est. Quia verò cum facultatis robore hoc fieri solet, salutis spem non adimit. Si verò spiratur spiritus magnus, multoque interuallo, delirium indicat, vt, ibidem, Hippocrates habet. Parua & velox respiratio fuliginosi excrementi copiam significat; verum cum dolore aut inflammatione alicuius ex organis respirationi dicatis. Parua & tarda non multum fuliginum cum dolore aut inflammatione alicuius organi respirationis significat, & cum malis signis non parum periculi portendit, quòd facultatem debilem indicet. Paruus spiritus atque obscurus, ita vt ægrum vix respirare videamus, perperuò malus est, virtutisque exsolutionem significat: cui si accedat frequentia, dolorem aut inflammationem in parte aliqua respirationi necessaria indicat, & propterea in acutis morbis periculum denotat, idque eo maius, si cum aliis prauis signis coniungatur. Parua verò & rara omnium est pessima; quòd facultatis summam debilitatem atque exsolutionem significet: vnde & tunc spiritus ferè frigidus expiratur; de quo Hippocrates, 1. prognost. aphorism. 24. *Si spiritus frigidus de naso & ore spiratur, admodum exitialis iam est: & spiritus frigidus per nares redditus inter signa mortifera, & quæ in morti proximis apparent, recensetur, 6. epid. comm. 4. text. 30.* Est etiam pessimus & morti proximus, vt est in Coacis aphor. 260. Spiritus extendens, vrgens & obscurus; talis scilicet respiratio, quæ sublimis est, in qua thorax maximè dilatatur, & aliquando etiam scapulæ & pinnae narium mouentur; quod verò inspiratur, paucum est, vt vix sensu percipiatur, densissimum tamen & frequentissimum, ob vrgentem maximè necessitatem. Pessima quoque est respiratio, quæ fit cum stertore, Plerisque enim morientibus accidit, vt aliquando ante mortem in gutture quidam strepitus, stertor, & quasi ebullitio audiatur. Et proinde talis cum stertore respiratio plerumque lethale signum est; inprimis si alia signa perniciofa coniungantur. Etsi enim idem nonnunquam in principiis morborum, ob catarrhorum ad fauces & pulmones defluentium copiam, fiat, & tales non semper lethaliter stertant, sicut & asthmatici quidam: tamen talis stertor paulò post, excreto per tussim humore, cessat; cum lethalis ille stertor continuo magis augeatur. Tandem etiam naturalis actionis symptomata aliquid de salute & morte prænunciant. Actionum autem naturalium plerarumque integritas maxima ex parte per opera, de quibus postea dicetur, cognoscitur. Hic igitur saltem de cibi & potus appetentia dicere libet. Bene cibum appetere, idque à causa naturali, nimirum penuriæ sensu, bonum signum est. Facultatem enim naturalem sese rectè habere significat. Quod ipsum docet Hippocrates, qui 2. aphor. 33. scribit; bonum esse in omni morbo facili ferre, quæ offeruntur; & 2. aphor. 32. eos, qui initio morbi fortiter cibum auersari sunt, cibum postea appetere incipiunt, inualitudine facilius liberari. Interdum tamen accidit, vt ægri, adeoque ipsi moribundi appetant: qui tamen appetitus nullam salutis spem præbent, sed potius exitium metuere iubent. Id quod fit vel ob vitiosum & acidum humorem ad ventriculum delabentem, aut ob maximam corporis à morbo resolutionem. Ita in febribus ardentibus sitire quidem per se adeò malum signum non est: intensissima verò

Facultatis
vitalis robur
vnde est
mandum.]

Cordis palpi-
tatis & lipo-
thymia quid
signant
Respiratio
quid præsa-
giat.

Naturæ
cultas
proma
presag
Ex a
quid
gnose
cent.

Sitis laudanda non est, sed magnum in visceribus incendium significat. Appetentia tamen gradus quidam sunt. Primum enim optimum signum est, ægrum *εὐσιτέοντα ἔχειν πρὸς τὰς προσφορὰς, ὁρεγόμενον ἔχειν*: deinde *ἐκ ἀποσίτου ἔχειν*: tertio aliqua appetere & edere, ea scilicet, quibus per sanitatem delectabatur; alia verò auerfari: quarto parum appetere, parum assumere: quinto appetere quidem, sed oblata auerfari. Contra ciborum appetentia deiecta mala est. De quo Hippocrates, 7. aphor. 6. *In morbo diuturno cibi fastidium & sincera deiectiones, mala.* Et 6. aph. 3. *In longis dysenteris cibi fastidium malum, & cum febre peius.* Quandam enim, ut Galen in comm. habet, per consensum mortificationem aduenisse ventriculo indicat. Nec minus mala in appetentia in morbis acutis, inprimis si alia signa perniciofa vna appareant. Non sitire quoque in calidis & ardentibus morbis, in quibus lingua est squalida, arida & nigra, perpetuò malum. Etsi enim interdum etiam in morbis acutis sitis adeò non infestet, ob humorem à capite in ventriculum delabentem, eumque humectantem; idque per se nullum periculum certum portendat: tamen tum lingua est humida & mollis. Verum si lingua sit arida & nigra, vel delirium significat, ob quod ægri sitim non sentiunt, vel ex solutionem facultatis appetentis, vel utrumque. De quo est illud 2. prorrh. aph. 22. *Sitis, qua non ex ratione in acutis morbis soluitur, mala est.* Cum enim, ut Galenus, in com. id explicat, neque per vomitum, neque per urinam, neque per sudorem, neque per deiectionem, neque etiam per abscessum iudicatorium sitim solui contingat: non quòd affectio sedata fuerit, sed quòd sensus elanguerit, indicio est: idque si fiat, signum bonum non est. Quod si & lingua sicca manente, urinaeque crudis manentibus, sitis tollatur, certius adhuc malitiam affectionis dignoueris: atque adhuc certius, si Medicus nihil tum refrigerantium, tum humectantium exterius adhibuerit. Propterea autem in acutis morbis malum, si sitis perfectè tollatur. Ut autem non sitire malum est, sitire verò in morbis calidis non malum est: ita immoderatiùs atque nimium sitire etiam bonum non est. Maximum enim, ut dictum, circa interna viscera ardorem, atque ita morbum magnum significat. Exitij tamen & mortis, nisi alia mala symptomata coniungantur, signum non est.

C A P V T VI.

De Signis Salutis & Mortis, quæ ab Excretis ac Retentis sumuntur.

INter excrementa reliqua maximè urinae observari solent, & non parvi ad prognosin instituendam momenti sunt. Cum verò in genere supra, part. 1. sect. 2. c. 12. de iis multa dicta sint, & ex causis differentiarum in urinis quid sperandum sit, conici possit: hic tamen in specie breviter, quæ urinae salutem, quæ mortem portendant, complecti libet. *Urina autem optima*, ut Galenus, 1. de crisc. 12. docet, est *substantia mediocris, colore subrufo vel subflavo, cum sedimento albo, laui & equali.* Seu, ut, ibidem, rem brevissimè complectitur, quæ est, *sanorum similima.* Cum enim pro varia corporum temperie, ætate, sexu, vitæ genere, aliisque circumstantiis variæ sint urinarum differentia: optima est urina, quæ rectè valentium urinis quàm similima apparet. *Urina itaque* [ut docet Hippocrates 2. prognost. 26. *optima est, si candidum fuerit sedimentum, laeueque & aequale per omne tempus, dum morbus indicatur.* Si verò urina, ut ibidem habetur, aphor. 17. fuerit *subrubra, ac sedimentum subrubrum & laeue, diuturnior morbus est, sed admodum salutaris.* Minus bona est, quæ saltem habet enæorema; adhuc minus, quæ tantum

nubeculam. Aliquando tamen etiam enæorema saltem, vel nubecula ad salutem sufficit: inprimis si color bonus sit. De quo Hippocrates, 2. prognost. 29. *Nubecula, quæ inuehitur in urina, si candida est, bona est.* Et aph. 36. *Consideranda in urina & nubecula est, utrum sursum fuerit, an deorsum, & item color, quem obtinet.* Si enim deorsum feratur cum colore, qui dictus est, bona, commendandaque est: si sursum cum colore, qui dictus est, mala damnandaque est. Deinde substantiæ bonitas cum colore bono salutem promittit. Tenuis verò cum colore bono, salutem quidem pollicentur, morbum tamen, qui longius ad coctionem tempus requirat, indicant. *Dum autem urina tenuis fuerit ac rufa, crudum morbum significat*, 2. prognost. 30. *Et ubi diuturnus morbus fuerit, talis verò urina excernitur, periculum est, ne durare ager possit, quoad morbus concoquatur.* ibid. aphor. 31. Si enim, ut Galenus in explicatione addit, morbus diutius inconcoctus permaneat, periculum imminet abolitionis, nisi facultas morbo resistens quam maximè valeat. Crassæ, quæ post principium minguntur, quoque bonæ sunt, si prius tenues fuerint. Excrementa enim coctione crassiora reddi solent. Multæ quoque urinae si die decretorio appareant, bonæ sunt. Interdum non solum copiosæ, sed & acres ac cum dolore utiliter excernuntur urinae. De quibus Hippocrates, 1. epid. com. 2. text. 42. *Solum verò, inquit, bonum maximumque inter signa, quæ fiebant, quòdque multos à maximis periculis liberavit, hoc fuit, quibus ad stranguriam diuerterent, & in hoc abscessus fierent.* Et seqq. text. *Erant his urinae copiosæ, crassæ, variæ, rubentès, purulente cum dolore. Atque hi superstitès omnes fuerunt, nec horum quencquam periisse cognoui.* Turbidatum autem urinarum triplex est differentia: quia vel cum tales mictæ fuerint paulò post resident; vel semper similes permanent; vel puræ quidem minguntur, postea verò conturbantur: prava quidem ex dictis tertia, mitis autem prima, media verò inter utramque secunda, ut docet Galenus, lib. 1. de crifibus cap. 12. *Quoniam, quæ statim quidem residet, parum aliquid inequalis turbulentia superesse demonstrat; quæ verò semper manet similis, vigere adhuc, quæ in sanguine est, agitationem, ostendit; quæ verò extra conturbatur, debet incipere concoqui: quare iure optimo ea pessima est.* Nam & longiori tempore, & virtute forti indiget ad coctionem &c. Verumenimverò etsi hic Galenus urinas turbidas non clarescentes meliores iis, quæ postea turbantur, statuerit: Hippocrates tamen turbatas, quæ non resident, nec clarescunt, maximè damnavit, & claris, quæ postea turbantur, peiores esse statuit. Ita enim de vxore Philini, 1. epid. comm. 3. agr. 4. *Urinam reddebat una cum convulsionibus affatim multam, raro admonentibus, crassam, albam, qualis est, quæ in matellis diu stetit, cum agitur, non subsidebat, color & crassitudo similis iumentorum urinis.* Et ibid. agrot. 11. de Dromeada vxore. *Urina crassa, alba, turbida, cuiusmodi sunt, quæ in matellis diu steterunt, cum agitantur, non subsidebant.* Et ipse Galen. 4. aph. 70. scripsit: *Genus turbidarum urinarum non residentium, siquidem vires consent, longum fore morbum; si earum imbecillitas adsit, ægri mortem denotat.* Et ratio id ipsum suadet. Nam urinas non clarescere, indicio est, eas adhuc à calore præternaturali turbari, naturamque à morbo superari. Verum si clarescant urinae, proculdubio claritas illa à calore naturali, coctionem iam inchoante, provenit; etsi cum sit adhuc imbecillior, illa diu persistere non possit. Quantum colores attinet: boni sunt, subrufus, subcroceus, subluteus. Nec subrubram cum sedimento subrubro ac leui damnat Hippocrates, 2. prognost. 27. *Contrà verò urina pellicida & alba mala sunt, maximè verò si in phreneticis appareant.* 4. aphorism. 72. atque eò periculosiores sunt, si post principium appareant, & diu perseverent. Cum enim summam cruditatem significent, ad quam superandam longo tempore opus

Quæ inter turbidas urinas sint pessima.

opus est, si morbus sit vehemens, virēque non validæ, certum exitum indicant. Vrinam autem tenuem ac rufam crudum morbum significare, 2. prognost. t. 30. Hippocrates, scribit: & propterea periculosum, imprimis si duret; cum metuendum sit, ne æger tam diu, vt morbus concoquatur, durare possit. Nigra verò vrina in acutis, nisi criticè excernatur, semper maximum periculum denotat. Id quod Hippocrates, docuit 2. prognost. t. 32. *Exitiosior, inquit, est vrina, si aquosa, fœtida, nigra, crassaque est.* Et aphorism. seq. *In mulieribus & viris nigra; in pueris aquosa deterrima est.* Et Galenus, libr. 1. de cris. capit. 12. *Pessima omnium, ait, est vrina tota denigrata, adeo, vt neminem unquam seruatum viderim ex iis, qui talem urinam reddiderunt: Minus verò periculosa, si id solum, quod subsidet, nigrum fuerit; atque adhuc minus, si id quod in medio iacet; ac multo minus, si nebula.* Quod tamen ego hac ætate viderim, referam. Vir quidam in itinere incidit in febrem continuam satis ardentem, & cum huc ad nos circa quintum morbi diem venisset, urinam mihi monstrauit planè nigram & turbidam, ac si aquæ limosæ atramentum miscuisset. Durauit ea per dies ferè quatuor, sensimque postea & nigredo & turbulentia remisit, vrinaque clarior & flauior fieri incepit. Febris tamen nondum planè desit. Intumuit postea illi pes sinister cum insigni dolore. Remisit febris: tandem etiam dolor & tumor, ac conualuit. Post nigras oleosæ pessimæ sunt, de quibus Hippocrates, 2. prognost. t. 35. *Si pingue desuper natans aranearum speciem referat, damnandum est. Indicat enim consumptionem.* Sunt quoque malæ liuidæ & virides. Et virides quidem, si in sanis subito appareant, cum cordis morfu, veneni hausti indicium sunt, mortemque instare significant. In febribus verò lethale signū sunt. Et quidem pessimum, si mox à principio appareant. Damnat quoque Hippocrates, 3. epid. com. 3. c. 4. Vrinæ tenues multas; sicut & multæ crassæ non residentes ac nihil iuuantes damnantur. Omnesque omnino vrinæ multæ in principio morbi improbantur; cum tum adhuc materia cruda sit, neque à natura vtiliter excernatur, sed ab acrimonia humorum ad excernendum irritetur. Malæ quoque paucae vrinæ in acutis febribus. Nimio enim æstu calorem absumi indicant: nisi forsan humor aliquis crassus exitum prohibeat, vel affectus aliquis præter naturam sit in partibus vrinæ excretioni inseruientibus. Mala quoque est vrina pauca, si ad aliam partem eius materia fluat. Hinc est in Coac. aph. 456. *Agua intercutem laboranti cum febre vrina pauca purulentæque lethale.* Quantum ad contenta, malæ sunt vrinæ, quæ non sedimentum, neque enæorema, neque nubeculam habent; nisi æger in ediam passus sit, aut vigilauerit, aut laborauerit, aut corpus valde biliosum sit. Sunt quoque periculosæ crassæ vrinæ absque sedimento. Et si in vrina sedimentum speciem referat farinæ crassioris, malum est. Deterius verò, si squamularum more consistit. Si verò tenue & candidum admodum est, vitiosum est; fursuraceum verò deterius est. Hippocr. 2. prognost. 28. & ibid. aph. 29. Nubecula, quæ inuehitur in vrina, si candida est, bona est; si nigra, vitiosa est. *Malum quoque est, vt habetur 1. prorrh. text. 28. urinam ægris non recordantibus atque insciis reddi.* Secundò alui deiectiones quid significant, maxima ex parte docuit Hippocrates, 2. prognost. Et quidem duobus modis signa suppeditant alui deiectiones, primò quatenus ventriculi & intestinorum præcipuè coctionem indicant; deinde quatenus humores ex aliis partibus ad intestina confluentes manifestant. De bona quidem, aph. 13. hæc habet. *Deiectio optima est, si mollis constansque est, & eo tempore secreta, quo secunda valetudine assuevit, si copia ex ratione ingesti cibi est. Si enim talis excernatur, infe-*

Alui deiectiones quid significant.

rior venter bene valet. Et aph. 16. *Corpulenta reddatur deiectio, morbo cuncte in indicationem, oportet.* & aph. 17. *Subrufa verò, nec admodum graneolens esto:* & aphorism. 19. *In quouis morbo venter mollis corporatusque sit, necesse est.* Deiectiones verò, quæ ex humoribus ad ventrem aliunde decumbentibus fiunt, bonæ sunt, si sunt criticæ: quod cognoscitur ex eo, quod cum signis coctionis, in morbi statu, dièque decretorio, accidunt, ægrumque morbo leuant. De quo Hippocrates, 1. aphorism. 2. *Inurbationibus alui & vomitionibus, quæ sponte fiunt, si qualia oportet purgentur, confert ac facile ferunt.* Et 2. aphor. 14. *In fluxionibus alui excrementorum non in deteriora facta mutatio inuat.* Et 4. aphor. 28. *Quibus deiectiones sunt biliosæ, superueniente surditate, cessant; & contra, quibus surditas adest, biliosorum deiectione finitur.* Malæ contra deiectiones, & quæ exitum portendunt, à bonis recedunt substantia, quantitate, colore, odore, tempore, in quo apparent; neque fiunt cum viciis atque ægri tolerantia. De substantia est aphor. 6. in 1. prorrh. *Si intercepta aluus parua, nigra & in spiras circumducta ad necessitatem dimiserit, & per nares eruptio fiat, malum.* Quod enim sicca & in spiras circumuoluta sunt, accidit, quod longiore tempore retineantur, propter copiam igneæ caliditatis: si autem præterea nigra quoque fuerint, flagrantem ardentemque circa medium corporis affectionem esse declarant, atque ob id mala existunt. Liquida admodum mala non est, si habeat præterea alias condiciones bonæ deiectionis. De quo Hippocrates, 2. prognost. 14. *Deiectio madens ex usu est, si nec stridet, nec crebro aut paulatim excernitur. Frequens enim desidendi labor insomnium facit. At si vniuersim & sape deiciatur, periculum defectionis animæ imminet.* Aquosa verò peior est: à maiore enim cruditate ortum habet, crudorumque humorum copiam significat, quæ non nisi longo tempore coqui potest. Et propterea in morbis biliosis & vehementibus lethalis est, si vnà vrinæ non bonæ appareant: in mitioribus verò longum morbum significat. Hinc Hippocrates, 2. prognost. aphorism. 20. *Aquosa admodum, aut candida, aut admodum crocea, aut spumans deiectio, mala censetur.* Et 2. prorrh. aphor. 3. habetur: *Quibus aluus liquida, lassitudo, capitis dolor, sitis, vigilia, obscuritas & impotentia, vt mente moueantur spes est.* Damnat & exigua, glutinosa, candida læuis deiectio, 2. prognost. 21. vt & sequenti aphorismo pinguis & opima, ac fœtida. Tales enim deiectiones fiunt à calore vel solam pinguedinem, vel etiam ipsas solidas animalis partes colliquante. Et si enim etiam à cibis pinguibus aut lentis interdum talia excernuntur: tamen quæ à colliuatione fiunt deiectiones; eò ab iis differunt, quod illæ copiosiores sunt, atque non semper albæ; hæ paucae, viscidæ, albæ. Læue verò, quod alias malum, perniciosum est. Vt enim, sicut Galenus, in comm. habet, quicquid salubre est, id omne salubrius redditur, quoties æquale est: ita quicquid malum est, id omne euadit deterius, si æquale existat. Vtrumque enim per omnem materiam apparet, quæ aut naturæ comptum accepit, aut turpitudinem prauitatis. Vnde sinceræ deiectiones in acutis damnantur, rectèque dictum, 2. prorrh. t. 15. *Deiectiones in spumosas sinceræque desinentes exacerbant.* Et ibid. aphorism. 18. *In acutis biliosis albicantes spumosa & perichola deiectiones male censentur.* Spumosæ enim deiectiones vel à capite, si albæ sunt, materiam defluere significant, de quo 7. aphorism. 30. *Quibus per diarrhœas spumosa sunt alui excrementa, iis a capite fit defluxus:* vel indicant copiam crudorum humorum, cum flatuum admistione, & quod pessimum est, ac in acutis febribus accidere, & colliquantis morbi indicium esse solet, vehementiam caloris feruidi cum æstuoso spiritu.

fo spiritu. Eodem modo periculum portendunt excretiones, quæ à naturali colore desciscunt, albæ, rufæ, cruentæ, aquosæ, virides, liuidæ, nigræ, versicolores; nisi criticè excernantur. Primò enim albæ deiectiones, nisi ob cibum assumptum tales sint, in morbis acutis, maximèque in cerebri inflammationibus malæ sunt; siue tales rediantur ob meatus, per quem bilis ad intestina descendit, obstructionem, vel hepatis, cerebri, aut alterius ex partibus superioribus incendium, ob quod bilis ad illa rapitur. Hinc illud, 1. prorrh. aphor. 1; . 21. *In phreneticis alba deiectio, malum.* Et 2. prorrh. 18. *In acutis biliosis albicantes spumose & perichola deiectiones, mala.* Biliosas & cruentas excretiones damnauit Hippocrates, 4. aph. 47. *Excretiones, inquit, in febribus non intermitentibus liuidæ, cruentæ, fœtidæ, biliosæ, omnes malæ: commodè tamen si prodeant, bonæ. Eadem quoque est eorum, quæ per aluum & urinam excernuntur, ratio: si quid verò, quod non inuet, per hac loca excernatur, malum.* Communis enim, vt Galenus in comm. addit in omnibus ratio est, malas vacuationes affectionum prauarum signa existere. Sunt autem malæ, nisi benè & commodè fiant, id est, nisi coctio præcesserit, & euphrosia seu mali per materiæ noxiæ vacuationem leuatio sequatur. Et in Coacis aphorif. 43. *Quibus prodeunte egestione alui biliosa ad pectus morsus ac amaritudo sentitur, malum.* Rubrarum deiectionum sunt quinque genera. Vnum est, quando sanguis, sola quantitate peccans, repente aperto vasis osculo effunditur, quod fit in suppressis mensibus, in mutilatis, & ab exercitiis & laboribus consuetis ad otium conuersis. Alterum genus, quod aquæ, quâ recens mactata caro abluitur, simile est, fit ab intemperie hepatis frigida. Tertium accidit exulceratis intestinis. Quartum fit à iecoris caliditate, ob quam vel etiam diuturniorem in aliquo loco moram sanguis adurit. Quintum est, cum interdum hæmorrhoides aperiuntur. Tot itaque cum sint rubrarum egestionum differentia, diligenter distinguendæ sunt, ne mali specie decepti, tales euacuationes perpetuò malas putemus. Quapropter memoriâ omnia, quæ præcesserunt, complecti debemus, & si videamus, & ex omnium collatione agnoscamus, signa coctionis præcessisse, etsi perniciose excernantur, post naturæ victoriam: tamen potius spem propinquæ salutis, (quoniam ab expultricis robore, corpus vitiosis humoribus liberantis, vacuationem prodire ex signis coctionis prægressis cognoscimus) meritò concipimus, quàm aliquid mali metuimus. Interdum verò sanguis in intestinorum sinuoliis anfractibus, & exilibus illis venis ita assatur, vt nigrescat, & picem planè referat. Itaque discernere hæc tria, sanguinem nigrum, humorem melancholicum, & atram bilem, vtile est. Sanguis enim niger & concretus non semper malè excernitur, sicut nec humor melancholicus. Atra verò bilis exquisita nunquam excerni è corpore potest, sine exitio ægri, ne in crisi quidem, ob summam malignitatem; nisi illa ab aliorum humorum permissione mitigetur. Distingui autem hæc tria ita possunt: sanguis ater in anfractibus exilibusque venis concreuit, neque vt atra bilis, aut succus melancholicus liquidus est. Intincta quoque lintea ab eo rubescunt: Et plerumque præcessit, vel tales deiectiones comitatur cruenta vomitio, sanguinis per aluum deiectio, hæmorrhagia nariam. Atra bilis ab aliis humoribus facile discerni potest. Splendet enim, vehementer astringit, acidum fœter, terram fermentat, nec à muscis gustatur; estque substantiâ quàm humor melancholicus tenuior, calida & acris, instar aceti mordax & erodens. Viridis autem & æruginosa deiectio bilis æruginosæ est indicium, quæ ad atram bilem tendit, & caliditatem atque acrimoniam coniunctam habet, & proinde morbum calidum & siccum arguit. Inprimis autem per-

niciosi morbi argumentum est, si à parte aliqua præcipua, & viscere, erysipelate laborante, excernatur. Nonnulli etiam virides deiectiones fieri volunt à colliuatione, cum caro pinguis ab ardentibus febribus liquescit & resoluitur. Tunc enim humor sæpe infra & supra erumpens bili flauæ similis est, à qua tamen differt odoris fœditate, & rufus magis est, & viscosus, & oleosus: qualia excrementa in pestilentibus morbis nonnunquam apparent & conspiciuntur, teste Galeno, 4. aph. 21. Liuida si appareant excrementa, partium inferiorum vehemens frigus, & veluti mortificationem quandam significant. Sunt quoque malæ versicolores deiectiones, vt docet Hippocrates, 2. prognost. aph. 23. *Si versicolor est deiectio, diuturnior quidem est, sed nihilominus exitialis.* Et 4. aphor. 21. *quò colores ipsorum peiores plures fuerint, eò sunt deteriores:* Malæ quoque sunt fœtidæ, omniumque pessimæ. Et pauci seruantur, quibus in febribus acutis fiunt deiectiones fœtidæ, liquidæ, pingues, flauæ, quasi quis in iure pingui luteum oui dissolutum cum magno fœtore iniecerit. Colliuationem enim summamque putredinem ac virium debilitatem indicant. Verùm in his omnibus deiectionibus diiudicandis semper cibi ratio habenda est, & videndum, num ex cibo assumpto illa qualitas ortum habeat. Vt enim urinæ assumptorum ciborum, & potus qualitates nonnunquam referre solent: ita & alui fæces easdem nonnunquam retinent. Vnde ex aliis cibis assumptis excrementa flauiora, nigriora, fœtidiora, quàm ex aliis deiiciuntur. Atque ita omnia, quæ apud Hippocratem passim extant ab excrementis prognostica ita accipienda sunt, si ob morbum & praternaturalem constitutionem in corpore talia sint, non verò propter assumptum cibum. De vomitibus etiam generale est illud Hippocratis, 1. aph. 2. *In turbationibus alui & vomitibus, qui sponte fiunt, si qualia oportet, purgentur, confert, & facile ferunt: sin minus, contra.* In specie verò 2. prognost. aph. 38. docet, vomitionem vtilissimam esse, si pituita ac bile maximè permista sit, si non multa, non crassa sit. Sinceriores enim esse deteriores. Et omnino boni sunt vomitus, qui causas morborum rectè expurgant, seu, qui criticè fiunt, id est, materia iam cocta, diebusque decretoriis accidunt, & naturæ morbi respondent, morbumque vel tollunt, vel imminuunt. Contra verò mali omnes sunt, qui in principio, & materia nondum coctâ accidunt, materiâque morbificam ac morbum non tollunt. Atque tales vomitus eò sunt peiores, si alia quoque perniciose signa adfuerint. Tales sunt vomitus sinceri, vt iam ex Hippocrate, 2. prognost. aphorif. 38. dictum. Quod etiam habetur, 2. prorrh. 28. vbi vomitiones sinceræ atque implacidæ pro malis censentur. Si verò fuerit vomitio porracea, aut liuida, aut nigra, quicumque ex his fuerit color, malum esse censendum est. 2. prognost. 39. Et seqq. aphorif. *Si idem homo omnes vomit colores, exitiale admodum est. Ocyssimam verò perniciem indicat vomitio, si granè olet. Et omnis subputris ac fœtidus odor in omni vomitione malus est.* Et 2. prorrh. aphorif. 26. *Vomitum cum varietate, mali, tum alias, tum si sese mutuo consequantur.* Et 4. aphorif. 22. *Morbis quibusvis incipientibus, si atra bilis sursum aut deorsum exierit, lethale.* Pessimus quoque est vomitus ab ileo. De quo Hippocrates, 7. aphorif. 10. *Ab ileo vomitus, singultus, desipientia, conuulsio, malum. Mali quoque sunt vomitus exigui biliosique, tum alias, tum si ægri superuigilauerint, narisque in his stillans, mala est, vt est, 2. prorrh. aphorif. 47.* Nihil enim eorum, quæ decretoria sunt, exiguum secerni oportet. Sed si id fiat, vel debilitatem naturæ indicat, vel materiæ copiam, quæ tolerari nequit. Si enim

Vomitum quid
presagiat.

542 De euentu Morb. ex alui deiectione cogn.

Sudores quid
portendant.

parum euomatur, nausea verò vehemens sit, duplici ratione malum est, & vt causa, & vt signum. Egrotanti enim ventrem valde concutit, & succi iudicantur valde glutinosi ac pertinaces ori ventriculi inhærentes, ita vt excludi & eiici minime possint. Si euomatur sanguis, si sine febre id accadat, salutare est, si cum febre malum, Hipp. 7. aph. 37. Sudores quoque sæpe in morbis accidunt, & ipsi etiam salutem vel mortem prænunciant. Boni sunt, qui coctione iam factâ, diè decretorio &, plerumque præcedente rigore accidunt, & calidi ac copiosi ex toto corpore fluunt, morboque leuant. De quibus passim exstant aphorismi Hippocratis. 4. aph. 36. *Sudores febricitantibus boni, qui manare cœperint diè tertio, quinto, septimo, nono, undecimo, decimoquarto, decimosextimo, vigesimo primo, vigesimo septimo, tricesimo primo, tricesimo quarto: ij enim sudores morbos indicant.* Et 1. progn. 26. *Sudor optimus est per omnes acutos morbos, si per diem euenit decretorium, & integrè sedat febrim. Bonus est, si ex toto corpore prodeat faciâque, vt ager facilius ferat morbum.* Ex quibus facile est colligere, qui sudores mali sint, qui scilicet accidunt morbo adhuc crudo, signisque coctionis nondum apparentibus; qui quantitate peccant, & vel nimis copiosi, vel pauci sunt; qui frigidi, qui non ex toto corpore exeunt, ægrumque à morbo non leuant, aut morbum saltem non imminuunt. Primò enim si citra signa coctionis sudor accadat, malus est, & vel cum aliis signis perniciosus mortem, vel morbi longitudinem denotat; inprimis, si tantum in capite, ceruicè, collo aut thorace erumpat, aut sit frigidus, paucus, vel nimius. Multus verò sudor in febribus, si morbus eo non minuatur vel tollatur, malus: magnam enim copiam, materiæ, & propterea morbi longitudinem, & non raro in acutis, in quibus natura imperum morbi diu sustinere non potest, mortem significat. Vnde Hippocrates, 4. aph. 42. *Sudor multus, frigidus, calidusve semper fluens, frigidus grauiorem, calidus minorem morbum significat.* Ostendunt enim, vt Galenus, in comm. docet, vtrique materiæ copiam; sed alteri frigidam, qui sunt peiores; alteri calidam, qui illis minus sunt perniciosi. Et 2. prorrh. aph. 23. *Sudor multus, si cum febribus acutis fiat, inutilis.* Pauci quoque sudores mali sunt; cum significant naturæ debilitatem, & expultricis irritum conatum. Maximè verò perniciosum signum est ἐφιδρωσις, paucus scilicet tenuisque sudor, vel toto corpore apparens, vel solum circa caput & thoracem, aut etiam circa frontem & ceruicem, sed omnino nihil conferens. Copiam enim materiæ, vel retentricis imbecillitatem, & humidi alimentatis solidarum partium colliquationem significat. Atque deterius est, vbi in nobiliori parte apparet, capite & thorace. Damnatùrque hic sudor tum alibi, tum in Coacis, aph. 32. *Qui in febre non intermittente tenuiter & crebro sudant, cum hypochondrij tensione, ij vt plurimum maligno morbo laborant. Periculosi quoque sunt frigidi sudores, & vt Hippocrates, 4. aph. 7. docet, cum febre quidem acuta mortem; cum mitiore verò morbi longitudinem significant.* Cur autem frigidi sudores tam perniciosi sint, plerique causam esse putant, materiam frigidam rebellem, quæ neque à calore febrili superari & calesceri possit. Alij verò vix febres acutas ex humore tam frigido atque rebelli fieri posse existimant; ideoque sudores frigidos fieri statuunt à calore naturali partium solidarum penè emortuo; cum nimirum sudor ob calorem sebilem intus feruentem erumpens in partibus exterioribus calore naturali iam destitutis refrigeratur. Et quidem eiusmodi sudores semper mali sunt, quomodocumque erumpant, seu copiosi, seu pauci; seu ex toto corpore, seu ex capite, collo, pectore: perniciosiores tamen, qui circa caput solum aut extremas partes conspiciuntur. Imò in gene-

Cur frigidi
sudores mali.

re sudor saltem circa caput, vultum & ceruicem erumpens, malus est, vt docet Hippocrates, 1. prognost. aph. 26. licet frigidus non sit. Minatur enim syncopen. Si verò & circa tales partes, & frigidus appareat, pessimus est: quippe qui non imminere solum, sed iam incipere syncopen indicet, vt addit Galenus, in comm. Atque ita ferè idem periculum denotat sudor frigidus ex toto corpore, & calidus ex solo capite, & ceruicè. Nam, vt, ibidem, Galenus ait, si fuerit febris acuta, prorsus afferet mortem frigidus sudor, licet ex toto corpore prodeat; & item si circa caput, ceruicemque calidus eueniat. Si verò mitior febris sit, poterit facultas non absumpta prius ab acuta febre spatio temporis prauos humores concoquere. Qualiscumque autem sit sudor, si ægrum non iuuat, inutilis est, vt est 2. prognost. 26. longumque morbum significat, vel etiam lethalem: id quod & 4. aph. 56. docuit Hippocrates, dum inquit: *Febricitanti sudor superueniens, febre ægrotum non deficiente, malum. Prorogatur enim morbus, & plus humiditatis inesse significat.* Tales sunt sudores, de quibus 2. prorrh. 37. *Si ex persfrictione sudantes recalescunt, malum.* Et 1. prorrh. 7. *Qui in hypochondrio refrigerata febre ardores relinquuntur, tum aliàs, tum in sudoribus, mali sunt.* Tandem etiam sunt mali sudores, qui cum malis signis aliis accidunt. De quo in Coacis, aph. 12. *Qui sæpius inhorrescunt capite dolenti, & subinde sudant, malignè habent.* Et aph. 13. *Qui sæpius inhorrescunt multumque sudant, agere jānescunt.* Et 3. prorrh. aph. 33. *Sanguinis ad latus diuersum eruptiones mala; vt si cum magnus fuerit ex dextra nare fluat: atque res in hypochondiis ita habet: cum sudore deterius id existit.* Solent etiam sæpius in acutis morbis hæmorrhagiæ ex naribus, ex hæmorrhoidibus, vtero accidere: verum frequentissimè ex naribus: quarum quædam morbum soluunt, salutemque prænunciant; quædam etiam periculum & perniciem portendunt. Bona, & quæ salutem significat, hæmorrhagia accidit cum signis coctionis; vnde Hippocrates, 4. de rat. vict. in acut. t. 10. *Si è naribus fluxerit sanguis, soluitur morbus; atque si sudores superuenerint indicatorij legitimi, cum urinis albis, crassisque & leuibus subsidentibus.* Verum enim verò etsi optimæ sint hæmorrhagiæ, quæ cum signis coctionis atque in statu accidunt: tamen & illæ, quæ in augmento vel etiam principio apparent, non semper damnandæ sunt. Id quod confirmat historia Metonis, 1. Epid. comm. 3. t. 24. vbi Galenus hæc addit: Hic ægrotus confirmat illum καθόλου λόγον: Largum de naribus sanguinis profluuium liberat vt plurimum. Sanè enim à sano sanguinis profluuium & iudicatus & seruatus: quamuis non omnino tuta signa haberet. Neque sine causa hæmorrhagiæ, quàm aliæ excretiones, sine signis coctionis videntur esse tutiores atque vtiliores. Nam sanguis ea, quæ alij humores, præparatione non indiget; quare & à Medicis mox in principio acutorum cum commodo vena aperitur: præterea sanguinis euacuatio vniuersum corpus refrigerat, & transpirabile reddit. Veruntamen vt profit hæmorrhagia talis, larga esse debet. Imò hæc est secunda omnis bonæ hæmorrhagiæ conditio, vt sit larga, modò etiam non sit nimia, quod ex eo deprehenditur, si fiat cum εὐφορία, febrisque symptomata minuantur. Tertio diè critico accidere debet. De quo in Coacis est aphor. 152. septimo, nono, decimo quarto, fluxus sanguinis è naribus vt plurimum febres exsoluit. Quartò si in iis morbis atque corporibus accidit, quorum naturæ atque conditioni sanguinis excretio conuenit. Conueniunt autem sanguinis euacuationes in morbis acutis cum febribus, inprimis synochis; in inflammationibus pleuræ, diaphragmatis, hepatis, lienis, in phreneticis, in corporibus, qui calido sanguine abundant. Tandem & hoc

Medi

Medici in bona hæmorrhagia requirunt, ut è directo partis laborantis accidat. Et in summa, bona est hæmorrhagia narium, quæ morbum aut tollit, aut minuit. Contrario modo quæ se habent hæmorrhagiæ, malæ sunt. Primò enim etsi interdum etiam sine coctionis signis hæmorrhagiæ vtiliter accidunt: tamen longè tutiores sunt, quæ cum signis coctionis fiunt. Et quæ sine coctionis signis accidunt, nisi alia bona signa adsint, iudicium difficile indicant; & si cum perniciosi signis apparent, exitium præfagiunt. De quo in 3. prorrh. aph. 34. *Vbi sanguis ex naribus effluit, cum tenuibus sudoribus & totius corporis perspiratione, morbi malignitas & perniciēs denunciatur.* Et aph. 35. *Post sanguinis eruptionem deiectiones nigra, mala: prava autem & intense rubra.* Et 7. aphor. 9. *A sanguinis profluvio desipientia, ut & convulsio malum.* Deinde quia in bona atque vtili hæmorrhagia requiritur, ut sit larga: parciore euacuatio, & proinde stillicidium sanguinis malum portendere videtur. Verùm an stillicidium sanguinis è naribus perpetuò malum signum sit, in controuersia positum videtur. Plurimi quidem Medici planè periculosum & lethale signum esse existimant, sanguinis è naribus stillicidium; idque autoritate Galeni & Hippocratis, rationibusque, quibus illi vtuntur persuasi. Ita enim Galenus, 1. Prorrh. comm. 2. t. 47. ad verba Hippocratis: *naresque in his stillans malo est*, hæc addit: *Excerni pauca in agris unum quoddam ex signis est, quæ ex toto prauitatem habent. Nihil enim eorum quæ decretoria existunt, exiguum secerni conuenit. Sed quæ ita euacuantur, omnia duorum alterum subeunt. Nam vel quæ non queunt tolerari ob copiam ab affectis effunduntur partibus: vel imbecillitatem ostendunt natura, quæ proponit quidem superflua excernere, sed nequit.* Et 3. Epid. com. 3. t. 35. super verba Hippocratis. *Nares pauca stillantes*, hæc habet: *Hoc in comitibus est malignarum ardentium februm, ut sanguinis profluvia lenium. Et ut breuiter dicatur omnis de naribus stilla prauum est signum.* Et 1. Epid. com. 2. t. 75. *stillasse nares, perniciosum est signum, cum in aliis, tum maxime in febribus ardentibus.* Docuit idem Hippocrates, in Coac. pranot. t. 56. sect. dist. Anut. Foësj. 57. 179. 334. Causasque eius reddit Galenus, supra alleg. loco, 1. Prorrh. com. 1. t. 47. tum 4. de viét. r. in ac. t. 67. dum ita scribit: *Notimus, quod sanguinis è naribus stillationes malum quippiam semper esse ait, propterea, quod natura quidem cupiat, quod superfluum est, excernere, sed ob imbecillitatem nequeat, vel sanguinis crassitiem, vel densitatem, vel quadam ex his, vel propter omnium concursum.* Verùm contrarium etiam videtur docuisse Hippocrates, dum, in Coac. pranot. 87. in codice Foësj, hæc habet: *τὰ οὐδὲ ταρχώδεια ἀγρυπνα ὄντα ἔχοντα ἐκ πινῶν, ἐκ ταῖα νοσήδεντα νύκτα, πονήσαντα δὲ ἐς τὴν αὐρίων, ἐοιδρόσαντα κατενεχθέντα, παγκροῦσαντα, αἰμορροῖ λαύρας, καὶ λυεῖ τὰ πάδια.* Quæ sententia etiam habetur, 1. Prorrh. comm. 3. text. 40. Atque idem ex historia Metonis, lib. 1. Epid. comm. 3. text. 24. pater, cui die quarta de nare sanguis paulatim fluxit, postea verò affatim profluente sanguine & sudore adueniente iudicatus est. Et omnino non ita absolute & simpliciter stillicidium sanguinis è naribus pro lethali & prauo signo habendum est, sed cautione & distinctione vtendum. Nam si ex materiæ prauitate, multitudine, virium imbecillitate, aut his omnibus accidat, causasque supra ex Galeno allegatis: omnino malum signum est. Et præcipuè si in initio, aut quarto die id accidat, ut est in Coac. pran. t. 179. & initio Prorrh. aut vndecimo, ut est in Coac. pran. t. 337. & 1. Prorrh. comm. 3. t. 54. Signa enim, quæ diebus criticis, aut prænunciis apparent, firmiora sunt, quàm aliis: & proinde si ea mala sunt, talibus diebus deteriora sunt. Si itidem sanguis, quo nares stilant, niger sit, merus ac sincerus, 1. Epid. com. 3. t. 18. Si verò

Dan. Sennerti Tom. I.

futurae crisis indicium sit: malum signum non est. Idque plerumque accidit, cum signa coctionis præcesserunt, morbusque per se salutaris est. Nam cum morbi acuti iudicentur, sanguine ex naribus fluente, vel sudore copioso die indicatorio, ut est in Coac. t. 150. Epid. comm. 2. t. 63. & 66. Galenus in com. & 3. de Cris. c. 2. accidit interdum, ut futuram hæmorrhagiam præcedat, & significet stillicidium sanguinis. Ut enim die indicatorio interdum Natura quasi se accingit ad sudorem, leuèmq; aliquem sudorem prouocat, postea verò die critico copiosius eum propellit: ita etiam hæmorrhagiæ narium quasi prænuncium præmittit stillicidium sanguinis. Accidere tamen etiam potest, ut vel ob loci naturam, vnde effluit, & ob partium densitatem, vel aliquam adhuc, sine tamen vltione, sanguinis crassitiem, mox copiosius profluere non possit. Stillare tamen quoque possunt nares interdum sanguine, atque exhibere copiosioris hæmorrhagiæ indicium, vbi coctionis signa non præcesserunt. Cuius rei exemplum nobis exhibet historia Metonis supra allegata. Nam cum à natura quædam excretiones etiam sine coctionis signis non inutiliter instituantur, si talem excretionem præfagiat stillicidium sanguinis è naribus, pro malo signo habendum non est. Quapropter morbi natura perpendenda, & videndum, an per sanguinem iudicari aptus sit; considerandumque, à qua causa stillicidium illud proueniat, & quæ alia signa adsint. Ut verò nimis pauca sanguinis euacuatio mala est: ita non minus noxia nimis larga. Siue enim ex vtero sanguis, ut docet Galenus 2. aphor. 22. siue ex hæmorroide, siue vulnere copiosè profluat: quibus ista acciderint, omnes actiones, aut certè maximam earum partem labefactari necesse est: nec verò sola ea incommoda sequuntur, sed in aquam quoque intercutem ex his nonnulli inciderunt. Porro & sputa in affectibus thoracis, ut pleuritide, peripneumonia, magnam iudicandi vim habent. Quid autem πύελον, quod alij sputum, alij screationem vertunt, significet, docuit Hippocrates, 2. Prognost. ab aphor. 43. ad 48. *Sputum, inquit, in omni dolore, qui affligit circa pulmonem & costas, citò promptèque scretur necesse est; permista appareat flaua bilis admodum sputo oportet. Si enim multò post ab initio doloris scretur flaua, aut rufa, aut multam inferens tussim, aut non admodum permista deterior est. Sputum enim flauum si sincerum est, cum periculo est: candidum verò, glutinosum ac rotundum, inutile est: si viride admodum & spumans; malum est: si ita sincerum fuerit, ut nigrum appareat, hoc difficilius est, quàm illud. Quam sententiam repetit, in Coac. prædict. t. 390. in Codice Foësj. cum scribit: *In omnibus autem laterum & pulmonum morbis sputum promptè ac citò exscreari necesse est, flauumque sputo permixtum esse necesse est; quod si multò post dolorem flauum, aut non commixtum reiiciatur, nec non sine multa tussi, vitiosum censetur. Omnino autem prauum flauum, si sincerum est & glutinosum, & candidum & rotundum, itèmq; vehementer ex virore pallescens, quòdque spumans est & liuidum, & aruginosum. Aliquantò verò deterius, quod sic est sincerum, ut nigrum quoque videatur. At flauum, cui paululum sanguinis permixtum est, initio quidem salutem pollicetur; quod verò septimo die, aut longiore spatio tale apparet, non adeò tutum. Admodum autem sanguinolentum, aut quod statim initio linefcit, perniciem præ se fert. Nimirum si sputum coctum αὐτὴν καὶ ταχέως, hoc est, ἐν δὲ τριῶν ἡμερῶν, intra tres dies, ut Philotheus, imò aphorismus 385. in Coacis prædict. exponit, appareat, & promptè ac faciliè breuiore temporis tractu ac, sine insigni dolore, & magna tussi eiciatur: morbum breuiorem futurum significat, & qui ultra septimū diem non extēdetur. Si autē crudum & tardius appareat, &**

E sputis quid prædicti possit.

cum magna difficultate eiiciatur, vix decimo quarto, aut vigesimo die ægrum liberatum iri significat: si nihil expuitur plane, longus vel lethalis est morbus. Nam si citò & intra tertium aut quartum diem æger cœperit expuere; indicio est naturam esse fortem, & materiam facilem, quæ propterea cito vincetur, atque ita morbus breui tempore finietur. Idem quoque significatur, si *ευπετέως*, promptè, sine dolore, & facili sputum eiiciatur. Nam quod breui temporis spatio & sine dolore & molestia magna actio perficitur, ipsa instrumenta esse expedita, neque obstructa; ac materiam obsequentem, & ad excretionem aptam, minus crassam ac lentam, neque ita tenuem, vt non facile sursum attolli possit, significat. At si multò postquam dolor & morbus cœperint, vt post septimum diem, æger expectorate incipiat, expectari iudicium vix potest ante diem decimum septimum aut vigesimum. Nam in tam longo tempore multum periculi ipsis imminet. Primò enim vires succumbere possunt, & vt Hippocrates, 1. *de rat. vict. in acut. t. 3*. ait, prius, quam dolor soluarur, pereunt: deinde multi errores vel ab ægris, vel ab adstantibus, vel etiam rebus externis committi possunt. Vult deinde Hippocrates, vt bilis flaua admista sit sputo. Quælibet enim inflammatio ex alicuius præcipue humoris abundantia gignitur, teste Galeno, 6. *aph. 33*. Pleuritis autem maximè & frequenter ortum habet à sanguine bilioso; & proinde sputum flauum, aut rufum proueniens, signa salutis aut mortis præbere potest. Sed tamen & ex aliis humoribus admistis ortum potest habere pleuritis, quorum notæ è sputis sumuntur, & pro diuersitate materiæ spem salutis aut mortis ostendunt. Flauus itaque humor si sputo exactè & vehementer misceatur: tum inchoatæ iam coctionis & naturæ validæ signum est, tum acrimonia materiæ mitigatur, vt minus molesta sit. Si verò in excrementis quid sincerum sit, aut seorsim expurgetur, vt si vnà parte à bile flauescat, alia ob pituitam albicet: facultatis concoctricis imbecillitatem, & morbi prauitatem declarat. Omne nimirum sincerum, inprimis flauum, magis viride, maximè nigrum, malum est. Colores enim varij nascuntur ob vehementiam caloris & magnitudinem, terminusque est in atra bile, quæ omnium perniciosissima est: reliquæ verò media sunt ad eum terminum, & propterea quò tenuior & magis alba est, eò minus calidam bilem denotat; quò verò magis crassa est, & ad nigredinem magis accedit, eò calidior est, & materiæ, vnde gignitur, & loci, vnde emanat, vehementiorem calorem denotat, & magis praua est, partisque quam erodit, maiorem dolorem excitat. Solet & in talibus inflammationibus interioribus, quæ cute densa non reguntur, sanguis sputis permisceri, quia tenuis quædam humiditas initio coctionis exsudat. Si igitur in principio, seu per primos quatuor dies, aut certè ante septimum id accidit, salutem pollicetur, & citam morbi solutionem significat. Si autem post septimum aut tardiùs appareat, longitudo morbi significatur, à qua salus ægri faciliè in discrimen adduci potest. Sed sanguis is non multus permisceri debet: si verò sputum sit *αιματώδες λίαν*, valde cruentum, periculum denotat, & vel ab erosione vasorum, quæ à bile acri & erodente ortum habet, vel à ruptioe, ob vehementem thoracis compressionem, quæ nihil ex inflammatione excludere atque exprimere potest, prouenit. Cum verò, secundum Hippocratem, 1. *Epid. comm. 2. text. 44*. non solum excrementa, sed & decretorij abscessus considerandi sint: tandem etiam quid abscessus, seu ea, quæ in cute erumpunt, de salute vel morte prælagiant, videndum. Sunt autem abscessus boni, qui cum signis coctionis, aliisque bonis signis apparent, in die decretorio erumpunt, naturâ boni sunt, in loco à visceribus & membris nobilioribus

remoto; qui perseverant, suppurantur, ægròsque iuant. Nimirum cum coctiones securitatem iudicij portendunt, etiam abscessus boni sunt, si concocto morbo; eoque meliores, si in die critico erumpant. Naturam verò & cōditionem bonorum abscessuum describit Hippocrates, 6. *Epid. comm. 1. t. 13*. *Tubercula, inquit, foras extumescunt, & acuminata, in turbinemque gracilescunt, aequaliter maturescunt, non circumdura, declinaria & non bifida, meliora: contraria verò mala, & si quamplurimum contraria pessima*. Deinde & quàm longissimè à parte, quæ inprimis afficitur, abistere, & in parte ignobili erumpere; colore rubro, aut flauo esse debet, magnitudine mediocri, quæ scilicet copię materiæ respondeat, corpus vacuare, & sufficientem materiæ morbificæ quantitatem euacuare valeat, nec tamen maior sit, quam sustineri queat. Contrà mali sunt, qui erumpunt sine signis coctionis, & cruda adhuc materia, aut die non decretorio. Tales enim non à naturâ vincente morbum, sed coactâ, atque ante tempus irritatâ fiunt. Si etiam nimis magni vel parui sunt, damnantur abscessus. Si enim nimis magni sint, præterquam quòd dolorem excitare possunt, metuendum est, ne aliquid adhuc materiæ intus in parte aliqua lateat. Nimis verò parui abscessus non tollere possunt vniuersam materiam. Vnde etiam si abscessus, qui ad extremas partes erumpunt, boni sint: tamen si partes minores, vt manuum aut pedum digitos occupent, periculosi sunt. Vel enim metus est, ne cum partes tales totam materiam recipere non possint, ea refluat; vel si recipiat eam, totam concoquere non possit, & propterea ob extinctionem caloris natiui pars gangræna & sphacelo corripitur. Mali quoque sunt tumores, qui conditiones ex Hippocrate, 6. *Epid. comm. 1. t. 13*. enumeratas non habent; qui non boni sunt coloris, sed liuentes vel nimis rubentes, nigricantes. Nec minus mali sunt abscessus, qui sine ratione, & sine præcedente aliqua euacuatione retrocedunt & euanescent. Vel enim recidiuam, vel pericula & mortem denotant. De quo Hippocrates, 2. *Progn. aph. 68*. *Si abscessus euanescent, ac retrocedit, nequaquam egrediente secretionis ac febre detinente, difficilis morbus est: Periculum enim delirij, mortisque imminet*. Ita & illi abscessus mali & periculosi sunt, qui prope viscera & membra nobilia erumpunt; vnde parotides semper suspectæ sunt. Mali tandem sunt abscessus, qui non bene suppurantur, atque pessimi, qui corumpuntur, & in causa sunt, vt pars, quam occuparunt, pereat, vel vniuersum corpus in periculum coniiciatur.

CAPVT VII.

De Signis Salutis & mortis, quæ ex qualitatibus corporis mutatione petuntur.

Restat tandem, vt videamus, quænam signa salutis vel mortis qualitates corporis mutatæ, & externarum corporis partium inspectio exhibeant. Hoc sine autem vel totum corpus consideratur, vel partes aliquæ saltem, vt facies, oculi & aures, maxillæ, nasus, labia, dentes, lingua, fauces, hypochondria, extrema. Primò vniuersum corpus quod attinet, etsi mgnum malum non sit, corpus ægri sano dissimile reddi, cum à morbo illud mutari necesse sit: tamen, si habitu & colore sano non multum sit dissimile, melius est. Nihil tamen ferè mutari, etiam bonum non est; id quod docuit Hippocrates, 2. *aph. 28*. cum ait: *Non leuiter febricitantium corpus sibi constare, nec minui, aut etiam plus æquo colligescere, malum. Hoc siquidem virium imbecillitatem, illud morbi diurnitatem significat*. Non verò sine causa dicit Hippocr. malum esse *μᾶλλον τὸ κατὰ λόγον σωτήριον εἶναι*. Nam

*Abscessus
quid significet.*

*E corp
bitu qu
prælag*

Nam

Nam si febris magna sit & vehemens, corpus sit facile resolvable, causæ corpora extenuantes, quas Hippocrates, 1. *Progn. aph.* 8. enumerat, præcesserint, si alius resoluta admodum fuerit, homo vigilauit, vel famem atque inedia passus sit: non mirum est, corpus extenuari. Malum quoque est, in morborum declinatione corpora extenuata, etiam si cibum sumant, non refici: siquidem humorum adhuc redundantiam, & proinde recidivam significat: id quod docuit Hippocrates, 2. *aph.* 31. *Si à morbo, inquit, bene comedeni corpus non proficiat, malum.* In hecticis verò, phthisicis, peripneumonicis corpora carnem non recipere, pessimum est, & qui febribus ardentibus diu laborarunt, & carnes non recipiunt, & ad febres marasmodos accedunt, pessimè habent. Ut verò corpora nimis extenuari malum: ita non minus malum, corpora in acutis morbis inflari ac tumescere; quod plerumque ob calorem hepatis debilitatum, & vitiatam significationem accidit. Hinc Hippocrates, 2. *Prognost. aph.* 1. *Aqua intercutem omnis, si ex acuto morbo existit, mala est. Non enim sedat febrem, sed dolorem admodum infert ac mortem.* Verum hinc alia etiam signa consideranda sunt. Nam interdum etiam sine periculo corpus, atque inprimis pedes, tam in acutis, quam longis morbis intumescunt. In acutis quidem natura humores criticè ad pedes detrudente: in diuturnis verò calore longitudine morbi debilitato; quo postea instaurato, materia illa discutitur, tumorque evanescit. Colores corporis peculiaribus in morbis etiam variè mutantur, & ipsi etiam aliquid de salute vel morte præfagiunt. De reliquis mox in priuatarum partium Qualitatibus mutatis dicetur: hic saltem de ictero dicemus, qui interdum morbis superuenit. Fit autem Icterus, vel quia bilis non debito modo à sanguine separatur, & per convenientes vias expurgatur, propter meatuum vesiculæ fellis angustiam; vel quia maiore, quam par est, copia in hepate generatur. Et quidem nunc bonum, nunc malum signum est morbis superueniens. Bonum signum est Icterus in febribus, si fiat natura humorem biliosum criticè ad ambitum corporis cutemque expellente. Quod ubi accidit, coctionis signa præcesserunt, neque, ut aliàs in ictero, si ab obstructione vesiculæ fellis, vel hepate obstructo aut inflammato, accidere solet, urinae croceo colore valde tinguntur, vel faeces albicant, aut tumor vel calor in hypochondrio dextro percipitur, sed morbus soluitur vel minuitur. De quo Hippocrates, 4. *aph.* 64. *Quibus per febres morbus regius die septimo, aut nono, aut undecimo, aut decimoquarto superuenerit, bonum; nisi dextrum hypochondrium durum sit: alioqui minimè bonum.* Contrario modo qui se habet icterus, pro malo censetur. Vnde Hippocrates, 4. *aph.* 62. *Quibus per febres morbus regius superuenerit ante diem septimum, malum.* Quæ Hippocratis sententia, an simpliciter vera sit, non immeritò dubitatur. Nam frequenti experientia comprobaturum est, plurimos febre laborantes, quibus ante septimum diem icterus obortus est, euasisse. Id quod & Plin. lib. 26. c. 12. *hist. natural.* annotauit, minusque rectè Hippocratem, icterum ante septimum diem mortiferum signum esse, docuisse putat. Verum enim verò Hippocrates icterum ante septimum febre superuenientem non mortiferum esse dixit, sed malum. Neque enim ignorauit, etiam quosdam, ictero ante septimum superueniente, seruatos fuisse: id quod ex 1. *Epid. com.* 2. *tex.* 65. videre est; potestque fieri, ut etiam ante septimum humor biliosus maxima ex parte concoctus sine damno expellatur; sicut & per id tempus interdum per ventrem, vomitumque aut etiam aliis modis expelli solet. Verum cum rarò ante septimum hic humor probè coquatur, & proinde utiliter expelli non possit: septimum diem terminum non sine causa constituit Hippocrates, ante quem pro

optimo signo vix haberi potest icterus, & vix ante septimum utilis esse potest; inprimis cum signis aliis non bonis, & nisi alia accedat euacuatio. Singulorum verò partium qualitates mutatas quod attinet, principiò, ut Hippocrat. 1. *Prognost. aph.* 5. præcipit, per morbos acutos faciem ægroti, sitne similis benevalentium, potissimum sui, considerare oportet; eò, ut Galenus, in *comm.* addit, quod quæ in vultu existunt indicia, inprimis appareant, & vim obtineant maximam. Optima autem est facies, quæ similis est benevalentium: si verò quam maximè contraria simili sit, vitiosissima est, ut Hippocrates, *allegato loco*: ut & 6. *Epid. com.* 2. t. 34. ubi hæc habet: *In ingentibus malis si facies sit optima, signum optimum; in paruis autem contraria bona significationi significans, malum.* Faciei nimirum sanorum similis optima est, & signum salutis certum exhibet, virésque maximè constare arguit; cum aliàs calor & spiritus in facie, vel à leui etiam motu, evanescere & mutari soleant: atque ideo si id non fiat, in acutis morbis optimum signum est: etsi interdum morbi longitudinem denoret; cum in morbis nihil minui morbi longitudinem significet. Facies autem sanorum dissimilis multis modis fieri potest. Vel enim colore sanis dissimilis redditur, vel distensione, vel extenuatione; & quò magis ac pluribus modis à sanorum facie recedit, eò maius malum denorat. Quæ omnia signa collegit Hippocrates in descriptione faciei, quam vulgo Hippocraticam nominant, quæ à sanorum facie maximè recedit, atque existat, 1. *Progn. aph.* 6. & 7. *Nasus acutus, cani oculi, adstricta tempora, aures frigida contractæque, & fibra earum inuersa, & item cutis circa frontem dura, intenta, arida, & color totius vultus viridis aut niger.* Quæ faciei matatio maximè lethalis, inprimis in principio morbi; nisi, quod in sequenti aphorismo monet, vigilauerit æger, alius resoluta admodum fuerit, vel famem aut simile quid perpessus sit. Tum enim minori cum periculo est. Iudicatur autem, ut idem docet Hippocrates, per diem & noctem, si ob has causas talis fuerit vultus. Si enim ab exteriori solum aliqua causa talis vultus euaserit, emendationem per diem & noctem adipiscetur. Si verò ex affectione in corpore, aut permanebit talis, aut etiam deterior erit; atque signum exitiosum erit. Coloratior quoque facies sæpe malum signum est. Nam etsi interdum tantum hæmorrhagiæ narium, aut abscessus post aures futuri sit indicium: nonnunquam tamen malum signum est. De quo *Prorrh. com.* 2. *aph.* 14. *Faciei color bonus & moestitia multa, malum.* Si enim, ut Galenus explicat, florida quidem apparuerit facies, æger autem valde tristis fuerit, quædam in cerebro valde calida affectio esse videtur, quæ sanguinem exurit, eamque ob causam bilem atram procreat gignitque. Itaque si facies est rubra, alia etiam attendenda, quæ si mala sunt, ut ferox delirium, aut signa phrenitica, malum, & sæpe lethale signum exhibet. Hinc est illud 2. *Prorrh.* 56. & in *Coac. aph.* 162. *Qui capite dolent firmiter, delirantes, aluo suppressa, feroci aspectu, rubore in facie efflorescente, in posteriorem partem conuelluntur.* Inprimis verò in facie oculi perpendendi. Nam ut est in 6. *Epid. com.* 4. *text.* 28. *Oculi ut valent, ita corpus, atque inprimis caput.* Nam si oculi sunt similes bene valentibus, colorem naturalem habeant, sint pleni, splendidi; lumenque sine molestia ferant, palpebras rectè aperiant & claudant sine lacrymis & sine excrementis: bonum signum sunt, & non leuem futuræ salutis spem exhibent. Variæ autem in oculis mutationes animaduertuntur, quas ferè omnes Hippocrates complexus est, 1. *progn. aph.* 10. *Si lucem effugiant oculi, aut nolentes illacryment, aut peruertantur, aut alter altero fuerit minor, aut candidum rubidum habeant, aut linidas aut nigras venulas, aut pituita appareat circa obtutum, aut sublimes tumidine oculi, vel cani admodum fuerint, vel totius vultus color euariet,*

Facies quid significet.

Facies Hippocratica.

Oculi quid indicent.

546 De euentu Morb. è qual. corp. cognosc.

hec omnia mala esse, atque exitiosa censendum est. Pri-
mo enim si lucem oculi refugiunt, aliàs nihil mali
patientes, cerebrum læsum, spirituumque dissipatio-
nem, & facultatis videndi impotentiam, quæ à sensi-
bilitetiam non excellenti læditur, significat, & maio-
ris morbi, vtriusque debilius, inprimis capitis,
argumentum sunt. Deinde catantur oculi, absum-
pta, quæ orbitam oculi replet, substantia, ob morbi
calorisque febrilis magnitudinem: quod ubi fit, mali
quid metuendum est. Pessimum verò, si æger non
videt, non audit; & si imbecillo iam corpore accidat,
in propinquo mors est, vt docet Hippocrates, 4. aph.
49. Malum quoque signum est, si ægri præter volun-
tatem & rationem, oculo scilicet nullo peculiari affe-
ctu laborante, illacryment. Certam enim virtutis re-
gentricis debilitatem indicat. De quo Hippocrates, 4.
aph. 52. Quibus in febribus, aut aliis morbis voluntarie
illacrymant oculi, absurdum non est. Quibus verò præter
voluntatem, absurdum. Si verò peruertantur oculi, con-
uulsionem, & hinc maximum periculum, si febre ar-
denti supervenerit, significant, vt supra iam dictum:
inprimis, si alia signa periculosa coniungantur. De
quo 3. prorrh. aph. 57. In oculorum peruersione cum fe-
bre & lassitudine rigor perniciosus; comatosque in his
malè habent. Et 4. aph. 49. In febre non intermittente,
si labrum aut supercilium, aut oculus, aut nasus puer-
titur, si non videt, si non audit, imbecillo iam corpore:
quidquid horum acciderit, in propinquo mors est. Et 12.
progn. 1. Si peruertitur, aut liuida est palpebra, aut na-
sus, cum aliquo alio signo, mortem prope esse sciendum
est. Malum etiam est, oculos assidue moueri atque in-
stabiles esse, quod ex musculis, oculi tremore, pro-
pter mordicationem à bilis feruore, vel cerebri in-
flammatione, vel à delirio prouenit. Si alter altero
minor fiat, indicat extinguere facultatem regentem
eum, vt Galenus explicat. Malum quoque est, si can-
didum oculi euadat rubrum, vt per temulentias, aut
lippitudines aliàs fieri solet; nisi criticum signum
fit. Copiam enim & feruorem sanguinis in cerebro
& membranis, vel inflammatione significat. Peius
verò, si venulæ redduntur liuidæ, vel nigræ. Malo-
rum enim humorum, copiam, eosque ad cerebrum
ascendere, calorisque natiui extinctionem significat.
Damnatur & pituita circa oculos concreta non
solum alleg. to è prognosticis loco, sed & 6. epid.
com. 1. text. 23. ubi inquit, Malum est & inarescens
veluti spuma. Nec bonum est, si oculi tumidi reddan-
tur, & quasi promineant. Vel enim musculorum re-
solutionem, vel copiam humorum, vaporum, ac spi-
rituum confluentium illuc, cerebrique inflammatio-
nem significat. Considerare etiam conuenit, vt monet
Hippocr. 1. prognost. aph. 11. suspensiones oculorum
per somnum. Si quid enim candida partis apparet sub
clausis palpebris, nec alui fluor aut medicamentum in
causa est, aut non ita dormire consuevit, vitiosum admo-
dum signum ac lethale est. Vel enim musculi oculorum
conuelluntur, vel facultas adeò debilis est, vt palpe-
bras claudere nequeat. Verum, quod sæpius iam mo-
nuimus, videndum, ne critica signa pro lethalibus
habeamus, & quod Hippocrates, 1. epid. com. 2. text.
80. (dum inquit: Quibus febribus acutis, atque adeò
ardentibus spontanea erumpunt lacrymæ, si reliqua non
sint exitialia, narium profluvium expectandum. Qui
verò incommodè habent, his non sanguinis eruptionem,
perum mortem portendunt,) de lacrymis inuoluntariis
monet, idem etiam de aliis signis plerisque, quæ in
oculis apparent, accipiendum est. Sæpe enim in ocu-
lis aliqua mutatio apparet, quæ tamen non est mala,
sed critica euacuationis signum. Id quod ex eo co-
gnosci potest, si signa coctionis præcesserint, & alia
mala signa non affuerint. Sunt & malum signum
oculi feroces & horridi, delirantium ac phrenitico-
rum proprii, qui plerumque conuulsionis, vel etiam

mortis cum aliis malis signis sunt indicia: vt & fixi,
quos concretos & stabiles nominant. De quo 2. prorrh.
11. Hebetatus oculus vitiatique & concretus, immobilis-
que & tenebrosus si fuerit, malum. Concretus enim ocu-
lus, vt Galenus, in comm. explicat, fit propter mouen-
tium oculos musculorum immobilitatem. Immobi-
litas autem ea propter omnium ipsius musculorum
vel resolutionem, vel aquam, & quæ in neutram par-
tem vergat, tensionem proficiscitur, vel propter exa-
ctam mouentis musculos potentia imbecillitatem.
Signa, quæ ex naribus petuntur, quod attinet: dam-
nari ab Hippocrate nasum acutum, iam dictum est,
vt pote qui virium naturalium magnam imbecillita-
tem significat. Malum quoque signum est, & conuul-
sionem indicat, si nasus peruertatur, aut quomodo-
cunque retorqueatur. Si pruriant nares præter con-
suetudinem, nisi imminentem sanguinis fluxum in-
dicet, futurum delirium significat, propter vaporum
humorumque ad caput ruentium copiam. Aures quo-
que si liuidæ, nigræ, contractæ, & frigidæ spectantur,
lethale signum sunt, ob calorem natiuum extinctum.
His signis adiungi etiam potest faciei & maxillarum
color viridis, aut liuidus, aut niger, qui caloris natiui
extinctionem & dissipationem significat. Et vt cætera
signa in facie: ita etiam colores, tantò maius peric-
ulum denotant, quantò citius apparent, & quidem
absque euidenti causa. Vehementissimus enim mor-
bis sit oportet, qui intra triduum ita vires deiecit,
quantum vix longi morbi diuturniore tempore dei-
cere possunt. Dentium quoque stridorem inter mala
signa retulit Hippocrates, 1. prognost. aph. 21. Si quis,
inquit, dentibus strideat in febribus, non consuetus à pue-
ritia ita affici, insania significatur ac mors: sed in vtrif-
que futurum prædicere periculum necesse est. Si verò men-
te commotus ita afficiatur, admodum exitiosum iam est.
Humor quoque glutinosus dentibus adhærescens,
notat humores crassos ac lentos esse, ac febrem vali-
dam, vnde vires deieci necesse est. Linguam porro
quod attinet, & ipsam sanorum linguæ similem esse
in acutis, optimum est. Indicium enim est, humorem
vitiosum neque adeò multum esse, neque adeò cali-
dum, putridum & malum, vt suis vaporibus linguæ
color in mutet. Malum verò portendit lingua, si sit
viridis, nigra & valde sicca, scissa, scabra, & quasi
vsta. De quo 1. prorrh. aph. 3. Densa lingua atque ari-
da, phrenitica. Et in Coacis, aph. 229. Lingua, quæ in
principio horrida, in eodem verò calore permanet, pro-
gressu autem temporis exasperatur, & liuescit, & rumpi-
tur, mortem denunciat. Quod si admodum nigrescat,
decimoquarto indicationem fieri promittit. Periculosissima
autem nigra, & ex virore pallescens. Inprimis verò ari-
dæ, duræ, & nigræ linguæ periculum indicant, si cum
aliis malis signis appareant; atque omnium maximè,
si vbi lingua aspera & sicca est, æger non sitiat. Vel
enim delirii, vel extinctæ facultatis, & proinde mor-
tis signum est; si id non ex pituita in fauces delaben-
te, & sitim compensante accidat. Post linguam me-
ritò & Fauces considerantur. De faucibus autem scri-
bit Hippocrates, 3. progn. 15. Quod fauces ulcerata
cum febre difficiles sunt. Et si aliud quoque signum ex
prædictis fuerit prauum, prædicendum quod cum periculo
morbis sit. Fauces enim xulceratæ, vt Galenus, in com.
habet, labem indicant erodentis humoris. Et 1. prorrh.
11. In acutis morbis faucium sine tumore dolores & pu-
filli, & strangulantes, atque cum æger hauerit, non facile
os tum cogere, tum claudere, mentis alienationem por-
tendunt; ex his phrenetici fiunt, & perniciosè habent.
Et 4. aph. 35. Si febre detento repente collum intorque-
tur, ac vix deglutire queat, nullo existente tumore, mor-
tiferum. Exhibent & quædam indicia Venter & Hy-
pochondria. Ilia enim; vt est, 1. prognost. 27. saluber-
rima sunt, si dolore vacant, si mollia, & aqualia sunt
dextra & sinistra parte. Et 2. prognost. aphor. 19. In
quoniam

Na
ind

Ma
arg

Den

Lin
figu

Fauc
argu

Ex hy
driis
collige

quouis morbo venter mollis corporatusque sit necesse est. Et 2. aphor. 35. In quouis morbo partes ad umbilicum & ventrem infirmum pertinentes crassiores esse præstat: harum siquidem extenuatio & tabes mala. Interdum tamen tenia etiam hypochondria mala non sunt, sed crisin futuram significant. De quo 3. prorrh. 35. Hypochondry tensio cum capitis grauitate ac surditate, & qua consequenter fatigant, sanguinis denunciant profusionem. Sed tum, vt aphorismo isto innuitur, hebetudines oculorum oriuntur, splendores oculis obuersantur, caput graue est, surdi fiunt ægri, facièsque coloratio redditur. Contra verò, vt etiam 1. progn. aph. 27. Hippocrates docet, malum est, si hypochondria inflammatione vexantur aut dolore, aut intentia sunt, aut inæqualiter affecta dextra ac sinistra parte. Et aph. 66. ait: In acutis febribus circa viscera vehementes dolores, malum. Et 2. aph. 35. Hypochondriorum tabes & extenuatio mala esse pronuntiatur. Aut enim ingentem quandam siccitatem, aut flatum, aut inflammationem significat, & proinde vel ventriculum, vel hepar, vel septum transversum affectum esse indicio est; quæ si in febribus acutis grauiter afficiantur, malum signum sunt. Veruntamen certa mortis signa vix exhibent: quare & reliqua consideranda sunt, quæ si mala sunt, mors eò certius prælagiri potest. Interdum & pulsus in hypochondriis percipitur. De quibus Hippocrates, 1. prognost. aph. 18. Si verò pulsus in ileis insit, perturbationem significat, aut delirium. Verum oculos talium conspiciari oportet. Si enim crebrò obtutus mouetur, expectanda insania est. Nisi enim talis pulsus crisin præcedat, id quod alia signa critica monstrant, malus est; inprimis si alia praua signa concurrant. Accidit enim aut propter septum transversum inflammatum, aut propter humorem efferuescentem, ex quo status multi eleuantur, atque in caput ascendunt. Tandem etiam extremitates corporis, vt aures, nares, manus & pedes hinc signa & prognosin suppeditant. Qualia sunt, 4. aph. 48. In febribus non intermittentibus, si partes externe algent, interne vruntur & sitiunt, lethale est. 7. aph. 1. In morbis acutis, frigus partium extremarum malum. 2. progn. 4. & 5. Si caput manus ac pedes frigidi sunt, ventre costisque calentibus, malum est: Optimum verò est, si corpus omne æquè calidum mollèque est. Et aph. 6. 7. 8. 9. Si corpus omne graue est, & item manus ac pedes, maiore cum periculo est. Si verò præter grauitatem ungues quoque ac digiti liuidi sunt, expectanda mors continuo est. Si digiti ac pedes omnino nigrescant, non minus pestiferi sunt, quàm si lineant: sed alia signa consideranda sunt. Si enim facile ferre malum appareat, & aliquod aliud signum salubre affuerit, morbum vergere spes est ad abscessum, ita vt æger sit conualliturus, corporis verò nigredo casura. Si genitale testèque conuelluntur, dolor vehemens ac mors significatur. Ad qualitates corporis mutatas pertinent etiam odores, qui exspirant e corpore ægrotantis, qui, vbi secundum naturam sunt, robur monstrant: vbi præter naturam, imbecillitatem: & præcipuè si valde sint fœtidi. Summam enim declarant putredinem, cui vires succumbunt.

C A P V T VIII.

De Longitudine & Breuitate, atque euentus morbi tempore prænoscendo.

Cum verò, vt de morbi exitu certiora habeantur indicia, non solum vires naturæ & morbi consideranda & conferenda, sed etiam status ac longitudo morbi perpendenda sit, videndumque, an ad illud tempus morbi, quo natura morbum vincere, ac materiam morbificam concoquere solet, vires durare valeant; atque aliàs secundum sit, quod Medicus præ-

cognoscere cupit, Morbi longitudo: iam commodissimè de statu ac longitudine & breuitate cognoscenda agemus; etsi iam supra quoque aliquid hac de re dictum sit. Quanquam autem longitudo & breuitas, atque tempus euentus morbi ex aliis quoque signis inuestigari possit: tamen inprimis ex coctionis & cruditatis signis, morbi que vehementia, celeritate aut tarditate cognoscitur. Hæc enim duo si diligenter perpendantur & conferantur, mox initio morbi cognosci potest, an intra secundum quaternarium morbus finem habebit, an verò longius extendetur. Nam si prima die, quâ quis febre acuta laborat, nullum signum periculosum conspiciatur, & sit vrina consistentiâ mediocris, & moderatè crassa, bene colorata, habeat etiam *εὐωπνυα*, & maximè si habeat bonum sedimentum: iam Medicus inde colligere potest, morbum hunc circa primum quaternarium finitum iri, tertia, quarta, vel quinta die. Tertianam nimirum continua si talis sit, & celeriter moueatur, tertia die: si non adeò celeriter, quinta die finietur. Febres autem synochæ, & quæ ex sanguine ortum habent, quarta magis die finiri solent. Si contra febris sit acutissima, nullaque coctionis signa appareant, sed omnia sint cruda: indicio est primo quaternario moriturum ægrum. De hoc Hippocrates, 3. prognost. t. 2. *Simplicissima febris*, inquit, & *signis firmata securissima*, quarto die aut citius desinunt: *deterrima verò*, ac *signis affigentes difficilimis*, quarto die aut citius interimunt. Simplicissimæ autem seu benignissimæ potiùs *εὐθεῖαι τοι ἢ πυρετῶν* Hippocrati, sunt, quas nulla graua comitantur symptomata, ac quibus nulla sæuities & malignitas coniuncta est. Deterrimæ autem, *κακονδέστων*, maximè malignæ, quibus sæua, horrenda ac pessima coniunguntur symptomata. Quæ his proximæ sunt febres, ad secundum quaternarium extenduntur. Nam si primo aut secundo die coctionis signa non appareant, nec morbus sit benignissimus, sed ex eorum numero, quos Hippocrates simpliciter *εὐθεῖαι* nominat, id est, in quo non omnia tutissima, sed saltem tuta signa apparent, ad secundum quaternarium morbus extendetur. Ita si quis febre acutâ laboret malignâ, sed non malignissimâ, nec cum grauissimis symptomatibus, non mox quarto die morietur, sed ad secundum vsque quaternarium viuet. Quandiu verò tales febres durare possint; an nimirum decimoquinto, vel vigesimo die conualliturus sit æger, aut quando moriturus, prima die vix sciri potest. Sed quando id cognosci possit, docet Hippocrates. 3. prognost. t. 6. dum inquit: *A die primo animaduertendum est, considerandumque singulis additis quaternariis, nec latebit, quoniam vertetur morbus.* Scilicet, vt status exactum tempus, morbi que mutationes cognoscamus, singuli quaternarij considerandi sunt, & signa coctionis in iis, qualia sint, videndum, eaque cum vehementia morbi conferenda sunt. Diuiditur enim quælibet septimana in duos quaternarios: & quartus dies est index, vt est apud Hippocratem, 2. aph. 24. Itaque si in febribus illis, quas primo quaternario non solui posse diximus, die quarto signa bona appareant, conspiciaturque in vrina nubecula, vel sedimentum album & æquale, & vrina cætera rectè sese habeat: indicio est, materiam esse coctioni aptam, morbumque septimo die ad finem peruenturum. Si verò in febre, quam malignam simpliciter appellari diximus, die quarto non solum nullum coctionis signum appareat, sed etiam signa mala augeantur: ægrum iam in peius ruere, & circa septimum mori posse, argumento est. Circa septimum dixi. Solent enim mutationes hæ tam ad bonum, quàm ad malum non nihil anticipare, vel tardius venire interdum. Nam si error aliquis committatur, fieri potest, vt quæ septimo futura erat morbi solutio, in nouum protrahatur. Ita quæ ad mortem mutatio septimo die timebatur, ob-

Longitudo & breuitas morbi unde cognoscatur.

Qui morbi primo quaternario finiantur.

Qui morbi ad secundum quaternarium extendantur.

vehementiam morbi, quam natura amplius sustinere non potest, vel vim accessionis, vel errorem aliquem, die sexto contingere potest. Quod si quis morbus ab initio non adeò celeriter moueatur, & signa longioris temporis adsint, huius statum in principio prædicere possibile non est. Hoc quidem prædici potest, quòd ultra quartum extendetur: quousque verò, nondum constat, sed in dierum decretoriorum sequentium periodis perspicuum fiet. Itaque in talibus diuturnis morbis signa coctionis diligenter perpendenda sunt, & quandiu nullum apparet manifestum coctionis signum, rotam illud tempus pro principio morbi habendum: postea, ubi apparere incipiunt signa coctionis, videndum, quantum absint adhuc ab optimæ illius coctionis, quæ circa statum fieri solet, signis, unde, quantum absit status, conici potest. Si itaque primo die vrina planè aquea sit, febris verò debilis; colligitur inde morbum satis diuturnum futurum: quamdiu verò sit duraturus, ex sequentibus cognoscitur. Etenim si cruditatis signa etiam quarto vel septimo die permaneant, etiam ultra tertium quaternarium morbus durabit: an autem die decimoquarto ad finem sit peruenturus, vndecima, quæ index habetur decimi quarti, docebit. Si enim tum coctionis signa appareant, & multò magis, si etiam antè quid tale apparuerit, decimoquarto die iudicium contingit; aut si morbus motum habeat tardiolem, aut aliud quid obstat, decimo septimo. Si verò vndecimo die nondum sufficientia coctionis signa conspiciantur, decimoquarto ad iudicium morbum peruenturum nulla spes est; atque ideo reliqua signa perpendenda, & considerandum, an die decimo septimo, vel decimo octauo, vel vigesimo, vel vigesimo primo ad crisin peruenire possit; & postea etiam sequentes quaternarij perpendendi sunt. Si enim nondum coctionis signa appareant, sed circa vigesimum demum conspiciantur, & tum signa cruditatis remittant, ac magis magisque deficient: primo post vigesimum quaternario iudicari posse morbum, spes est: quod si nulla mutatio adhuc appareat, ad quartam septimanam extendetur. Qui verò morbi omnia cruditatis signa ad vigesimum quartum vsque diem retinent, neque tum etiam vllas, vel obscuras coctionis notas exhibent, ante quadragesimum diem non iudicabuntur. Qui autem ultra quadragesimum diem extenduntur, non crisi finiuntur, sed lentis coctionibus, quas ex suis signis, & vitium ac morbi comparatione cognoscere licet. Nam si natura & materia morbifica quasi partes sint, plus temporis transit, antequam alterutra vincat: sin verò sint inæquales, atque alter superior, morbus citius ad finem perueniet. Et vt breuiter hæc concludamus, si morbus sit exiguus & mitior, ac cum signis bonis coniunctus, virésque fortes, facile à natura vincitur, & citò ad finem peruenit: si verò morbus sit periculosus, & natura prostrata, citò æger morietur; atque alij etiam morbi cum viribus collati, citius vel tardius desinunt. Quæ omnia rectius cognoscuntur, si & reliqua, quæ antea diximus, regio, anni tempus, & similia coniungantur. Nam si febris sit continua, biliosa ac sanguinea, magna ac velox, causæque omnes ad bilis productionem conspirent, vt regio calida, æstas, ætas iuuenilis, natura calida & sicca: citius ad crisin peruenturam credibile est. Si autem febris sit pituitosa aut melancholica, tempus anni & regio frigida, & omnia, quæ ad frigidorum humorum prouentum faciunt, facile conspirent: diutius protrahetur talis morbus. Neque solum in febribus, & ubi fons morbi in venis hæret, ex coctionis & cruditatis signis de futuro morbi exitu quid præsciri potest, sed & ex coctionibus, quæ in priuatis partibus fiunt. Ita sputa de laterum & pulmonis affectibus notas exhibent. Nihil enim in pulmonis & alterum affectibus exspuere, periculosum

est; atque imprimis, si non solum in principio, sed postea etiam in progressu morbi nihil sputi eiicitur. Nam nihil exspuere, sed rissim tantummodò siccam habere, tale quid est, quale in vrinis extremè crudum, quod aquosum nominamus, summamque cruditatem morbi significat, atque indicio est, totam materiam intus retentam corrumpi, atque à Natura vinci non posse. Deinceps sicut ab vrinis tenuibus ad suppalidas, & hinc coloratas fit transitus: ita in pleuritide à sputi defectu fit transitus ad sputum liquidum & crudum, quod morbum ad finem principij tendere arguit. Postea ubi iam pauca cocta apparent, ad augmentum peruenit morbus: donec tandem in statu plura rectè cocta, & facilius exspuuntur. Quorum copia si iam imminuitur, & dolor ac symptomata omnia remittunt, indicatur declinatio. Hæc igitur coctionis signa, quòd citius apparent in pleuritidine, eò citius ad statum peruenit: quòd tardius, eò etiam longiore tempore. Exemplum eius rei habet Hippocrates, 2. Epid. com. 3. agrot. 8. seu text. 79. de quodam, cui nomen Anaxion, quem pleuritidis inuasit, primisque diebus nihil exspuit: habuitque vrinas tenues, sed bene coloratas, & alia, quæ in textu videri possunt, & vndecimo primùm die quædam liquida & cruda exspuere cepit. In quo cum principium morbi vsque ad vndecimum diem durauerit, qui secundi temporis indicium fecit; die verò decimo septimo ceperit quædam pauca cocta exspuere: possibile fuit, die vigesimo *αρίων* aduenire; sed imperfectam. Nam vt procedente & diu durante ægritudine secunda & perfecta crisis accideret, oportet magnam mutationem fieri, & perfectè cocta magis magisque exspui; quòd cum non accideret die decimo septimo, vigesimo integra crisis sperari non potuit: quod & accidit. Nam vigesimo die sudauit, & post crisin febre liberatus est, & à iudicio rectius habuit; siticulosus tamen mansit, neque à pulmone bonæ erant expurgationes. Ex quo facile conici potuit, reuersuram febrem; cum, vt est, 2. aph. 12. quæ à morbis post crisin relinquuntur, recidivas facere consueverint. Itaque & vigesimo septimo rediit febris, & rissis, & plurima eiicit, & vrinæ sedimentum fuit coctum & album: atque ita die vigesimo septimo integræ coctionis signa fuerunt exhibita. Quapropter die tricesimo quarto morbum hunc integrè ad finem peruenturum, perfectamque crisin secuturam sperari potuit: quod & euenit. Nam quarto & tricesimo die sudauit per totum corpus, & per crisin perfectam morbus totus solutus est. Nonnunquam verò non tantum dies, sed etiam hora exitus morbi prædici potest: si nimirum accessiones particulares consideremus. Nam si aliquem aliquo die moriturum existimamus: pessimo paroxysmi tempore moriturum credibile est. Hinc si quis in paroxysmi principio peius habeat, illum etiam ea hora, qua principium ingruere solet, moriturum prædicemus: si in statu, mortem in statu obuenturam iudicabimus. Nonnulli etiam in declinatione particulari moriuntur, status acerbitate, & symptomatum vehementia viribus deiectis.

CAPVT IX.

Quot sint Mutationis Morborum Modi; Et quid Crisis.

Tertium, quod à Medico præcognosci debet, est modus euentus aequæ exitus. Sunt autem morborum mutationes variæ. Primò enim morbi duobus modis terminantur: vel integrè finiuntur, quæ propriè solutio appellatur; vel in alios morbos mutantur, quæ propriè non solutio, sed commutatio in alium morbum

Qui morbi ultra tertium quate. nariū extendantur.

Qui morbi ultra decimum quartum progrediantur.

Breuitatis & longitudinis morborum periculis signa.

Hora morbi modo sci pos.

Mutat morborum quot si

bum nominatur. Deinde morbi vel ad salutem ægri terminantur, homoque pristinam sanitatem recipit; vel ad mortem, homoque moritur, & vita decedit. Vtraque mutatio, tam quæ ad salutem, quam quæ ad mortem tendit, tribus modis fieri solet. Etenim vel subito fit, vel paulatim, vel medio modo seu *μικτῶς*, mistim, quando subita ad melius vel peius fit mutatio, & postea vel ad salutem integram, vel ad mortem reliquum tempus absumitur. Ex quo patet, sex omnino modis morbos solui. Vel enim subito morbus perfecte soluitur, ægerque integram sanitatem subito recuperat; vel subito fit ad melius mutatio, ægerque ex statu peiori in meliorem transfertur, post quem tandem etiam sanitatem recuperat; vel paulatim fit ad salutem morbi conuersio, atque homo tardè & paulatim ad pristinam sanitatem redit; vel contrà æger subito moritur; vel subito morbus in peius mutatur, quam tamen mutationem etiam mors excipit; vel paulatim æger morbo consumitur, & lenta morte enecatur. Hæ morborum mutationes peculiaria quoque habent nomina. Quæ enim ad mortem paulatim fit morbi conuersio, Marasmus nominatur; quæ paulatim ad salutem fit morbi mutatio, Solutio simpliciter dicitur. Verùm de lentis illis morborum mutationibus hîc nobis agere non est propositum, sed de subitis, quæ Crises nominatur. Crises verò vocabulum variè usurpatur. Vt enim illud hoc loco prætereamus, quod ab Hippocrate, *t. 1. aphorismo. 1.* κρίσις pro ratione, vt Galenus, *in comm.* explicat, quæ, tanquam arbitra quædam de iis, quæ gerenda sunt iudicet; seu vt alij explicant, pro dignotione insalubrium & neutrorum usurpatur; vt & illud, quod non solum pro morbi depulsiōe, sed & pro quolibet naturæ vehementi ac violenti conatu ac motu ad rei molestæ cuiuscunque depulsiōem accipitur, vt ex Hippocrate videre est, qui, *l. de septimo partu*, mulieribus & foetuum conceptiones, & abortus, & partus iudicari dicit: Crises vocabulum interdum generaliter non solum pro morbi solutione accipitur, vt κρίσις sit λύσις, hoc est, morbum solui; qua ratione & hæcticæ & ephemeræ febres dicuntur κρίσις, hoc est, λύσις, solui ac terminari, sicut hanc vocem hoc modo, *2. Progn. t. 26.* interpretatur Galenus: sed & generalius adhuc pro quacunque morbi mutatione interdum hæc vox usurpatur; sicut ex libro *πρὸς Πάριον*, *sect. 5. pag. 77.* in Codice Fœsiano videre est, vbi hæc habentur; *Iudicari autem in morbis est, quando vel augentur morbi, vel imminuuntur, vel mutantur in alium morbum, vel vel finiuntur.* Verùm enim verò propriè vox κρίσις non accipitur de lentis illis, & quæ paulatim fiunt, morborum mutationibus, sed de subitis, per quas ægri vel subito integram sanitatem recuperant, vel subito ad meliorem statum traducuntur, vel subito ad mortem properant, vel subito in deteriore statum coniciuntur. Quæ quidem mutatio cum per materiæ vel excretionem, aut è corpore euacuationem, vel per abscessum, aut materiæ in alium locum translationem fiat, sine insigni in corpore ægri perturbatione fieri non potest. Docet hoc ex Hippocrate Galenus, dum, *2. aph. 23.* inquit: *acuti morbi censeantur, qui & magni sunt, & ad statum celeriter perueniunt. Vnde fit, vt breui tempore magnas faciant mutationes, quod perinde est, ac si iudicentur dixeris. Siquidem Hippocrates ipse eiusmodi mutationes, cum in morbis repente fiunt, κρίσις appellat.* Quæ vox ἀπὸ τῆ κρίσις deriuata est: quod verbum cum plura habeat significata, alij quoque aliter vocem κρίσις exponunt. Interdum enim κρίσις secernere & excernere significat; vnde nonnulli κρίσις quasi humorum vitiosorum secretionem & excretionem dictam putant, citantque Galenum, qui, *2. aph. 13.* κρίσις fieri dicit, τῆς φύσεως διακρίσεως ἀπὸ τῶν χυμῶν τὰ μολυσμὰ, καὶ παρὰ φύσιν

αὐτὴ πρὸς τὴν ἐκκρίσιν, natura secernerent ab vili-bus noxia, & præparante ad excretionem. Nonnunquam κρίσις significat dimicare, seu potius pugna decretoriâ bellum dirimere; vnde quidam κρίσις dictam putant, quasi na uræ morbiq; pugnam criticam & decretoriam, quæ de ægri salute decertatur, & vel morbum prosterni, ægrum conualescere, vel naturam succumbere, ægrumque mori necesse est. Quæ significationes etsi subitas illas morborum mutationes non incommode & ineptè explicent; tamen cum frequentius κρίσις iudicare significet, etiam à plerisque κρίσις iudicium vertitur, docetque Galenus, *3. Prognost. t. 1. & 3. de Crisib. cap. 2.* κρίσις vocem è foro ad Medicorum scholas translatam esse. Vt enim in iudicio, quod Græcis κρίσις est, vtrique pars, tam actor, quam reus magno conatu suam causam agit; alteram tamen par em causâ cadere, alteram vincere, reumque vel absolui, vel condemnari necesse est; quod subito fit à iudice lata sententia: Ita etiam illæ morborum mutationes, in quibus magna cum perturbatione corporis natura & morbus configunt, & per quas quasi de ægri salute decertatur, subitoque vel vitæ, vel morti adiudicatur, κρίσις seu iudicia & iudicationes nominantur. Atque ita à Galeno, *2. aphor. 13.* definitur κρίσις, quod sit, *subita, ac repentina in morbo mutatio ad salutem vel mortem.* Vt enim morbi mutatio κρίσις dicatur, repente eam fieri, non sensim & paulatim, eamque paruo tempore magnam morbumque subito vel in melius, vel in peius mutari, necesse est. Hoc autem fieri non potest, nisi humores vitiosi, qui naturam grauant, moueantur & agitentur: quod porro sine insigni perturbatione corporis, & vehementibus symptomatibus accidere non potest: quorum catalogum quasi recenset Galenus, *1. de dieb. decretor. cap. 1.* his verbis: *In crisis non mediocris præcedit in ægri corpore perturbatio. Hic siquidem frequentem spiritum subito difficilius trahit: vel delirat, vel caliginem, vel splendores ob oculos versari putat: vel lachrymas fundit; vel oculos rubentes habet, vel tempora graua; vel in cervice dolores percipit: nonnunquam vel capite dolet; vel nigra quadam seu obscura oculis offundi queritur; vel oris ventriculi morsu laborat; vel inferius labrum quasi tremulum ac intro contractum habet; vel rigore vehementi concutitur. Quin etiam plerisque præcordia attrahuntur; iidem inquieti sunt, exsiliunt, frigidam expetunt, & ori se magis ac antea dicunt. Nonnullis accessio ipsorum citius quoque incipit, & longior vehementiorque vadit. Adhuc somnus grauis, aut aliud quoddam symptoma occupat.* Vnde nonnunquam crisis non solum pro ipsa mutatione morborum, sed & pro perturbatione illa, quæ mutationem præcedit, accipitur. Patet porro ex his, crises non fieri, nisi in iis morbis, qui ex humorum vitio ortum habent; & quidem acutis, quorum scilicet motus sunt vehementiores & celeriores, & in quibus paruo tempore magnæ mutationes fiunt. Et cum εἰδικὸς atque in specie, & peculiariter non solum morbi acuti dicantur, qui, vt Galenus *2. aphor. 19.* docet, celerati status magnitudinem coniunctam habent, & oriuntur à materia putrescente, quæ coctionem & expulsionem desiderant; tales verò solum febres sint: ex eodem manifestum euadit, crises solum in febribus, & quidem acutis potius, quam diuturnis accidere. Etsi enim in morbis diuturnis etiam crises fieri nonnunquam dicantur: ta-

Crisis quid.

In quibus morbis crises accidunt.

tamen tum vox crisis generaliori significatione accipitur.

CAPVT X.

De Crisium causis, differentiis, modo ac tempore.

VT autem, quænam crismus sit causa efficiens, rectius percipiatur: illud primò monendum crisin quasi quiddam còpositum esse, & plura in crisi accidere; conturbationem, euacuationem, & subitam mutationem ad salutem vel mortem. Quæ res vt sunt diuersæ, ita diuersas causas obtinent. Conturbatio, quæ est criticorum illorum symptomatum congeries, ab agitatione & molestia humorum, quam corpori pariunt, prouenit. Hæc autem fit vel à causa externa, qualis est cœli astrorumque motus & influxus, de qua postea dicetur; vel interna, cum naturam, tum materiam irritantē, & laceffente. Etenim Natura, dum obruitur & molestat humores copia aut malignitate, sese ab iis liberare cupit, materiamque agitare, & vtile ab inutilesecernere incipit. Dum enim humor inutilis vtili & benigno adhuc permixtus erat, nondum ita naturam laceffere poterat: postquam verò iam suam formam accepit, natura illum secernit, & per vias inconsuetas, angustas & sensiles ducit: quas suo contactu molestant & afficiunt humores expellendi; tum quod iam ab aliis humoribus, quorum benignitate diluebantur, sint secreti; tum quod aliquam malignitatem atque qualitates molestas habeant. Nam licet humores cocti sint: tamen integrè ad benignum statum reduci non possunt. Euacuationis deinde causa vis est expultrix, quæ vel copia, vel qualitate materiæ irritata id, quod molestum est, criticè expellit. Quo in opere fibris partium, tum præcipuè spiritibus & calore nativo vitur, eorumque beneficio, quæ noxia sunt, reiecit. Ex naturæ verò causarumque morborum varia constitutione variæ oriuntur crismus differentiæ, & crises nunc aliter atque aliter se habent, prout natura nunc fortior est, nunc debilior, & nunc materiâ vitiosam agis, nunc minus premitur. Quatuor generales differentias proponit Galenus, 2. aph. 23. docetque, ægros aut sanitatem pristinam ilicò recuperare, aut subito mori, interdum ægrum quandam ad salutem vel mortem mutationem subire, è vestigio tamen propterea non seruari aut mori. Easdem proposuit etiam, 3. Prognost. com. 1. cum inquit: *Crisis, quæ præcipitem in morbo mutationem significat, quadrifariam existit. Aut enim statim vindicantur à morbis ægri, aut magnam obtinent in melius mutationem, aut statim moriuntur, aut multo deteriores euadunt.* Quas quatuor repentinas in morbis mutationes ex Hippocrate accepit, qui, 1. Epid. com. 3. text. 16. eas his proposuit verbis: *Animaduertendum est & cognoscendum, quæ sint in his temporibus futura indicia ad salutem vel mortem, aut quæ sit futura ad melius deteriusue conuersio.* Ex his quatuor crismus modis aut differentiis aliæ postea oriuntur differentiæ. Quædam enim crises bonæ sunt, quædam malæ. Bonæ, quæ ad salutem ægri tendunt: Malæ, quæ ad mortem. Crisis rursus vel perfecta est, vel imperfecta. Crisis perfecta est, quæ ægrum perfectè & integrè à morbo liberat, nihilque materiæ morbificæ relinquit, & absolute, simpliciter & ἐξαιρέτως, vt Galenus, 3. de Cris. c. 1. nominat, crisis; item bona, optima & perfecta crisis nominatur. Imperfecta verò est, quæ aliquid materiæ relinquit. Rursus alia crisis appellatur fida, firma ac securâ, quæ morbum ita tollit, vt nullus recidiuæ metus sit: Infida seu Incerta, quæ morbum quidem tollit, sed ita, vt recidiua metuenda sit. Tuta porro crisis nominatur, quæ sine periculosis accidit symptomatibus: Periculosa, quæ si omnis crisis aliqua grauiâ habeat symptomata, &

crises, vt iam ex Galeno dictum, non mediocris præcedat in ægri corpore perturbatio: tamen non ad omnia symptomata, muliercularum more, Medicum terreri atque obstupescere, sed sæpe, etiam si ægri delirēt, aut simile quid patiantur, bene sperare decet. Sunt enim alia symptomata aliis periculosiora. Periculosa ac difficilis crisis exemplum (quod & hinc proponere libet) proponit Hippocrates, in Coacis prædict. aph. 77. in Codice Foesij, dum inquit: *qui in febre continua muti iacent, clausis oculis subinde conuiuentibus, si è naribus sanguis fluxerit, & vomuerint, atque ex eo loquantur, & ad seipsos redeant, seruantur.* Nam periculosa omnino crisis est, quæ fit per partem principem, cerebrum, & cum maxima illius partis actionum læsione, priuatione vocis, sensus & motus amissione. Eas enim actiones solum imminui aut deprauari in crisi, vt ægrum delirare, vigilare, subsilire conuulsio motu, splendores ob oculos obuersari, aurium tinnitus sentire, adeò periculosum non est: verum non loqui, non moueri, oculos non aperire, summum periculum indicat, & maximum naturæ robur ad crisin feliciter absoluendam requirit. Quamquam enim in concoquenda materia quodammodo natura sufficere potuerit: tamen tot malis & symptomatibus oppressa facile in excretionem succumbere potest. Quædam etiam crisis est cum signis bonis, & εὐσημῶς Græcis dicitur, quæ præcedentibus diebus sui habet indicia: ἀσημῶς, quæ sine signis atque insperatò quasi ingruit. Quæ tamen differentiæ omnes magis præcipuas illas spectant, & in iis coniunguntur. Optima enim crisis est, quæ humorem peccantem morbumque producentem euacuat, quæ nihil de eo relinquit, quæ fida est & securâ, quæ vacat periculis, quæ per signa prius fuit indicata, & die critico accidit, ac potius per excretionem fit, quàm translationem materiæ. Contrario modo se res habet in malis crisisibus. Inter has quæ sunt mediæ, vel ad bonas, vel ad malas spectant, prout huius vel illius conditiones plures vel pauciores participant. Imperfecta enim crisis si non solum non iuuat; sed & morbum in deterius mutat, paulatim ad mortem ducit; si verò non nocet, parum tamen confert, diuturnum morbum significat, atque eò diuturniorem, quò magis anticipat morbi statum. Nam significat materiæ copiam aut prauitatem, à quâ natura irritata ad expulsionem se accingit, sed eam perficere nequit. Si verò imperfecta crisis non solum non nocet, sed & iuuat, ea optimæ crisi proxima est. Pendent autem omnes hæ differentiæ ex tribus: naturæ robore, morbi natura, & materiæ, quæ expelli debet, conditione. Vt enim omnibus modis perfecta & bona fiat crisis, natura robusta sit oportet; cœlūque fauens habeat, morbus salubris sit, ac materia benigna ac facile mobilis. Reliquæ omnes crises ab hac deficiunt, atque vnum vel plura ex his tribus iis desunt. Omnes autem crises duobus modis fiunt: vel κατ' ἐκκρίσιν, per excretionem, vel κατ' ἀπόσπασιν, seu μετασπασιν, seu ἀποσπῆμα, per translationem materiæ. Nonnulli addunt tertium modum, per materiæ concoctionem; id quod fit in pueris, qui interdum grauiori ac longo somno oppressi, crudos succos adeò perfectè concoquunt, vt non amplius molesti sint. Per excretionem fiunt crises, cum humores vitiosi è corpore per vomitum, alui deiectionem, sudorem, vrinam copiosius profusam, hæmorrhagiam narium, mensium & hæmorrhoidum fluxus expelluntur. Et quidem locus, per quem natura expellit, nunc vnus est, nunc multiplex. Cum natura plurimum valet, expellit, quod molestum est, per vnum locum duntaxat, & idcirco optimam crisin efficit. Sed cum imbecilla est, nriturque per vnum locum expellere, idque non succedit, tentat id per alterum, & rursus per alium, adeò vt multiplex fiat expulsio; quod vbi accidit, crisis longè molestior est, & plurimum ab optima

Conturbatio-
nis in crisi
causa.Euacuationis
critica causa.Crisium diffe-
rentia.Crisis bona
Mala.
Perfecta.Imperfecta.
Fida.
Infida.
Tuta.
Periculosa.eu
ἀσ

Optima

Crisis
rentia
prouenitCrisis
modiCrisis
cretion

ma distat. Locus etiam, per quem fit expulsio, debet *hac' igit' esse* & è regione partis affectæ. Si ramen pars in medio sita sit, veluti pulmo, ventriculus, vterus, nihil refert ex vtero latere exeat, quod expellitur. *statio- ueria.* Per translationem crisis fit, cum materia non è corpore expellitur, sed in alium locum transfertur. Translatio autem hæc vel fit ad partes internas, vel externas; easque vel plures, ut cum in febribus materia per icterum in habitum corporis diffunditur; vel in vnam, vnde bubones sub axillis & inguinibus, parotides post aures, aliæque abscessuum species generantur. Prior crisis modus melior est. Nam materia penitus è corpore eiicitur: in secundo verò modo materia adhuc in corpore relinquitur, atque ita ægri non absolutè à morbo liberantur, sed interueniente alio morbo; atque ita hæc crisis pro optima haberi non potest. Bona autem est, si fiat opportuno tempore & coctione iam perfecta, loco ac iusta quantitate. Eò verò peior est, quò locus est nobilior, & prioris morbi loco vicinior. Nam si crisis per translationem materiæ bona esse debet, requirit locum ignobilem & distantem. Quapropter si locus, ad quem materia transfertur, sit æquè præstans, ac prior morbi locus, vel etiam nobilior: tantum abest, ut cum ægri commodo hoc accidat, ut eum quoque in morbum æquè grauem vel grauiorem coniciat. Hinc Hippocrates, 7. aphor. 11. à pleuritide peripneumoniam malam esse dicit, materiâ scilicet à parte externa ad interiores, pulmones, conuersa. Ita quoque angina in peripneumoniam conuersa, mala est. Requiritur quoque, ut locus sit distans. Nam si abscessus sit vicinus sedi prioris morbi, sæpe accidit, ut ob debilitatem expultricis facultatis materia in pristinum locum recedat. Debet etiam esse è regione partis affectæ. Abscessus enim, qui fit in contrario latere aut parum prædest, aut nihil. Eò etiam melior crisis est, quò qualitas translata materiæ melior. Bonus est rubor, bona mollities: mala nigredo, mala itidè durities. Cum porrò natura materiam rectè expellere non possit, ac soleat, nisi eandem prius vicerit ac concoxerit: crisis bona non accidit, nisi in status sine, coctione iam perfecta præsentem. In prioribus verò temporibus cum materia vel omnino cruda sit, vel imperfectè cocta: crisis bona ante statum fieri non potest. Et propterea quæ crisis ante statum in augmento accidit, crisis imperfecta est, atque eò deterius, quò longius à status sine abest. In abscessu etiam attenditur tempus, quo permanet. Neque enim subito euanescere debet, ut euacuatio, sed manere, dum vel in pus mutetur, vel paulatim discutatur. Si autem subito euanescat, periculum est, ne humor ad partes præstantiores recedat, & grauißimum periculum adferat. Verum cum in tempore cricum præcipue dies, qui critici dicuntur, spectandi sint, atque etiam de crisi aliquid ex diebus conicere possumus: antequam ad signa alia cricum explicanda accedamus, prius de diebus criticis agemus, si vnâ tantum quæstionem, quæ huc spectare videtur, prius discusserimus. An nimirum omnes euacuationes, quæ in principio morbi fiunt, malæ sint. Nam etsi dixerimus, bonam crisin non nisi in statu fieri, concoctâ materiâ: natura tamen irritata, sæpe etiam ante id tempus materiam vitiosam expellere cogitur. Qua in re Imperatorem in bello gerendo imitatur. Ut enim prudens Imperator, non, nisi commoda occasione, & cum spe victoriæ, ac bene paratus ad pugnam descendit, neque facile se dubio Marti committit: ita Natura etiam non quouis tempore expulsionem materiæ morbificæ tentat, sed tunc demum, ubi cum ægri salute & victoria id præstare potest. Verum tamen, sicut interdum Imperator, nisi planè de salute periclitari velit, coactus ad pugnam descendit: ita etiam Natura nonnunquam irritata à materia

morbifica, ante opportunum tempus, nisi de salute periclitari velit, ad expulsionem se accingit. De hac igitur euacuatione, quæ symptomatica, sicut illa, quæ tempore opportuno, & coctâ materiâ fit, critica appellatur, quæritur; An omnis mala sit, an aliqua etiam bona. Malam esse omnem, ex eo patere videtur, quòd accidunt hæc euacuationes symptomaticæ saltem naturâ ab humoribus vitiosis nimium irritatâ, qui intempelluè, & antequam rectè cocti sint, cogunt & stimulant naturam ad expulsionem mox in principio faciendam: Quo tempore cum humores boni & mali adhuc permixti sint, fieri non potest, quin boni cum malis euacuentur. Atque ita & ob difficultatem euacuationis æger valde læditur. Hac de causa euacuationes symptomaticæ passim ab autoribus damnantur. Galenus, 4. aph. 22. de hac euacuatione ita scribit: *Cum morbus aliquis incipit, si quid excernatur, id tunc natura ratione & lege non excernitur, sed sunt omnia earum, quæ præter naturam in corpore sunt, affectionum symptomatica. Quamdiu enim à causis morbum facientibus grauatür natura, & humorum adest erudititas, tum ut aliquid rectè vacuetur, fieri omnino non potest. Siquidem ut bona fiat crisis, coctionem præcessisse oportet, & secretionem secretam fuisse, tandemque euacuationem.* Contra nihil videtur sequi incommodi, si vel in principio id, quod molestum est, & naturam lædit, euacuetur, & è corpore eiiciatur. Et si enim natura plerumque solet coctionem prius absoluere: tamen si humores vel nimis prauis sint, vel copiosi, natura maturius pugnam aduersus eos inire, illósque euacuare cogitur. Quod etiam absque vlllo incommodo eam absoluere possit, testatur experientia, quâ obseruatum est, naturam nullis adhuc apparentibus coctionis signis, mox in principio non raro per hæmorrhagias narium, alui profluium, sudores, vomitus & alias eiusmodi excretiones, euacuationes humorum vitiosorum instituisse, atque inde non solum nihil læsam esse, sed & onere leuatam, melius habuisse. Exemplum tale habetur, 1. Epid. comm. 3. ægroto 7. qui quinta die hæmorrhagia narium sine signis coctionis iudicatus est. Et 1. Epid. comm. 3. ægroto 13. seu text. 30. est exemplum mulieris prægnantis, quæ sine damno ac sine abortu, sine signis coctionis quinta die sudore iudicata est. Ita 3. Epid. com. 1. text. 1. 4. & seqq. seu ægroto 3. est exemplum ægri, in quo natura, crudâ adhuc existente materiâ, sapius iudicium instituit. Quò etiam pertinet locus, è 2. Progn. t. 67. ubi Hippocrates hæc habet: *Abscessus si in cruribus erumpat in pulmonia vehementi ac periculosa, omnis utilis est: optimus verò, si fiat, ubi creatio iam in mutatione est,* hoc est cum coctione, ut Galenus interpretatur, qui, in comm. hoc quoque clarè addit, abscessum talem, etsi citra coctionem fiat in cruribus, vindicare ægrum à morbo & periculo in pulmonia imminente; quamuis articulus, in quem humor decumbit, difficilius sanitati restituatur. Et omnino si licet, turgente materiâ, initio eam per medicamenta purgantia euacuare, ut est 1. aph. 22. cur non natura illud æquè commodè præstare possit? Et si Medicus tunc coctionem exspectare non debet, cur Natura eam exspectet? Controuersiam hanc nonnulli ita dirimere volunt, dum statuunt, id, quod Galenus dixit, impossibile esse, humores crudos commodè euacuare, accipiendum esse de humoribus crassis & viscidis: ad tenuium verò euacuationem nihil sequi incommodi. Imò nisi initio mox euacuentur, accendi magis, putrefieri, ægrumque valde ab iis molestari; vnde febris & omnia symptomatica magis ingrauescunt. Verum cum responsio hæc non sufficere videatur; quia tam tenues, quam crassi humores coctiones requirunt, neque tenues in principio ab alijs secreti sunt: alia quærenda est responsio.

An omnis
euacuatio
symptomatica
mala.

552 De tempore Crisis & diebus criticis.

Alij igitur distinguunt inter κρίσις optimam, pessimam, & non optimam, bonam tamen. κρίσις optimam esse dicunt, quæ cum signis perfectæ coctionis accidit, nihilque de humore morbifico relinquit, & agro certam salutem affert. Pessimam, quæ cum notis cruditatis ac mortis euenit, & in perniciem agroti tendit. Non optimam verò, bonam tamen, quæ ante statum, & sine perfectâ coctione ac perfectâ coctionis signis euenit. Atque talis accidit irritatâ naturâ à materiæ copia vel prauitate, vel aliquo extra occurrente; & in morbis acutis, in quibus salus est dubia, & cum metu spes euenit: vnde cum aliquid vtilis humoris cum vitiosis euacuatur, cum absoluto ægri comodo euenire, atque optima esse non potest, semperque est metuendum, ne periculosa sit & infida. Si tamen fiat cum εὐφορίᾳ, seu facili ægri tolerantia, ægrumque leuet ac morbo liberet, bona dici potest atque vtilis appellari; quamuis planè cōmoda non sit, & commodum cum incommodo coniunctum habeat. Sed vt hanc rem sine ambagibus ad pauca redigamus, sciendum: etsi omnis euacuatio, quæ accidit nondum coctâ materiâ, sit symptomatica: Tamen ex symptomaticæ euacuationes non sunt omnes eiusdem generis. Quædam enim non solum tempore, sed etiam qualitate humoris, qui euacuatur, symptomaticæ sunt, in quibus scilicet non, quæ morbum parit, materia, sed alia euacuatur; quæ euacuatio propterea semper noxia est, & cohibenda. Nonnunquam euacuatio est nimia; quæ & ipsa propterea sistenda. Imò nonnunquam accidit, vt Tempore, Quantitate & Qualitate vitiosa sit ac symptomatica euacuatio. Si verò solum tempore symptomatica sit euacuatio, in qua scilicet nihil præter naturam, nisi quod ante perfectam coctionem circa morbi principia fiat: potest aliquando vtilis esse, & propterea non supprimenda est. Etsi enim per se non adeò bona, neque tam bona sit, vt perfectâ critica, quòd aliquid vtilis materiæ, cum qua humores vitiosi adhuc permixti sunt, euacuet, & grauiora habeat symptomata coniuncta, quàm critica euacuatio, quæ sit post coctionem: tamen si duæ conditiones adsint, nimirum si ij humores præcipuè euacuentur, à quibus morbus habet originem; & vires ferant eam euacuationem, pro mala habenda non est, sed pro bona. Per eam enim materiæ morbificæ copia minuitur, vt natura reliquas facilius superare possit. Vnde post eam sequitur aliqua morbi mitigatio. Docuit hoc nos Hippocrates, 1. aph. 2. *In turbationibus alui, inquit, & vomitibus, qui sponte sunt, si qualia oportet, purgentur, confert, & facile ferunt; sin minus, contra.* Verum cum hæc εὐφορία non semper adsit, sed plerumque vires à vacuatione ante coctionem valde deiciantur: natura plerumque euacuationem differt post coctionem. Si tamen natura nimis irriteretur, etiam ante coctionem aggreditur hanc expulsionem: quam si vires facile ferre possint, accidit, vt euacuat vitiosis humoribus, morbus vel minuatur, vel tollatur. Itaque hic non tam ipsum motum humorum ac materiæ, quàm vires considerare decet.

C A P V T X I.

De diebus Criticis.

Dies critici non parum ad acutorum morborum, in quibus propriè crises eueniunt, euentum præfagiendum faciunt. Etsi enim iudicia seu κρίσεις, morborumque solutiones omnibus diebus accidunt, vt confiteretur Galenus, 1. de dieb. decretor. cap. 2. tamen peculiaribus quibusdam & determinatis diebus natura frequentiores & meliores crises instituit. Qui dies ob id κρίσιμοι & κριτικοὶ dicuntur; reliqui verò dies, in quibus crises rariùs, vel non bonæ accidunt, non critici dicuntur. Non verò hoc nomen habent,

quòd ipsi efficiant κρίσις; cum tota vis expellendi à facultate naturali pendeat: sed quòd signa saltem constantia vel inconstantia κρίσεως, vel eius causarum habeant. Nam etsi quæ perfectâ est ad mortem mutatio quolibet die integrè fieri possit: tamen quæ ad bonum futura est mutatio, & critica euacuatio, non nisi certis & statutis diebus firma, constans ac fida est. Cornelius Celsus quidem hanc doctrinam taxat, dum, lib. 3. c. 4. hæc habet: *Est, inquit, de diebus dubitatio: quoniam antiqui potissimum impares sequebantur, eosque tanquam tum de agris indicaretur, κριτικούς nominabant. Id Asclepiades iure vt vanum repudiavit, neque in ullo die, quia par imparvè esset, his vel maius, vel minus periculum esse dixit. Interdum enim peiores dies impares sunt. Nonnunquam etiam in ipso morbo dierum ratio mutatur fiuntque grauiora, qui remissiores esse consueverunt; & cætera, quæ ibi videri possunt.* Et tandem concludit: *Verum in his quidem antiquos, tunc celebres admodum, Pythagorici numeri fefellerunt; dum hic quicunque Medicus non numerare dies debeat, sed ipsas accessiones intueri.* Verum Hippocratem atque antiquos illos Medicos Pythagorici numeri non fefellerunt, nec tanti viri numerorum solum quodam studio atque amore ista diebus criticis tribuerunt; neque criticos esse dies statuerunt, quia pares, vel quia impares sunt: sed quia experientia & diuturna obseruatio rem non aliter sese habere ipsos edocuit. Quæ obseruationes etsi non omnes annotatæ sint, aut si forsan annotatæ fuerunt, ad manus nostras non peruenerint: tamen aliquas consignauit Hippocrates, in libris epidemiorum, quas collegit, & in vnum congeffit Galenus, 2. de dieb. decret. c. 3. & 4. Et recentiorum quoque Medicorum obseruationes & scripta legenti non pauca talia exempla occurrunt. Verum constat equidem ex illis obseruationibus, dies alios esse criticos, alios non criticos: seu, alios esse, qui benè & perfectè iudicant, alios, qui malè atque imperfectè: Sed de hoc controuersa est, an dierum criticorum ab Hippocrate assignatam rationem experientia planè comprober? Profectò nemo, si ingenuus est (verba sunt Magini, in com. supra lib. 3. Galeni de dieb. critic. c. 6.) dissimulare potest, criticos illos dies sapissimè ab Hippocratis opinione discedere & diuersos esse. Nam non solum Cornel. Celsus Asclepiadi Hippocraticam horum dierum obseruationem reprobanti subscripsit, sed multi præterea non vulgaris doctrinæ & experientiæ Medici in omnibus ægris veritatem horum criticorum se agnoscere non potuisse, fatentur. Ideoque primò quidem Hippocratis & Galeni de diebus criticis doctrinam proponemus: quæ tamen postea de ea admonenda videbuntur, non prætermitemus. Critici dies trium sunt generum, alij, qui simpliciter, & κατ' ἐξοχήν critici dicuntur, in quibus crises & meliores, & frequentiores sunt, qui omnes septenario circuitu definiuntur, & sunt septimus, decimusquartus, vigesimus, vigesimusseptimus, tricesimusquartus, quadragagesimus. In qua computatione non integri dies sumuntur (quamuis id fecerit Archigenes, cui vigesimusprimus, vigesimusoctauus, tricesimusquintus critici sunt) sed breuiiores; de quibus postea, cum de causis dierum criticorum agemus, dicetur. Deinde alij sunt dies, qui θεωρητοὶ & ὁμιονοχοί, seu indices, indicantes, & contemplabiles nominantur; à quibus monstratur κρίσις futura, & sunt cuiusque septimanæ medij seu quaternarij, vt quartus, vndecimus, decimusseptimus, vigesimusquartus. A nonnullis dicuntur critici secundarij, seu minus principales; quia in illis sit leuis pogna & cernuntur initia alterationis materiæ ad bonum vel malum. Alij sunt intercidentes seu intercalares, Græcis παρεπιπρόντες, alijs prouocatorij dicti, in quibus ex accidenti & contra naturam, vel ob paroxysmi & exacerbationis vehementiam,

vel ob causam externam natura irritatur, ut ad in-
tempestiuam expulsionem sese accingat; vel in qui-
bus ob errorem aliquem crisis, differtur, vel ob na-
turæ infirmitatem anticipat aut postponit: tales sunt
tertius, quintus, nonus, decimus tertius, decimus no-
uus, quibus nonnulli addunt decimum quintum &
decimum octauum. Nonnulli tamen prouocatorios
ab intercidentibus distinguunt, & prouocatorios es-
se dicunt, in quibus humor noxius mouetur, & vir-
tutem lacessit, & ad pugnam prouocat, talesque esse,
in febribus biliosis dies, qui procedunt de tertio in
tertium, in melancholicis qui de quarto in quartum,
in pituitosis singulos dies. Dies verò non critici seu
vacui sunt, in quibus vel nulla, vel rarissima & imper-
fecta ac mala crisis accidit: tales sunt sextus, (quem ta-
men nonnulli ad intercidentes referunt) octauus de-
cimus, duodecimus, decimus sextus, decimus octa-
uus: Nonnulli addunt 22. 23. 25. 29. 30. 32. 33. 35. 38.
39. Qui dies & medicinales appellantur, quod in istis
diebus tutius Medicus purgantia medicamenta exhi-
bere possit. De quibus iam omnibus accuratius & in
specie agendum est: sed antequam id præstemus, duæ
quæstiones explicandæ sunt. Prior, A quo die dierum
criticorum numerus incundus sit: ad quam etiam per-
tinet quæstio (An, si puerpera febris corripiatur, à par-
tu; an verò à die, quo cœpit febricitare, dies critici sint
numerandi. Altera, si crisis ad plures dies extendatur,
quis dies sit criticus. Primæ quæstionis explicatio ne-
cessaria est. Nisi enim cognitū habeatur, quis primus
dies sit, neque quis quartus, quis septimus sit, scire
possumus. Est autem non semper ad eò facile deter-
minare morbi principium, ut docet Galenus, *lib. 1. de dieb. crit. c. 6.* Nam quamuis sæpè morbi subito ac
repente cum rigore & dolore inuadant; cum antea
nulla sensibilis in corpore apparuisset mutatio: tamen
non raro etiam morbi sensim adueniunt, & ambulantes
adhuc & consueta officia facientes inuadunt, ac
postea semper magis ac magis augescunt, ut homines
tandem malo valde aucto, decumbere necesse habe-
ant; quod tamen alij citius, alij tardius faciunt. Nam
qui sunt fortiores, & mali patientes, diutius obambu-
lant, antequam decumbant: molles verò, imbecilles ac
timidi citius quasi victas manus præbent. Externa
quoque, ut iter & alia ciuilia negotia, nonnunquam
in causa sunt, ut nonnulli tardius decumbant. Ut
ita quis dubitare possit, an à lassitudine incipiente,
an à decubitu, an verò aliunde initium morbi nume-
randum sit. Verum Galenus, loco allegato, *1. de dieb. crit. cap. 6.* ita hanc quæstionem componit: *Morbi initium tempus illud putandum est, cum manifestè febricitare incipientes decubuerint*: seu, si clarius dicere
id libeat, morbi initium tempus illud est, cum febris
actiones manifestè lædit. Etenim febres acutæ, in qui-
bus crises fiunt, tantæ sunt vehementiæ, ut vix ho-
ram latere possint. Sit enim æger robustus & præsentis
animo: tamen hæ febres ita actiones lædunt, ut ægri,
si non decumbant, laboriosissime tamen & cum mo-
lestia id faciant, & fateri cogantur, se ægrotare. Ad
hanc quæstionem ista etiam, ut diximus, pertinet. An
in puerperis initium dierum sumendum sit à princi-
pio febris; an verò à tempore partus: cum sæpè febres
aliquot diebus post partum demum ingruant. De
qua quæstione apud Authores controuersia est. Hip-
pocrates, *3. prog. cap. 10.* ita hac de re scribit: *Pari modo in mulieribus indicationes fiunt à partu.* Quod ita expli-
cat Galenus: *principium numerationis, inquit, tibi fiat, non quo die cœperit febricitare, sed quo pepererit. In qui-
busdam enim circa secundum aut tertium diem à partu incipiunt, ex quo multi numerant futuri coniectionem. Sed res non ita se habet: sed ex quo peperit, numerationem oportet fieri dierum.* Atque hoc modo computat dies
Hippocrates, *3. Epid. com. 2. tex. 8. & 9. seu agrote, 11. & 12.* Nec ratio pro hac sententia deesse videtur. Nam

cum ab eo die sit morbi initium sumendum, quo hu-
mores agitantur: certè à partu initium capiendum
videtur; cum in eo humores, qui in corpore delites-
cunt, exagitantur. Contrarium tamen ipse Hippo-
crates sentire videtur, qui, *1. Epid. com. 3. t. 21. seu agrote, 4.* in Philini vxore, quæ decimo quarto à partu die
febris correpta fuit, à febre dies computat. Idem fa-
cit, *ibid. t. seq. 12. seu agrote 5.* vbi in Epicratis vxore
etiam à die, in qua febris incepit, dies numerat, ut
manifestè ex his verbis patet: *sæta, inquit, die qua il-
lam febris corripuerat, sub noctem delirauit: septimā omnia
exacerbata.* Idem quoque obseruat, *ibid. text. 28.* vbi in
vxore Dromeadæ etiam à die, qua riguerat, & febris
correpta fuerat, facit numerationis initium. Atque id
quoque cum ratione fecisse videtur. Nam etsi in par-
tu aliqua agitatio humorum fiat: tamen in eo partu,
cui febris aliquot diebus post superuenit, neque mox
putrescunt, aut concoqui incipiunt humores, neque
ille motus materiæ, qui fit in partu, est ille, qui fit in
febribus. Et si hoc in partu fieri deberet: aliæ quoque
humorum agitationes in corpore, quæ febres præce-
dunt, pro principio & termino dierum criticorum es-
sent ponendæ, non verò ipsa febris sensibilis inuasio.
Vnde etiam Auicenn. *2. quarti, tract. 2. c. 1.* scribit: *Si pe-
pererit mulier, deinde ei accidat febris, tunc si non cõpute-
tur ex febre, sed ex partu, est error.* Hanc, quæ in verbis
Hippocratis apparere videtur, contradictionem con-
ciliare, & controuersiam istam componere alij aliter
contendunt. Nonnulli duas computationes faciunt;
vnam à partu, alteram à principio febris. Sed hæc ge-
mina computatio ratione & autoritate caret. Et
Hippocrates semper vnicam computationem obser-
uat, vel à principio febris, vel à partu. Vallesius, *lib. 10. contr. c. 4.* ita distinguit. Si partus sit non naturalis,
quem symptomatum grauitate, & expurgatione, quæ
non secundum præscriptum naturæ fiat, definit, ab
ipso partu initium computationis faciendum esse. Si
verò sit partus naturalis, ab ipso febris initio nume-
randum esse. Verum commodior videtur esse Horatij
Augenij, *epist. medicinal. l. 7. epist. 7.* decisio, qui à partu
numerandos dies censet, si febris non multo post par-
tum incipiat. Cuius rei ratio manifesta videtur. Nam
si qui humores in corpore latitant, qui causæ febris
esse possint, agitantur in laboribus partus, incale-
cunt, & putredinem concipiunt, vnde febris gene-
ratur: quæ etsi ob symptomata alia vehementia, quæ
in partu accidunt, non ita manifestè se mox prodit;
tamen postea tertio, aut quarto die, quando san-
guinis in lac mutatio præcipue contingit, sese ma-
gis manifestat. Nam si aliæ causæ euidenter, aliique
labores & dolores vehementes putredinem in humo-
ribus excitare valent: curetiam non vehementissi-
mi partus dolores & labores id faciant? Vnde &
Hippocrates, *loco allegato, 3. prognost. tex. 10.* vbi ob-
seruationes in regulam quasi concludit, omnia à
partu numerare iubet. Si verò post sextum, septimum,
octauum diem, aut longiore post partum interuallo
febris oriatur: computatio à die febris inchoari de-
bet. Neque enim credibile est, tam diu febrem latitare
posse, ut non sese prodar, aut illum, qui in partu factus
est, materiæ motum, ad diem, ex. gr. decimum quar-
tum sese extendere. Eodem modo etiam de capitis
vulneribus concludendum videtur, si iis febris super-
ueniat. Nam si paulò post superueniat febris, cum ei
procul dubio causam dederit vulnus capitis, à die
vulneris inflicti numerandum est. Pertinet huc quo-
que quæstio: An in recidiuis computatio fieri de-
beat à die recidiuæ; An verò recidiua cum priore
morbo coniungenda sit? In qua quæstione hac distin-
ctione authores vtuntur. Si idem morbus sit, qui re-
uertitur, cum priore, & ex prioris reliquiis ortum ha-
beat, omnino computatio dierum coniungenda est,
& connectenda cum priore morbo. Si verò nouus

*An in recidi-
uis à recidi-
ua, vel priore
morbo sit fa-
cienda com-
putatio.*

morbus & ex alia causa ortus sit: ab ipso morbi noui exortu dies numerandi sunt. Nam si ex reliquiis prioris morbi recidua fiat, continuus motus est, & propterea etiam dies continua serie numerandi sunt. Etenim humores, qui febrium causae sunt, saepe non planè eiusdem sunt conditionis; sed pars alia est crassior, alia subtilior. Sicut ergo, dum natura coquit humores, facilius ac citius subtiliores coquit, crassiores difficilius ac tardius: ita quoque, dum humores putredine corripuntur, tenuiores citius acceduntur, quam crassiores. Natura ergo, ubi humores illi tenues cocti sunt, saepe vel copia, vel qualitate eorum irritata, eos expellit, licet reliqui vel nondum concocti sint, vel etiam nondum computruerint. Hinc humores relictos aliquandiu sine febrili calore esse, non impossibile est. Iidem tamen, cum sint præter naturam, & morbosam in se dispositionem habeant, postea putredinem concipiunt, atque ita recidua excitatur, nouusque quasi morbus oritur, qui ob continuum illum motum merito cum priore coniungitur, & dies continua serie, ut in vno morbo, numerantur. Hanc computandi rationem obseruauit Hippocrates, 1. *Epid. com. 3. agrote 3. & 6. epid. comm. 1. agrote 2. 3. epid. com. 3. agrote 8.* Alteram verò questionem quod attinet, eam quoque discutere utile est. Sæpe enim criticus motus plures dies occupat, atque incipit, exempli gratiâ, fluxus alui vel sudor, die sexto, & usque ad septimum, aut etiam octauum extenditur. Tunc igitur ambigere quis posset, cui diei crisis attribuenda sit. Qua in re ad tria præcipuè attendendum est; ad ipsam accessionem, ad criticam euacuationem, & ad tempus, quo febris cessauit. Nam si tria hæc in vnum diem concurrant, dubium non est, illi crisi attribuendam esse. Si verò disiungantur: paroxysmorum ratio, dierum criticorum natura, & temporum criticorum numerus considerandus est. Paroxysmos quod attinet, si ager magis laboret die impari, diei quoque impari crisis attribuenda; cum crisis plerumque fiat in paroxysmis. Quod attinet dierum criticorum naturam, si crisis fiat septimo & octauo die, crisis modus facile monstrabit, cui diei attribuenda sit crisis. Septima enim bonas & faciles crises habet; octaua verò imperfectas & laboriosas. Quantum verò ad tempora critica, quæ sunt decretorij paroxysmi initium, decretorij motionis principium, & finis *ὑπὸ τῶν* seu morbi solutio; illi diei præcipuè attribuenda est crisis, qui duo talia tempora complectitur: ut si octauo incipiat paroxysmus; die verò nono sequatur excretio, & solutio morbi; nono potius, quam octauo diei attribuenda est crisis. Si verò hæc tria in tres dies distribuuntur: illi diei potius conuenit crisis, in quo fit euacuatio, utpote maximus naturæ conatus. Exempli gratiâ, si perturbatio fiat die sexto, euacuatio critica die septimo, solutio febris die octauo: septimo diei attribuenda est crisis. Consideranda etiam hic sunt errata agrotantium. Nam si ager aliquem notatu dignum errorem commiserit: non levis est suspicio, eam crisi, quæ bono critico die, exempli gratiâ, septimo die, futura erat, vel anticipato tempore citius, vel motu retardato tardius, ut sexto vel octauo die, euenturam. His ita præmissis, iam in specie de diebus criticis agendum est. Et primò quidem criticos, quos simpliciter & κατ' ἐξοχὴν ita nominari diximus, in quibus scilicet & optimæ, & frequentissimæ crises eueniunt, quod attinet, sunt ij: septimus, decimus quartus, vigesimus. Inter quos septimus primum locum occupat, non solum ordine, sed & vi ac dignitate, in quo plurimi in acutis morbis iudicantur, adeò quidem ut ne omnes numerari possint, ut inquit Galenus, 1. *de diebus decret. cap. 2.* Decernit etiam hic dies fideliter, tutò, manifestè & cum bonis

signis, atque in summa perfectæ & felices plerumque crises in eo eueniunt, per quas agri à morbis liberantur, ut docet Galenus, 1. *de diebus decret. cap. 4. 5.* Et si nonnunquam aliqui in eo moriantur, vel in statum deteriore incidant, unde sequenti decretorio intereunt: cuius rei historiae aliquot exstant in libris epidem, ut 3. *epid. com. 2. agrote 8.* in quo cum omnia lethalia apparerent, ob ætatem iuuenilem (nam vigesimum annum agebat) & quod viribus valentior esset, ad septimum diem vixit, qui aliàs proculdubio citius mortuus fuisset, ut scribit Galenus, in *commento.* Unde Galenus, 1. *de diebus decret. cap. 4.* septimum bono regi comparat, sicut sextum tyranno. Ille siquidem clementior, tanquam bonus aliquis princeps, iis, quos iudicat, vel supplicij partem adimit, vel illustrat victoriam. Hic contra vel perniciæ eius, quem iudicandum accepit, gaudet, vel salute dolet, quaritque, ubi animus expleat, & malè agrum tractet, & longa punitione exerceat. De cuius numeri etiam in aliis rebus vi & dignitate multa ab aliis dicuntur; de quo videatur Gellius, *lib. 3. cap. 10.* & Macrobius, *lib. 1. de som. Scip.* Septimo inter criticos simpliciter dictos succedit decimus quartus, qui septenarij naturam imitatur, & secundæ septimanæ finis est, ac initium tertiæ; fiuntque in eo etiam bonæ ac perfectæ crises. Nam si septimo die perfectæ crisis non accidit, non est expectanda ante decimum quartum. Atque hucusque dierum criticorum ratio extra controuersiam est. Iam qui sequuntur, aliter ab aliis numerantur. Hippocrates enim & Galenus tertium in hoc ordine criticorum ponit vigesimum, Hippocratesque in historiis morborum criticos omnes à vigesimo numerat. Unde scribit, 2. *de dieb. decret. cap. 4.* *In ramo agrotorum catalogo, quos partim nominibus propriis additis, partim summa quadam comprehendit (Hippocrates scilicet) in unoquoque aëris statu nullam ex commemoratis diebus (decimum octauum scilicet, vigesimum primum, & qui ab his ordine pendet) decretorium esse inuentum, alterius ordinis (qui scilicet à decimo septimo & vigesimo pendet) euentem excellentiam indicat. Cum enim ex hoc ordine multi sint perfecti, sumitur, bene, rectè indicat; ex altero verò ne unus quidem in toto 1. epid. libro, qui tutò decreuerit, nedum perfectè & salubriter, ut non occidat, meminerit: insignem alterius esse eminentiam putabimus.* Contra Archigenes & Diocles præferunt vigesimum primum, eumque & ipse Hippocrates, 4. *aph. 3. 6.* admittit, nec eundem alij quoque Medici, qui Hippocratem & Galenum sequuntur, reiciunt; et si vigesimum præferant. Sed vter dignior sit, maioremque decernendi vim habeat, ex iis, quæ de causis dierum criticorum dicuntur, patebit. Non enim dies, quatenus dies, aut quatenus pares vel impares sunt, vim decernendi habent, sed quatenus in hoc vel illo die quid euenit, quod naturam ad excretionem stimulat; de quo in causis. Atque hic est terminus acutorum, quorum motus ab initio non ita vehemens fuit, atque vigesimus, aut ex Archigenis sententia vigesimus primus complet primum perfectum circuitum; & quæ ad vigesimum usque perturbationes fiunt, proximè accedunt ad earum naturam, quæ ad decimum quartum habentur. Quæ verò post vigesimum ad quadragesimum usque succedunt, paulatim efficaciam vehementiamque amittunt, & morbis inueterascentibus mutationis breuitatem amittunt, & ad duos vel tres dies extenduntur. Vigesimus septimus igitur, secundum Hippocratem & Galenum, quartus septenarius est, & præfertur ab iis vigesimo octauo: Contra Archigenes & Diocles anteponunt vigesimum octauum. Trigessimus quartus quintus septenarius est, quem tamen virtute præcedit quadragesimus: estque terminus quintæ septimanæ & principium sextæ. Quadragesimus sextus est septenarius, & sex septimarias complet.

Cui diei crisis
sit attribuenda.

Criticorum
dierum numerus.

Septimus.

Vigesimus
primus
Trigessimus
quartus
Quadragesimus

complet. Vt enim hoc semel dicam, Hippocrates & Galenus neque integros dies numerant, neque septimanas, neque annos. Contra verò qui integras septimanas numerant, vt Archigenes, quadragesimum secundum sex septimanas complere statuunt. Post quadragesimum languent morbi, & lenta coctione atque abscessibus potius, quàm crisis finitur. Accidit tamen interdum etiam post quadragesimum crisis; sed rariùs, nec tantam habet vehementiam, & plerumque pluribus diebus absoluitur. Vnde nonnulli quidem post quadragesimum plures criticos admittunt: sed Hippocrates omnes contempsit, præter vicenarios, qui perfectum circuitum complectuntur, & tantum sexagesimum, octogesimum, centesimum & centesimum vigesimum numerat. Post hos morbi alij mensibus, alij annis iudicantur, seu, vt docet Hippocrates, 3. aph. 28. alij intra septem menses, alij intra septem annos iudicantur; alij in binis annorum hebdomadibus vel ternis: vnde illæ in annis climactericis magnæ in corporibus, vt & morborum, qui à primo ortu contracti sunt, mutationes ortum habent. Atque hæc criticorum præcipuorum ex Hippocrate & Galeno enumeratio est ac series. Cum autem Hippocrates plures criticos, atque eos alibi aliter numerare videatur, sciendum ex Galeno, 2. de dieb. decret. cap. 6. Hippocratem alibi omnes omnino dies decretorios per seriem conscripsisse; (insetis etiam indicibus & intercidentibus diebus) alibi eos saltem enumerasse, qui maximam virtutem habent, & naturæ suæ ratione perfecti sunt, quibus etiam adiunxit eos, qui non mediocrem vsum ad futuri status iudicii prænotionem exhibent. Illud fecit Hippocr. 1. epid. com. 3. aph. 14. vbi hæc habet: *Est autem primus decretorius circuituum, qui diebus paribus indicant, quartus, hinc sextus, octauus, decimus, decimus quartus, decimus octauus, vigesimus, vigesimus octauus, trigessimus, quadragesimus, sexagesimus, octogesimus, centesimus, centesimus vigesimus. Circuituum verò, qui indicant imparibus diebus, primus tertius, post quintus, septimus, nonus, undecimus, decimus septimus, vigesimus primus, trigessimus primus.* Hoc verò fecit 2. aph. 24. *Index, inquit, vt verterunt, septimi est quartus: sequentis septimana octauus indicium: spectandus quoque undecimus; siquidem secunda septimana quartus est. Rursusque decimus septimus spectandus. Is enim à quarto decimus quartus est, & ab undecimo septimus.* Et 3. progn. 2. 2. 3. 5. ita scribit: *Simplicissima febres, ac signis firmata securissimis, quarto die aut citius desinunt: deteriores verò ac signis affligentes difficilimis, quarto die aut citius interimunt. Secundus verò impetitus ad septimum procedit, tertius ad undecimum, quartus ad decimum quartum, quintus ad decimum septimum, sextus ad vigesimum. Postea verò eodem modo, & eadem ipsa adiectione prima circuitio quatuor & triginta dierum est, altera quadragesima dierum, tertia sexaginta.* Quibus in locis eos solum decretorios enumerat, qui maximam vim habent, adiunctis indicibus, de quibus iam dicendum. Secundo enim loco inter criticos numerantur dies, quos δεσμητες & ὀπιδήλεις Hippocrates, 2. aph. 24. indices, indicatorios, & contemplabiles vulgò nominant; quorum doctrina nihil obscura est, ob controuersias, quæ à recentioribus circa illos mouentur. Nam & de natura illorum ac vsum, atque cur dicantur δεσμητοὶ, & indices, controuertitur, & de numero eorundem non omnes conueniunt. Prius quod attinet, etsi hoc extra controuersiam est, quòd indices dies nominentur, quòd aliquid futuri indicent, & δεσμητοὶ, quòd ex eorum cōsideratione aliquid de futuro morbi euentu cognosci possit: tamen illud controuersum est, quòdnam sit illud, quòd indicant hi dies, seu quòd in iis cognosci possit. Galenus & omnes omnino hucusq; interpretes statuunt, diem quartum esse indicem septimi (ita enim verterunt apho-

risimum 24. sect. 2.) seu diem quartum indicare, quid sit futurum septimo; vndecimum, quid in decimo quarto; decimum septimum, quid in vigesimo. Ita enim Galenus scribit, 2. de diebus decret. cap. 8. *Decretorius omnium fortissimus est dies septimus: prænunciat eum dies quartus, hæc duo habens, vt decretorius minor sit, & septimi index. Deinde vndecimus & decimus quartus eandem proportionem & naturam inuicem conseruant, quam cum septimo quartus.* Idemque explicans aph. 24. sect. 2. qui fundamentum huius doctrinæ videtur, indices dies eos esse dicit, in quibus signum aliquod iudicationis apparet alio quopiam ex diebus decretoriis futuræ; dicitque, primum quaternarium septimi diei indicatorium esse, vndecimum decimi quarti, decimum septimum vigesimi. Et, 1. de dieb. decret. cap. 4. ait: *quartus septimum vt plurimum prænunciat. Nam si vrina in illo vel sputi, vel deiectionis, vel appetitus, vel mentis, vel sensus, vel alicuius cuiusdam similis manifesta contingat mutatio: similis in septimo iudicatio comitabitur; bona, si ad salutem; mala, si ad perniciem tendat.* Quam Galeni doctrinam omnes, vt dixi, hucusque interpretes sequuntur. Solus, quantum memini, Marsilius Cagnatus, in comm. in aph. 24. sect. 2. hanc doctrinam reiecit, & falsam atque experientia contrariam esse statuit. Exempla autem, quæ in contrarium adducit ex Hippocrate, hæc ferè sunt, 1. epid. com. 3. t. 28. seu agrot. 1. historia inuenitur Philisci, cui die quarto cuncta exacerbata sunt: mortuus tamen est die sexto ad meridiem, non septimo. Eodem libro & com. 1. 24. seu agrot. 7. Metoni quarto cuncta exacerbata sunt, bis de nare dextra sanguis paulatim defluxit, nox grauis fuit, deiectiones biliosæ, subrufæ, vrina subnigra. Die quinto è nare copiosè profluxit sanguis merus, sudauit, iudicatus est. Sequens agrotus, octauus scilicet, quartum diem molestissimum habuit, quinto mortuus est, 3. epid. com. 1. Agrotus tertius, qui in Dealcis horto decumbebat, quarto vomuit pauca, biliosa ac flaua, de sinistra nare aliquantum fluxit sanguinis meri: quadragesimo demum die absolute iudicatus est. Item de vndecimo probat his exemplis. 1. epid. com. 3. t. 21. seu agrot. 4. Philini vxor die vndecimo dormiuit, vnde aliquid boni sperandum videbatur: mortua est vigesimo. Sequens ægra Epicratis vxor vndecimo sudauit, minxit melius colorata, commodius habuit: quæ tamen die 14. melius non habuit, sed grauiter ægrotauit, & die octogesimo demum liberata est. Ita etiam de decimo septimo exemplum affert: 3. epid. com. 1. text. 9. agrotus secundus die decimo septimo recidiuam passus est; quòd indicare videbatur peiorem diem vigesimum: is tamen obiit vigesimo septimo. Agrotus sequens, text. 27. qui in Dealcis horto iacebat, decimo septimo sudauit per totum, alleuatus est, melius spirabat, vt videretur die vigesima crisis expectanda: sed demum quadragesimo die est iudicatus: Idem etiam docet exemplis à se obseruatis pluribus. Atque hinc ex vulgata doctrina de indicibus diebus multa reddi incerta & dubia iudicia dicit, & pugnantia ex ea sequi. Sæpe enim fieri, vt in agro, cuius morbus pertingat ad vigesimum diem, vel vltra, indices tamen dies contraria afferant indicia. Exempli gratiâ, 3. epid. com. 1. agrotus 3. de quo antea etiam dictum, quarto die sanguinem modicum, merumque de sinistra nare emisisse dicitur, quò indicio mors die septimo portendebatur; cum tamen eo die, nulla crisis adfuerit. Die vndecimo à febre liber exstitit. Itaque si vndecimus est index decimi quarti, quæ vndecimo apparebunt bona, decimo quarto debuissent esse meliora & perfectiora. At contrarium euenit. Nam decimo quarto febris reuersa est. Pugnare verò hanc doctrinam cum aliis alibi ab Hippocrate & Galeno traditis & sententiis, ita probat. Nam Hippocrates, 1. epid. com. 3. text. 13. docet; febres, quæ diebus paribus accidunt, paribus iudicari;

Quartum septimi esse indicem negat Marsil. Cagnatus.

quarum verò sunt in imparibus accessiones, imparibus iudicari. Quod euenire semper non potest, si quartus simpliciter septimi index est. Ita enim semper die impari iudicatio fiet, vbi die quarto signa eius apparuerint. Tandem & hoc affert, hanc doctrinam (nimirum quartam septimi, vndecimam decimi quarti, decimam septimam vigesimi esse indicem) non respondere verbis aphorismi. Nam etsi decimus septimus *δεωρητός*, id est, spectabilis, seu consideratione dignus dicatur: tamen non vigesimi index dicitur; cum nulla omnino mentio vigesimi in aphorismo fiat: nec alibi in Hippocrate expressè exstet, decimum septimum esse vigesimi indicem. Ita etiam in aphorismo haberi, vndecimum esse spectabilem, sed non indicem decimi quarti: & vtrumque, quod scilicet vndecimus sit decimi quarti, & decimus septimus vigesimi index, coniecturâ tantum, ab authoribus fuisse additum, ait. Coniecturam autem illam eos sumpsisse ex prima aphorismi parte, vbi in versionibus habetur, quartum esse septimi indicem. Verum hanc non esse versionem genuinam statuit, & proinde interpretatione mala hanc coniecturam niti. Nam *ἡ ἑπτά* non significat septimum in singulari, sed septem in plurali, nec *ἑπτά* est numerus ordinis, sed cardinalis. His itaque adductus Marsilius Cagnatus concludit & concedit quidem, dies indices futuram morbi constitutionem vel longam, vel perniciosam denunciare, & quæ symptomata quarto, vndecimo, decimo septimo accidunt, futuros successus indicare: hoc verò negat, quod quæ quarto accidunt, futurum in septimo successum; & quæ vndecimo, euentura in decimo quarto; & quæ in decimo septimo, euentura in vigesimo indicent. Dies ergo indices dici statuit, quod quæ illis primis diebus in ægris apparent, de futuris successibus nos certiores faciant, absque tamen vlla temporis definitione. Atque hoc porro ex ipso Hippocrate probare conatur. Nam, 4. de rat. viñt. in acut. aph. 66. scribit: *Si febricitanti quarto die ingua conturbata quadam loquitur, & alius excernit biliosa & liquida, is delirabit*: sed non addit, quo die hoc sit euenturum. Qualia etiam alia habet, vbi septimum & vndecimum quadam prædicere scribit, sed non quo die; vt in Coacis, *sanguinis stillationes vndecima die contingentes, difficiles sunt*. Verum enim verò contra hæc, quæ Marsilius Cagnatus contra communem sententiam affert, non pauca responderi possunt ex Galeno, lib. 1. de dieb. decret. cap. 11. quorum summa hæc est. Si morbus acutus nullum periculosum signum referat, & quarta die euidenter quadam notæ coctionis appareant: septimo die crisis futura est. Sed periculosis symptomatibus præsentibus, vnâ cum aliqua coctionis nota quarto die apparente, iudicium, si paribus diebus accessio fiat, sexto expectandum est; quod si hunc excefferit, octauo; si in imparibus, septimo. Animus etiam aduertendus signorum lethalium tum magnitudini, tum copię. Nam si multa magnaue die quarto eueniant, accessionibus distinguendum fuerit de morte futura. Adhæc cognoscendum, hominem sexto die moriturum esse, modò accessio diebus paribus futura sit: sin imparibus, septimo. Interdum tamen sextus hominem iugulat, etiamsi accessiones contingant in imparibus, propter morbi celeritatem & magnitudinem, ac symptomatum in quarto euenientium copiam. Itaque etsi ex sua natura, hoc est, si nihil rari & magni incidat, vel extrinsecus, vel ex ipsa morbi conditione, vel etiam ægtotantis habitu, quartus omnino septimum indicet: tamen si quid extrinsecus præter spem accadat, vel morbus vehementer aut obscure ad iudicium propellatur, & ægtotantis vires aut validæ, aut imbecil-

Quomodo
quartus se-
ptimi index
sit.

les extiterint, attendendum est, an æger sit periturus ante septimum, an post hunc ipso decerneretur. Si quidem vbi malum aliquod extrinsecus præter spem euenierit, & morbus non simpliciter acutus, verum peracutus sit; adhuc ægri vires imbecillæ: signum malum, quod in quarto die apparuerit, septimum non expectat, verum sexto æger huiusmodi morietur; præsertim si pares accessiones habuerit. Si verò obscurum, excedet hunc quoque. Iam verò si accessiones paribus diebus contigerint, octauo; si imparibus, nono æget deceder. Errata autem, quæ crisis diem turbare solent, alia ab ægro committuntur, alia à Medico, quædam etiam extrinsecus accidunt. Atque ex his concludit Galenus: quartum esse indicem septimi, si nullus error committatur; Medicumque in prædicendo cautum esse, & hoc modo prædicere iubet: Huic morbus soluetur isto die, primum, si victus ratione à nobis ordinatâ regatur: deinde si nihil ipse peccet, & faciat, quæ iniunguntur omnia: postremò si nullus magnus extrinsecus error admissus fuerit. Interim quia ad experientiam prouocat Marsilius Cagnatus & alias dierum criticorum ratio maximam partem ab experientia pender: suademus, vt vbiunque occasio offertur, quilibet diligenter illas, quæ die quarto, vndecimo & decimo septimo fiunt, mutationes obseruet, simulque postea annotet, quomodo se decretorij habeant, & quibus diebus crises, & ea, quæ ab indicibus sunt iudicata, fiant. Tandem hoc differri non possumus, ea, quæ ad textus aph. 24. sect. 2. explicationem affert, non ita absurda videri, neque vulgatam de mutuo respectu indicatoriorum & criticorum dierum doctrinam satis firmum fundamentum in hoc aphorismo habere. Primò enim dixit Hippocrates, *ἡ ἑπτά ἢ τετάρτη ὁρίσθη*, quod si rectè vertatur, non significat, septimi quartus est index: sed septem dierum, seu, inter septem dies, seu, ex septem diebus, (primæ scilicet periodi, seu primæ septimanæ) quartus est index; vel quod vox Græca *ὁρίσθη* frequenter significat, insignis, illustris, manifestus, & dignus, qui obseruetur. Quod innuere & probare etiam videntur ea, quæ de vndecimo & decimo septimo adduntur. Nam dicit: *δεωρητὴν δ' ἢ ὀνδεκάτην*: *δεωρητὴν δ' πάλιν ἢ ἑπτά καὶ δεκάτη*: quod non significat, vndecimum esse decimi quarti indicem, & decimum septimum esse indicem vigesimi, sed vndecimum esse contemplabilem & spectabilem; rursum spectabilem & contemplabilem esse decimum septimum: id est, diem vndecimum & decimum septimum dignos esse, qui diligenter considerentur; cum ex eorum consideratione & iis, quæ in iis accidunt, de futura morbi constitutione iudicium ferri possit. Altera quæstio, quæ circa hos dies mouetur, est de numero eorū. Hippocrates enim, aphorismo modò allegato, tres tantum indices numerat, seu, vt ipse loquitur, *ὁρίσθη καὶ δεωρητός*. Sextum tamen etiam inter indices referre videtur, 4. aph. 29. dum inquit: *Febricitantibus si sexto die rigores fiant, iudicium habent difficile*. Et, 4. aph. 64. scribit: *Quibus per febres morbus regius die septimo, aut nono, aut vndecimo, aut decimo quarto supervenerit, bonum*. Atque alij etiam authores plures dies Indicatorios admittunt, vt, vigesimum quartum, tricesimum primum, & tricesimum septimum. Verum enim verò non facilè alij dies contéplabiles seu spectabiles admittendi sunt, quàm tres; cum nec in hoc aphorismo, nec alibi plures Hippocrates enumeret. Nec ratio deesse videtur. Cum enim, quò longiùs producantur morbi, eò vis criticorum fiat obscurior: non mirum est, si indicatoriorum dierum vis post vigesimum euanescat. Et quamuis Hippocrates alios etiam dies interdum admittat, atque eos aliquid boni vel mali portendere dicat:

Qui
ita
24

Quot
dies
torij.

dicat: tamen inter *ἡμέρας* ac *ἡμέρας*, seu vt vulgò nominant, Indices, referendi non sunt, cum non in omnibus acutis, quod verorum indicatoriorum proprium est, sed in certis ac peculiaribus quibusdam casibus aliquid indicent: Sed hæc in genere de Indicatoriis diebus sufficiant, si hoc tantum addiderimus: dies hos geminum officium seu vsum habere. Non enim indices tantum sunt & futuri aliquid portendunt: sed etiam decretorij sunt aliquando ac decernunt; etsi imperfectius hoc faciant, neque tantam vim habeant, ac veri decretorij. Tam inspecie eos quod attinet, & primò quartum, is inter dies hos indices primum locum habet, non solum ordine; sed & potentia ac dignitate, vt septimus inter decretorios. Vnde hunc solum Hippocrates *ἡμέραν*, illustrem, insignem, ac maximè contemplabilem; ceteros verò saltem *ἡμέρας* nominauit. Et multa loca exstant apud Hippocratem, è quibus diei huius dignitas æstimari potest, 4. aph. 71. *Quibus septimo die futura crisis est, iis urina rubram quarto die nubeculam habet, ceteraque pro ratione.* Et ibidem aph. 74. *Vbi spes est ad articulos abscessum iri, abscessu liberat urina multa, crassa, & alba reddita, qualis in febribus laboriosis quarto die quibusdam exire incipit. Quod si ex naribus etiam sanguis profluxerit, breui admodum solutio fiet.* Qualia etiam loca in Coacis, 1. *prorrh. com. 1. tex. 1. & alibi* passim exstant. Neque solum solutionis futuræ ac salutis index est quartus, sed sæpè etiam mortis. Nam si signa mala quarto appareant, ægrum moriturum indicat, siue id fiat in sexto, siue septimo, siue octauo. Etenim si vel morbus peracutus fuerit, & aliquid mali inopinatò præter expectationem acciderit, ægerque sit debilis, & signa mala die quarto appareant: non expectabit septimum morbus, sed sexto morietur; præcipuè si per pares moueatur. Quod si morbus non sit adèd acutus, nihilque mali extrinsecus accadat, malaque signa quarto appareant, septimo morietur. Quod signum si fuerit obscurius, & morbus paribus diebus moueatur, mors ad octauum differri poterit. Interdum etiam est decretorius; de quo Hippocrates, 3. prognost. tex. 2. *Simpliçissima, inquit, febres, ac signis firmatæ securissimis, quarto die aut citius desinunt. Deteriores verò ac signis affligentes difficillimis, quarto die aut citius interimunt.* Nam cum acuti morbi plerumque diebus imparibus iudicari soleant, crisin quarto die futuram tertius nonnuquam prædicit. Vndecimus secundæ septimanæ quartus est, & non solum *ἡμέρας* seu index est, sed & decretorius. Et quidem vim iudicandi quod attinet, non tantam eam habet ac quartus. Sicut enim dierum decretoriorum vis sensim imminuitur & obscurior euadit: ita etiam indicantium. Vim autem decernendi proximam habet decimoquarto, & vt Galenus, 2. *de dieb. decret. cap. 2.* scribit, qui septimo non desinunt, eos 11. die natura soluere molitur, atq; sic in ipso vel decernit, vel ipsi decimo quarto præparat. Decimus septimus est quartus tertiæ septimanæ, ab vndecimo in virtute prope vigesimum ponitur, frequenter, firmiter, & rectè decernens. Nam quamuis in indicando debilius sit quarto & vndecimo: iis tamen in decernendo potentior est, & inter validos criticos numerari meretur. Verùm Archigenes & alij, qui integros numerant, potiùs decimum octauum pro decimoseptimo admittunt: & ab hoc die initium est controuersie de ordine dierum criticorum. Sed hos Galenus prolixè, 2. *de dieb. decret. c. 4.* Tertius ordo dierum est, quos *παρεμπιπτόντας*, intercedentes & intercalares nominant, quòd ob erratum aliquod, aut materiæ motum quasi symptomatum crisis in eos incidat, turbato legitimorum dierum criticorum ordine. A quibusdam etiam Prouocatorijs nominantur, quòd ob errata commissa vel materiæ malignitatem Natura ante tempus ad crisin instituendam prouocatur. Atque idèd crises,

quæ his diebus accidunt, imperfectiores sunt, quòd natura non secundum suum institutum, sed coacta eas instituit, & sæpè cocta cum crudis, bona cum malis expellit. Inter hos est primus tertius, sed virtute quinto inferior. Et quia impar est, atque in accessionibus sunt plerumque iudicia; accessiones autem plerumque sunt in imparibus: hoc primo die natura irritata solet molesta expellere, & eam, quam quarto instituere debebat, crisin hoc die absoluere. Quintus tertio potentior est, & in virtute post vigesimum ac decimum septimum, atque interci dentibus post nouum ponitur. Nam si natura die quarto debilis sit, & quiescat: iudicium ad hunc vsque diem differri solet. Interdum tamen etiam septimo futura crisis, irritatâ naturâ, mox in hunc diem incidit. Nonus inter coincidentes potentissimus est. Nam in hunc crisis, quæ septimo fieri debebat, aut vndecimo futura erat, incidere solet. Siquidem si in septimo sit absoluta coctio; Natura tamen ob imbecillitatem nequeat crisin instituere: die nono postea ea solet absolui. Sæpiùs autem vndecimo die futura crisis anticipato motu solet in hunc vsque diem decidere. Decimus tertius, vt Galenus, 2. *de dieb. decret. cap. 8.* scribit, maximè inter decretorios imbecillus est: omnium verò, qui non decernunt, fortissimus, atque ita in medio quasi inter criticos & non criticos constitutus. Tandem sunt dies, qui appellantur vacui, quòd nec iudicent, nec indicent, nec prouocent. Medici etiam nominantur, quòd pharmaca in iis tutius, vtpote naturâ tum quiescente, propinare liceat. Sed tamen & hos criticos appellare licet; verùm cum adiectione, malos. Nam tales dies neque perfectè, neque cum ægri commodò iudicant; sed malè, infide, periculosè: crisesque in his potiùs à materiæ copiâ & prauitate, quàm naturæ robore fiunt. Primus inter eos sextus dies est, qui naturam nullius alius, vt Galen. 1. *de dieb. decret. cap. 4.* & 5. habet, imitatur: Qui & ipse quidem non rarò decernit, sed malè, infideliter, imperfectè, sine signis, periculosè. Et omnes, qui in eo iudicantur, vel moriuntur vel in summum periculum coniiciuntur. De quo Galen. alleg. cap. 4. l. 1. *de dieb. decret. hæc habet. Incredibile est, inquit, quanta cum perturbatione, periculo & metu, etiam si ad bonum tendat, crisis sexto die accadat, quasi æger statim fato sit defuncturus. Nam si in cataphoram incidant, sopori graui quid simile ijs obuenit, fiuntque tum omnis sensus, tum vocis expertes? & si qua excretio proueniat, omnes consternuntur, pulsus ipsorum concidunt, color abit, tremunt, collabuntur: Maligna, acrida, fetida magna ex parte cum deticiunt, tum vomunt: interdum parotides maligna, aut etiam arquatus, vel alius quidam abscessus, alterum certamen, quo discutiatur, requirens, emergit: Urina cruda, sine colore, tenues, boni nihil, quod subsideat, habentes, sed nunc quasi testaceum nunc arenosum, in rotum inaequale, incoctum, ipsa copia tantum in sexto die, quibus apparet, conducent. Plurimos autem alios syncope corripit, vel exsoluit larga sanguinis profusio, vel euacuatio parum moderata; item quosdam catoche vel mania corripit videmus; alios in certam perniciem coniici. Vnde suprà diximus, Galenum hunc diem tyranno comparare, sicut septimum bono regi. Hæc tamen nonnulli solum de biliosis morbis, qui diebus imparibus, & aliàs die septimo iudicari solent, intelligi volunt; in sanguineis autem, qui diebus paribus mouentur, magis volunt esse sextum criticum, quàm septimum. Octauus sexto similis est, non tamen adèd periculosus, soluunturque in eo rariùs morbi; & ii, qui diebus paribus moueri solent. Decimus etiam iis ferè similis est. In duodecimo nullum se iudicatum vidisse, Galenus scribit.*

Tertius.

Quintus.

Nonus.

Decimus tertius.

Vacui dies.

Sextus.

Octauus.

Decimus & duodecimus.

Atque hæc sunt dierum criticorum differentia, quas omnes secundum maiorem & minorem decernendi vim Galenus in hunc ordinem redegit, 1. *de dieb. decret. cap. 5.* Septimus criticorum omnium primus est, non numero & ordine, sed potentia ac dignitate. Septimi naturam maximè decimusquartus imitatur: proximi his sunt nonus, undecimus, vigesimus: prope hos sunt decimus septimus & quintus; post hos quartus. Hunc sequuntur tertius & decimus octauus. Sextus naturam nullius aliorum dierum exactè imitatur. Si aliquando in octauum diem vel decimū subita morbi solutio incidat, similis ferè ei est, quæ in sexto accidit. Eodem modo subito morbus non soluitur in duodecimo sexto, & decimono: & quidem in duodecimo & decimo sexto nullum se iudicatum vidisse Galenus, 1. *de dieb. decret. cap. 2.* testatur. Medius inter hos ordines dierum subito non soluentium, octauus dico, decimi, duodecimi, decimisepti, deciminoni, quos iam retulimus, & tertij, quarti, quinti, sexti, septimi, noni, undecimi, decimi quarti, decimiseptimi, decimioctauus, vigesimi, decimustertius videtur esse positus, non scilicet ita reiiciendus, sicut priores, qui secundæ sunt notæ, nec ita soluere morbos natus, sicut posteriores, qui primæ sunt notæ. Atque hic est ordo dierum criticorum in primis tribus septimanis. Cum autem progressu temporis crismus vehementia sensim languescat atque imminuatur: tot etiam post vigesimum diem critici non numerantur, sed ij solum, qui perfectum dierum criticorum circuitum complent, qualis sit die vigesimo. Itaque qualis numeratio ad vigesimum instituitur: talis instituenda est ad quadragesimum: post quadragesimum vigesimus quisque, seu vltimus, qui tres septimanas claudit, est criticus. Licet enim Cardanus, 1. *contradiet. tract. 3. contradiet. 4.* vigesimum, quadragesimum, sexagesimum, octogesimum, centesimum, centesimum vigesimum, Solis motui ascribat: tamen causam sufficientem, cur vigesimo quoque die Sol insignem mutationem efficiat, non reddit. In quarta septimana Galenus vigesimumseptimum præfert; Archigenes vigesimumoctauum vigesimoleptimo, & vigesimumprimum vigesimo, & decimioctauum decimo septimo prætulit. Hinc quadragesimus vim ac potentiam iudicandi notatu dignam continet: post quem trigessimusquartus. His minus iudicant vigesimusquartus & vigesimusprimus ex Galeni sententia. Multò his minus tricesimusseptimus; ita ut dierum decretoriorum, & eorum, qui non decernunt, in medio collocatus, & magis ex non decernentibus esse videatur. Alij dies omnes inter vigesimum & quadragesimum nullam vim decernendi habent. Post quadragesimum, solum sexagesimum, octogesimum, centesimum, centesimum vigesimum Hippocrates numerat; reliquos omnes contemnit. Atque hæc quidem vulgata ex Hippocrate & Galeno de diebus criticis doctrina est. Verum si experientiam cōsulas, docebit illa & docuit iam olim Asclepiadem, Archigenem, Celsum & alios, non ita strictè crisin in diebus hisce euenire. Vnde tertium criticum Hippocrates vigesimum, Archigenes verò vigesimumprimum, Hippocrates quartum vigesimumseptimum, Archigenes vigesimumoctauum constituit. Ideoque Astrologi non dies vel numeros simpliciter attendunt, sed omnem dierum criticorum rationem ad motum Lunæ referentes illos dies notant, quibus Luna ad ytrumque tetragonon & ad diametrum peruenit, respectu loci, in quo inchoante morbo reperitur, ut postea de causis dierum criticorum pluribus dicetur. Ideoque cum primum tetragonum Luna attingat sapissimè quidem septimo, interdum etiam octauo, primus criticus quidem sapissimè erit septimus, interdum etiam

octauus. Et cum ad diametrum perueniat plerumque quidem decimoquarto, interdum etiam decimoquinto; secundus quidem criticus erit plerumque decimusquartus, nonnunquam etiam decimusquintus. Et cum ad alteram quadraturam perueniat aliàs die vigesimo, aliàs vigesimoprimum, tertius criticus erit vigesimus aut vigesimusprimus. Ac tandem cum ad suam epocham aliàs vigesimoseptimo, aliàs vigesimooctauo reuertatur, quartus criticus erit nunc vigesimusseptimus, nunc vigesimus octauus. Hancque rationem etiam probatioris Medici sequuntur: Quin & Augerius Ferrerius eandem comprobant, & de se ipso ingenuè fatetur, experimento se sæpius comperisse, morbos iudicium distulisse, donec Luna motu suo peruenisset ad quadratum vel oppositum stellæ, cum qua fuerat, cum primum ægritudo inciperet, aut idem omnino punctum attigisset: quod frequenter contrigisse addit die octauo & quindecimo, & vigesimo, & vigesimoprimum, & vigesimosecundo, & cæteris indifferenter. Ut non mirum sit Hippocratem sapè 21. & alios, tanquam decretorios obseruasse; sed causam agnoscere non potuit, quod suo tempore planetarum motus non bene comperti essent. Ex Astrologia autem constat, tarditatem illam & velocitatem ad tardiore vel velociore Lunæ cursum ut plurimum referendam esse. Neque enim necesse est, ut dies criticos vel maturiores vel tardiores semper copiam materiæ peccantis, aut errori ægri vel famulorum ægroto inferuentium adscribamus. Hoc itaque modo determinati Hippocratis dies decretorij ab Astrologis non omnino euertuntur, sed pro vario siderum, Lunæ in primis, habitu determinantur & explicantur.

CAPUT XII.

De causis dierum Criticorum.

Cum ex capite præcedenti iam constet, magnam dierum criticorum esse varietatem, atque alios maiorem, alios minorem decernendi vim habere, quæritur, quæ sit huius differentia causa, & cur non omnes dies æqualem decernendi vim habeant; seu, cur non in omnibus diebus æquè frequentes & bonæ crises accidant. Quod explicare longè difficilimum est, adeò quidem, ut Galenus concludens hanc tractationem, 3. *de dieb. critic. cap. 10.* in hæc verba eruperit; *Nos hæc paucis planè, ipsisque inuicem scripsisse asserimus: Vos, o Divi immortales, nouistis, vos in testimonium voco, hæc me amicorum quorundam precibus vehementer adductum scriptis mandasse.* Difficultate tamen in re utili & iucunda nos terreri non decet, tentandumque est, quousque in veritatis inuestigatione peruenire possimus. Pythagorici in numeros causam reiecerunt. Sed cum hæc doctrina dudum iam explosa sit, nolumus actum agere. Rectè de hoc Galenus, 3. *de diebus decret. cap. 8.* scribit, *Ipsi dies primariam decernendi vim non habent, sed per accidens aliquid sic euenit; & post: neque septimi, neque quarti numerus crisis auctor est.* Nimirum non dierum numerus decernit, sed id, quod illa die accidit. Illud enim septimo & aliis diebus criticis suam dignitatem tribuit: à numeris verò dies nullam mutuatur dignitatem, quippe, quorum nulla est actio. Quid autem illud sit, quod in decretoriis diebus eueniens hanc illis dignitatem tribuit, valde controuersum est. In duas autem classes omnes authorum sententiæ redigi posse videntur. Alij enim saltem in corporibus nostris omnem causam quærendam statuunt: alij his, quæ in corpore nostro continentur, non contenti causas etiam cœlestes admittunt, sed vtrique non eodem modo sentiunt. Primam opinionem quod attinet,

Hieronymus

Hieronymus Fracastorius, ut fuit vir ingeniosus, novam ex humore melancholico causam criticorum dierum est commentus, quam ob viri celebritatem & auctoritatem referre & examinare libet. Nititur autem illa opinio aliquot hypothesebus. Prima est: Duo sunt, quæ ad expulsionem criticam materiæ morbificæ faciunt, vnum est irritatio, quæ fit à materia corrupta, noxia & naturæ molesta; alterum est materiæ coctio, & ad expulsionem præparatio. Neque enim humores corrupti vtiliter excernuntur, nisi sint cocti. Itaque cum hæc duo concurrunt, nimirum materiæ concoctio est absoluta, & ab ea Natura irritatur, tum maximè fit expulsio. Secunda Hypothesis est: Rarè fit, ut vnus saltem humor vitium concipiat & corrumpatur; cum humores in massa sanguinea commisti sint. Cum verò putrescere incipit humor, id quod corruptum est, secernitur à reliquo, quod integrum est, in qua secretionem humorum particulæ, quæ antè confusæ erant cum reliquis, cumulantur, & sensibilem copiam constituunt, quæ postea cocta per varias partes expellitur. Tertia Hypothesis est: Humores hos separatos aliàs vnam massam constituere, vnumque motum habere, ac vnum morbum producere, qui motum dominantis humoris sequatur, à quo etiam nomen accipiunt morbi; aliàs verò non vnum motum habere, vnde compositi morbi ortum habent. In prioribus morbis nullum criticorum dierum, septimi puta, decimi quarti, vigesimi, habendam esse rationem, sed solum paroxysmos attendendos esse, secundum quos fit morbi solutio. In posterioribus verò & compositis morbis, vbi scilicet humores solum confusi, non ad vnam formam redacti, crisis maxima ex parte fiet. Tertiæ hypothese quasi corollarium annectit hoc: accidere, ut cum plures ad vnam formam non redacti peccant, vnus illorum manifestum paroxysmum efficiat, alter verò latentem efficiat, ac obscurum motum habeat, quod primis diebus vix agnosci possit, sed posterioribus demum innotescat. Et phlegma quidem vnam plerumque formam cum aliis humoribus, cum pauca sit quantitate, constituere, & aliorum motum sequi. Hinc non parvam in diebus emergere diuersitatem statuit. Nam in quibus nullus humor mouetur, eos esse quietos; in quibus vnus saltem, eos esse acerbos; in quibus duo, acerbiores; in quibus omnes, acerbissimos. Hinc concludit; crises in iis diebus fieri, in quibus omnes humores mouentur. Paroxysmos enim eos esse vehementissimos, & naturam ab omnibus humoribus maximè stimulari. Hoc autem maximè fieri secundum motum humoris melancholici. Nam cum crisis non fiat, nisi cocto humore; perfecta autem coctio fieri non possit, donec etiam id, quod crassius est, coctum sit; crassum autem & coctu difficilimum esse humorem melancholicum: crisis fieri non posse docet, donec & iste humor sit coctus, & proinde circa humoris melancholici motus crises esse spectandas affirmat. Tandem & hanc ponit hypothesein: Morbos alios esse acutos, alios mediocres, alios chronicos. Acutos nominat, in quibus prima die melancholia cum bile mouetur, & qui decimatertia die finiuntur; mediocres, quando secundo die melancholia putrescere incipit, & qui finiuntur vigesimo; chronicos, in quibus tertia demum die melancholia mouetur, & extenduntur ad quadragesimum & vltra. Ex his tali sumpto exemplo suam sententiam deducere videtur Fracastorius. Sit, inquit, humor principaliter peccans bilis, mistus tamen, & sub vnam formam redactus cum pituita, cum melancholia verò solum confusus: sit autem melancholia non multa, nec crassa valde, sed quæ citò attenuari possit. Itaque putrescente bile, simul eodem die putrescit melancholia, atque ita paroxysmus primo die non nihil acutus erit. Secunda dies erit quæta,

quia nullus humor tum mouebitur; cum ex hypothese pituita sub vnam formam cum bile sit redacta. Tertio de bilis mouebitur; non tamen crisis fiet, quia melancholia nondum est cocta, neque stimulus adhuc est maximus. Quartus dies habebit motum melancholici humoris, sed latentem & obscurum: quia eius non magna est copia. Quinto rursum bilis mouebitur. Sextus erit quietus. Septimo verò omnium acerbissimus paroxysmus erit; quia iamdum coctus est humor melancholicus, & vtriusque humoris motus concurrat. Atque ita hoc saltem die crisis fiet, quæ in aliis fieri non potuit, cum vel digestio, vel stimulus deesset. Atque per hoc exemplum & humoris melancholici motum etiam monstrat, qua ratione decimus, decimus tertius, decimus sextus, decimus nonus, vigesimus secundus, vigesimus quintus critici sint. Qua ratione verò vndecimus, decimus quartus, vigesimus, vigesimus primus critici sint, his præsuppositis monstrare conatur. Nimirum statuit, varios esse melancholiæ modos & condiciones; nunc esse paucam, nunc multam; interdum crassam, interdum tenuem: similiter se habere bilem. Ex qua diuersitate fiat, ut putrescente bile nonnunquam eadem die putrescat melancholia, modò in principio paroxysmi, modò in medio, modò in fine; cum scilicet pauca, subtilis, calidior, & magis bili admixta est. Interdum non simul & eodem die moueri melancholiam, sed secundo primùm, tertio, fortasse etiam quarto. In acutis enim morbis, utpote qui ex tenuiore, pauca & calida materia oriuntur, vtrumque motum fieri primo die: in tardis autem, ut qui à crassiore, multa, tenaci ac frigida materia oriuntur, moueri melancholiam non nisi tertio die, fortasse etiam quarto: in mediocribus melancholiam secundo die recipere putredinem. Ergo si primo die primùm putrescat melancholia, quod fit in acutis morbis, de quarto in quartum erunt periodi, eruntque hic critici quartus, septimus, decimus, decimus tertius. Et quidem si ægritudo sit acutissima, in quarto fiet crisis: si morbus acutus sit minus vehemens, ad tertium protendetur crisis; si mediocriter acutus, septimus erit criticus. Atque hinc cum mediocria sæpius contingant, quàm extrema, & rariores sint morbi acutissimi, septimum maximè esse criticum. Si verò prima die non putrescat melancholia, sed secunda, quod in mediocriter acutis fit, tum quaternarij fient paroxysmi die secundo, quinto, octauo, vndecimo, decimo quarto, decimo septimo, vigesimo; Et critici erunt vndecimus, decimus quartus, decimus septimus, & vigesimus. Si enim materia non multa sit, & morbus acuto propior, vndecimâ fiet crisis. Si verò materia sit crassior, & morbus chronico propior, die vigesimâ fiet crisis: at si tertio demum die putrescere & moueri incipiat melancholia, quod fit in chronicis morbis, in quibus materia est crassior & multa, circuitus fiunt tertio, sexto, nono, duodecimo, decimo quinto, decimo octauo, vigesimo primo, vigesimo quarto, vigesimo septimo, tricesimo; criticique erunt vigesimus primus, vigesimus septimus & decimus quintus. Si enim materia crassa sit ac tenax, pauca autem, decimo quinto crisis fiet; si verò crassa ac multa, vigesimo septimo. Si mediocris, quod sæpius euenit, vigesimo primo. Ex iisdem fundamentis etiam causam reddere conatur, cur aliqui dies non sint critici. In sexto crises non fieri statuit, quia nec bilis, nec melancholiæ motus in ea fit; nisi forsan in periodis tertij, seu quando melancholia incipit tertio die putrescere. Sed tum crisis longius protrahitur. Octauum propterea non esse criticum dicit, quod nec bilis, nec melancholia in eo moueatur; nisi forsan vbi melancholia incipit putrescere secundo die. Sed nec tum octauo die esse coctum humorem melancholicum. Decimus bilis

*Fracastorij
resutatio.*

*Non in qua-
uis febre plu-
res humores
putrescunt.*

motum non habet, & quanquam humoris melancholici motus in eum incidere possit: tamen is est latens & obscurus. Eandem etiam rationem dicit esse sequentium dierum. Verum etsi hæc ita à Fracastorio ingeniosè & scrupulosè excogitata & concinnata sint: tamen multa sunt, quæ docti viri in iis desiderant. Et hoc quidem primò in opinione Fracastorij desideratur, quod dierum criticorum periodum & ordinem adeò certum ac constantem in materiam eiusque motum refert, tam variabilem in paucitate, multitudine, crassitie, tenuitate, tenacitate, frigiditate, caliditate; cum vix tam ordinati motus, ut postea etiam diceretur, hinc peti possint. Deinde magna sunt illa postulata, quæ sibi concedi cupit Fracastorius, quibusque postea suam superstruit sententiam. Nam illa pleraque sine certa demonstratione, & pro libitu ponit, ac sibi concedi postulat. Et enim primò hoc concedi facile non potest, semper plures humores corrumpi ac putrescere, & nunquam ferè vnum humorem putrescentem reperiri. Siquidem sæpe vnus saltem humor præternaturalis in corpore abundat, non plures. Errorque hic Fracastorij inde originem traxisse videtur, quòd in corpore naturaliter in venis humores illos, bilem, pituitam, melancholiam, latere putat; quòd falsum est. In corpore enim sano saltem massa sanguinea in venis continetur; quæ etsi diuersis partibus constat, omnes tamen illæ sub forma sanguinis continentur, & corpori alendo vtilis sunt, non excrementitij humores. Quòd si accidat, ut ex sanitatis statu homo ad statum præternaturalem & morbosum deflectere incipiat: non est opus, ut mox bilis, pituita, & melancholia simul cumulentur, sed in hoc corpore hic, in alio alius præternaturam colligitur, & causa morbifica euadit. Vnde non est necessarium, ut in quolibet, qui in febrem incidit, tres humores præternaturales reperiantur. Quòd deinde de humoribus illis vitiosis, aliis sub vnâ formam redactis, aliis confusis saltem, dicitur, etiam pro arbitrio confictum videtur. Neque rationes dari possunt facile, quibus solidè monstretur, ita hoc in venis sese habere, ut proponitur. Sicut & illud eodem modo pro arbitrio constitutum videtur, quòd melancholiâ nunc in primo, nunc in secundo, nunc in tertio die; nunc in augmento, nunc in statu, nunc in declinatione moueatur seu putrescat. Præterea si crisis nulla fieri potest, antequam humoris melancholici coctio sit absoluta: nunquam ante quartum diem, quo humor melancholicus mouetur, crisis euenire posset; quæ tamen interdum etiam accidit in tertio & ante quartum, ut docuit Hippocrates, 3. *prognost. l. 2.* Et cur non potius humori, qui maxime peccat, & naturæ maxime molestus est, qualis ferè in omnibus acutis est bilis, crisin, si humori saltem tribuenda est, tribuerimus, quàm humori obscuro & latenti, id est, qui parùm peccat, naturamque valde lacerandi vim non habet? Insuper nec hoc concedi facile potest Fracastorio, quòd crisin in iis saltem morbis accidere statuit, qui ortum habent ab humoribus in venis contentis; cum etiam in partium nonnullarum tumoribus calidis crises obseruentur. Tandem contra omnem antiquorum & recentiorum experientiam est, quòd nouos tres ordines criticorum dierum constituit, & quos antiqui experientia edocti coniunxerunt, septimum, decimum quartum, vigesimum, disiungit, & alios contra, qui diuersissimæ sunt naturæ, in eundem ordinem coniicit. Recentiores alij concedunt quidem cælum & astra crisin, ut & aliorum motuum omnium, causam esse, sed vniuersalem tantum: particularem verò & proximam, naturam seu facultatem corpus nostrum gubernantem: eamque ad crisin omnino sufficere; cum motibus ordinatis & certo ordine vtatur, humoresque malos à bonis secernat, secretos ad excretio-

*Aliorum opi-
nio, qui cau-
sam dierum
criticorum
etiam in cor-
pore ponunt*

nem præparet, & tandem suo tempore, definitisque periodis expellat. Quòd itaque tardior aut celerior sit crisis, id acceptum referunt partim humori expellendo, partim naturæ expellenti, Nam si humor sit calidior, benignior, natura fortior, citius fiet coctio: si crassior, frigidior, natura sit debilis, coctio fiet tardius. Paritatis autem vel imparitatis causam ad solum humoris motum referunt: pituita enim quotidie, bilis tertio, melancholia quarto die mouetur. Cur autem soli septenarij perfecti sint critici, totum efficienti causæ adscribunt, statuuntque, naturam sibi definitum constituisse tempus, septimum nimirum quemque diem; cuius etsi causa facile dari non possit, experientia tamen id compertum haberi. Verumenimverò nec hæc sufficiunt. Nam distinguendum est inter causam *κρίσεως*, & causam dierum criticorum. Causam *κρίσεως* esse facultatem expultricem, quæ id, quòd molestum est, expellit, facile concedimus: sed causas dierum criticorum inuestigare, non est quærere, quid humores vitiosos è corpore expellat, sed cur facultas expultrix non in omnibus, sed certis & statutis quibusdam diebus, septimo nimirum, decimo quarto, vigesimo & similibus, quæ sibi molesta sunt, frequentius & facilius soleat expellere. Si ad humorum coctionem confugas, singuli dies possunt esse critici, & proportio agentis ad resistantiam patientis potest multis modis variari, atque, si crises tum fieri dicantur, quando concocta materia est, crises in omnes possunt incidere dies; quòd tamen non fit: sed natura expulsionem ad criticos dies differt, & materiam longè facilius die septimo, quàm sexto aut octauo expellit. Si ad paroxysmos, qui stimulant naturam quis confugiat, nec is se expediet. Nam morbi biliosi cum de tertio in tertium diem semper moueantur, cur crises non potius die decimo tertio, quàm decimo quarto eueniunt? Præterea ordo dierum criticorum non esset tam certus, quòd paroxysmi sæpe anticipant & postponunt. Quòd si tandem, quòd plerique faciunt, ad id se quis conuertat, & dicat, septimum diem motibus naturæ esse præfixum, seu, ut loquuntur, esse occultam naturæ proprietatem, ut progrediatur in septenariis: cur secundum Hippocratem & Galenum vigesimus potius est criticus, quàm vigesimus primus, & cur non septem dies, qui hebdomadam constituunt, integrè numerantur? Causam quidem huius rei afferre conatur Andr. Laurentius. *lib. 3. de Cris. cap. 14.* hoc modo, quòd nimirum crisis sit motus naturalis; motus autem naturalis sit in principio tardior, in fine velocior: sicut contra animalis in principio velocior, in fine tardior. Deinde quòd materia morbifica decimo septimo & decimo quarto die iam attenuata sit, & quasi omnino deuicta à Natura, ut vigesimum primum deinde non exspectet, sed vigesimo die quasi sponte & nulla vi extrudatur. Sed nullius hæc momenti sunt. Nam quòd dicitur de motu naturali, quòd in principio sit tardior, in fine velocior, accipiendum est de corporibus inanimatis, quatenus naturali elementorum motu mouentur; non verò id ad facultatem naturalem in corpore humano extendendum, quæ etsi suo sensu, nimirum quatenus sentienti & rationali opponitur, naturalis appellatur à Medicis: tamen & ipsa corporis animati facultas est. Atque ipse, *lib. 1. c. 14.* causam, cur vis indicatoriorum dierum imminuatur, hanc affert: quòd natura, si incipiat coctionem materiæ quarto die, possit eam breui interuallo totam domare. At si vnde decimo die coctionem inchoet, debiliorem iam decimo quarto non semper posse excernere. Quapropter cum hæc ita sese habeant, & sufficientes causas dierum criticorum in corporibus nostris non inueniamus, illud nobis in mentem reuocare debemus, quòd 2. *de dieb. decret. c. 2.* Gal. scribit: *Hæc inferiora etsi ordinem & artifi-*

*Eorum
tatio*

*Cælesti
lunaril
ordinat*

cum

*cum admirandum contineant: superari in his longè à cœlestibus, & omne pulchrum ac ordinatum à superioribus provenire; proptereaque his inferioribus, minus stabilibus, stabile aliquod, quo contineantur & regantur, circumdari, cœlestesque causas, quæ ordinatissimæ sunt, etiam hîc admittere non absurdum censere debemus. Idque eò tutius faciemus, si quantum cœlestia corpora, inprimis Sol & Luna, in hisce inferioribus possint, perpenderit, experientiamque consuluerimus. Quantas Luna in coniunctionibus, oppositionibus, & quadraturis mutationes efficiat, & quomodo hinc ventis & tempestates murentur, sata & plantata felicius vel infelicius crescant, cancri & conchilia nunc plena sint, nunc minus plena: satis compertum est nautis, agricolis, hortulanis, fœminis, quibus menses secundum Lunæ cursum Lunæ cursum fluunt, imò lippis & tonsoribus notum est, ut qui illud probare velit, actum agere videatur. Percipiuntque illas mutationes satis, qui cum chronicis morbis conflictantur, adeò ut non pauci, astrologas sibi manus esse, conquerantur, ac corpora sua ferè ephemeridum loco habere possint. Vnde & Hip. *l. de aer. ag. & loc.* Anni temporum mutationes observare iubet, inprimis solstitia & æquinoctia; syderum quoque ortus & occasus. Etsi verò ab Astrologis nonnullis multum in alteram partem sit peccatum, & multa vana ac superstitiosa astris vulgò attribuantur: tamen & hoc cauendum est, ne in alteram partem peccemus, & in naturam, imò naturæ authorem, Deum omnipotentem, qui nihil frustrà, nihil oriosum fecit, iniurijsimus; neque credamus, quò impudentiæ nonnulli deueniunt, cœlo stellas ferè ornatus tantum gratiâ inditas esse, non secus ac cœnacula emblematis ac tessellis exornantur; aut persuasum habeamus, paucissimos esse cœli effectus, vel ignobiles, cum plurimi sint & præstantissimi. Neque enim dicendum est, à Creatore tantum stellarum numerum frustrà multiplicatum esse. Sed de his in genere pluribus differere huius loci non est: quod nostri propositi est persequemur; nimirum tam evidenti experientia, & tot mutationibus, quæ à cœlo, inprimis Sole & Luna pendere videmus, persuasi, causis his inferioribus facultatique expultrici cœlestes adiiciemus, causasque coniungemus. Etsi enim, ut septenarij & quaternarij, qui antea enumerati sunt, critici sint, id omne à motu Lunæ pendeat, qui in quadris & intermediis spatiis has mutationes efficere solet: tamen ut hic vel ille inter eos criticus fiat, neque Lunæ motus, nec causa aliqua in corpore sola sufficit, sed ex plurium concursu quasi composita causa statuenda est. Nam cum ea, quæ ab vno agente fiunt, semper eodem modo sese habeant, quæ verò à pluribus fiunt, nisi omnia debito modo concurrant, variè sese habeant; atque in diebus criticis quidem vniformitas quædam, quæ tamen multis modis variatur, appareat: ad plures potius, quam ad vnicam causam recurrendum est. Videmus enim non semper septimum esse criticum, neque etiam semper decimum quartum: & nunc bonam, nunc malam crisin fieri; nonnunquam etiam eodem die. Primò itaque Lunam dierum criticorum causam ponimus; secundò humorum peccantium conditionem & dispositionem; quibus tandem virtus expultrix accedit, quæ à Lunæ influenza, humorumque in corpore dispositione stimulata, & tempus expulsionis idoneum, criticum diem scilicet, nata, sese expulsionis accingit, atque immediata crisis causa est. Nam primò cum certum sit, ordinem dierum criticorum neque à facultate corporis, neque à materia morbifica solum provenire posse, causa cœlestis adiungenda est. Etsi verò sidera sint varia, & præcipuè Solis ac Lunæ influxus in hæc inferiora sint potentissimi: tamen Solis, qui motu suo annum spatium describit, actiones*

magis in diuturnis & longis morbis, qui intra annum desinunt, & Solis peragrationem per signa Zodiaci sequuntur, mutandis, soluendis ac finiendis conspiciuntur: sicut morbi longiores adhuc & qui ultra annum producuntur, Planetarum tardiorum Martis, Iouis, Saturni motum sequuntur. Critici verò dies, quia in morbis acutis observantur; Luna autem in singulis quaternariis, & septenariis insignes faciat mutationes: eius potius, quam Solis ac reliquorum Planetarum motus ad dierum criticorum rationem quadrat. Itaque cum Galeno statuamus, Lunam, ut in aliis rebus insignes efficit mutationes, prout alia atque alia cœli loca motu suo occupat, & ob lumen à Sole mutuatum varias *phases* nobis ostendit: ita etiam in nobis insignes quasdam mutationes excitare in iis Zodiaci locis, quæ locum, in quo Luna initio morbi fuit, quadrato vel opposito radio adspiciunt, & cum eousque progressa est, ut novam *phases*, & insignem luminis mutationem habeat. Nam cum Luna, ut & aliæ stellæ, non solum lumine, sed & occultâ influentiâ in hæc inferiora agant, ut alibi probatur; hæc autem variè agat, prout varios ad alias stellas habet aspectus, & hæc vel illa signa occupat, atque *phases* diuersas habet: hæc duæ causæ coniungendæ sunt; nimirum motus & progressus ad signa quadrata vel opposita, atque *phases* mutatio. Quas causas si coniungamus, ex eo, quod plurimi contra hanc doctrinam obiiciunt, nos expedire poterimus. Existimant enim plurimi, si Lunæ causa dierum criticorum statuatur, ob variam, quam habet à Sole, illustrationem, & varium in Zodiaco positum, variòque aspectus, eos tantum morbos in septimo & decimo quarto iudicari posse, qui nouilunio aut plenilunio inciperent: alioquin nec septimum diem Lunæ dimidiæ, nec decimum quartum plenæ vel novæ responsurum: cum tamen fieri possit, ut hodie Socrates, cras Plato, tertio Dion ægrotare incipiat, quarto alius; quorum tamen quilibet in septimo iudicabitur. Cuius rei exemplum est apud Galenum, qui vnica æstate plures, quam quadringentos acuto morbo laborantes septimo die perfectè iudicatos vidit: qui certè omnes sub vno aspectu ægrotare non cœperunt, sicut nec, cum iudicarentur, Luna idem lumen, eosdemque aspectus habuit. Verum enim verò, quocumque etiam die quis in morbum incidat, septimo die ad quadratum, & decimo quarto ad oppositum eius loci, in quo in principio morbi fuit, Luna veniet. Ita etiam non solum à die coniunctionis ad quadraturam, & hinc ad oppositionem *phases* Lunæ mutantur, sed quocumque etiam mensis die morbus incipiat, Luna decimo quarto die insignem luminis ac *phases* mutationem habebit, respondentem ei, quæ à nouilunio æstimatur, & vel tantam partem, & quidem oppositam illuminatam habebit, quantam in principio morbi opacam ostendebat, & contra tantum opaca erit, quantum ante dies quatuordecim in opposita parte illuminata erat. Atque eodem modo aspectus etiam & *phases* mutantur in septimo quolibet die. In primo enim morbi insultu coniunctio fit quasi morbi & Lunæ: circa quartum diem fit sextilis; circa septimum quadratura; circa vndecimum trigonus; in decimo quarto oppositio; in decimo septimo trigonus, in vigesimo quadratus: in vigesimo quarto sextilis; inter vigesimum & vigesimum septimum altera coniunctio. Et licet respectu menstrui motus Lunæ, quo Zodiacum peragrat, & cum Sole coniungitur, principium morbi possit variis diebus accidere: tamen respectu collationis inter morbum & Lunæ motum iidem efficiuntur aspectus, diésque decretorij sequuntur motum Lunæ non simpliciter, prout menses describit, sed factâ collatione ad morbi principium Exempli gratiâ, inciderit quis in morbum die à noui

*Quomodo
Luna criticos
dies faciat.*

nouilunio quarto, quo tempore Luna est *μωσ-δης* seu falcata; sitque exempli gratia, Luna in Libra: die ab initio morbi septimo, qui erat post nouilunium circiter vndecimus, erit *ἀμφικυρτ*, id est, ytrinque gibba, & Luna erit tunc in Capricorno; die verò ab initio morbi decimo quarto, qui est à nouilunio circa decimum octauum, iterum erit *ἀμφικυρτ*, vt & die septimo erat *ἀμφικυρτ*, pars tamen opposita erit illuminata; & Luna erit in ariete signo opposito: die ab initio morbi vigesimo primo, seu à nouilunio vigesimo quinto, iterum erit falcata, sed cornua in partem contrariam, secus quàm in principio morbi vertebat, conuerteret. Eludere quidem hanc responsionem conatur Fracastorius, *de dieb. decret. cap. 5.* Sit, inquit, vt hodie Dion ægrotet, cras, Callias, postridie Plato, in aliis alij; omnes quidem eadem ægritudine: & ad septimum crisin factura per suam nitatur cœli quartam Luna: unicuique crisin dabit, in septimo Dioni, in octauo Calliæ, quæ illi septima est, in nono Platoni septimâ, & ita in aliis: atque ita singulis diebus eundem effectum edet Luna; qui proinde eandem causam habebit. Et sic, si à loco acquirit vim Luna, omnia cœli puncta eandem vim habebunt, & per consequens tam in octauo, quàm in septimo mouebit. Præterea dicit; penè risu dignum esse, statuere, primum punctum Arietis primo puncto Libræ respondere: simplex enim cœli corpus esse, ac eiusdem naturæ & virtutis per totum orbem. Verum ad hæc responderi potest: nos vtramque causam, nimirum motum & progressum ad signa quadrata & opposita, & hinc influxus variationem atque *φάσεως* mutationem coniungere, *φάσεως* autem mutationem quod attinet, septimo, decimo quarto, & vigesimo primo sensibilter lumen mutari, quocunque etiam die morbus incipiat, iam dictum est. Motum verò ad signa quadrata & opposita quod attinet, hinc maximas mutationes fieri experientia docet. Neque si singulis diebus in diuersis ægrotantibus crisis causatur, omnia cœli puncta eandem vim habebunt, & proinde omnibus eadem die crisis fieri poterit. Perinde enim vt Sol eodem momento aliis oritur, aliis occidit, aliis meridiem facit: ita etiam eadem Luna, pro varia morbi origine & aspectu cum signo, in quo ante morbum hærebat, eodem die aliis crisin efficit, aliis non. Neque hæc ex aspectibus diuersitas effectuum ea de causa negari potest; quod cœlum sit corpus simplex. Cœlum enim tanta multitudine stellarum constat, quas omnes nemo iisdem viribus præditas esse dicet, nisi qui aliquid frustra factum esse concedit. Itaque cum secundum illum in Zodiaco motum & progressum non solum ad alias atque alias stellas Luna moueatur, sed & cum Planeris aliis diuersos aspectus acquirat, causa etiam hæc reiicienda non est, sed cum *φάσεως* mutatione coniungenda. Interim & hoc verissimum videtur, Crises fortiores esse, vbi septenarij exactè incidunt in Lunæ Quadras. Verbi gratia, si quis ægrotare incipiat in ipso die coniunctionis Solis & Lunæ, quartus dies incidit in primam quadrantem, septimus in secundam, vndecimus in tertiam, decimus quartus in oppositum. Fortior itaque tunc crisis erit, (præsertim si accedat Naturæ & humorum dispositio) quàm si ægrotare incipiat secundo vel tertio à coniunctione die, vbi dies critici in quadras non incidunt. Sed qua ratione, & quo motu Luna dierum criticorum causa sit, non adeò planum est. Galenus cum vigesimum potius, quàm vigesimum primum criticum diem esse, & tertiæ septimanæ terminum statuerit, nulli vulgariū mensium dies suos accommodare poterat. Nam mensis synodicus, hoc est, illud tempus, quod inter vnam atque alteram Solis & Lunæ coniunctionem intercedit, est viginti novem dierum & tredecim horarum: atque ita tres se-

primanæ non viginti, sed viginti duos dies ac horas tres cum $\frac{1}{4}$ constituent. Mensis periodicus seu illud tempus, quo Luna ab vno Zodiaci puncto ad idem emenso Zodiaco redit, est viginti septem dierum, ac horarum octo, atque ita tres septimanæ dies viginti ac horas duodecim efficiunt, crisiſque potius in vigesimum primum, quàm vigesimum incidere. Mensis illuminationis seu apparentiæ, seu interuallum à primo Lunæ nouæ conspectu ad diem vsque euanescentis, est inæquale, nunc longius, nunc breuius, prout Luna nunc diutius, nunc breuius, sub radiis Solis latet: plerumque tamen viginti sex dies continet. Et proinde nec hic mensis sufficit. Quod cum Galenus animaduerneret, & menses hos suum numerum vel excedere, vel non complere cognosceret; peculiarem mensē commentus est, ex periodico & mense illuminationis coniunctis, hoc modo. Mensis periodicus est viginti septem dierum, horarum octo: illuminationis dierum viginti sex, horarum duodecim. Vtriusque summa est dierum quinquaginta trium, horarum viginti. Cuius summæ dimidium sunt dies viginti sex, horæ viginti duæ, quos Galenus pro mense critico seu medicinali assumit: qui si in quatuor partes seu septimanas diuidatur, vna septimana habebit dies sex, horas septemdecim cum dimidia: atque trium septimanarum finis erit post dies viginti, horas quatuor cum dimidia. Verum hic mensis à plerisque reicitur. Neque sine causa. Nulla enim ratione nititur, cur, si mensis periodicus & illuminationis coniuncti dies quinquaginta tres & horas viginti constituunt, medium huius summæ, viginti sex dies, & horæ viginti duæ, mensem criticum constituere debeant. Deinde niti videtur falsa hypothesi, quòd Luna per triduum semper sub radiis solaribus delitescat; cum tamen interdum ipso coniunctionis die iterum sub conspectum veniat, & eodem die noua ac vetus conspiciatur. Præter hæc secundum hunc Galeni mensem finis tertiæ septimanæ incidit in vigesimi primi diei horam ferè quintam, & post viginti dies supersunt horæ ferè quinque, quæ ad vigesimum primum pertinent. Quod si Galeno absurdum visum non fuit: nouum hunc sine fundamentis mensem comminisci opus non fuisset; cum periodicus idem præstare possit. Nam si dies viginti septem, horæ octo, in quatuor partes diuidantur: vna septimana habebit dies sex, horas viginti; & tres finientur diebus viginti, horis duodecim: atque ita secundum hunc mensem tantum septem horis longius tres septimanæ extenduntur, quàm secundum illum commentitium Galeni mensem. Itaque mensem peragratiōis, vt naturalem, & secundum quem plurimas in mundo hoc inferiori mutationes fieri quotidie obseruamus, retineamus, qui est viginti septem dierum & octo horarum ferè. Atque hic mensis in quatuor septimanas diuidi solet, quarum prima finietur diebus sex, horis viginti: secunda diebus tredecim, horis sedecim: tertia diebus viginti, horis duodecim. Verum in diebus criticis ad mensem hunc reducendis frustra laboratur, si ad numeros & dies saltem respiciatur. Neque enim dies seu numeri, sed motus Lunæ in diebus, dierum decretoriorum causa est. Nam cum Luna peculiari sua vi corpora nostra, vt & reliquorum sublunarium, gubernet ac moderetur, variæ sunt humorum motiones ac mutationes in corporibus nostris, quando Luna in iis Zodiaci locis versatur, quæ locum, in quo initio morbi fuit, quadrato vel opposito radio aspiciunt, & cum eo vsque progressa est, vt nouam *φάσιν* & insignem luminis mutationem habeat, vt supra dictum. Quocunque ergò die quis in morbum incidat, in primo morbi insultu coniunctio quasi sit morbi & Lunæ, seu humores & corpus nostrum pro Lunæ positu influen-

Motus
Luna ad signa quadrata & opposita mutationes facit.

Qua ratione
Luna dierum criticorum causa sit.
Mensis synodicus.

Peri.

Mens. C.

Mens. Galen.

Mens. dicus.

etiam Lunæ tum suscipiunt. Vbi autem tria Zodiaci signa, à signo, in quo Luna versabatur, cum ægrotare quis cœpit, Luna emensa est, hoc est, nonaginta gradus peragravit, primum quadratum tum attingisse dicitur, & primus fit dies Criticus. Vbi porro sex signa seu 180. gradus peragravit, oppositum attingit signum, & tum secundus dies Criticus incipit. Vbi autem opposito signo ad secundum quadratum pervenit; & tertius Criticus initium sumit, si tandem extendatur morbus. Cum tandem iterum redit ad locum, in quo initio morbi fuit, quartus Criticus incidit. Eodem modo quantum *quærens* Lunæ attinget, quocunque mensis die incipiat morbus, Luna ubi ad oppositionem venit, insignem *quærens* mutationem habet, & tantam partem, ac quidem oppositam illuminatam habet, quantam in principio morbi opacam ostendebat, & contra tantam opacam habet, quanta in morbi initio illuminata erat. Eadem ratio est dierum Indicatoriorum. Quando enim Luna duo signa seu sexaginta gradus à signo, in quo ægrotare quis cœpit, peragravit, sextilem attingisse dicitur, & primus Indicatorius statuitur. Vbi quatuor signa, seu 120. gradus à signo, in quo initium morbi fuit, Luna confecit, trigonus fit, & secundus fit Indicatorius. Sic etiam ubi ordine contrario ab opposito signo iterum ad trigonum pervenit, tertius incidit Indicatorius; quando denique à secundo quadrato ad secundum sextilem progreditur, quartus est Indicatorius. Verum hîc dies non numerandi sunt secundum Lunæ motum diurnum medium, qui est 13. grad. 10. min. 35. sec. sed secundum Lunæ motum verum. Nam Luna nunc velox, nunc tarda est motu, neque æqualem numerum graduum singulis diebus emittit: unde nunc citius, nunc tardius ad quadratum vel oppositum signum pervenit. Atque hinc proculdubio factum, ut Medici etiam præstantissimi in diebus criticis definiendis varient, atque alios dies criticos numerent. Hippocrates equidem & Galenus vigesimum diem pro Critico habent. Archigenes tamen & Dioscles, eorumque sectatores, qui ipsius Galeni testimonio, *lib. de diebus Critic. cap. 2.* in artis operibus diligenter admodum versati fuerunt, & in dierum decretorum varietate observanda studiodissime laborarunt, vigesimum primum potius pro Critico habuerunt. Motum nimirum Lunæ verum Galenus & alij eius temporis Medici, non sua, sed temporum culpa, ignoraverunt: ac propterea mirum non est, quod in dierum criticorum computatione sese expedire non potuerunt, & potius ad dies, quam ad Lunæ motum respexerunt. Etenim si verum motum Lunæ cognitum habuissent, facile intelligere potuissent, nec ad septimum, nec ad decimumquartum, nec ad vigesimum vel vigesimumprimum, nec ad vigesimumseptimum vel vigesimumoctavum, dies criticos ita strictè alligatos esse. Nam quandocunque venit Luna ad quadratum signum, vel ad oppositum, tum dies critici constituendi sunt; sicut quando Luna venit ad sextilem, aut trigonum, Indicatorij dies fiunt. At verò Luna non semper ad Quadratum venit exactè die septimo, nec semper ad oppositum die 14. Sicut nec sextilem semper attingit exactè die quarto, aut trigonum undecimo. Ut ergo paucis dies Criticos numerandi modum comprehendamus, brevis horum computandorum ratio hæc est. Interrogetur æger, quo die ac hora decumbere inceperit, vel quando tam robustus adhuc est, ut ambulet quo die ac hora sensibilibiter morbum perceperit. Quo cognito verus Lunæ locus, quod ex ephemeridibus facile fieri potest, inuestigetur & computetur. Vero loco Lunæ cognito statim patet, in quo signo & gradu Lunam versari oporteat die quovis critico & Indicatorio. Exem-

pli gratia, inceperit quis ægrotare Anno 1624. die 11. Febr. hora tertia pomeridiana. Verus Locus Lunæ ad datum diem & horam est 8. gr. 49. min. V. Erit ergo primus Indicatorius, quando ad sextilem Luna pervenit, id est 60. gradus in Zodiaco peragravit, & ad 8. gr. 49. min. II. pervenit. Primus verò Criticus, ubi primum Quadratum attingit, id est, tria signa seu 90. gradus Zodiaci, à signo, in quo Luna erat morbi initio, confecit, quando scilicet ad 8. gr. 49. min. III. pervenit. Secundus Indicatorius erit Luna veniente ad trigonum, videlicet ad 8. gr. 49. min. III. Secundus Criticus, quando pervenit ad oppositum signum, seu 8. grad. 49. min. VI. Tertius Indicatorius erit Luna perveniente ad 8. grad. 49. min. I. Tertius Criticus eadem progressa ad 8. gr. 49. min. IV. Quartus indicatorius erit Luna attingente 8. gr. 49. min. VII. Quartus Criticus eadem iterum perveniente ad 8. gr. 49. min. X. Ex quibus facile computare licet, (neque id huius loci est tradere; cum vel Astronomiæ tyronibus illa computandi ratio sit notissima) quo die Luna ad hunc vel illum locum ventura sit, & quis proinde sit futurus dies Indicatorius, quis Criticus. Luna nimirum veniet ad 8. gr. 49. min. II. die 15. Febr. hora 21. 4. min. post meridiem, seu secundum vulgatum modum numerandi, 16. Febr. hora 9. antemerid. atque ita Indicatorius dies erit à principio morbi quintus, siue quando à principio morbi elapsi fuerunt dies 4. horæ 18. 4. min. Ad 8. gr. 49. min. III. perveniet Luna 21. Febr. hora 20. 5. min. p. m. seu communi modo numerandi die 21. Febr. post horam 8. a. m. Atque ita secundus Indicatorius erit dies à morbi principio undecimus, vel quod idem est, incipiet elapsis diebus 10. horis 17. 5. min. post primum morbi insultum. Ad 8. gr. 49. min. VII. veniet Luna die 25. Febr. hor. 14. 35. min. seu iuxta vulgarem computationem die 26. Febr. hor. 2. 35. min. a. m. Atque ita Criticus secundus erit dies à morbi principio decimus quintus, vel quod idem est, exactis diebus 14. horis 14. 35. min. Ad 8. gr. 49. min. I. Luna perveniet die 29. Febr. h. 22. 57. m. p. m. seu vulgari modo numerandi 1. Martij hor. ferè 11. a. m. Atque ita tertius Indicatorius erit dies à principio morbi 19. vel quod idem est, incipiet elapsis diebus 18. horis 20. ferè. Ad 8. gr. 49. min. IV. perveniet Luna die 3. Martij, paulò ante hor. 1. p. m. atque ita tertius Criticus erit dies ab initio morbi 21. vel quod idem est, elapsis diebus 20. & 22. ferè horis. Ad 8. gr. 49. min. VII. Luna pertinger die 5. Martij hor. 2. 27. min. p. m. Erit ergo quartus Indicatorius dies ab initio morbi 23. hoc est, elapsis diebus 22. horis 23. & 30. min. ferè. Tandem ad 8. gr. 49. min. X. iterum Luna perveniet die 9. Martij hora 11. 46. min. p. m. Erit ergo quartus Criticus dies ab initio morbi 28. vel quod idem est, elapsis diebus 27. hor. 8. 46. min. Monendum tamen hic, Naturam non adeò strictè & exactè determinatum illud punctum observare, quo Luna ad perfectum à gradu, sub quo initio morbi fuit, quadratum, qui 90. gr. est, vel oppositum, qui 180. gr. distantia constat, pervenit (aspectus hos partiles vocant Astronomi) sed sæpe crisi antevenire & (prævertere terminum illum, eamque instituere, quando Luna in Zodiaco tot gradus, quot ad partilem aspectum constituendum requiruntur, nondum peragravit; & sæpe Crisin procrastinare, ita ut eam instituat, quando Luna statum aliàs terminum iam transgressa est, & plures, quam ad partilem aspectum, requiruntur, gradus confecit. Vbi Platici Astronomis nominati aspectus sufficiunt. Nimirum etsi Lunæ in diebus criticis constituendis vis sit maxima: tamen sola non sufficit: alioquin semper & in omnibus ægris, præcipuè qui simul ægrotare incipiunt, sub eodem aspectu eadem crises, & qui-

Humorum dispositione & motus altera criticorum dierum causantur.

& quidem eodem modo contingerent: quod tamen non fieri ipsa experientia testatur. Accidit enim sæpè, ut plures eodem die ægrotare incipiant; quorum tamen huic crisis septimo, alteri decimo quarto, tertio vigesimo primo accidit: & quidem vni bona, alteri mala. Itaque motus & dispositio humorum adiungenda est. Hæc enim in causa est, ut crisis nunc citius, nunc tardius, aliquando etiam intercalaribus diebus, aut aliquo indice accidat. Si enim humorum coctio celerius vel tardius absoluitur, humoresque benignam vel malignam qualitatem acquisierint, & hoc vel illo die moueantur: naturam celerius vel tardius irritare poterunt.

Tertia natura corporis.

His tandem accedit proxima crisis causa, natura corporis. Hæc enim crises efficit; sed à Lunæ moribus adiuta, & ab humoribus à Luna concitatis irritata; quæ cum maiorem impetum morbi tolerare non potest, pugnam cum eo aggreditur, & materiam morbificam expellit, & crisin efficit, & quidem nunc salutarem, si potens sit, humoresque superauerit, concoxerit, & separauerit, cælumque fauens habuerit: modò infelicem, si debilis sit cælumque aduersum morbumque superiorem, vel vtrumque sibi aduersum experiatur. Ideoque ut tempus Crisis exactius cognoscatur, hæc omnia diligenter perpendenda & inter se conferenda sunt: ac propterea notandum, primò, Ne error aliquis committatur; quod fiet, si Medicus sit prudens, æger obediens, astantes diligentes, extrinseca denique ad voluntatem Medici & ægri sese habeant; quod nisi fiat, Crisis facile turbari potest. Secundò ægrotantis natura, viresque diligenter perpendendæ. Etenim virtus operantis variatur propter diuersitatem recipientis. Itaque esto, ut eadem hora duo incipiant eadem specie morbi corripì, verbi gratia, calido & sicco, & vnus illorum sit iuuenis, alter senex, omnino diuersa erit Crisis, & vnus mori potest, alter euadere; sicut sæpè accidit, ut febres quædam epidemiæ senibus tantum, non iuuenibus, sint lethales, quales erant quæ anno 1616. hinc grassabantur, à quibus è ducentis iuuenibus vix vnus moriebatur, senes verò paucissimi euadebant. Esto quoque quod morbus & ætas duorum ægrorum sit eadem, iuuenilis scilicet: tamen & tum Crisis potest fieri dissimilis, eò quod diuersa sit natura & temperies corporis. Vnus enim calidus, alius frigidus esse potest, & in aliis etiam differre. Esto insuper (quod tamen impossibile est) ut sit planè vna duorum constitutio: nec sic tamen omnino eadem Crisis semper fieri potest. Superueniunt enim quotidie res variæ vni, quæ alteri non eueniunt. Adduntq; Astrologi & plurima alia, quæ in Crisisbus consideranda sunt, nimirum positum Lunæ in principio morbi in his vel illis signis; augmentationem vel diminutionem luminis Lunæ in principio morbi; Lunæ accessionem ad radios Solis, eiusque occultationem; aspectus Planetarum beneficorum vel malignorum, qui tempore Crisis incidunt, & similia; ut & genituram seu thema ægri: de quibus plura videantur in Iatromathematica Hermetis & apud alios Iatromathematicæ scriptores. Sed iam ad signa Crisis accedamus.

Quæ ad Crisim rectam necessaria sunt.

turbatio, quæ in crisisbus fieri solet, aded augeatur, ut mortis periculum immineat. Præterea cum instante Crisi insolitæ perturbationes præcedere soleant, dolores, vigiliæ, somni graues, deliria, respiratio difficilis, & similia, quæ postea enumerabuntur: Medicus Crisi instante, vulgi modo, his turbari non debet, ut monet Galen. 1. de dieb. decretor. c. 1. & 3. de cris. c. 2. Fiunt autem & accidunt crises, ut etiam ex iis, quæ supra dicta sunt, patet, solum in magnis & acutis morbis; solétque ut Galenus, 2. aph. 3. scribit, morborum magnitudini ac symptomatum vehementiæ vel citò virtus succumbere, ita ut æger moriatur, vel si, strenuè ad mali expulsionem impetu sumpto, natura superior euadat, bona crisis fieri: qui verò paruifunt, paulatim & sine critica euacuatione solui solent. Sed hic videndum, ne quis latente morbi malignitate decipiatur. Sæpe enim febres extra debiles apparent, neque calorem magnum præ se ferunt: sub quo tamen latet malignitas, à qua vehementia symptomata, debilitas, vigiliæ, & similia alia ortum habent. E quibus porro sequitur, Crisim saltem accidere in iis morbis, qui à materia, quæ naturam laceßere & post pugnam facillè euacuari possit, ortum habent, calidâ scilicet, tenui & acri. Et si quoque interdum, & rariùs in longis morbis subita aliqua & critica quasi euacuationes fiant: tamen si id eueniat, necessarium est, ut aliquot dierum periodis antea morbi vehementes euadant, ac velocitatem quandam acquirant, & acutorum quasi naturam induant. Quia autem acutorum quædam est differentia: quò acutior est morbus, eò vehementiores habet motus. Nam qui intra quatuordecim dies finiuntur, & sæpius crisi soluuntur, & maiori cum impetu: at qui vltra diem quadragesimum extenduntur morbi, rariùs crisi soluuntur, sed potiùs coctione terminantur; & si criticè soluuntur, potiùs per abscessum, quàm euacuationem, soluuntur, & perturbatio aded magna non est, nec subita solutio, sed imperfecta potiùs, & quæ per aliquot dies extenditur. Deinde ut fiat crisis, vires suo modo robustæ requiruntur. Nam si vires sint planè debiles ac deiectæ, tam vehementem motum ac periculosum certamen non aggrediuntur, sed in morbo non lethali sensim morbum superant, in lethali verò paulatim succumbunt: sed ad Crisim instituendam talis virium constitutio requiritur, ut eæ aut planè robustæ sint, ac morbo superiores, & causam morbificam salubriter expellere, legitimamque Crisim instituere possint; aut certè tam robustæ, ut etsi sint morbo inferiores, ei tamen sese opponere pugnamque cum morbo inire valeant. Præterea ad crisin cognoscendam & præcognoscendam faciunturbationes quædam in corpore quæ ante crisin oriri solent, & signa critica appellantur. De quibus Galenus, 3. de Cris. cap. 2. hæc habet: *Antecedit critica euacuationes & abscessus non mediocris perturbatio in corpore ægrotantis. Nam & difficiles tolerantia oriuntur, & vigilia, & deliria & graues somni, & difficiles anhelitus, & vertigines tenebricosæ, & difficiles sensus & dolores capitis, colli, stomachi, & multorum aliorum membrorum. Nonnullis verò aurium sonitus oritur, & variæ ante oculos apparent splendores, & lacrymæ inuoluntariè effluunt, & vrina retinetur, & labrum agitatur, aut aliud aliquid tremulum fit, obliuio & presentium ignoratio, & vehemens accedit rigor, & plurimum paroxysmus consuetam anticipat horam, & multus æstus, sitisque intolerabilis sequitur, clamant & saluunt sicut furentes.* De quo etiam, eodem lib. cap. 10. hæc habet: *Enturam, inquit, præcognitionem habemus ex eo, quod vehementer irritetur & urgeatur natura à morbo, atque ex subito præter rationem circa corpus facta perturbatione. Omnino enim fit aliqua nouitas, quando crisis futura est, vel circa respirationem, vel circa mentem, vel visum, vel auditum,*

CAPVT XIII.

De signis Crisis in genere.

Summè vtile, & valde necessarium est scire, quanam sit futuræ solutionis morbi modus. Nam si hoc ignoratur, facillè fieri potest, ut vel æger vel Medicus, vel adstantes aliquid committant, vnde instans crisis vel impediatur, vel tardetur, aut per-

vel circa aliquid eorum, quæ uno nomine summam criticam accidentia aut signa nominamus. Verum de his iterum aliquid dicendum erit, ubi de signis temporis criseos agitur: Hæc hinc in genere de signis criseos sufficiant. Quia verò tria præcipue in crisi spectanda esse diximus, differentiam, modum, & tempus: de singulorum signis seorsim agemus.

CAPVT. XIV.

De signis differentiarum in Crisibus.

crisis **P**rimò bonam & malam crisin quod attinet, optima crisis ex eo cognoscitur & præcognoscitur, si signa illa, quæ diximus, critica præcesserint, sequaturque deinceps sensibilis quædam euacuatio, & ut Galen. loco allegato, 3. de Cris. c. 2. scribit, repente multus sudor erumpat, aut vomitus aliquis non parvus subsequatur, aut venter subito solvatur, aut copiosus fiat fluxus sanguinis, aut hæc omnia simul contingant. Secundò necessarium est, si optima debeat fieri crisis, ut signa coctionis præcesserint, & præcipue atque ante omnia, ut docet Galenus, 3. de Cris. c. 3. considerare oportet coctiones ex urinis & aliis excrementis & sputaminibus: testaturque ibi Galenus, nullum se vidisse vnquam intereuntem, qui coctionibus præcedentibus crisin habuisset. In morbis thoracis & pulmonis præcipue sputa sunt considerata: non tamen urinarum inspectio negligenda: sed & alui excrementa inspicienda. Si verò tantum febricitaret æger, sine visceris alicuius passione, aut etiam cum inflammatione hepatis, renum, vesicæ, splenis, maximè urinas considerare oportet; sicut si circa ventriculum passio sit, primùm excrementa alui inspicienda; deinde & urina non negligenda. Quia verò optima crisis sit cum signis coctionis, hinc sequitur & hoc, optimam crisin vel in statu, vel paulò ante ipsum fieri: tum enim omnia concocta sunt. Tertio crisis bona in die indicatorio monstrata fuit. Quarto optima crisis die indicatorio euenit; de quo Hippocrates, 4. aph. 36. sudores febricitantibus boni sunt, qui manare incipiunt tertio, quinto, septimo, nono, vndecimo, decimo quarto, decimo septimo, vigesimo primo, vigesimo septimo, trigesimo primo, trigesimo quarto. Hi enim sudores morbos iudicant. Qui secus eueniunt, laborem & morbi longitudinem aut eiusdem reditum significant. Quintò bona crisis est, si naturæ morbi conueniens excretio fiat: quod ex specie & idea morbi cognosci potest, si nimirum in morbis biliosis biliosa, in pituitosis pituitosa euacuantur. Hinc hæmorrhagia è naribus febres ardentes, omnes inflammationes iecoris, lienis, quibus acutæ febres solent coniungi, si fiant κατὰ ἰδίαν, seu è directo, iudicat: nonnunquam etiam phrenitidem. In lethargo autem & peripneumonia hæmorrhagia ita frequens esse non solet: inter quos affectus medium locum tenet pleuritis. Rarius enim, quàm febris ardens & phrenitis; frequentius autem, quàm peripneumonia & lethargus, hæmorrhagia è narib. solui solet. Sudores omnibus febribus familiares sunt, maximè ardentibus. De quo Hippocrates, 4. aph. 36. sudores febricitantibus si euerint tertio die, & quinto & septimo, & nono & vndecimo, & decimo quarto, boni sunt. Hi enim sudores morbos iudicant. Iudicant & inflammationes calidas & acutas; sicut etiam quotidianas febres cum vomitibus & deiectionibus pituitosis; & quartanas, si atra & varia simul euacuantur; semitertianas etiam, si biliosa & pituitosa simul. Idem enim morbus variis euacuationibus solui solet. Febris ardens hæmorrhagia, sudore, vomitu, deiectione biliosa, tertiana vomitibus, deiectionibus biliosis, &

Dan. Semerti Tom. I.

sudoribus multis: phrenitis sudore bono, calido, scilicet & multo, per totum corpus, & præcipue circa caput & quidem die critico emanante, interdum etiam hæmorrhagia narium: omnes inflammationes calidæ & acutæ hæmorrhagia narium & sudore bono iudicantur. Præsignum hoc ex natura & idea morbi desumptum confirmat ætas ægrotantis, antecedens victus ratio, locus, in quo decumbit æger, anni tempus, & præsens aëris constitutio: qua de re etiam multa Galenus, 3. de Cris. c. 3. Tandem ex euentu de crisi iudicatur. Si nimirum ægrotans post crisin febre liberetur, symptomata remittant, facies meliorem colorem habeat. Vnde & Hippocrates, 1. aph. 2. vult, ut ægri post euacuationes sponte factas facile ferant. Etenim si humor, qui peccabat, euacuatur, ægrum, parte oneris leuatum, vegetiorem & fortiorum fieri necesse est: atque hinc, secundum Hippocratem, nox, quæ crisin sequitur, magna ex parte leuior esse solet. In hac optima crisi cum omnes bonæ criseos conditiones concurrant, & crisis optima sit tuta, perfecta, fidelisque, non est opus tutæ & perfectæ criseos signa peculiariter addere. Nam si materia sit optimè cocta dieque indicatorio coctionis notæ appareant, & materia morbifica die critico sensibilitè & copiose per conuenientia loca euacuatur: sine periculo crisis accidere, ægrumque à morbo penitus liberare solet. Sunt verò deinde crises, quæ etsi bonæ sint, & ad salutem ægri tendant: iis tamen ut optimis Medicus fidere non potest: quæ hoc modo ab optimis discerni possunt. Crises tales non exquisitæ coctionis signa præcedunt, neque eueniunt in statu, aut paulò ante statum, sed in augmento, & eo tempore, quo coctio quidem incipit, nondum tamen planè absoluta est. Vnde etsi bonæ sint in morbis non lethalibus; tamen non adeò fideles & tutæ sunt. Nam si morbus sit salubris, & omnia sese recte habeant, & ipse morbus ob magnitudinem non nimium festinet, errorque nullus committatur, natura expectat statum perfectamque coctionem. Si verò vel ob morbi magnitudinem motusque celeritatem, vel errorem aliquem, aut aliud natura irritetur: etiam ante statum crisin instituere solet. Sed qui hoc modo conualescunt, aut recidivas patiuntur, aut morbos longiores. Et quantò magis statum anticipat crisis, tantum ab optimæ crisis naturâ abest. Sed an omnes euacuationes ante coctionem malæ sint, de eo sufficienter in fine capitis 10. egimus; statuimusque, etsi melius sit, ut coctio expectetur, & nisi hoc fiat, plerumque ægri euacuationibus talibus nihil iuuantur: tamen si duæ conditiones adsint, nimirum ij humores euacuentur, qui peccant, & vires ferant, ægerque morbo leuetur, tales euacuationes non simpliciter esse malas. Inter cæteras tamen euacuationes, quæ ante absolutam coctionem euenire solent, melior est hæmorrhagia; adeò etiam, ut interdum nullis vel obscuris saltem signis coctionis apparentibus larga sanguinis effusio morbos soluat: cuius rei exempla habentur, 1. Epid. comm. 3. ægroto 7. 3. Epid. comm. 3. ægroto 7. & alibi. Sed necessum est, ut tales crises incertæ, ex quibus aliquid boni sperari debet, non planè in principio, neque cum malis signis appareant. Hoc enim si fiat, mortis potius, quàm salutis indicium sunt. Insuper crises illæ imperfectiores à diebus indicibus semper non indicantur, vel non sunt in die decretorio, sed intercalari aliquo. De quo Hippocrates, 4. aph. 29. Febricitanti si sexto die rigor fiat, indicationem habet difficilem, id est, ut Galenus explicat, parum firmam certamque, ita ut facile reuertatur febris, vel in longum tempus protrahatur. Dictumque etiam est supra de diebus criticis sexto die cum magna corporis perturbatione & grauissimis symptomatibus crisin fieri: cui ferè similis est crisis, quæ die octauo aut decimo contingit. Præterea in tali crisi

Crises ab optima declinantis signa.

Inter symptomáticas euacuationes quæ melior.

euacuatio non planè respondet naturæ morbi, vt, si morbus est biliosus, ægerque æstate decumbat, vomitu & per aluum multa pituitosa deiici solent: nec excretio est satis copiosa, sed parca sit euacuatio, vnde metuendum est, ne morbus reuertatur. Sin verò omnia ferè sese rectè habere videantur: tamen si æger non bene ferat illam euacuationem, pulsus non fiant meliores æger morbo non leuetur, & nox, quæ crisi sequitur, quod in bona crisi fieri solet, non sit leuior & tolerabilior; aut si leuari morbo æger videatur, mox tamen febris redeat, & symptomata iterum omnia ingrauescant: nec hæc crisis planè bona est. Non enim solùm imperfectæ crises fiunt ob stimulationem materiæ, sed & ob imbecillitatem naturæ. Talem autem imperfectam crisin cognoscimus ex eo, quòd signa coctionis atque alia bona signa adfuerunt: sed cum vires sint imbecilles, perfectam crisin Natura instituere non potest: quod ex pulsu inprimis percipitur, & iis, quæ præcesserunt, magna videlicet & vehementi corporis perturbatione, quæ agrum valdè debilitauit. Si tamen signa coctionis perseuerent, ægerque vel spontè, vel Medici industria vires colligat: sequentè critico, vel etiam intercalari reliqua crisis exspectabitur. Atque hæc crises etsi sæpe salubres sint: tamen non semper sunt tales, sed sæpe ægri ex iis moriuntur, si nimirum signa mortis accedant: & tunc tales crises simpliciter pro malis habendæ sunt, quarum hæc sunt signa. Cognoscitur crisis mala ex signis optimæ crisi contrariis. Primò enim tales crises non expectant tempus coctionis, sed ante statum, irritatâ naturâ à materiæ malignitate aut copia, instituitur, & subito hominem vel interimit, vel in statum deteriorem coniiicit. Secundò crisis mala est, quæ talis in die Indicatorio fuit indicata; exempli gratia, si quarto aut vndecimo nubecula nigra in vrina, aut aliud malum signum appareat. Sæpe tamen crisis mala non indicatur, sed repentè ingruit. Atque talem crisin prænotificare non ita facile est: cum æger mori possit tam sine crisi, quàm cum crisi. Verùm euenturam in morbo lethali crisin malam, ex eo cognosci potest, quòd vires non sint planè prostatæ, sed tales, quæ adhuc crisin tentare possint; morbus verò valdè vrgeat, & naturam vehementer irriter. Quam iam instare docet subita aliqua facta in corpore perturbatio; de quo supra diximus. Et si iam talis crisis accadat, non die decretorio eueniet, sed ferè sexto, octauo vel simili. Neque euacuatio Naturæ morbi respondebit: ipsaque excretio per se mala erit; ægerque non leuabitur indè sed vel morietur, vel in peiorem statum incidet. Verùm notandum hic, accidere interdum, vt etiam in mala crisi ægri melius habere & quiescere videantur; quæ res medicum incautiorum decipere posset. Sed Medicus prudens sit memor eius, quod habet Hippocrates, 2. aph. 27. *his, quæ præter rationem leuare videntur, fidere non oportet; nec turbari, si quid temerè grauius acciderit.* Istiusmodi sunt incerta, nec durare diu aut persistere solent. Nam si diligenter talis crisis cum bona comparetur, non parua apparebit differentia. Nam in bona crisi ægri non solùm quietiores fiunt, sed & morbus ac symptomata remittunt, aut planè euanescent, pulsusque fiunt fortiores & meliores. In mala verò crisi etsi æger nonnihil quietior fieri videatur: tamen incerta & instabilis est tota illa permutatio, ægerque mox ad peiorem statum redit. Etenim sæpe fit, vt calor febrilis cum calore natiuo exspiret, aque tum paulò post, si æger sese paululum mouerit, aut si etiam quieuerit, animo deficere solet, & paucò ac leno sudore effuso mori. Quapropter in istis suspectis crisisibus & pulsus, qui in malis crisisibus languere, & inordinationes reddi solent, atque alia mortis signa diligenter perpendere decet, ne ei, quem paulò

post mors occupabit, salus promittatur. Et omnino signa lethalis morbi studiosè consideranda sunt, vt de natura crisis rectè iudicare possimus. Interdum enim accidit, vt morbus sit lethalis, viresque firmiores, atque tum morbus non vna vice, vt in simpliciter lethalibus, naturam expugnare & prostrernere potest, sed iteratis vicibus ipsam aggreditur, & tandem prostrernit, vnde pro vna mala & simpliciter exitiali crisi plures imperfectæ malæ, antequam æger moriatur, eueniunt. Cognoscitur autem talis crisis ex eo, quòd vires robustiores sint, quàm in crisisibus simpliciter malis, & initia quædam ac rudimenta quasi coctionis interdum appareant, sed instabilia, ita vt hodie ea appareant, cras iterum perfectæ cruditaris signa conspiciantur. Nam enim robustior aliquo modo vires suas exserere, & aliqua coctionis vestigia materiæ imprimere conatur: sed quia à materiæ malignitate & copia opprimitur, signa coctionis non sunt stabilia, nec augentur, sed iterum euanescent, & humores ad priorem cruditatem redeunt. Talis crisis lethalis imperfectæ exstat historia apud Hippocratem, 3. Epid. comment. 2. agrot. 12. de muliere, quæ in mendacium foro decumbebat, quæ huc transferri potest. Conclusionis loco hoc in genere hic notandum est ex Galeno, 2. de Cris. c. 10. quòd crisisium ad mortem tendentium præcognitiones minus stabiles sunt, & valde prudentem & arte instructum atque exercitatum Medicum requirunt. Sicut enim in bonis crisisibus scientia ac firmitas præualeat: ita in malis plurimum incertitudinis & coniecturæ est: cum determinati sint atque ordinati naturæ motus, cum valida est, & materiæ dominatur, suisque propriis rationibus operatur; indeterminati verò atque inordinati, atque adeò incogniti, quando succumbit. Quapropter signa salutis & mortis diligenter perpendenda sunt.

CAPVT XV.

Signa Crisis per Excretionem, & Abscessum futura.

PORRò cum crisis omnis duobus modis fiat, vt dictum est, vel materiæ è corpore excretionem, vel eiusdem in alium locum transpositionem: videndum iam est, quando per excretionem materiæ morbificæ crisis, quando verò per abscessum speranda sit. Etsi verò hoc optimè discerni potest ex signis excretionum & abscessuum in specie: tamen etiam in genere quædam signa exhibere nobis possunt morbi species, motusque, tempus anni, ægri natura & ætas. Nam si morbus sit valde acutus, ex tenui & acrimateria ortus, & crisis primis periodis sit futura, per excretionem crisis sperari potest. Materia enim talis facilè extra corpus propellitur, & biliosæ febres sæpe sudore aut vomitu solui solent. Si quoque sit virtus fortis, potius per excretionem, quàm abscessum, speranda est crisis. Nam natura fortis materiam potius penitus è corpore eiicit, quàm in aliq. locum transfert. Pulsus etiam altus excretionem significat. Si verò morbus non sit valde acutus, materia non valde tenuis & acris, sed crassior, virtus non admodum robusta: per abscessum potius euacuatio speranda; præsertim si longo tempore vrinæ tenues & crudæ exierint. In Iuuenibus quoque magis per excretionem Crisis fieri solet; in Senibus per translationem, Galen. 3. de Cris. c. 11. Viæ quoque & aptitudo ac propensio corporis monstant, an sit futura crisis per abscessum, vel per excretionem. Nam si viæ sint patentes, ægroque sudor aut vomitus familiaris sit: hoc modo ferè ab acutis morbis liberatum iri credibile est: Qui verò articulorum aut aliarum partium

doloribus

Mala crisis signa.

doloribus vexantur : in his natura ad consuetum locum solet materiam deponere. Considerandum quoque anni tempus. Hyeme enim, utpote quo tempore humores magis dominantur frigidi, & ob aeris externum frigus ad motum ineptiores redduntur, magis abscessus, quam excretiones fiunt. Si quoque excretio inchoata, sed non absoluta fuerit, reliquum in abscessum terminari solet. De quibus videatur Hippocrates, 3. prog. 1. 2. 3. 24. 25. 26. 29. 2. prog. 34. 4. aph. 44. Galenus, in commentariis in allegata loca, & in primis cap. 11. l. 3. de crisi. Ut summam rem complectamur: Crises per excretionem habet sua determinata indicia, de quibus mox dicetur: quæ si absint, & neque hæmorrhagiæ, neque vomitus, neque sudoris signa, neque similis excretionis conspiciantur, abscessus, si crisis speranda est, futurus est. Antequam verò in specie singularum cricum signa afferamus, prius illa generalia bonæ & malæ crisis signa, quæ supra enumerata sunt, hic in specie quasi excretionibus & abscessibus applicabimus, & monstrabimus, quæ excretionibus bonæ, qui item abscessus boni sunt; qui contrario modo sese habeant. In excretionibus consideranda sunt ea, quæ proponit Hippocrates, 6. epid. comm. 2. l. 33. Eæ euacuationes bonæ sunt, cum euacuatur, ut conuenit, & qualia, & quæ, & quando, & quantum oportet. Itaque primò, si bona debet esse euacuatio, qualitas seu idea humoris rectè sese habeat. Humor enim, qui peccat, euacuari debet; & quidem victus à naturâ ac elaboratus, non crudus. De quo Hippocrates, 1. aph. 2. In turbationibus alui quæ sponte fiunt, si, qualia oportet, purgentur, confert, & facile ferant, sin minus, contrà. Et passim Hippocrates deiectiones, vomitus, aliasque excretiones, quæ malè coloratæ, fœtidæ sunt, & omnia non cōcta & elaborata damnat. Secundò debita quantitate euacuari peccans humor, totusque vna vice excerni debet; siquidem si aliquid relinquatur, recidivas facere consuevit, ut est 2. aph. 12. De quo etiam Galenus, 1. prorrh. com. 2. aph. 47. in genere ait; Nihil eorum, quæ decretoria sunt, exigua secerni debere. In specie stillicidium sanguinis è naribus passim ab Hippocrate improbat, de quo supra, c. 6. dictum. Vomitus exiguos damnauit, allegato loco, Hippocrates. Eadem ratione etiam aliæ excretiones, quæ magnitudini morbi non respondent, damnantur. Contrà non minus malæ sunt euacuationes, quæ nimis copiosæ sunt; cum vires deiciant. Tertiò bona excretio fiat die critico. Nam si die non critico fiat, indicio est, non à natura rectè agente, sed à materiæ copia, & malignitate stimulata eam institui. Quartò iusto modo, non sensim, sed confertim, & per loca conferentia fiat. Abscessus verò quod attinet, ut omnes critici motus boni sunt, si concoctâ materia fiant; mali verò & suspecti, qui eadem crudâ adhuc existente accidunt; ita & abscessus cōctâ materiâ probantur: mali verò sunt, qui crudâ adhuc materiâ erumpunt. Docet hoc Hippocr. 1. Epid. com. 2. t. 46. Cruda & inconcocta, aut in malos abscessus conuersa, aut anxietas, aut dolores, aut diuturnitatem, aut morbum, aut recidivas significant. Secundò, bonus abscessus habeat laudabilem substantiam, figuram, colorem, magnitudinem. De hoc Hippocr. 6. epid. com. 1. t. 13. Tubercula foras extumescencia, & acuminata, in turbinemque gracilescentia, æquabiliter maturescencia, non circum dura, declinua, & non bifida, meliora; contraria verò mala; & si quamplurima contraria, pessima. Si nimirum tumor foras non satis extumescat, non sit acuminatus, neque in turbinem gracilescat, non æqualiter maturescat, sit circum durus atque bifidus. Colore etiam boni abscessus sunt rubro, flauo vel albo. Si verò colore sint admodum rubente, vel liuido, vel nigricante, mali sunt. Et nouissimum est, exanthemata & varicolas, si sint colore liuente vel nigro, esse periculosio-

Dan. Sennerti Tom. I.

res reliquis Magnitudo sit mediocris: tanta quidem, quæ materiam vitiosam capere possit: non maior tamen, quàm ut eandem sustinere queat. Nam si maior sit abscessus, securus non est, metusque est, ne internam aliquam partem obsideat. Perseuerent quoque eiusmodi abscessus, si boni futuri sunt, necesse est: si verò euanescent, antequam suppurentur, nulla præcedente euacuatione, mali sunt, & non paruum ab iis imminet periculum. Docuit hoc Hippocr. 2. prog. t. 68. Si abscessus euanescit ac retrocedit, nequaquam egrediente ex creatione, ac febre detinente difficilis morbus est. Periculum enim delirii, mortisque imminet. Idem abscessus si boni sunt, citò suppurantur. Vnde Hippocr. 2. prog. t. 64. Quibus abscessus sunt ex pulmonia, & circa aures, ac suppurantur, aut ad inferiora loca, ac ad fistulam perueniunt, isti euadunt.

CAPVT. XVI.

Per quæ Loca sit futura Excretio, & ubi sit futurus abscessus.

Sed iam in specie de excretionum & abscessuum signis agemus. Et primò videamus, per quem locum & modum sit futura excretio, an per hæmorrhagiam, an per sudorem, vomitum, per aluum, urinam, per hæmorrhoides. Docet autem hoc humoris inclinatio. Nam circa eas partes, ad quas humor expellendus à natura mouetur, vel per quas mouetur, sentitur quædam mutatio, ut iam in specie in singulis excretionum speciebus patebit. Et primò quidem hæmorrhagiam narium quod attinet, signa eius complexus est Hippocrates, 1. epid. com. 2. tex. 55. In ardentibus cæterisque febribus, quos colli dolor, temporum grauitas, caligo oculorum, vel hypochondrij etiam contentio non cum dolore corripit, his è naribus sanguis profluit. Et 3. progn. t. 37. Quibus per febrem talem dolet caput, & pro tenebris ob oculos effusis hebetudines subeunt oculorum & splendor obuertitur, & pro oris ventriculi morfu ci ca illic, aut læua parte, aut dextra aliquid contenditur, neque cum dolore, neque cum inflammatione: sanguinem è naribus in his fluere pro vomitione expectandum est. Magis verò & hic in adolescentibus sanguinis florem expectari oportet. Quorum etiam mentionem facit, 1. prorrh. com. 3. text. 50. 51. 53. 55. 56; In Coacis prædict. t. 166. 167. 168. in Codice Foesii. Quibus, t. 195. surditatem addit; Et 3. prorrh. text. 45. oculorum ruborem, ac, t. 44. vigilias. De quibus omnibus notandum, ex his quædam esse communia, vigilias, surditates, tinnitus aurium, quæ cum aliis quidem coniuncta ad præfagiendam hæmorrhagiam faciunt, sed per se propria signa non sunt. Deinde signa hæc non semper omnia apparere; sed sufficere, si duo, aut tria conspiciantur. Quò tamen plura conspiciuntur; eò certius futuram hæmorrhagiam prædicunt. Sunt autem præcipua, capitis, ceruicis, temporum & colli grauitas, visus hebetudo, & caligo, aut splendor, rubedo oculorum, tensio hypochondrij, & difficilis respiratio. Primò enim hypochondria absque dolore (Nam si dolor adsit & coniungatur, potius inflammationem ea parte subesse significat) tendi solent, ob sanguinis circa fontem suum, qui est hepar, & venarum radices, motum, qui postquam ad superiores partes viam affectat, respirationis difficultatem atque angustiam quasi efficit; quæ tamen non diu durat. Coniungitur & dolor capitis; qui tamen non statim ab initio adfuit, ut morbi totius symptoma, sed primum in perturbatione, quæ crisin antecedere solet, ortus fuit. Præterea & ceruix ac collum afficiuntur, materiâ sursum repente, & membranofas partes distendente. Post hæc solet pulsus arteriarum in altum tolli & vebementior fieri, atque ipsæ in temporibus

Hæmorrhagiarum signa.

micare conspiciuntur. Quibus adhuc alia accedunt signa. Nam facies & oculi solent rubicundiores fieri, ob sanguinem ad superiores partes elatum, & iam exitum per nares quærentem. Oculi inuiti lacrymas emittunt, & splendores iisdem obuersantur, aut caligo oboritur: quia magna spirituum aut vaporum cum sanguine copia repente in partes superiores irruit, meatusque nonnihil obstruit, & vapores in caput elati etiam in oculos erumpunt, atque in humorem aqueum penetrant, ibique subsistentes imaginum extra oculum speciem referunt. Afficitur & hinc interdum imaginatio, & ægrotantibus quædam rubra spectra obuersari videntur; cuius rei exemplum affert Galenus, *lib. 3. præcogn. ad posth. c. 13.* de quodam, cui antequam sanguis e naribus erupit, rubri coloris serpens per laquearia repere, & supra lectum ferri visus est, unde æger expauit, & e lecto aufugere voluit. Hinc iamiam imminente hæmorrhagia ægri digitis nares scalpere incipiunt. His accedit interdum delirium. Atque hæc signa sunt certiora, si ætas ægroti & natura, anni tempus, & præsens æris constitutio consentiant. Etenim si æger sit adolescens aut iuuenis, naturâ calidus, & sanguine repletus, & ipsi aliàs seu sano seu ægro hæmorrhagiarum familiaris fuerit, ætasque & constitutio æris calida accesserit: omnia hæc certiora erunt: inprimis si consuetæ aliqua sanguinis euacuatio retenta sit, & plures tunc ægrotantes hoc modo iudicantur. Per sudorem verò, qui frequentissimè in morbis acutis accidit, & quo inprimis ardentes febres, vt & intermittentes, iudicari solent, crisin futuram præfagiunt vrinæ subita suppressio, atque hanc excipiens rigor. Quæ signa proponit Hippocrates, *6. epid. comm. 1. text. 10.* Nimirum si alui excrementa supprimantur, aut pauciora, quàm antè, reddantur; vrinæ quoque supprimantur, & absint signa hæmorrhagiæ, vomitus, mensium ac hæmorrhoidum; rigorem iam instare, & hunc sudorem secuturum indicio est; atque eò magis, si æger delirauerit: quem iam iam prorumpentem pulsus mollis, vndosus & fluctuans, exteriores partes calentes ac rubentes, cutis mollis calidusque; quidam vapor e corpore erumpens significat. Nam cum vrinarum & sudoris sit eadem materia, serosa scilicet, si illa ad habitum corporis, sudoris materia futura, mittatur, vrinam suppressi necesse est. Eadem autem materia in vniuersam molem corporis penetrans acrimonia sua nervosum genus vellicat, unde rigor oriri solet. Sed quia à rigore, vrinæque suppressione aliquando hæmorrhagia, aliquando vomitus, aliquando alui fluxus sequi solent, necesse est, vt horum signa adsint. Terriò per Vomitus crisin futuram monstrat motus humorum ad ventriculum; unde omnia illa vomitus signa, quæ Galenus, *3. de cris. c. 10.* recitat ortum habent; Nimirum ventriculi morsus cum dolore capitis, vertigine, tenebræ oculis obiectæ, agitatio labij inferioris, multum ac tenue sputum ex ore effluens, nausea ac fastidium. Nam primò ob exhalationes, quæ ex humore ad ventriculum ruente in caput attolluntur, cerebrum eiusque; membranæ afficiuntur & vellicantur, atque hinc dolor acutus & mordicans, sicut in hæmorrhagia instante tensius, oritur. Iisdem vapores & exhalationes ad oculos delati caliginè, tenebras & vertigines excitant. Humor autem acris dū ad ventriculum mouetur, eum, eiusque; os præcipuè superius, quod exquisito sensu præditum est, vellicat; unde fastidia, oris ventriculi dolor, tenuisque sputi copia prouenit, & ob communitatem tunicæ, quæ faucibus, gulæ & ventriculo continua est, labrum inferius concutitur atque agitur. Solet & accidere rigor aut horror, & hypochondriorum frigiditas; quæ eueniunt ob motum humoris acris & biliosi per partes sentientes ac membranas ad ventriculum & partes superiores, ob

quem etiam calor natiuus ad interiora contrahitur, pulsus fit durus atque inæqualis, quod cor afficiatur ab ore ventriculi: accedit difficultas spirandi, ob musculos thoracis, quibus similiter impertitur affectus oris ventriculi. Complexus est hæc omnia Hippocr. *3. prog. text. 30.* Si quis, inquit, per febrem non exuiosam dixerit, se caput dolere, aut etiam tenebricosum aliquid ob oculos obuersari, aut si oris ventriculi morsus in eo extiterit, biliosa vomitio adueniet: si alior quoque prehenderit, & interiores illius partes frigidiores fuerint, adhuc vomitus citius aderit: si quid vero bibat esietque sub hoc tempus, per quam cito vomet. Si verò per excretionem alui crisis futura est, manifestum, exquisitum & proprium signum, vt docet Galenus, *3. de cris. cap. 11.* nullum est, sed ex eo, quod adsunt quidem crisis signa, desunt autem signa vomitus, vel fluxus sanguinis, vel sudoris, profluuium alui colligere licet. Quanquam etiam, si nullum horum signorum adsit, nondum hoc tantum, sed etiam per hæmorrhoides, & mulieribus per menstrua crisin heri posse arguit: quæ tamen distinguere possunt per sua signa, de quibus postea dicetur. Sunt etiam quædam hinc signa, quæ non immeritò considerantur; qualia proponit Hippocrates in Coacis, dum inquit: *Quibus ructus, flatus, strepitus & inflatio ventris, his aluus perturbatur.* Hæc enim omnia humoris ad interiora & ad aluum inclinationem monstrant. Ructusque, & flatus & strepitus generatur e crasso spiritu, qui dum per superius orificium ventriculi extruditur, ructus excitat; dum verò per anfractus intestinorum errat, nec erumpit, strepitus quidam excitatur, modò tenuis ac sonorus, dum per tenuia intestina; modò cum murmure quodam, dum per crassiora atque ampliora intestina vagatur. Ex eodem quoque spiritu crasso, dum non excernitur, venter attollitur atque inflatur. Et quidem sonitum illum, quem humor & flatus per crassa intestina excitat, ficta voce βοβορυμῶν appellant, qui certissimum excretionis alui signum est, & excrementum humidum subesse significat. Quæ omnia confirmantur, si die indicatorio aliqua ad hanc excretionem, naturæ inclinatio præcesserit; atque æger etiam tempore sanitatis huic euacuationi sit assuetus. Addi his posse videntur ea, quæ habet Hippocrates, *4. aph. 20.* Si citra febrem tormina adsint, & gremium grauitas, & dolor lumborum, per inferiora purgatione opus esse significat. Et si enim in hoc aphorismo de iis, qui citra febrem purgatione per aluum opus habent, loquatur: tamen ad febricitantes quoque commodè hæc traduci possunt. Nam biliosus humor copiosus per aluum deici vix potest, quin aliquam mordicationem & tormina in intestinis excitet. Lumborum quoque dolor, gremiumque grauitas accidere solet, materiâ ad inferiora descendente. Quanquam enim tensio circa spinam, in mulieribus menses, in viris hæmorrhoides præfagire solet; aliquando tamen etiam alui deiectionem præfagire potest, vbi materia ad crassiora intestina fertur, quæ in lumbis vertebris connectuntur. Vrina interdum etiam suppressitur, aut parcior redditur. Vt enim, secundum Hippocratem, *4. aph. 83.* mictus nocturnus plurimus paruum deiectionem significat: ita contrà, si vrinæ supprimantur, aut parcius reddantur, copiosior alui deiectionem indicant. Potest tamen vrinæ retentio etiam sudorem significare. Quamobrem spectare aluum oportet, quæ vbi laxa est, deiectionem; vbi adstricta, sudorem significari ab vrinæ retentione demonstrat. Per vrinam futuram excretionem auctores eodem modo per absentiam signorum, quæ alios cricum modos indicare solent, cognoscere docent. Fiet nimirum per vrinam crisis, si crisis speratur, & absint signa hæmorrhagiæ, sudoris, vomitus, alui deiectionis, hæmorrhoidum, mensium, atque inprimis capitis, hypochondriorum, ventriculi, intestinorum dolor absit; ægri non vehementer iacentur, nec

valde

Sudoris critici signa.

Vomitui critici signa.

Ex
ali
fig.Per
futura
tionis

CAP. XVII.

De Tempore Crisis.

valde sint inquieti. Adsit verò quædam hypochondrij grauitas, & circa vesicam inflationis sensus; ac postea incipiat vrina augeri, deiectione vero retineri, & æger, dum mingit, ardorem quendam vrinæ percipiat. Crisis per menses futura vt agnoscat, primò videndum est, an aliarum euacuationum signa hæmorrhagiæ, sudoris, vomitus, alui deiectionis, absint. Tum enim, si de crisi suspicio est, per mensium profuuiū sperari potest. Atque inprimis si tempus, quo fluere solent, adsit, & reliqua respondeant: præcipuè si concurrat lumborum æstus & grauitas, & hypogastrij tensio ac dolor, qui solet fieri ob copiam sanguinis eò confluentis, & venam cauam, quæ ad lumborum vertebra descendit, distendentis. Quærendum quoque est ex ægrotante de alijs symptomatibus, quæ instante mensium fluxu familiariter pati solet; cum alijs venter, alijs crura, alijs vterus, alijs etiam os ventriculi doleat. Hæc enim si postea, crisi instante, conspiciantur, Magis Medicum confirmant, & indicant eam per menses futuram. Per hæmorrhoides tandem rariores fiunt crises. Quia non omnibus hæc euacuatio familiaris est. Quibus tamen aliàs per hæmorrhoides sanguis fluere solet, in iis etiam crisis per hæmorrhoides sperari potest, si reliquarum excretionum, quas iam sæpius nominauimus, signa absint, atque æger æstum aliquem circa spinam dorsii, aut dolorem, aut tensionem lumborum, vel dolorem in abdomine percipiat. Interdum tamen accidit, vt non solum per vnam, sed & plures partes ac vias critica euacuatio à natura instituat: quamobrem danda est opera, vt tales quoque crises, quæ per plures excretiones fiunt, cognoscantur. Cognoscuntur verò ex signis plurium excretionum concurrentibus. Exempli gratiâ, si adsit capitis & colli dolor, facies rubicunda euadat, arteriæ temporum micare incipiant oculi caligent, hypochondrij fiat distensio, respiratio subito reddatur difficilior, vrina supprimatur, rigor vehementior exoritur, pulsus fiat vndosus, cutis mollior & humidior; & alia signa, quæ vomitum, alui fluxum, mensesque & hæmorrhoides significare solent, absint: crisi per hæmorrhagiam narium & sudorem futuram indicio est. Eodem modo si sudor cum vomitu, aut mensibus, aut alia excretionem coniungatur, signa coniuncta apparebunt. Iam etiam, in quem præcipuè locum Natura materiam morbificam sit translatum, & quo in loco sit abscessus futurus, videndum est. Scribit de hoc Hippocrates, 2. prognost. text. 66. *Abscessus, inquit, oriuntur, hi in locis inferioribus, in quibus calor quidam euadens ilia fatigat; illi in supernis, in quibus ilia sine tumore & sine dolore persistunt.* Et, 4. aph. 31. scribit, *qui per febres lassitudinem sentiunt, iis ad articulos & iuxta maxillas potissimum abscessus fiunt.* Et eodem in libro, aph. 33. *Si quæ ante morbum pars laborauerit, ibi morbi sedes erit.* Addit Galenus, 3. de cris. cap. 11. hæc: vbi morbus non fuerit valde diuturnus, si subita difficultas anhelitus ægroto superueniat, mox quiescat, eamque grauitas capitis ac dolor subsequatur, & grauis somnus ac surditas: Huic in glandulosis carnibus post aures necesse est abscessus fieri. Et de abscessibus post aures, seu de parotidibus habentur plura, 3. proorrh. à 1. 62. usque ad finem libri. Nimirum ex materiæ vel sursum vel deorsum inclinatione ad partes superiores vel inferiores abscessum futurum conijci potest. Et materia si sit tenuis, potius mouebitur in partes superiores, quàm inferiores. Et si natura sit fortis, potius versus inferiora, & procul à visceribus; quàm versus superiora materiam depellet.

Non verò sufficit scire crisi futuram esse, sed inprimis necessarium est, cognitum habere, quo tempore crisis futura sit. Ita enim Medicus rerum suarum rationes rectius inibit, atque omnia circa ægrum melius ordinabit. Pendet autem tota ferè de tempore crisis præcognitio ex statis præcognitione; de quo supra dictum. Quapropter maxime necessaria hic saltem afferemus. Præcipua autem signa, è quibus tempus crisis cognoscitur, sunt signa coctionis & cruditatis. Nam in morbo saluari non fiet crisis, nisi signa coctionis in aliquo die indicatorio vel decretorio prius appaerint; & quidam si coctionis notæ sint euidentiores, & planè de salute spes sit, proximo septenario crisis instituetur. Si itaque primo die signum coctionis manifestum appareat, & reliqua omnia nihil periculi poendant, morbi solutio & crisis quarto die speranda est. De quo Hippocrates, 3. prognost. aph. 2. *Simplicissima febres & signis firmate securissimis, quarto die aut citius desinunt.* Si verò primo die non appareat manifestum coctionis signum, alij dies consulendi sunt, & si signum in aliquo dierum decretoriorum appareat, proximo quaternario crisis speranda est. Ique si quarto die signa coctionis appareant, speranda est crisis in septimo: quod docuit Hippocrates, aph. 71. *Quibus die septimo futura est crisis, iis vrina brama die quarto nubeculam habet, & cetera pro ratione.* Ique ita deinceps. Quæ autem sint signa coctionis dictum est supra. Deinde cum signis coctionis coniungenda sunt, ea, quæ morbi idea, magnitudo, motus, mos suppediat. Nam acutorum morborum non omnium est eadem ratio. Sunt quidam cutissimique vno, vel duobus, vel tribus, vel ad summum quatuor diebus iudicantur: de quibus, allegato loco, Hippocrates; Simplicissima febres ac signis firmate securissimis, quarto die, aut citius desinunt. Vt autem agnoscat, quæ febres mites sint, quæ mitissima, quæ malignissima: vires signorum, quæ salutem & mortem præfagiunt, perspectas habere oportet. Sunt deinde alij morbi, qui ad septimum velque diem extenduntur; alij qui ad decimum quæritum. Si quis enim acuta febre laboret, nullum tamen adsit lethale signum: neque etiam vlla coctionis nota: huic in quarto crisis non accidet. Quæ opter videndum, an sicut nulla adest coctionis ratio, ita etiam nullum longi temporis signum adsit. Hoc enim si adsit, secundo quaternario morbus dicabitur. Quod si longi temporis signa adsint tiam septimum diem excedet: quantum verò cendetur, non licet primis diebus cognoscere, sequentibus. Singulis enim quaternariis signa sunt consideranda, & vt Hippocrates, 3. prognost. aph. docet, à primo die animaduertere oportet, & singulis quaternariis considerare. Ita enim non latebit, quò morbus tetur. De quo legatur integrum c. 13. l. 1. de dieb. decret. morbi motus etiâ crisis tempus docet, cum monstratum crisis die pari vel impari sit futura. Nam, vt estud Hippocratem, 1. Epid. com. 3. t. 13. *Quæ paribus diebus accidunt, paribus diebus iudicantur: quorum verò et in imparibus accessiones, imparibus iudicantur.* Ci enim natura, à materia morbifica stimulata, solum eam expellere; maior verò irritetur die paroxysmi: natura in paroxysmis crises instituere solet; adeò vt Galen. 3. de Cris. ca. 3. scribat, Archigenem irota sua vita bis tantum observasse in die leuioribus fieri, se verò senile tantum. Consideranda uoque ipsius morbi tempora. In salutari enim morbo crisis perfecta non accidet ante statum; impecta vero etiam in augurio.

Signa è quibus tempus crisis cognoscitur.

Quarto die crisis futura signa.

Septimo futura crisis signa.

Crifis verò exitiales fiunt vel in principio, vel in augmento. In principio quidem si morbus fit vehementissimus, & vires valde debiles: in augmento verò, si vires non adeò sint debiles. Tum enim aliquandiu se morbo opponunt, sed tamen paulò post succumbunt. Ex his signis omnibus, quæ nimirum à cruditate & coctione, morbi idea, magnitudine ac motu desumuntur, coniunctis, adhibita etiam consideratione temporis, anni, regionis, ætatis, temperaturæ ægi & similibus quâ ratione tempus crifis inuestigari possit, docet Galenus, *cap. 4. l. 3. de Crif.*

*Iam instantis
crifis signa.*

Iam verò instare diem crifis, monstrant signa critica dicta, quæ suprà etiam ex Galeno, *lib. 3. de Crif. cap. 2.* enumeravimus; quæ reliqua, quæ hætenus recensita sunt, signa confirmant. Hinc, ut Hippocr. 3. *aph. 13.* habet, *Quibus crifis futura est, nox, quæ accessionem præcedit, gravior esse solet;* quòd si die appareant talia, crifis in nocte speranda est. Quapropter hæc signa diligenter consideranda sunt. Nam si animadvertantur in agro *duosque* vigilæ, deliria, graues somni, difficultis anhelitus, vergines tenebricosæ, difficiles sensus, dolores capis, colli & stomachi, & multorum aliorum membrorum, aurium sonitus, varij ante oculos appareant splendores, lacrymæ inuoluntariæ effluent, vrina repleatur, labrum agitetur, aut aliquid aliud tremulomat, obliuio & præsentium ignorantia, vel vemens accidat rigor, accessio plurimum consumam anticipet horam, & multus æstus, sitisq; intolerabilis sequatur, ægi clament ac salia sicut furentes, neque possint in eodem situ recubere; atque signa futuræ crifis præcesserint: post crifin futuram indicio sunt. Ac post talia sig vel repente multus sudor erumpit, vel vomitus in paucis insequitur, aut venter subito soluitur aut abundans fit sanguinis fluxus, aut plura horum accidunt. Si verò non statim tale quid eueniat: nunquam tamen ultra septimum, his signis apparentibus crifis differat; quod docet Hippocrates, 3. *Prog. tit. 31.* Si qui, inquit, *cæpit dolere primo die, quarto preuitur magis, septimo liberatur. Plurimi verò eorum incipiunt dolore vexari tertio die, quinto conflantur magis, deinde liberantur non aut undecimâ. Quòd si quinto die incipiant dolore vari, & alia quoque secundum rationem psis accidunt, cimo quarto morbus indicabitur.* Nimirum crifis terminus ferè longissimus ab eo die, quo inceperint apparere signa critica, est dies septimus. Sed si appareat aliqd manifestum signum ex quo constet coctionem in ipso, & morbum iam augmentum attigisse: proximo quaternario crifis fiet, cum natura in morbis salutari intra quaternarium reliquam coctionem soleat abluere. Sæpè autem non solum diem, sed etiam hanc crifis, morbi que mutationes prælagire licet. Nisi ex præcedentibus cognitum habeat Medicus di futura crifis, morbi que exitus: videndum est, à diei horâ paroxysmus aduenire soleat, & quod proximi tempus agro sit grauius. Illud enim tempus præcipuè obseruandum est. Verùm de toto hoc predictionis genere illud conclusionis loco tenendum est; quod crifin perfectam & optimam certius cognoscere licet: omnia enim signa in talibus morbis statim ab initio secura videntur. Reliquas verisimiles artificiosas salutem coniecturâ cognoscere licet. Quapropter nisi quid firmiter & certò prælagirossimus, satius est, facere, quàm temerè prænunciem falli. Etsi enim impenduntium agro casuum, ætemporis, atque in primis diei & horæ, quæ in morbo mutatio futura est, prædictio, diuinitatis quasi cuiusdam opinionem in animo vulgi parere, & hinc Medicus, ut rerum abditarum atque obscurarum peris, suspici & prædicari soleat, & confidentiam in artis erga Medicum pari: tamen eandem etiam, si entus prædictioni non respondeat, imminuere pote. Non autem sem-

*Hora, quâ
sint futura
crifis signa.*

per respondere posse, ipse monuit Hippocrates, qui, 2. *aph. 19.* scribit: In morbis acutis non omnino certas esse mortis aut salutis prædictiones. Tandem etiam circa Crifis & morborum mutationes stabilitas euentus perpendenda: Sæpè enim mutatio in statum meliorem constans, Salus etiam & morbi terminatio adeò firma est, ut nihil mali amplius metuendum sit, sed homo iam liberiori victu uti, & ad consueta negotia dimitti possit: interdum verò mutatio instabilis est, ita ut leui de causâ morbus reuertatur, & propterea ad hoc prouocandum exquisita victus ratione opus sit. Cognoscitur autem stabilitas vel instabilitas euentus ex morbo & natura. Natura enim robusta stabilem salutem & in melius mutationem significat. Colligitur autem hic naturæ robur ex causis, quæ sunt calidi innati robur & bona corporis constitutio; & ex effectis, cum sc. & actiones omnes, & qualitates corporis, & excreta, ac retenta secundum naturam sese habent, neq; aliquid præter naturam restat. Si enim aliquid symptomatum supersit, ut cibi fastidium, sitis, dolor: imbecillitatem naturæ & reciduiam denuntiant. Perinet huc & Crifis conditio. Nisi enim omnes bonæ crifis conditiones adsint, morbi reditus metuendus. Morbus ob humores præcipuè, à quibus ortum habet, stabilitatem vel instabilitatem salutis denunciat. Tenuis enim & calidi humores cum facili vel euacuentur vel aliò transferantur, stabilem euentum significant: Frigidi verò & crassi, cum non facili toti excernantur, vel aliò transferantur, sed plerumque aliquid de iis relinquatur, salutem inconstantem & reciduiam prælagiunt, secundum 12. *aph. sect. 2.* Eodem modo mutatio in meliorem vel deterio rem statum ex collatione, ut modò dictum, naturæ & morbi colligitur. Natura enim fortis mutationem in melius constantem indicat: in deterio rem verò statum mutatio stabilis indicatur, ubi natura debilis & morbus validus est. Quò etiam faciunt dies Critici. Si enim mutatio morbi in melius vel deterius die Critico facta est, stabilis iudicatur: contra quæ diebus non Criticis accidit, instabilis.



INSTITUTIONVM MEDICINÆ

LIBER QVARTVS.

PARS I.

De Rebus ad Sanitatem tuendam necessariis.

CAPVT I.

*Quæ ad doctrinam de Sanitate tuenda perti-
neant: & quotnam sint causarum ad sa-
nitatem tuendam necessariarum genera.*



RES Medicinæ partes, quæ ad eas, quæ Medicinæ propriæ sunt, ipsiusque finem, qui est sanitas, proximè & propriè concernunt, viam quasi præparant, hætenus pro instituti nostri ratione explicauimus. Nunc ergo ad illas principes, puta *ὕγιεινὴν* & *ἰατρικὴν*, accedimus. Ipsamque artem Medicinam trademus, seu rationem inueniendi ac administrandi, & victum & remedia pro conseruanda sanitate & expellendis morbis necessaria. Antequam autem in specie de iis dicamus, communia quædam axiomata ac dignitates, tam in methodo tuendæ sanitatis

Signi-
lis &
bilis
tiona
rum.

Axiom
commu
methoa
dendi.

nitatis, quàm in methodo medendi obseruandas præmittere libet. Sunt autem hæc. I. *Natura nihil temere agit.* Cum enim ista sit ordinaria Dei potestas vt Scal. eam, *Exerc. 88. & 159. sect. 1.* definit, & ab Hippoc. erudita & iusta, quæque, semper, quod opus sit, efficiat, appelletur, & Gal. 3. de v. u. part. cap. 15. eam nunquam in necessariis deficere, aut aliquid superuacanei efficere scribat: etiam temerè eam nihil agere credendum est. II. *Natura omne omnium est inimicum.* Πάν τὸ πᾶν τῆ φύσεως πολεμίων. 2. aph. 51. vt ex inedia, satietate, euacuationibus, repletionibus, somno, vigiliis, patet, & loco alleg. apud Hipp. & lib. eodem aph. 3. & 4. videre est, III. *Natura non facit subitas mutationes, & omnis subita mutatio est periculosa,* seu, vt aph. 51. sect. 2. habet, *semel multum & repente vel euacuare, vel replere, vel calefacere, vel refrigerare, aut alio quouis modo corpus mouere, periculosum:* omne siquidē nimium naturæ inimicum, paulatim verò quod fit, tutum, cum aliàs, tum maximè cum ab vno ad aliud est facienda mutatio, & ibid. aphorif. 7. *Quæ longo tempore extenuata sunt corpora, sensim reficere oportet, quæ verò breui, repente.* IV. *Natura est morborum medicatrix; Medicus verò naturæ minister,* naturamque rectè agentem Medicus imitari debet, vt est apud Hippocrat. 1. aphorif. 2. & 21. V. *Consuetudo est altera natura, & consueta longo tempore, etsi deteriora sint insuetis minus molesta esse solent,* 2. aph. 50.

Cum consuetudinis cum in aliis rebus, tum in Medicina, maxima vis sit, eaque à Medico cum in sanitate tuenda, tum in morbis curandis, maximè attendenda sit, vt propterea Galenus peculiarem de ea libellum conscripserit; de ea aliquid dicere libet. Quid autem consuetudo sit, non ita planum. Equidem circumferuntur multæ locutiones passim & dictæ, vt, quòd Galenus, 2. de muscul. mot. scribit, consuetudinem esse naturam aduentitiam, seu, vt vulgò dicitur, consuetudinem esse alteram naturam, & Aristoteles 7. *Ethicor. cap. 10.* consuetudinem similem naturæ esse dicit, citatque Euenum Poëtam, qui ita scribit:

Vsus longus mos est & meditatio crebra,

Hunc tandem assero naturam mortalibus esse.

Verum propriæ eæ locutiones non sunt. Neque enim consuetudo natura est, sed natura præcedit, & naturæ consuetudine aliquid accedit. E quo facile patet, quid de illa quæstione sentiendum sit, quâ quæritur, an consuetudo in naturam abire possit, & an consuetudo sit altera natura. Res enim plana est, quòd consuetudo non tollit priorem naturam, sed ei aduenit, ac suo modo altera natura dici potest. Quapropter rectissimè definiri potest consuetudo, quod sit dispositio naturali constitutioni accedens, à frequenti exercitio agentis & patientis sensim introducta.

Comparatur autem consuetudo in omnibus facultatibus corporis nostri, naturali, vitali, animali; quod ordine monstrabimus. De quibus in genere scripsit Hippocrates, 2. aph. 50. *Consueta longo tempore, etsi deteriora sint, insuetis minus molesta sunt.* Quod vt Galenus explicat, non solum de exercitatione, sed in genere de omnibus rebus non naturalibus dictis, cibo, potu, balneis, vigiliis, somno, calore, frigore, curis, studio, accipiendum est.

De naturali facultate in specie scribit Hippocrates, 2. de rat. vict. in acut. t. 33. *Multa, inquit, his germana, eorum, quæ ventri contingunt, atque alia quispiam dixerit, vt, e. g. cibos, quibus vi consueuerunt, facile ferunt, tamen si haudquaquam boni fuerint naturæ. Similiter & potus. Cibus verò, quibus vi non consueuerunt, etiam si mali non fuerint, molestè ferunt. Consimili modo & potus.* Galenus, libell. de consuet. cap. 1. scribit; *qui carnes ouinas comedunt, ex iis inter initia, cum illas in usu ceperunt habere, ladi; qui si subinde per annum*

iis vescantur, nihil amplius, aut longè minus ludentur quàm illi, qui nunquam illarum esui adsueuerunt. Ita Tartari carnes equinas crudas concoquunt, quia à pueritia iis adsueuerunt. Rustici multi carnes bubulas, brassicam, fabas, & similes duros cibos rectius concoquunt, quàm pisces saxatiles, vel oua, quæ in eorum ventriculis corrumpuntur. Neque solum in ipso cibi genere, sed & in tempore cibi sumendi multum consuetudo potest. De quo Hippocrates, 2. de rat. vict. in acut. t. 21. *Tum iis, qui bis de die comedunt, tum iis, qui semel, noxas & infirmitates pariunt repentina mutationes, eosque, qui prandere non consueuerunt, & prandent, statim infirmos reddunt, toto item tempore graues, imbecilles, ac desides. Quod si supercœnauerint, acidum ructant, alios alui lenitas exercet. Nempe ventriculus præter consuetudinem grauat, superficcescere consuetus, non bis tumescere, atque bis cibos recipere. Et, ibid. t. 23. Magis præterea & is afficietur, qui ter die replebitur, & etiam multo magis, qui crebrius. Quamquam sunt nonnulli, qui ter die satiati facile ferunt, utpote qui ita sunt consueti. Et, t. 24. Præterea qui bis die cibum sumere consueuerunt, i, nisi pransi fuerint, imbecilli & infirmi fiunt, timidique ad quoduis opus, & cardialgici. Nempe his viscera pendere videntur, calidum mingunt, & viride, id est, pallidum, stercusque exurit. Sunt quibus os amarescit, oculi cauantur, & tempora saliant, partesque frigescent externæ, plurimi quoque horum, qui pransi non sunt, cœnare nequeunt. Quod si cœnauerint, ventris gravitate afficiuntur, ac difficilius dormiunt multo, quàm si pransi fuissent.*

Eadem medicamentorum ratio est. Medicamenta enim magis lædunt insuetos, quàm consuetos eis vt, & consuetos etiam minus alterant. Quæ de causâ omnes Medici præcipiunt, in longis morbis medicamenta permutanda esse, vt mox dicetur. Idque non solum de internis, sed externis medicamentis accipiendum. De qua re Aristoteles, 1. sect. probl. 46. monet, vt ex certis interuallis mutantur cataplasmata, etsi sint eiusdem naturæ. *Cataplasmata, inquit, ex certis interuallis permutari debent, quamuis iisdem prorsus viribus sint, si debent sanare; quia natura contemnit consueti pharmaci vires.*

De qua re tamen nonnihil Medici dissentire videntur. Nam quidam negant, esse mutanda medicamenta, ducti autoritate Hippocratis, qui, 2. aph. 52. scribit: *Secundum rectam rationem facienti omnia, si secundum eam minus succedat, protinus non est ad aliud transeundum; dummodo id constet, quod ab initio visum fuit.* Id quod accidit in morbis ab humoribus crassis, in quibus, vt Galenus, 1. de compos. med. sec. loca, cap. 1. ait, rectè secundum indicationem medicamentis vtimur, etsi nullum à principio commodum sequatur. Etenim, vt Galenus ibid. monet, sicut aqua stillatim cadens durum lapidem longo tempore excauat: ita morbi pertinaces diuturnâ auxiliorum applicatione tandem vinci solent. Vnde Galenus, lib. 1. de dieb. Critic. cap. 11. eos reprehendit, qui, permanente eadem morbi dispositione, remedia mutant. Contrà Galenus, 5. de tuend. sanit. cap. 9. docet, auxilia, quibus senes ad ciendam aluum vri debent, mutanda esse; cum adsuefacta natura eorum vim contemnat. Quod & alij Medici monent, inter quos est Celsus, qui, lib. 3. cap. 1. ita scribit: *Alterum illud ignorare non oportet; quòd non omnibus agris eadem auxilia conueniunt. Ex quo incidit, vt alia atque alia summi Authores quasi sola vindicauerint, prout cuique cesserant. Oportet itaque, ubi aliquid non respondet, non tanti putare authorem, quanti agrum, & experiri aliud atque aliud.*

Verum facilis solutio est huius controuersie. Intentio & indicatio, si rectè constituta sit, (vt loquitur Hippocrates) non mutanda, nisi morbus mutetur. Cum verò amplissima materiæ medicæ sit copia non

In tempore
sumendi.

In medica-
mentis.

Ea an etiam
mutanda.

Affirmatur
de materiæ
medicæ.

semper vno medicamento, utpote cui natura adfuerit potest; utendum, sed mutanda interdum medicamenta, quod etiam Auicenna, lib. 1. monuisse videtur, ubi hæc habet: *Præter hæc quoque tibi caue, ne a rectitudine recedatur licet videris, quod, ipso- rum tardetur iuuamentum, neque in errore moreris, etsi videris, quod eius non appareat impedimentum, & cum hoc secundum unam medicationem, non cum una tibi standum est medicina, imò in una medicatione medicinas permuta, quoniam ab ipso, quod consuetum est, non fit passio; & unicuique quidem corpori, imò uni membro, imò omni corpori, & uni membro in una hora, & non in altera, inest proprietas ab una medicina pati, & non ab altera.* Quibus verbis Auicenna, & aphorismum istum Hippocratis, & Celsi allegatum locum coniunxisse videtur. Nimirum intentio seu indicatio non mutanda, manente eodem morbo. Verbi gratia, si morbus est calidus, indicatio refrigerandi permanet, quandiu calidus morbus non mutatur. At mutatio materiæ medicæ, quæ varia est, fieri potest duas ob causas, quas ponit Auicenna. Prima est consuetudo, quod scilicet à consuetis non fit passio, & natura vni medicamento ita adfuerit potest, ut ab eo nulla fiat mutatio. Altera causa hac est, quod medicamentorum facultates aliæ sunt manifestæ, aliæ occultæ. Etsi igitur medicamentum aliquod secundum manifestas qualitates morbo planè conueniat, & aptum sit, tamen accidere potest, ut habeat occultam cum agro vel membro ægri antipathiam, & propterea agro non solum non prodest, sed etiam noceat. Sicut nonnulli rosas, alij alia medicamenta ferre non possunt. Itaque si ex medicamento ad indicationem quidem directo nihil commodi in ægrum redundare animaduertat Medicus, medicamentum mutare, indicatione non mutatâ, & aliam materiam medicam adhibere debet. Hoc tamen etiam hoc loco monendum est, morbi naturam & gradum, & causas perspicere, difficillimum esse, & artem Medicam inde coniecturalem nominari. Ideoque accidere potest, (idque magnis Medicis accidit) ut Medicus se morbi naturam habere probè cognitam & perspectam, & se secundum rationem agere putet, fallatur tamen. Quapropter fons signorum à iuuantibus & lædentibus non negligendus. Et propterea si medico, etiam si omnia secundum rationem agere videatur, curatio non rectè succedat, diligentius de morbo & causa eius cogitandum, & an forsitan aliquis error in morbo cognoscendo commissus sit, inquirendum. Fecit id Gal. 3. de comp. med. s. l. ubi de sonitu aurium agit. Cum enim eius affectionis duplicem causam statuatur, flatuosum spiritum, & exquisitam sensus audiendi subtilitatem, & in quendam incidisset auris sonitu laborantem, qui dissecantibus, attenuatoriis, & discussoriis pharmacis, atque etiam apophlegmatismis usus esset, ac nihil profecisset, conclusit Gal. non flatuosum spiritum, sed exquisitam sensus audiendi subtilitatem sonitus causam esse & propterea ad contraria auxilia progressus, ex sensum stupefacientibus aliquid admiscuit, eoque ægrum liberauit. Ita Hippocrates, 7. epid. l. 2. de morbo Polycratis agens, eum quindecim dies dolorem ventris circa splenem, & sinistram latus passum esse dicit; auxilia autem memorans, scribit, calidorum appositionem minùs profuisse, quàm frigidorum. Ex quo colligere licet, ei modò calida, modò frigida adhibita fuisse remedia.

Eadem ratio est facultatis vitalis. Ita timidi naturâ, si in bello vel mari, vel in aliis periculis diu versentur, eandem audaces fiunt. Contrâ si audaces cum rimidis diu versentur, & illi timidi fiunt. Nonnullis ira statim nocet; aliisque quibus quotidianum est, familiareque irasci, ira non nocet.

De facultate animali res etiam manifesta est. Ut

primò de motu animali dicamus, scribit de eo Hippocrates, 1. aphor. 49. *Quotidianis laboribus assueti, etiam si inuvalidi sint, aut senes, infueris, quamuis robustis, aut iuuenibus, consueta exercitia facilius ferunt.* Cum verò varia motuum & exercitiorum sint genera, omnibus, (ut Galenus in comm. addit) hoc commune est, ut exercitati in exercitiis fortiores fiunt & expeditiores, atque ideò labores contra se facilius ferant. Nota est Milonis Crotoniata historia, qui vitulo gestando sapius adfuetus, tantum robur corporis sibi conciliauit, ut postea bouem per stadium gestare potuerit.

Sensus externos quod attinet, tactus multis rebus, quas antea sine molestia perferre non potuit, adfuerit potest. Ita qui in regionibus Septentrionalibus & frigidis educati, si in regiones calidiores perueniant, insuetum illum calorem primò molestè ferunt: sensim tamen ei postea adfuescunt. Et contra qui è regionibus calidioribus in frigidas veniunt, primò frigore valde offenduntur; postea tamen ei etiam adfuescunt. Sic qui militiæ sese dedunt, primò aëris iniurias, quæ diu noctuque ferendæ sunt, molestè ferunt, ita quidem, ut multi etiam in morbos incidant, vel planè moriantur; postea tamen sensim iis adfuescunt.

Gustus eadem ratio est. Multi enim caseo, & aliis cibis, quibus antea vsi non sunt, adfuescunt. Et frequentissimè hoc accidit, ut si quis è patria in aliam regionem, victu nonnihil diuerso utentem, veniat, eum agrè ferat; postea tamen ei sensim adfuescat. Itali ranis frequentissimè & cum voluptate vescuntur, quas Germani & Græci auersantur. Garzias ab Horto, Aromat. hist. lib. 1. cap. 3. narrat, per totam Indiam nullum medicamentum simplex maiore in vsu esse, quàm asam fœtidam, cum in medicamentis, tum cibis condiendis; quam nos omnes valde abominamur.

Eadem ratio odoris est. Asæ fœtidæ, ut modò dictum, odor nobis omnibus molestissimus est, qui tamen Indis gratus est. Rustici sæpe fœtidos odores alij & fimi facilius ferunt, quàm moschi & ambrae ut postea dicetur.

Auditus quoque aduersa facilius fert, quàm infuera, iisque magis delectatur, his verò offenditur. Plerisque ille limarum stridor & sonus molestissimus est, quem tamen fabri ferrarij, ei adfueri, sine molestia ferunt. Sonus ille, qui in vasis compingendis à victoribus excitatur, aliis molestus est, victoribus non item; ut & ille, quem fabri, qui cuprum tractant, & malleis ducunt, excitant, aliis valde molestus est, fabri verò illi, cum ei adfuerint, eo non offenduntur. Turcarum Musica, Germanorum, Italarum, Gallorum, auribus ingrata est, contra nostra Musica Turcarum auribus insuauis.

Idem in visu accidit. Aethiopes fœminas nigras pro pulchris habent; nos contra candidissimas: feruntque à Mauritanis diabolum, qui ab omnibus abominabilis habetur, pingi colore albo; cum nos contra ipsum colore nigro pingamus. Ita aliis vestibus aliæ nationes delectantur, & quæ vestes nonnullis placent, aliis pro deformibus habentur.

Tandem etiam consuetudini in ipsum intellectum & voluntatem sua vis est. Ingenium enim crebro exercitio acuitur, otio contra torpescit. Moribus quoque & bonis & prauis vsu adfuescere possumus. Et qui gestus & sermones fatuos sapius usurpant, tandem planè fatui fiunt.

Quibus autem de causis accidat, ut consueta minus lædant, & quomodo consuetudo inducatur, iam inquirendum. Vbi primò hîc monendum, consuetudinem faciliè induci in tenera ætate, ad annum vsque 21. Quæ enim consuetudo his annis inducitur, ea postea difficulter aboletur, ut vel ex moribus patet,

1.
Ob consuetudinem.

2.
Ob facultates medicamentorum.

Consuetudo in facultate vitali.

Animalis Motus.

Sensum
Tactum

Gustus

Olfactus

Auditus

Visus

Intellectus
Voluntas

Causa
Consuetudinis

patet, quos quales hac ætate homo imbibit, siue bonos, siue malos, eos reliquo vitæ tempore difficulter deponit. Nimirum

— a teneris adfuescere, multum est.

Et

Quo semel est imbuta recens, servabit odorem

Testa diu.

Quæ verò causa sit, cur consuetudo minùs noceant, non ita planum est. Et quidem primò facultatem naturalem quod attinet, Galenus, *libell. de consuet. cap. 2.* ex axiomate illo physico, quòd omne agens agendo reparatur, & quòd omne patiens patièdo reagat, concludit, quòd sicut vnumquodque eorum, quòd vel comeditur, vel bibitur, eo alteratur secundum qualitatem, ita etiam ipsum quoque id, à quo alteratur quodammodo afficiat, quæ alteratio quâlibet exigua sit, tēporis tamen successione subinde aucta, tandem ea fiat, quæ notatu digna sit, vt tādē ea, quæ ex longa consuetudine parata sunt, vim ferè naturalis proprietatis induant. Rectissimè verò omnium horum ratio è subordinatione formarum petitur. Cùm enim alimenta tum in chylo, tum in sanguine, imò ipsis carnibus, suas primævas formas retineant, quia nimirum non aduersantur formis partium nutriendarum, aut ab iis nequeunt superari: hinc accidit, vt quia insueti alimenti formæ aduersantur iis formis, quæ ob diuturnum & consuetum vsum domesticæ corpori nostro factæ sunt, seditiones quasi & turbæ ob nouarum & contrariarum formarum accessum in corpore oriantur, atque inde natura lædatur. Et si consuetudine ipsa venena homini familiaria reddi possunt, multò magis cibi. Etenim, vt de anu Atheniensis scribit Galenus, 3. *de simpl. med. fac. cap. 18.* ea ab exigua porzione cicutæ auspicata, nullo detrimento ad magnam progressa est copia. Principiò enim pauca exiguitate ea deicta est, at consuetudo naturalem reddidit. Et quòd de cicuta dictum, idem de aliis quòque venenis verum est, hominem iis adfuescere posse, si primò in minore quantitate sumantur. Nam, vt *Hypomn. Phys. 3. cap. 2.* dictum, ad mitionem non tam pugnâ contrariorum, quàm corporum ad minimas atomos reductione opus est, nec res inter se pugnant, nisi earum notabiles qualitates concurrant. Ita si cibi alicuius vel etiam veneni, minima aliqua portio assumatur, natura nostra non statim se ei opponit, vtpote quòd non multum lædere potest, atque ita id fert, eique sensim adfuescit.

Cur autem venenis homo adfuescere possit, causam reddimus, *lib. 6. Pract. part. 5. cap. 1.* Equidem S. Sanctorius, in *method. vitandor. in Med. error. lib. 4. cap. 6.* scribit, venenis saltem frigidis, non verò calidis, hominem adfuescere posse; quia frigida non sint tantæ actiuitatis, quantæ calida. Verum id falsum est: Neque enim vis agendi in venenis à frigiditate vel caliditate pendet, vt alibi pluribus probavi. Quòd verò quibusdam venenis homo adfuescere potest, vt cicutæ, & aliis plantis, vt & animalibus venenatis, causa hæc est, vt *loc. alleg.* docuimus, quòd venena quædam, vt plantæ & animalia, etiam quid alimentosi in se continent, quòd cùm corpori hominis apponi possit, cum eo & venenum se sensim insinuat; alia verò, vt arsenicum, auripigmentum, & similia, cùm nihil alimentosi in se habeant, iis nullo modo homo adfuescere potest.

Etsi verò hæc circa nutritionem ita sese habeant: tamen, cùm non tam ventriculum, quàm totius corporis nutritionem spectent, adhuc quæritur quæ de causâ ventriculus alios cibos facilius ferat, & rectè coquat, alios difficilius, & non rectè. Ita nonnulli carnes bubulas fumo induratas, pisces exsiccatos optimè coquunt & digerunt; qui si vitulinas vel agninas carnes, vel oua sorbilia comedant, ea omnia

potius corrumpunt, quàm bene coquunt: contrà qui cibis facilis coctionis saltem adsueuerunt, cibos dueros & difficilis coctionis non bene concoquunt. Nonnulli huius rei hanc afferunt rationem, quòd adsueta sint similia, & propterea ventriculus ea facilius coquat. Passum enim quòd est agenti similius, è facilius assimilari. Verum ventriculus non alitur cibis assumptis proximè, nec chylo, sed sanguine demum è chylo genito. Præterea non solum in cibo qualitas eius consideranda, sed & quantitas; cùm multum edere consueti magnam cibi copiam bene ferant; qui verò parum cibi assumere consueti sunt, à magna eius copia offendantur; quòd non ex similitudine fieri potest. Quæ enim similitudo est ventriculi cum cibi maiori vel minori quantitate. Itaque vt veram huius rei causam inueniamus, illud principiò præsupponendum, quòd exercitatio omnis augeat propriam virtutem. Cursus nimirum frequens facit homines veloces, lucta robustos. Itaque aliam causam commodiorem vix reddi posse puto, cur nonnulli cibos coctu difficiles faciliè concoquant, & eorum etiam magnam quantitatem superent, quàm robur ventriculi. Robur autem ventriculi in primis in calore eius consistit. Calor autem ventriculi duplex, Insitus, & Influens, qui per arteriæ magnæ insignem ramum gastricum fundum ventriculi perreptantem è corde in ventriculum infunditur. Insitum illum vix consuetudine mutari posse puto, sed saltem influentem. Cùm enim natura semper, quòd actu est necessarium, agat, & ad cibum durum ac difficilem coctu, eiusque magnam quantitatem, maiore calore opus sit, natura etiam ad cibum durum & copiosum coquendum multum caloris per arterias infundit in ventriculum, eique rei, si tales cibi, & magnâ quantitate assumantur, adsuescit, & semper multum caloris ad ventriculum per arterias effundit, qui postea cibos molliores corrumpit; in iis verò, qui cibis mollioribus & coctu facilibus semper vsi sunt, natura non multum caloris & spirituum ad ventriculum mittere adsueta est. Ideoque licet cibi duri postea assumantur, in consuetudine suâ perseverat, nec multum caloris ad ventriculum transmittit, à quo cibus durior vel copiosior coqui nequit.

Hoc loco non prætereundus aphorismus, qui vulgo circumfertur: *Omnis repletio mala, panis verò pessima.* Qui non parum dubij habere videtur. Nam cùm in Europa (Scytharum enim & aliarum quarundam nationum alia ratio est) frequentissimus & maxime consuetus, ac homini familiaris cibus sit panis, & is cum omnibus ferculis aliis, & quidem sine nausea, sumatur, vix credibile est, eum, vtpote cui homo adsuevit, etsi maiori copiâ assumatur, plus lædere posse, quàm alios cibos. Itaque aphorismus hic corrigendus, & pro panis, carnis legendum. Carni enim non ita adsueti sumus, & facilius etiam, quàm panis, caro corrumpitur, & putredini magis est obnoxia.

Corporis verò & animi exercitationes quòd attinet, scribit de iis Gal. *libell. de consuet. c. 4.* quòd corporis partes, quæ exercentur, fortiores, & solidiores reddantur, & proinde suas actiones obire ac ferre facilius possint, quàm ceteræ, quæ, cùm exercitatione caruerint, molles sunt & imbecilles. De causa tamen huius rei inter Medicos non conuenit, & disputat de eo Vallesius, *lib. 8. controu. cap. 5.* & concedit quidem, à consuetis labores facilius sustineri, quàm insuetis; quia in illis nerui sint fortiores: hanc tamen solam causam esse negat. Ità enim, *inquit*, nihil fieret à consuetudine, sed omnia à naturâ, & ita fieret, vt si duobus hominibus essent nerui omnes æquè robusti, alteri tamen ex innata natura, alteri ex cōsuetudine, neuter esset laboris tolerantior altero, atq; eâ ratione cōsuetudo nihil in his motionibus posset. Nam haberet duo illi omnia, quæ naturæ sunt æqualia, & alter

Exercitatio propriam augeat virtutem.

An verum: omnis repletio mala, panis verò pessima.

Causa consuet. in facult. animalis.

In exercitatione.

insuper

Cur assueti
insuetis faci-
lius tolerant
labores.

insuper haberet consuetudinem, & tamen nihil moueretur altero melius, atque ita non rectè dixisset Hippocrates: *Qui consueti sunt solitos labores ferre, etsi sint imbecilles aut senes, non consuetis fortius, & iuuenibus facilius ferunt labores.* Ipse verò causam huius rei esse putat figuram quandam in fibris factam, dum eodem modo læpe contrahuntur & extenduntur, quam dimissæ à facultate suâ, sponte retinent, & ad quam, vel minimum operante facultate suâ, sponte veniunt. Verum non satis huius rei causam explicasse videtur Vallesius. Itaque res clariùs explicanda. Puto autem, omnino solum robur partium motui dicatarum causam esse, cur adsueti insuetis facilius labores tolerant. Vbi primò videndum, quæ partes illæ sint, Vallesius nunc neruos, nunc fibras nominat. Sed sciendum, neruos, quatenus nerui, saltem spiritus animales ad partes sensui & motui destinatas deferre. Musculus autem adæquatam motionis organum est; præcipuum verò in eo fibræ neruosa, quibus contractis vel extensis musculi contrahuntur vel extenduntur, & consequenter mediotendinum membrum ipsum mouetur. Deinde cum, ut suprâ dictum, consuetudo sit dispositio naturali constitutioni addita, & crebris actionibus inducta; talis dispositio etiam musculo, & fibris in eo, inducitur, non quòd, ut Vallesius putat, crebro motu fibris quædam figura inducitur, sed quòd fibræ solidiores & fortiores fiunt. Id quod vel ex infantibus patet, quibus dum fibræ illæ adhuc molles sunt, ad motum minus apti sunt; dum verò ætatis progressu siccantur, & solidiores fiunt, membra etiam rectius mouentur. Neque hinc sequitur, quòd nihil hic consuetudo faciat, sed solum natura. Robur enim illud, motu crebro & laboribus inductum, non naturale fuit partibus, sed naturæ accessit. Neque quid absurdi hinc sequitur, quod vult Vallesius. Senius enim aphorismi Hippocratis hic est: Naturale est, ut senes sint debiliores, & ad labores minus apti: contra iuuenes senibus ad labores tolerandos sint aptiores. Si tamen accidat, ut iuuenis aliquis in iuuentute otio indulserit, & laboribus non adsueuerit, fibræ manent molles, & non solidantur ac roborantur: vnde ad labores ferendos ineptus is est, & facile fieri potest, ut senex aliquis, etsi ætatis ratione sit debilior, quia in iuuentute laboribus partes roborauit, ad labores ferendos tali iuvene sit aptior. Itaque negatur, quòd tales duo habeant omnia illa, quæ naturæ sunt, æqualia. Etenim senex naturâ debilior est iuvene, & si æquè laboribus ferendis par est, ut iuuenis, id habet ex consuetudine. Notandum enim & hoc, interdum, naturâ simpliciter seruata, accedere consuetudinem. Ita qui labore roborantur musculi, ille robur naturæ seruat, sed ex consuetudine nouum robur illi accedit. Qui verò naturâ calidus est, & adsuescit frigidis, in eo per consuetudinem natura quasi mutatur. Eodem modo sese res habet in eo, qui venenis adsuescit; idque præcipue in facultatibus naturalibus accidit. Summa ex usu longo & frequenti consuetudo fit, manente in corpore dispositione fixâ, simili ei cui adsueuimus. Quòd si contrariis, quod iubet Hippocrates, quis adsuescat, media quædam dispositio inducitur ac firmatur, nulli extremorum similis, quæ tamen vtramque ferre potest.

Causa consuet. in intellectu & memoria.

Cur autem in facultate intelligente & memorandi consuetudo aliquid faciat, de eo Galenus, *loc. alleg.* pauca habet, nisi quòd ex Platone refert, facultates hæc exercitio augeri, otio verò torpescere. Quod quidè verum est, sed quâ de causâ id fiat, non explicat. Nonnulli hanc eius rei causam reddunt, quòd assiduo exercitio spiritus animales excrementis purgentur, quibus purioribus redditis, actiones quoque sensuum internorum & memoriæ melius perficiantur;

quod de sensibus etiam externis verum esse potest.

Atque hinc, quæ de consuetudine dicta sunt, ut quædam addamus, primò consuetudo ad sanitatis conseruationem multum facit. De quo antea alleg. aphor. Hippocrates: *Consuetudo longo tempore, etsi deteriora sint, insuetis minus molesta esse solent.* Vnde vtilem addit commonefactionem his verbis Hippocrates: *Quare ad insolita quandoque facienda mutatio;* idque sanitatis rectius tuendæ gratiâ: vel, vel ut Galenus in *comm.* loquitur, *χάειν ἀσφαλείας ὀχλεινύς.* Cum enim ob varios casus ἐθὺς & μονοειδὲς, ut Galenus appellat, vnius formæ consuetudinem, diætamque non liceat seruare semper, vtile fuerit, à consuetis etiam bonis interdum recedere, aliisque adsuescere, ne, si ad insueta fortè transire necessum sit, illâ repentinâ mutatione corpus afficiatur. Nam qui definitam aliquam regulam vitæ seruant, ij casu aliquando incidente grauitè agrotant, interdum etiam planè moriuntur. De quo Celsus, *lib. 1. c. 1.* *Sanus homo, & qui bene valet, & sue spontis est, nullis obligare se legibus debet, ac neque Medico, neque alipiâ egere. Hunc oportet varium habere vitæ genus, modo ruri esse, modo in vrbe, sæpiusque in agro, nauigare, venari, quiescere interdum, sed frequentius se exercere, siquidem & ignauia corpus hebetat, labor firmat: illa maturam senectutem, hic longam adolescentiam reddit.* Prodest etiam, interdum balneo, interdum aquis frigidis vi, modo idipsum negligere: nullum cibi genus fugere, quo populus viatur, interdum in conuiuio esse, interdum ab eo se retrahere, modo plus iusto, modo non amplius assumere: bis die potius, quàm semel cibum capere, & semper quamplurimum, dummodò hunc concoquat. Hæc Celsus. Quæ tamen mutatio, & ad omnis generis inconsuetâ transitus in iuuentute instituendus, quæ ætate & facilius ille fit ob robur naturæ firmitus, & ad reliquum vitæ tempus melius transigendum vim & vtilitatem suam extendit. Senes verò difficilius mutationes omnes ferunt, ob naturæ robur debilius. Et proinde præstat, pluribus quàm vni adsuescere, & qui pluribus sunt adsueti, contrariis minus læduntur. Hinc qui omnis generis cibis vesci consueuerunt, à nullo facile offenduntur; qui verò vni saltem, etsi optimo adsueuit, si alium insuetum sumat, ab eo facile offenditur.

Imò non solum in cibis, sed & in medicamentis, ad insueta faciendus est transitus. Si enim vnum medicamentum frequentius exhibeatur, natura ei adsuescit, & id ferè pro alimento habet, vnde nulla sit alteratio. Atque hoc non saltem de internis medicamentis verum est, sed & de externis. Vnde Aristoteles, *1. sect. probl. 46.* cataplasmata mutari iubet, ut eorum vis magis percipiatur. Ut verò consuetudo, etsi deteriora, facilius tolerantur, & minus lædunt; ita insueta, etsi optima sint, magis lædere possunt. Refert huius rei historiam Reinerus Solenander, *Consil. Medic. 1. 5. Consil. 15. num. 16.* de quodam rustico, qui ad hospitale perductus, nullo remedio à D. Gilberto curari potuit. Tandem ex morituro iam quasiuit Medicus, quid peteret; quæ fuisset antea eius victus ratio. Qui respondit se planè ab isto cibo & potu, & syrupis, ac id genus aliis, ut & lecto, qui nimis esset mollis, abhorere; cum non dormiuisset intra annos nouemdecim in lecto, atque usus fuisset capis, caseo, & similibus, & sub dio in stramine vestitus dormiuisset. D. Gilbertus permisit, ut vnâ nocte in stramine dormiret, & vteretur capis, sale, cum aqua frigida. Etsi verò D. Gilbertus arbitrabatur, eum eò citius, inde moriturum: tamen postridie præter omnium opinionem eum focò adstantem inuenit. Et Zacutus Lusitanus, in *Pr. Med. adm. lib. 2. obs. 99.* de quodam nauta narrat: cum Sebastianus Lusitania Rex, ex Conimbrica Olysiponē iter faceret, in quodam oppido maritimo tanta pompa exceptus est, ut omnib. plateis expurgatis, & odoriferis frondi-

frondibus instratis, ianuisque aromatum suffimentis veluti ardentibus in arcem deduceretur. In populum autem concurrentem ingressit se Piscator quidam, qui totâ vitâ in mari consenuerat. Vix immiserat pedem in urbem, & vertigine præuiâ fide-ratorum more in terram concidit, & in vicinam domum trãseunte Rege delatus, à duobus Medicis pro apoplectico curatus est: nihil tamen proficientibus medicamentis, triduo post Rex regrediens de piscatoris salute inquisiuit, & misericordia motus Thomam à Vega, Archiatrum suum, Medicum clarissimum, ad ægrum ablegauit. Is de vita hominis percontatus, & perspectâ origine morbi, illum ex aromatum odore insueto in hunc morbum incidisse sibi persuasit, ideoque illum iuxta littus apponi, & algâ limoque totum cooperiri iussit. Quo facto, & aurâ maritimâ ab ægro perceptâ & inspiratâ, post quatuor horas oculos aperire, & adstantes agnoscere cepit, & post quatuor dies conualuit. Idem Zacutus Lusitanus, *ibid. obs. 100.* refert, iuuenem quendam, qui sanus tepidam bibere adsueuerat, ardente febre correptum persuasum fuisse, vt frigidam ad satietatem vsque biberet: quo facto post duas horas singultiens mortuus est.

Itaque si de veteri prauâ consuetudine in meliorem commutandâ cogitamus, sensim faciendum. Vt enim consuetudo sensim inducitur, ita sensim ad contrarium mutanda; cum omnis subita mutatio sit periculosa. Ita si quis duris & coctu difficilibus cibis diu sit adsuetus, & metuat, ne olim aliquid incommodi inde contrahat, non subito cibos illos re-ii-cere, & solum iusculis, pullis gallinaceis, gallinis, carnibus agninis, ouis sorbilibus vesci, sed sensim & per interualla iis adsuescere debet. Sic qui adsuevit vini meracioris potui, si ad tenue & oligophoron subito transire velit, vires lædet, & inprimis coctionem turbabit, & cruditates cumulabit; sed primò à vino potenti ad minus potens, hinc ad tenuius veniendum. Ita de Dionysio, Sicilia Tyranno, historia referunt, eum ebrietati & luxui valde deditum fuisse, Cum verò ab hoste aliquando obsideretur, & necessitate coactus, à solitâ potandi consuetudine sibi desistendum esse animaduerneret, subito ab ea absti-nuit; quod cum aliquandiu fecisset, tabifico morbo corripitur, nec eo liberari potuit priusquam ad pristinum potandi morem ebrietatemque rediisset. Quod si sensim ac paulatim à praua consuetudine deflexisset, nihil incommodi passus esset. Eodem modo à summo otio non subito ad graues vehementesque exercitationes transeundum, aut contrâ ab exercitiis ad otium & quietem subito veniendum, sed sensim id faciendum.

Inprimis in senibus in consuetudinibus mutandis lentè progrediendum, & in iis inueteratâ consuetudines, etsi malæ sint, non mutandâ, nec subito, nec sensim. Præstat enim, eos viuere cum malâ consuetudine, quàm consuetudine mutatâ, de vita periclitari; cum nouæ consuetudines, quæ sine virium læsione induci non possunt, non facile contrahantur. Et de senibus inprimis verum est, quod Hippocrates, 2. aph. 50. scribit, *Consuetâ, licet deteriora, minus molesta esse insuetis, & melioribus.* Omnes enim, qui ad insolita transeunt, debent habere vires robustas ad ferenda noua & insolita obiecta, quæ desunt senibus.

Et omnino siquid in consuetudinibus mutare libet, faciat id homo, dum sanus est, non dum morbo conflictatur. Neque simul in morbo tollendo, & malâ consuetudine mutandâ laborandum V.g. in catarrho & tussi, similibusque à cerebro ortum habentibus vitiis, post prandium dormire, malum. Siquis tamen à prandio dormire consuetus tale quid patiatur, & somnum meridianum intermittere velit, à malo isto isto non liberabitur, sed potius id augebit.

Hoc loco quoque moueri solet quaestio, an euacuationes consuetæ, præcipue sanguinis, seu per venæ sectionem, seu scarificationem, possint sine damno intermitti. Vulgi sanè sententia est, si quis scarificationibus adsuevit, eas sine periculo valetudinis intermitti non posse, & si eas intermittant, putant se grauitatem membrorum, & dolores inde percipere. Idem nonnulli sentiunt de venæ sectione, quam nisi singulis annis statis temporibus reperant, timent ne in morbum aliquè incidant. Impugnat hanc sententiam Vallesius, *lib. 8. controu. 5.* & opinionem hanc indignam Medicis esse statuit. Nam, *inquit*, euacuatio requiritur à dispositione præter naturam, quæ in corpore est, aut timetur, vt à redundantia. Natura verò euacuationem non expetit, sed permittit. Sed consuetudo similiter indicat ac natura. Ergo permittit, non expetit. Si igitur iterum mittendus est sanguis, id fiet propter multitudinem, non propter consuetudinem: consuetudo verò saltem permittit, quoniam vt alia omnia, ita euacuationes consuetæ, minus molestæ sunt insuetis. Igitur consuetudinem mittendi sanguinis, quæ antecessit, potius euacuationis illius tolerantiam facere statuit, non indigentiam. Neq; enim, *addit & hoc*, si hoc vere supra naturæ modum in hoc homine sanguis abundauit, eodem modo sequenti vere redundaturus est, siquidem constitutio hominis, & aliæ causæ sanguinem augescentes, mutari possunt. Aut si nihil horum mutatum fuerit, sanguis quidem eodem modo redundaturus est hoc tempore, sed ideò non euacuandus, quia proximo anno eodem tempore fuit effusus, verum quia causæ eodem modo se habent, vt prius.

Verum enim verò vt vulgata illa opinio, de sapius reperendâ venæ sectione, in primis verò de scarificatione, non approbanda est: ita dubitari potest, an simpliciter verum sit, per consuetudinem saltem corpori euacuationis tolerantiam, non verò indigentiam conciliari. Etenim cum natura, vt in hæmorrhagiis, quæ sponte accidunt, videmus, semper in sanguinis qui emittitur locum, alium suggerere soleat, si homo sapius sanguinem seu venæ sectione, seu scarificatione euacuet, idque, quod vulgus sæpe facit, non necessitatis causâ, sed moris ergò, natura in euacuati locum alium suppeditat, qui si non eodem modo, vt prius, tempore consuetu euacuetur, naturæ grauis esse solet. Id quod experientia testatur. Præterea, & quod præcipuum est, natura cum sanguinis euacuatione crebrò etiam alios humores vitiosos euacuare solet: id quod manifestum est in fluxu sanguinis menstrui fœminarum, hæmorrhoidibus, imò & hæmorrhagiis interdum. Itaque si crebrius vena aperiatur, vel scarificationes adhibeantur, cum sanguine natura etiam vitiosos humores euacuare solet, qui postea sanguinis euacuatione intermissa in corpore retinentur, & naturæ molesti sunt. Atque ita tam sanguis non solum propter tolerantiam, sed & indigentiam euacuandus. Si tamen talis consuetudo sine causâ introducta sit, ea quidem mutanda, sed non subito, verum & si qui vitiosi humores abundant, illi in aliis modis euacuandi sunt.

Tandem etiam in facultatibus intellectus consuetudo mutari potest. Consuetudine stultitiæ hominem adsuescere posse, *lib. 1. Pract. p. 2. cap. 5.* dictum & experientia id testatur. Sectæ penè omnes ex consuetudine ortum habent, dum eam quisque opinionem sequitur, cui à teneris adsuevit, quàmque à Præceptoribus suis hausit. De quo Cicero, 1. de naturâ Deor. *Obstat plerumque iis, qui discere volunt, auctoritas eorum, qui se docere profitentur. Desinunt enim iudicium suum adhibere. Id habent ratum, quod ab eo quem probant,*

An consuetæ euacuationes sine damno possint intermitti.

In intellectu vt mutanda consuetudo.

probant, indicatum vident. Et de Pythagoreis addit, quod tantum opinio præiudicata apud ipsos potuerit, ut etiam sine ratione valeret autoritas. Hinc ortæ sunt sectæ Platoniorum, Peripateticorum, Stoicorum, & superioribus seculis Thomistarum, Scotistarum, Auerroistarum & consuetudine variarum gentium & nationum varij mores introducti sunt. Hæ ergo consuetudines aliis consuetudinibus mutandæ sunt. Etsi homo vni sectæ addictus cum aliis sectis conuersatur, earumque sententias audit & perpendit, tandem, autoritate Præceptorum & Magistri, in cuius verba iuravit, deposita, rationes pluris, quam autoritatem æstimare incipit. Eadem ratio est morum, qui si sint prauis, ex bene moratorum conuersatione emolliuntur & mutari possunt. Vix enim in vita humana quicquam exemplis potentius est.]

*Methodi
tuenda sani-
tatis utilitas.*

His ita præmissis ab *ὕγιεινῃ* exordiri placet; doctrinā longè vtilissimā. Etsi enim hodie in hac morum corruptione à plerisque Ars hæc negligatur, & quanta sit sanitatis dignitas, homines vix agnoscant, antequam in morbos inciderunt, & tūc denique sua bona intelligant, cum, quæ in potestate habuerunt, amiserunt; tamen viri prudentis est, potius cum aliqua cura præstantissimum sanitatis thesaurum custodire, quam perditum atque amissum magno periculo & labore requirere; præstatque morbum non admittere, quam admissum expellere. Quapropter Medici etiam est, hanc Artis partem diligenter cognoscere, eique non minorem curam, quam *ἰατρικῇ*, impendere. Duobus autem membris commodissimè hæc doctrina comprehendere potest. Primò enim earum rerum, quæ materia quasi sunt sanitatis, seu causarum salubrium, rerumque, ut vulgò nominant, non naturalium cognitio requiritur, & quàm singulæ sanitatem conseruandi, corpusque nostrum afficiendi vim habeant, perspectum habere necessarium est. Verum quia causæ illæ variè corpus nostrum afficiunt, & non solum sanitatem conseruare, verum etiam eandem euertere possunt, nisi iusta mensura, modo ac tempore opportuno adhibeantur; magnæque sit secundum ætates, sexum, temperamenta, aliasque circumstantias, corporum diuersitas, neque omnibus eadem commoda atque vtilia sint; secundo loco methodo tuendæ sanitatis opus est, & perspectum habere oportet, quæ ratione rebus illis non naturalibus dictis vtendum sit, ut sanitas facta recta conseruetur, & corpus humanum, quantum fieri potest, ad summam, sine paucissimis morbis, senectutem perueniat. Quæ duo & nos hîc explicabimus, & primò de causarum salubrium vi & facultate agemus; deinde methodum tuendæ sanitatis, rationemque hisce omnibus, pro conseruanda valetudine, vtendi proponemus. Prius quod attinet, causæ, quæ ad sanitatem conseruandam sunt necessariae, plures sunt. Nam cum calor noster in humidum perpetuò agat, atque illud depascatur & dissipet, ne immaturè atque ante constitutum vitæ terminum corpus nostrum marcescat, calor extinguatur, & mors intempestiuè attrahatur; cibo ac potu assumpto, aërisque inspiratione opus est, quibus id, quod absumptum est, quantum fieri potest, refarcitur. Cum verò cibus & potus corporis nostri alimentum fieri non possint, nisi coctione immutentur, coctio verò calidi innati spirituumque beneficio imprimis perficiatur: omnia illa, quæ calorem nativum, spiritusque seu conseruare, seu augere possunt, plurimum ad vitam producendam sanitatemque inculpatam conseruandam faciunt; qualia sunt animi & corporis motus, somnus & vigilia, ac similia. Quia porò cibus, quem assumimus, totus in corporis nostri substantiam verti non potest; neces-

*Res ad sani-
tatem conser-
uandam ne-
cessariae.*

sariò in coctione aliqua excrementa secernuntur, quæ cum inutilia sint, ne corpus nostrum offendant, excernenda sunt: si verò retineantur, illi non parum afferunt incommodi. Res autem istæ omnes, quæ alàs sex rerum non naturalium nomine veniunt, commodissimè in quatuor classes distribui possunt; in ea quæ assumuntur, quæ geruntur, quæ foris corpori adueniunt, & quæ excernuntur ac retinentur. Eorum quæ assumuntur, nomine comprehenditur primò aër; quem omnes necessariò spiritu ducimus: deinde cibus & potus. Quò etiam referri possunt ea, quæ tuendæ sanitatis gratia assumuntur, medicamenta. Ad secundam classem pertinent ea, quæ vel nos agimus, qualia sunt omnes animi motus & corporis exercitia ac quies; somnus item ac vigilia, venerea: vel quæ alij circa corpus nostrum moliuntur, ut cū frictions adhibentur; cum curru vehimur, equitamus, nauigamus. Quæ extrinsecus nobis occurrunt atque adhibentur, sunt aër ambiens, balnea, & lotiones, vnguenta & similia. Tandem sunt excrementa, ut feces alui, vrina, sudor; quæ nunc rectè excernuntur, aliquando vltra debitum modum retinentur. Dicendum igitur in primis de aëre, cibo & potu, animi affectibus; motu atque exercitiis corporis, ac quiete, somno ac vigiliis, venere, balneis, excretis & retentis.

CAPVT II.

De Aëre.

AB aëre autem faciemus initium, utpote cuius vsus est summè necessarius atque inenitabilis, adeò, ut sine eo neque in aduersa, neque in secunda valetudine vel momento temporis viuere queamus. Duobus autem modis corpora nostra afficit, vel quatenus ea extrinsecus ambit, & per cutis poros ac spiracula sese in illud insinuat, vel quatenus inspiratione attrahitur. Vtroque modo magnam corpora nostra alterandi atque afficiendi vim habet, dum suas qualitates ipsis imprimit & comunicat, eaque vel in naturali statu conseruat, vel ab eodè deicit, prout conuenientem vel aduersam ipsis constitutionem obtinet. Aër autem optimus est, qui in qualitatibus primis temperatus est, purus, nullisque inquinamentis infectus, serenus, lenibus, & suauiter spirantium ventorum flatibus agitur, quique salubribus pluuiis interdum irrigatur. Nam qui nimium ventis, præcipuè aquilonaribus, agitur, siccior est. Vbi verò per iusta intervalla ventis perflatur, atque interdum non diu tamen, pluuius est, siccitas pluuiæ, & contra pluuiæ siccitate temperatur: talis aër calorem temperatum conseruat, spiritus illustrat & recreat, sanguinem attenuat, corpus in integra sanitate conseruat, & ad actiones omnes alacre reddit, omnique ætati & temperamento salubris est. Contra verò vitiosus aër est, qui stagnantium aquarum & paludum, aut vndeunque erumpentibus halitibus & vaporibus vitiosis inquinatus, & quocunque modo impurus est; qui ventorum flatibus agitari nequit, qui turbidus est, aut nimis calidus, frigidus, humidus, siccus. Talis enim aër corpora nostra à statu naturali deicit, atque excellentes illas, quibus præditus est, qualitates ipsis inducit, ut supra de causis morborum dictum est. Alia tamen aëris constitutio aliis magis, aliis minus noxia est, ut postea dicetur. Varias autem ob causas constitutio aëris variatur, neque ubique ac semper eadem est. Primò aëris constitutio pender à locorum situ & natura. Ad locorum situm autem pertinet primò situs versus cœli plagas. Aliæ enim regiones aliis calidiores, aliis frigidiores sunt, prout magis vel minus à circulo æquinoctiali, vel tropico cancri apud nos remotiores sunt, maioremque vel minorem

Re-
tur

Aë-
dis-
nos-

Aë-
mu-

Aë-
p-

Aë-
tatio-
caus-
Loco-

minorem latitudinem, ut appellant, habent. Nam quanto rectiores radios Solis regio aliqua excipit, & quo diuturnior Solis supra Horizontem mora est, eò regio est calidior: frigidior verò contrariis de causis. Verum etiam si ex hoc situ varia aëris proveniat constitutio, atque aliud clima aliam aëris temperiem habeat: tamen alia præterea concurrunt, quæ in eodem etiam climate diversam aëris constitutionem faciunt. Hinc non in omnibus sub eodem parallelo regionibus planè eadem est aëris constitutio; & nusquam sub eodem parallelo, quàm in Æthiopia Æthiopes habitant, ob peculiarem loci naturam. Nam ibi ad alias, quæ omnibus sub illo parallelo habitantibus communes sunt, caloris causas accedit loci natura arenosa & sabulosa, quæ conceptum calorem diutius fouet & retinet, atque inhabitantium corpora exsiccant atque adurit. Secundo itaque loco terræ facies propria ac natura ad aëris temperiem constituendam facit: in qua spectatur, quæ soli sit natura, an locus sit editus & altus, vel humilis; quem montium ac conualium situm habeat: quos ventos à quibus mundi plagis admittat & frequenter accipiat; an mare vel lacus vicinos habeat. Nam multum refert, an solum sit pingue, cœnosum, glareosum, saxosum, arenosum, macrum; an ferat metalla, an verò iis destituatur: multumque interest, an locus sit planus & campestris, an montanus, humilisne vel editior. Etenim mactum ac arenosum solum siccum aërem, contrarium humidum efficit: loca metallica venenosam sæpè & malignam auram exspirant, vicinisque urbibus morborum nonnullorum endemiorum non rarò causa sunt. Loca editiora frigidiora ferè sunt, ventisque magis perflantur: humiliora verò calidiora sunt, radiorumque Solis repercussionem citius ac vehementius excipiunt; & qui ad radices montis meridiei & orienti obuersi habitant, longè maiorem calorem sentiunt, quàm qui post montem versus meridiem ortumve situm habitant, quibusque septentrio & occasus patet, prius verò & meridiem monte clauditur. Nam qui priorem loci situm habent, mox matutinos Solis radios excipiunt, eiusdemque meridianis radiis & estui obiciuntur: qui verò posteriorem situm obtinent, maiorem diei partem sine radiis Solis transigunt, atque interim septentrionali auræ patent, demumque Solis ad occasum declinantis radios excipiunt. Montium quoque situs facit, ut quædam loca quorundam ventorum flatibus magis vel minus exposita sint, atque ita iuxta ventorum, quos magis excipiunt, naturam magis frigeant vel caleant. Nam si montes Boream arceant, admittant verò Austrum: accidit, ut loca sint calidiora & humidiora: contra si ob montium situm Austro aditus intercluditur, & Boreas adnitratur, locus erit frigidior & siccior. Magnas etiam venti in aëre mutationes efficiunt. Orientales venti temperatiores sunt, ut & occidentales. Hi tamen humidiores sunt. Ex oriente enim longi terrarum tractus sunt, quos dum percurrunt venti, calidiorè & sicciorè diei parte plurimum exhalationum siccarum, secum trahunt. Occidentales verò & ingentes maris tractus transeunt, & Sol in occasum vergens tantum, quantum oriens & meridianus, exsiccare non potest. Septentrionales frigidi & sicci sunt, & vim corpora adstringendi & firmandi habent; cum spirent à locis niue & glacie obsitis, Solique intactis. Meridionales sunt calidi & humidi. Nam & vastum mare magnasque paludes, è quibus multæ exhalationes attolluntur, & loca calida transeunt; unde corpora laxandi & resoluendi vim habent. Sunt tamen interdum quibusdam locis venti velut priuati aliqui & vernaculi, qui non procul inde orti principalium ventorum naturam immutant & alterant. Prout ergo regio vel ciuitas huic vel illi vento magis exposita est, & huius vel illius venti flatum magis excipit: ita & hanc vel illam aëris constitutionem obtinet, estque calidior, frigidior, siccior vel humidior.

Dan. Sennerti Tom. I.

dior. Quæ enim Soli orienti expositæ ciuitates, salubriores iis sunt, quæ ad septentrionem, & ventos calidos obuersæ sunt; earumque incolæ coloratiores sunt & viuaciores, morbi que pauciores in iis oriuntur. Calor enim & frigus temperatè sese habent: deinde eæ, quæ Solis ortum spectant, omnes limpidas esse, odoratas ac molliores necesse est. At verò quæ ad occasum sunt expositæ, & à ventis, qui ab oriente spirant, obiectæ, tum à calidis ventis, tum etiam à frigidis leuiter perflantur, eorum situm maximè morbo obnoxium esse necesse est. Neque enim nisi in altum vectus Sol iis splendet. Per æstatem verò manè quidem frigida auræ spirant, & ros decedit; de reliquo verò ad ipsos Sol sese demittens maximè homines percoquit. Ita etiam sua peculiaris constitutio est ciuitatibus, quæ ventis calidis, & qui inter brumalem Solis exortum & occasum perflant, sunt expositæ; & quæ contrarium situm habent, ac ventos frigidos inter ortum & occasum Solis æstiuum excipiunt. De quibus pluribus agit Hippocrates, in lib. de aëre aq. & loc. non procul ab initio. Maris quoque & lacuum vicinitas ad aëris & loci peculiarem naturam facit. Ex humidis enim & aqua multa scatentibus huiusmodi locis plurimæ humidæ exhalationes attolluntur, quæ sese aëri miscunt, eumque humectant: idque eò magis, si mare vel lacus à meridie positus sit, & flantibus inde ventis humiditas augeatur. Si verò ad septentrionem aque sint sitæ, frigiditas procul dubio à ventis septentrionalibus augebitur. At si lacus vel mare orientem spectet, & quidem non procul absit: materia copiosæ humiditatis inde suppeditabitur, atque Sol exoriens facile secum in loca ad quæ tendit, humidæ exhalationes deducet. Si verò longior inter mare & locum versus orientem situm terrarum tractus intersit, vapores, qui inde eleuantur, à Solis radiis incalescunt atque exsiccantur, & siccitatem locis, in quæ perueniunt, inducunt. Minor autem humiditas oritur à lacubus & aquis versus occasum sitis. Vapores enim humidi inde exhalantes ab occidente Sole aueruntur; nisi ventorum flatus vehementior contrarium faciat. Hæc tamen imprimis de locis planis & campestribus intelligenda sunt. Nam si montes præterea adsint, non parum istam, quam diximus ex mari & lacubus provenire, aëris temperiem augere vel imminuere possunt. Etenim si antè lacus vel mare situm sit, retrò verò atque à tergo montes obiecti: qualitatem aëris, quam aquæ vicinæ communicant, augent, dum prohibent atque impediunt, ne vapores & venti, è locis paludosis vel maritimis delati, ulterius tendere possint, sed, obice quasi obiecto, collecti augeantur, & vires suas magis exferant. Ut si lacus, mare, aut paludes versus meridiem sitæ sint alicui ciuitati vel regioni; eandem verò à tergo & septentrione montes tegant: auster in tali situ quasi conclusus longè maiorem caliditatem & humiditatem excitabit, quàm in libero & patenti campo, in quo ulterius tendere posset. Ita si ad orientem vel occidentem lacus vel mare situm sit, atque à tergo montes obiciantur: ad sui generis temperiem efficiendam tum longè potentiores erunt venti, quàm in patente campo. Eadem ratio est fodinarum metallicarum. Foetidi enim, qui exhalant plerumque, vapores aëri communicantur, & secundis ventorum flatibus in vicina loca deferuntur; non parum ad eam rem faciente montium, ut modò dictum est, situ. Multò verò magis specus & cauernæ venenatam auram exhalantes aërem inficere possunt. Syluæ quoque nimis densæ Solis Lunæque lumen auferunt, aërisque motum & agitationem, quæ putredinem arcere solent, impediunt. Tertio magnas in aëre mutationes generant tempora anni, quæ Sol Zodiacum permeando efficit. Ea quatuor constituuntur ab Astronomis, diuiso in quatuor partes Zodiaci. Ver enim describunt tempore, quo

Maris & lacuum vicinitas.

Fodina metallica.

Tempori anni quas in aëre mutationes eieant.

Sol \vee & Π peragrat: Æstatem, quo Θ & μ permeat: Autumnum, quò in Ω & \rightarrow veriat: Hyemem denique, quò β & χ emittitur. Atque ita æqualia hæc quatuor anni tempora constituunt. Verùm Medici cum non solum ex Solis cursu, sed imprimis ex temperie aëris hæc tempora æstiment, Ver vocant, quando aëris constitutio est temperatior; Æstatem, quando eadem est calida & sicca; Autumnum, dum frigida & sicca; Hyemem, dum frigida & humida. Neque in omnibus regionibus æqualia hæc tempora constituunt. In Thaso, vbi Hippocrates vivebat, Hyems definiebatur, ut est *initio lib. 3. de diata*, à Vergiliarum occasu, seu initio Nouembris vsque ad Æquinoctium vernum: Ver autem ab æquinoctio ad Vergiliarum exortum, hoc est, diem septimum Maij circiter: Æstas à Vergiliarum exortu ad Arcturi exortum, qui incidit in medium ferè Septembris: Autumnus ab Arcturi exortu ad Vergiliarum occasum. Atque hoc modo tribuuntur hyemi quatuor menses atque dies decem: totidem æstati: veri duo solum menses atque aliquot dies: autumno vix duo menses. Et in multis regionibus Septentrionalibus ver & temperatior illa aëris constitutio, quàm nec frigore algemus nec præ æstu sudamus, non mox cum æquinoctio verno, sed post aduenire solet; cum sæpè adhuc circa æquinoctium ob frigus rigeamus, illudque hypocaustis calidis arceamus; æstas non quatuor integros menses durare; autumnalisque constitutio ante ortum Arcturi inchoare, hyemsque vix quinque mensibus absolui consuevit. In Ægypto ver atque anni tempus temperatum Ianuario atque Februario observari; Æstatem Martio incipere & ad finem Augusti durare; Autumnum Septembri & Octobri; Hyemem Nouembri & Decembri absolui, scribit Prosp. Alpinus, *de Medic. Ægypt. lib. 1. cap. 7.* A temperie itaque aëris, eiusque in calore, frigore, humiditate, siccitate, mutatione, quatuor anni tempora in quolibet loco definiunt Medici. Ver enim ipsis est, cum nec præ frigore algemus, nec præ æstu sudamus: quod Hippocrates, *1. de nat. hum. t. 33.* calidum & humidum esse dicit. Etsi verò Galenus, *1. de temp. cap. 4.* ver calidum & humidum esse neget; cum illa constitutio non solum non sit saluberrima, qualis est veris, teste Hippocrate, *3. aph. 9.* sed omnium insaluberrima, & potius temperatum esse affirmet: tamen hac in re Hippocrates & Galenus multum dissentire non videntur. Ea enim solum constitutio calida & humida est insalubris, & ad producendam putredinem aptissima, in qua est magnus caliditatis & humiditatis excessus. Verùm vbi moderatè saltem caliditas frigiditatem, & humiditas siccitatem excedit: ea est temperies ab antiquis non immeritò laudata, hominique, cuius vita in calido & humido consistit, maximè congrua, & proinde pro temperata habetur, ut *lib. 1. cap. 4.* dictum. Et talis maxima ex parte est verna temperies. Post æquinoctium enim vernum calor post frigus hybernium augeri incipit, & inter calorem æstivum & frigus hybernium medius est. Humiditas quoque per hyemem collecta à calore iam absorbi incipit: verùm quia calor is moderatus est, non ita humiditas absorbitur, sicut æstate. Interim non negamus, quia ab extrema frigiditate & humiditate ad calorem siccitatemque summam per ver fit transitus, aliquo veris tempore ad absolutam mediocritatem qualitates has peruenire posse. Verùm ea temperies vix diu durat. Talis cum sit veris constitutio, verno tempore corpora, quæ hyberno frigore constringebantur, laxari & rarefieri incipiunt, sanguis augetur, spiritus recreantur, & post hybernas glacies ac algorem omnia quasi exhilarantur. Vnde Ver anni temporum habetur saluberrimum. Atque licet sæpè verno tem-

pore multi morbi gignantur: eos tamen ver per se non producit. Ver enim ex propria natura nihil nouat, sed si corpus bonis humoribus præditum reperit, illud in eo statu conseruat: vitiosi verò humores verno calore funduntur, & è partibus corporis profundis ad eius ambitum expurgantur. Hinc Galenus, *3. aphor. 20.* non ineptè ver exercitationi comparauit, quæ & ipsa, vbi adhibetur in corpore excrementis vacuo, salubris existit: si verò corpus plenum excrementis inuenit, morborum fit causa. Æstas calida est & sicca, ob radios Solis ad verticem nostrum accedentis directiores, moramque Solis supra Horizontem longiorem. Antiqui diuiserunt hanc anni partem in duas partes, priorem ab ortu Pleiadum ad ortum Canis, nomine totius, $\delta\epsilon\rho\theta$, æstatem nominarunt: alteram à Sirij ortu ad finem, $\delta\pi\acute{o}\rho\alpha\nu$. Hoc anni tempore corpora fiunt calidiora & sicciora, rarefiunt, dissoluntur, & imbecilliora redduntur, humores attenuantur atque accenduntur, & biliosi ac acres humores cumulantur. Autumnus Hippocrati siccus est, ex aëre æstiuo; Galeno *ἀνώμαλον τῆ κρᾶσει*. Manè enim & vesperi frigus viget, circa meridiem calor, mixtæque ex calido & frigido est autumnus constitutio, & diuersis horis calor, diuersis frigus dominium obtrinet, neque, ut in verna temperie, in vnam temperaturam fracta remissæque coeunt. Ob quam aëris inæqualitatem autumnus maximè est morbis obnoxius: imminuiturque hoc tempore anni sanguis, & melancholia redundat, corpora densantur, meatusque clauduntur. Hyems frigida est & humida. Sol enim à vertice longissimè remotus obliquos iacit radios, & breuissimo tempore supra Horizontem versatur. Vnde frigus, quàm aliis anni temporibus, maius, calor verò minor est: à quo cum humiditates superflue discuti nequeant, augeatur pituita, corpusque fluxionibus obnoxium redditur. Verùm quæ de temporum anni temperie dicta sunt, id intelligendum est, cum *ὁρμῆς τὰ ὁρμῆς ἀποδιδῶσι*, seu tempora anni suam naturalem constitutionem seruant, ut Hippocrates, *3. aphor. 8.* loquitur. Sæpè enim accidit, ut tempora anni sint *ἀκαθάρτα*, æstasque sit similis veri, *3. aphor. 6.* vel hyems siccior & aquilonaris, ver pluuiosum & australe, *3. aphor. 11.* vel hyems australis & pluuiosa ac tepens, ver siccum & aquilonium, *3. aphor. 12.* æstas sicca & aquilonia, autumnus pluuiosus & australis, *3. aphor. 13.* Atque tum varij morbi, pro diuersis anni constitutionibus, oriuntur, quos allegatis locis recenset Hippocrates. Ex his omnibus non difficile est colligere, quis locorum situs sit salubrior, & corpori nostro commodior, in quo scilicet ea aëris est constitutio, ut siccitas & humiditas ferè temperata sint, ad calorem verò non nihil declinet, & quæ nec nimio æstu corpora torreat, nec frigore gelida reddat, sed moderatè calorem refocillet, & spiritibus gignendis optimam materiam suppeditet, occursumque suo suauiter ac blandè corpora nostra afficiat. Ver sit temperatum: æstatis calor fugibus & fructibus maturandis sufficiens: autumnus frigidior: hyems quidem frigida, sed quæ tamen nimia frigiditate corpora nostra non lædat. Talis vbi est aëris constitutio, ibi proculdubio soli adest fecunditas, rerumque omnium copia, ibique reperiuntur statu corporis decoro præditi homines, facie bene colorata, moribus nec feris, nec mollibus nimis, ingeniosi, atque ad omnes artes excolendas apti, & proinde sanitatem maiore ex parte inculpatam obtinent.

CAPVT III.

De Cibo.

Post aërem meritò proximè de cibo & potu, ac de alimentorum & potulentorum facultatibus agimus, quæ ad corporis conseruationem non minus ferè, quàm aër, sunt necessaria. Cum enim corpus nostrum in perpetuo fluxu sit, ne dissoluatur, & ad interitum intempestiuè properet, aliquid in locum eius, quod absumptum, quotidie reponendum est. Cibo igitur opus est, quo, quicquid solidioris substantiæ absumptum est, instauratur; potuque, quo humida reficiuntur. Quæ de causâ etiam naturâ omnibus animalibus vis id, quod deest, appetendi inest. Estque hæc pars Medicinæ cognitu maximè necessaria. Nam de nulla rerum harum, quæ ad sanitatis conseruationem sunt necessaria, homines magis, solliciti sunt, quàm de cibo & potu; nec in vlla magis & frequentius peccatur. Etenim aëre r. liquisq. ferè, vt offeruntur, vti solent: at in cibo & potu magnum delectum habent, huncque illi præferunt: hic condimenta, hic obsonia quarunt; neque semper cum valetudinis commodo. Dum enim gulæ indulgent, non semper saluberrimos, sed plerumque palato gratissimos cibos vsurpant. Est autem alimentum, de quo iam dicendum, quod augere substantiam corporis nostri potest; seu quod à calore nostro alteratum mutatumque in corporis nostri substantiam verti ac cedere potest. Quâ ratione à medicamentis differt. Medicamenta enim in corporis nostri substantiam non cedunt, sed illud alterant. Atque hæc sunt alimenta propriè dicta, quæ solum corpus nostrum augendi & nutriendi, non verò simul alterandi vim habent. Sunt enim quædam alimenta, quæ simul corpus nostrum alterant, atque talia alimenta medicamentosa dicuntur; alimenta quidem, quatenus familiaritate substantiæ corpus nostrum nutrire possunt; medicamenta verò, quatenus idem alterant. Sunt etiam quædam medicamenta alimentosa dicta, quæ quidem maxima parte corpus nostrum alterant; aliquid tamen, quod in substantiam corporis nostri verti possit, obtinent. Sumuntur autem ea, quæ corpus nostrum alere possunt, è duobus rerum generibus; vel à plantis ac terra nascentibus, vel ab animalibus. Et quæ ab animalibus petuntur, sunt duplicia, vel partes animalium, vel quæ, etiamsi partes animalium non sint, ab animalibus proueniunt, vt oua, lac lactis serum, butyrum, caseus, mel, & similia. Verùm in his magna est varietas, alimentorumque horum magna differentia. Cibi enim alij sunt boni, alij mali nutrimenti aut succi; alij facile, alij difficulter coquuntur; alij facile in ventriculo inter coquendum corrumpuntur, alij minus. Cibus autem optimus is est, qui facile concoquitur, plurimum nutrit, bonum alimentum suppeditat, non facile corrumpitur, aut prauam qualitatem inducit, ac pauca excrementa relinquit. Cibus verò insalubris est, ex quo paruus succus generatur, & qui facile putrescit. Alius etiam cibus dicitur firmus, qui quidem multum alimenti suppeditat, sed magno caloris robore ad coctionem indiget, ideoque magis labori deditis, & calorem vegetum habentibus, quàm otiosis, languidis & senibus conuenit; alius verò infirmus est, qui quidem promptè coquitur & facile nutrit, sed exiguum & paucum alimentum, vel quod citò dissipatur, suppeditat.

Cibi è Plantis.

Sed in specie iam hæc alimentorum differentia videntur. Faciemus autem initium ab iis, quæ è terra nascuntur. Antiquissimum enim hoc & familiaris-

Dan. Sennerti Tom. I.

simum alimenti genus. Primò autem loco fruges seu frumenta occurrunt, quæ Græcis *σιτα* nomine veniunt, è quorum numero antiquis in vsu fuerunt, & hodie etiam inprimis in vsu sunt; triticum, zea, secale, hordeum, & reliqua cerealia ac legumina dicta, vt oriza, milium, panicum, auena, frumentum Sarracenicum, fabæ, pisa, & his cognata. Triticum est calidum & humidum, ac præ reliquis omnibus plurimum præbet alimenti, idque firmum & perdurans, ac longè saluberrimum. Licet enim sit humidius, ac præterea visciditatem aliquam & glutinositatem obtineat: tamen præparatione ea omnis tollitur & corrigitur, inprimis in pane. Quamuis enim ex tritico varia eduliorum genera confici soleant, pultes, bellaria, placentæ, amyllum, plurimæque alia: tamen inter ea panis optimus cibus est. Optima enim est tritici præparatio, quæ in pane fit; siquidem fermento visciditas corrigitur, humiditasque, si nimia sit in eo, cocturâ absumitur, ad quam rem non parum quoque salis mistura confert. Et ferè tantum in præparatione panis non solum triticeum, sed cuiuscunque generis, quantum in materia eiusdem situm est. Et si enim frumentum sit optimum: tamen nisi panis rectè & artificiosè inde paretur, insaluberrimus cibus fieri potest. Totum verò negotium inprimis in coctione & fermentatione situm est, atque ingens discrimen est inter panem fermentatum, & azymum. Fermento enim crassiores partes atrenuantur, & viscidæ rarefiunt, leuiiores redduntur, & aëreæ naturæ non nihil concipiunt, coctionique omninò redduntur aptiores. Azymus verò panis ponderosus est, crassus, glutinosus, atque omninò difficulter concoquitur, & crudis humoribus aptissimam præbet materiam. Et licet solidum alimentum præbeat, & quod minus dissipatur; tamen non nisi solidis & athleticis corporibus; & quæ laboribus grauib. exercentur, conuenit, vt docet Galen. 1. de alim. fac. c. 2. Panis proinde probè coctus optimus cibus est, & qui omni ætati conuenit, solusque, & cum aliis editur, omniumque ciborum quasi materia est, omnibusque miscetur, carnibus, piscibus, fructibus, oleribusque, & sine eo vix alij cibi sine valetudinis incommodo sumuntur. Est quoque ventriculo gratissimus, reliquorumque omnium, si frequentius comedantur, nausea surripit: à solo pane sani non abhorremus: ægrique ipsi fetè omnium postremo panis appetentiam amittunt, primoque sanitati restituti recuperant. Reliqua, quæcunque ex tritico conficiuntur, pani bonitate vix æqualia sunt: cum in plerisque, vel lactis, vel butyri, vel aliarum rerum admistione, visciditas illa tritici non emendetur, sed potius augeatur; nec etiam tam proba fermentatio & coctio adhibeatur. Et quamuis talia bene nutrire valeant, neque prauum succum facile suppeditent, si calorem satis fortem & valentem stomachum nacta fuerint: tamen cum vix accidat, vt tota probè in ventriculo debiliore, & iis, qui calorem non planè validum habent, neque multum exercentur, concoquantur, & facile aliquæ partes coctionem effugiant: illæ succum crudum & viscidum proculdio suppeditabunt, qui angustiores, inprimis hepatis venas obstruet, calculisque generandis aptam materiam suggeret, & totam corporis nutritionem non parum turbabit. Zea, quam vulgò speltam vocant, & quæ in nonnullis etiam Germaniæ locis copiose seritur, tritico naturâ proxima est, & inter triticum & hordeum quasi media. Nutrit enim plus hordeo, imbecillius verò tritico. E Zea etiam fit alica, vt Plinius, lib. 18. c. 11. scribit, quæ multum, benè & tardè nutrit, crassum, lentum, humidius & frigidius alimentum præbet. Alica enim diutius in ventriculo manet, & bilem comprimit, nec facile ab illa corrumpitur, vt ex Galeno, 12. meth. med. cap. 6. videre est. Frequentissimè etiam in Germania, & multis aliis locis vtuntur pane è

Fruges.

Triticum.

Panis triticus.

Panis fermentatus.

Panis azymus.

Panis optimus cibus.

Zea.

Secale.

Secali, quod vulgo notum est; et si quo nomine antiquis appellatum sit, non satis notum sit. Siligo certe vix est: cum qui ex siligine panis fit, fuerit candidissimus; & Plinius, *lib. 18. cap. 8.* siliginem tritici delicias appeller. Calidius est hoc frumenti genus, quam hordeum: minus tamen calidum, quam triticum. Conficitur ex eo panis non malæ notæ, & triticeum non parum æmulans. Plus etiam in eo est alimenti, quam in hordeaceo, illudque solidius ac firmitus: difficilius tamen nonnihil hic panis, quam triticeus, est coctionis. Tandem & ex Hordeo panis fit; verum is frigidior, & qui minus durable ac firmum alimentum suppeditat. Ex aliis frugibus vulgò panis fieri non solet: nisi in annonæ caritate rerumque omnium penuria, ubi sæpè, ad famem sedandam, fursures, fabæ, omnisque generis legumina tritico, secali, hordeoque admiseri, atque inde panes formari solent, qui tamen non commodum alimentum præbent. Verum & aliis modis pleraque illa cerealium in cibum adhiberi solent: sed alia ad sanitatem conservandam aliis utiliora sunt. Maxime inter ea præsana hordeacea, quæ siue integra, siue percolata, siue in iusculo vsurperur, commodum alimentum est, præbetque bonum succum & ægris, & sanis, nihilque habet viscidum & glutinosum, quemadmodum reliqua pleraque, & facile transit, neque ullibi in meatibus hæret, sed eos potius abstergendi vim habet. Et si verò sit frigidior, & eius ratione frigidis corporibus obesse posse videatur: facile tamen & leui condimento, ut pipere, zingibere, vel cinamomo, ubi opus est, corrigi potest. De cuius viribus plura cum alibi, tum *lib. de præsana, cap. 5. & 1. de rat. viñt. in act. 1. 18.* habet Galenus. Et si vero præsana bonus cibus sit, & ut dictum, nec malum succum procreet, nec meatus obstruat facile, in quibus salubrium ciborum summa est; & licet ad saturitatem quotidie quis ea utatur, nihil succorum bonitati officiat, ut scribit Galenus, *de succor. bonit. & vit. cap. 7.* tamen alimentum paulò tenuius præbet; unde ad vitæ longitudinem minus commodum esse præsanae usum, censet Cardanus, *lib. 2. de tuend. san. cap. 7.* & Brasauolum, qui ferè continuo præsana utebatur, nec primum senium adimplere potuisse scribit. Cum enim, ut Hippocrates, *6. epid. comm. 5. r. 81.* habet, cibaria imbecilliora breuem efficiant vitam; præsana autem imbecillis sit, cum, quia non multum nutriat, tum, quia frigida: nimirum eius usum sanis corporibus ad vitæ longitudinem minus conuenire, & præterea in frigido ventriculo facile aclescere existimat. Reliqua legumina & frumenta non tam utilem cibum præbent, sed alia aliis desunt. Triticum, nisi ex eo panis conficiatur, et si bene alat, tamen viscosum & glutinosum esse, iam dictum. Oryza sicca est & calida, vel potius temperata, multum nutrit, imprimis cum lacte cocta, & corpora humida pinguiora reddit, auget semen, non facile putrescit, ventrem sistit: difficilius tamen coquitur, & alimentum præbet paulò crassius, ac proinde iuuenibus ac laboriosis magis conuenit, crebèrque eius usus obstructions facile parere potest. Quapropter bene coquenda est, & potius cum iure carniū, quam aliis admixtis, sumenda. Panicum & milium similem ferè naturam habent, & frigida ac sicca sunt, aluum sistunt, neque multum, neque satis commodum præbent alimentum, quocunque modo sumpta: & quidem magis panicum. Nam milium ad omnia utilius; facilius coquitur, magis nutrit, & minus aluum sistit. Auenam iumentorum potius, quam hominum cibo inferuire nonnulli censent. Ex ea tamen, cortice suo nudata & exsuta, in Germania frequentissime pulles ac iuscula fiunt, quæ sanis & ægris exhiberi possunt. Ita sua non solum morum, sed & victus ratio singulis penè natio-

Hordeum.

Præsana hordeacea.

Oryza.

Panicum & milium.

Avena.

nibus peculiaris est. Est autem auena calidæ naturæ, alimentumque præbet mediocris notæ, sistitque aluum. De auenæ temperamento vid. L. Fuchus *lib. 2. paradox. cap. 22.* Frumentum, quod vulgò iam Sarracenicum nominant, quo nomine ab antiquis nominatum fuerit, non satis notum, sicut nec de eo satis constat, an in alimenti usum antiquis venerit. Sic non solum in aliis rebus, sed & in alimentis alia in desuetudinem venire, alia in usum trahi, atque etiam in victu quædam vices esse solent. Hodie multis in locis ex eo pulles fieri solent. Verum cibum hoc frumentum præbet hominibus saltem labori deditis commodum. Est enim difficile coctu, flatus gignit, oculis nocet, visumque obscurat. Ex Fabis quoque in nonnullis locis quædam edulia parantur. Frigidæ & siccæ sunt, flatulentæque & difficili coctionis, ac crudum & excrementosum alimentum præbent. Unde noxiæ sunt colicam patientibus, difficulter spirantibus, & cum capitis dolore conflantibus: sensum hebetiorem, & somnum turbulentum reddunt: atque ea de causa calefacientibus & attenuantibus corrigendæ sunt, ut sale & origano: non tamen viscidum alimentum præbent, sed abstergendi aliquam vim habent. Idoneæ quoque sunt fabæ, teste Galen. *lib. 7. de simpl. medic. fac. è pectore & pulmone excreationibus.* Ex corticibus earundem destillatur aqua, quæ summopere urinam ciat, & apprimè diuretica est. Vide Amat. Lusitan. *cent. 2. curat. 1. in schol.* Pifa frequentius cibi loco adhibetur & viridia, & cruda, & cocta, & sicca: cocta per se, aut cum carne squilla, aut in pultem vel iuscula redacta. Flatulenta sunt, imprimis viridia; cocta verò minus flatulenta, atque minus flatulentum alimentum & melius præbent, quam fabæ, verum non adeò copiosum. Alias frigida & sicca sunt: quapropter calidioribus commodiora sunt, frigidioribus verò incommodiora. Nervis quoque nocere perhibentur. Ius autem pisorum melius est, quam ipsa ipsorum substantia. Cicera magis medicamentosa, calida & sicca sunt, fabisque maiorem vim abstergendi habent. Urinas ciunt, calculos frangunt, menses mouent, lienem ac iecur expurgant, & nonnunquam aluum mouent, thoracem & pulmones expurgant, semen augent. Ad quos usus omnes hodie plerumque iure cicerum potius, quam ciceribus ipsis, utuntur. Lentæ tandem ferè pessimi cibi sunt, frigidæ & siccæ, crassi, malique & vitiosi succi, ac difficilis coctionis: caput crassis vaporibus replent, oculis nocent. Sanguinem crassum efficiunt, & imprimis melancholicis noxiæ sunt: menses & urinam sistunt. Atque hæc illorum malitia vix vlla arte corrigi potest. Unde Amatus Lusitanus, in 2. Dioscorid. in enarrat. capit. 101. & Cardanus, *lib. 2. de tuend. san. capit. 12.* ita de iis scribit: *In vniuersum edulium hoc mali atque improbi est succi, atque melancholici: nec satis mirari possum eorum Medicorum tam stupidam cœcitate, qui lentæ agris exhibent, & maximo, ut dicunt, iuuamento: cum seua secum symptomata, quæ Dioscorides recenset, afferant; conenturque non solum in morbis chronicis quam pluribus, ut quartana, scotomia, vertigine, cephalæa; sed etiam in acutis, ut pleuritide, & variolis ac morbillis, tanquam præstantissimum ac boni succi cibum, in victus ratione dare, nec vllum Medicum rationis participem esse existimamus, qui lentibus egrotantes pleuritide affectos alat: & si quis tam irrationalis reperitur, qui declinante iam morbo eas egrotanti dederit, & sequenti die obierit aeger, talem Medicum mortis causam fuisse censendum.* Cardano & Amato Lusitano alij quoque assentiuntur, inter quos Ioan. Baptista Syluatic. *controu. 92.* qui non solum lentæ ut cibum damnat, & omnium pessimum alimentum, quod crassum, terrestrem ac melancholicum

Fr. Sal.

Fa.

Pif.

Cice.

Lent.

Lentes variol. morb. sunt.

cholicum sanguinem generet, esse statuit, verum & eos reprehendit, qui medicamento loco ad variolarum & morbillorum eruptionem promouendam decocto lentium vtuntur. Sed alij ab iis dissentiunt, & licet vt alimentum lentes non probant: tamen vt commodum ad variolas & morbillos expellendos medicamentum, Auicennam atque Arabes secuti, admittunt; atque diligentiores Arabes, quam Græcos fuisse in vitibus medicamentorum inuestigandis statuunt: eosque, qui lentium in variolis & morbillis vsum detestantur, in artis operibus non fuisse exercitatos scribit Horat. Augenius, *de feb. lib. 10. cap. 9.* Verum hi ipsi (vt alias quoque de aliis lentium viribus Autores non consentiunt) de vi, quâ in morbillis & variolis profint, non idem statuunt. Augenius enim atque alij totius substantiæ proprietate variolas & morbillos ad superficiem corporis expelli ab hoc medicamento statuunt: alij, inter quos Antonius Portus *lib. 4. de variol. & morbil. cap. 21.* vt adstringentia lentes adhiberi statuunt. Tragacanthum enim, lentes, & laccam in decocto illo ad variolas vfitato membra interna, principalia præsertim, roborare: quæ roborata à se ipsis ad cutim materiam expellere maximè valent, ad quod peragendum ficus inter cætera non parum faciant. Alij lentes ebullitioni humorum nimix resistere, sanguinisque motum compescere existimant. Cum itaque vsum & facultas lentium in variolis & morbillis apud Medicos tam dubia sit; vis verò illa mentem turbandi, sanguinemque melancholicum generandi nota, ob quam non immerito tanquam funebre edulium in cibo lactus tempore Iudæos accipere lentes, *allegato loco*, scribit Amatus Lusitanus, pleuriticumque ob eorum vsum interiisse obseruauerit Galen. *1. de rat. vi& in acut. tex. 27.* pueris imprimis, qui alias paucioribus in somnis, & horrendis imaginationibus obnoxij sunt, cautè exhibendæ sunt; præsertim cum alia satis tuta, & de quorum viribus nulla est controuersia, ad expulsionem variolarum & morbillorum habeantur medicamenta. Post fruges etiam cibi loco adhibentur olera herbarumque folia germina, radices, earumque, vt & arborum, fructus, & similia, quæ ex hortis promuntur. Inter quæ plurima nimis medicamentosum, & non satis commodum, nonnulla etiam vitiosum alimentum præbent, neque frugibus succi bonitate conferri possunt. Fruges enim pleraque bonum præbent alimentum, & si quæ ex iis sunt, quæ aliquid vitij habent vix illud insigne obtinent. In hisce verò vix aliquid est, quod totum bonum succum præbeat. Sunt quidem ex arborum fructibus quidam, qui si rectè in ventriculo concoquantur, alimentum malum non præbent; vix tamen tam bonum, vt fruges. Ex oleribus sola ferè lactuca est, ex qua bonus & probæ notæ sanguis gigni dicitur; is tamen frigidior. Contrà verò satis multa sunt, in quibus insignis malitia reperitur, adeò vt nonnulla planè medicamentosa sint, quædam etiam à venenis parum absint. Iraque vix vllum olus cibum perfectè bonum atque vtilem suppeditat. Foliis vtitur in cibis tum aliis, tum præcipuè brassicæ, lactucæ, spinachiz, atriplexis, betæ, maluæ: radicibus ceparum, allij, porri, raphani, raporum, napi, petroselinij, pastinacæ domesticæ, betæ rubræ: fructibus melonum, melopeponum, cucumerum, cinaræ, fragis: pyris, pomis, cerasis, prunis: nucibus, castaneis, ficibus, nucleis pini, amygdalis, vuis recentibus & passis; cimis lupuli, asparagorum, & præter hæc fungis. Lactuca satiuæ olerum omnium optimum habetur, & cum reliqua olera pleraque malum succum præbeant, hæc inter ea, quæ bonum & malum succum præbent, quasi media est, sanguinique generando plus materiæ, quam alia olera subministrat: & cum sit frigida & humida; humidior tamen quam frigidior: sanguis quoque ex ea genitus est frigidior. Ven-

Dan. Sennerti Tom. I.

triculi ardorem sedat, omniumque humorum acrimoniam reprimat; ac propterea aëris constitutione calida, iuuenibus, ac bile abundantibus, & ventriculum calidum habentibus commodè exhibetur: somnum conciliat, renum calorem temperat, atque ita gonorrhæam sistit: nimius tamen & intempestius vsum etiam sua incommoda habet. Calorem enim naturalem & seminis copiam minuit, & hoc modo venerem adimit. Nonnulli quoque visui obesse scribunt. Succum ex ea expressum duarum vnciarum pondere porum, reliquorum venenorum frigidorum more, interimere perhibent: si verò ipsius lactucæ tanta copia edatur, è qua tanta succi copia exprimi possit, vix aliquam noxam affert: cum lactuca tota dñtius hæreat in ventriculo; succus verò cito ad penitiora peruadat. Cruda plerumque cum oleo, sale & aceto edi solet: in quibus tamen ventriculus est frigidior, iis commodius cocta exhibetur; cum omnia, quæ cruda bona sunt, cocta bonitatem vix amittant, sed potius meliora reddantur. Brassica frigida & sicca à plerisque habetur. Cardanus tamen, & nonnulli alij calidam esse statuunt: quod in succo amaritudo quædam atque acrimonia, aluum irritandi vim habens, percipiatur. Difficilis est coctionis, paucumque suppeditat alimentum, idque crassum & melancholicum, ex quo fuliginosi vapores in caput exhalant, qui mentem perturbant, somnosque turbulentos efficiunt, oculisque officiunt, & visum debilitant. Leuiter cocta vel ius primum, cui sal & oleum vel butyrum, aut alia pinguedo sit addita, aluum mollit & laxat. Si verò bis coquatur, primumque ius abiiciatur, aluum sistit. Vbi cum carnibus pinguibus coquitur, eius malitia non parum corrigitur. Duo eius habentur genera, altera est capitata, altera foliis expansis. Capitata cum integra, tum concisa, suo succo & muria quasi condita atque acida reddita, per aliquot menses asseruari solet. Deterior est capitata, quam quæ foliis est expansis, inprimis æstate, & proinde iis saltem, qui multum labore exercentur, edenda, & quidem cum iure pinguiori. Spinachium refrigerat & humectat, frigidòque ac serofos humores gignit, pectus expedit, & tussi medetur, pulmonesque moderatè refrigerat, aluum mouet: parum, vt & alia olera, alimentum præbet; succum tamen minus, quam atriplex aut blitum, malum suppeditat. Verum ventriculo, nisi pipere, sale atque oleo vel butyro, ac aliis condiantur, non est commodum, flatusque gignit. Beta, Blitum, Atriplex & Malua vix commodè pro solo alimento vsurpari possunt, sed commodius sumuntur, vbi aluo laxiore, vel refrigeratione & humectatione opus est. Beta diuersam habet substantiam; succus vi detergendi, ac facultate nitrosa præditus est; quapropter aluum soluit: substantia verò aluum sistit. Calida & sicca est, iecoris & lienis obstructions tollit, verum ventriculo mordacitas illa noxia est. Blitum, Atriplex, vt & Malua non nitrosa facultate, sicut beta, sed sola humectatione aluum laxant, citò per ventrem descendunt, secumque reliquum etiam alimentum subducunt, parum nutriunt, succum aquosum, & cucurbitæ similem, non tamen adeò frigidum, præbent, saporèque per se, & gratiam nullam ferè habent, nisi oleo butyro, & condimentis additis aliqua iis gratia concilietur. Asparagi & apud antiquos in pretio fuere, & hodiè apud multos sunt, nec calefaciunt, nec refrigerant manifestè, gustui grati sunt, & appetitum excitant; parum tamen alimentum, idque non adeò probum, suppeditant. Vim habent detergendi, urinam mouendi, & renes mundandi, ac hepatis aliorumque viscerum obstructions aperiendi: plus iusto tamen comesti bilem generant, inquit Amat. Lusitan. *cent. 2. curat. 3. in scholio.* vt nos ipsi

Brassica.

Spinachium.

Beta.

*Blitum,
Atriplex,
Malua.*

Asparagi.

compertum habemus & pluresi frequenter obseru-
runt. Parantur plerumque cum aceto, oleo, sale, &
modico piperis. Breuem autem elixationem saltem
sustinent, & si diutius coquantur, amarescunt, & glu-
tinosi ac viscosi fiunt. His cognati sunt tutiones seu
prima germina Lupuli, qui bonitate succi facile ceteras
herbas vincunt. Sanguinem mundant, viscera ab-
stergunt, atque inprimis hepar. Parantur ut asparagi
cum oleo & aceto, aliisque etiam additis, prius pa-
rum cocti. Vsurpantur & cum cibis Nasturtium & Si-
napi: verum condimenti loco; nullo verò modo ali-
mentum esse possunt. Quæcunque enim plantæ non
multum caliditate vel frigiditate excedunt, iis adhuc
inter cibos locus aliquis relinqui potest, at quæ ad
tertium vel quartum vsque gradum calida vel frigida
sunt, non alimenti, sed solum medicamenti loco vsur-
pantur. Ita nasturtium aquaticum, quo condimenti
loco cum aliis cibis sæpe vtuntur, calidum est, acris-
que saporis, difficulter à ventriculo superatur, vrinam
ciet, renes mundat, eorumque dolores sedat: cras-
sos ac pituitosos humores attenuat, atque expulsio-
ni aptiores reddit. Itaque vbi nulli tales in corpore
humores sunt, non prodest. Sinapi calidum valde &
siccum est, vimque igneam, acrem & vrentem habet;
quapropter cum dulcibus, quæ eius acrimoniam
temperant, commodissime miscetur, atque inprimis
cum musto, aut, in eius defectu, succo pyrorum vel cy-
doniorum embammata & ciborum condimenta ex eo
parantur, quæ cum cibis frigidis humidisque, & cras-
sæ ac viscosæ substantiæ, inprimis tempore hyberno,
commodè vsurpantur. Aliàs nocet. Frequentior eius
vsus capitis dolorem nonnunquam excitat, oculosque
hebetat, ratione fuliginum & vaporum, quos excitat.
Inter radices & bulbos sæpe in vsum veniunt Ce-
pæ, quæ omnes acrimoniam quandam, atque vim ca-
lescendi, incidendi, abstergendi, & extenuandi ha-
bent; sed tenuioribus illis partibus, in quibus vis in-
cidendi atque attenuandi est, discussis, & iam euanes-
centibus, crassum succum post se relinquunt. Crudæ
à rusticis eduntur. Verum parum alimenti præbent,
ac succum incoctum generant, sanguinemque accen-
dunt. Elixatæ autem amittunt acrimoniam, & plus
alimenti, neque id ita crudum tribuunt, veneremque
irritant. Verum omnes mentem hebetant, capitis do-
lorem faciunt, somnia afferunt turbulenta, oculis
nocent, dentibus quoque & gingiuis noxiæ sunt. In
Allio crudo nullum ferè; in cocto paucissimum ali-
mentum est, atque id prauum. Insignis verò in eo de-
prehenditur caliditas & siccitas, visque crassos & vis-
cosos humores extenuandi atque incidendi. Insignis
quoque acrimonia, quæ cocturâ tamen & conditurâ
nonnihil emendari potest. Humores in pectore tus-
sim excitantes educit, puerorum vermes enecat, & ad
toleranda frigora, aquarumque prauitatem corrigend-
dam optimum remedium. Vnde, quibuscunque aqua
non satis pura bibenda est, rectissime faciunt, si ante-
quam eam bibant, allio, quocunque modo eam cor-
rigant.

Allij ad ca-
lore roboran-
dum vis.

¶ [Calor natiuus ventriculi & viscerum, cum ab
aliis caussis, tum interdum etiam ab aëre externo, &
ventriculum ambiente, & per os immisso, refrigerat-
ur, & calor eius veluti extinguatur: quod tempore
hiberno iter facientibus accidit. Refert huius rei hi-
storiam Zacutus Lusitanus, de prax. Med. Adm. lib. 2,
obs. 11. de quodam sene, qui cum in tempore hiberno
per niuosa loca diu iter fecisset, innato ventriculi ca-
lore pene extincto, & appetentia cibi omnino abo-
lita, lethaliter decubuit. Pro quo instaurando & vi-
uificando etsi multa essent adhibita calidissima reme-
dia, sed eadem nihil proficerent, tandem Zacutus, ad-
monitus ab Auicenna, 13. 3. ar. 2. cap. 9. allium siccum
melle delibutum exhibuit. Hoc cum quatrduo vsur-
passet, melius habere cepit, & cum eius vsum men-

fem vnum continuasset, sanitati restitutus est. At-
que id ipsum etiam Septentrionales populos expe-
tientia docet, qui propterea allium in continuo vsu
habent.]

Aliàs quoque contra pestem ac aërem venenatum
atque impurum antidori loco est. Hinc nauigantes
contra sentinæ fœtorem, corruptasque aquas & ci-
bos, nausæamque ex maris tempestate excitatam, vt
& ad robur in remigando conciliandum, allium vti-
liter vsurpant. His itaque solum, qui crassis & viscidis
humoribus scarent, vsus eius non est incommodus:
in bilioso verò corpore humores adurere atque ac-
cendere potest. Omnibus autem, quocunque modo
paretur, vsus eius frequentior noxius. Inprimis verò
ob fœtorem molestissimum ac ferè intolerabilem
vsus eius valde incommodus, dolorem capitis infert,
oculis nocet, sensumque omnium instrumentis, si-
tim excitat. Porrum pariter habet acrem saporem,
vimque calefaciendi atque extenuandi, ventriculū-
que à pituita expurgandi, aperiendi, vrinamque cien-
di. Verum & ipsum caput grauat, mala insomnia
inducit, oculisque nocet, ac flatulentum est. Raphani
radice tantum hodie, eaque cruda, vtimur, sale con-
spersa: potest & addi oleum, piper atque alia. Pau-
cum alimentum præbet, & potius obsonij medica-
mentosi loco est. Calefacit supra secundum gradum;
saporis est acris, pituitam incidit, extenuat, vrinam
mouet, arenulas ex renibus pellit. Commodius au-
tem sumitur prima mensa atque ante alios cibos: etsi
alius hic aliis nationibus mos sit. Alij enim prima
mensa, alij in fine, alij toto prandij & cœnæ tempore
obsonij loco vtuntur, quod calore suo adiuuare co-
ctionem credant. Qua de re vide Amat. Lusitan. cen-
tur. 2. curat. 1. & 2. in scholio. Generat verò ructus oli-
dos & fœtidos; flatus generat, caput replet, oculis no-
cet. Raphanus autem sylvestris seu rusticorum, quem
appellant, nonnulli armoraciam, longè est acrior, vt
saltem condimenti, nullo verò modo alimenti ratio-
nem habere possit. Incidit, attenuat, renum calculos
euacuat, lapidēque vesicæ atterit. Rapum & tar-
dius coquitur, & ventrem inflat, crudum maximè.
Quapropter diligenter coquendum: ita enim facilius
coquitur, satis alimenti corpori præbet, idque non
ad eo malum, sed calidum & humidum. Vnde ad quar-
tanam, & morbos melancholicos vtile est, cum iure
vel carne castrati inprimis. Eadem ferè est Napi na-
tura: Gravior tamen est gustui, & melioris saporis,
minusque crassi succi ac flatulenti, pluriusque nutri-
menti. Renes calefacit, & pectori magis conuenit, ve-
nerem stimulat, visui etiam prodesse creditur. Petro-
selini non tantum folia, sed inprimis radix frequen-
ter cum cibis exhiberi solet. Est calidum & siccum,
vrinam & menses mouet, renes & viscera purgat, ob-
structiones aperit: alimentum tamen exiguum sup-
peditat. Quapropter paucum & condimenti saltem
loco admisceri cibis debet. Si enim nimia eius copia
sumatur, crudos succos secum ad hepar & renes rapit,
atque in partibus illis obstructions gignit. Pastina-
ca satia paucum, calidum & crassum, neque satis bo-
num præbet alimentum, venerem stimulat, vrinam
ciet, menses mouet. Coqui multum debet: aliàs est
difficilioris coctionis. Beta rubra apud nos aceto, se-
mine carui, & radice sylvestris raphani condita, ace-
tarij potius, quam cibi loco, adhibetur. Parum enim
nutrit, verum palato non est ingrata, appetitum exci-
tat, renes purgat. Fructus plantarum varij sunt. Primò
enim herbarum quarundam fructus in vsu sunt, vt
melones & melopepones, cucumeres. Sūt autem ple-
rique hodie in ea sententia, fructum, quem vulgò, A-
rabes præcipuè hac in re secuti, melonē nominamus,
à Galeno peponem fuisse appellatum; & qui à nobis
pepones & cucumeres dicuntur, antiquis esse melope-
pones. Cum enim pepones quasi maturi dicantur: me-
lones

lones solum hodie maturi eduntur : pepones verò & cucumeres ante maturitatem comeduntur. Melones igitur gustui suauissimi sunt, & odorem quendam aromaticum spirant, si sint maturi & optimi : quæ res ad liberaliorem eorum esum interdum nonnullos, inuitat. Verum habent aquosam, humidam, non sine frigidityte, substantiam, sitim sedant in magno æstu & squalore, urinam mouent, renes detergunt. Sed non rarò ex esu melonum homines in magna coniiciuntur pericula. Facile enim corrumpuntur, & si corrumpuntur in ventre, veneni quasi naturam induunt, & malum quod choleram dicunt, excitant, vel febres generant, easque sæpe malignas : annotatumque est ab Historicis, plurimos Imperatores & vires claros ex eorum usu interisse. Quapropter prima solum mensa edi debent, ut, si quæ omnino corruptio in iis accidat, facilius per aluum descendere possint. Et post eorum usum cibus aliquis boni succi sumendus est, ut eorum malitia quasi corrigatur, & corruptio caueatur. Quem in finem tutissime cum pane eduntur. Ad corrigendam quoque malitiam eorum alij vino uti iubent, alij cum vino æquè nocere melones censent. Verum hic attendendum ; omnino vinum esse malitiæ & noxæ, quæ ex melonum esu oriri possit, quasi remedium. Sed vinum id generosum sit, neque nimis parcè bibi oportet, ut melonum malitiam corrigere atque absumere possit. Si verò vinum paucum, vel minus generosum ac vinosum bibatur, prauitatem illam melonum corrigere nō potest, sed solum crudos illos corruptosque humores secum ex ventriculo ad partes penitiores deducit, atque ita noxam, quæ aliàs ex usu melonum prouenire potest, auget. Contrarium tamen hic statuit Cardanus, *de tuend. sanit. libr. 2, cap. 38*. Lac verò & alij cibi, qui facile corrumpuntur, periculosissime iis admiscuntur. Cucumeres frigidi & ipsi sunt, verum minus humidi, minusque mali succi, nec ita facile in ventriculo corrumpuntur : crassiores tamen succum præbent. Nam melones si probe in ventriculo coquantur, humorem adeò crassum & crudum non generant : Cucumeres verò plus pituitæ, & crudi ac crassi succi producant, & ex eorum nimio usu mali succi in venis cumulantur, & febrium putridarum variarum materia aceruat. Commodissime sumuntur immaturi adhuc in acetariis, prius conditi cum aceto & pipere. Iis minus noxij sunt, qui calidiore sunt temperie, & feruidiorem habent ventriculum : quibus verò is imbecillior est, omnino ab iis abstineant. Cinatæ quoque fructus à multis in deliciis habetur, & cum iure pingui carniū ac pipere conditus estur. Calefacit & siccat ad ordinem secundum : coctionis est difficilioris, atque alimenti non satis boni, ut reliqua ferè olera. Flatulentus est, & venerem stimulat, capiti quoque non adeò commodus est : urina post eius usum sæpe multa & foetida redditur. Quod tamen cinara, tubera quædam terræ, & bulbi quidam, aliæque similia, quæ pipere multo condita eduntur, venerem stimulare creduntur, id, nec sine causa in dubium vocari potest. Parum enim materiæ semini, & nec spiritus suppeditant, sed succi melancholici plurimum : Sed piperi hoc potius tribuendum videtur. Hoc enim urinam acrem calidamque reddit, quæ postea vicinitate partes genitales, præsertim si semine turgeant, stimulat : & notum est aliàs, urinam dum stimulat noctu, simul membri virilis erectionem causare. Fraga frigida & humida sunt : quod tamen sunt maturiora, eò sunt temperatiora, ventriculo bilioso utilia sunt, hepar refrigerant, sanguinis ac biliosorum humorum feruorem restringunt, sitim sedant. Quapropter solum ætati iuuenili, & constitutioni corporis calidæ sunt utilia ; ventriculo verò debili nocent. Tenuem succum habent, renes purgant atque urinam mouent, lieni quoque commoda sunt. Facile tamen in ventriculo cor-

rumpuntur : quare cum vino & saccharo commodius eduntur ; & quidem prima mensa, non verò vltima, ut plerumque malè fieri solet. Aquam ex iis destillatam sanguinis hæmorrhagiam filtere experientia obseruatum est. Arborum & fruticum fructus quod attinet, primò pyrorum plurimæ sunt species, & ferè singulis nationibus peculiæ, & peculiaribus nominibus insignitæ. Alia enim dulcia, alia austera, alia acerba sunt, alia aquosam quasi dulcedinem habent. Quapropter neque eadem planè omnium facultates sunt. Austera & acerba adstringunt & magis refrigerant, ac ventriculo, intestinis & nervosis partibus noxia sunt. Dulcia magis sunt temperata : omnia ferè humidioris & frigidioris naturæ. Quædam tamen sunt calida & humida, ut muscatellina, & propterea reliquis corruptioni magis obnoxia : Galenus, *6. de simpl. med. fac.* inæqualem secundum partes pyris tribuit intemperiem, atque vna parte terrea, altera aquea esse dicit. Vincere tamen in plerisque videtur frigiditas & humiditas, & aquositas dulcedinem & siccitatem superare. Ventriculo non sunt ingrata ; primo loco sumpta aluum sistunt : post cibos verò reliquos eam soluunt, & os ventriculi claudunt ; inprimis quæ aliquam vim adstringendi habent. Cruda iis, qui doloribus colicis obnoxij sunt, incommoda sunt. Sæpe etiam corrupta choleram dysenteriamque excitant præcipuè non satis matura, & quæ humidiora sunt, qualia muscatellina esse diximus. Cocta omnia utiliora sunt ; & quæ dulcedinem aliquam habent, plus alimenti præbent, idque non malum. Contra fungorum venenum præsentissimum perhibentur esse remedium. Pomorum non minor est differentia, quàm pyrorum. Sunt enim quædam dulcia, quædam acida, quædam austera, quædam acerba, quædam ex his quasi mixtam naturam habent, quorum omnium natura, pro diuersitate saporis, diuersa est. Acida enim frigidiora sunt dulcibus, & minus flatulentæ substantiæ, tenuiorisque, quàm austera, ac humores lentos in ventre incidunt, si verò ventrem mundum reperiunt, eum sistunt. Austera & acerba frigidiora sunt, & crassioris substantiæ, tardiusque per aluum descendunt, eamque sistunt. Coctione tamen eorum vis corrigitur. Dulcia sunt magis flatulenta. Verum coctione & assatione ea flatulentia tolli potest. Acidis igitur, austeris & acerbis vtendum potius medicamenti loco, quàm alimenti ; omnibus quidem, cum refrigerare cupimus ; austeris verò & acerbis, quoties adstrictione alui opus ; acidis, quoties humores lentos incidere optamus. Vitiosi tamen hæc omnia sunt succi, & ventriculo ac nervosis partibus non commoda. Nocentissima verò sunt, quæ aquosa, nulliusque ferè saporis. Ob aquositatem enim facile corrumpuntur. Dulcia cum aromatico sapore & odore optima sunt. Alimenti enim mediocrem quantitatem præbent, idque non malum, coctioni non incommo-

Pyris.

Poma.

Cydonia.

lent, efficiunt, aluumque laxant. Ante cibum verò sumpta, aluum cohibent. Non tamen post cibum maiori copia sunt sumenda, ne ex nimia ventriculi superioris orificij adstrictione cibi ante perfectam coctionem ad inferiora detrudantur, atque expellantur, dolorisque colici excitentur. Bilem etiam coërcent, cor exhilarant, & venenorum vim frangunt. Cruda neruis nocent, & sæpè dolores colicos excitant. Vtilius verò sumuntur cocta, atque inprimis melle vel saccharo condita. Solent quoque ex iis non solum syrupus, sed & varia condita parari, quæ & ad ventris delicias, & ad medicinam expetuntur. Persica mala omnia frigida sunt & humida; facile corrumpuntur, & parum præbent alimentum. Quapropter solum iis, qui calidum habent ventriculum, sunt sumenda; & quidem ante cibum. Nam citò aluum hoc modo transeunt, minúsque nocent, & ventriculo calido nonnunquam commoda sunt. Non verò post cibum sumenda, ne corrumpantur, & febres, choleram, aliósque morbos graues inducant. Semper autem parcè & cautè edenda, neque iis aqua vel potus aliquis frigidior, sed vinum bonum superbibendum. Siccata minus noxia sunt, & ventriculi subuersionibus ac vomitibus, & alui fluxionibus valdè vtilia. Exsiccatione enim aqueum illud superfluum, quod facilis corruptionis causa est, absimitur; atque aciditas quædam, & vis adstringendi relinquitur. Inprimis verò cocta vino prauitatem, si quam habent adhuc, exsuunt. Persicis cognata sunt mala Armeniaca dicta, verum bonitate, ut Galenus, 2. de alim. fac. docet, Persicis superiora. Neque enim in ventriculo, ut illa, ita facile corrumpuntur, & suauiora sunt, ac stomacho gratiora. Quamquam enim hic contrarium sentiat Pisanellus, de escul. & potul. fac. & vel textum Galeni corruptum esse, vel gustu destitutum fuisse autorem scribat: tamen quibus armeniaca & persica mala nota sunt, facile vident, immeritò Galenum hac in re carpi. Persica enim longè maiori aqueæ humiditatis copia scatent, & ob id facilius corruptioni obnoxia sunt: hæc verò minori cum periculo eduntur, quod ipsa experientia testatur. Hoc tamen de omnibus hisce, ut & de aliis fructibus verum est, non esse multi neque absolutè boni alimenti, & propterea parcius edenda. Mespila frigida & sicca sunt ab arbore decerpta, & adhuc acerba edi non possunt, sed mitia solum. Parum præbent alimentum, & tardè coquantur. Aluum & omnes fluxiones sistunt, vomitum sedant, & iis, qui biliosum habent ventriculum, magis conueniunt. Reliqua poma, citria, aurantia, punica seu granata, omnia medicamenta potius sunt, quàm cibi, & propterea mensis non nisi condimenti loco apponuntur. Cerasa non eiusdem generis sunt: quædam enim acida sunt, quædam dulcia. Acida vim habent refrigerandi; facile coquantur, & per aluum descendunt, ventriculum ac hepar refrigerant, ac sitim sedant, appetitumque, excitant: neque corrumpuntur ita facile, nec mali sunt succi; & proinde à nonnullis omnibus ferè autumnalibus fructibus præferuntur. Condiuntur quoque & siccantur, ac iterum coquantur; & sanis atque agris non incommodè exhibentur. Siccata autem aluum sistunt. Dulcia acidulis, ob abundantem humiditatem, bonitate longè inferiora sunt, & facilius corrumpuntur, & putres humores, lumbricos ac febres putridas generant. Prunorum quoque multa sunt genera. Olim laudabantur Hispanica & Damascena: sed & ista iam in Europa passim coluntur. Hodie valdè ferax prunorum est Vngaria, vnde vicinæ regiones magnam prunorum copiam accipiunt. Verum non tam ex regione, quàm ex qualitatibus vires prunorum æstimandæ sunt. Alia sunt dulcia, alia acida, quædam etiam austera nonnihil,

quædam mixti saporis; atque alia nigra, alia rubra, alia flaua, alia virescentia. Pruna omnia frigida, & humida sunt: dulcia tamen minus frigida naturæ: bilis acrimoniam mitigant & sitim arcent, & propterea biliosis magis competunt: facile coquantur, & per ventrem descendunt; vnde à quibusdam plerisque aliis fructibus horariis anteponuntur. Recentia valentiùs quidem alterant, aluumque emolliunt in prima mensa sumpta, sed excrementitia multa humiditate scatent, & crudum, neque adèd bonum succum gignunt. Alia tamen aliis meliora, aliis viliora sunt. Ea quæ crudo ac aquoso succo magis abundant, peiora sunt. Alba & cerea vilissima sunt, & reliquis minus bonum succum præbent. Optima verò Vngarica & Damascena hodie dicta, & quæ his cognata sunt: mediæ notæ sunt viridia, à colore virescentia nominata, quæ valdè succulenta sunt, & temperatiora. Sicca verò ad nutritionem sunt accommodatiora, & melius præbent alimentum. Iis, qui debiliore sunt ventriculo, pruna commoda non sunt. Laxant enim eius *τόρον*. Mora humectant, refrigerant, sitim sedant, bilis æstum mitigant: parum nutriunt, facile per ventrem descendunt: si verò retineantur, facile corrumpuntur & putrescunt, ac malam naturam acquirunt, ferè ut melones & pepones. Quapropter solum vacuo, & non vitiosis humoribus scatente ventriculo assumenda sunt, ut quamprimum per aluum descendant, neque vel corrumpantur, dum diu in ea morantur, vel vitiosam aliquam materiam nacta ab ipsa etiam facilius corrumpantur. Vrinam quoque mouent; sed ob serosi potius humoris abundantiam id facere putantur, quàm quod verè diuretica sint. Ficus maturæ calidæ sunt & humidæ, plus reliquis fructibus nutriunt, facile è ventre descendunt. Penetrandi & abstergendi vim habent, pectus mundant, renes purgant & calculos expellunt. Nimius tamen earum vsus flatus generat, iisque, qui colicis doloribus sunt obnoxij, minus commodæ sunt. Pingua corpora reddere dicuntur, sed caro, quam generant, est nimis mollis & laxa. Aridæ ficus calidiores sunt & sicciores, abstergendique, aperiendi & attenuandi vim maiorem acquirunt. Ipsæ tamen etiam ventrem molliunt, & quia dulces valdè sunt, communi ratione dulcium omnium ciborum & potuum in hepatis & lienis inflammationibus minus commodæ sunt; obstructis autem illis, ipsæ ex se nihil prosunt, nec ob sunt, sed medicamentis incidentibus ac extenuantibus & abstergentibus mixtæ, non mediocriter auxiliantur. Humores ad exteriora pellunt, sudores mouent. Crebrò & copiosius sumptæ sanguinem non adèd bonum, sed qui putredini facile sit obnoxius, gignunt; vnde & pediculos generare creduntur. Noxa tamen illa corrigi potest, si cum amygdalis vel nucibus edantur. Vvarum magna est diuersitas. Aliæ enim sunt dulces, aliæ austæræ, aliæ acidæ, aliæ, in quibus nullus qualitatum excessus percipitur, quæ vinosæ appellantur. Dulcium succus est calidior, & ob id sitim excitant: acidæ & austæræ sunt frigidiores: vinosæ medium locum obtinent. Comeduntur vel recentes, vel passæ. Recentes pauci alimentum sunt & flatulentæ, & si diutiùs in ventre detineantur, corrumpuntur, & ventrem distendunt, colicósque dolores excitant, lienem in tumorem attollunt, & ventriculum ac hepar crudis ac prauis humoribus replent. Aliàs ventrem soluunt: vnde ante cibum sunt edendæ. Verum recentes potius voluptati, quàm bonæ valetudini inseruiunt. Passarum etiam quædam ratione saporis & facultatis est differentia. Aliæ sunt austæræ, aliæ acerbæ, aliæ dulces, aliæ mixtum quasi ex austero & dulci saporem habent. Austæræ & acerbæ sunt frigidiores, & ventrem roborant ac adstringunt: dulces calidiores sunt, & plus alimentum exhibent. Quæ mixtum

Persica

Armeniaca mala.

Mespila.

Cerasa.

Pruna.

tum ex austeritate & dulcedine saporem habent, mistas quoque facultates obtinent. Austeritate enim ventriculum roborant, dulcedine humores temperant & absterunt, & leuiore, ventriculi moriones hoc modo tollere possunt. Arque inter has dulces, quæ aliquid austeritatis participant, præ cæteris commendantur. Ventriculo sunt amicæ, hepatis verò græ, ut totius substantiæ proprietate ipsi prodesse dicantur, eiusque quasi anima perhibeantur. Pectori quoque prosunt, tussimque leniunt, & omnia naturalia membra confortant. Quæ sine nucleis sunt, & Corinthiæ hodie appellantur, magis aluum laxant: quæ autem nucleos habent, plus roboris ventriculo addunt. Omnino & ficibus & vuis recentibus earum usus est commodior, nihilque ex his incommodi facile percipitur. Inter nuces optimæ sunt Amygdalæ dulces, temperatè calidæ & humidæ, vel paululum ad siccitatem declinantes. Galenus, 2. de alim. facult. cap. 29. amygdalas corpus non multum nutrire scribit. Verum experientia testatur, & tot ciborum genera, quæ ex his parantur, docent, amygdalas copiosum præbere alimentum, idque succi boni & moderati. Et si enim nonnihil à mediocritate recedant; tamen nullam ob vllum insignem excessum nocendi vim habent; facultatem quoque obtrinent attenuandi & deurgendi. Quæ de causâ corporibus emaciatis amygdalæ convenientissimus cibus sunt: ventriculum, hepar, lienem, pulmones, cerebrum, totumque corpus conuenienti & corruptioni non facile obnoxio alimento recreant, pectus purgant, ac sputum promouent, vias vrinæ expediunt, somnumque conciliant. Stomachum tamen biliosum habentibus, & febribus biliosis laborantibus, cautè exhibendæ, ne bili materiam suppeditent. Nuces iuglandes calidæ sunt & siccæ, imprimis exsiccatae iam, Recentes enim plus humiditatis habent, & minus calidæ sunt. Itaque recentes commodius eduntur: siccæ verò bilem generant, & bilioso ventriculo nocent. Quapropter magis senibus, quàm iuuenibus conuenire videntur. Verum quia os ventriculi, gulam, & asperam arteriam lædunt, tussimque excitant, & dolorem capitis generant, nec his satis vtilis sunt. Contra venena imprimis, cum ficibus, & ruta, loco remedij sunt. Vulgò post pisces earum usus commendatur, quod pituitæ collectionem & humorum corruptionem, quæ facile in ventriculo post esum piscium accidere potest, caliditate & siccitate sua prohibent, & si quæ fortasse piscibus, quod interdum euenire solet, venenositas aut malignitas insit, ei peculiari vi aduersari possunt. Auellanae plus alimenti præbent, quàm iuglandes, sed frigidiores sunt; ipsæ tamen etiam calidæ & siccæ. Difficilius coquuntur, crassumque succum & magis terrenum, quàm iuglandes, præbent. Largius comestæ in ventriculo cibis supernant, vomitus & flatus ac capitis dolorem excitant. Recentes tamen siccis magis innoxie sunt. Castaneæ calidæ & siccæ sunt. Galenus cum ferè reliquos arborum fructus omnes aliquid mali succi habere statuat, castaneas excipit, & lib. de succor. bonit. & vici. cap. 4. eas nihil mali succi habere statuit, si probè in ventriculo coquantur. Difficilius autem coquuntur, & tardius distribuuntur. Alimentum verò præbent durabile, ventrem adstringunt, fluxus sistunt, & si copiosius edantur, flatus pariunt, ac capitis dolorem generant. Crudæ non paruam adstringendi vim habent, & valde flatulentæ sunt: quapropter assæ commodissimè eduntur. Tubera terræ & Fungi plerique frigidi sunt, insipidi, aqueumque & crassum præbent alimentum: & quamuis cocti palato arideant: condituræ tamen id potius, quàm eorum naturæ acceptum ferendum. Præferuntur quidem tubera fungis, quod compertum sit, è fungorum esu non paucos in-

teruisse, è tuberum verò nullum: tamen omnia hæc crassos & melancholicos humores generant, & immoderatus eorum usus apoplexiam, paralyin, dolorem colicum, spirandi difficultatem, podagram & dysuriam inducere solet, atque nimius eorum etiam fungorum esus, qui alias innoxij creduntur, non paucos interemit, nonnullos verò venenum, quod quibusdam inest, iugulauit. Itaque ab eorum esu vel proisus abstinendum est, vel parè sumendi, & quidem benè cocti & conditi, vinumque superbibendum. Nulla enim est ætas, nulla corporis constitutio, in qua non plus plerumque incommodi, quàm commodi, ex usu tuberum & fungorum proueniat. Id quod facile origo docere potest. Ex terrea enim & crassa ac vaporosa materia repente atque amica nocte erumpunt, minimèque à calore vel interno, vel aëris ambientis, elaborantur. Cui accedit, quod sæpè ex rerum vicinarum putredine, ex serpentum, bufonum, & animalium aliorum venenatorum afflatu vel contactu venenum aliquod contrahere possunt. Ex quo patet, vix sine periculo, & veneni alicuius suspitione comedi, & sæpè vbi maximè cauetur, satis caueri non posse. Tandem inter ea, quæ à plantis inter alimenta sumuntur, non prætereundum Oleum, quod sæpè in cibis usurpatur. Est autem oleum recens & ex oliuis bene maturis expressum satis temperatum, & ferè naturæ nostræ conueniens, ut proinde corpori nostro temperatum alimentum suppeditare possit. Arque ea de causâ cibis plurimis admiscetur, ut excedentes illarum qualitates corrigat & retundat, ac ad temperiem aliquam deducat. Venenis quoque resistere perhibetur. Qua de causâ ad emendandam alimentorum malitiam, & herbarum illam crudatatem herbaceam corrigendam aliis additur. Aluum etiam lubricitate sua mollic & laxat, omnem asperitatem tollit, ruptis & fractis auxiliatur, dolores mulcet.

Oleum.

Cibi ex Animalibus.

Secundo loco animalia multa alimenta suppeditant, & quidem humanæ naturæ conuenientissima; præcipue terrestria. Nam cum nutrimentum nutriendo familiare, & quàm maximè fieri potest, simile esse debeat: facile hinc apparet, longè familiarius corpori nostro præbere alimentum animalia ista, quàm plantas. Plantæ enim à corporis nostri natura longius absunt, quàm animalia, & propterea in coquendis & assimilandis alimentis, quæ à plantis sumuntur, plus laborandum est calori nostro, quàm in his, quæ animalia suppeditant. Nam animalia & substantia nobis magis cognata sunt, & minorem in qualitatibus excessum habent, succumque minus vitiosum: quod vel sapor indicat, qui in plurimis plantis insignem qualitatum excessum arguit; in animalibus verò talis non reperitur. Plura autem genera esse alimentorum, quæ ex animalibus petuntur, supra dictum est. Vel enim cibi loco nobis sunt animalium partes, vel quæ ab animalibus sumuntur, animalium tamen partes non sunt. Atque ut à posterioribus incipiamus, sunt eius generis lac, & quæ ex lacte fiunt, butyrum, caseus, serum, oua, mel. Lac est frigida & humidæ, vel temperatæ potius & humidæ naturæ, sanguinis nimirum temperamento, è quo leui mutatione perficitur, proximum; eò tamen paulò frigidius. Præstat longè optimum alimentum; si rectè in ventriculo coquatur, & si delectus habeatur speciei animalis, tum naturæ ipsius individui, à quo lac sumitur, tum temporis anni & vicius. Differt enim non parum lac secundum animalium species: bubulum nimirum ab ouillo & caprino, aliorumque animalium. Nec minus differt lac animalis sani à lacte animalis ægri; vel fœti ab eo, quod

Animalia cibum corpori nostro maxime familiariter præbent.

Lac.

Lactis differentia.

Lactis partes. Quod longè post partum generatur; & quod æstate prouenit, ab eo, quod hyeme; qua in re & alimentorum diuersitas non paruum facit differentiam. Sunt autem lactis partes tres, butyrum, serosa, & caseosa pars. Butyrum oleosa & calida est substantia. Serosa aquosa quidem est, sed tamen salis aliquid admixtum habens, ut acrimonia, quæ in sero est, satis docet. Caseosa verò est frigida & sicca, terreæque naturæ. Sed partium harum non eadem in omnibus animalibus est ratio. Atque ut de bubulo, ouillo, & caprino saltem (nam aliorum animalium lac apud nos in usu non est) dicamus, Bubulum lac pinguißimum est, & crassissimum, ac butyri plus, quàm aliorum animalium lac continet: atque idcirco plus nutrit, & pro lacte corpori nostro conuenientissimo non immeritò habetur. Ouillum plus casei habet: Caprinum verò medio modo sese habet in omnibus, in coctione & alendi viribus. Non minor est differentia lactis, si animalia sint sana vel ægra. Ex ægro enim animali non nisi vitiosum lac prouenire potest. Variat & lac pro victu, quod animalia vtuntur. Nam arida herba crassius lac præbent; melius verò virides & succulentæ: vnde optimum lac est, quod circa finem veris atque initium æstatis generatur, ubi pecora teneras & florentes herbas depascuntur. Et quantum possit lactis naturam mutare cibus, vel ex eo patet, quod Hippocrates, 6. epid. comm. 5. text. 35. scribit: *Si mulier aut capra elaterium, aut cucumerem syluestrem ederit, infantibus est purgatio.* Lac autem quod est tenuius & magis serosum, eò facilius coquitur, celerius per ventrem descendit, minus obstruit; verum & minus alit, quodque minus alit, magis ventrem laxat; & quod plus alit, minus aluum subducit. Ac proinde nunc hoc, nunc illud, prout res exigat, eligere licet. Lac itaque, quod boni odoris est, saporis dulcis, & mediæ consistentiæ, neque nimis crassum, neque nimis tenue, neque serosum, neque caseosum nimis, coloris candidi, nec viriditatem, nec liuorem vllum participans. bonum alimentum idque copiosum & satis constans præbet, carnemque auget, & corpora pingua reddit, ac propterea hecticis conueniens cibus est, atque ubi corpora emaciata & alimento destituta citò reficere animus est, vix aliud inuenitur alimentum, huic rei tam commodum ac lac: quod scilicet à calore nativo tot coctionibus iam ante elaboratum, & naturæ nostræ familiarissimum redditum fuit. Verum ut facile concoquitur lactis in corporibus impuris facile corrumpitur. Si incidat in ventriculum frigidum, facile acefcit; si in calidum, in nidorem & bilem vertitur, capitisque dolorem excitat. Quapropter eius usus febre putrida laborantibus, & caput dolentibus est noxius; ut & iis, qui oculorum affectibus sunt obnoxij. Non commodum quoque est calculosis, hepatis obstructionem, & hypochondria inflata habentibus, de quibus Hippocrates, 5. aphor. 64. & Galenus, in comm. Pessima verò eius corruptio est, quando coagulatur; vnde pessima symptomata, & nonnunquam mors ipsa ortum habet. Istud autem præcaueri potest, si ipsi aliquid salis, sacchari vel mellis addatur. Commodissimè verò vacuo stomacho sumitur, atque ij rectissimè faciunt, qui postquam lac sumpserunt, ab omni alio cibo tamdiu abstinent, donec lac concoctum sit. Si enim alij cibi mox superingerantur, facile & lac, & cibus ille cum lacte corrumpi potest. Inprimis verò vini post lac usum esse valde incommodum, obseruatum est. Nocet quoque lac dentibus & gingiuis, iisque corruptionem inducit: ad quod præcauendum post sumptum lac vino os colluere conuenit. Non solum autem lac integrum & tribus illis, sero, butyro & caseo constans, in usum venit; sed & partes hæ faciliè segregari possunt, quod longè commodissimum est: cum nunc hæc, nunc illa magis in-

digeamus, vnâque præ reliquis expetamus. Primò Butyrum in hæc nostris septentrionalibus regionibus & ut condimentum, & ut cibum; in calidioribus autem regionibus ferè tantum condimenti loco vsurpant. Calidum est & humidum, atque eiusdem ferè naturæ cum oleo: oleo ramen plus nutrit, & condimenti loco ad multa vtilius, quàm oleum adhibetur. Humectat enim & lenit, materiam in pulmonibus maturat, & educit, fauces & asperam arteriam lenit; oleum verò, nisi sit purissimum & recens planè, fauces & arteriam exasperat, tussimque tantum non lenit, sed etiam inducit. Est quoque gustui gratum butyrum, facile coquitur, multum nutrit, hacque præcipuè lactis parte ab infantia alimur, alimentumque, quod non facile corrumpitur, butyrum suppeditat. Verum nec omnibus æquè, nec omni modo conueniens cibus est. Ventriculum enim humidiorum & laxiorem habentibus non conuenit: cum eum magis relaxet; præcipuè si maiore copia edatur, & cibus supernatet, ac nauseam conciliet. Quapropter etiam longè commodius butyrum ante reliquos cibos, quàm post eos, sumitur. Calidis quoque naturis eius usus non est tam conueniens, ut aliis. Facile enim accenditur, & in bilem in biliosis ventriculis abit, & in nauseam concitantem materiam conuertitur. Commodissimè editur cum pane. Tum enim optimum, & nullo modo vitiosum alimentum præbet. Coctum verò iam deterius euadit. Habet & hoc commodi butyrum, quod venenis resistit, præcipuè si ante ea sumatur: vnde etiam in pestilenti constitutione ad præseruationem manè cum pane sumptum plurimum commendatur; ut & ad incommodum, quod ex venenatorum vaporum è mineralibus cum spiritu, quem ducimus, attractione percipi potest, euitandum. Ut enim de occultâ eius vi non inquiretur, humiditate sua veneni vim sopit, erosionemque prohibet, & lentore suo partes quasi munit, ne venena in eas facile agere possint, eademque, ne ad interiora mox penetrent, remoratur, & ut facile vomitu expellantur, iuuat. Vbi butyrum paratur, atque à lacte separatur, id quod relinquitur, *δξύγαλα*, lac acidum, vulgò lac ebutyratum nominatur. Galenus, 3. de alim. fac. cap. 16. illud ad caseosam potius, quàm butyrosam lactis substantiam refert, & quidem eam non eius, cuius ab initio fuit, naturæ, sed ad frigidius conuersæ. Procul dubio tamen aquosa & serosa aliquid materiæ continet. Quia autem est frigidius hoc lac, ventriculis frigidioribus non conuenit, sed calidioribus saltem, siue ab initio tales fuerint, siue ab aliqua causa huiusmodi euaserint. Hi enim à tali lacte nihil læduntur; sed etiam eo cum comodo aliquo fruuntur, præcipuè æstate, & in magno aëris æstu. Caseus difficulter coquitur, & crassum alimentum præbet. Plurimum enim caseosa lactis partis continet. Itaque omnis caseus aluum sistit, meatus obstruit, & calculo generando materiam præbet. Vetus verò prauum præterea alimentum suppeditat: minus verò mali succi recens est. Vetus enim caseus omnis recenti deterior, maioremque acrimoniam acquisiuit, & calidus ac siccus euasit, siccumque & coctu difficile, & paucum præbet alimentum. Qua de causa ciborum assumptorum coctionem aliquo modo iuuat; verum ipse difficilius coquitur. Recens & mollis adhuc frigidus est & humidus, & flatulentæ naturæ. Pessimus vetustissimus. Mediæ ætatis, qui nec nimis durus, nec mollis est, moderatè dulcis & pinguis, is inter reliquos optimus est. Qualiscunque autem sit, semper post cibos reliquos, & exigua quantitate sumendus est. Est autem magna caseorum differentia, pro ratione animalium, quæ lac præbent, locorum & pascuorum, ac parandi modo. Ouillus reliquis præstat, facilius est coctionis, & minus crassæ substantiæ. Et licet minus

Lac

Caseo

Caseo differ

nus vaccino nutriat : quanto tamen minus eo nutrit, tantò melius præbet alimentum. Ouillo vaccinus præstantia proximus est : Caprinus verò utroque deterior. Parandi quoque modus non vbiuis locorum est idem, & sæpè casei nonnulli non tam ob materiæ peculiarem aliquam præstantiam, quàm ob diligentem parandi rationem regioni alicui vñtatam præ cæteris commendantur. Ea autem commodissima est caseos parandi ratio, quando butyrosa & caseosa pars non separantur, sed simul in caseum coalescunt. Talis enim casens non ita multum à natura lactis recessit. Vbi verò butyrosa pars separatur, casei, qui ex sola caseosa fiunt, crassioris & siccioris naturæ sunt, atque omnino deteriores. Sæpè etiam ex præparatione aliquid vitij caseus continet. Salsus enim nimis materiam vberiore præbet calculo, difficilioris est coctionis, humores adurit. Acidus hepar & ventriculum debilitat. Verùm cum qua ratione paratus sit quilibet caseus, non semper obuium sit, eos præ reliquis eligemus, qui mediocres sunt substantiæ; teneriores potiùs, quàm duri; rari, quàm densi & compacti nimis; nec glutinosi nimis, nec friabiles; saporis iucundi & suauis; nec nimis salsi, nec sale prorsus carentes. Inprimis verò antiquos nimis & corruptos cauere oportet. Atram enim bilem generant, & plurimorum morborum authores sunt. Serosa lactis pars minimè alit, estque potiùs medicamento, quàm alimenti loco. Ad euacuandum enim serosos & adustos humores commodissimè vsurpatur; præcipuè si in eo aliquid fumarie maceretur, & non parca manu, sed vel ad librarum duarum vel etiam quinque aut sex mensuram singulis diebus propinetur. Qua quantitate & ab antiquis, & ab Amato Lusitano, cent. 2. curat. 16. & 74. exhibetur. Verùm de qualitate eius authores non consentiunt. Nec Galenus idem docuisse videtur. 4. de simpl. med. fac. cap. 17. serum frigidum & humidum esse dicit. 3. verò de alim. fac. capit. 16. scribit, oxygala calidam & acrem qualitatem amplius non retinere, quàm lac à seroso humore habet. Sed hæc non pugnant. Serum enim duabus partibus constat, vna salia & acrimonie particeps, atque omnino calida: cuius licet minima sit portio, quia tamen eius vires atque efficacia in sero sese manifestè produnt, ob id non immeritò serum calorem participare dicitur. Altera verò pars aquosa est, eaque copiosior, ob quam serum frigidum, & humidum dicitur. Oua pariunt quidem plura animalia: verum solum gallinarum ferè ova nobis in cibo sunt. Constat autem ouum duabus partibus, vitello atque albumine. Illa moderatè calida est atque humida, & longè optimum præbet alimentum. Albumen verò frigidum & siccum, plurimum quidem nutrimenti præbet, idque satis constans: verùm difficilior coquitur. Oua autem recentissima sunt optima, & plurimum ac citò nutriunt, & bonum præbent alimentum, ideòque omni ætati, tempori & regioni conueniunt. Nullum enim habent prauum succum, nullasque obstructions pariunt. Quò verò sunt antiquiora, eò sunt deteriora: ac putredo & corruptio ouorum pessima est; ideòque à veteribus ouis, ut à veneno, abstinendum. Etsi verò omnia bonum præbeant alimentum: tamen interdum non commoda sunt. Quibus enim ventriculus aut hepar est refertum vitiosis humoribus, iis non conueniunt. *Impura enim corpora quò plus nutrueris, eò plus læseris*, secundum Hippocratem, 2. aph. 10. Et in biliosis & calidis ventriculis facillè corrumpuntur, & in bilem meram sæpè conuertuntur, à qua ardor ventriculi & sitis oritur, ac diarrhæa etiam sæpè sequitur. Perhibentur quoque esse incommoda iis, qui calculum in renibus vel vesica habent, aut qui apoplexiæ, paralyti aut podagræ sunt obnoxij. Deinde licet ova sint optimum alimentum: tamen ratione

præparationis non parùm differunt. Primum locum facillè obtinent ova tremula & sorbilia, quæ in aqua feruente ad tremulam & sorbilem consistentiam coquuntur. Optimum enim & plurimum nutrimentum suppeditant; facillè coquuntur & distribuuntur, ac parum excrementi relinquunt; & inprimis iis, qui ex morbo conualescunt, senibus ac infantibus, qui ex hæmorrhagia aliqua debilitati sunt, & phthisicis optimum præbent alimentum, præcipuè eorum vitelli. Quæ verò in cineribus coquuntur, non tam bona sunt, quàm quæ coquuntur in aqua: facillè enim maiorem vim ignis sentiunt, & plus calidi natiui & humidi amittunt. Coctis sorbilibus & tremulis nonnulli præferunt suffocata dicta ova, quæ sic parantur. Oua franguntur, & putaminibus suis educta in ollam coniiciuntur, quibus parum vini, aceti paucissimum, butyri pars quarta, tantundem quoque sacchari, si libet, & salis, quod satis est, additur, omniæque miscentur, & vas operculo clauditur, atque in cacabum vel aliud vas aqua calida plenum imponitur, & sic in duplici vase ad mediocrem consistentiam coquuntur. Quæ autem vel in cineribus, vel in aqua, eò vsque coquuntur, ut indurentur, licet solidius alimentum præbeant: tamen quò diutius coquuntur, ac magis indurantur, eò sunt deteriora. Omnium verò pessima sunt in sartagine fricta, atque inter hæc quidem deteriora, quæ in oleo, quàm quæ in butyro friguntur, fixa enim omnia, dum in ventriculo concoquuntur, in nidorem abeunt, admistòsque cibos corrumpunt, & prauum ac putrescibilem succum præbent, & sæpè in nonnullis colicos dolores excitant. Tandem inter ea alimenta, quæ ab animalibus proueniunt, animalium tamen partes non sunt, Mel est. Id calidæ & siccæ naturæ est, ordine secundo; quod tamen albicat, minus calidum est. Est autem optimum mel colore flauo, odore suauis, nullum nec herbarum, nec florum odorem referens, gustu iucundum. Verùm flauum, quia est calidius, magis est medicamentosum; sanis album videtur accommodatius. Omne tamen mel est alimentum medicamentosum, senibus & frigidis naturis commodum. Iis enim in optimum vertitur sanguinem. Verùm quia facillè incenditur & in bilem abit, calidioribus naturis non est conueniens. Hepati quoque, quia dulce nimis est, & in bilem facillè abit, non adeò vtile est: pulmone verò vtilius. Aliàs detergendi & putredini resistendi vim habet. Saccharum, ut de eo propter cognationem, quam cum melle habet, licet ex arundinibus fiat, aliquid dicamus, est melle minus calidum & siccum: ideòque & calidis & frigidis obsoniis miscetur commodè: cum sese in omnem ferè naturam vertat, & neque caliditatem, neque frigiditatem augeat, sed eas potiùs temperet. Non tamen omnibus æquè conuenit. In calidioribus enim & ipsum facillè in bilem abit. Aliàs vim abstergendi sine acrimonia obtinet. Non autem parua est sacchari differentia secundum puritatem & impuritatem. Quod ex prima coctione prouenit, impurius & calidius est, maioremque habet acrimoniam & abstergendi vim: quò purius autem reperita solutione & coctione redditur, eò minus calidum euadit, atque aliquid de abstergendi facultate amittit. Porro alimenta, quæ ex partibus animalium sumuntur, plurima sunt. Differunt autem cum secundum speciem animalis, tum secundum eorundem partes. Partes animalium quod attinet, est earum in alendo non parua differentia. Etenim longè aliud alimentum præbent pedes, aliud hepar, aliud cor, aliud reliqua caro: & licet quidem in his quoque secundum species animalis sit differentia, atque aliàs naturæ sint pedes vitulini, alterius suilli, differatque hepar vituli ab hepate hædi: tamen eiusdem generis

Mel.

Saccharum.

*Pedes ani-
malium.*

Hepar.

Lien.

Pulmo.

Renes.

Lingua.

Cerebrum.

*Ventriculus
& intestina.*

*Caro muscu-
losa.*

Caro suilla.

neris partes etiam diuersorum animalium non parum conueniunt. Pedes animalium quorumcunque frigidi & sicci sunt, paucæque carnis & exsanguis, frigidumque præbent succum, & lentum ac glutinosum; ob quem & ius coctorum pedum quasi congelatur. Cor fibrosæ, duræ & siccæ est naturæ, neque facile coquitur: verum si bene coquatur, nec malum succum, nec paucum præbet, sed eumque stabilem & firmum. Iecur & ipsum difficilius coquitur, crassumque præbet alimentum, quod tardè permeat; boni tamen succi & firmum. Verum magna est hac in parte varietas, non solum secundum species & ætatem animalium, verum & ob pabulum, & pleniorum nutritionem. Animalia enim minus adulta delicatius & mollius hepar habent: & quæ meliore ac pleniore pabulo utuntur, etiam hepar maius, delicatius & succulentum magis habere solent. Lien parum alimenti præbet, idque melancholicum & rarum; difficile coquitur, & tardè distribuitur. Pulmonis substantia leuis & rara est, minusque nutrit, quam hepar vel cor: facilius tamen coquitur: neque malum alimentum præbet. In genere autem hæc de pulmonibus, liene, ut & hepate notandum, sæpe salua hæc viscera in animalibus non reperiri; sed vitio aliquo infecta: quapropter cautio in eorum usu adhibenda, & videndum, ne vitiosa cibi loco usurpentur, atque inde aliquid periculi attrahatur. Renes non satis bonum, nec naturæ nostræ conuenientem succum præbent, sed crassum. Teneriorum quadrupedum aut vitulorum renes melioris succi sunt, & facilius coquuntur. Lingua & suauitate saporis, & alimenti bonitate reliquas partes facile superat, facile etiam coquitur. Quapropter conualescentibus non incommodum alimentum præbet. Cerebrum pituitosum & crassum succum suppeditat, nec facile coquitur, nec distribuitur, nauseamque concitat. Quamobrem prima potius mensa, quam postrema comedendum, & iis, quæ calefaciunt & attenuant, eius humiditas & lentor corrigenda. Ventriculus & Intestina animalium sunt durioris substantiæ, & frigidioris ac siccioris naturæ, difficilius coquuntur, & non nisi à robusto ventriculo. Ac licet bene coquantur: tamen paucum sanguinem præbent, eumque frigidum & non satis bonum. Frequentissime autem cibi loco usurpatur musculosa animalis caro, cuius magna est differentia in succi bonitate, copia & coquendi facilitate vel difficultate, imprimis secundum animalium species. Plerique Galenum secuti, omnium animalium carnis suillam præferunt, omnesque conditiones boni alimenti eam habere scribunt. Esse enim in primis qualitatibus temperatam, vel vergere ad caliditatem & humiditatem, naturæque nostræ esse conuenientem, succi minimè vitiosi, sed copiosi & satis firmi ac constantis, faciliisque coctionis. Ideoque primas huic inter quadrupedes, imò inter reliquas carnes tribuunt. Verum enim verò si conditiones illas, quæ in alimento simpliciter bono requiruntur, nimirum ut temperatæ sit naturæ, facile coquatur, bonum præbeat alimentum, & non facile alienas & prauas qualitates inducat, ac pauca excrementa habeat, in suilla carne consideremus: vix omnes in ea inueniemus, & vix illam prærogatiuam carni suillæ simpliciter concedere poterimus. Neque sine causa Iul. Cæsar. Scaliger, in lib. 1. de plant. circa initium; eos Medicos recordari arguit, qui perdicibus etiam porcinam carnem præferunt. Nam licet caro suilla fortassis sapore carni humanæ sit simillima, cuius rei argumentum est, ut docet Galenus 3. de alim. fac. cap. 2. quod quidam carnes humanas ab improbis hospitibus appositas pro suillis sine ulla in gustu vel olfactu suspitione comederint:

tamen ut rectè Cardanus, de sanit. tuend. lib. 6. cap. 61. scribit: in cibis magis substantia, quam sapor desideratur; & quæ ac qualia alimenta vocanda sint, experientia optimè docet, atque ea bona alimenta merito habentur, ex quibus nos bene ali sentimus. Experientiam itaque si consulamus, dari carnes animalium, quæ meliorem, & quem omnes sine incommodo & detrimento usurpare possint, cibum, quam caro suilla, præbent, clarum est. Licet verò caro suilla potentissime nutriat, & firmum præbeat alimentum, ac propterea hominibus ætate florentibus, sanis, fortibus, & qui sese multum exercent, ut agricolis, fossoribus, messoribus atque id genus operariis commodissimum alimentum sit: tamen omnibus hominibus conueniens non est; atque experientia docet, à vulneratis, scabie laborantibus, aut alia vlcera habentibus, carnes plurimas alias sine omni detrimento comedi posse, ex suillæ carne verò non parum detrimenti eosdem percipere. Abundat enim in ea nimia humiditas, crassumque & lentum præbet succum, & qui hac frequenter utuntur, plurimam excrementorum copiam, nisi maioribus laboribus illa discutiant, cumulant: & facile in obstructions hepatis, & renum calculum incurrunt. Cui accedit hoc, quod plerumque suillæ carnes pinguedine abundant, quæ ventriculum laxat, appetitum aufert, & nauseam inducit, ac facile in bilem vertitur. Et quod magis constans ac firmum præbet alimentum, quam aliæ carnes: id insigni lentori potius, quam quod humanæ carni, quam vitulina aut veruecina, similior sit, adscribendum est. Ideoque licet, ut dictum, concedamus, suillam iis, qui magnis laboribus exercentur, commodum cibum esse: tamen iis, qui moderate exercentur, veruecina, ut iam de gallinis, perdicibus, phasianis atque aliis, quæ in maiore pretio sunt, nihil dicamus, longè commodius alimentum præbet, faciliusque ab his coquitur, & succum meliorem suppeditat. Aprugnæ carnes meliores sunt porcorum domesticorum carnibus: modò è iunioribus apris sint, non antiquis. Non enim tantum humiditatis excrementi obtinent, & moderate siccum alimentum suggerunt. Alij itaque agninam & veruecinam inter quadrupedes longè suillæ præferunt. Agnus antequam annum compleuerit, carnem habet humidam, mucosam & viscidam. Itaque excrementosum & crassi succi, ac quod non facile distribuitur, alimentum præbet. Verum ubi annum compleuerit, optimum alimentum est, boni & copiosi succi, ac moderate constantis faciliisque coctionis: & propterea eius carne omnes homines, ac imprimis qui moderate exercentur, post primos ætatis annos ad mortem usque commodissime vescuntur. Neque facile vllus ex modico huius carnis usu aliquid incommodi percipit, id quod ex suilla crebro accidit. Qui tamen fortiter exercentur, & magnis laboribus dediti sunt, in iis facilius discutitur atque absumitur, minusque solidum ex ea fit alimentum. Quia verò agni adultiores oves ineunt, & tum carnes non boni succi redduntur, sed hircum quasi redolent: castrantur atque verueces fiunt. Quorum, qui iuniores adhuc sunt, caro longè optima est, facile coquitur, & bonæ notæ sanguinem generat, ac propterea tam sanis quam agris conuenit. Galenus quidem, lib. de succor. bonit. & vit. cap. 6. ut suillam omnibus præfert: ita secundo loco hædinam, tertio vitulinam ponit; agninam verò ut humidam, glutinosam mucosamque ultimo loco: verum id saltem de agnis, qui nondum annum compleuerunt, intelligendum est. Et licet hædus lactens (maiorem enim, quæ in adultis est, siccitatem tenerior illa ætas nondum obtrinet) bonum præbeat succum, & facilius, quam veruecina caro coquatur: tamen ubi agni anniculi vel veruecis caro probè coquitur.

coquitur meliorem & naturæ humanæ conuenientiore succum præbet. Ouilla verò caro mala est, & temperaturæ vitio, & sexus ac partuum frequentia, difficulter coquitur, & malus ac lentus & viscidus succus ex ea generatur. Agninæ & veruecinæ carni proxima est vitulina, & bonitate non raro cum iis certat, imò palmam illis nonnunquam præripit. Temperata enim est, tenera, bonique succi, suavis saporis, facilisque coctionis. Crassiores tamen paulò succum quàm agnina & veruecina præbet. Hædinæ certè faciliè præferri potest. Hædi enim quàm primum lacte amplius non vtuntur, statim aliquem fædum odorem, carnisque duritiem contrahunt: cum in vitulis illa saporis suauitas & alimenti teneritas diutius remaneat, diutiusque in his adolescentia quasi duret & continetur. Et licet bos siccior sit naturæ forsan, quàm caprinum genus: tamen hoc longè calidius est. Bubula caro crassa est, difficilis coctionis, & venas non faciliè peruadit: Lentoris tamen & visciditatis non est particeps. Eius vsus frequentior crassos, siccos ac melancholicos humores in corpore cumulat, & non raro lienis tumores generat. Et quidem eò magis, si sit vaccina, aut bouis emaciati, aut qui ætate ac laboribus carni & musculorum siccitatem ac duritiem contraxerit, aut quæ sale & fumo indurata est. Præter has inter quadrupedes vix aliæ carnes sunt, quæ commodè cibi loco vsurpari possunt præter syluestrium aliquot. De apro iam dictum. Capreoli carnes boni nutrimenti sunt, & faciliè reliquorum syluestrium carnibus alimenti bonitate, coctionis facilitate, saporis suauitate, & excrementorum paucitate præferri possunt. Frequenti enim & veloci motu superflua humiditates absumuntur, caroque tenerior & coctu facilius redditur. Siccior tamen nonnihil est, & propterea aliquid humoris melancholici generat. Ceruina caro sicca est, difficilis coctionis, succumque melancholicum, inprimis si adultior sit, generat, & nisi probè coquatur, hepar, & lienem obstruit, & propterea melancholicis ac senibus non conueniens alimentum est. Leporina quidem caro valde in deliciis habetur: à Medicis tamen inter alimenta melancholicum sanguinem præbentia numeratur, atque his, qui corpus exsiccare volunt, est commodior; iis verò, quorum corpora sunt sicciora, minus est utilis. Si tamen probè coquatur, non mali succi est, floridumque faciei colorem conciliare creditur. Vid. Lang. lib. 1. epist. 67. Ioh. Pincier. l. 2. enigm. 21. Auium multa genera in cibi vsum veniunt. Primas aurem non solum inter aues, sed inter omnes carnes gallinaceum genus tenet; nullaque est caro, quàm bonitate non æquet, vel etiam non superet caro gallinacea. Temperata enim est, facilis coctionis, succi boni & paucorum excrementorum, atque inde bonum & laudabilem sanguinem procreat, & iis, qui laboribus minus exercentur, commodissimum cibum præbet, atque adeò commendatur, vt nonnulli ingenij spirituumque animalium copiam, caloris natui incrementum, oculorum claritatem, seminisque vbertatem ex eius vsu promittant; præcipuè ex caponibus & pullis. Est enim in hoc genere quædam differentia. Primas meritò obtinet caro caponis, quæ æquabile temperamentum habet, & multum nutrit, ac optimum succum generat. Pulli his proximi sunt, carnemque habent teneram; humidiores tamen: Gallinæ sunt sicciores. Itaque pullis assis: gallinis verò elixis commodius vtimur. Gallorum caro durior iam est & siccior. Ius galli decrepti vim abstergerendi, aperiendi, aluumque mouendi habet. Iis tamen, qui laboribus magis dediti sunt, & vehementius exercentur, non satis firmum alimentum præbet caro gallinacea. Non infrequenter hodie estur & gallus Indicus, qui si iuuenis sit, plurimum

Dan. Sennerti Tom. I.

& laudabile dat alimentum, nec sapore, nec succi bonitate caponibus nostris inferius, vires reficit, & conualescentibus utilis victus est. Perdicum caro temperata est, nonnihil ad siccitatem declinans, facilis coctionis, præstantissimique succi & multi nutrimenti, pauci verò excrementi. Vnde conualescentibus & lue venerea laborantibus utilissimus cibus est: adeò vt Cardanus scribat, lib. 3. de sanit. tuend. l. 19. si isto morbo infectus nullum aliud toto anno integro ferculum ederet, sed singulis diebus perdicem, absque alio præsidio à tam perniciofa lue liberari posse. Optimi quoque alimenti phasianus est, & Attragen, saporisque suauitate gallinas domesticas vincunt; & propterea extenuatis, & qui à morbo vires recolligunt, ac qui languidam habent facultatem coctricem, cibus conuenientissimus sunt. Verum magno plerumque sunt in pretio, nec nisi magnatum mensis apponuntur. Columbarum non parua est varietas. Meliores sunt montanæ & syluestres; cum minus excrementorum habeant: at quæ domi aluntur, excrementis magis abundant. Omnium tamen caro crassa & melancholicum excrementosumque dat succum, nec faciliè coquitur, febribusque putridis generandis præbet materiam. Anseres alij domestici sunt, alij feri, & in fluuiis degunt. Domesticorum caro magis excrementis scatet, quàm eorum, qui in fluuiis degunt, quòd hi volatu magis exercentur. Vtrorumque tamen caro difficilius est concoctionis, succique non boni, sed vitiosi & excrementitij, quique putredinem faciliè concipit. Si tamen validum ventriculum nata fuerit, & rectè concoquatur, non parum nutrimenti præbet. Hepar anserum, si saginentur, in miram sæpe excrescit magnitudinem, cibumque temperatum, suauissimum, facilis coctionis, boni succi, multique nutrimenti præbet. Eadem ferè natura est carnis Anatum. Calidior tamen est & humidior, & omnibus domesticis auibis calidior, concoctu difficilis, succi excrementitij & prauis, præcipuè domesticarum, quæ cæno & fædo plerumque cibo victitant. Quæ verò in aquis fluentibus viuunt, non solum saporis sunt gratioris, sed & ventriculum minus grauant. Sunt maiores aues aliæ multæ adhuc, sed quia rariùs pro cibo vsurpantur, eas præterimus. Minorum quoque multa sunt genera: non omnes tamen comeduntur. Turdus, cui inter aues, suo quidem iudicio, Marcialis primas tribuit, faciliè concoquitur, bonum præbet succum, & non excrementitium, nutrimentumque satis firmum; maximè vbi vuis iam maturis & bacis iuniperi hoc auium genus victitat & pinguius redditur. De quo vid. Matthiol. lib. 1. epistol. Laudantur ij magis, qui in montanis locis viuunt. Imò in vniuersum hoc de omnibus auibis & animalibus accipiendum est; Ea, quæ in stagnis & locis campestribus viuunt, esse humidiora, & succum magis excrementitium præbere: quæ verò in locis montanis viuunt, esse sicciora, & minus excrementis scatere. Alauda quoque optimum succum generat, & faciliè coquitur; ac galeritæ peculiari vi non solum à colica præseruare, sed eam etiam curare dicuntur. Merulas nonnulli turdis ferè æquiparant: sed turdorum caro non solum longè est suauior, verum & facilius coctionis ac melioris succi. Corurnix calida est & humida, difficilis coctionis, mali nutrimenti, multique excrementi, & febribus generandis aptam materiam suppeditat: vnde frequentior earum vsus damnatur. Ferunt enim ex eo nonnullos in conuulsiones & morbum comitialem incidisse; id quod Galenus, 6. epid. com. 5. t. 35. in Doride, Bæotia & Thessalia omnibusque finitimis regionibus, imò & Athenis quibusdam accidisse scribit; quod sc. veratro ibi vescantur. Cum autem corurnicibus non vbiuis locorū elleborus pro cibo sit: alij

D D d

potius

potius ex propria & occulta quadam vi id euenire putant. Sed hoc aliis non placet. Cum enim in tam crebro apud plerasque nationes earum usu paucissimi hunc morbum inde sentiant: ab occulta qualitate, quæ sese, nisi impedimento aliquo obiecto, semper prodit, non prouenire posse statuunt: sed si vel conuulsio, vel comitialis morbus ab earum esu aliquando proueniat, id inde euenire existimant, quod ex frequentiore earum esu pituitosi, crassi ac visceri humores cumulantur, qui morborum horum causa sint.

Pisces.

Tandem & Pisces cibum hominibus præbent: verum illum frigidiorum & humidiorum, quam terrestrium animalium caro. Et vix in hoc genere reperias, quod tam bonum succum præbeat, & ad naturæ humanæ temperiem tam prope accedat, sicut sunt nonnulla ex frugibus, quadrupedibus ac volatilibus. Putredinem quoque facile concipiunt, neque à corruptione tam diu, ut reliquorum animalium caro, pisces asseruari possunt; & si corrumpantur, non leuem aliquam, sed quæ nostræ naturæ aduersissima est, corruptionem subeunt. Est autem piscium non minor, imò forsitan maior, quam animalium terrestrium, varietas. Sunt enim quidam marini, alij fluuiatiles, alij in stagnis & lacubus degunt. Marinos pisces plerique reliquis præferunt, quod sale aliquomodo quasi exsiccari naturam minus excrementitiam habeant, Et ex his quidem eos esse meliores statuunt, qui locum profundum inhabitant, & ventis agitantur: Littorales verò minus bonos esse. Marinis proximi sunt fluuiatiles: illi tamen inter hos meliores, qui degunt in magnis fluuiis, & rapidiore cursu fluentibus; vel in aquis, quæ per loca petrosa & saxosa fluunt. Qui verò in parvis fluminibus viuunt, aut iis fluuiis, qui excrementa magnarum ciuitatum, latinarumque & vestium sordes suscipiunt, mali. Pessimi autem omnium sunt, qui in lacubus & stagnantibus aquis degunt, atque iis inprimis, quæ aliunde fontanas aut fluentes aquas non suscipiunt. Verum ad differentiam alimenti, quod pisces suppeditant, constituendam non locus saltem sufficit, sed inprimis natura piscium peculiaris est consideranda: cum qui in eadem etiam aqua degunt & capiuntur pisces, alij melius, alij peius alimentum præbeant. In vniuersum autem si de iis dicendum: ij pisces sunt meliores, qui carnem friabilem vel teneram habent, squamosi, non nimis magni, nec pingues nimis, qui in aquis limpidis viuunt, quique per petrosa ac arenosa loca fluunt. In præparatione tamen etiam aliquid situm est. Meliores autem ferè sunt elixi: post hos assi: tertium locum fixi obtinent. Verum cum alij pisces aliam præparationem requirant, & non omnibus locis iidem pisces familiares sint: quæ sit optima cuiusque piscis præparandi & condiendi ratio, cuiusque loci incolæ norunt, atque hoc loco illud describere nimis prolixum foret. Quapropter in specie de piscibus, quibus plerisque in locis familiaribus in cibo vtuntur, saltem dicemus. Nam, ut dictum, quilibet ferè fluuij, atque aquæ quæuis peculiaris piscium genera alunt. Salmo primò est inter pisces, qui dulcibus aquis gaudent, & propterea ex marinis in fluuios tranant: vnde à nonnullis inter marinos, & ab aliis fluuiatiles pisces recensetur. Habet carnem teneram, palato gratissimam, facile coquitur, bonum præbet succum: vnde in optimorum piscium numero habetur. Sale etiam conditus, & fumo induratus in varias regiones portatur, cibumque satis gratum, & qui appetentiam excitat, præbet, non tamen tam bonum, ac dum recens est. Troctæ etiam è præcipuis piscibus sunt, ut

omnium, qui in dulcibus aquis generantur, ferè præstantissimi, salmonique valde cognati, grati saporis, facili coctionis, multi, boni ac tenuis succi. Sed maiores carnem non parum excrementitiam, pinguedinemque ac visciditatem habent: minores meliores sunt, & præ cæteris commendantur, quæ carnem rubicundam habent, & maculas rubras plures, quas vulgò salmonatas vocant. Et Troctarum hoc genere procul dubio est Ausonij *Purpureis salar stellatus tergora guttis*: nonnulli salmerinos & salmunculos nominant. Optimum est, ut diximus, hoc troctarum genus, & saltem in limpidorum amnium ac riuiulorum aquis viuunt: habet carnem friabilem, nullius visciditatis & pinguedinis participem, vnde facilius concoquitur, citiusque descendit, minusque excrementitij succi habet, & propterea inter pisces reliquos ferè omnes maximè in deliciis habetur. Nonnulli, quia frigidiusculum humorem sanguini & hepati calido temperando non inutilem generet, καύω & id genus ardentibus febribus dicatum esse putant: verum cum troctæ, præcipuè maiores, & quæ in lacubus & fluminibus degunt, viscidum & pingue aliquid habeant, & præterea, ut illi ipsi auctores statuunt, citò putrescant & corrumpantur: alii non sine causa febricitantibus troctarum usum non facile concedunt. Inter marinos verò pisces valde commendatur Solea, quæ carnem habet delicatam faciliisque coctionis, vnde à nonnullis perdix marina nuncupatur. Inter minores pisces boni saporis, salubrisque planè alimenti, coctu faciles, & qui diu in stomacho non morantur, atque ad voluptatem & sanitatem planè commodi, & qui ægris etiam tuto concedi possunt, sunt, quos vulgò Fundulos *Schmerlen*, vel *Grundling*, à fundo nominant; nonnulli Iouios, vel gobios, vel gobiones fluuiatiles dicunt. Quam tamen appellationem alij alteri piscium etiam paruorum generi tribuunt, quod quidè & ipsum coctu facile est, & non mali nutrimenti: fundulis tamen longè inferius & vilius, & præterea squamosum; cum funduli squamas non habeant: quos pisciculos alibi *Kressen*, hic etiam *Grundling* nominant. Huc pertinent & alij pisciculi, gobirides, mordilapides, simileque, qui omnes alimentum tenue, concoctu non difficile, quod facile permeat, succumque non malum dat, præbent. Lucius piscis vulgò notus est: minor inprimis carnem habet friabilem, non difficulter coquitur, facile distribuitur, & non multum excrementorum habet, ut etiam ægris concedi possit, inprimis calida & sicca intemperie laborantibus, quibus intemperie sua, quam cum piscibus reliquis communem habet, non solum nihil nocet, sed & commodum affert. Perca quoque teneram & friabilem carnem habet, nullamque pinguedinem & glutinositatem, coctu facilis est, neque mali succi: imbecillius tamen alimentum præbet, & quod facile discutitur. Sunt autem inter eas meliores, quæ spinas in dorso aculeatas gerunt, & in puris aquis viuunt. Vulgatissimum quoque cibum præbet Cyprinus, ut qui breui tempore numerosa prole piscinas replet, carnem habet mollem ac humidam, succumque præbet non parum excrementitium: ideoque non nisi ij cyprini, qui in aquis puris degunt, comedendi, & quidem, ut pisces reliqui ferè omnes, calidi, ne ventriculum nimis refrigerent & humectent. Inprimis variis cibis non sunt miscendi, neque aqua aut vinum aqua dilutum post eorum esum bibendum. Aliàs si bene coquantur, satis bene nutriunt. Hisce vulgatis cyprinis cognati sunt, quos cyprinos latos vocant, succique & alimenti bonitate vulgò notis cyprinis non inferiores. Barbus inter viliores pisces à quibusdam recensetur, & in prouerbum apud quosdam abiit, quod neque frigidus, neque calidus, neque elixus, neque assatus bonus sit: cui opinio

Piscium differentia.

Salmo.

Troctæ.

Solea.

Fundulus.

Lucius.

Perca.

Cyprinus.

Barbus.

opinionem forsan occasionem dederunt oua eius, quæ non solum tormina ventris, sed & vomitum cient, ac aluum turbant, choleramque excitant, & ea symptomata afferunt; quæ à venenatis & valenter purgantibus medicamentis excitantur. Quapropter etiam ab ouorum huius piscis esu planè abstinendum. Verùm carnem eius quod attinet, obseruatum esse non memini, aliquem ex eius vsu aliquid damni percepisse. Est enim illa candidissima; facilis coctionis & distributionis, alimentique & succi non mali. Anguillarum caro quidem dulcis est, sed glutinosa pinguedine, & humiditate multa scatens: succum prauum generat, & nec agris, nec sanis, imprimis copiosior paulò, eius vsus satis turò conceditur. Præcipuè stomachicis, calculo & podagræ obnoxiiis nocet, mensesque fœminarum retardat. Et licet apud Athenæum πάντων ἰχθύων εὐχολώτεροι dicantur: tamen potius de suauitate & iucunditate saporis, atque alimenti, copia si rectè concoquantur, quàm de succi bonitate accipiendum est. Lampetra à plerisque inter nobilissimos & optimi saporis cibos habetur, ac propterea in magnatum mensis apponitur, & est grati ac delicati saporis cibus, si rectè præparatur, vinòque, (quæ consueta est eius præparandi ratio) enecetur, aromatibusque condiatur: vnde condimentum non minus gustui gratum sit, quàm piscis ipse. Lentorem tamen & glutinositatem nec hoc modo planè deponit: qua de causa à Medicis inter optimæ notæ pisces non recensetur, & imprimis podagricis, & neruorum morbis laborantibus incommodus perhibetur. Tinca paludosis & cœnosis plerumque locis viuit, & sæpe lutum redolet: nec grati saporis est, nec facile coquitur, nec bonum alimentum, sed succum prauum, & qui facile corrumpitur, præbet, ac propter succum glutinosum non facile distribuitur, & obstructions in angustis meatibus parit; atque imprimis diebus canicularibus eius esus noxius putatur. Minus tamen malæ sunt fluuiales, & in puris aquis captæ: ipsæ tamen etiam non planè laudandæ, ac non nisi iis, qui magnis laboribus exercentur, cibus innoxius. Quæ verò in lacubus & cœnosis locis viuunt; omnium pessimæ sunt, duplicique nomine & ob naturalem; & ob acquisitionem prauitatem damnantur. Hæc piscis marinus, qui innumerabili copia in Oceano capitur, habet carnem albam & friabilem, boni saporis, non difficilis coctionis, succi boni, non crassi & glutinosi; sale conditur, & fumo induratur, atque in plurimas regiones transportatur: sed tum difficilioris coctionis, minusque boni succi redditur. Amia quoque ex marinis piscibus est, sed in flumina tranat, carnem habet molliorem, succumque præbet satis bonum, sed alimentum non adeò copiosum. Autumnali tempore magis commendatur. Acipenser, vulgò Sturio, carnem habet duriorem, pinguiorem, glutinosamque, quæ crassum præbet succum, non tamen malum, & non facile coquitur; ac propterea his, qui ventriculum habent debiliorem, vt & arthriticis, & qui fluxionibus infestantur, minus conuenit; iuniores tamen & gustui gratiores sunt, & facilius coquuntur, & multum alimenti præbent. Habentur præstantiores qui in fluuiis degunt, quàm qui in mari, Solea, Passer & Rhombus candidam habent carnem, succum bonum, & copiosum nutrimentum, quòdque non facile corrumpitur, præbent. Siccati tamen hi pisces duriore sunt, & difficilioris coctionis. Id quod multò magis etiam de Afello dici potest. Et si enim recens ab authoribus cum saxatilibus piscibus comparatur, & carnem friabilem ac teneram, boni succi, facilisque coctionis habere dicatur: tamen exsiccatus tam durus est, vt, ante-

Dan. Sennerti Tom. I.

quam elixatur, fustibus & malleis prius tundendus, atque aqua macerandus sit. Vnde non nisi crassum, difficilisque coctionis alimentum suppeditat, & non nisi ab iis, qui valentiores habent ventriculum, magnisque laboribus sunt dediti, sine noxia comeditur. Ostrea à pluribus in magno pretio habentur. Omnes habent salsum succum, & propterea ventrem ad deiectionem irritant, appetitum excitant, venerem stimulant, minus tamen nutriunt, & aliquid difficultatis in ventriculo, dum coquuntur, pariunt, atque in ventriculo frigido pituitam cumulant, facileque obstructions generant. Et propterea pipere ac aliis aromatibus condiendæ. Cochleæ terrestres, & Limaces quoque plurimis in deliciis sunt, ventriculoque vtilis, palato grata, plurimiq; nutrimenti esse dicuntur, vt passim à Medicis iis, qui hectica laborant atque emaciari sunt, commendentur. Verùm id non simpliciter de carne earum accipiendum est, quæ difficilioris est coctionis, valentemque requirit ventriculum: vnde & longiorem coctionem, variorumque condimentorum additamentum requirit, & quomocunque coquatur, dura manet, & crassiorem ac atrum sanguinem generat, obstructionsque parit. Sed illud, quod imprimis hecticis prodesse dicitur, in earum iure est, non tamen primò, sed iteratæ elixationis, in quod longior coctio glutinosæ & alimentosæ substantiæ plurimum elicuerit; deinde in parte saltem posteriore limacum, quam Aristotelem, 4. de hist. an. cap. 4. μύκκον, hoc est, papauer nominasse existimant, cui quiddam glutinolum inest, caseosæ substantiæ paulò magis duratæ simile, facile dissolubile, dentibus statim cedens, tenerum, quod non difficulter concoquitur, & valdè nutrit. Hæc igitur pars ad eos vsus seligenda, vel ius tantum earum exhibendum, quod hepati valdè familiare & vtile est, ventriculoque gratum, cuius quoque dolores auferre dicitur. Est autem in limacum delectu non parua adhibenda cura. Hærent enim & pascuntur non rarò fœdis, corruptis & venenatis rebus, fungis, serpentibus putrescentibus, herbisque venatis, vt obseruatum sit, quosdam comestis limacibus periisse. Vnde Cardanus stultum putat, se temerè tanto periculo exponere. Si tamen ad easdem edendas cogamur, in olla quindecim diebus alendas esse censent, sæpiusque locum mutandum. Imprimis verò è locis mundis colligendæ sunt. Cancros tandem & Astacos ac Gammaros nostrates quod attinet, differunt quidem Cancri & Gammara, Cancrique cauda carent, corpusque habent rotundum, & in Germania ac Septentrionalibus regionibus non reperiuntur, sed in Græcia, Italia atque alibi: Gammari verò caudas habent, & magna copia in Germania atque aliis Septentrionalibus regionibus capiuntur. Verùm in viribus non magnam videntur habere differentiam. Vtrosque enim aduersus canis rabidi venenum prodesse compertum habetur. Alendi quoque facultate non multum differre videntur, Vtrique enim difficilis coctionis sunt, & non nisi à valido ventriculo bene coquuntur: si tamen bene concoquantur, multum nutriunt, crassumque succum gignunt, & ob id aliquo condimento calefaciente atque attenuante indigent, vt eorum crassities emendetur.

Ostrea.

Cochlea.

Cancri
Astaci
Gammarus

C A P V T. IV.

De Potu.

NON minor est potus, quam cibi necessitas. Vt enim cibo siccior & solidior substantia, quæ absumpta est, restituitur: ita potu humidior instauratur.

DD d 2

Atque

Potus necessitas.

Atque hæc est præcipua utilis, humidæ substantia; quæ indies absumitur, instauratio. Qua de causa & sitim Natura concessit, qua humidum deficiens appetitur, potusque desideratur, qui non solum actu, sed inprimis facultate & potentia humidus sit, nec calore quoque excedat. Aliàs enim humidum absumptum non restituet, nec sitim sedabit. Hinc carni iuscula etsi forsàn omnia alia, quæ potus præstat, & ipsa præstare possint: tamen sitim non extinguunt, quòd facultate siccum aliquid ex solidioribus carniū elixarum partibus coctione extractum continent. Idem aqua marina multò minus præstare potest, quæ ob salem vim siccandi habet. Cum ista humectandi in potu vi si frigiditas coniuncta sit, longè potentiùs sitim exstinguet, quàm si calidus solum potus propinetur. Vnde insignis etià ex potu frigidus voluptas oritur, præcipuè in calore ex æstua eris vel laboribus contracto. Cum enim calor aduentius corpus nostrum dissoluendi, humidumque dissipandi vim maximam habeat: ad id præcauendum, viresque ex humidi dissipatione exsolutas recolligendas maximè valet potus frigidæ, & id præstat, quod calidus efficere non potest; cum humiditas in potu sola, nisi ab actiua qualitate adiuetur, vix sufficiat. In hac re tamen mediocritas & conueniens frigiditatis cum anni tempore, cæli statu, corporisque temperie analogia seruanda. Præter hunc usum, instauracionem scilicet humidi, & sitis naturalis extinctionem, alij adhuc sunt potus usus, quos tamen etiam iuscula aliaque liquidiora alimenta præstare possunt. Inseruit enim potus ad deferendum illud humidum pingue crassumque per angustos vasorum meatus. Deinde ad id quoque facit, vt cibi in ventriculo misceantur, liquentur & fundantur, vt faciliùs vndique coctionem suscipiant. Prohibet tandem, ne illud pingue alendo corpori destinatum à calido inflammetur. Potum autem suppeditant aqua inprimis & vinum, & quæ ad vini similitudinem ex tritico, hordeo & lupulo conficitur, cereuisia: aqua item mulsæ ex melle, & liquores quidam ex pomis, pyris aut similibus confecti. Aqua communis non solum reliquorum animalium, sed & multorum hominum potus est. Esse autem aquam frigidam, humidam, à Philosophis demonstratur: ab iisdem probatur, aquam, vt & reliqua elementa, vix puram, nullaue alia re permixtam reperiri. Quamobrem magna est aquarum diuersitas: Optima autem illa est, quæ in visu, & gustu, & olfactu pura ac sincera esse deprehenditur: quæ nimirum visui apparet limpida & pellucida, & nullius rei saporem vel odorem gustui vel olfactui offert. In qua re diiudicanda maximè valent abstemii, qui aquarum differentias vel sapore solum non minus exactè diiudicare possunt, quàm alius quispiam vini vel cereuisiæ differentias. Habentur & alia præter hæc apud authores bonarum aquarum indicia. Eæ enim aquæ bonæ esse iudicantur, quæ & citò incallescunt, & citò refrigerantur, de quo Hippoc. 5. aph. 26. *Aqua quæ citò calefit, & citò refrigeratur, leuissima.* Quod enim foris ab externo calore patiuntur, idem etiam à nostro calore passuras, & viscera non grauaturs credibile est. Quam ob causam in aquis bonis carnes & fructus citius elixantur. Nonnulli quoque lance leuitatem & grauitatem aquarum examinant: alij lintei panni eiusdem ponderis duas vel plures particulas diuersis aquis madefaciunt, Solique exsiccandas exponunt, atque eam, quæ citius exsiccatur, pro leuissima & tenuissima habent. Harum optimæ aquæ notarum aliæ aquæ plures participant, aliæ pauciores habent, pro varia aquarum differentia. Est enim alia aqua fontana, alia fluuiialis, alia pluuia, alia lacustris, alia paludosa, alia niuosa. Fontana illas optimæ aquæ conditiones maximè habet; si op-

tima seligatur: non enim omnes aquæ fontanæ æquè bonæ ac salubres sunt, sed eæ sunt optimæ, quæ conditiones illas iam enumeratas obtinent, quibus in specie & aliæ addi possunt. Hippocrates, lib. de aëre, aq. & loc. eas maximè commendat, quæ versus ortum Solis, præcipuè æstiuum, scaturiunt, cursumque habent; quæque & ex terra munda, & per terram mundam, minimeque lutosam vel argillosam, sed per arenam & lapillos fluunt, nihilque limi secum trahunt: quæque hyeme sunt calidiores, æstate frigidiores: cuius rei causam in profundiores ideoque puriores venarum scatebras referunt. Quæ verò aquæ aliquem saporem habent, loci naturam, per quem fluunt, arguunt, viresque mineralium, aluminis, sulphuris, vitrioli, similiaque secum vehunt, & propterea non pro potu simpliciter, sed pro potu medicato habendæ sunt. Fluuiorum aqua plerumque maxima parte fontana est: ex fontibus enim pluribus confluentibus flumina oriuntur. Quoniam verò non omnes fontes, qui in eundem fluuium confluunt, eiusdem planè naturæ sunt, mixtam naturam habet aqua fluuiialis: variam tamen etiam naturam à terra, per quam longo sæpè tractu fluunt, accipiunt, quæ nunc argillola, nunc limosa, nunc anerosa est. Quandoque & ex niuib. in montibus solutis aquæ, vel pluuiis copiosioribus collectæ admiscuntur. Hoc tamen commodi habere videtur aqua fluuiialis, quod, dum per longa terrarum spatia decurrit, cruditas, eius quasi frangitur, & à Solis radiis coquitur. Obseruandum verò, vbi vtendum est aqua fluuiiali, vt priùs quieta stet in hydriis, vt, quicquid impuri secum vehit, id ad fundum deponat. Plerique aquas pluuias reliquis præferunt, præcipuè eas, quæ tempore æstiuo cum tonitru descendunt, quippe quæ sint leuissimæ & tenuissimæ. Et verum est, si sola leuitas & tenuitas spectetur, facile has aquas aliis præferri posse. Verum cum ex terra per calorem, varij vapores attollantur pluuiisque materiam præbeant: non planè videntur puræ hæ aquæ. Qua de causa etiam facile putredini sunt obnoxia. Atque idcirco valetudini commodiores esse existimantur aquæ fontanæ puræ. Ex puteis aquæ cum sint subterraneæ, nec supra terram attollantur, sed in profundo hæreant, atque artis tantum beneficio in altum eleuentur, crassæ sunt & graues, vnde in visceribus diutius hærent eæque lædunt. Stagnantes aquæ omnes & palustres longè pessimæ sunt. Cum enim stent, aut pigro saltem motu moueantur, facile putrescunt, sunt crassæ & crudæ, & sæpè malignæ ac pestilentes. Vnde bibentibus eas magna incommoda obueniunt, ventriculus offenditur, viscera obstruuntur, humoresque corrumpuntur, & non rarò putridæ ac malignæ & pestilentes febres inde oriuntur. Damnantur & aquæ ex niue & glacie: sunt enim crassæ. Dum enim nix & glacies à frigore congelantur, tenuissimæ partes exhalant, & præterea insignis quædam in iis est frigiditas, quæ ventriculum lædit & afficit. Etsi verò iuuenes robustiores eius noxam non mox percipiant: ingrauescente tamen ætare eam sentiunt, & articulorum, neruorum, viscerumque morbos tales contrahunt, quos non facile vincunt. Ad omnia autem vitia corrigenda, imò quamcunque aquam vsui accommodatiorem reddendam commendatur decoctio; & cum Plinio, lib. 3. cap. 3. plerique omnem decoctam aquam non decoctâ esse vtiliorem sentiunt. Si enim is coctionis modus, qui ad maiorem minoremque aquarum malitiam suis signis deprehensam tollendam sufficit, adhibeatur, coctione non solum frigiditas & cruditas emendatur, sed terrestres & vitiosæ partes, quæ insunt, & ante, ob exactiorem mitionem, sensus nostros sæpè fugiunt, separantur, quæ postea calore euanescente subsident. Improbant quidem nonnulli aquarum coctionem, quòd putant, tenuiores

Potulento-
rum genera.

Aqua.

Aqua bona
potu.

Aqua fca-
tana.

tenuiores partes per decoctionem exhalare, crassas vero relinqui: verum non opus est metuere, ut aqua coctione crassescat: potius enim tota exhalat, quam ut crassior fiat: & quod exhalat, non est tenuior substantia aquae sed tota aqua, & quicquid crassi admixtum fuerit, illud post decoctionem per subsidentiam à pura aquae substantia separatur. Destillationem tamen si quis adhibere velietis aquam procul dubio puriorem & non paulò meliorem reddet. Vino frequentius & utilius hominū pars pro potu vitur. Et si enim ad sitis extinctionem non minus aqua, quam vinum, faciat: valetudinis tamen si recta ratio habeatur, vinum procul dubio præferendum est. Non enim vino solum natura magis delectatur; sed & coctio & distributio ciborum eò magis adiunatur. De vini autem natura & temperie authorum sententiæ discrepant. Calidum illud esse omnes quidem consentiunt: sed an calidum sit & humidum, an verò calidum & siccum, dissentiant. Ortum autem habuit hæc controuersia ex diuersis authorum, in primis Galeni, sententiis, qui modò hoc, modò illud hac de re statuere videtur. Nam 8. de simpl. med. fac. cap. 13. expressè scribit: Vinum ex secundo ordine est calefacientium: sed quod admodum verus est, ex tertio: sicut, quod mustum vocant, ex primo, Caliditati eius ex proportionem respondet siccitas, quod ipsum ex Galeno sumptum repetit Paulus Aegineta, lib. 7. Verum idem Galen. 1. de tuend. san. cap. 11. vino pueris interdicat, quippe, quod haustum corpus nimium calefaciat & humectet: & paulò post, cum alterantibus vinum numerat, quòd ad bilis excrementa vel mitiganda, vel expellenda non sit inutile. Non minimè verò ad eam siccitatem, quæ in solidis partibus, aut ex immodicis laboribus, aut ex proprio ætatis temperamento prouenit, idoneum esse vinum scribit. Humectat enim, inquit, & nutrit, quicquid immodicè exsiccatum est: tum bilis amaræ acrimoniam mitigat ac frangit. Et, 5. de sanit. c. 5. Vinum ut pueris alienissimum, ita senibus aptissimum esse docet. Et, 2. aph. 11. vbi Hippocrates scribit; *facilius esse potu, quam cibo refici*, adducit aliam ex lib. de alim. sententiam, vbi sic scriptum reliquit: *Qui celeri alimenti appositione egent, humidum ipsis optimum colligendis viribus remedium*: atque inter talia vinum recenset. Et, lib. 3. de caus. puls. cap. ult. de vino ita scribit: *Appositio, quam facit, celeris est; quod humidum sit & calidum*; atque iterum istam, ex lib. de alim. sententiam vino applicat. Ex hisce Galeni, quæ in specie discrepare videntur, sententiis alij aliam arripuerunt, & rationibus probare conati sunt, quas hinc omnes recensere supersedemus, ac solum eam, quæ veritati magis consentanea est, sententiam proponimus, & cum iis statuimus, qui vinum vim calefaciendi & siccandi habere existimant. Ac nisi aliud esset, quod vinum calefaciendi & siccandi vim habere, & quasi igneæ naturæ esse probaret, illud vnum sufficeret, quòd spiritus, à quo vinum omnem suam efficaciam habet, arte Chymica ex eo elicitur, qui facile flammam concipit. Ob hunc spiritum, atque igneam, calidamque & siccam naturam, vinum sæpè per plurimos annos incorruptum asseruatur. Sed idem eius effectus satis superque docent. Vulneribus & vlcibus, quæ exsiccatione opus habent, commodissimè vinum adhibetur, spiritusque in primis vini in detergendis, & à putredine vindicandis sordidis vlcibus mira vis est, ut pluribus in locis, in obseru. med. annotauit Valeriola. Vinum quoque, si sit meracius & generosius, sitim excitat, vigiliasque inducit, atque aliis etiam modis, tam ut alimentum, quam ut medicamentum, & calefaciendo, & siccando vires suas prodat. Neque enim, ut nonnulli putant, siccatur ut medicamentum, humectatur ut alimentum. Nam eandem habet naturam, easdemque vires exserit, siue ut medicamentum, siue ut alimentum offeratur: & ut ali-

mentum assumptum vertitur in sanguinem; sed sui generis, id est, calidiorem & siccior. Est enim vinum ex eo alimentorum genere, quæ non solum quantitatem sanguinis augent, sed præterea qualitates aliquo modo mutant. Siquidem si à temperato bibatur, calidum & siccum sanguinem reddit: si à calido & sicco, temperiem illam augebit, si à frigido & humido, mutabit illam temperiem. Quòd autem Galenus vinum humidum esse dixit, id modo accipiendum est, quo omne, quod alit, humidum dicitur, & quatenus liquidum & fluidum est. Et hac ratione humidum accipitur in loco, quem Galenus, 2. aph. 11. è lib. de alim. citat. Atque hoc modo & aqua marina, licet humida esse dicatur, vim siccandi obtinet. Nihilque obstat, quin vinum, licet siccum sit potestate, cum sit actu fluidum, & facile in totum corpus distribuatur, exsiccatas partes humectandi, id est, id quod absumptum est, celeriter reficiendi atque instaurandi vim habeat. Ita ipse Gal. 1. de tuend. san. cap. 11. humectandi vocabulum per adiunctam vocem nutriendi explicat. Nutrit facile vinum, sanguinemque & humidum corpori alendo necessarium augeat, eaque ratione humidum dici potest: sed sanguinis humiditatem non augeat, verum eum potius siccior reddit. Est nimirum vinum alimentum medicamentosum, calidum & siccum; aliud quidè in primo, aliud in secundo, aliud in tertio gradu. Ideò ut ad temperiem reducatur, corpusque qualitatibus suis minus immutet, plerumque vinum aqua dilui apud antiquos solebat. Raroque antiqui sua vina non diluta bibebant. Qua ratione in primis vis siccandi in vino frangitur. Et si enim & caliditas aliquo modo mutetur: tamen hæc minus frigiditati aquæ cedit; facilius verò mutatur siccitas & ad temperiem deducitur: ut vinum dilutum quis non immeritò calidum & humidum appellare possit. Quo sensu accipiendus videtur ille locus Galeni, 1. de tuend. san. c. 11. vbi plures vino ea de causa interdicat, non quòd solum facile nutriet, sed quòd corpus nimium calefaciat & humectet. Hæc tamen, quæ hæcenus diximus, de vino maturo accipienda sunt. Cuiuscunque enim naturæ & conditionis vinum modò maturum sit, vim calefaciendi & siccandi obtinet: si verò immaturum sit, atque sapore omphacium potius, quam vinum referat, à veri vini natura longè abest. Interim quoque ipsius veri vini in siccando & calefaciendo non parua est differentia, non solum secundum ætatem, quam differentie rationem Galen. 8. de simpl. med. fac. c. 13. expressit sed & ipsius vini naturam. Aliud est enim *ὀλιγοφόρον*, quòd in diluendo paruum saltè aquæ admistionem fert; aliud verò, quòd *οἶνον οἰνώδη*, vinum vinosum appellant; quod plus aquæ in diluendo ferre potest. *ὀλιγοφόρον* minus, quam reliqua, à temperato recedit: reliqua quòd vinosiora & generosiora sunt, eò sunt calidiora & sicciora. Plures autem vulgò enumerantur vinorum differentie, eaque ferè secundum accidentia, saporem scilicet, odorem, colorem, substantiæ modum, & similia: quibus tamen ad qualitates inuestigandas utimur. Saporem quòd attinet, vina dulcia propriè dicta optimè nutriendi, & cum non solum ori & palato, verum etiam visceribus sint gratissima, auidè ab iis accipiuntur & arripiuntur. Quia tamen sunt crassiora, obstructiones in visceribus pariunt, & propterea hepatis obstructo, & lieni noxia sunt, in primis in scirrhis affectibus, & phlegmone: ac hypochondria inflant, & facile in bilem mutantur. Pulmonibus autem sunt utilia; fauciumque & gutturis asperitatem leniunt: neque nimis calida sunt, neque caput tentant, aut nervos feriunt. Quæ pleraque docuit Hippocrates, 2. de rat. vict. in ac. 1. 2. dum ait: *Vinum dulce vinosum minus caput grauatur, minusque mentem ferit, atque quoniam alio per intestina facilius descendit: lienem tamen,*

Vini differentia.

Saporis in vino consideratio.

iecurque tumefacit, picrocholisque nullo pacto est idoneum. Nempe his sitim facit, superius intestinum inflat. Vina austera inter omnia vina calorem debiliorem habent, in ventre diutius morantur; neque facile venas permeant, & ad vias urinæ penetrant. Itaque ventris fluxionibus commoda sunt: modò non calorem ventriculi nimis debilitent, coctionem lædant, flatus generent, & hoc modo ventrem conturbent: verum thoracis pulmonisque affectibus incommoda. Spiritum enim detinent. Optima vina sunt, quantum ad saporem, quæ media sunt, nec planè dulcia, nec planè austera. Ratione odoris non parua est vinorum differentia, atque odor bonus fragrans vinum non parum commendat, vinique boni & quod spiritus augere, vires collapsas & languentes etiam olfactu recreare, & subito reficere, animumque exhilarare, & totum corpus, omnesque facultates roborare possit, odor fragrans nota est. Tale vinum est, quod Græcis οἶνος οἶνος, vinum vinosum appellatur; cætera quidem optimum, & cordi valde amicum, spiritulque recreans, atq; inprimis senibus utile; nisi quod caput replet, nervosque ferit. Inodora verò vina omnia viliora sunt, nec eam perfectionem, quam fragrantia, adepta sunt. Quapropter à ventriculo nec ita avidè arripiuntur, nec tam facile coquuntur, nec etiam tam aptum alimentum, spiritibusque generandis materiam suppeditant neque cordi tantum robur addunt, neq; corpus ita recreant. Quæ verò alienum aliquè odorem habent, siue ex corruptione, siue ex doliis, siue ex rei alicuius additione, qualia sulphura, omnia noxia sunt. Ex colore quidem non ita euidenter de natura vini iudicare licet, ut ex sapore & odore. Aliquam tamen inde coniecturam sumere licet. Vina enim alba fulvis & flavis minus calefaciunt. Sed tamen alborum quædã est differentia. Quædam enim sunt aquosa, & præter albedinem substantiæ habent tenuitatem, & minus potentia sunt. Talia minus caput tentant, urinas mouent, biliosisque naturis sunt conuenientiora. Quædam tamen inter vina, quæ alba sunt, reperiuntur, quæ substantiæ tenuitate ac claritate aquæ tam similia sunt, ut visu ab ea dignosci vix possint, quæ tamen vina generosa sunt, & valde calefaciunt. Etsi enim Galenus, *de vi&e. rat in ac. 7.6.* ubi Hippocrates vini albi vinosi meminit, nullum vinum album valenter calefacere posse scribat; tamen experientia testatur, reperiri vina alba satis calida, & quæ forsan non minus, quàm quædam flaua calefaciant. Albis opposita sunt nigra, quæ omnia sunt crassioris substantiæ, pleraque dulcia, & maximè nutriunt; sanguinem tamen crassum minusque laudabilem gignunt, obstructions faciunt, diuque in visceribus hærent, & multis vaporibus caput replent; atque adeò iis, quibus venæ mesaraicæ & hepatis obstrui solent, minus commoda, omniumque ferè vinorum nigra insaluberrima, præcipue si ætas accedat, atque verustate crassiora reddantur. Crassum enim sanguinem generant, mentem perturbant, & oculis nocent. Inter alba & nigra media sunt fulua, flaua, heluola, rufa. Fulua albis proxima sunt, & si tenuitas substantiæ accedat, optima sunt, qualia sunt Rhenana, cordi roborando, viribusque instaurandis aptissima. Cretica quoque vina cor roborant, & colicis doloribus ac ventriculo flatibus molestato sunt utilia. Rubra vina plerumque non adeò magnam calefaciendi vim habent, bonum sanguinem generant nec caput grauant. Si tamen crassioris paulò sint substantiæ, hepati & lieni, propter obstructions, quas parere possunt, non adeò commoda sunt. Inter vinum album & nigrum, vel potius inter album & rufum medium est heluolum, quod & ipsum non adeò calefacit, nec capiti nocet. Verum cum hisce plerumque peculiaris substantiæ modus concurrit. Tenuitas enim inprimis inest aquo-

so & albo; hinc fuluo & flauo: crassities nigro & rubro. Crassa quoque sunt dulcia & austera. Non autem parum refert discernere tenuitatem & crassitiem in vino. Tenuia enim facile penetrant, & ubi subita virium refectione opus est, commodissima sunt; meatus aperiunt, sudores ac urinas mouent, atque urinarios meatus purgant; paucioris tamen sunt nutrimenti. Crassa verò plus nutriunt: sed & diutius in partibus detinentur, easque magis calefaciunt, ac liccant, ac sæpe etiam obstructions pariunt. Non parum quoque vina secundum ætatè differunt. Mustum crassum est & flatuosum, colicà gignit, urinæque excretionè impedit: aluum tamen laxat, atq; nisi hoc faciat, eò magis noxium est. Vinum nouum, & quod musteà adhuc dulcedinè habet, non facile in corpus distribuitur, excrementosum est & fluctuationes in corpore parit. Vetusta verò nimium nervos ferunt, caput tentant, ac plurimo vapore replent, corpusque nimium calefaciunt. Quod ætate mediū est, eius vsus ad omnia comodior. Ætate enim calor vini sese magis semper exferit; minus efficax est in recenti, magis in media ætate, efficacissimus in annoso. Qua in re tamen secundum naturam vini est magna differentia. Quædã enim sunt potentia & vinosa, quæ vehementer calefaciunt, stomacho refrigerato sunt utilia, coctionemque valde adiuuant, & pituitosam materiam absumunt; verum caput tentant. Alia sunt imbecilliora, quorum vires in omnibus sunt debiliores. Alia medio modo sese habent. Atque alia ætatem ferunt; aliorum vires citius expirant, & tandem acescunt, vel in vappam abeunt. Porro cum tot sint vinorum differentia: facile hinc patet, non omnia æquè esse salubria; neque omnia omnibus æquè conuenire. In vniuersum tamen ea vina optima sunt, quæ saporem habent medium inter dulcem & austerrum; sunt odorata & fragrantia, clara & fulua nonnihil; neque crassa, neque tenuia nimis, ad tenuitatem tamen nonnihil accedentia; neque nimis potentia; neque nimis debilia; ætatis mediæ. In iis verò locis, ubi vberior vini prouentus non est, inprimis Septentrionalibus, familiarissimus potus est Cereuisia, quæ ex tritico vel hordeo, ac lupuli floribus coquitur; quam idcirco inscriptio Epigrammatis, quod *lib. 1. epigram. Græc.* exstat, οἶνος ἀπὸ κριθῶν, vinum ex hordeo nominat. Etsi autè Iulianus eo epigrammate cereuisiam exagitet; & verum sit, vinum esse potum præstantiorem, quàm est cereuisia; tamen experientia testatur, & hunc potum satis commodum esse, ac populos, qui eo vtuntur, robore, pulchritudine, corporisque bona constitutione iis, qui tantum vinum bibunt, vix cedere. Etsi enim hordeum frigidum sit: tamen ex maceratione & fermentatione quasi, qua incalescit, ut germinet, deinde ex tostione, atque inprimis ex lupulo addito calorem acquirit; quem & sapor arguit acrior, ac nonnunquam amarior. Vnde & cereuisia non minus inebriat, quàm vinum, spiritusque ex ea calidissimus destillatione elici potest. Crassioris est substantiæ, quàm vinum; sanguinem bonum generat, etsi non eiusdem præstantiæ, ac is, qui ex vino generatur. Nam quod eam nonnulli prauis succi esse scribunt, & quod de zytho scriptum reliquit Dioscor. *lib. 2. c. 80.* elephantiasin facere, id hodie cereuisiæ magis tribuendum esse nonnulli putant: vix tolerandum videtur: cum experientia testetur, in pluribus regionibus, ubi cereuisiæ potus est familiarissimus, vix aliquem elephantiasin laborantem spectari. Et si aliquibus in locis, ubi cereuisia potatur, plures elephantiasin laborant; id non tam cereuisiæ, quàm victui prauo, vel aliis causis adscribendum est. Nam unde succi prauitatem contraheret cereuisia; cum vim nutriendi à tritico vel hordeo habeat quæ in aquam, in qua coquuntur, omnem substantiam alimentalem

Odor vini.

Color vini.

mentalem deponunt, ut nihil nisi glumæ relinquantur, durabilitatem verò inprimis à lupulo accipiat, cuius vis ubi euauit, & ipsa corrumpitur? Verùm in genere de cereuisiæ natura vix multa dici possunt, cum tam magna sit cereuisiarum differentia. Aliæ enim ex tritico, aliæ ex hordeo, aliæ ex tritico & hordeo mixtis coquuntur: in nonnullis frumentum ad ignem torretur, in aliis solùm æstiuo calore exsiccatur: alij plus, alij minus frumenti vel lupuli accipiunt: alij recentem & quasi temporariam, alij non nisi defecaram bibunt. Quibus accedit aquarum, è quibus coquitur, diuersitas: & coquendi ac parandi modus aliis aliis; ac quod alibi in vasis picatis, alibi in non picatis asseruatur. Quæ omnia non pauciores forsan cereuisiæ, quàm vini differentias constituunt, atque inde varij prodeunt variarum cereuisiarum effectus, quod aliæ magis nutriunt & humectant, aliæ minus; nonnullæ vrinas cient, aliæ aluum laxant, aliæ obstructions pariunt, aliæ flatu gignunt. Nam quæ ex tritico coquitur, plus nutrit, quàm quæ ex hordeo, atque etiam plus calefacit & humectat, præcipuè cum triticea cereuisiæ plerumque minus lupuli addi soleat, quàm hordeaceæ. Quia autem triticum viscidiores succum habet, quàm hordeum: etiam cereuisia triticea succum viscidiorum generat, facilius obstructions parit, inprimis si non satis sit defecata, vrinam non ita ciet, sed aluum laxat. Hordeaceæ propter hordeum quidem minus calefacit, sed quia plerumque plus lupuli ipsi additur, non paruam calefaciendi, præcipuè verò siccandi vim acquirit, minus nutrit, succumque præbet tenuiorem, magis est diuretica. Quæ ex hordeo & tritico mixtis coquitur, mixtam habet naturam. Quæ ex frumento non tosto, sed saltem calore Solis siccato coquitur, plus humoris excrementitij obtinet, & non raro obstructions in angustioribus venis & asthma parit. Quò plus lupuli additur, eò plus siccatur, sed ferè minus nutrit, non faciliè obstruit, vrinasque magis mouet. Recens omnis insalubrior: inprimis si turbida sit. Talis enim meatu obstruit, atque inprimis colicis & calculosis noxia est. Defecatio verò salubrior est. Maximam autem diuersitatem accipiunt ab aquis. Nam cum aquarum vbiuis locorum maxima sit diuersitas; & cereuisia nihil aliud sit, quàm aqua, hordei vel tritici, ac lupuli viribus imprægnata: fieri non potest, quin aquæ vis in cereuisia remaneat. Quapropter qui de natura alicuius cereuisiæ rectè iudicare vult, inprimis aquæ, è qua coquitur, naturam diligenter æstimet. Hinc etiam peculiare proprietates nonnullarum cereuisiarum procul dubio ortum habent. Ad quam rem tamen nonnihil coquendi & parandi modus facit. Hydromel antiquis etiam in vsu fuit, potus ex aqua & melle. Hodie inprimis in Lituania ex melle potus genus conficitur, aromatibus additis, quod & Sarmacis ac Muscovitis in vsu frequens est, quod Medonem vocant: quod tam vinosum non solùm saporem, sed & calefaciendi atque inebriandi vim non raro habet, ut cum præstantissimis quibusque vinis certare possit. Imò plerumque plus calefacit & siccatur, quàm vinum, non solum ob mel, sed & ob aromata addita. Faciliè verò ob mel in bilem abit, & proinde biliosis corporibus commodus potus non est. Paratur & alibi hodie tale potus genus, sed id plerumque dilutius & ignobilius est, minùsque calefacit & siccatur. Tandem etiam non solum ex pomorum & pyrorum succo potus quidam, vinum nonnihil æmulantes, sed & in quibusdam locis ex aliis etiam rebus parantur; id quod cuiusque loci incolæ necessitas & occasio docuit. Factum enim Creatoris singulari prouidentia, ut iis in locis, ubi vites defunt; aliæ fruges & plantæ copiosius proueniant, quæ non solum cibum,

sed & potum incolis suppeditant. Verùm cum tales potus vel exoleuerint, vel minus frequentes sint, vel quibusdam tantum regionibus peculiare: pluribus de iis hinc tractare operæ pretium non videtur.

CAPVT V.

De Animi affectibus, Corporisque Motu & Exercitiis.

ANimi quoque perturbationes & affectus in conseruanda sanitate non paruam vim habent; imò tantam, ut non solum corpus à naturali statu in morbum conuicere, sed & repentinam mortem interdum afferre queant. Ac proinde Medici fuerit diligenter in eorum, quorum cura sibi concredita est, affectus inquirere, & si quos vehementiores adesse animaduertat, eos, quantum potest, corrigere, & si quid mali sanitati afferre possint, ostendere. Etsi autem animi affectus in toto corpore non paruam mutationem efficere possint; tamen illud membrum inprimis & maximè afficitur, quod primò in affectibus mouetur, & quod caloris natiui, quo facultas *συναισθησις*, ut instrumento, in affectibus utitur, fons & officina est. *Εὐθυμία* autem & animus sedatus ac tranquillius ad sanitatem tuendam inprimis facit. In statu enim naturali corpus conseruat, nihilque nouat ac mutat. Postea sanitati corporisque naturali constitutioni conseruandæ aptissimus, corporique nostro inprimis amicus affectus est moderatum gaudium. Etenim cor, spiritus, totumque corpus recreat. Nimum autem si sit, spiritus nimium dissipat & diffundit, unde quosdam ex nimia lætitia subito extinctos esse, historiæ testantur. Deinde ad corpus afficiendum, magnasque in eo mutationes efficiendas, promptissimi & efficacissimi affectus sunt tristitia, timor & ira, de quibus in causis morborum dictum. Corporis motus atque exercitia, & his opposita quies ac otium, non minorem ad sanitatem tuendam vim habent. Motus quidem tres inprimis utilitatem affert corpori. Primò membrorum quandam soliditatem & duritiem ex mutua attritione affert; Deinde calorem natiuum auget: Tertio spiritus mouet & agit. Ex quibus alia sequuntur commoda, nimirum *συνάθεια* quadam & talis corporis status, qui non faciliè externis iniuriis est obnoxius, sed ad omnes actiones obeundas aptus. Ex caloris quoque augmento fit felicior nutritio: atque ex spirituum motu atque agitatione vapores & excrementa discutiuntur, & per cutis meatu expurgantur. Contra quæ in orio viuunt corpora, mollia sunt ac tenera, & laboribus exercitiisque perferendis imparia. Namine autem motus omnis generis labores atque exercitia complectimur, ut sunt saltus, cursus, pilæ lusus, gestatio, vectio, equitatio, nauigatio, ambulatio concitator, frictio & similia, quorum plurima apud antiquos in vsu fuerunt; hodie verò pleraque in desuetudinem abierunt. Nam de puluere & oleo gymnastico ne vestigium iam reliquum. Neque etiam vsitata satis est illa frictio, quæ senibus, & iis, qui sedentariam vitam agebant, loco exercitij adhibebatur. Porro diuersa exercitia diuersam vim habent, atque alia alias partes magis exercent. Cursu potissimum crura exercentur; ut & ambulatione: armorum tractatione, ut & remigatione, brachia & partes superiores: cantus, vociferatio, clara lectio thoracem & fauces magis exercent. Vniuersum verò corpus, crura nimirum, brachia, ceruicem, caput, oculos, dorsum, commodè exercet parua pilæ lusus. Quod exercitij genus propterea, ut ad sanitatem conseruandam aptissimum, valde com-

Cor inprimis in affectibus patitur.

Gaudium.

Motus corpori quid utilitatis afferat.

Motus generis

Exercitiorum vis.

mendat Galenus libellumque peculiarem de parua pilae lusu scripsit. Non tamen idem planè lusus fuit paruae pilae, de quo Galenus, cum eo, qui hodie vlitatus est. In illo enim erant palæstrici complexus frequentes, collique prehensiones, quorum neutrum hodie in nostro pilae lusu adhibetur. Optimum autem exercitium est, & ad sanitatem tuendam commodissimum, quod omnes partes æqualiter exercet: huic proximum, quo omnes quidem partes mouentur, sed non æqualiter: leuissimum est, quod vnam saltem partem exercet. Est quoque secundum vehementiā & magnitudinem quædā in motu diuersitas. Celer dēsat & attenuat corpus; tardus rarefacit & augeret carnē. Vehemens extenuat corpus & gracile reddit, simul tamen durum, vegetum & firmum. Motus nimius, & qui modum excedit, spiritus & solidarum partium substantiam exhaurit ac dissipat, totumque corpus refrigerat, musculorum, neruorum ac ligamentorum robur dissoluit, membranas interdum aded laxat & distendit, vt cedant partibus, quas continent, minoresque venulas non raro rumpit.

CAPVT VI.

De Somno & Vigiliis.

VT viribus, ita ordine proximè succedit motui & quieti somnus & vigilia: cum somnus nihil aliud sit, quàm quies & cessatio sensuum; vigilia verò actus & exercitatio eorundem. Vtitur autem anima in actionibus perficiendis spirituum opera; ac proinde in vigiliis spiritus ab interioribus ad exteriora sensuum organa mouentur. Hinc moderatæ vigiliæ quidem spiritus ac sensus excitant ac vegetiores reddunt; spiritus & calorem in omnes corporis partes distribuunt, alimenti distributionem adiuuant, excrementorumque propulsionem promouent. Immoderatæ tamen si sint vigiliæ, spiritus absumunt & dissipant, inprimis animales, & vniuersum corpus, inprimis cerebrum, exsiccant; bilem augent, aciunt & inflammant, & morborum calidorum febriumque sæpe causa sunt. Tandem verò, calore dissipato atque absumpto, morbos frigidos excitant. Somnus vigiliis opponitur. Cum enim diurnis exercitiis atque laboribus homo defatigetur, viresque deiciantur, & continuis intelligendi, sentiendi, mouendique laboribus spiritus, inprimis animales, dissipentur: indulta est homini nocturna quies, somnusque commodissimum lassitudinis remedium. Ex somno enim moderato plurima redundant in hominem commoda. Vires defatigatæ refo-cillantur, spiritus laboribus diurnis dissipati instaurantur, calor ad interiora reuocatur, & vt Hippocrates, 6. Epid. comm. 4. text. 14. docet, euidenter vigilantes calidiores exterius, interius autem frigidiores; dormientes contrarij apparent. Vnde alimentorum crudorumque humorum in toto corpore coctio feliciter perficitur atque in vniuersum omnibus partibus, inprimis visceribus, in somno bonum alimentum paratur, corpusque suauiter humectatur; vnde idem Hipp. non sine causa scripsit, 6. Epid. com. 5. t. 10. *somnum visceribus cibum esse.* Ex concoctis enim, recteque per somnum confectis cibis melior & copiosior sanguis generatur: sanguine aucto calor augetur, atque ita totum corpus validius redditur & roboratur; per eundem curæ tolluntur, ita sedatur, animusque tranquillior & serenior euadit. Idem immoderatas euacuationes, præter sudorem, supprimit; senibus inprimis commodus est somnus, & vix aliud est, quod senectutis siccitatem ita humectare possit, quàm somnus. Atque hæc commoda non solum sani, sed & ægri percipiunt; siquidem per somnum vires valde reficiuntur, alimentum coquitur, excrementitij humo-

res elaborantur & separantur, dolores sedantur. Immoderatus autem somnus corpori non parum nocet, spiritus obscurat & torpidos reddit, mentique & memoriæ quasi segnitiam & stuporem conciliat, caloremque crudis humoribus cumulatis, & superfluis cohibitis, euacuationibusque suppressis, obtundit, & quasi ignem, qui nullo modo ventilatur, torpere facit. Somnus etiam corpus exsiccat, & extenuat, atque inter vacuantia præsidia numeratur, qui nimirum corpore seu medicamentis, seu inedia, seu balneo, seu exercitiis inanito initur. Natiuus enim calor per somnum ad interiora reuocatus, si cibum, quem concoquat, non inueniat, vtilem partium corporis solidarum humiditatem absumit, atque ita corpus exsiccat atque extenuat. Hinc Galenus 13. meth. med. cap. 15. otiosis non statim à balneo sed interposito somno cibum exhibere præcipit, de quo etiam 6. de tuend. sanit. cap. 7. & de somno post inediam Hippoc. 2. de victus ratione. Somni, inquit, *ieiunum attenuant & refrigerant, humidum, quod inest, euacuantes. Qui vero longiores sunt, plus calefaciunt, carnem colliquant, & corpus diffundendo resoluunt atque imbecille reddunt. Satura autem calefacientes humectant, & alimentum in vniuersum corpus diffundunt.* De somno verò post exercitium, ibid. scribit: *A matutinis deambulationibus somnus omnium maximè siccatur.*

CAPVT VII.

De Balneis.

DE Balneis seorsim hoc capite agere libet, quòd eorum non minor, quàm aeris ambientis, corpora alterandi vis sit, hominesque iis non raro vti soleant. Romano populo aded frequens fuit balneorum vsus, vt Imperatorum etiam curam præcipuam ad se traxerint; sumptusque in balnea maximos Romani impenderunt. Plus autem artificij est in balneo, quàm in aëre. Aëre enim ferè, qualis nobis offertur, vti oportet: aquæ autem qualitates artificio temperare licet; & prout variè temperantur, ita variam corpora nostra alterandi vim habent. Vis humectandi quidem est in omnibus aquæ dulcis balneis; sed in calefaciendo & refrigerando non eadem vbiq; facultas. Temperatam aquæ dulcis balneum poros cutis aperit, sese per eos insinuat, partesque emollit ac rarefacit, & si quid excrementi in ambitu corporis fuerit, illud discutit, squaloremque & siccitatem partium emendat; vnde lassitudinem tollere, membræque ex labore defatigata reficere valet. Et cum membra humectare, ac humores fundere soleat, eius vsu partes turgere incipiunt. Verum si diutius continuetur, illud, quod liquatum quasi & fufum est, iterum discutit, vnde partes rursum corrugantur, & proinde si quis diutius tali balneo vtatur, virium dissolutionem sentiet; & tandem quoque in animi deliquium incidet, & quidem id multò magis sentietur à calidioris aquæ balneo. Talium enim aquarum balnea minus humectant, sed plus calefaciunt. Tepida autem si sit aqua, iam versus frigus vergit, corpusque nonnihil refrigerat; neque eam, quàm temperatæ aquæ balneum, partes rarefaciendi & excrementa discutiendi vim habet. Frigida verò aqua partes quidem, quas attingit, refrigerat; ex accidenti tamen, poris conclusis, atque intrò repulso & coacto calore, calefacit. Vnde si ex dissipatione calor natiuus periclitatur, frigida tempestiue adhibita eum recolligendi & conseruandi non paruum vim habet, totumque corpus, & inprimis carnosam musculorum substantiam firmat. Notandum autem, quòd balnea non raro, atque inprimis insuetos, sæpe grauius lædunt; vt & plethoricos, & qui crudis humoribus referti

Vigilia.

Somnus.

Calid
facultTepidu
balneu

Frigida

Balnea
bus non

referti sunt. Sunt & iis noxia, qui catarrhis obnoxij sunt, & inflammationibus aut erysipellate corripuntur. Porro balneis frequentius Romani utebantur, & sæpe eodem die bis lauabant: unde & in balneis construendis & apparandis maiorem adhibebant laborem & diligentiam. Erant autem, ut ex Galeno, 10. *metb. med. cap. 10.* patet, partes balneorum quatuor. Primò ingredientibus balneum versabantur in aëre calido; postea in aquam calidam descendebant: mox ab hac egressi in frigidam postremò sudorem detergebant. Prima enim vltima pars aërem calidum continebat: secunda & tertia aquam; illa quidem calidam, hæc frigidam. Hæ quatuor partes tribus locis seu domiciliis concludebantur. Prima domus seu primus locus erat ἀποδυστήριον, in quo exsuebantur loturi, aëremque continebat hic locus tepidum. Hinc vestibulis nudati ingrediebantur in locum secundum, qui iam erat calidior, aëremque solum ex igne subiecto calefactum continebat, Laconicumque appellabatur. In quo si aliquid etiam humiditatis experebant, ex aqua calida è solio effusa, ut loca omnia præterflueret, id assequebantur. Hac in balnei parte totum corpus calefiebat aëre calido, non solum per inspirationem attracto, sed & per poros corporis sese insinuante; humores fundebantur, cutis rarefiebat, & excrementa, si quæ circa eam erant, discutiebantur, sudoresque excitabantur. In tertia domo seu loco reliqua omnia peragebantur. Nam in ea & calidâ & frigidâ utebantur; & tandem sudores abstergebantur, nisi forsan in reditu ad secundum locum id factum. Adhibebant quoque vñctiones & ante, & post balnea, ut passim ex Galeno patet. De vñctione ante balneum agit, 2. *de simpl. med. fac. cap. 24.* in quo finem & modum eius vñctionis monstrat. Nam cum docuisset, oleum viscositate sua meatus infarcire, & prohibere effluxum intus vaporosi caloris, corporisque exsiccationem, addit: *has itaque vires eius cum homines omnes experientia compertas habeant, quos largius sudare volunt, siue à balneo, siue balnei expertes, iis non protinus ab initio oleum admovent: verum in iis, qui morbo laborarunt, ubi sudare inceperint, tum excalescentem perfundunt. In iis verò, qui etiamnum laborant, ubi abunde iam satis sudarint. Porro in sanis siquidem ex longo itinere, aut exercitatione, aliòve quouis pacto corpus ipsis exhaustum est, iis inungi & ante sudorem permittunt. Verum quibus cruditas est, aut qui corpus plenum habent, quod πλεονεξία vocant, his neque in balneo inungi concedunt.* De inunctione verò post balneum scribit, 7. *meth. med. cap. 6.* *ungen- dum oleo post lavacrum est, ne videlicet, quod intumuit, corpus plus iusto digeratur; sed obstruantur exigua cutis spiracula.*

CAPUT VIII.

De Excretis ac Retentis, & Venere.

Non sine causa Hippocrates, *de flatibus*, dixit: Medicinam esse appositionem & ablationem; appositionem scilicet eorum, quæ defunt; ablationem verò eorum, quæ excedunt. Cum enim indies aliquid de corporis nostri substantia absumatur, cibo & opus est. Quia verò ea, quæ eduntur & bibuntur, talia planè non sunt, quale id, quod absumitur: coctione cibis & potus elaboranda, atque in vtilia corpori alimenta conuertenda sunt. Tota autem in alimenta verti nequeunt. Quapropter vtilia ab inutilibus separanda; vtilia retineri, excrementa excerni debent. Quod si fiat, & quæ retineri debent, retinentur; quæ excerni, excernuntur: in naturali ac sano statu facillè corpus conseruatur. Si verò, quæ in corpore retineri debent, excernantur; aut si, quæ


excerni oportebat, retineantur: sanitas periclitatur: Quapropter Medicus quoque τῶν ἐκκρινουσῶν, καὶ ἐπε-
χομῶν, excretorum & retentorum (ita enim hæc doctrina commodius, quàm ut nonnulli appellant, de repletionem & inanitionem, nominatur) rationem habere debet. Ut autem coctiones in corpore plures sunt, prima scilicet, quæ fit in ventriculo; altera, quæ fit in hepate; & tertia, quæ in singulis membris perficitur: ita & plura generantur excrementa, feces alui, vrina, bilis, melancholia, fuliginosa excrementa, sordēsque cuti adhærescentes, & sæpe sudores, quæ in publicis coctionibus generantur: & præter hæc alia quædam, quæ in priuatis coctionibus proueniunt, ut quæ ex cerebro per palatum & nares nonnunquam eiiciuntur. Hæc igitur si rectè excernantur, non parum ad sanitatem conseruandam id facit: si verò vel retineantur, vel intempestiuè eiiciantur, non parum eam immutant. Excrementa quidem alui, nisi debito tempore euacuentur, coctionem impediunt, dum ex iis vapores putridi ad ventriculum vicinasque partes exhalant. Caput quoque debile imprimis lædunt, & reliquis partibus molestiam creant: flatus inde excitantur, dolorēsque colici & alia mala oriuntur. Cita nimis alui deiectio etsi sæpe commodi loco potius, quàm incommodi habenda, dum natura, ubi leuior aliqua in ventriculo facta est humorum corruptio, mox sese exonerat, aut ex reliquo etiam corpore natura fortior vitiosos humores per aluum sponte expellit, & multorum morborum causas non raro auertit: tamen si frequentius aut diutius tale quid accidat, (Nam ubi, Naturâ rectè agente, alui sponte laxior est, non diu durat illa euacuatio, sed Natura onere liberata, mox à motu illo desistit) corpus necessario alimento defraudatur & contabescere incipit, vires deiciuntur, & non raro intestina inde debilitantur atque abraduntur. Vnde henteria, dysenteria, tenesmus atque alia mala proueniunt. Eodem modo si vrina debito tempore excernatur, corpori id vtile & commodum est; si verò citius iusto excernatur, atque imprimis si diutius retineatur: non parum damni affert. Non enim solum vesicam partēsque vicinas grauat, sed sæpe vesicam adeò replet & distendit, ut postea contrahi atque vrina expelli non possit; unde interdum vesicæ inflammatio sequitur: imò mortis causam hac ratione quibusdam fuisse, ex intempestiuo pudore in conuiuiis, vrinæ suppressionem diuturniorem, experientia docuit. Quod si renes serosam humiditatem ad se non traxerint, permixta cum sanguine manet, & in totum corpus distribuitur, unde cachexia & hydropi causa suppeditatur. Eadem ratio est reliquorum excrementorum. Hæc enim communis Naturæ lex est: Excrementa esse eiicienda, ut alimentum corpori ex omni parte purum suppeditetur. Quod si fiat, nutritio quoque rectè fit, corpusque vegetum, bene coloratum, & omnino sanum euadit. Si verò eadem detineantur: alimentum inquinatur, tandemque morbi excrementis suppressis cognari succrescere solent. Denique hoc loco non prætereunda videtur Venus, in qua seminis fit excretio. Etsi enim semen excrementum propriè non sit: tamen suo modo ad excreta & retenta referri potest, utpote, quòd à corpore deciditur & emittitur. Oriuntur autem ex seminis intempestiuæ retentione quædam commoda & incommoda; & propterea veneris, dum de tuenda sanitate agitur, quædam facienda mentio. Eam tamen hîc solum venerem intelligimus, quæ ad generis humani, legitimo & diuinis legibus concessio modo, propagationem tendit. Neque enim conseruandæ sanitatis gratiâ illegitima veneris aut libidine opus est, sed simul vterque finis coire & coniungi potest, ut scilicet & liberis opera detur, & sanitatis corporis habeatur ratio: Ni hilque sanitatis conseruandæ

Alui excrementa.

Vrina.

Venus.

uandæ gratia tentare opus, quod legibus diuinis sit contrarium: Creatorque homini tantum & hac in re indulget, quantum ad omnia, quæ sanitati obesse possunt, euitanda est necessarium. Cum enim semen intempestiuè retentum corporis totius grauitatem & torporem inducat, & si corrumpatur, grauissima accidentia, qualia hystericiis fœminis euenire solent, excitet: tempestiua & legitima venere omnia ista euitare licet. Venus autem nimia calorem natium dissipat, corpus vniuersum refrigerat & debilitat, cruditates cumulat, nervos lædit, arthritidem generat, paralyfin sensuumque & mentis debilitatem inducit.



LIBRI IV. PARS II. De Methodo Tuendæ Sanitatis.

CAPVT I.

*De iis, quæ omnibus ad sanitatem tuendam
obseruanda sunt.*

MATERIA quasi sanitatis tuendæ hactenus enumerata fuit, methodus iam ac ratio tradenda, monstrandumque, quomodo aëre, cibo, potu, motu, quiete, cæterisque istis vtendum, vt sanitas facta recta conseruetur, morbiq; præcaueantur. Qua in re duo præstanda videntur, primò vt communia, quæ omnibus obseruanda sunt, præcepta tradantur, deinde vt, quæ peculiari ter secundum ætates, sexum & temperamenta obseruanda sunt, moneantur. Communia autem illa præcepta pauciora sunt; cum, vt Hippocrates, *de salubri diata*, scribit, vt sani sint homines, oporteat, & ad ætatem, & ad tempus anni, & ad corporum species ac habitus, diætâs constituere. Ideoque pauca quædam in genere trademus: si quæ alia adhuc tradenda sunt, quæ huc spectare videntur, illa in diætâ hominis temperati iam adulti constituenda explicabuntur. Vt enim in aliis Medicinæ partibus, ita & hîc homo temperatus quasi regula constituitur, ipsique diætâ conueniens præscribitur. Ita enim rectius postea, quâ ratione, qui ab illa temperata constitutione deflectunt, regendi sint, perspicui potest. Communissima autem hîc indicatio est, id quod secundum naturam est, esse conseruandum. Cum autem constitutio secundum naturam seu sanitas duplex sit, vna exquisita, altera, quæ ab hac deflectit, quæque neutra constitutio appellatur, vt supra *lib. 1. cap. 3.* dictum: exquisita similibus exactè conseruanda, studendumque, vt nihil contrarij extrinsecus adueniat, quo corpus à naturali statu immutari possit. Quod verò exactè sanum non est corpus, aliqua immutatione indiget, ea tamen parua esse, & paulatim ac moderatè contrariis fieri debet: si tamen genus vitæ & negotia, quibus homo occupatur, id permittant. Hac in re autem commodissima atque omnibus seruanda lex est: mediocritatem semper esse tutissimam: & illud Hipp. 2. *aph. 5* 2. πῶν τὸ πολὺ τῇ φύσει πολεῖται, omne nimium Natura inimicum. Licet enim intemperati per contrariam intemperiem ad statum naturalem reducantur: mediocritas tamen nulli nocet; quod verò nimium est, pluribus noxium.

Quibus addi potest & aliud, 2. *aphor. 50.* *Consuetudo longo tempore etsi deteriora sint, inuictis minus molesta sunt.* Ad quæ quasi communia principia rerum non naturalium dictarum vsum moderari, atque in genere diætâ omnibus conuenientem præscribere licet. Cum autem & sanitas & sanitatis causa, & sanitatis accidentia peculiare indicationes suppeditent, quædam de his in genere dicenda. Sanitatem ipsam primò quod attinet, cum illa in temperie totius corporis & singularum partium simularum, earumque ineffabili proprietate & occultis qualitatibus, in organicarum conformatione iusta, & vtrarumque vnitatem consistat: sanitas ipsa indicat vt totius corporis & singularum partium temperies, naturalis compositio & vnitatem conseruetur. Ideoque corpus temperatum, quia est calidum & humidum, in illo statu conseruandum: minus tamen malus est excessus modicus humiditatis quam siccitatis, sicut etiam minus malus excessus mediocris caliditatis quam frigiditatis. In ætate tamen senili aliqua humectatione opus est: cum senectus veluti morbus siccus sit in homine temperato. Si verò corpus ab optimo statu recedat, temperies calida indicat calidum, vt in eodem statu permaneat; frigida verò vt perfectior fiat. Eadem ratio est omnium partium: hepar indicat calidum & humidum; cerebrum frigidum & humidum, si rectè valeat. Occulta proprietas indicat occulta proprietate iuuantia. Quia in re tamen, vt infra etiam *lib. 5. part. 1. cap. 4.* dicitur, periculosus & perniciosus à multis committitur error, qui appropriata illa, vt vocant, seu occultâ proprietate & vi iuuantia medicamenta sine discrimine exhibent, primasque qualitates nullo modo attendunt. Conseruari enim non solum debet occulta proprietas medicamenti occultâ proprietate & totâ substantiâ, vt loquuntur agentibus, verum etiam temperies conseruari debet. Itaque cum medicamenta illa occultâ proprietate agentia alia sint temperata, alia primarum qualitatum excessum manifestum habeant: temperata illa semper vsurpari possunt; his verò semper sine discrimine vti non licet. Cephalica equidem pleraque calida sunt & siccant, & ad morbos, qui plerumque solent cerebro obtingere, frigidos & humidos, atque vbi nullus adest morbus calidus, conueniunt. In phrenitide verò noxia & lethalia sunt. Ita hyssopus, prassium pectoralia sunt: sed in spûto sanguinis noxia. In genere etiam omnes partes principales imprimis vitales astringentia quædam, ne tonus & robur membri exsoluatur, requirunt. Compositio & vnitatem, cum etiam sint seruanda, vitanda præcipuè ea quæ ipsam possint offendere. Præter hæc omnia tamen ad sanitatem partium conseruandam necessarium est, vt ipsa partium substantia conseruetur. Cum enim illa in continuo effluuiò sit atque aliquid continuo dissipetur: refectio & eius, quod continuè effluit instauratio per alimenta necessaria est. Eadem ratione causæ sanitatis modò planè similia, modò paulum contraria postulant. Ideoque Medicus det operam, ne quid extrinsecus accidat, quod substantiam, quantitatem qualitatem & motum naturalem spirituum, humorum & excrementorum immutare possit. Id quod præstabit, si rectum vsum eorum, quæ corpori necessariò accidunt, instituet, aëris puta, cibi & potus, motus & quietis, somni & vigiliarum, inanitionis & repletionis, animique pathematum. Aërem primò quod attinet, etsi intemperatis aër qualitati excedenti contrarius conueniens sit: tamen temperatis temperatus optimus est nullique constitutioni corporis noxius. Vnde omnibus animalibus aëre verna gratissima est, hoc est, temperata; & ab Hippocrate, 3. *aph. 9.* saluberrima dicitur: etsi secundum ætates

etates aliis aliud anni tempus commodius sit; de quo Hipocrates 3. aphorism. 18. & Galenus in comm. Omnes quoque, quantum fieri potest, aërem purum, nullis inquinamentis infectum, nulloque modo corruptum, ut ad sanitatem conseruandam aptissimum, eligere debent. Aër verò impurus, & qui vitiosis halitibus inquinatus, ac corruptis vaporibus quoquo modo infectus est, nulli commodus est, sed omnibus quantum possibile, vitandus. Inprimis si aliquo in loco aër perpetuò impurus est, vaporibusque & exhalationibus prauis scatet, nemo, qui sanitatem integram conseruare vult, sedem in eo figat. Quod ipsum monet Columella, lib. 1. de re rust. cap. 3. vbi Porcij Catonis sententiâ in emendo inspiciendoque agro præcipuè esse considerata scribit; salubritatem cœli, & vbertatem loci: neque sanum facere debere sumptus in cultura sterilis loci monet; nec rursus pestilenti, quamuis feracissimo & pingui agro dominum ad fructus peruenire. Nam vbi sit cum Orco ratio ponenda, ibi non modò perceptionem fructuum, sed etiam vitam colonorum esse dubiam, vel potius mortem quæstu certior. In primis autem qualitatibus excessus omnes etsi planè euitari non possint, sed necessariò nobis ferendi sint: tamen aliquo modo etiam illi mutari ac corrigi possunt. Aërem nimis frigidum accenso foco alterare licet; in quem finem fornacum in nostris aliisque Septentrioni vicinis regionibus vsus commodissimus est. Contra calidus nimis temperari potest aquâ gelidâ de vase in vas transfusâ, vel per pauimentum sparsâ, vel linteis aquâ frigidâ madidis in cubili suspensis, stratis per ædes rosas, foliis vitis, salicis, floribus nymphææ, aliisque refrigerantibus herbis. Humidus nimis, foco accenso, & suffitibus ex rebus calidis corrigi potest. Siccus aquarum irrigationibus, & herbis humectantibus sparsis emendatur. Inprimis verò ut spiritus conseruentur, cauendum ab aëre impuro & venenato: qui si planè vitari non possit, emendetur gratis odoribus & aliis, quæ de peste præcauenda preponi solent. Secundò quantum ad Cibus & Potum, quamuis vnus & idem cibus omnibus non competat, & cuique suus exhibendus sit, ut postea dicetur: quædam tamen omnibus, quibus sanitas sua curæ est, necessariò obseruanda sunt. Primò enim prauis succi cibi omnibus noxij, nullique vtilis sunt. Ita & diurnus vsus ciborum crassorum, viscidorum, tenacium, frigidorum, durorum, præpinguium atque acrim omnibus vitandus. Ex talibus enim cibus, cum non rectè concoquantur, neque bonum alimentum suppeditent, excrementitij humores in corpore cumulantur: unde varij morbi prouenire solent. Et, ut Hippocrates, de prisca Medicina, scribit: *Ex cibariis, quæ in corpus ingesta homini noxia sunt, eorum quodque aut amarum est, aut salsum aut acidum, aut alio quodam modo intemperatum & vehemens. At edulia, quibus homines copiosè & semper vii consuevere, huius intemperati & excedentis succi minimum habere solent.* Itaque cibus bonus prauo præferendus. Delectationis tamen hîc aliqua habenda ratio, & memoriâ illud Hippocratis tenendum, 2. aphorism. 38. *Paulò peior, sed suauior cibus & potus, meliori, at ingrato præferendus.* Cibos enim suaues ventriculus attrahit auidè, rectè complectitur, & feliciter coquit, ac si quid vitij habent, corrigit. Cibi insuaues etsi boni sunt, nauseam pariunt, neque ventriculus eos rectè complectitur & coquit, unde excrementa colliguntur. Postea consuetudo quoque attendenda, ut idem monet Hippocrates, 2. aphorism. 50. *Consuetudo, inquit, longo tempore, etsi*

deteriora sint, insuetis minus molesta esse solent. Ac quod de cibo dictum, idem de potu quoque accipiendum. Deinde & hoc omnibus obseruandum, ut ea solùm quantitate cibi assumantur, qua vires reficiantur, non opprimantur. Nam si iusta quantitate cibus assumatur, calidum innatum conseruatur, unde sanitas firma & constans, homoque ad omnes actiones expeditior euadit. Si autem ciborum copia calor obruatur, crudi humores cumulantur, & animi ac corporis actiones omnes sunt languidiores, sanitasque inconstans & morbi frequenter oriuntur, & ut Hippocrates, 2. aph. 17. ait; *Vbi præter naturam cibus copiosus ingestus est, morbum inde creari indicat sanatio.* De Animi Affectibus hoc in genere præcipi potest, omnibus dandam esse operam, ut timorem, pauorem, iram, effusum gaudium, similesque vehementes affectus vitent, & contrà moderatam lætitiâ foueant. Excrementorum quoque expulsionis omnibus habenda ratio est, & ut sanitas conseruetur, curandum, ut excrementa quotidie excernantur, ne retenta calorem natium opprimant, putredinem & humorum corruptionem inducant, alimentorumque distributionem remorentur. Danda itaque opera, ut alui feces quotidie bis vel semel certè deiciantur. Nam non parum commodi affert sanitati, si alui sit paulò laxior, multique morbi alui laxioris beneficio præcauentur. Vrina similiter, quoties excerni desiderat expellenda. De reliquis in genere vix multa moneri possunt. Neque enim infantibus, iuuenibus, viris, senibus eadem exercitiorum, somni vel reliquorum, quæ recensuimus, ratio conuenit. Hoc saltem adhuc subiiciendum videtur: cauendum esse de Celsi sententia, ne in secunda valetudine aduersæ præsidia consumantur: nimirum neque purgantibus, neque aliis medicamentis, quæ omnia à calore nostro non possunt superari, sed eum potius mutandi vim habent, temerè vtendum, corpusque iis, vbi opus non est, turbandum vel molestandum: sed præstat corpus moderatè quotidie exercere, ne superflua colligantur; sed discutiantur. Et si quid morbi imminere videtur, vtile est illud consilium Hippocratis: *Quiete & abstinentia multi morbi magni curantur.* De indicatis verò, quæ accidentia sanitatis & actiones partium suppeditant, quod addamus, nihil ferè habemus. Cum enim illa à partium naturali constitutione seu sanitate dependant, eâ seruata, de quo antea dictum, & ipsa rectè sese habebunt. Inprimis danda opera, ut calidum innatum omnium partium seruetur, quod sit moderatè calidis, modicè adstringentibus, & iis, quæ occultâ proprietate partis cuiusque calidum innatum occultasque proprietates conseruare valent.

Quantitas.

Animi affectus.

Excreta.

CAPVT II.

De cura Fœtus nondum editi, & Diætâ Pregnantium.

His itaque in genere præmissis; quæ cuiuslibet sanitatis gradui diætæ ratio conueniat, in specie explicandum. Cum enim, ut supra libro 1. capite 3. dictum, sanitatis quidam gradus sint, ita etiam methodi tuendæ sanitatis plures partes sunt, nimirum *eventum* seu optimi corporis status conseruatrici; *utrumque* nomine generis ita dicta, quæ sanitatem à perfectissima quidem decli

declinantem, consuetis tamen actionibus sufficientem moderatur; *προφυλακτική*, quæ titubantem iam (neutralitatem decidentiæ appellant) ne in morbum labatur, præseruat; & *ἀναληπτική*, quæ à morbo imbecilles redditos (neutros conualescentiæ nominant) reficit: de quibus ordine dicendum: Et primo quidem quod methodi tuendæ sanitatis eam partem attinet, quæ optimo corporis habitui moderando præficitur, explicanda est ea secundum ætatum differentiam. Vbi tamen quædam, quod antea etiam monui, inferentur, quæ reliquis etiam sanitatis gradibus accommodari poterunt. Placet verò ab ipsis vitæ primordiis exordiri, atque ad senectutem usque progredi. Principio autem hoc notandum, totius sanitatis fundamenta in prima conceptione quasi iaci, & futuræ sanitatis, vel bonæ vel malæ principia à parentibus in fœtum deriuari. Neque enim ex podagrico, epileptico, leproso patre vel matre alia facillè proles, quam podagrica, epileptica, leprosa generari potest. Quam ob rem, ut Fernelius, *lib. 1. pathol. cap. 11.* scribit, *si agricola sementem facturi purum & fœtum semen seligunt, experti frugem malam è marcidis percipi; quanto diligentius id in procreandis liberis obseruandum.* Deinde ubi fœtum in vtero concepit mater, sedulam det operam, ne aliquid detrimenti fœtui accidat, & si omnia ad exactam normam facere non potest, nihil tamen insigne committit, quod fœtui noceat, sed curet, ut is saluus suo tempore in lucem edatur. Aërem, quantum fieri potest, eligat temperatum, atque inprimis fœtidum vitet, sibi quæ à fœtore candelarum extinctarum, sulphure, castoreo, similibusque fœtidis, ut & odore herbarum nimis fragrantium, quales sunt mentha, pulegium, & similes, caueat. Cibos mali succi atque acres non edat: maxime allium: atque inprimis medicatos eos, qui urinam mouere, & nauseam ciere vel sternutationem excitare possunt, vitet. Aromata multa non usurpet: crocus tamen moderatè usurpandus: & cinamomum, inprimis sub finem gestationis, commodè grauidarum cibis admiscetur. Si quid verò ciborum prauorum, quod in pica accidere solet, appetant grauidæ, id non planè denegandum, sed aliquid de iis concedendum. Danda tamen opera, ne de iis, quæ ipsis commoda non sunt, nec de quibuscunque aliis cibis, quorum copia non est, coram grauidis mentio fiat. Quod si cibum aliquem expectat grauida, neque eius particeps fieri possit, atque metuatur, ne aliquid fœtui inde accidat: fœminæ ad id præcauendum aliquid mellis cum nuce moschata exhibere solent. Alij in hunc finem commendant aquam è tenellis vitis foliis, mense Maio destillatam. Alij ex corticibus citri, aurantium, & radice pœoniæ vino maluatico madefactis, & per aliquot dies maceratis destillatam laudant. Solent & alia quædam medicamenta grauidis, ad fœtus confortationem exhiberi, ut pulueres, rotulæ, morsuli, vina medicata atque aquæ destillatæ, ex fragmentis lapidum pretiosorum, margaritis, coralliis, rasura eboris, corticibus citri, cinamomo, croco, ligno aloës, caryophyllis, pomis cydoniis, saccharo rosarum & similibus: vulgòque in officinis in usum parata habentur destillata, nomine Balsami puerorum nota. Possuntque in eum usum trahi confectio de gemmis, diamargaritum calidum; nonnulli commendant amygdalas dulces cum maluatico sæpè comestas. Prodest etiam vinum maluaticum cum pane ventri impositum. Quæ omnia si forsan abortus immineat, etiam usurpari possunt: atque extra tum adhibere vtile est vnguementum Comitissæ appellatum, atque alia, quæ

ad illum modum fieri possunt. Inprimis autem vitent, grauidæ corporis motus & labores vehementiores, & præcipuè primis mensibus, ne abortus concitetur, fœtusque excutiat. Non minus cauendi vehementes animi affectus. Ex subitis enim pauoribus & consternationibus, similibusque affectibus non minus sæpe abortus concitatur, quam ex lapsu, percussione aut alia violenta causa. Otiosa tamen vita quoque non conuenit, ob quam multa excrementa cumulantur, & calor natiuus obruitur: & quidem inprimis conceptionis mensibus, rariùs, sub finem verò & instante iam partu, paulò frequentius & curiosius sese mouere atque exercere fœmina debet. Si purgatione vel venæ sectione opus esse videatur, sequendum præceptum Hippocratis, *aphorism. 29. Prægnantes, inquit, purgabis, si materia turgeat, quadrimestres, & usque ad septimum mensem: sed parciù.* Minore verò & grandiore conceptu cautiùs religiosiusque agendum. Imò post quintum mensem venæ sectio plerumque prohibetur. Verùm ea in re peculiaris naturarum proprietas obseruanda. Experientia enim docuit, quædam fœminas adeò sanguine abundare, ut nisi mox secundo mense sanguis mittatur, abortiant, & fœtus immaturos, vel mortuos edant: refertque Marcellus Donatus, *de histor. medic. mirab. lib. 4. cap. 16.* se duas curasse mulieres prægnantes, in quarum altera abundantia sanguinis quatuor suffocati fuerant fœtus, mense octauo: in altera verò duo, mense sexto. Cum enim iis mense quinto sanguinem copiosè eduxisset, posthac non semel, sed aliquoties fœtus saluos ediderunt. Vbi verò euacuatione opus, vel alius non satis responderet, vix vtendum glandibus & clysteribus, inprimis acrioribus, quæ abortum conciliare, & vterum vicinum molestare possunt. Medicamenta potius usurpentur lenia, manna, scilicet in iure pulli dissoluta & rectè colata: neque inconueniens est rhabarbarum cum passulis drachmæ dimidiæ vel scrupulorum duorum pondere assumptum.

CAPVT III.

De Infantium Diæta, & usque ad annum vigesimum primum.

EDito in lucem infanti antequam mammis admoueat, aliquid mellis puri exhibendum. Nonnulli corallia præparata cum saccharo: alij saccharum penidium cum oleo amygdalarum dulcium: alij aliquid de pomo asso cum saccharo exhibent, quo feces & superfluitates per aluum educantur atque abstergantur, & tum alia, tum illud infantibus familiarissimum malum epilepsia præcaueatur. Videtur tamen ipsa natura hæc in re infantium saluti satis consuluisse. Nam cum lac, quod primis diebus sugendum suppediatur infanti, serosius sit, est alimentum quasi medicamentosum, quod excrementa è primis viis abstergit, infantesque leniter purgat. Deinde lacte & quidem materno rectissimè primò alitur. Neque causa vlla euidens vrget, ut à communi, quam in omni disciplinarum genere docti viri huc usque secuti sunt, sententia recedamus, & alienum lac materno præferamus. Quo enim, quæso, lacte commodius aleretur infans, quam eo, quod ex eodem sanguine, ex quo infans in vtero formatus & nutritus est, generatur? Neque enim idem est, siue matris,

Seminis vitia in Sobolem deriuantur.

Grauidis quæ vitanda.

Fœtum confortantia.

Abortum præcauentia.

tris, siue alterius nutricis lacte alatur infans, modò lacte alatur. Nam licet & nutricis lac non minus lac sit, quàm matris: non minor tamen inter hoc & illud est differentia, quàm est constitutionis ac temperamenti matris & nutricis. Quapropter cum in educatione hominis, in qua multò maior, quàm in aliorum animalium, quæ saltem ob victum vel alios vsus educantur, educatione sit cura adhibenda: non saltem id alimentum est eligendum, quod in vniuersum generi humano conuenit: sed id, quod cuius indiuiduo, & priuatæ cuiusque constitutioni est conuenientissimum. Nullius tamen nutricis lac cum infantis temperamento tantam potest habere conuenientiam, quàm maternum, quod ex eodem, vt diximus, sanguine generatur, ex quo antea in vtero fœtus formatus & nutritus est. Neque solum corporis constitutioni naturæ seruandæ lac maternum magis conuenit, sed & ob animi mores est commodius. Cum enim parentes pij & probi liberos suos non solum facie & forma corporis, sed & ingenio ac moribus sibi similes fieri cupiant: id felicius consequentur, si matres suo lacte eos alant, quàm si nutricibus lactandos committant. Nam licet lac in primis nutritioni inferuiat, non animali facultati: tamen si qualis sanguis, talis spiritus, & rursus animi actiones spirituum naturam imitatur, vt tum ex aliis, tum ex varia actionum animalium, ob spirituum vitia, læsione id apud Medicos notissimum est: si alieno lacte nutriatur infans, nutricis potius mores, quàm matris imbibit. Vt non sine causa Poëtæ homini fero & immiti illud obieciſſe videatur: *λεαίνας μάδον ἐθίλας*, *Leane ubera suxit: &, Hircane admorunt ubera Tigres*. Neque de nihilo est, quod causam, cur Nobilium & splendidioris fortunæ hominum liberi sæpè degenerent, nonnulli ex parte (nam solum nutrimentum huius rei causam esse nemo, opinor, affirmat) nutricibus imputant. Nam bona, honesta & pia nutrix rara auis in terris, sed plerumque meretrices sunt nutrices, bibulæ, rixosæ, lasciuæ, & quæ multò minus, quàm honestæ matronæ, dum lactant, à venere sibi temperare possunt. Atque cum sint mercenariæ, ob mercedem saltem alunt infantes, & non tanta cura animi ac corporis motus, cibum, ac potum, atque alia, quæ infanti obesse possunt, quàm matres, quibus salus liberorum verè cordi est, vitant: Ac si à matribus de suo officio & infantis salute moneantur, etiam monendo plerumque deteriores euadunt. Quæ nutricum negligentia, improbitas, atque amor erga infantes, quos alunt, minus sincerus, aded nota sunt, vt Græcis occasionem prouerbij suppeditauerint, quod exstat apud Aristophanem in equitibus: *καθ' ἑπεί τιτθαι γε σιτίσι κακῶς, quemadmodum nutrices pascis malè*. Qua de causa Conditor sapientissimus non solummodo pauperculis ob extremam necessitatem, sed & laurioris fortunæ fœminis æquè mammas dedit, vt, quæ concipere, fœtumque edere non alio modo, quàm pauperes, solent, editum suis vberibus alere possint. Quod vbi delicatula, vbi nulla vrget necessitas, nescio, quibus de causis, subterfugiunt, à communi quasi Naturæ lege recedunt, atque eo efficiunt, vt postea experiantur, liberorum suorum, quos ipsæ non aluerunt, amorem erga nutrices, quam erga sese esse impensiolem. Quæ tamen omnia de matre sana, neque vitiosis moribus prædita accipienda sunt. Nam si mater sit debilis nimis, aut aliquo morbo detineatur, corpusque *νοσερὸν* habeat, quid faciendum sit, cuius liquet. Neque obscurum est, si mater veneri dedita, aut insigniter malè morata sit, consultius esse, nutricem, si haberi potest, commodiorem adhibere, atque ita cauere, ne vitia illa in infantem deriuentur: sicut aliàs solemus corpora intemperata victui contrario assuefacere. Vnde Hippocratem, lib. de aliment. scripsisse putamus: *γάλα ἄλλότριον ἀσείον, γάλα ἴδιον βλαβερόν, γάλα ἄλλότριον βλαβερόν, γάλα ἴδιον ἀφέλιμον, lac alienum probum, lac proprium*

Dan. Senerji Tom. I.

noxium: lac alienum noxium, lac proprium utile est. Quod etiam de primis diebus, vbi mater adhuc est debilior, atque aliqua humorum adest turbatio, atque lac est impurius & aquosius, facillè concedimus, neque refragmur, vt per aliquot dies honestæ alicuius fœminæ vel nutricis vicaria opera adhibeatur. Neque paucorum dierum spatio insignis aliqua mutatio in corpore infantis metuenda. Sæpe matres, Dei beneficio, sat vegetæ sunt, vt maturius lac bonum præbere possint. Et cum possint, omninò facere debent, neque has molestias detrectare, quæ inter illas, dum grauidæ sunt, & quas partus ac toto educationis tempore sustinent, fortasse sunt minimæ, & à matre, quæ non est *ἀσπύς*, facillè tolerantur. Alendus autem infans lacte ad biennium, vel certè ad menses octodecim; ad cibos tamen alios sensim assuefacere infantem, etiam dum lac adhuc præbetur, non est inutile: modò ij tales sint, qui facillè concoqui possint. Nostros infantes pulmentis ex farina & lacte ali notissimum est. Quia autem, vt vulgò parantur, plerumque viscida sunt, obstructionumque & multorum sæpè morborum causam præbent: plurimi non sine ratione monent, vitandam, quantum fieri potest, visciditatem; ideoque commodiorem infantibus cibum parari ex medulla panis cum iusculo gallinæ alteriusve carnis, ouis sorbilibus, aut certè farina nonnihil in furno prius exsiccata, vt humiditas illa superflua absumatur. Deinde paulatim magis magisque solidioribus cibis assuescat infans. Hoc tamen studio sè obseruandum, vt victus ratio toto primo triennio sit humidior, Hippocr. 1. aph. 16. ac temperamento ætatis conueniat, humidumque ac calorem natium conseruet & augeat, ac omnino corpus ad seruandam per vniuersam vitam sanitatem aptissimū reddat. Cibis itaque bonis alatur; ventriculus tamen eorum copia non grauetur. balneis frequentius vtatur, corpusque crebrò mundetur. Sub septennij tamen primi finem rarior incipiat esse balnei vsus. Non enim corpus amplius ita humectari desiderat. Vbi lauandus est puer, non id mox à cibo & potu fiat. Si tamen famem tolerare nolit (cum ea ætas famis sit impatientissima) panis aliquid ad fallendam famem præbeat, sed non bibat. Potu enim dilutus cibus facilius per balneum crudus è ventriculo in reliquum corpus rapitur, quàm cibus sine potu sumptus. Vinum infantes & pueri non bibant, de quo Plato, 2. de Legib. ita scribit, *Itaque lege sancimus, vt puer vsque ad annum duodeuagesimum vini vsu prorsus ignoret, docentes, non oportere ignem in corpus atque animam suggerere, antequam viri effecti laborem subire incipiant. Furiosum namque habitum iuuentutis cauere oportet*. Quò magis roboratur puer, & ætate crescit, eò magis non solum animus (de quo præcipere alterius loci est) sed etiam corpus exercendum. Cauendum tamen, ne exercitia sint immoderata, ne vel membrum aliquod distorqueatur, vel corpus motu nimio intempestiuè siccitatem & duritiem aliquam contrahat, quæ augmentum corporis impediatur. Somnus quò magis ætas crescit, ita instituendus, vt sensim aliquid de somno detrahatur, vigiliisq; tempus detur longius. Qui enim somno nimis indulgent, segnes ac torpidi redduntur. Secundo & tercio septennio cibi adhuc solidiores præbendi. Videndum tamen, ne nimia siccandi vi humidum, cuius conseruandi maximam curam habere debemus, intempestiuè exsiccetur. Qua de causa minor aliquando, quàm vires tolerare possint, corporis exercitatio esse debet. Et tercio quidem septennio victus ratio cuique vitæ generi conueniens inchoanda est, corpusque hac ætate iis laboribus ac diætæ, quæ toto vitæ curriculo seruanda erit, assuefaciendum. Aliæ vitæ ratio sit studiosi, aut sedentarii aliquod opus facituri: alia militis, aut artem, quæ cum magno labore coniuncta sit, exercitaturi. Etenim horum iam tercio septennio plenior victus esse debet, iisque cibis, qui etiam in non magna quantitate magnam alendi vim

E E e

habent,

Quamdiu lacte alendus infans.

Qui victus primo triennio conueniat.

Vino pueri abstineant.

Secundi & tercij septennij diætæ.

Studioforum
diæta.

habent, assuefaciendi, corpusque maioribus laboribus & exercitiis sumendum, ut postea ad quodcunque laborum genus, & quascunque aëris constitutiones ferendas aptum sit: illis vero minor exercitatio conuenit, victusque minus plenus, minusque crassus. Atque ex istorum genere ij inprimis, qui ad literas animum applicant, studiisque liberalibus dediti sunt, hac ætate spirituum animalium curam habere debent, atque sedulo eniti, ut ij copiosi, puri, & nitidi generentur; quo in omnibus cogitationibus, meditationibus, atque animalis facultatis actionibus expeditiores sint. Id autem assequuntur, si quantum fieri potest, versentur in aëre subtili, puro, claro ac limido. Deinde si utantur victu tenuiore, cibisque non crassis, non viscidis; nec qui multa excrementa gignunt, sed sanguini puro ac laudato materiam præbent. Ex puro enim & bono sanguine, puroque ac subtili aëre, puri ac subtiles spiritus generantur. Præterea etiam danda opera, ut omnia corporis excrementa iusto tempore euacuentur; cum inprimis studioforum intersit, corpus excrementis, à quibus mentis actiones turbari solent, esse vacuum. Atque inprimis cauendum, ne intempestiuis studiis cruditates cumulentur, corpusque fragile ac *voæpdy* reddatur, sed ita animus excolendus, ut & corpus saluum, sartum tectumque conseruetur, animæque commodum domicilium præbere possit, cuius structura ubi perit, totius ille animi thesaurus periclitatur. Sed hæc cum & sequenti ætati communia sint, de iis postea plura dicentur. Veneris ad hunc ætatis terminum vsque nullus usus concedendus. Nam calorem natium intempestiue dissipat, corpus eneruat, frigefacit atque exsiccat, & iustum augmentum impedit, ac præterea voluptatis illecebris mentem distrahit, eiusque actiones hebetat, & vitia in omnem reliquam ætatem transfundit.

C A P V T IV.

De Diæta, Media Aetatis.

Diæta media
ætatis.

QUæ tertium septennium sequitur ætas, per quatuor succedentes septenarios, quartum scilicet, quintum, sextum & septimum, ab anno vigesimo primo ad quinquagesimum, eam pro media habemus. Et proinde de hominis, qui & ratione ætatis, & temperamenti naturalis, medium quasi obtinet, diæta iam dicendum. Nam quatuor horum septenniorum ferè vna victus ratio est; nisi quod quarti septenarij pars dimidia prior, sicut & septimi dimidia posterior, plus cum eius, quam attingit, ætatis victu, quam ætas, quæ verè media est, conuenit. Atque in hac ætate in cibo, potu, laboribus atque aliis maximi errores committi solent, & plurimi sibi crapula & laboribus immodicis, animique affectibus nimis, & similibus mortem accelerant, vel certè molestant & difficilem senectutem accersunt. Errata enim huius ætatis senectus postea luit. Id ne fiat, diligens diæta ratio habenda. Primum cibum & potum quod attrinet, (nam de aëre, præter ea, quæ hactenus dicta sunt, multum amplius dici non potest) in cibo attendenda qualitas, quantitas, tempus sumendi, modusque & similes circumstantiæ. Quæ ciborum sit differentia, & quas habeant facultates ac qualitates, parte priore monstratum est. Ex iis igitur, quantum fieri potest, ij eligendi sunt, qui maximè sunt temperati, nostræque naturæ familiarissimi. Inter quos facile primum locum obtinet panis bene coctus: huic succedunt, nobisque satis familiare alimentum præbent carnes animalium, & quæ ab animalibus petuntur naturæ nostræ conuenientia, de quibus supra dictum. Mox sequuntur pisces, & hinc reliqua. E quibus semper temperati, & naturæ nostræ maximè conuenientes cibi eligendi. Præui verò succi, ut ante etiam monuimus,

Cibi & potus
ratio.

Cibi qui eligendi.

quantum possibile, vitandi. Docuit id Galen. 2. alim. fac. c. 6. *Illud, inquit, perpetuò memoria teneto, quod etiam si quis eorum quiduis, quæ aliis concoctu sunt difficilia, coxerit, succus tamen, qui ex eo in corpus distribuitur, eandem retinet naturam. Nam fieri non potest, ut succus, qui ex pepone distribuitur, crassus ac terreus fiat, etiam si is coctus planè fuerit; quemadmodum nec qui ex lente, aut bubula carne distribuitur, euadat unquam aquosus & humidus, aut quem consistencia tenuem appellant. Id autem plurimum habet momenti, non modò ad sanitatis custodiam, sed & ad morbi declinationem. Et mox, Ob eam igitur causam omnibus prauis succi eduliis censeo abstinendum; etiam si ea quibusdam coctu sint facilia. Nobis enim non aduertentibus prauus succus ex ipsis post longum tempus in venis colligitur, qui postea exiguum ad putredinem occasionem nactus febres malignas accendit. Qui tamen à temperato recedunt cibi, aliis facilius, aliis non ita facile nocent, inprimis ob consuetudinem, cum, ut supra dictum ex Hippoc. 2. aph. 50. consuetudo longo tempore insuetis minus molesta esse soleant, etsi deteriora sint. Itaque in vniuersum obseruandum, in cibo eligendo vnam & eandem cibi ac victus rationem omnibus præscribi non posse. Et quamuis cibus, quatenus cibus, nullum excessum habere debeat: tamen cum & cibi planè temperati pauciores sint, & corpora varia, qualitates quoque & conditiones ciborum, pro variâ corporum naturâ, aliisque circumstantiis, variè esse possunt. Nam à ventriculo ac hepate robusto cibi, qui à debilibus malè, bene coquuntur; confirmatusque calor ventriculi & hepatis, visque in eo quædam quasi ignea, exercitio in primis parata, omnia concoquit, & à cibis durioribus, & coctu difficilioribus parum offenditur; quibus si alius non assuetus per triduum utatur, facile ægrotare incipiet. Vnde Celsus monet homini sano, & qui bene valet, nullum cibi genus, quo populus utitur, fugiendum esse. Quod iis inprimis obseruandum, qui vitam variam necessariò agunt. Hi enim si vni ciborum generi saltè assuescunt, facilius postea offenduntur, ubi aliqua mutatio faciendâ est. Porro hæc & illud explicandum; An commodius sit simplici; an verò vario cibo simul uti. Plerique statuunt, victum simplicissimum esse optimum, & vix aliud magis ad morborum generationem facere, quàm varietatem ciborum in vna mensa. Nam diuersorum ciborum diuersa natura est, quorum alij citius, alij tardius concoquuntur, & dum hi concoquuntur, illi corrumpuntur: vnde varietas ciborum multa mala, quæ cruditates, vitiatamque coctionem, & humorum corruptionem sequi solent, inducit. Deinde cum varietas delectationem aliquam coniunctam habeat, ad repletionem & plus, quàm par est sumendum, eâ hominè inuitari quidam censent. Nonnulli tamè ciborum varietatem non planè reiiciendam esse putant. Nam cum cibus simplex facile satietatem & nauseam pariat, varietas verò delectet; quod autem cum voluptate sumitur, rectius comprehendatur & coquatur à ventriculo: varietas non videtur esse incommoda. Deinde & magna partium in corpore datur varietas, quibus varietas ciborum conueniens & utilis esse videtur. Verùm vtrumque locum habere potest. Nam dum varietas ciborum noxia, & multorum morborum causa esse dicitur, de ea ciborum varietate id accipiendum, cum simul cibi diuersæ substantiæ, diuersarumque facultatum offeratur, quorum alij sunt crassi, alij tenues; alij faciles, alij difficiles coctu; alij calidi, alij frigidi; ut si quis simul carnes, pisces, lac atque alia ingerat. Ex tali enim ciborum varietate & coctionis difficultas, & ciborum corruptio, ut dictum, ortum habet; & proinde quilibet sanitatis studiosus talem ciborum varietatè caueat. At si cibi facultate & qualitatibus non multum discrepent, ut ad eorum coctionem idem ferè calor & tempus idem sit necessarium: nihil prohibet talium ciborum plures vna mensa sumere.*

Vnde

Non
iide
quæ
di.

An
simp
vari
lior.

Vnde non veterum athletarum more pane seorsim, & carne seorsim vescimur; sed panem omnibus cibis admisceimus, & præter panem cibos, inter quos non magna est disparitas, non incommode coniungimus. Nam talis ciborum convenientia pro quadam simplicitate habenda. Atque hæc ciborum varietas maiore cum delectatione sumitur; inprimis si condimenta quoque talium ciborum naturæ respondentia & convenientia accedant. Cauendum tamen, ne copia peccetur: id verò, si fiat, potius hominum imprudentiæ, qui facile voluptati succumbunt, quàm cibi naturæ adscribendum est. Secundò ciborum quantitatis maxima habenda est ratio. Et, ut antè dictum, cibi ea quantitas sumenda, quæ vires instauret, non grauet. Quam, ut Hippocrates, *de præsc. Medic.* scribit, neque pondere, neque numero metiri licet, sed certitudinem exactam aliam non reperies, quàm corporis sensum. Et quidem post cibum coctum non difficile fuerit conicere, an iustus in cibi & potus quantitate modus seruatus fuerit. Nam si sex vel septem à cibo horis ventriculus vacuus reperiatur, famelique sentiatur, & neque ructus, neque odor, neque grauitas aliqua adsit; si somnus non sit turbulentus, nec infestent vigiliæ, si Sole orto caput non sit graue; nec homo somnolentus, sed ad omnia negotia promptus & expeditus, nullusque præterea peregrinus sapor in ore percipiatur: iustam fuisse cibi quantitatem indicio est. Verùm vnde iusta cibi quantitas, dum is adhuc assumitur, æstimanda sit, non ita planum est. Alij tantum cibi assumendum esse existimant, quantum fami explendæ sufficiat. Alij putant, ex illo Hippocratis, *6. epid. comm. 4. text. 22.* ἀσκήσις ὕπνους, ἀκορίν τροφῆς, ἀκορίν πόνον, sanitatis studium est, non satiari cibis, & impigrum esse ad labores, cum reliquiis famis surgendum esse à mensa, ut habet Auicennas, *3. primi, doctr. 2. cap. 7.* Verùm hæc in genere ita definiri non possunt, sed in victus quantitate metienda ad tria inprimis respiciendum, primò ad alimenti naturam, deinde ad naturam corporis vitæque genus ac labores, tertio ad tempus anni cœlique constitutionem. Primò est magna ciborum varietas, cibique difficiles coctu maiore copia ingesti plus nocent, quàm cibi facilioris coctionis. Postea minus incommodi affert, si cibus solum copia peccat, quàm si præterea malam qualitatem coniunctam habeat. Nam si cibus & malam aliquam qualitatem habet, & maiore copia ingeritur, vix fieri potest, quin noceat. Non parua tamen hîc ratio est habenda suauitatis. Nam cum cibum suauem, palatoque gratum, ventriculus auidè arripiat, amplectatur & coquat: etiam maior eius copia faciliùs concoquitur, quàm alterius ingrati longè minor. Deinde naturæ corporis vitæque generis & exercitiorum habenda est ratio. Ventriculus frigidior plus ferè appetit, quàm potest concoquere; ideo qui talem nacti sunt, ferè minus, quàm appetunt, assumant, & cum reliquiis famis à mensa surgant. At qui calidiorem habent ventriculum, cum ferè minus appetant, quàm possint concoquere, non nisi abundè sedata fame, & ut Poëta loquitur, postquam epulis exempta fames, à mensa surgant. Nisi enim hoc fiat, calorque plus absumat, quàm cibo instauratur, corporis moles imminuetur atque attenuabitur. Qui verò temperatum habent ventriculum, cum non plus appetant, quàm possint concoquere, appetitum mensuram quantitatis cibi constituent, & quidem cibum, antequam fames aduenit, non assumant; vbi autem adest, tantum capiant, quantum appetit. Neque enim plus appetit, quàm concoquere possit. Semper tamen commodius est, ut calor paululum cibi quantitatem excedat, quàm ut ci-

Dan. Sennerti Tom. I.

bis quantitate calorem superantibus cruditates cumulentur; & semper ἀκορίν τροφῆς tuta est, atque vtile est, ut homo quidem famem expleat, non tamen exsaturetur, sed cesser, antequam vllus grauari ventriculi sensus oboriatur. Tandem non eadem cibi quantitas iis, qui in otio viuunt, & qui laboribus exercentur, conuenit. Nam qui in otio viuunt, minus digerunt; plus, qui laboribus exercentur. Itaque iis, qui literis dediti sunt, omnibusque, qui non multum exercentur, minor cibi quantitas, quàm appetitus postulat, conuenit: iis verò, qui validius exercentur, cibi quantitas ea, quàm fames postulat, sumenda. De anni tempore scribit Hippocrates, *1. aphor. 15.* Ventres hyeme & vere naturæ calidissimi, & somni longissimi. Per ea igitur tempora plus cibi dare oportet; si quidem plus caloris habent: quo fit, ut copiosiore alimento indigeant. De quo & *3. de dieta* agit, docetque, hyeme esse plus edendum, b. bendum autem parcius; contrarium faciendum æstate. Quapropter cui sanitas sua curæ est, diligenter videat, quæ cibi quantitas sibi conueniat, ne immodica copia calorem natium obruat, & intemperantia ac crapula morbos sibi accersat. Nam, ut ait Hippocrates, *2. aphor. 17.* Vbi præter naturam cibus copiosior ingestus est, morbos inde creari indicat sanatio. Et quilibet illud Hippocratis, cuius antea facta est mentio, perpetuò animo infixum habeat: ἀσκήσις ὕπνους ἀκορίν τροφῆς, ἀκορίν πόνον: sanitatis studium est, non satiari cibis, & impigrum esse ad labores. Quod si quis vel more prauo, vel ciborum illectamentis hîc quid peccarit: id postea corrigendum inedia, aut victu parciore, somno, quiete, vomitu. Hinc rectè Celsus monet, *lib. 1. cap. 2.* Qui bene concoxit, manè tutò surget: qui minus, quiescere debet, neque se labori aut exercitationi credere. Hinc quoque vtile est iis, qui plusculum interdum ingerunt, semel in septimana cœnam omittere, aut planè parcissimè cœnare. Ita enim cruditates collectæ absumentur, & plurimorum morborum occasio præciditur. Sicut & illud commodum est, si quis cruditates præter solitum sentiat, ut iterum parum boni cibi assumat. Natura enim noui alimenti, & quidem boni atque vtilis, aduentu quasi ad coctionem inuitatur, ut illud, quod vincere non potuit, iterum aggrediatur & feliciter perficiat. Tempus quoque in cibo capiendò obseruandum est. Vbi primò quæritur; An sanitati vtilius sit semel, an sæpius de die comedere; cum etiam hîc quædam diuersitas occurrere possit. Vel enim sæpè & multum, vel sæpè & parum, vel multum & rarò comedi potest. Sæpè & multum comedere, qui athletarum victus fuit, nec corpori, nec menti commodum est. Reliquos modos quod attinet, præstat pluries, quàm semel comedere. Nam ita nec vna vice cibi plus ingeretur, ventriculusque grauabitur, nec corpus contabescet. An autem bis vel pluries cibus sumendus sit, & quando, de eo in genere hoc moneri potest, tantum tempus inter priorem & nouum cibum intercedere debere, ut prior cibus planè coqui & in corpus distribui possit, famelique optimum ciborum condimentum, iterum adsit. Dum enim fames nondum aduenit, indicio est, cibum adhuc in ventre contineri, aut in venis. Non tamen mox, quamprimum famis aliqua indicia adsunt, cibus sumendus, neque contrà fames diu toleranda. Vtrumque enim noxium est. Et quidem sub primum famis sensum mox cibum sumere, cruditates parit. Ventriculi enim orificium, propter exquisitam sentiendi vim, faciliè afficitur, sensusque eius excitatur, etiam dum adhuc aliquid alimenti, quod nondum distributum, & partibus appositum est, reliquum est. Famem autem diutius tolerare, ventriculum prauis replet humoribus. Quoties autem edendum sit, si quærat, saluberrimum est, ut homo mediæ ætatis, benè temperatus, & qui sui iuris est, bis de die cibum capiat. Ita enim omnia, quæ & ex famis diuturniore tolerantia, & crebra cibi ingestione,

Error in cibæ copia quomodo corrigendus.

Tempus cibi sumendi. An semel vel sæpius in die comedendum.

Quoties de die edendū,

damna aduenire solent, præcaueri possunt. Neque his de die saturum fieri vlllo modo noxium: modò tantum cibi assumatur, qui ventriculum non grauet. In cæteris condonandum est aliquid ætati, temperamento, vitæ generi, consuetudini & similibus. Pueri quidem sæpius comedere solent. Plurimo enim indigent alimento. Multum tamen simul conficere non possunt. Senes etiam extremi, qui & ipsi vires languidas habent, & copiosum cibum non ferunt, partito cibo sæpius reficiendi sunt. Senes verò mediæ maximè omnium ferant inediã. Mediæ itaque ætatis homines cum medio modo inter hos sese habeant, si bis quotidie cibum sumant, & famem explere, & vires reficere satis possunt. Ratione temperamenti non minor est diuersitas. Temperati, de quibus præcipuè hîc nobis sermo, medio modo sese habent. Qui temperie sunt calidiore, inediã non tolerant: sed facillè ex ea in animi deliquium incidunt. Sæpius igitur alendi sunt: præcipuè ij, quibus bilis in ventriculum effundi solet. Frigidi verò temperamenti famem diutius sustinent. *Humidis quoque, vt est apud Hippocratem, 7. aphor. 59. famem ferenda est. Nam famem siccant corpora.* Graciles item, & qui corpus perspirationi & dissolutioni aptum, poroque amplos habent, sæpius alendi sunt: pingues autem, & qui poros angustos habent, rarius. Præter hæc ad exercitia & labores, vitæque genus respiciendum. Illis, qui laboribus paucis, vel mediocribus occupantur, satis est quotidie bis cibum capere: qui verò laboribus frequentioribus & maioribus exercentur, etiam ientaculum & merendam sumere possunt; quod nisi faciant, vires laboribus tolerandis non diu sufficient. Consuetudo inprimis hîc magni momenti est. Nam, vt ait Hippocrates, 2. de rat. vict. in ac. text. 12. *tum iis, qui bis de die comedunt, tum iis, qui semel, noxas & infirmitates pariunt repentina mutationes: eosque, qui prandere non consueverunt, & prandent, statim infirmis reddunt, toto item corpore graues & imbecillos, & desides. Quod si supercœnauerint, acidum ructant; alios alui lenitas exercet. Nempe ventriculus præter consuetudinem grauatur, supersiccere consuetus, non bis tumescere, neque bis cibos concoquere.* Deinde, vt ibidem habet, aphor. 24. *qui bis de die cibum capere consueverunt ij, nisi pransi fuerint, imbecilles fiunt & infirmi, ac nasdiazia patiuntur. Nempe his viscera pendere videntur, calidum mingunt, stercusque exurit: sunt quibus os amarescit: oculi canantur, & tempora saliant, partesque extrema frigescent.* Plurimi quoque, vt aphor. seq. docet, *qui pransi non sunt, cœnare nequeunt: qui si cœnauerint, grauitate ventris afficiuntur; atque difficilius cibum coquunt; quàm si pransi fuissent.* Porò cum homini mediæ ætatis, temperatiorque, nisi forsan laborandi necessitas aliud ipsum facere cogat, commodissimum sit, bis in die cibum sumere: iam videndum, quibus diei horis cibum sumendus sit. Cum autem dies naturalis 24. horas contineat, non inconueniens videri posset: tempus hoc in duo æqualia spatia diuidere, vt inter cœnam & prandium horæ 12. intercedant. Verùm cum aliarum rerum quoque, quæ ad diætam pertinent, habenda sit ratio: communis quasi omnium consensus obtinuit, vt tempus inter prandium & cœnam sit breuius, quàm quod inter cœnam & prandium intercedit. Cum enim somnus homini ad vires recolligendas, & spiritus diurnis laboribus dissipatos atque absumptos instaurandos concessus sit: atque eo tempore, facultate animali quiescente, vitalis ac naturalis vigeant, & ad absoluedam coctionem, cruditatesque omnes absumendas plurimum possint: somno omnino aliquid dandum est. Verùm cum mox à cibo sumpto, vt postea dicitur, somno non sit indulgendum: neque matutina actiones statim cibo sumpto turbanda: illud, quod cœnam & prandium intercedit, tempus

necessariò longius est, quàm quod est inter prandium & cœnam. An verò prandium vel cœna largior esse debeat, variè inter authores disceptatur. Alij enim censent, cœnam prandio debere esse copiosiorẽ, his de causis: quòd cœnam quies & somnus sequitur, calorque ac spiritus intro reuocatur, facultatisque animalis actionibus cessantibus naturalis maximè viger, & propterea coctionem feliciter perficit. Deinde interuallum inter cœnam & prandium longè maius est, quàm quod inter prandium & cœnam intercedit. Vnde & Hippocrates, 1. aphor. 15. quòd hyeme ac vere plus cibi dandum sit, hanc causam reddit, quòd somni tum sint longissimi. Atque ita calor post cœnam non solum efficacior; sed & diuturniore tempore agens, ad pluculum etiam cibi conficiendum sufficit. Plus verò in prandio, quàm in cœna, cibi capere non parum videtur incommodi habere. Nam si eibus in prandio paulò copiosior capiatur, vt breui illo inter prandium & cœnam interuallo non planè coqui possit, atque in cœna nouus ingeratur cibus: cruditates cumulari, & sanitati malè consulti quibus facillè intelligit. Si verò quis saltem tantum cibi assumendum in prandio putet, quantum vsque ad cœnæ tempus planè concoqui & distribui possit, ita vt nihil, cœnâ ingruente, cruditatis amplius supersit; atque is postea cœnam prandio parciorem exhibeat, in pericula atque incommoda non minora hominem præcipitabit. Nam cum cibi quantitas minor in cœna, quàm in prandio, sumatur: causæ verò, quæ cibum concoquere debet, sit longè maius robur, tempusque ad operandum longius: aliter fieri non potest, quàm vt eibus ille paucior assumptus breui tempore coquatur, atque in substantiam corporis mutetur. Quo tempore elapso cum non parum adhuc spatij ad prandium vsque supersit, ne calor otiosus sit: in corporis totius humores ager, & membrorum solidorum nutrimentum absumer, corpus exsiccabit atque extenuabit. Quæ rationes cum non infirmæ videantur, eorum sententiam, qui cœnam prandio largiorem exhibendam censent, satis probabilem reddunt. Atque antiquis ista ita euidentiã visa sunt, vt non solum hac de re nullam controuersiam mouerint, sed & hanc diætæ rationem diligenter obseruarint, atque parcius & frugalius pransi fuerint, lautius verò cœnauerint. Ne tamen illud, quod aliqua distinctione opus habere videtur, nimis generaliter & vniuersim concludere videamur, quædam de eo monenda sunt. Primò quidem, quando cœnam prandio debere esse largiorem statuimus, id de homine sano & bene temperato, quique sui iuris est, & non quid fiat, sed quid fieri debeat, quærat, atque omnino quod optimum est, eligere velit, accipi volumus. Deinde dum cœna prandio plenior conceditur, id non ita intelligendum, quasi liceat in cœna cibo & potu ventrem onerare: sed is Medicorum in hac quæstione decidenda sensus est: si eibus ille, qui homini sano in diem naturalem necessarius est, in duas partes diuidatur, maiorem partem in cœna, minorem in prandio, capiendam esse. Præterea & hoc hîc notandum, nos in hac quæstione de cibi quantitate loqui; aliàs enim concedimus, esse quosdam cibos, qui si naturam & qualitatem eorum spectes, commodius forsan in prandio, quàm in cœna sumuntur. Nam vt Cardanus, 1. de tuend. san. cap. 3. hac de re scribit, si quis de veneno sollicitus rutam edere velit, longè tutius & minore noxia id facit in prandio, quàm in cœna. Ita si quis cepas vel vinum potens, vel alios cibos, è quibus vapores acres aut fœtidi generantur, sumere velit, itidem commodius id in prandio faciet. Nam cum in die os pateat, calorque diei vapores magis discutiat, minus lædetur ex prandio, quàm ex cœna: cum post

Qua hora comedendum.

Cibi alius modus in prandio in cœna munitur.

post cœnam (verba Cardani sunt) tetri illi vapores, acres, torridi, amari, semiputridi, aut etiam putridi, maligni, venenosi, attracti à iecore, caputque petentes, remissi per asperam arteriam in pulmones noxam in his quatuor membris irreparabilem gignant. Sicut nec hoc negamus, eos, qui à sano statu defleunt, caputque imbecillum habent, & catarrhis, vertigini, atque aliis capitis affectibus obnoxij sunt, parcius quàm alios, quibus caput ita debile non est, cœnare debere. Atque id omnibus etiam in senectute constitutis observandum censemus; cum experientia ipsa testetur, senes omnes largiori cœna offendi, & si paulò liberaliùs cœnent, malè dormire. Consuetudinis tandem hâc etiam habenda est ratio, & consuetudinem servare optimum: cum consueta longo tempore, ut Hippocrates, 2. aphor. 50. habet, insuetis minus molesta esse soleant, nisi quis consuetudinem sensim ad meliorem mutare velit. Nostros autem mores & consuetudinem si attendamus, homines satis largè prandere videmus. Cum enim circa meridiem ad prandium accedunt, perfecta coctione, ac ventre vacuo, maiore famè premuntur. Appetitui igitur satisfaciunt, neque expediendorum negotiorum & futuræ cœnæ rationem habentes, pro ratione famis prandent liberaliùs. Quem cibum cum ob temporis brevitatem non possint exactè concoquere, in cœna non ita magnam famem sentiunt: & propterea si valetudini suæ consultum volunt, necessariò parcius cœnam: aut si non parè cœnam, noctem inquietam habent, & cruditates manè sentiunt. Atque ita cum bis eodem die cibo repleti malum sit, hisce, quibus plerique viuunt, moribus, necessarium est, post prandium liberaliùs & lautius cœnam parciolem sequi, & aliquid de cibo in cœna detrahere. Hoc modo si hæc sententia, & eorum, qui cœnam prandio liberaliorem instituendam esse censent, opinio explicetur & limiteretur, ad aliorum, qui contrarium sentiunt, rationes respondere non ita difficile est. Nam primò, quòd Solis calore coctionem ventriculi adiuvari, atque idè in prandio plus cibi sumendum censent: id facillè concedi non potest. Neque enim externus, qui à Sole in aère excitatur, calor calorem innatum ventriculi auget; sed potius eum euocat ac distrahit. Deinde nec illud magni momenti est, quòd dicunt, maiorem die, quàm nocte, fieri corporis per calorem Solarem, exercitia, labores, omnisque generis motus resolutionem, alimentique absorptionem, & proinde maiore refectione opus esse. Licet enim illud verum sit: tamen hinc non rectè concluditur, cibi maiorem copiam in prandio & inter exercitia sumendam esse; sed commodissimè corpus diurnis laboribus absorptum reficitur, si in cœna maior cibi copia assumatur. Etenim noctu tantum alimenti conficitur, & relinquitur, quòd etiam in diem corpori & viribus conservandis sufficere possit. Suntque diversa hæc diei naturalis tempora ad diversa opera destinata; Dies laboribus atque omnis generis exercitiis destinatus est, quibus etiam alimentum corporis absorbitur, minusque propterea eo tempore concoquendis alimentis Natura vacare potest. Noctu verò *σιεσις* & dissipatio minor est, & proinde coctioni, corporisque instaurationi id tempus debetur. Quam ob causam etiam olim plurimi semel de die, tantum in cœna, cibum sumpserunt; potestque in quibusdam alimentum ex cibo in cœna confectum per totum diem ad corporis conservationem sufficere. Verum quia in plerisque metuendum, ne si per totum diem ad cœnam usque nihil cibi sumatur, ventriculi & hepatis venæ alimento destitutæ ex vicinis partibus aliquid ad se rapiant, & reliquas alimento suo priuent, aut vitiosos humores ad se trahant, aut certè defectui alimenti in omnibus partibus nimis

tardè subueniatur: hæc omnia facillè præcauentur, si in prandio aliquid cibi, quòd ad famem usque ad cœnam mulcendam sufficiat, assumatur.

¶ [Difficilis controuersia agitur inter Medicos, utrum cœna, an verò prandium largius esse debeat. Et quia ij qui in cœna plus comedendum esse statuant quàm in prandio, eâ inprimis ratione utuntur, & tanquam solidissimum suæ assertionis fundamentum præsupponunt, quòd noctu melius in ventriculo concoquantur cibi, quàm de die, omninò hæc quæstio decidenda est. Sententiam autè illam cupit impugnare Laurentius Ioubertus, *decad. 1. parad. 8.* & nos paradoxo loco probare conabimur, melius coctionem de die, quàm noctu, in ventriculo perfici. In ventriculo, inquam. De hac enim quæstio est, non de eâ, quæ fit in venis.

Et primò quidem ipsa experientia id probare videtur, quæ constat, si nostris moribus (Antiquorum enim alia est ratio, qui parcissimè pransi fuerunt, & propterea plus cibi in cœna sumere potuerunt) viuamus, & liberaliter prandeamus, & postea in cœna non eadem cibi quantitate utamur, sed etiam maiore, quòd coctio non bona fit, & somnus est interruptus & inquietus. Quod etiam in iuuenibus, quibus est calor robustior, & qui multos diætæ errores sine incommodo tolerant, ac vincunt, non usu veniat: tamen id facillè animaduertunt & percipiunt senes, & qui ad aliquem morbum sunt dispositi, qui si paulò liberaliùs in cœna comedant, noctem inquietam habent, adeò quidem, ut nonnulli in cœna parcissimè comedere, quidam etiam, quales aliquot noui, planè à cœna abstinere necesse habeant.

Secundò, spatium quòd est à prandio usque ad cœnam, est circiter horarum sex vel septem, quòd verò à cœna ad prandium sequentis diei, horarum circiter sedecim, & tamen eadem famis ratio est, atque à prandio ad cœnam. Si verò per somnum coctio melius perficeretur, iam circa mediam noctem ea absoluta esse deberet, & statim fames virgere; quòd tamen non accidit.

Tertio; qui à prandio non sunt assueti dormire, si post prandium paulò longiùs dormiant, cœnâ instante non solum minorem famem sentiunt, quàm si non dormiissent, sed & ventriculum adhuc cibis grauidum sentiunt; cum contra, qui noctu præter solitum vigilant, citius famem percipiant, & cibos non solum appetant, sed & faciliùs concoquant: quòd in iis, quibus interdum nocturni labores ferendi sunt, animaduertitur.

Quartò, si somnus ad ciborum feliciorem coctionem facit, non licet statim à cœna dormire; quòd tamen omnes Medici prohibent, & quisque sibi hoc parum commodum esse, in seipso animaduertere potest. Cur verò à cœna aliquot horis vigilandum sit, causa hæc est, quòd per vigilias ventriculus melius coquit, & spatio illo, quòd inter cœnam & somnum intercedit, cibum adhuc crudum felicius aggreditur, & maiore ex parte alterat, & coctionis initium, quòd difficillimum est, perficit.

Quintò, si per somnum coctio in ventriculo felicius perficitur, cur non omnibus, somnus meridianus conceditur, sed quibusdam saltem, & certis de causis, & is quidem breuior, non longior?

Sextò, idem docet quòd qui *βασυρεψία* laborant, & malis inde ortis, magis afficiuntur noctu post primum somnum, quàm de die, post meridiem, coctione factâ.

Esti verò nonnulli Galeni autoritate, ex 7. meth. med. cap. 7. & 1. de sympt. caus. cap. 1. diuersum sentiunt: tamen duobus inprimis decepti videntur: primò prædij & cœnæ antiquorū ratione à nostra diuersa. Deinde quòd eandè coctionis in ventriculo, & eius

Ordo ciborum.

Melius de die, quàm noctu in ventriculo fit coctio. Probatur.

1.

2.

3.

4.

5.

6.

Prandij & cœnæ nostrorū ab Antiquorum, ratio diuersa.

quæ fit in hepate, liene, corde, ac venis & arteriis, in somno rationem esse putauerunt.

Nam primò prandij & cœnæ rationem quod attinet, antiqui parçissimè pransi sunt, & propterea etiam maiorem cibi in cœna copiam ferre potuerunt. Interim ille cibus in cœna sumptus longiore tempore ad coctionem opus habuit, quod coctionis tarditatem arguit. Et idem cibus si prandio sumptus fuisset, breuiori tempore coqui potuisset. Præterea non eadem hora, quæ apud nos, cœnæ fuit apud Antiquos. Nos enim, qui horas æquales habemus, prandemus, & quidem satis largè, hora vna ante meridiem, & cœnamus hora sexta ferè post meridiem, quod tempore hyberno accidit, duabus aut tribus ferè, post occasum Solis, horis. Romani contrà pransi fuere parçissimè, cœnauerunt verò tribus ferè horis ante occasum Solis, quæ fuit Romanis nona. De quo Horatius. *lib. 1. Epist. 7. post nonam venies.* Et Martial. *epigr. lib. 7.* in quo, quibus rebus singulæ horæ diei apud Romanos destinatæ fuerint, scribit:

Imberat exstructis fercula nona toris.

Id est, toris ad cœnandum insidere vel accumbere. A quo cœnæ tempore cum adhuc aliquot horæ ad somnum, præsertim hyme, superfuissent, (neque enim credibile, cum occasu Solis mox se ad somnum composuisset) coctio bonam partem prius in ventriculo absolui potuit, quàm dormirent.

Distinguendum inter coctionem in ventriculo, & reliquis visceribus ac vasis.

Deinde quod de coctione in hepate, liene, corde, venis & arteriis verum est, id non rectè ventriculo applicant. In istis enim coctionem in somno rectius perfici, conceditur, in ventriculo verò in somno tardiore & debiliore esse statuendum videtur. Quod ut intelligatur, duo præsupponenda. Primum est, coctionem in ventriculo non solum calore eius insito, sed & influente, qui per arteriam gastricam, ventriculi fundum perreptantem, toti ventriculo communicatur, perfici. Alterum est, in somno calorem influentem ad suam fontem, cor inprimis & hepar, reuocari, aut certè circa eum retineri, & non ita, ut per vigilias ad alias partes diffundi, extra dubium est, & ab omnibus concessum.

Coctio in visceribus ac vasis.

Equidem patet, somni tempore, cum calor in visceribus collectus & auctior est, cruditates in venis & arteriis rectissimè concoqui: unde vix quid vtilius est ad coctionem in febribus continuè perficiendam, quàm somnus, & nihil magis impedit coctionem humorum, quàm vigiliæ continuæ. Quod pertinet etiam locus Galeni, 1. 2. *meth. med. cap. 3.* ubi dicit: *πέντε μὲν ὁ ὕπνος, ἀναστροφὴ δὲ ἡ ἐγρηγόρευσις. Somnus concoquit: vigiliæ discentiunt.* Loquitur autem ibi non de coctione ventriculi, sed de crudis succis in venis cumularis, febrem continuam excitantibus. Hinc etiam crapulam edormire dicimur in cruditate, quæ fuit ex potu nimio in venis cumulata. Inde quoque ij, qui per labores diurnos crudos humores in venas rapuerunt, ubi ex lassitudine profundius dormiunt, cruditates illas, quæ aliàs valetudini damnum aliquod afferre potuissent, concoquunt.

In ventriculo.

Contrà cum ventriculus non ex eorum viscerum numero sit, quæ calorem influentem reliquo corpori communicant, qualia sunt cor & hepar, sed ipse calorem à corde & hepate accipiat, per somnum, in quo calor circa cor & hepar hæret, minus de eo ad ventriculum influit, atque ita calor ventriculi tum debiliior est, & coctio fit tardius, ac longiore tempore opus habet, ita ut vigilans tantum cibi sex horis concoquat, quantum dormiens à cœna vix sedecim vel duodecim. Imò etiam post somnum hominem statim fames non stimulat, sed vigiliis aliquot horarum exercitio adhuc opus est.]

Tandem de ordine ciborum variè inter Medicos disputatur, dum alij strictum planè ordinem observari volunt, alij nihil referre putant, quo etiam ordine ci-

bi ingerantur. De quo ut breviter dicamus, aliquid referre hunc vel illum cibum priore vel posteriore loco sumere, ipsa experientia quotidie monstrat: qua constat, & nauseam prouocari, & aluum sisti vel citari hoc vel illo cibo prius vel posterius assumpto; allium, cepas & raphanum minus vel magis olere, si hoc vel illo modo sumantur. Itaque primo loco sumenda sunt ea, quæ aluum emolliunt, & lubricam reddunt, quæque succi non adeò boni sunt, facilius coquuntur & descendunt è ventriculo, & facilius in ventriculo corumpuntur: his subiungantur ea, quæ aluum sistere possunt, minus faciliè coquuntur, quæque tardius descendunt, succi que sunt melioris. Nisi enim hic ordo observetur, sed quæ lubricitatem aliquam inducere possunt, ultimo loco assumantur: os ventriculi superius iis laxabitur, & nauseam inde contrahet, atque ad vomitum concitabitur. Iis verò, quæ facilius coqui, & citius descendere solent, si exitus quasi ab aliis cibis precludatur: præter tempus in ventriculo commorabuntur, atque à calore, qui nunquam otiosus est, corumpuntur, vitiumque idem reliquis cibis omnibus communicabunt. Idque multò facilius ea, quæ corruptioni aliàs sunt obnoxia, succi que non adeò sunt boni, facient. Si verò primo loco assumpta fuerint, etsi forsan corumpantur: tamen exitum faciliè inuenient, neque alios cibos corrumperent. Licet autem planè negandum non sit, cibos aliquo modo inter coquendum misceri: tamen ordinem assumptorum planè turbari credendum non est. Sed si quæ lubrica magis, aut coctu facilia, aut corruptibilia, primo ingesta fuerint: ubi ea concocta fuerint, aut natura aliquem gravitatis sensum perceperit, aut corruptionis noxam præfenserit, ad expellendum sese accingit, atque ita priore loco ingesta prius facilius expellit.

[De quæstione hac equidem aliquid, modò dictum. Liber tamen hanc rem paulò clariùs hinc explicare; cum Autores valde de ea dissentiant. Et sanè vulgata opinio, liquida, & quæ facilius coquuntur, & citius corumpuntur, primò esse assumenda. Id quod docet Galenus, 3. *de sympt. caus. c. 1.* dum scribit, quod vitietur coctio, si fructus adstringentes primo loco assumantur, postea verò legumina, & quæ faciliè corumpuntur. Et 2. *de simpl. med. fac.* docet, quod quæ facilius coquuntur, prius sint sumenda, quæ verò tardè posterius. Rationemque huius rei reddit hanc, quod si, quæ faciliè coquuntur, postremo sumantur, ea citius coquantur; cum verò è ventriculo exire non possint, nisi, quæ tardius coquuntur, etiam cocta sint, interea corumpantur.

Alij contrà statuunt, cibos qui difficilius coquuntur, primo loco esse sumendos, hanc ob causam, quod longiore tempore ad coctionem opus habeant, & propterea diu in ventriculo manere debeant; contrà, qui facilius coquuntur, cum breuiore ad coctionem tempore opus habeant, postremo loco esse sumendos. Si enim quæ difficilius coquuntur, sumantur primo loco, sequantur verò, quæ facilius coquuntur, hinc accidere existimant, ut utrorumque coctio pari tempore absoluat. Præterea cum coctio maximè vigeat in fundo ventriculi, utpote carnosiore, coctu difficilia primo loco esse sumenda putant, ut in fundum ventriculi perueniant, & rectius coquantur, quo tempore coctu facilia etiam in superiore parte ventriculi simul coquantur. Atque ita vno & eodem tempore & facilitum & difficultum coctio absoluitur. Insuper aiunt, si adstringentia priore loco sumantur, roborabitur os ventriculi inferius, & ita coctio rectius perficietur, cum contrà, si liquida primo loco sumantur, os ventriculi inferius laxetur.

Alij distinguunt, & cibos, qui corruptioni faciliè sunt obnoxij, primo loco sumendos esse putant, ne, si postremo loco sumantur, corumpantur; si verò ab hoc cibi duriores & coctu difficiliore cum liquidioribus,

dioribus, & coctu facilioribus conferantur, duriores primo loco sumendos censent, coctu faciliores verò ultimo loco; cum duriores longius ad coquendum tempus, quàm molles, requirant, & in fundo ventriculi, in quem cibi primo loco sumpti descendunt, vires ad coquendos cibos fortiores sint, & ventriculus eo loco carnosior & robustior.

Contra nonnulli nihil referre putant, siue liquidi, siue solidi cibi priore vel posteriore loco sumantur, atque experientiam testem allegant, quâ constat, animalia quatuor vel quinque horis à sumpto cibo secta, & cibos permistos in ventriculo inuētos fuisse, ut alij ab aliis discerni non potuerint. Præterea totam ventriculi substantiam satis carnosam & concoctioni ciborum aptam esse aiunt, & à circumiacentibus partibus calore multo præditis undique foueri, ut ita omnia, quæ in eius capacitate recipiuntur, satis commodè coqui possint, siue priore, siue posteriore loco assumantur. Et si omnino fundus ventriculi sit carnosior, & plus caloris habeat in parte sinistra: tamen id in aliis ventriculi partibus ab ambientium partium calore compensatur. In dextro enim latere est hepar, sanguinis officina, quod plus caloris habet, & potentiùs ventriculum calefacit & fouet, quàm in sinistro lien. Insuper quantum illud spatium est, quod inter vnum cibum & alterum in vna mensa sumptum intercedit: cerè non tantum, ut qui priore loco sumitur, eò rectiùs concoqui possit.

Ex hac controuersia ut nos expediamus, primo loco quæstiones quædam explicandæ sunt. Et primò quidem, quod hic ab omnibus prætermisum video, explicandum, an coctio in ventriculo saltem à calore ventriculi, cibo externo, an verò concurrente etiam ciborum interno calore fiat. Equidem vulgata est opinio, solum à ventriculi calore ciborum coctionem perfici. Verùm etsi negandum non sit, primas partes in hoc opere esse caloris ventriculi: tamen internus ciborum calor non excludendus, qui ab externo excitatus, fermentationem quasi quandam efficit, & coctionem adiuvat. Ita Aristoteles, 4. meteor. *Principium coctionis à calore interno perficitur, & res qualibet, quæ mutatur, interuallum etiam mutationis principium habere debet.* Hinc non omne mixtum in chylum mutari potest, v.g. nec lapis, nec ferrum, sed id solum, quod in se habet potentiam, ut transmutetur, & fermentationis principium obtinet.

Secundò notandum, equidem certum temporis spatium ad cibi coctionem requiri, id tamen ita exactè & certis horis definiri non posse; cum alij ventriculum habeant robustiorem, alij debiliorem, alij cibi citius, alij tardiùs, cibi etiam pauciores citius, quàm multi coquantur.

Tertiò quæritur, an chylus è cibo simul sumpto genitus totus in ventriculo retineatur, donec omnis cibus coctus sit; an verò, quod primò coquitur, primò excernatur. Vbi nonnulli statuunt, pylori id officium esse, ut tamdiu ventriculum clausum seruet, nec quicquam exire permittat, donec omnis cibus coctus, & in chylum mutatus sit, sicut orificium vteri in grauidis tandiu vterum clausum continet, donec foetus perfectus sit. Atque id omnino fieri debere existimant; cum nihil è pluribus rebus generari possit, nisi prius earum perfecta sit facta mistio. Alij contra putant, alios cibos citius in chylum mutari, alios tardiùs, & eos, qui citius formam chyli acceperunt, citius è ventriculo exire, qui tardè tardiùs. Verum enim verò etsi negandum non sit coctione planè absoluta totum chylum coctum ad intestina descendere: tamen nec hoc negari potest, cibos alios aliis faciliùs coqui, & chyli formam suscipere, neque chylum fieri demum è cibus omnibus mistis, sed quemlibet cibum aptum esse, ut ex eo chylus fiat, etiam postea è variis cibus in chylum mutatis vnus chylus

fiat. Præterea notum est, ramos venæ portæ, qui ventriculo inferuntur, non solum sanguinem ad ventriculum nutriendum aduehere, sed etiam chylum ad hepar & lienem deferre, & non omnem chyli distributionem per venas mesaraicas intestinorum, sed etiam aliquam per venas ventriculi fieri. Itaque quæ chyli pars prius generatur, etiam primò à venis ventriculi attrahitur, & ad hepar & lienem transmittitur. Insuper nonnulli, qui largiùs bibunt, vix horà post prandium vel cœnam vnâ elapsâ copiosius mingere solent, & quidem sæpe planè aquea: non verò credibile est, à venis ventriculi solam aquam, sed & chyli partem tenuiorem simul attractam fuisse, quæ in hepate & liene in sanguinem mutatur, aquosâ parte, quæ vehiculum quasi fuit ad renes amandatâ. Neque omnia, quæ in vna mensa comeduntur & bibuntur, simul in ventriculo manere, donec omnis coctio absoluta sit, vel ex eo patet, quod ventriculus, qui post sumptum cibum & potum nonnihil intumuit, intra duas horas detumescere nonnihil solet, quo temporis spatio tamen coctionem omnem nondum planè absolutam esse certum est. Et cum chylus non solum à ventriculo ad intestina pellatur, sed & ab intestinis attrahatur, (quamuis id negat Andr. Laurentius, lib. 6. quæst. 10.) utpote quæ fibras rectas attractioni destinatas obtinent, nihil obstat, quin intestina cibum in chylum mutatum sensim attrahant, relicto relicto nondum in chylum mutato. Neque enim intestina cibos crudos, sed chylum appetunt.

Quartò, quæstio hæc de ordine ciborum, vel de sanis, vel de iis, qui ventriculum habent morbosum, intelligi potest. Alia enim exposcit ventriculus sanus, alia morbosus. Et laxo ventriculo potiùs adstringentia & roborantia quàm laxantia conueniunt.

Quintò nec hoc prætereundum, vtilissimum esse, ut os ventriculi superius cibo sumpto claudatur. Ita enim melior sit coctio.

Sextò hoc etiam notandum, quando quæritur, qui cibus prius, qui posteriùs sumendus sit, id intelligi posse vel de vna mensa, vel de longiore interuallo, ut scilicet vnus alteri vnâ vel alterâ horâ præmittatur.

Quibus præsuppositis ad quæstionem istam respondemus, quantum ipsam coctionem & chyli generationem attinet, in hominibus sanis non multum referre, qui cibi prius, qui posteriùs sumantur, cum omnes in chylum redigantur, & mollia duris, difficilia coctu facilibus misceantur; & si qui citius coquantur, ab hepate & liene, imò & intestinis, attrahantur. Et docet hoc manifestè id, quod mensam à potu non inchoamus, sed potiùs potu claudimus, & ita liquida post solida sumimus; cum, si liquida solidis semper præmittenda essent, mensa à potu inchoanda esset. Quia tamen, ut dictum fuit, ad coctionem aliquid facit calor & spiritus ipsis cibus insitus, ea de causa vtile fuerit, cibos liquidos primò sumere; cum faciliùs in actum deducantur, & fermentatione suâ faciant, ut etiam reliqui cibi postea faciliùs coquantur. Et hac ipsa de causa etiam potus cibus per vices miscetur, & panis cum iusculis, & omnibus aliis cibus commodissimè sumitur, & nullus ordo in pane ad vllum cibum est necessarius, eoque rectissimè à principio mensæ ad finem vsque cum omnibus cibus vitimur: & vulgata regula est, omnia cum pane esse sumenda. Id autè faciendū, non solum quia panis est cibus maximè naturæ nostræ familiaris, sed etiam quia omnis panis fermentum in se continet, quod procul dubio fermentationem ciborum reliquorum aliquam efficit, & coctionem faciliorem reddit.

Cibos verò quod attinet astringentes, laxantes, & corruptioni obnoxios, si os ventriculi inferius laxum non sit, nec roborantibus indigeat: liquidi & laxantes primo loco sumendi, non adstringentes, ne cibi diutius quàm par est, in ventriculo retineantur, &

Distinguendum inter ventriculum sanum ac morbosum.

Ventriculus probe debet esse clausus.

Tempus vnius mensæ, vel longioris interualli.

Responsio ad propositum.

Cur omnia cum pane assumenda.

Cibi adstringentes & laxantes.

alius fiat segnior. Cibi verò, qui faciliè corrumpuntur, cum etiam plerique vim laxandi habeant, rectissime primo loco sumuntur, ut officio ventriculi inferiori laxato, faciliùs descendat. Quod Galenus quoque, 2. de alim. fac. cap. 19. docet, dum scribit: *Persica non sunt post alios cibos mandenda. Corrumpuntur enim in superficie innatantia, sed in omnibus, quæ pravi quidem sunt succi, verum humida sunt & lubrica, & quæ subduci faciliè queunt, id communiter tenendum, ea ob id ipsum ante alios cibos esse sumenda. Ita enim fiet, ut & citius subducantur, & aliis cibis viam muniant.* Et 3. de rat. vict. in acut. 2. 2. inquit: *Primò ingerenda sunt quæ faciliùs corrumpuntur, & quæ subducuntur magis.*

Cibi qui faciliè corrumpuntur cum aliis non sunt miscendi.

Tutius tamen fuerit, cibos, qui faciliè corrumpuntur, cum aliis non miscere, seu primo, seu posteriore loco sumantur. Cum enim sint diuersæ planè naturæ, non inde bonus chylus generabitur, & damnum, quod sæpe ordini ciborum, ipsi potius ciborum naturæ diuersæ adscribendum. Vnde præstat, tales cibos horâ vnâ vel alterâ ante alios cibos sumere, non initio ciborum aliorum. Quod ipsum docet Galenus, 1. de facult. alim. cum de prunis scribit, quod pruna ad aluū laxandam aliis cibis sint præmittenda, & iis sumptis non statim prandendum, sed prandium tam diu differendum, donec pruna dissoluantur & exeant.

Cibi medicamentosi.

Eadem ratio est ciborum medicamentosorum, qui ventriculi adstringendi vel laxandi gratia sumuntur. Vbi enim retentrix ventriculi facultas debilis est, adstringentia primo loco sumenda. Nam hoc modo officium inferius ventriculi vacuum & ieiunum adstringenti illa qualitate afficitur & roboratur. Cibi etiam laxantes vltimo loco non rectè sumuntur. Cum enim utile sit, os superius ventriculi clausum esse, cum calor conclusus rectius coctionem promoueat; ea, quæ laxant officium ventriculi, non sunt vltimo loco sumenda, sed potius quæ id roborant & contrahunt. Ea enim vltimo loco sumpta, superius ventriculi officium iis qualitatibus, quibus à prioribus cibis assumptis imbutum est, liberant, & suis imbuunt.]

Potus quantitas.

Post cibum est potus ratio consideranda. Quæ autem sint potulentorum differentia, supra dictum: ex quibus faciliè apparet, qui potus homini sanitatis studio eligendi sint. Quantitatem quod attinet, ad necessitatem, non ad voluptatem aut ad intemperantiam bibendum, tantumque potus hauriendum, ne cibus in ventriculo nater. Nam sicut modicus vini, cereuisiæ, & si quæ alia his cognata sunt potuum genera, vsus corpus humectat, spiritus fouet, vires roborat, coctionem distributionemque ciborum iuuat, vrinam prouocat, corporis habitum calefacit, aduersus senectutis frigiditatem & siccitatem est remedium, somnum conciliat, bilis acrimoniam frangit, mentem exhilarat, placidusque mores efficit: ita immoderatus eius vsus & ebrietas ipsissima valetudinis & hominis pestis est. Immoderato enim potu calor nativus obruitur, crudi ac pravi humores cumulantur, mens turbatur, & furor quasi gignitur. Hinc eos, qui ad perdenda vina, ut Plinius, lib. 4. hist. nat. cap. 22. ait, nati sunt, multa comitantur incommoda. Nam tum auidi matronam oculi licentur: tum animi secreta proferuntur: alij testamenta sua nuncupant: alij mortifera loquuntur. redituræque per iugulum voces non continent, vinoque veritas iam attributa est. Interea & optimè cedat. Solem orientem non vident, ac minus diu viuunt: hinc pallor & genæ pendula, oculorum ulcera, tremula manus, & quæ sit pœna præsens, furiales somni & inquietæ nocturna, præmiiūque summum ebrietatis libido portentosa, ac incundum nefas. Postero die ex ore halitus crudi, ac ferè rerum omnium obliuio morsque memoria. Tempus bibendi commodissimum est inter edendum. Sic enim potus ad coctionem cibi, & rectam eius distributionem facit. Ieiuno verò stomacho, & post cibum bibere, com-

Tempus bibendi.

modum non est. Nam ventriculo vacuo si bibatur caput neuique tenentur: si post cibum bibatur, coctio turbatur, & cruditates generantur. Interdum tamen ad deferendum alimentum post cibum bibere utile est. Sed hoc iis saltem conuenit, quibus è ventriculo cibus non faciliè descendit. Neque tamen tum bibendum nisi post integram & perfectam coctionem: alias enim cibus crudus in hepar traheretur, & coctio turbaretur. Vitandus quoque potus tempore somni. Inprimis verò post exercitia & balnea subitus frigida potus valde incommodus est. Quod ipsum monet Celsus, lib. 1. cap. 3. dum ait: *à labore sudanti aduersissima frigida potio:* & Dioscor. lib. 6. cap. 33. dum inquit: *aqua frigida abundè pota, aut meracum vinum liberalius epotum, præsertim à balneo, aut cursu, aut vehemente exercitatione, strangulatus & dolores infert.* Commodius quoque est potum, qui cum cibo sumitur, partiti, quàm semel atque affatim eum haurire. Ita enim rectius toti cibo potus permiscebitur, meliusque sitim sedabit. Si verò vnâ vice magna potus quantitas ingeratur, fluctuationem in ventriculo parit, quæ & retentioni & coctioni cibi plurimum obest. Animi affectus quantas in corpore mutationes efficiant, supra dictum. Quapropter merito omnes operam dare debent, ut timorem, iram, effusum gaudium, reliquosque affectus vehementiores omnes vitent, & contra moderatam lætitiā foueant. Idque ut faciliùs præstare possint, animum bonis moribus instruent, ut vbi affectus vehementiores ingruere animaduertunt, eorum impetum ratione ac prudentia tempestiuè moderari possint. Motus corporis atque exercitia omnibus omnia non conueniunt. Gracilibus enim corporibus moderatior; robustioribus maior motus conuenientior. Satis tamen omnibus satisfacit ad sanitatem tuendam deambulatio, frictio, & his cognata exercitia. Sufficiunt enim ad calorem augendum, spiritus mouendos, atque excrementa expellenda. Maiora verò quæ sunt, corpus exhauriunt, & statum eius aliquo modo turbant. Consuetudinis tamen & hinc habenda ratio, iuxta illud Hippocratis, 2. aphor. 49. *Quotidianis laboribus assueti, etsi sint inuvalidi & senes, insuetis, quamuis robustis & iuuenibus, faciliùs assueta ferunt exercitia.* Respicendum & ad tempus in motu. Nam ætate leuior & breuior exercitatio, eaque in vmbra instituenda: hyemè verò maior & diuturnior. Modus quoque certus in exercitiis corporis seruetur, & eo vsque saltem corpus exerceatur, donec color in corpore floridus appareat, corpusque aliquomodo intumescere, & sudor manare incipiat. Hæ enim notæ si adsint, iam ab exercitio desistendum. Nam immodicus motus spiritus dissipat, vires deiecit, corpusque languidum reddit; interdum & spiritus inflammat ac incendit, præsertim in naturis calidioribus. Suo etiam tempore motus instituatur, nimirum vbi iam in ventriculo & hepate cibus atque alimenta concocta sunt: quod & Hippocrates, 7. epid. f. 4. aphor. ult. suadet, dum ait: *πόντοι σιτίων ηγείδωσαν*, labores cibus præcedant. Nam ita motus excrementa illa, quæ in meatibus angustis hærent, expellit. Si verò, antequam cibi cocti sint, motus atque exercitia instituantur, coctio turbatur, & alimentum nondum rectè elaboratum in diuersas corporis partes rapitur, atque ita humoris crudi copia in venis aggregatur, variisque morbis occasio præbetur. Levis tamen motus sumptum cibum excipiat, ut in fundum ventriculi, vbi coctio potissimum celebratur, promptius descendat. Ut verò commodissimè corporis exercitia inchoantur, vbi cibi iam exquisitè concocti sunt: ita non nimis diu post cibum, & vbi iam omne ex cibo priore confectum alimentum absumptum est, iamque fames virget, corpus exercendum: id quod monet Hippocrates, 2. aphor. 16. *ὅτε λιμὸς, & δὲ πονέειν*, fame urgente

Animi
tus.

Corporis
tus.

urgente non est laborandum. Atque ita tempus exercitiis commodum vnica hac lege definiri potest: Vbi fames est, vel vbi cibi adhuc crudi sunt in corpore, non laborandum. Quapropter commodissimum exercitiis tempus est matutinum, vbi ventriculus vacuus est, excretis prius alui & vesicæ excrementis. Idem tempus studiis, & laboriosæ illi animi contentioni maximè aptum; vnde & vulgò Aurora Musis amica dicitur: Nam tum calor est vegerior, neque in ciborum coctione occupatur, spiritusque iam liberiùs ad cerebrum auocari possunt, qui & in somno restituti sunt copiosiores. Si verò mox à cibo studiorum ineatur ratio, spiritus & calor à ventriculo auocatur, caputque vaporibus repletur; vnde cruditas, capitis grauitas & alia mala oriuntur. Habenda etiam ratio loci in exercitiis. Exercitium sub Sole corpus plurimum calefacit, humores fundit & mouet, atque his, qui caput debile aut plenum habent, summè est noxium. In vmbra verò facta exercitatio omnis tutior est. Quies non minus, quàm motus necessaria est. Hæc enim est lassitudinis refugium & remedium, & vires lapsas reparat. Quapropter rectissimè omnia in corpore sese habent, vbi alternis vicibus quies & motus sese excipiunt. Somno & vigiliis etiam suum tempustribuendum. Aptissimum autem somni tempus nocturnum est. Nam Deus opt. Max. ipse nocturnam hanc quietem homini indulgit, & ob tenebras atque alta silentia, noctisque frigiditatem somno est accommodatissimum hoc tempus. Itaque exercitia cibum præcedant, sequatur somnus. Non tamen mox à cibo dormiendum, sed vna atque altera hora à cœna; aliàs caput vaporibus multis repletur. Diurnus autem somnus sanis valdè incommodus est. Nam cerebrum vaporibus, qui vigiliâ commodius absumi possunt, replet; vnde catarrhi, dolores capitis, aliique morbi plurimi à capitis repletionem pendentes proueniunt. Si tamen accidat, vt quis labore debilitatus sit, ac lassitudinis sensum contraxerit, aut noctem insomnem & inquietam egerit, aliquandiu somno de die indulgere licet. Spatium deinde somni iustum sit. Nam vt est apud Hippocratem, 2. aphor. 3. *Somnus & vigilia si modum exceßerint, malum*: dormiendum autem eousque, donec cibus in ventriculo & hepate sit concoctus, spiritusque absumpti instaurati. Verùm pro caloris innati copia aut inopia spatium hoc in omnibus æquale non est. Breuius quàm sex horarum temporis spatium ad somnum vix sufficit: vltra autem nouem horas somnus non extendendus: maxima ex parte spatium horarum septem sufficit, vt is medius quasi dormiendi terminus sit. Verùm hoc loco præcipuè obseruandum, eos inprimis, qui literis incumbunt, maximè delinquere, si post cœnam diu vigilent, & contra post ortum Solis dormiant. Ordinem enim sic Naturæ peruertunt: cum dies vigiliis, non somno tributus sit. Nam cum Sol ad nostrum hemisphærium accedit, vel super eo versatur, corporis meatus suis radiis aperit, atque humores & spiritus à centro ad circumferentiam euocat, atque ita ad vigiliâs & actiones inuitat. Cum verò recedit, corporis meatus clauduntur, humoresque & spiritus intrò reuocantur, & sic ad quietem homo inuitatur. Qui igitur manè, quando Sol & mundus hominem excitant, & ad labores inuitant, dormit; ad multam verò noctem, cum dormire Natura & quiescere iubet, vigilat: is ordinem & in Vniuerso, & in seipso inuertit, & corpus ac spiritus contrariis motibus labefactat, dum quando Natura omnia intrò mouet ad quietem, ipse contra omnia ad externa reuocat. Præterea coctionem hoc modo valdè lædit. Nam ab aëre diurno calidiore, & laboribus ac vigiliis, spiritus dissipati sunt, vt noua eorum generatio & instauratio requiratur, quam, qui in multam noctem vigilant,

impediunt, præcipuè si studiis incumbant, adeò, vt neque coctioni in ventriculo, neque meditationibus sufficere possint: sed caput saltem vaporibus replent, & spiritus à coctione in ventriculo auocant; vnde cruditates multæ cumulantur. Quare rectè scribit Marfil. Plinius, *de Studios. san. tuend. cap. 7.* Eos, qui nocte contra naturam pro die, atque è conuerso die pro nocte vtuntur, tanquam noctuæ, & in hoc vel inuitos noctuas imitari, vt quemadmodum illis sub Solis lucem caligant oculi, ita his mentis acies sub veritatis splendorem caliget. Est & decubitus quædam forma seruanda, nimirum cruribus & brachiis modicè contractis, capite nonnihil eleuato, & corpore reliquo, quantum fieri potest, mollissimè posito, super alterum latus decumbendum est. Supinus enim decubitus valdè nocet, & fluxionum atque multorum morborum causa est. Et primò quidem in latere dextero cubandum est, vt coctio ventriculi à calore hepatis adiueatur. Non dormiendum est sub dio, nec sub radiis Lunæ, clausisque fenestris aër nocturnus arcendus est, cubiculumque omni fœtore atque immunditie careere debet: lectus sit mollis, & ad aëris frigiditatem arcendam quouis tempore accommodatus. Materiam quod attinet, non omnibus nationibus eadem in usu est. Fiunt lecti vel culcitæ è gossypio, lana, plumis. Utatur quisque ea, cui magis assuevit. Nam parum cautè & sine vlla ratione, ac contra experientiam hac de re scribit Rodericus Fonseca, *de tuend. sanit. cap. 18.* Cautè obseruandum, inquit, ne dormiamus in culcitris plumeis, vt in Germania fit. Nam iste decubitus calculos renum gignit, calorem extraneum concitat, & ad tabem præparat. Quot enim millia hominum in Germania per omnem vitam in talibus culcitris dormierunt, neque vnquam quid tale passi sunt? Hoc tamen hîc monendum, eos parum cautè facere, qui decubitori caput vel panneis, vel pelliceis, vel plumis tegumentis inuoluunt, quibus prohibita transpiratione fluxiones & catarrhos sibi attrahunt. Porro vbi per somnum coctio iam absoluta est, & spiritus ac vires refectæ, manè surgere decet, atque ad expedienda negotia redire, non in multam lucem stertere, & maiorem vitæ partem somno perdere. Imitandaque hac in re Demosthenis industria, qui opificum sedulitatem & matutinos labores seu præueniebat, seu imitabatur. Tandiu enim verè viuimus, quamdiu vigiliamus. Sint tamen vigiliæ & ipsæ moderatæ. Nam nimia calorem natium absumunt, & spiritus dissipant, corpus exsiccant, cruditates pariunt, sensus obtundunt, & omnes in corpore actiones lædunt. De quo Hippocrates, 2. aphor. 3. *somnus & vigilia si modum exceßerint, malum.* Balneorum ad sanitatem tuendam non leuis est utilitas. Aquæ enim dulcis calidæ balneum tollit lassitudinem, pectoris & dorsi dolores mulcet, articulos emollit, capitis grauitatem ex biliosis humoribus profectam amouet, melancholicos iuuat, plenitudinem imminuit, flatus discutit, corpus calefacit & humectat, siccitatemque illam fatalem remotatur. Rectè tamen balneorum ratio instituenda est. Nam sæpè grauissimi balneorum vsu errores committi solent. Si enim balnea vel nimis calida sint, vel diutina, calorem dissipant, & latentem in corpore cacochymiam commouendi vim habent. Neque etiam sunt ineunda balnea, antequam cibus in ventriculo sit concoctus: ne crudi humores in vniuersum corpus rapiantur. In balneo verò ab omni cibo & potu abstinendum. Ante fatigationem quoque egrediendum, & caput ac totum corpus siccandum, atque à frigore defendendum, nec prius cibus capiendus, aut bibendum, quàm caliditas illa balnei exspirarit. Lotiones capitis etsi à nonnullis planè reiciantur: tamen inutiles non sunt. Aperiant enim poros cutis, vt fumi, qui oppletis illis exiguis meatibus detinebantur, exhalare

Decubitus forma.

Vigilia.

Balnea.

halare possint. Non tamen adhibeantur, cum vel catarrhus, vel dolor capitis vrget, sed differantur eoque, donec remiserint. Lotio autem hæc fiat vel manè, vel hora ante cœnam, & à lotionem caput exactè linteis tepidis exsicceetur. Lotio denique pedum & ipsa non tantum ad sordes abluendas conuenit, sed & ad humores à capite auertendos. Tandem ad sanitatem conseruandam utile est, vt excrementa, quæ quotidie cumulari solent, quotidie excernantur. Itaque danda est opera, vt mox à somno feces alui deiciantur, ne diurnis laboribus exsiccata obstructiones alui pariant. Si non satis respondeat aluus, humectanda est vis passis, prima mensa aut paulò ante cibum sumptis, iure galli, decocto caulium, borraginis, buglossi, maluæ, brancæ vrsinæ, prunis sex aut septem in iure senæ decoctis, & semi hora ante cibum sumptis. Ita & secundæ & tertiæ coctionis excrementa eiicienda sunt. Et quia tertiæ coctionis excrementa omnia à natura ferè non expelluntur, quotidiano exercitio expellenda sunt. Propterea singulis diebus manè post somnum omnia sensuum instrumenta mundanda sunt. Caput pectendum, os aqua eluendum, dentes & lingua mundanda, aures, nares & palatum expurgandum, oculi faciesque tota aqua frigida abluenda, corpusque, inprimis brachia & crura fricanda. Quia verò facile fieri potest, vt in rerum harum usu aliquid peccetur, id in genere hîc notandum, dandam esse operam, vt si quod erratum commissum fuit, mox postero die contrario suo emendetur. Exempli gratia, si corpus ex aëre calido nimis incaluit, videndum, vt contraria qualitate naturali statui restituatur. Si exercitia motusque corporis, si eibus, potus, somnus & vigilia, ac reliqua modum exceßerint, atque aliqua in corpore mutatio inde imminere videatur; contraria causa omnis illa inæqualitas mox tollenda.

CAPVT V.

De Diæta Senum.

Quamquam autem omni cura & diligentia corpus regatur: tandem tamen necessariò ad interitum vergit, & nobis ferè non attendentibus senectus obrepit. Huius ætatis diætã quæ moderatur Medicinæ pars γηρονομική nominatur; & ipsa valde necessaria. Nam cum huius ætatis calor sit debilior, virisque & totius corporis robur iam attenuatum; si quæ in præcedentibus ætatibus errata commissa sunt, in ea facile sese detegunt; & si quæ in ea committantur, non diu latent, & neglecta indies maiora fiunt. Quare hæc ætas diligentem diætæ rationem requirit. Incipit autem hæc ætas post septimum septenarium, anno nimirum quinquagesimo; & diuiditur in tres partes. Prima appellatur cruda senectus, quæ ab initio octauæ septenarij ad partem aliquam noni extenditur; estque hæc ætas laboribus obeundis nondum planè inepta. Deinde sunt medijs senes, & qui propriè γερύτων nomine appellantur, à noni septenarij reliquo ad decimum exactum. Tandem decrepiti senes sunt. Quia verò in senectute corpus in dies magis exsiccat, & calor natiuus absumi solet: in genere omnibus senibus danda est opera, vt siccitas præcaueatur, & calor, quantum fieri potest, conseruetur: vnde tota senum diætã ad calidum & humidum declinare debet. Aër itaque huic ætati conuenit calidior & humidior; & nisi per se talis sit, quærendus & conciliandus est, quibus fieri potest, modis; autumno, & hyeme inprimis, quæ maxima infesta senibus est. Etsi enim hyems humidior sit; tamen vehemētissime à frigo-

re calori nostro inimicissimo læduntur senes. Vnde Hippocrates, 3. aphor. 18. scripsit: *Æstate & autumno usque ad aliquam partem optimè valent senes.* Alimentum & ipsum calidum sit & humidum, boni succi, facilisque concoctionis; cuius generis est panis bene fermentatus & bene coctus, pinguis iuscula, caro pulorum, gallinarum, caponum, vitulina, hœdina, oua, & similia, quæ facile in corporis nostri substantiam mutantur, corporique bonum & copiosum alimentum præbent, atque in ventriculo non facile corrumpuntur. Plurimi inter hæc mel etiam, vt senibus commodissimum, commendant, vt quod & calefaciat, & ad absumendam in senibus pituitam inprimis utile sit. Cibi verò crassi, duri, glutinosi, qui caput tentant, in ventre acescunt, ac facile corrumpuntur, cuiuscunque sint generis, vitentur. Aut si quid ex raliu usu noxæ contractum sit, corrigenda ea usu diatrion piper, diacalaminth. & similibus. Atque hæc cibi qualitates procedente ætate semper curiosius obseruandæ sunt, vitandique magis, magisque cibi crassi, visceri & difficilis coctionis, tandemque ferè solis iusculis & sorbitionibus senes alendi sunt: cum calor indies magis marcescat, dentesque ad cibos solidiores masticandos deficient. Non autem solum cibi boni alimenti senibus offerri debent, sed & de eius quantitate consueta aliquid detrahendum, parti usque cibis sæpius exhibendus est. Nam calor senum debilis est, ac vis coquendi imbecillis; & vt Hippocrates, 1. aphor. 14. scribit, *In senibus calidi inest parum, & propterea paucis fomentis egeant, siquidem multis exstinguitur.* Itaque non solum bis de die cibandi, sed ter, cibisque, qui ipsis exhibetur, in tres partes diuidendus. Primo quidem ientaculi loco iusculum aliquod, vel ouum, vel mel cum pane, vel simile quid exhibendum, quod trium horarum spatio ferè concoqui possit: postea prandium circa meridiem aut antè sumendum: tandem cœnandum. Et quidem danda est opera, vt senex in quantitate cibi nunquam delinquat, vt non sine causa Cardanus, *de tuend. san. lib. 4. cap. 5.* censet; in qualitate verò cibi aliquando mutationem facere non nocet, secundum Hippocratem. 2. aphor. 10. *consueta longo tempore etiam si deteriora sint, insuetis minus molesta esse solent. Quare ad insolita quandoque facienda mutatio.* Et conceditur senibus, vt interdum cibos permutent, & cibis non semper utilissimi alimenti, boni tamen, vtantur. Potus senibus conuenientissimus est vinum, Deusque, vt Plato, *lib. 2. de legib.* habet, *vinum hominibus quasi auxiliare aduersus senectutis austeritatem pharmacum largitus est, vt reiuuescere videantur, & mœstia nos obliuio capiat, atque ipse animi habitus mollis è duro factus, vt ferrum igni imposuimus, tractabilior fiat.* Vnde & vinum lac senum appellatur. Videndum tamen, ne nimia eius copia assumatur, cuius calor humidum citius absumere, vel caput tentare, & catarrhos excitare possit. Eligendum autem vinum naturæ calidioris, tenue, fragrans, sapore bono, ætate medium, colore fuluum, vel flavum. Crassa verò, quæ obstructiones pariant, aut vim adstringendi habent, aut vrinas intercipiunt, senibus non conueniunt. Et cum hæc ætas plurimè morbis obnoxia sit, articulorum doloribus, catarrhis, renum ac vesicæ calculo, vrinæ stillicidio, & plurimis aliis: vina, quæ tale quid excitare possunt, vitanda. Vtilis quoque est senibus mulla, seu potius ex melle coctus, qui ad vitam in senibus producendam non parum facit. Plinius, *lib. 22. nat. hist. cap. 24.* narrat, Pollionem Romulum, cum annum centesimum excessisset, atque à Diuo Augusto hospite interrogaretur, quam ratione maxime vigorem illum animi corporisque custodisset, respondisse: intus mulso, foris oleo. Exercitiis leuibus ante cibum vtantur senes. Qui laboribus assueti sunt, eos non omninò mox omittant, sed leuioribus usque ad annum sexagesimum incumbant; ita tamen

Excreta & retenta.

Aluus quæ ratione la-xanda.

Alit senis

Potus

Senectutis initium & partes.

Diætã senibus qualis conueniat.

Exercitiis senum.

CAPUT VI.

De Intemperatorum & Neutorum Corporum Diata.

Atque hoc modo temperatorum hominum à primo ortu ad senectutem vsque diata breuiter explicata est. Quia verò longè maxima hominum pars vel à primo ortu, vel aliis de causis ab illo optimo temperamento declinat: de illorum diata instituenda vltimo loco dicendum. Dantur autem corporum, quæ ab optima temperie, & sanitate defleunt, duo genera. Primò sunt quædam corpora, quæ quidem omnes actiones & vitæ munia satis commodè obeunt, & de quibus, vt in morbum mox labantur, metus non est: ab optima tamen illa & exactissima sanitate absunt, & vel calidiora, vel frigidiora, vel humidiora, vel sicciora sunt. Deinde sunt alia, quæ morbosæ constitutioni, quàm hæc, propiora sunt: atque talia sunt iterum duplicia; neutra decidentia & neutra conualescentia, vt appellant. Neutrum decidentia illud est, quod à statu temperato & optimo versus morbum declinat, & nisi Medicus futuro incommodo obuiam eat, faciliè in morbum incidit; parsque methodi tuendæ sanitatis, quæ talia corpora regit, appellatur *μεθόδου λακτική*. Neutrum conualescentia est, quod à morbo iterum sese colligit; parsque methodi tuendæ sanitatis huic dicata nominatur *ἀναληπτική*. Differt autem hæc *μεθόδου λακτική* ab ea, quæ methodi curatricis pars est; quod illa, quamuis præseruatricis dicatur, præsentis morbi causas adimat, hæc verò solum imminentis. Atque ita duplex est præseruatio: vna agris propria, altera, quæ sanis competit. Et quidem vtriusque generis corpora à statu illo optimo deflecentia per sua signa cognita habere vtile est. Prioris generis signa, in arte Medicinali, Galenus prolixè tradit, & qua ratione excessus qualitarum tum in toto corpore, tum in singulis partibus deprehendi possint, monstrat, de quo etiam supra, lib. 3. part. 2. sect. 2. dictum. Corpora autem à naturali statu versus morbum declinantia cognoscuntur commodissimè è triplici illo symptomatum genere. Nam si actio aliqua in corpore mutetur, si fames, sitis, somnus, vigilia, visus, olfactus, gustus mutari incipiat; si dolor aliquis infestet, si lassitudo percipiatur, vel alia in actionibus mutatio: naturalem corporis constitutionem labi indicio sunt. Deinde idem ex eo cognoscitur, si color corporis, vel alia qualitas, vel eiusdem moles mutetur. Tandem & excrementa valetudinis mutationem significant, cum vel quantitate, vel qualitate, vel modo exeundi, vel alia ratione à naturali modo defletere incipiunt. Et quidem primi generis corpora, quæ à mediocritate defleunt ratione temperamenti, talia sunt, (scilicet calida, frigida, humida, sicca) vel à primo ortu; vel consuetudine, victu, similibusque causis talem habitum contraxerunt. Et si verò talem constitutionem, quæ natia est, aut in habitum degenerauit, & in naturalis ferè constitutionis locum successit, immutare sit difficile: impossibile tamen non est; cum quotidie videamus, non solum ætatis, sed & victus aliarumque causarum ratione corpora variè mutari, & ex iis quæ prius calida erant, frigida, ex humidis sicca, & contrà reddi. Veruntamen istud subito fieri non potest, sed ad eam rem diuturna ac diligentiore cura sensim opus est: atque vt id assequamur, etiam otium requiritur. Nam vt Galen. 2. de tuend. san. c. 3. scribit, qui in civilibus rebus versatur, & multis negotiis distringitur, huic tutius est, vt ne tentet suum temperamentum mutare. Quæ autem diata ac ratione hæc corpora gubernari ac regi debeant, inter Medicos controuersum est. Atque alij similia, alij contraria iis adhibenda censent.

Neutra decidentia.

Neutra conualescentia.

Signa neutrorum decidentia.

Quæ in temperatis diata conueniat.

Verum

tamen, vt nulla inde lassitudo sequatur. Postea satis est deambulatio longior per intervalla tamen, & quiete media intercedente, ne vires deliciantur. Nullus enim labor vel exercitium senibus conuenit, quod lassitudinem procreare, & molestiæ sensum excitare possit. Inprimis verò senibus frictio, & maximè marutina, commodissima est. Cum enim senes ætatis vitio & coquendi & distribuendi facultatem imbecilliores habeant: excitatus post somnum matutinis frictionibus calor sese magis exseret, & cibi distributio corporisque nutritio felicius peragetur. Frictio autem sit moderata, quæ calorem saltem excitet, atque alimentum attrahat, non verò attractum dissipet. Somno senes vtantur longiore. Vix enim aliud senum corpora tantum demulcet & fouet, quàm somnus; & propterea à nonnullis somnus vita senum nominatur. Vigiliæ verò senibus aduersissimæ, quæ siccitatem, qua nihil senibus nocentius, corpori inducunt. Itaque danda opera, vt quantum fieri potest, somnus in senibus retineatur & reuocetur. Commendantur in hunc usum amygdalæ dulces, lactuca item & anethum. Lactuca, quia frigida est, prius cocta cum saccharo, vltima mensa sumi debet. Anethum autem non solum vi hypnotica, sed & caliditate ac humiditate sua vtile fuerit. Prostant & lotiones pedum ac manuum ante somnum cum aqua tepida, in qua flores nymphææ, chamæmel, anethum, capita papaueris, folia salicis & similia cocta fuerint. Inprimis autem animi perturbationes vehementes vitent, quæ faciliè vel calidum illud debilius dissipare aut suffocate, vel humidum absumere, vigiliæque inducere atque illam fatalem siccitatem ac frigiditatem accelerare possunt. Dent potius operam senes, vt honestis oblectamentis corpus atque animam recreent. Tandem & id curent senes, vt excrementa rectè excernantur. Ob calorem enim debilem in iis generantur excrementa plurima; vis verò expultrix debilior est, corpusque siccior: vnde aluus sæpius iis est adstrictior. Cibus igitur quibusdam, vbi opus est, aluus senibus humectanda; quod æstate & autumnus fieri potest, si aliquid fructuum maturorum, vt vuas, pruna, ficus sumant. Hyeme idem beneficium ab vuis passis, caricis, prunis damascenis habere poterunt, quorum vel iusculis, vel iis ipsis prima mensa uti licet. Mel quoque & mulsum è copiosiore melle paratum idem præstant: sicut & herbæ quædam atque olera, vt brassica, mercurialis, beta, vt & oleum dulce per se sumptum. Neque inutile est mel rosatum solutiuum, quod ex rosæ vim soluendi, ex melle vim abstergendi obtinet. Galenus de tuend. san. lib. 5. cap. 9. resinam terebinthinam commendat, quæ nucis ponticæ vnius vel duarum magnitudine sumpta non solum aluum citra noxam soluere possit, sed & omnia viscera, iecur, lienem, renes, pulmones abstergere. Vehementiora verò & magis medicamentosa senibus danda non sunt, nisi aliqua magna necessitas vrgeat, atque, vt idem Galenus, allegato loco, habet: si modò enumeratis aluus soluitur, etsi non quotidie, saltem alternis diebus, nullum planè medicamentosum dari debet. In usu tamen istorum obseruandum primò, vt monet Galenus ibidem, ista, quæ recensuimus, varianda, neque vnum tantum, eligendum, & perpetuè exhibendum esse. Nam cum vni assuefacta crebro usu Natura fuerit, eius vim tandem contemnet. Deinde ne nimis copiosè sumantur, ita vt inde liberalius aluus soluantur. Quod enim ex talium usu copiosius aluus enacuata fuerit, eò magis sequentibus diebus adstringitur.

Verum ex iis, quæ iam diximus, hæc definire non ita difficile est. Nam si corpus tale aliquod ad meliorem statum reducendi vel otium, vel animus non sit, similibus est conseruandum, calidum calidis, frigidum frigidis. Quæ in re tamen obseruandum, ut non solum in genere, sed & in specie similia, seu, ut loquuntur, non solum quantitate, sed & gradu similia adhibeantur; modò lapsus minor sit. Nam si lapsus & declinatio à temperato maior sit, similia gradu inferiore & minora usurpanda. Etenim si superiore gradu atque excessum aliquem habentia intemperata corpora usurpent similia, facile in morbum sibi cognatum, calida scilicet in calidum, frigida in frigidum incident. Ad statum verò meliorem si talia corpora reducere libeat, sensim contrariis assuefacienda. Itaque si calidiora corpora talia conseruare libet, aer calidus ipsis est conueniens, non tamen æstuans & valde calidus. In tali enim aeris constitutione facile in febres morbosque calidos incidunt. Si verò calida in temperata mutare placeat, aer frigidus ad hoc conuenientissimus. Hac tamen in re diuersitatis temperamentorum habenda ratio est. Calida & humida temperies naturæ nostræ conuenientior est, & proinde talis, cum non inducit morbos, nullo modo mutanda; cum sit vitæ longioris causa: quæ verò morborum causa sæpius fit, in pueritia & iuuentute humidis minori gradu, in senectute humidis pari gradu conseruabitur. Ad siccum verò lapsa corpora semper, quantum fieri potest, toto vitæ curriculum humectabimus. Verum hæc in specie paucis explicare libet. Calidi itaque, quia toto vitæ cursu vsque ad senectutem calorem maiorem habent mordacemque, inprimis in iuuentute & consistente ætate: plurima acria excrementa cumulant, siccitatemque post adolescentiam indies maiorem incurrunt. Quapropter danda est opera, ne calidorum & siccorum vsu illa intemperatura augeatur. Vitent ergo ærem æstuantem, cibisque non mordacibus, acerbis & aromaticis, quique biliosos humores gignunt, ut sunt allium, cepe, sinapi & similia, vtantur. Potus sit copiosior, sed dilutior. Talibus corporibus cereuisia ea est conuenientissima, cuius vsu corpora pinguescere videmus, quales in plurimis locis habentur quædam triticeæ, quæ humectant, & moderatè calefaciunt. Exercitium sit moderatum, balneorum aquæ dulcis calidæ vsus frequens. Fugiant huius temperaturæ homines iram, & cogitationibus ac meditationibus non nimis diu indulgeant. Somnus iis conuenit longior: vigiliæ nocent. Quod si non solum caliditas exceßerit, sed & humiditas, vel siccitas à mediocritate declinauerit, earum quoque habenda ratio est. Calidi & sicci calidorum & siccantium vsu vitent, caueantque, ne siccitas illa calore copioso intempestiue augeatur, atque præproperè frigiditas succedat, senectusque acceleretur. Aeris itaque constitutio calida & sicca, cibique tales, atque exercitia vehementiora magis his, quàm iis, in quibus vel sola caliditas, vel caliditas cum humiditate excedit, nocet. Calida & humida constitutio, si vtrique qualitas ultra mediocritatem non multum excedat, homini maximè conueniens est, & ad vitam diuturniorem facit: si tamen paulò ultra modum sese qualitates hæc attollant, illa constitutio ad vitam diu producendam non quidem incommoda est, multis tamen excrementis obnoxia, è quibus facile plurimi morbi, & inprimis putredo excitari, atque ita sæpè ex accidenti mors præpropera sequi solet. Danda itaque est diligens opera, ut humiditas, si moderata sit, quantum fieri potest, conseruetur, nulloque modo absumatur, & senectus intempestiue acceleretur; atque in eo elaborandum, ut potius præcaueatur, ne quid ampliùs caloris & humiditatis accedat, & morbis occasionem præbeat, quàm ut caliditas & humiditas præsens refrige-

rantibus & exsiccantibus imminuatur. Naturæ enim cursu inenitabili tandem vltro omnes ad siccitatem & frigidum corporis habitum, & propterea ad mortem ipsam peruenimus. Itaque fatales hi naturæ nostræ hostes intempestiue accersendi non sunt, sed calidum & humidum, in quibus vita consistit, conseruandum: Id solum danda opera, ne modum excedamus, vnde putredo atque alij morbi succrescant. Quapropter hi vitent ærem nimis calidum & humidum, inprimis qui non liberè perflatur. Cibi exhibeantur, qui aliquam vim attenuandi habent, inprimisque cauendum, ut rectè in ventriculo coquantur, ne si aliqua eorum in ventriculo corruptio fiat, hinc putredo, morbi que excitentur. Exercitia sint talia, quæ excrementa & superflua discutiant, partes tamen solidas non exsiccant. Reliqua quoque omnia sint moderata, quæ conseruandi potius, quàm mutandi hoc temperamentum vim habeant. Inprimis attendendum, ut excreta per aluum & vrinam, aliasque consueta vias liberè excernantur. Fertque hæc constitutio euacuationes facilius, quàm vlla alia. Atque vbi vel purgatione, vel sanguinis imminutione opus est tali corpori, mox primo vere instituenda. Inualecente enim calore omnis generis morbi ex humorum abundantia hæc corpora infestare solent. Frigidi calidis cibis alendi sunt: vtantur exercitiis, quæ calorem excitent solum, non absumant; excrementa pituitosa si colligantur, maturè euacuentur. Sicci vtantur cibis humidis, ut & potu humectante, balneis aquæ dulcis, quæ humectent. Infelicissima omnium est constitutio frigida & sicca, quæ senectutis speciem quasi ab initio refert, & ad eam celeriter properat, & nisi emenderetur, toto vitæ tempore actiones parum validas edit & valetudinarios reddit. Tales itaque omni diligentia & studio sunt calefaciendi & humectandi, cibis calidis & humidis alendi. Frictiones atque exercitia, quæ excitare tantum & roborare calorem, non verò discutere valent, somnus longior, balneum aquæ dulcis calidæ frequens iis conueniunt: venus est inimicissima. Frigida & humida si sit corporis constitutio: frigiditas, quantum fieri potest, emendanda; humiditas tamen conseruanda. Ad quam rem inprimis facit exercitium moderatum, quod calorem commoueat atque excitet, ut humori dominari possit. Et quia in constitutione corporis tali plurima excrementa cumulari solent, videndum, ut tempestiue & rectè excernantur. Atque hæc corporum intemperatorum diæta est: iam de neutrorum decidentia diæta dicendum, quæ à sanitate magis, quàm hæc, deflectere incipiunt, & nisi prohibeantur, & ad mediocrem temperiem, statumque salubriorem deducantur, paulò post in morbos incidere solent. Imminent autem morbi talibus corporibus à duabus potissimum causis, plethora & cacochymia. Hæc itaque si morbum aliquem minari videantur, mox tollendæ, antequam corpus à statu naturali in morbosum præcipitent. Verum hinc notandum, non semper opus esse statim ad medicamenta confugere: cum quiete & abstinentia multi magni morbi præcaueri possint: satisque sæpe est, si corporis motus & balnea omittantur, ciboque aliquid detrahatur. Quod si maior sit lapsus, & qui hoc modo corrigi non possit, ad duo illa præcipue auxilia plethoræ & cacochymiae opposita, venæ sectionem & purgationem, deueniendum, ac plethora imminuenda, cacochymia tollenda. Quod non solum de toto, sed & de priuatis partibus intelligendum est; atque si particulatim aliquid vitiosorum humorum in corpore cumulatam sit, id tollendum. Quæ vero ratione hæc omnia perfici possint, in curatrice Medicinæ parte explicabitur. Est enim *μετριοκρασία* hæc pars in confinio curatricis posita, & multa præseruatricis, vbi opus, ex illa quasi mutuatur. Quæ de causa plura de his hinc non addimus. Duo tamen monere libet:

Calidorum
diæta.

Frigidiorum
diæta.

Ne
decidat
diæta.

liber: Primò verum tempus ad præseruationem commodissimum esse, vt docet Hippocr. 6. aphorif. 47. *Quibus vena sectio, inquit, aut purgatio prodest, his vere vena secanda, & purgatio imperanda.* Hac ratione enim plurimi morbi, qui tum moueri solent, præcaueri possunt. Commodius autem primo vere humores pituitosi & melancholici, qui per hyemem collecti sunt, purgantur; sub finem verò veris biliosi, qui tum præcipuè mouentur. Est & commodum melancholiam & humorem atrum sub autumnum euacuare, ac morbos, qui ex iis generari solent, præcauere. Deinde & hoc monendum videtur, à plerisque ad sanitatem tuendam aloën, & quod inde componitur, hieram picram, medicamentum plurimum commendari. Galen. 6. de simpl. medic. fac. aloën gratum esse stomacho medicamentum, vt si quid aliud, dicit: hieram verò ad contentos in ventriculi tunicis vitiosos corruptosque humores tollendos plurimi laudant. Mesue aloën de salubrioribus & melioribus medicamentis esse scribit, quæ habeat prærogatiuam super omnia medicamenta. Cum enim reliqua purgantia ventriculum soleant debilitare, & membris nocere: excipiendam aloën, putat, quæ non solum non noceat; sed & ea confortet. Imò censet, si quis continuò ea viatur, eum nullum in corpore, vel instrumentis sensum morbum percepturum, qui non sit sanabilis. Verùm hanc sententiam vehementer improbat Cardanus, qui, de tuend. san. lib. 1. cap. 45. scribit, Galenum pessimè dixisse, aloën esse amicissimam ventriculo, atque eo errore infinitos homines, sperantes auxilio hoc se ad senectutem peruenturos, hoc ipso consilio ante naturam ætatem interfecisse. Esse enim amarissimam & abominandam; atque propterea noxiam. Nam cum dulcissimum ventriculo sit gratissimum: odiosissimum & inimicissimum esse amarissimum. Hieram quoque, etsi correctior sit, atque aliquando non inutilis: tamen ipsam & ventriculo & vitæ obesse statuit. Atque hinc putat Mesuen, dum Galeno sese nimium credidit, non solum non ad decrepitam peruenisse ætatem, sed in ipso iuuentutis flore cum sua aloë extinctum fuisse. Iecur ab ea offendi plurimi etiam docent: quod ipsum & Iul. Cæs. Scaliger. exerc. 160. sect. 3. testatur. *Qui negant, inquit, aloë iecur offendi, experientia scutica digni sunt. Hoc per annos amplius quadraginta compertum habemus. Quamobrem Mesue me ipsum ascriptorem statui necessariò. Nolo commemorare, quot non solum ab empiricis & pharmacariis, sed etiam Galenicis in pericula & morbos aloës vsu coniectos exemimus è perniciè manifesta.* Et occurrunt huius generis alia, ac de aloës viribus discrepantes opiniones apud Manardum, Mantuum, L. Fuchsum, Al. mūdella m& alios superioris sæculi Medicos. Verùm dubium Lectorem dimittam, & meam etiam sententiam addam, Vtrique non omnino malè, mihi sensisse, nec ita dissentire, quin consiliari possint, videntur. Nam primò concedendum omnino puto, aloës vsu ad sanitatis conseruationem plurimum facere; cum inter reliqua eius generis medicamenta ad excrementa, in intestinis hærentia, simulque humores crudos, pituitosos biliososque eò loco, vbi plurimorum morborum sæpè materia colligitur & cumulat, hærentes detergendos educendosque (quod sæpius & rectè fieri ad sanitatem conseruandam multosque morbos præcauendos plurimum facit) tutissimum & efficacissimum sit remedium & præterea vim siccandi & putredini & corruptioni resistendi habeat, atque id eò tutius peragat, quod vis eius tantum ad simum iecoris, rarò ad gibbum pertingit. Secundò verò nec hoc negandum, aloë hepar offendi. Cum enim igneum quasi quendam calorem obtineat, valde attenuat & siccatur, sanguinemque feruidiorem & fluxibiliorem reddit, ac substantiam hepatis non solum non roborat, sed fundendo quasi sanguinem, eiús-

Dan. Sennerti Tom. 1.

que naturæ constitutioni aduersando, ei obest, venarumque orificia aperit. Licet extra adhibita exsiccando sanguinem sistat. Vnde accidit, vt ex aloës vsu venæ ani aperiuntur: præcipuè in iis, qui ad hæmorrhoides sunt dispositi, & sanguinem feruidiorem in venis iis continent: quod qui negat, experientia scuticæ dignus est, vt Scaligeri verbis utar, Ideoque si crebrius vel nimia copia sumatur, hepatis aliquid damni attrahi potest. Quæ cum ita se habeant, ea cautio in aloës vsu adhibenda, vt nec nimis crebro, nec nimia copiâ vsurpetur, sed eâ moderatione, quam humores & excrementa in primis viis præsentia monstrant, vt scilicet ea nec sæpius, nec eius plus assumatur, quàm quod primis viis mundandis sufficiat; & paulò ante cœnam sumatur, quo tempore sumpta minus hepatis incommodat. Alias si vel crebrius, vel maiori copia sumatur, vt ad hepar penetrer, facillè id offendit, præcipuè in iis, qui naturâ sunt sicciores, & hepar calidius habent.

[Equidem de aloë diximus, supra, & lib. 5. Institut. part. 2. s. 1. cap. 11. & ibid. part. 3. s. 2. cap. 8. Quia tamen inter purgantia vix vllum medicamentum est, quod in frequentiore vsu sit, quàm aloë, in primis de eius viribus & vsu Autores discrepant.

Aloën esse succi plantæ cuiusdam, in India, Arabia, & Asia nascentis, è rei herbariæ scriptoribus notissimum est. Optima tamen hodie habetur, quæ Succotrina appellatur, quod ex Socotora, Indiæ Insula, adferatur. Proxima huic est Hepatica dicta, quod hepar concreta referat. Vilissima est Caballina dicta, quod ad veterinarios vsus adhibeatur, impura, & melioris veluti fæx.

Etsi verò plures vsus habet, vt ex Dioscoride, lib. 3. cap. 22. videre est: tamen præcipuè de vi eius purgante hîc agimus. De ea, loc. alleg. scribit Dioscorides, quod aluum soluat, & perfectæ purgationis causa tribus drachmis sumatur: additque, eam lauari, vt quod sit arenosissimum, tanquam inutile, subsidat, & leue ac pinguisimum assumatur.

Galenus, 6. de simpl. med. fac. de aloë ita scribit: *Aloë non est simplicis natura, sed, vt indicium est gustus, adstringens simul & amara est. Adstringit quidem mediocriter, sed vehementer amara est. Subducit & ventrem, utpote ex numero medicamentorum, quæ dicuntur εὐνοπορικὰ Idem Galen. 8. de compos. medic. sec. loc. vbi de hiera agit, ita de aloë scribit: Ipsam aloën Andromachus quidem lotam, ex alijs autem aliqui etiam sic, aliqui verò illotam adiiciunt. Verùm iam nosse opera pretium est, ad ventris subductionem illotam aloën aptiorem esse, multum verò de medicamentaria vi deponere lotam, quam etiam febricitantibus dare aliquis audeat, si non vehemens, sed valde debilis sit febris. Quidam verò etiam ex illota aloë pharmacum multis sic febricitantibus exhibuerunt: deinde, cum nihil manifestè lesissent, in alijs rursus maximum experti sunt nocuum. Infestissima enim est aloë, etiam lota, his, qui citra vitiosos humores, ex intemperie calida & sicca affliguntur. Proximam ab his lesionem percipiunt, qui siccam intemperiem habent, etiam cum frigidityte coniunctam, & in vniuersum, qui ex sola qualitate particulam aliquam lesam habent. Et mox: Aloë purgatoriam vim non fortem habet, sed vt ea, quæ circa aluum sunt, quæ etiam contingit, purgare possit. Et si aliquando ampliori pondere exhibeatur, vsque ad locos circa hepar conscendit, non tamen totius corporis purgatoria aloë existit.*

Aëtius, tetrab. 1. serm. 3. cap. 24. de aloë ita habet: *Aloë totum quidem corpus non purgat, verùm sitam in stomacho & ventre & intestinis bilem citra molestiam educit, & placidè vnâ cum subiectis excrementis. Datur itaque iis, quibus propter assiduas fientes ad ipsum è stomacho exaporationes, caput affligitur. Excindit enim inutilem vaporum allationem. Danda est & lipipientibus propter eandem causam, & iis, qui ob bilis*

FFF

augmen

Aloë quid?

Quotuplex.

De eius vi purgante.

Dioscorides.

Galen.

Aëtius.

augmentum sitiunt, quibus os & lingua facile resiccatur, & qui circa stomachum arlorem aut nauseam, aut molestiam aliquam euerforiam percipiunt. Præbetur & iis, qui præter rationem pallidiores facti sunt, & in quibus superfluitates educatione indigent.

Mesues.

Mesues verò, de simpl. cap. de aloë, plura habet, ex quibus hæc extraximus: Aloë inter reliqua purgantia aliquam prærogatiuam habet. Cum enim reliqua purgatione virtutem debilitent: aloë id non solum non facit, nec ventriculo nocet, sed eum etiam confortat, & reliquorum purgantium noxam corrigit. Vnum saltem nocuum habet, quod orificia venarum aperit, & inde hepatis nocere potest. Verum si rectificetur, hepatis non nocet. Et quidem in aloë lota est minor vis purgandi, & maior vis stomachum roborandi. Lota verò contrario modo sese habet. Aloë etiam vix transit ultra hepar, nisi in maiore quantitate sumatur. Quotidianus eius usus facit, ne in corpore & organis sensuum morbus ullus percipiatur. Præseruat à putredine, ita quidem, ut cum myrrha mixta etiam cadauera à putredine præseruet.

Ex hac antiquorum de aloë doctrina, variæ apud Recentiores disputationes exortæ sunt. Et primò quidem de aloë lota & non lota dissentire videntur etiam Antiqui. Nam Dioscorides, alleg. loc. idè saltem aloën lauare dicit, ut quod arenosum est, tanquam inutile separetur, & pinguißimum vsurpetur. Quâ ratione fæculenta saltem separentur; vnde aloë, quæ manet, efficacior sit, quam antequam lotione fæculenta separata fuerint. Galenus contrà illotam fortius operari, loram verò de vi purgandi multum amittere scribit. Actuarius, lib. 5. meth. med. cap. 9. in præparatione hieræ picræ Galeni, aloën tritam in aquam, ut subsidat, mitti, deinde emergentem summam aquam cum innatantibus sordibus abiici, idque iterum & tertio repeti iubet.

De lota & non lota diuersa Antiquorum sententia.

Sententia vera.

Verum si dicendum quod res est, cum aloë lota in aqua, sero, vel aliis liquoribus dissoluatur, Dioscoridis sententia verissima est, aloë pura nullâ purgatione, quâ eius vis purgans imminuitur, opus habet, sed in aqua, vel simplici, vel acetosæ, vel endiuixæ, vel alio liquore soluat, ut quod arenosum est, subsidat & separetur: si quæ tamen aliena, ut pili, vel alia, innatant, & ea separanda; aloë verò in liquore dissoluta à fæcibus separanda, & si quid in fæcibus adhuc aloës bonæ supersit, quod ex liquore affuso, si coloretur adhuc, & saporem aloës acquirat, cognoscitur, iterum aliquid liquoris affundendum, donec aloës totâ substantiâ solutâ, fæces postea abiciantur, & liquor, in quo dissoluta est aloë, in balneo vel cineribus lento igne ad spissitudinem exhalare permittatur; quæ purissima aloës substantia & in aëre calido postea amplius incrassatur. Quæ aloë præparata, vel essentia aloës à nonnullis etiam, sed minus rectè dicitur. Imperitè verò faciunt, qui liquorem, in quo aloës purissima substantia soluta est, quod Dioscorides pinguißimum appellat, abiciunt, & fæculentum cum aliquâ aloës parte adhærente retinent, & id aloën lotam appellant, & quam non lotam, mitius purgare dicunt. Equidem verum est, quod hæc aloë minus purgat, quam non lota, nimirum quia optima pars aloës ab eo separata est, & quam lotam illi nominant, nihil aliud est, quam fæces aloës cum paucillâ aliquâ aloës parte.

De usu & viribus aloës. Mesues.

Deinde de viribus & usu aloës variè dissentiunt Autores. Primò Mesuen laudare aloën, supra diximus, & statuere, eum, qui eam in quotidiano usu habet, non facile aliquem morbum, præcipuè in instrumentis sensuum passurum, & omnem putredinem inhibere. Et sunt ex Recentioribus, qui iis, qui in continuo usu habent aloën, immunitatem ab arthritide polliceri audent. Contrà Galenus, 8. de compos. med. sec. loc. non ita simpliciter laudat, sed infestissimam aloën esse scribit his, qui citra vitiosos humores

Galenus.

ex intemperie calida & sicca affliguntur. Et Aegineta, lib. 2. cap. 55. medicamenta ex aloë ad marcorem perducere scribit. Manardus quoque in Annotat. in simpl. Mesuë, nec senes, multò magis iuuenes, non nisi magnâ urgente necessitate, aloë uti debere scribit. Et Mesues scribit, quod dicant quidam, quod lædat hepar, id quod annotante Manardo, Auicenna dixit; cui tamen parum in hac re credendum esse putat, sapore, & antiquis Autoribus contrarium potius attestantibus, nisi calidum vel siccum supra modum hepar intelligamus.

Contrà ex Recentioribus Mindererus, Aloëdarij sui, cap. 10. cum Mesue aloën valde commendabat. Aloë, inquit, humana vita valetudini tutanda, agritudinibus propulsandis, morbis præcauendis, diuersis aduersitatibus anteuertendis, vita proroganda, ætati extendenda, calamitatibus corporis futuris obfistendis, ad diem huius lucis elogandum, nepotes conspiciendos, ac subuenturam prolem in tertiam generationem contemplandam, ut si homo mortalis non foret, ad auitatem præstandam à DEO Ter Opt. Max. data, condita ac creata. Inprimis verò Cardanus, de sanitat. tuend. lib. 1. cap. 45. Galeno & Mesue contradicit, scribitque pessimè dixisse Galenum, aloën esse ventriculo amicissimam; cum potius sit amarissima & abominanda; quo errore infinitos homines, sperantes, hoc auxilio se ad senectutem peruenturos, hoc ipso consilio ante maturam ætatem interfecerit. Additque Mesuen, dum nimis Galeno sese credidit, non solum non ad decrepitam peruenisse ætatem, sed in ipso flore iuuentutis cum sua aloë extinctum esse.

Præterea Mesues scribit, quod aperiat orificia venarum. Manardus verò, in Annot. addit, hoc non dicere Antiquos, sed contrarium potius. Dicere enim Dioscoridem, quod sanguinem sistat per ora venarum ani emanantem, & Plinium, vnde cunque fluentem. Si ergo aperiat orificia venarum, id fieri existimat Manardus, eò, quod acres humores moueat, nec esse hoc ei magis peculiare, quam cæteris purgatoriis medicinis, imò fortè id minus facere, quæ adstringendi vim purgatoriæ coniunctam non habent. Idem pluribus defendit lib. 12. epist. 3. existimatque, quod Medici nonnulli in eam sententiam deuenierint, aloën aperire ora venarum, quod crebrius aloë, quam aliis medicamentis purgatoriis vsi sint, vnde factum sit, ut quod ab excrementis ab aloë motis sit, proprio vitio, & per se ab aloë factum putarent. Et licet quidam, aloën venarum orificia aperire, eâ probare voluerint ratione, quod menses moueat: tamen rationem illam nullius momenti esse putat, negatque aloën menstrua mouendi vim habere, & menses moueri saltem à valde calidis & incidentibus medicamentis, quale non est aloë, utpote quæ acrimoniâ careat; ideoque si quando aloë menstrua mouere visa fuerit, id non propterea factum esse, quod venas aperiret, sed quia aliquid amouit, quod eorum fluxum prohibeat.

Et cum Iacobus de Partibus illam contradictionem, quæ in Antiquorum scriptis videtur occurrere, dum aloën venarum orificia modò aperire, modò claudere affirmant, conciliaret, dicendo, adstringendi vim habere aloën, dum extrorsum admouetur, dum verò intus accipitur, aperire; Manardus istam responsionem impugnat, dicitque nullam rem id per se actu agere, cuius agendi potestatem non habet. Deinde Dioscoridem scribere, quod aloë pota sanguinis excretiones compescat: & Plinium, lib. 27. asserere, aloën sanguinis excretiones, si modicæ sint, drachmæ vnius pondere ex aqua, si minus, ex aceto potam sanare. Tandemque ne Mesuen planè deserat, dictum Mesuæ non de qualibet aloë, sed de maligna saltem intelligendum censet.

Manardum secutus Leonhardus Fuchs, Paradox. Fuchs. medic.

Manardus.

medic. lib. 1. cap. 1. contra Serapionem & Mesuën probare conatur, aloën per se venarum ora non aperire, & sanguinem cingere, sed eadem potius occludere, & sanguinem vndeunque fluentem sistere. Id tamen non expeditum dat rationibus, sed saltem autoritatibus certat, & contra Serapionem, *cap. 201. de medic. simpl.* asserentem, aloën aperire ora venarum, quæ in ano sunt, & contra dicentem, aloë aperit orificia venarum, apertione sanguinem manare faciente: & iterum scribentem: aloë nocet hæmorroidibus & ano, adducit loca Dioscoridis, *lib. 3. cap. 24.* ubi scribit, quod aloë habet vim adstringendi, & cum aqua frigida pota sanguinis excreationes cohibeat: & Galeni, *6. de simpl. med. fac.* quod aloë sinus glutinat, & *5. m. m. cap. 4.* ad hæmorrhagias sistendas vitur, quod etiam habet Plinius, *lib. 27. cap. 4.* Et licet interdum aloën ani venas aperire videamus: id tamen ex accidenti fieri putat, & ob acrimoniam eorum, quæ excernuntur. Et tandem contra Mesuæ sententiam instat: si aloë peculiarem vim venarum orificia aperiendi haberet, semper id præstaret, quod tamen non observatur.

Cum ergo tam variæ de viribus & usu ac utilitate aloës sint opiniones, nostram sententiam aliquot conclusionibus proponemus. Prima esto: Aloë, ut docet Galenus, *6. de simpl. med. fac.* ἐκκοπρωτικὸν medicamentum est, seu, ut *8. de comp. med. sec. loc.* habet, vim purgatoriam non fortem habet, sed ea saltem, quæ circa aluum & primas vias consistunt, expurgat, neque facile ad hepar conscendit, nisi forsan ampliore pondere exhibeatur. Totius verò corporis purgatoria non existit.

Secunda: Ergò, quod dicit Mesuë, eum, qui aloën in usu quotidiano habet, non pati aliquam ægritudinem in corpore suo, & organis sensuum, id commodissime Aëtij, *tetrab. 1. serm. 3. cap. 24.* verbis explicatur. Aloë, inquit, totum quidem corpus non purgat, verum sitam in stomacho ac intestinis bilem citra molestiam educit ac placidè, unà cum subiectis excrementis. Datur itaque his, quibus propter assiduas fientes ad ipsum è stomacho evaporationes caput affligitur. Excindit enim inutilium vaporum allationem. Danda & lippientibus propter eandem causam, & qui ob bilis augmentum sitiunt, quibus lingua & os facile resiccatur, & qui circa stomachum ardorem aut nauseam, aut molestiam aliquam eversoriam percipiunt. Præbetur & his, qui præter rationem pallidiores facti sunt, & in quibus superfluitates educatione indigent. Nimirum cum humores vitiosi, in primis viis cumulati, facile prauos vapores ad caput mittant, illudque hoc modo molestia afficiant, præterea inde cum chylo misceantur, & ad hepar ac reliqua viscera deferantur, vnde sanguis prauus generatur: si aloës usu illi humores è primis viis euacuentur, multi morbi & incommoda præcaueri possunt.

Tertia conclusio: Ex quo sequitur, non temerè, & sine causa iis, qui nullos tales vitiosos humores in primis viis cumulos habent, exhibendam aloën; & in primis his, qui citra vitiosos humores intemperie sicca laborant, infestissimam esse, ut Galenus, *8. de comp. med. sec. loc.* docet, ita quidem, ut ad marcorem perducere possit, ut Aegineta, *lib. 2. cap. 55.* scribit. Et in primis iis, qui calidum hepar habent, aloë in magna quantitate, ne ad hepar penetret, non exhibenda.

Quarta conclusio: Aloe ventriculo amica est. Equidem, ut supra dictum, Cardanus eam ventriculo obesse, nec vlla alia in parte laudem mereri scripsit, præterquam quod ad ventriculum parum vel nihil humoris trahat, istaque sola ratione colocynthide, cucumere asinino, scammonio, & similibus melior fiti. Verum experientia scuticâ dignus est. Ea enim constat, eam non solum ventriculo non nocere, sed aliis etiam purgantibus mistam, prohibere, ne quid

ab illis damni ventriculus patiat. Ratio verò Cardani ab amaritudine desumpta nullius momenti est. Distinguendum enim est inter alimenta & medicamenta. In alimentis quidem laudatur moderata dulcedo, culpatur amaritudo: alia verò medicamentorum ratio est, in quibus amaritudo ad multa utilis est; nec satis suæ valetudini consulit, qui nimis dulcibus sæpius vitur. Et notissimum est, quanta comoda afferat ventriculo absinthium, amarum satis medicamentum: & quod tamen Cardanus, sui oblitus, eo ipso capite ventriculo prodesse dicit. Alia verò longè ratio est scammonij, colocynthidos, cucumeris asinini, & similibus fortium purgantium. Præterquam enim quod ea vitiosos humores ad ventriculum ipsum impetuosius conuehant, maligna etiam qualitate eundem lacessunt & subuertunt. Sum tamen in eâ sententiâ, aloën esse utiliore senibus, quàm iuuenibus, non solum idèd, quia iuvenes sunt calidiores, senes frigidiores, verum etiam quia senes maximè sunt propensi ad crudelitatem acidam generandam; quod & eorum sudores acidi, & alia docent. Acidæ verò cruditati maximè resistunt amara. Præterea & hoc commodi aloë habet, quod putredini maximè resistit.

Quinta conclusio: Omnino Arabibus assentendum puto, qui docent aloën venarum ora aperire, & propterea hepatis noxiam esse. Quod etiam I. C. Scalliger, *exerc. 160. s. 3.* testatur, dum scribit: *Qui negant, aloë iecur offendi, experientia scuticâ digni sunt. Hoc per annos amplius 40. compertum habemus. Quamobrem Mesuë me ipsum adscriptorem statui necessario. Nolo commemorare, quot non solum ab Empiricis & Pharmacariis, sed etiam Galenicis in pericula & morbos aloës usu coniectos exemimus è perniciè manifesta.* Nimirum aloë igneum quasi quendam calorem habet, valde attenuat & siccatur, sanguinemque feruidiorem & fluxibiliorem reddit, ac substantiam hepatis non solum non roborat, sed fundendo quasi sanguinem, eiusque naturæ constitutioni aduersando, ei obest, venarumque orificia aperit. Vnde accidit, ut ex aloës usu venæ ani aperiantur, præcipue in iis, qui ad hæmorrhoïdes sunt dispositi, & sanguinem feruidiorem in venis iis continent, ipsa experientiâ teste. Neque est, ut quis per accidens id fieri dicat, nimirum ab acrimonia humorum ab aloë motorum. Hoc enim si verum esset, alia purgantia idem præstarent. Verum nec rhabarbarum, folia senæ, scammonium, vel alia, tam facile præstant, ut hæmorrhoïdes in dispositis fluant, quàm aloë. Eadem de causa etiam aloë ad menses ciendos utilis. Etsi enim ex menses cientium numero propriè non sit, quia tamen sanguinem fundit, & amaritudinem & acrimoniam coniunctam habet, etiam, ut menses fluant, facit.

Quæ omnia cum ita sese habeant, nec ab omnibus, nec nimis crebrò, nec nimia copiâ, aloë usurpetur, sed tantum eius sumendum, quantum ad materiam in ventriculo & primis viis hærentem educendam sufficit, & quidè commodissime paulò ante cœnâ. Ita enim felicius aluum laxat, nec facile ad hepar penetrat.

Vt verò incommoda, quæ aloë hepatis afferre potest, vitentur, præparatione eius fieri potest, nimirum admisto succo rosarum, qui acrimoniam illam mitigat, vim tamen purgandi auget: quod facit aloë rosata dicta, & pilulæ Aquapendentis hodiè dictæ, quæ nihil aliud sunt, quàm aloë rosata. Sumitur nimirum aloë purissima, vel, ut supra dictum, lota & mundata, eique in vitro vel vase vitreato in puluerem redactæ affunditur succus rosarum incarnatarum eâ quantitate, ut fiat instar cremoris ptisanæ, quæ cubro setaceo tecta Soli æstiuo exponuntur & quotidie agitantur, donec mellis crassitiem acquirant. Tum rursus nouus succus affunditur, iterumque Soli exponuntur, idque toties repetitur, donec aloë sedecimi succi rosarum partes imbibit.

5.
Aloe venarum
aperit ora,
ideoque he-
pati est no-
xia.

Quomodo
usurpandū.


Præparatio
aloës.

berit. Quæ exhibetur à ʒ β. ad ʒ β. commodissime hor. i. ante cœnam. Sunt autem recipiendæ, rosæ rubræ incarnatæ dictæ, quarum succus maiorem, quàm simplices rosæ rubræ laxandi vim habet.

Quod autem hodie Aquapendentis pilulæ dictæ maiorem famam habent, quàm, quæ apud nos paratur, aloë rosata, causam esse puto, quod rosæ illæ in Italia maiorem vim habent purgandi, quàm quæ in Germania & locis Septentrionalibus crescunt. Vt n. vina Italica Germanicis sunt præstantiora, ita & rosæ.

Quod verò aloë extrâ adhibita hæmorrhagias sistat, & orificia venarum claudat, dubiū nullum est. Et quæ pota ad sanguinis spiculi sistendū exhibetur, non inter interna medicamenta, sed topica locum habet.

Tandem diætā Neutrorum conualescentiæ quod attinet, duo in primis in eorum diætā obseruanda. Primò ne rursum in morbum incidant: deinde ut citò pristinum sanitatis statum recuperent. Primò cum, ut est apud Hippoc. 1. aph. 12. Quæ in morbis post crisi relinquuntur, recidivas facere consueverint: si aliquid adhuc materiæ superflue adsit, sensim & per ʒ β. illud detrahendum, partēque principes roborandæ sunt. Si autem nulla amplius materia vitiosa adsit, corpus studiosè reficiendum. In corpore enim conualescente sanguis quidē bonus est, sed exiguus; ut & spiritus animales & vitales pauciores, partēque corporis solidæ sicciores. Alimento igitur opus est humido, & quod concoctu sit facile, ac boni nutrimenti. Quorum itaque vitelli, iuscula cum pane, pulli, capones, pisces laxatiles iis conveniunt; tandem caro hœdina, veruecina, vitulina. Concoctionem adiuuat somnus. Inunctiones ventriculū roborantes ante cibum instituantur, frictiones item, moderatæ deambulationes, balnea aquæ tepidæ. In quibus illud Hippocr. 2. aph. 7. obseruandum: quæ longo tempore extenuata sunt corpora, sensim reficere oportet; quæ verò breui, repente. Et cum magna in conualescentibus appareat debilitas: ut ea in primis tollatur, curandum, atque ea quæ vires roborare possint, usurpanda. Et si itaque quæ cordi grata & amica sunt, calorēque nativum augent, his utilia sint; tamen non quævis sine discrimine usurpanda, sed ad causam imbecillitatis respiciendum, atque ea in primis usurpanda, quæ morbosis dispositionibus præter naturā reliquis resistere possint; ea verò, quæ intemperiem, quæ agrum afflixit, reuocare queunt, fugienda. Atque ut hæc omnia de tuenda sanitate breuiter concludamus, duo omnino sunt hominum genera, quorum sanitas conseruanda est. Quidam firmam planè & constantem habent sanitatem: alij minus firmam, debilem & facile labentem. Hi, ni ex infirma & debili valetudine se planè in morbos conuicere velint, omninò ex Medicorū præscripto viuunt necesse est, & quæ morbo, in quem inclinant, statui sunt similia, vitent; quæ verò eidem aduersa, usurpent: plenitudinem & cacochymiam, si quæ vel in toto corpore, vel in parte aliqua suboritur & morbum minari videatur, maturè tollant. At qui firma & constante sunt valetudine, iis illud Celsi, 1. c. 1. dictum est: Sanus homo & qui bene valet, & suæ spontis est, nullis obligare se legibus debet, neque aliptā egere. Hunc oportet varium habere vitæ genus: modò ruri esse, modò in vrbe, sapiusque in agro; nauigare, venari, quiescere interdum, sed frequentius se exercere. Siquidem ignauia corpus hebetat; labor firmat: illa matrem senectutem, hic longam adolescentiam reddit. Prodest interdum balneo, interdum aquis frigidis uti: modò vngi, modò id ipsum negligere: nullum cibi genus fugere, quo populus utatur: interdum in conuiuio esse, interdum ab eo se retrahere: modò plus iusto, modò non amplius assumere: bis die potius, quàm semel cibum capere. Cauendumque tandem, ut idem Celsus, ibid. monet homini sano, ne in secunda valetudine aduersa præsidia consumantur.



INSTITUTIONVM MEDICINÆ

LIBER QVINTVS.

PARS. I.

De Auxiliorum materia,

SECTIO I.

De Medicamentis.

CAPVT I.

Quid sit Medicamentum.



LTIMA superest Medicinæ pars θεραπευτική, quæ hominem in morbos prolapsū pristinæ sanitati restituit, morbosque hominem infestantes e corpore expellit. Ut autem hunc suum finem assequatur Medicus, duobus omninò instructus sit necesse est, primò Methodo, quæ per indicationes iuuantia inueniat; deinde instrumentis seu materia auxiliiorum, quæ id, quod per indicationes inuentum est, exsequatur; quo non solum tota de medicamentorum facultatibus doctrina, sed & de Cheirurgicis auxiliis, & materia diæretica tractatio pertinet. Ad hæc enim tria capita, nimirum διαίτα, χειρουργία & φαρμακεία, omnia Medici instrumenta reuocari possunt. Atque hoc loco istud non prætereundum est, discernendum esse cum Galeno, lib. 1. de aliment. fac. c. 1. inter βοηθήματα seu auxilia, & inter ὑλὴ βοηθημάτων, materiam auxiliiorum. Auxilium enim est id, quod ab indicante agendum præcipitur, semperque vnum est; ut calefaciendum esse: Materia autem auxilij est id, per quam à Medico id, quod indicans iubet, peragitur, instrumentum seu medium; quod non vnum est. Potest enim cuius auxilij multiplex & varia esse materia; ut dum calefaciendum est, potest id fieri, pipere, zingibere, absinthio, &c. Restat itaque hoc libro agendum de simplicium medicamentorum facultatibus, deinde de Chirurgicis auxiliis, quatenus ad materiam medicam pertinent: tertio de methodo medendi: quarto de medicamentorum compositione. Nam quæ de materia diæretica dici possunt, e præcedente libro satis superque patent. Hunc enim ordinem obseruandum esse, docet Galenus, 5. meth. med. cap. 5. Medicamentorum, inquit, facultates nosse, medendi methodum præcedit: Compositio verò medicamentorum medendi methodum sequitur. Quippe ubi hoc vniuersale præcepit, dum dico aut siccandum, aut humectandum, aut calefaciendum, aut refrigerandum esse, tum vel modicè id faciendum esse, vel valenter vel leuiter; intelleximusque cuiusque simplicium medicamentorum facultatem, hancque per se & seorsim perpenfam: tum profecto, quo pacto quis ea commodè ad usum miscuerit, considerare conueniet. Existit igitur eo pacto duplex de medicamentis perirria, altera de eorum viribus; altera de compositione ac præparatione. Primò itaque materiam medicamentorum ipsasque medicamentorum facultates cognitās diligenter habeat Medicus. Hæc enim non ineptè sunt διοπερ δυνάμεις: modò in periti artificis, qui commodè ea adhibere sciat, manu sint. Et omnino, ubi de scopo & indicatione certus est Medicus, secundam curam tribuat medicamentis, & sollicitus sit, quibus remediis, id quod agendum est, effectum dare possit, detque operam, ut selectissima & efficacissima quæque medicamen-

ta ad

Aloë vsus
externus.

Neutrorum
conualescen-
tiæ diætā.

Medi-
strumen

Auxili-
auxili-
ria quæ
differant

Therape-
quas
& quo
continet

ta ad manus habeat, neque plumbeis telis pugnet. In qua re multum situm est, ut experientia testatur, qua constat, Medicos in scopis & indicationibus convenientes non omnes æque curam feliciter absolueri, ob medicamentorum, quæ adhibent, diversitatem. Medicamenti verò nomen etsi interdum etiam alio modo accipitur: tamen hoc loco cum Galeno, 1. de simpl. medic. fac. cap. 1. & 3. per medicamentum intelligimus omne, quod est αλλοιωτικὸν τῆς φύσεως, quod corpus nostrum alterare potest, & à statu præternaturali ad naturalem reducere. Qua ratione ab alimento & veneno differt. Omnia quidem hæc tria dicuntur respectu nostri corporis: sed hæc inter ea est differentia, quod alimentum est solum αὐξητικὸν τῆς φύσεως, seu corpus nostrum reficit, instaurat atque auget; atque in alimento, quatenus alimentum, nihil aliud requiritur, quam ut à corpore nostro immutari, illique assimilari possit. Medicamenti verò natura in eo solum sita est, ut corpus nostrum cum eius comodo alteret, novamque aliquam qualitatem illi inducat. Si verò præterea id, quod alere corpus nostrum aptum est, etiam dum coquitur, insigniore aliqua qualitate corpus nostrum alterandi vim habeat, non absolute est alimentum, sicut nec medicamentum, sed alimentum medicamentosum, aut medicamentum alimentosum. Inter alimentum enim & medicamentum ita absolute dicta medium quasi constituitur τροφὴ φαρμακώδης & φαρμακὸν τροφώδες. Venena verò ab utroque differunt. Neque enim à calore nostro vinci & subigi, atque corpori nostro assimilari possunt; neque etiam solum corpus nostrum alterant, sed φθαρτικὰ sunt τῷ σώματι, corpusque nostrum corrumpendi vim habent. Atque ita medicamenta inter alimenta & venena, quasi duo extrema, media sunt. Neque enim sunt corpori nostro familiaria, ut à calore nostro vinci, corporique assimilari possint; neque adeò illi infesta, ut id venenorum more corrumpant, sed saltem illud qualitatibus suis afficiunt, atque alterant. Alteratio autem hinc non in stricta & propria significatione accipienda pro ea motus specie, quæ ad qualitatem terminatur, sed in latiore, qua accipitur pro omni, quæ in corpore sit, mutatione, seu actione.

CAPUT II.

De Facultatibus medicamentorum in genere.

Sunt autem medicamenta duplicia, alia simplicia, alia composita. Simplex est, quod à sola natura nobis suppeditatur, & sua natura tale est; nihilque ex arte, & v. Galenus, 5. de simpl. medic. fac. c. 1. scribit, ἐξ ἐμπειρίας ἢ μετέρας permixtum habet. Licet enim sua natura plurima talium sint ἀνομοιομερή & σμώδετα, dissimilia & composita: tamen respectu compositorum ab arte talia dicuntur. Composita enim hinc nominantur Medicamenta, quando ab arte plures naturales res in unius medicamenti formam commiscuntur. Est verò magna simplicium medicamentorum copia. Creator enim rerum naturam, resque naturales ferè omnes, non ut sibi soli sint & vigeant, sed ut homini etiam aliquam utilitatem præbeant, eique vel medicamenti vel alimenti loco sint, creavit. Peruntur autem ex tribus generibus, plantis, animalibus & mineralibus. Plantæque sumuntur vel integre, vel earum partes, radices, ligna, medulla, cortex, folia & surculi, flores, semina, fructus, succi, gummi, resina, olea, liquores, ut vinum. Animalia quoque vel integra adhibentur, vel eorum partes, ut cornu cervi, medulla, caro; vel quæ in iis generantur, ut lac, ova; vel eorum opera sunt, ut mel, cera; vel ex-

crementa, ut fel, vrina. Sub mineralibus comprehenduntur non solum propriè dicta mineralia, vitriolum, antimonium, sulphur, & metalla, ac eorum recrementa; verum etiam varia teriarum genera, ut terra lemnia, sigillata, bolus armenus: sed & lapides, & gemmæ omnes; item salum varia genera, & succi in terra concreti, cuiusmodi est naphtha: item aquæ thermæ. In quam classem & manna referenda, si non alia ei constituenda sedes. Rerum tam variarum facultates sunt variae, atque hinc variae medicamentorum divisiones. Primò enim medicamenta alia dicuntur actu; alia potentia talia. Actu talia dicuntur, quæ id, quod dicuntur esse, actu quasi absolute & præsentè obtinent, atque adeò exprompta ἐνεργείᾳ, & primò quoque contactu corpus nostrum eâ, quæ prædita sunt, qualitate afficere possunt. Ita aqua & glacies actu frigida sunt; quia quocunque modo corpori applicata illud mox refrigerare possunt. Potestate verò talia, siue ut Galenus, 1. de simplic. medic. fac. cap. 1. appellat, ἐν τῷ μέλει, sunt, quorum vis primò contactu non percipitur, sed quasi sopita delitescit, nec actu sese exserit, donec à calore nostro aliquo modo immutetur, exsuscitetur, atque in actum deducatur. Ita piper & vinum, etsi ad tactum sint frigida, nihilominus calefaciunt. Licet enim talem vim agendi insitam habeant, neque eam à calore nostro accipiant: tamen sine instrumento, & beneficio caloris nostri δυνάμει illa insita se exserere non potest; quod etiam in aliis rebus extra corpus humanum fieri animadvertimus, quæ sine calore, communi quasi naturæ ἀμειγγῶ, opera sua exsequi non possunt. Et Galenus, artis medic. cap. 89. eodem ferè sensu alia καὶ δυνάμει, alia καὶ φαντασίᾳ talia nominat. Κατὰ δυνάμει tale appellat, quod reuera tale est, hoc est, insitam à natura facultatem habet eam, quam habere dicitur, qualitatem in corpus inducendi per se; non eam, quam sensus obiter, & ad primum occursum id percipiens habere putat. Si enim ita obiter & in superficie quasi medicamenta æstimemus: multa videntur esse talia, qualia non sunt. Ita vinum frigidum ad primum tactum putatur; cum tamen vim calefaciendi obtineat; & mel atque olea multa, videntur esse humida, quæ tamen vim siccandi habent. Ideo καὶ φαντασίᾳ talia appellat Galenus, quæ exprompto sensu, & antequam vires suas rectè exserant, talia putamus; cum reuera talia non sint, sed contrarium adhibita in corpore effectum edant. Vide Galenum, 1. de comp. med. sec. gen. cap. 1. Quæ autem sit ratio istarum virium, quas potestate medicamenta habere dicuntur, & quomodo in actum à calore nostro deducantur, non ab omnibus eodem modo explicatur. Iac. Zabarella, lib. 2. de mist. gener. inter. cap. 9. se discriminis huius, quod alia dicuntur actualia, alia potentialia, seu virtualia, rationem sæpe à pluribus Medicis quævisse, nunquam tamen ab aliquo intelligere potuisse scribit. Ipse itaque hanc rationem reddit; statuítque in elementorum commistione, & contrariarum Qualitatum contemperatone atque amicitia contrariam quodammodo à contraria abscondi, ita ut neutra distincta sentiatur: sed dum vna contraria abiungitur ab altera, sensibiliorem fieri & proinde videri maiorem, præsertim quando exeundo transit ab internis ad externa. Itaque etsi plurima medicamenta habeant multum caloris in sua temperatura: eum tamen absconditum esse à contraria Qualitate, cui est commixtus: sed si à ventriculo calefiant, excitari calorem internum. Non multum ab hac dissidet sententia, Mercurialis, quæ habet, 1. de comp. med. c. 5. vbi statuit in quolibet mixto, quod non est planè téperatum esse quidem actu primò aliquam qualitatem excedentem: verum quia cuilibet mixto sit suus substantiæ modus, & termini in densitate, crassitie & duritie: ob eos mi-

Medicamentorum differentia.

Medicamenta actualia.

Potestate talia.

Quid sit medicamentum potestate tale; & quid sit in actum deduci.

Zabarella sententia.

Mercurialis.

stum non posse operari & exserere suas qualitates, nisi mixtum dissoluatur, & ab illis terminis, qui impediunt, ne in actum secundum producere possit, liberetur; id quod fit à calore nostro. Aliter hac de re statuit Iacob. Schegkij, lib. 2. de occult. med. fac. cap. 3. Reprehendit enim eos, qui crasibus hanc efficaciam medicamentorum adscribunt, & si calefaciat medicamentum, hanc vim in se habere, quod in eo exsuperet igneum elementum; aut si refrigeret, id ascribendum esse frigidorum Elementorum exsuperantiæ dicunt. Ipse verò statuit, formas substantiales, earundemque potentias esse causas harum actionum, quibus medicamenta calefacere, refrigerare, humectare, aut siccare dicuntur; ut euphorbij formam substantialem in se potentiam habere, quæ neque ignis sit, neque igneum quiddam, quæ vehementer calefaciat corpus nostrum. Simili modo opium quoque habere formam substantialem, eiusque propriam potentiam, quæ refrigeret, cuiusmodi refrigeratio nulli a scribenda sit elemento, sed sit instar eius refrigerationis, quæ Saturnus dicitur hæc inferiora refrigerare, & euphorbij calor sit instar eius caloris, quo Mars inferiora hæc dicitur calefacere. Et lib. 1. c. 4. docet: ferre omnium medicamentorum actiones & energias; quas exercent in corpore humano, κατ' ἐντελέχειαν exerceri, & absinthium ac eupatorium non eo modo calefacere & siccare, quo ignis, ὁμοειδῶς scilicet, sed corpora nostra alterare κατ' ἐντελέχειαν eā virtute atque efficaciā, seu facultate, quam habent à forma substantiali. Verum etsi plurimæ medicamentorum actiones κατ' ἐντελέχειαν fieri concedi facile possit: tamen nullas ὁμοειδῶς fieri vix concedi potest. Ideoque commodissima videtur eorum sententia, qui quidem omnem actionis vim primario à forma substantiali profluere statuunt: tamen duas proximas causas assignant; vnam certum temperamentum elementorum mistorum, determinante tamen id formā substantiali, à qua fluunt vires manifestæ; alteram ipsam formam, à qua proueniunt occultæ facultates & actiones, quæ non sensibus & ratione, sed sola experientia deprehenduntur. Ideoque etsi vires medicamentorum sint plurimæ, & ab aliis aliter diuidantur, cum nodissime tamen pro instituti huius ratione diuidi possunt in manifestas & occultas. Appellaturque manifestæ eæ, quæ sensus nostros afficiunt, seu quæ qualitates, quæ sensu deprehenduntur, in patiente excitant, & quarum causa manifesta reddi potest. Sic Elementa manifestis sensui qualitatibus nos afficiunt, ignis calefacit, aqua refrigerat; ignisque id præstat, quia calidus; aqua, quia frigida. Occultæ verò illæ nominantur, quæ non qualitates sensui obuias produciunt in patiente, calefaciendo scilicet, refrigerando, siccando, humectando, aut simile quid agendo; sed abdita proprietate aliquid agunt, humorem nimirum certum expurgant, membrum aliquod roborant, venenum expurgant, aut quæ extra corpori appensa vel gestata in id agunt: quorum causæ manifestæ explicari non possunt, nullaque alia ratio reddi, quam quod talis vis ex peculiari naturæ proprietate ipsis competat. Quales vires non solum in medicamentis, sed & in aliis plurimis animaduertuntur, ut in magnete trahendi ferrum, in venenis hominem subito & occulto modo iugulandi, atque in aliis aliæ; unde omnes rerum συμπαθεῖαι & ἀντιπαθεῖαι ortum habent. Etsi enim reperiantur, qui ab hac doctrina recedant: iis tamen nullo modo assentiendum putamus. Nam primò, qui manifestas atque euidentes Qualitates medicamentorum reiciunt, iisque omnem vim adimere conantur, & solum occultis & consubstantialibus & specificis quasi viribus omnia attribuenda censent, cum ipsis sensibus pugnare videntur; quibus edocemur, etiam per manifestas qualitates non solum morbos plurimos induci, sed & curari. Ex altera parte reperiantur, qui salutare hoc asy-

lum occultæ proprietatis irrident, & omnia ad manifestas reducere qualitates conantur: tamen & frustra, & temerè hoc conantur; ne quid grauius cum aliis dicamus. Nam ad manifestas omnia deducere qualitates, summam impudentiam esse, censet I. C. Scaliger, Exerc. 218. sect. 8. Et qui hoc tentant, illis plerumque euenit id, quod de Epicuro & Asclepiade Galenus, lib. 1. de nat. fac. 14. scribit, ut rationes vel ineptas & ridiculas afferant, vel ea negent, quæ etiam experientia confirmata sunt. Vnde Galenus Pelopem Præceptorem reprehendit, lib. 11. de simpl. medic. facul. §. *Canceri*: quod ambitiosè profiteretur, se omnium talium causas nosse. Ipse verò passim actionem ex proprietate substantiæ concedit, & lib. 5. de simpl. medic. facul. affirmat; medicamenta alterare, aut qualitatibus primis, aut totā substantiā; & talia esse complura lethalium medicamentorum, nec pauca alexiteriorum, seu amuletorum, tum purgantia omnia. Quod reperit, eodem libro, c. 18. et. com. 6. in. 6. Epid. t. 5. ait: *Auxilia*, & noxa non solum per simplices nos attingentium qualitates, sed etiam per totam substantiam corporibus nostris adueniunt. Et allegato loco 11. de simpl. medic. fac. librum se aliquando de iis, quæ proprietate substantiæ totius agunt, scripturum pollicetur. Imò, 6. Epid. comm. 6. t. 5. allegat illum librum, in quo de iis, quæ κατὰ τὴν ἰδιώτητα τῆς ὁλῆς εἰσὶν profunt vel nocent, dictum sit. Verum pluribus authoritatibus certare in hac re opus non est: cum res ipsa per se manifesta sit. Nam (ut de venenis iam nihil dicamus, quorum multa diuersas habent ab Elementorum facultatibus proprietates, quæ omnino latent animos temperatos, illudunt curiosis, ut rectè loquitur Scalig. alleg. loco.) quis non sine temeritate manifestis elementorum qualitatibus adscribet vim purgandi, quæ in pluribus medicamentis peculiariis reperitur? Quis felici conatu vim, quæ alexipharmaca venenis resistunt, ex iisdem deducet? Cinis cancerorum vistorum medetur demorsis à cane rabido: at qua vi profit, nec alius quispiam, nec Galenus definire audeat; qui etiam Pelopem præceptorem eius rei causam manifestam reddere conantem meritò reprehendit, ut supra dictum. Eodem modo irritò conatu laborauit is, qui medicamentorum vires, quibus peculiare partes roborantur vel læduntur, & ob quas miræ inter partes nostri corporis & plurima medicamenta, συμπαθεῖαι & ἀντιπαθεῖαι intercedunt, ad manifestas Elementorum qualitates referre voluit. Sunt enim toto genere hæc facultates atque actiones diuersæ, ut tum ex aliis, quæ supra l. 2. par. 2. c. 12. dicta sunt, tum ex eo imprimis, quod vires harum qualitatum longè sunt maiores, quàm primarum patet. Nam cum qualitatis primæ in minimo corpore parua sit efficacia: hæc quæ occultæ dicuntur, qualitates etiam in minimo corpore maximos & admirandos edunt effectus. Sunt autem utraque & manifestæ, & occultæ medicamentorum facultates atque actiones variæ. Manifestæ Qualitates aliæ sunt primæ, aliæ secundæ, aliæ tertiæ. Primæ habent vim calefaciendi, refrigerandi, humectandi, siccandi. Secundæ emollire, indurare, condensare, rarefacere, resolvere, attenuare, incrassare, attrahere, repellere: Tertiæ vrinam mouere, menses ciere & sistere, vomitum mouere, carnem generare, calculos frangere possunt. Occultæ sunt trium generum, vel enim humorem certum peculiari facultate euacuant; vel cum membro aliquo peculiarem cognationem habent, unde dicuntur cephalica, καρδιακά; vel venenis resistunt. Antequam autem de vtrisque in specie aliquid dicamus: de occultarum qualitatum origine aliquid prætermittendum videtur. Etsi enim quia occultæ sunt, natura earum penitus inuestigari non possit: tamen de causis, à quibus pendunt, & de subiecto quadam non solum dici possunt, sed etiam passim controuertuntur, de quibus inquirere non inutile est. Si viuientia animalia & plantæ

Schegkij opinio.

Vires medicamentorum unde fluunt.

Facultates medicamentorum quotuplices. Manifestæ.

Occultæ.

Primæ qualitates à Medicis non reiciendas esse.

Contra eos, qui occultas qualitates negant.

Medicamentorum Qualitates primæ, secundæ, tertiæ.

Occultæ.

Occultarum facultatum origo.

Occultæ qualitates medicamentorum non fluunt ab anima.

in vsum medicum venirent : facile aliquis causam harum facultatum reddere posset, & statuere; ab anima omnes has occultas qualitates fluere. Verum quia non tam viuientia animalia, & plantæ, quam animam priuata loco medicamentorum adhibentur, quæ occultas illas proprietates nihilominus obtinere deprehenduntur; neque viuens Rhabarbarum, sed potius cadauer Rhabarbari purget, & radix Pœoniæ, quæ epilepsiæ medetur, è terra matre euulsa amplius animam suam non viuat : aliud occultarum istarum facultatum & actionum principium inquirendum est. Atque id eam etiam de causa, quod in pluribus aliis, quæ nunquam animata fuere, vires illæ occultæ nihilominus animaduertuntur. Quid Galenus in libro illo, quem de agentibus à totius substantiæ proprietate scripsit, senserit, & vnde occultiores illas facultates, quas experientia edoctus confessus est, deduxerit, non constat : cum liber ille iniuria temporum ad manus nostras non peruenerit. Quid in aliis plerisque scriptis docuerit, satis constat : nimirum ipsum omnium ferè in re medica effectuum causas temperiei quatuor primarum qualitatum adscripsisse; & parum abfuisse, quin animam quoque nihil aliud, quam *ἡσυχία* seu temperiem esse, diceret. Libro enim 1. de Elem. c. 7. scribit : Corpora nostra alterari tantum calefacta, refrigerata, exsiccata, humectata. Solas enim has qualitates totam transmutare per totam substantiam. Et cum, lib. 3. de temper. cap. 1. dixisset; Quatuor corporis facultates, attractricem, recentericem, alteratricem, & segregatricem, esse effectus totius in quouis corpore substantiæ : addit; totam illam substantiam constare ex calido, frigido, humido, sicco, inter se mistis. Et cap. 4. Principij loco obseruandum esse dicit; Cuiuslibet corporis proprietatem quandam temperamenti esse, quæ huic quidem naturæ sit conueniens, ab hac verò sit dissentiens : atque hinc deducit, cur alia aliis nutrimenti vel pharmaci loco sint. Exempli gratia, cicutam sturno, veratrum coturnici esse nutrimentum, quæ homini sunt medicamenta : siquidem coturnicum & sturnorum temperies assimilare sibi veratrum & cicutam possit, quod hominis temperies non potest. Hinc maxima ex parte factum est, vt posteriores Medici plerique nihil, nisi qualitates primas, in medicamentis quærent : aut si experientia conuicti alias qualitates fateri cogerentur, subinde tamen ad qualitates primas relaberentur, & omnes ab his pendere crederent : & proinde suo se officio satisfecisse, & rem quasi per compendium tractasse persuasum haberent, si solum in temperamenti qualitatum primarum cognoscendis, & reliquis omnibus ad eas reducendis laborarent. Vnde plurimi de nulla forma substantiali in non animatis solliciti, res animatas saltem per temperamentum constitui, & per temperiem solum primarum qualitatum differre, crediderunt. Ac propterea etiam temperamenti occultas eiusmodi vires adscripserunt, quæ peculiarium rerum propriæ, earumque quædam *ἰσχύς* sint, quæ persistente temperamento maneant, temperamento verò dissoluto, aboleantur. Verum hi non parum errant. Nam cum plantæ amplius non animatæ seu emortuæ in substantiarum naturalium numero sint; & nemo flores, radices fructusque, plantarum, & similia, etsi anima plantæ, à qua auulsæ sunt, amplius non vegetentur & viuant, vt & mineralia, ac similia, quæ anima destituuntur, è rerum naturalium numero iure exturbare possit : quis ea formam suam destitui, & per crasin saltem id, quod sunt, esse dicet? Ex accidenti enim solum, quale crasis est, & materia, substantia seu res naturalis constitui non potest : sed quælibet res, quod est, per formam est, & forma rei essentiam tribuit. Quæ forma substantialis, & *ἁπλοῦς* est quiddam simplex, non compositum, neque ex Elementorum concretionem aut qua-

litatum mixture ortum. Effectus etiam, qui à talibus eduntur, ad principale aliquod agens reduci necesse est. Crases enim solum sunt instrumenta & nisi à forma dirigantur & determinentur, per se agere & durare non possunt, sed præsupponunt substantiam, à qua sunt, & in qua sunt. Hoc cum alij animaduertent, neque actiones, multò minus essentiam naturalium rerum, quæ vel animari desierunt, vel nunquam animatæ fuerunt, temperiei qualitatum elementarium adscribi posse viderent, formam in talibus esse agnoscunt, eamque formam mixture esse dicunt, quæ oriatur ex congressu formarum Elementorum. Et hanc formam misti, etsi in viuentibus non sit forma specifica, sed communis & generalis, ac tanquam conditio materiæ subiectæ formæ nobiliori, animæ scilicet à qua etiam, tanquam forma specifica restringatur : tamen quando anima recedit, euadere specificam, & speciem specialissimam constituere, & existentiam actum rei tribuere, statuunt, sicut hac de re docet Iac. Zab. lib. de gen. & int. cap. 4. Verum nodus hic hoc modo non soluitur. Primò enim res valde dubia loco fundamenti ponitur. Nam quæ de misti forma ita dicuntur, præsupponunt refractionem formarum, quæ tamen à paucissimis conceditur; cum substantiis, quæ magis & minus non recipiunt, suumque Esse habent in indiuisibili, & propterea sine integra sui abolitione ab indiuisibili illo suo Essentiæ quasi puncto recedere & dimoueri non possunt, competere non videatur. Ideoque plurimi doctissimi Philosophi & Medici statuunt; formas Elementorum in mixtis non corrumpi, sed manere integras, contrarietatum tantum excellentia per alterationem abiecta : quatuorque elementorum mixture solummodo rationem materiæ obtinere; & proinde non perfectam substantiam, seu substantiale & essentiale, verum vnum secundum accidens duntaxat elementorum mixture constitui, & formam accidentalem tantummodo ac dispositionem suppeditari, necessariam formæ nobiliori, quæ vnum Ens per se in aliqua specie existens constituat. Sed quomodocumque se hæc res habeat (neque enim hanc quæstionem hoc loco decidendam proposuimus) & siue vna, ex quatuor refractis orta, in misto forma inesse, siue quatuor elementorum formæ integræ statuuntur : ex eo tamen mirandorum illorum effectuum & actionum plurimarum, quæ in rebus non viuentibus deprehenduntur, ratio reddi non potest. Neque enim siue separatæ siue quocumque modo coniunctæ Elementorum formæ considerentur, tales effectus, qui supra omnem earum potentiam, sortem & conditionem sunt, quales in purgantibus, in venenis, in alexipharmacis, & aliis animaduertuntur, edere possunt. Rogatque non sine iusta indignatione Scalig. Cardanum, Exerc. 101. sect. 14. Quis malus genius Alexandrus eum eò adegerit, vt miserè crederet, sola elementorum mixture fieri posse, vt ferrum trahatur à magnete. Quamobrem meritò alias adhuc supra elementa & elementis nobiliores formas, talium effectuum causas, in rebus non animatis admittimus. Quæ quidem in rebus naturalibus, quibus à natura vita nulla data est, semper formæ specificæ officio fungantur : in viuentibus verò, quamdiu viuunt, rationem quasi materiæ habeant, & dispositionem nobiliori formæ, animæ scilicet, præstent. Cum enim animæ seu formæ viuentium sint nobilissimæ, & formæ *σώματα φυσικὰ ὁργανικὰ* & forma quælibet sibi conuenientem & idoneam requirat materiam ac dispositionem, in qua recipi, & per quam actiones suas exercere possit : solæ elementorum formæ eam tot viuentibus præstare non possunt : verum materiam, quæ subiici formis animatorum, & corpus *ὁργανικόν* constituere debet, adhuc nobiliori, & quæ pluribus qualitatibus instructa sit, quam elementorum sunt, formam exornari oportet. Quæ qui-

Neque à forma mixture.

Occulta qualitates fluunt à forma medicamenti.

Qualis illa forma sit.

dem respectu animæ, & quamdiu cum anima est, rationem quasi materiæ habet: verum anima decedente remanet aliquandiu, & formæ officio fungi incipit, ac inprimis causa est facultatum & operationum, quæ in pluribus rebus amplius non viuentibus deprehenduntur, neque tamen ex elementorum qualitatibus vel formis provenire possunt. Vnde & actiones illæ à rota substantia nominantur; quod scilicet eius facultas & actionis causa tantum sit forma seu λόγος & ὁσίαι & substantia agentis. Et sicut animâ è corpore decedente, non mox omnium organorum dispositio & structura aboletur: ita quoque non mox anima & forma illa postrema decedente, hanc perire necesse est. Et non solum res tales suas formas, animâ decedente: retinent; sed etiam in minutissimum pulverem redactæ essentiam suam non amittunt. Vt enim continuum diuidatur in partes est accidens continuitatis, & propterea non necessario corrumpit rei substantiam: sed res in minutissimis particulis eandem essentiam, quam in magnis atque integro habebat, obtinere potest. Deus nimirum naturæ opifex, herbas, stirpes, animalia & reliqua, hominis, qui finis quodammodo est rerum naturalium, gratia creavit: ideoque finis eorum ultimus non tantum est vegetatio, aut vt tanquam peculiaris animalia viuant, sed vt etiam deposita anima homini vtilia fiant, & vel alimenta vel medicamenta sint. Vnde autem hæ formæ originem ducant, & cuius sint naturæ, facilius quærere est, quam explicare. Posset hinc quis ad formarum elementarium mitionem iterum confugere. Scaliger, *Exerc. 101. part. 1.* in eam sententiam inclinat; formas misceri: docetque, etsi fortunæ ultimæ atque excellentes, vt hominis, cum ad vltiorem operam non sint comparatæ, solæ non misceantur; reliquas tamen misceri. Elementorum nimirum formas esse primas in materia prima: eas formas posse misceri: tum ex illis tertiam formam fieri; veluti ex tauri forma & forma asinæ hinnuli formam. Inde ex mitione secundarum formarum alias quoque formas concreari. Porro ex iis alias vnde colores & sapes generentur: quoad in formas nobiliores perueniat natura, quæ suo genere constant, in quibus promotionem illam suam sistat. Verum etsi hæc, quæ de mitione formarum dicuntur, magis difficultatibus inuoluta sint, & tum alia impossibilia introducere, tum finitum specierum numerum tollere, atque infinitam rerum in natura ex specierum commitione multiplicationem introducere videantur; & omnino dicantur facilius, quam probentur: tamen ea hinc ad examen vocare non libet. Posito, quod formæ elementorum misceantur, atque ex iis secundæ, tertiæ, quartæ, vel etiam quintæ generentur: non videmus tamen, quoniam modo formæ occultarum qualitatum authores inde deduci possint: cum elementorum formæ simplices nullam omnino potentiam habeant ad vim purgandi, aliosque occultos & mirandos effectus, qui supra omnem elementorum sortem sunt, edendos, vt supra etiam dictum: & Scaliger ipse, *loco allegato*, eos merito reprehenderit, qui crederent, sola elementorum mitione fieri posse, vt ferrum trahatur à magnete. Atque aliam ab hac formarum & specierum originem ipsa rerum Creatio ex sacro Codice monstrare videtur, è cuius historia satis probabiliter in hac humana caligine quis statuere posset: has, de quibus agimus, formas, cum ipsis specificis animatorum formis, quæ scilicet sine his nec esse & subsistere, nec actiones suas exsequi possint, fuisse creatas & proinde cum ipsa cuiuslibet rei anima propagari; & remanere postea etiam anima decedente, vt finem illum generalem præstent, suumque homini in Medicina usum exhibeant. Quæ sententia si cui non placet, causamque euentem, cur ab ea recedat, habet: sequatur Sche-

gkij sententiam, qui statuit, formas has provenire ab anima, in corporibus animatis (principium enim substantiæ non nisi in substantia quærendum) atque esse quasi fructum quendam, quem anima produxerit, qui etiam possit esse sine anima. Nam & hæc sententia ratione planè destitui non videtur. Cum enim, vt ex Themistio loquitur Scaliger, anima sui domicilij architecta sit, quæ sibi fabricatur accommodatum instrumentum: nihil absurdi videtur, statuere, animam, quæ alia omnia ad viuentis corporis constitutionem necessaria fabricatur, subiectamque materiam sibi conueniente modo disponit & ordinat, aliam quoque formam inferiorem producere, quæ sibi in corpore disposito instar subiectæ materiæ sit. Ita aliæ quoque multæ substantiæ sunt in corporibus animatorum, quæ quidem animatæ non sunt, neque tamen mera elementa sunt, aut essentiam suam à crasi tantummodo Elementorum obtinent, sed formas suas substantiales, quas ab anima in corpore animato accipiunt, habent, per quas sunt, quod sunt. Tales substantiæ sunt sanguis, lac, quæ proculdubio omnes suas formas naturales, per quas constituuntur, obtinent, easque ab anima accipiunt: quia producuntur & generantur ab animato corpore. Ita vna generatur à vire, quæ vbi matura est, atque decerpitur, animari amplius desinit: ex ea tamen vinum exprimitur; quod quamuis animatum non sit; nihilominus λόγον ὁσίαι & formam illam, quam in vire accepit, vt corpus naturale, per multos annos retinet, & ob eam naturales suos effectus edit. Porro requirit quælibet forma οὐκείαν & propriam ὕλην, seu adequatam materiam, quæ non nisi vni formæ subiicitur, & cum hac simul est & simul interit. Et quanquam forma informet totam suam materiam, cui inest: tamen ferè vna pars subiecti est, ob quam reliqua materia οὐκεία & propria suæ formæ redditur, & qua intereunte forma reliquam materiam deserit. Id quod in animalibus manifestum est, quorum corpora, nisi calore vitali perfusa sint, amplius aptum animæ domicilium non sunt. Substantiam autem, quæ in plantis & animalibus, emortuis inprimis, materiam & subiectum idoneum præbeat formæ, occultarum facultatum authori, non sine causa statuimus spiritum insitum, humidumque, quod symphytum & radicale appellatur, calidumque nativum, quod in plantis superest, seu balsamum naturale, aut quomodocunque appellare libeat. Experientia enim docet, plantas, vt & animalium partes, quamdiu spiritu, oleosâque illa substantia turgent, vires suas in medicina vtiliter retinere: cum vero humidum illud oleosum spiritumque insitum amittunt, cariola & exsucca redduntur, etiam ἐξίτηλα fieri, & omnes vires amittere. Ideoque Medicus merito de hac materia sit sollicitus oportet: cum, nisi illam agnoscat & reseruet, non facillè occultarum illarum virium & actionum particeps fieri possit. Adeo enim arctè cohæret hæc forma cum sua materia, vt à reliquo corpore crassiore salua & omnes facultates suas retinens separari possit. Id quod satis extractions atque aliæ separationes chymicæ docent, quibus comperimus, ex purgantibus atque aliis medicamentis aliquid extrahi posse, quod omnem illam purgandi, aut simile quid ex occulta proprietate agendi vim, quam antea integrum habebat, obtinet, reliquo corpore planè inefficaci, quantum has actiones attrinet, relicto, vt quod pristina illa forma destituitur. Nam cum propriæ facultates non sint à sua forma separabiles, sed quamdiu forma est præsens, simul adsint facultates; & contra, vbi facultates sunt, e iam forma præsens sit: & propterea propria facultas rhabarbari, agrimonix, &c. in nulla alia re esse possit, quam quæ habet rhabarbari, agrimonix, &c. essentiam: in partibus autem

Vnde ista forma ortum habeant.

Subiectum

Spiritus

& succis è rhabarbaro & agrimonia separatis & extractis facultates, quas integra habuerunt, reperiantur: ibi quoque formam rhabarbari esse statuere absurdum non videtur: Etsi tunc amplius integri, verbi gratia rhabarbari, nomine appellari amplius non possit. Sicut nec illud, ex quo illa purgandi vi prædita substantia extractum est, amplius rhabarbarum dici potest; cum, ut Mesues, *de simpl. med. cap. de Rhab.* ait: rhabarbarum, ex quo vis purgandi extracta est, animam (formam rectius dixisset) perdiderit. Licet verò nonnulli hæc negent, neque concedant, formam essentiali aloës vel rhabarbari in partibus separatis esse posse: tamen id ita facile admitti non potest. Etsi enim verum sit, formas, animâ hominis exceptâ, planè separabiles à materia non esse: tamen cum vna subiectæ materiæ parte arctius coherere, quàm cum alia, & in vna peculiariter saltem consistere posse, cum ex aliis, tum ex plantis multis patet: quarum quædam, ubi maturuerunt, mox exarescunt, partésque omnes reliquæ emoriuntur, in semine tamen aut radice, quæ adhuc, reliquis emortuis, vegetantur, anima salua manet. Videmus præterea salices, etsi totum ferè lignum carie exesum & putredine absumptum sit, salua radice & corticis parte, per suam animam vegetari & crescere: ut iam de variis per varias partes transplantationibus nihil dicamus. Atque id tum præcipuè locum habet, ubi quædam inter remotam & proximam materiam est distinctio. Neque enim omnia, quæ cum aliqua re commiscuntur, formæ eius rei proprium subiectum sunt, & ad genuinam eius materiam pertinent. Sicut id videre est in metallis, cum quibus multæ scorix & aliena materia admiscetur, quæ postea à genuina metallorum substantia separatur. Non dissimili modo rem quoque in purgantibus, & aliis talibus medicamentis se habere credimus. Neque enim totum illud rhabarbari corpus genuinæ formæ illius, à qua vis purgandi fuit, subiectum est, sed cum proprio subiecto ex accidenti permixtum est. Indigebat nimirum anima rhabarbari hoc corpore ad actiones suas exercendas. Id itaque, animâ decedente, cum materia, quæ proximè subiicitur formæ, facultatis purgantis auctori, coniunctum manet, neque tamen eius proprium subiectum est. Itaque non videmus, an aliquid absurdi defendamus, si statuamus, formas istas quoque, quas agnoscimus occultarum facultatum auctores, cum peculiari & sibi accommodata subiectæ materiæ parte à reliquo corpore crassiore separari posse. Imò ut hoc statuamus, vires illæ occultæ, ut modò diximus, suadèt, quæ in parte separata non minus, quàm in integro reperiuntur. Et quamvis ad id aliquis confugere posset, & statuere; proprietates illas, quæ à forma substantiali inseparabiles sunt, in extractis non esse, sed tantum *ἐνεργεία* agentis qualitatem quandam esse productam, quæ sit accidens alterius subiecti, similis tamen aliquo modo, eandemque appellationem habens, quam obtinet id, à quo proficiscitur seu emanat illa qualitas: tamen nec hoc modo ea, quæ dicta sunt, euertet, aut rem hanc sufficienter explicabit. Nam, ut iam de eo non disputemus, an ipsa medicamentorum essentia in corpus nostrum distribuatur, an verò tantum qualitas quædam ab ea in corpus dimanet; neque disquiramus, quantum res naturales *σωματικαὶ ἀπορροαὶ* & quantum diffusis à se tantum qualitatibus sint efficaces; & omnia, quæ volunt, interim concedamus: hoc loco non quæritur, quâ ratione purgantia & alia medicamenta vim suam in corpore nostro exferant; sed quid illud sit, quod medicamenti loco exhibetur in infusionibus, in decoctis, in extractis, & præcipuè illis medicamentis, in quibus arte chymica efficacissima pars à reliquo corpore inutili separata est; nimirum an sit qualitas seu accidens in altero subiecto, communicatum *ἐνεργεία*

agentis, quod proprietatem illam substantialem habet, cui similis sit producta qualitas; an verò sit pars medicamenti cum forma substantiali; adeoque proprietate illa, quæ cum forma inseparabiliter coheret. Atque ut posterius affirmemus, ipsa medicamentorum præparatio docet. Nam cum accidens transferatur cum suo subiecto: si proximè liquori inest qualitas illa, in eo ab *ἐνεργεία* alterius agentis producta, vna cum eo transferetur. Sed videmus liquores illos, quibus in extrahendis viribus medicamentorum vehiculi quasi loco utimur, separari posse, vi medicamenti superstitie manente in corpore seu succo, qui ex planta vel alio medicamento extractus est. Qui succus cum pars medicamenti illius fuerit: vires illas in primo & proprio subiecto esse, & proinde non communicatam aliquam & à substantiæ proprietate profectam qualitatem, sed naturalem proprietatem esse, meritò quis dixerit. Vires autem illæ & facultates occultæ cum inseparabiliter suam formam comitentur: in illo etiam ipso succo seu parte medicamenti, à reliqua crassiori & inutili mole separata, formam occultarum virium & actionum causam esse itidem inde concludi potest. Atque hinc præcipuè Chymicarum extractionum causa petenda est. In eo enim præcipuè Chymici laborant, ut formam illam rerum naturalium, à qua præcipua in medendo efficacia, omnesque illæ occultæ facultates manant, cum suo proprio subiecto, ac sua propria materia, à fece crassiore & inutili terrestri ac aquea materia separent: seu, ut acutissimus Philosophus & Medicus Iac. Schegkij diffiteri non potest, *In separandis mixtis naturis admodum ingeniosa est ars Chymica, ut digna sit admiratione, & minimè contemnenda & negligenda à Medicis.* Nam purissima quæque separat a suis tanquam excrementis & quiscuilibet quodammodo, seu impuris partibus, quibus miscuntur, ut hoc nomine in usu medico sint efficacissima. Atque si quæ est quinta Chymicorum essentia, hæc est: nimirum spiritus ille insitus, humidumque radicale seu balsamum naturæ, ut nonnullis appellare libet, sua illa forma, à qua omnes illæ occultæ vires proveniunt, instructum. Cum enim materia hæc, quam quærunt Chymici, quantum fieri potest, ab Elementorum concreione, aut certe, ut Schegkij verbis utar, à suis tanquam excrementis & quiscuilibet quodammodo atque impuris partibus separata sit, ac putredini propter exuperantiam & nobilitatem *τῆ δυνάμει πλεονέξουσα* non sit obnoxia, formæque illa, à qua vires medicamentosæ, neque ex Elementorum numero, neque ex elementis composita sit; forsitan non adeò incommode quinta essentia appellari potest; præcipuè cum aliquid indulgendum sit artificibus in sua arte loquentibus. Cum enim cælum, quod corpus est incorruptibile, efficacissimum & nobilissimum, etiam à Philosopho quintum Elementum nominetur: ipsis in medicamentis partem nobilissimam, efficacissimam atque purissimam, & ferè incorruptibilem, quintam essentiam nominare placuit. Meliori verò iure ita appellari potest, si spiritus ille humidumque insitum alterius naturæ, quàm elementaris est, de quo supra, *lib. 1. cap. 5.* dictum. Sed his missis ad differentias facultatum medicamentorum reuertamur. Cuiuscunque autem naturæ, originis & conditionis sint medicamentorum vires & facultates, si finem, ob quem à Medico adhibentur, atque effectus, quos in medicina edunt, & ob quos experuntur, spectes, totidem sunt medicamentorum facultates, quot mutationes, quæ in corporis nostri partibus, ac spiritibus & humoribus fiunt, de quibus supra de differentiis & causis morborum dictum, ac postea de Indicationibus & Indicatis diceretur: commodè tamen omnium medicamentorum facultates ad has classes

Chymicarum extractionum fundamentum.

Chymia laus.

Quinta essentia Chymicorum quid.

Facultatum
medicamen-
torum quot
genera.

classes referri posse videntur. Primò alia ad ἀλλοίωσιν, nouæque qualitatibus inductionem spectant; qualia sunt, quæ qualitatibus primis efficacia dicuntur, calefacientia nimirum, frigefacientia, humectantia, siccantia. Verum quia non quodlibet alterans cuilibet parti tuto adhiberi potest: meritò alterantibus subiunguntur appropriata cuilibet membro. Deinde huc referuntur, quæ secundarum numero sunt, μαλακτικά & σκληρωτικά, emollientia & indurantia: χαλαστικά, laxantia, αραίωτικά & πυκνωτικά, rarefacientia & condensantia: στεγνωτικά ἢ συνακτικά, stipantia & obstruentia, συπλητικά, adstringentia, & ἀνασφραγιστικά, aperientia, λεπυνόντα & παχυνόντα, attenuantia, & incrassantia: ἐμπαστικά, implentia, & ἐκφρακτικά, detergentia. Tandem huc pertinent ἀνύδρια, νάρκωτικά, ὕπνωτικά, somnum conciliantia. In secunda classe sunt, quæ in motu conciliando valent; ἐλκτικά & ὀπισσαστικά, attrahentia, ἀποκρεστικά, repellentia. Ad tertiam classem referuntur, quæ in generatione alicuius consistunt, πεπτικά, maturantia, ἐκπυπτικά, pus generantia, σαρκωτικά, carnem generantia, κολλητικά, glutinantia, ἐπυλωτικά, cicatricem inducentia, γάλακτ & σπέρματ & χυμωτικά, quæ lac & semen generant. Ad quartam classem referuntur, quæ corrumpunt; καθαίρετικά, corrodentia; σήπτικά, putrefacientia; ἔχρωτικά, crustam inducentia; καυσικά, adurentia; γάλακτ & σπέρματ & σβεσικά, lac & semen corrumpentia. Quinta classis complectitur ea, quæ in ablatione alicuius rei consistunt; ὑπαγωγὰ, lenientia καθαρτικά, purgantia, ὀρετικά, vomitoria, ἐρητικά, urinam cientia, ἰδρωτικά, sudorifera, & διαφωρητικά: ἐμμήνων ἀγωγὰ, menses cientia, secundinam expellentia, & ἐκβόλια, quæ foetum mortuum extrahunt, λίθων τριπτικά, calculum frangentia & expellentia, ἐρρηνα, πιασμικά, sternutatoria, ἀποπλεγμαλίζοντα, pituitam purgantia, βηχικά, thoracem expurgantia, & quæ vermes necant, & expellunt. In ultimam classem referri possunt venenis resistentia & alexipharmaca.

CAPVT III.

De primis Medicamentorum facultatibus.

Ubi itaque tot sint capita, ad quæ omnium medicamentorum facultates referri possunt: eæ ordine explicandæ sunt, initio facto à primis, ut notissimis & maximè obuiis. Principio autem hoc obseruandum, vires & facultates medicamentorum hominis respectu æstimari. Neque enim dum Medicus de medicamentorum facultatibus loquitur, absolute eas, ut Philosophus considerat, sed quos effectus in homine habeant, perpendit, & quidem eas æstimat respectu hominis temperati. Ad hominem ergo collata, quædam medicamenta dicuntur temperata, quædam intemperata. Temperata dicuntur ea, quæ nullam in caliditate, frigiditate, humiditate, siccitate, in homine pariunt mutationem. Sunt verò temperata duplicia: alia simpliciter & in omnibus qualitatibus: alia in duabus tantum ut quæ in caliditate & frigiditate sunt temperata, in cæteris siccandi aut humectandi vim habent; vel quæ in humiditate & siccitate temperata sunt, reliquis vel refrigerant vel calefaciunt, qua ratione, si omnino propriè loqui libet, etiam intemperata dici possunt, ut ex Galeno, i. de temperat. cap. 8. videre est. Intemperata autem sunt, quæ calorem aut humiditatem corporis nostri mutandi vim habent: Calida quidem, quæ calorem corporis humani augendi; Frigida, quæ eundem minuendi vim habent; Humida, quæ humiditatem corporis nostri augere; Sicca, quæ eam minuere valent. Diuiduntur porro à Medicis hæ Qualitates in gradus seu ordines

quosdam, quos alij aliter definiunt. Commodissimè verò ab effectis æstimantur. Nam cum temperatum sit, quod corpus nostrum neque calefaciendi, neque frigefaciendi, neque siccandi, neque humectandi vim habet: primus gradus est, ubi obscure & vix sensibilibiter medicamentum corpus nostrum alterat. Secundus gradus est, quando manifestè, citra tamen læsionem, noxam, molestiam, corpus alteratur. Tertius gradus est, quando non solum manifestè, sed & vehementer, neque citra molestiam & noxam, sine corruptione tamen, corpus alteratur. Quartus gradus est, qui vehementissimè & non sine grauissima læsione corpus nostrum alterat. Imò in gradibus singulis adhuc quædam constituuntur latitudines, quas mansiones vulgò nominant. Neque enim quæ calida in primo gradu sunt, omnia eiusdem generis sunt, seu alia magis, alia minus calefaciunt. Huiusmodi latitudines tres constituunt. Etenim, quæ, exempli gratia, secundo ordine frigefaciunt, faciunt hoc vel intensè vel remissè, vel medio modo; quod appellant in principio, medio, fine. Vide Galenum, de comp. medic. s. genera lib. 1. cap. 2.

Temperata medicamenta sunt.

Adiantum, asparagus, glycyrrhiza, oleum dulce, pini nuclei, iunuba, ficus, sebesten, vua passæ, dactyli, gummi elemi, tragacanthum, seuum vitulinum, caprinum, pinguedo suilla.

Calida in primo.

Folia & Herba, absinthium, al. 2. althæa, borrago, buglossum, beta, brassica, chamæmelum, cuscuta, eupatorium seu agrimonia, fumaria, linaria, melilotus, malabathrum, nardi spica, scolopendrium verum, symphyrum, tussilago. Flores; borraginis, buglossi, betonica, buphthalmi, meliloti, chamæmeli, populi nigræ, stachados arabicæ, senecionis. Fructus, amygdalæ dulces, castaneæ, iunubæ, nuces cupressi, nuces iuglandes virides, vua maturæ, mora matura, poma dulcia suaueolentia. Semina; coriandri, fænugræci, lini, lithospermi, lupini, sesami, oryza. Radices; althæa, branca vrsina, betæ, buglossi, glycyrrhizæ, satyrii. Cortices; macis, guaiaci, tamarisci. Liquores, succi & gummi; saccharum, bdellium, ladanum, al. 2. gummi hederæ. Seuum capreoli, damæ, cerui, butyrum recens.

Calida in secundo.

Herba & Folia; absinthium, anagallis, anethum, viride, angelica, apium, artemisia, betonica, calamus odoratus, chamæpitys, scenum græcum, hypericum, hederæ, lupulus, melissa, marrubium, matricaria, myrrhis, ocimum, al. 3. pimpinella, peucedanum, polium, rosmarinus, satureia, saluia, scabiosa, scordium, al. 3. stæchas, parthenium. Flores; amomi, croci, al. 1. caryophyllorum, schœnanthum, lauendulæ, lupuli, melissæ, rorismarini. Fructus; capparidis, nux moschata, pistacia, ficus sicca, nuces sicca, Semina; anethi, apii, orobi seu erui, erucæ, ocymi, vrticæ. Radices; apii, capparum, peucedani, pimpinellæ, napi, zedoariæ, rhodia. Cortices; cassia lignea, cinamomum, al. in 3. thuris, capparum radices. Liquores, gummi, resina; vinum non antiquum, ladanum, aloë, galbanum, myrrha, mastiche, thus, pix arida, resina, styrax. Adeps, leonina, pardi, vrsina, vulpina.

Calida in tertio.

Metallica, flos æris, æs vstum, squama æris, ærugo, diphryges, alumen, sal, nitrum, sulphur, chalcitis. Herba seu folia; abrotanum, al. 2. asarum, agnus castus,

Temperata
medicamenta
quæ dicantur.

Intemperata.

Calida.
Frigida.
Humida.
Sicca.
Gradus
Qualitatum.

Pri-
du-
Sec-
ma.

Ter-

Qu-
Ma-
gra-
ma.

Tem-
me-
ta

Cal-
prin-

Cal-
cund-

Calid-
tertio

castus, arum, amomum, ammi, anethum siccum, baccharis, dictamnium, caryophyllata, chamædrys, cnicus, id est, cartamum, centaurium maius, minus, chelydonium, calamintha, conyza, mentastrum, fœniculum, epithymum, iuniperus, helenium, hyssopus, laurus, maiorana, marum, mentha, nigella, œnanthe, origanum; periclymenum, petroselinum, ptarmica, pulegium, resta bouis, ruta, sabina, serpillum, sisymbrium, al. 2. thymum, trifolium, verbenaca, vrtica, Flores; agnicasti, epithymi, leucoion, œnanthæ, periclymeni. *Fructus*; baccæ iuniperi, caryophylli, carpobalsamum, anacardia, piper, al. 4. *Semina*; ammi, anisi, amomi, cari, cardamomi, cartami, Galeno: Fernel. 2. fœniculi, cumini, dauci, nigellæ, napi, petroselini, seselios, staphidis agriæ, viticis. *Radices*; acori, alij in 2. asari, ari, scillæ dictamni, doronici, fœniculi, galangæ, hellebori vtriusque, helenij, iridis, petroselini, raphani. *Cortices*; macis. *Liquores*, lacryma, gummi; vinum vetustius, asa dulcis, fœtida, ammoniacum, cedria pix, opopanax, moschus.

Calida in quarto.

Metallica; vitriolum, auripigmentum, sandaracha, chrysocola, misy, sory, melantheria. *Herba seu folia*; lepidium, nasturtium vtrumque al. 3. porrum capitatum, struthium, thapsia, tithymalus. *Fructus*; piper. *Semina*; nasturtij, sinapi. *Radices*; allium, cepa, costus, porrum capitatum, pyrethrum. *Gummi*; euphorbium.

Frigida in primo.

Herba seu folia; atriplex, oxylapathum, malua, myrtus, parietaria: Flores; maluæ, rosæ, violarum. *Fructus*; citrij caro, cydonia mala, pyra, pruna. *Semina*; hordeū, milium. *Radices*; maluæ, *Succi concreti*; acacia, al. in 2. sanguis draconis. *Lapides*; hyacinthus, sapphyrus, smaragdus.

Frigida in secundo.

Folia & herba; blitum, chondrilla, lactuca, lens palustris, intybus, hyacinthus, oxalis siue acetosa, plantago, polygonum, psyllium, solanum. Flores; anemones, hyacinthi, cichorij, nymphææ luteæ. *Fructus*; cucurbita, cucumis, galla, aurâtia mala, mala punica, pruna damascena, pepones, persica. *Semina*; acetosæ, cichorij, alkekengi. *Lignum santali*.

Frigida in tertio.

Herba seu Folia; portulaca, mandragora, semperuiuum, hyoscyamus, al. in 4. Flores; balauſtia. *Fructus*; mala aurea, mala insana. *Semina*; cicutæ, hyoscyami, papaueris. *Radices*; mandragoræ. *Succus* hypocistidis.

Frigida in quarto.

Folia seu herba; cicutæ, papauer. *Fructus*; strammoneæ. *Liquores concreti*, meconium, opium, secundum vulgarem sententiam. Rectius tamen ij sentiunt, qui calidum esse statuunt, vt lib. 1. pract. part. 2. cap. 1. quæst. 1. satis probatum. Qua de re prolixè agit Clariss. Dn. D. Michaël Döringius, de opio, pag. 18. & seq.

Humida in primo.

Herba; buglossum, helxine, malua. Flores; buglossi, maluæ, intybi. *Fructus*; citri caro, iuiubæ, amygdalæ dulces. *Semina*; maluæ, sesami. *Radices*; satyrij, buglossi, glycyrrhizæ, maluæ, rapi.

Humida in secundo.

Herba; viola, nymphæa, atriplex, blitum, lactuca, lens palustris, portulaca. Flores; nymphææ, violarum. *Fructus*; cucurbita, melones, pepones, quorum succum ali-

qui in 3. ponunt, persica, pruna damascena, vna maturæ, saccharum.

Sicca in primo.

Herba & folia; beta, brassica, chamæmelum, fœniculum, hyacinthus, malabathrum, myrtus, verbascum. Flores; bupthalmi, chamæmeli, croci, hyacinthi, meliloti, rosarum, al. 2. *Fructus*; baccæ iuniperi, castanæ. *Semina*; fabæ, fœnugræci, hordei. *Radices*; bryoniæ, œnanthæ, rubiæ, tamarisci, althææ, ari, Gummi; thus, al. 2.

Sicca in secundo.

Herba; Anagallis, artemisia, al. primo, anethum viride, betonica, cuscuta, calamus odoratus, intybum, marina brassica, bursa pastoris, equisetum, gingidium, mentha, mentastrum, plantago, rosmarinus, spicanardi, symphytum, fumaria, pimpinella, oxalis, verbenaca, virga pastoris. Flores; balauſtia, pœoniæ, anemones, chamæpityos, periclymeni, stechadis. *Fructus*; balanus myrepſica, cappares, cydonia mala, nux cupressi, nux moschata, pira, pistacia. *Semina*; fœniculi, carthami, lentes, eruum seu orobus, milium, oryza, papaueris, solani. *Radices*; capparum, cichorij, raphani. *Lignum* santali. *Lacryma*, gummi, resina; galbanum, opopanax, pix arida, myrrha, styrax, mastiche, mel.

Sicca in tertio.

Metallica; flos æris, æs vstum, squama æris, ærugo, diphryges, alumen, sal, nitrum, sulphur, chalcitis. *Herba & folia*; filix, millefolium, quinquefolium, polium, trifolium, absinthium, abrotanum vstum, anethum vstum, apium, asarum, ammi, calamintha, chamædrys, chamæpitys, epithymum, hyssopus, iuniperus, maiorana, marrubium, origanum, peucedanum, petroselinum, ptarmica, ruta, sabina, salix, sisymbrium, thymus, serpillum. Flores; balauſtia, epithymi, chamæpityos, periclymeni. *Fructus*; caryophylli, carpobalsamum, galla, piper, iuniperi baccæ. *Semina*; grana tinctorum, anethi, apij, ammi, amomi, anisi, carui, cumini, coriandri, nigellæ, petroselini, milij, viticis. *Radices & cortices*; acori, radix caua, galangæ, scillæ, pentaphylli, trifolij, oxytriphylli, asari, apij, doronici, seu carnabadij, hellebori, cinamomi. *Succi & gummi*; aloë, acetum, acacia, camphora, moschus.

Sicca in quarto.

Metallica; chalcanthum, auripigmentum, sandaracha, chrysocola, misy, sory, melantheria. *Herba & folia*; ruta sylvestris, allium, nasturtium, sinapi. Ex his facile facultates medicamentorum compositæ perspicui possunt, & colligi, quæ sint calida sicca, calida humida, frigida humida, frigida sicca.

[Vulgo quidem statuitur, camphoram, flores rosarum & cichorium, esse frigida, atque id ea de causa, quod in affectibus calidis cum com- modo vsurpantur & refrigerant. Ita fœminæ ardorem in facie, quem ex mora sub Sole contraxerunt, curant aquâ rosarum, in qua camphora dissoluta est. Aqua & oleum rosarum in inflammationibus adhibentur. In febribus biliosis & hepatis caliditate nihil frequentius vsurâ rad. cichorij. Contrâ si ista simplicia per se consideremus, omnia calida esse animaduertemus.

Camphoram quod attinet, etsi à plurimis frigida esse statuitur: tamen omnino calidam esse, testatur primò inflammabilitas. Accenditur enim non solum, & quidem facile, sed etiam in aqua ardet. Argumentum equidem hoc reicit & irridet Scalig. exerc. 104.

Sicca in primo.

Sicca in secundo.

Sicca in tertio.

Sicca in quarto.

De temperamento Camphor. flor. rosar. & Cichorij. An camphora, fl. rosar. & cichorium sint frigida vt vulgo statuitur.

Camphoram esse calidam, probat.

*Inflammabi-
litas.*

sect. 8. Verum sine causa. Nihil enim accenditur, nisi quod sulphureum, seu bituminosum, ut aliis placet: & quicquid inflammatur, ideo inflammatur, quia sulphureum. Neque inflammabilitas simplicis elementi affectio est, sed corporis misti, quod seu sulphur, seu bitumen, seu pinguedinem, seu oleum appellare velis, per me licet. De nomine non litigabo, modò de re constet. Inflammabilia verò omnia calida; unde & camphora calida: quamvis non contrà licet concludere, omnia calida esse inflammabilia. Neque enim omne corpus calidum, v. g. sal, est inflammabile, sed quoddam saltem, puta sulphureum. Quòd verò res quædam, etsi sint sulphureæ, non facile inflammantur, id fit, quia vel densæ, & non raræ vel quia aliarum partium admistione inflammabilitas prohibetur. Ita oleum, seuum, cera, accenduntur, sed non facile, verum cum ellychnio, quo corpus densius distrahitur & rarefit; unde etiam copioso oleo affuso flamma extinguitur; quæ tamen sine oleo esse non potest, ipsa verò raritas per se inflammationis causa non est. Neque enim pumex, vel alia multa rara, inflammantur. Sed raritas saltem facit, ut res per se inflammabilis facilius inflammetur. Ita picca ligna non inflammantur facile, recens ab a bore recia, propter admistum adhuc aqueum humorem: exsiccata verò facile inflammantur. Deinde caliditatem camphoræ, satis arguit sapor ille amarus, acris, & potens, qualis non est in frigidis. Idem tertio docet odor vehemens: & quarto tenuitas partium, & summa vis penetrandi; qualis non reperitur in frigidis. Quòd verò camphora dicitur refrigerare, id ex accidenti præstat, nimirum eliciendo ad se, & è corpore nostro extrahendo, calidas & igneas atomos: eodem modo, quo ex partibus combustis ipse ignis, & olea calida, cepe, & similia, atomos igneas extrahunt.

Sapor.

Odor.

*Tenuitas par-
tium.*

*Rosæ frigi-
das esse quæ
suadeant.*

Rosarum eadem ferè est ratio. Equidem vulgò à plurimis statuitur, rosas esse frigidas; idque ob has rationes: 1. quòd rosæ aquosas partes in se continent. Omnia verò aquosa sunt frigida. 2. Quòd terrestres partes habent, quibus adstringunt. Adstringentes verò plantæ frigidæ. 3. Quòd, licet in rosis sint partes quædam calidæ; frigida tamen superent. Destillatas enim rosas dare aquam virtute frigidam: succum etiam è rosis expressum destillatum ad medietatem suppeditare aquam rosarum præstantissimam; reliquum soli expositum acescere, & in acetum mutari; quod sit frigidum. 4. Effectus etiam probare videntur, quòd rosæ sint frigida. Calidam enim capitis intemperiem tollunt coronæ rosæ capiti impositæ, contusæ rosæ, aqua, oleum rosarum capiti applicata; in lecto strata rosæ refrigerant renes: per cubiculum sparsæ febricitantibus prosunt, vigiliis medentur, & omnium partium inflammationibus utiles sunt.

*Contrà cali-
das esse, quæ
proben.*

Contrà rosas calidas esse, probare videtur, 1. sapor amarus, qui manifestus in iis est, 2. vis purgandi, quæ satis fortis in succo rosarum, è quo fit syrupus rosar. solitius, aloë rosata, cuius vis purgandi à succo rosarum valde augetur. 3. Odor fragrantissimus, qui in nulla re frigida est. 4. Spiritus φλόγης & qui ex iis satis copiosus elicitur.

Decisio.

Verum ut, quid de hac controuersia statuendum sit, pateat, primò illud Galeni, 4. de simpl. fac. cap. 23. notandum. Rosa, inquit, non solum dissimilis est, quia pars quadam eius continet, & continetur: (continet quidem durum & terreum, quod continetur, est succus humidus) imò & succi ipsius tria sunt excrementa: unum quidem terreum, quale est in vinis fax; alterum, quod ipsum quoque vini flori proportionem respondet; tertium aqueum, quod in omnibus bullitionem efficere, corruptionemque diximus, ubi nimirum neque deuictum, neque planè alteratum ebullitionis tempore fuerit. Et post: In rosa natura aliud gustantibus acerbum est,

quod terreum ut sit, & crassum, frigidumque necesse est; aliud verò amarum, quod tenue est & calidum; & tertium in his aqueum, necessario quidem frigidum, sed in tenuitatis crassitudinisque oppositione quadantenus summorum medium, cuius mixtura neque ipsum illud acerbum, neque ipsum amarum summe est tale, quale dicitur: qualitates enim omnes exsoluit aquei admistio. &c. Ex quibus omnibus patet, esse in rosis partes diuersas alias acerbæ, quæ merito frigida dicuntur; alias amaras, alias odoratas, quæ calidæ sunt.

Sed de hoc iam quæstio est, quæ partes præualeant, & an effectus illi, qui rosis, succo, & aquæ rosarum, oleo item, & vnguento rosarum tribuuntur, nimirum vis calidam intemperiem capitis curandi, vigilias tollendi, inflammationes curandi, à rosis quatenus frigidas partes, an verò, quatenus calidas habent, proueniant. Vbi nos eorum sententiam magis vero consentaneam esse putamus, qui statuunt, effectus hos non esse per se à rosarum frigiditate, sed à partibus spirituosissimis calidis, quæ caliditatem è corpore extrahunt, & ita per accidens refrigerant; ut modò de camphora dictum. Et quamvis incipientibus inflammationibus oculorum, & aliarum partium, aqua rosarum adhibetur: tamen tum non prodest repellendo frigiditatem, sed leniendo dolorem, qui attrahit, & inflammationes auget. Et tales partes calidas in rosis esse, rationes antea allatæ satis probant, atque inprimis id, quòd aqua fragrantissima, & spiritus φλόγης & ex iis elicitur. Neque id probat, aqueas frigidas partes in iis præualere, quòd succus à quo aqua odorata per distillationem separata fuit, acescit. Neque enim aqua vnquam acescit, sed liquores calidissimi, ut vinum, hydromel: quæ quò generosiora sunt, eò potentius acetum suppeditant. Verum de acetum generatione alibi dicitur. Et dudum iam caliditatem in saccharo seu conserua rosarum animaduertit Rhases, dum, lib. 3. de re medic. c. 27. iis, qui calorem & ardorem in ventriculo patiuntur, id comedere prohibet, maxime si æstas sit. Calefacit enim, inquit, & sitim inducit.

Tandem cichorium quod attinet, extra dubium est, id feliciter, & cum insigni commodo, morbis calidis & biliosis, inprimis hepate laborante, exhiberi. Verum utilitas quam præstat, non à frigiditate, ut vulgo putatur, prouenit, sed à partibus calidis & amaris. Obtrinet enim cichorium in se succum quandam amarum, qui gustu satis deprehenditur, ob quem vim aperiendi & abstergendi habet. Ideoque utilissimè iis exhibetur, quibus in hepate obstructions, vel humores biliosi per hepar diffusi sunt. Eos enim efficacissimè abstergit suā amaritudine, atque ita causam calidiorum morborum tollendo, refrigerare dicitur. Quâ ratione etiam centaurium minus, carduus benedictus, imò etiam gentiana interdum in febribus terrianis exhibentur. Vnde Pharmacopœi non raro peccant in radicibus cichorij condiendis, & saccharo incrustandis, dum, ut gustui saltem inseruiant, nimis diu radices cichorij in aqua macerant, omnesque partes amaras, in quibus tamen omnis cichorij efficacia est, maceratione illâ extrahunt, & ita inefficax medicamentum parant. Etsi enim radices illæ, omni amaritudine ita spoliata, sint frigidiores: tamen non tam feliciter eas vsurpari, quam illas, in quibus partes amaræ saluæ sunt, experientia docet.

CAPVT IV.

De Medicamentis, cuiuslibet membro propriis, seu Corroborantibus.

Cum verò in alterando, ut suo loco dicitur, danda sit diligens opera, ne cum qualitate prima alia secunda vel occulta coniuncta sit, quæ corpori noce

nocere possit : non solum discrimen inter interna & externa medicamenta obseruandum ; sed & cuiuslibet membro appropriata medicamenta usurpanda sunt. Nam primo , etsi , quæ intus exhibentur , etiam facile extra adhiberi possint : tamen non contra , quæ extra applicantur , intra corpus assumere licet , si aliquam malignitatem , acrimoniam , aut similem noxiam qualitatem coniunctam habeant. Ita multa metallica extra vlceribus applicantur , quæ non sine insigni corporis detrimento intra corpus assumerentur. Deinde non eadem alterantia æquæ sunt omnibus partibus accommodata. Sunt enim medicamenta , quæ etsi plurimis partibus possint esse vtilia ; tamen totius substantiæ ratione aliquibus partibus peculiariter sunt cognata , & ob occultas quasdam proprietates cum quibusdam partibus singularem habent *συμπάθειαν* : id quod Galenus rectè contra antiquos quosdam illud negantes atque irridentes defendit , *1. de comp. medic. sec. gen. cap. 1.* quæ medicamenta ob id vulgò appropriata , & roborantia nominantur ; quod scilicet partium , quas respiciunt , calidum natium , occultasque proprietates soluendi , conseruandi atque instaurandi vim habent. Vnde etiam Medicis & ante morbum , & quouis ferè morbi tempore , & post morbum in frequenti usu sunt , vt scilicet partes , ne morborum causam suscipiant , robovent , eisdemque vt morbos facilius depellant , adiuent ; imbecillitatem post morbum relictam depellant , membrisque pristinum robur reddant. Etsi verò vis ista ab occultis præcipuè proprietatibus dependeat : tamen cum occultis viribus manifestas etiam qualitates in operatione conspirare , & vtrasque ad membri similem constitutionem conseruandam concurrere negandum non est. Qua de causa alterantibus hinc ea mox subiicere , & secundum vulgatam doctrinam ea etiam à manifestis qualitatibus denominare , atque cephalica alia frigida , alia calida , &c. nominare placuit. Neque enim hoc ita accipiendum est , quasi , quod vulgus sæpè existimat , medicamenta , quæ alicui parti propria & familiaria dicuntur , æquæ omnia omnibus eius affectibus sine discrimine adhiberi possint : Verum magna hac in re occurrit differentia. Nam cum qualitatibus occultis etiam manifestæ coniunctæ sint ; & alia , exempli gratia , cardiaca sint temperata , alia frigida , alia calida : non quouis tempore qualibet exhibere licet. Temperata quidem nunquam nocent ; verum in affectu calido cordis frigidiora cardiaca sunt vtiliora ; sicut in frigido calidiora : Quod etiam de aliis partibus accipiendum est. Et quia intemperies simplices vix diu durant , sed plerumque caliditas cum siccitate , frigiditas cum humiditate solet coniungi : calefacientia & exsiccantia vno titulo complecti , & refrigerantia & humectantia etiam coniungere libet.

¶ [Nihil vulgarius est , quam ægrotos confortantia seu roborantia exposcere , & frequentissimè adstantes Medicos ad confortantia exhibenda adhortantur : in iis tamen , quæ habentur pro confortantibus , non parum erratur , dum ea , quæ potius ægro nocent quàm prosunt , pro confortantibus exhibent , modò ægri palato grata sint , verbi gratia , vinum in febribus biliosis , limones acidos saccharo dulcoratos , fructus berberis saccharo conditos , in omni sine discrimine morbo , etiam in quartana. Quapropter operæ pretium fuerit , inquirere , quid de roborantibus & confortantibus reuerà sentiendum sit.

Imbecillitas autem , quæ confortantia requirit , est , cum facultas opus suum , & actionem , non satis fortiter , & quoad æquum erat , exsequi potest. Cum autem tres sint facultates , naturalis , vitalis ,

animalis , facile patet , in omnibus hisce actionibus debilitatem occurrere posse. Ita ventriculus , qui non satis rectè chylum coquit , dicitur debilis , hepatis , quod non satis rectè sanguinem perficit , dicitur debile ; sicut & cor , quod pulsus languidè perficit , dicitur debile : sic memoria , quæ res apprehensas non fideliter retinet , dicitur debilis. Atque his opponuntur ventriculum roborantia , cor confortantia , memoriæ confortantia.

Cum autem facultas ipsa per se , vtpote quæ immutabilis animæ est potentia , non debilitetur , debilitari dicitur , quando subiectum cui inest , & organa quibus in agendo vtitur , non bene sese habent. Subiectum verò constat partibus solidis & spirituosis , & quidem solidæ debent habere suum humidum radicale , calidum innatum , & temperamentum. Itaque dum partes solidæ læduntur , & humidum radicale ac calidum natium absumitur , aut temperamentum mutatur , & spiritus deficiunt ; vel partes aliquæ , vel totum corpus debilitatur. Itaque vt roborantia rectè ordinari possint , causæ debilitatis prius inquirendæ sunt. Causis enim facultatem debilitantibus præsentibus , roborantia parum , aut nihil plerumque proficiunt. In quâ re tamen vulgus sæpè peccat , qui causis & morbo maximè urgentibus , ægro vires restitui posse putant. Itaque qui robur corpori addere vult , iuxta rationem cuiusque causæ & modi id facere debet ; & ille rectè sine roborat & confirmat vires , qui omnes causas eas debilitantes tollit , & , quod absumptum est , instaurat ; id quod fit non vno modo. Roboratur corpus abundantia oppressum vacuatione , & vel sanguinis missione , vel purgatione , prout plethora , vel cacoehymia debilitatis causa est. Si calor præter naturam dissipet & absumat spiritus , calor ille frigidis restinguendus ; si spiritus suffocentur & supprimantur , à fuliginosis excrementis liberandi ; quod sæpè fit frictionibus , ligaturis , cucurbitulis , quæ ab internis partibus ad externas fuliginosa illa excrementa , vel etiam vitiosos humores suffocantes , retrahunt. Si spiritus à venefica vi corrumpantur , alexipharmaca requiruntur ; si à dolore quocunque , vel etiam animi affectibus , spiritus dissipentur , medicamenta ea quæ contra dolores , & mali causam pugnant , cum intus , tum extrâ adhibenda , quæque simul adstringunt , impediuntque ne spiritus promptè euascent ; qualia sunt , panis imbutus succo malorum granatorum , poscâ , agrestâ , acetosâ , & similibus ; aut faciunt , vt spiritus , qui extrâ dissipantur , retrahantur , & ad interiora cogantur ; quod facit adpersio aquæ frigidæ , aer frigidus admissus.

Ex quibus omnibus patet , ea in genere roborantia dici , quæ facultatis cuiusque instrumenta , (quæ sunt partis cuiusque substantia ,) temperiem , & spiritus conseruant & instaurant , & causas eas demolientes tollunt. Verum cum vulgus roborantia ægris expetit non de priuatarum partium , purâ hepatis , ventriculi , cerebri debilitate , vel alterius priuatæ partis imbecillitate sollicitum est , sed imprimis de facultatis vitalis vniuersali deiectione ; quam plerumque etiam animalis facultatis debilitas sequitur , cum spiritus animales è vitalibus generentur , & id inprimis cupit , vt morbo nondum curato , nec debilitatis causâ sublata vires nihilominus conseruentur , imò augeantur : quod an fieri possit , iam in questione est. Vulgus id persuasum habet , & si quæras , quæ sint illa media , quibus æger confortari possit , nominat limones acidos , fructus ribes , berberis conditos , cerasa , pira moschatellina , cydonia condita , carnem & cortices citri conditos , aquam cinamomi , carfunkuli , vinum , iuscula è vino , & si quæ sunt alia huiusmodi palato grata , quæ nullâ habitâ morbi ,

Facultas quomodo debilitari.

Causas debilitantes tollere , hoc vere est roborare.

Roborantia quæ ?

An roborantium debilitatis causa non sublata , usus esse possit.

morbi, vel causæ morbificæ ratione exhibent: sicut & foris pulsibus etiam varia epithemata applicant.

De quâ re quid sentiendum sit, iam dicendum. Et principio verum est, ad vires facultatis vitalis robur præcipuè requiri, quod cum à corde pendeat, & à spiritibus vitalibus foueatur, danda imprimis opera, ut cor saluum, & spiritus vitales integri in omni morbo conseruentur. Fit autem hoc (interim tamen ipse morbus, si facultatem vitalem deiciat, impugnandus) duobus modis; vel medicamentis, vel potu & cibo. Medicamenta sunt, quæ spiritus reficiunt; eaque vel interna, vel externa. Interna sunt ambra, moschus, margaritæ, lapis bezoar, cinamomum, crocus, garyophylli, macis, cortices citri, lignum aloës, rosæ, melissa, fantala & alia cordialia; & ex his parata confectio alchermes, species diambra, cordiales, diamoschi, diamargariti, aqua cinamomi, carfunculi, aqua vitæ aurea, & alia cordiales. Huc pertinent & ea, quæ sapore grata & iucunda sunt, ut condita varia. Verum de his omnibus obseruandum, semper simul ad causam morbi & virium debilitatis respiciendum esse, & cauendum, ne dum spiritus reficere volumus, causam morbi, & ita ipsam virium debilitatem, augeamus. Quâ in re vulgo non raro peccatur, dum, ut palato ægri saltem seruiant, ea quæ agro noxia sunt, exhibent. Ut de aliis iam non dicam, sape in febre quartana, ut & tertianis nothis, & humorem frigidum admistum habentibus, ad sitim fallendam, & vires (ut putatur) refocillandas, exhibentur limones, & poma citria acida, fructus berberum & ribium, cydonia acida, quæ cruditatem acidam augent, humores crudos cumulant, & ita febrem protrahunt. Ita dum vinum, vel aqua carfunculi, cinamomi, & similia, in febribus ardentibus vel hecticis exhibentur, morbus augetur. Externa fiunt ex iisdem, quæ recensuimus, cordialibus, præcipuè suauolentibus: ut ex styrace calamita, benzoe, è quibus fiunt sacculi & aquæ pulsibus applicandæ; item odoramenta naribus admouenda. Et omnino odorata talia vim spiritus reficiendi habent, experientiâ teste. Videmus enim eos, qui in syncopen & lipothymiam incidunt, ab euenocari & liberari rebus odoratis naribus admotis. Et de Democrito Philosopho Diogenes Laërtius refert, ipsum morri vicinum per triiduum vitam produxisse odore panis calentis, vel, ut alij scribunt, mellis. Quod ita accipiendum, non quod ipsi odores, qui per se species sensibiles sunt, non substantiæ, roborant, sed quod à rebus odoratis ἀπὸ ῥῶσαι, quædam effluant, quæ quidem corpus propriè non nutriunt, & in sanguinem conuertuntur, spiritibus tamen permixtæ, refocillant eos & reficiunt. In quibus externis etsi non ita facile peccatur, tamen & in his videndum, ne causam morbi iis augeamus. Ideoque in febribus acutis, & ubi vigiliæ vrgent, non odoramenta nimis calida & quæ vigiliæ augent, vsurpanda, vel etiam pulsibus applicanda, quæ calorem febrilem intendere possunt.

Potu & cibo.

Potum & cibum quod attinet, potus citius reficit, quàm cibus. De quo Hippocrates, 2. aphor. 11. Facilius est, refici potu, quàm cibo: id est, minore negotio, & breuiore tempore, totum corpus reficere, viris que lapsas restaurare licet, quam solido cibo; siquidem liquida facilius comminuuntur, concoquuntur, & in totum corpus, quod refici debet, distribuuntur. Et quidem per τὸ ποτὸν non aqua, sed vinum intelligitur, quod plenius nutrit, & præterea omne alimentorum ὕψος & liquidum, cuius generis sunt vina odorata, nigra vel rubra, quale nobis est Creticum, & Hispanica quædam, in mor-

bis quibus conueniunt, ut & Rhenana, quæ temperatè & moderatè pota spiritus & sanguinem celeriter restitunt, item ptisana & sorbitiones, & iuscula pullorum ac gallinarum, ac confusa carniū. Τὸ σίτον cibus omnis solidior est, qui nec ita ταχυτέρος est, quoniam diutius illum in ventriculo & hepate contineri oportet, priusquàm digeratur, nec ita citò in sanguinem & spiritus, ut liquida alia, conuertitur. Id & Hippocrates docet, in fin. lib. de alim. cum scribit: Quicunque veloci adiectione indigent, iis liquidum ad recuperandas vires optimum est; ubi verò celeriore opus est, per odores illa perficitur: qui verò tardiore adiectione egent, solido ea sit nutrimento.

Faciamus autem initium à cephalicis, quæ & nervos corroborandi, & spiritus animales fouendi vim habent, quæ propterea in capitis, & nervorum affectibus frequentissimè adhibentur.

Cephalica calefacientia & siccantia.

Talia sunt bene odorata, leniter tamen. Nimis enim odorata καπνίσιμα, inducunt caput vaporibus replendo. Betonica, maiorana, salvia, hyssopus, melissa, rosmarinus, qui sensus omnes & memoriam roborat, ac paralyti conuenit; folia lauri, baccæ lauri, satyria, ruta, calamintha, serpillum, spica, lauendula, origanum, herba paralytis, lilium conuallium, stæchas Arabica, quæ vitam quasi nervis afflat, omnibusque propterea eorum remediis admisceri debet, chamamelum, ocymum caryophyllatum, melilotus, pœonia, semen fileris montani, fœniculi, radix ireos, garyophyllata, flores tilia, baccæ iuniperi, coriandrum, anacardi, nux moschata, ambra, moschus, xyloaloe, cariophylli, cubebæ, cardamomum, calamus aromaticus, acorus, macis, galanga, castoreum, viscus quercinus, qui epilepsiæ prodest, succinum. Eadem ferè etiam medicamenta extra applicare capiti, ut calefiat, possumus; quibus & alia accedunt, ut benzoe, gummi iuniperi, hederæ, racamahacæ, nigellæ semen, ladanum, mastiche, styrax calamita, thapsia, adeps vrsi. Ad catarrhos, ubi frigus se iungit, nihil est præstantius, quàm melanthiū & cuminum, si torrefacta & linteo inclusa, sæpius naribus obiciantur, vel si sincipiti admoueantur. Nicotianæ vapor, castoreum naribus inspiratum, inquit Aræteus, mirum in modum caput roborat, nec ut alia sternutatoria caput turbat, folia senæ, gummi racamahacæ.

Capiti nocentia.

Ut verò hæc capiti familiaria sunt, ita, tradente Galeno, 2. κατὰ τόπους in fi. c. i. vitare oportet, non solum in dolore capitis per consensum stomachi oborto, sed omnibus etiam aliis circa caput obortis affectionibus, sequentia: viticis semen, absinthij succum, lac in potu, glandes quercinas in cibo, olivas nigras, arbuti fructum, eruum, quod etiam articulos exsoluit. Amplius etiam offendunt thus, quod licet catharticos sistit, & augeat memoriam, oboli pondere, ut scribit Matthiolus: paulò tamen immoderatus sumptum nocet, & in secunda valetudine haustum insaniam mouet secundum Dioscoridem, hederæ cacumina. Præterea etiam perturbant lentisci fructus, crocus, peucedanum, cyclaminus sicca cum vino epota, mandragora, cicuta, semen lolij. Styrax paucus quidem potatus tristitiam vultus discutit, multus verò somnos multum turbulentos inducit.

Cephalica frigefacientia & humectantia.

Hæc non solum æstus & ardores capitis extinguere, sed & vaporis suauitate somnum conciliare, atque hinc mentis perturbationes, & deliria mitigare possunt. Quibus si quædam vehementia addita sunt, ea non temerè vsurpanda, ne insaniam vel saporem inferant, & ipsa calidorum admistione temperanda. Atque talia sunt, rosæ, quæ cerebrum firman-
leni

Cephalica frigida & humida.

Quot modis
fiat roboratio.
Medicamentis.
Internis.

Externis.

Capiti
ta me-
menta

Capiti in
ca.

leniunt, flores nymphaeae, lactucae folia & semen, portulaca, semen papaveris, & alia frigida, acetosa, cucurbita; quibus ob humectationem addere licet, praecipue in melancholicis, borraginem, buglossam, poma odorata, amygdalas dulces. Quae omnia etiam extra capiti refrigerando adhiberi possunt, & praeter haec solanum, semperuium, violaria, folia salicis, atque inprimis rosae, & quicquid ex iis confici potest. Nam suavi odore recreant cerebrum, & vapores inde arcent. Radix Rhodia doloribus capitis vltissima; quae quidem à Galeno in secundo ordine calefacientium ponitur, Dodonaeo tamen Rosae ut odore, ita temperatura affinis videtur. Folia vitis, salicis, psyllium, capita papaveris, lac muliebre recentiter mulctum, succus cucumeris, cucurbitae: & humectationis gratia semen lini, fenugraeci, amygdalae dulces, flores sambuci.

Ophthalmica sunt.

Foeniculum, euphrasia, ruta, verbenae, chelidonium, maiorana, betonica, helenium, rad. valerianae, sem. hormini, Forestus, lib. 11. *Observ.* 35. & alij plurimi liquorem, qui ex iecore mustelae piscis, nostris *Quappen*, *Aelrop*, *Aelpuyt*, dicti, si prius vino lotum in vitri medio ita suspendatur, ne fundum vel latera tangat, & vitrum accuratè clausum soli exponatur, defluit, commendant, eumque experimento certo obscuritati visus admodum commodum & utilem esse, & visum obscurum tenebrosumque miraculi instar ilico lucidum luminosumque reddere scribunt. Liquor tamen hic potius manifestum quam occultum Qualitate id praestare videtur. Oculis nocent semen cannabis, caules, lactuca, lentes, fabae, raphanus brassica, sinapi, caepe, porrum. *Ad aures* calefaciendas ferè Cephalica usurpantur, ut ruta, laurus, costus, nigella, castoreum, item amygdalae amarae, caepe, elleborus albus cum melle, moschus cum lana bombycina impositus. *Ad aures* refrigerandas adhibentur lac muliebre tepidum, rosae, malua, violae, althaea, salicis folia, lactucae, nymphaeae.

Θωρακικά & πνευματικά Calefacientia, & modicè exsiccantia, pituitamque in thorace & pulmonibus contentam concoquentia & ad educationem preparantia.

Hyssopus, scabiosa, quae vomicas quoque in pectore contentas aperit, capillus veneris, tussilago, quae suffitu vomicas rumpit; marrubium, calamintha, betonica, veronica, borrys, carduus benedictus, glycyrrhiza, helenij & ireos radices, scilla, aristolochia rotunda, quae confert in crassa pituita, & internos abscessus aperit, semen vrticæ, foeniculi, ficus, vuae passae, amygdalae, pineae, pulmo vulpis, radix dracuntij, ari, pimpinellae, lini semen, flores sulphuris.

Θωρακικά frigida & humida.

Quae feruidos acresque humores temperant, siccantes pulmones humectant, vias exasperatas leniunt, & lentore quodam obducunt, sunt: violae, maluae, semen papaveris albi, psyllij, iuiubae, sebesten, tragacanthum, hordeum. Pectori nocent, nimis frigida, acrida, rancida, acida, adstringentia, ut fructus immaturi, vitriolum, lepus marinus, oleum nucum.

Cardiaca Calida.

Melissa, rosmarinus, ocymum, carduus benedictus, Scordium, veronica, cortices & semen citri, grana tinctorum seu chermes, caryophylli hortens.

Dan. Sennerti Tom. I.

ses, radices angelicae, helenij, flores calendulae, lignum aloes, aurum, crocus, ambra, moschus, zedoaria, macis, nux moschata, caryophylli, cinnamomum.

¶ [De Ambari vel Ambrae gryseae dictae natura & generatione etsi variae sunt opiniones, uti videre est apud Carol. Clusium, *exoticor. lib. 7.* seu *Aromat. lib. 1. cap. 1.* Scaligerum, *exerc. 104. sect. 10.* Monardum, *simpl. med. histor. cap. 7.* & inprimis Libanum, *singul. part. 3. lib. 4.* tamen ij rectissime statuere videntur, qui sentiunt, esse quoddam bituminis genus, quod è fontibus in mare effunditur, atque ibi concrevit. Garcias ab Horto quidem quandam terrae odoratae speciem esse statuit, cum non solum fragmentum trium millium pondo repertum sit, sed & Insulae ex puro ambra visae sint. Verum res eodem redit. Nam dantur & fontes bituminosi, & terrae bituminosae, eaque varij generis. Siue ergo ex fontibus tale quid in mare effluerit, siue è terris quibusdam bituminosis abluatur, id ambarum fit. Et quiddam bituminosum esse, consentit Iohan. Crato, *de vera praecauendi & curandi febrem pestilentem ratione, in consil. pag. 1093.* ubi refert, se à S. Caesar. Maestrat. Maximil. I. Augusta coniuge, Maria, ambram dono accepisse, quam pro vero & nativo sulphure habuerit, cum & arserit incensa, & maculas sulphureas habuerit.

Ambra autem insignes vires spiritus & calorem nativum, & hinc omnia viscera roborandi habet, & inprimis senibus utilis est. Cerebrum & nervos roborat, spiritus animales reficit, & iis utilis est, qui catarrhis frigidis vexantur, tum extra in ballamis & odoramentis, tum intra quoque. Vnde praecipue, ne vis eius exhalet, in ovo forbili sumitur. Inde etiam cerebro roborando utilis est confectio diambrae. Roborat eadem cor, & spiritus vitales reficit. Valet etiam ad ventriculum, & calorem viscerum ventris inferioris roborandum. Vnde Crato, *Consil. 121.* ambram cum saccharo mistam, ita ut ad lb β. sacchari addat ambram 3 β. commendat. Et Zacutus Lusitanus, *de Prax. Med. Adm. lib. 2. obs. 7.* refert, Mercatorem quendam Lusitanum ructu molestissimo & continuo fuisse afflictum. Ad quod malum expellendum varia fuere adhibita auxilia, sed omnia frustra. Tandem cum toto anno sumeret manè, ieiuno stomacho, ambram ḡ. iiij. cum vini Falerni 3 ij. conualuit. Crato, *alleg. loco priori*, etiam plurimum in affectibus pulmonum posse, & in febribus pestilentialibus praesentissimum remedium esse scribit. Prodest & sterilibus à causa frigida.]

Cardiaca Frigida, quae cordis feruorem temperant, & siccitati resistunt.

Rosae, violae, acetosa, borrago, buglossum, nymphaea, plantago, succus citri, limonum, granatorum, cerasa, poma odorata, fructus rubi idaei, santalum, cornu cerui, os de corde cerui vnicorinu, terra sigillata, bolus armenus, margaritae, corallium, bezoar, hyacinthus, sapphirus, smaragdus, lapis lazuli.

Ventriculum calefacientia & siccantia.

Mentha, absinthium, foeniculum, rosmarinus, salvia, lauri folia, bacca lauri, iuniperi, semen carui, anisi, cumini, lignum aloes, galanga, calamus aromaticus, acorus, zingiber, nux moschata, macis, caryophylli, piper, cinnamomum, zedoaria, Cardamomum, cyperus, ambra, mastiche.

G. G. g 2

Ventri

De Ambra viribus. Ambra quid



Eius vires.

Historia Zacuti Lusitani.

Stomachica.

Ventriculum refrigerantia.

Acetosa, acetosella, portulaca, lactuca, plantago, endiuiā, sonchus, cichorium, rosā, violā, persica, cydonia, melones, cucurbitā, cucumeres, citrulli, pyra, ribes, berberis, poma granata, succus citri, limonum, acacia, mespilla, fraga, mora, santalum.

*Hepar calefacientia.**Hepatica.*

Agrimonia, absinthium, capillus veneris, salvia, cuscuta, asarum, hepatica, schœnanthum, spica, ageratum, fœniculum, petroselinum, apium, asparagus, amygdalā amarā, helenium, flos tunicis, vuā passā, pistacia, sem. calida, calamus aromaticus, cassia lignea, cinamomum & reliqua aromata.

Hepar refrigerantia.

Endiuiā, cichorium, scariola, dens leonis, & quæ ad has pertinent, portulaca, lactuca, rosā, violā, nymphæa, acetosa, fragaria, sem. frigida maiora, melonum scilicet, cucurbitā, cucumeris & citrulli, & minora lactucā puta, endiuiā, scariolā, portulacā, hordeum, santala, camphora, poma granata, ribes, berberis, fraga, melones, cerasa, acetum, serum caprinum.

*Lienem calefacientia.**Lieni propria medicamenta.*

Ceterach, scolopendrium, absinthium, epirhimum, lumaria, supulus, ruta, calamintha, petroselinum, veronica, chamædrys, chamæpithys, melissa, nasturtium, cochlearia, prassium, genista, sambucus, asarum, radic. polypodij, helenij, gentianæ, filicis, fœniculum, apium, vitex, tamariscus, cappares, aristolochia, rubia tinctorum, amygdalā amarā, scylla, calamus aromaticus, ammoniacum, bdellium.

Lienem refrigerantia.

Salix, endiuiā, cichorium, portulaca, & ferè reliqua hepatica.

*Ad Renes & Vesicam medicamenta calida.**Renibus appropriata.*

Capilli veneris, ruta, saxifragia, betonica, ligusticum, fœniculum, eruca, artemisia, calamintha, eryngium, asparagus, ruscus, pimpinella, glycyrrhiza, petroselinum, apium, vrtica, daucus, filipendula, rubia tinctorum, ciceres rubri, milium solis, baccæ iuniperi, flores chamæmeli, cardamomum, terebinthina, chærefolium, amygdalā, pistacia, nuclei persicorum, cerasorum, radices capparum.

Renes refrigerantia.

Malua, lactuca, portulaca, parietaria, endiuiā, hordeum, semina quatuor frigida maiora, papaueris, lactucā, portulacā, psyllij, cydoniorum, peponis, fraga, violā, nymphæa flores, camphora, santalum, acetum, succus limonum, melonum, ribium.

*Vterum calefacientia.**Vtero propria medicamenta.*

Artemisia, matricaria, betonica, dictamnium, origanum, pulegium, calamintha, maiorana, salvia, thymus, melissa, satireia, ruta, rosmarinus, folia lauri, flores chamæmeli, semen cumini, anisi, fœniculi, dauci, apij, petroselini, radices aristolochiæ, rubiæ tinctorum, eryngij, fœniculi, petroselini, asparagi, pimpinellæ, angelicæ, valerianæ, imperatoriæ, medulla nucis indicæ, baccæ lauri, iuniperi, caryophylli, nux moschata, macis, calamus aromaticus, cinamomum; zedoaria, crocus, galanga, myrrha, castoreum.

Vterum refrigerantia.

Nymphæa, violā, rosā, cydonia mala, & syrupus eorum, portulaca, lactuca, scariola.

Applina & Neupitina calida.

Maiorana, herba paralytis, betonica, chamæpitys, rosmarinus, salvia, folia lauri, lauendula, stœchas, artemisia, & pleraque cephalica, castoreum, lumbrici terrestres.

CAPUT V.

De Digerentibus & Preparantibus Humores.

EX hac classe petuntur, & à fine, ad quem diriguntur, denominantur Digerentia seu Preparantia humores. Nam, ut infra, *part. 2. sect. 1. c. 7.* dicitur, etsi coctio humorum solius naturæ opus sit, quæ antequam humores expellit, eos elaborare & præparare solet: tamen ut illa coctio & euacuatio commodius fiat, Medici aliquas præparaciones, præmittunt, quas etiam coctiones nominant, & medicamenta, per quæ perficiuntur, Digestiua. Sunt autem talia, quæ omnia, quæ naturam in coquendo impediunt, tollunt, qualitatēque, quæ caloris natini actioni resistunt, mutant, calida scilicet nimis refrigerant, frigida calefaciunt, sicca humectant, humida siccant, crassa attenuant, tenuia incrassant. Ex quibus facile colligere est, quæ cuique humori debeat præparatio. Bilis flaua, cum sit calida & sicca, refrigerantibus & humectantibus corrigenda est; & cum sit tenuis, incrassanda est: Pituita, cum sit frigida & humida, crassa, lenta ac glutinosa, calefacientibus, siccantibus & attenuantibus præparanda. Humor melancholicus cum sit frigidus & siccus, moderatè calefacientibus & humectantibus, ac attenuantibus emendandus. Atra bilis cum sit calida valde, sicca & crassa, frigidis, multum humectantibus & attenuantibus corrigenda.

Bilem itaque digerentia & preparantia sunt.

Omnia, quæ inter refrigerantia sunt enumerata, inter quæ etsi omnia humida non sunt: tamen quia calorem, qui in primis frequentissimè molestat, temperant, aliorumque humidorum admistione planè huic scopo apta reddi possunt, non inutiliter usurpantur. Et quidem

In Capite.

Conueniunt hæc: Rosā, nymphæa, papauer, viola, lactuca.

In pectore.

Violā, iuiubā, sebesten, papauer, cucurbita, gummi tragacanthæ.

In corde.

Succus citri, granatorum, limonum, acetosa, rosā, violā, nymphæa, corallium, os de corde cerui.

In ventriculo.

Succus granatorum, cydoniorum, citri, agrestis, rosā, cucumis, cucurbita, mespila, portulaca, acetosa, berberis, ribes.

In Hepate.

Endiuiā, cichorium, dens leonis, lactuca, portulaca, rosā, nymphæa, santali, semina melonum, cucumeris, cucurbita, citrulli, endiuiā, scariolā, lactucā, portulacā.

PITUITAM PRÆPARANTIA.

In capite.

Maiorana, salvia, betonica, hyssopus, ruta, rosmarinus, stœchas, pœonia, melissa, lauendula, fœniculum, & reliqua calida cephalica.

In pectore.

Capilli veneris, marrubium, hyssopus, fœniculum, calamintha, scabiosa, & reliqua thoracica.

In Ventriculo.

Mentha, betonica, & reliqua calida stomachica.

In Hepate.

Agrimonia, absinthium, radices fœniculi, apij, asparagi, rusci, flor. spicæ, & reliqua calida hepatica.

In Renibus.

Betonica capilli veneris, parietaria, vrtica, saxifragia, eryngium, fœniculum, ligusticum, & reliqua renibus appropriata calida.

In Vtero.

Artemisia, betonica, matricaria, pulegium, calamintha, melissa, sabina, radices aristolochiæ, valerianæ, & reliqua vterum calefacientia.

Melancholiam & atram bilem præparantia.

Fumaria, buglossum, borrago, scolopendria, melissa, cuscuta, capilli veneris, chamædris, chamæpitys, lupulus, cortices citri, fœniculum rosmarinus, succus, pomorum, ceterach, cappares, epithymum, violæ, genistæ flor. & semen, tamariscus, sem. ocy-mi, fraxini.

CAPUT VI.

De Emollientibus, Laxantibus, Rarefacientibus.

Medicamentis hætenus enumeratis merito subiicimus, & secundo loco adiungimus ea, quorum vis à secundis qualitatibus pendet: inter quæ primò retulimus μαλακτικά. Sunt autem μαλακτικά, quæ id, quod concretum est, fundunt, & ad pristinum statum reducunt. Et si enim durum tribus modis fieri possit, vel quia aliquid siccum est, vel quia plenum, ut vter spiritu inflatus, vel quia concretum & congelatum; & tot modis etiam corpora ad molliem redire possint: tamen, ut Galenus, 1. de Simpl. med. fac. cap. 5. docet, medicamentum emolliens, quod Græci μαλακτικόν vocant, non de omnibus iis modis efferunt Medici, sed peculiariter de iis, quæ congelatione induruerunt, magisque etiam, si in eis contentus sit humor præter naturam, velut, in scirrhis. Quippe si à siccitate induruerit, humectare potius, non mollire id præcipiunt; sicut impleta euacuare, non emollire. Talia verò sunt, quæ nec valde calida, nec valde sicca existunt, calida scilicet in secundo gradu. Sicut enim in primo sunt imbecilliora: ita in tertio sunt valentiora. Non solum autem calida in secundo, & non nihil sicca esse debent, sed aliquam omnino vim emplastice habere, & diffractionem prohibere debent, ne partes emollitas discutiant; id quod in emollitione nondum est propositum. E quorum genere sunt sequentia, inter quæ si aliqua istas, quas emollientibus tribuimus, qualitates non exactè observant, facile tamen huic vsui reliquis associata satisfacere possunt: *Malua & althææ folia & radices, radices liliorū alborum, arriplex, mercurialis, semen malua, sesami, lini, fœnigraci, althææ carica pingues, oleum simplex, pinguedines gallina, suilla, vitulina, hœdina, seuum verveci-*

Dan. Sennerti Tom. I.

num & similes, medulla ferè omnes, butyrum recens, cera, pix, resina, bdellium, ammoniacum, styrax liquidus, ladanum, galbanum. Hæc opponuntur σκληρωτικά ἢ σκληρυνόντα, Indurantia, quæ, ut Galenus, 5. de Simpl. med. fac. cap. 10. tradit, sunt frigida & humida, ut; *semperuiuum, portulaca, psyllium, lenticula palustris, solanum.*

Laxantia.

Deinde huc pertinent medicamenta χαλαστικά, laxantia, quæ tensis, iisque, quæ σπαστάσθαι præter naturam dura euaserunt, conferunt. Tensum autem illud est, cuius partes nimis distant, & ultra naturalem distantiam extenduntur; ita tamen, ut, quod in soluta vnitate fit, partes non à se inuicem separentur. Et si verò, ut Galenus, 5. de Simpl. med. fac. cap. 11. docet, σπαστάσις fiat partibus aut nimium exsiccatis, aut refrigeratis, aut phlegmone affectis; & propterea laxantium species non vnica sit, sed alia humectando, alia calefaciendo, alia emolliendo, quadam euacuando, nonnulla humores præter naturam purgando, alia etiam per coniugationem horum quippiam agendo laxare soleant: tamen præcipuè χαλαστικά & laxantia ea dicuntur, quæ ei σπαστάσθαι medentur cum materia quadam, vel vapor, vel flatus, partium spatia, replet, extenditque & dilatat; & proinde rarefaciunt, flatuosumque spiritum, & materiam, quæ partes distendit, attenuant & discutunt. Talia autem sunt modicè calida, largius humectantia, & substantiæ tenuioris, ut facile penetrent, & crassitie non obstruant: ut; *lilium, oleum chamæmalinum, semen lini, fœnigraci, adipēs, butyrum, æsopus, & similia.*

Rarefacientia.

Tertiò sunt, quæ ἀραιωτικά, rarefacientia, πυκνωτικά, condensantia; ἀνασφωτικά, aperientia, & σφηνωτικά ἢ σπασμακτικά, occludentia & obstruentia nominantur. De quorum discrimine Galenus, 5. de Simpl. medic. fac. 14. ista habet: *Quæ cutis meatus referant ἀραιωτικά, rarefacientia dicimus: quæ verò vasorum oscula, ἀνασφωτικά, aperientia. Quin & illis contrariorum si quod poros contrahit, πυκνωτικά, v. condensans appellant: si quod autem osculū occludit, haud etiā proprio designat nomine, sed generalibus κλεινόν ἢ σφίγγον ἢ σφηνόν occludens, contrahens, constringens & obstruens nominant. Σφηνωσις enim in genere significat omnem obstructionē, tam osculorum, quàm meatuum corporis. Verum cum altera differentia, quæ tantum in osculis fit, non peculiare nomen, ut ea, quæ in poris est, & πυκνωσις nominatur, habeat: generis nomen ei attribuerunt. Ut autem sine differunt, quod scilicet ista vasorum officia claudunt, & sensibiles ex iis excretionēs cohibent; illa verò corporis poros densant, & insensibilem transpirationem retinent: ita & diuersam naturam habent. Πυκνωτικά enim sūt magis aqueæ naturæ, atque debilius contrahunt, & propterea tenues atque exiles poros quidem constringunt, contrahunt, & condensant; totam verò partem vndique & valentiùs constringere non possunt. Talia sunt; aqua frigida, portulaca, semperuiuum, psyllium, myosotis, lenticula palustris, tribulus viridis, sedum maius & minus, (minimam verò vim calefactoriam, acrem & exulcerantem obtinent) & similia omnia, quæ refrigerant, sed non adstringunt, σφηνωτικά verò sunt crassæ substantiæ, frigida & adstringentia. Foris enim crassitie sua poris incumbunt, & frigiditate suâ ac siccitate partem contrahunt & in se cogunt. Ex hoc genere sunt ea, quæ pleraque aliàs σπαστικά, adstringentia appellantur; cortices granatorum, thuris, myrobalanorum, radices tormentilla, rhabarbarum, rostum, plantago, equisetum, bellis minor, sanguinaria, balaustra, flores rosarum, semen acetosæ, plantaginis, rosarum, portulacæ, nuces cupressi, myrtilli, cydonia, pyra, mespila, mora immatura, sorba, corna gallæ, acinivuarum passerum, cupula glandium, succus hypocistidis, agrestis, acacia, mastiche, sanguis draconis, spodium,*

Rarefacien-
tia.Ανασφω-
τική.Atteruantia
& inciden-
tia.

Aperientia.

Inerassantia.

Emplastica.

margarita, corallium, bolus armenus, terra sigillata, alumen, lapis hematites, ferrum. Πικνωτικοῖς opponuntur ἀραιωτικά & τῷ σφενδαίνῳ τὸ ἀνασφωτικόν, ἀραιωτικά rarefacientia sunt, quæ meatus cutis aperiunt, porosque ampliores reddunt, ut vapores per eos melius diffiliari possint. Talia medicamenta sunt calida, verum moderatè, partium tenuium, & non siccantia. Itaque solum quæ citra molestiam & potius cum voluptate calefaciunt, rarefacientia sunt: ut; *althea, mercurialis, anethum, flores chamameli, meliloti, sambuci, semen fœnugraci, lini, ficus arida, oleum vetustius, butyrum.* Ἀνασφωτικά et si præcipuè ea sunt, quæ vasorum ora aperiunt, unde etiam à Græcis nomen acceperunt: tamen ad omnes interiorum partium ductus, ut venas, arterias, vteres, expediendos & aperiendos accommodari possunt; unde à Latinis in genere aperientia nominantur. Aperientia autem cum ad profundiora penetrare, crassosque humores præparare atque attenuare debeant: non solum calida, vix tamen ultra secundum gradum, sint oportet, sed & crassiore nonnihil substantia prædita, in qua calor fundatus diutius conseruetur, nec facile dissipetur donec actum suum expleuerit. In hunc usum maximè amara conueniunt. His cognata sunt λεπτωτικά & τιμνικά, atteruantia & incidentia, quæ diuidunt, dissolunt, extendunt & comminuunt; illa quidem crassos, hæc viscidos & glutinosos humores, ut postea vel sponte sua euanescent, vel trahentium vi facile dissipentur & educantur. Cum verò humores, qui attenuari debent, crassi, viscidos & frigidi sint, ut melius penetrare & sese in humores crassos insinuare, eosque incidere & diuellere possint, omnia tenuis substantiæ, plerumque etiam calore valentiorè prædita, & proinde in tertio gradu ferè calida esse oportet; minus tamen calida, quàm quæ vrinam mouent. Semper verò hoc necessarium non est. Dantur enim etiam atteruantia frigida, ut succus limonum, acetum, oxymel. Atque talia sunt omnia, quæ olfactui, aut gustui, vel vtrique mordicantia & calida apparent, quæ nitrosum & salsum saporem habent, quæ item amara, & quæ acida sunt. Verum cum magna corporum, materiæ item obstruentis, possit esse varietas, & nunc calidioribus, nunc minus calidis, nunc tenui substantia præditis, nunc minus tenuem habentibus, ut obstructions tollantur, opus sit, coniunctim hæc sub aperientium titulo proponere libet. Sunt autem talia: *radices quinque aperientes dictæ, apij sc. fœniculi, asparagi, petrosolini & rusci, graminis, cichorii, eryngij, gentiana, filicis, rubia, rhapontici vulgaris seu centaury magni, asari, cappari, tamarisci, fraxini, fumaria, absinthium, eupatorium, capilli veneris, hepatica, ceterack, chamæpitys, chamedrys, cuscutha, marrubium, calamintha, pulegium, cochlearia, bekabungia, nasturtium aquaticum, semen anisi, fœniculi, ameos agni casti, ciceres rubri, lupini, amygdala amara, cappares, nuclei persicorum, malorum armeniacorum, cinamomum, cubeba, ammoniacum: Acetum, succus limonum.* Atteruantibus, quæ Græci λεπτωτικά dicunt, opponuntur παχυντικά, quæ succos tenuiores & liquidiores crassiores reddunt. Sunt talia frigida, aut temperata citra acrimoniam, crassæ & terrene substantiæ, qua, dum se humoribus tenuioribus permiscunt, iis consistentiam crassiorem tribuunt, ut *portulaca, bolus, papauer, acetosa, oryza, lentes, mala cydonia, pyra agrestia, amyllum, lac chalybeatum, succus granatorum.* Tandem huc pertinent ἐμπλαστικά, & quæ iis opponuntur, ἐκκαθαρτικά seu ἐκκαθαρτικά, quæ tamen, si libet, ad quintam classem, eorum sc. medicamentorum, quæ in ablatione alicuius rei consistunt, referri possunt. Εμπλαστικά, quæ & ἐκκαθαρτικά dicuntur, sunt, quæ corporis meatibus & poris illita, iis tenaciter adherent, seu quæ sua substantia meatus corporis oblinere, opplere, atque ob-

struere possunt. Horum medicamentorum est duplex materia: Quædam enim habent consistentiam siccam & terream, citra mordicationem tamen atque acrimoniam, & si corporis meatibus illinantur, difficulter auelli possunt. Quædam verò etiam aqueo & aëreo humore sunt perfusa, tenacia tamen, ut oleum dulce. Talia sunt: *amyllum, pompholix, cerussa, calx, bolus, terra sigillata, gypsum, lithargyrium, plumbumustum, radices althea, liliorum, semen fœnugraci, mucilagines omnes, farina triticea, pineorum nuclei aqua macerati, gummi arabicum, sarcocolla, tragacantha, adipēs recentiores & medulla, butyrum recens, caseus recens, oui albumen, cera.* His opponuntur ἐκκαθαρτικά: cuius generis etiam sunt ῥυπικά. Hæc enim duo medicamentorum genera saltem secundum magis & minus differunt. Nam quæ in superficie solum sordes auferunt, seu in cute seu in vlcerebus, ῥυπικά, extergentia nominantur: quæ verò subtilioris sunt substantiæ, & maioris efficaciæ, atque etiam in poros penetrant, ἐκφρακτικά & ἐκκαθαρτικά, obstructiones tollentia & infarctu liberantia appellantur. Vtræque autem lentos & glutinosos humores corpori adhærescentes eluunt, atque eos transeundo secum deducunt & rapiunt; & proinde vim exsiccandi cum tenuitate substantiæ obrinent. Refrigeratione verò aut caliditate opus non habent; & vtræque in extergentibus inueniri potest, ac neutra hunc actum impedit, modò non excedat, aut vim adstringendi habeat coniunctam, quæ huic actui est aduersissima. Dantur itaque & calida & frigida abstergentia, suntque talia omnia salsa, amara, nitrosa, ut, *marrubium, centaureum minus, apium, absinthium, abrotanum, hyssopus, nasturtium, farina lupinorum & orobi, agrimonia, beta, chamedrys, tanacetum, amygdala amara, radix aristolochia, iridis, gentiana, sigilli Salomonis, hordeum, furfures, succus limonum, semen urtica, radix tamarisci, cappari cortex, scolopendrium, scilla, nitrum, mel, saccharum, myrrha, lixivia omnia, serum lactis, fel animalium, arugo.*

CAP V T. VII.

De Medicamentis Dolorem sedantibus, & Somnum conciliantibus.

Tandem & tertio loco ad primam classem medicamentorum, quæ scilicet ad ἀλλοῖωσιν nouæque qualitatis inductionem sunt comparata, referenda sunt ἀνωδυνα, dolorem sedantia, ναρκοτικά, stupefacientia; ac ὑπνωτικά, somnum conciliantia. Et si verò, quæ dolorem tollunt, non vnius sint generis, sed alia dolorem ipsum respiciant; alia causam doloris spectent, & submouendo causam doloris dolorem tollant; alia duntaxat partis sensum hebetent; & in genere omnia ea Dolorem tollentia, quacunque vi etiam id præstent, appellari possint; tamen ἀνωδυνα, quæ ab aliis & παρηγορικά, hoc est mitigantia & πρᾶντικά nominantur, propriè ea dicuntur, non quæ causam summuendo dolorem tollunt, aut quæ solum sensum, ne id, quod dolorificum est, percipere possit, hebetant & stupefaciunt; sed quæ manente etiam causa, dolorem ipsum respiciunt, eumque leniunt. De horum qualitate aliqua controuersia esse videtur. Plurimi anodyna temperata esse debere, & pingua ac mollia statuunt. Galenus verò in primo calida & tenuium partium esse docet. Verum enim verò, si anodyna propriè dicta intelligamus, quæ non summuendo causam, ut dictum, sed quæ manente etiam causa dolorem lenire possunt, omnino ea temperata ac blando calore prædita & mollia esse debent. Cum enim tristi sensationi opponatur iucunda & suavis sensatio, anodyna iucundam

Extrema.

Obstructiones tollent.

Dolorem dantia.

dam & suauem sensationem in tactu efficere debent. Id autem præstant, quæ calore tepido ac blando sunt prædita, ac plerumque etiam mollia & pingua sunt. His enim, tanquam gratis, tactus gaudet. Hinc Galenus, 7. *method. medic. cap. 6.* balneum aquæ tepidæ tactui iucundissimum & dulcissimum esse ait, & 6. *epid. sect. 4. text. 8.* Hippocrates & Galenus mollia tactui iucunda esse scribunt, ut voces suaues auditui. Quod verò Galenus anodyna calida in primo esse dicit, id forsan ea de causa facit, quod calida in primo parum à temperatis differunt, neque aliquis caloris excessus in anodynis noxius, sed potius utilis esse potest. Et si enim exactè anodynorum limites talia excedunt: aliquid tamen causæ dolorem parientis, simul tollunt; quia tamen totam discutere non possunt, propriæ causæ non opponuntur. Atque ita anodyna sunt, quæ temperata sunt corporique nostro temperie similima, & proinde substantiam & calorem corporis nostri similitudine & familiaritate quasi fouent & demulcent, blando suo calore meatus referant, tenuitate substantiæ in eos subeunt, omnia æquabilia reddunt, partem, ut minus dolori apta sit, laxant, emolliunt: Et si à temperatis non nihil recedant, rarefaciunt, affectusque ipsius causam mitiorem reddunt, & per ἀσθενον διαπνέω, quicquid in partibus præter naturam continetur, easque quocunque modo molestat & excruciat, non nihil discutiunt. Ex hoc genere sunt; chamamelum, melilotus, anethum, sambucus, malua, althæa, radices liliorum, semen fenigraci, lini, tritici, hordei, oleum dulce mediæ ætatis, amygdalarum dulcium, crocus, atque alia è superioribus parata, butyrum recens insulsum, pinguedo gallinæ, anseris, vitelli ouorum, medulla panis albi, lac tepidum, axungia porcina. Νάρκωτικὰ verò, quæ & ὑπνωτικὰ, quod soporem quoque inducant appellantur, neque causam doloris tollunt, neque dolorem leniunt, sed stuporem parti inducunt, sensumque, ne id, quod dolorificum est, percipiat, hebetant. Id quod præstant ex vulgata sententia medicamenta in fine tertij gradusque quarto frigida, calorem partibus infirum; vnaque spiritus quasi profligando. Verum in plerisque vis narcotica ab occulta proprietate potius, quam à frigiditate dependet; cum reperiantur res factis calidæ, vi hac narcotica etiam prædita. Sunt tamen inter hæc medicamenta gradus quidam, neque omnia sunt eiusdem efficacitæ & vehementiæ. Primum est lactuca, hinc nymphaea, papauer, solanum, hyoscyamus, mandragora, opium.

CAPVT VIII.

De Attrahentibus & Repellentibus.

AD secundam classem medicamenta pertinent, quæ in motu conciliando valent, ἐλκτικὰ scilicet, & ὀσμωτικὰ attrahentia, & ἀποκρυστικὰ seu repellentia. Primum attrahentia humores & spiritus è corpore in superficiem attrahunt atque alliciunt. Fit autem attractio ista à calore, concurrente tenuitate substantiæ. Et sunt quidem attrahentia alia calida & sicca in secundo gradu, quæ moderatè attrahunt; alia verò in tertio, quæ magis; alia etiam in quarto, quæ maximè attrahunt, & ardore cutem in tumore attollunt ac rubore suffundunt, tandemque vesicas excitant, è quibus dropaces, sinapismi & phœnigmi parantur. Talia sunt; radices aristolochiæ utriusque, anemones, cyclamini, dracunculæ, gentianæ, pyrethri, ranunculæ, narcissi, arundinis, ari, thapsiæ, flammulæ, urtica, lepidium, ranunculus, semen sinapis, nasturtij, allium, cape, fermentum, anacardium, gummi ammoniacum, galbanum, sagapenum, opopanax, pix sicca, propolis, simus anserinus, columbinus, gallinæ-

ceus, cantharides. Repellentia attrahentibus opponuntur, humorisque in partem influxum prohibent, vel quoque eum, qui recens influxit, atque in eo fluctuat, nondumque impactus est, reprimunt & reiciunt. Præstant autem hæc, vel quia frigida, vel quia adstringentia, vel quia utramque vim habent. Vnde, duo oriuntur repellentium genera, vnum frigidum aqueum, seu humidum, quod sola frigiditate repellit, ut aqua frigida & succi frigidi; alterum siccum & terreæ substantiæ, quod propriè adstringens nominatur. Et talia, quæ crassam terreamque substantiam habent, & acerbæ, austera, ac adstringentia sunt, validissimè reperiuntur. Compriment enim & contrahunt partem affectam, atque ita humorem in ea contentum exprimunt. Reliqua verò etsi tam validè non repellant: tamen & ipsa meatus contrahunt, tenuioresque partes elidunt & exprimunt. Adstringentia rursus duplicia sunt, alia frigida, alia calida. Et quidem efficacissimè id præstant, quæ simul sunt frigida & adstringentia: quæ verò alterum tantum habent, pro virium ratione id præstant: Quæ verò modicè adstringunt, & simul sunt calida, parcissimè repellunt. Atque ita medicamenta repellentia sunt triplicia. Quæ saltem frigiditate, vel præcipuè ea, repellunt, & aquea sunt seu humida sunt: Aqua frigida, sempervivum, portulaca, lenicula palustris, endivia, lactuca, solanum, tribulus aquaticus, umbilicus Veneris, psyllium, albumen oui. Frigida adstringentia sunt; Plantago, polygonum, auricula muris, bellis, equisetum, folia sorbi, quercus, myrti, mespili, fl. rosarum, balaustra, bacca myrti, galla, sorba, berberis, myrtilli, cortices granatorum, radices pruni sylvestris, cortices berberis, radices pentaphylli, bistorta, tormentilla, succus granatorum, acacia, hypocistidis, mororum immaturorum, acetum, terra sigillata, bolus armenus, sanguis draconis, tutia. Calida adstringentia sunt: Spica, aloë, thus, myrrha, cyperus, absinthium, nuces cupressi, cortices thuris, iuncus odoratus, alumen.

Repellentia.

Adstringentia.

CAPVT IX.

De Maturantibus, Pus generantibus, Carnem & Callum generantibus, glutinantibus, Cicatricem inducentibus, lac & semen generantibus.

AD tertiam classem medicamentorum pertinent, quæ in generatione alicuius rei consistunt, qualia sunt μασητικὰ, maturantia, ἐκπυωτικὰ, pus generantia, σαρκωτικὰ, carnem generantia, κολλητικὰ, glutinantia, ἐπιδρωτικὰ, cicatricem inducentia, γάλακτος ἢ σπέρματος γεννητικὰ, quæ lac & semen generant. Primum quod μασητικὰ seu maturantia & coquentia, ac ἐκπυωτικὰ seu ἐκπύσσκοντα attinet, sciendum, triplicem in corpore nostro posse dari mutationem: prima est nutritio, quæ fit per πέψιν seu concoctionem propriè dictam, cum beneficio caloris insiti nutrimentum in corporis nostri substantiam conuertitur. Huic contraria est σήψις putredo, cum ab alieno calore insitum vincente & profligante corpus corrumpitur. Media quasi inter duas mutationes est πεπασµος, maturatio, quando repressa putredine in benigniorem & meliorem statum humores vitiosi deducuntur; & medicamenta, quæ vitiosos corruptosque humores in meliorem & naturæ conuenientiorem statum reducunt, μασητικὰ seu maturantia & concoquentia, peculiariter dicta nominantur. Quod pertinet ἐκπύσιν seu puris generatio, quando ex sanguine corrupto seu tali, qui ita elaborari à natura amplius non potest, ut postliminio ad pristinum statum redeat & corpori utile alimentum fiat, pus generatur. Medicamenta, quæ id præstant, ἐκπυωτικὰ & ἐκπύσσκοντα, pus mouentia.

Maturantia & pus coquentia.

uentia seu generantia nominantur; non quòd ipsa pus generent, sanguinique corrupto formam puris inducant, sed quòd sine iis puris generatio à natura perfici nequeat, causæque sine qua non rationem habeant. Nam & iustus concoctionis natura causa est, quæ beneficio caloris natiui omnibus, quæ in corpore nostro sunt, ipsis quoque excrementis, optimam, quam potest, formam inducere tentat. Neque enim, quòd omnia optimam formam non obtinent, in calore & natura causa est, sed in subiecta materia, quæ ad optimam formam recipiendam inepta est. Id quod & in puris generatione accidit. Cum enim sanguis ille corruptus caloris alieni particeps sit, & in alimentum corporis abire non possit, in pus mutatur. Ad quam rem faciunt medicamenta pus mouentia dicta, quòd ob similitudinem, quam cum corpore nostro habent, calidi natiui substantiam tuentur atque augent. Sunt enim temperatè calida, simulque humida, temperamentoque parti, cui applicantur, similia. Et cum variæ sint corporum & partium temperies, pro varietatis illius ratione, etiam cuius corpori in calore & humiditate quàm similia sunt eligenda. Ista autem inter ea ad caloris natiui substantiam conseruandam atque augendam sunt aptissima, quæ emplastica sunt. Meatus enim occludendo spiritum caloremque cohibent ac retinent, & ne expirent, ac dissipentur, prohibent. Vnde omnia vinctuosa & pingua, in quibus calor est moderatus, ad hunc vsum idonea sunt. Talia itaque medicamenta sunt: *oleum dulce, hydroleum, butyrum, adeps suillus, vitellinus, tritici semen & farina, panis triticeum, semen fœnugraci, lini, folia ac radices albae, malua, branca ursina, radices liliorum alborum, cepa cocta, carica pingues, pix liquida, styrax liquidus, terebinthina.* Quorum aliqua si vel sicciora vel humidiora videntur, obseruandum, vix vnquam vnum horum solum vsurpari, sed cum aliis misceri, ita vt vnus siccitas ab alterius humiditate, alterius humiditas ab alterius siccitate corrigatur. *Σαρκοτικά* deinde seu carnem generantia medicamenta dicuntur, quæ ad carnis in vulnere vel vlcere instaurationem faciunt. Primarius in generatione carnis opifex est ipsa natura, quæ sanguinem in carnem commutat, partibusque vulneratis vel vlceratis apponit: quæ tamen naturæ in generanda carne quasi auxilium ferunt medicamenta, & quæ cum pars ab affluxu, dolore, intemperie, & id genus aliis libera fuerit, excrementa, quæ vltimam naturæ, ex sanguine affluente, carnem generare conantur, molitionem impedire valent, summovent, & quod nonnulli addunt, calorem natiuum partis custodiunt, *σαρκωτικά* & carnem generantia dicuntur. Nam cum in corporis nostri partibus duo excrementa proueniant, alterum tenuius, quod plerumque per insensibilem transpirationem, nonnunquam etiam per sudorem, euacuatur; alterum crassius, quod extrinsecus corpori adhærescit, & sordium nomine indigitatur; crassius ne in vlcere hærens, illud sordidum reddat, tenue verò vlcus nimis humidum efficiat, & naturæ in carnis generatione impedimento sit: sordes detergendæ & humiditas exsiccanda est. Sarcotica itaque sunt, quæ moderatè calefaciunt & siccant, & sordes citra morsum detergunt, ac nullo modo adstringunt. Adstringere non debent, ne id, quod influit, repellant, sordesque parti affectæ impingant; moderatè etiam siccare; ne, quod influit, absument, sed modicè solum siccare, vt, quod affluit, in carnem concreascit. Nam si medicamentum debilius sit, sanies coaceruatur, & caro flaccidior generatur; si verò fortius, sanguis nimis absumitur, aut vulnus exarescit, aut indurescit, aut dolor excitatur. In quo autem siccitatis ordine esse debeant, non ita planum est. Plerique Galenum, 3. meth. med. c. 3. secuti, primi ordinis siccantium sarcotica esse debere statuunt. Verum cum Galen. ib. paulò

post subiiciat, vlcus, quòd est humidius, eò sanè medicamento, quod magis siccet, indigere, & quòd vlcus in siccior est corporis temperamento, eò magis exsiccantia requirere, & quanto corpus est humidius, tanto minus siccantia postulare; & à Galeno aliisque etiam Medicis inter sarcotica numerentur, quæ primum ordinem siccandi excedunt: sarcotica ita ad primum siccantium ordinem adstringi non debent, sed pro saniei copia vel potestate, corporis humiditate vel siccitate, nunc leniora nunc fortiora eligi. De quo ipse Galenus, loco allegato & 4. de compos. med. sec. gen. cap. 1. Eadem detergentis facultatis ratio est, quæ talis in sarcoticis esse debet, vt sordes, quæ in carnis generatione proueniunt, amoueant; citra tamen mordacitatem, ne si valentiora sint, non solum sordes abstergant, sed & sanguinem concreascere, & in carnem coire non sinant. Interdum enim magis, interdum minus valida esse debent, prout excrementi crassities vel tenuitas, ægotantis habitus tenuior aut mollior, partis laborantis sensus magis aut minus exquisitus, & id genus alia requirunt vel permittunt. De quibus videatur Galen. loco alleg. 3. meth. med. cap. 3. & 4. de compos. med. sec. gen. c. 1. Tandem calor moderatus in sarcoticis requiritur. Cum enim partes carnosæ calidæ sint & coctio, qua sanguis in carnem mutatur, calore perficiatur, iis, quæ naturæ sunt familiaria, conseruanda est pars affecta & sarcotica temperiem parti affectæ similem, nec magis aut calidam aut frigidam habere debent: calor verò is moderatus esse, & vix vltra principium secundi gradus transcendere, sæpe etiam in primo consistere, aut in qualitatibus actiuis temperatum esse debet medicamentum sarcoticum. Talia sunt, *farina hordei, erui, fœnugraci, tragacantha, iris, lachryma abietis, mastiche, thus, colophonia, aloë, myrrha, mel, symphytum, hypericum, aristolochia, cadmia, cerussa, tutia, pompholyx, lithargyrium.* Præter hæc quæ inter sarcotica recensentur, vix aliqua merè talia sunt, sed simul agglutinantia, vel detergentia, vel pus mouentia sunt, quæ tamen si aliorum admixtione temperentur, etiam pro sarcoticis adhiberi possunt. His proxima ac cognata sunt *κολλητικά* seu glutinantia, quæ & ipsa siccant, sed in hoc à carnem generantibus differunt, quòd *κολλητικά* plus siccant, & nihil detergunt, sed potius adstringunt, sarcotica verò minus siccant, & nonnihil abstergunt. Magis verò affinia sunt *κολλητικοῖς ἐπελωτικά*, quæ ab iis saltem secundum magis & minus differunt. *Κολλητικά* enim sunt, quæ ad diuisas partes coniungendas atque vniendas adhibentur. A nonnullis *ἐναιμα* & *πρωματικά* nominantur, quòd in cruentis vulneribus coniungendis vsurpentur: veruntamen non solum in his, sed & in vlceribus, vbi mundata sunt, commodè adhiberi possunt. Magis siccant hæc, vt diximus, quàm sarcotica, ad secundum ordinem vsque, nihilque detergunt, sed totam substantiam cogunt, & vt ex sanguine, qui in osculis venarum continetur, glutinum carneum generetur, faciunt, ac prohibent, ne vlla inter coniunctas partes subnascatur humiditas. Magis siccant & adstringunt *ἐπελωτικά*, quæ non solum id, quod confluit, sed & humorem, qui in ipsa carne continetur, consumunt, vt caro in cutis similitudinem mutetur. Talia itaq; medicamenta vehementius siccant oportet, crassiorisque sint materiæ, vt adstringant & contrahant, & frigoris potius, quàm caloris participia. In numero *κολλητικῶν* & *ἐπελωτικῶν* sunt; *alumen, lithargyrium, sarcocolle, aloë, bolus armenus, plumbum, cadmia, aristolochia, balaustra, corallium, equisetum, plantago, symphytum, tormentilla, pentaphyllum, perfoliata, cortices granatorum, thus, as vsum lotum, sanguis draconis, lapis calaminaris, antimonium.* Imò vt ex iis, quæ de *σαρκωτικοῖς*, *κολλητικοῖς* & *ἐπελωτικοῖς* dicta sunt, satis apparet, vnum & idem medicamentum, pro diuersitate corpo

Carnem generantia.

Glutinantia.

Cicatri-inducunt.

corporum, partium, vulnerum & ulcerum, nunc sarcoticum, nunc glutinatorium, nunc epuloticum esse potest, & quæ sarcotica sunt in corpore duriore, eadem in molliore glutinare, imò cicatricem inducere possunt; & quæ in corporibus mollioribus sunt epulotica, in durioribus erunt sarcotica. Hisce medicamentis & τραυματικά seu vulnerata non incommode subiungimus, è quibus potiones vulneraria dictæ vulgò, parantur. Quandoquidem verò, an cum ratione, & quo iure ac fructu talia exhibeantur, controuersum est, meritò primò ea controuersia dirimenda. Baldwinus Ronssæus, in *epist. medic. epist.* 66. potiones, quæ extremis etiam artubus vulneratis aut fractis ad continui solutionem vniendam exhibentur, planè reiiicit; & cur id faciat, rationes aliquas affert. Primò, ob situs distantiam ad extremos artus penetrare tales potiones posse, non credit. In stomachi quidem, gulæque vulneribus ista medicamenta commodè propinari: verum intestinis læsis potius ea, quæ per sedem iniiciuntur, quàm quæ per os assumuntur, medicamenta exhiberi statuit. Quapropter si etiam intestinis læsis, quæ multò propiora sunt ventriculo, potiones hæ non profunt: multò minus profutura sunt extremis artubus vulneratis. Deinde ipsi & hæc de causa suspectæ sunt, quod Hippocrates iis non vtitur, in eiusque scriptis ne umbra quidem earum exstat. Quibus accedit & hoc, quòd, (cùm pro loci affecti natura varianda sint remedia, quæ pro vulneribus agglutinandis adhibentur) non rectè videtur, vnum potionum genus sine discrimine omnium partium vulneribus adhiberi. Contra non solum Empeirici, sed & docti ac periti Medici & Cheirurgi has potiones vsurpant & commendant; vt Guido, *part. 2. Cheirurg. par. c. 9.* Ioannes de Vigo, *lib. 3. cap. 10.* Ioannes Anglicus, Nicol. Massa *Epist.* 8. Ambrosius Paræus, *lib. 18. cap. 28.* Ioan. Andr. à Cruce, *de Vulner. tract. 2. lib. 4. c. 4.* Fallop. *de Vulner. c. 14.* Hier. Fabr. ab Aquapendente, *lib. 2. cap. 24.* alique recentiores plures. Exstant etiam talium exempla in libro, qui Galeno ascribitur, de dynamidiis; & apud Mesuem, *lib. 3. de Antidotis in fine*: quod medicamentum etsi in codicibus antiquioribus non exstare quidam asserunt; commendatur tamen à Ioanne de Vigo, *loco an. è allegato.* Quapropter etsi rationibus destitueremur: tamen cùm tot Medicorum experientiæ refragari nefas sit, potionum harum vsus planè reiciendum non censemus. Nam, vt Galen. *de Loc. aff. c. 3.* scribit, *Præstat ea, quæ sunt quomodo fiant, querere, quàm quod fiant, negare.* Et quamuis in his audaciam & temeritatem Empeiricorum damnamus: genuinum vsus tamen admittimus. De quo Guido de Cauliaco, *tra. 3. doct. 1. c. 1.* seculi sui stylo ita scribit: *In antiquis ulceribus, in fistulatis & canceratis, nec non & in sanguine congelato in interioribus, ac in sanie congregata in pectore, & in glandulis intrinsecis, & crepaturis quandoque concessi.* Quæ eadem ex eo habet Ioan. Tagaut. *lib. 2. Institut. Cheirurg.* Et in his casibus audacter se illis potionibus vti scribit Ioan. Andr. à Cruce, iisque magis in diuturnis, fistulosis & malè morigeratis. Hieron. Fabr. ab Aquapendente docet, hæc decocta non esse per vulnere initia præscribenda, quòd calida sint pleraque, sanguinemque attenuatum in partem præcipitent: sed tum locum habere, vbi nec febris adest, nec phlegmones in parte vulnerata imminet periculum. Neque tamen omni ratione hæc destitunt. Cùm enim multum in eo situm sit, quomodo pars affecta, & sanguis in ea sese habeat, & quæ nocent vulneribus, omnia ferè sanguinis vitio commoueantur, vt docet Tagaut. *instit. Cheirurg. lib. 6. c. 12.* atque hinc videamus, cibos alios esse vulneratis commodos, alios noxios: cur non ea medicamenta ægris propinemus, quæ faciunt, vt omnia in sanguine, & circa partem affectam sese rectè habeant? Qua

de re Ambrosius Paræus, loco alleg. *Natura*, inquit, *tali portione adiuta planè mira fecisse mihi non raro visa est in cariosorum ossium correctione, & ulcerum consolidatione. Hæ namque potiones etsi humores noxios per alium non expurgant: valde tamen efficaces sunt detergendis ulceribus & ab omni excrementitiorum humorum colluvie vindicandis, sanguini defecando, & ab ichoribus, omnique impuritate repurgando fractis ossibus agglutinandis, & neruis unioni restituendis.* Et mox: *Hæc medicamenta admirabili & propè diuina vi sua sic sanguinem expurgant, vt ex eo tanquam materia apta & laudabili caro, quævisque alia substantia deperdita promptè restitui & reponi possit & pars pristina unioni reddi.* Et Andreas Matthiolus in *lib. 4. Dioscorid. cap. 16.* *Eiusmodi potionibus vidi ego cum thoracis tum intestinorum vulnera sanare, quæ lethalia & nullo prorsus auxilio curari posse censebantur.* Ex quib. etià est facile iis, quæ à Ronssæo obiciuntur, satisfacere. Fallitur enim Ronssæus in eo, quod existimat, eodem fine, quo topica, vulneratis has potiones exhiberi, & non alium vsum esse harum potionum, quàm illarum, quarum Galenus, *4. meth. med. c. 7.* meminit. Illa enim medicamenta non habent alium vsum, quàm alia topica, quæ extra vulneribus & ulceribus applicantur; de quo Gal. *3. meth. med.* Verum quo fine potiones illæ vulneraria propinentur, iam ex Paræo dictum est; patetque ex aliis etiam, qui pluribus hæc de re scripserunt, authoribus, qui nec illud prætereunt, quomodo secundum varietatē partium & affectuum notiones variandæ sint, ad quos lectorem remittimus. Sunt autem simplicia medicamenta, è quibus tales potiones parantur ista ferè: *Consolida maior & minor, sanicula, consolida sarracenica, agrimonia, pyrola, veronica, artemisia, plantago, sabina, equisetum, radic. tormentilla, caryophyllata, carduus benedictus, pimpinella, alchymilla, vinca peruinca, sanguisorba, virga aurea, pilosella, centaurium minus, ophioglossum, betonica, hypericum, flores rosarum, tanacetum, verberna, serpentaria, berniaria, pentaphyllum, scordium, oculi cancri, macis, bolus armenus.* Epuloticis cognata sunt *posotia* seu callum generantia. Quod enim in cute est cicatrix, in osse est callus. Qui etsi naturæ sit opus: tamen ista medicamenta naturam in opere hoc adiuuant, vt ex proprio ossium alimento, & eo, quod ex fracturæ extremis continuo excidit, substantiam ossi similem, per quam ossa coniunguntur, quæ callus dicitur, generet. Medicamenta, quæ hoc præstant, desiccant, incrassant, indurant, & moderate quædam calefaciunt (nam quæ magis calefaciunt, resoluunt, consumunt, & attenuant succum, è quo callus generari debet) & adstringunt. Horum quædam exhibentur, vt *succus primule veris, pulvis radicis agrimonie, aut succus eius inprimis lapis osteocolle dictus, de quo infra parte 2. sect. 2. c. 7. in fine.* Extra applicantur, *bolus armenus, farina volatilis, osteocolle, aloë, nuces cupressi, thus, irragacantha, acacia.* Tandem etiam in classem hanc retulimus lac & semen generantia seu argentia. Ad lactis autem generationem faciunt alia per se, alia per accidens. Per se dicuntur lac generare, quæ producant substantiam lactis: per accidens, quæ vel materiam lactis ad mammæ deducunt, vel remouent causas, propter quas ea imminuitur. Primò cùm lactis materia sit sanguis, isque modicè calidus, nec nimium crassus; lactis verò generatio naturæ opus sit: lactis quidem generatio per se naturæ tribuenda est. Huc tamen conferunt omnia, quæ ad probi sanguinis generationem faciunt, & medicamenta, quæ impedimenta remouent. Ad sanguinis lacti generando idonei productionem faciunt, quæ calida sunt ordine primo vel secundo, citra vllam siccitatem. Si verò calor nimius absumat sanguinem, lactis materiam, refrigerantia ad lactis generationem faciunt, vt *semina quatuor frigida maiora, lactuca, violæ, nymphaea, papauer, & similia.* Si autem ob frigiditatem sanguis nimis

Callum generantia.

Lac generantia.

nimis crassus generetur, calefacientia & attenuantia, quæ mox proponuntur, vtilia sunt. Per accidens vero lac generare dicuntur, quæ lactis materiam ad mammas deducunt. Si nimirum sanguinis materia in corpore quidem adsit, sed non perueniat ad mammas, vel propter sui crassitiam, vel propter facultatem mammarum attractricem debilem, omnia, quæ hæc vitia emendant, lac per accidens generare dicuntur; nisi quis ea peculiarem cum mammis consensum habere dicat, & hoc modo per se etiam ad lactis generationem facere statuatur. Talia sunt, *fœniculum & anethum viride, smyrnium, apium, polium, eruca, polygala*. Faciunt huc & per accidens etiam ad lactis generationem, quæ ad sanguinis attractionem faciunt, ut frictiones mammarum. Quomodo etiam ad lactis generationem facere dicuntur, si sanguis per nares vel vterum effluat, quæ illius effluxum impediunt. Quædam tamen etiam proprietate substantiæ ad lactis generationem facere dicuntur, ut pulvis *crystalli, fœniculum & anethum*. Eodem modo ad seminis generationem faciunt, quæcunque optimum sanguinem, seminis materiam generant, & quæcunque ipsum ad vasa semini generando destinata deducunt. Materiam inprimis suppeditant alimenta calida & humida, & quæ materiam seminariam spiritu replent. Aliquid tamen etiam huc faciunt medicamenta mediocriter humida & calore temperata. Non autem quilibet flatulenti cibi aut medicamenta hîc vtilia sunt, sed quæ viscidam habent substantiam & non statim dissipantur. Rectissime autem alimenta medicamentis & medicamenta alimentis permiscantur. Talia autem medicamenta sunt, *bulbi, cicer, scincus, satyrium, eruca, semen fraxini, lini, allium, cepa, radices eryngij, napi, asparagi, zingiber viride, galanga, amygdala dulces, nuges pineæ, pistacia, castanea, dactyli, faba, pastinaca, rapa sativa, oryza, cinara, ostrea*. E quibus tamen pleraque semini generando materiam non præbent, sed materiam tantum seminis flatu replent. De cinara etiam, tuberibus quibusdam terræ & bulbis aliisque similibus Platerus statuit, ut etiam supra lib. 4. part. 1. cap. 3. dictum, ea nec materiam multam semini, nec spiritus suppeditare, sed succum potius melancholicum. Piper verò, quo condiuntur, urinam acrem calidamque reddere, quæ postea vicinitate partes genitales stimulet. Potest tamen piper & aromata etiam ad venerem excitandam facere, quia semen acrius reddunt, quod titillationem excitat. Sunt tamen etiam quædam, quæ occulta proprietate semen augere, & ad venerem facere creduntur, ut orchidam & satyrij species & quidem in orchidibus testiculus maior (minor enim veneri potius resistere creditur) lingua avis, cerui genitale; passerum cerebella, scincorum lumbi.

CAPUT X.

De Rubefacientibus, Vesicantibus, Crustam inducentibus, Adurentibus, Corrodentibus, Putrefacientibus, Psilothris, lac & semen exstinguentibus.

AD quartam classem pertinent, quæ corrumpunt, ut Rubefacientia, Vesicantia, Crustam inducentia, Adurentia, Corrodentia, Putrefacientia, γάλακτος & σπέρματος οβесικά, seu lac & semen corruptentia. Primò rubefacientia, vesicantia, ἐχαρωτικά & καυσικά, communi nomine πύρρωτικόν comprehenduntur, quod calore suo excedente corpus nostrum, ut aquæ feruor vel ignis, adurant, gradibusque saltem, & secundum magis & minus differant. Mitissima inter ea sunt ποινίζοντα, quæ cutem saltem calefaciendo rubefaciunt, & quæ altius delitescunt, ad cutem euocant. Qualia sunt, *sinapi, semen nasturtij, urtica,*

radices Thapsia. Fortiora iam sunt Vesicantia dicta, quod vesicas & pustulas excitent, quæ & calorē inter reliqua πυρρωτικά mitiorem, & ob substantiæ tenuitatem, leuiorē qui summam tantum cutim exurit, obtinent, humorēque, sicut feruens aqua, ardoris vi proliciunt, cuticulamque à cute diuellunt, & in vesicā attollunt, in quā, quicquid humoris attractum est, colligitur. Vbi enim humores tenues ab his medicamentis extra corpus tracti sunt, nec tamen propter cuticulæ densitatē exhalare possunt, ipsam cuticulam à vera cute separant & attollunt; qualia sunt *cantharides, sinapi fermentum, flammula, ranunculus, semen nasturtij, thapsia, radix cyclaminis, pyrethri, scilla, allij, pes columbinus, euphorbium, simus columbinus, sapo*. Vehementiora adhuc sunt ἐχαρωτικά, quod crustam inducant, ita dicta, quæ non solum cuticulam attollunt, sed ipsam cutim iam adurant. Talia sunt calida in quarto gradu, crassæque substantiæ, ideoque minus citò penetrant, sed in cute hærentia eam, ut ignis, adurant, doloremque excitant; ultra tamen cutim vim suam non extendunt. Καυσικά inter hæc sunt vehementissima, & ipsa calore summo & substantia crassa prædita, sed tamen ἐχαρωτικοίς vehementiora. Repente enim adurant, crustam densiorem inducunt, & interdum non in solam cutem, sed in subiectam carnem agunt, unde dolor vehementissimus excitatur. In adurentium medicamentorum numero sunt: *as vstum, aris flos, calx viva, vitriolum, cinis secum vini, ficulneus, fraxini, sabina, simus columbinus, eruca pinorum, helleborus albus, sal è lixivio, è quo sapo conficitur paratus, auripigmentum, arsenicum, mercurius sublimatus*. Præter hæc sunt adhuc medicamenta alia, quæ carnem detrahunt, eaque duplicia, mitiora, quæ καθαρητικά; & fortiora, quæ σπαιικά appellantur. Largâ tamen vocis acceptione, καθαρητικά etiam, sub communi septicorum nomine comprehenduntur. καθαρητικά exedentia seu corrodentia sunt, quæ excrescentem carnem mollem tollunt, extimamque saltem, quam contingunt, superficiem detrahunt, non repente, sed sensim liquefaciunt atque absumunt: in altum verò penitusque non feruntur, ut docet Galenus 5. de Simpl. med. fac. cap. 15. habentque inter epulotica & septicaproprîe dicta mediam quasi naturam. Vnde accidit, ut Galenus, 3. meth. cap. 6. & 5. de Simpl. med. fac. cap. 6. scribit, quod quædam medicamenta puluerisata exigua quantitate vlceri inspersa, cicatricem inducunt; eadem verò si largius inspergantur, carnem absumunt, & vlcus canum efficiunt; & contra cathartecorum quædam si parcius vsurpentur, cicatricem inducunt, & fiunt epulotica. Atque hinc etiam inter cathartica quædam septicæ & quædam epulotica recensentur. Quæ verò hoc præstant, sunt calida in tertio & quarto gradu, tenuisque substantiæ, ut facilius sese insinuare in materiam tollendam possint. Mitiora sunt; aloë, alumen, cinis conchylum, cinis quercus & ficus, radices vitis alba, ellebori nigri, plumbum vstum, animonium calcinatum. Fortiora; calx viva, flos aris, as vstum, vitriolum calcinatum, argentum vivum præcipitatum sublimatum, misy, fori, plumbum vstum, oleum vitrioli, sulphuris. Σπαιικά seu putrefacientia sunt, quæ crustam non faciunt, sed carnem duriores colliquant, quorum naturam diligenter describit Galenus 5. de Simpl. med. fac. cap. 15. Suntque calidissima & siccissima, & maiorem, quàm καθαρητικά caliditatem obtinent, atque iis acriora, calorque nativo infensissima sunt, eumque vel fugant vel eius συμμετρίαν destruant. Vnde debilitata parte, humidoque radicali direpto, sequitur substantiæ partis corruptio, ac eademerosa putrilago. Quia verò hæc medicamenta difficulter emendabilem in corpore labem relinquunt, vix à Medico in vsum trahenda sunt, præcipue in locis membris principibus vicinis, sed loco illorum, vbi opus est, καθαρητικά, ἐχαρωτικά & καυσικά adhiberi

Semen generantia.

Crustam inducentia.

Adurentia.

Corrodentia.

Putrefacientia.

ποινίζοντα.

adhiberi possunt. Talia sunt, *arsenicum, auripigmentum, chrysocolle, dryopteris, pityocampe, aconitum, sandaracha*. Pertinent huc & *Psilothra*, quæ pilos extirpant, partemque glabram reddunt. Habent enim & ea vim erodendi & vrendi, ac si diutius cuti immorentur, eam exulcerant, vel pustulas extrahunt, aut crustam inducunt & adurant. Talia sunt, *lixivium forte, calx viua, qua formicarum, sandaracha, arsenicum, auripigmentum*. Tandem lac & semen exstinguentia & immiuentia quod attinet, sunt illa medicamentis lac & semen generantibus contraria, quæ scil. impediunt ipsorum generationem, vel quod genitum est absumunt. Impeditur lactis generatio, si sanguinis copia imminuatur, quod quidē medicamenta non præstant, sed victus tenuis, motus & similia; vel motus ad mammæ impeditur, quod faciunt medicamenta repellentia mammis imposita, ut *cicuta, lactuca, lens palustris, nymphaea, cucurbita, solanum, portulaca, papaver*. Absumunt verò lac genitum *agni casti semen, calamintha, cuminum, ruta, salvia, crocus, farina fabarum, lupinorum, ocymum*: quorum aliqua, ut *crocus, cuminum, semen agni casti* peculiari & occulta vi id præstare creduntur. Semen itidem exstingunt, quæ ipsi materiam detrahunt, seu quæ prohibent, ne sanguis generando semini aptus augeatur. Nimirum sine Cerere & Baccho friget Venus. Semen verò absumunt quædam occulta proprietate, ut *radix cynosorchidos minor*, sicut maior semen auget, *semen agni casti*. Manifesta; frigida, *cicuta, cucurbita, hyosciamus, lactuca, nymphaea, acetosa, lens palustris, portulaca, acetum & acida*: Calida; *calamintha, mentha, anethum, ruta semencannabis*. Quibusdam tamen ex his etiam occulta Qualitas tribuitur. Pertinent huc & *Saccharum Saturni dictum, camphora*, quod tamen negat Iulius Cæs. Scaliger, *Exerc. 104. sect. 8.*

CAPUT XI.

De Purgantibus per aluum.

QVinta classis continet ea medicamenta, quæ in ablatione alicuius rei consistunt, quæ varia ac multiplicia sunt, pro rerum, quæ tollendæ sunt, & locorum, per quos fiunt euacuationes, varietate. Primò etsi in genere omnia medicamenta, quæ vel thoracem, qualia sunt *βηχικά*, vel caput, inter quæ sunt *erhina* & *apophlegmatismi*, vel quamcunq; illam corporis partem excrementis liberant, purgantia & euacuantia appellari possent: tamen vsus obtinuit, ut illa solum euacuantia & purgantia in specie atque absolute dicantur, quæ per aluum, vel etiam vomitum corporis excrementa educunt. Et quidem quæ aluum mouent, & communi euacuantium nomine indigari solent, non sunt vnius generis. Alia enim sunt, quæ aluum saltem primasque vias emolliendo, abluendo, vel abstergendo euacuant: Alia, quæ peculiari vi & specifica proprietate ultra primam corporis regionem penetrant, & penitiores quoque ac remotiores partes euacuare possunt; quæ propriissime purgantia dicuntur. Illa Græci *ἐκκοπρωτικά* & *ῥακτικά* ἢ *ῥαγώγὰ* nominant, quod feces ex intestinis aluumque subducant, siue molliendo & humectando, ac lubricando id faciunt, dum abundante humiditate feces imbuunt & liquant, atque ad expulsionem promouent; siue detergendi & moderatè stimulandi vim habent. Talia sunt; *malua, althea mercurialis, beta, brassica, blitum, atriplex, asparagus, passula, pruna dulcia, sebesten, cassia, manna, tamarind, oleum amygdalarum dulcium, ficus pingues & recentes, mala dulcia, iura pingua, galli inprimis vel capi; serum lactis, caprinum inprimis, butyrum recens*. Purgantia autem propriè atque in specie ita dicta sunt, quæ peculiari vi peculiarem aliquem humorem è corpore proliciunt. Verum cum maxime controuersum sit, qua ratione ac vi ad humorum euacuationem concurrant purgantia dicta medica-

menta: de eo primùm dispiciendum est. Vt autem de Asclepiadis opinione, qui statuebat, non ideo deiectiones post assumpta medicamenta purgantia fieri, quod humores traherent, sed quod gignerent, nihil dicamus; utpote quæ iam ab omnibus explosa est: nec eorum etiam sententiam pluribus examinemus, qui existimant, non peculiarem aliquem humorem prolicere purgantia, sed naturam saltem stimulare, atque laceßere, quæ postea irritata sponte vitiosos humores expellat atque exturbet; cum id, quod experientia est, euerrat, alia scil. medicamenta bilem, alia pituitam, alia melancholiâ purgare, nec fas sit in quouis humore peccante quodlibet purgans exhibere: illud saltem hîc inquiremus; An medicamenta purgantia humores, quos dicuntur purgare, attrahant, & qua vi id faciant. Quanquam enim antiqui de hoc non dubitauerint, sed in eo consentiant Hippocrates, Galenus, Auicennas, Rhases, Auenrois, Mesues; à purgantibus medicamentis humores, qui euacuantur, attrahi: tamen à recentioribus id in dubium vocatum est. Nam L. Iouertus, *Parodoxo 9. dec. 2.* probare conatur, purgantia medicamenta non humores attrahere, sed iis prorsus inimica esse, eosq; ἀντιπαθεῖα quadam persequi, è corpore expellere, & eiusdem naturæ esse cum ἀλεξίφάρμακός. Verum ipse proculdubio animadvertit, quibus difficultatibus obnoxia sit hæc opinio. Neque enim facile probari potest, purgantia eiusdem naturæ esse cum ἀλεξίφάρμακός, vel inter antidota numerari posse; cum, ut Galenus, in *lib. de vi&rat. in acutis com. 2. t. 12.* scribit, purgantium omnium medicamentorum natura corporum, quæ expurgantur, naturæ contraria sint & noxia. Sicut nec facile monstrari potest, quomodo à purgantibus per antipathiam ex venis & remotissimis partibus ad intestina humores pellantur. Ideoque ad id confugit, non solum medicamentum id opus perficere, sed maxime partium vim expultricem à medicamento excitatam. Imò asserit, medicamentum purgans nihil aliud facere, quàm irritare, & partium excreticem facultatem inuitare, atque cum vasorum oscula præterit, dum continuo gradu à ventriculo ad sedem progreditur, expultricem facultatem exsuscitare, vnde fiat, ut irritamento ad superiora vsque perueniente iecur etiam expurgetur, & simul cum eo partes superiores. Qua in re cum Iac. Schegkio (qui statuit causam purgationis non esse ἐξελίξιν seu tractum, sed ὁσίον, id est, expulsionem, quæ fiat à facultate expultrice per transuersas fibras, laceßita partim ab acrimonia humorum, partim à pharmaci violentia, qualitate irritante & molestante vasa) consentit, & concedit, expulsionem illam potius fieri à corporis nostri excretice, quàm à vi medicamentorum expellente. Ex his ut nos expediamus, hoc primò concedendum omnino esse putamus, euacuationem non medicamenti vi, sed naturæ operâ fieri, quæ ab agitaris & confluentibus humoribus irritata, expultricis facultatis ope, & purgans medicamentum, & humores, qui confluxere, è corpore expellit. Verum de hoc iam quaeritur, vnde sit ille humorum confluxus, & vnde illa humorum vitiosorum ab utilibus secretio. Thomas Erastus, in *lib. de occult. Med. proprietat.* pluribus probare conatur, purgantia nō trahendo vacuare, sed quia naturæ molestiâ creant, eamq; irritant & stimulant. Et sanè probabilia sunt argumenta Erasti, quibus etiam tantum effecit, ut doctissimos Medicos in suam sententiâ pertraxerit. Verum nos etsi non negamus, inesse medicamentis purgantibus vim stimulandi facultatē expultricem: tamen hoc concedere non possumus, hunc confluxum ea solum de causâ fieri, quod facultas expultri irritata & laceßita inutilia expellat. Etenim si sola irritatio causâ esset, non delectus medicamentorum necessarius esset, neque ab aliis medicamentis alij humores euacuarentur; sed quodlibet medicamentum, dummodò

Qua vi purgantia humores res euacuant.

An purgantia humores attrahant vel fugant.

Euacuatio fit à natura, non à medicamento.

An purgantia solum irritando euacuationis causâ sint.

Purgantia
attrahunt
humores.

dummodò naturam ad expellendum inutilia & molesta lacefferet & stimularer, quemlibet humorem expurgare posset. Ergo cum eorum sententia, qui solum irritando purgantia medicamenta euacuationis causam esse statuunt, fidem non mereatur; nisi commodè explicetur: plurimi hodie Medici antiquorum opinionem defendunt, statuuntque humores, qui à facultate expultrice exturbantur, prius à medicamentis purgantibus attrahi, & à massa sanguinea atque vtilibus humoribus segregari. Verum ubi explicandum est, qua ratione & vi à medicamentis purgantibus humores attrahantur, non consentiunt. Nonnulli hanc attractionem calori solum tribuunt. Verum si à calore tantum hæc attractio fieret, omnia calida purgarent, & quò quid esset calidius, eò potentius purgaret; cum tamè etiam calidissima sint medicamenta, quæ nullam vim habent purgandi. Et cum calor trahat, quicquid primo obuium & motui magis paratum est: si purgantia solo calore attraherent, & non delectu quodam etiam à remotis partibus singula peculiare humores allicerent, tantum obuios quosque, & ad motum magis promptos humores attraherent. Quapropter cum non in calorem, vt nec vllam aliam primam ac manifestam qualitatem referri possit hæc attractio, occultæ qualitatæ alij eam adscribunt, quam Hippocrates & Gal. familiaritatem & similitudinem totius substantiæ appellant. Ita enim Hippocrates, *lib. 1. de nat. hum. 1. 31*. Medicamentum ubi subierit corpus, primò quidem ducit, *ὁ δὲ αὐτὸς κατὰ φύσιν μάλιστα ἦ*, non secus (quo simili rem declarat) vt plantæ ex terra succum trahunt, vnaquæque sibi familiarem, Galenus verò, *lib. 3. de simpl. medic. fac. cap. 25*. substantiarum similitudine attractionem fieri dicit. Et, *5. de simpl. med. fac. cap. 17*. scribit: Esse genus attrahentium medicamentorum, quod qualitatis familiaritate attrahit, idque aliud esse nihil, quàm totius substantiæ, similitudinem, & talia esse purgantia omnia. ab hac sententia etiam si in diuersum abire videantur Auicennas, Mesues, Rhases: tamen verbis potius, quàm sententiis reuera dissident. Neque enim Galenus per familiaritatem aut similitudinem substantiæ identitatem intelligit. Ita enim, *de simpl. med. fac. cap. 25*. Simili uiderem inesse substantiis diximus, non identitatem: contrarium enim cernimus. Nam neque ferrum attrahit ferrum, neque caro carnem, sed magnes ferrum, caro sanguinem. Differunt enim idem & simile. Quippe pituita pituita eadem est, & cnicus cnicus: similis autem pituita cnicus, non tamen idem. Itaque vis trahendi peculiarem humorem fundatur in similitudine substantiæ, non in identitate. Vnde etiam necessarium non est, vt eiusdem planè virtutis participes sint, inter quæ hæc similitudo intercedit. Congruunt hoc modo, atque similitudo est inter ferrum & magnetem. Interim non sequitur, easdem esse vtriusque vires, & ferrum etiam habere facultatem, qua magnetem trahat, aut bilem, qua trahat rhabbarum. Nam specificæ illæ virtutes specificam sequuntur naturæ differentiam, neque trahentis & tracti easdem proprietates esse necesse est. Eademque conuenientia & familiaritas non ita restringi debet, quasi inter duo tantum esse possit, & propterea humor purgandus vni tantum medicamento familiaris esset, & ab eo trahi posset; sed idem cum pluribus inter se diuersis illam conuenientiam habere potest. Vnde bilis & à rhabbaro, & à scammonio trahi potest. Vt enim ab utroque trahatur, apta nata est; & vtrumque trahendi bilem potentiam habet. Contra tamen scammonium non attrahit rhabbarum; neque enim hanc facultatem habet: neque posse attrahere bilem est idem, quod posse attrahere rhabbarum. Deinde etiam per similitudinem substantiæ intelligenda non est similitudo in accidentibus, vt

scribit Vallesius, *lib. 9. contr. cap. 1*. quæ consequuntur substantiæ modum, qui nascitur ex modo mixtionis; vt sunt color, crassities, aut tenuitas, raritas, densitas, friabilitas, aut contrarium, & tales aliæ, quæ videntur magis ex parte materiæ. Actionis enim huius nobilitas & eminentia satis testatur, eam formæ esse sobolem, & à vi nobiliore oriri, non ab affectionibus his, quæ materiam sequuntur, multisque aliis rebus sunt communes, atque tota rei substantia nominari non possunt. Præterea modus ille substantiæ, quem vocant, mutari potest, & ex solido liquidum fieri; vi tamen purgante non mutata: vt si hanc similitudinem venemur, paruam omnino inter medicamenta purgantia & humores sinus inuenturi. Quapropter & ad mentem antiquorum, & verè Arabes illud, quod Galenus substantiæ similitudini attribuit, occultis proprietatibus, toti substantiæ & formæ attribuerunt, verbis, vt antè etiam dictum est, potius, quàm sententiis dissidentes; remque omnem hanc rectè & clarè explicarunt, dum dicunt: tales actiones non provenire à qualitatibus primis, & temperie ex iis orta, sed à tota substantia & forma specifica. Res enim non solum ex elementis facultates habere, quæ calefaciunt, refrigerant, humectant, siccant sed etiam rebus omnibus proprietates quasdam nobiliores inditas esse, quibus quod sibi proprium est, agunt, pro formæ natura & motione insita, atque in hoc genere etiam vim purgandi consistere. Auicenna, *secunda primi doct. 1. cap. 15*. Mesues, *lib. 1. theorem. 1*. Quamuis enim Vallesius atque alij eos, qui causam attractionis humorum in occultas proprietates referunt, ignauia accusent, atque existiment, ad occultas qualitates confugere nihil aliud esse, quàm suam ignorantiam confiteri: tamen satius est, in re obscura, ubi nulla vera ex manifestis qualitatibus causa reddi potest, ad occultas qualitates, quæ reuera dantur, atque effectibus se produnt, confugere, quàm falsi aliquid asserere, atque effectus alicuius falsam & fictam causam defendere. Et vt libenter confitemur, ignauia esse in causarum, quæ intellectui nostro peruestigabiles sunt, inquisitione deficere: ita temerarij esse iudicamus, rerum abditissimarum arcana perscrutari, & in naturam iniuri pro veris occultis falsas manifestas reponere velle. Verum vtrumque hæc probabiliter dispurentur & proponantur; animum tamen veritatis auidum non satiant. Si enim medicamenta purgantia ad se traherent humores vitiosos, non video, quomodo ratio reddi possit, cur medicamenta purgantia vmbilico aut ventri illita vel imposita, vel manibus tractata, vel olfacta (id quod fieri experientia testatur, & historias aliquot Erasius, *lib. de occult. med. propriet. c. 6*. & in explicatione 2. questionis de purgantium facult. recenset) aluum moueant. Cum tum, utpote extra applicata, non ad se & versus corporis ambitum trahant sed etiam extra applicata efficiant, vt humores in aluum confluant. Ergo his omnibus pensatis in eam venio sententiam, purgantia neque humorem, quem attingunt, in suam naturam conuertere simpliciter, neque etiam naturam saltem irritare & stimulare, neque tandem humores ad se simpliciter trahere, sed humores sibi cognatos & ad fines turbare & agitare, & quasi fermentare, atque omnino efficere, vt qui antea sanguini permisti, naturæ molestiam non creabant, iam ab aliis agitati segregentur, & seorsim existentes naturam stimulent, atque ad expellendum irritent. Nam vt Hippocrates, *de prisca Medicina* ait: *Hæc quidem mixtione & mutua contemperatione neque cernuntur neque hominem molestia afficiunt. At ubi horum quippiam secretum fuerit, & per se extiterit, tunc & conspicuum fit, & hominem molestia afficit.* Atq; hanc in humoribus fermentatione efficiunt purgantia, siue ore capiantur, siue dum extra corpori applicata in tenuissimos spiritus, seu ἀπορροιας, vt im-

Quasi similitudo substantiæ cum humoribus.

vt Empedocles nominabat, resoluta in corpus penetrant. Etsi enim purgantia sua mole minima sunt: tamen spirituolum quid ab iis in vniuersum corpus diffundi posse, vel venena docent, quæ mole minima in totum corpus penetrant, & res odorata, quæ mole parua magnum aeris spatium implent. Non tamen à quolibet medicamento quemuis humorem turbare & fermentari statuiamus, sed quodlibet medicamentum in cognatos sibi humores agere, cholagoga bilem mouere, fermentare, & ab aliis humoribus separare; melanogoga melancholiam, phlegmagoga pituitam: quod peculiari & occulta qualitate efficiunt, vt antea probatum est. Vbi ergo ita humores à medicamento turbati & fermentati fuerint, atque omnino effectum, vt iam à bonis & corpori alendo vtilibus segregari seorsim existant, naturam stimulant, quæ irritata & vi expultrice insurgente, eos ad consuetas & humori conuenientes euacuationis vias protrudit. Quò fortasse etiam peculiariis medicamenti vis facit, quæ peculiarem non ad ambitum corporis, sed ad intestina confluendi vim habet. Atque ex his omnibus modum omnem atque rationem purgationis colligere facile est. Medicamentum purgans, vbi seu ore assumptum, seu per aluum infusum, seu extra vmbilico & ventri applicatum, manibus tractatum, aut naribus admotum fuerit, à calore corporis nostri in actum deducitur & resoluitur, eiusque resoluti subtilissimi vapores, aut potius spiritus & ἀπὸρροια in totum corpus disperguntur, qui occulta quadam vi & proprietate humores sibi familiares, corpori verò noxios mouent & fermentant; (si quis tamen hic trahendi vocabulo vti voluerit, & hoc modo antiquorum sententiam explicare, cum eo non litigabo, modò de re constet) quo modo à massa sanguinea & vtilibus humoribus segregantur, & qui antea iis permixti erant, iam seorsim consilire incipiunt. Quod vbi fit. Natura & à noxiis humoribus iam seorsim existentibus, & à medicamento stimulara expultricis facultatis ope, & purgans Medicamentum, & humorem vitiosum eius vi separatum, simul è corpore expellit, atque exturbat. Sunt autem purgantia ista non vnius generis, verum alia mitiora, alia fortiora. Mitiora sunt, cassia, manna atque alia, quæ iam recensentur; Inter quæ si aliqua reperiuntur, quæ inter lenientia fuerunt enumerata, id ea de causa factum, quòd talia, seu lubricando, seu abstergendo, quidem aluum leniunt, præter hoc tamen proprietate substantiæ peculiarem aliquem humorem respiciunt, & ultra primas vias ad hepar vsque vires suas exserunt; ex toto tamen & remotioribus partibus pleraque euacuare non possunt. Fortiora verò purgantia sunt, quæ è toto corpore & distantissimis quoque partibus humores euacuant. Varia autem sunt medicamenta purgantia: ab humorum tamen, quos specifica virtute attrahunt, numero eorum constituuntur differentiæ.

Χολαγογὰ seu Bilem euacuantia mitiora sunt.

Manna humiditate & siccitate temperata est: paulò tamen calidior & dulcis: quapropter per febres frigidis corporibus commodius; in ardentioribus autem febribus non ita vtiliter exhibetur; nisi acida admisceantur, & præcipuè pulpa tamarindorum Pectori amica est. Adulteratur purgantibus aliis admixtis. Ideòque necessarium est, vt in liquore conueniente dissoluta coletur. Ita enim quicquid admixtum est, separatur, sicut & sordes, quæ ei plerumque admixtæ sunt. Exhibetur dissoluta in iusculo carnis bubulæ, vel gallinæ, vel decocto prunorum acidiusculorum, vel tamarindorum, Cassia fistularis in calido & frigido est temperata, cætera humidior, & flatuosa, atque ideò debili & humido ventriculo, lubricaque aluo minus commoda est, aut si adhibere in

Dan. Sennerti Tom. I.

lubricitate intestinum placeat, aliquid rhabarbari vel myrobalanorum adiiciendum est; sicut in ventriculi imbecillitate cinamomum, mastiche, & in flatibus semen anisi, fœniculi, dauci adduntur. Intestinis etiam debilibus dolorem affert, vt homines in syncopen incidant. Nocet quoque hypochondriacis, flatulentis, tumidis, lienosis. Solet autem medicamentorum illorum, quæ iunant, vel corrigunt, ad ʒ β ad ʒj. admisceri. Pectori grata est, & pleuriticis vtilis, sitim sedat, corpus humectat, calori renum & calculo, & vrinæ difficultati succurrit. Ipsique non incommodè tum aliquid pulueris glycyrrh. admiscetur. Minus commodè in diluto propinatur: commodius verò forma electuarij vel boli. Non diu ante cibum exhiberi debet; aliàs in nutrimentum ea abutitur natura. Est benignum medicamentum, & tutum pueris quoque & prægnantibus, omni tempore, & omni ætati. Tamarindi frigidi & sicci sunt ordine secundo. Ob id humorum acrimoniam reprimunt, bilisque & sanguinis feruorem compescunt, & sitim extinguunt, frigidòque ventriculo nocent, ob quem, si iis opus sit, cassiæ lignæ, macis vel mastiches drachma vna vel drachma vna cum semisse addenda est. Inter purgantia sunt medicamentum lenissimum, ita vt si soli exhibeantur, tardè & debilitè aluum moueant. Rosa frigida est in primo, & sicca in secundo. Eius succus, & inde paratus syrupus, bilem tenuem educit, sed à purgatione visceribus robur addit. Vnde hepatis commodus est. Menses quoque aperit: quapropter grauidis non propinandus. Paratur præterea è rosis conserua laxatiua, si scilicet succi rosarum ʒij manna q. s. ad combibendum succum addatur, & postquam resiccatus fuerit, rursus succus addatur, donec non amplius succus recipiatur, hinc in vase vitreo soli exponatur aliquot diebus. Datur à ʒij ad ʒj vel ʒj β. Viola sunt frigida in primo, & humida ad secundum. Succus earum, & inde syrupus paratus, calorem mitigat, æstumque restinguit, ac pectori vtilis est.

[Quod alibi de Rosis dictum, idem de violis purpureis dici posse non dubito. Nimirum etsi quædam partes in iis sint aqueæ: tamen calidas abundare, & effectum frigefaciendi per accidens ipsis, non per se, eodem modo, vt rosis, competere; quod cuiuslibet perpendendum relinquo. Vt de aliis iam non dicam, vis purgandi quæ in iis est, omnino hæret in partibus calidis, vti vel ex puluere violarum harum apparet. Non enim solum syrupus è multiplici infusione violarum Martiarum paratus purgat, sed & puluis violarum iterum exsiccatarum à ʒ j. ad ʒ v. datus: qui tamen hoc habet incommodi, quòd fauces non nihil adurit (quod manifestum caliditatis indicium est) instar radicis ireos cæruleæ recentis masticaæ. Ardori isti succedit pruritus, cui coniungitur deinde aliqualis nausea, & leuis ad vomendum, quamuis irritus, conatus. Si tamen cum conserua violarum miscetur, nihil tale sentitur. Ex iisdem violis paratur & trochisci diaion dicti, qui aluum etiam emolliunt. De quibus notandum, malè in eorum compositione à Cordo & Fuchsio sumi violas illas luteas, cheiri dictas, quæ nullam vim purgandi habent, cum purpureæ sumi debeant. Imò etiam semen violarum Martiarum vim purgandi habet, si ex eo paratur emulsio, quæ inprimis in calculo renum vtilis est. Et quòd viola purpureæ vim purgandi habeant, docent quoque Pilulæ angelicæ dictæ. Quamuis enim earum multæ circumferantur descriptiones, vt ex Iohan. Caroli Rosenbergi *Animad. & Obser. Medic. lib. 14.* videre est: tamen Experientissimi Medici pro pilulis angelicis vsurpare solent aloën violatam, seu aloën purissimam succo violarum Martialium sæpius imbutam, & iterum exsiccata[m].]

Tamarindi.

Rosa.

Viola.

De vi purgandi in violis purpureis seu Martiis. De temperamento violarum purpurearum.

Nota de trochiscis diaion.

Pilula angelica, quid?

*Flores persi-
corum.
Myrobalani
citrina.
Rhabarbarū.*

Flores etiam persicorum aluum & vomitum mouent, bilēque & serosa purgant. Myrobalani citrina sunt frigida in primo, & sicca in secundo. Ventericulum quidem, intestina atque hepar roborant, sed vsus earum in viscerum obstructionibus minus tutus est. Rhabarbarum calidum & siccum in secundo ordine, purgat superioribus paulò fortius, sed tamen clementer & benigne, tutumque est medicamentum, omni ætati, atque adeo etiam pueris, & prægnantibus innoxium: purgat bilem flauam, & pituitam quoque, sed non nisi in proximis viis hærentem. Habet diuersas partes, atque aliarum ratione purgat, & aperit, aliarum adstringit. Obstructiones liberat, & affectus inde natos sanat, icterum, hydropem, splenis tumorem, febres putridas; hienterix, dysenterix, spuro cruento, ruptis & contulis commodum est. In primis hepatis utile, vnde à nonnullis anima hepatis, ab aliis theriaca hepatis appellatur; stranguria verò laborantibus commodum non est. Datur in substantia, in fusione & decoctione, quæ tamen levis omnino esse debet; cum fortiore vis purgandi euanescat, additurque tertia pars cinamomi, vel schœnanthi, vel fantali citrini, & ut spargi per venas facilius possit, additur plerumque spica Indica, sed in iis, qui facile vomunt, & in grauidis ea abstinendum. Cum autem, ut dictum, diuersas partes habeat, si aperire obstructiones animus est, infusum commodius propinatur; si verò adstringere & roborare simul animus est, in substantia exhibetur. Nonnulli etiam in alui fluxibus leui tustione vim purgantem minui, & adstringentem augeri posse censent: quod tamen improbat Amatus Lusitanus & Rondeletius, maluntque eius substantiam à subtilioribus partibus, quibus vis purgandi inest, separare, macerando in aqua plantagin & rosarum, aut coquendo, & reiecta priori decoctione denuò coquendo tale exhibere. Vbi etiam institutum est magis purgare, quam adstringere, levis fiat expressio: si contra, maior. Nam cum vi purgante adstrictorij aliquid cum forti expressione transmittitur. Exhibetur & Terebinthina vel cum pulvere rhabarbari, vel cum saccharo, vel pulvere glycyrrhizæ, in bolos coacta, cum renum extergendorum, tum alui soluendæ causa. De terebinthina autem viribus, præparatione, & vsu, pluribus agit Leuinus Lemnius, de complex. lib. 1. c. 9. Terebinthina, inquit, non solum aluum citra noxam soluit, sed viscera omnia, internasque partes, iecur, splenem, renes, pulmonem expurgat, modò pellucida sit, non adulterina, nempe ex larice pinea vel abiete lecta. Sum enim efficacissimam hanc expertus in eliciendo suppresso loquio, in comminuendis calculis, in stranguria, atque urina stillicido ulcero ac fædo, in podagra, ac chiragra, in pudendorum, atque obscenarum partium affectibus etiam à contagio Venereâ contractis: in expugnandis internis doloribus, quos idem morbus inuexit, quorum nonnulli ossibus videntur infixi, quod membrana, nervi, muscoli, tendones, qui ossibus adherent, humorum sœuitia contundi, ac dilaniari contingat. Quum autem Galenus nucis Ponticæ, vel auellana magnitudine, nonnunquam duarum aut trium hanc exhibere soleat, tum ego quò commodius dimanare in venas partesque corporis vniuersas subire possit, in potionis formam conficio, ac liquore aliquo stillatio, aut vino diluo: absque igni enim liquescit, candoremque eximium agitatione continua

*Terebinthina
preparatio.
Terebinthina
in liquorem
redacta, potu-
lenta fit.*

adsciscit, quod in hunc modum perfici solet. Terebinthina Pistica, hoc est, probata, & cui tanto citra ullam fraudis suspicionem possis fidere, unciam aut sextantem in mortario pistillo dissoluo, adiecto lutei seu vitelli oui pistillo, deinde admisceo certis vicibus aqua vesicaria, vel apij, vel alterius liquoris (ut exigit morbi natura, aut hominis conditio) uncias duas aut tres, hæc tantisper subigo, dum omnia coalescant. Admixtura tam suauiter candore lacteo albescit: ut colostro, aut Belgis vocato cremori prorsus reddatur assimilis, nec aliud esse sibi persuadent, quibus

huiusmodi portiones ebibendas offero. Aloë calida est ordine secundo, sicca tertio, valde amara, aperit orificia venarum, abstergit. Ob id iis, qui hæmorrhoidibus, vteri fluxibus, aliisque hæmorrhagiis obnoxij sunt, sicut & prægnantibus, hæcticis & omnino calidis siccis extenuatisque corporibus non tuta, atque ne ora venarum aperiat nimis, dosi vni mastiches scrupulum vnum adici solet. Modus præparandi aloën passim in libris de pharmacopœia scriptis exstat. Commodus satis hic est: Aloë in puluerem redigatur, & ique in cucurbitâ vitreâ aqua endiuia vel borraginis & rosarum affundatur, ut quatuor digitis emineat, atque in Balneo calido per biduum, vase clauso, tinctura rubicunda extrahatur; qua per inclinationem vasis separata, nouæ aquæ tantundem affundatur, iterumque tinctura extrahatur, atque id toties repetatur, donec aqua nullo amplius colore tingitur. Aqua omnis postea coniuncta destillando separatur ad crassitiem mellis, & in fundo aloë purissima relinquitur. Cuius tibi si addatur succi rosar. Damascenarum tibi. & ad ignem in vnam massam coagulentur, idque bis vel ter repetatur, habetur aloë rosata optima. Non autem in potu propter amaritudinem facile aloë, sed commodissime in pilulis exhibetur. Sed de aloë etiam supra, lib. 4. part. 2. cap. 6. dictum. Psyllij semen bilem purgat, frigidum in secundo gradu, in reliquis temperatum, nec ipsum adeo vehemens remedium.

Χολαγαγὰ fortiora.

Inter purgantia autem bilem fortiora primas scammonium tenet, vehemens medicamentum, calidum & siccum in gradu tertio, promptè & citò è distantioribus locis bilem, postea & pituitosos & humores trahens, & quod, nisi cautè bene correctum adhibeatur, magnum corpori damnum infert. Magna enim trahendi facultate est prædictum, vasorumque ora plus, quam par est, aperit. Abraditque acrimonia sua intestina, & tormina ac tenebrum excitat, venarum orificia aperit, sanguinem per inferiora educit, & dysenteriam excitat. Flatus præterea quosdam mordaces, gignit, iisque ventriculum lacescit, ut fumentibus nausæam concitet. Imò ventriculo, hepatis & cordi, totius substantiæ proprietate obest. Caliditate quoque suâ spiritus inflamat, & febres excitat. Ac propterea nunquam solo scammonio vtendum, sed in compositis solum. Et cum eo vtitur, ne intestina abradat, addenda pinguis, & quæ intestina corroborant, ut tragacanthum, bdellium, oleum amygdalarum dulcium, semen psyllij, & ne viscera lædat, adiungenda cinamomum, spica, galanga, sem. fœniculi, mala cydonia, mastiche, violarum & rosarum succus. Vsatissima correctio hæc est: scammonium tritum in malo cydonio, pasta obuoluto, coquitur. E pomo refrigerato scammonium eximitur, vsui seruat & diagyridium vulgò nominatur. Nonnulli cocto ita scammonio succum cydoniorum affundunt, & iterum siccant. Operosior & vtilior est præparatio, quâ Crollius proponit, quæ sit, si è scammonio succo rosarum nutrito spiritu vini, in quo sem. anisi, fœniculi, & spicæ nardi macerata fuerint, extractum paratur, eiusque vnciæ vni succi cydoniorum ℥iij. & succi rosarum rubrarum ℥j addantur, & lento calore iterum ad extracti formam redigantur. Vide etiam lib. 5. part. 1. f. 3. c. 9. vbi modus parandi extractum scammonij docebitur. Recentiores alij hoc modo præparant. Scammonio in mortario tenuissime trito affundunt spiritus vitrioli, aut olei sulphuris per campanam facti, item olei destillati anisi, vel fœniculi aliquid, ex. g. ad ℥j Scammonij Spir. vitriol. vel olei sulph. ʒ β ol. anisi gutt. vj. Diligenter omnia agitant, F. massa instar picis viscida, quam vsui seruant, & à gr. xv. ad ʒ β exhibent. Alij præter

præterea è massâ dictâ seu præparato hoc scammonio cum Aq. ros. vel alia conueniente parant extractum, quod à gran.xii. ad xx.cum Syrupo rosarum solutio in pilulas redactum leniter, & sine molestiâ purgat. Languidis tamen etiam correctum vix dandum. Mitius est Asarum scammonio, sed & illius, vt Dioscorides scribit, radices senis drachmis ex hydromelite potæ, ellebori modo purgant: & si curiosius tritum potui detur, vomitum ciebit potius quàm aluum: vtile est hydropicis, ictericis, lienosis & quartanâ laborantibus. Attenuat enim simul & obstructions aperit; imò & sudores mouet. Datur cum sero lactis, mulsâ aut vino. Si fortius coquatur, vim suam exsultat. Purgat & vehementer Peplij semen, & quidem bilem ac pituitam. Verùm quia ventriculo, cordi & hepati infestum, corrigendum tertia parte cinamomi, spicæ indicæ, nucis moschatæ: & quia interiores partes arrodit, & quasi adurit, addenda tragacantha, bdellium, mucilago sem.psyllij, & propter exsiccationem maiorem prius in aceto macerandum est.

Pituitam Purgantia mitiora sunt:

Myrobalani chebulæ, quæ in primis cerebro & hepati vtilis sunt. Serapioni autoritate Arabum atram quoque bilem euacuant. Emblicæ quoque pituitam purgant, & cordi, hepati ac spleni dicatæ sunt. Bellinæ & ipsæ pituitam subducunt, frigida in primo & sicca in secundo. De quibus omnibus id, quod antea de citrinis dictum, obseruandum, in obstructionibus non tutò offerri, sicut neque vbi in intestinis pituita tenaciùs adhæret, sed commodissimè offerri in omnibus fluxionibus, & laxitate. Omnes enim clementer purgant, & adstringendo ventriculum, intestina, iecurque roborant. Agaricum calidum est in primo, siccum in secundo, leuis substantiæ, pituitamque saltem tenuem & aquosam, non verò viscidam purgat, atque in primis cerebri & pulmonum excrementa euacuat, & viscera obstructa aperit; ventriculo tamen non adeò commodum: ideòque, ne ventriculum lædat, tertia pars caryophyllorum, nucis moschatæ, hyssopi, galangæ, mastiches, & vt faciliùs educat, salis gemmæ vel zingiberis additur, & proinde frequentius trochiscato, sed recenti, vtimur. Mechoacanna & ipsa pituitosus, aquosus, serosusque humores ex intestinis, ventriculo, hepate, capite, thorace purgat, & propterea pluribus harum partium morbis auxiliatur; ac vt vtilissimum aduersus hydropem remedium commendatur, & vires, quæ in agarico, & rhabarbaro commistis inueniuntur, vna obtinere, prædicatur: Et cum præterea omnis ferè saporis expers sit, ac sine nausæâ, molestiâ, & torminibus purget, viscera non debilitet, sed roborer, non immeritò plurimùm à multis laudatur, & in frequenti vsu est, multisque aliis medicamentis præfertur. Quia tamen calida, & sicca est, in morbis valde calidis, & corporibus siccis non ita commodè exhibetur: & ex vsu eius frequentiori aluum plurimum sicari, scribit Ioh. Crato, *conf. 57*. Exhibetur in iusculis cum cinamomi, mastiches, aut sem. anisi, fœniculi tertiâ parte. Felicius tamen cum vino exhibita operari censetur. In vsum venit & alia Mechoacanna, quæ ad prioris differentiam, quæ magis albicat, Mechoacanna nigra & radix gialapa vel ialapa nominatur, quæ & ipsa pituitam, sed præcipuè serosos & aquosos humores educit ac propterea in hydropse vtilissima est.

Fortius verò pituitam ista purgant.

Turbith calidum in tertio, & siccum in secundo ordine: fortius est agarico, pituitamque, quam agadani.

ricus euacuare nequit, educit, & crassos ac viscidos humores ex remotioribus quoque partibus, vt iuncturis, elicit, & frigidis ac diuturnis morbis ac febribus prodest. Ventriculo noxium est, ac nausæam vomitumque excitat, & pueris, senibus ac grauidis non dandum, & vbi exhibetur, corrigendum zingibere, mastiche, pipere, cinamomo, fœniculo, & cordialia admiscenda. Ab eius vsu à piscium esu abstinendum censetur. Carthami semen etiam pituitam & aquas vomitu & deiectione purgat, & ob id iecori, lieni, & maximè pectori confert, hydropicis, colicæ & asthmaticis vtile est, sed ventriculo aduersatur: cum cinamomi, galangæ, mastiches, aut anisi tertia parte vsurpatur. Colocynthis est calida & sicca in tertio, & ex profundioribus ac remotioribus euacuat, & pituitam, quam turbith attrahere nequit, elicit. Quapropter capitis affectibus, podagræ, & neruorum iuncturarumque affectibus succurrit, item asthmati, & colicæ à pituita crassa. Verùm est vehemens medicamentum, nocetque ventriculo & intestinis, quorum fibris adhæret, & propterea perix illigata coqui solet; & sola non vte ndum, eiusque loco trochisci ex ea formati, quos trochiscos alhandal nominant, vsurpari solent. Corrigiturque cumino, tragacantha, mastiche, bdellio, & aliis, quæ cardiaca, hepatica, stomachica sunt. Hermodactylus calidus & siccus est secundo ordine, pituitam crassam, præsertim à iuncturis trahit: ob id podagræ & aliis arthritidis differentiis confert. Verùm ventriculo nocet, cum flatu quosdam nausæabundos exhalet. Corrigitur tenuantibus, cinamomo, zingibere & mentha. An autem vulgares hermodactyli, quibus in officinis vtuntur, veri hermodactyli sint, non sine causa dubitatur. Refert enim Prosp. Alpinus, *de medic. Ægyptior. l. 4. c. 4.* mulieres Ægyptias vulgares istos hermodactylos modicè tostos, vt nos castaneas edimus, multos vnâ vice ad pinguescendum deuorare, sine vllâ alui perturbatione. Et Fr. Arcæus, *de vulner. curand. rat.* iisdem in decocto ligni sancti dissolutis ad vulnera, vlcera, ac fistulas thoracis, & pulmonis sanandas vtitur. Euphorbium calidum & siccum est in quarto gradu, crassam & lentam pituitam attrahit, sed fortius aquosos humores. Est verò vehemens medicamentum, & anxietatem quandam excitat; vnde à nonnullis potius inter venena, quàm purgantia refertur: corrigiturque cordialibus & stomachicis, ol. amygdal. dulcium, croco, mastiche, acetositate citri. Opopanax calefacit tertio & siccatur secundo ordine, pituitam crassam & viscidam à remotioribus partibus & articulis allicit. Huc pertinent serapinum seu sagapenum, Calidum in tertio, & siccum in secundo, amarum, tenuis substantiæ, quod lentos, & crassos humores purgat ex ventriculo, intestinis, cerebro, neruis, iuncturis, thorace, in primis verò serum, atque hinc hydropi, cephalalgia inueteratæ, spasmo, epilepsiæ, tremori artuum, asthmati conuenit: ventriculo autem, & hepati nocet; corrigiturque tertiâ parte mastiches, cinamomi, zingiberis, spicæ. Sarcocolla item, quæ aperit, digerit, pituitam crassam à partibus remotis purgat, corrigitur vt sagapenum.

Melancholiam & atros ac adustos humores purgantia mitiora sunt.

Mirobalani Indæ, frigida primo, sicca, secundo gradu, adustam bilem educunt. Cætera eadem, quæ in aliis myrobalanis, cautio in iis adhibenda. Polypodium adustam bilem euacuat, vt & pituitam. Lienimirificè commodum est, & in affectibus hypochondriacis, ac in obstructionibus hepatis. Prodest & colicis. Corrigitur sem. anisi, fœniculi, zingiberis &c. parte tertiâ, non quòd ventriculo vel aliis visceribus noceat, sed vt *ἐνέργεια* eius adiuuetur. Fumaria

Carthamus.

Colocynthis.

Hermodactylus.

Euphorbium.

Opopanax.

Sagapenum.

Sarcocolla.

Myrobalani Indæ. Polypodium

Fumaria.

& ipsa adustis humoribus conueniens, hepaticque ac stomacho utilis est. Eius vis non modò ad hepar, sed & ad venas diffunditur, sanguinemque expurgat, & omnibus incommodis à bile aut exustis humoribus ortis auxiliatur, atque in primis cutis vitia mirificè emendat. Epithymum calidum & siccum in tertio adustam bilem & melancholiam expurgat satis valenter, verùm citra molestiam. Efficax est remedium ad morbos cerebri, lienisque affectibus & melancholiæ hypochondriacæ mirè confert, quartanis item & leprosis. Eius vñs tamen est tutior hyeme, quàm æstate. Sena quasi media est inter fortiora & mitiora, calida in secundo, sicca in primo. Vtilissimum est medicamentum, quòd non solum adustos humores & bilem, (vnde etiam oculis prodest) sed & pituitam euacuat. Mundat cerebrum, cor, hepar, lienem, viscerum obstructions aperit, datur tutò prægnantibus, pueris, & cuiuscunque ætatis hominibus. Sunt, qui existimant senam perturbare ventriculum, eumque imbecillum reddere. Verùm iis alij non assentiuntur. Nam cum sicca sit, amaritudinisque & adstrictionis nonnihil habeat, potiùs prodest ventriculo. Quod verò præferim muliebria & pituitosa corpora, epoto senæ infuso, torminibus vexantur, id potiùs humorum pituitosorum vitio fit, quàm medicamenti, atque interdum quoque propter viarum angustiam. Præparanda igitur sunt talia corpora, antequam iis sena exhibeatur. Et cum sit siccior, corrigitur non incommodè floribus violarum & borraginis, ac decocto prunorum; & ne ventriculum offendat, visque eius promoueatur, additur zingiberis vel cinamomi, vel galangæ pars quarta.

Melancholiam & adustos humores purgantia fortiora.

Lapis Armenus.

Lapis Armenus est quidem fortius medicamentum, sed non ita vehemens ac molestum, vt elleborus. Ita enim Trallianus de eo, l. i. c. de melancholia. *Pluris hoc medicamentum facio, quàm elleborum album. Nam experientiâ didici, egregiè purgare absque periculo & molestia, quod elleborus non facit.* Euacuat humores lentos, crassos, & proinde melancholiæ, mania, incubo, epilepsiæ, Quartanæ, & lienis vitiis utilis est.

Lapis lazuli.

Lapis lazuli easdem ferè vires habet, quas Armenus; verùm debiliores. Vtilis est ad omnes affectus melancholicos, quartanam, lienis vitia, apoplexiam item & morbum comitiale. De quo Antonius Musa Brasauol. in lib. de medic. purgantibus. *Lapidem lazuli expertus sum, ac drachmam nunquam excessi, & semper profuit, neque tamen tormina induxit, qualia putabam, antequam expertus essem, inducere debere, neque ori ventriculi multum obesse, &c.* Corrigendus est medicamenti cordialibus, vt buglossò, osse de corde cerui, corticibus citri. Elleborus niger ad omnes morbos melancholicos utilis est, febres quartanas, insanias, hemicranias, elephantiasin, herpetem. Et quamuis sit innoxium medicamentum: tamen pueris, grauidisque & debilibus corporibus non facilè dandus, sed solum robustis corporibus & in desperatis morbis competit: in decocto tamen minus periculi subest: in substantia verò est metus conuulsionis. Corrigitur verò addendo ad drachmam vnam mastiches, cinamomi, anisi, sceniculi, origani, scrupulum semis. Recentiores radic. Ellebori nigri puluerisatas irrorant phlegmate vitrioli, & in patellâ vitreâ ad lenem arenæ calorem continuò spatulâ ligneâ agitant, iterumque irrorant, & ita agitant, donec fœtor omnis exhalarit, radicesque gratum odorem, & colorem nigricantem acquisuerint: atque ita præparatum à ðß ad ðj exhibent. Vtile tamen fuerit corrigentia dicta addere. Commoda etiam ellebori nigri præparatio habetur in Pharmacopœa Augustana.

Elleborus niger.

Hydragoga & aquosos humores euacuantia sunt.

Ireos radix, & præcipuè eius succus, calidus & siccus in tertio, aperit, tenuem bilem & aquam educit. Sed grauidis, quia menses aperit, minus tuta. Corrigitur cum pauco vino & cinamomo, additurque etiam manna, vel mel rosaceum. Exhibeturque succus cum decocto vuarum passarum, vel sero lactis. Gratiola & ipsa efficax ad humores aquosos & hydropem remedium est: sed corpus non parum agitat: & per vomitum ac aluum purgat, corrigiturque adiecto cinamomo, semine anisi, glycyrrhiza. Elaterium, seu succus cucumeris agrestis aquam & bilem ex visceribus exhaurit, aquamque, quæ non solum in venis continetur, sed & eam, quæ in abdomen effluxit, educit; quod vix aliud æquè feliciter præstat, & propterea hydropicis conuenit, & iis, quibus aqua thermarum bibita in corpore subsistit. Verùm quia potentiùs purgat, vomitus mouet, viscera abradit, ora venarum aperit: religiosiùs eo vtendum, & ad magnam dosin non facilè ascendendum: corrigendumque tragacantha, psyllio, bdellio, cinamomo. Esula cortice radicis, & succo, ac quidem validissimè purgat & rodit. Ideoque correctionis loco additur bdellium, tragacanthum, mucilago psyllij, vel in aceto aut myrobalanorum decocto cum modico cinamomi, vel spicæ maceratur, & cum cichoraceis exhibetur. Paratur ex ea extractum, de quo suo loco. Mezereum, cuius vis est ignea, acerrima, exulcerans; mordens, febres accendens, cordis, principumque partium vires exsoluens, & vtentes sæpe in vitæ periculum coniiciens. Validissimè bilem biliosasque serositates purgat, & hinc hydropicis succurrit. Corrigitur aceto, succo mali punici, aut cydonij, portulacæ, mucilagine seminis psyllij. Purgant etiam aquas, ebulus, sambuci medius cortex, & spongiâ sambuco adnascens, soldanella, ricinus: Sagapenum quoque mirè aquas hydropicorum extrahit. Idem faciunt flores perlicorum, gummi gotte, radix gialapa. Etsi autem hæc medicamenta singula singulos humores euacuent: tamen ex iis quædam sunt, quæ & alios humores secundariò euacuant. Bilem cum pituita euacuant rhabarbarum, aloë, cassia, agaricus, scammonium. Bilem & atram bilem euacuat, fumaria. Pituitam & atram bilem, mirobalani chebulæ, lapis armenus, lapis Lazuli. Bilem, pituitam & melancholiam, sena, epithymum, polypodium, elleborus niger. Inter medicamenta plures humores purgantia est & Antimonium, satis forte medicamentum, & non nisi rectè præparatum exhibendum. De quo passim multa à Chymicis, & infra etiam, aliquot in locis, dicitur. A recentioribus & alia medicamenta purgantia, veteribus ignota, inuenta, & in vsum traducta sunt, vt cremor tartari, Mercurius dulcis, Mercurius vitæ, Mercurius sublimatus, & præcipitatus, extracta panchymagoga varia, specificum purgans Paracelsi, & alia, de quibus infra mentio fiet, vbi de medicamentorum præparatione, & compositione dicitur.

C A P V T XII.

De Vomitoriis.

Secundò inter euacuantia sunt vomitoria, quæ efficiunt, vt humores vitiosi per os reiciantur. Etsi verò vomitoria primò ventriculum euacuent: tamen si fortiora sint, etiam intestina, venas, meenterium; imò & hepar, lienem, pancreas, venasque maiores exhauriunt. Faciunt autem hæc pleraque peculiari proprietate, ob quam suapte natura sursum, non

Vomitorum vi

CAPVT XVIII.

De Errhinis, Sternutatoriis & Apophlegmatismis.

AD hunc ordinem medicamentorum euacuantium pertinent etiam, quæ caput priuatim & particulariter euacuant, errhina, sternutatoria, & ἀποφλεγματιστικά dicta. Errhina pituitam non è ventriculis cerebri, sed circa meninges hærentem, in nares proliciunt. Præstant autem id caliditate ac nitrosa, extergenti ac acri facultate, quâ prædita sunt. His enim excrementa fundunt & detergunt; citra tamen manifestam cerebri agitationem, quæ postea sponte ad nares affluunt. Talia autem sunt ex maiorana, ruta, anagallide, brassica, beta, radice ireos, nigella, pulegio, origano, marrubio, cyclamino, cucumere agresti, chelidonio, gentiana, succo pulsatilla. Πταρμικά seu Sternutatoria sunt, quæ mordacitate sua atque acrimonia cerebri facultatem expultricem irritant, quæ lacessita atque offensa medicamenti acrimonia, id depellere cupiens, simul excrementa, quæ abundant, elidit, & quidem non tantum ea, quæ meningibus cerebri circumfusa sunt, verum etiam quæ in ipso cerebro hærent. Sunt autem talia quædam ex errhinis modò enumeratis, si subtilius conterantur, vt per colatorium ad cerebrum vsque penetrare possint. Præter hæc verò sternutationem cient: piper album, zingiber, elleborus albus, pyrethrum, castoreum, caryophylli, ptarmica, euphorbium. Ἀποφλεγματιστικά tandem sunt, quæ seu masticata, seu gargarizata, seu palato illita è cerebro excrementa in palatum & os detrahunt, idque vel tota substantia, vel calore atque acrimonia, qua excrementa fundunt & liquant, facultatemque cerebri expultricem ad expellendum stimulant. Talia sunt è mastiche, vuis passis, hyssopo, origano, maiorana, pyrethro, castorio, cubebis, corticibus radicum capparum, zingibere, nigella, pipere albo, nigro, sinapi, turbitis, staphide agria.

CAPVT XIX.

De sputum promouentibus.

QUæ in pectore & pulmone continentur excrementa, commodissime per tussim eliduntur atque expurgantur. Vnde illa medicamenta, quæ sputum promouere solent, nonnulli Βηχικά nominant. Etsi aliàs generalius Βηχικά dicantur omnis generis medicamenta ad leniendam & sedandam tussim comparata. Quæ autem ad humores in thorace & pulmone contentos euacuandos faciunt, incidentia atque attenuantia, & quodammodo acria sint oportet, vt quæ crassa sunt, tenuent, & quæ visciditate adhærent, extergeant, ne tenuioribus partibus resolutis, crassæ relinquantur, atque exspuitioni ineptæ reddantur. Neque etiam nimis acria, ne tussim nimis irritent. Ideoque inprimis laudantur, quæ leniunt, & aliquantulum humectant, ac propterea ista medicamenta plerumque in formam linctuum aut crassorum syruporum rediguntur, & si quæ sunt acriora & sicciora lenientibus ac humectantibus diluuntur. Fiunt autem talia ex hyssopo, capillis veneris, scabiosa, prassio,

Venenorum Alexipharmaca.

Hydrargyri,

Minij & Cinabaris,

Æruginis,

Gypsi,

Leporis marini,

Fellis viperæ,

ungula caballina, radicibus helenij, aristolochia, angelica, iriæ, ari, scilla, glycyrriza, vuis, passis, iuiubis, sebesten, amygdalis, ficibus, pistaciis, semine bombacis, nasturtij, erysimi, seselcos, urtica, spermate ceti.

CAPVT XX.

De Necantibus atque Expellentibus Vermes.

TAndem ad hanc classem non incommode referri possunt ea, quæ vermes necant, siue amaritudine, siue peculiari atque occulta vi id efficiunt. Qualia sunt: centaurium minus, absinthium, corallina, mentha, nasturtium, folia persici, ruta, portulaca, acetosa, dentis leonis, semen Cynæ vel Santonic. vulgo sanctum dictum, caulium, porri, atriplicis, plantaginis, lupini, radices graminis, filicis, gentiana, helenij, amygdala amara, nuclei persicorum, aloë, syrupus granatorum, citri, cornu cerui vstum præparatum, terra Lemnia, myrica: siue intus assumantur, siue foris vmbilico applicentur.

Vermes necantia.

CAPVT XXI.

De Alexipharmacis.

IN vltimam medicamentorum classem reieciimus ea, quæ venenis resistunt, atque ἀλεξιτήρια & ἀλεξιφάρμακα nominantur. Distinxerunt quidam iam olim, vt ex Galeno 5. de simpl. med. fac. c. 18. videre est, inter Alexipharmaca & Alexiteria, & Alexipharmaca nominarunt ea Medicamenta, quæ deleteriis & venenis ore sumptis aduersantur; Alexiteria verò, quæ bestiarum ictus & venena sanant. Verum ea distinctio non semper obseruatur, nec Galenus eam magnificat. Hæc autem omnia, si rem accuratè æstimus, totâ substantiâ, vt loquuntur, seu occultâ proprietate id, quod præstant, efficiunt. Si enim manifestis qualitatibus agunt, ad alterantia potius, quàm ad alexipharmaca pertinent, neque ipsis propriè opponuntur. Sicut nec illa propriè Alexipharmaca dicuntur, quæ demorsis ab animalibus venenatis extra applicata, vel caloris, vel vacui ratione venenum extrahunt. Sunt autem Alexipharmaca duplicia, alia generalia & communia, quæ omnibus venenis aduersantur, & cor ac spiritus vitales roborant ac reficiunt, ne venenum facile admittant, quæ inprimis in peste & pestilentibus ac malignis febribus, & vbi venenum in specie non innotuit, exhibentur: alia peculiari veneni generi opponuntur.

Alexipharmaca.

Communia Alexipharmaca sunt.

Angelica, carduus benedictus, valeriana, dictamnus, scabiosa, morsus diaboli, vincetoxicum, pimpinella, tormentilla, ruta, scordium, acetosa, absinthium, plantago, calendula, veronica, scorzonera, zedoaria, gentiana, baccæ iuniperi, poma citria, lapis bezoar, vnicornu, cornu cerui, bolus armenus, terra sigillata. Quæ verò singulis venenis aduersantur Alexipharmaca, pluribus tradidit Dioscorides, lib. 6. Hic saltem Cardani tabellam alexipharmacorum venenis oppositorum, è lib. 3. de venen. c. 23. additis paucis apponere libet.

Columborum agrestium stercus vel costum nostrum, quod in vsu est, semen petroselinii.

Spodium ex ebore.

Corallium,

Muris stercus.

Rubetæ cinis, caro vulpis assata & ostrea.

Theriaca, scorzonera.

Extremitatis caudæ cerui,
Salamandræ spumæ,
Putrefactorum,
Cucumeris asinini,
Cantharidum,

Chameleæ,
Rhododaphnæ,
Ricini,
Anacardij,
Nucis vomicæ,

Theriaca, pistacia, pulu. smaragdi.
Halicacabi semina.
Scordium.
Menthæ succus.
Halicacabi semina, ptisana cremor, sem. cucumeris ex
lacte.
Origanum.
Iuniperi succus.
Hypericon.
Lini semen torrefactum,
Citri cortex.

Venenorum Alexipharmaca.

Viperæ morsus,
Scorpionis ictus,

Aranei puncturæ,

Rutelæ seu tarantulæ,
Odoris venenari,
Vmbre toxicæ, & Rhododaphnæ,
Opij,
Mandragoræ,
Solani,
Thoræ,
Hydrargyri cocti vel sublimati,

Auripigmenti,

Æris squamæ,
Spumæ argenti,
Adamantis scobis,
Herculei lapidis,
Aconiti,
Ranæ lapideæ,
Fellis Leopardi,
Menstrui sanguinis,
Æluri cerebri,
Fungi,
Scammonij,
Tithymali,
Ficus Pharaonis,
Ellebori,
Apij risus,
Nucis Metel.
Canis rabidi morsus,

Vulneris venenati,
Crabronum ictus,
Excoriationis à venenatis,

Cicutæ,
Hyoscyami,
Coriandri succi,
Incertorum.

Theriaca epota.
Scorpius superpositus, & oleum scorpionum, abro-
tanum porum.
Endiuiæ epota & superposita, melissa item, carduus
ben ruta.
Melanthion, & saltatio ex musica.
Vrinæ cerui suffitus.
Iuniperi suffumigium.
Castorium, vel assa, semen ruta, origanum,
Radicula agrestis,
Cancris marini & locustæ,
Anthora.
Crystallus, cum oleo amygdalum dulcium, sal
absinthij.
Oleum è nucleis pini, oryza, decoctum althææ,
lini.
Acori succus.
Ricini semen, myrrha,
Radicula agrestis.
Smaragdus.
Aristolochia longa, ruta.
Myexis.
Mus napelli.
Viperarum caro, theraca, margarita.
Moschus, terra lemnia.
Allium, absinthium, sinapi & sal. cum oxymelite.
Ribium succus.
Mumia.
Cucumeris semina.
Nymphææ flos.
Melissæ succus.
Butyrum.
Cynorrhodi radix, gentiana, melissa, betonica, oxalis,
aristolochia, pimpinella.
Mustela imposita, vel stercus humanum.
Ferrum frigidum impositum.
Iuniperi foliorum succus, vel endiuiæ, vel
rutæ.
Gentiana, ruta, urtica semen.
Pistacia, nasturtium.
Vincetoxicum.
Bezoar, cerui oculorum sordes, smaragdus, orycis
cornu.

C A P V T XXII.

De Modo Inuestigandi Vires Medica- mantorum.

Medicamen-
torum vires
inuestigantur
Ratione &
Experientia.

PORRÒ cùm tot sint medicamentorum facultates, vltimo loco meritò illud discutiendum, quâ ratione in cognitionem harum facultatum peruenire possimus, & quænam sit ratio inuestigandi vires medicamentorum. Requiritur autem ad hanc rem duo illa media, in omnium rerum inuentione necessaria adminicula, Ratio & Experientia; & quidem præcipuè Experientia. Nonnullorum enim medicamentorum, vt à tota substantia agentium, vires solum experientia deprehenduntur; & expe-

rientia multa suggerit, quæ, etsi eorum ratio reddi non possit, tamen reiicienda non sunt. Aliorum quidem ratione & experientia; verum nullorum sine experientia vires inueniuntur. Etsi enim nonnunquam ratio quiddam persuadere videatur: tamen nisi experientia consentiat, id reiiciendum: & plus hac in parte peccant, qui rationi sine experientia, quàm qui experientiæ soli fidunt; id quod ex sequentibus manifestum fiet. Sunt enim nonnulli, qui breuitatis, aut nescio cuius rei studio, putant, se suo muneri abundè satisfecisse, si medicamentorum primas qualitates cognoscant: ab his enim reliquas omnes dependere existimant. Itaque vt cuiusque medicamenti qualitates primas cognoscant, varia tū ab externis, tum ab internis petita coquirunt indicia.

Verum

Medicamen-
torum
ex primi-
um qua-
tibus cog-
non possit

non deorsum, propensionem atque inclinationem habent. Nonnulla tamen manifestis quoque causis ad vomitum concitandum concurrunt, quod scilicet vel ventriculo quasi innatant, unde accidit, ut si copia aggrauatus sit ventriculus, aut vi etiam medicamenti superflua eò trahantur, ad excretionem per superiora facile insurgat: vel laxant superius ventriculi orificium. Talia sunt omnia pingua & oleaginosa, quæ retentricem laxant, & ne arctè continere queat, efficiunt: unde ventriculus, præcipue stimulatus, quicquid intra se continet, per superiora expellit, infimis partibus adhuc robustioribus sese constringentibus, superioribus verò facile sese laxantibus. Sunt autem vomitoria alia lenia, alia mediocria, alia fortiora.

Lenia sunt:

Aqua simplex tepida, hordei, aqua cum pauxillo mellis & salis, prifana cum melle, pingua iura, oleum simplex cum aqua, butyrum, hydromel, oxymel simplex cum aqua tepida, ficus recentes comestæ & aqua tepida superhaufta, cortex medianus iuglandis, ut & ficus assatæ oleo imbutæ & comestæ.

Mediocria.

Anethi semen & flores, asarum, atriplicis radix & semen, betonicæ radix, cucumeris sativi radix & semen, erucæ semen, melonum radix, narcissi bulbus, raphanus, eiusdem succus, semen ceparum, flores chamæmel. persicorum, è quibus conferua paratur, quæ sola exhibeatur à drach. ij ad unc. β. Quidam addunt semin. atriplicis drach. β. Iuli nucum iuglandium in furno exsiccati à drach. β. ad drach. j in leniente liquore vel vino albo; cortex medius viridis eiusdem, & cortex radices eiusdem, summitates recentes sambuci.

Fortia:

Æs vstum, cataputia & radix, cyclamini radix & succus, ebuli flores, cortices, radix; genistæ flores, folia, semina; elleborus vterque, nasturtij semen, radix; ricini semen, semen cnici, cocognidium, radix bryoniæ, iridis, gratiola, tithymalus. Recentioribus quibusdam vsitata est Aqua vomitoria, quæ paratur ex nucum iuglandium viridium, & radic. raphani ana part. ij. aceti part. iij: Quæ simul per dies quinque leni calore digeruntur, & postea destillantur. Aquam hanc exhibent ʒ ij. vel ʒ iij. pondere. Nonnulli eam fortiolem reddunt addendo tertiam vel quartam partem Aquæ vomitoriæ Rulandi. Chymicis verò in vsu: est vitriol. album, sal vitriol. Mercurius & ☿, & ex ☿ parata medicamenta, ut vitrum, flores & crocus metallorum, ex quo fit Aqua benedicta, seu vomitoria Rulandi, cuius mentionem sæpe facit in suis centur. curar. De qua etsi alij aliter sentiant, & calcinationem ☿ ij. è qua paratur, alij aliter instituant: hoc tamen certum est, ex croco metallorum dicto parari: Eius nimirum ʒ. vj. vel xij. macerentur, vel si necessitas vrget, ebulliant in vini, hydromelitis, vel aquæ destillatæ ʒ ij vel ʒ iij. Et colatura bibenda datur. Commodum est, si aliquid aquæ cinamomi addatur. Ex Aquâ vomitoriâ fit syrupus, si R. Aq. vomitoriæ ʒ vj. Aq. rosar. fragrant. ʒ ij. pulu. cinamomi ʒ ij. digerunturque in vase clauso horis 24. atque in colaturâ dissoluuntur sacchari ʒ viij. & coq. ad syrupi consistentiam, qui datur ab ʒ β ad ʒ ij. & paulò post iusculum carnis, vel gallinæ exhibetur.

C A P V T VIII.

De Vrinam Cientibus.

Renes eo fine conditi sunt, ut illud, quod serosum atque aquosum in sanguine est, attrahant, &

Dav. Sennerti Tom. I.

ad vesicam ablegent, per quam è corpore excernitur, atque vrina appellatur. Hanc actionem quæ adiuvant medicamenta, ac subsistentem aquositatem in corpore promouent, *διουρητικά* seu vrinam cientia medicamenta nominantur. Sunt autem talia vel propriè ita dicta, vel minus propriè. Propriè dicta diuretica quæ facile ad venas penetrant, atque in iis humores fundunt, incidunt, crassumque à tenui separant; idque ut præstare possint, tenuissimæ substantiæ, & calidiora ad tertium esse oportet. Huius generis sunt, *Radices apij, petroselinæ, fœniculi, rusci, eryngij, asparagi, valerianæ, pimpinellæ, spica nardi, asarum, absinthium, eupatorium, urtica, betonica chamæpitæ, chærefolium, ruta scordium, semen anisi, fœniculi, seselios, chærefolij, milij solis, saxifragiæ, bacca iuniperi, amygdala amara, nuclei persicorum* & ex iis cum maluatico aqua destillata, cinamomum, cubeba, cardamomum, cassia lignea, spiritus salis, & è Tartaro medicamenta. Minus verò propriè dicta Diuretica sunt, quæ non ita calida sunt, ut propriè dicta Diuretica, sed quædam etiam frigida, vrinam tamen etiam mouent, suntque omnia quidem tenuium partium, quædam verò præterea etiam humores, qui in renibus & viis ad eos sunt, abstergunt, quædam multam aquosam materiam suppeditant. Primò enim alia sunt calida, quæ tertium gradum non attingunt, ut terebinthina, ciceres, anethum, capilli Veneris, radic. apij recentes, quædam etiam humida sunt, & vias vrinæ leniunt, ut glycyrrhiza, althæa, sem. maluæ, ficus; alia deinde frigida, quæ vim moderatè abstergendi, attenuandi & refrigerandi habent. Talia enim ubi in venas penetrauerint, calorem sanguinem adurentem, & aquositatem eius absumentem extinguunt, aquositatemque resoluunt, & quod densum est, attenuant, viscidumque abstergunt; ac propterea calidioribus corporibus conueniunt, atque ubi veremur, ne calida diuretica sanguinem adurant, & aquositatem absument. Talia sunt, *peponis, cucurbitæ, cucumeris caro & semen, hordeum, fraga*: quod etiam pertinent serum lactis, succus citri, limonum. Quædam præterquam quod tenuium partium sint, etiam multam aquosam materiam suppeditant, quæ cum à renibus attrahitur, simul humores in viis ad renes deducuntur, ut vinum album, tenue, semin. melonum, cucurbitæ, cucumeris: quædam vtrumque præstant, & aquositatem plurimam suppeditant, ac vim abstergendi habent, ut aquæ thermales, serum lactis.

C A P V T XIV.

De Sudorem Prouocantibus.

AD classem vniuersalium euacuantium pertinent *διωρητικά*, à nonnullis etiam *διαφωρητικά* dicta, sudores prouocantia, vrinam cientibus valdè cognata; maiore tamen, quàm Diuretica, partium tenuitate prædita. Eadem verò sæpe materia & vrinam & sudorem prouocare potest; vrinam quidem, si renes sint calidiores, cutis verò densa, materiæque resideat in hepatis conuexo, atque inclinationem & propensionem habeat ad renes: sudorem verò, si renes sint frigidiores, pori cutis rariores, materiæque in venis curi propioribus resideat, & ad eas inclinationem habeat. Sunt ergo & ipsa calida ac tenuis substantiæ. Calor enim cum tenui substantia coniunctus in penitiores corporis partes penetrat, & humores incidit, attenuat, rarefacit, in halitum conuertit, & quicquid obuium est, secum defert, & in summa corporis impellit. Aut si quæ inter ea sunt frigida, vel etiam adstringentia, occulta qualitate, quæ venenis resistunt, malignos humores ad ambitum corporis pellunt,

HH h 3

lunt,

Vrinam cientia.

Sudorifera.

sunt. Sunt autem talia : *carduus benedictus, capilli veneris, radices fœniculi, apij, petroselini, bardana, pimpinella, angelica, tormentilla, zedoaria, china, flores chamameli, sarsaparilla, lignum guaiaconi, sassafras, terra sigillata, cornu cerui, rab. sambuci, bezoardicum minerale, &c.* cum fixum seu diaphoreticum & sal. & si fixum, *Mercurius præcipitatus diaphoreticus, de quibus infra.* Ad sudores ciendos etiam utilia sunt *Balnea Laconica, aqua dulcis, fomenta, lagenæ & regula calentes, frictions, inunctiones & similia, quæ materiam attrahunt ad cutim, poros expediunt, vel rarefaciendo, si sint adstricti, vel extergendo, si sordibus infarcti.*

CAPVT XV.

De Diaphoreticis & Flatibus Discutientibus.

Resoluentia.

AD hanc classem etiam referenda videntur διαφορητικά Græcis dicta, Latini discutiencia & resoluentia, quæ per insensibiles corporis meatus atque ἀδύλον διαπνοήν materiam educunt. Talia omnia calida & sicca sunt, vimque obtinent humores in vaporem conuertendi, porosque cutis aperiendi & dilalandi. Talia sunt, *chamamelum, melilotus, anethum, fœnum graecum, ruta, maiorana, semen lini, ludini, galbanum, pix sicca, styrax, sulphur, sagapenum, & similia, quæ iam enumerabuntur.* Nam hisce cognata aut potius eadem sunt Flatibus discutiencia dicta, quæ tam intus in corpore, quam in eius ambitu versantes, flatibus absumere ac discutere valent. Qualia sunt præter iam enumerata, *centaurium minus, quod egregie confert ad flatibus circa hypochondria discutiendos; semen anisi, de quo Ioan. Heur. in fine lib. 2. methodi ad prax. scribit, se vsu comperisse à semine anisi scrupulo crasse comminuto recens natos puerulos commodissime à viridi bile & fœda pituita purgari, & clamosos ventris dolores sedari, si cum pulvere saccharatam sumunt, primò cochleari indatur, ac iis exhibeatur; folia lauri, pulegium, semen fœniculi, carui, cumini, aneos, dauci, petroselini, agni casti, anethi, bacca iuniperi, bacca lauri, galanga, caryophylli, macis, cortices arantiorum, castoreum.*

Flatibus discutiencia.

CAPVT XVI.

De Mouentibus Menses, Secundinam, & Fœtum mortuum expellentibus.

Cum menses ob tres præcipuè causas subsistant, vel ob virtutis expultricis debilitatem; vel ob sanguinis vitium, qui aut paucus nimis est, aut crassus & viscosus; vel ob viarum & venarum in utero obstructionem: patet hinc, ea, quæ ut menses subsistentes fluant, efficiunt, non vnius esse generis. Nam quæ virtutem expultricem roborant, aut ad sanguinis copiosioris generationem faciunt, per accidens saltem menstrua prouocare dicuntur. Quæ verò sanguinis crassitiem ac visciditatem calefaciendo, attenuando, incidendoque emendant, potius sunt diuretica, quam propriè menses cientia, & omnia diuretica ad hunc usum accommodari possunt. Nam dum crassos & pituitosos humores incidunt, attenuant ac fundunt, à renibus ferosi atque aquosi humores attrahuntur, sanguisque purificatur, ut menstruorum tempore liberius fluere possit; verum talia medicamenta propriè uterum & menstrua non respiciunt. Propriè autem menses cientia illa dicuntur, quæ obstructiones in utero aperiunt, sanguinemque ad uterum deducunt. Id autem præstant validius aperiencia & abstergentia, & non planè tenuis substantiæ, ne propter tenuitatem substantiæ mox dissipentur. Et propterea in hunc usum commodissime adhibentur, quæ amaritudinem aliquam obtinent acrimoniæ admixtam.

Menses mouentia quæ propriè dicuntur.

Qualia sunt, *salvia, pulegium, dictamnus, maiorana, ruta, calamintha, origanum, betonica spina, asarum, artemisia, chamadrys, abstinthium, chamapitys, radices rubi tinctorum, aristolochia, fœniculi, petroselini, ireos, eryngij, lenistici, pimpinella, crocus, fl. cheiri, ciceres, bacca iuniperi, lauri, flores chamameli, cinamomum, myrrha, borras natiuus.* Quæ verò extra adhibentur utero ad orificia venarum, aperienda, ea non magnam adstrictionem habere debent, ne prohibeant medicamenti penetrationem; sed potius amara cum substantiæ tenuitate adhibenda sunt, ut *centaurium minus, pulegium & similia.* Ex his fortiora secundinas quoque relictas pellunt, & fœtum mortuum eiciunt, quæ ob id εκέλευα, ut & οδύρα, quod fœtum abigant, nominantur; qualia sunt: *assa fœtida, castoreum, myrrha.* Et quæ extra variis modis adhibentur, ut *opopanax, galbanum, ammoniacum, sulphur, ungula asini suffusa, colorynthi, ruta, cucumis sylvestris, fel vaccinum.*

Secundinas & fœtum mortuum pellentia.

CAPVT XVII.

De Frangentibus Calculum.

Vis calculos frangens & comminuens, ut vulgò docetur, pendet à caliditate modica, & modica humiditate, cum subtilitate partium. Verum cum sententia vulgata & de calculorum in corpore nostro generatione, cui hæc doctrina de calculum frangentibus medicamentis innititur, suspecta & dubia sit, ut supra, lib. 2. part. 2. cap. 9. monstratum est: merito etiam in facultate calculos comminuentium medicamentorum hæremus. Idque ea etiam de causa, quod videmus, extra corpus nostrum magnam in dissolutionibus, pro rerum dissoluendarum varia natura, diuersitatem: Gummi quædam aqua soluntur, quædam oleo, quædam aceto; sulphur oleo soluitur, quod tamen ipsa aqua fortis soluere nequit. Neque semper quod subtilius, vel acrius, aliis minus subtilibus, minusque acris maiorem quævis soluendi vim habet, sed sæpe quod à re acerrima solui non potest, à minus acris soluitur ut ex variis aquarum soluentium generibus è Chymia notis videre est. Spiritus salis aurum soluit, quod aqua fortis longè acrior, quam spiritus salis, soluere non potest; & aqua fortis, nisi ipsi sal communis vel ammoniacus addatur, nunquam aurum soluit. Itaque verisimile videtur, non tam ad tenuitatem vel aliam similem qualitatem respiciendum esse, quam ad vim id, quod rei cuiuslibet coagulationem dat, peculiariter extrahendi: & proinde etiam facultatem calculos frangendi ascribendam esse peculiari virtuti, quæ succum illum lapidescentem, aut quodcunque in calculis ἀδοποιήτικον, calculisque coagulationem, ut internum principium, præstat, extrahere & dissoluere potest; quo facto in arenam & sabulum quasi calculus abit, atque à natura sponte excernitur. Qua de causa factum est, ut iam olim vim frangendi calculos, quæ est in sanguine hircino, lapide iudaico & similibus, neque caliditati, neque alij manifestæ qualitati ascribere ausi fuerint, sed ad proprietatem totius substantiæ confugerint. Sunt autem medicamenta calculum frangentia, *hedera terrestris, betonica, parietaria, radices ononidis, diuretica quinque radices, raphani, saxifragiæ, lappa, amygdala amara, nuclei cerasorum, malorum armeniacorum, ossicula mespilorum, milium solis, ciceres, cinamomum, cubeba, lapides cancrorum, sanguis hircinus, lapis iudaicus, sponsia, lyncis, lignum nephriticum.* Lapidem nephritico dicto mirandam & stupendam vim nonnulli tribunt in aurillis, vel alio modo extra corpori, ac inprimis arteriis alligetur, ad nephriticos dolores sanandos, ac calculum expellendum, de quo videatur Anselmus Boët. de lapid. ac gem. lib. 2. cap. 110.

Vis modica, frangens quoque.

Lapis nephriticus.

Verum etsi Qualitatum primarum vires satis evidentes & efficaces sint, ut à nemine negari possint aut debeant; neque etiam id in dubium vocetur, quasdam provenire à qualitatum primarum mixtionibus: tamen pleraque illa indicia, quibus in inuestigandis temperamentis utuntur, non satis certa sunt, ut mox patebit. Et quamvis talia indicia nobis certò omnium medicamentorum qualitates primas ac temperamenta monstrare possent: tamen ad inuestigandas medicamentorum qualitates non sufficerent. Sunt enim multae qualitates, & primis quidem longè maioris momenti, in quarum noticiam hoc modo non pervenitur. Verissimumque est hîc, quod Hippoc. *de priscâ Medic.* scripsit: τὸ θερμὸν οὐ τὸ μέγαν δυνάμει ἔχον, ἀλλὰ τὸ σφυρὸν καὶ παχὺρὸν καὶ τᾶλλα. Idque ut clarius fiat, illa, quibus nonnulli utuntur in qualitibus inuestigandis, indicia breuiter percurrere libet. Et quidem ἀπὸ τῶν ἐξωθεν, ab externis & passionibus rerum petita indicia quod attinet, primò nonnulli colligunt, medicamentum esse calidum, & habere naturam igni proximam, si facillè ignem concipiat. Fallit tamen hoc indicium in multis. Non enim si quid in ignem positum flammam facillè concipit: in corpore etiam nostro, cuius calor blandus planè est, facillè in ignem mutabitur, sicut id patet in stipulis & pilis, quae licet facillè accendantur, corpus tamen nostrum non calefaciunt. Contrà sunt res plurimae, quae non accedunt, & combustionem maximè resistunt, non tamen sunt frigida, sed calida, ut aqua marina, lixiuia, sales, vitriolum & alia metallica plurima, quae licet vitione ad summam caliditatem sint deducta: accendi tamen amplius non possunt. Ex concretionem & congelationem etiam petunt quaedam indicia, & quae concresecunt frigore, frigida censent, ut in aqua fieri videmus. Sed & hoc fallit, ut in sulphure, cera, seuo, resina videre est. Neque contrà quae coagulantur à calido, calida sunt, ut tragacantha & lapides multi docent. Sic neque ex loco & aëre de plantarum temperatura iudicare licet; cum in locis calidis frigida plantae satis frequentes nascantur, ut lactuca, cucumis, papaver, tamarindi; & in frigidis calidae, ut acorus, nasturtium; & in ipsis aquis calida & sicca proveniant, ut dracunculus, ranunculus, hydropiper. Et licet haec ita sese haberent, atque ex societate cum calidis, frigidis, humidis aut siccis absolutè talia quaedam medicamenta esse colligere liceret: nondum tamen, an ad hominem comparata talia essent, constaret. Cum ut rectè Gal. 2. *de simpl. medic. fac. cap. 20.* docet. Non absolutè an calidum, frigidum, humidum, siccumve vnumquodque sit medicamentum, neque an formicas, apes, vespas, aut aliud animal humectare valeat, aut resiccare, aut calefacere, aut frigefacere, inquirendum sit, sed quomodo ad corpus se habeat humanum. Non certiora sunt indicia, quae ἀπὸ τῶν ἐσωθεν, qualitatumque, quibus sensus nostros afficiunt, praeter sapes, depromuntur. Colores enim quod attinet, ex iis nihil certi de medicamentorum temperie iudicare licet. Remotissimi enim sunt à Qualitatibus primis, & ab aliis principiis pendent, ac proinde in quolibet colorum genere calida, frigida, humida, sicca medicamenta reperiuntur. Scaliger, *exerc. 176. sect. 1.* Nec odores, ut de sonis nihil dicamus, certa indicia exhibent: cum plurima sint medicamenta, quae vix vllum habent odorem; & homo odorabilium differentias vix exactè distinguat. Et licet odor semper calidae facultatis index sit: tamen ex eo de totius temperamento iudicari non potest; cum pars illa spiritiosa calida, à qua est odor, saepe exigua sit, reliqua verò multò maior frigida, ut in rosis & violis videre est. Sapes soli temperamento propinquissimi sunt, & ad eos spectant qualitates medicamentorum, quas secundas ac tertias nominant, & proinde

ceteris certiora de qualitibus primis & materiae conditionibus exhibent indicia. Sapes autem pro ut ad medicamentorum vires explorandas considerantur, diuiduntur in calidos & frigidos. Frigidi sunt tres, acidus, austerus, acerbus. Calidi in excessu itidem tres, acer, falsus, amarus; & medius inter eos, mediocrémque caliditatem obtinens, dulcis. Nihilominus cum diuersae & pugnautes qualitates saepe misceantur, neque eius, quod aliàs in agendo potentissimum est, sapor semper praeualeat: vix etiam saporibus in diiudicandis medicamentorum viribus planè fidere licet. Verum de saporum origine, natura, & effectis prolixius agere alterius loci est: neque id hîc per compendium fieri potest; cum vulgata de saporibus doctrina non vsque adeo plana sit, sed plurima adhuc accuratiorem considerationem requirere videantur, ut ex Laurentij Grilli libro, *de sapore dulci & amaro*, videre est. Peculiarem tandem modum vires medicamentorum inuestigandi, ex figuris, coloribus, aliisque materiae conditionibus & similitudine cum hominis partibus, actionibus & morbis nonnulli, Chymici praecipue, tradunt, existimantque omnibus rebus quosdam characterismos, notas ac signaturas, ut appellant, esse inditas, quae nos de utilitate vel damno, quod corpori nostro inferre possint, admoneant. Sic orchidum species & satyria testibus ac veneri conferre: pulmonariam, quae saxi & arboribus adhæret, pulmonibus; ceterach & linguam ceruinam, lieni; papaver & iuglandes, capiti dicata esse; citria poma, cordi utilia esse; halicacabum, vesicae; aristolochiam rotundam, vtero; geranium, ossibus tibiae fractis prodesse, ob figuram membrum hîsce cognatam existimant. Ita lapides plerosque, radices saxifragiae, milium solis, nucleos persicorum, calculo conferre; scrophulariam in extirpandis ficibus & mariscis, perfoliatam, herniae; cuscutam, venarum mesenterij obstructionibus, ob figuram conuenientiam; santalū rubrum, radices tormentillae, lapidem haematitem haemorrhagiis conferre, ob coloris similitudinem; doloribus lateris pungentibus carduum mariae, carduum benedictum, aliasque aculeatas plantas, ut & dentes ac maxillam lucij conuenire putant. Qua de re integri libelli recentiorum hodie exstant. Verum haec ratio ex signaturis de viribus medicamentorum iudicandi etsi planè reiicienda esse non videatur, & procul dubio in primo nostro parente, qui ex intuitu vnumquodque suo nomine appellare potuit, fuerit perfectissima, & à Sapientissimo rerum Architecto nec figurae, nec colores, similesque signaturae plantis & aliis animalibus frustra inditae sint: tamen haec cognitio nunc valde manca & imperfecta est, huicque soli vix fidere licet; Videat. *tr. de Chym. cum Aristot. & Gal. cons. & disc. 18.* Ex quibus omnibus manifestum euadit, quàm lubricum & errori obnoxium sit, sola ratione velle de viribus plantarum ex talibus indiciis aliquid constitutere, & quàm verum illud Galeni monitum sit, quod exstat 1. *de simpl. med. fac. c. 18.* Praestat, inquit, à talibus coniecturis recedere, utpote, quae iudicium ad sensum haud referant, neque ex prope positis aut vicinis, sed è longinquo & longis lemmatis seu sumptionibus rationem colligant. Et licet, ut supra quoque dictum, in primarum qualitatum cognitionem talia indicia nos deducerent: tamen multae, eaque efficacissimae aliae sunt qualitates, quas nobis aperire nullo modo possunt. Ne itaque ratio claudicet, alteri quoque cruri, Experientiae nimirum insistat; quae vel sola saepe sufficit. Quae enim clarè sub sensus nostros cadunt, nihil dubium, nihil ambiguum aut anceps relinquunt. Verum ubi quaedam illos effugiunt: rationem illis superinducere conandum est; sic tamen, ut non procul, nec confusa, & infinita colligamus, & longè demonstrationum principia ducamus. Et cum id, quod experientia


Signatura medicamentorum.

Experientia in medicamentorum viribus inuestigandis plus valet, quàm ratio.

Experientia
qualis esse
debeat.

rientia inuentum est, ratione comprobari potest, id proculdubio longè certissimum est. Verùm ubi ratio aduersari videtur experientia, potius experientia adherendum. Id quod & Aristoteles docet, 8 *Physic. c. 3.* ubi disputat contra eos, qui rationibus quibusdam probare conabantur, omnia quiescere. *Probare*, inquit, *velle, omnia quiescere, ratione, neglecto sensu & experientia, imbecillitas est mentis.* Experientia tamen, ut certò inueniantur medicamentorum vires, & *τὸ χεῖρα, ἀλλὰ γινώσκον μὴ διορίσκειν* esse debet, neque ex vno exemplo & temerè de viribus aliquid statuere licet, sed plures observationes, & quidem cautè, colligendæ sunt. Id autem fiet, si omnia, quæ ad *ἐμπειρίαν διορίσκειν* requiruntur, diligenter perpendantur, nimirum agens medicamentum, & corpus patiens seu subiectum. In medicamento quidem, in primis eo, quod è plantarum familia sumitur, spectanda sunt substantia, quantitas, qualitas, ætas, tempus collectionis, locus natalis & similia; atq; in primis videndum, ne qualitate aliena atque adscititia infectum sit, sed vires suas solas & quidem integras habeat. Necessarium quoque est, ut Medicus simplicium, quorum naturam & effectus inuestigare cupit, etiam externam formam & figuram, quæ visu percipitur, cognitam habeat. Nam si alienis oculis hac in re videat Medicus, facile falli potest: Medicorumque hac in re negligentia superiori seculo factum, ut plurimæ plantæ incognitæ haberentur, & non nisi magno labore in lucem reuocari potuerint. Hinc non immeritò Gal. *l. 6. de simpl. med. fac.* eos, qui citra hanc cognitionem de facultatibus medicamentorum agunt & dicunt, similes esse scribit præconibus, qui notas fugitiui serui ab aliis narratas, tanquam cantilenam, proferunt quidem & publicant: seruum tamen illum fugitiuum, etsi prope assisteret, non agnoscunt. Ibidemque aptè eisdem *τοῖς ἐν βιβλίῳ κυβερνήταις* comparat. Subiectum est corpus humanum. Medicamenta enim omnia dicuntur talia non absolutè, vel respectu rerum aliarum naturalium, sed respectu corporis humani. Nam ut de aliis nihil iam dicamus, quæ aliis animalibus innoxia sunt, homini venena esse possunt. Præcipiunt autem cum Galeno plerique Medici, ut experientia fiat in homine temperato, qui sit regula & mensura, ad quam omnes medicamentorum actiones comparantur. Quod etsi de qualitatibus primis & præcipuè eorum gradibus inuestigandis verum esse possit: tamen commodissimū videtur Auicennæ consilium, qui de medicamentis experientiam in corporibus ægris, & quidem morbo simplici laborantibus, fieri iubet. Nam, ut suprà dictum, non solum primæ, sed & aliæ longè nobiliores qualitates in medicamentis inquirendæ sunt. Id quod in plerisque non nisi in corporibus ægris, in quibus qualitates illæ, quibus opponuntur medicamenta, aut res præternaturales, in quas agere debent, inueniuntur, sine periculo fieri potest; sicut in purgantibus, & multis aliis medicamentis manifestum est, quæ homini sano sine periculo non exhibentur: ægris verò plurimis nullo vel exiguo periculo propinari possunt. Debet autem experientia fieri in affectu simplici, non composito; ne experientia turbetur. Si quis enim laborauerit febre cum obstructione hepatis: in tali affectu de cicchorij qualitatibus, an sit calidum vel frigidum, experientia fieri commodè non potest. Nam accadat, ut æger liberetur febre: nondum tamen constat, an cicchorium id refrigerando, vel obstructiones referando præstiterit. Ita laboret quis febre putrida, atque exhibeatur spiritus vitrioli: etsi calor inde remittatur: tamen inde non colligere licet, an spiritus vitrioli sit frigidus; cum non constet, an refrigerando, caloremq; præternatulem frigiditate extinguendo, an verò putredinem inhibendo, vel alio modo hunc effectum produxerit, Medicamentum etiam, cuius facultates

explorare animus est, solum, non cum aliis, exhibendum. Sicut & hoc considerandum, an medicamentum aliquid primò, per se, an verò per aliud ac per accidens agat. Neque enim dum de Medicamentorum facultatibus agimus, quid vnumquodq; per accidens efficere possit, quærimus, sed quid per se. In distinguendo autem, an quippiam per se, an per accidens aliquid efficiat, ad duo respiciendum, nempe ad *διὰ δέσιν* seu affectum, qui curatur, & tempus, quo medicamento vis percipitur. Si enim simplex aliquis affectus calidus adhibito aliquo medicamento curetur, per se & immediatè id refrigerare concludendum. Temporisationem obseruare oportet, num ex primo contactu rei corpus alteretur. Quæ enim per se agunt, eorum vis statim sentitur; quorum verò effectus tardè superuenit, ij solent per accidens euenire. Neque satis est, in vno corpore atque semel experientiam fieri, sed in multis, & quidem similibus in temperamento, ætate, sexu, corporisque structura obseruationem fieri decet. Ita enim secundum Aristotel. *l. 1. metaphys. c. 1.* Ars fit, *ὅταν ἐν πολλῶν τῆς ἐμπειρίας ἐννοημάτων μία γίνηται περὶ τῶν ὁμοίων πόλῃσι.*



LIBRI V. PARS I.

SECTIO II.

De Cheirurgia.

CAPVT I.

De Cheirurgia in genere.



ON solum autem Medicamentis ad morbos curandos utitur Medicus: sed ut finem & scopum suum assequatur, atque Indicationibus propositis satisfaciatur, manuum opera opus habet, atque operationes Cheirurgiæ sæpe auxiliorum loco sunt. Exempli gratia, si articulus sede sua excidit, illum in eandem reponendum esse indicatur: cui Indicationi nullo medicamento, sed solum manus opera satisfieri potest. Ergo ne pars hæc de auxiliorum medicorum materia manca sit, Cheirurgia addenda, omnesque quæ per manuum ac instrumenta Cheirurgica, sanitatis recuperandæ gratia, in corpore humano fiunt, operationes, breuiter proponendæ. Etsi autem vox *χειρουργία*, quæ, si Latine reddatur, manulem seu manuariam operationem significat, de omnibus actionibus, quæ manu fiunt, accipi possit: tamen *καὶ ἐξ ὅλης* de ea Medicinæ parte in specie dicitur, quæ manuum opera artificiosa affectibus propter naturam humani corporis medetur. Atque ita solum in externis corporis partibus Cheirurgia occupatur, & in internis iis, ad quas manus & instrumenta Cheirurgica penetrare possunt. Quanquam verò Cheirurgi etiam medicamenta vulneribus, vlceribus, tumoribus applicant; id tamen non ut Cheirurgi, sed ut Medici, medicamentis quoque instructi, præstant. Cum autem tria ad actionem requirantur, Agens, subiectum Patiens, & per quæ fit actio: etiam in Cheirurgia hæc tria consideranda. Agens est Cheirurgus quem Celsus, in *proæmio lib. 7.* ita describit: Debet Cheirurgus adolescens esse, aut certè adolescentiæ propior, manu strenua, stabili, nec vnquam intremescere, eaque non minus sinistra, quàm dextra promptus; acie oculorum acri, claraque; animo intrepidus, immisericors, sicut ut sanare eum velit, quem accipit, nō ut clamore eius motus, vel magis, quàm res desiderat, properet, vel minus, quàm necesse est, secet, sed perinde faciat omnia, ac si nullus ex vagitibus alterius affectus oriatur. Commendat & Chirurum *ἀγχινοῖα* illa, seu solertia inuenien

Cheir
necessi

Cheir
quid.

Cheirur
scriptio.

inueniendi ἐγχειρίσεις ac τεχνουργήματα, quæ quo aptiora, eò plus momenti ad curationem afferunt citò, tutò, ac iucundè administrandam. Subiectum est corpus humanum, ac propterea eius singularumque partium, figuræ, situs, connexionis exactissima in Cheirurgo requiritur notitia, quam frequens corporum Anatome parit. Ea, per quæ actio perficitur, instrumenta sunt. Etsi enim instrumentum instrumentorum manus sit, & ipsa ars ab ea nomen habeat, ac quasi τῆς χειρὸς ἔργον dicatur: tamen ob agendorum varietatem aliis quibusdam instrumentis quoq; opus est. Quò pertinent etiam quædam alia ad agendum necessaria, vt Locus ad operandum commodus, lumen, vestitus, ministri, adstantes. Instrumenta varia sunt, tum materiâ, tum magnitudine, & figura inprimis pro partis affectû & morbi natura differentia: quæ apud Io. Andr. à Cruce, Ambrosium Paræum, & alios passim Cheirurgos depicta exstant: rectissime tamen αὐτοψία cognoscuntur. Præcipua tamen, & quorum frequentior vsus est, sunt; Nouacula; scalpellum, forfex, vossella, specillum, latum specillum, stylus, acus, filum, vncinus, canalicula forata, habena, fasciæ, panni, panniculi linei, lintea concerpta, spongia. Locus eligatur, qui Cheirurgiæ operationi commodissimus est, & in quo æger à vento, frigore, æstu, aut alia re externa non lædatur. Lumen siue Solare sit, siue aliud, ita se habeat, vt Cheirurgus partem, quam tractat, accuratè videat, nec ægrum tamen vel Cheirurgum offendar. Adstantes & ministri ægro non sint ingrati & molesti; ad Cheirurgi verò mandata attentis, taciti, & quod ipsorum officij est, fideliter exsequentes. De quibus omnibus videatur Hipp. in lib. αὐτῶν & in lib. qui inscribitur, καὶ ἰντῶν, & in hunc Gal. comm. Vestis Cheirurgi ita sit comparata, vt in operando ipsi nullo modo impedimento sit. Ipse verò Cheirurgus det operam, vt operationem perficiat citò ac celeriter, & propterea omnia, quæ facienda sunt, præuisa ac præcognita habeat, vt nullum in ipsa operatione dubium ipsum turbet: præterea omnia, quæ ad operationem necessaria sunt, antequam eam aggrediatur, præparet: Tutò, vt operis finem obtineat, ægrum verò non lædat: Iucundè; artificiosè & expedite, ac sine omni, vel minimo, quantum fieri potest, dolore ac molestia omnia peragat. Porro in ipsa operatione talem corporis symmetriam obseruare debet Chirurgus, qualem depingit Hippocr. in lib. καὶ ἰντῶν. Erga seipsum quidem, vt sedens pedes ad genua directos habeat, quæ & parum differant, & inguinibus superiora sint, tum pro cubitorum firmiore innixu, tum pro tota manuum operatione honestiore, firmiore, aptiore; stans verò utroque pede insistat, sublato tamen alterutro ad inguina, sicut in sessione. Erga partem affectam verò, vt eam citra variationem sedis tractare possit, quod fiet, si distantiarum terminos, quos Hippocrates corpori manuique operanti assignat, iuxta triplicem dimensionem obseruabit. Debet verò etiam ipse Æger suum facere officium, quod fiet, si primò reliqua corporis sui parte Cheirurgus ita inseruiat (stans, sedens, vel decumbens, quâ scilicet inter has corporis figurâ, quàm commodissime perdurare potest) vt defluxionem, subsistentiam, conuersionem, decliuitatem obseruet: deinde vt partem affectam, prout decet, ad cognoscendam exhibeat, tractari patiatur, & inuariato habitu postmodum conseruet. Sunt autem omnes Cheirurgi operationes quinque: σύνθεσις, separatorum coniunctio: διόρθωσις, eorum, quæ intorta & compressa sunt, correctio: ἀναιρέσις, continui solutio: ἐξάλυσις, superfluum extirpatio siue exemptio: & deficientium restitutio; de quibus iam ordine dicendum.

CAPVT II.

De Synthesi in genere, & Deligatione.

Σύνθεσις, ea est Chirurgi operatio, quâ partes præter naturam seiunctæ coniunguntur. Antequam verò de eius speciebus agamus, primò de deligatione aliquid in genere dicendum, quæ omnibus συνθέσεως speciebus communis est, imò quæ post reliquas operationes sapissime necessaria est. Ad deligationem verò pertinet fasciatio, spleniorum iniectio, ferularum adaptatio, illaqueatio seu laquei iniectio, obligata partis recta, collocatio.

De Fasciatione.

Est autem fascia longum & latum vinculum, fasciatio commoda fasciarum circa membrum curandum circumductio & conuolutio. De fasciis verò prolixè satis egit Gal. in lib. de fasciis, qui hac de re cognoscendus est. Vt pro instituti nostri ratione quædam breuiter dicamus; Fasciæ fiant ex linteis prius aliis vsibus ex parte attritis, vt sint tractabiliores: validis tamen, ne rumpantur. Quanquam enim materia fasciarum triplex esse possit, linea, membranacea, seu coriacea; linearum tamen hodiè ferè tantum vsus est. Sint autem munda, leues, molles, quæ neque confusiones habeant; neque exstantias. Sunt autem variæ fasciarum differentia, quæ sumuntur à figura, longitudine, latitudine. Figuræ ratione differunt, quòd quædam glomeratæ sunt, longè & æqualiter lata, & in orbem conuolutæ: aliæ scissæ, quæ vno quidem constant linteis, sed eo vel extremis vel mediis partibus scisso: aliæ assutæ, quæ ex fasciis & habenis in varia capita desinentibus & varias figuras referentibus constant. Longitudine fasciæ differunt, quòd aliæ sunt longiores, aliæ breuiores: ita & de latitudine se res habet. Sunt autem deligationis, quæ fascia fit, duæ differentia, vna simplex, altera composita, siue multiplex. Simplex est æqualis vel inæqualis. Simplex æqualis est tantum rotunda, quæ membrum affectum in orbem vndique sine vllâ in partem alterutram declinatione complectitur. Simplex verò inæqualis in Asciam & Simam diuiditur: quæ tamen saltem ratione maioris & minoris differunt; quòd Ascia parum à rotunda declinat, sima verò multum. Variæ fasciationis multæ sunt differentia, sumptæ à partium, quæ vinciuntur, vel quorundam animalium, vel aliarum rerum similitudine; de quibus Gal. lib. de fasc. & com. 2. in l. de iis, quæ in Med. sunt. t. 7. Vt autem rectè fasciatio instituatur, primò considerandum, vnde deligatio incipienda. Aliàs enim à parte affecta, aliàs à loco sano parti affectæ vicino, aliàs à parte opposita deligatio inchoanda. Deinde qua ratione fascia sit circumducenda. Aliàs enim fasciatio incipienda ab extremo fasciæ, aliàs à medio fasciæ. Tertio videndum, vt fascia partem neque nimis comprimatur, neque nimis laxa sit. Laxior enim partem non satis continet; nimia compressione dolorem & inflammationem parit. Hæc vt rectè autem peragantur, fasciationis vsus docet. Fasciationis vsus autem duplex est, vnus per se, alter ex accidente ad sanationem facit. Per se ad sanationem facit fasciatio, quæ partes disiunctas adducit, dilatatas contrahit, distorta dirigit, membrum conformatum & partes coniunctas continet, humorem influentem repellit, aut qui influxit, exprimit. In sinuosis enim abcessibus à fundo incohatur deligatio, & definit ad orificium vlceris. Extenuatæ partes ita obfignandæ sunt, vt partes sanæ comprimantur, & sanguis ad extenuatas compellatur, quòd fiet, si à parte sana vel opposita inchoatur fasciatio, vnde versus partem attenuatam paululum laxetur, tandem circa partem extenuatam laxissime circum

Σύνθεσις
quid.Fasciarum
differentia.Deligationis
differentia.Fasciatio quo-
modo insti-
tuenda.Fasciationis
usus.

circumvoluatur. Contra in dilatatis, & ubi influxum humorum reprimere opus est, in loco affecto deligatio inchoanda, & conuolutiones primæ duæ aut tres æctiores sint. Ex accidente autem inferiunt fasciæ, dum, ut medicamenta contineant, quæ curationis gratia applicantur, adhibentur. De hisce videatur Hippocrates, *lib. de fract. comm. 1. t. 1. l. 2. de iis, quæ in medicatr. fiunt, t. 3. o. 3. 1. 3. 2. 3. 3.*

De Spleniis.

Splenia.

Ad deligationem quoque adhibentur Splenia, quæ sunt panni linei complicati, à splenis figura sic dicti. Antiquis, quia ex pluma inter duos pannos confuta parabantur, plumaceoli nominabantur; dicuntur & pulvilli, quod pulvinaris formam referant; & plagulæ. Differunt autem ratione figuræ, longitudinis, latitudinis & crassitie. Figura triplex est, pro positionis scilicet eorundem modo. Aliàs enim parti secundum longitudinem rectè, aliàs obliquè, aliàs transuersè imponuntur. Et quidem nunc duplicia, nunc triplicia, nunc quadruplicia, nunc singula, nunc plura; pro usu, quem præstare debent, ad deligationem firmandam, membra crassitudine inæqualia aut partes graciles & concavas æquandas & explendas, ut tota deligatio æqualis euadat; partes item à fasciarum & vinculorum onere defendendas, & saniem ichorèque exprimendos & imbibendos. Et imponuntur nonnunquam sicca; nonnunquam liquore aliquo, morbo & affectæ parti idoneo, imbuuntur & madefiunt. De quibus vide Hipp. 3. *de iis, quæ in Medicatr. fiunt, t. 1. 2. 1. de fractur. t. 3. 2. & 3. de fract. t. 2. 1. & Galenum in commentar.*

De Ferulis.

Ferula.

Ad deligationem nonnunquam & adhibentur ferulæ; assulæ scilicet leues, quæ ossibus fractis & luxatis, postquam restituta fuerunt, adaptari solent. Hipp. & alij antiqui parabant ex ligneo ferulæ fruticis cortice; unde & nomen habent. Hodie in defectu ferulæ ex ligni abietini vel alterius assulis, vel arborum corticibus, vel conglutinata papyro & corio duriores conficiuntur. Monet tamen hîc Guilel. Frabicius, *cent. 4. obseru. 98.* cortices arborum, in primis recentes, loco ferularum in fracturis adhibendas non esse. Cum enim exsiccantur, circa fracturam contrahi, dolorèque excitare, ossaque nonnunquam suo loco iterum mouere. Hippocrates requirit ferulas leues, æquales, planas, in extremitate simas, id est, ex inferiore parte extremitatum leuiter derasas, utrinque subiecta fasciatione paulò breuioribus, ne partem ultra fasciationem comprimant: crassissimas verò, qua parte fractura erupit. Fracturæ autem circumquaque imponuntur, ut non minori, quàm digiti spatium, distent, & ita adaptantur, ne ferularum fines supra prominentia articulorum capita, aut neruos articulis vicinos collocentur, aut cutem nudam attingant. In applicatione ferularum & hoc notandum, ut laxius primum adstringantur, & fimbriis quasi affulciantur; & ne parti vlcera ac inflammata imponantur, quod illic expurgatio sordium, hîc euentilatio caloris prohibeatur. Vide Hipp. *de iis, quæ in Medicatr. fiunt, t. 1. 1. de fract. t. 4. 2. de fr. tex. 5. 7. 11. 64. 60. 71. & Galen. in comm. P. Aeginet. l. 6. c. 99.* Partibus quoque extremis vulneratis grauiter, aut fractis aut luxatis, præcipuè manibus, nonnunquam capsulæ ex leui ligno ita fabrefactæ, ut membri figuræ respondeant, vel ex ferri albi laminis, aut corio duro, chartâ conglutinatâ, adaptantur, ut partes adductas & coniunctas contineant, ne nutent, & rursus dissiliant atque excidant.

De Laqueis.

Laquei.

Ad deligationem quoque pertinet laqueorum in-

iectio seu illaqueatio. Est autem laqueus propriè vinculum ita nexum, ut attractum vel pondere pressum claudatur. Vfusque eius est ad fracta & luxata extendenda, ad reposita suo loco continenda, ad partes constringendas & rectè vinciendas, ad vinciendâ item vasorum capita, è quibus sanguis effluit. Differentiæ laqueorum sunt variæ, nomina sortitæ vel ab inuentoribus, vel ab usu, vel alicuius rei similitudine & figura, vel nectendi modo, vel effectu: quæ cum sine delineatione vix ex sola descriptione percipiantur, consulatur ea de re libellus *de laqueis*, qui vulgò Oribasij perhibetur.

De Membri deligati apta collocatione.

Postquam membrum affectum ritè deligatum est, superest, ut aptè collocetur. Apta autem collocatio in eo consistit, ut pars eam positionem habeat, quæ naturalem eius figuram conseruat, sine dolore est, & ad morbi curationem apta. Collocabitur autem ita membrum, si omnes eius partes, ossa, muscoli, nerui, venæ, arteriæ eum situm habeant, ut neque distendantur, neque comprimantur: si molliter & æqualiter situetur membrum: si in cauo vlcere vel vulnere orificium, quantum fieri potest, deorsum spectet, ut sanies expurgeretur: si denique deligationis modus in collocatione seruetur, & deligatio nec laxetur, nec stringatur. Et quidem ut in collocatione fiat apta membri figuratio, ad duo imprimis respiciendum, ad articulos & ad musculos, ut scilicet respectu articulorum membrum mediam, quam Galenus passim appellat, figuram habeat, quæ sine dolore est, in qua scilicet & nascimur, & singula mēbra, cum otiamur, continere consueuimus, & in qua muscoli nati agunt, quæque æqualiter distat ab extremis articulorum motibus seu extensionibus & inflexionibus: respectu verò musculorum, ut scilicet ex vna parte musculos & eius fibras habeat integras, nec fibræ aut totus musculus distorqueatur. Collocatio autem fit vel repositione, vel suspensione. Reponitur aptè membrum, quando stabilimentis quibusdam, plumis, velleribus aut panis mollibus ita fulcitur, ut quietum sit, & accliuè, æqualiter ac molliter semper iaceat, ne vel motu concutiat, vel fluxione tenteretur, aut in ea sanies & ichor retineatur. Hinc cruri fracto atque deligato canalem extento poplite à coxa ad pedem Hippocrates supponit: nostri Chirurghi ex stramine quædam fulcimenta, aut ex charta instar canalis conuoluta & intus stupâ repletâ, ac panni linei vtriusque extremitati inuoluta, applicant, quibus totum membrum firmiter continetur, ne incautè moueri possit. Suspenditur verò membrum vel ægro iacente. vel ambulare iam incipiente. Et si enim, dum in lecto iacet æger, sufficiat, si vigilans manum molliter accliuem habeat: tamen ne dormiens eam incautius moueat, fasciâ suspensam habere conuenit. In primis verò ubi iam æger ambulare incipit, opus est, ut brachium *ταυρία*, quàm Celsus mitellam vocat, inuolutum gestet, cuius capita angusta collo iniiciantur: latitudo verò, qua parte brachium inuoluit, tanta sit, ut totum continere possit, ne vlla eius pars sit, quæ non æqualiter fulciatur. Atque hîc ad manus rectè fulciendas sæpe opus est capsulis illis, quarum modò facta est mentio in quas manus deligata collocatur, & hinc cum capsula fasciæ imponitur.

C A P V T. III.

De Ossium Fracturum Coaptatione.

ΣΥΝΘΕΣΙΣ autem est aliqua secundum partes, quæ coniungi debent, differentia: nimirum Synthesis est vel ossium, vel partium carnosarum & mollium. Synthesis, quæ ossa disiuncta componit, iterum duplex

plex est: vel quæ ossa fracta coaptat, vel quæ luxata reponit. Synthesis ossium fractorum est recta eorum unio & adaptatio. Perficitur autem duabus primariò operationibus, quarum altera *κατάτασις* vel *ἀντίτασις*, extensio; altera verò *διόρθωσις*, conformatio seu ossium in suum locum repositio appellatur. Nemo autem has operationes rectè perficiet, nisi qui naturam ossium & fracturarum differentias cognitas habuerit. Ossium natura è Galeni de ossibus & aliorum Anatomicorū libris, atque imprimis ex *αὐτοψία* cognoscenda est. Fracturæ differentias tradidit Galenus, *l. 6. m. m. c. 5*. Primò ergo in fractorum ossium restitutione opus est partis extensione. Etenim cum, citra musculi præcisionem, aut ossis fracti partes è suo loco dimouentur, aut articulus è suo loco excidit, musculus, cuius initium ei parti annexum est, in quam vel pars ossis fracti inclinat, vel articulus procidit, totus ad suum caput retrahitur, atque ita eam illius membri partem, quæ ipsi coniuncta est, secum rapit. Vnde fieri non potest, ut vel fractum os rectè conformetur, vel luxatum suæ sedi reponatur, antequam tantum retrahatur, quantum in hanc vel illam partem è suo loco dimotum est. Alioquin, si scilicet nimia fiat extensio, in fracturis ex attritione rumpentur ossium eminentiæ, & ita in suas cavitates reponi non possent, sed vel exterius, ad ossium latera hærent, vel inter ossa fracta remanerent, & coaptatio ossium impediretur. Itaque ut os fractum rectè conformari queat, utriusque partis ossis fracti retrorsum seu in diuersa distractione, quæ Græcis *ἀντίτασις* dicitur, opus est. Ut autem extensio iusta sit, operanda, ut fiat cum dolore nullo vel minimo. Fiet verò hoc, si membrum extendendum eâ figurâ locetur, in qua musculi non agunt, sed otiosi & omnes laxati sunt, ut omnes musculorum ipsius fibræ directè extendi possint: quo modo & minore cum dolore opus perficitur. Deinde ad *ἐνσώπιαν* plurimum confert, si pro ratione ossium, item personarum, aliarumque circumstantiarum, debita vi constantique tenore membrum tendatur: quæ enim plus iusto fit tractio, inflammationes, resolutiones, spasmata secum fert; quæ minus valida est, aut interpolata, sine effectu est, ac *ῥίδια* conterit & distortet. Fit autem extensio hæc & distractio vel vnius tantum operâ, vel plurium; & quidem manibus tantum vel habenis, fasciis aut machinis. Vbi digitus fractus est, vel aliud membrum tenerum, vnius operâ extensio fieri potest, vnam fracti membri partem dextrâ, alteram sinistrâ manu præhendentis, & inuicem diducentis: vel duorum, ut vnus membri fracti partem teneat, alter extendat. Si verò maius & robustius aliquod membrum fractum, plurium opera necessaria est, ita quidem, ut alter vtrâque manu vnam membri fracti partem, alter itidem vtrâque alteram præhendant, & in diuersa trahendo contendant. Nonnunquam verò fasciis linteis & habenis circumpositis, & vtrinque membro fracto ad laquei figuram adaptatis opus est, quas plures in diuersa trahant: nonnunquam verò & quoties maiore, sed sine violentia, extensione opus est, vñ cum hisce machinamenta adhibenda, de quibus Hippocr. *de fr. t. 40. & seq.* & Oribas. *de machin.* Paræus, *lib. 1. c. 7*. Est autem extensio vel æqualis, vel inæqualis. Æqualis ea est, in qua ab utroque latere ossis fracti æqualiter membrum extenditur. Inæqualis autem, quâ ab vno latere membrum magis extenditur: quæ locum habet, ubi alterutrum tibiæ vel cubiti os tantum fractum est. Illud enim latus magis extendendum est, in quo os fractum continetur. *Διόρθωσις* verò seu conformatio est ossis fracti in suum locum repositio, & extremitatum ossis fracti recta coaptatio, quæ fit, si, postquam membrum eatenus extensum est, ut in reponendo ossa se tangere non possint. Cheirurgus ambabus manibus vtrumque membrum

apprehendat, & quod in dextram partem prolapsum est in sinistrâ, & contrâ, quod in anteriore prolapsum est, in contrariam, & contra detrudat, atque ossium eminentiam in suas cavitates recondat, donec extremitates ossium rectè unitæ, & in suas sedes depulsæ sint, & membrum naturalem figuram recuperauerit. Non sunt autem eminentiæ ossium cum impulsu in suas cavitates intrudendæ, ne rumpantur, sed potius sponte sua, extensione laxatâ, manibus Cheirurgi leniter directæ, in suas sedes recedant. Si verò ossium fractorum extremitates extra cutem prorumpant & emineant, difficilis est repositio propter partes vulneratas, quæ sine dolore & conuulsione metu extendi non possunt. Reponendi tamen ratio est, ut firma ferramenta, vectibus similia, magnitudine differentia, ad manum sint, ex quibus conueniens aliquod inferiore parte humiliori ossis fracti parti, superiore verò superiori, vectis instar, adhibeatur, atque ita ossa fracta in locum suum compellantur: de quo Hippoc. *3. de fr. t. 39*. Si verò ossis aliqua particula ita promineat, ut facile in suam sedem reponi non possit, sed vicina corpora in conformatione dilacerare, doloremque inducere queat, eam abscindere iubet Hippocrates, *3. de fr. t. 46*. quod faciendum forcipe acuta; aut scalpro limanda, donec breuior facta repositionem non amplius impediat. Quod si tamen *ῥίδια* id maius est, membranulisque cinctum, oportet eas, inquit Celsus, sub Medicamentis, quale est pulvis lumbricorum terrestr. cum melle mistus, resolvere, idque os, ubi denudatum iam est, abscindere. In tali autem fracturâ, quæ cum carnis & cutis superjacentis vulnere coniuncta est, videndum etiam, antequam ossa coniungantur, & postquam coniuncta sunt, ne quid inter ossa fracta hæreat, quod conglutinationem impedire possit: sed si quid, siue ossis particula, siue aliud quid inueniatur, id eximendum; istud tamen cum violentiâ non faciendum, ne dolores, inflammatio, aut conuulsio, excitetur. Ideoque si in principio sine dolore & violentia id præstari non potest, differre consultius est. Natura enim omne alienum tandem protrudit, quæ tamen attrahentibus iuari potest. Vbi ossa rectè conformata esse ex dolore sublato, & recuperatâ figura partis naturali seu pristina (quod ex comparatione partis fractæ cum parte compari sana cognoscitur) deprehenditur, intensio sensum remittenda, & aptâ deligatione, ut ossa coaptata, unita & rectè conformata maneant, præstandum. Quod duabus aliis operationibus perficitur, nimirum deligatione, & membri collocatione. Vnde alij quatuor operationibus fracturarum curationem absolui scribunt: extensione, conformatione, deligatione, & membri collocatione. Antequam tamen fasciâ membro fracto iniiciatur, medicamenta aliqua ad affluxum humorum & inflammationem prohibendam, atque etiam calli generationem adiuuandam imponi solent, in quo Authores varij sunt. Hippocrates cerato rosaceo utitur: Celsus pannis oleo & vino tinctis: Alij primò fracturæ ceratum rosaceum cum linteo latiore, deinde linteum vino nigro austero aut succo granatorum madidum imponunt: alij stupas albumine oui conuassato madefactas & expressas: alij, quod hodiè fit frequentissimè, panno lineo illinunt misturam ex albumine oui & pulueribus adstringentibus ex bolo armeno, sanguine Draconis, rosas, balauistiis, radicibus consolidæ, thure & similibus parata, eamque imponunt. Quæ medicamenta eò vsque in singulis deligationibus continuantur, donec nullus amplius inflammationis metus sit, & fractura iam stabilis esse incipiat: postea admouetur æstate emplastrum diapalma, hyeme barbarum vel aliud conueniens. Atque hæc medicamentorum diuersitas non sine causâ ab authoribus inducta fuisse videtur. Vbi n. indicatio est firmandi

Fractura cū
vulnere
ut
tractanda.

Fracturarum
deligatio.

fracturam, & dolor ac inflammationis metus id non prohibet, albumen oui & cataplasmata adstringentia vſurpantur: ſi verò dolor vrget, ceratum & oleum roſaceum ac vinum vſurpandum. Poſtquam medicamenta idonea impoſita ſunt, deligatio inſtituenda, quæ nec nimis laxa ſit, ne oſſa ſuo loco iterum dimoueri poſſint: nec nimis arcta, ne alimenti affluxum prohibeat, & dolorem ac inflammationem excitet: Perficitur verò duabus faſciis, quarum prior, quæ non incommodè oxycrato humectatur, ſupra fracturam iniicienda, & circa eam bis terve conuoluenda ſuſum verſus, ita vt multum ſanæ partis complectatur, vt eâ oſſa repoſita contineantur, & confluxus ſanguinis ad locum affectum prohibeatur. Altera priore dimidio longior contrario modo circumducenda, primùmque tracturæ iniicienda, & ab ea incipiens deorſum aliquoties circumuoluenda, iterùmque ſupra fracturam ducenda, & tandem verſus partem ſanam ſuperiorem ducenda. Ita enim ſi à prima faſcia verſus vnā partem muſculus diſtortus forè eſt, à ſecunda emendatur, humor ex parte exprimitur, & ſanguinis tam ex inferioribus quàm ſuperioribus influxus præcauetur. Atque hæc, quæ hiſce duabus faſciis, quas Hippocrates *ἀνδρόειδος* appellat, ſit deligatio, Hippocrati *ἀνδρόειδος* dicitur. Vt verò in magnis oſſibus deligatio ſit ſtabilior, plagulæ ſeu ſplenia vino vel alio liquore imbuta, maxime eo loco, vbi os eminet, inſuper apponuntur, & poſt earum appoſitionem duabus faſciis æqualibus, quas *ἀνδρόειδος* appellat Hippocrates, deligatio firmatur, quarum vna ab inferiore parte ſuſum dextrorſum vel ſiniſtrorſum fertur, altera deorſum via priori aduerſa, quæ deligatio Hippocr. *ἀνδρόειδος* dicitur. Et vt oſſa repoſita omnino firmiter contineantur, nec loco ſuo moueantur, ferulæ inſuper iniiciuntur, ſi loci affecti natura patiat. Et enim cùm faſciæ & ſplenia inflexibilia non ſint, fracturam firmam & directam ſeruare non poſſunt; ſed facile fieri poteſt, vt tùm vigilantibus, tùm dormientibus membrum moueatur. Vt igitur in motibus, qui non animaduertuntur, membrum firmum teneatur, opus eſt iis, quæ rigida ſunt, & non ſeſcuntur, & tamen minus ponderoſa ſunt. Quem ad finem, vt Hieron. Fabricius loquitur, in mundo non poterat Hippocrates eligere poſt plagulas meliora instrumenta, quam ferulas, quæ & rigidæ ſunt, ac inflexiles & leues. Verum cum ferulæ deſtituamur, eius loco ligneis tabellis tenuibus vtimur. Tandem membro canalis, ſi opus ſit, adhibendus, de quo *cap. præced.* & Hippocrates & Galenus, de iis, quæ in medicat. ſunt, *tex. 18.* membrumque rectè collocandum, videndumque, vt poſitio ſit mollis, æqualis & ſuſum verſa: mollis, ne membrum fractum eâ parte comprimat, neque dolorem & inflammationem excitet: æqualis, vt dolorem nullum inferat, nec membrum diſtorqueat: ſuſum verſa, ne humores pondere ſuo deorſum tendentes ad locum affectum affluant. Inprimis autem danda opera, vt media articulorum figura & muſculorum figuratio obſeruetur: quem ad finem etiam capulæ quædam interdum, quæ membrum fractum toto curationis tempore capiant, adhibentur. Et quæ in ſpecie de ſitu tibiæ fracturæ moneat & obſeruarit Guilel. Fabricius, videantur *Cent. 1. obſ. 93.* Qua ratione autem agnoſci poſſit, an deligatio probè facta ſit, nec ne, docet Hippocrates, *1. de fract. text. 37. & ſeqq.* Ergo ſi probæ deligationis ſigna adſint, nulluſque dolor inſignis, nulla inflammatio vel exulceratio ſuſpecta ſit, reliquum opus, quod eſt callum, per quem fracta oſſa coniunguntur, gignere, naturæ, cuius id opus eſt, committendum, & deligatio ante tertiam diem non ſolueda. Terriò verò die ſoluantur & iterum obligentur faſciæ, tùm vt arctiùs ſtringantur, tùm vt exitus pateat humoribus & vaporibus ſub cute contentis, qui

vt diſſentur, & ne pruritus excitetur, aut ſi pruritus infeſtet, vult Hippocrates aqua calidâ membrum eſſe perfundendum, vt pori aperiantur. Si autem tardius ſoluatur deligatio, magna ſæpè incommoda inde oriuntur; quorum exempla annotauit Guilelmus Fabricius, *Cent. 1. obſeru. 91.* & propterea monet, vt ſecundo aut certè tercio die ſemper deligatio ſoluatur: & quanquam poſt ſeptimum non ſit adeò neceſſarium toties fracturam ſolueri, ſe tamen de quarto in quartum faſcias ſolueri, partemque affectam inſpicere ſolere ſcribit. Atque hæc deligatio continuanda, donec callus genitus & fractura ſanata ſit: quod in femore 40. diebus, in humero & tibia 30. in radio & cubito 20. in oſſibus digitorum 15. diebus præter propter fieri ſolet. Tempus enim hoc in omnibus ita determinatum non eſt, ſed pro ætatis, corporis & ipſius fracturæ ratione variat. Citiùs enim coaleſcit fractura in puero & iuvene, quàm in ſene; verno citiùs, quàm æſtuo tempore. Si autem fractura cum vulnere accidat, itidem neceſſaria primò extenſio eſt, deinde fracturæ oſſium conformatio & coaptatio, tercio labia vulneris adducenda, & adducta conſeruanda ſunt. In quibus tamen perficiendis quædam à fracturæ ſine vulnere curatione variant. Primo enim extenſio hîc ſit minus vehemens, ne cutis & muſculi vulnerari diſrumpantur. Deindæ faſciæ ſint latiores, & vtrique vltra labia vulneris extendantur, eaque bene comprehendant: minus tamen arctè conſtringantur, ne dolor excitetur. Neceſſarium quoque eſt, vt ſpatium aliquod inter faſcias ſupra vulnus relinquatur, vt vulnus mundari & curari rectè poſſit, nec opus ſit toties omnes faſcias remouere, neque quoties vulnus curandum venit, oſſis fractura reſtituta commoueatur: cuius deligationis exempla ſunt apud Ambroſ. Paræum, *lib. 14. c. 18. & 23.* Hæc verò, de qua hætenus diximus, oſſium fracturæ reſtitutio, mox tentanda eſt, non verò inflammatione iam orta. Poſterioribus enim diebus ſi membri extenſio vel oſſium reſtitutio tentetur, membri inflammatio vel orietur vel augebitur & conuulſio excitabitur, quæ exiguam ſalutis ſpem relinquit. Hippocrates, *1. de fract. 40.* Atque hæc in genere de fracturarum curatione ſufficiant: plura ea de re videantur apud Hippocratem, *de fracturis*, & Galenum, *in comment.* Eundem Galen. *6. meth. cap. 5. & 6.* Cornel. Celſum, *lib. 8.* Guidonem de Cauliaco, *tract. 5. doctrina 1.* Ambroſ. Paræum, *lib. 14.* Hieronymum Fabricium ab aqua pendente, *de Chirurgicis operationibus, titulo, de Oſſium fractura*, Franciſcum Peccettium, *Chirurgia lib. 4.*

CAPVT. IV.

De Luxatorum Oſſium reſtitione.

Syntheſis verò, quæ oſſa luxata ſeu artus è ſuis ſedibus elapſos reponit, *ἡ ἀρθρῶν ἐμβολή* & *ἀρθρεμβολή* appellatur. Tribus autem modis oſſium luxatorum reſtitutio perficitur, vel Chirurgi aut eius miniſtrorum manibus, qui ſimpliciſſimus eſt, & palæſtricus appellatur, ſic dictus, quod in palæſtra vſitatus eſſet, ſi quando luctatorum membra luxarentur; atque hîc conuenit in mollibus corporibus, & vbi recens malum eſt: vel vulgaribus quibuſdam instrumentis, vt habenarum, faſciarum, laqueorum, ſcalarum, ſedilium, forium biſidarum auxilio, articuli in ſuas ſedes compelluntur; qui modus methodicus nominatur, & cōuenit pueris, fœminis, & muſculis iam robuſtioribus & luxationibus antiquioribus: vel per organa & machinas quaſdam ſingulares perficitur, & organicus nominatur, & ad robuſta corpora ac luxationes antiquas & omnino eas quæ prioribus duobus modis reſtitui

Ferula fracturæ adhibenda.

Membrum fracti collocatio.

Fracturæ vuln. ratio.

Luxatio quot n. reponatur

restitui non possunt, adhibetur. De machinis autem talibus videatur Hippocrates, *de articulis & fracturis*, & Oribasius, *de machinis*. Alij duos modos saltem constituunt, palæstricum & Medicum, & sub Medico methodicum & organicum complectuntur. Quocunque autem modo ossis luxati restitutio perficiatur, quatuor ad eam operationes sunt necessariae, extensio, repositio, deligatio ac membri repositi confirmatio, & collocatio. Primò enim cum, ut de fracturis diximus, musculi contrahantur, membri luxati extensione opus est, quæ statim post luxationem factam, aut si Chirurgus tardius vocetur, quando metus inflammationis transiit, eò usque fieri debet, ut inter ossa aliquod liberum spatium relinquatur, monente Galeno, *com.in 3. fract. & 4. de artic.* aut certè ut summum ossis caput ad extremam acetabili oram ductum sit, & in extensione commoda membri figuratio observanda, musculique ex vna parte integri servandi, & non distorquendi; ne scilicet caput musculi sit in parte interna, finis in externa. Fit autem extensio vel manibus Chirurgi aut ministrorum, vel habenis, laqueis & fasciis, vel organis & machinis, ut dictum. Extensione sufficienti facta, os, quod è suo loco elapsum est, in eum reponendum: quæ opera Græcis *μολία & μόλευσις* dicitur, ossis sc. luxati & extensi in suam sedem compulsio. Ut autem rectè fiat ista operatio, & articulationum naturæ, & qua ratione omnia ossa in corpore coniungantur, & luxationum differentiarum notæ esse debent. Considerare nimirum debet Cheirurgus, unde articulus primò exciderit, quem in prolapsu progressum habuerit, & quò demum peruenierit: & à fine prolapsus, eà viâ, qua prolapsus est, retrò ad eum locum, è quo prolapsus est, articulum compellere; ut si articulus è sinistro versus dextrum excidit, impellere versus sinistrum decet: si è dextro versus sinistrum elapsum est, versus dextrum: quod versus anteriora excidit, versus posteriora: quod versus posteriora elapsum est, versus anteriora impellendum est. Atque huius *μολίας* tot modi sunt, quot articuli, ex.gr. alio modo humerus, alio pes, alio vertebræ in suum locum reducuntur; atque aliter humerus, quando in alam excidit, aliter, quando in partem anteriorem. Placidè autem & si opus sit adhibitis prius laxantibus & emollientibus medicamentis in suum locum os compellendum, ne fiat contusio vel attritio capitis & sinus inter se, aut dolor atque inflammatio exciteretur, vitandaque capitis ossis circumrotatio ne frangatur. Quòd si inflammatio iam adsit, luxati ossis repositio non est tentanda, donec dolor atque inflammatio remiserit. Huius iam peractæ operationis signum esse vult Auicennas quèdam strepitum aut sonum, quem ex mutuâ collisione ossa edunt, de quo vid. Fabricius ab Aq. Certius est, si luxata pars cum visu, tum tactu & magnitudine parti sanæ per omnia similis est. Reposito in suam sedem articulo, intentio remittenda, & ut musculi ad sese redeant permittendum, membrumque postea ita firmandum, ut articulus iterum ex sua sede egredi non possit: quod ferè eodem modo, ut in fracturis perficitur. Primò enim antequam deligatio instituat, medicamenta adstringentia apponuntur, quæ influxum humorum & inflammationem prohibent, & laxata ligamenta contrahunt, ac partem roborant, ex bolo, sanguine draconis, corticibus granatorum, balauistiis, rosis, thure & similibus cum albumine oui mistis, si ea dolor ferat: vel si dolor sit magnus, quæ simul cum vi adstringendi dolorem leniunt, ut oleum rosæ, mastichinum, ut & myrrinum & similia. Hinc conuenienter membrum deligandum per fascias & splenia, ut de fracturis diximus, & prolixè Gabriel Fallopius, *tract. de luxat. cap. 5.* docet, ut os in sua sede contineatur, affluxusque humorum prohibeatur. Vbi hoc peculiariter monet Hip-

pocrates ab ea in quam excidit os, parte fasciam fortius stringendam, unde verò excessit, relaxandam esse. Tandem membrum molliter, æqualiter, & ut collocatio mediam ac naturalem figuram seruet, collocandum, ne dolor exciteretur, & usque ad quartum vel septimum diem, nisi pruritus, dolor, vel aliud symptoma vrgeat, immotum seruandum: & postea conuenientibus medicamentis roborandum. Cum autem, ut dictum antea, varij luxationum modi sint, pro vario articulationis partium variarum modo, & quæ in specie de particularibus luxationibus dicenda, per compendium hîc proponi non possint: Hæc in genere hîc dixisse sufficiant. Reliqua videantur apud Hippocratem, *in libris de articulis & fracturis*, & Gal. *in comment.* Celsum, *lib. 8. à cap. 11. usque ad finem libri.* Guidon. de Cauliaco *tract. 5. doct. 2.* Gabr. Fallopius, *tract. de luxationibus*; Ambrosium Paræum *lib. 15.* Hier. Fabricium ab aqua pendente *lib. 3.* Franc. Pectetum, *lib. 5.*

Collocatio.

C A P V T V.

De partium carnosarum & mollium synthesi.

Atque hæc de ossium synthesi & compositione dicta sunt: proximum iam est, ut de partium carnosarum & mollium compositione dicamus. Partes autem carnosæ & molles præter naturam disjunctæ coniunguntur vel sine ipsarum vlla diuisione, vel earundem continuitatem soluendo. Quæ sine vlla partium diuisione fit, synthesis varia est, & variarum partium. Et primò quidem nonnunquam partes quædam suo loco prolapsæ in naturalem sedem reponendæ veniunt. Tales sunt intestina & omentum, quæ interdum per vulnera abdominis excidunt, interdum peritonæo laxato aut rupto in inguina & scrotum decidunt, vel in umbilicum erumpunt. Hîc pertinet vterus & intestinum rectum, quæ quoque suis sedibus nonnunquam excidunt: & propterea omnia hæc suis locis reponenda sunt.

Mollium partium synthesis.

Intestinorum prolapsorum repositio.

Primò ergo Intestina si per vulnus excidant, (& si ipsa vulnerata sint, prius consuta) mox leniter & paulatim reducenda, & si sicca sint, prius abluenda aquâ calidâ, cui aliquid olei adiectum sit, postea vino austero calido: Et si angustius vulnus sit, illud ampliandum: Ac ut intromissa in naturalem, situm redeant, corpus nonnihil concutiendum. Si verò intestina in scrotum & inguina sint delapsa, æger supinus collocetur, diductis cruribus, ita ut caput declinius sit, coxæ verò elatiores: ac tum Chirurgus ambabus manibus sensim intestina in abdomen intrudere conabitur, & si feces in ipsis sint induratae, inunctis oleo digitis eas comminuere & paulatim in abdomen retrudere tentabit. Quod si dolor magnus adsit, & scrotum ac inguen intumuerit, fomentatio cum spongia prius adhibenda, ex decocto radicum & fol. althææ, maluæ, parietariæ, violariæ, brancæ vrsinæ, flor. chamæmeli, meliloti, semin. lini, fœnugr. vel cataplasmata ex his facta imponenda, aut balnea etiam ex hisce paranda, aut clyster emolliens iniiciendus. Deinde tenrandum, ut intestina in suum locum reducantur. Si flatuum adsit copia, anethum, cuminum, carui & similia flatus discutientia fomentis, cataplasmaris & clysteribus addenda. Vbi reducta intestina sunt, adstringentia medicamenta apponenda. Exempla talium curationum videantur apud Guilelm. Fabric. *Cent. 2. Obs. 81. 82.* Tandem emplastrum consolidans apponendum, & ne excidant intestina iterum, idoneis cingulis, fasciis & subligaculis

Intestinorum prolapsorum repositio.

præcauendum : quorum schemata videantur apud Ambros. Paræum, *lib. 7. c. 15.* & Platerum, *lib. 3. Pract. pag. 600. & seqq.* Ea si cum lamina ferrea, aut ænea potius flexili eâ parte, quâ comprimunt locum rupturæ, conficiuntur; felicius ac facilius continebunt intestina. Et plerique docti Chirurghi hæc vincula magis probant, quàm suturas, censentque, consultius esse, ut ægri suâ sorte contenti & sine insigni incommodo vitam traducant, quàm illis dubiis & cum vitæ periculo coniunctis sectionibus ac futuris se committant. Inprimis cum nonnunquam etiam medicamentorum adstringentium & consolidantium ac cingulorum conuenienti vsu hernias curatas fuisse experientia docuerit: ut testatur quoque Ambrosius Paræus *allegato loco*: præcipue si simul medicamenta interna consolidantia assumantur. Qua de re etiam videatur Reinerus Solenander, *Consil. sect. 4. Consil. 13. & 14.* Eiusmodi tamen obligatione aliquandiu continuata si nihil proficiatur, aut productio peritonæi vel rupta vel dilatata consueque deprehendatur, ut frustra vnio à natura sperari possit, ægerque curationem urgeat, vnica fortasse per sectionem curandi ratio restat, quæ vel cum testis exemptione est, vel citra illam, & posterior hæc potissimum puncto illo aureo perficitur, quod ita vocant, de quo Paræus *lib. 7. Chirurg. cap. 16.* Eodem modo & omentum prolapsum restituitur. Ita nonnunquam peritonæo rupto vel laxato intestinorum & omenti exitus accidit, & fit umbilici prominentia. Etsi verò antiqui, ut apud Celsum, *lib. 7. cap. 14.* & Paul. Æginet. *lib. 6. cap. 51.* videre est, suturas adhibuerint, tamen eæ non semper sunt necessariae, neque etiam semper tutæ. Etenim si sit prominentia exigua & recens, non necessaria est eiusmodi sutura. Si verò æger sit infans vel senex ac debilis, non tuta est, sed à septimo ferè ad 14. & quidem in corpore boni habitus locum habet. Itaque tutius est, ut fiat cingulum ex linteo, quod abdomen ambiat constringatque, & eâ parte, quâ umbilicus exstat, puluinar rotundum duriusculum habeat, in cuius centro globulus sit, ex conuolutio & constrictio linteo, qui in umbilici dilatationem sese insinuet, ita ut omentum & intestina rursus exire prohibeat. Prius tamen emplastrum adstringens & consolidans est adhibendum. Neque inutile est, simul interna medicamenta consolidantia, qualia ad herniam locis allegatis describuntur, exhibere: qualia etiam tum interna tum externa descripsit Franciscus Peccertius, *Chirurgia lib. 1. cap. 43.* De fascia ad umbilici procidentiam magnam videatur Guil. Fabr. *Cent. 3. Obseru. 64.*

De Vteri Prolapsi Repositione.

Vteri prolapsi repositio.

Vt vterus suo loco prolapsus ei restitui, & in eo conseruari possit, prius alius clystere eluatur: postea fœmina supina, coxis altioribus, reflexis paulò poplitibus & cruribus diductis, collocetur, vterusque prolapsus decocto betæ, althææ, maluæ, sem. fœnugraci, lini, vel vino, in quo malum punicum coctum sit, foueatur: hinc lana pexa vino, in quo hypocistidis dissoluta sit, imbuta, & linteo tenui inuoluta, magnitudine & figura sinui muliebri respondens, vtero apponatur, qua paulatim ac citra violentiam vterus in suam sedem repellatur, relicta, in sinu muliebri lanâ, & alia lana vino austero madida superposita. Felicius opus progreditur, si aliquid assæ fœtidæ addatur, cum vterus graues odores auerferet. Vtero reposito extensis cruribus & ita compositis, ut alterum alteri incumbat, supina iaceat, ac postea coxis, iliis & inguinibus adhibeantur medicamenta, quæ adstringendi vterum & ligamenta eius roborandi vim habent: De prolapsu vteri curando videatur quoque Guil. Fabr. *Cent. 4. Obs. 61. & 62* ubi etiam instrumentum quoddam ad vterum in sua sede retinendum describit & depingit.

De Ani procidentia curanda.

Tandem & anus seu intestinum rectum interdum sua sede prolabitur, quod ut reponatur, æger inflexis poplitibus, cruribus disiectis ita collocetur, ut pronus cubitis & genibus innitatur, prolapsumque intestinum molli spongiâ vino austero calido, vel decocto aliquo adstringente madida primò abluatur, deinde oleo myrtino aut nardino vel linimento ex acacia, hypocistide & vino austero illinatur, & manu vino austero calido madida intus pellatur. Ægrum tamen ipsum melius, quàm vllum alium, manu anum intrudere posse, censet Hieron. Fabricius: quod & de intestinis verum esse videtur. Postea imponatur lana vel spongia vino austero vel decocto aliquo adstringente imbuta; tandemque fascia cingulo à tergo assuta per media crura subtenditur, & circa umbilicum iterum cingulo annectitur. Vbi æger alium exonerare voluerit, fascia soluta inter tabellas angustissimas extensis cruribus sedeat. Posset forsan & vuula relaxata huc referri, sed potius medicamentis, quàm Chirurgia illa curatur. Quâ tamen ratione medicamenta illa per instrumenta idonea illi commodè applicari possint, docet Guil. Fabric. *Cent. 2. obs. 21.* in qua de vuulæ relaxatione pluribus agit.

De Vulneratarum partium fasciatione.

Vulnerum labia cum sint disiecta, adducenda & coniungenda sunt, & ubi adducta sunt, coniuncta seruanda, quod sine solutione cōtinui fit duobus modis: vel fasciatione, vel glutino aut sutura per glutinum. Primò fasciationem quod attinet, ea vulneribus secundum longitudinem membri factis, & non admodum profundis, conuenit; & ubi speramus sola fasciatione labia coniungi posse, non temerè instituenda sutura. Sit autem fascia linea nec dura nimis nec mollis; cuius latitudo ea esse debet, ut semel iniecta non vulnus tantum, sed etiam vtrinque aliquod ad oras eius comprehendat. Si verò vulnus longius fuerit, melius angustâ & strictâ fasciâ, id est, trium digitorum, deligatio perficitur. Qualis etiam requiritur in flexuris articulorum monente Hippocr. *lib. 2. nat. in 78. c. 14.* Deligatio autem hæc absoluitur fasciâ duorum capitum vel gemini principij, & in vulneribus non admodum longis medium fasciæ vulneris parti oppositæ primò imponitur, & circumductio ab ea inchoatur, & verius vulnus ducitur, ac supra vulnus stringitur; quo modo labia vulneris rectè adducuntur: postea ambo fasciæ capita hinc inde obuoluuntur, ita ut inferior pars per inferiorem membri partem circumducatur, superior verò per superiorem, ut ab affecta parte humores exprimantur. Ligatura hæc supra affectum locum arctior sit, quàm in partibus vicinis: & sic nec nimis laxa nec nimis arcta. Si enim nimis laxa esset, non contineret adducta vulneris labia: si nimis stricta, dolorem, affluxum humorum & inflammationem pareret. Terminus ergò adstrictionis sit bona ægri tolerantia. Et hyeme ob frigus plures circumuolutiones fieri possunt: æstate pauciores, ne pars propter plures fasciæ circuitus incalescat. Nodus longè à vulnere faciendus, vel potius fasciæ capita consuenda sunt.

Vuln. partes modo cōiungenda. Fascia

De Sutura vulnerum per glutinum.

Cum verò in transuersis & longis vulneribus sola fasciatio ad vulneris labia adducenda & continenda non sufficiat, suturâ opus est. Verum cum in vulneribus faciei punctura deformitatem pariant, & in aliis longis ac magnis vulneribus ante glutinationem vulneris suturâ rûpantur; corpora etiam tenera suturam, quæ

Sutura per glutinum

quæ acu fit, non ferant: quædam glutinatio seu sutura per glutinum inuenta est, quæ sine partis vulnerata vlla per acum diuisione & iunctura labia vulneris adducit. Est autem apparatus talis. Lintea comparantur valida, æqualia, mollia, quadrangularis vel triangularis vel alterius figuræ, prout vulneris situs & membri, cui applicari debent, natura requirit, quæ in parte, quæ vulnus respiciunt, complicantur aut suantur subtiliter, & fila per latitudinem eorum aliquoties traiciantur. Linteis istis annectuntur ansulæ filo duplicato vel multiplicato & contorto cerâ oblitæ, eâ distantia, quam suturæ habere solent aut etiam minore. Linteis istis inducatur glutinum è medicamentis adstringentibus & viscosis compositum, qualia sunt albumen oui, bolus armenus, thus, mastiche, sarcocolla, farina volatilis, gypsum, tragacantha, corallia, resina pinguis.

Vt *℞. Boli armeni, Sarcocoll. Mastich. Sang. Drac. ana 3j. cum alb. oui misceantur.*

Vel *℞. Farina volatilis, Mastich. ana 3 ℔. Bol. Armen. Coralliorum. Sarcocolla, ana 3j. Sang. Drac. ʒij. M. cum alb. oui:*

Et si metuamus, ne glutinum separetur, quod fit inprimis ob saniem è vulneribus effluentem, resina pini vel piceæ reliquis admiscenda, quæ humiditatem non admittunt. Vt

℞. Sang. Dracon. Thuris, Mastich. Boli Armen. Resine pini ana q. v. Cum alb. oui commisceantur.

Lintea hoc modo glutine inducta & ansulis suis instructa, duo vtrunque ad latera vulneris, pollicis distantia, ita apponenda, vt ansulæ sibi rectè respondeant, & tam diu relinquenda, donec glutino siccato lintea cuti firmiter adhæreant, quod 4. vel 5. horarum spatio fieri solet. Linteis cuti iam tenaciter inhærentibus ansulæ seu fila mutuò colliganda & constringenda, vt vulneris labia rectè vniantur. Quo modo sine omni dolore, sine cicatrice & deformitate, quæ fit ex punctura acus, labia vulneris adducuntur, & longiore temporis spatio, quàm suturâ, quæ fit acu, adducta & vnita seruantur.

De Sutura & Fibulis.

Atque hæ omnes partium carnosarum & mollium *ovvδέρες* sine ipsarum vulneratione fiunt. Est deinde & alia, quæ fit ipsarum continuitatem soluendo. Non solum enim antiqui, sed & hodie Chirurgi in vulneribus transversis & magnis, & omnino in iis, in quibus sola fasciatio ad oras vulneris adducendas non sufficit, suturâ & fibulis vtuntur. Ad suturam tribus instrumentis opus est, acu, filo & canali extremâ sui parte fenestrato. Acus ob faciorem penetrationem requiritur triangularis cuspidæ, qualibus pelliones ferè vtuntur, mediocriter crassi, ne rumpatur, aut difficiliter penetret, & caudâ parum excavatâ, ne filum eius transitum remoretur. Filum nonnulli ex serico requirunt: alij tamen reiiciunt, quod cutem facile rumpat, & ex lino eoque duplicato sumunt, vt firmum sit, & non rumpatur, idque non nimis tortum, ac cera oblitum, æquale, & consistentia mediocri. Et cum acus per alterum vulneris labrum transacta, per alterum etiam traicienda sit, ne labrum, per quod secundo loco acus traicienda est, subsequatur, & ab altero nimis diducatur, instrumentum extra apponitur, quod cannulam aut canaliculum appellant. Canalis nimirum aurichalceus aut argenteus, in extremo fenestratus, vt per fenestram acus transeat, & canali obnitenti & opposito vulneris labrum innitatur, ne dum acus adigitur, commoueat, nec ad fili & acus protractionem deducatur. Potest tamen & summis digitis, indice scilicet & medio, labium contineri, & cum altero consui, modò filum expedire transeat, quod fiet, si in cauda acus circa foramen sit

Dan. Sennerti Tom. I.

excavata, vt dictum, & filum secundum crassitiem proportionem cum acu habeat. Sutura autem hoc modo fit: In medio vulneris acu duplex filum trahente, si vulnus sit magnum, vulneris labia transfiguntur, & factò nodo filum paulò supra nodum refectatur. Deinde in mediis vtrunque spatiis alij punctus simplici filo fiunt, & factò nodò similiter filum abscinditur; idque continuandum, donec labia vulneris rectè confuta sint. Quæ sutura interscissa vocatur, quod post singulos punctus factò nodo filum abscinditur. Videndum autem, ne nimis rara, nec nimis crebra sit sutura. Nimis enim rara non continet: nimis crebra dolores & inflammationes parit. Itaque tale intervallum inter vnum & alterum punctum relinquatur, vt cutis ducentem quasi sponte subsequatur. Nonnulli statuunt, inter singulas suturas intercedere debere latitudinem digiti transversi. Verum rarò tot futuris opus est: neque omnia vulnera eundem numerum suturarum requirunt, sed vt vulnera magis vel minus dehiscunt, ita crebrioribus & rarioribus opus est futuris. Et quidem ferè cutis transfigi solet. Comprehendi tamen nonnunquam non cutem solum, sed aliquid etiam ex carne, vbi subest, vtile est, quod sutura fiat firmior, neque cutem abrumpat. Cauendum tamen sedulò, ne acu tendines pungantur, Atque hic modus ferè vulgatissimus & commodissimus est, in quo, quod tamen in reliquis etiam locum habere potest, illud saltem adhuc ex Celsi *lib. 5. cap. 26.* monendum, suturas ita faciendas esse, ne oræ ipsæ quidem inter se ex toto se contingant, vt si quid intus humoris concreuerit, sit, quæ emanet. Vnde Chirurgi etiam turundas seu penicilla, vnguentis conuenientibus illita, immittere solent: vt humores, qui in parte vulnerata colligi solent, effluere possint; deinde vt medicamenta ad fundum vulneris penetrare queant. Turundarum quidem vsum in vulneribus articulorum & manuum reicit Felix Vvurtzius, *lib. 2. Chirurg. cap. 11.* Qua ratione autem eius opinionem examinet, & quid de recto turundarum vfu sentiat Guil. Fabricius, ex *Cent. 4. Obseru. 76.* cognoscere licet. Est deinde & alius suturæ modus, qui prorsus eâ ratione perficitur, quæ pelliones pelles consuere solent, vulneratis intestinis & venis & arteriis dissectis accommodatus. Pro varietate autem partium affectarum suturæ variant. Etsi enim suturæ modus primò propositus in omnibus partibus ferè locum habeat: ramen abdominis vulnera peculiare quid sibi vendicant: cum in abdomine vulnerato cauendum sit, ne sanato extra vulnere, si peritonæum nondum sit sanatum, per id intestina prorumpant. Itaque vulnerato abdomine danda opera, vt quamprimum intestina, si exciderint, reponantur, ne ab externo aëre inficiantur & liuida fiant, & si ipsa intestina vulnerata sint, acu longum filum trahente continuo ductu, pellionum more, consuenda sunt. Vtraque verò fili extremitas, reposito intestino, extra ventrem promineat, vt vulnere agglutinato extrahi possit. Repositis intestinis omentum considerandum, & si quid eius iam nigrum & emortuum est, vinculo interceptum, ne sanguis profundatur, abscindi debet, vinculi extremitate extra abdomen relictâ. Abdomen autem consuendi modus triplex à Galeno *6. meth. med. cap. 4.* describitur. Primus promptus & communis est, quo per oras abdominis duas, & duas peritonæi acus transmittitur, sicut à pellionibus suturæ fieri solent. Secundò coniunguntur partes, quæ cognatæ naturæ sunt, vt membrana membranæ, caro & cutis abdominis carni & cuti, & fit transmissâ acu per musculos abdominis, postea reuocatâ & transmissâ vtrunque per peritonæum, & terriò ab interiore parte transmissâ per aduersos abdomi-

Sutura primus modus.

Sutura interscissa.

Turundarum vsum.

Sutura secundus modus.

Vulnerati abdominis sutura.

nis musculos. Tertia est, quæ consuit peritonæum cum abdominis musculis, & abdominis musculos cum peritonæo, sitque transmissa acu per abdominis musculos intacto peritonæo ex vno latere, atque inde per peritonæum & alterius lateris abdominis musculos, ac ita deinceps. Est adhuc alia sutura, quæ fit duabus acubus, quæ vtritur Celsus, eamque describit, l. 7. c. 16. quæ ibi videatur. Fit & fibularum apud antiquos mentio. Si enim in carne, ut Celsus, l. 5. c. 26. scribit, vulnus est hiâtque, neque in vnum facile ore attrahuntur, sutura quidem aliena est, imponendæ verò fibulæ sunt, *ἑλκτῆρες* Græci nominant, quæ oras paulum tantum contrahant, quò minus lata postea cicatrix sit. Et cum notissimus fuerit modus vniendi vulneris oras per fibulas, factum, ut fibularum nec materia nec forma satis ab antiquis descripta sit, Guido, quem plurimi sequuntur, factas fuisse fibulas scribit è ferreis quasi circulis aut semi-circulis ab vtraque parte recuruis, quorum hami labris vulneris vtrinque infixi sibi ad amussim responderint. Verum cum hoc modo infingere & infixos tenere eiusmodi hamos in sentiente carne & cute nihil aliud fuisset, quàm tot aculeos pungentes cum intolerabili dolore ibi seruare: non est credibile, antiquos per fibulas tale instrumentum ferreum cuti infixum summos dolores excitans intelligere. Probabilior est Gabr. Fallopij opinio, qui, *tractatu de vulnerib. in genere*, c. 12. fibulam docet esse sururam illam, quam intercisam supra nominauimus, & quæ hodie est frequentissima; quæ ambo labia vulneris acu filum duplicatum trahente traiciuntur, & super vulnus tribus inuolutionibus ambo filii capita colliguntur, & in nodum noctuntur. Et quanquam apud authores fibulæ aureæ & ferreæ nominantur: tamen sciendum, fibulæ vocem esse generalem, quæ omne instrumentum res aliquas coniungens significat. Ita Cæsar, 4. de bello Gallico, fibulis tigna coniuncta dicit. De fibularum nomine, materia, usu, videantur plura apud Fabric. ab Aquap. de oper. Chir. vbi hoc quoque notat, fibularum usum in Chirurgia non tantum ad vulnera, verum etiam ad stringendas alias partes corporis fuisse adhibitum. Erat tandem adhuc vna suendi vulnera ratio apud antiquos, sed quæ parum commoda videtur, & propterea in usu esse desiit, quæ tot acus fila trahentes per vulneris labia vtrinque traiciebant, quot ad vulneris coniunctionem essent necessaria, postea filum circa vtramque extremitatem acus supra vulnus reuoluebant, modò per *χασμὸν*, modò per gyrum, eo planè pacto, quo mulieres, dum acus suas in vestibus asseruare solent, fila circa vtramque extremitatem obuolunt. *Atque hæc de prima operatione Chæirurgica, quæ quondam est, dicta sunt.*

CAPVT VI.

De compressorum & distortorum ossium correctione.

IN pueris sæpe cranium, cum adhuc molle sit, absque fractura deprimatur, atque intro cedit, quo modo vasa stannea & cuprea ex solidorum corporum collisione etiam cõprimi videmus. Etsi verò adultioribus cum fractura ferè fiat ista compressio, & proinde ad fracturas pertineat: tamen cum fracturas cranij curandi ratio longè alia sit, quam reliquorum ossium fractorum, de iis hîc aliquid dicendum. Solent autem cranij depressionem grauiissima symptomata sequi, quorum exempla annotauit Guil. Fabric. Cent. 2. Obseru. 3. ideoque necessaria est cranij depressi in naturalem suam sedem reductio. Primò ergo abrasis capillis cucurbitula cum magna flamma apponatur, & ore manibusque clausis spiritum magno conatu sursum

expirer æger. Ita enim partim cucurbitulæ trahentis, partim spiritus versus superiora cerebri compulsi uel eleuabitur depressum cranium: aut cucurbitula cornea, qualem depingit Guil. Fabric. Cent. 2. Obseru. 5. loco cõpresso admoveatur, & ex superiore parte à viro robusto aër extrahatur, ægri ore & naribus clausis. Quod si hoc modo cranium reduci non possit, emplastrum aliquod, ex pice, resina, colophonia; & aliis tenaciter cuti adherentibus paretur, & loco affecto imponatur, atque vbi agglutinatum firmiter fuerit, auferatur vel attollatur. Ita enim attracta cute & pericranio simul depressum cranium eleuabitur. Quod si prima vice non succedat, semel atque iterum imponendum. Emplastrum tale descripsit, applicandique modum depinxit Guil. Fabric. loco modò allegato. Quod si nec hoc modo cranium attolli possit, terebra eleuatoriâ opus est, aut si os cranij robustius sit & densius, ut nec eâ eleuari possit, *νευτρωσὶς* *ἀβελή* *ἰσ* cranium in medio depressuræ vel fracturæ perforandum, & per apertum cranium rectè os attollendum. Ad quam rem instrumenta idonea descripta & depicta sunt apud Ambros. Paræum, lib. 9. cap. 5. Ioh. Anc. à Cruce, & Guil. Fabr. Cent. 2. Obseru. 4. & 5. Etsi verò plurima ab authoribus instrumenta ad perforandum cranium sunt inuenta: tamen cum multa ex iis non sint *ἀβελή* *ἰσ*, id est metuendum sit, ne cranio perforato pondere & impetu terebra profundius descendant, & cerebrum aut eius membranas lædant, aut certè extremitatibus acutis subiectas cranio membranas vulnerent; quadam verò etsi hoc periculo vacent, tamen nimis tardè cranium penetrant: commodissimus ex iis videtur modiolus alatus seu terebra alata, & præcipuè illa, quæ quatuor vel sex potius alis circumdata ab Andr. à Cruce depicta est, quæ, quod extremitatè acuta non sit, sed latior, cerebrum pungere non potest, & tamen satis ad perforandum apta est, ac cum latior sit parte superiore, angustior inferiore, omnib. cranii & indiuiduis accommodata est. Vide etiam Langium lib. 1. Epist. 5. Narium foramina etiam angustiora reddi non solum à natua constitutione in sumis, sed & ab ictu, contusione, tumore solent. Quod si accidat, & narium ossa fracta collisæque sint, ea vel digito vel specillo buxæ, ac eburneo leniter intra foramen immisso diducenda, alteriusque manus digitis extrinsecus dirigenda sunt, ut naturalem figuram acquirant, secundum Hipp. l. 2. de artic. Post hæc turunda excauata, (qualem Itali spoletram vocant, ac depingit Melch. Glandorpius Obseru. 20 speculi Chir. & c. 26. ex tela cerâ oblita & conuoluta fieri scribit,) naribus imponenda, inibique detinenda est eousque, donec curatio fracturæ, cæteris etiam adhibitis, penitus absoluta fuerit. Pertinet hûc & membrorum contractorum, seu contracturarum artuum, quæ multiplices ob causas fiunt, correctio. Quocunque autem modo se habeant membra contracta, maximè si à vulneribus ortum traxerit immobilitas, ea circa articulos primò fomentis siccis, humidis uel, utpote balneis, ol. cataplasmatibus emollientibus, neruolque roborantibus delinienda sunt: deinde vel manibus leuiter flectenda, vel instrumento ad hanc rem idoneo sensim suauiterque contrahenda vel distrahenda sunt, (nostri vocant *Glieder schrauben*,) per vices modò vnctionem, modò tractionem eousque continuando, donec pars spontè pro necessitate moueri possit. Vide Guillelm. Fabricium Obseru. chirurg. cent. 1. obseru. 83. & de combustionibus cap. 15. Nonnunquam etiam crura, imò & brachia in infantibus, dum ossa adhuc teneriora & molliora sunt, vel à natiuitate, vel post ortum à violentia intorta & incuruata sunt, vel introsum vel extrorsum. Commodissima tùm talia membra dirigendi & corrigendi ratio est in infantibus, ut ossa sensim manibus leniter tractando & dirigendo, fasciisque in contrarium

Fibula.

Cranij depressi eleuatio.

Narium angustia rigens

Contracturæ

Cranij contractura

varium adductis inuoluendo sensim ad naturalem & debitam figuram reducantur. Quod si minus validæ sint fasciæ, aut puer iam incedere concupiscat, parua ocreæ instar soccorum ea forma, quam depinxit Paræus l. 20. *Chir. cap. 11.* pedibus adaptandæ sunt quæ ossa valgorum ita dirigant, ne hinc inde facile incuruentur. Huc pertinent & vari, quales puerorum quidam nascuntur, quidam vitiosa fasciatio-
ne fiunt: quorum pedes dirigere oportet eo modo, quem describit Fabricius ab Aquap. *operat. Chir. c. 100.* Paræus, c. 11. l. 22. Curuorum digitorum Chirurgia traditur à Celso, l. 7. c. 22. *Atque hæc secunda est Chei-
rurgi operatio.*

CAPVT VII.

De Diarexi in genere, & de sectione partium mollium.

Tertia Cheirurgi operatio est diarexis, qua partes corporis coniunctas & continuas diuidit. *Διαρῆσις* autem primæ species sunt Sectio & Vstio, quæ pro administrationis vario modo & partium ratione in differentias plures diuiduntur. Sectio enim quædam mollium est, quædam durarum: & mollium prout cæsim vel punctum fit, in specie *τομή* & *ἀκύντης* nominatur. Quædam tamen operationes rursus ab operationis modo & ab affectibus, quibus curandis inferuiunt, & ab aliis varias appellationes & differentias recipiunt. Ossium & durarum partium est perforatio seu terebratio, rasio, limatio, ferratio. Vstio tandem & mollium & duris communis est; quæ operationes omnes in specie iam explicandæ.

De Vena Sectione.

Primò ergo simplex sectio partium mollium fit vario modo, & ad plures in medicina vsus adhibetur. Primo autem loco hic occurrit venæ sectio, quæ sanguinis è corpore emittendi gratia instituitur. Venam autem aperturus Cheirurgus ad manum habeat fascias seu vinculum, quo membrum, cuius vena aperienda est, arctè vinciendum versus venarum radicem, paulò supra locum incidendum; deinde scalpellum ad venam aperiendam idoneum, benè acutum, tersum, maius minúsve, cuspidè planiore, vel magis acuminata, prout maior minórve vena fuerit incidenda. In cubito acutiores, in manibus pedibúque planiores locum habent. Tertiò lintamina & fascias ad vulnus inflictum obligandum, vt & spongiam ad abstergendum sanguinem. Quartò puluerem aliquem constringentem & consolidantem, ex parte vna thuris & parte dimidiâ Aloës, cuius loco nostri Cheirurgi commodissimè illis fungis puluerulentis exsiccatis, qui in vineis præcipuè crescunt, & crepitus lupi appellantur, vtuntur. Vsurpari etiam possunt splenia aceto rosaceo, vino, vel alio liquore, aut simplici etiam aqua delibuta. Quintò scipionem seu baculum, quo brachium ægri sustentandum, è quo sanguis mittitur. Sextò pelues pro excipiendo sanguine: & plures quidem secus, quàm vulgò fit; easque non æneas, sed vitreas, stanneas, (terreasve) esse vult Fernel. l. 2. m. c. 13. &c. Septimò aliquid liquoris analeptici ex aceto vel aqua rosarum, aut cinamomi, vel cassiæ lignæ portunculæ, caryophyllum vnum vel alterum, aut simile aroma, vt si ægrum animò defici contingat sub operatione ista, ad manum sit, quo vires labascentes statim reuocari possint. Hisce ergo instructus Cheirurgus hominis, cuius sanguis mittendus, vel sedentis, vel si vires non ferant, cubantis membrum illud, cuius vena aperienda, pronum vel pendulum, si eius natura id ferat, situet, vt sanguis ad eam affluat:

deinde eam fricet vel foueat, vt incalascet sanguis & fluxibilior reddatur: postea quatuor digitorum circiter spatio supra locum, in quo vena aperienda, versus venæ radicem vinculum, quod non multò digito latius sit iniiciat, vt sanguine ad illum locum compulso vena tumentior appareat. Ad firmandam autem venam, antequam deligeretur brachiū, ægrum digitos constringere iubeat: muscoli enim contracti intumescunt, & per consequens spatio angustiore conclusam venam firmiter continent, quò minus aciem ferri subterfugere possit. Plerique parti quoque infra locum, in quo vena aperienda est, vinculum iniiciunt, sanguinemque versus eum cōpellunt, vt vena magis intumescat. Atque vincula hæc, prout vena magis vel minus latet, nunc arctius, nunc laxius, constringenda sunt. Vbi studiosè id quoque attendendum est, ne iustò altius attrahatur cutis à vena subiecta, ex quo fit, vt relaxato postmodum vinculo, cutēque in locum suum redeunte os venæ incisæ obstruatur, sanguinisque fluxus intercipiatur, demumque sugillationes, tumoresve circa locum venæ sectæ suboriantur. Nonnunquam, si vena nō satis appareat, aqua calidā membrum fouendum: quod imprimis in partibus, quæ subtiles & non apparentes venas habent, vt sunt pedes & manus, est faciendum, quæ propterea calenti aquæ immergendæ & fricandæ sunt, vt sanguis magis attrahatur, & venæ in conspectum veniant. Quod si ne sic quidem vena in apertum promanet, eam, quo in loco esse solet, digitorum impulsu percontetur, dum ex sanguinis influxu & inundatione quasi explorata sit eius sedes, quam diligenter notabit. Quod si venæ frontis, temporum, sub lingua sint aperiendæ, vincula adhiberi non possunt, sed collum linteo leniter stringendum, vt venæ intumescant. Hisce factis membrum, prout eius natura fert firmandum, ne ad scalpelli impulsu resiliat, id verò fit, si brachium quidem super crus sublatum statuat, pedē verò super tabulam ligneam, quousque sectio facta sit, & postea sensim scalpellum, nunc angustius, nunc latius, prout venæ situs & aliæ conditiones requirunt, intus, quantum satis erit, punctum vel cæsim impellendum, & vulnus faciendum, nunc angustius, nunc amplius, prout venæ magnitudo & sanguis crassior vel tenuior id requirunt. Sunt autem figuræ sectionis tres: recta, transversa, obliqua. Recta quidem & obliqua in cubiti, poplitis & pedis flexuris non tam celeriter ac transversa conglutinator; in aliis verò locis contrarium accidit, in quibus transversa sectio tardius coniungitur. Vbi vena etiā ritè incisa nihilominus sanguis vel ob crassitiam suam, vel ob ægri consternationem, humoribus ad cor recurrentibus, segnius profluit, tūm in priori quidem casu vel calentis aquæ foru per spongiam adhibito, vel tussi, manusve cōmotione ægro imperatā, fluxum promoueat; in posteriori verò casu impositione digiti super os venæ eundem paulisper cohibeat, donec vires aut spontè redeant, aut conuenientibus recreentur modis. Imò etiam quamuis pro ratione sanguis dimanet, ex re tamen fuerit ægri, si in medio cursu digiti vulnere imponat. Sic enim minus vires periclitabuntur, & deterior spurciórque sanguis ex intimis celerius in locum sectionis confluet. Nota autem & cognita Cheirurgo venarū situs ratio esse debet, & venæ, quæ communiter secari solent. In cubito quidem tres communiter secantur: Interna seu Basilica; Externa seu Cephalica; & media, quam Medianam vocant, ex vtrisque composita: in manu saluarella, & quæ inter pollicem & indicem est, aperitur, & vena poplitis, & vena malleoli tam interni quàm externi: item venæ in magnis oculorum angulis, sub lingua, vena frontis, iugularis. Quæcunque autem secetur, diligenter cauendum, ne arteria aliqua, nervus vel tēdo vulneretur. Sub basilica enim arteria comes delitescit: sub communi nervus: sub vtrisque musculorum

Quæ vena
secantur.

lorum tendines plerumque substernuntur; Cephalica tutius secatur, cui neque nervus, neque arteria subiacer. Fluente sanguine ad ægri vires respiciendum. Si enim lapsus virium instare indicet sanguinis fluxus remittens, oscitatio, nausea, pulsus languidus, coloris faciei mutatio, imposito vulnere digito sanguis sistendus, æger supinus collocandus, facies aqua frigida vel rosacea aspergenda, & panis vino madidus ad odorandum offerendus. Vulnus spongiâ abstersum postea fascia debito modo obligandum, & aliquid, si opus, fungi illius puluerulenti vel pulueris ex thure & aloë cum linteolo apponendum, vel splenium simplici, vel adstringente liquore imbutum imponendum, & membrum conuenienter vel suspendendum vel collocandum, donec valens cicatrix sit, quod in aliis citius, in aliis tardius contingit. Si eodem die iteranda est missio sanguinis, plaga oleo inungenda, deliganda, & postea iterum aperienda, ita ut aduerso medio digito vena bis terve feriatur, ad rumpendum coalitum superficiale, si forte iam oræ eiusdem concreuerint: aut si firmior iam euaserit coalitus, quam ut sic rumpi possit, idem repetita sectione leui diuellendus. Quod si verò altero die iteranda est sanguinis missio, in loco conueniente sectio repetenda. De venæ sectione plura videantur apud Horat. Augenum, *de ratione curandi per sanguinis missionem*, l. 9. & de iugularium venarum sect. in specie Guilel. Fabricium, *Cent. 4. obs. 14.*

De Abscessuum apertione.

*Abscessuum
apertio.*

Cum materia in tumoribus non semper per medicamenta dissipari possit, neque etiam abscessus semper sponte rumpantur; & quanquam maturantibus & cutem extenuantibus medicamentis apertio adiungetur: tamen ea nimis diu protrahatur, atque interea pus serpat, vicina erodat cariemque ossibus afferat: interdum etiam materia venenosa sit & ad partes internas viam affectet, sæpe etiam abscessus propè partem principem, articulos, anum, inguina consistant, sæpe ferro abscessus & vomica aperienda sunt. Ut verò hoc recte fiat, Cheirurgus venarum, articularum, neruorumque ductus & musculorum exortus ac fibras nosse debet, ne si vulnus venis & arteriis maioribus, nervis vel tendinibus infligat, hæmorrhagiam insignem, convulsionem, & motus voluntarij læsionem inducat. Abscessus autem aperiendi duplices sunt. Vel enim materia in tunica seu folliculo includitur, vel folliculum non habet, ut monet Celsus, l. 7. cap. 2. De utraque dicendum. Si materia tunicæ non includatur, omnibus, quæ ad sectionem necessaria sunt, apparatis, vitatis vasibus maioribus, nervis, tendinibus, ei parti plaga infligatur, qua tumor in fastigium attollitur, ac cutis tenuissima est, eo scilicet loci, vbi digitis cedens, tactu mollior tumor percipitur: ita tamen, ut quantum fieri potest, in parte decliuore fiat, monente Galeno, 13. *meth. med. cap. 5.* Sic enim materia facilius effluet. Fiat autem plaga secundum rectitudinem vel fibrarum partium subiectarum, vel rugarum cutis, vel membri ipsius. Quanquam enim cutis peculiarem aliquam fibrarum figuram non habeat, utpote quæ non omni fibrarum genere intertexta est: tamen partium subiectarum, præcipue musculorum, fibræ attendendæ sunt: Si tamen scapello fibræ attingi possint; quod sæpe non accidit, vbi pus statim sub cute latet, ac tum ad fibras respicere opus non est. Si verò & aliàs fibræ nullæ subiectæ sint, ut sub cute capitis & nasi, & in medio frontis & pectoris, vel rugarum rectitudo, ut in fronte, attendenda, ne si transuersa fiat sectio, contractis rugis cicatrix replicetur: vel ipsius membri longitudo obseruanda ne si transuersa fiat, labium inferius pondere suo vulnus diducat, & latam cicatricem efficiat. Nonnunquam ad corpora subiecta

respiciendum. In collo enim propter subiecta corpora longè tutius secundum membri rectitudinem fit sectio. Instrumenta autem, quibus vtendum Cheirurgo, sunt scalpella, instrumenta nimirum ad incidendum idonea, quorum plura pro figurarum varietate differentia habentur & requiruntur, recta & recurua seu falcata, ex vna & vtraque parte incidentia, phlebotomum seu instrumentum, quo nostri Cheirurgi in aperiendis venis vtuntur; quæ depicta extant apud Ioan. Andr. à Cruce; Paræum, lib. 7. c. 8. lib. 9. c. 60. Excogitati quoque sunt ad fallendum ægros, qui facile terrerentur aspectu ferri, ab artificibus nummi, annuli, sclopi, cannæ, ferrum aliquod incidens pungensve occultantes, de quibus & eorum vsu Paræus, lib. 6. c. 20. Sectionis autem magnitudo metienda ex materiæ euacuandæ qualitate, quantitate, atque ex subiectis partibus. Si enim materia tenuis est, nec profundius sita, aut cum multa vasa subiecta sunt non valde profunda, fiat foramen angustius: Si verò materia crassa sit, copiosa & pauca vasa vel profunda, fiat foramen latius. Factâ incisione, & materia aliqua ex parte euacuata, ut & reliqua euacuetur, & ne vulnus, antequam materia tota sit euacuata, iterum conglutinetur, penicillum seu turundam, vnguento aliquo pus mouente, & deinde detergente illitam, immittere conuenit. Et si orificium vlceris vel apostematis aut sponte aperti vel ferro incisi, quam par est, sit angustius, dilatandum: quod sit, turundâ vel penicillo immisso ex spongia vehementer compressâ & contorta, & filo alligatâ, vel radice rapi siccati, vel ex radice bryoniæ aut gentianæ. Hæc enim postquam humiditatem vlceris imbibunt, in maiorem molem dilatantur, & simul orificium vlceris extendunt. Deligatio tandem ea instituitur, quæ ad saniem excernendam est accommodatissima, qualis est, quæ à sana parte incipit, & ad orificium apostematis terminatur, quâ quod subest, exprimitur. Quod si fascia satis præstare non possit, spleniis simul apposis & per fascias constrictis pus ad orificium vlceris pellitur. Collocatio quoque membri talis fieri debet, ut & pars sine dolore sit, & sanies ac pus ex apostemate commodè effluere queat. Qua de causa etiam nonnunquam in decliuore tumoris parte sectio facienda. Si verò folliculo seu panniculo inclusa sit materia & tumor magnitudine nucem iuglandem non æquet, vnica sectio per longitudinem tumoris facta ad extrahendam materiam cum suo folliculo sufficit. Qui verò ad magnitudinem nucis iuglandis accedunt tumores, ad crucis modum seu decussatim inciduntur, ut abscessus integer extrahatur. Et diligenter in horum abscessuum apertione est laborandum, ut folliculus integer extrahatur. Si enim rumpatur, materia contenta effluit, & folliculus amplius non extrahitur, sed remanet, & vlcus scdum ac ferè incurabile redditur. Ideoque secto per medium abscessu tunica illa, quæ alba est, & hoc modo à cute facile discerni potest, sinistra manus summis digitis, pollice & indice, apprehédenda, dextra verò scalpelli manubrio, aut si hoc non sufficit, ipso scalpello cutis à folliculo separanda, ut folliculus integer seruetur & extrahi possit, donec ventum sit ad fundum eius, vbi vena inseritur, quæ transuersim præcidenda est, cauendo studiosè, ne portio folliculi venæ coniuncta relinquatur cum recidiuæ metu. Plura de abscessuum apertione videantur apud Hieronymum Fabricium, *de operationibus Cheirurgicis, titulo, Carnis Cheirurgia seu incisio tumorum.*

De Fistularum Incisione.

Pertinet hûc & fistularum apertio. Etenim cum fistulæ sæpe aliis medicamentis curari nequeant, nisi *Fistularum apertio.* sinus fistulæ denudetur & pateat: totus ductus eius incidendus; quod sit peculiari, instrumento, quod *σφινγτομον* ideo Græci nominant, cuius delineatio videatur

videatur apud Iohan. Andr. à Cruce & alios Cheirurgos. Fit etiam filo, olim quidem crudo & lineo, nunc serico & infecto: cuius Chirurgiam ex Hip. *l. de fistul.* exscripsit & planissime proposuit Celsus, *l. 7. c. 4.* in quâ instrumenta ad traiectionem fili per cuniculum vlceris necessaria variant, prout fistulæ in fundo vel apertæ sunt vel opertæ. In his enim specillum obtusum ac cuspide globosâ præditum sumitur: in illis acutum, vt circa fundum fistulæ caro cutisque perforari possit: cuius duplex schema vid. apud Fabric. *Hild. Cent. 4. obs. 84.* Ipsa verò constrictio fili vel paulatim fit & minori cum tormento, vel contra. Et quidem alia ex his instrumentis alterâ extremitate, quæ primò in fistulam immittitur, acuta, alia retusa & globosa sunt; illorumque vsus est in fistulis, quæ non penetrant; horum ad eas, quæ penetrant. Omnium citissima & momentanea quasi est incisio, quæ ferro fit illo, quod idem Fabricius, *eadem obseru. sub fin.* in curatione abscessus tibiæ depinxit. Id cereo globulo circa cuspidem obuoluitur, quod minus in immisione carnes laceret, aut in sinu hæreat infixum. Hinc in fistulam immittitur, & vbi ad fundum eius pertingit, per carnem & cutem super incumbentem adigitur, vt globo cereo in vlcere remanente cuspis per foramen factum exeat, quâ apprehensâ vno ictu citâque tractione cutis cum carne diuellitur. Instrumentum istud vnâ extremitate acum refert, sed maiorem ac styli instar grandiusculam, eâque vel acuta, vel globosa, prout fistula vel non penetrat, vel penetrat: postea sensum instar cultri falcati latius est, inferiore parte obtusum, alterâ falcatâ acutum. Hoc enim si extremitate illâ acum seu stylum referente per fistulam totam transmittatur, donec extremitas illa manu satis apprehendi possit, & hinc manu per fistulam extrahatur, subito & minore cum dolore à parte instrumenti latiore & supra acutâ totus sinus inciditur.

De Partium præter naturam vel ab ortu vel post ortum coniunctarum separatione.

Ad sectionem hanc deinde meritò refertur partium, quæ præter naturam à primo ortu coniunctæ sunt, separatio per sectionem. Quò primo loco referenda est vinculi linguæ sectio. Accidit enim nonnunquâ, vt vinculum linguæ nimis strictum sit, quod locutionem impedit, licet ex centum millibus vix vnum nasci ita affirmet Fabric. ab Aquap. *Operat. Chir. c. 36.* Tum ergo extrema lingua, vel digitis vel volfella vel forcipe apprehendenda, & nerueum illud sub ea vinculum, quod obstetrices plerumque vnguibus statim natali die, nec necessariò, nec feliciter, vt vterque monuit Fabricius, dilacerare solent, transuerso vulnere, quantum opus est, incidendum, cauendo diligenter, ne venæ, quæ iuxta appositæ sunt, lædantur. Celsus *l. 7. c. 12.* Postea aqua vino permista vel melle rosaceo os colluendum. De qua operatione videatur quoque Guilielmus Fabricius, *Cent. 3. obseru. 28.* Nonnunquam accidit, vt membrana quædam extremum auris meatum occludat, quæ & ipsa instrumento pungente & incidente, quod *πυλοπομαχαιον* appellant, incidatur, viâque sic patefactâ imponatur eò pinna illita medicamêto cicatricem inducente. *Cels. l. 7. c. 8.* At vbi auris meatus subtensa caruncula vel mēbrana alrè repletus est, illum attingere non oportet, ne sine spe effectus distensio neruorum oriatur, & ex eâ mortis periculum sit. Ano quoque non perforato nonnullos nasci, & intestinum rectum membranâ quâdâ occludi obseruatum est; cuius rei historias collegit Schenckius, *lib. 3. obseru. med. tit. de Intest. rect.* Platerus *l. 3. obseru. tit. de deform.* & Guil Fabricius *cent. 1. obs. 73.* quæ si digito perumpi non possit, scalpello, linteo iuxta aciem inuoluto, ne lædatur sphincter crucis modo ad angulos pectos incidatur, vinòque austero abluatur, & postea vbi scilicet speculo ano immisso

intestinum subsidens dilatatum aliququaliter fuerit, fistula plumbea parua inuncta medicamine desiccante, veluti vnguento de cerussâ, de minio, de pompholyge imponatur, & per aliquot dies intus seruetur, ne rursus coalescat. Exemplum talis curationis habet Guil. Fabric. *Cent. 1. obseru. 63.* Interdum tam altè foramen istud repletum est, vt vestigium ani obscurum sit, ac prementi nihil cedat. Id attingere non oportet, ne sine effectus spe in sphincterem connatum aciem inprimamus, aut exterior tantum cutis discindatur, intactis intersepientibus membranis, quæ profundius interdum sitæ sunt, quàm vt attingi possint, aliquando carne spongiosâ crassiore obducta, vt obseruationes citatæ ostendunt. Nonnunquam & fœminis sinus muliebris à primo ortu membranâ quadam obducitur: id quod tum alij authores, quorum obseruationes congeffit Schenckius, *l. 4. obs. med.* & præter eos Guil. Fabric. *cent. 3. obseru. 60. & 61.* Plater. *lib. 1. obs.* annotarunt, tum ipse ante biennium in puellula annua vidi, cui ita sinus iste membranâ occlusus erat, vt vrina per exiguum & visu vix conspicuum foramen efflueret: quæ membrana, me præsentē, à Cheirurgo secundum longitudinē, stylo exploratorio per foramen illud exiguum prius immisso, facili negotio dissecta est. Facilis enim est hæc operatio, & secundum longitudinem rectissime membrana discinditur. Aliquibus concreta omninò genitalia existunt, qualiter natam Corneliam Gracchorum matrem, infausito omine scripsit Plinius, *l. 7. n. h. c. 16.* Vbi labia ipsius rimæ diuarcatis reductisque poplitibus syringotomo, quâ coherent illa, secundum longitudinem rectâ lineâ diuidenda, ac linamentis conuenientibus interpositis oræ ad sanitatem perducendæ sunt. Aliquando hymen seu membrana subtensa, aut latera meatus agglutinata viam intercipiunt. Si enim foramen dictæ membranæ non in medio, sed sublimiori loco constitutum sit, ita vt vacuum colli matricis spatium non oppositum habeat, ac per consequens congressum maris prohibeat, amplius id fieri; quod si planissime occlusum sit, oportet id duabus lineis transuersis, secundum Celsum quidem, *l. 7. c. 18.* ad similitudinem literæ X, secundum Fabricium ab Aquap. verò, qui nympharum vulnerationem metuit, lineâ rectâ incidere, nouaculâ acutissimâ, vndiquaque apte linetolo inuoluta, exceptâ illâ parte, quæ penetrare debet, ne aliquo manus imperu altius immergatur acies, quàm par sit. Cuius incommodi euitandi gratiâ paulò aliter operatur Guil. Fabric. Nempe facto leui foramine in membrana prætensa, immittit stylum excauatū, ac incuruo cultello, seu syringotomo, cuius dorsum innititur styli canaliculo, sectionem instruit (instrumenta depicta sunt *Obseru. 61. Cent. 3.*) factâ operatione turundæ, quæ lemnisci vocantur, maximè si altius in collo discissa fuerit membrana, ex molli stupa, ouî albumine ac rosarum aquâ imbuta, vel alia pessariâ ex spongia cerea, radice gentianæ, plumbei item aneive canales conuenientibus linimentis inuncti imponuntur, eoque, donec coalitus metus abierit. Non absimili Cheirurgia vtendum, vbi caro increuit, & isthmū parit, vel in orificio vteri exteriori, vel in collo eiusdem, quam ex vlcere malè curato oriri non præter rem statuit Celsus, *d. 1.* Carneum igitur illud sepimentum rectâ lineâ primum incidere oportet, adhibito, si opus sit, speculo matricis, ita vt dens speculi superior, vesicæ ceruicem reprimat, reliqui latera colli vtrinque expandant. Dehinc, per spongiolam immissam sanguine exterso, foramen factum diductis aliquo ferramento hinc inde labiis dilatandum; aut carunculæ ab vtraque parte auferendæ sunt, idque vel pulueribus exiccantibus aut corrosiuis, vel cultris aut forcipibus excisoriis, qualis est, quem pro extirpando polypo Fabric. ab Aqu. *c. 25. operat. Chir.* habet. Demum pessariis illitis abster

Pudendi muliebris.

abstergente, exiccante, ac reprimente medicamento, vel fistulis plumbeis vaginæ vteri respondentibus locus apertus tenendus, ac ad cicatricem perducendus. Talium observationum & curationum exempla etiam habentur apud Hieronymum Fabricium de operationibus Chirurgicis, & Guil. Fabric. *Cent. 3. Obs. 60.*

Præputij. 61. Nonnunquam & hoc euenit, ut ab ipso ortu præputium adeo strictum sit loco anteriore, ut detegere homo glandem non possit. Ex quo si aliquid incommodi oriatur, præputium strictum ampliari potest turundâ aliquâ, quæ ubi humectatur, intumescit valde: ad quam rem commoda est medulla Sambuci vel sorgi seu milij Indici vel Saracenici: & ut diutius hære, & tamen vrina reddi possit, potest in medio medullæ canaliculus ex argento inferi. Potest etiam præputium strictum ampliari, ut facit Fallopius *c. 24. de morbo Gall.* per fistulas plumbeas, quas per octiduum imponit, ita ut posterior priori semper sit maior, extrinsecus, si opus sit, emollitione quoque facta ex ol. amygd. pinguedine gallinæ vel pomada: Quod si hoc modo non satis dilateretur, sectione utendum. A summa nimirum ora cutis Syringotomo rectâ lineâ vsque ad frenum inciditur, atque ita superior pars relaxata retrò cedere potest. Cels. *lib. 7. c. 25.* Nonnunquam etiam præputium cum glande cohæret, id quod aliquibus à natiuitate contingit, & tum vinculum hoc per medium abscindere cultello separatorio necessum est, ita tamen, ut neque præputium neque glans lædatur, aut certè hæc potius, quàm illud, quod scissum præputium resarci nequeat, ex sententia *aph. 19. l. 6.* Imposito postmodum linteo duplicato, ouique albumine ac rosarum aqua imbuto, tum digestiuo per aliquot dies applicato, per exiccantia demum cicatrix inducenda est. Exemplum talis curationis videatur apud Guil. Fabric. *Cent. 3. Obseru. 54.* Sæpius autem præputium glandi conglutinarum est ab exulceratione Gallica. Quo in casu mauult Fabricius ab Aq. diuisionem instituere, acie obtusiore scalpelli, aut ipsius manubrioli, quod faciliori opera, quæ ex recenti vlcere coaluerunt, separari possint, *oper. Chir. c. 68.* Præputium si sit continuum, & imperforatum seu imperuium, ita ut nec vrina reddi possit, apex eius forficula incidendus est, secundum Platerum in Obseru. aut ut vult Mercurialis, *lib. 1. c. 9. de morbo pueror.* via facienda ferro rotundo ac ignito, hinc cannula plumbea inferenda pro vrinæ exitu, ac consolidandis viis. Euenit quoque interdum, ut glans non sit perforata, atque infantes sine foramine in glâde, per quod vrina emittitur, nascantur. Tum ergo statim spatâ mirteo aut oliuari folio simili aut gladiolo seu lancetta vulgò dicta foramen aperiendum, & in foramen clauus subtilis plumbeus, inunctus linimentorum modò dictorum aliquo, immittendus, qui in mingendo auferatur, atque iterum immittitur, idque per dies tres aut quatuor, donec cicatrix coaluerit. Tandem nonnunquam infantes nascuntur, quibus digiti aliqui cohærent, qui scalpello diuidi possunt, si scilicet nulla alia re, quàm cute & carne exigua cohæreant, cauendo tamen, ne vena aut neruus aliquis lædatur: deinde vtri-que emplastrum non pingue circumdandum. At verò si præter cutem interuentu etiam tendinum vel nervorum vnio facta sit, ob metum conuulsionis à sectione abstinendum est. Vide Cels. *lib. 7. c. 22.* Verum non solum à primo ortu partes quædam præter naturam cohærescunt, sed & post ortum coalescunt: quæ & ipsæ separandæ sunt. Ita nonnunquam palpebræ oculi inter se coalescunt, ut oculus aperiiri nequeat, vel cum oculi albo cohærescunt, quod accidit, ubi vlcera oculi negligenter curantur. Neque solum hoc palpebris accidit, sed & digitis exulceratis; imò & aliis partibus. De palpebrarum coalitu videatur Cornelius Celsus, *lib. 7. cap. 6.* Reliquarum partium coalitus non alio ferè modo, quàm partium à

primo ortu præter naturam cohærescentium curatur.

De Scarificatione.

Est deinde inter mollium partium *διαιρέσις* scarificatio. Est autem illa duplex: vel superficialia, quæ cutis tantum leuioribus incisionibus aperitur; vel profundior, quæ altioribus plagis vulneratur; & rursus vel cum vel sine cucurbitulis. Est item alia æqualis, in quæ compunctiones omnes eadem profunditate fiunt, alia inæqualis, in quæ secus sit. Euacuaturque scarificatio humores in cute contentos, & proinde ad reuulsionem, deriuationem, eorumque in cute contentorum euacuationem calorisque ventilationem est utilis. Perficitur autem phlebotomo seu scalpello. Et ut proprior succedat euacuatio, cucurbitulæ plerumque cum flamma, quæ humores potentius attrahunt, affiguntur, & pars scarificanda prius lauatur aut fouetur aquâ tepidâ, aut propter fornacem calefit. Tandem ubi scarificatio debito modo peracta est, loca scarificata abluuntur aqua tepida, ac quandoque plagulæ seuo pauco oblinuntur. Nonnunquâ tamen etiam sine cucurbitulis scarificatio adhibetur. Non enim idem est scarificatio cum cucurbitulis scarificatis, ut nonnulli existimant; & scarificationes quoque sine cucurbitulis antiquis in vsu fuerunt; ut ex separatis de iis tractationibus apud Galenum, & Oribasium patet. Scarificationum autem vsum etiam apud Græcos non frequentatum existimat Hôr. Augenius, *lib. 10. de miss. sang. cap. 12.* mentionem tamen earum facit Gal. *l. de curat. per sang. miss. cap. 19. & 3. de loc. aff. c. 4.* & antiquis in vsu fuisse patet ex iis, quæ Oribas. *l. 7. coll. med. p. 16.* ex Antyllo de cucurbitulis scribit. Hodie scarificantur frequentius occiput, & superior colli pars, scapulæ item, & lumbi, brachia, crura. Antiquis ad euacuationem totius, sanguinisque immutationem præcipuè in vsu fuit malleolorum scarificatio, quæ proximè ad venæ sectionem accedit. Quæ autem ea fuerit malleolorum scarificatio, nō ita planum est. Nam malleolos scarificare, vix consultum videtur. Pars enim hæc ex sanguis est, & per eam sanguinis euacuatio, quæ venæ sectionis vices gerat, vix fieri potest. Est præterea pars hæc excarnis, nervosæque partes subiectas habet, ut sine periculo vulnerari non possit. Qui Ægyptum nostris temporibus adierunt, ut ex Prosp. Alpino, *lib. 3. de medic. Ægypt.* videre est, testantur, iis in locis vltimatissimam esse suræ scarificationem, ad quam quasi ad sacram anchorâ in quibusvis morbis desperatis confugiant, & in quauis etiam ætate vrantur. Eam autem hoc modo administrant. Partem scarificandam calente aqua fouent & perfundunt, manûque & arundine verberant: deinde sub genu ligant, iterumque aqua calida fouent & verberant, ut sensum quasi amittat. Hinc tractim, *καὶ συνεχῶς* & *καὶ πλεονῶς*, ab ima parte versus superiorem, longis, æqualiter distatibus & multis, vel quadraginta, si sanguinis euacuandi copia id requirat, incisionibus partem vulnerat, & ita sæpe, sine magno dolore, magnam sanguinis copiam euacuant; ut referant, Turcam quendam hoc modo tres libras sanguinis ægro extraxisse. Verum an hæc illa antiquis vltimata malleolorum scarificatio sit, dubitare licet: cum Galenus *καὶ συνεχῶς* malleolorum, semper mentionem faciat; Ægyptij verò non malleolos, sed *γαστρονήμιον*, id est, suram, seu tibiæ partem carnosam scarificent. Quæ tamen Orib. *l. 7. med. collect. c. 18.* ex Antyllo de scarificatione scribit, ab Ægyptiorum scarificatione differre non videntur. Et cum initium scarificationis semper fieri debeat à partibus inferioribus, atque hac ratione in crurum scarificatione à malleolis, seu partibus malleolis vicinis fiat: ea de causa hanc suræ scarificationem malleolorum scarificationem appellatam fuisse à Galeno, quis existimare posset.

Pertinet postea ad partium mollium dissectionem & ἀγγειολογία, quæ in genere omnem vasa dissecandi rationem significat: strictiore tamen significatione pro illa saltem usurpatur, quæ fit in fronte vel temporibus: cuius usus est in hemisphæria & diuturnis atque acutis oculorum doloribus & lachrymarum longo fluxu ex calido acrisque humore. Administratur autem hoc modo: Aegro rectè collocato, locus aqua calida, si vasa non satis sint conspicua, foveatur, vel cernix, si vas in capite sit secandum, leniter mantili constringatur, ut vasa intumescant. Vbi oculis vasa satis patent, id, quod secandum est, atramento notetur, cutisque vtrinque partim sinistra manus Chirurghi digitis, partim ministri attollatur, & superficialia sectione secundum notam atramento factam dissecetur, cauendo, ne vas secetur: hinc paulatim subiacens cuti membrana dissecetur, donec ipsum vas à circumiacentibus partibus studiosè auultum nudum appareat. Tum vas hamulis retulis eleuetur, & acus validum filum trahens sub ipsum in utroque sectionis extremo traiciatur, & sublata acu filum dimittatur. Idem in altero sectionis termino fit. Postea vas medio inter duo fila spatio secatur transuersum scalpello, & postquam sanguinis, quantum satis ex eo fluxit, utraque vasis dissecati extremitas filis subiectis arctè deligatur. Plaga siccis linamentis impletur, & splenium cœnelæo madidum imponitur ac conuenienter deligatur. Sequentie die vino & oleo iterum irrigatur. Tertio soluitur, & adhibitis dolore lenientibus, faniem & sordes detergentibus, donec orificia vasorum coalescant, & vincula decidant, curatio, ut in aliis vulneribus, pertexitur. Verum enimverò istæ operationes, ut & aliæ quædam, in desuetudinem ferè deueniunt; quod & difficiles & periculosæ sint, cum propter vasorum profunditatem vel exiguitatē, tum propter musculos temporales subiectos: & quod arteriarum sectio omnino diligentem operam requirit: quæ tamen antiquis non inuitata fuit, qui non solum venas, sed & arterias, quæ sunt post aures, in fronte, in temporibus secabant, si in iis sanguis calidus & vaporosus contineretur: de quo Gal. l. 3. meth. med. c. ult. Recentiores tamen, ut apud Paræum, lib. 1. 6. c. 4. videre est, istas arterias simplici sectione, non aliter ac venas incidere cœperunt, & vulnus medicamento ex aloë, thure, sanguine Draconis, mastiche & pilis leporinis, albumine oui exceptis, parato occluserunt. Veruntamen arterias secandi ratio omnino tuta non est, quod simplicem sectionē, nisi diligenter occludatur, facile ἀνευρεσµα consequatur. Ad has operationes Varicum quoque sectio referenda. Quandoque enim venæ non solum dilatantur, sed etiam quodammodo intorquentur, & quasi nodos quosdam contrahunt: quod fit à sanguinis crassi repletionē, quæ dilatio Varix dicitur. Atque oriuntur Varices in temporibus, in ventre, in testibus, frequentissime autem in cruribus. Qui, si magni sint & maximè sanguine repleti, & ob repletionem dolor oriatur, & periculum sit, ne vas aliquod rumpatur, & insignis hæmorrhagia sequatur; aut si vlcus malignum foveant, excindendi sunt. Eadem autem ferè fuit ratio Varices excindendi apud Antiquos, quæ aliorum vasorum modò propolita, ut ex Celso, l. 8. c. 31. & Paulo Aeginet. l. 6. c. 82. videre est. Verum cum Varicum per extractionē seu incisionem curatio non modò aspera sit & difficilis, sed etiam plerumque non feliciter succedat, propter sanguinem effluentem, qui opus impedit: aliam curandi Varices rationem sine ipsorum extractione inuenit Hieronymus Fabricius, de Chirurg. operationib. tit. de Varicum Chirurgia. Cum enim tria ad Varicum curationem sint necessaria, sanguinem fluentem inhibere atque intercipere: eum, qui in vena continetur, eamque

distendit, euacuare: & venam dilatatam constringere: Tria ista hoc modo perficit. Ad sanguinem intercipiendum in principio & sine varicis vinculum iniicit: quod fit volsella recurvata, aut hamo aut duobus digitis summis vena apprehensa & eleuata; inde acum filum trahente per inferiorem venam transmissa & alligat, & eā in parte cutem incidit, ut vena apparere & ligari possit. Ad sanguinem verò, qui venam extendit, euacuandum ex doctrina Hip. l. 1. de vlc. sub finem, non magnā incisione venam secat; cum ex incisuris ob influxum ex varice magna vlcera fiant: sed varicem multis locis, prout opportunum videtur, compungit, ut sanguis sensim effluat. Tandem dilationem adstringit hoc modo. Medicamentum conficit ex pulueris boli armeni, mastiches, sang. Dracon. partibus æqualibus, quæ cum tragacantha in vino granatorum aut omphacio macerata miscet, ut crassescant intar ceræ; quam massam in candelæ quasi figuram format, & varici secundum longitudinem imponit, & supra medicamentum istud arundinis corticem concavum, qui medicamentum tegat & contineat, apponit. & vinculis & fasciā angustā circa crus constringit. Ita enim compressione cum fasciæ tum arundinis & medicamenti adstrictione varices quasi contabescunt. Et si Varix exiguus sit, dimissis vinculis & Hippocratis compunctionibus, tantum vitur medicamento isto cum arundine super longitudinem varicis imposito, & fasciā arctè deligatur. At in varice, cui vlcus cōiunctum est, frustranea est mitior hæc Chirurgia, nisi accedat insuper varicis excisio, quo superstitite vlcera varicosa consolidari nequeunt. Varicis curati exemplum videatur apud Guilh. Fabric. Cent. 4. Obser. 85. Ad ἀγγειολογίαν etiam referri potest ex Paulo Aeginet. lib. 6. cap. 37. & 64. ἀνευρίσματος sectio, quæ ibi videatur, quæ tamen vix, nisi exiguum sit ἀνευρεσµα, & in parte ignobili, nec insignibus vasis prædita, tentanda: cum sine magno periculo hic errari non possit. Mitior ergo, & quæ periculo vacat, est aneurismatis curatio, per emplastra ac deligationes astringentes, cuius exemplum est apud Fabric. Hild. Cent. 3. Obser. 44. De Ramicum in inguinibus vel scroto ortorum sectione supra c. 5. dictum. Sunt quædam & aliæ sectiones, quæ huc referri possent, quæ tamen commodius postea in ea operatione, quæ ἐξάρσις dicitur, explicari posse videntur. Ergo iis missis ad παρὰ κέντησιν, peculiarem διαρρέσεως speciem accedimus. Παρὰ κέντησις est plerumque in specie pro abdominis incisione, qua hydropicorum aquæ euacuantur, accipitur: tamen in genere omnis punctio voce παρὰ κέντησεως denotatur, & apud antiquos etiam aliarum partium punctio, ut quæ fit in suffusionis oculorum curatione, ea attribuitur. Fit itaque παρὰ κέντησις in variis partibus, & vel acu vel scalpelli cuspidē. Celebris & vetustissima est hæc operatio in abdomine ad aquas hydropicorum euacuandas, quæ & generis nomen retinuit, cuius meminit Hippocrates, lib. de παθῶν, lib. de ἥσ. ἐν τῷ παθῶν, lib. de locis in homine, 6. Epid. sect. 7. i. 8. 6. Aph. 27. sed ferè sub sectionis nomine, quod scalpelli cuspidē fiat. Eandem tradit Aëtius, tetrab. 3. serm. 2. c. 30. Paul. Aeginet. lib. 3. c. 48. Cels. lib. 3. c. 22. lib. 7. c. 15. Albucasis, Chirurg. lib. 2. c. 54. Erasistrato equidem displicuit: tamen necessaria sæpe est. Nam, ut Celsus, loco allegato, ait, aqua intus contra naturam subsistens visceribus & cæteris interioribus partibus nocet. Et quamuis emissus humor non sanat: medicamentis tamen locum facit; quoniam intus conclusus impedit. Neque tamen omnes in hoc morbo sic curari possunt, neque omnibus hoc morbo laborantibus παρὰ κέντησις comperit, sed in Ascite tantum, aut cum reliquis hydropis speciebus aqua permista est, & quando breui tēpore tumor ad insignem magnitudinem peruenit, & medicamenta nō iuvant, & dum vires adhuc constant; in ægro scilicet, qui

Aneurismatis sectio.

παρὰ κέντησις.

fine

Quo in loco
paracentesis
facienda.

sine febre est, sine pulmonum ulcere, sine fluxu alui, corpore non emaciato, ætate adhuc florente, & ut P. Aegineta, lib. 6. cap. 50. clarius explicat, dum æger adhuc erectus stare, aut in sedili commodè assidere possit. Nam ubi vires iam conciderunt, frustra hoc præsidium tentatur; sicut & in ascite, qui à scirrhus hepatis aut à morbo aliquo acuto existit. Ut autem sectio hæc rectè administretur, primò de loco dispiendum; & quidem quatuor in locis incidi posse abdomen, docent authores; In umbilico, seu umbilico tribus vel quatuor interpositis digitis, & hoc vel in dextra, vel in sinistra, vel in media parte. Commodissimum autem aperiendi abdomen locum expressit Hippocrates, lib. 6. c. 50. dum scribit, quod venter secetur, ἢ ὀφθαλμὸν τὸν ὑπερῶν, ἢ ὀπισθεν καὶ τὴν λαγόναν, vel iuxta umbilicum, vel retrò iuxta ilia, non autem eâ parte, quæ est inter umbilicum & pubem, quam ἡτρον appellant, tum propter lineam albam, quæ ibi est, ad quam musculorum ἀπονεύρωσις pertinet, tum propter musculos rectos ventris, qui sub umbilico transversis nodis, veluti geniculis, distinguuntur. Vnde Hippocr. lib. 6. Epid. sect. 7. 1. 8. expressè iubet, μὴ λαβεῖν ἡτρου, μήδ' ἐπ' ἑσώ. Nimirum is locus eligendus est, in quo partes abdominis præcipuè internæ minimè læduntur. Vbi ergo umbilicus ita laxatus apertusque est aut tumens, ut inter exteriorem partem ac internam cavitatem & aquam tenuis tantum cutis intercedat, quæ vel ipso tactu digitique compressione ac perspicuitate deprehenditur: commodissimè in ipso umbilico fit sectio. Locus enim ille tum est elatissimus, & maximè omnium ab intestinis distat: ac natura ipsa sæpè per hanc viam aquarum in hydropicis excretionem tentat. Imò quidam, inter quos est Andreas Laurentius, lib. 6. Anatomia, quæst. 9. saltem in umbilico sectionem hydropicorum instituendam censent. Verum si laxitas hæc non appareat in umbilico, alij eum non perforandum censent: cum aquæ eò non vergant, & ne nimis, quàm par est, umbilicus dilateretur. Ac rùm subiectæ & inferiores umbilico partes perforandæ sunt. Et quidem cum venarum & arteriarum læsio vitanda sit, rectos musculos vitare convenit, qui præ cæteris venas illas ascendentes & descendentes in se excurrentes habent insignes & numerosas. Et propterea perforatio infra umbilicum tribus vel quatuor digitis, aut à dextris aut à sinistris ad latera musculorum rectorum, tribus vel quatuor digitis transversis à medio abdominis ad partem carnosam musculorum obliquè descendantium, itémque transversorum instituenda: in dextris quidem, cum lienis vitio, in sinistris, ubi hepatis vitio hydrops ortus est. Primò ergò locus diligenter atramento notandus, ægerque, si propter aquam abdomen valde tumidum sit, in lecto supinus vel in sedili collocandus, & scalpellum ad oliuæ vel myrti folij similitudinem paratum, cuius latitudo ferè digiti partem tertiam impleat, aut scalpellum, quo vena inciditur, ita in abdomen demittendum, ut & ipsum & subiectum ipsi peritonæum penetret. Hinc aurea, argentea, plumbea, vel ænea fistula immittenda, quæ sit teresa; adeò longa, ut saltem in cavitatem pertingat, tribus, quatuor aut pluribus foraminibus, ad latera perforata, quæ in parte superiore alam habeat, ne intrò labi possit, incurvata nonnihil ad extrema, ut sine difficultate immitti possit, & ne intestina attingat, & quæ foramini exactè respondeat. Schema eius vide apud Paræum, lib. 7. c. 12. Chirurg. Per hanc pro virium ratione aqua sensim, non confertim extrahenda est: cum, ut Hippocr. 6. aph. 28. scribit, quicumque suppurati, aut aqua inter cutem laborantes vruntur aut secantur, si pus aut aqua uniuersa effluxerit, omnes moriuntur. Quantum autem emittendum sit, vires quæ ex pulsu rectissimè cognoscantur, docebunt.

Quando in
umbilico fa-
cienda.

Quando in-
fra umbilicū.

ὅταν ἐν τῇ
οἷς
quomodo in-
stituenda.

Cum enim pulsus debiliior fieri incipit, aqua suppressenda est. Post primam aquæ euacuationem alij fistulam eximunt, & postea aquam iterum educturi reponunt: alij fistulam in vulnere relinquunt, & linteo vel spongiâ claudunt, quod commodius videtur; modò intestina non premat. Plura de paracentesi abdominis hydropicorum videantur apud Paul. Aeginet. lib. 6. c. 50. Ambr. Paræum, lib. 7. c. 12. Hieron. Fabricium, de operationibus Chirurgicis, titulo, de perforatione abdominis in hydropicis, Guilhel. Fabricium, Cent. 4. Obser. 42. Verum non solum abdomine secto & aperto aquæ hydropicorum euacuantur, sed si vel mitior sit hydrops, qui tam magnum auxilium, quale est perforatio abdominis, non requirat, vel tam magnus, & cum tanta virium debilitate, ut sectionem illam non admittat: id auxilium, quod Aëtius, tetrab. 3. ser. 2. cap. 30. ex Asclepiade, Leonide, Hippocrate & Archigine proponit, usurpandum, quod ipsius Aëtij verbis proponemus. Omnibus medicamentis, inquit, in hac hydropis specie efficacius auxilium Chirurgia præstat, Asclepiade authore. Fissuras circa internum talum infligere oportet, in loco, quatuor digitorum spatio, supra talum eminente, eâ profunditate, quâ quis in vena sectione utatur. Pauco enim sanguine in principio euacuato, per reliquum tempus indefinenter aquositate excretio procedit, citra omnem inflammationem, ut neque claudi fissura possit, nisi humore omni ante euacuato, & homine gracili relicto: citòque id contingit, ne omne alienum per fissuras excoletur, & nullo opus sit extrinseco pharmaco. Præterea hic nullum periculum est, ut coaceruatim humores euacuentur, ut in abdominis pertusione. Quod si quis velit excretionem plurimâ factâ eam cohibere, nihil vetuerit ipsas in talis fissuras linamentis obturare, ligamentisque ac fasciis constringere, atque ubi rursus prodire quid velimus, laxatis ligamentis & ablatis linamentis, gestatòque ac moto agro excretionem irritare. Leonides autem, inquit, quod si excretio fissura supra talos tardius prodeat, necesse est & alias corporis partes findendo diducere, veluti scrotum tumefactum, femora, pudenda, loca supra manuum iuncturas. Quidam enim vulnusculis pluribus ac altioribus incussis plurimam aquosam substantiam exhauserunt. Et Hippocrates sanè, in libro de internis affectionibus, non supra talos adhibet Chirurgiam, sed iuxta scrotum & femora & pudenda vulnuscula infligere iubet, eaque sale maxime conficere. Hic enim modus paulatim humorem educit. Cæterum Archigenes ita prodit. Non sunt audiendi, inquit, qui per huiusmodi laniationes nihil excerni dicunt: quin potius cum fiducia hæ ipsa incutienda. Nam & nos, inquit, his cutis fissuris vsi sumus, & per ipsas plurimum euacuauimus humorem, ut & femora & sura & superior venter euidenter sint demissa & compressa. Hæc Aëtius. Instituenda autem hæc scarificatio, ubi partes scarificandæ sunt tumidæ & multo humore refertæ. Alioqui frustra instituitur; & propterea nunc hæc vel illa pars scarificanda est, prout ad hanc vel illam magis tumor fertur. Hodie plerunque crura œdematosa scarificari solent, in quibusdam, factis pluribus, quinque, sex, septem, altis & longioribus, quanta videlicet vnguis est magni digiti longitudo, sectionibus per digitum distantibus, quorum loco Fabricius ab Aq. manult vti fonticulis ferro ignito factis: sed vtrinque non semper sine periculo res agitur, quia nusquam celerius gangræna occupat, aut difficilius tollitur, aph. 8. sect. 6. In Hydrocephalo, sicubi discutientibus internis vel externis remediis nihil proficitur, quâ tumor manifestius assurgit, scalpello cutis incidenda, cannulæque immissa paulatim humor extrahendus est. Vid. Fabric. ab Aquap. de operar. Chir. c. 23. Eadem encheiresis in scroto adhibetur, nisi quod in hoc, præter punctiorem, Seronem quoque eo, de quo infra dicitur in perforatione nuchæ, modo usurpare liceat, maxime

maximè in hernia aquosa, ut per illum humor ferosus sensim exstillare queat. Pertinet deinde huc suffusionis per punctiorem curatio, quæ ita instituenda est, ut eam describit Celsus l. 7. c. 7. Tempore verno, hora matutina, silente Luna, seu tempore, quod est inter ultimam & primam quadram, Ager ieiunus in aduerso sedili humili collocandus est, loco lucido, lumine non aduerso, sic ut contra Medicus paulò altius sedeat. A posteriore autem parte caput eius, qui curabitur, minister contineat & immobile præstet. Nam leui motu eripi acies in perpetuū potest. Quin & ipse oculus, qui curabitur, immobilior faciendus est, super alterum lanâ bombycina vel linteo complicato imposito & deligato. Tum Chirurgus, si sinister oculus laboret, dextra manu, si verò dexter, sinistra acum acutam non nimium tenuem, rectâ medio loco inter nigrum oculi & angulum temporis propiorum è regione mediæ suffusionis sic, ne qua vena lædatur, immittat. Neque tamen timidè acus demittenda est, quia inani loco excipitur. Ad quem cum ventum est, ne mediocriter quidem peritus falli potest: quia prementi nihil renititur. Vbi è ventum est, inclinanda acus ad ipsam suffusionem est, lenitèrque ibi vertenda, & paulatim suffusio deducenda intra regionem pupillæ: ubi deinde eam transiit, vehementius imprimenda, ut inferiori parti infideat. Si hæsit, curatio expleta est. Si subinde redit, eadem acum magis concidenda, & in plures partes dissipanda est, quæ singulæ & facilius conduntur, & minus latè offiunt, visumque offendunt. Posthæc educenda acus recta est, imponendumque lana molli vel linteo exceptum oui album, aqua rosacea conquassatum, & supra, quod inflammationem coercet, deuinciendum. Circa hanc tamen operationem monet Hieron. Fabric. ab Aquap. cauendum esse, ne crystallinus humor & internæ oculi partes lædatur ac vniuersus oculus intus conturbetur. Ideoque censet, idque autoritate Pauli Aeginetæ, l. 6. c. 21. & Albucasis, l. 2. c. 23. non faciendam esse puncturam in albo oculi notabili spatio à cornea tunica & ab iride versus angulum externum sed acum immittendam esse propè corneam, non longè à circulo, ubi omnes tunica crystallino adhærescunt. Tertio huc referenda est asperæ arteriæ sectio. Nonnunquam enim accidit, ut viâ, per quam spiritum ducimus, interclusa suffocatio imminet, à qua, & hinc instante subito morte, ut æger liberetur, aspera arteria proforanda, ut aer in pulmones admitti possit: secundaque est arteria, quando in ore, in collo, aut tonsillis, aut columella, aut faucibus, aut in larynge inflammatio, & tumor oboritur tam magnus, ut asperam arteriam perfectè occludat, atque inde periculum suffocationis imminet; si aliis auxiliis ægro subueniri non possit, & præsens vitæ periculum imminet: modo pulmones humoribus repleti non sint. Ægro ergo rectè collocato signanda est recta linea atramento per mediam & anteriorem colli longitudinem ferè vsque ad iuguli cavitatem: deinde tangendum est caput asperæ arteriæ: hinc ex anteriore parte exactè digitis finis laryngis inquirendus, & tum descendendum, vsque post tertium in breui, vel quartum in longo collo asperæ arteriæ annulum, ut ibi sectio fiat; non verò statim sub larynge, loco sc. ab inflammatione paulò remotiore. Inuentus ita locus membraneus inter duos circulos medius signandus est atramento secundum latitudinem: postea cutis digitis ministri apprehensa per longitudinem prioris lineæ secanda, (sic enim neque venæ, neque nerui, neque muscoli læduntur) ita ut transversa altera linea in medio sectionis sit, & ipsa sectio tam longa, ut scalpellum, quo utimur in missione sanguinis, ingredi possit, ferè tanta quâta pollicis transversæ latitudo est. Hinc cutis vel digitis vel lati specilli mucrone aut recto hamo, diducenda, ut musculi duo, qui asperæ

arteriæ incumbunt & adstant, appareant, & linea quædam albicans, quâ musculi dirimuntur inquirenda. Tum musculi per longitudinem sectione diuidendi inuicem sunt, ita ut asperæ arteriæ caput appareat: quo apparente sectio medio inter duos annulos spatio transversa facienda, & instrumentum tam altè immittendum, ut ad cavitatem penetret, quod ex spiritu per vulnus exeunte cognoscitur. Hinc cannula exigua foraminata hinc inde, lenitèrque incuruata ea parte, qua in vulnus factum immitti debet, foramini verò respondens, & non longior, quàm arteriæ cavitatis, sed alata, altera scilicet parte, qua exstare debet, ne à spiritu intro trahatur, immittenda, & in vulnere relinquenda, donec suffocationis metus præterierit: postea renouato, si opus sit, cutis vulnere per scarificationem, labia coniungenda, vulnusque, ut moris est, sanandum: De qua operatione plura videantur apud Paul. Aeginet. l. 6. c. 33. Hieronymum Fabricium, de operationibus Chirurg. tit. de perforatione asperæ arteriæ in angina, ut & Iul. Casser. Placent. in histor. Anatom. Voc. & Audit. tract. tab. 32. Quarto huc pertinet thoracis sectio in Empyemate. Colligitur enim nonnunquam in cavitare thoracis post pleuritidem & peripneumoniam suppuratam, post vulnera quoque; materia item aquosa in hydrope thoracis: quæ si neque per rissim, neque per urinam, neque per alium euacuentur, ad Chirurgiam & thoracis perforationem accedendum: quæ antiquis satis frequens & usitata erat, nostris temporibus rarior & ferè obsoleta: quæ tamen, si tutò & certò fiat, non reiicienda. Tutò autem fiet, si caueatur, ne pars aliqua in thorace, puta pulmones, diaphragma, vena insignis, arteria, nervus, inusculi lædantur. Itaque neque in anteriore neque in posteriore parte thorax perforandus, sed ad latus inter quintam & sextam costam: quo modo neque diaphragma, neque pulmones læduntur. Ager autem, dum inciditur, sit in ipso actu expirationis, & spiritum, quantum potest, emitrat. Sic enim pulmones contrahuntur & concidunt, nec offendi possunt. Etsi verò Hipp. l. de internis affectionibus. costam tertiam ab ultima secandam esse præcipiat: tamen si ultimam costam, quæ adeò parua est, ut extra tangi non possit, non numeremus, & hinc tertiam sumamus, ultimam non numeratam, idem locus erit, qui modò propositus est. Et ne venæ, arteriæ, nerui & musculi lædantur, in parte superiore ipsius costæ, non in inferiore sectio instituenda, atque ita ad superiorem sextæ costæ partem sectio facienda: cum per inferiorem quintæ costæ partem excurrant vena, arteria & nervus; in intercostali verò spatio medio horum vasorum propagines. In latere autem & lateris parte eligenda Hippocrates ad partem affectam & situm decliuem respicit. Primò ergo signa loci abscessus, in quo efficienda est sectio, proponit. Ea sunt dolor, lateris decubitus leuior in partem ægram, fluctuatio puris: quæ si non adsint, primò considerat, quodnam latus sit magis tumidum & magis doleat, atque ibi sectionem instituendam præcipit: quod si neque hoc appareat, sed utrumque latus sine discrimine doleat & tumeat, tum eligendum censet sinistrum Hippocrates: proculdubio ob hepar, quod gibbâ parte sursum diaphragma attollit. Ipsam autem lateris partem quod attinet, sit sectio commodissimè anterior versus, loco quatuor aut quinque digitis à pectoris osse distante, qui paruos habet musculos, & paucos superpositos, ubi scilicet omnium musculorum termini sunt, adducuntis scilicet brachium ad pectus, obliquè descendens abdominis, & in simis scapularum sicuti thoracem attollentis: qui locus inuenitur, si filo metiens spatium vnam fili partem à medio pectore ad costam sextam & vnam cum dimidiâ ab illo sexto costæ termino ad spinam metiaris: seu quo pertingit tertia pars fili torius sextæ costæ

Thoracis sectio.

longitudinis. Instrumentum autem ad incidendum thoracem aptū est *σκολοπομαχαίριον*: gladiolus scilicet longus, ad cuspidem paululum recurvatus, ad similitudinem rostri avis scolopacis seu gallinaginis. Sectio verò hoc modo administrari debet. Locus incidendus primò atramento notetur, hinc instrumentum ex altera parte retusum, ex altera acutum, & ad cuspidem modicè recurvatum, ne subiecti pulmones lædantur, parte eā, quā retusum est, ad sextam poni costam eique anniti debet, & primū cutis paululum obliquè diuidenda, cum difficilius perforetur, & ita per resistantiam impedire possit, ut musculus, ut par est, non incidatur, præterea ut secundum rectitudinem fibrarum musculorum intercostalium externorum fieri possit sectio: hinc obliquè posteriora & superiora versus axillam incidendo progredi sectio debet; & instrumentum eò usque sensim & paulatim adigatur, donec in cavitatem thoracis penetret. Fiat autem foramen exiguum ne interiores partes ab aëre frigido offendantur; & ne pus confertim effluat, cannula alata argentea foramini exactè respondens immittenda: quæ sit tantæ longitudinis, ut pulmones non tangat, & ob eandem causam in extremitate recurvata. Si verò foramen præter spem angustius factum sit, facile, ut supra dictum, dilatari potest. Per fistulam istam quotidie aliquid puris, verbi gratia ʒvj. vel quantum vires ferunt, euacuandum. Et si non liberè exeat materia, æger, ut Galenus, s. *met. med. c. 8.* monet, in incisam partem inclinatus tussiat corpusque concutiat. Quod si materia nimis crassa sit, idem Galenus mulsam prius infundere iubet, quæ materiam fluidiorem reddat. Plura de hac operatione videantur apud Paul. Æginet. *lib. 6. c. 44.* Hieronymum Fabricium ab Aquapendente, *de operationibus Chirurgicis, titulo, de thoracis sectione in empyemate*: Schenckium, *observ. l. 1. obs. 130. 131. 132.* Quintò huc referendum Setaceum vel setacei appositio, qua operatione ceruix acu compungitur, vulnusque apertum servatur, ut per id humores vitiosi euacuentur, utile in Epilepsia, magnis & diuturnis doloribus oculorum; de quo videatur Guilielmus Fabricius, *Centur. 1. observ. 41. & 42. ut & Centur. 4. observ. 6. 7. 19.* Sunt autem ad operationem hanc tria instrumenta necessaria, forceps ad cutim apprehendendā vtrinque perforata, deinde acus, quæ foraminibus forcipis respondeat: tertio filum, quod quia ex setis equinis aut alterius animalis pilis crassioribus olim fiebat, Seto & Setaceum appellatur. Hodie tamen ferè filo serico non contorto vel lino crudo vtuntur. Locus setacei apponendi est in occipitio inter primam & secundam, aut secundam & tertiam, imò tertiam & quartam vertebra, quo capilli duobus digitis interiectis terminantur, ubi cavitatis tangitur. Punctionis autem huius ratio hæc est. Ægro in sedili commodè collocato linea per longitudinem colli atramento ducenda, hinc vtrinque à dextris & sinistris itidem duo puncta atramento notanda; quæ scilicet parte vtrinque cutis perforanda est, quæ vnus transversus digiti cum dimidio, plus minusve pro corporis magnitudine, à se distent. Deinde Cheirurgus cutim inter duas ministri manus forcipe apprehendat, ita ut puncta atramento vtrinque notata per forcipis foramina oculis obiciantur, atque à collo quasi cutem abstrahat & stringat, quantum æger tolerare potest. Sic enim obstupescere nonnihil cute æger dolorem ex perforatione minus percipit. Hinc acus ignita cuspidem triangulari per vtrumque forcipis foramen, atque ita cutim forcipe prehensam traiciatur. Verum Guilielmus Fabricius pro acu candente cultellum frigidum ancipitem acutum traiecit, cumque longè ferro candenti præfert, atque pro hac sua sententia rationes sequentes adducit, *Centur. 1. observ. 40.* in qua & instrumenta ad hanc operationem necessaria depingit. Etenim

ferrum candens desiccet: Hinc pars quæ aduritur roboratur, eò quod excrementitia humiditas candente ferro desiccata sit. Ut enim humiditas molliet & laxat, sic siccitas contrarium efficit. Quæ ferri candentis actiones ad setaceum planè inutiles sunt. Adhibetur enim setaceum ad deriuandum, aut reuolendum humorem. Ideoque locus, cui applicatur, humores affluentes recipere debet; ad quod inepta pars redditur, si exsicceat, & roboretur. Quæ cum præster cauterium, huic operationi non commodum est, sed ferrum frigidum ei præferendum, quod tale nihil præstat. Præterea ferri candentis applicatio dolorem grauem, præsertim si tam latè penetrare debet, excitat, & propterea horrorem & timorem magnum in ægris concitat. Quorum nihil præstat ferrum frigidum. Retracto ferro per idem foramen alia acus funiculum rotundum ex serico albo aut purpureo, vel lino crudo crassiore trahens traducatur. Potest tamen acus quoque, quæ primò cutis perforatur, eundem funiculum vnâ operâ traducere. Funiculus iste in foramine relinquitur, & ad dolorem sedandum linteam duplicatum oui candido & aqua rosacea mistis madidum imponitur. Hinc digestiuium applicandum, & factâ digestionem usque ad sextam diem funiculus paulum à sinistro in dextrum vel à dextro in sinistrum trahendus, donec pars sanie imbuta extra vulnus propendear. Idque continuandum, donec humor satis euacuatus fuerit. Tunc enim funiculo extracto & emplastro conueniente imposito vulnus conglutinetur, & cicatrix inducatur. Videatur quoque Ambrosius Paræus, *l. 9. cap. 24.* Hieronymus Fabricius ab Aquapendente, *de operationibus Chirurgicis, tit. de Setaceo.* Tandem ad puncturas has referri potest hirudinum seu sanguisugatum applicatio, quæ morfu suo venas aperit, sanguinemque inde extrahunt: & quidem è partibus subcutaneis solum & capillaribus venis, si soli cuti applicantur: si verò maiori alicui vasi imponantur etiam ab interioribus partibus & toto corpore sanguinem euacuant. Ideoque variis partibus, prout ex hac vel illa euacuatione opus est, applicantur; puerisque, quibus scalpello venas aperire non audemus, brachij venis applicari possunt, dum magno aliquo morbo tenentur, qui sanguinis euacuationem requirit. Opus verò est hirudinum quâdam electione & præparatione quasi; cum veneno non careant. Cauendæ nimirum sunt, quæ magna habent capita, quæ sunt virides, nigre, splendentes & nitidularum more micantes, lineas cæruleas aut lanuginem in dorso habentes, & quæ cuiuspiam serpentum generi similes sunt. Similiter, quæ in putridis & cænosus aquis degunt, utpote quæ venenoso morfu maligna vlcera, nimium sanguinis fluxum, syncopen & mala pariunt. Eligendæ verò sunt, quarum venter colore hepatis aut rubeus est, tenues & teretes, & quæ parua capita habent, & caudam tenuem murium cudi similem, atque in aquis puris degunt. Nunquam verò recens captæ statim imponendæ sunt, sed diem vnum vel etiam alterum in aqua limpida modico sanguine alendæ sunt, ut omnem virulentiam deponant: deinde in aquam tepidam vase lato iniiciendæ, & spongiâ à sordibus repurgandæ, ac rursus in aquam limpidam iniiciendæ sunt. Nonnulli mox captas spongiâ aut panno aspero à sordibus detergant, & in aquam coniciunt purissimam, eamque sæpe effundunt, & cum recenti pura commutant, atque alimenti loco aliquid sacchari adiiciunt. Vbi præparatæ ita fuerint hirudines, locus, cui admouendæ sunt, linteo calido vel aspero fricandus, donec rubeat. Hinc hirudines caudâ prehendendæ panno lineo mundo, vel etiam arundini aut vitro vel canali oblongo vtrinque perforato immittendæ, ut caput tamen exferant, & membro

Setaceum.

membro applicandæ; atque vt facilius & auidius adhærescant, locus sanguine recenti columbæ pullive, vel aquoso luto illinendus, aut leuiter acicula cruentandus. Si ignauius attrahant, de consilio Galeni, forfice earum caudæ incidantur. Amatus Lusitanus, *Centur. 5. cur. 3. in scholio* per medium eas forficibus præscindit. Sanguine enim effuso attrahere non cessant. Non tamen prius hoc tentandum, quàm eas sugere cœpisse certum fuerit. Aliàs enim statim decideret. Postquam satis sanguinis attraxerint, nisi sponte sua decident, cinis aut sal aut aloë earum oribus aspergatur, quibus degustatis mox ab opere desistunt. Nō verò vi abripiendæ, ne affixa relinquant capita, quæ caussa vulnera insanabilia facit, imò mortem quibusdam attulit. Ergo sugentium ora forficibus præcidunt, inquit Plin. *li. 3. c. 10.* ac veluti siphonibus defluit sanguis, paulatimque morientium capita se contrahunt nec relinquunt. Postquam deciderunt, remouenda impressa vulnere mala qualitas, & cauendum, ne plus sanguinis, quàm opus sit, profluat. Duobus hisce Galenus vnâ operâ satisfacit, dum, si cruentæ adhuc quasi lachrymæ profluxerint, farinam cuminūque admouet, lanāmque modico oleo madentem. Aut cucurbitula vel spongia aquâ tepidâ imbuta admoueat ad virus extrahendum: vel locus falsâ aquâ abluatur: & si sanguis supra modum fluxerit, linteum aceto madidum vel gallæ vstæ imponantur. Tandem si cognoscere voles, quantum sanguinis exhauserint hirudines, in vas immixtas conregito sale minutim trito: Sic enim euoment, quicquid hauserint. *Atque hæc de mollium partium sectione dicta sunt.*

CAPVT VIII.

De Ossium Sectione.

QUæ verò in duris seu ossibus fit sectio, quadruplex est, pro vario *συνέσει* modo, & instrumentorum varietate: Rasio scilicet, Limatio, Perforatio seu terebratio & ferratio. Rasio primum est inæqualitatis ossium scalpello radendo complanatio & læuigatio, aut sordium firmiter ossibus adherentium detractio, locumque habet in fissura, contusione & fractura cranij; in ossibus carie vitatis; in dentibus scabris, & quibus sordes ac crustæ tartareæ adhærent. Fit autem Rasio scalpri, magnitudine & figurâ pro affectionis & ossis natura variis, vel rectis, quales sunt fabriles, quibus pellendo vtimur; vel in extremitate inflexis, quibus attrahendo vtimur, cum os scabrum complanamus, vel nigrum cariosumque cauamus, dentes scabros aut crustâ obductos vtrisque cum rectis & auersis, tum in extremitate inflexis radimus. Caluaria, si à telo læsam fractamque vel contusam esse suspicio sit, non tamen, quid mali acceperit, appareat; scalpello radenda in longitudinem, & si teli sedes in conspectum venerit, tam sedem, quàm ossa ambientia radere oportet. De quo videatur Hippocrates, *lib. de vulneribus capitis*. Ossâ verò nigra vel cariosa deradenda, donec ad os sanum, hoc est, album & solidum ventum sit, & aliquid sanguinis erumpat. Osse raso pulvis cephalicus inspergendus. Si autem os cariosum valdè exsiccatum sit durumque redditum, vt scalpri solius operâ tardius caries tolli possit: autores scalpello & malleo simul vti præcipiunt. In capite tamen mallei vsus minus commodus est: quod cerebrum ictum illum minimè ferre possit, & nonnulli ex ictu muti facti sint, cerebrumque nec strepitus nec sonitus magnos ferat, vt apud Ambrosium Paræum *l. 9. c. 14.* videre est. Si tamen omnino malleo opus sit, Hieronymus Fabricius ab Aquapendente caput seu verticem scalpri panno, & malleum similiter obuoluit. Ita enim ictus minimè offendit.

Dan. Sennerti Tom. I.

Raduntur verò ossa nonnunquam vsque dum aliquid sanguinis appareat, eo etiam fine, vt caro vel cutis facilius ossi denudato vniatur, ipsique inducatur. Secundò limatio seu ossium per limam attritio in dentibus locum habet. Quando enim dentes præter naturam prominent, & homini in edendo vel loquendo impedimentum aliquod afferunt, lima id, quod prominet, atterendum: idque cautè faciendum, & per internalla citra omnem offensionem vicinarum partium, & ne dens concutiat & mobilis reddatur. Videatur etiam Ambrosius Paræus, *l. 16. c. 26.* Tertiò est perforatio, quâ partem è medio ossis excidimus, vel terebra, vel scalpello, vel simul scalpello & terebrâ. Perforatio, quæ fit terebrâ, Græcis *τρύπησις* dicitur, terebra *τρύπανον* & *τρυπάνη*. Est autem *τρύπανον* aliud rectum & acutum, ac in gyrum excavatum, quod in specie terebra: aliud cauum, quod Modiolus dicitur. Terebra est similis communibus terebris, quibus fabri lignarij vtuntur. Atque ea duplex: Vna, quæ simpliciter terebris fabrorum respondet: alia, quæ iuxta cuspidem tanto spatio, quanta est caluariæ crassities exstantem nodum vel circulum habet adaptatum, qui dum in cranium adigitur terebra, eam altius, quàm par est, descendere prohibet: quod terebræ genus, quod altius immergi nō possit, Græci *τρύπανον ἀβάτησον* nominant. Modiolus Græcis *χοιρίκιον* & *χοιρίκις*, & *πρίων χαράκτις*, est ferramentum cauum, teres, imis oris serratum denticulatumve & terebræ rectæ, quæ *πρετιέριον* dicitur, opponitur, quod versatili manubrio circumagatur: quod si in medio clauum habeat, masculus, si non habeat, femina appellatur. Quidam tamen modiolum ferræ potius quàm terebræ genus esse statuunt. Recentiores autem adhuc aliud modioli genus vsurpant, quod non est cauum, neque etiam serratum, sed alatum, quod ferè dimidium globum ad latera excavatum & alas aliquot acutas habentem refert. Figuræ videantur apud Ambrosium Paræum, *lib. 9. c. 18.* & Ioh. Andr. à Cruce. In perforatione autem cranij id in primis præcauendum, ne membrana seu dura mater lædatur, & multò minus cerebrum. Id fit, si rectus locus perforationis, & instrumenta idonea eligantur. Locum quod attinet, primò perforatio non fiat super pericranium, sed osse nudato; ne lacerato pericranio inflammatio excitetur. Deinde non fiat in loco suturarum. Facile enim inibi inflammatio duræ matris excitatur; & sub futuris sunt duræ matris sinus sanguine referti. Tertiò non fiat in lateribus ad tempora & ad sinciput; cum eâ parte per internam caluariæ partem vasa discurrant, quæ perforatione rumperentur; sanguisque inter cranium & cerebri membranâ cum vitæ periculo effunderetur. Instrumentum verò tale eligendum, quod perforato cranio nec pondere suo ac impetu facile deorsum præcipitetur, & membranas cerebri vel etiam ipsum cerebrum lædat, nec extremitate acutâ duram matrem vulneret, aut vtrumque præster. Ideoque ad cranij tutam perforationem id terebrarum & modiolorum genus alienum est, quod obstaculo caret, & facile demergitur, atque *ἀβάτησον* non est, & quod cuspides acutissimas habet. Ergo vt & demersionem & punctiōnem euitarent, vario modo laborarunt artifices. Et quidem ne deprimeretur, obstaculum in orbem, quasi nodum in terebra, aut circulum in modio pararunt, quod impedit, ne altius mergi possit. Ne verò pūgerent membranas cerebri, modiolos alatos & limatos, eosque varij generis inuenerunt, quorum figuræ apud Ioh. Andr. à Cruce exstant. Verùm cum cranium in alio crassius sit, in alio minus crassum: & ex his etiam quædam nimis tardè & laboriosè cranium perforant: commodiores ex omnibus instrumentis videntur modioli alati, & quidem alis quatuor vel sex præditi, qui & satis ad perforandum sine mora apti sunt,

Limatio.

Perforatio.

Terebrarum genera.

Perforationis locus.

Instrumenta.

Cranij perforandi modus.

nec habent acutas cuspides, & præterea obtinent obstaculum perpetuum & firmum, & ex latiore parte in angustiore desinunt, & omnibus craniis apti sunt. Non tamen incommodi etiam videntur modiolis imis oris serrati, si ita parentur, ut sint ἀβάνισοι. In manubrio quoque seu parte, quæ agit & circumvertit, etiã quædam varietas occurrit. Alij enim instrumentum parant ex ligno & ferro recto vel transverso & chorda, vel ligno, pilâ & chorda, vel arcu & chorda: alij manubrio utuntur simplici: alij cånulato seu fuso: quæ omnia apud Ioh. Andr. à Cruce depicta exstant. Cum autem eligenda sint ea instrumenta, quæ & minus graua sunt & propterea nõ admodum magna, ac quæ sine strepitu insigni officium suum præstant: illa minus commoda sunt, quæ chordâ circumuoluuntur, ob magnum strepitum; ex reliquis ea eligenda, quæ & minus graua sunt, & suam operationem sine magno strepitu & citò absoluunt. Cranij verò perforandi modus hic est. Derasis in loco perforando capillis duabus lineis decussitim se interfecantibus, declinando tamen diligenter & musculos temporales & futuras, cutis, nisi antea pateat, usque ad os incidenda; deinde pericranium, ne à terebra laceretur, atque hinc dolor & inflammatio exciteretur, ab osse deducendum, donec os nudum sit, & si quid læsum est, in conspectum veniat. Sanguis linamentis siccis aut posca imbutis cohibendus, & linteam anelæo merum vulnere imponendum: Cataplasma quoque ex rosis, farina hordei & fabarum in oxymelite coctis & rosaceo mistis supra vulnus applicandum, & vulnus fasciâ conueniente obligandum. Postero die vulnere soluto fordes detergendæ, agròque collocato & obturatis gossypio auribus, videndum, quibus instrumentis, si fractum aut vitiatum os sit, id commodè auferri possit. Etenim si sine terebratione, scalpro, forcipe vel volsella, quod omnino fractum, aut nigrum, aut corruptum est, eximi potest, bene se res habet; sin minus, aut si etiam materia sub cranio contineatur, terebratione opus est. Ideoque labiis per linteola sicca aut vino madida & expressa munitis modiolus conuenientis magnitudinis eligendus, & primò modiolus masculus, in cuius medio clauus seu cuspis acuta est, figendus ad rimæ seu fracturæ latera, tam distans à rima, ut ipsam non attingat. Quod si rima non appareat, sed acuto telo vulnus inflictum sit, in medio & centro eius infigenda cuspis. Hinc sinistra manu manubrium versatile teneat Chirurgus, & modiolum capiti imprimat, dextrâ verò terebram circumagat, quò usque vestigium modiolus cranio impresserit. Tum remoto masculino modio, modiolus femina applicandus & circumuoluendus, & cum scobis aliquid apparet, & tollenda terebra, & modò in oleum rosaceum, ut facilius circumagatur, modò in aquam rosaceam, ne incalcescat, immergenda. Vbi ad meditullium cranij peruentum est, quod ex sanguine apparente cognoscimus, cautius & mitius instrumentum imprimendum, ne cum os traici incipit, pondere & vi mergatur. Atque vbi iam ferè perforatum est cranium, quod ex eo, quia mouetur & vacillat os, & renixus amplius non sentitur, cognoscitur, cessandum, & vixte exiguo inter oras ossis excisi immisso, & aliquantulum osse dimoto ossis frustulum excisum volsella prehensum eximendum. Quod si ne sic quidem extrahi possit, scalpello plumbeo malleo adacto ossis residuum excindendum. Si verò modio alato utamur, instrumentum mutare opus non est, nec metnendum, ut pondere facile mergatur. Osse detracto oræ attollendæ & circumradendæ, si vel depressæ vel asperæ sint. Ad excisionem usurpari solet scalper excisorius, Græcis ἀκκοπεύς ὁ σκαπτὸς, in summa cuspide præfixum habens rotundum, atque obtusum & læuem ferri globulum, instar lenticulæ, aciem verò in longitudinē acutam. Et si quid scobis in membranam incidit, tollen-

dum, & panniculo simplici, lineo molli, vulnerique æquali rosaceo calido madido cerebri membrana operienda, & linteo còplicato vino austero & rosaceo imbuto totum vulnus tegendum. Tandem reliqua curatio, ut in vulneribus capitis fieri solet, pertexenda, pulueribusque cephalicis utendum, qui parantur ex thure, mastiche, aloë, myrrha, rad. iridis, aristolochiæ, sanguine Draconis, farinâ erui & hordei, ac similibus, quæ exsiccare & detergere citra morsum possunt. In vulneribus enim capitis non utendum medicamentis humidis & vinctuosis: nisi ad inflammationem prohibendam & doloris mitigationem: vbi verò doloris & inflammationis notæ præterierint, his pulueribus utendum, qui membranæ cerebri etiam cum melle rosaceo adhiberi possunt. Celsus, lib. 8. cap. 2. in ossibus etiam cariosis quacunque parte sitis perforationem conuenire cenet. Si caries, inquit, altè descendat, per terebram virgenda crebris foraminibus est, quæ altitudine vitium æquant: tunc in ea foramina demittenda candentia ferramenta sunt, donec os inde siccum ex toto fiat. Tandem serratione seu serræ sectione etiam ossa diuiduntur: cuius usus est, cum parte aliquâ emortuâ, serrâ, carne prius cultro ad os incisâ, os nudatum dissecant, de quo postea dicetur; aut cum os aliquod fractum extra eminet, & in sedem suam reponi non potest. Illud enim vel forcipe vel serrâ secundum Hippocratem, 3. de fract. l. 46. excinditur: de quo etiam Ambros. Paræus, lib. 18. cap. 26. aut cum rima amplianda, vel tabula cranij tollenda,

CAPVT IX.

De Vstione.

Restat vltima διαπέρεως species VSTIO, quâ utendum, vbi neque medicamentis, neque sectione morbi tolli possunt, secundum Hippocratem, 7. aph. vlt. Quacunque non sanat medicamentum, ea sanat ferrum: quæ ferrum non sanat, ea ignis sanat: quæ ignis non sanat, ea incurabilia putari oportet. Fit autem vstio duobus modis: vel iis, quæ actu ignem igneamque qualitatem habent, ut ferrum, vel alia ex auro, argento, ære facta instrumenta ignita, quæ cauteria actualia nominantur: vel medicamentis causticis, quæ cauteria potentialia appellantur. Actualis cauterij differentiarum aliquot sunt, ratione materiæ & figuræ imprimis, tum aliis quibusdam modis discrepantes. Ratione materiæ tot sunt differentiarum, quot corporum ignitorum, quibus ad vrendum utuntur Medici. Et si verò Antiqui variis corporibus vsi sint, plumbo, aqua feruente, fungis ignitis, fusis buxeis oleo feruente tinctis sulphure, oleo, butyro feruente & aliis quibusdam: tamen metallica hodie magis in vsu sunt ex ferro, ære, argento, auro parata. Ferrum potentissimè vrit: minus vehementer æs & aurum. Differentia verò à figura sumpta varia est. Alia enim sunt oblonga, alia rotunda, alia lata, alia lunata, alia circularia, triangularia, quadrangularia, alia lenticularem formam habentia, alia oliuarem, alia nucleum referunt: alia acuta iunt, alia obtusa, alia ensis, culrelli, mallei figuram referunt. Quas figuras varias depinxit Ambros. Paræus, l. 18. c. 27. & Iohan. Andr. à Cruce: quæ necessariò fuerunt inuenta, pro morborum & affectuum partium varia ratione. Differunt quoque vstione, prout instrumenta, quibus vrimus, magis vel minus incanduerunt, & hinc magis vel minus vrint. In putridis enim vlcerebus, etsi locus vim ignis sine periculo sustineat, id est, si carnosus sit, & nervis ac venis insignibus careat, cauterio satis ignito vti licet: in aliis verò partibus structurâ tenuibus ψυχροκαυτήρι ut Paul. l. 6. c. 58. appellat, id est, ignauo, siue non multum ignito cauterio utendum. Alia rursus cauteria

Ossium
cario
perfor

Serra

Vstio

Vstio

Actualis
cauterij
differentia

cauteria

cauteria profundius imprimuntur, alia cute tenus saltem & superficialiter. Vstionis autem administratio hæc est. Agro rectè collocato locus vrendus diligenter notandus, capillis, si adsint, prius derasis; tùm cauterium, materiâ, magnitudine & figurâ parti affectâ & morbo conueniens, & quantum morbus & pars affecta requirit & admittit ignitum, profundius vel superficialiter saltem, prout opus, imprimendum. In omni autem vstione diligenter cauendum, ne partes vicinæ lædantur. Non ergo abs re fuerit, splenis albumine oui, mucilagine sem. pŷyllij aq. rosarum extracta, succo rosarum, plantaginis vel similibus imbutis loca vicina munire. Remoto igne linimentum ex butyro non falso, oleo rosaceo cum vitellis ouorum misto, & adipe gallinæ imponendum, vt crusta decidat. Elcharâ demptâ vlcus, vt moris, curandum. Si autem partes penitiores & in sinu aliquo sitæ, vt in ore, an fistulis, vrendæ sunt, tubulus conueniens requiritur, per quem candens ferrum ad locum affectum immititur, ne vicinæ partes lædantur. Alter vstionis modus est, qui fit per medicamenta caustica siue cauteria potentialia. Quæ autem sint medicamenta caustica & ἐξαρρωτικά, suprâ hoc lib. par. 1. sect. 1. cap. 10. dictum, & qua ratione ex iis paranda sint cauteria in fine huius libri docetur. Videatur & Ambr. Paræus, lib. 28. c. 32. Atque huius omnino loci est de fontanellis agere. Sunt autem fontanellæ seu fonticuli parua vlcera arte inducta in parte sana, ferro ignito, vel medicamento caustico, ad vitiosos humores per ea euacuandos, reuellendos, deriuandos, atque ita morbos, qui ab iis pendent, curandos vel præcauendos. Cauteriis enim inducta vlcera partem ad ἰαθεῖν δυνάμεν deducunt, vt ex iis, quasi fonticulo, quicquid vitiosi humoris cumulatū fuerit, euacuetur. Atque ita saltem in morbis diuturnis locum habent fontanellæ: non in acutis, qui subitas euacuationes requirunt. Etsi verò id, quod quotidie euacuatur, exiguum sit: tamen quia continuatur, temporis progressu plurimū inuat. Tempus fonticulos parandi, quòd attinet, primò tum fonticuli excitandi, vbi præsidia mitiora nihil profecisse videmus, vel docto σοφιστῇ ducti nihil profectura existimamus. Est enim vstio inter extrema præsidia. Vbi item corpus bene prius à cacochymia per purgationem, vel à plethora per venæ sectionem depletum fuerit. Hæc corporis præparatio vsque adeò est necessaria, vt Hippocrates nusquam faciat cauterij mentionem, quin expressis verbis moneat, vt prius pharmacum exhibeatur. Deinde ratione anni temporum, vel maximè omnium aptum est, quo humores à natura funduntur, viæque dilatantur. 3. Ratione ætatis pueri tenelli & senes decrepiti propter virium imbecillitatem nō facile tolerāt magnum remedium, quale est fonticulus, illi, quod facile exhauriantur, hi, quod exhausti sint. Nisi igitur vrgeat grauis morbus, veluti est Epilepsia, Catarrhus, & Apoplexia, periculi plena, aliisque remediis incurabilis, illi ætati est parcendum. Adhibentur autem vel in parte affecta, ad humorem, qui in ea est, euacuandum, vel in parte contraria aut vicina ad humores, qui in fluxu sunt, reuellendos vel deriuandos. Frequentius tamen excitantur vel in occipitio ad reuellendos humores ab oculis: vel in sutura coronali ad humores è cerebro ad exteriora euocandos: vel in brachiis ad reuellendos humores, qui à capite ad partes subiectas descendunt, siue ad fauces siue pulmones; vel in cruribus, ad humores ex hepate, liene, renibus, vtero, reuellendos vel deriuandos. Et quidem κατ' ἔξω id faciendum, & sinistra capitis parte affectâ in sinistro brachio; dextrâ in dextro; iecore affecto in dextro crure; liene in sinistro fonticulus ponendus. Nonnunquam & interceptionis gratia fonticuli fiunt, & humida crura ac vlcera crurum fonticulo supra genu in coxa excitato sanantur. Fonticuli,

qui in ceruice excitatur, locus est in ceruice inter secundâ tertiamque vertebram, eâ scilicet in parte, vbi setaceum adhibetur, Notarque Fabricius Hild. Obs. 1. Cent. 1. non tam commodè geri fonticulum in nucha, quàm setaceum, ob eas rationes, quod ipsum aut globulus ex nucha facillè excidat, vlcusque difficulter deligari possit. Fonticulus, qui in sutura coronali paratur, plurimū potest ad reuellendos, euacuandosque humores, qui in capite sunt, ne detenti graues cerebri morbos inducant, vel ad partes vicinas & inferiores defluentes itidem grauiora mala excitent. Locus huius fonticuli excitandi est, vbi coronalis sutura sagittali iungitur, & hæ duæ suture concurrunt. Hoc enim in loco facilius & commodius humoribus exitus datur. Cum autem opus sit, locum istum diligenter inquirere, aliter alij id faciunt: nimirum ad nasi radicem, alij ad pinnam, carpū inter vtrumque oculum ponunt: hinc manū & digitos supra frontē & capillos extendunt, & locū suture & fonticuli apponendi esse statuunt; alij vbi digiti medij, alij vbi indicis, alij vbi annularis extremitas desinit. Verū cum caput, nasus, manus, aliis sint longiores, aliis breuiiores, iubendum, vt æger validè dentes concutiat, atque tunc vbi obscurus motus in capite percipitur, ibi locus erit suture. In caluis & ætate consistente, declinante ac senibus præcipuè, cutis, vbi suture sunt, depressa videtur. Si tamen nullum certum signū habeatur, censet Hieron. Fabric. ab Aquapend. eligendum esse locum potius superiorem, vt si fortasse locus concursus harum suturarum non exactè inueniatur, à sagittali tamen sutura non aberretur: qui etiam hac de re videatur, de Chirurgicis operationibus, titulo, de fonticulo in sutura coronali. Aliàs fonticuli frequentissimè in brachiis & cruribus parantur. Etenim cum fonticuli diligenti curâ indigeant, & quotidie manè & vespere detergendi sint, eo in loco maximè fieri solent, quo ipse æger oculis & manibus pertingere potest. Et quia propter humores superfluos vel euacuandos vel reuellendos vel deriuandos excitantur fonticuli, humores verò in vasis consistunt: non in quocunque brachij vel cruris loco comodè excitatur fonticulus, sed vbi venæ maiores sunt, aut earum propagines: non tamē supra venas, sed propè venas. Et quia crura & brachia ad motū destinata sunt, ne fonticuli propter dolorem aliquod insigne motui impedimentum afferant, non in ipso corpore musculi & eius carnosa parte, ac multò minus circa tendines & neruosas partes excitandus, sed in spatio seu interstitio inter musculos. Atque id interstitium in brachio ex cubiti valida flexione & extensione: in crure verò, si supra genu sit fonticulus ponendus, ex genuum, si verò infra, ex pedis flexione & extensione exploratur, apice indicis digiti in musculorum interstitio compresso. Itaque in brachio commodissimus fonticuli locus est inter musculum deltoidem & alium, qui cubitum flectit, bicipitem dictum. In crure verò fieri fonticuli consueuerunt tùm supra genu, tum infra genu, & tùm in externa, tùm in interna parte. Sed cum pars externa non habeat vicinas venas, interna verò habeat saphenam; & præterea interna pars non habeat latum tendinem, quem vitare oportet, atque insuper in mulieribus ob vterū, censet Hier. Fabric. ab Aquapend. rectius parari fonticulū in interna seu coxæ seu tibie parte; & ea quidē, quæ aptè deligari potest, si scilicet supra genu ponendus sit fonticulus, vt nec lōgè à genu, nec nimis propè genu sit. Si enim longiore supra genu spatio fonticulus paratur, deligatio & fasciatio comoda fieri non potest; cum ea pars decliuitatem habeat: si verò nimis propè genu fonticulus excitetur, articulis & tendinibus nimis vicinus est ille locus.

¶ Quo in loco fonticuli excitandi sint, dictū modò fuit, atque in ea re securus sum Chirurgorū nostri seculi facile principem, Hieron. Fabr. ab Aquapend. in

Loca fonticulorum.

Dubia quædam de loco fonticulorum Aquapend.

eruditiss. suo tractat. *de operat. Chir. cap. de fonticul.* Verum quia interea rationes Fabricij perpendenti, ea non ita firmæ visæ sunt, & experientia etiam aliud suadere videtur, dubia mihi inde exorta proponere libet. Primum dubium hoc est, quod, cum fonticuli eâ de causâ excirentur, vt humores superflui, præcipue ij qui in vasis continentur, aut euacuentur, aut reuellantur, aut deriuentur, putat fonticulum iuxta vasa excitandum esse, & quod vasa sunt maiora, eò fonticulum esse fortiolem. Verum hæc ratio concludere non videtur. Etenim etsi fonticulus prope vas, etiam magnum, excitetur: tamen ex vase illo nihil euacuatur, nisi vas aperiatur. Hoc verò in fonticulo non fit, & ipse prohibet, supra venarum corpus fonticulum excitare; & Fallopius etiam, *sc. 1. 3. de cauterijs*, consulit, ne prope venas & arterias maiores cauterium imponatur, ne sanguis copiosius effluat. Itaque rectius videtur fieri, si in tali parte fonticulus excitetur, in quam furculi maiorum vasorum dehiscunt, ita tamen, vt licet fonticulus in tali parte excitetur, nulla hæmorrhagia sequatur.

1.
*An fonticuli
iuxta vasa
excitandi.*

2.
*Num fonticuli
in ipsis mus-
culis, an verò
in eorum in-
terstitiis exci-
tandi.*

Secundum dubium est hoc: Cum autem tales partes sint duplices, muscoli, & interstitia, seu spatia inter musculos, Fabricius, & alij nonnulli, musculos reiciunt, & spatia inter musculos eligunt, hac de causâ, quia metuunt, ne si à pila, quæ fonticulo inditur musculus comprimatur, dolor excitetur, & propter dolorem motus impediatur. Quod incommodum evitari posse putant, si in interstitio musculorum fonticulus figatur; qui locus præterea id habeat commodi, vt humores, qui in spatiis sunt, facilius euacuentur. Verum nec rationes istæ satis firmæ videntur. Primum enim de dolore & motus læsione nihil metuendum, modò non fonticulus tendines & nervos attingat; cum per cauterium seu actuale, seu potentiale, saltem fibrarum pars aliqua rumpatur, quo facto nullus insuper dolor excitatur. Deinde non humores, qui in spatio sunt inter musculos, euacuare primariò intendimus, sed eos inprimis, qui ductu venarum ad aliquam partem quotidie confluunt. Tertiò cum musculi membranis destituantur, membranæ verò sint nervæ naturæ, maior dolor ex fonticulis in hisce partibus membranosis metuendus, quàm si ipsi musculo imponantur. Quarto habent hoc præterea incommodi fonticuli in musculorum interstitiis excitati, quod membranæ læsæ, sese in latera fonticuli insinuando, ea obtegunt, vnde parçè fluunt fonticuli, imò interdum planè coalescunt. Quintò etsi in deligando cautissimè procedatur, facillimè tamen fonticuli in musculorum interstitiis excitati locum mutant, quod non fit, si in musculo excitantur. Sextò parvæ venæ in spatia illa & membranas, vtpote partes exangues, desinunt, sed plurimæ in ipsam carneam musculorum substantiam, quæ plurimò sanguine ad alendum indiget, inseruntur, musculoque nutrimentum aduehant. Commodissimè ergo cum sanguine affluente etiam vitiosi humores ad viam per fonticulos apertam confluunt, & per eam euacuantur. Talis tamen musculus eligendus, in quo commodè deligatio & fasciatio, ne loco moueatur, fieri possit, & qui oculis pateat.]

*Quot modis
fiunt fonticuli.*

Fiunt autem fonticuli vel medicamento caustico vel ferro. Cauterio potenciali hoc modo parantur fonticuli. Loco, cui applicare cauterium animus est, capillis, si adsint, prius derasis, ad defensionem vicinarum partium imponitur emplastrum triapharmacum, vel aliud conueniens & tenax, in medio ad magnitudinem pisi perforatū. Foramini huic particula cauterij magnitudine pisi, (si pennæ anserinæ vel capsulæ argenteæ includatur, turius est, atque hoc modo minus vicinas partes lædit) sperto prius, si durius sit, madefacti, applicatur, vt cutē tangat. Cauterio applicato aliud emplastrum, imponendum, quod caute-

rium admotum firmet & retineat; fasciisque membrum obuoluendum. Post sesquihoram, horas duas, vel tres, prout medicamentum vim operandi habet, omnia remouentur, & eschara, seu crusta apparebit. Eschara inungatur butyro insulso recenti, alij hoc cataplasma ad dolorem sedandum & separandum escharam adhibent.

*℞. fol. malua, violarum recent. ana p. ij. Coq. & contundantur. Adde pingui. suilla insulsa, butyri an 3 vj. fermenti recent. 3 j. Croci ʒss. Misce. repidum admo-
uetur.*

Vnguenta vel cataplasmata bis de die renouanda, donec eschara separetur. Estque in nostris regionibus modus is fonticulos excitandi satis vsitatus. Itali tamen & alij cauterium actuale præferunt, quod cauterium potentiale non solum mala qualitate præditum sit, sed & sæpe magis comburat, quàm par est, ita ut non rarò vis eius pertingat ad musculos, tendines & nervos, vnde dolores & inflammationes excitantur. Verum enim verò cum pauci sint inter nostros, qui ferrum ignitum admittant, si ea eligantur cauteria potentialia, quæ nullâ malignâ qualitate prædita sunt, & loco conuenienti apponantur, caueaturque, ne ad vicina spargantur; quod fit, si vel pennæ anserinæ vel operculo seu cupulæ glandis includantur, vel locus vicinus satis muniatur: sine incommodo cauteria potentialia vsurpari posse experientia testatur. Monet etiam Hieron. Fabricius ab Aquapend. ne, si fonticulus causticis excitetur, butyrum apponatur, ne sub crusta putredo excitetur, sed solū diapalma cum vino sufficere existimat. Ferro verò fit fonticulus vel incisione vel vitione. Incisione dū fit, forcipe cutis apprehenditur, & arctè constringitur, eodē modo, vt dū setaceum in ceruice ponendum est, & postea scalpello inciditur. Verum etiam simplici incisione, quali in vena aut abscessu aperiendo vtimur, fonticulus excitari potest sine dolore. Si enim primò scalpello exiguum vulnus fiat, atque in illud turunda ex radice exsiccata rapi, gentianæ, medulla sambuci, forgi, ut supra de vulneribus & vlceribus ampliandis dictū, immittatur, breui tempore vulnere dilatato fonticulus excitari potest. In ignito autem cauterio applicando cum tria occurrere soleant, quæ homini molestiam pariunt, calor scilicet, dolor, & ignis aspectus ac horror: ferream primò Medici inuenerunt laminam, in cuius medio foramen sit tantum, vt admittat cauterium, ac in inferiore parte, quæ corpori applicanda est, circulum habeat, cum supercilio tenui & non nihil acuto, quæ supra locum fonticuli excitandi atramento notatum imposita & partem vicinam refrigerat & stupefacit, cum frigore, tum compressione, atque ita facit, vt calor ferri igniti & dolor minùs percipiatur. Quod si cauterium pixide conueniente inclusum contineatur, horror ille & timor ignis tollitur, & cauterium ægro vix animaduertente applicari potest. Verum cum cauterium istud pixide inclusum depingi commodè non possit, αὐτοψία rectè cognoscitur. Modus vrendi est, vt cutem tantum vramus. Nunc tamen lenius nunc fortius ferrum imprimendum; lenius in ætate tenera, corpore molli, item in brachio: fortius in adultis, corpore duriore, item in cruribus. Crusta seu medicamento, seu ferro ea inducta sit, conuenienter detracta, detergentibus & siccantibus medicamentis vtendum, quæ globulo ex linamentis concerpris parato excepta in medio vlceris ponenda & deliganda: idque continuandum, donec foramen conueniens sit conformatum. Postea vbi fonticulus paratus, linteolis in medio perforatis vlcusculum illud circumscribendum, & si opus, pilula ex medulla sambuci est conformanda & comprimenda, ac vlceri arctè indenda, quæ ob mollitiem dolorem non excitat, & ob spongiosam naturam humorem imbibens dilatatur, atque ita vlceris sensim ampliat: vel spon

Spōgia imbibatur albumine oui coquassato bis terve, deinde arctē ligetur, constringatur, & exsicceretur; exsiccatā sumatur particula magnitudine ciceris, quæ etiam commodè locum apertum seruat & humores imbibit. Ulcere satis dilatato vel globulus vel semiglobus ex cera, idque commodissimum est, vel galeus argenteus rotundus, plurimis in locis perforatus, & spongiolâ repletus in foramine continuò gestetur, & conuenienter deligetur, ac bis singulis diebus vlcus mundetur. Si quis tamen fonticulum sine dolore & molestia parare velit, non festinet globuli seu galeri illius impositionem, sed primùm cerea pila parua imponatur, & puluinar duriusculum supponatur, & fasciâ arctius constringatur.

modoreste
adi fon-
os.

[Quâ ratione fonticuli excitari debeant, paulo antè dictum. Cauterium etiam potentiale vix aliud commodius dari, quàm illud quod è lixiuio, è quo sapo coquitur, paratur, infra huius libri parte 3. sect. 3. cap. ult. monebimus. Saltem quædam de modo fonticulos iam excitatos tractandi, nunc addemus. Cum autem ad humores vitiosos euacuandos toto reliquo tempore aperti seruandi sint, vt sine molestia id fiat, danda opéra. Cauterium potentiale dictum equidem horæ vnius, vel ad summum duarum spatio, operationem suam perficere potest. Verùm eschara inducta in corporibus mollioribus, sex vel octo, imò diebus nouem vel decem, in duris vix citius, quàm duodecim vel quatuordecim dierum spatio perfectè separatur, ita vt fonticulus, quantum debet, pateat.

apertus
tur, glo-
s cereus
mendus.

In fonticulum excitatum, vt apertus seruetur, pila vel integrâ, vel dimidia, ex globulo ceræ commodissimè imponitur. Alij quidem pileolum perforatum, quem spongiâ implent, imponunt, alij globum ex ligno hederæ, alij alia imponere solent, sed ista ferè omnia premendo dolorem excitare consueuerunt, neque ita partem ad fluxum recipiendum disponunt, vt cera.

ulo quid
ponen-

Globulo imposito alij alia superponere solent. Alij emplastrum diaphœnicon, alij diachylon. Verùm emplastrum diaphœnicon fluxum potius sistit, quàm promouet: diachylon maturat saltem. Hic verò propositum est, è fonticulo plures humores è corpore euacuare. Ideoque nihil vtilius est, quàm folium hederæ chartâ bibulâ rectum imponere; & experientiâ constat, nullâ aliâ re tam commodè multos serosos humores prolici è fonticulo, quàm hederæ folio imposito. Quod remedium etsi plures Authores proponant: tamen nemo, cur aliis foliis hoc præferendum sit, explicauit. Ego causam hanc esse puto, quod folia hederæ peculiarem vim aquam ad se attrahendi obtineant. Id quod ex eo patet, quod charta bibula non latius madescit, quàm folium hederæ impositum se extendit; reliqua verò charta omnis circumcircuit sicca manet. Quò facere videtur, quod Cato, de re rustica cap. 3. scribit: Si voles, inquit, scire, in vinum aqua addita sit, necne, vasculum facito de materia hederacea. Vinum id, quod parabis aquam habere, eodem mittito. Si habebit aquam, vinum effluet, aqua manebit.

m hede-
m char-
ula.

Folio hederæ puluinar imponendum, & ne decidat, vel fasciâ vinciendum, vel laminâ cum ansâ continendum.

ies obli-
lus fon-
us.

Singulis autem diebus bis, manè scilicet & vespere, & folium & charta, & puluillus mutanda, & locus circa fonticulum linteo madido abstergendus. Aliàs enim ab excreto seroso humore pruritus excitatur, imò pars nonnihil excoiatur, vel locus circa fonticulum vnguento albo camphorato, vel vnguento albo de lithargyro inungendus. Si caro in labiis fonticuli luxuriat nimis & excrescat, & sanguinem, quod accidere solet, inrerdu m sudet, ea inperfo puluere aluminis vsti facillè tollitur.

modo re-
mdus.

Interdum accidit, vt fonticulus fiat siccior, & nihil

planè puris vel humoris fundat, quod fit, si materia vel aliam viam sibi quæsiuerit, vel locus intemperietem aliquam contraxerit, ita vt facultas expultrix quasi otiosa sit, & nihil expellat. Quod si eueniat, vnguento digestiuo ex terebintina, butyro & thure, vel simili, globulus cereus inungendus.

Callus vt
præcauendus.

Nonnunquam fonticulus callosus quasi fit, & duriem contrahit, quod præcipuè accidit, vbi fonticuli inter membranas musculorum excitantur. Fibra enim membranarum sese carni admiscunt, & labra duriora reddunt: quod si accidat, nonnulli vitriolum vstum, elleborum nigrum, vel etiam mercurium sublimatum seu præcipitatum adhibent. Sed tam fortibus & dolorificis medicamentis opus non est. Globus è radice gentianæ imponendus, qui sine dolore idem præstat.]

Quousque aperta sint ista seruanda vlcera non ita dicere in promptu est. Interdum enim materia morbifica non statim aut spontè ad fonticulum accurrit, sed longâ successione allici vult, ita vt sæpè plures dies, imò annus vnus altervè elabatur, antequam natura prioribus viis relictis nouæ huic ab arte factæ assuescat. Proinde affectus pertinacia, ægrique vires hîc quoque attendendæ. Ille, si perpetuò foueatur à viscerum cachexia, naturâ, morbo aut ætate introducta, ex.gr. si quis naturâ sit catarrhosis, aut alio detentus morbo hæreditario, si senex podagrâ laboret, aut apoplexiam meruat &c. gestatio fonticuli diuturnior, ac per plures annos imò ad vitæ finem vsque continuata indicatur: cum obseruationes Medicorum attestentur, eos, quibus etiam post multos annos eiusmodi vlcus, coaluit, præsentissimum vitæ periculum, sæpè etiam mortem subitanam incurrisse. Verum, vires si incipiant debilitari cum membrum fonticulum gerens gracilescit, aut fluxione copiosiore tentatur, cum vlcus sordidum malignumque euadit, cum super articulum descendit, aut sponte exsiccat, &c. hisce in casibus tempus est, vt vel claudatur vlcus omninò, vel alio conuenientiore loco aliud excitetur. Quod si eiusmodi circumstantiæ nullæ occurrant, generalis hæc regula est tenenda, ne infra annum, aut semestre saltem spatium oclusio fonticuli fiat, nec vltra sexennium eiusdem gestatio facillè protrahatur, eò quod cum vitiosis humoribus sæpè etiam boni euacuentur, vnde postea corpus genio suo defraudatur, vel etiam ad sterilitatem disponitur. Inprimis cauterium, quod parti nobili, veluti capiti inustum est, vltra annum apertum seruari non debere, scribit Iul. Cæs. Claudinus, de ingressu ad infirmos lib. 2. cap. 7. Plura de cauteriis videantur apud Thomam Fienum, de cauteriis, Michaëlem Gauasietum, in tractatu de natura cauterij, & H. Capiuacciū in tractatu de recta cauterij applicatione. Ad hanc tertiam operationem referri potest & illa, qua per cucurbitulas aliquid in corpore attrahitur, vel etiam extrahitur. Nisi quis illi peculiarem classem constituere, & inter hanc tertiam, & quæ sequitur quartam, mediò loco constituere velit. Est autem cucurbita vel etiam cucurbitula vas ventricosum, à forma cucurbitæ ita dictum, quod corpori ad trahendum affigitur; vnde & Galenus 4. method. medend. cap. 7. instrumentum ad violentum attractum, à Medicis excogitatum cucurbitam esse dicit. Vis autem omnis earum & agendi ratio à vacui ratione prouenit. Aëre enim intrus consumpto vel extracto necessariò cuti adhærent, eamque ad se trahunt, & si scarificata sit cutis, sanguinem; sin integræ applicentur, spiritus flatûsque euocant. Est autem earum aliqua differentia à materia, à figura, & magnitudine sumpta. A materia quidem quatuor cucurbitularum genera antiquis in vsu fuerunt, vitreæ, æneæ, argenteæ, corneæ. Corneæ ex vtraque parte patebant, & sine flamma imponebantur, aëre superiore parte, qua

Cucurbitula-
rum applica-
tio.

Cucurbitula-
rum differen-
tia.

exiguum foramen erat, ore extracto, & foramine postea clauso. Reliquæ omnes altera tantum parte patent, & cum flamma imponuntur. Cornearum usus etiam hodie apud nos exoleuerit: in tota tamen Arabia & Thracia frequens est, de quibus agit Prosper Alpinus, *de med. Egypt. lib. 2. c. 13. & 14.* Ioh. Th. Minadous *disf. medic. 4.* qui eas omnino in usum reuocandas censet, cum idem illis facere, quando nimirum minore attractione & minore sanguinis euacuatione opus est, æneæ & vitreæ non possint. Cuius opinioni ut planè non refragamur: ita etiam vitrearum & ænearum non vnam planè vim in attrahendo & euacuando, sed diuersam, pro ratione magnitudinis & formæ, esse dicimus. Nam si minores sint, cum minori flamma, paucioribus & minus profundis vulneribus applicentur, etiam debilius trahent, & minus euacuabunt. Differunt etiam figurâ, quod aliæ sunt rotundæ, & ore magis patulo, aliæ in metæ formam fastigiatae & angustiore orificio, quæ quia ut plurimum ex cornu fieri solebant cornicula appellantur. Magnitudine, quod aliæ sunt magnæ, aliæ parvæ, aliæ mediocres. Cucurbitularum autem usus multiplex est. Alias enim cucurbitulæ parti affectæ imponuntur, ut qui in ea præter naturam continetur humor vel flatus extrahatur. *Gal. meth. medend. c. ultimo:* quod fieri debet nulla fluxione amplius infestante vel plenitudine præsentente: quam ob causam & in colico dolore ventri, ad flatuosum spiritum euocandum, cucurbita magna cum multa flamma apponitur & in morfu ac ictu venenatorum animalium cucurbitula ad euocandum venenum parti applicatur. Alias non parti affectæ, sed oppositæ vel vicinæ applicatur, ad humores & sanguinem à parte affecta reuellendum & ad contraria trahendum vel ad vicina deriuandum. Vnde Hippocr. *5. aph. 50.* scribit: *Mulier si placeat menstrua sistere, cucurbitulam quam maximam ad mammas appone.* Et in pertinacibus oculorum fluxionibus cucurbitula scapulis cum magna flamma apponitur. Alias ad impetum sanguini versus aliquam partem conciliandum, sicut dum menses suppressos euacuare animus est, ad inguina & in cruribus cucurbitulæ apponuntur. Verum non solum ut sanguini motum concilient, cucurbitulæ aliquando applicantur, sed etiam abdomini quandoque apponuntur, ut calculum, in vteribus subsistentem, in vesicam deducant. Alias ut pars aliqua locum suum, vnde excidit, reducat. Applicantur autem cucurbitulæ vel suctu, ut antea de corneis dictum, vel flamma, vel calefactæ tantum. Et si humorem sensibiliter attrahere & educere animus est, cutis primò scarificatur; si verò spiritum vel flatum vel humorem insensibiliter educere libet, cuti integræ applicantur. Nam, ut *Celsus, lib. 2. cap. 1.* ait: Cucurbita ubi inhæsit, si concisa antè scalpello cutis est, sanguinem extrahit, si integra spiritum. *Atque hac de tertia operatione Chirurgica dixisse sufficiant.*

CAPUT X.

De rerum extra in corpus immissarum extractione.

Res à corpore extrahenda. quoduplices.

Rerum extra immissarum extractio.

Quarta operatio Chirurgica est ἐξάιρεσις, seu rerum noxiarum & inutilium à corpore extractio. Plures autem operationes rursus hæc complectitur, pro rerum eximendarum & operationis varietate. Res enim, quæ eximendæ sunt, vel extra in corpus immissæ sunt, vel in ipso sunt genitæ. Et quæ in ipso genitæ sunt, vel secundum naturam in eo genitæ sunt & in eo aut præter naturam detentæ aut corruptæ, vel præter naturam genitæ: de singulis ordine dicendum. Et primùm quod rerum extra in corpus immissarum extractionem attinet, sunt res illæ

duplices: primò omnia, quæ vulnerando corpori immittuntur, ut tela omnis generis, & globuli è sclopetis emissi: deinde res quædam externæ, quæ in fauces & guttur, aures & nares & oculos inciderunt, & iis inhærent. Tela primum, ut & globi plumbei, etsi aliquando satis diu in corpore hæreant: tamen rarissime vulnus integrè, telo in corpore adhuc delitescente, sanatur. Tela autem rectè extrahere satis difficile est, oriturque illa difficultas potissimum ex loco, in quem illa in corpus immissa penetrauerunt. Ideoque, ei qui rectè tela ex corpore extrahere aggredi voluerit, duo sunt in primis necessaria, singulorum corporis partium substantiam & naturam, figuram, situm & connexionem perspectam habere: Deinde telorum diuersitatem ex materia, magnitudine & figura cognoscere: & omnino necessarium in telorum extractione cauere, ne venæ, arteriæ, nervi, tendines lacerentur. Turpe enim fuerit & parum artificiosum, ut Ambrosius Paræus rectè ait, si plus manus Chirurghi, quàm ferrum noceat. Ut autem expedite tela extrahantur, æger ea figurâ constitutatur, quam obtinebat, cum vulneraretur. Quod si fieri non possit, iacens ita collocetur, ut quàm maximè ad eam figuram accedat. Eximentur autem tela duobus modis, vel extractione, vel impulsione, id est, vel eâ viâ, quâ telum venit, vel eâ, quâ tendit. Extrahitur per partem, quâ immissum est, vel nulla facta sectione, vel facta sectione. Etenim si telum non altè penetrauit, si vasa magna & loca nervosa non transiit, & è regione, seu quâ tendit, os, venas, arterias aut nervos habuerit, & si non metus sit à magna laceratione: eâ viâ, quâ in corpus penetrauit, & quidem sine sectione, retrahi potest. Si verò periculum est, ac metuendum, ne corpus laceretur, si telum eadem viâ, quâ ingressum est, retrahatur: dilatandum vulnus, vel sectione, vel etiam sine sectione: eo scilicet instrumento, quod ὀφθαλμοειδὲς *Celsus, lib. 7. c. 5.* nominat, aut nostro Olorino aut Ciconiæ, aut aliis dilatatoriis instrumentis, quo facilius telum retrahatur. Extrahitur autem telum vel manibus, si id fieri potest, ut cum exstat, & in sola carne infixum est; vel vossella, cum altius hæret, quàm ut manibus apprehendi possit, vel aliis instrumentis, quæ Græcis βελῶνα dicuntur, cuiusmodi sunt forcipes longæ, denticulatæ, rectæ, incurvæ, extremâ parte latæ, rotundæ: quibus recentiores Chirurghi varia nomina à figura indiderunt, & rostrum corvinnum, ciconiæ, anatis, anseris appellarunt, quorum figuræ exstant apud Ambrosium Paræum, *lib. 10. cap. 18.* & Iohan. Andream à Cruce. Si verò teli mucro in membro maiorem, quàm mediam, partem penetrauit, & spatium, per quod telum retrahendum est, sit maius, quàm quod adhuc transeundum fuerat, & neque os neque nervus, neque vena aut arteria id prohibeant: commodius est, ea parte, in quam tendebat, sectione factâ, eò telum impellere, atque per vulnus recens factum extrahere. Hoc enim modo facilius extrahitur, & vulnus facilius sanatur; cum vtrinque medicamento locus pateat. Si tamen telum nimis latum sit, ab altera parte educere non expedit; ne ingenti vulnere ipsi quoque ingens vulnus adiciamus. Si quoque inter duo ossa telum iniectum sit, proxima membra habentis in diuersas partes deducenda, ut laxius ad euellendum inter ossa detur spatium. Si verò carnis frustulum aliquod ossis, vel spina, vel festuca, vel simile quid inhæserit, quod nec manu, nec instrumentis extrahi valeat, medicamentis hac vi prædictis id extrahendum. Commendantur in hunc usum lacertarum copia contrita & imposita à Dioscoride, *lib. 1. cap. 58.* anagallis, dictamnium, aristolochiæ rotundæ radix, ut & succinum, crocus ♂, magnes præparatus, & similia, Emplastri formâ adhibita. Commendatur & Emplastrum Auicennæ, quod componitur ex fermenti, mellis

Telorum extractio.

Tela modis extrahuntur.

extra-
ratio.

mellis aut propoleos ana lb. ss. visci querni ℥iij. am-
moniaci ℥ij. olei antiquiss. ℥iij. & vnguentum ex be-
tonica & leporis pinguedine. Plura de telorum ex-
tractione videantur apud Celsum, l. 7. cap. 5. & Pau-
lum Aeginetam, lib. 6. c. 38. Verum cum nunc rarius
sagittis vulnera infligantur, Chirurgica etiam sagit-
tarum extractio hodie raro requiritur: sed cum ferè
globis sclopetorum vulnera infligantur, maior hodie
necessitas Chirurgis incumbit globulos plumbeos
sclopetis corpori immisos extrahendi. Globorum
autem illorum extrahendi ratio in multis cum telo-
rum extractione conuenit. Solent enim globi & viâ,
quâ ingressi sunt, & eâ, in quam tendunt, extrahi.
Nam si globus altè penetraverit, vt oppositæ parti
vicinior sit, & per cutem ac carnem subiectam tan-
gatur: parte incisâ per illam globus extrahendus. Si
autem ita altè non penetravit, vt ex parte opposita
commodè extrahi possit, specillo eâ parte, quâ globus
venit, immisso, globus inquirendus, eoque reperto
extractio commodo instrumento tentanda; quæ va-
ria sunt, & longitudine & figurâ differentia. Tria au-
tem ad extractionem requiruntur. Primò vt instru-
mento via dilateretur. Deinde, vt globus apprehenda-
tur. Apprehendit autem instrumentum globum vel
vt forceps, vel vt extremitate suâ se in globum infi-
git, aut cum cauo suo comprehendit, aut serratâ ex-
tremitate apprehendit. Atque hinc instrumentorum
varietas nascitur, quorum alia apprehendunt, & foras
trahunt, quatenus globis infiguntur, alia globos
comprehendunt, quatenus latiora & cauâ in extre-
mo sunt; alia quatenus in extremo serrata sunt; quo-
rum alia recta, alia incurua, prout rectè vel obliquè
globus processit. Tertiò globus apprehensus instru-
mento manu Chirurghi cum instrumento extrahatur.
Instrumenta ad hanc rem idonea apud Paræum ex-
stant, lib. 10. cap. 14. & Ioh. Andr. à Cruce, & Guil. Fa-
bric. cent. 1. obs. 88. Vbi extrahendi globum modum
facilem cum instrumentis depictis tradit, & vulgare
illud instrumentum forma terebræ ad globos plum-
beos extrahendos nouâ inuentione commodius &
aptius reddit. Cum enim, si vulgaris terebra globulo
infigitur, globulus facillè vnâ circumuoluatur, & cir-
cumuertatur: ille, vt hoc prohibeat, primò fistulam
argenteam, ferream vel æneam optimè politam oleo
rosaceo inunctam lentè vulneri immittit, & ad glo-
bulum vsque protrudit. Hinc alteram fistulam seu
cannulam immittit in extremitate dentatam seu ser-
ratam, ita quidem, vt dentes ex sinistro in dextrum
vergant, quæ impediatur, ne dum terebra globulo infi-
gitur, circumuoluatur. Tandem per hanc secundam
fistulam terebra immittitur, & cum ea satis globo in-
fixa fuerit, telum cum globo & vtrique fistula seu
cannula extrahitur. Quod si globus specillo inueniri
non possit, vt interdum in valdè profundis vulneri-
bus accidit, vulnus diu apertum seruandum, & sup-
purantia medicamenta vsurpanda, membrumque ita
collocandum, vt suo pondere globus exire possit. At-
que ita nonnunquam tela vel globi, qui aliquandiu
in corpore latuerunt, tandem temporis progressu vel
artis operâ extrahuntur, vel naturâ expelluntur. Ita
Hippocrates, 5. Epidem. cuidam, qui iuxta inguina
sagittâ percussus fuerat, cuspidem post 6. annos edu-
xit, & Guilh. Fabricius cuidam cultrum, qui spinæ
dorsi infixus erat, post biennium extraxit, cent. 1. obs.
62. Simile quid & memorabile satis hîc ante trien-
nium circiter accidit. Cum enim studiosus quidam
ad nasi radicem internumque dextri oculi angulum
cultro vulneraretur, cultri vi fracti dimidia pars di-
giti ferè longitudine inibi in osse infixâ inhæsit;
quod & cum nec ipse, nec Chirurgus animaduerte-
ret, neque etiam author vulneris quicquam de fra-
cto cultro significaret, vulnus citò consolidatum est.
Accidit tamen postea, vt post anni quadrantem cir-

citer in superiore parte palati ante columellam æger
quendam dolorem perciperet, & postea vlcus ibi ape-
rissetur: de cultro tamen latente nec æger nec Chi-
rurgus quid cogitabant, sed fortassè à carie ossis vul-
nerati vlcus illud apertum putabant. Euenit tamen
paulò post, vt post columellam nigri quid promine-
ret, quod laminam ossis carioli esse putabant. Cum
verò ad me æger consilij causâ accederet, iussi, vt
Chirurgus lima, quid esset, exploraret, qui mox fer-
rum id esse deprehendit, atque ita cuspidem cultri
prominere animaduersum est. Vlcus verò illud ante
columellam proculdubio acies cultri motu suo ape-
ruerat. Etsi verò Chirurgus extractionem tentaret: ta-
men cum latiore sui parte culter adhuc ossibus ad-
hæreret, extrahi non potuit, sed naturæ negotium
committendum fuit, cuius ope accidit, vt culter in-
dies magis prominere. Tandem cum cultri cuspis
articuli digiti longitudine ferè in faucibus propen-
deret, motumque aliquem eius, quod antè non fa-
ctum (cum sensum saltem ipso non animaduertente
quotidie sese demitteret) æger manifestò perciperet,
atque in magno periculo se constitutum animadu-
erteret, ac metueret, ne cuspidem culter in viscera ir-
rueret, cum Chirurgo ad me accurret, & consilium
petit. Subitò verò cum cultri fragmentum suo-
apte motu liberatum ac decidens à Chirurgo cuspidem ap-
prehensum & extractum est, parumque abfuit; quin
in gulam delaberetur. Cum verò osse eroso foramen
in parte superiore palati relinqueretur, quod sermoni
impedimentum afferebat, præter medicamenta ido-
nea abstergentia, & exsiccantia tandem laminam au-
ream, instar clypei, quæ in dorso prominentiam &
globum habebat, parari, & spongiolam illi alligari
curavi, quâ per spongiam foramini imposita, & hæ-
rente ac foramen claudente, satis commodè locutus
est. Caro tamen postea in labiis vulneris, licet tardè,
augeri & foramen angustius nonnihil fieri cœpit.
Quâ laminâ instructus ipse hinc abiit. Foramen il-
lud maximâ ex parte carne expletum esse, ipsumque
iam Concionatorem etiam sine illa aurea lamina
agere, nuper mihi relatum est. Alterum rerum extra-
hendarum genus, quod nonnunquam è corpore exi-
mendum venit, est earum, quæ faucibus & gutturi,
auribus, naribus & oculis quandoque immittuntur,
& incidunt, atque in his hære solent. Primò si piscis
spina, ossiculum, vel aliud quid in faucibus vel gut-
ture hæreat, sæpe inde magnum periculum & suffo-
catio imminet; cuius rei exempla annotauit Guil.
Fabricius, Cent. 1. Obseru. 33. & 35. Id si ore aperto in
conspectum veniat, volsellâ, eâque seu rectâ, seu in
extremitate parum incuruâ, & ad spinas à faucibus
eximendas commodâ, quam Græci *ἀναδοβίλον* ap-
pellant, eximendum; quod si altius in guttur de-
scenderit, vt adhibito oris speculo in conspectum
non veniat, vomitus oleo amygd. dulc. aut oliu. vel
pennâ aut digitis immisis ciendus. Nonnulli maio-
res bolos deglutire iubent. Sunt, qui paruam spon-
giam puram resina terebinth. aut syrupo aliquo aut
ol. amygd. dulc. imbuunt, & filo alligatam ægro de-
glutiendam exhibent, filoque alligatam extrahunt.
Verum cum hisce modis omnibus sæpe frustra spi-
narum & ossiculorum extractio tentetur: Hieron.
Fabricius ab Aquapendente candelam ex cera alba
paratam crassitie minimi digiti nonnihil incurua-
tam in fauces ab ægro demitti iubet, vt eius impulsu
spina vel ossiculum in ventrem descendat. Guil. verò
Fabricius commodius adhuc instrumentum inuenit,
cuius figuram depinxit, vsumque descripsit, Cent. 1.
Obseru. 36. Si nec hoc modo suo loco moueri res im-
missa possit, naturæ & temporis negotium totum
committendum. Progressu enim temporis calor na-
turalis coquendo & alterando rem illam mutat, &
imminuit; aut certe à parte, cui inhæret, liberat. Vt
tamen

In faucibus
hærentia ex-
trahendi ra-
tio.

In aures im-
missa extra-
hendi ratio.

Vermes in
aures illapsi.

tamen maturius id fiat, natura in coctione adiuuan-
da concoquente medicamento ex radicibus althææ,
farina sem. lini, fœnugr. sapa & ol. amyg. parato ac
ceruici impolito. Accidit etiam, vt in alperam arteri-
am inter deglutiendum, ridentibus vel loquenti-
bus portiuncula de cibo vel potu incidat, naturam
ad tussendum continuè irritans, interdum & peri-
culum suffocationis afferens. Ea sternutatione, arte,
hoc est pulueribus errhinis, concitatâ, commodissi-
mè eliditur, secundum Fabricium Hildanum; vulgus
dorsum pugno percutere solet. Deinde in aures non-
nunquam res quædam irumpunt, vel immittuntur,
quæ maturè extrahendæ sunt. Nam si diutius in aure
relinquantur, præsertim si acrimonia aliquâ præditæ
sint, aut si intumescere possint, vt legumina, quæ in
aurem immissa non solum intumuisse, sed & germi-
nare cœpisse obseruatum est, dolores grauissimos, au-
ris inflammationes, & hinc conuulsiones, atque alia
grauia symptomata excitare solent. Inter ea autem
primò sunt vermes, quæ interdum in aures irrepere
solent: quod etsi plerumque ex ægrorum relatione
cognosci possit: tamen cum & insciis interdum id
accidat, cognoscitur id ex titillatione, & pruritu, do-
lore mordicante, nonnunquam & conuulsio, ægri
angustia & inquietudine. Quamprimum igitur, &
quidem si fieri potest, viuus extrahendus; Idque vt
commodius fiat, & facilius apprehendi possit vermis,
proliciendus versus exteriora, dulcibus in aurem
immissis, vel extra applicatis. Pomum ergo dulce as-
setur, & calens & per medium dissectum, auri impo-
natur: Vel medulla pomi assi melli misceatur, vel
saccharum melli, vel mel fermento, & tepidè auri
immittatur. Ita vermis egredietur, vt facilius appre-
hendi possit. Si autem viuus elici, & extrahi ne-
queat, necandus iis, quæ amara sunt, & peculiari
proprietas, ac vi vermibus aduersantur: qualia sunt
aloe, succus absinthij, succus foliorum & nucleorum
perficorum, centaurij minoris, mentastri, tenaceti, lu-
pinorum vel similium, colocynthis, succus auriculæ
muris, spiritus vini, succus fol. sambuci, porri, & can-
nabis. Alij elleborum alb. in vino infundunt, & in-
fusum auri immittunt. Nonnulli castoreum in aceto
coquunt & calidè in aurem mittunt. Fumus quoque
sulphuris per infundibulum exceptus vermes occi-
dit. Alij oleum coryli instillant. Interfectus educitur
infusa aqua, vel vino & oleo tepidis, & immissis è
gossypio turundis, melle, terebinthina, aut gummi
aliquo glutinoso tinctis, quibus hinc inde in aure
circumactis vermis extrahitur, inclinato ægro super
aurem affectam. Sic res aliæ minutæ, vt festucæ, pu-
lices, turunda vel linteolo in melle, terebinthina, vel
alio aliquo liquore viscido tincto extrahendæ sunt.
Alia, quæ in aurem immitti & illabi possunt, sunt
vel dura, vel liquida. Si sint res duræ, oleum tepi-
dum infundendum est, vt si fieri possit dissoluantur,
aut certè meatus auris lubricus reddatur. Si tamen
res quæ incidit, eius naturæ sit; vt humectata intum-
escat, vt sunt pisa, fabæ, & similia, omnia humectan-
tia omittenda. Postea sternutatio concitanda, nari-
bus & ore clausis, vt spiritus per aures exire cogatur,
atque ita simul, id, quod in aurem illapsum est, ex-
trudatur. Si hoc modo res extrudi non possit, instru-
mento idoneo extrahenda est: cautè tamen, ne vel
profundius, quod eximendum est, intrudatur; vel
membrana tympani rumpatur. Quidam lacertæ seu
viuæ, seu mortuæ caput applicant, atque per tres ho-
ras relinquunt; Postea vbi remouebitur, rem auri im-
missam capiti lacertæ adhæsuram dicunt. Et scribit
Dioscorides, lib. 2. cap. 28. Caput lacertæ tritum & im-
positum aculeos, & omnia corpori infixæ extrahere.
Antiqui etiam ad incisionem auris progressi sunt,
modumque Paulus Ægineta, lib. 6. cap. 24. tradit. Ve-
rum Hieronym. Fabricius ab Aquapendente & istam

Pauli, & omnem sectionem, vt summè noxiam dam-
nat. Se vero multos sanitati sine omni sectione re-
stituisse, scribit, non aliis instrumentis, quam volsel-
lâ, & duplici specillo, quorum alterum in vno extre-
mo cavitatem, vt commune auriscalpium habet, al-
terum verò specilli mucronem recuruatum obtinet.
Extractionem autem instituit hoc modo: Pueri iac-
cente in latere opposito, & capite per ministrum fir-
mato, sinistra manu pinnam auris trahit & attollit,
meatumque quàm maximè diducit; dextra verò spe-
cillum ad alterum extremum latius, & recuruatum
in aurem immittit, quo vsque corpusculum immis-
sum contingatur, tum subter corpusculum specil-
lum subiicit, & ita sursum impulsu extrahit cor-
pusculum. Interdum opus est specillo, quod cavitatem
habet instar auriscalpij, quod corpusculum cavitati
insideat, & sursum feratur. Quod si hoc modo
corpus extrahi nequeat, tandem volsella vtitur, quæ
in extremitate instar forcipis est, & serrata, vt corpu-
sculum & apprehendi & extrahi possit. Si quod im-
missum est, liquidum sit, æger super pede è directo
auris affectæ exsiliat, capite in aurem inclinato, vt
liquor exstillet. Quod si non succedat, sternutatio, vt
dictum modò, concitanda, aut spongiola sicca auri
immittenda, ita vt canalus extremitas, quæ auri im-
mittitur, gossypio inuoluta, & munita sit, nec aëri,
dum spiritus attrahitur, vlla ex parte ingressus con-
cedatur. Videatur quoque Guil. Fabricius, cent. 1. obs.
4. 5. 6. vbi modum per instrumentum simile illi, quo
in globulis plumbeis è corpore extrahendis vtitur,
pisa, & similia ex auribus extrahendi tradit, & instru-
menta depingit, cent. 3. obseru. 4. Tertio si quid in na-
res immissum in iis hæret, non alia eas, quàm res au-
ribus inhærentes, extrahendi ratio est. Tandem non-
nunquam exigua corpuscula in oculos incidunt, à
quibus grauissimi eorum dolores, ophthalmia atque
alij oculorum morbi excitantur. Statim ergo talia
eximenda. Si arena & puluisculi oculis inhæreant, la-
pis chelidonium, oculi cancerorum, margaritæ, si ocu-
lis immittantur, ea expurgant. Si enim palpebra ele-
uata tale quid oculis imponatur, oculusque clauda-
tur, aliquandiu, quod eo promptius fiet, si oculus æ-
ger deligetur fascia aut strophio, puluis vel arena
lapillo adhæret, & postea cum eo excidit. Alij semen
hormini satiui imponunt. Si verò maius quid infi-
xum oculo sit, ita extrahitur: Cheirurgus ægro pal-
pebram super exiguo stylo inuersam altera manu
teneat, altera linteo molli mundo aqua pura madido
vel spongiola molli stylo alligata corpusculum ex-
trahat: Quod si paulò maius sit, exigua volsella exi-
mi poterit. Instrumenta ad hanc rem idonea videan-
tur apud Guiliel. Fabricium, cent. 2. obseru. 13. Quod si
extractio hoc modo non succedat, anodynis & aliis
commodis medicamentis adhibitis naturæ res com-
mittenda; de quibus idem, cent. 4. obseru. 17.

Res e
immi
exim

C A P V T X I.

De rerum in corpore quidem secundum natu-
ram genitarum, Sed in eo præter na-
tura modum retentorum
extractione.

Postea inter res, quæ è corpore extrahendæ sunt,
quædam reperiuntur, quæ quidem secundum
naturam in corpore generantur, sed tamen præter
naturam ibi detinentur. Atque huc primò pertinet
fœtus viui & mortui è corpore extractio, & excisio;
deindè vrina præter naturam retentæeductio. Primò
nonnunquam accidit, vt à matre fœtus nullo modo,
licet etiam medicamenta partum adiuuantia exhi-
beantur, excludi possit; & propterea obstetricis vel
Chei

De fœ
ui exc

Cheirurgi opera requiratur. Qua ratione autem fœtus viui extractio fieri debeat, docet Paulus Ægineta, *de re Medic. l. 3. cap. 76.* item Aëtius, *tetrab. 4. serm. 4. cap. 22.* Nonnunquam accidit, ut nec matris, nec alterius ope fœtus educi possit, siue quod fœtus nimis magnus sit, aut gemini, qui simul exitum quærunt, aut mola carnea coniuncta sit, aut si non conuenienter prodeat, nec tamen vlla ope in meliorem situm reduci possit, siue quod via, per quam excludi debet, quacunque de causa nimis angusta sit; ac tunc nullum aliud auxilium restat, quàm sectio, quâ viuus fœtus extrahitur. Et qui hoc modo educuntur, Cæsares appellantur. Nonnunquam tamen & mortuus fœtus, omnium medicamentorum ope & omni obstetricum spe sublata, exciditur. Exciditur autem fœtus viuus vel matre viua vel mortua. Mortuâ matre viuus fœtus exciditur, ne in ventre matris mortuâ suffocatus pereat. Matre viuentem fœtus exciditur, ut non modò fœtus, sed & mater cui utrique alioquin moriendum fuisset, seruetur. Mortuus verò exciditur, ut mater, quæ aliàs de vita periclitaretur, seruetur. De partu cæsareo, seu fœtus viui ex matre viua sine alterius vitæ periculo, imò ut non minus in posterum vtero gerendo apta sit futura mater, cæsura, peculiarem libellum edidit Franciscus Roussetus, in quo & multis exemplis & rationibus necessitatem ac vsum partus cæsarei demonstrat, ac rationem administrandi hanc sectionem perspicuè tradit, ad quem Lectores remittimus. Collegit ad hanc rem pertinentia Iob. Schenkhius, *obseru. Medic. lib. 4. obseru. 187. & seqq.* Insignis & memorabilis quoque fuit ille partus cæsareus, qui ob herniam vteri fuit hinc VVittebergæ, anno Christi 1610. peractus, de quo supra, *lib. 2. part. 1. cap. 9.* dictum. Infans verò ille demum sub finem anni 1619. mortuus est. Mortui verò partus extractio quâ ratione rectè administrari debeat, docet Celsus, *lib. 7. cap. 29.* Aëtius, *tetrab. lib. 4. serm. 4. cap. 23.* Hieron. Fabricius ab Aquapend, *de operationibus Cheirurg. titul. quâ ratione ex vtero fœtus mortuus extrahatur.* Instrumenta ad hanc operationem idonea depinxit Ambros. Paræus, *lib. 23. cap. 26.* & Ioh. Andr. à Cruce. Cognata est his & molæ extractio. Quanquam enim ad res præter naturam in corpore genitas mola pertineat, tamen ratio eam extrahendi ferè est eadem cum fœtus extractione. De qua videatur Guil. Fabricius, *cent. 2. obseru. 52.* Tandem hinc pertinet vrinæ per operam Cheirurgicam eductio. Nonnunquam enim accidit, ut ob calculum vel concretum sanguinem meatus occludatur, aut ob mediocrem inflammationem, aut carnem in meatu excrecentem vrina reddi non possit, ac tunc manus operâ adhibita, ut vrina reddatur, opus est. Perficitur autem ista operatio fistulis argenteis vel æneis, quas *na detū es* appellant, quæ ut omni corpori grandiori vel minori adhiberi possint, ad mares tres, ad fœminas duæ in promptu sint. Ex virilibus maxima est 15. digitorum, media 12. minima 9. ex fœmineis maior 9. minor 6. muliebres rectæ sint, viriles incuruæ; omnes læues. Ager verò, cuius vrina suppressa est, vel stans, muto tamen innixus, vel supinus super sellam, aut lectum collocandus est. Chirurgus verò à dextro latere sinistrâ quidem manu colem masculi tenere, dextra verò catheterem oleo inunctum corporis magnitudini & sexui conuenientem in meatum vrinarium immittere debet; atque ubi ad ceruicem vesicæ ventum est, cum eò loci in viris meatus vrinarius obliquetur, cum pene fistula versus umbilicum contorqueatur, atque in vesicam compellatur, & vrina reddita retrahatur. Nonnulli filo argenteo fistulæ cavitati respondenti gossypij floccum alligant, & in catheteris cavitatem immittunt, eumque, ut moris, in vesicam intrudunt. Postea, filum cum alligata lana per fistulam retrahunt, & ita quasi siphone vrinam eliciunt. In operatione tamen

ista diligenter animaduertendum, ne in vesicâ ingressu membranula quædam quasi ostiolum, quo foramina vasorum seminis in vnum iunguntur, violetur. Quod cognoscitur cum ex intrusionis catheteris difficultate, tum ex dolore excitato, tum ex sanguine emanante. His enim signis apparentibus retrahenda paulò fistula est, rursusque leniter impellenda donec membranâ intactâ in vesicam intrudatur & vrina reddatur. De vrinæ extractione vide etiam Guilielmum Fabricium, *Cent. 2. obseru. 65.*

CAPVT. XII.

De Partibus corporis corruptis tollendis.

Ceterum nonnunquam corporis partes ita corrumpuntur, ut de his restituendis nulla spes superfit; quæ propterea ut inutiles ac noxiæ, quæque vicinis labem inferre, easque contagio inficere possunt, tollendæ sunt. Quodcunque igitur corruptum est, abscindendum. Modus autem abscissionis varius est, pro partium læsarum varietate, & situ, atque ipsius morbi natura. Ideoque ex particularibus operationibus rectissimè modus talia è corpore tollendi cognoscitur. Sæpe tamen in fistulis & aliis malignis vlceribus non sufficit sectio sola, ut quæ minutissima quæque tollere non potest, sed post sectionem cauterio vel actuali vel potenciali opus est, ut reliquæ tollantur; imò interdum sine sectione solum cauteriis corrupta eiusmodi tolluntur. Vix autem aliquod corporis membrum est, in quo non interdum talis operatio ac corruptæ alicuius partis excisio tentanda sit. Ita cuidam tumor prominens scirrhosus in cancrum degenerans in dextro oculo exortus est, qui cum nullis aliis medicamentis curari posset, & metuendum esset, ne, malo cerebro communicato, æger in vitæ discrimen adduceretur, radicitus omnino ex oculi orbita, in qua latebat, usque ad ipsum neruum opticum amputandus fuit. Id quod Guilielmus Fabricius, *Cent. 1. obseru. 1.* instrumento lenticulari forma figurato, & nonnihil incuruo, *ibid.* depicto præstitit. Ita idem, *Cent. 1. obseru. 2.* alteri ficum, & tumorem cancriformem ad maiorem oculi sinistri angulum forcipe oculari apprehensum cultello separatorio excidit. Forcipsis ocularis, & cultelli separatorij delineatio, atque operationis descriptio *alleg. loco,* videantur. Sæpiissime autem accidit, ut partes cancro correptæ amputandæ sint. Cancer enim initio quidem, ut Galenus, *2. ad Glauc. cap. 10.* habet, sanatur, & in primis medicamentis atram bilem educentibus. Vbi verò in magnam molem attollitur sine Chirurgia curari non potest. Verum, ut Hippocrates, *6. aphor. 38.* scribit: Quibus occulti cancri adsunt, non curare melius: curati enim citius intereunt; non curati verò vitam longius trahunt. Ideoque, ut Galenus, *in com.* habet, non nisi, qui in summa corporis parte, eaque neruosa, & à magnis vasis remota consistunt cancri, & quos vnâ cum ipsis radicibus excindere & extirpare licet, curare tentandi sunt. Ideo, ut Aëtius, *tetrab. 4. serm. 4. cap. 44.* scribit, Cancri in pectore aborti omnino deplorati sunt; quemadmodum & ij, qui in capite, collo, sub alis, & inguinibus generantur. Nam præter quàm quod perfecte tolli non possunt, sanguinis eruptiones timendæ, metuendumque, ne ex iis æger inter Chirurgi manus pereat. Ij verò, qui papillæ summitatem occupant, affectæ partis amputatione facile curantur inter initia. Ergo si cancer sit in superficie corporis, ut radicitus amputari possit, & non ita magnus, ægèque sit robustus, ne inter manus Chirurgi deficiat, ætate nimirum adhuc vigente, animo præsentem, neque graua symptomata adsint, quæ sectionem prohibeant: corpore primum conue-

Partium corruptarum excisio.

Cancro extirpato.

conuenienter euacuato, totus cancer abscindendus, vt nulla radix superfit, sanguisque non statim suppressendus, sed vt effluat, sinendus: imò ex partibus vicinis crassus exprimendus. Postea cauterio actuali pars adurenda, non solum, vt sanguis sistatur, sed etiam vt canceri venenata qualitas absumatur; partes verò vicinæ defensiuo aliquo vnguento sunt muniendæ, ne inflammentur. Denique curandum, vt eschara decidat, & emplastrum ex tritici farina & succo apij imponendum, tandemque vt in aliorum vlcera curatione procedendum. Si verò cancer maior sit, vnica incisione totus amputari non potest, sed pluribus hoc faciendum, parsque incisa statim inurenda, & incisio hæc atque vltio toties, quoties opus fuerit, repetenda. Nonnulli ferri candentis loco causticis medicamentis vtuntur, inter quæ hîc inprimis commendatur arsenicum: & inprimis si Chymicè præparetur, de quo Chymici consulendi. Cancer nonnunquam labia corripere solet, qui si nullo alio remedio curari possit, cum labio tandem amputandus. Etsi verò ista operatio magna sit, & inde deformitas insignis oriat: tamen si tumor incrementum summat indies, ægrumque valde cruciet, nonnulli instrumentis abscindunt, quæ simul incidunt & comburunt, vt sanguinis profusio prohibeatur. Hieronymus Fabricius consulit, vt acuta moneta ex argento aut ligno duro & acuto in aquam fortem intinctis amputatio fiat; postea totum ouum commistum & stupa exceptum imponatur, ad dolorem leniendum, & inflammationem prohibendam. Frequentius verò fœminis in mammis cancer oritur, qui, si nulla alia curationis spes superfit, eodem modo amputari potest. Instrumenta huic operationi inferuentia, forcipem scilicet & cultrum separatorium depinxit Fabricius Hild. *Centur. 3. Obseru. 79.* Verum cancer in mammis rarò curatur, sed seu medicamenta, seu ferrum, seu ignis adhibeantur, postea tamen renouatur, contigitque, vt cancro in mammillis oculis obuio sanato, non multò post in vtero latens & occultus abortus sit. Hinc Celsus nullum vnquam profecisse aliquid vrendo vel secando scribit, & satius esse putat, medicamentis hîc vti lenioribus, quæ quasi blandiantur, nec prohibeant, quominus ad vltimam etiam senectutem pertingant ægri. Et ex neotericis Platerus quamplurimos mammarum cancos se vidisse testatur ad costarum vsque ossa amputatos frustra, cum nihilominus rediissent illi, tandemque mortem attulissent, *lib. 2. obseru. med.* Non immeritò proinde, *ibidem*, sectionem toties dissuasit, lithotomis eam quæstus causa enixè vrgentibus, nullòque negotio exerceri posse adstruentibus. Sicut & Fabricius ab Aquapendente in tota illa praxi chirurgica, quam per 50. amplius annos exercuit, nullam mamam abscindere voluit, monitus exemplis Albukasis veteris inter Arabes Chirurgi, qui neminem sic se curare potuisse scripserat. Guil. Fabricius tamen aliquot adductis exemplis, sibi sapius, satisque feliciter hanc operationem successisse profitetur, *cent. 3. obseru. 87.* Nonnunquam etiam accidit, vt vuula vel ex inflammatione vel morbo Gallico corrumpatur, quæ postea amputanda est, ne partes vicinas inficiat. Celsus vuulam vna manu præhensam alterâ abscindere iubet. Sed cum in locum angustum & vossellam immittere, & altera manu operari & abscindere sit difficile: Hieronymus Fabricius ab Aquapendente vuulam statim abscindit, & præcisæ ferrum exiguum in cochlearis formam figuratum, bene calefactum, non ignitum, admolet; quo calor natiuus vuulæ extinctus ferè, roboretur & reuiuiscat, & ita quasi vita partis renouetur. Guilhelm. Fabric. *Cent. 2. obseru. 21.* peculiare instrumentum ad vuulam abscindendam inuenit, cuius delineatio & vsus ibi videatur. Nonnunquam quoque euenit, vt totum mem-

brum virile putridum & corruptum abscindendum sit, cuius rei exemplum habetur apud eundem Guilhelmum Fabricium, *Cent. 3. obseru. 88.* qui etiam in excisione contra Celsum vsu causticorum tam actualium, quàm potentialium, non præter rem reicit: cum septica putredinem in parte naturâ humidiore augeant, caustica verò præterquam quod canalem vrinæ obstruant, nisi diligenter & timidè adhibeantur, crustam facillè deciduam relinquant, vnde profusio sanguinis, quæ nonneminem exanimatum fuisse refert, *Cent. ead. obseru. 89.* Resectâ virgâ, locoque cicatrice obducto, canna pro reddenda vrina in promptu haberi potest, qualem depinxit Paræus, *lib. 23. cap. 9.* Amputatur etiam vterus corruptus, cuius operationis plures obseruationes collegit Schenckius, *lib. 4.* Ossa verò quod attinet corrupta, quomodo ea limatione, rasione, scalpello & terebrando eximi debeant, iam dictum est. Præterea verò ossa, quæ vel corrupta sunt, vel, quod reponi non possint, inutilia euaserunt, & pungendo nocent, eximuntur forcice, aliàs ad forcipis figuram parata, aliàs verò alia, vt ea, quæ plittaci rostrum similitudine refert, & plittaci rostrum vulgò vocatur; aliàs alia: quarum figuræ extant apud Ambrosium Paræum, *lib. 16. cap. 30.* & Ioan. Andr. à Cruce. His enim forcipibus abscinduntur digitorum ossa corrupta, & ossa fracta eminetia. Pertinet hîc & dentium euulsio, quæ, vt commodè fiat, à gingiua primùm vndique liberari dens debet, hinc sensim concutitur, vt mobilis reddatur. Nam qui fixus hæret, non sine periculo euellitur; cum nonnunquam maxilla & partes vicinæ, præsertim in dentibus superioribus, lædantur. Dens liberatus forcipe præhendendus, & eximendus; & si cauus, atque exesus sit, prius linamento aut plumbo cauitas explenda, ne sub forcipe facillè confringatur. Rectâ verò forceps ducenda est, ne inflexis radicibus gingiua os cuti adhærens frangatur. Cauendum quoque, ne cum dente os gingiua comprehendatur & frangatur. Quod si dente exemplo radix relicta sit, ea quoque ad id factâ forcipe, quam Græci *πίσάρα* nominant, & qua parua spicula extrahi solent, eximenda, dente extracto maxillæ diductæ adducendæ, & vino aut posca os abluendum. Instrumenta autem, quibus dentes extrahuntur, varia sunt, quæ nomina à figura & similitudine, quam cum rostris animalium habent, ferè acceperunt: quæ recenset Hieronymus Fabricius: Figuræ extant apud Ambrosium Paræum, *lib. 16. cap. 27.* & Ioan. Andr. à Cruce. Tandem nonnunquam accidit, vt caro & os simul amputanda sint. Euenit enim interdum, vt in corpore humano partes quædam sphacelo corripantur, atque ita emoriantur, vt nulla vitæ recuperandæ spes superfit: vbi vnica indicatio est, id quod corruptum est, amputandi, ne partes sanæ & ipsæ inficiantur. Atque in digitis quidem manuum pedumque sphacelatis proximū semper articulum sanum forcipibus aut scalpulis excisoriis abscindunt: ipsum autem crus brachiumque extra articulationem, amputant, & expressè Celsus ipsum articulum nos cauere monet: in hoc tamen, & minori quidem cum periculo ac dolore, sectionem fieri posse contendunt Fabric. Hild. *cap. 14. de Gang. & Peccett. lib. 1. Chir. c. 3.* Quod si ob loci incommoditatem fieri non possit, vbi scilicet partes vel plures, vel tales, quæ sine vitæ periculo amputari non possunt, e. g. in thorace, ventre, emortuæ fuerint, res desperata est. Serpit enim putredo, hominique tandem mortem affert. At si extremæ partes, manus vel pedes, emortuæ fuerint, eæ sine vitæ periculo interdum amputari possunt. Ideoque tūc immedicabile vulnus ense rescindendum, ne pars sincera trahatur. Quæ operatio Græcis *ἀρρωστησις* nominatur. Etsi verò auxilium hoc miserum & peri-

Vuula amputatio.

Penis amputatio.

& periculosum sit: quia tamen vnicum est, & nullâ aliâ ratione, quàm membri amputatione, mortem effugere licet, quandoque tentanda est membri emortui amputatio. Quia tamen cum summo periculo operatio ista coniuncta est, & nonnunquam in ipso opere, vel sanguinis profusione, vel animi defectione ægri moriuntur, si res omnino deplorata est, ægrique vires tam sunt debiles, ut certum sit, ægrum in ipsa operatione moriturum, abstinendum est à sectione. Satius enim est ægrotantem sinere mori, quàm occidere. Si tamen res planè desperata non sit, tentanda est membri amputatio; cum nihil interfit, ut Celsus, lib. 7. cap. ult. habet, an satis tutum sit præsidium, quod vnicum est; & satius sit, anceps auxilium experiri, quàm nullum. Quo verò in loco sectio, quando instituenda est, fieri debeat, authores dissentiunt. Alij in ipsa parte corrupta atque emortua sectionem instituendam esse autumant. Videtur fuisse huius sententiæ Gal. lib. 2. de curand. ration. ad Glauco. nono, ubi ita scribit: *Membrum emortuum statim rescindere oportet, quò sanam partem vicinam attingit. Est post; Satius est ob maiorem securitatem, quando abscindis & circumcidis id, quod iam putruit, eam, quæ veluti radix est, sanæ parti adiunctam adurere.* Quam sententiam etiam defendit Iohan. de Vigo, lib. 4. Cheirurg. cap. 7. *Incidendum est membrum, inquit, propè sanum, ita ut aliquid remaneat corrupti. Et hoc de tribus causis; Primò ut incisio sine dolore fiat; secundo ut fluxus sanguinis euietur; tertio ut post remotionem ossis fiat cauterisatio cum pauculo dolore.* Inter recentiores verò idem sentit Fallopius, qui, tractat. de tumoribus præter naturam c. 26. docet, aliquid relinquendum esse potius de parte corrupta, quàm sanam incidamus, ob easdem ferè, quas Iohan. de Vigo habet, rationes. Hieronymus Fabric. ab Aquapendente, Cheirurg. lib. 1. c. 19. & de operationibus Cheirurgic. titul. de sphaceli Cheir. relinquit partem corruptæ carnis tantam, quanta est crassities vnus digiti, aut vnus cum dimidio. Idque ideo, quod si in viuente parte instituat sectionem, duo inuitabilia symptomata sequantur, sanguinis profusio ex præcisione magnorum vasorum, & dolor intolerabilis, cui statim adiungatur conuulsio ex præcisis maioribus neruis & chordis. Quæ incommoda euitari posse docet, si in parte emortua sectio instituat. Ne autem putredo latius serpat, abscisso osse, feramentis candentibus, iisque crassis, & latis & bene ignitis, inurit partem illam putridam relictam vndique, donec æger persentiat vim ignis, & aliquem dolorem patiat. Ita enim partem totam emortuam in crustam degenerare, quæ est operculum vasis, & partem viuam ita per vitionem corroborari scribit, ut spatio tridui, aut ad summum quatruidui appareat separatio mortui à viuo, & ita sistatur mortificatio sine dolore, sineque sanguinis profusione. Alij contrarium sentiunt, inter quos est Celsus, qui, l. 7. c. 33. inter sanam vitiatamque partem incidere scalpello carnem vsque ad os iubet, sic ut potius ex parte sana aliquid excidatur, quàm ex ægra relinquatur. Ita & Guido de Cauliaco, tr. 6. doct. c. 8. iubet membrum incidere supra corruptum aliquantulum in loco, in quo cum tenta immissa inuenitur dolor & firmitudo. Quos sequuntur inter Recentiores Cheirurgo Ambros. Paræus, qui lib. 1. c. 18. Celsi consilio minimum eius, quod sanum est, amputare iubet, sic tamen, ut potius ex parte sanâ aliquid excidas, quàm ægra relinquant. Interdum tamen plus etiam de parte sana ob actionis reliquæ partis commoditatem, & quendam quasi ornatum abscindendum esse monet, ut postea dicitur. Deinde quoque Guil. Fabricius, qui, de gangrena & sphacelo c. 4. si Sphacelus genu superauit, quàm minimum sani resecandum; idemque in manu obseruandum esse. In pede verò aut tibia amputationem esse instituendam quatuor aut quinque digitis

infra genu statuit. Verùm distinctione quadam hæc opus esse videtur. Nam interdum putredo adhuc serpit; interdum verò sistitur, neque amplius in vicina grassatur, sed natura ipsa separationem sani ab emortuo instituit. Quod ubi fit, circa partem corruptam circulus rubens, & exquisiti sensus apparet, & materia ibi densior & laudabilis conspicitur, ubi natura carnem mortuam à sana separare incepit. Atque in hoc casu etsi in parte sanâ sectio non fiat, putredinis in partes vicinas propagatio metuenda non est. Et tunc secundum priorem sententiam sectionem instituere licet; & si quid omnino adhuc carnis semimortuæ superfit, id facile cauteriis non admodum ignitis sine insigni aliquo dolore tolli, & pars roborari potest. Interdum tamen actionis reliquæ partis quædam commoditas, atque quidam quasi ornatu nec hoc admittit. Etenim licet pes tantum emortuus sit: commodissimum tamen est, ut propè genu amputatio fiat. Ita n. crure ligneo commodius uti, & incedere poterit homo, nec tibiæ truncus, ut inutile pondus, oneri & impedimento fuerit in incedendo. Si autem ulterius adhuc serpat putredo, etsi & primus sectionis modus planè reiiciendus non sit: tutior tamen esse videtur posterior. Etenim non sine periculo aliquid de parte corrupta relinquitur: cum non raro in partibus interioribus, & in profundo membri corruptio longius serpat, quàm in cute apparet. Nam muscoli & eorum vasa cum in interioribus partibus sint calidiora, quàm extra, facilius putredinem concipiunt. Ideoque si quis in parte extra corrupta sectionem instituat, metuendum est, ne multum putredinis relinquatur, quæ latius serpens vel ægro mortem afferat, vel sectionem reiterare, atque alterâ vice eum frustra cruciari cogatur. Deinde, ut dictum, actionis partis reliquæ commoditas, & quidam quasi ornatu non semper permittunt in parte mortuâ sectionem instituere. Nam si perpetuò in parte mortua instituenda est sectio, relinquetur tibiæ truncus, ægro non nisi impedimento & oneri futurus. Vnde rectè Paræus & Guil. Fabr. propè genu amputationem fieri iubent. Ita n. & tibiâ vel crure ligneo commodius uti, & incedere poterit homo. Refertque Paræus historiam de quodam, qui cum pedem supra malleolum pilæ ferreæ aneo tormento explosæ ictu amisisset, reliqui & onerosi atque inutilis cruris tædio affectus, id sibi viuo & sentienti ad quinque digitos contra genu abscindi curauit. Neque etiâ rationes contrariæ satis firmæ videtur. Quamquâ n. dolor excitatur: tamè nihil interest, ut Celsus, l. 7. c. 33. scribit, an satis tutum sit præsidium, quod vnicum est. Nihilominus ipse dolor obscurari & leniri potest arctis ligaturis, quæ spiritum animale aliquomodo intercipiunt; & ipsa sectio acutissima nouacula summa agilitate peragenda est. Sed nec illi ipsi, qui in parte corrupta sectionem instituunt, omnem dolorem præcauere possunt. Nam ubi postea os serrâ amputatur, periostij ratione dolores satis acuti excitantur; quos si quis omnino vitare velit, necesse est, ut & ea in parte amputationem instituat, qua & ipsa membrana emortua sit. Quod si faciat, & eo loci proculdubio os corruptum inueniet: & putredo in musculis, & vasis, quæ facilius putredinem concipiunt, tanta relinquetur, quæ etiam cauteriis extinguere non poterit: quæ nec ipsa, si modò putredinem tollere debet, sine dolore, adhiberi possunt. Sanguinis verò profluvium tantoperè extimescendum non est. Nam sanguinis aliquid effluere inutile non est. Cum enim sanguis putredini vicinus facile corruptionem aliquam contrahere possit, unde noui mali periculum impendit, eius aliquid effluat necessum est. Ut verò illa sanguinis profusio non sit nimia, vinculis præcaueri, vel etiâ, si opus sit, cauteriis ritè adhibitis prohiberi potest. Quod autem cauteria attinet, quibus ii, qui priorem sententiam defendunt, omnem putredinem

Modus am-
putationis.

reliquam tollere conantur : primò , si putredinem totam relictam tollere debent necessariò plura adhibentur; quod ipsum sine dolore accidere non potest. Deinde habent cauteria & alia incommoda. Nam vehementi illo calore adeps & humores siccantur, atque in partibus sanis dolor excitatur. Præterea sub eschara vapores illi maligni & putridi , ne exhalare possint, detinentur. Tandem cauteriis cutis contrahitur & corrugatur , ut sæpe magna ossis pars nuda emineat, quod forsitan iteratam per ferrâ sectionem requirit. Ut autem operatio rectè instituat, omnia instrumenta, & quæ ad hanc operationem necessaria sunt, in promptu sint, Nonnulli opiatæ alicuius confessionis, vel Ladani opiati aliquid exhibent ad sensum sopiendum; verum ad vires hîc respiciendum, & videndum, ne agro hoc modo aliquod periculum attrahatur. Ager verò pro natura, situ & varietate partis affectæ convenienter & commodè collocetur, & ne pars in operatione vacillet, aut æger eam movere possit, firmissimè vinculis & ministris comprehendatur & detineatur. Deinde partis sanæ cutis, quantum fieri potest, sursum trahatur. Hinc pars supra confinium, quinque circiter digitorum spatio, arctè vinciatur & ligetur. Hoc enim modo & sensus nonnihil stupidior redditur, & venæ atque arteriæ adstringuntur, ne tam magna sequatur hæmorrhagia: & peracta membri amputatione cutis & caro deorsum trahi possunt, ut os aliquomodo tegant. Postea inter sanam vitiatamque partem caro & partes molles omnes ad os usque nouacula vel scalpo acuto incuruo seu cultro falcato incidendæ, citâ, quantum fieri potest, unicâque sectione, ita quidem, ut potius ex sana parte aliquid excindatur, quàm corruptæ relinquatur; atque ipsum os etiam sua membranâ denudetur. Deinde ferrâ acutissimâ, quàm proximè sanæ carni eidem inhærente, cauendo tamen, ne caro à ferrâ lancinetur, os præcidatur. Leonides panniculum lineum sanæ carni circumponebat, ne ipsam, dum os secatur, laceraret. Hinc si sanguis nimis profusè fluat (nam ut mediocriter fluat, sinendum) sistendus, vel medicamentis sanguinem sistentibus, vel escharoticis, vel ignis ferramentis vasis tantum admotis; quod tutissimum est. Ignis enim non solum fluentem sanguinem sistit, verum etiam reliquias putredinis, & radicem, si quæ supersit, absumit. Etsi verò Ambrosius Paræus, lib. 1. c. 20. & 22, sine vstione noua quadam vasa deligandi ratione sanguinem sistere iubeat: tamen longè maius periculum & dolores ex illa deligatione, ad quam & cum adhibet, excitantur, quàm ex vstione; ac facillè fieri potest, ut nervo aliquo puncto inflammatio & conuulsio cum vitæ periculo exciteetur. Si tamen, ut modò dictum, actionis reliquæ partis commoditas, & quasi quidam ornatus aliud postulet, in crure, non solum in parte sana corruptæ vicina, sed & non longè à genu sectio instituenda. Si verò in parte emortua sectionem instituere libeat, id fiat non longo intervallo à sana, sed distantia latitudinis digiti. Hinc ferramentis candentibus, crassis & latis, ne corruptio serpat, tota pars comburenda emortua, eò usque, donec æger vim ignis sentiat, & caro semiputrida tota consumpta sit, atque vstio usque ad sanam partem peruenerit. Nonnulli, quod non incommodum est, antequam os secetur, instrumento falcato & crasso partem comburant, donec æger dolorem persentiat. Ita enim non solum hæmorrhagia euitatur, sed & maior ossis portio patet & apparet. Hinc ferrâ acutissimâ proximè carnem os amputant, & si opus sit, ignitis instrumentis, quæ in extremitate globulum quendam habeant, vasa amplius adurunt, & ipsæ etiam ossi cauterium adhibent. Cauendum tamen, ne medulla aduratur. Hisce peractis vincula omnia laxanda, & cutis à carne iterum retrahenda, ut os operiatur, tandemque mem-

brum & vulnus conuenienter obligandum & collocandum est, & ut reliqua vulnera curandum: de quo Ambrosius Paræus, lib. 1. c. 23. Guil. Fabricius, de *Ga. grana & Sp. baculo* cap. 15. Franciscus Peccettius, lib. 1. *Cheirurg.* c. 3. Alius adhuc partem emortuam tollendi modus videatur apud Gabriel. Fallopium, de *tumorib. præter naturam*, cap. 26. & Hieron. Fabric. ab Aquapendente, lib. 1. *Cirurg.* cap. 19.

C A P V T XIII.

De rebus præter Naturam in Corpore genitis eximendis & tollendis.

Restat vltimum rerum è corpore tollendarum genus, quæ scilicet præter naturam in corpore genitæ sunt. Est autem rerum istarum non parua varietas. Quædam enim partibus corporis nostri annascuntur & tenaciter adhærent, ut verrucæ, acrochordones, condylomata & excrescentiæ in ano, glande, vulva, calli, clavi, nodi, strumæ, sarcomata narium & polypus, epulis in gingiuis, caruncula in meatu vrinario, fungi, hernia carnosa; aut in parte aliqua corporis continentur, ut aqua in aquosa hernia, in abdomine, calculi in renibus & vesica; de quibus hoc capite dicendum. Primò Verrucæ sunt in cute excrescentiæ, instar monticulorum eminentes, vulgò etiam porros appellant, quia filamentis quibusdam quasi radicibus porri similibus cuti adhærent. Est autem quædam earum differentia, à figura præcipua desumpta, unde & nomina sumpta sunt. Appellanturque Græci alias myrmecias, alias *ἀνποχόρδονες*, alias *δύμους*. Et huc etiam pertinent condylomata, ficus & cristæ siue excrescentiæ quædam in ano, atque circa mulierum pudenda. De quarum differentiis dicere alterius loci est. Hîc, quâ ratione Cheirurgiæ operâ tollenda ista sint, dicendum. Sine tamen Cheirurgia tum ex palpebris, tum ex aliis omnibus partibus verrucas se exterminasse, contusa portulaca, vel sabina puluerisata subinde imposita, scribit Hieronymus Fabricius ab Aquapendente, de *Cheirurg. operat. tit. de verrucis palpebrarum*. Alij quibusdam acribus medicamentis erodere eas tentant, de quibus Franc. Peccettius, lib. 1. *Cheirurg.* cap. 33. Curatio autem Cheirurgica describitur à Galen. lib. 14. *m. m.* cap. 17. & Paulo Aegineta, lib. 6. c. 27. Fit autem vel vinculo, vel excisione, vel vstione. Primò enim si verrucæ pensiles sint & extent, filo serico aut setâ equinâ vel aliquo alio filo forti constringendæ, & magis quotidie adstringendæ sunt, quoad alimento & vita destitutæ decidant. Vbi deciderint, locus alumine aut chalcitide aspergendus, aut si radix supersit, cauterio ea absumenda. Ad excisionem autem instrumenta idonea sunt scalprum ad mirtei folij similitudinem & phlebotomum, lancetta vulgò dictum. Circumcirca autem verrucæ liberari, & quasi scarificari debent; hinc volsella apprehendi, & acutior scalpro, aut phlebotomo radicibus extirpari. Nonnulli, ne renascantur, candente ferro insuper adurunt. Vstio autem ita instituitur. Lamina quædam ferrea pertusa ita verrucæ adaptari debet, ut per foramen verruca exstet & emineat, nihil tamen carnis circumpositæ appareat; hinc candente ferro verruca adurenda: postea escharam remouentia apponenda, vlcusque, ut reliqua, curandum. Nonnulli ferri igniti loco lignis viridibus incensis vtuntur; alij sulphure accenso. Thymi, qui in sphinctere ani sunt, volsella attrahendi, deinde radicibus excindendi sunt. Hinc medicamentum siccum sanguinem sistens inspergendum, & siccantia medicamenta, donec perfectè curentur, adhibenda. Si verò thymi in locis magis expositis sūt, ac præterea magni, post excisionem ad sanguinem sistendum, & regenerationem inhi-

inhibendam, vltio adhibenda. Ita si thymi in præputio glande, vel omnibus hisce locis sunt, & omnes omnino tales in locis pudendis excreſcentiæ si mitiores sint, & non admodum inueteratæ, exſiccantibus & erodentibus medicamentis tolli poſſunt: qualia ſunt miſſy, ſory, chalcitis, & quæ in hunc finem cõmendatur, ſabina pulueriſata impoſita, quam Hieron. Fabr. ab Aqua pendente tanquam ſingulare ſecretum commendat. Si autem tales excreſcentiæ maiores ſint atque inueteratæ, & cura per medicamenta tardiùs procedat, commodiſſimè per ſectionem tolluntur. Ager ponendus in ioco lucido eſt, manibus ac genibus, vinctis, vel à miniſtris artiſſimè comprehenſis, ne moueri queat. Deinde excreſcentia voſſellâ apprehendenda, & prout maior vel minor fuerit, ſpecilli acie, vel forſice, vel nouaculâ abſcindenda, & ſanguine ſpongia deterſo puluis, qui ſanguinem ſiſtendi cruiſtamque inducendi vim habet, inſpergendus, vel potius, quod tutiſſimum, pars actuali cauterio adurenda, & ouum integrum bene conquaſſatum ad dolorem leniendum ſtupa applicandum, & vlcus, vt alia vlcera aduſta, curandum. Si autem in præputio oppoſiti thymi ſint, alij in parte eius interna, alij in externa: non omnibus ſimul manus admouenda, ne perforetur præputium; ſed primò interni tollendi, & cicatrix parti inducenda; hinc & externi curandi. Si tamen totum præputium thymis ſit reſertum, cutis præputij ſecanda. Monet in iſta operatione Hieron. Fabricius ab Aquapendente, vbi ſanguis ille prauus & contagioſus poſt ſectionem effluit, ne partes vicinæ inſiciantur, & nouæ excreſcentiæ oriantur, ſtatim nouaculam vino abluendam eſſe, antequam iterum ſectio inſtituatur. Vid. de horum thymorum & condylomatum communi vniuerſo verrucarum generi Chirurgiâ Aët. l. 1. c. 103. & ſeq. Peccet. l. 1. Chir. cap. 33. apud quem etiam de nymphotomia olim Aegyptiis, teſte Gal. in Introd. vſitata, vt etiam caudæ vteri ſeu clitoridis amputatione agitur, De qua ſingularem habet obſervationem Platerus, l. 3. Obſp. 626. quò referantur etiam illæ Schenckij l. 4. obſ. de part. gen. mul. Quæ interius in oriſicio aut collo vteri deliſceſcunt phymata, ægrius quidem, nihilominus tamen, maximè ſi adhibentur diopra, auferri poſſunt, vel filo cereo, vt vult V Vierus, vel forcipe exciſorio, qualem polypo adhibet Fabricius ab Aquap. & hinc quoque locum habere dicit: Alij, vbi tuberculum filo aut forcipe apprehendi commodè nequit, corroſiuo medicamento id abſumunt. Quibus omnibus in Chirurgicis id ſedulo attendendum eſt, ne attingantur phymata dura aut ſcirrhoſa, ex quibus reſectis vlcus poſtmodum cancroſum ſuperſtes foret. Pertinet hinc & calli ſeu cutis indurata ac rigida, item clauſi ſeu calli rotundi & clauſi capiti ſimilis exſtirpatione. Fit autem illa vel medicamentis vel ferro. Si medicamentis exſtirpare liber, calli vel clauſi pars ſuperior primùm abradenda vel ſcalpello, vel pumice, vt medicamentum facilius penetrare poſſit, ac pars circumſcirca ſcarificanda, & poſtea aliquid ex erodentibus medicamentis impoſendum. Si autem per ſectionem callorum & clauorum curatio inſtituenda eſt, perpendenda prius magnitudo & profunditas clauſi, locus item, num ſcilicet venæ, arteriæ vel neruoſæ parti adhæreat. Tum enim ſectio non conuenit, ſed potius medicamentis vtendum. Vbi verò ſectionem inſtituere licet, primò pars emollienda decocto maluæ, veteris axungię, aut ammoniaco aceto diſſoluto, aut ladano vino diſſoluto; hinc clauus circumſcarificatus voſſella apprehendendus, & acuto ſcalpello aut phlebotomo radicatus eximendus eſt. Exempto clauo vel callo locus tepida aqua fouendus, & aquâ, in qua alumen coctum ſit, abluendus, ac ſi opus ſit, melle & erogine extergendus: de quibus videatur Celfus, lib. 5. cap. 28. Aëtius, terrab. 4. ſerm. 2. c. 82. Paulus Aegineta, l. 3. c. 80. Albuca-

Dan. Sequerii Tom. 1.

ſis, l. 2. c. 45. Nonnunquam & caruncula ex vlcere in meatu vrinario oritur, atque ita interdum augetur, vt vrinam ſupprimat. Hæc Cheirurgiæ operâ & idoneis medicamentis exſtirpanda eſt. Inter medicamenta commendat, vt ſingulare ſecretum, Hieronymus Fabricius ſabinam pulueriſatam, vt & portulacam conuſam. Poſſunt & alia medicamenta erodentia adhiberi. Danda tamen opera, ne aliæ partes, quàm caruncula, erodantur. Ideoque vel per fiſtulam argenteam medicamenta ad carunculam diſmittenda ſunt, vel capiti & extremitati candelæ cereæ incorporanda & immiſcenda, & vſque ad locum carunculæ detrudenda. Verùm quia ab vrina facilè eluuntur medicamenta, & cura ita protrahitur, recentiores modum inuenerunt applicandi medicamenta, vt ab vrina elui non poſſint, quem deſcribit Hieron. Fabricius ab Aquap. de operat. Cheir. tit. de auferenda caruncula è meatu vrinario. Fit nimirum cannula ex linteo cera alba inducto, longitudine digiti tranſuerſi, latitudine ea, quæ æquat catheterem ſeu argenteam fiſtulam vſurpandam, quæ longum filum appenſum habeat. Hæc cannula, priùs tamen extra idoneo medicamento oblita, ſtylo extra fiſtulam argenteam prominenti adaptetur, atque vnâ cum argentea fiſtula & ſtylo in vrinæ canalem immittatur, donec occurrat caruncula. Et cum iam eſt in loco carunculæ, argentea fiſtula retrahatur, cannula verò ex linteo cerâ obducto parata relinquitur, vt per eam vrina emittatur, quæ ſimul prohibet, ne medicamentum ab vrina elui poſſit. De qua tota curatione plenè agens vide Paræum, l. 18. de lue venerea c. 22. & 23. item epiſt. vlt. centuria, quæ annexa eſt, cent. 4. obſeru. Chirurg. Fabricij Hild. Interdum & Sarcoma quoddam & carnis excreſcentia in interioribus naribus annaſcitur, quæ polypus à polypi ſimilitudine, nominatur. Polypi autem curatio vt rectè inſtituatur, cuius naturæ ſit, primò perpendendum. Si enim durus, dolens ac liuidus ſit, atque ita cancri naturam participet, non attingendus facilè eſt: qui verò alterius naturæ eſt, exſcindendus. Corpore verò priùs conuenienter euacuato æger ad fenestram & locum radiis Solis illuſtratum ita collocetur, vt radij ſolares naſi meatum bene illuſtrent. Hinc inclinato ægri capite ſupra puluinar Medicus ſiniſtrâ manu naſum aperiat & dilatet, dextrâ verò ferramentum acutum in modum ſpathæ factum in nares immittat, & polypum ab oſſe reſoluat. Diligentia adhibenda, ne ſubiecta cartilago lædatur, quia difficilis ſuccedit curatio. Vbi polypus abſciſſus eſt, vinco ferramento extrahendus. Et ſi quæ radices ſuperſint, forcipe oblonga ſeu roſtro gruino apprehendendæ & euellendæ, donec excreſcentia omnis penitus exſtirpata fuerit. Quoniam autem poſt vnâ atque alterâ euulſionem plerumque ſanguis copioſus erumpere ſolet, ne operatio impediatur, illico frigida vel aqua plantaginis in nares attracta abſtergendus. Perfecta verò operatione vino granatorum nares abluantur, quo, ne polypus regeneretur, prohibetur. Tandem ad cicatricem inducendam penicillum medicamento conueniente aſperſum vel illitum immittere, vel plûbeum cannaliculum inferere, vel medicamenta conuenientia in nares inflare conuenit. Malignos autem polypos gracilibus & oliuariis ferramentis candentibus adurere vtile eſt. Poſt aduſtionem verò præſidia aduſtioni dicata admouenda ſunt. Si verò hoc modo polypus totus extrahi non poſſit, antiqui præcipiunt, ſumendum eſſe linum mediocriter craſſum, funiculi inſtar, & nodis hinc inde pluribus & frequentibus conſtrictû, ita vt inter nodum & nodum ſit ſpatium digiti tranſuerſi, aut etiam minus, & huiusmodi funiculum immittendum à naribus ad palatum, & foras per os extrahendum cum ſpecillo perforato: tùm verò dextrâ ſiniſtrâque manu duo ſili capita, tùm quod è naribus, tùm quod ab ore pendet, viciffim trahenda ac retrahenda,

Caruncula in meatu vrinario exſtirpatione.

Polypi ablatione.

henda, donec reliquæ polypi absumantur. De curatione polypi vide etiam Paulum Æginetam, *lib. 6. c. 25*. Celsum, *ib. 7. c. 10*. Albucal. *lib. 1. c. 14*. Franc. Peccet. *lib. 1. cap. 32*. Verum antiquorum polypos extrahendi rationem non in omnibus probat Hieronymus Fabricius ab Aquapendente, atque ideo ipse peculiare ad polypum extrahendum instrumentum inuenit, de quo pluribus agit, *de operat. Chirurg. tit. de polyp. extrahendo, & tit. de instrumento auctoris pro polypo extrahendo*. Nonnunquam & carnea quadam excrecentia gingivis adnascitur, quæ epulis dicitur, ac sæpe sensim ad insignem magnitudinem augetur, ut loquendi & mandendi facultatem impediatur: quæ non raro in cancrum degenerat. Ea ergo quamprimum, dum adhuc parua est & doloris expers, inprimis verò ea, quæ pendula gracilique radice hæret, si masticatione, vel collutionibus, & linimentis adstringentibus, siccantibus, corrosivis denique tolli nequit, filo duplici vincienda, quousque decidat, vel ferro præcidenda. Vbi deciderit, locus inurendus caustico fistulæ incluso: de quo Ambrosius Paræus, *lib. 1. cap. 4*. Huc pertinet curatio tuberculi in oculi angulo maiore excrecentis, quod *εγκανθίς* nominatur, ut & excisio vnguis oculi. *Εγκανθίς* eousque auctam vidit Platerus, *lib. 2. observ.* ut maioris auellanae quantitatem æquaret, ac dimidium oculum tegeret. Tuberculum hoc primò iis auxiliis curatur quibus ophthalmia. Ea si non sufficiant, excisionem moliri licet, cautè tamen, & ut Celsus loquitur, *lib. 7. c. 7*. manu temperatâ administranda, ne quid ex caruncula lacrymali abscindatur, unde *πύας*, vitium priori perius, effluxus nempe lacrymarum continuus, subsequi solet. Post excisionem diductis palpebris in angulum vel turpia præparata aut, cadmia, aut si aliquod inferendum, desuperque simile quid imponendum est, donec oculus sanescat. Non ab simili modo excinditur etiam vnguis, de quo præter alios vid. Fabric. ab Aquapend. *in operat. Chirurg. cap. de vngue oculi*, propter duplex illud præsidium, quo sine multiplici manuum opera, quod se mutuo impediunt, palpebras motumque oculorum firmare docet, adhibito anulo plumbeo, vel glutino vtrinque affixo. Sarcoma alia proprio nomine carentia hinc inde in corporis sedibus cutaneis excrecere solent, maiora & minora, in capite, ceruice, collo, dorso, abdomine: quæ nisi incommodum aut turpitudinem insignem afferunt, intacta relinquere satius est, quam cum periculo & dolore ingenti excindere. Quod si tamen sectio faciendâ, ea sit vel auferendo simul cutem, maximè si pendula caro ac circa radicem tenuis sit, idque ferro vel filo, aut chorda, hæcque vel simplici, vel imbuta liquore adurente; vel dissecando cutem, carnemque conclusam postea separando & extirpando, sique venæ maiores aut arteriæ subsunt, sedulo eas cauendo, aut ligando. Caro luxurians vlcere vulnerumque compesci solet insperione aluminis vsti, aut similium erodentium puluerum, ut vitriol. æruginis. Eos pixidulis certis inclusos per epistomium oblongum asperumque, quod vngue subinde fricant, carni excrecenti adhibent nostrates Chirurgi. Vbi fortioribus opus est, addunt etiam sublimatum vel arsenicum, quibus tamen non nisi ritè præparatis & cautè adhibitis vtendum. Egregiè etiam carnem luxuriantem absumit, vlcera mundat, & cicatricem inducit ista Aqua Viridis.

Aqua viridis
ad carnem
excrecentem

℞. Aluminis crudi, virid. aris an. drach. ij. Coq. in vini albi Vnc. xvij. ad quartæ partis consumptionem. Colatur. Deinde

℞. Camphora Drach. i. Soluetur in spirit. vini Vnc. i. & Colaturæ priori adde.

Fungorum
exstirpatio.

Interdum & excrecentiæ quædam, quæ carnis mollis speciem præ se ferunt, & radice instar fungi innituntur, ac propterea fungi nominantur, frequen-

tius membranæ cerebri, nonnunquam tamen & aliis partibus annascuntur. Et si verò interdum, si minor sit fungus, medicamentis erodentibus, ut *Qio* præcipitato, alumine vsto, vitriol. puluere sabinae, hermodactylorum combustorum, radicis angelicæ, aristolochiæ rotundæ & similibus tollatur: tamen si maior sit & malignus, non perfectè curatur, nisi radicibus excindatur atque exstirpetur. Plura videantur de hac re apud Ambrosium Paræum, *lib. 9. c. 19*. Guil. Fabric. *Cent. 1. obs. 14. 15. Cent. 2. observ. 35. & 36. Cent. 3. obs. 5*. Exoriuntur nonnunquam etiam in corpore tubercula quædam, quæ à duritie nodi, à glandis figura glandes, & scrophulæ, à scrophis seu tuibis, quibus hoc malum familiare est, nominantur; suntque scrophulæ induratae glandulæ in collo, sub alis & inguinibus. Sunt & aliæ huius generis extuberantiæ, quæ vel à forma nomen accipiunt, ut testudo, talpa; vel à materia, dum aliæ steatomata, quod materiam sebo vel pinguedini similem continent, appellantur; aliæ atheromata, quod materiam puliculæ similem; aliæ melicerides, quod materiam melli similem habent. Est autem tumorum omnium horum commune, ut materia, ex qua constant, vesicula quadam & membrana contineatur, unde resolutione & discussione vix tolluntur, nisi forsan in principio digitis vel assula lignea valde & frequenter comprimatur tumor, donec scissus rumpatur, & materia adhuc tenuior attenuetur & resoluetur; in quem finem vtilissimè lamina plumbea hydrargyro illita membro arctè alligatur. Si verò iam diuturnior sit tumor, aperiendus, vel medicamentis erodentibus vel sectione. Inter medicamenta efficax est hoc. ℞. Ammoniæ, pyrethri, euphorbii an. *ῥij*, salis nitri *ῥij*, ceræ q. s. F. Emplastrum: vel fiat Emplastrum ex ammoniaco, pyrethro & oleo succini, idque tam diu gestetur, donec tumor rumpatur. Sectio verò, de qua agere huius loci est, hoc modo instituetur. Cutis supra tumorem extendenda, hinc secundum fibrarum rectitudinem ad cistim vsque cutis secanda; cisti inuenta, quæ alba & dura visui offertur, ea à cute liberanda, & cum contenta materia eximenda. Cauendum autem diligenter in hac operatione, ne vas aliquod coherens lædatur, aut cistis vulneretur & laceretur. Si enim cistis vulneretur, materiaque effluat, & cistis difficulter extrahitur, & relicta materia periculum est, ne tumor renascatur. Materiâ exemptâ, ut in reliquis vulneribus, curatio absolvitur. Videatur de his etiam Hier. Fabricius ab Aquapend. *in append. ad lib. primum de Tumorib.* & Franciscus Peccetius, *lib. 1. cap. 24. 25. & 26*. In specie verò scrophulæ & strumæ seu glandulæ induratae cum in aliis partibus, tum præcipuè in collo duplici modo tolluntur, vel medicamentis emollientibus, digerentibus & discutientibus, vel Chirurgia. Medicamenta ad hanc rem idonea collegit Franciscus Peccetius, *li. 1. c. 23*. Chirurgiam quod attinet, medius tumor inciditur vsque ad glandulam. Et quidem in collo secundum longitudinem, propter vicina vasa instituenda est sectio: in alis verò & inguinibus per transversum; & cauendum, ne tunica, quâ glandula simul inuoluitur, incidatur. Struma vbi nudata fuerit, ab adiacentibus partibus vel digitis vel spatula vel scapelli capulo separanda, & hinc extrahenda est, cautione adhibita, ne si struma vasi annexa fuerit, sanguinis aliqua profusio excitetur. Danda etiam opera, ut folliculus totus extrahatur, ne particula relicta struma renouetur. Et si membrana particula relicta est, ea quoque extrahenda, ac nisi ferro id fieri possit, medicamentis corrosivis & putrefacientibus reliquæ absumendum. Reliqua curatio ut in aliis vulneribus perficitur. Inprimis verò in collo caueatur, ne vas aliquod aut nervus lædatur, quorū alterū sanguinis profusione affert, alterū vocem adimit. Exemplum sectionis talis parum felicis

No
phu

Struma

licis proponit Guilielmus Fabricius, *cent. 3. obseru. 35.* Qua de causa Hier. Fabric. ab Aquap. censet, à strumis & glandulis in collo extirpandis abstinendum esse; nisi ita putridæ euaserint, ut suâ sponte à subiectis, quibus adhærent, partibus non difficulter separentur. Eodem ferè modo bronchocele curatur, quæ est tumor in collo, non in glandula, sed supra asperam arteriam obortus. Is tumor medius vnâ linea inciditur vsque ad tunicam: Deinde vitiosus sinus à reliquo corpore digito separatur, corûsque cum membrana sua eximitur; Postea aceto, cui vel salis vel nitri aliquid additum sit, eluitur. Celsus postea oras futura coniungit. Verùm monet Hieronymus Fabricius ab Aquapend. potius glutino utendum esse; cum futura cum dolore fiat, & inflammationem, quæ curationem moratur, excitet. Idem & illud monet, si totus folliculus non extrahatur, folliculum faciliè putrescere & exire, si vena subiecta illa, è qua folliculus & abscessus alimentum & incrementum suscipit, transuersa incidatur. Si verò non incidatur, difficulter putrescere, & faciliè regenerari. Omnem enim abscessum vnâ saltem habere venam à sana parte ad folliculum propagatam, per quam abscessus & folliculus sanæ parti hæret appensus, in reliqua autem liber est. Atque hanc venam ferè semper in fundo ipsius abscessus esse, & propterea omni studio secandam. Pertinet hûc & Sarcocoele seu hernia carnosâ, quæ est tumor circa testes, dextrum plerumque sicut testantur obseruationes à Fabric. Hild. *Cent. 4. obs. 64.* adductæ, qui etiam eius rei causas reddere conatur, ex carne scirrhusa genitus, & vix nisi excisione atque amputatione curatur. Non tamen nisi exiguus vel mediocris tumor talis tutò amputari potest. Si verò iam altius assurrexerit, & inguina occupauerit, citra vitæ periculum excisio tentari non potest. Neque enim totus tumor sine periculo eximi potest. Si verò eius aliqua portio relinquatur, fungus adnascitur, malum priore periculosius. Cum autem excisio locum habet, comprehenso toto tumore, id est, testiculo tumefacto cum carne annata, primò scrotum ad tumorem vsque secandum: hinc totus tumor à scroto abducendus, & acus filum validum trahens per medium processum supra testiculi tumefacti regionem transadigenda, rursusque per eandem processus partem secundò intrudenda; tum fili ambo extrema nodo constringenda, altera peritonæi media portione eodem illo nexu & nodo comprehensa. His peractis totus processus cum concluso testiculo abscindendus est; fili verò, quo superior pars processus reuincta est, extrema è vulnere pendentia relinquenda. Tandem repercutientia medicamenta vulnere vicinisque partibus imponenda, & reliqua vulneris curatio secundum artem peragenda. Hieronymus Fabricius ab Aqua pendente in teste carcinomate affecto, qui pileo maior erat, ad inguen prius vasis forcipe apprehensis ac consutis, & vinculis constrictis, abscidit vasa transuersa & totum testem amputauit; postea ferramentis candentibus locum combussit, & intra viginti dies sanitati eum restituit, cui aliàs intra paucos dies moriendum fuerat. Nonnunquam in scroto & testiculorum tunicis materia aquosa collecta tumorem efficit, quia hernia aquosa nominatur, quæ cum duplici modo curari possit, vel medicamentis exsiccantibus, discutientibus & resoluentibus, vel incisione: Ista quæ ratione peragenda, & per eam aquosa materia in scroto præter naturam collecta euacuanda sit, ad hunc locum pertinet. In incisione autem, quæ scalpello vel lato phlebotomo fiat, facienda id imprimis attendendum, ut sectio ad locum aquæ pertingat, & tunicam illam, qua aqua concluditur. Colligitur enim aquosa illa materia vel inter erythroidem tunicam & testiculum; vel inter erythroidem & dartum di-

ctam, quæ est secunda testiculorum tunica, vel in propria pellicula, veluti vesica quadam, continetur, atque hoc genus in tunica super annata vocatur. Quibus autem signis loca discerni, & quo ordine & modo sectio institui debeat, diligentius & accuratius docent Paulus Ægineta, *lib. 6. c. 6.* Aëtius, *retrab. 4. Serm. 2. c. 22.* Celsus, *l. 7. c. 18.* Viles quoque aliquas admonitiones & obseruationes proponit Guil. Fabr. *Cent. 4. Obseru. 65. 66. 67. 68.* Qua ratione verò in abdomine collecta aqua educi possit, satis ex iis, quæ de *ὀγκανθίος* abdominis diximus, patet. Restat tandem, ut de calculo vesicæ eximendo dicatur. Et si enim antiqui etiam in calculis renum sectionem instituerint, ut ex Hipp. *de Intern. affect.* patet, & quandoque post diuturnos dolores nephriticos ex abscessibus iuxta exteriorem regionem renum ortis calculi fuerint extracti, ut Franciscus Russettus, *de partu Casareo, sect. 3. c. 7.* docet: & tales excretionum spontaneorum historias annotauit Schenckius, *lib. 3.* sicuti singularem de *νεφρολιθία*. Paræus, *lib. 24. cap. 19.* tamen cum operatio illa maximo cum periculo coniuncta sit, in desuetudinem deuenit, & propterea saltem de calculo vesicæ sectione extrahendo dicemus. Est tamen & illa operatio non solum crudelis & summo cum dolore coniuncta, sed & satis periculosa, adeò ut nonnulli mortem oppetere, quàm huic operationi se subiicere malint. Vnde Hippocrates, et si in operationibus Chirurgicis exercitatissimus, discipulos iureiurando obstringit, ne calculo laborantes secent, sed magistris eius artis peritis id muneris committant, ut ex Hippocratis iuramento videre est. Veruntamen non pauci doloribus & cruciatibus vehementissimis urgentibus coacti fuerunt Chirurgiæ se exponere, et si in ipso opere mortem sibi obtingere posse non nescij essent. Et ob sectionis huius periculum antiqui neque omni tempore, neque omni ætate, neque in omni vitio istam operationem tentandam præceperunt, sed solum tempore verno, & in corpore, quod iam nouem annos attigisset, nondum verò 14. excessisset: præterea si tantum sit malum, ut neque medicamentis vinci, neque cum eo vita trahi possit. Hodie tamen multi reperiuntur, qui in ista operatione peragenda tam formidolosi non sunt, & qui non solum pueris & adolescentibus, sed & viris ac senibus feliciter sectione calculum extraxerunt. Modus autem operationis hic est. Ante sectionem diebus aliquot corpus euacuandum, & ægro cibis salubris & moderatus offerendus, ac loca pudenda laxantibus sapientius fouenda. Corpore præparato, aluique fecibus, si opus sit, & clystere adiuvante, depositis, tres scopi Chirurgo propositi sunt: Nimirum continuum soluere, calculum extrahere, ac, quod sectum ac diuisum est, rursus vnire. Antequam verò sectio instituat, æger aliquantisper obambulet, vel etiam aliquoties è scamno desiliat, ut motu eiusmodi calculus ad vesicæ ceruicem descendat. Hinc implorato auxilio diuino, si æger vel adolescens est vel adolescente maior, in sedili alto, aut super mensam stabilem supinatus ferè semirectus collocandus, manibus subter diducta femora porrectis, quò in angustum vesica compellatur. Si verò puer sit, vir aliquis valens & cordatus in sedili alto confideat, supinumque puerum & auersum super genua coxis eius collocatis comprehendat, reducisque eius cruribus ipsum quoque iubeat manibus ad suos poplites datis eos, quàm maximè possit, attrahere, simulque ipse sic eos contineat, super pueri humeros suo pectore incumbens. Et si opus cum patientis manibus & cruribus omnia simul alligentur. Quod si necessitas requirit, duo alij ministri à lateribus eum contineant atque elenari non sinant. Hinc Chirurgus perinaum pilis, si opus sit, nudet, & sinistra manus indicem oleo inunctum ano inmittat, dextraq; digitos super imū abdomē leniter imponat,

Calculi vesicæ extractio.

Veteribus usitatus modus, seu apparatus minor.

calculum in vesica inquirat, inuentumque ad vesicæ ceruicem deducat. Tum ministrorum alter ad sinistram ægri latus stans dextram manum supra eius abdomen leniter imponat, altera autem eiusdem testiculos cum pene sursum attollat: ipse verò Chirurgus scapello apto inter anum & testiculos sinistram natem versus, usque ad vesicæ ceruicem, super lapide, qui in vesicæ collo est, & secundæ parti supponitur, lunata figura, vno imperu sectionem instituat, & faciat cutem quidem latiore plaga, intus autem ceruicem vesicæ non ampliore, quam ut calculus per eam facile possit eximi, neque etiam angustiore. Si enim vulnus sit angustius, calculus iter, cum vi premitur, facit, nisi accipit, atque ita sanguinis profusio & nervorum distensio fieri potest. Facto vulnere, ubi in conspectum venit calculus, si exiguus est, digitis & per anum & per pubem virgendus ac propellendus est, ut extrudatur: si maior, iniiciendus à superiore eius parte vncus in eum usum paratus. Is est ad extremum tenuis in semicirculi speciem retusæ latitudinis, ab externa parte lævis, quæ corpori iungitur, ab interiore asper, quæ calculum attingit. Vbi vncus iniectus est, in utrumque latus inclinandus est, ut appareat calculus, & teneatur, cauendo, ne cum adduci vncus cœperit, calculus intus effugiat, & vncus in oras vulneris incidat, easque lancinet. Vbi satis teneri calculum patet, vncus extrahendus est. Calculo extracto medicamenta sanguinem sistentia adhibeantur, vulnus debite obligetur, & conuenientia medicamenta contra superuenientia symptomata & mala applicentur. Atque hæc veteribus vsitata calculo laborantes secandi ratio est, quæ minor apparatus vulgò vocari solet, quod paucioribus instrumentis peragatur. In eo autem Hieron. Fabric. ab Aquapendente lunatam sectionem reprehendit; quia ea transuersi muscoli penis amputentur, & plus intus, ac in profundo, quam par sit, incidi, ac meatus vrinarius præteriri possit. Ipse verò secundum recentiorum morem secundum ductum musculorum & in medio eorum sectionem peragendam censet. Deinde & hoc monet, malè forcipes ab antiquis neglectas, & extractionem vel digitis vel vncu solum tentaram fuisse; quorum utrumque parum tutum. Nam digitis non sufficiunt: per vncum verò extractio periculo non vacat; cum lapis facile sub vncu effugere, & ab vncu vicinæ partes lædi possint. Ideoque alius adhuc est secandi modus, qui quod maiore instrumentorum apparatu fiat, apparatus magnus dicitur, quem Iohannes de Romanis, Cremonensis Medicus, qui circa annum Domini 1520. Romæ floruit, inuenit & usurpauit, quem postea eius discipulus, Marianus Sanctus, Barolitanus, cum instrumentis necessariis peculiari libello descripsit. Est autem hic. Corpore ægri, ut in priore modo dictum, præparato, ipse super mensam itabilem diductis & complicatis genibus ferè supinus ita collocabitur, ut eius calcanea ferè nates contingant, manusque poplitibus extrinsecus subiiciantur: cum verò habena duplici à ceruice dependente crura tibiarum & pedes firmiter vinciantur, & laqueo sic constrictus æger à valentibus ministris utrimque comprehendatur & immobilis teneatur. Figura ægri ad sectionem hoc modo siti extat apud Ambrosium Paræum, l. 16. c. 42. Tum catheter gibba curuaturæ parte in longum paulò latiore rima fissus, cuius figura *allegato loco* videatur, oleo inunctus in vesicam immittatur. Minister verò alter, qui ægri dextrum genu tenet, dextra manu scrotum paululum in dextram partem ita attollat, ut Cheirurgus sine impedimento sectionem instituere possit. Tum Cheirurgus inter anum & scrotum, non quidem per medium perineum, sed sinistrorsum, qua parte catheteris fissura conuertetur, duorum ab ano digitorum spatium, secundum fibrarum rectitudinem scalpulum adiget,

Apparatus
magnus.

eiusque aciem in catheteris, qui in collo vesicæ est rimam demittit, atque ita sectionem instituet, ut vulneris interna longitudo pollicis transuersi latitudinem non multum excedat. Mox per vulnus virgulæ argenteæ seu ferramenta duo exigua longa, teretia, in extremo leuiter incurua, quorum alterum in extremitate obtusum & læue est, alterum leuiter cauatum & bifurcatum (quæ ductores nominantur, quod reliquis instrumentis in vesicam immittendis ductorum loco sint, & *loco allegato* apud Paræum depinguntur) in catheteris rimam primò immittantur, deinde retracto cathetere in ipsam vesicam demittuntur. Tum inter hæc duo instrumenta, quæ sinistra manu firmiter teneat, Cheirurgus forcipem quæ rostrum anatinum appellatur, dextra manu in vesicam immittat, qua calculum, si parvus sit, nullo negotio facile extrahet. Si verò maior calculus sit, quam ut per vulnus extrahi possit, vulnus ampliandum vel diducto isto rostro anatino, vel dilatatorio instrumento aliquo, *ibidem* depicto: postea rursus forceps aliqua vel recta vel incurua in vesicam demittatur, eaque calculus comprehendatur: ubi comprehensus calculus fuerit sensim, in utrumque simul latus mouendo, extrahatur. Si plaga dilatata difficulter adhuc extrahatur calculus, Cheirurgus sinistræ manus inunctos digitos indicem & medium in anum immittet, & calculum ad ceruicem vesicæ simul compellat. Cauendum autem, ne sub forcipe confringatur calculus: ideoque extractus diligenter contemplandus, & si vel alius calculus adhuc restet, is simili modo extrahendus, vel si quid detritum instrumento instar cochlearis parato omne eximendum. Si tamen calculus maior est, quam ut per vulnus etiam, quantum fieri potest, dilatatum, extrahi possit, forcipe per medium dentata confringendus & particulatim extrahendus. Videndum tamen, ne aliqua particula fracti calculi intus remaneat, sed omnes diligenter examinendæ sunt. Tandem vulnus, si latius sit, consueudum, relicto in vulnere die vno vel altero tubulo seu fistula argentea, à Paræo *ibid. cap. 43.* depicta, per quam sanguis concretus ex vesica euacuetur. Vulneri verò & vicinis partibus medicamentum ex mastiche, bolo, sanguine Draconis, albumine oui & similibus imponendum; vulnus conuenienter obligandum & symptomatibus, quæ superuenire possent, diligenter occurrendum. Eadem ratio est extrahendi calculos in foeminis, nisi quod catheter, super quem ceruix, vesicæ secatur, in foeminis non incuruus, sicut in viris: sed rectus esse debet. Atque hic ubique ferè receptus calculos extrahendi modus est. *Ægyptij* tamen hodie alio calculos eximendi modo sine incisione vtuntur, quem describit Prosper Alpinus, *de Medicina Ægyptiorum lib. 3. cap. 14.* Ligneam cannulam accipiunt, longitudine octo digitorum & crassitie pollicis, quam colis siue penis canali admouent, fortiter inflant, ac ne flatus ad interiora perueniat, altera manu extremum pudendi comprimant & constringunt. Foramen deinde cannulæ claudunt, ut virgæ canalis intumescat & amplior fiat. Quo facto minister digito in anum posito lapidem paulatim ad canalem virgæ atque in eius extremum deducit. Vbi præputio lapidem appropinquare sentiunt, cannulam à virgæ canali, subito amouent: atque hoc modo calculum ad oliuæ nuclei magnitudinem ab Arabe quodam extractum fuisse, testis oculatus est Prosper Alpinus, *loco allegato*. Alium deinde idem sine sectione calculum è vesica extrahendi modum ab Arabe quodam usurpatum è relatione Octauiani Roberti, *ibidem* recenset, qui est talis. Habuit quasdam cannulas, magnitudine inæquales, in modum musici instrumenti Syringæ appellati, è substantia cartilaginea, quæ facile dilatatur; harumque graciliorem primò in virgæ canalem immisit, quo usque ad vesicam peruenit; ac mox

Ægyptiorum
extrahendi
calculos.

ac mox ore illam inflauit, quantum potuit; post hanc maiorem & crassiorem immisit, eodemque modo inflauit; postea tertiam, & tandem quartam omnium maximam. Hoc modo cum virgam dilatauit, ut putaret per viam canalis dilatatum calculum exire posse, aegroto rectè collocato, digitoque in anum immisso, calculum ad collum vesicæ, quo maioris cannulæ extremitas peruenit, deduxit, & in canalem calculum detrudere conatus est. Quo facto altero cannulæ meatu ore excepto conatus est spiritum ad se trahendo lapidem simul extrahere. Neque à veritate alienum aut impossibile videtur, quod os vesicæ & meatus vrinarius ita dilatari possit: cum vteri os in parientibus, imò ipsum vterum multò magis dilatari constet. Est adhuc alia sectionis calculi vesicæ species, Franconiana dicta, à Francone quodam Chirurgo eximio, cuius Franciscus Russettus meminit, *de partu Cæs. sect. 3. c. 6. & seq.* Hæc administratur in hypogastrio, apertâ per incisionem cure, in vesicæ fundo, calculoque exempto; ab inuentore magis feliciter, quàm consultò peracta, qui ob id veruit, ne quis ea posthac vteretur. Accidit quoque interdum, ut calculos in meatum vrinarium elapsus ita firmiter in eo hæreat, ut sine sectione extrahi non possit, quæ sit hoc modo: Cutis extrema quàm plurimum attrahenda est, & glande tecta, filo vincienda, ne ante calculum exemptum præputio soluto cutis recurrens diuisionem contegat; hinc à latere penis, super lapide incidendus & calculus extrahendus est. Nonnulli penem versus vesicam alio adhuc filo vinciunt, ne lapis recurrat, (quod tamen digitorum quoque compressione præcaueri potest) & facta super lapide incisione, penem, ut lapis exiliat, inflectunt. Calculo extracto, solutis vinculis cutis reducenda, & medicamenta, quæ cruentis vulneribus competunt, imponenda. Vtile quoque est cereolum terebinthinâ vel vnguento aliquo conueniente illitum in vrinæ meatum immittere. Verùm sectio ista non instituenda, nisi prius extractio per auriculatium specillum, seu specillum, quod in cochlearis formam in extremo excavatum est, in vrinarium meatum demissum, ita ut lapidem prætereat, & superet, ipsumque suo cauo comprehendat, concurrente simul digitorum compressione, frustra tentata sit. Atque hæc etiam de quarta operatione Cheirurgica, *ἐξαιρέσις*, dicta sint.


CAPVT. XIV.

De partium amissarum restitutione seu curtorum Cheirurgia.

Restat tandem vltima operatio Cheirurgica, quæ in cuttorum vel mutilorum curatione requiritur, vbi scilicet nasi, aurium vel labiorum extrema decurtata, partisque hæc mutilatæ sunt; vnde homini insignis deformitas, imò interdum etiam vsus necessarij iactura accidit; sicut contingit, quando labia sunt mutilata, vbi præter turpitudinem loquela etiam expedita & discreta fieri amplius non potest, ut & in eo vitio, quo superius labrum more oris leporini profundius fissum est, quod idè vocamus *Hafenscharten*. Quæ quidem deformitas nonnunquam fucata cura palliatur. Nasi nimirum deformitas factitio ex argento, duplicata papyro, aut linteis, in nasi formam figuratis, colorèque nasi genuino tinctis applicato, emendatur. Mutilatæ auriculæ deformitas vel promissa coma tegitur, vel ex conglutinata papyro aut corio picto auricula fractitia emendatur. Sic etiam si organa integra desunt, vel ortu vel casu, etiam hæc restitui nulla alia ratione possunt, quàm palliatiua cura, suppositis scilicet instrumentis factitiis è varia materia ad similitudinem perditorum fictis pictisque: in quorum fabrica adeò ingeniosè polydædala quorundam

ars naturam imitatur, ut & coloris & motus varietate machinamenta illa genuinas corporis partes quàm simillimè exprimant. Sic oculi, manus, brachia, dentes, crura, effingi possunt, quorum schemata videantur apud Paræum, *l. 22*. Verùm cum hæc fugata tantum sit instauratio; neque tamen etiam ex deficientis partis noua regeneratione restitui possit: ex membri alterius carne adducta & vnita, quod deest, restituendum est. Non tamen ea operatio in quouis corpore tentanda, sed prius videndum, quale sit corpus, quod curandum est. Etenim in senili, aut quod mali habitus est, aut in quo vulnera difficulter conualescunt, hæc curatio non facile tentanda. Deinde etiam videndum, an pars mutila citra alterius partis insignie damnum resarciri possit. Modus autem operationis in genere hic est. Cutis aduersa partium, quas coniungere volumus, incuruo scalpello, vel acutissima forficula secatur, mox vulnere ora adducuntur, & conueniente deligatione continentur, admoto medicamento cruentis vulneribus & parti conueniente. Qua de re Celsus, *l. 7. c. 9*. Artificium hoc consecutum fuisse & caluisse Siculum quendam Brancam, vel, ut alij legunt, Brancam cognomine, Calentij cuiusdam ad Orpianum epistola hæc testatur: *Orpiane, si tibi nasum restitui vis, ad me veni: profectò res est apud homines mira. Branca Siculus, ingenio vir egregio, docet nares inserere, quas vel de brachio reficit, vel de seruis mutatas impingit. Hoc ubi vidi, decreui ad te scribere, nihil existimans charius esse posse. Quod si veneris, scito, te domum cum grandi quantumvis naso rediturum. Vale.* Nostra ætate non solum prolixè & accuratè hæc de re scripsit Caspar Taliacotius, Bononiensis, sed & ipso opere specimen huius rei edidit, sicut id testatur Ambrosius Paræus, *l. 22. c. 2*. Summa huius operationis hæc est: Traducem in naribus & labiis ex humero, in aurium verò mutilatione è regione post aures sumit. Nimirum in illis partibus conuenientem sectionem instituit, & mutilatis partibus prius excoariatis, cutaneam propaginem cum curta parte committit & coniungit. Ut verò ad coalitum vsque coniunctim seruentur, fasciis continet. Et quidem nasi & labri eâ parte, quâ mutila sunt, in vulnus humero inflictum demergit, capite ad brachium tanquam ad palum deligato, ut planè immobile & fixum nulla parte moueri possit. Atque hoc modo, vbi eo vsque cohæserit, donec caro vtriusque partis vnita sit & coaluerit, surculum siue traducem iam naso vel labro vnitum refecat. Hinc rudem illam molem à brachio resectam in formam nasi vel labij conuenienter efformat. Verùm cum ista artificiosa & valde miranda operatio per còpendium integrè & clarè explicari non possit, ad Taliacotij librum *de curtorum Cheirurgia per institutionem* Lectores remittimus, in quo non solum omnia ad hanc rem necessaria diligenter & accuratè explicantur, sed & iconibus, sine quibus doctrina hæc aliàs vix satis percipitur, omnia satis superque illustantur. Et quia carnem ad nasum reficiendam nonnulli, ut ex epistola Calentij ad Orpianum, supra allegata patet, etiam ex seruatorum corpore desumere solebant, notatu dignam hæc de re historiam recenset Autor Thesauri rerum admirandarum, quæ superiore seculo acciderunt S. G. S. Is narrat, sibi à viro fide digno, & qui eius rei oculatus testis fuerit, relatum fuisse, Anno Christi 1576. Nobilem Neapolitanum, cui in conflictu nasus amputatus erat, cum seruo quodam contraxisse, ut ex brachio suo, more in Cheirurgia descripto, nasum suum sibi temperari pateretur. Quod vbi ex arte factum esset, accidit, ut triennio post se uis ille ægrotare inciperet, simulque Nobilis ille de dolore in naso conquereretur, tandemque seruus planè moreretur. Quo facto & particula illa nasi è brachio serui nobilis naso adposita emortua est.

Simon Gou-lartius Syl-uaneffensis.



LIBRI V. PARS II.

De Methodo Medendi.

SECTIO I.

De Indicatione Præservatoria.

CAPUT I.

De Methodo Medendi & Indicationibus
in genere.

ON verò sufficit instrumenta ad sanitatis recuperationem, & morbi depulsionem vtilia nouisse, sed & opus est, perspectum habere, quando & qua ratione quolibet vtendum sit, seu methodum medendi, amissamque sanitatem instaurandi cognoscere. Proximum igitur est, vt methodum medendi subiiciamus. Numerò autem nobis in mentem venit Aristoteles, qui de animalibus scripturus, 1. de part. animal. cap. 1. quæstionem mouet: An, cum plura sint, quæ eadem in multis generibus diuersis inter se insunt, vt sunt somnus, respiratio, auctio, diminutio, mors, similisque alij affectus & dispositiones: commodius sit, primò communiter in genere de iis agere, & post de speciebus, & si quid proprium in homine, equo, leone, &c. habeant, in specie explicare: An verò protinus, ommissa generali horum tractatione, quæque singulatim persequi, & qua ratione in speciebus insunt, explicare conueniat. Concludit autem, commodius esse, ea, quæ in multis insunt communia, in genere tractare, quàm eadem in speciebus solùm explicare. Hoc enim si fiat, euenturum omnino, vt sæpe eadem iterentur; cum illa, quæ pluribus sunt communia, in singulis speciebus explicanda sint. Eadem dubitatio etiam hîc in principio methodi medendi locum habet. Videmus enim eos, qui de curatione morborum scripserunt, non eidem viæ insistere. Galenus quidem in libris 14. Methodi Med. & in duobus de arte curandi ad Glaucon. eam viam, quam Aristoteles approbat, ingressus est. Cum enim sint tria morborum genera, intemperies, mala compositio, & soluta vnitas, & vniuscuiusque generis rursum differentiarum plures: istarum differentiarum omnium curationem ordine docet, simulque à prima vsque ad vltimam indicat, qua ratione, ob naturam partium diuersam, aliasque circumstantias, cura variet. Diuersam verò ab hac rationem secuti sunt Galeno posteriores plerique, & inprimis Arabes, ac qui proximis sæculis de morborum curatione scripserunt, qui neglecta hac generali via, singulatim à capite ad calcem, de morborum particularium curatione scripserunt. Et si verò & hæc Practicorum doctrina præclara sit, & haud quaquam damnanda: tamen omnem, quam habet, soliditatem ex generali methodo obtinet, & ἀπὸ τοῦ γενικοῦ ἀπὸ τοῦ μεθοδικῶτερον est, priore via ingredi. Affectio enim generica generi accommodanda, non speciei, quod vitiosum est, secundum Arist. 1. Post. Analyt. 5. & primò subiecto attribuenda est. Quapropter cum tria sint genera, ad quæ omnes omnino morbi, qui alias infiniti ferè videntur, artificiosè reuocari & redigi possint; intemperies nimirum & morbi occultarum Qualitatum, qui primò partibus similaribus competunt; compositionis vitium, quod partibus accidit, quatenus organicae sunt; & vnitas soluta, vtrisque communis: artificiosum & simul compendiosum est, generalem

hæc morborum genera curandi rationem tradere; & si quæ in curatione, ob partium differentiam, accidit varietas, eam etiam breuiter notare. Verbi gratia. Vniuersalis est omnes inflammationes curandi ratio. Hanc igitur generaliter proponere, & quid partium inflammatarum varietas in ea curatione variandum suadeat, breuiter admonere, longè artificiosius & compendiosius est, quàm si meningum cerebri, oculorum, aurium, faucium & colli, pleuræ, pulmonum, ventriculi, hepatis, intestinorum, lienis, renum, vesicæ, vteri, articularum, aliarumque partium phlegmone laborantium, peculiaris curandi ratio præscribatur, & subinde in singulis eadem ferè victus ratio, Cheirurgica, & Pharmaceutica præsidia repetantur. Sic etiam communes sunt caput euacuandi leges, quas semel rectè tradere, artificiosius est, quàm sæpius in dolore capitis, vertigine, lethargo, apoplexia, epilepsia & similibus repetere. Ex quibus patet, Practicorum vſitatam methodum, potiùs methodi medendi per omnes corporis partes exercitationem esse. Quæ quidem & ipsa necessaria est; (cum, vt Galenus 13. meth. med. cap. 11. ait, duo instrumenta sint percipienda medicina, methodus & exercitatio) vniuersalem tamen hanc methodum præsupponit. Hæc enim vna & sola Vniuersalia Theoremata continet, quæ in omnibus particularibus vſum habent eximium, & sine quibus medicinam exercendi conatus prorsus inutilis est, ita quidem, vt si de vlla parte certè de hac verissimè & grauissimè Galenus pronunciasse videatur, id quod, 3. de Crisc. 8. habet: *Antequam ea omnia, quæ dixi, diligenter didiceris, nihil agrotos visitando proficies. Contra inueniet recta remedia, & inuentis rectè vtetur, quisquis in medendi methodo est versatus.* 6. meth. med. cap. 1. Quod Galenus etiam monuit, lib. 2. meth. med. c. 7. & lib. 9. meth. med. c. 6. vbi scribit: se pro comperto habere, non licere vllius artis scientiam nancisci, nisi & methodum quandam habueris per vniuersalia vocata theoremata, & in particularibus exemplis te exercueris. Cum neque fieri possit, vt sine multiplici in singularibus exercitatione, quod ex vſu sit, faciamus, neque sine vniuersalium cognitione exercitatio procedat. Huic igitur Galeni consilio egregius futurus Medicus obtemperabit, & neutrum contemnet, sed & in particularibus se exercebit; quod docent practicum libri, & adhuc particularius & manifestius consilia & obseruationes medicæ, quæ quod Galenus, in 1. Epidem. comm. 3. aphor. 17. de historiis ægrorum apud Hippocratem ait, sunt quasi vniuersalium præceptorum ἀρχαὶ εἰρηματα: rectissimæque ipsa αὐτοψία & curationis in indiuiduis obseruationes, quæ nec scribi nec dici ad vnguem possunt, teste Galeno, 3. meth. med. c. 3. Inprimis verò generalem methodum cognoscat, sine qua in particularibus se exercere non poterit. Quapropter & nos de methodo medendi acturi generalem quandam trademus, quæ omnibus particularibus sit communis; quam obseruantes, eiusque ductu, ordine perpetuo, & via nunquam interrupta, à generalissimis indicationibus per genericas, subalternas & específicas, tandem ad specialissimas & appropriatas progredientes, quid in cuiusque morbi curatione opus sit, videre possimus. Hæc cum Galenus esset instructus, eos morbos se curasse scribit, 3. meth. med. 3. quos neque ipse ante curauerat, neque à præceptore curari viderat. Et rectè sanè. Nam methodum qui tenet, & præterea medicamentorum vires habet perspectas, cum nunquam idonea medicamenta deficient. Contrà, quamuis quis optimorum medicamentorum copiosam suppellectilem habeat; methodum autem non reneat: ea medicamenta non solum non erunt δὲ αὐτῷ χεῖρες, sed potiùs ignis in manu stulti, aut gladius in manu furiosi. Eruemus autem illam methodum ex Galeni præcipuè libris 14. de me

Quaratione
methodus
medendi tra-
denda.

Galenus me-
dendi metho-
dus.

Practicorum
methodus.

Methodus
medendi ge-
neralis.

Consilium
obseruatio
Medici

Methodus
medendi
generalis

de methodo med. scriptis, ac duobus de arte curandi ad Glauconem. In quibus etsi pluribus & prolixè hanc methodum descripsisse videtur: explicatione tamen plerumque opus habet; adeò quidem, ut non sine causa Hieronymus Capiuac. in principio meth. medendi, dicat, se ignorare, quinam huc vsque Galenum rectè intellexerit. Definit autem methodum medendi Capiuaccius, quod sit *Ars, quæ per Indicationes auxilia inueniuntur ut deperdita hominis sanitas restituantur*. Methodus enim medendi, (sicut & ipsa tota Medicina) est habitus quidam principalis effectiuus, indicationibus, tanquam instrumentis, vtens, ad inueniendam pro curatione morborum remedia. Indicationes siquidem proprium dogmatici Medici instrumentum sunt, quo ab aliis sectis secernitur. Ex his manifestum euadit, Methodi medendi finem duplicem esse: Internum seu proximum, inuentionem auxiliorum, seu iuuantium in quolibet morbo, teste Galeno, 1. meth. med. 7. & 5. meth. med. cap. 9. & 9. meth. med. c. 7. seu potius inuentionem indicationis curatiuæ: Externum & principalem, amissæ hominis sanitatis restitutionem, seu quod idem est, morbi depulsionem. Ad quem respiciens Galen. 9. meth. med. c. 15. Curationem seu methodum medendi definit, quod sit præsentis in corpore vitiosi affectus in naturalem habitum mutatio. Cum autem si non vnicum certè præcipuum sciendi instrumentum sit demonstratio; Galenus verò istum per rationem procedendi modum Indicationem appelleret, & methodi medendi proprium instrumentum sit Indicatio, & de methodo medendi agere sit de Indicationibus curatiuis tractare: nobis etiam, quibus de Methodo medendi agere institutum est, de Indicationibus, simulque de Indicantibus, & Indicatis (tria enim hæc mutuum respectum habent, hisque tribus tota medendi methodus absoluitur) agendum est. Indicatio, Græcis ἐνδείξις, ostensionem seu monstrationem significat, vocabulo à iudiciis desumpto. Ενδείξις enim Græcis delatio est, & ἐνδείκτης, delator. Et in genere quidem interdum pro qualibet ostensione ac monstratione accipitur, etiam ea, quæ sit per signa, quæ ea, quæ in corpore latent, manifesta reddunt & nota faciunt. Propriè tamen & in specie, ac quatenus ad methodum medendi pertinet, significat ostensionem auxiliorum. Indicantia enim indicata quasi deferunt, & ad curationem utilia esse indicant, ac veluti digito monstrant; perinde vt olim statuæ Mercuriales, in biuiis aut triuiis positæ, monstrabant viatori, cui viæ insistendum esset. Occurrunt autem plures Indicationis definitiones apud Galenum. Primò enim 2. meth. med. 7. definit Indicationem ἐμφασιν τῆς ἀκολουθίας, sequentis seu agendi insinuationem; id est, repræsentationem quandam & declarationem consequentiæ ac ostensionem cæu digito factam. Quæ ferè nominis explicatio est, quoquo modo indicationis naturam adumbrans. Tunc enim indicatione vti dicimur, cum id, quod inuenimus, ad curationem in aliquo præcedente quasi delineatum & designatum habemus, atque ab aliquo monstratum videmus. Ipse siquidem naturæ cognitio præcedit, cui quid ἀκόλουθον esse, & quid auxilij genus afferri debeat, indicatio declarat, vt in parte Therapeutica morbi Natura est præcedens, auxilium consequens, quod cuiusmodi esse debeat, Indicatio declarat, idque digito quasi ostendit. Aliam deinde definitionem habet, in lib. de opt. secta ad Thrasybul. cap. 11. hoc modo ἐνδείξις ἐστίν, ὅταν καταλαμβάνομεν πρὸς γὰρ συμφορὰν τὸ συμφέρον, ἀνευ ἀποδείξεως ἢ ἀνατηρήσεως, hoc est, Indicatio est quando percipiendis perceptis simul & quod confert percipitur, absque demonstratione aut obseruatione: quæ definitio tam methodo medendi, quàm methodo tuendæ sanitatis communis videtur. Aliam denique, quæ methodo medendi

propria est, tradit hoc modo: *Indicatio est perceptio iuuantis, simul cum comprehensione nocentis, adueniens sine obseruatione & ratiocinatione*, seu, vt alij legunt, analogismo. Vbi iuuantia seu conferentia, ἀφελῆντα hîc vocantur Indicata, seu agenda; quæ & ἰάματα βοηθήματα, auxilia, remedia & præsidia eodem sensu dicuntur: Nocentia autem appellantur Indicantia. Verùm cum hæc definitio non comprehendat indicans vitale, ita perfici posset, & ita indicatio definiri: Indicatio est perceptio iuuantis in indicante per causas, cognito: seu, quod idem est, perceptio & comprehensio iuuantis seu Indicati cum comprehensione indicantis citra experientiam & analogismum. Non autem hoc ita accipiendum, quasi Medicus dogmaticus planè non vtatur experientia aut analogismo: sed ideo solum hæc Galenus addidit, vt hunc per indicationes inueniendi remedia modum, qui dogmaticorum proprius est, & ex affectus per causas cognitione proficiscitur, ab aliis secerneret. Indicatio enim sola proprium Medici dogmatici ad inueniendum auxilia instrumentum est. Experientia verò & analogismus cum aliis ipsi communis. Nam dum nocens seu indicans incognitum est, indicatione vti non possumus: itaque tum ad experientiam & analogismum confugere licet. Omnes equidem sectæ in eo conueniunt, id, quod præter naturam est, esse tollendum, nec in specialibus indicationibus semper discrepant. Verùm diuersæ sectæ diuersis instrumentis, (cognitionis puta, non operationis) vtuntur ad deliberandum: qua ratione id, quod propositum habent, effectum dare possint. Empeirici quidem experientia vt plurimum utebantur. Quandoque tamen & vbi experientia non satisfaciebat, ad analogismum confugiebant. Methodici communibus quibusdam axiomatibus, quæ communitates appellabant, insistebant: Rationales ratione præcipuè nitebantur, vnde & nomen habent: quandoque tamen etiam ad experientiam & analogismum confugiebant. Etsi enim Galenus acriter quandoque contra alias sectas pugnat, & experientiam tanquam periculosum analogismum, vt ignorantie asylum reiciat, & sola ratione niti videatur: tamen alibi experientiam quoque admittit. Et experientiam Medicorū necessariam esse docet, vt 3. meth. med. cap. 2. eam alteri hominis cruri comparet, statuâtque, sicut homini ad ambulandum duo crura necessaria sunt, ita Medico rationem & experientiam necessariam esse, quorum altero deficiente eum claudicare necesse sit. Medicus nempe dogmaticus etsi ratione, vbi potest, semper nitatur: tamen quia sæpè fit, vt & morbi & causæ morbificæ natura non satis cognita sit, vt in pestilentia, venenis, lue venerea & similibus videre est, atque tum sufficiens ex ratione subsidium Medicus habere non possit: necessario ad experientiam vel exemplum confugit; cum scilicet natura morbi quidem ignota est, curatum tamen eum aliquando fuisse obseruatum est. Vbi verò morbi natura planè ignota est, neque eius curati exemplum habetur, ad similitudinem confugiendum, & analogismo vtendum est. Ex quo patet Medicum dogmaticum quidem omnibus hisce Instrumentis vti, non tamen promiscuè omnibus in quouis morbi genere. Indicationis vsus est in omnibus morbis, quorum natura non penitus ignota est, & causæ sic satis perspectæ sunt: Obseruatione & experientia vtitur in illis morbis, quorum essentia & natura non satis intelligatur, quales sunt, morbi totius substantiæ & Qualitatum occultarum dicti: Analogismo tandem tum demum vtitur, cum nec morbi natura satis cognita est, nec aliquid in eo adhuc experientia cognitum: quo modo, qui primi curarunt luem Veneream, cuius & naturam ignorabant, & quod remedium externum sanandæ illi malignæ scabiei conferret, experientia

Medicorum
Instrumenta.

Experientia.

nondum didicerant, tentarunt litum hæc hydrargy-
ro, eò quod scirent, prodesse hydrargyrum in expel-
lenda scabie sicca, cui similis est Gallica scabies. At-
quæ ut quædam de his sectarum variarum in curan-
do instrumentis dicamus: Primò experientiam quod
attinet, sit ea, teste Aristotele, 1. *Metaph.* 1. homini-
bus ex memoria. Multæ enim eiusdem rei memoriæ
vnius experientiæ vim efficiunt. Vnde Galenus, 1.
de opt. secta ad Toraſyb. cap. 11. definit experientiam,
quod sit eius, quod sæpe eodémque modo fieri vi-
sum est, memoria & observatio. Ut qui observavit
Petrum, Paulum, Iohannem & alios innumeros,
iuvēnes, senes, mares, fœminas, in Germania, Italia,
Gallia, Græcia & alibi, æstate, autumno, hyeme, vere,
rhabarbaro purgatos fuissē, is experientia niti dici-
tur. Itaque ad experientiam sola sæpe factorum no-
titia & memoria sine causarum cognitione requiri-
tur. Si verò per causas cognitio accedat, iam non
solum experientiam quis habere dicitur, sed rem
scire. Ut autem rectè experientiā utatur Medicus Do-
gmaticus, non semper, sed tum solum, eā niti debet,
quando ratio non satisfacit; quod accidit, quando
Indicans, & à quo deliberatio pendet, est ignotum.
Errant ergò Empirici, qui rationem negligunt, &
sola experientia nituntur. Deinde & multi hodie ex
Dogmaticis, qui ubi natura affectus præter naturam
planè cognita est, ad experientiam confugiunt, &
nescio quæ experimenta, secreta, & specifica iactant.
Cæterum licet affectus natura ignota est, & propter
ea quid agendum experientia inuenitur, & medica-
mentum etiam experientia suggerit: tamen quanti-
tatem remedij, quando agendum, & omnino mo-
dum rectè utendi, ratio decernit & moderatur. Ha-
bet quoque experientia in iis affectibus locum, quo-
rum natura nota est; quantum scilicet materiam me-
dicam attinet. Etenim pituita abundante medica-
mentum pituitam euacuans requiri ratio dicitur: sed
materiam, id est, agaricum, colocynthidem sola ex-
perientia suggerit, & in vniuersum ad materiam præ-
sidiorum inueniendam experientia plurimum potest
& summè necessaria est. Quæ autem ad experien-
tiam requirantur, supra *part. 1. huius lib. sect. 1. c. 22.*
dictum. Analogismus equidem postremum locum
inter alia Medici instrumenta habet, & magis quàm
experientia decidere potest. Interdum tamen ad eum
necessariò confugiendum, ubi scilicet nec ratione
uti licet, atque illa, è quibus quid colligi debet,
ignota & obstrusa sunt, nec experientia confirmari
possunt, sed res planè noua est. Analogismus autem,
Galeno ibidem definiente, est comprehensio iuvan-
tis ex similitudine. Similitudo autem illa est vel in-
ter affectus, vel remedia, vel membra: verbi gratia,
si quis à serpente hæmorrhoo morsus, cui sanguis
largius profluat, offeratur empirico, atque is, qui
neque ex causis remedium inuenire possit, neque
aliàs talem affectum curauerit, remedia sanguinis flu-
xum cohibentia adhibeat, à simili affectu ad similem
transit: simili verò remedio pro simili utitur, cum
mespilum pro cydonio adhibet. Ita ex similitudine
membrorum procedit, cum, quod in brachio profuit
remedium, cruri adhibet. Communitates methodi-
corum erant vniuersales quædam præpositiones, sub
quibus omnes morbos eorūque remedia comple-
tebantur; quales sunt omnem morbum esse adstri-
ctionem vel fluxum vel medium, & hinc omnia re-
media vel adstringentia, vel laxantia, vel mediæ fa-
cultatis. Hac tamen in re in Empeiricorum & do-
gmaticorum progressu est diuersitas. Empeiricus
enim, qui rerum causas ignorat, confuso quodam
modo progreditur, nec vtilia symptomata ab inuti-
libus distinguit, vnde, variata syndrome symptoma-
tum, curationem temerè tentat, vidensque in terano,
ἐμπροσθέν & ἀπιδότῳ non eandem symptomatum

Analogi-
smus.

faciem, eandem quoque curationem non conuenire
existimat: idémque animaduertens, eundem sym-
ptomatum concursum, etsi causa sit diuersa, malè
eadem remedia adhibet. At dogmaticus vtilia sym-
ptomata ab inutilibus distinguit, & sæpe etiam eo-
dem apparente symptomatum concursu, curationem
tamen variam, si causa sit diuersa, instituit: & con-
tra, nonnunquam variante symptomatum syndrome,
eadem tamen, cum causa sit eadem, adhibebit reme-
dia. Communia etiam & vniuersalia axiomata, quæ
in omnibus scientiis & artibus necessaria sunt, equi-
dem non negat, imò, ut mox diceretur, cum Hippo-
crate communia quædam methodi medendi princi-
pia proponit, tanquam totius artis fundamenta: ve-
rùm de methodicorum communitatibus ipsi cum
illis lis est, neque in communitatibus subsistendum
putat. Sed ad Indicationem, tanquam præcipuum
Medici Dogmatici instrumentum, reuertamur. At-
que cum intellectus noster vel simplicia apprehen-
dat, vel eadem diuidat, atque vniat, vel aliud ex alio
deducat: necesse est, ut in aliqua operationum ha-
rum versetur Medicus, dum ex indicante per indi-
cationem indicata cognoscit. Dubitatum autem &
disputatum hac de re à recentioribus. Impugnat Au-
genius, *tom. 3. ep. 13. ep. 9.* Massariam indicationem
syllogismum esse asserentem, *lib. 1. de scop. mittendi
sang. & l. 2. additamenti apologet. cap. 2.* indicatio-
nemque syllogismum esse negat. Qua de re locis al-
legatis plura legi possunt. Nos breuiter statuimus:
ad aliam mentis operationem, quàm tertiam, indica-
tionem referri non posse. Nam cum nocens & auxi-
lium vnum & simplex obiectum non sint, ad primam
mentis operationem redigi non potest indicatio:
neque etiam ad secundam; quia non affirmatur aut
negatur auxilium de nocente: sed ex nocentis na-
tura auxilij natura illatione cognoscitur. Etsi verò
eodem planè momento, quo intellectus comprehen-
dit indicans, simul etiam indicatum comprehendit-
ur: ex eo tamen concludi non debet, non cognosci
discursu & ratiocinatione. Nam intellectus non
agit successiue, sed cognitis principiis, absque vlla
noua cognitione, cognoscitur conclusio, & conclu-
sionis ratione principiorum assentimur: atque tunc
dicimur vnum ex alio deducere & inferre. Neque
etiam hæc sententia aduersatur Galeno, qui Indica-
tionem ἀνευ τῆς τήσεως ἢ λογισμῶς fieri dicit. Nam hæc
Galeni mens non est, in Indicatione ratiocinatio-
nem nullam adesse. Est enim indicatio reuera Enthymema
quoddam, cuius vi illud, quod agendum est,
inuenitur. Sed hoc solum monet; Indicationem
non esse integrum syllogismum: aut potius non esse
opus, ut consequentia illa enthymematica ad formam
syllogismi reducat. Consequentia enim adeò ma-
nifesta est, ut nemo eam neget, nec sit opus prolixiore
ratiocinatione. Quid verò si pro λογισμῶς ἀναλογισμῶς
legendum esset? Quod autem hæc consequentia
adeò nota & manifesta est, sit ob illas præpositiones,
quæ fundamentum sunt methodi, & instar axioma-
tum ac principiorum in methodo medendi: Sunt
autem hæc:

Ad q
ment
tionem
neat
tio.Princip
metho
medena

Omne, quod indicat, vel sui conseruationem, vel
ablationem indicat.

Quod secundum naturam est, conseruandum est:
quod præter naturam, tollendum.

Contraria contrariis tolluntur: similia similibus
conseruantur.

Vnde Hippocrates, *lib. de flatibus.* Medicinam esse
dixit adiectionem, & subtractionem; adiectionem
scilicet deficientium per similia, & eorum, quæ
abundant, subtractionem per contraria. Addimus his
& hoc: inter duo mala minus eligendum est. Sæpe
enim accidit, ut dum agere, quod opus est, & id, quod
conseruandum, conseruare, vel quod tollendum, tol-
lere

lere vult Medicus, alterum negligere, vel ei etiam nocere cogatur. Vt dum illud, quod potest conseruare, id est, quod est secundum naturam, conseruat simul id, quod est præter naturam; aut cum illud, quod tollit, quod est præter naturam, simul destruit id, quod est secundum naturam; aut cum illud, quod aliquid secundum naturam conseruat, simul destruit aliud secundum naturam; aut quod aliquid præter naturam tollit, aliud præter naturam inducit. Vt dum Medicus ægro cibum interdicit, ne naturam à materiæ coctione auertat. Ita morbum interdum non tollit Medicus, ne vitam simul tollat, quod fit in cancro exulcerato. In his omnibus enim inter duo mala, minus eligendum, & melius est, teste Gal. 12. *meth. med. c. 1.* lādere, quam permittere, vt moriatur æger. Hoc autem loco de illa propositione: Contraria contrariis tolluntur, aliquid addendum; cum dubitationem pati videatur, & similibus etiam adhibitis morbi curentur. Verum negandum non est, Naturam esse morborum curatricem, & proinde ea, quæ naturam roborat & confirmant, magnam habere vim ad depellendos morbos: per id tamen veritas huius axiomatis non tollitur; cum talia non immediate & primò, sed mediātē & per aliud ad morbi depulsionem faciant. Omnis enim morbus immediātē & primò tollitur à contrario. Nam cum curatio sit motus quidam à morbo ad sanitatē, & motus, vt est, *Physic.* fiat ratione contrarietatis: etiam curatio per contraria fiet. Contrarium autem hīc latē accipitur, atque per id intelligitur omne, quod effectiue tale est, seu quod effectum morbo contrarium producere potest, cuiusque etiam sit generis; quod magis propriè oppositum diceretur. Mediātē tamen etiam per similia (ea tamen non valde in suo gradu excedentia) curari posse non negamus, à talibus nimirum, quæ naturam roborant, vel spiritus in corpore nostro reficiendo & instaurando, vel caloris natiui Qualitatem augendo & intendendo, vel humidi radicalis pinguem substantiam conseruando & augendo, partisque aut totius temperamentum & naturam conseruando ac roborando, vel qualitatibus occultis naturæ robori subueniendo. Confirmata tamen ita natura tum demum contra morbum pugnat, & omnes excessus ad mediocritatem naturalem reducit, atque ita etiam contraria morbo agit, eiusque excessus demolitur, contrario semper modo illis alterationibus, quæ sunt *ἁγὰ φύσιν*, sese opponens. Deinde nec hoc negandum, affectus quosdam per similia tolli, v. g. purgantia calida tollunt febres; fluxū alui purgatio sedat, vomitus vomitum. Sciendum tamen, quod hæc, etiam si morbis seu affectibus sunt similia: ipsorum tamen causis aduersantur, (quatenus eas à corpore tollunt: etsi aliàs cum iis similitudinem habere possint) quibus sublati effectus illi tolluntur. Atque ita hæc affectus præter naturam tollunt non per se, sed per accidens, sublati nimirum eorum causis; purgantia nimirum tollentia humorem peccantem, febrem tollunt: purgatio alui fluxum, vomitus vomitum sedat, sublati nimirum causis, à quibus oriebantur. Ita ambusta curantur applicatione olei lini & aliorum calidorum: Partes refrigeratæ niuis affrictione. Vide *tract. de conf. & diff. Chymic. cum Gal. cap. 18.* Sed iam ad Indicationum differentias & diuisionem accedendum. Prima & generalissima Indicationum differentia petitur à rebus, circa quas versantur & à quibus sumuntur, quæ sunt secundum naturam & præter naturam; cum illæ sui conseruationem, hæc sui ablationem indicent, & est, quod alia indicatio est perceptio seu insinuatio conseruationis eius, quod est secundum naturam, indicantis, per similia præstandæ: Alia est comprehensio sublationis eius, quod præter naturam est, indicantis, per contraria faciendæ. Deinde indicatio alia est generica, alia subalterna, alia specifica & de-

terminata. Generica, quam communis & generica Indicantis natura suppeditat: & quæ simpliciter morbum & causam morbi auferendam, virtutem seruandam docet, qua ratione verò id fiat non monstrat. Subalterna, quam subalterna indicantis essentia suggerit, & quæ quidem magis rem determinat, nondum tamen perfectè: Specifica, quæ à speciali indicantis natura petitur, & totum Indicans exactè & eius auxilium etiam describit, & etiam Determinata appellatur. Verbi gratia, si hepar afficitur intemperie calida, primùm est morbus, à quo sumitur indicatio generalissima, eum esse tollendum: secundò est morbus intemperiei, à quo sumitur indicatio esse alterandum: tertio est intemperies calida, à qua petitur indicatio, esse refrigerandum: denique est intemperies calida in secundo gradu, à qua petitur indicatio specifica, esse adhibendum medicamentum refrigerans in secundo gradu. Nonnulli tamen specificam & determinatam seu propriam indicationem distinguunt & tertiam saltem, id est, intemperiem calidam esse refrigerandam, specificam appellant; refrigerandum verò esse in hoc vel illo gradu, quæ determinata & propria Indicatio vulgò nominatur, potius ad Indicationis condiciones, & Quantum agendum referendum censent, vt postea dicetur. Atque ultra ars non progreditur, nec ultra infimas species methodus descendit. Verum si hīc subsisteret artifex, frustra artem teneret, quæ opus intendit, quod est circa singularia. Quapropter alio habitu opus est, experientia, quæ cum habitu vniuersalium iuncta efficit artificem peritum. Cum enim sint multa medicamenta in tali gradu frigida, inter se tamen differentia, indiuiduum aliquod eligendum est: quæ electio omnium, quæ in arte facienda sunt, difficilima est. Hoc etenim est, quod nec scribi, nec dici potest. Nam quanquam præcepta dentur multa, quæ ad particularia etiam descendere videntur: Coniectura tamen maximè opus est, iudicio acris, & rerum vsu atque experientia. Ideoque frustra nonnulli Indiuidualem Indicationem addunt. Etsi enim ad curationem necessarium sit, Indiuiduales proprietates cognititas habere: tamen ab vniuersali methodo, de qua hīc agitur, explicari non possunt. Tertio, alia indicatio est utilis, alia inutilis. Utilis illa est, cui aliqua responder materia, seu quæ tale auxilium indicat, cuius materiam, quæ primò & per se affectum tollere possit, reperire licet. Inutilis verò est, quæ tale auxilium indicat, cuius materia, quæ affectum primò tollere possit, non inuenitur. Verbi gratia, esse refrigerandum hoc vel illo gradu, indicatio utilis est: multæ enim dantur materiæ, quibus id efficere possimus. At obstructio, quæ indicat aperiendum esse, inutilem indicationem suppeditat. Nam nullum datur medicamentum, quod per se obstructionem tollat; nec quæ vulgò Aperiencia dicuntur simpliciter talia sunt: sed obstructionis apertio consequitur ad alia, nempe incisionem, attenuationem & derersionem educationemque materiæ obstruentis. Quarto, Indicationum alia est artificiosa, alia inartificiosa. Inartificiosa est, quæ etiam aliis, quàm artifici, vulgòque innotescere potest; quod æquè scit, morbum esse tollendum, vires conseruandas, sed rationem, quâ id fieri possit ignorat; seu quæ artis pars non est, aut si artis pars est, nec magna, nec propria. Vnde Galenus, 3. *meth. med. cap. 1.* ait: *Indicatio quæ à morbo sumitur* (puta à generica eius essentia) *principium tanquam est, & ὁρμήτιον seu carcer, unde medendi ratio promouet, nulla prorsus ipsius medica artis adhuc portio aut certè nec magna nec propria, sed quæ etiam plebi sit communis.* Artificiosa verò sunt, quæ non omnibus, sed artificibus tantum notæ sunt, & vt cognoscantur magno artificio indigent, & Indicans iuuantque exactius describunt, & ad

Generica.

Specific.

Utilis.

Inutilis.

Inartificiosa.

Artificiosa.

ad remediij inuestigationem & appositum inuenti
vsum faciunt. Nam secundum Gal. 6. *meth. med. cap. 2.*
Scire, quid fieri oporteat, magna res non est, sed quibus ra-
tionibus id efficias, id verò scire artificij est. Inartificioſæ
autem indicationes sunt omnes genericæ; magis ar-
tificioſæ, ſubalternæ: maximè autem & ſemper arti-
ficioſæ, ac medendi methodo propriæ, ſpecificæ &
determinatæ. Neque tamen hoc ita accipiendū, quòd
in progreſſu ab indicante ſpecifico ad indicatum ſpe-
cificum maiori artificio opus ſit, quàm in progreſſu
ab indicante generico, vel ſubalternò ad indicatum
genericum vel ſubalternum. Progreſſus enim ab in-
dicante ad indicatum, tam in generaliffimis, quàm
ſpecialiffimis eiufdem eſt artificij & laboris. Nam
quemadmodum quamprimum cognoſco morbum
adeſſe, ſimul cognoſco eum eſſe remouendum: ita
quamprimum percipio, duobus gradibus temperiem
ventriculi ac frigiditatem deſlexiſſe, mox ſimul co-
gnoſco, medicamentum calidum ſecundi etiã gradus
adhibendum eſſe. Sed ideo indicatio ſpecifica ma-
gis artificioſa dicitur, quòd eius cognitio difficili-
or eſt, quã cognitã, vſus etiam & recta auxiliorum ad-
miniſtratio, in qua præcipuum methodi artificium
conſiſtit, cognoſcitur. Patet ex his etiam, qua in re ar-
tificioſum methodi conſiſtit, & quæ ſit via illa ordinata,
cui qui inſiſtunt, methodo vti dicuntur: nimirum
progreſſus à generica indicatione per ſubalternas ad
ſpecificas & determinatas. Qua de re paſſim Galenus
monet: vt *meth. med. cap. 1. & lib. 2. meth. cap. 7.* vbi
ait: Quiſquis condere methodum parat, huic à pri-
mis indicationibus eſt auſpicandum, atque hinc ad
eas, quæ deinceps ſunt, tranſeundum, rursuſque ab
his ad proximas. Itaque pergenti non priùs perſi-
ſtendum, quàm ipſius compos ſit finis. Finis autem
eſt inuenire cuique morbo remedia. Denique alia
indicatio eſt curatoria, alia præſeruatoria, alia vitalis,
prout ab indicante curatorio, præſeruatorio vel vitali
petitur; de quibus in ſequentibus.

Curatoria,
Præſerua-
toria.
Vitalis.

CAP V T II.

De Indicantibus.

Postquam de Indicationibus dictum eſt: de Indi-
cantibus, vtpote à quibus ſumuntur Indicationes,
proximè agendum venit. Eſt autem Indicans,
quatenus quidem ad methodum medendi pertinet,
agens aliquod in corpore humano permanens, quod
per propriam naturam & eſſentiam auxilium ali-
quod indicat, atque indicatum, quod expoſtulat, ad
ſeſe dirigendum eſſe monſtrat, vt ſanitas hominis
amiſſa reſtituatur. Ex qua definitione cuilibet ma-
niſeſtum euadit, quænam ſint vera Indicantia, & quæ
verorum indicantium conditiones & notæ. Primò
enim in Indicante requiritur, vt agat, ſeu vt ſit
agens aliquod, 4. *meth. med. cap. 3.* Ea enim, quæ in-
dicant, tantum, quatenus agunt, ſeu agentia ſunt, id
eſt, quatenus naturam conſeruant & tueſtur, vel de-
ſtruunt, & corrumpunt, indicant, ſuique vel conſer-
uationem, vel remotionem poſtulant. Nam niſi age-
rent, naturamque vel conſeruarent vel deſtruerent,
nihil etiam indicarent, neque conſeruanda neque
abolenda eſſent. Secunda Indicantis conditio eſt, vt
ſit quiddam in corpore præſens ac permanens. Si
enim in corpore agere deber, vt in eo ſit, neceſſe
eſt. Præterea cum non aliud ſit, quod curandi ratio-
nem præſcribit, ſeu quod indicatur, aliud quod cu-
ratur, vt eſt apud Galenum, 3. *meth. med. 1. & 4. meth.*
med. 3. ſed ad indicatum remedia referantur: reme-
dia verò vel intra corpus aſſumantur, vel eidem extra
applicentur: vt Indicans in corpore ſit, requiritur.
Et quidem præſens, non præteritum, aut futurum,

Nam quod præſens non eſt, id nec agere poteſt. Et
cum Indicans vel conſeruari vel tolli debeat: quo-
modo conſeruabitur vel tolletur, quod iam præte-
riit, vel nondum adeſt? Permanens quoque neceſſe
eſt eſſe. Si enim per ſe citò & momentaneè tranſit,
nullum auxilium, quo abrogetur, poſtulat. Ex qui-
bus patet, cauſſas externas, dum extra corpus ſunt,
illudque non ampliùs afficiunt, non indicare. Si ta-
men vel ita ſeſe in corpus inſinuent, vt intus proxi-
mè morbum faciant & foueant, vel etiam extra cor-
pus ambientes, vel ei adhaerentes morbum excitent
& augeant, ab indicantium numero non ſunt exclu-
dendæ; cum eodem modo ſui ablationem indicent,
vt cauſſæ intus genitæ, vt poſtea *cap. 5.* dicetur. Ter-
tiò, indicans notum intellectui eſſe debet, 13. *meth.*
med. cap. 6. Niſi enim notum eſſet, indicare non poſ-
ſet; cum quod ignotum eſt, in alterius cognitionem
nos deducere non poſſit. Itaque tum ſolùm ex Indi-
catione deprehenduntur auxilia, vti morbi cum eſ-
ſentiæ tum cauſſæ proximæ cognitio perfecta habe-
tur, haberi uè poteſt. Qua de Cauſſa Galenus, *lib. de*
opt. ſect. ad Thrasyb. cap. 8. & 13. meth. med. cap. 9. &
12. meth. med. cap. 5. quæ tota ſubſtantia & occulta
qualitate agunt, intellectuque ideo nota non ſunt,
à methodo medendi, quæ Indicationibus perficitur,
excludit. Sola enim experientia illorum remedia in-
ueniuntur. Denique vnum Indicans, quatenus
vnum, vnum indicat: ſicut etiam vnum ab vno tan-
tùm indicatur, 1. *meth. med. 13. de opt. ſect. ad Thrasyb.*
44. Cum enim vnum, quatenus vnum, vnicam tan-
tùm eſſentiam habeat, plura etiam indicare non po-
teſt. Et cum nocens debeat à iuuante tolli: contra-
rium illi ſit neceſſe eſt. At vnum vni tantùm eſt con-
trarium. Vbi tamen animaduertendum, primò, affe-
ctum, qui vnus appellatur, ſæpe compositum eſſe.
Itaque quatenus compositus, vt etiam Galenus, 9.
meth. cap. 12. ſcribit, plura indicare poteſt: ſeu, vt Ga-
lenus, loco citato, loquitur, quod ſimplex eſt, ſim-
plicem Indicationem habet: quod non ſimplex,
etiam non ſimplicem. Deinde vnum indicans habere
eſſe genericum, ſubalternum, ſpecificum: ſeu, vt
cum Philoſophis loquamur, vnā realitatem plures
habere poſſe formalitates, multiplicemque naturam
formaliter. Quapropter tum etiam plura indicare
poteſt: Sed tamen per vnā eſſentiam vnum tan-
tùm; per genericam, genericum auxilium; per ſub-
alternam, ſubalternum; per ſpecificam, ſpecificum.
Indicantium autem numerum & differentiam quod
attinet, ea in re magna eſt inter autores diuerſitas,
paucique ante hæc tempora hanc doctrinam rectè
explicarunt. A recentioribus verò, inprimis Hiero-
nymo Capiuaccio, laboratum hac in re diligentius,
ampliusque ille, nec ſatis certus Indicantium nu-
merus, ex Galeno non ſatis dextrè intellecto à non-
nullis inuectus, ad pauca capita redactus eſt: quo-
rum veſtigiis etiam nos inſiſtentes è veris fundamen-
tis certum Indicantium numerum eruemus. A fine
autem optimè petuntur Indicantium differentia,
vtpote, qui indicantia, quatenus ad methodum
medendi pertinent, conſtituit. Finis autem me-
thodi medendi, vt dictum, duplex eſt, vnus internus
ſeu proprius, Indicatorum ſcilicet, ſeu auxiliorum
inuentio: alter externus ſeu communis, qui eſt
amiſſæ ſanitatis reſtitutio. Externus nullam Indican-
tium differentiam ſuppeditat. Omnia enim Indican-
tia, vt ad methodum pertinent, hanc naturam & for-
malem quaſi rationem obtrinent, vt ad curationem,
ſeu amiſſæ ſanitatis reſtitutionem comparata ſint. In-
ternus verò finis Indicantium parit differentiam. Cum
enim Iuuantia, quorum inuentio proprius methodi
medendi finis eſt, ſint duplicia, aliaque res ſecundum
naturam, alia res præter naturam reſpiciant: gene-
ralis ille finis, qui eſt auxiliorum inuentio, in alios
duos

Cauſſæ
ne an in-
cent.

Indica-
num

Indicans
quid.

Conditiones
verorum in-
dicantium.

duos diuiditur, nimirum in inuentionem auxiliorum, quæ conseruant res secundum naturam, seu in conseruationem rerum secundum naturam; & inuentionem auxiliorum, quæ tollunt res præter naturam, seu remotionem rerum præter naturam. Ex qua finis huius diuisione vt capite præcedente Indicationum differentia petita sunt: ita nunc merito Indicantium differentia sumuntur. Cum enim quod indicat, vel sui conseruationem vel ablationem indicet, duo communissima erunt Indicantia, res secundum naturam & res præter naturam. Etsi enim & neutra constitutio detur: tamen quando indicat, ad alterutrum extremorum reduci debet, & vel seruari, vel tolli postulat. Atque ita Indicans erit duplex, vel remotorium aut curatorium ita in genere dictum, vel vitale. Cum autem istæ duæ res aliquam rursus diuisionem patiantur: ex ea Indicantium numerus inquiri debet. Plerique hodiè, Capiuaccium secuti, tria statuunt Indicantia, duo quidem, quæ res præter naturam suggerunt: vnum, quod id, quod secundum naturam est, suppeditat. Cum enim res præter naturam in corpore humano tres tantum sint, Morbus, Causa & Symptoma: alter ille finis, qui est inuentio auxiliorum, quæ tollunt res præter naturam, ab iis tantum in duos diuiditur, scilicet in inuentionem auxilij, quod tollit morbum, seu morbi ablationem; & inuentionem auxilij, quod tollit causam, seu causæ ablationem. Verum si rem accuratè pensitemus, plura Indicantia constituenda videntur. Nam cum vtrumque genus & rerum secundum naturam, & rerum præter naturam, diuidatur in affectum ipsum, affectus causam, & accidentia consequentia: hinc etiam numerus Indicantium constituendus videtur. Res præter naturam sunt tres, morbus, causa & symptoma. Res secundum naturam sunt sanitas, causa sanitatis, & eius accidentia. Indicantia, quæ à rebus præter naturam sumuntur, quod attinet, primò est morbus, Indicantique hoc Curatorium, nomine communi methodi medendi retento, utpote princeps & primum, & cuius gratia potissimum omnia è methodo medendi aguntur, appellatur: alterum quod à causa sumitur, Præseruatorium dicitur. Etsi enim ratione finis communis, qui est Curatio, etiam hoc possit Curatorium appellari; cum omnia in methodo medendi ad curationem dirigantur: tamen ratione finis proprii præseruatorium appellatur. Illud tamen hinc obseruandum, omnem Indicationem, quæ à causa petitur, esse præseruatoriam, exceptâ eâ, quæ à causa continente sumitur. Hæc enim curatoria est. Symptoma verò inter Indicantia vulgò non recensetur, & symptoma, quatenus symptoma, non indicare dicitur, nisi ob sui vehementiam rationem causæ obtineat, quæ morbum augeat, viresque deiciat, atque ita curationem ad se trahat. Tum enim vulgò ad Indicationem præseruatoriam refertur. Verum si rem exactè æstimemus, symptoma ex Indicantium numero non est excludendum; cum & ipsum sit præter naturam, & peculiariter habeat Indicata, quæ ex propria natura suppeditat, eaque diuersa ab Indicatis, quæ morbi & causæ suppeditant; possuntque symptomati remedia afferri, quæ nec morbum, nec causam morbi respiciunt: id quod in dolore est manifestum, qui Anodynum indicat. Neque illud obstat, quod res non permanens esse dicitur, quodque ad ablationem morbi, vel causæ tollitur. Hoc n. ipsum morbis plurimis commune est, qui & ipsi sublata causâ tolluntur. Ita sæpe intemperies recens, sublata materia, à qua pendet, statim euanescit. Ita tumor & obstructio, sublata materia, quæ causa est, tollitur. Interim symptoma peculiarem indicationem, à morbi & causæ morbi Indicatione diuersam suppeditat. Atque hanc Indicationem si quis præseruatoriam appellare velit; quod ob sui vehementiam ra-

tionem causæ induat, quæ morbum augeat, viresque deiciat, per me licet: diuersa tamen est hæc ab Indicatione præseruatoria, quam causa suppeditat. Et propterea symptoma vix appellari solet. Atque ita tria erunt Indicantia, quæ res præter naturam suggerunt, curatorium, præseruatorium, & symptomata vixgentia. Vitalem Indicationem quod attinet, vulgata eorum, qui Capiuaccium sequuntur, doctrina est, quod res secundum naturam vnica sit, vires, seu virtus, quæ diuisionem aliquam amplius non admittat: atque ideo finis ille, qui est conseruare res secundum naturam, amplius diuidi non possit: ac propterea etiam finis hic vnicam tantum Indicationem suppeditet, quæ Vitalis, quod vitæ conseruationem vnicè intendat, appellatur. Verum vt dictum, & res secundum naturam, non incommodè, sicut res præter naturam, in sanitatem, causam sanitatis, & accidentia diuidi possunt. Ipsa sanitas, etsi, vt l. i. c. 3. dictum, formaliter sit facultas agendi ea, quæ sunt secundum naturam; magis tamen ex vsu Medico definitur, quod sit dispositio secundum naturam, actio-num naturalium autor. Constitutio autem illa naturalis, cum in partium simularium naturali temperatura ac dispositione, organicarum compositione, & vtrarumque vnitatem consistat: & variarum partium variæ sint temperies, variæque compositio, vt c. 4. & 7. dictum: vt sanitas conseruetur, singularum partium naturalis constitutio in temperie, qualitatibus occultis, magnitudine, numero, figura, cavitatibus & meatibus, situ, connexionem & vnitatem conseruanda est. Cum autem sanitas, vt morbus, suas causas, à quibus pendet, habeat, & illæ sua indicata suppeditant. Sunt autem causæ sanitatis omnia, quæcunque in corpore secundum naturam sese habentia non sunt partes viuentes. Partes enim viuentes sunt subiectum sanitatis, non causa, ipsarumque naturalis constitutio sanitas: reliqua omnia, quæ in corpore secundum naturam sunt, causæ sanitatis sunt, spiritus nimirum, sanguis seu humores & excreta naturalia. Hæc omnia ergo etiam sui conseruationem postulant. Conseruantur autem in naturali statu, dum suam substantiam, quantitatem, qualitatem, motum, locum obtinent, id est, dum non putrescunt, dum non nimis & ultra modum augentur vel minuuntur, dum à propria temperie non recedunt, dum spiritus & sanguis mouentur, & excrementa ad excernendi viam tendunt, non verò extra vasa sua & consuetas vias in alia loca incidunt. Tandem accidentia sanitatis & quæ sanitatem à partium corporis naturali constitutione consequuntur, sunt perfectæ actiones, & qualitates corporis naturales, atque excretiones & retentiones secundum naturam. Ista tamen cum à sanitate & à naturali corporis constitutione dependant, pleraque inutilem indicationem præbent. De reliquis Indicantium differentiis multa dicere opus non est. Sunt enim planè eadem, quæ in Indicationum diuisione recensitæ sunt: cum tria hæc, Indicatio, Indicans, & Indicatum, mutuum respectum habeant. Aliud nimirum Indicans est genericum, aliud subalternum, aliud specificum: aliud vtile, aliud inutile: aliud artificiosum, aliud inartificiosum. Ex his manifestum euadit, quid de eorum opinione sentiendum sit, qui plura, quàm tria, Indicantia constituunt, atque ex Galeno, Galeni mentem non sat bene assequentes, colligunt, & inter Indicantia recensent temperamentum, habitum corporis, ætatem, sexum, vires, genus vitæ, consuetudinem, peculiarem cuiusque naturam, partis à morbo obsessæ conditiones ærem, cæli statum, tempus anni, regionem, locum habitationis, morborum tempora, remediorum vires. Hæc enim & similia etsi in curatione morborum consideranda sunt Medico: tamen noua Indicantia non sunt, sed vel ad causas, à quibus Indicatio

Vitale Indicans.

præseruatoria sumitur, pertinent; vel vera Indicia non sunt, ut cuiuslibet notas & conditiones verorum Indicantium supra enumeratas attentius inspicienti manifestum euadet. Cum pleraque vel non agant in corpus, vel si agant, causæ tamen externæ sint, quæ præterierint. Verum ne quis in lectione authorum, præcipue Galeni, qui interdum (ut 11. meth. med. 13. & 9. meth. med. c. 13. & alibi) alia etiam in Indicantium numerum admittere videtur, dubius hæreat, hoc obseruandum: Tria solum esse genuina, vera, & proprie sic dicta Indicia, quæ modo enumerata sunt. Curatorium, quod à morbo; Præseruatorium, quod à causâ (quod referri potest & quod Symptoma suppeditat; aut pro quarto Indicantem Symptoma numerandum) & Vitale, quod à viribus petitur: tria etiam Indicata, & totidem Indicationes. Interdum tamen, & cum minus proprie loqui libet, etiam ea, quæ per accidens, atque alio interueniente ad auxilia inuenienda faciunt, Indicia appellantur. Ea nimirum omnia, quæ vera Indicia significando manifestandoque, & monstrando aliquid, quod definitum & determinatum Indicantis gradum patefacit, ad curationem rectam & definitam morbi naturæ conuenientem instituendam utilia & necessaria sunt. Atque ita etiam Galenus modò plura, modò pauciora Indicia admittit, atque interdum ea etiam Indicia appellat, quæ Indicia velut notæ & signa manifestant, & in cognitionem specificæ & propriæ essentia ducunt, ipsiusque rectæ administrationis inuentioni conferunt. Qualia sunt ea, quæ supra enumerata sunt; quæ potius pro signis verorum Indicantium, quam pro Indicantibus habenda sunt, atque Indicia Indicantium à nonnullis appellantur, & propterea proprie non ad methodum medendi, sed ad methodum semeiomaticam, quæ, quâ ratione Indicia cognoscantur, docet, pertinent. Verum enimvero cum & hæc ipsa studiose Medico perpendenda sint, & diligenter obseruata non paruum in curatione momentum habeant: de iis, ad authorum plerorumque, qui de methodo medendi scripserunt, exemplum, aliquid adhuc addere libet: ea etiam de causâ, ut quiuis ex lectione authorum rectius se expedire possit. Temperamentum primò quod attinet, id indicans curatorium non est: sed vitale. Cum enim secundum naturam sit, & ad vitæ conseruationem maximè necessarium, conseruationem sui, non ablationem indicat. Ad affectus tamen, præter naturam relatum inter ea est, quæ supra Indicia minus proprie dici diximus, nimirum signum & nota recessus à naturali statu: eademque ratione mensuram contrarij adhibendi manifestat & definit. Cum enim sedula in medendo danda sit opera, ne, vel infra modum adhibendo contraria, aliquid de morbo relinquamus, vel supra modum eadem exhibendo contrarium morbum inducamus: diligenter videndum, quantum æger naturæ limites, eamque, quæ secundum naturam est, temperiem exceßerit. Hoc autem scire non possumus, nisi ante nobis cognitum perspectumque sit, quæ fuerit ægrorantis temperies, antequam in morbum incideret. Ex qua Temperamenti consideratione hæc exstructa est regula, quam speciatim ad omnes Temperaturarum differentias applicare cuius facile est: Qui plurimum à naturali statu distat morbus, vehementioribus eger remediis: qui verò à naturali statu minus recessit, ægrique naturæ & temperiei naturali cognatus est, mitioribus curandus remediis. Vide Hippocratem, 2. aphor. 34. & 1. aph. 16. Eadem ferè ratione, quâ temperamentum, methodo inferuiunt ætas, sexus, vitæ genus, consuetudo, peculiaris cuiusque natura. Hæc enim omnia cum temperiem naturalem definiant, eo, quo temperamentum, modo, & quidem mediante temperamen-

to, ad auxiliorum inuentionem faciunt. *Ætas*, cum secundum eius varietatem temperies corporis varietur, primò Indicans vitale nobis circumscribit: Et cum cuiuslibet ætatis propria sit temperies, eam conseruandam indicat, simulque etiam robur & debilitatem virium definit, & quam Indicationem virtus, ut Indicans primum, suppeditat, eandem ætas, ut Indicans per accidens, præbet. Quapropter etiam Hippocrates & Galenus interdum solam virtutem spectare iubent: interdum quoque ætatem adiungunt, scilicet ut per notius ignotum manifestent. Hinc in pueris, cum ob insitum temperamentum ipsorum substantia facile dissipetur, viresque imminuantur, ætas virtutis debilis signum est: ut & in senibus; cum humidum in iis ad vitam necessarium iam ferè expirauerit. Deinde ætas ad affectus præter naturam relata, ut temperamentum, & interuentu temperamenti, recessum à naturali statu & contrarij adhibendi quantitatem definit. Hinc regula, quæ supra de temperamentis tradita est, cum iis, quæ inde speciales deduci possunt, huc accommodari potest. Nimirum, Quod plurimum recessit ab ætatis natura, maioribus expugnandum remediis: quod minus recessit, leuioribus tentandum. Vbi tamen in specie de ætate senili notandum, in ea, cum naturalis quasi morbus sit, qui propter calidi & humidi defectum mortis tandem causâ est, parcius calefaciendum & humectandum, quam in aliis ætatibus, non esse, neque in ea plus, quam in aliis ætatibus, frigefaciendum & siccandum esse. Eadem, quæ ætatis, etiam sexus ratio est: *Sexus* nimirum temperaturam definit, & virtutis vel robustioris vel debilioris signum est. Fœminæ enim temperamentum cum sit frigidius, ideo, cæteris paribus, si fœminæ calido morbo corripiantur, frigidiora iis remedia exhibere licet. Eadem cum sint corpore molliore, quod facile resoluitur, vehementes euacuationes non ferunt. Consuetudo quoque, quæ altera quasi natura est, *Consuetudo* mediatum signum est, & interueniente temperamento definitam affectus naturam monstrat, ac recessum à naturali statu: utpote quæ vel temperiem, quæ ab origine homini data est, conseruat, vel aduentitiam adiscit; & proinde temperamentum, quod aderat, antequam homo in morbum incideret, notat. Hinc itaque regula: Natura consuetis gaudet; insueta auersatur. Et, ut Hippocrates scribit, 2. aphorism. 50. *Consuetudo longo tempore, etiamsi deteriora sint, insuetis minus molesta esse solent.* Quapropter affectus, qui plurimum à consuetudine recessit, fortioribus oppugnandus remediis: mitioribus, qui minus. Vi-res etiam monstrat consuetudo, præcipue in euacuationibus. Et quod Hippocrates, 2. aphorism. 49. de labore scribit: *Quotidianis laboribus assueti, etsi inuvalidi sint & senes, insuetis, quamuis robustis & iuuenibus, facilius consueti ferunt exercitia:* Idem etiam de aliis, & præcipue euacuationibus, dici potest. Consuetudo enim, quid natura ferre possit, facile docet. Vnde etiam Medicamenta consueti magis perferuntur à viribus nostris & magis profunt, quam insueta: nisi ob nimis crebrum & diuturnum vsum iam effecta sint quasi similia. Institutum seu genus vitæ, quod ea complectitur, quæ homines quotidie agunt & tractant, cum consuetudine ferè conuenit. Hoc enim etiam plerumque certam naturam denotat. Nam qui circa ignem occupantur, cæteris paribus, plerique sunt calidioris & siccioris corpore, & propterea, ut ex superioribus patet, parcius refrigerandi & humectandi. Contrario modo se habent, qui circa aquas versantur. Affinis his est quoque *idiotisus* & naturæ proprietates. Alia enim medi

Temperamentum quid ad Indicationes faciat.

Sexus

Consuetudo

Vita genus

Natura proprietates

medicamenta aliis gratiora sunt & magis conueniunt: quapropter in eorum etiam delectu id obseruandum, quod Hippocrates de cibo scribit. *aphor. 38.* τὸ μικρὸν χειρόν, inquit, καὶ πόμα καὶ σιτίον ἥδιον δὲ, καὶ βελτιόνων μὲν, ἀνδρῶν δὲ, μᾶλλον αἰρετέον. Atque hūc pertinent peculiare Individuorum quorundam cum quibusdam medicamentis συμπαθεῖν & ἀντιπάθεῖν. Et si enim biliosi aliis commodè purgentur rhabarbaro: tamen inuenti sunt, qui à rhabbarbari usu grauitè sunt læsi, ob naturalem ἀντιπάθειαν, quam habebant cum rhabbarbaro. Hinc Galenus etiam, *4. meth. med. ultimo* scribit, communem esse Indicationem omnium partium internarum, ut habeatur delectus eorum, quæ maximè sunt grata & familiaria, ac vitentur contraria. Vnde quædam medicamenta, quæ externæ partes bene ferunt, internis adhibere nefas est. Et medicamenta, quæ partibus appropriata dicuntur, aliis communibus præferenda sunt. Sed iam quid partes affectæ hīc moneant, videamus. Galenus ab affecta parte sæpe Indicationem sumi scribit; imò eam tam necessariā esse in curatione rectè instituenda docet, ut si quis ipsam omittat, & læsam partem non consideret, nihil obstat, quin tota Medicina non sex mensium, sed sex dierum spatio discatur. Veruntamen pars affecta, & omnia quæ in ea sunt, temperies, præstantia, situs, conformatio, sensus, non propriè dicuntur indicantia, sed impropriè, in lata scilicet significatione, in qua omne illud indicans appellari potest, quod ignoti aliquid demonstrat. Partis vero affectæ & eorum, quæ in ea sunt consideratio, necessaria est, quia partem faciunt, ad inueniendam indicantia vera & permittentia, & sic signa sunt indicantium; partim etiam conferunt ad inueniendam remediorum materiam, & rectam eius administrationem. Temperiem primò partis quod attinet, cum hæc cuilibet parti sit peculiaris & propria, ea, quæ supra de temperatura in genere diximus, in cuiuslibet etiam partis curatione perpendenda veniunt. Dignitas deinde & usus partis nullam quidem indicationem suggerit; cum singulæ partes pro ratione morbi contrario remedio ad naturalem statum reducendæ sint; partis tamen præstantia ideo obseruanda est, quod virtutis robur vel debilitatem monstrat. Nam pars nobilis & quæ publici usus est, ut dum sana est, virtutem robustiorem habet: ita dum ægrotat, debilis virtutis signum est. Pars verò ignobilis & priuata, virtutis robustæ & firmæ signum est: id tamen non per se, sed per accidens, hac de causa. Cum enim partes nobiles actionem & officium commune habeant; & præter hoc etiam cum morbo ipsis pugna ineunda sit: virtutem in primis fortem postulât, quæ propterea quoquo modo, etiam leuiter, labefactata, debilis non immeritò appellari potest. Itaque hæc tenenda regula. Partes nobiles fortibus remediis non sunt tentandæ: Ignobilibus verò laborantibus ea adhibere tutius licet. Quod tam in alteratione, præcipuè refrigeratione, quàm euacuatione obseruandum, ut etiam monet Galen. *7. meth. med. 3.* ne parte nobili vel nimia refrigeratione, vel insigni euacuatione debilitatâ totum corpus in periculū coniiciatur. Et quod de principibus ac nobilibus partibus dictum est, etiam de iis, quæ cum iis consensum habent, accipiendum est. In primis autem intra dari non debent medicamenta deleteria dicta, quippe principum partium, aut toti corpori inseruientium calorem innatū destruunt. Qua in re peccant, qui in metallicis & mineralibus quibusdam adhibendis, nimis prompti, & licet vomitu aut purgatione per alium humorem alicuius morbi causam tollūt, quod æquè vegetabili aliquo præstare potuissent, vitiosâ tamen aliam dispositionem corpori imprimunt, quæ morbo priori deterior est & multis annis non potest superari. Huc spectat & illa consideratio, an pars sit externa vel in-

terna, (nisi quis ad situm eam referre velit) quæ ad materiæ auxiliij inuentionem facit. Cum enim ex gr. multa sint, quæ ad vlcera sananda faciunt, ærugo, æsustum, lithargyrum, cerussa & alia, quæ omnia corpori nostro aduersam qualitatem habent; alia verò corpori nostro non nocent, ut terra lemnia, sigillata, balaustra, rosæ & similia; si pars externa affecta sit, quodcunque ex istis usurpare licet: si verò interna, ut gula, ventriculus, affecta sunt, priora illa usurpare non licet, sed saltem posteriora. Ex partis natura quoque modus applicandi monstratur. Si enim vlcus sit in ventriculo, medicamentum totum simul usurpare licet: si in gula, paulatim & sæpe usurpanda, & propterea crassa ac lenta, quæque adhærent, exhibenda medicamenta. Huc etiam pertinet sensus partis, qui aliis est acutior, aliis hebetior. Partes itaque sensu acuto præditæ, cum faciliè dolore afficiantur, dolor verò vires debilitet, omnino sine dolore sunt curandæ; ac propterea in earum curatione ab acerbis remediis abstinendum. Quæ autem sensu hebetiore præditæ sunt, acrius melius ferunt. Atque ita sensus partis acutior etsi per se non indicet: est tamen signum virtutis prohibentis acria: ut sensus hebetior signum est virtutis permittentis acria. Hinc Galenus, *6. meth. med. 3.* docet, neruo læso alia remedia esse adhibenda, si nervus detectus sit; alia, si tectus cute lateat. Quò etiam pertinere videtur hoc: In medicamentis, quæ in ore detinentur, obseruandum esse, ne gustui ingrata sint. Porro in partibus affectis etiam conformatio, & figura, situs & connexio consideranda. Nam si partem substantiâ rariorem humectari contingat, non ita valde exsiccantia requirit: verum si pars densa & bene compacta eodem malo laborat, exsiccanda fortius. Nam cum ita à naturâ comparatæ sint eiusmodi partes, ut non faciliè humores adfluentes recipiant: si accadat, ut eos admittant, à statu naturali valde eas recessisse indicio est. Sic pars duræ substantiæ validum requirit medicamentum illudque fert & admittit; debilius verò nihil prodesset. At substantia mollis validiora non tolerat, à quibus dissoluitur. Atque ita conformatio Indicans & Indicarum determinat. Figura postulat medicamentum eadem figura admouendum, cuius est pars affecta: Vnde etiam instrumenta Chirurgica partium figuræ accommodanda sunt. Sic etiam situs auxiliij speciem circumscribit. Nam etsi pars, quæ in summo corporis & in propatulo posita est, atque ea, quæ profundius latet, si eodem morbo laborent, idem omnino remedium postulant: tamen ob situm parti in profundo positæ valentiora, & quæ vim penetrandi obtineant, medicamenta applicanda. Nam in his vires non præsentis, cum adhibentur, sunt æstimandæ, sed eæ, cum medicamentum in via virium aliquid amittere possit, quæ futuræ sunt, cum ad locum affectum peruenient. Itaque vel paulò superiore, quàm si morbus esset in superficie corporis, gradu medicamentum exhibendum, vel tale, cuius vis in via non faciliè imminuatur. Alia etiam medicamenta postulant partes internæ, alia externæ. Adhibemus nimirum metallica ad partes externas, quæ sine damno, cum sæpe deleteria sint, in internis non adhibemus. Quemadmodum etiam ea euitanda in vlceribus oris, ne per imprudentiam ad interna viscera delabantur. Prout etiam pars minora aut pauciora vasa & cavitates habet, eò fortiora vel debiliora medicamenta postulat. Per caua enim facilius medicamentorum vis admittitur. Magna etiam caua admittunt medicamenta quæ vim aliquam adstringendi habent, neque nocent pro loci amplitudine: contra angustiora vasa ab adstringentibus faciliè coarctantur. Eadem partium affectarum conditiones etiam sæpe locum adhibendi auxiliij monstrant.

Per os medicamenta possunt deferri ad ventriculum, hepatis, & in totum corpus distribui. Ad intestina præterea viæ patent per anum; ad vesicam, per penem; ad cerebrum, per nares, aures, palatum; ad pectus & pulmonem, per asperam arteriam. Vbi hoc notandum, si per varias vias medicamento aditus ad locum affectum pater, ut proximam eligamus. Quapropter laborantibus intestinis inferioribus, per clysteres medicamenta infundimus: superioribus vero, ea per os exhibemus. Aërem quod attinet, is quidem, ut omnes aliæ causæ externæ, Recentioribus quibusdam, non est Indicans, sed ratione temperiei, signum saltem, quod significat indicans interdum Curatorium, interdum vitale, seu quod gradum definit, & virtutis robur vel imbecillitatem monstrat. Ita enim hac de re docent Aër duplici ratione considerari potest, unâ, quâ vires respicit, & ea, quæ sunt secundum naturam; alia, quâ morbum, & ea, quæ sunt præter naturam. Ad vires & ea, quæ sunt secundum naturam, relatus aër, cum iis vel consentit, easque conseruat & stabilit, vel iisdem aduersatur, easdemque deiicit. Si cum iis conveniat, & organa spiritalia convenienter foueat & refocillet, nihil indicat. Si autem iisdem aduersetur, & ad interiora corporis sese penetrans ea immutat, virtutem debilitat. Atque hac ratione quatenus vires conseruat vel deiicit, virium robustarum vel imbecillarum signum est. Hinc aër temperatus, virtutis robustæ, cæteris partibus, signum est: aër vero æstuans, cum nec debito modo spiritus recreet, atque insignis per eum transpirationis, & resolutionis partium causa sit, virtutis debilis signum est. Si vero referatur ad morbum, vel rationem auxilij sanantis, vel causæ morbificæ habet, ut docet Galenus, 9. *meth. medend. cap. 14.* seu cum morbo convenit, aut eidem aduersatur. Nam quatenus morbo contrarius est, conveniens remedij materia est: ut si morbus sit frigidus, aër calidus apti remedij materia est, & contrâ, si morbus sit calidus, aër frigidus apti remedij materia est, causæque salubris vim habet. & consequenter in morbo calido aër calidus non esse debet, neque in frigido frigidus. Si autem cum morbo convenit, est causa morbifica: externa tamen, à quâ non sumitur indicatio; nisi per accidens, quatenus nimirum recessum à naturali statu definit, & hoc modo vel fortius, vel debilius contrarium indicat. Nam si quis laboret febre, aëre æstuoso, frigidius medicamentum ob vehementiam febris, quam nobis ut signum à causa petita aër monstrat, exhibendum: atque ipse aër, cum eo carere non possimus, ut idoneus fiat, & materia convenientis remedij euadat, corrigendus est, secundum illum excessum, propter quem aptus non est, sed potius morbum augeat. Verum enim vero res multò planior est, si dicamus, Aërem equidem peculiare & novum Indicantem non esse, sed ad causas morborum, & Indicantia præservatoria pertinere. Neque obstat, quod causa externa est. Nam & hæc Indicare possunt, ut supra, *cap. 2.* dictum, & postea, *cap. 5.* dicitur. Etenim dum aër sua intemperie, dum seu inspiratur, seu corpus ambit, naturalem corporis temperiem evertit, & intemperiem præternaturalem inducit, ut aliæ causæ, sui emotionem, vel si non amoveri potest, sui correctionem & alterationem postulat: & contraria alterationia, quæ adhibentur, non corpori ægri, sed ipsi aëri adhibentur. Idque non eo solum fine, ut euadat materia remedij idonei, sed etiam ut excessus ille qualitatum, quibus corpori nocet, corrigatur. Interim nihil obstat, quin etiam, ut signum, concurrere, & virium ac morbi robur & debilitatem simul patefacere possit. Nam & ab aliis causis signa petuntur. Verum cum aër mutetur ratione temporis anni, cæli status, regionum, locorum: ideo in consideratione aëris, etiam tempus anni,

cæli status, regio, locus, in quo æger decumbit, perpendendus. Hæc enim omnia aëris constitutionem & temperamentum monstrant. Tempus quoque morbi etsi non indicet, atque in curatione nihil mutet: cum morbus siue sit in principio, siue in statu, siue in declinatione, semper contrarius tollendus sit: tamen eatenus hic tempus morbi considerandum est, quatenus signum est virtutis alio morbi tempore fortioris, alio debilioris, ac propterea nunc permittentis, nunc prohibentis. Atque hinc Hippocr. 2. *aph. 29.* Ἀρχομένων τῶν νόσων ἢν τι δοκῇ κινεῖν, κινεῖ. ἀκμαζουσῶν δὲ ὑσυχίῳ ἔχειν, βέλτιον ἐστὶ. *Incipientibus morbis, si quid mouendum videtur, moue; vigentibus autem morbis, quiescere melius est.* Initium nimirum morbi signum est virtutis robustioris, status debilioris. Circa principium enim omnia sunt pacata adhuc & mitiora, nec dum virtus ex pugna, utpote quam nodum iniit, cum morbo debilitatur. At in statu omnia sunt turbulentiora, virtusque debilior: si non per se, tamen per accidens. Fieri nimirum potest, ut etiam in vigore morbi virtus, si per se consideretur, sit satis firma: tamen collata cum humoribus, cum quibus tum conflictatur, magis defatigari & debilior esse, quam aliis temporibus, quibus ab hac pugna quiescit, non ineptè iudicatur. Medicamenta denique hac ratione etiam hic aliquid methodo medendi conferunt, quod scilicet, quâ vel prosunt vel nocent, signum sint indicantis specifici & determinati. Operationis enim suæ vel excessu vel defectu, Medicum definitam morbi naturam non exactè agnouisse, & maiorem vel minorem fuisse recessum à naturali statu, & medicamentum maiore vel minore, quam par est, gradu fuisse exhibitum, monstrant. Atque hæc hoc loco non omittere placuit. Etsi enim vera Indicantia, qualia sunt morbus, causa, symptomata & virtus, non sint: tamen ad verorum indicantium exactam notitiam legitimamque curationem faciunt.

CAPVT III.

De Indicantium Consensu & Dissensu.

E A, quæ hætenus recensuimus, indicantia, prout nunc inter se consentiunt; nunc inter se pugnant, noua sortiuntur nomina, & Coindicantia, Consentientia, Contraindicantia, Prohibentia, Permittentia, Repugnantia, Correpugnantia appellantur. Non enim noua hæc Indicantia sunt, sed illa ipsa, quæ hætenus proposuimus, nouis nominibus, ob varios, quos ad se inuicem habere possunt, respectus appellata. Nam cum Indicantia ea dicantur, quæ aliquod auxilium expostulant: Coindicantia omnia illa, quæcunque etiam sint, appellare licet, quæ ad eiusdem auxilij inuentionem faciunt. Verbi gratia. Si febris ardens, utpote Intemperies calida, indicat frigida, idemque indicet causa febris, bilis, & præterea anni tempus, cæli status, regio, & similia: febris Indicans dicitur, reliqua omnia Coindicantia, vel etiam consentientia. Sic enim Galenus, 3. *meth. med. cap. 16.* Coindicantia vocat vires, naturam, ætatem, anni tempus, regionem, consuetudinem, & si quæ eiusmodi sunt alia. Aliqui tamen paulò aliter hæc digerunt. Nam illis Coindicantia non sunt Indicantia, quæ idem auxilium postulant, sed illa solum, quæ præcedente capite Indicantia minus propriè dici diximus, quæ nimirum mediâtè & interuentu alterius indicant. Ut in proposito exemplo, non bilem, utpote quæ seu causa, primum est indicans, sed solum cæli statum, anni tempus, regionem, & similia, quæ intemperiei calidæ signa sunt, inter coindicantia secundum hos referre licet. Reliqua vero, quæ propria etiam Indicantia sunt, idemque auxilium, quod

quod ab alio indicante requiritur, postulant, si peculiari nomine appellare velis, Consentientia appelles. Prohibentia autem sunt, quæ & Contraindicantia, & Repugnantia nominare licet, quæ dissentiant ab aliis indicantibus, aliudque postulant & indicant, quod aduersatur ei, quod ab alio fuit indicatum; & quidem ita, ut eorum indicatio omnino præferenda sit; id verò, quod ab alio indicatum fuit, omittendum. v.g. Si humores pravi abundantes purgationem suadeant, vires verò sint omnino debiles: vires prohibere dicuntur. Correpugnantia autem ea dicuntur, quæ simul repugnant, seu aliquid prohibent. Aut, ut iis placet, Correpugnantia sunt, quæ mediatur & interuentu alterius aliquid prohibent. Atque secundum hos eodem modo se habent Prohibentia ad Correpugnantia, quo Coindicantia ad Indicantia. Ut enim illis Coindicantia ea duntaxat dicuntur, quæ mediatur & interuentu alterius aliquid, quod antè immediatè, & primò à primario indicante fuerat indicatum, indicant: Ita Correpugnantia ea solùm iisdem dicuntur, quæ illud, quod antè à primario Indicante primò & immediatè fuerat prohibitum, interuentu illius primi etiam prohibent. Prohibent nimirum, ut diximus, purgationem vires debiles: Eandem ut Correpugnantia dissuadent, quæ vires debiles monstrant: qualia sunt ætas, sexus, tempus anni, & similia. Permittentia denique illa sunt, quæ quamuis contrarium ei, quod ab alio fuit indicatum, indicant: ab alio tamen, ut potiore, vincuntur, ut permittere id, quod aliud suadet, cogantur. Sic vires debiles dissuadent sanguinis missionem. Si tamen sit maximum vitium sanguinis, & vires non planè deiectæ: potior ratio habenda est eius, quod à vitio sanguinis indicatur, virisque, utpote ex quarum aliqua deiectione non tantum periculum imminet, quantum ex intermissione venæ sectionis, permittere tandem venæ sectionem coguntur. Ex quibus patet, non solùm esse considerandum à Medico, quid vnum Indicans suadeat, sed etiam quid alia postulent. Etenim si omnia indicantia consentiunt, & in vnum quasi conspirant: audacter id, quod ab iis præcipitur, faciendum. Si autem aliquis inter ea dissensus est, perpendendum diligenter, cuius potior sit habenda ratio. Ea autem, quæ dissentiant inter se, & viribus seu dignitate, & numero sunt æstimanda. Secundum enim hæc duo vel æqualia sunt, vel inæqualia. Si secundum vires & dignitatem sunt æqualia, secundum numerum imparia: ea, quæ numero superant, præferenda, atque id agendum, quod à pluribus indicatur. Si autem viribus & dignitate sint imparia indicantia: id potius agendum, quod à dignioribus, aut etiam digniore præcipitur. Accidere enim potest, ut vnum tanti momenti sit, ut eius indicatio plurium aliorum minus præstantium indicationibus sit præferenda. Fieri nimirum potest, ut vires nimis prostratas reficere cogamur, & morbo & causâ refragantibus. Vnde Galen. 9. meth. medend. 13. monet, si vires, remedium, quod affectus præter naturam postulat, non ferant, tantisper sanandi consilium seponendum esse, donec vires, quæ omnium maximè urgent, sint resectæ. Si autem ea, quæ dissentiant, Indicantia & viribus & numero sunt æqualia, omnibus, pro cuiusque ratione, prospiciendum. Ex quibus patet, si par sit magnitudo indicantium, indicationes vitales semper reliquis præferendas, viriumque semper maximam habendam esse rationem. Vita enim præsentis spes adhuc aliqua est oppugnandi morbum: illa autem deficiente, curationi amplius locus non est. Si autem non sit paritas inter indicantia, illud agendum potius, quod indicatur ab eo, quod magis urget: reliqua tamen, si fieri potest, non planè negligenda: quod sit, dum vel medicamenta contraria permiscantur, vel impermixta modò huic modò illi sua cuique adhibentur. Hinc virtus

modò præfertur, modò negligitur, prout magis vel minus valida est ad indicandum. Valida ad indicandum est, cum debilis est: negligitur autem, dum robusta est. Morbum autem & causam quod attinet, inter ea id alteri præferendum, quod vel magis lædit & urget, vel quod ita se habet, ut non possit illud, hoc manente, remoueri: atque in omni morbo cui causa effectrix adhuc cohæret, ab huius remotione curationem inchoandam esse docet Galenus, 4. meth. med. cap. 4. & art. med. cap. 88. De quibus plura infra, ubi de ordine agendorum dicitur. Sed hæc rectius intelligentur, si ea, quæ supra, lib. 2. part. 1. cap. 11. de magni morbi differentiis dicta sunt, perpendantur. Ex his enim patebit, quoruplex Indicantium sit vehementia & dignitas.

C A P V T IV.

De Indicatis.

Post doctrinam de Indicationibus, & Indicantibus, restat, ut etiam de Indicatis agamus. Est autem Indicatum illud, quod iuvat, & ab indicante agendum monstratur. Vbi notandum primò, indicatum pluribus præterea nominibus appellari. Nam etiam nominatur *συμπερον*, utile, *παραπομπικον*, auxilium, postulat, scopus, & scopus secundus ad primi (nam ita Indicans interdum appellatur) differentiam: item remedium, in parte curatoria. Deinde, discernendum esse inter auxilium seu remedium, & inter auxilij seu remedij materiam. Auxilium enim illud est, quod ab Indicante agendum præcipitur, & ex rei, quæ auxilio indiget, natura inuenitur, semperque vnum est. Materia autem remedij est, per quam à Medico id, quod Indicans iubet, peragitur; instrumentum scilicet Medici in curatione: atque hoc sæpe multiplex est, potestque vnus auxilij varia esse materia. Verbi gratia. Si morbus sit calidus in secundo gradu, indicatur remedium frigidum in secundo gradu; cuius multiplex potest esse materia, ut lactuca, endiuiia, acetosa. Arque auxilium ad methodum medendi pertinet: materia autem auxiliorum ad doctrinam de alimentis, & medicamentis, ac Cheirurgiam. Diuiditur autem Indicatum in Quid agendum, ut loquuntur, seu in ipsam auxilij essentiam, naturamque, & in Vsum, seu rectam auxilij eiusque materiae exhibitionem & administrationem. Nam cum Medicus non curet hominem in genere, sed hunc vel illum morbum, in hoc vel illo individuo, magnitudine, loco, & tempore definitum: non sufficit, Medicum scire solùm quid agendum sit, sed ut præterea cognoscat necesse est, qua ratione id, quod indicatur, commodè perficere, & remedia iusta quantitate, commodo tempore, & debito loco, ad normam illius ideæ morbi, quam animo concepit, exhibere possit. Ex his facile patet, quanam sint Medici officia, quæ ipsi in consultatione obseruanda, ne dum curam aggreditur erret, aut aliquid necessarium omittat. Nimirum quid sit agendum; deinde quâ materiâ, seu quo instrumento, id, quod agendum, perficiendum; tertio quæ conditiones & in auxiliis & in auxiliorum materia seu instrumentis obseruandæ sint. Sunt autem illæ, quantitas, locus, tempus, motus. Si quis & hîc, An sit agendum, addere velit, cum eo non litigabo. Certum enim est, Medici hanc primam curam esse debere; cum, ut Celsus, lib. 5. cap. 6. ait, *prudens sit hominis, eum, qui seruari non potest, non attingere, nec subire speciem eius, ut occisi, quem fors ipsa peremit*. Pendet autem ista deliberatio ex prognosticis. Ex iis enim, qui morbi sint curabiles, qui incurabiles & lethales cognoscitur. Hinc porro concluditur, eius, qui seruari non possit, curam suscipiendam vel

Indicatum quid.

Remedium seu auxilium & auxilij materia differunt.

Indicatum diuisio.

tentandam non esse. Quia tamen hac de re non omnium eadem Medicorum videtur opinio, quæstio hæc; an deplorati & desperati solis prognosticis sint relinquendi hîc explicanda. Galenus 2. *aph.* 29. scribit: *illud semper memoria tenendum: deploratorum non esse suscipiendam curationem, sed cedere absterereque cum ea prædictione oportere, quis nam tandem morbi sit futurus exitus.* Et, lib. 1. *meth. med. cap. 9.* ait; in quo desperata omnino salus est, imprudentis consilij fuerit, apud vulgus infamare præsidia, quæ multis fuere saluti. Et paulò post: *Tempora præsidijque is, quos seruare spes est, scribimus; quando agris, qui insanabiles sunt, nec tempus ullum opportunum est, nec præsidium.* Ita quoque Celsus, l. 5. *cap. 26.* Est prudentis hominis, inquit, eum qui seruari non potest, non attingere, nec subire speciem eius, ut occisi, quem fors ipsa peremit. Contrà verò inhumanum esse videtur; nihil experiri & tentare vel- le, & hominem miserum deferere, & sine medicamentis relinquere. Atque Galenus ipse 10. *meth. med.* de curatione hec ticæ vltimi gradus agit, quamuis sciat, tales nunquam perfectè sanitati restitui posse. Inprimis verò ægri non deferendi videntur, quod non semper certò constet, qui morbi incurabiles sint. De acutis certè id affirmat Hippocrates, 2. *aph.* 29. Et Auicennas, quarta quarti tr. 2. *cap. 10.* scribit. *Multoties saluatur aliquis absque spe mirabiliter.* Et exempla eorum sanatorum, qui deplorati vulgo habentur, adducit. Ex hac controuersia si nos expedire volumus, vt quasdam distinctiones adhibeamus, necesse est. Primò enim alij morbi per se & reuera ac semper sunt incurabiles, qui nec naturæ, nec artis opera, in quocunque etiam subiecto, curari possunt, quorumque curatorum nullum vnquam exemplum compertum est. Alij deinde sunt morbi, qui maiori ex parte interimunt. Prioris generis sunt cæcitas & surditas congenita, deprauata partium figuræ congenitæ, vel diuturna gibbositas, phthises inueteratæ & similes plures. Tales morbos meritò prudens Medicus non attingit, neque eorum curationem, vtpote quæ supra potestatem artis est, promittit. Si tamen quid præstare potest, vt æger vel diutius supersit, vel cum minore molestia vitam transigat: ea in re agro opem imploranti non deerit. Posterioris generis sunt plurimi morbi, qui etsi plerumque occidunt, tamen interdum ægros inde conualescere obseruatum est. Quod accidit ob naturarum differentiam, quæ cum ex arte & ad vnguem cognosci difficilimè possit, rursus quandam morborum deploratorum differentiam suggerit. Sunt enim morbi deplorati alij reuera tales, alij sensus iudicio & Medici sententia & coniectura; cum tamen reuerà lethales non sint. Hinc sæpe fit, vt qui morbus à pluribus etiam Medicis pro deplorato est habitus, postea vel naturæ vel aliorum operâ curetur. Danda igitur est opera Medico, vt indiuiduam & propriam, quantum fieri potest ægri naturam exactè agnoscat, atque tum si videat omnino ægrum paulò post moriturum, virisque planè collabi, prudenter fecerit, si naturam iam iam succumbentem multis medicamentis, imò sæpe ne cibis onerauerit; ne grauata amplius citius succumbat, atque agro mors acceleretur. Verùm quia vix, & non nisi ab iis, qui frequenter cum ægrotis, dum sani erant, conuersabantur, indiuidua illa natura cognosci potest: nec talibus nec in morbis ægri facile deferendi sunt. Cum sæpe natura paululum adiuta vires iterum colligat, morbumque præter spem profliget. idque præcipuè in acutis faciendū, in quibus sæpius anceps inter naturam morbum pugna est. Vnde & Hippoc. 2. *aph.* 29. scribit: *In morbis acutis non omnino sunt certa mortis & salutis prædictiones.* In talibus ergo morbis licet aliquid moliri, naturamque tentare, & aliquid medicamenti propinare, quod ipsi non multum faceßat negotij. Ex cuius vsu si videamus

Morbi in-
curabiles quo-
triplices.

mus naturam non solum non labefactari, sed etiam non nihil eius vires colligi: sensim ad validiora progrediendum, donec sanitas restituarur. Quod si vehementia morbi æger occubuerit; Medicus nihilominus & suum officium, & quod artis est, fecit: non secus ac bonus nauclerus, qui quamvis diligentissimè nauem gubernet, tempestate abreptus & victus portum attingere non valet. Est tandem & alia quædam deploratorum morborum differentia obseruanda. Alij enim ex internis causis corpus labefactantibus oriuntur, alij ex causis externis, & subito casu infliguntur, vt sunt vulnera similia. In hisce cum plerumque corpus sanum aliàs & integrum reperiatur, & causæ efficientis vis mox cesset: non ita semper certa est mortis prædictio, & multi ex iis, qui pro desperatis habentur, conualescunt; obseruatumque est à posterioribus, & obseruationes passim exstant, multa vulnera curata esse, quæ ab antiquis pro desperatis & incurabilibus habebantur. Vnde in talibus morbis nemo facillè medicamentis defraudandus ac pro desperato relinquendus est. In aliis verò morbis, qui à causis internis morbos fouentibus, viresque corporis continuò & diu sæpè demolientibus ortum habent, certior quidem plerumque mortis, prædictio: sed tamen neque iis medicamenta deneganda sunt, sed id agendum, vt vel vita, quamdiu licet, prorogetur, vel morbi vehementia minuat, vt agro morbus minus molestus sit. In talibus tamen, in quibus nulla vitæ diuturnioris spes superest, nulla generosiora & fortiora medicamenta adhibenda, ne illa apud vulgus infamentur, & Medicus eum, quem morbi vehementia sustulit, medicamentis occidisse aut ei interitum accelerasse videatur. Imò in omnibus morbis difficilioribus & periculosis prognostico se muniat Medicus. Ita enim omnem suspicionem & calumniam facillè euitabit. Qui autem morbi lethales ac deplorati sint, qui minus, paucis hîc declarari non potest, longiorémque disquisitionem requirit, atque è prognosticis singulorum morborum peti potest. Cæterum quid agendum cognoscitur per se à veri Indicantis quo vel bene vel malè corpus afficitur, natura. Hinc Galenus, 3. *meth. med. cap. 1.* & 11. *meth. med. cap. 5.* Principium Inventionis à rei natura sumi inculcat, & lib. de opt. sect. ad Thrasyb. cap. 11. Indicationem iuuantis ex natura nocentis perceptionem appellat. Nimirum quid agendum in duobus consistit, duoque principaliter agenda sibi Medicus proponit, vt nimirum vires, conseruet, & illa, quæ præter naturam sunt, morbum, causam & symptoma depellat. Illis se vt auxiliator coniungit aduersus res præter naturam, similia, quibus natura gaudet, exhibendo: his tanquam hostis contrariis resistit. Vnde etiam Quid agendum, vt supra Indicantia, diuiditur in Curatorium, quod est remedium morbum auferens: Præseruatorium, quod est remedium causam tollens: & Vitale, quod est auxilium vitam conseruans: quibus, vt dictum, addi potest, symptomata vrgentia mitigans. In his sæpe contrariæ Indicationes occurrunt, & quod ab vno suadet, ab altero dissuadet. Vi-res enim alimentorum exhibitionem postulant: cui contra indicant morbus & causa; vtpote quæ exhibitione alimentorum augentur: cum ea in morbo oblata sint, vt Hippocr. libro de prisca medicina, loquitur, τῇ μὲν νόσῳ ἐσθὲν τε καὶ αὐξήσεως τὸ δὲ σώματι φθίσεως τε καὶ ἀρρώστιας, & vt est 7. *aph.* 62. ἐσθὲν τὸ μὲν ὕψιστον ἰσχύος τὸ δὲ κάμνοντι νόσῳ. Nam exhibitione cibi in corpore ægrotante, & prauis humoribus redundante, natura à pugna, quam cum morbo init, auocatur: neque tunc à calore natiuo cibus vincitur, sed ipsum potius vincit, atque ideo non robur viribus, sed potius morbo, suggerit. In hac autem Indicationum pugna quid agendum sit, ex iis, quæ suprà de pugna Indican-

Quid
dum.

tium diximus, patet, & plura suo loco dicentur. In contrariis autem exhibendis hoc præcipue obseruandum, ut remedium ad amissum Indicanti contrarium adhibeatur. Nam nisi hoc obseruetur, & superiori gradu exhibeatur medicamentum, in oppositum morbum ager deducetur: Si verò minori gradu applicetur, aliquid de affectu manebit reliquum. Cum autem duobus modis possit adhiberi æquale contrarium, vel tale semel applicando, quod recessui à naturali statu par sit, vel sæpius, & partitis vicibus, minus contrarium exhibendo videndum, quando uterque modus locum habeat. Primus modus hanc quidem commoditatem habet, ut affectum præter naturam vna vice tollat: hoc tamen etiam secum habet incommodi, si vehementia sunt contraria, quod non sine insigni corporis commotione, & virium debilitatione morbum tollat. Si enim extremè contraria concurrant, magna fit agitatio. Remedia verò debiliora hoc quidem habent comodi, ut lentè, & sine insigni aliqua corporis commotione, aut virium debilitatione, morbum tollant; hoc tamen cum ipsis coniunctum est incommodum, quod tardius morbum auferant. Ideoque primum remedij genus est adhibendum in duobus affectuum generibus, iis nimirum, qui leues sunt, & iis, qui extremè & valde periculosi. In mitioribus quidem malis id faciendum, cum tutò id fieri possit, & contraria non vehementia sine magna agitatione corporis & virium iactura configant. In extremis verò malis ut id fiat, necessitas requirit. Nisi enim simul tollantur, metus est, ne ægrum in vitæ discrimen adducant. Vnde Galenus, 5. meth. med. 15. reprehendit Erasistratum, qui semper à paruis auxiliis incipiendum esse docebat; cum, si hoc faciamus, sæpe medendi occasio pereat. Posteriore autem remedij genere vtendum est in affectibus, qui mediocres sunt, & quasi medij inter grauissimos & leues, & in his pederentim & lentè, leuioribus sæpius exhibitis, morbum tollere licet. Hac enim ratione neque vires debilitantur, neque ex tardiore curatione periculum vllum imminet. Illud tamen in his obseruandum, ne remedia sint nimis debilia: ita quidem, ut etiam si sæpius adhibeantur, morbum tamen propulsare non valeant. Nam cum morbus talia remedia planè superet, accidit non rarò, ut morbus inde exasperetur, & deterior reddatur. Denique idem etiam Quid agendum omnes alias differentias, quas supra in diuisione indicationum & indicantium recensuimus, admittit. Aliud enim Indicatum est genericum, aliud subalternum, aliud specificum, aliud appropriatum: aliud vtile, aliud inutile: aliud artificiosum, aliud inartificiosum. Vtus autem, & recta administratio auxiliij, quantitate, loco & tempore comprehenditur, quos scopos Practici vulgò Quantum, Vbi, & Quando agendum nominant. Notandum autem hinc conditiones istas ac modum administrandi & in ipso auxilio, & in materia auxiliij locum habere: id quod exemplis patet. Laborat enim quis morbo calido & quidem curabili, qui esse refrigerandum indicat. Vbi statim considerandum, quantum refrigerandum, an multum vel parum, an secundum vnum vel tres gradus. Secundo vbi, an in capite, corde, vel alia parte: Tertio Quando, an statim vel primo die, an postero, in die vel nocte; si febris sit, An in accessione vel extra accessionem. Deinde circa materiam eadem sunt considerata, & antequam materias auxiliorum administret Medicus, animo prius concipere debet, qua quantitate, quo loco, tempore & quomodo materiæ remediorum sint adhibendæ. Si enim sit refrigerandum secundum duos gradus, & commodum hac in re videatur cichorium vel Endiuia, statim de quantitate est in-

quirendum, an Vncia vna vel plures endiuia & cichorij vsurpandæ; Secundò de loco, An extra applicanda vel exhibenda & intrus assumenda; Tertio quo tempore, an ante cibum vel post cibum, manè vel vespere sint exhibenda. Quartò de modo cogitandum, an cocta vel cruda, in substantia vel puluere, vel an condita, vel conserua, vel succus eius aut decoctum, vel aqua destillata vsurpanda. Vnde autem vsus indicetur, authores dissentiunt. Verum Galen. de optima sect. cap. 45. viam hæc explicandi satis claram monstrat, dum scribit: *Quod genus indicat, id & qualitatem indicare necesse est. Nam sine differentia vnumquodque indicans rei postulat genus, sed differentiam accipiens ab ipso genere differens indicat.* Id est: Remediorum genera à generibus morborum & causarum indicantur; species à speciebus; differentia à differentiis. Et quod sine differentia & absolute aliquid absolutum indicat, id addita differentia & conditione differentias & cum conditione indicat. Sed ut de singulis in specie dicamus, primò quantitatem quod attinet, summè necessaria est Quantitatis remedij cognitio. Nisi enim totus morbus tollatur, sanitas integra non acquiritur: si verò plus, quàm debet tollatur, alius contrarius morbus inducitur. Ne quis autem in voce Quantitas hæreat, tenendum, quod etiam supra dictum, Quantitatem aliàs accipi respectu facultatis & operis, scilicet pro definito gradu & termino auxiliij adhibendi; verbi gratia, adhibendum esse medicamentum calidum in secundo gradu: qua ratione Quantitas & Quid agendum specificum idem sunt. Aliàs vsurpari respectu ponderis, pro dosi, copia, & mole ipsius materiæ auxiliij; verbi gratia, qua copia & qua dosi, an summa, media, vel minima betonica sit exhibenda. Ideoque etiam seorsim de vtraque Quantitate dicemus. Et primo quidem quod attinet Quantitatem auxiliij seu remedij, vnde illud indicetur non adeò clarum, atque alij aliud statuunt: sed si eam viam, quam modo de vsu remedij inueniendo ex Galeno monstrauimus sequamur, differentia & conditio generi addita Quantitatem remedij facile monstrat. Ergo si essentia indicantis Quid agendum indicat, Quantitas seu magnitudo essentiæ monstrabit Quantitatem agendi seu remedij magnitudinem. Vnde Hipp. rectè scripsit, extremis morbis extrema deberi remedia. Nimirum si calidum indicat frigidum, magnum calidum magnum frigidum indicat; si verò paruus sit calor, parum refrigerandum esse indicatur, si mediocris, mediocriter refrigerandum. Et si sanguinis copia sanguinis imminutionem indicat; magna sanguinis copia multum sanguinis euacuandum esse dicat. Verum Quantitatem hanc determinatam inuenire difficile est, eaque nec dici nec scribi potest; quam si cognoscere potuisset, Medicum Æsculapio similem se professus fuisset Galenus, 3. meth. med. cap. 3. & 7. de cur. per sang. mis. cap. 7. Et hoc vnum præcipue artem Medicam coniecturalem facit. Ideoque cum rarò exactè sciamus determinati indicantis magnitudinem, laborandum, ut artificiosa coniectura quam proximè ad eam accedamus. Hoc autem fiet, in rebus præter naturam, si propriam hominis naturam, dum sanus esset, cognitam habeamus, & magnitudinem à propria agrotantis corporis & partis natura æstimemus. Quia verò vires non semper permittunt, ut totum vna vice detrahatur, & licet multa aqua in hydropicis abundet, vires tamen non ferunt, ut confertim & vna vice detrahatur: tantum detrahendum, quantum vires ferunt, sæpiusque repetitum auxilium remissius idem præstabit, quod semel vehementius & intensius. In materia tamen remedij, ut suo loco dicetur, partis natura considerata. Et si enim illa remedij Quantitatè, quæ à Quantitate affectus solum

Vnum remedij quid indicet.

Quantitas à quo indicetur.

Per quantitatem remedij quid intelligendum.

Tempus.

Ordo agendi.

indicatur, non mutet: hoc tamen partis natura considerata monet, medicamentum fortius eligendum esse, si pars loco profundiore sita sit, ut iis ipsis viribus, quæ indicantur, integris, ad locum affectum perueniat. In usu deinde Quando seu tempus est observandum, τὸ δὲ ἀκριβὲς πανταχοῦ λυτὴν. Quando autem agendum, à tempore seu præsentia Indicantis monstratur. Tunc enim adhibendum est auxilium, quando id, quod illud expostulat, præsens est. Ad tempus verò, etiam ordo pertinet. Quod enim in simplicibus est tempus, in complicatis est ordo. In his enim non solum quid cuilibet affectui remedij conveniat, sciendum, sed etiam videndum, à cuius exhibitione curatio inchoanda. Monstrat autem ordinem agendorum vehementioris Indicantis præsentia. Illud enim prius agendum, quod monstratur ab Indicante, quod in indicando reliqua vincit. Illud autem vincit in Indicando reliqua, à quo maius imminet periculum, aut sine cuius remotione alia tolli non possunt, itaque tribus observatis recto in curando ordine procedemus. Si perpendamus primò, quid magis urgeat, & unde maioris periculi metus sit. Secundò, quid causa, quid effectus ratione habeat. Tertiò, quid impedimenti loco esse possit, quid ante quid, quid cum quo quid post quid curari possit. Nimirum in curatione hic ordo servandus, ut primo urgenti succurratur, seu à quo maius vitæ discrimen & periculum imminet, siue sit morbus, siue causa morbi, siue symptoma. Cum enim omnia vitæ & sanitatis gratia à Medico fiant, id, quod hæc maxime lædere potest, primò tollendū. Ut si in febre syncope urgeat, ex spiritu defectu, vinum, et si febrem augeat, exhibendum. Secundo loco causa illa, quæ quovis modo in morbi vel causa morbifica ablatione impedimento esse possunt, tollenda: ut si ferrum in vulnere relictum sit, id, quia curationem vulneris impedit, primò tollendum. Si ulcus sit sordidum, primò abstergendum. Tertiò si causa morbi adsit, ea ante morbum tollenda. Atque ex horum trium consideratione, omnia, quæ de ordine agendorum dici possunt, pendent. Primò enim semper, ut dictum, ei, quod maxime urget, succurrendum: deinde id, quod in aliorum auferendorum curatione impedimento est, tollendum. Hinc considerandum, An morbus mortuo, an verò causa coniungatur. Si morbus mortuo coniungitur, perpendendū, an morbi illi contentiunt, an verò non. Si morbi nihil consentiunt, sed diiuncti adeo sunt, ut in diuersis & non communis usus partibus distinctas sedes obrineant, ut si vitium aliquod in oculo, & vulnus in crure sit: eos sigillatim & seorsim, vel etiam simul, quemlibet per suum remedium, curare licet; nihilque refert, cui primò remedium adhibeamus. Partium tamen, quibus morbi isti insunt, ratio habenda. Qui enim partibus nobilibus, aut quæ nobilibus inserviunt, aut cum iis consensum habent, aut, quæ publicum præstant officium, insunt, ij primo loco tollendi. Si autem morbi aliquam habent convenientiam, atque aliquo modo connectuntur, considerandum, an vnus curatio etiam ad alterius faciat, vel saltem alterius curationi nihil incommodet; an verò vnus curatio alterius curationi aliquod impedimentū & noxam afferat; an denique partim consentiat, partim dissentiant. Si vnus curatio alterius curationi nullum impedimentū affert, aut eam etiam promouet; ut si hepatis intemperies & obstructio concurrant: eos seorsim, vel etiam simul curare, atque ab utroque facere initium licet. Vbi tamen etiam ratio eius, qui magis urget, si non par sit vehementia, haberi potest. Si autem ita connectantur, ut alter altero periculosior sit, ab eo erit inchoandum, qui maius periculum minatur. Et si enim ita alterius cura impediatur & protrahatur: melius tamen est, egrum cum aliquo damno & mora curare, morbumque prorogare, quam egrum iugula-

re, aut in præsens vitæ discrimen inducere. Si autem alter altero periculosior non sit: neutrum seorsim curabimus, sed remedia ita temperabimus, ut utrique prosint. Si tandem partim consentiant, partim dissentiant, ab eo initium faciendum, cuius curatio alterius curationi non nocet, & sine cuius remotione alter amoveri non potest. Si morbus causæ iungatur, causa primum remouenda. Et si enim forsitan, si morbum primum aggrediaris, de eo aliquid demes: tamen tantundem causa adhuc præsens rursus generabit. Imò non raro, cum morbus adhuc recens est, nec firmiter parti inhaeret, sublata causa morbus sponte evanescit. In causarum autem remotione id observandum, ut eo, quo sese consequuntur, ordine tollantur, ita ut ab eo incipiatur quod τῇ φύσει primum, τῇ ἀναλύσει ultimum fuit, ab eo ad proximum accedatur, atque ita ordine pergatur, usque dum ad optatum finem peruenimus. Et ut breuiter rem omnem comprehendamus; Præsentia Indicantis, quod alia Indicantia vincit, & absentia prohibentis, quando agendum, ordinemque agendi monstrat. Et propterea etiam docet; an idem auxilium sæpius repetendum sit. Tam diu enim, & toties repetendum est, quam diu Indicans præsens manet, & prohibens nullum aduenit. Vbi seu locus remedij adhibendi etiam perpendendus, quem monstrat Indicantis subsistentia seu locus, seu quem indicat affectus quatenus in determinata corporis regione subsistit. Cum enim actio omnis fiat per contactum: applicandum est agens, quod indicatur, patienti, quod indicat, locūque inueniendus, in quo, ex quo, per quem, ad quem, ut vulgò distingui solent. In alterationibus omnibus, quæ seu in morbis seu morborum causis fiunt, locus, in quo, præcipue attendendus: in euacuationibus, locus, è quo & per quem, ut si ex toto materia sit euacuanda, an per alium, vomitum, urinam, sudores; si è capite, an per nares, vel palatum: si materia è loco vno in alium transferenda, locus, ad quem considerandus. Locum in quo, in alterantibus quod attinet, eum locus, seu subsistentia Indicantis monstrat. Cum enim actio omnis fiat per contactum, agens, quod est auxilium, ut sit in eo loco, ubi patientis, id est, Indicans est, necesse est. Itaque, si intemperies est in toto, totum corpus alterandum; si in parte, pars. A loco verò remedij omnino, ut antea etiam dictum, distinguendus locus applicandæ materiæ remedij. Neque enim semper locus remedij, & materiæ Medicæ applicandæ idem est. Si hepar sit calidum, illud refrigerandum: Cichorium tamen & endiuiæ & similia ore assumuntur. Hoc quidem verum est, materiam remedij opus suum, cuius gratia expetitur, non perficere, nisi eo pertingat, ubi eius & Indicantis debitus contactus siue immediatus, siue mediatu & per spatia ac aliarum partium connexum fieri possit: tamen non satis est, locum illum, ubi Indicans hæret, cognoscere, sed omnino Medici curæ incumbit, etiam id inquirere, ubi contactus materiæ & Indicantis immediatus fieri non potest, per quarum partium consensum hæc applicatio fieri possit. Itaque cum Galenus ad loci inuentionem partis situm & consensum cum aliis considerare iubet, non de loco remedij, sed de loco applicandæ materiæ loquitur, lib. 7. meth. med. c. 13. & 13. meth. c. 17. Locū verò euacuationis quod attinet, è quo quidem est locus, in quo materia continetur: Locus autem per quem, est totum illud spatium, quod est inter locum, in quo continetur humor euacuandus, & meatum corporis externum, per quem euacuari debet. Atque ita si coniungamus locū in quo, & locum per quem euacuatio fieri debet, is est, qui cum parte affecta & materiam vitiosam continente viarum communionem habet. Materiæ translationem quod attinet, & illa ad euacuationem pertinet. Et si enim è corpore materia non

Locus.

non

non tollatur, è parte tamen nobiliore euacuatur, & in aliam minus nobilem transfertur. Atque ita etiam locus ad quem est pars ignobilis cum nobiliore viarum communionem habens. Et abscessus integræ euacuationi & perfectæ crisi substituitur. Præter hæc, in usu & administratione auxiliorum & in usu materiæ alij etiam modum considerare præcipiunt. Verum cum duo modi in exhibendis medicamentis inueniantur, alter, qui formam medicamenti complectitur, alter, qui ipsum auxilium spectat, sine materiæ remedij consideratione: ille quidem omnino admittendus, traditurque in doctrina de compositione medicamentorum, aliisque, quæ Medico inferuiunt, artibus: aliter verò non videtur differre à quantitate, tempore & loco, sed potius esse *συμμετρία*, mensura, ac æquitas in his obseruanda. Si quis tamen cum illis sentire velit, qui modum remedij peculiarem conditionem, à quantitate, tempore & loco diuersam, statuunt, cum eo equidem morosè non litigabo. Interim mihi prior sententia probabilior videtur. Neque enim an semel vel sæpius auxilium sit adhibendum, peculiaris conditio est Indicati, vt nonnulli statuunt, sicut quantitas, tempus & locus, sed saltem à prohibentibus & perhibentibus hæc conditio pender. Dicunt illi quidem, quod istud, quod semel totum nocet, sit totum, simul auferendum, quod verò paulatim, paulatim, Verum enimverò quocunque modo quid noceat, totum auferendum esse indicatur. Quod verò nunc semel & conferim, nunc paulatim tollitur, à viribus fit, quæ id prohibent vel permittunt. Nam cum euacuationes magnæ rarò etiam à robustis viribus tolerari possint: rarò etiam vna vice tollere licet, quod peccat. Sic aqua hydropicorum tota simul peccat: sed eam totam ob vires simul auferre fas non est. Sic sæpè magna sanguinis copia adest, quam tamen ob vires debiles semel tollere non licet. Quapropter vires & causa morbifica inuicem conferenda, & illius, quod plus vrget, maior habenda ratio. Etenim si homo de vita periclitetur, nisi causa morbifica statim & simul ac semel tollatur, vires postponendæ: & ita interdum ad lipothymiam vsque sanguinem euacuat Galenus. Si verò tale periculum non vrgeat, partitis vicibus id præstare commodius est. Et si ad partem aliquam paulatim materia affluit, ea quidem semel tolli non potest, quia tota simul non adest, sed quoties & quàm diu affluit, toties & tam diu tollenda. Id quod potius ad Quando & Quoties agendum sit, pertinet, quàm vt peculiarem modum constituat. Postquam hætenus dictum, quæ Indicata quibus Indicantibus respondeant, iam etiam quomodo materia Indicatis respondens inueniri debeat, demonstrandum. Inuento enim auxilio seu Indicato vt Medicus de materia auxilij sit sollicitus, necesse est, quæ ex tribus fontibus chirurgia, pharmacia & diæta petitur, Materiam autem idem suggerit Indicatum, suis conditionibus, Quantitate, tempore & loco circumscriptum ac determinatum. Illa enim materia est idonea, quæ potest id præstare, quod indicatum suis conditionibus determinatum postulat, quodque vires admittunt. Exemplo rem declaremus. Adsit plethora & quidem talis, quæ sanguinem copiosum, eiusque libr. j vel libr. ij, conferim & celeriter euacuandum esse indicat. Ergo Indicatum est auxilium, sanguinem copiosius & conferim euacuans: idque etiam vires permittant. Cum verò multa sint, quæ sanguinem euacuare possunt, inter diæterica auxilia, inedia & exercitium; inter pharmaca, digerentia & balnea; inter cheirurgica, frictiones, scarificationes, hirudines, venæ sectio: nullum tamen ex his est, quod indicato respondeat, nisi venæ sectio. Inedia enim & exercitium non statim, sed post temporis aliquod spatium san-

guinem euacuant, Scarificationes verò & hirudines quidem sanguinem statim euacuant, sed non statim multum, & quantum sufficit. Ita in aliis etiam Indicatis procedendum. Si verò plura sint indicata, vel materia quærenda, quæ plures habeat facultates, vel si his destituamur, plura erunt componenda. Quia autem tres fontes sunt, è quibus petitur auxiliorum materia, quæ ex diæta petuntur, plerumque lenissima sunt; maior eorum, quæ ex pharmacia; maxima eorum, quæ ex chirurgia petuntur vis est. Vnde cum morbus levis est, & dat inducias, diætâ solum vtimur; in grauioribus ad pharmaciam vel etiam ferrum & ignem recurrimus, secundum Hippocratem 7. *aphor. ult.* Sciendum tamen ex cheirurgia quædam esse leniora, quàm quæ ex diætâ petuntur. Plus etenim euacuat longa inedia, quam lenis scarificatio. Quia verò semper, vt dictum, virium quoque habenda ratio est, & perpendendum, An ex huius materiæ applicatione plus commodi, quam damni proueniat; & totius corporis, & partis, cui Medicamenta applicari debent, natura consideranda. Vnde Galenus toties, in electione materiæ partium affectarum naturam considerare iubet: qua in re non solum manifestæ, sed & occultæ qualitates perpendendæ, & Medico inquirendum, an æger cum aliqua re peculiarem antipathiam habeat, quæ propterea in curatione nullo modo exhibenda. Ita ex fœminis aliæ moschi odorem ferre possunt, aliæ nec moschi nec rosarum etiam dolorem ferunt. Ita Horatius Augenius retulit, virum nobilem Romæ febre tertiana intermittente laborantem, eaq; non periculosa, assumpto Syrupo rosarum solutiuo ea ipsa die interiisse; quod rosas à natura abhorreret. Alius ex Cassiæ usu mortuus est. In partibus verò affectis in specie perpendenda est partis præstantia, sensus, situs, conformatio. Si enim pars princeps sit, vel publicum officium habeat, nullum medicamentum adhibendum, quod ei valde nocere possit, eiusque munus & officium turbare; cum inde in totum corpus damnum redundet. Ita ori & faucibus non adhibenda venenata, gustui ingata, sordida; Naribus non admouenda fœtida; oculis, rodentia & mordentia, & nervosis partibus affectis, dolorem clementia non applicanda. Porro, vt dictum, eadem conditiones, quas modò in recto usu auxiliorum proposuimus, etiam in materiæ electione obseruandæ. Quanquam enim de medicamentorum facultatibus agere, ad doctrinam de medicamentis pertineat: quia tamen plura sæpè vni indicato respondent, quænam sint eligenda ex iis, quæ easdem facultates habent, id methodi mendendi est, & vt Galenus *de Constit. art. cap. 14.* scribit, in omnibus auxiliorum materias inuenire, pars haud exigua artis est; Medicusque iam instructus cognitione medicamentorum regulas & præcepta habeat necesse est, secundum quas aptiora eligat. Et omninò peculiariter istas conditiones in auxiliis, seorsim etiam in auxiliorum materiis considerandas esse, patet ex eo, quod vnde quantum indicetur, pauci rectè explicare potuerunt, dum quando Galenus de quantitate auxilij loquitur, eamque à magnitudine affectus indicari scribit, id quantitati materiæ applicare conantur. Magnus enim calor valde refrigerandum significat, sed quantum cichorij vel endiuie exhibendum sit, non docet Auicennas, *quarta primi, cap. 1.* expresse quantitatem faciendi seu auxilij à quantitate materiæ distinguit, illamque mensuram qualitatibus, hanc mensuram ponderis appellat. Ita alius est locus faciendi, seu auxilij, alius applicationis materiæ. Calor, si in toto est, in toto refrigerandum esse indicat. Sed an per os refrigerantia exhibenda, an extra applicanda, non docet: ac sæpè locus applicandæ materiæ est à loco affecto diuersus.

*Quantitas
administran-
da materia.*

uersus. Ita tempus applicandi auxilij à tempore applicationis materiae differt. Calor praesens refrigerandum esse semper indicat : non tamen continuò ac semper, ac omni horâ refrigerantibus vti licet. In febre continua tempus refrigerandi est totus febris decursus, quo calor praeter naturam durat. Verùm cum refrigeratio possit fieri aëre, venâ sectione, succis, decoctis & aquis plantarum refrigerantium ; aëre quidem frigidus, quem attrahimus, continuò vti licet, sed non continuò aquis & decoctis refrigerantibus, verùm certo saltem tempore. Quantitas materiae respicit mensuram & pondus materiae, quæ ab Indicante fuit Indicata, & idonea est ad executionem Indicationis. Quantitas autem materiae dupliciter inuenitur. Primo, qua Quantitate quodlibet medicamentum exhibendum sit, & qui sint illi termini, intra quos si praebetur, efficit id, quod debet, nec tamen lædit, sola experientia, constat. Exempli gratia, sola experientia inuentum, scammonium, si purgare debet, non in minore Quantitate, quàm quinque granorum exhibendum esse ; hancque minimam esse eius dosin, neque tamen etiam supra quindecim grana facillè exhibendum esse, quæ maxima eius dosis est. In qua autem dosi, an in summa maxima vel media huic vel illi aegro exhibendum medicamentum sit, quæ Quantitas est administranda materiae, id ex magnitudine seu extensione Indicantis cognoscitur. Vt enim exiguam flammam aquæ cyathus extinguere potest; ad struem verò lignorum accensam nec cyathus nec cantharus sufficit, sed magna aquæ copia requiritur ; ita si intemperies, magnum locum occupauit, magna etiam Quantitas medicamenti alterantis requiritur ; si magna sit Quantitas humorum viscosorum, magna quoque Quantitas medicamenti purgantis necessaria est. Quæ tamen in re & vires totius & cuiusque partis conditio perpendendum. Si enim pars alteranda loco remotior sit, maior remedij alterantis copia requiritur, ut scilicet integris viribus ad locum affectum perueniat. Ita si ex ambitu corporis & articulis sit purgandum, maior medicamenti dosi requiritur, quàm si ex vicinioribus locis esset euacuanda. Verùm hac de re infra *part. 3. huius lib. sect. 1. cap. 5.* dicitur. Tempus administrandæ materiae etiam notissimum sit oportet ; cum tam medicamenta, quàm alimenta non apto tempore data noceant. Vnde autem tempus exhibendæ materiae Medicæ indicetur, non ita planum est. Plurimi quidem tempus agendi & materiae administrandæ confundunt, & ex praesentia Indicantis, atque absentia prohibentis, id peti statuunt. Sed differre supra monstratum. Tempus autem administrandæ materiae petitur non simpliciter à praesentia Indicantis, sed est id, cum iuuare potest. Cognoscitur autem hoc tempus à cognitione materiae administrandæ, & natura partis, cui administrari debet. Alia enim statim agunt, alia post interuallum ; aliorum actio diu durat ; aliorum statim cessat. Pars pro vt in propatulo, vel profundo sita est, ita statim vel post actionem agentis recipit. Prohibetur materiae administratio, cum plus nocere potest, quam iuuare. Nocere autem potest, cum aliquid praeter naturam conseruare, aut auferre potest, quod conseruandum erat. Exempli gratia, quia aër inspiratione attractus statim incalescit & calefactus per inspirationem iterum expellitur ; neque eius attractio quicquam nocet ; in febre continuò aërem frigidum inspirando attrahere licet : Aqua verò hordei vel aliud medicamentum refrigerans, quia bis vel ter de die exhibitum per totum diem suam actionem in corpore exercere potest : bis vel ter eam exhibere sufficit. Et quia ventriculo vacuo rectius talia medicamenta in totum corpus penetrant, ventriculo vacuo & tribus vel quatuor horis ante cibum exhibenda. Locum ef-

ficiendi differre à loco administrandæ materiae supra diximus. Neque locus, in quo est indicans, semper est locus applicandæ materiae. Locus quidem affectus indicat locum efficiendi, & locus indicantis locum indicati, & locum materiae indicat locus, in quo est id, quod materiam requirit : at locus administrationis materiae est locus, vbi materia administranda iuuare, & id, quod agendum requiritur, praestare potest. Cum enim indicatum sit iuuans, locus materiae id erit, vbi materia indicari applicata iuuare potest. Quæ in re considerandum, an euacuari vel sanguis, vel alij humores, an alterari debeant, & quidem vel toti vel pars aliqua eorum. Ita enim si & pars affecta & materia administranda cognita habeatur, facillè locus administrandæ materiae inuenietur. Nam cum omnis actio fiat per contactum, semper operam dare debet Medicus, ut materia, quam viurpat, ad locum, in quo est indicans, penetret, & ipsum indicans tangat. Sunt autem partes aliæ externæ, aliæ internæ. In externis res plana est. Ibi enim applicanda materia medicamenti vbi est efficiendum, seu vbi est indicans ; cum immediatè medicamentis partes externæ tangi possint. Hinc Galenus partis situm, conformationem & alia perpendere iubet. Internis autem partibus ita immediatè applicari medicamenta non possunt. Ideoque cum euacuare volumus, eligendæ viæ communes, & proximæ, per quas euacuari possit materia. Ita si hepar est euacuandum, exhibenda medicamenta per os, quæ humorem vel per aluum vel per vrinas educunt. Si materia in intestinis est, vel per clysteres, vel per medicamenta sumpta educenda. Si sanguis in capite euacuandus, vena in fronte vel alia in capite aperienda. Si pituita in capite abundet, per nares aut palatum euacuanda. Si materia in toto corpore subsistat, ea exhibenda, quæ materiam ad intestina quasi totius corporis sentinam ducunt. Si alterandum in interioribus, vel ductus manifesti quærendi, vel occulti meatus, per quos materia exhibita penetret. Et quidem quod manifestos ductus attinet, omnino patentiores & proximi eligendi. In longa enim viæ vires medicamentorum dissipantur. Ad ventriculum & intestina tenuia proxima via est per os ; ad intestina crassiora per aluum ; quanquam & per os sumpta eò penetrare possint. Quod verò modum materiae attinet, dicitur de eo infra *part. 3. sect. 3. cap. 1.* vbi variæ medicamentorum, cum simplicium, tum compositorum formæ proponuntur. Alia enim sunt fluida, alia solida, alia externa, alia interna. Cur autem hæc vel illâ formâ vtamur, eò loci & postea in singulorum medicamentorum descriptione dicitur. Medicamenta, quæ citò penetrare debent, commodissimè in forma spiritiosa exhibentur ; quæ diu in ventriculo hære, in formâ solidiore. Sapor ingratus medicamentorum non percipitur, si pilularum vel boli forma exhibeantur.

CAPUT V.

Quæ causæ morbificæ indicent : & in specie de Cachochymia seu de Purgatione.

Postquam hætenus vniuersalem medendi methodum explicauimus, & generaliter de Indicationibus, Indicantibus, & Indicatis egimus : nunc specialius eadem diducenda, atque in specie etiam aliquid de Indicatione præseruatoria, curatoria & vitali dicendum, methodumque tollendi causas morbificas, amouendi morbos, viresque conseruandi proponendam censemus ; & quidem à causis factis initio. Quæ autem causarum sint differentiae, supra

*Tempus ad-
ministranda
materia.*

*Locus admi-
nistranda
materia.*

*Modi
min
mat*

*Causa
diff*

suprà lib. 2. part. 2. cap. 3. dictum. Iam quid indicent, dicendum. Vbi hoc primum monendum, etsi præcipue de causis internis hinc agendum sit, & causæ externæ, quæ extra corpus sunt, neque actu morbum faciunt vel augent, ab indicantium numero merito excludantur: tamen dum externæ vel ita sese in corpus insinuant, & ita internæ factæ sunt, ut intus morbum efficiant & foueant, vel extra etiam idem præstant, ex indicantium numero non sunt excludendæ, sed quæ intra corpus hærentes morbum faciunt, in causarum internarum numerum referendæ. Ita lac assumptum si in ventriculo coagulatum sit, ut ex eo tollatur, indicat. Ita venenum exhibitum non minus sui amotionem indicat, quam humor malignus in corpore genitus; pila plumbea vel sagitta infixæ, aut simile quid corpori immissum, non minus sui ablationem indicat, ac lapides in corpore geniti. Ita creta vel terra, vel simile quid præter naturam deglutitum; è ventriculo & corpore tollendum esse indicat. Imò aer, qui inspirando & transpirando attrahitur, & actu corpus nostrum alterat, etiam inter causas internas numerari posse videtur & indicare, cum noceat. Aer verò externus ambiens si corpus alterat, atque aliquam in eo intemperiem excitet, eandemque foueat, cur non etiam indicare dicatur? cum noceat, & nisi eo amoto intemperies illa corrigi & tolli non possit. Et quamvis Galenus, 4. meth. med. cap. 3. ex professo docere videatur, à causis procatartictis & externis nullam sumi Indicationem: nihil tamen ibi docet, quam primò à causis petitam Indicationem, non curatoriam esse, sed προφυλακτικῶν: deinde nullam causam externam, quæ præsens non est, & nec lædit, nec læsura timetur, ullam Indicationem siue curatoriam, siue præseruatoriam suppeditare, Id quod libenter concedimus. Verum ex iisdem Galeni fundamentis patet; aerem, ut & alias causas externas, quandoque indicationem præseruatoriam suppeditare, dum scilicet præsentis sunt adhuc, & lædunt ac læsuræ timentur. Expressè enim scribit, à causa, quæ præsens est, Indicationem præseruatoriam sumi. Ideoque ad causas internas referenda non solum illa, quæ intus in corpore genita, sed quæ etiam extra aduenientia interna quasi facta sunt, cuiusmodi sunt cibis, potus, tela, sagittæ, venena & similia; vel quæ extra præsentia adhuc corpus præter naturam afficiunt. Sed ut ad differentias causarum veniamus, res quæ in causarum morbificarum, numero recensentur, fiunt actu causæ, dum peccant vel tota substantia, vel qualitate, vel quantitate, vel motu, vel loco. Quæ vitia iam ordine videbimus, & quid vnumquodque indicet, ac qua ratione emendari & tolli possit, perpendemus. Primum itaque causarum vitium quod attinet, res omnes, quæ causarum naturam induunt, quatenus toto genere sunt præter naturam, omnimodam sui è corpore ablationem & extirpationem, seu, ut recentiores loquuntur, eradicationem indicant. Cum enim naturæ hoc modo planè non conueniant, & non solum secundum aliquod entis genus, & secundum aliquod peculiare esse, verbi gratia, secundum quantitatem aut qualitatem, sed secundum omne entis genus à natura diffideant, eaque de causâ corrigi & emendari non possint: planè tollenda sunt. Quod autem toto genere præter naturam est, vel à prima origine ad corporis integritatem non pertinuit, ut sunt calculi, vermes, & similia: vel quidem prima origine ad corporis integritatem spectauit, à natura tamen sua pristina ita degenerauit, ut in integrum amplius restitui non possit; qualia sunt omnia putrida, ut caro, ossa, humores. Verum de illis plura non addimus; & qua ratione partes corruptæ demendæ, aliæque, quæ à prima sui origine à natura corporis aliena sunt, tollenda sint, iam suprà dictum est. Humores

corruptos tollendi rationem saltem hinc docebimus. Quanquam & flatus causæ morbificæ sint, & propterea etiam tollendi: tamen in genere de iis hinc multa dici non possunt, nisi hoc, quod flatus dissipandi sunt, adhibitis parim medicamentis discutientibus, partim admotis cucurbitulis: Ipsa verò materia & causâ, è qua & ob quam generantur, tollenda. Vnum tamen hoc prius monendum censemus, accidere interdum, ut id, quod toto genere præter naturam est, non è corpore tollatur, sed in alium locum reponatur: sic materia illa, quæ suffusionem facit, nunquam ex oculo extrahitur, sed in alium locum reponitur. Sic calculus vrinam supprimens non semper extrahitur sectione, sed sæpe transponitur. Vnde igitur hæc transpositio indicetur, quæritur. Hieronymus Capiuaccius existimat, transpositionem ab eo quoque, quod toto genere præter naturam est, indicari. Duos enim remedij illius communis modos esse, duplicique via aliquid penitus remoueri posse, vel extractione vel transpositione: quorum quidem duorum remediorum prius sit vehementius, alterum mitius. Quapropter cum virtus sæpe repugnet huic Indicationi, & non admittat remedium Eradicans, nunc priorem, nunc posteriorem modum eligendum, prout virtus ad Indicandum fortis est, vel debilis. Nam si eius, quod toto genere præter naturam est, Indicatio ita sit vehemens, ut superet virtutis indicationem: tum extractionem & omnimodam è corpore amotionem esse instituendam: verum si virtus plus valeat in Indicando, solum id, quod præter naturam est toto genere, transponendum esse in locum commodiorem. Verum doctissimi huius viri opinio probabilis non videtur. Nam cum hæ duæ Indicationes atque Indicata diuersa sint: à diuersis Indicantibus proueniant, & ex propria natura diuersorum Indicantium: non solum ex virtutis permissione & prohibitione pendeant, necesse est. Verum quidem est, extrahere calculum ex vesica per virtutem interdum non licet; sicut membranam suffusionis causam extrahere per virtutem nunquam licet: tum tamen Indicatio eradicandi non mutatur, neque in eius locum transpositio substituitur. Nam cum natura Indicantis maneat eadem, Indicata etiam non mutabuntur, illudque, quod toto genere præter naturam est, omnimodam sui ablationem indicat, virtusque prohibendo non Indicationem mutat, sed indicationis executionem vetat. Quapropter statuendum, transpositionem non indicari à re, quatenus est præter naturam, sed quatenus situ peccat & lædit, id est, obstructionem in meatu, in quo hæret, parit. Itaque calculus in vesica, & humor concretus suffusionis causâ, cum & toto genere præter naturam sint, simulque etiam situ peccent, seu morbum conformationis & obstructionem pariant, secundum hanc duplicem considerationem duo etiam indicant; nimirum ut ex loco, in quo dum hærent actioni efficiunt, amoveantur, simulque etiam è corpore planè tollantur: quorum illud per virtutem sæpe facere, hoc non semper licet. Oppugnat equidem hanc meam, quæ tamen Galeni est, ut ex cap. 94. artis Medicæ patet, sententiam, Medicus quidam doctissimus, eo argumento, quod situs vitium sit species morbi, quæ ad viuentes solum partes pertinet; & à veritate alienum esse statuit, causam morbi situ peccare, calculumque in vesica saltem substantia, ut rem toto genere præter naturam peccare docet; & ne idem peccatum secundum substantiam, quod est vnum indicans, duo diuersa indicare admittere cogatur, perinde se rem habere dicit, ac si tribus sanguinis libris abundantibus vna tantum educatur, quando vires tantam euacuationem non ferunt. Verum hallucinatur hinc, & vocabulum situs alio,

Transpositio
à quo indi-
cetur.

alio, quàm debebat, modo, accipit. Neque enim ignoro, morbum in situ partibus viuentibus saltem tribui, neque seu humorem præter naturam seu calculum morbo in situ laborare statuo; (Viris doctis tamen hoc perpendendum relinquo, an non sanguis, qui est humor naturalis, dum è vasis suis effunditur, nondum tamen putrescit, & corrumpitur, sed meatum saltem aliquem obstruit, vel comprimit, ex. gr. dum grumus sanguinis meatum vrinarium claudit, loco peccare dici possit) id quod facile *ex sectione. 2. cap. 3.* cognoscere potuisset, vbi satis clarè calculum (eadem est ratio humoris in oculo suffusionem excitantis) non morbum esse vel morbum pari doceo, sed morbum duplicem, vnum in conformatione, obstructionem scilicet, dum in meatu vrinario (atque hoc vitium in situ appello) hæret alterum in numero, dum in vase vel cavitare est, in qua naturaliter adesse non debebat, excitare. Qui duplex respectus, duplicem indicationem præbet, atque duo indicata parit: quatenus toto genere præter naturam est, è corpore tolli, quatenus verò meatum aliquem claudit, ex eo amoueri postulat; seu, vt Galen. *art. m. c. 87.* docet, illi quidem ablatio salubris causa existit, hic verò transpositionem requirit, vt idem *eodem lib. c. 94.* docet. Atque horum vnum alteri substitui non potest. Et longè aliter res sese habet, quàm cum libra saltem sanguinis euacuatur, cum tres euacuari debuissent, si id vires permisissent. Etenim qui sanguis copia & quidem ibi abundat, imminutionem postulat: cui indicationi etiam satisfit, etsi ex parte, cum ibi saltem euacuamus. Nam sanguis copia peccans & tum imminuitur. Cum verò humor in oculo vel lapis in vesica transponitur, nullo modo, neque etiam ex parte, satisfit indicationi, quæ rem toto genere præter naturam è corpore tollere iubet. Interim verò illi Indicationi, quæ materiam præter naturam meatum obstruentem de meatu tollere iubet, planè satisfit. Ipsos verò humores, qui toto genere præter naturam sunt, quod attinet, etsi & aliis modis peccare possint, motu scilicet, qualitate, copia, quibus omnibus sua peculiaria medicamenta & contraria postulant, de quibus postea dicemus: tamen quatenus putridi & toto genere præter naturam sunt, non nisi vnum indicant, sui nimirum è corpore ablationem seu eradicationem, vt loquuntur. Varij autem modi sunt corruptos & putridos humores è corpore eradicandi & euacuandi. Nunc enim per aluum expurgantur, nunc per vomitum reiciuntur, nunc sudoribus discutuntur, nunc per vrinas excernuntur. De quibus iam ordine dicendum, & primò de purgatione. Purgatio latè sumpta à caco-chymia indicatur; & Medicamentum purgans, in latiore significatione acceptum, est materia remedij à caco-chymia indicati. Vt autem hæc de purgatione doctrina sit clarior, primo loco obseruandum, Medicos respectu purgandorum humorum totum corpus in tres regiones publicas diuidere: in primam, quæ est citra iecur, & à ventriculo ad hepar vsque medium extenditur, & omnes illas partes & vias, quæ inter ventriculum & hepar interiacent, complectitur: secundam, quæ à medio hepatis ad habitum vsque corporis porrigitur, & continet gibbam hepatis partem, omnesque maiores venas: in tertiam, quæ habitum corporis, quem appellant, id est, musculorum genus, cum minoribus venis, membranis & reliquis comprehendit. Hæ sunt tres publicæ corporis regiones: præter quas etiam sunt aliæ priuatae, quæ sua etiam excrementa cumulant, & ad ea euacuanda peculiare vias habent, vt cerebrum, pulmo, &c. Atque hinc euacuatio alia dicitur vniuersalis, alia particularis. Vniuersalis est, quæ è publicis corporis regionibus humores euacuat, qualis est sanguinis quocunque modo euacuatio, per aluum

purgatio, vomitus, vrina profusio, sudor, insensibilis transpiratio. Particularis autem est, quæ priuatam aliquam partem euacuat, vt cerebrum, pulmones, vterum. De vniuersali autem purgatione, quæ publicas regiones euacuat, primo loco agamus, & quæ ratione caco-chymia è publicis corporis regionibus tolli possit, monstremus. Consistit verò hæc, vt modò dictum, vel citra vel ultra iecur. Caco-chymia, quæ in prima corporis regione consistit, per se & propriè lenientia indicat; scilicet ea medicamenta, quæ vim habent citra insignem agitationem humores superfluos in prima corporis regione hærentes per aluum euacuandi. Etsi interdum, si materia sursum inclinationem habeat, agerque facilè vomitum ferat, etiam per vomitum humores è prima corporis regione expurgari possint. Modò vomitoria non sint purgantia & vehementia, sed ipsa etiam lenia. Lenientia hæc medicamenta, cum sine magna corporis perturbatione euacuent, vires facilè ferunt, & propterea in quacunque ætate, sexu, & morbi tempore securè adhiberi possunt: modò vsus eorum sit legitimus. Nam primò in iis obseruandum, ne vel minore quantitate exhibeantur, atque ita à natura vincantur & medicamenta esse desinant: vel maiori, & sic propria quasi benignitate deposita lenientia esse desinant, & vehementiora fiant. Deinde videndum, ne propè accessionem exhibeantur, aut cum cibo nondum coctus est, sed post cibum concoctum; & quidem ita, vt post eorum assumptionem cibum non diu differatur, ne in longiore abstinentia à natura vincantur planè, & vt familiaria in alimentum conuertantur. Sed de his hoc loco non plura: ad humorum, qui ultra hepar consistunt, euacuationem & ad purgationem propriè ita dictam, quæ sit per medicamenta cathartica accedamus: de qua præcipuè hoc loco agere nobis propositum est. Etsi enim humores excrementitij per sudores & vrinam euacuari possint, & propterea etiam vox κατάρσως, & purgationis interdum pro quacunque vitiosorum humorum siue per aluum, siue per vrinam, siue per sudores, siue per vterum, *s. aphor. 60. 61.* euacuatione accipiatur: tamen καθάρσις seu purgatio in specie humorum excrementitiorum per aluum & vomitum per cathartica euacuationem significat. De qua purgatione voce φαρμακείν vtitur Hippocrates: & καὶ ἐξ ὀκλῶ καθάρτικα medicamenta nomen Pharmaci sibi vendicant. Hippocrates & Galenus, *1. aphor. 22. 2. aphor. 37.* Sed vt doctrina & natura purgationis rectè intelligatur, videndum primò, quidnam indicet istud auxilium. Indicatur autem purgatio ab humoribus excrementitiis seu qualitate peccantibus, vt etiam docet Galenus, *1. aph. 2.* dum ait purgationem esse humorum qualitate molestorum euacuationem. Per qualitatem hinc non aliquod in temperie solum vitium (hoc enim tantum alterationem indicat) sed ἰδέα, species, & forma ipsius humoris intelligenda. Sunt enim humores, qui purgationem indicant, illi, qui aliam à sanguine formam habent, corporique alendo vtilis non sunt, quales sunt excrementitij. Hi enim siue cum sanguine misti sint in venis, siue extra venas contineantur, caco-chymiam constituunt, & expurgari postulant, vt iis euacuat corpus munderetur, sanguisque purus & sincerus constituatur. Sunt autem hi humores excrementitij, qui caco-chymiam constituunt, & purgationem indicant, alij naturales, alij præter naturam. Naturales, qui ex naturæ instituto generantur, vt pituita dulcis, melancholia, bilis. Hi enim, si abundant, & maiori, quam debebant, copia, in corpore generantur, caco-chymiam constituunt. Recentiores quidam existimant motum horum humorum vitiosum etiam caco-chymiam constituere. Verum si propriè loqui velimus, si humores excrementitij naturales

Purgationem
quid indicet.

Regiones cor-
poris quot.

Euacuatio
quotuplex.

Caco-chymia
in pri-
cor-
poris
quid indicet.

Leni-

Purg-
priè

Purg-
de in

An
hum-
cochy-
consti-

rales aliàs rectè sese habeant, solo motu cacochymiam, quæ in idea & forma ipsius humoris consistit, non constituunt. Nam hi humores si, vt fluunt & mouentur, cacochymiam facerent: alius quiuis humor, etiam sanguis, vt mouetur & fluit, cacochymiam constitueret. Deinde humores, vt fluentes, purgationem (hæc enim cacochymia debetur) indicarent: quod tamen falsum. Cum non purgatio, vt purgatio, sed reuulsio motui & humoribus motu peccantibus debeatur. Quamuis enim in humoribus motu peccantibus instituatur purgatio: tamen non tunc adhibetur, vt purgatio est, sed vt reuulsio. Præternaturales verò excrementitij humores sunt, qui præter naturæ legem & institutum generantur, & in quos naturales alij degenerant, dum propriam naturam amittunt, putrescunt, aut malignam qualitatem accipiunt. Tales enim humores etiam in minima quantitate præter naturam sunt, neque quantitate, vt naturales, cacochymiam efficiunt. Nam cum nulla sit præter naturam quantitas eius rei, quæ nullam habet quantitatem secundum naturam: hi etiam humores, cum in nulla, etiam minima copia debeant adesse in corpore, copia etiam cacochymiam non efficiunt: sed sola istorum substantia & qualitas ad cacochymiam constituendam sufficit. Etsi interim an copiosiores, an pauciores hi humores adsint, considerare non sit inutile. Purgationem itaque primò indicat cacochymia, id est, humores excrementitij naturales copiosi, aut excrementitij præternaturales, quacunque etiam copia, qua lædere possunt, geniti: Sed non omnes, verum ij saltem, qui vltra primam regionem consistunt. Qui enim in primis viis hærent, eos lenientibus tolli diximus. Neque isti semper purgationem postulant, sed tum solùm, cum tantum eorum vitium est, vt nec diæta, nec mitiori aliqua euacuationis specie, vt per sudores, aut insensibilem transpirationem, tolli possint. Tum enim solum καθαρτικόν adhibendum est. Vbi verò vitium est leue, vt horum modorum aliquo tolli possit, à purgatione abstinendum. Purgatio enim vehemens & valens est remedium, vt venæ sectio. Vnde obseruandum, vt ij, qui nullis, aut valde paucis noxiis humoribus sunt referti, & in primis qui integrâ sanitate fruuntur, non solùm non septimanis singulis, sed nec mensibus singulis, nec interuallis quantumvis longioribus, catharticiis illis medicamentis molestantur. Quod ipsum sedulò inculcat Hippocrat. tribus Aphorismis, nimirum 2. aphor. 36. & 37. & 4. aphor. 16. Cum enim medicamentum purgans in sano non inueniat humorem prauum, quem euacuet: substantiam corporis nostri inuadit, spiritus dissipat, de sanguine & vtilibus humoribus, imò ipsis solidis corporis partibus aliquid demit, quod secum è corpore auferat, atque hinc vires labefactantur atque exsoluuntur, corpus colliquatur, sequuntur nausea, fastidia, tormina, vertigo, dolor capitis, conuulsiones, strangulationes, & sæpe ipsa mors. Ex quibus omnibus tandem colligitur, purgationem propriè dictam indicari à cacochymia vltra primas vias existente, eaque maiore: & proinde purgationem esse humorum excrementitiorum naturalium copia peccantium, seu præternaturalium, vel vt verbo dicam, cacochymia vltra primas vias subsistentis per cathartica medicamenta euacuationem. Quemadmodum autem cacochymia in genere purgationem indicat: ita talis talem, & species humoris definitum purgans monstrat. Neque enim in indicatione generica subsistendum est, sed cum cacochymia à pluribus humoribus pendere possit, à pituita, bile, melancholia: pro specie peccantis humoris etiam purgans exhibendum est, speciesque medicamenti purgantis speciei humoris peccantis respondeat necesse est. Pituitæ nimirum debetur φλεγμασγόν, bili χολαγωγόν, melancholix μελαναγωγόν, humori aquoso υδραγωγόν,

Dan. Senerti Tom. I.

mistis humoribus mistum. Ita enim leges methodi iubent, atque ita naturam rectè habentem agere videmus, quæ illos solùm humores, qui peccant, in euacuationibus, quas αυτομάτως excitat, expurgat, idque cum vtilitate & ευφορίᾳ ægri facit. Quod & ipsum monet Hippocrates, 1. aphor. 2. & 25. & 4. aphor. 2. & 3. Nam euacuatis inutilibus humoribus, natura onere, quo antea premebatur, liberata vires resumat. Si verò vtilis euacuentur, & vitiosi relinquantur, natura ab vtilibus humoribus, qui ipsam aduersus prauos adhuc defendebant, destituta facillè succumbet, & humores noxij iam soli dominatum obtinentes vehementius naturam oppugnabunt. Porro vt virtutis robur aut imbecillitas in omni remedio, præsertim validiore: ita hinc in purgatione maximè generoso remedio etiam consideranda, & quid permittat vel prohibeat, perpendendum. Nam cum vix sine aliqua virium labefactione fieri possit purgatio: vires robustæ aut saltem mediocres ad purgationem requiruntur; ita vt etiam si nonnihil debilitentur purgatione, in posterum tamen subsistere possint: vires verò nimis debiles eandem non ferunt. Metus enim est, ne purgatione planè deiciantur. Itaque Medicus non solùm videat, an humores vitiosi adsint, verum etiam an vires purgationem ferre possint, ægerque ad purgationem aptus vel ineptus sit, & omnino an plus commodi vel damni ex purgatione prouenturum sit. Reliqua omnia, quæ purgationem permittere dicuntur, ad vires pertinent, quarum firmarum vel debilium signa sunt. Pleraque autem illatum ex inferioribus de venæ sectione patent: pauca tamen etiam hinc delibare libet. Temperamentum quod attinet, corpora calidiora & sicciora cautiùs purganda sunt; cum ex purgatione facillè possint incallescere, areferi & exsiccare, & promptè, si purgatio sit nimia, in conuulsiones incidere. Frigidi & humidi calorem languentem habent, spiritus paucos, habitum laxum: atque ideo vix modicam caloris dissolutionem ferre possunt. Calidi & humidi faciliùs purgationem ferunt. In habitu corporis gracili, tenui & laxo, adest raritas, humores tennes & spiritus facillè dissipabiles, ac virtus proinde languidior. Cautè igitur tales purgandi sunt. Etsi enim satis promptè purgantur: tamen ex minima causa facillè macrescunt & extenuantur. Ευσαρκoi autem & bene carnosii faciliùs ferunt purgationes. Qui tamen valde pingui sunt corpore, cum frigidiores sint, spiritus pauciores & turbidiores habeant, vasa in iis sint angusta, etsi purgationem ferant: tamen, ob crassitiem humoris & vasorum angustiam, difficiliùs purgantur. De ætate nihil addimus, nisi infantes lactentes commodiùs purgari medicamento nutriti exhibito. In grauidis quid obseruandum sit docet Hippocr. 4. aph. 1. τὰς κύβητας φαρμακεύειν, inquit, ὡς ὅρα τέτραμμένα καὶ ἄχει ἐπὶ μιλῶν, ἥσασιν δὲ ταύτας. τὰ δὲ νήπια καὶ πρεσβύτερα εὐλαβέειν δεχρή. Purgandæ nimirum non sunt facillè prægnantes. Nam cum natura à purgante irritata insurgat ad expellendum & pharmacum & humores commotos: facillè etiam hinc naturæ conatus ad vterum peruenire potest, atque inde fieri, vt, nisi fortius iam adligatus sit & hæreat fœtus, & ipse vnà extrudatur. Si tamen prægnans acuto morbo corripiatur, & materia turgeat: vt periculum maius, quod ex turgente materia accidere possit, euitetur, purgatio indulgetur, præcipuè cum turgens materia, vt suo dicetur loco, non ita difficulter expurgari possit. Neque id tamen quouis tempore æquè commodè fieri potest, sed solùm quarto, quinto & sexto mense: quibus ligamenta, quib. fœtus vtero adhæret, firmiora sunt. Primis enim mensibus eadem sunt imbecilliora. Vltimis verò mensibus, cum fœtus iam sit grandior, & ad exitum properet, facillè purgantia in causa esse possunt, vt fœtus ante tempus protrudatur. Qua de causâ quæ ad septimū mensem

Permittentia purgationem.

Temperamentum.

Habitus corporis.

Ætas.

Prægnantes an purgare liceat.

698 De Morbi tempore purgationi apto.

Consuetudo.

Natura proprietas.

Aëris status.

iam accedunt, aut in principio huius sunt, minus tunc, quam quæ propiores sunt quarto mensi, purgantur. Septimo enim mense si non partus accidat; mouetur tamen fœtus. Eas tamen, quæ quartum mensem nondum attigerunt, aut quæ iam sextum superarunt, non omnino à purgatione excludit Hippocrates, sed maiore *εὐλαβείᾳ*, circumspectione & cautione tum opus esse innuit. Consuetudinem quod attinet, etsi in iis, qui nunquam purgati sunt, ideo purgatione abstinendum non sit: cautiùs tamen purgantia iis adhibenda sunt. Audaciùs verò eos tractare licet, qui purgationibus aduerti sunt. Obseruanda etiam hic naturarum proprietas, præcipuè in materia medicamenti eligenda. Alij enim à mitioribus etiam medicamentis faciliùs & copiosissimè purgantur: alios verò fortiora vix mouent. Sic aliqui nonnullas purgationis materias planè auersantur, alias faciliùs ferunt. Aëris status temperatus purgationibus maximè commodus est: Calidior verò cum vires debilitet, morborumque calidorum sæpè causa sit, purgantia, quæ & ipsa corpora calefaciunt, & vires debilitant, non ita faciliè admittit. Frigidior verò aëre etiam difficiliore sunt purgationes: cum is corpora non euacuat, sed potius humores denset, & meatus angustiores reddat ac constiper. Vnde rectè Hippocr. 6. aph. 47. verno tempore purgationes commodiores fieri statuit. In ipso tamen veris tempore quandam differentiam agnoscit Galenus, atque in eius principio pituitosos humores euacuandos censet: circa finem verò biliosos. Nam pituitosi & crassi humores per hyemem collecti, aëre iam calidiore liquantur, vnde, nisi euacuentur, in totum corpus diffundi faciliè possunt, morborumque grauiorum esse causæ. In fine verò veris cum iam incipiunt calidiores humores abundare, nisi euacuentur, obstructionesque aperiantur, promptè succedente æstiuo calore accendi, putrescere & febres gignere possunt. Idem Hippocr. 4. aphor. 5. Sub cane & ante canem difficiles & magis laboriosas fieri purgationes asserit. Nam cum eo tempore plerumque magni sint æstus, eas ob causas, quis modò de calore aëris recitauimus, purgatio tum commodè institui non potest. Quibus plerique addunt occultas quasdam aëris illius vires. Etsi enim in nostris regionibus eo tempore æstus non semper sit maior: imò non rarò minor, quam aliis æstatis temporibus: tamen vina tunc mutantur, carnes putrescent faciliè, mucescunt panes, canes in rabiem aguntur, & similes mutationes in corporibus fiunt. Hyberno quoque tempore, cum frigus meatus constringat, humores denset, atque ita corpus minus fluxile reddat, purgationes magis sunt difficiles, & laboriosæ. Et in genere de magnis temporum mutationibus Hippocr. de aëre, aqua, & locis, monet, vt in iis non faciliè medicinam exhibeamus. Nam tunc morbi plerumque iudicantur, alij desinunt, alij agrum planè iugulant, alij in alios mutantur, & omnino humores commouentur. Cautus igitur tunc in exhibendis purgantibus sit Medicus, ne intempestiuè naturæ conatum impediatur, aut motum humorum geminet & augeat. Morbi etiam & humores calidi non ita tuto admittunt purgantia, præcipuè ea, quæ insignem calorem habent, cum caliditatem augeant. Quapropter in talibus rutiùs prius exhibentur refrigerantia: modò morbus inducias ferat. Nam si morbus sit valdè acutus, & materia turgeat, purgare, atque ita maius periculum euitare licet. Ita si multi prauis succi in corpore abundant, purgationes periculosiores sunt. Et, vt est apud Hippocratem. 2. aphor. 36. qui prauo vtuntur alimento (siue illud sit cibus, qui iam prauus assumitur, siue humores prauis, qui in venis cum sanguine iam continentur) in purgationibus faciliè in deliquium animi incidunt. Ob sanguinis enim boni & spirituum inopiam calor natiuus, viris que imbecilles sunt. Et sentina illa prauorum humorum purgantibus mota,

Morbi natura.

Humores.

putres, tectos, ac perniciosos vapores ad cor, ventriculum & cerebrum emittit: vnde lipothymia, vertigines & alia accidere possunt. Non tamen hi humores in corpore relinquendi sunt, sed sensim & per interualla, ac per *ἐπιήρπασιν* sine magna agitatione sunt tollendi. In primis autem videndum, an aeger paratus sit & aptus ad purgationem, an verò ineptus. Perpendendum nimirum, an viæ & meatus, per quos materia duci debet, pateant, an verò sint obstructi. Deinde an humores purgandi sint crudi, vel cocti. Obstructis enim adhuc meatibus purgandum non est. Crudos autem humores, id est, eos, qui putridi & nondum à natura sunt victi, & ad optimam, quam quidem recipere possunt, formam deducti, nondumque ab vtilibus segregati, si educere quis conetur, sine suo frustrabitur; cum nondum à bonis separati sint illi crudi humores: qui moti saltem & non euacuatæ obstructiones in primis viis, atque hinc tormina, deliquia animi & similia mala parient: aut si medicamentum fortius sit, substantiam corporis liquefaciet. Calorem quoque natiuum ipsum debilitabit talis purgatio, vt ad coctionem minus sufficiat, humorque ipse motus non faciliè coquetur. De quibus plura postea dicentur. Denique etiam accidentia, quæ nonnullis familiaria sunt, perpendantur; vt sunt inclinatio ad diarrhoeam, spasmus, podagram & alia. Qui enim aliàs ad tales affectiones propensi sunt, faciliè purgatione ad talia mala deduci possunt. Ad diarrhoeam quidem, humoribus à medicamento purgante attractis: ad spasmus, acrimonia aut malignitate medicamenti purgantis: ad podagram, ex humorum agitatione & perturbatione; dum aliquid humoris educitur, reliquum verò faciliùs mouetur ad loca consuetæ & debilia.

C A P V T VI.

De Morbi tempore purgationi apto.

ET si verò humores corrupti & putridi, quatenus tales, semper sui ablationem & à corpore euacuationem indicant: tamen quia non semper ad purgationem apti sunt, & sæpè aliis etiam modis peccant, & corpori nocere possunt, & propterea vbi ob aliquod impedimentum statim eos expurgare non licet, illorum vitium prius tollendum & corrigendum est. Postquam ergo hæc de purgationis natura actum est, iam de recto vsu atque administratione medicamentorum purgantium dicendum, & qua ratione humorum vitia corrigi possint monstrandum. Et primò de tempore, & occasione ea exhibendi disquirendum. Etsi enim de omnibus remediis verum sit, ea in tempore exhibita prodesse; intempestiuè exhibita nocere: tamen id in primis in purgantibus verum est. Videndum itaque, quo morbi tempore humores noxios medicamentis purgantibus, propriè ita dictis, quæ peculiarem vim peculiare humores ex penitioribus corporis partibus expurgandi obtinent, aggredi & euacuare liceat. Nam quamuis pluribus morbi temporibus adsint humores illi inutiles & cacoehymia, quæ purgationem indicat: tamen quouis eam instituere licitum non est, sed vt in omni remediorum applicatione non solum attendenda est præsentia indicantis, sed etiam absentia prohibentis: ita etiam in purgatione videndum, an ea, quæ à vitiosis humoribus præscribitur, purgatio, ab aliis indicantibus permittatur. Quæ autem permittant vel prohibeant purgationem, superioribus explicatum est. Sunt nimirum ea vires, & omnia, quæ virium robur aut imbecillitatem monstrant: humor ipse ineptus ad purgationem ob crassitiem, crudita

cruditatem : viæque, per quas expurgandus est, obstructæ : quæ ipsæ tamen etiam ad vires referri posse videntur. Iis enim præsentibus si instituat purgatio, ex ea plus incommodi, quam commodi sequitur, viresque deiciuntur. Hoc autem loco præcipue de tempore morbi nobis agere propositum est. Quamquam enim tempus morbi in curatione, ut supra etiam dictum, non indicet : tamen ut signum adhiberi potest, quod virtutem vel permittentem vel prohibentem significat. Vigor enim morbi signum est humoris tum naturam maximè oppugnantis ; & proinde virtutis debilis. Nam quamquam accidere possit, ut in statu virtus sit fortis : tamen collata cum humoribus, cum quibus pugnam tunc init, debilis esse, magisque defatigari, quam aliis temporibus, quibus humores noxios iam vicit, aut nondum aggressa est, merito indicatur. Itaque cum, ut & ratio & experientia euincit, Hippocratesque, 2. aphor. 30. testatur : Circa initia & fines morborum omnia sint remissiora, & proinde vires validiores ; in vigore verò vehementiora ; & proinde vires debiliores ; in statu morbi, ut & in augmento, purgandum non est, sed præstat, suadente id etiam Hippocrate, *ibid. aph. 29. ἡσυχίαν ἔχειν*, quiescere. Cum enim in augmento morbi natura cum morbo in arenam descendat, pugnamque ineat ; in statu cum eo acerrimè conflictetur, hocque vnum omnibus viribus agat, ut causam morbificam vincat, & victam è corpore exturbet ; symptomataque etiam, ut dolores capitis, aliarumque partium, vigilæ, nausea, sitis, anxietas & inquietudo, paroxysmi febrium, & similia, omnia sint grauiora : natura medicamenti purgantibus tunc neque ab instituto suo vtili auocetur, neque quæ à materia morbifica, & symptomatibus grauissimis satis debilitata est, ampliùs oppugnetur, neque Medicus vires suas cum morbo contra naturam, cui auxilio esse debebat, coniungat. Itaque restant solum duo tempora, principium scilicet morbi, & illud, quod statum sequitur. Neque tamen in utrovis purgare in omnibus morbis æquè vtile est : sed hinc etiam, quod ex usu sit, & quid vires conseruet, quid debilitet, videndum. Faciem autem hac in re nobis præfert Hippocrates, *Aphor. 2. sect. 1. quem Galenus, 4. de tuenda valetud. cap. 5. oraculum appellat. πέποινα*, inquit, *φαρμακείην καὶ κινέειν, μὴ ὀμά.* Concocta maturaque purgare ac mouere decet, non cruda. Cum enim ad vires Medico semper respiciendum sit, atque id sedulo cogitandum, an plus commodi, an verò incommodi, ex purgatione sit prouenturum : eam purgationem tutiorem esse facile patet : quæ humores coctos, quam eam, quæ crudos purgat. Quam autem ob causam crudos humores euacuare non liceat, & quamobrem ex coctorum plus commodi, quam ex crudorum purgatione proueniat, dispiciendum. Nonnulli ideò crudos humores coquendos censent, quia in iis aliquod reperiatur, quod possit caloris naturalis beneficio cedere in corporis nutrimentum, ex quâ coctione fiat, ut natura insurgat ad reliquum, quod inutile est, expellendum. Atque hi coctionem humorum vtilium & excrementitiorum eo saltem differre statuunt, quod dum alimentum coquitur, plus vtilis assimilatur, minus inutilis excernitur. Verum enim verò non satis rectè hi de cruditatis & coctionis natura sentire videntur. Hoc quidem verum est, in cruditate vitiosos humores cum vtilibus adhuc commixtos esse, & coctione ab iis separari : illi ipsi tamen putridi humores, quatenus tales, nihil alimentarij in se continent, neque vlla pars eorum in alimentum corporis abire potest. Quia tamen humoribus vitiosis misti sunt, & Qualitates vitiosas, quibus corpori nocere possint, obtinent : coctione & qualitates illæ noxiæ, quantum fieri potest, emendantur, humoresque ad meliorem, quantum possunt, statum deducuntur, & ab vtilibus separantur. Id quod in puris

generatione manifestum est. Nimirum licet in abscessibus sanguis ille corruptus ad pristinam naturam postliminò redire ac corpori alendo vtilis reddi non potest : à natura tamen in statum, quantum fieri potest, meliorem deducitur. Ideoque antequam purget Medicus, non quidem ea de causa coctionem expectat, ut pars aliqua humoris prius in alimentum corporis mutetur, sed ut humor ad euacuandum magis paratus reddatur. Nam si coctos humores purgamus, id est, eos, qui iam à natura victi sunt atque domiti, quique vitiosas illas atque perniciosas qualitates deposuerunt, mitioresque redditi, ad optimam, quam quidem possunt, formam perducti, & ab vtilibus atque alendo corpori dicatis humoribus segregati sunt : naturam ipsam, quæ iam humori deuicto denominatur, adiutricem habemus, humorque promptius & facilius medicamenti purgantis ductum sequitur. Si verò crudos humores, id est, eos, qui corrupti, nondum à natura domiti, benigniores redditi, satisque elaborati, neque dum ab vtilibus segregati sunt, purgantibus aggredimur : parum aut nihil vtilitatis, imò plus damni inde æger percipit. Nam neque tunc naturam, quæ nondum vicit, Medicus adiutricem habet, neque ipsi humores satis ad purgationem apti sunt. Quapropter aut finem suum non assequitur purgatio, nihilque, aut parum educit, aut si vehementius sit medicamentum, non minus vtilis, quam inutiles humores (cum adhuc confusi sint) extrahit, corpus liquefacit & absorbet, humores magis turbat & confundit, obstructions in primis viis, materia mora, & non satis euacuata, parit, vnde pessima oriri solent symptomata, tormina, deliquia animi, vertigines, conuulsiones, sudores cum syncope coniuncti, aliæque cruciatus varij. Imò vires, caloremque natium debilitat talis purgatio, ut postea facile succumbant, & morbum vel planè non, vel non nisi longo tempore, vincere possint. Manifestum huius rei documentum est in tumoribus externis, quos si quis maturos, postquam pus confectum est, aperiat, facile eos, pure & inutilibus humoribus, qui ab vtilibus separati sunt, euacuatis, sanabit. Sin autem ante maturationem & puris elaborationem aliquis eosdem aperiat, nihil inde, quod alicuius momenti sit, euacuabit, nihilque aliud ager, quam ut malum protrahat, & ex minore maius efficiat. Atque ita ex his patet, commodissimum purgationis tempus esse post coctionem, in fine scilicet status, aut in declinatione. In fine status, si, materia concocta, natura nihil moueat, neque adsint signa, ex quibus conicere possumus, naturam criticam euacuationem instituturam. Tunc enim hora motus naturæ moueat Medicus. Hora autem motus naturæ est status pars vltima plerumque, interdum etiam initium declinationis. In declinatione verò, si nulla crisis euenit, aut si, quæ facta est, non sufficiens videtur. His enim temporibus & materia iam cocta, & symptomata, quæ antea erant vehementiora, mitiora euaserunt, naturaque iam victrix in euacuando arti opitulatur. Et quamquam natura tunc causam morbificam vicerit, morbusque iam declinet : tamen ne humores illi inutiles deteriores redditi, reliquos etiam bonos & vtilis contaminent, & aut in alium morbum fiat mutatio, aut recidiva eueniat, si qui humores inutiles post statum supersunt, vtiliter tunc arte instituitur purgatio. Nam τὰ ἐγκαταλιμπανόμενα ἐν τῇσι νέσοισι καὶ κρίσιν κατασφάξαι ποιεῖν εἰωθεῖν, ut est apud Hippocratem, 2. aphor. *synor. 12.* Si autem spontanea aliqua & quidem sufficiens purgatio eueniat, aut euentura speretur purgatione opus non est. Nam secundum Hippocr. 1. aphor. 20. τὰ κεινόμενα καὶ τὰ κεκευμένα ἀρτίως, μὴ κινέειν, μὴ δὲ νεώτεροποιέειν, μήτε φαρμακείῃσι, μήτ' ἄλλοις ὁρεδισμοῖσιν, ἀλλ' ἔαν. Vnde patet, sæpe morbos nonnullos magna ex parte solius naturæ, humores coquoquætis

Cocti humores euacuandi.

Non trahi.

In declinatione commodissime purgatur.

In principio
morbi inter-
dum purgare
licet.

Turgentes
humores mox
in principio
morbi eua-
cuandi.

Qui humores
turgere di-
cuntur.

per se & expellentis beneficio, absque artis præsidio, præsertim absque purgatione, sponte sanari: adeo ut quandoque optimum sit remedium, nullum adhibere remedium. Quamvis autem ex his ita constet, commodissimum purgandi tempus esse post concoctionem: non tamen omnino in principio morborum, ante coctionem, omnis interdicta est purgatio. Est enim cum & incipientibus morbis vsui esse possit; quod ipsum docet Hippocrates, 2. aph. 29. dum ait: ἀρχομένων τῶν νόσων, καὶ τὴν δόξην κινεῖν, κινῆναι. Quando autem in morborum principio purgare liceat, non ita difficulter inueniemus, si ea, quæ supra, c. 3. dicta sunt, obseruentur. Dictum eo loco, Cum contrariæ indicationes concurrunt, ei primum satisfaciendum esse, quæ magis vrget: seu cum contraria indicantur, illud potius agendum, ex quo in ægrum plus commodi & minus damni redundat: atque ex duobus malis semper eligendum esse minus. Vnde tunc solum purgare fas est, cum maiorem ut est apud Galenum, 1. aph. 24. ex infestorum humorum euacuatione vtilitatem consequi licet, quam sit detrimentum, quod ex medicamentis purgantibus corpus accipit. Quapropter etiam in principio morborum tum solummodo purgare licet, cum plus vtilitatis, & minus damni ex purgatione in initio mox instituta, quam ex coctione expectata sperandum est, seu cum præsentissimum aliquod periculum magis vrget, quam humorum cruditas. Quæ autem sint illa pericula, & num vnum vel plura, quæ plus vrget purgationem, quam cruditas, prohibere possit, non parum haftenus doctissimos etiam Medicos exercuit: dum alij solum turgentibus humoribus initio purgantia adhibenda censent: alij etiam alia pericula esse contendunt, quæ non minus, quam humores turgentes Medico persuadere possint, ut, non expectata coctione, purgationem instituat. De quibus iam dicendum est. Atque turgentes humores, qui primò in hunc censum veniunt, quod attinet de iis nulla est controuersia, omnesque rectè ab Hippocrate dictum esse existimant, 1. aphor. 22. πύπωνα φαρμακεύειν καὶ κινεῖν, μὴ δὲ μὲν ἀρχῇσιν, καὶ μὲν ὄργῃ: nec est, qui neger, humores turgentes mox in morbi principio non expectata coctione, nisi tamen aliquid aliud prohibeat, expurgandos esse. Ut tamen rectè id fiat, qui humores turgere dicantur videndum ὄργῃ dicuntur humores, quando impetuosè in corpore discurrent, nec locum quiescendi inueniunt, hominemque laceant & vellicant, atque ei nullam quietem indulgent: voce sumpta à quadrupedibus, foeminis præcipuè, quæ à semine titillata, & effrenato libidinis impetu concitata; in venerem ruunt, ut quasi furere aut cæstro percitæ stare loco nesciant, ut liquet ex Aristotele, 6. de histor. Anim. cap. 18. & alibi. Eadem voce, quæ de humoribus sæpius usurpatur, etiam Galenus, ut videre est, 4. aph. 10. de natura ipsa, id, quod molestum est, expellere cupiente, vtiut. Græco vocabulo aptius vix aliud reponimus, quam vocem turgere, quæ & ipsa conatum & impetum quendam erumpendi, aut aliqua re sese exonerandi, significat. Sic turgere in palmitæ gemmæ dicuntur, quæ erumpere conantur; sic dicuntur turgentia lumina Poëtis, quæ humore quasi distenduntur, iamiam lachrymas effusura sunt: sic turgentes mammæ dicuntur. Sic Theophrastus, lib. 3. de plantis c. 3. de terra ad semen habili, quæ semen quasi appetit, aut è non commisso semine plantam iamiam quasi protrusura est, vocabulū ὄργῃ usurpat. Transferatur etiam ab ipso Aristot. 4. probl. 9. ad corpora properatiora expellere. Quo sensu & ab Hippocr. 3. de fractur. usurpatur, cum signum ossis abscessuri ponit multitudinem puris, quod, inquit, ex vlcere profluit & videtur turgere. Atque hæc accurata nominum consideratio non inutilis est, cum ad optimarum rerum cognitionem viam sternat. Hinc Alexander Massaria, cum nonnullis doctissimis Medicis, non tunc solum

humores turgere putat, etsi propriissimè tunc turgere dicuntur, cum errabundi huc atque illuc in corpore vagantur, nondumque certum aliquem locum occupant, nullumque definitum motum habent; verum etiam quotiescunque nondum absolute in parte aliqua figuntur, quamvis ad partem aliquam determinata moueantur; immo exeundi appetentiam & inclinationem, seu ut ita dicam, vergentiam in euacuationis vias, alium præcipuè, qualis in nonnullis hypochondriorum murmure significatur, habeant. Ut ita vox ὄργῃ & turgere exeundi aut aliquid extrudendi appetitum significet, Atque isti etiam hos humores, de quibus modò dictum, coctione non expectata, euacuari posse statuunt. Nam cum illos, qui errabundi in corpore vagantur, & propriissimè turgere dicuntur, ideo euacuare sine coctione licet, quia nimirum, ut mox dicetur, ad educationem faciles sunt, & natura stimulata motum iuuat: etiam eos expurgari commodè posse aiunt, qui ingredi iam conantur, certumque locum vacuationi aptum petunt, cum faciliè trahenti medicamento sint obsecuturi, imò facilius, quam ij, qui huc & illuc in corpore vagantur, & ad nullum excretionis locum certum adhuc feruntur. Exemplum huius turgentis, ut sic dicam Alexand. Massaria esse ait, in eâ pleuritide, in qua dolor ad hypochondria descendit, non ob magnitudinem inflammationis, partes proximas in consensum trahentis, (nam eam ut excludat, dicit Hippocrates, secund. de victu acutorum 11. si dolor ad hypochondria descendat, ἐς δὲ τὴν κληῖδα μὴ σημαίνει, nullumque ad clauiculam signum faciat. Dolor enim, qui ob magnitudinem inflammationis partibus vicinis communicatur, omnes circumcirca per pleuram in consensum trahit) sed ob humorem, qui non solum in inflammata parte nondum sedem figit, verum ad alia membra repit, deorsum tendit, atque exitum querit. Qua de causa etiam Hippocr. loco iam citato, in tali casu inter initia humores pleuritidem facientes euacuare, atque ad loca euacuationi apta deducere suadet. Ex his, quæ de turgentia dicta sunt, patet solum calidos, tenues, mordaces, suæque acrimonia partes, per quas fluunt stimulantes humores, quales acutos morbos gignunt, bilem scilicet flauam, & sanguinem biliosum propriè turgere: crassi verò & frigidi, atque ad motum inepti, ex quibus morbi diuturni, turgere non dicuntur. Si itaque tales humores turgant, eos, non expectata concoctione, purgare licet. Metus enim est, ne vires ex illa materie agitatione deliciantur, vel materia impetu illo concitata in partem principem aliquam ruat, vel calor natius extinguatur, atque ita æger in vitæ discrimen coniiciatur. Neque etiam adeo laboriosè expurgantur illi humores, licet cocti non sint, cum sint tenues & mobiles, facilièque euacuentur; modò sit, qui eos quasi manu ducat, illisque exitum monstrat. ipsa quoque natura ab iis stimulata & lacecita sese facilem & adiutricem in expellendo præbet. Ut ita ex humorum turgentium ante coctionem purgatione plus vtilitatis, quam damni æger percipiat. Hinc Hippocrates, 4. aphor. 10. iubet. φαρμακεύειν ἐν τοῖσι λίω δέξιν καὶ ὄργῃ, αὐθημερόν. χρονίζον, καὶ ἐν τοῖσι τοῖσι κακόν. Hoc tamen etiam cum diligenti præmeditatione est faciendum. Nam τὰ πλεῖστα ἐκ ὄργῃ, ut est 1. aphor. 22. Et 1. aph. 24. ait Hippocrates: ἐν τοῖσι δέξιν πάθεισιν ὀλιγάκις καὶ ἐν ἀρχῇσιν τῇσι φαρμακείησι χρεῖσθαι, καὶ τὸ το σπερματικὸν πρὸς τὰς πόλεις. Nam purgantia, quia caliditate sua & acrimonia morbos acutos augent, atque agitatione vires labefactant, sæpius in acutis nocent. Et acuti ut plurimum critica aliqua euacuatione, rarius arte procurata purgatione solui solent. Has igitur crises Medicus temerè non turbet, & si aliqua earum spes, à purgatione absteineat, ac potius naturæ vacuationem criticam molienti vias præparet.

Qui hu-
mores
turgere
sunt.

Cum hu-
mores
turgentes
in
principio
purgandi.

Cum

Cum tamen purgatio omnino propter turgentiam instituenda videtur, inter initia, ut dictum, fiat, & cum diligenti præmeditatione, seu ut Hippocr. ἐμπετικῶς loquitur, ὡς ἐξουκένησας id facere debet. Neque enim semper, cum turget materia, purgare licet. Considerandæ scilicet sunt vires, atque omnia, quæ vires definire, easque tueri aut labefactare possunt, ut sunt temperamentum, habitus & constitutio corporis, ætas, sexus, habitudo vtero gerentium, consuetudo, aëris constitutio, & similia. Deinde etiam corpus ipsum, an purgationi aptum sit, videndum, & viæ perpendendæ, per quas humori decurrendum erit. Cognoscendum nimirum est, an viæ sint apertæ & patentes, an verò obstructæ, & an æger multis crassis aut lentis succis sca-teat, & cruditatibus laboret. Indagandum etiam, an pars aliqua in ventre inferiore phlegmone teneatur. Ad partem enim affectam humorem ducere non decet. Denique symptomatum statim gravissimè inuadentium, morbumque lethalem significantium, habenda ratio. Nam si horum vnum vel plura arguunt, ægro plus damni, quàm utilitatis ex purgatione euenire posse, à purgatione est abstinendum. Horum enim, quæ modò enumerauimus, nonnulla sæpe tantam imò maiorem ad prohibendum purgationem vim habent, quàm obtinent humores turgentes ad præcipiendum. Itaque tum æger vel prognostico relinquendus est, vel, si omnino aliquid euacuandum videtur, sanguis potius, si alia etiam, quæ sanguinis euacuationem indicant, adsunt, mittendus est. Etsi enim in talibus minus utilitatis ex sanguinis missione sperare licet, quàm ex purgatione, si commodè institui posset: tutior tamen ea est, cum humores sine insigni commotione & agitatione euacuet; & suum etiam non leue præstet commodum. Atque ita manifestum iam est, quomodo liceat humores turgentes, in principio morbi, nondum apparente coctione, expurgare. Verùm an etiam aliud humorum crudorum genus sit, quod ante coctionem expurgare liceat, non ita planum esse, iam supra diximus. Præstantissimi enim hac de re Medici dissentiant. Alij enim aphorismum istum 22. sect. 1. vrgentes, omnem omnino in principiis morborum crudorum humorum purgationem prohibent, nisi materia turgeat: alij etiam alios humores mox in principio euacuandos censent. Ex hac controuersia ut nos expediamus, videndum, an etiam alij humores crudi dari possunt, è quibus æquè graue periculum ægro imminet, nisi mox expurgentur, quàm ex turgentibus, seu ex quorum ante coctionem per catharticum euacuatione plus commodi, quàm ex coctione expectata sperandum sit. Quod ut commodius fiat, de singulis humoribus, qui in controuersiam veniunt, in specie agemus. Et primò quidem in controuersiam veniunt humores ad partes nobiliores, aut ad eas, quæ nobiles in consensum trahere possunt, ruentes, aut iamiam ruituri. De his, si partium studium seponatur, & cruditatis, item principij morbi significationes diligenter perpendantur, non ita intricata res videtur. Nam hoc extra controuersiam situm esse existimamus, in magnis vulneribus, vlcerebus, itémque inflammationibus aut tumoribus, oculorum & aurium affectibus, capitis doloribus, si adsit humorum aliqua abundantia, neque aliud quid purgationem prohibeat, statim purgandum esse, ut humores, qui malum augere possent, & minuantur, & à parte adfecta auocentur. Illud enim ratio & praxis Medicorum præstantissimorum persuadet. Nam in fluxionibus talibus, nisi humores euacuentur, malum nimis augebitur: neque aliud circa partem priuatim moliri licet, antequam redundantia humorum, vel venæ sectione, vel purgatione, prout opus est, imminuatur. Et passim ab Hippocrate, Galeno, aliisque præstantissimis Medicis & præcipi & obseruari videmus, ut, si fluxio in partem aliquam decumbat, vnde ægro ali-

quod discrimen impendat, mox vel sectione vel purgatione redundans humor tollatur. Manifestè id præcipit Galenus, lib. de cur. rat. per sang. miss. c. 8. dum inquit: In iis, quibus pars quæpiam grauiter icta est, aut vtcunque aliter incipientem habet phlegmonem, eam si magnam fore suspicamur, curationem ab inanitione auspicamur, aut purgatorio medicamento exhibito, aut vena incisa, prout nimirum alterum altero magis conuenire iudicamus. Verumenimuerò etsi hæc ita fieri, & præcipi quidem rectè, concedamus: non tamen hinc deduci posse existimamus, in principio tunc semper crudos & corruptos humores moueri & expurgari. Nam in affectibus his (quos tamen plurimi eo fine in medium producant, ut monstrent, humores crudos initio morbi purgari) plerumque quantitate & motu tantum peccant humores, neque necessariò crudi & corrupti sunt, qui coctionem eam, quam hic intelligimus postulent. Si tamen præterea corruptio & cruditas humoribus illis adueniat, febrisque superueniat, illi vel nondum actu ruunt ad partem aliquam principem, sed iamiam, nisi tollantur, ruituros metus est; vel iam actu ruunt. Priores quis forsitan non incommodè ad turgentes referre posset, atque ideo eos euacuare licet. Actum autem ruentibus non semper commodè adhibetur purgans. Etsi enim concedamus, tales humores, qui actu in partem principem ruunt, maius minari periculum, quàm turgentes, quos ruituros timeamus: hinc tamen concludere non licet, æquè eos, ut turgentes, semper expurgandos esse. Nam in turgida materia non tantum promptitudo adest ad motum in partem principem, sed etiam inclinatio exeundi è corpore, quæ in actu ruentibus ad partem aliquam sæpe deest. Vnde metus est, ne par aut maius etiam ex adhibita tunc purgatione, quàm ex admissio humorum in partem, ad quam tendebant, fluxu malum sequatur. Certè si tali in casu moueatur & concitetur, & non rectè, quod facile fieri potest, educatur materia: accidere potest, ut impetu maiori in partem, in quam ante ferebatur, ruat. Et habemus Hippocratem, quem hac in re imitemur, qui, 2. de fract. 10. in læsione calcis, cui inflammatio & febris valida successerit, purgare non audet: etsi, si febris absit, ibid. c. 27. veratrum eodem aut postero die exhibeat. Quapropter & nos non solum pericula, quæ ex fluxu humorum euenire possunt, sed etiam damna, quæ ex purgatione minus dextrè aut temerè adhibita prouenire possunt, considerare decet: præsertim cum alij sint modi etiam, quibus non incommodè & humorum multitudinem imminuere, & ruentium imperum sistere possumus. Alia tamen adhuc videtur esse ratio illius materiæ, quæ febrium illarum, quas vulgò symptomaticas nominant, rectius verò cum Platero comitatas appellari, de febribus, diximus, causa est. Ista enim materia si ad partem aliquam nobilem ruat, (id quod fit in talibus febribus, quibus phrenitis, pleuritis, peripneumonia coniungitur) & magnum periculum inde metuendum sit; neque materia per venæ sectionem reuelli possit: purgatio per medicamenta conuenientia non omitenda videtur; cum talis materia non incommodè ad turgentem referatur, quam Hippocrates, 1. aphor. 22. mox in principio euacuare iubet. Etsi enim ad partem affectam iam actu feratur: tamen adhuc mobilis, & quasi errabunda est, & natura ea sese exonerare, eamque venis expellere cupit. Idque vel ex eo patet, quod materia talis, quæ primum ad hanc partem ruere videbatur, mox sæpe in alias fertur; sicut ex pleuritide, & angina fit nonnunquam peripneumonia, ex peripneumonia phrenitis, & erysipelata à partibus internis ad externas, & ab externis ad internas nonnunquam conuertuntur. Vnde etiam in phreneticis frequens symptomatum mutatio, ex ὀργασμῳ & motu humorum prauorū in aliam aliàs partem, interdū quidem principem, interdum verò non principem transmigrantium,

An maligni
& venenati
humores in
principio pur-
gandi.

malum habetur, 1. *Prorrh. com. 1. t. 12.* Deinde nonnulli etiam humores malignos, venenatos ac pestilentes addunt, putantque, hos, cum celerrimè cor occupent, hominemque citissimè interimant, statim expurgandos, magisque in his virgere malignitatem ad expurgandum affirmant, quàm cruditas possit ad prohibendum. Verùm enimverò hoc rectè quidem dicitur, & extra controuersiam est, omnem dandam esse operam, ut humores maligni & venenati quamprimum à corpore expellantur; quod nisi fiat, hominem in certum vitæ discrimen coniciunt: sed an purgantibus id commodè fieri queat, non usque adeò planum est. Nam cum malignis & venenatis humoribus hoc proprium præcipuè esse videamus, cor petere: elaborandum est, quod etiam naturam, in pestilentibus inprimis morbis, facere animaduertimus, ut in distantissimas & quàm maximè remotas partes à corde protrudantur, corque roboretur, & malignorum humorum vis frangatur; quod rectissimè faciunt alexipharmaca, contrarium autem purgantia. Hæc enim ad interna ducunt humores, in venas, per quas venenata & maligna qualitas faciliè cordi communicari potest. Ipsorumque pleraque etiam venenis non solum non resistunt, sed malignas qualitates obtinent; ut periculum sit, ne humori maligno, quem oppugnare debebant, in opprimendo calore nativo, subsidio veniant. Propterea, cum virium robur, ut in morbis omnibus, ita præcipuè in malignis & venenatis conseruandum sit, atque in iis omnis spes salutis consistat; viribusque debilitatis, in peste præcipuè, medicamenta, quamuis nobilia & generosa, nihil conferre, compertum habetur: danda opera, ut nullo modo vires imminuantur, nullumque medicamentum, quod corporis vires ac spiritus dissoluere ac dissipare possit, exhibeatur; quod præcipuè faciunt cathartica, inprimis non tempestiuè exhibita. Itaque Alexiteriis potius in talibus statim incumbendum. Et quid referret alium ducere, & humores expurgare, si viribus prostratis natura postea succumberet, venenoque resistere non posset? In specie autem quod pestem attinet, vix ei inter initia videtur competere purgatio. Id quod ipsa experientia comprobatur. Ambrosius Paræus, *de peste capit. 24.* refert, anno 1565. cum pestis per totam Galliam ferè grassaretur, se ex omnibus urbium, per quas regi Carolo nono Bayonam iter erat, Medicis & Chirurgis diligenter & studiosè sciscitatum esse, quid agris successisset in purgatione & phlebotomia: atque omnes vna voce respondisse, obseruasse se sedulo; omnes peste correptos, quibus liberaliter sanguis detractus fuerat, & corpus valde purgatum, deterius inde habuisse, tandemque interiisse: reliquos, quibus solis alexiteriis prouisum esset, ferè cunctos euasisse. Et P. Forestus refert, in peste Delphensi, quæ anno 1557. grassata est, eos, quibus post 12. horas vel diem naturalem vena aperta fuisset, mortuos esse; vel admodum paucos ex iis euasisse: omnesque, qui statim ante tertium diem vel quartum purgarentur, periisse, & quocumque ferè tempore purgans medicamentum sumerent, paucos pristinae sanitati restitutos fuisse. Idem in peste Geneuensi accidisse, testatur Io. Anton. Sarracenus, narratque quibus, siue mox ab initio, siue postea, essent humores cathartico medicamento agitati vehementius, vel esset corpus sanguinis missione inanatum, omnes ferè, aut non multò post obiisse, aut in deterius lapsos esse; integram verò perfectamque sanitatem his duntaxat completam fuisse, quæ veneni vim eliminaret. Sic refert Iul. Palmarius, per biennium, quo pestilentia grassante xenodochio præfuit; eos, quibus initio aliud adstricta esset, etsi nullo alio medicamento vterentur, quàm mithridatio, maxima ex parte conualuisse: contra verò quibus vel spontè, vel arte proflueret, omnes ferè occubuisse: prætereaque se edoctum esse ab hominibus senio conse-

An in peste
conueniat
purgatio.

ctis, qui annos sexaginta illic vixerant, terribilissimæque alias pestilentias superauerant, præcipientes faciliè ad alium tempore pestilentia humores rueret; cum quibus aliorum etiam medicorum plurimorum testimonium consentit. Et vix aliter fieri posse, ipsa ratio persuadet. Nam cum, ut dictum, pestilentia non à plenitudine, non à putredine & simplici humorum corruptione, sed à peculiari & occulta malignitate pendeat, quid poterit multum conferre purgatio? imò ne noceat, præcipuè si non in tempore adhibeatur, summopere metuendum est. Vires enim, (quas si in ullo alio morbo, maximè in peste, fartas rectas seruare conuenit, quæque, licet sæpe firmæ videantur, insperatò in peste deiciuntur) debilitat. Præterea naturæ motum, quæ materiam illam pestilentem foras protrudere, & in ambitum corporis quoquo versum expellere debet, interturbat, & venenum illud ad interiora reuocat: quod facili occasione fieri posse alij etiam morbi, ex maligna materia orti, docent. Sæpe enim quibus ob bubones venereos purgatio præscribitur, vel sanguis detrahatur: his materiam reddi insupputabilem, eiusdemque intro reuocatione luis venereæ inferri consecutionem, scribit Ambrosius Paræus. Et in specie, quod antimonium & mercurium attinet, commendat quidam valde vitrum antimonij, & in pestilentia eius effectus prædicat Matthiolus, suumque aurum vitæ mirè laudat Caspar Keglerus. Verumenimverò etsi ad philtrea & venena, quæ circa ventriculum præcipuè hærent, talia prodesse posse, non negemus: tamen quid utilitatis in pestilenti veneno eo, quod cum spiritu, quem ducimus, rectè ad cor fertur, præstare possint, non videmus. Potius metuimus, ne talibus fortioribus purgantibus humores agitati, præcipientes, quod alias in peste faciliè fieri solet, in ventrem ruant, spiritus dissipentur, vires deiciantur, atque alia symptomata accersantur; quod fieri etiam docet ipsa experientia. Incredibile enim dictuè esse, scribit Iul. Palmarius, quàm multi stibio perierint in illa pestilentia, quæ in Lugdunenses grassata est, idemque etiam alibi accidisse, alij testantur. Et si quid omnino purgantia & vomitoria in peste conferunt, non hoc directè faciunt, pestilentiam seu malignitatem proximè oppugnando: sed si quos in corpore, & præcipuè primis viis, humores vitiosos inuenerint, eos educendo, qui alias & pestilenti veneno, atque inprimis febre, quæ superuenire solet, fomitem idoneum præbere, atque hoc modo etiam ægro aliquid periculi creare possunt. Et quidem si ab iis maximum metuendum periculum, quod in quibusdam pestilentibus accidit, ubi periculum hominibus non minus ab humoribus prauis, quos ex victu prauo, vel alia de causa cumularunt, atque inprimis viis fouent, quàm à contagio imminet. In eo enim solum casu purgantia & vomitoria locum habere possunt. Quapropter prudentis fuerit Medici, diligenter obseruare, quamnam quælibet pestis vehementiam obtineat, & quibus remediorum generibus præcipuè tollatur, quibus verò nihil cedat, aut etiam irritetur, & quo natura in expellendo humore, maligno potissimum, & quidem cum comodo ægri, inclinet. Reliqua verò venena quod attinet, & præcipuè si per os assumptum fuerit venenum, commodissimum est illud, antequam in corpus penetret, per vomitum eiecere, & alexipharmacum assumere, externo verò contactu communicata venena rectè per eadem alexipharmaca & attractoria medicamèta extra adhibita curantur, ut patet ex Galeno, 2. *de Antidot. c. 7. 5. de loc. affect. c. 7. 13. meth. med. c. 6.* & aliis authoribus passim. Tertio, in classem eorum humorum, quos ante coctionem expurgare licet, etiam nonnulli quoscunq; tennes humores referunt: quibus non assentimur. Nam cum omnes humores crudi ad purgationem inepti sint: cur tennes, si crudi sunt, purgantibus moueamus & agitemus, si nullum, quod virgeat vehementer, adsit periculū, &

An tennes
humores
principio
gandi.

copios
si euacua
li.

io Mi
ua.

non potius coctionem expectemus? Quamuis enim humores tenues, quatenus tenues, fluxiles sunt, neque eatenus præparationem & elaborationem desiderant: tamen aliis de causis ad purgationem inepti esse possunt: nimirum, quod aliquas vitiosas & noxias qualitates obtineant, neque dum ab inutilibus segregati sint. Quapropter etiam non sunt expurgandi, donec à natura domentur, mitiores reddantur, & ab utilibus secernantur. Denique his annumerant non pauci copiosos humores, qui præ copia commodè coqui nequeunt. Hos enim, non expectata coctione, mox in principio morbi, purgantibus aggrediendos, ut, parte eorum dempta, natura reliquos facilius vincere possit, censent. Atque hinc introducta est purgatio, quam vulgò Minoratiuam dicunt, quam Lud. Mercat. lib. 1. de Indic. cap. 6. ita describit: Minoratiua purgatio ea est, qua materia morbi minor redditur circa ipsius principia, instituiturque seligente medicamento: ac debetur humoribus in secunda corporis regione existentibus, quorum tanta est quantitas, ut timor sit, ne natura succumbat, atque ante integram eorum coctionem deficiat aut hebescat: quò sit, ut minori iam facta materia, natura reddatur potentior supra residuum, illique securius dominetur ac imperet. Qua in re, quid statuendum sit, ut maximè utile est scire: ita in tam discrepantibus opinionibus, difficile est quid decernere. Verum tamen verior eorum habenda opinio, qui Minorantibus non utendum, id est, medicamentis electiue purgantibus partem aliquam crudorum humorum in principio non educendam, sed omnibus purgantibus propriè sic dictis, tunc abstinendum, & concoctionem expectandam statuunt. Nam minorantibus ea, quæ ex crudorum purgatione sequuntur, incommoda euitari non possunt. Imò metus est, ne commota saltem & non euacuata materia, ob multitudinem, æger in præsentissimum aliquod discrimen coniiciatur; humores mali cum bonis magis misceantur, aut saltem expurgatis tenuibus humoribus, crassis verò, qui ad purgationem adhuc inepti sunt, relictis, plura sequantur mala: obstructions nimirum, crassa materia agitata, & non euacuata, pariat, eademque cum maiori difficultate à natura postea superetur. Et difficile omnino est, tali in casu legitimam medicamenti quantitatem exactè assequi, ne nihil in defectu aut excessu peccetur. Atque ita ex his patet, quando coctio expectanda sit, quando verò sine coctione purgare liceat. Quod tamen de iis solum humoribus intelligendum est, qui ad coctionem recipiendam apti sunt. Nam qui idonei non sunt recipere coctionem, (crudos enim hos, cum coqui non possunt, vix appellem) quales sunt serosi & aquosi, in his, cum vltiorem & perfectiorem elaborationem nullam nec à natura nec ab arte recipere, neque magis coqui, quàm aqua simplex possint; concoctionem, quæ fieri nulla potest, expectare inutile est: sed mox eos expurgare licet, idque eo magis, si soli adsunt. Nam si præterea etiam adsint humores, qui vias obstruunt, ij prius attenuandi, & viæ aperiendæ sunt. Sed quid iis faciendum, qui quidem ex se apti nati essent, ut queant concoqui, ob alias tamen causas, nullam maturationem, vel à natura, vel ab arte consequi possunt, ut ex quorum ante coctionem purgatione nulla insignis utilitas speranda, sed potius maius damnum & periculum timendum est? conclamatum iam eiusmodi casum esse dixero. Omnis enim morbus, qui salutaris futurus est, omnia tempora vniuersalia, in quibus sit maturation, percurrat necesse est, neque natura morbum sine coctione depellere, id est: sine victoria vincere potest. Inprimis autem obseruandum, hic controuersiam esse de materia à primis viis remota, & in venis supra iecur, quæ sanguinem perfectum conti-

nent, existente. Hæc enim propriè coctionem, maioremque apparatus requirit, & à bono sanguine separanda est. Verum si in ventriculo, aut circa ipsum, & in liene, iecoris simis partibus, mesenterio, humor contineatur: is propriè dictam coctionem non ita requirit; neque ab vrina eius mutatio expectanda & coniicienda est: sed maturius expurgari potest; cum à bono sanguine secretus sit, & laetioribus viis ac ductibus propior. Si tamen crassus ac lentus sit: præparatione aliqua ad purgationem aptior reddi potest.

C A P V T VII.

De Humorū Præparatione & Coctione.

Cum haftenus cruditaris, & coctionis, & præparationis humorum aliquoties facta sit mentio, dictumque humores crudos ante purgationem coquendos, ipsosque & corpus ad purgationem præparanda esse: ut omni ex parte doctrina de purgatione perspicua sit, placet hoc loco de humorum purgandorum coctione & præparatione agere. Quod etiam ea de causa facere utile est, cum hæc doctrina apud plerisque non parum obscura & plurimis controuersis inuoluta sit. Nam plerique passim vocem coctionis non solum pro vera coctione, quæ ab Aristotele, 4. meteor. cap. 2. definitur, sed pro omni humorum coctione, emendatione, & ad purgationem præparatione usurpant. Quod dum faciunt, & idem nomen rebus planè differentibus attribuunt, non parum hanc doctrinam obscurant. Hoc ut euitemus, distinguendum inter coctionem & præparationem, ac coctionem naturæ, præparationem arti attribuendam censemus. Quia de causa etiam de vtraque seorsim agemus, ut pateat, cui rei nomen coctionis propriè, cui minus propriè competat. Definit autem Aristoteles, 4. meteor. cap. 2. τέλει, quod sit τελείωσις τῶν φυσικῶν καὶ οἰκτικῶν δερμῶν ἐν τῇ ἀντικειμένῳ παθητικῶν. Ταῦτα δὲ εἶναι ἢ οἰκία, ἐκαστῶ ὕλη. Est nimirum coctio τελείωσις seu perfectio non ea, quæ essentia est, & à forma substantiali tribuitur, sed quæ in qualitatibus consistit, ut ipse Aristoteles testatur, dum sect. 12. problem. 7. τέλει, ἀλλοίωσιν τοῦ πεποιημένου nominat. Esi enim Medici, dum coctione ex cibo fieri chylum in ventriculo, ex chylo sanguinem in hepate, dicunt per coctionem motum mistum à mutatione in substantia & motu in Qualitate intelligunt: tamen propriè coctio est solum qualitatum & temperamenti absolutio & perfectio. Quando enim in misto, per formam iam constituto, aliqua adhuc in temperamento est imperfectio, neque humidum satis elaboratum est, ut ad siccum & reliquas Qualitates iustam proportionem habeat, si à calore innato humidum abundans absumatur, reliquum elaboretur, & cum sicco, ita ut misti natura postulat, uniat: res coqui dicitur, & illa vltima temperamenti à calore naturali absolutio coctio appellatur. Innuere hoc ipsum videtur Hippocrates, dum, de prisca Medic. τὸ πεποιημένον γίνεσθαι ἐκ τῆς μιχθῆναι κρηθῆναι τε ἀλλήλοισι scribit. Perfectio autem illa ad duplicem finem tendit, seu, ut Aristoteles loquitur, τὸ τέλος τοῖς μὲν ἢ φύσις ἐστὶ (φύσις δὲ λέγεται ὡς εἶδος ἢ αἰτία) τοῖς δὲ εἰς ὑποκειμένῳ τινὰ μορφήν. τὸ τέλος δὲ τῆς τέλει, ὅταν τοιοῦτὶ γένηται ἢ τοιοῦτὶ τὸ ὕψος. Τότε δὲ χρήσιμόν ἐστι καὶ πεπεφθαι φαίνεται. Posteriorem finem spectat humorum putridorum, de qua agimus, coctio. Non enim substantiam quandam ac formam pro fine habet hæc coctio, sed solum ὑποκειμένῳ τινὰ μορφήν, atque tunc humores cocti esse dicuntur, cum dispositionibus illis prauis ablati, à naturali calore ita sunt elaborati, & à natura domiti, ut suo modo sint utiles, scilicet ad excretionem apti. Cum enim

Coctio & præparatio humorum differunt.

Coctio quid.

ad substantiam aliquam perfectiorem & corpori nutriendo utilem reduci non possint : saltem ad statum ipsa putredine meliorem adducuntur, ut commodius & sine damno ac detrimento ægri euacuari possint. Qua de re etiam Galenus, 2. de rat. vi. in acut. com. 2. 1. 44. Sunt autem coctionis species tres : maturatio, elixatio, & assatio, quarum definitiones apud Aristotelem, 4. meteor. exstant : quæ tamen ita se habent, ut coctio non sit earum genus vniucum, sed ex eorum numero, quæ πρὸς ἐν dicuntur : unde & definitio coctionis ab Aristotele tradita saltem primariæ speciei, quæ est maturatio exactè conuenit. Si autem quærat ad quam coctio hæc humorum, de qua agimus, pertineat, ad maturationem ipsam commodissimè referri posse censemur. Etsi enim definitio maturationis ab Aristotele tradita ei non propriè competat ; utpote quæ ad coctionem fructuum tanquam ideam conformata, & ipsa subiectis speciebus non æqualiter conuenit : tamen cum à calore interno temperato fiat illa coctio, & à calore nativo humores illi ita elaborentur, ut etsi ad nutriendum idonei reddi non possint, nihilominus tamen ad commodiorem statum deducantur, corpus minus affligant, faciliusque expellantur : ad maturationem meritò refertur. Ex iis autem, quæ hætenus dicta sunt, patet, solius naturæ esse coctionem, quæ caloris nativi beneficio humores coquit, elaborat, & ad eam, quam quidem recipere possunt, perfectionem deducit. In artis verò potestate non est, humores coquere, nec arti attribuenda est coctio ; nisi quatenus calorem nativum fouet & roborat, & ita quasi cum calore nativo cooperatur. Quatenus autem saltem impedimenta, de quo postea, quæ naturam in coctione humorum impediunt, remouet, coquere propriè dici non potest ; etsi & tum calori coquenti auxilio sit. Fouere autem & augere nativum calorem in partibus externis & tumoribus partium externarum non difficile est, adhibitis medicamentis emplasticis, quæ calorem nativum, qui in partibus exterioribus est imbecillior, & ab ambiente aëre faciliè dissipatur, fouent, & augment. Nam & ipsa moderatè calida sunt, & poros cutis obstruendo caloris effluuium prohibent. Etsi verò humorum intus in corpore latentiam coctionem hoc modo iuuare non possimus, cum metus sit, ne, si talia adhibeantur, perspiratione prohibita putredinem augeamus, caloremque suffocemus : neque etiam semper ea, quæ intus assumpta, calorem augere dicuntur, exhibere liceat ; cum calor non semper ob frigidam, quæ in corpus introducta est, intemperiem ad coquendum debilior sit, sed sæpe etiam, quia nimis acris & igneus redditus est : alij tamen etiam sunt modi, quibus hanc humorum coctionem iuuare possumus, nimirum quies, somnus, cibi & medicamenta, quæ corpori nostro sunt familiaria, spiritusque reficere, & iustam eorum copiam subministrare possunt. Nam primò cum motus spiritus & calorem diffundat ; in quiete autem hæc vniantur & intus coeant : meritò moderatata quies ad coctionem facere dicitur. Atque multò magis somnus, utpote in quo corporis & sensuum quies maxima est, calorque & spiritus ad interiora feruntur, coctionem promouet : unde rectè dicitur : Quiete & abstinentia multos magnos morbos curari. Deinde etiam concoctionem humorum iuuant, quæ calidum innatum, coctionis authorem, in quanto potius, quam in quali augment, caloremque nativum & spiritus dissipatos instaurare possunt, qualia sunt, quæ similem nobis temperaturam obtinent, & temperata sunt, nullamque aliam qualitatem supra temperiem corporis nostri inducunt. Et talia sunt imprimis cibi, qui temperati sunt, & medicamentosas facultates

admixtas non habent. In quorum tamen usu etiam modus seruandus, ne, dum virtuti debili inferuire cupimus, & spirituum refectioni studemus, humores peccantes alimentorum copiam augeamus, & naturam à coctione intempestiuè auocemus. Præter hæc etiam sunt quædam medicamenta, quæ coctionem iuuant, calorem fouendo, quæ nimirum & ipsa temperata sunt, & similem nobis temperiem obtinent, & præcipuè ea, quæ præterea nonnullam adstringendi & roborandi vim habent. Præter coctionem hanc veram, quæ solius naturæ operâ efficitur, & quam eo, quo iam dictum modo Medicus adiuuat, aliæ sunt humorum præparationes, quas etiam vulgò coctiones appellant. Cum enim natura, antequam humores expellat, eos elaborare & præparare solet, atque hæc eius actio coctio appellatur : Medici etiam, cum commodioris euacuationis gratia aliquas humorum præparationes præmittunt, & illas coctiones nominant, & medicamenta illas efficientia, concoquentia, seu, ut vulgò loquuntur, digestiua appellant. De vocabulo autem digestionis hoc loco norandum, digerere propriè id significare, quod distribuere seu ordinare, vel distinguere aut disponere, ut digestio idem sit quod distributio, seu ordinata compositio, & distinctio, & apud Medicos sit alimenti concocti in corporis partes vniuersas distributio : Arabum tamen assæclæ & interpretes, verbum digerere pro concoquere semper accipiunt, ipsique digestio idem est, quod concoctio : unde etiam concoquentia medicamenta digestiua nominant. Sciendum tamen, quod ista medicamenta, quæ digestiua & concoquentia nominantur, propriè non coquunt, sed humores saltem vel ad felicioris coctionem à natura instituendam, vel ad commodiorem euacuationem præparant. Duæ enim sunt humorum præparationes, quæ ab arte efficiuntur, vna, quæ coctionem, quæ à natura fit, præcedit, altera, quæ illam sequitur. De quibus iam agendum est ; cum iis modus emendandi vitia humorum secundum qualitatem includatur. Prima humorum præparatio, quæ coctionem antecedit, est ea, quæ omnia, quæ naturæ, quod minus coctionem aggredi aut feliciter perficere possit, sunt impedimento, tollit. Et hæc humorum præparatio cum in eundem finem, in quem natura humores coquens, tendat, vulgò etiam coctio, ac medicamenta, quæ præstant, concoquentia & digestiua appellantur : & quidem rectius, quam illa, quæ coctione iam peractâ, instituitur præparatio. Remorantur autem coctionem & humorum quantitas, & qualitas. Ut enim cibi in ventriculum maiore copia ingesti minus feliciter coquuntur : ita etiam in reliquo corpore humores crudi copiosiores minus rectè à natura possunt vinci. Quapropter ars hac in re naturam adiuuat, & ut coctiones citius eueniant, melius est, ut Galenus, 2. aphor. 29. ait, per initia euacuare, ut minore factâ materia, natura reliquum facilius concoquat ; quod plerumque commodissimè venæ sectione perficitur. Qualitates verò, quæcunque coctioni impedimento sunt, per contrarias tollendæ, humoresque calidi sunt refrigerandi, frigidi calefaciendi, sicci humectandi, humidi siccandi. Nam si qui in his excessus sint, actioni caloris nativi magis resistunt, qualitatesque illas vitiosas etiam membris nostri corporis communicant, temperamenti constitutionem naturalem vitiunt, atque ita calorem nostrum nativum ad coctionem perficiendam minus idoneum reddunt. Moderatus enim is esse debet. Nam qui intensior est, vrit, qui debilior, ad coctionem perficiendam non sufficit. Eodem modo etiam Qualitatum secundarum vitia emendanda sunt, humoresque nimis crassi attenuandi ; tennes nimium acresque incrassandi & mul-

Coctionis species.

Coctio humorum solius Naturæ opus.

Medicamenta quomodo dicantur humores coquere.

Humores præparatio duplex.

Digestio quæ

Humores præparatio coctionem antecedit.

tendi, lentique abstergerendi sunt. Crassi quidem attenuandi & incidendi sunt, ut tenuiores nonnihil facti, facilius calori coquenti obsequantur. Ita enim & naturam ipsam ea, quæ coquit, comminuere, fundere & attenuare videmus; ut omnes partes caloris actioni magis pateant. Cum verò crassities humoribus obtingat ex pluribus causis: plures etiam modi erunt humores crassos extenuandi. Nam interdum est crassities ex abundantia terreæ substantiæ; & tum humectandi crassities corrigenda est: interdum ex frigidityte & concretione; & tum calor fundens crassum concretum requiritur: interdum ex adustione, parte nimirum tenuiori consumpta, & relictis crassioribus terreis; & tum utendum est humectantibus & refrigerantibus. Tenuitas & ipsa, si nimia sit, corrigenda est. Nam & ipsam naturam coquendo incrassare videmus: & nisi tenuitas tollatur, non ita facile natura coctionem perficere potest; cum tenuitas ad lacessendam naturam humoribus valde opportuna sit. Tenuis enim humores acres & mordaces sunt, totumque corpus lacessunt, vellunt & debilitant, ac ad coctionem ineptum reddunt. Cum autem humores à caliditate attenuentur, rectissime ad statum naturalem redibunt, nimiamque tenuitatem deponent per frigida. Atque huc omnino pertinent ea, quæ Hippocrates, *de prisca Medicina*, de *δυνάμει* & *ἀκρότητι* humorum dicit: atque ita humores coqui dicuntur: cum ex amaris, acutis, salis, accidis temperamenti humores redduntur. Ex quibus patet, non eadem semper coquentia, quæ ita appellantur, medicamenta requiri, sed si calor languescat, calida; si excedat, frigida; si humor sit crassus, attenuantia; si nimis tenuis, incrassantia requiri. Manifestum etiam hinc euadit, à quo coctio indicetur, & quomodo coctio instituenda sit, nimirum cum humores viriosi & putridi vtilibus permisti sunt, qualitatesque vitiosas obtinent, quibus cum coctioni, quæ natura instituitur, impedimento sunt, tum corpori noxij & molesti esse possunt. Hinc iam facile colligere licet, quæ ratione quivis humor ad coctionem præparandus sit. Pituita (acida scilicet & inprimis vitrea: salsa enim calida est) quidem cum sit frigida, humida; crassa, lenta ac glutinosa, ex generali illo axioma; Contraria contrariorum esse remedia, manifestum euadit ratione frigiditatis ac humiditatis, calefacientibus & exsiccantibus opus esse; ratione verò crassitiei, attenuantibus. Attenuant autem ea, quæ in poros materiæ crassæ sese insinuandi vim obtinent, & præterea etiam calefaciunt. Si præterea sit lenta & viscida, & magis crassitie, quàm frigiditate peccet, etiam valentius incidentia & detergentia, quàm calefacientia, requiruntur; quæ nimirum inter humores & partem sese insinuant, & in poros partium aliis penetrant, & ibi aliquam moram agunt. Nam cum humores lenti tenacius adhæreant, tempore longiore opus est, in quo fiat actio, ut partes ab illis humoribus liberentur. Quapropter medicamenta requiruntur, quæ inter crassa & tenuia velut mediam substantiam obtineant, simulque calida sint. Nam si planè crassa essent, penetrare non possent. Si verò nimis tenuia, statim peruaderent humorem, neque eum loco dimouerent atque abstergerent. Bilis flava cum sit calida & sicca, & refrigerantibus & humectantibus corrigenda est. De tenuitate verò eius magna inter Medicos lis est, dum alij eam incrassandam, alij etiam amplius attenuandam contendunt. Hæc controuersia si vltro citroque agitari deberet, prolixiorerem requireret operam. Veriorerem hoc loco sententiam proposuisse sufficiat. Duplicem humorum præparationem esse statuimus: vnam, quæ coctionem præcedit, naturæque opitulatur, & coctionis impedimenta remouet; alteram,

quæ post coctionem absolutam, commodioris purgationis gratiâ, instituitur. Hæc in bile necessaria non est. Neque enim bilis purgatio gratiâ incrassanda est; cum fluxibilitas & tenuitas ad purgationem commodior sit, quàm crassities: neque etiam attenuanda; cum antea satis tenuis, & ad fluendum apta sit. Quamquam enim etiam in morbis ab humoribus tenuibus originè habentibus Galenus attenuantibus uti iubet, tamen ea, ut postea dicetur, non ideo adhibet, ut tennes humores magis attenuent, sed ut si humores aliqui lenti atque crassi simul adsint, illos attenuet, viasque apertas & expeditas reddant. Prima autem præparatione, quæ fit coctionis gratia, in bile, quatenus nimis tenuis, opus est. Ut enim commodius coquatur, corpusque non ita amplius laceat, incrassanda est, naturæque, quæ coquendo incrassat, auxilium ferendum. Neque enim metuendum est, ut hæc, quæ ab arte & natura fit, bilis incrassatio postea purgationem remoretur. Non etenim nimiam illam inducit natura, sed solum talem quæ bili naturalis est: & coctione bilis crassior solum seipsa putrescente euadit, non verò crassior se ipsa, antequam putrescere inciperet: quæ crassities nullo modo humorem ineptum ad fluendum reddit. Cocta autem hoc modo nullam amplius incrassationem postulat. Quæ si obseruemus, facile Galenum, qui bile peccante modò incrassantia, modò attenuantia exhibere iubet, ab inconstantia & contradictione vindicabimus. Reliquæ bilis species, quæ ex adustione nimia producuntur, cum iam crassiores sint, extenuationem requirunt. Horat. Aug. *l. br. 7. epist. med. tom. 3. cap. 3.* dicit, attenuari bilis illas species, quæ per nimiam assationem fiunt, refrigerando. Quæ verba rectè accipienda sunt. Hoc verum est, illas, dum attenuantur, frigesieri; attenuari etiam à frigidis: sed refrigerando aut frigefactione eas attenuari, falsum est. Calida quidem in iis, quæ crassiora euaserunt, exsiccatione, facile non conueniunt: Nam magis humorem illum exsiccarent, imò planè indurarent; sed frigida sunt vtilia, quæ calorem tollendo exsiccationem vltiorem prohibent, humidòque ita patrocinantur. Verum attenuatio ab iis non fit, quatenus frigida sunt, sed quatenus tenuia. Quatenus enim tenuia sunt, & propter tenuitatem partium vim in poros humoris crassi sese insinuandi habent, eatenus attenuant, & partes illas compactas diuellunt. Humor denique Melancholicus cum sit frigidus, siccus & crassus, moderatè calefacientibus, humectantibus & attenuantibus præparatur. Atra autem bilis cum sit humor calidus, valde siccus & crassus, frigida, multum humectantia & attenuantia requirit. Atque hæc dum Medicus facit, & humorum vitia hoc modò corrigit, natura etiam suum officium facit, operi manum admouet, & vltius eos præparat & elaborat. Et cum non possit eos ad perfectam aliquam naturam deducere, & ita perficere, ut alendo corpori fiant vtilis, eos ad talem, qualis sunt capaces, deducit: quæ actio eius coctio dicitur, de qua supra dictum, & de qua loquitur Hippocrates, *1. aphor. 22.* Hæc ubi iam absoluta est, nihil restat, nisi ut humores à corpore expellantur, quod ut commodius fiat, alia non raro, quæ coctionem sequitur, præparatione opus est, de qua iam dicendum. Etsi enim humores cocti iam sint: aut talis sit morbus, in quo nulla est humorum putredo, & proinde nulla propriè dicta humorum cruditas: fieri tamen potest, ut alia impedimenta adsint, quæ ni tollantur, non nisi cum difficultate purgatio procedit. Quæ autem illa sint, quæ purgationi hac in parte, quo minus feliciter absoluantur, obesse possunt, inuenire non difficile est. Nam cum humorum à corpore per medicamenta purgantia euacuatio motus quidam sit; moquantur autem

*Atra bilis
præparatio.*

*Melancholia
præparatio.*

*Alterà hu-
morum præ-
paratio.*

autem facilius illi humores, qui tenues sunt, & meatus, per quos moueri debent, patentes & expeditos habent: facile hinc liquet, ut felix purgatio fiat, & humores tenues esse debere, & vias liberam purgationemque impediri & minus feliciter absolui, ob humorum crassitiam, & meatuum obstructionem, Quod & ipsa experientia edocet; cum non raro tormina, vertigines, lipothymia & similia mala in purgationibus accidunt. Nam si humores liberam exeundi viam non inueniunt, eccidit, ut humores solum agitentur & fluctuent, ac in ventre tormina excitent, & parte eorum in vapores soluta, cum vaporibus prauis medicamento purgantis ad nobiles partes ferantur, easque vellicent, & variorum symptomatum sint causa. Deinde ipsi humores ita sint dispositi, ut prompte & sine difficultate euacuentur, neque inter euacuandum aliquid damni corpori inferant; crassi nimirum attenuandi, visceri incidenti, si acres sint, vel aliam qualitatem obtineant, qua aliquid molestiae inferre possint, qualitas illa corrigenda, humoresque mitiores reddendi. Ita humor melancholicus etiam non crudus aut putridus non temere purgandus, sed prius mitior reddendus, humectantibus & attenuantibus; cum aliis, & si intempestiue purgantibus moueatur, saltem ferocior reddatur. Quapropter Medici est, ut felicius fiat purgatio, humoresque blandè effluent, & ductum medicamento purgantis facilius sequantur, corpora, quae purgare volent, *εὐρα τολέειν*, ut præcipit Hippocr. 2. aph. 9. id est, ut Galenus ibidem explicat, crassos & lentos humores attenuet, atque meatus, per quos medicamentorum purgantium vi traduci trahique debent, referet, & ut idem 1. aph. 24. interpretatur, procuret, ut humores sint attenuati, minimumque lentoris participes, aperti que ac reuerati meatus atque omni obstructione liberi. Quapropter etiam si materia iam cocta est, vel etsi non cruda & putrida est, si humores adhuc sint crassiores, vel aliam vitiosam qualitatem obtineant, aut via non satis pateant: tum etiam quædam præparatio requiritur, materia nimirum crassa & lenta incidenda, ut facilius medicamento trahenti, & naturæ expellenti obsequatur, viæque ipsæ omnes, per quas humori expurgando decurrendum est, ut ventriculus, intestina, venæ mesaraicæ & viscera, aperiendæ sunt. Si nimirum crudi cibi copia adsit, diætâ tenuiori instituta, aut leui alui deiectione, imminuenda est. Si alij crassi & lenti humores adsint, ij etiam clysteribus, aliisque mollientibus, & attenuantibus, ex viis illis remouendi sunt. Quod non solum in morbis à frigidioribus humoribus pendentibus obseruandum: sed cum non raro etiam in morbis à calidis humoribus ortum habentibus aliquid crassorum & lentorum humorum in viis illis hæreat, & tunc opus est, meatus ab illis expedire, eosque attenuare. Imò tanta est præparationis huius necessitas, ut Galenus, 1. aph. com. 24. etiam in morbis acutis, & surgente materia arripi occasionem posse doceat, corpora tali modo ad purgationem præparandi. Ex quibus omnibus patet, hanc humorum præparationem; ut diuersa est ab ea, quæ coctionem præcedit, & vulgè etiam coctio appellatur, ita ab aliis etiam, quam illa indicari, nimirum à vitiosis humorum qualitatibus, qui seu sibi ipsis, seu aliis humoribus euacuandis, crassitie vel visciditate vias intercludunt, atque ita faciunt, ut etiam humores iam cocti minus feliciter euacuentur. Atque hæc humorum præparatio non solum crudis propriè dictis & per medicamenta purgantia euacuandis humoribus competit, sed & per tussim euacuandis; qui tamen non semper per attenuantia, sed quandoque etiam per incrassantia præparantur, cum scilicet euacuanda per tussim materia tam tenuis fuerit, ut aëris impellentis imperum eludat.

CAPVT VIII.

De Purgationis quantitate.

DE purgationis & humorum purgandorum natura, tempore purgationi apto, hæc sufficiant: restat, ut iam ea, quæ in doctrina de purgatione reliqua sunt, nimirum quantum agendum, & locum, per quem fieri debet purgatio, complectamur. Quantum agendum, seu quantitatem exhibendi medicamento purgantis assequi non ita facile est. Nam non solum ipsam quantitatem humoris peccantis cognoscere difficile: sed etiam, quantum assumpto medicamento expurgabitur, non facile cognoscitur: cum assumptum in ventrem medicamentum non amplius in Medici sit potestate, idemque medicamentum in alio rectè, & quantum debet, ac sine insigni aliqua virium debilitatione euacuet, in alio nihil promoveat, in alio parcius, in alio plus, quam debebat, aut cum insigni virium deiectione purget. In omnem tamen partem peccare periculosum est. Nam si medicamentum humores saltem moueat & agiter, & nihil, aut minus quam par est, euacuet: humores ad ventrem confluunt, ibique hærentes & vapores prauos in totum corpus mittentes, tormina, anxietates, animi deliquia, vertigines & alia mala excitant. Nimia verò si sit purgatio, non solum inutiles, sed etiam viles humores euacuantur: atque ita corpus dissoluitur, vires deiciuntur, concitantur dysenteria, & tandem periculosa conuulsiones accidunt, plerumque lethales. Quapropter danda est diligens opera, ut primum humoris peccantis quantitatem cognoscamus, ut inde etiam quantitas medicamento purgantis definiri possit. Talis enim medicamento purgantis quantitas esse debet, ut humorem peccantem totum euacuare possit, ne aliquid eius in corpore remaneat, quod reliquos humores corrumpat, & recidiam postea pariat. Verum cum humor peccans duobus modis totus euacuari possit, simul & semel totus, vel partitis vicibus, videndum, quando semel totum expurgare, quando vero purgationem partiri, & per *ἐνέγγειν* repetitis vicibus humores euacuare conueniat: quod ex humoris copia & virium robore vel imbecillitate cognoscendum est. Nam si materia sit multa, etiam si vires sint robustæ: tamen præstat purgationem partiri, nec liberaliore euacuatione vires temere deicere; cum humor multus, hinc inde in corpore dispersus, ad euacuationis vias simul vix sine insigni corporis agitatione ac virium debilitatione trahi possit, rectèque Hippocrates scripserit, 1. aphor. 3. & 2. aphor. 51. extremas euacuationes periculosas esse. Si verò materia sit pauca, & vires robustæ, licet vnicâ vice totum humorem expurgare. Quod si vires sint imbecilles, siue humores euacuandi sint copiosi, siue pauci, partiri euacuationem commodius est, quàm vna plenior purgatione vires amplius debilitare. Deinde attentè considerandum, quâ ratione vires sese ad purgationem habeant, & omnia ea, quæ vires tam præsentis, quàm futuras definire possunt, & inter permittentia & prohibentia purgationem enumerata sunt, perpendenda. Inter quæ primum est, naturalis cuiusque proprietas. Alij enim etiam etiam & fortioribus & maiori dosi exhibitis purgantibus vix mouentur: alij à quouis etiam purgante assumpto facile purgantur. Nonnullis solo cathartici odore aluus turbatur, cuius rei historias annotauit Schenckius, 3. sect. 1. obseru. 284. Naturarum itaque proprietas cognoscenda est. Quæ si non satis perspecta & cognita sit, præstat, mitioribus eam explorare, quàm valentioribus temere aggredi, & vtile hac in re est, infra subsistere, quàm modum

De purgatione

An in
vitiis
mel, v
titis v
expurgatPermittentia
& prohibentiaIn quantitate
purgationis
considerandum

modum excedere. Postea consuetudo & habitus corporis attendendus. Assuetos enim purgantibus validioribus purgare licet, non assuetis debiliora primum exhibenda. Et qui habitu corporis sunt molliori atque in otio degunt, fortiora medicamenta, aut magnam eorum quantitatem non ferunt: qui verò corpore sunt durior, & laboribus exercentur, copiosior purgationem ferunt. Accidit tamen interdum; ut his in similibus etiam diligenter consideratis, nihilominus, præter spem, vel parcius, vel copiosior fiat euacuatio: atque tum Medici est, arte & industria defectum & excessum corrigere. Quod ut commodius fiat, qua ratione perfecta purgatio atque hinc deficiens & excedens cognosci possit, scire debet. Docet autem Hippocrates, 1. aph. 23. τὰ χωρέοντα, inquit μὴ πρὸς πλῆθει τεκμαίρεσθαι, ἀλλ' ὡς ἀν χωρὶν οἷα εἶναι, καὶ εἶναι ἐν φόρῳ: quo duo signa perfectæ purgationis proponit. Primum est: si qualia oportet euacuantur. Nam non cum vulgò hîc sentiendum: qui existimat, eas purgationes esse perfectas & meliores, quæ copiosissimè euacuant; sed eæ sunt pro optimis habendæ, quæ, qualia oportet, id est, eos humores, qui peccant, euacuant. Etiam si enim plurima euacuentur: si tamen ea non euacuentur, quæ debent, & corpori nocent, perfecta non est: Sic, si noxio humore euacuato, alij etiam, qui tum non peccant, expurgentur: ea quoque purgatio iam non bona, sed superflua est. Alterum signum est, si æger benè ferat, seu utilitatem ex purgatione percipiat. Pravis enim humoribus euacuatis, æger seipso quasi leuior fit, & vires agiliores: si verò vitia euacuantur, vires dissoluuntur & debilitantur; ut etiam iis accidit, qui corpore sunt sano, 2. aph. 36. Præterea etiam aliud signum exponit Hippocr. 4. aph. 19. Οὐόσοι, inquit, ἐν τῇσι φαρμακοποσίῃσι μὴ διψῶσι, κατὰ νόσον οὐκ αὐνοῦνται, πρὶν ἢ διψήσωσιν. Si enim sitis non ob calorem ventriculi, aut humoris in eo subsistentis, aut pharmaci assumpti, sed ob euacuationem accidat, perfectæ purgationis signum est. Si quidem humoribus pravis euacuatis, medicamentum etiam aliquid de humiditate ventriculi absumit, atque ita sitim inducit. Quod si sitis non adueniat, perfectam purgationem nondum factam esse indicio est. Si itaque videat Medicus, purgationem, vel nullam fieri, vel parciorem, vel superfluum, dare operam debet, ut vim medicamenti promoueat vel inhibeat. Promouetur purgatio motione corporis, ut etiam est apud Hippocr. 4. aphor. 14. & 15. Humores enim motu fluxiles redduntur, & commoti facilius medicamenti ductum sequuntur. Præterea etiam motu vis & vapores purgantis medicamenti per totum corpus distribuuntur. Sic autem motus hic moderatus, & talis, qui nec vires labefactet, nec sudores moueat, sed solum humores nonnihil commouere, & fluxibilitatem iis conciliare possit. Neque etiam corpus mox ab assumpto medicamento moueatur, ne vomitus concitetur, sed cum iam turbatio aliqua in ventre percipitur. Promouent quoque purgationem glandes & clysteres iniectiones.

[Cum interdum accidat, ut medicamenta non satis, vel non tempestiuè purgent, danda opera, ne planè subsistant, & humores vitiosos saltem moueant, non verò promoueant; sed potius cum iis per aluum euacuentur. Quod tribus modis fieri potest: primò glande ano inditâ, quâ virtus expultrix intestini recti excitatur, & natura ad expellendos humores collectos stimulat. Secundò idem præstare potest clyster. De quo tamen attendendum, eum acriorem esse debere, & minoris quantitatis, & vix ultra vncias sex, ut nimirum intestina saltem ad excitationem stimulet. Si enim maiore quantitate infundatur, humoribus ad exitum tendentibus non solum viam intercludere, sed & eosdem sursum pro-

pellere potest: unde humoribus ita detentis pugna excitatur, & dolores ac tormina ventris excitantur. Tertiò idem præstat iusculum pulli vel gallinæ, vel etiam carnis bubulæ, 3 viij. vel x. quantitate, cum cremor. tartari 3ß. sumptum, vel sacchari rubri 3j. aut mannæ additâ.]

Si verò purgatio modum excedat, somno & quiete vtendum: quod etiam docet Hippocrates, modò allegatis, aph. 14. & 15. sect. 4. Somno præcipuè, calore intro reuocato, purgantis medicamenti vis frangitur: & sanguine ac spiritibus ad interna recedentibus, halitus quoque, in quos medicamentum purgans resoluitur, in totum corpus non ita liberè disperguntur. Neque etiam expultrix vis, in somno & ipsa sopita, irritationem & stimulationem humoris & medicamenti facile percipit. Ex quo colligere est, quid in vniuersum de somno circa purgationem statuendum sit: nimirum si benignius & mitius medicamentum assumptum sit, ne eius vis infringatur, à somno abstinendum esse: si autem vehementius medicamentum sit, eo assumpto, dormire nonnihil licet, ut vis eius, quod calori nostro aliàs aduersum est, à calore intus per somnum collecto, promptius in actum deducatur. Quamprimùm verò in actum deduci, & vires suas exferere incipit, abstinendum eouque à somno, donec purgatio sit absoluta: nisi ea sit nimia. Sed de hoc postea peculiariter c. 11. dicetur. Ὑπερβάτως inhibetur ligaturis & frictionibus extremorum, sudoribus, cucurbitulis umbilico applicatis, topicisque adstringentibus regioni ventriculi impositis, assumpta theiaca recenti, aut antiqua cum grano opij; tum etiam cibis, potu & medicamentis vim adstringendi habentibus exhibitis. Auicenna, lib. 1. fen. 4. doct. 5. c. 7. optimum & experienciâ comprobatum remedium hic esse scribit semen nasturtij; si pondere trium drachmarum sumatur, torreatur, & cum lacte acido coquatur, donec coaguletur, & propinetur.

CAPVT IX.

De Loco, per quem fieri debet Purgatio.

Locus denique, per quem instituenda sit purgatio, considerandus. Natura enim plures vias habet, per quas humores noxios euacuat. Locum autem, per quem purgatio instituenda est, monstrat subsistentia, seu, ut ita loquar, vergentia humoris, vel locus, quem occupat, aut occupaturus est humor euacuandus. Id est per eum locum euacuandus est humor, per quem & ratione loci, in quo subsistit, & suæ naturæ aptus est euacuari; modò vires id permittant. Quod etiam monuit Hippocr. aph. 21. Α' δὲ ἀγνὸν οὐκ ἂν μάστιγα ῥέπη ταύτη ἀγνὸν, διὰ τῶν ἐνυμφιρόντων χαρίων. Cum enim Medicus sit minister naturæ; ut in omnibus eam, dum rectè agit, imitari debet: ita etiam eas purgandi vias eligat, ad quas ipsa natura vergit, & propensionem habet; modò ea loca sint conuenientia. Conuenientia autem loca sunt, per quæ natura aliàs rectè agens noxia euacuat, quæ natura idcirco ignobiliora fecit, & viis ac meatibus donauit, atque cum reliquis coniunxit, ut per ea humores inutiles expurgari possint. Inconuenientes autem viæ sunt, partes nobiles, & quæ meatibus ad purgationem destituuntur: sicut & partes, quæ imbecilles sunt, & affectu aliquo præter naturam obsidentur. Partes enim tales à transitu prauorum humorum facilè læduntur. Cum autem duæ sint viæ, per quas ea, de qua hactenus egimus, purgatio institui possit, vna, per quam fit vomitus; altera per aluum: videndum, quando hæc vel illa commodior sit. Per vomitum autem commodè euacuantur humores, qui apti sunt, & ratione loci, in quo subsistunt, & suæ naturæ ad ventriculum ferri, seu qui ad superiora vergunt: per aluum verò, qui iisdem de causis ad intestina

3.

Purgatio nimia quomodo inhibenda.

An liceat dormire sumpro medicamento purgante.

Locum, per quem fieri debet purgatio, quid indicet.

Per vomitum quando purgandum.

stina ferri solent, seu qui ad inferiora vergunt. Per vomitum scilicet commodè euacuantur humores, qui in ventriculo gignuntur aut resident; ut & ij, qui in liene, canis iecoris, & pancreate continentur. Vnde fit, ut non raro ex his locis crassissimi, & maximè contumaces humores, qui aliis medicamentis extirpari non potuerunt, euacuentur, & diuturni, qui ab iis pendent morbi curentur. Nam in his, quàm in acutis, arte concitatae vomitiones vtiliores sunt. Humores verò qui in partibus inferioribus subsistunt, per aluum commodiùs euacuantur. Deinde vomitu rectiùs expurgantur humores tenues, calidi & biliosi: utpote qui leuiiores sunt, & facile sursum aguntur. Crassi verò & frigidi, ut grauiiores, faciliùs per aluum educuntur. Monstrat autem naturam humoris euacuandi habitus corporis, vnde Hippocr. 4. aph. 6. iubet, τὸς ἰχνοὺς καὶ συμμέας ἀνω φαρμακεύειν, ὑποσπασσομένους χειρῶν. Graciles autem hic non intelligendi sunt, qui tales ob morbum, vigilias, aut inedia euaserunt, sed qui natura tales sunt, ob temperaturam calidiorem & sicciorē. Hi enim, cùm bile abundant, per superiora etiam sunt purgandi; cùm bilis sursum plerumque vergat: modò vomendi promptitudo accedat, & hyems non adsit. Nam eo tempore in corporibus etiam alias biliosis pituita colligitur, quæ ad inferiora tendit, & plerumque in inferiore ventre hæret: neque etiam bilis frigore impediēte ad superiora liberè ferri potest. Qui verò corpore sunt obesiore, crassos humores habent, & propterea commodiùs per inferiora purgantur, ut docet Hippocrates, 4. aph. 7. Τὸς ὃ δυσσμέας, inquit, καὶ μέσας εὐσαρκούς κάτω, ὑποσπασσομένους δέξου: nimirum qui corpore sunt paulò habitiore, & qui iam ultra εὐσαρκίαν progressi sunt, & carne abundare incipiunt, hi, cùm pituita potiùs, quàm bile abundant, & ob pondus omenti & musculorum abdominis, non nisi laboriosè & cum violentia, nec sine periculo rupturæ alicuius vasis in thorace, præcipuè si ob pectoris angustiam ad vomendum apri non sint, vomant, per inferiora potiùs purgandi sunt. Cùm tamen hi extremè obesi non sint, & interdum in iis præsertim in æstate, bilis colligi possit, tum temporis per inferiora commodè non purgantur. Deinde humorem, & proinde etiam locum purgationis monstrat tempus anni. Hinc Hippocrates scribit, 4. aph. 4. φαρμακεύειν δέρεθ' μὲν μᾶλλον τὰς ἀνω, χειμῶνος δὲ τὰς κάτω. Æstate enim bilis flaua calidior; humores abundant, & ob calorem omnia in corpore nostro sursum tendere videntur: hyeme verò pituita potiùs superat, quæ grauis est, & naturā deorsum tendit. Quod autem lib. de salubr. diætæ 14. dicitur, sex hybernis mensibus vomendum esse, id Galeno etiam in com. explicante, solum de pituita, quæ in ventriculo colligitur, intelligendum est: ea enim vomitibus expurganda. Si verò vniuersum corpus purgandum sit, de quo iam agimus, ex sententia, aph. 4. sect. 4. æstate per superiora, hyeme per inferiora purgare conuenit. Naturam quoque humorum, & quò vergant, monstrant symptomata, ut docet Hippocrates, 4. aphor. 17. 18. 20. 4. enim aphor. 17. inquit Hippocrates, Ἀπύρετον ἔοντι ἀποσιτίμ, καὶ καρδιωγμός, καὶ σποτόδιον, καὶ εὐμαεπικρούμενον, ἀνω φαρμακεύειν δέιδται σημαίνει, quò quatuor symptomata enumerat, quæ si adsint, biliosum humorem ad os ventriculi vergere significant. Bilis enim si sit in ventriculo, caliditate sua immoderata ventriculi temperiem naturalem corrumpit, eius tonum laxat, & inappetentiæ causā est. Eadem acredine sua mordet & rodit os ventriculi. Ab eadem vapores in caput efferuntur, qui spiritus in cerebro turbant & obfuscant, atque ita tenebrosæ vertiginis, in qua non solum omnia in gyrum agi videntur, sed etiam tenebræ oculis offunduntur, causā esse solet. Denique quando interior ventriculi tunica, quæ œsophago, faucibus, & ori

communis est, bile suffunditur, aut à vaporibus biliosis inficitur, oris amaritudo accidit. Et proinde hæc symptomata cùm bilem in ventriculo arguant, etiam purgationem per superiora necessariam esse monstrant: modò febris absit, in qua ob motum materiæ symptomaticum, vel ob κρίσιν instantem hæc symptomata oriantur. Nam si ex motu materiæ symptomatico hæc accidentia fiant, humor per superiora non est euacuandus, sed potiùs deorsum retrahendus. Si verò ob κρίσιν instantem hæc symptomata accidunt, naturæ motus anticipandus & turbandus non est. Aph. verò 18. ait: Τὰ ὑπὸ τῶν φρενῶν ὀδυμήματα, ὀκῶσα κατὰ δέξιους δέονται ἀνω φαρμακεύειν δέιδται σημαίνει, ὀκῶσα ὃ κάτω, κάτω. Molestiæ enim & dolores supra diaphragma seu circa os ventriculi, aliasque diaphragmati vicinas partes humoris sursum vergentis signum sunt; qui propterea etiam per superiora expurgandus: modò purgatione indigeat, seu talis sit, qui purgatione tolli possit. Si verò sub diaphragmate, ut in parte inferiore ventriculi aut intestinis, molestias creet, per inferiora expurgandus est. Quod etiā in specie docet, aph. 20. dum ait: Ἀπύρετοι σπινέσσιν καὶ χύηται σπύρον, καὶ γυνάτων βάρθ' καὶ ὀσφύθ' ἀλγῆμα, κάτω φαρμακεύειν δέιδται σημαίνει: quò speciatim illos dolores, qui infra diaphragma sentiuntur, recenset, nempe σπύρον, seu tormina & contorsionem quasi ventris & intestinorum, præcipuè circa umbilicum; deinde genuum grauitatem & lumborum dolorem, qui accidit ex humore crasso & graui in venis & visceribus abundante, & pondere suo per venæ cauæ ductus & musculos ad genua aut lumbos tendente. Et si verò interdum etiam in febribus humores à calore fusi ad hæc loca inclinent: natura tamen post coctionem aliò eos vertit. Quapropter hoc loco febricitantes eximit Hippocrates. Videndum tamen & hic diligenter, quid virtus permittat vel prohibeat, quæ per varia signa patefit. Primò enim considerandum, an æger ad vomitum facilis sit. Nam δυσσμέας seu difficulter vomentes à vomitu arcere conuenit, ipso etiam Hippocrate, 4. aph. 4. ita censente. Cùm enim talibus non nisi à vehementissimis medicamentis vomitus moueri possit: facile ex eius violentia vena aliqua in pectore rumpi posset. Postea considerandum, An ventriculus, aut aliqua pars eorum, quæ vomitu moueri, & ad quas humores, aut saltem vapores vomitu concitari possunt, debilis & affecta sit: tum enim à vomitu abstinendum. Hinc eos, qui ventriculi aut oris eius, faucium vel cernicis doloribus, tussi, pectoris vlceribus, aut angustia, vel sanguinis sputo obnoxii sunt, aut actu laborant, ut & quibus stomachus altejatus, aut saltem acuto sensu præditus est, & omnino qui, ut est apud Hippocr. 4. aph. 8. φθινώδες sunt, sicut, & illos, quibus facile ex quauis occasione caput dolet, à vomitu abstinere decet. Inprimis autem consuetudinis ratio habenda. Antiquis vomendi consuetudo vñtatissima erat: qua de causā etiam vehementia vomitoria faciliùs ferebant. Nostri autem temporibus & regionibus vomendi illa ratio non ita vñtata est. Quapropter etiam in ciendo vomitu cautiore simus, diligentèrque consideremus, quando vñtiter moueri possit, quando verò adhibenda sit per alium purgatio. Quæ certè plerumque commodior est. Nam natura ipsa viam hanc, per intestina scilicet ad excrementorum ejectionem parauit, eaque idcirco ignobiliora fecit. Imò etiam breuior & rectior à corpore vniuerso ad intestina via est, quàm ad ventriculum. Nam plures & patentiores venæ mesaraicæ ad intestina, quàm ad ventriculum tendunt. Denique minores ad alui defectionem, quàm ad vomitum, vires requiruntur.

CAPVT X.

De recta Administratione Medicamentorum purgantium.

Et

An Purgantia cum cibo sint exhibenda.

DE tempore exhibendi purgantia hætenus satis dictum; illud saltem hîc non prætereundum videtur, in purgatione, quæ *αεγυλάξως* gratia instituitur, ut in aliis morbis, ubi nullum in mora periculum, instituenda, Astrologos de diebus ad purgandum accommodatis eligendis quædam præcepta tradere, quæ videantur apud Origanum in *Introduct. part. 3. cap. 12.* Qua de re & illud monet Amat. Lusitanus, *Centur. 5. curat. 22.* Lunâ ad oppositum veniente morbos rebelles, & quibus humores eradicatu difficiles insunt, rectè sîmè purgantibus euacuari. Eo enim tempore humores natura sua pharmaco resistentes Lunæ caliditate subleuari, rarefieri & expulsionem paratos pharmacis obedire, & sic facîle purgari, & à medicamentis vinci. Horam quod attinet, danda medicamenta purgantia manè hora 4.5. vel 6. Si quod tamen sit, quod eo tempore impedit purgationem, aut citius purgationem exhiberi postulet, etiam alia hora propinari potest. Impediunt autem Paroxysmi, si manè infestent, ut in duplicibus tertianis sæpe accidere solet, quæ si manè ægrum inuadunt, vesperi exhibendum medicamentum, præcipuè tempore æstiuo, cum eo tempore æstus diei temperetur. Impellit verò ad purgandum vrgens affectus, qui præsens periculum minatur, quo casu non differenda purgatio, sed etiam vesperi instituenda: sumpto medicamento purgante, quatuor, quinque vel sex horis post sumptum medicamentum à cibo abstinendum. Quæ forma potulenta exhibentur, calida exhibeantur, non frigida vel tepida. Tepida enim ventriculum laxant, & facîle nauseam pariunt; frigida ventriculum etiam offendunt; calida verò minus offendunt, & facilius in actum deducuntur. Quia verò pleraque purgantia facîle nauseam pariunt, ne euomantur, nares obtuendæ, ne odor percipiatur, panis assus aceto madidus naribus admouendus, sumptoque medicamento, cydoniati buccella, aut cortex citri, aut aliud, quod saporem medicamenti obscurer, masticandum, vel vino os colluendum, & frigus ac ventus postea cauenda. Si tardius purgatio succedat, motione & ambulatione actio medicamenti acceleranda; modò natura morbi & virium robur ita admittat, iuxta præcept. Hippocr. 4. *Aphor. 14. & 15.* Si nihil omnino educatur & medicamentum actione sua frustrari videatur, glans supponatur vel clyster iniiciatur. Sin contra accidat, ut purgatio sit nimia, somnus quiesque imperanda, iuxta consilium Hippocrat. in aphorismis modò allegatis. Aut si hæc non sufficiant, abstergens exhibendum ex decocto hordei & syrupo rosarum simplicis infusionis & postea exhibendum diacydonium, conserua rosarum rubrar. antiqua & similia adstringentia, vel etiam theriaca propinanda, quæ purgantis medicamenti vim hebetat, & humorum impetum ad exteriora ducit. Extra verò vnguenta & emplastra adstringentia ac roborantia, ut cerot. stomachal. Emplastrum de crusta panis, de baccis lauri & similia adhibere vrile est. Et hîc omnino ea usurpare licet, & necessarium est, quæ aliàs in ventris profluuiis usurpari solent. Reliqua, quæ de recta administratione purgantium medicamentorum dici possunt, tribus hîc quæstionibus includere liber. Primò inualuit non solum apud vulgus, sed & apud Medicos nonnullos ea consuetudo, ut medicamenta purgantia cibis

admisceant. ægrisque permittant, ut inter prandendum vel cœnandum potum medicatum, pharmacisque purgantibus permistum usurpent. Quod cum ab aliis improbetur, quid hac in re statuendum sit, disquirere operæ pretium fuerit. Atque si rationem facti quis ab iis, qui purgantia cibis admiscent, requirat, multas rationes non audiet, nisi forsitan istas adducant, palato ægri inserui; purgationes tales blandas esse, vimque ac impetum medicamentorum, quem ægri debiliores non ferunt admistis alimentis aliquomodo infringi. Sed autoritate præclarorum Medicorum ad id se persuasos esse dicunt. Hippocrates enim, 2. *de rat. vict. in acut. text. 11. & 12.* ita scribit: *Et quæ in sorbitionibus dantur medicamenta purgantia, soluere possunt, quæcumque scilicet non valde insuauia sunt, vel propter amaritudinem, vel aliam quampiam incunditatem, vel quantitatem, vel calorem, vel suspicionem aliquam. Vbi autem medicamenta quis ebibit, prisanam protinus sorbendam data.* Et Galenus, 5. *de tuend. sanit. cap. 9.* senibus ad ciendam aluum mercurialeu herbam, & marinam brassicam, & cnicum in prisana dare iubet. Et, 13. *meth. med. c. 15.* Hepatis cauo inflammato vacuat, cnico cibis admisto, & vitica, & mercuriali, & epithymo, ac filicula; tum verò valentioribus etiam partim in prisana incoctis, partim tulsis, & cum prisana exhibitis. Et Aetius, *tetrab. 1. serm. 3. cap. 57.* in cibo medicamentum optimum esse dicit iis, qui naturaliter aluum habent adstrictum, fortassis & iis, qui ex morbo se colligunt, insuperque iis, qui ex diuturno morbo laborant; & talia, *segg. capitib.* non pauca describit. Contrarium qui statuunt, etiam pro sua sententia rationes, atque illustrium Medicorum authoritates adducunt. Medicamenti enim, aiunt, vis à cibo obtunditur; ipse cibus à medicamento, & humoribus, qui attrahuntur, inquinatur & corrumpitur; eius coctio impeditur; nondumque coctus, stimulante medicamento, expellitur; metusque est, ne aliqua excrementa cibo admista in hepar & venas distribuantur, aut ipse cibus non satis coctus vel etiam corruptus aliquid incommodi in iis procreet. Et cum Hippocrates, 2. *de rat. vict. in acut.* in media purgatione sorbitionem dare prohibeat, ne, ut Galenus, in præcedentis textus explicatione, ait, vis medicamenti purgantis exsoluatur: multò magis inter initia, & cum purgante medicamento exhibitum alimentum vim medicamenti infringet. Ita & P. Ægineta, *lib. 7. cap. 6.* medicamenta purgantia homini ieiuno & probè facta coctione exhibere, & abstinere à cibo iubet usque ad perfectam purgationem. Et Aui-cenna, *fen. 4. lib. 1. doct. 5. cap. 5.* suadet, ut qui purgans sumpsit, non comedat vel bibat, donec medicina suam perfecit operationem. Et ista, quæ pro posterioris partis sententia adducuntur, omnino euincere existimamus, electiue purgantia medicamenta cibo non esse admiscenda; neque rectè fieri, si quis in ipso prandio vel cœna medios inter cibos purgantia in potu seu quocunque modo assumat, sed rectissime purgantia medicamenta ieiuno & vacuo ventriculo exhibenda esse. Interim nihil prohibet, medicamenta illa lenientia & *εὐκοπρωτικά* dicta paulò ante cibum exhibere; cum illa penitus in corpus non penetrent, sed cum febibus alui detrudantur, & primas vias saltem abstergant. Quæ autem pro altera parte adducta sunt, nihil aliud probant, quàm ab antiquis quidem potus & sorbitiones quasdam purgantes usurpatas fuisse, & adhuc usurpari posse: Verùm non tam nutriendi gratiâ, & alimenti loco, quàm ut medicamenta gustui gratiora, atque ventriculo acceptiora facerent, vel ut mare ia alimentosa medicamenti malitiam emendaret, vel loco quoque vehiculi esset, ut facilius ad remotiora penetraret, & ne orificium ventriculi læderetur, medicamentum abstergeret, & secum ad fundum ventriculi deduceret. Propinarunt autem has potiones, & adhuc propinadæ sunt

non cum cibo, verùm sine cibo atque ante cibum, & quidem nunc longiore, nunc breuiore spatio ante cibum, prout medicamentum fortius vel leuius fuerit, vt maiore quantitate, vel minore assumatur, & procius, qui assumpsit medicamentum, conditione: de qua pluribus agere huius instituti non est. Atque ita Aëtius etiam vinorum & aliarum potionum purgantium multa genera describat, *tetrab. 1. sermon. 3.* tamen illas ante cibum, *cap. 58. & 62.* ante prandium, *cap. 69.* exhibere iubet. Vnde & tales potus *εσπερίματα* appellabantur, qui hoc nomen inde acceperunt, quod ante cibos biberentur. Si verò præterea aliquid purgantis medicamenti cum ipso cibo reliquo exhibitum fuit ab Antiquis; vt à Galeno 5. *de tuend. sanit. cap. 9.* factum videtur, id non purgandi gratia factum, sed vt iis, qui naturaliter adstrictam aluum habent, & communia ciborum excrementa retinent, atque facile non reddunt, aluus saltem emolliretur, & nonnihil laxior redderetur.

Eccoproctica quando exhibenda. Ante prandium vult. Valleriola.

[Aluum lenientia & lubricantia pharmaca non diu ante cibum exhibenda esse, alibi dictum. Verùm dubium hoc adhuc occurrit, an talia medicamenta, vt cassia, manna, aloë, & similia, commodius ante prandium vel cœnam exhibeantur. Francisc. Valleriola, *Enarrat. 2. cap. 5.* Italos Medicos reprehendit, quibus vsitatum sit, eiusmodi lenientia pharmaca frequentius ante cœnam exhibere. Ipse verò ante prandium potius ea exhibenda esse docet, idque idè, quia primò, quæ proximè ante cœnam sumuntur, si ex lenium numero sint, vt concipiuntur, & in naturæ vsus transeant, promptiora sint, quod scilicet somnus accedens, innatum calidum roborans, vegetiusque reddens, coctionem valentissimam molitur. Deinde quod experimento compertum sit, cassiam, & id genus alia, non nisi cibo multo grauata, deorsum ferri, aluūque ducere, in cœna autem multò minor ciborum copia, quàm in prandio, summi iubeatur; vnde fiat, vt leuiori assumpta cœna, si ante eam quodpiam tale medicamentum sumatur, aut nihil, aut parum moueat. Et propterea consultius putat, ante prandium exhiberi talia; cum & plussculum e bi eo tempore citra noxam assumi contingat, vnde grauatum medicamentum citius aluum ducet, & calor in exteriora corporis diffusus ob vigilias, neque in interiora reuocatus, vim pharmaci deiectionem superare non poterit, atque tum suæ naturæ relictum, & à cibo comprimente, & calore mediocri adiutum aluum facillimè ducet.

Contra ante cœnam Septalius.

Contrariæ sententiæ est Ludouicus Septalius, qui *animad. Medic. lib. 3. num. 5.* docet, ad aluum lenientiam, & excrementa, quæ in intestinis cumulantur ex quotidiano cibo, subducenda, talia medicamenta lenientia, & quidem in minori quantitate, ante cœnam potius, quàm prandium exhibenda esse. Sic enim cibum emollientem & lubricantem reddi, & ferculum illud liquidum, aut iusculum, medicamentosam induere qualitatem lubricantem, & selecta à natura parte nutriente, reliquum, quod ad intestina transfunditur, & fæces contentas emollire, & tunicas intestinorum lubricare, neque crudum subduci; quod cum non fiat, nisi celebrata coctione, post somnum fieri solere: idque millies se expertum esse scribit, & Medicos Mediolanenses suo exemplo cognouisse, ac hoc modo vnc. dimid. aut etiam drachm. duabus, sæpe numero maiorem excrementorum copiam educi, quàm si vnc. vna, aut etiam vnc. vna cum dimid. per horam ante prandium exhibeatur.

Sententia Aupris.

Atque ipse etiam Septalio potius quàm Valleriolæ hic assentiendum puto, atque idem experientia me docuit, & rationes persuadent. Nam cum in somno non fiat distributio ciborum tanta, vt de die, medicamenta illa hærent in primis viis, neque quicquid eorum cum cibo in penitiora corporis rapitur, vnde & aluus plus

humectatur, & plurima excrementa ab iis colliguntur, quæ paulò post somnum copiosius euacuantur; cum natura aliàs matutino tempore potius, quàm vespertino, fæces alui expellere soleat.

Nèque metuendum, quod timer Valleriola, vt superueniente somno, facilius à natura vincantur, & in cibum transeant talia medicamenta; cum & hora vna ante cibum sumantur, & somnus post cœnam duabus horis differatur, nec cibi distributio ita fiat in somno, vt in vigiliis, neque dum satis probatum sit, coctionem in ventriculo fortiorè esse in somno, quàm in vigiliis; de quo suo loco dictum. Deinde nō cibi copiā grauata talia medicamenta detruduntur; cum cibis minùs largè post talia medicamenta, seu in prandio, seu in cœna sumantur, assumpta capiendus sit, sed à facultate intestinorum expultrice extrudantur, & intestinorū tunicis lubricatis & humectatis, minùs fortiter retinètur.]

Respo argur Valler.

CAPVT XI.

An liceat dormire, sumpto medicamento purgante.

Cum nō satis sit, vt Medicus rectè præscribat purgantia medicamenta, verùm etiam requiratur, vt æger in cibo & potu, somno & vigiliis, motu & quiete, rectè sese gerat, atque ea in re quotidie multum peccari soleat: secundò circa administrationem medicamentorum purgantium, illud non immeritò quaeritur; an sumpto medicamento purgante, dormire liceat? Nonnulli dormiendum esse statuunt, sumpto medicamento purgante; idque ea de causa: vt in somno medicamentum purgans in actum rectius deducatur, atque in halitus dissoluatur, qui per venas ad euacuandos humores ferantur. Contra P. Aegineta, *lib. 7. c. 6.* prohibet, ne qui purgans sumpsit medicamentum, ad perfectam vsque purgationem, dormiat. Et Hippocr. 4. *aph. 15.* iubet mouere corpus, quando elleborum citare, (*μαλλον εἰναι*) somnum verò conciliare, non mouere, cum sistere eundem voles. Alij distinctione vtuntur; sed non vnâ omnes. Auicennas, *sen. quarta primi. doct. 5. c.*, ita distinguit. Cum aliquis medicinam ventris solutiuam biberit: melius erit ei, si medicina fuerit fortis, vt super eam dormiat, antequam operetur, quoniam operabitur melius. Et si debilis fuerit, melius erit ei, ne super eam dormiat, quocunque modo fuerit. Quam distinctionem probat etiam Francisc. Valleriola. Hoc tamen addit: si venenosum & vehemens nimis fuerit medicamentum, vt scammoniata pleraque omnia, & quæ elleboro, & similibus constant, super ea minimè dormiendum esse; cum merus sit, ne, introrsum à somno reuocato calore, eorum noxia qualitas ad membra nobilia, & partes principes mittatur, venenūque latè disseminetur. Alij aliter distinguunt, & haustis purgantibus liquidis vigilandum esse censent; cum liquida citò dissoluantur, & citò operentur: sumptis autem pilulis & medicamentis duris, dormiendū esse statuunt, vt citius à calore per somnum aucto dissoluantur. Verùm vt quid statuendum videatur, dicamus: eos primò male sentire existimamus, qui post quodcunque medicamentum vacuans sumptum dormiendum putant: contra rectè dictum esse ab Auicenna, sumpto mitiore & benigniore medicamento purgante, non esse dormiendum; atque veram esse additam rationem: Naturam digerere medicamentum. Quanquam enim medicamenta à calore nostro in actum deducantur: tamen cum somnus, ad interiora reuocato calore, coctioni adiumento sit, euacuationes verò remoretur, præsertim illas, in quibus animalis facultas naturali inseruit, vt alui deiectiones, vomitusque: si medicamentum euacuans sit debilius & naturæ familiaris, facile fieri potest, vt à calore non solum in actum deducatur, sed & superetur, eiusque actio turbetur, atque euacuatio impediatur. Si verò constet, medicamen

An dormi pro medicamento.

medicamentum purgans non facile in actum deduci posse, atque ad id copiosorem calorem requiri, somnū aegris indulgendum esse statuimus; modicum tamen, qui saltem medicamenti actuationem, ut loquuntur, adiuuet, non verò euacuationem impediatur, postea verò à somno, donec absoluta & sufficiens facta sit purgatio, abstinendum esse. Quod temporis spatium cum definiri facile non possit, neque etiam ab aegris exactè obseruetur, utile quidem hīc Auicennæ, tutius verò P. Aegin. videtur esse consilium. Sed quænam causa sit, cur alia medicamenta facilius in actum deducantur, alia difficilius, & proinde post quæ dormiendum sit, de eo quoque non planè consentiunt autores. Alij illa, quæ fortiora sunt, purgantia in actum non facile deduci opinantur: alij verò solida, qualia sunt catapotia, magis resistere, & difficilius, in actum deduci, liquida verò facilius existimant. Verum rectè scripsit Vallesius: Non video; cur idem sit, pharmacum aliquod esse vehementis actionis, & esse difficilis deductionis ad actum. Videmus enim sæpe corpora, quo sunt debiliora, caloremque imbecilliorē obtinent, eò citius moueri à purgantibus. Pilularum etiam soliditas tanta semper non est, quin non plerumque in exiguo humido liquefcere, atque ita medicamentum actioni caloris naturalis patere possit. Rationem itaque aliam huius rei quærere ita conabimur. Cum non totum illud, quod medicamenti nomine appellatur, purget, verum aliqua saltem eius pars, quæ separatâ reliquum corpus nullam vim habet purgandi, sed (ut de rhabarbaro Mesues, lib. 2. c. 15. iam olim docuit, atque eo extractionum modum adumbravit) iam quasi exanimatum vi purgatrice tota, aut propè tota, priuatur; atque hanc vim purgandi etiam in infusionibus & coctionibus à corpore suo crassiore in aliis facilius, in aliis difficilius separari videamus: idem etiam in corpore nostro fieri, credibile est, atque vim illam purgantem, cum ea medicamenti parte, cui inhæret, ex aliis minori, ex aliis maiori negotio extrahi, atque in quibus tenacius & fixius hæret illa vis purgans, maiore calore indigere, & tum somnum non nocere, modò non sit nimius, qui purgationem impediatur. Aliam tamen etiam reddi rationem posse credimus, cur post fortiora purgantia assumpta sit aliquandiu dormiendum. Purgantia medicamenta corpori nostro, præcipuè ventriculo, infesta esse, eumque vellere, unde nausea sequitur, sæpe etiam vomitus, certum est. Cum autem Medici sit, illa purgantium incommoda auertere, & Hippocrates, 2. de victu acut. text. 12. sumpto medicamento ptisanam protinus sorbendam det, ut, sicut Galenus, in comm. docet, qualitatem medicamenti temperet; atque, ut ibidem Galenus scriptum reliquit, quæ malitiam illius hebetare nata sunt, rectè admisceantur: non sine causa etiam post fortiora purgantia sumpta somnus admittendus videtur; ut nimirum à calore copiosiore per somnum malignitas medicamenti retundatur, & in somno illa, quam parit medicamentum, molestia minus percipiat, atque ita medicamentum sine noxa & molestia retentum in actum rectè deducatur, & operationem suam postea feliciter exsequatur. Neque vllum metuendum est in fortioribus illud ex venenositate periculum. Nam, ut docet Galenus, in 6. epid. 1. 5. purgantia non sunt verè deleteria & perniciofa medicamenta: & proinde ab iis idem periculum, quod ab alijs venenis, non impendere, si post ea assumpta somno indulgeatur;

de quo alibi differendi forsitan dabitur occasio.

CAPVT XII.

An post medicamenta purgantia sumpta
abluentibus & detergentibus
utendum.

Tertio non nouum hodie est, & diu iam apud Medicos in vsu fuit, aliquot horis post sumpta medicamenta purgantia iuscula abstergentia & abluentia exhibere. Quod an rectè fiat, à nonnullis in dubium vocatur. Reprehendit id L. Fuchsius, lib. 2. Paradox. cap. 8. & lib. 2. Instit. sect. 5. cap. 22. ac statuit, non post quæuis medicamenta purgantia ablundi vi præditis utendum esse, sed solum post ea, à quibus metus est, ne os ventriculi lædatur; atque id faciendum esse, mox sumpto medicamento purgante, vbi purgatio nondum cœpit. Atque hanc sententiam defendit Galeni, ex comm. 2. in lib. de vict. rat. in acut. text. 12. autoritate, vbi Galenus ad textum Hippocratis; Vbi quis medicamentum ebibit, ptisanam protinus sorbendam dato, hæc scribit: Maxime ventris ori, ut in ipsis purgantium medicamentorum potibus illesum maneat, consulere oportet. Nempe purgans medicamentum ipsum, quanquam exiguum sit, ad ventris quidem fundum peruenit. verum dum transit stomachum, & quacunque ventris sublimior pars, non qualitatem medicamenti purgantis modò, verum & substantia, quæ in transitu hæret, aliquid assumens, vehementer læditur. Ptisana igitur cremor superingestus commoditatem affert. Nempe & deorsum trahere, quod via adheret, & qualitatem medicamenti, quod his adheret partibus, tum temperare, tum permutare potest. Verum enimverò etsi illud non reprehendamus, & ex Hippocrate & Galeno libenter amplectamur, post fortiora medicamenta purgantia, à quibus metus est, ne os ventriculi lædatur, aliquid ptisanæ, quod ab ore & superioribus ventriculi partibus illud abluat, mox, antequam purgatio incipiat, propinandum esse; tum & hoc etiam concedamus, purgantis medicamenti operationem, talibus abluentibus assumptis, non temerè interrumpendam atque impediendam esse: tamen nihil quoque ob stare videtur, quin, absoluta iam ferè purgatione, talia iuscula & sorbitiones abstergentes & abluentes adhibeantur; imò commodum esse existimamus, ut id fiat. Nam utile est, antequam cibus assumatur, ut reliquæ medicamenti, & residuæ eius qualitates abluantur, & deorsum impellantur, atque nausea & tædium, quod à purgantibus excitari, & in cibo sumendo gigni solet, demulceatur & tollatur. Feri quoque facile potest, ut adhuc aliquid vitiosi humoris à medicamento attractum in ventriculo sit reliquum, quod cum assumpto cibo misceri, eumque corrumpere posset. Iusculo itaque sumpto, si quid tale in ventriculo reliquum sit, deorsum impellitur, atque è ventriculo expellitur.

An post purgantia abluentibus utendum.

CAPVT XIII.

De Euacuatione per Vrinam.

Atque ita doctrina de purgatione absoluta, reliqui, qui adhuc restant, vitiosos humores euacuandi modi, per vrinam & sudorem sc. adiciendi sunt. Per vrinam etsi præcipuè humor aquosus, qui ex potu superest, ac cum sanguine miscetur, atque oxyma & spūs est, euacuetur, & gibba hepatis pars, renes, vesica, & his inferuentia vasa purgentur: tamen etiam per eandem reliqui humores attenuati, imprimis serosi, pituita tenuior & biliosus humor euacuari, ac vniuersum genus venosum & arteriosum purgari potest.

per urinam
euacuatio in
quib. morbis
conueniat.

Cum autem, quæ urinam mouent, paulatim & sensim corpus euacuent: in illis morbis maxime conueniunt, in quibus sensim & paulatim materiam euacuare utile est: in quibus verò subita excretionem & confertim facta euacuatione opus est, in iis hæc vix prosunt, Non verò hoc loco prætereundum, discerni posse medicamenta urinam cientia & *διουρητικά* propriè dicta, ut etiam supra dictum. Urinam enim ciere quiddam genericum est, & plura sunt, quæ urinam mouent. Quædam enim id faciunt, quod tenuium sunt partium, & plurimum aquosæ materiæ suppeditant, quæ cum à renibus attrahitur, simul etiam humores in venis educuntur. Talia sunt vinum album, semina melonum, cucurbitæ, cucumeris. Quædam urinam mouent, quod vim abstergerendi humores, qui in renibus & viis ad eos sunt, habent. Sunt & alia, quæ vtrumque præstant, & aquositatem plurimam suppeditant, ac vim abstergerendi habent, quales sunt quædam aquæ thermales, *διουρητικά* autem propriè dicta sunt medicamenta calida & sicca, quæ vim habent incidendi, serosa à sanguine separandi, & humores fundendi, atque in aquosam substantiam mutandi. Neque quoties urinam mouere opus est, quodlibet ex his competit. Nam in renibus, vesica, & his ministrantibus partibus, si humores crassi euacuandi subsistant, competunt solum propriè *διουρητικά*. Nam si illa hic adhibeantur, quæ solum urinam augent, obstructions ita auferentur. Ita hydropicos iuuant *διουρητικά*: quibus si illa urinam mouentia, & quæ aquositates augent, quis velit propinare valde eos læderet. Sic etiam tum competunt *διουρητικά*, ubi in venoso genere hærent humores crassi: eos enim attenuare & per urinam educere valent. Quæ verò solum urinam mouent, aquosam suppeditando materiam, iis conueniunt affectibus, qui ex crassis & adustis humoribus sunt. Hos enim commixtione aqueæ substantiæ, fluidiores reddunt. In hoc tamen etiam auxiliij genere permittentia & prohibentia consideranda sunt. Vires quidem facile hanc euacuationem ferre possunt, cum non tantum earum robur, ut ad venæ sectionem, purgationem aut vomitum requiratur: modo ita adhibeantur, ut plus commodi, quam damni inde in ægrum redundet. Itaque primò humores euacuandi perpendendi. Humor enim multus & copiosus, crassus item, viscidus ac glutinosus, commodè per urinam non euacuatur: nam metus est, ne sui copia & crassitie, dum ad vias angustas ruit, eas obstruat, & sibi & aliis transitum intercludat. Quapropter cum vel in vniuerso corpore, vel circa hepar multi humores prauis hærent, prius per alium instituenda est purgatio. Conueniunt etiam minus diuretica calidis & siccis affectibus; ut febribus ex calidis humoribus, tabidis & macie confectis. Diuretica enim calefaciendo & siccando malum auferent. Neque etiam urinæ prouocatio utilis est, si renes, vesica, & huic euacuationi destinata vasa ac viæ vel exulceratæ, vel inflammatæ sint, aut simili vitio laborent. Non enim conuenit, humores redundantes in reliquo corpore ad partem aliquam affectam & debilem mouere. Tempus autem propinandi medicamenta urinam cientia quod attinet, sciendum, in morbi initio ea vix conuenire. Nam cum in morbi principio materia plerumque sit copiosior, & crassior ac glutinosior, quæ utiliter per urinam euacuari non potest: commodum est, differre hæc medicamenta, donec materia nonnihil minuta sit vel extenuata. Commodissime autem adhibentur urinam mouentia ante cibum & ventriculo vacuo; præcipue calidiora. Nam si post cibum talia offerantur, metuedum, ne crudos cibos secum in venas rapiant.

Diuretica
propriè dicta.

Permittentia
& prohibentia
euacuationem per
urinam.

Tempus ex-
hibendi euacu-
antia per
urinam.

CAPVT XIV.

De Euacuatione per Sudorem.

Tandem si natura per has vias, quas hactenus exposuimus, materiam morbificam expellere commodè non potest, aliam adhuc habet, per quam eam euacuet, nimirum poros cutis, per quos non raro concitatis sudoribus noxios humores expurgare solet. Sudor etenim & ipse totum corpus euacuare potest. Etiam si enim primò è corporis ambitu & habitu euacuat: humores tamen etiam è reliquo corpore, & primò quidem è venis arteriis maioribus, deinde & aliis partibus omnibus euacuare potest, è quibus nimirum humores commodè ad venas, & hinc ad ambitum corporis propelli possunt. Nam ex cavitatibus ventriculi intestinorum, vteri & similib. commodè ad habitum corporis non detruduntur; & sunt alæ viæ, per quas ex iis longè facilius euacuantur. Non solum autem corpus vniuersum, sed pars etiam aliqua sudore euacuari potest, ubi obsidetur humoribus vitiosis. Docuit enim Hippoc. 4. aph. 3. 8. qua parte sudor apparet, ibi morbum esse. Idem autem humor, qui per urinas euacuatur, etiam per sudores expelli potest. Humor nimirum aquosus. Hic enim non totus à renibus attrahitur, sed portio quædam eius, ut eo sanguis quasi diluatur, & commodius in totum corpus distribui possit, relinquitur in venis, qui postea munere suo defunctus, vel insensibiliter exhalat, vel per sudores è corpore emittitur. Deinde quoque per sudorem euacuari potest humor quilibet tenuis, biliosus; sicut & alij si attenuentur: sicut videmus naturam in febribus è putridis humoribus quibuscumque etiam utiliter sudores mouere, & morbi reliquias per eos discutere. Vnde etiam in inueteratis & frigidis affectibus, ut destillationibus diuturnis, paralyti, ischiade, & aliis articulorum doloribus sudores utiliter arte prouocantur. Videndum tamen etiam hic, quid vires permittant. Efficax enim hoc est remedium, & vires robustas requirit; cum apertis cutis spiraculis spirituum & calidi natui aliquid dissipetur: & certè, nisi dextrè adhibeatur, vires deiecit, corpus dissoluit & tabefacit, morbumque & symptomata augere & multiplicare potest. Inprimis calidi & biliosi minus & non diu ferunt sudores, neque calida valde ipsis conueniunt, cum in iis facile per vehementiora diutius adhibita; aut calidiora sudorifera, hepatis aut aliorum viscerum intemperies, febres, & totius corporis extenuatio sequi possit. Prohibet etiam sudoris prouocationem materia multa: metus enim est, ne ad cutem delata exigua eius spiracula occludat, & ita putredinem vel gignat, vel augeat. Quantum quod attinet, videndum, ne simus nimij in sudore prouocando. Sudor enim, si nimis copiosus sit, vires valde labefactat, corpus exsoluit & tabefacit. Quapropter sæpius modocriter sudores mouere commodius est, quam vno, qui modum excedat, vires prostertere. Quod & ipsum natura facit, quæ vniuersam materiam vno sudore non expellit, sed pluribus. Aptum autem, ut ex superioribus patet, sudoribus prouocandis tempus non est principium morbi. Tunc enim plerumque humores sunt multi & crassi, & ita non apti, qui per sudores euacuantur. Ideoq; post vniuersalem corporis purgationem & in morborum declinatione, sudorifera adhibere commodius est. Nam cum sudor tenues & fluxiles magis humores expellat; metus est; ne, si vniuersalis purgatio non præcesserit, tenues solum humores euacuentur, & crassi in corpore relinquantur, atq; ita difficilior postea fiat purgatio. Tempus particulare verò si consideremus, tum aptissimè est sudores prouocare, quando cibum iam concoctus est. Sudor enim si prouocetur crudis humoribus in venis hærentibus, ij in vni

Sudor
bus par
euacuat

Qui ha
per sud
euacuat

Permitt
euacua
per sudo

Quantu
per sudo
euacuat

Quo tem
morbis su
prouocant

in vniuersum corpus raperentur, vnde plurima mala sequi possunt. In morbis accessiones habentibus tempus commodius est paroxysmi declinatio. Nam sic Medicus naturam auxiliatricem habet, quæ & ipsa humores ad ambitum corporis tunc trudit. Inprimis verò vtiliter adhibentur medicamenta sudorem cientia in pestilentibus morbis, & omni maligna materia, per quæ maximo ægrorum commodo maligna, pestilens ac venenosa materia ab interioribus & cordi vicinis locis ad ambitum corporis propellitur, & per sudorem euacuatur. Sudorifera autem, quæ in talibus morbis adhibentur, sint è numero ἀλεξίφάρμακων, vt simul venenum infringere ac debilitare possint. In quibus exhibendis opus non est omnes illas conditiones, quæ in aliis morbis in ciendis sudoribus necessariæ sunt, obseruare, cum pestilentium ac venenatorum humorum longè alia; quàm aliorum, sit ratio: Cum enim venenata, maligna ac pestilens materia nullam coctionem & præparationem recipiat, & nisi mox euacuatur, hominem in certum vitæ discrimen adducat: statim in principio morbi sudorifera illa alexipharmaca adhibenda. Neque etiam virium debilitas nimium metuenda. Nam cum vires à venenata malignitate opprimantur: tantum abest, vt, posteaquam per sudores venenum expellitur, vires debilitentur, vt etiam post sudores, veneno discusso, vires plerumque reddantur fortiores. Non solum autem manifestè & sensibiliter humores è toto corpore euacuari possunt, sed etiam obscurè & latenter per διαφύσιν ac digerentia seu discutientia; quo modo & flatus discutiuntur ac dissipantur. Verùm cum infra hac de re c. 22. dicendum sit, ea, quæ hinc considerari videntur, inde peri possunt.

CAPVT XV.

De particularibus Euacuationibus.

VT verò in toto corpore, & publica eius regione humores vitiosi cumulantur: ita & in priuatis partibus iidem coaceruari possunt, qui & ipsi euacuandi sunt. In cerebro si quid collectum sit vitiosi humoris, per duas vias euacuari potest; per nares, & per palatum. Per nares quæ euacuant cerebrum, sunt Errhina & Sternutatoria: quæ verò per os & palatum idem præstant, ἀποφλεγματίζοντα dicuntur. Errhina pituitam, quæ cerebro & meningibus circumfusa est, euocant, illarumque facultatem incitant, vt ad superflua eiicienda insurgat. Vnde in soporosis & diurnis capitis affectibus, in morbo comitiali, conuulsione, narium obstructione, odoratus difficultate vilia sunt. Sternutatoria fortiora sunt, cerebrumque irritant, eorumque vi humor etiam altius immerfus excutitur. De vtrisque hoc in genere notandum, talia non esse vsurpanda, nisi vniuersalibus præmissis, & toto corpore euacuato. Aliàs metus est, ne humores è reliquo corpore magis attrahantur. Alius quoque à cibus vacuus sit; atque ideo matutino tempore commodissimè adhibentur. Quæ verò errhinorum & prarmicorum sit materia, suprà part. 1. sect. 1. c. 18. dictum, & qua ratione ac modo parari debeant, infra part. 3. sect. 3. c. 30. dicetur. Α'ποφλεγματίζοντα verò etiam penitiores cerebri sinus atque ventriculos euacuant, atque insignem vsum habent in capitis diurnis affectibus, graui sopore, oculorum hebetudine, auditus difficultate, & linguæ resolutione. Non verò commodè adhibentur iis, quibus oris interiora, guttur, aut gula, aut larynx exulcerata sunt, & qui aliàs destillationibus ad fauces & pectus sunt obnoxij. In talibus enim potius materia à cerebro affluens aliò deriuanda, quam allicienda est. Quæ pulmones expurgant, expectorantia dicuntur; & quia per asperam arteriam è pul-

monibus humores sine tussi reici nequeunt, βήχια. Monendum tamen hinc, vt Galenus, s. de simpl. medic. fac. cap. 20. docet, βήχια dupliciter dici, alia, quæ tussim sedant; alia, quæ prouocant. Hic per βήχια intelligimus ea, quæ è pectore, mediante tussi, superfluos humores eiiciunt. Nullum enim datur medicamentum, quod primò sputum mouendi, humoresque è pectore educendi vim habeat: sed omnia, quæ pectus purgare dicuntur, id præstant, quatenus faciunt, vt tussi materia in pectore contenta promptè eiiciatur. Qualia ferè omnia sunt arteriaca, præsertim ea, quæ abstergant; incidunt, aut vtrunque expulsionem materiam præparant. Vt autem commodius humores per tussim euacuari possint, consistentia mediocres esse debent, nec nimis tenues, nec nimis crassi, vt Galenus, 3. de rat. vict. in act. 1. 2. docet. Nam qui aquosi sunt, & exquisitè tenues aërem, qui tussiendo extra mittitur, circumfluunt. Aër etenim tanquam manus quædam existit, quæ sursum crassos humores secum ferat. Itaque crassitiem humorum talem esse oportet, vt ab aëre sursum ferri possit; neque tamen etiam, vt lutum aut viscum, bronchiis illitam & infarctam esse oportet materiam. Itaque, vt, ibidem, docet Galenus, quæ ad educationem eorum, quæ in pulmone continentur, crassorum humorum futura sunt idonea medicamenta, moderatam humiditatem habere debent. Quod si viscosi fuerint humores, non humiditate solum opus est, verùm quoque ea, quæ ab acidis sit succis, deterfione. Quæ verò ad educationem materiæ nimis tenuis, qualis interdum è capite ad pulmones delabitur, faciunt, vim nonnihil incrassandi, & id, quod nimis tenue est, ad mediocritatem deducendi habere debent. De prioribus egregius exstat locus apud Al. Trallian. lib. 5. cap. 4. His omnibus, inquit, vtendum est, in quibus thoracem & respirationis particulas viscosi & crassi humores obstruunt infestantque: cauenda autem, quæ his valentiores vires obtinent. Hæ namque particula non requirunt ea, quæ efficacem habent actionem, præsertim in quibus pus exspuitur. Talia enim e contrario desiccant. Quare etiam, quæ urinam mouent, inimica sunt, cum spuri educationem è thorace impediunt. Nam ubi serosum per urinam trahitur, excrementa respirationis partibus infixæ agrè sursum duci possunt; præsertim ubi magis, quàm par est, torrentur & desiccescunt. Quapropter consulo, in quibus infarctus humor est, aut pus in thorace continetur, incisoriū quidem medicamentum exhibere, restinguere autem ipsius vim, ne valde calefaciat, siccetque, admiscendo ipsum succis quibusdam, aut liquoribus aliis simul incoquendo, aut temperando; magisque si ager sicciorē temperaturam, habitumque tenniorē habere videatur. Plerique adhuc tertium genus hinc addunt, ea nimirum, quæ tussim excitare valent, quorum alia acrimoniā & exasperando, alia illitu inæqualitatem pariendo id præstant. Verùm modò humores ad expulsionem apti sint, Natura eos non facile in pulmonibus tolerat, sed sponte ad expulsionem insurgit. Ventriculus euacuatur per vomitum & aluum; intestina clysteribus & medicamentis per aluum purgantibus; iecoris caua per aluum; gibba per urinas; renes & meatus vrinarij per urinas; vterus per menstrua. De quibus iam in vniuersali euacuatione dictum.

Expectorantia
& thoracem
purgantia.

CAPVT XVI.

De Sanguinis abundantia, Hirudinibus, Cucurbitulis, scarificatione, &c. minuenda.

ALterum caussarum morbificarum vitium est Quantitas, atq; ea, quæ caussarum morbificarum

Vitiū

Quantitatis
quid indicet.Quantitate
qua peccent.

rationem habere possunt, etiam causæ morborum sunt, quod quantitate peccant. Quapropter communis, quæ hinc sumitur, Indicatio est, ut id, quod abundat, imminuatur: id verò quod imminutum, augeatur. Verum cum non nisi id abundare dicatur, quod aliàs naturaliter adest; in corpore verò saltem sanguis, & quæ naturaliter proueniunt, excrementa cōtineantur: sanguis & naturalia excrementa hoc secundo modo causæ morborum fieri possunt; ut & lac & semen, ac præterea corporis partes solidæ & spiritus. Humor nimirum alimentosus, ut sanguis, sicut & lac & semen, si copia deficiant, augeri postulant. Si verò copia excedant, imminuenda sunt, donec ad naturalem humorum mensuram redeant. Quod de corporis quoque solidis partibus & spiritibus, ubi causæ morbi vicem subeunt, intelligendum. Si enim corpus ed obesitatis deueniat, ut muneribus obeundis ineptum sit, imminui postulat, habitusque ille corporis obesus ad naturalem statum actionibus obeundis conuenientem reducendus. Ita spirituum paucitas & defectus, cum grauissimorum malorum sit causæ, augeri postulat. Excrementa naturalia vix copia deficiunt, sæpe verò eadem excedunt. Verum cum excrementorum naturalium eadem, quæ humorum toto genere præter naturam, vacuandi ratio sit, de qua modò dictum; atque aliàs excrementa naturalia, si copiosius in corpore colligantur, faciliè corrumpantur, & toto genere præter naturam reddantur: hic saltem dicemus de sanguinis plenitudine tollenda. Plethora itaque si adsit & sanguis abundet, sanguis imminuendus, & qui abundat, euacuandus & tollendus. Cum enim quod præter naturam est, contrarium indicet; copiam verò & abundantiam sanguinis opponatur imminutio: sanguinis abundantia & nimia copia imminutionem indicabit. Verum cum Indicatio hæc sit generica, in ea non acquiescendum, sed ad specialem magis descendendum, & peccatum ac copia sanguinis perpendenda, hisque conueniens euacuatio instituenda, conueniensque sanguinis euacuandi modus eligendus est. Modi enim, quibus sanguinem minuimus, alij id valentius, alij debilius præstant. Leuius id præstant frictions, sudores, balnea, exercitium, inedia: valentius hirudines, hæmorrhoidum apertio, mensium prouocatio, cucurbitula, scarificationes. Maximè autem generosum & valens remedium est hæc venæ sectio. De his itaque sanguinem euacuandi modis dicendum. Etsi enim potius ad materiam remediorum pertinere hæc videantur: tamen cum Indicatorum specificorum cognitio sine materiæ, per quam administrantur cognitione plerumque obscurior sit; atque hæc hoc loco non quatenus sunt materiæ remediorum, sed potius, quatenus modos sanguinem vel debilius vel valentius euacuandi exprimunt, considerentur: prætermittenda hic non sunt. Frictions, sudores, balnea & exercitia quod attinet, vna ratione sanguinem imminuunt, quod calorem in corpore excitant, qui substantiam corporis nostri dissoluit & dissipat. Inedia verò non per se euacuat, sed ea ratione humores & corpus imminuit, quod nihil in locum eius, quod à calore absumptum est, reponit, necessariūque corpori alimentum denegat, quemadmodum Galenus, 2. aphor. 17. & aphor. 22. docet. Quia verò inedia vniuersum corpus æqualiter euacuat, tum requiritur, cum humor abundans non in vna parte sed vniuerso corpore abundat. Breuior tamen inedia humores è ventriculo & citra ventriculum primò euacuat. Quia verò sensim euacuat inedia, non utilis est, nec satisfacit indicationi, cum plenitudo subito tollenda. Requiritur etiam inedia, cum natura coctionem vel expulsionem vitiosi humoris aggredditur, quo tempore propterea Hippocrates, 1. aphor. 4. 8. 10. tenuissimo victu vti iubet, ne na-

Plethora
quid indicet.Modi san-
guinem euacuandi.

tura ab opere suo ad coctionem cibi auocetur. Vbi requiritur inedia, perpendendum est, an toleretur. Toleratur autem, ubi vires validæ sunt, quæ etsi nonnihil imminuuntur, non statim deficiunt, id quod in imbecilibus accidit. Ad quas reliqua omnia, quæ inediam prohibent, referenda sunt, ut temperatura corporis calida & sicca, quæ cum bile abundet, in inedia ea augetur & acrior fit, ad ventriculum confluit, eiusque orificium vellicat. Constitutio corporis calida & humida, quæ faciliè dissipatur, habitus corporis gracilis. Ex rebus præter naturam non admittit inediam morsus in ore ventriculi, vomitus, alui profluuium, Hirudines cum pungendo venas aperiant, sanguinemque exsugant: ea ratione etiam sanguinem imminuere possunt. De quarum electione, præparatione, applicatione, & remotione hic nihil dicimus; cum ad materiam *χρησισμῶν* pertineant, & de eo supra, hoc libro part. 1. section. 2. capit. 7. dictum sit: de earum usu in sanguine immittendo hic agemus. Aperiendo autem ora venarum & sanguinem exsurgendo, sanguinem per se & sensibilter, paulatim tamen & sensim, euacuant. Quæ ratione & totius corporis plenitudinem imminuere, & variarum partium affectibus, quibus applicantur, succurrere possunt. Non enim solum venas paruas per habitum corporis sparsas, sed etiam magnas, si iis apponantur, aperiunt, & nunc maiorem, nunc minorem sanguinis copiam euacuant, prout magnæ vel parvæ venæ apponuntur. Quapropter etsi cucurbitulis cognatæ sunt: tamen multò minori molestia euacuant. Sugendo enim hirudines sanguinem attrahunt: cucurbitularum verò attractio longè violentior & vehementior est. Cum minore tamen illa molestia plus ad sanguinem imminuendum facere videntur, quàm cucurbitulæ; cum hirudines naturaliter sanguinem appetant: cucurbitulæ verò sæpe loco sanguinis aquosos saltem & serosos humores extrahant. In applicatione itaque earum videndum, an totius corporis euacuandi gratia, an verò propter affectum alicuius partis priuatum eas adhibeamus: ut ita commodo loco applicari possint. Nam si ob vacuationem totius adhibentur, magnis & prominentibus venis in cruribus & brachiis sunt applicandæ, vel hæmorrhoidibus: de quo etiam postea. In prægnantibus tamen brachiis solum applicandæ: in quibus etiam in genere magis probantur hirudines, quàm cucurbitulæ. Sic pueris quoque, si magno & acuto aliquo morbo corripiantur, neque tamen venam scalpello aperire liceat, hirudinibus venis brachij appositis auxilium ferri posse, plures existimant. Arque adeò in vniuersum nonnulli docti viri censent, partem pristini vigoris arti Medicæ reddi posse, si hæc quoque in usum reuocentur. Ratione autem peculiarium affectuum variis locis, prout hæc vel illa pars afficitur, sunt applicandæ. Hæmorrhoides in nonnullis corporibus, viris frequentius, rarius mulieribus, natura aperit, & per eas certis temporibus, perinde ut in foeminis menstruo circuitu per vteri venas, sanguinem, præcipuè, fœculentum & melancholicum effundit. Itaque ad naturæ imitationem hæmorrhoides etiam interdum referare licet; inprimis si crassior sanguis abundet: earumque apertio venæ sectionis vicaria esse potest; si antea sanguinem profundere sint consuetæ, nunc verò eundem retineant. Aliàs enim in iis aperiendis vix cum aliquo commodo laborabit Medicus: nisi forsitan hirudinibus apposis aperiantur: quarum ad hæmorrhoides applicationem ut extollit, non tantum in iis, quibus earum fluxus consuetus est, sed etiam in iis, qui cum nunquam expecti sunt: ita remedij fœditatem vituperat, & ut illud vitent, Medicos hortatur

Hiru

Hæmorrhoides.

To. Thomas Minadous. Sunt autem hæmorrhoides duplices, aliæ externæ & circa anum conspicuæ, quæ extremitates sunt venarum, quæ à caua prodeunt & in anum desinunt. Internæ verò & extra non apparentes, sunt extremitates venarum intestini recti, à vena portæ originem ducentium. Videndum itaque quasnam aperire conueniat: cum non ex his aut illis apertis idem planè commodum sperari possit. Et si enim utræque cum iecore cohæreant, & vniuersum corpus euacuare possint: tamen externæ, quæ à caua oriuntur, ad plethoram minuendam, sicut & affectus renum, vteri, dorsi, coxendicum, capitis, aliisque omnes, qui ex vena caua principium habent, curandos, commodius aperiri possunt: Sicut in affectibus melancholicis, iis imprimis, qui ex hypochondriis proueniunt, affectibus iecoris, lienis, mesenterij, internas aperiri vtilius est. Aperiantur autem externæ frictio-nibus cum foliis ficus, pannis asperis, hirudinibus appositis, succo cepæ, succo centaurij aut cyclaminis, felle porcino, vel bubulo, aut lintheis his succis imbutis. Internæ autem suppositorijs & clysteribus acerbis, &c. In iis tamen aperiendis cauendum est, ne sanguis nimis fluat. Nam facilè est, in talibus fluxionibus ægrum ad *ναρξίαν* deducere, si fluxus sit immodicus. Quapropter vtile est, vt paulatim sanguis fluat: quod commodè fiet per hirudines: de quarum ad hæmorrhoides applicatione modò dictum est. Mensium pro-uocatio etiam ad imminuendum sanguinem institui potest. Nam cum natura, menstruo circuitu, sanguinè superfluum in fœminis per vterum euacuare soleat, si sanguis ille supprimatur, corrumpaturvè, plurimi morbi inde fœminis accidere solent: à quibus etiam felicissimè liberantur mensibus iterum fluentibus, nature vel artis beneficio. Nam & natura interdum criticas euacuationes per menses feliciter instituit, vt etiam testatur Hippocr. at. 1. *epid. com. 2. part. 68. & 3. epid. ægrot. 10.* Naturamque in hac re imitari Medicus potest, mensèsque, si detineantur, citare. Qua in re hoc obseruandum est, vt in iis citandis eo tempore laboret Medicus, quo aliàs fluere solent. Alio enim tempore si id tentet, operam luserit. Natura enim in morib. suis certas periodos & stata tempora obseruare solet, neque nisi grauissimis de causis ea mutare solet, quæ & Medicus obseruare debet. Cucurbitulæ scarificatæ, vt & scarificationes, etiam sanguinem euacuant. Non enim idem esse cucurbitulas scarificatas, & scarificationem, suprà, *part. 1. huius libri, sect. 2. c. 7.* dictum. Sûntque cucurbitulæ scarificatæ materia remedij sanguinem per se sensibilitérque, sed paulatim, euacuantis. Qua de causa applicantur interdum propria ratione, interdum verò venæ sectionis sunt vicariæ. Propria ratione si applicantur, indicantur à vitio sanguinis non vehementi. Cum verò vicariæ sunt phlebotomiæ, adhibentur ob sanguinis vitium vehemens, quod quidem venæ sectionem postulet, quam tamen non admittunt vires debiles. Itaque in hoc conueniunt cum venæ sectione cucurbitulæ, quod sanguinem sensibilitér & per se euacuant. Nam & totum corpus, vt venæ sectio, euacuant, si sint numerosæ, profundæque scarificationes, sæpiusque adhibeantur: atque tunc venæ sectionis sunt vicariæ. Differunt verò etiam à venæ sectione; primò quidem in genere, quod non conferim, sed paulatim sanguinem euacuant: deinde in specie, quod cucurbitulæ, quæ non sunt numerosæ, scarificationesque habent non profundas, nec sæpius repetuntur, non totum corpus, sed solum partem, cui adhibentur, euacuant. Est tamen in hoc genere cucurbitularum etiam quædam differentia: aliæ enim plus, aliæ minus euacuant. Vbi enim magna & subita euacuatione, vel reuulsione opus, magnæ eam præstant; vbi parua minores commodæ sunt. Vnde Hippocrates, 5. aphor. 50. *Mulier si placet menstrua sistere, cucurbitulam quam maximam ad mammas appone.* Cu-

curbitulæ nimirum propriè sanguinem cutaneum euacuant: quia tamen sanguine è cute effuso aliud è venis maioribus in capillares & cutaneas effunditur: hac ratione etiam totum corpus euacuare dicuntur: si verò euacuatio illa sit parcior, ad totum non per-tingit. Et quia cucurbitulæ scarificatæ proximè sanguinem cutaneum euacuant: hinc euenit, vt plerumque tenuiorem sanguinem, qualis in venis minoribus continetur, euacuent. Si tamen accadat, vt etiam humores crassiores in cute hæreant, vt in scabiosis, & in aliis quandoque morbis accidit, illum quoque cucurbitulæ scarificatæ euacuare possunt. Atque ita cucurbitulæ scarificatæ ad sanguinem quemcunque è cute euacuandum vtilis sunt. Et cum cucurbitulæ attrahendo euacuent, commodissimus est cucurbitularum vsus in iis affectibus, in quibus non solum sanguinis euacuatio, quam tamen vires non permittunt; sed & vbi reuulsio aliqua requiritur: Vtrumque enim præstare possunt. Locum applicandi quod attinet, cum propria ratione adhibentur, vel ratione totius vel partis applicantur. Si ratione totius, partibus inferioribus applicentur: si ratione partis, ei, quæ hoc præsidium postulat. In grauidis tamen partibus non inferioribus, sed brachijs potius adhibendæ sunt. Cum autem sunt vicariæ phlebotomiæ, ignobilioribus partibus applicentur, vt cruribus: ne si nobili adhibeantur, nondum euacuato corpore, materia ad eam trahatur. Sed hæc de cucurbitulis euacuationis gratia adhibitis, intelligi volumus. Nam quibus partibus reuulsione & deriuationis gratia sint adhibendæ, suo loco dicetur. Verum & simplex sine cucurbitulis scarificatio sanguinem euacuare potest; quâ in suris frequentissimè hodie Ægyptios vti, suprà allegato loco dictum est. Adhibetur autem scarificatio, vt cucurbitulæ scarificatæ, interdum propria ratione, interdum vt sit vicaria venæ sectionis. Vbi enim sanguinem ob vires venâ sectâ euacuare non licet: tum scarificationes sine spirituum dissolutione, ac vitium deiectione sanguinem, præsertim tenuem, euacuare possunt, & venæ sectionis vicariæ sunt. Instituuntur autem illæ præcipuè quidem in cruribus; quâ ratione non solum euacuare, sed & à capite, ac partibus superioribus reuellere possunt. Quandoque tamen etiam in brachio vel dorso. Et vt facilius fiat sanguinis euacuatio, ante scarificationem partem fricare, ac spongiâ aqua calente madidâ fouere, vtile est. Propriâ verò ratione adhibentur, vbi ex parte aliquâ saltem euacuare propositum est. Ita quandoque, vbi ad locum inflammatione laborantem sanguis non amplius fluit, & suppurationem impedire, aut indurationem materiæ prohibere volumus, scarificatio adhiberi potest. Frequentissimè verò adhibentur scarificationes, vbi materiam aliquam acrem, malignam, & venenatam euacuare cupimus, ne retenta ægrum in periculum coniiciat. Ita in bubone pestilenti, in carbunculo, in morib. & ictibus animalium venenatorum scarificationes adhibere, non solum vtile, sed & necessarium est. Nisi enim materia hoc modo è corpore euacuetur, sed in eo retineatur, ad interiora penetrat, ægrumque in vitæ discrimen adducit. Idem faciendum in gangræna, ne ichores humoresque corrupti ad partes sanas ser-pant, easque etiam inficiant, & corrumpant. Et quidem sæpe numerosa, & profunda scarificatione opus est, vbi ex profundioribus partibus humor malignus euacuandus est. Tandem & antiqua vlcera, ac labra eorum callosa scarificare sæpe necessarium est. Cum enim praua humoris in parte Qualitas ac dispositio in talibus vlceribus curam difficilem reddat: is

per scarificationem euacuari potest,
eoque euacuato curatio postea
facilior redditur.

Scarificatio-
nes.

CAPVT XVII.

De Venæ Sectione.

Superest adhuc de venæ sectione, quæ maximè efficax ad euacuandum sanguinem remedium est, tractatio. De qua etsi hoc loco ea saltem ratione agendum sit, quatenus sanguinem copiâ peccantem euacuandi & imminuendi vim habet: tamen cum de venæ sectione doctrina, vt vtilissima & maximo-perè cognitione digna est, ita variis quæstionibus & controuersis inuoluta sit: operæ pretium nos facturos existimo, si de vniuersa venæ sectionis vi & utilitate hîc agamus. Magni momenti est quæstio: Quando venæ sectio sit adhibenda; seu, quid illud sit, quod fructum & utilitatem, quæ ex venæ sectione oritur, (dum enim de venæ sectione agimus, non solum tunicarum venæ apertionem, sed ipsum ex solutione illâ prouenientem fructum accipimus) requirit & postulat; & quo præsentē venam aperire licet, quo verò absente, idem tentare integrum non est. De qua variæ variorum sunt sententiæ, quas omnes examinare longioris operæ foret. Ex hac vt nos expediamus, hoc primo loco statuendum est: Venæ sectionem non esse vnum aliquod Indicatum, sed materiam remedij, quæ pluribus Indicatis utilis est. Nam cum vnum non nisi vnum indicet: venæ sectio verò diuersis vitiis succurrat, vt postea dicetur: vnum etiam Indicatum, quod ab vno aliquo Indicante suggeratur, non erit, sed potius materia diuersorum Indicatorum & remediorum. Vt enim vnus Indicatus possunt esse multe materiæ: ita vna materia diuersis Indicatis utilis esse potest. Vt autē, quoniam sint Indicantia, quibus venæ sectio satisfacit, inueniamus: de vîbus, quos habere potest venæ sectio, inquirendum. Sunt verò duo generales venæ sectionis vsus, materiam sanguineam vacuare, & per accidens, dum sanguinem caloris vehiculum detrahit, refrigerare. Vacuando rursus duo præstat. Nam & sanguinem corpore tollit, & humoribus in venis cursum & imperum quendam conciliat. Priori modo & sanguinem vitiosum tollere, & eundem solâ copiâ peccantem imminuere potest. Posteriori modo reuellere, sanguinemque in partem irruentem retrahere, & deriuare, eumque, qui influxit, mobilis tamen adhuc est, ad vicina trahere potest. Vt ita omnino quinque præstare possit venæ sectio, nimirum, sanguinem corruptum euacuare, sanguinem imminuere, reuellere, deriuare, & refrigerare. Verum etiam si hæc omnia præstare possit venæ sectio: tamen an horum omnium gratiâ commodè, tutò, & vtiliter adhiberi possit, autores vehementer dissentiunt. Quapropter de his venæ sectionis vîbus singulatim disquiramus. Et primò quidem, An vtiliter sanguis, qui non ob copiam, sed secundum substantiam, quia corrumpitur & putrescit, naturæ inutilis redditur, venâ apertâ euacuari possit, non ita apud omnes planum est. Rectius tamen illos sentire censemus, qui etiam sanguinem vitiosum ac putrescentem venæ sectione euacuandum statuunt. Nam cum venæ sectionis natura sit euacuare, & euacuando sanguinis vitia tollere: cur non etiam sanguini, vt corrumpitur & putrescit, vitiososque humores admistos habet, subuenire possit, causa euidens nulla subest. Etenim cum in venis sanguis, & reliqui humores vitiosi, cum adsunt, confusi sint, apertâ venâ cum sanguine vitiosi illi humores simul effluunt. Atque ita lenata, vt ait Galenus, 1. 1. *meth. med. c. 15.* quæ corpus nostrum regit natura, exoneratâque eo, quo velut sarcina premitur, haud ægrè quod reliquum est vincet. Itaque proprii muneris haud oblita, & concoquet, quod concoqui est habile,

& excernet, quod potest excerni. Et quidem venæ sectio in principio morborum tum locum habet, cum purgatio non semper tutò in principio institui possit. Accedit his & illud, quod natura in febribus plerumque non exiguum portionem materiæ vitiosæ ad extrema, & maiores illas subcutaneas venas propellere soleat. Vnde videmus plerumque prima vice sanguinem deteriore effluere. Hac tamen in re quouique sanguinis corruptio processerit, perpendendum & quid vires ferant. Nam si sanguis nimis corruptus est, & ratione causæ, (cum hoc modo in cacochymiam exquisitam degenerauerit) & ratione signi (cum vires imbecilles denunciet) venæ sectio non competit: sed potius per deiectiones alui, vomitus, vrinam, sudores, is euacuandus est. Si verò mutari incipiat sanguis, nec dum in alium humorem excrementitium planè degenerauerit, venæ sectione euacuandus est, non purgatione; cum non detur, quod specificâ vi id facere possit, pharmacum. Cuius sententiæ patronum habemus Galenum, 4. *de tuend. san. 4.* & 6. *Epid. Com. 3. p. 43.* & *alibi.* Euenit quoque, vt sanguinis copia, quæ antequam æger in morbum incideret, illi oneri non erat, postea, vbi à morbo & calore febrili æger debilitatur, eidem oneri sit. Sanguinem deinde copia peccantem quod attinet, etsi & aliis ingeniis imminui possit: generosum tamen ad illum imminuendum remedium esse venæ sectionem, nemo, credo, est, qui neget. Rectèque venæ sectio & in ea plethorâ, quæ respectu vasorum, & in illa, quæ respectu virium dicitur, adhibetur. Sanguinem enim imminuendo illud, quod antea metuebatur, rupturæ vasorum, aut suffocationis caloris innati periculum tollit, & naturam onere, quo premebatur, liberat. Ex his, quæ de prioribus his duobus vîbus venæ sectionis diximus, quid de illa vt vulgata, ita maximè inter autores controuersa quæstione, An in cacochymia mittendus sanguis sit, sit uendum, manifestum euadit. Patet enim hinc, cacochymia, quatenus cacochymia, non competere venæ sectionem. Etenim sanguinis vitiis emendandis & materiæ sanguineæ euacuandæ solùm destinata est venæ sectio, vt cacochymia purgatio. Quapropter ratione vacationis conuenit venæ sectio, primò quidem in plethorâ exquisitâ: deinde in plethorâ nothâ, ex sanguine sola copia peccante, putrescente tamen, vt in synocho cum putredine: postea etiam in plethorâ nothâ, in qua alius quidem humor excedit, cum sanguine tamen simul abundante, siue plethorâ hæc habeat adiunctam putredinem, siue non habeat: Denique in cacochymia nothâ, in qua alij à sanguine humores abundant, qui tamen à naturâ sanguinis non multum recedunt. In cacochymia verò exquisita venæ sectionem adhibere non licet: sed potius ea euacuatio instituenda est, quæ humoribus vitiosis propriè debetur, qualis est purgatio. Nam cum tres sint præcipuæ cacochymia sedes, prima corporis regio, venæ, & habitus corporis, ex nulla harum commodè cacochymiam venæ sectione tollere licet. Ad primam enim regionem illam & sentinam corporis nullo modo pertingit venæ sectio; nisi corpus omni sanguine exhauriatur. Nec si pertingeret eò, commodè id faceret; cum vitiosos humores in venas raperet, sanguinemque bonum inquinaret & corrumpere. Si verò cacochymia sit in venoso genere: ea, vt diximus, euacuatione potius tollenda est, quæ vitiosis humoribus debetur, qualis est purgatio. Hæc enim ad defecandum sanguinem utilis est, vitiososque solùm humores euacuat, & sanguinem ab his purum reddit: quod cum venæ sectioni denegatum sit, vtpote quæ sanguinem probum simul cum malis humoribus educit, cacochymia minus competit. Cum enim ea euacuatio solùm utilis sit, quæ, qualia oportet, euacuat, vt est apud Hippocr. 1. *aph. 2.* & Galen. *ibid. in com.* & solùm humorem noxium, non alium pro eo, vt bilem pro pituita, aut pituitam pro bile tollit:

in caco

Quid venæ sectionem postulet.

Venæ sectio est materia remedij, non indicatum.

Vîsus venæ sectionis.

Sanguis putrescens an venæ sectione euacuandus.

Vina sanguinis imminuere.

An in cacochymia mittendus sanguis sit.

in cacoehymia certe venam secandam non esse, cuius manifestum euadit, utpote quæ peccantem humorem nec totum, nec solum euacuat, sed vñ sanguinem bonum. Qui cum in cacoehymia illa, de qua loquimur, paucus sit; multum verò adsit malorum humorum: vel minima etiam boni sanguinis detractio non parum nocuerit. Imò non raro venæ sectio solum bonū sanguinem sine prauis humoribus educit. Si enim vitiosus humor hæreat in aliquo loco, qui longius paulò à venâ, quæ aperitur, abest: proculdubio solum bonus sanguis, & vix aliquid malorum humorum simul euacuabitur; cum, data porta, humores quibus obuij soleant effluere. Denique ei, quæ in habitu corporis est, cacoehymia plerumque irritò conatu adhibetur venæ sectio; quod non facile in habitum corporis receptos humores in venas reuocare possit. Et si id præstare posset: hoc modo tamen sanguis bonus inquinaretur, reuocatis ab habitu corporis in venas vitiosis humoribus, quos facilius & commodius erat per cutis spiracula euacuare. Ex quibus omnib. manifestum sit, cacoehymia, quatenus cacoehymia, venæ sectionem non comperere. Et quamvis Galenus, alique autores in morbis ex vitiosis humoribus ortum habentib. adhibeant interdum venæ sectionem; id tamen non faciunt, ut per eam cacoehymiam tollant; sed vel ob adiunctam plenitudinem, suppressamque aliquam consuetam euacuationem; vel particularis alicuius plenitudinis gratia, apertis iis, quæ peculiarem cum parte affectâ consensum habent & communionem, venis; ut in capitis plenitudine, & venarum, quæ in ipso sunt, à sanguinis copia distensione, venis frontis: vel reuulsionis gratia, de qua ut iâ agamus, ordo postulat. Tertiò itaque ob reuulsionem adhibetur venæ sectio. Estque ad sistendas fluxiones humorum, præcipue contentorum in venis, summè efficax remediū, & ad præsentem aut impendentem fluxionem rectè vsurpatur; sicut etiam dum ruptis, apertis, & exesis venis, humores foras feruntur. Apertâ enim venâ sanguinis impetus ad contrariam partem conuertitur & retrahitur. Eodem modo etiam sanguinem, qui in partem iam influxit, nondum tamen ei impactus, sed adhuc fluxilis est, in propinquo apertâ venâ ad vicinam deriuari posse, apud omnes in confesso est, nec dubitationem aliquam habet. Et si interim non negemus, etiam aliis modis hæc fieri posse, præsertim si fluxio sit extra venas. Verùm plura de Reuulsionem & Deriuationem suo loco dicentur: satis est hoc loco dixisse, venæ sectionem etiam reuulsionis & deriuationis gratiâ comode adhiberi posse. Ultimo loco per accidens etiam refrigerare venæ sectionem diximus. Verùm et si & hac facultate polleat venæ sectio: tamen si sola adsit intemperies, quæ aliis remediis corrigi possit, nec aliud sanguinis vitium coniungatur, quod etiam venæ sectionem postulet, refrigerantibus potius medicamentis vtendum est. Si sanguis ita tamen ferueat, ut subitam refrigerationem postulet, quam alia medicamenta fortè præstare non possint, aut aliud sanguinis vitium coniungatur, cui eadem operâ subuenire possit venæ sectio: etiam hac de causâ venæ sectionem adhibere licet. Ex his, quos venæ sectio habet, vñbus facile colligere est, quæ sint Indicantia, quibus inferuit venæ sectio. Cum enim contraria contrariis curentur, atque hæc quinque efficiat venæ sectio: sanguis dum vel putrescit & corrumpitur, vel peccat copiâ, vel cum impetu ad aliquam partem ruit; vel parti incumbit, vel vehementer feruet, venæ sectionem postulat, ut materiam remedij, quæ omnibus his Indicationibus satisfacere potest. Verùm nondum ex his venæ sectionis natura planè pater. Cum enim in his sanguinis vitiis gradus occurrant, non semper his præsentibus competit venæ sectio, sed etiam aliis modis iis mederi possumus. Verbi gratia, si adsit plethora, nec tamen ita magna: venæ sectio non instituenda, cum hirudines,

cucurbitulæ, scarificationes possint sufficere. Quapropter illud inquirendum, quod venæ sectionem ab aliis remediis, etiam sanguinem euacuare valentibus, discernat. Hoc autem nihil aliud est, nisi ipsa magnitudo vitii, seu affectus magnitudo ex sanguine. Nam cum inter sanguinem euacuantia venæ sectio sit præstantissimum & maximè efficax remedium: tum solum his sanguinis vitiis competit, cum habent adiunctam magnitudinem, & tum solum aperienda est vena, cum magnum adest sanguinis vitium, quod subitam solutionem postulat, & ita vrget, ut, nisi protinus tollatur, agro maximum periculum impendeat: quod solum præstare potest venæ sectio, quæ confertim sanguinem euacuat. Vnde & Galenus inter scopos venæ sectionem requirentes proponit morbi magnitudinem: non quod morbi magnitudo reuera venæ sectionem indicet; quod nonnulli recentiores summis viribus defendere conantur: sed quod sit signum, quod vehemens sanguinis vitium indicat. Ut enim in sanis grauitatis sensus plenitudinem insignem sanguinis arguit: ita in ægris morbus vehemens sanguinis peccantis vehemens vitium indicat. Præter hoc cum venæ sectionis vis saltem ad sanguinem fluxilem, nondumque parti impactum extendatur, sanguinis etiam mobilitas requiritur. Vnde tandem concludimus; Indicans, cui, mediante Indicato, ut materia auxilij, conuenit venæ sectio, esse vitium vehemens sanguinis fluxilis, qui vel secundum substantiam corrumpitur, vel peccat copiâ, vel in aliquam partem ruit, vel alicui incumbit, vel nimium feruet. Itaque vbicunque adhibetur venæ sectio, necesse est, adesse vitium vehemens sanguinis fluxilis, vno vel pluribus ex quinque dictis modis peccantis: & vbicunque vitium tale vehemens sanguinis fluxilis adest, venæ sectio indicatur. Hæc tamen solum de sanguine, dum ut causâ principalis peccat, intelligenda esse existimat Capiuaccius. Interdum enim sanguinem ut causam sine qua non, & ut adiuuantem peccare, ac tum etiam venæ sectionem requirere docet. Ut causam sine qua non peccare, dum loco alicui topicum aliquod calidum applicandum est, atque metus est, ne sanguis eò confluat atque inflammationem pariat: item in febribus non sanguineis, ut tertianis; in quibus cum bilis non possit euacuari sine calefactione, sanguinem, ne incalescat, euacuandum esse. Ut causam adiuuantem peccare, quatenus in febribus ad focum earum & partem imbecillam confluit. Verùm enimvero et si his, quæ recensuimus, præsentibus venæ sectio indicetur: tamen quod ad ipsam executionem venæ sectionis, non semper his præsentibus, venæ sectio ipso actu adhibenda, sed etiam permittentia consulenda sunt. Nam cum venæ sectio confertim sanguinem euacuet, simulque aliquid spirituum exhauriat, atque ita vires debilitet: videndum etiam, qua ratione vires sese habeant. Si enim sunt fortes, venæ sectionem permittunt: sin autem debiles, eandem prohibent. Viriumque hinc non solum præsentium, sed futurarum habenda est ratio. Nam etiam si vires tunc, cum de venâ aperiendâ deliberatio incidit, validæ sint: tamen nisi spes sit eas in futurum duraturas, vena aperienda non est. Virium autem ratio primò quidem ex trium illarum substantiarum, quibus corpus nostrum completur, constitutione æstimatur; nimirum ex spirituosâ, solidarum partium seminali, & carnosa substantia. Deinde ad virium robur faciunt tria illa membra principalia, Cor, Hepar, & Cerebrum, quæ corpus nostrum quasi regunt, spiritus ad actiones necessarios omnibus partibus communicando. Vnde nonnulli vires in insitas & influentes diuidunt. Insitas illas quod attinet, ad spirituum & præcipue partium solidarum seu seminalium constitutionem respiciendum; quæ si sint imbecilles, etiam si partes carnosæ bene

*Indicans
adequatum
venæ sectionis.*

*Permittentia
venæ sectionem.*

Vires.

bene se habeant; à venæ sectione abstinendum. Contra, etiam si secundum partes carnosas quædam sit imbecillitas, modò reliquæ rectè se habeant, venam aperire licet. Vnde Galenus, ut est, *lib. 6. Epid. sect. 3. aphor. 29.* mulieri etiam valde emaciatae venam aperuit. Influente autem vires, seu quatenus in trium facultatum, Vitalis, Naturalis & Animalis robore consistunt, quod attinet, respiciendum præcipuè ad facultatem vitalem, utpote quâ læsâ reliquæ vnâ læduntur; cum cæteris læsis hanc mox affici necessarium non sit. Ab hac naturalis facultatis robur spectandum; cum eius imbecillitas, ut & vitalis, pessima sit, eiusque robur omnibus partibus sit necessarium, sicut cordis. Cerebri verò vltus et si ad vitam necessarius valde sit; in ægrotis tamen huius facultatis non tantum, ut aliarum, robur requiritur; cum non sit opus omnibus neruorum ac musculorum operâ vti. Itaque in venæ sectione huius robur aut infirmitas minus æstimanda; magis autem robur facultatis naturalis; omnium maximè vitalis. Atque hac solâ formâ sanguinem detrahare licet; debili verò, et si aliæ vires constent, non licet. Verum enimverò cum vires duplici modo possint reddi infirmæ, primò si ab humorum copiâ grauantur opprimunturque; deinde cum ab euacuatione aut simili causa resoluuntur deiciunturque: in posteriori saltem imbecillitate prohibetur venæ sectio. Nam imbecillitas, quæ à grauantur humorum copiâ prouenit, tantum abest, ut venæ sectionem prohibeat, ut etiam eam, si quis alius affectus, maximè requirat ac postulet. Cætera omnia, quæ, præter vires, venæ sectionem permittere aut prohibere dicuntur, eâ saltem ratione id faciunt, quatenus nimirum virium firmarum aut debiliū signa sunt. Ætatem enim primò quod attinet, permittit venæ sectionem ætas florens, seu quæ inter pueritiam & extremam senectutem media est; non sui ratione, sed quòd in his ætatibus constituti virium maius robur habere soleant. Neque enim qui ætate florent, si læsqueant, venæ sectionem sustinent. Prohibent eandem pueritia & vltima senectus. Pueros quidem quod attinet, cum eorum corpus sit humidum & rarum, adiunctumque calorem habeat, qui spirituum & substantiæ vtilis per meatus corporis patentiores vacuationem & dissolutionem indies molitur, insignem vacuationem, qualis venæ sectio, sine virium iactura ferre non possunt, & si omnino sanguinis euacuationem requirunt, aliis mitioribus remediis id tentare consultius est. Ideoq; Galenus & Græci non ausi sunt ante decimum quartum ætatis annum venam secare, quanquam magnus morbus vrgeret. Arabes verò in hac re audaciores fuere, & Auenzoar filio suo septenni sanguinem mittere ausus est: quem Latini quidam Medici imitati sunt. Trincauellius *de ratione curandi particul. hom. corp. affect. lib. 2. c. 10.* refert, Venetiis & Patavij Medicos quosdam valde teneris infantibus venam aperuisse, verum se id nunquam probasse; cum id præter rationem fieri videretur, & sæpe etiam malus illius rei, euentus sequeretur; & licet aliquando res bene succederet, id potius bonæ fortunæ, quam rationi attribuendum fuisse. Vltima verò senectus ad venæ sectionem inepta est, ob vires, quæ in ea, propter spirituum & caloris innati inopiam, debiliores sunt. Nam in extrema senectute constitutis si venam aperias, euenit plerumque, ut detractò sanguine vis, quæ in illis supererat, emoriatur. Hoc tamen de ætate in genere tenendum, cum ea non per se, sed virium vel præsentium vel futurarum interuentu, venæ sectionem permittat aut prohibeat: non hîc tam annorum numero, quam habitui ac virium robori attendendum esse, videndumque non solum quandiu quis vixerit, sed quantum adsit virium: Cum fieri possit, ut septuagenarius facilius ferat venæ sectionem, quàm alius nondum annos sexaginta natus.

[Quòd ætas puerilis & senilis ob debilitatem virium venæ sectionem non admittat, apud Medicos pleròsque in confesso est: aliqui tamen audaciores etiam in his ætatibus venas aperiunt, ut, supra dictum. Inter eos non immeritò numeratur Zacutus Lusitanus, qui non solum, in *Prax. Med. Admir. lib. 3. obseru. 3.* refert, se puello quadrimo, febre calidissima laboranti, sanguineo, eadem die bis venam aperuisse, & postea adhuc quinquies sanguinem emisisse, & puerum onere sanguinis leuatum septimo die sudore iudicatum fuisse: & *ibid. obser. 5.* scribit, se sæpius venæ sectionem in senibus adhibuisse, in octogenariis multoties, in ætate 85. annorum septies, in nonagenariis bis solum; sed & *de Med. Princ. histor. lib. 1. histor. 80. quæst. 47.* prolixè probare conatur, quòd etiam infantibus duos annos natis, imò septimo sextoque mense, vena aperiri tutò possit: & Medicos Septentrionales oscitantæ arguit, quòd in mittendo sanguine in pueris ante 14. annum adeò timidi sint, & plures ægrotum acutis morbis correptos perire sinant, qui sanguinis missione seruari potuerint. Et in specie Hamburgenses Medicos reprehendit, qui sancitâ veluti lege caueant, ne ante annum ætatis nonum vena aperiat; cum sine venæ sectione etiam minoris ætatis pueri in inflammationibus internis, & acutissimis morbis seruari non possint. Imprimis verò eos taxat, qui in adultis in sanguine mittendo sunt timidiore, & inter eos Medicos in Septentrionalibus locis medicinam facientes, & quidem ea de causa, quòd homines in istis regionibus sunt robustissimi, sanguinei, rubicundi, quippe qui victu vtantur valentissimo, carnibus valde nutrientibus, & similibus, & cereuisiam sanguini generando satis aptam copiosius bibant.

Verum malo Doctiss. Trincauellio assentiri, qui *de rat. curand. aff. part. lib. 2. c. 10.* scribit, se in valde teneris venæ sectionem nunquam probasse, cum id præter rationem fieri videatur, & eius rei malus sæpe euentus sequatur; ac licet aliquando res bene succedat, id potius bonæ fortunæ, quàm rationi attribuendum sit. Vires in tam tenella ætate sunt nimis debiles, nec tam generosum auxilium ferre possunt; & habitus corporis est tener, ac facilè perspirabilis, cuius beneficio id, quod arte moliendum erat, sponte præstat, ut Galenus *meth. med. 1. c. 14.* docet, atque ita præcipuè accedente victu tenuiore & inediâ, sanguinis copia facilè minui potest. Eodem modo ob virium debilitatem nec in senibus semper rectè succedit venæ sectio. Cuius rei duo exempla ipse Zacut. Lusitanus, *alleg. loc. refert.* Nam, *obser. 54.* narrat, Medicum quendam iuniorem, dissuadente id altero Medico seniore, septuagenario cephalalgia laboranti venam aperuisse, & senem in ipso venæ sectionis actu animo defecisse, & mortuum esse: Medicum verò stimulis & fustibus agitatum cum pudore è domo recessisse. Et *obser. 56.* refert, in ægro quodam extenuato ac debili, febre laborante, Medicum quendam contra aliorum votum sanguinem subtraxisse, & post duas horas ægrum à febre immunem, exhausto calido, mortuum fuisse.

Quòd verò Zacutus Medicos Septentrionales reprehendit, quòd in mittendo sanguine parciores & minus audaces sint, id sine causa facit. Nam cum, ut ipse ait, differat pro natura locorum medicina, & aliud sit Romæ, aliud in Ægypto, aliud in Gallia medicinam facere: omnino, quod licet in venæ sectione in Italia, Hispania, Ægypto, India; non licet in Germania, & præcipuè locis magis septentrionalibus. Nam quod Hippocrates docet de anni tempore, *1. aph. 15.* Ventres hyeme & vere esse calidiores, &c. id omnino etiam de regionibus frigidis verum est. Et ut in *aphorism. eius explicatione*, diximus, ut tempore hyberno equidem ventriculus est calidior, & propterea plus

De 7
tion
fantib
SenibZacu
staniTrin
lius.Exem
le adh
vena
nu.Respon
obiectio
Zacuti
venas
ptentrio
bus.

plus cibi appetit & concoquit; in venis verò sanguis minus calidus cumulat; contra æstare in venis sanguis est calidior, ventriculus verò frigidior; ita etiam res habet in regionibus frigidis & Septentrionalibus. Etenim qui Septentrionalia & frigida loca inhabitant, ventriculos habent calidiores, & plurimo alimento utuntur: sanguis tamen in iis est minus calidus; cum frigus aëris ambientis venosum genus non parum alteret: contra, qui in locis calidis habitant, in iis sanguis in venis ob aërem non solum ambientem corpus, sed & qui inspiratione attrahitur, redditur calidior. Præterea cum septentrionales plerumque sint carnosissimi, maxima pars sanguinis in carnes absorbitur: contra qui in calidis regionibus habitant, plerumque minus sunt carnosissimi; propterea plus sanguinis in venis colligunt. Cum ergo in iis, qui in regionibus calidis habitant, sanguis & copiosus & calidus, ac spirituosus sit in venis, liberalius in iis sanguinem mittere licet; quod in Septentrionalibus, in quibus sanguis frigidior, ac minus spirituosus, imò nec tam copiosus est, imitari, tutum non est. Et experientia testatur, quam facile multi in hisce regionibus, qui etiam videntur robustissimi, si sanguis paulò copiosius emittatur, animo lignantur, vel etiam in alium morbum incidunt. Memini, cum adhuc Studiosus, Medicinæ operam darem, Medicum quendam, qui ex Italia nuper huc venerat, cuidam Studio, cui meo, pleuritide laboranti, non semel, sed aliquoties venam aperuisse, & sanguinem satis copiose emisisse. Vnde factum, ut æger quidem pleuritide liberatus fuerit, paulò post verò, hepate, ob sanguinis nimiam evacuationem, valde refrigerato, in hydropem inciderit: quo & obiit.]

Mulieres vterò gerentes quod attinet, eæ quoque non facile ferunt sectionem, non tam ob vires proprias, quam alienas, ut loquitur Capiuaccius, id est, fœtus. In gravidis enim non solum pro ipsius prægnantis nutritione; sed etiam ad fœtum alendum sanguis est necessarius; & maximè quidem postremis mensibus, in quibus maior fœtus copiosiore alimento indiget: tumque venæ sectio periculosior habetur, ut est apud Hippocratem, 5. aphor. 30. Si tamen sit magna morbi vehementia, aliæque id permittant, etiam venâ sectâ sanguis mitti, parcius tamen, in gravidis potest: cum observatum sit, multas gravidas à pleuritide, anginâ, aliisque acutis morbis, sine abortu, venæ sectione liberatas fuisse; præcipuè si sanguis abundet. Tum enim cum adsit sanguis copiosior, quam pro alendo fœtu sit necessarius, ex aliqua eius detractione non lædatur fœtus. Imò scribit Marcus Donatus, de hist. med. mirab. lib. 4. cap. 16. se novisse mulieres, quæ secta vena ab abortu præservabantur; cum eadem omissa abortum pati ob sanguinis copiam consuevisset: recitatque eo loci exempla huius rei plura, tandemque contrarium probare ratione conantibus illud Philosophi ex 8. Phys. cap. 4. obicit: Quærere rationem, ubi sensus fidem faciat, esse quandam intellectus infirmitatem. Vide etiam Amatum Lusitanum, Cent. 2. curat. 89. & Cent. 5. curat. 3. Et si quis omnino Aphorismum illum Hippocrat. 30. section. 5. urgeat, is illum de largiore illâ antiquis usitatâ sanguinis missione intelligendum sciat. Quam nec nos in gravidis probamus, neque etiam suademus, ut in grvida sanguine omnino paucò prædictâ vena aperiatur: sicut & illud observari volumus, ut non venæ partium inferiorum, sed in brachio potius; & eæ quidem, quæ minorem cum vtero consensum habent, aperiuntur. Tandem accidat sanè, quod tamen semper non fit, abortus: tamen sæpe etiam fœminæ quæ abortum faciunt, servantur; expeditque, fœtum potius solum, quam simul fœtum & matrem interire. Naturarum etiam proprietas, habitus corporis, & consuetudo consideranda. Quidam enim

largam sanguinis missionem citra noxam perferunt; alij moderatam tantum, alij ne minimam quidem sed vel ad sanguinis missionis mentionem expauescunt, & ad eam exsoluntur. Sicut nec in iis tuto administratur, qui aliàs animo facile deficiunt. Ut & in iis, qui venæ sectioni assueti non sunt, maiori cautione opus est: iis verò, qui tali evacuationi assueti sunt, tutius venam, cum opus est, atque alia permittunt, aperimus. Ex corporis autem habitibus, qui durus & densus est, nec facile dissolvitur, talem evacuationem rectius sustinet: at mollis, tener & rarus, quod dissolutioni obnoxius sit, ad venæ sectionem, & per eam sanguinis missionem, præcipuè largam, non ita aptus est. Huc pertinet etiam vitæ genus, quod si laboriosum sit, vires adeò confirmat, ut ferant sanguinis missionem multo facilius, quam ubi otiosum est. Obervandum quoque, qualis sit ambientis aëris temperies, & quâ ratione ab eâ corpus nostrum afficiatur. Si enim aer sit temperatus, cum in tali constitutione plerumque sit maior sanguinis copia, virēsque firmiores, tutius venam secare licet. Si autem calida & sicca sit eius constitutio, in eâ aut planè à sanguinis missione abstinendum, aut parcius, quam aliàs plenitudo requirat, adhibenda, cum talis constitutio corpus ac spiritus dissolvat, virēsque imbecilles reddat. Ita etiam in frigida valde aeris constitutione cautius instituenda venæ sectio. Nam metus est, ne corpus ante refrigeratum largâ sanguinis detractione nimis refrigeremus, calorque natius sanguine, à quo fouetur, destitutus, ab aere, & qui attrahitur, & extrâ ambit, nimis lædatur. Atque hæc, quæ de constitutione aeris dicta sunt, etiam de regionibus & anni temporibus, quatenus in his tales aeris constitutiones vigent, intelligenda sunt. Symptomata denique etiam consideranda sunt, videndumque, an tale aliquod adsit, quod venæ sectionem prohibere possit; ut sunt insignis aliqua evacuationio, vigiliæ, dolor, & similia, quæ spiritus ac substantiam corporis nostri dissipant, viresque resolvunt; nisi & ipsa venæ sectione tollantur. Nam si evacuationio tempore sanguinis mittendi accidat, aut acciderit, & quidem tanta, quantam sanguis evacuandus requirit: à venæ sectione omnino abstinendum, & naturæ res omnis permittenda. Sin minus evacuetur, aliquid detrahendum, ut conjunctis evacuationibus tantum evacuetur, quantum opus. Si verò paulo post vel criticam vel aliam consuetam evacuationem futuram existimamus, (menstruo enim spatio in fœminis per vterum sanguis evacuatur: aliis, statim temporibus, hæmorrhoides aperiuntur: aliis aliæ evacuationes familiares sunt) si non omnino abstinendum à venæ sectione, parcius sanguis mittendus est. Non minus abstinendum à venæ sectione, aut certè parcius sanguis mittendus, si dolore vires iam fractæ sint (si enim vires adhuc consent in magnis doloribus, cum ægri commodo largius sanguinem evacuari ipse Galenus testatur) si vigiliis, aut alio gravi symptmate æger infestetur, ne vires, quæ symptomatis illis prosteruntur, planè tandem deiciantur, & succumbant. Ita si os ventriculi ab humore quodâ acri, aut vomitione molestante, offendatur, venæ sectionem instituere non licet, nisi humor ille molestus tollatur, ac os ventriculi roboretur. Hoc enim nisi fiat, in maxima pericula ægri sæpe coniciuntur: testaturque Galen. 1. ad Glauc. c. 14. multos, qui ita affecti erant, interiisse, nonnullos ad extrema pericula redactos fuisse, cum Medici eos evacuare tentassent, intermissa oris ventriculi corroboratione. Ex his duarum quæstionum apud Medicos controuersarum solutio peti potest. Primò enim quæri solet: An in febribus malignis, apparentibus iam exanthematibus, vena sit secanda? In febribus malignis

Consuetudo.

Habitus corporis.

Vitæ genus.

Aëris constitutio.

Symptomata.

An in febribus malignis, apparentibus iam exanthematibus, vena sit secanda?

vtiliter

utiliter sæpius venâ apertâ sanguinem mitti posse, hîc extra controuersiam ponimus: sed de eo saltem quærimus, An apparentibus iam illis maculis, quas vulgò petechias, & febres inde petechiales nominant; sanguinem mittere liceat. De hac enim re alij aliter sentiunt. Qui omittendam, apparentibus iam exanthematibus, venæ sectionem existimant, eo plerique mouentur, quod metuant, ne venæ sectione motus ille naturæ, quo humores maligni ad ambitum corporis eiiciuntur, interturbetur, & natura in actione sua impediatur; quod summopere cauendum est, omninoque danda opera, vt maligni humores ad externa, & longissimè à corde diffusa amendantur. Alij contra in ea sunt sententia; si alia adsint, quæ venæ sectionem requirant, petechias tantum faciendas non esse; vt illarum ratione omittatur venæ sectio, neque ex venæ sectione rectè administratâ vllum oriri posse periculum. Quam sententiam cum vero consentaneam esse credamus, clarius explicandam censemus, & quomodo rectè accipienda sit, monstrabimus. Hoc verum est & certum; motus naturæ, si rectè sese habeant, non esse turbandos, & naturæ, si rectè agat, totum negotium esse permittendum, & meritò Hippocrates, 1. aphor. 20. iubet, τὰ κενόρροια, καὶ τὰ κενόρροια ἀρτίω: μὴ κινεῖν, μηδὲ νεωτεροποιεῖν μήτε φαρμακείῃσι, μητ' ἄλλοις ὁρεθίσιν μοῖσιν, ἀλλ' ἔαν: & proinde si criticus talis sit motus, extra omnem controuersiam est, nullo modo turbandum esse. Verum cum non rarò inter initia mox talia exanthemata appareant, quid faciendum sit, diligentius perpendendum, & an naturæ opus sint, considerandum. Nam cum tutius semper sit, naturæ motus finem exspectare potius, quàm eam temerè turbare: si à natura excretionem moliente tale quid instituat, & symptomata, apparentibus iam maculis, non nihil remittere videantur: consultius videretur nonnullis, Naturæ negotium committere, & quamdiu maculas protrudit, quiescere, & postea, si ab opere desistat, nec quantum par est, agat, id, quod necessarium est, exsequi. Verum cum plerumque macule illæ ab insigni solum sanguinis ebullitione, & humorum malignorum ac putrescentium feruore fiant, nihilque ægrum iuuent: ipsarum gratia necessaria præsidia omittenda non sunt, & proinde venæ sectio si indicetur, & vires ferant, non prætereunda. Neque est timendum, ne materia venæ sectione ad interiora reuocetur. Etenim si pars sanguinis abundans detrahatur; non ita exinaniantur venæ, vt ex aliis partibus, eo quasi destitutæ, attrahere necesse habeant, sed saltem ad naturalem statum reducitur sanguis. Imò natura oneris, quo grauabatur ac opprimebatur, parte leuata, reliquum, quod molestum est, facilius vincet & expeller. Deinde cum accidere possit, vt mulier pleuritide corripiatur, atque eo ipso tempore, quo commodissimè in morbo hoc venæ sectio institui deberet, etiam menses fluere incipiant, vel fluxus eorum instet: quæritur, An venæ sectio instituenda, an prætermittenda sit. Nam morborum hunc grauissimum requirere venæ sectionem, extra dubium est: imò si omittatur, metus est, ne ægra in præsens vitæ discrimen coniiciatur. Contra eam non admittitur videtur mensium fluxus, Etenim cum per hanc euacuationem non solum consueto more superfluum sanguinem expurget, sed sæpe hoc modo à granioribus morbis scæminas vindicare natura soleat; & hîc Hippocratis aphor. 20. sect. 1. locum habere videtur. Ex hac difficultate vt nos expediamus, distinctione opus est. Nam si non mox instet mensium tempus: sanguis à brachij venis detrahendus, vt morbus postulat; dandaque est opera, vt id, quod opus est, ocyus exsequamur, antequam menses fluere incipiant, ne post fluentibus mensibus necessarium auxilium differre opus habeamus, aut minus commodè adhibere possimus. Si verò paulò post menses sperantur, in cruri-

bus aperienda est vena, vt natura quasi irritetur ad sanguinem per loca consueta euacuandum, atque hoc modo sanguine euacuato humores à loco affecto reuellantur. Cui tamen spei si non satisfiat, quod maxime vrget, vt mox dicetur, exsequi decet. Quod si menses iam fluant, naturæ impetus per aliquas horas considerandus est, & videndum, an sufficient aut sufficientur sint mensium euacuationes ad id quoque euacuandum, quod morbi natura exigit. Si enim sufficienter videantur, & hîc cum Hippocrate 1. 2. v. consultum videtur. Si autem non sufficiat, aut etiam non sufficientur videatur sanguinis per menses euacuatio: venis in cruribus apertis, iuuanda est illa euacuatio, vt tantum, quantum opus est, sanguinis euacuetur. Si tamen morbus sit vehemens, & valde acutus, maiorque corporis plenitudo, vt hoc quoque modo morbo illi satisfieri non possit: post venas in cruribus apertas, postero vel etiam eodem die, in brachio vena aperiatur, ligenturque interim, dum sanguis fluit, crura. Magis enim hic vrget pleuritis, morbus periculosissimus, quàm menses; & vitæ maior, quàm mensium, habenda ratio est. Nam si quis per dies aliquot, donec mensium fluxus sistatur, differat venæ sectionem: malum interea vires sumere, atque hominem in vitæ discrimen adducere potest. Quantum autem agendum seu Quantitas sanguinis emittendi à magnitudine vitij à sanguine dependentis sumitur; atque prout hoc maiorem vel minorem vim habet, ita sanguis copiosius vel parcius euacuandus; quod proportionem responder summæ, mediæ & minimæ medicamentorum dosi. Vires tamen hîc etiam, vt permittentes, & omnia ea, quæ virium robustarum vel debiliū signa sunt, & supra inter prohibentia & permittentia venæ sectionem enumerata sunt, perpendenda veniunt: videndumque, an eam euacuationem, quam affectus magnitudo postulat, ferant. Multam enim euacuationem robustæ vires sustinent; infirmæ largiorem euacuationem non ferunt. Itaque in vitio sanguinis vehementiore, si vires id permittant, vberior euacuatio instituenda: si vitium minus, aut vires imbecilliores, parcius. Vnde in caco-chymia notha parcius, paulò copiosius in plethora notha, adhuc copiosius in plethora exquisitâ sanguis euacuandus. Hinc in magno sanguinis vitio, viribusque constantibus, antiqui etiam ad l. pothymiam seu animi deliquium sanguinem mittebant. Non autem illud animi deliquium intelligendum est, quod nonnullis venæ sectionem expauescentibus, aut alia de causa, citra euentem, & insignem aliquam euacuationem, accidit: sed illud, quod ratione euacuationis contingit. Hoc enim mensuram & terminum sufficientis euacuationis statuebant: & talem adhibebant in magnis inflammationibus, in febribus ardentissimis à sanguine ortum habentibus, in doloribus vehementissimis. Testaturque Galenus, 10. meth. med. cap. 10. se experientiâ comperisse, si in ardentissimis febribus vsque ad animi deliquium sanguis mittatur, statim habitum corporis refrigerari & febrim extinguere; plurimòque aluo soluta & sudoribus erumpentibus planè sanitati restitui; in aliis autem vehementiam ægritudinis ita imminui, vt morbus deinde facile à natura vinci possit. Eandem utilitatem se expertum esse in maximis doloribus, in quibus venæ sectio requiritur; nec vires dolore planè exsolutæ sunt. Cautè tamen hîc Medicum agere decet, nec ipsum animi deliquium exspectandum, multò minùs syncope adducenda, ex quâ vix æger aliquis reuocari potest; sed cessandum, cum initium deliquij apparer. Quia in re antiqui præcipuè respiciebant, & rectè quidem, ad coloris in facie mutationem, & ad pulsum. Cum enim vires incipiunt fatiscere, color in facie, pulsusque incipit mutari. Labascens etiam sanguinis impetus aliquod signum hic suppeditat. Si enim minore impetu, quàm antea, sanguis fluat, nec cotis vel pinguedo,

An mulieri pleuritidi laboranti sub fluxum mensium vena aperienda sit.

De sanguinis natura

An ad animi deliquium que en dnt.

pinguedo, vel crassities sanguinis, aut simile aliquid in causa fuerit, vires defecturas indicio est. Quapropter quamprimum ex tali aliquo signo Medicus animaduertit, principium adesse deliquij animi, sanguinem cohibere decet, ne in periculum aut vitæ discrimen ægrum coniciat. Et præcipue nostris temporibus & regionibus cautione magnâ hîc opus est. Antiqui quidem largiorem sanguinis euacuationem adhibebant, & vix infra libram subsistebant, vt ex Galeno patet, qui *lib. de cur. rat. per sang. miss.* scribit, se quibusdam sex cotylas detraxisse, quæ singulæ pendent vncias circiter octo: & eodem in *lib. cap. 17.* cuiusdam Romani OEconomio vnâ vice detraxisse libras tres sanguinis, & horis non multis interiectis adhuc vnâ. Largius etiam Itali, & præcipue Hispani, sanguinem mittunt. Nostra verò corpora vix tantam sanguinis euacuationem ferunt, atque periculosum est eam tentare. Neque Medicorum quisquam facile æstimare potest, quæ post tam copiosam sanguinis euacuationem vires futurae sint, vtpote quæ sæpe ex variis causis insperato etiam deiciuntur: obseruatûmque est, vt etiam testatur Galen. 9. *meth. med.* 10. quosdam inter manus Medicorum in deliquium eiusmodi lapsos interiisse, neque vnquam reuixisse; alios à tali euacuatione in longos & graues morbos incidisse; nonnullis per reliquum vitæ tempus corpus redditum frigidius, ex quâ refrigeratione ex quaui occasione læsi tandem in morbos lethales delapsi sunt. Itaque consultius est, cum in nostra potestate sit, quantum detrachere velimus, peccare in defectu, quàm in excessu. Si enim minus, quàm requirebatur, euacuatum sit, reperita sanguinis missione id, quod restat, adimi potest: vires verò semel largiore euacuatione prostratae non ita facile restitui possunt. Nam neque istud hoc loco prætereundum est, & vnâ & partitis vicibus sanguinis idoneam quantitatem euacuari posse. An autem vnâ vice, an pluribus sit euacuandus: magnitudo affectus & vires monstrant. Nam si malum vehementissimum sit, vnâ vice euacuare sanguinem suadet; vt in synochis febribus. Si verò morbi non fuerit tanta vehementia, partiri vacuationem licet. Vi-res autem quò fortiores sunt, eò tutius licet sanguinem vnâ vice euacuare: quò imbecilliores, eò magis partiti euacuationem decet, & repetitis vicibus citra virium iacturam educere, quod necessum est. An verò eadem, an alia die reiteranda sit venæ sectio, itidem affectus magnitudo, virisque docebunt. Si enim vitium sanguinis sit vehemens, & vires facile recolligantur: citius repetere venæ sectionem integrum est. Si verò malum non ita vrgeat, aut viribus minus fidatur: tardius reiterandum est. Quando agendum etiam, seu tempus venæ aperiendæ est perpendendum. Cum ex intempestiua venæ sectione plus mali, quàm commodi in ægrum redundet. Tempus autem venæ sectionis definit præsentia eorum Indicantium, quibus venæ sectionem supra inseruire diximus; & prohibentium, quæ etiam supra enumerata sunt, absentia. Quapropter eo morbi, in quo venæ sectio requiritur, tempore vena aperienda, in quo vires optimè ferunt, nihilque adest, quod prohibeat, & cuius ratione, si sanguis mittatur, ægro plus incommodi, quàm boni, accidat. Ex quo apparet, commodissimum tempus esse plerunque morbi principium, & rectissime venam aperiri quamprimum adest Indicans, præsertim si vires adeò robustæ non sint. Nam metus est, ne, si differatur venæ sectio, vires à morbo deiciantur, & sic agendi occasio effugiat, quæ semel elapsa non ita facile reparari potest. Hoc tamen agendi tempus commodissimum si præterlapsum sit; quod non raro propter ægrorum negligentiam aut inobedientiam fieri solet: non ideo postea planè omittenda est venæ sectio, sed in reliquo tempore id eligendum, quod maxime commodum haberi potest.

Dan. Sennerti Tom. I.

Neque enim in sanguinis missione dierum numero tempus id definiendum: sed tamdiu tempus remedio patet, quamdiu Indicans præsens est, & prohibens nullum aduenit. Nam quanquam dierum multitudi-ne sanguinis mittendi occasio non raro amittatur: non tamen id dies per se efficiunt, sed quod interim materia morbifica à natura vincatur, atque Indicans cesset; vel vires dissoluantur longitudine morbi & grauitate Symptomatum; vel natura coctioni & pugna cum morbo intenta sit; à qua auocanda non est. Inter ea autem, quæ venæ sectionem remorari possunt, præcipue sunt succi crudi, cibique inconcocti in primis viis. His enim præsentibus, præsertim copiosis, nisi sanguinis vitium sit vehementissimum, venæ sectio, etiam Galeno, 9. *method. meth. 5.* & 11. *meth. med.* 14. suadente, differenda est, donec humores ij concoquantur; ne ad hepar attrahantur, obstructions pariant, & plus damni ita inferant, quàm ex venæ sectione possit sperari commodi. Quam ipsam ob causam etiam primas vias clystere vel medicamento leniente mundare vtile est. Deinde perpendendus est materiæ morbificæ motus, vt accessionum & exacerbationum morbi causa est. Nam si continenter & sine accessionibus aut exacerbationibus affligat morbus: mox, nisi aliquid aliud prohibeat, vena aperienda est. In iis autem morbis, in quibus intermissiones quædam sunt, & in quibus certis temporibus paroxysmi repetunt, accessionis tempus ad venæ sectionem incommodum est. Neque enim Natura vim materiæ morbificæ, simulque tantam euacuationem facile sustinet: neque etiam natura à pugna cum morbo auocanda, & crisis, quæ fortè fieri posset, impedienda. Sed commodius hîc est intermissionis tempus, aut si id nimis breue sit, declinatio paroxysmi. Idem statuendum est, si morbus non planè intermittat, sed aliqua saltem fiat remissio. Tum enim tranquillius tempus est eligendum. Negligendum tamen hîc etiam non est Oribasij præceptum, quod habet, *lib. 7. Collect. Medicinal. cap. 8.* nimirum si magnum aliquod Symptoma in accessione metuendum sit, vt suffocatio, conuulsio, aut excrucians dolor, declinationem expectandam non esse. Symptomata denique etiam consideranda. Hæc enim si sint vehementia & vires deiciant, venæ sectionem differendam suadent, donec mitiora ea reddita sint; nisi per venæ sectionem ea ipsa mitigari possint. Horam quod attinet, si affectus vehementer vrgeat, quales sunt vehementes inflammationes, suffocationis periculum, casus ex alto vel grauis contusio, quacunque diei horâ, vel etiam mediâ nocte, nulla præparatione præmissa, nullaque mora interposita, venam aperire licet; recteque Galenus, *lib. de cur. rat. per sang. miss. capite 12.* & 21. eos reprehendit; qui solum à secundâ diei horâ ad quintam aut sextam sanguinem euacuandum putabant. Hoc enim in morbis vehementer vrgentibus locum non habet, sed in iis saltem, qui dant inducias. Nam in his diei tempus commodissimum eligendum est, matutinum nimirum, vnâ atque alterâ horâ post somnum. Tum enim cibus hesternus coctus est, & vires plerunque magis vigent. Vbi autem, seu locum & venam aperiendam quod attinet, de eo in vniuersum hîc agendum non est; sed quæ venæ reuulsionis & deriuationis gratia aperiendæ sint, suo loco dicetur. Reliquos vsus venæ sectionis & præcipue euacuationem quod attinet, etsi quæcunque vena aperta totum corpus euacuare possit: tamen hoc commodius præstant ampliores: simulque respiciendum est ad fontem sanguinis & fontem mali, qui præcipue sunt hepar & lien, Aperiendæ itaque sunt venæ in cubito dextro vel sinistro, prout malum requirit, interna, externa, aut media; & præcipue interna, quæ citius & commodius id præstat, vtpote quæ à vena caua, & ipso sanguinis fonte

PPP

plurimum

Hora venæ sectionis commoda.

Quæ vena aperienda.

plurimum elicit; quæ si obscurior sit, media aperiri potest. In mulieribus tamen, cum vitium sanguinis est à suppressione menstruum, vtilius est venas in poplite aut talo incidere, ut ita simul euacuetur, quod est inutile, & menstrua non retrahantur, sed potius euocentur. Sanguine, ut par est, euacuato, homo paulisper quiescat & supinus decumbat, ut omnibus partibus in spinam dorsi, tanquam corporis basin reclinatis, quies concilietur, in qua Spiritus exhausti instaurentur. Nullo verò modo permittatur, ut homo ad exercitia nimis citò properet, & corpus villo modo fatiget, omnisque tum animi tum corporis motus nimis prohibeatur. Non tamen continuò à venæ sectione dormiendum, ne calor languidior intrò repens extinguatur, aut imminuti Spiritus obruantur. Horis verò aliquot à venæ sectione elapsis nihil verat dormire; modò affidentes caueant, ne in somno fascia, quæ vena obligata est, solvatur. Hora una aut altera à sanguine misso alimentum morbo accommodatum offerendum, sed parca manu, neque auidè ad pleniorum victum properandum. Hoc loco non incommodè (licet etiam reuulsionem spectet) explicatur illa quæstio: An in affectibus lienis potius in sinistro, quam in dextro brachio vena aperienda. Et si autem maiorum autoritas nobis merito sacrosancta esse debeat: tamen eorum errata dissimulanda non sunt; ne & nos ipsi posteritati imponamus. Qua de causa laudem potius, quam vituperationem merentur, qui in maiorum sententias interdum; non contradicendi studio, sed veritatis inuestigandæ gratiâ, inquirunt; ac propterea & nobis veniam dari posse existimamus, si, quæ à recentioribus contra antiquorum sententiam circa hanc quæstionem dicta sunt, in medium adducamus, & censuræ, veritatis studio, subiiciamus. Galen. 2. ad Glauco. cap. 2. hac de re ita scribit: Si splene inflammationem patiente sanguinem vis euacuare, interiores in manu sinistra venas secato; & si hepate, eadem ratione in dextra. Et, lib. de curandi rat. per sang. miss. cap. 15. docet: Nullam afferri utilitatem lienis turgente ex dextra nare erumpente sanguine, nec in iecore ex sinistra, sed reuulsionem, quæ in directo adhibetur; euidentem utilitatem celeriter ostendere: additque, cap. seq. multum iuari afflictum lienem sanguinis ex sinistro brachio detractione. Verum his non assentiuntur recentiores quidam, atque inter hos Thaddæus Durnus, atque existimant, hanc opinionem non solum non firmis rationibus destitui, sed & solidis rationibus oppugnari posse. Quocunque enim sine, laborante liene, adhibeatur venæ sectio: nulla de causa vena sinistri brachij venæ dextri præferri potest. Euacuatio quidem nulla ex lienis sinistri brachij venis apertis sperari potest: cum nullus sit in sinistro brachio ramus, qui sit propior lienis, & magis cum liene communicet, quam rami in dextra; sed omnes vtriusque brachij venæ ab hepate, non à liene ortum ducant, & venæ brachij sinistri cum liene nihil communis habeant, nisi mediante hepate, à quo prodeunt; eodem modo, ut venæ dextri brachij. In reuulsionem verò cum ea præcipue vena eligenda sit, quæ sanguinem affluentem retrahat, & reuocet, & ruenti contrarium motum conciliet: causa nulla vrgere videtur, cur eo sine sinistri brachij venæ potius, quam dextri aperiendæ sint. Sanguis enim, qui ad lienem fluit, proximè & immediatè ad brachium sinistrum trahi non potest, sed primò ad hepar trahitur, postea ad brachia: qua in re sinistri brachij nulla est prærogatiua.

[De venæ Saluatellæ sectione, & vñibus qui ex eius sectione proueniunt, Medicorum sententiæ discrepant. Antiqua iam est opinio, eam in-

primis in affectibus lienis prodesse, ut ex Galeno, de curand. rat. per sang. mission. capit. 14. patet. Et Alexandr. Trallianus, libr. 8. capit. 12. de inflammatione lienis agens, venæ, quæ minimo digito vicina est, apertionem præcipuum lienis ad sanitatem adiumentum esse scribit. Et Oribas. collect. libr. 7. capit. 7. scribit, affecto liene vena, quæ est prope annularem sinistræ manûs digitum, incisa iuuat. Et Aëtius terrab. 1. sermon. 3. capit. 12. ait: Si splen patiatur, venam inter annularem & paruum digitum manûs seca. Idem statuunt Mauritanii plurimi, & venæ huius sectionem valde commendant, non solum ad lienis, sed & aliarum partium morbos. Vnde etiam nati versus schol. Salern. cap. 103.

Ex Saluatellâ tibi plurima dona minutâ:

Splenem, hepar, pectus, vocem, præcordia purgat.

Innaturalē tollit de corde dolorem.

Verum hi nullam suæ assertionis rationem adferunt.

Alij verò contrâ Doctiss. Medici hanc opinionem impugnant, qui licet concedant, ubi in cubito maiores venæ non apparent, has venas secari posse: tamen hoc negant, quod lienis affectibus peculiariter prosint. Inter quos est Horat. Augenius, qui libr. de miss. sang. capit. 6. scribit: *Quid paruarum venarum sectio amplius faciat, quod magnarum efficere non potuerit?* Et postea addit; etsi affectus lienis iuuantur hoc auxilio, quando magnarum venarum incisio fieri non potuit: tamen non æquè ut magnarum venarum iuare, duplici de causa: Primò, quia distantiores sunt à partibus affectis: deinde quia parvæ venæ sanguinem crassum euacuare non possunt. Imprimis verò id vrget Augenius, quod illi qui saluatellæ sectionem laudant, nullam eius rei rationem reddere possunt, sed experientiam saltem prætendunt. Ipse verò ait, se istam experientiam cognoscere non potuisse, imò potius hoc obseruasse, eam venæ sectionem multis nocuisse.

Prolixè verò hac de re tractat. Io. Baptista Syluaticus, controuers. 43. ubi, postquam eorum qui priorem sententiam defendunt, rationes reiecit, tandem ad eos accedit, qui ad experientiam confugiunt; atque docet, frustra id fieri; cum experientiæ quam prætendunt, manifestè ratio contradicat. Neque enim hic ad occultam qualitatem confugere licet. Experientiæ enim quas afferunt, non sufficiunt. Quod enim, ut Galenus 3. aphor. 11. de purgantibus ait, licet quis expertus fuerit, sex vel septem homines aliquo medicamento purgatos fuisse, dicere non poterit, quod omnes posthac homines ex necessitate purgabuntur: idem etiam de saluatellæ sectione dicendum; quod, licet vnus & alter eâ apertâ conualuerit, omnes postea quibus ea aperietur, conualituri sint. Præterea ubi omnis effectus alicui auxilio adscribendus est, ipsum solum fuisse usurpatum necesse est. At in iis, qui à saluatellæ sectione conualescunt à febre, plurima alia auxilia fuere usurpata, ideòque huic vni effectus hic adscribi non potest. Reliqua, quæ Syluaticus contra hanc sententiam adfert, loc. alleg. apud eum videantur. Res eò redit, nec autoritatibus, nec experientiis laudatis hæc in re satis fidendum, sed rationem effectus qui non ab occultâ, sed manifestâ causâ dependet afferendam esse.

Quod cum animaduertisset Zacutus Lusitanus, de Med. Princ. histor. lib. 1. histor. 14. tandem post multa, ad causam, ob quam hæc vena secta tantam adferat utilitatem, reddendam sese accingit. Et primò quidem Thomæ à Vega, in Art. Med. cap. 95. sententiam adducit, qui statuit, idcirco has venas iecoris & lienis morbis prodesse magis, quam alias, quia seruata rectitudine, extremus distantissimisque locus ad euacua-

An in affectibus lienis potius in sinistro quam dextro brachio vena aperienda.

An Saluatellæ sectio eam, qua vulgo iactatur, vtilitatem habeat.

De se. Saluat. Galen. Trallian.

Oribas.

Aëtius.

Schola Salern.

Horat. Augeni.

Iohan. B. Syluaticus.

Thomas Vega.

euacuationes magis vilis sit. E longinquo enim reuulsio securior multò est, atque præstantior. Verùm ipse Zacutus infirmitatem huius rationis agnoscit, atque respondet, si hac de causa hæc vena secta prodesset, in principio morbi, ubi maior est affluxio, aperienda esset; cum tamen in progressu morbi omnes potius hanc venam aperiendam censeant. Addo & hoc, non semper è distantissimis locis euacuandum & reuellendum esse, sed ex iis potius qui à parte affecta humorem affluentem potenter reuellere, & si possibile est, ad principium fluxionis reuocare possunt. Neque vlla hîc ratio redditur, cur in lienis morbis præcipuè hæc vena secta prosit, præcipuè cum nullam cum liene familiaritatem, nisi mediante hepate, habeat; & si ideo hæc vena secta laudatur, quòd ad remotissima reuellar, cur cephalica vulgò dicta, quæ in manu ad pollicem aperitur, aut saphæna in pede, non idem præstaret?

Alij respondent, hanc venam prodesse, quòd tenuis sanguis extrahatur, & non multi spiritus dissoluantur, ut in aliarum venarum sectione. Verùm ut crassus vel tenuis sanguis extrahatur, & spiritus non dissoluantur, ad id facit non solum venæ exilitas, sed angustia vel amplitudo scissuræ. Præterea in morbis melancholicis à liene pendentibus non solum tenuis, sed potius crassus sanguis euacuandus est.

Vallesius, *lib. 7. controu. 5. & in 2. epid. f. 2. text. 49.* hanc causam reddit, quòd manus dextra sit emunctorium hepatis; sinistra lienis, & excrementa ab internis partibus ad has detrudantur. Ideoque existimat, hepate laborante dextram saluatellam, liene male affecto sinistram aperiendam esse. Verùm primò falsum præsuppositum est, manûs esse partium internarum emunctoria. Neque enim sunt partes ignobiles, quales glandulæ, neque habent compositionem ad recipiendas fluxiones aptam. Equidem hoc non nego, naturam semper id agere, ut à principibus corporis partibus vitiosos humores amoliat; & propterea eos ad venas in brachiis & cruribus deponere. Verùm nulla causa hîc dari potest, cur non ampla aliqua in cubito vena, quàm exilis talis, in qua paucissimi humores continentur, aperienda sit.

Ipsæ verò Zacutus Lusitanus cum P. Ægineta statuit, idè venæ huius sectionem prodesse, quòd ea habeat cum hepate naturalem cognationem, & propter hunc cum hepate consensum, venam hanc sectam prodesse statuit in omnibus morbis ab hepatis caliditate, ut & lienis intemperie calida ortis, & ophthalmia, diarrhœa, dysenteria, vteri pruritu, labiorum fissuris, vnguium scabritie, rubedine faciei, gutta rosacea, igne sacro, dolore hepatis, pilorum decidentia, sudore superfluo, ardore vrinæ, frequenti abortu, tussi sicca, & aliis, qui ab excandescencia veniunt, affectibus. Verùm in tot affectibus venam hanc sectam prodesse posse, nulli Medico rationali facile persuadebitur. Neque ratio allata vilius momenti est. Primò enim monstrandum, quòd hæc exilis vena maiorem cum hepate cognationem habeat, quàm ipsa basilica. Deinde à plerisque Autoribus potius in affectibus lienis, quàm hepatis, huius venæ sectio commendatur. Nullus verò huius venæ cum liene peculiaris est consensus; imò venæ omnes nonnisi mediante hepate, cum liene consentiunt, ut probatum fuit *hoc ipso cap. de venas.* Cum ergo de duobus Auctores hîc dissentiant, primò de experientia; secundò, si de experientia constet, de causa, cur vena hæc secta plus, quàm aliarum partium prosit; primò experientia hic diligenter consideranda; quod si fiat, proculdubio eas laudes, quas huic venæ sectæ Schola Salernitana, Zacutus Lusitanus, & alij nonnulli tribuunt, ei nullo modo competere comperiemus. Deinde si experientiâ constet, aliquam præ aliis hanc venam sectam

Dan. Sennerti Tom. I.

habere vtilitatem, de causa eius rei inquirendum. Nam causæ antea allatæ omnes falsæ, & nullius momenti sunt.

Vix verò commodior causa dari poterit, quàm ea, quam habet Adr. Spigelius, *lib. 5. de hum. corp. fabr. cap. 7.* ubi scribit, se inuenisse complures anastomoses huius venæ cum arteriis, quemadmodum circa extremas partes anastomoses luculentiores esse solent, tanquam in partibus remotis à fonte caloris, & quæ propterea sanguine calidiore spirituosiusque indigebant. Secta ergo hac venâ, quia proximæ anastomoses sunt arteriarum, fieri nequit, quin sanguis arteriosus quoque effundatur; id quod in cubiti venis incisis non ita fieri potest, ob anastomoses paulò remotiores ab eo loco, quo vena aperitur. Et hinc fit, ut sanguis, qui è manu euacuatur, multò sit rubicundior, & pulchrior quàm ille, qui ex brachio, quòd semper arteriosus hîc simul euacuetur. Cum autem in liene sextuplo plures arteriæ sint, quàm venæ, plurimum profectò adiumenti accedere ipsius affectibus necesse est, quòd ex iis vasis, in quibus peccauit, sanguis euacuetur. *Hæc Spigelius.*

Quam opinionem præ cæteris probabilem existimamus, etsi hoc dubij relinquatur, cur non & aliæ venæ in extrema manu, quæ etiam anastomoses habent cum arteriis, idem præstent, & cur præcipuè saluatella in sinistra manu secta laudetur.]

C A P V T XVIII.

De Reuulsione.

Absoluimus hætenus ea, quæ de humorum euacuatione dicenda erant: proximum iam esset, ut de tertio humorum vitio, quando scilicet secundum qualitates à naturali statu recedunt, dicere-mus. Verùm quia ratio emendandi vitiosas humorum qualitates maxima ex parte ex iis, quæ de humorum præparatione supra dicta sunt, pater: rectè ad materiam motu peccantem accedimus. Nam præter hætenus explicata vitia, etiam humores motu à statu naturali recedere possunt: dum nimirum vel non rectè mouentur, id est eo, quo non debebant, moueri, h. e. quo secundum naturæ leges quiescere debebant, tempore mouentur, vel cum moueri debebant, non mouentur, vel diminutè mouentur, vel eò, quòd non debebant, mouentur. Ita si scemini sapius, quàm singulis mensibus, sanguis excernatur, vel non excernatur, vel per aliam partem, quam vterum excernatur, vitium in motu est. Primum vitium motum coercens indicat, secundum motum ciens, tertium motum adiuuans, quartum motum corrigens & ad alium locum auertens. Hæc itaque etiam humorum vitia, quæ ipsis respectu motus obueniunt, iam perpendamus, & quâ ratione corrigi, & emendari possint, doceamus, primoque de materia, quatenus non rectè mouetur, agamus. Huius autem seu materiæ motu peccantis nomine non solum accipiendi sunt humores, qui ad partem aliquam fluunt sed etiam ij, qui iam in partem aliquam influxerunt, nondum tamen ei firmiter inhaerent & impacti sunt, neque dum extra venas in membri spatia effusi sunt, sed adhuc in venis eius quasi fluctuant. Nam & hi retrahi & retrudi ex parte, in quam illapsi sunt, possunt. Neque etiam humorum motu peccantium nomine solum ij veniunt, qui in parte, ad quam fluunt, subsistunt, sed ij quoque, qui per partem, ad quam mouentur, è corpore effluunt. Quâ autem ratione humorum fluxus concitentur, supra dictum est: iam, quâ ratione sedandi sint, dicendum. Hoc tamen prius monendum; Non omnes fluxus esse inhibendos. Na-

Adr. Spigelius.

Dubium.

Humores motu peccantes.

Non omnis humorum motus inhibendus.

tura enim vel copia, vel prauitate humorum onerata, non raro sese vtiliter exonerat. Nam si Natura intra corpus ad ignobile aliquod membrum, verbi gratia, glandulas, humores sibi molestos deponat: fluxio ea impedienda non est; modò leuem pariat affectum. Est enim maioris mali in minus mutatio. Verùm si grauem affectum pariat, & illa inhibenda est. Ad nobile tamen membrum humor non retrahendus, sed ad ignobilius, aut è corpore euacuandus est. Quod si è corpore humor effundatur, solùm ij fluxus permittendi, quos natura rectè agens, per conuenientes vias, & à materia, copia vel qualitate molesta, instituit. Reliqui omnes cohibendi sunt: vt qui fiunt ex humoribus vtilibus, aut vtilium colligatione: aut qui quidem ratione materiæ, vt pote quæ vitiosa est, mali non sunt, ratione tamen accidentium prauorum, quæ illos comitantur, vires labefactant: & qui fiunt per inconuenientem regionem. Humores itaque vt motu peccant, vnicam indicationem suppeditant, motum inhibendi, & humoris imperum sistendi, seu humorem à loco, ad quem præter naturam fluit, auertendi: Indicationi autem huic variis modis satisfacere possumus, si nimirum vel humori ea, quæ pro motu necessaria sunt, adimamus, vel eundem vi retrahamus. Nam cum, vt humor in partem aliquam fluat, requiratur, vt & ipse sit tenuis, mobilis & fluxilis, non crassus; viæ, per quas moueri debet, pateant; & à parte promptè recipiatur: facilè fluxum inhibebimus, si hæc ei adimamus: si nimirum ex tenui & fluxili crassum faciamus; si vias ipsi intercludamus; & meatus, per quos fluere debet, arctemus & angustiores reddamus; denique si ipsum aditu prohibeamus, & meatus, qui in parte sunt, ne promptè recipiatur, constringamus. Cum autem hæc sæpe vel adhibere non liceat, vel ad fluxionem sistendam non sufficiant: eosdem humores vi reuocamus, & retrahimus. Retrahuntur autem humores vel vacui, vel caloris, vel doloris ratione. Vacui ratione vel potius vacuando humores retrahunt, quæ illos per alias partes è corpore effundunt & euacuant, vt venæ sectio, scarificationes, hirudines, mensium fluxus, hæmorrhoides, purgatio per aluum, vomitus, vrina, sudores. Calore & dolore retrahunt, quæ vim calorem & dolorem ciendi, aut etiam vtrumque præstandi habent, vt sunt frictions, ligaturæ, lotiones, fomenta, vesicatoria, caustica & similia. Atque ita etsi vt vnum est indicans, nimirum humorum in motu vitium, ita etiam vnum sit indicatum, nimirum auxilium motum inhibens, & humorem à parte, ad quam fluit, auertens: tamen modi hoc efficiendi varij sunt, quatuor nimirum, Reuulsio, Deriuatio, Interceptio & Repulsio. Si enim ad contraria vi retrahimus, Reuulsio dicitur; si ad propinqua, Deriuatio; si humoribus fluxibilitatem demimus, & vias, per quas fluunt, arctamus, Interceptio appellatur; si aditu prohibemus, parte constricta, & quasi retrudimus, Repulsio. Etsi verò recentiores nonnulli hæc de re aliter sentiant, & has humorum imperum sedandi rationes non vnius tantum indicati varios modos esse, sed varia indicata censeant: proposita tamen sententia nobis verior videtur. Cum enim tot sint indicata, quot ea, ad quæ omnes curandi scopi, & omnia, quæ pro affectu tollendo aguntur, tendunt: merito hinc vnum saltem indicatum agnoscimus. Omnia enim opera omnesque modi & molitiones, quæ pro humorum motu vitioso tollendo adhibentur, vnum hoc agunt, & hoc vnico fine instituuntur, vt humores à parte, ad quam vergunt, remoueant, & partem affectam à mole irruentium humorum liberent; siue humores reuellantur & retrahantur ad remota, siue deriuentur ad vicina, siue mobilitas iis adimatur & via intercipiatur, siue à parte repellantur. Qua de causa etiam nunc hoc vel illo, nunc pluribus, nunc omni-

bus his modis vtimur, pro varia circumstantiarum ratione. Quod tamen, si modi hi essent peculiaria & diuersa indicata, facere non liceret. Vnumquodque enim indicans suum peculiare indicatum habet: neque tollitur affectus, nisi indicanti cuiuslibet suum indicatum opponatur, atque indicationi, quam quodlibet indicans suggerit, satisfiat: neque vnum indicatum pluribus indicantibus, aut vni indicato plura indicantia opponi possunt. Neque ab hac sententia me dimouet illud, quod nonnulli hoc absurdum metuunt, & fas fore scribunt sine vilo discrimine hoc vel illo motum inhibendi modo vi, si vitium in motu vnum solum remedium indicaret, motum scilicet, inhibens seu corrigens. Etenim etsi sæpe fieri possit, vt Reuulsio, Interceptio, Repulsio simul instituantur, & paulò post etiam Deriuatio: tamen vt in omnibus affectibus hoc fiat, necessarium non est, sed partis affectæ natura, materiæ fluentis conditio, & aliæ circumstantiæ perpendendæ, quæ determinabunt, an omnes hi sanguinem à parte affecta auertendi modi, an verò hic vel ille magis locum habeat, & commodior sit. Sed de his fluxionem sistendi modis iam in specie dicendum, & quidem primò de Reuulsione & Deriuatione. Reuulsionem, quæ Græcis ἀντίρροια dicitur, quod attinet, ea est auersio humoris in partem aliquam fluentis in contrarium. Auersio enim est commune genus Reuulsionis & Deriuationis, humorisque in aliquem locum affluentis in aliam partem tractionem significat. Reuelluntur autem humores, non qui iam sunt in parte affecta (hi enim propriè ex parte affecta, aut vicina, euacuantur) sed ij, qui ad partem aliquam fluunt aut fluxuri sunt; qua ratione caueatur & prohibetur, ne pars affecta humoribus affluentibus repleatur. Reprehendunt quidem nonnulli hoc, quod etiam fluxuris reuulsionem debere dixi, absurdumque putant, humorem reuellere velle, antequam moueri incipiat. Verùm hæc mea mens non est, quod reuulsio institui debeat, antequam vllus motus humorum adsit, sed hoc volo, si humores aliqui iam actu ad partem aliquam fluant, meusque sit, ne & reliqui eodem motu concitati in eundem locum ruant, præcauendum hoc esse, & propterea & hos & illos, à parte, in quam fluunt, vel fluxuri erant, longissimè auocandos. Quid autem per contrarium sit intelligendum, non ita liquidum est: dum alij contrarium humorum motum accipiunt, ita vt tunc humor in contrarium reuelli dicatur, quandocunque ipsi contrarius motus conciliatur, & ad ipsam fluxionis originem, vel partem origini proximam humor retrahitur; licet id non fiat ad contrariam: alij partes oppositas & contrarias solummodo per contrarium intelligunt. Qua de re tamen non omnes idem sentiunt. Alij enim omnes oppositiones admittunt, nimirum antè, retrò; intus, extra; dextrorsum, sinistrorsum; sursum, deorsum: alij aliquas saltem: iterumque nonnulli ad remotas aliquo modo, alij ad remotissimas esse reuellendum censent. De quibus omnibus pluribus agere nimis prolixum foret: quæ veriora nobis videntur, proponamus, & breuiter explicemus. Reuulsio cum respiciat humores non illos, qui iam in affecta parte sunt, sed illabentes, magisque partem mittentem, quam recipientem: omni Reuulsioni hoc commune est, & in omni hoc requiritur, vt humori fluenti motum contrarium conciliet, ipsumque ad partem, non in quam vergit, sed in contrariam moueat, & ita, vt ad partem affectam amplius non fluat, efficiat. Ex quo sequitur, ad proxima Reuulsionem fieri non debere. Si enim ad proxima fieret, periculum immineret, ne à toto pleno, ea irritatione & occasione, ad affectam partem maior fluxus concitaretur. Sed potius, vt vera fiat Reuulsio, & contrarius motus humori fluenti concilietur, eæ, quæ magnam & notatam dignam ab affecto loco distantiam habent, & à mem-

Humores motu peccantes quid indicent.

Quot modis motus humorum inhiberi possit.

An Reuulsio, deriuatio, repulsio, interceptio varia indicata sint.

Reuulsio quid.

Reuulsio quomodo contrahenda.

Reuulsio debet fieri proximè.

à membro laborante remotæ eique oppositæ partes eligendæ sunt; inprimis secundum longitudinem & latitudinem corporis. Neque enim Reuulsionem simpliciter dictam omnes oppositiones includunt, sed eæ solùm, quæ iustam distantiam habent; quales sunt secundum longitudinem & latitudinem. De reliquis oppositionibus hoc tenendum: duplicem à nonnullis statui Reuulsionem, vnam, quæ simpliciter & absolute talis, seu vniuersalis Reuulsio dicitur, quæ contrarietatem obseruat, respectu totius corporis, & in eo contrarios terminos respicit, vndeunque etiam fluant humores; vt cum à capite reuellimus ad crura & pedes: aliam verò esse Reuulsionem particularem seu localem, quæ in vno membro tantùm contrarios terminos, & oppositionem partium eiusdem membri respicit; & in eodem membro à parte anteriore ad posteriorem, vel à posteriore ad anteriorem reuellit, vt cum ab occipite ad sinciput, & contra, reuellimus. Quæ quidem oppositio in exquisita Reuulsione locum non habet, & quæ secundum hanc oppositionem fit Reuulsio nomen Reuulsionis simpliciter vix meretur, sed Reuulsionis localis, aut potius Derivationis. Habent & alij aliam Reuulsionem localem, quæ nimirum fit in fluxionibus, in quibus humores ex certa & definita aliqua parte, seu fonte, affluunt, & simpliciter non partium in toto & vniuerso corpore oppositionem seruat, sed ad mittentem, etsi planè remota non sit, trahit. Reuulsionem illam simplicem quod attinet, quæ propriè reuulsio dicitur, ea morborum principiis, ac cum corpus adhuc plenum est, maximè idonea est, & secundum longitudinem & latitudinem corporis, vt dictum; præcipuè instituitur. Reliquæ oppositiones etsi adhiberi possint: tamen locum non habent in Reuulsione simpliciter dicta; sed in locali solùm, quæ in morborum principiis, & cum corpus plenum est, adhiberi non potest; cum tunc plus ad partem adfectam trahat, quam ab ea reuallat. Ita etsi Hippocrates, 6. Epid. comm. 2. text. 27. posteriora capitis dolentem in fronte venam rectam incisam iuuare dicat, & Reuulsorium hoc remedium Galenus appellet: locale tamen hoc esse ibidem docet, quod minimè competit in principio corpore pleno. Nam hoc modo sanguis ex partibus inferioribus venæ sectione magis ad caput attraheretur. Deinde etiam ex eo, quod dictum est, Reuulsione humorem fluentem in contrarium trahi, manifestum fit, ad originem & principium fluxiones esse retrahendas, seu in contrariam ei, è qua affluunt & in quam influunt, partem esse reuocandas. Verùm cum instrumenta plura sint, quibus humores retrahuntur, quæ supra enumerata sunt, quorum alia cum humoris euacuatione, alia sine ea reuellunt; tùm etiam principia fluxionum aliàs sint manifesta, constetque ex vna præcipuè parte humores affluere; interdum verò lateat principium fluxionis, aut ex toto corpore affluant humores: partes etiam, ad quas trahendi sunt humores, nunc hæ, nunc illæ eligendæ sunt. Nam cum à toto corpore fluunt humores, vel principia fluxionum latent: commodè ad remotissima fit reuulsio. Sic enim ab omnibus, quæ mittere possunt, retractio fit. In quem finem plerunque adhibentur extremorum frictions, ligaturæ, fomenta & similia. Cum verò principium fluxionis certum est, ad id etiam fluxio est reuocanda; etsi non sit pars remotissima. Hinc in hæmorrhagiæ narium cucurbitulæ regioni hepatis apponuntur: ita cauteria & similia adhibentur capiti, vbi ex hoc fluxiones in pulmones decumbunt, vt etiam ex Galeno videre est, qui, 5. meth. med. cap. 13. mulieris cuiusdam Romanæ, quæ ex catarrho sanguinem reiciebat, capiti raso medicamentum ex palumbium stercore imponit. Cum autem sanguis per venas fluat, & propterea venæ sectione commodissimè reuellatur: de Reuulsione hac per venæ sectionem in specie quid

dicendum; cum de hac plurimæ inprimis occurrant controuersie. Etsi autem Reuulsio ad remota valde commoda sit; (cum hoc semper obseruandum veniat, vt Reuulsio à parte affecta retrahat, non ad eam attrahat) & propterea etiam venæ sectio, quæ Reuulsionis gratia fit, in parte distanti & remota instituenda sit: tamen non simpliciter pars remotissima ad venæ sectionem eligenda est, sed quæ sit è directo: seu κατ' ἄνω, seu quæ præterea coniunctam habeat venarum communionem. Rectè enim Galenus, 3. de fract. text. 12. atque alibi τὸ κατ' ἄνω Hippocratis, per εὐδυσπία explicat, quæ nihil aliud est, quàm directio quædam vasorum, per quæ humorum deductiones commodè fieri, & ex vna parte in aliam faciliè fluere possint. Duplicis autem reclusionis apud authores mentio fit; vnius, quam naturæ reclusionem appellant, qua dextra dextris, & sinistra sinistris respondent, quæ fit seu per occultos quosdam meatus, seu venas eiusdem lateris ascendentes & descendentes; alterius, quæ fit per manifestos venarum ductus. Verum reclusio illa naturæ etsi neganda non sit, & necessaria sit in aliis remediis reuellentibus: tamen in venæ sectione locum habere non potest. Per angustos enim & occultos meatus sanguis reuelli non potest. Rectus igitur venarum tractus & ductus, ac venarum manifestus consensus est obseruandus. Qua in re tamen iterum authorum sententiæ discrepant. Alij enim venam, quæ Reuulsionis gratia aperiri debet, communem esse volunt cum parte affecta, alij cum mittente: alij præterea etiam reclusionem fibrarum in venis requirunt; atque eam τὸ κατ' ἄνω significare dicunt. Verùm cum Reuulsionis simpliciter & propriè dictæ proprium sit in contrarium auertere, & contrarium humori motum conciliare, eiuſq; munus sit, non id, quod influxit, detrahare, sed potius quod influit reuocare: venæ, quæ Reuulsionis gratia aperiuntur, potius cum parte mittente, quàm recipiente communicent, necesse est. Ita enim ad principium fluentem sanguinem reuocamus, & ad locum, vnde fluit retrahimus, & contrarium ipsi motum conciliamus. Venas nimirum hinc debemus eligere, quæ sunt à parte affecta remotæ, & cum mittente communionem habent, id est, quæ è directo parti affectæ opponuntur, vel secundum longitudinem vel latitudinem. Vt, si pars affecta sit infra, v.g. in ischiade, in parte superiore, cubito nimirum, in eodem latere, vena est aperienda; quod suadet etiam Galenus, lib. 10. de compos. med. secundum loca cap. 2. Si verò pars affecta sit loco superiore, verbi gratia, latus dextrum, in opposito cubito vena secta reuellit, Quæ etiam si ex parte affecta non euacuet, nihil refert: neque enim Reuulsionis est ex parte affecta euacuare. Ita pro Reuulsione ex hepate interior dextri cubiti eligenda est. Hæc enim non solum superioris ad inferius relationem habet, sed etiam proximè mādantem partem respicit, vacuans ex vena caua sanguinem, à qua in hepatis substantiam transmittitur sanguis facturus inflammationem. Eademque reclusio etiam in aliis partibus obseruanda, de qua Galen. lib. de cur. rat. per sang. miss. c. 16. 2. ad Glaut. c. 2. atque alibi. Ita enim κατ' ἄνω reuellimus, & εὐδυσπία obseruamus, quæ nihil est aliud, quàm directio quædam meatuum, per quos humores ex parte vna in aliam commodè fluere possunt: quos natura non vniusmodi fecit, sed alios secundum longitudinem, alios secundum latitudinem. Et quamuis κατ' ἄνω apud Galenum plerunque pro reclusionis secundum longitudinem accipiatur: tamen etiam, quæ sunt secundum latitudinem, è directo esse patet, ex comm. 3. de fract. text. 10. dum inquit: κατ' ἄνω semper pro ex directo ponit: aliquando per longitudinem corporis, aliquando per latitudinem, quemadmodum nunc. Quæ autem ex antiquis oblici possunt, quæ contrarium suadere, & venam cum parte affecta communi-

Reclusio duplex.

Quæ venarum reclusio in reuulsione obseruanda.

εὐδυσπία quid.

care debere, & in latere affecto aperienda præcipere videntur: ea accipienda sunt de Reuulsione non simpliciter dicta, sed quæ seu cum euacuatione seu derivatione ex parte affecta coniuncta est: quam quidem non reuicimus, sed solum in principio, corpore adhuc pleno, locum non habere dicimus, ne ea irritatione plus sanguinis ad partem affectam trahatur: verum demum post simplicem Reuulsionem admittimus. Neque etiam efficiunt ea, quæ Galenus, *lib. de curandi rat. per sang. miss. cap. 16.* scribit, dum inquit: *Pleuriticis, quæ è directo laborantis lateris adhiberi solet sanguinis missio, clarissimam sæpe utilitatem attulit: quæ verò ex brachio opposito, aut omnino obscuram, aut post temporis intervallum.* Cum enim evidens utilitas, ut nimirum æger se leuatum morbo sentiat, fiat euacuato sanguine ex loco affecto: facile concedimus, eam ex simplici Reuulsione, quæ fluentem solum retrahit, non euacuat ex parte affecta, percipi non posse, sed demum à venæ sectione, quæ post illam Reuulsionem simplicem adhibetur, & euacuationem ex parte affecta coniunctam habet, provenire. Interim si artis opera & artificiosam medicationem spectemus, magna illius etiam Reuulsioni, ex latere opposito est utilitas: etsi æger eam mox non percipiat, neque ea sola malo leuetur; ut hac de re scribit Iul. Cæs. Scalig. in *comm. in lib. Hippocr. de insomniis*, cuius verba conclusionis loco hinc apponere libet. *Finem, inquit, in quem intendimus, hunc esse par est, prohibere sanguinis copiam, ne ad malè affectum concurrat locus. Ergo ab opposita parte sanguis detrahendus. Nam sit dolor in latere sinistro: aperta indidem vena plus trahit à dextro in sinistrum, quam dextra incisa in sinistrum. Plus enim humoris est inter circumferentiam dextram, & doloris locum, quam inter eundem locum & circumferentiam sinistram. Vnum habent, quo profugiant: non prodesse, quoniam nulla sit, ut appellant, colligantia. At nos dicimus, non nunc agere, ut quod fluxit detrahamus: neque enim magni momenti est: neque quisquam prima statim die mortuus est, sed post multam affluxionem, quam tollit vena contraria remota: vena autem eiusdem lateris non solum non tollit sed etiam trahit ad locum malè affectum. Itaque toto post facto fluxu, ex eadem parte nos quoque detrahimus. Ac de ratione quidem hæc, de experientia quid dicamus facile in promptu est. Iam duodeviginti annos, non nisi unum vidimus, ex eadem parte incisa vena euasisse. Et sanè corpus athleticum, ut etiam magis mireremur. Verum scimus multos etiam sine phlebotomia sanos factos. At plus octoginta redeimus in commentarium quinto ab hinc anno, qui omnes eo curandi genere sint exincti: cum plus quingenti hic duodecim annis euasisent, quibus in aduerso cubito vena aperta fuerat. Hæc Scaliger. Verum de venæ sectione in pleuritide tractatio propter diffidentes Medicorum sententias, & quod venæ thoracis quid peculiare habere videantur, obscurior est, atque prolixior, quam ut hinc integrè explicari possit. Iam de recta Reuulsionis administratione agamus. Quantitas Reuulsionis quantitati fluxus & virtutis tolerantia respondeat. Maior autem est illa, quæ fit cum effusione humoris, quam quæ fit sine ea: atque in vnoquoque genere magnitudinis quidam gradus sunt & differentia, quarum quælibet certo humoris motu peccantis vitio respondeat. In venæ sectione peculiariter notandum, dum materia cum impetu fluit, maiores venas esse aperiendas, dum modò id loci natura & situs partium permittit. Auxilia enim cum præcipiti motu materiae celeritate contendere oportet. Verum si hæmotiæ causa sanguis mittatur: minores venæ secantur, æque sæpius aperiuntur. Si enim venæ apertio sæpius reperatur, & in plures vices sanguinis missio distribuatur, efficacior fit Reuulsio: quia natura irritata crebris motibus reuulsoriis eò humores mittere adsuescit, & priorem locum deserit. Tempus quod attinet, cum Reuulsio humoribus*

fluentibus debeat, non iis, qui iam influxere, præcipue incipientibus fluxionibus adhibenda est. Est tamen, cum reliquis quoque temporibus Reuulsione opus est. Si enim fluxio aliqua sit diuturnior, contumax & rebellis, etiam in iam inueterata, & post principium reuulsio adhiberi debet. Contra interdum inter initia Reuulsione opus non est. Nam tum Reuulsione solum vitimur, præcipue ea, quæ fit cum materia euacuatione, cum fluxio est vehementior, & copia materiae maior. Si verò materia non est copiosa, aut eius impetus non magnus, derivatio aut Repulsio ad avertendum humorem à parte affecta sufficere potest. Loca, quibus adhibentur reuulsoria auxilia, varia sunt, pro varietate partium laborantium: quæ facile ex iis, quæ supra de contrarietate in Reuulsione observanda dicta sunt, patent: & particulatim de his agunt practicum libri. Vnum saltem in specie explicare & disquirere libet, quæ venæ, vtero laborante, reuulsioni gratia aperiendæ sint. Planè quidem id definiisse videtur Galenus, dum, *2. ad Glauc. cap. 2.* ita scribit: *in locis muliebribus in contrarium trahes, si eas, quæ in cubito sunt, secueris venas: deriuabis autem, si eas, quæ in poplitibus aut talis sunt, venas diuiseris.* Verum ut id in dubium vocetur, fecit in primis Leonh. Fuchs, qui, *lib. 3. de medendis morbis cap. 6.* de curatione inflammationis vteri hæc habet. *Initio venam poplitis aut malleoli secabimus, idque ex Galeni traditione qui, in lib. de curandi rat. per sanguin. miss. vteri phlegmonem à venis in crure sectis magis, quam in gibbero iuuari scribit. Nam vena illa non solum ab vtero reuellunt, verum etiam vacuant.* Quam sententiam alibi etiam pluribus probare conatur, & venæ sectionem, quæ in cruribus fit, veram reuulsionem esse defendit; siquidem per eam humorum tractus in contrarium fit, nempe è supernis ad inferna, hoc est, ab vtero, qui superior est, ad crura, quæ sunt infra hunc sita: si perna autem infernis contraria esse statuit. Eiusdem sententiæ etiam Galenum esse existimat, non solum, in *lib. de curandi rat. per sang. miss. c. 18.* sed & *13. meth. med. c. 11.* vbi in vteri phlegmone venas, quæ in cruribus sunt, secare iubet. Verum hæc opinio non immerito improbatur, si natura Reuulsioni diligentiùs perpendatur. Etenim cum in omni reuulsione hoc observandum sit, ut nunquam trahamus fluxionem ad partem affectam, sed potius materiam fluentem aut fluxuram à parte affecta amoliamur: hoc certè non præstabunt in vteri inflammatione venæ crurum apertæ: cum potius ad vterum sanguinem attrahant, quam ab eodem remoueant; vix potest quæ etiam menses promouent, ut docet Galenus, *de curandi rat. per vena sect. cap. 18.* & superfluitatem ad locum affectum, id est, ad vterum, & versus vterum trahant. Quanquam verò crura vtero sunt inferiora: tamen contrarij rationem non habent: alias etiam pes, qui genu est inferior, esset eidem contrarius, & affecto genu esset reuellendum ad pedem; quod falsissimum esse manifestum est: sed tali contrarietate hinc opus est, quæ sanguini contrarium motum conciliare potest, & quæ non sanguinem à fonte vnde fluit, ad partem affectam promouet, sed potius à parte affecta longè remouet. Neque sanguinem, qui ad vterum confluit, ad crura trahere est reuellere, sed deriuare. Vnde etiam si Galen. in *lib. de cur. rat. per sang. miss.* dicit, vteri inflammationem, (quanquam nonnulli negent, Galenum hoc dicere de inflammatione, sed saltem de retentione mensium proferre affirmant) plus iuuari à venis crurum apertis, quam à venis cubiti: id (si de inflammatione loquitur) non facit ideo, quod reuellendi, sed saltem quod deriuandi potestatem habent; quod idem etiam dicendum est de loco *13. meth. med. c. 11.* Nam vbi reuulsione opus est, per quam venam reuellendum sit, disertis verbis explicat, *7. ad Glauc. cap. 2.* Ideoque etiam locus ille, *ex cap. 18. lib. de curandi rat. per sang. miss.* non legendus est, ut à nonnullis

Loca Reuulsionis.

Quæ vtero laborant.

Reuulsionis recta administratio.

Tempus Reuulsionis.

nullis allegatur, hoc modò : *quæ verò sunt ex cruribus, non solum retrahunt, sed etiam promovere menses possunt; sed legendus, ut in vulgata Gaudani versione habetur: Quæ verò sunt ex cruribus euacuationes, tantum abest, ut retrahant, ut etiam menses promoveant.* In Græco enim procul dubio deest negatiua $\epsilon\kappa$, atque ita legendum est: $\tau\alpha\upsilon\tau\alpha\ \delta\epsilon\ \alpha\pi\omicron\ \sigma\kappa\epsilon\lambda\omega\upsilon\varsigma\ \epsilon\kappa\ \mu\acute{o}\nu\omicron\nu\ \epsilon\kappa\ \alpha\upsilon\tau\iota\omega\pi\acute{\alpha}\sigma\alpha\iota\ \alpha\lambda\lambda\alpha\ \kappa\epsilon\ \omega\sigma\tau\epsilon\pi\epsilon\upsilon\ \psi\acute{\alpha}\rho\chi\epsilon\ \tau\alpha\ \kappa\alpha\tau\alpha\lambda\upsilon\omega\iota\alpha$, Nam sanguinis consuetum illum, quem in mensium fluxu habet, ad vterum & per vterum, motum conciliare, simulque ab utero retrahere, impossibile est. Et quamvis Fuchsius dicat: retrahere sanguinem, sed non ad superiora, verum ad inferiora: tamen id non satisfacit. Nam sanguis, qui vel obstructionem, vel inflammationem in utero facit, non à cruribus ad vterum fertur, sed à superioribus vasibus. Ita quoque contrarietatis ratio in cucurbitularum, dum reuulsionis gratia adhibentur; applicatione obseruandum. Sic mensibus nimium fluentibus cucurbitulas sub mammis affigimus ex præcepto Hippocratis. *aph. 50. mulieri si velis menses cohibere, cucurbitulam quam maximam mammis appone.* Sic sanguine supra modum è naribus fluente cucurbitulæ hypochondriis affigendæ super iccore; si è dextra nare sanguis fluat; super liene, si è sinistro; super utroque verò viscere, si ex utraque nare profluat. Ut & in reliquis, quæ reuulsionis gratia adhibentur, frictionibus nimirum, ligaturis, vesicatoriis, fonticulis, contrarietatis ratio obseruanda.

CAPVT XIX.

De Deriuatione.

ATque hæc de Reuulsione. Deriuatio autem eam materiam respicit, quæ iam in partem influxit, nondum tamen extra venas in spatia partis effusa est, sed in venis eius adhuc fluctuat. Est enim Deriuatio humoris parti incumbentis ad vicina auersio seu traditio, & per ea euacuatio. Atque in hac, puta, quæ fit per venæ sectionem, communicatio venarum cum parte affecta, cuius toties apud authores mentio fit, obseruanda. Cum enim ex parte affecta per vicinam humorem illapsus euacuare debeat, necesse est, ut talis vena, quæ cum parte affecta communicet, aperiatur. Ita enim (quod Galenus de vena in eodem latere in pleuritidis aperta affirmat) clarissima & citra utilitas percipitur. Illud etiam hinc obseruandum, si materia in corpore copiosa sit, non instituendam esse Deriuationem, nisi plenitudo dempra sit. Aliàs enim periculum est, ne plus humoris ad partem affectam trahatur. Quapropter commodissime Reuulsio illa simplex, quæ humorem simul euacuat, præmittitur. Quantitas Deriuationis humoris, qui in partem influxit, quantitati & ægri viribus respondeat. In sanguinis autem missione modum & terminum Deriuationis in inflammationibus ex coloris mutatione nos discere iubet Hippocrates. *2. de victus rat. in acut. t. 10.* Qualis autem coloris mutatio esse debeat, docet Galenus in comment. *Quicquid inquit, sanguinis in phlegmone continetur, id caloris abundantia colore permutatur: reliquum autem in partibus omnibus simile manet. Eam ob causam sanguine, qui in totum spargitur corpus, pituitosiore existente, rubicundior sanè erit, qui in eo, quod phlegmone obsidetur, latere continetur. Quod si sanguis in totum corpus diffusus rubicundior fuerit: is proculdubio, qui ad phlegmonem est, adustus assatusque in nigrum mutabitur.* Coloris itaque mutatio ex parte affecta sanguinis translationem certò significat. Non tamen eam semper, ut, *ibidem*, docet Galenus, expectare licet, ob virium imbecillitatem. Tempus commodum Deriuationi est, cum materia in partem influxit, & copia materiæ iam dempra est, affluxusque sedatus. Non tamen etiam nimis diu differenda. Si

enim humores iam parti impacti sunt, & pertinaciter inhæreant, tum amplius non derinantur, sed aliis modis ex parte affecta euacuandi sunt. Loca situs partium monstrat: quæ in genere parti affectæ vicina esse debent, & meatibus cum ea communicare: Speciatim autem in variis affectibus varia alibi recensentur.

CAPVT XX.

De Repulsione.

QVatuor omnino modis humorem, qui præter naturam ad partem aliquam fluit, ab eadem amoueri posse, supra docuimus, Reuellendo nimirum, deriuando, repellendo, intercipiendo. De quorum prioribus duobus cum hætenus actum sit, reliquos nunc addemus. Repellentia primò humorem influentem aliò propellunt, prohibentque ad affectam partem peruenire, & cum, qui recens influxit, exprimendo partem ab humoris copia incumbente liberant. Repellentia enim non tantum humorem, qui influit, & adhuc in venis partis continetur, sed etiam eum, qui iam extra venas elapsus in spatiis partis consistit, modò nuper influxerit, neque dum impactus sit, reiciunt. De iis humoribus, qui in venis partis adhuc hærent, res manifesta, & palam est, incipientes fluxiones sæpe solo repellentium usu sisti, & partes, quæ iam in tumorem attolli incipiebant, detumescere: eos tamen etiam, qui iam extra venas elapsi sunt, in venas resumere & repelli posse, si nihil aliud, saltem infantium exanthemata, quæ variolas & morbillos nominant, persuadere possunt, quæ frigidi aeris occursum facile repelluntur, occultantur, & euanescent. Non probatur equidem nonnullis hæc sententia, qui impossibile putant, in venas turgidas & satis densas expulsam iam & crassiorem factam materiam reuerti posse; cum spatia inania habeat patentiora, laxiora, & ignobiliora, si per carnes dispergatur, existimantque, tumores imminui, variolas & morbillos delirescere, repulso sanguine ad spatia proxima, & è venis minimis in maiores, & eo, qui fluxerat, sponte & insensibiliter discusso. Verum de eo, qui in venis minoribus consistit, nullum dubium est, eumque ad maiores facile refluere posse, extra controuersiam est. Quin autem & ille, qui iam è venis in spatia proxima recens effluxit humor (nam de eo, qui iam crassior factus est, id non assero) si ei per repellentia occasio detur, refluere, & reliqui, qui in venis est, sanguinis motum sequi possit, impossibile non videbitur ei, qui in corpore viuentem miram illam $\epsilon\upsilon\epsilon\pi\omicron\sigma\iota\omega\varsigma$, & humorum ex vna parte in aliam influxum & $\mu\epsilon\tau\alpha\sigma\tau\alpha\sigma\iota\varsigma$ in angina, pleuritide, & aliis inflammationibus perpenderit, & officia vasorum, quæ in cadaveribus planè clausa videntur, satis hiare cogitauerit. Et si illi saltem humores, qui in venis minoribus sunt, in maiores refluere, reliqui verò, qui iam è venis exciderunt, insensibiliter discuti debeant, ad id temporis spatium sufficiens requireretur, ut in suggillatis & sanguine sub cutem effuso sæpe satis longum tempus ad eius discussionem requiri videmus; cum tamen videamus, sæpe in momento quasi non solum variolas & morbillos & talia $\epsilon\gamma\alpha\upsilon\theta\eta\mu\alpha\tau\alpha$ & tubercula minora, sed & tumores pestilenciales, ac parotides euanescere, vix ullo sui relicto vestigio. Non tamen in omnibus fluxionibus repellentia adhibere licet. Partibus enim ignobilibus, præcipuè iis, ad quas natura interdum humores protrudere solet, ut sunt glandulæ post aures, & in collo, sub axillis, in inguinibus, adhibenda non sunt, ne humor ex iis repulsum ad partes principes & nobiles feratur. Eodem etiam modo adhibenda non sunt repellentia, quando fluxio parti principi vicina est, ut in erysipellate in facie & collo: ne intro acta materia partem principem lædat. Commodè quoque non adhi-

Locum.

Repulsio.

Repellentia non omnibus fluxionibus conueniunt.

beantur repellentia partibus nimis profundo loco sitis. Non enim ad eas pertingit vis repellentium. Imò non tantum nihil commodi ex repellentibus tunc adhibitis percipitur, sed etiam malum iis augetur. Repellentium enim usu humores ex partibus superiacentibus intrò pelluntur, & in partem affectam coguntur, ac impinguntur. Ità si materia sit maligna & venenata, ut in carbone pestilenti, eam repellere non decet, ne ad interiora regressa hominem iugulet. Ut nec ubi ab animalis venenati ictu vel morsu vulnus inflictum est; cum potius tum venenum ad exteriora trahéd. m. sit. Sicut etiam omnino non competit repellere, cum natura rectè agens criticè in aliquam partem materiam deponit. Neque enim natura rectè agens in opere suo, impedienda, ipsique contrarius motus instituendus est: sed potius naturam rectè agentem iuvare decet. Humor quoque si multus sit, & corpus plenum, non adhibenda repellentia, antequam corpus euacuetur. Cum enim corpore pleno materia regredi non possit, saltem in partem magis impingitur, aut in partem nobiliorem agitur. Frustrà etiam adhibentur repellentia, cum humor iam impactus est parti. Talis enim humor repelli nequit. Denique si dolor adsit vehemens, repellentia non commoda sunt. Cum enim partem constringant, dolor augetur. Itaque vel laxantia & dolorem lenientia tum admiscenda, vel ex repellentibus solum ea, quæ lenia sunt, adhibenda. Tempus commodum adhibendi repellentia ex iis, quæ dicta sunt, patet. Nam cum repellentia, ut dictum, iis humoribus solum comperant, qui influunt, vel recens influxere, non verò iis, qui iam parti impacti sunt: facile hinc colligere est, commodissimum tempus adhibendi repellentia esse principium fluxionis. Vbi tamen hoc, quod etiam ex superioribus patet, observandum, si adsit aliqua in corpore plenitudo, ante euacuationem & reuulsionem adhibenda non esse, sed prius corpus euacuandum, ut humores liberiùs repelli & retrudi possint, neque in partem principem irruant; quod aliàs facile fieri posset. In statu verò repellentia commodè non adhibentur. Cum enim tum humor iam crassior sit, & parti impactus, frustrà adhibentur. Neque aliàs etiam in repellentium usu, præcipue solorum, nimis diu persistendum. Nam ex nimia refrigeratione tum alij peiores affectus oriri, tum pars ipsa emori potest. Quapropter iam principio versus augmentum vergente digerentia admiscenda sunt, quæ postea sensim augenda. Quod ipsum Galen. tum alibi docet, tum 6. de compos. medic. sec. loc. c. 3. dum inquit: *Rarò inuenerit quis affectionem aut discussoris tantum, aut repulsoris indigentem. Pauca etenim & affectionis vix nomine à Medicis dignata confestim sanantur. Vbi verò generatus affectus maiorem habuerit causam, impossibile est, ipsum per repulsoria perfecte sanare, & maxime ubi agri corpus fuerit multis humoribus refertum, aut affecta particula natura debilis. Ob id igitur cogimur sæpe in principio, sæpe verò paulò post admiscere aliquid ex discussoriis: Si verò dolor adsit vehemens, etiam ex mitigatoriis.* Qua autem ratione miscenda sint repellentia cum discutientibus, docet idem Galen. eod. lib. c. 1. his verbis. Quemadmodum in principio commoda sunt pharmaca, id, quod influit, repellentia: sic post principium usque ad finem pharmaco opus est, ex utrisque misto, repellente videlicet & discutiente facultate prædito: ac primo quidem tempore adstringens præcellere oportet; ad finem verò discutiens: interposito verò tempore æquales utrorumque partes esse oportet. Medicamenta autem, quæ repellere dicuntur, id præstant, vel quia partem eiusque vasa comprimendo & contrahendo humores in iis existentes exprimunt: vel quia per accidens frigiditate repellunt, & humores retrocedere faciunt; quoniam videlicet in frigore occurrente motus imperiusque humoris calore ferè ingitatus soluitur & intercipitur, sic ut non amplius ir-

Tempus repellendi.

ruat & irrumpat humor. Sunt. n. ut dictum, repellentia vel frigida & humida, ut sempervivum, lactuca, solanum, quæ nonnulli densantia potius, quàm repellentia appellant: vel frigida, ac sicca & adstringentia, quæ propriè repellentia nominantur. Hæc fortiora sunt priorib. Duplici enim ratione repellunt, & quatenus frigida sunt, & quatenus adstringunt; cum repellentia illa humida & aquea solum frigiditate repellat. Ideoque illa repellentia frigida & humida sine adstrictione solum humores tenues & in superficie positos repellunt: atque ita conueniunt maximè, cum humor tenuis & paucus fuerit, ac superficiem corporis occupat, aut cum fluxiones, ob nimium partium calorem accidunt, vel calorem magnum adiunctum habent. Ità enim & illum tollunt, & prohibent, ne humor in parte recipiatur. Eodem modo etiam conueniunt, si dolor adsit vehementior. Humiditas enim frigiditati adiuncta partes nonnihil laxando lenire aliquo modo dolorem potest. Verum cum etiam inter hæc quidam gradus sint, & fortius repellat sempervivum, & solanum, quàm trifolium aut umbilicus veneris; adhuc verò frigidiora sint, cicuta, mandragora: nunc hæc, nunc illa adhibere conuenit, prout maior vel minor est caloris excessus, & fluxionis vehementia. Repellentia verò, quæ adstringunt, conueniunt, cum dolor nō ita urget, & ob debilitatem partium fluxiones fiunt. Nam & affectis partibus robur conciliant, & ne influens humor in parte recipiatur efficiunt, & eum, qui recens influxit, repellunt: ubi sensus exquisitus est, veluti in oculo, fugere oportet, quæ valde frigida sunt & valde adstringunt, Galen. lib. 13. meth. med. c. 22. Cæterum locus, cui adhibenda sunt repellentia, ille ipse est, à quo repellere oportet. Quamobrem non solum extra imponuntur, sed etiam intus dantur vel epota vel per clysteres iniecta.

CAPVT XXI.

De Intercipientibus.

Intercipientia ferè conueniunt cum Repellentibus, solumque ab iis ratione loci differunt. Repellentia enim adhibentur parti affectæ: Intercipientia verò viis, per quas humor defluit: qualia sunt defensiva vulgò dicta quæ facultate frigida, sicca, terrea, ac adstringentia, in ipsa via humoribus aditum intercludunt, & ne ad partem affectam pertingant, efficiunt. Et quidem tribus modis hoc præstant, nimirum vel condensando humores, ne ita liberè fluere possint; vel meatus constringendo, ne humor per eos expedire adfluat; vel exsiccando & quasi exhauriendo. Verum cum inter hæc alia valentiora sint, alia mitiora, fortioribus utendum in habitu corporis durior, ubi vasa ampliora sunt, aerisque status est calidior, qui vias laxat & dilatat, & affluentis humoris maior impetus. Si contra se res habeat, mitiora adhibenda. Applicantur autem commodissimè locis excarnibus, in quibus vasa sunt evidentiora & patentiora, ut in articulis, vel supra articulos: ut si inflammatio sit in pede, supra malleolos; si in tibia, supra genu: si in coxa, ad inguina; si in summa manu, ad carpum; si inter carpum & cubitum, supra cubitum; si in humero, ad summum humerum. Hoc loco istud non prætereundum, nonnullos, intercipienti humoris gratia, fascia partes supra articulum constringere, atque in ea esse opinione, vinculo hoc modo vasis contractis humores intercipi. Verum errant hi: vincula enim fortia attrahunt plus humoris, & non raro hoc modo adhibita gangrænam accersunt. Atque ita quomodo vnum humorum in motu vitium, quatenus nimirum non rectè mouentur, corrigi debeat, diximus: alterum etiam subiungemus, quod est, quando, quæ moueri debebant, planè non mouentur; ut cum

Intercip-

Intercipientia quæ locis apertis adhibenda.

menses,

menes, hæmorrhoides, aut aliqua alia consueta euacuatio supprimitur. Cum autem nullum derur remedium, quod per se humores præter naturam quiescentes commoueat: causæ huius quietis inquirendæ sunt: quas quidem ex iis, quæ de causis fluxionum dicta sunt, inuenire nõ ita difficile est. Nam cum ad fluxum requiratur caliditas & tenuitas humorum, & viarum, per quas fluere debent, laxitas & amplitudo: quietis causa erunt frigiditas & crassities humorum, ac viarum angustia. Quapropter humores, qui quiescunt, calefaciendi & attenuandi sunt, & meatus laxandi, & angustia tollenda, de quo suo loco. Quæ si non iuuant, ad ea, quæ vi humores concitare possunt, quæ supra enumerauimus, nimirum quæ caloris, doloris & vacui ratione humores in aliquam partem attrahunt, veniendum: inter quæ quidem maximam vim humores commouendi habent, quæ vacui ratione trahunt. Vnde ad suppressos menses ciendos maximè facit, si instante tempore purgationis menstruæ venæ in partibus inferioribus aperiantur, aut crura scarificentur.

CAPVT XXII.

De Discussione seu Διαφορῇ.

VNum adhuc restat humorum vitium secundum Vbi, dum nimirum humores aliqui in aliqua parte, in qua non debebant, hærent: quod plerunque ad vitium in motu sequi solet. Nam dum humores in partem aliquam præter naturam fluunt, sæpe fit, vt reuellentibus, deriuantibus, intercipientibus, repellentibus planè ex parte affecta tolli non possint, sed post omnia hæc adhibita auxilia aliquid in parte relinquatur: id itaque cum in loco illo præter naturam hæreat, quæ ratione ex eo amouendum sit, tandem etiam dicendum. Humores autem illi, qui in parte iam infarcti & quasi impacti hærent, remeandiq; potentiam amplius non habent, pluribus modis ex parte affecta tolli possunt, qui tamen omnes ad duos reducuntur. Vel enim insensibiliter per ἀδραν διαπνοὴν seu διαφῆσιν humor in vapores resolutus discutitur; vel manifestè euacuatur, & humor sub forma humoris educitur. Quæ per insensibilem transpirationem humorem tollunt, Discutientia, Resoluentia & Dirigentia appellantur. Adhibentur autem commodè, cum humor paucus, tenuis, sub cute molliore hærens, & loco tali situs est, ad quem vis medicamentorum discutientium potest penetrare. Si enim humor nimis crassus sit, frustra tentatur διαφῆσις. Neque etiam per cutem densam nimis vis medicamentorum penetrat, & vaporibus non datur liber transitus. Si autem materia loco nimis profundo hæreat, vix eò penetrabunt discutientia, aut fortiora, vt postea dicetur, sunt adhibenda. Non tamen adhibere licet διαφῆσιν, si plenitudo in corpore adsit, sed prius corpus euacuandum est: aliàs enim periculum est, ne calidis his medicamentis plus materiæ attrahatur. Tempus adhibendi discutientia quod attinet: In principio ea non conueniunt, sed potius tum vtendum repellentibus. Cur autem in principio repellentia magis conueniant, quàm discutientia, plures causas affert Galen. Primò enim, meth.med.c.16. ita ait: *In principio tum parum est, quod affluit, tum magna ex parte tenuius, tum partis ipsius, quæ recipit, virtus valentior, utpote nondum lassata, tum quod in afflictâ parte continetur nondum violenter impactum.* Vbi, quod de virtute valentiore dicit, præcipuè notandum. In principio nimirum humorum copiâ nondum debilitata ad expellendum natura fortior est; potissimum si medicamenti adiuuetur: quod faciunt repellentia, quæ expultrici vasorum adstrictione sua robur addunt. Aliam rationem affert, art.paruæ.c.95. quod nimirum per repellentia expeditior fiat euacuatio, utpote per vias ma-

iores & magis expeditas. Repellens enim humores ex vasis minoribus ad maiora pellit: Contra digerentia attrahunt à vasis maioribus ad minora. Denique & ea de causa in principio sunt commodiora repellentia: quia simul calorem nimium partis alterant. In principio igitur potius Repellentia adhibeantur, quàm digerentia. In augmento iam quidem locum habent; sed non pura, verùm repellentibus mista: postea semper quantitas repellentium minuenda, & διαφῆσιν augenda; donec tandem in fine status & instante declinatione sola adhibeantur. Qua in re vtile est considerare occasionem & causam fluxionis. Ea enim, quamdiu adhibenda sunt & repellentia & discutientia, docet. Nam in affectibus frigidis repellendi tempus breuius esse debet, discutiendi longius. In calidis contrà longius sit tempus repellendi, discutiendi breuius: cum his medicamentis non solum fluxioni, sed etiam intemperiei satisfiat. Ipsa autem medicamenta διαφῆσιν quod attinet, omnibus hoc commune est, vt sint calida & exsiccantia. Inter ea tamen alia aliis calidiora sunt, & hinc vel leuiora & mitiora, vel valentiora existunt diaphoretica. Nam cum medicamenta referantur ad ipsos humores extenuandos ac resoluendos, & horum alij facilius, ob tenuitatem suam, alij difficilius, propter crassitiem, resolui possint: necessum est, vt medicamenta διαφῆσιν alia aliis sint valentiora, & calidiora, alia minus talia. Vtimur nimirum leuioribus, cum materia est in superficie corporis, pars affecta mollis & laxior. Fortiora adhibentur, cum materia in profundiore loco sita est, aut sub crassa & densa cute, ipsaque est frigidior & crassior. Situm enim materiæ quod attinet, si materia discutienda in profundiore loco hæreat: adhibentur iure valentiora diaphoretica. Nam si imbecilliora tum adhiberentur, ad partem in profundiore loco positam saluis viribus non peruenirent, sed calor remissior longiore illo tractu exsolueretur, vt postea partem affectam parum iuuare possent. Illud denique circa διαφῆσιν nõ est prætereundum, vt sint morsus & acrimonie experti, ne dolorem, qui fluxiones augere solet, augeant: Deinde vt caute fortiter resoluentia adhibeantur. Nam si fortiora resoluentia minus dextrè, præsertim sola, adhibeantur: resolunt tenuiores humoris partes, & crassas relinquunt atque indurant, & mala sæpe incurabilia efficiunt. Quapropter commodum est, fortiter resoluentibus humectantia & emollientia admiscere. De quibus iam dicendum est.

CAPVT XXIII.

De Materia Emollitione & Suppuratione.

EMollientia necessaria sunt, quoties materia crassa & indurata est. Nam si materia sit crassa & indurata, frustra adhibentur diaphoretica; cum talis materia iis discuti non possit: sed prius emollienda est. Cum autem, vt ex Galeno, lib.5. de simpl.med. fac.c.5. patet: durum tribus modis efficiatur, exsiccatione, concretionem, & nimia repletionem: medicamentum μαλακτικόν, vt est eodem in loco, non de iis omnibus accipitur, sed peculiariter de iis, quæ cōgelatione induruerunt. Μαλακτικά autem medicamenta sunt, quæ moderate calefaciunt, simulque non valde exsiccant, quæ nempe & quod congelatum est, fundunt, & sensim per halitum digerunt. Nam quæ valde excalfaciunt, hærens & contentum in particula humidum violenter discutientia, reliquum omne desiccant, & incurabile malum efficiunt: quæ verò valde exsiccant, etiam si non calefaciunt, atque ita subtile & tenuius euacuant, tamen ex sua natura ad summam duritiem humores adigunt. Si tandem in vaporem resolui & discuti materia non potest, in pus conuertitur. Nam cum in alim-

Emollientia.

Suppurantia.

mentum

mentum partis verti non possit: natura & calor innatus partis eam, quam quidem recipere potest, formam ipsi inducit, in pus nimirum mutat, & ab utili alimento segregat, ut commodius postea aperta cute euacuari possit. Quapropter ut hoc citius fiat, Medici est, si videat humorem per *ἀδύλον διαπύλον* discuti non posse, hac in parte Naturæ opem ferre, & maturantia medicamenta adhibere, id est, talia, quæ moderatè sunt calida & humida, ut calorem innatum augeant & foueant; & præterea emplastica, quæ lentore suo poros cutis occludant, & ita effluuium illud caloris & calidarum exhalationum prohibeant, unde calor innatus augeatur. De quorum usu primò obseruandum, non esse adhibenda suppurantia, nisi cum planè persuasum habemus, per *ἀδύλον διαπύλον* humores discuti & supurationem prohiberi non posse. Si enim spes est, humores discuti posse, à suppurantibus abstinendum. Deinde & illud notandum, non omnes humores æquè rectè in pus verti posse. Sanguis quidem faciliè in pus mutatur, & tumores ex sanguine faciliùs & tutiùs suppurantur. At in affectibus ex bile & melancholia natis vix sine periculo adhibentur suppurantia: cum horum usu illi humores sæpe ita degenerent & corrumpantur, ut cancerum & alia maligna vlcera excitent. Neque etiam quouis loco tutò adhibentur. In partibus internis non temerè procuranda suppuratio. Nam ex pure, utpote digniores, valde læduntur, & vix ex iis, aut non sine insigni offensione pus euacuari potest. Inter partes verò externas non tutò circa articulos adhibentur suppurantia. Debilis enim his partibus calor est, & non faciliè sanitati restituntur. Quomodo autem pure confecto abscessus aperiendi sint, & quid porro agendum, suprà *part. 1. sect. 2. c. 7.* dictum. Hoc ergo loco, hac Methodi medendi parte, quæ indicationem præseruatoriam complectitur, absolutâ, pedem figimus. De Indicatione curatoria, & vitali iam porro agendum restat.



LIBRI V. PARS II.

SECTIO II.

De Indicatione Curatoria.

CAPVT I.

De Morbis Intemperiei Curandis.

Postquam Indicationem præseruatoriam absoluius, & qua ratione causæ morbos efficientes tolli possint, docuimus: iam ad Indicationem curatoriam accedimus, viam morbos tollendi pro compendij ratione monstraturi. Cum autem tria sint morborum genera, ut suprà, *lib. 2. part. 1. c. 2.* dictum, Morbi scilicet partium similarium, compositionis & solutæ unitatis: à morbis partium similarium faciemus initium. Sunt verò, ut, *ibid.* dictum, morbi partium similarium duplices, Morbi intemperiei, & morbi totius substantiæ, ut vocant, seu occultarum qualitatum. De morbis igitur intemperiei primò dicemus. Vbi hoc primò obseruandum, quæ hinc de morbis intemperiei tollendis dicemus, etiam ad causas, quatenus intemperie peccant, applicari posse. Quamobrem etiam suprà pauciora de causarum in qualitate vitio corrigendo diximus: cum eodem, qui hinc explicabitur, modo causarum in intemperie peccatum tolli & corrigi possit. Intemperiei verò debetur alteratio per contraria; cum omnis curatio *πρὸς τὸν τὸν κοινῶτα τὸν σκόπον τὸ ἐναντίον* habeat, seu omnis curatio per contraria absoluitur, ut Galenus, *art. Medic. cap. 89.* docet. Si enim, ut idem Galenus,

eodem loco, loquitur, omne immoderatum est præter naturam; moderatum verò secundum naturam: necessum est, ut immoderatum per immoderatum contrarium ad mediocritatem redigatur. Ideoque qualitates contrarietatis & remedij monstrat qualitas affectus præter naturam, & quidem simplex simplicem, composita compositum: calida intemperies indicat medicamentum refrigerans; frigida, calefaciens; humida, siccans; sicca, humectans; calida humida, medicamentum frigidum siccum; calida sicca, frigidum humidum; frigida humida, calidum siccum; frigida sicca, calidum humidum. Non autem solum in alteratione contrarietas in genere obseruanda, ut scilicet calido frigidum, & frigido calidum opponatur: sed & gradus contrarietatis obseruandus, & danda opera, ut, quantum fieri potest, ipse gradus recessus à naturali statu deprehendatur, ipsique exactè respondens remedium opponatur. Assequemur autem hoc præcipuè, si perpendamus, quam quodlibet corpus, & quælibet pars temperiem habuerit, antequam in morbum incideret. Itaque qui plurimum à naturali statu recessit morbus, vehementioribus indiget remediis; & contrà, qui non multum à natura i statu abest, mitiora postulat remedia. E quibus hæc deduci hoc loco regulæ possunt. Nam primò si morbus, qui plurimum à naturali statu recessit, fortibus indiget remediis, sequitur: quod morbus calidus in corpore naturâ frigidior valentibus expugnandus est frigidis: Et morbus frigidus in corpore natura calido calidiora requirit remedia: Morbus humidus in corpore sicco & duriore naturâ vehementius siccantia requirit: Morbus siccus in corpore humido & molli fortius humectantia postulat. Ex altera verò regula, quæ iubet in morbo, qui minus à naturali temperie distat mitioribus utendum esse remediis, hæc sequuntur: Calidus morbus in corpore natura calidior frigida mitiora remedia requirit. Frigidus morbus in corpore frigidior calida debiliora postulat remedia: Humidus morbus in corpore naturâ humido & molli minus valenter siccantibus eget: Siccus morbus in corpore naturâ sicco & duro minus humectantibus opus habet. Ideoque ante omnia partis, quæ intemperie laborat, conditio & natura perspecta sit oportet, & non solum recessus eius à naturali temperie perpendendus; sed & quas alias proprias & peculiare qualitates sua natura habeat, vel quas à causa efficiente acceperit, considerandum: multumque interest, an nervus, vel caro, an ventriculus, vel hepar intemperie laboret. Licet enim affectus, ut intemperies est, solum alterationem per contrarium requirat: tamen ut huius partis est intemperies, non solum definitam, & huius partis temperiei convenientem contrariam medicinam postulat; sed & talem, quæ in cæteris quoque naturæ & conditioni partis respondeat, nullamque, quæ parti nocere possit, qualitatem adiunctam habeat. Primò itaque id obseruandum, ut non solum medicamentum intemperiei præsentis, quantum fieri potest, exactè respondens opponatur, sed & sit appropriatum, & peculiarem cum partis affectæ natura convenientiam habeat. Ergo si cerebrum sit calefaciendum, non quodlibet medicamentum adhibendum, sed ea quæ cephalica dicuntur, ut betonica, maiorana, rosamarinus, &c. sunt usurpanda. Ita thoraci, thoracica; cordi, cardiacæ; ventriculo, stomachicæ; hepati, hepaticæ; lieni, pleticæ; utero, hysterica, & sic cuilibet membro appropriata medicamenta exhibenda sunt. Deinde etiam videndum, an corpus à causa morbifica aliquam, præter primas, qualitatem acceperit: ideoque alia refrigerantia sunt exhibenda, si calor sit simplex, alia, si præterea quædam malignitas præsens sit. Tandem quoque cauendum, ne medicamentum cum qualitate, quâ ad corrigendam aliquam intemperiem opus est, aliam quamcunque etiam qualitatem,

Suppurantia
quando ad-
hibenda.

Qua loco u-
surpanda sup-
purantia.

Quon-
gradus
trarietas
seruanda

Appropri-
contraria
hibenda

Morborum
Intemperiei
curatio.

Intemperies
quid indicet.

tem, quæ parti nocere possit, coniunctam habeat. Quapropter non solum in alterando fugienda ea, quæ quandam cum parte affecta antipathiam habeant, & ea adhibenda, quæ parti appropriata sint: sed & reliquæ omnes qualitates noxiæ vitandæ. Proinde simplicibus intemperiebus curandis simplicia contraria medicamenta maximè conueniunt: quæ si non semper in promptu sunt, admixtione aliorum qualitas illa, quæ minus conuenit, aut etiam noxia est, tolli potest: sicut contra in compositis intemperiebus, si medicamentum, quod compositis qualitatibus contrariis conuenit, habere non licet, admixtione aliorum id, quod deest, supplendum. Ex his vtilis quædam admonitiones, in peculiaribus quibusdam partibus obseruandæ deduci possunt. Primò in capitis affectionibus curandis obseruandum, ne facile ultra mediocritatem alteremus. Princeps enim membrum est cerebrum, & si calefaciendi modus excedatur, & natua cerebri intemperies in calidiorrem præter naturam mutetur: vigilæ, deliria ac furor facile excitantur: si verò in refrigeratione modus non seruetur, sopor, actionum omnium torpor, & amentia inducitur. Tutius tamen est calefacere, quàm refrigerare. Nam frigida facile calorem natium extinguunt. Ideoque inprimis dum caput humectare, refrigerare, somnumque conciliare animus est, cauendum, ne calorem natium debilemus, & alium affectum inducamus; & proinde nec diu, nec frequenter talia sunt adhibenda, interimque caput fricandum, vel exsiccandum linteis siccis. Videndum quoque, dum externis capitis partibus saltem laborantibus alterantia adhibentur, vt ea non sint tenuia vel fortia nimis, ne intus se penetrent, cerebrumque lædant. In thoracis & pulmonum affectionibus semper cauendum, ne nimis exsicceamus. Nam materia per valde exsiccantia, vel in tephaceam, aut scirrhum duritiem concrecet, vel incrassabitur, partibusque magis adhærebit, & ad educationem fiet ineptior. Vbi verò refrigeratione opus est, inprimis cauendum, ne frigida adstringentia adhibeantur, sed humectantia. Humectantia enim materiam ad interiora non repellunt, humorum coctionem adiuvant, humores à partibus separant, eosque educationi præparant, & vias lentunt ac humectant. Admodum etiam frigida pectori inimica sunt, 5. aph. 5. non tantum fortis admota, sed & intus assumpta. Cor cum sit membrum ad vitam summè necessarium, in eius curatione semper admiscenda medicamenta, quæ habent vim roborandi; & proinde moderatè adstringentia atque odorata & bezoarrica dicta omnibus, quæ cordi adhibentur, medicamentis admiscenda. Cauendum verò à vehementer refrigerantibus & calefacientibus. Ventriculus officium toti corpori summopere necessarium gerit, eiusque officium sensum habet satis exquisitum. Itaque tam à calore, quàm frigore nimio facile læditur, atque in calida intemperie cautè & sensim ac paulatim refrigerandum: in frigida verò cauendum, ne nimium calidis calidum innatum dissipetur: ac proinde adstringentium & roborantium aliquid semper addendum, quæ calidi innati ac spirituum dissipationem prohibent. In Hepate curando, siue intus, siue extra adhibeantur medicamenta, ea semper eligenda, quæ & tenues partes habeant, vt altius penetrare possint: cum verò hepar sit membrum princeps atque ea, quæ magnam dissipandi vim habent, non sustineat: simul cum tenuitate partium aliquam adstringendi & roborandi vim habeant oportet: qualia sunt, quæ adstringunt, atque amara sunt, vt absinthium. Abstinentum verò est à dulcibus, à quibus hepar, sicut & splen, facile intumescit. Lien tum ob situs distantiam, tum ob humorum contentorum crassitiem, tum ob ipsius substantiæ modum validissima postulat, & perfert remedia, quæ pro-

pterea etiam extra tuto adhibere licet; ita tamen, ne vel subita refrigeratione humores in eo contenti concrecant, aut exsiccatione indurentur: intus autem, ne alia viscera ab iis lædantur, vix tuto adhibentur, & propterea frequentia, & diuturniore usurpatione id, quod in vehementia deest, compensandum est. In vteri morbis & affectionibus, aceto abstinentum. Nam, vt habet Hippocrates, 3. de rat. vict. in ac. aphor. 39. Mulieribus longè magis, quàm viris aduersatur acetum, vterumque dolore afficit. Dulcia contra sunt vtero gratiora. Ideoque remedia, quæ ciendis mensibus adhibentur, atque aliàs in cienda vrina usurpari solent, sine dulci aliquo, ne ad renes abeant, non sunt exhibenda. In grauidis verò à talibus abstinentum. In siccantibus quoque, quæ vel per iniectiones, vel per pessos adhibentur, cautione opus est, ne nimia siccitate tenera vteri acetabula arefaciant, infœcundasque mulieres reddant. Itaque vbi calefactione opus: humiditate siccitas nimia corrigenda. Oculus cum sit *ἐλαττωμένη*, non fert medicamenta acria, aut quæ ipsum constringant & exasperent. Præter hæc & alia in alteratione respicienda sunt, quæ Galen. 7. meth. med. cap. 5. proponit. Facillima, inquit, ad curandum alterationes sunt, quæ ex calido & frigido consistunt, propterea, quod maximè actiuis qualitatibus corriguntur: agrius curantur, quæ in humido siccoque habentur: quod imbecillis, & vt ita dicam, *ὀλιγωτέρας* qualitatibus eorum curatio perficitur, potissimumque cum humectandum esse requiritur. Ideoque addit: Tempus curationis in sicca temperie multò amplius, quippe quod in sanis senium est, id sicca intemperies in agris: tempus verò caloris & frigoris reparandi par quodammodo est: securitas tamen impar. Nisi enim cuncta, quæ ei quod curatur, circumdata sunt corpora, valida planè sint, metus est, ne ab iis, quæ refrigerant, noxam contrahant non leuem: in reliquis duabus qualitatibus similis securitas est, capropter etiam frigida cautè adhibenda parti, quæ sua natura non magnum calorem obtinet. Insuper & hoc circa intemperies curandas monet Galen. 7. meth. med. c. 13. vt partibus, quæ per summa corpora sunt, laborantibus ea medicamenta, quæ intemperies requirit, applicemus: quibus autem in profundo corpore est intemperies, in iis, rationem interualli ineamus. Si enim iis medicamentis vtamur, quæ intemperies requirit: utique multò imbecilliora, quàm pro vsu, ad locum affectum peruenient. Neque tamen adhuc sufficit pro morborum intemperiei curatione contraria, & quidem quantum fieri potest, talia, in quibus individua & exacta cum morbo sit contrarietas, adhibere: sed & similia, quæ qualitate scilicet cum intemperie conueniunt, vsus omnis fugiendus. Vsu enim contrariorum remediorum nihil proficitur, si simul morborum fouentia admittantur; cum, quantum intemperiei per contraria medicamenta detrahatur, tantum eiusdem per similia vsum inducatur. Itaque si vel aer, vel cibus, vel potus, qualitate cum intemperie tollenda conueniant, vel aliud quid ex rebus non naturalibus, quod eandem intemperiem inducendi vim habeat, agro in vsu sit, illa omnia remouenda & vitanda sunt. Porro cum suprà dictum sit, intemperiem aliam esse cum materia, aliam sine materia; & postea quoque morbos in fientes & factos diuiserimus, quorum illi nisi à causa sua foueantur, mox euanescent, hi etiam ablatâ causâ subsistere possint: diligenter in curatione morborum intemperiei perpendendum, an sit morbus factus, vel fiens; intemperies materialis vel immaterialis. Nam non est eadem planè eas curandi ratio. Nudæ quidem & sine materia intemperies per solam alterationem, vt dictum, tolluntur, & qualitas præternaturalis per contrarium medicamentum amouetur: ad materiales verò intemperies tollendas sola alteratio non sufficit. Cum enim, vt ex generali

In utero.

In oculis.

Quæ intemperies facilius curetur.

Intemperiei cum materia curatio.

generali methodo medendi patet, morbus tolli non possit, nisi causâ sublatâ: intemperies, quæ pendet à materia, non tollitur, nisi causâ, à qua fouetur, prius ablata. Itaque, vt Galenus, *artis Medic. cap. 89.* docet, indicatio in huiusmodi est euacuatio atque alteratio. Intemperies nimirum sui ablationem per contrarium alterans medicamentum postulat: causæ autem, quæ illam fouent, etiam sui remotionem ostendunt: & sic in talibus morbis curandis *θεραπεία* seu curatio cum *προφυλακή* coniungitur, vt docet Galenus, *11. meth. med. cap. 2.* Et vt idem Galenus, *cap. 89. artis Medic.* monet, vnum commune præceptum obseruandum est, vt vnamquamque prius, quæ ipsum effecit, causam tollamus: deinde ad illam, quæ ab eadem causâ facta est, ægritudinem accedamus, causarumque salubrium inuentionem faciamus. Res scilicet præter naturam eo ordine tollendæ sunt, quo sese mutuo consequuntur: & quia morbus pendet à causâ sua, causâ ante morbum, & morbus post causæ remotionem tollendus. Quia verò plures sæpe sunt causæ, procatarticae, antecedentes & coniunctæ: & hæc eo ordine tollendæ sunt, quo sese pepererunt: & quoniam coniuncta pendet ab antecedente, hæc à procatartica: primò procatartica remouenda, hinc antecedens, demum coniuncta. Cum enim, vt Galenus, *11. meth. med. cap. 10.* docet, id quod vltimum in resolutiua methodo est inuentum, omnium primum in curatione peragendum sit: causæ eo ordine sunt tollendæ, quo sese mutuo consequuntur, initio facto ab ea, à qua primus motus. Hic tamen obseruandum, non solum materiam esse causam intemperiei partium, sed contra etiam sæpe accidere, vt humor vitiosus ab ipsa partis intemperie generetur, & pars intemperiem, quam obtinet, ipsi humori, quem in se continet, imprinat, qui tamen humor rursus intemperiem, quam partis vitio primum concepit, ipsi parti communicat, eiusque intemperiem fouet, atque ita, diuerso respectu, & causæ, & effectus nomen, sustinet. In quibus quidem intemperiebus inprimis ipsi partium præternaturali intemperiei occurrendum. Hæc enim totius mali fons est, atque ab ea humores inficiuntur: ipsi tamen humores etiam, quoties opus, euacuandi sunt; cum eam, quam à parte acceperunt, intemperiem rursus parti imprimant, vitiumque partis augeant. Quomodo autem humores sint euacuandi, pluribus supra dictum. Hic verò notandum, causæ nomine non solum intelligi causas simpliciter dictas, id est, eas, quæ solum causæ sunt, sed etiam morbos & affectus, qui alios quandoque morbos excitant, & fouent. Nam & hi similiter primo loco tollendi sunt. Ex quo patet, quantoperè errent ij, qui saltem symptomata curant, & neglectis causis, affectus tollere conantur; cum semper prius causâ, quàm morbus ab ea ortus, tollenda sit: nisi forsan aliquid maximè vrgeat, & periculum ægro minetur, atque ita, quasi neglectâ aliquandiu causâ & morbo, ei, quod maximè vrget, occurrendum sit.

An liceat ad quosdā morbos frigidos curandas febrem accendere.

¶ [Controuersia est inter Medicos, an liceat ad curandam apoplexiam, conuulsiones, paralytin, febrem excitare. Nonnulli id affirmant, ob istam rationem: Primò, quòd quidam apoplectici sanantur febre superueniente. De quo Hippocrates, *6. aphor. 51. Quicumque valentes capitis doloribus corripuntur, & protinus muti fiunt, & stertunt, intra septem dies intereunt, nisi febris superuenierit.* Cum ergo Apoplexia, aut certè aphonia, de qua Hippocrates hoc aphorismo loquitur, finitimus apoplexiæ affectus, febre superueniente sanetur, etiam arte ad eundem vsum eam excitari posse putant. Et de conuulsione scribit Hippocrates, *2. aphor. 26. Conuulsioni febrem superuenire, satius est, quàm febri conuulsionem.* Deinde Galenus, *14. meth. med.*

cap. 5. scribit, ad crassitiem corporis extenuandam exercitationem vehementem, ac tenuem victus rationem vtilissimam esse. Et licet interdum accidat, vt ex motu vehementi hominem febri corripitur contingat: tamen febrem illam ad rem propositam non alienam futuram, si Medicus omnia rectè faciat. Et Galenus, *1. prorrh. 2. text. 51.* in omnibus neruosi generis affectibus frigidis, qui à pituitosis oriuntur humoribus, febrem superuenientem auxilio esse docet. In affectibus enim frigidis omnes curationis intentiones febri habet. Nam calefacit frigida, siccatur humida, flatulentam materiam discutit, crassos humores attenuat, lentos incidit, viscida fundit & absomit, vt Galenus *6. epid. comm. 8.* loquitur.

Alij contrariam sententiam defendunt; & quidem, vt existimo, rectè. Etenim febris quæ excitatur, vel leuis est & diaria, quæ humores illos crassos attenuare & vincere non poterit; quam tamen certò excitare, in Medici potestate non est: vel putrida, acuta, & periculosa, quam postea sedare pro libitu, etiam in potestate Medici non est. Præterea cum natura sit morborum curatrix, & caloris natui beneficio humores vitiosos concoquat & expellat, si is à febre debilitetur, & pro calore naturali præternaturalis inducatur, crudi humores non possunt à natura coqui & discuti. Et licet interdum sponte naturæ in talibus affectibus febris accedat: tamen ob dictas causas id Medico imitari non licet. Neque natura ipsa febrem accendit, sed necesse est, vt ob humorum dispositionem accensam ipsa iterum discutiat.]

CAPVT II.

De Morbis totius Substantie curandis.

Morbi verò totius substantiæ, vt vocant, seu occultarum qualitarum, & ipsi contraria postulant remedia: sed quæ illa sint, sola experientia constat. Quamquam & ex iis quædam, quæ aliis morbis adhibentur, vt quæ euacuandi vim habent, suo loco his morbis conueniant. Nam occulta illa qualitas maligna per contrarium alexipharmacum expugnanda, & venenata causâ ex corpore tollenda & eradicanda est, ac quod de morbis intemperiei dictum est, vt primò causâ, quæ illam induxit, deinde intemperies tollatur, id etiam hic locum habet. Primò enim omnium causâ tollenda est, & si ea in corpore generetur & foueatur, vt in malignis febribus accidere solet, plerumque, humor, qui corruptus est, tolli; reliquus, qui corrumpitur, emendari debet. Ita venenum, quod haustum, aut quocunque modo sumptum est per os, è corpore euacuari debet, idque per loca proxima, & à corde, quantum fieri potest, remota. Talia ergo commodissimè vomitu reiciuntur, aut etiam per aluum mox educuntur. Si verò cum aëre attractum sit, aut ultra iecur penerrauerit, per sudores expellendum est. Quæ morsu aut ictu venenatorum animalium communicata, aut per contactum quocunque modo corpori illata sunt, quamprimum retrahenda, & extrahenda, omnibusque modis, ne intra corpus penetrent & serpent, laborandum. Ideoque cucurbitulæ & attrahentia tam à proprietate, quàm manifestis qualitatibus, gallinæ podex, vel pulmones animalium recens mactatorum, dolorem excitantia, atque acria, cauteria actualia, & potentialia, vt allium, cæpe, ruta, sal, ranunculus, nasturtium, sinapi, nux, nitrum, farina orobi cum melle & aceto, cantharides, theriaca, & similia adhibenda, carnis lassa.

Morbi totius substantie.

læsa portio excindenda, & membrum totum, si fieri potest, vt digitus, abscindendum, vel vinculo superiore loco iniecto, ne venenum in corpus serpat, ligandum. Præcipue autem quodlibet venenum iis remediis, quæ experientia docuit ipsi esse aduersissima, expugnandum: Inprimisque cor per conuenientia cuique veneno alexipharmaca roborandum, ne veneni qualitatem facile admittat, victumque ab eo succumbat. Quæ verò cuilibet veneno sint contraria, & quam quodlibet in specie curam requirat, passim ex tractatibus de peste, & Dioscoridis libro sexto, in quo de venenis & eorum curatione agit, aliisque authoribus patet, supràque *part. 1. section 1. cap. 21.* aliquid hac de re dictum. In venenis tamen qualitates manifestas simul attendere magna sanationis pars est. Ea propter frigidis calida, calidis frigida, acerbis ἀπνευστικά alexipharmaca promptius resistunt. Reliqua petantur ex peculiaribus tractatibus de morbis malignis, quales sunt febres malignæ & pestilentes, pestis, lues venerea, rabies canina, Elephantiasis, Plica Polonica, Epilepsia.

CAPVT III.

De Morbis Conformationis curandis.

ANtequam verò aliquid de curatione morborum organicorum dicamus: illud in genere monendum, quod Galenus habet, in *lib. de constit. artis*, ad medicatoriam methodum pertinere, communem omnium scopum inuenire, qui est; contrariorum contraria esse remedia: deinde in vnoquoque genere contraria ordine collocare: postremo considerare, quando natura vel nos scopum possimus assequi, quem indicatio suggerit; quando rursus utrique est vel omnino impossibile, vel certo tempore impossibile, vel partim impossibile. Atque vt de morbis figuræ incipiamus, in his, qui crescunt, possibile est, plerumque partium figuram emendare, & eò facilius, quò sunt ortui viciniore: in his autem, qui amplius non crescunt, minimè, vt docet Galenus. Quod tamen accipiendum de eo figuræ vitio, quod ossibus integris manentibus accidit. Nam quæ fracturas, sicut & quæ luxationes sequuntur, ea iis morbis, quos sequuntur, sanatis, etiam in adultis emendantur: In reliquis verò solum est quædam secundum ætates differentia. Nam si infans aliquis sit gibbosus, aut distorta crura, aut curua brachia, vel etiam vitiosam aliquam capitis figuram habeat: is adhuc curari potest. Eadem verò vitia in homine adulto curari non possunt. Nam cum partes externæ hanc vel illam figuram, propter ossium figuram & conformationem, habeant; in infantibus verò ossa sint adhuc mollia: paulatim mutari, & in contrarium inorqueri possunt. In corporibus adultorum, quia ossa siccitatem maiorem & duritiem contraxerunt, amplius mutari non possunt, citiusque rumpuntur aut franguntur ossa, quàm in contrariam figuram flectuntur. Est autem generalis indicatio, quam figuræ vitium suppeditat, partis in contrarium vitiosæ figuræ mutatio. Eousque enim membrum figurâ vitiosa præditum in contrarium adduci debet, donec figuram, quam naturaliter habere debet, acquirat. Si, exempli gratiâ, cruris figura alicui versus exteriora declinet, versus interiora tantum id inflectendum, donec naturalem figuram accipiat. Huic autem indicationi duobus modis satisficit, vt Galenus, *cap. 87. art. medic.* habet, διαπλάσις ἢ ἀνθέσις, formatione atque alligatione. Per διαπλάσιν seu formationem accipienda est ea figuræ emendatio, quæ manibus contrectando, & comprimendo paulatim & sæpius perficitur; sicut videmus sæpe obstetrices

& nutrices manuum contrectatione sensim formare recens natorum infantium corpora, & si ab ortu figuræ minus decentes in cruribus, brachiis, thorace, capite, acceperunt, eas paulatim in contrarium & naturalem statum, manibus premendo & constringendo, adducere. Per ἀνθέσιν ea intelligitur correctio, quæ fit per fascias & ferulas, qua nimirum & fasciis pars in contrarium figuræ vitiosæ adducitur, & ferulis retinetur, ne in figuram vitiosam iterum deflectere possit. Cum autem post ortum figuræ vitia plerumque ossium fracturas sequantur, vbi scilicet ossa fracta non rectè ad pristinam figuram componuntur, aut vbi nondum planè coaluerunt, æger intempestiuè os fractum mouet: danda opera Cheirurgis, vt & ossa fracta diligenter & rectè componant, & coniuncta in naturali figura, donec firmiter coaluerunt, seruent. Si tamen acciderit, vt post ossis fracturam curatam aliquod figuræ vitium remaneat: videndum, an insignis aliqua actionis læsio inde sequatur, os fractum non magnum, & callus recens ac mollior adhuc, æger iuuenis firmisque viribus sit. Tunc enim callus iterum rumpendus; ante tamen per multos dies emollientibus adhibitis: postea ossa fracta diligenter coniungenda, illudque vitium, quod antea relictum fuerat, emendandum, ossa coniuncta & rectè composita in naturali statu diligenter conseruanda, callusque denuò generandus. Verum si læsio actionis, quæ à figuræ vitio provenit, non sit adeò magna: æger hac sua sorte potius contentus sit, quàm vt spe melioris sanitatis consequendæ ancipiti fortunæ sese iterum committat; cum noua illa fractio ossium non omni periculo careat, & faciliè inflammationes, atque alia symptomata superuenire possint. Eadem ratio est, si æger sit senex, os fractum magnum, callus iam durior. Faciliè enim fieri posset, vt potius ossa alio in loco frangerentur, quàm callus iam solidior rumperetur; sicut ipsa experientia docet, quibus altera vice externis iniuriis ossa alicubi franguntur, loco potius sano frangi, quàm callum rumpi. Secundum morbi conformationis genus est in cavitatibus; quod duas generales indicationes suppeditat, nimirum aperire id, quod præter naturam clausum est, & claudere id, quod præter naturam apertum est. Verum cum vitium tam in meatibus præter naturam clausis, quàm apertis non simplex atque vnum sit, sed aliquas habeat differentias, quas suprà suo loco enumerauimus: ex iis speciales indicationes oriuntur: quarum tamen pleræque vtilis non sunt, id est, non habent materiam, qua possint auferri, sed vtilis indicationes tum à causis earum sunt petendæ. Et cum inter morbos in defectu meatuum primus & communissimus sit obstructio, eam primò videamus. Etsi verò obstructio pluribus partibus accidere possit, atque alia sit obstructio hepatis & vesiculæ fellis, alia intestinorum, alia renum, alia vesicæ, alia pulmonum, alia cerebri, alia etiam aliarum partium: tamen communis quædam omnes obstructions curandi ratio, & generalis quædam curatio est, quæ omni obstructioni, quatenus obstructio est, comperit, quam Galenus, *artis Medice, c. 94.* proponit, & cognitam ac perspectam habere vtile est, vt omnium particularium obstructionum curandarum fundamentum. Est autem communis indicatio obstructionis apertio. Cum enim contraria sint contrariorum remedia: τῇ ἐμπεράξει seu obstructioni opponitur ἐκπεράξις, apertio. Sed cum causæ obstructionum variæ esse possint, humores scilicet crassi, viscosi & leni, multi & copiosi, ea, quæ vel exsiccatione ad duritiem perueniunt, vel quæ concreuerunt, vt feces alui indurata, calculi, grummi sanguinis, &c. speciales indicationes hinc petuntur. Nisi enim causæ obstructionis tollantur, ipsa obstructio tolli non potest: sublatis aptem causis, simul obstructions tolluntur, utpote quæ à causis suis continentibus pendent, iisque ablati simul tolluntur.

ἀνθέσις.

Morborum in cavitatibus curatio.

Obstructionis curatio.

Obstructio quid indicet.

Obstructionis
à crassis hu-
moribus cu-
ratio.

Itaque quæ à crassis viscidis humoribus fit obstru-
ctio, vnam quidem, vt Galenus, *loco allegato*, docet,
morbo contrariam indicationem habet, apertio-
nem: causæ verò salubres sunt abstergentia, atque
incidentia medicamenta. Sicut enim ipsi morbo seu
obstructioni opponitur apertio; ita causis quoque
& materiæ obstructionem facienti contrariæ causæ
opponi debent; crassæ nimirum & viscidæ materiæ
ῥυπικὰ ἐκφρακτικὰ, λεπυντικὰ καὶ τριπτικὰ φάρμακα, ab-
stergentia scilicet, attenuantia & incidentia medi-
camenta. Incidentia enim medicamenta humores,
qui crassitie sua angustos meatus permeare non pos-
sunt, attenuant, & subtiles ac permeabiles reddunt:
abstergentia verò humores viscidos, & qui parti-
bus adhærent atque impacti sunt, liberant atque
eluunt. Nam talis humor non tam suæ substantiæ
ratione talis, quàm respectu partis, cui adhæret,
dicitur. Etenim id est viscidum, Græcis *γλίχριν* quod
parti alicui faciliè adhæret, & ab eius superficie æ-
gè diuellitur. Huic itaque opponitur *ῥυπικόν*, ab-
stergens, quod humorem à superficie partis, cui
adhæret, liberat. Atque si cavitatis satis alias parens
sit, sæpe sola abstergentia sufficiunt; cum humores,
qui parietibus meatuum adhærebant, deterfi mea-
tus ampliores faciliè transire possint. Verùm si ca-
uitates & meatus sint angustiores, non solum ab-
sterfione, sed & attenuatione atque incisione cras-
sorum humorum opus est, vt attenuati & subtilio-
res ac fluidiores redditi, per meatus angustiores fa-
ciliùs transire possint. Verùm medicamentis nunc
debilioribus, nunc valentioribus opus est, pro ipsius
humoris natura, & pro loci, in quo obstructio, con-
ditione. Nam si humor sit crassior, atque viæ sint re-
motiores, etiam fortiora medicamenta requiruntur;
atq; hinc valentioribus medicamentis opus est in ob-
structione lienis, quàm hepatis. In hisce etiam medica-
mentis eligendis semper generalis illa admonitio ob-
seruanda, vt cuilibet parti medicamenta appropriata,
quantum fieri potest adhibeantur. Hinc in obstru-
ctionibus hepatis eligitur cichorium, agrimonia; in
lienis, capparis, tamariscus, scolopendrium, radices
filicis; in thoracis, hyssopus, marrubium & similia.
Deinde obstructions sunt ab humoribus multis,
quorum alij toto genere sunt præter naturam, alij
quidem naturales sunt, sed tamen quantitate peccant.
Si humores sunt toto genere præter naturam, id est, qui
naturaliter nunquam in meatu, quem obstruunt, con-
tineri debent, neque ad naturalem statum redire, aut
in humorem naturalem mutari possunt: indicant
euacuationem, seu vt Galenus loquitur, eorum cu-
ratio consistit *ἐν παντελῇ κένωσει*, hoc est, omnimoda
euacuatione. Cum enim tales humores non quantita-
te aut qualitate solum peccent, prorsus sunt è corpore
exterminandi. Tales sunt pus, sanguisque in grumos
concretus: qui si vas aliquod obstruant, meatumque
aliquem claudant, danda est opera, vt *παντελῶς* &
prorsus è corpore eiciantur; cum in corpore retenti,
etsi amplius non obstruant, prauis, quas illi induce-
re possunt, qualitatibus damnum inferre valeant. Non
autem hæc *παντελής κένωσις* ita accipienda est, quasi
humor præter naturam totus vnica vice, seu simul &
semel euacuari debeat: sed etiam ea est *παντελής κένω-
σις*, quæ partitis vicibus humorem euacuat, modò tan-
dem eum prorsus tollat. Nā interdum humorem præ-
ter naturam vnica vice euacuare non possumus, pro-
pter viarum angustiam; interdum verò etsi per vias &
meatus liceat totum humorem simul euacuare: tamen
id vires non admittunt & ferunt: cum natura repen-
tinas & magnas euacuationes non semper ferat, tu-
tiùsque sit id, quod paulatim fit. Sicut verò varij &
dissimiles sunt humores toto genere præter naturam,
qui obstructions faciunt, & in diuersis ac variis
partibus obstructions non ab iisdem excitantur: ita

etiam diuersa & varia euacuationis ratio, & varia
loca, per quæ materia, quæ obstruit, euacuatur. Etsi
enim hoc commune sit omnibus, quod humores
præter naturam euacuationem postulant: tamen alia
est aliorum ratio, aliòque modo grumosus sanguis è
ventriculo, alio pus ex pectore euacuatur: quæ sin-
gula suis locis videantur, neque enim hæc ad hanc
methodum pertinent. Si verò materia, quæ obstruit,
non sit toto genere præter naturam, sed tantum quan-
titate peccet: indicatio est *ἀποκείνωσις*, quod vertunt
abeuacuationem: id est, quod abundat, minuendum
est, pro ratione abundantiae: quæ si *ἄμετρος* sit atque
immoderata, etiam immoderata, seu, vt Galenus lo-
quitur, *ἐν ἀμέτρῳ κένωσις* requiritur, hoc est, magna, &
quæ magnam atque immoderatam abundantiam ad
naturalem statum & *συμμετρίαν* redigere possit. Ne-
que enim per immoderatam euacuationem intelligit
Galenus eam, quæ plus euacuat, quàm opus sit ad
naturalem symmetriam restituendam, sed magnam,
quæ omnino requiritur, si valde supra naturalem
mensuram sanguis abundet. Verùm qua ratione his
indicationibus satisfieri possit, è *section. i. huius partis*
petendum. Hic saltem addere libet ex allegato Ga-
leni loco, quòd licet causæ obstruentes omnes sui
euacuationem indicent, atque in hoc conueniant,
quòd euacuationem postulent: tamen cum aliis tum
eo præcipuè differunt, quòd singulæ peculiaria &
conuenientia loca requirunt. Quæ pectus & pul-
monem obstruunt, per tussim eiciuntur, neque
alia via faciliè euacuari possunt. Quanquam enim
pus ex pectore per vrinas & aluum interdum ex-
purgetur: tamen id rarum admodum est, nec in om-
nibus fit: ideòque Medicus id semper tentare nec
debet, nec potest. Quæcunque verò vel in hepate,
vel in venis, vel in arteriis, aut renibus continen-
tur, per vrinam aut ventrem excernuntur; & qui-
dem quæ circa superiorem ventrem continentur,
vomitu; quæ verò circa inferiorem, per alui subdu-
ctionem euacuantur, de quibus alibi plura. Præter
has, quæ plerisque partibus communes sunt, obstru-
ctionum causas, sunt & quædam quibusdam parti-
bus peculiare. Intestina à fecibus durioribus atque
exsiccatis obstrui solent, vt in colica accidit, vbi
alui feces in gyris & anfractibus intestinorum diu-
tius hærent & subsistunt. Ibi enim à calore exsic-
cantur, atque ita indurantur, vt nec ipsæ excerni
possint, nec aliis indies ex superioribus intestinis su-
peruenientibus exitum permittant: quod vbi acci-
dit, indicatio quædam communis est, vt feces, quæ
obstruunt, euacuentur. Verùm cum exsiccatae sint,
fieri hoc non potest, nisi prius emolliantur. Qua-
propter Galenus primum remedium habere hanc
obstructionem scribit ex humidis pinguibusque cly-
steribus, demum ex acris euacuationem expo-
scit. Nam si acres clysteres prius iniciamus, ante-
quam feces fuerint emolliatæ: à medicamentis cale-
facientibus & exsiccantibus plus exsiccantur feces,
& vellicatione attrahuntur humores, quibus non
datur exitus. Quod etiam fit, si per superiora pur-
gantia medicamenta quis exhibeat. Itaque primo lo-
co feces sunt emolliendæ; quod commodissimè fit
per humectantes & emollientes clysteres infusos.
Possunt tamen etiam eadem extra applicari, atque
olea atque emollientia ventri adhiberi; quam ad
rem commendatur omentum castrari calefactum in
lebe. Nonnulli etiam talia per os exhibent, &
oleum amygdalarum dulcium propinant. Deinde &
alia peculiaris ac priuata est obstructionis causa,
quæ fit à lapide in vesica. Hanc Galenus, *allegato cap.
94. art. med.* in præsentem quidem transpositionem; in-
tegræ verò sanitatis causa incisionem atque extra-
ctionem requirere docet. Duplicem enim lapis in
vesica, morbum excitare potest, conformationis
nimirum,

Intest.
obstru-
ctio.

Obstructionis
copia humo-
rum curatio.

Obstru-
ctio
vesicae
pila cu-

nimirum, dum meatum, per quem vrina excerni debet, obstruit; & morbum in numero, dum vesicâ, in quâ naturaliter contineri non debebat, concluditur, eamque ille grauat, & corporis actiones lædit. De obstructione & vitiosa illa διαβήσις, quam calculus in meatu hærens, vt continens obstructionis causa, excitat, hic agitur; ideoque Galenus ait, in præsentī saltem indicari transpositionem. Modò enim calculus à ceruice vesicæ remoueatur, vt meatus vrinarius aperiatur, atque vrina liberè effluere possit, obstructioni satisfactum est, eaque liberata. Fit autem hæc vel corporis concussionē & motu, homine nimirum supino collocato, & apprehensis cruribus variè conculso: vel catethere immisso. Verùm causa ipsa morbi hoc modo non tollitur, sed calculus adhuc in vesica relinquitur, & proinde homo perfectam sanitatem non adipiscitur; cum facillè lapis in priorem locum recedere, atque iterum obstructionem parere possit. Ergo vt homo perfectam sanitatem adipiscatur, prorsus è corpore tollendus lapis; quod fit extractione per sectionem: quod remedij genus est quidem perfectius, verùm simul periculosum, & non, nisi à peritissimo artifice, exerceri debet. Vnde Hippocrates, in iuramento, Medicum, aliàs bene ab arte instructum & fideliter informatum, iuramento obstringit, ne calculo laborantes secet, sed magistris eius artis peritis id muneris concedat. Egyptiis alius extrahendi calculum modus sine sectione vsitatus est, quem describit Prosper Alpinus, de medic. Egyptior. lib. 3. cap. 14. De quo suprâ libri huius part. 1. section. 2. cap. 13. Verùm enimuero præter sectionem & extractionem alia datur adhuc ratio penitus calculos tollendi, quæ fit per medicamenta, quæ λίθων τετρακτὰ, lapides frangentia appellantur, & vim habent calculum in arenam aut lutum quasi comminuendi, vt postea ita comminutus per vrinam particulatim excerni possit. Talia censentur lapides iudaicus, lyncis, spongiarum, aut potius inde extracta salia, vt & eadem parata ex corticibus ouorum, ex oculis cancri & aliis. Reliquæ angustia species & ipsæ causis ablati tolluntur. Συμφοσις seu coalescentia cum fiat ex coalitu partium & laterum meatus, indicat medicamentum iterum rumpens & tollens illam cicatricem. Constipatio, vbi caruncula aliqua, membrana, inflammatio, tuberculum, in ipsis parietibus, seu ipsa cauitate hæret, eamque claudit, indicat, tollendam esse illam causam, quæ facit angustiam; carunculam scilicet esse extirpandam atque absumendam, tuberculum concoquendum, materiamque euacuandam. Compressio cum fiat à causis externis meatui incumbentibus, eiusque parietes comprimantibus, vt sunt tumores, partes suo loco motæ & similia: communis quidem indicatio est causam comprimentem & meatum claudentem tollere; sed speciales indicationes, pro varietate causarum, variæ sunt, & tota curatio in causarum illarum ablatione, quæ suo loco docetur, consistit. Si igitur à tumore meatus aliquis comprimatur: tumor suo modo curandus. Si idem ab osse luxato fiat, illud in naturalem sedem, restituendum; quod etiam de aliis accipiendum est. Si pars à nimis adstringentibus & frigore adstringatur, ac siccantibus quasi contrahatur, contraria, nimirum laxantia & humectantia, sunt adhibenda. Nam licet nonnulli hanc, quæ fit à nimis adstringentibus, & frigore, vt & siccantibus contractionem ad subsidentiam referant: tamen commodius ad compressionem referri posse videtur. Subsidentia tandem si fiat à nimia humiditate, pars exsiccaanda est. Terriò ad morbos conformationis pertinent morbi superficiei, seu asperitas & læuitas. Atque si pars aliqua, quæ naturaliter læuis est, naturalem constitutionem amiserit, & pro læ-

uitate asperitatem contraxerit, ob quam partis actio vitatur. naturalis læuitas restituenda, & quod exasperatum, læue iterum reddendum. Ossa quidem, vt Galenus, artis med. cap. 95. docet, læuigando: arteriam autem & linguam leniendo humidis, quæ nihil mordeant & lentorem habeant. Contrà si pars, quæ naturaliter aspera est, læuis euaserit, atque hinc actioni partis aliquod vitium accadat: asperitas naturalis partis restituenda, & quod læue euasit, exasperandum medicamentis, quæ sufficienter abstergant & parum adstringant. Verùm quæ morbis asperitatis & læuitatis debeatur curatio, & quomodo commodè læuia exasperanda, & aspera læuiganda sint, rectius intelligemus, si causas, quæ partibus asperitatem & læuitatem inducunt, perpendamus. Cum verò quæ exasperant, omnia ad duas classes referri posse videantur, & vel aliquid de superficie partis demant, vel eidem aliquid addant: medicamenta, quæ asperitatem tollunt, contraria sint oportet, nimirum vt id, quod excauatum est in superficie, replentur, vel illud, quod exstat, tollatur; sicut videmus vulgò parietes vel alias res expoliri & læuigari. vel cauitates oblinendo & replendo, vel id, quod exstat aut eminet, abradendo. Fit autem illud per medicamenta, quæ humectant, & lentorem quandam habent; hoc verò abrasione vel medicamenta abstergentibus. Præter causas verò, quæ extrinsecus aduenientes, partes, aliquid superficiei ipsarum detrahendo, exasperant, quales sunt fumi, cibi & potus, ac medicamenta acria, internæ causæ, quæ exasperant, sunt humores acres, qui partis superficiem erodunt, & ex æquali inæqualem efficiunt. Ita humores acres, si à capite in fauces delabantur, atque arteriam, (quæ, vt allisione spiritus ad corpus læue & quasi politum vox sonora & clara reddatur, læuis naturâ est) exasperant, vox rauca redditur. Potest & asperitas in partes molles induci sine erosione, cum magna siccitas humorem in parte absumit; sicut videmus interdum in febribus ardentibus linguæ naturalem humorem & saliuam absumi, linguamque exsiccare atque exasperari. Tunc itaque adhibenda medicamenta humida, quæ lentorem quandam habent, & id, quod exasperatum est, æquabile ac planum rursum reddunt, & quod nondum exasperatum est, verum ab acrimonia humorum facillè exasperari posset, defendunt, superficiem partis lentore suo quasi oblinendo. Neque solum hoc faciendum, si siens sit morbus, sed & humorum acrimonia contemperanda, ipsique humores acres è corpore tollendi atque euacuandi. Et si verò humores, acres præcipuè, idque breui temporis spatio, partes molliores exasperent atque inæquales reddant; partes verò solidiores, vt ossa, non ita facillè vim humorum acrium admittant: tamen diuturnitate temporis ipsa quoque ossa non solum exasperari, sed & cariem atque putredinem ab humoribus vitiosis contrahere, experientia testatur. Quapropter si hoc accadat, asperitas illa læuiganda est: verùm per illa potius, quæ abradunt, quàm quæ humectant, ac lentore partes obducunt. Et si enim, si ab acrimonia humorum ipsa etiam ossa exasperari incipiant, abrasione opus non sit, sed solum medicamentis, quæ acrimoniam humorum tantum obtundant & demulceant: tamen si ossa verè exasperata sint, quod non solum fit ab humorum acrium diuturniore fluxu, verùm etiam si iis quiddam superfluum adnascatur, aut in fracturis squamæ quædam exstant, quæ in locum suum reponi non possint: tunc abrasione solum opus est. Humida enim & lentorem habentia medicamenta tegunt quidem, sed non emendant asperitatem in ossibus, vt in partibus mollioribus. In partibus enim mollioribus, vbi nimia exsiccatione aliqua inæqualis & aspera euasit, si humiditate præfer

Asperitatis curatio.

Ossium asperitas quomodo curanda.

Læuitatis en-
ratio.

præsertim cum aliquo lentore coniuncta, pars imbuatur, cessat asperitas: in ossibus verò siccitate sola nulla asperitas facillè inducitur, & propterea etiam sola humectatione non curatur, sed abrasione. Eodem modo si partibus mollioribus aliquid præter naturam adhærescat, quod eas inæquales & asperas reddat, id per abstergentia tollendum. Sic sæpe in febribus ardentibus linguam, ob humores pertinaciter adhærescentes, asperiores redditam emendamus, non solum commodis instrumentis humores detrahendo & quasi abradendo, sed etiam per medicamenta, ut mel rosaceum & similia, detergendo: quod & in aliis corporis partibus observandum. Læuitatis præter naturam ut contraria est generatio; ita etiam curatio contrario modo sese habet. Cum autem in corpore nostro leni ac viscidis humores, obductis quasi naturalibus illis rugis, partium superficiem, asperam naturam, læuem reddant: asperitas naturalis reuocanda est, ut supra ex Galeno diximus, per medicamenta abstergentia, & quidem *ινανώς πυμνικά*, sufficienter abstergentia, quæ nimirum humores glutinosos partium superficiem tenacius adhærescentes liberare, partique naturalem asperitatem reddere possint. Verum ut in obstructionibus curandis *ευπνικά* medicamenta simul *πυμνικά* vult esse Galenus, *artis med. cap. 94.* quæ scilicet non solum humorem viscidum à superficie partis liberent, sed crassum partemque compactas habentem incidant, diuidant, atque à se inuicem diuellant, ut mobilior fluidiorque reddatur: ita hic in morbis læuitatis curandis requirit medicamenta *ινανώς πυμνικά καὶ διασπραχέας σούφως*, id est, parum adstringentia. Ob humores enim lentos ac viscidos superficiem partis adhærentes *τόν* ac robur fibrarum quasi laxatur, quod per medicamenta non nihil adstringentia restituitur, quæ etiam spatia in partis superficie ab humoribus quasi dilatata rursus contrahunt, & membri superficiem ad naturalem statum reducunt: sed tamen adstrictio nimia esse non debet, ne pori contrahantur & occludantur.

C A P V T I V.

De Morbis Numeri Curandis.

Morbi Numeri quid indicent.

Partes amissas restituere solius naturæ est.

Partes sanguineæ regenerantur. Spermatica regenerari non possunt.

Alterum genus morborum organicorum complectitur morbos Numeri: qui cum sint duplices, in excessu & defectu, uterque suam peculiarem indicationem suppeditat. Id enim, quod deest, & naturaliter adesse debebat, restituendum: illud verò, quod abundat, tollendum & remouendum. Cum verò id, quod deest, solum res naturalis esse possit: solius naturæ est, id, quod deest, reficere & regenerare. Neque enim Medicus carnem, os, cutem aut simile, quod deest, efficere potest: sed solius naturæ hæc sunt opera. Medicus verò tantum est naturæ minister in his, dum naturæ robur tuetur, materiam idoneam subministrat, atque impedimenta remouet. Cum enim ad cuiusque partis generationem requiratur, præter animam, quæ princeps omnium actionum causa est, calor natiuus, præcipuum animæ in agendo organum, & sanguis, ex quo partes nutriuntur & augentur: Medicus operam dare debet, ut calidum natium temperamentumque cuiusque partis factum & rectum conseruet; & eos cibos ægro exhibeat, è quib. bonus sanguis generetur, qui utilem parti generandæ materiam suppeditet: ac tandem impedimenta omnia, quæ naturam in hoc opere remorari possunt, remoueat, sordes abstergat, & similia omnia dextrè moderetur. Verum hæc generalis indicatio pro varietate partium variatur, & semper in effectum deduci non potest. Alio enim modo in carnis, alio in ossis, alio in nervi &

aliarum partium generatione proceditur, de quibus in soluta vinitate; & sunt aliæ partes spermaticæ, aliæ sanguineæ seu carniformes. Hæc cum sanguinis naturæ sint propiores, neque ad earum generationem adeò magna mutatio, & operosus naturæ motus requiratur, facillè restitui possunt. Verum spermaticæ nominatæ, cum earum naturam à sanguine sit remotior, maiorque mutatio, & operosior motus requiratur, eadem specie restitui & regenerari non possunt, sed iis cognatum quiddam, & quod amissæ usum præstat, gignitur. Ita in locum ossis callus succedit, qui cum duritie ad ossis naturam proximè accedat, atque os æmuletur, eius usum præstare potest. Deinde cum partes aliæ sint simplices, aliæ compositæ: si compositæ amittantur, neque eadem specie, neque iis simile quid facile substitui potest. Sic neque manus, neque digitus, neque pes, neque nasus, neque auris ablata restitui possunt. In quibus & similibus mutationibus terrius scopus est, ut Galenus, *artic. medic. cap. 96.* docet, decorem quendam inuenire: cui addere possumus, vel aliquid machinari, quod partis amissæ usum aliquomodo præstare possit. Ita pro crure amputato crus ligneum adaptatur: manus amputatas ferreæ manus æmulantur: nasus decurtatus corio vel emplastro, quod carnis colorem referat, simulari potest. Verum in curtis sanandis recentiorum diligentia atque industria vicit antiquos Medicos. Ij enim qua ratione nares mutilatæ restitui, & talia, quæ forsitan antiquis impossibilia habita sunt, præstari possint, non solum scriptis publicis docuerunt, sed & opere monstrarunt, inter quos facillè princeps est Taliacotius, cuius liber de curtorum Cheirurgia publicè exstat. Excessus contra sui remotionem postulat. Qua in re potiores partes sunt Medici; sicut in defectu resarciendo Naturæ potiores partes sunt. Est autem magna rerum, quæ tolli debent, varietas, atque alio modo calculus è vesica, alio polypus è naribus, alio mola ex utero tollitur, singulisque sua peculiaris debetur curatio, pro partium substantia, dignitate, situ, conformatione & aliis conditionibus differens. Id enim semper cauendum est, ne partes aliæ lædantur, aut certè danda opera, ut quàm minimum lædantur, atque corpori non maius aliquod damnum ex ablatione attrahatur, quam sit illud, quod ex re abundante proficiscitur: de quibus supra, in *Cheirurgia*, dictum. Hoc saltem hic in genere adhuc monuisse sufficiat, licet amissa omnia restitui & regigni non possint: quæ tamè abundant, omnia tolli posse; modò Cheirurgorum operationibus sint obuia, & ablatio periculum coniunctum non habeat. Multa enim sunt, quæ non sine insigni periculo & corporis incommodo tolli possunt; ut apparet in calculo vesicæ, cæcro in mammillis, strumis, herniis carnosis & similibus; ut sæpe consultius sit, cum aliquo incommodo & molestia vitam trahere, quàm periculosa ablatione hominem in mortis periculum coniicere. Imò morbi quidam numeri abundantis non adeò magnam homini molestiam creant, neque adeò insignem actionum læsionem excitant, ut in sexto manus vel pedis digito videre est. In talibus itaque præstat naturæ errorem patienter ferre, quàm id, quod abundat, cum periculo atque incommodo abscindere. Instrumenta autem, quibus Medicus rerum, quæ præter naturam abundant, ablationem instituere potest, tria sunt; ferrum, ignis, medicamenta. Per ferrum intelliguntur omnis generis acuta instrumenta, quæ superfluis excindendis apta sunt, & quidem, pro varia partium conformatione situque, varia, ut sunt cultri, nouacula, scalpella &c. Per ignem intelliguntur cauteria actualia, dum ferro, argento, aut auro ignito id, quod abundat, exuritur. Medicamenta huic scopo conuenientia sunt, quæ appellantur cauteria

Partes compositæ non regenerantur.

Curtorum natio.

Eorum, quæ præter naturam abundant, ablationem instrumentis fieri.

autem sunt thus, & eius cortex, mastiche, bolus armenus, terra sigillata, sanguis draconis, balauftia, nuces cupressi, lithargyrum, & similia. Inter hæc tamen medicamenta quædam differentia est, atque alia aliis sunt ficiora: ideoque non quæuis in quolibet corpore nec quæuis corporis parte sine discrimine adhibenda. Tandem impleto & glutinato vulnere cicatrix inducenda est. Caro enim eadem specie regenerari potest; sed cuius eadem omnino specie reduci non potest, sed quiddam simile, quod cicatricem appellamus. Id hoc modo fit, ut Galen. 3. *meth. med. c. 5.* docet, si carnem, utpote quæ curi, sicciore est, siccabimus & adstringemus; & propterea medicamentum cicatricem inducens multo siccius est, quam glutinatorium, ut scilicet non solum superfluas illas humiditates absumat, sed etiam naturalem carnis humiditatem siccet, eamque in cutem seu cicatricem potius mutet. Sunt autem talia, galla immatura, cortex granatorum, balauftia, æs vstū, lapis calaminaris & similia; omniæque, quæ inter sarcotica sunt efficaciora, etiam ad cicatricem inducendam, præcipuè in corporibus mollioribus, adhiberi possunt. Verum non raro multa interueniunt quæ impedimento sunt, quod ea, quæ hæcenus dicta sunt, minus rectè expediri possint. Primum sæpe nimia hæmorrhagiæ adsunt, quæ sistendæ sunt, fasciis posca imbutis, pulueribus ex bolo armeno, sanguine draconis, thure, pilis leporinis, & similibus, quæ albumine oui excipiantur, & parti imponantur. Secundò dolor si sit nimius, anodynus mitigandus. Conuulsiones tollendæ, ad motus ceruici & neruorum, quæ in partem tendunt, principiis commodis inunctionibus. Inprimis autem cauenda est inflammatio: cum pauciora vulnera per se sint lethalia, sed pleraque ob inflammationem interitum ægro inferant. Ad partem enim vulneratam non solum ratione doloris, sed etiam quia pars debilior est reddita, solent humores superflui affluere, imò pars debilior etiam probum alimentum satis concoquere non potest. Tunc itaque calidi humores è corpore euacuandi, & ne ad partem affectam influant, cauendum est, sicut antea de curanda inflammatione diximus. Si vero in vulnere neruus aliquis est vulneratus, eius habenda ratio, cum graui symptomata, dolorem, inflammationem & conuulsionem possit attrahere: inprimis si punctim sit vulneratus, vel cæsim: ita tamen, ut totus non sit dissectus. Nam si planè per transuersum dissectus sit, nullus merus est conuulsionis, & communis vulnera carnosæ curandi ratio tum locum habet. Possunt tamen ij pulueres & medicamenta admisceri, quæ neruis accommodata sunt. Totius itaque, ut in reliquis, in vulneribus neruorum semper accurata habenda ratio est, cauendumque, ne quid humorum vitiosorum ad partem affectam confluat. Primum verò si neruus punctim sit vulneratus, videndum, an labia vulneris satis pateant; sin minus, vulnus ampliandum, & apertum reuendendum, ut saniei liber pateat exitus. Idque ut commodius fiat, medicamenta sunt adhibenda tenuis substantiæ, calefacientia & siccantia, citra morsum tamen & dolorem, ut putredo exsicceetur, sanies absumatur, & ex alto trahatur. Itaque aqua non solum frigida, sed & actu calida, & alia humectantia cauenda, & inprimis si neruus sit denudatus, nihil humectans, molliens & putrefaciens adhibendum: sed usurpanda olea actu calida, quibus pars fouenda. Talia sunt oleum rutaceum, sambucinum, anethinum, costinum, vulpinum, & inprimis, quod præ reliquis maximè commendatur, oleum lumbricorum terrestrium. Interdum oleo aliquid euphorbij incoquitur. Adhibetur & oleum terebinthinæ atque ipsa terebinthina. Si neruus cæsim, & quidem transuersim sit vulneratus, non tamen totus dissectus, eodem modo, ob fibras non sectas, conuulsio metuenda, ut in neruo punctim vulnerato. Corporis itaque vniuersi habitatio, locus, è quo neruus in partem progreditur, ut

collum, spina dorsi, oleis calidis diligenter fouendus; ipsique parti affectæ ea, quæ neruis comoda esse diximus, remedia sunt adhibenda, ex resina terebinthina, quibus tutiam & calcem lotam addere possumus, vel etiam euphorbium. Si neruus denudatus, videndum, ne mordicantia adhibeantur, & tum euphorbio facile locus non relinquitur. Si conuulsio superueniat, neque facile medicamentis mitigari possit, neruus totus disseccandus: ita enim cessat conuulsio. Quod si secundum longitudinem neruus sit vulneratus: eadem est eius, quæ puncti ratio, dandæque opera, ne putrefactio incidat, sed sanies absumatur & digeratur. Verum quia hîc neruo nudo occurrunt remedia, in caliditate excessu nullo opus est, sed moderata requiruntur. Alterum vnitatis solutæ genus fractura est. Eius curatio etsi cum vulnere curando non pauca habeat communia: in quibusdam tamen discrepat. Nam licet etiam tota coniunctio naturæ opus sit, atque illa ossa fracta iterum conglutinet: tamen ea, quibus naturam hîc Medicus iuuat, non planè eadem sunt cum iis, quæ in vulnere usurpat. Habet autem Medicus in fracturarum curatione duos scopos sibi propósitos, primum ut ossa fracta rectè iterum coniungantur, ac naturalis situs atque figura ipsis restituatur; alterum, ut coniuncta seruentur, & in naturali figura retineantur ac coalescant. Quæ verò ratione id perficiatur, dictum supra *libri huius part. 1. sect. 2. c. 3.* Calli verò, quo ossa conglutinantur & coalescunt, generatio naturæ opus est: Medicus autem Naturæ opem ferre debet; quod sit, si caueat, ne aliqua inflammatio, vel simile accidens, quod membri substantiam & temperiem lædat, superueniat; ipsūque alimentum per siccantia medicamenta disponatur, ut in callum eò citius mutetur. Fit autem hoc ferè per supra proposita medicamenta, in quorum locum diebus posterioribus etiam veniunt emplastrum diapalma, barbarum, oxycroceum, nigrum, & alia. Deinde det operam, ut materia idonea suppeditetur generando callo. Quapropter exhibendus cibus paulò plenior, boni & tenacioris non nihil succi, qualis ex oryza, tritico & similibus conficitur. Verum quia ante duodecimum diem vix callus generari incipit; & præterea initio multa symptomata metuenda sunt: non mox per initia plenior victus, sed tenuior exhibendus: imò, si opus, sanguis detrahendus, aut purgatio instituenda, & demum, ut dictum, ubi callus generari incipit, plenior cibus exhibendus. Solent etiam intus quædam medicamenta exhiberi, quæ ad callum citius generandum & inducendum faciunt, ut puluis & succus radicis agrimonie. Nonnulli miris modis commendant lapidem osteocollam dictum, cuius in puluerem redacti 3j. cum aqua symphyti sapius exhibent. Verum in iuuenibus, & iis, qui boni sunt habitus, callum nimis auget: quapropter cautiùs & non nisi in senibus exhibendus. De qua re, ut de usu ciborum viscidorum, quos plerique in fracturis exhibendos censent, legi potest Guilhelmus Fabricius, *Centur. 1. obseruat. 90. 91. & 92.*

Fracturarum curatio.

Calli generatio.

CAPVT VIII.

De Symptomatum urgentium Curatione.

Atque hæcenus, quid causæ morbificæ & morbi indicent, & quæ ratione indicatis iis satisfieri debeat, monstrauimus: restat tertium rerum præternaturalium genus, symptomata. Symptomata omnia equidem, quatenus præter naturam sunt, in genere sui ablationem indicant: verum indicatio ista plerumque inutilis est. Cum enim à morbis vel causis pendeant, iis ablatis & ipsa tolluntur. Quia tamen semper ex-

Symptomata urgentia quæ quorū?

740 De Symptomatum Vrgentium Curat.

spectari non potest, donec causa vel morbus tollatur; quædam necessariò indicant, quæ scilicet peculiarem & à morbo & causæ curatione diuersam curationem requirunt, atque eam maturè fieri postulant. Symptomata talia sunt, quæ Vrgere dicuntur. Vrgent autem omnia ea, quæ tale imminantur periculum aut incommodum, vt non possit expectari morbi illius vel causæ, à quibus pendent, ablatio, sed si expectetur, vitæ discrimen aut magnum incommodum imminet. Tum verò morbi ablatio expectari non potest, quando vel est incurabilis, & symptoma pertinet ad læsam actionem vitæ quidem non simpliciter, sed meliori necessarium, vel si est curabilis, cuius curatio tam longa est, vt antequam ea perfici possit, à symptomate vitæ periculum & discrimen imminet. Vulgò talia symptomata pauca recensentur; præcipuè dolor, vigilia, & immoderata euacuationes: sunt tamen & alia, vt ex sequentibus patebit. Dolor primò quod attinet, eum ita sæpe vrgere, vt causæ, à qua pendet, ablatio expectari non possit, sed ex eo vires deiciantur, adeoque vitæ discrimen impendeat, extra dubium est, & res ipsa testatur, ægrique sæpe nihil magis, quàm dolorum ablationem & lenitionem expetunt. Dolor ergo medicamentum dolorem tollens seu leniens indicat. Cum verò dolor sit seu tristis sensatio, seu non fiat sine tristi sensatione, atque ad sensationem duo sint necessaria, rei tangibilis perceptio seu sensus in parte, cui occurrit, & animæ aduertentia: si vnum horum deficiat, neque sensus, neque dolor fit. Itaque quæ vnum istorum impediunt & tollunt, dolori erunt contraria. Et quidem ipsum in parte sensum quod attinet, duobus modis dolori occurrere possumus, vel tristi sensationi contrarium obiectum opponendo, vel sensum tollendo. Cum ergo tristi sensationi iucunda & suavis sensatio sit contraria, vt tristis sensatio tollatur, ea illi offerenda, quæ blando ac tepido calore sunt prædita, iucundamque & suauem sensationem in tactu efficiunt. His enim tanquam gratis tactus gaudet, vnde Galenus 7. meth. med. cap. 6. balneum aquæ tepidum sensui iucundissimum & dulcissimum appellat, & 6. epid. sent. 4. text. 8. Hippocrates & Galenus mollia tactui iucunda esse scribunt, vt voces suaves auditui. Atque ista sunt propriè anodyna dicta; vt aquæ dulcis balneum, oleum commune, animalium pinguedines, mucilagines & alia temperato vel blando calore prædita, de quibus supra, part. 1. sect. 1. cap. 7. Atque hæc interdum, dum dolor non est adeò contumax, nec periculum adeò magnum, sufficere possunt. Deinde cum non solum obiectum idque tactui oblatum requiratur, sed etiam prætereà necessarium sit, vt beneficio spirituum animalium sensibus interioribus offeratur, secundò dolorem tollunt narcotica seu stupefacientia dicta, quæ spiritus sopiunt, simulque somnum inducunt, & ita, vt subiectum dolorificum non percipiatur, faciunt. His tamen cautè vtendum, & non nisi vrgente extrema necessitate, & si anodynus dolor non cedat & præsens periculum imminet. Secundò animæ aduertentia impeditur, si ea ad alia obiecta aueratur. Ita amicorum colloquia & suaves sermones, musica iucunda, inspectio rerum iucundarum dolorem mitigare possunt, dolor item maior minorem obscurat. Vigiliæ nimis indicant medicamentum somnum concilians. Cum verò somnus concilietur, cum spiritus animales ad sensus necessarij sopiantur & quiescunt, ac in organa sensuum non influunt; seu, vt alij volunt, cum meatus, per quos in organa sensuum spiritus influunt, clauduntur, & nullum obiectum vehementius in sensuum organa agit (cum vnus saltem sensus excitatus vigilias concitare possit) quatuor modis somnus conciliari potest. Si primò, remoueantur omnia, quæcunque sensum aliquem ad operandum excitare possunt. Secundò, si ab externorum sensuum actione animus auocetur,

& spiritus animales à motu ad quietem placidè inuidentur. Tertiò, si ea exhibeantur, quæ calidos, siccos & acres vapores temperant, & suaves vapores, ac *ἀναδυσίδος* in cerebrum mittunt, quibus id humectetur, & spiritus animales quasi sopiuntur. Quarto, si ea adhibeantur, quæ peculiari vi spiritus animales sopiunt, ac torpidos reddunt, quæ in specie *συνωτινὰ* & *ναρκωτινὰ* dicuntur. Sitis cum sit appetitus frigidi & humidus, fiatque ex frigidi & humidus defectu, indicat frigidum & humidum, vt contrarium. Itaque si huius sensus in ore tantum sit, id humectetur & refrigeretur: si in reliquo corpore, potus copiosus, præsertim aquæ frigida, est optimum remedium. Mitigatur tamen etiam ore humectato & refrigerato, vt pote in quo maximè vrget. Hippocrates, 6. epid. section. 3. text. 33. os claudere, silere, frigidum inspirare iubet, ex quacunque causa fiat sitis. Os claudere & silere, per accidens humectant, dum impediunt, ne ex motu & ambiente aëre exsiccentur. Vtile est & frequenter os frigidè abluere, aut folia lactucæ, cerasa, & similia refrigerantia in ore tenere. Fluxum alui nimium, quæ talis, sistunt adstringentia. Ita etiam sanguis sæpe copiosus effluit propter vulnus vel erosionem vasorum, nec sine vitæ periculo expectari potest, donec morbus vel causa, à qua provenit, prius tollatur. Sanguis autem profluens sanguinem sistens remedium indicat. Duobus verò modis sistitur, vel prohibendo, ne sanguis ad locum, è quo exit, confluat, vel ne, vasa sinant ipsum effluere, quod fiet, si claudantur, & quandoque alterum tantum sufficit, quandoque etiam, & cum magna est sanguinis profusio, vtrumque necessarium est. Vt non confluat sanguis ad locum, è quo exit, præstat, si ab eo non attrahitur, si repellitur, si trahitur ad alium. Non attrahitur, si causæ, ob quas attrahitur, tollantur, vt calor, dolor, situs molestus. Censent nonnulli & rerum rubrarum aspectum vitandum esse. Inimicorum quoque aspectus, quia sanguinem commouet, vitandus. Repellitur refrigerantium & adstringentium vsu. Trahitur in aliam partem reuellendo vel deriuando. Vt verò sanguis non effluat, prohibetur, vbi exitus clauditur; quod fit, vbi obstruitur & adstringitur via, è qua effluit. Lipothymia succurrimus reficiendo spiritus, etsi causæ remotione statim satisfieri non possit. Ad rem hanc aptissima sunt aer purus, vinum generosum & odoratum, & ex eo destillati spiritus. Recensent nonnulli plures alias actiones læsas, quibus succurri debeat, cum vrgent, causa, à qua pendent non sublata: quorum opinionem, vt morosè non impugnemus, ita hoc monemus, istis actionibus læsis non simpliciter, & quatenus tales, contraria opponi, sed morbo, à quo pendent, aliquo modo occurrere; & licet morbus sæpe incurabilis sit, aut statim tolli non possit, tamen palliativam aliquam curam institui & analogicum quiddam effici. Ita respirationi, cum in angina ob faucium tumorem suffocatio imminet, succurri potest, noua via respirationi patefacta, & foramine, secto larynge, parato. Sic si ob manus vel pedis defectum atque amissionem apprehensio vel ambulatio ablata sit, morbus equidem ille integrè curari non potest, nec manus vel pes amissus vnquam restitui; manus tamen ferrea vel argentea, aut crus ligneum adaptari potest, & defectus ille manus aut cruris aliquomodo refarciri, & ita apprehensioni ac ambulationi succurri potest. Sic sæpe sermo læditur ob dentium defectum; cui malo succurritur dentibus eburneis vel argenteis substitutis. Idem sermo si lædatur ex ossis palati erosionem, lamina argentea vel aurea foramen illud claudens malo huic medetur. Ita si in senectute vitia oculorum sint incurabilia, à quibus visio imminuitur, perspicillis tamen vitio illi succurrere & visionem adiuuare possumus. Non verò solum actiones læsæ, sed & reliqua symptomata interdum vrgent. Si alæ

Doloris
ratio.

Anodyna.

Narcotica.

Vigiliarum
nimiarum
Curatio.

Sitis Ca.

Fluxus
curatio.
Sanguinis
fluxus
ratio.

Lipothymia
curatio.

fecerant,

cauteria potentialia, & ignis modo corpus adurunt, quorum plura sunt genera, alia aliis vehementiora; καυρητικά, quæ superficiem saltem corporis adurunt, & cutem detrahunt; vesicatoria, quæ vesicas excitant; septrica quasi putrefacientia & carnem liquefacientia; & tandem ἐσχαρητικά, quæ escharam inducunt, carnemque, calido nativo & humido radicali absumpto, adurunt, de quibus supra suo loco dictum est.

CAPUT V.

De Morbis Magnitudinis Curandis.

MORBUS numeri sequuntur, iisque cognati sunt, magnitudo aucta atque imminuta. Augmentum enim magnitudinis responderet excessui in numero; diminutio verò defectui. Atque accidunt hi morbi præcipue ratione partium carnosarum, & si cui vel pes aut manus contabescit, aut corpulentior euadit, id euenit partium carnosarum ratione, quæ vel nimis augentur vel minuuntur: ossa verò, ut & reliquæ pleræque partes, post adolescentiam non augentur, nec etiam facile imminuuntur. Cum itaque siue corpus totum siue membrum aliquod fuerit præter naturam auctum, ut inde actiones lædantur: indicatio est, ut magnitudo aucta imminuatur. Medicamenta verò, quæ adhibentur pro magnitudine imminuenda, non esse genere diuersa ab iis, quæ conueniunt in numero abundante, docet Galenus, cap. 97. artis. med. Veruntamen id tantum locum habet in ea magnitudine aucta, ubi aliàs partis substantia salua non est, ut si caro in vulnere vel vlcere, aut alibi, ut in oculi affectu, qui ἐγκανθίς nominatur, excrescat, & extra membri substantiam quasi emineat, ut obuia sit Cheirurgi operationibus, & vel ferro abscindi, vel medicamentis erodi possit. Verum si vel totum corpus, vel pars aliqua, ut lingua, aut alia quæcunque æqualiter augetur, & non solum aliqua in parte quid excrescat, sed per totum nimium incrementum accipiat: ibi quidem etiam generalis indicatio est; quod auctum nimis est, imminuere: verum neque ferro, neque igne, neque medicamentis erodentibus tum corporis substantiam imminuere licet: sed tum duo speciales scopi sunt, nimirum nimium partibus alimentum subtrahere; & digerentibus ac discutientibus absumere. Quapropter tum conueniunt inedia & victus parcius atque extenuans; aer tenuis & siccus, & potius calidus quam frigidus; Somnus breuior, vigiliæ longiores; exercitationes crebriores & fortiores, asperæ frictiones, lotiones in aquis calidis, & inprimis si aquæ digerendi vis insit, quales sunt aquæ salæ, sulphureæ, bituminosæ, nitrosæ. Prodest & inunctum oleum digerens, ut anethin. chamæmel. costin. & similia. Quæ ratione Galenus, 14. meth. med. cap. 15. iuuenem valde obesum curauit, nimirum antidoto, quæ aduersus articularia vitia est composita, sale theriaco, atque ipsa theriaca, ac victu extenuante, & cursu veloci. Præparauit autem ipsum ad cursum perficando primum linteis asperis, quoad cutis ruberet; deinde statim cum oleo, quod in se digerens aliquod medicamentum habebat, quo etiam post cursum utebatur. Ita Tumores, qui & ipsi ad magnitudinem auctam pertinent, suos speciales scopos habent, per quos satis sit illi generali indicationi, quæ iubet id, quod auctum est præter naturam, imminuere. Exempli gratia, in inflammatione sanguis, qui in partem affluxit, atque tumorem in ea excitauit, & causæ continentis rationem habet, tollendus est. Verum cum causâ continens tolli non possit, nisi antecedente sublata, primum fluxio inhibenda. Simulque operanda, ne noua aliunde in corpore colligatur, quod fieri recta victus ratione instituta. Inhibetur autem

fluxio, si & sanguinis quantitas, inprimis venæ sectione, imminuatur: & prohibeatur, ne ad partem affectam confluat: quod primò fit reuulsione, quæ etiam commodissimè venæ sectione fieri potest; deinde interceptione, & deriuatione. Sanguis autem, qui iam in partem affectam confluit, duobus modis ex parte euacuari potest, primò si retrocedat & recurrat per vias, per quas influxit: deinde si per ipsam partem affectam euacuetur. Ut retrocedat, faciunt repellentia & deriuantia. Repellentia enim & humorem, qui in venis partis continetur, reprimunt; & eum, qui recens extra venas prolapsus, & parti nondum impactus est, quasi retrudunt & ex parte eiciunt. Ita & deriuatio sanguinem, qui in partis affectæ venis adhuc fluctuat, ad vicinas retrahit. Verum cum repellentia & deriuantia rarò totam materiam, ex parte inflammata euacuare possint, quod relinquitur, per ipsam partem affectam euacuandum est. Fit autem hoc duobus modis, vel insensibiliter, vel sensibiliter. Insensibiliter euacuatur materia, cum per medicamenta dirigentia & discutientia dicta sanguis in vaporem conuersus resoluitur & discutitur. Sensibiliter autem effunditur vel per scarificationes & cucurbitulas, vel puris, in quod mutatur, effusionem. Scarificationes & cucurbitulæ tum demum vsurpandæ sunt, ubi phlegmone subsistit, & de nouo affluxu nullus metus est, & in iis partibus, quæ scarificationem ferunt. Verum plerumque, si materia prioribus modis euacuari planè non potest, in pus coctione conuertenda & maturanda est, per medicamenta suppurantia dicta. Pus ubi confectum est, nisi per se aperiat, abscissus, effundendum id, atque euacuandum apertione, vlcerisque mundandum, & carne implendum est. In aliis quoque tumoribus eadem ferè sunt generales indicationes, nimirum ut materia, si in corpore abundet, per vacuantia, expurgeretur, eius ad partem affectam affluxus prohibeatur, & id, quod affluxit, ex parte euacuetur. Imminuta verò magnitudo augmentum indicat. Perficitur autem hoc, ut Galenus, artis medic. cap. 97. docet, ἀναδρεψίς ἢ ῥύσις, quasi dicas, renutritio seu instauratione, ac generatione. Quid verò hîc Galenus per ἀναδρεψίς & ῥύσις intelligat, alij aliter sentiunt. Sed commodissima videtur eorum interpretatio, qui per ἀναδρεψίς intelligunt eam refectionem, qua pars aliàs integra, & à qua nihil auulsum est, sed quæ solum ob alimenti defectum quasi contabuit & gracilior reddita est, per bonum ac copiosius alimentum instauratione, & maiorem ac naturalem molem acquirit. Cum enim omnes partes tum adsint, nec vlla particula deperdita sit, saltem copiosiore nutritione opus est. Tέρεσις verò seu regeneratio tum est necessaria, ubi aliquid de substantia partis amissum, seu ubi ob auulsionem alicuius particulæ pars minor reddita est, ut in vlceribus cauis fieri solet, in quibus opus est carnis regeneratione, ut id, quod amissum est, instauretur, atque vlceris cauitas expleatur. Agit de utroque magnitudinem naturalem restituendi genere, nimirum & de corporibus extenuatis reficiendis, & de particulis, quæ deficiunt, restituendis, Galenus, 14. meth. med. cap. 16. docetque, ubi eos, qui extenuati sunt, reficere animus est, vinum esse exhibendum crassum, cibos etiam crassioris succi; exercitia adhibenda pauca, frictionem mediocrem, & omnia contraria iis, quos extenuare volumus, esse instituenda: quorum summa est, ut sanguis & nutrimentum in corporis ambitum attrahatur; deinde ut calor nativus roboretur, & id, quod attractum est, non dissipetur atque exhalet. In reficiendis autem corporibus gracilioribus inprimis δρόπαξ, seu πίτλωσις, picatio antiquis in usu erat. Erat autem δρόπαξ medicamenti topici genus, quod constabat ex pice arida & pauco oleo; scilicet vel quarta vel quinta parte, quod modò liquidius & forma malagmatis erat,

Imminuta magnitudo quid indicet.

ἀναδρεψίς. quid.

Extenuati quomodo reficiendi.

Dropax seu Picatio.

modò solidius, emplastri modo præparabatur. Illinebatur verò atque applicabatur, dum adhuc calebat, cuti, derahis prius pilis, ac præmissa sufficiente frictione, & antequam omnino refrigerabatur, iterum auellebatur, & calefactum iterum applicabatur atque auellebatur, idque tertio vel quarto repetebatur, tum aliis de causis, tum eo præcipue fine, ut alimentum copiosius ad superficiem corporis attraheretur. Exemplum curandi magnitudinem imminutam observatione dignum habetur apud Forestum, *libro 10. obseruat. 97.* ubi adolescentem quendam annorum sedecim ætatem ætatis laborantem, quem plurimi Medici pro paralytico curauerant, & calidis medicamentis ætatis plus auxerant, ipse hoc modo curauit. Vtus est victus ratione instaurante, qualis ferè heceticis conuenit, & ab omnibus exsiccantibus abstinuit; vtus quoque est medicamentis instaurantibus, corroborantibus, atque simul obstructions aperientibus. Post iussit crura, ieiuno stomacho, mediocriter fricare, ut, apertis meatibus, sanguis ad crura attraheretur; quod continuauit per duodecim dies. Post frictiones siccās deuenit ad vnctiones, quæ humectant, & modicè calefaciunt. Qua curatione adolescens, qui à plurimis pro desperato habebatur, conualuit. De reliqua per hæc curatione addere aliquid opus non est. Est enim tota naturæ opus, & planè conuenit cum curatione morborum in numero deficiente. Medicus tantum impedimenta remouet, medicamentisque idoneis superfluum humorem siccet, ac sordes detergit.

CAPVT VI.

De Morbis in Situ & Connexione curandis.

Morbi in situ
quid indicet.

Luxationum
curatio.

Morbi in co-
nexionem quid
indiciant.

TAndem inter morbos organicos sunt morbi in situ & connexionem, quorum quæ sint differentia, supra dictum est. Indicat autem id, quod situm naturalem amisit, in naturalem locum repositionem: quod verò cum iis, cum quibus debebat, non connectitur, coniunctionem cum iis indicat. Sicut id, quod cum iis, à quibus naturaliter separatum esse debet, iungitur, separationem indicat. Priori indicationi satisfit, curanturque luxationes, ut Galenus, *loco allegato*, docet, ad oppositam partem ei, à qua facta est permutatio, intendendo atque impellendo: quod quæ ratione peragi debeat, supra *part. 1. sect. 2. cap. 4.* dictum. Sic in vtero prolapsus retrudendus est in suum locum, & in eo ligatura vel idoneis instrumentis firmandus. Aliquando idem odoramentis naribus admotis sursum reuocatur. Si verò partes, quas secundum naturam seiunctas esse debebat, connectantur & coalescant præter naturam, ut si digiti exulcerati, vel palpebræ exulceratæ coalescant, ea, quæ præter naturam coaluerunt, soluenda ac separanda sunt. Fit autem separatio vel chirurgia, & scalpelli ac ferri ope, aut filo serico aut seta equina, vel medicamentis causticis & septicis. Alterum verò genus, cum pars cum iis, cum quibus debebat, non connectitur, indicat, ut id, quod continet, firmitus solidiusque reddatur. Cum enim partes, quæ connecti debebant, disiunguntur: fit id, vinculis & partibus, quæ eas continebant, vel ruptis, vel laxatis: ideoque partes illæ, quæ continent, vel adstringentibus & exsiccantibus, si laxitas ab humido ortum habeat; vel vinculis roborari debent: & in herniis, ubi rupto peritonæo, intestina in scrotum decidunt, prima intentio est, ut intestina per foramen, per quod elapsa sunt, iterum leniter in abdomen intrudantur, & in naturalem locum reponantur, deinde fasciis aptis, ne iterum excidant, contineantur, & vel peritonæum consuatur, vel medicamentis con-

glutinetur: quod si fieri non potest, perpetuis fasciis opus est, quibus intestina in loco suo retineantur. Quæ de re supra, *part. 1. sect. 2. c. 5.* dictum.

CAPVT VII.

De Vnitate Soluta curanda.

Solutæ unitatis prima communisque indicatio est vnitio; seu soluta unitas partes, quæ seiunctæ sunt, vniendas esse indicat. Quæ res etsi naturæ opus sit, huiusque vnus operæ partes vulneratæ, fractæ, aut quocunque modo disiunctæ iterum conglutinentur: tamen Medicus hac in re Naturæ minister est; ac nisi Medicus naturæ subsidio veniat, ipsa in multis sine suo frustratur, nec conglutinationem moliri potest. Sunt autem hæc ista præcipue Medici officia. Primò videndum, ne quid incidat in partem affectam, quod conglutinationem impedire possit. Secundò, ut extrema seu labia in vnitæ soluta rectè iterum coniungantur, & sibi mutuo applicentur. Tertio, ut extrema coniuncta seruentur. Quarto, ut ipsius partis temperamentum conseruetur, & in agglutinatione Naturæ necessarium auxilium præstetur. Quintò, ut symptomata, quæ superuenire possunt, præcaueantur & corrigantur. Verum cum vnitatis solutæ magna possit esse differentia, hi scopi non semper in omnibus partibus eodem modo perficiuntur, ideoque seorsim de vulneribus & de fracturis dicemus. Primò itaque in vulnere si quid extraneum, ut grani sanguinis, vel pili, vel aliquid ex armorum genere, aut ossium particulæ, aut aliud quid alienum in vulnere hæreat, illud eximendum & extrahendum est; ubi interdum, si vulnus sit nimis angustum, id ampliare oportet. Hoc ubi factum, labra vulneris committenda & coniungenda sunt; & ut vnita seruentur præstandum, quod quo modo fieri debeat, supra, *part. 1. sect. 2. cap. 5.* dictum. Coniunctis, quæ distabant, partibus, reliquum opus, ut scilicet vniantur & coalescant, Naturæ est. Hæc enim sola illas conglutinat. Cum autem carnis, per quam partes coniunguntur, materia sanguis sit: danda opera, ut sanguis, qui affluit, nec qualitate, nec quantitate peccet. Si enim sanguis vitiosus est, carnem bonam generare non potest. Si verò sit copiosior, caro nimis luxuriat, & multa excrementa generantur: si sit parcior, non sufficientem materiam suppeditat. Cum verò pars vulnerata cum ex dolore, tum ex vulnere fiat imbecillior: necessariò in parte vulnerata aliqua excrementa & sanies proueniunt: & si sanies in medio adductorum labiorum prouenit aut etiam locus quispiam medius interfuerit, qui sanie quidem sit vacuus, sed aere plenus, non potest vlceris eiusmodi sola dissidentium partium coniunctione conglutinari, sed ut coeat, carne prius impleri postulat. Tum itaque medicamento sarcotico opus est. Quæ autem talia sint medicamenta, prolixè docet Galen. 3. *meth. med. c. 3.* nimirum quæ modicè siccare & detergere solent. Cum enim in carnis generatione duplex succrescat excrementum, humidum & crassum, medicamenta, quæ ad carnis generationem faciunt, & superuacuum humorem ac saniem absorbere, & pus detergere debent. Vbi satis carnis genitum est, glutinante medicamento opus: quod, ut Galen. 3. *meth. med. c. 4.* docet, plus siccare oportet, quam quod carnem producit: præterea etiam nec detergit, nec expurget, sed omnem prorsus substantiam in idem cogat: cuiusmodi facultatem habent ea medicamenta, quæ austera & adstringentia sunt. Hæc enim in idem cogendi ac stipandi, non detergendi neque expurgandi vim habent. Quo fit, ut ubi carni producendæ studemus, maximè cauendum sit à medicamentis, quæ adstringunt, ut potè quæ sordem vlceribus arctius affigant. Glutinatoria autem

Soluta vnitas
quid, in
dicet.

In soluta
vnitate, quæ
Medico faci-
enda.

Vulnere
curatio.

Vulnera co-
glutinare
quæ natura
opus.

Carnis gen-
erationem quæ
modo me-
dicamentis adiu-
uat.

foeteant, & hircus sub iis habitet, commodissime quidem malum hoc tollitur, cacoehymia curata: ipsi tamen vitio occurritur rerum odoratarum usu. Ita si anhelitus foeteat, commodissimum quidem est causam tollere: masticatione tamen caryophyllorum, radicis ireos, & aliarum rerum suaveolentium vitium illud regitur. Qualitates mutatae equidem non ita urgent; cum nec ad vitam simpliciter nec ad meliorem sint necessariae: foeminae tamen ob deformitatem eas tolli maxime cupiunt; cum saepe etiam fucatam pulchritudinem magnificent.



LIBRI V. PARS III.

SECTIO III.

De Indicatione Vitali.

CAPVT I.

Quidnam diatam in aegris indicet.



Ira duo omnino versantur actiones Medici, quorum alterum est praeter naturam, alterum secundum naturam. Id quod est praeter naturam, est morbus, causa morbi & symptoma, quae propterea tolli debent: Quod secundum naturam, est sanitas, quae conservanda. Cum autem libro praecedente, qua ratione sanitas in homine sano conservanda sit; qua ratione autem morbus, causa morbifica & symptomata urgentia tollenda sint, hoc ipso libro dictum sit: restat iam, ut, quomodo id, quod in homine aegro secundum naturam superest, conservandum sit dicamus. Neque enim aeger nihil secundum naturam habet, sed licet in quibusdam facta sit mutatio ad statum praeternaturalem: tamen quaedam etiam secundum naturam sese habent, & quod plura ea sunt, eo facilius integram sanitatem recuperandi spes est. Quae enim secundum naturam sunt, iis, quae praeter naturam sunt, resistunt; quae vulgo vitium nomine veniunt. Quae si labantur, & ea, quae adhuc secundum naturam sunt, etiam immutentur, & deficient, frustra omnino Medicus in morbo, causa morbi, & symptomatibus depellendis, laborat. Dicitur autem haec indicatio vitalis, quod vitam seu vires corporis nostri tuetur, & conservatoria, quod illa, quae in aegro adhuc secundum naturam sunt, conservat; atque illa, quae vires corporis nostri per se etiam secundum naturam sunt, conservare possunt, indicata vitalia & conservatoria dicuntur. Per vires enim non ipsae per se facultates, quae mutationis expertes sunt, intelliguntur, sed quatenus subiecto suo insunt, quo rite constituto, tanquam instrumento, in agendo utuntur. Cum autem, ut supra lib. 4. part. 2. cap. 1. dictum, tria sint indicantia vitalia, seu conservatoria, sanitas, causa sanitatis, & actiones sanae, sicut danda opera, ut in statu sano haec omnia conserventur: ita & laborandum, ut & in aegris, quantum possibile, conserventur; idque est vires conservare; nam quo plus de rebus istis secundum naturam superest, eo fortiores vires habere dicitur aeger, & fortius natura se morbo opponere potest. Itaque ipsam sanitatem quod attinet, si una vel plures partes laborant, danda opera, ut reliquae factae rectae conserventur, & illius ipsius etiam partis calidum innatum conservetur. Si vero totum corpus aegrotet, ut totius corporis calidum innatum & spiritus insiti conserventur, quantum fieri potest, praestandum. Causas vero sanitatis quod attinet, omnino & in aegris est curandum, ut

nihil extra accidar, quod substantiam, quantitatem, qualitatem & motum naturalem spirituum, humorum, excrementorum mutare possit. Id quod fiet, si rerum non naturalium dictarum, seu earum, quae corpori necessariae sunt, rectus usus observetur, aeris scilicet, cibi & potus, motus & quietis, somni & vigiliarum, inanitionis & repletionis atque animi pathematum; quae omnia ita comparata esse debent, ut & spirituum & humorum naturalem statum conservent, vel si ab eo dilapsi sint, ad eum reducant, ac id praeterea praestent, ut excrementa naturaliter sese habeant. Quae autem diatae ratio in quolibet morbo requiratur, suo loco in practicis tradi solet. Hic saltem in genere dicimus, quomodo vires, quatenus ex iusta & debita quantitate substantiae spirituum, partium carnosarum & solidarum complentur conservandae sint. Ratione itaque sui subiecti vires alimoniam indicant, ea scilicet ratione, qua in partibus spirituosiss, solidis & carnosiss iustam quantitatem habentibus posita sunt, iisque ut instrumento utuntur. Et indicativum vitalis solum circa substantiam partium spirituosarum, solidarum & carnosarum conservandam versatur, atque alimentum solam substantiam, non autem qualitatem spectat: unde medij est temperamenti, & nullum insignem excessum habet. Si enim quandoque alimenta non omnino nullius qualitatum excessus sunt expertia: ea non simpliciter sunt alimenta, sed alimenta medicata. Et ut pauca sunt corpora, quae mediam illam & exactam temperiem obtinent, sed naturalis plerumque constitutio vel ad calidum, vel ad frigidum, vel ad humidum, vel ad siccum declinat: ita etiam pauca sunt illa alimenta plane temperata, sed sunt & ipsa calida, frigida, humida, & sicca. Quod autem Galenus etiam passim a morbo, a morbi temporibus, causa morbi, consuetudine, aetate, aere, coeli statu, & similibus victum indicari dicit, id recte accipiendum est: neque illis, quae primo de victus ratione in acut. textu quadragesimo quarto proposuit, nimirum ob facultatis vitalis custodiam & sanos edere ac bibere, & propter eandem aegros ad potum & cibum accedere, alibi contradixisse credendum est. Nam ut supra de remediis curatorijs & praeservatorijs diximus, ea nimirum solum a morbo & causa morbi indicari; in eorum tamen administratione etiam ad vires esse respiciendum, an scilicet ea prohibeant vel permittant: ita hoc loco contra sola virtus alimentum indicat: prohiberi tamen ab alijs potest. Morbum primo & causam morbi quod attinet, in victus ratione ea perpendenda sunt; sed non tanquam ea, quae per se alimentum indicent, sed ut illa, quae id prohibere possint. Si enim morbosam constitutionem non auget alimentum exhibitum: eo semper id modo, quo a virtute indicatur, exhibere liceret: Verum cum non raro cibus exhibitus morbosam constitutionem augeat, tum etiam ad eum respiciendum, non ut ad indicans alimentum, sed ut ad prohibens. Rem autem si recte aestimemus, morbus neque indicat, neque prohibet victum. Cum enim alimentum, quatenus alimentum, nullum habeat excessum, sed solum vim nutriendi, morbo etiam nihil oberit. Causa vero morbi prohibere alimentum potest, atque ea per constitutionem morbosam intelligenda est. Nam cum offertur cibus, natura auocatur a coctione & evacuatione materiae morbificae. Eodem modo hic etiam observanda sunt morborum tempora, ut causarum signa. Hinc Hippocrates, 1. aphorism. 8. inquit: Cum morbi vis est maxima, tum tenuissimo victu est utendum. Per vigorem nimirum morbi causa significatur, cuius vis tum temporis est maxima, quae idcirco prohibet, quo minus victus eo modo, quem virtus indicat, possit adhiberi, nimirum ne a materiae morbificae concoctione & expulsionem natura ad cibi

Quid victum indicet.

Morbus & causa morbi, quid circa victum indicent.

vires
telli-

tibi concoctionem intempestiue auocetur. Quod porro Galenus, 1. aphor. 11. ait: Vniuersam præscribendi victus formam & rationem in vnoquoque morbo ex duabus indicationibus ineundam esse, morbi scilicet totius futuro vigore, & ægrotantis viribus, id ita accipiendum: In diætâ ægris ordinanda duo esse attendenda, morbi scilicet futurum statum, qui morbi naturam, an nimirum sit acutus, nec ne, monstrat, & virtutem, quæ sui custodiam indicat: & ex horum duorum inter se collatione, quorum alterum indicat alimentum, alterum prohibet, rectam victus rationem esse instituendam. De quo Hippocrates & Galenus, 1. aphor. 7. 8. 9. 10. 11. 12. 13. Nam cum vires sui conseruationem indicent, quæ sit alimento exhibito eâ quantitate, quam substantia conseruanda desiderat; causa verò morbifica sui euacuationem indicet, & naturam idcirco sibi soli vacare iubeat, atque ita alimentum, quo natura ab hoc opere auocatur, prohibeat: videndum, vtrum magis vrgeat, & nunc plus, nunc minus de alimento subtrahendum. Nam si statum non nimis longè abesse videmus, & vires ita firmas esse animaduertimus, vt ad statum morbi vsque perdurare possint: victus omnino tenuissimus exhibendus, vt ita natura in solius causæ morbificæ concoctione occupata eam facilius vincere possit. Si autem animaduertimus eas minus duraturas: tantum cibi adiciendum est, quantum satis esse possit vitæ ad iudicationem vsque morbi conseruandæ. Quod ipsum habet Hippocrates, 1. aph. 9. *Sed & ex agro coniecturam facere oportet, an is cum prescripto victu perstet ad morbi vsque vigorem, an verò prius deficiat imparque cum tali victu succumbat, quam cedat morbus & obtundatur.* Id quod in iis accidit, qui ægrè ferunt ieiunia, quales sunt *πικρόκολοι*, pueri. aphor. 13. 14. Sic etiam, quod Hippocrates dicit, 1. aphor. 11. *In ipsis exacerbationibus cibum adimere oportet: nam præbere noxium. Et cum per circuitus redeunt morbi, in ipsis accessionibus abstinendum;* id ita accipiendum est, quod nimirum accessiones & paroxysmi monstrent motum materiæ, & eius cum natura pugnam, à qua natura exhibitione cibi temerè non est auocanda. Et si autem vires tum etiam instaurationem per alimenta desiderent: tamen eius, quod magis vrget, maior habenda est ratio; & cum plus damni ex cibo tum temporis exhibito, quam vtilitatis prouenire possit, à cibo abstinendum. Vt ita paroxysmi sint causæ morbificæ signum, victum prohibentis. Fieri tamen interdum potest, vt vires, si nimis in accessionibus deiciantur, plus vrgeant & valeant in indicando victu, quam causa morbifica in prohibendo possit. Vt ita maioris periculi, vel ipsius etiam mortis euitandæ causa tum in ipsis accessionibus alere necessarium sit, de qua re plura lib. 2. de febr. c. 9. dicta sunt. Quod verò ætatem, consuetudinem, anni tempus, cœli statum & similia attinet, illa omnia victum non indicant, sed saltem sunt signa virtutis, eius robur vel imbecillitatem significantia. Vnde tandem concludimus, solas vires alimentum indicare: causam morbificam permittere aut prohibere: reliqua esse vel signa virtutis firmæ aut debilis, vel talia, quæ vim & magnitudinem causæ morbificæ monstrare possint.

CAPVT II.

Quæ ad Diætam pertineant.

Ad diætam pertinentia.

Et si præcipuè diætâ cibo & potu constat: tamen etiam aliæ res non naturales, vt sunt aër, somnus & vigilia, motus & quies, excreta & retenta, atque animi accidentia ad eam pertinent. Nam omnes hæ, vt sunt materiæ *διαιτητικαὶ* habent vim custodiendi virtutem, ex cuius conseruatione vita quoque ipsa

conseruatur. Verùm inter hæc res aliæ sunt, ex quibus primò & per se alimentum generatur, quæ etiam propterea veræ & propriæ materiæ alimentorum dicuntur, vt est aër, cibus & potus: aliæ verò ea ratione inter materiæ victus numerantur, non quod reuera ex ipsis, vt materia, alimentum corporis gignitur, sed quia sunt causæ per accidens alimenti, & iuuant, vt illa, quæ verè sunt alimentorum materiæ, in alimentum commodius conuertantur; quales sunt somnus & vigiliæ, motus & quies, inanitio & repletio, animique *παθήματα*. Nam ad nutrimenti generationem duo requiruntur: obiectum, & vis coctrix seu alteratrix. Obiectum est duplex, aër, & cibus, ad quem potus etiam pertinet: sicut duo sunt, quæ ad vitæ conseruationem maximè necessaria sunt, spiritus & sanguis. Concoctrici autem facultati, vt præcipuum organum, inseruit spiritus & calor natiuus. Hæc igitur, vt concoctio & alimenti elaboratio rectè fiat, in statu naturali conseruanda sunt: quo faciunt reliquæ res non naturales. Primò enim somnum & vigiliæ quod attinet, ea immoderata calori & spiritibus nocent: moderata verò eadem conseruant, & proinde concoctionem iuuant. Somno enim nimio cerebrum refrigeratur & humectatur; vnde calor innatus marcescit, spiritusque animales humiditate obruuntur, & velut suffocantur, atque ita facultas animalis labefactatur: cui faciliè etiam naturalis & vitalis vis compatitur. Nimiis verò vigiliis spiritus & calor dissipantur. Moderatus autem somnus & moderatæ vigiliæ spiritus & naturalem calorem conseruant, atque ita coctionem adiuuant. Deinde motus & quies coctionem iuuant, quatenus scilicet moderata sunt, & calorem natiuum excitant ac fouent. Excreta quoque & retenta ad vitæ conseruationem faciunt. Nam si ea, quæ vtilia sunt ad corpus alendum, secundum naturæ modum in corpore retineantur, quæ verò excerni debent, debito modo & in tempore excernuntur, omnia benè sese habent; sin minus, œconomia corporis ac præcipuè coctio ac nutritio perturbatur. Inanitio quoque & repletio, hoc est, attractio, retentio & expulsio, si *συμμετρία* in iis sit, & naturaliter se habeant, vt concoctio optima fiat, inseruiunt: sicut eadem, si minus rectè se habent, concoctionem turbant. Denique animi *παθήματα* & ipsa moderata faciunt, vt calor natiuus vigeat, & hinc bona fiat coctio: sicut contra si quis fiat in iis excessus, calorem & spiritus vel dissipant, vel suffocant. Verùm de his suprà lib. 4. plura dicta sunt.

CAPVT III.

Quotuplex Diætâ sit, & quanam quibus morbis conueniat.

Diætâ autem triplex est: Crassa, Mediocris & Tenuis. Crassa seu plena est, quæ non solum vires, quæ præsentibus sunt, conseruare, sed etiam robur earum augere potest. Mediocris est, quæ vires, quales accipit, conseruat. Tenuis est, quæ vires quidem conseruat, nonnihil tamè imminuat. Crassa & plena diætâ rursus alia simplicissima est, quæ & ægrotantibus conuenit, & fit per ptisanam hordeaceam integram: alia plenior & crassior, quæ fit per pisces & oua: alia plenissima, quæ etiam carnes castratorum concedit. Tenuis similiter triplex est: simpliciter talis, & fit per ptisanæ succum, seu ptisanæ cremorem, seu ptisanam colatam: Tenuior est, in qua melicratum exhibebatur: Tenuissima diætâ fiebat per panem in iure lotum, vel etiam per carnes pullorum. Verùm ratio & consuetudo viuendi nostrorum temporum non parum diuersa est à ratione viuendi antiquorum. Quapropter diætâ apud nos nonnihil varianda: atque ita

Diætâ quæ triplex: Crassa. Mediocris. Tenuis.

ita pro primo tenuitatis gradu, seu pro victu tenuissimo, in quo antiqui nihil exhibebant, melicratum, quod fit ex aqua & melle exhibere licet: in secundo gradu, seu pro victu tenuiore succus ptisanæ exhibendus: in tertio gradu, seu pro victu simpliciter tenui licet exhibere ptisanam integram, quæ apud antiquos tenuem victus rationem egreditur. In qua re etiam locorum & regionum consuetudo est attendenda; cum in aliis regionibus victus plenior magis sit vñtatur, in aliis frugalior: & pro ea materiæ victus tenuis moderanda. Hæc itaque est victus differentia. Quæ autem quibus morbis competat, videndum: quod ex collatione virtutis quæ victum indicat, & causæ morbificæ, quæ eundem prohibet, colligere licet. Nam cum virtus alimentum indicet, constitutio verò morbosa prohibeat: quanto magis natura in causâ morbificâ oppugnanda occupata est: tantò tenuior diæta conuenit: quanto verò minus occupata est, tantò vberior victum adhibere licet. Tantò autem minus oppressa est, quanto status morbi est propinquior. Ideoque etiam quòd morbus acutior, eò tenuior victus imperandus; modò vires cum eo ad statum vsque durare possint. Hæc enim semper perpendenda, & an illæ plus ad indicandum cibum valere possint, quàm morbus ad prohibendum, considerare decet. Cognoscitur autem, quando vires sufficere possint, & ad statum vsque subsistere, quando verò non possint, considerando naturam ægri. Nam si corpus *πυρόχολον* sit, calidum & siccum, abundans bile, præsertim circa ventriculum: tenuem diætam aut inediā non feret. Nam talia corpora facile resoluuntur. Etatis etiam habenda ratio. Nam ut est apud Hippocratem, 1. aph. 13. *Ieiunium senes ferunt facile: secundum hos, qui ætatem constantem agunt; minus adolescentes: minimè omnium pueri, atque inter eos maximè, qui acriore & vinidiorè sunt ingenio.* Etenim, ut est ibidem aph. 14. *Qui crescunt, natuum calidum habent plurimum, atque copioso indigent alimento, & propterea abundè ipsis suppeditare oportet; alioquin corpus consumitur. In senibus verò inest calidi parum, & paruo propterea pabulo indigent; multo enim extinguitur.* His ita consideratis, quod morbi naturam attinet: in morbis longis mediocri vel pleno victu opus est, & tantò quidem plenior, quanto morbus tardior est. Nam si quis tenuem victum his præscriberet, ægros iugularet: cum vires tenui victu deiectæ postea in statu morbo expugnando sufficere non possint. Hippocrates 1. aphor. 4. Et ut Galenus, in comm. scribit, cum in ægrotantibus vix possibile sit, ut vires, quam inuenimus, maiores reddamus, opera danda, ut in longis morbis easdem retineamus ac tueamur. In acutis verò tenuis requiritur, & sat fuerit in his, ut Galenus ibid. docet, modicè imminutas conseruare, ac partem solùm virium absumptarum instaurare, non totas; ne, si nimium cibi exhibeamus, morbum foueamus. Cum autem acutorum gradus sint: eò tenuior est exhibendus, quòd morbus acutior. Diligenter itaque obseruandum, ut hoc modo cuilibet morbo sua victus species, quæ ex collatione virium, & causæ morbificæ vi ac motu, seu distantia status sumitur, præscribatur, atque toto morbi tempore obseruetur nisi & ipsa morbi species mutetur. Neque enim crassior victus forma tenuioris vicem supplere potest. Nam crassus & tenuis victus specie differunt. Morbus verò vnus à seipso, dum crescit & viget, non differt. Vna itaque victus ratio à morbi initio ad finem vsque seruanda; etiamsi quantitatem in ea forma, pro morbi tempore & conditione, variare liceat. Cum autem virtutem semper ita perspectam habere non possimus, ut iustam inde alimenti formam præscribamus, atque aliàs etiā hac in re ægri peccent: queritur, vter error sit grauior, illène, qui cõmittitur, si victus iusto plenior exhibetur, an verò ille, qui iusto tenuior est. Sed hoc soluit Hippocrates, 1. aphor. 5. *In tenuioribus, inquit, victus rationibus delinquunt ægri; quo*

*fit, ut magis ledatur. Omne enim peccatum, quod commissum fuerit, magis committitur in tenuibus, quàm in paulò pleniorè victu. Et proinde etiam in sanis admodum tennes atque exquisita victus rationes parum iuta sunt: quoniam errata grauius ferunt. Ob hanc igitur causam tennes & exquisiti victus paulò plenioribus maxima ex parte periculosiores sunt. Quo docet, errata, quæ in tenui victu quocunque modo committuntur, esse grauiora, quàm si in paulò pleniorè peccatum fuisset. Multa enim ægro præter opinionem accidere possunt, ut vigiliæ subitæ, & nimia euacuationes, animi pathemata, quibus vires ægri deiici possunt, quo minus ad statum morbi cum hac victus forma persistere possit. Quapropter tum necessarium est, adueniente statu victum mutare, atque paulò pleniorè exhibere: quod tamen valdè incommodum est; quia victu pleniorè virtus auocatur à pugna contra causam morbificam ad alimenti coctionem. Ex quibus omnibus patet, tutius esse crassiorè iusto, quàm tenuiorè victum exhibere: licet quod ipsam quantitatem attinet, potius sit subtractioni studendum. Quo obseruato duo Hippocratis loca, quæ in speciem pugnare videntur, facile est conciliare; quorum alter est, 2. de rat. vict. in ac. t. 37. vbi inquit: *adiectioni ciborum intendendum multò minus; subtrahere autem omnino sape expedit*: alter verò, 1. aph. 5. dum ait, *in victu tenui ægri delinquunt, quo fit, ut magis ledantur. Si quidem quodvis peccatum grauius hic, quàm in paulò pleniorè victu esse solet.* Nam in priore Hippocrates de quantitate loquitur: in qua, eadem victus formâ obseruatâ, præstat semper nos esse parciores: in posteriore verò loco loquitur de forma victus, quæ si sit iusto tenuior, maiora affert incommoda, quàm paulò plenior.*

CAPVT IV.

De Recta Victus ægrorum Administratione.

Eodem modo, ut in medicamentis, in victu etiam triplex dosis obseruari potest; summa nimirum, media & minima, quæ in omni victu siue crasso, siue mediocri, siue tenui adhiberi potest. Nam victus tenuior nunc maiori, nunc minori copia exhibendus est: ita etiam crassior. Quæ autem dosis quando sit exhibenda, ex virtute & causâ morbificâ inuicem collatis colligitur. Primò nimirum perpendenda est materia morbum produciens. Hæc cum semper coctionem & euacuationem sui indicet, & propterea natura huic rei vnice incumbere velit, semper cibum prohibet. Deinde virtus consideranda est, an tam fortis sit, ut sine cibo, vel cum victu tenuissimo ad statum durare possit: quod forsan, si status morbi planè in propinquo sit, potest fieri. Si autem valdè remotus est, neque inediā, neque victum tenuem eo vsque fert, sed crassum requirit. Si medio modo se habet, victus simpliciter tenuis commodior est. Atque hic ipse victus interdum in summa, interdum in media, interdum in minima dosi est exhibendus: quod etiam virtus definita & appropriata, ac materia prohibens monstrabit, Nam cum materia morbificâ interdum plus vrgeat, interdum minus, & nunc naturæ opera in expugnanda morbi causâ plus, nunc minus requiratur: eadem victus forma obseruata, nunc maior, nunc minor illius cibi dosis exhibenda; prout natura nunc magis, nunc minus in pugna cum morbo occupata est. In principio nimirum morbi natura nondum cum materia morbificâ valde pugnat, neque dum adhuc in coctione & euacuatione eius occupata est. Quapropter victum, qui morbo competit, tunc in summa dosi exhibere licet. In augmento verò quia incipit natura pugnare cum morbo, & plus occupata est in morbificâ materia, quàm in principio: tum aliquid de dosi detrahendum, & in mediocri dosi victus exhibendus est. In statu autem

Cibi quantitas.

In principio morbi quæ victus quantitas competat.

In augmento.

In statu.

cum

cum pugna naturæ & morbi sit vehementissima, & natura in coctione & euacuatione materiæ sit occupatissima: in minima dosi victus est exhibendus, & natura ab instituto suo minimè auocanda. Euenit autè non rarò, vt virtus sit valdè imbecillis, & propterea opus sit, vt roboretur, vel certè non minuat, verùm, qualis est, conseruetur; Causa etià morbifica similiter valdè vrgeat: vbi non vulgari prudentia opus est, ac sæpè requiritur, vt eam dosin, quam virtus requirit, ob morbificæ causæ vehementiam vna vice exhibere non liceat, sed eam partiri, & parum atque sæpe exhibere sit necessarium. Nam si parum cibi, & rarò quidem exhiberetur, virtus deiiceretur & periclitaretur: si multum semel exhiberetur, causa morbifica hoc modo augeretur: quapropter partiri conuenit cibum. Quod etiam docuit Hippocrates, 1. aphor. 17. *Quibus, inquit, etiam semel, aut bis, & plus minusve, & partitis vicibus cibum præbere conuenit, spectandum est. Dandum verò aliquid regioni, ætati & consuetudini.* Quo loco Galenus quoque, quomodo præcipuè vires ægrotantis & morbus sint perpendenda; deinde etiam tempori, ætati & consuetudini aliquid dandum sit, pluribus docet: quæ, eo in loco videantur. Præter hæc cognoscendum quoque est Tempus, & quando victum exhibere commodius sit, Medico considerandum. Nam quamuis sciam, in morbo acuto requiri tenuem victum, & in principio eius summam dosin esse exhibendam, mediocrem in augmento, minimam in statu: tamen cum hæc ipsa tempora latitudinem habeant, neque in his semper victum exhibere liceat, considerandum præterea, quando etiam in particularibus temporibus victus commodius exhibeatur. In continuis nimirum morbis, & qui accessionum differentias non habent, victus offerendus est secundum consuetudinem, eo potissimum tempore, quo prius æger cibum assumere consuevit. At in iis morbis, qui paroxysmos habent, quando cibus exhibendus sit, definiuit Hippocrates; 1. Aph. 11. *ἐν τῷ παροξυσμοῖσιν ὑποσέλλαι χρὴ: τὸ πρῶτον δὲ βλάπτει. καὶ ὁ νόσος, καὶ ὅτε οὐκ ἐστὶν παροξυσμός, ἐν τοῖσι παροξυσμοῖσιν ὑποσέλλαι χρὴ.* Et, 4. *de ratione victus in morbis acutis* iubet, vt nunquam, cum februm accessiones adsunt, vel cum futuræ sunt, cibus exhibeatur, sed vel cum cessant, vel quieuerunt, & maximè à principio recesserunt. Verùm an id ita simpliciter accipiendum sit, dubitari potest. Simpliciter id accipiendum esse, iam olim ij Medici censuerunt, quorum mentionem facit Galenus libro decimo, *method. medendi, capite .4* qui Galenum, dum doceret, aliquos ante accessionem esse cibandos, aliquos in ipsa, eaque vel inclinare iam incipiente vel etiam in ipso summo vigore, *πρὸς δὲ ὁλόγον* appellabant. Neque id sine ratione fecisse videntur. Nam cum in paroxysmo morbi vis sit maxima, quo tempore vel tenuissimo victu est vtendum, vt est apud Hippocratem, 1. Aphor. 8. & naturæ cum morbo pugna acerrima: natura tum non oneranda, & ab opere suo ad cibi coctionem auocanda est, ne morbus superior euadat. Et si cibus exhibeatur: non coquitur, sed crudus manet, & à materia putrida, quæ tempore accessionis agitur, contaminatur & corrumpitur, atque ita morbus augetur, & mala symptomata inducuntur, vt est apud Hippocratem, *de rat. vict. in acut.* Verùm contra ex denegato in paroxysmo februm cibo plurima mala oriri, febrem augeri, hecticam induci; syncopen accidere, conuulsiones excitari animaduersum est, vt ex Galeno, *de caus. procatact. cap. 1. & 10. method. medend. cap. 3.* atque aliunde patet. Ad quæ mala præcauenda, vel in ipsa accessione cibum exhibere necessarium videtur. Et cum reuera ita sese res habeat, hic aphorismus Hippocratis non ita simpliciter accipiendus est, sed distinctio adhibenda. Etsi n. facile concedendū est vbi febris ortum habet à plenitudine, vel ab obstructione ex humore putrido, vel à phlegmone alicuius


visceris, & omnino, ubi nulla vrget necessitas, in paroxysmo esse abstinendum, & maximè opportunum nutriendi tempus esse ἀπυρεξίαν in intermittentibus, & remissionem in continuis: tamen nonnunquam in ipso paroxysmo æger cibandus est, si virium lapsus id requirat; cum virium semper maxima sit habenda ratio, ipsisque, non saluis ægro salutem Medicus polliceri non possit. Atque ideo si febris sit ab humore acri & mordaci, accenso à Sole, ita, inedia, laboribus, & corporis habitu æger sit gracilis, temperaturæque, & præsertim æstatis tempore, calidus & siccus: nisi vel paulò ante paroxysmum, vel etiam in paroxysmo cibus exhibeatur, facilè in ardentem febrim vel hecticam, vel syncopen, vel conuulsionem, aut simile quid incidet, & de virium iactura periclitabitur. Ad quæ mala euitanda, & vires conseruandas, vel in ipso paroxysmo cibum exhibere necessum est; quod etiam fecit Galenus, allegato *libr. de caus. procatare. cap. 1. & 10. method. medend. cap. 3.* De loco nihil quidem opus est dicere: Hoc tamen explicandum videtur: An Clysteres nutrire possint. Vsu enim nonnunquam venire solet, vt homo omni omnino cibo defraudetur, nihilque cibi aut potus assumere possit: vel quòd omnibus modis cibum fastidit & auersatur, vel quòd assumptum continere nequit; vel quòd facultas deglutiendi impedita est; vel viæ, per quas cibus fertur in ventriculum, interclusæ sunt. Tum igitur quæritur; Annon viribus ob inopiam nutrimenti deficientibus subueniri possit, si nutrimentum per inferiora, aliorum enematum modo iniiciatur. Antiquiores Medici horum enematum non fecerunt mentionem. Posteriores tamen horum mentionem faciunt, vt Oribasius, *Collect. lib. 8. cap. 24. & 34. Aëtius, tetrab. 3. Serm. 1. cap. 1. Celsus, lib. 3. cap. 19. al. 20.* Inter recentiores, Rondeletius, *de medicamentis internis, tit. clysteres ad nutriendum*, atque alij. Parantque tales clysteres ex vino, cremore hordei, lacte, vitellis ouorum, iure carniū. Et quidem qui hoc auxilij genere vtuntur, cornu hic iubent esse quàm longissimum, & manibus compellendum esse vi maxima clysterem docent, vt ad remotas superioresque partes ascendant. Imò existimant, etiam si impetu iniiciendi ad superiora intestina enema non peruenerit; tamen famelicum ventriculum nutrimentum sibi gratum & necessarium attrahere. Aut si cui hoc minus probabile videatur, putant; in ipsis intestinis posse fieri primam cibi elaborationem, quæ sanguificationem præcedit: cum ipsa intestina etiam aliquā coquendi, & chylū elaborandi vim habeant; vt videre est ex Galen. *4. de usu part. c. 17.* Verum enimverò si rē hanc diligentius perpendamus, & qua ratione nutritio corporis nostri fiat cōsideremus; vix concedi potest, clysteribus his nostrū corpus verè nutrirī posse. Nam cum corpus nostrū alatur sanguine; sanguis verò nō nisi fiat ex chylo, prius in ventriculo è cibus elaborato, facilè hinc patet, nihil alere posse, nisi quod in vētriculo coctum est. Longior autē intestinorū est tractus, & tot circuitibus & gyris implicatus, vt neq; violenta illa impulsione ad vētriculū peruenire, neq; à ventriculo facilè attrahi cibus possit. Quāuis. n. interdū clysteres per os reiectos fuisse nō ignoremus: morū tamen illum vitiosū fuisse, nemo nescit, Licet etiā Galen. *4. de usu part. c. 17.* aliquā vim coctricem intestinis tribuat: tamen ea nō est alia, quàm vis chylū in ventriculo coctū ampliū elaborandi aut cōseruandi. Expressè. n. docet eo ipso loco, è ventriculo cibū non emitti, priusquā sit perfectè coctus; & sic cibi in chylū mutationē non intestinis, sed vētriculo solum attribuit. Ideoq; cum vis crudos cibos coquēdi intestinis nō cōpetat, sed horū coctioni solum vētriculus destinatus sit: facilè hinc colligi potest, crudos cibos in intestina infusos nutrire nō posse. Interim hoc negare nolim, aliquā refectionē per clysteres fieri, corporis exsiccationem impediri, illūq; humectari posse.

An per
tum inie
astrire p
int.

Tempus ci-
bum exhi-
bendi agris.

*An in paro-
xysmis cibum
exhibere li-
ceat.*

Quo modo tabida, & extenuata corpora butyro recenti, oleo amygdalarum dulcium, pinguedine gallinæ & similibus inunguntur, balneisque similibus humectantur; fœtus in utero placentis mellitis, pane vino madido, aqua embryonis, seu balsamo puerorum appellato, aliisque eiusmodi umbilico impo-
 titis, roboratur, viresque deficientes & languidæ odoramenti suauibus conseruantur, & recreantur. De quibus omnibus Hippocrates, *libr. de aliment.* hæc habet: *ὁκόσοι ταχείης προδέσιθ δέονται, ὕχρον ἱμμάεις ἀνάληψιν δυνάμιθ κράτιστον: ὁκόσοι δ' ἐτι ταχύτερης, δὲ ὁσφρήσιθ: ὁκόσοι δὲ βραδυτέρης προδέσιθ δέονται, σερρή προφῆ.* *Quicumque veloci appositione indigent, his humidum ad reficiendas vires medicamen optimum. Qui-
 cunque adhuc velociori indigent, per olfactum: Quibus autem tardior appositio est necessaria, solido alimento utantur.* Vbi Hippocrates *πρόδεσιν* & *ἀνάληψιν* per odoramenta fieri statuit. Et quidem de vino id maximè verum est. Vinum enim facilè mutatur, & hinc tum nutrit, tum roborat celerrimè. Non tamen omnibus morbis competit, aut satisfacit.



LIBRI V. PARS III. De Compositione Medicamentorum.

SECTIO I.

De Pharmacopœia in genere.

CAPVT I.

De Necessitate atque Utilitate

φαρμακοποιίας.

EXPLICATÆ quidem hactenus sunt medicamentorum facultates, & medicamenta simplicia enumerata; methodus etiam mēdendi tradita, & monstratum, quæ in quibus affectibus, & quando medicamenta adhibenda sunt. Verum nondum his pars Medicinæ *θεραπευτική* absoluitur, sed adhuc pars *φαρμακοποιική* deest, quæ simplicia medicamenta præparat & componit. Et proinde de medicamentorum rectâ præparatione, & compositione dicendum. Vtrumque enim pharmacopœia complectitur, nimirum medicamentorum simplicium absque aliorum permissione, artis opera, alterationem; & simplicium medicamentorum commistionem. Necessaria autem est hæc Medicinæ pars multas & graues ob causas. Nam primò in ipso medicamento causa esse potest, vt præparatione vel compositione opus sit; siquidem simplicia medicamenta talia, qualia à natura nobis suppeditantur, sæpe adhibere non licet. Cum enim citò, tutò & iucundè Medicus curare debeat: substantia verò medicamentorum sæpe sit minus idonea, qualitates ingrata, naturæque nostræ contrariæ & noxiæ, quantitas molesta: vel præparatione, vel compositione id, quod deest, supplere, vel quod inutile aut etiam noxium est, tollere oportet. Hinc miscemus sicca liquidis, ne diffluant; liquida siccis, vt penetrent; viscidis attenuantia; aspera leuigamus, ne asperitate molesta sint, quod in oculariis medicamentis necessarium est; atque aliis modis substantiæ modum, qualis requiritur, medicamenti inducimus. Nam in qualitatibus multâ sæpe correctione opus est. Nonnunquam medicamentum aliquam qualitatem habet superuacaneam, qua tum non indigemus: eam igitur contrarij admistione temperare oportet, vt si medicamentum simplex sit calidum & siccum, Medicus humidi admistione illud temperabit. Interdum qualitas aliqua

non solum adest superuacanea, sed & ingrata, quam & ipsam vel præparatione, vel aliorum gratorum & suauium admistione tollere decet; qua ratione sæpe ingratos in medicamenti saporis & odores tollere oportet. Nonnunquam noxiæ quoque qualitates medicamenti insunt; vnde opium croco & castoreo, & plerorumque medicamentorum purgantium malignitatem conuenienter corrigimus. Interdum vis medicamenti est debilis, quam validioris admistione intendere; contra nonnunquam vehementior, quam debilioris additione remittere oportet. Præter hæc & aliæ causæ sunt in ipso medicamento, ob quas peculiari præparatione vel compositione opus est. Nam quædam simplicia facilè corrumpuntur: quamobrem digestionem, destillationem, coctionem adhibere, vel melle, saccharo, aceto, sale condire oportet. Quorundam vis facilè resoluitur: vnde viscidioris alicuius admistione, ne facilè dissipetur, efficiamus, id quod in balsamis ex oleo cinamomi, citri, aliisque paratis fieri videmus. Deinde vt medicata componantur causa est in ipso affectu præter naturam. Cum enim cuilibet affectui præter naturam suum debeat remedium atque affectus præter naturam non semper sint simplices, sed sæpe compositi ac complicati; non verò inueniantur simplicia, quæ omnes illas facultates, quæ in vno sæpe agro, affectuumque præter naturam, farragine requiruntur, obtineant: ex pluribus simplicibus vnum medicamentum componere opus est, quod omnibus indicationibus satisfaciatur: quod genus medicamentorum Græci *πολύχρηστον* vocant. Tertiò præparatio & compositio medicamentorum necessaria est ob ægri partisque affectæ naturâ & constitutionem. Alia enim est aliorum secundum temperamentum, ætatem, sexum, vitæ genus & consuetudinem constitutio, partiumque secundum actionem & dignitatem, temperamentum, situm, conformationemque varietas: quibus omnibus cum sæpe simplicia, qualia à natura suppeditantur, non vndiquaque conueniant, præparatione vel compositione opus est. Tandem etiam vt formam conuenientem consequantur, præparatione & compositione opus est. Non enim ægri solum alij alia forma delectantur; sed & nunc hæc, nunc illa magis necessaria est: nunc fomento, nunc linimento, nunc emplastro, nunc potione, nunc eclegmate opus est: quæ medicamentorum forma ex vno simplici resultare non potest. Sit, exempli gratiâ, opus emplastro: nullum datur medicamentum simplex, ex quo solo rectè emplastrum fieri possit. Plura itaque coniungere opus est. Videatur Galenus, *lib. i. de compos. medic. s. gen. cap. 3.* Seu, vt breuiter hæc contrahamus; opus est medicamentorum compositione duas ob causas, vel vt ipsa virtus medicamenti ita disponatur, vt id, cuius gratia requiritur perfectè complere queat; vel vt rectè corpori applicari possit. Virtus vel debilis est, & tum medicamentum roborandum admistione intensioris eiusdem generis: vel deficit aliqua facultas, & miscendum est medicamentum eâ facultate præditum; vel fortius est medicamentum, quàm requiritur, & addendum est aliud, à quo remittatur: vel simplex habet qualitatem aliquam superfluum, vel noxiam, & miscendum est aliud, à quo illa corrumpatur. Vt verò medicamentum rectè applicetur, opus est, vt medicamentum conseruetur, ne ante administrationem vires amittat, & miscendum est conseruans, vt Saccharum in Syrupis & conseruis. Deinde, vt ad locum affectum perueniat, miscendum est deferens, seu vehiculum, quod faciat, vt medicamentum ad locum, ad quem debet, facilius pertingat: & ne in via vires amittat: miscendum est cum fortiore, vt in eo, in quo debet,

In affectibus præter naturam.

In agro & parte affecta

In forma medicamenti.

gradu ad partem, ad quam debet, perueniat. Tandem necessarium est, ut medicamentum parti affectæ applicatum maneat: inde requiruntur medicamenta, quæ ea, quæ diffluunt, vel parti non adhærent; in parte retineant. Ex quibus omnibus patet, magnam esse medicamenta præparandi & componendi necessitatem, rectèque illud, quod in lib. de veteri medicina scripsit Hippocrates de alimentorum præparatione, medicamentorum præparationi commodari posse. Non idem, inquit, *cibus & potus homini, qui boni & equo, & ceteris præter hominem, ea nempe, quæ ex terra oriuntur, fructus, herba & fœnum, quibus nutriuntur & augentur, & sana degunt, nullo alio victu indigentia.* Et paulò post, *Necessitate mihi adducti illi videntur consentaneum naturæ alimentum inuestigasse, & id, quo nunc vivimus, inuenisse, Triticum igitur macerantes, & omnino pinsentes, molis frangentes, subigentes & assantes panem confecerunt.* Ex hordeo verò mazam & plurima alia, magna circa ea adhibita opera, coxerunt, assarunt &c. Et post: *Nam & hoc sanè noui plurimum referre, ut urne quis pane puro aut non puro, aut ex tritico cortice non repurgato, an purgato, an copiosa aqua subactò, aut non subactò, an excocto aut crudiore; aliisque præterea innumeris.* Si enim in alimentis, quæ sanis & robustis hominibus exhibentur, adhibetur diligentia: quantò maior adhibenda in medicamentorum quæ ægris propinantur, præparatione? Oportendūque foret, ut semper tantum saltem curæ & operæ medicamentorum præparationi impenderetur, quantum in cereuisia paranda vulgò adhiberi solet.

CAPUT II.

Quæ ad præparationem & Compositionem Artificiosam Medicamentorum necessaria sint.

ET si verò ex iis, quæ iam dicta sunt, pateat, ob quas causas præparatio & compositio medicamentorum necessaria sit, & facile hinc colligi possit, ad quid in cuiuslibet medicamenti artificiosa præparatione & compositione sit spectandum: non tamen inutile fuerit, in specie dilpicere, quanam ad artificiosam medicamentorum præparationem & compositionem requirantur. Possunt autem illa omnia ad quatuor capita redigi. Primò medicamentum, quod indicationi, quam morbus, vel causæ morbificæ, vel symptoma ipsum, quod vrget, suppeditat, opponatur. Et tale medicamentum in compositis basin nominant, quod ei, seu fundamento ædificium superstruitur, tota compositio innitatur, reliquaque omnia ad hoc referantur, & huius gratia admisceantur: eiúsque propterea virtus in composito maxima sit oportet. Est autem Basis nunc simplex, nunc composita, & quidem non vno modo. Simplex enim Basis dicitur, quæ vni Indicationi satisfacit, vnumque effectum edit; licet non semper vno & simplici medicamento constet, sed sæpe ex pluribus componatur, ut in variis purgantium medicamentorum compositionibus videre est, in quibus non semper vnum, sed plura sæpe purgantia, quæ in vnius humoris euacuationem conspirant & destinata sunt, ponuntur. Licet enim talis basis ex pluribus medicamentis constet: tamen quia illa omnia eandem indicationem spectant, pro simplici habetur. Composita verò Basis dicitur, quæ plures vsus præstare potest. Aliàs verò Basis simplex dicitur, quæ ex vno medicamento constat; composita, quæ ex pluribus. Etsi verò plerumque composita medicamenta à Basi denominationem accipiant: tamen id semper verum non est. Plurima in Antido-

tariis & Dispensatoriis dictis reperiuntur composita, tum alterantia, tum purgantia, quæ saltem à primo in descriptione posito medicamento denominationem accepisse videntur; cum reliqua, seu molem, seu vires spectes, illo non sint inferiora. De electione autem Basis dicere huius loci non est, sed illud ex doctrina de Indicationibus patet. Qui enim artificiosè in quolibet affectu præter naturam Indicationes eruere potest, simpliciumque medicamentorum facultatem & naturam cognitam perspectamque habet, facile cuilibet malo accommodatum remedium inueniet. Porro cum basis seu medicamentum, quod affectui præter naturam opponitur, non semper vndiquaque intentioni accommodatum sit, duobus modis accommodatum redditur, præparatione scilicet, de qua postea dicetur, & aliorum admistione, vel etiam utroque modo. Itaque secundo loco requiruntur ad compositum medicamentum corrigentia & iuuantia dicta. Cum enim nonnunquam basis debilior, crassior atque ignauior, vel iusto validior & vehementior sit, aut aliquam malignam & noxiam, aut gustui vel odoratiui ingratam; vel alio modo molestant, alienam ac inutilem Qualitatem habeat: tarda atque ignaua acuentium, virésque augmentum admistione adiuuanda; crassa tenuibus admistis emendanda; acria, vehementia, nimis calida vel frigida, aut maligna, contrariorum additione corrigenda; sapor iniucundus per saporem gratum habentia; odore ingrato & nauseabundo prædita per ea, quæ odorem fragrantem ac suauem habent, atque alia *indiscreta* corrigenda, omnesque qualitates vel noxiæ, vel inutiles contrariorum admistione tollendæ atque emendandæ sunt. Nisi enim & talium habeatur ratio, deturque opera, ut & palato ægri medicamentum arrideat: sine profectu, & cum ægrotantis interdum quoque incommodo medicamentum vomitu reicitur; aut licet retineatur, quia tamen ventriculo ingratum & molestum est, minus efficax atque vtile est. Tertiò etsi vtilissimum sit, ea

Non benè iunctarum discordia semina rerum;
Et in quo, *Frigida quæ pugnant calidis, humentia siccis,*
Mollia cum duris, sine pondere habentia pondus:
Nihilque vtile aut fructuosum esse creditur, nisi quod è multis compositum, & sumptuosum est: cum tamen, ut rectè Galenus, 3. de Compos. med. s. gen. cap. 8.

monet,

Quæ ad compositionem medicamentorum sint necessaria.

Basis quotuplex.
Simplex.

Composita.
Composita medicamenta unde denominationem accipiant.

Corrigentia & iuuantia.

Dirigentia.

Conseruantia.

monet, melius sit, remedia ex paratu facilimis componi, & vsus simplicium frequenter, sumptuosorum verò pharmacorum quandoque quidem, sed rarius incidat. Sunt nimirum plurimi hodie similes diuiti illi, cuius Galenus, *allegato loco*, facit mentionem, cui cum Galenus descriptionem medicamenti, quo famulatus vlcus malignum curauerat, communicasset, atque ille audiret, esse omnia, quibus constaret, vilis pretij: hoc, inquit, mendicis serua, me autem sumptuosius aliquod doceto. Idem cum audiret puerum ex auribus diu laborantem quodam vili à Galeno sanatum medicamento, non postulauit à Galeno pharmaci scripturam.

CAPVT III.

De Ponderibus Medicorum.

EX his porrò patet, totam *φαρμακοποιαν* duobus absolui, medicamentorum præparatione, eorundemque, vbi opus est, compositione; & iam de his duobus agendum esse. Verum cum tota compositionis ratio ex simplicium proportionem dependeat, & non solum Medicum scire oporteat, quæ medicamentorum sint vires; sed & qua dosi exhibenda sint: antequam ad præparationem & compositionem accedimus, aliquid de ponderibus & mensuris medicis vsitatis, & de dosi medicamentorum præmittendum censemus. Res enim, è quibus medicamentorum formæ parantur, vel numero, vel aceruo, vel pondere, vel mensura æstimantur. Numerantur fructus & legumina ac semina maiora; & vbi numerus est æqualis, in paria permutatur, scribiturque par. ij. iij. Aceruo autem describitur medicamentorum quantitas, per pugillos, manipulos & fasciculos; vtunturque Medici his præcipue in foliis & herbis, floribus, hordeo & quibusdam seminibus, sale atque aliis. Pugillus est, quantum digitis extremis iunctis, atque inuicem adductis comprehendi potest; vel quantum tribus saltem extremis digitis comprehenditur, vocaturque à nonnullis pugillus minor. Nota pugilli est hodie P. Manipulus est, quantum manu comprehendere licet. Eius signum est M. Fasciculus est, quantum plicatis brachiis capere possumus. Pondere seu librâ & lance expendant pleraque arida: Mensurâ verò liquida; et si & illa ponderibus describi possint, Mensuræque nihil aliud sint, quam vasa libris & vnciis designata. De numero & aceruo res plana est: quare saltem de ponderibus & mensuris dicemus. Ponderum & mensurarum magna apud diuersas nationes fuit diuersitas: nostrum hîc est, saltem de mensuris & ponderibus medicis agere, quæ & ipsa non apud omnes nationes fuere eadem. Alia enim Græcis & Atheniensibus, alia Romanis, alia Arabibus fuere vsitata, atque ab aliis aliter explicantur. In præsentia ea saltem, quibus hodie Medici passim vtuntur, & ad authorum lectionem maximè necessaria, proponemus. Vt vnitas omnium numerorum est principium, & omnis numerus vltimo in vnitates est diuisibilis: & pondera omnia sunt diuisibilia, vt tandem sectio in granum desinat, vltra quam Medici, præcipue Arabes, diuidendo non descendunt, & ex granis pluribus aggregatis varia pondera oriuntur: Vt ita granum, Græcis *σιτάριον* omnium ponderum sit initium & minimum, quod propterea constans & apud omnes nationes vnum & idem esse decet. Et si enim procul dubio nomen à granis hordei vel tritici sumpserit; tamen cum horum non vbiuis locorum idem sit pondus, non hæc, sed nummarium minutum, quod omnibus nationibus idem est & inuariatum seruetur pro basi, & initio omnium ponderum habendum. Notatur autem

à Medicis hoc modo; gr. ḡ. Granis ij. constat *χάλλος*. Græcis, quod ponderis genus Arabes Kestuf nominant, vulgò æreolum, & proinde sexta oboli pars est, vel media siliquæ. Grana iij. constituunt *δίσχλλον*, cum quo conuenit *κεράτιον*, siliqua, quod Arabes Kirat nominant. Grana vj. *ἡμιόβολον* vel *ἡμιώβολιον* semiobolum faciunt, qui sesquisiliquam seu duodecimam drachmæ partem continet. Grana xij. *ὀβολόν* seu obolum constituunt, sextam drachmæ partem. Grana xxiiij. scrupulum seu scriptulum faciunt. Constat enim scrupulum duobus obolis, vnde apud Græcos *διώβολον* idem est, quod scrupulus; vnde & *χαμάμα* Græcis dicitur, quod scilicet vncia tot in se continet quot sunt apud Græcos literæ: & est pars vnciæ vigesima quarta. Verum apud Recentiores plerosque, qui Nicolaum & Venetos secuti sunt, scrupulorum saltem ḡ. xx. continet. Eius nota est Θ. Grana xxxvj. *ἡμιδραχμον* seu *τριώβολον*, hoc est, semidrachmam faciunt, quam fabam Ægyptiam & Alexandrinam nominant *ζβ*. Grana lxxij. drachmam Atticam, quæ & Medicis vsitata est, faciunt. Continet enim drachma scrupula tria, obolos sex, lupinos duos, bissiliquas nouem, siliquas octodecim. Et est libræ pars sexta & nonagesima. Verum drachma Nicolai & Veneta, quæ hodiè vbique ferè vsitata est, saltem grana lx. continet. Arabibus darchimi vel darchimie, vel drachimet, corrupto vocabulo *δραχμῆς*, nominatur. A Serapione & iisdem Arabibus etiam aureus vocatur, & ab iisdem nomina hæc drachmæ & aurei sæpissimè confunduntur. Aliàs verò nummus aureus seu denarius scriptula quatuor, drachmam scilicet integram, & eius tertiam partem continet.

Nota drachmæ est ζ.

Drachmæ viij Vnciam constituunt, cuius nota est ζ.

Vnciæ xij libram medicam. lb.

Deunx habet ζxj.

Dextans ζx.

Dodrans ζix.

Bes ζviij.

Septunx ζvij.

Semis seu selibra ζvj.

Quincunx ζv.

Triens ζiv.

Quadrans ζiiij.

Quæ quamvis hodie ad vsum medicum sufficere possint: tamen propter authorum lectionem tabulam, quam Dominicus Massarius, *lib. 2. de ponderibus & mensur. Medicam.* collegit, hîc apponere libet.

I. MINA ROMANA.

Minam Atticam $1\frac{1}{4}$, hoc est, semel cum quarta eiusdem parte.

Libram communem $1\frac{2}{3}$, hoc est, semel cum duabus eius tertiis.

Libram semis $3\frac{1}{2}$, quod est, ter & simul tertiam totius partem.

Vncias	20
Sextarios seu semuncias	40
Duellas	60
Sicilicos	80
Sextulas	120
Drachmas	160
Fabas Syras	240
Lupinos, seu drachmas semis	320
Tremisses	360
Scrupulos	480
Obolos	960
Bissiliquas	1440
Semiobolos	1920

Siliquas	2880
Chalcos	5760
Grana.	11520

II. MINA ATTICA.

Libram, $1\frac{1}{3}$, id est, libram vnam & eius partem tertiam.	
Semilibras, $2\frac{2}{3}$, hoc est, libras duas & duas tertias.	
Vncias	16
Semuncias	32
Duellas	48
Sicilicos	64
Sextulas	96
Drachmas	128
Fabas Syriacas	192
Lupinos seu drachmas semis	256
Tremisses	288
Scrupulos	384
Obolos	768
Bissiliquas	1152
Semiobolos	1536
Siliquas	2304
Chalcos	4608
Grana.	9216

Mina
Attica
sedecim
vnciarum,
compre-
hendit

III. LIBRA.

Semilibras	2
Vncias	12
Semuncias	24
Duellas	36
Sicilicos	48
Sextulas	72
Drachmas	96
Fabas Syriacas	144
Lupinos	192
Tremisses	216
Scrupulos	288
Obolos	576
Bissiliquas	864
Semiobolos	1152
Siliquas	1728
Chalcos	3456
Grana.	6912

Libra
duode-
cim vnciarum
compre-
hendit.

IV. SEMILIBRA.

Vncias	6
Semuncias	12
Duellas	18
Sicilicos	24
Sextulas	36
Drachmas	46
Fabas Syriacas	72
Lupinos	96
Tremisses	108
Scrupulos	144
Obolos	288
Bissiliquas	432
Semiobolos	576
Siliquas	864
Chalcos	1728
Grana.	3456

Libra se-
mis vnciarum 6.
sub se
habet.

V. VN CIA.

Semuncias	2
Duellas	3
Sicilicos	4
Sextulas	6
Drachmas	8
Fabas Syriacas	12
Lupinos	16
Tremisses	18
Scrupulos	24

Vncia
drachma-
rum 8.
capit.

Obolos	48
Bissiliquas	72
Semiobolos	96
Siliquas	144
Chalcos	288
Grana.	576

VI. SEMVN CIA.

Duellam	$1\frac{1}{2}$
Sicilicos	2
Sextulas	3
Drachmas	4
Fabas Syriacas	6
Lupinos	8
Tremisses	9
Scrupulos	12
Obolos	24
Bissiliquas	36
Semiobolos	84
Siliquas	72
Chalcos	144
Grana.	288

Vncia se-
mis in se
comple-
titur.

VII. DVELLA.

Sicilicum.	$1\frac{1}{4}$
Sextulas	2
Drachmas	$2\frac{2}{3}$
Fabas Syriacas	4
Semidrachmas	$5\frac{1}{2}$
Tremisses	6
Scrupulos	8
Obolos	16
Bissiliquas	24
Semiobolos	32
Siliquas	48
Chalcos	96
Grana.	192

Duella
valet.

VIII. SICILICVS.

Sextulam	$1\frac{1}{2}$
Drachmas	2
Fabas Syriacas	3
Semidrachmas	4
Tremisses	$4\frac{1}{2}$
Scrupulos	6
Obolos	12
Bissiliquas	18
Semiobolos	24
Siliquas	36
Chalcos	72
Grana	144

Sicilicus
habet.

IX. SEXTVLA.

Drachmam	$1\frac{1}{3}$
Fabas Syriacas	2
Lupinos	$2\frac{2}{3}$
Tremisses	3
Scrupulos	4
Obolos	8
Bissiliquas	12
Semiobolos	16
Siliquas	24
Chalcos	48
Grana.	96

Sextula
capit.

X. DRACHMA.

Fabas Syriacas	$1\frac{1}{2}$
Lupinos	2
Tremisses	$2\frac{1}{2}$
Scrupulos	3
Obolos	6
Bissiliquas	9
Semiobolos	12

Drach-
ma va-
let.

Siliquas

Siliquas	18
Chalcos	36
Grana.	72

XI. FABA SYRIACA.

Faba Sy- riaca pē- det.	Lupinum	1 $\frac{1}{2}$
	Tremissem	1 $\frac{1}{2}$
	Scrupulos	2
	Obolos	4
	Bissiliquas	6
	Semiobolos	8
	Siliquas	12
	Chalcos	24
	Grana.	48

XII. LUPINVS.

Drach- ma semis continet.	Tremissem	1 $\frac{1}{2}$
	Scrupulum	1 $\frac{1}{2}$
	Obolos	3
	Bissiliquas	4 $\frac{1}{2}$
	Semiobolos	6
	Siliquas	9
	Chalcos	18
	Grana.	36

XIII. TREMISSIS.

Tremissis valet.	Scrupulum	1 $\frac{1}{2}$
	Obolos	2 $\frac{1}{2}$
	Bissiliquas	4
	Semiobolos	5 $\frac{1}{3}$
	Siliquas	8
	Chalcos	16
	Grana.	32

XIV. SCRVPVLVS.

Obolos	2
Bissiliquas	3

Scrupu- lus in se continet.	Semiobolos	4
	Siliquas	6
	Chalcos	12
	Grana.	24

XV. OBOLVS.

Obolus capit.	Bissiliquas	1 $\frac{1}{2}$
	Semiobolos	2
	Siliquas	3
	Chalcos	6
	Grana.	12

XVI. BISSILIQVA.

Bissili- qua re- cipit.	Semiobolos	1 $\frac{1}{2}$
	Siliquas	2
	Chalcos	4
	Grana.	8

XVII. SEMIOBOLVS.

Semiobo- lus pen- det.	Siliquas	1 $\frac{1}{2}$
	Chalcos	3
	Grana	6

XVIII. SILIQVA.

Siliqua tenet.	Chalcos	2
	Grana.	4

XIX. CHALCVS.

Calchus.	Grana	2
----------	-------	---

XX. GRANVM.

Granum ponderum minimum, ex quo, tanquam ex vnitate numeri, reliqua pondera additione vel multiplicatione fiunt.

RRr 3

ABA

C A P V T I V.

De Mensuris Medicorum.

VT arida ponderantur plerumque : ita liquida mensurantur. Quamquam & mensurarum modus ad ponderum rationem à Medicis constituitur. Duobus autem mensuræ describi & explicari possunt, vel maiores per minores, & contra minores per maiores, vel per pondera. Si enim, quid Cotyla sit, quærat; sextarij medium esse, aut cyathos sex habere; vel uncias nouem olei continere respondetur. Prior verò mensuras describendi ratio certa & stabilis est nihilque mutatur, & nulla cotyla minor est dimidio sextario, nec cyathos plures aut pauciores, quam sex continet. Posterior verò mensuras æstimandi ratio non est perpetuò eadem, neque cotyla semper uncias nouem, sed interdum plures, interdum pauciores continet. Nam etsi mensurarum, capacitas non mutetur: rerum tamè, quæ eadem mensura mensurantur, pondus non est idem. Vnde Medici hodie, cum in liquidis etiam potius pondus, quam mensuram spectent, & mensuræ saltem, vt ponderandi labori supersederi possit, vsurpentur, triplices liquidorum mensuras vsurpant, alias scilicet vino & aquis destillatis, alias melli, alias oleo mensurando destinatas. Quæ mensuræ etsi omnes uncias notis distinguantur: tamen uncias distinctionem liquidorum pondus variat. Cum enim oleum leue sit, maior eius copia uncia respondet. Vinum cum sit oleo grauius, minor copia uncia respondet: adhuc grauius cum sit mel, minima respectu reliquorum quantitas uncia respondet. Et trium, olei, vini & mellis hæc animaduersa est proportio, vt olea vinum superent nona parte, ita vt mensura olei mensuram vini contineat, & nonam insuper eius partem: mellis verò mensura continet pondus mensuræ olei, & eius dimidium; & vini pondus ac tertiam eius partem. Cæterum mensuras illas, quæ non ponderis ratione æstimentur, sed solum capacitate, quod attinet, vt granum est principium omnium ponderum: Ita principium omnium mensurarum, & earum minima est cochlear, atque ultra cochlear mensurarum diuisio non progreditur. Est autem cochlear quadruplex, minimum, paruum, magnum, maximum. Minimum drachmam dimidiam ponderis, rei in pondere etiam mediæ; paruum integram; magnum sesquidrachmam; vel drach. duas, iuxta Dominicum Massarium, in l. de ponderib. & mensur. vid. D. Hoffman. l. 2. var. lect. c. 1. p. 47. maximum semunciam pondere capit. Mystrum commune paruum cyathi dimidium est, & continet pondere olei 3 vj, vini vel aquæ 3 xx. mellis 3 ix. Cyathus est cotylæ pars sexta, pondere, obseruatione communi, capit olei 3 xij. vini vel aquæ 3 xiiij. 3 j. mellis 3 xvij. Acetabulum, oxybaphum Græcis dictum, est cyathus cum dimidio: pondere, obseruatione communi, capit olei 3 xvij. vini vel aquæ 3 xx. mellis 3 xxvij. Acetabulum, inquit, D. Hoffman. l. 1. V. L. c. 11. p. 20. apud Atticos quidem est 3 xv. apud Romanos autem 3 xx. aut etiam, si Budæo credimus, 3 xxiiij. Quartarius est quarta sextarij pars, continet cyathos tres. Hemina vel Cotyla est pars duodecima congi, sextarij dimidium, continet cyathos sex; pondere verò olei 3 ix. vini vel aquæ 3 x. mellis 3 xiiij. Sextarius Italicus est sexta congi pars, duas heminas continet, cyathos xij: vt sicut libræ pars duodecima est uncia: ita pars duodecima sextarij sit cyathus. Pondere verò continet olei 3 xvij, vini vel aquæ 3 xx, mellis 3 xxvij. Congius est amphoræ pars octaua, continet sextarios sex, heminas duodecim. Pondere autem olei 3 ix. vini vel aquæ 3 x. mellis 3 xiiij. 3. Vrna est dimidium amphoræ Italicæ, sed Atticæ

pars tertia. Amphora enim Græca, quæ & Cadus, Amphora. & Metreta, maior est, quam Italica, quæ sextarios quadraginta octo continet. Pondere verò habet olei 3 lxxij, vini vel aquæ 3 lxxx, mellis 3 cvij. Culeus est mensurarum maxima, amphoras Culeus. Italicas xx continet. Verum de his ab aliis prolixius differitur.

C A P V T V.

De Dosibus Medicamentorum.

Porro cum medicamentorum magna sit differentia, & varia facultatum in agendo efficacia, magna etiam quantitatis, quæ vna vice offertur, quam dosin appellant, oritur varietas. Sunt autem medicamenta vel simplicia, vel composita; quæ diuiduntur in euacuantia atque alterantia. Alterantia quod attinet, eorum facultates in quatuor gradus diuidi, notum est. Cum autem medicamenta illa sint corpora mista, non absolute & simpliciter elementa calida, frigida, humida, sicca, sed contrarias qualitates secum habeant; ab excessu verò dominantium qualitatuum denominationem accipiant: quæ sit proportio qualitatuum in quolibet gradu, inquirere difficilimum est. Alij enim, vt Alchindus, proportionem Geometricam in gradibus distinguendis obseruant, eamque duplam: ac medicamentum temperatum esse dicunt, quod habet vnam partem calidi, vnam frigidi, vnam humidi, vnam sicci: quod verò in primo gradu à temperato recedit, duplum habet qualitatis sibi similis, verbi gratia, calidum in primo, respectu calidi in temperato, duplum est. Atque ita procedendo geometrica proportione, virtus medicamenti secundi gradus est dupla, respectu virtutis primi gradus; & quadrupla, respectu temperati. Virtus medicamenti tertij gradus est dupla, respectu virtutis secundi gradus; quadrupla, respectu primi; octupla, respectu temperati. Medicamenti in quarto gradu virtus est dupla eius, quæ est in tertio gradu, quadrupla secundi, octupla primi, sedecupla eius, quæ est in temperato. Atque ita medicamentum primi gradus habebit sese ad temperatum, vt 2; secundi, vt 4; tertij, vt 8; quarti, vt 16. Alij Arithmetica proportionem, quæ eandem quantitatem excessus, neglecta æqualitate proportionum, seruat, in gradibus ponunt: secundum quam opinionem talis erit ordo graduum, qualis erit numerorum: atque medicamentum in primo gradu se habebit respectu temperati, vt 2; in secundo, vt 3; in tertio, vt 4; in quarto, vt 5. Alij aliter sentiunt. Verum etsi in hac animorum nostrorum caligine, & naturæ obscuritate non facile definire est, qua ratione & proportionem elementa ad mixtionem concurrant: tamen à plerisque retinetur sententia Alchindi, & in gradibus proportio geometrica, non arithmetica esse statuitur. Idque ea de causa, quod inter proximos gradus longè maior est differentia atque inæqualitas, quam est inter duos numeros sese proximè consequentes. In tertio enim gradu medicamenta, qualia sunt non pauca aromata, sine damno vsurpare licet: cum calida in quarto pleraque instar veneni sint. Deinde quod inter vires diuersorum graduum non eadem est inæqualitas sed maior inter medicamenta tertij & quarti, quam inter medicamenta secundi & tertij; sicut etiam inter medicamenta secundi & tertij maior est inæqualitas, quam inter primi & secundi. Quibus accedit & hoc, quod hæc sententia cum dosibus graduum à Medicis longa experientia obseruatis conuenit. Nam & illa se in duplo excedunt, vt iam patebit. Temperati dosis censetur à ʒi ad ʒiij: medicamenti in primo à ʒi ad ʒi: Alterantium doses.

in secundo à ʒβ ad ʒβ: in tertio à ʒ.v. ad ʒii: in quarto à ʒ ii β ad ʒi. Est autem hic notandum, cum in quolibet gradu, ut apparet in dosi, quædam latitudo sit: in vltimis gradibus non semper licere ad summam dosin ascendere, neque quæ in quarto sunt gradu, omnia ad ʒi posse exhiberi, sed prout alia sunt in principio, alia in medio alia in fine quarti, ita dosin esse moderandam.

Doses Purgantium.

Eadem proportionibus etiam applicari solent medicamentis euacuantibus. Nam non minor eorum, quam Alterantium est differentia. Quapropter & eorum doses secundum differentiam graduum, ut Capiuaccius in primis ea digessit, proponemus. Quæ de re tamen obseruandum, ea, quæ de purgantium dosi absolute dicuntur, de eorum substantia esse intelligenda. Nam cum in decoctione vel infusione aliquid virtutis vel euanescat vel non extrahatur: in infusione vel decoctione maiore quantitate usurpantur; plerumque dupla, nonnunquam etiam quadrupla. Initium autem medicamenti euacuantis constituunt, ubi desinit temperatum. Dictum verò antea, dosin medicamenti temperati ascendere ad ʒ ii. Dosis itaque minima medicamenti euacuantis in primo gradu erit ʒ ii; & circa hanc dosin vix aliquid euacuabit, sed saltem turbabit; mouebit, nihil verò promouebit. Quæ verò summa dosis sit constituenda in primo & quæ sit proportio inter gradus, id ex differentiis & qualitatibus purgantium inuestigat Capiuaccius. Cum temperata inter euacuantia nihil habeant acutiei, neque etiam qualitatis noxiæ, ut ius galli decrepiti, lac, mustum & similia: sunt potius alimenta, quam medicamenta, & potius soluant aluum ratione quantitatis, qua natura ad expulsionem stimulat. Medicamentum verò in primo cum iam utroque modo à temperato deflectat, minima dosis bis duplicata summam primi gradus dosin constituet, id est, ʒ viii. Eadem proportionem seruata, ubi desinit gradus, atque ita dosis euacuantium in secundo gradu erit ab ʒ β ad ʒ ii. Quia verò medicamenta tertij & quarti gradus iam non tantum determinatos humores attrahunt & purgant, verum etiam cum molestia & violentia, & aliquid malignæ ac deleteriæ facultatis participant: in his non quadrupla, sed octupla proportio seruatur. Itaque cum tertius gradus incipiat, ubi desinit secundus, maxima dosis purgantium tertij gradus est ʒ β: minima verò ʒ β. Rursum quia quartus incipit ubi desinit tertius, summa dosis purgantium in quarto erit ʒ β. minima ʒ. iij. vel iij. Verum cum in quolibet gradu tres mansiones sint, neque quodlibet medicamentum alicuius gradus à minima ad summam dosin illius gradus exhibere liceat; sed quælibet mansio habet suam summam & minimam dosin; quæ in primi gradus prima mansionem sunt, ea usurpantur ab ʒ ij vel ʒ iij ad ʒ vj vel viij. Talia sunt *syrupus rosarum solutiuus* & *violar. solutiuus*. Syrupi enim hi ex diluto seu infuso parantur, saccharo adiecto, & propterea succis minus efficaces sunt. Quæ sunt in secunda primi gradus mansionem, dantur ab ʒ iij β ad ʒ v. Qualia sunt *mel rosat. solut.* & *mel violat. solutiuum*. Quæ in tertia primi gradus mansionem sunt, dantur ab ʒ ij ad ʒ iij vel ʒ iij. Huc pertinet *succus rosarum* & *violarum*, qui ʒ ij pondere propinatus ventrem soluit. Huc referenda & *Manna*, quæ datur ab ʒ j ad ʒ iij. ut & *Tamarindi*, quorum pulpa datur ab ʒ j ab ʒ ij vel ʒ iij. In decoctione dari posset ad ʒ iv. vel plures. *Cassia* item, cuius pulpa datur ab ʒ β ad ʒ j. ʒ β. ʒ ij. Quæ nonnulli ad secundum referunt. Huc referendus & *syrupus e floribus persicorum*, qui datur ad ʒ ij. Conserua illorum ad ʒ j exhiberi potest homini robusto: Satis enim violenter

per vomitum & aluum bilem, ferososque humores purgat. Eorundem M j vel M j β. in vino per noctem infusus idem præstat. Ad hunc gradum etiam referendus videtur *succus ireos recens expressus*. Quam enim nonnulli, ut Trincauellius, solum à ʒ ij ad ʒ vj eum propinant: tamen Al. Massaria se eo familiariter uti solere ad ʒ iij vel ʒ iij scribit. Ex. gr. *Succi ireos rec. expressi* ʒ iij. mannæ ʒ j. Et respondet experientia. Succum enim hunc pondere ʒ j β, cum mannæ ʒ vj, hydropico à me exhibitum aluum quinque tantum mouisse deprehendi. In secundi verò gradus prima mansionem medicamenta exhibentur ab ʒ β vel ʒ v ad ʒ iij vel ʒ ij. Quo à nonnullis referuntur tamarindi & cassia de quibus antea dictum. In secundi gradus secunda mansionem dantur ab ʒ β ad ʒ iij, ut terebinthina, quæ datur ab ʒ β ad ʒ vj. In tertia mansionem secundi gradus exhibentur à ʒ iij ad ʒ vj. Huius generis est *epithymum*, quod datur in substantia à ʒ ij. ad ʒ iij vel ʒ iij; Plinius l. 26. cap. 8. scribit, Epithymum acetabuli parte dimidia aluum soluere: In infuso verò ad ʒ x. Verum cum dubium sit, quale epithymum habeamus, etiam in dosi ascendere licet, & tunc ʒ ij infundimus. In tertij gradus prima mansionem purgantium dosis est à ʒ j ad ʒ β. Huc referuntur *myrobalani citrina*. Verum quia participant aliquid de inferiore gradu, dantur ad ʒ v. In infusione verò à ʒ v. ad ʒ iij vel ʒ xxx. *Rhabarbarum* item, quod nonnulli ad ʒ β exhibere iubent. Verum melius est in ʒ ij ferè subsistere; cum ab aliis potius ad secundam mansionem referatur. In infusione verò ad ʒ β datur. Item *agaricum*, cuius dosis in substantia ad ʒ ij; in infusione à ʒ ij ad ʒ β exhibetur. Huc pertinent *myrobonali chebula*, *Inda*, *emblica*, quæ exhibentur à ʒ ij ad ʒ β, in infusione verò ad ʒ j vel ʒ x. vel etiam plures. In secunda mansionem tertij gradus purgantia exhibentur à ʒ ij ad ʒ ij. In hac classe est *Aloe*, quæ datur à ʒ β ad ʒ ij; vel etiam ʒ iij: *psyllij semen*, quod datur in infusione potius, quam in substantia à ʒ j ad ʒ iij: *polypodium*, à ʒ ij ad ʒ iij, in infusione ab ʒ j ad ʒ v. *Folior. sene puluis*, à ʒ j ad ʒ ij; in infusione ab ʒ β ad ʒ j: *Mechoacanna*, quæ datur à ʒ j ad ʒ ij in substantia in infusione à ʒ ij ad ʒ β. In tertia mansionem dosis est à ʒ β ad ʒ j. Huc pertinet *asarum*, quod tamen magis vomitum, quam aluum mouet; eius dosis est in substantia à ʒ β ad ʒ ij vel etiam ʒ j: In infusione à ʒ ij ad ʒ β. *Carthammum* datur in decocto à ʒ iij ad ʒ v. Pertinet huc & *Soldanella*, seu *brassica marina*, cuius succus datur à ʒ j ad ʒ j β: in decocto ad ʒ iij. *Hermodactylus*, qui quia adhuc ad secundam mansionem declinare videtur, datur à ʒ ij ad ʒ iij; in infusione vel decocto à ʒ ij ad ʒ iij. *Turbith* datur à ʒ ij ad ʒ iij vel ʒ iij: in infusione à ʒ ij ad ʒ iij vel ʒ iij. *Lapis armenus* datur à ʒ β ad ʒ j; *Lotus* etiam ad ʒ iij vel ʒ iij. *Lapis Lazuli* à ʒ β ad ʒ j. *Opopanax*, qui datur à ʒ β ad ʒ j: alij tamen ad priorem mansionem referunt, & dant à ʒ j ad ʒ ij. *Sagapenum* item, quod datur à ʒ β ad ʒ j. Circa finem tertij gradus: ita ut aliquid de natura quarti participet, est, *elleborus niger*, qui datur à ʒ j ad ʒ ij: imò etiam ʒ j iustam esse ellebori dosin, docent Aëtius & Actuarius, cum dicunt, dari ʒ iij plus minusve: Idem docet Mesue, qui à siliquis sex seu gr. xxiiij. ascendit ad ʒ j. Idem docent Recentiores, qui in robustissimis dant ʒ j: in debilioribus contenti sunt ʒ ij. vid. Casp. Hoffman. lib. 1. Var. Lect. cap. 4. p. 7. In infusione nonnulli dant à ʒ j ad ʒ β, innocensque medicamentum est, modò rectè paratur. Huc referenda & radix *Gialapa*, cuius dosis à ʒ j ad ʒ ij. In quarti gradus prima mansionem medicamenta dantur à ʒ x ad ʒ β. Huc pertinet *Mezereum*, *thymelea semen* seu *granum gnidium*; cuius in substantia dosis à ʒ viij ad ʒ xx; in decocto verò à ʒ β ad ʒ j. Alij tamen ad tertiam mansionem referunt, & in substantia à gr. v. ad x. exhibent.

Item

Primus gradus euacuantium.

Secundus gradus.

Tertius gradus.
Quartus gradus.

Purgantium primi gradus dosis.

Syr. rosar. & violar.

Mel rosat. & violat.

Manna.
Tamarindi.

Cassia.

Syr. e flor. persicor.

Succ. ireos

Purgantium secundi gradus dosis.

Terebinthina.

Epithymum

Purgantium tertij gradus dosis.

Myrobal.
Rhabarb.

Agaric.

Myrobal.

Aloe.

S. psyllij.

Polypod.

Fol. sene.

Mechoacanna

Asar.

Carthami.

Hermodactylus.

Turbith.

Lapid.

armeni.

Lazuli.

Opopan.

Sagapeni.

Ellebori

nigri.

Gialapa.

Quarti gradus purgantium dosis.

Item *colocynthis*, cuius dosin authores alij \mathfrak{z} j. alij $\mathfrak{z}\beta$. alij etiam \mathfrak{z} ij ponunt. Sed, quod semel monere sufficiat, consultius est, in hisce fortibus, ac quarti gradus medicamentis à summa dosi abstinere, & subsistere in minima, & propterea ultra \mathfrak{g} xv. in colocynthide vix adscendimus. Huius classis est *pulvis radices*, & *succus cucumeris asinini*, cuius dosin plerique a gr. vj ad \mathfrak{z} j esse scribunt. Al. Massaria tamen se nunquam gr. vj excedere ausum scribit in elaterio; cum etiam hac dosi exhibitum copiosissimam purgationem faciat: quod si quis maiorem exhibere ausit, id ideo fieri, quod elaterium sit malè præparatum. Huc etiam referenda *gratiola*, quæ datur in pulvere \mathfrak{z} j pondere in decocto ab $\mathfrak{z}\beta$ ad \mathfrak{z} j. In secunda quarti gradus mansione dosis est à \mathfrak{g} v. ad \mathfrak{g} xv. In huius mansionis fine est *scammonium*, cuius dosis est à \mathfrak{g} v. ad \mathfrak{g} xij. vel \mathfrak{g} xv. Quanquam enim Brassauola, & alij quidam se maiori dosi id exhibuisse scribant: tamen quod semel fortuna bene cessit, in omnibus usurpare non licet; cum experientia testetur, ista etiam dosi satis fortiter purgare. In tertia quarti gradus mansione medicamenta dantur à \mathfrak{g} iij. ad \mathfrak{g} x. Huius generis est *euphorbium*, cuius summa dosis \mathfrak{g} x. *Esula*, cuius radices cortex datur à \mathfrak{g} v. ad \mathfrak{g} x: lac verò à \mathfrak{g} iij ad \mathfrak{g} viij. Huc pertinet & Antimonium, cuius flores & vitrum in infusione præcipue a gr. iij, vsque ad gr. vj exhibentur. Differtque eius dosis ex varia præparatione. Atque hæc ferè medicamentorum simplicium dosis est: iam, quâ ratione compositorum Alterantium & Euacuantium dosis inuestigari possit, dicendum. Primò quidem alterantium doses quod attinet, in eorum dosi inuestiganda tria attendenda: primò quidem qualitas simplicium, quæ miscentur; secundò gradus virium eorundem; tertio quantitas. Componitur enim medicamentum ex simplicibus vel æqualibus vel inæqualibus; atque id ratione qualitatis, gradus & quantitatis. Primò, si, quæ miscentur, in qualitate, gradu qualitatis, & quantitate, conueniunt: compositum medicamentum eiusdem gradus erit, & dosin habebit, quam medicamenta illius gradus. Exempli gratia: Theriaca diateffaron componitur ex æquis partibus gentianæ, baccarum lauri, myrrhæ, aristolochiæ rotundæ, mistis cum melle: quæ simplicia cum omnia sint calida in tertio gradu, & æquali quantitate misceantur: theriaca hæc calida erit in tertio gradu, dosisque eius ad \mathfrak{z} j. Si verò inter simplicia est inæqualitas, erit vel in qualitate, vel in qualitatis gradu, vel in quantitate. Si sit inæqualitas tantum in qualitate inter simplicia, eadem verò in gradu & quantitate conueniant; exempli gratia, si calidum in primo misceatur cum frigido in primo eodem pondere: medicamentum compositum, euadet temperatum, dosisque eius erit, quæ temperaturæ est. Verum in hisce, vt & aliis compositis, notandum, non solum esse in dosi habendam rationem primarum qualitatum, verum & occultarum, ob quas medicamentum compositum etsi ad aliquam temperiem redigi videatur, non tamen tanta, qualis est temperaturæ, dosi exhiberi potest. Misceatur, exempli gratia, euphorbium cum frigido aliquo medicamento in quarto gradu: compositum, quod inde resultat ad \mathfrak{z} j. quæ temperaturæ dosis est, exhiberi non potest, ob peculiarem, quæ coniuncta est, malignitatem. Ideoque cum medicamenta in quarto gradu maximè distent ab humana natura: quando aliquod temperatum hoc modo sit ex medicamentis in quarto gradu, sumimus dosin temperati non maximam, sed minimam, & exhibemus talia à \mathfrak{z} ij ad \mathfrak{z} iiij. Quæ verò in tertio gradu sunt; cum sint iam magis amica humanæ naturæ: maiore dosi exhiberi possunt, si ex iis fiant temperata; & adhuc maiore, quæ in secundo & primo. Itaque, si proportionem duplam obseruemus,

medicamenti temperati compositi ex medicamentis in tertio gradu dosis erit à \mathfrak{z} iiij ad \mathfrak{z} j: compositi ex medicamentis secundi gradus à \mathfrak{z} j ad $\mathfrak{z}\beta$: compositi ex medicamentis primi gradus ab $\mathfrak{z}\beta$ ad \mathfrak{z} j. Si verò non solum qualitate, sed & gradibus discrepent simplicia, ac solum pondere conueniant: ibi ad proportionem illas, de quibus modò dictum, respiciendum. Calidum in primo gradu mistum cum frigido in secundo constituit medicamentum temperatum iam ad frigidum declinans. Quod ex positis ita deducitur. In medicamento calido in primo sunt duæ partes calidi, & vna frigidi: in medicamento verò frigido in secundo sunt quatuor partes frigidi, & vna calidi: itaque compositum habebit partes calidi tres, & frigidi quinque: quæ proportio cum nondum sit dupla, non est in primo frigida, sed adhuc temperata; verum magis declinans versus frigiditatem, quàm caliditatem. Ita si frigidum in primo misceatur cum calido in tertio ratione frigidi sunt duæ partes frigidi, & vna calidi; ratione verò calidi adsunt octo partes calidi, & vna pars frigidi: atque ita totum compositum habebit nouem partes calidi, & tres frigidi: quæ proportio ad secundum gradum pertinet. Potest idem hoc etiam modo facile monstrari. Si vnus gradus caloris in medicamento calido in tertio gradu remittitur à medicamento frigido in primo; supererunt duo gradus caloris; atque ita totum compositum est calidum in secundo. Si verò medicamenta simplicia in qualitate & quantitate conueniant; discrepent verò in gradu saltem qualitatis, ex. gr. si medicamentum calidum in primo misceatur cum medicamento calido in tertio æquali pondere: ibi quis gradus resultet, intricatius est. Ex quo tamen vt nos expediamus, sciendum, formam non agere sine determinata quantitate. Itaque dum dicitur, piper in tertio gradu calefacere, id non de qualibet eius quantitate accipiendum, sed tali, in qua possit hoc præstare, id est, si \mathfrak{z} j vel \mathfrak{z} ij eius sumantur. Si itaque in quantitate, quæ ad qualitatem in eo, quem cupimus, gradu induendam sufficiens est, medicamentum propinetur, exempli gratia, piper \mathfrak{z} j. eique medicamenti calidi in primo etiam \mathfrak{z} j admisceatur: vix remittetur calor piperis. Si autem infra dosin sumatur medicamentum in tertio, eique tantundem calidi in primo admisceatur, ratione exiguæ quantitatis calidum in tertio non potest suum effectum producere: Illud tamen, quod in primo est calidum, intensiorem habebit operationem, ob admissionem calidi in tertio, quàm si solum sumeretur. Atque ita compositum tale erit calidum in secundo. Si verò in quantitate sit inæqualitas, in qualitate verò & gradu qualitatis conuenientia: eadem semper qualitas & qualitatis gradus prouenit, dosisque eadem est compositi, quæ simplicis cuiusque. Exempli gratia: Diatrion pipereon componitur ex simplicibus in tertio gradu calidis. Quæ etiam si inæquali pondere compositionem ingrediantur: totum tamen compositum est calidum in tertio, eiusque dosis est, quæ medicamentorum calidorum in tertio. Si verò præter quantitatem etiam vel in quantitate, vel in gradu sit discrepantia: tum quantitas in dosi parit differentiam. Quantitatem autem hîc aliam nominant proportionatam, aliam non proportionatam. Non proportionata quantitas vocatur, quando in cõpositione sumitur medicamentum infra minimam dosin. Si autem transcendat quantitas maximam dosin, non dicitur dosis non proportionata. Nam tota illa quantitas non pro vna, sed pro pluribus dosibus cõputatur. Si tamen tota quantitas, quæ dosin propriam transcendit, sumatur: habet operationem superioris gradus: sicut si dosis minor, quàm par est, sumatur, habet operationes inferioris gradus.

Itaque

E simplicibus
quantitate
discrepantibus
qualia fiant
composita.

Itaque in computatione gradus medicamentum, quod infra minimam dosin sumitur, ferè in inferiore gradu computandum; vt si medicamenti calidi in tertio in composito aliquo saltem ḡ vj sint: pro secundo saltem gradu computandum, & pro eo non octo, sed quatuor caloris partes numerandæ. Si quantitas est proportionata, potest considerari vel secundum vnam dosin, vel secundum plures. Si inæqualitas in quantitate proportionaliter in vna dosi consideretur: potest accipi dosis vnus minima, alterius maxima. Et quidem si remissi, minima; intensi, maxima, exempli gratia, calidi in primo minima; calidi in tertio maxima: hæc proportio non mutat gradum, sed saltem mansionem. Sin verò maxima dosis sit remissi, exempli gratia, calidi in primo, & intensi minima, vt calidi in tertio: variatur gradus, oriturque compositum calidum in secundo; sed in principio, quia remissi est maxima dosis. Sin verò secundum plures doses quantitas proportionata consideretur, exempli gratia, si calidi in primo sint duæ doses; calidi verò in tertio sit vna dosis: talis inæqualitas mutat & gradum & mansionem. Exempli gratia, sint tres doses calidi in primo, & vna calidi in quarto: fit inde calidum in secundo in fine. Nam medicamentum calidum in primo, quod habet tres doses, accipit pro qualibet duas partes calidi, & vnam partem frigidi, quæ coniuncta faciunt sex partes calidi & tres partes frigidi. Medicamentum calidum in quarto in vna dosi habet partes sedecim calidi, & vnam partem frigidi. Atque ita totum compositum habebit viginti duas partes calidi, & quatuor partes frigidi. Quarum proportio si consideretur, fit inde manifestum, esse eam, quæ est in secundo gradu. Si consideretur quantitas discreta, hoc est, numerus medicamentorum: tum videndum, aut sint eiusdem qualitaris & gradus, ac tum nihil aliud considerandum est, quam quot sint doses, vt si sint ʒij calidi in primo, erunt quatuor partes calidi, & duæ frigidi, quia duæ sunt doses. Quod si aliquod medicamentum non adscendat ad dosin proportionatam: assumatur tantum, quantum opus ex alio eiusdem gradus, vt proportio compleatur. Si autem medicamenta illa sint diuersarum qualitarum ac graduum: colligantur singulorum partes calidæ & frigidæ, & quærat earum inter se proportio, atque facile gradus & dosis inuenietur. Simili modo vt Compositorum purgantium dosis inueniatur, gradus & dosis cuiusque compositi cognoscenda sunt, quod fiet, si gradum & dosin simplicium perspecta habeamus. Primum nimirum videndum, quot doses purgantium sint in aliquo composito. Deinde pondus æstimandum totius medicamenti compositi; atque hinc per regulam proportionum inquirendum, quanta pars totius compositi pro vna dosi exhiberi possit. Exempli gratia, si examinemus pilulas cochias, sunt in ea, hieræ picræ ʒ x. quæ in se aloës habent summas doses 3. Colocynthidis ʒiij ʒj, quæ habent doses 7. Scammonij ʒiib, quæ habent doses 10. turbita ʒv, quæ dant doses ferè 4. stœchad. ʒv. syr. stœchad. ferè 3x vel 3xij. Atque ita cum tota compositio, quæ continet doses summas 24. habeat ferè 3xxxvj: vni dosi respondent ʒib, dosisque summa pilularum cochiarum erit ʒib.

Doses totius compositi. dosi

24. dant. 3 xxxvj. F. 1 ʒib.

*Purgantium
compositorum
dosis quomodo
inuestiganda.*



LIBRI V. PARS III.

SECTIO II.

De operationibus ad Pharmacopœiam necessariis.

CAPVT. I.

De natura Chymia.



ΟΤΑΜ φαρμακοποιαν duobus absolui, nimirum certa quadam præparatione materiæ medicæ, atque eiudem in formam medicamenti reductione & compositione, antea dictum est. Atque ita tota Pharmacopœia in duas partes diuidi potest, quarum prima tractat operationes, per quas pharmacopœus ad optatum finem peruenit, & quarum sæpe in vnus medicamenti præparatione plures, & eadem in diuersis præparandis requiruntur: Altera per illas operationes certa remedia præparare, & in certam formam redigere, atque vbi opus est, plura simul coniungere & componere docet. De vtraque iam dicendum est, & quidem de priore prius. Verum quia medicamentorum præparatio nostro seculo non parum variari cœpit, atque hodie Chymia in omnium non solum ore, sed & manibus ferè est, resque hæc quasi sectas Medicorum parit, vulgòque nominari audiuntur alij Galenici, & Dogmatici; alij Chymici, Spagyrici, Hermetici, Paracelsici; alij Chymiatri, Chymicomedici, Galeno-Chymici: quid Chymia sit, hinc breuiter inferendum videtur. Chymia, & cum articulo Arabico Alchymia, à nonnullis dicta putatur, ἀπὸ τοῦ χύειν vel χέειν, quod est fundere & liquare; aliis ἀπὸ τοῦ χυμὸς à succo, quod scilicet corpora, & in primis metalla & mineralia, quæ duriora sunt, in liquorem & succos fundere ac eliquare doceat. Cælius Rhodiginus, lib. 7. antiq. lect. cap. 2. artificij hoc genus, verbo luxato, Alchymiam vel ἀρχυμίαν quasi ἀρχύρε χημείαν, dictum putat. Aliis hæc ars Chemica, quasi Ægyptia dici creditur; cum, vt est apud Plutarch. in libro de Iside & Osiride, Ægyptus etiam Chemia quibusdam nominetur. Fuit enim hæc ars iam vsque ab Hermete Trismegisto Sacerdotibus Ægyptiis familiaris & nota. Ab iis, qui Paracellum sequuntur, appellatur quoque Spagyrica; quam vocem nonnulli ἀπὸ τοῦ σπᾶν & ἀγείρειν, à segregando & coniungendo, quod heterogenea separet, & homogenea iterum coniungat, deductam putant. Interdum tamen Spagyriæ vocabulum non pro arte Chymica accipitur, sed pro ea Chymia parte, quæ vtilem in Medicina finem habet propositum; quæ à quibusdam Chymiatria dicitur. Verum omnium nominum, quæ Paracelsus & alij sibi pro libitu fingunt plurima, originem inquirere velle, nec possibile est, nec necessarium. Sunt etiam inter Chymicos, qui Chymiam Philosophiæ nomine specialiter indignant, ac vbi Philosophum nominant, Chymicum saltem intelligunt. Etsi verò ad Physicas contemplationes, & rerum Naturæ perscrutationem summopere utilis & necessaria sit Chymia, adeo vt vix quisquam in hoc genere excellere possit,

Pharmacopœia par.

Chymia de dictis.

nisi Chymia cognitionem habeat : tamen arrogantiùs hic titulus aliis præripi, & huic arti solum tribui videtur. Verùm, nominibus missis, rem ipsam videamus, & quid Chymia sit, ac quibus terminis coërceatur inquiramus. Vt autem ubique difficilimum est definitiones constituere : ita & hic non parua offertur difficultas ; quæ ex eo maximam partem ortum habet, quod nonnulli angustioribus terminis artem hanc includunt, & eos saltem, qui in metallis transmutandis occupantur, Chymicos nominant : alij quoscunque etiam, qui circa metalla & alias res igne elaborandas versantur, Chymicorum nomine dignantur. Verùm utrosque peccare, & media via incedendum ac Chymiam hoc modo definiri posse existimamus ; quod Chymia sit Ars corpora concreta caloris beneficio ad purum efficacemque statum elaborandi & reducendi. Finis enim Chymia inter-nus est, corpora naturalia concreta, seu corpora naturalia mista purificare, soluere & componere, alterare, & exaltare, & ita elaborare, ut vel partes seorsim & singulæ, vel omnes iterum mistæ & compositæ sint quàm purissimæ & efficacissimæ, atque ad vsus in vita humana peculi-ares & necessarios aptissimæ & commodissimæ. Finis autem externus duplex est : vel sanitas & corporis humani conseruatio, vel metallorum μεταμόρφωσις & perfectio. Atque hi veri Chymia limites sunt. Sunt quidem multi, qui cum Chymicum nominari audiunt, eum saltem intelligunt, qui in metallis transmutandis laborat. Verùm immeritò. Nam ambitus huius artis amplior est, neque Chymicus solum de metallorum transmutatione sollicitus est, sed etiam sanitatem hominis, qua in vita nihil præstantius est, sibi habet propositam, & in eo desudat, ut ex omnibus naturalibus corporibus utilia & efficacia medicamenta præparet. Quem finem non hodie demum Chymia assignari, sed iam olim Chymicis fuisse propositum, patet ex eo, quod Mesues, in *antid. medic. dist. 21. c. de ol. ouorum*, scribit. *Pluribus, inquit, de his (modo scilicet oleo præparandi) loquuntur, qui, quæ sunt occulta in rebus, manifestant & detegunt : eos aggredere, si rei huius cupidus es.* Hos autem in principio alleg. distinct. Alchymistas nominat, & Medicinæ studiosos cum iis conuersari iubet, si, qua ratione, quæ occulta sunt in concretis caloris virtute segreganda sint, discere velint. Etsi autem reperiantur, qui alterum finem, metallorum scilicet transformationem reiiciant : tamen cum experientiæ reclamare nefas sit, satisque huius testimonio constet, Artis Chymicæ operâ metalla ignobiliora in nobiliora transmutari posse : non est, cur hunc alterum Chymia vsus reiiciamus. Vt autem alia prætereamus, videantur saltem historiæ transmutationis metallicæ ab Evvaldo de Hogelande conscriptæ ; & defensio Alchymia transmutatoriæ Andreæ Libauij, opposita Nicolao Guiperto ; & c. 24. libri de Medicina Vniuersali à Io. VVolffg. Dienheim editi, & B. Penoti præfatio apologetica contra Nic. Guibertum, libro de denario medico annexa. Ex iis enim omnibus cum experientiæ testimonio euincatur, artis Chymicæ opera metalla ignobiliora in nobiliora transmutari posse : non est, ut hunc alterum Chymia vsus reiiciamus. Et licet ob hominum perditissimorum imposturas, qui aliis aurum promittunt, quo ipsi carent, quoque alios fraudulenter emungunt, tota ars apud plerosque malè audiat : tamen viri prudentes genuinos Artifices ab impostoribus, & errata artificum ab ipsa arte discernere norunt, quæ de re in *tract. de Chymic. cum Arist. & Galen. consens. diff. c. 2.* Ex hoc duplici fine facile patet, circa quid versetur Chymicus. Posteriori enim finem si respiciamus, cuius manifestum euadit, solum circa metalla occupari Chymicum ; cum eorum transmutationem sibi habeat pro-

positam. Verùm si alterum etiam finem respiciamus, longè latius sese extendit Chymia. Neque enim solum circa metalla, quod nonnulli existimant, sed circa omne illud, quod medicamenti vtilis & efficacis naturam induere potest, occupatur, siue sit è vegetabilium, siue animalium, siue mineralium & metallorum numero. Itaque eos non probamus, qui nihil nisi metalla & mineralia crepant, & alia, quæ tot seculorum vsus probauit, medicamenta ex vegetabilibus ferè contemnunt ; imò sæpè vno metallico medicamento, nescio quot morborum curationes promittunt. Rectius eos facere arbitramur, qui nihil vtilis negligunt, sed cum magna sit morborum diuersitas, & sæpè pertinacia, dant operam, ut in omnem casum & euentum efficacia habeant remedia, siue ex plantis, siue ex animalibus, siue mineralibus & metallis sint petita. Verùm enim uerò etsi, ut diximus, metamorphosis metallorum meritò etiam artis chymicæ ambitu concludatur : tamen, cum multis sit inuoluta difficultatibus, de quibus videre licet libellum de Alchymia difficultatibus Theobaldi ab Hogelande ; atque quotidiana experientia constet, quàm non cuius hanc contingat adire Corinthum, aut cum Iasone aureo vellere potiri ; & propterea nulli facile author esse velim, ut periculosa huic navigationi, in qua facilius est se ventis committere, quàm portum attingere, sese committat isto seposito, de altero saltem hic dicemus. Director itaque huius artis, ut nobis hic de ea sermo est, atque ἀρχιτέκτων est Medicus, qui non solum omnium simplicium medicamentorum, ex plantis, animalibus, & mineralibus ac metallis petitorum, naturam cognitam atque perspectam habeat, sed & finem vltimum, vsus nimirum in Medicina, & quæ quælibet morbus & causa morbifica requirat remedia, nouerit, atque in hoc incumbat, necesse est, ut purum ab impuro, utile ab inuitili separetur, atque omnia, saluis manentibus facultatibus, ita præparentur, ut vsus eum, qui in Medicina expetitur, præstare possint. Non enim satis est, aliquid solum efficere, & sibi ipsi nescio quas, præparationes fingere, aut casu suggerente, arripere, & Medico inconsulto ea præparare, quæ nullum in Medicina vsus habent, vel non sine insigni periculo administrari possunt : sed, quo fine quodlibet agas, scire, atque an id, quod præparas, in Medicina aliquem vsus habeat, & tutò atque utiliter humano corpori adhiberi possit, nosse oportet. Atque hoc dum præstat Medicus, nomen Medici quodammodo amittit aut deponit, Chymicique nomine est contentus : non aliter, ac dum ipse manibus vulnera, vlcera aut similia tractat, Cheirurgus appellatur. Neque hoc nomen Medico vel fraudi vel dedecori esse debet. Sunt quidem nonnulli in ea opinione, Medico non licere componere medicamenta : utpote cuius munus longe sublimius atque excellentius sit, quàm ut ad talia mechanica se demittat, atque quid commune cum iis habeat : operationemque solis pharmacopœis relinquendam esse, indignam Medici maiestate, cuius sit præscribere, non operari. Atque iidem distincta Medici & Pharmacopœi fuisse officia omnibus ætatibus persuadere conantur. Gal. enim, 9. *epid. 5. §. 11.* Medicum à ministris separat, & herbarios, vnguentarios, coquos, cataplasmata adhibentes, scarificantes, venam incidentes, cucurbitulas affigentes, ut Ministros Medico inseruire docet. Idem Gal. *lib. 7. de comp. med. §. loc. cap. 3.* Phamphili Pharmacopolæ aliorumque alibi meminit. Et alij etiam authores passim Pharmacopolarum meminerunt : & Plautus, in *Amphitruone*, *Epidico* & *Menachmis*. Medicinam pro taberna seu officina medicamentaria accepit. Et distincta esse debere officia Medici atque Pharmacopœi, atque non licere Medico componere medicamenta, ea etiam de causa contendunt, ne seu odio seu

Director Chymia quis.

Medicus quomodo Chymici nomen assumat.

An Medico liceat componere medicamenta.

Causa ob
quas Medico
licet compo-
nere medica-
menta.

seu pretio inductus noceat, fel pro melle, venenum pro remedio propinet; ne centuram industriae suae reformidet; ne pharmaca aequo carius vendat. Verum etsi nemo neget, Medicis semper suos fuisse ministros atque id ipsa rei necessitas plerumque requirat; cum rari sint Medici, qui componendis Medicamentis satis vacare possint: & libenter etiam modo suo officio satisfaciant, suas partes pharmacopœis concedant Medici: tamen Medico potestas componendi medicamenta eo non adimitur; nec, ut de Iul. Contareno in hoc negotio scribit Horat. Augenius culpandus est, si pharmacorum compositioni incumbat Medicus, sed potius maximis extollendus laudibus, ac præterea honore atque præmio afficiendus. Nemo enim rectius composuerit medicamenta, quam Medicus; utpote qui materiam remediorum, in qua maxima est differentia, agnoscit iis signis, quæ aliis indoctis vix commodè explicari queunt; & novit, quo pacto integris facultatibus utile ab inutili, purum ab impuro secerni possit; quique mixtionis modum, insperatis quandoque morbis necessarium, optimè tenet, quem indoctus pharmacopœus vix assequitur. Et cum alia sint, quæ in rectè composituro medicamenta requirantur, quæque Gal. 1. de comp. med. s. genera, c. 2. enumerat; vix autem in vlllo pharmacopœo illa reperiantur, sed tantum in docto Medico: quis rectius componet medicamenta, quam peritus Medicus? Quod quamvis aliquis de præscribendis medicamentis interpretari possit: tamen quotidiana experientia testatur, multorum compositionem non nisi usu monstrari & addisci posse: & rectè huc quadrat, quod Gal. 1. de alim. fac. c. 1. scribit: *ἐν βιβλίῳ μὴτε κυβερνήτῳ τινὰ γιγνώσκον γίνεσθαι, μὴτε ἄλλῃς τέχνῃς ἐργάτῳ.* Atque Antiquos ipsos sua, imprimis nobiliora, medicamenta præparasse, planissimum est. Galenus ipse Theriacam, quam antea à Demetrio Medico confici viderat, iubente Imperatore Antonio, confecit. Alij etiam præstantissimi Medici domi suæ suis manibus medicamenta composuerunt, & suis nominibus insigniuerunt, quæ adhuc retinent, ut passim ex Galeni libris de comp. med. secund. loc. & gen. videre est. Neque solum excogitasse & præscripsisse (quod quis obicere posset) sed etiam composuisse, patet ex eo, quod Scribonius Largus, de comp. medicam. cap. 13. de hiera Pachij in hunc modum scribit: *Compositio hac præcipuè à Pachio Antiocho auditore Philenidis Catinensis usu illustrata est. Fecit enim magnos questus ex ea propter crebros successus in vitis difficilimis. Sed ne hic quidem ulli se vino compositionem dedit. Post mortem autem eius Tiberio Casari per libellum scriptum ad eum, & bibliothecis publicis posita venit in manus nostras, quam antea nullo modo extrahere potuimus, quamvis omnia faceremus, ut sciremus, quæ esset. Ipse enim clausus componebat, nec ulli suorum committebat. Plura enim, quam recipit, ipse contundi iubebat pigmenta, fallendi suos causa.* Et Æschrius Empeiricus, medicamentorum peritissimus, Galeni præceptor, domi suæ medicamentum ex cancris, contra canum rabidorum morsum, paravit. Et ipse Valeriola, qui tamen in hac quæstione contrarium sentire videretur, lib. 6. enarrat. medic. cap. 4. non solum negare non potest, tempore Galeni optimos quosque Medicos magnas antidotos composuisse, sed etiam in felicitate seculi illius hoc ponit. Et cur non sit summa felicitas, si ea medicamenta, in quibus vita hominum sita est, ipsi etiam Medici componant, nec omnia non raro indoctis hominibus committant? Neque tamen hoc ita accipiendum est, quasi pharmacopolis omnem potestatem componendi medicamenta eripere, atque illam soli Medico attribuire velimus. Prudens & doctus Medicus, quid suarum partium sit, facile nouerit. Non enim quæstus gratia componet medicamenta, & publicè omnibus venalia proponet;

Antiqui
Medici ipsi
composuerunt
medicamenta.

sed si vel necessitate ad hanc operationem compellatur, vel selectissima, præstantissima, addo etiam noua, hominibus ignaris vel negligentibus, ob ægrorum commodum permittere nolit: nescio certè, quid præter ius, vel etiam decorum & sui ordinis dignitatem committat. Nam si quis ideo potestatem componendi medicamenta Medico adimere velit, ne pharmaca iusto carius vendat: certè, etiam si medicamenta non componat, occasiones alias habebit, quibus auaritiæ suæ satisfaciatur, si lucro attendere Medicus velit. Ea verò de causa pharmacopœum à Medico discernere, ne vel Medico, vel Pharmacopœo detur ægris nocendi occasio, est hominis in Medicinam, artem sacratissimam, valde iniurij & iniqui. Et enim nisi Medicus vir bonus sit, & conscientia rationem habeat, etsi oculatissimus Pharmacopola ipsi adiungatur, ampla ipsi nocendi patet ianua. Sed Medicus vir bonus, iuramenti Hippocratis memor erit, & in primis eius, quod Scribonius Largus, ad Caium Iulium Callistum epistola, scribit, meminerit: *Ne hostibus quidem malum medicamentum dabit, inquit, quo sacramento Medicina legitime est obligatus, sed persequetur eos, cum res postulauerit, ut miles & ciuis bonus omni modo. Quia Medicina non fortuna, neque personis homines æstimat: verum aequaliter omnibus implorantibus auxilia sua succursuram se pollicetur, nullique unquam nocituram proficitur.* Neque etiam præter dignitatem Medici esse, componere medicamenta, antiqui illi viri prudentissimi, Medicique peritissimi, satis docuerunt: qui etsi haberent vnguentarios, seplasiarios, & id genus hominum, qui fucos, vnguenta & similia præcipuè vendebant, ornando potius, quam curando corpori utilia: totam tamen medicamento- rum compositionem ipsis non committebant. Ipsi domi suæ medicamenta composuerunt, neque sibi dedecori, sed laudi esse duxerunt, si rei humano generi utilissimæ operam impenderent, neque plus rationis manuum suarum, quam animi haberent. Imò ignauorum potius esse videtur, omnia ministris committere; quorum vel auaritia, vel improbitate factum est sæpius, ut medicamenta præstantissima, quæ *θεῶν χεῖρας* antiqui appellant, vel indoctissimis Empeiricis communicarentur, vel corrupta & vitata auctoritatem suam amitterent, nec vires, ob quas ab antiquis prædicabantur, haberent. Et quia aliàs Medicus salutis ægrorum causa multas molestias deuorat, & ut Hippocrates, 1. de flatibus, scribit, *ὁρᾷ τὰ θανά, διγ- γάνητε ἀνδρῶν, καὶ ἀπ' ἀλλοτρίῳιν συμφορῆσιν ἰδίας καρ- πῆται λύπας*: cur non idem etiam in necessaria hac componendi medicamenta arte faciat, & hic, fœminarum elegantia nimis studiosarum ritu, vel labores, vel fumos defugiat? Ex his omnibus porro patet, non adeò magnum esse inter Medicum, pharmacopœum & chymicum discrimen. Chymicus, ut hoc loco nobis de eo sermo, ad *φαρμακοποιαν* pertinet: *φαρμακοποιᾶ* ad *φαρμακευτικὴν*, quæ Therapeuticæ Medicinæ partis membrum est. Vterque enim pharmacopœus nimirum ac Chymicus, eundem finem habet propositum, & res easdem tractat, nec semper operationibus discrepât. Neque enim apud vulgares pharmacopœos planè ignotæ sunt calcinationes, destillationes, & similes operationes. Hoc tamen ferè discrepare videntur, quod pharmacopœi vulgò frequentius vtuntur decoctionibus & infusionibus, ac integra simplicia in medicamento formam redigunt. Chymici autem penitus & profundius singula scrutantur, utilia seligunt, inutilia atque impura reiciunt, & omnia medicamenta ita præparant, ut & gratiora, & efficaciora reddantur. His accedit & hoc, quod Chymicus peculiare habere videtur, quod medicamenta ex metallis & mineralibus frequentius & confidentius non nihil vsurpat, & quæ alias etiam venenum sunt, artificiosè in usum humanum ita præpa-

Chymicus
Pharmacopœi
differunt

ymica
menta
iolenta
culosa.
 præparat & elaborat, ut sine omni periculo possint adhiberi. Et si verò reperiatur, qui chymica medicamenta in genere, atque in specie ac præcipue ex metallis & mineralibus petita in usum trahenda esse non censeant: tamen sat firmis rationibus non nituntur. Nam primò medicamenta chymica in genere, & quatenus talia, quod attinet, licet nonnulli existiment, idè esse periculosa, quòd fortiùs & valentiùs, quàm humana natura & corporis nostri constitutio ferre possit, agant, & proinde vires prosternant, calorémque natium debilitent, atque idcirco non nisi in minima dosi exhiberi possint; quòd ab igne, quo præparantur, caliditatem externam accipiant, quæ in corpus nostrum sese insinuet, calorémque præternaturalem excitet, atque idè, præcipue vini spiritu extracta & præparata, idonea non sint, quæ febribus & morbis acutis conueniant: tamen hæc magni momenti non videntur, si rem diligenter perpendamus. Si enim periculosa & violenta sunt remedia chymica, vel ratione materiæ, è qua parantur, vel præparationis ratione talia sunt. Si per se & ratione materiæ, unde paratur medicamentum, violètum est: id nihil ad Chymiam, neque ea culpa chymico imputari potest. Medicamentorum enim materia non ab arte fit, sed, ut est in sacris, ex terra creauit Deus Medicinam, & in naturæ sinu omnibus, quicunque quocunque modo parant medicamenta, communis remediorum materia in animalibus, plantis & mineralibus proposita est, euntque in eandem medicamentorum syluam, tam qui Chymico, quàm qui vulgato modo parant medicamenta. Atque si quis medicamentum fortius & vehementius eligit, non hoc facit ut Chymicus. Neque enim soli Chymici vtuntur medicamentis valentioribus, sed Hippocrates, Galenus, aliique antiqui medici vsi sunt elleboro, colocynthide, scammonio, euphorbio, hermodactylis, turpetho & similibus, quæ quàm vehemètia & violenta sint, nemo ignorat. Et adhuc hodie plurima medicamenta sunt in frequenti vsu, quæ præcipuam suam efficaciam à colocynthide, scammonio, & similibus habent. Imò antiqui etiam à mineralibus & metallis, quæ tamen inter reliqua maximè suspecta habentur, non abstinuerunt, ut pluribus locis citatis, si huius loci esset, id probari posset. Neque etiam tantum vtuntur violentis, vehementibus & fortibus remediis Chymici, sed etiam benignis & nullò modo noxiis. Neque tantum circa metalla & mineralia Chymicus occupatur; etsi forsan frequentius & confidentius illa vsurpet, quàm alij, quibus illorum pernicies solum cognita, vtilitas incognita, præparationumque modi non perspecti: sed & alia è plantis & animalibus præparat remedia, nouitque prudens Chymicus Medicus, quando ex animalibus & plantis petita remedia mineralibus & metallicis sint præferenda. Præparationem verò quod attinet, tantum abest, ut hac vllam violentiam medicamenti inducant Chymici, ut etiam in eo maximè elaborent, & præcipue occupentur, ut si quid noxium, perniciosum & violentum est in medicamentis, id vel tollant ac separent, vel corrigant, emendent, & ad meliorem statum traducant. Atque omnino id agunt Chymici, ut ex maligno, periculoso, violento, & ingrato remedio, benignum, vtile, tutum, securum & gratum efficiant. Nam quod primò dicitur, vehementiora & valentiora esse, quàm ut humana natura ferre possit: id ipsum est, quod controuertitur: neque id concedunt Chymici. Dictumque iam est, violentiam & vehementiam Medicamentis Chymicis neque ex se, neque ex præparatione propriam esse, aut peculiarem attribui posse. Et si quod est vehemens & *spasivum*, non semper reiiciendum est, modò non malignum & venenatum sit: cum *spasivum* non rarò in pertinacioribus morbis, & quibus præsentis auxilio opus est, requirantur, neque sine iis tales morbi de-

Dan. Sennerti Tagn. 1.

bellentur. Et quamuis præparatione, inutilibus scilicet atque inefficacibus partibus separatis, chymica remedia valentiora reddantur: non tamen ideo maiori exhibentur periculo, quàm cruda, & non præparata. Nam quòd sunt valentiora: è minori dosi exhibentur: cuius eadem est ratio, quæ maioris non præparati. Atque ita si integræ, vel etiam plures drachmæ medicamenti non præparati vacant periculo: aliquot grana vel guttæ magis periculo carebunt: neque enim ob paruam dosin vllum remedium suspectum esse potest, aut pro periculoso habendum est. Hac enim de causâ si vllum remedium reiiciendum est: præstantissima plurima medicamenta, lapis Bezoar, & similia reiicienda essent. Deinde calorem nimium atque empyreuma qui metuunt in chymicis medicamentis, illis non satis chymicorum operationes variæ sunt perspectæ. Etenim non omnia medicamenta violenta ignis actione, sed pleraque & plurima lentissimi caloris digestionem præparantur, in quibus minus vllus calor præternaturalis & *εμπύρευμα* metuendum est, quàm in ovo cocto forbili. Ea ipsa autem, quæ actione & calore maiore præparantur, non omnia calida & acria inde euadunt, sed *εμπύρευμα*, si quod in illis relinquitur, aqua elui, & non magno negotio separari potest. Vnd ipse Gal. etiam, 9. *de simpl. med. fac.* vsta minus mordacia esse putat, & vsta omnia si lauentur, moderatiora reddi, minusque mordacia. Ita quoque nulla à spiritu vini metuenda caliditas. Nam non omnia medicamenta spiritu vini parari norunt, qui aliquomodo chymicis operationibus exercitati sunt: vtunturque aliis etiam liquoribus conuenientibus, quæ menstrua vocant, in viribus medicamentorum extrahendis atque eliciendis Chymici, non solo spiritu vini. Et ea ipsa, quæ spiritus vini ope parantur, ob id reiicienda non sunt. Spiritus enim vini vbi suo officio, ob quod adhibitus fuit, functus est, facile separari potest, ut nihil ex eo metuendum sit caliditatis. Aut si quid remansit, Medici prudentis fuerit, dispicere, cui, & quomodo tale medicamentum exhiberi debeat, & quomodo calorem illum aliis admittis, alterare possit. Atque in genere Medicus prudens in chymicis medicamentis exhibendis id suarum partium esse nouerit, si medicamentum sit acre, aut alium qualitatis alicuius excessum habeat, ne id solum, sed aliis, quæ illum excessum infringere & obtundere possint, permistum exhibeat. Imò non solum in chymicis, sed & vulgaribus medicamentis id obseruare necessarium est: cum acetum, succum citri, berberis, & similia vix, nisi aliis permista, quis exhibere ausit. Id enim omnino attendendum, non solum quale medicamentum exhibeatur, sed à quo, & quomodo: cum omnia remedia, si rectè vsurpentur, *θεὸν χεῖρες* sint: si non rectè adhibeantur, venenum & gladius in manu furiosi. Vnde non est, ut impostores & pseudo-chymici ex his, quæ pro chymicis medicamentis dicta sunt, vllum malæ suæ causæ patrociniū quærant. Omnia enim de medicamentis chymicis rectè paratis, & rectè à prudenti Medico exhibitis, intelligi volumus. Quantum verò ad Medicamenta ex metallis ac mineralibus petita, etsi à nonnullis planè reiiciantur: tamen in omnibus assentiri iis non possumus. Et si nihil aliud esset, saltem thermæ, acidulæ, atque alij fontes, vsibus medicis vtilissimi, satis docent, esse ex metallis & mineralibus remedia, quæ non solum homini non noxia, sed & contra grauissimos morbos efficacissima sunt. Hoc interim libenter concedimus, magna hîc opus esse cautione, & omnes monemus, ne cuius Empeirico sua decantanti remedia fidem adhibeant, & non nisi rectè præparata, atque experientia à doctis Medicis comprobata, cautè & prudenter exhibeant. Si enim in præparatione aliquid maligni relinquatur,

An metallica
medicamenta
sint vsur-
panda.

*Vehementia
remedia
quando ad-
hibenda.*

medicamenta per corrosiua componantur, & illa non rectè separentur: accidit non rarò, vt id, quod antea vix animaduersum est, paulò post vires resumit, sese amplificet, humores corrumpat, & in similem naturam conuertat, atque ita sensim & latenter corpus demoliatur ac destruat. Quod in venenis aliis, vt canis rabiosi, apparet, quod intra corpus admissum diu latere, tandèque ex minima etiam portione sese amplificare, & veluti flamma ex minima scintilla genita, interitum homini accersere potest. Et ipse solum Mercurius perpendatur, qui sæpius sublimatus, præcipitatus, & nescio quibus modis transformatus, adeò vt planè priorem formam amisisse videatur: tamen leui negotio reuiuiscit, & ad ingenium redit. Præterea & à Pseudo Chymicorum illorum sententiâ me alienum esse, libens profiteor, quibus omnia medicamenta sordent, quæ ex mineralibus & metallis petita non sunt: Quasi verò Deus frustra plantas condiderit. Rectius Hippoc. *in fine libri de locis in homine sentit*: *In morbis debilibus, inquit, medicamenta valentia, ἰσχυρά, non sunt exhibenda: neque imbecillitas medicamenti paucitate æstimanda est.* Et: *Debilibus morbis debilia, ὀλιγὰς, valentia naturâ medicamenta adhibenda sunt.* Vt & aphorismus ille vulgatus; *Quoscunque morbos medicamenta non sanant ferrum sanat; quos ferrum non sanat, ignis sanat.* Vt igitur imprudentis esset, illo morbo, qui pharmaco facile sanari posset, ferrum aut ignem mox adhibere: ita non minùs temerarij est, eum morbum, quem benigno aliquo ex vegetabili petito pharmaco curare poterat, periculosiore aliquo, aut saltem *σπασμῶ* ex mineralibus aut metallis petito mox aggredi. Et vt timiditatis aut inscitia est, eum agrum, qui sine ferro vel igni curari non potest, frustra medicamentis excruciare, & morbum prolongare: ita non minoris socordia est, ad eum morbum, qui nullo mitiore medicamento expugnari potest, non aliquo *σπασμῶ*, cum ratione tamen & diligenti *μετὰ δόξαν* consideratione adhibito, oppugnare velle. *Nihil enim refert; vt Celsus, lib 7. cap. 3. scribit, an satis tutum præsidium sit, quod unicum est.* Atque hoc loco illud obseruandum, quod modò ex Hippocrate allatum: *Imbecillitatem medicamenti paucitate non esse æstimandam.* Contra quod Hippocratis præceptum non parum Pseudochymici peccant, qui nullis ferè etiam in leuissimis morbis, medicamentis, nisi è mineralibus, & metallis petitis vtuntur, & hoc vnum agunt, vt in minima dosi medicamenta palato non ingrata exhibeant; quàm verò illa interdum violenta, & corpori noxia sint, parum sunt solliciti. *Non solum incundè, sed & tuto curandum.*

C A P V T II.

De Caloris Modis.

His obiter quasi præmissis, ipsæ operationes & *ἑργατῖα* Pharmacopœo necessaria explicandæ sunt. Verùm quia & Chymici, atque alij etiam pharmacopœi calore atque igne, vt communissimo instrumento, opus habent: priùs adhuc de calore dicemus. Reliqua enim instrumenta in singulis operationibus commodissimè enumerari poterunt. In calore verò inprimis considerandi sunt gradus, & ignis adhibendi modi. Gradus caloris in genere & absolutè quatuor constituuntur. Primus est, qui placidus & mitis apparet: secundus, qui acrior iam est, & manui ferè intolerabilis: tertius destruit: quartus summus est. Verùm quilibet horum graduum magnam habet latitudinem, ac non immeritò quilibet gradus iterum in suos gradus distingui potest. Exempli gratia, in quarto quidem gradu is calor est, quo metalla in-

candescunt, sed longè maior est is, quo liquantur, & funduntur, & requiritur maior in vno, quàm altero metallo fundendo. Nonnulli gradum primum definiunt balnei calore; secundum cineribus; tertium arena vel scobibus ferri; quartum nudo igne. Verùm hinc obseruandum, rectè quidem gradus ignis hoc modo distribui, neque facile Balneo calorem cinerum, arenæ, multò minus ignis patentis substitui posse; & digestio quæ in B. M. fit, vix commodè in cineribus vel arena institui potest: Tamen quilibet gradus suas rursus mansiones, vt cum Medicis loquar, seu differentias habet. Balneum potest esse tepidum, potest feruere: Cinerum etiam calor nunc maior nunc minor esse potest. Verùm si respectu obiectorum ac materiae præparandæ, atque eiusdem præparationis respectu calor consideretur, iterum in qualibet operatione calor in quatuor gradus distingui potest. Semper enim à lento igne, & per gradus in qualibet operatione procedendum, ad eum vsque gradum qui vltimus appellatur. Exempli gratia, si in balneo vel cineribus aliqua planta, vel simile quid, quod facile igni corrumpitur, elaboretur, si gradus ex ordine exhibendi sunt, erit in ea operatione summus & vltimus, qui plantam destruere potest; qui si absolutè consideretur, secundus est, & si metallo alicui conferratur, vix initium caloris est. Ita si quid in igne circulari ponatur, primus gradus est, cum ignis satis distanti spatio à vase remouetur: secundus, cum paulò propius admonetur: tertius, cum vas ipsum ferè tangit; quartus, cum vas prunis obruitur. Sic in destillatione per retortam gradus primus est, cum per aliquod tēpus retorta sensim incallescit: secundus, cum iam planè calet: tertius, cum incipit incandescere: quartus, cum planè iam incanduit. Qui tamen gradus vltimus non in omnibus per retortâ destillationibus necessarius est, sed interdum & in hac destillatione vltimus gradus est, cum incipit retorta aliquomodo incandescere. Ideoque hæc omnia, & tempus & spatium cuiuslibet gradus de finiri non possunt, sed multum situm est in peritia Artificis, & notitia materiae tractandæ, Præstat tamen plerumque peccare in defectu, quàm in excessu. Si quid enim semel violentia ignis corruptum est, in integrum restitui non potest; & sæpe vitra corrumpuntur, & alia pericula acceruntur: Verùm si in defectu quid peccatum est, continuatione & caloris gradu aucto id compensari potest; etsi tempus operationis prolongetur. Caloris autem gradus variis modis concinnari possunt, & ex variis causis pendent, quarum præcipuas proponemus. Primò enim variis modis & medijs adhiberi potest. Aliàs enim materia cum vase idoneo, vel etiam absque vase nudo & patenti igni admouetur. Qui rursus variis modis administratur. Vel enim circularis est, qui in plano ambit vasa, & à loco distanti paulatim vasi propius admouetur, donec tandem super ipso vase accumulatur; vel vasi in fornace idonea subiicitur, aut etiam, vt suo loco in destillatione descensoria patebit, supra accumulatur. Vel reuerberatorius est seu antitypus, cum flamma ab operculo seu testudine fornacis repercussa, materiam quasi verberat, & ita vndiquaque ambit. Cuius fornacis variæ sunt formæ, rotunda, quadrata, turrata, testitudine, strata, pro variis vsibus. Tales fornaces sunt vitrariorum, & aliarum, de quibus Libau. *l. 1. Alchym. c. 8.* Quæ Medici Chymici instituto inferuire possit, præcipua est, quæ in *tabula ad finem libri posita* notatur *not. 1.* & quæ postea in destillatione per retortam monstrabitur. Aliàs verò materia cum suo vase igni patenti non obicitur, sed alio corpore intermedio ipsi admouetur; idque variis modis. Primò enim si catinus seu capella (*in tab. 2.*) cui imponitur in tripode vas, materiam præparandam continens, sit vacua, commodissimè appellatur Balneum seu Stupha sicca. Si verò vas non sit cum.

*Quomodo
varijs
gradibus
possint.*

Ignis circularis.

Ignis reuerberatorius.

Balneum.

vacuum;

Gradus caloris.

vacuum: varius calor, pro varietate materiæ, quæ catino imponitur, haberi potest, & variis nominibus appellatur. Si aqua impleatur, & vas cum materia destillanda aquæ immergatur: appellatur simpliciter Balneum maris vel Mariæ. Balneum præterea non ex sola aqua parari potest, sed & scobe ligni ferrati vel fœno capellam replere idque humectare, atque ita vitrum imponere licet. Si verò vas cum materia elaboranda non aquæ immergatur, sed ita collocetur, ut saltem vaporem calentis aquæ excipiat, nominatur Balneum roris vel vaporosum. Postea repletur catinus cineribus, farina laterum, arena, scobe vel limatura ferri & similibus. Sed hi modi omnes calorem administrandi calorem vel maiorem, vel minorem suppeditare possunt, potestque esse balneum tepidum, potest feruere; possunt cineres maiorem vel minorem calorem concipere ex aliis causis. Nunquam tamen, ut rectè docet Geber, lib. 1. *summa perfectæ*, parte 4. c. 50. aqua eam acuitatem ignitionis, ut loquitur, suscipit, quam cineres: neque cineres eam caliditatem subministrare possunt, quam arena & limatura ferri. Secundò caloris temperatio dependet ab igne copiosiore vel pauciore: huius copiam in carbonibus accensis pro libitu Artifex minuere, augere, & qualem libet, procurare potest; idque copia vel paucitate carbonum, vel aëris liberiore afflatu, eiusdemque exclusionis atque interceptione. Maior enim carbonum copia maiorem & potentior calorem suppeditat: si tamen accendi ob aërem afflatum & spiracula aperta possint. Nam etiam magnam carbonum copiam vna vice in fornacem ingerere licet; modò caueatur, ne vna vice accendantur: quod si clausis, quantum opus est, spiraculis & ostiis. Neque enim plus carbonum accenditur, quam per spiracula exspirare, & quantum per ostia attrahi potest. Imò nisi pateant aliquo modo spiracula, suffocatur ignis. Itaque si magnus calor requiritur, ostia & spiracula patentiora efficiamus, eaque tota & omnia, vel plura aperimus: si minor, ostiola & spiracula minora facimus, & vel pauciora, vel ex parte saltem patefacimus. In primis autem augetur calor, si in parte inferiore & sub carbonibus aër subeat. Vnde & maior calor suppeditari potest, & omnino calorem rectius moderari licet, si carbones in craticula potius, quam in pavimento iaceant. Quòd si in parte inferiore aëri liberior aditus denegetur, & in plano ignis accendatur: folliis flamma augeri potest. Loci tamen quoque ratio habeatur. Nam in magna fornace maior est calor: si tamen iusta sit materiæ seu carbonum, loci & spiraculorum proportio. Et si enim fornax sit magna, & omnia spiracula & ostia pateant, non tamen conueniens carbonum quantitas suggeratur, ignis non augetur. Verùm hæc omnia rectius monstrari, quam describi possunt. In aliis ignis fomentis, ut spiritu vini, oleo, calor pro multitudine & magnitudine ellychniorum, intendi & remitti potest: quod monstrare facile est. Tertiò ad calorem variandum facit etiam catini, quem vulgò Capellam nominant, varia ab igni distantia. Si enim propius igni admouetur, calor intenditur: si altiore loco situeretur, remittitur: qua ratione etiam gradus regere solet in suo Athanore Henricus Conradus; quod tamè ellychniorum multitudine & magnitudine quoque præstari posse modò dictum est. Non solùm verò secundum altitudinem capella propius igni admoueri, vel longius ab eodem remoueri potest, sed & alio modo, ut ex fornace (in tab. 3.) videre est, in qua vno igne plures caloris gradus suppeditari possunt, pro ut capellæ propius vel longius à fornacis latere & foramine, per quod calor è fornace ignem continente suppeditatur, distant. Tandem calorem fouens materia varios gradus suppeditare potest. Ut enim iam de fimo equino, vinaceis & similibus nihil dicam: carbones ipsi, prout ex lignis solidioribus vel rarioribus

parantur, & maiores vel minores sunt, maiorem vel minorem gradum caloris excitant. Si tamen reliqua, ut iam dictum est, consentiant. In his itaque caloris gradibus cognoscendis, adhibendis, regendis, & discendo, qui calor cuilibet materiæ conueniat, sese diligenter exerceat Chymia tyro. Hoc enim nisi fiat, oleum & operam, aut potius carbones, materiam & tempus ipsum perdet, & sæpe præstantissimos ac peritissimos Artifices falsitatis inludabit; cum se potius imperitiæ accusare debeat, quòd debito igne opus non rexit. Neque si quid, quod aliis bene cessisse nouit, non bene cedat, animum mox despondeat, sed in repetita operatione ignem cautiùs negat. Ita enim optatum finem proculdubio assequetur. Caueat & hoc quilibet, ne vitra calida subito frigori admoueat, vel aqua frigida conspergat, aut re quacunque frigida attingat. Et quò vitrum est calidius: eò faciliùs à frigore rumpitur. Ideoque interdum, ubi ab igne vehementiori valde incaluerunt, etiam aër & ventus frigidus, clausis fenestris laboratorij, arcendus est. Hoc enim nisi fiat, & vitrum calidum à re frigida tangatur: non minus rumpitur, quam si frigidum subito igni admouetur. Quapropter antequam, operatione perfecta, vitrum eximatur, probè refrigescat.

In gradis caloris in Chymia plurimum situm.

C A P V T III.

De Tritura, Lauigatione, Ratione, Limatione.

Am ipsas operationes atque ἐργασίας & præparationes ad medicamentorum compositionem necessarias videamus. Cum verò supra dictum sit, penè nullam inter Chymicum, quatenus quidem is Medicinam spectat, & pharmacopœum esse differentiam: etiam ἐργασίας illas non separabimus, & alias Chymico, alias vulgari pharmacopœo proprias attribuemus, sed omnes coniunctim proponemus; cum omnes perito & docto pharmacopœo cognitu necessarias esse censeamus. In recensendis autem, & in ordinem digerendis hisce operationibus, consultius esse putamus, omnes operationes illas enumerare saltè, & qua ratione quæque perficiatur, dicere, quam anxie & scrupulosè, qua ratione diuidi, & ad dichotomias redigi possint, disquirere, & ea de causa δρομωτοποίησις res potius obscurare, quam declarare. Si quis tamen & ista cognoscere cupit, consulat Andr. Libanum & Ioh. Beguinum. Nos hoc dabimus operam, ut cognatas simul tradamus. Operationes verò hæc omnes etiam si ad δυνάμειν & σύγκρισιν referri posse videantur: nobis tamen pro nostro instituto in tres classes eas redigere placet. Primâ cōplecti libet eas operationes, quæ ad rei dissolutionem & corruptionem pertinent: quales sunt; Tritura, ratio, lauigatio, limatura, liquefactio seu solutio, deliquiū, vstio, incineratio, calcinatio, præcipitatio, fumigatio, putrefactio, & fermentatio. In secundam eas coniciemus, quæ ad separationem atque alicuius rei detractionem comparatæ sunt: quales sunt; cribratio, lotio, maceratio, infusio, coctio, colatio, despumatio, clarificatio, filtratio, digestio, expressio succorum, destillatio, sublimatio, exliccatio, euaporatio, exhalatio, coagulatio. In tertia verò eas explicabimus, quæ ad rei alterationem, immutationem, perfectionem, conseruationemque sunt comparatæ: quales sunt; digestio, circulatio, conditura, nutritio. Hoc tamen de his omnibus observandum, non adeò strictè hoc accipiendum esse, quasi quælibet harum operationum vni solùm eius classis, in qua singulas posuimus, fini inferuiat, vnūque vsum habeat: cum, ut in specie patebit, vna operatio plures vsus habere possit. Hos tamen præcipuè singulis competere existimamus. In prima classe operationum,

760 De Liquatione, Solutione & Deliquio.

C A P V T I V.

De Liquatione, Solutione & Deliquio.

Est & pharmacopœo sæpe necessaria liquatio, quæ res duriores in liquidiorē substantiam à calore reducuntur; ut & dissolutio. Distinguunt enim nonnulli inter liquationem & dissolutionem, quod liquatio semper beneficio caloris & plerumque sine humore addito fiat. Dissolutio verò semper cum humore, & sæpe sine calore. Liquefcunt adipēs, butyrum, medullæ, cera, pix, resinæ, gummi genera quædam, ut gummi elemi; ut & metalla vi ignis maiore, sed plerumque pulueribus, ut facilius fluant, additis. Sed cum hæc metallorum liquatio seu fusio non tam Medicis, quam Metallicis vsui sit, de ea, cui id liber, consuli potest Agricola, *lib. 7. de re metallica*, & Andr. Libau. *lib. 1. Alch, m. c. 16. lib. 2. tr. 1. c. 38. & comm. Alchem. part. 1. lib. 3. c. 6.* Dissoluuntur sales, gummi & plurima alia. Verum non quoduis in quouis liquore & succo liquefcit; sed alia in aliis. Aquæ fortes & regiæ dictæ, quæ solidissima etiam metalla soluunt, sulphur vel gummi aliquod non dissoluunt. Ideoque conuenientes pro dissolutione liquores eligendi. Sales omnis generis, ut commune, vitriolum, alumen, sal petra; saccharum item, manna, aloë, & alij succi; lacrymæ item, ut & gummi arabicum, pruni, cerasi, iuniperi, hederæ, & quædam alia in aqua, præcipue calida, dissoluuntur. Alia in aceto, ut gummi multa genera, ammoniacum, bdellium. Resinæ verò, sulphur & omnia oleosa ac pingua, oleo & rebus pinguibus. Terebinthina aqua non dissoluitur, nisi quid ex ouorum vitellis addatur. Instituitur autem illa liquatio & dissolutio varias ob causas. Nunc ut facilius cum aliis misceantur medicamenta: nunc ut promptius assumantur in corpus, & in partem affectam distribuantur ac penetrent: nunc ut ab impuritatibus & sordibus purgari queant. Peculiare solutionis genus est, quod appellant deliquium, cum corpus per aërem humidum, qui sese in illud insinuat, fluidum redditur. Cum verò sine calore, solâ aëris humiditate, nihil liquari possit, nisi sal: patet hinc, per deliquium nihil solui posse, nisi quod vel sal est, vel salis aliquid continet. Itaque primò liquefcunt salia, alumen, nitrum & similia, quæ tota in liquorem abeunt. Deinde calces vel maxima parte in liquorem soluuntur, vel aliquid ex iis liquefcit, prout plus vel minus salis continent. Atque hac via etiam metalla soluere, & in liquorem redigere, atque ad extractionem præparare possumus. Instituitur autem deliquium hoc modo: Res liquanda vel tabulæ marmoreæ, vel vitreæ, vel ferreæ stanno inductæ, inspergitur, cuius latera cera inducuntur; vel rei soluendæ filum laneum crassius, quod filtrum appellant, cuius extrema in vas recipiens dependeant, circumiiciant, ne quid diffluat: atque lapis vel tabula ita locatur, ut in decliue liquor solutus fluat, subiiciturque decliui tabulæ parti vas, quod liquorem excipiat. Ponitur tabula in locum subterraneum & cellam frigidam. Notandum enim ista deliquia facilius perfici mense Iunio, Iulio, Augusto, quo tempore cellæ sunt frigidiores. Interdum guttæ aliquot aquæ vel alterius liquoris conuenientis salis vel calci inspergantur, ut solutio eò citius fiat. Nonnunquam materia vasi vel vesicæ bubulæ includitur, & vel in aquam, vel ad vaporem balnei roris suspenditur: sed materia tum talis sit, quæ tota liquefcere possit. Tempus deliquij in aliis breuius, in aliis longius requiritur. Et quod quid ad salis naturam propius accedit, & quod sal est subtilior, eò liquatur facilius. Alia dierum, alia septimanarum, alia mensium, alia vix anni spatio liquantur. Hoc modo sal tartari in liquorem abit, si in cella

tionum, quæ in compage rerum dissoluenda & re quodammodo corrumpeunda versantur, primò posuimus trituram, rasionem, limaturam. Trituram quod attinet, præcipuus eius finis est, ut res in minimas partes redigantur, ut postea vel facilius & exactius cum aliis misceri, vel virtus earum extrahi possit. Nam quod Mercurialis & hunc finem addit, ut prauæ medicamentorum facultates inter tritandum dissolentur & euanescent, nullius momenti est. Licet enim per triturationem aliquid substantiæ dissipetur: tamen non magis mali aliquid, quam boni, dissipatur. Qualis res est, tale illud, quod trititando dissipatur. Ideoque ea, quæ tenuiorem substantiam habent, fortem triturationem non ferunt; atque experientia testatur, rhabarbarum forti & longiore tritura aliquid virium amittere. Cum verò inter terendum aliquid de substantia & viribus rei exhalare soleat, pharmacopœus, atque inprimis Chymia tyro, cautus sit, ne rerum venenatarum & acrium spiritus & halitus incautè seu ore, seu naribus excipiat: ideo pilas operculis, & faciem vesicis vel aliis tegumentis muniat. Quæ autem ratione tritura sit instituenda, de eo non multa opus est præcipere: vsus docet alia aliis esse duriora, alia tenaciora, alia magis friabilia. Ac propterea hoc monendum, medicamenta, quæ diuersum in hoc genere substantiæ modum habent, quorum alia facilius, alia difficilius teruntur, non esse simul terenda, sed singula seorsum, aut certè ea saltem simul, quæ eodem modo trituram sustinent. Deinde & hoc tenendum, ad nonnullos vsus, ut ad infusionem, coctionem & alios minus exactam trituram sufficere: verum ad medicamenta fermentanda, ad vnguenta, emplastra subtilissima opus esse tritura, ut omnia exactè misceri, & minimum vnus à minimo alterius tangi possit. Præterea & hoc monendum, quædam gummi, lacrymarum ac succorum genera per se teri non posse, nisi alia sicciora iis admisceantur. Insuper hoc quoque obseruandum; medicamenta non diu, ante quàm vel commisceri, vel in alios vsus adhiberi debent, esse terenda. Ex tritis enim virtus longè facilius, quàm ex integris exhalat & euanescit. Instrumenta quod attinet, pilæ sunt aliæ lapideæ, aliæ æneæ, aliæ ferreæ, aliæ plumbeæ. Frequentissimè vsurpantur æneæ. Interdum tamen marmoreæ vel plumbeæ eliguntur, ut in specie, ybi opus erit, monebitur. Præter triturationem & alterius præparationis faciunt nonnulli mentionem, quam Læuigationem dicunt, sed reuera nihil est, nisi exactissima tritratio; qua medicamentum aliquod in marmore, porphyrite vel alio lapide polito, affuso liquore conueniente, vel etiam sine liquore, mola parua lapidea manu versatili, tamdiu versatur, ut in pollinis puluerisque penè impalpabilis formam, (alcohol vocant, atque hoc vocabulum etiam ad spiritum vini subtilissimum transferunt) redigatur, eo modo, quo pictores colores præparare solent. Quod in iis, qui durioris sunt substantiæ, tum ob alios vsus facere opus est, tum in nonnullis ea de causa, ne partes, quibus applicantur, asperitate offendantur; quod in oculis fieri solet: vnde ea, è quibus ophthalmica medicamenta parantur, subtilissimè terenda sunt. Tandem aliæ quædam operationes finitimæ sunt. Forcipibus aut cultellis folia, caules, radicesque plantarum secantur, & hoc modo ad coctionem vel infusionem, aut ad trituram præparantur. Raduntur alia seu torno comminuuntur, ut ligna, cornua, vngulæ, dentes animalium, eosdem ob fines. Sunt tandem quædam, quæ nec sectione, nec tritura comminui possunt: & lima atteruntur & comminuuntur; qualia sunt pleraque metalla, ut ferrum & alia: possunt tamen cornua atque ossa animalium, & ligna eodem modo comminui.

Tritura.

Rhabarbarū non valde terendum.

Læuigatio.

Alcohol.

Sectio.

Rasio.

Limatura.

Liquatio.

Fusio.

Dissolutio.

Dissolutio finis.

Deliquium.

cella in tabulam vitream ponatur & aceto vini conspergatur, quem oleum appellant. Ita sal corallorum; ita crocus Marris in oleum abit.

C A P V T V.

De Tostione, Vstione, Cinefactione, Calcinatione.

ETsi Tostio magis ad eas præparationes pertineat, quæ separandæ partis alicuius medicamenti gratia instituuntur: tamen propter cognationem huc referre eam libet. Perficitur autem tostio in patella vel sartagine ferrea inprimis igni supposita, atque medicamenta iniiciuntur, ac crebro agitantur, ut humiditas illorum maxima ex parte absumatur. Torrentur autem & assantur medicamenta, ut qualitatem, quæ in medicamento superflua est, amittant. Ita vbi rhabarbaro vim purgatoriam adimere cupimus, ut sola vis adstrictoria maneat, illud torremus. Interdum torrenitur medicamenta, ut superflua humiditas absumatur atque exsiccetur: quo modo etiam præparantur, ut facilius postea conteri, & in puluerem redigi possint. Maiore igne perficitur Vstio, Incineratio & Calcinatio. Vtenim in tostione res potius siccat, quàm adurit, & si quid aduritur, extrema saltem superficies aduritur: ita in vstione partes tam internæ, quàm in superficie posite aduruntur. Appellant hanc operationem nonnulli in genere calcinationem, & omnem resolutionem, quæ res in cinerem, calcem, aut puluerem igne redigitur, sub calcinatione complectuntur. Verùm commodius combustionis nomine eas omnes operationes comprehendere licet. Vstione fit vulgaris cornu cerui præparatio, quæ ollæ inclusum in fornace figulina ad albedinem vstum, & calens adhuc in conueniente liquore extinguatur & postea teritur. Alia tamen præterea est cornu cerui præparatio, sine vstione, de qua c. seq. dicitur. Cum autem calx & cinis non immerito distinguantur: etiam Cinefactionem seu Incinerationem, ut appellant, à calcinatione distinguimus; & Incinerationem appellamus, quæ combustilia in cineres; Calcinationem, quæ res in calcem rediguntur. Cinefactio seu in cineres reductio fit, cum humidum, quod in combustili erat, & per quod partes cohærebant, igni absumitur. Fit autem hoc duobus modis: primò aperto igni ipsa res nuda obicitur, & in cinerem redigitur. Deinde in clauso vase materia comburitur, & in cinerem verritur: quæ combustio à priori in eo differt, quod ibi quicquid est volatile, in auras euanescit; hinc verò quædam volatilia cum fixis retinentur & figuntur. Sed necesse est, ut ignis hic sit vehementior, & non solum vas, sed & ipsa materia igniatur tota. Aliàs enim solum tostio fit, non cinefactio; & hac de causa opus est nonnunquam repetere hanc vstionem. Sunt verò, quæ in cineres rediguntur, inprimis plantæ & animalia: & quærentur cineres plerumque salis gratiâ. In cineribus enim nihil relinquitur, nisi sal, & terra mortua quædam, ut appellant, atque inutilis: reliqua omnia igne absumuntur. De cineribus vid. Libanius l. 5. Syntagm. arcan. Chym. c. 18. & 19. Si tamen incineratio nondum perfecta est, resque nondum in cineres planè redacta, Combustio saltem appellatur ista operatio, & res tales commodius generali nomine combustæ, quàm in cineres redactæ dicuntur. Calcinatio verò propriè dicta præcipuè habet locum in metallis & mineralibus, & quæ his sunt cognata, ut quæ perse non ardent, & duriores habent compagem. In animalibus solum ea calcinantur, quæ lapideam ferè habent durtiem, ut testæ ouorum & concharum, & lapides in animalibus quibusdam nati: in vegetabi-

Dan. Sennerti Tom. I.

libus corallia. Geber, lib. 1. summ. perfect. c. 51. definit calcinationem, quod sit rei per ignem puluerisatio, per priuationem humiditatis partes coniungentis. Vbi non totalem omnis humiditatis priuationem intelligit. Nam metalla, quæ calcinantur, sæpè reduci possunt, nihilque aut parum substantiæ metallis calcinatione deperit. Magnum autem habet vsum calcinatio in metallis & similibus. Primò, quædam calcinantur, ut ad solutionem fiant aptiora. Cum enim compages corporum talium sit durior: aliter essentiæ inde extrahi non possunt, nisi in minimas partes & atomos quasi redigantur. Deinde fit calcinatio, ut acrimoniam deponant medicamenta: Alia contra Calcinatione fiunt aciora. Cum enim quorundam acrimonia humore aqueo diluatur: si illa aquea humiditas igne absumatur, calx longè acrior redditur; id quod in vitriolo calcinato videre est, quod longè acrius est maioremque corroding vim habet, quàm non calcinatum. Ita tartarum calcinatum acrius redditur. Vbi verò acrimonia in tenui substantia consistit, seu à sale volatili dependet: eo ignis vi dissipato medicamentum mirius euadit. Calcinantur autem, ut Geber habet, lib. 1. summ. perfect. part. 4. cap. 51. corpora, id est, metalla, & spiritus, id est, ea mineralia, quæ ex igne aufugiunt. Calcinationis metallorum, ut ex Gebro, alleg. loco, & summa c. 70. seu, ut in aliis distinguitur, lib. 2. summ. perfect. part. 2. cap. 14. videre est, finis duplex est; primò, ut illud, quod est inflammabile, atque impurum & crudum, tollatur, alteretur; deinde ut calcinata facilius in liquorem abeant, tenuiora euadant, & naturam corpoream & torpentem cum spiritali commutent. Spirituum autem calcinationis finem Geber, lib. 1. summ. perfect. cap. 51. esse docet, ut facilius figantur & soluantur in aquam. Quoniam omne calcinati genus fixius est, quàm non calcinatum, & facilius solutionis, quia partes calcinati magis subtiliata per ignem facilius cum aquis commiscuntur, & in aquam conuertuntur. Fit porro calcinatio duobus modis: vel igne actuali, vel potenciali. Igne actuali fit calcinatio, cum vinculum continuitatis actuali igne absumitur. Cum verò per aquas fortes & erodentes, atque alia caustica corroditur: calcinatio per ignem potentialem appellatur. Est autem, vbi vtrique coniungitur, ut mox dicetur. Calcinationem per ignem actualem quod attinet, fit ea etiam non vno modo. Alia enim per se sine vllò additamento calcinantur: alia verò cum additamentis, quæ vel fusionem prohibent, vel simul corrodunt & comburunt, ut sunt salium genera. Calcinatio, quæ admistis pulueribus corrosiuis fit, stratificatio, & cementatio appellatur, fitque cum crucibulum vel pixis laminato metallo, & pulueribus corrosiuis repletur, S. S. S. ut moris est, faciendo, postea pixis vel crucibulum igni circulari, aut reuerberationi per gradus exponitur. Nonnunquam antequam calcinantur, prius aquis quibusdam extinguuntur: nonnulla prius corroduntur per suas aquas, postea reuerberantur. Quædam enim ita tenaciter cohærent & solida sunt, ut, nisi prius corrodantur, vix ignis iis vim aliquam inferre possit. Ignis verò in ea, quæ iam antè diuisa sunt, facilius agit, quàm in integra. Contra quædam prius reuerberantur, postea corroduntur. Sed in specie hæc magis patebunt. Hoc in genere adhuc monendum est, in omni calcinatione cauendum, ne usque ad extremam procedat corruptionem, quæ omnis rei forma, substantia & virtus pereat. Cum autem sit rerum calcinandarum magna diuersitas: hinc vasorum, ignis, & aliarum circumstantiarum diuersitas oritur. Plurima in fornace reuerberationis calcinantur: alia in libero aëre: Atque alia in vasis clausis, alia in apertis. In vasis clausis, si materia sit volatilis, spiracula relinquuntur, ne vas rumpatur. De calcinatione

Calcinationis
usus.

Calcinatio
quot modis
fiat.

Cementatio.

CAPVT VI.

De Calcinatione per ignem Potentialem, seu
Corrosione, Pracipitatione, &
Fumigatione.

Longè autem efficacior videtur illa calcinatio, quam per ignem potentialem appellant, quàm nimirum per eam, quæ calorem ignemque, aut subtilem spiritum insitum habent, metalla & similia soluntur seu corroduntur. Inter quas calcinationes præcipuè est ea, quæ fit per aquas seu spiritus acutos, omnemque liquorem, qui metalla & alia duriora corpora corrodingi & soluendi vim habet: quam nonnulli in genere præcipitationem vocant. Verum melius in genere videtur appellari solutio vel corrosio per aquas & spiritus acutos. Per aquas enim & liquores tales res calcinanda soluitur, & in liquorem abit, adeò, ut nihil nisi aqua limpida videatur. Vbi verò metallum in forma calcis in fundum descendit, & ab aqua solvente separatur, tum præcipitatio & descensio, *Niederschlag*, nominatur. Imò nonnulli præcipitationem solum Mercurio tribuunt, de qua infra capite decimotertio. Sunt autem aquarum & liquorum soluentium varia genera: Acetum destillatum, spiritus sal. nitr. vitriol. oleum acidum sulph. aquæ fortes, quæ, quod metalla separant, vulgò separatoriæ, *Scheidewasser*, nominantur; aquæ regis, quæ regem metallorum * soluunt. De quibus hoc in genere obseruandum, diligenter esse inuestigandum, quæ cuique rei conueniat. Multa enim soluit spiritus sal. quæ non soluit spiritus vitriol. & contra. Quæ) soluunt aquæ, * intactum relinquunt. Atque ita de reliquis. Primò acetum destillatum in soluendis & extrahendis rebus magnum vsum habet. Destillatur autem ab aliis aliter. Hæc primùm communis via est. Acetum fortissimum ponatur in cucurbitam vitream, & in balneo vel cineribus lento calore destilletur. Primò ascendit phlegma insipidum, deinde acrum. Libanius tamen, *comm. chymic. part. 1. lib. 4. cap. 8.* eos reprehendit, qui primùm phlegma, hinc acrum sequi existimant, statuitque, primò spiritum frigidum prodire, ut ex caphura, inde sequi aquositatem, tertio acetosum liquorem, quarto igneum succum. Quodcunque autem primo loco exierit, ubi iam aciditatem odore & sapore deprehenderis, muta recipiens, & continua atque auge ignem gradatim, donec aceti spiritus omnes ascendat. Si tamen ad extracta & vsum medicos usurpare velis acetum, non nimium vrgeatur, ne ἐμπύρευμα aceto concilietur, Sed qui ad metallicos labores uti hoc aceto volunt, usque dum rubri spiritus attolluntur, nihilque amplius spirituum exeat, continuant aucto igne destillationem. Sine tamen empyreumate alij fortificant acrum, dum illud fecibus iterum affundunt, atque iterum destillant, idque tertio faciunt. Hinc partem aliquam phlegmatis lento balnei calore abstrahunt. Acrum, quod radicatum appellant, à nonnullis ita conficitur. Fecum relictarum sufficientem sumunt quantitatem, aliquot scilicet libras, has in retorta, vel in patente aliquo vase ad siccitatem usque calcinant. Calcinata materia affundunt acetum destillatum, & per arenam destillant, idque eousque faciunt, donec omnis sal cum aceto ascendit & exstillauerit. Licet & acere acetum, si vitriol. addatur, & per retortam destilletur. Si magis acre opretur, in destillato sal ammoniacus soluitur. Alij per sal, alij per tartarum acuunt, adduntque libræ aceti 3j tartari. Nonnulli acetum radicatum, quo lapides duriores soluunt, cum terebinthina parant.

Addunt

*
Calcinatio.D
Calcinatio.♂
Calcinatio.♀
Calcinatio.n
Calcinatio.Vitriol.
Calcinatio.Aluminis
Calcinatio.♂
Calcinatio.Crocus me-
tallorum.Tartari cal-
cinatio.Lapidum pre-
tiosorum cal-
cinatio.

metallorum in specie passim agunt Chymici, Geber, in libro *fornacum*, Rosar, minor. Alchemia Alberti Magni, & alij. Aurum calcinatur, si per ♂ fustum & purificatum amalgametur cum sextuplo ♀ii, additòque sulphuris duplo continuo ad ignem agitur, donec sulph. & ♀ exhalent. Calcem relictam nonnulli spiritu vini madefaciunt & accendunt. Argentum non incommodè calcinatur, & quasi in resinam redigitur, si subtiliter laminato partes ij ♀ii sublimati addantur, & ♀ super igne exhalet. Remanet enim argentum instar resinæ. Plura de Calcinatione * & D videantur apud Beguinum, *lib. 2. cap. 16.* Ferrum modò solo igne, modò cum sulph. calcinatur & reuerberatur. Vel etiam dum ipsi candenti magdalis sulph. affricatur; Vnde liquefcit & in aquam subiectam destillat. Nonnulli sulph. & scobem ♂ aceto vitriolato imbibunt, & vbi loco calido siccata fuerit massa, horis 9. reuerberant; huncque laborem quater repetunt, donec rarefcit ferrum instar lanæ. Eodem modo & cuprum calcinant, sed ut commodius in puluerem redigi, & conteri possit, prius in pixide commentatoria (in tab. 4.) cum sulphure in igne circulari calcinant, hinc igniunt & contundunt. De calcinatione ♂ & ♀ Beguinus, *lib. 2. cap. 15.* Modum etiam vrendi æris habet Dioscorides, *lib. 5. cap. 47.* Plumbi vrendi rationem tradit Dioscorid. *lib. 5. c. 66.* Geber, *lib. 1. summ. perfect. part. 4. c. 15.* De Calcinatione Iouis & n Beguinus, *lib. 2. cap. 14.* vitriol. calcinatur in vase fictili igne subiecto, donec rubescat vel flauescat, prout opus. Alumen vitritur, donec bullæ non amplius attolluntur. ♂ Frequentissimè calcinatur cum nitr. Nonnulli sumunt ♂ & nitr. partes æquales, & tritas bene miscent, atque in chartas aliquot includunt, & in catinum, vel ollam candentem vnâ seorsim coniiciunt, mox exactè operculo tegunt, donec deflagret. Hinc aliam iniiciunt. Vbi totum ♂ ita est calcinatum, teritur, aqua calida abluatur, & ter cum spiritu vini humectatur atque accenditur. Nonnulli simul & semel nitr. & ♂ in crucibulum vel catinum imponunt, & igni apponunt, donec incandescent atque accendantur. Nonnulli etiam materiam candentem mox aquæ feruenti iniiciunt, ut aqua soluat nitr. & ♂ subsideat. ♂ hoc modo calcinatum appellatur à plurimis Crocus metallorum. Nonnulli in calcinando ♂ non vtuntur nitr. crudo, sed nitr. prius cum sulph. præparato, quod nonnulli appellant lapidem vel salem prunellæ. Plura de ♂ calcinatione videantur apud Beguinum, *lib. 2. cap. 12.* Tartarum calcinatur igne aperto, vel in fornace figulina, eousque, donec album reddatur. Alij Tartarum hoc modo calcinant: linteo madido tantum tartari includunt, quantum pugnum æquat, & arctè ligant: pannum & globum hunc in igne per duas horas vrunt. Calcinatum tartarum in aqua calida soluitur, filtratur, coagulatur, iterumque soluitur & coagulatur. Lapides tum alij, tum pretiosi, solo igne vruntur; facilius autem calcinantur cum sulphure; in primis viuo puro. Calculi in corpore humano geniti, ut & gemmæ atque alij lapides, commodè calcinantur, si pulueris lapidis part. j. addantur pulueris carbonum, præcipuè faginarum, partes ij, postea in rigillo operculo recto vrantur in fornace figulina horis 24. de quo plura infra, *sect. 3. cap. 5.* Plura de Calcinatione videantur apud Libau. *lib. 5. Syntag.*

arcan. Chymic. c. 17.

Alchym. phar-

maceut. c. 9.

10. 11.

Addunt nimirum terebinthinæ ꝑ ij vel iij aceti de-
still. ꝑ ij. destillantque in arena primò lento igne,
postea fortiori, & per separatorium hæc separant,
acerumque supra zingiber rectificant. Vide et-
iam Crollium, *pagin.* 167. & Beguinum, *libro 2.*
cap. 5. Fit etiam ex melle acetum acerrimum. Si ni-
mirum mellis virginei parti j. Aquæ fluuiialis part.
viij. addantur, & coquantur ad medietatis consum-
ptionem, postea vasculo infundantur, in eoque in
sacculo suspendatur semen crucæ, atque in loco ca-
lido, vel Sole stent, donec deferbuerint. Spiritus
sal. etiam metalla soluit, de quo infra, *sect. 3. cap. 5.*
Spiritus nitr. eodem modo rectissime paratur, si ni-
mirum cum triplo boli vel tripelæ misceatur, & per
retortam, vt spiritus sal, destilletur. Facit quoque
soluentis menstrui mentionem Frater Basilius, in re-
petit. *pag.* 103. quod nonnulli aquam temperatam
appellant, & paratur ex spiritu salis & spiritu vini,
ter simul per alembicum destillatis Nonnulli & hoc
soluens mirificè commendant, atque acetum acerrim-
um appellant, quod præparatur ex ærugine æris &
sulphuris, per retortam aperto igne destillatis. Soluit
etiam omnia metalla Spiritus è nitro & sale com-
muni paratus. Aquarum Fortium, quas appellant, &
Regis, magna est varietas, & passim apud authores
magna copia. Ne actum agamus, vnam atque alte-
ram exempli loco proponemus. Simplicissima com-
ponitur ex aluminis & nitri partibus æqual. quæ)) &
♀ soluit. Vel ex vitriol. ꝑ ij. & ꝑ j nitr. quæ soluit))
& ♀ : vel pluribus etiam vtriusque libris. Geber, *de*
invention. verit. pag. 23. sumit ꝑ j vitriol. ꝑ β nitr. &
partem quartam aluminis. Quibus postea alij alia
addunt. Paratur autem hoc modo: Recipe dictas spe-
cies, & reple cucurbitæ fortis, bene luto inductæ,
dimidiam vel tertiam partem, pone in capella, quam
cineribus vel arena imple: recipiens amplum appo-
ne: in quo sint aquæ in singulas libras ꝑ ij, commis-
suras claude luto bono, quod Erckerus ex duabus
partibus luti vulgaris, & vna parte calcis viuæ, cum
oleo lini mistis, conficit; ignem admoue, & per 6.
horas gradatim auge, & vide vt gutta vna alteram
saltem spatio quinque minutorum insequatur, ne
vitrum rumpatur. Nonnulli exiguum foramen, vt
spiritibus crassioribus detur exitus, relinquunt. Cum
spiritus in recipiente apparet, & rubere incipit, non-
nulli lintheamina madida recipienti apponunt, ne
spiritus vitrum rumpant, sed à frigore cogantur. Vbi
albi iam spiritus apparent, non amplius tantum im-
minet periculum, & propterea ignis augeri potest,
dum iam nihil exeat, & recipiens clarescat. Alij pro
cucurbita vitrea fictilem sumunt, & in ignem paten-
tem ponunt, & circa collum tabulis lapideis vel la-
teribus fornacem claudunt, solum spiraculis relictis.
Alij cucurbitas ferreas vsurpant. Perficitur hic labor
plerumque 24. horis. Si materia sit copiosior, etiam
duo vel tres dies requiruntur. Alij vtuntur loco cu-
curbitæ retortæ: adduntque nonnulli calcem viuam
materiæ. Aquæ verò regis parantur, si inter destillan-
dum sel ammoniacus, vel etiam communis adiciatur:
vel si in aqua forti pura sal ammoniacus dissol-
uatur, atque iterum destilletur. Formulæ habet Er-
ckerus, *lib. 2.* Vide in Beguinum *lib. 2. cap. 3.* & Libav.
lib. 8. Syntagm. art. Chymic. cap. 30. 31. 32. Solutio fit
hoc modo: Materia calcinanda vel laminata, vel li-
mata, vel, si apta sit, in puluerem trita, iniicitur in vi-
trum satis capax, & affunditur aquæ conuenientis
quantitas sufficiens, vt fortè tribus vel quatuor digi-
tis emineat. Plerumque, vt citius & felicius soluat,
ponitur vitrum in cineres calidos, vel alium locum
calidum, vt ille calor actualis vim aquæ adiuuet. Vbi
solutum est corpus, & calcis ab aqua petitur sepa-
ratio, in aquam fortem vel aquam regis aqua ca-
lida salsa vel communi inspergitur. In)) solu-

tione solent aurifabri laminas cupreas subiicere,
quibus calx insidet. Aqua separatur, & calx eluitur.
Nonnunquam metalla saltem intinguntur in aquas
acutas, aut liquore acuto perlinuntur. Exempli gra-
tia sit hoc: Recipe laminam ♂ vel chalybis mun-
dam, illinatur oleo sulph. per campanam factò seu
acido, ponatur in cellam, extrahitur sal, vel crocus,
vt nonnulli appellant, quem penna separato: hoc re-
petatur ter vel quater. Non solum autem per spiri-
tus, & sed per ♀ metalla corroduntur; quæ per hy-
drargyrum corrosio Amalgamatio vocatur. Fit autem
cum metallum, ferro excepto, in renes laminas du-
ctum cum Argenti vini ad ignem calefacti, vt fuma-
re incipiat, partibus octo, præter propter, (nam in
mollioribus partes quatuor sufficiunt; duriores octo
requirunt) miscetur, ac mistura in aquam infunditur,
vt fiat mistura vndique similis. Hydrargyrum postea
super igne exhalare permittitur, & metallum in for-
ma calcis relinquitur. Ad calcinationem hanc dein-
de & ea pertinet, quam per fumum seu vaporem, seu
fumigationem nominant, quando nimirum per ex-
halationem seu vaporem rei corrodentis corpus ali-
quod corroditur, & in calcem redigitur. Tales autem
sunt aquæ & liquores acuti vel mineralia, quæ suis
halitibus alia corpora corrodendi vim habent, inter
quæ imprimis ♀, ꝑ & sulph. & quæ cum his partici-
pant. Ex gratia: ꝑ aquam fortem, infunde in cucur-
bitam, in quam suspende laminas ♂, ne duorum di-
gitorum altitudine aquam tangant. Claude vitrum,
Stent per 24. horas in arena calida, & inuenies cro-
cum adhærere laminis, quem pede leporino vel pen-
na separa, idque aliquoties repete. Eodem modo
optimè ad saccharum, quod nominatur, & crystallos
ꝑ conficiendos, ꝑ laminatum atque in alembico
inditum vapore ac halitu aceti sale communi adie-
cto fortificati, calcinatur. Pertinet huc & cornu cer-
ui sine vstione præparatio, quæ hoc modo fit. ꝑ CC.
in maiora frustra transversim sectum, idque alembi-
co inde, ac ex virgulis cratem, ne decidant, inducito,
& cucurbitæ, in qua aqua aliqua destillanda est, alem-
bicum impone, & destillationem toties repete, do-
nec cornu cerui albescat, & vbi secatur, fragile &
friabile ferè fiat. Aqua equidem, quæ à cornu cerui
destillatur, durabilis non est; verum si sine cornu
cerui destilletur & rectificetur, durabilis fit, dum à
succo illo, quem à cornu cerui accepit, separatur. Ea-
dem cornu cerui præparatio etiam rectè perfici po-
test, si dum sales plantarum parantur, atque aqua ex-
halat in Alembico cornu cerui ponatur. Nonnulli
ex cornu cerui hoc modo præparato cum mucilagi-
ne tragacanthæ trochiscos conficiunt.

¶ [Recens inuentum est, Cornu ceruini sine vstione
præparandi ad vsum medicum, quod tamen nonnulli
non magnificiunt, & C. C. vstum, & s. vst. præpara-
tum, parum, aut nihil differre existimant. Verum non
exiguam differentiam esse existimo. Nam C. C. cum
vstione præparatum, neque spirituosum, neque oleo-
sum aliquid, neque salem volatilem habere, omni-
no certum est. In C. C. verò vapore aqueo præpara-
to, & non vsto, saltem mucilago illa glutinosa, quæ
est succus alimentarius C. C. qui nondum partibus
solidis perfectè assimilatus est, separatur. Superfunt
autem spiritus aut liquor, & oleum ac sal volatilil in
eo adhuc reperiuntur. Id quod in destillatione per
retortam patefit, quæ & spiritus, & oleum, & sal vola-
tilis ex eo elicitur. Carbonibus etiam iniectum odo-
rem, qui spiritum & oleum refert, spargit, qualis in
vsto non percipitur.]

Etsi autem hæc ab instituto nostro planè aliena, &
medicis vsibus parum conuenientia alicui videri
possint: tamen & talia Medico esse cognita, non
inutile est; imò scire prodest. Cum enim à plurimis
plurima ex metallis, & non rarò præter meritum,

sal ♂

Amalgama-
tio.

Fumigatio.

Crocus

Sacchari &
crystalli ꝑ

C. C. sine
vstione præ-
paratio.

An aliqua
Cornu Cerui-
ni sine vst. &
cuius vst. præ-
parati sit dif-
ferentia.

commendentur medicamenta; nunquam de iis rectè iudicabit Medicus, nisi talium operationum Chymicarum habeat notitiam.

CAPUT VII.

De Putrefactione & Fermentatione.

TAndem in hac operationum classe superest Putrefactio, quam nonnulli etiam digestionem, nonnulli macerationem, alij fermentationem nominant, per quam hinc intelligimus eam operationem, quā in calore humido mistum aliquomodo dissolvitur, vel compage naturali soluta ad artificialem separationem aptior redditur. Cum enim partium, quas Natura iunxit, separationem quærimus, putrefactio ad eam optima via est. Atque hinc non raro ante destillationem hanc seu fermentationem, seu putrefactionem præmittimus. Ita enim ea destillatione partes oleosæ & spirituosæ faciliè eliciuntur, quæ, neglectâ putrefactione, vix elici possunt. Hier. Rubeus, de destill. sect. 1. cap. 8. reprehendit quidem hanc putrefactionem, seque non posse sentire cum Raimundo Lullio, Io. Rupefissa, Guainerio, & plerisque viris doctissimis, scribit, qui rebus destillandis putrefactionem præmittunt; cum ex putrefactione detrimenti plus, quàm commodi rebus accidat, resque corrumpantur; re autem corrupta vires integræ elici non possint. Imò ne fermentationem quidem diuturniorem concedit, sed vix horarum aliquot, & non nisi cum plura miscentur. Verum enimverò facile est ad hæc respondere. Nam alio modo habet se putredo naturalis; alio hæc artificialis. Etsi enim utraque ob extremum calorem ad corruptionem misti tendit: tamen in hoc differunt, quod in simpliciter naturali putredine, vbi semel ab externo calore ad interitum via facta est, res sponte ad integram corruptionem tendit: In hac vero (quæ quidem & ipsa, quatenus per media naturalia fit, naturalis est; sed quia ab arte sumit initium, artificialis nominatur) etiamsi quoque à calore externo quædam corruptio fiat: tamen in artis potestate est, progressum regere, atque integram illam corruptionem prohibere. Itaque hæc putrefactio non ad ultimam rei corruptionem tendit, sed ad aliquam separationem, eo fine, ut partes à Natura aliquo modo separatæ ab arte facilius separari possint. Imò sæpe fermentatio potius quædam videtur, quàm corruptio hæc Chymicorum putrefactio. Nam vbi res contunduntur, diuersæ eius partes miscentur, & vix quædam interna ab externo calore adiuta per totum corpus sese extendit, atque in illud agit, sicut fermentum in farina; qua actione fit quædam resolutio partium, & ad instituendam postea faciliorem destillationem præparatio.

De Causa
fermentatio-
nis in musto,
cereuisia, &
aliis succis.
Fermentatio.
Quid.

¶ Cum sæpius fermentationis mentio fiat, omnino de ea, & qua de causa fiat, aliquid dicendum. Hoc autem primò tenendum, fermentationem nihil aliud esse, quàm resolutionem mixti, multum sulphuris & spirituum in se continentis, in sua ferè principia factam, in humido, à sulphure copioso in mixto contento, occasione formæ mixti, quæ principia mixti dissimilia instar vinculi, colligauit, pereuntis. Cum enim in musto, ut & cereuisia è frumento cocta, aliisque succis, qui fermentantur, sint variæ substantiæ, inter se plurimum dissidentes: hæc quidem in mixto sub vnius formæ, ut vitis, tritici, hordei dominio commistæ continebantur; cum verò forma illa perit, quodlibet miscibilium ad suam propriam naturam redit, eamque exserere conatur. Et quia igneæ & sulphureæ partes, utpote præ cæteris actuosæ, sese primò exserere incipiunt, & in mixto variè mouentur, & à cæteris secessionem parant, inde fit illa ebullitio, ita quidem, ut mustum etiam inde ca-

Modus.

lescat, & quædam partes sulphureæ inde separantur & auolent. Vnde nemo in loco concluso, in quo mustum vel cereuisia efferuescit, durare potest, sed à sulphure illo narcotico exhalante quasi apoplecticus concidit; ut obseruatum sit, homines in iisdem locis mortuos inuentos fuisse. Sulphureis autem partibus plurimis (non omnibus. Nam & in vino & cereuisia, quæ deferbuerunt, multum adhuc sulphuris superest, quod vis inebriandi indicat) separatis, reliquæ suam naturam retinent, & quædam in superficiem, quædam in fundum detruduntur. Reliquus liquor ab heterogeneis separatus, vini & cereuisiæ essentiam constituit.

Fermentatio autem illa interdum per se incipit, & absoluitur, ut in vino; & quidem quò vinum generosius est, eò citius incipit fermentatio; quò crudius & austerius, eò tardius. In cereuisia autem paranda, fermentatio facibus cereuisiæ, quæ multum in se sulphurearum partium habent, acceleratur. Idem faciendum est in succis plantarum, quibus, ne antequàm fermententur, corrumpantur, aliquid fermenti, vel facum cereuisiæ aut vini additur. Quæ fermentatione præstatur, ut partes sulphureæ à reliquis nonnihil separantur, atque hinc postea spiritus destillando elici possit. Atque in ista fermentatione, tota spiritus è plantis conficiendi ratio consistit.]

Cum autem putrefactio hæc fiat per media naturalia: eo planè illam naturalem imitatur. Itaque requiritur hic calor externus, & is quidem blandus, & lenis ac humidus: cum id, quod nimis calet & feruet, putrescere non possit. Qui calor diuersis modis administrari potest. Alij vruntur balneo maris, alij balneo roris; cuius apparatus postea describetur. Nonnullis inprimis hoc laudatur, & in practica Alchymica authoris innominati, ab Andr. Libauio edita, describitur. Supra lebetem vel catinum (in tab. 5.) imponatur vasculum vel dolium (in tab. 5.) quod exactè catino conueniat & respondeat. Huius fundum multis paruis foraminibus perforetur, & ad latus supra fundum habeat foramen, per quod infundibulo aqua infundi possit. Catino dolium imponatur, & vbi impletus est catinus aqua, imponatur fundo vasis tripus ligneus, stramine vel feno madido inuolutus, & circumcirca imponatur fenum madidum. Huic tripodi imponatur cucurbita duplicata materiam continens, ita ut superior emineat extra vas; inferior cucurbita circumdatur vndique feno madido: & tandem tabula lignea perforata vas tegatur ac firmetur. Aqua vbi incalescit, ut vix manus in ea contineri possit, vapores adscendentes fenum, & hinc cucurbitam, calefaciunt. Alij fimo equino vtuntur, cuius apparatus alij aliter instruunt: Alij capsis & vasis ligneis; alij scrobibus & foueis eum includunt. Exempli gratiâ, sumatur dolium, fouea effodiatur in aliquo domus angulo, imponatur stratum fimi equini, pedem altum, seu palmos tres: deinde alterum calcis stratum, & palmi vnius altitudinem, & sic consequenter S. S. S. imponatur. Vltadius, cap. sexto, primò ponit stratum ex calce viua tres vel quatuor digitos altum: hinc stratum fimi equini septem vel octo digitos altum: postea circa circulatorium vndique fimum ponit, & foueam terræ strato sesquipedem alto tegit, aquamque supra vitrum fundit, ut ad calcem descendat, caloremque excitet, singulisque septimanis calcem bis renouat. Nonnulli sub vase, in quo fimum continetur, calorem excitant, & ne fimum exsicetur, quinto quoque die aqua rigant. Sed talia vsus, artium omnium magister, rectissime docuerit. Quidam vinaceis, tempore autumnali, pro fimo vtuntur. Sunt quidam, qui ex putredine graucolentiam & inquinamentum metuunt: verum metu hoc opus non est. Nā si vitrum, in quo materia continetur, bene claudatur, nihil extrinsecus vitrij accedere potest. Debèt autē vitra

Fermentatio
spontanea

Artificialis

Balneum
Roris.

Fimus eq-
ui.

Ratio vitri
claudi claudendi.

claudi quàm accuratissimè, ne quid spirituum & essentia amittatur. Luta in hunc usum commoda passim exstant. Si autem planè & exactissimè omnium spirituum exitum prohibere velimus, commodissimum est sigillum Hermetis, ut nominant, quod tum alij, tum Vlstad. cap. 20. describit. In fornace descensoria collum vitri, per quatuor digitos emineat, & foramen bene luto claudatur, ignis circularis sensim admoueat, donec vitrum planè incandescat. Vbi vitrum incanduerit, forcipe candente vitrum comprimatur & claudatur, clausumque sensim refrigeretur. Quod si fornax talis ad manus non sit, ponatur vitrum in ollam, vel sub ollam longam perforatam, quæ cineribus repleatur (in tab. 6.) ita tamen, ut collum vitri nonnihil super cineres emineat, & super cineribus ignis accendatur, vitrumque vbi incandesceat, candente forcipe comprimatur: vel patella vitrea imponatur, aspergatque pulvis è vitro Veneto & borace, qui vbi per flammam candelæ, more aurifabris usitato, liquatur, patella vitro agglutinatur, idque exactè claudit. Vitra tum in hoc, tum in aliis laboribus aperiuntur, vel filis sulphure inductis in circulum prius siniride signatum, atque incensis. Vbi enim ita vitrum circulariter incalescit, & gutta aqua frigida inspergitur, dissilit. Sed commodior altera ratio est per circulum ferreum candentem, (in tab. 7.) aut etiam baculum ferreum rectum candentem tum acuminatum, tum rotundum. Tempus digestionis variat, estque in aliis longius, in aliis breuius. Quæ enim recentes sunt herbæ molliorèsq; breuiore tempore opus habent, quæ sunt sicciore duriorèsq;, longiore; atque hinc quædam diebus tribus, quatuor, quinque, alia etiam totidem septimanis digeruntur.

CAPUT VIII.

De Cribratione & Lotione.

AD secundam classem eas operationes retulimus, quæ versantur in separatione & alicuius rei detractio, atque in separatione homogeneorum ab heterogeneis, purorum ab impuris, vtilium ab inutilibus: quæ ipsæ tamen iterum in duo genera diuidi posse videntur. Aliæ enim puram & vtilem substantiam eliciunt ac separant, impurum verò atque inutile relinquunt: aliæ purum ac vtile relinquunt, absumptis, dispersis, aut quocunque modo separatis impuris & inutilibus, ut ex singulis operationibus patebit. Cribrationem quod attinet, instituitur ea non solum eo fine, ut subtilior rerum contritarum, & in puluerem redactarum pars à crassiore separetur: sed & humida & cocta per cribrum plerumque setaceum traiciuntur. Ita pulpa fructuum coctorum, ut cydoniorum, pomorum, ribium, passularum ab acinis nucleis & folliculis separatur & nudatur. Ita pulpa & medulla cassiæ à fistulis separatur, quod vulgò extrahere vocant, cassiæque pulpam cassiam extractam, & flores cassiæ nominant. Modus extractionis exstat in Cordi dispensat. Eodem modo & pulpa tamarindorum extrahitur. Solent & radices & folia plantarum ad mollitiem usque cocta per setaceum ad cataplasmata & vnguenta conficienda traici. Lauantur medicamenta non solum, ut, si contaminata sint, mudentur, sed & aliis de causis; ut nimirum medicamento qualitas aliqua dematur, aut aliqua inducatur. Lauantur autem medicamenta vel aqua simplici, vel liquore alio conueniente. Verum sæpe infusio potius est, & maceratio, aut nutritio, quam vocant, quæ vulgò à pharmacopœis appellatur lotio. Aloën lauandi modum tradit Dioscor. c. de aloë; monstratque eundem Cordus, in simpl. prepar.

Commodissimè autem lauatur endiuia vel cichorij aqua, ut hepati minus inimica reddatur, quæ illi affunditur, ut aloës purior substantia in aqua dissoluta à fecibus separetur. Qua in re tamen peccare videntur nonnulli pharmacopœi, qui aloën mundam, lotam & siccaram denuò terunt, & aquam pluuialem affundunt, quæ abiecta, aloën, quæ ad fundum descendit, insolando siccant, idque iterum reperunt. Metuendum enim est, ne optimæ & subtilissimæ partes in aqua solutæ effundantur, & crassiores saltem remaneant. Vnde rectè scribit Galenus, lib. 3. de simpl. med. fac. cap. 15. Aloën, si accuratè lauatur aut debiliter, aut planè nihil ventrem subducere. Et lib. 8. de comp. med. sec. loc. cap. 2. ad ventris subductionem illorū aloën aptiorem esse: multum verò de medicamentaria vi deponere lotam. Nimirum aloës substantia, in qua vis purgatoria, liquescit in aqua; & si illa abiiciatur, vna perditur vis purgans, relinquiturque terrea & feculenta substantia. Metalla & alia duriora prius subtilissimè teruntur, deinde affusa aqua agitantur, atque vbi resederint, aqua effunditur, donec aqua limpida & pura relinquatur. Ita lapis lazuli & armenus lauantur, ut malignitatem deponant. Ita pompholyx lota mordacitatis expers redditur, & ut Galen. 4. de compos. med. sec. loc. cap. 1. habet, nulli pharmacorum mordacitatis expertum inferior est, eaque ad oculorum fluxiones tutò vtiuntur. Optimè lauatur, si læuigata in linteo mundo ligata in olla aquæ plena diu concutitur & agitur, ut subtilior saltem pars aquæ permisceatur, crassior verò in linteo relinquatur. Plumbi lotio est in Cordo: aliorumque metallorum lotiones passim in dispensatoriis dictis exstant. Mercurius, antequam ad opus aliquod adhibeatur, & ipse purificandus, quod fit, si lauatur lixiuio è calce & cineribus clauellatis parato, vel alio forti lixiuio. Item si ei affundatur acetum vini destillatum cum sale communi, & in mortario vitreo pistillo vitreo, vel ligneo agitur, donec acetum nigrescat: Vel si Qio in cucurbita vitreâ spiritus vini ad digitorum duorum vel trium eminentiam affundatur, & orificio cucurbitæ pollice clauso fortiter agitur, & spiritus vini ex impuritatibus, quas imbibit, nigrescens, separetur, nouisq; affundatur, idque toties reperatur, donec omnis nigredo ablata sit, tandemque per corium traiciatur. Vide etiam Beguinum, lib. 2. cap. 13. Libanum, Alchym. pharmac. cap. 5. Calx, quæ aliàs vim vrendi habet, si crebrò abluatur, omnem salem atque hinc dependentem acrimoniam in aquam deponit, & mordacitatis expers redditur, ut etiam nervis punctis tutò adhiberi possit. Ita & cadmia lauatur. Sed quomodo argenti spuma & reliqua metallica lauare oporteat, docet etiam Galenus, lib. 1. de compos. med. sec. gen. cap. 10.

CAPUT IX.

De Maceratione, Infusione, Coctione.

INFUSIO seu Maceratio nihil aliud est, quàm medicamenti in liquorem aliquem immersio, quæ medicamentum intus & extra madescit. Instituitur autem variis de causis: primò ut vis medicamenti extrahatur, relictæ crassæ & terrena, quæ scopo atque instituto nostro minus conueniens est, substantia. Verum cum liquor, qui medicamentorum vim imbibit, pro peculiari medicamentorum forma haberi, & vulgò infusum nominari soleat, de eo, sect. 3. c. 3. plura dicuntur. Deinde quædam infunduntur, ut malignitas eorum corrigatur. Tertio, ut vis medicamenti intendatur. Ita radices aperientes aceto macerantur, ut vis incidendi intendatur. Quarto infunduntur, ut dura

Metallorum
& lapidum
lotio.

Purificatio.

Calx lota.

Infusio seu
Maceratio.

ratio,

tio.

loës lotio.

dura emolliantur, atque ad coctionem præparentur. Ita guaiacum, sarsam parillam & similia ante coctionem infundimus. In diuersis autem liquoribus diuersa & pro diuerso scopo medicamenta infunduntur: alia in aqua simplici vel destillata aliqua: alia in spiritu vini: alia in aceto: alia in oleo, qua ratione flores populi, rosarum, verbasci, atque alia ad olea conficienda infundimus. Liquoris, qui ad infusionem adhibetur, mensuram nonnulli definiunt, & in singulas uncias singulas libras sumere iubent. Verum est magna rerum infundendarum diuersitas, neque scopus, ut dictum, semper idem. Sumatur tantum liquoris, ut totum medicamentum eo non saltem immergi possit, sed ut liquor etiam supra medicamentum emineat. Commodum quoque est, ut liquor sit calidus, aut medicamentum infusum in loco calido asseruetur. Calor enim ille actualis adiuuat liquorem, ut penitus in medicamento infusi substantiam sese insinuare possit. Requirit tandem alia longius, alia breuius tempus. Quæ enim solidioris sunt naturæ, diutius infundi debent, quam quæ sunt rarioris. Infusioni cognata est Coctio seu Elixatio, quæ in eo saltem differt, quod in Infusione medicamenta longiore tempore & calore minore macerantur: Coctio verò citius & maiore calore perficitur. Vnde & finis ferè idem coctionis. Primò enim coquuntur medicamenta, ut virtus eorum in liquorem transfundatur, quo postea loco illorum medicamentorum Medicus utatur. Deinde ut prauæ qualitates, humoresque excrementitij, & flatus crassi frangantur, discutiantur & absumentur. Humidi autem illius, in quo fit coctio seu elixatio, est magna differentia. Coquuntur enim medicamenta in aqua communi, destillata, lacte, sero lactis, vino, aceto, aqua mellis, pro variis scopis, quos Medicus habet propositos. Fitque ea elixatio variis modis. Primò medicamenta cum sufficiente liquoris quantitate in vase accommodato immediate igni admoventur. In qua coctione hoc imprimis obseruandum, ut ea, quæ difficilius coquuntur, primo loco iniiciantur; vltimo ea, quæ facilius elixantur, & quorum vires facilius dissipantur, ne, si simul iniiciantur, vis horum longiore coctione euanescat & dissipetur. Deinde idem vas, quo continentur medicamenta, alteri vasi aquæ pleno imponitur, quam coctionem Græci *ἐν διπλώματι*, in vase duplici, vulgò in Balneo Mar. nominant. Neque ista coquendi ratio antiquis incognita fuit, ut ex Dioscoride, lib. 2. c. 69. patet, vbi *διπλώματι* fit mentio, ut & apud Paul. Æginetam, lib. 1. cap. 83. Neque, quod Interpres Dioscoridis Marcell. Vergil. *allegato loco* putat, ignota est nostra ætate vasis huius forma & nominis ratio; cum qualis sit facile è Galeno, 3. de alim. fac. c. 22, cognosci possit, vbi ova *πιντὰ* appellata, quæ Paul. Ægineta in diplomate coqui scribit, parari docet; Si vas, quo continentur, cacabo aquam calidam habenti indatur. Tertio fructus imprimis, ut & radices quædam, elixantur vapore aquæ calidæ. Suspenduntur nimirum in vas aqua feruente semiplenum: vel repletus iis olla, & crate ex virgultis teguntur, ne decendant, atque olla inuersa alteri ollæ aqua feruenti plenæ imponitur. Verum de his postea, sect. 3. cap. 2. plura dicentur, vbi de decoctis agemus.

CAPVT X.

De Colatione, Despumatione, Clarificatione, Filtratione, Digestione, Expressione.

Quod in siccis & in puluerem redactis est cribratio, id ferè in liquidis est colatio, qua humida per colum transmissa, relictis crassioribus partibus & fecibus in colo, puriora redduntur. Coli autem est

quædam varietas, imprimis secundum raritatem & densitatem, quæ omnino ob materiæ colandæ varietatem necessaria est. Tenuis enim per colum rarum transmissa sordium aliquid secum trahit, neque pura redditur: Crassa verò si per crassum colum traicitur, facile colum obstruit, & materiæ transitum præcludit. Conueniens itaque materiæ cuique colum eligendum, Peculiare coli genus est, quod Manicam Hippocratis vocant, saccus laneus, oblongus, acuminatus, per quem, sine omni expressione, ea, quæ clariora cupimus, traiciuntur, ut vina facticia & similia. Deinde colatio non vno modo instituitur. Alia enim sunt crassiora & viscidiora, quæ, ut colum transeant, prius calefacienda sunt: alia etiam prius in liquore dissoluenda. Ita manna, ut colari possit, in iure vel liquore aliquo dissoluitur. Alia verò, quæ minus crassa sunt, saltem tepida, imò etiam frigida colari possunt. Quædam colantur cum expressione; quædam sine expressione. Quæ sine expressione colantur, sunt clariora: quæ cum expressione, turbidiora. Quædam non semel, sed sæpius, ut clarescant, colanda sunt. Cum autem colatione sola omnis impuritas raro tolli possit: aliis adhuc modis liquida clariora reddi solent. Id fit primò Despumatione, cum inter coquendum spuma innatans sæpius cochleari, plerumque perforato, detrahatur. Imprimis autem despumatur mel & saccharum, & quæ cum melle & saccharo parantur medicamenta. Additur iis æqualis vel etiam dupla aquæ portio, & dum coquuntur, spuma detrahatur, idque tamdiu, donec vel spumare desinant, vel aqua admista maxima parte consumpta sit. Interdum, ut facilius fiat despumatio, singulis libris singula ouorum albumina adiiciuntur: quibus spuma, quæ colligitur, adhærescit & iungitur, ut facilius separari possit. Clarificatio etsi in genere pro quacunque sordium crassarum separatione accipit possit, quæ pluribus modis fieri potest, vel quiete, dum per se feculenta subsident, vel colatione, vel despumatione: tamen in specie pharmacopœis Clarificatio appellatur illa decoctorum per despumationem, addito ouorum albumine, purificatio, quæ hoc modo fit. Oui albumen scopulis seu virgis agitatur, donec in spumam abeat, & postea particulatim syrupo vel decocto clarificando calido admiscetur, & vbi nigredinem aliquam contraxerit, detrahatur, nouumque iniicitur, donec liquor clarior reddatur. Qui etiam, si opus, per colum vel Manicam Hippocr. traici potest. Præter hos adhuc alij sunt modi, quibus res clarificari atque imprimis purior reddi potest; inter quos præcipui sunt Filtratio & Digestio. Si feculentum non exactè liquori permistum, sed confusum tantum sit, Filtratio sufficit: si verò exactius permistum sit, ita ut etiam forsan vnà cum liquore per filtrum transire possit, Digestione opus est, per quam feces tandem à reliquo liquore puro segregantur, & in fundum deponuntur. Primò itaque filtrationem quod attinet, distinguunt nonnulli inter filtrationem, & destillationem per lacinias. Verum huius distinctionis nulla videtur esse necessitas. Nam vtriusque operationis vnus finis est: atque ita potius pro duobus modis vnus operationis, quàm distinctis operationibus habendæ sunt. Itaque & nos cum aliis authoribus hæc non distinguemus, sed pro eadem operatione habebimus. Nam in genere per filtrationem crassum & feculentum liquori alicui confusum separatur, dum liquor purus per filtrum in vas subiectum descendit, & relinquitur impuritas. Causa enim inuentionis destillationis per filtrum est aquæ vel liquoris sinceritas seu puritas, ut habet Geber, lib. 1. part. 4. summ. perfect. cap. 50. Sunt autem duo modi destillationis per filtrum. Prior est, cum filtrum seu pannum laneum ad linguæ bubulæ formam ferè sectum & formatum parte latiore in vas, quod liquorem purificandum continet, imponi

Man
Hippocr.

Despuma

Clarificatio

Filtratio.

Coctio.

Diploma seu
vas duplex.

Colatio.

ponimus; altera autem, siue in vnam, aut duas, aut tres extremitates acuminatas desinente, in vas subiectum, vel lati orificij, vel si angusti orificij est, infundibulo addito, propendere sinimus, vt ita liquor purus guttatim per filtrum in id descendat, fecibus in filtro & altero vase remanentibus. Primò autem madefaciendus est pannus. Ita enim liquor per eum facilius descendit. Nonnunquam pro pannis laneis vtimur filis laneis simplicibus vel complicatis, vt dum olea destillata ab aquis separare animus est. Alter modus Filtrationis est, cum cucurbitæ vel alteri vasi amplioris orificij imponitur charta bibula, vel pannus lineus rarus, cui prius adaptatur charta bibula, atque ita in illam depressam panni & chartæ cavitatem infunditur liquor. Potest & hæc destillatio fieri per manicam Hippocratis dictam, præcipue si charta bibula instar cuculi imponatur, vel etiam per setaceum cribrum, superposita charta bibula. In quo modo hoc est notandum. Si feces multæ adhærent papyro, vt liquori iam transitus denegetur, mutandam esse chartam. Id etiam obseruandum, vt primò charta sumatur rarior, deinde si opus est, densior. In vtroque autem modo hoc obseruandum, ea, quæ sunt viscidiora, aut quæ, vbi refrigerantur, concresecunt & coagulantur, calida ad filtrandum adhibenda esse. Ita enim citius transeunt, & nisi sint calida, non facile transfluunt, aut partes salæ concresecunt, & saltem inutilis humor destillat. Porro si primâ vice non satis depuretur liquor, repetatur filtratio. Quam rem compendiosius licet in vtroque modo: in primo, si plura filtra gradatim ita disponantur, vt vas primum, in quo liquor est, altiore gradu sit collocatum, secundum inferiore, atque ita deinceps; & ex primo vase dependeat filtrum in secundum, ex secundo in tertium; vltimum verò solum liquorem excipiat, & nullo filtrum, per quod liquor exstillare possit, habeat. Lacinia autem seu panni ita sint comparati, vt inferiores sint densiores superioribus. Ita enim maxime liquor depuratur. Figuram habet Andr. Libav. *comm. Alchymic. part. 2. lib. 3. c. 14.* Idem compendium & in altero modo potest vsurpari, si nimirum manica Hippocratis plures ita suspendantur, aut alia vasa cum charta bibula ita disponantur, vt ex superiore in medium, ex his in infimum liquor destillet. In filtratione tandem omni & hoc obseruandum, ne partes nobiliores exhalent. Itaque si res spiritiosa sit & quæ facile exhalet, filtratio in loco frigido fieri debet; imò ita institui potest, vt vas vtrumque tegatur, ne aëri liber pateat aditus. Quod si res pretiosa & planè spiritiosa atque exhalabilis sit: commodissime fiet filtratio per duplicem retortam, quem modum tradit Vlstadius, *c. 5. 6.* ita scilicet, vt in retortam, quæ liquorem continet, imponatur filtrum vel lacinia, atque orificium huius retortæ cum lacinia propendentibus in aliam retortam vel etiam cucurbitam inferatur, & commissuræ bene claudantur. Ita enim liquor per filtrum in subiectam retortam, vel cucurbitam destillabit & nihil exspirabit. Potest hoc etiam fieri, si orificium retortæ gossypio vel spongia obturetur, vt per eam liquor destillet: qui modus & in aliis filtrationibus adhiberi potest. Verum cum sæpe feculentum illud & crassum adeo permixtum sit liquori, vt filtratione separari non possit, vt videmus in musto, & cereuisia, quæ sola filtratione non clarificantur: alia opus est separatione, quæ per digestionem fit. Etsi verò vocabulum digestionis variè vsurpetur, & interdum etiam putrefactionem, interdum exaltationem & circulationem quandam significet, de quibus suo loco; cum in genere digerere sit coquere, & digestio sit coctio, atque Chymicis per digestionem omnis, quæ per lentum sit calorem, qui ferè respondet calori in coctione, quæ fit in animalibus, coctio & elaboratio significetur: tamen hoc loco per digestionem talem solum coctionem accipimus, qua quod adhuc

feculentum est in rebus, separatur. Itaque non ad primam separationem adhibetur; sed vbi iam per extractionem vel destillationem prima separatio facta est, digestionem, si quæ feces permixtæ sunt, tolluntur, dum substantia liquoris attenuatur, & ab impuritate terrestri tollitur. Apparatus facilis est. Res digerenda ponitur in vitrum bene clausum, poniturque in B.M. vel alium locum calidum. Ita enim calore lento in materiam agente, si quid feculentum adhuc rei inest, subsidet, & à reliquo separatur; sicut videmus vina & cereuisiam clarescere. Eadem digestio potest adhiberi, vbi empyreuma aliquod rebus inest. Si enim cum idoneo menstruo aliquandiu digerantur, & illud tolli solet. Ad hanc classem pertinet & Expressio, cuius beneficio valido conatu vel manu solum, vel per torcular, liquidum & humidum à sicco & terrestri separamus. Hac oleum amygdalarum dulcium, ouorum, nucis moschata, conficitur; eademque in aliorum etiam oleorum, & succorum præparatione, in infusis, in decoctis parandis est necessaria. Vt tamen succus commodius exprimatur, interdum aliorum admistione opus est. Ita portulacæ succus solus præ lentore exprimi non potest, vt Galen. *de comp. med. sec. gen. c. 4.* scribit. Optimum igitur est, succum, qui ex vna acerba prius contusa exprimitur, portulacæ in pila committere, & sic iterum contundere, deinde vbi ex ambobus mistum exactè vnitum fuerit, liquorem elicere. Simili modo etiam semperuiui succum exprimes. Nam seorsim neque ex hoc, quemadmodum neque ex cotyledone, succum copiosum exprimere quisque potest, vt, *ibid.* docet Galenus.

C A P V T X I.
De Destillatione.

Destillatio, quæ Græcis *καλασαγυδς* & *σαλαςμυδς*, inter operationes chymicas ferè frequentissima & maxime necessaria, ac pharmacopœo in primis utilis est. Etsi verò nomine destillationis alij aliter vtantur, atque nonnulli destillationis vocabulo rotam artem Chymicam intelligant, & Chymicum nomine Destillatoris indigent; nonnunquam etiam per filtrum, spongiam, chartam bibulam destillatio fieri dicatur: hinc tamen magis propriè destillationis nomen sumimus. Nonnulli etiam sublimationem vocant; sed minus propriè: cum Chymicis sublimatio sit quidam destillationi cognata, sed tamen ab ea diuersa, vt postea dicetur. Destillationem autem alij aliter definiunt. Albertus Magnus, *de Alchym.* eam hoc modo definit: Destillatio est vaporum aquosorum in suo vase eleuatio. Langius, *lib. 1. epist. 13.* Destillationem definit humoris per calorem in vaporem resoluti, ac frigore rursus inspissati eliquationem. Iohan Bapt. Porta destillationem esse dicit humidarum partium vi caloris in vaporem resolutionem, quæ à frigore & constipatione occurrantibus in liquorem vertuntur. Libavius hanc definitionem proponit: Destillatio est elambicatio vel prolectatio essentia sub forma liquida per ignem vasis conclusis, ex materia halabili per attenuationem, eleuationem, consistentiamque delatentibus guttis, & alicubi in receptaculo confluentibus. Nobis hanc placet proponere: Destillatio est halituum à re exhalabili per calorem eleuatorum, obiectu vasis receptaculique densi & frigidioris in liquorem collectio. Destillari enim possunt omnia, quæ caloris vi in halitum & vapores conuerti possunt. Nam halitus illi à vase obiecto retenti sensim in guttas colliguntur, & hinc in liquorem confluunt. Cum autem rerum harum magna sit diuersitas, aliæque in halitus & vapores ac spiritus facile conuerti possint; ex aliis non nisi maiore ignis vi halitus eliciantur; atque halitus illi caloris beneficio eleuati vel facile in sublime ferantur & sursum tendant; vel ob grauitatem deorsum ferantur; vel medio modo sese habeant,

Expressio.

Destillatio.

Destillatio quid.

Destillationum genera.

stio.

stio quid
ficet.

habeant, & in sublime quidem nonnihil eleuentur, sed tamen in locum nimis altum non adscendant: varia hinc hortū habet destillandi ratio, varietate fornacum mediorumque differens. Per aliam fornacem & vasorum constitutionem vapores in altum eleuantur: per alia ad latus aguntur: per alia in fundū deprimuntur. Ignis patens dat maiorem calorem; minorem arena; adhuc minorem cineres; adhuc minorem aqua. De quo Geber, *l. I. summ. perf. part. 4. c. 50.* cum cineribus destillatio maiore perficitur igne; quæ autem cum aqua, mansueto igne & æquali. Subtilior ergo fit separatio per eam, quæ aqua perficitur, quàm quæ cineribus elicitur. Veruntamen hæ differentiæ omnes ad tria genera nō incommode redigi possunt, & triplex constituitur destillatio; per Adscensum, ad Latus, & per Descensum. Per adscensum nominatur destillatio, quando halitus & vapores in altum adscendentes ab alembico seu capitello cucurbitæ, vesicæque seu vasi, quod materiam destillandam continet, imposito excipiuntur, atque in eo in liquorem, qui guttatim per rostrum vel nasum (ita enim appellant canalem ab alembico in vas recipiens tendentem) in recipiens destillat, atque in eo colligitur, condensantur. Fit autem hæc destillatio variis modis. Primo loco nonnulli commendant destillationem per radios Solis, & persuasum habent; radios Solis cæleste ac viuificū quid destillatis communicare. Verum superstitiosa & inutilis videtur hæc diligentia. Nihil enim quàm calorem Solis radios communicare, atque eadem alium quemvis calorem præstare, experientia testatur. Nam ut res, quæ calore Solis exsiccat, non præferenda est ei, quæ igne sicca euasit: ita nec liquor, qui ex vaporibus à radiis Solis eleuatis collectus est, nobilior est eo humore, qui ex vaporibus ignis vi in altū sublaris confluit. Et præter hoc, quod in nostris regionibus rarò hæc destillatio institui potest, habet & alia hæc destillatio secum incommoda: nimirum quod calor continuari non potest, sed noctu remittit: quod non pro libitu artificis regi potest: & longiore spatio ac tempore opus habet. Itaque cum calore ignis in fornace accēsi eadem operatio breuiore tempore, & minore labore, ac certius perfici possit: non est, ut hac in re superstitiosè laboremus, sed nobis in fornace cōmoda institutæ destillationes sufficiant. Cum autem omnes per ascensum destillationes vnus ferè generis fornace opus habeant (et si & hīc nonnulli varietatem quandam ad splendorem potius, quàm necessitatem quærant) de ea aliquid in genere dicemus. Non verò opus est pluribus verbis eam describere, cum vnica fornacis inspectio hæc omnia mōstret. (*in tab. 8.*) Habet autem hæc fornax duas præcipuè partes, focum & cinerarium: supra pauimentum intra latera fornacis spatium relinquitur cineribus excipiendis, quod in latere vno habet ostiolium, non solum cineribus, vbi repletum est, eximendis, sed & admittendo aëri, qui ignem accendat, necessarium. Hoc spatiū tegitur bacillis ferreis seu crate ferrea, atque continuantur fornacis latera, & focus exstruitur, tantæ altitudinis ac latitudinis, ut vesicæ vel catino, aut lebeti & carbonibus recipiendis sit idoneus. Relinquitur & in foco ostiolum carbonibus ingerendis necessarium; imò sæpè & alterum mox supra cratem, eidem mundando aptum. Sæpè ostiolum paulò altius supra cratem exstruitur, & focus fit altior, ut maiorem carbonū copiā possit capere, nec opus sit, singulis horis nouum igni nutrimentum suggerere. Ne autem simul carbones accendātur, ipsa ostiola diligentissimè suis epistomiis sunt instruenda, ut tantum saltem aëris, quantum libet, admittere possimus. In parte verò superiore ad latera catini vel lebetis quatuor, vel etiā pauciora, foramina rotunda sunt relinquenda cū suis operculis seu epistomiis, vel luteis, vel ferreis, ea de causa, ut per ea, prout plura vel pauciora, tota vel ex parte, aperimus, calorem ignis, prout libet, moderare possimus. Catino

Destillatio per
ascensum.

Destillationis
per ascensum
differentia.
Destillatio per
radios Solis.

Fornax de-
stillationis
per ascensum.

etiam baculus ferreus, vel crux ferrea subiicitur, ne pondere aquæ, cineris, vel arenæ deprimatur. Si cui placet hīc compendiū quærere, & à carbonibus suggerendis longiore tēpore vacare, aut etiam igne vnico plures fornaces calefacere, illi licet fornacem Acediæ, ut appellant, seu pigrum Henricum, exstruere, qui hoc modo paratur. Exstruitur turricula intus caua, quæ tātum carbonum, quantum diei sufficit, aut quantum libet, capere possit, quæ parte inferiore habet substratam craticulam cum cinerario & ostio, ut in reliquis fornacibus. In cacumine habet foramen carbonibus ingerendis necessarium, cum operculo exactè foramini conueniente. Ad huius turriculæ latus (vel latera, si plures vno igne fornaces calefacere libet) alia fornax (vel plures fornaces) exstruitur, cum fundo bene clauso, loco paulò altiore, quàm craticula turris est, extructo. A fundo fornacis rectà canalis exstruitur versus focum seu cratem turris, per quæ calor ex turri ad fundū fornacis penetrare possit. Nonnulli in huius canalis medio tabulam ferreā vel lapideam disponunt, vel integram, vel foraminibus aliquot magnitudine differentibus præditam, per quam tantum caloris, quantum libet, ex foco turriculæ in fornacē admittere possunt. Fornace ita instructa, turricula carbonibus repletur, & operculo clauditur, cui cineres plerumq; iniiciuntur, ne quid respirare, carbonēsq; omnes incēdi possint. (*in tab. 9. 9.*) Alij aliter hoc fornacis genus exstruūt, quæ tota diuersitas melius monstrari, quàm describi, potest. Mihi cōmodissima hæc videtur ratio, (*in tab. 10.*) si nimirum craticula cum cineratio ipsi fornaci, non verò turriculæ carbonēs continenti subiiciatur. Pauimentum verò turriculæ sit decline, ut carbonēs ex eo per foramen (†) in ipsum focum fornacis supra craticulam descendere, atque ibi accēdi possint. Quod si plures fornaces quis circūponere velit turriculæ, posset in pauimento turriculæ pyramidalem vel acuminatam figurā exstruere, cuius ductu per omnes canales in omnes fornaces carbonēs demitti possunt. Laudat & commendat, ut ad multa, præcipuè tamen digestiones, vtilissimam suam fornaculā Henric. Conradus, in libello peculiari de Athanore: qui iccirco de ea consuli potest. Quia tamen in eo tractatu quædam occultauit; nonnullis autem huius fornacis structura placet: particulatim eam describemus, & qua ratione longiori tempore flammæ continuæ & æquali materia præberi possit, docebimus. Fornax integra est (*in tab. 11.*) Basis ex laminis ferri vel cupri (*in tab. 12.*) vitrum, in quo spiritus vini continetur (*in tab. 13. 14.*) quod canali ex ferreis vel cupreis laminis compositio (*in tab. 15. 16.*) per quem spiritus vini ad flammam deriuatur, arcuè adaptatur & ferruminatur, ac clauditur, ne quid vel spiritus effluere, vel aër confertim ingredi possit. Alij spiritum vini sensim è gutturnio in canalem instillant. Ellychnium ex alumine plumoso, vel minutissimis argenti filis contortū orificio canalis angusto (*) inferitur, atque accenditur, per quod flamma cōtinuò spiritū vini labit & attrahit, ut non solum per aliquot dies, sed & septimanas continuari possit. Basi imponitur pars inferior fornacis vel tota vitrea perspicua, vel ex laminis ferri aut cupri, atq; lapide speculati parata, ut aliquot partibus sit perspicua, & flammam cōtinuò conspiciendā præbere possit. (*in tab. 17.*) Huic imponitur pars fornacis superior, ex aliquot, prout libet, circulis è laminis ferreis vel cupreis parata (*in tab. 18.*) de quibus vnus (*in tab. 19.*) qui sibi mutuò inferi, & nunc plures, nunc pauciores, prout flammā propinquā vel remotam cupimus, adaptari possunt. Huic imponitur capella cuprea (*in tab. 20.*) in margine foraminib. multis pertusa, ut halitus ex spiritu vini exitū habeat. Capellæ imponitur tripus. (*in tab. 21.*) Huic imponitur vitru. Fornax tandem clauditur & vitrum tegitur vitro (*in tab. 22. vel in tab. 23.*) prout vitrum impositū requirit. Non est autē de nihilo, operationes in ea fornace

Fornax
dia, seu
Henric.

Athanor
Henric.
radi.

line omnib. sordibus fieri; gradus caloris optimè regi; ignem, qui non solum sine villa noua opera nò solum per aliquot dies, sed & septimanas durare possit, in ea accendi posse: nisi hoc haberet incommodi, quod ignis paulò maiore sumptu alendus est. Verùm hæc sumptu ratio in aliis locis maior, in aliis minor est, & posset hinc fortasse etià compendij aliquid quæri. Cæterum per igne carbonum destillatio pluribus modis instituitur. Vel enim vas cū materia destillanda nudo igni imponitur, vel mediū quid interiicitur. Prior duobus modis fit. Vel n. cucurbitam benè lutatā cruci ferreæ imponimus, & supra circumcirca fornacē claudimus, saltē spiraculis necessariis relictis, subtrūq; ignem accendimus. Quo destillationis genere vtimur, vbi pro spiritibus eleuandis maiore ignis vehemētia opus est, vt in aquis valentibus præparandis. Sed in huius vicē sæpè destillatio per retortā subire potest. Deinde igne etià patente destillamus per vesicam, vt nominat. Vas nimirū cupreū, intus stanno obductū, quod vesicā appellant, fornaci imponitur, quod vna ferè parte materiæ destillandæ, & duabus aquæ vel menstrui ita repletur, vt quarta eius pars præter propter maneat vacua: postea imponitur alembicus, & commissuræ luto ex farina & aqua, vel farina & albumine ouorum, clauduntur, & ignis paulatim in foco, ostiis benè clausis, & vno saltem spiraculo seu vtili aperto acceditur. Rostro autē alembici canalis oblongus, vas aqua frigida plenū transiens, adaptatur, & atq; cōiungitur, commissuris benè clausis, vt vapores & spiritus à frigiditate aquæ citius coagulētur, & non euanescent: huic demū canali receptaculū apponitur. Et vt vapores nò euanescant, & citius in guttas cōdensentur: quoties aqua incaluit, cū frigida permutada. Qua de causa etiam interdum pannū humidū frigidum alembico imponere vtile est. Verùm ad hanc molestiam euitandam à nonnullis hoc compendij vsurpatur. Alembicū fabricant, eique aliud quasi labrū, quod tamen eum non contingat, circumducunt, atq; in spatiū, quod inter alembicū est, & labrū illud alembicū cingens aquā frigidā infundunt; quæ vbi incaluit, per epistomiū emittitur, & alia frigida infunditur. (in tab. 25.) Sūt qui canalem vasis, aquā refrigeratoriā continentis, nò immediatè cum rostro alēbici vesicæ impositi, sed per medias fistulas anguiū & serpentium modo flexuosas & anfractuosas cōiungunt, (in tab. 26.) quod destillationū genus icecirco anguinū & serpentinum nominatur, & nò solum in destillatione per vesicam, verùm etià, si cui placet, in reliquis per ascēsum destillationibus, per balneū, cineres, & arenam, locum habere potest. Nimirū alembicus fabricandus, ex cuius vertice fistula recta promineat. Huic fistulæ cōiungitur canalis per multos anfractus & flexus, qui inde serpentina appellatur, ad canalē vasis refrigeratoriij trāsiens. Solent verò hi canales serpētini variis modis parari: alij simpliciter ipsi canali & vasi refrigeratorio cōiunguntur: alij in medio adiunctā habent ampullā, ex qua rursū per anfractus surgunt, & in canalē vasis refrigeratoriij inferuntur, qualis depingitur à Io. Bapt. Porta, *magia nat.* l. 10. c. 8. (in tab. 27.) Accōmodatū est hoc instrumentū iis rebus destillandis, quæ spirituosa seu ex quibus multum spirituum eleuatur, & quæ propterea maius spatiū requirunt, quod nisi ipsis hoc modo cōcedatur, facillè euanescent. Porro destillatio vbi vas cū materia destillada non proximè igni, sed per medium aliquod obicitur, variis etiam modis instituitur. Quibus tamen omnib. hoc cōmune est, quod catinus seu lebes, (capellā vulgò vocant) seu cupreus, seu fictilis, arētissime fornaci coniungitur. Huc cucurbita (in tab. 31. 32.) imponitur, quā ita à satius cucurbitæ similitudine nominant, alij bocia appellant: cui imponitur capitellum seu alembicus. Nonnunquam suber vel papyrus inter alembicū & materiā destillandā interiicitur, vt saltē tenuissima & spirituosissima pars penetret. Capella si vacua relinquatur, & ei cucurbita cum materia destillada imponatur, catinūq; probè claudatur, vt solum aer calidus in cacabo vel carino conclusus cucurbitā calefaciat, atq; ex materia in ea contēta vapores in alembicū eleuet, cōmodissime balneum siccū, seu stufam

siccā, appellari existimauerim; cū aer hoc modo cōclusus & calefactus aeri in nostris hypocautis, & fornace media calefactis tēpore hyberno conclauibus, quæ vulgò stufas nominant, respondeat. Aliter tamen Stufam siccā vulgò accipiūt, cum fornaci, fornacibus in nostris hypocautis simili, multa vasa imponuntur, atque vnus fornacis ignes calefiunt, qualē fornacē vltimo loco describit Matthiolus, *de rat. destillandi aquas.* Vvecherus, l. 3. *antidotarij gen. c. 41.* destillationē etiā per vesicā hoc nomine indigitat, quæ ab aliis per vesicā destillationib. nihil differre videtur, nisi eo, quod igne non rectā vesicæ subiicit, sed fornaci pigrū Henticū adiūgit, vt ita in fornace, cui vesica inhæret, aer saltē calidissimus contineatur. Libau. *part. 1. com. Alchem. l. 4. c. 12.* Stufam siccā appellari scribit, quocunque furno per igne siccū & immediatum destillatur, maximè si simul res, ex qua destillatū petitur, absq; humore in destillatorij inferatur. Et postea, stufæ tunc magis vocatur, cū fiunt destillationes in fornace, igne velicā aut aliud vas, in quo materia cōtinetur, proximè tangēte, siue aqua addita sit, siue nulla. Stufam siccā describit Bulcalis, in libro, quem *Servitorē inscripsit, in c. de faciēda aq. ros.* his verbis: *Operatio eius, (retinē verba Interpretis) sine aqua & cū igne carbonū est, vt facias furnum quadratū vel rotundū, & habeat coopertorium superius, super quod stabūt ventres ex terra vitreata, & possint sustinere ignē; & quando accendūtur carbone, & incipit aqua rosarū destillare, clande os furni, & dimitte foramina aperta, per quæ fumus egrediatur, & dimitte sic, donec fuerit destillata tota; deinde abiectis primis rosis, pone alias recentes.* Videturq; hæc fornax re ipsa cū Matthioli fornace vltima cōuenire. Si verò catinus seu lebes aqua repleatur, cucurbita autē in eo ita vel super tripode, vel cruce, vel lamina multis foraminib. pertusa & ad latera ferreo vnco innitēte, collocetur aut suspēdatur, vt ipsam aquā calidā nò tangat, sed saltē vapores excipiat, appellatur balneū Roris vel balneū vaporosū. A vapore n. aquæ calētis incalescit cucurbita, atq; hinc vapores in alēbicum attollūtur. Debet autem catinus diligēter operculo claudi, ne aqua exhalet, (in tab. 28.) Dispositionē etiam huius fornacis descripsit Vvecherus, *antidot. gen. l. 3. c. 40* & Io. Bapt. Porta. Frequētissimus verò modus est, qui balneū Mariæ vel maris appellatur. Lebes seu catinus cupreus, vel etiā fictilis, fornaci inferitur, vt iam dictū, & aqua repletur, in quā cucurbita cum materia destillanda immergitur, & catinus operculo, in medio tamen ad excipiendā cucurbitā perforato, probè regitur, vt & calor in balneo melius cōtineatur, & aqua nò ita facillè exhalet, sed in guttas resoluta iterū descēdat, ne toties nouam aquā affundere opus sit. Cū tamen planè caueri non possit, ne quid exhalet: habenda est in prōptu aqua calida, quæ, vbi aqua nō nihil deficit, infundi possit; ne si frigida infundatur, eaque cucurbita vitrea cōspargatur, rumpatur. Cōmodissimum tamen est, si gutturnium aqua plenū apponatur, ex quo noua in locū eius, quæ exhalauit cōtinuò guttatim destillet. (in tab. 29.) Ne autē vitrū ad fundū catini allisum frangatur, in aqua natet, aut vllo modo moueatur: dāda est opera, vt stet planè immobile. Geber, l. 1. *sum. perf. par. 4. c. 50.* id hoc modo effectū dat, Fundum catini seu ollæ straminib. lana, vel re simili, ad spissitudinē triū digitorū regit, ne cucurbita frangatur; iisdēmq; graminib. vel rebus consimilib. operit in circuitu totā cucurbitam vsq; ad collū alēbici ferè; & super stramen vel farnēta virgas subtiles sternit, iūq; lapides imponit, qui suo pōdere cucurbitā, alembicum, & ipsa farnēta deprimāt, & depressa firma & stabilia teneāt super ollæ seu catini fundū, ne nateant per aquā Recentiores cōmodè circulū plūbeum formant, cūmq; stramine inducunt, & funiculis circulo alligatis cucurbitā super circulo plumbeo firmant, quod cōmodissime fit eo modo ferè, quo tympana tēdi solēt. (in tab. 30.) Aut, quod etiam satis cōmodum est, lebes seu catinus cupreus scobe ligni serrati madefacta ad dimidiē spithamē altitudinē impletur, super quā vitrū collocatur, & circū circa ahēnū scobe madefacta repletur, vitrumq; firmatur, & tandē aqua infunditur. Nonnulli, vt plura pos-

Destilla-
tio in B.
Roris.

Destilla-
tio in
Balneo
Mariæ.

sint vna vice destillare, in vnū balneū plures cucurbitas imponūt; quod qdā ita faciūt, vt non solū ab igne subtus accēso, sed à canali balneū transeunte calefiat: quale describit Vveckerus, *ant. gen. l. 3. c. 39.* & alij plurimi, atq; inter hos iam olim Bulcasis, *alleg. loc. in seruitore* Tandē per cineres, arenā, scobē & limaturā ferri & similia destillatio pficitur. Nimirū in fundū catini cineres, farina laterum, arena, aut limatura ferri aut digiti, aut prout opus, altitudinē iniiciuntur. Huic cucurbita cū materia destillanda imponitur, & catinus cinerib. vel arena repletur. Cōmissurā farina, aqua aut albumine ouorum subacta, vel luto ex vitro puluerisato, lithargyro, farina, & albumine ouorū panno lineo vel papyro illito, prout opus, iunguntur.

Cucurbita. Cucurbita autē (*in tab. 3. 1. 3. 1.*) q̄ ad has omes destillationes vsurpātur, vitreā maximā partē eliguntur, vt q̄ nihil substantiā vel qualitatis alienā destillato cōmunicant, aliās sunt altiores, aliās humiliores, prout materia destillanda, de quo suo loco, hāc prōptius in altū, illa difficilius eleuatur. Si n. illo, qui necessarius est, gradu caloris materia in alēbicū vsq; eleuari requirit, sed p latera cucurbita iterū descēdit, frustra laborat. Loco cucurbitarū vsurpant interdū phiolā dictā, (*in tab. 3. 2.*) & tūc qdem, vbi maximē, volatilia, vt spiritum vini & similia, à phlegmate separare animus est. Nā solū illud, quod est volatile, & nō aqueū per lōgum & angustū phiolā collū in capitellū vel alēbicū vsq; adscēdit; quod verò aqueum est & grauius, in laterib. colli iterū in guttas concreuit, atq; in imum delabit, & sic volatile illud ab aqueo phlegmate secernitur. Ad hāc per ascēsum destillationē non incōmodē quoque referri potest destillatio per cāpanā dictā, qua oleū sulph. paratur, vbi scilicet sulphure accēso cāpana vitrea (*in tab. 3. 3.*) vapores excipiunt, & in oleū cōdensant, de quo suo loco. Alterū destillationis genus ad latus, vel per inclinationē vocāt, quod scilicet halitus & spiritus nō sursū rectā in alēbicū adscēdunt, sed per latus atq; obliquē in recipiēs rēdunt. Vas, per quod hāc destillatio peragitur, seu vitreū, seu terreū sit, retortā vulgō (*in tab. 3. 4.*) alij cucurbitā incuruā, alij bocia cōtra bocia nomināt. Nōnulli loco Retortā vtunt etiā cucurbita recta; verū illā obliquē in fornace statuūt, vt alēbic⁹ deorsum inclinēt. Habet hoc destillationis genus locū prācipuē in iis, q̄ agrē in altum attollunt. Ponit autē retortā plerūq; in ignē patentē, interdum in cineres, sapius in arenā: vnde ferē secūdo, tertio, aut quarto caloris gradui hāc destillatio apta est. Vbi in ignē patētē ponit retortā, hic modus est. (*in tab. 2. 4.*) Exstruat fornax ferē quadrata, in cuius parte infima sit cinerariū cū ostio. Cinerarium tegat crate ex baculis ferreis, ob maiore, q̄ in hoc genere plerūq; vsurpat, ignē, crassiorib. Supra cratē sit focus, tāta altitudinis & latitudinis, vt & carbones, & retortā capere sufficienter possit. In medio verò foco seu spatio ferreus baculus, vel duo etiā parietib. inserant, satis fortes, vt & vim ignis, & retortā onus ferre possint, nec vbi incāduerint, flectant & deprimant, atq; ita retortā collū frangatur. In latere vno relinquat spatiū, per quod cornu seu rostrū retortā eminere atq; exseri possit. Retortā autē antequā fornaci imponat, luto bono muniēda est, ne ignis vi rumpatur. Cui vsui inseruit id, quo vtunt fabri ferrarij in ferruminādo; aut tale, quod sit ex luto tenaci, ab arena crassiore mūdato, tomēto, equino stercore, cui addit interdū ferri scoria, & sanguis taurinus. Vel ex farina laterū, ferri scoria, vitro, luto pingui mūdo, ac tomēto: vel tali, quod R. luti mūdati & exsiccati part. x. cinerū lotorū part. ij. fimi equini part. iij. scobis ferri part. j. pilorū bubulorū vel tomēti part. ij. M. cum sanguine bubulo vel ouillo. Plura vide apud Euonymū, *part. 1. c. 2.* Andr. Libau. *l. 1. epist. chym. 24. c. 1. 2.* Alchym. *tr. 1. c. 38.* Beguin. *in tyr. chym. l. 1. c. 6.* Postquā retortā in fornacē locata fuerit, foramē, per quod rostrū eminet, diligēter claudit, ne igni pateat exitus. Postea tegat pars superior fornacis, & relinquatur in quatuor laterib. spiracula seu vētilia. Alij in medio saltē vnū foramē relinquūt, vt ita sēper versus mediā recti partē flāma tendat, atq; circa retortā reuerberetur, idq; foramē, prout opus, magis vel minus aperit, imposito operculo: tandē etiā, si opus, carbones per illud iniiciuntur. Nōnulli quoque in hac destillatione pi-

grū Heinricum adhibēt. Vbi fornax parata, & retortā imposita, retortā adiungat vas recipiēs amplū (*in tab. 3. 6.*) & cōmissurā diligēter agglutinētur & obstruant, lutūmq; prius exsiccat, anteq̄ ignis accēdatur, ne vllus spiritui, q̄ sape satis fortis est, & magna vi erūpere conatur, exitus pateat. Inseruiūt autē huic rei luta iā enumerata: vel quod R. ferri scobē, catillorū fragmenta puluerisata, vel farinā laterum, lutū, vstum, cretā, bolum cōmunē, calcē viuā; q̄ miscent cum albumine ouorum. Vel $\frac{1}{2}$. far. laterū, vitri puluer. an. part. iij. cretā part. j. luti mundati part. xij. M. cum tomēto vel capillis bubulis & oui albumine. Nōnulli, vbi lutum exsiccatū fuerit, recipiunt picē, cerā, seuum, mistāq; & liquata instillāt luto. Hoc in genere de lutis obseruandum, ea, quā cōbustilia sunt, loco, q̄ igne incādescere potest, inutiliter applicari; vnde cū retortā collum interdum incādescat, cōbustilib. cōmissurā non sunt claudēda: ita liquabilia loco, q̄ incalescit, itidē non sunt applicāda: nec quod in aqua resolui potest, loco humido. Recipiēs sit amplum, ne, si angustius sit, spirituum copia, qui ex nōnullis rebus confertim exeunt, rumpat. Quo fine nōnunquā canalīs adhuc medius, (*in tab. 3. 9.*) inter retortā collū, & recipiēs inserit ne spiritus mox in recipiēs irrumpāt, illūq; frangāt. Alij duplex recipiens adhibēt, quod duob. modis fieri potest. Vel n. vnū recipiēs in parte inferiore vētris habet canalē, cui alterū recipiēs applicatur, (*in tab. 3. 8.*) vt si fortē maior sit spiritūū copia, q̄ quibus capiēdis prius recipiēs sufficiat, aliquid eorū in posterius trāseat. Vel potest adhiberi canalīs, ea parte, qua collo retortā applicat simplex, q̄ postea in geminū desinat, & vtriq; vas recipiēs applicari. (*in tab. 3. 7.*) Vt verò in aliis, ita prācipuē in hac destillatione, est obseruādum, ne ignis remittat. Nā mineralia, in primis si semel vi ignis fundatur & liquent, & postea ignis remittat, vt nōnihil refrigerētur, adēo tenaciter cōiungunt, vt vix igne, quātūvis iterū austero, separari possint, nisi rursū in puluerē redigātur. Loco retortā interdū ampulla solū in directū posita vtunt, atq; ita eam locāt, vt rostrū nōnihil declinet, appellantq; hāc destillationē proflatoriā. Secundō potest destillatio per lat⁹, seu inclinationē, etiā per cineres, arenā vel scobē, & limaturā ferri institui, cum minore calore opus est. Fornax exstruit vt antea, sed in medio habeat ferreā cratē supra q̄ pauimētū cōcauum exstruit, vel catin⁹ saltē aut capella fictilis (*in tab. 3. 5. 40.*) adaptatur. In hāc ponit retortā, ita vt rostrū ad lat⁹ emineat, & supra ac infra cinerib. vel arena, vel simili materia regit atq; obruitur, recipiēsq; adaptatur, & per ignē, vt fieri solet, destillatio instituit. In nōnullis, quā faciliē ebulliunt, vel superiori retortā parti frigidiori faciliē adherēt, ignis primō supra retortā & cineres, aut arenā accendit, q̄ & bullas reprimit, & materiā in liquore soluit, atq; vbi oleum fluere incipit, tum infrā etiā ignis accēdus, vt melius id fluat. Sed de his suo loco. Tertiō etiā fit destillatio per retortā in balneo roris, cuius inuēctionē sibi ascribit I. Bapt. Porta *l. 10. mag. nat. c. 9.* quā ex eo loco & proluxa descriptione peti potest. (*in tab. 4. 1.*) Tandē & aquā potest imponi retortā. Iungit nimirū, vt moris est, fornaci catinus æneus, qui vel vnū, vel duos, prout per vnā vel duas retortas destillare animus est, ad latera foramina cum suis canalibus habeat, per quā retortarum colla transeāt. Retortā plumbeis circulis merguntur & & firmatur, vt in balneo dictū est: vas aqua replet regiturq; & canales stuppa diligenter claudunt. Hinc ignis accenditur, aqua vbi feruet, vapores excitantur, & collecti in recipiens destillāt. Tali destillatione sese vti in destillatione florum roris marini, violarum & similibus scribit I. Bapt. Porta. Tertium destillationis genus est, quod per Descensum nomināt, vbi scilicet liquor ex resolutis halitib. collectus non sursū fertur, neq; ad latus, sed infrā tendit, atq; in vas suppositum destillat. Atq; adhibet in iis prācipuē, vbi liquor est grauis, spiritūsq; in altum vix adscendunt, aut si adscendere deberent, à calore corrumpent & dissiparentur. Verū multa, quā per descensū destillatur, nō incōmodē etiā per retortā destillari posse videntur. Fit autē hāc plurib. modis. Primō per ignē patentē, idq; tamē aliter atq; aliter. Interdū n. perforat vas q̄ materiā cōtinet, parte inferiore; superiore verò bene clau

Luto ad cōmissurā claudēdas.

Destillatio per Retortā in cinerib. arenā, &

Destillatio per descensū.

clauditur, atque fundo alteri vasi imponitur, quod terræ infoditur, vt vas materiam continens supra terram emineat: ignis circum accenditur, ac sensim propius admouetur, donec tandem vas eo planè obruitur. Ita enim vi incumbentis ignis halitus descendunt, & frigoris vi condensati in subiectum vas destillant. Nonnunquam peculiaris fornax ad hanc destillationem extruitur, talis nimirum: Erigitur fornax (in tab. 42.) sesquicubitum, aut quantum opus est, alta, cuius vnum latus pateat, vt recipiens imponi possit: supra regitur tecto concauo, vt ventrem cucurbitæ, ollæ, phialæ, aut cuiuslibet instrumenti, materiam destillandam continentis, capere possit. In imo verò perforatur, vt collum transire possit. Sumatur igitur vas conueniens luto munitum, & materia destillanda repleatur, atque glomus ex ferreis chordis, vel simili materia supra per collum immitatur, qui relaxatus prohibeat, ne materia excidat. Vase inuerso collum per os in spatium inferius exferitur, & luto bene, si quid de illo foramine patet, clauditur. Supponitur receptaculum, & ignis supra vas accenditur, & sensim augetur. Deinde est & alius modus, vbi non ipsi vasi ignis immediatè incumbit, sed eo à priore differt, quod supra cucurbitam inuersam cineres vel arena iniicitur, & supra cineres vel arenam ignis accenditur. Quæ destillatio mitior est, & calorem blandiorem habet. Adhuc mitior calor est, qui per aërem saltem calidum, aut si ita libet nominare, stufam vel balneum siccum, procuratur. Fornax est eadem cum prioribus: in hoc differt, quod catinus vel pila formabitur bifida: pars inferior in concaua fornacis immittatur, habeatque in imo foramen fornacis foramini respondens: in hac imponitur ampulla vel cucurbita, vt collum per foramen in partem imam fornacis descendat. Tanta autem sit catini illius capacitas, vt cucurbita per semipedem eum non tangat. Postea operculum imponitur, & supra id bene lutatum ignis accenditur, & destillatio, prout opus, perficitur. Est tandem & alius adhuc modus, cum mitissimum adhibere calorem cupimus, & metumimus, ne destillatum corrumpatur, per balneum scilicet: quem modum describit Iohan. Bapt. Porta, lib. 10. mag. nat. cap. 9. qui in omnibus ferè cum priore conuenit, in hoc saltem differt, quod catinus æneus fistulam in modum infundibuli extra foramen fornacis infra porrectam habet, quæ diligenter cum collo cucurbitæ vel ampullæ iungenda & feruminanda est, ne aqua effluat. Postea in catinum aqua infunditur, operculum imponitur & clauditur, ne aqua exhalet. Tandem supra vas ignis accendi potest, vnde aqua incalescat. Loco citato tamen Porta fornacem ita disponit, vt ignis circa vas accendi possit. De fine denique destillationis hæc iam allegato cap. 50. lib. 1. part. 4. summ. perfect. Geber habet. Causa, quare inuenta sit destillatio, & causa generalis inuentionis cuiuslibet destillationis, est purificatio liquorosi à fece turbida, & conseruatio illius à putrefactione. Videmus enim rem destillatam quocunque destillationis genere puriorem effici, & melius à putrefactione custodiri. Quid verò in specie præstet, suo loco, vbi in parte altera de medicamentorum præparatione dicetur, agemus. Ad destillationem pertinet, seu potius vsus quidam destillationis est Rectificatio, quæ nihil aliud est, quàm repetita rei destillatio, qua materia purior redditur, fecibus in fundo relictis; aut phlegma ab oleo, vel spiritus à phlegmate separatur. Cohobatio quoque, quam nominant, est repetita destillatio, qua liquor, qui destillauit, relictæ in vase materiæ affunditur, & iterum atque iterum de ea abstrahitur & destillatur: quo fit, vt vel liquor destillatus aliquid, quod prima destillatione acquisiuit, & quod ab eo separatum cupimus, in capite mortuo relinquat; vel vt aliquid ex

materia in vase destillatorio relictæ, quod prima destillatione non exstillauit, repetita destillatione, & vehiculo quasi liquoris, qui primò exstillauit, educatur.

CAPVT XII.

De Sublimatione.

Sublimatio maximè affinis est destillationi per adscensum, & in eo saltem differt ab ea, quod sicut in destillatione vapores, qui in altum tolluntur, in liquorem concresecunt: ita in sublimatione exhalationes siccæ adscendunt, & in altum sublata alembici lateribus instar atomorum adhærescunt. Vnde Geber, lib. 2. summ. perfect. part. 4. cap. 40. sublimationem esse dicit, rei siccæ per ignem eleuationem cum adhaerentia in suo vase. Quapropter & in eodem fornacis genere & in iisdem ferè vasis, in quibus destillatio per adscensum fit, etiam sublimatio perficitur; quæ sunt vel cucurbitæ vitreæ, vel terrea vasa, quæ in specie sublimatoria appellari solent, & vbi vehementiore igne opus est, tutius adhibentur, quàm vitrea, quæ igne maiore liquecunt. In hoc solum differunt, quod alembico non rostrato seu cæco (in tab. 43.) vtendum est; nisi in principio aliquid humoris, quod in sublimatione sulphuris & vitri cum sextil fieri solet, exstillet. Tunc enim rostrato vtimur, & postea vbi humidi vapores cessant, eum cæco permutamus, aut rostrum claudimus. Interdum in vertice alembicus est perforatus, vt vapores humidi exhalent, quo facto, foramen clauditur. Vasa sublimatoria nunc altiora sunt, nunc humiliora, prout materia sublimanda magis vel minus volatilis est. Si enim sit volatilis, adhibendum est sublimatorium altius; sin minus altè descendat, humilior: & cum interdum mox lateribus cucurbitæ adhærescere soleat materia sublimata aliquo modo, sæpe ad collum vsque cucurbita cineribus regi debet. Videndum tamen, vt collum satis exstet, ne calore collecti flores iterum liquentur, si sint liquabiles. Nonnunquam plures alembici vel ollæ in hunc vsum paratæ (in tab. 44.) adhibentur, & altera alteri imponitur, quæ omnes in partem superiore sunt perforatæ, superior solum clausa est, & in latere rostrum habet, vt si quid humidi adsit, exstillare queat. Adhibentur autem eo fine tot alembici vel ollæ, vt materia illa sublimata distingui possit. Quæ enim leuior & volatiliior est, in supremum adscendit alembicum: quæ grauior est, in imo subsidet. Porro propter diuersitatem spirituum sublimandorum diuersificatur, vt loquitur Geber, sublimatio. Quædam enim fit cum igne forti, quædam cum mediocri, quædam cum igne remisso: ideoque sublimatorium nunc supra ignem patentem ponitur, nunc in cineres, nunc in arenam vel scobem ferri. Quomodo verò tota sublimatio institui debeat, commodissimè suo loco in specie dicetur. In genere hæc sufficiant. Res sublimanda vel sola sublimatorio inditur, & igne admoto in altum agitur, vel cum alia materia fixa magis miscetur, quæ ipsam & remoretur, ne statim, vbi igne incalescit, fugiat, & impuritates omnes secum retineat: vel si res sublimanda est fixa, miscetur cum volatili, quæ ipsam vel totam, vel partem eius in altum tollat; aut quæ facit, vt res sublimanda ad minima diuidatur, & hinc à calore facilius in altum eleuari possit. De quibus in singulis sublimatis in specie, vt & de igne regendo. In genere hæc præcipit Geber, lib. 1. part. 4. summ. perfect. c. 42. Primò ignis lentus est adhibendus, & talis solum, qui aqueum & humidum, quod inest, euocare possit. Si quid iam per illum gradum sublimatur, ignis non

Sublimatio quid.

Vasa sublimatoria.

Sublimationis modus.

augeatur, vt ita subtilissima pars ascendat igne debili, quæ seorsim, si placet, colligi potest. Cum iam nihil vel parum adscendit, quod ex turunda vel ellychnio in foramen alembici immisso deprehendi potest, ignis augeatur tantum, quantum opus esse ex lana deprehenditur. Si enim parum adscendere deprehendes, augeatur; si multum & immundum adscendat, nimius est ignis: si mundum & multum, iustus est ignis gradus. Accidit etiam interdum, vt alembicus totam materiam sublimatam capere non possit. Tum itaque vel cum nouo permutari debet, vel euacuari materia, vt nouis floribus succedentibus locus detur, & ne prius collecti ex alembico in cucurbitam decendant. Si quæ alia in genere de his sublimationibus dici possunt, de iis consulatur Geber, *allegato loco, cap. seqq.* Habet autem sublimatio varias utilitates. Primò enim separat partes subtiles, puriores & volatiles à crassioribus, impuris & fixis. Deinde ad essentia & tinctura extractionem utilis est sublimatio. Atque vbi hic finis est propositus, volatile aliquid, quod rei sublimandæ vehiculi loco sit, miscetur, quod sublimatione peracta iterum separatur per resolutionem in aquam; cum talia vehicula plerumque è salium volatilium genere sint. Tertio interdum eo fine adhibetur sublimatio, vt non fixum figatur. Quarto sublimatio aliam quasi formam, aliasque qualitates sublimatæ rei confert, vt in ☿ sublimato apparet. Denique & per sublimationem res diuersæ iunguntur, vniuntur & incorporantur, vt vnum compositum inde fiat, vt in cinabari. Plerumque autem sæpius repetenda est operatio, vt finem illum, quem cupimus, assequamur. Neque enim prima sublimatione res mox satis depuratur, separatur, & eo, quem cupimus, modo elaboratur.

CAPVT XIII.

De Præcipitatione.

Præcipitatio.

Pertinet huc & Sublimationi videtur esse contraria Præcipitatio, quæ fit, quando corpora per aquas & liquores corrodescentes soluta à liquore iterum separantur, vt forma calcis vel pulueris remaneant. Quod fit præcipue cum liquore aliquo infuso aut re aliqua iniecta corpus solutum forma pulueris ad fundum descendit. Ita corallia & margaritæ in aceto destillato solutæ infuso oleo tartari præcipitantur. Quomodo autem hoc fiat, & quæ separationis huius causa sit, ab authoribus non satis exploratum video. Mihi res ita sese habere videtur. Solutio metallorum, coralliorum, perlarum & similium per acetum & spiritus acres, vt & spiritum vini fit dum spiritus illi corpora penetrant, & cum iis in minutissimas atomos solutis sese vniunt, vt vnum corpus quasi ex iis fiat, non secus ac oleum ceræ per minima miscetur. Vnde accidit, vt quamdiu spiritus soluens vel menstruum cum corpore soluto ita per minima vnitum manet, corpus solutum non ad fundum descendat, sed liquori cohareat. Quod si contingat, vt spiritus soluens iterum à corpore soluto segregetur, tum metalla & alia corpora sibi relicta forma pulueris ad fundum descendunt. Fit autem hoc, dum liquor aliquis ad solutionem infunditur, cum quo dum se spiritus soluens vnit, corpus solutum deserit, atque ita illud sibi relictum & vniione illa soluta ad fundum descendit. Inprimis hinc multum potest sal tartari solutus, seu oleum tartari per deliquium paratum, quod peculiari vi spiritus omnes acres ab omnibus liquoribus auocat ac imbibit & cum iis penitissime se vnit. Vnde fit,

vt corpora soluta à spiritu soluente relicta & ad fundum præcipitentur & acrimoniam, quam ex spiritu soluente contraxerant, amittant. Hinc etiam accidit, vt Mercurius præcipitatus & aliquomodo fixatus à sale tartari viuificetur. Non quod tartarum, quod vult A. Sala, Mercurio inimicum sit, sed quod sal Tartari spiritus acres, qui cum præcipitato Mercurio sese penitissime & arctissime vniuerant, ad se trahit, & eos sibi vnit, atque ita à Mercurio separat; vnde Mercurius à spiritibus acris liberatus in pristinam naturam redit & reuiuiscit. Et qui omnes omnes omnino, cuiuscunque sint generis, præcipitationes perpenderit, animaduertet, præcipitationem in vniuersum fieri, cum in solutionem aliquid iniicitur vel infunditur, cuius vi liquor soluens seu id, quod in liquore solutionis causa fuit, à corpore soluto separatur.

CAPVT XIV.

De exsiccatione, Euaporatione, Exhalatione, & Coagulatione.

EXsiccatione superflua humiditas absimitur: id *Exsiccatio.* quod duas inprimis ob causas facere necessarium est. Radices, folia & flores plantarum siccantur, vt rectius asseruari possint, neque ob superfluum humiditatem situm contrahant, putrescant & corrumpantur. Exsiccatio autem ista in umbra commodissime fit: quæ tamen ob nimiam humiditatem, antequam exsiccantur, in umbra corrumpi solent, in Sole siccanda sunt. Sic quæ radices sunt crassiores & plus humidi habent, tessellatim, vel alio modo prius concidantur, & in loco magis perflatili siccantur. Folia, & flores inprimis, vt commodius exsiccantur, sicca, non pluuiam madida colligi debent. Deinde exsiccantur quædam, vt facilius conteri, & in puluerem redigi possint. Id quod in furno, fornace, vel supra carbones in sarragine commodissime perfici potest. Restant tandem Euaporatio atque Exhalatio, quas vulgò ita ex Philosopho distinguunt, quod Euaporatio est, cum aquea humiditas expirat; exhalatio verò, cum sicci halitus per calorem eleuantur. Vtrique hoc est propositum, vt si quid in re est superfluum, in vapores vel halitus resolutum expiret, relinquaturque solum pars utilior: cuius rei apparatus prolixa explicatione non indiget. Res cum suo vase scilicet vel patenti igni, vel balneo, cineribus, arenæ imponitur, vt quod exhalabile & euaporabile est, in vapores & halitus resolutum exhalet. Et si res fixior est, humidumque ipsum non magni momenti, aperto vase, in auras superfluum expiret. Verum si materia non adeò fixa sit, & ipsum humidum etiam non inutile: maiore cura opus est, & calor planè lentus adhibendus, nè vnà etiam id, quod seruare cupimus, in vapores resolutum exhalet: ac in vase clauso hæc separatio perficienda, & proinde commodissime alembico imposito humidum per distillationem separamus. Sed in re plana immorandum non est. Hoc saltem monemus, satius esse, in plerisque aliquid humidi relinquere, quam nimia exsiccatione rem perdere & corrumpere. Multa enim sunt, quæ etsi dum adhuc calent, vt in melle & sale hoc videmus, videntur esse liquidiora: tamen vbi refrigerantur, sponte magis crassescunt, & diuturnitate temporis vt plurimum aliquid adhuc halituum expirat, resque tales, vt in Extractis patet, sicciores redduntur. Cum hisce operationibus coniuncta est *Coagulatio.* coagulatio, aut potius eas insequitur adeò vt peculiaris hac de re præcepta dare vix opus sit. Si n. corpus aliquod sit liquidum & fluidum, atque id ad formam sicciorē & consistentiā reducere velimus: per euaporationē aut exha

exhalationem, separatis iis, quæ id fluidum reddebant, consistentiam adipiscitur. Vnde & Geber, *lib. 1. part. 4. sum. perfect. c. 53.* definit coagulationem, quod sit rei liquidæ ad solidam substantiam per humidi priuationem reductio. Hoc modo sal, saccharum, vitriolum & alia coagulantur. Sed in vitriolo, nitro & similibus, vbi aqua pura fuerint dissoluta, & filtratione purificata, non est opus totam aquam euaporatione separare, sed satis est, si dimidia saltem pars euaporet, reliquum in cellam vel alium locum frigidum ponitur, vbi sponte in sui generis crystallos tales sales concresecunt, idque commodissime, si virgæ vel baculi lignei, quibus adhærescant, iniiciantur.

CAPVT XV.

De Digestione & Circulatione.

Tertia denique classis eas operationes complectitur, quæ ad rei alterationem, immutationem, perfectionemque sunt comparata, atque eò tendunt, vt res ad statum meliorem nobilioremque gradum deducatur. Et si enim, & præcedentes operationes eò tendunt, vt medicamentum vtile producat, resque in meliorem statum deducatur, & quædam operationes, ex. gr. destillatio, mox post se relinquunt medicamenta: tamen adhuc aliæ restant operationes, quæ res separatas, dissolutas, & per priores operationes quomodocunque etiam elaboratas amplius perficiunt, & ad meliorem statum, summamque in suo genere perfectionem exaltant & perducunt, & vt summatim dicam, in materiam iam elaboratam nouas qualitates inducunt, & virtutem rei exaltant; quam operationem nonnulli generationem nominant. Quanquam verò nonnulli plures tales operationes recenscant, & fortassis sint etiam plures, sed quæ ad institutum nostrum parum faciunt: tamen hoc loco illas omnes nomine digestionis complecti libet, & si quæ sunt hîc aliæ recensendæ, pro digestionis modis quibusdam habemus. Omnes enim vnico ferè modo per calorem lentum externum internam rei vim, quæ hîc primum agens, excitantem perficiuntur. Ne autem quem hîc vocabuli digestionis variæ significationes turbent, dictum iam supra est, digerere idem Medicis esse, quod coquere, & digestionem significare omnem coctionem, quæ lento & tali calore ferè, quali coctiones in animalibus, perficitur. Cùm autem talis digestionis latissime acceptæ triplex præcipuè in Chymia finis sit, tribus etiam operationibus nomen digestionis attribuitur à Chymicis. Primò enim blanda illa coctio, qua feces à liquore, quæ aliàs nullo ingenio ab eo separari possunt, separantur, digestio appellatur; cuius exemplum habetur in vino nouo, cereuisia, oleo, succis & similibus; de qua digestionem supra, *cap. 10.* dictum. Deinde digestio etiam inferuit rei dissolutioni, lentoque calore externo in internum agente, rei vincula, quibus coheret, dissoluuntur, & ad separationes alias res præparatur; vnde & putrefactio & fermentatio digestio nominatur, de qua *cap. 7.* actum. Tandem est digestio, de qua hoc loco agimus, quæ inter reliquas est nobilissima, qua rei iam elaboratæ & præparatæ noua qualitas, & noua quasi forma inducitur, ita vt si quid alieni & vitiosi res obtinet vel contraxit, illud deponat, aut si quid ei deest, illud nanciscatur; summamque omnino perfectionem acquirat; sicut videmus vinum diuturnitate temporis, vt & theriacam, atque alia medicamenta, etsi nihil ab iis amplius separetur, nihilque iis adda-

Dan. Sennerti Tom. I.

tur, reddi præstantiora. Digestione scilicet hac cruda concoquuntur, amara dulcia redduntur, acida & acria temperantur, crassa attenuantur, malignæ qualitates tolluntur. Nonnunquam tamen vna & eadem digestionem separamus inutilia, & rem exaltamus: sed plerumque res iam ante purificatæ digeruntur. Ita & alia medicamenta præparantur, & purgantia etiam cum tincturis corrigentium medicamentorum digeruntur, vt cum illis per minima misceantur, qualitatēque noxias deponant. Agens in hoc opere primum est virtus alteratrix, atque calor insitus ipsi rei. Et propterea vasa in hac operatione exactissime claudenda sunt, ne quis calor aut spiritus, totius huius operationis artifex, exhalet. Calori verò interno, cum fouendo & excitando, inferuit calor externus, qui propterea, si quo alio in opere, hîc blandus, vt spiritus rei insitos saltem excitet, non verò expellat & abigat, perpetuus, & æqualis esse, & propterea accuratissime regi debet. Quapropter & fornax tali calori fouendo conueniens & peculiaris requiritur. Et licet sæpius balneum maris, roris, vel etiam cineres ad digestionem adhibere liceat: tamen si opus, quod tractamus, sit nobilius, & æqualem omnino calorem requirat, accommodatissimum est fornacis genus, quod Athanorem, seu fornacem aut furnum Philosophorum seu Physicorum nominant. Ex hoc fornacum genere est Athanor, quem descripsit Henricus Conradus, de quo supra dictum. Inter antiquiores fornacem Philosophorum seu furnum Physicum descripsit & depinxit Iohan. de Rupescissa, in fine libri *Lucis*, hoc modo. Furnus iste totus (*in tab. 45.*) altus erit pedes tres & dimidium, latus autem sesquipedem. Spatium, in quod cineres per cratē ferream defluant, altum sit pedem vnum. A crate ferrea ad medium vsque spatium altum erit digitos nouem. Altitudine itaque habita duorum pedum minus digitis tribus, collocanda est in medio tabula testacea vel ferrea, in cuius medio foramen rotundum sit, diametrum quatuor digitorum habens, quæ feruor ignis in superiorem partem, vbi operatio fit, ascendere possit. Deinde supra foramen illud tria opercula exemptilia paulò, quàm tabulæ foramen, latiora erunt. Quodlibet verò operculum rotundum foramen habebit diuersum. In primo foramen erit digitorum trium; in secundo duorum; in tertio vnus digiti; vt subinde vno pro altero vti liceat, prout calor ignis maior vel minor requiritur. Spatium, vbi operatio fit, à tabula intermedia ad supremum vsque tegmen, altum erit pedem vnum & tres digitos. In isto autem spatio tabulæ intermedie tripus testaceus aut ferreus directè supra foramen imponitur, qui in superiore parte latus erit digitos tres & medium, altus verò sex digitos, cui vitrum impones. Supra istud spatium, in quo operatio fit, operculum seu tegmen furni testaceum collocabitur in formam dimidiæ sphaeræ, profunditate digitorum sex, quod ad latitudinem furni accommodatum sit. Istud autem tegmen supra in medio rotundum foramen habebit vnus digiti, per quod calor ignis, num vehementior, num remissior sit, explorandus est. Commodius tamen mihi quidem videtur esse, si tabula testacea vel ferrea non in medio foramen habeat, sed innitatur laminis ferreis, ita, ne latera fornacis attingat, sed aliquantulum per latitudinem vnus vel duorum digitorum vndique ab iis distet: vel si tangat quidem latera fornacis; verum in quatuor lateribus foramina reliquantur, quæ suis tabulis perforatis instrui possunt. Sic enim calor ad latera fornacis

Digestio quomodo fiat.

Athanor.

cap. II.

adscendit & æqualiter reflectitur ad medium. In hac tabula, quo libet modo parata, collocetur tripus ferreus, atque in eo statuatur vas dimidium globum referens, ita quidem, ut hic catinus, vel hæc testa vndique, & à parietibus fornacis & ab operculo, & à tabula ferrea vel testacea, distet per tres digitos. In hoc vase iterum tripus ligneus vel fictilis collocetur, supra quem vas vitreum sigillatum. Quo facto, altera pars globi vel vasis fictilis, vel tale, quod respondeat vitro, dimidiato illi globo imponatur, ita ut vitrum in medio conclusum sit. (*in tab. 46.*) Fornax operculo concauo sex digitos alto claudatur & exacte tegatur, consultumque videtur, ut altitudo à tabula ferrea ad operculum respondeat amplitudini seu latitudini fornacis. Supra laminam etiam in latere fornacis foramen relinquendum, ut digito immisso gradum caloris explorare possis; quod epistomio claudendum est. Relinquunt quoque in suprema parte fornacis foramina crassitudine pollicis cum suis epistomiis, quibus apertis vel clausis gradus caloris regi potest. Nam quod alij per laminas seu tabulas perforatas, quibus quantum opus est caloris in fornacem admittunt, præstant, idem per hæc foramina seu ventilia, ut vocant, consequi licet. Vasa huic operi inseruientia sunt vel cucurbitæ duplices (*in tab. 47. 49.*) cucurbitæ cum alembico cæco, vel phiolæ, vel oua philosophica, (*in tab. 48.*) vel ea etiam, quæ in specie circulationi inseruire dicuntur & pelicani nominantur. (*in tab. 50.*) Inter species seu modos digestionis est imprimis Circulatio, quam nonnulli etiam Pelicanationem, à vase, in quo perficitur, nominant. Hac, adhibito externo calore blando,


materia, quæ circulat, continuò forma vaporum attollitur, iterumque condensatur, atque ita per coctionem illam continuam, & circularem hunc resolutionis & condensationis motum, ad summum perfectionis in suo genere gradum pervenit. Vltadius, *cap. 6.* differentiam inter digestionem & circulationem constituit, quod nimirum digestio requirat vasa amplioris orificij, per quod etiam crassior materia immitti possit; cum in circulatione angustius orificium sufficiat, per quod liquor saltem infundi possit: quod in digestionem aliquid separetur; in circulatione nihil: quod in digestionem totum vas tegatur, in circulatione superior pars emineat. Verum ut ex illo ipso, & præcedente capite etiam patet; accipit Vltadius eo loci digestionem pro fermentatione & putrefactione, non pro hac digestionem, quæ ad ultimam rei perfectionem tendit. Adhibetur autem Circulatio iis liquoribus, qui iam ab omnibus fecibus sunt depurati, quorum summa saltem quæritur subtiliatio. Ita spiritus vini iam rectificatus circulatione in optimam, quam quintam nominant, essentiam transire dicitur. Instrumenta autem, in quibus fit circulatio, sunt varia; pelicanus, geranium, & his similia, quæ passim depicta exstant. In hac includitur res circulanda, adhibeturque calor circa vasis fundum & latera, in parte verò superiore aëri frigidiori pater. Atque ita semper à calore sursum aliquis vapor attollitur in altum, & à frigore & vitri densitate coagulatus per canales vel ἀποφύσεις, vel latera descendit, qui motus, cum in orbem seu circulum redeat, dicitur Circulatio.

Vasa ad digestionem commoda.

Circulatio.

TABVLA

TABVLA FIGVRAM PLERORVMQVE [773]
Instrumentorum Chymicorum exhibens.



CAPVT XVI.

De Conditura & Nutritione.

Conditura.

Confectio.

Nutritio.

TAndem non incommode ad hanc classem referri potest Conditura & Nutritio. Condiuntur fructus, flores, radices, non solum vt diutius asseruari possint, sed vt gustui sint suauiores. Condiuntur autem alia melle; alia saccharo, vt fructus & radices pleræque; alia aceto; alia sale, vt cappares. Quis autem modus singula condiendi sit, *seçtione seq.* dicitur. Ad condituram pertinet & Confectio, quam vulgò nominant, qua fructus, radices, semina, aromata, saccharo induuntur, & incrustantur, magis saporis, quam virium augendarum aut conseruandarum gratia. Adhibeturque ad eum finem non solum saccharum vulgare, sed & candum, quod aliquam confectorum parit differentiam. Denique vsitata est pharmacopœis operatio, quam Nutritionem appellant, quod medicamentum liquoris alicuius accessione incrementum aliquod accipiat, à similitudine nutritionis corporum animatorum. Sicut enim quæ comeduntur & bibuntur in corporis nutritionem absumuntur: ita humor cum aliquo sicco mistus absumitur & imbibitur; medicamentum verò liquoris alicuius accessione incrementum accipit. Est nimirum Nutritio medicamentorum quadam humectatio, sed talis, qua res saltem irrigatur, moxque Sole vel igne exsiccatur, iterumque irrigatur & humectatur. Qui labor res, quater, vel toties repetitur, donec medicamentum humoris illius, quem cupimus satis imbiberit. Ita sarcocolla lacte nutrirî solet. Sic aloë aromatum decocto, vel aliquo liquore scopo Medici conueniente, vel rosarum, endiuia, aut alio succo nutritur, id est, aloë pura in liquore vel succo conueniente dissoluitur, postea exsiccatur, idque toties repetitur, donec sufficientem liquoris quantitatem imbiberit. Sic lithargyros si paulatim oleo nutriatur, & pistillo per horam vnâ atque alteram in mortario ducatur, eius tantam copiam imbibit, vt vna vncia plurimum corporis, emplastrumque etiam sine cera conficere, & vnciæ eius quatuor olei lbj. aceti quartaria quinque ad vnguentum componendum imbibe possint. Si verò plurimum olei initio affundatur, mergitur, vt nunquam corpus assequatur. Verum de istis pharmacopœorum operationibus tum alij, tum inprimis Iacob. Syluius, *lib. 2. pharmacopœia.* videatur.



LIBRI V. PARS III.

SECTIO III.

De Formis Medicamentorum.

CAPVT I.

De diuisione Medicamentorum.



ABSOLVTIS & enumeratis plerisque, aut certè præcipuis, & pharmacopœo & Medico cognitu vtilibus operationibus: proximum est, vt iam ad ipsas medicamentorum, quæ illis operationibus perficiuntur, præparationes accedamus. Qua in re, quod in operationibus fecimus, & Chymicas, & vulgares medicamentorum formas coniungemus, vtpote quæ omnes eundem finem spectent, & æquè Medico necessaria sint. Sape enim ij affectus incidunt, in quibus clysteres vel similia medicamenta

non minus sunt necessaria, quam spiritus aliquis, tinctura, extractum, vel simile quid subtilissimè paratum. Recensebimus autem præcipuas magis vsu tritas medicamentorum formas. Etsi enim plurimas alias è metallicis præparationes, quæ passim circumferuntur, non ignoremus: tamen quem nonnullæ in Medicina vsu habeant, & quàm tutò adhiberi possint, non videmus. In diuidendis quoque medicamentis superstitiosi non erimus. Licet enim & hoc non nesciamus, in quas classes nonnulli medicamenta, inprimis chymica, redigant, & vt in aliis Medicinæ partibus, multa nominum portenta; ita & hîc audiamus nominari entia, arcana, mysteria, astra, & nescio quæ alia; nec ignoremus, cum artificibus esse loquendum, neque oportere *πολιτικῶν* in officina disciplinæ: tamen dubitamus, an talia vocabula, quibus nec res, nec præparationes respondent, in vsu trahenda sint, atque ideo, quia Paracelso vel alij cuidam, per febrem somnianti, in mentem venerunt, à nobis vsu comprobati, & pro authenticis haberi debeant. Nam cum voces sint symbola rerum: quomodo monstrosa eiusmodi, temerè conficta, & nihil, aut nescio quid significantia vocabula in rerum cognitionem nos deducere poterunt? Atque vt hæc etiam hîc addamus, diuidunt quidem plerique omnia medicamenta chymica in magisteria & extracta, & Magisteria appellant medicamenta ex toto citra vllam separationem, impuritatibus tantum segregatis, elaborata: Extracta verò, quæ ab elementari concretionem & corporea mole separantur & extrahuntur. Verum an diuisio hæc antiqua probata authoritate nitatur, & aliàs satis commoda sit, dubitari posset. Præterquam enim quod extracti vox nimis latè extenditur: non video, cur appellatio magisterij extracto opponi debeat. Præterea inter magisteria sunt nonnulla, in quibus non minor est segregatio, quàm in quibusdam, quæ ad extracta referuntur, & contra. Exempli loco saltem sit magisterium tartari, in quo maior sit partium separatio, quàm in quibusdam floribus parandis, cum scilicet tota ferè res in flores resoluitur. Ita in destillatione quadam, vt pinguedines, tota ferè in olea abeunt, quæ tamen inter extracta, non magisteria, vulgò referuntur. Sed his, in quibus facillè quemlibet suo sensu abundare permittimus, missis, vtilis medicamentorum differentias peti censemus vel à modo substantiæ; vel à partibus, quibus applicantur. Priori modo considerata, alia sunt vaporosa, vt suffimigia; alia corpulenta. Corpulenta sunt vel fluida, vel consistentiam habent. Fluida sunt varia. Aquæ destillatæ, spiritus, tincturæ liquidæ, Acetum, vinum medicatum, hydromel, oxymel, succi depurati, olea, emulsiones, decocta, infusa, iulebi, syrapi, balnea, clysteres, &c. Quæ consistentiam habent, rursus alia actu adhuc humida sunt, alia planè sicca. Prioris generis sunt, conseruæ, electuaria, eclegmara, rob, extracta, boli, mucilagines, pinguedines, linimenta, balsama, vnguenta, cataplasmata. Quæ actu sicca sunt, alia continua sunt, eorumque partes cohærent, vel non continua sunt. Prioris generis sunt pilulæ, trochisci, rotulæ, morsuli, emplastra, cerata, suppositoria, vitra, reguli, sublimata quadam. Posterioris generis sunt species & pulueres, varij, farinæ, flores, præcipitata. Ratione partium verò, quibus applicantur, dicuntur alia medicamenta esse Interna, alia Externa. Vt autem singula rectius in vsu trahi possint, & tyro sciat, quibus medicamentorum formis intus & extra vtendum sit, retinebimus vulgatam illam diuisionem, & medicamenta diuidemus in interna, & externa: atque his illas à substantiæ modo differentias applicabimus, simulque monstrabimus, quæ medicamenta quibus partibus conueniunt. Interna primò quod attinet, etsi ab aliis quidem ad

Barbara & inepta medicamentorum appellatione fugienda.

Medicamentorum diuisio.

inter

interna referantur, quæ vel in corpus immittuntur, quales sunt clysteres, errhina, & similia, vel intra os assumuntur quidem, sed rursus exspuuntur, ut apophlegmarismi, gargarismi: tamen maioris perspicuitatis gratia saltem ea Interna appellare libet, quæ intra corpus per communem illam & vîratam cibi & potus viam assumuntur; reliqua omnia, siue corpori imponantur, siue eidem illinantur, siue alio modo applicentur, siue per alias, præter os, vias, ut anum, vterum, aures, nares, illi immittantur, externa nominabimus. Internorum medicamentorum formæ sunt variæ, alia sunt fluida, alia non fluida; & quidem hæc rursus duplicia, vel mollia & liquida, vel planè sicca. Fluida sunt, decocta, infusiones, vina medicata, melicratum, mulsum, oxymel, & aqua hordei, succi, destillata aqua, spiritus, tinctura & extracta liquida, olea, syrupi, iulebi, emulsiones. Mollia, sed non fluida sunt; extracta, conserua, condita, succi medicati inspissati, electuaria, eclegmata, boli. Non fluida & planè sicca sunt; pulueres, tragea, sales, croci, flores, præcipitata, confecta, rotula, morsuli, marcipanes, & quæ huc pertinent, trochisci, pilula. Externa verò vel quibusdam corporis partibus immittuntur, vel corporis superficie saltem applicantur & adhibentur, vel etiam saltem appenduntur, ut amulera, periapra. Aluo iniiciuntur & immittuntur glandes & clysteres: vtero clysteres & pessi: peni & vesicæ etiam quidam liquores iniiciuntur: ori adhibentur gargarismi, apophlegmarismi, dentifricia, naribus errhina, ptarmica, odoramenta, suffitus: auribus iniectiones peculiæ: oculis adhibentur collyria. Corporis superficie saltem adhibentur & applicantur olea, ballama, linimenta, vnguenta, cerota, emplastra, cataplasmata, dropaces, sinapismi, phæni-gmi, epithemata, fomenta, sacculi, pulueres, embrochæ, lotiones extremorum, balnea, sinigmata, cauteria. Ex his tamen nunc hæc, nunc illa conueniunt, ut postea, vbi de medicamentorum formis in specie dicetur, maximè patebit. Etsi enim ex modò recensitis internis omnia intus ad corpus seu alterandum, seu purgandum assumi, & quæ intus assumuntur, ad quascunque partes penetrare possint: tamen alia aliis magis conueniunt. Capiti vires suas imperiunt ferè omnia interna, ut Aquæ destillata, & spiritus, olea, extracta, decocta, infusa, syrupi, conserua, condita, confectioes, electuaria, rotula, morsuli, pilula, pulueres. Extra verò capiti applicantur medicamenta forma pulueris, sacculi, & pilei, olei, balsami, linimenti, vnguenti, emplastri, & ceroti, cataplasmatris, oxyrhodini, & epithematis, embrochæ, suffimigij, odoramentorum variorum; sicut & lotiones pedum caput afficiunt. Oculis extra conueniunt Aquæ & collyria, linimenta, fomenta, vnguenta, cataplasmata. Auribus infunduntur instillanturque Aquæ destillata, succi, decocta, olea aliique liquores, & alia medicamenta euaporationis, & suffimigij forma immittuntur; linimentique vnguenti, fomenti, & epithematis, cataplasmatris applicantur. Dentibus conueniunt oris collutiones, linimenta, pilula dentibus cauis indenda, maxillarum inunctiones. Pulueres dentibus affricandi, nec non trochisci & penicilli instar suppositoriorum formati, quibus exsiccatis & induratis dentes fricantur. Ori & faucibus applicantur medicamenta per collutiones & gargarismos, linimenta ex melle, syrupis & succis, linctus & syrupos. Thoraci tum alia interna omnia conueniunt, tum præcipuè Loh, seu linctus, trochisci ac rotula sublinguales, syrupi spissiores, vapores, & fumi cum aère attrahendi. Extra eidem applicantur medicamentu forma olei, linimenti, vnguenti, cataplasmatris, emplastri & cerati, sacculi, fomenti & epithematis. Cordi iisdem ferè modis medicamenta adhibentur, ac præterea odoramenta, quæ spiritus

recreant & reficiunt, vtilia sunt. Ad ventriculum omnibus formis medicamenta interna perferri possunt; cum ipse primum, quæ corpus per os ingrediuntur, excipiat. Extra verò applicantur forma olei, inunctionis, fomenti, linimenti, cataplasmatris, emplastri, fomenti, epithematis, sacculi. Ad hepar omnia interna tandem penetrare possunt. Externa formæ inunctionis, fomenti, linimenti, cataplasmatris, vnguenti, emplastri, sacculi, epithematis applicantur. Eodem modo lieni, renibus, & vesicæ medicamenta adhibentur. Renibus tamen, vesicæ, & vasis spermaticis balnea & inessus quoque inferuiunt: & renibus affectis clysteres iniectiones profunt. Vtero eadem omnia conueniunt, & præterea iniectiones in vterum, pessi, suffitus, & euaporationes, pedum lotiones. Atque hæc medicamentorum formæ iam omnes ordine, quantum compendij ratio patitur, explicandæ sunt.

CAPUT II.

De Decoctis.

Decocta, Græcis ἀποζέματα, medicamenta sunt potulenta, ex plantis earumque partibus, elixatione in aqua, vel alio liquore conueniente parata. Et coquuntur ea saltem, quorum humiditas coctione euocari potest: non tamen facillè. Nam quæ solidissima sunt, ut lapides ac metalla solida, frustra coquuntur: quorum verò virtus in superficie quasi posita est, macerantur potius, quàm coquuntur. Decocta autem etsi cum syrupis videntur habere conuenientiam, in primis si cum melle vel saccharo conficiantur: tamen non parum ab iis differunt. Nam primò etiam sine saccharo ac melle parari possunt decocta; cum syrupi semper cum saccharo vel melle parentur. Deinde etsi aliquid sacchari vel mellis iis addatur: tamen minus id est, quàm in syrupis: vbi enim in decocto ʒj mellis vel sacchari sufficit, ibi in syrupis ʒ viij opus est. Ob id etiam Syrupus Apozemate quidem gustu est suauior; quanquam contra Apozema syrupum non parum efficaciam superet. Neque coctio tam diu continuatur, ut crassiorem illam, quam syrupi habent, consistentiam acquirat. Vnde & syrupi per integrum annum incorrupti asseruari possunt: decocta verò vix ultra septimanam durant, & si diutius asseruentur, situm contrahunt & corrumpuntur. Etsi autem in varios vsus decocta à Medicis parari soleant: omnia tamen non incommodè in duas classes redigi possunt, nimirum in decocta alterantia, & purgantia. Sub alterantibus omnia, quæ aliam, quam purgandi, vim habent, corpusque alterant, complectimur: quæ scilicet calefaciunt, frigefaciunt, humectant, siccant, aperiunt, incidunt, rarefaciunt, incrassant, adstringunt, laxant, repellunt, detergant, menses mouent vel cohibent: sudores, vrinam mouent, vel aliis modis corpora & humores mutant, siue exhibeantur propter se, siue ob subsequendam purgationem, quæ decocta tum præparantia & digestiua ac aperientia appellantur. Materia verò decoquenda sumitur vel ex ordine vegetabilium, & quidem ut plurimum, in quo sunt variæ stirpium partes; radices, ligna, cortices, folia siue herbæ, (sub quibus etiam surculi & frondes comprehenduntur) semina, fructus, flores; raro resina, gummi aut succi concreti: vel ex ordine animalium, quod tamen raro accidit, ut sunt ossa, cornua, atque alia eorundem partes, quæcunque scilicet coctioni vim medicam de se fundere possunt: vel ex ordine Mineralium (qualis est limatura chalybis) sed & hoc satis infrequens, quia pleraque horum aut ad decoquendum minus sunt apta, aut ut intra corpus

Ventriculo.

Hepati.

Lieni, Renibus, vesicæ.

Vtero.

Decocta.

Decoctorum differentia.

Modus par-
vandi deco-
cta

Ordo coctio-
nis.

Liquores ad
decocta.

Liquoris ad
decocta
quantitas.

sumantur in idonca. Quantitatem autem materiae decoquendae quod attinet, si uniuersae materiae decoquendae pondus assignandum, incipit id ab ℥j vel ℥ij fere & ascendit interdum ad ℔ss. imò nonnunquam ad ℔j. ℔jss vel ℔ij. Dosis autem singularum specierum quod attinet, parantur decocta *radic. & cortic.* ℥ij. ℥iij. ℥iiij. *folior.* M. iij. iiij. v. vel vj. *semin.* ℥iij. iiij. v. vj. Maiorum puta: minorum, verò ℥ss ℥j. ℥ij. *fruct.* num. j. ij. iij. par. v. vj. *flor.* par. iij. vel v. (Man. vni ℥ss. 3v. vel 3vj; pugillo 3ij vel 3iij respondent. Plantae enim, non solum ut aridiores vel humidiores, sed & sua natura aliae aliis ponderosiores sunt.) In ipsa verò coctione obseruanda praeparatio materiae coquendae, & decoctionis modus. Primò enim si materia sit nimis crassa, aut densa, prius est incidenda, aut leniter contundenda, vel etiam limanda, aut radenda, ut in Guaiaco fieri solet. Vnde vsitata formula: Concidenda concidantur. Præterea & hoc obseruandum, ut si ex calefacientibus, & siccantibus paretur decoctum, plantae prius leniter in umbra siccentur. Si verò ad refrigerandum & humectandum paretur decoctum, praestat plantas non exsiccatas coquere. In decoctionis modo ordo in iniiciendis iis, quae coqui debent, ignis atque instrumenta, & liquor, in quo coctio fit, & tempus attendi debet. Ordo coctionis is obseruandus, ut non omnia simul iniiciantur; sed radices, cortices, ligna, quae solidiora & inodora fuerint, primò iniicere oportet; hinc folia & semina, tandem flores, aromata, atque omnia ea, quae sunt odoratoria, vimque suam in tenui, & quae diuturniore coctione dissipari possit, substantia sicam habent, quorum aliqua sub finem decoctionis iniicere, & semel atque iterum ebullire sufficit; cum, si diutius coquantur, omnem vim amittant. Non tamen, nisi aperto vase, hoc obseruari potest. Si verò coctio in vase clauso fiat, non adedò multum refert, omnia simul iniicere, & si quae sunt coctu difficiliora, ea primò sola aliquandiu macerari possunt. Ignis sit clarus, & æquabilis. Lentus quidem, ubi virtus facile euocatur: fortior verò, ubi diuturniore coctione opus est. Perficitur autem vulgò coctio à pharmacopœis igne aperto, & vase aperto. Liquor, in quo fit coctio, is adhibetur, qui intentioni Medici seruiat, aqua simplex destillata, interdum hordei, chalybeata, serum lactis, hydromel, interdum vinum sumitur (rarò cereuisia) vel additur, interdum aliquid aceri affunditur, ut humores viscosi & crassi efficacius per acetum incidantur, ac medicamentum rectius penetraret: nonnunquam radices solum ante coctionem in aceto macerantur. Aquae tamen stillatitiae ad decoquendum non magna cum vtilitate, maiore verò sumptu vsurpantur; nisi decoctio fiat vase clauso: Siquidem tam longa coctione omnes earum vires expirant. Liquoris quantitas sit ea, quae ad decoctionem sufficiat, & trium vel quatuor digitorum latitudine medicamenti superemineat: quae plerumque pharmacopœi iudicio relinquitur. Si tamen ut à Medico definienda est analogia liquoris ad medicamenta, est ea fere quadrupla, sextupla, vel octupla, prout herbae succulentae vel aridae sunt, solidae vel rae; & plus vel minus liquoris imbibunt; parum vel diu coqui debent. Nam quaedam sunt solida & dura, ut ligna & cortices, quae plus liquoris, octuplum praeter propter requirunt: alia rara & tenuia, ut flores & aromata, quibus coquendis etiam quadruplum liquoris sufficere potest: alia medio modo se habent, ut semina, folia, quibus coquendis sextuplum liquoris satis est: nonnullis, quae multum humoris imbibunt, etiam octuplum vel decuplum vel duodecuplum liquoris affundendum. Sic quoque quae valde amara, acria, aut aliàs ingrata, plus liquoris exposcunt, quam quae contra se

habent. Nonnunquam ante coctionem medicamenta aliquandiu macerantur: nonnunquam & cum decocto aliquandiu stant, antequam colantur. Decoquantur verò ad dimidia vel tertia, vel etiam quarta tantum partis, liquoris scilicet consumptionem, vel etiam tertiae partis remanentiam, prout medicamenta Medicique scopus id requirunt. Quorum enim virtus facilius euanesceat & in tenui atque dissipabili est substantia, breuiore tempore sunt coquenda, quae verò in crassiore est materia, non nisi coctione longiore educi potest. Decoctum colatur cum, vel sine expressione, prout partibus saltem tenuioribus, vel etiam crassioribus & altius reconditis opus est. Decocti colati ℥iij. ℥iiij. vel ℥v. adduntur sacchari, quod frequenter vsurpatur, vel mellis 3vj vel 3j. aut conuenientis syrupi in singulas doses ℥j vel ℥iij. quod vsitatissimum, vel mellis rosati colati, aut anthosati. Nonnunquam succi herbarum idonei, ut borrag. fumar. vel aliorum, aut fructuum, ut granatorum, pomorum, berber. ribes, limonum: saepe & liquores alij, ut aqua vitae, Spir. vitriol. sulph. salis aliquot guttae adduntur. Ex his verò aliquando vnum tantum apozemati additur; saepius verò plura, ut plures syrupi, vel succi & syrupi, vel succi & saccharum. Quando succi adhibentur, plerumque ipsis iungitur saccharum vel syrupus, ut apozema dulcorem inde concipiat. Interdum ut haec edulcorantia exquisitius cum liquore decoctionis permisceantur, aut ut eadem omnimodo dissoluantur, si praesertim saccharum fuerit adiectum, ad lentum ignem vna vel altera liquoris ebullitio instituitur. Plus autem quam ℔j vel ℔jss decocti vna vice vix paratur: cum si plus eius paretur, facile corrumpatur, antequam ab agro exhaustum sit. Si libet, adiecto oui albumine, saccharum & mel, imò etiam decoctum clarificetur. Ita enim feces crassiores innatantes albuminis spumae sese commiscunt, quae postea cochleari auferenda. Interdum vel saporis, vel odoris, vel alterius virtutis acquirendae gratia aromatizatur decoctum: nimirum vel sub finem decoctionis aromatum in puluerem redactorum vel specierum aromaticarum affectui accommodatarum 3ss vel 3ij in singulas libras in petia rara in decocto suspenduntur, & crebrò exprimuntur; vel mox ab igne remoto decocto adhuc seruent concisa & contusa crassius iniiciuntur, & postquam bene tecto vase aliquandiu simul steterint, iterum colantur. Moschi etiam & ambræ, si libet, granum vnum atque alterum; vel aquae cinnomi drachma vna atque altera addi potest. Si vinum vel acetum necessarium sit, commodius post coctionem, vel sub finem decoctionis tandem adduntur. Exhibentur plerumque tempore matutino, vel etiam vespertino, duabus aut tribus videlicet ante prandium & cenam horis, ieiuno stomacho, prius calefacti vna vice decocti ℥iij. ℥iiij. 3v. Idque fit saepe per dies 2. 3. 4. aut 5. continuos; atque vel semel tantum in die, vel etiam bis. Si in plures doses decocta parentur, in loco frigido & subterraneo asseruentur. Ultra tamen septimanam vix durant, hyeme scilicet. Vere enim & autumnò per dies 4. aut 5. Aestate verò & magno Solis aestu plerumque alternis renouanda sunt diebus. Talia in communem vsum parata & in pharmacopoliis ac in dispensatoriis descripta habentur decocta, florum & fructuum, Decoctum pectorale, Decoctum aperiens maius & minus: quae tum sola, tum ad syrupos & alia medicamenta diluenda vsurpari possunt.

Exempli loco sint haec.

℥. ficum, iuiubar. an. n. x. sebesten n. xxx. passul. enucleat. 3x. hyssopi, violar. siccat. sem. althae, cydonior an. 3v. Coq. in ℔ iij. aqua. F. potio, quam Rhales, de ar. tid. c. 34. describit, & decoctionem hyssopi minorem ad tussim cū caliditate & asperitate pectoris nominat.

Aliud.

Aliud. ℥. ficum. dactylor. an. no. x. s. angr. 3℥. radic. glycyrrh. 3x. capill. vener. 3 vij. radic. apij. fœniculi, urtica an. 3 v. hyssopi sicca 3x. calamintha, ireos, prassij an. 3v. Coquantur. F. potus, quem Rhases, eodem loco, describit, & decoctionem maiorem hyssopi ad tussim plurimæ humiditatis, dyspnœam, & saniem ac humorem in pectore nominat. Talia in varios vsus decocta passim exstant. Vnum atque alterum exempli loco addemus.

Apozema Refrigerans.

℥. an. herb. acetos. lactuc. endiuidia M. j. capill. ven. p. j. Sem. 4. frig. maior. an. 3ij. prunor. Damascen. num. vj. flor. violar. cichor. rosar. borrag. an. P. ij. F. omnium decoctio in f. q. decocti hordei simpl. Colat. ℥. lbj. in qua dissolue Syrup de succo endiuidia 3℥. violar. f. 3j. vini granat. acid. 3ij. F. Apozema clarific. & aromat. cum. sp. Diatr. santal. 3j. M. pro 4. dosibus.

Decoctum Aperiens.

℥. Rad. s. aperit. aceto prepar an. 3ij. glycyrrh. 3ij. herb betonica agrimon. adiant. an. M. j. Semin. anis. fœnicul. an. 3ij. passular. mundat. 3℥. flor. betonic. salvia, cichor. an. p. j. F. Decoctio in aquæ simpl. f. q. sub finem decoctionis add. vini albi lbj. In Colat. dissolu. Syrup. adiant. Fernel. de 2. radicib. an. 3ij. Spirit. Vitrioli 3℥. M.

Decoctum ad caliditatem Hepatis.

℥. Rad. Cichor. virid. 3ij. Rosar. rubr. exiccat. M. j. Coqu. in vase clauso in Aqua violar. fragor. endiu. an. lbj. portulac. lbj. deinde fiat expressio, add.

Sacchar. albi 3 v. vel lbj. Succ. berber. 3 ij. acetosa. citri, an. 3℥. iterum bulliant parum, clarificentur, & per pannum colentur. Dosis 3 iij. vel v.

Decoctum Cornu Cerui.

℥. C. C. ras. 3ij. prepar. 3 ij. Aqu. fontan. lbj. B.

Coqu. ad tertias, Add rad. Scorzon. 3℥. Sem. & cortic. citri. an. 3 ℥. Santal. citrin. 3 j. Affunde Aqu. scord. 3 v. Ebulliant semel atque iterum, tum adde succi limon. 3 ℥. Syrup. de limon. 3 ℥. M.

Verum circa decoctorum præparationem quædam notanda videntur. Primò enim istud obleruandum, etsi interdum ob varios scopos simul concurrentes utile sit plura medicamenta simplicia, & quidam aliquot vnciarum pondere sumere, & quædam ex radicibus, quædam ex foliis, quædam ex seminibus, floribus, fructibus ad vnum decoctum, si præsertim ad aliquot doses sufficere debeat, (vulgò decoctum longum appellatur) petere liceat: tamen non rarò hîc à nonnullis peccari, qui dum vel vnum haustum parant, & vix 3 iij. vel 3 iij. decocti opus habent, muneris suo se satisfecisse non putant, nisi ex omnium vegetabilium partibus, ex radicibus, corticibus, foliis, seminibus, floribus, fructibus aliquid recipiant, & plurium vnciarum pondere medicamenta, è quibus forsân tres vel quatuor doses parari poterant, coaceruent: cum sæpe vnius radicis, vel foliorum 3℥. vel 3j. sufficere poterat. Accedit & hoc, quòd tot rerum confusione & coaceruatione decocta illa nauseabunda atque insuauia redduntur, ventriculumque subuerrunt, & appetitum deiiciunt, & sæpe plus incommodi, quàm commodi afferunt. Itaque antiqui Medici, non quòd nò plures plantæ ipsis notæ essent, sed quòd nò pluribus opus esse putarent, pauca quædam è magna plantarum sylua selegerunt, quæ vsui essent conuenientia, & naturæ insuauitate non essent molesta, & vbi hodie forsân nonnulli decem vel plures plantas ad humorum præparationem in vno decocto miscent, illi hyssopi tantum nonnihil, aut origani, aut tragorigani, aut thymi, aut pulegij melicrato, vt tum ex aliis locis, tum 1. aph. 24. videre est, incoquebant, minore cum nausea, & non minore cum

fructu. Quos & hodie non pauci præstantissimi Medici imitantur, qui decocta simplicissima, non minus tamen illis, in quibus temerè multa coaceruata sunt, efficacia parant. Ita Crato, in cons. 137. in renum & calculi obstructione decoctum tale parat:

℥. Passul. maior. radic. althææ. an. 3 ℥. veronica p. j. Coq. in f. q. q. aq.

Colat. ℥. 3 iij. Adde mellis puri, buryri rec. an. 3℥. M.

Et Consilio 152.

℥. Radic. althææ 3ij. passul. magn. 3 iij. herbar. veronica; hederæ terrest. an. p. j. Coq. in f. q. aq. & detur haustus cum saccharo. Deinde circa clarificationem norant recentiores, vulgatam illam clarificationem non sufficere, partesque feculentas ita cum liquore misceri & confundi, vt albumine ovi separari non queant, ob quas & decocta facilius corrumpuntur, ægrorumque corpora non parum offenduntur. Id vt euitetur, ac decocta & puriora, & efficaciora, & durabiliora, & grata ac tutiora reddantur, colaturam in B. M. tepido horis 24. digerendam esse censent, donec feces crassæ in fundo subsideant, quæ inclinatione vasis à clariore liquore separandæ sunt: idque etiam altera vel tertia vice, si occasio ferat, repetendum esse, demumque liquorem clarum saccharo diluendum monent. Quod etsi operosius esse videatur: nihil tamen tam laboriosum esse potest, quod non humanæ sanitatis causa suscipiendum sit. Tertiò & hoc non prætereundum, si eorum, quæ coquuntur, vis coctione facile euanesceat & dissipari possit: non consultum esse, ea vase aperto ad ignem patentem coquere: sed rectius fieri, si in diplomate seu vase duplici, vt appellant, vase clauso, qualicunque etiam, in cacabum aqua calente plenum seu B. M. imposito, coquantur. Ita enim nihil virium amittitur. Aut si aperto igne coctio perficiatur, alembicus cæcus vasi, in quo coctio fit (quod facile tale, & in formam cucurbitæ parari potest, vt alembicum excipiat) imponatur; vel si rostratus sit, vas recipiens aptetur, & liquor, qui exstillat, decocto colato admisceatur. Quod idem etiam in cucurbita vitrea perfici potest. Atque ita vna opera decoctum & destillatum, quod omnem vim simplicium continet, parari potest. Exempli gratia.

℥. Cortic. tamarisci, radic. cappar. polypodij, an. 3℥. armoracia 3ij. Chamædryos, Chamæpityos ana M. j. Nasturtij Aquatici, Bekabungæ, Fumariæ ana M. ij. Trochisc. de lacca, de capparibus, ana 3℥.

Affundatur feri lactis caprini, vini albi ana q. f. Destillantur f. a. Colaturæ clarificatæ ita, vt supra dictum, destillatum admisceatur. F. potus aperiens in scorbuto & cognatis affectibus. Ad hanc classem medicamentorū pertinent, atque inter ea celebria sunt, decoctum ligni guaiaci, sassafras, radic. sarsaparillæ, chinæ, quorum descriptiones passim exstant. Hoc tantum circa eorum apparatus nonnulli monent, rectius fieri, si in vase clauso in B. M. parentur. Ita enim efficaciora reddi talia decocta, nihilque virium amittere, & minorem aquæ vel liquoris quantitatem ad coquendum sufficere. Ad decocta quoque pertinent iura Iestaurantia dicta, quæ, vbi vires languent, nec tamen ventriculus solidis cibis concoquendis par est, exhibentur. Sunt autem trium generum, primò est ius consummatum, ita dictum, quod perfectum sit & ad nutriendum aptissimum. Paratur autem vt vulgaria iuscula, nisi quod coctio diutius continetur & tamdiu, vt sexta, octaua vel etiam decima pars tantum restet. Sumitur nimirum capo vel gallina, & mundata vel dissecta inditur in ollam, quæ capit sextarios circiter septem: Addi potest etiam aliquid carnis vitulinæ vel capreoli: imò aromata etiam, prout libet vel opus est, & decoctio instituitur, vt dictum, ad sextæ, septimæ, vel decimæ etiam par

Decoctum in renum dolore & calculo.

Clarificatio.

Coctio in vase duplici.

Decoctum ligni guaiaci, sassafras, &c.

Iura instaurantia.

Ius consummatum.

Gelatina
carnis.

partis remanentiam. Ius colatum & à pinguedine separatum maximam nutriendi vim habet. Deinde est Gelatina dicta. Gelatina equidem est edulij genus, quod ex pedibus suillis, vitulinis, vel etiam ex lupo pisce paratur, atque gelu alicuius ritu coit & coagulari, unde & nomen habet. Quia autem hæc iuscula eodem modo, in frigore coagulantur vel congelantur, idem etiam nomen acceperunt. Parantur autem hoc modo. Recipitur gallina pinguis, vel capo deplumatus, atque exenteratus, conciditur, & in vase clauso in balneo seu vase duplici, sine aqua donec carnes planè mollescant, concoquuntur, succusque inde exprimitur, à quo ubi refrigeratus fuerit, supernatans pinguedo separatur, qui magnam vim alendi habet. Interdum tamen aliquid vini, sed parum additur. Nonnulli succi expressi seu iusculi huius singulis libris addunt vini albi optimi ℥iij. sacchari ℥ij. croci, ʒβ. cinam. ʒj. Et mista hæc feruere sinunt, donec saccharum sit dissolutum. Tum colant & bene clausum seruant. Nonnulli inter coquendum aurum & alia addunt: sed ex iis nihil virium in ius transire potest. Nonnulli etiam folia borraginis, acetosæ, & similibus plantarum addunt: sed ista iuscula ingrata reddunt, & ægris nauseam pariunt. Adduntur ab aliis alia, aquæ destillatæ, succi cardiaci, aurant. citri, limonum, acetum, aut similes liquores, conseruæ, condita aut confectiones aliæ, vel etiam species corroborantes officinales. De quibus omnibus obseruandum, ne ingratum saporem habeant, & ægro nauseam pariant. Vnam atque alteram formulam addere libet.

℞. Caponem, qui stranguletur, deplumetur, exenteretur, vino albo lauatur, & in partes minutas incidatur, cui adde carnis vitulinæ similiter lotæ & incisæ lb iij. Atque rosar. fragrantiss. Vini albi Rhen. an. ℥iij. Coq. f. a. in diplomate per horas 8. vase probe cooperto, ne quid expiret, Liquori percolato & fortiter expresso add. Sacchar. albi ℥iij. Cinamomi el. ruditer fracti ʒvj. macis ʒβ. Croci orient. contusi ʒβ. Iterum modicè coq. & f. f. a. congelatum. Ut maiorem consistentiam Gelatina acquirat, prædictis carnibus addi potest aliquid glutinosæ ac nervosæ carnis pedum vitulinorum seu veruicellorum.

Vel ℞. gallinam, stranguletur, plumis suis exuatur, euisceretur, bono vino albo abluatur, ac in partes minutas scindatur, deinde add. carnis vitulinæ similiter cum vino lotæ & incisæ lb j. vini albi Rhen. ℥vj. Cinamomi el. fracti ℥iij. Macis ʒij. Croci orient. ʒβ. Sacch. albi ℥iij. pulp. pomor. Citri demptis corticib. & nucleis num. ij. Omnia probe mista indantur vasi vitreo, & in MB. per horas 8. Coq. ad omnimodam carnis dissolutionem, deinde f. a. colentur & F. congelatum.

℞. perdicem solam, vel cum parte aliqua carnis vitulinæ, in minutissimas partes conscinde, & ossa in mortario conquassata in vas aptum vitreum, vel stanneum, cum paucis Cinamomo, & si libet, croco inde, vas exactè claudere, & in catinum aqua feruente plenum pone, ignem continua, vt per 3. horas bulliat aqua, in qua phiola posita est. Hinc carnem exime, cum liquore vnà exprime. Liquor, qui optimi est saporis & odoris, statim congelatur, carne dura & insipida existente. Dosis cochl. j. vel per se, vel cum iusculo alio. Tertio est contusum, quod præparatur, ubi carnes prius coctæ vel etiam tostæ in mortario contunduntur eousque, vt addito iure liquefcere possint, postea colantur. Sumuntur autem vel capi, vel gallinæ, vel phasiani carnes teneriores, quæ sunt circa pectus, vel etiam integrum gallinæ corpus prius mundatum sumitur.

Vel ℞. Pectus capi, vel in huius defectu gallinæ non prorsus coctæ, contunde in mortario lapideo,

diligenter & bene contusis add. amygd. dulc. in aq. Rosar. vel violar. maceratarum num. iij. sacchar. purissimi q. s. contund. omnia iterum simul, contusa dilue, iusculo eiudem capi vel gallinæ, demtâ prius pinguedine, iterum lente ferueant ad arduos carbonos, bene semper agitando. Cum adest febris, aliquid oxalidis addatur. De hisce tamen omnibus notandum, quia carnes & iuscula hoc modo parata in ventriculo facile corrumpuntur & inflammantur, ad id prohibendum mica panis addenda est. Pertinent huc & iuscula alterantia simpliciter dicta, quæ ad alterandas partes aut humores maximè faciunt, ac simul alterant & nutriunt, atque ex variis vegetabilium partibus, vt radicibus, herbis, seminibus, fructibus, floribus (ex quibus maximè eligenda, quæ sapore & odore ingrato minus se produnt, ne iusculi liquor ægro nauseam pariat) cum iure gallinæ, capi, carnis butulæ decoctis parantur, quibus postmodum, si morbus ferat, inspergi solent aromata, quibus alia iuscula condiuntur, vt Cinamomum, nux moschata, macis, piper, zingiber. lisdem etiam, rarius tamen, affunduntur succi grati, vt aurantior. citri, limonum, aut etiam saccharum additur. Pertinent denique & huc decocta galli, quæ vel alterantia sunt, vel purgantia, vel alterantia & purgantia simul quæ passim apud praticos occurrunt.

Decocta Purgantia.

A decoctis reliquis decocta purgantia non differunt, nisi materia: quod scilicet purgantibus decoctis medicamenta simplicia purgantia admiscuntur. Parandi modus idem est. Recipitur purgans simplex, & quidem vel vnum vel plura, prout, vnum vel plures simul humores purgare animus est, arida plerumque & decoqui consueta, eo pondere, quo ad vnam, vel plures, si portionem plures doses continentem præscribere animus est, doses sufficere possunt, siue sint tres, siue quatuor, siue plures; modo decocto nulla alia purgantia post coctionem addantur. Hoc enim si fieri velis, tantum purgantibus decoquendis demendum, quantum decocto facultatis cathartice ab his accedit. Quia verò medicamentis catharticis per decoctionem multum virium decedere solet, vel quia non parum inter coquendum de virtute eorundem cathartica in auras abit, vel quia non omnis coctione satis extrahitur, in maiori ea quantitate, quam si in substantia dantur, præscribenda. Et quidem horum validiora ferè pondere duplo, ac dantur in substantia; triplo verò vel etiam quadruplo mediocria & minus vehementia. Ab hac tamen regula excluduntur, quæ mollia & viscida sunt, vt tamarindi. Etsi enim hi decoqui deberent ad ℥viij. proportionem scilicet quadrupla, quia dantur in substantia ad ℥ij: tamen in decocto etiam dosis hæc vix transcenditur, imò ad illam rarissimè ascenditur. In maiori enim quantitate & copia decocto additi tamarindi illud admodum crassum redderent. Sic etiam Myrobalani propter earum adstrictionem ultra ʒβ vel ʒvj in vnum decoctum vix præscribuntur, etsi hac ratione non purgent. His alia adduntur, quæ vel malignitatem, & noxias purgantis qualitates obrundere & corrigere vel damna, quæ ex cathartorum usu naturæ euenire possunt, prohibere possunt, vel quæ segniores medicamenti vim augere atque acuire seu ad actum magis celerem extimulare vel etiam nimis citam & efferam refrenare valent, vel quæ partem aliquam priuatam respiciant, medicamentumque purgans eo quasi ducunt & dirigunt. Omnibus affunditur sufficiens quantitas liquoris, quæ & pro medicamenti decoquendis sufficere, & decocti ℥iij vel ℥iij. pro vna dosi suppeditare possit; & quo dictum modo, decoquuntur. Decoctum colatur. Colato ad

saporis

Decocta
purgantia
di modumGelatina
perdicis.

saporis gratiam aromata vel species aromaticæ adduntur, syrupique alicuius instituto accommodati 3℔. vel 3i.

Vt 4℔. fol. sene el. 3.vj. flor. borrag. buglof. violar. an. p.j. zingib. 3.j. galanga 3.℔. Coq. in iuris prunorum s.q. pro 3.iiij. vel 3.v.

Aliud 4℔. fol. sene. 3.j. zingib. galanga, cinam. an. 3.℔. passul. 3.vj. Coq. in s. q. aq. f. Colaturæ 4℔. 3.iiij. Adde syr. borrag. violar. an. 3.iiij. M.

Decoctum Cratonis mixtos euacuans humores.

4℔. Passular. 3.℔. galanga incisa 3.j. sene. 3. vj. flor. borrag. violar. an. 3.j. fol. sene 3.vj.

Horum decoctio & infusio stet per noctem, & manè rursus ebulliat & fortiter exprimatur.

Post 4℔. Express. 3.iiij. syrup. rosar. lax. mann. 3.j. syr. conseru. zingib. 3.j. Aq. cinamon. cochl. 3.℔. M. F. Potus.

Vel 4℔. rad. polypod. q. 3℔. rhabarb. monach. 3ij. fumarie p.j. fol. sene 3vj. fl. borrag. buglof. sambuci an. p.j. galanga 3℔. passul. 3℔. Coq. in Aq. f. Colat. 4℔. 3.iiij. Adde syr. de foliis sene 3j. M.

Sæpè aliquid purgantium decocto additur, vt syrupus & mel rosarum & violarum solutium, cassia item, manna, quæ in decocto dissoluitur, iterumque colatur. Manna enim cum interdum sordes quasdam secum habeat, vel etiam adulterari soleat, si dissoluatur, atque iterum coletur, sordes illas atque aliena admista deponit & tutius vsurpatur.

4℔. Rhabarb. opt. 3j. cinam 3℔. spica gr. vij. Coq. lento igne in s. q. aq. f. Colaturæ 4℔. 3.iiij. In qua dissolue manna el. 3i. iterum coletur, vel pro manna syr. rosar. solut. 3℔. F. haustus.

4℔. Hordei. p.i. prunorum, num. vi. tamarindor. 3℔. flor. cordial. an p.i. fol. sene el. 3ii. Coq. in s. q. aq. f. Colaturæ 4℔. 3.iiij. In iis dissolue manna opt. 3i. iterum coletur. Adde syr. rosar. sol. vel diasereos. 3℔. M.

Nonnunquam electuaria purgantia admiscuntur, & in decocto dissoluuntur. In quorum purgantium omnium admistione id attendendum, vt cum simplicibus, quæ cocta fuere, vnam dosin constituent.

4℔. Rhabarb. opt. 3i. fol. sene 3iii. flor. cordial. an p.i. zingib. cinam an. 3. Coq. in s. q. aq. f. Colaturæ 4℔. 3.iiij. Adde elect. diacatholici 3.ii. M.

Quia verò decocta ex electuariorum admistione crassiora euadunt: non inutile est, si decoctum in quo electuarius diligenter dissolutum est, iterum coletur, & præterea etiam clarificetur. Ita enim crassiores partes separantur, & decoctum clarius redditur. Verum quia tum aliquid de electuarii purgantis substantia subtrahitur & abiicitur: paulò maiore, quàm si sine colatura & clarificatione adhiberetur, proportionem, & ferè dimidia parte aucta admisceri debet.

4℔. decocti communis, vel alterius conuenientis. 3.iiij.℔. in quo ebulliant agarici rec. trochisc. 3℔. turbit. 3℔. In Colaturæ 3.iiij. dissolue super igne elect. diaphenic. diacathol. an. 3.ii. Colentur: adde mell. ros. sol. 3i. aq. cinam. 3℔. M. Est cum & puluerum purgantium aliquid decocto vel liquori additur.

4℔. rhabarb. opt. 3.iiij. cinam. 3i. Schœnanthi gr. iiiij. Coq. in s. q. aq. endiuiz. Colaturæ 4℔. 3.iiij. in quibus dissolu. manna opt. 3i. rhabarb. opt. puluerisati 3℔. syr. endiu. 3℔. M. Vel extracti purgantis aliqua portio in eo dissoluitur.

4℔. Rhabarb. opt. 3.iiij. agarici trochisc. 3i. cinam. 3℔. zingib. gr. vi Leniter coq. in s. q. aq. f. Colaturæ 4℔. 3.iiij. in qua dissolu. mell. rosar. sol. 3i. extract. mechoacan. 3℔. M.

Sæpissime tandem Decoctiones parantur è purgantibus & alterantibus simul: de quarum apparatu nihil peculiare præcipere opus est, cum idè sit planè modus, qui modò in decoctis alterantibus & purgantibus expositus est.

Dan. Sennertii Tom. I.

4℔. Passul. minor. 3v. flor. borrag. violar. an. p.i. ceterach, epithymi, an. 3.iiij. fol. sene el. 3vi. Coq. in s. q. aq. puræ. Colaturæ 4℔. 3.iiij. Adde syr. rosar. vel viol. sol. 3i. manna el. Drach. vi. syr. conseruat. zingib. parum. M.

Crato in quartana.

Aliud 4℔. rad. lapathi acut. cichorij an. 3℔. glycyrrh. Decoctum 3.ii. herbar. fumarie M.ii. lupuli, endiuia, ceterach. an. M. in scabie. i. Sem. 4. frig. maior. an. 3. i. minor. an. 3. i. polypod. quern. passul. an. 3vi. epithymi. 3. x. fol. sene 3.iiij. Coq. in 3.iiij. feri lactis caprini ad medietatem. Colatura dulcoretur cum saccharo; & aromatizetur spec. diarrhod. abb. Drach. i. Detur manè haustus vnus.

Pertinent huc etiam decocta vomitoria. Parantur ea ex vegetabilium partibus, radic. cortic. herbis, seminibus, floribus, quæ videlicet vi emetica sunt prædita, ex quibus vnum vel plura præscribuntur, quibus & alterantia, vomitum vel adiuuantia, vel aliàs scopo præsentis inseruientia addi possunt, ac decoqu. in s. q. liquoris alicuius, qualis est aqua simplex vel hordei, hydromel tenue & aquosum, iusculum pingue, ad tertiam vel dimidiam partis consumptionem, & colantur. Colaturæ non rarò quadam addi solent, quæ vel vomitum ciendi facultate sunt prædita, vt puluis aut succus, aut aqua quadam emetica; vel solummodò ad faciliorem humoris per vomitum excernendi motum faciunt. Eaque sunt oleaginosa, vel attenuantia, & detergentia, vt oxymel. simpl. scillit. syrup. acetos. f. aut comp. Exempli gratiâ.

4℔. Rad. raphan. 3i. asari. 3i. agaric. 3i. F. decoctio in oxymelite ad 3vi. Rondelet.

Vel 4℔. Fl. anethi, atrip. an. M. i. Sem. raphan. 3i. rapiz. 3℔. Rad. beton. 3℔. hyssop. M. 3℔. Coqu. in suff. quant. aquæ ad tert. deinde colentur. Colat. 4℔. 3.iiij. oxymel. simpl. 3℔. M. Fuchf.

[Antiqui multa vtilia vomitoria præscripserunt. Habent & sua Chymici. Hodie etiam Nicotiana ad vomitum ciendum vtuntur; & efficax vomitorium suppeditat robustioribus decoctum Nicotianæ 3.iiij. pondere, mistum olei amygd. dulc. 3i.]

Pertinent huc etiam decocta sudorifera & diuretica, quorum passim exempla extant. Decoctorum variaz formulæ videantur apud Vveck. antid. l. 2. sect. 7. Vid. Vidium, de medic. lib. 7. cap. 3. Ios. Quercetanium, Pharmacop. rest. lib. 1. cap. 8. Quamuis enim, vt hoc obiter addam, paucorum medicamentorum, quæ describit, ipse author sit, sed pleraque ab aliis, præcipuè Germanis Medicis accepit, quod ipse in præfat. non diffiteretur: tamen quod vtilia medicamenta non pauca collegit & publici iuris fecit, vel hoc nomine gratias meretur.

CAPVT III.

De infuso & aliis potionibus purgantibus.

Cognata valde decoctis sunt infusa, atque eo saltem à decoctis simpliciter ita dictis differunt, quòd illa mox sola elixatione sine præcedente maceratione parari solent: hæc autem dicuntur, quando medicamenta aliquandiu prius in conueniente liquore macerantur, vt vires suas in eum deponant. Et si verò infusa ex cuiuscunque generis medicamentis parari possint: ex alterantibus puta menses moventibus, vrinam cientibus, sudoriferis, alexipharmacis, sicut tales formulæ passim exstant: tamen frequentissimè in purgantibus infusio à Medicis vsurpatur, & de infusis ac dilutis, vt nonnulli appellant, purgan-

V V V

Infusa parantur
di r. 119.

purgantibus hic sermo præcipue est. Parantur autem hoc modo. Recipiuntur medicamenta purgantia simplicia pondere aliquantulum maiore, quam si in substantia exhiberentur, proportionem scilicet sesquialtera vel dupla, cum suis corrigentibus & dirigentibus etiam in debita quantitate. Coniiciuntur hæc (interdum in nodulum vel sacculum ex linteo raro conclusa,) in liquorem scopo Medici convenientem, aquam scilicet simplicem & sæpe quidem feruentem, destillatam, serum lactis, iusculum carnis, hydromel, oxymel, vinum. Chymici hodie, ut extractio fiat facilius, menstruo aliquot guttas Spir. sal. vel sulph. vel olei tartar. per deliquiū facti addunt. Vtilis vero in primis est Ros maialis ad infusa paranda. Liqueoris quantitas tanta sit, quæ maceranda operiat, iisque aliquantum emineat. Infusa hoc modo horis 6, 12, 24, in loco tepido vase clauso macerantur; tamdiu scilicet, donec liquor omnem vim extraxerit, id quod sapore & odore deprehendi potest. Quod si, quod sæpe accidit, visu virgente, quanto opus erat tempore, medicamenta macerari non possint, defectum illum vna atque altera, sed leuior, ebullitio compensare potest. Postea colatura cum vel sine expressione instituitur. Et quidem sine expressione colatura est dilutior & gustui gratior, sed debilior: cum expressione vero turbidior & crassior, sed efficacior. Colaturæ vel sacchari, dulcioris & gratioris saporis causa, vel syrupi, vel conserua, imò etiam aromatis, vel specierum aromaticarum aliquid addi potest. Licet & addere alia purgantia, syrupos solutiuos, cassiam, pulpam tamarindorum mannam electuaria purgantia, extracta, ut in decocto purgante dictum: atque exhibentur ut decocta.

℞. Rhabarb. ℥iij. spica. schœnanthi an. gr. iij. cinam. ℥j. Infundantur in s. q. aq. cuscute.

℞. Colat. ℥iij. Dissolu. in iis elect. de psyllio ℥ss. syr. bizan. ʒvj. M. in ictero.

Aliud ℞. turbit. el. & gummosi ʒj. vel ʒi ss. zingib. ℥i. Infundantur horis 12. in vini odorati ℥iij. In colatura dissolu. elect. Indi maior. ʒi ss. mell. rosar. sol. ℥ss. M.

Aliud Fuchsi ℞. Rhabarb. el. ʒiij. agaric. alb. ʒi ss. spicanardi ʒi. zingiberis ℥j.

Concidantur minutim & macerentur in aquæ endiuæ, cuscute, borac. an. ʒj. stent in iis per horas xii. dein in linteolum mundum coniecta validè exprimantur & colentur. Colaturæ add. syr. de endiu. ℥ss. M.

Aliud ℞. decocti vel aq. destill. convenientis. ʒiij ss. Infundantur his per noctem rhabarb. electi. agaric. trochisc. an. ʒj. cinam galanga, an. ℥j. In colatura expressa dissolue manna Calabr. ʒ Coletur. Adde mell. rosar. sol. ʒvj. aq. cinam. ℥ss. M.

Aliud ℞. Decocti vel aq. convenientis ʒiij ss. Infundantur in iis per noctem agarici trochisc. ʒi ss. turbit. gummosi ℥j. mechoacan. ʒss. galanga, cinam. an. ℥ss. In colatura expressa dissolu. manna ʒj. Iterum coletur. Adde aq. cinam. ℥ss. M.

Infusum purgans
de foliis
senæ.

Infusum etiam purgans è foliis senæ non insuaue hoc modo fieri potest. ℞. fol. senæ diligenter mundator. à stipitibus & omnibus sordibus ac puluere; his adde duplum passularum minorum à sordibus omnibus mundatarum & lotarum. Contunde omnia simul in mortario lapideo, ut F. Pasta. Adde cinamomi ʒiij. Hinc in vase fictili lati orificij affunde aquam feruentissimam q. s. exempli gratia, ad fol. senæ ʒiij. & passula. ʒiij. aqu. lbij ss. seu ʒxxx. & cochleari misce, sed citò, ut vas statim claudi possit. Fictile operculo exactè clausum inuolue linteis, vel pone in locum tepidum, ut calor non statim exhalet. Stent in infusione saltem horis vj. Alias sapor ingrator redditur. Postea liquor per chartam bibulam filtretur; aut si libeat, coletur per linteum sine expressione, & per diem vnum subsideant, ut feces separentur, claro liquore effuso. Dosis infantibus ʒss. pueris ʒj.

vel ʒss. adultis ʒiij. ʒiij. ʒv. Possunt & alia purgantia addi, quæ saporem ingratorum non habent, ut turpetum, mechoacanna; & ad gratum colorem conciliandum flor. rosar. rubrar. borraginis, buglossi, violar. & gutta vna atque altera Spiritus salis Interdum simul & decoctio & infusio instituitur. Decoctum nimirum paratur modo, quo dictum. In decocti illius s. q. infunduntur purgantia cum suis corrigentibus, & reliqua postea peraguntur, ut in aliis infusionibus.

℞. radic. polypodij ʒss. glycyrrh. ʒij. flor. borrag. buglos. an. p. i. epithymi ʒij. fol. senæ el. ʒiij. passul. ʒss. Coq. in s. q. aq. s.

Colat. ℞. ʒiij. Infunde rhabarb. opt. ℥ij. spica. schœnanthi an. ʒv. cortic. ellebori nigri ʒss. sem. anisi, cinam. cortic. citri an. ℥ss. Colat. adde syr. fumaria, rosar. sol. ana ʒss. M.

Aliud ℞. radic. cichorij ʒiij. glycyrrh. tamarindor. an. ʒij. sem. 4. frig. maior. an. ʒj. endiuæ, cichorij, agrimonie, capill. vener. an. p. j. fol. senæ el. passul. an. ʒss. Coq. s. a. in s. q. aq. s.

Colat. ℞. ʒiij. Infundantur in iis agaric. trochisc. ℥ij. rhabarb. el. ℥iij. spica. schœnanthi an. ʒvj. Colat. adde syr. de cichor. cum rhab. ʒss. aromatizetur cum spec. diatrion. santal. ℥ss.

Aliud ℞. Fol. senæ ʒss. galanga ℥j. epithymi ʒj. zingib. ℥ss. Coq. l. a. ad ʒiij. In quibus infunde rhabarb. el. ℥iij. agarici ℥ij. Colat. adde mel. ros. sol. ʒss. M.

Fit etiam alio adhuc modo potio ex infuso & decocto mixta, seu infusum cum decoctione. Paratur nimirum seorsim decoctum, & seorsim infusum, ambo methodo in antecedentibus descripta, atque hi duo liquores postea commiscantur. Atque hisce modis omnibus potiones purgantes parari possunt. Vnus adhuc superest modus, quem, etsi neque ad decocta, neque ad infusa pertinet, propter cognationem tamen reliquis potionibus purgantibus subiicere libet. Cui modo in specie nonnulli potionis purgantis nomen tribuunt, qui potionem purgantem peculiariter nominant, quæ sine purgantium coctione vel infusione, sed sola eorum cum liquore aliquo permissione fit: quo iure, non satis video. Cur non enim & decocta, & infusiones potiones appellare liceat? Parantur autem hæ potiones hoc modo. Sumitur liquoris alicuius, decocti, aquæ destillatæ, seri lactis, melicrati, iuris carniū, vini, iulebi violarum ad haustum sufficiens quantitas, scilicet, ʒii, ʒiij, vel iij. In liquore exactè dissoluitur cassia, manna, vel electuarij alicuius purgantis vel etiam plurium sufficiens pro vna dosi quantitas. Nonnunquam syrupi aliquid, ʒss. scilicet vel ʒvj; vel etiam specierum aromaticarum adiicitur. Sumunturque hæ potiones, ut reliquæ de quibus hactenus dictum, calidæ manè ieiuno stomacho.

℞. Aq. endiuæ cichorij, borrag. an. ʒi ss. Dissolu. in iis elect. diacathol. de succo rosar. an. ʒii. de psyllio ʒi ss. M.

Alia ℞. vini albi ʒiij. elect. diacathol. ʒiij. diaphœnic. confect. hamech. an. ʒii. M.

Alia ℞. Elect. de psyllio ʒ iii. de succo rosar. ʒ ii. cathol. ʒi. syr. acetos. s. ʒss. aqu. endiuæ ʒiij ss. iuleb. viol. ʒss. M.

Quod verò suprà dictum, id etiam meritò hic locum habere potest, colaturam institui posse, ubi in liquore electuaria dissoluta sunt. Ac colatura, si placeat, clarificari potest. Ita enim turbida & crassa, sed gratior potio redditur. Sed tum paulò maiore dosi electuaria sumenda sunt, quàm si absque colatura exhiberentur.

℞. decocti vel aq. convenientis ʒiij ss. dissol. in his super igne el. lenit. ʒvj. diaphœnic. ʒiij. Colat. adde syr. rosar. sol. ʒx. aq. cinam. ʒss. M.

Aliud ℞. decocti vel aq. convenient. Vnc. iij ss. dissolu. in iis

Infusum
decoctio

Potio pur

Modus i.

in iis el. lenitiu. ʒvj. diacathol. ʒβ. colentur & clarific. ror.
Adde mell. rosar. sol. Vnc. j. M.

Alia ʒ. deco. ti. conuenient. Vnc. iij β. In his dissoluatur elect. lenitiu. de manna ʒvj. diasebesten sine diagrid. ʒβ. colentur. Postea adde rhabarb. puluer. ʒj. syr. rosar. sol. ʒ x. M.

ʒ. aq. cichorij Vnc. iij. el. diacathol. ʒvi. rosar. Mes. ʒii. dissolu. & colentur: adde syr. rosar. sol. Vnc. iβ. M.

Non solum autem ex electuariis purgantibus in liquore dissolutis fiunt hæc potiones: sed & ex extractis purgantibus: quæ cum in minore dosi exhiberi soleant, etiam minorem liquoris quantitatem requirunt, & propterea ægris gratiores fiunt. Interdum aliorum liquorum loco vini maluatici Vnc. ii. vel Vnc. iij. sumuntur, & in iis extractum dissoluitur, ac, si caliditas metuatur, syr. acetositaris citri, vel alterius conuenientis syrupi aliquid addi potest.

ʒ. Extracti mechoacan. ʒj. solutini vel panchymagogi aut catholici ʒβ. dissolue in vini maluatici Vnc. i. iulebi violar. Vnc. β. aq. cinam. ʒβ. M.

Vel ʒ. extracti catholici Andern. ʒii. aq. borrag. Vnc. β. vini maluatici Vnc. ii M.

Tandem & portiones purgantes parantur ex pulueribus tam simplicium, quam compositorum medicamentorum purgantium liquori admistorum, vt & rotulis purgantibus. Sed puluerum talium dosi ʒi. multum excedere non debet. Alias enim portio crassior & ingrator redditur. Nonnunquam & pulueris aliquid vnâ cum electuariis dissolutis miscetur.

ʒ. manna opt. ʒβ. dissoluatur in vini vel aq. conuenientis ʒ. q. Colatur. Colatura adde mechoac. pulu. ʒi.

Si morbus permittit, aliquid etiam aqu. Cinam. addi potest.

ʒ. spec. diaturbith cum rhab. ʒi. feri lactis caprini ʒiiij. M.

Alia ʒ. syr. rosar. sol. ʒiiβ. rhabarb. opt. ʒj. spec. diaturbith. cum rhabarb. ʒβ. aq. cinam. guss. iij. M.

Nonnulli pilulas quoque in liquore conueniente dissoluunt & exhibent: sed abominandum pariunt saporem. Referenda huc etiam sunt infusa vomitoria. Parantur autem vel ex vomitoriis tantum, quæ petuntur aut à vegetabilibus, vt radicibus, herbis, aut mineralibus, vt ʒio, vitriol. tartar. & similibus, vel simul & alterantibus in liquore aliquo, vino, iusculo, aqua destillata, vel simili quodam infusis. In colatura eadem, quæ in decocto vomitiuo, dissolui possunt. Vbi norandum, quando infunduntur vehementiora illa emetica, vt elleborus, & communiter per chartam emporeticam colaturam institui, ne quid materiæ crassioris transeat, quod ventriculi lateribus adhærescens vomitum molestum & diuturnum ac difficilem efficiat: Exempli gratia.

ʒ. Succi radic. raphan. express. ʒ iij. hydromelit. ʒ. ij.

In quibus mistis macerentur per noctem radic. asari. ʒij. Manè colentur.

ʒ. cortic. med. iugland. iuxta radic. ʒ ij. vel iij. vini albi scyphum dimidium, Maceretur per vnam noctem.

Aliud. ʒ. ellebor. albi ʒj.

Secetur per fibras & maceretur tepidè in vini dulcis ʒiiij vel iuris pinguior. aut cremor. hordei per noctem integram, addendo manè sem. anisi, cinamomi an. ʒj. Colentur. Paratur etiam, licet raro, infusum vomitorium cum decoctione, exempli gratia.

ʒ. sem. atripl. ʒ ij. flor. aneth. p. j. Coqu. in aqu. raphan. ʒ. q.

Colat. ʒ. ʒ iij. Infunde per noctem. cort. ellebor. albi ʒβ. cinamomi ʒvj. Colaturæ fortiter expressæ add. ol. com ʒj M.

Referendæ etiam huc portiones vomitoria, hydrotica & diuretica, illæ scilicet, quæ ex sola vomitoriorum, hydroticorum, diureticorum cum liquore aliquo permissione parantur. Portiones autem vom-

Dan. Sennerti Tom. I.

toriarum leniores fiunt ex aqu. tepida communi vel hordei, hydromelite, oleo oliuarum, lini, butyro liquido, oxymelli simplici, duobus vel pluribus horum inter se mixtis, vt:

ʒ. Aqua hordei ʒβ. syrup. acetos. Vel oxymel. ʒ. ʒiiij. M.

Vel ʒ. decocti hordei ʒiiij. aceti ʒi. olei comm. ʒβ. M.

Validiores parantur ex puluere aliquo simplici aut composito, tabellis vel trochiscis, conferua, condito, electuario liquido, Rob, extracto, syrupo, pilulis, aqua destillata, succ. expressis, oleis, acetis, nunc pluribus nunc paucioribus, vt

ʒ. Syrup. acetos. simpl. oxymel. simpl. ol. amygdal. dulc. an. ʒi. aqu. nucum, raphani an. ʒii. M.

Vel ʒ. Radic. asari optime tritar. ʒii. Aqua mulsæ, vini albi an. ʒiiij.

Vel ʒ. Semin. urtica, raphani an. ʒiβ. Iulor. inglandis. ʒii.

Pulueriscentur subtilissimè, & cum hydromelitis clari ʒiiij. F. Potio. Eodem modo & portiones hydroticæ & diureticæ concinnantur.

ʒ. Diascord. Fracastorij ʒi. spec. de hiacynth. pulu. rubr. Pannon. alipharmac. ʒβ. syrup. de ʒ. scord. ʒi. de limonibus ʒvi. aceti de rubo Idæo ʒβ. Extract. cardui benedicti ʒβ. M. Aq. pimpinell. q. s. Videatur Vid. Vidijs, de medic. lib. 7. cap. 2. Vuerkerus, antidot. spec. lib. 2. sect. 8.

CAP V T IV.

De Vinis medicatis, Melicrato, Mulso, Oxymelite, Aceto medicato, decocto seu Aqua hordei, succis item depuratis.

ET si quâ ratione hæc medicamenta parari debeant, facile ex his, quæ de infusionibus & decoctionibus dicta sunt, patere possit, tamen alios aucthores secuti de hisce, vt insignioribus, aliquid in specie addere liber. Inprimis cum gratiores sint talia medicamenta, iisque, qui alias portiones abhorrent, & vbi repetito medicamentorum vsu opus est, commodè propinari, atque inprimis purgantium sapor sub absinthij sapore in vinis medicatis occultari possit. Cum enim vinum absinthites plerique sine nausea bibant, faciliè purgantia ei admisceri possunt, vt eorum sapor non admodum deprehendatur. Primum itaque vina medicata quod attinet, medicamenta sunt potulenta ex vino, quod varias variarum medicamentorum in se infusorum vires ebiberit constantia, eaque in plures vsus parari possunt: omnia tamen sunt vel alterantia solum, vel purgantia, vel alterantia & purgantia simul. Et alterantia quidem constant ex variis simplicibus alterantibus, radicibus, herbis, seminibus, floribus, aromaribus &c. Purgantia verò ingrediuntur varia simplicia cathartica ad infusionem idonea, qualia sunt senæ, polypod. agaric. ʒ. trochiscatus, rhabarb. Mechoacanna, elleborus, & alia similia, decoctionem inprimis prolixiorē non sustinentia, additis alterantibus, & quidem vel saltem cathartica corrigentibus, vel simul & aliis simplicibus, quæ variè corpus immutare valent, partemque affectam respiciunt, & vinum magis appropriatum ac efficax reddunt. Parantur autem vel è musto, vel è vino iam defecato & veteri. Atque mustum ad opus hocce maximè laudatur, quia huius beneficio ac feruore sapor medicamentorum ingratus magis occultatur. Vinum autem communiter eligitur album, vtpote quod est tenuis substantiæ, & ad vires infusorum extrahendas maximè aptum. E musto ita conficiuntur. Medica-

Vina medicata.

Cereuisia
medicata.

menta sicca in dolum paruum musti plenum conii-
ciuntur. Vbi mustum deferbuit, vinumque defeca-
rum & clarum redditum fuerit, transvasatur, atque
in vsus necessarios asseruatur. Eodem modo & cere-
uisias medicatas ex absinthio, lingua ceruina, saluia,
betonica, roremarino atque aliis herbis parare licet.
Sed plerumque herbae primò in cereuisia adhuc à
coctura calente macerantur, & deinde suo tempore
fecibus additis deferuere permittuntur. Quæ tamen
vires suas in tenuiore habent substantia & decoctio-
ne vim suam facile amittunt, non cereuisia feruente
adhuc perfundenda sunt, sed tepidè demum ini-
cienda; id quod in roremarino facere commodum
est. Ex vino verò iam defecato ita vina medicata pa-
rantur. Medicamenta sicca, mundata, concisa, & cra-
siusculè contusa in vas vitreum; vel figulinum con-
ticiuntur, interdum in nodulum vel sacculum ex
syndone vel linteo raro conclusa: affunditur vini
albi boni sufficiens quantitas. Stent in loco calido
vase clauso. Postea colentur, nisi sacculo inclusa fue-
rint. Fitque vinum medicatum, quod in eos vsus,
quibus medicamenta, è quibus componitur, desti-
nata sunt, exhibetur. Vt verò quantitas ingredien-
tium medicamentorum determinetur, sciendum,
quod cum vinum sit tenuis substantiæ, & ad intima
quæque penetrare possit, sufficit, si ipsa purgantia
in dupla quantitate præscribantur hîc, quàm si da-
rentur in substantia. Corrigentia verò dosi subtri-
pla vel subquadrupla ad purgantia præscribuntur: si
præsertim nulla alia alterantia simul infundantur,
quod tamen rarò fit; & ob id etiam in minori co-
pia corrigentia assumuntur. Alterantia autem reli-
qua adduntur dosi eadem, qua in decocto alterante
& simul purgante, maiori vel minori, prout in plu-
res vel pauciores doses vinum paratur. Quantita-
tem autem vini, quod ad vires medicamentorum
istorum extrahendas accommodatur, quod attinet,
huius mensuram limitabunt vsus & infundenda. Pro-
portio autem hæc plerumque obseruatur, vt ad ℥ij.
medicamentorum sumantur musti vel vini ℥viij.
℥xij. vsque, ad xxv, imò xxx vel xxxvi, ita vt ℥i, ℥ij.
vel ℥iij respondeant. Nam hac in re ad simplicia, &
ægrî palatum respiciendum est. Si enim simplicia
medicamenta saporem ingratiorem habeant, æger-
que delicatus sit, plus musti sumendum: Si verò effi-
cacia tantum spectetur, minus. Et quidem in pur-
gantibus vinis tantum vini recipiendum, quantum
pro singulis dosibus sine nausæa ebibi potest. Hoc ta-
men etiam sciendum, in vinis eiusmodi purgantium
vim magis integram & efficacem seruari, quàm in
decoctis.

Vinum matricale.

℞. rad. eringij Vnc. ii. enul. Vnc. i. fol. matricar. rec.
siccat. M. iij. melissa, sum. artemis. rub. an. M. i. b. baccar. lau-
ri rec. decort. 3vj. cortic. aurantior. 3iij. zedoaria opt. 3℔.
sem. anisi, fœnic. an. 3vj.

Affunde vini Rhenani optimi canth. x. stent per
triduum aut integram septimanam in loco frigido
infusa in doliolo querno bene munita, seruen-
tur vsui.

Vinum purgans.

℞. Folior. senæ el. Vnc. ix. Polypod. q. Vnc. ij. Cortic.
tamarisci 3vj. Absinthij, carduiben. an. M. ii. vel plures.
Caryophyll. Vnc. ℔. galangæ 3ii. Affundantur musti
canthari nostrates, quorum singuli ℥iij. capiunt, xv.
vel xviii.

Aliud in hypochondriacis.

℞. Passulat. minor. ℥iij. fol. senæ ℥℔. cortic. tama-
risi, radic. polypod. q. Vnc. i. agrimonia, lingua ceruina
ceterach. an. M. ii. cortic. citri. 3x. cinam. elect. Vnc. i. b. In-

dantur vasculo. Affundantur vini Rhenani opt. ℥xviij.
vel canthari nostrates vj. De vino hoc singulis diebus
hora vna ante cibum haustus sumatur, vasculumque
aliquandiu iterum repleatur.

Aliud ℞. absinthij sicci, cardui ben. an. M. j. flor. prun. Vna pur-
sylvest. M. ℔. fol. senæ mundat. Vnc. ij. turbi. el. & gum. tia.
agarici, an. 3. ij. cortic. elleb. nigri 3℔. zingib. ga-
lange, an. 3℔. sem. anisi, fœnic. an. Vnc. ℔. Incisa &
crasso modo confusa infunduntur in vino, de quo singulis
diebus haustus bibatur.

Aliud ℞. fol. senæ. Vnc. j. Rhabarb. agarici, an. 3j. absin-
thij, M. j. cardui ben. hyssopi, an. M. ℔. flor. cord. an. p. j. ci-
nam. zingib. an. 3j. Infundantur in s. q. vini. Dos. Vnc. iij.

Aliud ℞. lingua ceruina, ceterach, cardui ben. absinthij,
melissa an. M. j. cortic. tamarisci 3℔. fol. senæ 3℔. turbi.
el. & gummosi 3℔. opithym. 3iij. mechoac. vnc. ℔. rha-
barb. 3ij. flor. borrag. M. j. zedoaria, zingib. galangæ, an.
3j. Infundantur in vini boni q. s.

Deinde vina eiusmodi medicata alterantia paran-
tur, si iis olea destillata, vel, quod commodius est, spi-
ritus, vel tinctura, spiritu vini ex simplicibus medi-
camentis extracta, seu extractum liquidum addatur.
Ita si spiritus rosarum guttæ aliquot vino instillen-
tur, & sapore & odore rosarum id inficiunt. Ita vi-
num absinthites ex tempore paratur, si extractum
absinthij liquidum vino infundatur. De quorum vsu
hoc in genere notandum: conuenire ista vina me-
dicata in primis morbis frigidis & chronicis & cor-
poribus frigidioribus, ac tempore frigidioris com-
modius vsurpari, & syrupis ac decoctionibus longè
efficaciora esse, cum quia vinum vires rerum bibit
penitissimè, tum quia ob spirituum tenuitatem in
profundissimos quosque partium recessus sese pe-
netrat. In vitiis autem neruorum & neruorum par-
tium, aut febribus, minus conueniunt. Alterantia
quidem singulis vel alternis diebus, vel etiam lon-
giore, prout morbus requirit, interuallo interiecto, in
principio prandij, vel hora vna aut altera ante pran-
dium bibuntur. Purgantia verò, vt & infusa purgan-
tia ex cereuisia, etsi nonnulli cum cibo atque in
prandio exhibeant: tamen rectius sit, si hora vna at-
que altera ante prandium, & quidem præmissa ante
vini vsum iusculo, vel ouo sorbili vsurpentur; &
quid in genere de purgantium cum cibis mistione
sentiendum sit, suprâ, part. 2. sect. 1. cap. 10. dictum est.
Nonnunquam vina medicata saccharo vel melle dul-
corantur, & Claretum ac vina Hippocratica nominan-
tur; in diuturnis morbis frigidis utilia. Fiunt autem
hoc modo. Aromata vel etiam radices & semina, gra-
ti odoris & saporis in primis, qualia sunt Cinamomum,
Caryophylli, nux moschata, santalum, grana Paradisi, piper,
cardamomum, radix ireos, helenij, semen anisi, fœniculi,
coriandri passula, aliquando & crocus ad vinum tin-
gendum, crassiusculè contusa vel incisa infundun-
tur vino odorato. Stant ita aliquandiu in infusione,
loco calido per aliquot horas. Quidam huius loco
adhibent ebullitionem in B. M. per horam dimidiam;
in primis si opus accelerare, aut vinum mulsum para-
re voluerint. Deinde sacchari q. s. ad gratam dulce-
dinem, ita vt ad vini partes ij. iij. vel etiam iij, pars
vna sacchari accipiat, additur, sæpiusque perma-
nicam Hippocratis vinum transfunditur, vt fiat
clarum.

℞. Zingib. 3ij. caryophyll. 3j. cinam. 3℔. nuc. mosch.
macis ana. 3j. galangæ 3ij. granor. paradisi 3j. vini Rhe-
nani canthar. j. sacchari 3iij. croci parum. F. Claretum.

Vinum Hippocraticum Langij.

℞. Cinamomi elect. 3j. 3v. zingiberis 3vj. caryophyll.
galang. ana. 3j. macis, nucis moschat. ana. 3ij. granor pa-
radisi, cardamomi, coriandri ana. 3j. anisi 3℔. sacchari
℥ij. vini rubri Mens. ij.

F. l. a. vinum Hippocraticum.

Aliud. ℞ Zingiber ʒij. cinamom. elect. ʒj. galanga, caryophyll. piper. long. ana ʒj. granor. paradisi ʒʒ. nuc. mosch. ʒiij. macis ʒʒ. sacchar. albi ʒʒ. ℥j.

Singula subtiliter trita in vini albi mensuris ij commisceantur, & per manicam Hippocratis colentur, fiatque Claretum. Notandum & hoc, quod vino aliquid de aquis destillatis conuenientibus admisceri potest. Exempli loco sit hoc. Vidij.

℞ Cinamomi ʒj. caryophyll. ʒʒ. s. anisi. fœniculi ana ʒj. glycyrrhiz. ʒiij. macis, cardam. ireos ana ʒʒ. sacchar. albi ʒiij. Singula diligenter trita infundantur cum sequentibus.

℞ Vini Maluatici ʒx. Aqua Borraginis ℥j. rosar. ʒʒ. meliss. ʒiij.

Per tres horas iuxta fornacem relicta, tandem sæpius per saccum filtri colentur. Fiat Hippocr. Vinum clarum. Nonnulli aromata in spiritu vini, cuius partes octo aut decem circiter sint ad aromatum partem vnam, per dies aliquot in vase vitreo bene clauso infundunt, atque vbi spiritus vini omnem tincturam extraxerit, separant per inclinationem, & colant seu filtrant, atque ad vsum seruant. Vbi autem vinum Hippocraticum facere libuerit, vni vini mensuræ drachmas aliquot, vel etiam vnam atque alteram vnciam, & sacchari q. s. ad dulcedinem affundunt. Tale est hoc.

℞ Cinam. el. ʒʒ. zingib. ʒj. piper. albi ʒʒ. granorum paradisi, nuc. mosch. caryophyll. ana ʒj. schœnanthi ʒʒ. spica gr. vij. Omnia crasso modo contusa infundantur in spiritus vini ʒxxx. per dies quatuor, singulisque diebus bis agitentur. Tandem colentur.

Vbi Claretum parare libuerit.

℞ sacch. alb. ʒiij. Infusi prædicti ʒij. vini ℥ʒ. F. Claretum. Aliud. ℞ Cinam. ʒij. zingib. ʒʒ. granor. paradisi ʒiij. piper. nigri ʒʒ. caryophyll. nucis mosch. ana ʒj. Infundantur in spiritus vini ℥ʒ. per quatuor dies. Postea colentur.

Vbi Claretum facere libet,

℞ colatura ʒij. sacch. albi. ℥j. vini ℥iij.

Claretum catarrhale.

℞ Ligni sassafras ʒvj. sancti ʒʒ. santal. citrini, rubr. an. ʒiij. aloës, ʒj. flor. ros. rubr. p. ij. radic. China ʒij. helenij ʒj. cortic. citri ʒʒ. Pulueris, aspergantur. Spir. sal. gutt. xx. & infunde hor. xxiv. in loco calido, in vini Rhenani ʒxx. Postea colentur per chartam.

Atque hodie non solum ad alterandum, sed & ad purgandum talia vina parant, etiam pro vna dosi delicatioribus, & ita quidem vt ferè Clareti formam referant, nec sapore nauseabunda sint, hoc modo:

℞ Rad. fœniculi, ʒiij. hyssopi, roris marini, an. p. j. mechocanna, ʒij. fol. senæ el. ʒʒ. agaric. troch. cortic. citri, an. ʒj. cinamomi, galangæ. an. ʒʒ.

Incisis omnibus, exceptis foliis senæ, affunde vini Rhenani q. s. & in vitro in aqua calente bene calefiant, & postea stent in loco tepido in infusione horis sex. Postea adde iulepi violarum vel rosarum ʒʒ. vel dulcorentur sacchar. albi ʒʒ. & per chartam bibulam colentur ac filtrentur. Colatura, quæ sit ʒiij. aromatizetur olei cinamomi gutt. ij.

Vel ℞ Cortic. citr. ʒj. radic. aperient. ʒiij. fol. senæ el. ʒiij. ligni sassafras, ʒʒ. Puluerisatis asperge Spir. sal. gutt. x. Et infundantur hor. xxi v. in vini Rhen. ʒxviij. loco tepido. Postea colentur per chartam. F. Claretum. Dosis ʒiij. vel ʒiij. Ad di tamen adhuc potest syr. cinam. vel alius conueniens. Potestque etiam sacchari loco manna sumi.

℞ fol. senæ el. ʒiij. polypod. q. sem. carthami, ana ʒʒ. Dan. Sennerti Tom. I.

turbinth, el. ʒij. cinam. ʒi. caryophyll. ʒij. galangæ, ʒʒ. sem. anisi, ʒʒ. coriandri præp. ʒi. passular. ʒij. prunor. Damascen. num. ix. iunibar. num. vij. sebest. num. v. manna ʒij. vini albi, ℥iij.

Purgantia cum corrigentibus infundantur in vino, digerantur, & colentur aliquoties: Quibus addatur manna seorsim super igne lento in vino dissoluta & colata. Dosis cochl. iij. iij. Claretum, seu aqua vitæ rubra dicta ad vertiginem, memoriam & cerebrum roborandum.

℞ Cinam. opt. ʒʒ. zingib. caryophyll. santali rubri, ana. ʒʒ. macis, nucis moschat. piper. galang. cardam. cubebæ. spec. arom. ros. diambra, dianthos ana ʒij. sem. anisi, coriand. præp. maiorana, basilici, laur. anthos, spicanard. ana ʒʒ. ros. rub. M. j. Incisis crasso modo affunde spir. vini ℥v. Aq. rosar. moschat. ʒix. caryophyll. cum aq. Borrag. destill. cinam. ana ʒj. Vini maluatici ℥ʒ. Macerentur per dies quatuor, & per manicam Hippocratis colentur. Colatura adde sacchar. candi ℥ij. Stent iterum per biduum, hinc colentur donec clarescant.

Si loco sacchari melle vinum dulcoretur, appellatur *κινὸν μελί*, mulsum vel vinum mulsum. Paratur autem ex vna mellis, duabus verò vel tribus, vel pluribus, etiam vini partibus mistis & simul decoctis. Possunt & omnis generis aromata addi.

℞ Cinam. el. ʒj. zingib. ʒij. nuc. mosch. ʒʒ. macis ʒvj. caryophyll. ʒj. piper. coriandri præp. calami arom. granor. paradisi, cardamomi ana ʒʒ. Contusis crasso modo, affundantur mensura vini quatuor, mellis despumati mensura vna. Bulliant in B. M. per horam dimidiam, traiciantur per manicam Hippocratis.

Aliud ℞ Vini albi opt. hydromel. ana ℥j. In iis infunde per horas 24. radic. helenij ʒiij. Postea ebulliant, & colentur.

Ad asthma.

Potest & tempore vindemiæ mulsum ex musto parari, si scilicet mellis pars vna sumatur, multi partes duæ. Aquæ, si libet, partes iij. vel q. v. & simul deferueant. Hydromel, mulsa, & melicratum eiusdem potus medicamentosi nomina sunt, ex aqua scilicet & melle interdum & aliis simul coctis confecti, aut si quæ inter hæc est differentia, in sola verustate est. Melicratum enim subito ad præsentem vsum ex mellis & aquæ mistura fit: *ὕδρ μελί* verò paratur, vt diutius durare, & verustatem aliquam ferre possit. Est autem mulsa alia dilutior, alia meracior, ita vt varia sit mellis ad aquam proportio, pro vario Medici scopo atque sumentis temperatura. Aëstatis enim tempore & iuuenibus saquosissimum præscribitur hydromel; hyeme, senibus, & pituitosis magis vinosum seu melleum. Illud quod attinet alias octuplum, alias decuplum, alias duodecuplum aquæ fontanæ sumitur. Hoc verò fit ex parte vna mellis & partibus quinque vel sex aquæ. Coquuntur ad despumationem mellis, seu quartæ aut quintæ partis consumptionem. Deinde per pannum colantur. Inter mulsæ genera, quæ ætatem ferre possunt, hodie notissimus est porus ille, quem Medonem vulgò nominant, ac præstantissimus quidem in Lituania paratur. Sumunt partem vnam mellis, & partes octo aquæ, vel etiam plures, prout mulsam dilutiorem vel meraciorem parare libet. Coquantur & despumentur, donec ouum recens iniectum in eo supernatet & non submergatur. Colentur, & in dolia lignea idonea, præsertim ea, quæ antea vinum continuerunt, fundantur, & fermentari ac deferuere permittantur, quòd commodissime fit diebus canicularibus ad Solis radios, vel etiam in loco aliàs calido. Ad fermentationem promouendam, & feruorem conciliandum alij in sacculo in vas suspēdunt semen sinapi, alij feces cereuisiæ addunt, & vt diutius

Vinum mulsum.

Hydromel.

diutius duret, flores lupuli salictarij adiciunt. Non solum autem hydromel ex aqua & melle paratur, verum etiam ex variis aromatibus & herbis, & radicibus ut hormino, hyssopo, betonica, aliisque vtrumque genus, & quod in presentem ac subitum usum, & quod durabilius est, paratur. In presentem usum hoc modo paratur. Simplicia in presentem usum commoda coquuntur in aqua pura s. q. ad partis quartae consumptionem, ita ut lbj. liquoris decoquendi ultra 3ß. vel integram, aut duas horum non excipiat; si praesertim odore vel sapore minus grato sint praedita, quia alias hydromel crassius & medicamentosum nimis efficeretur. Colaturae additur mellis optimi in singulas libras 3j. seu pars duodecima, vel etiam pars decima. Aliqui enim eandem hinc ferè proportionem observant, ac in hydromelite simplici. Quidam verò etiam ad partes aquae viginti saltem vnam mellis accipiunt. Iterum ebulliunt & despumantur: coniiciunturque aromata convenientia (3j. ij. aut etiam plurimum, si maior aliquantum hydromelitis copia pareretur, pondere) crassiusculè concisa, in manicam Hippocratis, & ius feruens adhuc per eam transfunditur. Imò comparatur interdum hydromel compositum, si solis hinc simplex aromatizetur, etiam si nulla alia in ipso decoquantur. Fitque inde potus clarus in morbis frigidis & diuturnis efficacissimus. Vel sumitur hydromel simplex, atque in eo coquuntur herbae atque aromata convenientia, ad tertias ferè, decoctumque per manicam Hippocratis colatur.

℞. Mell opt. lb. 8. aq. fontana lb. vj. despuuntur. Postea adde salvia Mj. pulegi, betonica, hyssopi ana M.ß. Coq. penè ad tertias. Coentur. In colatura ebulliant cinam. opt. 3jß. trium piper. ana 3ß. gran. paradisi, cardamomi ana 3j. F. hydromel clarum pro paralytico.

Vide hydromel compositum in Pharmacop. Augustana classe 8. descriptum. Praeter hydromel compositum alterans paratur etiam hydromel purgans, quod nihil aliud est, quam decoctum catharticum cum hydromelite simplici factum. Recipienturque in eius compositionem tum cathartica, tum etiam alterantia simplicia, si simul & alterare lubet. Atque purgantia quidem assumi possunt quantitate maiore vel minore, prout hydromel validum, vel minus in purgando forte expetitur. At alterantia in multo minore dosi, ac in apozemate, recipienda, ne hydromel, quod pellucidum & clarum esse debet, spissum ac turbidum inde reddatur. Hinc etiam edulcantia alia praeter saccharum, ut syrupi, multoque minus Electuaria purgantia; raro admodum in hydromelite hoc dissoluntur, quia ipsius claritati obsunt; quod tamen interdum facere licet, si praesertim diligens & accurata colatio clarificatioque subsequatur. Exempli loco sit hydromel purgans in Pharm. Augustana eadem classe 8. descriptum.

Aliud *℞. Mellis despumati 3jß. Aqua fontana lbij. origani, fl. herba paralytis, salvia succurcia, rorismarini, betonica ana p. j. Rad. cichorii, feniculi, gramin. enul. ana 3j. Misceantur inuicem. Coqu. ad remanent. 3viiiij. in quibus infunde per noctem, fol. sene el. 3ij. Rad. gualapae, Turbith gummosi ana 3ijß. Rad. polypod. rec. glycyrrhiz. rase ana 3j. cinamom. elect. 3ß. zingiber. crasse incis. piper. ana 3j. Manè bulliant ad remanentiam 3iiij. add. Syrup. viol. 3vj. Misce.*

Oxymel.

Mulsa proximum est Oxymel, quod ab eo saltem aceti admistione differt: potus apud antiquos frequentissimus, ut ex Hippocrate, Galeno, Aëtio, Orbasio, Tralliano, aliisque antiquis Medicis videre est: qui hodie multò rarior & parciore est. Cui rei ansam praecipue dederunt Arabes, qui saccharum, siue quod eo medicamenta rectius asservari, siue quod palato gratius esse crediderunt, in frequentem usum duxerunt, & pro hydromelitem & oxymelitem variis ge-

neribus infinitas syruporum formas substituerunt. Antiqui oxymel etiam in febribus, & acutis morbis usurparunt, ut patet ex Hippocr. 3. de vi<. rat. in ac. t. 24. & 3eqq. ubi oxymel nominat ποτόν πολλαχ< εὐχρη-
501 εν ταύτησι νόσοις, nullamque eius noxam, quae digna scribi sit, se nouisse ait, nisi quod abradit intestina; idque in iis, qui imbecillam habent facultatem, & pari idonea intestina. Et tantum abest, ut aliquod à caliditate eius damnum metuendum censeat, ut etiam, t. 30. os faucesque humectare & sitim sedare scribat, & ut Galen. in comm. addit, omnia, quibus iuuari aegritudines natae sunt, habeat; eorum verò, quae nocere valent, ob vim temperaturae nihil habeat. Praeter hoc verò Galenus, lib. 8. meth. med. cap. 4. oxymel in febribus ephemeris, quae ex obstructione fiunt, exhibet, atque illud nec febres accendere, & strenuè derergerere, sic ut ea, quae glutinosa crassaque sunt, dissoluat, & meatus obstructos liberet, scribit. Et, 1. ad Glauco. cap. 10. tertianâ notha laborantes oxymel potum iuuare docet. Eodem vtitur, cap. 12. in quotidiana febre. Exhibet idem, cap. 1. in animi deliquio ex membri principalis obstructione. Et ex Galeno Orbasius, Collect. lib. 5. cap. 24. oxymel mirè praedicat, scribitque, cum melicrari facultas cetera omnia habeat, quae ad acutos morbos sint necessaria, in vno tamen sit iis contraria, quod supercalefacta in bilem conuertatur: hanc eius mutationem aceti permixtionem cohibere, atque ob eam sitim sedare, sputa & omnia crassa & glutinosa facile educere, & fauces humectare; iecori & lieni esse accommodatum, cum viscera absque molestia expurget; in pulmonis affectibus plurimum prodesse; spiritum crassum, & flatuosum in hypochondriis secare; flatum rumpere: viasque omnes expurgare; ad vrinas serosa & biliosa excrementa deducere; omni aetati & naturae ad tuendam valetudinem vtilissimum esse, cum omnes meatus aperiat, sic ut crassus & glutinosus humor nusquam derineatur, Etsi verò mel alias dicatur bilefcere, & febres accendere: tamè curin aceto mulso id metuere nò opus sit, causam reddit Hippocr. 3. de rat. vi<. in ac. t. 30. cum scribit, quod acetum τὰς ἀπὸ μίλιτος βλάβας κωλύει, καὶ τὸ ἐν μέλιτι χολῶδες κολλάζεται: & ut Galenus, in com. explicat: κακόν ἐστὶ τὸ χολῶδες ἐν αὐτῷ κολλᾶσαι, κατέσει, κατελεῖν, καὶ ταπεινῶσαι. Acetum enim illà inflammabilitatem in melle prohibet, & ne in bilem facile migrare possit, impedit. I. C. Scaliger quidem, Exerc. 157 s. 3. oxymel suspectum reddere videtur, Oxymel, inquit, ventriculis non paucis, non raro, non parum nocet: nervis semper intestina nihil iustiora. Hinc singultus, tremores, colici dolores. Visus hebetatur, dentes vitiantur, semen genitale corrumpitur. Vbi redundat ptyueta, ad incidendum, ad detergendum datur. Vbi non est: in ipsa natura grassatur bona: vellicat, mordet, erodit. Quamobrem usus ad medicandum salutaris, sed non nisi prudentibus, & quibus deus ἀσέων circumspectus est familiaris: relatum inter cibi rationes noxium. Verum ista incommoda facile vitari possunt, si acetum minori quantitate misceatur, nec idem oxymel in omnibus morbis propinetur: cuius rei Antiqui diligentem rationem habebant. Neque enim antiqui Medici vno modo (quod ferè fit in nostris pharmacopoliis, in quibus acrius saltem oxymel prostat) oxymel conficiebant, sed variè, & ad morbi, aegrique, & aliarum circumstantiarum rationem acetum admiscebant, & modo acrius, modo aquosius componebant. Vnde non solum aliis medicamentis, quod nunc plerumque fieri solet, illud admiscebant, sed & id solum ad sitim depellendam, aliosque vsus potandum dabant. Potus enim si rectè praeparetur, & sit dilutius, est purissimus, vino albo similis, ὀξυγλυκὺς, ἀδιδ<, gustuique gratissimus. Hinc aceti quantitatem antiqui Medici non semper definiunt, sed, ut habet Galenus,

An ea
in febr
conuen

Oxymeli
differentia

lenus, 4. de iucund. san. cap. 16. & ex eo Oribas. collect. lib. 5. cap. 24. iubent, vt ex fumentis gustu potius, quam Medici, iudicium fiat; existimantque, id oxymeli fumentis naturæ aptissimum esse, quod est iucundissimum: & de varietate oxymelitis Galen. de puero epilep. cap. 7. cum alia, tum hæc scribit: in crassis & viciis humoribus acidior & meracior oxymelite vtendum est: in his autem qui huiusmodi non fuerint, dulciori & diluto magis. Dilutius, & quod in febribus etiam vsurpari possit, paratur ex aquæ partibus duodecim, mellis part. ij. aceti parte j. Coquuntur simul lento igne & despumantur, additæque oui albumine clarificantur, & postea per pannum laneum aliquoties colantur, vt fiat potus clarus & limpidus. Quem Hippocrates in ipsa pleuritide exhibere non metuit, vt patet, 1. de rat. vict. in ac. 1. 43. & 3. de rat. vict. in ac. 2. 24. & seqq. vbi sputum educere, & faciliorem reddere spiritum dicit. Et Galenus lib. 3. de rat. vict. in ac. 2. 31. addit. In pulmonis thoracisque affectibus plurimum est vsui, insignemque habet utilitatem, ob meretricam illam aquæ aceti & mellis permissionem. Tale siquidem oxymeli spiritum crassum, glutinosumque, in hypochondrio secant, flatuque abrumpens vias omnes expurgat, atque ad vrinas tum biliosas, tum serosas agit excrementa, & vt ante dictum, sitim sedat, os faucesque humectat, sputum educit, & spiritum faciliorem reddit, ob quæ omnia conuenientissimum in pleuritide videtur remedium. Dubitarunt tamen nonnulli, an in omni pleuritide exhiberi possit, atque existimarunt, oxymel tum potissimum conuenire, quando in partibus inflammatis crassi & lenti humores, quos extenuare & dissecare opus est, hærent. Verum si effectus illos, quos Antiqui experientia edocti illi tribuerunt, consideremus; facile patet, etiam in biliosa pleuritide vtile esse; cum tussim & difficultatem spirandi soluere, sitimque leuare possit; atque interim biliosos humores neque accendat, sed per vrinas educat. Vnde etiam Hippocrates & Galenus simpliciter pleuriticis oxymel, nulla distinctione causæ morbificæ addita, exhibent, & in biliosa quoque (qualis si non omnis, frequentissima tamen est pleuritis) propinant, vt videre est, 3. de rat. vict. in ac. 1. 30. vbi oxymel commendat Galenus, nullam verò ea de causâ improbat, quod supercalefacta facile bilefcat. Neque etiam metuendum est, vt materia, quæ tenuis est, amplius attenuetur, & nimium tenuis reddatur. Quanquam enim materia, quæ pleuritidem parit, tenuis sit; tamen in loco inflammato infixæ aliquandiu & impacta hæret, & crassior euadit; præcipuè cum mutatur, ac in pus vertitur, quod postmodum, vbi exspui debet, difficultè angustos meatus penetrare potest, si crassum, tenax, & lentum sit. Parantur & à medicis alia oxymelitis genera è pluribus medicamentis composita, quale est oxymel elleboratum Gesneri aut Iuliani potius maius, & minus. Item hoc oxymel diureticum.

℞. Radic. valeriana, zincetoxici, eryngij an. 3℔. fœniculi, petroselinij an. 3vj. origani, hyssopi, veronica, scabiosa, marrubij albi ana Mj. sem. fœnic. anisi, an. 3ij. Flor. geniste, sambuci, an. p. ij. mellis colati ℔ij. aceti scillitici ℔℔. aqua fontana ℔iiij.

Mista lentè ebulliant, & stent in loco calido per dies octo, in vase bene clauso. Hinc coq. fiatque l. a. oxymel, quod datur ad 3ij. Aliud eiusmodi oxymel diureticum descriptum existat in pharmac. Augustana classe 1. Ad hoc caput meritò referimus & aquam, seu decoctum hordei, quo ægri non rarò ad sitim in febribus leuandam vti solent. Est autem decoctum hordei medicamentum potulentum ex hordeo integro in aqua ad crepaturam vsque decocto paratum. Estque aliud simplex, quando nihil præter hordeum decoquitur; aliud compositum, quando hordeo quædam alia etiam adduntur. Coquitur nimirum hordeum integrum selectum, nullius

afficitur qualitatis particeps, ætate mediū, nec corruptum aut corrugatum, vel humore excrementitio adhuc madens, quod fricatur cum panno aspero, ad excussionem palearum in aqua fontana vel fluuiatili leuissima & limpidissima, omnis alieni saporis experte, ita vt ad hordei partem vnā assumantur aquæ partes viginti, ante coctionem per horas aliquot in eadem maceratum, in olla noua siue munda, nullo alieno sapore imbuta ad ignem blandum & clarum, primū spumam abiiciendo, vsque ad tertiæ partis liquoris casum vel secundum legem communem ad hordei vsque crepaturam, seu donec turgescat & rumpatur, & ne flatus pariat, aut in ventriculo acescat, alteratur passulis, glycyrrh. sem. anisi, fœnic. cinamomo, Sacchar. Adicitur autem glycyrrhiza à 3ij. ad 3℔. vel 3vj. Passulæ ab 3j. ad 3ij. carminatiua ad 3℔. vel j. cinamomum ad 3i. vel ii. pro liquoris ℔i℔. vel ii. Et cinamomum non necesse est ante coctionem infundere, sufficit, si coctione ferè finitā demum iniiciatur. Possent forsitan & alia addi; sed plerumque decoctum inde ingratum redditur; Non inutiliter tamen, vbi magnæ præsertim adsunt viscerum obstructions, & valida sitis aggrauat, ad maiorem penetrationem vnicuique huius decocti haustui gutta vna vel altera Spir. vitriol. sulphuris aut nitr. affunditur.

Vt, *℞. decocti hordei calentis ℔ij. sacchari Vnc. j. pulu. cinam. 3i. M.*

Vel *℞. bord. integ. sel. & à paleis liberati Vnc. i. passul. corinth. Vnc. ii. sem. anisi 3℔.*

Infund. in aquæ limpidiss. ℔ ii. per horas quatuor, post coqu. in olla munda vitreata, operculo rectâ ad hordei crepaturam; circa finem decoctionis adde cinamomi in partes minut. confract. 3i℔.

Vel *℞. hordei M. i. sem. endiuia, acetosa, plantaginis, an. 3ii. quat. frig. mai. 3i℔. Coq. Col. ℞. ℔ i. vini granator. Vnc. ii. syr. acetosi, citri, sacchari candi an. Vnc. i℔.*

Ad ignem parum ebulliant. Quæ compositio ad inlebos referri potest. Pertinet huc & acetum, quod quomodo è vino & cereuisia fiat, vulgo notum est. Idem etiam ex melle seu hydromelite & mulso, vt & ex leguminibus & cerealibus omnibus ac fructibus, è quibus spiritus parari solet, confici potest, vt pomis, pyris. Imò etiam ex herbis. Ita ex floribus lilior. conuallium acetum parari potest, si sale conspergantur, vasi ligneo indantur, & probè tegantur ac lapidibus onerentur, & humido loco tribus septimanis reponantur. Ita enim acetosus liquor colligitur, qui in cineribus destillatur & est acetum destillatum è floribus lilior. conuallium. Paratur etiam nonnunquam acetum medicatum, vt scilliticum, rosaceum, tunicis, scordij, flor. sambuci, & plura alia, & quidem non solum ex vno, sed pluribus simplicibus, tum ad medicamenta & condimenta ad internos affectus, obstructions scilicet aperiendas, resistendum putredini, siccandumque, tum ad externa medicamenta, qualia passim multa in libris de peste occurrunt. Parantur autem infusione & maceratione simplicium eo modo, quo vina medicata. Præterea ad hoc caput referre libet succos depuratos. Exprimuntur ij ex recentibus plantis earumque fructibus, vt supra, sect. 2. cap. 10. dictum. Succus expressus defecatur, atque ab impuritate terrestri separatur, vt fiat purus, & liquidus. Clarificatio autem, & depuratio illa tribus modis fieri solet. Primò per album oui, vt supra, allegato loco, dictum. Secundò per colaturam sæpius repetitam, vel per filtrum. Tertius modus quidem laboriosior est, præstantior tamen, & utilior, qui fit per digestionem, ita vt singulis diebus semel, vel bis liquor clarus à fecibus, quæ in fundo subsident, separetur; donec

Acetum medicatum.

Succi depurati.

donec tandem nihil subsideat. Quo modo parati succi per integrum annum durant. Aliàs, ne succi corrumantur, iis oleum oliuarum superfundere solent. Parantur verò succi, ut sint tempore hyberno loco plantarum virentium. Consulatur hîc etiam Libanius, lib. 8. *Syntagm. arcan. Chymic. c. 4.* Tandem ad hunc locum pertinent liquores illi, qui ignitorum metallorum & mineralium, per extinctionem in iis, viribus imbuuntur; de quibus prolixè agit Libanius, lib. 1. *Synt. arcan. Chymic. à c. 8. ad c. 16.* Videatur Vid. Vidius lib. 7. c. 4. Vvecker. *antidot. spec. lib. 2. sect. 6.* Quercet. *pharmac. rest. lib. 1. cap. 10. 11.*

CAPUT V.

De aquis & spiritibus Destillatis.

Destillatio quomodo instituenda sit, supra, *sect. 2. cap. 11.* dictum. Atque illa quæ destillatione parantur, destillata appellantur, quæ variorum sunt generum: quæ tamen omnia ad duas classes referri poterunt. Vel enim destillata formam aquæ, vel olei referunt. Quæ aquæ formam referunt, duplicia rursum sunt. Vel enim ad naturam aquæ propius accedunt, & aquæ simpliciter appellantur: vel spirituosæ planè sunt, & spiritus nominantur. Atque ita spiritus inter aquam & oleum, sicut aer inter aquam & ignem, quodammodo ambigit. Verùm hæc nomina sæpe confunduntur. Non rarò enim quod spirituosum est, aqua nominatur. Sic spiritus vini, ardens nuncupatur; sic spiritus nitri, aqua nitri: sic aquas fortes dicimus. Nimirum spirituosæ essentia vix ita separari & purificari potest, ut nihil aquæ secum retineat. Ita enim in corporibus plantarum & animalium hæc miscentur, ut aqua quasi spirituum illorum vehiculum sit, spiritusque toti aquæ permixti sunt, ut ægrè & non sine magno labore separari queat. Quod in spiritu vini videre est, qui etiam si optimè rectificatus sit, ut accensus totus deflagret, & nihil omnino aquæ continere videatur: tamen si artificiosè illud spirituosum, quod in eo est, quodque salem vini volatilem & sulph. Chymici nominant, separetur, quod fit, cum sali tartari affunditur, multum adhuc aquæ ipsi inesse deprehenditur: adeò, ut Arragos. Gallus in *epistol. Schult. 55.* scribat, ex una spir. vini libra vix 3 lb. concretorum spirituum colligi posse, reliquum verò esse aquam insipidam. Ita etiam si spiritum vitrioli optimè rectificatum, & à quo omne phlegma separatum putes, sumas eumque cum terra sigillata. Silestia aliquoties per retortam vitream destilles: tandem sal illud acidum vitrioli totum cum terra relinquetur, & nihil nisi aqua, cuius maxima pars est, exstillabit. Contra aquæ destillatæ aliquid spirituum continent: aliàs inutiles essent, & nullius efficaciam. Ita etiam in mineralibus & metallicis sæpe olea appellantur, quæ potius sunt spiritus, ut oleum salis, nitri, vitrioli. Magis tamen propriè si quis loqui velit. aquam destillatam illud appellet, quod quidem de essentia medicamenti aliquid continet, verùm illud aquea humiditate dilutum & mistum; Spiritum verum nominet illum liquorem, qui spirituosus, & essentiam medicamenti continentibus partibus abundat, atque à quo humiditas aquea maxima ex parte separata est: Oleum verò illud pinguem oleosam naturam participat. De his tribus destillatorum generibus primo ordine agemus: ubi si semper hanc nominum proprietatem non obseruauerimus, vulgi consuetudinem nos sequi monemus. Aquæ primò destillatæ ex variis rebus parantur. Ex herbis & floribus omnes ferè per adscensum destillantur. Atque ex virentibus floribus imprimis, aliisque tenerioribus, quarum vis facile

euanescit, & frigidioribus plerumque per Baln. Mar. in cucurbita vitrea aquæ satis bonæ stillantur. Ita ex rosis incarnatis, quas appellant, seu rubentibus selectis & mundis aqua elicitur. Quam si nobiliorem reddere cupis, aquam destillatam super recentes alias rosas affundito, & iterum destillato, idque tertio facito. Tum enim aqua tantum odorem acquirit, ut una pars decem fontanæ aquæ partes odoratissimas reddat. Quæ, ut & aliorum florum bene olentium, si adhuc odoratiore cupis, in alembici canali, vel extremitate rostri granum moschi vel ambræ ponatur, per quod aqua exstillans odorem imbibat. Ita & aquam ex violis purpureis Ioh. Bapt. Porta destillat, & iniectionis novis floribus, eandem destillationem repetit: cuius odorem nonnulli augent appensa rostro alembici portiuncula radicis ireos. In aqua è floribus caryophyllorum destillata si odorem augere velis, aliquid pulueris caryophyllorum aromaticorum in alembici canalem ponito. In quibus omnibus id obseruandum; quod ex herba facilius odor expirat & euanescit, eò tepidiore balneo utendum, & interdum tantum solum calorem admouendum, ut flores vix contabuisse videantur. Hoc enim modo, & calore ita moderato, etiam ex floribus liliorum alborum aquam odoratam idem promittit Porta. Commodissimum ad hanc rem Balneum vaporosum, de quo supra, *sect. 2. cap. 11. & in tab. figura 4.* Ut verò etiam color florum, qui & ipse plerumque euanescit facile, retineatur, alembicus quoque floribus & ipse replendus est. Iis scilicet, qui fixos colores habent: quales sunt fl. rosar. rubr. tunicis, pœonia, violar. cheiri, buglossæ, primulæ veris. Ita enim aqua transiens per flores in alembico colorem secum trahit. Verùm tales aquæ non diu durant, ob crudum illud, quod secum ex floribus in alembico positis rapiunt. Quod tamen præcauetur, si iidem flores cucurbitæ indantur, & spiritus vel solus vel aq. propria mixtus affundatur. Alii flores herbasque destillandas contundunt, atque ex iis succum exprimunt, ex illo verò succo destillatione per alembicum in Baln. Mar. aquam eliciunt. Quod si & odorem & colorem in aqua retinere cupiunt, flores integros, ut dictum est, in alembicum ponunt. Feces calcinant, atque ex iis per aquam destillatam imbuunt. Ita enim à corruptione integra seruat, & vires salis in se continet. Nonnulli plantam destillandam concidunt minutim, aut contundunt, & contusam cucurbitam angustiori orificij ferè replent, & patellâ vitreâ impositâ, cum puluere vitri veneti, & borace hermetice claudunt. Postea vitrum in lebetem aquâ plenum ponunt, & horis sex, vel septem, aquâ bulliente, coquunt. Postea ex aqua exemptum vitrum in locum tepidum ad digerendum ponunt, donec vitri parietibus guttæ non ampliùs adhærescant, & digestio absoluta sit. Digestam materiam in Balneo Roris destillant, oleum ab aqua separant. Aquam reliquiis iterum affundunt, & destillationem repetunt. Verum, ut dictum, herbe frigidiores, & quarum vis facile euanescit, in Baln. Mar. rectius destillantur; sed calidiores, aromaticæ, & quarum vis non ita facile euanescit & profundius hæret, non ita utiliter & commodè per Baln. Mar. destillantur. Neque enim aliquid olei cum iis exstillat, neque etiam eam vim habent, ac si in vesica destillentur; imprimis si rectificentur. In hac autem per vesicam destillatione etiam quædam obseruatur diuersitas. Alij herbas ipsas contundunt aut minutim concidunt, & quartam partem vesicæ præter propter iis replent; inde affundunt aquam puram, ut tertia pars vesicæ iis impleatur, & una quarta ferè vacua maneat, adhibitoque refrigeratorio vase, & serpentinis etiam, si spirituosæ planè aqua queritur, vel alembico cum refrigeratorio, & commissuris clausis, igneque accenso, & conueniente adhibito sub vesica, lentè ac guttatim aquam

Aqua destillata.

Spiritus.

Aqua latum.

Aqua phyllorum.

Aqua coram reit.

2.

3.

4.

5.

Oleum.

Aguas destillatas parandi modus.

aquam destillant. Nonnulli affusa aqua calida, vase bene clauso, prius per diem & noctem macerant herbas plerique commodissimum censent, si herbae non solum aqua calida per diem & noctem macerentur, sed contusae in fumo equino, vel balneo rosis, aut Mar. per dies 10. vel 14. in digestionem & putrefactionem stent, postea destillantur. Aqua quae primo exstillat, optima est, quae vero ultimo loco exstillat, pura puta aqua ferè est. Quapropter cauendum, ne nimium aquae exstillet, & ita aqua ipsa inefficacior reddatur, herbaeque adurantur, & vesica fundo adhaereant, unde aqua *εμπύρρμα* contrahunt. Itaque, exempli gratia, si sex aquae cantharos affundas, satis est, si duo, aut minor etiam adhuc quantitas exstillet. In hac destillatione plerumque una oleum elicatur, de quo postea. Aqua destillata, si libet, nouis herbis affundi potest, digeri, atque iterum destillari. Eodem modo ex herbis siccis aquae destillantur, affusa prius aqua calida, in qua aliquandiu macerentur. Et plerumque ex herbis calidis & odoratis meliores aquae & olea destillantur ex siccis, quam ex viridibus; cum ex viridibus ob humiditatem aqueam, qua adhuc scatent, non facile spiritus & olea separari possint. Vtile & hic est macerationem seu fermentationem adhibere; quae ut facilius fiat, & partes inuicem rectius dissoluantur, nonnulli aliquid salis vel tartari, vel fermenti aut potius fecum cereuisiae admiscunt. Esi verò si ignis rectè gubernetur, spiritus inprimis adsendant: tamen cum spiritus etiam aquam secum vehant, & calore aliàs aqua ascendere facile una possit; illa per rectificationem, quantum fieri potest, separanda est; quod commodissime fit per balneum. Aqua nimirum tota in cucurbitam vitream vel phiolam infundenda, & lento calore solum spirituosior pars destillanda. Qua destillatione si calor rectè gubernetur vnica forsitan opera separatio fieri potest: tamen si id prima vice non succedat, repetenda est rectificatio: & quae primo per cucurbitam facta est, per phiolam postea instituenda est rectificatio. Quo modo longè facilius Spiritus parantur quam per ambas illas serpentinarum. De destillatione videatur etiam Beguinus, *tyrocin. Chymic. lib. 2. cap. 1.* Exempli loco solum vnum atque alterum afferemus, ad quorum formam & alia parari possunt. Spiritus rosarum hoc modo paratur. Rosae fragrantès, tempore sicco, non madido collectae, contundantur, & in vase terreo vitreato vel dolio querno bene compressae includantur. Vas clausum in cellam per mensem, aut etiam per longius spatium reponatur, donec vinum acidulum odore referat. Hinc earum pars per vesicam (alij per balneum id faciunt) destilletur ferè ad siccitatem. Aqua destillata nouis rosis fermentatis affundatur, idque toties repetatur, donec omnes rosas fermentatas destillaris. Quidam antequam rosas destillent, feces cereuisiae, vel fermentum in aqua calida dissoluunt, rosis affundunt, & cum iis ad formam pulvis miscent, & in calido loco, singulis vel alternis diebus semel agitando asseruant, donec fermentatio, quod ferè tribus diebus fieri solet, perficiatur. Postea eodem modo per vesicam destillant. Aliqui etiam, postquam fermentatio peracta est, dolij orificium, in quo rosae continentur, claudunt, & tribus vel quatuor septimanis ad ulteriorem digestionem rosas asseruant, ac postea destillant. Aqua destillata omnis in vas vitreum longi colli seu phiolam fundatur, & lento igne in balneo pars spirituosior, duodecima circiter, separetur, quae si rectè parata sit, spiritus ignem concipit. Si prima vice non satis rectificatus sit, potest reperiri rectificatio. Ita quoque ex rorismarini, saluiae, betonicae, lilij conuallium & similibus floribus optimus spiritus extrahi potest. Absinthij spiritus ita paratur. Accipe summitates absinthij q. v. affunde aquae s. q. stent in

digestione per dies aliquot. Potest & quid ad fermentandum adici. Destilletur per vesicam. Exhibet aqua olei quippiam continens. Oleum per filtrum vel per separatorium diligenter separetur. Aqua tota cucurbitae vitreae indatur, atque in B. semel atque iterum rectificetur, saltem pars spirituosior abstrahatur, quae odorem & saporem absinthij retinet. Si libet, possunt in rectificatione flores absinthij noui sicci in alembicum poni. Sed, ut dictum, istae aquae non diu durant. Ita è foliis cardui benedicti spiritus efficacissimus aurei coloris, saporemque lixiuij ferè habens à sale volatili, destillatur. *℥. folia cardui benedicti viridia, conscindantur, vel contundantur minutim: addatur parum fecum, seu fermenti cereuisiae, & aliquid aquae nonnihil tepidae affundatur, & post dies aliquot, vbi fermentatio peracta, & deferbuerunt, destillantur per vesicam.* Ab aqua destillata Spiritus per phiolam separetur. Et ut semel hoc moneam, vbi aquae multum est, prima rectificatio per cucurbitam fiat, hinc per phiolam.

Essentia Rorismarini, quam nonnulli appellant, ita paratur.

℥. Rorismarini lb. vj. aspergantur Spir. vini opt. ℥ij. adde vini Maluatici q. l. stent infus. per 4. septimanas, donec planè imbiberint, deinde destillantur in arena. Huic destillato spiritui add. Rorismar. in umbra exiccati lb. j. stent in infus. per 8. dies, ut prius, destillantur; & hoc fiat sexies. Feces ab omnibus destillatis calcinentur, ex quibus extrahatur s. a. Sal proprium album, impraegnetur essentia Sale, & circuletur per 8. dies, denuoque coletur per chartam. Spiritus vini hoc modo destillatur. Ex vino vel etiam fecibus vini per vesicam pars optima, quod gustus & sapor indicabit, abstrahitur: quod exstillauit, aliquoties per B. rectificatur, & saltem dimidia vel tertia, aut quarta pars destillatur, idque eò usque, dum accensus spiritus vini nihil relinquit aquositatis. Subtilius adhuc ita rectificari potest. Cucurbitae orificium tegatur quadruplici charta subtili, imponatur alembicus, & lento B. calore tertia vel quarta pars separetur. Ita enim saltem spirituosissima pars per papyrus penetrat, aquosior & phlegmatica iterum decidit. Idem, & facilius fieri potest, per phiolam longi colli, eius tertiam aut ad summum dimidiam saltem partem replendo. Sic enim subtilissima saltem pars ascendit; aquei verò vapores ad latera colli phiolae condensantur & delabuntur. Nonnulli cucurbitae vel phiolae orificium spongiâ oleo imbutâ obstruunt. Ita enim aqua haeret; transit verò per eam solus spiritus. Licet quoque per vas serpentinum spiritum vini rectificare. Per anfractus enim illos canalium solum subtilissimus spiritus penetrat; phlegma verò in vase inferiore subsidet. Sed non opus est tot modis; cum vnica per phiolam altam destillatio sufficere possit. Spiritus vini ad multos vsus efficacior redditur, si tartaro acuatur. Quod fiet, si ad lb. ij. tartari albi crudi mundati, & crasso modo puluerisati ℥j. addatur, & in balneo scobe ligni serrati madefacta pleno lentissimo igne, ut ad quartum ferè pulsum vna gutta cadat, destilletur, donec spiritus omnis prodierit, & phlegma stillare incipiat; quod ferè fit, vbi tertia pars exstillauit. Qui si subtilior adhuc expetitur, iterum ad lb. ij. tartari ℥j. addi, & ut prius destillari potest. Hic spiritus si super eundem tartarum cohobando per retortam rectificatur, & in fine (phlegmate intermedio abiecto) fortiori igne vrgetur, spiritus vini tartarificatus habetur. Alius Spir. Vini Tartarificatus in omnibus obstructionibus utilis. Extrahe ex calcinato tartaro sal aqua communi, filtra, coagula, funde in tigillo per diem, donec inde lapis fixus coloris subcoerulei euadat: affunde huic Spir. Vini optimum, sigilla vitrum lege artis, in digestionem per tri-

Spiritus cardui benedicti.

Spiritus vini destillatio.

Spiritus vini tartarificatus.

duum detine, dehinc per arenam destilla, tribus vicibus reaffundendo; tertiâ vice exhibet spir. Vini tartarificatus rubicundi coloris. Alij etiam destillant aliquot vini generosi mensuras per phiolam, donec prodeat spir. Vini optimus: huius lb j. affundunt zij. salis tartari acutissimi & candidissimi, digestionem exponunt, & circulationi per aliquot dies, atq; sic non ignobilem quoque spir. Vini tartarificatum accipiunt. Ex seminib. aqua & spiritus eodem modo per vesicam destillantur, sicut ex herbis siccis. Macerantur nimirum, addita ad singulas lb zj. vel zjß. salis & quod comodissimum est, fermenti cerevisiæ portione aliqua, destillantur: oleum ab aqua separatur, & postea per B. vix duodecima, vel decima sexta pars, quæ spiritus loco est, aut aqua certè efficacissima, destillatur. Nonnulli in Aniso, & Fœniculo & baccis iuniperi post primam demum in vesica destillationem illi, quod in vesica relictum est, addunt in vase ligneo feces vini vel cerevisiæ, singulis libris seminum dimidiam vel quartam partem canthari, & sinunt fermentari; destillant per vesicam, & destillatum, addito Mj. salis rectificat, vt dictum. Ex granis & fructibus, vt hordeo, tritico, auena, baccis iuniperi, sambuci, lauri & similibus eodem modo spiritus elici potest. Spiritus sambuci ita paratur. ℞. baccas sambuci maturas, exprimatur succus, vel conquassentur saltem, stentque in vase ligneo, donec incipiant fermentescere: adde fecum vini vel cerevisiæ partem 12. vel 8. vel quantum libet, & finito fermentari: postea destillentur per vesicam, & rectificentur. Ab aliis hoc modo parantur tales spiritus. Crasso modo contusa in paruum dolium ex ligno querno coniiciantur, & aqua tepida affundatur, & ad accelerandam digestionem aliquid fermenti communis adiciatur, vasque clauso in locum frigidum reponantur, donec acescere, vinumque redolere incipiant, tum destillentur per vesicam, & rectificentur. Vulgò nostri homines hac via vtuntur: Polentam sumunt ex hordeo vel tritico, affunduntque aquam calidam, quæ vbi tepida euasit, aliquid fecum cerevisiæ addunt, fermentarique sinunt, & postea per vesicam destillant & rectificat. Huc referri etiam possunt aceta, seu liquores acetosi, qui ex herbis & floribus fieri possunt. Ex.gr. Ex floribus lilij conuallii istiusmodi destillatum acetum paratur, quod sup. cap. 4. propositum. Ita ex baccis iuniperi spiritus paratur. ℞. baccas iuniperi, contundantur, affundatur aqua, stent in vase clauso per quatuor dies. Postea affundantur cerevisiæ feces. Iterum stent in digestionem per quatuor vel quinque dies. Postea destillentur per vesicam; exstillat aqua cum oleo: separentur. Aqua iterum baccis in vesica residuis affunditur & rectificatur. Quidam materiæ post primam destillationem relictæ, in vase satis capaci, affundunt feces vini vel cerevisiæ, nimirum in decimam sextam partem modii vnum cantharum, & fermentari sinunt dies quatuor vel quinque. Postea destillant per vesicam, & rectificat. Non alio modo ex aromatibus cum aqua communi vel menstruo idoneo maceratis aqua extrahitur. Vulgarissima inter illas est aqua cinamomi. ℞. cinamomi optimi, quantum libet; crassiusculè contuso affunde spiritus vini part. ii. Aqua fontanæ part. i. stent aliquandiu, postea per vesicam destilletur. Vel cinamomum crassiusculè contusum maceratur vini sufficiente quantitate per dies aliquot, & destillatur per vesicam. Nonnulli singulis libris cinamomi adiciunt zj. salis communis, affundunt aquam tepidam, vas bene claudunt, & in loco frigido per octiduum macerari sinunt. Hinc pro singulis libris cinamomi affundunt dimidium cantharum vini boni, & destillant per vesicam. Ex qualibet libra potest elici lb i. aquæ bonæ; reliqua est ignobilior; quæ vltimo loco exstillat, ad cætera

est inutilis, potest tamen asseruari pro nonni cinamomi infusione. Sunt, qui recipiunt vini dulcis & aquæ partes æquales. Nonnulli sumunt dimidium aquarum destillatarum cordialium & dimidium generosi vini. Quidam hunc modum vsurpant. Recipiunt cinamomi lb i. salis communis, tartari ana. zj. (quò plus tartari adieceris, eò plus olei prouenire dicunt, aqua autem non ita prodest) fecum cerevisiæ cochlearia iiii. aquæ quantum sufficit: destillant per vesicam. Nonnulli non per vesicam, sed per cineres eandem aquam destillant hoc modo. Recipiunt cinam. opt. lb i. contundunt crassiusculè, indunt cucurbitæ vitreæ, & affundunt aquæ ros. lb v. adglutinantq; alembicum cæcū, & in capella super cineres calidos per 14. dies digerunt: postea pro cæco rostratum alembicum imponunt, & per arenam lento igne destillant. Vbi aqua rosarum dimidia exstillauit, effunditur destillatum in separatorium, & oleum separatur, Aqua iterum in cucurbitam funditur, & iterum destillatur. Aqua, quæ in quavis ferè destillatione cinamomi primò destillat, ferè lactea est, ideòque recipiens mutandum, cum color lacteus desinit, & quæ postea destillat aqua, vt ignobilior seorsim excipienda. Si oleum quis seorsim habere cupiat, aqua destillata per dies 14. in cellam ponatur, & oleum subsidet, quod ab aqua separetur. Eliciuntur & spiritus ex lignis, vt ligno guaiaco, visco querno, & similibus: per retortam imprimis. Potest & destillatio per balneum roris, vel vaporem aquæ calidæ ad vegetabilia adhiberi, mirumque in modum à nonnullis commendatur, imprimis ea, quæ per retortam ad latus sit, vtpote cuius beneficio ex aromatibus, atque omnis generis plantis siccis efficacissimus liquor elici possit. Apparatus suprâ, sect. 2. cap. 11. de destillatione in genere descriptus est. Dant suos spiritus & resina. Ex terebinthina spiritus hoc modo elicitur. ℞. terebinth. lb ij. inde cucurbitæ terreæ vel vitreæ humiliori, affunde duplum vel triplum aquæ puræ. Nonnulli iniiciunt silicum contusorum, vel arenæ lotæ M ii. vel iii. imponunt alembicum, & destillant per cineres vel arenam, atque exstillabit aqua & liquor purissimus ac limpidissimus aquæ innatans. Eundem ignem continua, donec spiritus omnis adscendit, quod visu dignosci potest, & fiet forsân post horas 12. Tum muta recipiens, & exstillabit oleum flavum: aut si simul excipere placet, postea separentur. Et spiritus & oleum ab aqua per infundibulum vel separatorium separentur. Resina seu colophonia reliqua adhuc fluens effunditur ex cucurbita, & asseruatur pro oleo rubro parando. Nonnulli terebinthinam prima vice sine additamento, affusa saltè aqua, destillant. Vbi spiritus albus exstillabit, omne quod reliquum est, effundunt in ollam, & refrigerari sinunt: postea pro qualibet libra addunt ziv. salis, arenæ vel farinæ laterum lib. i. & iniiciunt in retortam, & per arenam gradatim oleum destillant, vulneribus conglutinandis commodissimum. Alii spiritum terebinthinæ per vesicam multa aqua affusa destillant. Suppeditant & spiritus gummi. ℞. mastiches lb i. salis ziiii. M. adde silicum vstorum & contusorum lb iß. Alii sumunt cineres vel arenam, de quorum proportionem postea in oleis diceretur. Imponantur retortæ vel cucurbitæ vitreæ collocetur in arenâ vel cineres, accendatur ignis, & primò exstillabit liquor cū oleo flavo, quæ vbi exstillare cessarint, separetur spiritus & oleum, & spiritus rectificetur. Paratur & ex Tartar. Spiritus, cuius destillationem describit Crollius, p. 157. & Beguinus, lib. 2. c. 4. Alii post primam destillationem è capite mortuo sal, vt moris eliciunt, eumque purificant, & purificatum miscent cum toto, quod ex prima destillatione prouenit, & in Balneo digerunt, donec sal omnis ferè solutus sit. Quod vbi factum, cum argilla sicca, vt moris, liquorem miscent, & per retortam

Aqua destil-
lata ex semi-
nibus.

Spiritus sam-
buci.

Spiritus iu-
niperi.

Aqua ex aro-
matibus.

Aqua cina-
momi.

Spiritus
Lignu.

Spiritus
rebinthina

tam destillant igne aperto, atque ita sal spiritualis factus cum spiritu & oleo prodir. Postea oleum ferens à spiritu separatur, & vtrumque secundum modum à Crollio propositum corrigitur. Consultius tamen videtur, oleum post primam statim destillationem separare, & solum Spiritum cum sale coniungere. Ex animalium partibus, & iis, quæ ab animalibus desumuntur, parantur quoque aquæ & spiritus per destillationem. E cornu cerui per retortam aqua destillatur, vt ex lignis: quomodo etiam ex aliis ossibus spiritus & oleum destillari potest. Dum verò liquor è C. C. vt & cranio humano per Retortam elicatur, simul sal volatilis resoluitur & parietibus Recipientis adhærescit. Fit & aqua è nouellis C. C. ad morbos malignos vtilissima, si in frustula concisa in Retorta per Baln. M. aut Roris destillentur, vel per se, vel cum paucio vino, donec liquor omnis exstillauit.

Aqua Cordium.

℞. Cord. porc. sect. in taleolas num. ij. cerui vel bovis similiter preparat. num. iij. caryophyl. galang. sem. basilic. macis ana. ʒ. iij. fl. bugloss. borrag. rorismar. ana. p. ij. Temperentur in vino Maluatico & destillentur in Aquam.

Vel ℞. Cord. Ceru. rec. benè expurgator. & vino lotor. num. iij. Coq. in f. q. aq. fontan. ad perfectionem f. mollitiem, postea incid. minutissimè, & add. Caryophyl. galanga ana. ʒ. ʒ. basilic. macis ana. ʒ. iij. fl. bugloss. borrag. ana. Mj. rorismarini, meliss. ana. Mʒ.

Macerentur per noctem in vino Maluatico & destillentur per alembicum vitreum; destillatum rectificetur. Mel verò hoc modo destillatur. ℞. mellis ʒ. j. adde salis communis vel silicum mundorum contusorum ʒ. iij. (alii etiam addunt segmenta ligni iuniperini magnitudine dimidii digiti) impone retortæ, ignem gradatim admoue, & exit aqua & spiritus, quæ aliquoties rectificantur. Alii hoc modo destillant. Primò per balneum aquam in cucurbita destillant, remanenti in cucurbita melli addunt arenam subtilem, vel silices calcinatos contusos, & vitreæ retortæ imponunt, atque gradatim ignem admouent, atque exstillat aqua flaua cum oleo. Hæc in B. M. vel loco aliàs calido per dies 5. vel 6. digerunt, postea destillant; iterum digerunt, iterumque destillant, tandem oleum ab aqua separant. Tandem etiam ex mineralibus spiritus destillatione eliciuntur. Primò Spiritus salis pluribus modis paratur. Nonnulli hoc modo parant: Salis communis quantum vis, solue & coagula, si libet, aliquoties: salem hunc, vel in loco humido solutum, vel aspersâ aquâ misce cum terra figulina sicca æquali quantitate, exempli gratia ana ʒ. iij. & forma inde pastillos nunc magnitudine, qui exsiccentur. Exsiccatos retortæ inde, aperturque recipiens amplum, & clausis commissuris, admoueat ignis gradatim. Primò exstillabit humor aqueus: hinc sequentur Spiritus albi. Augeatur ignis, & in eodem gradu seruetur, ne Spiritus remittant, idque eo vsque, donec nihil spirituum amplius egrediatur. Refrigerato vase inuenietur Spiritus salis qui repetitâ distillatione per alembicum rectificetur. Alii ita parant. ℞. boli communis (nonnulli bolum igne forti prius torrent, & exsiccant) vel lapidis calaminaris, vel tripelæ, vel quod longè vtilius est, terræ sigillatæ aut boli armeni partes iij. ex. gr. ʒ. ʒ. j. sal. part. j. ex. gr. ʒ. ij. trita misce. Inde in retortam benè luto obductam, destilla, vt dictum, donec spiritus cessent, & recipiens clarum fiat. Et quia in primâ destillatione sal totus in spiritum non resoluitur, nonnulli caput mortuum in Aqua communi coquunt, & salem inde extractum, vt prius destillant. Alii etiam salem extractum cum primo Spiritu miscent, atque aliquandiu digerunt, & deinde cum bolo vel terra sigillata vt prius destillant.

Nonnulli sal ʒ. j. Retortæ indunt, & igne aperto destillant: illud quod stillauit, super eundem salem affundunt, idque ter vel quater repetunt. Si Spiritus salis & vini partes æquales misceantur, & ter vel quater per retortam destillentur, vniuntur, & quodammodo dulcescit Spiritus. Quo si imbuatur saccharum candum puluerisatum, fit vtile medicamentum ad præseruandum à putredine.

Spiritus salis compositus ita paratur.

℞. Salis nitri puri, Salis communis tosti an. q. vis Misce cum triplo argillæ, & inde globulos forma, vel misce cum triplo boli armeni, & spiritum per retortam more consueto destilla. Huius spiritus ʒ. j. cum Salis fusi ʒ. iij. per aliquot dies digere, vt sal soluat. Hinc per retortam iterum destilla, idque aliquoties repete. Hinc phlegma per balneum separa, & spiritum per retortam vel cucurbitam in arena separa, tandemque cum Spir. vini partibus æqualibus digere, & in vase circulatorio digere & postea rectifica, donec Spiritus illi vniti sint, dosis à gr. iij. ad vi.

℞. Corallior. in puluer. tenuiss. trit. ʒ. j. Salis comm. vel marini ʒ. iij. vel iiii. M. inuicem in marmore terendo, postea destilla ex retorta igne nudo, obseruatis gradibus, in excipulum capax spiritum, tandem igne violentissimo, & prodir vnâ cum Spiritu salis, etiam Coralliorum. Ex vitriolo qua ratione Spiritus eliciatur; passim notum est, habetque eius descriptionem etiam Cordus. ℞. Vitriol ad rubedinem calcinati lib. vi. vel viii. Inicianur retortæ benè lutatæ. Quidam vitriolum calcinatum puluerisatum per cribrum traiciunt, eique dimidiam partem laterum crasso modo puluerisatorum addunt. Huic aptetur recipiens amplum, commissuris bene clausis. Accendatur ignis gradatim, & post tres fere horas phlegma stillare incipit. Hinc ignis paulatim augeatur, Circiter horam sextam vel septimam spiritus albi apparere incipiunt. Iterum augeatur ignis, & ita continuetur per integrum diem. Tandem detur maximus ignis atque continuetur hic labor vsque ad finem tertii diei. Postea refrigerentur omnia sensim, Rectificetur Spiritus primùm in Balneo à phlegmate destillando, donec acidæ guttæ destillare incipiant. Quod vbi factum, quod clarum est, infundatur in retortam vitream, & per cineres vel arenam destilletur spiritus clarus & albus: in retorta verò manet oleum rubicundum, & acre. Alii hoc modo spiritum vitriol. destillant. Vitriolum aliquot coagulationibus & solutionibus optimè purificatum imponunt cucurbitæ vitreæ vel retortæ luto obductæ, affunduntque spiritum vini. Hanc imponunt in ignem apertum, aptato amplo recipiente, & primò lento igne destillant spiritum vini; mox aucto igne exstillat phlegma; tandem cum spiritus apparere incipiunt, augeatur sensim ignis, donec vitrum vel retorta incandescat; tandem in Balneo Mar. spiritus vini separetur à phlegmate & spiritu vitrioli: per cineres verò phlegma à spiritu. Quidam vitriol. in rore maiali dissoluitur, purificatum, iterumque coagulatum in calore Solis, & hypocaufti exsiccant. Huius ʒ. i. destillant per alembicum igne aperto, & phlegma cum spiritibus capiti mortuo iterum affundunt, rursus destillant, idque octies repetunt. Nonnulli etiam spiritum vitriol. vulgari modo paratum ita corrigunt. Sumunt tempore verno violas purpureas succi plenas, iisque affundunt spiritum vitrioli vulgari modo paratum, qui vbi colore violarum tinctus fuerit, eum per chartam bibulam transcolant, & vsui seruant. Hoc modo enim aliquid de acredine amittit, & gratum aliquomodo colorem, atque odorem acquirit, vt etiam ad guttas xii. vel plures exhiberi possit. Quidam id destillando vitriolo ei aliquid nitri addunt. Ita enim destillatio longè breuiore tempore perficitur.

Verum

Spirit. salis
dulcis.

Spiritus sal.
compositus.

Spirit. salis
Corallatus.

Spir. vitr.

Spir. vitr.
correctus.

*Spir. vitr.
Philosophi-
cus.*

*Spiritus vitr.
ruber.*

*An spiritu
vitriol in fe-
bribus mali-
gnis utendū.*

Verum ex hac spirituum mistura Aqua fortis potius oritur, quam verus vitrioli spiritus, neque tunc hic spiritus exhibetur. Qua ratione ex vitriolo ♀ & ♂ Spiritus paratur, docet Crollius pag. 218. modo attendatur, ut pro limatura ♀ris calx ♀ris, quam Germani *Kupferschen* vocant, substituatur. Sic enim facilius opus succedit. Si aqua, qua ♀ vitæ dictus abluitur, & edulcoratur, leniter, donec aciditas quædam in ea deprehendi incipiat, euaporet, reliquumque per retortam destilletur, spiritus colligitur, quem D. Hartmannus spiritum vitrioli Philosophicum appellat, utpote qui ex tenuissimâ substantiâ vitriolata, quam ♀tus ab Oio per destillationem in olei formam redactus ex vitriol & sale in sublimatione extraxerat, constet, & dum ♀ in pulverem album præcipitatur in aqua separatur. Nonnulli etiam ex vitriolo rubrum eliciunt spiritum, quem Oleum vitriol rubicundum & dulce appellant. Calcinetur vitriol Vngaricum, ut moris est, postea imbibatur calx optimo Spir. Vini, omni phlegmate exuto, exicceturque; hoc aliquoties reiteretur: tandem materia exiccata retortæ indatur, & inde liquor destilletur spirituosus, qui rubicundus, seu gratâ rubedine tinctus apparebit, nec adeo acris, sed fermè subdulcis gustu deprehendetur: Est enim spiritu vini attemperatura illa acrimonia. Vel primum à calce vitriol Vngarici aliquoties in M. B. spir. vini abstrahere & reafunde, postmodum in retortam capacem reponere, spiritusque vrge, donec omnes transierint. Ab hoc liquore in balneo vaporoso sola aquositas, ita ut aqua leuiter bulliat, abstrahatur. Sic spiritus oleaginosus in fundo remanebit, admodum rubicundus, nec sapore adeo ingratus. Verum quia tum alia Chymica, tum imprimis spiritum vitrioli alij valde commendant, alij eius usum planè improbant, de eo aliquid addere libet. Inter eos, qui spiritum vitrioli improbant, est Ioan. Bapt. Sylvaticus, qui, *controuers.* 48. oleum vitrioli reiecit, eorumque audaciam illa controuersia se damnaturum promittit, qui oleum è chalcanto pestilente febre laborantibus propinare non verentur. Cur autem medicamentum hoc vereatur, ac timeat, causas has affert. Cum, ait, Galenus & Dioscorides erodentis ac septicæ facultatis particeps vitriolum esse dicant: in morbo calido & pernicioso sine periculo exhiberi non posse videtur. Deinde cum maximè molestum & efficax medicamentum sit, & eius minima quoque portiuacula magnas corporis perturbationes faciat: si eiusmodi febre correpto offeratur, & naturæ molestiam afferet, & eam ab opere suo distrahet, eiusque cum morbo pugnam impediet: imprimis cum metallicum sit medicamentum, & ea de causa venenosi quippiam in se habeat, & teste Dioscoride, vomitum cieat. Præterea cum Medici antiqui plurimi calidissimum esse affirmant remedium: in ea febre, quæ vehemens admodum est, nullo pacto conuenire potest. Augeret enim caliditatem febrilem. Diserte quoque Galenus, *lib. 11. meth. medendi cap. 9.* aquarum vitriolarum usum reiecit in febribus putridis. Et tandem toti antiquitati hoc medicamentum incognitum est: & sunt alia medicamenta, quibus tunc ac sine periculo excellenti huic putredini occurrere, eamque emendare licet. Verum enimvero si autoritatibus certare liberet, Sylvatico, cui spiritum vitrioli incognitum fuisse non sine causa suspicamur, multorum doctissimorum Medicorum, Gesneri, Matthioli, Cratonis, Donzelini, Zvingeri, Horatii Augenij, Heurnij, aliorumque plurimorum autoritatem opponere possemus, qui omnes summis laudibus spiritum vitrioli efferunt, & cum in aliis morbis, tum in malignis & pestilentibus febribus summopere commendant, ut qui iis sanandis parem Medicinam vix habeat; ve-

rum rationes eius potius pensitemus. Atque hoc in genere monemus, malè Sylvaticum ea omnia spiritui vitrioli tribuere, quæ antiqui chalcanto adscripserunt. Præparatione enim illa multæ partes vitrioli à spiritu separantur. Vnde nec omnes effectus in spiritu vitrioli videre est, qui in integro conspiciuntur; & alij in spiritu deprehenduntur, quos in vitriolo vix animaduerrere licet. Quod enim primò septicam vim ipsi à Galeno & Dioscoride attribui dicunt; falsum id est. Et neque crudum vitriolum, neque spiritus eius è septicorum propriè dictorum numero sunt. Acrimoniam quidem aliquam habet spiritus vitrioli: verum eo nomine reici non debet. Nam quamuis alias res externas erodat: corporibus tamen viuens reedè exhibitus nullam noxam infert, sed illud saltem, quod vitiosum est, aggreditur; quod in aliis etiam medicamentis plurimis videre est. Annon enim succus citri, limonium, berber, acetum & alia gemmas soluunt, & ipsa etiam metalla arrodunt, quibus tamen satis copiosè tum in medicamentis, tum in cibis condiendis utimur? Quid igitur spiritum vitrioli tantopere timeamus; præsertim si diluatur? Id faciendum non esse vel acidulæ docent, & thermæ nonnullæ, quæ aciditatem suam, & effectus illos ob quos commendantur, & à pluribus cum magno commodo sat copiosè bibuntur, ex vitriolo obtinent. Neque etiam molestum est medicamentum, sed sine molestia, imò si permisceatur rebus conuenientibus, cum grata aciditate sumuntur; neque vllam in corpore perturbationem efficit, aut vomitus excitat, quod de crudo scribitur. Vnde opus non est metuere, ne naturam in opere suo, & pugna cum morbo, impediatur. Si enim Medicus naturam non impedit in suo opere, sed potius adiuuat, dum ea medicamenta exhibet, quæ putredinem tollunt, & vitio humorum occurrunt: quid peccabit, dum id medicamentum exhibet, quod maximè putredini resistit, & ad eundem scopum cum natura tendit? Nec eius caliditas pertimescenda est. Neque enim facile inflammatur, aut putredinem, unde calor febris oritur, augeat: sed putredini resistendo, & efficiendo, ne humores inflammentur & incendantur, calorem febrilem exstinguit, nullumque damnum affert. Vitriolarum verò aquarum, quas Galenus improbat, longè alia ratio est. Externum enim eorum usum Galenus reiecit, quod poros cutis constringant, & retentis fuliginibus calidis, putredinem ac calorem augeant. Et si quoque antiquis non perspectus fuerit, & cognitus spiritus vitrioli: nihil id refert. Ob hanc enim causam si reiciendus esset: plura alia etiam præstantissima medicamenta, quæ nunc in usu sunt, essent reicienda. Et quamuis alia etiam medicamenta dentur, quæ febribus his vtiliter adhiberi possunt: non tamen hoc ideo negligendum & reiciendum est; præsertim cum summi etiam Medici ei in hoc genere primas facile tribuant. Spiritus nitr. qua ratione paratur, supra, *sect. 2. cap. 6.* dictum. Parantur & spiritus è salibus plantarum, si scilicet arenæ puræ, & silicum contusorum partes æquales sali admisceantur, & per retortam, ut moris est, destillatio instituat. Alij cum bolo, ut spiritum Salis communis, destillant. Spiritus si è sulphure ingratum aliquem odorem habeat, iteratâ destillatione is tollendus. Pertinet huc & spiritus, seu oleum Sulphuris, quod frequentissimè per campanam paratur. Habendum est vas vitreum paropsidis, vel patinæ instar, è cuius centro surgat meta, supra quam catinus vel crucibulum statuatur Sulphure repletum. Sulphur accenditur. Supra Sulphur campana vitrea suspenditur, eâ distantiâ, ne flamma tangat campanam. Fumus ex Sulphure accenso ascendens in campana coagu-

*Spiritus
plantarum.*

*Oleum
Spir. sal.
per cam-
nam.*

coagulabitur, & ex campanæ oris destillabit. Vbi absumptum est Sulphur, nouum sufficiens est. Si conclaue sit clausum, maior olei quantitas colligitur, & præcipue, si locus sit humidus. Quapropter diebus pluuiis maior huius olei quantitas, quam diebus siccis; & hyeme, quam æstate colligitur. Idem tamen etiam per retortam destillari potest, si retorta in medio ventris perforata; vel quæ in postica parte tubulum habeat, in fornacem collocetur, eique Recipiens, quod aquæ mensuram contineat, adapteatur. Postea ubi igne incaluit Retorta, frustula sulph. partitis vicibus iniiciantur, & post singula frustula foramen vel tubulus claudatur, atque hoc, quamdiu libet, continuetur: Spiritus postea seu oleum in Balneo ab aqua separetur, & rectificetur.

¶ [Vulgò hæcenus à non paucis spiritus vitrioli & sulphuris pro diuersis rebus habiti sunt; adeò quidem, vt nonnulli flores sulphuris, & balsamum sulphuris acidum ad eisdem pulmonis morbos exhiberent; sed valde imperitè; cum acida omnia sint pectori inimica, & spiritus sulphuris & vitrioli essentiâ nullo modo differant, sed ex eadem re generentur & parentur. Etenim spiritus vitrioli & sulphuris eundem saporem, colorem, & omnino easdem qualitates & effectus habent, & ad eisdem vsus in medicina adhibentur: nondumque inuentus est, qui peculiarem aliquam, seu manifestam, seu occultam qualitatem in spiritu sulphuris monstrare potuerit, quæ non etiam in spiritu vitrioli sit. Atque id clariùs patebit, si quædam de natura sulphuris & vitrioli dicamus.]

Equidem Angelus Sala, in dissertat. Germ. de spiritu vitrioli, vitriolum constare scribit ex minera cupri, acri quadam fuligine sulphuris, & aqua communi: ac propterea sal esse negat; cum non sit corpus simplex, sed ex tribus constet. Angelum Salam etiam alij quidam Doctissimi Viri sequuntur, qui ex iisdem vitriolum constare, & sulphur quidem ipso odore percipi, cum vitriolum vritur vel destillatur, docent. Cum enim ignes multi dentur subterranei, atque ij non sine sulphure, ex sulphure accenso excitari scribunt acrem & acidum spiritum, qui æri & aquæ permistus vitriolum generet. Quæ omnia vt locum habere possint, rectè explicanda. Primò libenter concedimus, esse in vitriolo & sulphure substantiam quandam communem, è qua iterum spiritus elicitur acidus. Quòd verò ex integro & perfecto sulphure constet vitriolum, vix concedi potest, sulphur nimirum constet duabus partibus, vna resinosa seu bituminosa, seu quomodocunque appellare libeat, ob quam facillè concipit flammâ, & à qua etiâ nomen accepit; altera salina, è qua iste spiritus acidus destillando prouenit. Posterior pars quòd vitriolo insit, nullum dubium, & ob eam abundantem à plurimis inter salium genera refertur. Ea enim salium fixorum natura est; vt destillatione per ignem fortem resoluantur in vaporem, seu fuliginem acrem, qui in liquorem acidum condensatur, vt in spiritu salis notissimum est. Quòd verò altera etiam sulphuris pars, bituminosa seu resinosa, & ita integra sulphuris substantia, vitriolo insit, & ita sulphur sit vitrioli principium, nondum probatum. Neque vllum eius in vitriolo adest indicium. Etsi vitriolum dum vritur exspirat quendam odorem sulphureum: tamen non inde sequitur, quòd constet ex vulgari sulphure: sicut nec colligere licet, quòd sulphur constet ex vitriolo, quia acetosam fuliginem acrem latè emittit. Hoc saltem inde colligitur, sulphur & vitriolum habere quandam substantiam communem, quæ vtriusque compositionem ingreditur, sal-

Dan. Sennerti Tom. I.

linam nimirum, è qua fuligo illa acris exhalat, & spiritus acidus proueniat. Nimirum & sulphur & vitriolum sunt substantiæ compositæ. Vtraque participat salem sui generis, qui in fuliginem acrem, & spiritum acidum resoluitur. Præterea sulphur habet partem resinosam seu bituminosam, aut quocunque modo appellare libet, facillè inflammabilem: vnde etiam corpora inflammabilia nominantur sulphurea, non ob cognationem cum illa parte falsa acida, sed ob cognationem, quam habent cum parte bituminosa. Vitriolum autem præter sal illud, partes quasdam metallicas, inprimis æris à salibus illis metalla soluentibus permistas habet; & præterea aquam, quæ coctione facillè separatur. Quibus si libet addere terream substantiam, & luti æmulam, per me licet. Omnino enim præter spiritum illum acrem acidum, & aquam, aliquid in se habet vitriolum, à quo sapor adstringens. Etenim spiritus vitrioli per se acerrimus est, vt & acetum: at adstrictio in eo nulla animaduertitur. Quamprimùm autem ferro vel cupro, vel alteri metallo affunditur, saporem adstringentem & abominabilem acquirit, qualis etiam ferè est in Vitriolo, qui an ab ipso metallo, ferro vel cupro sit, an alio terreno corpore, cuiuslibet suum iudicium liberum relinquo.]

Oleum, seu spiritus potius è calculo in corpore humano genito, ad Tartarum in omnibus corporis partibus resoluendum, omnesque obstructions aperendas, & calculum frangendum miris modis à Chymicis commendatur. Patatur autem hoc modo. ℞. calculum in corpore humano genitum, eumque puluerisatum primò igne circulari, postea reuerberij per gradus calcina, donec videatur planè in salem abiisse. Vel, vt supra, sect. 2. c. 5. dictum. ℞. pulueris lapidis huius part. j. pulueris carbonum, præferim faginarum, part. ij. postea in tigillo operculo tecto, & luto diligenter clauso, ne quid expirare possit, vrantur in fornace figulina hor. 24. vt durities lapidis emolliatur. Huic misturæ affunde aquam feruentem, vel coquatur mistura in aquâ feruente, & puluis calculi soluetur in aquam citrinam. Si quid residuum fuerit, denuò exsicceetur, & addito carbonum puluere, iterum calcinetur. Solutionibus omnibus coniunctis aqua enaporet, & relinquitur sal in fundo; sulphuri tamen commistus. Hunc ergo salem secundò coniunge cum parte æquali pulueris carbonum, iterumque calcina, & aquâ solue, vt antea, & tandem aquâ per euaporationem separatâ, sal sit candidissimus, sæpius in cryсталlos abiens, si in loco humido reponatur. Hunc salem coniunge cum spiritu vini optimo, & ex Retorta sæpius cohobando destilla, donec penitus cum spiritu vini transierit. Postremò in Balneo spiritum vini separa, & relinquitur ol. calculi humani, seu vt Paracelsus appellat, Ludi, quod datur à ḡ. v. ad ḡ. x. seu ḡ. β. Atque hoc modo & alij lapides calcinari, & solui possunt. Alij calculos in corpore genitos nitro horis 6. calcinant. Paratur & ex sale ammoniaco spiritus hoc modo. ℞. Sal Ammoniacum sublimatum, puluerisetur, & cum quatuor partibus cinerum misceatur, atque per alembicum destilletur ex arena, prodit spir. salis ammoniaci, qui cum æqualibus partibus spiritus vini mistus, & loco dolenti aliquoties illitus, dolores mitigat. Nonnulli in spiritu hoc etiam aliquid camphoræ soluunt. Vel ℞. salis ammon. libr. j. Solue in aqua calida, in solutionem iniice fragmenta laterum ignita tot, vt ammoniacum solutum ab iis imbibatur. Exsicca inde in Retortam, & s. a. aperto igne destilla. Verùm enim verò non saltem è simplicibus aquæ & spiritus efficacissimi parantur, verùm & variæ compositæ aquæ & spiritus passim in vsu sunt. Pertinentque huc & ea, quæ vulgò Elixir vocant: de quo vocabulo, quod

Ol. è calculo humano.

Spir. salis Ammoniaci.

Aqua destillata composita.

X X x

Arabi

794 De Aquis & Spiritib. Destillatis.

Arabicum esse vel articulus indicat, videatur Licarius, Syntag. arcan. Chymic. lib. 8. cap. 43.

Aqua Acetosa composita.

℞. Herba acetosa M. viij. acetosell. M. iij. taraxac. cum radicibus cichor. cum radicibus hepatic. nobil. an. M. iij. Infund. in aq. agrimon. endiu. an. q. s. vini Vngar. canthar. ij. Destillentur s. a.

Cordiale Elixir tale parari potest. ℞. cortic. citri rec. ab albicante medulla separat. libr. j. spiritus vini non re-
Elificati libr. iij. Macerentur per biduum, postea in vesica Spiritus destilletur, vsque dum phlegma pro-
manare incipiat. Spiritui adde Aq. rosarum, in qua sacchari candi ℥iij. dissolutæ fuerint, libr. sem. croci pauxillum, & si libet succi citri libr. sem. vel q. v. Elixir celebre proprietatis, vt libuit appellare Paracelso, des-
cribit Crollius p. 171. vterinum p. 223. pestilentielle 226. Egregium etiam est, quod describit Matthiolus, lib. 5. in Dioscor. c. 7. Exstant autem tales Aquæ passim plurimæ: Vnam aque alteram saltem exempli loco apponere libet. Celebris est vulgò etiam Aqua car-
bunculi d. cta, quæ sub nomine Maximiliani Impera-
toris circumfertur, & ad varios affectus, Apoplexiam, Epilepsiam, conuulsiones, lipothymiam, conforta-
tionem grauidarum & fœtus in vtero, partum diffi-
lem sumpta, extra etiam ad virium debilitatem arte-
riis illita, dolorē capitis & alia plurima mala, cōmen-
datur.

Vulgaris autem descriptio hæc est.

℞. flor. Rorismarini, lilij conuallium, violar. martial. borragin. ana ℥vj. mentha rubra, ℥j. maiorana, lauendula, salvia ana ℥iij. nucis mosch. macis, zingiberis, garyophyll. cinamom. cardamom. granor. paradisi, cubebar, galanga, baccar. juniper. visci querni, corylin, granor. paonie, ra-
sura C. C. ana ℥j. auri, margarit. preparat. ungula alci, off. de C. C. lapid. percarum ana ℥ sem.

Herbæ conscindantur, reliquæ puluerisentur & addantur moschi ℥ij. Affunde vini Maluatici ℥XLVIII. Aq. rosar. fragorum, spica ana libr. iij.

Stent in infusione per mensem in loco frigido, postea destillentur. Verum circa huius aquæ & simi-
lium compositionem notandum maiores nostros Chymicæ nondum satis peritos frustra pretium talium aquarum additione auri, perlarum, coralliorum, gem-
marum & similium auxisse, non verò ipsas aquas me-
liores fecisse, sed quod pretiosissimum est, cum feci-
bus abiicisse. Neque enim quicquam de auro, de margaritis, coralliis, C. C. & similibus, quod alicuius momenti sit, in alembicum adscendit, sed in cucurbita talia omnia integra remanent, & cum fecibus abii-
ciuntur. Itaque quæ sine his parantur aquæ eiusdem sunt efficacia. Si tamen addere talia libet, solutiones & magisteria margaritarum, coralliorum, lapidum percarum similium aquis iam factis addere satius est, & si spes aliqua in auro est, imponetur foliatum, aut si habetur, potabile redditum.

Aqua ad Colicam.

℞. Sem. anis. ℥iij. cummin. ℥iij. cinamomi ℥℥. macis, ga-
ryophyll. nucis moschat. ana ℥j. galanga ℥iij. calam. aromat. ℥℥. Cortic. aurantior. ℥ij. baccar. lauri ℥℥.

Macerentur cum vini maluatici libr. vj. & destil-
lentur.

Alia Cephalica, ℞. nucis mosch. ℥j. galanga, calam. arom. an. ℥℥. macis caryophyll. cinam. an. ℥j. flor. lauen-
dula. M i ℥. vini rhenan. cantharos ij.

Stent in infusione, postea destillentur.

Alia ℞. cinam. ℥ij. zingib. caryophyll. santali rubri an. ℥℥. nucis mosch. macis, piperis, galanga, cubebar. carda-
momi, anis, fœniculi, coriandri prapar. Spec. arom. rosat. diambra, dianthos, majorana, basilici, flor. lauendula ana ℥ij. ros. rubr. M. j.

Contusa crasso modo infundantur in vini malua-
tici ℥ij. spirit. vini ℥℥. aq. ros. moschata ℥viiij.

Stent in infusione 4. septimanis, postea destillentur. Si libet, potest infuso addi aq. destillat. caryophyl. cinam. an. ℥j. sacch. ℥vj. & per manicam Hippocratis colari atque inde Claretum fieri.

Aq. Apoplectica ℞. vini opt. mensur. ij. Inice quant. suff. flor. lilij conuallium: Stent in cella per 14. dies: Po-
stea vbi in promptu sunt, flor. lauendula.

℞. eorum suff. quant. cubebar. cinam. nucis mosch. macis, galanga, an. ℥℥. visci querni, radic. pœonia an. ℥vj.

Stent in infusione per 14. dies: Postea destillentur. Possunt etiam addi flor. tilia.

Alia Aqua, quam virtutum appellant.

℞. Cinamomi opt. ℥℥. calami aromatici, garyophyllor. zingiberis, granor. paradisi an. ℥iij. macis, nucis moschat. an. ℥ij. ligni aloës ℥iij. cortic. citri ℥℥. fol. salvia, roris-
marin. ana ℥j. flor. lauendula ℥vj. ruta, rosar. rubrar. fol. lauri ana ℥℥.

Incendantur grosso modo, & stent per dies sex in vi-
ni Rhenani sextariis octo. Deinde destillentur.

Alia theriacalis, seu contra pestem.

℞. Succi galega, acetosa, scordij, citri ana ℥℥. theriac. optim. ℥ij.

Mitta digerantur aliquamdiu, postea destillentur.

Alia contra Vertiginem, Apoplexiam & Epilepsiam, & alios Capitis morbos utilis.

℞. flor. lilij conuallium M. viij. Affunde vini Rhen. mensur. ij.

Stent per 13. dies: Postea, adde flor. pœonia. M. iij.

Iterum stent per 3. dies: Postea destillentur in Baln. Mar.

In destillato infunde flor. cauendula, rorismarini, stœ-
chad. Arab. ana M. j. caryophyll. ℥ij. nucis mosch. ℥ i ℥. cu-
bebar. ℥j. visci querni ℥℥.

Stent in infusione: postea destillentur. Potest etiam aliqua pars aquæ ceralorum addi. Cum aqua ista, vt & aliis apoplecticis vbi opus est, misceri castoreum, aut ea aliquoties per castoreum colari potest. Neque enim conimodum est, ingrato castorei odore totam aquam inficere.

Alia contra Vertiginem ℞. cerasorum nigror. syneft. cum nucleis confusorum mensur. j. flor. lauendula M. iij. sinapi albi ℥℥. destillentur in balneo Mariæ.

Aqua theriacalis.

℞. radic. morsus diaboli, tormentilla, valeriana, penta-
phylli, scorzonera ana ℥℥. ℥ij. pimpinella, olsniti, zedoaria, diptamni albi, angelica ana ℥iij. myrrha rubra ℥x, sem. citri ℥℥. carduiben. ℥ij. cortic. citri ℥vj. fol. scordij, galega, morsus diaboli, veronica, carduiben. ana M. j. flor. bugloss, borrag. hyperici ana M. ℥. succi acetosa ℥ i ℥. salvia, sca-
biose, borragin. ana ℥℥. vini opt. ℥℥. vini granator. succi citri an. ℥℥. theriaca op. ℥ij. mithridati. ℥℥. camphora ℥ij.

Stent per octiduū in digestionem, Postea destillentur.

Aqua Lauendula composita contra Vertiginem & Apoplexiam efficax.

℞. nucis mosch. cubebar. zingiberis opt. an. ℥ij. cinamo-
mi, galanga, garyophyll. calami aromatici, macis, radic. & sem. pœonia, sem. eruce an. ℥j. flor. lauend. M. iij.

Infundantur in vini albi ℥℥. diebus quatuorde-
cim: Postea destillentur.

Aqua Nephritica, seu contra Calculum.

℞. rad. resta bouis ℥℥. minutim incisæ macerentur in vini generosi ℥℥. per biduum. Deinde exprimantur, & colentur.

In colatura concisa per quatrimum macerentur. *radic. petroselinii, eryngii, parietaria, gentiana, saxifragia alba cum toto an. 3 iij. sem. fœnic. urtica, melon. milij solis an. 3 ij.*

Postea fortissimè exprimantur. Expresso adde *succi portulacæ 3 ij.* Destillentur. Dosis cochlear. ij.

Aqua Stomachica optima, quam nonnulli Balsamum ventriculi appellant.

℞. *Nucis moschat. garyophyll. cubebæ an. 3 j. cinamomi, maceris, zedoaria, gran. paradisi an. 3 j. galanga 3 iij. piperis longi 3 vj. flor. garyophyll. hortensium, rosar. rubr. bugloss. mentha an. M. j. fol. mentha, pulegij, absinthij viriusque an. M. B.* Contulis adde *mell. panis triticej 3 x.*

Deinde in cucurbita vitreâ affunde *vinum optimum* ad eminentiam digitorum duorum, & clauso diligenter vase digerantur per octiduum.

Hinc fiat emulsio ex *amygd. dulc. lb. B.* Cum *Aqu. rosar. & bugloss. an. lb. ij.* Quæ cum decocti infuso additis *mell. opt. 3 iij.* misceantur: & in Balneo destillentur ad siccitatem. Dosis cochlear. ij. in ventriculi imbecillitate.

Aqua citrata cordial.

℞. *Pomor. citri è tota substantia No. xvij. aurantior. No. xvj. cinamomi sel. 3 vij. B. santali cit. odorif. 3 iij. & 3 ij. ligni aloës odorati 3 ij. & 3 ij. flor. ros. damasc. M. iij. borrag. bugloss. violar. an. M. ij. citri M. j. fol. meliss. vera M. iij.*

Arida pulueris. reliqua incisa infund. in *aq. meliss. c. vino lb. iij. rosar. odor. lb. iij. acetosell. borrag. fl. tunic. acacia an. lb. ij. succ. pomor. Borstorf. lb. ij. citri, limon. granat. an. lb. i. B. aurantior. lb. B. vini rhen. optim. lb. iij.*

Stent in infus. in B. vel arena cal. per d. 2. postea destillentur calore lenissimo. Excipiantur *lb. v.* quæ sign. Aqua citrata optima. Reliqua excipiantur, etiam seorsim, & sign. Aqua citrata communis.

Aqua lilior. conuall. composita.

℞. *fl. lil. conuall. mensur. iij. vini rhen. vet. mens. viij. Misc. & stent in infus. per d. 10. vel 11. postea destillentur, & stent donec flor. lauendulæ haberi possint.*

Tunc ℞. *fl. lauend. M. ij. cubebæ. cinamomi, nuc. moschat. galanga, caryophyll. an. 3 ij.*

Cotund. grosso modo, & infund. in primam destillationem c. florib. lauend. & stent iterum per 10. d. in infus. postea destillentur.

Aqua scorbutica & aperiens nostra.

℞. *cortic. tamarisci, fraxini, radic. capp. polypod. q. aperient. an. 3 j. gentiana 3 vj. helenij, aronis an. 3 B. ar. moracia acerrima minutim incisa lb. i. B. chamedryos, chamapityos cardui benedictian. M. i. trochisc. de absinthio, de capparibus 3 j.*

Infunde per dies quatuor in *seri lactis caprini lb. iij. vini Rhen. libr. iij.* Postea adde *succi cochlearia, nasturtij aquatici, bekabunge, fumaria, an. 3 viij.* destillentur.

Commendatur quoque valdè hæc Aqua Epileptica. ℞. *vitriol. Vngarici ad flauedinem calcinati libr. iij. Limatura cranij humani morte violenta interempti, visci q. vngulæ Alcis, granor. pœonia iusto tempore collectæ. an. 3 ij.*

Affunde *Spiritus vini*, quantum in calcinatione de phlegmate decessit, seu quantum materia imbibere potest. Misceantur, & indantur in retortam Vvaldeburgicam, ac. f. a. per gradus destillentur. Destillatum per Baln. rectificetur.

Dan. Sennerti Tem. I.

Huius singulis libris adde *theriaca veteris 3 iij. castorei, specier. diambra an. 3 B.*

Mista indantur cucurbitæ vitreæ, & destillentur.

Spiritus destillato adde *salis pœon. 3 ij. salis succini volatilis 3 i B. Liquor. corallor. perlar. an. 3 ij. olæi succini 3 j. salvia 3 ij. angelica 3 B.*

Digerantur omnia per mensem in phiola, sigillo Hermetis clausa, donec uniantur.

Dosis cochlear. B. in aqua pœon. per 9. dies. Paulò aliter hæc aqua describit Crollius p. 188. qui Spiritui destillato non incommodè Spiritus vini albi libr. iij. in digestionem addit. Nam cum in priore descriptione sit parua liquoris quantitas, quæ libr. j. non multum excedit, si tot sales, & olea destillata addantur, cochlear. B. vel vnum satis magna dosis est. Describuntur & à Quercetano in pharmacop. dogmat. rest. cap. 2. aliquot aquæ antepilepticæ. Operosior est illa, quæ tamen à multis valdè commendatur, & ab aliis Cratonij, ab aliis Monacho cuidam tribuitur, & describitur à Libauio in syntagmat. part. 1. c. vlt. Et spicilegio Hildesheimij p. 536. Commendatur valdè & hic Spiritus antepilepticus. ℞. *Vitrioli Vngarici libr. iij. Affunde urinæ puerorum sanorum rec. collectæ libr. viij. digere vase clauso octo diebus in Bal. Postea destilla ad siccitatem duplex phlegma, quorum primum commendatur ad dolores podagricos leniendos, alterum ad ophthalmias. Hinc vitriolum puluerisatum destilla ex retorta terrea igne aperto, vt moris. Liquor per retortam rectificetur. Huius 3 j. cum Aqua rad. pœoniæ, & flor. tilia ana 3 j. miscent, & in paroxysmo cochlear. B. exhibent, & post paroxysmum iterum aliquid, non neglectis aliis cerebrum confortantibus.*

Spiritus Mastiches compositus.

℞. *Nuc. mosch. 3 ij. ligni aloës 3 ij. 3 ij. santal. alb. citr. an. 3 j. Cardam. min. 3 j. Infund. in spir. Vini opt. libr. j.*

Relinq. in infus. per triduum; cola, postea add. *Aceti vini albi libr. j. Mastich. opt. libr. j. B.* digerantur per aliquot dies, deinde destillentur per retortam vitream, & rectif.

Spiritus Absinthij cordialis.

℞. *Spir. vini opt libr. x. Absinth. pont. M. vj. Cinamom. 3 j. B. nuc. mosch. Caryophyll. ana 3 vj. Zingib. albi 3 iij. Rad. Cyperi 3 B. angelica 3 j.*

In vase cooperto stent per dies 12. quotidie termouendo, f. destillatio: Vbi libr. v. exstillauerint, seorsim feruentur adaptando aliud receptaculum, in quo sint *Sacchari cand. pulu. 3 vj. Ambr. gryf. gr. xij. Mosch. gr. x. Santali citr. Magarit. preparat. Succini albi preparati ana gr. xv.* In altero isto receptaculo misceantur, & super destillentur libr. ij. Tum remoueat recipiens, & misc. ad dissolutionem sacchari. Huic commisc. libr. v. prius destillatæ, & vitro optimè clauso macerentur per octiduum sæpius agitando, factâ denique residentiâ per inclinationem coletur Spiritus & filtretur. In frequēti etiâ vsu hodiè apud plurimos Spiritus ille, è Spiritu vitriol. spiritu tart. & Aqua theriacali compositus, quem plerique Paracelsus auctor tribuunt, & Paracelsi diaphoreticum in peracutis appellant. Descripsit eum Ioh. Guinterus Andernaceus, de veteri & nouâ medicina, part. 2. pag. 658. Paratur autem è Spiritu tartari correcti partibus tribus, Aquæ theriacalis camphorata partibus quinque, Spiritu vitrioli parte vna. Quanquam interdum pro diuersitate affectuum vnus vel alterius Spiritus dosis imminuatur vel augeatur: Primò Spiritus tartari è tartaro crudo per retortam destillatur, rectificatur, & quantum fieri potest à fœtore liberatur. Spiritus verò theriacalis camphoratus ita paratur.

X X X 2

℞. Spir.

℞. Spirit. vini opt. rectificati ℥x. Theriac. Androm. ℥v. forsan & recte ℥℔. Myrrh. rubr. ℥ij. Croci orientalis ℥℔.

Omnia indantur cucurbitæ erectæ, apponaturque alembicus, in quo ℥ij, camphoræ ponantur, clausilique exacte iuncturis, stent in Balneo per dies quatuor, ut nihil vel parum destillet: postea lento primū igne, hinc fortiori destillentur, spiritusque destillatus materiæ iterum affundatur, & digerendo, & destillando labor ter repetatur. Spiritus vitrioli sumatur vel vulgari modo præparatus, & rectificatus, vel qui paratur ex vitriolo depurato cum spiritu vini, ut supra pag. 605. dictum. Hi ergo tres Spiritus dictâ proportionem missi in vitro angustî orificij in balneo, vel hypocausto calido trium septimanarum spatio digerantur. Commendatur ad plurimos morbos, ad omnes obstructions viscerum referandas, ad pleuritidem, ad menstrua prouocanda, vterum calefaciendum, ad venena, & malignam materiam in febribus per sudorem discutiendam. Dosis ad ℥j. in conueniente liquore. Huc pertinet & Spiritus Margaritarum & Coralliorum.

℞. Salis vel magist. perlarum vel coralliorum, ℥vj. Terræ sigillatæ ℔j. Misce bene, imbibere cum s. q. olei perlarum, & fac globulos, quos exicca, & per retortam aperto igne destilla. Primò prodit phlegma, deinde oleum instar liquoris. Commendatur à plurimis & spiritus ille aperiens, quem descripsit Penotus, de Medic. Chyrmic pag. 69. Sed quia ibi vna deest operatio, integram descriptionem addere libet.

℞. Vitrioli Vngarici ad rubedinem calcinati ℔iiij. Silicum è fluminis collectorum & opt. calcinator. ℔v, tart. ad albidinem calcinati lib. j. Mista & in tenuissimum puluerem confusa, marmorique inspersa in cellam humidam per dies quatuordecim, vel quot sufficiunt, ponantur, ut per deliquium in liquorem aliquantum abeant. Postea destillentur ex arena per alembicum ter, singulis vicibus materia puluerisate reafuso humore destillato. Vltimò iniiciatur materia tota cum suo phlegmate in Retortam, & aperto igne destillatio instituatur: & quidem lento igne primum phlegma destillet: postea verò aucto igne spiritus acetosus per horas duodecim colligatur. Ex capite mortuo calcinato sal extrahatur, & cum eo, ablato prius phlegmate per Baln. Spir. acidus circuletur, vel digeratur. Tandem cum toto circulato, & argillâ pastilli formantur, & ex iis spiritus prouocetur, ut alias in destillatione spiritus salis fieri solet. Huius spiritus dosis est à ℔j. ad ℥iiij. in vino vel alio conueniente liquore. Tandem etiam inter destillata circumferuntur quædam aquæ è carnibus destillatæ, quarum vires, quia ad nutriendum à nonnullis mirificè commendantur, quales sint, dispicere libet. Maximam virium, vbi imbecilles sunt, habendam esse rationem, neque ægris, & quibus vires dejectæ sunt, cibum quemcunque exhiberi posse, certissimum est. Si enim, ut Galenus, 7. method. medendi cap. 6. scribit, de intemperie sicca curanda loquens alimentum ipsum se concoqueret, ac in partes digereret, præterea alendis partibus assimilaret, & quibus alimento plurimo opus est, adhæresceret: proculdubio maximè nutriente cibo esset opus. Verum quoniam non aliud est, quod nutrimentum desiderat, aliud, quod ipsum conficit, sed quod nutriendum est, ipsum sibi & nutrimentum attrahit, & mutat, & concoquit, & adiungit, & assimilat: ad duo nobis in opportuno cibo eligendo spectandum esse dicat, vnum, ipsius cibi naturam, alterum vires suas proprias insitæque: & proinde nec planè quod maximè nutrit, optimum est iis corporibus, quæ refici magis egent, utpote quibus concoquendi facultas non est; nec etiam quod facilimum concoctu est, cum scilicet ipsum nequeat maximè esse nutriendum. Ut itaque & hac in parte ægris prodesse Medici, ac talem cibum inuenirent, qui, vbi opus est, non solum multum

nutrisset, sed & facile concoqueretur, laborarunt. Et cum animaduertent, non totum illud, quod assumitur, in alimentum verti, sed multas esse terrestres partes, quæ ad alendum ineptæ sunt, & propterea excernuntur: agrorum commodis maximè prospici videntur, si ex cibis, qui alias magnam vim nutriendi habent, partes illas ad alendum non aptas separarent, ut parte maximè alimentosa solum assumpta natura & minus in cibo coquendo, atque vtilibus ab inutilibus segregandis laboris haberet, & æger facile & multum nutrisset. Duobus autem præcipue modis hoc fieri posse, vulgò creditur: decocto seu iure, quod instaurantes vocant, carniū; & aqua è carnibus destillata. Et prius quod attinet, facit eius mentionem Auicennas, de viribus cordis tr. 2. cap. de carne, hoc modo: *Plures Medicorum sunt opinati, quod aqua carnis sit brodium decoctionis ipsius: non tamen est; sed potius aqua carnis est succus per decoctionem extractus à carnibus comminutis, donec resudando fluat ab iis.* Halyabbas verò, lib. 3. præf. cap. 26. ita id describit: *sume carnem, & minutim incide, & in vas lapideum vel lebetem proice, ac sub eo ignem succende lentum; & cum coeperit aqua glutinosa esse, coletur in vase, & iterum igni apponatur, & quodcumque glutinari incipit, coletur.* Clarè autem & diligenter passim à recentioribus describitur eius parandi modus, quo etiam omnis virtus & omne nutrimentum ita extrahitur, ut (sicut testatur, Ioan. Bapt. Porta lib. 10. magianat. cap. 13. quo loco huius succi, quem essentiam vocat, è carnibus extrahendi rationem tradit) quæ remanent, adeo omni carnis substantia, odore, & qualitate orbentur, ut canes obiecta nec olfacere dignentur. Et reuera succus carniū hoc modo extractus magnam nutriendi vim habet, & facile coquitur: cum totum quod est alimentosum in magna mole carnis, in exiguam partem reductum & omne illud, quod est alendo corpori ineptum, separatum sit: ut calori naturali in succo alimentoso à parte terrestri crassiore & feculenta atque inutili separando non multum amplius laborandum sit. De qua re etiam supra cap. 2. dictum. Verum de aqua carniū destillata apud antiquiores paulò nulla sit mentio: sed recentiorum ea inuentum est: qui illam magnoperè commendant, & easdem cum carne, è qua sublimatur, vires & temperiem habere, scribunt; ideo quod quæ destillatione extrahitur aqua, similem cum rebus, è quibus destillatione elicitur, naturam habeat; asseruntque eam multum nutrire, & ad victum plenum accedere, & tria vel quatuor eius cochlearia plurimum alere; præterea cum per sublimationem subtiliores tantum partes carnis educantur, terrestriores verò & crassiores in fundo relinquantur, aquam illam destillatam à carne extractam ipsa carne subtiliorem tenuioremque esse, & facilius concoqui. Verum quo iure id faciant, & hæc huic aquæ tribuant, iam videamus, & paululum perpendamus. In eo autem nobis valde hallucinari, & errare ac non magnam Chymicæ peritiam prodere videntur, quod ideo easdem cum carne nutriendi vires aquæ huic destillatæ tribuunt, quia ex carne destillatione extrahatur; & quod aquam, quæ per destillationem extrahitur, è rebus quibuscunque easdem cum illis, & omnes quidem, vires habere existimant. Multa quidem è rebus destillatione extrahi & separari posse, negandum non est: verum quod omnes rerum vires, partesque quibus ea insunt, destillatione, atque inprimis lento illo Balnei, quod vocant, calore, elici possint, experientia falsum esse testatur. Sunt enim res plurimæ, quæ ita fixæ sunt, ut in altum, præcipue à calore leni, qualis balnei est, imò sæpe etiam à maiore eleuari non possint, atque in talibus

*Spiritus vel
Aqua aperiens.*

*An aqua
carnis destil-
lata magnam
nutriendi
vim habeat.*

libus balneo eliciendis omnino frustra laboretur, sed aliis artificiis opus sit, si quis illas extrahere, & à reliquis separare velit. Atque ex earum omnino numero est etiam pars illa carniū, quæ nutrimentum suppeditat. Nam alimentosa pars carniū viscosa & stabilis est, difficulterque transpirat, ut Galenus, *lib. de marcore cap. 9.* scribit; glutinisque instar habet, seu ut Chymici loquuntur, minus volatilis, sed fixior est, quam ut calore balnei in altum attolli possit. Quicquid verò in altum balnei illo calore eleuatur, id maxima ex parte vapores aquei sunt, qui nullam nutriendi vim habent; qua de causa etiam Iohannes Baptista Porta in sua carnis essentia præparanda liquorem totum primò è carniibus extractum in vas vitreum transfundit, ac leni balnei calore aquam, ut ad alendum inutilem, soluit in vaporem, & ab essentia alimentosa separat, eamque separatione aqueæ illius partis ad alendum efficaciorē reddit. Et si quam fortè efficaciam habent tales aquæ destillatæ, ea est medicamentosa, quæ ab herbis & aromatibus, quæ nonnulli admiscunt, proficiscitur. Vbi tamen multa frustra admisceri, sumptusque inutiliter profundi videas, dum corallia, margaritæ, aurum & similia adduntur, quæ ita fixa & compacta sunt, ut eorum vis multò minus, quam carnis, balnei calore extrahi, in altum eleuari, & in aquam destillatam transfundi possit.

[Cum aquæ destillatæ palato gratiores sint, quam decocta, usus earum in praxi Medica valde increbuit. Et negandum non est, aquas destillatas multas, utpote spirituosa medicamenti partem continentes, non solum gratiores, sed & efficaciores esse, quam decocta; cum decoctione partes illæ spirituosæ euanescant. Interim etiam circa aquas destillatas vulgatissimus error inualuit, dum multi sibi persuadent, omnes vires simplicium, quæ ad destillandum sumuntur, aquis communicari, quod falsissimum. Recipiuntur enim in aquas destillandas aurum, corallia, margaritæ, viscus querc. vngula alcis, os de corde cerui, lapis percarum (quæ omnia ad aquam carbunculi dictam recipiuntur) C. C. ebur, gemmæ, myrrha, thus, succinum, amygdalæ, pinæ, pistacia, mel, saccharum, terra sigillata, bolus Armena, cineres, & calces, ut testarum ouorum, sal fusum, non solum ab antiquis, quibus Chymia non ita nota fuit, sed & aliis, qui hodie Chymia nomine celebres sunt; cum tamen certum sit, cum aqua vel liquore affuso è plerisque ne guttam quidem adscendere, ex aliis vix aliquid, quod alicuius momenti sit, eleuari, & ita pecuniam ac sumptus frustra perdi, & ea quæ pretiosa sunt, cum facibus seu remanentiis abiici. Imò non immerito dubitatur, an ex radicibus, angelicæ, helenij, scorzonæ, pæoniæ, tormentillæ, dictamni albi, myrobalanis, granis sumach, myrtillorum, semine papauer. melonum, succo citri, & aliis succis, pulpa caponum, cancris, quæ tamen omnia Quercetanus etiam, in sua *pharmacopœa restituta*, rebus, è quibus aquas destillat, admiscet, quicquam, quod vires aliquas insignes aquis tribuat, in alembicum eleuetur, & inde destillet. Notandum enim hîc, etiam vegetabilia alia esse aëreæ, igneæ, aqueæ, spirituosæ naturæ; alia terreæ vel viscosæ, oleaginosæ, resinosa. Deinde sunt etiam quædam medicamenta, quæ planè solidæ sunt substantiæ, è quibus, nisi aqua affusâ, nihil in alembicum eleuatur, ut gemmæ, lapides, mineralia, & metalla pleraque. Ea, quæ aqueam naturam maximè participant, ut lactuca, portulaca, acetosa, malua, nymphaea, solanum, & similia facillè per alembicum destillari possunt. Eodem modo calida pleraque quæ sunt spirituosæ, & sale volatili abundant, ut maiorana, rosamarinus, pulegium, mentha, anethum, lauendula, spi-

Sennerti Tom. I.

ca, hyssopus, leuisticum, flores sambuci, salvia, melissa, cochlearia, nasturtium aquaticum, & similia, aquas optimas suppeditant; quin & eorum pleraque spiritus & olea, quod & aromata faciunt. De quibus & id notandum, quod ex talibus, quorum vis in parte volatili consistit, ut sunt flores sambuci, mentha, salvia, rosamarinus, melissa, cochlearia, nasturtij aquatici, nihil vel parum extracti paratur; cum vis medicamentosa omnis ferè cum spiritu vini in altum eleuetur. Contrà verò quæ viscosa, resinosa, & fixa constant substantia, ut radices plurimæ, glycyrrhiza, angelica, helenij, pæoniæ, satyrij, tormentilla, &c. extracta quidem suppeditant, sed ferè nullam vim aquis destillatis tribuunt. Et licet ex talibus vegetalibus aqua destillata parari possint: tamen terreæ & adstringentes & viscosæ partes non adscendunt. Itaque aqua rad. consolid. mai. non eam vim habet, quam ipsa radix. Et spiritus è plantis, etiam vi adstringendi præditis, nullam adstringendi vim habent: & propterea imperitè faciunt, qui, cum rosas partes quasdam adstringentes habere sciant, spiritum rosarum ad adstringendum exhibent, cum tamen spiritus rosarum sulphureæ & igneæ sit naturæ, ab omnibus partibus adstringentibus liberatus. Multò minùs verò è gemmis, lapidibus, ossibus, metallis, aqua destillata vim aliquam acquirunt; cum aqua vel simplex, vel alia destillata, vel vinum etiam affusum, eam vim non habeat, ut talia corpora soluere, & aliquid ex iis in alembicum eleuare possit. Ideoque qui talia admiscunt, sumptus frustra perdunt ægris, & suam in Chymicis ignorantiam produnt.

De aquis vide etiam Vid. Vidium *de medic. lib. 7. cap. 5.* Vvecker. *antidot. special. lib. 2. sect. Quercet. pharmac. rest. lib. cap. 7.* Dorncreill. *in dispensat. Libanum, Syntagm. arcan. chym. lib. 8. cap. 34. 35. 36.* De spiritibus, *lib. 8. Syntagm. arcan. chymic. cap. 23. 24. 25. 26. 27. 28. 29.* Alchym. *pharmac. cap. 26.*

CAPVT VI.

De Oleis.

Plerumque cum aqua in destillatione herbarum calidarum, item seminum, aromatum, vnà elicatur oleum. Quapropter multa hîc de illorum oleorum destillatione præcipere opus non est. Hoc imprimis scire conuenit, qua ratione olea ab aquis separari possint. Fit autem hoc pluribus modis. Primò per infundibulum, separatorium, aut tritorium ut appellant. Nimirum digito inferius illud & angustius orificium, aut etiam cera, vel ex ligno exiguo epistomio clauditur. Hinc oleum & aqua infunditur: vbi oleum adscendit, & supremum locum occupauit, aperitur inferius orificium, & aqua in peculiari vase excipitur, & vbi tota ferè effluxit, iterum, si libet, clauditur orificium, & oleum etiam in peculiari vitro excipitur. Deinde commodè hæc separatio instituitur per filtrum, seu fila lanca crassiora. Impletur vitrum, aquam & oleum continens, usque ad summum, & postea imposito filo laneo oleum supernatans extrahitur, & ab aqua exactè in appositum vel appensum vitrum separatur. Tertiò separatio fit per chartam bibulam. Hæc enim in infundibulo ponitur, atque aqua cum oleo in eam infunditur, tum sola aqua transit, & oleum in charta relinquitur. Vnius tamen atque alterius mentionem facere libet. ℥. herbas virides vel siccas (siccæ tamen ferè plus olei suppeditant) adde salis communis Mij. vel iij, affunde aquam, accende lentum ignem per horas duas vel tres sub vesica: hinc destilletur; oleum ab aqua separetur. Vel ℥. flores Chamæmeli Romani siccis, contundantur & imponantur

Nota de extractis.

Ratio olea ab aquis separandis.

Olea ex herbis.

Olea ex floribus.

in vas fictile; adde ad singulas libras salis communis ℥jss. affunde aquam calidam, stent in loco calido per dies 14. destillentur per vesicam: oleum ab aqua separetur. Eodem modo etiam ex laudula potest oleum separari.

Olea ex seminibus.

Ita ℥. anisi, fœniculi, vel carui semen. Iniciatur ad ℥bj. contriti nonnihil seminis communis ℥j. vel ℥iis. (Alij addunt ad ℥bj. semen tartari ℥j. & salis M.j.) Scent in digestionem per dies 9. Hinc adde adhuc M.j. salis, destillentur per vesicam: oleum ab aqua separetur, & aqua cucurbita altiore rectificetur. Libra vna seminis carui dat olei ℥ss. vel ℥j. De usu oleorum ex herbis & aromatibus destillatorum hoc notandum, ea si in liquore exhibeantur, liquori supernatare. Id ut præcaueatur, oleum, quod exhibere libet, misce cum pauxillo sacchari albissimi, saccharum ubi oleum imbibit, in liquore dissolue. Ita & oleum simul accuratè miscbitur, neque amplius supernatabit. De oleo à bacis iuniperi supra etiam dictum. Huc referri potest. *Oleum e corticibus nucum inglandium* è Vidio; quod ferè præstantius esse dicit oleo vitriol. præcipue in peste & veneno;

℥. nucum cortices aridos, contundito in mortario, ponito in retorta vitrea luto probè illita, quam exponito igni moderato, atque oleum cum aqua à corticibus extrahito; demum per MB. oleum ab aqua separato, ac postremo ter aut quater per arenam destillato in vitro paruo, ut oleum ex toto repurgeretur. Ab aqua cinamomi, eo modo, ut cap. præced. dictum, ex cinamomo acerrimo, & quod minores fistulas habet, destillata oleum ut commodè separetur, ponatur aqua lactea in cellam, ut oleum in fundum subsideat, quod ab aqua separetur. Alij oleum cinamomi paraturi ad cinamomi ℥bj. fermentum ad magnitudinem oui gallinacei dimidij addunt, & tribus diebus digerunt.

*Oleum caryophyllorum
macis, nucis
moschata.*

Alij ℥. cinamomi opt. ℥bj. tartar. ℥ss. vini opt. q. s. Sacchari candi ℥jss. Digerantur per dies octo & destillentur. Alias oleum caryophyllorum, macis, nucis moschatae sit hoc modo: ℥. ℥iiij. vel v. vel plures caryophyllorum, nucis moschatae, &c. caryophyllos integros, vel parum contusos, nuces moschatas verò crasso modo contusas, pone in vas VValdenburgicum, & adde singulis libris ℥j. vel ℥jss. salis communis, affunde aquam tepidam, & stent in loco frigido per dies 4. & 5. Postea imponentur in vesicam, & adiciantur adhuc salis communis M. ij. destillentur per vesicam: aqua separetur. Ex quatuor libris caryophyllorum ℥viij. ferè olei clari haberi possunt. Alij singulis libris caryophyllorum addunt tartar. ℥jss. sal. M.j. fecum cereuisiae ℥ij. Ex corticibus citri etiam oleum præstantissimum destillatur. Cortices usque ad album illud separantur & destillantur. Centum pomorum cortices dant, vix ℥j. olei. In cinamomi & talium aromatum destillatione monent plerique, ne aromata in puluerem conterantur, sed tantum in frusta confringantur, aut modicè contundantur. Alioqui exhalantibus partibus tenuioribus minus olei elicitur. Tradunt nonnulli & hunc modum. ℥. Cinamomum confractum, imponatur retortæ vitreæ, atque destilletur per balneum vaporosum. Exit aqua & oleum, quæ recenti cinamomo affundantur, & iterum destillentur. Ex lignis olea destillantur per retortam, vel descensum, quæ à liquore more solito separantur. Ex resinis & gummi olea sic fiunt. Ex terebinthina quæ ratione spiritus fiat, supra dictum. Eundem ignem si continuaueris, tandem etiam oleum flavum elicies. Postquam oleum flavum exstillauit, vel etiam mox postquam spiritus exstillauit, accipe cucurbitam adhuc calentem, & colophoniam in ea fluentem infunde in ollam vitreata siccam. Colophoniam re-

Olea ex lignis.

Olea ex resinis & gum.

frigeratæ adde in singulas libras salis fusi ℥iiij. vel vj. libr. j. arenæ vel farinæ laterum, & destilla ex retorta in arena per gradus. Oleum succini hoc modo paratur. ℥. succini (album melius est) q. v. exempli gratia, lib. j. vel lib. ij. impone retortæ vitreæ vel terreæ, (potest & puluis silicum contusorum addi) aptatque recipiente, admove ignem gradatim mediante arena, & primò phlegma exstillabit, postea incipit oleum stillare, & si collum retortæ sit angustius, sal quidam collo retortæ adhærescit, adeo, ut interdum id ferè obstruat. Ideoque ut pateat oleo liber exitus, ille eximendus est, aut retorta cum ampliore orificio adhibenda. Si succinum est album; primò exstillabit oleum album; postea ubi flavum exstillare inceperit, recipiens mutandum; tandem etiam oleum rubrum exstillabit, quod quoque seorsim excipiendum. Oleum omne, vel singula seorsim prius aqua comuni bene lota, infunde in cucurbitam cum suffic. quant. aquæ vel communis vel rosaceæ, vel maioranæ, & salis M. ss. & per B. rectifica. Alij per vesicam hoc faciunt, adiectis salis M. ij. Alij post primam destillationem acetum destillatum ol. Succini affundunt, digerunt, tandemque rectificant. Post rectificationem iterum cum noua aqua rosarum vel maioranæ aliquoties ablui oleum potest, & postresidenciam ab ea separari, sed rectissimè oleum succini rectificatur, in Balneo Roris seu vaporis, & quidem vna destillatio clarius & odorarius oleum dat, quam si idem sæpius per cineres etiam lentissimo igne destilletur. Crollius etiam cucurbita recta non nimis alta oleum succini destillare docet, quo modo sal succini facilius colligitur. Idem aquam rosar. & betonicæ affundit. Gummi destillantur, ut cap. præced. dictum. Exempli gratia, ℥. ℥bj. mastiches, conteratur, misce cum salis communis ℥vj. silicum calcinatorum & contusorum ℥jss. Destillentur per retortam vitream in arena. Primò destillabit liquor albus cum oleo flavo, qui ubi cessarit destillare, muta recipiens, & auge ignem, ut arena ferè incandescat, tum exstillat rubrum oleum, atque pars collo adhærescit. Hoc in parua retorta rectifica, atque exstillabit oleum flavum, quod priori oleo flavo addas; postea destillabit oleum rubrum & balsamus nigricans. Singula seorsim collige. Ioh. Bapt. Porta mastichen ita destillat. Implet retortæ vitreæ duas vel tres partes mastiche, illamque supra fornacis testudinem ponit & cineres supra iniicit; aptat recipiens, & supra cineres ignem accendit. Vbi stillare incipiunt guttæ, auge ignem. Vbi ampulla recipiens rubescit, & aqua olei speciem repræsentat, ignem infra accendit. Vbi oleum nigrum colorem referre incipit, desistendum. Eodem modo etiam è benzoino, styrace sicco, oleum extrahit. Ex thure quoque supra imposito igne vehementi, infra languido, oleum elicit. In opopanace etiam supra sex horis ignem lenem fouet, mox infra accendit. Verum generalis modus oleum ceræ, butyri, mastiches, myrrhæ, thuris, omniumque gummatum destillandi hic esse potest. Destillentur ex cucurbita vel retorta vitrea, quæ luto muniti, si opus est, potest, quousque imponitur cineri: materia aliquid vel silicum calcinatorum, vel arenæ mundæ inspergatur, ut materia facilius in altum attollatur. Additur & interdum sal, vel cineres. Quantum autem sit addendum, materia indicabit, quæ in aliis est mollior, in aliis durior. Plerumque sumitur pars tertia vel quarta: interdum pondus æquale Succinum in primis & myrrha lentissimo igne sunt destillanda. Et hoc in genere obseruandum; quod minore igni, etsi longiore tempore, potest perfici, id non maiore igne breuiore tempore esse peragendum. Quò plus enim primæ destillationi olei temporis impenditur: eò minus est impendendum temporis & laboris eius rectificationi. Sunt, qui

Oleum succini.

Olea à gummi.

olea talia cum aceto destillato rectificant. Quidam etiam gummi prius in aceto dissolunt, digerunt & tandem destillant. Ex camphora oleum fit, si camphoræ ℥ij. cum argillæ M. i. aut camphor. p. i. argill. p. vi. diligentissime misceantur, & ex massa illa globuli formentur, iique in Sole siccati cucurbitæ indantur, & destillatio instituat. Ascendit primò quiddam album; hinc aqua clara, tandem oleum, quod separatum, & bis cum spiritu vini rectificatum aureum colorem acquirit.

E Sapone etiam fit oleum.

℥. Saponis Hispan. p. j. calcis vine p. ij. destillentur per alembicum, vel retortam, oleum ab aqua separatur, cuius ḡ. vj. umbilico cum gossypio impositæ contra colicam valent. Nonnunquam è pluribus olea destillantur.

℥. Galbani ℥ij. gummi hedere ℥ij.

Contrita indantur cucurbitæ vitreæ, & affundatur spiritus vini, ac destillantur. Destillatum misce cum olei laurini ℥j. & terebinthina ℥j; iterumque destillantur, & separatur oleum ab aqua: quod contra paralyfin, tremorem, spasmodum, colicam utile est. Oleum ceræ alij aliter destillant: Alij per retortam. Addunt ceræ liquefactæ farinam laterum, aut lotos cineres (tribus ceræ partibus duas cineres adieciſſe satis putat Ioan. Baptista Porta) & diligenter miscent, donec incipiat inspissari. Hinc formant globulos, quos retortæ iniiciunt, & gradatim destillant. Alij, & quidem commodè per alembicum destillant, sicut gummi, tertia vel quarta parte cinerum adiecta. Sunt, qui sine additione id præstant hoc modo. Cucurbitæ, in qua ceram destillare voles, aliquid olei lini vel oliuarum infundas, ita ut vndiquaque oleo cucurbitæ madescat. Hinc inverte cucurbitam, ut oleum iterum exstillet. Idem fac in alembico. Postea ℥ij. ceræ huic cucurbitæ iniice, & in arena vel cineribus oleum gradatim destilla. Ex libra i. ceræ ℥vj. vel viij. olei elici possunt. Verum quia oleum ceræ plerumque, quando exstillaui, mox instar butyri concreſcit & coagulatur: affusa aqua rectificatur, donec clarum & pellucidum, ac fluidum fiat. Ad eundem nimirum finem sæpe variis mediis peruenire possumus: Modò hoc obseruetur, ut calor planè lentus adhibeatur. Et si enim in prima destillatione plus temporis impendendum sit; tamen postea vel nulla rectificatione opus est, vel ea longè breuiori tempore perfici potest, quàm si in prima destillatione, calore vehementiore adhibito, ἐμπύρευμα contrahatur. Videatur de oleis etiam Beguinus lib. 2. cap. 6. Vbi tamen, sicut & apud alios passim multa oleorum nomine veniunt, quæ potius sunt Spiritus, & sales vel volatiles facti, vel resoluti & liquati. Vnum tamen atque alterum eiusmodi ex mineralibus, & metallis oleum, aut quocunque nomine appellare libeat, apponemus. E minio cum aceto extrahatur sal, seu saccharum Saturni. Hoc exsiccatum iterum imbue nouo aceto, iterumque exsicca, istamque dissolutionem & exsiccationem sexies repete. Tandem puluerisatum pone in loco humido, ut per deliquium in liquorem soluat; liquorem istum retortæ vitreæ inde, & aptato amplo Recipiente per gradus destilla, donec guttæ cedant, nihilque amplius destillet. Quod destillaui, inde Retortæ vitreæ parua, & destilla per cineres, primòque spiritus ardens exit, quem seorsim excipe, hinc phlegma cum oleo flauo exit; quæ separa. In fundo remanet oleum rubrum. Oleum flauum, si aliquot diebus cum calce ① digeratur, tingitur colore rubro. Paratur & ex Antimonio cum saccharo oleum, quod ad externos & internos morbos utile. Nonnulli hoc modo parant, & Laudanum Paracelsi appellant.

℥. ℥. ℥. sacchari candi ℥vj.

Puluerisata misceantur & destillantur in arenâ, Fiat oleum.

Huius ℞. ℥. j. aloës ℥. ℥. ambra grisea ℥. ii. croci ℥. ij. ℞.

F. massa, è qua formentur pilulæ: quarum tres exhibuisse dicitur, cum conserua borraginis ante febrem ad sudorem ciendum. Ego tale parauit, & aluum sine vomitu ac molestia, præsertim in hydro-picis, mouere deprehendi, à ḡ iij. ad vj. imò plures, prout dilutius vel crassius est, ac corpus robustius, ℥. ℥. ℥. sulph. ℥. iij. puluerisata in catino colloca in ignem circularem, ut liqueſcant, atque ita ignem per horas quatuor vel quinque continua, ignem auge, ut sulph. accendatur, quem continua, donec sulphur omne exhalauit. Deinde ℥. puluerisato affunde in cucurbita aceri destillati ℥ij. digerantur diebus octo in vase clauso: hinc alembico imposito in cineribus acetum abstrahere, donec rubræ guttæ ascendere incipiant, tunc muta vas recipiēs. Antimonio in fundo reliquo, si eius ℥. fuerit, adde sacchari candi ℥vj. Inde retortæ vitreæ; affunde spir. vini opt. ℥ix. & apposito recipiente, in quo sit oleum, si quod primò exstillaui, igne forti fiat destillatio, donec nihil olei, & vaporis amplius appareat. Postea in Balneo spiritum vini ad remanentiam quartæ partis separa. Melius autem fit hoc oleum, si post primam istam rectificationem nouus spiritus vini affundatur, aliquandiu digeratur, & per filtrum vel colaturam fecibus separatis; iterum spiritus vini per destillationem separatur. Tandemq; Aqua vitæ aliqua vel aqua rosarum, in qua moschus vel ambra dissoluta sint, itemque aqua cinamomi addatur, & cum eo digerantur, destillandoque aliquoties separatur. Alio modo ol. ex Antimonio ita paratur, ℞. ℥. calcinetur ad albedinem. Huic affunde acetum destillat. & in Balneo, vel loco calido essentia salina extrahatur; postea acetum abstrahatur, & aqua pluuiali eadē essentia iterum extrahatur; alij spir. vini recipiunt. Hinc per chartâ bibulam aliquoties traiciatur idq; aliquoties reperatur, donec sal fiat candidissimus, qui in cella liqueſcit & soluitur in rubicundum, & dulcem liquorem. Huius exhibent à ḡ v. ad viij ad aluum soluendam. Alij post primam cum aceto extractione postea cum spir. vini extrahunt & per mensem digerunt, & tandem spir. vini destillando separato oleum destillant. Non multum diuersis est sequens modus. ℞. ℥. puluerisatum, affunde aceri parum & subtilissimè tere, post aliquod temporis interuallum iterum aliquid aceri affunde, iterumque tere, idque per biduum sæpius repete. Antimonium hoc modo cum aceto subtilissimè tritum inde phiola, & acetum ad trium digitorum eminentiam affunde, & in loco calido asseruetur septimanis duodecim donec acetum tingatur. Tinctum acetum effunde, idque aliquoties repete. Postea acetum destillando separa, Sal in fundo relinquitur. Huic affunde spiritum vini, eumque aliquoties cohoba, ubi saporem mutat, alium affunde, eundemque etiam cohoba. Idque toties repete, donec materia liqueſcere & fluere incipiat. Tum per retortam separatur spiritus vini, quem sequitur oleum, Vel ℞. ℥. pulueris. super marmore misce cum oxymelite, ut formam metallicam amittat. Hinc affunde acetum destillatum. Digerere per mensem vel etiam longiore spatio. Acetum destillatum separa, & materiam, quæ instar pultis in fundo remanet, valido igne destilla, & adscendet oleum dulce. Hisce cognata & in sequenti capite 9. tradentur, quæ quis vel olea, vel tincturas appellare poterit. Minus adhuc propriè dicuntur olea liquores illi per solutionem vel per deliquium facti. De quibus Libau. lib. 3. Synt. archym.

Oleum Talcis Cosmeticum.

Oleum
Talcis.

℞. Talcis optimi, ad tactum q. pinguis instar Sper-
matis Ceti q. Tere in mortario calido in puluerem.
Puluerisatum iniice catillo fusorio seu tigillo, sed
tantum libr. j. vt fluere possit. Impone catillum in
fornacem Cementatoriam, ita vt flamma catillum su-
pra & infra tangat, nec tamen catillus carbones at-
tingat. Stent ita in flamma horis 24. Hinc catillum.
exime & talcum spongiosum & album redditum mi-
nutissime contere: trito affunde acetum destillatum
Stent in loco calido in digestionem diebus 14. & ace-
tum rubro; interdum etiam viridi colore, tingetur.
Acetum tinctum effunde, aliud affunde & iterum
diebus 14. digere. Idque repete, donec acetum non
amplius tingatur. Tincturas confunde, & acetum
destillando ad siccitatem in arena separa, & in fun-
do sal relinquetur, quem in aqu. rosar. solue & per
chartam filtra: Aquam rosar. in B. abstrahe. Sali in fun-
do relicto affunde spiritum vini, eumque decies vel
duodecies destillando separa. Ac sal in oleum re-
digetur. Huius generis est etiam oleum tartari per
deliquium paratum. Huc pertinet & sequens oleum
tartar. j. Præpara sal tartari; de quo abstrahe aliquo-
ries acetum destillatum, nouum semper recipiendo,
donec de sua acredine nihil post se relinquat am-
plius. Deinde solue hoc sal aliquoties in spir. vini
optimè rectificato, atque ipsum toties ab illo sale
abstrahe, donec massa alba relinquetur. Hæc in loco
frigido ponenda, vt soluantur in liquorem rubeum;
quod duorum vel trium dierum spatio fiet. Dosis gut-
tul. v. vel ʒss. in aqua mellis, vel conuenienti iuscu-
lo. Quomodo & ex aliis salibus liquor fieri potest,
de quibus postea cap. 15. dicitur. Item Aqua lum-
bricorum terrestrium. ℞. Lumbricor. terrestr. q. v.
purga per muscum arboreum, ita vt in olla posito
mulco vermes per eum reptando sese ab omnibus
inquinamentis liberent. Idque cum recenti musco
fiat bis vel ter. Postea cibentur aliquandiu cum vi-
tellis ouorum ad duritiem coctis, vt lutei fiant Tan-
dem vermes istos in vitrum, vel testam angusti ori-
ficij, infra verò latam coniice, vasque diligenter clau-
de, & in massam panis crudi include, & panem in
clibanum coquendum pone. Hoc modo lumbrici in
aqua liquefcent, quæ à fecibus subsidentibus sepa-
randa, & per filtrum colanda est. Hanc ad hydropem
commendant, si cochlear. β. cum syrupo de cinamo-
mo exhibeatur. Item, oleum ex crystallis ad renum
& vesicæ calculum laudatum, quod fit, si crystalli cum
nitro vel sulph. æquali pondere calcinentur: post per
acetum sal extrahatur, atque is in loco humido per
deliquium soluat. Eodem modo & ex calculo in
corpore humano genito oleum fit, si scilicet is cum
nitro sex horis calcinetur, & sal cum spiritu vini ex-
trahatur: Spiritus vini separetur, sal in cella per
deliquium soluat. Alius modus cap. præcedente
fuit propositus. Libet huc referre & oleum oculo-
rum ☉. ℞. oculor. 69. subtiliter puluerisat. ʒ. v.
ol. tartari per deliquium. ʒ. vj. digerantur in B. vel
fimo equino 15. diebus. Postea coagula materiam
in phiola in arenam locata; coagulatam puluerisa.
Puluerique spiritum vini affunde, & digere, vt tin-
gatur, postea spiritum ad olei crassitiem abstrahe;
quod à ʒ. iij. ad vj. in Aqua conueniente ad
calculum datur. De oleis vide quoque
Vvecker. *antid. spec. lib. 2. sect. 19.* Li-
bauium, *lib. 8. Syntag. arcan. Chy-*
mic. cap. 17. 18. 19. 20. 21.
22. *Alchym. pharma-*
cent. cap. 29.

Oleum tar-
tari.Magister,
tartar.Ol. vel
Aq. Lumbricorum.Ol. à crystal-
lis.Ol. à calculo
humano.Ol. oculorum
☉.

CAPVT VII.

De Syrupis & Iulebis.

Syrupi & serapia vndecunque etiam hæc appel-
lationes sint deductæ, sunt medicamenta fluida,
è conueniente liquore, parata, siue is sit decoctum,
siue infusum, siue succus, saccharo vel melle con-
dita, & ad mellis ferè consistentiam decocta. Sunt
verò inuenti syrapi tum ob saporis gratiam, tum ob
durabilitatem, vt quouis anni tempore medica-
menta idonea in promptu esse possint. Sunt autem
syrapi, (vt de illa differentia, quæ non magni mo-
menti est, quæ alij vsuales, alij magistrales esse di-
cuntur, nihil dicamus) alij simplices, qui ex vno
saltem medicamento ac saccharo vel melle confici-
untur: vel compositi, qui ex pluribus parantur.
Vtrique varios in vsus destinati, alique sunt Alte-
rantes & Roborantes, alij Purgantes: potestque
Medicus ferè ad omnes internos corporis affectus
idonea medicamenta in syrapi formam concinnare
& redigere. Petiturque liquor ex decoctis, infusis
succis, depuratis, aceto. Modus parandi hic est. Re-
cipiuntur radices, folia, semina, flores, fructusque
plantarum, & concisa ac contrusa, si opus, in suffi-
ciente quantitate aquæ mox coquantur, vel prius
infunduntur & coquantur, eodem planè modo, vt
in decoctis dictum. Decocto additur saccharum vel
mel, prout vsus & scopus medicamenti postulat,
nimirum libr. iij. decocti, libr. j. vel libr. j. β. sacchari
vel mellis, prout crassior vel dilutior syrupus expe-
ditur, & diu vel minus diu asservari debet. Hinc
clarificatur adiecto oui albumine, vt in decoctis di-
ctum, & lento igne ad syrapi consistentiam coquitur.
Mel si addatur, cum postea refrigeratum facile cras-
cescat, minus coqui debet. Ad perfectam consisten-
tiam propè cocto syrupo, aut sub finem coctionis,
vel saporis, vel ventriculi aut aliarum partium ro-
borandarum causa, aromata vel species aromaticæ
lintheo inclusæ adduntur, vel in facto iam syrupo su-
spenduntur, in singulas ferè doses ʒj. Talium syru-
porum in officinis magna est copia, vt propterea
multa exempla addere non sit opus. Vnum atque
alterum saltem addemus. Exempli loco syrupum pro-
ponere libet, quo melancholiæ hypochondriacæ la-
borantes se curasse testatur Ant. Don. ab altom. *de*
medend. corpor. hum. mal. cap. 7.

Syrapi.

Syruporum
differentia.Modus pa-
randi syru-
por.

℞. *Hyssopi, sampsuchi, serpilli, mellissophylli, betonica.*
an. M. β. borrag. lupulor. scolopendr. fumariæ, capillor.
veneris an. P. β. radic. cichori, borrag. fœnic. cappar. an.
ʒ. iij. absinthij, cortic. citri an. M. j. senæ epithymi an.
ʒ. iij. pulegij, flor. chamemeli, centaur. min. an. ʒ. ii. cha-
madr. chamæpit. an. ʒ. ii. β. iunci odorati, spica, sem. enisi.
dauci, fœnic. asari an. ʒ. i. passular. vinaceis derra-
ctis ʒ. i.

Paretur ex his s. a. decoctum, cuius ℞. libr. iij. adii-
cito succi pomorum dulcium & acidorum, succi ro-
sar. & malorum puniceorum, acidorum an. libr. β. succi
borrag. & fumariæ depurati an. libr. i. sacch. q. s. F. sy-
rupus. De quo sumat æger ʒ. iij. vice qualibet, & su-
perbibat parum aquæ lupulorum vel borraginis. Po-
terit insuper, si videbitur, dictus syrupus ligno aloës,
vel cinamomo odoratus reddi. Non verò solum ex
decoctis plantarum fiunt syrapi, sed & ex succis &
plantarum infusione. Recipiuntur nimirum succi
plantarum vel fructuum & depurantur, depuratisque
additur sacchari dimidium; coquantur ad syrapi con-
sistentiam. Hoc modo parantur syrapi è succo po-
morum, succo citri, aurantium, granatorum,
byzantinus syrupus, è succo borraginis, fumariæ, vio-
larum. Atque vt hi syrapi puriores & efficaciores
reddantur, Recentiores recipiunt succum florum
rosar.

2.

3.

rosar. vel quorumlibet expressum, atque in eo novos flores infundunt, in B. Mar. per horas 24. digerunt, iterumque exprimunt, atque hunc laborem, quoties libet, repetunt. Postea succum expressum in Baln. digerunt, donec feces subsident, quas per inclinationem separant. Id quod sapius repeti, si libet, potest, donec omnes feces separentur, atque succus expressus initar vini rubri clari euadat. Huic sacchari dimidium addunt, & parum coquunt, ut fiat syrupus. Vel per distillationem aliquid succi abstrahunt, & residuo succo quartam vel tertiam partem sacchari addunt, & in Bal. Mar. ad digerendum horis 24. ponunt, ut fiat syrupus. Eodem modo è succo cydoniorum & pomorum syrupi fieri possunt. Quæ præparatio si cuipiam nimis operosa, Iacobi Syluij modum, quem, lib. 3. pharmacop. med. habet, sequi potest, qui succos fructuum & herbarum ad dimidiâ vel tertiâ partis consumptionem coquere iubet: deinde colat, colatumque quiescendo residere sinat, ut crassum feculentumque subsideat, & succus clarior ac purior euadat; quod in aliis citius fit, in aliis tardius, die vno, biduo, triduo. Hinc purum à fecibus per inclinationem separat, saccharoque addito ad syrupi consistentiam coquit. Commoda & hæc est syrupos è floribus rosarum, violarum, florum persicorum, & similibus parandi ratio. Succus expressus saccharo clarificato calido, non tamen feruenti, infunditur; & calori Solis ad aqueam humiditatem absumendam exponitur. Quod si calor Solis id præstare sufficienter non possit, per inclinationem humiditas separanda est, coquenda atque iterum affundenda. Deinde fiunt syrupi ex infusis. Macerantur nimirum in aqua calida lbij. flor. rosarum, violarum, persicorum, vel aliarum plantarum. Postea colantur & exprimuntur. Atque si libet, sapius hic labor repetitur. Ita enim aqua plus de succo & viribus florum imbibit. Postea addito saccharo coquuntur ad syruporum consistentiam. Quandoque in succis & res aliæ infunduntur.

Ut ℞. Gummi Gotte ℥ ʒ. diagrydi ʒ vj. radic. ellebori nigri ʒ iij. cinamomi, ʒ j.

Affunde succi cydonior. express. lb i ʒ. digerantur in cucurbita in Balneo vel loco calido per dies quatuordecim. Hinc colentur & exprimantur, Colaturæ adde sacchari albissimi libr. ʒ. fiat l. a. Syrupus. Nonnulli etiam aliquid spiritus vitrioli & sal è fecibus calcinatis addunt. Etiam ex extractis syrupi fieri possunt. Exempli loco sit sequens Syrupus purgans.

℞. Ellebor. nigri ʒ i ʒ. scammonij ʒ iij. gummi Gotte ʒ iij. rhabarb. mechoacan. nigre an. ʒ ʒ. cinamomi, schœnanth. zingib. an. ʒ i.

Extrahantur cum spir. vini tartarificati q. s. præmittendo digestionem per aliquot dies, ut moris est pro extractione sufficiente. Extracto aliquantulum per menstrui abstractionem inspissato adde succi cydonior. expressi libr. ʒ. digere in B. vel loco calido per d. xiv. Hinc colentur, Colaturæ add. sacchari albiss. ʒ iij. aut q. s. f. l. a. Syrupus. Dosis cochl. j. Possunt & è molli- bus Electuariis Syrupi fieri, si scilicet Electuarium aliquod in liquoris calentis sextuplo, vel octuplo, dissoluatur & coletur, atque additâ sacchari dimidiâ parte leni calore sine ebullitione liquor ad tertiâ partis consumptionem euaporet. Paratur tandem syrupus ex saccharo & solo aceto, sacchari scilicet libr. v. aceti libr. iij. & secundum nonnullos aqu. libr. v. appellaturque syrupus acetosus simplex. Huic affinis est, meritoque propterea ad syruporum classem refertur Oxymel, quod in officinis habetur, quod ex vna parte aquæ, vna aceti, & duabus partibus mellis paratur. Nam quod est dilutius, id inter potus genera pertinet, de quo supra dictum. Cuius generis etiam composita fieri possunt. Tale est, quod Crato, con-

fil. 79. ad educendam materiam è pectore, eamque attenuandam, mouendam etiam aluum commendat, quod hoc modo paratur.

℞. fol. Hyssopi, veronica, scabiosa, marrubij, origani, pulegij, cardui ben. an. M. i. radic. ireos ʒ vj. zingib. ʒ i ʒ. agarici albiss. ʒ ʒ. Infundantur in aceti libr. i ʒ. aq. veronica, cardui ben. an. libr. ʒ. Stent in vase vitreo loco calido per triduum. Deinde lento igne coquantur & colentur. Colaturæ expressæ libr. i ʒ. Adde mell. opt. libr. ʒ. Iterum coq. & despumentur. F. Syrupus, qui cinamomo, caryo, hyllis & calamo aromatico aromatizari potest. Exhibentur autem syrupi rariùs soli, in morbis pectoris & ventriculi: sapius verò diluuntur duplo aquarum destillatarum vel decoctorum propinanturque pro vna dosi syruporum ʒ j. vel ʒ i ʒ. cum aq. vel decocti ʒ ii vel ʒ iij. Qui autem syrupi quibus aquis vel decoctis dilui debeant, id causæ morbi & morbus ipse indicabunt.

Ut ℞. syr. de stœchade ʒ i. oxymel. scillitici ʒ ʒ. aq. saluæ, maioranæ, roris mar. an. ʒ i. M.

Aliud. ℞. syr. acetos. f. endiuia, oxysacch. f. an. ʒ i. aq. cichorij, lupuli, bugloss. an. ʒ iij. M.

Ad syrupos & Iulebos pertinet & Hydrososatum quod est potio ex rosis & aqua, & melle vel saccharo confecta. Oribasius aquæ feruentis libr. lx. fol. rosar. libr. x. iniicit, vas occludit, donec perfectè cocta sint: postea defecatis rosis, mellis cocti & despumati libr. xxx. infundit, & in cellam reponit. Hoc melle rosaceo efficacius refrigerat. Delicatus & in febribus sãpprimè vtile Actuarius sic parat: aquæ libr. x. sacchari libr. v. addit, & simul ad spissitudinem coquit: dein succi rosarum libr. j. infundit. Possunt & syrupis extracta admisceri.

℞. Manna el. ʒ ʒ. Dissol. in aq. cichor. ʒ vj. Coletur. Adde syr. diasereos ʒ j. extract. rhabarb. ʒ ʒ. M.

Syrupis cognati sunt Iulebi & iulebia, & zulapia dicta, ita quidem, ut Medici non raro pro eodem medicamento sumant, ac potiones ex aquis & syrupis mistas iulebos appellent. Latius enim multo Iulepi nomen extenditur, nunc quàm apud Arabes, qui hoc medicamentum excogitarunt, factum. Ab illis enim Iulepi nomen absolute posuitur datur saltem saccharo aquâ rosarum dissoluto, & cocto, veluti est Iulepus Rosarum Alexandrinus aliàs dictus. Hodie verò etiam eundem in modum ex aqua violarum & saccharo vsitatè paratur Iulepus: nec non ex aquis, aliis syrupis, conseruis, succis, ut & ex vino. Est verò iuleb, si aliqua inter eum & syrupum est differentia, medicamentum syrupo dilutius, & propterea delicatius & gratius, paraturque ex aquis destillatis, succis depuratis, & saccharo. Et quia sunt dilutiones, diu non durant, nisi coquantur ad syrupi consistentiam. Parantur autem sine decoctione, & cum decoctione. Sine decoctione hoc modo. Sumitur aqua communis vel destillata, vel decoctum hordei, cui etiam succus aliquis, citri, limonum, granatorum, cydoniorum, vel acetum addi potest; affunditurque saccharum album & clarificatum, vel huius loco iulebi vsuales rosarum & violarum, qui ad syrupi consistentiam decocti asseruantur, & diligenter confunduntur, ac, si opus, per manicam Hippocratis traiciuntur. Sacchari autem vel iuleborum vsualium proportio ad aquas & succos varia seruatur; prout res præsens id exigat. Plerumque ægri palato inseruitur, & nunc aquæ ac succorum ad syrupos vel saccharum proportio tripla, nunc quadrupla, sextupla, octupla, vel etiam duodecupla seruatur. Nonnunquam iulebi speciebus aromaticis condiuntur vel rotulæ conuenientes in iis dissoluuntur. Addere etiam in aliquibus morbis spiritum vitrioli est conuenientissimum. Exemplum esto:

℞. Aq. borrag. è floribus diligenter destillata ʒ v. Syrup. de

Modus exhibendi syrupos.

Hydrososatum.

Iulebi.

Modus præparandi iulebos.

2. *de succo borrag. ʒj. Iulebi rosacei, aq. cinam. ana ʒʒ. margarit. ʒij. M. F. Potio, quam Crato, Conf. 104. ad miraculum in cordis palpitacione contulisse scribit: ipse addit etiam auri dissoluti ʒj. Non solum autem ex saccharo & aquis ac succis fluidis, verum etiam ex conseruis ac succis medicatis, cum aquis conuenientibus iulebi fieri possunt. Sumuntur nimirum conserua presenti vsui necessaria, & succi medicati, rob ribium, cerasorum, berber. affusisque aquis destillatis conuenientibus, vel decocto hordei, in mortario marmoreo contunduntur, vel super igne lento miscentur, colanturque. Exempli gratia.*

℞. Conserua rosar. ʒʒ. violar. ʒj. borrag. bugloss. ana ʒʒ. rob ribium ʒvj. vel ʒj. Dissoluuntur in aq. hordei vel sola, vel addita aqua acetosa, cichorij, vel aliarum suff. quant. nimirum libr. ij. vel libr. iij. & colentur. Si libet, possunt in vase clauso semel saltem ad ignem ebullire, & postea colari. Qui vero cum decoctione parari dicuntur iulebi, nihil aliud sunt, quam syrupi vel decocta dilutiora & puriora, eademque eorum parandi ratio est, quæ decoctorum & syruporum, nisi quod ab igne remouentur, antequam crassiorem accipiant consistentiam.

Refrigerans in febribus Iulebus.

℞. Aqu. fontan. puriss. libr. jʒ. Sacchar. cand. alb. ʒv. Bulliant leniter atque colentur. Colaturæ adhuc feruidæ adde Santal. rubr. opt. & pulueris. ʒij. Spir. vitriol. rectific. ʒʒ. Succu citri opt. ʒʒ. Infunde vitro bene clauso loco calid. per horas 6. deinde colentur. Colatura seruetur: quæ postea variè misceri potest: Vt

℞. Iulebi refrigerant. libr. j. spir. vitriol. gutt. x. Aq. cinam. gutt. vij. Syr. de succo ribes ʒvj. M. Vel: ℞. Iulebi refriger. ʒijʒ. spir. vitriol. gutt. vj. tinctur. rosar. ʒʒ. iulebi violar. ʒj. M.

℞. flor. rosar. M. j. violar. Mʒ. sacchari candi ʒij. Coq. in aq. com. libr. iijʒ. ad libr. ʒ. consumptionem: Colentur. Videatur Vid. Vidius, de medic. l. 7. cap. 6. Quercet. pharmac. rest. l. 1. c. 12.

C A P V T V I I I.

De Emulsionibus, & aliis misturis lac referentibus & confortantibus.

Emulsio.

EMulsio non ex eo, vt nonnulli putant, dicta, quod affectus demulceat, sed quod lacti similis sit, quo nomine & vulgò appellatur, & emulgendo quasi paratur, medicamentum potulentum est, ex medulla seminum, & fructuum nonnullorum, in primis amygdalarum dulcium (quæ Emulsio in specie à nonnullis Amygdalatum nominatur) affusione aquarum conuenientium aut alterius liquoris, ac contusione & expressione paratum, quibus & pulpa capi vel pulli, si simul nutrire animus est, additur. Quidam saltem inter thoracica medicamenta. & quæ renibus ac vrinæ ductibus dicata sunt, numerant Emulsionem: verum & alios vsus habere possunt, & ad sitim extinguendam, somnum conciliandum, sudores mouendos, aliosque vsus parantur. Imò etiam extra loco epithematum ad calorem capitis & dolorem mitigandum, & somnum conciliandum adhiberi possunt. Parantur autem hoc modo: amygdalæ dulces excorticatæ, semina 4. frigida maiora excorticata, papaueris albi, portulacæ, lactucæ, pineæ, pistacia, nuclei mali armeniacy & similia pro vario vsu in pila lapidea seu in mortario marmoreo cum pistillo ligneo contunduntur, sensim affusa aqua fontana rosarum, aliisque destillatis con-

uenientibus, vel etiam decocto hordei, radicis glycyrrhizæ, vel alio conueniente clarificato. Proportio liquoris affundendi varia est, nunc maior, nunc minor, pro seminum & fructuum efficacia, & prout dilutior vel crassior Emulsio expetitur. Ad minimum autem liquoris triplum requiritur, sæpe sextuplum, octuplum, decuplum, &c. Contusa colantur, & si libet, syrupi vel iulebi aliqui conuenientes, vt violarum vel rosarum, adduntur. Facta Emulsio nonnunquam dulcoratur saccharo vel rotulis diamargar. frig. manus Christi perlata, vel modò dictis iulebis. Potest interdum & aliquid aquæ cinamomi, si morbus patitur, addi. Quandoque & conserua. Confectiones & Electuaria liquida adduntur à ʒʒ. ad ʒj. ij. vel plures.

℞. Amygdal. dulc. excort. ʒj. sem. 4. frig. maior excortic. ana ʒj. Contundantur affusa aq. hordei libr. j. rosar. ʒj. Emulsio facta dulcoretur sacchar. candi ʒj.

Alia: ℞. amygd. dulc. excortic. ʒij. sem. 4. frigid. maior. ana ʒj. papau. albi ʒʒ. cum aq. endiu. fragor. cichor. ana ʒij. fœnic. apij. ana ʒʒ. F. Emuls. dulcoretur rotul. manus Christi perl. ʒj.

Alia: ℞. sem. 4. frig. maior. ana ʒʒ. cum decocti cicer. rubr. in quo radic. petrosel & fœnic. ebullierint, clarificati libr. jʒ. F. Emulsio ad pus per vrinas euacuandum.

Emulsio pro hecticis.

℞. Pinear. mundat. sem. 4. frig. mai. ana ʒj. amygd. dulc. excort. pulpæ capi ana ʒij. iuris testud. nemor. q. s. M. F. Emulsio.

Posunt Emulsionibus margaritæ præparatæ. Corallia, C. C. vsum addi.

Emulsio pro pueris Epilepticis.

℞. Sem. pæon. excorticat. ʒj. corn. ceru. vsti & preparat. Coral. rubr. præp. ana ʒj. Terantur pariter in mortario & affusis aq. Beton. flor. primula veris ana ʒij. Fiat l. a. Potio, in qua dissolue Syrup. violar. Martial. ʒj. vel manus Christi perlata. ʒj.

Alia: ℞. Decocti C. C. vsti libr. ʒ. sem. 4. frig. mai. excort. ana ʒʒ. amygd. d. excort. ʒʒ. F. Emulsio, sub fine admisc. C. C. vsti preparat. oculorum ʒ. præp. ana gr. v. margarit. præp. ʒʒ. lapid. bezoar. orient. veri gr. iij. iulep. violar. q. s. ad moderatam dulcedinem. Aq. cinamomi, ʒʒ. M. Parantur & Emulsionem ad sudores ciendos, & materiam ad cutem expellendam in febribus malignis.

℞. Sem. napi, citri ana ʒj. Aq. cardui ben. ʒij. F. Emulsio. Cui adde syrup. acetos. citri ʒʒ. M.

Alia: ℞. sem. cardui ben. ʒi. aq. veronica, cardui ben. ana ʒʒ. F. Emulsio. Cui adde syrup. acetos. citri ʒi. margarit. præp. ʒi. C. C. vsti præp. ʒii. M. Crato.

Alia: ℞. margar. præp. C. C. vsti præp. ana ʒi. corall. rubr. præp. ʒʒ. amygdal. dul. excort. ʒii. aq. rosar. ʒij. C. C. borrag. acetosa ana ʒʒ. cinam. ʒii. F. Emulsio Dulcoretur rotul. manus Christi perlatis ʒʒ.

Imò nunquam ex solis margaritis, coralliis, C. C. & similibus cum aquis conuenientibus fiunt potulenta medicamenta, quæ & ipsa, ob colorem lacteum, quem habent, Emulsionem nominantur, & modernis Medicis satis frequentes sunt. Talis est Emulsio margaritarum Montagnanæ, quæ in morbis grauissimis & senibus valde commendatur.

℞. Aq. borrag. è floribus in vitro destil. libr. j. margar. præp. ʒij. aq. cinam. ʒi. M. in mortario marmoreo. F. Emulsio.

Non rarò etiam aquis illis succi quidam expressione elicit, vt granatorum, limonum, vel etiam alij liquores, affunduntur, (ita tamen, vt aquæ distillatæ plerumque reliqua quantitate superent;)

ali

Modus parandi Emulsionem.

1.

aliquando, sed rarius, syrūpus quidam conueniens. Cū enim in aqua hac Medici plerumque studeant colori albo, omnia illa, quæ ipsum obscurant, aut interuertunt, ferè omittunt. Quod tamen neque perpetuum, neque necessarium. Exempla sint hæc.

℞. Solut. margar. ʒss. Corall. rub. ʒj. oculor. 69. ʒss. succini albi præpar. ʒ. vij. fragm. lap. s. pretiosor. lap. bezoar. orient. ana gr. v. aquar. borrag. violar. cerasor. sylu. an. ʒj. acetos. ʒij. citri fragor. an. ʒj. manus Christi perl. C. ol. cinam. ʒj. aq. cinamomi, ros. an. ʒij. M.

Vel: *℞. Aq. borragin. ʒv. rosar. opt. ʒij. margarit. præp. Corall. rubr. præp. C. C. vsti præp. ana ʒj. fragment. lapid. pretiosor. præpar. ʒss. spir. rosar. ʒss. aq. cinam. ʒij. julebi viol. ros. ana ʒj. M.*

Adsumuntur etiam interdum conseruæ, condita, aut similes confectiones officinales aliæ; sed hæc omnia rarius in vsum veniunt. Si autem horum aliquid assumere libeat, potest id fieri à ʒss. ad drachm. j. pro liquoris vnc. j. Loco præparatorum nonnunquam & alia simplicia, plerumque aromatica & grata, aut pulueres officinales, quorum ʒss. ʒj. ʒss: aut j. respondeat liquoris ʒj, adsumuntur. Exempla sint hæc;

Aqua confortatiua ad Apoplexiam.

℞. Aq. fl. tilia. lauend. salu. ana ʒj cinam. ʒss. cephalica Lang. ʒij. spir. ceras. ʒj. sp. diamb. contra apoplex. ana ʒss. Corall. rubr. præp. ʒj. marg. præp. ʒss. succin. alb. præp. gr. iij. manus Christi perl. ʒvj. M. Contra Apoplexiam.

Alia ad palpitationem cordis.

℞. Aq. melib. basilic. ana ʒj. borrag. è flor. destill. ʒij. cinam. ʒss. vini maluat. ʒj. B. julepi rosar. ʒvj. sp. de gemm. calid. ʒj. lign. aloës gr. vj. santal. citr. Corall. rubr. præp. ana ʒss. ras. eboris gr. iij. marg. præp. ʒj. unicornu veri gr. v. manus Christi perl. ʒj. M.

Ob coloris similitudinem lactis nomen & alijs quibusdam medicamentis tribuitur, quæ tamen ad hunc locum non pertinent, vt lacti sulphur, lacti virginis, quod paratur ex lithargyro & aceto vt in Pharmacop. Augustana, & alijs dispensatoriis dicetur.

CAPVT IX.

De Tincturis & Extractis, ac solutis liquidis.

Tincturas & Extracta coniungimus, quod non multum differre videantur. Etsi enim Chymicos, præcipue cum de tinctura Philosophica loquuntur, aliter Tincturæ vocabulum accipere non ignoramus: tamen hoc loco illam *επιλειαν* non attendimus. Extractum enim nihil aliud est, quàm optima rei essentia à crassiore corpore per idoneum menstruum separata (vnde & essentia à multis nominantur) quod cū adhuc sub forma liquidioris est, & cū menstruo coniunctum, etiam colorem habet, & propterea Tinctura appellatur: quamuis nonnunquam Tincturæ quoque dicantur, cū iam à suo menstruo extrahente rei essentia separata est. Itaque etiam quæ in genere hac de re dici possunt, tincturis & extractis ferè sunt cōmunia. Non autem hīc de iis medicamentis agemus, quæ etiam à nonnullis inter extracta numerantur, & è succis viridum herbarum expressis & depuratis conficiuntur: sed de iis, quæ ex rebus siccioribus, interueniente aliquo liquore, quem menstruum vocant, præparantur. Nisi enim res, ex quibus extracta parare cupimus, prius exsiccantur,

humidum illud alienum impedimento est spiritui extrahenti, ne in penitiora sese insinuare possit. Menstrua autem (ita enim liquorem, qui ad eliciendam rei essentiam, adhibetur nominant) varia, pro diuersitate materiæ & vsus, adhibentur, spiritus vini præcipue, aqua destillata, serum lactis, acrum, & similia. Neque enim idem liquor quiduis ad se trahit, sed certus certum. In menstruo autem eligendo primum perpendendum, an liquida tinctura, seu extractum expetatur, an verò spissius. Etenim si liquida tinctura expetitur, menstruum sumendum est, quod sit eiusdem generis, vel facultatis. Ita ad tincturam è sulphure eliciendam spiritus terebinthinæ & iuniperi adhibetur. Si verò menstruum separari debeat, non admodum refert, licet alterius à tinctura sit generis. Duæ tamen in menstruo tali præcipue conditiones requiruntur. Vna est, vt sua subtilitate materiam penetrare, & familiaritate sinceriores partem ex ea extrahere possit: altera est, vt citra iacturam & corruptionem extracti ab eo separari iterum possit. Inter quæ facile spiritus vini optimè præparatus primum locum obtinet, & quidem è vino bono, non fecibus vini destillatus, vipote qui & optimè penetrat, & rei purissimam substantiam ad se allicit, ac leuissimo etiam calore postea separari potest. Adhibetur tamen quoque pro re nata Ros maialis, acetum destillatum, spiritus Salis, terebinthinæ, &c. Menstruum ex aqua pluuiæ quomodo parandum sit, docet Beguinus, lib. 2. cap. 9. Patet hinc vulgò non parum errari in extractis compositis parandis, vbi res, quæ diuersæ sunt naturæ, & diuersa menstrua requirunt, exempli gratia margaritæ, corallia, gemmæ, aromata, radices & alia, in vnum menstruum infunduntur; quod tamen eam vim non habet, vt omnia penetrare possit. Quapropter obseruandum, vbi extracta composita parare animus est, & simplicia sunt diuersæ naturæ; vt singula seorsim, vel quæ cognata sunt simul per suum menstruum extrahantur, & postea extracta misceantur. Tota autem hæc operatio nota est, nec prolixa descriptione indiget, nec exemplis multis opus habet. Res plerumque contrita aut puluerilata in conuenientem liquorem, seu menstruum conueniens, coniicitur. In materiam enim in minimas partes comminutam liquor si se facilius insinuare, & ex eo partem illam optimam extrahere potest. Ea de causa etiam maceratione per calorem sæpe opus est. Maceratione enim vis illa rei in liquorem seu menstruum deponitur, facitque ad hoc multum calor, qui, vt liquor rectius sese insinuet & penetret, efficit. Fit autem illa maceratio in balneo, in cineribus, aut aliàs loco calido. Cū menstruum satis coloratum est, liquor effunditur. Interdum vnico menstruo tota vis extrahitur: nonnunquam sæpius nouum menstruum affundere oportet, antequam vis tota extrahatur. Vbi vis omnis extracta est, liquorem omnem effundimus, & coniungimus, & puriorem vel filtratione, vel digestionem efficiamus. Nonnunquam radices & herbas nouas sæpius in eodem liquore maceramus, vt extractum fiat potentius. Liquorem illum medicamenti vi imbutum, & purissimam eius partem continentem, Tincturam appellare licet. Quam si ita liquidam, & forma ferè iulebi asseruare velis, requiritur, vt menstruum tale sit, quod non facile corrumpatur, quale inprimis spiritus vini est, aut si tale non sit, vt suo, hoc est ex materia extracti parato, sale à corruptione præseruetur. Spiritu autem vini ex plerisque simplicibus, tam alterantibus, quàm purgantibus, vt mechoacanna, scammonio, & aliis extractum paratur. Exempli gratia. Si absinthio affundatur, tinctura extrahatur, & tandem maxima pars spiritus vini separetur, sit extractum liquidum, cuius guttæ aliquot vino instillatæ absinthites

Liquores ad extractions idonei.

In extractis compositis parandis quid obseruandum.

thi res illud faciunt. Ut verò ex absinthio : ita etiam ex plurimis aliis plantis , carduobenedicto, chamædry, chamæpity, centauro minore, zedoaria, rosæ & pluribus aliis extracta liquida , quæ alij Tincturas, alij essentias vocant, parari possunt Et sunt ista ægris non solum gratiora, verum etiam efficaciora plerumque, quam Syrupi, in quibus vis omnis penè coquendo perit. Parantur autem ferè à plantis calidis. Huc pertinet ergo tinctura Rosarum, cum simplex, quæ cum aquis conuenientibus add. Spir. vitrioli, extrahitur & saccharo dulcoratur, tum composita, in dynteria utilis.

℞. Rosar. rubr. opt. ℥ij. Rad. Acori vulgar. bistort. pentaphyll. tormentill. mundator. omnium ana ℥ss. Incisis & præparatis s. a. adde spirit. vitriol. opt. Aceti rosar. opt. ana ℥i ss.

Agitetur vitrum continens probè, ut radices incisæ spiritum facilius imbibant, Relinquatur deinde vitrum per horas 24. in loco frigido, quo facto affund. Aqua tormentill. bistorta, plantag. pentaphylli ana ℥bi. Admisc. sacch. albiss. ℥ss. Relinq. in loco moderatè calido tamdiu, donec liquor colore sanguineo fuerit tinctus. Transmittatur postea per chartam emporeticam. Huc referenda etiam essentia Castorei.

Essentia castorei.

℞. Castorei ℥bi. seca id in minutas particulas, affunde acetum vini destillatum forte, & extrahe Tincturam, per chartam filtra, & acetum per Baln. destillando separa. Materiæ restanti spir. vini rectif. affunde & per 14. d. digere, postea in vitrum purum essentiam effunde & serua. Dosis in gutt. v. ad x. in Epilepsia & affectibus hystericis.

℞. Spec. aromat. ros. ℥j. sem. anisi, fœniculi, carui, ana ℥ss. caryophyll. nucis moschat. cinam. el. ana ℥ii ss. cardamomi min. ℥ij. ligni aloës, piper. nigri, zingib galangæ, ana ℥i. Tritis affunde in vase vitreo spir. vini opt. ℥ii ss. Macerentur vase diligentissimè clauso diebus 10. Postea per inclinationem à puluere tinctura clara separatur, cui ℥viii. iulebi rosacei adde, quæ in vase bene clauso ad dolores ventriculi curandos asseruari potest. Matthiol. Huius si portionem cyatho vini infuderis, mox Claretum seu vinum Hippocraticum habebis. Pertinet huc etiam Elixir proprietatis, vndeunque etiam ita dictum, quod vulgò hoc modo paratur.

Elixir proprietatis.

℞. Myrrha optime, aloës, croc. ana ℥iv. puluerisata in vitro humectentur spirit. vini optimè rectificato, postea affundatur oleum sulphuris per campanam factum ad digitorum iv. eminentiam, & in loco calido digerantur duobus mensibus: postea liquorem hunc separa, & materiæ residuæ spiritum vini affunde, atque iterum duobus mensibus digere, liquorem colatum priori adde: tandem materia residua lento igne destilletur, & quod exstillat priori liquori addatur, & iterum per mensem in loco calido digeratur. Verum quia hæc præparandi ratio paulò operosior est, nec menstruum materiæ extrahendæ analogum videtur, alij aliud compendium quærunt. Verum breuissima Elixir hoc præparandi ratio ista viderur.

℞. Vinum Maluaticum vel solum vel cum spiritu vini mixtum, atque addatur oleum sulphuris acidi q. s. ad gratam aciditatem. Hoc vinum ad digitorum quatuor eminentiam speciebus affundatur, & postea liquor per inclinationem separatur atque aliud vinum, vel spiritus vini affundatur & omnis postea digeratur. Pertinent ad hoc caput & essentia dicta: Quanquam vocabulum hoc apud Chymicos valde est ambiguum & de parte omni, quæ à toto separata, & vires totius ferè comprehendit, accipitur; quo modo tincturæ & extracta liquida etiam essentia, ut modò diximus, appellari solent. Præterea etiam ex succis essentia parantur. Succus expressus in B.

M. digeritur, dum crassum sedimentum ad fundum descendit reliquusque succus clarescere & rubescere incipit. Quo facto clarus liquor per inclinationem separatur, iterumque digeritur, donec nullæ feces amplius subsideant. Hoc modo enim cruda concoquuntur, amara dulcescunt, & acria ad mediocritatem reducuntur. Qui ut diutius durare possit, succi ℥xvi. additis sacch. ℥iiii. in balneo lento calore ad syrupi consistentiam concoquuntur. Verum sæpissimè per Balneum, vel lenta coctione atque euaporatione menstruum planè separatur, atque tunc extractum nominatur. Et quidem simpliciter extractum. Nam si pars aliqua saltem menstrui separatur, extractum liquidum appellatur. Idque variis modis asseruari potest, vel mellis consistentia, vel succi expressi, vel si placet, etiam forma pilularum, imò & pulueris. In quibus omnibus hoc spectatur, ut vis medicamenti in quantitatem minimam redigatur. Cum enim vis medicamenti non in corpore crassiori & terrestri, sed in succo nobiliore & spirituosa substantia plerumque consistat: extractione illa purior & efficacior pars separatur, & vis, quæ antea in ℥i. vel ℥ii fuit, in ℥i. contrahitur. Nonnunquam primò per liquorem aliquem conuenientem extractum paratur: Deinde ex eodem extracto crassiore per spiritum vini subtilius paratur. Quomodo extractum ellebori nigri fieri solet. Quia verò in quibusdam consistentia est solidior & compactior, prius ad solutionem & extractionem præparetur. Quod in mineralibus, & metallis, hisque cognatis, per calcinationem in primis perficitur, quæ compages illa corporis arctior reseratur, & corpus durum in minutissimas partes resoluitur, ut postea liquor affusus rectius in eas agere possit. Cum autem talium extractorum magna passim habeatur copia, & plurima exempla apud Euonymum & in antidotario Vveckeri speciali, aliosque reperiantur, actum agere nolumus: pauca quædam saltem monebimus. Extracta purgantia, & ad singulos humores, & ad omnes seu panchymagoga describuntur à Crollio, pag. 137. Beguino, lib. 2. cap. 9. & aliis passim. Facilis compositio hæc est.

Extracta

℞. Diagrydy, trochisch. alhandal, gummi Gotte. an. ℥ss. aloës ℥i. F. extractum cum spir. vini. Seorsim itidem F. extractum è turbiib. elect. radic. ellebori nigri ana ℥ss. spec. diarrhod. abb ℥ss. arom. rhabarb. ℥i. ros. ℥ij. Vtrumque extractum postea coniungatur. Dof. à Scrup. i. ad Scrup. ii.

Extractum catholicon

Extract. Ellebori nigri.

℞. rad. Elleb. nig. ℥bi. Infund. in spir. vini opt. q. s. per dies 7. vase optimè clauso, postea add. rad. bugloss. Ital. fœnic. an. ℥vi sem. anisi ℥ss. caryophyll. ℥ii ss.

Stent per biduum, postea f. Extr. s. a. Extractum esulæ à Rulando toties laudatum ita paratur. ℞. Esulæ minor præparata q. v. coquatur leniter, & semper despumetur, donec spuma amplius non appareat. Aquam per inclinationem separa, aliamque affunde, & iterum, ut prius coque. Aqua collecta ad ignem exhalet ad spissitudinem mellis. Postea affunde spiritum vini ad digiti eminentiam in vase clauso loco calido aliquandiu asseruatur. Tandem Spiritu vini abstracto, relinquitur Extractum, quod à ℥j. ad ℥j. exhibetur, Extractum rhabarbari rectius paratur cum Aqua cichorij vel endiuia, additis guttis aliquot ol. tartari per deliquium, quam cum Spiritu vini. Elegans etiam modus est ex scammonio, mechoacanna atque aliis, quæ resinosi aliquid habent extracta parandi, si cum Spiritu vini extractio fiat, atque in Spiritum vini imprægnatum & per inclinationem à fecibus separatum aliquid aquæ rosar. instilletur. Tum enim extractum ad fundum præcipitatur, à quo si per inclinationem spiritus vini separatur, extractum scammonij in fundo instar gummi Arabici pellucidum remanet, quod lento calore siccandum, donec in pul

Extractum Esulæ.

Extractum scammonij
Extractum rhabarbari.

Essentia

puluerem redigi possit: id nonnulli resnam scammonij nominant. Notandum tamen, post aq. rosar. infusionem extractum non totum statim precipitari, sed sensim aliquot dierum spatio subsidere. Affusio etiam spiritus vini in scammonium toties repetenda, donec nihil amplius extrahat. Quia verò extractum hoc in liquore calido liquefcit intar resinæ, commodius in pilulis vel bolis, quàm pulueribus, quæ in liquore calido sumuntur, exhibetur. Huc referri potest & coagulum Afari. Nonnulli è radice & foliis afari cum spir.vini tincturam extrahunt: ex fecibus verò salem parant, quem in crucibulo ad ignem calcinant, soluunt, coagulant, tandemque cum tinctura miscent, spiritumque vini separant ad mellis consistentiam & Afari coagulum vocant, & à ði. ad ðii. exhibent. Huc referri potest & spiritus vini purgans, vt spiritus vitæ aureus Rulandi, cuius vires describit Cent. 2. cur. 96. Parauit autem eum, vt Rulandus F. in Elencho medic. Chymicor. no. 8. scribit, ex trochiscis alhandal spiritu vini extractis. Rulandus F. verò loco citato hunc spiritum catharticum describit.

℞. Spec. Diachartami recenter dispensat. ℥iii. spir. vini maluat. q. s. F. Spiritus Catharticus filtrationis & circulationis opera. Ab aliis ita paratur spir. vitæ aureus.

℞. Pulp. colocynthid. ℥v. gum. bdellij, tragacanth. Arab. an. ði. trochisc. alhandal. de rhabarb. de absinth. an. ℥i℞. rhabarb. el. ℥ii. spir. vini opt. rectif. ℥xviii. vini maluat. ℥viii. M.

Stent in infus. in loco calido per triduum, vitro clauso, & bene obturato, deinde exprimantur fortiter & colentur per chartam emporeticam. Dos. à ℥ii. ad ℥℞. vel etiam ℥i.

Alius spiritus vini purgans.

℞. Diagryd. turbib. an. ℥ii. Medull. sem. cartham. ℥i. cinamomi, zingib. spec. diamarg. fr. an. ðii. cort. citri siccat. carnis cydonior. an. ḡ. xv. vel ði. sacch. candi albi ℥ii. Infund. per 24. horas in spir. vini opt. q. s. v. grat. lb. i. in vase vitreato, circulentur aliquamdiu, postea filtrentur, per chartam emporeticam, & feruentur ad vsum. Dos. cochl. i. vel ii. vel ℥i. ante pastum aliqu. horis. Potest etiam spiritui vini scammonio imprægnato succus cydonior. & sacchar. addi & pro ratione & quantitate scammonij exhiberi.

Extractum pestilentielle.

℞. Radic. Angelica, olsniti, imperatoria, zedoaria, heleny, valeriana, vipcetoxici, an. ℥℞. tormentilla, gentiana, petasita, succisa, pimpinella an. ℥i. sem. leuistici ℥iii. angelica, melissa an. ℥ii. citri ℥i. granor. iuniperi, M. ii. fol. veronica, melissa, artemissa, sordij, galanga, scabiosa, carduibened. an. M. i℞. flor. hyperitici M. i. cum spiritu vini F. Extractum.

Pertinet huc & laudanum opiatum, cuius descriptiones apud Crollium, pag. 173. & passim plurimæ extant; quarum pleræque & optimæ opium solum pro basi habent, è quo extractum fit cum spiritu vini, qui tinctura specier. diambæ imbutus est. Extracto postea additur solut. corallior. & perlarum, ambra, bezoar. ol. garyophyll. cinamomi, extract. cro. ci: atque tali & ego hæcenus feliciter vsus sum. Vide Libau. lib. 2. Alch. tr. 3. c. 1. & Syntagm. arcan. chymic. l. 8. c. 44. Alij ita parant. ℞. opij Thebaici q. v. scinde in particulas tenues, & in patella vitrea, seu terrea lento igne in arena vel cineribus exsicca (quod septem vel octo dierum spatio perficitur) in loco vento perspirabili, donec digitis in puluerem conteri possit, fætorémque amittat. Postquam fætidum sulphur exhalauit, affunde acetum destillatum ad sex

Dan. Sennerti Tom. I.

digitorum eminentiam, & stent in loco calido, donec acetum opij tincturam extraxerit: Tinctum acetum separa, & per filtrum traice, nouumque acetum affunde, iterumque tincturam extrahe. Acetum coloratum omne coniunge, & Balneo destillando separa, vt relinquatur extractum opij mellis consistentia. Huus ℥i, adde salis vel Magister. corallor. & perlar. ana ℥℞. extracti croci cum spiritu vini facti ℥ii. & misce diligenter: alij præterea moschum, ambram, ol. cinamomi, & garyophyllorum addunt. Nonnulli aliud laudanum commendant, quod nihil opij, sed vim suam è sulphure vitrioli Narcotico habeat. Verum non sine causa dubitant viri docti, an ipse Quercetanus, qui tamen toties de hoc sulphure gloriatur, id vnquam habuerit, & si quid medicamenti narcotici habuit, an illud vim suam à sulphure vitrioli, an verò ab opio obtinuerit. Contra autem obseruatum est, medicamenta pro vitrioli sulphure exhibita horribiles vomitiones, cachexiam, hydropem excitasse, imò quibusdam mortem attulisse, vt testatur Matth. Vntzerus, tractatu de sulphure. Ideoque consultius est, Laudano opiato probè parato vti, quàm medicamento nondum satis cognito periculum in nomine facere. Vide Libau. de igne natura, cap. 32. & Apocalyps. hermetic. part. i. cap. 14. & Vntzerum, allegato loco, in Appendice de sulphure vitrioli. Extractum splenis bouis ad lienis obstructiones & menstrua prouocanda commendatum vide apud Crollium pag. 224. Pertinet huc & tinctura tartar. quam alij sulphur tartari appellant, quæ hoc modo paratur. ℞. Salis tartari purissimi q. v. Is in crucibulo valido igne fundatur, donec calorem ex viridi cœruleum acquirat: qui tantæ est acrimoniæ, vt linguæ admotus instar ignis vrat. Huic sali fuso spiritus vini tartarificatus affunditur ad eminentiam digitorum trium, & aliquandiu stent in loco frigido, postea in cineribus lentè ebulliant, & destillentur. Atque hæc abstractio aliquoties repetatur. Postea per destillationem spiritus vini separetur; & manet liquor rubeus: qui denuò cum spiritu vini recenti iunctus in phiola lento calore digeritur, & partim in crystallos croceos concrefcit, partim forma liquida manet. Eius guttæ iii. vel plures in vino exhibentur. Expellit per vrinam vehementer materiam viscera obstruentem, & inde in affectione hypochondriacâ exhiberi potest. Paratur deinde & tinctura ex gemmis & lapidibus. vt ℞. Smaragdi fragment. q. v. terantur super lapide porphyrio subtilissimè: postea affunde vrinam puerorum destillatam, & in loco calido tinctura extrahatur, idque toties repete, quoties opus erit. Hanc vrinam destillando separa, & remanet puluis gryseus, ex quo cum spiritu vini tinctura viridis extrahatur. Spiritus vini aliqua pars separetur, vt consistentiam quandam acquirat, & relinquatur tinctura Smaragdi, quæ à ḡ iii. ad v. in aqua conueniente exhibita ad dysenteriam commendatur. Ex rubino, & gemmis plerisque tinctura extrahitur, si calcinentur, & postea spiritus vini tartarificatus affundatur. Tincturam coralliorum ita nonnulli parare docent. ℞. corallia aceto soluta: imprægnentur spiritu aceti destillati, donec sal nihil istius spiritus recipiat; id quod fit hoc modo. Ad corallior. lb. i. adde aceti acerrimi ℥ii. & leniter eum destilla, exstillabit phlegma saltem insipidum. Secundâ vice affunde aceti ℥iii. iterumque destilla, atque ita perge singulis vicibus vnciam plus affundendo, idque continua, donec acetum tam acre à sale coralliorum destillarit, quale affusum est. Sal ita imprægnatus diebus xxx. in Balneum Mariæ digeratur, ac postea per retortam in Reuerberio clauso destilletur, iia vt primò phlegma seorsim excipiat, deinde spiritus albicantes etiam seorsim,

Y Y y donec

Tinctura tartar.

Tinctura Smaragdi.

Tinctura corallior.

gulum vi.

itus vini zans.

danum tum.

donec omnes spiritus cum oleo rubro instar sanguinis prodierint. Hic spiritus per alembicum destillando rectificandus, remanetque in fundo ol. rubrū. Spiritus verò recentibus coralliis infusus extrahit tincturam instar laccæ rubicundam, quæ si denuò ab hoc spiritu destillatione separata, & cum spiritu vini, vel alia aqua cordiali coniuncta, & destillando ac cohobando volatilis facta fuerit, euadit coralliorum tinctura. Præstantior adhuc modus hic est. Calcinentur corallia integra igne reuerberij lento primum, vt flamma corallia tantum superficietenus attingat, quo caloris gradu corallia albescere incipiunt. Continuetur ignis, & gradus augeantur, vt ex albedine in flauedinem, & ex flauedine in rubedinem mutantur, & corpus coralliorum spongiosum reddatur. Hoc modo calcinatis coralliis si spiritus vini affundatur, tincturam inde extrahit, fecibus albis in fundo remanentibus. Si spiritus vini per destillationem inde separetur, fit tinctura rubicunda & spissa. Coralliorum tincturam nonnulli ita quoque parant. ℥. corallior. part. j. sulphur. viui part. iij. vel partes æquales, calcinentur igne circulari per gradus per horas duas. Postea calida & ignita adhuc infundantur in fictile Vvaldeburgicum ampli orificij, in quo fit acetum destillatum (ad corallior. ℥j. aceti ℔j. præter propter,) & vas mox operculo claudatur. Hinc omnia in phiolam vel cucurbitam infundantur, & vase diligenter clauso stent in loco calido per dies quatuordecim. Hinc acetum destillando separetur, & spiritu vini tinctura extrahatur. Referre huc liber & aurum potabile, de quo passim multa. Quæ de eo habeat Crollius, videantur, pag. 211. & seqq. Melior & tutior modus hic videtur. ℥. calcem auri per verberationem in summam tenuitatem redactum. Affunde menstruum ex sale vrinæ volatili, & spiritus vini optimi partibus æqualibus simul in Baln. diebus duodecim digestis paratum, & in lento calore digere per mensem vase Hermeticè clauso, donec sanguinis instar rubicunda tinctura euadat, idque quoties opus est, repetere. Tinctura sæpius collecta per octo vel duodecim dies digeratur. Hinc spiritus lenissimo calore per destillationem separetur, & Aurum in fundo forma olei rubicundissimi, in quolibet liquore resolubile, remanet, quæ tinctura vicem ☉ potabilis supplere potest. Eandem solutionem si in arena per cucurbitam humilem vel Retortam destilles, tandem auri tinctura simul per alembicum transit rubicunda instar sanguinis, relicta in fundo terra arida, nigra, spongiosa. A tinctura hac menstruum per Baln. repidum separandum, & tinctura, seu oleum auri in fundo relinquitur. De auro potabili pluribus agit Libavius, lib. 2. de syntagm. arcan. Chymic. à cap. 10. ad cap. 20. & apocalyps. Hermet. part. pr. cap. 19. Ex argento commodissimè tinctura extrahitur, si prius cum ☿ calcinetur, vt suprà sect. 2. cap. 5. dictum, & postea menstruum ex sale vrinæ volatili, & spir. vini affundatur, quo modo cœrulea euadit tinctura: viridis autem, si spiritus salis affundatur. Ex Martis inctura extrahitur hoc modo. Recipe limaturæ chalybis q. v. affunde acetum destillatum, rubedinem extrahe, aliudque acetum affunde, idque per menses duos, vel tres continua, donec nihil amplius extrahatur. Acetum tinctum omne commistum in Baln. destillando separa, & residuo spirit. vini affunde, & digere, vt tincturam extrahat; spiritum vini destillando abstrahere, iterumque affunde, idque sexies repetere, & sic habetur ♂ tinctura. Vel: crocum ♂ probè calcinatum irrota & cohoba cum spirit. vitriol. sine per noctem in arena calida, vt materia effumet, atque exsiccetur; hæc contundatur, superque marmore teratur, tritæ materiæ af-

fundatur aqua fontana, simulque per horas 24. in arena digeratur, eadem adhuc calente per chartam filtratur: quod clarum euaserit, post filtrationem, illud coaguletur in ☉. Hoc in tigillo optimè calcinetur, vt spir. vitriol. euaporet: secundum affundatur spir. vini opt. qui tincturam extrahat, hic rursus media sui parte abstrahitur: quod remanet, tinctura est. Ad tincturas tandem meritò refertur & Balsamum sulph. dictum, quod alij aliter parant. Vulgatissimus verò modus hic est. Sumantur, exempli gratia, flor. sulph., ter vel sæpius cum vitriol. vel sal. sublimatorum ℥iij. Spiritus terebinth. ℥vii. (sunt qui etiam spiritum iuniperi sumunt.) Collocentur in phiolâ vel cucurbitâ in arenam, & primò hor. 2. vel 3. lentum ignem admoue, quem postea auge ita, vt leniter ebulliant, atque in eo postea gradu ignem conserua, donec sulph. in spiritu terebinthinæ soluat, & spiritus terebinthinæ rubicundus reddatur. Quidam spiritui ita colorato novos rursus flores iniiciunt, eosque eodem modo, vt antè, dissolunt. Hinc affundatur spiritus vini optimi, & vitrum claudatur, & in cineribus calidis, vel loco calido digerantur, donec spiritus vini rubini colorem acquirat. Extractum hoc seu tincturam effunde, & nouum spiritum vini affunde; rursus digerantur, donec spiritus vini coloretur: idque repetatur, donec non amplius coloretur. Nonnulli mox spiritum vini terebinthinatum, hoc est, cum spiritu terebinthinæ mistum affundunt. Tinctura omnis coniungatur in cucurbita, & spiritus vini sufficiens quantitas destillatione lentâ abstrahatur. Reliquum in phiolâ per dies aliquot digeratur, & aliquæ feces subsident, è quibus balsamum rubini colore separa. Quidam etiam post primam cum spiritu terebinthinæ solutionem spiritum terebinthinæ destillando separant, & postea cum spiritu vini tincturam seu balsamum sulphuris extrahunt.

Ex hoc balsamo possunt fieri Rotulæ.

℥. balsami ℥j. vel ℔. sacchari albiss. ℔j. vel q. s. quod sapore dignoscitur. Si enim nimis sapiunt sulph. iterum liquentur, & plus sacchari addatur; sin minus, addatur plus balsami. F. inde rotulæ, quæ commendantur in peste. Balsamo eidem si sal tostus addatur, per retortam lento igne oleum inde destillatur. De tincturis & extractis vide quoque Beguinum, l. 2. c. 7. 9. 10. Andr. Libavius, l. 8. syntag. arcan. Chymic. c. 9. 10. 11. 12. 16. Alchym. pharmac. c. 18. 19. 20. 24. 25. De menstruis Libau. Alchym. pharmaceut. c. 4. In coralliorum tamen, margaritarum, & aliorum lapidum pretiosorum tinctura videndum, ne quis decipiatur, & se tincturam habere putet, cum nihil nisi menstruum obtrineat. Sunt enim quædam menstrua, quæ sponte sua rubescunt. Deinde & hoc obseruandum, vix aliam in hisce haberi tincturam, quàm quæ à sale suppeditatur; vnde tales tincturæ rubeæ sæpe etiam ex aliis lapidum generibus extrahuntur. Ita ex lapide lazuli tinctura extrahi potest, quæ rubedine cum tinctura coralliorum certet. Et omnes tales tincturæ si exsiccantur, colorem amittunt, & in humido, salis more, iterum liquefcunt. Ideoque qui corallia, margaritas, & alios pretiosos lapides calcinauerit, aut quocunque modo eò redegerit, vt ad salis extractionem sint idonea: facile etiam eorum tincturam extrahere potest. Quod de coralliis dictum, idem etiam de metallis accipiendum. Notandum tandem in metallorum tincturis extrahendis non paruam diuersitatem menstrua parere. Ex eadem ☿ vel ☿ calce cum spiritu vrinæ extrahitur tinctura cœrulea: cum spiritu verò sal. viridis. Vide Vvecker. antidot. spec. lib. 2. sect. 26. Quercetan. pharmacop. rest. c. 25.

CAPVT

Aurum potabile.

Tinctura.

Tinctura.

Balsam. sulph.

CAPVT X.

De Conseruis, Conditis, & Succis medicatis.

Conseruæ à conseruando dicuntur. Ideoque si nomen spectes, id omne hoc nomine appellari posset, quod admistione alterius incorruptum conseruatur. Vñs tamen obtinuit, vt nomen hoc tribuatur præcipuè floribus, deinde & herbis, ac radicibus quibusdam mollioribus, quæ saccharo condita in plures annos conseruantur. Sacchara etiam ac flores saccharati, à saccharo, quo condiuntur & asseruantur. Parantur autem hoc modo. Flores aut herbæ recentes mundatæ, & si humiditate nimia scateant, in vmbra nonnihil prius, donec superflua humiditas absorpta sit, exsiccantur, reperiuntur, atque sacchari duplo vel triplo addito in pila lapidea pistillo ligneo diligenter conteruntur & miscentur, ac mixtura postea in vase vitreo vel vitrato reconditur. Nonnullos flores etiam minutim concidere, & cum saccharo miscere licet. Si herbæ aridiores sint, ac facile saccharo non commisceantur: saccharum ad syrupi consistentiam prius coquendum, & hinc super prunas miscenda sunt. Sacchari loco etiam mel vsurpari potest. Nonnulli conseruas Soli aliquot dies exponunt. Nonnulli etiam, vbi omnia simul contusa sunt, ad lentum ignem calefaciunt, & miscent. Quod in humidioribus quibusdam facere non inutile est: in aliis tamen opus non est. Alij adhuc alios modos parandi conseruas habent. Recipiunt vitrum, atque fundum saccharo tegunt: hinc flores condiendos ad digiti transversæ altitudinem iniiciunt, iterumque saccharum inspergunt, atque hoc modo stratum super stratum faciunt, & vitrum bene tectum ac clausum per aliquot septimanas Soli exponunt. Nonnunquam radices coquuntur, donec contundi possint, vel etiam sine coctione lotæ & mundatæ minutissimè contunduntur. Contusis ita, vel etiam per setaceum traiectis addatur saccharum perfectè, vt pro syrupis fieri solet, coctum. Hoc modo ex radicibus cichorij recentibus lotis, & minutim contusis cum saccharo fit conserua. Exempla addere non opus est. Sunt enim plurimæ passim in officinis conseruæ in vsu. Vnum saltem, quod huc referri & in præsentem vsu parari potest, addemus.

℞. Pomum citri num. j. concidatur totum minutim, & lento igne cum aqua rosar. parum coquatur, & in mortario marmoreo pistillo ligneo minutissimè contundatur, & s. q. sacchari dulcoratur. Licet etiam aliquid de margaritis preparatis addere. Optimum est & non ingratum in febribus malignis remedium. Alia conserua citri, ex eius carne cum aq. communi & saccharo per coctionem parata, descripta habetur in Pharm. August. classe 14. Conserua quoque Rosarum, quæ & ipsa coquendo (lenissimè tamen) paratur, habetur ib.

Conserua Rosarum laxatiua.

℞. Flor. rosar. incarnat. seu Prouincial. part. iij. Sacchar. part. j. manna part. ij. F. Conserua.

Conserua etiam Rosarum laxatiua è succo rosarum & manna parata suprâ part. 1. sect. 1. cap. 11. descripta fuit, quæ tamen etiam ad succos inspissatos, qui Rob dicuntur, referri potest. Conditum verò nomen tribus ferè modis vsurpatur à Medicis. Interdum enim pro medicamento composito è conseruis, pulueribus, speciebusque aromaticis cum syrupo aliquo mistis & in formam electuarij redactis, accipitur. Interdum pro simplici saltem planta cum melle vel saccharo mista: idque rursus duobus modis. Vel enim conditi nomine quoduis medicamentum

Dan. Sennerti Tom. I.

saccharo vel melle conditum accipitur; ita vt etiam conseruæ conditi nomine hoc modo comprehendantur: vel in specie saltem pro medicamentis, quæ non contusa, sed integra ferè, saccharo vel melle condiuntur, vt & diutius asseruari possint, & gustui gratiora reddantur: de quo conditorum genere solum in specie hîc agemus. Condiuntur autem inprimis fructus, radices, cortices, caules, & aliquot flores, vt citri & aurantiorum. Apparatus hic est. Fructus mollientes, vt cerasa, baccæ ribes, berber. mala armeniaca, persica, pyra moschatellina, & similia, quæ molliora sunt, vel saccharo calente aut melle perfunduntur, vel iisdem immersa coquuntur, donec fructuum humiditate absorpta saccharum & mel suam consistentiam recipiat; atque vsui seruantur. Videndum tamen, ne fructus molliores, vt fructus ribes & similes coctura flaccescant, & colorem amittant. Ideoque tutius est, saltem saccharum calidum iis infundere, & vbi saccharum aqueam humiditatem attraxit, saccharum solum iterum ad succi seu humiditatis aqueæ absorptionem coquere, & postea fructibus conditis iterum affundere. Quæ autem solidiora & duriora sunt, vt radices, cortices, fructusque, vt radices helenij, acori, pimpinellæ, galangæ, cichorij, cortices aurantiorum, citri, nuces iuglandes, prius aqua macerantur, vel etiam coquuntur, donec amaritudo saporque ingratus extrahatur, & molliora reddantur. Nonnulla, quæ amariora sunt, primò lixiuio aliquot diebus, postea aqua pura macerantur. Qua in re tamen obseruandum, ne (quod in radicibus cichorij & aliis non raro fieri solet) dum palato consulimus, vires nimia maceratione, vel coctura amittamus, conditumque inefficax reddamus. Postea saccharum vel in aqua simplici, vel in aqua, qua medicamentum maceratum est, nisi saporem abhorreamus, dissoluimus & clarificamus. Saccharum clarificatum fructibus vel radicibus affundimus, iterumque, donec aquea, quæ superest, humiditas absorbitur, coquimus. Tandem ita condita in vase vitreo vel fictili seruantur, & orbe ligneo tecta, lapidibusque mundis impositis depressa, vt ius emineat, seruantur. Alias enim corrumpuntur. Tota hæc condiendi diuersitas è tribus exemplis patere potest.

℞. Radices helenij, pimpinellæ, calami arom. vel quas libet, bene mundatas, & secundum longitudinem in aliquot partes concisas iniice in aquam frigidam, atque, singulis diebus effusa priore, nouaque affusa aqua, macera per dies octo, vel etiam plures. Deinde coquantur, donec mollescant. Tandem affundatur saccharum vel mel clarificatum, coquanturque, donec aquea humiditas consumatur. Vel ℞. Nuces iuglandes, antequam cortex interior induratur, circa festum Iohannis nimirum, perforantur nouies vel decies, macerentur aqua frigida per dies decem, singulis diebus aquam priorem nouâ permutando. Hinc coquantur paululum. Foramina aromatibus, quibus libet, repleantur, atque affundatur saccharum clarificatum calidum. Stent per aliquot dies, atque vbi saccharum fluidius redditum fuerit, iterum ad iustam consistentiam coquatur & nucibus rursus affundatur.

Vel ℞. Pomum citri vel limon. integrum, maceretur per dies 3. vel 4. aqua frigida, singulis diebus semel, vel bis, aquam permutando, donec amaritudo nonnihil extracta sit. Hinc coquatur, donec mollius reddatur, atque affundatur saccharum clarificatum tepidum. Tribus diebus elapsis saccharum effundatur, atque iterum nonnihil coquatur, & calidum citri pomo affundatur: idque toties reperatur, donec omnis aquositas absorpta sit. Videatur Vid. Vidijs, de medic. l. 7. c. 7. VVecker. amidot. spec. libr. 1. sect. 23. 25.

YYy 2

Quer

Condiendi
modus.

Radices con-
diendi mo-
dus.

Nuces iu-
glandes con-
diendi ratio.

Poma citria
condiendi
modus.

Succi inspissati
sui & medicati

Querceran. pharmacop. cap. 21. Hisce cognati sunt succi inspissati & medicati, qui Arabibus Rob dicuntur. Parantur plerumque à succo fructuum, nonnunquam etiam florum, ut tempore hyberno vsui esse possint, cum recentibus herbis & fructibus caremus; & quidem hoc modo. Succus expressus lento igne ad dimidiæ vel tertiæ partis consumptionem coquitur. Hinc, dum adhuc feruet, per colum densius traicitur, colatum per subsidenciam clarescere permittitur, vel etiam oui albumine adiecto clarificatur. Quod clarum est, iterum coquitur, donec iustam consistentiam acquirat. Verum quia per se, nisi ad maiorem crassiciem vsque coquantur, & aquositas omnis absumatur, non facile duiant succi, plerumque mellis vel sacchari subduplum, vel par etiam quantitas additur. Possunt etiam aliqua aromata, vel nodulo inclusa in decocto macerari, vel refrigerato iniici. Exemplum præbet & vulgatum est Diacydonium simplex, ut & compositum, seu aromaticum, qualia in dispensatoriis describuntur. Atque hoc modo ex cerasorum, prunorum, pyrorum, malorum, ribes, berberis, baccar. sambuci, iuniperi cydoniati succo rob parantur & afferuantur. Solent etiam tales succi puriores, clariores ac pellucidiores instar gelu in scatulas, quas vocant, effusi conferuari, qui gelatinæ vulgo, seu gelati succi appellantur, paranturque inprimis è succo sine expressione parato, puriore & defecatiore cydoniorum, pomorum, pyrorum, ribium. Potest & huc referri illud Diacydonium, quod solidæ pastæ forma parari à plerisque solet, nisi ad Electuaria id quis referre malit. Neque enim omnia diacydonia ex succo parantur, sed nonnulla ex pulpa, ut videre est in diacydonio simplici, in Pharm. August. descripto. Et omnino varias ac diuersas Diacydonij parandi formas ac modos hominum industria reperit; potestque flauum, rubeum, & album Diacydonites parari, ut Augustani docent. Exempli loco sit hoc:

℞. Carn. Cydonior. libr. xij. Coq. s. a. cum libr. vj. sacchari. Add. sem. Coriand. ℥i℥ galangæ 3℔. Nuc. mosch. ℥j. Mastich. Vnc. j. Cinamomi 3vi. Cal. aromat. cond. 3v. zingib. albi Vnc. j. sem. anisi, fœnic. ana 3iii. Macis, Caryophyll. ana 3i℥. fol. salu. 3iiii. F. s. a. Diacydonium. Atque istis succis purgantia admisceri possunt, fiuntque inde pro infantibus & delicatis non ingrata medicamenta.

Vt ℞. Scammonij quantum libet, ex. gr. Vnc. ii. Extrahe cum spiritu vini tincturam. Spir. vini per distillationem ad medietatem separetur. Postea fiat secundum artem cydoniatum ex succi cydoniorum libr. iij. Sacchar. libr. j. seu gelatina cydoniorum pro scatulis. Eius iam in scatulas fundendæ tot libris, quot vncias recepisti scammonij, ex. gr. libr. ij. affunde paulatim tincturam scammonij, & agitentur, ut spiritus vini euanescat: sub finem adde aqua cinamomi, vel etiam rosarum aliquid, & in scatulas fundatur. Dosis 3ii. vel 3iii vel 3℔. Vel ℞. Scammonij 3ii. turbit. 3i. Extrahe tincturam spiritu vini optimo.

Postea ℞. decocti cydoniorum libr. iiv℥. sacchari 3xviii. Coq. s. a. & fiat gelatina cydoniorum: Cui sub finem sensim affunde tincturam diagrydii, & turbit. & spatula agitentur, donec spiritus vini euanescat. Tandemque adde Olei Cinamomi Nucis moschate ana 3℔. Fiat gelatina cydoniorum laxatiua, quæ in scatulas infundatur. Vel paulò aliter.

℞. Scammonij 3ii. turbit. electi 3i℥. Extrahatur cum spiritu vini tinctura, donec spiritus nullum colorem amplius attrahat. Spiritus vini per distillationem ad medietatem separetur; tinctum vsui seruetur.

Postea ℞. Succi cydoniorum clari libr. ij. Sacchari 3ix. coquantur ad iustam consistentiam. In fine adde

extractum seu tincturam præscriptam & coquantur ad spiritus vini euaporationem. Ab igne remotis adde Olei Cinam. macis ana 3℔. Fiat diacydonium laxatiuum in scatulis.

Vel ℞. Scammonij 3i℥. Infund. in sp. Vini 3iiii. per 14. dies; postea filtretur per chartam. add. pulp. cydonior. 3xii. cort. citri recent. concis. 3ii. M. & f. l. a. Gelatina. Dosis à 3i. ad 3iii.

Diacydonium laxatiuum catholicum.

℞. Turbit. alb. 3℔. Agaric. trochisc. 3iii. Rhabarb. 3ii. cort. rad. elleb. nig. 3vi. Mechoacan. 3℔. fol. senæ 3i℥. sem. fœnic. 3i℥. Cinamomi 3i. zingib. 3℔. Aq. Cinamomi 3i℥. spir. Vini 3℔. Stent infusa in vase vitreo bene obturato in loco calido per biduum, postea leniter bulliant in MB. & colentur.

Postea ℞. succ. cydonior. 3iiii. sacch. purissimi albi 3i℥. Coq. ad iustam consistentiam, & sub finem affundatur superior colatura & lento igne inspissetur, & pro singulis vnciis admisceatur diagryd. 3℔. prius in extracto dissol. & fundatur in scatul. Dosis à 3i. ad 3℔.

Aliud Diacydonium cum succo rosarum Catholicum.

℞. Extr. Mechoacann. 3ii. Diagryd. 3℔. Ol. destil. macis, cinamomi ana gr. vi. succ. Rosar. Damascenar. Cydoniorum ana 3℔. sacch. albi 3v. Coq. s. a. in formam Diacydonij pellucidi.

Aliud.

℞. Diagryd. 3iii. Mechoacan. el. 3℔. sem. anisi, spic. Ind. Cinamomi el. ana 3℔. Mastich. 3i. Ex his f. extr. cum sp. seu essentia vini.

Deinde ℞. Cydonior. recent. q. s. Coq. s. a.

℞. Succi expressi 3viii. Sacchari 3vi. Coq. simul lento igne ad iustam consistentiam, adde pro 3i. extracti præscripti 3℔. M.

Aliud.

℞. Rad. Mechoacan. albiss. 3vi. turbit. opt. & gumm. 3℔. diagryd. 3iii. sem. anisi 3i. spic. Ind. 3℔. Cinamomi ac. galangæ an. 3ii. zingib. alb. 3i. zedoar. cardamomi an. 3℔. caryoph. 3i. Mastich. 3℔. Ex his f. l. a. Extr.

Postea ℞. Pomor. cydonior. q. s. Coq. s. a.

℞. Col. express. 3i. sacch. albi 3xvi. denuò coq. ad iustam consistentiam. Deinde ℞. 3iii. pro extr. 3i. Condantur in scatula.

Eodem modo ut ex succo cydoniorum, ita & ex succo ribes, pomorum, sambuci Gelatina purgans fieri potest. Simplex quomodo fieri debeat, ex diacydonio purgante simplici pater: compositæ gelatinæ tales sunt sequentes.

℞. Mechoac. alb. 3i. turbit. el. 3℔. zingib. 3ii. zedoar. 3ii. fol. senæ Alex. s. st. 3ii. scammon. 3iii. cinam. el. sem. fœnic. an. 3i. fl. scabios. calend. tunicis, rosar. rub. an. p. i. f. l. a. cum spir. opt. extr. & coagulatio ad spissitudinem mellis.

Postmodum ℞. Succi ribes recenter extr. 3ii. Sacch. opt. 3i. Coq. ad medietatis consistentiam, huicque permisc. Extr. præscriptum, super igne lento, ad talem consistentiam, ut commodè in scatulas instar gelatinæ fundi possit.

Alia.

℞. Rad. turbit. alb. & gumm. 3ii. Mechoacan. 3vi. fol. senæ Alex. s. st. 3i℥. diagryd. 3℔. Cinamomi el. 3i. sem. angelic. 3ii. fœniculi 3ii. zingib. albi 3iii. Infund. in f. q. spir. vini ad eminent. 3. digit. Stent per biduum vase bene clauso in loco calido. Extracto colato & expresso add. Rob ribium inspissati, seu succi ribium expr. cum saccharo in modum gelatinæ cocti.

Gelatina
succo ribes
purgans.

eti tbili. Coq. denuò lento igne ad consistentiam Gelatinæ, & seruentur vsui, Dosis à zii. ad ʒß. & ʒvj.

Diapomum, seu confectio laxativa de pomis.

℞. fol. sene ʒiiii. vini maluat. tbß. Bulliant l. a. & exprim. fortiter. Expresso add. pulp. pomor. Bostorff. dulcium tbß. brody zingib. cond. tbß. cort. citri cond. ʒiiii. sacchari lib. j. Coq. ad formam Diacydonitis. Dosis à zi. ad ʒii. ad purgandum humorem melancholicum.

Rob Sambuci purgans.

℞. Rad. elleb. nig. preparati ʒj. polypod. q. ʒß. turbitb alb. & gumm. ʒß. rhabarb. el. ʒvj. rad. Asari ʒii. fol. sene sst. ʒiiii. Eupator. Cinamomi ʒj. zingib. alb. ʒiiii. cort. rat. Frangul. ʒj. tamarisc. ʒii. spic. Ind. macis an. ʒß. sem. anisi ʒß. Aceti elleborati s. ʒiiii. (Hoc ita paratur.

℞. Rad. elleb. alb. el. Vnc. j. baccar. iuniperi, Cinamomi an. ʒii. Aceti vini acerr. libr. iiii. stent. in infus. per noctem, manè destillatur per cineres.) Spir. vini libr. j. Infund. in vase vitreo bene obturato per horas 24. in loco calido, & sæpe agitetur, postea colentur cum expres. forti, seruetur ad vsum.

℞. Pulu. rad. Mechoacann. Vnc. ij. follic. sene Vnc. jß. diagryd Vnc. j. caryophyll. santali. rub. an. ʒii. macis ʒj. mastich. ʒiß. M. F. puluis.

℞. Succ. baccar. sambuci ad mediocrem consist. cocti libr. vj. admisceatur ad ignem lentum paulatim puluis supra scriptus, statimque affundatur colatura superior, agiteturque, donec in iustam consistentiam concreseat. Dosis eius est à ʒii. ad Vnc. ʒ. aperit, & purgat humores mixtos, & exhibetur in tertianis & quartanis. De succis videatur etiam Libanius, libr. 8. Syntagm. arcan. Chymic. cap. 4. 6. 7. 8.

CAPVT XI.

De Electuariis.

uarium.

Electuarij nomen variè hodiè à Medicis vsurpatur, & confusè satis multis rebus attribuitur. Ac licet frequentissimè vsurpetur: quid tamen propriè per hanc vocem accipiat, nemo ferè explicat. Plerique sentiunt, ea medicamenta, quæ Græci antidotos vocabant, hodie appellari electuaria. Verùm enim verò antidoti inprimis aduersus venena prosunt, definitque Galenus, 1. de antidot. cap. 1. antidotum, medicamentum, quod non extrinsecus impositum sed intus assumptum malas corporis affectiones sanat. At hodie non solum aduersus venena comparata medicamenta, sed & quouis modo alterantia, imò & purgantia in numero electuaria reperiuntur. Alij electuaria quasi electaria dici putant, vel quòd ex electis aromatibus inprimis alterantia constent, vel quòd ad eorum compositionem medicamenta odore & sapore gratiora, & iucundiora inprimis deligantur. Diuiduntque ea in solida, qualia sunt rotulæ & morsuli; & liquida. Verùm nec hi satisfaciunt, cum non solum aromaticæ & suaves confectioes, sed & purgantia, ac non satis gustui grata inter electuaria recenseantur. Quare vt res diuersas diuersis nominibus appellemus, Electuarij nomen iis præcipuè medicamentis, tribuendum censemus, quæ melle, vel syrupo sacchari simplici, vel alio conueniente excepta, ad consistentiam syrupo crassiorem & minus fluidam, liquidam tamen adhuc, rediguntur. Deductumque aut potius corruptum est hoc vocabulum à Græcorum nomine ἐλεκτὸν vel ἐλεκτὸν, quo nomine ipsi medicamentum appellant, quod lingendo quasi absumi

Dan. Sennerti Tom. I.

potest ἐλεῖν enim & ἐλεῖν est lingere & lingendo absumere. Quòd verò vulgò etiam solida confectioes electuarij nomine insigniuntur, ex eo factum videtur, quòd confectioes illæ, quæ plerumque hodie cum saccharo in tabulas, vt gustui consulatur, concinnantur, olim cum melle, vel aliquo syrupo maiori proculdubio efficacia parabantur, & verè Electuaria erant, vt passim ex Mesue videre est. Ita confectioem diambra, quæ hodie in rotulas redigitur, Mesues cum syrupo rotarum & aqua rosarum in electuarium redigere iubet. Et confect. diaxyloaloes cum melle emblicorum electuarij forma parare docet. Et sic pleraque alias confectioes aromaticas, quæ hodie in tabulis habentur, cum melle, aut syrupis conuenientibus in electuarij formam redigit. Atque ita retenta est appellatio, forma mutata. Sed rectius rotulæ vel morsuli, vel alio nomine appellantur. Nonnullis parum aptè opiata nominantur, non quod opium recipiant, sed quòd medicamentis illis antiquorum, quæ opium recipiunt, quare theriaca, & opiata hinc appellari possunt, consistentia sint similia. Electuaria autem pro simplicium, è quibus componuntur, natura varij vsus esse possunt. Alia enim ad alterandum & confortandum, quæ aromatica nominari possunt, qualia sunt illa omnia, quæ hodiè confectioes aromaticæ nominantur, alia contra venena, quorum quia pleraque opium recipiunt, opiata nominantur, Theriaca, Mithridatium, aurea Alexandrina, alia ad purgandum apta sunt, quæ cathartica dicuntur. Ipsam componendi rationem quod attinget, duplicia ferè sunt Electuaria. Alia enim è pulueribus, melle vel saccharo exceptis, mistis, simulque fermentatis constant, & in vsum diuturniorem asseruantur: alia è liquidis etiam, vt conseruis, conditis & aliis, in rem præsentem plerumque parantur. In purgantibus loco sacchari vel mellis manna pura sumi potest, & tum alterantium tantum tertia vel quarta pars ad purgantia sumenda. Priorum hic est apparatus: Aromata & alia simplicia, in puluerem subtilem redacta, mellis despumati inprimis, vel etiam sacchari aqua conueniente dissoluti, aut Syrupi conuenientis, aut decocti ex conuenientibus simplicibus in aquæ communis vel alterius liquoris sufficiente quantitate facti, aut infusi, aut succi ex medicamentis torculari expressis colati, & cum saccharo (communi albo, aut rosato, aut candi, aut penidij) vel melle despumato in Syrupi consistentiam cocti, aut ex his plurium simul, dum adhuc ab igne mediocriter calet, triplo ferè paulatim, quod commodissimè per setaceum cribrum fieri potest, insperguntur, & pilo ligneo continuò agitantur, & exactè miscentur, & vale conueniente asseruantur. Processu enim temporis mutuo in se omnia agunt, formaque vnã acquirunt, ac in vnã actionem quasi conspirant. Exempla addere opus non est. Talia enim passim in officinis nota sunt electuaria purgantia plurima: deinde contra venena antidoti; quò pertinent omnia theriacæ genera, mithridatium, diascordium, electuarium de ouo, & plurima alia: Tandem alterantes & confortantes confectioes plurimæ, quæ etsi hodie, vt dictum, ob saporis gratiam, pleræque in rotulas sunt commutata, ab antiquis tamen & primis inuentoribus melle vel Syrupo aliquo conueniente in formam electuarij redigebantur: quo modo non solum virtus medicamentorum rectius vniebatur, sed & magis integra conseruabatur, maiorque omnino erat illarum confectioes sub forma electuarij, quàm nunc rotularum, efficacia. Exempli gratiâ.

℞. spec. cordial. temperat. diaxyloaloes, semin. ocymi, caryophyll. ossis de C. C. an. ʒj. corall. rubr. prepar.

Y Y y 3

margarit.

Electuaria solida cur dicta.

Opiata.

Electuaria differentia.

Electuaria parandi modus.

uaria dicta.

margarit. præp. an. ʒß. confect. alchermes ʒj. Cum syr. de cortic. citri, iulebi rosar. an. ʒ. q. F. Elect. Cordiale.

Electuarium de passulis & foliis senæ laxativum.

℞. fol. senæ el. Vnc. vj. cinam. opt. ʒvj. Infundantur in vini albi libr. iiij. Hinc exprimantur. Colatura extrahatur. Pulpa passul. maior. & min. an. Vnc. iiij. Add. conferu. rosar. incarnat. rec. manna. an. Vnc. ij. cremor. tartar. Drach. vj. cortic. citri condit. Vnc. ʒ. zingiber. condit. Drach. ij. Cum syr. rosar. & violar. solut. an. ʒ. ʒ. F. Electuar. Potest, si libet, diagrydio vel extr. scammonij acui. Alter modus hic est. Sumuntur conferuæ præsentis rei conuenientes, quibus adduntur pulueres vel species aromaticæ, trochisci, condita item, & succi medicati, seu rob, & cum sacchari dissoluti, vel syrupi conuenientis, vel mellis s. q. in mortario exactè miscentur. De analogia & proportionem in genere multa scrupulosè præcipere opus non est. Nam prout in plures vel pauciores doses electuarium præscribitur: ita minus vel plus conferuarum reliquorumque medicamentorum sumitur. Proportio verò inter conferuas & pulueres ac species etiam adedò stricta non est, ut nonnulli definiunt, sed varia, tripla, quadrupla, sextupla, octupla, duodecupla esse potest. Sufficiente enim syrupi alicuius quantitate affusa, quæcunque sit inter ea proportio, omnia in electuarij formam redigi possunt. Imò ex solis speciebus & pulueribus cum syrupo aliquo vel iulebo electuarium fieri potest. Quod etiam de conditis atque aliis additis accipiendum est. Nam modò præsentis rei vtilia, atque ægro non ingrata sumantur medicamenta, syrupi conuenientis sufficiente quantitate addita, facile misceri possunt. Nonnunquam etiam affunduntur spiritus rosar. vitriol. sal. aquæ destillatæ compositæ, aut oleor. destillator. aliquot guttæ. Atque hoc genus electuariorum à nonnullis conditum appellari, antea dictum. Nominatur & mistura à nonnullis.

℞. Conferuæ rosar. Vnc. j. violar. nymphae, robri- biana. Vnc. ʒ. cortic. citri condit. an. ʒ. j. spe. diamarg. frig. margarit. præp. an. ʒ. j. cum syrupo acetos. citri. F. Elect. cordiale in febribus ardentibus & malignis. Possunt & aliquot guttæ spiritus vitrioli addi.

Aliud. ℞. Conferuæ betonica, salvia, lauendula, an. ʒ. ʒ. rosar. anthos, lilij conuallij an. ʒj. spec. aromatic. rosar. theriaca, mitbridatij an. ʒ. ʒ. Cum syr. de stœchade, F. Electuarium.

Vel ℞. Conferu. maioran. fl. roris mar salvia an. ʒj. confect. alkerm. ʒj. nuc. Ind. cond. zingib. in India cond. cort. citri cond. an. ʒß. Extr. calam. arom. spiritu ceraforum dissol. ʒß. spec. diamb. diamosch. an. ʒj. diamb. an. ʒß. ol. caryophyll. ʒv. macis destill. ʒvj. syr. de cort. citri c. m. q. s. F. mistura.

Vel ℞. Conferu. rosar. rubr. ʒjß. fl. primul. ver. ʒß. condit. cort. citri, myrobal. chebul. an. ʒj conf. alkerm. ʒij. magist. corall. rub. succini an. ʒß. spir. perlarum, corallor. an. ʒj. Misc.

℞. Confer. rosar. rubr. borrag. an. ʒj. primul. ver. meliss. an. ʒß. rad. cichor. cond. ʒvj. cort. citri. cond. ʒij. spec. diamarg. sine camphora, de gem. fr. an. ʒij. conf. alkerm. ʒjß. extract. cal. arom. syr. confer. zing. dissol. ʒß. spir. rosar. ʒxj. syr. confer. zing. q. s. F. mistura.

Ad eundem ferè modum etiam Electuaria purgantia fiunt, quale est Electuarium de citro solutium Guidonis de Cauliaco, in Pharm. Aug. descriptum: nonnunquam tamen & pulpæ, ut pulpa cassiæ, tamarindorum, Electuaria liquida officinarum & extracta purgantia simplicia & composita, horum compositiones ingrediuntur. Est & alius modus huic cognatus. Fructus, semina vel radices

infunduntur, vel coquuntur in vino vel aq. ad pulvis formam. Postea per cribrum setaceum traiciuntur; additur saccharum vel mel despumatum, aut syrupi, vel manna, & si libet, coquuntur ad mellis consistentiam. Interdum & species adduntur ac pulueres: nonnunquam & conferuæ ac condita: Spiritus item vitriol. sal. olea destillata.

℞. Passul. enucleat. libr. ʒ. glycyrrh. mundata & contusa ʒß. Coq. ad mollitiem, & per setaceum traiciantur. Adde cortic. myrobal. citrin. nigror. contus. an. ʒß. emblic. belliric. an. ʒß. flor. borrag. bugloss. violar. roris mar. an. p. j. fol. senæ el. ʒjß. vel minus.

Iterum coquantur & exprimantur. Colaturæ add. sacch. ʒij. Coq. ad iustam consistentiam. Aufer ab igne: Et add. cinam. sem. fenic. anis an. ʒj.

Aliud. ℞. Passul. min. ʒij. sic. pingui. ʒjß. tamarind. ʒß. Infundantur per horas 8. in vini Rhetici libr. iß. Postea per setaceum cribrum extrahantur: Adde pulpa prunor. ʒi. tamarind. ʒß. manna calabr. ʒii. rhabarb. ʒiiii. cinam. ʒii. sacch. ʒiß. Misc.

Aliud. ℞. Passul. mundat. ʒiß. Coq. in vino ad pulvis consistentiam. Colentur per cribrum setaceum. Add. conferuæ anthos, borrag. rosar. an. ʒß. cortic. citri condit. cinam. an. ʒiii. spec. arom. rosar. diamargar. cal. an. ʒß. M. F. Elect.

Aliud. ℞. Capit. papan. alb. no. xx. glycyrrg. rase, carnis siliquarum demto cortice & acinis an. ʒiii. Coq. omnia in aq. libr. x. ad ii. remanentiam. Deinde colentur. Colaturæ add. sacch. penidij ʒiii. sacch. albi ʒiß. Iterum coq. ad Electuarij consistentiam. Potest etiam boli ʒj. addi ad Catarrhum. Vide Vid. Vidium de medic. lib. 7. 10. 11. 12. VVeckerum, antidot. special. lib. 2. sect. 21. 22. Quercet pharmacop. c. 22. 23. 24.

Passula & prunæ laxatiua.

Ad hoc caput, vel si cui ita libet, ad caput præcedens referendæ sunt passulæ laxatiuæ; quarum componendi ratio tam in forma liquida quàm sicca ex sequentibus formulis patet.

℞. Fol. Senæ el. ʒj. mechoacan. alb. polypod. q. an. ʒvj. flor. cordial. an. p. j. cinamom. ʒß. zingib. ʒii. glycyrrh. rase. ʒß.

Infundantur per noctem in vini albi s. q. Colat. ʒ. ʒj. Cui adde sacch. albi ʒii. manne ʒiii. Coq. ad spissitudinem syr. dilutioris. Adde cremor. tartar. ʒvj. passul. min. lotar. ʒx. vel ʒbi.

Maneant passulæ in infusione.

Alia ℞. fol. senæ el. ʒiß. zingib. galange, caryophyllor. cinamomi an. ʒi. Infundantur in aq. per noctem, postea colentur, adde Colaturæ passul. lotar. ʒiiii. sacchari ʒii. Coquantur ad consistentiam syrupi liquidioris.

Passula laxatiua de succo pomorum sicca.

℞. succ. pomor. acidul. Borsdorf. nouiter express. ʒiiii. In quibus macerentur hor. ix. fol. sen. s. f. ʒii. follicul. eiusd. ʒß. zingiber. ʒii. mechoacan. ʒiii. cinam. ʒi. In colatur. cum express. facta dissolu. Mannæ optim. ʒiiii. Clarificetur postea album. oui. Deinde imponatur passular. Corinth. opt. lot. probè & punctarum prius q. s. ad imbibendum liquor. agitando ad lentum ignem diligentissimè spatula lignea, tam diu, donec nihil liquoris fluidi in passulis amplius deprehendatur. Seruentur ad vsum. Eodem modo & pruna laxatiua fieri possunt. Et quidem pruna laxatiua sicca fieri possunt, si pruna iam liquore purgante turgida discindantur media, in umbra siccentur, eodem liquore iterum imbuantur & exsiccentur, vel manna cum æquali sacchari parte obuoluantur & incrustentur.

CAPVT XII.

De Eclegmatis & Lohoh.

Eclegmata vel eclecta à verbo ἐκλέγω id est, delingo, delambo, Arabibus lohoh seu linctus, & lambilia vulgò dicta, electuariis cognata sunt. Nihil enim eclegma, vel loh ab electuario differt, nisi quòd consistentiam habet paulò fluidiorem, & inter syrupos & electuaria quasi mediam, & in specie affectibus thoracis & pulmonum variis dicatum est. Vnde & glutinosiora nonnihil parantur eclegmata, ne confestim in ventriculum delabantur, sed faucibus quasi adhærentia sensim in asperam arteriam defluant: & præcipuè è medicamentis pulmoni & pectori dicatis conficiuntur. Materiam præbent species & pulueres, conferuæ, succi inspissati, & non inspissati, mel, saccharum, extracta, mucilagines, syrupi, iulebi, oxymel, olea destillata. Parandi ratio etiam eadem est, quæ electuaria. Recipiuntur pulueres conuenientes, fructus item, gummi arabicum, tragacantha, succus glycyrrhizæ, amyllum. Atque omnia vel cum mellis, vel syrupi, aut iulebi, aut mucilaginis, aut succi, aut infusi, aut decocti alicuius ad hanc rem ex radicibus, herbis, feminibus, fructibus inprimis mucilaginosi, & viscidis, parati, colati & expressi, ac cum melle vel saccharo ad syrupi consistentiam cocti, aut horum vnus atque alterius, vel plurium simul sufficiente quantitate incorporantur, omniâque tamdiu in mortario pilo ligneo agitantur, donec exactè mista, & mellis, seu potius mediam inter mel & Electuaria consistentiam nacta fuerint. Habenturque hoc modo in officinis parata, lohoh sanum & expertum, ad asthma, de pino, de pulmone vulpis, & alia.

R. radic. helenij, sem. anisi, fœnic. gummi arabici, tragac. an. zij. sem. malua, cydoniorum, papau. albi an. ðj. pinearum, passul. daetyl. an. zj. zingib. albi ðij. sem. 4. frig. maior. an. ðß. pulu. glycyrr. zj. sacch. penidiy zj. ol. anisi, fœnic. an. gutt. v. Cum syr. de scabiosa ziiij. vel q. s. F. Lohoh. Possunt tamen & sine puluerum ac specierum additione Eclegmata parari, si succus, mucilago, addito melle vel saccharo coquatur ad consistentiam Eclegmaris. Exempla præbent Lohoh de farfara, de succo scillæ, Galeni, Diacodium simplex Galeni, Montani, Passularum. Possunt etiam eclegmata ad eum planè modum, qui inter electuaria vltimo loco explicatus est, parari, modò si eclegma fieri debet, consistentia seruetur paulò liquidior. Decoquuntur nimirum simplicia thoracica in s. q. liquoris ad mollitiem, & remanentia per cribrum setaceum traicitur, atque huic pulpæ postmodum saccharum vel mel despumatum aut syrupi adduntur. Atque talia vel sola ægris labenda sæpius exhibentur, vel ex iis, admistis aliis, in rem præsenrem noui linctus parantur. Recipitur nimirum quantum libet de eclegmate vsuali, adduntur conferuæ, speciesque conuenientes, saccharum, & cum syrupi, vel iulebi, vel mellis despumati, vel sacchari soluti, s. q. in formam linctus rediguntur, quibus interdum aliquot guttæ oleorum destillatorum adduntur. Quia in mistione etsi nonnulli peculiarem proportionem inter eclegmata vsualia, conferuas & species definiant: tamen ad eam ita strictè seruandam nemo obligatur; cum, quod de electuariis extemporaneis dictum, in quacunque etiam proportionem ista sumantur, cum syruporum sufficiente quantitate facillè in linctus formam redigi possint.

℞. Lob. de scilla, è pulmone vulpis an. zß. radic. enula condit. zii. spec. diareos. Sal. zß. succi glycyrrh. sacch.

cand. an. ziß. syr. de prassio, de hyssopo, oxymel. scillitic. an. q. s. F. lohoh.

Vel ℞. passul. min. mundat. ziii. caricar. pinguium. zii. glycyrrh. munda zi.

Coq. in Aq. hyssopi & vini s. q. ad mollitiem, & per cribrum setaceum traiciantur. Pulpæ traiectæ adde Lob. de farfara zß. Conferu. scabios. zii. spec. diareos. ziii. spir. sulphur. gutt. vj. ol. fœniculi ḡ x. F. Eclegma. Nonnunquam è solis syrupis, addito saccharo cando vel penidiato, lambile paratur.

℞. Syr. iuiubar. glycyrrh. capill. Veneris an. zi. sacchari penidiy zvi. F. lambile. Huc pertinet & medicamentum, quod Saponæa à nonnullis, à saponis albi nondum concreti similitudine nominatur, ab aliis linctus ex amygdalis appellatur, atque ex amygdalis vel amylo, aut amygdalis & amylo cum saccharo in aqua dissoluto conficitur, & quidem hoc modo. Recipiuntur amygdalæ dulces excorticatæ, & contunduntur: confusis additur saccharum clarificatum, vel candum, vel penidium, in aqua conueniente dissolutum. Coquuntur ad mellis consistentiam. Sub finem amyllum additur. Itē j. nimirum sacchari zii. amygdal. amyli zß. & aq. rosar. q. s. sub finem etiam aliquid zingiberis vel aromatum addi potest. Alij lac emulgent ex amygdalis cum aqua rosarum, vel alia conueniente. Cum lactis portione aliqua soluitur saccharum; aspergitur postea amyllum, reliquaque emulsionis parte etiam affusa ad lentum ignem agitur. Vide Vid. Vidium de medic. lib. 7. c. 8. Vveckerum, antidot. special. lib. 2. sect. 24. Quercan. pharmacop. restit. cap. 19. Leucophagum à colore sic dictum, cognatum saponæa mistura, & proinde vel ad hoc vel præcedens caput referenda est. Paratur autem ex amygdalis dulcibus in Aqua rosar. maceratis & carne caponis vel perdicis elixa, in mortario marmoreo quàm diligentissimè confusa, & per setaceum traiecta, cum tantillo amyli & sacchari ad debitam consistentiam cocta: cuius vsus in corporis atrophiam, phthisi, & virium prostratione. Quod si ventriculi intemperies frigida adsit, vinum album, & aromata, cinamomum præcipuè adduntur. In alui profluuiio vel dysenteria puluis coralliorum, & in aliis morbis alia conuenientia addantur.

CAPVT XIII.

De Bolo.

Tandem & bolum inter liquida retulimus, qui tamen reliquis solidior est, & ferè inter liquida & solida mediæ consistentiæ; noménque accepit, quòd sit frustum medicamenti figuræ globosæ, quantum ferè bucca capi potest. Vnde etiam nonnulli Buccellam appellant. Etsi verò plerique Boli nomen saltem purgantibus medicamentis tribuunt: tamen & in alios vsus, atque ad alterandum, medicamenta in hanc formam concinnari possunt. Boli purgantes hoc modo parantur. Recipiuntur electuaria purgantia, saccharique sufficiente quantitate addita, in formam pyramidis vel cylindri concinnantur. Ne nauseam pariant, electuaria minus ingrata esse debent, atque ea de causa hiera vix in bolis locum habet. Quantitas etiam zj. excedere non debet.

℞. Elect. lenitiui, s. diacatholici an. zß. cum saccharo, F. Bolus.

Additur quoque interdum aliquid de speciebus vel pulueribus.

℞. Elect. lenitiui s. diacathol. an. ziiij. spec. diaturbithi cum rhab. cremor. tartari an. zß. Cum sacch. F. Bolus.

Alius. ℞. Elect. diacatholici ziiij. rosar. Mes. zj. rhabar.

3. *rhobar. el. ʒj. cinam. ʒj. cum sacch. F. Bolus. Licet & conferuas addere.*

℞. Elect. Indi, diaphenic. an. ʒii. mechoacanna ʒj. conferua betonica ʒj. cum sacch. F. Bolus.

4. Imò pro saccharo conferuæ vel solæ, vel cum paulillo sacchari vsurpari possunt.

℞. Elect. lenitini ʒ. de succo rosar. ʒii. conferua borragin. buglossæ an. ʒj. F. Bolus.

5. Loco sacchari vel cum saccharo nonnunquam, inprimis in affectionibus renum, puluis glycyrrhizæ vel alius vsurpari, atque etiam terebinthina addi solet.

℞. Terebinthina aq. alkekengi lota ʒii. rhobarb. optimi ʒii. succini albi ʒ. cum saccharo & puluere glycyrrhizæ F. Bolus.

Alius. ℞. flor. cassiæ ʒ. terebinthina aq. parietaria lota ʒii. rhobarb. opt. ʒ. cum sacch. & pulu. glycyrrhizæ. F. Bolus.

6. Tandem etiam loco electuariorum purgantium solent recipi pulueres simplicium purgantium, quibus etiam aliquid alterantium vel ad purgantium vim asperam corrigendam, vel saporis aut odoris gratiam conciliandam, vel aliam ob causam addi potest, vel species purgantium confectionum, vel etiam extracta purgantia simplicia vel composita, quæ floribus cassiæ, pulpa tamarindorum, vel prunorum, aut conferua aliqua, aut rohub, vel syrupo aliquo conueniente excipiuntur & incorporantur, & cum s. q. sacchari in formam boli conformantur. Nonnunquam & Bolo ad corroborandum admiscuntur olea destillata, v. g. anisi, macis, cinamomi, caryophyllorum, ad guttas aliquot. Nonnunquam etiam Bolus, pro iis maximè, qui speciosis & aureis delectantur medicamentis, auri foliis obtegatur. Potest etiam superbibi parum vini, aut alterius liquoris, vt eo citius dissoluatur. Boli Emerici eodem modo parantur, fiuntque ex puluere emetico aliquo simplici aut composito, cui interdum etiam aliquid de alterantibus vel corrigentibus à granis aliquot additur, vel extracto aliquo emetico, cum conferua aut confectione quadam similis consistentiæ, & syrupis, additis & oleis destillatis.

℞. spec. diaturbith. cum rhobarb. ʒj. Incorporentur cum syrupi rosar. sol. s. q. & cum saccharo. F. Bolus.

Alius. ℞. Rhobarb. opt. puluer. ʒj. spec. diaturbith. cum rhobarb. ʒ. cassiæ rec. extracta ʒ. sacchari parum. F. Bolus.

Boli alterantes.

Ad alios tamen vsus quoque boli exhiberi possunt, ad alterandum, confortandum, & somnum conciliandum. Sed ratio componendi non differt à prioribus, vt ex exemplis patebit. Ad cor confortandum, & malignitati resistendum talis fieri potest.

℞. Conferua rosar. borragin. violar. an. ʒj. theriacæ ʒj. C. C. vsti præpar. margarit. præp. an. gr. vj. sacchari parum. F. Bolus.

Alius in Peste :

℞. Conferua Rosar. ʒiiij. theriac. ʒ. essent. citri ʒ. ʒij. diaphoret. ʒ. ol. angelic. gut. j. cum sacch. s. q. F. Bolus.

Ad alui fluxum.

℞. Conferua rosar. antiq. ʒ. cydonior. condit. ʒj. puluer. tormentilla ʒj. boli armeni ʒ. cum sacchar. F. Bolus.

Ad somnum conciliandum in febribus ardentibus.

℞. Conferua violar. ʒ. nymphae ʒj. laudani opiat gr. ij. vel iii. spec. diamargar. frig. gr. vj. cum sacch. F. Bolus.

C A P V T XIV.

De Pulueribus & Trageis.

ATque hæ sunt præcipuæ medicamentorum internorum liquidorum formæ. Iam illa, quæ sic-

cam formam habent, eodem modo explicanda. Inter ea autem simplicissimam componendi rationem habent pulueres, vulgò etiam Trageas vocant, qui ex medicameto vel vno, vel pluribus contulis constant. Si sapor sit ingrator, sacchari vel pars æqualis, vel dimidium additur. Tragemata equidem, vnde proculdubio vox Tragea corruptè deducta est, propriè bellaria, & omne menisæ secundæ genus significat: Verum cum inter ea etiam semina quædam, vt coriandri, anisi, fœniculi & aromata saccharo incrustata apponi soleant: Medici iis præcipuè hoc nomen tribuere solent, & præterea etiam pulueribus alterantibus, siue cum siue sine saccharo paratis. Sunt verò pulueres vel tenues vel subriles, qui si ex meris constant aromatibus & saccharo, in specie tragemata vel Trageæ appellari solent, vel crassiusculi & minus subriles, atque his nomen Trageæ grossæ attribuitur. Vsurpantur autem ob varios fines, pro varia simplicium, è quibus constant, materia, atque alij alterantes sunt, alij venenis resistunt, alij purgant per aluum, per vomitum. Recipiuntur verò ad puluerum cathartico- rum compositionem quæque simplicia purgandi vi prædita, & puluerisari apta; vel pulueres officinales, vel etiam tabellæ cathartica, si quæ in officinis prostant: adiungunturque ipsis alterantia, quæ vel ad effrenem purgantium vim contemperandam, vel purgationem minus molestam reddendam faciunt, aut aliàs parti agræ aut affectui accommodata sunt, veluti sunt pulueres, simplices & compositi, vsuales vel magistrales, dosi ad cathartica subtriplà vel subquadupla. Nonnunquam etiam, vt eo felicius obtingat purgatio, olea destillata, Caryophyll. Cinamomi, nuc. mosch. aut similia, ad gutt. vnam vel alteram pro pulueris ʒj. admiscuntur. Alterantes verò ex variis itidem constant simplicibus puluerisari aptis, quibus & species, ac pulueres in officinis prostantes iunguntur. Et sæpe sumuntur tantum aromatica & magis grata, additis interdum oleis destillatis, & adiicitur, aliquando in his ad ʒj. specierum sacchari ʒj. aliquando ʒ. exhibenturque cum vino, cereuisia, aquis destillatis. Nonnunquam panis vino imbuitur, puluisque aspergitur. Stomachici verò & peptici, (sicut & trageæ grossæ,) plerumque ita aridi deuorantur, (ad cochl. ʒ. aut circiter) post singulos pastus, nihil superedendo vel bibendo: sunt tamen, qui medicamenta coctionem iuuantia malint ante cibum sumi, eò quod vi suâ attenuante & calidâ chylum crudum celerius distribuunt, & pro cruditate ventriculi aliis partibus alimentum crudum communicent. Exempli innumera passim obuia sunt: vnum atque alterum saltem exempli loco apponere libet.

℞. Ambra grisea part. viij. moschi part. j. sacchari albiss. part. ʒ. omnia pulueriscentur, & supra marmor cum spiritu rosarum terantur, paulatim exsiccentur, iterumque spir. rosarum affundatur, idque aliquoties repetatur. Dosis instar pisi minoris in vino vel alio liquore, omnes vires confortat. Sequentis etiam pulueris ad varios morbos præcauendos & tollendos mira prædicatur efficacia, si manè & vespere pars j. sumatur.

℞. Zingib. galangæ, caryophyll. nuc. mosc. glycyrrh. sem. ruta, saluie, sem. fœnic. macis, thuris, zedoaria, sem. anisi, cumini, radic. pimpinella, thuris albi, angelicæ. an. ʒj. Puluer. misce.

Alius.

℞. Hedera terrestris, q. v. sacchari dimidium: sumatur paululum eius manè cum pane, & superbibatur haustus aquæ hederæ terrestris, cui spiritus vini pars quarta vel sexta admista sit. Insignis est efficaciæ contra calculum.

Alius

Alius.

℞. *Boracis mineral.* ℥i. *castia lignea* ℥i. *croci* gr. iii. F. pulvis ad partum promovendum, & menses mouendos. Ad febres malignas & pestem hic pulvis commendatur.

℞. *Nitri preparati seu sal prunella, flor. sulph. cum aloë, croco, & myrrha, Antimonij fixi, seu diaphoretici, camphora* an. ℥i. *lapidis bezoar.* ℥i. F. pulvis, cuius dosis à ℥i. ad ℥i. in aqua conueniente.

Pulvis ad asthma.

℞. *Flor. sulphuris* ℥i. *benzoës* gr. v. *cinamomi* gr. iii. *croci* gr. ii. *margarit. prep.* ℥i. *moschi* ℥i. F. pulvis. Cuius pauxillum, quantum cuspidē cultelli capitur, detur in ouo sorbili, iure pulli, vel oxymel. scillitico & aqua scabiosa.

Tragea stomachalis.

℞. *Panis saccharini* ℥ii. *sem. coriandr. fœnicul. nuc. mosch. an.* ℥ii. *cinamomi el. cardan. min. an.* ℥i. *granor. mastich.* ℥i. *sacch. ros. tabul.* ℥i. F. Tragea. Vel :

℞. *Tragea stomach. Querc.* ℥i. *panis biscocti sacchar.* ℥iii. *conf. anisi, carui, fœnicul. an.* ℥i. *sacchar.* ℥i. *ol. Cinam. gut.* iii. M.

Pulvis pepticus Cratonis.

℞. *Panis albi tosti* ℥iii. *sem. coriandr. preparat.* ℥i. *cinamomi, galangæ an.* ℥i. *cort. citri sic. mastich. an.* ℥i. *corall. margarit. preparat. an.* ℥i. *sacchar. albiss. tb.* ℥i. M. F. pulvis.

Pulvis post Cibum D. Neuij.

℞. *Cinamomi* ℥iii. *galangæ* ℥i. *coriandr. preparat.* ℥ii. *zingiber. carn. cydonior. an.* ℥ii. *corallior. ℥i. mastich.* ℥ii. *sem. anisi, fœnic. carui an.* ℥i. *piperis l. cardamom. an.* ℥i. F. horum pulvis cui add. *spec. diatr. santal.* ℥iiii. *sacch. ad pondus omnium.*

Pulvis stomachalis D. I. Brambach.

℞. *Coriandr. preparati confecti vna tunica* ℥i. *cinamom. el.* ℥i. *sem. anisi, meliss. an.* ℥i. *stomach. gallin. preparat.* ℥i. *panis albi cocti* ℥ii. *mastich. lign. aloës an.* ℥i. *caryophyll. ℥i. carn. cydonior. rec. sic.* ℥i. *sacch. rosat. ta' ul.* ad pondus omnium. F. Tragea.

Alius. ℞. *Spec. morsulor. Imper.* ℥i. *pulu. zingib. alb.* ℥iiii. *sem. anisi, fœnic. an.* gr. xiiii. *Diacyd. tessellatim incis.* ℥i. *sacch. pulueris* ℥vi. M. F. Tragea.

Alius. ℞. *Diacyd. incis.* ℥ii. *sem. coriandr. prep.* ℥i. *anisi, fœnicul. carui an.* ℥i. *tunicar. ventriculi gallin.* ℥i. *nuc. mosch. ℥i. macis, cort. citri an.* ℥i. *Corall. rub. prep.* ℥i. *panis sacch.* ℥i. M.

Admisceri etiam solent Trageis præsertim & pulueribus pretiosis præter olea destillata, an ad ornatum potius an ad vtilitatem ambiguum, *folia auri*, vel *argenti*, ita vt pulueris ℥ii. aut ℥i. recipiat ferè folium vnum auri, argenti verò folium dimidium, cum argenti folia duplo maiora sint foliis auri. Huc etiam pertinent pulueres illi, qui sales sacerdotales appellantur.

Sal Sacerdotalis.

℞. *Salis commun.* ℥viii. (al. ℥xvi.) *Cinamom.* ℥ii. (al. ℥iiii.) *zingib. sem. Amomi, carui, cumini, ammeos, piperis, filer. mont. vel seseleos, satureiæ, hyssopi, origani, pulegij, pyrethri, an.* ℥i. Omnia in puluerem tenuissimum redigantur. Cum cibo sumendum.

Alius. ℞. *Salis commun.* ℥i. *piperis* ℥vi. *cymini* ℥i. *sem. carui, cinamomi, zedoaria, an.* ℥iii. *zingib. macis an.* ℥ii. M.

Pulueres verò crassiusculi, quos vulgò Trageas, nostri verò vernaculè *Pfaffenfurter*, q. pabulum sacerdotale vocant, non parum ratione ingredientium à reliquis pulueribus differunt. Duplices autem sunt. Parantur enim alij tantum ex simplicibus, vt sunt variæ stirpium partes, radices, semina, ligna, cortices, fructus, herbæ, & similes aliæ, eæque vel saccharo

obductæ, quas aliàs confectioes nominare moris est, qualis est confectio anisi, fœniculi, coriandri, cinamomi, caryophyll. amygdal. rad. angelicæ, vel non obductæ, sed saltem in particulas, si fuerint maiores crassiusculas fractæ & incisæ. Exempla passim obuia.

Species incisæ.

℞. *Glycyrrh. rasa* ℥vi. *zingib. alb.* ℥iiii. *Cinamom. el.* ℥i. *calami arom.* ℥i. *nuc. mosch.* ℥ii. Concidantur grosso modo, & add. *conf. anisi* ℥vi. *citri, coriandr. fœnic. an.* ℥iiii. M.

Aliæ. ℞. *Liquirit. rasa & incis.* ℥i. *Cinamom. el.* ℥i. *coriandr. preparati, cal. arom. an.* ℥ii. Incidantur grosso modo, & ad. *spec. morsul. imperial.* ℥vi. *Confect. (vnius tunica) anisi, fœnicul. coriandr. carui an.* ℥i. M.

Tragea grossa capitalis.

℞. *Cubebæ.* ℥i. *cardamom. cinamom. an.* ℥ii. *nuc. mosch. ℥i. cal. arom. caryophyll. an.* ℥i. *macis, galangæ, an.* ℥i. *glycyrrh. ras.* ℥ii. *conf. carui, coriandr. prep. anisi, an.* ℥i. *rotular. diamoschi d.* ℥i. F. pulvis grossus.

Aliæ fiunt ex compositis, tabulis sc. seu rotulis officinalibus aromaticis crassiori modo confractis, quales sunt aromat. rosar. imperat. ex oleo Cinamom. & simil. Exemplum habetur in Pharm. August. fol. 150.

Pulvis stomachalis grossus.

℞. *Morsulor. Imperator.* ℥iiii. *Manus Christi perl. cum oleo carui* ℥i. *cort. aurant. cond.* ℥i. *citri cendit. nuc. Ind. cond. an.* ℥iii. *Nucis mosch. condit.* ℥ii. *calam. arom.* ℥i. *zingiber. condit.* ℥ii. *cinamom. opt.* ℥iiii. *caryophyll.* ℥ii. *Ligni aloës, macis, galangæ an.* ℥i. *cardamomi, sem. coriandr. vnius tunica, anisi, fœnicul. carui, an.* ℥i. M. F. Pulvis grossus.

Parantur denique & pulueres externi, qui sc. foris saltem corporis partibus applicantur; atque hi ex variis, pro varia Medici intentione, tum simplicibus, tum compositis componuntur. Contra venena plurimi pulueres habentur, inter quos inprimis commendatur pulvis, Saxonicus dictus, cuius descriptio passim exstat. Hodie in frequenti vtu apud plurimos contra venenum habentur pulueres è nostris serpentibus, bezoardicum animale vocant, quorum variæ habentur descriptiones.

℞. *Serpentem*, excoriato mox exime linguam, cor, hepar, absconde caudam & caput. Carnem quoque in olla noua, donec caro à vertebra separari possit. *Spina* torreatur & puluerisetur: torreatur similiter cor, hepar, lingua, contundantur & cum puluere spinæ misc. F. pulvis. Nonnulli adhuc in patella ænea super igne amplius torrent, continuò agitando, donec calorem fuscum acquirat. Fit inde vna dosis, quæ ℥i. est propè. Alij aliter parant.

℞. *Serpentes v. vel vii: viuos*, conice in ollam vitreatam, quam tege operculo, quod in medio foramen habeat. Torreatur ad ignem carbonum lentum, vt omnis pinguedo & humiditas separetur atque absumatur, nihil tamen comburatur. Postea redigantur in puluerem.

Pulueris huius ℞. ℥ii. *Rad. valerianæ, angelicæ, pimpinellæ, ruta, an.* ℥i. *sacch. candi albiss.* ℥i. F. pulvis, dosis ℥i. Verum istis neminem temerè confidere velim, nisi eorum efficaciam experientia comprobata sciat: quod factum difficile. Nam quæ in brutis fiunt experientiæ, sæpe fallaces: cum quæ homini sunt venena, non omnia aliis animalibus venena sint: Id quod ipsa experientia satis testatur. E viperis tamen alia medicamenta antiquis planè ignota non fuisse, facile concedet is, qui leget, quæ de salibus theriacalibus, apud antiquos exstant, vt Gal. lib. 11. de simpl. med. fac. in initio: Aëcium, tetrab. 4. serm. 1. cap. 97. P. Aëginetam, lib. 7. cap. 11. Vide Libanum, Alchymica pharmaceutica cap. 12. 13. 14. Purgantium pulueres.

Bezoardicum animale.

Purgantes pulueres.

Petri

Pertinentque huc species vsualium purgantium, vt species diaturbith cum rhabarb. diacarthami, quæ dantur zi. pondere: puluis item senæ præparatæ.

R. spec. benedict. laxat. 3ß. diaturbith cum rhabarb. zi. pulu. senæ præp. zii. sacchar. albiss. ziiii. F. puluis, cuius dosis zi.

Alius. R. fol. senæ 3vi. radic. ireos, cremoris tartari an. 3ß. cinam. macis, zingib. piper. longi an. Drach. i. F. puluis, dosis à zi. ad Drach. ii.

Alius. R. fol. senæ, cremor. tartari an. 3ß. sem. anisi, caryophyll. cinam. galanga an. zi. diagrydy zii. Fiat puluis, dosis ad Drach. i.

Alius. R. Zingib. albi 3v. mastich. ziii. turbit. 3x. sacch. ad pondus omnium. F. puluis.

Alius. R. fol. senæ 3i. turbit. el. glycyrrh. an. 3ß. zingib. zi. F. puluis, dosis zi.

Alius. R. Folior. senæ mundat. tartar. an. 3i. diagrydy, vel extracti scammonij zi. sem. anisi, cinam. flauedin. cortic. arant. garyophyll. galanga, an. 3ß. F. puluis, dosis à 3ß. ad zi.

Alius. R. Pulueris seminis anisi Drach. i. cinamomi, zingiberis ana Drach. ii. cardamomi galanga, caryophyllorum, mastiches, ana Drach. ß. turbit. foliorum senæ, diagrydy ana 3ß. sacch. 3iv. M. Dos. zi. in haustu cereuis. vel vini calidi.

Alius.

℞. Diagryd. 3ß. rosar. rubr. 3ß. mastich. gr. v. sacch. 3i. in aqu. rosar. sol. F. trochisci, exsiccentur ad ærem, postea pulueriscentur, quibus add. Coriand. præparat. 3ß. cinam. acutiss. santal. rub. ana 3i. caryophyll. macis. nuc. mosch. ana 3ß. corall. rub præpar. gr. xv. sacch. 3i. M. F. Tragea. Dos. eadem.

Alius.

℞. Turbit. diagryd. hermodactyl. fol. sen. ana zi. zingib. cinam. an. 3ß. galanga, caryophyll. cardam. an. 3ß. sacch. 3i. M. Dos. eadem. Potest etiam sicce deuorari hor. 2. vel 3. à cœna 3ß. pro vice ad aluum leniter subducendam.

Alius pro delicatis.

℞. Cinamom. el. zingiber. sem. anisi, an. 3ß. fol. senæ el 3ii. sacchar. 3iii. F. Tragea. Dos. cochli. i.

Puluis arthriticus purgans.

℞. rad. hermodactyl. mechoacan. turbit. ana ziii. extr. scammon. diagryd. ana 3ii. pulu. tartar. i. alb. 3i. cardamom. zingib. cubeb. macis, ana 3i. ol. cinamom. gutt. iiii. macis, caryophyll. ana gutt. iii. Elect. de succ. rosar. tabulat. 3vi. M. pro pulu. Dos. à 3ii. ad zi.

Alius.

℞. Cremoris tartari 3i. vel 3i. diagrydy, vel gumm Gotte, 3 iiii. v. galanga, cinamomi an. gr. iiii. Fiat puluisi Sunt nonnullis & hi pulueres in vsu:

℞. fol. senæ el. crassiusculè incisor. sacchar. candi pulu. ana 3ß. extr. scammonij gr. vi. pulu. cinamon. gr. iii. cortic. aurant. gr. ii. F. puluis. Addi potest etiam gummi gotte. Exhibetur cum mica panis vino madida. De pulueribus agit Vid. Vidius de medic. lib. 8. cap. 5. Quercet. Pharmacopœæ rest. cap. 20. Libanius, lib. 4. Syntagm. arcan. Chymic. cap. 28. 29. 30.

CAPVT XV.

De Salibus.

Sales è plantis aliisque rebus naturalibus arte Chymica elici, dubium nullum est, testate id experientia. Et qui id negant, suam vel pertinaciam, vel in rebus chymicis inscitiam produnt, atque eo ipso testantur, se salem verum arte Chymica paratum vix vidisse, & quid sal verè sit, ignorare. Verum cum his, quibus semel conceptam opinionem perti-

naciter defendere potius, quàm veritati cedere propositum est, non litigabimus. Hoc potius, quod in controuersia positum videmus, discutiemus; An sales in rebus illis, è quibus eliciuntur, insint, an verò ex illis fiant. Plurimi quidem existimant, sal reuera seu φύσις in rebus non inesse; sed fieri ex misto, seu, vt Scheckius hac de re loquitur, accidere solum terrenis partibus, vt mutantur propter igneam exhalationem in salisam qualitatem. Chymici contra reuera salem rebus inesse, eumque arte Chymica tantum separari statuunt: quorum sententiam veriore putamus. Nam primò, vt illud hîc non vrgeamus, qualitates de suis subiectis attestari: non solum vstione cineribus salis qualitas ob igneas exhalationes inducitur, sed reuera sal verus & naturalis inest, atque inde elicitur, vt qui iam illud negare ausit, sensuum certitudinem in dubium vocare videatur. Salem enim illum ante in rebus fuisse, nec saltem terrearum partium adustione factum esse, ex eo patet, quod vbi sal ex cineribus aquæ affusione diligenter est extractus, etiam si reliquam terram vras & aduras, quantum potes, & quantum libet, ne micam salis inde efficies. Deinde non ex qualibet terra aut re adusta sal; neque etiam ex omnibus eadem copia elicitur. Lateres, qui maximo calore indurati sunt, etsi terantur, & aqua sæpius perfundantur, vix aliquid salis suppeditabunt. Ex plantis quibusdam magna salis copia extrahitur, vt ex sarmentis vitium, ablinthio & aliis, aliæ contra, vt cucurbitæ, & similes, parum aut nihil eius suppeditant. Præterea non semper magna illa, & quæ ad incinerationem ducit, vstione opus est ad salem eliciendum; & non valde magnus calor sufficit ad eliciendos sales volatiles, vt in succino, cornu cerui, & similibus videre est, tum quoque sale illo, qui ex vrina elicitur, vt & aliis rebus. Imò sæpe nulla calcinatione & vstione sales è plantis parantur, vt ex salium volatilium, quos nonnulli vocant, è plantis præparatione, de qua postea dicetur, patet. Terræ quoque plurimæ, vt & columbarum firmus, solum aqua perfulsa nitrum seu salem petrae suppeditant. Vinum sine externo calore sal tartari à se expellit, & ad vasorum dolia appellit, quibus adhærescere reperitur. Vnde iure concludimus, vt destillatæ aquæ, quæ ex plantis extrahuntur, non caloris opera sunt, sed calore illo separantur: ita etiam sales non fieri per ignem, sed id officium solum ab eo præstari, vt partes reliquæ non fixæ separentur, vt postea salis, fixæ, & stabiles, relicta aqua, educi atque elui possint. Atque ratio ista artificiosè sales conficiendi antiquis planè ignota non fuit. Aristoteles, 2. meteor. cap. 3. ita describit sales ex plantis conficiendi rationem, vt vix clariùs possit. εἰς τὴν τύπον, inquit, ἐν ὀμβρεῖσι, ἐν ὁπερὺρασι κάλαμοι καὶ χοῖνοι. Τέτρω ἐν κασαχέσι, καὶ τῷ τέφραν ἐμβάλλοντες εἰς ὕδωρ ἀφέψουσιν. ὅταν ᾖ λίπωσι τὴν ὕδατος, τὸτο ψυχθὲν ἀλὼν γίνεται πλῆτος. Quam salis conficiendi rationem si in aliis plantis tentassent antiqui; nihil omnino ipsis in salis conficiendi arte defuisset. Posteriores verò plurimum salium, tum calcinationis, atque incinerationis faciunt mentionem, quæ à salis præparatione parum differunt. In cinere enim sal continetur, & leui artificio à parte terrestri separari & elui potest. Salium theriacalium crebra apud plurimos est mentio. Gal. l. de theriaca ad Pisonem, c. 18. & 19. de iis agit: Paulus item Aegineta, lib. 7. cap. 11. Aërius, tetrab. 4. ferm. 1. cap. 97. Aliorum autem cinerum mentionem facit Gal. libr. 6. de compos. pharmac. f. locos, c. 7. lib. 8. de simpl. medicam. faculi. 9. Tephra seu cinis, & alibi Aërius, tetrab. 1. ferm. 2. cap. 156. & sequentiibus. Et clariùs quidem ad salis conficiendi rationem alludit Gal. citato loco ex l. 8. de simpl. med. fac. vbi docet, cinerem habere in se partim terrenum, partim οἶον αἰθαλῶδες ἢ λιγνῶδες.

Atque

An sal
raliter
insit.

An sale
rebus n
ralibus
ciendi
antiquis
gnita fuc

Atque has partes esse tenuiores, & quæ maceratis aqua cineribus, & percolata vna asportantur; quod verò reliquum est, terreum esse & infirmum, & morsu vacans, in lixiuium calidum facultate deposita. Ab hoc enim modo non differt recentiorum salis conficiendi ratio, nisi quod recentiores aquam illam lixiuij exhalare sinunt, vt saltem sine aqua habeant; eumq; adhuc impuriorem postea crebris solutionibus, filtrationibus, & coagulationibus ad summam crystallinam puritatem redigunt. Continent autem reserere omnes salem duplicem, vnum volatilem, qui ignem & calorem non sustinet, sed auolat, & calcinatione discutitur & euanescit: (nonnulli essentialem dicunt) alium fixum, qui ignem sustinet, & in cineribus relinquitur. Sal prior ex aliquibus plantis, quæ ex eo abundant ita paratur. Recipe plantæ aliquius magnam quantitatem, contunde, & affusa aqua multa, in vase magno coque. Decoctum cola & fortiter exprime. Colaturam iterum coque ad mellis consistentiam. Succum hunc pone in vase vitreo in locum frigidum, & sal crystallinus concresecet, efficacior illo, qui è cineribus eruitur. Eodem modo etiam ex quibusdam succis paratur. Alter ita conficitur. Plantæ, quæ & post destillationem aquarum & oleorum ad hunc vsum adhuc viles sunt, & ligna sicca sunt probè, & vel acendenda in foco mundo, & aperta flamma in cineres redigenda sunt; vel quod nonnullis commodius videtur, modò ob herbarum copiam fieri id possit, in olla vel vase fictili conclusa comburenda sunt. Ex cineribus per aquam puram & claram lixiuium fac, & aquam nouam toties affunde, donec omnis salsedo extracta sit. Lixiuuium filtra, & in vase fictili vel tigillo ad carbonem lento igne coque, vt aqua exhalet, & sal relinquatur. Is vt mundior & candidior fiat, clarificatione & rectificatione opus est, quam alij aliter instituunt. Nonnulli salem in crucibulo semel atq; iterum vehementi igne fundunt, donec candidus fiat. Verum hæc ratio etsi multis in vfu sit: tamen adeò commoda non est. Vehementi enim illo igne multæ viles & subtilissimæ partes exhalant. Quapropter sequentes potius rationes purificandi salem sunt adhibendæ. Primò sal sæpius soluat & filtratur, iterum coaguletur. Reperita enim & crebra illa filtratione ac solutione sal omnem impuritatem deponit, ac planè albus ac mundus euadit. Deinde nec hæc ratio est incommoda. Salem ex prima coagulatione paratum tere, & insperge latæ tabulæ vitreæ vel marmoreæ, vt per deliquium in cella soluat in liquorem, qui supposito vase excipiat. Liquorem illum per filtrationem purifica, atque iterum postea in trigillo vitreato super carbonem lento igne coagula, & sal euadet purissimus. Alij, vt sales crystallini & instar nitri transparentes reddantur, neque frigidiori & humidiori loco expositi facile liquecant, cineres, è quibus sal eliciendus, post calcinationem denuò cum æquali parte sulphur. calcinant, & postea beneficio Aqu. comm. destillatæ extrahunt, filtrant & euaporare aquam sinunt, donec tantum aquæ cum sale restiterit, vt crystalli, in frigidiori loco concresecere possint. Sed & hoc modo sali aliquid decedet, Alij præ cæteris hunc modum commendant, sal. vulgari modo præparat. in vitro spiritum salis, nondum rectificatum seorsim infundunt, donec non amplius ebulliant. Deinde per aliquot horas quiescere sinunt, & postea parum aquæ affundunt, solum filtrant, vel per residentiam purificant; atque in cella, vt sal crystallinus concresecat, reponunt. Alij tandem salem vulgari modo paratum in spir. vitrioli soluant, si opus est, filtrant, & in arena vel cineribus coagulant, iterumque in Aqua pluvia destillata, soluant, filtrant & in cucurbita in balneum ponunt, vt cry-

stalli concresecant. Verum sales hisce vltimis duobus modis parati non simplices sales sunt, sed misti ex sale plantæ & spiritu salis & vitriol. & instar tartari vitriol. sese habent. Exempla subiicere opus non est, modus enim in omnibus plantis est idem. Hoc tamen obseruandum, alias plantas plus salis suppeditare, alias minus. Ex aliis item plantis salem puriorem, ex aliis impuriorem, & qui diligentiore atq; exactiore clarificatione opus habeat, in prima coagulatione parari. Ad sales non incommode referri possunt Magisteria, quæ ita appellantur à Chymicis nonnullis, cum nihil ferè aliud sint, quàm sal fixus volatili iterum vnitus: itemque solutiones lapidum aliarumque rerum, quæ sale abundant. Huc scilicet pertinet cremor tartari, notissimum hodiè medicamentum, quod sic paratur. Tartari albi crasso modo contusi, lauetur aqua pura frigida, donec omnes impuritates ablutæ sint, & aqua pura maneat. Hinc coquatur in aqua fontana per horam dimidiam, vel donec cuticula quasi supra aquam concresecat. Postea lebes ab igne remoueat, vt calore aquæ nonnihil remittente cremor magis concresecat, qui cochleari perforato, vel alio colligitur. Coctio & collectio ista reperatur, donec sufficiens cremoris quantitas collecta fuerit, qui exsicceatur & puluerifetur. Eadem ferè est ratio crystallorum tartari. Recip. Tartari albi crassiusculè contusi q. v. abluere aqua frigida, & postea inde cucurbitæ vitreæ, & affusa aqua in arena aliquot horis, quinque vel sex, ebulliat. Postea aquam adhuc satis calentem per charram bibulam cola in aliud vitrum satis crassum, & nonnihil calidum, ne frangatur. Colaturam in cellam per noctem pone, & crystalli satis copiosi lateribus vitri accrescent, & adhærebunt, quos, aquâ effusâ, collige & sicca. Vt autem magis albescat, albumine oui coctura prima à quibusdam elarificari solet. Reliquum in cucurbita tartarum iterum aqua affusa eodem modo coque, coctum cola, ac in cellam, vt crystalli concresecant, vt antea colloca, idque toties repete, donec totum ferè tartarum in crystallos abierit. Quod si aqua rosar. elotos soluas iterum crystallos, elegantem acquirunt saporem. Vel cremorem tartari, in aq. iterum solue & coque, donec crusta apparere incipiat, hunc pone in cellam vel locum frigidum & crystalli concresecant. Operæ tamen aliquod compendium fieri potest, si tartar. crasso modo contusum & diligentissimè lotum coquatur, in olla vel lebe, donec aquæ pars aliqua absumatur, deinde feruens decoctum per pannum laneum album duplicatum in ollam coletur, colatura clara postea in cucurbita vitrea in cellam ponatur. Tunc enim in fundo & ad latera cucurbitæ crystalli adhærebunt. Aqua postea per inclinationem separatur, & vel sola, vel cum tartaro à coctione reliquo iterum coquatur, iterumque prius coletur, & in cucurbita in cellam ponatur, & crystalli colligentur. Idq; fiet toties, quoties opus. Et cremor, ac crystalli satis gratum in iusculo carnis vel aqua cocta cum butyro vel aliis liquoribus medicamentum sunt, iusculumq; saltem acidiusculum reddunt. Dantur à Di ad Zi. ad humores crassos & tartareos, in venis mesaraicis hærentes, abstergendos, exhibeturque hodie & ad laxandam aluum, & ad aperiendum, ante catharticum vsum; aluum mouet, si vno atq; altero saltè grano digrydij acuatur. Nec vis hæc tartari antiquis etiam ignota fuit; vnde & pulueri senæ præparat. Montagnanæ admiscetur, eiusq; mentionem facit Matthiol. in Diosc. l. 5. c. 90. Et omnino facultatem reliquorum purgantium vim stimulandi habere tartar. qui volat, facile obseruare poterit. Vide Beguin. in tyrocin. l. 2. cap. 19. Crollium, pag. 158. Huius etiam loci est Tartarum vitriolatum, à Crollio, pag. 115. descriptum, & à Beguino, cap. 19. lib. 2. sub nomine magisterij tartari traditum; qui authores de eius præparatione & vfu

Magisteria

Cremor Tartari.

Crystalli Tartari.

Tartarum vitriolatum.

& vñu consulantur. Idem etiam crystallorum forma hoc modo parari potest. \mathfrak{z} . salis tartari \mathfrak{z} j. solue in aq. fontanæ \mathfrak{z} ij. stent per triduum in loco calido, postea, si opus est, filtrentur. Hinc affunde confestim spiritus vitrioli rectificati \mathfrak{z} ß. in cucurbita, & nihil præcipitabitur. Vbi verò postea iterum in loco calido steterint, paulatim circa latera vitri accrescent, aliquid tamen ad fundum præcipitabitur. Verum si ad purgandum expetatur, extracti diagrydij, vel alterius conuenientis, aut gummi Gottæ \mathfrak{g} v. vj. viij. cum \mathfrak{z} j. Tartari vitriolati exhiberi poterunt. Vel quod commodius est, postquam Tinctura scammonij cum Aqua endiuia vel rosar. parata fuerit, eam cum tartari vitriolati \mathfrak{z} ij. (si scammonij \mathfrak{z} j. fuerit) coniunge, & menstruum in Baln. separa. Salis Tartari vitriolati crystallisati naturam imitantur salia vitriolata, quæ parantur, si sal quodlibet in spiritu vitriol. soluat, si opus est filtretur, & in arena vel cineribus coaguletur, iterumque in aqua pluuiæ destillata soluat, filtretur & tandem in cucurbita in balneum ponatur. Tunc enim crystalli concrecent. Vide etiam Libau. *Alchym. pharmaceut. cap. 36. Apocalyps. hermet. part. pr. cap. 18.*

De Tartaro
Vitriolato ad-
monitio.

\mathfrak{J} [Nonnulli in ea sunt sententia, dum in tartaro vitriolato spiritus vitrioli & sal tartari miscentur, spiritum vitrioli aciditatem suam amittere. Et verum est, tartarum vitriolatum non eam habere aciditatem, quam spiritus vitrioli. Interim hoc falsum, quod spiritus vitrioli in hac mistione suam aciditatem deponat. Et si enim propter diuersarum partium mistionem ea gustu non percipitur, tamen non aboletur: id quod destillatio docet. Nam tartarum vitriolatum si iterum destilletur, præbet spiritum vitrioli acidum, & eius planè naturæ, cuius antea fuit.]

Magisterium
tartari.

Magisterium tartari inprimis à Chymicis magni fit, nihilque est, quàm duplex vini sal, fixum nimirum, quod est in tartaro, & volatile, quod est in spiritu vini: paraturque, si sal tartari puro spiritus vini affundatur, simul digerantur, & postea destillentur, iterumque spiritus vini affundatur, idque toties repetatur, donec sal tartari omnes spiritus vini, seu omnem salem volatilem vini imbibere. Quod ubi factum, sublimari potest, habeturque sal vini ab omni phlegmate & aquositate separatum. Huc referri potest & specificum purgans Paracelsi dictum, quod Crollius in Basilica Chymica describit. Sal tartari autem ita paratur; tartarum calcinetur, vel comburatur, postea, affusâ aquâ sal extrahitur, purificatur, & coagulatur. Eodem planè modo ex capite mortuo vitrioli, vel ex vitriolo calcinato, donec colorem obscure purpureum acquirat, sal vitrioli extrahitur. Quæ etiam ratione ex calculis in corpore humano genitis sal parari possit, antea iam dictum. Magisterium \mathfrak{D} ita nonnulli parant: \mathfrak{L} . Terræ Siles. alb. part. viij. limaturæ \mathfrak{D} purissimæ, cui nihil cupri admixtum sit; part. j. hæc inter se misce, & in puluerem reduc: puluerem istum spir. vitriol. antepileptico sequenti imbibere paulisper, exsicca in loco calido, tere iterum hunc puluerem, & imbibendo perge, donec denuò exsicceat. Hoc quater repete: sic terra illa sicca Silesiaca imbibet sal volatile spiritus vitriol. quo & \mathfrak{D} calcinabitur, ita vt in tenuissimas & subtilissimas partes abeat, quæ deinde à calore nativo facilius & felicius in operandi actum deduci potest. Hic puluis ad \mathfrak{z} j. in aliqua conueniente aqua, vtpote aq. lilior. conuall. flor. tilia, vel cerasor. nigr. exhibitus, in morbo caduco commendatur. Spirit. autem vitriol. antepilept. ita paratur: \mathfrak{L} . Spirit. vitriol. subtilem cum spiritu vini paratum, ei tantundem vel dimidiam partem spiritus vini tartar. rubicundi affunde, eumque per retortam vitream rectifica, vt spir. vini tartar. vnâ cum spir. vitriol. tantum exstillet, relicto, si quod in sit, oleo

Spir. vitrioli
antepilep.

in fundo; huic liquori adice puluerem Corallorum rubrorum, margaritarum, cranij humani recentis, spodij, visci quercini, & in MB. per aliquot cohobationes spirituum aliquam portionem elice, & tandem totum spiritum exstillare sine, ita vt puluis merè siccus & exsuccus in fundo remaneat. Hic spiritus admodum à nonnullis contra Epilepsiâ & vteri suffocationem laudatur, & commendatur, quod grauidis exhibitus infantes ab epilepsiâ præseruet. Referendum huc quoque est magisterium C. C. & eboris, quod nonnulli ita parare iubent. \mathfrak{L} . C. C. limâ vel torno in frustra minutim confracti q. v. Affundatur spiritus sal. & ponatur in locum calidum ad solendum. Traiciatur per chartam bibulam; spiritus nitri separetur, & solutio aqua pluuiæ edulcoretur, & exsicceat. In spiritus autem nitri separatione cautè procedendum, ne quod facillè accidit, spiritus nitri cum soluto C. C. flammam concipiat. Potest etiam semel spir. vini affundi, postea iterum aq. simplex, & hoc toties reiterari, donec spiritus nitri odoratu non amplius percipiat. Alij per acetum radicum solutionem instituunt, in quam prius filtratam nonnulli guttatim oleum tartari iniiciunt, & postea aq. communem calidam superfundunt, & puluerem candidum ad fundum vasis præcipitatum exsiccant, & aliquoties aqua affusa edulcorant. Ad sales non immeritò refertur & specificum purgans Paracelsi dictum, quod describitur à Crollio, pag. 143. Compendiosior via hæc est. \mathfrak{L} . Spiritus tartari \mathfrak{lb} j. spirit. vini \mathfrak{lb} ij. spir. vitrioli rectificati \mathfrak{z} ij. Fundantur hæc omnia super colcother vitrioli, & caput mortuum tartari, illud scilicet, ex quo iam spiritus destillatus, & postea ad nigredinem calcinatum; & digerantur in vase clauso in Baln. Mar. dies aliquot. Tandem destillentur per retortam igne patente, primum lento, postea fortiore. E capite mortuo post destillationem relicto, & in furno figulino amplius calcinato sal extrahitur, & spiritui prius destillato additur, & diebus quindecim in Balneo digeritur. Tandem cum argilla sicca, vel pumice calcinato impastantur, vt moris, & ex retorta terrea ignea aperto destillantur, & cum spiritu omne sal iam spirituosum factum prodit. Hunc spiritum aliquoties destilla vel in Baln. Mar. digere, donec sponte sales in fundo apparere incipiant, ac tum in Baln. lento calore spiritus potest abstrahi, vt materia in fundo ad pulculæ consistentiam appareat, purgationi inseruiens. Huc etiam referri potest (licet oleum etiam accedat) lapis vegetabilis, quem ita vocant recentiores. Recipitur planta sicca & proprio menstruo affuso per aliquot dies digeritur. Hinc destillatur, & spiritus, oleum, & aqua separantur. Feces comburuntur, & cum aqua sal; spiritu verò tinctura ex eadem planta extrahitur. Tincturâ illâ sal imbitur: oleique tantum, quantum sal imbibere potest, additur, & in lapidem quasi coagulatur. Sal succini quâ ratione in destillatione collo retortæ adhærescat, supra dictum est, qui seorsim colligendus. Huc pertinent & magisteria seu solutiones margaritarum & coralliorum, rerumque similium, quæ à nonnullis & sales nominantur. Vtuntur verò pro solutione perlarum & coralliorum alij aliis menstruis, spiritu salis, vitrioli, guiaci, quercus; succo citri, limonum, berber. atque aliis. Sed à plerisque vsurpatur acetum destillatum. \mathfrak{L} . margaritarum quantumvis, affunde acetum destillatum forte ad eminentiam trium vel quatuor digitorum. Ponantur in vitro clauso in arenam vel cineres calidos per aliquot dies. Acetum effunde, nouumque superfunde; iterum stent in digestionem; idque toties repete, donec omnes margaritæ sint solutæ, vt cortices tantum natantes quasi apparenat. Acetum destil-

Magist.
C.C.

Specific
purgans
Paracelsi

Lapis
vegetabilis

Sal succini
Magist.
coralliorum
& margaritarum
Magist.
margaritarum

latum

latum omne coniunge, atque in Baln. M. abstrahe, & relinquetur solutum margaritarum. Huic affunde aquam destillatam, vel rosarum, filtra, & per alembicum separa, idque toties repete, donec omnis nigrities atque acrimonia, & acciditas sit separata. Atque ita habes salem, seu magisterium, seu essentiam, ut alij appellant, margaritarum. Hic sal in cella super marmore vel tabula liquefcit. Alij, & satis commodè, hîc laborem non finiunt, sed sali huic spiritum vini affundunt, & in Balneo salem solunt, ei quod solutum non est, nouum spiritum affundunt: Et tandem postquam sal omnis in spiritu vini solutus fuerit, spiritum vini in Baln. separant. Thomas Mufferus, ad Petrum Monanum in epist. Medic. à Laur. Scholzio collectis epist. 77. solutionem per acetum radicatum improbat. Tantam enim restare acrimoniam, ait, cui eluendæ vix 300. aquæ conchij sufficiant. Ipse igitur hunc modum commendat. Margaritas contusas, & in puluerem minutissimum redactas, imbebe spiritu vini optimo, ut quinque latos, digitos superemineat, & equino fimo, vel lento balnei calore per mensem integrum digere; quo tempore spiritus vini instar maluatici fuluum colorem acquireret; quem effunde, alium affunde, iterumque digere, idque toties fac, donec colorari desinat: spiritus vini euaporèt, & magisteriũ bis vel ter aqua destillata abluatur, & habebis essentiam siue magisterium, ut vocant, perlarum. Si placet, in cella super marmore per deliquium in liquorem solui potest. Cum verò per dissoluentis exhalationem sal acidus difficulter separetur: quoddam compendium hîc habetur, & per salem quendam vegetabilem, tartari scilicet, menstruum à solutis margaritis & coralliis separatur. Nimirum ol. tartar. per deliquium è sale tartari margaritarum siue coralliorum solutioni infunditur, cuius opera perlæ dissolutæ fundum petunt, à quibus postea menstruum soluens separatur per inclinationem: materia relicta deinde aliquoties abluatur aqua, & perfectè edulcoratur. Magisterium quoque coralliorum eadem ratione conficitur. ℞. corallia puluerisata, affunde acetum destillatum. Hoc ubi nihil ampliùs soluit, aliud affunde, idque toties repete, donec corallia planè sint soluta. Solutionem per chartam filtratam pone per dies 10. vel 14. in arena ad digestionem, donec vini rubri colorem acquirat. Postea destillando acetum separa. Hinc affunde aquam destillatam, filtra, eamque iterum per balneum vel cineres separa, idque toties repete, donec sal albus, & omnis acrimoniæ expers relinquatur; qui in cella resoluitur in liquorem. Eodem modo, ut margaritæ ita etiam corallia per oleum tartar. per deliquium parati præcipitantur. Causa supra, sect. 2. cap. 13. dicta est. Sal vrinæ hoc modo paratur. ℞. urinam hominis sani, præcipuè qui vinum bibit, q. v. Stet per aliquod tempus in vase clauso, donec fœtere incipiat. Hinc destilletur per alembicum in cineribus, ut quarta pars, aut sexta etiam saltem adscendat. Postea recipitur materia destillata, & infunditur in aliam cucurbitam, aut potius phiolam, & imponitur alembicus cœcus, aut rostratus cum recipiente, poniturque in cineres, & talis calor gradus adhibetur, ut alembicus semper frigidus maneat; aliàs soluuntur & liquefcunt crystalli, qui adscendunt. Crystalli seu sal, qui in alembico colligitur, semel atque iterum eximi potest. Crystalli omnes, si lubet, in parua cucurbita adhuc semel sublimari possunt, ut omne phlegma, si quod superest, separetur. Hic sal spiritum vini coagulat. Idem si in spiritu vitrioli dissoluatur, atque iterum in arena destilletur, habetur oleum contra epilepsiam efficax. Alij sumunt urinam fœtidam vel per 40. dies digestam, eamque ex

arena per alembicum, adhibito satis amplo recipiente, destillant, donec omnis humiditas exstillauerit. Destillatum ter à capite mortuo rectificant, & postea ex eo per phiolam spiritus seu salem vrinæ eleuant & salem seu crystallos illos aqua pluuiali destillata solunt & ex phiola priùs destillant, idque aliquoties repetunt. Nec ignotum ex superioribus est, quomodo in destillatione Cornu cerui, & cranij humani sal volatilis parietibus adhærescat. Sed ita volatiles sunt hi sales, ut nisi exactissimè clauso vase seruentur, facile euanescent. Et cum ob oleum, cum quo commiscuntur, hi sales omnes fœtorem grauem acquirant, purificandi sunt, iterumque coagulandi. Ut ex coralliis: ita & ex oculis cancri, lapidibus carpionum, percarum, lapide iudaico, lyncis, spongiæ, crystallis, silicibus, magisterium fieri potest. Quæ minus compacta sunt, ut oculi cancrorum & similia, mox aceto destillato soluntur, ut dictum de aliis. Duriores lapides prius vel vi ignis, vel sulphure addito calcinari debent, & demum sal aceto extrahi, atque aqua dulci vel destillata edulcorari. De solutionibus gemmar. perl. & corallor. agit Libau. lib. 2. syn. arcan. Chym. c. 25. Ex iisdem rebus pro variis Medici intentionibus etiam compositi sales fieri possunt; qualis contra calculum commendatur ex oculis cœcri, lapide iudaico, lyncis, spongiæ, crystallo & similibus. Inter sales meritò referimus spiritum vitriol. coagulatum, in cuius notitiam casu, atque aliud in terra sigillata quærendo incidi. ℞. terram sigill. Stringensem, affunde spiritum vitriol. stent in loco calido, solueturque terra sigillata à spiritu vitrioli. Vbi refrixerint, simul coagulabuntur: in calido iterum soluentur, & in frigido rursum coagulabuntur. Hunc spiritum coagulatum, si placet, inde retortæ vitreæ, quam pone in arenam, & destillabit liquor minus, quàm spiritus vitriol. acidus. Destillatum iterum affunde terræ, atque tertia vice hoc repete, & nihil nisi phlegma exstillabit, atque ita sal vitriol. in retorta manebit coniunctus cum terra sigillata, qui in loco humido iterum liquefcit. Huic coagulato si affundatur spiritus vini, & is coagulabitur. Sunt tamen & alij modi spiritum vitriol. coagulandi. Nonnullis hic in vsu est. ℞. vitriol. Vngarici à sulph. suo optimè purificati ℥ix. Destilla s. a. per retortam, in aperto igne, donec nullus spiritus amplius egrediatur. Liquorem destillatum capiti mortuo affunde, & in arena destilla, ignem augendo, donec olla seu cucurbita fictilis incandescat, atque ita caput mortuum colorem rubeum roseum acquirat, & in eo spiritus vitriol. ita figitur, ut nec fortissimo igne separari possit. Huic phlegma vitriol. affunde, & lento calore digere, atque ita sal fixum cum proprio spir. vitriol. extrahetur. Solutione per chartam emporeticam filtra, & liquorè in B. M. euaporare sine. ℞. Huius salis vitriol. ℥ij. solue in spiritu vini rectificato. Hinc guttatim infunde spiritus vitriol. optimè rectificati ℥iiij. atque ita spiritus vitriol. coagulabitur, & instar tartar. vitriol. præcipitabitur. Liquor superfluous ubi euaporauerit, manet in fundo spir. vitriol. fixus, qui in igne fluit instar ceræ, in aère vero iterum coagulatur. Est & hic modus satis cōmodus. ℞. nitr. cum sulph. præparati, & in crystallos iterum redacti ℥ss. Affunde phlegmatis vitriol. tantundè, & in cineribus calidis soluantur, filtrètur & destillado ad siccitatè phlegma separetur. Separatũ iterũ nitr. affūdatur, addatũque spir. vitriol. ℥ss. Iterũque phlegma in arena separetur. Vbi spiritus nitr. ascēdere cœperit, quod ex vapore rubicundo apparet, augeatur ignis, donec nullus rubeus vapor ascēdit. Tādè cucurbita in fornace eximatur, & in locũ frigidũ ponatur, spiritusque vitriol. coagulabitur. Si quis spiritũ hũc coagulatu acidiorẽ expetit, ei de relicto liquore & spir. vitriol. an. ℥vj. denuò addat ac detrahat. Tum n. materia multò albior acidiorque fiet.

Spiritus vitriol. coagulatus.

Alius modus, priori similis.

℞. nitr. purificati ℥ii. spirit. vitrioli ℥i. Misc. & in arena spiritus destilletur, tam diu id reiterando, donec spiritus rubicundi non amplius prodeant. Postea ℞. nitr. huius fixati ℥ii. spir. vitrioli ℥i. & lento igne coagulati ac exsiccari sine. Huc non immerito refertur sal prunellæ, quem nominant, seu Nitrum præparatum, quod in inflammationibus, præcipuè faucium, non inutiliter adhibetur De quo vide Libauium, in defens. contra Scheunem, p. 85. Apocalyps. hermet. part. pr. cap. 17. ℞. Nitri purificati q. v. liquetur in catino, postea iniice aliquid sulph. puri, vel, quod melius, florum sulph. qui vbi deflagrauerint, iterum aliquid sulph. iniice, idque continua, donec pro qualibet vñcia nitr. inieceris ℥ij. vel 3j sulph. & nitr. planè purum fiat: tum effunde super marmor vel tabulam. Nitrum hoc modo præparatum puluerisetur, solvatur in aqua rosar. & filtretur. Aqua rosarum dimidia parte exhalet, & in loco frigido in crystallos pellucidissimos concresecet nitrum. Aqua effundatur, atque iterum dimidia pars exhalet, denuòque crystallos colligantur. Huc enim pertinent & crystallos, quos nominant, qui nihil aliud sunt, quàm sal optimè depuratus & in crystallinam formam redactus. Estque plerorumque salium ea natura, vt in crystallinam naturam, quamuis alij aliis modis, concresecant & coagulentur. Pertinet huc & saccharum, seu sal N, qui fit, si calci plumbi, vel minio infundatur acetum destillatum, digeranturque in loco calido, sæpiusque agitentur. Postea acetum per inclinationem separetur, filtretur, aliudque affundatur, idque aliquoties reperatur, tandem solutiones omnes coniungantur, & per chartam bibulam filtrentur, & menstruum in cineribus, vel arena separetur, & sal coaguletur, ac aqua dulci edulcoretur, vel ad crystallisandum in cella reponatur, crystallique collecti exsiccantur. Quidam ab hoc sale acetum & postea etiam spiritum vini ter cohobando destillant. Item crystallos lous ad suffocationem vteri.

℞. Iouem Angelicum, solue in aqua forti facta ex nitr. & O. calcem, quæ in fundo apparet, exsicca, & per ollas supra cucurbitam infra tubulatam positas sublima, eo modo, quo flores ♀ sublimari solent. Flores illos solue in aceto destillato, & extrahe per triduum, quotidie bis, vel ter materiam agitando. Hanc solutionem & extractionem repete sæpius, nouum acetum affundendo. Postea acetum per Balneum destillando separa, vsque ad siccitatem: quod remanet extrahe cum spiritu vini. Spiritum vini destillando ad medietatem separa, & in locum humidum pone, ac crystallos concresecant, qui in liquorem per deliquium soluuntur. Liquor hic commendatur ad suffocationem vteri, si eius aliquot guttæ vmbilico illinantur, item ad omnia fœda vlcera, fistulas, cancerum. Referendum huc videtur etiam Magisterium vitrioli, aut quocunque modo appellare libeat, quod nihil aliud esse videtur, quàm spiritus vitriol. coagulatus, & hoc modo paratur.

℞. Vitrioli optimi q. v. Destilletur more vsitato. Spiritus cum oleo per retortam simul rectificetur. Cum phlegmate sal e capite mortuo extrahatur: phlegma destillando à sale separetur, iterumque sali affundatur, & in eo sal digeratur, idque ter vel quater reperatur. Hinc ℞. Salis part. ij. Spiritus, vel olei vitrioli part. j. Atque in phiola in B. M. ponatur, vt aquositas exhalet: postea tantundem olei affundatur, iterumque aquositas in B. exhalet, idque toties repete, donec sal tantum olei imbibierit, quanti pon-

deris primò fuit: Hinc in phiola hermeticè clausa octo diebus digeratur, tandemque in cineres collocetur 14. diebus ad coagulandum. Ad hunc locum referenda etiam sunt Gilla Theophrasti dicta, & vitriolum album vomitorium, à Crollio, pag. 119. descripta. Referri possunt huc & cauteria seu lapides corrosiui de quibus capite vltimo dicitur. Reuera enim sales coagulati sunt. De Salibus & Crystallis, & Magisteriis vide quoque Vvecker. antidot. special. l. 2. sect. 35. Beguinum, lib. 2. c. 17. & 19. Libauium, lib. 8. syntag. arcan. Chymic. cap. 38. & seqq. Alchym. pharmac. cap. 22. 30.

CAPVT XVI.

De Crocis.

Pulueribus & Salibus meritò subiicimus ea, quæ Chymici crocos, flores, sublimata, præcipitata, appellant. Croci quidem nomen quibusdam medicamentis indiderunt à colore croceo. Sunt enim croci nihil aliud, quàm subtiles pulueres, vel tincturæ in pulueris formam redactæ, crocei coloris. Nominantur autem præcipuè crocus metallorum, & crocus martis. De croco metallorum, qui ita appellatur, quòd ex antimonio, quod prima radix, metallorum creditur, conficiatur, iam supra sect. 2. cap. 5. dictum est, Eum nimirum fieri ex calcinatione antimonij cum nitro, qui colorem magis croceum acquirit, si aliquid tartari addatur, eamque alij aliter instituunt, vt apud Beguinum, lib. 2. c. 12. & And. Libauium, Syntag. arcan. Chymic. lib. 5. cap. 26. Apocalyps. hermet. part. pr. c. 3. videre est. Præferunt nonnulli hanc. ℞. nitr. puri & ♂ ana q. v. liquecat primò nitrum lento igne ita, ne vasis basis igniatur & candescat. Cum fluit nitr. remoue vas ab igne, & ♂ subtiliter puluerisati paucillum primum iniice, vt sine inflammatione misceantur: & si nitr. nimis incaluerit, paulatim quiesce, donec iterum nonnihil refrigerato puluis sine accensione admisceri possit: postea plus iniici poterit. Continuo verò ferrea spatula agitentur, atque vbi rectè mista fuerint, vel carbone accenso, vel ferro ignito accendantur, aut tamdiu aucto igne stare permittantur, donec per se flammam concipiant. Atque ita ♂ in puluerem croco non dissimilem, redigitur, qui aqua calida lauetur, ad nitr. reliquias tollendas. Alij crocum & subtilius sic parant. ℞. Hepar ♂, seu antimonium per nitrum vulgari modo calcinatum, à nitro separatum, & id in aqua horam vnā ac alteram ebullire sinunt, & feces ad fundum præcipitabuntur; aqua verò colorem croci acquirit, quæ dum adhuc calet, per chartam bibulam est colanda: quæ vbi per noctem quiescit steterit, subsidebit crocus, qui effusâ aquâ colligendus, & exsiccandus est. Non solum autem Croci nomen illi vomitorio & purgatorio, è quo aquam suam vomitiuam Rulandus parauit, tribuitur, sed & sulphuri aurato antimonij, quod appellatur, & diaphoreticum est, idem nomen inditur: quod fit dum scorix Reguli in lixiuio coquantur, & calidè per chartam emporeticam traiciuntur. Cui colaturæ si acetum inspergatur crocus paulatim fundum petit: à quo lixiuium per inclinationem effunditur, crocusque edulcoratur, & siccatur, qui à ♂. ad sudores eiendos exhibetur. Alij crocum talem antimonij parant ex solutione antimonij crudi, vel calcinati in lixiuio, ac per aceti insersionem separatione: id quod hoc modo fieri potest.

℞. Calcis viuæ, tartari calcinati, salis vsti an. f. j. fac lixiuium clarum. Alij ex calce viuā & cineribus clauel

nitr. præparatum.

sacch. N

Crystallos
fossis.

Magisterium
vitrioli.

Crocus
metallorum

sulph. aur.
antimonij

clauellatis lixiuium conficiunt. Alij ex sale alcali, calce viua, ac cineribus clauellatis. Alij saltem lixiuium ex cineribus fagi vsurpant. Lixiuio parato, ℥. vel ʒ. crudum, vel cum nitr. calcinatum, quod crocum metallorum vulgò appellant, alij etiam hepar ʒ., & affunde huius lixiuij tantum, vt 4. vel 5. digitis supernatet. Hæc simul ad ignem per horam bulliant. Postea remoue ab igne, vt quiescant, & cum ʒ. subsederit, quod clarum est, effunde, atque iterum lixiuium affunde. Vbi omnis rubedo fuerit extracta, omne lixiuium confunde, & aliquid aceti insperge, & in fundo antimonij rubedo subsidebit, aqua pluuiali edulcoranda. Vel postquam acetum lixiuii infuderis, illud per saccum instar manicæ Hippocratis formatum transfunde, & lixiuium transibit, ʒ. in sacco hærebit, quod per se exsiccari sinito, siccatur in puluerem flauescens terito, cuius varij vsus esse possunt; qui Chymicorum scripta legenti passim occurrent. De quo vide etiam Libauium, *Apocalyps. herm. part. pr. cap. 13.* Nonnulli hunc puluerem per duos vel tres dies calcinant, vt F. albus, & tum purgare dicitur tantum per aluum gr. iiii. vel iij. pondere. Crocus ʒ. variè paratur. Alij recipiunt limaturam Chalybis, soluunt, in spiritu vitriol. quod soluitur, effundunt, vt fiant inde crystalli, vt moris est, quos bene exsiccant. Huius vitriol. pars vna misceatur cum partibus tribus olei salis tartari, & in cineribus lento calore siccantur. Postea in arena calcinantur, donec tartarum coloretur. Hinc fracto vitro, calx in mortario calido puluerifetur, & postea affundatur aqua pluuiæ destillata, soluiturque sal tartari & calx relinquuntur, supra calcem affunde temperatum extractum, vel aquam temperatam quod vocant, è spiritu vini & spiritu sal. paratam, quod essentiam, quam vocant, ʒ. attrahet. Aqua ista separatur & relinquuntur essentia ʒ. colore croceo, quæ in loco humido & frigido soluitur in liquorem. Compendiosior verò ratio crocum ʒ. in cachexia vtilissimum parandi est, si laminæ chalybis puræ oleo vitriol. vel sulph. per campanam facto illinantur, aut limatura chalybis eodem oleo conspergatur, & in cellam collocetur. Postea lamina vel limatura aqua abluatur, idque aliquoties repetatur: postea crocus ab aqua separetur, & ad rubedinem nonnihil calcinetur. Alij hoc modo id præstant. In cucurbita super aquam fortem laminas ʒ. suspendunt, vt latitudine duorum digitorum aquam non attingant; cucurbitam claudunt, & per 24. horas in arena calida collocant. Postea reperitur crocus laminis adhærens, qui pede leporino abstergendus est, atque laminæ iterum super aquam fortem suspendendæ sunt, donec nihil croci amplius extrahatur. Hic crocus aqua calida soluendus est, filtrandus & coagulandus, qui per deliquium in oleum flauum soluitur. Alij hoc solum modo præparant, R. limaturam chalybis vel laminas, igniantur & in aceto nouies vel decies exstinguantur, acetum separetur per destillationem, crocusque reuerberetur, donec fiat puluis rubicundus. Alij ita parant. R. Scorias chalybis cæreuleas, quodammodo, minutim puluerifatis affunde acetum destillatum (alij prius per 24. horas calcinant) vel secundum alios ad aceti destillati ʒiij. aquæ fortis ʒj. adijce, infunde super scorias, donec colore rubro tingatur (quidam per dies 14. in calore mediocri digerunt) affunde nouum menstruum, donec omnis rubedo extracta sit. Postea acetum per B.M. separetur, & relinquatur puluis rubeus, qui abluatur aquâ destillatâ, vt aceti aciditas tollatur. Potest etiam prius in catino in arena calida parum calcinari mouendo, vt acetum exhalet, & postea aqua

dulcorari. In cella per deliquium soluitur in oleum rubicundum. Alij tandem per spiritum vini essentiam & tincturam ʒ. extrahunt. Alij recipiunt limaturam ʒ. & igne fortissimo eousque reuerberant per diem, donec colorem rubeum vel fuscum accipiat, postea conticiunt in vas aqua plenum, aquam agitant, & mox in aliud vas effundunt. Atque in primo vase ʒ. nondum satis reuerberatus relinquuntur; in vase verò altero inuenitur crocus ʒ., si aquam sensim euaporare sinas. Alij ʒ. limaturam cum sulph. calcinant igne violento, donec rubescat. Calcem hanc per diem integrum reuerberant: hinc aceto omnem tincturam extrahunt. Acetum destillatione in arena separant, puluerem relictum aqua abluunt, tandemque crocum per Spirit. V. extrahunt. Huc non incommodè referre possumus terram vitrioli. R. vitriol. ad rubedinem calcinati, atque affunde aquam toties, donec omnis sal extrahatur. Vbi nullum saporem amplius deprehenderis, exsicca reliquum. & habebis terram vitriol. instar boli rubicundam. Huic terræ si affunditur spiritus sal. extrahitur tinctura instar croci vel auri ferè. De crocis tractat Libau. *lib. syntagm. art. chym. à cap. 20. ad 24.*

Terra vitriol.

CAPVT XVII.

De Floribus & Sublimatis.

Flores à Chymicis nominantur, plerumque tenuiores & subtiliores corporis partes à crassiore per sublimationem separatæ. Neque id sanè ineptè. Latini enim florem pro optima rei parte accipere solent. Ita Cato, *de re rustica. cap. 88.* florem salis partem salis optimam, & candidissimum sal nominat. Vulgatissimi sunt flores sulph. & ʒ. Flores sulph. ita parantur.

Flores.

R. sulph. ℔j. vel etiam ℔ij. adde part. æq. vitriol. calcinati. Alij addunt ad ℔j. sulph. vitriol. calcinati & sal. communis an. ℔ss. Alij sumunt ad ℔i. sulph. vitriol. calcinati & sal. an. ℔i. Alij aliam proportionem obseruant. Quæ diuersitas neminem turbare debet. Non enim ita multum refert, siue hanc, siue illam proportionem obserues, modò ignem rectè regere noueris. Tardius tamen vel citius operatio absoluitur, prout minus vel plus vitriol. & sal. addideris. Quamcunque autem rationem obseruaueris, sulph. & additamentum diligenter misce, & pone in sublimatorium vel cucurbitam vitream in cineres, atque imposito alembico, primò lentum ignem adhibe, & post duas horas vapores humidi attollentur, ac liquor quidam acidus exstillabit. Post horas 4. vel 5. flores sublimari incipient. Itaque rostrum alembici claude, ignem auge, & flores attollentur. Calor verò non sit maior, quàm vt possis manum aliquandiu in alembico sine damno retinere. Atque ita continua sublimationem. Non verò inutile est, alembicum semel atque iterum mutare, vel flores eximere, vt floribus liberior pateat ascensus. Aliàs enim decidere solent & colliquari, atque hoc modo protrahitur sublimatio. Flores sublimati cum nouo additamento seu vitriol. calcinato miscendi, atque ita sublimatio ter vel quater repetenda. Floribus tertio vel quarto sublimatis addunt nonnulli myrrhæ, aloës an. part. æq. & croci part. j atque iterum sublimant, eosque in peste adhibent. Vel:

Flores sulph.

R. *Florum sulph. ℔i vitriol. calcinati ʒiiii. sal. fusi ʒiiii. myrrhæ, thuris an. ʒii. aloës opt. ʒiii. mastiches ʒij. croci ʒiii.* sublimetur lèto in igne. Alij mox initio recipiunt sulph. pul. ℔i. vitriol. calcinati, sal. gémæ an. ʒv. aloës,

Z Z z 2

aloës, thuris, myrrhæ, an. ℥iii. sublimant. Flores cum nouis speciebus secunda vel tertia quoque vice sublimant. Potest & sublimatio institui cum terra sigillata, vel boli Armeni duplo. Ex floribus tum alia medicamenta, tum rotulæ variis modis conficiuntur. Exempli gratia.

℞. Flor. *fulph.* ℥j. *al. anisi gutt.* iij. *sacchar. albiss.* in *aq. hyssopi dissoluti* ℥iij. F. rotulæ.

Vel ℞. Flor. *sulph.* ℥j. *pulv. rad. ireos* ℥ss. *sacchar. albiss.* ℥iij. *penidij* ℥ss. dissoluantur in *aq. hyssopi*. Fiant rotulæ.

Vel ℞. *Spec. diaireos, diatragacanthi frig. diapenidij* an. ℥ii. *flor. sulph.* ℥iij. *extract. glycyrrh.* ℥j. *sacchar. albiss.* ℥iij. Dissoluantur saccharum in *aq. hyssopi* suffic. quant. Fiant rotulæ. Possunt etiam *olei anisi gutt.* vj. vel viij. addi.

Parantur & ex benzoë flores ad asthma vtilis. Benzoë trita in ollam ponitur, clauditurque charta emporetica duplici in figuram pyramidis formata: & olla in cineres ponitur, ac ignis admouetur, floresque niuei, qui sublimantur, sæpius colliguntur. Referre huc liber & flores ♀ii argenteos dictos, qui hoc modo parantur. ℞. ♀ viui purgati ℥vj. Affunde in cucurbita vitrea Aquæ fortis ℥iiii. commista stent in loco frigido tandiu, donec ♀ in puluerem album vel potius crystallos redactus fuerit. Pulueri in crystallis in mortario vitreo affunde oleum tartar. per deliquium factum, ac pistillo vitreo continuo agita, donec materia fiat instar puliculæ, nec amplius spumosa appareat. Hinc affunde aquam pluuiam destillatam ad eminentiam trium digitorum, & ponantur in locum tepidum per dies 3. vel 4. Postea per chartam bibulam transcola aquam cum oleo, & relictum in charta Mercurium in loco calido exsiccatum de charta abraide. Huic affunde acetum destillatum, & in loco calido ad digerendum repone, donec flores appareant: tum acetum per chartam transcola, & ♀ instar folior. argenteor. chartæ adhæret, qui lenissimo calore exsiccatu vsui seruetur, & gr. ij. pondere exhibetur. Alij tamen præparationem hanc aliter instituunt. Quidam Mercurio primum in charta post aquæ pluuiæ cum oleo transcolationem collecto iterum oleum tartari affundunt, mistoque, vt prius, aquam pluuiam affundunt, idque tertio repetunt. Alij verò misturæ ex Mercurio per aquam fortem calcinato & oleo tartari statim acetum affundunt, & in vitro horis duabus vel tribus lento igne coquunt, & calidum adhuc per pannum in laram patinam vitream, vel fictilem vitream fundunt. Vbi colatura refrigeratur, flores instar folior. argenti in superficie innatant, qui liquore per chartam bibulam transcolando colliguntur, & siccantur. Flores ♂ quod attinet, possunt illi absque additamento ex electo ♂, vel regulo eius potius sublimari hoc modo. ♂ vel regulus ♂ ponatur in sublimatorium terreum, quod in arenam imponatur, vsque ad alembicum. Ignem gradatim admoue, sicut in sublimatione sulph. dictum, & caue, ne ignis sit nimium fortis, vel debilis. Si enim fortior sit ignis, funditur ♂, nec sublimatur: si verò sit iusto debilius, non ascendunt flores. Si recte ignem rexeris, colliges triplices flores, albos, flauos, & rubros. Nonnulli pro vno alembico vtuntur tribus ollis sibi mutuo accommodatis. Cum additamento verò hoc modo sublimatur. ℞. ♂ ℥iij. puluerifetur. Adde salis ammoniaci ℥iij. sal. libram j. Mistra ponantur in terreum sublimatorium, atque per arenam fiat sublimatio, vt in sulph. atque inuenies in alembico flores rubeos. Quod vero in summitate cucurbitæ inuenitur, adde illi, quod in fundo relinquitur, atque cum salis ammoniaci ℥iiii. misceatur, iterumque sublimetur, atque inuenies flores flauos. Flores hi rubri ita figuntur. ℞. Illos,

atque puluerifatos pone in sublimatorium in cineribus situm vsque ad alembicum, & per gradus ignis debitos sublima. Verum hinc tam forti igni, vt in priore sublimatione, opus non est. Si quid in cucurbita vel sublimatorio relictum est, misce cum floribus collectis, atque iterum sublimetur, idque decies quinquies, vel toties repetere, donec nihil amplius sublimetur. Forasan laboris compendium per ouum Philosophicum, vel phiolam fieri posset. Hi flores in cella spatia 14. dierum per deliquium in oleum soluantur, quod aqua destillata quinquies eluendum est. Eodem modo ex vitro ♂ flores, & quidem his commodiores, parantur. ℞. Vitri ♂ & salis armoniaci partes æquales, & in vase sublimatorio sublimatio instituat. Flores sublimati aqua dulci à sale ammoniaco eluantur & separentur, atque euadunt flores albissimi. Compendiosius autem sine additamento ex ♂ crudo parantur, si habeatur sublimatorium, quod in latere canalem vel tubum habeat, eique luto indueto, vt moris, in furnum posito alembicus cæcus vel etiam plures applicentur, ignisque successiue admoneatur, donec fundum sublimatorii, seu cucurbitæ fictilis ab igne incanduerit. Quod vbi factum, per tubum cochleari ♂ii parum, circiter ℥ss. scilicet, iniiciendum, & post horam dimidiam vel integram tantundem iniiciendum. Ita enim flores facilius in cæcos alembicos eleuantur, præcipue si stylo ferreo per tubulum immisso sæpius ♂ agitur. Flauo parantur, si ♂ arenæ mixtum per retortam vel cucurbitam fictilem in latus positam indatur, & flores ad latus pellantur. Flores autem Antimonij cum non facile exhibendi sint, nisi correcti, alij aliter eorum correctionem instituunt. Qua ratione Crollius eam instituat, pag. 132. videre est. Mitiores etiam fiunt, si aliquandiu cum sale communi terantur, & postea sal aqua dulci eluatur; si spiritu vini & mellis per mensem circulentur, vel si in loco calido papyro saltem tecti per mensem vnum atque alterum stent, & quotidie bis vel ter agitentur. Possunt etiam spiritu vitrioli imbui iterumque exsiccare. Ex floribus albis Cl. D. Hartmannus pilulas Antimoniales parat duplices, alias vt sursum & deorsum, alias, vt per aluum tantum purgent. Parantur autem hoc modo. Paretur aqua fortis ex vitrioli ad flauedinem calcinati, & salis communis partibus æqualibus, cum terræ figulinæ siccæ duplo, vel triplo mistis, per retortam patente igne eam destillando. Deinde ℞. flor. ♂ albos, iisque affundantur aquæ huius partes duæ, & digerantur aliquandiu in Baln. Postea ex retorta igne arenæ destillentur lente, vt primum phlegma destillet; quod seorsim colligatur. Vbi verò liquor lactescere incipit, & guttæ splendentes paræ exstillare cœperint, recipiens mutandum, & oleum eo excipiendum. Si quid post primam hanc destillationem in retorta relictum fuerit, ei etiam duplum aquæ fortis affundatur, digeratur, & destilletur, vt antea. Oleum omne collectum, quod in recipiente in crystallos concrecere solet, si iterum destilletur, sit purius. Hoc oleum si in aquam instilletur, præcipitatur in puluerem album, aqua eluendum, & edulcorandum, qui cum extractis purgantibus, vel pilularum massa in pilulas redactus, & à gr. j. ad gr. iij. exhibitus, per aluum, & vomitum purgat. Si verò hoc oleum guttatim in partem æqualem ol. tartar. per deliquium parati instilletur, & post diem vnum ac alterum aliquoties ablutum, & edulcoratum fuerit, in pilulas eodem modo redactum à gr. i. ad iij. tantum aluum mouet. Ego floribus ex vitro antimonij paratis potius, quam floribus vulgaris ad pilulas hoc modo parandas vri soleo de Floribus videatur Beguinus, libro 2. capite 18.

Flores ben-
zoes.

Flores ♀ii
argentei.

Flores ♂.

Flores ex ♂
vitro.

Flor. ♂ flauo.

Florum ♂
correctio.

Pil. ♂ miniales.

Sublimatio. Libanius, *Alchym. pharma. cap. 27. lib. 6. Syntagm. arc. Chym. cap. 22. 23. 24. 25.* Huc pertinent & reliqua sublimata, inter quæ præcipue est ☿-tus, cuius præparatio omnibus notissima est. Et si verò Chymici multos ☿ sublimandi modos habent, & alij non tantum cum vitriol. sal. verum etiam cum alumine, arsenico, sale ammoniaco, sulph. & ære vsto illum sublimant: tamen ad vsum medicum accommodatissimus is est, qui à sal. & vitriol. in altum tollitur, & in puluerem album conuertitur. Modus iste est.

☿. vitriol. calcinati lbij. salis fusi lbj. ☿ crudi iidem lbj. Subige ista cum pauxillo aquæ fortis aut aceti acerrimi; deinde repone hæc in locum calidum, vt probè siccentur, sic postmodum ☿ totus, quando teretur, vnà cum prædictis speciebus in puluerem abibit. Tritam hanc materiam sublimatorio inde, & sec. art. sublima: sic primum aqua quædam caustica extillabit, postmodum ☿. Fit sublimatione etiam ☿- purgans, quem sublimatum dulcem, nominant, qui nonnullis hodie in vfu frequentissimo est. Et si verò non planè contemnendum medicamentum sit: tamen non neminem ex eius vfu periclitatum noui. Ideoque in omnibus morbis non temerè adhibendus, nec omnibus corporibus. Corpora enim crassa pituitosis humoribus scatentia eum ferunt: non verò sicca corpora. Paratur autem hoc modo. ☿. ☿ viui benè purgati ℥vj. ☿- puri ℥viij. Misceantur in mortario lapideo, vel ligneo, donec ☿ viui nullus amplius appareat. Deinde sublimentur in arena ex cucurbita non adeò ampla, vel phiola, donec omnia adscenderint, quod decem, vel duodecim horarum spatio fieri potest. Sublimatione absoluta vitrum frangatur, & ☿ viuius, qui vna adscendit, studiosè separetur. Residuum denuò priori modo sublimetur; idque tertio repetatur, & ☿- crystallinus, & omnis acrimonie expers euadet. Nonnulli post primam sublimationem aliquid noui ☿ viui addere solent. In hac sublimatione quidem spiritus acres ☿- ti per ☿ viuum mortificantur. Si tamen sublimatio fiat per cucurbitam, saltem illud, quod crystallinum, & pellucidum in medio cucurbitæ hæret, vsurpandum: puluis verò albus, ex parte etiam nigricans, qui in alembicum adscendit, remouendus. Datur à gr. xv. ad xxxvi. Commodius verò est, vt in minore dosi detur, & purgans aliquod addatur, ne in corpore hæreat, sed operatione peractâ è corpore facilius excernatur. Est enim per se tardioris operationis.

☿ [Sunt hodie nonnulli, qui medicamenta mercurialia purgantia ita extollunt, vt præ iis omnia ferè vegetabilia contemnant, & tantum non pro Panacea habeant, & quia sine nausea sumi possunt, ægris incautis sæpe intempestiuè obtrudant, atque infantibus etiam exhibeant. Et fateor sanè, infantes talibus medicamentis, nullum saporem habentibus, facile decipi posse, vt vix animaduertentes, ea deglutiant: imò adulti etiam palato suo sæpe inseruiri volunt. Verum quàm benè hoc semper fiat, quæritur. Obtinent quidem eiusmodi medicamentorum laudatores suas obseruationes, quibus confirmare volunt, se multos ægros à grauissimis morbis huiusmodi medicamentis liberasse. Nec sanè negandum, nonnullos robustiores homines, qui vehementiam istorum medicamentorum tolerare potuerunt, iis sanatos fuisse; sed quis fideiusorem habet, omnibus idem euenturum; Cum verò exempla nonnullorum exstent, qui talibus medicamentis vel iugulati, vel in discrimen vitæ coniecti fuere, Medici rationalis, & multò magis Christiani est, in talibus medicamentis exhiben-

Dan. Sennerti Tom. I.

dis cautum esse. Sit enim sanè, vt nonaginta no- uem vim talis medicamenti tulerint, centesimus verò eius vehementia interimatur; an Medicus, qui propinauit, extra omnem culpam sit, cuiuslibet iudicandum relinquo.

Vt duas saltem huius rei historias adducam; Me-
dicus quidam Clariss. Anno 1613. cum febre ma-
lignâ, cum dolore & inflammatione renum & re-
stium coniunctâ, laborasset, & aliquoties postea
recidiuam febris erraticæ & irregularis longis in-
teruallis passus esset, sumpsit cum conferua rosa-
rum, mercurij dulcis gr. xxx. quæ cum nihil pro-
mouerent, sed tamen mouerent plurimum, & hu-
mores multos ad ventriculum traherent, qui nauseam mouerent, aluus verò subsisteret, nocte
sequenti, quæ fuit inquietissima, gingiuarum dolere
atque intumescere cœperunt, fauces verò fœtorem
quasiouorum corruptorum exhalauerunt. Leni postea
medicamento exhibito, vomitus viscidorum mul-
torum humorum secutus est, & aluus nihilomi-
nus substitit. Accessit appetitus deiectus, & vires
collapsæ sunt. Clysteribus singulis diebus iniectis
aluus aperta est; sed nihilominus gingiua ad iun-
cturam maxillæ dextræ nigrescere cœpit cum insi-
gni dolore vsque ad aurem & verticem sese exten-
dente. Lingua intumuit, & loquela deprauata
fuit. Ager nihil solidi per integrum mensem assu-
mere potuit, sed iuscula tantum pitissare. Primo
triduo tam viscidus, tenax, crassus & fœridus ef-
fluebat humor, vt propter tenacitatem quidem ab
ore ægrè auelli, propter fœtorem verò vix ac ne
vix quidem ab adstantibus tolerari posset. Sequen-
tibus diebus prodibat materia copiâ maior, sub-
stantiâ fluidior, tanta copia, vt singulis diebus
vltra libras duas emanarent. Atque is fluxus duas
septimanas durabat: dentes stupebant. Linguae eâ
parte, quâ exulcerata erat, tuberculum enasceba-
tur duriusculum, quod vix post duos menses inte-
grè euauit. Adhibitis idoneis medicamentis gar-
garizantibus, & tincturâ florum maluæ arboresc.
cum saccharo ad spissitudinem mellis ferè coctâ, &
additis paucis guttis spir. vitrioli, malum sublatum
est. Atque hinc patet, etiam mercurium dul-
cem, medicamentum à Chymicis multis ita decanta-
tum, non semper adeò tutum esse.

Quàm sæpe etiam mercurius vitæ dictus, mul-
tis mercurius mortis accidat, vt & quanta sæpe
damna mercurius præcipitatus afferat, multæ hi-
storiæ testantur. Notabilis & hæc est: Anno 1615.
M. Nouembri, venit Vratiflauiam quidam Agyrra
gloriosus, omnium morborum, etiam deploratissi-
morum, curationem promittens. Huius curæ Tex-
toris cuiusdam vxor se commisit, quæ longo tem-
pore in sinistra mamma grauissimos dolores perpeffa
erat, cum papillæ retractione, vt cavitati digitus
vltra articulum inferi potuerit. Paciscitur ea cum
Agyrra eo de mercede, & soluit ei vndecim Impe-
riales. Ille tantum offert tres pilulas, & de iis quar-
to quodque die vnâ sumi iubet. Agra sanitatis
auida sumit primam: mox vomit enormiter, & al-
uum indefinenter deiecit, animo linquitur: durant
verò ista symptomata quadriduo, quo nec cibi, nec
potus aliquid retinuit. Accessit inquietudo, capitis
dolor, vigiliæ, saluatio, linguae intumescencia,
faucium ac gingiuarum inflammatio. Maritus Agyr-
ram accedit, & cum eo de infelici curatione expo-
stulat: is tamen audacter diris omnibus, ipsique
Diabolo sese deuouet, si fœmina moreretur. Ast
reliquis malis accedit etiam vrinæ inuoluntaria pro-
fusio, & ipsa quadriduo post, vndecimo ab assumptâ
pilulâ die, moritur. Pilulas istas ex mercurio præci-
pitato proculdubio confectas fuisse, euentus docuit.

ZZz 3

Et

Prima de
mercurio
vita.

Alter de
mercurio præ-
cipitato.

Arcanum corallinum.

Cinnabaris Antimonij.

Ammon. sublimatio.

Et Q uo dulci Aqua paratur ad fistulas & vlcera maligna, præcipue ex lue venerea, sananda, vt & scabiem, vtilis. Calci viuæ aquam feruentem affunde, quæ post spatium temporis aliquod à calce separetur, & filtretur. In aquæ huius lbj . ebulliant Q dulcis ziii . Coletur, & vsui seruetur. Ad sublimata pertinet & Arcanum corallinum Paracelsi dictum, seu Mercurius sublimatus rubeus non corrosiuus; de quo Crollius, pag. 128. cuius etiam mentionem fecisse videtur iam olim Geber, lib. 1. fornac. cap. 9. Compendiosior autem Mercurium hunc sublimatum aut Arcanum corallinum parandi modus hic est. Ex capite mortuo Aquæ fortis ex vitrioli & nitr. part. æquali factæ extrahitur aqua pura sal. ℥ . salis huius ℥vj . Mercurij viui purgati ℥ij . salis purificati z ij . Misce & tere omnia cum pauxillo aceti vini destillati, donec salibus Mercurius probè permixtus sit. Deinde & cucurbita cum alembico more consueto sublimetur. Sublimantur verò partes varix, aliqua Mercurij viui, quædam pars alba, quædam lutea, quædam crocea, quædam rubicundissima sine omni corrosione. Crocea & rubra colligantur, abiectionis cæteris, & in phiola in arena summè calida aliquandiu digerantur, vt omnia rubefiant. Postea abluantur, & spiritus vini affundatur atque accendatur. Dum butyrum Antimonij, de quo postea, destillatur: si post liquoris destillationem ignis fortis, & suppressionis quoque, aliquot horis adhibeatur, in collo retortæ cinnabaris repetitur, quæ si per se sublimetur, sit purior. Eius aliquid nonnulli cum partibus æqualibus magisterij perlarum, corallior. & cranij humani miscent, & à g viij diaphoretici loco in conueniente liquore in epilepsia exhibent. Sed præstat cinnab. nativ. vsurpare. De Q uo Libavius, Apocalyps. Hermet. part. pr. c. 5. 6. Syntag. Chymic. c. 27. 28. 29. 30. Sal armoniacus ita sublimatur. ℥ . Ammoniac. triti, & limaturæ chalybis an. lbj . Misce diligenter, & ex cucurbita in arena sublima, vt quod purum est, ascendant, feces verò in fundo relinquuntur. Deinde ℥ . salem communem, & in igne in crucibulo fluere sine. Huius salis & ammon. sublimati recipe partes æquales, & mista sublima, idque septies repete, semper abiiciendo cap. mort. & addendo sublimato parem salis fusi quantitatem. Vide de his etiam Libau. Syntagm. arcan. Chym. lib. 6. cap. 22. 23. 24. 25.

CAPVT XVIII.

De Præcipitatis.

Præcipitatu.

Mercur. præcipitatus.

ET si vt suprâ sect. 2. cap. 13. dictum, præcipitari in genere & propriè ea dicantur, quæ in liquore aliquo soluta peculiari artificio à liquore separata in fundum forma pulueris vel calcis descendunt; quomodo corallia, margaritæ, oculi cancri aceto soluta, vt & argentum in Aqua forti solutum præcipitari dicuntur: tamen vsus obtinuit, vt & alia in liquoribus conuenientibus soluta, si liquor ille, vel destillando vel euaporando separetur, præcipitata vocentur. Nomen tamen præcipitari præcipue tribuitur Mercurio, qui postquam in aqua forti solutus est, & ab aqua solvente separatur, subsidetque Mercurius præcipitatus nominatur. Est & in vsu apud plerosque Chymicos nomen Turbith, vel turpethi mineralis, quod, vndecunque etiam originem traxit, nihil aliud significat, quàm Mercurium præcipitatum. De quo Libavius, lib. 6. Syntagm. arcan. chym. cap. 19. 20. 21. Mercurius præcipitatur vulgò hac via. Mercurius lotus ac purgatus soluitur in duplo aquæ fortis: abstrahitur destil-

latione in arena aqua fortis, iterumque affunditur, idque tertia vice repetitur. Alij solum aliquid aquæ salis infundunt & mox Mercurius fundum petit. Hic postea reuerberatur, vt spiritus corrosiuus aquæ fortis separentur. Alij prius aqua rosacea abluunt, & S. V. affundunt, eumque accendunt, idque ter repetunt. Nonnulli, postquam aqua fortis abstracta est, vel quarta vice affundunt oleum vitriol. ad quantitatem Mercurij, & digerunt per vnum diem, postea oleum vitriol. in forti igne destillando separent, terunt, affundunt S. V. vt digitis duobus emineat, digerunt duobus diebus, S. V. effundunt, alium affundunt, idque tertia vice repetunt. Quidam hanc præcipitandi Mercurij rationem præ omnibus commendant. ℥ . Mercur. puri lbj . affundatur ol. sulph. per campan. facti lbj . digeratur per 2. dies in arena. Postea per retortam vitream destillentur, atque liquor iterum affundatur, idque tertia vice repetatur. Quarta vice aliquid recentis olei sulph. affundi potest, ignisque circa finem augeri, vt retorta incandescat. Præcipitatus fracta retorta teratur, aqua calida abluatur, quæ semper per 4. horas subsideat, antequam effundatur. Mercur. præcipitatus hoc modo ponatur in phiolam, & gossypio eius os claudatur, atque in igne arenæ vehementissimo per 8. dies digeratur, vt si quid viui supersit Mercur. sublimetur. In præparato ita Q ter vini spiritus accendatur. Alij Q viuo ol. sulph. per campanam factum vel ol. vitriol. vt digitum transuersum emineat, affundunt, Cucurbitamque papyro saltem tectam in arenam collocant, donec materia coaguletur. Mercurium viuum, si quis in fundo restat, separent, reliquum in puluerem redigunt, & in crucibulo per horam in igne detinent, vt mercurius rubeat. Hinc remoto ab igne crucibulo, Mercur. in aquam calidam coniiciunt, aquaque effusâ, aliâ adhuc lauant, & exsiccant. Postea cum spiritu vini diebus quindecim digerunt, spiritu vini separato, Mercurium in lamina ferro candente exsiccant. Potest Mercur. & hoc modo subito præcipitari. ℥ . aq. calidæ lbj β circiter, in hanc iniice Mercur. sublimati puluerisati lb $\frac{1}{4}$. Aqua mox in aliud vas effundatur, iterumque transfusetur, donec Mercur. sublimatus resoluator. Hanc solutionem calentem adhuc infunde in cucurbitam vitream, & affunde salis tartari in aqua resoluti, vel olei tartari aliquid, atque Mercur. mox colore rubro præcipitatur, & in fundum descendit. Aquam istam postea separa, & præcipitatum aquâ destillatâ aliquoties abluere, donec aqua nullum amplius saporem aquirat. Tandem lento igne exsicca. Hic præcipitatus est diaphoreticus. g v. vel vj. pondere cum theriaca, vel mithridatio in lue venereâ, & conuenientibus morbis sumptus. Idem tamen si per se sublimetur, aluum mouet. Potest & per se Mercur. præcipitari sine alterius rei adiectione, in phiola compressa, & ad eum vsu peculiariter facta. Iniicitur Q bene purgatus, vt tantum fundum operiat, phiola exactè ad æquilibrium in arenam collocatur, vt Q æquali crassitie vbique fundum tegat, atque accenditur ignis primum lentus post fortior, donec Mercur. in puluerem rubicundissimum instar cinnabaris abeat. Qui aquâ conueniente ablutus à g iij. ad vj. sudores mouet, & ad lue veneream curandam exhibetur. Vel ℥ . Mercurij purissimi q. s. solve in aqua forti ex nitr. lbj . vitriol. lbj . * non calcinati ℥x . & sal. ℥vj . parata. Solutio affunde aquæ puræ frigidæ ℥j vel plures, atque per aliquot horas (non supra igne) stent in loco quieto, vt Mercur. ad fundum præcipitetur. Quod si non fiat, plus aquæ frigidæ affunde, & vbi Mercur. subsederit, omnem aquam separa, atque hanc abluitionem toties repete, donec nulla acrimonia in mercurio amplius percipiat

per horas 3. vel 4. detineatur, postea Nitrum per aq. communem calidam remouetur, & aq. rosarum bene edulcoretur, vel spiritu vini affuso eluatur, eoque accenso exsiccet. Vtilior verò adhuc & mitior fit, si Mercur. vitæ rectè edulcoratus in phiola in igne arenæ diu foueatur donec videlicet rubere incipiat, & ab hoc puluere postea sæpius spiritus vini abstrahatur, & hoc modo præparatus ad gvi. in lue venerea & hydrope vtiliter exhiberi potest. Omnino tamen in hoc & aliis Mercurialibus medicamentis omnibus maxima cautione, & prudenti Medico opus est. Nisi enim Mercur. dextrè adhibeatur, verum est, & diligenter tyronibus notandum, quod Guil. Fabric. in respons. ad D. Mich. Döringium scribit: *Mercurius siue crudus, siue in Mercurium vitæ transmutatus fuerit, aut negligenter præparatus, aut iis, quibus non conuenit, empiricorum more & absque ratione exhibitus, imò & exterius admotus in Mercurium mortis plerumque euadit, rectèque illum Mercurium vitæ æternæ appellare possum.*

Admonitio
de Mercur.

De natura
Mercurij vi-
tæ, & Bezoar-
dici minera-
lis, & an
Mercurio, an
verò antimo-
nio, originem
suam debeât.
Ex Mercurio
statuit Gluc-
kradius, f.
Hartmannus.

[Celebris & obscura satis est quæstio & controuersia inter Chymicos, cuius naturæ sint mercurius vitæ & Bezoardicum minerale, & an ex mercurio, an verò ex antimonio proueniant. Quidam ex mercurio prouenire statuunt: inter quos ij, qui medicamento huic nomen imposuerunt, Mercurium vitæ appellarunt. Sententiam hanc sequitur Gluckradius, in Not. ad lib. 2. cap. 12. Tyrocinij Beguini, aut potius Hartmannus, (eius enim hæ notæ sunt) qui Bezoardicum minerale non rectè Antimonium diaphoreticum appellari censet, cum scribit: *Butyrum, quod progreditur ex Mercurio Sublimato, & Antimonio simul iunctis, Mercurius Sublimatus potius est, nihilque accedit de Antimonio, nisi quòd hoc ipsius liquiditatem promoueat, neuiquam aliàs in hanc formam progressuri, absque Antimonij adiectione. Nullo itaque modo ab Antimonio, sed potius à Mercurio Sublimato denominationem accipiat.*

Ang. Sala.

Sententiam hanc defendit etiam Angelus Sala, Anatom. Antimony part. 2. sect. 3. tit. Bezoardicum Antimoniale, dum scribit. *Fit etiam pulvis quidam albus sudorificus, ex oleo quodam aut liquore minerali, (qui destillatur ex Mercurio Sublimato & Antimonio mixtis inter se) & spiritu Nitri, aut Δ R. Verum pulvis iste non debet propriè vocari Antimonium sudorificum; quandoquidem, bene perpenso & examinato negotio, manifestè comperimus, nihil aliud hoc esse, quam Mercurium præcipitatum hac forma. Nam destillando dictum liquorem mineralem, omne Antimonium remanet, & non procedit destillatione aliud, quàm portiuncula aliqua Mercurij Sublimati. Tametsi non velim negare, posse hic remanere exiguum aliquam proprietatem Antimonij, quia per medium eius transiit. Atque hinc fit, quòd hic pulvis non appellatur Antimonium diaphoreticum (quod nomen obtinebat apud aliquos Chymicos, antequàm rem examinatam & exploratam habeant) sed Mercurius Bezoardicus.*

Hanc sententiam & alij doctissimi, & in Chymia experientissimi Viri secuti sunt, qui statuunt, spiritum Vitrioli equidem aptissimum esse ad destillationem, & de eo dubium nullum esse, sed de puluere, qui vnà exstillat. Illum autem esse putant ex Mercurio, non Antimonio, cum Mercurius aptus sit ad destillandum, non verò Antimonium. Et sicut Mercurius spiritu Vitrioli facillè sublimatur, ita etiam destillatione butyri Antimonij, Mercurium spiritui Vitrioli adhærere, & cum eo exstillare; Antimonium verò in hac destillatione nihil aliud præstare, quàm bolum, ar-

gillam, puluerem silicum, & similia, in destillatione spiritus Salis, nimirum liquiditatem Sublimati promouendo. Vt enim corpora ista faciunt, ne Sal liquecat & confluat, sed in minimas portiunculas diuisum & diductum, vaporis formæ exeat: ita in destillatione butyri Antimonij dicti idem præstare Antimonium. Addunt & hoc, quòd pulueres hi, ex butyro Antimonij parati, quantitate non Antimonio, sed Mercurio Sublimato respondeant. Nam prout minuitur vel augeatur Mercurij Sublimati quantitas, manente eodem pondere Antimonij: ita puluerem quoque istum destillando paratum augeri; non verò contrà, aucto imminutòve pondere Antimonij, manente eadem Mercurij Sublimati quantitate, crescere & decrescere puluerem. Imò, quod magis est, aiunt, postquam omne butyrum exstillauit, remanere omne Antimonium, quod Mercurio Sublimato admixtum fuerat: hanc saltem esse differentiam, quòd Antimonium relictum non parum variet quoad substantiam, quæ ibi relictò Antimonio non ita solida est, nec nitens, sed foraminulenta, spongiosa & fragilis.

Alij contrà pulueres hos albos ex Antimonio esse existimant. Inter quos est Crollius, qui in Basilic. Chym. Bezoardicum minerale sub titulo Antimonij diaphoretici descripsit. Eiusdem sententiæ est Beguinus, qui Tyrocin. Chym. lib. 2. cap. 12. de calcinatione Antimonij hoc Bezoardicum minerale describit. Crollij & Beguini sententiam etiam amplectitur Cl. Barthius, in Notis ad cap. modò citat. Beguini, cum ita scribit: *Doctissimi quique & exercitatissimi Chymicorum coryphaei puluerem hunc à Mercurio Sublimato prouenire arbitrantur, unde eum albissimum Mercurij corpus, liquorem gummosum Mercurialem, & ubi, ritè præparatus est, Mercurium vitæ nuncupant. Verum pulvis hic emeticus nihil aliud est, quàm Regulus Antimonij, spiritu Sublimati Vitriolico dissolutus & calcinatus; cuius spiritus plus aut minus pulvis ille in se continet, quò magis aut minus est elotus. Et paulò post: Quia Regulus Antimonij magis ad naturam metallicam accedit, quàm Mercurius; fit ut destillando Mercurium Sublimatum cum Antimonio, spiritus Mercurij Sublimati Vitriolicus relinquat Mercurium, & sese associet Regulo Antimonij, seque calore urgeri & expelli animaduertens, dissoluat & calcinet Regulum, abeatque per retortæ rostrum in liquorem gummosum aut oleosum, qui cum guttatim in aquam, quæ in recipiente est, defluit, spiritus Vitrioli in aqua se dissolvit & dispergit, Regulus verò ad fundum recipientis sub forma pulueris albi decedit. Hoc etiam sapore aquæ spiritu Vitriolico imprægnata, & fusione huius pulueris emetici ad ignem magnum folium in verum Regulum Antimonij abeuntis cognoscitur.*

Contrà ex
Antimonio
Crollius.

Beguinus.

Barthius.

Verum ut de hac controuersia nostram sententiam aperiamus, primò hoc monendum, non vnâ, sed plures esse quæstiones, easque, nullo modo confundendas, ad quas distinctè respondendum est. 1. enim quæritur, & explicatione indiget, quid sit butyrum Antimonij dictum? 2. Quid sit Mercurius vitæ? 3. Quid sit Bezoardicum minerale? Hæ enim substantiæ non eiusdem planè, sed diuersæ naturæ sunt. Ideoque etiam de singulis seorsim agemus.

Responsio
quæstiones.

Primò butyrum Antimonij quod attinet, id non substantia simplex est, sed mixta, constans ex spiritu Vitrioli & Salis, ex substantia Mercuriali, & ex substantia Antimoniali. Spiritus ille Vitriolatus & Salinus in spiritu Vitrioli Philosophico vulgò dicto apparet; Mercurialem substantiam adesse, nec ij forsan negabunt, qui pul-

ueres

ueres istos ex Antimonio constare docent. Verum non vniversus Mercurius Sublimatus in recipiens destillat, & butyro miscetur, sed magna eius pars in retorta sub forma viua reperitur, pars in poris & cauernulis Antimonij in retorta relinquitur, pars in collo retortæ, pars in ipso recipiente. Et obseruatum est, in vna destillatione, quæ Mercurij Sublimati & Antimonij, ana tibi, destillata fuit, Mercurij viui ℥viii. inuentas fuisse; licet non omnes Mercurij particule per massam Antimonij disperfæ studiosè colligerentur, vel colligi potuerint. Si verò accidat aliquando, vt nullus Mercurius viuus in retorta reperiatur, id fit, vel quod ignis fuit remissior, qui Mercurium totum viuificare non potuit, vel quia retorta collo valde inclinata fuit, vt Mercurius viuus promptè in vas recipiens descendere potuerit. Præterea etiam Antimonium inesse butyro Antimonij, patebit postea, vbi probabitur, Antimonium inesse & Mercurio vitæ, & Bezoardico minerali. Si enim in his est, necesse est, quod etiam antè fuerit in butyro Antimonij, de quo hæc fiunt. Etsi verò Antimonium ad destillationem ita aptum non sit, vt spiritus Vitrioli, vel etiam Mercurius, & potius flores ex eo parentur, tamen dum hi eleuantur, cum spiritu Vitrioli & Mercurio in recipiens rapiuntur, & butyro immiscuntur. Et posse Antimonium aliis rebus, quæ ipsi vehiculum præbent, mistum destillari, aut destillato liquori immisceri, docet oleum illud Antimonij dictum, quod ex Antimonio & saccharo cando destillatur. Et si saltem eo fine addatur Antimonium, quo bolus vel argilla in destillatione spiritus Salis, cur non planè viuificatur Mercurius, sicut dum cum calce viua destillatur; sed potius in butyrum redigitur? Quod verò obiicitur, Antimonium eodem pondere, quo admistum fuit, post destillationem butyri reperiri, ad id responderetur, loco florum Antimonij, qui butyro sunt admixti, remansisse Mercurium in Antimonio residuum, qui in tantum auget pondus Antimonij, quantum ipsi in destillatione decessit. Nam, vt diximus antè, sæpe viuus Mercurius in poris Antimonij oculis conspicitur. Et si sub forma viua non apparet, causa est, quod non totus fuit reuiuificatus, sed formâ occulta immistus Antimonio relictus fuit. Quod etiam nonnulli existimant, sine additione Antimonij butyrum Antimonij confici posse, si nimirum magnes Mercurio Sublimato admisceatur, ad id respondeo, si res certa est: (nam ipse nondum expertus sum) hoc tamen esse dubium, an ex butyro, quod ex Mercurio Sublimato & magnete fit, possit Mercurius vitæ, & ex hoc Regulus, vitrum, vel etiam Bezoardicum minerale fixum parari. Et si pararetur inde Regulus, quæstio esset, an non sales illi corrosui cum Mercurio Sublimato aliquid de Marte eleuare potuerint, quod in Regulum abeat.

Secundò Mercurium vitæ quod attinet, constat is, substantiâ Antimoniali & Mercuriali. Cum enim in butyro tres substantiæ fuerint, spiritus Vitrioli, Antimonium & Mercurius, affusione aquæ, & præcipitatione saltem spiritus Vitrioli separatur, qui etiam ex aqua colligi potest, & appellatur vulgò spiritus Vitrioli Philosophicus. Vnde puluis, qui relinquitur, constat ex Mercurio & Antimonio: Antimonij autem multum adesse in Mercurio vitæ dicto, ex eo patet, quod inde Regulus vel vitrum parari potest, qualia ex Mercurio nullo modo parari possunt, quodcunque etiam artificium adhibeatur. Neque vnquam obseruatum, Mercurium in igne detentum fundi, &

instar Reguli fluere; cum potius euolet & sublimetur. Quia ergo Mercurius vitæ dictus in Regulum & vitrum abit, quod Antimonij proprium est, meritò etiam in eo Antimonium esse statuitur. Quod autem Mercurius vitæ dictus, vnâ operatione & igne simul in vitrum & Regulum abit, non mirum. Contingit enim hoc ipsum etiam sæpissimè in præparatione vulgari vitri Antimonij, vbi singulari industriâ præcauendum, ne inter calcinandum, Antimonium cuius vitrum expetitur, in Regulum fluat. Et sunt Regulus & vitrum Antimonij cognatæ naturæ, nec essentiâ verè inter se differunt, sed saltem formâ externâ, & ex Regulo potest fieri vitrum, & rursus ex vitro Regulus. Et miror, Hartmannum non agnouisse, in butyro Antimonij, & Mercurio vitæ dicto, flores Antimonij, cum in præparatione pilularum suarum Antimonialium, quas, lib. 5. Instit. part. 3. sect. 3. cap. 15. descripsimus, ex floribus Antimonij albis butyrum Antimonij, & puluerem album, qualis est Mercurius vitæ dictus, sine omni Mercurij additione parari doceat.

Tertiò quantum ad Bezoardicum minerale, illud saltem ex Antimonio constare statuimus, & habere se instar Antimonij fixi. Neque enim sequitur, quod, licet in butyro & Merc. vitæ dicto adsit, Mercurius etiam in puluere isto Bezoardico adsit. Nam dum soluitur butyrum, affuso spiritu Nitri, & puluis postea in igne fusorio ignescit, quicquid adhuc superfuit Mercurij, auolat. Non enim Mercurius tantum ignem sustinet, quantum Antimonium. Esse verò Bezoardicum minerale naturæ Antimonialis, patet ex eo, quod Bezoardicum minerale nullo modo in Mercurium vinum reduci potest. Et talis est fixitas in Bezoardico minerali, qualis nulla Mercurio conciliari potest, quodcunque etiam artificium adhibeatur. Præterea pulueres sudoriferi fixi ex Antimonio parantur, vt in Antimonio diaphoretico apparet, Regulo eius & croco metallorum, quales æquè vtilis ac tuti ex Mercurio parari non possunt. Infuper nullum dubiū, quin ex puluere illo, quo pilulas suas Antoniales parat Hartmannus, cum spiritu Nitri similis puluis fixus parari possit. Tandem cum Mercurius sit homogeneous, cur non totus potius conuertitur in Bezoardicum minerale.

Atque hæc, quæ hactenus diximus, vera esse, experientiâ quilibet probare potest. Recipiantur nimirum Mercurij Sublimati & Reguli Antimonij, an. ℥v. Destilletur inde butyrum, quod erit ℥ii. ℥vii. Mercurij viui in retorta colligi adhuc poterunt ℥ii. ℥v. Antimonij in retorta reliqui erunt ℥iii. ℥viii. quæ si addantur, fiunt ℥ix. ℥iiii. Defunt adhuc ℥ß. ℥ß. quæ facile inter distillandum exhalare, & vasis, à quibus ita exactè separari non possunt, adhærescere queunt. Si Antimonij ℥iii. ℥viii. iterum retortæ indantur, Mercurij viui Antimonio innatantis ℥iii. vel plus etiam colligi possunt. Ex quo apparet, si Antimonium post destillationem butyri idem pondus, quod prius, habet, id prouenire ex Mercurio admisto, qui pondus amissi Antimonij compensat. Ex ℥ii. ℥vii. butyri fient Bezoardici fixissimi ℥j. ℥iii. ℥ii. Ex quibus omnibus colligitur, ℥iß. Reguli Antimonij in butyro fuisse, & tantum ferè haberi posse Bezoardici mineralis albiissimi fixissimi, quantum post destillationem deest Regulo Antimonij.

Butyrum Antimonij etiam extra vsurpatur in gangrana, & sphacelo. Oleo nimirum hoc pars mortua circum-circa parum illinitur, vt putredo non latius serpat, putridumque à sana parte separetur, ipsaque sectio, si ea opus sit, felicius institui possit. Circa carbunculum etiam oleo hoc circulum ducunt, vt facilius excidat, nec latius serpat. De his pluribus Libau.

lib. 4.

3.
Quid Bezoardicum minerale.

Probatio ab experientia.

12.
Mercurius vitæ.

lib. 4. syntagm. arcan. Chymic. à c. 20. ad 26. Apoc. herm. part. pr. c. 2. 3. 4. 8. 9. 10. 11. Beguin. l. 2. c. 19.

CAPVT XIX.

De vitris, Regulo, & quibusdam pulueribus
Chymicis.

Cum præter hætenus proposita medicamenta chymica sicca, alia quædam adhuc supersint, quæ ad sales, crystallos, crocos, flores, sublimata, præcipitata commodè referri non possunt, cuius generis sunt vitra, Reguli, & calces, ac pulueres quidam: ea omnia peculiari capite complecti libet. Vitrum primò ex calcibus rerum paratur; estque vitrificatio ferè vltima rerum resolutio. Cinis nimirum, aut calx rei validissimo igne est fundenda, additurque ad fusionem maturandam nonnunquam borax, vel alij pulueres fusorij. Fusa materia super peluim calefactam, vel aliam tabulam effunditur: atque vt iustum fusionis tempus deprehendatur, stylo ferreo in materiam immisso id explorandum est. Si enim stylo quid vitro simile adhærescat, perfectæ fusionis indicium est. Notissimum est vitrum Antimonij, quod fit ex Antimonio diligenter calcinato. Calcinatio autem illa hoc modo institui potest. \mathcal{A} . Antimon. opt. pulu. subtiliter, adde dimidium sal. & pone in vas figulinum quadratum, non vitreatum, aut aliàs in fictile amplum. Vas illud ad medietatem vix impleatur, ne inter agitandum aliquid eiiciatur. Vas ne loco moueatur, bene situetur, ita tamen, vt carbonēs accendantur sub dio, vento silente, vel secundo. Agitetur continuo rudicula, & videbis fumum album exhalantem, quem caueas. Quando iam animaduertis Antimon. in vase quasi liquefcere, vasi adhærere, & conglobari, mox ab igne vas cum Antim. deponito, & nihilominus cum rudicula verito, donec in glebas concrefcant, & refrigeretur. Deinde concretum & frigidum Antim. iterum tere subtiliter, contritum rursum, vt antea, igni admoue, paulatimque ignem auge, & cum rudicula moue continuo, donec rursus liquefcere quasi, & vasi adhærere incipiat, vâsque quasi igniatur. Tum iterum ab igne deponito, & rudicula semper moueto, donec rursus in glebas quasdam concrefcant, & refrigeretur. Iterum conglobatum terito, donec nihil amplius effumat, nulumque fœtorem emittit, & simile albicanti vel rubicundo cineri apparet, aut etiam prunis iniectum nihil fumat. Postea \mathcal{A} . crucibulum, igni admoue, vt intus & extra igniatur. Postea iniice parum de illo \mathcal{A} calcinati puluere, & sinas liquefcere, donec \mathcal{A} igni & ignito crucibulo simile fiat: liquefcens guttatim funde super lapidem, vel tabulam lapideam. Si satis calcinatum est, cum \mathcal{A} fufum colorem referet rubeum, aut rubini, vel granati. Sin adhuc nigrum fuerit, iterum admoueto igni, & ignem paulatim auge, donec rursus ita quasi liquefcere, & vasi adhærere videatur. Hinc ab igne deponito, rudicula agitato, donec refrigeretur, & si iterum in glebas concreuit, iterum terito, vt cineri albo simile appareat, & non amplius scintillet. Postquam igitur ita calcinatum est \mathcal{A} , impone materiam ollæ vitreatæ, affunde aquam feruentem, agita cum baculo. Vbi paulatim resederit, innatantem aquæ salelem vel materiam cochleari detrahe. Postea vbi bene subsederit, effunde aquam, & aliam calentem affunde, & si quid supernatat, tolle. Tertiò rursum effunde, & acetum destillatum calens eodem modo affunde, salêmque & materiam innatantem detrahe, & cum subsederit \mathcal{A} , effunde. Vltimò exsicceetur \mathcal{A} , & crucibulo ignito iniiciatur, vt liquefcant. Li-

quefactum in lapideam tabulam effundatur. Si nondum satis pulchrum est, iterum fundi potest. Quæ verò ratione corrigatur Antimonij vitrum, docet Crollius, pag. 134. Corrigitur quoque per oleum & spiritum vitrioli. In vitri \mathcal{A} in puluerem reducti \mathcal{A} instillantur Spir. vel ol. vitriol. \mathcal{A} ac misceantur. Postea in catino ad lentum ignem exsicceetur, atque eadem quantitas spiritus vitrioli affundatur & exsicceetur. Idque septies repetatur, vt F. puluis. Postea ex mastiches \mathcal{A} cum Spir. vini \mathcal{A} F. extractio, in qua dictus puluis per triduum maceretur. Spiritus vini in crucibulo accendatur. Post conflagrationem verò Spir. vini cum mastiche idem puluis exsicceetur & cinerum lento igne in patella vitrea hor. 12. donec pallescere incipiat, digeratur. Dosis à gr. iij. ad vj. Huius pulueris sume \mathcal{A} & eadem proportionem cum speciebus à Crollio alleg. loco propositis, mastiche omiffa, ac cum myua Cydoniorum. F. Electuarium \mathcal{A} ale. Paratur quoque ex butyro \mathcal{A} seu \mathcal{A} vitæ vitrum, quod nonnulli, ob colorem, succinum \mathcal{A} nominant, quod minore cum molestia purgat, quàm vulgare vitrum, danturque eius gr. ij. per se vel iij. in infuso. Paratur istud vitrum autem hoc modo. Mercurius vitæ ex butyro \mathcal{A} rectificato paratus iterum in retorta destillatur, & partes minus fixæ in oleaginosum liquorem abeunt, partibus magis fixis in retorta manentibus; quæ in crucibulo fortiore igne in vitrum vertuntur ferè colore succini flau. Ex vitris eiusmodi possunt calices purgatorij fieri, item annuli, nummi, si vitrum \mathcal{A} vel succinum \mathcal{A} fundo calicis, vel annulo, vel auro inseratur. Vide Libauium, lib. 7. Syntagm. arcan. chym. cap. 20. 21. 22. 23. Apocalyps. herm. part. pr. c. 13.

Vitrum \mathcal{A} auratum sic paratur.

\mathcal{A} . \mathcal{A} fusi (non mineræ) part. xvi. & terantur in mortario minutissimè. Huius pulueris dimidium pone in fundo crucibuli, & superpone vnâ partem (ratione proportionis 16. partium dictarum \mathcal{A}) auri puri, & reliquum pulueris superpone & colloca inter carbonēs ardentes, & suffla cum folle, vt omnia confluant. Tusa effunde in mortarium ferreum, vel æneum, & post refrigerationem conterantur omnia minutissimè instar farinæ, & vt per seraceum transire possit: hunc puluerem pone super testam latam calcinatoriam, & impone carbonibus ardentibus subinde agitando, donec in cinerem seu calcem griseam abeant, vt fieri solet in calcinatione \mathcal{A} simplicis; Postea puluerem minutissimè tere, & habeas crucibulum inter carbonēs ignitum, cui immitte sensim modicum de puluere, donec fluat & vitrescat, semper cum operculo crucibulum cooperiendo: sic perge, donec totus puluis cum \mathcal{A} vitrificetur; postea effunde in lebetem modicè calefactum, & separabitur \mathcal{A} vitro. Cum refrixerit materia tota, recipe omnia, & secundâ vice contere in puluerem minutissimum, & in nouum crucibulum inter carbonēs ignitos sensim immitte puluerem, cooperiendo vas, vt prius, donec secundâ vice in vitrum omnia confluerint: Tunc iterum effunde in lebetem leuiter calefactum, vt fecisti prius; & vitrificatio peracta erit, \mathcal{A} suam vim occultè communicante \mathcal{A} vitro, ita vt hoc vitrum non amplius vomitum moueat, aut sedes vllas, nisi fortè vnâ vice, stomacho bile repleto. Accipiantur igitur omnia, tam vitrum, quam \mathcal{A} friabile, & iterum terantur minutissimè, & imponantur in phiolam vitream plani fundi, & superfundatur ad eminentiam vj. digitorum opt. aqua vitæ seu spir. vini rectif. & bene obturetur orificium, & sic reneatur vas ad Solem, vel hyberno tempore ad fornacem

Correctio
tri \mathcal{A} .

Succinum \mathcal{A} .

Vitrum
auratum.

nacem, non nimium calidam, & sit quarta pars ampullæ vacua, ne sc. aqua vitæ frangat vitrum. Sic permittit stare per dies 14. vel 3. septim. & colorabitur aq. vitæ colore flavescente. Effunde tunc spir. vini mundè in aliud vitrum non nimis plenum & opt. obturatum, qui seruetur ad vsum. Præstantissimum est sudoriferum. Vim enim suam Aurum per vitrum ☿ spiritui vini communicauit.

Aliud.

Primò fiat regulus ☿ ii. docente id Tyrocin. Chymico Beguini, p. 12. lib. 2. sub tit. Regulus ☿ ij. In cuius tamen confectione id notandum est, si pulueri nitr. & tartar. ana mistorum, & vbi per inflammationem in vase æneo deflagrauerint, addideris pulueris carbonum tertiam partem, & postea cum ☿ io miscueris, & ad reguli confectionem accesserit, multò plus reguli te post fusionem adepturum, quem tamen memineris non esse effundendum in conum; nonnihil enim perditur, sed saltem in tigillo relinquendum, donec refrigerit. Huius reguli ☿ ij cape ☿ ij. * finissimi ☿ ß. funde simul, & in canaliculum infunde, vt fiat. virgula fragilis. Inde probè terendo paretur puluis subtilis, deinceps super regulam lento Δ, continuè mouendo bacillo ferreo infra lato, calcinandus, donec cessantibus omnibus fumis citra omnem fusionem in cineres albicantes transierit. Hos cineres funde in tigillo, ac tantisper in fluxu serua, donec in vitrum rubicundum abierint, id quod sæpius explorare poteris, bacillo ferreo in tigillum immisso, & ad examen coloris desiderati identidem reuocato; quo sanè animaduerso, totum in pelvim orichalcinam subcalidam effunde, & concresecet in vitrum, ipsūque * magna sui parte itidem in vitrum concreuisse videbis. Residuum verò ex eodem * denuò cum regulo nouo, eadem, qua supra, proportionem funde, calcina, & deinceps in vitrum redige, tantisper pergendo, donec orine * cum ☿ io transparens factum fuerit & in vitrum totum abierit.

℥. huius puluerisati vitri ad placitum, affunde spiritus vini optimi & diligentissimè rectificati ad eminentiam 4. digitorum, digere in calore balnei, vase diligenter clauso, donec spir. vini tingatur rubicundissimè, quem effusum serua, alium insuper pulueri residuo affundendo & tincturam extrahendo, si volueris sæpius. Hic spir. tinctus à 3j. ad iij. vel plures exhibitus mouet sudores, mundificat sanguinem ab omnibus feculentis, Podagricos iuuat, vt & hydropicos. Dolores ex lue ☿ ea in periostiis brachiorum & tibiærum ortos mirificè tollit, ac insuper in lue Venerea feliciter curanda utilis est, facitque omnino idem ad omnes morbos, qui sudoribus expelli volunt. Regulus Antimonij quâ ratione paretur, docet Beguinus, lib. 2. c. 12. Suntque eius parandi modi varij. Nonnulli metallicum sulphur, quod Antim. purget, esse solum in ☿ docent, atque ideo regulum hoc modo parant. ☿. ☿ iij. in crucibulo pone in ignem donec incipiat liquefcere. Hinc adde Antim. ☿ viij. auge ignem, vt fluant: postea iniice M. j. nitr. Cum cessauerit strepitus, & omnia fluunt, funde in calicem fusorium, in em Giespützel. F. regulus. Secundò Regulum iterum funde, & cum fluit, adde Antim. ☿ ß. hinc nitr. tantundem ac prima vice: tandem funde regulum: scorias separa. Tertio Regulum iterum igni in crucibulo admoue, & cum fluit, cochlear nitr. iniice, & in igne forti fluere sine, ac regulum funde, scorias etiam abiice. Quarto fac, vt in mundo crucibulo iterum fluat regulus, & cum fluit, nitr. adde, & regulum funde. Scorix si erunt coloris aurei, rectè se res habet, & regu-

lus habebit stellam, sique rectè operatus fueris, pondus reguli erit ☿ iv. Alij nouum temper Antim. addunt, ideòque sic Regulum parant. ☿. Antim. limaturæ chalybis ana ☿ j. ignique in crucibulo exponunt, vt fluat postea addunt Antim, ☿ j. ac simul liquefcere permittunt, semper ligneo baculo agitando. Hinc iniiciunt nitr. ☿ iij. & cum omnia fluunt, in calicem fusorium infundunt. Regulo huic, si ponderauerit ☿ viij. addunt Antimonij ☿ iij. & nitr. ☿ ij. iterumque regulum fundunt, idque decies repetunt. Scorix primò sunt nigra; post rubicundæ, tandem citrinæ, vt succinum. Et si regulus sæpius fundatur cum nitro, totus abire in scorias citrinæ. Nonnulli regulum etiam sine ferro fundunt. Fr. Basil. Valentinus, ita parat. ☿. Antim. tartari an. part. j. nitr. part. ß. Terantur & misceantur, fluant in fornace anemina, fundatur regulus: hæc reguli fusio, & per tartar. ac nitr. purgatio tertia vice repetitur. Tandem pulueres & calces chymicas, hisque cognata, quod attinet, refertur ad eos primum Antimon. fixum, seu diaphoreticum dictum (et si Crollius bezoardicum minerale hoc nomine appellat.) Paratur autem illud, si calcinatio Antimonij per nitr. *Supra sect. 2. cap. 5. proposita*, ter, vel toties repetatur, donec candidum reddatur & fixum. Antimonij nimirum & nitr. purgati partes æquales (alijs Antimonij crudi loco regulum Antimonij accipiant) miscantur & circulari igni admouentur, donec nitr. accendatur, quod etiam ferro ignito accendi potest. Massa relicta & calcinata iecori tosto similis, separatur à crucibulo, & si quid Reguli in fundo confluxerit, remouetur; nitr. aqua abluitur, & materia relicta iterum cum æquali parte nitr. mista eodem modo vt prius calcinatur. Calcinatio hæc toties repetitur, donec Antimonium album reddatur. Postea nitr. per abluitionem separato exsiccat. Nonnulli tandem materiæ exsiccatæ superfundunt spiritum vini, & in arena destillant ad siccitatem igne lento, ter cohobando. Vfus medicamenti huius in vitiosis humoribus per sudorem expurgandis, ḡ. x. vel xvj. pondere cum conserua aliqua vel aqua conueniente: alijs à gran. vj. vsque ad xvi. cum portunculæ theriacæ exhibent. Est adhuc aliud antim. diaphoreticum tartarificatum in vfu. ☿. Antim. *diaphoretici fixi, salis tartar. an.* ☿ iij. Misce in catino & sine ad ignem horis quatuor simul fluere Refrigerata tere, & marmori vel tabulæ vitreæ impone atque in cellam loca, & mensis spatium in oleum rubrum soluentur. Huius olei ☿. ☿ ij. olei tartar. per deliquium parati ☿ i. & proceat vt in tartaro vitriolato parando. Materiam exsicca & habebis puluerem album, qui in eisdem vfu, vt prius antimonium diaphoreticum, à gr. v. ad ʒ ß. exhibetur. Pertinet huc sulph. Antimonij fixum, seu panacea Antimon. ab alijs dicta, quæ hoc modo paratur. ☿. Cinnabarim post distillationem butyri antimonij in collo retortæ collectam. Ebulliat in lixiuio è cineribus clauellatis, & calce viua parato in vase forti, horis tribus vel quatuor; & lixiuium rubicundum redditur. Lixiuum per inclinationem separatum adhuc calidum per filtrum traicitur, & vbi aliquot horas quietum steterit, sulph. Antimonij fundum petit; quod à lixiuio separandum & aqua dulci sæpius eluendum est. ☿. huius sulph. Antimonij, & Reguli antimonij an. ☿ i. ol. sulph. per campanam facti, vel ol. vitriol. ☿ iij. digerantur per aliquot dies in Retorta vitrea in loco calido, deinde ex arena destillantur quinquies cohobando. Tandem destillantur igne quarti gradus horis duodecim, & totum fixum in igne manet. ☿. huius ☿ ii. salis seu magisterii corall. ☿ ß. F. puluis, quem nonnulli

Antim. Diaphoreticum.

☿ Diaphoreticum tartarificatum.

Sulph. ☿ fixum.

nulli, vt dictum, panaceam ex sulph. antim. nominant, & à gr.x. ad xv. exhibent, ad sudores, præsertim in febribus malignis, ciendos. Sulphur fixum ita paratur. *℞. sulph. citrini puluerisati q.v. in cucurbita lutata affunde ol. vitriol. vt quatuor vel quinque digitis emineat, diligenter misceatur. Ponatur in arenam alembico imposito, destilletur, donec oleum adscendat, continuetur destillatio, donec cucurbita incadescat, & sulph. sublimetur. Sublimatū in nouam cucurbitam impone, & destillatū affunde, & aliquid recentis olei, vitriol. adde. Idque toties repete, donec sulph. non amplius adscendat, sed in fundo fixum & album remaneat. Huius sulph. ℥ij. si misceantur cum conferuæ rosar. vitriolatæ ℥iiij. Commendatur ad præseruandum à peste, & omni putredine, si manè particula, quæ magnitudine auellanam æquet, fumatur. Sulphur auratum antimonij supra inter crocos recensuimus. Lac sulph. ita paratur. *℞. Flor. sulph. vel sulph. puri part. j. Salis tartar. part. ij. liquefiant simul in crucibulo. Liquefactis affunde aliquid aquæ calidæ, mox effunde in patinam aqua calida plenam, & statim filtrentur, affundaturque paulatim vinum (aliq. acetum destillatum vsurpant) donec totus liquor albescat, & lac in fundum præcipitari incipiat: quod effuso liquore colligatur, & exsicceatur. Modos alios eius parandi vide apud Beguinum, lib. 2. cap. 19. Crollium, pag. 199. Libanum, Alchym. pharmaceut. cap. 36. Sulphur. vitriol. quod etiam ad hunc locum pertinere videtur, vide apud Libanum, de igne nat. cap. 32. & apocalyps. hermet. cap. 14. & Vnzerum, tr. de sulph. n. append. de sulph. vitrioli. Tincturas & panaceas aliquot, quas appellat, proponit Beguinus, lib. 2. cap. 20. Pertinet huc & fecula dicta Chymicis ac Recentioribus, quæ puluis quidam est farinaceus, è radicibus quibusdam contritis, & per liquorem aliquem extractis, vel ex succo earum expressio paratus. Si nimirum succus vel liquor in locum frigidum collocetur, fecula sponte subsidet, quæ humore effuso separatur, exsiccat, & vsui seruetur. In vsu præcipue sunt, fecula bryoniæ, ari. pæoniæ & iridis, vt & serpentariæ. Gerfa enim serpentariæ, quæ vnguentum citrinum ingreditur, nihil aliud, quàm fecula est. Ex gr. Ex radicibus bryoniæ succus exprimitur, qui in loco frigido farinaceum sedimentum deponit, aqua turbida albicante instar feri lactis innatante. Quæ effusâ sedimentum illud in plura vascula diuiditur, & in vmbra siccat, donec ferè amyli formam acquirat, appellaturque fecula bryoniæ, quæ ad vterinos affectus valdè commendatur, gr. x. vel xi. ponderè cum pauxillo castorei exhibita. Vide Libau. Alchym. pharmac. cap. 20.**

CAPVT XX.

De Confectis, Rotulis & Morfulis, hisque cognatis.

VT palato & sapor inprimis consuleretur, medicamenta quadam saccharo condita, forma etiam sicca, à Medicis inuenta sunt. Inter quæ sunt primò Confecta appellata. Est quidem vox confectionis, confecti, confecturæ valdè ambigua, & variæ significationis. Verum hoc loco cum pharmacopœis loqui libet, quibus confecta nihil aliud sunt, quàm condita arida. Parantur autem hoc modo. Recipiuntur semina, (præparata, vbi opus est, vt coriandri) nucleis decorticatis, aromata, radices & cortices, prius, si amariore sint, aqua macerati, vt de conditis supra dictu, & in vmbra exsiccantur, atque in peluicuprea ipsis saccharum liquatum in consistentiam syrupi

guttatim affunditur, peluisque continuo versatur, & variè succutitur, atque ita crusta quasi ex saccharo medicamenta inducuntur. Radicum tamen & corticum confectiones alio etiam modo parantur; eodem scilicet ferè modo, quo cætera condita liquida; si nimirum post perfectam cum saccharo coctionem ea ipsa aëri exponantur, donec illorum extrema superficies aruerit, vduisque lentor, quo digiti contrectantium inuisantur, planè resolutus fuerit. Atque hoc modo radices cichorij & pimpinellæ, cortices malorum citriorum conficiuntur. Parantur & confecta purgantia. Et quidem duplici modo. Primò si saccharo affuso, antequam refrigeretur, misceantur purgantia, simulque agitentur, vt cum saccharo adhærescant. Cum autem hoc modo purgantia non æqualiter confecto misceantur, alter modus commodior est. Si scilicet semina, vel cortices in infuso purgante macerentur, donec intumescant; atque hinc leniter exsiccata saccharo incrustentur. Tale anisum laxatiuum passim notum & vsitatum descriptum habetur in Pharmac. August. classe 5.

Confectio saccharata laxatiua Solenandri.

℞. Rad. turpeth. alb. & gumm. 3j. mechoacan. albiss. 3iij. rhabarb. opt. 3i. cinamomi el. 3iij. sem. anisi, fœnic. carui an. 3iij. sacch. albiss. clarif. cum aq. rosar. odorat. 3xvi. Concisis minutim concidendis fiat confectio, sic vt minuta quælibet segmenta sacchari cortice obducantur. Atque vt ista ex integris, aut saltem, si maiora sunt, secundum longitudinem discissis, parantur: ita alia ex pulueribus & contusis simplicibus, saccharo exceptis, parantur, quæ diuersa nomina, à figura inprimis, quam obtinent. acceperunt. Quæ enim formam habent rotundam, rotulæ & orbiculi appellantur: quæ oblongam & quadratam, tabulæ ac morfuli. Possunt autem omnis generis medicamenta in hanc formam redigi, atque ita non solum tabulæ & morfuli alterantes & roborantes, sed & purgantes, & quæ venenis resistunt. confici. Rotulæ parantur hoc modo. Recipiuntur species vel pulueres medicamentorum: sacchari vel simplicis albi, aut rosati, vel violati, cui & manus Christi simplices aut compositæ perlata admisceri vel substitui possunt, sextuplum, plerumque octuplum; in purgantibus etiam duplum, triplum vel quadruplum, pro saporis purgantium ratione, quod in aquæ s. vel destillatæ conuenientis, vel succi, rarius decocti vel infusi, sufficiente quantitate dissoluitur, atque ad iustam consistentiam coquitur. Huic saccharo pulueres vel species paulatim iniiciuntur, atque agitando simul accuratè miscentur, & in lapidem porphyriten, aut in tabulam cupream vel ligneam guttatim quasi effunduntur, vt materia refrigerata in rotulas & orbiculos concreascit.

℞. spec. diambra diamoschi dulcis an. 3i. cum sacchar. in q. a. betonica dissol. 3iij. Fiant rotulæ, pro capite.

Aliæ: ℞. spec. diarrhod. abbat. 3iij. diacurcuma 3ii. dialacca. 3i. trochisc. de absinthio, de rhabarbaro an. 3j. sacchar. in aq. s. dissolu. q. s. Fiant rotulæ.

Aliæ: ℞. spec. diarrhod. abb. diaris an. 3j. trochisc. de eupatorio, de rhabarb. an. 3j. rhabarb. opt. radic. asari, sem. anisi an. 3i. sacchari in aq. agrimon. dissoluti 3iij. F. rotulæ.

Aliæ: ℞. boli armeni 3i. margarit. præp. terra sigillata, corall. rubr. præp. spec. liberantis an. 3i. sacchar. q. s. F. rotulæ.

Aliæ, Manus Christi cum coralliis, perlis & auro dictæ.

℞. Corallior. rubr. 3iij. perlar. 3i. fol. auri no. vj. sacch.

Confecta purgantia.

Rotula.

Tabula.
Mor. sulci.Rotulas parandi modus.
I.

Sulph. fixum.

Sulphur auratum antim.

Lac sulph.

Sulphur vitriol.

Fecula.

Fecula bryoniæ.

Confecta.

sacch. albiss. in aq. rosarum & lauend. dissol. ℥ix. F. rotulæ.

Nonnunquam loco specierum sumuntur olea vel extracta, atque extractorum alterantium, prout magis vel minus sunt efficacia, odore & sapore excellunt, Recipiuntur gr. v. vi. vii. viii. ix. x. pro ℥i. sacchari. Ita & de oleis destillatis sumuntur gutt. ij. iii. iv. v. vi. ad ℥i. sacchari. Interdum simul sumuntur species, extracta, olea.

℥. ol. anisi, nucis moschat. an. gutt. ij. succini albiss. gutt. j. manus Christi perlata. ℥ii. Dissoluantur in aq. rosar. F. confectio in rotulis.

Vel ℥. ol. destill. nucis moschat. gutt. vi. carui ℥ß. sacch. in aq. lauendula dissol. ℥iii. F. rotulæ, præseruantes ab apoplexia.

Alia. ℥. ol. carui, anisi, fœnic. an. gutt. iiij. extracti calam. arom. galangæ an. gr. iii. cum sacchar. in aq. veronica dissol. ℥ii. Fiant rotulæ, contra flatum.

Alia. ℥. sacchar. in aq. rosar. dissol. ℥iii. ol. anisi destill. gutt. vi. ambra grisea gr. iii. F. confectio in rotulis, ad intemperiem capitis frigidam. Rotulæ Cratonis ad Catarrhos.

℥. spec. diamosch. d. diamb. an. ℥i. succini albiss. ℥i. ol. anisi gutt. iii. sacch. in aq. lauend. dissol. ℥iiii. F. rotulæ.

Alia: spec. diaireos s. diabyssopi an. ℥i. diatrach. cal. ℥ß. extract. glycyrrh. ℥ß. ol. fœnic. gutt. iii. conseru. flor. scabiosa ℥ß. sacch. in aq. scabios. dissol. ℥iiii. Fiant rotulæ, pro pectore.

Alia. ℥. Extracti aromatici rosati ℥i. calami arom. ligni aloës an. ℥iii. sacchar. albiss. in aq. rosar. dissol. ℥iiii. affusis ol. cinam. gutt. iii. macis gutt. ii. caryophyll. gutt. j. F. rotulæ, ad calorem roborandum, & contra flatum.

Alia. ℥. Rhabarb. puluer. ℥ii. extracti rhabarb. ℥ß. sacchar. in aq. cinam. dissoluti ℥ii. F. rotulæ.

Manus Christi purgantes.

Fiunt bifariam. Vel enim ad singulas libras sacchari singulæ vnciæ resinæ scammonij præparatæ allumuntur, & sic pro more conficiuntur tabulæ, quarum aliquot pro ætatis & virium ratione, exhibentur. Vel fecula Mechoacæ loco resinæ admiscetur in triplo aut quadruplo.

Alia contra pestem.

℥. Extract. angelicæ, helenij ana ℥i. balsami sulph. ℥ß. sacchari in aqua scabiosa dissol. ℥vi. v. q. s. F. rotulæ.

Alia contra apoplexiam.

℥. Ol. succini gutt. v. nuc. mosch. macis an. gutt. iii. garyophyll. cinam. an. gutt. ii. margaritar. præp. sem. pæon. excortic. an. ℥i. sacchari albiss. in aq. Lauendula dissol. q. s. F. rotulæ.

Eadem ferè est ratio parandi morsulos, nisi quod medicamenta in morsulis plerumque minus subtiliter conteruntur, sed crassiore modo. Quibus & alia adduntur, quæ in rotulas ferè non recipiuntur, vt fructus & semina, vt amygdalæ, nuclei pini, pistacia, sem. melonum, citrulli, conseruæ, condita. Licet & hæc interdum ad rotulas, sed longè minore quantitate, recipiantur. Proportio inter ea certis legibus adstringi non potest, sed ea obseruatur, quæ Medici intentioni conuenientissima est. Atque omnia, vt in rotulis dictum, sufficiente quantitate, hoc est, ferè sextuplo vel octuplo, aliquando etiam decuplo aut duodecuplo;

Dan. Seueri Torn. I.

in purgantibus verò triplo, aut quadruplo, sacchari in conueniente liquore dissoluti excipiuntur. Nonnunquam fructus ipsi in substantia non sumuntur, sed cum conueniente aqua ex iis fit Emulsio, atque in emulsione saccharum dissoluitur. Præter hæc etiam, eodem modo, vt in rotulis, extracta & olea destillata misceri possunt. Interdum loco sacchari aliquid mannæ in purgantibus recipi potest. Vbi omnia exactè super igne mista fuerint, antequam refrigerentur, massa tota lapidi porphyritæ, vel tabulæ cupræ inducitur & dilatatur ac complanatur, ac tessellatim, vel quacunque figura placet, in tabulas discinditur. Paratæ tabulæ vel morsuli etiam oleis destillatis, vel moscho & ambra, in aqua rosarum dissolutis, illini possunt, quando scilicet pertimescimus, ne horum vis coctione in auras dispergatur. Quomodo & morsuli Imperatorij vulgares præstantiores atque efficaciores reddi possunt, si recipiantur morsulorum ℥ß. ambra, moschi an. ℥iii. dissoluanturque hæc in aqua rosarum, & additis olei caryophyllorum destillati gutt. vi. morsuli iis illinantur. Idem quoque vsu venit nonnunquam in oleo vel spiritu sulph. sal. vitrioli, quia hæc, nimirum acida, si in coctione addantur, saccharum concrecere faciunt, ac coagulant, & proinde quod minus rotulæ aut morsuli efformari possint, impediunt. Quod idem etiam præstant succi alij acidi, veluti limonum, berber. ribes, granatorum, & similes, si scilicet his solis saccharum dissoluatur & coquatur. Exempla.

℥. spec. diacurcume ℥i. dialacca, diabyssopi an. ℥ß. trochisc. de rhabarb. de eupator. de absinthio an. ℥i. rhabarb. el. calam. arom. radicis ireos an. ℥ß. sacch. albiss. in aq. agrim. dissoluti q. s. F. confectio in morsulis, qui in obstructionibus hepatis, cachexia, & hydrope vtiles sunt.

Alij. ℥. Pistaciorum, amygdal. dulcium, pinear. mund. an. ℥ß. sem. melonum, citrulli, cucurbitæ an. ℥ii. papau. albi. ℥i. ragacanthæ, gummi arabici, sem. cydoniorum ℥i. cinam. ℥ß. sacch. in aq. rosar. dissoluti q. s. F. confectio in morsulis.

Alij. ℥. Cortic. myrobal. chebul. condit. conseruæ borrag. buglos. rosar. an. ℥ß. acori conditi, cortic. citri condit. an. ℥vi. spec. diamoschi dulcis, aromatici rosati an. ℥ß. cum s. q. sacchari F. morsuli.

Alij. ℥. Sem. papau. albi ℥ß. amygdal. dulcium pinearum mundat. an. ℥iii. sem. 4. frig. maior. excort. an. ℥i. lactuca ℥ii. cum aqua tussilaginis, F. Emulsio. Add. Sacchar. albiss. ℥ß. spec. diatrach. frig. ℥i. F. Morsuli.

Morsuli Cratonis ad ventriculum frigidum.

℥. Spec. morsul. Imperial. ℥ß. pinear. elect. & subtiliter incis. ℥ii. spec. arom. ros. ℥i. sacch. in aq. rosar. dissol. ℥vii. ol. cinamomi gutt. iii. moschi ℥ii. F. Confect. in morsul.

Alij. R. Amygd. d. excort. pistacior. pinear. non rancidar. cort. citri cond. an. ℥i. conseru. rosar. ℥ß. ambra ℥ii. sacchar. in aq. rosar. & cinamomi dissol. q. s. Fiant morsuli. Addi possunt. Ol. Cinamomi gutt. iii. nuc. mosch. destill. gutt. vi.

Alij. R. Nuc. pinear. rec. pistacior. exc. an. ℥ß. Macerentur in aq. rosar. fragrantiss. per horas 2. Nuc. Indic. cond. incis. ℥vi. cort. citri cond. incis. ℥iii. Ambr. gris. ℥v. moschi opt. ℥ß. dissolu. in spir. rosar. ol. caryoph. gutt. v. cinamomi gutt. iii. sacch. albiss. in aq. cinamomi & rosar. opt. dissol. ℥ß. F. Confectio in morsulis.

AAAa Alij.

Alij. *R.* Pistacior. amygd. dulc. an. \mathfrak{z} i. pinear. \mathfrak{z} vi. carnis citri cond. \mathfrak{z} i. nuc. mo. ch. in India cond. \mathfrak{z} vi. cort. citri cond. \mathfrak{z} iiii. \mathfrak{z} ngib. in Ind. cond. \mathfrak{z} β . macis \mathfrak{z} i. cinamomi \mathfrak{z} i β . Fructus macerentur per noctem in aq. rosarum, & aromata cum eis incidantur, & frangantur medio-criter, add. sacch. albiss. in aq. rosarum dissol. \mathfrak{z} xx. In fine admisc. Moschi opt. \mathfrak{g} . ix. Ol. Cinamomi gut. vj. F. Conf. in Morfulis deaurandis.

Alij morfuli. *R.* Pulu. fl. anthos \mathfrak{z} i. lauendul. \mathfrak{z} ii. cubeb. incis. \mathfrak{z} i. macis incis. \mathfrak{z} β . succini albi preparati. Corall. rub. preparat. margarit. preparat. an. \mathfrak{z} i. extr. peon. \mathfrak{z} i. extr. calami arom. \mathfrak{z} β . nuc. Ind. cond. cort. citri cond. an. \mathfrak{z} iiii. ol. nuc. mosch. destill. gutt. xj. macis destill. gutt. vii. caryoph. gutt. iiii. spir. cerasor. nigr. gutt. ix. sacch. albiss. in aq. fl. lauend. dissol. \mathfrak{z} β . F. Conf. in morfulis.

Alij. *R.* Manna opt. \mathfrak{z} iiii. rhab. aq. cinam. aspersi \mathfrak{z} iiii. conseru. rosar. rec. \mathfrak{z} ii. Manna parum lento igne coquenda, adiecta parua sacchari quantitate; deinde rhabarbarum & conseruæ adduntur. F. morfuli. Crato.

Alij. *R.* Turbith albi & gummosi \mathfrak{z} i. diagrydy, zingib. cinam. an. \mathfrak{z} i. galange \mathfrak{z} β . garyophyll. calami arom. macis an. \mathfrak{g} . v. ol. anisi destill. gutt. ij. sacch. \mathfrak{z} ii. F. morfuli.

Alij. *R.* Cortic. citri condit. conseru. borrag. violar. an. \mathfrak{z} i β . spec. diatragac. fr. turbith. el. diagrydy an. \mathfrak{z} ii. sacchar. in aq. rosar. dissol. \mathfrak{z} vi. ol. citri \mathfrak{g} vi. F. morfuli.

6. Possunt purgantes morfuli & alio modo concinnari. Recipitur extractorum purgantium debita quantitas, vel iis aliquid puluerum purgantium iungitur; his adduntur pulueres aromatici, vel extracta aromatica: & cum manna ac saccharo fiunt morfuli. Proportio autem sacchari ad extracta sit dupla vel tripla, mannæ ferè eadem.

Vt. *R.* Extracti mechoacann. rhabarb. an. \mathfrak{z} i. spec. diar. rhod. abb. \mathfrak{z} β . manna, sacchari an. \mathfrak{z} iiii. F. morfuli.

Hoc autè in genere in omnibus morfulis purgantibus, qui in plures doses parantur, est obseruandum, vt purgantia accuratè cum saccharo permisceantur; ne in vnum morfulum plus de purgantibus aggregetur, in alium minus, & vna dosis excedat in purgando, alia deficiat. Non tantum verò ex fructibus & seminibus morfuli fiunt, sed etiam iis interdum pulpa caponis vel perdicis, vel testiculi gallorum iunguntur, quando scilicet nutrire volumus, & in his præcipuè, qui nullo cibo vti possunt: vnde & tales morfuli, Morfuli nutritui dicuntur. Sunt, qui & cancrorum fluuiatiliū & testudinum carnem addant: Exempla sint hæc:

R. Pulp. capon. elix. perdicis an. \mathfrak{z} β . nucl. pini, pistacior. in vino maluat. macer. an. \mathfrak{z} β . amygd. dulc. \mathfrak{z} i. cinam. caryophyll. nuc. mosch. \mathfrak{z} i β . sacch. fini \mathfrak{q} . s. F. s. art. Morfuli.

Alij. *R.* Pulp. caponis vel gallina coctæ, diligenter contusa \mathfrak{z} i β . sem. melonum. aue cucurb. non rancidor. excoricatorum & contus. \mathfrak{z} β . sacch. in aq. ros. dissol. & parum cocti \mathfrak{q} . s. F. Morfuli.

Alij. *R.* Pulp. caponis elix. \mathfrak{z} iiii. pistac. in vino Maluat. macerator. nucl. pini. an. \mathfrak{z} i. amygd. d. excort. \mathfrak{z} i β . pulp. dactyl. vuar. passar. an. \mathfrak{z} vi. cort. citri condit. \mathfrak{z} β . gum. Arab. tragacanth. an. \mathfrak{z} i. cinamo. caryophyll. nuc. mosc. an. \mathfrak{z} vi. amyli \mathfrak{z} ii. sacch. albiss. in aq. cinamomi & ros. dissolui \mathfrak{q} . s. F. massa, ex qua formentur morfuli, add. ol. anisi, \mathfrak{z} i. cinamomi \mathfrak{z} β . Rotulis, Tabulis, Morfulis non incommode subiungitur medicamentum, quod Pandaleon, vndeunque etiam appellatio sumpta sit, iuniores Medici, vocant. Quod materia quidem & sine planè cum eclegmate conuenit, & ad pectoris pulmonumque affectus destinatum est: forma verò à rotulis, tabulis & morfulis non differt, nisi quod rotulæ & tabulæ in certam, vel rotundam, vel quadratam figuram conformantur;

pandaleum verò informe manet, atque in pandaleo species cum saccharo in pixide condensari permittuntur, ac tempore vsus frustum aliquod cultello vel cochleari effringitur, atque in ore, donec lique scat, detinetur. Recipiuntur nimirum species vel pulueres, interdum etiam fructus & semina & conseruæ, & cum saccharo in aqua conueniente dissoluto coquuntur vel miscentur. & in pixide, plerumque lignea, condensari permittuntur. Notandum verò, vbi conseruas commiscere volumus, ne nimis durum reddatur pandaleon, aut conseruarum minuendam quantitatem, aut plus sacchari coquendum.

R. Spec. diatrag. frig. \mathfrak{z} ii. sacch. candi, penidiat. in aq. violar. dissol. an. \mathfrak{q} . s. F. pandaleon.

Vel *R.* Conseru. violar. \mathfrak{z} ii. spec. diatragac. frig. \mathfrak{z} iiii. sacch. dissolui. & ad perfection. cocti \mathfrak{q} . s. Reponantur in pixide.

Vel *R.* Sacch. albiss. \mathfrak{z} ii. candi, penidiy, an. \mathfrak{z} i. Coq. simul in aq. hyssopi. Adde nucleor. pini mundat. exsiccat. pistacior. rec. an. \mathfrak{z} i. radic. ireos \mathfrak{z} i. M. F. Pandaleon.

Pandaleoni affines sunt, & huc referti possunt Turiones, qui Gallis in frequentiori vsu sunt, & à torrendo \mathfrak{q} . torrones dicti videntur. (Agit de iis Bauhinus lib. 1. cap. 34.) Parantur ex amygdalis dulcib. & auellanis, vel etiam pineis contulis vel torrefactis, melle decocto & despumato exceptis. Tandem ad hanc classem pertinent variæ confectioes, quæ ad instaurandas vires inprimis paratæ sunt, & à basi præcipuè nominantur, quales sunt; diamygdalatum seu Mazapanis, diatestudinatum, pineatum, & similia. Primò Diamygdalatum, quod alij pastam regiam, alij panem dulciarium, vulgò Mazapanem, vel Marcipanem, vel panem Martium nominant. Rondeletius tamen de medicament. intern. & Renodæus in sit. pharm. lib. 5. cap. 16. pastam regiam à marcipane distinguunt, & Renodæus Gorraum taxat, quod pastam regiam marcipanem esse putet. Describitur verò pasta regia, quod cum Opiata seu potius Electuario non parum habeat affinitatis, & ex iisdem ferè constet, eaque sola distinctio intercedat, quod pasta regalis sit Electuario siccior, & Electuario humidior, imò vtroque solidior. Additque Renodæus, confectioem hanc alio nomine electuarium regium à Mesue nuncupari, propter vires scilicet, quibus pollet, eximias, ad expectorationem & alios pectoris affectus. Constat verò conseruis, pulpis, syrupis, & pulueribus, ea industria præparatis, & simul subactis, vt ex mixtura tractabilis quædam exurgat massa, instar pastæ, ex qua boli aut paruuli panes dulciarij cuiusuis figuræ concinnantur, qui sensim exsiccantur, ne vsus tempore digitos contrectantium lentore quodam commaculent. Exempla videantur locis citatis. Tales & hæ sunt:

R. Conseru. capillor. \mathfrak{q} . rosarum an. \mathfrak{z} β . spec. diatrag. fr. \mathfrak{z} iiii. ficuum contusar. passular. exacinar. itidem contusar. an. \mathfrak{z} β . sacch. candi, albi, penidiy, an. \mathfrak{z} j. Syrup. de iuiubis \mathfrak{q} . s. ad conficiendam pastam regiam.

Alia: *R.* Amygd. d. excort. pistacior. mund. pinear. in aq. rosar. infusor. an. \mathfrak{z} i. pulp. passular. iuiubar. dactylor. an. \mathfrak{z} β . vel \mathfrak{z} vi. gum. tragacanth. Arabici, an. \mathfrak{z} ii. vel \mathfrak{z} i. amyli \mathfrak{z} vi. vel \mathfrak{z} i. pulu. rad. ireos \mathfrak{z} β . conseru. rosar. \mathfrak{q} . s. F. pasta regia. Huc referri potest pasta regia sine coctione paranda, apud Augustanos. Panis verò Martius seu diamygdalatum vulgò componitur ex amygdalis dulcibus, saccharo & aqua rosarum. Verum ad vsus medicum in atrophia, phthisi, pulmonumque affectibus aliis etiam fructus & semina, condita item atque aromata adduntur, paranturque inde placentæ hoc modo. Amygdalæ dulces decorticatæ lauantur, vel etiam aliquandiu in conueniente liquore,

verbi gratia aqua rosarum macerantur, ut rancorem omnem deponant: quod & de pineis imprimis intelligendum, deinde subtiliter contunduntur. Quibus nuclei pini, pistacia, auellana, cortices, citri conditi, myrobalani conditi, dactylorum pulpa, semina melonum, cucurbita, cucumeris, citrulli, papaveris albi, concisa, ubi opus, aromata item, cinamomum, caryophylli, lignum aloës, moschus, ambra, gallia moschata, ut & species aromaticæ officinales adduntur, nonnunquam & pulpa caponis, vel perdicis; atque omnia cum sufficiente quantitate sacchari, subduplo scilicet, duplo, vel æquali pondere, sensim affusa aqua rosarum vel cinamomi vel utraque subiguntur, & exactè miscentur, atque inde placenta formantur, & substrato pane azymo seu nebula in furno vel vase cupreo subiectis carbonibus coquuntur, quæ postea ad formam magis speciosam ipsis inducendam hinc inde auri bracteis seu foliis plerumque superinductis exornantur.

℞. Amygdal. dulcium ℥vii. Contundantur affusa aq. rosar. adde cinamom. opt. ℥vi. macis ℥iii. caryophyll. ℥ii. cardamomi ℥i. sacch. albiss. ℥xii. F. Martius panis.

Vel ℞. Amygd. d. in aq. rosar. macer. ℥iiii. pinear. itidem preparat. ℥ii. Cum sacch. q. s. F. pasta, cui add. solut perlar. ℥i. fragment. lap. pretios. ana ℥ss. corall. rubr. preparat. ℥ss. succin. albi preparati ℥ii. rasura eboris ℥ss. off. de C. C. gxxv. F. s. a. panis Martius, in auroretur, & illinatur: ol. cinamomi gutt. v. spir. rosarum ℥ss.

Vel ℞. Amygdalarum dulc. excort. ℥i. pinear. pistaciolar. ana ℥ss. sem. 4or. frig. maior. excort. ana ℥i. pulpa caponis elixa ℥iii. gummi Arabici ℥i. pulu. cinamom. nucis mosch. macis, ana ℥ss. Fructus omnes prius aliquandiu in aq. rosar. macerentur, postea contundantur, & cum aq. rosar. & suff. quant. sacchari F. massa.

Possunt etiam parari panes Martij purgantes. Exemplum sit hoc.

Panis Martius purgans.

℞. Amygd. dulc. excort. ℥i. pulu. mechoacan. albiss. ℥iii. extr. scammony gvi. vel ℥ss. sacch. albiss. ℥i. Cum aq. centaur. F. massa, ex qua fingantur Martij panes num. ii. ita ut species purgantes exactè distribuantur. Inter subigendum admisc. Aq. cinamomi ℥ss. Testudinatum, cuius usus est in phthisi, hectica, & summa corporis atrophia, eodem ferè modo fit, carne testudinum addita. Simile recentiores parant ex carne caponis, gallina, vel perdicis elixa, & in mortario minutim contusa ac perferaceum traiecta, atque ex amygdalis dulcibus in aqua rosarum maceratis cum saccharo & pauxillo amyli, omnibus simul ad iustam consistentiam coctis. Usus eius est in atrophia, phthisi & viribus prostratis. Pineatum seu pineolatum fit ex pineis mundatis, & in aqua per diem integrum aut saltem dimidium prius maceratis, cum saccharo cocto in aqua conueniente, rosacea imprimis & clarificato mistis, recipiendo ad pinear. ℥ii, vel iii, sacchari ℥ss, & in buccellas vel placentas efformatis, super charta reponendis & exsiccandis, ut indurescant: quibus etiam Moschi aliquot grana commisceri possunt, antequam planè refrigeret massa. Eius in detergendis pultr. onibus, sputo promouendo, & renibus etiam abstergendis usus est. Pineolatum vulgare, album, viride, descripta extant in Pharm. August. classe I. Ad hoc caput etiam referri potest panis saccharatus seu dulciarius ille, qui vulgo panis biscoctus, & buccellatum, quod in buccellas & quasi tessellata frustra dissecetur, dicitur, cum non tantum inter bellaria referatur, sed & in medicina suum habeat usum. Paratur ex farina triticea albissima, saccharo, & ovis, varia proportionem mistis, additis interdum medicamentis scopo accommodatis, ut sem. coriandri præ-

Dan. Sennerti Tom. I.

parato, anisi, fœniculi, ad flatum discutiendos; saccharo cando, penidio, pulmonum gratia; margaritis preparatis, confortandi causa, E.g.

℞. Farina tritic. ℥i. sacchari contusi ℥iiij. ouor. num. iii. In massam redacta diligenter pista, & formâ, quam voles, inducta, supra papyrus in furno coquantur, postea in laminas tenuissimas secetur & recoquatur.

Vel ℞. Farina tritic. ℥i. amyli, ℥ss. sacchari ℥ii. sem. coriand. preparati ruditer contusi Drach. ii. F. l. a. panis saccharatus.

Alius, ℞. Farina tritic. ℥iii. sacch. albiss. ℥ii. album. ouor. num. ii. aq. rosarum ℥iiii. sem. anisi, coriand. an. ℥j; Albumina ouorum bene in olla noua conuassentur deinde adde farinam, hinc saccharum, in fine semina. F. l. a. panis.

Pertinent huc & sequentia delicati panis genera.

℞. Amygd. dulc. opt. ruditer cum aq. rosarum contusar. pulu. sacchari Canarij an. ℥iiii. farina purissima ℥i. ouor. num. ii.

Agitentur simul per horas duas, & F. l. a. placenta seu panis.

℞. Amygd. dulc. excort. grosso modo incis. ℥iiii. pond. ciuil. sacchar. ad syrupi consistentiam solut. ℥ii. p. c. vitellor. ouor. num. xvi. cinamom. ℥iii. cort. limon. aurantior. an. ℥ss. vini Maluat. vel Hispan. ℥iii. F. l. a. panes paruuli oblongi.

℞. Ouor. num. l. x. aq. rosarum ℥ii. Bene agitatis inuicem add. sacchari farina purissima, farina triticea opt. an. ℥viii. p. cin. sem. anisi Mj.

Omnia bene agitentur & commisceantur, ut massa fiat lenta, quæ & in capsulas oblongas quadratas butyro liquato vel oleo amygdal. dulc. illitas distribuantur, & in furno coquantur. Referri huc etiam possunt Holippe purgantes, quales descriptæ habentur in Pharm. August. Pertinent huc & oblata laxatiua & melitomata purgantia.

Oblata laxatiua.

℞. Turbith. hermodactyl. an. ℥ii. diagryd. ℥iii. vel ℥ss. zingib. ℥i. farina tritic. ℥iii. vel iiii. sacchar. ℥ss. croci ℥i. vel ℥ss. cum aq. rosar. F. l. a. Oblata. Dosis ℥i. vel ℥iiii. plus minusve, pro ratione ætatis.

Melitomata purgantia.

℞. Sena preparata ℥ii. scammony ℥i. zingiber. mastich an. ℥ss. agaric. alb. ℥ii. farin. tritic. ℥i. mellis ℥ss. cum aq. rosarum. F. pasta, ex qua pasta formentur placentulae ℥i. & ii. ponderantes pro dosi.

Alia, ℞. Scammon. ℥iii. turbith. alb. ℥ss. zingiber. ℥i. mastich. ℥ss. sacch. alb. ℥ii. farin. tritic. ℥i. mellis ℥ss. cum aq. rosarum. F. l. a. placentulae. Dos. eadem.

Videat. Vveckerus, antidot. spec. lib. 2. sect. 39. 43. Quercetan. pharmacop. restit. cap. 20.

C A P V T X X I.

De Trochiscis.

Tροχίσκοι, id est, rotulae, & κυκλίσκοι, & ἀρτίσκοι, Latine pastilli, & orbiculi sunt medicamenta solida, coherentia, ex conuenientibus cum liquore exceptis constantia, figura seminis lupinorum communiter efficta, circumferentia nonnunquam rotunda, nonnunquam angulari, utraque tamen superficie plana, eo fine præcipuè inuenta, ut medicamenta in puluerem redacta sub hac solida figura aduersus aëris iniurias tutius conseruari possint. Sunt autem trochisci è, πολυχρήστων genere, atque in omnes ferè usus, pro medicamentorum, è quibus componuntur, natura adhiberi possunt, & communem pluribus aliis compositionibus præbent materiam.

A A A a 2

Alij

Testudinatum.

Pineatum.

Panis saccharatus.

Trochisci.

Alij enim trochisci intra corpus cum in potu, tum in pilulis, electuariis, tabulis sumuntur; & quidem ad diuersos fines. Quidam enim purgant, vt trochisci alhandal, de agarico: quidam obstructions hepatis & lienis aperiunt, vt trochisci de rhabarbaro, de absinthio, de lacca, de eupatorio, de rosis, capparibus. quidam menses mouent, vt trochisci de myrrha: quidam renum obstructions liberant, vt trochisci de alkekengi: quidam astum mitigant, vt trochisci de camphora: quidam pectori & pulmonibus sunt dicati, vt trochisci bechici albi, nigri: quidam cerebrum confortant, vt trochisci galliæ moschata: quidam fluxus & sanguinem sistunt, vt de spodio, de terra sigillata, de berberis, de carabe. Alij extra adhibentur, vel vt affluentes humores reprimant, vel vt carnem noxiam absumant, quales sunt pastilli Polyidæ & Andronij, vel ad *ὑπεράματα* & suffumigationes, vt trochisci de Benzoë. Materia eorum sunt omnis generis medicamenta, quæ trita conueniente liquore, aut mucilagine aliqua excepta in hanc figuram concinnantur, idque hoc modo. Medicamenta sicca subtiliter teruntur: Hinc mulla, sapa, decocto aliquo, oxymelite, succo, syrupo, iulebo, melle, mucilagine, vino, aceto, aqua destillata in vnam massam rediguntur, quæ in plures trochiscos & pastillos diuiditur, quibus plerumque character aliquis imprimitur. Formati pastilli vel lento igne, vel potius in umbra exsiccantur, atque vsui seruantur. Norandum tamen, quod ingrediuntur trochiscos non tantum pulueres & species, sed & succi, inspissati & exsiccari, conseruati, extracta aut similes confectiones, (vt mithridatium.) dosi ad pulueres subquadrupla, aut circiter, imò & Manna (vt in trochisc. & Eupatorio) flores virides seu recentes, (vt Rosæ trochiscos diarrhod.) & eclegmata interdum officinalia, vt in trochiscis arteriacis. (sic succus glycyrrh & lohoh sanum trochiscos bechicos nigros ingrediuntur) Admiscentur etiam nonnunquam olea destillata, ad guttas aliquot. Dantur quinetiam trochisci, qui non comminuta recipiunt, vt sunt trochisci de vipera, ex carne viperarum, trochisci de scilla, qui scillam recipiunt. Differunt tamen hi à prioribus, quod per se in vsum non veniant, sed antidotis magnis miscentur. Ex vsualibus quidam per se vsurpantur, vt bechici, qui in ore detinentur, donec liquefiant, & propterea hypoglottides dicuntur, de quibus etiam cap. sequenti, alij aliis medicamentis, vt dictum, miscentur.

℞. Cortic. citri zii. zedoaria, angelica prepar. ana ziss. ligni aloës, ireos, ana ℥ii. sem. citri excortic. caryophyll. nucis cond. ana zi. moschi, ambræ, ana gr. ii. sacch. candi zi. Cum mucilagine tragacanthæ aqu. rosar. extracta. F. Trochisci instar bechicorum, in peste in ore tenendi.

Alij *℞. Nucis mosch. zi. gummi Arab. zß. Redigantur in puluerem & cum aqua rosar. F. Trochisci, qui caput roborant, & in catarrho tenui vtilis sunt. Crato.*

Alij *℞. Spec. diarrag. frig. sacch. albiss. ana zß. boli armeni zi. Cum mucilagine tragacanthæ. F. pastilli.*

Trochisci narcotici Fernelij, ad capitis & dentium dolores.

℞. Gummi Arab. tragac. amyli, ana zß. ceruss. lotæ aqu. rosarum zvi. styrac. calam. myrrh. castorei, opij sapa soluti ana ℥iiii. croci zß. Trita excipiantur mucilag. psyllij ex aqu. rosar. apparatus, finganturque Trochisci.

Trochisci moschati.

℞. Moschi gr. vi. ambræ gr. iiii. rad. ireos albiss. ℥iiii. amyli puriss. ziss. sacch. albi z vii. gummi Arab. tragacanth. ana ℥iiii. Cum s. q. aqu. rosarum. F. Trochisci. Vide Vid. Vidium, de medic. lib. 8. cap. 1. VVeckerum, antidot. spec. lib. 2. sect. 40.

CAPVT XXII.

De Pilulis.

Pilulæ à parua pilæ similitudine & forma solida Latinis dicuntur. Græcis *καταπότια* à *καταπίπειν*, id est deglutiendo. Brassauolus equidem magis proprie à *καταπίτη*, id est, laringe seu gutture, per quod pilulæ, dum deglutiuntur, transeunt, deriuari posse existimat: verum & vox ipsa *καταπότις* à *καταπίνω* deriuatur. Dicuntur autem Græcis *καταπότια* in genere omnia illa, quæ integra nec dissoluta, sed talia, qualia sunt, deglutiuntur, medicamenta, teste Scribon. Largo cap. 87. Speciatim verò pilulæ saltem ita vocantur. Sunt enim pilulæ medicamenta in formam globulorum redacta, eum præcipue ob finem, vt integra hæc deglutiantur, atque insuauitas medicamenti minus gustu percipiatur. Fiuntque è pulueribus, quorum materiam præbent species ad Electuaria, extracta, trochisci, flores, sales & quæcunque res aridæ. Pilulæ verò cum in parua quantitate magnam debeant habere efficaciam (cum hac ipsa de causa in formam pilularum medicamenta aliàs palato non grata concinnentur) medicamenta è quibus componuntur, efficacia esse decet. Ideoque in iis non reponenda, quæ in magna mole exiguas vires habent, quales sunt flores plerique. In massam autem rediguntur cum syrupis, succis inspissatis, extractis & similibus liquoribus. Est tamen in his delectus habendus. Vbi enim paruitati studemus, aqua destillata, vino, oleo destillato vtimur. Præterea quæ diutius asseruari debent pilulæ, non cum stillatio liquore aut succo quodam conformentur: quia nimis citò siccantur, aut situm contrahunt, nec vires simplicium probe custodiunt; sed potius cum Syrupis actionem pilularum adiuuantem, vel alio glutinoso humore vniantur. Etsi verò pilulæ plerumque omnes purgantes sint, & per pilulas vulgò purgans medicamentum accipiat: tamen & alia medicamenta in hanc formam redigi possunt, solentque præsertim tum alterantes componi, vbi aut medicamenta gustu vehementer ingrata adhibere necesse est, aut eadem diutius in ventriculo morari vique suam medicam in distantiores corporis recessus dispergere voluerimus, habenturque inter vsuales pilulas, pilulæ de cynoglossa, quæ ad dolores mitigandos, & tenues catarrhos sistendos; & pilulæ bechicæ, quæ aduersus tussim comparatae sunt. Parantur autem pilulæ hoc modo. Recipiuntur medicamenta conuenientia, & in puluerem rediguntur, ac in mortario miscentur cum humore aliquo nonnihil viscido, vt syrupo vel iulebo conueniente, rarius melle simplici, cuius beneficio & massa coherere, & si diutius asseruari debent, facultas medicamentorum, ne facile exspiraret & euanescat, conseruari possit. Aloë tamen ipsa, quæ plerumque in pilulis adhibetur, ad incorporandum sufficit. Si in plures doses & quotidianum vsum, vnde & vsuales nominantur, in pharmacopoliis parantur, massa in cylindri formam (vulgò magdalias & magdaleones nominant) figuratur, & initio molliuscula relinquitur, vt fermentetur, & vires medicamentorum exactius misceantur. Hinc post biduum vel triduum oleo amygdalarum dulcium oblinitur, & vesica vel aluta tegitur, ac in pixide seruatur. Exempla multa addere opus non est, cum in antidotariis passim extent plurima. Pilulæ polychrestæ.

℞. Mastiches Chia zß. agaric. rec. trochisc. per horas 24. in oxymel. s. liquidiore infusi, & rursus exsiccari ziii. rhabarb. opt. aqu. cinamomi aspersi zii. massa pilul. aloë

Trochiscos
paradi ratio.

Pilula.

Pilulas paradi
di modus.
1.

Pilula poly-
chresta.

aloephagin. ʒx. Cum *syr. rosar. sol.* F. massa. Dosis ʒi. atque acui possunt cum *diagrydij* vel extract. *scammonij* ʒiii. vel iiii.

℞. *Pulu. succini, mastiches, an. ʒi. aloës, ʒv. agarici ʒi. aristoloch. rot. vera ʒi. cum syrupo de betonica.* Fiat massa. Crato.

Vel ℞. *Terebinth. ʒi. rhabarb. opt. ʒii. cinamom. ʒi. pulu. succini albi, ceterach. glycyrrh. an. ʒi.* F. massa, e qua formentur pilulæ, quarum sumantur ʒii. pro remouenda materia calculi.

Vel ℞. *Succi portulacæ inspissati ʒß. gummi Arabic. q. s. F. pilulæ xi. in cruenta sanguinis mictione.* Pilulæ Rondelitij ad hepar. ℞. *Succ. absinth. depur. & exicc. (vel potius extracti) ʒi. spica nardi, schœnanth. an. ʒß. sem. apij, petrosel. ʒi.* Pulueriscentur subtilissime, & cum paucis Syrup. *Endiu. F. pilulæ paræ.* Potest addi *rhabarb. ʒi.* Vel ℞. *Trochisc. de rhabarb. de absinth. de eupatorio an. ʒi. cum aqua cuscute F. Pilulæ xxv.*

Vel ℞. *Trochisc. de rhabarb. ʒii. de absinth. ʒi. salis absinth. ʒß. cum syrupo diasereos. F. Pilulæ xxv. in obstructionibus viscerum.* Ex vsualibus verò pilulis dictis, & quæ ad quotidianum vsu paratæ seruantur, ita pilulæ fiunt.

2. ℞. De massa pilularum vsualium vna, vel pluribus, quantum opus; cui stimuli loco aliquid *diagrydij*, vel *trochisc. alhandal*, vel etiam alia purgantia adduntur, vt omnia vnam dosin constituent, & in mortario cum aqua aliqua stillaritia, vel vino albo, vel alio liquore conueniente in vnam massam miscentur, & in pilulas x. xv. xx. xxv. xxx. plures vel pauciores rediguntur. Pilulæ formatæ interdum auro operiri, aut puluere cinamomi, nucis moschatæ, fœniculi, glycyrrhizæ, prout conuenit, conspergi solent.

3. ℞. *Pil. Arabic. cochiar. an. ʒß. diagrydij gr. iii. F. pilulæ xxv.*

Alia. ℞. *Pil. aggregat. de rhabarb. an. ʒß. rhabarb. el. ʒß. cum aqua cuscute. F. pilulæ xxv. i. conspergantur puluere cinamomi.* Licet & extracta cum reliquis vsualibus pilulis vel pulueribus miscere.

4. ℞. *Pulu. mechoacan. ʒi. gumm. Gotte gr. vi. extract. helenij gr. iii. syr. de Eupatorio parum. F. pilulæ xvi. i. in hydrope.*

℥. *Extracti mechoac. Scrup. ʒ. massa pil. Arabic. Drach. ʒ. F. pilulæ xx.*

5. Vel ℥. *Trochisc. de absinth. ʒi. extracti cardui ben. cichorij, geniane an. ʒi. tartar. vitr. ʒß. F. pil. mediores,* vtiles in tertianis nothis & diurnis. Imò ex extractis solis, si paululum inspissentur, vel, quod commodius est, si specierum purgantium aliquid addatur, pilulæ conformari possunt.

6. ℥. *Extracti mechoac. ʒi. spec. diaturbith. cum rhabarb. ʒß. F. pilulæ xx. aspergendæ puluere cinamomi.* Licet quoque ex massa pilularum vsualium extracta parare, atque ex iis pilulas conficere. Ita enim in minorem molem vis purgandi redigitur, pilulæque minore molestia vsurpantur.

7. Additur etiam correctionis gratia gutta, vna vel altera oleorum destillatorum, vt & spiritus sulph.

8. sal. vitriol. Est alius modus adhuc faciendi pilulas. Simplicia, siue alterantia, siue purgantia macerantur per biduum in vino vel alio liquore, aut in eo decoquuntur, aut exprimitur succus quidam ex conuenientibus; atque vel horum vnicum excipitur, vel horum liquorum seorsim paratorum duo aut plures inter se miscentur, aut in horum aliquo recentia de nouo infunduntur, aut decoquuntur; Postea exprimuntur. Vino vel liquori colato & expresso adduntur species & pulueres purgantes aut alterantes, vel etiam compositiones officinales, quæ puluerisari possunt, veluti trochisci, & tabellæ, quando

titate ad liquorem suboctupla aut circiter; vel extracta cathartica & non cathartica; quibus & olea destillata ad guttas aliquot aut ʒß. prout massæ pilularis moles fuerit maior aut minor, affundi possunt. Omnia postea super cineribus calidis vel in hypocausto frequenter agitando siccantur, donec in massam coguntur. Si libet, massa siccata iterum eadem expressione seu liquore imbibit, subigi & siccari potest; idque tertio repetere licet. Circa pilulas autem hæc illud inprimis notatu dignum occurrit, si ipsas in longum tempus incorruptas perdurare volueris, necessario ipsis aliquid aloës addendum, siue iam illa in decocto aut infuso adhibeatur, siue, & quidem rectius, in forma extracti seu pulueris adiciatur; quæ à corruptione & putredine præseruat.

℥. *Cichorij ʒj. polypod. q. ʒj. fœniculi, asari, helenij, cortic. frangula an. ʒß. glycyrrhizæ ʒi. sem. fœniculi, fraxini, anisi, aquilegia an. ʒi. flor. bugloss. borrag. centaur. min. sambuci, anihos, hyperici. ana ʒii. passul. corinth. ʒi. absinthij Mj. cardui bened. Mß. Infundantur omnia in succi fumarie, betonica, endiuie, melissæ, an. q. s. Colaturæ postea ʒ. ʒii. Adde crystallorum tartari ʒii. Atque in iis per dies aliquot macerentur, sol. senæ el. ʒii. follicul. eiusdem, rhabarb. an. ʒi. turbith. el. ad. ellebori nigr. prepar. an. ʒi. cinamomi, caryophyll. macis, epithymi Cretic. an. ʒß. schœnanth. ʒß. Postea fiat expressio, Cui adde extracti aloës ʒiiii. Sub finem adde specier. diarrhod. abb. ʒii. latificant Rhas. dialacca, an. ʒß. extr. croci ʒi. tartari vitriolatis salis absinthij, an. ʒi. ol. sem. anisi ʒß. F. massa pilul. polychrestarum. Quæ si fortiores requirantur, ad massæ partem vnam extracti scammonij ʒß. addi potest. Pilulæ polychrestæ Dresdenses.*

℥. *Rhad. polypod. opt. mund. ʒii. enul. ʒß. sem. fraxin. ʒvi. aquileg. ʒiiii. dactyl. recent. num. ix. passul. min. lot. ʒx. glycyrrh. rasa ʒii. sem. anisi, fœnicul. an. ʒi. flor. bugloss. borrag. violar. purp. anihos, sambuc. nymph. alb. an. ʒi. cremor tartar. ʒii. Præparata l. a. macerentur per noct. in Aq. beton. fumar. meliss. an. q. s. pro imbibitione specier. in calore Balnei, sequenti mane bulliant ad consumption. mediet. Colentur. Colaturæ add. succ. pomor. acidor. ʒi. rad. enul. ʒii. In hisce commixtis infusa iterum per triduum stent in B.M.*

℥. *Fol. sen. f. s. ʒii. rhabarb. el. ʒi. follicul. sen. ʒii. turbith. gum. elleb. nigr. vin. Malu. & suc. rosar. præparati, an. ʒi. cinamom. opt. caryophyll. aromat. macis, epithym. Cret. an. ʒß. schœnant. ʒß. Post digestionem per quatrimum dum materia adhuc feruet, in B. M. F. expressio fortis. Expressioni admisc. ad lentum ignem. Extr. aloës ʒiiii. Sub finem, vbi materia ferè refrigerata fuerit, Add. spec. latific. Rh. diarrh. abb. sm. dialacc. mai. an. ʒiiii. Essent. croci ʒii. salis absinth. fraxin. ana ʒiiii. olei anisi. destill. ʒi. F. s. a. Massa pilularum.*

Vel ℥. *Agarici trochisc. ʒii. turbith. ʒi. sal. gemmæ, zingib. ana ʒi. Macerentur omnia in vino albo: Deinde leuiter ebulliant super igne lento. Postea fiat fortis expressio. Expressioni adde pulu. hieræ, diacolocynth. ʒiiii. pictæ f. ʒiiii. F. massa, ex qua pilulæ formantur pro vna dosi ʒi. Sunt hodie in multorum ore & vsu pilulæ Angelicæ dictæ, quæ primis viis euacuandis inprimis destinatæ sunt, & commodissime ante cœnam parcam sumuntur. Circumferuntur autem variæ descriptiones: neque etiam omnes omnibus æquè conuenire videntur; cum corporum & humorum peccantium magna sit diuersitas. Alij è purgantibus solam aloën sumunt: alij etiam alia addunt.*

I. ℞. *Aloës succotr. ʒß. Infundantur in succi borrag. buglossæ, violar. an. ʒiiii. rosar. pallid. ʒviii. Stent in infusione, exprimantur, & ad consistentiam percoq. vltimò Adde Succi card. benedict. veronica, chama-*

pytheos, hamameli ana quantumvis. Succis inspissentur & add. prioribus cum *cremor. tartar. debite præparat.* ℥ss. Misce & fiat massa pilul.

II. ℞. *Al. succotrin.* ℥ss. *succ. borrag. bugloss. violar. an.* ℥vi. *ros. pall.* ℥ss. Omnia probè misceantur & relinquantur infusa per 24. hor. in loco calido. Postea forti expressione colaturæ factæ & igne lento ad spissitudinem coctæ adde *Succ. card. benedic. veron. chamæpyt. chamemel.* an. ℥ii. Misce & ulterius quoque ad decentem consistent. F. secundum art. massa pilularum.

III. ℞. *Alcës succotr.* ℥ss. *succ. borrag. bugloss. lupuli, cichor. fumar. ros. pall.* an. ℥iii. Bulliant lento igne ad succorum consumptionem, addendo in fine quæ sequuntur.

℞. *Pulu. rhabarb.* ℥ii. *agaric. trochisc.* ℥ss. *cinam.* ℥i. *aq. endiu.* ℥i. *mellis ros. colat.* ℥ss. Rhabarbarum, agar. & cinam. infundantur in aq. endiu. & vin. alb. veteri: factâ expressione forti redigantur in massam.

IV. ℞. *Al succotr.* ℥ss. *succ. borrag. bugloss. fumar. lupul.* an. ℥vi. Succis inspissatis.

℞. *Rhabarb. elect.* ℥ss. *agar. rec. trochisc.* ℥iii. *cinamom.* ℥ii. *aq. Endiu.* ℥iii. *cichor.* ℥i. *vin. opt.* ℥ii. *mell. ros. colat.* ℥i. Rhabarbarum, agaric. & cinam. infundantur in aq. Endiu. & vin. supraposito, & fiat extractum seu expressum, cui adiungantur succi, & simul inspissando fiat massa.

V. ℞. *Aloës succotrin. subtiliss. puluerisat.* ℥vi. Lava vicibus 3. in vino albo tenui ita ut singulis vicibus vinum absumat, & fiat in sole dura, in vase bene vitreato, mone sæpius in die, ita ut rursus in pulverem redigi possit: Lauabitur autem ter modo supradicto in vino: Ultimo puluerisata de nouo immergatur seu insuccetur succo cichor. borrag. bugloss. lupul. fumar. rosar. an. q. s. pro imbibitione supradicti pulueris.

Post hæc ℞. *Rhabarbari electi minutim. incis.* ℥ss. & infund. in vin. alb. & aq. Endiu. & Ros. an. q. s. ad madefact. supradicti pulueris. Stet dictum rhabarbarum in infuso per hor. 24. postea exprime fortiter, & cum dicta colatura madefac. aloën, ut optimè imbibat & inebrietur: per mitte postea, ut sic in sole stet, miscendo sæpius. Adde *agaric. trochisc.* ℥ss. *cinamom. opt.* ℥i. *nuc. mosch.* ℥i. Misce & F. massa, ex qua formentur pilulæ: quarum dosis à ℥i. ad ℥ii. Cum hac descriptione conuenit ea, quam Quercetanus in Consilio de Arthritide & Calculo, item in consilio pro cachectica virgine proponit, ubi tamen aloën succ. flor. prunorum domesticorum & sylvestrium vel fl. persicorum imbuat. Ne autem pilulæ in deglutendo nauseam pariant, tota dosis ℥i. vel ℥iiii. excedere non debet, atque, ut eadem nausea in sumendo præcaueatur, pulueribus aromaticis, vel grycyrrhizæ conspergi diximus. Sunt qui eas solas faciliè deglutire possunt: Alij verò ad fallendum gustum, & vitandam insuauitatem facilitandamque deglutionem variis mediis vtuntur, syrupo scilicet aliquo vel pulpa pomi assi, quæ tamen faciliè flatu parit, vel pulpa prunorum: Quidam nebulæ seu pani azymo inuoluunt. Quidam easdem folliculo prunorum aut vuarum passarum includunt. Verùm hi minus rectè. Derinentur enim in folliculis illæ, nec faciliè & non nisi tardè in actum deducuntur, nonnunquam etiam vomitu aut successu integræ reiiciuntur. Satis commodè sumuntur in pulte cereuisiæ & pane. Post pilulas alterantes, & quarum vis ad partes à ventriculo remotiores penetrare debet, sumptas liquidum aliquod sumendum, quod eas ad venas deferat. Est adhuc peculiare pilularum vel trochiscorum (ad vtrumque enim genus referri posse videntur) genus, quod hypoglottides nominant, quod sub lingua detineantur donec sensim liquecant, in primis ad tussim & morbos pectoris. Recipiuntur simplicia me-

dicamenta ad ℥i. plus minus. Teruntur & cum liquore conueniente, ut mucilagine tragacanthæ, sem. cydoniorum, psyllij, sapa, melle, vel syrupo pectorali excipiuntur, & in pilulas rediguntur. Nonnunquam ex decocto parantur. Colaturæ nimirum additur tragacanthæ suboctuplum, sacchari & penidiorum pondus ad decoctum æquale.

℞. *Gummi Arabici, tragacanth.* an. ℥ss. *succi glycyrrh.* ℥i. *sapa q. s.* F. pilulæ.

Alia. ℞. *Glycyrrh. munda* ℥ss. *passal. enucleat.* ℥i. *bordei P. j.* Coqu. in ℥ss. aq. ad terrias. Colaturæ adde *tragac.* ℥ii. *penidior.* ℥ss. *sacchar. candi* ℥ss. Cum modico amylo. F. hypoglottides. Interdum hypoglottides parantur ad præseruationem ab aëre pestilenti, nec non ad cerebrum corroborandum, & spiritus animales augendos, sicut & ad delitias ac odoris suauitatem, ad aëris externi aut oris interni foetorem molestè nares ferientem corrigendum, ex odoratis cum mucilagine tragacanthæ.

℞. *Benzoës* ℥ss. *gallie moschat. vera, ligni aloës,* ana ℥i. *mucilag. tragacanthæ,* Cum aqua rosar. quant. suff. F. pilulæ vel trochisci sub lingua tenendi.

℞. *Sacch. rosati* ℥ii. *sacch. candi* ℥i. *Amyli* ℥ii. *spec. diacinamomi. dianisi, ireos,* an. ℥i. *macis* ℥ss. Cum mucilag. tragac. in aq. meliss. extr. F. hypoglottides.

Vel ℞. *Zedoar. pimpinell. angleic.* ana ℥i. *lign. aloës* ℥ii. *cinamomi el.* ℥ss. *myrrhæ* ℥i. *camphoræ gr. j.* *sacchari* ℥ss. Cum mucilag. tragac. cum aq. rosarum, F. l. a. Trochisci. Hypoglottides ad foetorem oris.

℞. *Pulu. gallie mosch. vel diamosch.* ℥i. *C. syr. de conseru. citri,* vel aqua naphæ, id est, aqua ex flor. aurantior. elicita. F. orbiculi.

Alia. ℞. *Moschi* ℥i. *ambr.* ℥ii. *sacch. rosati in aq. rosar. dissol.* ℥vi. *Amyli parum pro consistentia.* F. l. a. Trochisci Moscardini dicti, quorum vnus in ore sæpius contineatur. Tandem referre huc libet pilulas Narcoticas, quæ ad fluxiones sistendas, vigilias sopiendas, dolores mitigandos, & sanguinis fluxus quoscunque cohibendos aliquando parantur. Sequentes Platero tribuuntur

℞. *Opij purissimi* ℥i. Infunde aque vitæ ℥ss. Dissolu. lento calore, eodémque exsicca: deinde alia affusa aqu. vitæ mollescat, additis *ol. cinamomi* gr. ij.

Postea ℞. *Cinamomi* ℥ii. *sacch. cand.* ℥i. *piper.* ℥i. *sem. coriandr.* ℥ii. *croci* ℥ss. Subtilissimè puluerisatis adde opium dissolutum, sensim opio pulueres miscendo. Postea cum syrupo de papauere redigantur in massam pilularum addendo *moschi* ℥ss. Massa hæc diu in mortario agitetur, & ne exsiccet, *ol. de been* parum subigatur. Seruetur in loco humido. Dosis gr. ij. Vide Vid. Vidium, de medic. lib. 7. cap. 13. VVeckerum, antidot. special. lib. 2. sect. 38. Quercetan. pharmacop. restit. cap. 14.

C A P V T X X I I I.

De Glandibus

ATque hæ sunt præcipuæ formæ medicamentorum, quæ intra corpus assumuntur; iam etiam ea, quæ Externa appellantur, adiungenda. Sunt autem illa medicamenta duplicia: alia quibusdam partibus immittuntur vel iniiciuntur; alia verò saltem corporis superficiei applicantur. Prioris generis sunt glandes, clysteres, cum qui aluo iniiciuntur, tum qui vtero; pessi, iniectiones, quæ in penem & vesicam fiunt; gargarismi, qui ori & faucibus adhibentur, apophlegmatismi, dentifrica, errhina, sternutatoria, odoramenta & suffitus, iniectiones, quæ in aures fiunt, collyria; quæ primo etiam loco videbimus. Primo loco glandes, Græcis βάλανος, vulgò suppositoria, Glandes, sunt

Modus vsur-
pandi pilulas.

Hypoglotti-
des.

Pilul.
Narcoticæ.

Glandes,
sunt

sunt medicamenta solida, quæ ano immittuntur, figura oblonga & tereti, instar glandis, vel candelæ cereæ, quatuor vel quinque digitos transversos longa. Nam nimia longitudo vix utilis est; cum si facultatem expultricem irritare debeant, non præstent id, nisi qua parte intestini recti extremum tangunt. Verum enim verò glandes non semper in eundem usum parantur. Frequentissimè quidem adhibentur, ut aluum laxent, facultatèque expultricem stimulent: interdum tamen ob alios quoque effectus. Cum scilicet vlcus est in intestino recto, ut detergeant, consolident & exsiccent: cum dolor adest, ut eum sedent & demulceant: cum humores versus superiora ruunt, ut retrahant, & reuellant: cum ascarides adsunt, ut easdem interficiant. Primo suppositoria seu glandes ad irritandam alui facultatem expultricem adhibentur, & quidem variis in casibus. Interdum enim æger est debilior, aut ea eius ætas & consuetudo, ut facilius ferat glandes, quàm clysteres. Deinde interdum ubi fæces in aluo hærent, clysteri glandem præmittere opus est, ut clysteri via pateat. Tertio accidit nonnunquam, ut clysteres iniectioni non reddantur. Naturam itaque tum ad excretionem stimulare opus est. Quemadmodum etiam, si tardiùs operantur, & in aluo subsistunt; ubi quoque glande immissa natura ad excretionem stimulari potest. Sæpe glande vel supposito utuntur, cum ob temporis breuitatem clysterem parare non licet. Sunt autem harum glandium tria genera. Lenes, quæ infantibus sufficiunt, ex lardo, sicu inuersa, seu hircino, bubulo, caulibus & radicibus betæ, brassicæ, bliti, mercurialis, fiunt. Mediocres parantur ex melle ad crassitiem cocto, stercore muris nonnunquam addito, ex vitello oui, sale, & modico croci, & melle, sapone albo. Fortiores componuntur ex melle, sale, & specierum purgantium puluere, ut hieræ s. hieræ cum agarico, hieræ logadij, aloë. Fortissimæ cum speciebus ad suppositoria paranda conuenientibus, puluere ellebori albi, euphorbij, scammonij, turbiti colocynthidis, sale Indo, ammoniaco, nitro, felle taurino: quibus utimur tantummodo cum facultas sopita est, & à distantioribus locis retrahere conamur. Parantur autem hoc modo. Mel coquitur ad spissitudinem, id est, eo usque, ut digitis tractari possit: cui asperguntur alia, quibus opus. Salis nimirum communis ʒß. vel ʒi. gemmæ ʒi. specierum purgantium mitiorum ʒi. fortiorum ʒß. succorum ʒß. vel ʒi. salium acrium ʒvi. vel ʒß. pro ʒi. mellis. Hinc ex massa cylindri vel pyramides quasi, digiti minimi crassitie, formantur, & oleo seu butyro recenti illinuntur. Nonnunquam filum alligatur, ut pro arbitrio extrahi possint.

℞. Mellis crudi ʒi. spec. hieræ ʒi. salis ʒß. Coq. mel. & speciebus ac sale adiectis. F. Suppositor.

Vel. ℞. Agarici. colocynth. an. ʒß. hieræ, salis gemmæ, an. ʒi. mellis q. s. F. Suppositor.

Vel. ℞. Mellis ad spissitudinem cocti ʒß. ellebori albi, scammonij, salis gemmæ, an. ʒß. F. Suppositor.

Glandes hæc iis, qui in ano habent vlcera, fissuras, inflammationes, atque alios tumores, & cum ex hæmorrhoidibus dolores infestant, incommodè applicantur. Dolorem enim exasperant. Ad dolorem verò sedandum tale suppositorium parari potest.

℞. Opij. croci, castorei an. ʒß.

Cum melle cocto aut cera oleo nymphææ vel violarum formetur suppositorium appenso filo. Imò cum ne duritiem glandium, dum anus clauditur, ægri hoc modo affecti ferre possint, ex linteis & floccis mollibus in turundam conformatis, medicamenta, quibus opus est, tum applicantur.

℞. Spuma argenti, cerussa an. ʒß. pompholygos, croci, adipis anseris, an. ʒii. vitell. oui assati num. j. vini an-

triqui & ol. ros. q. s. F. linimentum ad inflammationes, rhagadas & vlcera ani, quo turunda illinatur. Vide Vid. Vidium, de medic. lib. 8. cap. 5. V. Veckerum, amidot. special. lib. 2. sect. 44.

CAPVT XXIV.

De Clysteribus.

Clyster, Græcis κλύσηρ, κλύσμις, κλύσμα & ἐγκλύσμα, ab eluendo dictus, etsi in genere omne medicamento genus significet, quod liquidum in parrem aliquam infunditur: tamen in specie, ut & ἐνέμα, ab iniiciendo, plerumque accipitur solum pro medicamento, quod per anum in intestina iniicitur. Varios autem ob fines iniiciuntur clysteres, unde variæ oriuntur clysterum differentiæ. Quidam enim aluum laxant; atque horum alij emolliendo id præstant, qui fiunt è foliis maluæ, althææ, parietariæ, branca vrsinæ, atriplicis, violariæ, radicibus althææ, liliorum albor, semine lini, fenigracis althææ, psyllij, prunis, ficibus, oleo communi, violarum, chamamelino, amygdalarum dulcium, butyro sine sale, mucilaginis, pulpa cassiæ. Alij purgant, quibus purgantia medicamenta adiiciuntur. Quidam abstergunt, qui nimirum componuntur, ex hordeo, mercuriali, parietariæ, absinthio, agrimonia, centaury minore, pisif, ciceribus, lupinis, fursuribus, melle rosato, hiera. Quidam ad flatum discutiendos & excludendos componuntur, ex chamamelo, ruta, origano, calamintha, anetho, baccis lauri, semine ruta, anisi, cumini, carui, oleo, rutaceo, laurino, anethino, chamamelino, elect. de baccis lauri. Quidam adstringunt, paranturque è polygono, plantagine rosæ rubris, equisetis, myrto, ballaustis, nuce cupressi, gallis, acacia, cydoniis, berber. cupulis glandium, seminibus acetos. pnrulac. sanguine draconis. Quidam glutinant, componunturque è sanguine draconis, thure, myrrha, sarcocolla, terra sigillata, bolo armeno. Nonnunquam & ad dolores intestinorum & renum fiunt ex anodynis clysteres. An verò etiam clysteres sint, qui nutriendi vim habent, de eo supra, part. 2. sect. 3. cap. 4. dictum est. Componuntur autem clysteres hoc modo. Radicum & corticum ʒi. vel ʒii. foliorum M. iii. iiii. vel v. seminum ʒiii. v. florum pugilli aliquot, fructuum paria x. recipiuntur. Quibus, si purgans clyster fieri debet, purgantia adduntur; agaricus, colocynthis, semina carthami (quæ omnia, ne intestinis adhæreant, eaque molestant, petiæ illigantur) folia senæ. Verum hæc notandum, ista varietate non semper opus esse; cum nimia radicum, foliorum, seminum, florum, fructuumque varietas, quibus postea oleum & alia accedunt, clysteres malè olentes pariat, qui nidore suo foeminis vterum commouent; & in viris etiam caput, osque ventriculi tentant atque afficiunt. Vnde Prisci sola mulla & oleo contenti erant, atque hodie etiam celeberrimos Medicos sæpe ex vna planta vel paucis seminibus clysterem vtiliter parare videmus, quorum exempla aliquot postea subiungemus. Simplicia medicamenta omnia coquuntur in sufficienti quantitate aquæ. Colaturæ ʒ. ʒiii. iiii. vsque ad ʒxv. pro ratione ætatis. Nam infanti primum ʒiii. hinc paululum adultiori ʒiiii. v. vi. sufficiunt. Adulto plerumque ibi sumitur; interdum etiam ʒxv. Interdumtamen, ubi scilicet clysterem diutius retineri cupimus, & ne copia partes alias premat, saltem ʒviii. vel ʒx. ut in calculo, sumimus. In decocto colato ea, quæ præsentis scopo conuenientia sunt, dissoluimus; ut olea, ab Vnc. j. ad Vnc. ij. vel Vnc. iii. vel butyrum. Vbi solum emolliendum, olea saltem addimus, vel butyrum, & quidem in maiori quantitate. Quæ verò vim purgandi, & naturam irritandi

Clyster.

Clysterum differentia. Clysteres emollientes.

Purgantes. Abstergentes. Flatum discutiendes. Adstringentes.

Glutinant. Dolorem lenientes.

Modus parandi clysteres.

habent, tunc planè omitti debent, ne durioribus fecibus intestinis hærentibus frustra stimuletur natura, humoribusque attractis grauiora mala gignantur. Contrà ubi purgandum, reuellendum, acrilque clyster requiritur: ibi olea, quibus acrium & purgantium vis obtunditur, omittenda sunt, addendaque electuaria purgantia duplo ferè pondere, quo aliàs per os sumi solent: vel pilulæ dissoluuntur. Additur & sal à Di. ad ʒi. Abstergentia etiam, vt mel rosaceum vel saccharum pondere ʒi. vel ʒiʒ. Mista omnia moderate calida per conueniens & notum instrumentum commodissimè hora vna atque altera ante cibum aluo iniiciuntur. Qui aliis hoc negotium committere nolunt, ipsi sibi clysterem, vt nominant, applicare possunt, per instrumenta passim descripta, quorum commodissimum id videtur, quod proponit Guilhelm. Fabricius, in obseruat. cheirurg. cent. 1. obseru. 78. Iniecti clysteres non omnes æquali tempore retinendi sunt. Diutius retineantur anodynæ, adstringentes & glutinantes. Purgantes sponte erumpunt: ante dimidiam tamen horam non sunt reiiciendi. Si præter debitum diutius retineatur clyster; æger sese moueat, vel glandem ano indat, vel oleum amygd. dulc. aut solum, aut cum iusculo sumat. Exempla.

℞. Iuris carniū vel gallinæ ʒiii. ol. vel butyri ʒʒ. sacchar. ʒii. F. clyster pro infante trium vel quatuor mensium. Vnius anni infanti ʒiiii. vel ʒv. sufficiunt.

Alius, ℞. Radic. althææ, lilior. albor. an. ʒi. maluæ, parietaria, mercurialis, branca ursina an. M. i. sem. lini, fenigraci, an. ʒʒ. ficuum num. iii. Coq. in s. q. a. s.

Colaturæ ℞. tbi. Adde cassia extracta ʒi. diaprūni s. ʒvi. ol. violacei, chamamel. pingued. anserina, an. ʒi. F. clyster emolliens.

In febribus, si aluus sit adstricta, & lumborum calor adsit, ex emollientibus & refrigerantibus clysteres componimus.

℞. Maluæ, violariæ, parietariæ, endiuia, an. M. i. fumarie M. ʒ. flor. chamamel. P. i. sem. quatuor frigid. maior. an. ʒi. tamarindorum ʒvi. passul. ʒʒ. Coq. in s. q. a. s.

Colaturæ ℞. tbi. Adde cassia pro clyster. ʒi. el. diacabol. ʒiiii. ol. violacei ʒiiii. F. clyster.

Alius, ℞. Calamenthi, pulegij, origani centaurij minor. mercurial. an. M. i. polypod. querni, sem. caribami in petia ligati an. ʒvi. stæchad. Arab. ʒiʒ. agarici in petia ligati ʒii. Coq. in s. q. a. s.

Colaturæ ℞. tbi. Adde el. hieræ s. hieræ Logadij, benedictæ laxat. an. ʒiiii. ol. anethini ʒiiii. salis gemmæ. ʒi. F. clyster purgans materiam crassam in paralyti.

Alius, ℞. Maluæ, parietariæ, veronica, an. M. iii. Coq. Colat. ℞. ʒxv. ol. amygdal. dulc. amarar. an. ʒiʒ. sacchar. ʒi. F. clyster in calculo. Crato.

Alius, ℞. Veronica M. iii. flor. sambuci M. i. absinthij M. ʒ.

Colaturæ ℞. tbiʒ. sacchar. ʒiiii. aloës ʒiʒ. Ebulliant rursus. F. clyster in colica. Crato.

Alius, ℞. Hordei torrefacti M. i. furfurum P. i. verbasci, agrimonie, an. M. ʒ. Coq. in s. q. a. s.

Colaturæ ℞. ʒxviii. olei rosæ compl. ʒi. (vel potiùs mellis rosati) sacchar. rubri ʒiʒ. Fiat clyster abstergens in dysenteria.

Idem, ℞. Lactis, in quo chalybs sit exstinctus, tbiʒ. seni hircini ʒʒ. ol. rosar. completi, omphacini vel cydonior. ʒi. succi plantag. ʒʒ. boli armeni ʒi. F. clyster adstringens in dysenteria.

Idem, Exempla alia plurima passim sunt obuia. Vide etiam Vvecker. antidot. special. lib. 2. sect. 9.

CAPVT XXV.

De Iniectione in vterum & Pessis.

Clysteribus, qui in intestina iniiciuntur, merito subiicimus eos, qui in vterum iniiciuntur, & propterea clysteres vterini appellantur. Instrumentum seu siphon, quo liquor in vterum infunditur, Græcis nominatur *μντρερχύτης*: Medicamenta, quæ iniiciuntur, *μντρερχύτα* nominantur. Variis autem de causis, & ob varios affectus, hæ iniectiones instituuntur, vel ob vteri inflammationes, exulcerationes, vel dolores, vel flatus, vel menses suppressos, vel menses nimium fluentes, vel vteri prolapsus, vel alias causas. Itaque simplicium conuenientium debita quantitas sumitur, coquitur, decoctique, aut loco eius aquæ destillatæ ʒiii. vel ʒiiii. recipiuntur, addunturque olei ʒii. vel ʒiii. pulueresque ad ʒiii. & mista vtero iniiciuntur.

℞. Decocti artemisie ʒiii. ol. liliacæ, irini, laurini, ʒi. myrrhæ, sagapeni, an. ʒiʒ. castorei ʒi. F. clyster vterinus menses ciens.

Alius ℞. Succis depurati plantag. polygoni, an. ʒii. ol. myrrhini, mastichini, an. ʒiʒ. thuris ʒii. trochisc. de spodio, terra sigillata, an. ʒi. boli armeni ʒi. Fiat clyster vterinus adstringens.

Iisdem ferè de causis, ob quas vtero clysteres dicti iniiciuntur, & pessis, ac pessaria, Barbaris Nascalia dicta, induntur, medicamenta scilicet, quæ lana concepta, & in teretem, ad formam digiti, figuram contorta & conglobata, excipiuntur, atque vtero induntur. Parandi autem pessos modi plures sunt. Primò gossypium vel lana carpta & bene carminata atque ad digiti figuram contorta, succo & liquore aliquo, vel solo, vel cui pulueres conuenientes admisti sint, imbuitur, & genitalibus mulierum partibus inditur. Quantitas medicamentorum tritorum ferè est ʒi.

℞. Myrrhæ, sem. nigellæ, saluie, an. ʒii. castorei ʒʒ. Cum succo mercurialis, misceantur, iisque lana pexa in digiti modum contorta imbuitur. Fiatque Pessarium. Deinde trita medicamenta conuenientibus liquoribus, vt oleo, adipe, cera, ladano, galbano, styrace, melle excipiuntur, & in pila subiguntur ac miscentur, ac in figuram pessi formantur, quibus filum alligatur. Qui etiam syndone vel tenui serico obduci possunt.

℞. Gallie mosch. ʒʒ. benzoës, caryophyll. an. ʒi. cinamom. macis, an. ʒi. ambre, maschi, an. ʒiii. ladani, styracis, an. q. s. Fiat quasi suppositorium, quod etiam syndone obduci potest.

Nonnunquam herbæ virides & succulentæ adhuc paululum contunduntur, filoque obligantur, & in formam pessi vinciuntur.

℞. Mercurialis recentis, Parum contundatur, in figuram suppositorij conglobetur, filoque obducatur, & fiat pessarium.

Est etiam ubi pulueres saltem tenui lana vel gossypio excepti tereti sacculo ex panno raro confecto induntur.

℞. Artemisia, saluia, maiorana, dictamni, absinthij, an. ʒʒ. colocynthidis ʒi. Fiat puluis, atque addito gossypio sacculo raro indantur, fiatque pessus. Solent autem pessis vesperi & sub somnum iniici, & horis 6. vel 7. in vtero detineri. Vide Vid. Vidium, de medic. lib. 8. cap. 4. Vvecker. antidot. special. lib. 2. sect. 48.

Iniectio in vterum.

Pessi.

Parandi pessos modus. I.

2.

3.

4.

CAPVT XXVI.

De iis, quæ Peni & Vesicæ immittuntur.

Cum medicamenta per os assumpta vix integris viribus ad vesicam penetrare possint: iniectione per meatum vrinarium vtuntur Medici, & clysteribus quibusdam peculiaribus vesicam eluunt, quando mucus quidam lentus vesicæ orificio adhærens vrinæ viam præcludit: quorum materia sunt attenuantia & incidentia, vt hydromel, serum lactis, decoctum vuarum passarum, & caricarum, mel vel syrupi conuenientes. In præparandis autem hisce medicamentis peculiaris apparatus non requiritur: totum artificium in iniectione situm est. Interdum enim saltem per siphonem iniicere hunc clysterem satis: interdum catheterem, qui viam quasi aperiat, præmittere opus est. Accidit quoque interdum, vt in penem iniectione opus sit, vbi nimirum vel ob calculum læsus & dolore affectus, vel exulceratus est internus meatus. Paratur ex iis, quæ scopo conueniunt. Ad vlcera scilicet ex iis, quæ ad abstergendum & consolidandum sunt vtilia. In dolore ex iis, quæ eum mulcendi vim habent, vt ex lacte recens mulcto & calente, in quo etiam semen fœnigræci, chamæmelumque incoquitur; vel ex 4. seminum frigidorum maiorum & papaueris emulsionibus.

℥. Agrimonie, betonica, centaurij minoris an. M.ß. flor. rosar. meliloti, an. P. j. Coqu. in vino & aqua parietariæ pro ℥ß. Colaturæ adde alum. rocha, myrrha, tartari, an. ʒß. turia ʒj. mell. rosat. ʒj. M. F. iniectione ad abstergendum.

Alia, ℥. Radic. consolidæ ʒj. caudæ equinæ, pilosellæ, an. M.ß. flor. rosar. hyperici. an. P. j. F. decoctio in aqu. chalybeata.

In colaturæ Vnc. iij. dissolue mellis rosati colati Vnc. j.

Iniiciatur per siphonem in vesicam ad consolidandum. Non solum autem in penis vlceribus, & carnis in eius interna cavitare excrescentiis, medicamenta forma fluida iniiciuntur, sed & vnguenta hoc modo immittuntur. Recipitur candela cerea, cui aliquid terebinthinæ addi potest, ea crassitie & longitudine, quæ meatui huic & canali respondet. Hæc candela conueniente vnguento illinitur, atque immittitur. Videndum tamen, vt candela ita præparetur, & tam diu hæreat, ne calore penis liquecat. Licet & emplastrum aliquod conueniens coquere, ac candelæ cereæ vel virgulæ plumbeæ inducere.

Vt ℥. Ol. rosacei Vnc. ij. lithargyri Vnc. j. Coqu. ad emplastri consistentiam, & sub finem adde pulueris conuenientis q. s. omniæque misceantur, vt candelæ cereæ vel virgulæ plumbeæ induci possint.

CAPVT XXVII.

De Collutionibus Oris & Gargarismis.

Collutiones oris, Græcis διακλύσματα, medicamenta sunt fluida, quæ in ore continentur, & sine deglutitione, linguæ beneficio, hinc inde agitantur; doloribus dentium & gingivarum affectibus imprimis destinata.

℥. Rad. pentaphylli, filicis, an. ʒiij. bistortæ ʒij. fol. betonica, ruta, saluia, flor. rosar. rubr. an. Mß. Coqu. in f. q. vini rubri adstringentis an tertias pro oris collutione: in dolore dentium vtilissima.

His finitima sunt Gargarismata, medicamenta scilicet fluida, quibus fauces sine deglutitione colluuntur, dum nimirum humor ore contentus versus caput asperæ arteriæ sua grauitate, reclinato capite, defluens spiritu erumpente repellitur, motuque reciproco agitur. Varios autem ob fines adhibentur gargarismi. Alij enim adhibentur ad repellendum; paranturque ex rosis, balauistiis, plantagine, prunella myrto, acacia, agrestia, diamoro, rob. nucum, syrupo myrtino, cydoniorum & similibus. Alij sunt diaphoretici, qui habent vim resoluendi & discutiendi, paranturque ex chamæmelo, meliloto, origano, saluia, ruta, hyssopo, calamintha, pulegio, thymo, satureia, calamo aromatico, & similibus, qui non solum in tonsillarum & gargareonis inflammationibus ac tumoribus, sed & in paralyssi vsurpantur. Alij sunt maturantes, ex semine althææ, maluæ, lini, fœnigræci, caricis, passulis, croco, chamæmelo, oleo amygdalarum dulcium. Alij sunt abstergentes, ex saluia, hyssopo, agrimonie, ceterach, maiorana, radice glycyrrhizæ, passulis, corticibus capparum, melle rosato, oxymeli, syrupo de prassio de glycyrrhizæ, Alij consolidantes, alij ἀποφλεγµατίζοντες, de quibus mox in specie dicitur. Ex medicamentis autem ad quemcunque etiam scopum ea solum seligenda sunt, quæ nec sapore, nec odore ingrata sunt, nec venenositatem & malignitatem aliquam habent; cum facili fieri possit, vt aliquid præter voluntatem etiam deglutatur. Parantur autem aliàs ex aquis destillatis, aliàs ex decoctis conuenientibus, in quibus rob vel syrupi dissoluuntur, proportionem subtripla, subquadrupla, vel subsextupla, ita vt ad ℥i. aquarum destillatarum vel decoctionis sumantur ʒij. ʒiij. ʒiiii. quibus interdum aliquid specierum aromaticarum adiicitur, atque omnia tepidè adhibentur.

℥. Aq. prunella ʒiiii. acetosa, rosar. an. ʒij. diamori ʒiß. nitri præp. ʒß. F. collutio oris, in inflammatione faucium & æstu:

Alius. ℥. Aq. prunella, plantag. fragaria, acetosa, lactuca. an. ʒiiii. syr. de rosis siccis, mell. rosati colat. an. ʒj. diamori, rob. berber. an. ʒvi. acetosi rosac. ʒß. F. gargarismus incipiente inflammatione.

Alius. ℥. Aq. plantag. prunella, lac caprinum, M. pro gargarismo.

Alius. ℥. Saluia, hyssopi, origani, an. M. j. cortic. radic. cappar. ʒij. passul. ʒj. hordei P. j. Coqu. in f. q. aq. f.

Colaturæ ℥. ℥ß. Adde mell. rosat. colat. syr. de prassio, an. ʒj. sem. nigellæ ʒij. F. gargarismus detergens. Vide Vvecker. amidot. special. lib. 2. sect. 10.

CAPVT XXVIII.

De Apophlegmatismis.

Apophlegmatismi & ipsi medicamenta sunt, quæ ore detinentur, pituitamque è capite & vicinis locis proliciunt, vnde & nomen habent. Plerique etiam appellant διακλύσματα seu masticatoria. Verùm hæc appellatio vni saltem ἀποφλεγµατισµῶ differentia competir. Nam apophlegmatismi seu medicamenta, quæ ori & faucibus, ad fundendos & eluendos humores crassos & pituitosos, adhibentur, non vna forma ac modo fiunt, etsi materia conueniant, quæ supra enumerata est. Primò enim forma gargarismi ἀποφλεγµατίζοντα vsurpantur, qui quomodo fiant, modò dictum.

℥. Origani, pulegi, maiorana, betonica, ruta, zingiber. piper. pyrethri, stæchad. Arabica, an. ʒß. mastiches, granor. paonia, ana ʒiij. staphidis agria, nucis moschat. ana ʒiß. sem. sinapi ʒvj. Contusa coquan

Gargarismi.
Vfus gargarismorum.
Gargarismi repellentes.
Discutientes.

Maturantes.

Abstergentes.

Consolidantes.

Modus parandi gargarismos.

Modus apophlegmatismorum.

quantur in vini s. q. ad tertias. Colatura seruetur in epilepsia; pro apophlegmatismo, quo os collui cum vel sine gargarisatione potest.

2. Deinde medicamenta teri, & cum liquore conueniente in formam electuarij redigi possunt, quo palatum inungitur.

℞. *Pulu. macis, caryophyll. sinapis, pyrethri, zingib. ana* ℥ss. *mellis* ℥ss. Misce.

3. *Masticatoria faciendi modus,*

1.

Tertio sunt masticatoria dicta, quæ diutius in ore retenta & masticata partim calore suo pituitam liquant, fundunt, ac eliciunt; partim vi, quâ polent, stimulandi facultatem cerebri expultricem ad ea, quæ molesta sunt, eiicienda irritant. Hæc iterum tribus modis fieri possunt. Primo enim saltem medicamenta simplicia vel integra, vel concisa non-nihil, ore detinentur & masticantur. Ita mastiche, vuae passæ, pyrethrum, & similia vel sola, vel mista pro apophlegmatismo masticantur.

℞. *Mastiches* ℥ij. *radic. pyrethri, sem. staphidis agria, an.* ℥ss. Concidenda concidantur, atque si liber, addantur vuarum passarum ℥ii. & masticentur.

2.

Secundo eadem medicamenta trita, & mellis vel ceræ sufficiente quantitate excepta in trochiscos, instar lupinorum vel auellanarum, pondere ℥j. formantur.

℞. *Piper. longi, nucis mosch. an.* ℥j. *staphid. agria, pyrethri, an.* ℥ii. *sem. sinapis* ℥j. Cum melle, Fiant trochisci manfiles.

Vel ℞. *Piperis albi, pyrethri, zingiber. cubebæ. an.* ℥i. Trita excipiantur mastiche, & pastilli manfiles formentur.

3.

Tertio eadem medicamenta trita linteo forti excepta in nodulum conformantur, qui dentibus teri & masticari possunt.

℞. *Cubebæ. piper. albi, an.* ℥i. *pyrethri, ℥ss. mastiches* ℥ss. Contusa & commista nodulo vel sacculo lineo includantur & masticentur.

Quando autem commodè adhiberi possint apophlegmatismi, supra *part. 2. sect. 1. cap. 15.* dictum. Vide *Vvecker. antidot. special. libro secundo, sectione 42.* *Quercetan. pharmacop. restit. cap. 19.*

C A P V T XXIX.

De Dentifriciis.

Dentifricia parandi modus.

1.

Dentifricia, Græcis *δδοντοπρίσματα & σμήγματα δδόντων*, inprimis ad dealbandos, extergendosque & stabiliendos dentes, gingiuasque laxas comprimendas parantur. Est autem dentifriciorum non vnus modus. Primo enim liquoribus conuenientibus ablui, aut gossypio vel panno lineo apto liquore imbuto dentes fricari possunt.

℞. *Aq. prunellæ, saluæ, fragar. ana.* ℥ij. *aluminis vsti* ℥j. *camphoræ* ℥ss. *mell. rosati colati, diamor. an.* ℥i. M. ad dentes emundandos.

Potest talibus & spiritus vitriol. admisceri. Nam, vt Crato, *Consil. 72.* scribit, ad dentium putredinem & cariem tollendam vix vlla res melior est, quàm spiritus vitriol. Deinde forma linimenti eadem adhiberi possunt, si pulueres melle, oxymelite simplicis, scillitico, melle rosato, vel syrupo rosarum excipiantur.

℞. *Radic. ireos* ℥j. *pumicis* ℥ii. *alumin. vsti* ℥ss. *oculorum cancri, corall. rubr. an.* ℥i. In puluerem redacta excipiantur melle rosato, cui etiam aliquid oxymel. scillit. addi potest, F. linimentum.

Vel ℞. *Pulu. radic. ireos, fragar. rorismarini, an.* ℥j. *sanguinis draconis* ℥ss. *caryophyll. corall. rubr. an.* ℥ss. *mastiches* ℥j. *rosarum rubr. aluminis vsti an.* ℥ss.

Aspergantur primò aqua rosarum: deinde cum oxymelite scillitico redigantur ad crassitiem electuarij vel linimenti ad gingiuas tabescentes. Crato. Tertio forma pulueris dentibus affricantur.

℞. *Corall. ℥ii. oculor. cancr. pumicis, an.* ℥i. *rad. ireos, cinamom. mastiches, an.* ℥ss. F. puluis.

Vel ℞. *Off. sepia, corallor. pumicis, C. C. vsti, an.* ℥i. *radic. ireos, ℥ss. margarit. Di. ligni aloës* ℥ss. *moschi gr. ij. F. puluis.* Quarto formantur trochisci vel penicilli instar suppositoriorum, quibus exsiccatis & induratis dentes fricantur.

℞. *Farina laterum, C. C. vsti prepar. pumicis, corall. rubr. prep. an.* ℥i. *gallie moschate q. v.* Misceantur cum tragacantha in aqua rosarum solut. Formentur pastilli, qui exsiccantur ad dentifricia. Post dentifricia commodum est, si os colluatur, vino inprimis: in quo radix ireos, vel aliud quid conueniens maceratum sit. Vide *Vvecker. antidot. special. lib. 2. sect. 47.*

C A P V T XXX.

De Errhinis & Ptarmicis.

Errhina, vt nomen indicat, sunt medicamenta, quæ intra nares adhibentur: quod vario fine fit, aut ob excrementa è cerebro euacuanda, sternutationemque mouendam, quod quæ faciunt, in specie ptarmica nominantur; aut ob meatuum obstructionem aperiendam; aut ob exulcerationem sanandam; aut sanguinem sistendum. Vnde & materia errhinorum non semper eadem, sed varia, pro variis scopis, quæ supra de facultatibus medicamentorum exposita est. Parantur quoque varia forma. Alia enim sunt humida & liquida; alia sicca & arida. Liquida rursus sunt duplicia; vel naribus infunduntur, vel illinuntur. Infunduntur naribus atque ab iis attrahuntur vel soli succi expressi & depurati.

Vt ℞. *Succi betæ, maioranæ, an.* ℥i. *rutæ* ℥ss. Misce.

Vel ℞. *Succi betæ, cyclamin. brassicæ, maioranæ, an.* ℥ss. Misce. Vel succis depuratis adduntur aquæ destillatæ, vinum, oleum, mel, pondere subduplo vel subquadruplo, prout crassius vel fluidius errhinum expetitur; aut etiam pulueres conuenientes Drach. j. pondere circiter adduntur.

℞. *Succi maioranæ, betæ, an.* ℥ss. *nigellæ* ℥i. *piper. albi* ℥ss. Misce.

Alius, ℞. *Succi mercurialis, betæ, aq. maioranæ, an.* ℥i. *vini albi, mell. rosati colati, an.* ℥ss. Misce. Vel parantur decocta, quæ cum mellis subduplo vel subquadruplo mista naribus infunduntur.

℞. *Hordei, agrimonie an.* Mss. Coq. Colaturæ, ℞. ℥ss. Adde *mell. rosati colati* ℥ss. *vini* ℥ss. Ad detergendum.

Aliud. ℞. *Radic. pyrethri, ireos, an.* ℥ii. *pulegij, origani, betonica maioranæ, an.* Mss. *agaric. trochisc. ℥j. flor. stæchad. Arab. P j.* Coqu. in s. q. aq. s. Colaturæ ℞. ℥iiii. In qua dissolu. *mellis anthosati* ℥i. *scillit. ℥ss.* Misce. Quæ autem naribus inunguntur, commodissime fiunt ex oleis pulueribusque.

℞. *Sem. nigellæ, piper. albi, myrrh. an.* ℥ii. *radic. cucum. sylu. ℥ss.* Trita excipiantur ol. irino. F. linimentum. Quo pertinent & balsama, quæ & ipsa naribus illinuntur. Præter hæc ad humida quoque pertinere videntur, quæ turundæ forma naribus induntur.

℞. *Boli armeni, sanguinis draconis an.* ℥i. *rosar. rubr. balaustior. ap. Scr. j.* In puluerem redacta cum albumine oui agitentur & misceantur, mistisque immer

Errhina.

Ptarmica.

Errhina parandi modus.

Humida.

1. *errhina ari-
la.*
2. *ptarmica.*
immergantur pili leporis tenuiores, fiatque veluti turunda, cui filum alligatur, naribusque immittatur. Arida verò seu sicca errhina fiunt primò ex radicibus vel caulibus conuenientibus, vt betæ, ireos, cyclamini, quæ in formam pyramidalem figurantur, & postea aqua maioranæ, vel alia apta macerata vel oleo imbuta, naribus, filo priùs appenso, induntur. Deinde errhina sicca fiunt, dum simplicia medicamenta in tenuem puluerem rediguntur, atque de iis granum vnum vel alterum naribus statu immittitur; vel pyxis, in qua puluis continetur, naribus admouetur, atque inspirando aliquid attrahitur: atque ista errhina in specie ptarmica seu sternutatoria appellari solent.

R. *Sem. nigelle* ℥ii. *piper. albi, pyrethri, ellebori albi,* ana Scrup.ß. F. puluis.

Vel R. *Sem. nigelle, ellebori albi,* an. 3ß. *fol. maiorana, rorismarini, salvia,* an. ℥ii. *moschi* gr.iii. F. puluis.

3. *3ß. agario. 3ß. ol. anisi, macis,* an. gutt. vj. *mosch. ambra,* an. gr. iii. F. puluis. Tertiò ex iisdem pulueribus errhina & ptarmica fieri possunt, si ex linteamine, lana, vel peria linea turunda contorqueatur, & vel succo, vel aqua destillata conueniente, verbi gratia, maioranæ, imbuta puluere sternutatorio inspergatur, naribusque immittatur. Quartò medicamenta errhina in puluerem redacta excipiuntur mucilagine, vel gummi, aut terebinthina, aut oleo & cera, mistaque diligenter in pessulos quasi & pyramidalem figuram, ea magnitudine, vt naribus immitti possint, concinnantur: quorum extremitati filum alligatur, vt pro libitu extrahi possint.

℥. *Ellebor, albi, piper. albi, maiorana, nigella,* an. ℥i. *caryophyll. cinamom. an. 3ß. moschi* gr.ii. Cum gummi Arabico in aqua maioranæ soluto vel cera, terebinthina aut tragacantha, F. nasalia. Vide VVecker. *antidot. specul. lib. 2. sect. 11. Quercetan. pharmacop. restit. cap. 18.*

C A P V T X X X I.

De odoramentis, Suffitibus, & Balsamis Odoratis.

loramenta.
*loramento-
m materi.*
*loramento
m genera.*
O Doramenta & ipsa naribus suscipiuntur: verum in primis cerebri alterandi, spiritusque recreandi gratia, & ad grauem odorem ac pestilentem auras depellendam adhibentur. Materia horum omnia sunt, quæ suauem odorem de se spirant, vt moschus, ambra, zibetum, benzoë, styrax liquidus, ladanum, lignum aloës, rosmarinus, lauendula, maiorana, spica, bccymum, stæchas Arabica, macis, caryophylli, cinamomum, thus, myrrha, grana iuniperi, gallia moschata, camphora, & quæ perhibentur frigida, vt rosa, viola, flores nymphae, santali. Variis autem modis ista adhibentur, atque varia odoramentorum genera ex istis simplicibus conficiuntur. Primò enim in pulueres redigi solent; & vel in pyxi de, ac vase ligneo asseruantur, & quoties opus est, naribus admouentur, vel in nodulum aut sacculum ex serico includuntur.

℥. *Ladani optimi* ℥ii. *nigell. trit. 3i. caryophyll. rosar. rubr. an. 3ß. ambr. moschi,* an. gr. ij. F. Puluis, qui ligetur in sacculo. Secundò eadem odorata medicamenta in puluerem redacta ladano, cera, styrace liquido, quibus aliquid terebinthinæ quoque addi potest, excipiuntur, atque in vnam massam pila calida, affundendo aquam rosarum, rediguntur, è qua globus formatur; vulgò Poma ambraë vocant.

℥. *Styracis calamit. ladani,* an. 3i. sem. *benzoës* 3i.

caryophyll. macis, ligni aloës, flor. lauendul. an 3 sem. moschi, ambr. an. gr. ii. gummi tragacant. in aq. rosar. dissoluti q. s. terebinth. parum. F. pomum. Peculiare quoque odoriferum habet Crollius, pag. 180. Circumferuntur & poma odorata Purgantia.

*Poma odora-
ta purgantia.*

Vt ℥. *Scammonij, aloës, myrrh. an. 3i. esula, colocynthid. an. 3i sem.* Trita omnia; excipiantur succo coriandri, & redigantur in poma duo: vnum tractetur manu vna, alterum altera, ex vna in aliam permutat, vt calecant, & eorum halitus quoque ad nares perueniat.

Vel ℥. *Aloës, myrrh. an. 3ii. pulp. colocynth. scammon: an. 3i. elleb. albi prepar. esul. prep. an. 3ß.* Cum gūmi tragacanth. in aq. vel decocto coriandri dissoluti. F. duo poma, quæ manibus diu teneantur & naribus admoueantur.

Vel R. *Pulpa colocynthid. esula,* an. 3vi. *succi meze-
rei, scammonij, aloës,* an. 3i. *masliches* 3vi. Cum succo coriandri, F. globulus. Verum non sine causa hîc quis dubitare posset, an ad purgandum in talibus pomis plus possit id, quod manibus diu versantur, donec incallescunt, an verò, quod naribus ad odorandum admouentur. Potest enim & per poros cutis sese vis purgantium corpori insinuare, vt in linimentis, quæ vmbilico ad purgandum adhibentur, patet. Tertiò ex rebus odoratis vnguenta & linimenta fieri solent, quæ hodie Balsama vocant. Etsi enim, vt infra dicetur, Balsami alia etiam sit significatio: hodie tamen à non paucis Balsamum accipitur pro medicamento linimenti forma ex oleis destillatis parato, quod colorem, odorem & saporem ipsius plantæ vel aromatis refert. Et balsama nihil aliud ferè sunt, quàm olea aliarum rerum additione inspissata, vt commodius circumferri possint. Cum enim olea tenuium sint partium, & facile exhalent, præterea vitra, in quibus asseruantur, facile frangi possint: modus inuentus est, quo linimenti quasi forma asseruantur in argenteis capsulis & intra corpus exhiberi, ac loco odoramentorum & vnguentorum usurpari possunt. Tota autem balsama parandi ratio in tribus consistit. Primò requiritur ol. destillatum purum, non fucatum, à quo tota penè vis balsami pendet. Quæ intenditur, & odor suauior ac cor & cerebrum roborandi vis maior conciliatur, si zibethum, moschus, ambra, balsamum Indicum addatur. Secundò corpus requiritur, quod vulgò basin appellat. Etsi, si consueto aliàs Medicis more lubeat loqui, basis sit oleum) quod balsamo iustam consistentiam det, vt neque nimis spissum sit, neque nimis fluidum. Tertiò color, qui medicamentum, à quo balsamum nomen habet, referat, qui non sit fucatus, & ex re aliena, sed vel ex succo vel tinctura medicamenti per spiritum vini extracta. Quia verò Basis loco alij aliud sumunt, modi parandi varij circumferuntur, de quibus Crollius, pag. 172. Beguinus lib. 2. cap. 8. A plurimis sumitur cera alba optimè depurata rasa. Huic additur oleum destillatum, quodcunque libet, & miscetur, donec linimenti formam acquisierit; quæ mixtura iam odorem & saporem rei refert. Vt & colore non careat, extrahenda est ex re illa tinctura cum spiritu vini optimo, atque spiritu vini iterum separato, tincturæ illius quantitas sufficiens ad colorem conciliandum admiscetur. Potest etiam tinctura primo loco ceræ admisceri, & hinc oleum addi. Quidam ceram hoc modo præparant. R. ceræ albæ 3vi. olei amygdalarum dulcium recenter expressi 3i. soluantur. Affunde spiritum vini, vt digitum transuersum emineat. Stent in digestionem tres dies. Detrahatur humidum per balneum, cera in fundo remanet, quæ ad vsum seruanda. Nonnulli loco ceræ mannam optimè depuratam sumere malunt: alij medullam crurum vituli lotani. Nonnulli etiam aliquid secreti vel

3. *Balsama.*

*Balsama pa-
randi modis.*

1.

2.

vel artificij quærere conantur in colore retinendo, quem quidam & mangonio quodam malè conciliant. Verùm prudens Medicus, qui, in quibus vires illorum medicamentorum consistant, non ignorat, quo loco talia habere debeat, nouerit. Verùm etsi non multum referre videatur, si Balsama ad externum saltem vsum parantur, vnde basis petatur, modo Balsamo iustam consistentiam præbeat, nec vires oleorum corrumpat aut debilitet: tamen si ita parari debent, vt etiam intra corpus exhiberi possint, commodissima Balsama parandi ratio est, si nihil admisceatur quod vires medicamenti vel tollere, vel infringere & hebetare possit. Ideoque neque colores rebus alienis & fucis conciliari, neque basis à medicamenti viribus aliena recipi debet. Hoc enim modo parata balsama non solum extra ad odorandum, sed & intus ad confortandum exhibentur. Commodissimum ergò fuerit, si sumatur basis loco vel extractum plantæ, vel oleum nucis moschatæ, à quo ferè omnis color & sapor separatus sit, vel extractum & oleum nucis moschatæ simul misceantur. Vt autem oleum nucis moschatæ expressum album reddatur & saporis ac odoris penè expers, nonnulli quidem cum spiritu vini tincturam & saporem extrahere docent. Verùm ex voto res planè non succedit; commodius est, si oleum nucis moschatæ expressum additâ aquâ rosarum fragrantissima digeratur, & aliquoties destilletur, vt oleum fluidum cum aqua exstillet. Massa reliqua, si nondum satis alba est, per insolationes & crebras ablutiones dealbetur, vt fiat quibuslibet coloribus recipiendis apta; cum & omni alio odore & sapore destituatur. Huic additur postea extractum plantæ, vel aromatis, cuius balsamum expetitur, tandemque eiusdem oleum additur, quantum materia in se recipere potest, & aliquot grana salis eiusdem plantæ. Vel ex solo extracto, sale, & oleo eiusdem rei balsamus paretur, ita vt capiatur ferè extracti pars j. olei part. iiii. Sunt autem Balsama aliâ simplicia, quæ ex vna saltem planta, vel aromate, alia, quæ ex pluribus parantur. Simplicia parantur è ruta, maioran. roremarino. lauendul. spica, angelica, citri, cinamom. caryophyll. nuce moschat. salvia, & aliis. Composita parantur contra apoplexiam, epilepsiam, pestem. Exempli gratia vnum atque alterum saltem proponere libet. Balsamum Maioran. & rutæ & aliarum quarundam plantarum, si ad externum saltem vsum expetantur, ita parari potest. ℞. Maioranæ viridis, q. s. Coq. cum cera alba & adipe porcino. Exprimatur, idque repetatur quinquies aut sexies donec acquirat odorem & colorem maioranæ: postea adde oleum maioranæ destillatum. F. Balsamū.

Vel ℞. extract. ruta 3℔. ol. ruta q. s. salis ruta gr. vi. Misce.

Vel ℞. extract. caryophyll. 3℔. ol. caryophyll. 3j. salis caryophyll. gr. vi. Misce.

Vel ℞. Ol. Cinamomi 3i. cera prepar. q. s. tinctura cinam. 3℔. salis cinamom. gr. vi. Misce.

Vel ℞. Ol. nuc. mosch. express. dealbati, & extract. cinamom. an. q. s. Super cineribus calidis miscentur. Postea adde ol. cinamom. q. s.

Vel ℞. Extract. fœnicul. è sem. contuso cum spir. vini facti 3ii. manna 3℔. salis fœniculi 3i. Misce super igne lento. Tandem adde olei fœnicul. 3iii. Balsamum Apoplecticum hoc modo parere licet.

℞. Confect. anacardie 3ii. ol. succini, lauendula, an. gutt. ii. vel plures, zibethi 3ii. ambra grysea 3i, mosch. 3i. ol. nuc. mosch. per express. 3vi. Misce.

Aliud. ℞. Ol. destill. lauend. 3i. maioranæ rorismarini, rutæ cin. mami, caryophyll. succini, an. 3℔. ambra grysea, moschi, zibethi, ambra liquid. an. 3i. ol. nuc. mosch. express. 3vi. Si color nigricans expetatur, is asphalt. 3i. conciliari potest.

Crollius hoc habet.

℞. Ol. nucis mosch. per express. 3ii. ambra grysea 3i. nigra, moschi, an. 3i℔. zibethi 3ii℔. ol. lauend. 3℔. cinamom. 3℔. sem. maioranæ 3℔. sem. caryophyll. gutt. vi. succini 3i. ruta 3℔. sem. Misce.

Contra epilepsiam.

℞. Ol. nuc. mosch. express. 3ii. destill. ruta, succin. ana. Scrup. sem. Misce.

Cordiale. ℞. Ol. citri, caryophyll. cinamomi, an. 3℔. ambra, moschi, an. 3vi. exir. croci 3vii. confect. alchermes 3℔. ol. nuc. mosch. express. q. s. F. Balsamum.

Contra pestem. ℞. Ol. nucis mosch. per express. 3℔. destillat. ruta, ex cortic. citri, angelica, caryophyll. an. gutt. iiii. vel etiam plures. Misce. Tales etiam in alios vsus ex oleis conuenientibus parari possunt. Quarto solent & aquæ odoratæ parari, quibus vel vestes conspergi, vel nares, manus atque aliæ corporis partes illiniri solent. Eadem aquæ si in vase conueniente carbonibus imponantur, in vaporem odoratum resoluuntur.

℞. Aq. rosar. 3biii. vini maluatici 3℔. flor. lauendula, spica, an. 3ii. cortic. citri 3℔. radic. ireos 3ii. cinamom. nucis mosch. styrac. calamit. an. 3℔.

Stent in infusione per dies 10. postea destillantur: canali alembici in gossypio imponatur moschi, ambra, an. 3℔. vel q. v.

Alia. ℞. Flor. rosar. Damascenar. caryophyllorum, an. 3℔. rosar. ismarini, lauendula, maioranæ, serpilli, an. 3iii. benzoës, styracis calamit. cinamomi, an. 3ii. cortic. citri. 3i. nucis moschatæ 3i. Contusa infundantur in aq. rosar. 3biii. Digerantur ad solem 10. diebus: postea destillantur. Destillato adde, vel inter destillandum alembico impone moschi 3i. Vel extemporanea talis fieri potest.

℞. Aq. rosar. fragrantiss. 3iiii. cinam. 3℔. pulu. santal. citrini, ligni aloës, cortic. citri, caryophyll. an. 3℔. Quibus moschi, ambra, crocus, prout vsus requirit, addi possunt. Quinto etiam parantur smegmata vel globuli odorati ad manus & caput abluendum, hoc modo. Sumitur saponis Veneti vel alterius boni & albi quantumlibet, 3iiii 3℔. prout plures vel pauciores globos parare libet. Additur puluerum odoratorum subsextuplum aut suboctuplum, atque omnia cum sufficiente quantitate aquæ rosar. permiscentur in vnâ massâ, vnde globi figura pomi formantur.

℞. Saponis Veneti 3iii. rosar. rubr. caryophyll. macie, santali citrini, radic. ireos, an. 3ii. styracis calamit. agarici albiss. an. 3℔. moschi, ambra, an. 3i. aq. rosar. lauendula, an. q. s. ad incorporandum. Tandem ad odoramenta pertinent suffitus, Græcis θυμιάματα qui etsi ob odoris suauitatem, & vel voluptatem, vel cerebri confortationem expetuntur: alios tamen ob fines etiam institui possunt, nimirum ad catarrhos sistendos, ad pulmones crassa materia repletos, ad vlcera pulmonum exsiccanda. Peculiares etiam suffitus ad vterum mensēque mouendos & sistendos, ad vteri prolapsum, suffocationemque, ad prolapsum ani parantur. Parantur autem suffitus etiam non vno modo. Primo enim medicamenta odorata, vel concisa, vel in puluerem redacta, qualium descriptiones ex præcedentibus patent, carbonibus viuus vel etiam cineribus calidis iniiciuntur.

℞. Mastiches thuris. benzoës, an. 3ii. gummi iuniperi 3i. rorismar. 3i℔. ligni aloës, cinamom. an. 3i. F. puluis ad catarrhos.

Deinde iidem pulueres cum conueniente liquore gummi, resina, in pastilos vel trochiscos formantur.

Aqua odorata.

Smegma odoratum.

Suffitus.

Suffitus parandi ratio. I.

℞. *Laudani* zii. *styrac. calamita* zib. *benzoës*, *thuris*, *succini albi*, *ligni aloës*, *rosarum rubr. ligni cupressi*, *cinamom. caryophyll. ana* ℥ii. *ambra*, *moschi* ana ḡ iiii. *tragacantha* in *aq. rosar. sol. q. s.* F. trochisci pro fumo.

Tertio admistis carbonibus tiliæ vel salicis ex eadem materia pyramides & candelæ quasi fiunt, quæ vsus tempore accenduntur.

℞. *Thuris*, *ligni aloës*, *styrac. calamit. ana* ℥b. *styrac. liquidi* zvi. *ladani* zib. *ambra*, *moschi*, an. ḡ vii. *carbonum tiliæ* zi. *tragacantha* ℥b. Soluatur *tragacantha* in *aq. rosar.* & *pauillo spiritus vini*, Fiantque candelæ pro fumo.

Vel ℞. *Myrrha*, *bdellij*, an. ℥b. *radic. asari*, *styrac. calamita*, an. zii. *pulegij*, *sabina*, *calaminth. an. zi. cinamom.* ℥b. F. puluis; vel cum terebinthina aut ladaño trochisci, ad menses ciendos. Vide VVecker. *antidot. special. lib. 2. sect. 48. 49.*

CAPVT XXXII.

De iis quæ Auribus immittuntur.

Requirit quoque necessitas sæpe, vt auribus quædam medicamenta immittantur, ad dolores earum sedandos, ad inflammationes, vlcera, sibilum, tinnitum & alia vitia. Variis autem modis adhibentur. Alia enim sunt liquida: atque hæc vel in aurem instillantur.

Vt ℞. *Ol. viol. nymphææ*, an. ℥b. M. instillentur sæpius gutta vna vel altera.

Vel ℞. *Radic. cyclamin. purg. zvi. nucleorum persicor. num. v. amygdal. amarar. num. iiii.* Contusis omnibus affunde *spir. vini* ℥v. Macerentur tribus diebus in vitro clauso. Postea exprimatur fortiter, & feruetur vsui.

Secundò decoctorum & liquorum conuenientium vapor calidus per infundibulum, embotum vulgò vocant, auri immittitur; vel simplicia conuenientia sacculo includuntur, coquuntur, & auribus imponuntur.

℞. *Ellebori albi* zii. *pulpa colocynthis* ℥b. *castorei* ℥b. *origani*, *serpill*, *ruta*, ana M. s. *fol. lauri* ℥b. *cubebæ*. ℥b.

Coquantur in aquæ & vini partibus æqualibus. Vapor auri immittatur; vel sacculis inclusa coquantur, & auri imponantur, in difficultate auditus.

Tertio forma linimentorum auri adhiberi solent medicamenta.

Vt ℞. *Ol. amygdal. amarar. pingued. gallinæ, aceti vini*, an. ℥b. *fellis taurini* zii. *castorei*, *ellebori albi*, an. ℥i.

Bulliant ad consumt. aceti. Fiat linimentum, cuius gutta vna atque altera tenta, vt appellant, seu gossypio excipiat & auri imponatur. Quarto simplicia medicamenta in puluerem redigi, atque auribus inflari, vel suffumigij & vaporis forma immitti possunt.

CAPVT XXXIII.

De Collyriis.

Κολύριον & κολλέριον, quasi κολλέριον, id est, κολλοβν τῷ ὀφθαλμῷ, vel κολλοβν ὀφθαλμῷ dicitur, quia sit instar mutilatæ caudæ, Erant enim, vt ex *Oribas. lib. 10. col. cap. 23.* patet, collyria medicamenta figuræ caudæ muris similia, & non saltem oculis adhibebantur, sed & fistulis & sinibus & vtero immittebantur, atque ad omnis generis vsus parata, atque in talem, vt diximus, figuram conformata asseruabantur, quibus postea vel integris, vel contritis, vel dissolutis utebantur. Quâ figurâ cum medicamenta quædam oculorum affectibus vtilia in vsum parata haberentur

Dan. Sennerti Tom. I.

factum est postea, vt iis solùm appellatio collyrij tribueretur; vt iam collyrij nomine medicamenta externa oculis propria saltem intelligantur. Etsi autem omnia, quæ oculis adhibentur, mollia & humida esse oporteat, non sicca & aspera: tamen quia, quæ in vsum necessarium parata habentur, sicca forma commodius asseruantur: diuiduntur vulgò collyria in sicca & arida, ac humida. Sicca hoc modo parantur. Medicamenta minutissimè trita in lapide porphyrite laeuigantur, & s. q. albnmin. oui, mucilaginisve alicuius excepta in formam pyramidis vel trochiscorum formantur, atque in vmbra exsiccantur. Vbi vsus postulat, iterum in marmore seu lapide porphyrite affuso liquore idoneo, teruntur, atque inde guttatim liquor oculis instillandus paratur.

℥. *Tutia prepar. sarcocolla lacte muliebri nutrita*, *mastiches*, *cerussa* in *aq. rosar. lota* & *siccata* ana ℥b. *aloës* ℥b. Cum *aqua rosar.* F. trochisci.

Humida verò sunt duplicia. Vel enim liquoris forma oculis instillantur, vel linimenti forma inunguntur. Illa fiunt ex succis, aquis destillatis, decoctis, vel pluribus horum mistis, additis & pulueribus, atque iis præcipuè, quæ in humido liquefcunt, medicamentis.

℥. *Aloës hepatica* zi, *sang. draconis* ℥b, *tutia prepar.* zib, *camphora* ℥ii, *caryophyll.* ℥b, *vini maluatici* ℥iii, *aq. rosar.* ℥ii. Ponantur in vase vitreo.

Aliud. ℥. *Aq. rosar.* ℥ib, *euphrag.* zi, *vini maluatic.* ℥b, *tutia prepar.* zi, *pompholyg.* lota ℥b, *camphor.* ḡ iiii, *aloës lota* ℥i. Misce.

Aliud. ℥. *Aq. euphrag. fenicul. rosar. fragor. an.* zi, *sacch. candi* ℥b, *vitrioli albi* ℥b. Colentur sæpe & feruentur in vitro.

Aliud. ℥. *Sarcocolla nutrita* zii, *tutia prepar.* zi. *aloës* ℥b. *sacch. candi* ℥b. *camphora*, *croci*, ana ḡ ii, *aq. rosar.* ℥ iii. M. ad dolorem sedandum & digerendum.

Aliud. ℥. *Sacch. candi* zi, *aloës hepat. aqua euphrag. lota. vitrioli albi*, ana ℥i; *corall. albor.* ℥b. *caryophyll. camphor.* ana ḡ vii, *aq. cichorij* zi, *rosar. euphragia, verbenæ, vini maluat. an.* Vnc. s.

Stent in infusione horis 24. Postea ferueant semel atque iterum & colentur.

Vnguentum tale potest fieri.

℞. *Tutia aqu. rosar. lota* zii, *pomada* ℥iii, *vnguenti dialtheæ* ℥b, *amyli* zi.

Agitentur in mortario. F. vnguentum, quo extremæ palpebræ illinantur, & momentum etiam oculo immittatur.

Aliud. ℥. *Butyri maialis*, lauetur vino maluatico. Addatur *cochlearij*, *tutia prepar.* zi, *camphora* zib. Misce.

Tandem etiam medicamenta conuenientia in aqua coquuntur, vaporque tepidus ex olla exhalans, capite, linteo tecto, excipitur.

℥. *Euphragia*, *leuistici* ana M. s, *chamameli*, *meliloti*, ana M. i, *sem. feniculi* & *fenugraci*, ana zi, *radic. valerianæ* zii. F. decoctum, cuius vapor tepidus oculis excipiat. De collyriis agit Vid. *Vidius, de medic. lib. 8. cap. 3.* VVecker. *antidot. special. lib. 2. sect. 41.*

CAPVT XXXIV.

De Oleis & Balsamis.

Atque hæc sunt formæ medicamentorum, quæ externis & priuatis quibusdam partib. iniiciuntur atq; immittuntur: estant ea adhuc, quæ superfici

BBB b

corpo

Modus paræ
di collyria.

1.

2.

3.

4.

Olea.

Corporis adhibentur atque applicantur. Inter quæ primò sunt Olea, quorum quædam sunt αὐτοφύη, vt petroleum, & commune, quod ex oleis maturis, ac omphacinum, quod ex immaturis oliuis exprimitur: alia *οὐκ αὐτὰ* seu artificialia, quæ triplici ratione fiunt. Primò enim succus oleaginosus exprimitur, quomodo ex amygdalis, pistaciis, nucibus, semine lini, cucurbitæ, cucumeris, hyoscyami, cannabis, papaueris, oleum paratur. Contunduntur nimirum fructus & semina, ac vapore aquæ calidæ tepescunt, atque in sacculum inclusa torculari premuntur. Hoc modo etiam à sambuci baccar. semine oleum paratur, quod in quartanis & hydrope à ʒss, ad ʒi. exhibetur, purgat per aluum & interdum etiam per vomitum. Postquam succus è baccis sambuci ad rob parandum expressus est, abluuntur diligenter folliculi, vt saltem nuclei restent, è quibus exsiccatis, vt è semine lini oleum exprimitur. Per expressionem etiam fit oleum ex vitellis ouorum. Vitelli ouorum coniiciuntur in sartagine æneam, & super carbonibus friguntur continuò agitando, donec oleum edant. Deinde sacculo includuntur, torcularique oleum exprimitur. Secundò per infusionem pluribus modis olea parantur. Nonnunquam enim simplicia medicamenta cum aqua simplici vel destillata, vino, aliòque liquore conueniente in oleo communi coquantur ad humoris seu succi consumptionem. Nonnunquam eadem simplicia lento calore, vel ad Solem macerantur.

℞. Ol. lini ʒx, fellis tauri, veruecis an. ʒiiss, pulpa colocynth. radic. bryonia ʒss. Coquantur s. a. F. oleum.

Sed commodissima ex plantis plerisque olea talia faciendi ratio est, si herbæ siccatae in puluerem contendantur, affundaturque oleum commune, & in mortario bene misceantur, hinc in B. M. horis 24. digerantur, & postea exprimantur. Colatura vel ad Solem, vel in B. M. stet, donec feces subsideant, à quibus purum oleum inclinatione separetur, & vsui seruetur. Tertiò etiam destillatione parantur olea, vt supra dictum, è quibus quædam hodie Balsama nominantur. Et si enim balsamum olim nobilissimi & suauissimo odore præditi liquoris αὐτοφύους nomen fuerit: tamen, cum iam non ita cognitus sit, Medici in eam curam incubuerunt, vt alios liquores compositos ipsi substituerent, qui, quantum fieri potest, eius vires æmulerentur. Tales plurimi, qui & intra corpus sumuntur & externis corporis malis adhibentur, passim descripti exstant, collegitque plurimos Gesnerus, in parte 1. & 2. V. Veckerus, in antidotar. speciali qui ibi videri possunt. Vnum atq; alterum saltè addere libet.

℞. Galbani ʒss, ol. terebinthina clari ʒbii.

Digerantur in cucurbita vitrea lento calore per vnam atque alteram septimanam: Postea destillantur. Liquori destillato adde ol. laurundula ʒi. Iterum destillantur; oleum seu balsamum prodibit, quod si cum spiritu vini circulaueris, penetrantissimum efficietur; quod & in doloribus colicis cum oleo saponis Veneti vmbilico foris illitum præsens est remedium. Balsamum vulnerarium tale paratur.

℞. Galbani, ammoniaci, bdellij, an. ʒss.

Macerentur in aceto triduum, tandem colentur, & inspissentur ad consistentiam mellis.

Deinde ℞. Myrrha rubr. mastich. an. ʒss. thuris ʒi. Puluerisatis adde terebinth. laricea, ol. oliuar. an. ʒii.

Coqu. lento igne, donec gummi dissoluta fuerint.

Deinde rursus adde olei oliuar. ʒi. Iterum super lento igne agitando coque, atque ita semper ʒi. olei oliuarum addendo perge, donec ʒbii. addita fuerit. Tandem gummi aceto dissoluta admisce, atque aliam adhuc olei oliuarum libram, vt prius, adde. Mista omnia per mensem vnum, vel plures stent in Sole vel loco calido, & feces subsidebunt, à quibus purum balsamum separetur. De Balsamo sulphuris,

cuius vsus inter interna medicamenta, supra, cap. 9. dictum. Occurrit autem & apud authores mentio Balsami sulphuris ad externa, tribuitque Rulando hoc:

℞. sulphur. vel flor. sulphur. ʒii. olei papau. express. ʒss. vini boni ʒiiii.

Macerentur octo diebus leni igne, atque aliquoties agitentur, postea coquantur lento igne ad vini consumptionem. Tandem colentur & vsui seruentur. Vide centur. 1. curat. 92. Rulandi. Alij tamen hanc veram Balsami sulphur. Rulandi præparationem esse putant.

℞. Flor. sulph. ʒj, camphora intra chartam contrita, ʒii, ol. amygdal. dulc. ʒiiii. (alij sumunt ol. nucum iuglandium) Digerantur in cineribus calidis, donec sulphur soluat. Ex Balsamo sulph. fit emplastrum diaphysum Rulandi, ab eodem, cent. 1. curat. 93. descriptum, hoc scilicet modo.

℞. Balsami sulphuris ʒiii, cera ʒss, colophonia ʒiii, Myrrha ad pondus omnium.

Reliquis omnibus calefactis inspergatur myrrha subtiliter trita, & lento igne, ferè horæ quadrante, in emplastrum coquantur. ♀ Balsamum ad externa vlcera laudatur hoc, si eius aliquid aliis vnguentis admisceatur.

℞. ♀, in spir. nitr. soluat. & ad quamlibet libram solutionis ♀ affundatur olei communis ʒxii.

Stent in digestionem octo diebus, postea oleum ab aqua separetur.

℞. ♀, vinum, qui post butyri ♂ destillationem prodit, affunde ol. iuniper. ʒiiii.

Stent in loco non nimis calido per horas 24. Sic tingetur oleum calore ex cæruleo virescente, quod postea defunde, & ad vsum in lue Venerea reserua.

Balsamum, vitriol. ℞. olei vitriol. part. i. terebinth. p. ii. Ol. vitriol. sensim in ol. terebinthina instilletur, vnde incalcescit.

Balsamum ♂: ℞. ♂ ʒbii, nitr. ʒiiii, salis tartar. ʒss.

Fluat simul in crucibulo forti & hinc in tabulam lapideam calidam effundantur: Refrigerata pulueriscentur, & admisceantur in cucurbita valida calcis viuæ ʒiii, atque affundatur spiritus terebinthinae, vt quatuor digitis emineat. Hinc vase clauso digerantur quatuordecim diebus, & spiritus terebinthinae rubro colore tingitur. Postea adde silices contusos ad spissitudinem aliquam. Tandem indantur Retortæ, & recipiente appposito fiat destillatio: atque vbi guttæ flauæ apparere incipiunt, mutetur Recipiens, & forti igne augeatur, atque exstillabit oleum rubrum, magnarum in diuturnis vlcerebus virium.

℞. Laminas ♀ tenuissimas, quot vis, affund. spir. terebinth.

Stent per dies 14. in digestionem, vt tingatur spiritus colore viridi, qui defundendus & ad vsum seponendus.

℞. Sal. n. ʒi. olei terebinth. ʒiiii. Misc. stent per mensem i. in digestionem, & sic soluetur sal n., fietque balsamus, cuius vsus est in Chirurgia. De balsamis verò, quæ ex oleis destillatis conficiuntur, supra cap. 31. dictum. De oleis videatur Vid. Vidijs, de medic. lib. 8. cap. 12.

CAPVT XXXV.

De Linimentis & Vnguentis.

Linimentum, seu litus, Græcis χρίσμα & ούγγρημα, & quod lassitudinem tollat, ἀνοπον dicitur. Quanquam post vsus obtinuerit, vt hoc vocabulum non facultatem medicamenti, vnde deductum est, sed genus mixturæ significaret, nimirum medicamentum liquidum, quod extra illinitur, consistentiâ oleo

1. Olea parandi ratio.

Oleum ouorum.

2.

3.

Balsamum Balsam. galbani terebinthinat.

Balsamum sulphur.

Emplastrum diaphysum.

Balsamum ♀.

Balsamus viridis.

Balsamum vitriol.

Balsamum ♂.

Balsamus ♀.

Balsamus n.

Linimentum

oleo crassius, vnguento verò liquidius, seu mediæ inter oleum & vnguentum consistentiæ. Constat autem ex oleis, butyro, cera, pinguedinibus; seu, medullis, lacrymis arborum, succis, mucilaginibus. Cera ferè carent, aut si quid eius sumitur, ad olei ℥j. ceræ ℥j. tantum recipitur. His accedunt interdum farinæ, pulueres, resinæ. Parantur autem hoc modo. Recipiuntur olea, pinguedines, vel reliqua, quæ modò enumerata: his adduntur pulueres, succi & similia, ea analogia ferè, vt ad oleorum ℥i. pinguedinis ℥iij. vel ℥ij. specierum ℥i. sumatur, vel ea proportio seruetur, vt consistentia oleo paulò saltè crassior fiat: miscenturque omnia vel sine igne & decoctione, vel ad ignem, vt gummi & pinguedines liquefiant, aut etiam ebullitione aliqua, ad succorum scilicet, aut aceti, si tale quid admistum sit, consumptionem.

℥. *Terebinth. clara, gummi elemi* an. ℥iij. *pingued. castrei* ℥ij. *porcina antiqua* ℥j. Liquefiant ad ignem. F. linimentum, quod in omnibus vulneribus valde commendat Fr. Arcæus.

Aliud. ℥. *Aloës, fellis taurini* an. ℥j. *pulu. camhami* ℥ij. *Cum ol. liliaceo & pauxillo cera.* F. linimentum, per ventrem inferiorem purgans.

Aliud. ℥. *Succi, iridis, lapati acuti, radic. helenij*, an. ℥iij. *pingued. porcina* ℥j. *unguenti dialibæ* ℥vj. Liquefiant super igne. Atque addantur *myrrha, mastiches*, an. ℥j. *sulphuris* ℥ij. Coquant. ad linimenti consistentiam, ad scabiem.

Aliud. ℥. *Ol. de absinthio, mastichini, mentha*, an. ℥ss. *spec. aromat. rosat. ol. nucis mosch. express.* an. ℥j. *destill. caryophyll. gr. ij. cera parum.* F. linimentum, pro ventriculo frigido.

Aliud. ℥. *Ol. rosar. mastich. nardini*, an. ℥ss. *nuc. mosch. express.* ℥j. *spec. aromat. rosat.* ℥j. *cera parum.* F. linimentum pro ventriculo.

Aliud. ℥. *Emplastrum diachyli s. de meliloto*, an. ℥j. Soluantur in oleo de capparibus. Adde ammoniaci aceto dissol. ℥j. *adipis gallinæ* ℥ss. *ol. lilior. albor. de capparibus*, an. q. s. F. linimentum in duritie lienis.

Linimentum ad gingiuas exulceratas, & sanguinem fundentes, scorbutumque.

℥. *Macis, myrrha, aquilegia, salvia, ruta, mentha*, an. ℥ij. *aluminis vsti* ℥i. Puluerisata infundantur feruidi mellis ℥iij. Agitentur optimè, & refrigerata ad vsum seruentur. De his agit Vid. Vidijs, de medic, lib. 8. cap. 11.

Vnguenta Græcis *μύσα & ἀλείμματα*, vnde Myropolæ & Aliptæ, antiquis in primis dicebantur, quæ deliciarum causa ex odoramentis fiebant: & ab oleis non crassitudine sed suauitate odoris discernebantur. Quæ verò hodiè dicuntur Vnguenta sunt Græcorum *εμματα* ita dicta, quod linamentis carptis exciperentur (*μῦτος* enim Græcis Linamentum est) imò & Cerata ac emplastra, & ab antiquorum vnguentis, non parum differunt, & ex oleis, pulueribus, gummi, pinguedinibus, mucilaginibus, succis, & cera, in varios in Medicina vsus, parantur. Habentque vnguenta, vt dictum, linimentis paulò crassiorem substantiam, eademque est vnguenti & linimenti materia, sed diuersa proportio. Nam quæ inspissant, maiori quantitate sumuntur in vnguento, quam linimento; minore autem liquida & oleaginosa. Seruaturque in iis componendis hæc ferè proportio, vt ad oleorum ℥j, recipiantur pulueris ℥j. ceræ ℥ij. vel q. s. in iis scilicet, vbi vnguenta ex oleis, pulueribus metallorum & plantarum, & cera fiunt. Nam etiam aliis modis vnguenta fieri ex sequentibus patebit. Parantur nimirum vel cum igne, vel sine igne. Sine igne hoc modo parantur. Sumuntur pulueres triti & cribrati, qui oleis insperguntur, additaque sufficiente ceræ quantitate, omnia in vnguenti formam rediguntur.

Dan. Sennerti Tom. I.

℥. *Ol. absinthij, nardini, mastichini*, an. ℥j. *pulu. caryophyll. spec. aromat. rosat.* an. ℥j. *ol. nuc. mosch. per express.* ℥ss. *cera q. s.* Fiat vnguentum pro ventriculo.

Aut recipiuntur vnguenta vsualia additurque iis specierum vel puluerum ferè subquadruplum, vel suboctuplum, & cum oleo aliquo conueniente miscentur.

℥. *Vnguenti albi camphorati, rosacei* an. ℥iij. *lithargyri auri, argenti, tutie lotæ* an. ℥j. *plumbi vsti loti* ℥j. *succi plantag.* ℥ss. *ol. omphacini, de vitell. ouorum*, an. ℥ii. Misc. in mortario plumbeo. Fiat vnguentum ad maligna narium vlcera.

Aut sumuntur pinguedines, medullæ vel solæ vel cum oleo, pondere æquali, duplo, vel subduplo, adiectis paucis pulueribus cum q. cera. F. vnguentum. Horum enim miscendorum analogia magnam latitudinem habet, & pro miscentis arbitrio nunc hoc nunc illud excedere potest.

℥. *Ol. chamamel. rosarum, mastichini*, an. ℥ss. *terebinth. vermium terrestr.* an. ℥ii. *seui vitulini, hircini*, an. ℥ss. *pingued. vulpis, canis*, an. ℥j. *cera quantum suff.* F. vnguentum.

Cum igne verò etiam pluribus modis fiunt. Aut enim pinguedines, olea, gummi liquantur, vt pulueres facilius immisceri possint.

℥. *Olei rosarum, cera alba*, an. ℥ss. *succi solani* ℥v. *cerussa lotæ* ℥i. *plumbi vsti, tutie lotæ, thuris* an. ℥ss. Liquefiant ad ignem. Deinde coniiciantur in mortarium plumbeum & horæ spatio agitentur. Fiatque vnguentum, ad tibiæ vlcera.

Aliud. ℥. *Vini boni* lbijss. *sulphuris* ℥iii. *thuris* ℥ii. *salis* ℥iii. *pingued. porcina* ℥iiii. *cera alba* ℥ss. Bulliant omnia, donec tertia pars absumatur. Sub finem adde *styrac. liquid.* ℥ss. finito congelari pro vnguento in scabie.

Vnguentia vmbilicalia purgantia Andernac.

℥. *Succ. cyclam. cucum. asin. ebuli*, an. ℥iii. *ol. sesam. irini*, an. ℥ii. *cera parum.* F. vnguentum.

Aliud eiusdem.

℥. *Succ. sambuc. mercurial.* an. ℥iii. *farina erui vel lupin. mellis*, an. ℥viii. *Cum cera q. s.* Misc.

Aliud fortius eiusdem.

℥. *Succ. mercurial. cyclamin. cucum. sylu.* an. ℥iij. *pulu. elleb. utriusque* an. ℥ss. *diagryd.* ℥ss. *fell. taurini* ℥ii. *farin. lupin.* ℥ss. *mellis parum.* Misc.

Aliud Varandæi.

℥. *Rad. cucum. agrest. bryon.* an. ℥i. Coq. in oleo communi, postea add. *pulp. colocynth. Agaric. troch.* an. ℥ii. *sem. ebuli, scammon.* an. ℥i. *elleb. nigri* ℥j. *cera parum.* Misc.

Aut herbæ, radices, semina macerantur aliquamdiu in aqua, vino, succis, oleo: deinde coquantur ad consumptionem ferè liquoris. Colaturæ expressæ adduntur cætera, & cum pinguedine aliqua ac sufficiente quantitate ceræ vel gummi. Fiat vnguentum. Vnguentum ad scorbutum, tendinèque induratos, & inde ortam ambulandi impotentiam efficax.

℥. *Radic. helenij contusæ.* ℥ii. *lumbricor. terrestr.* ℥ss. Coq. in q. vini maluatici. Deinde expressis adde *ol. lilior. alb. costini*, an. ℥ss. *hyperici* ℥ss. *terebinthina* ℥ii. *unguenti de bdellio* ℥iii. *medulla crurum vituli, cerui* an. ℥ii. *pinguedinis taxi* ℥ss. Coquantur iterum & cum *cera q. s.* F. vnguentum, quo membrum fotum & panis calidis tersum illinatur.

BBB b

2

℥. Fol.

℞. Fol. lauri, rorismarin. salvia, maiorana, radic. costi, scarlea sylvestris, menba, millefolij, radic. consolidae maior, ana M. j. flor. laundula, rosar. rubr. & alb. hyssopi, tanaceti, urtica maior. an. Mss. absinthij, hyperici, plantag. lata & acuta, agrimonia, an. Mij Omnia contusa coquantur continuo agitando in butyri maialis & pingu. birci sine sale lbij. vel q. s. ferè ad succi consumptionem, hinc exprimantur. Cui adde cera alba ℥iiij. Tandem etiam mastiches, thuris, an. ℥ij. Fiat vnguentum ad contusa, conquassata, nervosaeque partes roborandas, appellaturque vulgò vnguentum herbaceum.

Aut paratur absque oleo cum axungia. Herbae nimium, flores, radices omnes recentes cum axungia teruntur probè in mortario, donec herbae axungiam imbiberint. Hinc liquantur in igne & exprimuntur. Vide Vid. Vidium, lib. 8. de medic. cap. 7. Vvecker. antidot. special. lib. 2. sect. 27. 28.

CAPUT XXXVI.

De Ceratis & Emplastris.

Ceratum.

Emplastrum ἀπὸ τῆ ἐμπλάστειν, id est, fingendo vel illinendo nominatur, quod extendi & linteo vel alutæ induci vel illini possit. A Recentioribus duo hîc vsurpantur vocabula, Ceratum & Emplastrum, quæ secundum consistentiæ modum distinguuntur. Vt enim linimentum & vnguentum saltem consistentiæ modo differunt; ita ferè etiam Ceratum & Emplastrum. Ceratum enim emplastro minus duram habet consistentiam; ad emplastri tamen duriciem ferè accedit. Antiqui tamen nomen hoc pro molliore medicamento vsurpabant, eo scilicet, quod ex oleo & cera constans illinebatur. Diciturque cerotum & ceratum à cera, quod maiorem partem ceræ recipiat; & componitur hodie ex pulueribus, oleis, gummi, pice, terebinthina, & cera, additis interdum quoque pinguedinibus medullis, mucilagibus. Et quidem tres secundum materiam ceratorum sunt differentiæ. Vel enim componuntur tantum ex cera, oleo, resina; vel ex iisdem, additis præterea pulueribus; vel præter hæc omnia gummi & succi adduntur. Proportio autem mistorum varia est, neque facile definiri & regulis comprehendi potest, & pharmacopœi artificio plerumque ceræ miscendæ quantitas relinquitur, qui à minore quantitate ad maiorem πρὸς δεξιὴν sensim ascendit. Ita tamen ferè definiri solet analogia mictionis, ut cum ex oleo, cera & resina constant, sumatur olei pars j. resinæ dimidia, ceræ part. iij. Cum verò pulveres adduntur; ut oleorum ad pulveres proportio sit octupla; ad ceram verò tripla, quadrupla, sextupla; & ad resinam, quæ ut tenaciùs hæreat, addi solet duodecupla. Euaditq; cerotum durius tribus modis: defectu scilicet olei & pinguedinis, coctione, & copia ceræ vel puluerum. Parantur autem hoc modo. Si ex pulueribus saltem, oleo & cera fieri debet ceratum, cera & oleum ad ignem dissolvantur, pulueresque sensim inspergantur, & accuratè miscantur. Si pinguedines, gummi, vel alia igne liquanda recipiuntur, cum cera liquantur. Si gummi in aceto aut vino dissolvenda adsunt, prius solvantur, oleo & ceræ miscantur, & acetum aut vinum coctione absumatur; hinc pulveres inspergantur. Si radices, fructus, vel semina addere placet: hæc prius coquantur; colatura iterum coquatur cum oleo, ad humoris consumptionem. Tandem adduntur liquata & trita cætera, miscenturque omnia & ad vsum servantur. Qualia in pharmacopoliis parata habentur, cerorum stomachale, santalinum, infrigidans. Vbi verò recentia in præsentem

vsum præscribere libet, ad magnum ceratum sufficiunt ℥iiij. ad mediocre ℥ii. ad paruum ℥i. & quidem specierum ad mediocre ceratum ℥iii. vel ℥iiii. sufficiunt. Atque talia cerota alutæ induci, pulvere aromatico conspergi, & syndone regi solent. Partibus autem, quibus applicari debent, quantitate & figura etiam, si fieri potest, respondere & conformia esse debent.

℞. Pulv. mastich. cortic. thuris, an. ℥ii. gum. iuniperi, corall. rubr. rosar. rubr. myrtill. balaustiorum, cortic. granator, an. ℥ss. ladanij q. s. Cum oleo rosaceo completo & cera. F. Ceratum ad suturam coronalem, latitudine manus, operiendum syndone rubro.

Aliud. *℞. Ladanij opt. ℥iii. spec. arom. ros. ℥i. ol. nuc. mesch. ℥ss. Cum ol. rosar. completo, & cera q. s. F.* Ceratum, quod tegatur syndone rubro.

Aliud. *℞. Sagapeni, opopanax. galbani, an. ℥i. pulv. castorei, assæ fœtida, an. ℥ss. pulv. matricar. ℥i. gumm. in aceto dissoluti cum olei absinthij & cera s. q. F.* Ceratum, de quo quantum satis extendatur super aluta in suffocatione matricis.

Aliud *℞. Ol. rosat. violati, chamamel, an. ℥j. axungia galliæ, medulla crurum vituli, an. ℥ss. vernium terrestr. vino latorum ℥j. butyri recentis ℥vj. mucilag. albae lbss.* Bulliant omnia ad consumptionem mucilaginis. deinde colentur. Colaturæ adde lithargyr. ℥iiij. minij ℥iii. & cum cera alba q. s. F. Cerotum, Addendo terebinthina ℥x. mastiches ℥ss. Quod Arcaus in vulneribus in locis nervosis valde commendat. Vide Vid. Vidium, de medic. lib. 8. c. 10. Emplastra, quæ à cerotis saltem crassiore consistentia differre diximus, sunt medicamenta, quæ linteis vel pellibus tenuibus inducta cuti corporis imponuntur, eique tenaciùs adhærescunt. Componunturque hodie ex omnibus ferè medicamentorum generibus, metallis, mineralibus, resinis, gummi, mucilagibus, succis, floribus, seminibusque coctis & tuis, melle, oleo, cerâ. Quorum quædam facultatem, quæ expetitur, emplastro tribuunt; vnde emplastrorum secundum facultates variæ differentiæ oriuntur: quædam corpus præcipuè tribuunt, ut lithargyrum, cera, resinæ, gummi; inter quæ tamen ea eligenda, quæ cum reliquorum viribus magis conspirant. Componuntur autem eodem ferè modo, quo cerota, nisi quod consistentia iis est solidior & tenacior, ob lithargyrum, ceram, resinas, gummi, quæ permiscantur. Cera plerumque primo loco in oleo liquatur. Si lithargyrum adsit, id quoque in oleo coquitur. Si succi herbarum, vel decocta, mucilagines, acetum, vinum vel alius liquor immiscendus sit, & is reliquis admiscendus mistaque tamdiu coquenda, donec humiditas aquea absumpta sit. Hinc resinæ, adipēs, succi inspissati & concreti, & gummi iniiciuntur, interdum vino, aceto aut oleo dissoluta & colata. Tandem terebinthina admiscetur, omniæque ad iustam consistentiam decoquantur. Quod ubi factum, igne subducto pulveres sensim inspergantur, continuoque agitantur, ut cum reliquis in vnam massam coeant. E qua refrigerata, sed antequam planè induruerit, cylindri vel magdaliæ seu magdaleones efformantur, vsuque servantur. E quibus, cum opus, pars decisa, & si opus, oleo conveniente nonnihil emollita, linteis inducitur. Analogia mictionis exactè & scrupulosè definiri vix potest, & si aliquis error commissus sit, coctione aut plurimum aridorum vel liquidorum admixtione facile corrigi potest. Hæc tamen ferè proportio servatur, ut ad aridorum ℥i. sumantur olei pinguedinis vel mellis ℥iiii. ceræ lbj. resinæ ℥viii. Si verò herbae coctæ & contusæ addantur, Mi. requirit ℥i. vel ℥iij. olei aut pinguedinis. Vt ita ceræ ad resinam proportio sit sesquialtera; ad oleum quadrupla; ad pulveres duodecupla. Verum si resinarum maior quantitas sumitur, minore

Emplastrum.

Emplastrum componendi ratio.

Modus parandi Cerata.

1.
2.
3.

4.

minore ceræ opus est. Usualia ad hunc modum composita plurima habentur, & in antidotariis ac dispensatoriis dictis describuntur, ut exemplis multis opus non sit.

R. Terebinth. ℥ij. cera citrina, cerussa, ol. iuniperi an. ℥jss. resina, colophon. ol. onorum, an. ℥j. viuiol. albi ℥ij. camphora ℥j. lap. magnetis ℥vj. mumia ℥j. mastiches ℥ss. myrrha ℥ij. F. s. a. Emplastrum ad vulnera.

Aliud. *R.* Galbani, opopanax. an. ℥ss. ammoniaci. bdellij, an. ℥j. Infundantur horis 24. in aceto: postea super igne soluantur & colentur.

Hinc *R.* ol. comm. ℥ix. cera noua ℥iij. liquentur. His adde lithargyri. ℥ix. Coquantur & agitentur. Deinde admisceantur gummi soluta continuo agitando. Atque ubi mista fuerint, addatur aristolochia vtriusque, mastiches, lap. calaminaris, an. ℥j. Tandem myrrha, thuris, an. ℥ss. ol. laurini, terebinth. clara. an. ℥ij. F. Emplastrum ad vlcera.

Aliud. *℥.* Ol. rosacei omphacini & completi, an. ℥ij. mastichini, myrtini, an. ℥j. pingued. hircina ℥jss. succi betonice ℥j. Bulliant omnia ad succi consumpt. Deinde colentur. Adde mastiches ℥x. gummi elemi ℥vj. terebinthina ℥ijss. Cum cera alba s. q. F. Emplastrum. In capitis & aliis vulneribus vtilissimum. Emplastrum meum ad vlcera crurum δυσπρόνια feliciter sapissimè usurpatum.

R. Unguentum diapompholygos emplastri diapalm. grysei, an. ℥j. gummi elemi ℥ij. sacch. N. ℥j. cera q. s. F. Emplastrum durius. Emplastra plurima, modisque ea artificiosè componendi videantur apud Galenum, in lib. de comp. medic. sec. gen. Nonnunquam, antequam massa emplastica refrigeretur, linteam vetustate detritum immergitur, & ubi planè emplastri materia imbutum est, eximitur, extenditur, refrigeratumque in usum seruatur: quod genus Emplastri Telas emplasticas, & sparadrapum vulgò nominant, & ad vlcera extergenda, glutinanda, cicatrice inducenda, aliòsque vsus adhibent. Atque hæc sunt emplastra propriè dicta. Referuntur quidem ad emplastra etiam quædam, quæ sine cera, pice & glutinosis illis, & sine igne parantur, ac cum melle, mucilagibus & viscido quodam cremore, aut solum pau-xillo ceræ oleo liquatæ componuntur, cuius generis est emplastrum de baccis lauri, de crusta panis, & his similia, quæ inter emplastra & cataplasmata quasi media sunt. De emplastris tractat Vid. Vidius, de medic. libro octauo, capite sexto. Vvecker. antidot. special. lib. 2. sect. 29. 31.

CAPVT XXXVII.

De Cataplasmatibus.

Cataplasmata, Antiquis malagmata dicta, medicamenta topica sunt mollia, & pultis (vnde & cataplasmata quædam, quæ ex farinis, medulla panis, & mucilagibus cum liquore aliquo mistis fiunt, in specie Pultes nominantur) ferè consistentiam habentia, ad dolorem sedandum, repellendum, molliendum, discutiendum, pus mouendum, aliòsque fines comparata. Confunduntur quidem sæpe à Recentioribus vocabula Cataplasmatibus & Emplastri: Verùm differentia est inter ea. Emplastra enim longè duriora sunt; cataplasmata molliora. Et quidem Cataplasmata non habentur parata in pharmacopoliis, cum componantur ex materia, quæ vel putresceret, vel arida fieret, si diu asseruaretur. Componuntur enim hodie è plantis aut viridibus contusis, aut aridis in puluerem redactis, aut ad mollitiem decoctis. Parantur autem vel sine igne & coctione,

vel cum igne & coctione: vnde aliud crudum, aliud coctum appellatur. Sine igne: plantæ virides contunduntur, & in pultem rediguntur; vel sicca in puluerem redactæ cum sufficiente quantitate, duplo scilicet, vel triplo olei, vel liquoris idonei, miscentur.

℥. Fol. absinth. vulg. santonici, mentha, an. P. j. nucleor. persicor. amygdal. amarar. an. ℥ss. Cum felle taurino & ol. amygdal. amarar. F. cataplasma.

Aliud. *℥.* Ol. è nucleis persicor. amygdal. amarar. express. an. ℥jss. theriaca opt. ℥iij. mihridat. el. ℥ij. myrrha ℥j. F. cataplasma contra vermes.

Cataplasma laxatiuum.

℥. Sem. cocconid. colocynth. cort. inter. sambuc. succ. rad. Ebul. an. ℥vj. cucum. asinin. pulu. elleb. vtriusque terebinth. an. ℥iij. diagryd. ℥ij. Excip. cum melle, & Fiat cataplasma. *Vsus.* Si vmbilico imponatur, aluum mouet, si orificio ventriculi vomitum, si vesicæ vrinam. Caueatur tamen ne diutius quàm par sit applicatum retineatur.

Aliud ad vermes.

R. Spec. diaturbith. cum rhab. ℥j. aloës hepatica. ℥ss. unguenti populei, ol. absinthij an. q. s. M. F. Cataplasma. Cum igne verò & coctione fiunt, si plantæ contritæ vel contusæ in s. q. aquæ ad mollitiem vsque coquantur: deinde per cribrum traiciantur; quod tamen, si bene cocta & contusa sint, semper facere non est opus. His adduntur mucilagines, farina, adipisque & olei quantitas sufficiens, iterumque omnia ad pulvis consistentiam coquuntur. Nonnunquam etiam plantæ mox in oleo coquuntur.

R. Parietaria Miiij. Coqu. in s. q. ol. amygd. dulc. vel in s. q. aq. s. & postea adde ol. amygdalar. dulc. Hinc adde cepas sub cineribus coctas, num. iij. ol. scorpionis ℥ss. F. cataplasma, dolores renum sedans & calculum elidens.

Aliud. *℥.* Cancrorum num. xij. Coq. in s. q. aq. Contundantur. Exprime succum, quo imbuatur panis albus, Addantur vitell. onorum num. v. ol. amygdal. dulc. scorpion. an. ℥ss. Fiat cataplasma ad eundem affectum.

Aliud. *℥.* Flor. chamamel. rosar. rubr. absint. an. ℥ss. Pulueriscentur: farina hordei ℥ss. ol. rosacei ℥vj. aq. q. s. Coq. ad consistent. cataplasmatibus in doloribus, vulnerum præcipuè, vtilis.

Aliud. *R.* Panis albi medulla ℥iij. Macera in lacte bubulo, è quo butyrum non sit separatum, & parum coque. Adde vitell. ouor. num. ij. pulu. flor. chamamel. ℥j. croci ℥j. F. cataplasma ad dolores in podagra leniendos.

Aliud. *R.* Rad. althææ, lilior. albor. an. ℥j. malua, violar. parietarie, an. Mss. flor. chamamel. verbasci, meliloti, sambuci, an. P. j. sem. fenugraci ℥ss. Coq. in s. q. aq. s. ad mollitiem. Per cribrum traiectis adde farina lini ℥ij. axungie gallinæ ℥j. ol. chamamel. q. s. F. cataplasma, emolliens ac resoluens. Parata cataplasmata linteo inducuntur, & calida membro applicantur, & tum præcipuè usurpantur, cum emplastro-rum applicationem membrâ minus ferunt; ac in doloribus mulcendis, & flatibus discutiendis, ac affluente materia discutienda maximum usum habent. Vide Vid. Vidium, lib. 8. de medic. cap. 9. Vvecker. antidot. special. lib. 2. sect. 30.

CAPVT XXXVIII.

De Dropace, Synapismo, Phænigmis & Vesicatoriis.

AB Emplastris, Cerotis & Cataplasmatibus, forma quidem non differunt Dropax, Sinapismus & Phænigmus; à peculiaribus tamen effectibus, quos edunt, separatim à reliquis ceratis, emplastris & cataplasmatibus ea tractare placuit authoribus. *Δρόπαξ* Græcis, Latinis picatio, medicamentum est formâ emplastri vel cataplasmatibus compositum, cuti valentius adhærens, quod olim ad membra extenuata, resoluta, ad calefaciendum, sanguinisque maiorem copiam alliciendam, ut supra, *part. 2. sect. 2. cap. 5.* dictum, vel corpora humidiora exsiccanda, adhibebatur. Est autem duplex dropax: Vnus simplex, qui ex pice cum oleo liquata constat: alter compositus, qui præter picem & oleum, piper, castoreum, pyrethrum, bitumen, galbanum, sulphur, nitrum, cinerem sarmentorum, atque alia, quibus opus, recipit. E quibus omnibus cum pice & oleo emplastrum conficitur, quod alutæ vel lineis pannis inducitur, membræque, derasis antè pilis, ac præmissa sufficiente frictione, calidum adhuc applicatur, & antequam planè refrigeretur, auellitur, iterumque igni admoventur, partique applicatur. Idque toties repetitur, donec pars rubescat, & nonnihil intumescat.

℞. Piper. pyrethri, an. ʒj. sinapis, euphorbii, castorei, an. ʒß. picis navalis, olei an. q. s. F. Dropax in paralyti.

De Dropace vide etiam Vid. Vidium, *de medic. lib. 8. cap. 10.* Vvecker. *antidot. special. lib. 2. sect. 30.* Sinapismus verò est cataplasma aut emplastrum ex sinapi inprimis, unde & nomen habet, vel aliis, quæ sinapi viribus & æmulantur, compositum. Estque duplex, alius mitior, & lenior, quem *ποινιγμορ* Græci, quod cutem rubificet, ad materiam, quæ altius in corpore demersa latitat, in corporis superficiem euacuandam; alius verò fortior, qui etiam vesicas in parte, cui admoventur, excitat, quem propriè vesicatorium nominant. Conficiebant autem Antiqui Sinapismos ex caricis & sinapi. Ficus siccas in aqua repida macerant, postridie sinapi tritum cum pulpa illa commiscunt. Et quidem si sinapismus vehementior expetitur, sumuntur duæ partes sinapis, & vna ficuum: si verò imbecillior, vna pars sinapis, duæ ficuum: si mediocris, partes æquales. Mista illinuntur parti affectæ, & tamdiu relinquuntur, donec cutis rubore suffundatur, unde, ut diximus, *ποινιγμορ* appellatio est: idèoque sæpius partem detectam inspicere oportet, inprimis si in parte sensus perierit: hoc modo enim affecti vix vel tardius, etsi immodicè adurantur, id percipiunt. Si quis dolor aut feruor inde excitatus sit, decocto maluæ aut fœnigræci cum oleo rosaceo aut amygdalino parum fouenda. Sunt autem multa, quæ sinapi hac in re viribus æmulantur, vel etiam excedunt, ut semen nasturtij vtriusque, vrticæ, radices thapsiæ, cyclamini, bryoniæ, scillæ, allij, tithymalus, anacardina, euphorbium, cantharides, & alia, quæ supra, *part. 1. sect. 1. cap. 10.* sunt enumerata. Ex quibus cum melle, oxymelite scillitico, aceto scillitico, melle anacardino, spiritu vini, terebinthina, sapone, fermento, gummi acrioribus, emplastra & cataplasmata fieri possunt, siue ad ruborem saltem & ardorem parti inducendum, siue etiam ad vesicas excitandas.

℞. Ol. de castoreo, de euphorbio, an. ʒiß. sinapis ʒij. sagapeni, castorei, an. ʒj. euphorbii ʒi. stercor.

columbini ʒß. cera q. s. Fiat emplastrum in dolore ischiadico.

Aliud. *℞. Cantharidum alis & capitibus abscissis num. vj. fermenti acris ʒiii. M. F. cataplasma.* Potest etiam aliquid sinapis addi & pulpa ficuum pro vesicatorio.

Aliud. *℞. Fermenti ʒj. aceti acerrimi ʒij. cantharidum ʒß. M.* pro vesicatorio post aures ponendo in ophthalmia.

Aliud. *℞. Cantharid. abscissis alis & capitibus num. iij. fermenti ʒij. mellis Anacardini, aceti scillitici q. s. F. Cataplasma.*

Vbi vesica à medicamento excitata est, rumpenda est, atque exulceratio non mox siccanda, sed permittendum, ut humor, quem vel euacuare, vel reuellere, vel deriuare cupimus, effluat: atque ideo pingue aliquod vnguentum, vel fîcus, vel folia caulium imponenda sunt Cantharidibus etiam extra corpori impositis sanguinem per vrinam reddi nonnulli scribunt. Verum monet Rondelerius *de dignos. morb. cap. 11.* quod nunquam hoc euenire cognouerit, quamuis ventri apposuerit. Id quod nec ego vquam animaduerti, licet centies vesicatorij loco Cantharides vsurpauerim. Vide de Phænigmis & Sinapismis Vid. Vidium. *de medic. lib. 8. cap. 9.* Vvecker. *antidot. special. lib. 2. sect. 32. 33.*

[Cum vesicatoria plerunque tardius, & non nisi post aliquot horarum spatium, vesicas excitent, interdum verò, ut in apoplexia, subito auxilio opus sit, Henr. ab Heer, *obserua. oppidò rarar. 21.* nouum per cucurbitulas, intra vnus horæ spatium, vesicas excitandi modum inuenit, qui hic est: Capit latri orificij cucurbitam vitream, aut vitrum humilius, quo vinum bibitur; illi stupam ardentem, ut moris, addit, & vbi liber, apponit. Vbi per quadrantem horæ hæsit, detrahit, & iterum cum flamma, quam potest, maximè apponit: Paulo post in *εὐσάπροις* & iuuenibus, (in senibus enim, & densâ cute præditis, id accidit tardius) vesiculæ excitantur paruarum acicularum capitella vix æquantes; quibus omnibus horæ vnus spatio coeuntibus, surgit vesica maxima, ori cucurbitæ vel vitri æqualis. Tum si vas vitreum habet foramen cerâ obductum, illud acu perforat, ut aëre aditum habente, vas decidat: si non habet, vitrum cultro percussum frangit. Nam si auelleretur vi, dolorem excitaret. Vesicâ ruptâ, imponit vel caulis folia, vel macram carnem bubulam, donec olere incipiat.]

Nouus Henrici ab Heer, modus vesicas excitandi sine medicamentis vesicatoriis.

CAPVT XXXIX.

De Epithematis, Oxyrrhodynibus & Anacollematibus.

QUæ hodie Epithemata dicuntur, Græcis appellabantur etiā *μαλάγματα*. Etsi enim Malagma à molliendo dicitur: tamen vsu tritum fuit, ut Epithemata appellarentur, quæ non solum emolliunt, sed etiam quæ adstringunt & discutunt. Et non solum ex decoctis, sed etiam è gummi componebantur. Antiquorumque epithemata eadem cum vnguentis ferè materia constabant, & appellabantur ita omnia, quæ mediis corporis regionibus imponebantur; imò in genere, ut nomen innuit, omnia medicamenta, quæ extra corpori imponuntur, ita nominari possent. Vfus tamen obtinuit, ut hodie solum ea medicamenta Epithemata appellentur, quæ ex aquis destillatis, decoctis aut succis cum speciebus aut pulueribus mistis constant, & extremis partibus, inprimis regioni hepatis, lienis, cordis, ventriculi, fronti & articulis adhibentur. Materiam quod attinet, ea est varia,

Epithemata

Epithemata parandi materia.

varia, pro variis scopis: Aquæ destillatæ, succi, decocta, olea, vel hæc sola vel mixta: adhibenturq; epithemata pro æstu mitigando, influentibus humorib. profligandis, partibus confortandis: cuiuslibet tamē parti aquæ & liquores, atque species appropriatæ sunt applicanda. Parantur autem epithemata duobus modis. Primum ex solis liquidis. Recipiuntur nimirum aquæ destillatæ, vel succi parti & affectui conuenientes, quibus interdum aliquid aceti penetrationis gratia, vel vini additur. Deinde adiiciuntur species seu pulueres subtilissimè triti, ad ℥ij. ferè ℥i℥. vel ℥ij: nonnunquam tamen etiam plus puluerum sumitur. Præscribitur autem materia epithematis pro partis magnitudine ab ℥iij. ad ℥ij. Misturâ ista prius, vbi usurpanda est, ne pulueres in fundo subsideant, agitata, pannus lineus, vel laneus, aut gossypium, aut spongia imbuitur, & tepida plerumque parti imponitur, & quociens exaruit, renouatur.

℥. Aq. rosar. ℥iij. borrag. melissa, vini maluatici, an. ℥j. aceti rosar. ℥℥. ligni aloës, santali citrini, cortic. citri, an. ℥j. macis, cinamom. caryophyll. an. ℥℥. F. Epithema Cordiale.

Aliud. ℥. Aq. rosar. portulacæ, plantag. endiuia, bursa pastoris, an. ℥iij. balaustior. sem. portulacæ, santal. rubr. trochisch. de camp. an. ℥℥. aceti ℥℥. F. Epithema pro hepate, in fluxu sanguinis. Nonnunquam nulli pulueres asperguntur, sed simplicia in aqua prius macerantur.

℥. Flor. rosar. rubr. M. ℥. borrag. P. j. cinam. ℥j. zedoar. sem. ocymi, caryoph. an. ℥℥. croci, camphora, an. ℥j. gallie mosch. ℥℥.

Infunduntur omnia in s. q. aq. rosar. Macerentur per diem vnum, postea in B. M. vase bene clauso parum bulliant, & colentur, pro Epithemate Cordiali. Vide Vid. Vidium, de medic. lib. 8. cap. 8.

Ad epithemata etiam pertinent Oxyrrhodina dicta, quæ epithemata sunt fronti peculiaria, ex oleo rosaceo & aceto, ad refrigerandum & repellendum parata. Antiqui recipiebant olei rosacei part. iij. atque j. part. aceti, simulque agitabant, quibus petias immergebant, & fronti applicabant. Hodie etiam alia olea, vt violaceum, myrrinum, nymphaeæ, nonnunquam & aquæ destillatæ ac pulueres adduntur, santalum, & alia.

℥. Aq. rosar. ℥iij. viol. anethi, an. ℥ij. ol. nymphaeæ ℥j. aceti parum. Misce.

Aliud. ℥. Aq. rosar. ℥iij. chamamel. ℥ij. ol. rosacei, aceti rosacei, an. ℥℥. camphora g. ij. Misce.

Aliud. ℥. Succi solani vel semperuiui ℥ij. aceti ℥j. ol. rosacei ℥ij℥. Misce. Nonnulli non ad frontem, sed circa collum talia applicanda censent; cum vapores plerumque ab inferiore parte corporis adscendant, quibus facilius in collo, quam in fronte, aditus intercipitur. Huc quoque referenda ἀνακολλημα, quæ in oculorum affectibus & hæmorrhagia narium in primis fronti applicari solent, ea de causa ita dicta, siue quod ex medicamentis opplendi, glutinandi, adstringendique facultatem habentibus consistit; siue quod humorum affluentium impetum sedent, siue quod lentore suo parti, cui applicantur, adhærescant, & quasi agglutinentur. Parantur enim ex farina volatili, bolo, sanguine draconis, acacia, mastiche, manna thuris, & similibus, cum oui albumine mistis.

℥. Boli armeni, farina volatilis, an. ℥ij. aceti rosacei, aqu. rosar. an. ℥j. F. anacollemma fronti applicandum.

Sæpe tamen etiam sine albumine oui, ad dolorem capitis sedandum, vel somnum conciliandum, parantur, quæ vel per petias illis imbutas, vel sacculis inclusa, applicantur, rectiusque in genere epithemata vel frontalia appellantur.

℥. Flor. violar. chamamel. nymphaeæ, rosar. rubr. meliloti, an. P. j. sem. papau. albi ℥i℥. nucleor. persicor. num. ij. Excipiantur serico rubro duplici. F. frontale, quod aqua sequenti madefieri potest.

℥. Aq. ros. ℥iij. anethi ℥℥. chamamel, aceti rosacei, ℥j.

Vel ℥. Capit. papau. albi cum sem. num. iij. sem. anethi ℥℥. flor. meliloti P. ℥. amygdal. amar. nucleor. persicor. an. num. ij.

Contundantur & cum aqu. rosar. misceantur in formam pulvis, pro epithemate frontis. Vide Vvecker. antidot. spec. lib. 2. sect. 13.

C A P V T XL.

De Fomentis & Sacculis.

Epithematis similia sunt fomenta, ita dicta, quod suo calore corporis partes, quibus applicantur, quasi foueant. Omnia enim fomenta ferè calida sunt effectui, & rarò frigida. Adhibentur vel ad partes calefaciendas, vel ad digerendum & discutiendum, vel ad dolores sedandos, vel dura emollienda. Sunt autem duplicia, humida & sicca. Humida fiunt vel ex aqua calida, vel oleo, vel lacte, vel vino, vel decoctis plantarum, cum aqua, vino, aceto, lacte factis. Spongia nimirum, aut panni linei triplicati, vel quadruplicati, aut lana, parti affectæ magnitudine respondent, liquore calido imbuuntur, partique affectæ imponuntur, atque vbi tepescere & refrigerari incipiunt, cum calidis permutantur, vel in eodem liquore calido iterum calefiunt.

℥. Mentha, absinthij, an. M. ij. flor. chamamel, rosar. rubr. an. P. ij. galanga, nucis mosch. an. ℥j. macis, cinam. an. ℥℥. balaustior. ℥j. Coquantur in l. q. vini rubri, pro fomento ventriculi. Nonnunquam simplicia sacculis lineis includuntur, & in aqua vel vino, vel lacte coquantur, calidæque loco affecto applicantur: in quem finem vtile est, duos parare sacculos, vt vno refrigerato, mox alter admoueat.

℥. Malua, althæa, violarum, an. M. ij. scabiosa M. ℥. flor. chamamel. P. ij. sem. lini ℥℥.

Includantur sacculo & coquantur, sacculusque calidus lateri dolenti ad dolorem sedandum imponatur. Interdum liquore decocti vesica suilla vel bubula ad dimidium repletur, & parti affectæ calida applicatur. Fiunt & fomenta ex animalibus viuis dissectis, & adhuc calentibus, præcipue columbis, vt & ex animalium recens mactatorum partibus adhuc calentibus, vt pulmonibus, omento; vel iisdem oleo calefactis. Interdum solum vapor à parte affecta excipitur. Vaporis materia potest esse liquidum quodcunque non oleosum; Aquæ scilicet vel thermarum, vel artificiales, vinum, acetum, decoctum. Excitatur autem vapor vel solo igne, vel iniectis lapidibus, vel scoriis ferri ignitis in liquorem, aut liquore iisdem affuso. Excipitur verò vapor per tubum lati orificij, vel infundibulum, vel circumponitur circa partem aliquam tegumentum, quo detentus, & conclusus vapor in partem affectam fortius agat. Cui vsui inseruit Laconicum seu tabulatum illud hodie passim notum, quo corpore reliquo vapor calidus excipitur, capite extra tabularum exserto. Ita per infundibulum vaporem in aures immitteri, supra diximus; In ani affectibus tenesmo, dolore hæmorrhoidum, ani procidentia, in vteri affectibus æger sedens parte illâ denudatâ, vestibis circumpositis vaporem excipit.

Vt ℥. Artemis. mercurial. calamintha, pulegi, ruta, roris marini, an. M. j. salvia M. ℥. cortic. aurantium ℥ij. flor. chamamel, sambuci, stæchados, an. P. j. F. decoctio in

Fomenta.

Fomentorum differentia. Humida.

1.

2.

3.

4.

3.

Sicca fomenta
Sacculi.

aqua & vino. Cuius vaporem à vase diligenter concluso fœmina in mensium suppressione excipiat. Post fomentationem hoc modo factam non incommodè vnguenta & linimenta adhibentur. Poris enim fomentatione patefactis faciliùs penetrant. Sicca autem fomenta per sacculos fiunt. Componuntur verò sacculi ex herbis, floribus, corticibus, radicibus, seminibus, aromatibus, gummi. Simplicia nimirum scopo præsentì conuenientia conciduntur, & conteruntur (nisi per se exigua sint corpora, ut triturrâ non indigeant, veluti semina, sal, furfur) sacculoque, cuius figura parti affectæ quadret, excipiuntur. Qui capiti imponuntur, longi, vel pilei aut tiaræ formam habere debent, vulgò cucuphas appellant; qui pro ventriculo parantur, scutiformes sunt, atque inde etiam scuta dicuntur, & sic de cæteris. Magnitudo parti respondere debet: pro sacculo cordiali ℥j. vel ℥i℥. sufficit: pro capite ℥ij: pro ventriculo maior requiritur. Includitur autem materia nonnunquam linteo, sæpius serico, aut sindoni rubro. Ne autem materia in vnum locum coaceruetur & conglomeretur, acu interpungitur atque intersuitur, vulgò interpassare nominant; Idque commodiùs fiet, si gossypio, vel floccis panni coccinei pulueres excipiantur. Sacculus paratus sæpius siccus parti imponitur; nonnunquam tamen nonnihil vino aut aceto irrigatur, & lapidi vel lateri ab igne calefacto imponitur & incalcescit.

℞. Cortic. citri siccorum, macis, flor. chamemeli, an. ℥ij. gummi iuniperi, thuris, caryophyll. aqu. rosar. macerat. & exsiccat. an. ℥j. rosar. rubr. myrtill. succini, an. ℥j.

Pulueriscentur, & cum floccis panni coccinei ex serico fiat sacculus capiti, ad materiam catarrhi resolvendam & absumendam, caputque roborandum, applicandus.

Alius. ℞. Melisse, borrag. flor. ros. rubr. an. ℥iij. cortic. citri siccor. ℥j. flor. lauendula ℥℥. sem. melissa, ligni aloës, caryophyll. croci, macis, cinamom. ℥℥. Fiat sacculus cordialis ex serico rubro.

Alius. ℞. Comar. absinthij, mentha, an. M. ij. betonica, rosar. rubr. an. M. ℥. cortic. citri, galanga, caryophyll. an. ℥ij. calami aromat. nucis mo ch. baccar. lauri, an. ℥j. F. sacculus pro ventriculo. Vide Vvecker, antidot. special. lib. 2. sect. 12. 46.

CAPVT XLI.

De Embrochis, Lotionibus & Balneis.

Embrocha.

Fomentis cognatæ sunt Embrochæ, lotiones & Balnea, quæ omnia potius quandam vtendi rationem, quàm medicamento compositionem & formam aliquam significant, eandemque ferè cum fomentis humidis habent materiam. Ἐμβροχή quidem irrigatio, instillatio, stillicidium atque impluuium, est humoris ex alto, pluuiæ instar, in partem aliquam destillatio, quæ sit vel prolutione ex vasculo proboscide inclinata, aut destillatione ex gutturnio. Atque ita à fomentatione saltem modo applicandi differt. Aëtius tamen, tetrab. 1. serm. 3. cap. 172. & cap. 174. ἔμβροχὴν & καλαόνειον distinguit: ipsique καλαόνειον seu irrigatio aut perfusio τῆς ἔμβροχῆς pars & principium tantum est: ἔμβροχὴν verò est, cum post τὴν καλαόνειον parti liquore aliquo perfusæ lana, vel lintreum eodem liquore imbutum apponitur. Adhibetur autem tribus præcipuè locis. Primò super suturam coronalem, in cerebri intemperaturis, finiturque humor per sagittalem suturam decurrere. Secundò ad principium spinalis medullæ in neruorum morbis, finiturque humor per totam spinam deflue-

Lotiones.

re. Tertiò ad ventriculum calefaciendum vel exsiccandum; finiturque materia per totum abdomen excurrere, si intestina quoque imbecilla sint; hepato cerato santalino applicato, si eius incensio metuetur. Materia stillicidij est aqua communis, thermarum, decoctum, lac, oleum, prout partis affectus id requirit. Lotiones verò aliæ partibus quibusdam adhibentur, quæ lotiones particulares appellantur; aliæ inferioribus corporis partibus vsque ad vmbilicum, quæ infessus & semicupia vulgò nominantur; aliæ toti corpori, quæ balnea dicuntur. Lotiones particulares inprimis capiti, manibus & pedibus adhiberi solent: paranturque, ut fomenta, ex herbis vel in aqua simplici, vel lixiuio coctis, vino, oleo.

℞. Maiorana, betonica, melissa, rorismar. an. M. j. flor. stæchad. Arab. P. ij. nigella ℥ij. Coquantur in lixiuio ad lotionem capitis.

Alia. ℞. Fol. lactuca, salicis, vitis, malua, violaria, flor. chamemel. summit. anethi, an. Mj. Capit. papau. alb. num. vij. vel x. Coquantur in s. q. aq. F. lotio pedum ad somnum prouocandum.

Alia. ℞. Rad. lapathi a. uti, helenij, chelidon. maior. an. ℥j. rasur. ligni guaiaci ℥℥. fumaria, anagallidis, beta, salua, chelidonia maior. centaury minor. an. Mj. fol. lauri M℥. flor. stæchad Arab. chamemeli, an. P. ij. fol. sene el. ℥℥. agarici ℥ij. farina lupinor. ℥ij. furfuris in peria ligati Mj. Coqu. in aqua vel lixiuio sarmentorum vitis pro lotionem capitis in Tinea.

Infessus, Græcis ἐγκαθέστωμα, est balneum ventris inferiorumque partium, cui æger ad vmbilicum infidet. Paraturque ex foliis, quorum Mvj. x. xij. vel plures, radicum ℥v. vj. seminum ℥v. præter propter sumuntur, & in aq. s. q. coquuntur. Habent autem tales infessus varios vsus. Nonnunquam ad dolorem sedandum, digerendumque adhibentur. Ita in doloribus nephriticis ex althæa, malua, parietaria, hedera terrestri, betonica, petroselino, floribus chamæmeli, semine lini, fœnigræci infessus parantur. Ita in prolapsu intestinorum, quæ ob tumorem & inflationem reponi non possunt, infessus ex emollientibus, digerentibus iisdem ferè vtiliter adhibentur. Ad ciendos quoque menses ex medicamentis ad eam rem propriis & accommodatis infessus fieri possunt. Herbæ nonnunquam sacculis induntur, ut in balneo æger iis vel infideat, vel parti maximè affectæ eas imponat. Balneum totius corporis lotio est, adhibeturque aut ad deterisionem cutisque vitia, vel lassitudinem, vel intemperiem totius. Balnea alia sunt naturalia, alia arte parata. Inter ea, quæ naturaliter nobis suppeditantur, simplicissimum est aquæ dulcis balneum, quod calefaciendi & humectandi vim habet, ideoque hæcticis conuenit. Thermas Naturæ etiam, non Ars suppeditat. Ad thermarum autem & naturalium balneorum imitationem Medicus multa in defectu thermarum parare potest. Ita in scabie, euacuato satis corpore, talis puluis ad balneum parari potest.

Infessus.

Balneum.

Balneorum
differentia.

℞. Alumin. ℥j℥. sulphur. ℥j. nitri ℥℥. salis P. ij. Misce,

Vel ℞. Radic. lapathi acut. ℥ij. enula ℥℥. fumaria, parietaria, beta, saponaria, scabiosa, an. Miiij. sem. 4. frig. maior. an. ℥j. tartari ℥j℥. farina fabar. in sacculo inclusa ℥℥. Coqu. pro balneo: in scabie & cutis affectibus. Vide Vvecker, antidot. spec. libr. 2. sect. 14. 16. 17.

CAPVT XLII.

De Cauteriis.

TAndem de Cauteriis etiam, ad quæ, ut ad extremum remedium, in nonnullis morbis confugiendum est, pauca dicamus. Nam tota de cauteriis doctrina prolixius ab aliis pertractata est; neque tota huc pertinet. Cauteria dicuntur medicamenta, quæ adurendi corpus crustamque excitandi vim habent. Sunt autem duplicia, Actualia vulgò appellata, quæ ferro candente perficiuntur: & Potentialia, quæ per medicamenta, *πορωτικά* atque vrentia: de quibus saltem agere huius loci est. Materia & compositio multiplex est, ac vix Cheirurgus est, qui non hîc aliquid secreti iactitet. Communis ferè omnium materia est lixiuium, è quo sapo conficitur. Imò commodissimè ex eo solo cauterium fit, idque Heurnius, *lib. 1. meth. ad Prax.* sexcentis aliis rectè præfert, utpote quod breui temporis spatio opus suum, & quidem sine dolore, perficere possit. *℞.* lixiuium, è quo sapo niger coquitur. Id sartagine exceptum coquatur in lapidem, qui tesserarum maiorum in formam scinditur cum refrigerit, ac vitro rectè obturato seruatur, vnde lapidem corrosiuum vulgò appellant. Hîc tamen obseruandum, ne ad omnimodam siccitatem, quæ cum spirituum salinorum iactura coniuncta est, coctura continetur, sed eousque saltem, donec humiditate aquea absumpta materia incrassari & inspissari incipit. Alij lixiuium addunt vitriolum, sublimatum, auripigmentum, atque alia talia acria, quæ suprâ, *part. 1. sect. 1. cap. 10.* enumerata sunt. Lixiuuium deinde coquitur ad lapidis consistentiam, qui in vitro, loco sicco, ne lique scat, seruatur.

Ut *℞.* Cineris calidi ℔ij, calcis vine ℔ij, tartari, salis ammoniaci, vitrioli Vngar. nitri, an. ℥ij. Lixiuuij primi saponis q. s. Superfundatur & transcoletur. Lixiuuium colatum iterum super nouas species fundatur & coletur: idque terriò vel quartiò fiat. Tandem humiditas separetur, & caput seu calx vsui seruetur.

Vel *℞.* Calcis vine P. iij, minij P. j. lixiuij seu saponis fullonum q. s. Fiant inde lapilli Vel: Præparetur lixiuium è cineribus tithymali aut sarmentis ficus. Hoc lixiuium funde super alumin. roche, vitrioli Vngarici, salis ammoniaci, an. q. v. Stent ita horis 24. postea percolentur. Colatura coquatur in vase æneo ad liquoris consumptionem. Quod relinquitur, seruatur in vitro ad vsum.

Vel *℞.* Vitriol. calcinati ℥ij, salis ammoniac. ℥j, calcis vine, cineris è vini fece, an. ℥iij. Tritis affundatur lixiuium ficulneum vel tithymalinum, sæpiùsque transcoletur, donec materia tota ferè dissoluatur. Alij alia etiam iactant, Verùm apparatu operosiore nullo opus est: cum illud, quod ex lixiuium acerrimo, è quo sapo paratur, conficitur, quodque primo loco proposuimus, omninò satisfaciât, & breuissimo tempore, ac horarum duarum vel trium spatio, sine vlllo dolore atque aliis symptomatibus, escharam inducat; id quod sæpiùs expertus sum. Videat, Heurnius, loco allegato. Vfus Cauteriorum apud Antiquos præcipuus erat, ut euacuetur materia, & abcessus aperiantur, vel pars siccetur & roboretur; quod tamen potius actualibus, quàm potentialibus cauteriis competit. Hodie non rarò ad auertendos à nobilioribus ad ignobiliores partes humores vsurpantur, vocaturque vlcus illud à cauterio excitatum vulgò fontanella. De quibus suprâ, *hoc libro parte 1. sect. 2. capite 9.* dictum. Atque hæ sunt præcipuæ medicamentorum formæ: ad quorum modum Medicinæ

studiosus & ipse alia componere, & ab aliis composita annotare poterit. Vtrumque enim non inutile putamus; etsi alij aliter hac de re sentiant. Nam quidam egregiè suo muneri se satisfecisse putant, & ad faciendam Medicinam paratissimos esse existimant, si magnam compositorum (Receptas vocant) farraginem colligant; etsi simplicium, è quibus componuntur, methodi medendi, & rationis medicamenta componendi, vix vllam cognitionem habeant. Alij contra de medicamentis ab aliis compositis patum sunt solliciti. Nam si methodum medendi teneant, simpliciumque naturam perspectam habeant, & methodum ea componendi calleant: cuius affectui commoda medicamenta se faciliè inuenturos existimant. Quod etsi verum sit, atque id etiam Galenus docuerit: tamen idem Galenus plurima au Antiquis composita medicamenta in libris de compositione medicamentorum collegit, & ipse vsurpauit, theriacamque ab Andromacho compositam, etsi & ipse componere medicamenta nosset, magnificat. Itaque hoc faciendum; sed illud tamen non planè omitendum censeo, atque rectè à præstantissimo Medico Iohan. Cratone, ciue meo, dictum puto, *Consil. 322. De morbi natura, inquit, causa, locoque affecto Medicus diligenter cogitet, atque in eo plus, quàm certis medicamentorum mirificis formis situm putet. Medicinam tamen expertam cum ratione adhibitam plus valere ea, quæ interdum subito à doctissimo etiam Medico magna ratione adhibita excogitatur, non dubito, atque hac in parte rationales etiam Medicos empiricis cedere debere de sententia Hippocratis statuo.*

Conclusio.

QVibus vniuersa Medicina comprehendatur terminis, & quæ ad eam pertineant, per compendium Medicinæ tyroni monstratum esse hactenus, existimo. Quæ si perspecta habuerit, in antiquorum scriptis, à quibus hoc labore neminem auocare, sed potius ad ea faciliùs percurrenda viam monstrare volui, maiore procul dubio cum fructu, neque tanquam in ignota sylua, nescius vnde veniat, aut quò tendat, vagabitur; sed tandem, studio indefesso, cum Deo, ad finem optatum perueniet, & *ἡ ἀνταρτία* euadet. Vnum saltem, quod aliquem sollicitum habere posset, conclusionis loco adhuc monendum; an nimirum in Medico etiam Fortuna requiratur. Vulgò quidem creditur, in Medico non solum artem, sed & fortunam, & ut nonnulli loquuntur, *χρὴς περὶ τὴν ἀνταρτίαν* requiri; & non paucos inuenias, qui Medicis arti medendi, quod ipsi diffiteri non possunt, non solidè gnaris. Successu tamen non infelici, ut putant, medicinam facientibus, quam aliis doctioribus quidem, at in curando non æquè felicibus, sese committere malint. Verùm ut ea, quæ à Philosophis de Fortuna in genere disputari solent, hîc non adferamus, breuiter monendum, primò Fortunam duplici modo hîc considerari posse, primò, ut ab Aristotele definitur, quòd sit causa per accidens in iis rebus, quæ per electionem alicuius gratia fiunt. Quæ quidem concedi potest respectu intentionis & actionum humanarum; cum multa sæpe præter rationem & opinionem accidant; Verùm Dei Optimi Max. respectu nihil casu vel fortuitò fit, sed omnia humana ab eo, etsi occulto modo, gubernantur. Deinde sumitur hîc Fortuna pro naturali quadam prudentia, *εὐσυχία* & *ἀγχινοία* rerum causas faciliè perspicendi, & ea, quæ generis sunt, particularibus faciliè applicandi. Secundò Fortunam considerari vel respectu ipsius Curationis, vel respectu famæ, quæ Medico è curatione obtingit. Ipsam ergo Curationem

An in Medicis Fortuna requiratur.

Cauteria.

Cauteriorum differentia.

Cauteria potentialia præparandi ratio.


Vfus Cauteriorum.

tionem quod attinet, in ea nec Medicus à fortuna, id est, causa aliqua per accidens, & iis, quæ præter rationem fiunt, felicem in curando successum, nec æger sanitatem sibi polliceri potest, sed utrumque ab accurata artis cognitione & benedictione diuina expectandum. Nam si & morbi naturam, & medicamentorum vim habeat cognita Medicus, atque ea suo loco & tempore, modoque conuenienti ægro adhibeat: felix inde euentus, quantum quidem is in artis potestate est, sequatur, & æger sanitatem recuperet necesse est. Vnde Hippocr. *de locis in homine* scribit: *Si morborum medicamenta certa sunt, ut sunt, quorsum fortuna opus est? Aut si in exhibitione medicamentorum Fortuna aliquid confert, non magis perfecte medicamenta, quam non medicamenta cum fortuna exhibita morbis proderunt.* Indoctus verò Medicus fortuna tali inprimis indiget. Nam cum imperiti rectam agendi rationem nesciant, si quis per ipsos sanari debet, fortuito id euenire necesse est: quod quidem non raro accidit. Dum enim hinc inde conquisita medicamenta temerè porrigunt, si accadat, ut ea conuenientia sint, eorumque vi & efficacia æger restituatur, Medico illud vel Empeirico sæpe adscribi solet, quod fortunæ adscribendum erat. De quo Celsus, *lib. 3. cap. 9.* *Quos ratio non restituit, temeritas adiuvat.* Verum ab ista fortuna alius æger aliquid commodi sibi polliceri non potest. Interim tamen prudens & pius Medicus, quam accuratè etiam artis præcepta cognita habeat, causam supremam, Deum Opt. Max. à quo omnium rerum euentus felix, non excludet, sed auxilium & vnà operantis actionem sperabit, & implorabit; quam nos pio & vsitato vocabulo Benedictionem diuinam potius, quam Fortunam appellamus. Idem à Deo æger petet, eumque orabit, ut pro sua voluntate efficaciam medicamenti adspiret. Quem enim Deus seruatum non vult, ei frustra efficacissima etiam Medicamenta exhibet Medicus. Si verò Fortuna sumatur pro naturali quadam prudentia & facultate generalia Indiuiduis applicandi, in ea

multum situm est: Et omnino æger plus auxilij à Medico tali prudentia prædito, quam qui ea destituitur, sibi polliceri potest. Si verò Fortuna Famæ Medici respectu consideretur, accidit interdum, ut offerantur artis medicæ non satis peritis morbi, qui aut sua natura leuiiores sunt, aut decursu temporis iam tales euaserunt, aut qui magnorum speciem præ se ferunt & adstantes terrent, etsi natura sua benigni sint: quorum ablatio (cum etiam citra Medici operam interdum euanescent) non tam Medico imperito, quam Naturæ accepta ferenda est. Contra accidere potest, ut Medicus etiam peritus in morbos difficiles, desperatos, & incurabiles incidat: quos cum medicamentorum etiam idoneorum ope tollere non possit, infelix & infortunatus vulgo, nulla tamen sua culpa, nulloque iure habetur. Sicut contra Medicus, cui salutare morbi curandi obringunt, felix habetur. Et licet iste suo modo felix sit & fortunatus: ex hac tamen felicitate & fortuna alij, qui periculosi oribus morbis laborant, non est ut aliquid commodi, sperent. Euenit tamen non raro, ut fortuna ista nonnullis applausum aliquem conciliet: cui facile aliquid accedere potest, quod ad famam quoque concitandam faciat, Hinc fit, ut raro Medici suis meritis æstimentur; sed opinionibus hac in re inprimis mundus regatur: verumque est, quod Ioh. Crato, *epist. 184.* scribit: *Fit maximus concursus ad illos Medicos, quorum opera ij, qui sapere videntur, (licet interdum egregiè desipiant, & stolidæ credulitatis pœnas dent) vruntur.* Verum ut hæc concludamus, non ad vulgi applausum captandum studia sua dirigat Medicinæ studiosus, sed id agat, ut solidam Medicinæ cognitionem sibi compareret. Quod assequetur, si consilio Hippocr. quod *lib. 1. de ægriæ* habet obtemperabit. Δει, inquit, μετάγειν τὴν σοφίαν ἐς τὴν ἰατρικὴν, καὶ τὴν ἰατρικὴν ἐς τὴν σοφίαν. Ἰνὰ οὗτος ὁ οὐδὲ σοφὸς ἰσὺς θεῶν. Cætera Deo commendabit, & felicem successum ab eo petet atque expectabit. *ILLE dat sapientiam sapientibus & scientiam intelligentibus: ILLE humiliat & exaltat.*

FINIS INSTITUTIONVM.

DE



D E
ORIGINE ET NATURA
ANIMARVM IN BRVTIS,
SENTENTIAE

Clarissim. Virorum in aliquot Germaniæ
 A C A D E M I I S,

Quibus simul

D. DANIEL SENNERTVS

à calumniis

D. IOANNIS FREITAGII,
 Vindicatur.

Lectoribus Beneuolis S.



NEFELICES Respublicæ sunt, Lectores Beneuoli, & magnis mutationibus obnoxia, imò ipsi interitui proxima, in quibus Senatores non solum sententiis dissident, sed & ob eandem discrepantiam in odia mutua exardescunt, ac maledictis & conuiciis certare incipiunt. Etsi enim raro omnibus de eadem re idem probari videatur: in Republica tamen libera vota libera esse, & eiusdem Reip. Senatores, quamvis sententiis discrepent, amicitiam mutuam colere decet. Quod verò in Rebus publicis fit, id non minus in Re literaria fieri decet. Quamvis enim in hac humanæ mentis imbecillitate, & Naturæ rerum obscuritate, pauci sententiis eadem de re planè conueniant: tamen ea de causa ad maledicta & conuitia mutua descendere, æquum non est.

^{Ἠλέγχ' ἐλέγχε: λοιδορεῖσθ' ἐχρή}
^{Ἄνδρες φιλοσόφους, ὥσπερ ἄστοπώλιδας.}

vt prudenter habet Aristophanes, in *Ranis*. Veritas enim disputando quidem eruitur, altercando verò amittitur. Quod utinam Ioh. Freitagius obseruasset: non certè scripta sua, quibus, nescio quam, Dictaturam in re Physica & Medica affectat, & cælo Philosophico, quod sine causa ruiturum metuit, alter Atlas, fulcra parare nititur, tot conuitiis, & in me maledictis, imò, vt scapham scapham nominem, tot mendaciis referisset, & in me è plauastro quasi

debauchatus fuisset: & quidem sine vlla à me data sufficienti causa; vt ex sequenti narratione patebit. Nam cum anno 1607. Fernelij de morbis totius Substantiæ, ab ipso ita dictis, sententiam primus (absit verò verbo inuidia) commodius explicasset, eamque postea primæ Institutionum editioni Anno 1611. inseruicem; ille eam Disputatione peculiari, de Sanitate & morbo, libro, quem Noctes Medicas inscripsit, annexo, impugnare cœpit, non sine verborum acerbitate. Ego, quod mearum partium erat, in secunda Institutionum editione mea declarare, non nominato tamen Freitagio, & roborare satégi. Accessit deinde alterum. Cum enim Quercetanus, in *defensione contra Anonymum*, cap. 23. narrasset, se vidisse Medicum quendam Craconiensem, Polonum, qui nouerit artificiosè ex omnibus plantæ cuiusvis partibus puluerem parare, qui vitreo vasculo inclusus, & lucernæ admotus ac calefactus, sensim se in speciem plantæ attollebat, plantamque omnibus partibus exhibebat, spiritualement tamen, quæ vase refrigerato, & calore languescente, iterum in cineres & puluerem residebat: D. Freitagius istam Quercetani narrationem, in *Noct. Medis. cap. 64.* pro fabulis & præstigiis habuit, & quibusdam rationibus id, quod Quercetanus se vidisse scribit, fieri non potuisse, conatus est probare. Ego verò in *Tract. de consens. & dissens. cap. 10.* similem historiam verissimam ex Andr. Libauio recensui, & illud addidi, mihi æquius visum fuisse, si D. Freitagius rosam illam, quam non vidit, Quercetanus verò oculis suis se vidisse testatur, non statim pro fabulis & præstigiis habuisset, sed in rem ipsam prius inquisuisset, & si res ita se haberet, ex Scaligeri monitu, si res constet, licet opinio aduersetur, rationem quærere, non rem ignorare voluisset. Hinc, & nullâ alia à re, offensio-

nis

nis causa arreptâ, omnia mea scripta peruoluere, & quicquid obrectationi obnoxium esse posse putauit, corradere cœpit, & tandem Disputationes sex, primam, *de morbis Substantiæ*, secundam, *de Calido innato*, tertiam, *de origine formarum*, quartam, quintam, & sextam, *de propriis verum naturalium principis* edidit, in quibus me Nouatorem & Paradoxologum appellat, & me pulcherrimam & verissimam venerandæ antiquitatis de rerum generatione, sententiam Neotericorum quorundam perculsum rationibus euertere, & exilio damnare conatum esse, *disp. de orig. formar. lib. 1.* me damnatam Paracelsi hæresin nouis palliatam rationibus reducere, & in fraudem scientiarum, & perniciem studiosæ iuuentutis, antiquos errores recentibus incrustare absurditatibus, *ibid. lib. 15.* me pulcherrimum hunc à Deo ordinem institutum turbare & conuellerè, Philosophicas disciplinas, & veritatis Regulas pessundare, Artium studia corrumpere, ad Paracelsicam barbariem inclinare iuuentutem, & sensim ad ea, quæ Paracelsi mystæ, & Fratres Rosei ponè sequuntur, videlicet Atheismum, aliaque errorum plaustra, viam munire, *ibid. lib. 19.* me, qui veritatis & antiquioris solidioris-que Philosophiæ & Medicinæ Doctor & assertor præstans toti Mundo videri cupiam, (Hinc, proculdubio, illæ lacrymæ. Licèt enim, vt talis, qualem me ille scribit, videret, nunquam laborârim: prohibere tamen non potui nec debui, vt studiosa iuuentus, imò & Viri Freitagio longè doctiores, scripta mea beneuolè acceptarent, & auidius legerent. Id quod Freitagio sudes in oculis) sub persona Dogmatici Medici Paracelsica deliramenta sensim, quasi aliud agentem, in scholam Æsculapiam introducere, & prurienti iuuentuti, ingeniisque nouarum & monstrosarum opinionum auidis instillare non dubitare, *ibid. lib. 58.* & huiusmodi alia, falsissimè & mendaciter scribit.

Rei huius indignitatem cum Vir CL. Dn. M. Ioh. Sperlingius, Physicæ in Academia hac Professor, animaduerneret, atque intelligeret, me, vt cum homine maledico ferram contentionum reciprocarem, adduci non posse, ne Freitagius, qui, quæ voluit, dixit, nihil planè audiret, earum Disputationum refutationem adornauit, (Falsissimè enim scribit Freitagius, me scripta ista per M. Sperlingium euulgasse) in qua ita se attemperauit, vt ipsum modestiæ limites transgressum non fuisse, æquus Lector facillè animaduersurus sit. Eâ re nouus hic in Philosophia & Medicina Dictator ita irâ, imò furore commotus est, vt vix verborum satis inuenire & conquirere potuerit, quibus in me & M. Sperlingium debaccharetur. In Disputationum enim, quas postea edidit, statim fronte, me Nouæ Sectæ Sennertiano-Paracelsicæ Conditorem & Monarcham appellat, me Aristotelicæ & Galenicæ Philosophicæ veritatem labefactare, & veræ Philosophiæ fundamenta erudere scribit. In ipsis verò istis contra me & M. Sperlingium editis Disputationibus conqueritur, proterua quædam ingenia eò deuenisse petulantia, & infinita audaciæ, quod principiorum verissimorum, toto antiquitatis sincerioris & eruditissimæ consensu celebratorum & custoditorum, & in hunc diem vsurpatorum doctrinam & basin, contra quæ cuilibet sano & pio vel hîscere religio fuerit, euertere, è scholis profligare, sua verò paradoxa, absurda, falsa, rancida, hæretica & blasphema substituere, & ex hoc omnes bonas disciplinas corrumpere, artium studia pessundare, barbariem reducere, & cum hac extrema Mundi inclinantis fece veram rerum scientiam, & antiquitatis solidam sapientiam, è medio tollere non erubescant, quæque recepta, æternumque vera venerandæ antiquitatis principia negare, labefacta-

re, auerruncare & erudere; sua verò inepta, Ianuario frigidiora, impia, falsa, hæretica, dudum damnata, aut recens in Sycophantarum cerebellis nata, & contradictionibus implicata dogmata & paradoxa pro principiis reponere, nequicquam moliantur. Præterea absurda mihi dogmata affingit, quæ mihi ne per somnium in mentem venerunt; multis etiam versibus (vt Disputatio ornatior esset, scilicet & ne, quod phantasiâ Poeticam habeat, ignoretur) in me inuehitur, dum scribit; me statuere, formas brutorum animalium esse separabiles, & extra suam propriam materiam posse existere, & post mortem esse superstites, & è corporibus suis egressas redire in illa. Quibus omnibus, & similibus, etsi bilem suam in me satis exonerâsse videri poterat: tamen, ne quid calumniæ desit, & vt bonis Viris me suspectum reddere posset, in *Præfat. primæ illius Disputationis*, scribit, me indubitatæ veteris Philosophiæ veritatem euertere, & blasphemis simul opinionibus Sacrosanctam Christianorum fidem conspurcare, quin etiam diuina & humana luxare, & *lib. 124.* me proteruè Scripturæ & Ecclesiæ obloqui, & *lib. 123.* me contra expressa & diserta Sacrarum literarum testimonia, contra totius Ecclesiæ, & Theologorum ad vnum omnium, siue Reformatorum, & Augustanæ Confessioni addictorum, siue Pontificiorum, iensum, (cum tamen certò persuasum habeam, eum ne decimam horum Theologorum partem vidisse, multò minus legisse) explicationem & decreta, asseuerare non vereri, Deum creando formas ita rebus indidisse, vt eas ex elementis non composuerit seu produxerit; me toti Ecclesiæ, & omnibus Theologis contrariam & hæreticam adducere & defendere opinionem.

Quæ iniuriarum atrocitas, imprimis hæreseos & blasphemiæ crimen à Freitagio intentatum, me permouit, vt, quâ ratione tot & tanta crimina intentata à me remouerem, cogitarem. Commodissimè verò me facturum putauit, si cum eo non conuitiis, quod cum Christiana charitate pugnat, certarem; cum in eo genere ipsi victoriam & palmam facillè concedam, sed Clarissimorum Theologorum, in celeberrimis aliquot Germaniæ Academiis, hac de re sententias exquirerem. Quas cum haud grauatim impetrarem, Vobis, Lectores Beneuoli, iam legendas exhibeo. Planè verò confido, ex hac eorum, quæ inter me & D. Freitagium acta sunt, narratione, Vos cognituros, me ipsi causam non dedisse vt me tot maledictis & conuitiis impetat, ex lectione verò harum sententiarum intellecturos, non tam nigrum esse Sennertum, qualis à Freitagio depingitur, nec Freitagium tam candidum, vt fucus inductus mentitur, & præ se fert, & confido falsum Freitagij testimonium apud Vos plus ponderis non habiturum, quàm tot, & pietate venerandorum, & eruditione clarissimorum Virorum candida, eaque firmis rationibus munita iudicia, neque permisuros, vt D. Freitagius in bonos Viros sine causa imposterum (Nam & hætenus ei licuisse, multi Docti Viri mirati sunt) ita impune debacchetur. Scribat imposterum, quicquid velit, cum eo ampliùs in arenam disputationis, aut potiùs scenam calumniandi, non descendam. Exstant mea & ipsius scripta in publico. Posteritas sine affectu iudicabit, vtri vera Physicæ principia explicare vel euertere propositum fuerit. Ei mea scripta libens submitto.

Daniel Sennertus D.

QVÆSTIONES
VIRI

*Admodum Reuerendis , Excellentissimis ,
& Clarissimis, S.S.Theologia D.D.
& Professoribus,*

IN ACADEMIA
LIPSIENSI,
ROSTOCHIENSI,
BASILEENSI,
MARPVRGENSI,
REGIOMONTANA,
IENENSI,
ARGENTINENSI,
ALTORPHINA,

propositæ

à

DANIELE SENNERTO, D.
Sal. & Officia,

*Viri Admodum Reuerendi , Excellentissimi , &
Clarissimi, Domini & Amici plurimum
honorandi.*



QUOD omnibus Doctis Viris, inter quos me minimum esse, facile agnosco, accidit, ut diuersa de suis laboribus experti sint iudicia, eaque non semper æqua & iusta, idem & mihi euenit. Etsi enim à multis bonis Viris optimam reportauerim gratiam, & ad labores meos continuandos & perficiendos animatus sum: tamen vnus etiam atque alter repertus est, qui in scriptis meis quædam reprehenderunt; & præcipue D. Ioh. Freitagius, Medicinæ in Academia Gröningensi Professor. Et sanè is me non offendiſſet, si modeste, & veritatis inuestigandæ studio, id fecisset; cum illud Galeni mihi ignotum non sit: difficile esse, ut, qui homo sit, in multis non erret. Verum cum, vbi rationibus vincere non potest, ad mendacia & conuicia descendit, id me malè quidem habet. Patienter tamen hætenus tuli; cum sciam, rationibus, non conuiciis, vbi de veritate agitur, certandum esse, & planè confidam, paucos hoc eius institutum probaturos. Ideoque licet in Disputatione prima nuper edita me Paracelsicum nominet, Nouæ Sectæ Sennertiano-Paracelsicæ Conditorum & Monarcham appellet, me veteris Aristotelicæ & Galenicæ Philosophiæ & Medicinæ veritatem labefactare, ac eiusdem fundamenta erudere scribat, id non multum curo; cum mea scripta, etiam contra Paracelsum edita, aliud doceant, ac Viri Docti pleraque mea ex Aristotele & Galeno, horumque interpretibus, esse desumpta, facile agnoscant. A quibus tamen si quandoque dissentio; & alios Doctos Viros, & sine vitio, idem fecisse scio. Sicut nec illud magnifacio, quod mihi affingit, me statuere, formas omnes esse separabiles, & extra suam propriam materiam subsistere posse, & animas brutorum post mortem esse superstites, & ne quid calumniis deesset, animalium brutorum formas è suis corporibus egressas redire in illa; cum certum sit, tam absurdas opiniones neminem in meis

Dan. Sennerti Tom. I.

scriptis reperturum. Istud verò meritò doleo, quòd, in Præfatione illius Disputationis, me indubitata veteris Philosophiæ veritatem euertere, & blasphemis simul opinionibus Sacrosanctam Christianorum fidem conspurcare, quin etiam diuina & humana luxare, & thes. 124. me proterue Scripturæ & Ecclesiæ obloqui scribit; & thes. 123. me temeritatis arguit, quòd contra expressa & disertata sacrarum literarum testimonia, contra totius Ecclesiæ, & Theologorum ad vnum omnium, siue Reformatorum, & Augustanæ Confessionis addictorum, siue Pontificiorum, sensum, explicationem, & decreta, assenerare non verear, DEVM creando formas ita rebus indidisse, vt eas ex elementis non composuerit, seu produxerit, meque toti Ecclesiæ, & omnibus Theologis, contrariam & hæreticam adducere & defendere opinionem. Etenim etsi è Iul. Cæs. Scaligero, exerc. 307. f. 20. didicerim, omnem formam, cuiuscunque perfecte misti, etsi non est anima, vt in Adamante, Naturam esse quintam, longè aliam à quatuor elementis; & exerc. 107. f. 12. & 20. animam omnem esse quintam quandam essentiam, diuersam ab elementis; idque admirandæ actiones, vires elementorum longè superantes, quæ cum in plantis, tum præcipue in animalibus brutis, apparent, & rationis speciem aliquam præ se ferunt, nonnullisque occasionem dederunt, disputandi, an bruta animalia sint rationalia, mihi persuaserint; in Zabarella etiam, lib. 2. de motu granum & leuium, cap. 10. animam esse verè additam formis Elementorum, & in Tolero, 2. de anim. c. 11. f. 11. quæst. 1. quòd anima non sit corpus, & neque elementum, neque ex elementis mixtum, & similia in aliis legerim, crediderimque, DEVM, quando ea, quæ aquæ produxerunt, animalia creauit, etiam tum aliquid ex nihilo produxisse, cum vbicunque creatio est, ibi aliquid ex nihilo producat: an tamen propterea blasphemus & hæreticus dici merear, dubito. Vt autem in conscientia mea certus sim, neque vel inscius, vel incautus, tale quid, cuius causa blasphemix & hæreseos accusari possim, committam; non meo iudicio stare volui, sed Reuerendorum Theologorum in aliquot Germaniæ Academiis hæc de re sententias & rationes audiendas censui, quibus vel in mea sententia confirmar, vel ab ea dimoueat.

A Vobis ergo etiam, Viri Admodum Reuerendi, Excellentissimi, & Clarissimi, maiorem in modum peto, vt sententiam Vestram liberè & candidè de sequentibus quæstionibus mihi aperiat:

Primò, an blasphemum & hæreticum sit, statuere, à DEO animas brutorum animalium è nihilo creatas esse; & hodie etiam eas alterius, quàm elementaris, nature esse; & annon contra crassa opinio sit, bruta animalia & secundum corpus, & secundum animam ex elementis constare. Ita enim statuit D. Freitagius, th. 115. Creatorem rerum omnium fecisse animalia bruta non ex nihilo, sed ex præiacente, & iam antea in se condita materia. Idque non solum de corporibus brutorum accipit, sed & ad animas extendit dum, ead. thesi, scribit, Theologos asserere, animas omnium animalium, exceptâ solius hominis, ex elementari esse formatas. Et th. 111. Brutorum animalium indiuidua prima totaliter, & secundum vtramque partem, videlicet materiam & formam, ex elementis esse; & illa etiam, quæ continuâ generatione ab iisdem producta sunt, ex elementis prouenire & esse, th. 110. scribit. Et th. 118. ita dicit: Animalia vniucò generatione nata, vt initio illa à DEO ex elementis sunt condita secundum animam & corpus: ita etiam cætera ab iis generata, & iugiter descendunt, non aliam, aut diuersam, ex generatione sortiuntur naturam, quam ex primis habere possunt. Suntque & manent per omnes generationes corpora elementaria, & talia in omnem generationem duratura. Bardum verò, & barbarum, sciolum & impium appellat, qui

CCCc

tales

tales formas ex nihilo factas esse in prima creatione blaterare auit.

II.

Cum verò nullam aliam suæ sententiæ rationem habeat Freitagijs, quàm quia, vt *ib.* 124. scribit, *Genes.* 1. aperte & clarè dicatur: Producat terra, producat aqua, animam viuentem; quæritur, an ex vihorum verborum Mosaicorum sequatur, animas brutorum animalium ex elementorum materia & essentia productas esse, & an terra & aqua materiam omnibus hisce suppeditarint, an verò terra & aqua subiectum saltem fuerint, [Nam ex omnibus quatuor elementis animalium brutorum corpora constare, negandum non censeo] in quo D E V S plantas & animalia perfecta creauerit, & è quibus, iussu D E I, cum dixit, Producat terra, producat aqua, subito emerferint, seu, vt D. Fr. Iunius, in hunc locum, scribit, è terra & aqua, in quibus à D E O fuerint creata quasi fœtus ex utero exierint; cum verbum מַיִם non significet, dedit materiam, vel suam naturam, essentiamque communicauit, sed exire fecit: id quod etiam ex alijs Veteris Testamenti locis, vt *Genes.* 1. 4. v. 18. *Exod.* 8. v. 18. *Exod.* 20. v. 2. *Num.* 17. v. 9. *Psal.* 68. v. 7. *Psal.* 104. v. 14. patet.

Quod si à Vobis impetrauerò, & me vel in veritate confirmaueritis, vel errantem in viam reduxeritis, rursus omnia, quæ à me proficisci possunt, officia vobis pròptissima ac paratissima defero ac polliceor.

RESPONSIO

Facultatis Theologicae in Academia

LIPSIENSIS.

Pacem & gratiam in Christo Iesu!

Excellentissime, doctrinæque varia, & peritiâ Medicæ Artis Clarissime Dn. D. Sennerte, Domine & Amice plurimum honorande!

Non est in vllius hominis potestate, vt exhauriat imminentium iudiciorum expectationem; hac præsertim ætate, vbi, qui scripta sua edunt in publicum, quasi in gurgitem quendam miscellarum sugillationum videntur se conicere, vt vt accuratio tractandi, & amor tum veritatis, tum posteritatis, cuius commodis destinantur, longè aliud mereantur elogium. Idem Tuæ Excellentia iam quoque vsu venisse, comperimus; dum intemperies conuiciandi eò Adversarium egit impotentia, vt non veritus sit, nominatissimam Eius eruditionem culpæ, & quasi non satis esset læsionis, insuper etiam conscientiam adoriri, eamque impietatis & hæreseos inquirere. Rectè autem facit Excellentia Tua, quod cæteroquin hanc insolentiam Adversarij susque deque habeat, contenta æquorum æstimatorum iudiciis, quibus in veritatis amphotro plus consequitur existimationis, quàm vt omni suo nisu detrudere valeat mordax inuidia. Sed hæreseos probum est lōgè maximum, & piæ menti prorsus intolerabile. Cuius imputationem cum Excellentia Tua concoquere non possit, scire ex Theologis cupit, ecquæ sit illorum sententia de his duobus quæsitis:

I. An blasphemum & hæreticum sit, statuere, animas brutorum animalium à Deo è nihilo creatas esse; & hodie etiam esse alterius, quàm Elementaris Naturæ. Et: Annon, contrà, crassa sit opinio, bruta animalia & secundum corpus, & secundum animam, ex elementis constare.

II. An Adversaria opinionis fundamentum solidum peti queat ex c. 1. *Genes.* v. 24. Producat terra animam viuentem; & inde vi verborum sequatur, animas brutorum ex elementorum materia & essentia productas esse.

Cum verò super his & nostrum Collegium rogauerit, officij nostri duximus esse, vt in timore Do-

mini ea sub diligentem disquisitionem vocaremus. Arbitramur autem per Vestram assertionem nihil de veritate cælesti detrahi, modò intra eos, quos sibi Tua Excellentia ipsa figit, cancellos thesisi continetur, nec ulterius exporrigatur. Nimirum hæc Tuæ Excellentia mens est, Deum in creatione indidisse corporibus brutorum, primitus ex elementari materia formatis, animas ex nihilo factas; & postea, mediante generatione, multiplicatas ordinario Naturæ modo per traducem propagari: eas tamen nequam immortales, aut à materia sua post mortem ita separabiles, vt superstites sint, ac per se subsistant, aut aliquando in corpora sua redituras esse, sed, morientibus animalibus, simul interire. Ita homini sua constat excellentia, & animæ humanæ inuiolata sunt priuilegia, quæ post hominis mortem reueritur ad Deum, qui dedit illam, *Ecclesiasta cap.* 12. v. 7. Quod ipsum indicare voluit Deus, cum animam hominis creauit inspirando, indens illi lucem, sapientiam, & iustitiam, &c. Brutorum autem animas cum ipsis corporibus, quibus vnita fuerunt, interire ac desinere, docet Spiritus Sanctus, *Psal.* 49. v. 13. Vnde Ecclesia procul à se facessere iussit delirium Pythagoræ & Porphyrij, qui animas brutorum quoad substantiam nec mortales, nec animis nostris dissimiles esse tradiderunt. Cætera, quæ de animabus brutorum disputari possunt, ad subscellia Philosophorum pertinent. Quæ causâ etiam est, vt Lutherus, super *Genes.* c. 1. & Gesnerus, Rungius, & alij Theologi, de Natura illarum animarum nullam intericiant mentionem: alij verò tantum obiter hoc dicant. Nouimus sanè, vulgò Scholasticos disputare, quòd animæ brutorum educantur ex potentia materiæ; & hac in parte facere diuortium ab Aristotele, qui animas istas negat ex elementis ortum ducere: sed tamen & inter Christianos Philosophos multi præclari Viri Aristotelicæ sententiæ retentissimi fuerunt, ceu Herculeo, vt loquitur Scaliger, *exerc.* 307. §. 20. fundamento nixæ. Neque meminisse possumus, illis à quoquam fuisse hæreseos crimen hoc nomine obiectum. Qui autem ex Theologis etiam reperiuntur, statuentes, animam brutorum ex elementis constare, illi vel communem Scholasticorum opinionem sequuntur, aut aliquâ ratione aliâ inducuntur; sicut Basilus, in *hexaëmero*, cap. 8. (interprete VVolfgango Musculo, edit. Basil. anno 1569. per Ioh. Oporinum) hoc asserit ex præconceptâ istâ hypothesi, quòd anima brutorum sit sanguis. Quærens enim, cur animam tellus educat, mox iubet audire de anima irrationalium suum iudicium. Cum, inquit, omnis anima animalis sanguis ipsius sit, sicut scribitur; sanguis autem suapte naturâ in carnem verratur, caroque corrupta in terram resolui solear, terrea quædam natura est anima iumentorum. Quia verò hypothesi hæc parum est stabilis; neque superstructa collectio aliquod habebit roboris. Non enim anima propriè sanguis est, sed ἐνσυνληνός, id est, causaliter, & concomitanter. Et quando, *Genes.* cap. 9. v. 4. *Leuitic.* 17. v. 14. anima cuiusque carnis (animalis) dicitur esse sanguis, synedochicè hoc accipiendum; sicut optimè declarat Augustinus, quatenus anima est in sanguine, *Leuit.* 17. v. 11. aut pro anima est sanguis, v. 13. Eoque sensu Virgilius sanguinem nominat purpuream animam. Similiter illi, quibus anima brutorum statuitur esse vigor & calor, ex corporis eorum temperamento excitatus, non expriment ipsam naturam animæ brutorum. Vt enim iam omittamus, quod cum Aristotele exquisitæ doctrinæ Viri probârunt, non omnem calorem in corpore animalium elementarem, sed quendam etiam cælestis naturæ esse; spiritus & calor animalium non sunt ipsa eorum anima, sed præcipua instrumenta, quibus anima ad actiones suas veitur.

Venimus ad alterum quæsitum; de verborum Mo-
saicorum sensu: Vbi ante omnia notari debet, ani-
mam viuentem hoc loco non significare partem es-
sentialem brutorum, sicut *Genes. 1. v. 30.* sed per sy-
necdochen, omne animal; seu, vt, *c. 2. v. 19.* Diuinus
scriptor loquitur, omnem bestiam agri. Iam quæri-
tur, an terra produxerit animalia tã quoad animam,
quàm quoad corpus eorum? Hoc quidem ex verbis
Mosaicis volunt elicere, qui animas brutorum ele-
mentaris naturæ esse statuunt. Verùm ex litera textus
id necessariò inferri nequit. Quid enim obstat, quò
minus queat asseri, istam esse terram, seu indispositam ma-
teriam, productionem animalium, de illorum creatio-
ne quoad corpus esse intelligendam, animas verò ex
nihilò conditas esse; non tamen vt sint immorta-
les, sed vt in morte animalis illæ simul finem habe-
rent: Hacque ratione synecdoche est in verbis Mo-
saicis, quã viuens anima, h.e. animal viuum, dicitur
esse terra ortum habere quoad corpus, animã, quæ si-
mul istis primis corporibus indita vel concreata est,
ex nihilò facta. Licet enim animæ brutorum non
sint post eorum materiam creatæ, sicut Adam for-
matò prius corpore ex animi, & indito postea spiracu-
lo vitæ, factus est in animam viuentem; sed si-
mul creatæ cum corporibus: non tamen hinc col-
ligi potest prærogatiua animæ humanæ, quæ in eo
sita est, quòd à Deo ipso sit inspirata, & sit immorta-
lis, ac in morte hominis à corpore separata, per se
subsistat, redunienda suo corpori: non autem in eo,
quòd sit ex nihilò creata. Illustramus hoc ex textu
Genes. cap. 2. v. 7. Finxit, seu formauit I E H O V A H Deus
hominem puluerem ex terra. Nempe homo primus
quoad corpus tantum est puluerem, seu, vt Aposto-
lus loquitur, *1. Corinth. 15. vers. 47.* de terra terrenus.
Non esse improbandam horum textuum collatio-
nem, ostendi potest, ex *cap. 2. v. 19.* vbi *v. 24. c. 1.* *Genes.*
summa reperitur, & idem verbum נָפֶשׁ quod in de-
scribenda hominis formatione *c. 2. v. 7.* exstat, etiam
de brutorum creatione adhibetur: Formauit Deus esse
terra omnem bestiam agri

Quod si explicatio data non placuerit Aduersario,
poterit superaddi alia, quam Pareus, in *Commentar.*
suo super Genes. habet, cuius auctoritatem ille non
adspiciat, quòd eiusdem Religionis, quam ipse
Aduersarius profitetur, sit Theologus. Ille, *ad cap. 1.*
Genes. v. 24. edit. in fol. pag. 63. lit. C. non ita inficias,
pleròque statuere, quòd Deus ex terra, vt ex mate-
ria, formauit animalia: idque creationi non repu-
gnare concedit, si animalia dicantur esse creata non
primã, sed secundã creationis specie, hoc est, non
immediatè ex nihilò, sed ex materia indisposita. Sed
mox illam sententiam, quam paulò antè, *aduers. 20.*
vocauit communem, in medio relinquit, & dicto iam
vers. de piscium creatione: An immediatè ex nihilò
fuerit, disputans, ait, non esse firmam. Rationes eius
sunt, quòd Moses non faciat materiæ mentionem; &
quia materiæ sit pari, non agere; produci, non pro-
ducere.

In eiusdem *versus 20.* explicatione respondet simul
ad obiectionem, *pag. 60.* Est quidem creare etiam ex
materia indisposita in instanti aliquid producere,
sed ea creationis species iis demum rebus rectè tri-
buitur, quas ex tali materia factas! Scriptura ex-
pressè testatur, vt de corpore Adami & Heuæ con-
stat. Et, *pag. 63. fac. 2. D.* Longè diuersum est, cum
Deus Adamum dicitur fecisse de gleba terræ: Euam
de costa viri. Ibi enim non modò originem, sed &
materiam notari, circumstantiæ docent. Posthabitã
itaque communi sententiã, præfert suam, quã crea-
tionem animalium & ad primam speciem creatio-
nis refert, & ea immediatè ex nihilò facta esse au-
cumat. Fundamentum, quo nititur, generale iam po-

Dan. Sennerti Tom. I.

fuerat, *ad v. 12. p. 52. fac. 2. D.* Actiones, inquit, mira-
culosæ Dei sunt effectiue: earum tamen effectio tri-
buitur creaturis organicè, vt Prophetis & Apostolis
miracula: vel subiectiue, vt petra, aquarum effusio:
terræ, prima germinatio. Et, *pag. 60. fac. 1. E.*, com-
mendat vsum huius explicationis, qui sit multa-
rum quæstionum inanum præcisio, & maior eui-
dentiã diuinæ gloriæ. Affirmat itaque terram fuisse
subiectum sustinens Dei virtutem in creatione ani-
malium, eorumque originalem locum, ex quo
Deus voluerit animalia provenire, & in quo decre-
uerit eadem subsistere, ali, & conseruari. Sic & *cap.*
2. v. 19. Mosi verba esse accipienda, cum ait, Deum
formasse ex terra omnem bestiam terræ, non vt ex
materia, sed vt ex originali loco; vel vt subiecto
suscipiente operationem Dei; quemadmodum de
Deo dicitur, quòd pluuere fecerit panem ex cælo,
Exod. 16. vers. 4. & aquæ ex petra, *Exod. 17. vers. 6.*
Num. 20. vers. 10. nec non ex dente maxillari asini,
sint egressæ, *Indic. 15. vers. 19.* Quibus accedit,
quòd idem verbum נָפֶשׁ, id est, prodire fecit, quòd
habetur, *Genes. 1. vers. 12.* & *24. Num. 20. vers. 10.*
& *Psal. 78. vers. 16.* de aquæ ex terra productione
vsurpetur. Proinde iuxta istam explicationem hic
erit sensus: Producat terra animam viuentem: h.e.
Ex terra prodeant animalia, tanquam ex loco ori-
ginali, vbi ex nihilò facta, materiam & formam
suam acceperunt per mei verbi vim omnipoten-
tem, cuius operationem terra, vt subiectum, su-
stineat.

Priusquàm ergò Aduersarius doctrinam Excellen-
tiæ Tuæ tam liuidis obeliscis jugulare tentasset, ca-
lamum stringere potuisset in suæ Religionis Theo-
logum, factò periculo, an Belgicæ Ecclesiæ sint per-
missuræ, vt ille bardus ac barbarus, sciolus & impius
appelleretur, eò quòd animalia bruta non tantum quo-
ad formam, quæ Excellentia Tuæ est assertio, sed et-
iam quoad materiam, ex nihilò in prima creatione
facta esse statuerit.

Nos coronidis loco verba Basilij, *ex cap. 8. Hexæ-
meri*, quamuis alio scopo ab ipso, nempe contra
Manichæos, opinatos, animã præditam esse tellurem,
vsurpata hîc adiicimus: Non, quia dixit, Educat
terra (omnem animam viuentem), id idè, quod in
seipsa situm erat, eduxit terra, sed qui iussit, vt edu-
ceret, ipsi præstitit facultatem. Nec enim cum au-
diuit, Germinet terra herbam viuentem, fructiferum-
que lignum, in seipsa latentem herbam eduxit: nec
sanè palmam, aut quercum, aut cupressum, suis in
visceribus continens, in superficiem edidit, sed ver-
bum ipsum diuinum, eorum est profectò natura, quæ
oriuntur: Germinet, inquit; non id quod habet,
emittat, sed id quo non est prædita, consequatur.
Deo actionis operationisque facultatem ac poten-
tiam largiente. Pari nunc (hoc loco, vbi agitur de
creatione animalium) etiam modo animam viuen-
tem educit terra, non eam, quæ in ipsa est, sed eam,
quæ data est ipsi Creatoris præcepto.

Atque hæc ad Excellentia Tuæ literas respon-
denda duximus, quam bono publico diu superesse,
animitus precamur. Lipsiæ, 23. Decemb. An. 1635.

Tuæ Excellent.

in Domino

studiosiss.

Decanus, Senior, & reliqui
Theologici Collegij
Doctores.

C.C.C. d. 2

Respon

*Responsio Facultatis Theologicae
in Academia*

ROSTOCHIENSIS.

Cum reliquorum in aliis Academicis Theologorum iudicia & responsa accepissem, & Theologorum in Academia Rostochiensis iudicium exquirere volui. Verum ne quid mihi Amico dedisse videri possent, Quæstiones istas CL. Dn. D. Petro Laurembergio, Amico meo honorando, misi, qui eas Reuerendis suis Theologis exhibuit, & hanc responsionem accepit.

S. & Officia.

Clarissime & Experientissime Dn. D. Laurembergi, Collega & Amice plurimum colende, Schedulam nobis, in qua duæ hæ quæstiones his verbis: I. *An blasphemum & hæreticum sit, statuere, à Deo animas bruto um animalium è nihilo creatas esse, & hodie etiam eas alterius, quàm elementaris naturæ esse; & annon contrà, crassa opinio sit, bruta animalia & secundum corpus, & secundum animam ex elementis constare? II. An vi verborum Moisaicorum: Producat terra, producat aqua, animam viuentem, sequatur, animas brutorum animalium ex elementorum materia & essentia productas esse; & an terra & aqua materiam omnibus hisce sn. peditarint; an verò terra & aqua subiectum saltem fuerint, in quibus Deus planta, & animalia perfecta creauerit, & è quibus, iussu Dei, cum dixit: Producat terra, producat aqua, subito emerferint, seu ut Fr. Iunius, in hunc locum, scribit, è terra & aqua, in quibus à Deo fuerint creata, quasi fœtus ex utero, exierint; conscriptæ erant, exhibuisti, & ut quod ad illas respondendum esse arbitramur, consignaremus, à nobis contendisti. Gratificamur lubentes hanc operam, & Respondemus, I. Facile à blasphemiae & hæreseos crimine is eum absoluet, qui, quid hæresis & blasphemia sit, considerauerit. Blasphemia est cum iniuria Creatoris coniuncta: Hæresis fidei sinceritatem euertit. Nihil tale in prima assertionem videmus. II. Quod de elementari natura animarum brutorum dicitur, de illo nostrum non est differere. Arbitramur, hæc non solum Philosophorum, sed & libertari, super his modestè, veritatis inueniendæ studio, philosophantium permittenda. Quos nimium quàm cōstringere, & vnius hominis, Aristorelis, alteriusque, velle alligare opinioni pugnare videtur cum natura intellectus humani, quem nulli opinioni seruum Deus esse voluit. Resp. III. Benedictio diuina: *Crescite & multiplicamini*, semel à Deo pronunciata, facit, vt quantisper hæc terræ machina stabit, quodlibet animal, quælibet herba, per semen suum, simile secundum speciem suam producat,*

Resp. ad secundam Quæstionem, nolle nos cum quoquam contentione terram reciprocare, fueritne terra & aqua in prima rerum creatione materia, ex qua vi verborum Moisaicorum animæ brutorum productæ sint, an saltem terra & aqua subiectum fuerint, ex quibus iussu Dei emerferint. Si tamen, quod sentimus, dicendum est, respondemus, illum qui Cælum & terram ex nihilo creauit, non eguisse vllâ materiâ, ex quâ brutorum animas produceret, sed illi placuisse iis, quæ Moses recitat, verbis compellare terram & aquam, & ad solius omnipotentis nutum & imperium ex subiectis, quæ compellârit, animas emerfisse. Vale. Rostochij, Non. Maij, Anno 1637.

Decanus, Senior, & Reliqui Theologiae Doctores ibidem.

S. P. Clarissime & Excellentissime Vir,
Domine & Amice plurimum honorande.

Spero me veniam apud Te impetraturum diuturnioris moræ, & tardioris responsionis, cuius causa fuit non mea, seu desidia, seu obliuio, sed Theologorum nostratum quotidianæ occupationes, quibus prapediri, nequieunt maturius hanc rem confectam dare. Nunc tandem sententiam eorum, scripto consignatam, hîc tibi mitto, quam cum tuo dogmate penitissimè consentire inuenies. Turbas tibi dari, eò quod liberè philosophari satagis, id ipse nōsti, neque nouum esse, neque insolens, hac ætate. Eandem tecum sortem experiuntur omnes eleganter & solidè eruditi, quibus qui paria facere non valet, inuider & oblatrat. Tu verò noli hoc nomine te quicquam macerare, neu obtrectionem illam grauius vocare ad animum. Nota est orbi tua eruditio, tua virtus & ingenuitas, quæ ea propter nullam patietur iacturam. Tu modo, vt hætenus fecisti, pergito bene mereri de Republica literaria, & mihi fauere, certò tibi persuasus, habere te hîc loci hominem tui amantem & obseruantem maximè. Vale feliciter, & salue plurimum.

à Tibi addictiss.

Properrimè Rostochij 28. Maij 1637.

Petr. Lauremberg. D.

*Responsio Facultatis Theologicae
In Academia*

BASILEENSIS,

Sal. pl. offic.

Clarissime Sennerte: Litteras tuas à Doct. nostro Dn. Bauhino rectè accepimus, quibus conqueris de calumniis, in te ab Aduersario nominis tui coniectis, iuxtaque iudicium nostrum requiris, de quæstionibus nonnullis, propter quas lis tibi blasphemiae atque hæreseos ab eodem intenditur. Non mirum tibi videatur, quod in calumina scenam producaris, hæreseos atque blasphemiae accuseris, dum animas brutorum existimas non ex nihilo solum olim à Deo crearas, (quod Aduersarius tuus *dis dis πατὸν* contrauenire arbitratur) sed etiam hodie alterius esse, quàm Elementaris Naturæ: cum Theologis nostris, quando hætenus cum ipso Spiritu S. in S. Scripturâ loquente, locuti sunt, à procacibus Aduersariis, contra omne ius & fas, toto orbe crimen blasphemiae atque hæreseos fuerit intentatum. Ac non desunt, qui, quando cum aperta Scriptura docemus, Deum solum esse Patrem Spirituum sicut genitores nostri sunt Patres corporum, *Heb. 1. 2. v. 9.* animamque adeò rationalem non traduci cum semine, aut propagari ab Animabus Parentum, sed *ἐκ πατὸς* à Deo *ἀπὸ οὐκ* corporibus nostris infundi & concreari, confestim nos aut Pelagianismi, quasi peccatum originale negaremus, aut blasphemiae, quasi Deum autorem constitueremus peccati, accusant. Quemadmodum autem moribus Sycophatarum ita assueuimus, vt conscientiae optimæ testimonio, ac Veritatis patocinio, fieti, eos contemnamus, Apostolici moniti memores, *1. Cor. 11. v. 16.* ita calumniam hanc quâ lacefferis, auiore tibi, & mansuetiori animo perferendam existimamus, quod non putemus, petulantem aliquam linguam laudibus tuis, aut fanæ sic posse officere, vt quam hætenus monumentis tuis apud Viros doctos atque cordatos tibi comparasti nominis,

nominis, doctrinæ, & præclarè de Republ. litteraria, potissimum Medica, merendi existimationem, eam tam facile per latratus inuidorum atque æmulorum malignos amittere atque deperdere possis. Quando verò tibi placuit, nostrum quoque iudicium interpellare, liberè nunc id tecum communicamus.

Primum prælibamus postulatam illud, quod Quæstionibus in Epistola Tua præmittis, scribens: *Vbicunque creatio est, ibi aliquid ex nihilo producitur*. Si ita intelligas, nulli creationis modo, siue sit *κρίσις*, siue *ποίησις*, siue *ἀνάσις*, subterni materiam, ex quâ aliquid virtute Dei omnipotente fiat, putamus, hoc scripturæ esse contrarium, quia, *Genes. 1. vers. 27.* dicitur *Deus Marem & Fœminam creasse*, ut maximè constet, nec Marem, nec Fœminam, ex nihilo creatos; sed Marem quidem ex limo terræ, Fœminam autem ex costa Viri, tanquam præcedentibus corporum materiebus. Ac quamvis indubium sit, animæ creationem in utroque parente immediatè fuisse ex nihilo, uti specimen Deus exhibuit in Creatione Adæ, *Gen. 2. vers. 7.* videmus tamen, plasmationi corporum ipsorum nomen Creationis à Mose accommodari. Quod si aliter accipias verba tua, ut sensus sit, *ubicunque creatio est, ibi aliquid produci, vel ex nihilo prorsus, absolutè; vel relatè, & κατὰ τὴν*, ex re aliqua, & materia præcedente, quæ, ut maximè in se sit aliquid, tamen respectu rei, quæ ex ea fit, est nihil, aut non ens, quia videlicet nullam in se habet potentiam, habilitatem, aut aptitudinem, ut sit, aut fiat id, quod Deus inde virtute miraculosa & omnipotente efficit; haud grauatim admittimus: quia, ex. gr. limus ille, ex quo corpus Adami Deus efformauit, fuit aliquid, & nihil. Aliquid, in se. Fuit enim terra: Nihil, respectu opificij illius admirandi corporis humani, quod Deus ex eo formauit. Aliter se res habet in rebus naturalibus, earumque generatione Physica, in quibus materia, ex qua aliquid generatur, etiam si non sit *τὸ δέσν*, quod ex ea fit: tamen in se habet *δύναμιν*, aptitudinem, & habilitatem naturalem, ut ex ea hoc vel illud generetur; ut, cum dicimus ex fimo fieri scarabæum, ex ouo pullum, &c.

Sed descendimus ad quæstiones propositas.

I.

Quæris primò: *An blasphemum & hæreticum sit, statuere, à Deo animas brutorum animalium è nihilo creatas esse, & hodie etiam eas alterius, quàm elementaris, naturæ esse? Et, Annon contrà crassa opinio sit, bruta animalia & secundum animam, & secundum corpus, ex elementis constare.*

Cum quæstio hæc trimembris sit, distinctè respondemus ad singula.

1. Quæris, an hæreticum sit & blasphemum, statuere, à Deo animas brutorum è nihilo esse creatas.

Respondemus a. Si quæstio est de Creatione primæua, quâ statuuntur primitus animæ brutorum ex nihilo immediatè à Deo creatæ, non possumus animaduertere, quo iure, argumento, aut consequentiâ vllâ validâ, opinio hæc blasphemix aut hæreseos accusari possit; cum nec in gloriam Dei Creatoris, nec in vllum fundamentalem Fidei Articulum impingat, hincque grauissimi Theologi, ac nominatim Doct. D. Paréus, in eam descenderint sententiam. Sunt qui statuunt, à Deo primum informe Chaos esse creatum ex nihilo, quod intelligunt per Tohu Vabohu, ex quo postea res omnes cœlestes atque elementares fuerint mediatè à Deo creatæ: in qua sententia versatur Fr. Iunius. Alij, exploso informi chao, putant, cœlum, terram, aquam, aërem, ex nihilo creatas. An propterea, qui ab inuicem dissentiant, blasphemix aut hæreseos dissentientes à se coarguere debent? Ac sanè, qui putant, animas brutorum ex nihilo olim à Deo creatas,

Dan. Sennert. Tom. I.

non magis nobis Dei gloriæ, potentiæ, & Maiestati derogare videntur, atque illi, qui statuunt, bruta integra ex elementis fuisse creata; cum utrobique virtus Dei omnipotentis præsupponatur.

B. Si quæstio extendatur ad præsens tempus, & statuatur, hodie quoque animas brutorum ex nihilo à Deo creari, quemadmodum statuimus, Animas rationales immediatè hodie à Deo ex nihilo creari; aliam quidem nos tenemus sententiam. Putamus enim, animas brutorum per traducem propagari, & brutum integrum sibi simile totum generare; quemadmodum plantæ plantas per semen integras propagant: & priuilegium hoc Creationis immediatè soli animæ hominis rationali in Scriptura assignari legimus, *Zachar. 12. vers. 1. Heb. 12. vers. 9. Eccles. 12. v. 7.* nec putamus, te in contrariâ versari opinione: cum, *Libris tuis Instit. lib. 1. c. 10.* Item, *tractat. de Consens. Chymicor. cum Arist. & Galen. cap. 9.* veritati huic abundè attestatus fueris, ostendens ex illo principio, quod *forma omnis sit multiplicatiua sui*, Animas quoque in brutis Animantibus ab animabus propagari, reiiciensque opinionem Fernelij, qui animas extrinsecus è cœlo & astris feminibus immitti & imprimi censuit, *lib. 1. de abdit. rer. caus. c. 10.* Quod si cui tamen secus videretur, Deum virtute immediatâ animas hodie immittere brutis, erroneum quidem, sed nondum blasphemum aut hæreticum id dogma vocaremus. Non enim quiuus error, præsertim Philosophicus, hæresis aut blasphemia nuncupanda. Errare possum, ait August. *hæreticus esse nolo.*

2. Quæris: *Num statuere, animas brutorum etiam hodie alterius esse, quàm elementaris naturæ, blasphemum sit ac hæreticum?* Respondemus negatiuè; modò iusta inter animam rationalem & brutorum relinquatur differentia. Nam quantumuis in animabus brutorum multæ admirandæ actiones, vires, atque virtutes emineant; quod vel in Elephantibus apparet, ut non rarò quàm proximam cum ratione humanâ analogiam aut affinitatem habere videantur, hincque adeò nonnulli occasionem, uti scribis ipsemet, arripuerint, disputandi, *An bruta animalia sint rationalia.* attamen certum est, differentiam inter Animas brutas & rationales esse longè maximam; & quidem non solum specificam, sed & genericam. Nam 1. anima rationalis naturæ est & essentix prorsus spiritualis, adeoque Ens, uti vocant, transcendens, hoc ipso quoque imaginem Dei gerens, quod, propriè loquendo, spiritus sit, *Eccles. 12. v. 7. Zach. 12. v. 1.* sicut Deus est Spiritus, *Iob. 4.* quod de Animabus brutorum affirmare non possumus. 2. Anima rationalis, quâ talis, vel ipso Aristotele teste, *ἐνέργειαν* nullas habet *συναληκτέας*; cum operationes quidem eius edantur in corpore, sed non per corpus, aut organa corporea: contrarium autem verum est de animabus brutorum. 3. Anima rationalis, ut maximè corpori sit coniuncta, & *συνσυνληκτέα* vnita; tamen est à corpore separabilis, ita ut etiam extra corpus sit *ὡς αἰθέρον* aliquid: Animæ autem brutorum sunt immerse materiæ & corporibus, ita ut absque his subsistere non possint. 4. Anima sola rationalis priuilegium habet immortalitatis, *Matth. 10. v. 28.* Animæ autem brutorum citra controuersiam sunt mortales & corruptibiles. His admissis differentiis, & debita Animæ rationalis seruata prærogatiua, præstantiâ, & ut sic loquamur, diuinitate, non multum interesse putamus, si quis statuatur, animas brutorum alterius esse, quàm elementaris materiæ.

3. Itaque tertio loco, quum quæris, *An non crassa opinio sit, bruta animalia & secundum animam, & secundum corpus ex elementis constare*, non multum

circa opinionem hanc laboramus, præsertim cum alterius potius, quam nostræ sit facultatis. Certum est, uti formas rerum omnium difficulter, & non nisi à posteriori, & per certas *αἰσθήσεις*; cognoscere possumus; ita omnium difficillimè Animarum naturam nos peruestigare posse, nostramque, uti in aliis, ita in hac materia, *scientiam esse*, ut scire Scaliger loquitur, *umbram in Sole*. Ac non dubium, Deum cancellos aliquos hec vagabundis contemplationibus nostris ponere voluisse, ut disceremus imbecillitatis & cæcitatæ nostræ conscientiam humiliari, cum stupore opera eius admirari, atque cum modestia & sobrietate philosophari. Quis enim vel ex doctis. Veteribus & Recentibus Animæ naturam examissimè indagare, aut describere hætenus potuit? Interea sicut indubium esse debet omnibus Christianis, Animam rationalem ab anima brutorum naturâ, essentiâ, proprietatibus & actionibus differre: ita indubium quoque nobis est, Animam solam rationalem esse merè spirituales, & prorsus *ἀυλον*; brutorum autem non spirituales, nec prorsus *ἀυλον*; cum actiones eius sint tantum materiales, & edantur per organa corporea, ipsæque animæ sint mortales & corruptibiles: quod de re prorsus immateriali, ac merè spirituali asseuerari non potest; quin imò vel tuâ ipsius confessione, *Instit. lib. 1. cap. 10. pag. 17. a.* Anima brutorum sit partibilis, & diuidatur ad diuisionem materiæ, ita ut cum corporis parte aliquid animæ possit auelli: admodum apparet in plantis, quæ ex parte à planta auulsa propagantur.

Neque, si quis dicat, ex nihilo olim creatas animas, aut quotidie creari, hoc obstare poterit huic sententiæ; cum multa olim ex nihilo fuerint creata, quæ tamen fuerunt materiata, ut moles illa primæua terræ & aquæ, &c. quin & iuxta multorum sententiam, corpora animalium brutorum, in aëre, aquis, terra.

II. Iam quod ad quæstionem attinet posteriorem, quâ quæris: Cum *Aduersarius tuus nullam aliam sententiam suam habeat rationem, quam quia*, Genes. 1. aperte & clarè dicatur: *Producat terra, producat aqua, animam uiuentem; an vi verborum Mosaicorum inde sequatur, animas brutorum animalium ex Elementorum materiâ & essentiâ productas esse? &c.*

Resp. 1. Si Moses, *cit. loc.* aperte diceret, iuxta Aduersarij tui glossam, ex elementari materiâ & essentiâ animas brutorum creatas, & tibi in mentem veniret, Mosi, *θεοπνεύσε* stylum corrigere, aut de industria eius verba peruertere, aut mendacij accusare; sanè nostro iudicio non solum insignis erroris, sed & hæreseos, quin & blasphemix crimen incurreres. Absit autem, ut hoc tibi, Viro religioso, in mentem venisse putemus!

2. Itaque ut ad quæstionem redeamus, existimamus, ex vi verborum Mosaicorum citatorum non posse necessariò & irrefragabiliter concludi, animas brutorum ex elementorum materiâ & essentiâ productas esse; idque 1. propterea quod non semper, & omnibus in locis, ubi verbum illud, *Hotzi*, reperitur, productio tanquam ex materia intelligatur, sed non rarò tanquam ex subiecto loco, ut vel ex *Num. 20. v. 8. 10. 11.* patet, ubi dicitur: *Et educes eis aquas è petra* Et postea: *Num. educemus vobis è petra aquas?* Item: *Et egressa sunt multa aqua.* Item alibi, *Iud. 15. v. 19. Et rupit Deus maxillam asini, & egressa sunt aqua?* Vbi sanè nemo sanus dicet, aquam è petra aut maxilla à Deo ita fuisse productam, ut petra aut maxilla materiâ aquæ huic præbuerit. Et huic quoque faciunt loca à te citata, exceptis duobus, *Exod. 8. v. 18. & Psalm. 104. v. 14.* in quibus productio talis nobis describi videtur, quâ aliquid ex materia producitur. Nam in *Exod.* intelligitur

mutatio pulueris in pediculos: in *Psalmo* autem panis productio è terra includit quoque generationem ex materia; cum notum sit, semina ex quibus fruges generantur, materiam quoque, videlicet succum, ex terra haurire atque imbibere, cuius alimento conseruantur, crescunt, germinant.

2. Etiam si concederetur de corporibus brutorum, quod ex Elementorum materiâ atque essentiâ fuerint producta: tamen non valeret consequentia ad animas quoque brutorum.

Neque obstat, quod Moses animæ uiuentis faciat mentionem: cum ei, qui hospes non est in S. Scriptura, incognitum esse non possit, hinc, & alibi passim, Animæ nomen Synecdochicòs, pro toto uiuente, sumi; uti ex innumeris patet locis, *Gen. 46. v. 26. Act. 2. 41. Psalm. 16. 10. & alibi*. Neque si totius uiuentis mentionem faceret Moses, propterea à toto Animante ad totum Animantis consequentia valeret; cum multa de toto composito rectè & verè dicantur, quæ non de singulis eius partibus. Ex. gr. de toto homine dicimus, quod generetur à Parentibus; de toto hominis autem, nominatim de Anima rationali, putamus esse falsum.

3. Quantumuis autem ex citatis ab Aduersario locis Mosaicis opinio tua, de brutorum Creatione ex nihilo, vi verborum non possit *ἀναρρίψῃ* impugnari; cum non valeat consequentia: Deus dixit; Terra & aqua producant animantia, &c. & produxit terra & aqua. Ergo terra & aqua fuit causa efficiens, vel materialis animantium: attamen putamus, aliunde firmitus probari posse, bruta animantia saltem quoad corpus, non immediatè ex nihilo, sed ex elementis, seu ex materia, à Deo fuisse producta. Nam expresse dicit Moses, *Gen. 2. v. 19.*

&c. וַיִּצְרֶה יְהוָה אֱלֹ-הִים מִן-הָאָדָמָה כָּל חַי הַשָּׂדֶה

Et formauit Iehoua Deus ex terra omnem bestiam agri, & omne volatile cæli. Vbi obseruandum, 1. quod in Heb. non sit verbum *Hotzi*, produxit, sed *Iatzar*, formauit; quo notatur actio Dei omnipotens quidem, siue creatio, non tamen agens prorsus in nihilum, sed in materiam aliquam præexistentem, qualis est actio Figuli in lutum, efformantis ex eo vas aliquod, de quo propria significatione hoc verbum, *Iatzar*, usurpatur. Hinc nomen verbale *Iotzer*, quod Figulum: Fictorem, Formatorem significat. 2. Hoc eodem sensu usurpatur vox & phrasis ista in creatione Hominis, ubi Deus dicitur finxisse hominem puluerem de humo, siue, ex puluere & limo terræ. Vbi sanè terra non solum subiecti loci, è quo corpus Adami fuerit productum, sed & materiæ ex qua, rationem habuisse, nemini putamus esse ambigendum; cum ex aliis parallelis locis id abundè constet, *Gen. 3. vers. 19. Eccl. 1. 2. v. 7. 1. Cor. 15. v. 47.* 3. Atque eodem sensu postea Deus dicitur Euam ædificasse ex costa, quam sumpserat de Viro, *Gen. 2. v. 22.* Vbi costa præbuit materiam Euæ, iuxta oraculum Adami, *Gen. 2. v. 23. 24.* Hoc est os ex ossibus meis, &c.

Atque hanc sententiam quoque confirmat Fr. Iunius. Quantumuis enim, te referente, scribat, in *Prol. in Gen. cap. 1.* animantia bruta è terra & aqua, in quibus à Deo fuerant creata, subito emeruisse, & tanquam fœtus ex utero exiuisse: tamen non obscure ibi loci insinuat, qualem intelligat productionem, vid. non tantum localem, ut sic loquamur, & subiectiuam, sed & materialem. Nam de aquatilibus scribens, ait: *Quantumuis alia elementa suas partes contulerunt ad eorum generationem & constitutionem: Aqua tamen hoc in loco tanquam Mater, utero suo profundens hanc speciem, intelligenda est.* Idem dixerat antè

antè de herbis productis è terra. Idem postea clariùs exprimit, de animantibus terrenis loquens, ad verba illa, *Producat terra, &c. Ortum videl. eorum esse à Deo, tanquam summa & primaria causa efficiente; ab elementis, tanquam materiali; à terra denique tanquam Matre, qua ex suo utero species has profuderit. Quam rem, inquit, optimè exprimit Moses emittendi verbo, ut terram instrumentalem causam, ac non materialem solum, esse ostenderet. Quemadmodum quotidiana quoque experientia in multis insectis demonstrat, &c. In Annot. Biblior. ad Gen. c. 6. num. 5. ait: Ex qua, sc. terra orti sunt volucres volantes super terram, quod probat ex Gen. c. 2. v. 19. Item, in Gen. c. 2. num. 14. indicat de stirpibus & herbis, quòd hæc primæ fuerint formæ, ex materia simplice Elementorum tertio die constitutæ. Sic interpretatur locum cap. 1. v. 11. Iterum, in c. 1. num. 4. mentionem facit materia primæ, ex qua terra, & res omnes cælestes atque terrestres fuerint factæ.*

Nolumus autem, CLARISSIME SENNERTE, tecum, aut cum quoquam alio, super hac quæstione multum contendere aut litigare; sed cum potissimum quæstionem vrgeas criminis tibi impacti, hæreseos & blasphemiarum, putamus, nec Te, nec alium quenquam, qui Creationem statuit animarum irrationalium ex nihilo, essentiámque illorum aliam atque diuersam ab elementis existimat; modò species cum speciebus non confundat, & Animæ rationali hominis præ bestiarum animabus debitam prærogatiuam concedat: à nemine iure meritò hæreseos alicuius, multò minùs blasphemiarum, accusari posse.

Tuæ petitioni morem gerentes, sententiam hanc nostram tecum communicare voluimus, Deum precati, vt Te, bono atque emolumento Reipubl. litterariæ natum, diu porroque saluum & incolumen præstet. Dat. Basil. d. 30. Mart. 1636.

E. T.

omni studio addictus

Theodorus Zuingerus, SS. Th. D.
& Prof. Eccl. Basil. Pastor
pro tempore Facult. Theol.
Decanus.

Responsio Facultatis Theologicæ In Academiâ

M A R P V R G E N S I.

Sal. & offic. propensa.

Sicut cantharides tritico maximè læto innascuntur: ita, Vir Excellentissime, & Experientissime, Domine & Fautor honoratissime, inuidus vicini oculus, cum primis verò.

Summa petit liuor, perflant altissima venti,
αὐτὸς καπνὸς, τὸς καλὸς πύρρ. Ita fore sperant, siue inuidi, siue ambitiosi, vt ex laudatissimorum Virorum insectatione memorandum sibi condant nomen. Frustra est, sui nominis decidium merentur, pariuntur, &, ceu erronei viatores, dum accedere existimant, retrocedunt. Aucupium, quod Freitagius ex tui insectatione sperauit, sibi soli habeat. Id scilicet aliquam partem verum esse, ostendit, quod Gueuara, sua ipsius experientia edoctus, alicubi scribit: Inuidiam in aulis nasci, in Academiis educari, in Monasteriis mori. Nos, quod ab Excell. Tua à nobis petitum est, paucis expeditum dabimus; idque sequentibus Propositionibus:

Propositio I.

Nos falcem in alienam messem non mittemus, nec Morychi in alieno choro pedem nostrum ponemus, sed nostro modulo ac pede nos metiemur, nobis id etiam dictum putantes, *ἡ ἐμὴ ἡμῶν ἐστὶν περὶ ἡμῶν*. Nobis nostra vendicabimus, Philosophis Philosophica relinquentes.

Propositio II.

Audiant sanè Philosophi minùs commodè à Tertulliano, quòd hæreticorum Patriarchæ sint; nihilominùs tamen opinio Philosophica, quatenus se extra suum circulum non effert, nec mysteria fidei conuellit, hæresis non est. Quinque enim hæreticum concurrendo designant: 1. vt sit baptizatus, & professione Christianus. 2. vt non omnia credenda neget, secus apostata est. 3. vt errorem habeat in intellectu. & quidem, 4. quoad res fidei, 5. vt adsit pertinacia, Arn. Albertin. in rubr. de hæret. in 6. q. 13. n. 15. Opinio autem Excellentia T. de immediata animarum brutorum creatione, nullum Articulum fidei infringit, de modo duntaxat creationis primæ istarum disquirat; idque libertate Philosophica, & quidem eodem iure, quo illi, qui eas ex potentia materiæ elementaris eductas esse statuunt, agrè profectò laturi, si ob hanc assertionem blasphemiarum & hæreseos incusentur.

Propositio III.

Præterea blasphemia conuicium designat, in iniuriam Creatoris vergens, quo quis negat, quod illi competit; vel attribuit, quod illi non competit, Thom. 2. 2. quæst. 13. art. 4. Nihil verò ex assertionem Exc. Tuæ in iniuriam Creatoris vergit, nihil eâ Creatori detrahatur, nihil ei attribuitur, quod ipsius naturæ inconueniens sit.

Propositio IV.

Super explicationibus dictorum Scripturæ, modò cum analogia fidei conuenerint, Rom. 12. v. 16. aliisque quæstionibus minus fundamentalibus, vel singularibus, citra schismatis & hæreseos notam alterationes inter Patres Ecclesiæ fuisse, nemini obscurum est; vtpote inter Cyprianum Africanum, & Stephanum Romanum Episcopum; inter Basilium magnum, & Eusebium Cæsariensem; item inter Hieronymum Presbyterum, senem, & Augustinum, iuuenem, super loc. Gal. 2. v. 11. nec non inter Hieronymum, & Episcopum Hierosolymitanum. Vid. Euseb. lib. 7. histor. cap. 3. Augustin. de unit. baptisimi, cap. 14. Cyprian. ad Pomp. contra Stephanum, Sozomen. lib. 6. histor. cap. 16. August. epist. 19. Hieron. contra Rufinum, &c.

Propositio V.

Creatio ex nihilo intelligitur fieri tum ratione sui principij, quod est nihilum negatiuum; tum ratione indispositionis, ob quam materia, ex qua aliquid fit, in productione pro nihilo habetur, Chemnit. part. 1. loc. Theol. p. 281. Meisner. part. 1. philos. abr. f. 3. p. 779. 780. 781. Ruuio, lib. 1. Phys. tract. 1. quæst. 2. p. 105. & alij tum Theologi, tum Philosophi. Quamuis igitur animæ bestiarum dicerentur in Creatione ex potentia materiæ eductæ; nihilominùs ob indispositionem materiæ, quam formæ eductæ multum superant, ex nihilo creatæ essent.

Propositio VI.

Quandoquidem animæ bestiarum terræ conditionem longe superent, ipsaque ad omnium seminum receptionem indifferens sit, adeoque, quod hæc species arboris, fruticis, &c. in generatione potius producat, quam illa, non à terra, sed à semine pendeat, aliquibus probabile videri potest, verba illa, *Genes. c. 1. v. 11. 12. 20. 24.* non actiue intelligenda esse: Lut herus tamen, in *Comment. in Genes. c. 1. p. 10. 11.* alique Theologi sentiunt, terram, arbores & bestias, aquam verò pisces, ex Dei benedictione actiue, & verè produxisse; id quod suadent verba textus Huic sententiæ etiam nos subscribimus, quia literalis sensus Scripturæ maximè commendatur, Basil. in *Hexaem. homil. 6. pag. 8.* Nec antè à literalis & proprio S. Scripturæ sensu nos discedere debemus, quàm Spiritus S. nobis istius discessus certa præmonstrer indicia & fundamenta.

Hæc Excell. T. ad Quæstiones propositas, iusto tardius nobis exhibitas, respondere volumus; Illique prosperitatem animæ & corporis ex animo precamur, ac fidem nostram ad gratificandum eidem hisce obstringimus. Dat. Marburgi, Kal. Aprilis, Anno Christi 1636.

Excell. T.

studiosissimi

Decanus, Doctores, & Professores Collegij Theologici.

Responsio Facultatis Theologicae
in Academia

REGIOMONTANA.

Salutem & pacem à Deo Patre per Iesum Christum, in communione Spiritus Sancti.

Clarissime & Excellentissime Vir, Amice plurimum honorande, sub literarum principium veniam deprecamur, quod nostram responsionem ad literas T. Excell. sub finem præteriti anni exaratas in hoc usque tempus distulerimus. Factum id est non ex quadam ignavia & morositate. Alia interuenire impedimenta, quæ dilationem causarunt; licet manum sapius admouerimus operi. Nunc verò cum circa feriarum tempus nonnihil ocij nacti simus, volumus, imò debuimus petitioni Excell. T. realiter satisfacere, ut videat nostrum gratificandi studium.

Infelix illa σύρραξις, quæ Excel. T. intercedit cum D. Doctore Iohanne Freitagio, Medicinæ in Academia Gröningensi Professore, debuisset moderatius ab aduersa parte tractata fuisse, cum nostro iudicio taliter sit comparata, ut caput Christianæ Religionis directè non tangat. Quod enim E. T. in literis conqueritur, D. Freitagium eandem grauissimè insectari, quasi blasphemis suis opinionibus. Sacrosanctam Christianam fidem conspurcarit, quin etiam diuina & humana luxarit, Scripturæ & Ecclesiæ obloquatur, quasi contra expressa & diserta Sacrarum literarum testimonia, contra totius Ecclesiæ, & Theologorum ad vnum omnium, siue Reformatorum, & Augustanæ Confessionis addictorum, siue Pontificiorum sensum, explicationem, & decreta asseuerare non vereatur, Deum creando formas

ita rebus indidisse, ut eas ex elementis non composuerit, siue produxerit, Tuamque Excell. toti Ecclesiæ, & omnibus Theologis contrariam & hæreticam adducere & defendere opinionem. Hæc sanè Aggrauatio formæ & conscientiam Exc. T. tangit, si modò vera sunt ea, quæ D. Freitagius Excel. T. impingit. Ut autem in conscientia sua certus sit, se nullam vel impiam, vel blasphemam, vel hæreticam fouere, vel malitiosè defendere opinionem, benefecit Exc. T. quod suo iudicio stare noluerit, sed Reuerendorum Theologorum, & Clarissimorum Philosophorum in aliquot Germaniæ Academiis hæc de re sententias & rationes audire censuerit.

Propterea & à nobis petit, ut nostram sententiam liberè & candidè de sequentibus Quæstionibus aperiatur.

1. An blasphemum sit & hæreticum, statuere, à Deo animas brutorum animalium è nihilo creatas esse, & hodie etiam eas alterius, quàm elementaris naturæ esse; & annon crassa opinio sit, bruta animalia & secundum corpus & secundum animam ex elementis constare.

2. An vi verborum Mosaitarum: Producat terra, producat aqua animam viuentem, sequatur, animas brutorum animalium ex elementorum materia & essentia productas esse, & an terra & aqua subiectum saltem fuerint, in quibus Deus plantas & animalia perfecta creauerit, & à quibus iussu Dei, cum dixit: Producat terra, producat aqua, subito emerferint, seu, ut D. Franciscus Iunius in hunc locum scribit, è terra & aqua, in quibus à Deo fuerint creatæ, quasi fœtus ex utero exierint; cum verbum *וַיִּצְמַח* non significet, dedit materiam, vel suam naturam essentiamque communicauit, sed exire fecit, attestantibus locis parallelis, Gen. 14: v. 18. Exod. 8. v. 18. cap. 20. 1 Num. 14. v. 8. Psalm. 68: v. 8. Psalm. 104. v. 14.

Ad priorem quæstionem, quæ bimembris est respondemus distinctè.

I. Statuere animas brutorum animalium à Deo è nihilo creatas esse, non est blasphemia vel hæresis. Error nominari posset, si quid erroris subesset. Licet enim brutorum animæ ad modum humanæ separatim non sint creatæ, sed coniunctim vnà cum corporibus, manet tamen dubium, quomodo se habuerit diuinum partim ad aquam & tertiam factum mandatum, partim simultanea brutorum animalium cum corporibus creatio. Num eodem modo animæ è terra & aqua productæ sint, uti corpora. Potest enim terra & aqua circa primam animalium creationem vario considerari modo: 1. ut elementum. 2. ut materia. 3. ut subiectum. 4. ut mater vel viuus uterus ad animalium productionem immediata Dei operatione exaltatus. In prima namque rerum naturalium creatione aqua & terra nudè primum creatæ alio modo considerari debent, alio item post viuificam productionis animantium quasi imprægnationem. Priore modo Deus aquæ & terræ dedit esse & existere; posteriore verò vitalem & *ψυχὴν* aquæ & terræ iniecit vim ad animantium productionem. Hæc vis naturaliter terræ & aquæ non iniecit, sed quinto demum die per immediatum diuinæ omnipotentis verbum fuit superaddita, vel potius intrinsecè indita. Quo ipso aqua & terra diuinitus sunt imprægnata, & ad vitalitatem exaltata, in quo statu virtute omnipotentis verbi etiamnum permanent.

Præterea, si hæc blasphemia esset & hæresis animas brutorum primitus ex nihilo creatas, ij magis blasphemæ

blasphemam & hæreticam fouerent opinionem, qui statuunt, non modò animas brutorum, quinnimò & germina, plantas, in prima creatione ex nihilo creata esse. Inter hos Pareus imprimis est, Theologix quondam in Heidelbergensi Academia Professor, qui hac de re suo in Genesin commentario distinctis in locis ita scribit; de plantis & arboribus: Non dicitur in Mose, Deum ex terræ materia vel succo herbas & arbores generasse, & subito è terra, quasi ex vtero, seu ex loco originali enasci fecit, & sic verè *ex nihilo creauit*. Vis ergo subito germinandi, ipsaque germinatio momentanea rota fuit supernaturalis & miraculosa. Ad eam igitur propriè sola vis omnipotens verbi *Dei actiue* se habuit; Terra a. subito miraculosè germinans *Tantum passa est Dei virtutem*, col. 177. de Piscibus: In prima creatione piscium, aqua se non habere potuit actiue, quia & vis creandi, & ipsa creatio, id est, subita productio reptilium in aquis tota fuit miraculosa, proinde non aquarum, sed Dei immediata actio, cuius solius est *Creare*; & idè dicitur, Gen. 1. 2. 21. Creauit Deus cete, i.e. diuinà vi produxit, seu fecit existere subito in aquis, col. 218. Ibidem communem illam sententiam (*Deum ex aquarum materia pisces creasse*) non simpliciter reiicit, interim firmam non esse, aliquot argumentis probat, quæ ibidem legi possunt. Vnde colligit, Deum non allocutum aquas vt materiem futuri operis; cum creare sit propriè ex nihilo aliquid facere. At pisces dicitur creasse, v. 21. Videtur ergo è *nihilo fecisse* esse quid, & illud creare ex indisposita materia, in instanti aliquid producere; hanc verò creationis speciem iis rebus rectè tribui, quas ex tali materia factas scriptura expressè testatur, vt de corpore Adami & Heuæ constar. Tali verò modo pisces ex aqua, vt materia, primitus creatos Mosen nullibi expressè testari. Idem Parei est iudicium de animantibus terrestribus, col. 233. & seq. Quæritur, annon terra produxerit animantia *materialiter*. Plerique id affirmant (scribit Pareus) Deum ex terrâ aquis madefactâ *vt ex materia* animalia formasse. Sic dicemus animalia creata non primâ, sed secundâ creationis specie, hoc est, non ex nihilo, sed ex materia indisposita. Subiicit, se hanc sententiam in medio relinquere, interim nil ob stare, quò minus hanc primæ animantium productionem ad primam creationis speciem referamus; cum Moses hîc materiæ nullam mentionem faciat, & materiæ non esse producere, sed produci, eique non competere actionem, sed passionem. Inde concludit, germina, pisces, animantia terrestria ex aqua & terra producta, non vt ex originali loco, velut ex subiecto suscipiente operationem Dei, vt Deus pluere fecit panem è cælo, Ex. 16. 4. aquam eduxit è petra, Ex. 17. 6. Num. 20. 8. ex dente molari asini, Iud. 15. 19. non vt ex materia, vt cum Christus vinum fecit ex aqua, Ioh. 2. sed vt è subiecto miraculi. Longè verò diuersum esse, cum Deus Adamum fecit de gleba terræ, Gen. 27. Euam de costa viri, v. 22. Hæc Pareus. Hunc primùm Freitragius blasphemix & hæreseos insinulet, antequàm Excell. T. iniquè tractet, cum ea statuatur, non corpora brutorum, sed eorum animas ex nihilo creatas.

I I. Animas brutorum elementaris esse naturæ, sunt plurimi qui statuunt, etiam inter Ecclesiasticos Patres, aliis aliter sentientibus. Quâ de re in Philosophorum & Scholasticorum sublelliis fusiores iam ante hæc tempora moræ sunt concertationes. Quam litem non faciemus nostram. Ex Mose, vel sacris literis vix probari poterit, brutorum animas elementaris esse naturæ. Imò opinamur, crassum errorem esse in Christianorum scholis, aquam & terram in prima Creatione, & etiamnum vt nuda elementa considerare. Moses sanè ali-

ter sensit, qui terram & aquam creationis beneficio proponit, vt vniuersalem quandam, eamque viuam matrem vterum habentem, semperque diuinitus imprægnatam. Hinc à Syracide terra mater nominatur, cap. 40. 1. Nostra proinde est sententia, saluo aliorum iudicio, plurima aquæ & terræ beneficio creationis inesse elementarem naturam transcendentia, id quod admiranda, ferèque incomprehensibilis, viuæ eaque permanens & durans vtriusque imprægnatio & proleminatio manifestè testatur. Hinc adeò fit, vt animæ brutorum (addimus & plantarum,) elementarem naturam transcendant, id quod admirandæ harum etiam animarum operationes & effecta probant. Anima sanè apum circa artificiosam & admirandam mellificij præparationem nudæ elementaris naturæ conditionem excedit. Idem de vita vel anima in seminibus esto iudicium. Sunt ergo illæ animæ supra elementarem conditionem diuinitus exaltatæ, ita tamen, vt humana animæ earum conditionem longè transcendat. Habet Exc. T. breuiter nostram mentem ad primam quæstionem.

Ad posteriorem, hunc in modum respondemus, saluo aliorum iudicio, ex Mosaicis verbis: Producat terra, producat aqua animam viuentem, necessariò non sequi, animas brutorum animalium ex elementorum materia & essentia productas esse. Vt enim in prima Creatione terra & aqua nudè elementaliter considerari non debent: cum plurima vtrique tum fuerint indita transelementaria, vt modò probatum; ita prima brutalium animarum cum corpore productio non probat firmiter elementarem naturam animarum brutorum.

Vbi notandum.

I. Per מִן הָאֵרֶץ מִן הַמַּיִם Mosen synecdochicè intelligere animantia viuia, corpore & anima constantia. Conferatur locus, Gen. 2. 19. vt & alia parallela.

II. Diuinum omnipotentia de producendo verbum distinguendum esse ab ipsa productione, ob distinctum nostrum conceptum. Licet enim Dei dicere sit facere, Psal. 33. 9. Aliud tamen est, ipsa Dei potentia, aliud creatio siue productio, quæ fluxus vel effectus est à diuina omnipotentia fluens.

III. Ex Mose apparet, Deum mediante hoc omnipotentè de productione verbo, per immediatam vim aquæ & terræ quid indidisse, quod ante in se naturaliter non habuerunt. Licet enim aqua & terra ante viuam animantium productionem iam præexisterint; hanc tamen viuam productionis vim in se non habuerunt. Si namque habuissent, non opus fuisset peculiari, temporèque distincto de productione virorum animantium verbo siue mandato, post aquam & terram iam conditam.

IV. Vt ergo prima viuentium animantium ex aqua & terra productio ad secundam creationem referri commodè possit, ratione præexistentiæ terræ & aquæ nudè consideratæ. Vim tamen productionis animantium originaliter ab immediatiore operatione Dei fluxisse, nobis omnino videtur verisimile. Inde colligimus, latitare in hac secunda creatione quid immediati, quod naturam primæ creationis sapit, propterea Moses circa primam piscium productionem vsus est verbo בָּרָא, Gen. 1. 21.

V. Aqua ergo & terra circa primam viuentium animantium productionem ab immediato omnipotentia verbo fluentem propriè non sunt consideranda nudè elementaliter, vel materialiter, multò minus causaliter, sed subiectiue, passiuè, vel etià *κοινωνικῶς* Animantia namq; in hac prima productione non sùt generata ex aqua & terra materialiter considerata,

verum

verum è terra & aqua subito sunt producta, vt ex vtero, vel ex originali loco. Subita namque & momentanea vis productiva tota fuit supernaturalis & miraculosa. Non enim est producta ex potentia materiæ; cum hæc vis aquæ & terræ non infuerit neque potentiâ, neque actu. Habuerunt ergo se aqua & terra rum merè passivè, sustinentes & suspicientes hanc miraculosam Dei virtutem.

VI. Mosaica phrasis, quâ scribit, Deum formasse omnem bestiam *ἐκ τῆς γῆς* Gen. 2. 19. non probat materiam, sed originem; vel originalem locum.

VII. Hæc prima Animantium productio omnino distinguenda est à subsequente naturali animantium productione. Quod enim aqua & terra primitus naturaliter in se non habuerunt, id immediatâ Dei virtute ipsis est inditum, vt mediante hac virtute eis fieret naturale & congenitum. Licet ergo Deus post creationem mediante providentiæ actu, in naturali animantium productione, vt & plantarum, arborum, &c. germinatione concurrat vt vniuersalis causa: quia tamen aquæ, terræ & seminibus exinde productis, hanc productionis, germinationis, & profeminationis vim intrinsecè indidit, vt ea iam illis naturalis sit, propterea aqua, terra, semina post inditam illam vim, respectu vniuersalis causæ, non habent se *παθητικῶς, ἀλλ' ἐνεργητικῶς*, quatenus illa vim illam *παθητικῶς*, vt causæ secundæ, latè, interdum & occultè diffundunt.

VIII. Hoc respectu aqua, terra, semina considerantur *Materialiter*, cum materiem subministrant generationis animantium, plantarum, arborum. Hæc autem materialis consideratio non debet esse nudè elementatis, verum vltra elementarem conditionem vltèrius quid quærendum, quod ipsi materiæ per occultam vim diuinitus insitum & implantatum est. Hinc ipsi Philosophi fateri coguntur, ipsi materiæ plurima naturæ occulta esse inclusa, mutuamque elementorum dari *συνχώρησιν*. Piscium sanè corpora, quæ tantum in aqua generantur, ex concursu omnium elementorum, & eorum qualitatibus, & animalibus constant. Idem sentiendum de auibus, & animalibus terrestribus.

Hæc fuere, *Vir Excellentissime*, quæ ad literas Exc. T. respondere volumus, imò & debuimus. Non dubitamus, rectè sentientes eiusdem nobiscum sententiæ futuros. Id enim omne, quod mittimus, moderatæ censuræ doctiorum intrepidè subiiciamus. Materies est abstrusa. Cum enim Prophetarum Coryphæus in primordio visibilium rerum creationem describendam primò & principaliter sibi proposuerit, abstrusum est, inde colligere, primam animarum tum sentientium, tum vegeabilium originem, cum nos lateat, quid & quantum Deus aquæ & terræ circa animantium productionem concesserit, & intrinsecè concrearit. Verè nostra scientia hæc etiam in re vmbra est in Sole, & acies oculorum humanæ mentis hîc etiam hebescit instar oculorum Nycticoracis ad meridianum Solem. Effecta & operastrarum animarum quotidie, quinimo singulis momentis, sentimus, videmus, experimur; quid verò anima nostra sit, in hac humanæ mentis caligine plenè peruidere non possumus. Vale, *Vir Clarissime & Excellentissime*, & nostrum gratificandi studium æqui bonique consule. Reg. Boruss. Aug. 1636.

Exc. T. Amici, & ad mutua Humanitatis & Benevolentia officia paratissimi

Decanus, Senior, Doctores & Professores Theologicæ Facultatis in Academia Borussorum Regiomontana.

Responsio Facultatis Theologicæ in Academia

I E N E N S I.

Salutem, preces, & Officia:

Verissime dictum à Iustino, Martyre & Philosopho, in ipso limine libelli, quem de Monarchia Dei scriptum reliquit: *φιλανθρωπία, ἢ μάλλον φιλοθεῖα, ἔργον ἐστίν, ἡτοιμασθαι τοῖς ἀπὲρ ὁφείλον ἐιδέναι ὅσα δέλοισιν ὀφείλῃς*. Hæc informatio commodissimè fit per scripta publica; quippe quæ non solum præsentis temporis homines docent, sed etiam natorum natos, & qui nascentur ab illis. Præclare igitur de genere humano, & salute Reipublicæ merentur, qui de rebus scitu non solum vtilibus, sed etiam necessariis, libros in publicum edunt, ac talentum à Deo sibi concreditum non sub terram defodiunt, sed in vsum aliorum elocant. Verum enimverò vt in aliis, ita quoque in hac parte, deploranda & detestanda occurrit Mundi ingratitude, quæ pessimam pro facto optimo scriptoribus rependit gratiam. Mouit hoc ipsum B. nostrum Lutherum, vt, in *Prefatione articulorum Schmalcaldicorum*, in hanc erumperet querelam: Sæpe recordor boni Gersonis, dubitantis, num quid boni publicè scribendum & proferendum sit. Si scriptio omittitur, multæ animæ negliguntur, quæ liberari potuissent: Si verò illa præstatur, statim Diabolus præstò est cum linguis pestiferis, & calumniarum plenis, quæ omnia corrumpunt & inficiunt.

Nequaquam igitur ἀπορροδοῦντων V. Exc. Vir Clarissime, Experientissime, Excellentissime, Fautor & Amice honorande, videatur, quod pro insigni, & ab omnibus deprædicata *αεθυμία*, quæ ægrotorum, etiam tenuioris sortis, curam suscipit, Medicinæ Studiosos viuâ voce docet, & scriptis publicis Artis medicinæ Systema, etiam cum exterorum admiratione, illustrat, ipsi ea referatur gratia, vt à quibusdam feriatis Philosophiæ veritatem euertere, blasphemis opinionibus sacrosanctam Christianorum fidem conspurcare, diuina & humana luxare, Scripturæ & Ecclesiæ proteruè obloqui, quin & hæreticam sententiam defendere iudiceretur. Ne igitur innocentia patrocínio destituatur, vel calumniis opprimatur, ad *ζήτηματα* à V. Exc. Collegio nostro proposita sine tergiversatione aut scrupulo respondemus.

Prius *ζήτημα* hoc est: *An blasphemum & hæreticum sit, statuere, à Deo animas brutorum animalium è nihilo creatas esse, & hodie etiam eas alterius, quam elementaris naturæ esse: & annon contra crassa opinio sit, bruta animalia & secundum corpus, & secundum animam, ex elementis constare.*

Res. Quamuis sententia illa, quod animæ brutorum in prima creatione immediatè ex nihilo sint productæ, ac hodie etiam alterius sint naturæ, quàm elementaris, quidusdam difficultatibus urgeatur, quas ordine recenseremus, si hæc quæstio ad forum Theologicum spectaret: tamen blasphemiam vel hæreseos crimen propterea V. Excell. tribui nequit, quod eius sententiæ assertionem & patrocinium in sese suscipit. Neque enim de fundamentali aliquo fidei articulo hîc agitur, sed de re quæstionis, non fidei. Hæresis autem est erroris cum fundamento fidei pugnantis pertinax defensio; vt ex veteribus & recentioribus Theologicis constat. Longè verò minùs blasphemiam crimen hoc nomine V. Exc. tribui potest, cum assertio nihil contineat, quod diuinæ vel boni

bonitatis, vel sapientiæ, vel omnipotentia honorem labefacter.

Posterius *ἡ ψυχή* est: *An vi verborum Mosaicorum, Gen. 1. Producat terra, producat aqua, animam viventem, &c. sequatur, animas brutorum animalium ex elementorum materia & essentia productas esse, & an terra & aqua materiam omnibus hisce suppeditarint, an verò terra & aqua subiecta saltem fuerint, in quibus Deus plantas & animalia perfecta creauerit, & à quibus iussu Dei, cum dixit, Producat terra, producat aqua, subito emerferint, seu è terra & aqua, in quib. à Deo fuerint creata, quasi fœtus ex utero exierint; cum verbum *ἐγένετο* non significet; dedit materiam, vel suam essentiam communicauerit; sed exire fecit: id, quod etiam ex aliis V. T. locis, Gen. 1. 4. 18. Exo. 8. 18. Exod. 20. 2. Num. 17. 8. & 9. Pl. 68. 8. Psalm. 104. 14. sit conspicuum.*

Resp. Quamuis plerique Interpretes illud Mosaicum, quod aqua pisces, terra plantas & animalia, produxisse dicitur, sic accipiant, quod & animæ & corpora piscium, plantarum, & animalium, ex aqua & terra sint producta: tamen potest saluâ verborum Mosaicorum integritate *συνοδικῶς* sic accipi, quod quoad materiale & corporeum aqua pisces, terra plantas & animalia produxerit, animæ verò piscium, plantarum & animalium diuinitus sint creata. Vt enim *συνοδικῶς* de solo hominis corpore accipiendum, quando, Gen. 2. 7. Deus dicitur hominem formasse de limo terræ; cum statim subiiciatur, quod inspirauerit in faciem eius spiraculum vitæ, ut factus sit homo in animam viventem: ita sine vlla absurditate, ac textus detorsione, dici potest, quod de solis piscium, plantarum, & animalium corporibus *συνοδικῶς* accipi debeat, quando aqua pisces, terra plantas & animalia, produxisse dicitur.

Atque hæc sunt, quæ ad proposita *ἡ ψυχή* V. Exc. respondere volumus, omnem animæ & corporis felicitatem ei adprecantes, & officia nostra paratissima deferentes. Ienæ, Cal. Iunij, 1636.

V. Exc.

studiosissimi

Decanus, Senior, & Dd.
Collegij Theologici in Academia Ienensi.

Responsio Facultatis Theologicæ in Academia

ARGENTINENSI.

Vidimus agmen querelarum, Vir Excellentissime & Experientissime, Amice honoratissime, quod contra famam Eruditionis Tuæ summæ, quam ingentibus monumentis ad perennitatem memoriæ Diuino auxilio parauisti, instruxit Freitagius Doctor Groninganus. Mirati fuimus, Te, Vir Cl. Paracelsicum nominari, Nouæ sectæ Sennertiano-Paracelsicæ Conditorem & Monarcham, veteris Aristotelicæ & Galenicæ Philosophiæ & Medicinæ labefactorem, qui eiusdem fundamenta eruderet, qui brutorum formas, extra corpus superstites, immortalitatis & æternitatis capaces asserat, qui quandam in Brutorum formis Metempsychosin statuatur. Doluimus denique Tecum, quod iis laceratus, laceratusque fueris in hac Veneranda Tua canitie morsibus, quasi indubitata veterem Philosophiam euertas, blasphemis opinionibus SS. Christianorum fidem conspurces, diuina simul & humana luxes, proteruè Scripturæ & Ecclesiæ obloquaris, temerè contra ex-

pressa & disertis SS. Literarum testimonia agas, contra totius Ecclesiæ, & Theologorum, ad vnū omnium, siue Reformatorum, & A. C. addictorum, siue Pontificiorum sensum, & explicationem, & decreta sentias, hæreticam defendas & adducas opinionem.

Fuit huiusque fama Tua, uti & illud obseruauimus & audiuimus, tam intra, quam extra Germaniam, innocentissima non solum, & ab omni illâ accusationis grauissimæ prurigne libera, sed insuper etiam splendidissima & optima, dum inter Optimates & Proceres Asclepiadæ familiæ numeratus, à Clarissimis quibusque Artis Medicæ Doctoribus inter Principes Artis Doctores honoratus, & omnium Eruditorum consensu veræ puræque Medicinæ assertor habitus es. Orbis habet, amplectitur, amat Tua scripta, & quotquot ferè plurimis abhinc annis ad publicum bonum in re Medica floruerunt, ex his limpidissimis tuis scaturiginibus se rigatos profitentur, precanturque, ut diutissimè illam fecunditatem tuam Deus orbi præstare velit, quæ tam erudita, tam à barbaricis inquinamentis, & ineruditis commentis aliena, tam è visceribus contemplationis vniuersi eruta parturit. Nemo Te Paracelsicum, Nemo Te Nouæ sectæ Sennertiano-Paracelsicæ Conditorem & Monarcham, nemo Te veteris Aristotelicæ & Galenicæ Philosophiæ subuersorem aut labefactorem, ante Delium illum Natatorem, suspicatus est. Tantum abest, ut monstra illa opinionum, de formis brutorum extra corpora superstites, immortalitatis & æternitatis capacibus, de formarum migratione, quam Metempsychosin antiquitus appellant, à te foueri credere potuerint. Tantum abest, ut Te in hæresin quandam incidisse, & à sanioris Ecclesiæ consensu recessisse putauerint. Grandis iniuria est, dici verioris sinceriorisque Philosophiæ labefactorem, nisi is clarissimis argumentis demonstretur. Et difficulter ferendum est, Paracelsicum appellari, ei qui Paracelsum ostendit, fuisse vanum iactatorem, conuictorem insolentissimum, immodestissimum nugatorem, neque pietate, neque eruditione, conspicuū diu noctuque ebrietati & crapulæ deditum, insanū debacchatorem, doctrinæ Euangelicæ contemptorem, Magum, hominē per omnia sordidum & spurcum, vetularum, Zigeunorum, Nigromanticorum, agyrtarum consultorem, Vertumnum, linguarum ignarum, Logicæ contemptorem, absurdorum & impiorum dogmatum conditorem, de homunculis sine Patre & Matre, artis Chymicæ beneficio generandis, qui omnia arcana scirent; de hominibus Insulanis, non ex vno Adami sanguine prognatis; de primorum parentum corporibus sine instrumentis genitalibus editis primū atque formati; de Christi corpore è cœlesti Aquastro per Spir. S. condito; de lapsu primorum Parentum in fabula Melosinæ & Fortunati præsentato; & quæ sunt horrenda in illo Augiæ stabulo alia: qui hæc & alia documentis certissimis de Paracelso demonstrat, demonstrasti autem, Vir CL. post Thomam Erastum, Medicum, magno zelo, & disertissimâ contestatione, cap. 4. & 5. tract. de Chymicor. cum Aristel. & Galenicis consens. ac dissens. is uti contra apertissimam veritatem in Paracelsi societatem rapitur; ita totâ animi sui sententiâ à violentiâ illâ non potest non abhorre.

At verò hæreseos criminatione onerari, quantò conscientiam veritatis in rebus Diuinis è Diuinis reuelationibus haustæ certissimam profundius petit & violat, tantò factum est audacius & improbius. Notum est, quanta sit hæreseos fœditas, si eius è Diuinis scripturis imaginem, si eius ex antiquitatis Ecclesiasticæ monumentis nomina & insignia in memoriam nobis reuocauerimus.

In ipso Iure Ciuili quibus non infamiae & turpitudinis notis haresis traducitur? Collegit ex Codice Iustiniano & Theodosiano omnia hareses & haereticorum epitheta, attributa, elogia, Antecessor Academiae nostrae Clarissimus Iustus Meyerus, Ictus celeberrimus, in *Iuris publ. quest. capital. sintne Protestantes iure Casareo haeretici?* &c. §. 20. p. 213. & sequentibus. Hac conspurcari turpitudine, magna merito aegritudine in tanta innocentia afficit animum, & in eam, stimulat sollicitudinem, ut vndique vindicias conquirat & praesidia. Illud pro tuo, Vir Praclarissime, in sincerioris Theologiae Professores pientissimo affectu fecisti, quod Theologorum collegia in isto Tuo conflictu compellasti. Potes equidem ex thesauris illis vberissimae doctrinae Tuae Tibi ipsi satis contra istum Aduersarium valituras promere vindicias. Habes etiam ex illustri ordine eorum, qui tuis vestigiis iter ad solidam eruditionem fecerunt, plurimos, qui Te difficilioribus seruandum in ista velitariuncula subleuare poterunt. Est doctissimum huius rei specimen Cl. Dn. Sperlingij liber, in hac materia celebris. Quod verò ulterius progredieris, & cum Theologis conscientiae Tuae consilia inire paras, pia & modestissima Tuae Humanitatis dictamen est. Dubio procul qui viciniore sunt, iam desiderio Tuo satisfecerunt. Nobis, quos à vobis spaciis seclutit amplissimis, & hac turbarum publicarum immanitate iniquissimis nostra vocatio, liceret hic fortassis esse tacitis, & in sententiam illorum in Domino Iesu Fratrum nostrorum nostris ire suffragiis, nisi Tuam illam in nos clarissimam propensionem ampliori excipiendam esse obseruantiam, iudicarem.

Considerauimus verò vnanimiter in Collegio nostro istam quaestionem, quam tanto molimine contra Te agitat Freitagius, ac si vniuersae Philosophiae & Ecclesiae felicitas in eius tractatione verteretur: An nimirum animae brutorum à Deo immediate ex nihilo creatae sint; an verò ex praesentis, & in se iam antea conditae materiae potentiaeductae, adeoque ex elementari materiae formatae? Rursum, an animae hodie traducantur vi multiplicatiua per benedictionem diuinam animalibus generantibus communicatam; an verò sint elementaris naturae, & à potentia materiae educantur? Iterum, an & hoc & illud blasphemum & haeticum sit, & S. literis, in primis Genes. L. repugnans? Itemque, an vel Aristotelicis principiis, vel in vniuersum verae & sincerae Philosophiae refragetur? Demum, an omnibus Theologis, siue Reformatis, siue Pontificiis, totique Ecclesiae, contrariae? Et principio cum ea inter nos contulissimus, quam in Philosophorum acroteriis ante non multos annos nos quoque in ista materiae audiui, tractauimus, disputauimus, adeoque rem illam in terminis & principiis Philosophicis perpendissemus, non potuimus sanè deprehendere, quod vera & sincera Philosophia eam istius quaestionis explicatione, quae post alios Tibi placuit, in fundamentis suis concuriatur & eruderetur, aut quod Aristotelica etiam principia hic quandam patiantur iacturam. Nam aut quaestio est de ratione productionis primarum formarum in illis indiuiduis in primordio Mundi conditi, ad specierum propagationem diuinitus constitutis; & sic neque ex Philosophia in vniuersum, neque etiam ex principiis Aristotelicis, aliquid de isto negotio determinari potest. Nam neque Philosophia in vniuersum, & absolute considerata, lumine rationis nixa, rationem primigeniae Creationis atque ordinationis corporum mundanorum magnorum minorumque attingere potest, & Philosophia Aristotelica contra istam sapientiam & seriem primarum Creationis fertur, eamque argumentis vndique

conquisitis conuellere nititur: aut quaestionem mouet Freitagius de formis ortis ex primis, aut post primas ad specierum conseruationem ordinatas. Vbi sanè deprehendere non potuimus, quibus principiis infallibilibus suam, de educatione animarum brutorum à potentia materiae & elementorum sinu, sententiam fulciat, aut quibus alteram, de propagatione & traductione animarum ex animabus in materia, ceu *ὄχηματι* & vehiculo, euerfat. Nam educationem quidem animarum brutorum ex elementorum sinu & potentia materiae nequaquam illud ostendit, quod Diuinæ sapientiae placuerit, illas ipsas brutorum animas propagare cum materia, adeo, ut eatenus in fieri, esse, & operari pendeant à materia. Quamuis enim cum materia, & in materia, & per materiam, ceu vehiculum quoddam, & amicabile receptaculum atque domicilium suum, propagentur formae illae brutorum; non tamen ob id ex materiae potentia educuntur, si per materiae potentiam distinctum quid à forma siue anima generantis intelligas. Neque sequitur, quia formae, siue animae, non generantur; cum generatio sit totius, neque creantur, propterea easdem à potentia materiae educi, Nam quamuis generatio, absolute loquendo, sit totius: partes tamen essentiales toti congenitae sunt, & ut materia totius geniti, ita forma eiusdem, siue anima, è toto generante synonymo propagatur. Imò sententia de educatione timet sibi ab absurda nouae Creationis in singulis animarum introductionibus assertionem. Vnde Fr. Murcia, *lib. 1. Phys. disp. 6. q. 1. p. 167.* conatur rationem reddere, propter quam, licet formae materiales fiant ex nihilo sui, nihilominus non creantur. At sanè si animae brutorum non propagantur ex animabus brutorum generantium, vi multiplicatricis virtutis in animabus illis existentis, licet cum connexionem aliqua & dependentia ad materiam producantur, non satis solide se extricare poterunt, qui hoc asserunt, quò minus creari illas statuere cogantur.

Quod ex eo etiam colligi facile est, quia Murcia etiam caeli formam proprie creatam non fuisse asserit, quia non est proprie facta ex nihilo, sed dependenter à materia, & cum concursu materiae; licet secundum omnem entitatem suam ex nullo alio principio formali & specifico sit propagata. Hoc modo etiam animas brutorum non creatas fuisse, obtinere conatur; quamuis secundum se totas de nouo ex nihilo sui producantur, quia cum copulatione ad materiam productae sunt. Atqui verè Creatio est, licet in subiecto fiat, si quid ex nihilo sui secundum se totum de nouo producat. Nam potentia illa materiae non facit, ne dici Creatio possit. Murcia dicit, educationem de potentia subiecti esse productionem alicuius rei ex subiecto praesistente, ipso concurrente in genere causae materialis. At ille non explicat, quid sit potentia subiecti: actiua, an verò passiva: vniuersalis, an particularis & limitata. Itaque non apparet, quomodo potentia illa faciat, ne illa productio animarum brutorum de nouo ex nihilo sui sit creatio. Contradictoria certè est Antonij Trombetæ, Patauini, in *quest. 6. ad 12. metaph. p. 93.* conclusio, cum inquit: *Stat ergo Conclusio principaliter intentæ, quod forma viuens immediate est à Deo, & praesertim anima sensitiva: & hoc productione, qua non est Creatio.* Sed de hoc capite Tu, Vir Praclarissime, vberius, in *cap. 9. tract. de Conf. & Dissens. Chymic. cum Aristotel. & Galen. pag. 95.* Nullo etiam principio Philosophiae sincerioris stabilire videtur suam sententiam Murcia, quando ita ait: *Nihil potest fieri ab agente naturali sine concursu subiecti, quod recipiat actionem agentis, & conseruet & sustentet effectum productum. Ergo nihil fit ab agente naturali,*

naturali, quod non educatur de potentia materia, si ergo formae substantiales fiunt per creationem, & non per educationem de potentia materia, sequitur, illas non produci ab agentibus naturalibus: unde nulla esset differentia inter generationem hominis, & generationem aliorum corporum. Nam sicut per generationem hominis solum producit unio materiae cum anima rationali: pari ratione in generatione aliorum corporum solum produceretur unio materiae cum forma. Unde fieret, solum modum unionis corrumpi in corruptione substantiali cuiuscunque corporis: formas vero omnes substantiales esse prorsus incorruptibiles, utpote ingenerabiles ab agente naturali, & ab eodem, atque etiam à materia, independentes; unde non secus essent separabiles à materia, quam anima rationalis. Nam, ut Murciae respondeamus paucis, subiectum equidem concutit ad opus quodvis agentis naturalis, recipit actionem, formam ab agente productam conseruat, & suam certam quadam ratione sustentat: at non propterea forma producta est ex ipsa potentia, quae materiae est, & ad eius praecise entitatem pertinet;educta. Neque Creatio illic assertitur, si illaeceductio negatur. Nam traductio tertium est. Neque, translatione formarum ex formis generantium animalium asserta, dicendum est, produci tantum unionem cum materia & forma. Nam productio, quae translatione absoluitur, illa propagat in intimam & ex diuina benedictione fluente arcanam connexionem & unionem, & materiam cum forma siue anima, & animam cum corpore siue materia, seu vehiculo & domicilio suo porro formando. Alia principia, ex quibus educationem animalium brutarum è sinu elementorum, & potentia materiae, probent, non habent, Aegidius Roman. lib. 1. cap. 9. in Phys. pag. 88. & sequent. Pet. Hurtad. Mendoza, disputatione 4. Phys. sectione 2. pagina 353. Colleg. Conimbr. ad librum Phys. Franciscus d'Abra de Raconis, de principio pagina 20. & sequent. & qui sunt alij. Neque ipse Freitagius aliquid insuper adfert.

Vti verò educationem formarum brutarum è sinu materiae elementaris Freitagius cum Patronis suis infallibili principio, cui solidè nihil queat opponi, demonstrat: ita etiam nullo principio firmo sententiam de translatione animalium brutalium evertit. Nam forma vi suam multiplicatiuam per translationem genito formam communicans, nequaquam, sicut existimat Freitagius, generanti desinit esse causa interna constitutiva: & tamen interim genito in generatione est causa proxima & immediata externa productiva. Neque forma, uti fingit Freitagius, in illa translatione diuisionem & diminutionem sui patitur, aut abscissionem alicuius particulae de se genito ad sui formam communicat; sed ex ingentia, & per Creationem primitus implantata fecunditate in materia & cum materia se multiplicat, aliam numero, non specie propagando formam. Neque si formae sunt in seminibus, aut si cum ipsa corporis brutorum è generante propagatione statim una propagatur anima, generationis effectus propterea manet in generante, sicut augmentationis effectus est in agentis potentiae subiecto. Nam generans non generat ante seminis prolifici emissionem; ubi per generans cum Cl. Theologo, Menzero, & aliis, non vnum individuum, sed masculum & foemellam, in naturali & diuinitus stabilita unione considerata intelligimus: sicut per semen prolificum in brutis, neutrius sexus semen seorsim sumptum, sed vtriusque coniunctum, & in utero foemellae debitam ratione unitum, intelligitur. Neque, quando dicitur generans brutum genito per translationem communicare suam formam, propterea statendum est, brutum communicans suam

essentiam destitui. Est namque communicatio haec non per vnius eiuſdemque numero formae cum altero subiecto unionem, sed per eiuſdem specie formae è generantis formae intrinsecam virtute propagationem. Etanne Freitagius istud principium negabit, Generans genito suam communicare essentiam? Quomodo verò essentia communicabitur sine communicatione formae? Regerit Freitagius, hac ratione principia generari; esse autem principium apud Sapientes: Principia esse ingenerabilia. Quasi verò illud non de primis, & summis principijs esset intelligendum, nequaquam de secundis. Et quando Freitagius asserit, formam à materia pendere in fieri, nonne eo ipso fieri eam, non utique per creationem, sed per istam generationem, quae in fieri à materia pendet, affirmat? Et si id quod congeneratur, non fit per generationem, nec generabile est, nec cor, nec pulmo, nec epar, nec vllum aliud membrum generaretur, & omnia essent ingenerabilia. Et si principia proxima intrinsecè constitutiva animalium sunt simpliciter ingenerabilia, nihil generaretur praeter unionem, aut generatio nihil esset praeter unionem, aut nihil generaretur. Neque porro ex eo, quod quicquid fit, ex aliquo, quod est in potentia, fit concludere potest Freitagius, formas non actu esse in semine brutorum, sed è potentia seminis educi. Nam è potentia seminis non forma, sed corpus organicum brutis suae cuiusque speciei accommodatum producit; & id quidem mediante formam, non verò aliquo *πρωτοῦ* & *μακροῦ*, velut instrumento generationis, qualem constituit Iacobus Schegkianus, Doctissimus alioquin superioris seculi Philosophus, contra quem, Vir Excellentissime in adduct. cap. 9. Consens. Chemic. cum Gal. pag. 95. sapienter differuit. Forma autem semini ingenerata est à forma generantis, quae istam efficiendam habet potentiam, benedictionis & potestatis diuinæ characterem, ut se multiplicare, & formam numero à se diuersam, specie eandem, cum materia propagare possit. Nulla est hic migratio formarum è subiecto in subiectum, sed propagatio à generante, forma in suo subiecto manente noua forma nouo subiecto communicata. Vnde quamuis ipsa generantis forma & materia non ingrediantur effectum, egreditur tamen à generantis principijs, ordinante ita Deo, & suum conseruante exercitium diuersarum specierum, quod ab istis principijs efficitur, nouorum principiorum constituentium propagatione. Ergo frigidum dictum est, quod calor formam istam è sinu elementari, & potentia materiae educat. Habet suum officium calor vasorum semen continentium: ipsi autem formae debetur principatus. Ista in semine & cum semine tanquam nobilissimam eius principium *αὐτὸν* propagatur, non ex aliquo, velut è materia, aut materiali potentia, sed ab aliquo, ipsa scilicet generantis forma. Ista forma in isto semine illud agit, ad quod à natura naturante ordinata est, scilicet ut conseruet semen, & elaboret tanquam sui domicilij fabricatrix & architecta. Reliqui informationis plenariae actus sequuntur, ubi horum successus felix fuit; & ad naturae leges proportionatus. Vnde ex ouo non fit ouum, ex chylō non chylus, sed id, ad quod forma, quae in ouo est & chylō innato naturae stimulo nititur atque anhelat. Et tantum abest, ut causas remotiores & vniuersales excludantur, quas aeterna Sapientia ordinauit, ut haec omnia sub illorum, & cum primis Optimi Maximi Conditoris, fiant regimine. Sic ad hanc rem loquitur Iul. Cas. Scaliger, in exerc. 6. f. 5. pendere nostratiam haec à superioribus propter æquiuocam connexionem:

DDD d non

non propter vniuersam effectiorem communionem. Sunt enim superiora quasi formæ conseruatrices inferiorum : quia hæc causa ipsa caussarum tuetur ea quæ fecit, per ea quæ fecit. Idcirco mouemur, quia mouentur illa; & viuimus, quia viuunt; & sumus, quia sunt. Non igitur separanda illa caussarum superiorum & inferiorum, remotiorum & propinquiorum, connexio admiranda planè, & Sapientiæ Conditoris testis. Neque causis superioribus solis in hoc vniuersi ordine animæ alicuius in brutis & animantibus, etiam illis, quæ in sterquilino & cadaueribus generantur, productio adscribenda est. Est hæc sublunaris regio ditissima, refertissimaque illis ipsis seminibus rerum, quæ, ubi superiorum caussarum excitatio accesserit, ad perfectionem aliquam interno tendunt impetu. Quo sensu non possumus improbare, tanquam abhorrens omnino à veræ sapientiæ fundamentis, quod, *cap. 12. consens. Chym. & Peripatet.* scribis, dubitari posse, an v.la deur generatio æquiuoca talis, quæ sine vilo planè semine fiat. Ad omnem propagationem plantarum & animalium requiri certam & peculiari modo dispositam; seu *δικαίαν ὕλην*, per quam forma sese propagare possit: in aliis tamen illum apparatus materiæ esse maiorem & operosorem, in aliis minorem; ipsamque propagationem in aliis arctioribus & angustioribus legibus ac limitibus circumscriptam & conclusam esse, in aliis latioribus & laxioribus. Animalia perfecta pleraque saltem per commistionem seminis paterni & materni in vtero materno generati: alia oua parere, è quibus calore Solis pulli generantur. Plantas quasdam per semina solum terris commissa propagari: quasdam per bulbos aut radices: quasdam vtroque modo: &c. nimirum illud seminale principium rerum minus nobilium in materia lenta & tenaci sæpè quasi sopitum diu latere, & externis iniuriis ac impressionibus resistere, tandemque iterum emergere, & suas actiones edere. Neque verò impedit, quo minus anima Bruti animam de se propagare possit, ipsa bruta natura animæ. Inest enim illi appetitus naturalis ad conseruationem speciei, tanquam stimulus æterni architecti, quo fauente suas seruat leges, suos custodit terminos, pensum suum consummat. Estque is veluti è naturali quasi quadam cognitione natus, qua suum vnaquæque res finem apprehendit. Hoc naturæ dictamine, manu Creatoris impresso singulis, aranea ad tutelam sui, & venaturam muscarum, pandit telam; formica congerit in horreum; hirundo nidum in excelsis locat; brassica vitem fugit; & aliæ sympathiæ atque antipathiæ constant. Vnde magnæ imprudentiæ sunt verba, quæ Freitagius habet, *th. 19. Formis particularibus procliuatatem sese propagandi, rerum generationem & interitum moderandi & conseruandi, vniuersumque, & ne quid in specie deficiat, moderandi & administrandi virtutem assuere, est pulcherrimum hunc à Deo Ordinem institutum turbare aut conuellere, Philosophicas disciplinas, & veritatis regulas pessundare, artium studia corrumpere, ad Paracelsicam barbariem inclinare iuuentutem, & sensim ad ea, quæ Paracelsi Mystæ & Fratres Rosæi ponè sequuntur videlicet Atheismum, aliisque errorum plaustra, viam munire.* Vanissimo scilicet timore veretur, ne cælum ruat. Nos sanè istum Hannibalem ad huius sententiæ, quam, *Clariss. Sennerte*, modestissimo patrocinio complecteris, portas videre non potuimus. Primis & vniuersalibus causis suum dictamen, suum influxum, suum imperium non adimis. Intimam atque efficacissimam Summi Numinis in vniuersis Naturæ operationibus agnoscis & miraris præsentiam: sed tamen ipsis etiam secundis causis, naturisque singulis, ea vindicas, quæ à superioris principij benignitate habent. Mode-

rantur itaque & conseruant, conseruata & superiori moderamini subditæ; verèque administrant sub Magistri summi gubernatione. Et hic ille ordo pulcherri-mus, non autem eius laxatio aut turbatio. Non ergo satis firmis sese tuetur præsidis Freitagius, cum, *th. 5.* exilitatem seminis non veretur, illi sententiæ, de animabus in semine & cum semine traductis, obicere, atque Semen non esse vitale, non esse corpus organicum, non viuere, sed ad sui conseruationem, quæ sit nutritione, vel vt augeatur & crescat, vel vt generet sibi simile; vnde non esse opinandum, animam esse in semine. Miretur potius cum Philosophis pariter atque Theologis, quod ille, qui facit mirabilia magna solus, in tam exili abiectoque corpusculo tam præclaram latere virtutem voluerit, corpus tam admirabile sic efficiendi atque fabricandi, quod tota illius admirabilis dispositionis efficacia in illo realiter inexistat. Id sanè, vti Franciscus Titelmannus, *Philosophia Naturalis l. 8. cap. 11.* loquitur, meritò in immensum aggrauat pondus considerationis nostræ, id prorsus stupidos & attonitos reddit, cogitque exclamare nos, & voce apertâ confiteri, quod non solum ipse magnus sit in seipso, neque solum magnus in magnis, sed & abiectissimis, contemptibilissimisque & minimis gloriosus. Licet igitur semen corpus organicum non sit actu ipso, est tamen dispositum ad organa corporis animalis proximè de se emersura; idque facultate architectonicâ animæ in ipso semine latitantis. Proinde anima in statu perfectionis domicilij sui atque tabernaculi est re ipsa actus primus corporis organici. Antequam ad perfectionem illam istud habitaculum deducatur, hoc agit, vt id perficiatur, & organis instruat debitis. Quamquam nonnulla habeat etiam in seminis materiâ organa ipsa anima, quibus conformationis & informationis initia & opera reliqua perficiat. Equidem spiritus & humores in semine concurrentes, si seorsim considerentur, partes organicæ non sunt. Non tamen obstat, quod minus coniuncti atque concurrentes partem dissimilarem efficere, atque organum instar esse queant. Sanè sunt organa corporum animalium simplicissima, ex solis similaribus conflata, sunt deinceps è primis coagmentata, sunt etiam è secundis coagmentata, sunt denique è tertiis coagmentata. Id verò Freitagius sine ratione colligit, semen propterea non viuere, quia nec nutritionem, nec augmentationem, nec similis generationem illi attribuire possumus. Anima namque, quæ est in semine, principaliter ad conseruationem & viuificationem sui subiecti, scilicet seminis, tendit. Deinde non negligit augmenta atque incrementa, quæ ad partium delineatarum firmationem extensionemque pertinent. Quam verò imbellè est contra istam de formarum translatione sententiam Freitagij telum, quod, *th. 26.* habet, quando ait: *Anima, quæ est in semine, & sibi fabricat corpus, eiusque est forma, siquidem illa, quæ nunc est forma seminis, postea futura est animalis, estque pars genitoris, triplicis materia erit informatiua. Fuit enim primò forma generantis, secundo est forma seminis, tertio est forma animalis ex semine nati: quod si verum est, rerum indiuidua erunt perpetua. & res non per species, sed per existencias suam habent perpetuitatem, &c.* Nam anima non est, nisi animali è semine nati, forma, vipote in quo actum suum formalem perfectum præstat; in semine verò id agit, vt id elaboretur, & ad organicam perfectionem deducatur, quod potentiâ est in semine. Genitoris verò forma anima ista nunquam est, sed effectus. Neque enim Metempsychosin sententia ista de traduce inuoluit, vti quiritatur Freitagius copiosè, *de morb. tot. subst. th. 48.* Anima namque

namque propagans non migrat in materiam propagatam, & nouum sibi domicilium querit, sed vnâ cum propagato semine nouam animam vi suâ producit sibi similem. Modum propagationis & translationis animæ ab anima Sapientes cum flamma flammam in alia materia sine sui diuisione de se producente, atque adeo se multiplicante, comparare soliti sunt, Freitagius. *ib.* 30. hunc non procedere autumat. *Flamma*, inquit, *in aliud corpus se non diuidit, nec semper ab alia flamma generatur; sed ex subiecto habili, disposito, & proximam potentiam habente, ut celeriter in ignem aut flammam vertatur. Nec enim, flammâ accedente, in sulphur eadem propagatur, sed ut sulphur in ignem vertitur, velut & puluis pyrius ob materiam igni proximam facillimè, ignescit.* Atqui nec anima generantis in corpus genitum se diuidit, sed indiuisa manens, multiplicat se, vti flamma non diuiditur, sed tota manens, in lampade se multiplicat, & flammam à se aliam traducit. Et in hoc casu comparationis sunt constituendi termini; aliàs non semper vnâ flammam ab alia flamma excitari, compertum est. At tum, eum vnâ flamma ab alia excitatur, non educitur ex potentia materiæ, sed absque diminutione alterius flammæ in subiectum traducitur.

Ex his Fraitagianorum præsidiorum considerationibus elucescit, nullo principio firmo sententiam de translatione formarum brutalium eueriti. Plura quidem affert Freitagius: sed quæ his ferè sunt omnia gemina, & ex his facile possunt æstimari. Neque id nobis iam requiritur, vt in isthac omnia scrutinium exquisitius instituamus. Præstitit laudatissimâ subsidiariâ operâ illud CL. Dn. Sperlengius. Nobis isthac paucula placuit delibare, quia animaduertimus è Calvinianorum pharetra ista argumenta iacta suo conatu quodam, occultoque molimine, nostris Theologis ferè receptam hodie sententiam, de animarum, etiam rationalium, è traduce origine, ferire. Sanè Freitagius non rarò diuaticatur, & pro brutis homines in sua illa fundamentorum operosa structura substituit. Vt autem isthac de translatione formarum brutorum sententia principia Philosophiæ non impugnat; ita nec Philosophis sanioribus aduersaria est, tantum abest, vt Paracelsum conditorum habeat. Qui Aristoteli illam tribuit, multorum se locorum suffragio tueri potest. Ita namque scribit, *lib. 2. de gen. animalium, cap. 1.* δὴλον ἐν, ὅτι καὶ ἔχει (σπέρμα ψυχὴν) καὶ ἐστὶ δύναμις. h. e. vt Theodorus Gaza vertit, *Semen igitur & habere animam, & esse potentiam, palam est. In eod. cap.* τὸ μὲν ἐν ἔξωθεν τὶ ποιεῖν ἕκαστον, ἢ τῶν ἀπὸ ἀρχῶν, ἢ τῶν ἄλλων μερῶν ἄλογον ἂν δόξειε. Κινεῖν τε γὰρ μὴ ἀπὸ μέρους, ἀδύνατον: καὶ μὴ καὶ ἐν ἑαυτῷ, πᾶσιν τὶ ὑπὸ τῆς αὐτῆς ἀρχῆς καὶ κινήματι ἐνυπάρχον τὶ, ἢ δὴ ὁ αὐτὸς μόριον, ἢ κεχωρισμένον, τὸ μὲν ἄλλοτι εἶναι κεχωρισμένον, ἄλογον. Sed ab aliquo extrinsecus agente effici quæque, aut viscera, aut alia membra, remotum à ratione videtur. Fieri enim non potest, vt moueat, quod non tangit, & quicquam ab eo, quod non mouet, afficiatur. Igitur in ipso conceptu aliquid iam inest, quod aut pars eius sit, aut seorsim contineatur. Sed aliud quippiam esse abiunctum, irrationabile est. Ita & c. 3. Οὐτε γὰρ ὡς ἀψυχὸν θεῖν τις τὸ κύημα, καὶ κατὰ πάντα τρόπον ἐσθρηνμένον ζῶντος. ἐδὲν γὰρ ἦσαν τὰ τε σπέρματα, καὶ τὰ κύματα τῶν ζῶντων ζῆ τῶν φυχῶν, καὶ γόνιμα μέλει τινός ἐστιν. ὅτι μὲν ἐν τὴν ἀρεπτικὴν ἔχουσι ψυχὴν φανερόν. *Conceptum enim inanimatum esse, nemo statuerit, & vita omnibus modis priuatum: quippe cum nihilominus semina & conceptus animalium viuunt, quàm stirpes, & aliquandiu prolifica sunt. E. animam in eis habere vegetalem, palam est.* Et post: τὴν μὲν ἐν ἀρεπτικὴν ψυχὴν τὰ σπέρματα, καὶ τὰ κύματα τὰ χρεῖα δὲ διανοεῖται, δύναμις ἔχοντα δεύον, ἐνεργεῖα δὲ ἐκ ἔχοντα, πρὶν καὶ ἀπὸ τῶν χρεῖσιν ἐκείνων κυμάτων ἔλκεται τὴν ἀρεπτικὴν, καὶ ποιεῖ τὸ τῆς τοιαύτης ψυχῆς ἔργον. *Præ-*

Dan. Senerti Tom. I.

τον μὲν γὰρ ἀπὸ τῆς εἰσῆς ζῆν τὰ τοιαύτα ποιεῖ βίον, &c. *Animam igitur vegetalem in seminibus, conceptibus scilicet nondum separatis, haberi potentiam, statuendum est, non actu priusquam eo modo, quo conceptus, qui iam separantur, cibum trahant, & officio eius anime fungantur. Principio enim hæc omnia vitam stirpis viuere videntur, &c. Vbi Aristoteles δύναμις non opponit τῇ ἐντελεχείᾳ, sed ἐνεργείᾳ, non actui primo, sed secundo; hoc est, nutritionis & sensus functionibus. Et, lib. 7. Metaph. qui Græcis 3. c. 9. text. 31. τὸ μὲν γὰρ σπέρμα ποιεῖ ὡς περ τὰ ἀπὸ τέχνης. ἔχει γὰρ δύναμις τὸ εἶδός, καὶ ἀπὸ τῆς σπέρματος ἐστὶ πῶς ὁμωνυμον. Semen namque facit, sicut ea, quæ ab arte sunt. Habet enim potestate speciem, & a quo semen est; quodammodo vniuocum. Auerroës reddit: Semen generat per potentiam in eo similem artificio, quæ est quiditas artificiatæ. Et post: Formæ materiales sunt generantes formas materiales, seminaque sunt illa, quæ dant formas rerum generatarum à seminibus per formas quas dederunt semina generantia, &c. Scaliger reddit ista verba Aristot. exerc. 6. f. 7. hoc modo: Aristotelis perpetua est sententia, in semine animam inesse, quæ sibi corpus fabricet. Quemadmodum est in septimo diuina Philosophia: Semen, inquit, est sicut artifex. Habet autem artifex formam in sua potestate. Idem Arist. in lib. 1. metaph. c. 4. text. 12. τὸ σπέρμα vocat κινῆν. Sicut & lib. 3. text. 32. τὸ σπέρμα κινῆν. Ad quæ verba ita ait Scaliger, l. add. Agit autem naturalis hæc potentia sine instrumento ullo. Nulla enim qualitas, homini nota, potest esse instrumentum ordinationis, situs, numeri, figura, & aliorum eiusmodi: sed secretionis tantum aut concretionis; densationis aut rarefactionis; extensionis aut contractionis; cohesionis aut abiunctionis; asperitatis aut leuitatis; duritiei aut molitudinis; visciditatis aut ariditatis; & aliorum talium; quæ consimilibus partibus creandis apparatus sunt à natura. Idem Arist. lib. 3. metaph. text. 28. ait: ἵκανόν τὸ φρονεῖν ποιεῖν, καὶ τὸ εἶδός αὐτῶν εἶναι ἐν τῇ ὕλῃ. Causa autem speciei omnino in animalibus anima est. Themistij Euphradæ, lucidissimi, vti vocatur, Philosophi, hanc quoque de translatione animarum, sententiam esse, ipse Freitagius non negat. Themistium sequitur Simplicius, vt illud ostendit Ludou. Nogarola, Comes Veronensis, in Notis ad Themistij paraph. l. 2. de an. c. 6. p. 144. Verba sunt. Duplex est animalis vita animalium mortalium; altera, qua organum, vt organum est, formatur, & vt organum sit anima, efficitur: altera, qua organo iam viuente utitur. Nec tamen altera est omnino vita, quia non vteretur mouereturque suapte natura id, quod aliunde viueret, sed vna est, quæ tamen duarum speciem habere videtur: quarum altera veluti organi formatiua, non quidem tanquam mouens, sed tanquam moti viuificè formatiua, altera tanquam mouens & utens. Nam omnis anima mortalium iuxta hæc ambo est entelechia. Namque duplicem eius rationem reddidit Aristot. in verbo entelechia, cum illam eandem & potentiam vitam habentis dixit. & organici corporis; quæ etsi ambo penitus inuicem concurrant, ita, vt, quod vnam potentiam habet, sit organum anima, & vice etiam inuersa, anima organum vitam habet potentia: non tamen vtrumque idem significat. Hoc enim postremum vitam indicat, quæ tanquam motu, viuificè formatur: illud verò, quæ eò utatur. Vbi Simplicius etiam illum vitalem actum animæ in semine tribuit, quo ipsa organa corporis sui format, & ad vsum debitum ordinat, adeoque instat architectonici principij in sua materia est. Pariter Ioh. Philoponus Grammaticus, in l. 2. de gener. anim. cap. 4. p. 47. Anima, quæ semini inest, primò cor designat, deinde perficit in ipso quod residet, & c. l. p. 33 idem scribit: Semen actu animatum est, vt qui vigilat, Geometra actu Geometra est. Et lib. 1. de gen. anim. cap. 18. pagina 16. Semen essentiam coitus tempore accipit, essentiam puta specificam eius cuius semen est ipsa anima, aut per animam. Albertus Magnus, de anima, lib. 20. tractat. 2. cap. 3.*

DDD d. 2

p. 164

p. 164. Semen in se virtutem habet, quæ à quibusdam virtutibus formativa vocatur, ab aliis distinctiva, à quibusdam intellectus, ab aliis imago Mundi, & à quibusdam anima formativa dicitur, quia informat calidum & spiritum, quæ sunt in semine, & per ea, ut per instrumentum, informat corpus. Distinctiva dicitur, quia ipsa est prima, quæ in membris distinctionem facit, tum etiam quia virtus naturalis non operetur, nisi unum, ipsa multa operatur. Intellectus appellatur, quia opera ipsius sunt, ut opera intellectus Practici, qui distinguit & operatur aliquid eo, quod commiscetur materie. Imago Mundi dicitur, quæ in quatuor consistit. Primum est, quod omnes virtutes membrorum & materie ad unam primam divinam virtutem referuntur, quæ principaliter est formans & informans omnes alias; & hæc congruit omni animæ. Secundum in motu consistit, quia omnis motus alterationis semper terminatur ad speciem, quæ est secundum congruitatem virtutis primæ. Tertium est, quod omnes virtutes animæ ad lumen intelligentiæ referuntur, ut omnia lumina ad lumen Solis. Quartum est, quod motus animæ sunt imitationes circularis motus. Anima dicitur tandem virtus, quæ est in semine, non quod animal vel corpus animatum sit semen, sed quia operatur actui animæ membra vitæ, & vitam. Item Albertus, in prim. de an. tract. 2. c. 23. Semen omne, ex quo est generatio, siue sit in matrice alicuius animalis, siue non sit, habet in se virtutem formativam. Quæ virtus absque dubio est in semine, non ex elementis, sed ut artificis forma est super materiam, ut fiat artificiatum. Georg. Pachymerus, Hieronymon. in Epitom. Philos. Arist. l. 9. cap. 2. Quod semen non sit penitus inanimatum sed contineat vi sua omnem animam, incipiaturque operationem suam ab ea, quæ nutriendi viribus est dotata, (nutritur enim, quod concepitur in matrice, atque crescendo augetur) nunc demonstrat. Quemadmodum enim ignis ferream secum fabricare nequit, neque ullum aliud organum, sic neque manum neque pedem calor & frigus efficere possunt. Duritiem quidem & molitiem, lentorem item & friabilitatem, (ut sic dixerim) & alias perpeffiones, calor & frigus partibus animatis induxerit; rationem autem, quæ iam hoc quidem caro, illud autem os est futurum, nequaquam: sed metus, qui ab eo, quod gignit, & actu est, quod vi est, ex quo fit; idque est semen: quemadmodum in his quoque euenit, quæ arte efficiuntur. Calor enim & frigus durum & molle ferrum efficit; gladium verò motus instrumentorum, qui artis obtinet rationem. Ars enim principium formæque eius, quod efficitur, est, sed in alio. Motus autem nature in ipso ab altera profectus natura, quæ obtinet formam. Semen igitur & habere animam, & esse vi, palam est: vi scilicet ad id totum, quale est illud, à quo semen est ortum; uti posteriora verba Pachymeri hoc innuunt. Gabriel Zerbius, Philosophus & Medicus Veronensis, in quæst. Metaph. A. 1482. Bononiæ expressis ad Sixtum IV. Papam, l. 7. quæst. 9. copiose de hac materia disputat, sed tandem ita decidit, ut ferè in hanc sententiam ire videatur. Ita enim ait: Formæ generandæ duplex communiter attribuitur esse, in potentia scilicet, & in actu: quæ ambo non differunt ex parte essentia & formaliter, sed solum diuersum modum essendi eiusdem rei important; qui modus diuersus est perfectio & imperfectio, determinatio & indeterminatio, distinctum & confusum, formatum & formabile, quorum imperfectior attribuitur potentia, perfectior actui. Una igitur & eadem essentia formæ quandoque dicitur potentia formæ, quandoque actus, nec tamen hoc importat duas essentias diuersas. Cum autem eadem forma secundum rem habeat hunc duplicem modum essendi, scilicet esse quandoque in actu, quandoque in potentia, ipsa forma, ut est in potentia, est exordium & inchoatio formæ producendi in actu, sicut oratione imperfectum alicuius rei dicitur inchoatio vel exordium suæ finis esse perfecti, quæ enim tale prius est sub esse imperfecto, quam sub esse perfecto, &c. Vbi Zerbius loquitur de

actu formæ formali quo ipsum corpus debito modo existens informat: secundum eum actum dicit, formam esse in potentia; quia eundem in materia nondum elaborata exercere iuxta naturalem inclinationem nondum potest, orditur tamen & inchoat formando, ut postea informare possit. Philippus Mocenicus, Venetus Archiepiscopus Nicos. in Cypr. vniuersal. Instit. ad homil. perfect. contempl. 3. part. 2. cap. 11. contra educationem formarum disertè scribit: Sicuti, inquit, facile assentire licet, artificialium formas in subiectis quodammodo latitare, ac ab eisdem educi: ita id respectu rerum naturalium omnino abnuendum est. Admissa enim formarum naturalium latitatione, illarum unitas essentialis amoueretur; fortassis etiam omnis illarum veritas. Idem ex educatione sequeretur. Nam educio absque aliqua latitatione non datur. Semina brutorum animata esse, & ratione actus secundi, quo se anima primum in seminibus exserit, operationem potentia vegetantis edere, docet & copiose Anton. Bernardus Mirandulanus, in euerf. singul. certam. l. 35. sect. 1. pag. 596. & sequent. Et fortassis; quia in hanc sententiam inclinat Archangelus Mercenarius, à Monte Sancto Patavinus, Philosophus, ideo vbique cum generationis animalium, in Dilucidationibus suis Philosophicis, facit mentionem non educationis sed traductionis vocabulo utitur. Videatur pag. 312. & 475. & 487. Et huic etiam sententiæ disertè subscribit Andreas Cæsalpinus, in quæst. Peripat. l. 5. q. 2. An scilicet, femina solum materiam tribuat conceptui; mas verò formam: an verò etiam femina formam tribuere possit. Scaligeri esse hanc sententiam passim, ne Freitagius quidem negat. Petrus Valentia, Zafrensis, contempl. Academ. l. 9. cap. 2. ita scribit: De sensu, inquit Plato, plantas esse aliqua ex parte compotes. Nam prædita dicuntur sensu suauis & tristis, ac unà cupiditatibus. Insuper etiam semina à Platone dicuntur anima prædita, & consequenter dici possunt animalia. Omne enim anima prædium asserit esse animal. Et post: Et iure Plato statuere videtur, semina animata, cum conspiciamus, ea frequenter ex se emittere germen, & per solam cum terra coniunctionem incipere nutriri; quod non facerent, nisi animam includerent. Viuunt itaque semina, sed vitam postremam. Vita autem sine anima non repetitur. Dicuntur tamen animam includere potestate, quia non includunt illam cum postrema perfectione, cum partium corporis distinctione, & cum actu secundo, ut conuenit plantis. Insuper eis conuenit sola vis, quæ formare debet corpus, eoque formato mox uti; non autem ea, quæ ex illo consurgit, & actu format. Taceo Cl. Philosophi & Medici, D. C. Hofmanni consensum, in Tractat. de origine formarum, & Iohan. Hartmanni, in Disput. Chymico-Med. 2. & Ios. Quercetani, in defens. Hermet. Med. cap. 14. & D. Henrici Petrei, in Disquis. de origine formarum. Iacob. Martini Scoti de generat. rerum cap. 6. & Iac. Zabarellæ, lib. de facultat. anim. cap. 11. & Davidis Crusij Doctoris Medici, in Phys. l. 3. cap. 10. pag. 80. Henr. Nollij, in Phys. cap. 4. qui &, lib. 10. phys. h. cap. 1. semina omnia, quæ semina sunt, actu suis formis imprægnata esse asserit. Pertinet huc etiam Hermannii Vultej Disputatio de perfect. hom. Philosophica, ubi negat, ex traductione animas humanas oriri, & in hoc eas à brutorum animabus distinguit. Quod & facit Franc. Iunius, & I. Iac. Grynæus, & I. Iac. Colerus, & Hieronymus Zanchius, & alij quorum Disputationes in vnum redegit volumen Rudolphus Goclenius, sub Psychologia Titulo. Huc etiam referendus consensus Bodini in Theatro Natur. quem citat & sequitur Otto Calmannus, in Somatol. c. 2. p. 148. & Timoth. Brightus Cantabrig. in animadu. ad Phys. Adolphi Scribonij Eandem sententiam ante 40. annos in nostra Academia docuit

docuit Cl. Philosophus, D. Havvenreuterus, cum etiam de animæ rationalis origine è traduce ad libros de anima disputasset. Et triennio abhinc idem egit publicâ Disputat. D. Agerius. p. m. Professor Physicus, qui post sententiam Fernelij confutatam nominatim T. E. laudat, & cum Hieronym. Fracastorij, *l. de Sympath. & Antip. cap. 5. fol. 16.* & aliorum nominibus suum iungit. Concludamus istum Philosophorum consensum verbis Hermetis Trismegisti, qui, in *Pimandro, cap. 1.* ita loquitur: *Voluntas Dei verbum complexa, pulchrūque intuitu Mundum, ad eius exemplar reliqua suis fecit elementa, vitalibusque seminibus exornauit.* Et rursus, *cap. 3. Satio omnis per semina pullulans gramen, herba, atque germina florum, sementem quoque regenerationis intrinsecus comprehendebant.*

Deinde verò cum istam sententiam cum principio Religionis nostræ contulissimus, pariter perspicere non potuimus, istam vel sacris literis repugnare, vel contra omnium Theologorum, siue Reformatorum, siue Pontificiorum sensum esse, vel aliqua tandem ratione dicendam esse hæreticam. Sacras literas initio quod concernit, ea productionem formarum viuientium, in *Genes. cap. 1. vers. 11. 12. 20. 24. & 25.* describunt. Verba ita habent, vers. 11. *Et dixit Deus: Germinet terra germen, herbam seminificantem semen, arborem fructiferam, facientem fructum speciei suæ, cuius semen in ea super terram.* Et fuit ita. vers. 12. *Et protulit terra germen, seminificantem herbam in specie sua, & arborem facientem fructum, cuius semen in ea in sua specie.* vers. 20. *Et dixit Deus: Reptificent aquæ reptile animæ viuientis, & volatile volet super terram, super facies expansionis cælorum.* Et creauit Deus cetos magnos, & omnem animam viuentem, reptentem, quam repere fecerunt aqua in sua specie; & omne volatile alatum in sua specie: & vidit Deus, quod bonum. Et benedixit eis Deus, dicendo: *Crescite & multiplicamini, & replete aquas in maribus & volatile multiplicet se in terra.* vers. 24. *Et dixit Deus: Producat terra animam viuentem ad speciem suam, iumentum, & reptile, & bestias secundum speciem suam; & factum est ita.* vers. 25. *Et fecit Deus bestias terra iuxta species suas, & iumentum secundum speciem suam, & omne reptile terra ad speciem suam.* Et vidit Deus, quod bonum, &c. De his verbis diuersæ sunt quæstiones. I. An ex aquæ & terræ potentia, vti quidem vult Freitagius, animæ creaturarum viuientium in his versiculis descriptarum fuerint eductæ; an verò è singulari virtute æterni Numinis, in aquas & terras suæ Omnipotentia diuitias quasdam deponentis, istæ animæ fuerint creatæ ex nihilo, & corporibus itidem simul conditis vnitæ, atque ita simul in publicum orbis theatrum propagatæ? II. An etiam materia rerum creaturarumque viuientium ex elementis, è quibus dicuntur productæ, fuerit desumpta; an verò res ex aqua & terra conditæ in istis magnis vniuersi conditi operibus fuerint velut in matrice fœtus, ceu in subiecto in habitationis? III. An res ex aqua & terra productæ illis diebus, quibus productæ dicuntur, demum omnino existerere cœperint; an verò ratione initiorum semina ium, & primordiorum suorum specificorum, etiam ante dictos dies fuerint, cœperunt verò illis diebus nominatis demum emergere? IV. An demum, posito, quod Deus è materia elementaris, prout tunc disposita fuit, sinu atque potentia formas viuientium eduxerit, sequatur, & hodie non per seminum propagationem traduci atque propagari animas, sed è potentia materiae educi? Primæ & quartæ quæstionis decisio potissimum Freitagium feriet; tertiæ atque secundæ definitio, vtut ceciderit, non iuuabit causam Freitagij, neque destruet T. E. sententiam.

Dan. Senerti Tom. I.

Primam quæstionem quod attinet è textibus sacris, quod adduximus probari nequit, ex aquæ & terræ potentia animas creaturarum viuientium in textibus istis descriptarum fuisse eductas. Nam I. quidem vers. vndecimus & duodecimus, de germinum plantarumque productione agens, nihil habet, quod istam sententiam adstruat. Non, *primò*, huc facit diuinum imperium *וַיִּצְוֶה*, *Germinet*. Neque enim istud respicit ad potentiam terræ, è qua ista, ceu elementari sinu, produci possunt, sed fuit ab imperantis omnipotentia, quæ id omne præstare potest, quod imperium Diuinum è terra postulat, licet impotentissima ad id terra sit. Non facit huc, *secundò*, ipsa terra quasi illa ita per causas superiores & cœlestes fuisset disposita, vt post habitas dispositiones varias forma ex eius potentia educi posset. Vnde enim probabitur, Deum sub dispositionibus illis alteratiuis & præuiis generationi consideratam terram allocutum fuisse; aut Deum Optimum Maximum vicem causarum cœlestium & secundaria- rum suppleuisse, & terram illis dispositionibus exornasse, ad quas forma è potentia materiae elici possit? Quæ, quæso, sequela est; Germinet terra. Ergo, germinet è sinu potentia suæ? Germinet fœcunda dispositionibus ad educationem formæ è potentia materiae necessariis? Neque facit huc, *tertiò*, germen, herbæ, arbores, semina è terra producta. Neque enim germen istud, istæ herbæ, istæ arbores, ista semina, sunt potentia terræ, vt terra est, & elementum, vi horum verborum. Neque facit huc, *quartò*, quod dicitur, Et protulit terra, &c. Ista enim prolatio est actiue ipsius Conditoris, qui ista omnia è terra proferit, ita, vt terra proferre dicatur, non per aliquam rum sui *ἐνέργειαν*, sed per Conditoris efficaciam. Neque propterea, quod è terra proferri ista omnia dicuntur, sequitur, intrinsecus educta fuisse è potentia elementari. Potuerunt enim intrinsecus produci ista omnia, assumptis è terræ gremio ad corpus istarum plantarum, & è terra germinantium, creandum necessariis assumendis; ipsa verò forma & anima vegetans, quæ *δύναμις*, & recondita innumerabilia in se continet, sine ordine ad potentiam materiae in illo ipso sinu sola Creatoris potentia, in illud corpus introduci, per effectiorem momentaneam & simplicissimam. II. Versus 20. 21. 22. isti sententiæ non fauent. Non, *primò*, imperium Diuinum *וַיִּצְוֶה*, *Reptificent*. Istud enim imperium voluntatem Conditoris, non potentiam elementi exponit. *וַיִּצְוֶה* non solum significat reptit, serpsit, mouit se, verum etiam erupit, scaturiuit, genuit cum multitudine, copiosè, more reptilium. Et ad hunc actum imperatum copiosæ illius eruptionis, & geniturae innumerabilis, nulla erat potentia aquæ, in elementari sua præcisione considerata. Non, *secundò*, obiectum seu subiectum, scilicet aquarum seu marium. Neque enim elementarem in istis potentiam, sed diuinarum suarum diuinarum dispensationem ibi attendit Deus. Hinc non è singulis aquis ac maribus omnes rerum ex aquis eductarum species eduxit aut emergere iussit, sed diuersis aquis & maribus diuersas, & in aliis siue aquis, siue maribus non facile generabiles species inesse iussit. Non, *tertiò*, ipsum reptile animæ viuientis, ipsi ceti grandes, & anima viuens, repens in aquis, singulare aliquod aquosæ & elementaris suæ naturæ testimonium tale præbent, quod conuincat aqueam originem. Habitant in aquis & maribus animalia multiformia, robore, soliditate, virtute, si non superiora terreis, certè paria: ipsa etiam quantitate & mole maiora. Et si omnino materia aqueæ originis diceretur; animæ tamen in istis

D D D d ;

vastissimis

vastissimis corporibus dominantes, & maxima virtutis opera edentes, non propterea ex ipsarum elementarium aquarum potentia eductæ dicendæ sunt. Ipsa infinitas penè specierum non marium & aquarum, sed Creatoris potentiam arguit. *Quartò*, volatile super terram non ex aliqua etiam materiæ elementaris potentia animas suas hausit, sed è manu Creatoris. Vulgaris Interpres ita v. 20. exponit: *Producant aquæ reptile anima viuentis, & volatile super terram sub firmamento cæli*. Vnde orta est sententia, aut certe roborata, etiam volatilia cæli ex aquis esse orta. Conqueruntur de ista vulgata versione plurimi. Iacobus Sallianus, Iesuita, *Tom. I. Annal. V. T. p. 46.* refert, Eugubinum, licet sententiam, quam vulgata parit, non improbet, asserere tamen originale textum non cogere ad amplexum illius sententiæ. Separatim enim, inquit, præcipitur, ut aquæ ebulliant piscibus omnigenis, & ut volucres volent super terram. Vid. Augustin. Steuchus Eugubinus, in *cap. 1. Cosmog.* Caietanus Cardinalis, ad *cap. 2. Gen. v. 19.* ita pronuntiat: *Ex eo autem, quod subdit, volatile volabit, excluditur sensus vulgata editionis, sonantis, quod aquis etiam datum est, producere volatilia*. Idem sentit Aloysius Lipomanus, Ambros. Caterinus, Vielmus. Idem & Montani & Pagnini & Tigurina versio introducit, asserente Salliano. Imm. Tremellius, & Franc. Iunius, in *not. h. l.* disertè terræ originem auium tribuunt. Facit idem, in *comment. h. l. Piscator*, pag. 18. & in *quest. h. l. pag. 16.* & Sixtinus ab Amama, Frisiorum in Franckerana Doctor, in *Antib. pag. 302.* vbi acriter contra vulgaram interpretationem & eius hyperaspistem, Marsennum, disputat, & se Genes. 2. vers. 19. tuerur. Pareus, *comm. h. l. pag. 221.* Perperam, inquit, verbum *Producant* etiam ad aues trahitur. Quod si aues factæ sunt ex aqua, vnde ergo nunc quatuor elementis constant; aut cur naturam sui principij non sequuntur, & in aquis & sub aquis degunt, ut pisces, si ex eodem cum piscibus sunt factæ? Natura ego docet, aues non magis sub aquis, vel in aquis, paucis amphibis exceptis, ut sunt anseres, anates, olores, &c. degere, quàm pisces volant in aëre. Probabilius ergo dicitur, ex aëre, in quo volant, quàm ex aqua factas. Nam & carnes auium ad aëris potius, quàm ad aquæ naturam accedunt, quia non sunt frigida & humida, ut piscium caro, sed temperatè calida & humida, ut & aër. Et huic sententiæ fauet Aristotelis dictum, *l. 2. de cal. cap. 7.* vnumquodque ex eo esse, in quo est. Qui igitur hoc volunt, ex aqua Mosis faciunt aërem, dicentes non ex aqua elementari, sed ex aquarum vaporibus & exhalationibus volucres creatas esse. Verùm an Mosis verba eiusmodi metamorphosin ferre possint, viderint ipsi. Si Mosis verbis simpliciter insistatur, dicendum est, aues non ex materia factas, sed ex nihilo creatas esse. Expresse enim dicit: *Creauit Deus cetos magnos, & omne volatile alatum*. Nec obstat, quod *cap. 2. vers. 19.* dici videtur, aues è terra factas esse, vbi dicitur: *Formauit igitur Deus è terra omnem bestiam agri, & omne volatile cæli, &c.* Nam illud, è terra, ibi ad bestias agri, non ad volatilia cæli pertinet, &c. *Hac Pareus.* Polanus, in *Syn-tagm. l. 5. cap. 24. p. 305.* etiam negat, in aqua, aut ex aqua sola aues conditas. Cæterum vulgatam Latinam versionem rueri potest antiquior LXX. quæ habet: *ἐξ ὕδατος τὰ ὕδατα ἐρπετὰ ψυχρὰ ὥσων, καὶ πετεινὰ πτερόμενα ἐπὶ τῆς γῆς, &c.* De Chaldaïca paraphrasi non ita certa est sententia; licet eandem Iesuitæ, è quibus Sallianus, *l. add.* & Marsennus, pro se adducant. Nam *ו*, quo relatiuum *Quæ* refertur, & quod cum verbo *פּר* coniungitur in opere Regio, transl. Onkel. atque in Buxtorfiana, vnde

verti potest, *Producant aquæ reptile anima viuentis, & auem, quæ volitet, &c.* non deprehenditur, in tribus diuersis Veneris exemplaribus, Vid. Castig. Franch. Raphelengij, in *op. Reg.* An Hebraïcus textus sit sententiæ vulgati Interpretis aduersarius, non ita etiam liquet. Sallianus, qui codices Hebræos hodiernos corruptos esse, Hieronymum autem, & LXX. in meliores Codd. incidisse censet, Cornelius à Lapide, & alij nonnulli, disertè ita existimant, uti supra indicauimus. Pererius etiam, *l. 1. c. 1. h. l.* ita loquitur: *A vulgati Interpretis sententia Caietanus, Caterinus, & Hieronymus Vielmus. lect. 22. in hexaëmeron, discesserunt. nec sanè inscietè aut temerè; siquidem in text. Hebraïco, tum in paraphrasi Chaldaïca, multò secus est hoc loco, quam in Latina versione, & longè diuersa redditur sententia.* Postea copiosis verbis Pererius contra illam sententiam, de auibz ex aquis, disputat; quanquam sub finem paucis & frigidiusculè eandem rursus defendendam sibi sumat. Marsennus tamen, & Bonfrerius, hoc loco eandem vulgatæ sententiam cum originali textu conciliant, cum scribunt, esse hoc loco ellipsin ipsius *וּפְרָא*; uti non sit vertendum, *volatile volet*, sed *volatile, quod volet*, adeoque priusquam vterum volatiliū, aquas, deinde actionem & domicilium, volatum scilicet in expanso aëris, à Mose dicendum sit, explicari. Quæ sententia etiam placet Hieronymo Zanchio, *lib. 7. Hexaëm. cap. 1. de pisc. & au. pag. 581.* Locum in gratiam Freitagij adscribemus, ut videat, quomodo Zanchius Pareanam disputationem conuellat. *Quidam, inquit, verba, & volatile volant, &c. nolunt construi cum verbo præcedente, Producant aquæ: ideo contendunt, aues non esse ex aquis eductas, nec inter aquatilia animalia numerandas esse, sed inter terrestria; ut etiam vult Aristoteles. Ideo sic simpliciter legunt, & volatile (nempe è terra genitum) volet super terram. Volunt enim his Domini verbis significari immediatè quidem, ubi debeant manere aues, nempe in terra & in aëre, consequenter autem doceri, vnde sint conditæ, nempe è terra, super quam iubentur volare.* Sed nimis coacta est interpretatio, & ordinem Mosaicum turbat. Prius enim docuit, quænam ex aquis prodierint, animalia scilicet minùs perfectæ, uti sunt pisces & aues, deinde quæ è terra, nempe perfectiora & firmiora, quod factum fuit sexto die. Ac si Aristoteles aues connumerat inter terrestria, Plato contrà, cum Scripturis consentiens, eas reponit inter aquatilia, in *suo Timæo*. Itaque receptam magis sententiam sequamur, & sic Mosis verba construamus: *Et (nempe producant aquæ) volatile; & tum subaudi וּפְרָא, quod, volitet super terram, &c.* Mariana, Iesuita, in *schol. h. l.* aliam init viam, & verbum *וּפְרָא* per Imperatiuum volans interpretatur. Vt sit, Patres constanter ex aquis etiam aues productas iudicant. Basiliius, in *hexaëm. hom. 8.* διὰ τὴν ἐξ ὕδατος καὶ τοῖς πτεροῦσι τὴν γένεσιν ἐδωκεν; ὅτι ὡς περὶ συγγενείας τῆς ἐκ τοῖς πτερομένοισι ἀπὸ τῶν ὕδατων. Cur ortum ex aquis volucibus, perinde ut aquatilibus, præstitit? Quoniam volantibus ad natalitia quasi consanguinitas quedam est. Ambrosius in *hexaëm. l. 5. c. 14.* de aquis vtriusque generis natiuitas præceptione Diuina processit. Idem ait Cyrillus Alexand. *lib. 1. in Genes.* & Chrysostomus, *homil. 7. in Genes.* Vnde Philo Iudæus vocat volucres *ὡς ἀδελφὰ τῶν κατὰ ὕδατος* Consentit Theodoret. *lib. 1. Diuinar. decret.* Aur. Augustinus, *l. 3. de Genes. ad lit. cap. 3.* Non scriptum est, Producant aquæ reptilia animalium viuentium, & producat aër volatilia volantia super terram, sed vtrumque hoc animantium genus ex aquis productum esse narratur. Confer *cap. 5.* Claudij Marij Victoris versus, *l. 1. in Genesin*, huc etiam pertinent.

*Hinc volucres quoque, molle genus, traxere vigorem.
Nam liquidas dum format aquas, immissaque Pon-*

tum
Vita subit, feruent multo tumida aquora partu.
Nec satis est, pisces genus omne exurgere, quod-
que

Squamea turba salo summas euadit in vndas
Ne volitans in aquis sensim natet æthere puro,
Æthereos volucris contingere docta recessus.

Ergo materies auibſque & piscibus vna est.

Subſcribit Damascenus, l. 2. de Orth. fid. c. 9. & quot-
quot Græcorum & Latinorum antiquitatis ſcripto-
rum ſecuti ſunt. Placet & iſta ſententia VVolf. Muſ-
culo, in Comm. & Martyri, h. l. & Seb. Münſtero, in bibl. &
Rob. Stephano, in Notis, & Guil. Bucano, in Loc. Theol.
p. 55. & Andreæ Hyperio, Method. Theol. p. 368. Da-
næus verò quosdam dicere ait, aues ex aquis cœleſti-
bus productas, *Phyſ. Chriſt* p. 2. tr. 5. p. 225. Nos etiam
hanc ſententiam improbare nolumus, quia videmus,
eandem placere Megalandro, Luthero, *Comm. in Ge-
neſ. Tom. 1. fol. 14.* Nunc, inquit, *Mofes agit de noua
creatura, producta ex aquis, nempe de volucris & piſ-
cibus. Coniungit autem hac duo genera propter naturam
non diſſimilem. Sicut enim piſcis in aqua natat, ſic avis
volat in aëre; & quanquam carnem habent diuerſam:
tamen eandem habent originem. Sicut manifeſtus textus
hic eſt, volucres ex aqua productas petiſſe aërem in quo
viuunt, &c.* Subſcribit Luthero Brentius, *Tom. 1. oper.
com. h. l.* quanquam vult, nomine aquæ etiam aërem
comprehendi. Subſcribit Selneccerus, *Comm. in Ge-
neſ. p. 97.* Geſnerus, *comm. q. 30.* Hunnius, *Tom. 3. op. col.
1435.* Chemnitius, *Loc. Theol. T. 1. p. 121.* Matth. Voge-
lius, in theſaur. p. 51. VVigandus, in Syntagm. V. T. pag.
350. Heerbrandus, in Compend. Theol. p. 147. Affelman-
nus, *Syllabo diſp. Theol. 5. q. 6.* Taceo quamplurimos
alios. Quamcunque ſententiam ſequamur, nemo di-
cit ex adductis Authoribus, ipſas animas viuentium
è potentia atque diſpoſitione vel aquæ, vel aëris, vel
terræ, fuiſſe eductas: quia ad innumerabilem volati-
lium varietatem neque in aquis, nec in aëre, neque in
terra, vlla fuit potentia, è qua anima educi poſſit. Ipſe
Danæus, *lib. add. p. 192.* & 219. quanquam ſatis craſ-
ſus aliàs in exponenda natura animæ, ait, primò ma-
teriam elementarem à Deo fuiſſe conſtrictam, in-
crasſatam, coagulata, deinde ſummo æquilibrio
per calorem infuſum à Deo temperatam, ex quo ma-
teria ſeu corporum calido temperamento anima ſen-
tiens & mouens torum corpus poſtea nata eſt & con-
ſecuta. Non igitur ipſe ex elementi potentia vel ca-
lorem, vel animam eductam eſſe aſſerit: ſed calorem
infuſum vocat, ex quo anima nata. Claudius Marius
Victor autem diſerte dicit, quod pontum *immiſſa vi-
ta* ſubierit. Quando igitur vel ex aqua, vel ex aëre,
vel ex terra, dicuntur condita volatilia, vel corpo-
rum materiam, vel originem localem, ſecundum ple-
roſque, innuere voluit Scriptura; de quo deinceps vi-
dendum. Quinò notanter dicit textus Moſaicus, in
euentus imperij Diuini expoſitione, *Et creauit Deus.*
Vbi hoc ipſo innuitur, fuiſſe hic non educationem è
potentia materiæ, ſed illam ipſam actionem æterni
Numinis, qua aut è nihilo, aut ex impotentiffima
materia, res produxit. Sextò non iquat Freitagium,
quod dicitur, Deum creasſe animam viuentem ex
aquis. Eſt enim vocabulum animæ pro ipſo animali
poſitum; vti vel è Caluini Schola Interpp. ipſum
docere poſſunt. III. verſus 24 25. iſti ſententiæ non
fauent. Quando enim dicitur, *Et dixit Deus: Pro-
ducat terra animam viuentem ad ſpeciem ſuam, iumen-
tum & reptile, & beſtias terra;* non explicatur, quid
fecerit terra, aut quid è potentia terræ productum
ſit, ſed quid fecerit Deus in terra. Illud ita exponit
v. 25. *Et fecit Deus feram terra ſecundum ſuam ſpeciem,*

&c. Ita etiam Iohan. Caluinus, C. h. l. *Vnde vita mor-
tuo elemento? Non minus hac in parte miraculum, quàm
ſi Deus creare ex nihilo cœpiſſet, quæ ex terra prodire
iuſſit. Nec verò ex terra materiam ſumit, quaſi indigeat,
ſed ut melius conſociet ſingulas Mundi partes cum uni-
uerſo.* Ita è Papiftis Martin. Delrio, in ph. pag. 63.
*Producat terra, hoc eſt, materiam ſuppeditet. Nam ter-
ra (& aqua) hac vice paſſiue, Deus ſolus efficienter &
actiue, produxit.* IV. Nihil huc facit cap. 2. Genef.
v. 7. vbi dicitur, *Deum inſpirasſe in faciem Adam*
ſpiraculum vitæ; licet hinc colligat Freitagius, forſan
cum aliis, hominis Animam in prima Creatione
forinſecus introductam his verbis dici, in oppoſi-
tione ad animas brutorum, quæ ob id è potentia
materiæ eductæ in prima Creatione cenſendæ ſint.
Ita quidem non ſolum ex Antiquitate plurimi con-
cluſerunt ex hac ſingulari ratione producendi ſin-
gularem hominis excellentiam, quam & nos ſuo
modo iſta narratione Moſaica ſtabiliri, non imus
inſicias: ſed etiam partim Pontificij, partim Calui-
niani, exinde concludere voluerunt, animam ratio-
nalem non fuiſſe è potentia materiæ eductam, ſicut
brutorum. E Pontificiis ita ſcribit Bened. Pererius,
Tom. 1. pag. 140. *Creatio anima rationalis vocabulo in-
ſpirationis ſeu inſufflationis inſinuatur, ut appareat,
animam rationalem non expromi ſeu educi ex potentia
materia, ſed extrinſecus aduenire corpori, ſcilicet ex
nihilo à Deo creatam.* Ita etiam concludit Corn. à
Lapide *Comm. h. l. pag. 68.* & Salianus, *tom. 1. Annal.
pag. 64.* & Bonfrer. *Comm. h. l. pag. 114.* & alij pluri-
mi: è Caluinianis Pareus, *Comm. h. l. pag. 298.* Ri-
uetus, *ext. 17. pag. 85.* Piſcator, *Comm. h. l. &c.* Atqui
non ſequitur: Deus Optim. Maxim. ſingulari qua-
dam ratione in productione corporis atque animi
humani progreſſus eſſe dicitur, *Genef. 2. E.* illa ſin-
gularitas in eo conſiſtit, quod animæ brutorum è
potentia materiæ ſint eductæ, non item anima hu-
mana. Nam præterquàm quod eiufmodi ſingulari-
tas non euincatur è præſenti textu; neque maior no-
bilitas ex eo conſurgit alicui, ſi non ſit è potentia
materiæ eductum, quàm ſit in eo, quod è potentia
materiæ eſt eductum: aliàs materia omnium nobi-
liſſimum ens eſſet, & dignitate ſua omnia antecelle-
ret; quæ abſolutè è nihilo orta eſt. Cum non atten-
to, quod forma ſit, ſecundum Scholaſticos, è poten-
tia materiæ, nobilius nihilominus ens ſit, quàm ipſa
materia. In eo potiffimum nobilitas animæ huma-
næ conſiſtit, quod ex ſpiraculo Omnipotentis præ-
dita facultate intellectiua ita proceſſerit, vt ſimul
characterem atque ita imaginem Dei, ſuauiſſimum
atque excellentiſſimum originis ſuæ comitem, ſecum
intra hominem intulerit, & homini contulerit.
Aliàs inſpiratio ſpiraculi vitæ, ſeu datio ſpiritus, ab-
ſolutè, & ſine tam illuſtri & diuino apparatu, conſi-
derata nihil ſingulare homini confert. Nam quod,
Genef. 2. v. 7. homini datus dicitur נשמת חיים כפיו, *ſpi-
ritus vitæ in facie, ſeu naribus eius;* illud dicitur in om-
ni carne eſſe רוּחַ חַיִּים, *ſpiritus vitæ.* *Genef. 6. 17. & cap. 7.
15. & נשמת רוּחַ חַיִּים, flatus, ſpiritus vitæ omnium omni-
no animalium per diluuium ſuffocatorum.* Vnde, *Iobi
34. 14.* dicitur, ſi Deus colligeret ad ſe רוּחוֹ וְנִשְׁמָתוֹ,
ſpiritus ſuum, & flatus ſuum, abiret omnis caro, ſi-
mul & homo in nihilum reuerteretur. Deus igitur
inſpirat etiam hodie נשמת רוּחַ, *flatus & ſpiritus
ſuum,* quibus ad momentum retractis omnis om-
niam vita deſineret. Confer *Pſal. 104. v. 29. & Ec-
cleſ. 3. 2.* eſt רוּחַ הַבְּהֵמָה, *ſpiritus iumentorum.* Actio au-
tem Dei, quæ verbo נפח designatur, non alia eſt,
quàm talis productio ſpiraculi vitæ, quæ nulla na-
turæ vi, ſolo conditoris nutu & poteſtate, perfici po-
teſt. Aliàs נפח etiam ſpirationem ira denotat, *Ezechiel.
21. 31. & 22. 21.* Agg. 1. 9. ſicut & נשמת רוּחַ *ſpiracu-
lum*

lum spiritus ipsi ira tribuitur, *Psal.* 18. 16. Spirare aliàs ad extra metaphoricè Deo tribuitur, nisi dicamus, quod multis ex Patribus & Scriptoribus Ecclesiæ placuit, Deum in assumpto corpore humano opus Creationis hominis peregrisse; quod etiam Zanchio, in *Hexaem.* p. 617. placet. Sed tum illa vera & corporalis Dei inspiratio insufflatioque tantum fuit symbolica, aiente Zanchio, p. 618. & ne instrumentum quidem Creationis hominis esse potuit, iuxta Ruetum, in *ex. 1. in Genes.* p. 11. col. 1. ubi notat Scholasticos contrarium asseuerantes. Ideoque ex inspiratione spiraculi vitæ, si absque ornatu & concreatis perfectionibus consideretur, non excellentior modus actionis Diuinæ Creatoriæ, quam est, quo omnia alia viuificauit. Et aliàs quò simplicior est actio agentis, eò perfectior est. Et perfectius, imò perfectissimo modo agit, qui nutu aliquid, & simplicissimo decreto, in actum producit, quam qui id motu & tractu præstat: *Psal.* 33. 9. Vnde perfectissimus est modus actionis Dei, quia summè simplicissimus. Vnde hoc loco potius in re creata, quam in ipso modo, & actu creandi diuerso, quærenda perfectio hominis. Pareus, *Comm. h. l. pag.* 298. hanc inspirationis metaphoram euoluens, scribit: *Non est pueriliter intelligendum, quasi Deus ore ad nasum plasmatis humi iacentis admoto, ut pingunt nostri pictores, animum ei inflauerit, sed quod omnipotenti suo nutu nares Adami illico spirare ac respirare fecerit, & vitæ præsentis indicia vultui eius impresserit.* Ideò nonnulli verbum *nas* effectiue potius intelligunt, *spirare fecit*, quam actiue, *spirauit*. Vnde etiam sunt, qui statuunt, animam hominis, primi simul vno eodemque Diuino opere cum corpore eiusdem fuisse productam, statimque eodem momento temporis corpori fuisse unitam. Istam sententiam Pererius adscribit Gregor. Nysseno, in *lib. de hom. cap.* 29. & 30. Damasceno, *lib. 1. de O. I. cap.* 12. Hieronymo, in *Epist.* 61. ad *Pammach.* & 139. ad *Cyprianum*; Leoni *epist.* 6. Atque in eam etiam propensiorum esse Augustinum, in *lib.* 12. *C. D. cap.* 23. & idem sensisse Thomam, 1. *par.* 9. 90. Ad id, *ibidem*, etiam rationes, quia, si anima hominis aliquo momento temporis fuisset extra corpus hominis, fuisset in statu imperfecto; cum tamen credibile non sit, Deum, in prima rerum constitutione rem aliquam fecisse in statu imperfecto, præsertim verò animum hominis, omnium, exceptis Angelis, præstantissimum; quia hominum post primum hominem ortorum animæ simul cum & in ipsis corporibus procreantur. Cum autem similis sit ratio omnium animarum, idem etiam de prima anima dicendum erit: quia si aliquo momento temporis anima hominis fuisset extra corpus, fuisset hoc ei naturale, & consequenter esset præternaturale, esse in corpore, adeoque violentum. Et hoc etiam copiose disputat Eustach Bonauent. Cardin. in 2. *sent. dist.* 17. *artic.* 1. *qu.* 1. Utque Freitagius non habeat, cur hos repudiet, producamus Hieronym. Zanchium, in eandem sententiam disputantem. Ita scribit. *loc. add. pag.* 619. *Verum sunt, qui hinc colligi saltem necessario contendunt, animam extra corpus creatam esse, non autem in corpore, uti permulti volunt. Atque hoc ut significaret, insufflasse in nares, &c. & per illas animam inspirasse corpori. Sed neque hoc ex verbis Moysi euinci potest. Principio si accipias insufflationem figuratè, quia Deus incorporeus erat, illud insufflarit in nares nihil aliud erit, quam Deum animam suo tantum spiritu in corpore Adami creasse, quæ se maximè per nares flando, atque reflando patefacit. Deinde si etiam accipias insufflationem, quod Dei Filius sumpta humani corporis specie verè insufflarit in nares Adæ, quis tamen inde euicerit, animam non in corpore fuisse creatam, sed extra, & inde in corpus fuisse inspiratam?*

*Flatus enim ille Filij Dei signum tantum externum fuit eius, quod in corpore operabatur, spiraculi scilicet vitæ, quod in corpore creabat, hoc est, anima. Vnde neque nunc euinci potest, creari prius animas, deinde infundi in corpore; sed probabilius est, animas in ipsis creari corporibus. Quid igitur sibi voluit illa ceremonia, quæ in nares insufflauit, Dominus? Significare voluit, verè se in corpore illo creasse animam, eique dedisse, ut spiraret & respiraret, quæ vera sunt vitæ atque animæ in aliquo corpore existentis testimonia. Ideò prius ipse in nares inspirauit, quam Adamus inciperet spirare & respirare per nares. Docuit enim hac ceremonia Filius Dei, se Autorem esse nostræ spirationis & respirationis. Deinde etiam docere voluit, quæ sit vitæ nostræ imbecillitas, quæ è naribus quasi pendet. Placuit hæc vltima ratio etiam VVolf. Musculo, *Comm. h. l. Hæ,* inquit, *voces usque adeò non exprimunt humana rationis excellentiam, ut etiam de bestiis in Scripturis legantur. Deinde cum posset simpliciter dicere, & inspirauit in eum spiraculum vitæ, maluit dicere, & inspirauit in nares eius spiraculum vitæ. Quanti autem faciendus sit homo, cuius spiritus est in naribus ipsius, perinde atque in reliquis animantibus communiter omnibus spiraculum in naribus esse videmus, Sacra Scriptura non tacet. Eld. 2. Non negat Moses, esse homini animam rationis atque intelligentiæ compotem infusam; verum quoniam ad propositum non faciebat, ut eius hoc loco recordaretur, maluit ad hunc modum de anima hominis loqui, ut illius quoque consideratione ad animi modestiam reuocemur. Hæc Musculus; cui suffragatur Pareus *Comm. b. l. pag.* 299. *col.* 1. Secundum hos igitur hoc quidem loco Freitagius discrimen istud inter productionem animarum brutorum & hominis quætere non debet. Et tantum abest, ut in illa insufflatione spiraculi vitæ præcisè sumpta aliquam operosiorum circa hominis animæ productionem concludere possit occupationem Freitagius, ut ex antiquis Ecclesiæ Dd. nonnulli per hieroglyphicum inspirationis facilitatem Diuinæ huius operationis intellexerint. Theodoretus sanè, *quæst.* 23. in *Genes.* cum ita quæstionem posuisset: *Si ex insufflatione Dei creata est anima, erit vitæque anima ex substantia Dei;* respondet: *Extrema impietatis & blasphemia est huiusmodi sententia. Nam per hoc Scriptura Diuina facilitatem creandi demonstrat. Vnde frustranea est Parei, Comm. h. l. pag.* 297. ad hunc locum annotatio, cum ait: *Hic alia dignitas sese hominis ostendit. Aliud privilegium hoc est, quod Deus corpori exanimi q. ore suo inflat spiritum vitalem, ut fiat perfectus homo, corpore terreno & anima cælesti constans. Bruta enim fecerat animas viuentes, verum non inspirauit eis spiraculum vitæ aut homini, sed pro anima corporibus concreauit vaporem, ex crassi humorum ac spirituum vitalium existentem, unde viuerent, se mouerent, sentirent, generarent, & qui, humoribus corruptis, ipse quoque corrumperetur & interiret. At homini distinctè prius format corpus, deinde forinsecus afflat animam, ut sciamus, primum, naturam nostram hisce duabus partibus constare, & utraq; brutis longissimè præstare. Corpus enim habemus erectum, uti oculis cælum intueamur, & animam intelligentem, ut Creatorem Deum agnoscamus. Deinde, animam nostram non esse vaporem ex humoribus corporis ortum, sed spiritum vitalem, à corpore separabilem, & immortalem, planèque diuinum, & tale quid, quo homo ad spiritualem Dei naturam prope accedat. Hæc Pareus. At si animæ brutorum nihil sunt, nisi vapor & spiritus subtilior, ut etiam Bernardinus Telefus de *Rer. Natur. lib.* 5. scribit, & Pareus disputat, facile crediderimus, easdem è potentia materiæ educi. Nam vapor pertinet ad materiam, estque ex materia elementorum. Atqui verò animæ brutorum formæ sunt, & oppositè se habent ad materiam, suntque***

suntque natura quinta, longè alia à natura elementorum. Itaque Pareus multum aberrat à saniore Philosophia, & Theologiæ parum consentit. Si enim נשמה רוח & חיים נשמה רוח & anima uiuens, sunt vapor; si anima vegetans & sentiens in animalibus brutis vapor est: quomodo in ipsis hominibus illa vocabula substantiam à materia distinctam notabunt? Quomodo anima vegetans & sentiens in hominibus non erit vapor? Sed hæc mittamus. Quod autem, pag.620. Zanchius dicit, doceri illa insufflatione, sicut ille flatus aliunde veniebat, quàm à corpore illo, in cuius nares immittebatur, sic etiam animam, quam corpori illi per flatum donabat, non esse ex corporis illius natura & substantia, sicut sunt animæ brutorum, sed de foris venire, hoc est, diuersæ esse à corpore naturæ atque substantiæ: de animalibus brutis autem hoc non legi, sed tantum quod produxerint aquæ & terræ omnem animam uiuentem, non minùs quàm ipsorum corpora, id est, quod ex aquis & ex terra sint productæ; qua phrasi significauit Moses, eorum animas è substantia esse ipsorum corporum, partes scil. sanguinis subtiliores, quas Medici Spiritus vocant naturales & animales, tanti pretij est, quanti id, quod Pareus dixit. Quis enim rectè sentientium Philosophorum Spiritus istos naturales & animales non instrumenta potius corporis & animæ dixerit, quàm ipsas animas? Et verò animæ brutorum etiam aliunde venerunt in Creatione, cum è terra & aqua animalia producerentur, si principium efficiens consideres. E materia autem, ceu principio ipsarum constitutiuo, & essentiam ingrediente, non fuerunt productæ; cum sint materiæ formandæ, non a. hauriendæ, & intra suam essentiam habendæ causa productæ. Et crassum, etiam secundum Scholasticos Dd. est deliramentum, cum dicitur, formas educi ex materia, ita illud intelligere: partem à materia subtiliatam, sublimatam, & in spiritum transmutatam, esse formam. Hoc forsan Alchymisticum erit deliramentum, saniori Philosophiæ ignotum: Porro formas etiam animalium brutorum ab exteriori principio, Deo creante, suam originem habuisse, neque à materia elementari esse, probat. V. Versus 2. cap. 1. dicitur spiritus Domini ferebatur super aquas. Causa namque incubationis istius à scriptoribus Ecclesiasticis diuersis exposita nos ad originem formarum, earumque etiam fecunditatem deducet. Basil. homil. 2. in hexaëm. ait: Narrabo tibi non meum sermonem, sed Viri Syri, tantum à mundana sapientia remoti, quantum propinquus scientiæ veritatis erat. Dicebat igitur, Syrorum vocem & significationem esse, & propter vicinitatem ad Hebraicam linguam magis quodammodo ad scripturarum intelligentiam accedere. Esse igitur sententiam dicti talem. Ferebatur, inquit, exponunt pro confouebat & incubabat naturam aquarum, ad similitudinem volucris aut gallinæ ouis incubantis, & vitalem quandam vim his, quæ confouebant, immittentis. Talem quandam sententiam ab hac voce significari, dixit. Nimirum ferebatur super aquas Spirit. S. hoc est ad viuificationem aquæ naturam preparabat, &c. Cilix Diodor. in Caten. Franc. Zephyri ὅτι καὶ ἀπὸ τοῦ ὕδατος ὡς ἀδελφὴ ταῖς μέρυσιν, sicut auis oua fouet alis, οὕτως τὸ ζῶον ὁ γέννῃ, ut ea quasi animet & gignat in vitam: sic Spiritus aquis superuectus ut eas redderet aptas procreationi ζῶον ἀδελφῶν. Claudius Marius Victor h. l.

Et sacer extensis impendens Spiritus undis,
Altrices animabas aquas, ac semina rerum,
Nondum compositis fundenda ad semina terris
Insinuanda dabat.

Hunc finem probant se è omnes Patres. Et placet ille plerisque Papistis sed & Calvinianis nonnullis probatur. Placet a. Sp. S. subiectum, de quo In-

cubatio dicitur, hoc loco statui, etiam Hieronym. Zanch. part. 2. Hexaëm. libr. 4. pag. 304. placet eidem quoque finis Incubationis: Sp. S. molem suam virtute q. alis suis complexam sustinuisse, fouisse, animasse, & q. ad fœtum, hoc est opera inde excludenda & educenda præparasse, vim præbuisse ac vitam, & præparasse cuncta ad egrediendum formata. Pag. 304. ait, Moſen huic spiritui tribuere virtutem sustentandi, fouendi, viuificandi, animandi, ad meliores formasque maximamque perfectionem omnia, quæ fuerant creata, disponendi. Ibid. col. 2. comparat hanc operationem Spiritus S. cum ea, quæ superuenit Sanctissim. Virginem. Plura in hanc rem disputat è Patribus, Scholasticis, Rabbiniis, Philosophis. Dau. Pareus, Comm. h. l. non dissentit p. 114. & efficaciam eius dicit esse, quod foru vitali molem sustentauit. Adducit August. de Genes. ad lit. qui dicit, Spiritum S. vi quadam effectoria & fabricatoria supra materiam latum fuisse, ut illud, cui superfertur, efficiatur & fabricetur. Enchenium addit, qui ait: Ferebatur super aquas, non peruagatione, sed potestate; non localiter, sed potentialiter; non per spatia locorum, sed per potentiam sublimitatis sue. Idem inſit, Spirit. S. operatione non dissimili fœtum in vtero virginis formasse, quo hîc dicitur aquas fouisse. Subſcribit eidem ſententiæ quoque Andr. Riuetus, Ex. 2. in Genes. p. 13. & P. Martyr, Com. h. l. p. 3. Taceo alios conſentientes, Notandum a. non aquas tantum intelligi, ut quinta die erant, cum ex illis producerentur natatilia & volatilia, verum ut fuerant ab initio, cum adhuc tenebris ipsæ inuolutæ erant, & sub se terram inanem & vacuam comprehendebant. Docet hoc etiam Zanc. pag. 303. Principiò, inquit, docet Moſes, extra hunc spiritum nihil huius chaos fuiſſe. Incubabat enim omnibus illis aquis. E. inter hæc aquas seu chaos omnia, quæ poſtea formata & diſtincta fuerunt, tam cæli, quàm reliqua, continebantur. Hæc ille. Vnde hæc Incubatio non productionem & viuificationem tantum rerum ex aquis emergentium, ſed etiam germinationem & productionem animalium multiplicium ex terra concernebat. Deinde notandum, Incubationem Sp. S. non fuiſſe eiſcemodi actionem, quæ ceſſauit ante productionem lucis, ſicut deſcribitur, antequam mentio ſit lucis Diuino iuſſu productæ. Sed eſſe actum in vniuerſo hexaëmero creationis durantem, & productioni, ornatui, animationi, diſpoſitioni rerum præſtitem. Quod igitur diuina hæc fœcundatio præſtitit aquis & terræ, id mæſſæ limosæ præſtitit Diuina Inſpiratio. Utque animæ omnium animalium ſunt ab hac Sp. S. Incubatione, ita etiam animæ hominis. Quis enim negabit, incubaſſe etiam limo terræ S. Sp. ad animæ humanæ productionem? Si Inſpiratio Filio tribuitur Dei in expoſitione originis animæ, cur non Incubatio Spiritui S. ad eundem finem tribuetur? Eſt vna atque eadem actio ſancta & creatoria, quæ ſub hac metaphora iucundiſſima ſapientiſſimæque Filio, ſub alia Sp. S. tribuitur. Deus Pater, velut irrefragabilis & Omnipotentiffimus Dictator Imperatorque deſcribitur in opere Creationis, qui ad nutum atque Imperium ſuum è nihilo vocat creaturas, & ad ſtationes ſuas cogit. Igitur ſicut ab extrinſeco principio primo ſummoque, quod tamen intra omnia eſt, ipſa materia omnium condita fuit primùm, ſic ab eodem extrinſeco principio, quanquam intra materiam, formæ omnes creaturæ ſunt, ceu in ſinu receptaculoque ſuo. VI. Huc pertinet collatio formarum inferiorum & animalium cum formis ſuperioribus tum cælorum, tum ſtellarum. Quanquam enim alia magna ſit differentia inter illas & hæc, tum quia hæc propriè loquendo non ſunt animæ, (quanquam Paulus Riccius contra Eccium contrarium ex Sacris literis, omnium

omnium gentium Philosophis, Patribus, Hebræis, &c. assenerare nifus fuit. Vid. Claud. Espensæi *tract. singul. de Calor. animatione*, & Dd. Connimbr. *ad lib. 2. de cal. cap. 1. quest. 1. art. 1. & 2.*) tum quia formæ cælestes talibus mutationibus, quibus animæ in corporibus subiacent, subiectæ non sunt, & quæ sunt differentiæ aliæ: tamen in modo productionis comparari non incommodè possunt. Et de facto Philosophi plurimi, qui educationem formarum animarum in Creatione Mundi factam tuerentur, omnes omnino formas, sola rationali anima exceptâ, in hoc productionis modo conferunt, Sic Mendoza, in *Phys. disput. 4. f. 2. pag. 253.* ait, omnes omnino formas, si à rationali anima discedas, esse verè & proprièeductas de potentia materiæ: quia omnes formæ materiales in suo esse sunt intrinsecè dependentes à materia, seu subiecto. Si enim aliqua illarum essent independentes à materia, essent immortales, sicut est anima rationalis: essent spirituales, quod fidei repugnat; quia animus rationalis eâ ratione monstratur esse spiritualis, quia est actus subsistens independens à materia: quia si aliqua formæ essent independentes à materia, haberent etiam aliquam operationem independentem à materia, sicut eam habet animus rationalis, quia unaquæque res potest operari eo modo, quo ipsa est. Denique omnes rationes, quibus probamus spiritualitatem animi rationalis, probant idem de quavis forma independente à materia, vel certè in probatione animi causâ redduntur. Vnde eam opinionem, quæ affirmat, formas cœli (& stellarum) non dependere propriè à materia, sicut forma equi, habeo suspectam. Hæc Mendoza, qui non attendit, hæc non esse necessariò connexa, & ex se inuicem profluentia, dependere in esse fieri, & operari à materia, & è materiæ potentia educi. Etiam si enim forma aliqua sit dependens à materiâ, dependentia ordinationis Diuinæ, qua sit, ut illa cum materia & in materia fiat, nunquam etiam vel sit, vel operetur extra materiam, vel sine materia: fieri tamen potuit & initio, per Diuinam quandam implantationem & concreationem, & postea etiam per ipsam cum materia factam translationem, fecundationem atque propagationem, ut forma aliqua in materia & cum materia oriretur, quæ tamen ex eius potentia nunquam educeretur. Quia igitur collatio inter formas superiores & inferiores ratione originis earundem primarum institui potest, nos talem instituimus. Sicut forma cœli & astrorum cœlestium in principio Creationis non fuit è materiæ cœlestis potentiaeducta, sed per simplicissimum Diuinæ creationis actum producta in materia & cum materia cœli & astrorum: ita etiam formæ inferiores & imprimis animalium brutorum, non sunt primituseductæ è potentia materiæ, sed per simplicissimum Diuinæ Creationis actum oræ. Antecedens comparationis membrum probatur partim è *S. literis*, partim è *Philosophis* aliâ educationis formarum Patronis.

Sacras literas quod attinet, *Genes. 1. v. 1.* cælum conditum legitur, sed non in sua naturali formositate. Pareum si sequamur, *C. h. l.* per cælum intelligemus propriè hoc cælum, quod nunc est, quodque in scriptura & communi usu loquendi nuncupatur cælum. Et habet Pareus suæ sententiæ Aurores sectatoresque plures. Ille igitur in principio, hoc est in primo momento existendi rerum, cælum ratione materiæ & formæ creatum, nequaquam verò formam cœli ex materiaeductam concedet. Si verò censeamus, cælum cum terra, aqua, & cæteris creaturis adhuc in quadam indistinctione iacuisse, ut Theologorum nostrorum sententia est, nihilominus internam formam cœli ipsi materiæ cœli cœtaneam

& concreatam fatendum est. Neque enim per molem Theologi intelligunt materiam, quam Physici primam vocant, quæ res exilis est, vix animo & cogitatione comprehensibilis, omnique forma carens. Non enim Moysis institutum fuit, hanc de materia prima, in historiæ suæ fronte tradere doctrinam, ac de ea disputandi occasionem præbere, quam ne quidem acutissimi Philosophi satis explicare possunt. Non itaque in forma intrinseca cœli defectus fuit. *Vers. 14.* producantur Luminaria, in quæ collecta fuit lux, quæ *v. 3.* dicitur fuisse condita. Atqui ista Luminaria, istæque stellæ creatæ fuerunt ita, ut nequaquam etiam, naturâ prius extitisse materiam, postea ex eiusdem potentia formameductam fuisse, dicendum sit: sed simul atque semel luminaria facta sunt in expanso, Diuina & creatoria potestate. *Philosophos* quod attinet, sanè Franc. Suarez. *Tom. 1. disp. metaph. 15. f. 2. dist. 17.* ex communi modo loquendi Scholasticorum vidit, difficulter saluari posse, ne, sicut animæ, dicantur formæ etiam cælestes è potentia materiæeductæ, cum in fieri & esse pendeant à sua materia. Ait autem: *Dicendum est cum communi sententia, illas formas verè non educi, quia, ubi non est totius compositi generatio, nec potest esse formaeductio. Ratio autem à priori est, quia unica est actio, qua Cælum secundum se totum producit, & non solum forma, sed etiam materia sit, quæ actio est integra & perfecta creatio totius, & concreatio materiæ & forma, & ideo ibi non esteductio de potentia materiæ.* Disputat quidem contra Suarezium Mendoza, & negat, vnica actione creatiua totum cælum fieri, concrearique materiam & formam: quia materia & forma cœli sunt actionibus specie distinctis, quia actio est modus, qui non potest identificari cum rebus specie distinctis, quia, ut terminatur ad materiam, tendit in rem per se subsistentem, independentem à subiecto; ut verò terminatur ad formam, tendit in rem existentem & dependentem à materia. At sanè non probat id, quod probandum est, scilicet non posse vna numero Diuina actione res specie distinctas produci. Nam Diuina illa actio, licet numero vna, sua tamen eminentia atque virtute, ratione terminorum, ad quos tendit, variorum multiplex, imò innumerabilis esse potest, adeoque specierum variarum productiua. Deinde illud non liquet, quomodo Creatio cœli stellarumque, qua tendit in materiam, terminetur in rem per se subsistentem, independentem à subiecto; qua verò tendit ad formam, terminetur in rem existentem & dependentem à materia. Franc. Suarez, *disput. 34. Metaph. f. dist. 14.* copiosè contra illum modum loquendi disputat, quo dicitur, subsistentiam, licet vi eius tota natura subsistat, non tamen per se primò efficere totam naturam ut sic, sed partem eius, scilicet materiam, & ex vi illius subsistere totum, seu ab illa redundare denominationem in totum. Et sanè tam non Diuina creatoria actio in rem subsistentem & independentem respexit, cum produceret materiam cælorum stellarumque, quam cum formam eorundem produceret. Produxit enim ambo vnica simplicissima actione, qua & esse, & vnita esse, & immutabiliter à se inuicem dependere ista Deus voluit. Imò forma plus dat materiæ, quàm hæc ab illa accipit; & illa, ut huius vel illius determinati subiecti esse dicitur, æquè in esse & fieri à forma pender, quàm forma ab illo. Cum igitur certum sit, formas corporum cælestium noneductas esse è potentia materiæ, sed vna simplicissima indiuisibilique operatione cum corporibus & in corporibus suis creatas, eccur non dicemus, creatis corporibus animalium brutorum, ut talium corpora sunt, vnâ creatas esse animas in illis, nequaquam veròeductas fuisse è potentia materiæ? VII. Vt veròeductio formarum prima

materia nullum habet in Sacri. literis fundamentum; ita ex aduerso formas, singulari Diuina introductione admirandæ fecunditatis, varietatis, & multiplici- tatis in rerum vniuersitatem, existere cœpisse, partim è formis ipsis apparet, quæ quantò propius osten- dunt & constituent perfectionem Diuinorum ope- rum, tantò longius abesse ab aliqua materiæ poten- tia credendæ sunt; aut, si cum Scholasticis hîc singa- tur potentia obedientialis, vti in formarum superna- turalium educatione fingit eam Ægid. Romanus, *loc. supra add.* cum aliis, non obtinebitur, formas è mate- riæ potentia educi. Nam potentia obedientialis, vt sic loquamur, potius, quid introduci, Deo extra com- munem rerum ordinem operante, possit, ostendit, quàm quid educi queat: partim è descriptione Diui- narum actionum. *Vers. 21.* dicitur: *Creauit Deus cetos maximos, & animantia omnia repentina, &c. Vers. 25. Fe- cit Deus bestias terrenas, &c.* Fecit autem & creauit in species ipsorum, quod sigillatim formas concernit, quibus species constant. In prima igitur quæstione ni- hil sententia T. E. deuiat à S. literis.

Altera quæstio est: An etiam materia rerum crea- turarumque viuientium ex elementis, è quibus dicun- tur productæ, fuerit desumpta; an verò res ex aqua & terra conditæ in istis magnis vniuersi conditi cor- poribus fuerint, velut in matrice fœtus, ceu in subie- cto inhabitationis. Probamus hic 1. quòd largiris, ex elementis corpora brutorum constare. Intelligimus autem illa ipsa, quæ ab initio Deus Optimus Maxi- mus condidit. Vnde consequitur, non fuisse actione à creatione elementorum distincta conditam corpo- rum animalium ab initio conditorum remotam ma- teriam, sed vna eademque Diuina operatione. Non etiam, 2. imus incipias, *וְיָ* non semper significare, materiam dedit, sed etiam exire fecit. Verum tamen & illud est, quando de originibus rerum sermo est in Sacris literis, egressum etiam materialem in rebus materialibus illo verbo notari Genes. 1. 5. 4. 2. Sam. 7. vers. 12. 2. Regul. 20. 18. &c. vbi sermo est de produ- ctione hominum. Iud. 13. 14. Esd. 1. 1. 1. Regul. 4. 33. Deuter. 14. 22. de germinatione. Vnde est *וְיָ*, *germen*, quod & *liberos* sæpe denotat. Illud, 3. cer- tum est, SS. Ecclesiæ priscæ Dd. certum esse, ex aquis & terra, veluti materiam concedentibus elementis, fuisse aquatilia, volatilia, & terrestria animalia con- dita. Supra illud satis patuit ex iis, quæ de volati- lium origine ex Antiquitate produximus. Placet, 4. eadem sententia quoque Doctoribus nostræ Eccle- siæ. Videatur cum primis D. Chemnitius, *in loc. Theol. l. add. 5.* Pareus è Calvinianis, vti supra notauimus, negat, aues è materia factas. Sed non satis sibi con- stat. Alibi namque, *in hexaëmeri meditatione*, non negat, animalibus ex aqua vel terra conditis exinde etiam celsisse materiam. Zanchius. *6. in hexaëmer. ex- positione*; vltèriùs progreditur, & non solum mate- riam animalibus ex elementis sumptam in Creatione statuit, verum etiam aquam & terram ad causam ef- ficientem secundariam refert. De animalibus cum primis è terra conditis ait, pag. 512. *Secundaria caus- sa, quæ fuit instrumentum Dei, terra ipsa fuit. Hæc enim iussa fuit producere animantia. Dedit igitur ei vim Deus animalia producendi, & fuit horum ceu mater. Deus enim animalia suo verbo formauit è terrâ, aquis illis, quibus incubuerat Spiritus Dei, eoque fecundis, madefactâ. Deinde ex ea, tanquam ex utero matrum, iussit animalia proferri & educi. Et hoc significauit verbo וְיָ.* Sed ma- le Zanchius concludit: Elementa iussa sunt produce- re. E. habuerunt vim aliquam actiuam ad produ- ctionem rerum antea in illis non existentium. Negatur siquidem consequentia. Nec enim ab imperio Diui- no ad potentiam aliquam actiuam in re, ad quam im- perium Diuinum dirigitur, concludere fas est; vti vel

è sola materia conuersionis hominis peccatoris ad Deum Zanchius reminisci debuisset. Eiusmodi enim Diuini Imperatiui non semper, quid res, ad quam tendit imperium, facere possit, arguunt; sed quid ipse facere velit, ad quid ille suam vel potentiam, vel gratiam exserere velit, indicant. Vnde vetus Theo- logorum effatum: *Dei imperare, est facere.* Præterea illa vis Diuina elementis concessa aut infinita est, aut finita. Si finita, non potuit attingere productionem & creationem innumerabilium & diuersissimarum specierum ex aqua & terra emergentium. Si infinita, non est causa secundaria, sed ipsa Creatrix potestas, quæ, in aquam atque terram sese exserendo, isthæc produxit. Improbamus igitur in Zanchio, quòd ad causam efficientem Creationis retulerit elementa, non item quòd ad materialem. Illud, 7. etiam largi- mur, in Creatione rerum ex aqua & terra non è regio- nibus elementaribus seorsim & sigillatim portiones elementares, tanquam ad Synodum, aduocatas, atque ad opera illa producenda postulatas fuisse. Non enim hoc necesse fuit in potentissima illa Conditoris ope- ratione. Ita aquas Sapientissimus Conditor, & cum primùm eas cum vniuersa mole condidisset, Spiri- tumque suum sanctum incubantem in illas potenter infudisset, & cum postea à terra separasset, & ab aëre atque calido vniuersi secteuisset, ordinauit, præpara- uit, adornauit, fecundauitque, vt ex illis, ceu futu- ra officina condendorum aquatiliū & volatiliū, habere potuerit, quicquid ad opus illud materiæ ne- cessarium fuit. Neque instar egentis architecti necesse habuit, vt è diuersis locis diuersa ad fabricam istam necessaria conueheret. Non fuit ad extremum vsque puluisculum omnis ex illis aquis terra submota: non ad vltimam vsque scintillam omnis euocatus calor. Vnde non necessaria curiositas est, quam supra, in Po- lano, & aliis notauimus, quando dicunt, ita ex aquis dicendum esse creata fuisse volatilia, ne tamen id ex solis aquis factum fuisse dicatur. Non enim erubesci- mus, dicere, ex solis istis aquis, quales tum admira- bilis Creator in officina Vniuersi habuit, condita ista fuisse. Neque enim istæ aquæ erant solum aquæ, sed omni opulentiâ elementarium cælestiumque virtu- tum ditatæ, imò diuina virtute Spiritus architecto- nici vegetatæ. Atque illud planè etiam de terra di- cendum est. Vnde, 8. Franc. Iunij verba neq. aquam ad exclusionem materiæ ex aqua & terra ad creatio- nem animantium expromptæ extendimus: verè autem ipsum dixisse censemus, animantia diuino imperio efficacissimo vocante, è terra & aqua, in quibus à Deo fuerunt creata, ceu fœtus ex utero exiuisse. Vt enim fœtus in utero materiam & seminalem conseruat, & nutrimentalem accipit, inque sui substantiam con- uertit; sic ista tot animantium agmina è sinu elemen- torum suam etiam materiam hausierunt, seu potius, Diuina attribuyente manu, ad sui constitutionem ac- ceperunt. Vnde, 9. videre non possumus, quomodo negandum sit, è terra & aqua, animantibus inde pro- ductis materiam suppeditatam fuisse, & tamen affir- mandum, animalium brutorum corpora è quatuor elementis constare. Si enim corpora animalium bru- torum è quatuor elementis constant; aut formata fuerunt ex illis in sinu suarum officinarum, è quibus manu Conditoris educta sunt: aut extra illas. Si in illo sinu suarum officinarum, è quibus prodierunt, ex elementis sunt formata, ergo suppeditarunt elementa illa, prout tum nutu Diuino constituerunt, materiam. Si extra, tum aut corpore extra illas sedes elementa- res formata, in illas fuerunt detrusa, postea animata, & ita educta; quod absurdum est: aut dicendum est, materiam, è quibus illa corpora in aqua & terra fue- runt producta, de nouo fuisse creatam, specie tamen eandem cum quatuor elementorum natura. Atqui hoc

hoc statuere, partim non necessarium est. Cum enim dicamus, de nouo materiam illam, specie cum quatuor elementorum natura eandem, in productione brutorum animantium fuisse creatam; cum in promptu fuerit in ipsa officina, quæ tot speciebus producendis, & in seculorum secula propagandis sufficeret: Partim non etiam videtur consentire cum Creationis ordine atque indole. Nam in mole illa primigenia omnis omnino materia videtur creata. Et in primis in Creatione elementorum omnis omnino elementorum materia fuit producta. Ergo non videtur verosimile, de nouo aliquam materiam ad productionem corporum animalium è sinu elementorum productam fuisse. Quanquam verò, 10. non satis assequamur mentem Tuam, Excellentissime D.D. Sennerte, quomodo è quatuor elementis constare corpora brutorum dici possit, & tamen non ex illis ipsis elementis, ex quibus producta dicuntur, materiam acceperint; non possumus tamen Tuam sententiam hæreseos aut apostasias ab vniuersæ Ecclesiæ sententia damnare. Neque, diligenti etiam adhibita meditatione deprehendere, potuimus, quid patrocini habeat Freitagius pro educatione formarum primitus productarum è potentia materiæ, siue hanc, siue illam sequamur sententiam. Nam siue sumpta sit materia corporum animalium ex illis sedibus, è quibus producta sunt, siue non: nullâ tamen viâ vel magis caueri, vel magis etiam promoueri poterit illa formarum è materiaeductio.

Tertia quæstio est: An res ex aqua & terra productæ illis diebus, quibus productæ dicuntur, demum omnino existere cœperint; an verò ratione initiorum seminalium, & primordiorum suorum specificorum, etiam ante dictos dies fuerint, cœperint verò istis diebus nominatis demum emergere. Vt hanc circa Creationis opera moueremus quæstionem, mouit nos, I. Augustini Steuchi Engubini sententia, quam habet, in *Cosmopæia ad opus quinti diei*. Verba sunt: *Hoc loco obseruandum obiter: tota enim sese declarat Philosophia, si quis æquus index esse velit, quinti diei opus non ad amissum hac quinta die conditum, quin in superioribus diebus aliquod principium habuerit. Cui enim non necessarium videatur, subito, eademque die, è terris patefactis nasci herbas & stirpes cœpisse, eademque seorsim ex aquis aquatilia pullulaffe. Neque enim quintum diem parpurientes aqua expectarunt. Sic quando de terris plantæ nascebantur, parte alia animalium terrestrium exordia inchoabantur. Itaque hoc attestatur his, quæ de Sole & Luna, narrationis situm locumque tenuisse. Et paulò post. Sic creatis cum Sole & Luna astris est quarta dies circumacta, & natis aquatilibus absoluta est quinta, quo tempore etiam terrestres animantes nascebantur. Quibus perfectis sexta dies affuit, sicque à Scriptore positum est.* II. mouit nos etiam quæstio Tua, Vir Eminentissime. Quando enim interrogas, annon sensus verborum S. Textus, qui dicit: *Producant aquæ, producat terra, &c.* esse possit, *prodeant, emergant, exeant* animantia varij generis è sinu aquarum & terrarum, velut ex vtero, non verò exinde capiant materiam; posset quis suspicari, quasi etiam Tu in ea esses sententia, non illa die quinta aut sexta animalia ista suam originem habuisse, sed iam tertia die cum plantis atque arboribus, vel etiam diutius antea, & fortassis in ipsa molis è nihilo productione, extitisse, verum in ipsis elementorum recessibus interioribus, quinta autem & sexta demum die exinde deducta, & in aprium producta fuisse. Si enim pisces quinta, bestię sexta die, illi ex aquis, istæ è terra, materiam corporis sui non acceperunt, & essentiam ita Diuino imperio habere cœperunt: si istis diebus non ratione & trias, sed emersionis tantum & apparitionis, prodierunt; tum antea Eise ipsi ibi Diuino iussu datum fuisse, censendum est. Si

hæc Tua est opinio, coincidit reapse cum Steuchi doctrina. Nobis verò non videtur ista sententia Genesios Mosaicæ descriptioni consentanea, neque etiam ab orthodoxis Patribus approbata. De magnis enim Mundi corporibus quidam Theologi, ex vers. 1. cap. 1. Genes. docuerunt, illa simul statim prima die condita, postea verò in distinctiorem & explanatiorem statum posita esse. Sic cœlum fuit conditum, sed postea in amplissimam illam, speciosissimamque expansionem, tanquam statum vltimatæ perfectionis collocatum. Sic terra fuit creata in principio, sed, vers. 9. denudata, & in vtilem inferioribus creaturis viuentibus atque respirantibus statum posita. Sic aqua fuit creata in principio, cum Spiritus Dei incubaret super illas, & illæ terrenum globum circumuoluerent, sed vers. 9. collecta & distributa est eadem in terræ sinus, & gremia varia, & tanquam sanguis terræ per varias eius corporis venas sparsa. Sed de corporibus minoribus aliter sententia habenda. Nam herbæ, plantæ, arbores, non ita latitarunt sub terra, sicut ipsa terra sub aquis, ante earum collectionem: Sed terra, vi cœlesti & æterna perfusa, ista omnia produxit, materiam subministrando, & semina illa Opulentia cœlestis, ipsi terræ, velut particulas perfectionis eius, communicata parturiendo. Sic astra & luminaria non emerferunt è firmamento seu expanso, sed è luce primigenia dubio procul formata, & diuersis bonitatis infinitæ characteribus signata sunt, vers. 16. Pariter de aqua & terra sentiendum est. Vnde, vers. 21. ad opus quintæ diei, *Et Creauit Deus, &c.* non solum emergere, & velut ex vtero, prodire iussit, & vers. 25. ad opus sextæ diei, *Fecit Deus, &c.* non prodire tantum fecit. Hinc Ambrosius, explicans illud, *Producant aquæ, &c.* in hexaëmi. inquit: *Breuis sermo, sed vehemens, & latè patens, communem minimis & maximis naturam infundit; eodem momento producit balena, quo rana, eiusdem vi operationis nascitur.* Et rursus: *Aqua iubetur ea producere, quæ viuentis anima vigorem dignitatēque præsferrent, & sensum tuenda salutis & fugienda mortis acciperent. Dixit itaque Deus: Producant aquæ &c. Venit mandatum, & subito aqua iussos fundebatur in partus, Basilii, homil. 7. Tanto tum studio contendebat aqua omnis sui Conditoris imperio subseruire & obsequi, ut, quorum ne genera quidem posset quouis ad numerum referre, horum vitam, nulla intercedente mora efficacem atque operatoriam, seque motitantem declarauit, magna prorsus & ineffabili Dei potentia, simul atque suo vnius præcepto aquis vim impressit generationi accommodam.* Cyrillus Alexan. lib. 1. in Genes. Post verò, quoniam Creator omnium vita sua natura est, ipsam quoque naturam aquarum matrem & animalium natantium, & per aërem volitantium facere potuit, rursus terra imperat, ut & naturam multiplicem pecudum, & belluarum genus indomitum procrearet, hac protinus, & mirum in modum iussa capeffunt. Quippe singulis in rebus creandis verbum tantummodo Dei creare volebat, nutusque eius duntaxat producere omnia potuit. Ioan. Chrysostomus, homil. 7. Obsecro, quis sermo miraculi dignitatem posset assequi? Quæ lingua ad opificis præconia sufficiat? Dixit tantum: *Germinet terra, & statim illam parturire fecit, & varia mox, ac multiplex florum, herbarum, & seminum apparuit copia, vnoque sermone producta sunt omnia: sic & hic dixit: Educant aquæ reptilia animarum viuentium, & volatilia volantia super terram, secundum firmamentum cœli, & continuo tot reptilium volatiliūque genera condita sunt, quot neque sermone recenseri possunt.* Tacemus, quod, si opus quintæ diei respiciamus, non satis explicari possit, quomodo natatilia cetosque maximos in aquis tantum emergere, tanquam ex vtero, Deus fecerit, cum manserint in aquis, & ex officina sua nunquam educta fuerint, neque tunc, antequam producerentur, esse profundius in aquis

aquis potuerint, quàm nunc sunt, & esse pro lubitu possunt. Nec illud operosius vrgemus, animalia è terra producta, fuisse creata in statu perfecto, iusta quantitate, & requisitis aliis: vnde non satis comprehendi possit, quomodo, si è terra, ceu vtero tantùm, emerferunt, in inferioribus terræ cauernis, intra superficiem orbis terreni, eadem ante sextum diem, vel ipso sexto die fuisse dicerentur, illud cum illorum quantitate & aliis requisitis, ad perfectionem illorum animalium pertinentibus, conciliari queat? Quantò simplicius est, dicere, Deum O. M. sumptâ Diuino imperio materia è terra, tum cum produxisset animalia terrena, ipsis formas & animas indidisse vi immensa, suas quibusque speciebus accommodatas: ita non opus est, ex interioribus terræ cubilibus producere animalia, cum in vestibulo haberi potuerint. Ita etiam loquitur, *Gen. 2. v. 19. Formauit Deus è terra omnes bestias agri: & quod notandum censemus, vtitur verbo עֲרֵב quod & de homine usurpatur, in corporis eius formatione, v. 7. Vnde fas est colligere, sicut sigillatim & seorsim humanum corpus è limo terræ formatum fuit, & Spiritu Omnipotentis Dei eodem momento animam rationalem, similitudinem Dei habentem, accepit: sic etiam simul, vnòque actu omnes bestie agri è limis terreis corporum respectu formatæ, & animabus viuientibus sentientibusque præditæ fuerunt. Idem etiam loquitur Eccl. cap. 3. 20. cum dicit, bestiarum pariter atque hominis corpus esse ex puluere. Neque hæc sententia vlllo pacto iuuat opinionem Freitagij, vt ex sola recitatione patescit.*

Quarta quæstio circa textum Mosaicum est: An demum, posito, quod Deus è materiæ elementaris, prout tunc disposita fuit, sinu atque potentia formas viuientium eduxerit, sequatur, etiam hodie non per seminum propagationem in traduci atque propagari animas, sed è potentia materiæ educi. Negatiuam iudicamus veritati consentire, & hîc idem Freitagio te respondere posse censemus, quod Erasmo respondisti, in *consens. Chym. & Perip. cap. 12. Monstret Erasmus*, ais. Dicamus nos, *Monstret Freitagius, quando Deus toti materiæ hanc potestatem indiderit. Ex terra & aqua plantas & animalia produxit Deus, omnibusque suas formas indidit, iussitque, vt singula plantarum & animalium species sese multiplicarent, & secundum speciem suam semina & fructus ferrent. At quod materiæ toti extra species potestatem animalia producendi Deus indiderit, nusquam in Sacris extat. Sunt igitur miserrimi Syllogismi, vt & Cl. Dn. Sperlingius vocat, quos hincnectere necesse habet D. Freitagius: Ex quo producta fuerunt primitus anima animantium, ex eo etiam hodie ista producuntur. Sed ex elementis producta fuerunt primitus anima animantium. Ergo ex elementis hodie etiam ista producuntur. Item. Quemadmodum anima animantium producta fuerunt ex elementis, ita etiam forma elementorum primitus vi creationis ex potentia materiæ primæ sunt producta. Sed satis bene anima animantium producta fuerunt ex elementis. E. etiam satis bene forma elementorum primitus vi creationis ex potentia materiæ primæ sunt eductæ. It. Ex quo producta fuerunt primitus animantia, ex eo etiam producuntur hodie. Ex aqua & terra producta fuerunt primitus animantia. E. ex aqua & terra etiam producuntur hodie. Quis non inde colligi videt, etiam hominibus è limo terræ hodie oriundum? Rectius igitur virtutem multiplicationis & fecundationis non ad corpus solum restringimus, sed è benedictione Diuina ad animas quoque suis corporibus sociatas referimus, vt ita constet vniuersitatis specierum conseruatio. Fuit illa benedictio eo ipso herbis atque arboribus concessa, quando*

Dan. Sennerti Tom. I.

in creatione earum seminis specifici fit mentio, *vers. 11. aquatilibus verò seorsim, vers. 22. tributa; ita tamen, vti ab eadem terrestria animalia non sint excludenda, quia in species non in vno indiuiduo conseruandas, sed per terram spargendas ea condidit. Vnde frustra morosius in rationes inquiri censemus, cur de Benedictione in plantarum & animalium terrestrium procreationis descriptione nulla facta fuerit mentio, cum de eo tot seculorum infinita præstò sint testimonia.*

Sic igitur patere iudicamus, T. E. sententiam S. literis nullo pacto aduersari, neque conuellere ea, quæ in Creationis historia diuinitus annotata sunt.

Succedit alterum, istam de traductione formarum animalium per seminalem rationem sententiam non repugnare consensui Theologorum, siue Reformatorum, siue Pontificiorum, siue etiam torius Ecclesiæ. Illud copiosè præstari posset, si vellemus vterius, in amplissimum variæ lectionis campum excurre. Attigimus iam aliquatenus in superius dictis ad hoc negotium pertinentia aliqua. In Patribus priscae Ecclesiæ educationi formarum animalium è potentia materiæ nulla sunt subsidia certa; quod sumus certissimi. Pro traductione non pauca occurrunt. De seminibus plantarum scribit eleganter Basilus, quæ ad alia semina, etiam animalium, accommodari possunt, in *Hom. 5. hexaem. Semen*, inquit, *cum in terram inciderit, quæ moderatam humiditatem ac caliditatem habet, laxum redditur, & multos meatus acquirit, & de adiacente terra decerpens familiaria, & natura sua conuenientia, ad se irabit. Tenuissima autem terra particula meatibus illabentes, ac se inferentes, molem ipsius ampliùs dilatant, vt deorsum radices agat, sursum verò promineat, stipulis pari numero ad radices sursum prolatis. Calescente autem semper germine, attracta per radices humiditas, per caloris attractionem moderatam de terra alimentum simul adducit, atque hoc in stipulam, & corticem, & valuulas frumenti, & in ipsum adeò frumentum & glutinam dispertitur, & sic paulatim incremento contingente singula è terra nascentia ad iustam ac propriam mensuram perueniunt, siue frumentacei, siue leguminum, siue oleracei, siue sarmentitij generis existant. Vnicum fœnum, & unica herba, mentem tuam totam ad speculationem artis, quæ ipsa produxit, applicare & excitare potest, &c. Hæc Basilus, I. Cornario Medico interprete. Ecce, semina vis decerpit alimenta, sumit naturæ suæ familiaria, ad se trahit, partitur distribuitque ritè omnia, donec ad perfectionem suum corpus deducat. Quid anima vegetans est, si hoc non est? Pertinent huc, quæ scribit Aur. Augustinus, tom. 3. op. 1. 3. de Trin. cap. 8. Omnium, inquit, rerum, quæ corporaliter visibiliterque nascuntur, occulta quadam semina in istis corporeis huius mundi elementis latent. Alia sunt enim hæc iam conspicua oculis nostris ex fructibus & animantibus, alia verò occulta istorum seminum semina. Vnde iubente Creatore produxit aqua prima natatilia & volatilia, terra autem prima sui generis germina, & prima sui generis animalia. Neque enim tunc huiusmodi fœtus ita producti sunt, vt in eis quæ producta sunt, vis illa consumpta sit, sed plerumque desunt congrua temperamentorum occasiones, quibus erumpunt, & species suas peragant. Ecce enim breuissimus surculus semen est. Nam conuenienter terra mandatus arborem facit. Huius autem surculi subtilius semen aliquod eiusdem generis granum est, & huc vsque nobis visibile. Iam verò huius etiam grani semen, quamuis oculis videre nequeamus, ratione tamen conicere possumus: quia, nisi talis*

EEE e

aliqua

aliqua vis esset in istis elementis, non plerumque nascerentur ex terra, quae ibi seminata non essent, nec animalia tam multa, nulla marium seminarumque commixtione precedente, siue in terra, siue in aqua: quae tamen crescunt, & coeundo alia pariunt, cum illa nullis coeuntibus parentibus orta sint. Et certe apes semina filiorum non coeundo concipiunt, sed tanquam sparsa per terras colligunt. Inuisibile enim seminum Creator ipse Creator est omnium rerum, quoniam quaecunque nascendo ad oculos nostros exeunt, ut occultis seminibus accipiunt progrediendi primordia, & incrementa debita magnitudinis, distinctionesque formarum ab originalibus tanquam regulis sumunt. Sicut ergo nec parentes dicimus Creatores hominum, nec agricolas creatores frugum, quamuis eorum adhibitis motibus ista creata Dei virtus interius operetur, ita non solum non malos, sed nec bonos angelos fas est vntare creatores, si pro subtilitate sui sensus & corporis semina rerum istarum nobis occultiora nouerunt, & ea per congruas temperationes elementorum latenter spargunt, & ita gignendarum rerum, & accelerandorum incrementorum praebeant occasiones. Hæc Augustinus. Ad quem locum respondet Franc. Murcia, Complutensis Academ. D. ad 1. Phys. Disput. 6. quæst. 1. pag. 163. Augustini verba latè exponit Diuus Thomas, 1. part. quæst. 115. artic. 2. explicans in toto articulo, quæ sint rationes seminales. Optimè tamen, & breuiter hanc rem explicarunt Lusitani Conimbr. quæst. 12. artic. 6. dicentes, rationes seminales, siue occulta semina, appellari ab Augustino naturalium causarum virtutes tam actiuas, quam passiuas, in quibus, veluti quibusdam seminibus, naturales effectus continentur, non quod in ipsis actu sint, sed virtute & potestate. Thomas de Argentina, in lib. 2. sentent. distinct. 18. artic. 2. inquisitione 1. qui Murcia & Conimbricensibus hac in re præiuit, paulò aliter de isthoc negotio loquitur. Rationes seminales, inquit, sunt quedam habilitates seu aptitudines à Deo indita rebus naturalibus, ex quibus res naturales sunt apte nata causare naturales effectus secundum suas potentias tam actiuas, quam passiuas. Tanta enim est imbecillitas rerum naturalium, quod sine huiusmodi habilitatibus seu aptitudinibus effectus suos producere non possunt, dato etiam, quod habeant virtutes suas actiuas & passiuas. Non enim germinauit terra herbam virentem, antequam Deus tertia die huiusmodi habilitates, quæ sunt rationes seminales, sibi indidit; cum dixit: Germinet terra herbam virentem, habentem semen, &c. Et eodem modo de volatilibus & aquatilibus quinta die, & hominibus ac ceteris animalibus sexta die. Non videtur igitur, aliud esse rationes seminales, nisi ordo quidam, vel habitudo actiuorum ad passiuas, & è conuerso, secundum quod Diuina benedictione principia passiuas debite & ordinate subdita sunt actiuis. Vnde, secundum Aristotelem, ad rerum generationem non sufficiunt duo principia, scilicet materia & forma, sed necessario requiritur ipsa priuatio. Propter quod Aristoteles reprehendit Platonem, 1. Phys. eo quod despexisset priuationem. Sic etiam, secundum Augustinum, tria sunt omnium rerum naturalium principia, scilicet materia, forma, & rationes seminales. Vnde melius exprimitur illud tertium rerum principium per Augustinum, quam per Aristotelem; quod priuatio, secundum Aristotelem, est carentia formæ cum aptitudine ad eam, ita quod priuatio per se dicit carentiam, & solum ex consequenti dicit aptitudinem. Ratio vero seminalis è conuerso per se dicit aptitudinem, si autem dicit carentiam, hoc est, ex consequenti. Cum igitur aptitudo magis sit de ratione principij, quam carentia, ideo, &c. Est etiam illa assignatio principiorum facta per Augustinum universalior, quam priuatio, ut priuatio se tenet tantum ex parte principij passiuus, sed rationes seminales se tenent cum principijs passiuis & actiuis. Ergo, sententia

sententia Augustini non solum est congruentior, verum etiam completior, quam sit sententia Aristotelis. Hæc Thomas de Argentina, qui inquisit. 2. ait: Forma non præst secundum huiusmodi rationes seminales, ita quod aliqua entitas ipsius formæ sit in materia ante sui productionem. Gabriel Bielius, in 2. sentent. distinct. 15. quæst. unic. dub. 3. virtutem seminalem vocat virtutem formatiuam organorum, & virtutem eductiuam de materia sic qualificata nouam animam sensitiuam, &c. Consentit Eustach. à S. Paulo, part. 3. Phys. tract. 1. disputat. 4. quæst. 2. part. 213. & alij plures. Sed profectò illi iniuriam faciunt verbis Augustini. Nam ratio seminalis Augustino neque aptitudo est & habilitas, neque virtus aliqua accidentalis. Rationes seminales vocat ille primò, occulta semina in rebus vniuersi latitantia. 2. semina seminum. 3. subtiliora semina. 4. vim seminatiuam. 5. inuisibilia semina. 6. à quibus sunt progrediendi primordia, & incrementa magnitudinis & formarum, scilicet corporis distinctiones. 7. originales regulas. 8. interiori creatam Dei virtutem. Sunt sanè nihil aliud, quam anima corpore seminali propagata, caractere specifico, & virtutibus ad efformationem necessariis stipata, non autem habilitates & aptitudines. Bonauentura Cardinalis propius videtur attigisse mentem Augustini, de qua alias latè disputat, ad 2. sent. distinct. 18. art. 1. quæst. 2. & 3. Nam, eod. lib. dist. 15. quæst. 1. ita loquitur: Concedendum est, animas sensibiles, siue animas brutorum, esse ex aliquo, non inquam materialiter, sed seminaliter: quod cum anima sensibilis sit forma, non habet materiam partem sui, sed solum sit ex potentia materia actiua, quæ ab agente excitatur, & perficitur, quousque fiat anima, sicut globus perficiendo fit rota. Aliiter tamen nunc producuntur ex illo seminario, & aliter in primordio: quia nunc producuntur ex seminario præexistente secundum sufficientem actualitatem: in primordio verò productæ sunt cum illo seminario. Vel seminarium illud aliquo modo præexistit ante diem quintum, in quo facta est animalium productio: in die verò quinto est ad completam rationem eductum, ita quod nata est virtus actiua natura, ut posset deinceps animalia, quantum ad corpus, & quantum ad animam, propagare & multiplicare, & quod quedam sunt animalia maioris perfectionis & organisationis, quedam verò minoris; ideo Diuina dispositio rectissime ordinauit, ut quedam animalia producerentur ex suo principio seminario secundum maiorem actualitatem; (est hoc planè, quod superius Te, V. Cl. è cap. 22. Consens. Arist. & Chym. docuisse ostendimus) utpote sunt illa, quæ generantur per propagationem ita, quod simile ex simili, & ista sunt animalia perfectiora; quedam verò secundum minorem, utpote quæ generantur per putrefactionem. Quia enim imperfectiora sunt, ideo minori indigent adiutorio & virtute, ut producantur ad esse. Hæc autem positio rationabilior est & firmitior, quod concordat in hoc tam Augustinus quam Philosophus. Ait enim Augustinus ad Orosium sic: Semen cuiuslibet arboris, quantum vim habet, ut, cum corruptum fuerit, in terra oriatur, & virgultum producat, deinde ramus, nihilominus constipata dilatetur in frondibus, deinde in iisdem floribus decorata fructificet, ita est in corpore, ut ita dicam, quoddam seminarium, vnde suo tempore, creante Providentia Dei, aliqua genera animalium oriantur, & hoc iterum habetur sup. Gen. ad liter. planè & diffusè. Et hoc etiam vult Philosophus, in 8. animalium, ubi ostendit, quod vegetabilis & sensibilis prius sunt in femine in potentia, quam educantur in esse. Et ibi videtur innuere, quod illud, quod format membra, non est aliud, quam ipsa animæ virtus, & illam animam vocat potentiam actiuam, intrinsecam ipsi animæ, quæ, cum corpus ex semine productum est organificum, prodit in actum, & efficitur perfectio corporis physici organici, &c.

Confer

Confer huc Disput. Thom. Aquin. 1. part. q. 118. art. 1.

Et sanè Freitagius nullo modo tueri potest, quod asseueravit, eum, qui sententiam de educatione formarum è potentia materiæ negat, repugnare Pontificiorum Theologorum ad vnum omnium sententiæ. Refert Thomas de Argentina, quosdam Dd. repugnare suæ de educatione formarum è potentia materiæ sententiæ: nominat imprimis Iacobum de Viterbio, 2. quodlibet. q. 2. & Alexandrum ab Ales, 3. quodlibet. q. ult. qui dicunt, totam formam secundum rem, ut habet esse in potentia, dici sui ipsius exordium, ut educenda est in actum formæ. Addit v. Thomas. Prædicta probant, primò, per Commentatorem, qui, 8. Metaphy. ait: Est igitur aliquod vnum, quod primò est potentia, & postea transfertur de potentia ad actum. Translatio n. non largitur ei multitudinem, sed perfectionem in esse. Ex quo manifestè apparet, ut dicunt, quod non acquiritur aliqua noua res, sed solum nouus essendi modus. Et ideo, sicut post transmutationem in composito sunt duæ res, scilicet materia & forma, ita & antè transmutationem. Præterea actus & potentia, cum diuidant quodlibet genus, & quamlibet speciem entis, oportet, quod sint in eodem genere, & in eadem specie. Hoc autem esse non posset, nisi forma in actu & in potentia esset eadem res; cum identitas speciei sumatur ab identitate formæ, à qua vnumquodque sortitur speciem. E. Adhæc Medium communicat naturaliter cum extremis. E. sicut albedo in actu, & omnimoda negatio albedinis, differunt à materia, sic albedo in potentia, quæ est medium inter ea, aliud est à materia. Et quæ sunt aliæ rationes, quas Thomas ibi recenset. Deinde Franc. d'Abia de Raconis, tr. de pr. Phys. art. 2. p. 20. refert, nonnullos Theologos Pontificios asseruisse, formas omnes esse à Deo, etiamnum per creationem, sicut animæ rationales secundum illas producuntur. Illi igitur Freitagij sententiam de educatione formarum è potentia materiæ quæ alias Scholasticorum visitata est opinio, non probant. Tertiò Franc. Murcia, l. add. p. 164. recenset opinionem, quàm dubitanter & Tolero, & Alberto tribuit, quæ asserit, formas omnes produci de nouo secundum esse essentia præcedere in materia. Aliter recenset hanc opinionem Franc. Suarez tom. 1. disp. Metaph. 15. s. 2. dist. 3. formas omnes actu esse in materia, non quidem integras & perfectas, sed secundum quasdam inchoationes earum. Et ait: Hanc opinionem Soto, 1. phys. q. 7. tribuit Alberto, ibid. tr. 3. c. 3. Soncinas v. 7. Metaph. q. 28. negat Albertum esse huius sententiæ. Ipse Suarez ait, Albertum putasse, formas præexistere in materia secundum habitum confusum; habitum autem confusum Alberto esse ipsam potentialitatem materiæ. Sed verba Alberti, superius à nobis adducta, aliud quiddam volunt. Illud primò hinc saltem liquet, iterum quandam opinionem inter Pontificios fuisse, quæ educationi formarum è materiæ potenti non est patrocinata. Deinde formæ animales considerantur vel ante materiæ seminalis decisionem, vel factâ iam illâ. Si hoc modo, non ineptè dici possunt, esse ratione essentia, non existentia, non, quia non in rerum natura extra causas existunt, sed quia non existunt in plenario informationis officio, antequam materia organa accipiat. Si illo modo considerentur, virtualiter intelligenda est locutio, quod sc. formis animalibus æquè insit virtus formatiua propagatiua, quàm sit in animalibus vis propagatiua corporum. Et sic illa opinio eadem est cum ea, quam in Te, Vir Excellentissime, D. Freitagius damnat. Et fortasse, quartò, idem cum illa sententia tua senserunt illi, qui statuerunt, esse in materia, antequam ad statum ultimæ perfectionis specificæ deducatur, aliquam entitatem, seu possibilitatem formæ, ex qua forma substantialis oriatur. Refert illam opinionem Murcia, p. 126. aitque, eam Aureolo tribui. Ean-

Dan. Senerti Tom. I.

dem refert etiam Suarez, l. add. è Durando, & Dominico Soto. Nec enim rectè intellexerunt, quid Autores per illam entitatem innuerint. Illud scil. ipsum, quod Clarissim. Dn. Sperlingius vocat actum entitatum, seu primam existentiam animæ in semine, à qua progreditur ad materiæ elaborationem, seseque in ipsa fabricata organa induit, sicque ab actu entitatum ad formalem completumque transit. Possemus alias disputationes, circa productionem formarum inter Thomistas & Scotistas moras, in medium producere, quibus asseueratio D. Freitagij euerteretur, si id necessarium existimarem. De Reformatis, uti vocantur, Theologis, quos Calvinianos distinctionis causa vocamus, non est etiam certum, ad vnum omnes educationem, non traductionem formarum animalium asseuerare. Videntur profectò omnes, qui negant, animas humanas originem habere per traductionem, eo ipso innuere voluisse, se, reliquas animas è traduce oriri, non negare, vindicare autem ab hoc originis modo animas. Nostrarum Ecclesiarum Theologis illa sententia rectè exposita non aduersatur, sed omnino perplacet, & concordat cum expositionibus earum, quas in meditatione benedictionis Diuinæ, ad multiplicationem animalium factæ, habent. Subsistimus ergo in vltiori deductione huius etiam secundi membri. Nam quod de decretis Ecclesiarum addit D. Freitagius, cum nos lateat, ubi illa decreta, siue Synodica, siue Symbolica, lateant, expectandum censemus, donec illa producat.

Tertium proinde & vltimum per se liquet iam, hanc E. T. & aliorum, siue Philosophorum, siue Medicorum, siue Theologorum, sententiam nullam in se continere hæresin. Neque qualiscunque consequentia hæretica ex aliquo dogmate deducta, ipsum dogma illicò facit hæreticum, sed necesse est, illam consequentiam certâ, immortâ, atque infallibili ratione cum antecedente dogmate connexam. Legimus quomodo Ethnicismi & Atheismi Freitagij Disputationem de formarum origine accusauerit Cl. Dn. M. Sperlingius. Atheismi quidem, quia formis particularibus potestatem sese multiplicandi, ac per illam multiplicationem species proprias conseruandi adimit, contra expressa Sac. literarum formalia: *Crescite & multiplicamini*. Vnde Sac. literarum infallibili auctoritati derogare videtur. Imò eo ipso, quo causis particularibus efficientia denegatur, monstra, aliàs naturæ ἀμαρτήματα dicta, ipsius Dei ἀμαρτήματα, non sine blasphemia, facit. Ethnicismi verò, quia, 1. th. 15. D. Freitagius ait, è materia prima generata esse primò elementa, & ex elementis mista, & ex mistis viuientia, &c. Ita rerum exordium esset factum per generationem, non per Creationem; non creata esset ab initio terra & aqua, sed ex materia prima per educationem ex eius potentia generata. Quod est contra Mosaicam originum descriptionem. Neque enim per cælum & terram materiam primam Aristotelicam intelligere villo modo fas est. Consulat Freitagius solum suos Dd. Zanchium & Pareum ad Genes. 1. 1. & melius de hoc negotio informabitur. Quanquam autem Ethnicismi & Atheismi aliqua species ex illis Freitagij verbis non incommode deducitur: benigniores tamen esse malumus, in Interpretatione istarum, quàm ut sententiam D. Freitagij Atheismi & Ethnicismi accusare velimus. Horamur eundem, ut pari benignitate versetur etiam in Tuæ sententiæ discussione. Videat, quâ modestiâ vsi sint Calvinianæ Ecclesiæ Dd. contra eos, qui animarum rationalium originem è traduce tuentur. Quamuis enim nonnulli ex illis satis sint importuni & feruidi contra doctrinam de traduce, Pareus eand. in Genes. Comm. pag. 308. eam, quomodocunque pingatur, nimis brutam & pecuinam statuatur, Riuetus

EEE e 2

etiam,

etiam, *exerc. in Genes. pag. 89* eam vix cum immortalitate animæ consistere posse censet: sunt tamen alij in eam sententiam æquiores. Timotheus Brightus, Cantabrigiænsis Angl. *Animadu. ad Physic. Adolph. Scribonij, pag. 18.* eandem omnibus modis probat. Eandem etiam amplectitur D. Georg. Sohnius. *Tom. 2. pag. 563.* Petrus Martyr, *loc. comm. class. 2. cap. 1. numer. 50. pag. 103.* ait, eandem non posse expugnari & euerri ex S. literis, Scholasticisque, cum hanc sententiam respuunt, physicis tantum rationibus vri. Iohan. Iacob. Grynæus, in *Psychol. Gocleny, pag. 82.* ait: *Esi autem nolim temerè pronunciare de re maxima, multoque minus sexagenarios quosdam de ponte precipitare; cum in hac parte doctrina homini modesto, & ἐν τοῖς λόγισμῶν versanti, liceat ἐπέχειν, donec confirmetur: fateor tamen, me in eam sententiam libentius descendere, quæ statuit, animas à Deo quotidie creari; cum argumentorum & testimoniorum, quæ adduxi, magna sit euentia. Sit tamen etiam hac in parte locus dicto Pauli: Spiritus Prophetarum Prophetis subiiciuntur.* Zanchius etiam, in *psychol. pag. 201.* falsam & erroneam eam censet, non autem hæreticam declaratam esse. Peucerus, in *Psychol. pag. 259.* non facit cum Zanchio, sed nostram sententiam tueri. Goclenius, *Psychol. pag. 378.* nostram sententiam solum dubiæ veritatis vocat. Andreas Hyperius etiam, *lib. 1. Method. Theol. p. 393.* eandem imitatur modestiam. Et Piscator, *q. in Genes. p. 27.* B. Keckemannus, in *System. Phys. pag. 489.* utramque sententiam putat conciliari posse. Ipse Bellarminus, *Tom. 4. Controu. de amiss. grat. & statu peccati, cap. 11.* qui aliàs in hæresibus confingendis satis promptus est, de animæ rationalis à traduce opinionem non vocat hæresin, sed exploratum errorem, talem tamen, ut ipse ait, contra quem fortasse nullus Scripturæ locus inuenietur; in quo perspicue doceatur, animas non fieri ex propagine, sed creari. Et licet Thomas Aquinas, *1. part. q. 118. art. 2.* disertis verbis dicatur vocare eam opinionem hæreticam; falsum tamen est ex inspectione textus, quod directè illam hæreseos damnet. Facit illud indirectè, & uti loquitur, idèd, quia ipsi v. sum est, ponere, animam intellectiuam à generante causari, nihil aliud esse, quam, ponere eam non subsistentem, & per consequens, corrumpi eam cum corpore; quod hæreticum est. Ipse Ocellus Patrum, Aur. Augustinus, animas humanas ex traduce esse, hæreticum pronunciare non audet, aiente Bened. Pererio, *Comm. in Genes. edit. Col. pag. 142. col. 2.* Vnde Bellarminus, *l. add. Sententiam,* inquit, *eorum, qui censent, latere originem animæ, neque esse aliquid temerè definendum, ad mortem usque habuit S. Augustinus, ut intelligi potest ex lib. 10. de genesi, item ex quatuor libris de Origine animæ, quos scripsit iam senex, & ideo scripsit, ut ostenderet, se de hac re non sine magna causa non audere certam proferre sententiam.* Rursus, in *epist. 28. ad Hieron. & ex Epist. 157. ad Optatum,* denique ex *lib. 2. Retractionum, cap. 56.* Sancti Augustini cunctationem secuti sunt S. Gregorius, in *Epist. ad Secundinum, quæ habetur in Registro epistolar. eius lib. 7. cap. 17.* Eucherius Lugdun in *Comment. l. Genes. cap. 2.* Neque desunt, qui in eadem dubitatione adhuc perscrutandum esse velint. *Hæc Bellarm.*

Si igitur in quæstione de Traditione animæ rationalis tanta modestia prudentiæque definiendi adhibita fuit, ut hæreseos inurendæ notam odiosissimam usurpare noluerint doctissimi variarum ætatum Theologi; quomodo decebit tam facilem esse, ad hæreseos infamiam affingendam, eum, qui in materia de origine animarum brutarum versatur? Et profectò mirari subit, cur Caluiniani ideo tantopere vereantur asseuerare, animam rationalem esse à traduce, & admirandâ Diuinæ benedictionis virtute animam ab anima per occultam multiplicationem quasi ac-

cendi & propagari, ne asseuerare simul cogantur earundem, ad instar brutalium animarum, mortalitatem, materialitatem, & corruptibilitatem: statuentum verò censet ex aduerso D. Freitagius, animam etiam brutorum non ex traduce esse, & interna multiplicandi diuinitus impressa virtute, ne statuere cogatur, illas animas esse immortales, immateriales, incorruptibiles, separabiles? Quæ enim ratio diuersitatis est, ob quam sequatur, si anima rationalis dicatur ex traduce esse, necessariò dicendum esse, eandem esse mortalem & materialem, inseparabilemque à materia; rursum verò sequatur, si animæ brutorum statuatur esse ex traduce, easdem non esse mortales, non esse materiales, non inseparabiles? Explicet illam quæso Literatorum orbi D. Freitagius, & licebit eius mysteria introspicere penitus, & videre hæreseos semina!

Denique illud D. Freitagius considerare debuisset, non illicò hæresin, contra dignitatem immortalitatis & æternitatis animarum rationalium pugnantem, introduci, si vel maximè consequentia illa concedatur, animas brutorum etiam esse separabiles, neque solutas à corporibus statim annihilari. Concessit illam consequentiam Clarissim. quondam Philosophus & Theolog. D. Iohan. Lippius, designatus Academicæ nostræ Professor, ut ex eius *Metaph.* exorsa patet, neque propterea concessit, animas brutorum esse immortales, æternas, beatas, &c. Propugnauit illam sententiam libertate quadam Philosophica apud magnos Viros, nunquam tamen propterea hæreseos fuit accusatus. Reuerendus plurimum, Præclarissimus, & Excellentissimus Vir, Dn. Iacob. Martini, Ss. Theol. Doctor & Professor apud Vos primarius, Arcis Templi Præpositus, Colleg. Theolog. Senior, Noster in Christo Frater & Amicus honoratissimus, cum adhuc cathedram Philosophicam ornasset incomparabili cum laude, hanc eius sententiam oppugnauit, *lib. 1. Partit. Metaph. f. 8. q. 8. pag. 365. & seqq.* neque tamen, ut hæreticam, eam sententiam perstrinxit, quia articulos religionis fideique nostræ Sanctæ nequaquam conuellere visa est.

Sed hæc de istis quæsitis T. Excellentie dicta sunt. In quibus si desiderio Tuo non satisfacimus, satisfaciendi tamen conatum ostendimus. Ponderauimus, quantum licuit, ea, quæ de isthoc quæstorum dissidio in manibus fuere nostris. Si non satis sumus assecuti, quod in isto naturæ accuratissimo scrutinio Tuo sentis, futuri tamen sumus audissimi atque paratissimi, per Te scire vltèrius ea, quæ Te nemo vberius explicare potest. Obligabis nos Tibi penitissimè, Vir Eminentissime, si senserimus, Te intelligere, nos Tuum in nos amorem facere maximi. Ita sanè penetrare cordium nostrorum possides, ut, quæ vota pro orbis calamitosi, & sua bona malæque neque agnoscantis, neque sentientis fundimus, salute, quibus optimos meritisque publicæ salutisque virtutisque vindices Deo Optim. Maxim. consecramus, Te inuoluant, extollant, ostendent. Viue, valèque diu, bene, feliciter, Deo, Orbi, Academicæ, Nobis. Dab. Argentorati XXIV. Innij, A. O. R. M. DC. XXXVI.

T. E.

toto animo
addicti

Decanus, Senior, Doctores
& Professores Collegij
Theologici in Acad.
Argentorat.

Responsio

*Responsio Facultatis Theologicae
in Academia*

ALTDORPHINA.

Collegium

*Facultatis Theologicae in vniuersitate Altdor-
phina Excellentissimo Dn.D.Danieli Senner-
to, Medico Celeberrimo, & P.P. apud VVitte-
bergenses salutem & officia:*

TArdius forsitan, quàm existimabas, Excellentis-
sime Dn.Doctor, Amice honoratissime, ad tua
litteras respondemus: Speramus tamen, Te istam
tarditatem temporum iniuriæ magis, quàm nobis,
imputaturum esse, quâ sæpe fit, vt literæ nec tutò
hinc inde transmitti, nec sit, cui semper transmitti
possint. Caterùm tempestate paululum defæuiente,
vltèrius neque responsum suspendere, neque obla-
tam occasionem negligere voluimus; rem ipsam
rectà accessuri, & ad propositum *ζητημα* de formis
Brutorum paucis mentem nostram explicatum. Est
sententia Peripateticorum communis, cui etiam
Scaliger astipulari videtur, *Exerc.6. sect.2.* omnes
substantiales formas, iuxta hominis animam esse
materiales, hoc est, è potentia præiacentis materiæ
educi, & ab ea dependere in fieri, esse, & operari.
Vnde rectissimè etiam de animabus brutorum ani-
malium dicitur, quia sine suorum subiectorum ad-
miniculo nec effici, nec subsistere possunt, quòd
ex eorum potentiis, naturalium causarum efficaci-
tate, educantur, atque sic ab eis dependeant in fieri,
esse, & operari. Dices, sequi hinc crassam opinio-
nem: bruta animalia & secundum corpus & secun-
dum animam ex elementis constare, & consequen-
ter, non esse alterius naturæ, quàm elementaris;
cùm tamen ab initio sint creatæ à Deo ex nihilo.
Resp.I.Hanc opinionem, bruta animalia etiã secun-
dum animam ex elementis constare, quam D. Frei-
tagius *th. 115.* defendit, vt per se satis crassa est, ita ex
Aristotelis sententia nullo modo sequi; cùm longè
sint diuersissima, è potentia materiæ educi, & con-
stare seu prodire ex elementis. Hoc mixtorum cor-
porum est: illud tantùm simplicis substantialis for-
mæ. Hæc simplex principium dicitur ab Aristote-
le, *7. Metaph.* & in *Physicis* passim. Ergo quem-
admodum in nulla alia principia potest resolui, sic
etiam ex nullis aliis est composita. 2. esse aliquid
elementaris naturæ, dupliciter dicitur, I. quia ex
elementari materia constat, & sic negamus, vt li-
quet ex dictis, animas brutorum animalium esse
naturæ elementaris, contra Freitagium, Vel, II.
quia non est de nouo creatum ex nihilo, sed suum
esse accepit in natura ex aliquo præsupposito, & sic
affirmamus. Manifestum enim est, animas brutorum
hodie de nouo non creari, quia hinc, I. sequeretur,
eas per se subsistere, & à materia non pendere, &
consequenter immortales esse, quod est absurdum.
Nam Creatio est tantùm rerum per se subsistentium
& independentium à Materia. Vnde rectè quoque
colligitur, nec in prima Creatione illas immediatè
à Deo ex nihilo creatas esse, sed potiùs omnipo-
tente ipsius verbo ex potentia aqueæ & terreæ ma-
teriæ, de qua, *Gen.1. vers.20.21.24.* educatas ac con-
creatas, quoniam statim fuere formæ actuantes in
animalibus. Quemadmodum adhuc hodie non
possunt dici generari, licet per generationē ex sub-
iecti potentia educantur, & in actum completum
deducantur. Illud enim propriè generari dicitur,
cuius sunt generationis principia, *7. Metaph. c. 22.*

Van. Sennerti Tom. 1.

Atqui nulla bruti anima, seu nulla materialis for-
ma, habet generationis principia, cum ipsa sit prin-
cipium & causa, per quam compositum actuatur,
perfectionēque & pulchritudinē adipiscitur. Poti-
ùs igitur congenerari & consecutiuè fieri talem
formam, affirmandum erit.

Si animæ brutorum etiamnum hodie crearentur
ex nihilo, dicendum esset, causas secundas eorum
productionem non attingere; quod falsum esse, re-
cta ratio comprobat. Vt taceam, assertionem hanc
esse contra Dei institutum, & virtutem benedictio-
nis primæ, qua adhuc hodie quoduis animal aliud
sui simile tam secundum animam, quàm secundum
corpus gignendo producit. Nec affirmari potest,
Deum creare animas brutorum ipsis mediantibus;
cùm virtus creatiua nulli creaturæ possit competere,
quoniam ad eam requiritur potestas infinita, quam
solus sibi Deus reseruauit. Manet igitur, animas
brutorum, vt hodie suum esse non accipiunt ex purè
nihilo, sic etiam nec in prima Creatione accepisse;
sed ex quodam præsupposito, quod Peripateticis di-
citur potentia materiæ vel subiecti, quæ ab initio
nihil aliud fuit, & adhuc semper nihil aliud est,
quàm eius propensio & inclinatio ad hanc vel illam
formam. Quæ forma multiplex cùm etiam in poten-
tia primi subiecti passiuæ præcesserit, per miraculosam
Dei actionem ex illa fuit educta, actumque essendi
completum in variis animalium speciebus accepit.

Verbum *וְיָצַא* quod attinet, neque hoc satis fir-
miter probat, animas brutorum ab initio è nihilo
conditas esse. Siue enim veritas, exire fecit, siue pro-
duxit, seu protulit, quæ significationes posteriores
leguntur *Gen.14.v.18. Deut.22.v.19.* hoc tamen sem-
per nobis manet certissimum, Deum, *Gen.1.v.24.* ter-
ram alloqui vt materiam futuri operis, quod fue-
runt animantia omnis generis. Hinc expresse, *c.2.
v.19.* dicitur, Deum omnem bestiam agri formasse
è terra. Hæc sunt, quæ in mentem venerunt de pro-
posita quæstione, quæ non agit de fide, ac proinde
neque aientem, neque negantem hæresi potest red-
dere obnoxium: si tamen ritè eam decidimus, est,
de quo nobis gratulemur; sin secùs, monitionem
patiemur à quibus auribus, paratque erimus cedere, &
meliora docenti vltro herbam porrigere. Quibus T.
E. diuinæ protectioni, Nôsq̃ ipsius fauori animitus
commendamus. Altdorphi, 1. Iulij, Anno 1636.

CONCLUSIO.

HAberis ita, Lectores Beneuoli, de Quæstio-
nibus propositis Reuerendorum & Clarissi-
morum Theologorum ac Professorum in aliquot
Germaniæ Academiis (ita secundum antiquita-
tem earum locatis) sententiam. Potuissem equi-
dem plurium iudicium exquirere; Verùm cùm vi-
derem, me vno ore à crimine hæreseos & blasphem-
iæ à D. Freitagio mihi intentato ab istis absolui,
pluribus, præsertim in turbulento isto Germaniæ
statu, molestus esse nolui. Inprimis verò Theolo-
gorum in nostra hac Vvittebergensi Academia
sententiam expetendam non putaui, ne quis su-
spicari posset, eos Collegæ & Amico aliquid de-
disse. Intelligetis verò ex hisce ad Quæstiones meas
Responsionibus, me communi Doctissimorum isto-
rum Virorum voto à crimine hæreseos & blasphem-
iæ absolui. Etsi enim mihi optimè conscius fui, me
taliū criminū & errorum mihi imputatorum reum
nunquā fuisse: tamen, posteaquam interno conscien-
tiæ testimonio externum hoc Bonorum & Doctis-
simorum Virorum accessit, in mea sententia eò magis
confirmor. Quæ, qualis sit, licet è scriptis meis, &
Quæstionibus propositis satis clarè pateat: vnum at-
que alterum tamen declarationis gratia addere libet.
Principiò animæ humanæ prærogatiuæ nūquā quic-

EEEe 3

quam

quam detractum volui, neque eam unquam cum brutorum animabus in eandem classē collocaui. Etsi verò animas brutorum è nihilo à Deo creatas, nec elementaris Originis, vel naturæ esse dixi: tamen prærogatiuæ & dignitatī animæ humanæ hoc modo nihil detrahitur. Deus etiam elementa primitus è nihilo creauit, nec tamen illa dignitate animæ humanæ æqualia sunt; imò Deus totum Mundū è nihilo creauit: nec tamen omnes eius partes eiusdem dignitatis sunt, sed Deus singula, qualia voluit, pro liberima voluntate & sapientia sua creauit. Deinde notandum, minùs candidè verba S. S. scripturæ allegare Freitagium. Nam vt *πλαύκωμαι* aliorum oculis offundat, ita allegat verba Moysis: *Producat terra, producat aqua, animam viuientem*: aitque, disertè hîc asseri, animas brutorum ex elementari materia productas & ortas. Verum non ita verba Moysis sese habent, sed hoc modo, v. 11. *Germinet terra herbam virentem*, v. 12. *Protulit terra herbam virentem*, v. 20. *Producat aqua reptile anima viuentis*, &c. Quamuis verò, v. 24. dicatur: *Producat terra animam viuentem in genere suo*: tamen, vt Lipsienses, Basileenses, & omnes saniores Theologi explicant, *συνεδοχικῶς* pro animali viuente id accipiendum; vnde in ipso textu statim subiungitur: *iumenta & reptilia, & bestias terre*. Terriò, quocunque autem modo verba illa accipiantur, nunquam tamen inde demonstrabit Freitagius, animas brutorum & plantarum esse simpliciter elementares, & non nobilioris naturæ. Etenim etsi verba illa: *Germinet, reptificet, producat*, actiua & imperatiua sunt: inde tamen nullo modo sequitur, elementa dedisse plantis & brutis non solum corpora, sed & animas: sed creationis opus describitur, sicut ante & post hos Imperatiuos expressè habetur, *Deum creasse has species*. Non creasset autem, si naturaliter è potentia materiæ, tales formas desiderantis, eductæ fuissent formæ istæ. Neque enim terra & aqua, quæ prius creata sunt, quàm viuentia formas plantarum & brutorum ex se, & antequam Deus plantas & animalia crearet, habuerunt, sed variis formis demum immediata Dei operatione imprægnatæ fuerunt; quæ imprægnatio è materia causali non fluxit, utpote quæ ad tale quid producendum ex se planè indisposita fuit, sed respectu immediatæ Dei virtutis merè passiue sese habuit. Atque hoc est, quod in quæstionibus quæsiui; an terra & aqua materiam plantis & animalibus etiam secundum animas dederit, an verò subiectum saltem fuerint, in quibus Deus plantas & animalia bruta perfectæ produxerit, dando scilicet iis corpora ex elementis, animam verò, partem eorum præcipuam, è nihilo faciendo. Creata sunt enim reuera animalia & plantæ, si non creatione prima, tamen creatione secunda: ex præiacente quidem materia, quæ tamen ex se planè indisposita fuit ad animas earum producendas, & eas immediatè à Deo accepit. Terra nimirum & aqua non sua vi plantas & bruta animalia produxerunt, sed ex iis ea creauit Deus. Et dum terram & aquam non materiam eorum, sed subiectum esse dixi, id simpliciter de animabus intelligendum. Plantarum verò & animalium corpora ex elementis constare, nunquam negaui; sed corpora dico plantarum & brutorum, non animas. Has enim ex nihilo tum creatas diuina virtute, & corporibus ex elementis factis & constantibus vna operatione inditas fuisse existimo. Sunt enim animæ brutorum natura quinta, longè aliæ à natura elementorum, & oppositè se habent ad materiam. Et licet *ἄν* non solum egressum & motum localem, sed & participationem materiæ à re aliqua interdum significat: tamen in historia Creationis, cum de plantis, & brutis animalibus ea vox usurpatur, illud saltem de corporibus eorum, non verò de animabus accipiendum est, utpote quæ non sunt ex elementis, sed quinta essentia, elementis superaddita. Neque etiam elementa causæ efficiens

animarum brutalium fuerunt, & vim actiuam habuerunt, quæ vni Deo Creatori adscribenda. Interim viuentia, etiam secundum corpora, è terra & aqua, vt subiecto, prodixisse, suo modo verè dici potest. Etsi enim plantarum & animalium corpora ex elementis constant: tamen non solum ex terra & aqua constant, sed omnibus quatuor elementis. Postquam verò plantæ, elementaribus corporibus, & suis animabus constantes, in terra, pisces verò, sua elementaria corpora & animas habentes, in aquis creati à Deo fuerunt; rectè dicitur, terram & aquam, vt subiectum & matrem, ista viuentia produxisse. Sicut enim vterus fœtui non dat animam, sed locum saltem eius formationi concedit, & animæ à parentibus cum semine communicatæ materiam ad fœtus formationem supeditat: ita aqua & terra brutis non dedit animas, sed ea à Creatore ad sui constitutionem eas acceperunt, & ita Deo & animas largiente, & materiam ex elementis tribuente, vnica operatione bruta integra, corpore & anima constantia, è terra & aqua prodierunt, & ita ex elementis numero paucis, animabus verò numero multis plantæ & varia animalia condita sunt. Id quod Franc. Iunius, in præf. in Genes. cap. 1. clarissimè explicat. Nam de Aquatilibus ita scribit: *Quantumuis alia elementa suas partes contulerint ad earum generationem & constitutionem: aqua tamen hoc in loco, tanquam mater, vtero suo profundens hanc speciem intelligenda est*. Et de animalibus terrenis scribit: *Ortum eorum esse à Deo, tanquam summa & primaria causæ efficiens, ab elementis, tanquam materiali, à terra denique tanquam Matre, qua vtero species has profuderit. Quam rem optimè explicauit Moses, emittendi verbo, vt terram instrumentalem causam, non materiale saltem esse ostenderet*. Quamuis verò Franc. Iunius elementa materiale etiam causam plantarum & animalium nominat, neque in eo ab ipso dissentio, atque viuentia à Deo non creatione prima, quam dicunt, sed ex quadam præexistente materia, quam creationem secundam nominant, creata esse non nego: tamen, dum dicitur, plantas & animalia ex elementis facta esse; id saltem de corporibus eorum intelligendum, non de animabus, quæ non sunt corporæ. Cum enim plantæ & animalia reuera à Deo creata sint, elementa verò ex se nullam habilitatem habeant, vt sint & fiant plantæ & animalia, atque ita respectu rei, quæ ex iis facta fuit, fuerint nihil: nullo modo licet inde concludere, quòd, licet plantæ & animalia ex elementis facta sint, etiam animas suas ex iis acceperint; sed statuendum, quòd Dei virtute ex re vira experte, & per se ad vitam recipiendam indisposita, eas adepta sint. Id quod omnino Diuinis literis consentaneum, quæ plantas & bruta à Deo creata & facta esse docent. At verò in omni Creatione aliquid è nihilo producitur, etià in secunda, quæ dicitur. Nam quod indisposita materiæ deest ex sua natura, Deus sua omnipotentia supplet, & ex nihilo addit. Ideoque cum, quādo pisces & animalia reliqua creauit Deus, elementa iam antea fuerunt creata & præsentia, necesse est, vt tum animæ eorum ex nihilo à Deo creatæ, elementis, aut corporibus ex elementis compositis inditæ fuerint. Vnde sequitur, sicut in prima creatione brutorum formæ alterius fuerunt, quàm elementaris naturæ, licet elementis coniunctæ: ita etiam nunc in generatione cum semine quidem & corpore propagari, alterius tamen, quàm elementaris naturæ esse.



INDEX RERVM ET VERBORVM, TOMI PRIMI.

A

A B D I T A causa morbi quæ res sint, 344
non est idem causæ genus cum interna
& antecedente causâ. 342
Abdominis, vulnerati futura. 653
Abluentia medicamenta an sint exhibenda post
sumpta medicamenta purgantia. 701
Abortus quas causas habeat. 403
Abortus, quomodo præcaueatur. 600
Abscessus quid significet. 544
Abscessus criticus quibus indiciis agnoscat, 566.
bonus aut malus quis sit, 544. quæ signa ha-
beat, 567. quo in loco sit futurus quomodo co-
gnoscat. 569
Abscessuum apertio. 656
Absinthium. 102
Absinthij spiritus, 754. cordialis. 760
Abstergentes clysteres. 835
Abstinentia diuturnæ causâ. 393
Absurda quæ sequuntur opinionem de educatione
formarum è potentia materiæ. 172
Acari quid. 162
Accretionis definitio, 91. eius conditiones. *ibid.*
Acetosa. 100
Accidens an possit producere substantiam. 14
Aceruus, quænam in Medicina dispense. 747
Acetabulum, qualis sit in medicina mensura. 751
Acetum destillatum, 762. radicum quod appel-
lent, *ibid.* medicatum, 787. florum liliorum con-
uallium. *ibid.*
Acetosæ aqua composita. 758
Acidæ pituita quæ dicatur, 349. quas causas ha-
beat. *ibid.*
Acipenser, piscis qualis cibus sit. 591
In *Actum* deduci medicamentum, quid sit se-
cundum Zabarellam, 617. quid secundum
Mercurialem, & Schegkium. *ibid.*
Acorus verus. 97
Actio differt ab effectione. 3
Actio inter similia qualis. 52
Actio mouentis, & passio mobilis vnicus motus, 27.
sunt in vno subiecto. *ibid.*
Actiones voluntati subiectæ sunt triplices. 3
Actio aucta quæ dicatur, 544. quomodo differat à
deprauata. *ibid.*
Actio qualibet peculiari organo opus habet. 326.
quomodo lædatur ob errorem externum. 373
Actiones læsæ quas differentias habeant, 375. quas
causas habeant, 373. quos morbos indicent, 518.
quomodo locum affectum monstrent, 520. dan-
tur tales, quæ à nullo morbo vulgo noto proue-
niunt. 321
Actionum frustrationes an symptomata sint. 373
Actus quid, 26. duplex. *ibid.*

Acutus morbus, 336. quot modis dicatur.
337. quotuplex sit, *ibid.* an omnis febrem
coniunctam habeat, 336. quæ signa habeat.
519.
Acutus morbus quem victum postulet. 743
Adamas. 84
Adiantum. 96
Adolescentia, 271. quale temperamentum obtineat.
ibid.
Adolescentia, qualem diætam obseruare debeat.
601
Adscitij seu aduentitij morbi. 335
Adstringentes clysteres. 835
Adstringentia medicamenta. 621. 629. 631
Aduentia medicamenta. 622
Adusti humores morbi causâ. 355
Aër quem locum occupet, 48. eius tres regio-
nes, *ibid.* est summe & primò humidus & cali-
dus. 51
Aër quomodo sit causâ morbi, 345. quis pestilens,
ibid. quomodo morbos malignos & venenatos
generet. 366
Aër implantatus auri, 303. quam sedem habeat,
ibid. quem vsum, *ibid.* quæ vitia patiatur,
410.
Aër, quot modis corpus nostrum afficiat, 576. à
quibus causis mutetur, 577. optimus quis sit,
ibid. vitiosus, *ibid.* qualis ad sanitatem
tuendam commodus, 598. quomodo sit tem-
perandus, 599. qualis senibus conueniat, 610.
quid faciat ad indicationes, 688. quomodo pur-
gationem variet, 698. quomodo considerandus
in venæ sectione. 719
Ægri quanam sint. 262
Ægri anxietas quid præfagiat. 535
Ægroti facies quid præfagiat. 545
Ægyptiorum, extrahendi calculos ratio. 678. 735
Æruginosa bilis. 350
Æs. 87
Æschinomene. 118
Æstas est causâ morborum, 345. quos morbos
causserit. 335
Æstas, quam temperiem habeat. 578
Ætas quotuplex sit, 271. quomodo vna ab altera
discernatur, *ibid.* quale temperamentum quæ-
que habeat, *ibid.* quibus morbis obnoxia sit,
334. consistens seu virilis qualis sit. 271
Ætas, quid ad indicationes conducatur, 686. qua-
tenus in purgationibus spectanda sit, 697. quo-
modo venæ sectionem permittat vel prohibeat,
718. media qualem diætam requirat. 602
Æternitas quid, 25. eius proprietates. *ibid.*
Ætites. 84
Æuum differt à tempore & æternitate. 25
Affectus animi, cor in primis attentant. 595
Quâ ratione temperandi sint ad sanitatem tuen-
dam. *ibid.*
Quales

Index Rerum,

Quales conueniant mediæ ætati, 608. quales senibus.	610	<i>Amentia</i> qualis affectus sit, 382. quas causas habeat.	419
Affectus præternaturales, quomodo sint causa compositionis medicamentorum.	445	<i>Amia</i> piscis qualem cibum suppeditet.	591
Affectus præternaturales non omnes ex vrinæ inspectione cognoscuntur.	492	<i>Ammoniæ</i> salis spiritus. 793. sublimatio.	822
Affectus animi, quomodo morborum causæ, 346. vrinam mutant, 490. pulsum variant.	511	<i>Amnios</i> membrana.	294
Affectus permanens, quis.	349	<i>Amor</i> insanus, 384. ex quibus causis fiat. 425. an philtis induci possit.	ibid.
<i>Agaricum</i> , quale sit medicamentum purgans, 639. quæ eius dosis.	762	<i>Amphibia</i> .	119
<i>Agaricus</i> .	96	<i>Amphora</i> qualis sit mensura.	751
<i>Agentia</i> à tota substantia quæ sint, 319. an morbos vulgo notos inducant.	ibid.	<i>Amygdala</i> quale sint edulium.	585
<i>Agrina</i> caro, quale præbeat alimentum.	588	<i>Amerhytus</i> .	85
<i>Agrimonia</i> .	101	<i>Amiantus</i> .	84
<i>Alarum</i> fœtor.	445	<i>Anacollemata</i> .	847
<i>Alanda</i> , qualis sit cibus.	589	<i>Α'ναθρεψις</i> quid sit.	737
<i>Alberti</i> sententia de λογικῶν πασικῶν, 174. Schegkij. ib.	405	<i>Αναληπτική</i> pars Medicinæ.	599
<i>Albugo</i> vitium visus.	103	<i>Analogismus</i> .	682
<i>Alchimilla</i> .	ibid.	<i>Anas</i> qualem cibum præbeat.	589
<i>Alexipharmaca</i> quæ medicamenta sint, 643. communia, ibid. singulis venenis propria.	157	<i>Αναστροφῆς</i> .	309
<i>Alexipharmacorum</i> qualitates.	639	<i>Αναστροφῆς</i> causæ.	369
<i>Albandal</i> trochisci quale sint purgans medicamentum.	579	<i>Αναστροφικὰ</i> medicamenta.	630
<i>Alica</i> quale det nutrimentum.	274. proximum corporis nostri an solus sanguis sit, 288. vitiosum causæ morborum, 354. temperatum est optimum, 355. quomodo atrophie causæ fiat.	<i>Anemone</i> .	98
<i>Alimentorum</i> occulta qualitas.	157	<i>Ανευρύσματος</i> sectio.	658
<i>Alimentum</i> quid, 179. vnde sumatur, & quas differentias habeat, ibid. temperatum raro datur, 741. medicamentosum quodnam sit, 579. 617. sennæ quali conueniat.	610	<i>Anethum</i> .	102
<i>Alkekengi</i> .	99	<i>Angeli</i> in loco sunt definiti.	20
<i>Allium</i> qualis sit cibus.	582	<i>Angelica</i> .	102
<i>Aloe</i> .	101	<i>Angelicæ</i> Pilulæ, 833. quomodo fiant.	834
<i>Aloe</i> an omnibus ad sanitatem tuendam utilis, 613. quale purgans medicamentum sit, 638. quæ eius dosis, 762. quomodo lauanda sit.	765	<i>Anguilla</i> ortus.	236
<i>Alteratio</i> quid.	159	<i>Anguilla</i> sexum non habent.	239
<i>Alterantia</i> medicamenta, 621. quam dosin habeant, 751. 753. composita cuius dosis sint, quomodo indagandum.	753	<i>Anguilla</i> quale alimentum suggerat.	591
<i>Alterantia</i> decocta.	777	<i>Ani</i> prolapsi repositio, 652. occlusi apertio.	657
<i>Alteratrix</i> facultas.	294	<i>Anima</i> ab astris non afficitur immediate.	36
<i>Aluminis</i> vires, 76. eiusdem genera.	ibid.	<i>Anima</i> duplici respectu potest considerari, 121. Est operationum causæ, 88. definitur, ibid. eius tres species distinctæ, ibid. tantum vna in vno viuente reperitur, ibid. an tota in toto corpore, & qualibet parte tota, 89. Rationalis est forma hominis informans, 121. non est vna numero in omnibus hominibus, ibid. est immortalis, ibid. est immista, 122. eius operation. inorganica, ibid. in duas distribuitur facultates, ibid. Sentiens non est specifica forma vllius animalis, 104. eius facultates, ibid. Vegetans definitur, 91. eius tres facultates, ibid. non constituit speciem plantæ.	91
<i>Aluus</i> suppressa quas causas habeat.	398	<i>Animæ</i> an fiant, 169. de animæ origine in genere disquirendum.	ibid.
<i>Alui</i> excrementa quomodo bene vel malè se habeant, 391. fluida vnde fiant, 446. dura vnde, ibid. calida, frigida, acris, fœtida, albicantia vnde, ibid. flaua, virentia, rubentia, nigricantia, spumosa vnde, ibid. rubra quoduplicia sint, 541. excreta cum nigro sanguine, humore melancholico & atra bile si sint, quomodo illa inter se dignoscenda, 541. an sint inter signa communia numeranda, 528. quid præfagiant, vel significant.	540	<i>Animæ</i> potius multiplicantur quàm fiunt.	169
<i>Alui</i> excretionis criticæ signa.	568	<i>Animæ</i> an sint à Deo vel à calo, ibid. & 170. Fernelij sententia, ibid. argumenta.	ibid.
<i>Aluminis</i> calcinatio.	762	<i>Animæ</i> an educantur è potentia materiæ.	171
<i>Aluus</i> laxior multos morbos præcauet, 589. quomodo laxanda,	610. 611	<i>Animæ</i> facultates, vide Facultates.	
<i>Alui</i> excrementa quomodo sanitatem vel conseruent vel immutent, 597. fluxus curatio.	740	<i>Anima</i> quæ sit in semine.	177
<i>Aluo</i> injecta an nutrant.	744	<i>Animæ</i> coëxtenduntur suo corpori, 182. quomodo. ibid.	
<i>Aluum</i> emollientia medicamenta.	594	<i>Anima</i> quomodo sese multiplicet, 182. an sit diuisibilis, ibid. negatur.	187
<i>Amalgamatio</i> .	763	<i>Anima</i> an moueatur.	183
<i>Amarum</i> non est causa salsedinis.	314	<i>Animæ</i> naturæ declaratio.	ibid.
<i>Αμαύρωσις</i> .	379	<i>Anima</i> per se non est quanta, corpus replet, est indiuisibilis, corpori coëxtenditur.	ibid.
<i>Αμβλυπία</i> .	ibid.	<i>Anima</i> corpus suum replet, ibid. quomodo sit multiplicabilis, ibid. propriè non diuiditur, ibid. animæ extensio duplex, ibid. 184. propagationis animæ modi varij, ibid. multiplicatur in proprio subiecto.	ibid.
<i>Ambra</i> liquida species petrolei.	78	<i>Anima</i> humana si per traducem propagatur an ideò sit mortalis.	206
<i>Ambra</i> odorata.	ibid.	<i>Anima</i> humana an ex se sit immortalis.	ibid.
		<i>Animæ</i> vnde vim sese multiplicandi habeant.	184
		<i>Anima</i> duobus modis inest.	185
		<i>Anima</i> an non possit esse nisi in corpore organico.	185
		<i>Anima</i> est in partibus quatenus similes.	ibid.
		<i>Anima</i>	

& Verborum.

Anima est primum agens in semine, 187. an mi-
 gret de subiecto in subiectum. ibid.
 Anima in conformatione corporis spiritu utitur.
 188
 Animarum coniunctio absurda est. 192
 Anima est corporis animalis conformationis causa.
 194
 Animam in semine esse formationis causam proba-
 tur. ibid.
 Animæ actio communissima quæ, 196. an animæ
 vniantur, ibid. animæ organa an introductionem
 præstare debeant, 195. brutorum non educuntur
 è potentia materiæ. 201
 Anima humana cum semine propagatur in liberos,
 197. initio conceptionis statim adest, ibid. 198.
 non educitur è potentia materiæ. 197
 Animæ humanæ nobilitas cum traduce constare po-
 test. 201
 Animæ an sint plures in homine, 202. ab vna ani-
 ma plures fluunt facultates & actiones, ibid. &
 204. in anima humana nihil corruptibile est, 204.
 anima non statim ab exortu omnes operationes
 simul propaget, ibid. ab vna anima sit fœtus con-
 formatio. 205
 Anima humana an cum actionibus corporeis parti-
 cipet. ibid.
 Animæ brutorum non educuntur è potentia mate-
 riæ. 206
 Anima humana si per traducem propagatur, an ideo
 sit mortalis. 206
 Anima est efficiens sponte ortorum. 215
 Anima generationis spontaneæ causa vnde proue-
 niat. ibid.
 Anima quot modis in materia esse possit. 216
 Animæ actus duplex. ibid.
 Animæ operatio duplex. ibid.
 Anima potest esse in materia, vt eam non informer,
 ibid. quomodo omnia animarum plena sint. ibid.
 Anima duobus modis in materia est. ibid.
 Animarum omnia plena. 216
 Anima quid sit, 283. quodnam instrumentum ha-
 beat. 274
 Quas facultates obtineat. 280
 Est in semine. 292
 Et quidem actu. 293
 Quas operationes in semine edat. 299
 Est formationis causa. 293
 Non est planè ἀλλοτρίη. ibid.
 Est domicilij sui architecta. ibid.
 Materna non est formationis causa. 294
 Sentiens. 299
 Animæ bestiarum non sunt immortales. 221
 Animæ brutorum mortales. 828
 Animalcula etiam minima ad mundi perfectionem
 pertinent. 211
 Animalia alia aliis sensibus magis, vel minus va-
 lent, 116. alia imperfecta, alia perfecta. 118
 Animalium differentia secundum facultatem vege-
 tantem, 116. sentientem, ibid. locomotiuam,
 117. partes, ibid. locum vitæ, ibid. actiones &
 mores, 118. escam, ibid. vocem. ibid.
 Animalia an quædam in igne viuant. 117
 Animalium generatio duplex. 192
 Animalium semen est animatum. 192. 193
 Animalia an ex imperfecte mixtis nascantur. 220
 Animalia sponte nascentia. 233
 Animalia sponte nata generant. 216. & 234
 Animalia è niue. 229. & 234
 Animalia cum pluuiis delapsa. 235
 Animalia non generantur in aëre. ibid.
 Animalia in aquis nata. ibid.
 Animalium in aquis generatio varia. ibid.
 Animalia nata è terra. 236

Animalium è vincentibus plantis quadruplex ortus,
 primus, 239. secundus & tertius, ibid. quartus,
 239
 Animalia è plantis aridis, 239. eorum generationis
 modi secundum Licetum, 238. primus, ibid. se-
 cundus, tertius & quartus. 239
 Animalia è plantarum succis. ibid.
 Animalia quædam sine coitu generantur. ibid.
 Animalium sine sexu generatio non est spontanea.
 ibid.
 Animalium sponte natorum triplex ortus. ibid.
 Animalium in animalibus generationis triplex mo-
 dus secundum Licetum. 240
 Animalia ex animalium incrementis. ibid.
 Animalia ex animalium cadaueribus eiusdem spe-
 ciei. ibid.
 Animalia quædam mortua reuiuiscunt. 241
 Animalia diuersæ speciei è cadaueribus animalium.
 ibid.
 Animales actiones læsæ quid indicent, vel præfagiant.
 533
 Animalis cibum corpori nostro maximè familiare
 præbent. 585
 Animi affectus, cor imprimis attentant, 595. quæ ra-
 tione temperandi sint ad sanitatem tuendam,
 599. quales conueniant mediæ ætati, ibid. quales
 senibus. 610
 Animi affectus, vide Affectus.
 Animatum non potest causam habere rem inanima-
 tam, 292. quem in modum propagetur. 293
 Anisum. 102. 103
 Anni tempora quomodo à naturali statu declinent.
 345
 Quatenus morborum causæ fiant, ibid. quomo-
 dō vrinas mutent, 489. quomodo pulvis va-
 riant, 509. quæ ratione tempora morbi indi-
 cent. 529
 Anni tempora quas aëris mutationes secum impor-
 tent, 577. quomodo locum per quem purgatio
 fieri debeat, monstrent. 675
 Anodyna medicamenta. 630
 A' voia quid. 382
 Anser quale alimentum subministret. 589
 Anseres Scoticæ, 239. de eorum ortu variæ senten-
 tiæ, ibid. Turneri sententia, ibid. Hectoris Boë-
 tij sententia, 240. Iulij Cæsaris Scaligeri narra-
 tio, ibid. Petri Penæ & Matthiæ Lobelij, ibid.
 Michaelis Meieri, ibid. Caroli Clusij. 241. Vera
 sententia. ibid.
 Anserum Scoticorum generatio. ibid.
 Antecedens causa morbi. 342
 Quibus in morbis reperiatur, ibid. cum interna
 & abdita non eadem est. ibid.
 Cum continente cur à nonnullis confundatur. 343
 Antiepilepticus spiritus. 794. 816
 Anticipatio paroxysmorum quid significet. 529
 Antimonium. 80
 Antimonium quale sit purgans, 640. an conueniat
 in peste, 670. quæ eius dosis. 753
 Antimonij butyrum, 820. flores, 826. correcti, ibid.
 cinnabaris, 822. vitrum, 826. correctum, ibid.
 auratum, ibid. succinum, ibid. Regulus, 827.
 sulphur fixum, ibid. auratum, 818. crocus. ibid.
 Antimonij calcinatio. 702
 Antimoniales pilulæ. 820
 Antimonium fixum, seu diaforeticum, 827. tartari-
 satum. ibid.
 Αὐτόπαξις viscerum. 464
 Antony Ponce sententia de instrumento separato,
 175. refutatio eius. ibid.
 Anxietas agri quid præfagiat. 535
 Aporetia medicamenta. 630
 Α' ποκίνωσις. 734

Index Rerum,

<i>Apes.</i>	118	<i>Argentum.</i>	87
<i>Απεψία</i> , 376. quibus à causis fiat.	395	Argentum vitium,	ibid.
<i>Ασπεία</i> quid, 387. quas causas habeat, 435. quæ portendat vel significet.	537	Argenti calcinatio. 762. tinctura, 806. magisterium,	816
<i>Αποφλεγματισμοί</i> , 837. modus apophlegmatismo- rum, ibid. quibus non vsurpandi.	712	<i>Argilla.</i>	75
<i>Αποφλεγματισόντα</i> medicamenta, 643. 712. quibus non vsurpanda.	ibid.	<i>Argumentorum</i> , quæ contra animæ in semine ani- malium præsentiam obiciuntur, refutatio.	195
<i>Apoplexia</i> quale sit symptoma, 388. à quibus causis fiat, 439. sanguinea quid, 441. an obstructis ventriculis cerebri fiat, 440. an à vapore fieri possit.	441	<i>Aristolochia.</i>	103
<i>Αποπληκτική</i> aqua destillata.	794	<i>Aristotelis</i> laus.	25
<i>Αποπληκτικόν</i> balsamum.	840	Aristoteles statuit semen animatum esse:	177
<i>Αποπληκτικόν</i> quid.	332	Aristotelis loca, quibus docet, omnia ab agente vniuoco generari.	215
<i>Appellationes</i> rerum ineptæ & barbaræ fugiendæ.	776	<i>Armeniaca</i> mala quale sint edulium.	584
<i>Appetitus</i> quid, 213. eius obiectum.	ibid.	<i>Armenius</i> lapis quale medicamentum purgans.	640
<i>Appetitus</i> & cognitio naturalis.	145	<i>Armoracia</i> esus quid conducat vel noceat.	582
<i>Appetitus</i> sensitiuus quam sedem habeat & quod- nam obiectum, ibid. ventriculi, 282. quid præ- sagiat, 538. duplex est, 282. imminutus quis, 376. quibus causis imminuatur & aboleatur, 593. auctus quis 376. quas ob causas nimis augeatur, 394. deprauatus quis sit, 376. an peccanti hu- mori similia appetat, 393. quibus causis depra- uetur.	394	<i>Aromata</i> quomodo aquas destillatas suppedient.	700
<i>Appropriata</i> medicamenta quæ dicantur, & qualia eligenda.	625. 730	<i>Ασπύγις</i> , 379. quibus ex causis fiat.	404
<i>Απρὺνη</i> caro qualis cibus sit.	588	<i>Arsenicum</i> & auripigmentum.	79
<i>Aqua</i> calefactio ab igne vnicus motus.	27	<i>Artemisia.</i>	102
<i>Aqua</i> non peculiarem sphaeram constituit, 49. Est elementum frigidum summè & primò & humi- dum, 51. igni admota sursum ascendit.	41	<i>Arteria</i> quem vsum in corpore habeant, 494. an eodem tempore cum corde dilatentur & constri- ngantur, 494. an insitam habeant vim pulsi- ficam, 495. an ictum solum, an verò distensio- nem in pulsu etiam perceptibilem tactu edant.	502
<i>Aquæ</i> metallicæ quæ, 73. sunt duplices, ibid. vi- res suas accipiunt à prima metallorum materia. ibid.	ibid.	<i>Artificis</i> & naturæ differentia.	187
<i>Aqua</i> & aquosus humor per solam coctionem non incrassatur.	286	<i>Artubus</i> appropriata medicamenta.	628
<i>Aqua</i> fluuiialis qualis potus, 592. pluuiæ, putealis, stagnans seu palustris, niuosa & glacialis ibid. communis, ibid. pestilentialis, seu contra Pestem, 794. acetosæ compositæ, 793. carbunculi 794. ad Colicam, ibid. cephalica, ibid. apoplectica, ibid. virtutum, ibid. theriacalis, ibid. contra ver- tiginem, apoplexiam & epilepsiam, & alios Capi- tis morbos utilis.	ibid.	<i>Arum.</i>	103
<i>Aqua</i> citrata cordialis.	595	<i>Arundo</i> Saccharina.	96
<i>Aqua</i> liliorum conuallium composita, ibid. scorbu- tica & aperiens, ibid. epileptica.	ibid.	<i>Asarum.</i>	103
<i>Aqua</i> potus est brutorum, & multorum hominum, 592. bona quibus signis deprehendatur, ibid. vitiosa quomodo corrigenda, ibid. sola coctione non incrassantur,	593	<i>Asarum</i> quale sit medicamentum purgans, 639. quæ eius dosis.	752
<i>Aqua</i> hordei.	787	<i>Asari</i> coagulum.	804
<i>Aquæ</i> destillatæ, 788. qua ratione parentur, ibid. coloratæ quomodo fiant, ibid. in quem modum rectificentur, 779. ex variis rebus destillatæ & compositæ.	793	<i>Asellus</i> , piscis, qualem cibum suppediter.	591
<i>Aquæ</i> fortes, 763. regis ex aromatibus, 790. ci- namomi, ibid. ex cornu cerui 791. cordium, ibid. mellis, ibid. lauendulæ compositæ, 794. contra calculum, 795. stomachicæ,	ibid.	<i>Asparagus.</i>	97
<i>Aquæ</i> odoratæ.	839	<i>Asparagi</i> an è cornibus arietis nascantur.	231
<i>Aquilegia.</i>	99	<i>Asparagus</i> quale sit edulium.	581
<i>Aqueus</i> humor oculi, 300. quomodo sit causa læsio- nis visus.	406	<i>Asperitas</i> an morbus sit organicus, 324. quas causas habeat.	370
<i>Aquosa</i> humiditas in corpore alias abundans, qui- bus medicamentis expurgetur.	621. 641	<i>Asperitas</i> quomodo curetur.	735
<i>Aquosa</i> humiditas cibi vehiculum.	285	<i>Assario</i> quid.	60
<i>Arbor</i> pudica.	118	<i>Astaci</i> qualis cibus sint.	591
<i>Arcanum</i> corallinum.	822	<i>Asphaltum.</i>	79
<i>Arenularum</i> in yrina causæ.	487	<i>Asthma.</i>	379
		<i>Astrologia</i> futura probabiliter prædicere potest.	36
		<i>Athanasiorum</i> , fornax Chymicorum.	768. 773
		<i>Atomorum</i> nomina, 158. doctrina antiqua de Ato- mis, 157. Explicatio doctrinæ de Atomis, 158 dari atomos multi statuunt, ibid. probatur, ibid. atomi igneæ, 159. aëreæ ibid. aqueæ, terreæ, ibid. ex atomis Elementorum sit mistio, 161. Meteora ex atomis.	ibid.
		<i>Atomi</i> Corporum animatorum, 162. plantarum atomi, ibid. purgantium atomi.	ibid.
		<i>Atomi</i> retinent formas rerum, ibid. atomi sunt de- terminatæ.	163
		<i>Atomi</i> animam continentes an semen dici possint.	226
		<i>Atta bilis</i> , 351. quibus signis agnoscat, 518. per alium excreta quomodo à sanguine atro & suc- co melancholico distinguenda sit	541
		<i>Atta bilis</i> , quibus medicamentis præparetur ad pur- gationem.	629
		Quibus medicamentis purgetur.	639
		Quomodo præparetur.	705
		<i>Attractio</i> humorum in morbis quomodo fiat à calo- re & dolore.	363
		<i>Attractrix</i> facultas in partibus corporis qualis sit.	281
		<i>Atramentum.</i>	379
		<i>Atriplex.</i>	100
		<i>Atriplex</i> qualem cibum præbeat.	581
		<i>Atrophia</i>	

& Verborum.

<i>Atrophia</i> quid sit, 375. quas causas habeat.	392
<i>Attagen</i> qualem cibum suppetit.	589
<i>Attenuantia</i> medicamenta.	630
<i>Auctio</i> corporis quid.	289
Quando lædatur.	378
A quibus causis lædatur.	402
<i>Audire</i> facultas.	281
<i>Auditorium</i> meatus.	303
Quomodo vitietur.	409. 446
Quomodo obstruatur.	ibid.
<i>Auditorij</i> nervi quibus vitii obnoxij sint.	446
<i>Auditus</i> definitio.	108
Obiectum.	ibid.
Medium.	ibid.
<i>Auditus</i> qualis sensus sit.	303
Quonam instrumento principe fiat.	ibid.
Quanam symptomata patiat.	380
Quibus à causis lædatur.	409
<i>Auditus</i> læsio, quid præagiat.	534
<i>Augmentatio</i> quid.	91
<i>Augmentatio</i> quam formam habeat, & quem finem.	289
<i>Augmentum</i> corporis naturale & præternaturale quomodo differant.	371
<i>Augmentum</i> , tempus morbi.	338
Quibus signis prodatur.	530
<i>Augmentum</i> non admittit purgationem, 699. quam victus quantitatem requirat.	743
<i>Auellana</i> nuxes quale sint edulium.	585
<i>Avena</i> qualem cibum præbeat.	580
<i>Avicennas</i> an statuerit, homines è terra nasci posse.	211
<i>Aurantia</i> poma medicamēta sunt non alimenta.	584
<i>Auris</i> partes & vsus.	128
<i>Aures</i> quid in ægris indicent, 546. quæ in meatibus suis vitia patiantur.	410
<i>Aures</i> externæ.	303
Quomodo suis vitii auditum lædant.	409
<i>Aurium</i> fœtor.	445
<i>Auribus</i> immissa quomodo extrahenda.	670
<i>Auribus</i> immittenda medicamenta.	841
<i>Auris</i> occlusæ apertio.	657
<i>Aures</i> quæ sibi appropriata medicamenta habeant.	677. quomodo medicamenta auribus applicanda.
777	
<i>Aurum</i> .	87
<i>Aurum</i> potabile.	806
<i>Aurum</i> quomodo calcinetur.	762
<i>Aurum</i> vitæ, medicamentum Chymicum.	823
<i>Autor</i> opinionis de educatione formarum è potentia materiæ.	171
<i>Autores</i> qui semen animatum esse statuunt.	176
<i>Autoris</i> iudicium de Th. Fieni sententia.	186
<i>Autoris</i> de sponte ortorum proprie dictorum origine sententia.	218
<i>Autorum</i> , qui formas in mistis remanere statuunt, opinio.	164
<i>Autumnus</i> quos morbos causare soleat.	335
Quomodo causa morborum existat.	345
<i>Autumnus</i> qualem temperiem obtineat.	578
<i>Auxilium</i> & auxiliij materia quomodo differant.	647. 689
Quomodo rectè sint administranda & usurpanda.	691
Quâ quantitate.	ibid. 694
Quo tempore.	692. 694
Quo in loco applicanda.	692. 694
Quomodo.	692. 694
<i>Axungia</i> Solis, Lunæ.	75

B

B <i>Albutiei</i> causæ.	435
<i>Balneum</i> quomodo pulsus mutet.	511
<i>Dan. Sennerti</i> Tom. I.	

<i>Balneum</i> quas partes habeat.	596
Quibus conducat.	597
Quibus noceat.	596
Calidum quas vires obtineat.	ibid.
Tepidum quales facultates habeat.	ibid.
Frigidum.	ibid.
Quomodo pro infantibus administrandum sit.	601
Quomodo rectè usurpetur, 609. medicatum, 848	
<i>Balneum</i> Chymicorum siccum.	758
Roris quod vocant.	769
Maris vel Mariæ.	759. 769
<i>Balnearum</i> differentia.	848
<i>Balsama</i> , 839. quomodo præparanda sint.	ibid.
Præparandi ratio commodissima quæ.	840
<i>Balsamum</i> naturale.	621
<i>Balsamum</i> maioranæ.	840
Rutæ, roris marini, laurundulæ, spicæ, angelicæ, citri, cinamoni, caryophyllorum, nucis moschatæ, saluæ, &c. ibid. fœniculi, ibid. apoplecticum, epilepticum, ibid. cordiale, pestilentielle. ibid.	
<i>Balsamum</i> sulphuris.	806. & 842
Mercurij, ibid. Vitrioli, Antimonij, Veneris, Saturni, ibid. Galbani, Terebentinæ, Vulnerarium.	ibid.
<i>Balsamina</i> .	101
<i>Barbus</i> piscis quale nutrimentum suppetit.	590
<i>Basiliscus</i> an detur.	119
Eius historia admiranda.	ibid.
<i>Basis</i> medicamenti,	746
Quoruplex sit, & quanam simplex.	ibid.
Composita.	ibid.
<i>Benignus</i> morbus quis sit.	336
<i>Benzoes</i> flores.	820
<i>Beryllus</i> .	85
<i>Bestiæ</i> animæ non sunt immortales.	221
<i>Beta</i> .	100
<i>Beta</i> qualis sit cibus.	581
Rubra quale præbeat nutrimentum.	582
<i>Betonica</i> .	101
<i>Bezoar</i> , unde dicatur, 84. quid sit, ibid. eius generis, ibid. vsus.	ibid.
<i>Bezoardicum</i> vt Chymici vocant animale.	813
Minerale.	823
<i>Buxina</i> medicamenta.	713
<i>Bilis</i> atra qua ratione dirigenda & præparanda sit in capite, in pectore, corde, ventriculo, hepate,	628
Quibus medicamentis præparetur ad purgationem.	ibid.
Quibus medicamentis purganda.	637. 639
Quomodo præparanda sit ad purgationem, & an incrassanda.	705
<i>Bilis</i> flava, 285. quid sit, & eius generatio, 350. signa, ibid. naturalis Bilis quæ sit, ibid. præternaturalis, ibid. quæ eius causa, ibid. vitellina, ibid. porracea, ibid. æruginosa, ibid. <i>ισαρόδης</i> , ibid. atra, 351. quibus signis agnoscat, 518. per alium excreta quomodo à sanguine atro & succo melancholico distinguenda sit, 541. abundans quibus signis manifestetur.	517
<i>Bilis</i> flavæ signa, ibid. atræ.	518
<i>Biliosum</i> temperamentum quale sit,	269
<i>Bismuthum</i> .	80
<i>Bisiliqua</i> quale pondus sit & quæ sub se contineat alia.	748
<i>Bistorta</i> .	103
<i>Bitumen</i> vbi generetur, 77. eius materia, ibid. est inflammabile, ibid. effectus & differentia.	ibid.
<i>Bitumen</i> liquidum quid.	ibid. & 78
<i>Blasitiæ</i> causa.	435
<i>Bilium</i> quale nutrimentum præbeat.	581
<i>Boletus</i> ceruinus an ex cerui semine.	224. & seq.

FFFF 2

Bolus

Index Rerum,

- Bolus* qualis forma sit medicamenti, 811. quis purgans & quomodo præparandus ibid. alterans. 812
- Bolus Armenus.* 75
- Bolus Tockauiensis.* 75
- Bombyces.* 118
- Borax* siue Chrysocolia factitia vnde fiat. 287
- Borrago.* 100
- Βραδυπνευστία* quid, 376. quibus à causis fiat. 395
- Brassica* qualis sit cibus. 581
- Breuis* morbus quis sit, 336. vnde cognoscatur, 547
- Bronchocele* quomodo curetur. 677
- Bruta* an sint rationalia. 104
- Brutorum* & plantarum formæ an sint ex elementis. 52
- Brutorum* animæ an sint ex elementis. 191
- Brutorum* mira ingenia. ibid.
- Brutorum* animæ non educuntur è potentia materiæ. 206
- Bubula* caro qualis sit cibus. 589
- Buglossum.* 100
- Bulimos* quale symptoma, 394. quomodo differat à canina appetentia. ibid.
- Bulla* in vrina quid sint, 473. quas ob causas fiant. 488
- Butyrum* quale præbeat nutrimentum. 586
- Butyrum Antimonij.* 826
- C
- C***Achexia* quas causas habeat. 392
- Cadus* qualis mensura sit. 751
- Caducus* morbus qualis sit affectus præternaturalis 388
- Cæsarei* partus admiranda historia. 329
- Calamintha.* 100
- Calamus* aromaticus. 96
- Calcinatio* qualis sit operatio, 761. Chymicis, & quis eius vsus, quot modis fiat. ibid.
- Calculi* quibus medicamentis frangantur. 642
- Calculos* extrahendi Ægyptiorum ratio. 678
- 735
- Calculi* vesicæ extractio. 677
- Calculi* è meatu vrinario extractio 679. 792
- Calculi* oleum. 800
- Calculi*, in omnibus ferè corporis humani partibus generantur, 390. quamnam materiam, & causam efficientem habeant, ibid. an fiant à frigore, an à calore, 359. an ab exsiccatione, ibid. vnde generentur secundum Chymicorum opinionem, ibid. vnde secundum Felicem Platenum, Matthiolum, & denique Authorem, ibid. è variis corporis partibus eiiciuntur, 358. cur vrinam aqueam reddant. 478
- Calefactio* quid. 159
- Calida* alia actu, alia potentiâ. 56
- Calidi* definitio. 49
- Calidum* innatum quibus constet, 125. eius subiectum, ibid. præcipuum animæ instrumentum, ibid. quando abundat, ibid. quibus fouetur. ibid.
- Calida* intemperies quas causas habeat, 360. quomodo frigida intemperiei causa fiat. 362
- Calida* & humida intemperies an detur, 317. qualis sit optima. 317
- Calida* & sicca intemperiei homines quibus morbis sint expositi, 392. quales vrinas reddant. 489
- De Calido innato Aristotelis libro secundo de generat. Animal. cap. 3. sententia controuersa. 273
- Calidum* innatum difficile cognoscitur, 272. uiuentibus proprium est, ibid. non est nuda qualitas, ibid. non est idem quod spiritus naturalis, ibid. natium an sit naturæ elementaris, an alterius, 273. secundum quos sit non elementaris naturæ Calidum insitum, 273. secundum quos sit elementare, 275. Authori quid sit. ibid.
- Calidi* innati subiectum, 175. vsus & dignitas, 276. plurimum est in corde, ibid. mutatur secundum ætates hominum. ibid.
- Calidum* esse quid, quot modis dicatur, 265. influens. 276
- Calida* & humida temperies qualem requirat dietam. 612
- Calida* intemperiei homines quali dietâ uti debeant. ibid.
- Calida* temperiei medicamenta quæ sint 622. secundum gradus. ibid.
- Calida* & sicca intemperiei homines qualem dietam requirant. 612
- Calli* generatio, 739. quibus medicamentis promoveatur. 633
- Calli* seu cutis indurata extirpatio, 675
- Caloris* Chymicorum gradus, 758. in gradu caloris in Chymia plurimum situm, 759. quomodo per ostia & spiracula fornacis calor moderandus. ibid.
- Calor* est commune naturæ instrumentum, 275. debilis quot modis dicatur, 352. si suffocatur aut dissipatur, morbi frigidi oriuntur, 361. à quibus pabulo suo spoliatur, 362. an sit causa generationis vermium, 360. quomodo ad generandum venenum faciat, 265. influens, 365. menses. 294
- Calor* vitalis vnde generetur. 297
- Calor* innatus in semine non est formationis. 581
- Calx* viua lota. 765
- Κακοχρημία*, quid indicet, 697. à quibus constituitur, 696. an constituatur etiam motu solum vitioso. ibid.
- Cambium* quid sit. 289
- Camphora* oleum, 799. canceri extirpatio, 671. quale dent alimentum homini, 591. oculorum oleum. 800
- Camphoræ* temperamentum. 146
- Candela* meteorum. 61
- Canities* symptomatica quæ sit, 390. quas causas habeat. 390
- Canum* imagines in vrina. 428
- Caput* paruum, 453. magnum. ibid.
- Capitis* magnitudo, quid denotet, 453. an paruum semper malum. ibid.
- Capitis* figura, 453. vitiosa, 454. affecti signa. 525
- Capiti* vulneratio si febris superueniat, vnde Dies Critici numerari incipiant. 553
- Capiti* inimica, 626. appropriata medicamenta calida & sicca, 626. frigida & humida. 628
- Capiti* quomodo medicamenta applicanda. 777
- Caponis* caro qualis sit cibus, 589. gelatinam & contusum inde parandi ratio. 780
- Capreoli* caro qualem cibum det. 589
- Capra* saltantes. 61
- Carbo* fossilis. 79
- Carbunculus.* 85
- Carbunculi* aqua. 794
- Cardui* benedicti spiritus. 789
- Carduus* benedictus. 101
- Carduus* Mariæ. ibid.
- Caries* quid. 332
- Carneolus.* 84
- Caro* quibus medicamentis regeneretur, 632. generanda quomodo à Medico adiuuetur, 738. luxu

& Verborum.

luxurians quomodo compescatur, 676. animalium quale homini nutrimentum suppeditet, 588. in aquam destillata an valde nutriat, 796. quomodo iura instaurantia consummata, alterantia gelatinæ inde parentur. 780

Caro agnina quale præbeat alimentum, 588. aprugna qualis cibus sit, ibid. bubula, 589. capreoli, ibid. ceruina, gallinacea, leporina, 41. suilla, 588. musculosa, ibid. ouilla, ibid. veruecina, ibid. vitulina. ibid.

Caros quale symptoma sit, 388. quibus ex causis fiat. 438

Caribamum quale sit purgans, 639. quæ eius dosis. 752

Carum. 102

Caruncula in meatu vrinario extirpatio. 675

Caruncula in vrina. 486

Caryophyllus. 98

Caryophyllorum oleum, 798. balsamum, 840. aqua destillata. 788

Casus qualis sit cibus, 586 quas differentias habeat. ibid.

Cassia quale sit purgans medicamentum, 637. quæ eius dosis. 752

Castanea qualis sint cibus. 586

Castorei essentia. 84

Castor meteorum. 62

Cassutha. 98

Casus quid sit, & quomodo à fortuna differat. 14

Catalepsis, 388. quas causas habeat. 436

Cataplasma, 845. parandi ratio. ibid.

Cataplasma laxatiuum. ibid.

Cataphora, 381. quibus causis fiat. 415

Catarrhus suffocatiuus. 404

Catharrale claretum. 786

Catochus vel Catoche quid sit, 388. quas causas habeat. 438

Catholicum extractum. 804

Cauitates corporis quomodo diuidantur. 369

Cauitarum morbi vitia, 325. differunt à morbis meatuum ibidem. quibus à causis fiant. 369

Causa continens quid sit, 342. an differant causa continens, & coniuncta, ibid. ex numero efficientium est, 342. cum antecedente à multis confunditur, 343. in quibus morbis detur, ibid. vtiliter cognoscitur, 344. à Galeno obseruatur, 343. cur à Galeno nonnullis in locis cum aliis non recensetur, ibid. quæ positiua, priuatiua, communis, propria, interna & externa. 344

Causæ morborum vt cognoscantur necessarium est, 340

Quas differentias habeant. ibid.

An plures sint quàm quatuor. 340

Quomodo diuidantur, quæ sint quæ per se, quæ per accidens. 344

Causarum morbificarum diuisiones. 341

Causa proxima, remota. 341

Causæ procatactica & euidentes, 341. abditæ. 344

Causæ morborum quibus symptomatibus sint obnoxia. 373

Quos morbos indicent. 518

Quomodo locum affectum monstrent. 520

Quomodo robur morbi significant. 532

Causæ morbi agenti & efficienti quænam necessario accedant. 347

Causæ morborum externæ an indicent. 661. 653

Causæ morborum quale indicans præbeant, 651

Morbi quandoque dicuntur. 732

Quo ordine in curatione tollenda sint. ibid.

Causarum differentia. 661

Cauteria quas differentias habeant. 849

Potentia quomodo parentur. ibid.

Dan. Sennerti, Tom. I.

Quomodo vsurpentur. ibid.

Cauteriorum vsus. ibid.

Cauterij actualis differentia. 664

potentialis. 665

Causæ quid, & quot sint. 13

Earum modi. ibid.

Earum consideratio est physici. 14

Quomodo quælibet in effectus productione concurrat. ibid.

Causa efficiens an sit semper externa. 187

Causa efficiens sponte ortorum viuientium. 211

Cementatio. 701. 761

Centaurium minus. 98

Cepæ quale sint alimentum. 282

Cera oleum. 809

Cerasa quale sint edulium. 284

Cerata quomodo præparentur. 844

Cerebrum. 130

Cerebrum quibus medicamentis purgetur. 713

Intemperie laborans quomodo curandum. 731

Brutorum animalium qualis homini sit cibus. 588

Cerebrum qualem temperiem obtineat. 270

An inflammari possit. 422

Siccum cur sit memoriæ aptius. 421

Cerebri tenuitas quid. 454

Temperati signa. 455

An ex pilis peti possint. ibid.

Calidi signa, 457. frigidi, 458. sicci, ibid. humidi. ibid.

Calidi & humidi, ibid. calidi & sicci. ibid.

Frigidi & sicci, 459

Frigidi & humidi. ibid.

Cerebrum brutorum animalium comestum nunquam vim habet hominum mores mutandi. 426

Cereuisa qualis sit potus. 594

quas differentias habeat. 595

Triticæ qualis sit, ibid. hordeacea. ibid.

Medicata. 784

Cerui lachrymæ non sunt lapis Bezoar. 84

Ceruina caro quale præbeat nutrimentum. 589

Ceterach. 102

Calcanthum. 77

Chalcus pondus. 747

Chamadrys & chamæpytis. 101

Chamamelon. 99

Chasma meteorum. 63

Cheirurgia quid & Cheirurgiæ necessitas, 646. subiectum. 647.

Cheirurgi descriptio, 646. instrumenta, 647. operationes. ibid.

Chondrilla. 99

Cholera quid sit, 377. quas causas habeat. 397

Sicca vnde generetur. ibid.

Chorea S. Viti quale sit symptoma. 371

Quibus ex causis oriatur. 428

Chorion, membrana fœtus. 294

Chrysolitus. 85

Chylosis quid. 282

Quæ symptomata patiatur, 377

Quibus ex causis lædatur. 395

Chyli distributio. 282

Chyli distributio per hepar. 283

Chymia vnde dicatur. 755

Laudatur, 621

Qualis sit ars. 754

Eius finis internus & externus. 756

Obiectum, ibid. director. ibid.

An medicamenta periculosa & violenta suppeditet. 757

Chymicarum extractionum fundamentum. 621

Chymica operatio qualis sit. 757

FFFF 3

Chy

Index Rerum,

- Chymicus* circa quid versetur 755. non violentis so-
lūm vitur medicamentis 757. an eandem cum
Pharmacopœo materiam medicamentorum habeat,
756. quatenus *Medicus* dicatur. 755
Chymicorum principia. 147
Chymicæ operationis atomos probant. 161
Cibus quis sit firmus, quis infirmus, 579. quis sit opti-
mus, ibid. 602. idem non est omnibus commodus,
ibid. an simplex an verò varius melior, ibid. quan-
do sumendus, 603. an semel de die an sæpius ca-
piendus, ibid. quā quantitate sanis assumendus,
603. qua quantitate ægris, 745. qua quantitate
sit assumendus, vnde cognoscatur, 603. quo ordi-
ne sit assumendus, 605. qualis è plantis petatur,
579. qualis ex animalibus, 585. quomodo in quan-
titate & qualitate ad sanitatem tuendam accom-
modandus, 599. mediæ ætatis qualis conueniat,
602. senibus qualis conducatur, 610. si in quantitate
peccarit quo modo corrigendus sit 603. ægris
quando sit exhibendus, 744. an medicamentis
purgantibus admiscendus, 708. an tempore pa-
roxysmi exhibendus. 744
Cibi prima præparatio sit in ore. 282
Cibus quantitate peccans quæ mala excitet, 346.
qualitate quomodo noceat, 346. corruptus quale
symptoma excitet, 376. quomodo urinam mutet,
490. pulsus quā ratione mutet. 510
Cicatrix à quilibus medicamentis inducatur.
632
 Quomodo induci debeat. 739
Cicer quale sit edulium. 580
Cichorium. 99
Cicindela cœunt. 241
Cimices vnde generentur. 239
Cinnabaris Antimonij. 820
Cinamomi aqua destillata. 790
 Oleum. 798
 Balsamum. 840
Cinara fructus qualis cibus sit. 583
Cinefactio qualis sit operatio. 761
Circulatio. 774
Citria poma medicamenta non alimenta sunt.
584
Citria poma condiendi modus. 807
Citrata aqua. 795
Citri corticum oleum. 794
Citri elixir, conserua. 807
Claretum purgans, 784. catharale, ibid. ad vertigi-
nem. ibid.
Clarificatio qualis sit operatio, 766. quomodo fiat.
779
Claua Herculis germinans. 229
Clau in corpore quomodo tollendi. 675
Clysteres qualia medicamenta sint. 835
 Quas differentias habeant. ibid.
 Quomodo parentur. ibid.
 An nutriant. 744
Clysteres, emollientes, 835. purgantes, abstergentes,
flatus discutientes, abstringentes, glutinantes, do-
lorem lenientes. ibid.
Coagulatio quid sit Chymicis. 772
Coagulum asari. 804
Coalescentia meatuum quomodo curetur. 735
Coalescentia meatuum quid. 325
 Quibus à causis fiat. 371
Cochiarum pilularum dosis. 754
Cochlea quales sint cibi. 591
Cochlear qualis sit mensura. 751
Cochlearia. 100
Coctio non est genus vniuocum. 59
Coctionis definitio. 58
 Eius forma. ibid.
 subiectum, ibid. est rei genitæ, ibid. causæ effi-
ciens, ibid. modus, ibid. finis externus, ibid. spe-
cies. 59
Coctio in corpore duplex, 125. eius excrementa du-
plicia, 126. cibi prima præparatio, ibid. in chylum
conuersio. ibid.
Coctionis primæ excrementum duplex, ibid. crassum,
ibid. tenue. ibid.
Coctionis tertiæ duo excrementa, crassius & tenuius.
ibid.
Coctio quas species habeat. 704
Coctio humorum vitiosorum quid sit & quomodo à
præparatione humorum differat, 703. est solius
naturæ opus & quomodo medicamentis ascriba-
tur, ibid. quem finem habeat, ibid. quos humores
subigere non potest, ij mox in principio expur-
gandi. 703
Coctio operatio in præparandis medicamentis, 766.
quæ in duplici vase sit. ibid. & 779
Coctio priuata, publica, 281. publica vbi fiat, 281.
prima, ibid. quæ excrementa habeat, ibid. secunda,
283. eius excrementa, 285. tertia, 289. quæ ex-
crementa relinquat. ibid.
Coctionis signorum differentia. 527
Coctionis signa, ibid. quā ratione tempora morbo-
rum monstrer. 530
Cœcitis causæ. 405-408
Cœlestia sublunariibus ordinatiora sunt, 561. influen-
tiis in inferiora agunt. ibid.
Cœliaca affectio quæ sit, 377. quas causas habeat.
398
Cælum est materiatur, 30. est in loco, 20. non habet
materiam alienam à nostra. 31
Non est animatum. 32
Eius forma. ibid.
Eius partes aliæ perspicuæ, aliæ minus.
ibid.
Est vnum corpus continuum. ibid.
Est corpus simplicissimum. 33
Non est coloratum. ibid.
Est immutabile. ibid.
Est maximum. ibid.
Quomodo hæc inferiora calefaciat. 35
Per influentias inferiora hæc afficit. 36
Agit in res materiales. ibid.
Motum habet circulare. ibid.
Cælum an etiam sit causa particularis. 212
Cæna an prandium largius sit. 604
 Alios quàm prandium cibos requirit. 604
Cohobatio Chymicorum quid sit. 771
Coindicantia quæ dicantur. 688
Colatio qualis operatio sit. 767
Colica qualem paralytin relinquat. 429
Collocatio membrorum deligatorum, 648. quot modis
fiat, 648. membrorum fractorum, 650. luxatorum.
651
Collutio oris. 837
Collyria, 841. quomodo præparentur. ibid.
Colocinthis quale sit purgans, 639. quæ eius dosis.
753
Color quomodo medicamento vires indicet. 645
Color an ad oculi constitutionem necessarius sit, &
an morbus sit. 326
 Et sequentibus, quid in corpore indicet. 544
Colores mutari symptomata. 389
 Quas causas habeant. 444
Colores vinarum qui sint. 471
 An possint mutari sine substantiæ nouæ accessio-
ne. 477
Colores apparentes vnde fiant. 107
Coloris definitio. 106
Colorum & figurarum in aëre apparentium quæ sit
ratio. 64
Columba qualem eibum suppeditent homini. 589
Coma

& Verborum.

<i>Coma</i> quale sit symptoma, 381. somnolentum, ibid. quas causas habeat, 382. vigil. 415. quibus ex causis oriatur. 410	<i>Constitutio</i> corporis duplex, essentialis & accidentalis. 262
<i>Combustorum</i> & refrigerantium generatio. 146	<i>Consuetudo</i> in sanitate tuenda obseruanda, 576. & 598.
<i>Cometa</i> quid sit, 38. ubi, quomodo, & quando generetur, 39. quid significet. ibid.	Quid ad indicationem faciat. 686
<i>Cometas</i> in regione æthereâ generari & existere probatur. ibid.	Quomodo obseruanda sit in purgationibus. 697
<i>Comitialis</i> morbus. 388	Monstrat, vtrum per superiora an per inferiora purgandum sit. 708
<i>Communes</i> morbi. 335	Quâ ratione venæ sectionem permittat, aut prohibeat. 719
<i>Communes</i> causæ. 344	<i>Contactus</i> duplex. 52
<i>Composita</i> intemperies, vnde fiat. 362	<i>Contagiosi</i> morbi & non contagiosi qui, 335
<i>Composita</i> medicamenta vnde denominationem accipiant, 746. qualia fiant ex simplicibus qualitate discrepantibus, 753. qualia ex simplicibus quantitate discrepantibus. 753	<i>Contagium</i> quid, 366. quæ ad id sint necessaria, 367. affectum communicandum, ibid. requirit ad sui constitutionem etiam patiens, ibid. quæ genera habeat, & quoduplex sit, ibid. an differat, quod per fomitem dicitur, ab eo, quod ad distans, ibid. idem non omnes inficit. ibid.
<i>Compositi</i> morbi qui sint, 332. & quot modis fiant. 333	<i>Contemplabiles</i> dies qui sint. 552. 555
<i>Compositionis</i> morbi in genere & in specie qui dicantur, quot sint, & qui, 324. in specie dicti quoduplices sint. 328	<i>Continens</i> causa qualem indicationem præbeat. 685
<i>Compositio</i> medicamentorum quas ob causas necessaria sit, 445. quibus constet. 746	<i>Continuum</i> an componatur ex indiuisibilibus, 15. an sit diuisibile in infinitum. ibid.
<i>Compressio</i> meatuum quomodo curetur. 735	<i>Continui</i> morbi. 337
<i>Compressio</i> meatuum qualis morbus sit, 325. quibus à causis inducatur. 370	<i>Contracturarum</i> directio. 654
<i>Conceptio</i> . 126	<i>Contraindicantia</i> quæ dicantur. 688
<i>Conceptio</i> quando incipiat. 200	<i>Contraria</i> an contrariis curentur. 683
<i>Conceptio</i> quando fiat, & quomodo, 396. fœminæ non potest contingere absque viro. 291	<i>Contrarietatis</i> gradus obseruandi in curatione. 730
<i>Concoctrix</i> facultas quæ sit, 281. quomodo lædatur, 377. à quibus causis in ventriculo lædatur. 395	<i>Controversia</i> status de formatione fœtus. 194
<i>Concretio</i> & Congelatio medicamentorum vires quomodo manifestet. 645	<i>Contusa</i> carniū. 780
<i>Concretionis</i> duæ species. 80	<i>Contusio</i> . 331
<i>Conditura</i> qualis sit operatio. 770	<i>Conualescentia</i> neutra corpora, 611. quâ diætâ sint tegenda. 616
<i>Condita</i> quot modis dicantur. 807	<i>Conuulsio</i> quid, quas differentias habeat. 389
<i>Confecta</i> quæ dicantur. 828	Quibus ex causis oriatur. 431. 432
<i>Confecta</i> purgantia. ibid.	An ex repletionē. 431
<i>Confectio</i> Pharmacopœis quid sit. 776	An ex exsiccationē. ibid.
<i>Confectio</i> de pomis laxatiua, 809. passularum laxatiua, ibid. laxatiua Solenandri. 828	Quid prælagiat. 536
<i>Conformatio</i> ossium fractorum. 649	<i>Conuulsio</i> ventriculi quid. 376
<i>Conformatio</i> corporis viuētis animæ opus. 180	Vnde accidar. 395
<i>Conformatio</i> corporis viuētis omnibus viuētibz communis. 199	<i>Corallina</i> . 96
<i>Conformatio</i> partium naturalis quibus opus habeat, 324. est necessaria ad constituendum organum. 280	<i>Corallinum</i> arcanum. 822
<i>Conformationis</i> morborum differentia, 324. an plures sint, quàm vulgò habentur. 326	<i>Corallium</i> . 84
<i>Congelatio</i> κατὰ ληΐς dicta. 388	<i>Corallium</i> è cranio humano. 231
<i>Congius</i> qualis sit mensura. 751	<i>Coralliorum</i> spiritus. 796
<i>Congrui</i> morbi qui sint. 334	Tinctura. 805
<i>Coniuncta</i> causa morbi, & continens an differant. 342	Magisterium. 814
<i>Connexi</i> morbi qui sint. 333	<i>Corallia</i> an sponte nascantur. 229
<i>Connexionis</i> morbi qui sint, 329. quas causas habeant. 371	<i>Cor</i> an eodem tempore cum arteriis dilatetur & constringatur. 494
<i>Connexionis</i> morbi quid indicent, 737. quomodo curentur, ibid.	Quas vires habeat. 297
<i>Consentientia</i> quæ sint. 689	Per quas vias in sinistram. ibid.
<i>Consensus</i> & dissensus rerum exempla. 145	<i>Cordis</i> partes & vsus. ibid.
per Consensum morbi, 334. quot modis fiant. ibid.	Eius motus. ibid.
<i>Conseruas</i> parandi modus. 806	<i>Cordi</i> tres insunt facultates. 127
<i>Conseruantia</i> in composito medicamento. 746	<i>Cor</i> est pars princeps. 90. 116
<i>Consilia</i> Medica. 608	<i>Cor</i> in primis ab animi affectibus patitur. 595
<i>Consistentia</i> vrinæ quid. 470	Quæ medicamenta appropriata habeat. 628
<i>Constantes</i> morbi. 337	Intemperatum quomodo curandum. 731
<i>Constipatio</i> meatuum quid. 325	Vt cordi medicamenta adhibenda. 777
Vnde fiat. 370	<i>Cor</i> animalium quale homini alimentum. 587
<i>Constipatio</i> meatuum, quomodo curetur. 735	<i>Cordiale</i> elixir quomodo paretur. 793
	Balsamum. 840
	<i>Cordium</i> aqua. 791
	<i>Cordis</i> palpitatio quid sit. 379
	Quid prælagiat, vel arguat. ibid.
	Vnde fiat. 493
	Affecti signa. 525
	Calidi, & temperati. ibid.
	Frigidi. 461
	Sicci, humidi. 462
	Calidi & sicci. 462
	calidi

Index Rerum,

- calidi & humidi, ibid. frigidi & humidi, 463. frigidi & sicci. ibid.
- Coriandrum*. 102
- Cornea* tunica oculi, 300. quomodo fiat causa laesae visionis. 405
- Cornu* cerui sine vstione preparatio, 778. magisterium, 816. aqua destillata. 791
- Cornu Monocerotis* lapis fossilis, 81. eius vsus, ibid. à genuino Monocerotis cornu discernitur, ibid. materia proxima. ibid.
- Corona* urinae quid, 473. quibus ex causis producat. 488
- Correpugnantia* indicantia. 698
- Corrigentia* quae medicamento composito insint. 746
- Corrodentia* medicamenta. 634
- Corpus* neutrum, vide Neutrum.
- Corporis* partes ablatae spermaticae, non regenerantur, 736. missae aliae à sola natura regenerantur. ibidem.
- Corpora* naturalia in loco sunt circumscriptiue. 20
- Semper sunt in loco, ibid. duo simul in eodem loco esse non possunt. 15
- Corporis* ratione res tantum occupant. 15
- Corpus* naturale tribus modis accipitur. 6
- Corpus* quid sit. 15. & 21
- Corporis* constitutio duplex, essentialis & accidentalis. 262
- Corporis* partes duplices, 262. singulae temperiem obtinent, vide Partes.
- Corporis* temperati actiones an perfectissimae, 450. perfectissimae quae. 451
- Corpus* neutrum an detur, 265. latitudine sanitatis comprehenditur. ibid.
- Corpus* paruum an possit esse saluberrimum. 449
- Corpus* temperatum an maximè resistat causis morbificis. 450
- Corpus* quantum diuisibile est, locum occupat, mobile est. 183
- Corpora* duo non possunt simul esse in eodem loco. ibidem.
- Corporum* animatorum atomi. 162
- Coturnix* quale praebeat nutrimentum. 599
- Coryla* qualis sit mensura. 747
- Crampa* vulgo quid sit. 434
- Cranij* depressi eleuatio, 654. perforandi modus. 664
- Crassa* multa sunt clara. 470
- Crassities* quot modis fiat. 705
- Creatio* possibilis est, etiam concedente philosophia. 30
- Cremor* tartari. 815
- Crepitus* symptoma. 390
- Crepitus* lupi. 96
- Creta* quale minerale. 75
- Cribratio*. 800
- Crisis* quot modis dicatur, 549. vnde dicatur, ibid. quid sit, ibid. in quibus morbis accidat, ibid. quas differentias habeat, 536. quas causas suarum differentiarum obtineat, 550. quot modis fiat. ib. quam causam habeat conturbationis, 549. quam euacuationis causam habeat. ibid. Si plures dies durent, qui Dies Criticus sit, 554. potest etiam post quadragesimum diem accidere, ibid. quando in longis morbis fiat, 564. futura quomodo agnoscatur, 569. instans quâ ratione deprehendatur, 570. bona quae sit, 550. quando bono fiat, 551. quibus signis bona vel optima manifestetur, 565. mala quae sit, 550. an omnis, quae in principio morbi euenit, mala sit, 551. mala quae signa habeat, 566. mala est incertior bonâ, 566. optima quae sit, 550. quibus signis optima cognoscatur, 565. non optima quae dicatur, 550. non optima quae signa habeat, 565. quae pessima sit, 550. quae perfecta, imperfecta, fida, firma, secuta, infida, incerta, tuta, ibid. quae periculosa, ibid. *ευσχημον* quanam sit, ibid. quae per excretionem, & quae per translationem fiat. ibid.
- Crisis* futurae hora quibus signis patefiat. 570
- Critica* signa. 527
- Critici* dies, vide Dies Cretici.
- Crocus* quale medicamentum sit Chymicis, 818. Martis quis sit, ibid. metallorum. ibid.
- Crocus*. 97
- Cruditatis* definitio. 59
- Cruditus* quomodo tempora morborum monstret, 530. quibus ex signis agnoscatur. 527
- Crurum* contortorum directio. 654. oedematosorum scarificatio. 661
- Crustam* inducentia medicamenta. 634
- Crystallus*. 85
- Crystalli* Iouis, 818. Saturni, ibid. tartari. 815
- Crystallorum* oleum. 800
- Crystallinus* humor oculi. 301
- Quam suae conformationis rationem habeat. 302
- quibus vitiis sit obnoxius. 488
- Situ vitiatus. ibid.
- Cucurbitula* quid. 667
- Cucurbitulae* quomodo plethoram tollant. 716
- Cucurbitulae* scarificatae. 716
- Cucurbitularum* applicatio, 667. differentia, 667
- vsus multiplex est. 668
- Cucurbitae*, vasa Chymicorum. 770
- Cucumeres* qualis sint cibus. 583
- Culeus* qualis sit mensura. 751
- Culicum* generatio. 238
- Culices* è caprifico. 238
- Cuminum*. 102
- Cuprum*. 87
- Cupri* calcinatio, 762. balsamum. 842
- Curtorum* curatio, 679. sanatio. 736
- Cuscuta*. 98
- Cutis*. 128
- Cutis* est omnium partium maximè temperata, 270
- Est organum tactus praeipuum, sed non adaequatum. 305
- Constipata est calidae intemperiei causa. 361
- Cyathus* qualis sit mensura. 751
- Cydonia* poma quale sint edulium. 583
- Cydoniorum* rob purgans, 807. gelatina, 808. gelatina laxatiua. ibid.
- Cyperus*. 97
- Cyprinus* qualem cibum suppeditet. 590

D

- D**ebilitas naturae quomodo cognoscenda. 531
- Decidentia* neutra corpora, 611. quâ dietâ gubernanda. 612
- Decimus* dies morbi. 557
- Decimus* quartus, inter Criticos secundus, 554. quibus morbis excedatur. 548
- Decimus* septimus dies morbi indicatoriorum tertius. 557
- Decimus* tertius dies intercidentium quartus. 557
- Declinatio* morbi quid, 338. neminem vi morbi extinguit. 339. 531
- Declinatio* morbi aptissimum tempus est purificationi. 699
- Decocta*, 777. quas differentias habeant. ibid.
- quomodo

& Verborum.

Quomodo parentur.	ibid.	Deus cur sexum in animalibus constituerit.	207
Decocta alterantia, & purgantia.	777	Deus quomodo ad rerum generationem concurrat.	207
Decocta purgantia parandi modus, 780.	vomitoria.		781
Decocta simul alterantia & purgantia.	ibid.	Dei gloria & in minimis elucescit.	222
Decoctum in scabie.	781	Deus adest repletivè.	15
Decoctum Guajaci.	779	Deus omnium rerum finis.	29
Decretory dies, vide Dies critici.		Diabetes quid, 378. quibus à causis fiat.	400
Decubitus in ægro quæ prælagia præbeat.	535	Diacydonium laxativum, vel purgativum.	807
Decubitus qualis inter dormiendum observandus.	609	Diacydonium laxativum catholicum.	808
Defensiva medicamenta.	728	Dietæ quæ complectatur, 742. quoruplex sit.	742
Deglutitio læsa,	376	à quo indicetur.	741
Quas causas habeat.	395	Diagrydium.	101
Delirium quid sit, 383. quoruplex, ibid. eius differentia, ibid. simplex quas causas habeat, 421.	533	Διάρρσις quid sit, 325. quas causas habeat.	370
quid in ægro prælagiat.	533	Διάρρσις operatio Chirurgica quas species habeat.	688
Dentes quodnam signum in ægris præbeant.	546	Διάρρσις quæ curatio sit.	733
Dentium stupor.	380	Diarmygdalum.	830
Depravata actio quid, & quomodo ab aucta differat.	375	Diaphoreticum antimonium	827
Degeneratio plantarum, 828. quomodo fiat, ibid.	ibid.	Διάρρσις quid.	729
vbi?	ibid.	Διαπήδησις qualis sit morbus, 325. quibus à causis oriatur.	370
Deligatio quas operationes sub se comprehendat.	647	Diapomum, seu confectio laxativa de pomis.	809
Quas differentias habeat.	ibid.	Diarrhœa, 377. quibus à causis fiat.	398
Deligatum membrum quomodo collocandum.	648	Διάρρητικὰ medicamenta.	642
Deligatio fracturarum, 650. luxatorum.	651	Διασφύνη pulsus quid sit, & quem usum habeat.	298
Deliquium animi quale fuerit, ad quod usque Antiqui sanguinem mittebant.	720	Tactu etiam percipitur.	502
Deliquium qualis sit operatio Chymica.	760	Quod ad initium ipsius pertinet, non sentitur.	703
Democriti laus.	157	Διάδεσις quid sit, 312. eodem modo accipitur à Galeno, quo ab Aristotele, ibid. dupliciter accipitur.	313
Dens leonis.	99	Dictamnium.	101
Dentium extractio.	672	Dies Critici unde dicti.	552
Dentibus ut medicamenta applicanda.	777	Quotuplices sint.	ibid.
Dentifricia parandi modi.	830	Quot sint.	554
Derivatio humorum quid. 727. an à repulsione, reuulsione, interceptione, diversum sit indicatum, tum. 724. quantum sanguinis auerrat, 727. quo loco & tempore fieri debeat.	ibid.	Quem ordinem obtineant.	557
Desperati an solis prognosticis relinquendi.	690	Quas causas habeant.	561
Desperati morbi quoruplices, 690. quas differentias habeant.	ibid.	Quâ vi prædicti sint.	552
Despumatio quid.	766	Vnde vim suam habeant secundum Fracastorium.	558
Destillatio quid, 767. quem finem habeat. ibid.	ibid.	Vnde secundum alios.	560
& 771. quot generum sit. 767. quomodo fiat per ascensum.	768	A quo die numerandi.	559
Destillantium per ascensum differentia, 768. fornax.	ibid.	Quomodo computandi.	563
Destillatio quomodo fiat ad latus.	770	Dies contemplabiles qui sint.	552. 555
Per campanam quæ fiat.	ibid.	Dies intercurrentes qui sint,	557
Quæ igne patente perficiatur.	769	Medicinales.	552. 558
Per retortam igne patente.	770	ἐπίδηλοι, indices, indicantes, indicatorij.	555
Quæ in cineribus, arena & similibus.	768	Prouocatorij,	557
Per retortam in cineribus arena, &c.	770	ἐπίδηλοι,	552
Quæ fiat in balneo sicco.	769	δεωρητοὶ qui dicantur	555
Quæ in balneo roris, quæ in balneo maris, vel Mariæ.	ibid.	Vacui qui sint.	552
Quæ per vesicam.	ibid.	Qui sic appellentur, & quare.	557
Quæ per serpentinæ.	ibid.	Dies morbi, Septimus, 557. Sexagesimus, 555.	
Ad radios Solis quæ peragatur.	768	Sextus, 557. Tertius, ibid. Trigessimus quartus, 554. Vigessimus, ibid. Vigessimus primus an sit Criticorum tertius, ibid. Vigessimus & Vigessimus primus, cur Critici sint, 563. Vigessimus septimus, 554. Undecimus, 557. Decimus & Duodecimus, ibid. Decimus quartus, inter Criticos Secundus, 554. à quibus morbis excedatur, 548.	
Detergentia medicamenta an conueniant post purgationem.	711. & ibid.	Decimus septimus indicatoriorum tertius, 557.	
In forma clysterum	835	Decimus tertius intercurrentium quartus, ibid.	
Deum omnium rerum naturalium primum principium Physico cognoscendum.	139	Nonus, tertius indicentium, ibid. Octogesimus, 555. quadragesimus, 554. quartus, quomodo. Septimi index sit, 556. inter Dies indices primum locum habet, 557. quintus, quo potentior, ibidem. Centesimus, & Centesimus vigessimus.	555
A Deo omnia.	166	Differentia occultarum qualitarum.	153. & 155
Deus quomodo ad rerum generationem cum causis, secundis concurrat.	169	Prima, secunda.	ibid.
Deus omnia replet.	183	Tertia, Quarta, quinta.	155. & 156
Deus an formationis corporis humani causa sit.	201	Differentia generis Logici & Physici.	173

Index Rerum,

<i>Differentia seminis plantarum & animalium.</i>	195	
<i>Differentia sponte ortorum viventium.</i>	214	
<i>Differentia inter spontaneam, & non spontaneam generationem.</i>	220	
<i>Differentia animalium sponte ortorum.</i>	241	
<i>Digerentia medicamenta quæ sint.</i>	628	
<i>Digestio humorum quid sit.</i>	704	
<i>Digestio operatio Pharmaceutica quid sit, 773. & quotuplex, ibid. quid significet, ibid. quomodo fiat, ibid. qualia vasa requirat.</i>	774	
<i>Digitorum cohærentium diuisio.</i>	658	
<i>Diminuta actio quid.</i>	375	
<i>Diploma, seu vas duplex quid.</i>	766	
<i>Dirigentia in medicamento composito.</i>	746	
<i>Disciplina effectiua ad Philosophiam non referuntur.</i>	2	
<i>Disciplinæ nomen latius quàm Philosophiæ, ibid.</i>		
<i>Disciplinarum distinctio.</i>	259	
<i>Discrimen artificialium & naturalium effectuum.</i>	143	
<i>Discutientia medicamenta quæ sint, 642. quomodo usurpanda sint, ibid. quibus affectibus conueniant, 729. quo tempore sint adhibenda. ibid.</i>		
<i>Δυσεντερία, 377. quibus à causis fiat.</i>	398	
<i>Δύσπνοια quid, 379. quas causas habeat.</i>	404	
<i>Δυσπεία, 377. quibus ex causis accidat.</i>	399	
<i>Dispositiones corporis morbosæ, quos morbos significant, 554. quomodo robur morbi manifestent, 532</i>		
<i>Dissolutio Chymicorum quid sit, & quem finem habeat.</i>	760	
<i>Diuretica vera quæ sint, 641. propriè dicta quæ sint.</i>	712	
<i>Diurni morbi.</i>	335	
<i>Doctrina antiqua de Atomis.</i>	157	
<i>Rationibus nititur.</i>	158	
<i>Explicatio doctrinæ de Atomis.</i>	ibid.	
<i>Dolor quale sit symptoma.</i>	380	
<i>An sit actio deprauata.</i>	ibid.	
<i>Quomodo sit actio deprauata.</i>	380	
<i>An sit in omnibus sensibus.</i>	ibid.	
<i>Quâ ratione sit tristis sensio.</i>	380	
<i>Quam causam habeat.</i>	411	
<i>Causam proximam vnâ habet.</i>	ibid.	
<i>An intemperiem pro proxima sui causâ habeat.</i>	412	
<i>Non à repentina tactilium mutatione, sed à soluta vnitate proximè oritur.</i>	ibid.	
<i>Qualem pulsum efficiat.</i>	512	
<i>Quomodo attrahat.</i>	363	
<i>Quid præagiat.</i>	535	
<i>Locorum affectorum signum est.</i>	520	
<i>Dolor quibus medicamentis sedetur, 630. quomodo curetur.</i>	740	
<i>Dolorem lenientes clysteres.</i>	835	
<i>Dosis medicamentorum quomodo inuenienda sit, 694. quæ sit alterantium, 752. purgantium, ibid. quæ purgantium primi gradus, ibid. secundi gradus, tertij, & quarti.</i>	ibid.	
<i>Drachma, 747. vide Abacum, siue Tabulam Ponderum.</i>		
<i>Draco volans meteorum.</i>	61	
<i>Dracunculi vnde.</i>	239	
<i>Dracunculi non fuerunt serpentes in deserto Israelitis immissi.</i>	240	
<i>Dropax, 737. quas differentias habeat.</i>	846	
<i>Duella, 748. vide Tabulam Ponderum.</i>		
<i>Duodecim morbi dies.</i>	557	
<i>Duratio quid, 22. quomodo differat ab essentia, & existentia, ibid. est triplex.</i>	23	
<i>Durities partium an morbus sit conformationis.</i>	323	
<i>Durum quot modis fiat.</i>	629	
		E
<i>Echo quomodo generetur.</i>	108	
<i>Eductio formarum reicitur.</i>	171. 172	
<i>Eductio formarum è potentia materiæ an in S. literis fundata.</i>	174	
<i>Fortunij Liceti sententia.</i>	173	
<i>Rationes pro educatione formarum è potentia materiæ.</i>	172	
<i>Absurda quæ sequuntur hanc opinionem. ibid.</i>		
<i>Efficientes morbi causæ in primis à Medico considerantur.</i>	340	
<i>Εκτασις oculi quomodo curetur.</i>	674	
<i>Εκχυσις differt à lipotymia,</i>	379	
<i>Quas causas habeat.</i>	404	
<i>Εκτασις quotuplex sit, & an naturalis.</i>	449	
<i>Εκτατικοί qui sint.</i>	390. 416	
<i>Εκτικοί morbi qui sint, 333. an à μορίμοις atque factis differant.</i>	ibid.	
<i>Elaterium, 640. quæ eius dosis.</i>	753	
<i>Electuaria quid.</i>	809	
<i>Vnde dicta.</i>	ibid.	
<i>Solida cur dicantur.</i>	ibid.	
<i>Eorum differentia, & quomodo parentur.</i>	810	
<i>Electuarium de passulis, & foliis senæ laxatiuum.</i>	810	
<i>Elementi significatio duplex.</i>	40	
<i>Elementorum definitio, 49. numerus, 41. 50. an pura reperiantur in mundo, 41. an maneat in misto.</i>	53	
<i>Elementa duplex habent officium, 40. sunt corpora simplicia, ibid. habent motum simplicem, ibid. motus huius finis, ibid. eiusdem causa effectiua, ibid. cur elementa cum mora moueantur, 41. inter se possunt permutari, 55. singulis duæ insunt qualitates.</i>	51	
<i>Elementorum formæ vnde, 142. an pugna Elementorum in missione opus sit, 166. an corporum in atomos reductione, 167. an sola elementa misceantur.</i>	167	
<i>Elephas.</i>	117	
<i>Elixatio quid.</i>	59	
<i>Elixir proprietatis, 804. cordiale.</i>	793	
<i>Elleborus albus & niger.</i>	103	
<i>Ellebori nigri præparatio, 640. extractum, 804. quæ eius dosis.</i>	752	
<i>Embrocha quid sit.</i>	848	
<i>Εὐμάθεια quid significet.</i>	455	
<i>Emollientes clysteres.</i>	835	
<i>Emollientia medicamenta.</i>	629	
<i>Emplastica medicamenta.</i>	630	
<i>Emplastrum, 844. quomodo parentur.</i>	ibid.	
<i>Emplastrum diasulphur.</i>	842	
<i>Emulsio quale medicamentum.</i>	802	
<i>Emulsiones parandi modus.</i>	ibid.	
<i>Εμπροδοτον, 386. quas causas habeat.</i>	435	
<i>Εναιώρημα in vrina, 473. nubilosum.</i>	ibid.	
<i>Ενδελεία, & έντελέχεια.</i>	25	
<i>Endemij morbi qui sint.</i>	335	
<i>Ενέργεια quid.</i>	26	
<i>An ab έντελέχεια, differat.</i>	25	
<i>Εντελέχεια quid.</i>	ibid.	
<i>Epar an sit officina sanguificationis.</i>	283	
<i>Epar animalium qualis cibus sit.</i>	588	
<i>Epar quæ medicamenta sibi appropriata habeat.</i>	628	
<i>Intemperie laborans quomodo curetur.</i>	727	
<i>Epar calefacientia, 628. refrigerantia, ibid. Epirhema pro Epate.</i>	847	
<i>Epatis temperamentum, 463. temperati signa, ibid. calidi, ibid. frigidi, 464. an temperiei signa venarum amplitudo exhibeat, ibid. sicci signa, ibid. humidi, calidi & sicci, ibid. calidi & humidi, frigidi & hu</i>		

& Verborum.

& humidi, frigidi & sicci, ibid. affecti signa, 525		<i>Exanthemata</i> cum in malignis febribus apparent, an vena sit secunda. 719	
quomodo dispositum sit, ex vrina cognosci potest. 492		<i>Exciso</i> fœtus viui, 670. partium corruptarum, 671	
<i>Epatici</i> qui sint. 399		<i>Excrementum</i> primæ coctionis, 282	
Vt Epati medicamenta adhibenda. 777		Aquosum cum chylo relinquatur. ibid.	
<i>Επιφανίδια</i> signa quæ sint. 448		An detur tertium, 284	
<i>Επὶ 2. Aphor.</i> 267		Melancholicum. 282	
quid significet. 556		Secundæ coctionis. 275	
<i>Εφιαλτης</i> quale sit symptoma. 389. quibus ex causis eueniat. 444		<i>Excreta</i> quomodo sanitati conducant. 597	
<i>Epidimi</i> morbi. 335		Quomodo sint morbi causæ. ibid.	
<i>Επιγένεια</i> . 372		Quomodo rectè sese habeant. ibid. 599	
<i>Επιγινώδια</i> signa quæ sint. 448		<i>Excreta</i> quomodo sint morbi causæ, 347. quæ symptomata patiantur, 390. quibus ex causis symptomata patiantur, 445. quæ symptomata patiantur, 391. quas ob causas tota substantia peccent, 445. quæ qualitate peccent, 391. quibus ex causis qualitate peccent, 446. quæ quantitate peccent, 391. quas ob causas quantitate peccent, 447. mira & rara quæ sint, 381. mira & rara quas causas habeant, 445. quos morbos indicent, 519. quem locum affectum indicent. 520	
<i>Επίδεσις</i> . 733		<i>Excretio</i> naturalis & præternaturalis quot modis dicatur. 289	
<i>Epilepsia</i> quid, 388. particularis, ibid. quas causas habeat, 441. an ab obstructione ventriculorum cerebri, 442. an à crassa, vel potius tenui & vaporosa materia oriatur, ibid. quomodo generetur, 442. cur sensuum omnium actiones aboleat. 443		<i>Excretio</i> quæ signa habeat, 566. bonæ an mala sit, vnde cognoscatur. 567	
<i>Epithemata</i> , & quomodo parentur. 846		<i>Excretorum</i> symptoma quomodo ab actione laesa differat. 390	
<i>Epithymum</i> , 640. quæ eius dosis. 752		<i>Exempla</i> consensus & dissensus rerum. 146	
<i>Epulis</i> quid sit & quomodo auferenda. 675		<i>Exercitia</i> corporis quid ad sanitatem conseruandam conducant, & quam vim obtineant, 595. qualia conueniant adolescentibus, 601. qualia mediæ ætati, 608. qualia senibus. 610	
<i>Errhina</i> medicamenta. 643		<i>Exhalationis</i> duæ species. 60	
Quomodo parentur. 838		Exhalatio in operis Chymicis. 772	
<i>Error</i> externus quid sit, & quomodo actionem ledere dicatur. 374		<i>Exinanitio</i> an sit conuulsionis causa. 431	
Quæ ad eum pertineant. ibid.		<i>Exitus</i> morbi quomodo cognosci possit. 548	
<i>Erucarum</i> & papilionum generatio, 237. quomodo generentur. ibid.		<i>Expectorantia</i> medicamenta quæ sint. 643. 713	
<i>Eryngium</i> . 102		<i>Experientia</i> quid sit. 682	
<i>Essentia</i> , existentia & duratio inter se differunt. 22		In medicamentorum viribus explorandis plus valet quàm ratio. 646	
per Essentiam morbi qui sint. 334		Qualis requiratur. ibid.	
Essentialiter inhærentia quomodo locum affectum indicent. 519		<i>Expressio</i> quid sit in Pharmacopœia. 767	
Essentia quale medicamentum, 803. Castorei. ibid.		<i>Expultrix</i> facultas. 281	
<i>Esula</i> . 102		Quæ in ventriculo symptomata pariat. 376	
<i>Esula</i> quale sit purgans. 640		<i>Extensio</i> ossium fractorum. 649	
Quæ eius dosis. 753		Quotuplex. 646	
<i>Esulæ</i> extractum. 804		Quomodo fiat. ibid.	
<i>Euaacuatio</i> critica quam causam habeat. 549		Ossium luxatorum. 651	
Quænam sit optima. 565		<i>Extenuati</i> quomodo reficiendi sint. 737	
Quemnam quæque morbum soluat. ibid.		<i>Extergentia</i> medicamenta. 630	
An omnis quæ in principio morbi sit, sit mala. 551		<i>Externa</i> causa quæ sit. 342	
An omnis symptomatica mala. ibid.		Differt à προκαταρκτική. ibid. & 344	
<i>Euaacuatio</i> quotuplex, 696. sit à natura non à medicamento, 633. vniuersalis quæ sit, 696. particularis. 713		<i>Externa</i> causa an indicet. 684	
<i>Euaacuatio</i> per vrinam quibus morbis conueniat. 712		<i>Externa</i> medicamenta. 625	
<i>Euaacuatio</i> per sudorem quibus morbis conueniat. 713		<i>Extracta</i> Chymica. 803. 804	
<i>Euaacuatio</i> sanguinis in quibus morbis requiratur, 716		Quod fundamentum habeant. 621	
An vnâ, vel pluribus vicibus fieri debeat. 721		Vnde vim suam agendi habeant. ibid.	
<i>Euaacuatio</i> solita si suppressa sit, quomodo reuocanda. 728		Quomodo parentur. 803	
<i>Euaquantis</i> medicamenti dosis. 752		<i>Extractum</i> absinthij. 803	
<i>Euaaporatio</i> qualis sit operatio in præparandis medicamentis. 772		Catholicum. 804	
<i>Euentus</i> morbi quotuplex sit, & vnde cognoscatur. 531		Ellebori nigri, esulæ, rhabarbari, scammonij. ibid.	
Quomodo ex pulsibus cognoscatur. 515		Pestilentielle. 805	
Quâ horâ sit expectandus, Exitus quomodo cognosci possit. 548		<i>Extractio</i> rerum extra immisuram, 668. telorum, ibid. quotuplex, 669. globorum, ibid. rerum in faucibus hærentium, 669. in aures immisurarum, 670. vermium in aures illapsorum, ibid. rerum in oculos immisurarum. ibid. molæ extractio. 661.	
An stabilis, vel instabilis futurus, quomodo cognoscatur. 57		Vrinæ per catheterem. ibid.	
<i>Euidentes</i> causæ morbi quæ sint, 342. 344. à procatacticis quomodo differant. 341		<i>Extremorum</i> amputatio. 672	
<i>Euphorbium</i> . 639		Quando instituenda. ibid.	
Quæ eius dosis. 753		Quo in loco. ibid.	
<i>Euphrasia</i> . 101		Modus amputationis. 674	
		<i>Faba</i>	

Index Rerum,

F

- Faba** Syriaca pondus quale sit, 749. vide tabulam Ponderum.
- Faba** quale sint edulium. 580
- Facies** ægroti quid prælagiat, 545. Hippocratica quæ sit. ibid.
- Facti** morbi qui sint, 333. differantne à *μωρίμοις* & *ἐκτιμοῖς*. ibid.
- Facultas** læsa quid significet, 374. 396
- Facultas** naturalis cur ita dicta, 281. eius actiones quotuplices, ibid. nutritrix, auctrix, generatrix, attractrix, retentrix, concoctrix, expultrix. 281
- Facultates** animæ quomodo differant secundum Philosophos, 280. quomodo secundum Medicos, ibid. cur ita, ut sit, à Medicis enumerentur, 281. misceri possunt. 298
- Facultates** principes an sedibus in cerebro distinguantur. 307
- Ministræ** quæ sint. 281
- Facultates** animæ non sunt animæ essentia. 88
- Facultates** medicamentorum unde fluant, 580. quotuplices sint, ibid. quæ manifestæ sint, quæ occultæ, ibid. quot genera. 622
- Fames** unde oriatur, 393. non excitatur à melancholico excremento. 284
- Fascia** quid. 647
- Fasciarum** differentia. 647
- Fasciatio** quomodo instituenda, 715. vsus eius quis, ibid. vulneratarum partium. 652
- Fasciæ** quomodo fracturis applicandæ sint. 650
- Fasciculus** medicamenti quid sit. 747
- Fatuitas** quid. 382
- Fauces** quid indicent in ægris. 546
- Faucibus** quomodo inhærentia extrahenda, 669. quomodo medicamenta applicanda. 671
- Fax** accensa. 61
- Febris** an omnem morbum acutum comitetur, 336. quodcumque adest, tum urinam inspicere utile est. 493. quem pulsus edat, 511. in puerperis unde principium sumat. 553
- Febris** an oximel admittat, 786. maligna an venæ sectionem toleret, 719. an spiritum vitrioli utiliter admittat. 792
- Feces** alui, 282. liquidæ & induratae quas causas habeant, 446. quid prælagiant. 540
- Felis** sanguis haustus homini quam noxam inferat. 386
- Fermentatio** quid & an utilis sit ante destillationem, 789
- Fermentatus** panis. 579
- Fernelius** occultas qualitates defendit. 148
- Fernelij** sententiæ de origine animarum refutatio. 170
- Ferrum**. 87
- Ferri** calcinatio, 762. crocus, 763. tinctura, 770. sal. 763
- Ferula** quid sint, 648. fracturæ adhibendæ. 650
- Fibula**. 654
- Ficus** qualis sint cibus. 584
- Fieni** contra animæ humanæ in semine præsentiam obiectio. 181
- Fieni** de animæ humanæ in conceptione præsentia opinio, 198. veræ conclusiones, 199. in quibus deficiat, ib. falsæ conclusiones, ibid. animam tertiam demum die esse præsentem, non probat Fienus. 200
- Fientes** morbi qui dicantur, 333. à morbis in *ἄετι*, an differant. ibid.
- Figura** partium non competit ipsis quatenus similes, 331. quos morbos patiatur, 298. vitiata quas causas habeat. 369
- Figura** capitis naturalis, 453. vitiosa. 454
- Figura** partium vitiata quid indicet, 733. quomodo curanda sit. ibid.
- Filipendula**. 102
- Filtratio** Chymicis quid sit. 766
- Fimus** equinus quomodo in putrefactione vsurpetur. 764
- Finis** & vsus Materiæ. 141
- Finem** seu finalem causam morbus non habet. 340
- Fistularum** apertio. 656
- Flamma** ardens quomodo generetur. 61
- Flatus** discutientes clysteres. 835
- Flatus** quomodo discutiantur. 631
- Flatus**, & flatuum generatio, 352. quibus ex causis fiant, ibid. quibus signis cognoscantur. 518
- Flava** bilis quid sit, 350. quomodo generetur, ibid. quibus signis cognoscatur, 517. quod non sit pars massæ sanguinis. 350
- Flos** salis. 78
- Flores** persicorum quale sint purgans. 648
- Flores** Chymicis quid. 819
- Flores** sulphuris, 819. Antimonij, 820. ex vitro 5
- ibid.** Antimonium flavi, albi & rubri, ibid. Mercurij argentei, ibid. Benzoës. ibid.
- Fluctuationes** in ventriculo. 376
- Fluvialis** aqua qualis potus. 592
- Fluxio** humorum an Cacochymiam faciat. 696
- Fluxio** humorum in morbis quæ fiat. 363
- Fluxus** alui curatio. 747. sanguinis curatio. ibid.
- Fodina** metallicæ quomodo aerem inficiant. 577
- Fœmina** non concipit absque viro. 291
- Fœminarum** semen etiam est prolificum. 191
- Fœniculum**. 102
- Fœtor** alarum, quas causas habeat, ibid. aurium, 445. inguinum, ibid. narium, ibid. oris, pedum. ibid.
- Fœtus** quæ principia habeat, 290. quas membranae ipsam ambientes. 294
- Fœtus** formationis ordo, 294. tempus, 295. causa princeps in semine est non accidens, sed anima, nec anima materna solum. 293. 294
- Fœtus** quibusnam à grauida assumptis confortetur, 600. quibus medicamentis mortuus expellatur, 642. quomodo vivus excindatur. 670
- Fœtus** animalium non formatur ab utero, 193. status controuersia de formatione fœtus. 194
- Fœtus** membranae ab animæ formantur. 198
- Fœtus** formatior mox à prima cœceptione incipit. 200
- Fœtus** conformatio sit ab una anima. 205
- Fomenta** quid, 847. quas differentias habeant, ibid. sicca quæ dicantur. 848
- Fontana** aqua qualis potus. 592
- Fontanella**, 665. loca fontanellæ, 249. quomodo fiat. 669
- Fontes** è mari ortum habent, 72. cur ex altissimis montium iugis oriantur. ibid.
- Forma** causa motus elementorum. 40
- Formæ** elementorum per qualitates circumscribuntur. 50
- Forma** an in putredine aboleatur. 57
- Forma** est substantia, 10. incorporea per se, ibid. definitur, ibid. potest dici principium passuum, 13.
- Forma** informans an sit natura. ibid.
- Formæ** competit nomen naturæ. 13
- Formæ** quædam sunt communicabiles, quædam diuisibiles. 10
- Forma** determinat quantitates & figuras. 185
- Forma** quot modis sit in re. 187
- Formatio** plantarum mira, 189. propagationis plantarum varij modi. ibid.
- Formarum** mistio est possibilis. 191
- Forma** sponte ortorum viucentium an fiat ab intelligentiis. 212
- Formæ** subordinatæ dantur. 218
- Formæ** subordinatæ an sint specificæ, ib. rebus insint. ibid.
- Forma** una interna varias formas externas inducere potest. 219

& Verborum.

Formæ tam substantiales, quàm accidentales repletiue sunt in loco, 15. plures esse possunt in vno loco.	ibid.	Fulmina quo anni tempore crebriora sint, ibid. illorum differentia, ibid. effectus miri.	ibid.
Formæ per se nec quantæ sunt, nec diuisibiles.	15	Fumaria.	98
Formarum origo.	10. & 11	Fumaria.	640
Forma vnâ perditâ alia accedit.	55	Fumigatio quid.	763
Formæ in atomis remanent.	221	Fundulus piscis, qualis cibus sit.	590
Formæ viuientium diu latent.	ibid.	Fungi qualem cibum præbeant.	585
Forma vna an mutetur in aliam.	221	Fungi, 96. igniarij.	ibid.
Forma principalis generationis causa.	141	Fungi è lapidibus.	225
Formarum origo prima.	142	Fungi è vino in lapidem.	ibid.
Formæ Elementorum vnde.	142	Fungorum in corpore extirpatio.	676
Formæ an educantur è potentia materia.	143	Fusio Chymicis quid.	760
Formæ nobis incognita.	148	G	
Formæ plantarum & brutorum an sint ex Elementis.	152	Agates.	79
Formarum proprietates.	143	Galanga.	97
Formæ mistorum formis superaddita.	147	Galaxia quid, 38. non est meteorum.	ibid.
Formarumeductio reiicitur.	167	Galega.	98
Forma morbi medicamenta interna.	619	Galenimedendi methodus.	680
An essentialis in partibus separatis maneat.	621	Galenio opinio de Dei potentia.	456
Formæ non est qualitas.	323	Galenus Deo creatori hymnum canit.	179
Diuiditur ad diuisionem materia.	293	Galle generatio.	231
Vnde vim agendi habeat.	ibid.	Gallinacea caro, Gelatinam inde parandi ratio.	780
Specifica requirit propriam materiam.	274	Gillus Indicus qualis sit cibus.	589
Non patitur morbos.	318	Gammari qualis sint cibus.	591
Forma morbi.	340	Gargarismi, 837. quas differentias & quem vsum habeant, ibid. quomodo parentur.	ibid.
Formationis fœtus ordo, vide Fœtus.		Garyophyllata.	103
Formatrix vis corporis animati quæ sit.	291. 294	Gaudium quomodo conducatur ad sanitatem.	636
Inuestigatu est difficilis.	291	Gaudium quâ ratione sit causa morbi.	347
Quanto studio à Galeno inuestigata sit, ibid. quid reuera sit.	292	Gelatina carni, 780. perdicis, 780. purgantes.	807. & seqq.
Quid secundum Fernelium.	ibid.	Gemmarum calcinatio.	762
Quid secundum Iacobum Schegkium.	ibid.	Gemmarum materia, 81. causa efficiens, 81. colores vnde, 80. locus natalis.	ibid.
Fornice.	118	Generatio viuientium quomodo fiat.	172. 382
Formæ destillationis per ascensum, & acedia.	768	Generatio quando fiat, & quæ requirantur.	187
Fortis aqua quæ Chymicis indicantur.	763	Generatio animalium duplex.	192
Fortuna an in Medico requiratur.	849	Generatio æquiuoca.	210
Fortuna quid sit.	14	Generatio spontanea quid, 210. quæ sponte generantur.	ibid.
Differt à casu.	ibid.	Generatio viuientium quoduplex	ibid.
Fovea, meteoron.	64	Generatio musci.	226
Fracta membra quomodo extendenda, 649. quomodo conformanda, 650. quomodo deliganda, ibid. quomodo collocanda.	ibid.	Generatio erucarum & papilionum. 237. quomodo generentur.	ibid.
Fractura.	332	Generationis animalium è plantis viuentibus duo modi.	239
Fractura quæ ad eam curandam necessaria, 648. cum vulnere quomodo tractanda, 649. quomodo curanda.	650. 739	Generationis principalis causa forma.	141
Fracturis ferulæ adhibenda.	650	Generatio combustorum & refrigerantium.	146
Fraga qualis cibus.	583	Generatio misti animati & inanimati differunt.	166
Frictiones quomodo euacuent sanguinem.	680	Generatio viuientium quomodo fiat, 172. & 210. quando.	ibid.
Frigida intemperies quam requirat diætam.	612	Generatio viuientium duplex.	171
Frigida temperiei medicamenta.	623	Generatio & corruptio non sunt propriè motus, 27. duplex eorum acceptio, ibid. natura earum in quo consistat.	54
Frigiditas memoriæ obest, 420. an sola somni profundioris causa sit.	416	Generatio animalium triplex.	116
Frigida intemperies quales vrinas reddat.	489	Generationis animalis modus.	126
Frigida temperiei seu frigidorum morborum causa.	361	Generationis definit. 54. forma, subiectum, causa efficiens, finis, 55. an in ea fiat resolutio ad primam materiam.	ibid.
Frigidi definitio.	50	Generationis hominis opus admirandum.	291
Frixa cibaria noxia.	587	Generatrix facultas.	281. 290
Fragæ quale suppedient alimentum.	579	Quas sibi subditas facultates habeat.	294
Frumentum Sarracenicum.	580	Quomodo latur.	378
Frumentum.	97	Quibus à causis tam in viro, quàm in fœmina latur.	403
Frustratio actionis an sit symptoma.	373	Generis logici & phisici differentia.	173
Fulgurationis nunc cum tonitru nunc absque tonitru causa quæ sit.	63	Genista.	98
Fulgur & fulmen differunt.	ibid.	Gialapa quale sit purgans, 632. quæ eius dosis.	753
Fulgur quid sit, ibid. prius in oculos incurrit quàm tonitru.	ibid.	Glacialis aqua qualis potus sit.	592
Fulmen quid sit, 63. declaratur ex Chymicis, ibid. eius motus qui sit.	ibid.	G G G g	
Dan. Sennerti Tom. I.		Glandes	

Index Rerum,

<i>Glandes</i> , 834. quem vsum habeant, quando adhibenda, quot genera habeant, & quomodo parentur.	835	<i>Halosanthos</i> .	78
<i>Glans</i> non perforata.	655	<i>Hæticus</i> morbus.	333
<i>Glaucoma</i> .	408	<i>Hemina</i> , qualis sit mensura.	751
<i>Globorum</i> extractio.	634	<i>Henricus</i> piger, fornax.	568
<i>Gluten</i> .	289	<i>Hepar</i> vide Epar.	
<i>Glutinant</i> es clysteres.	835	<i>Herba</i> putrefacta renascuntur.	288
<i>Glutinantia</i> medicamenta.	632	<i>Hercos</i> Barbarorum quid.	334
<i>Glycyrrhiza</i> .	98	<i>Hermis</i> sigillum.	764
<i>Gonorrhœa</i> unde fiat.	401	<i>Hermodactyli</i> , quale purgans, 739. quæ eorum dosis.	752
<i>Gracilitas</i> symptomatrica, 392. quas ob causas eveniat.	382	<i>Hernia</i> aquosa.	677
<i>Gradius</i> contrarietatis in alteratione observandus, 730. medicamentorum, 622. caloris secundum Chymicos.	758	<i>Herniæ</i> vterinæ admiranda historia.	329
<i>Gradius</i> primi, medicamenta calida, 623. frigida, 622. humida, ibid. sicca.	623	<i>Herniaria</i> .	101
<i>Gradius</i> secundi, calida, 622. frigida, 623. humida, ibid. sicca.	ibid.	<i>Hiems</i> , vide Hyems.	
<i>Gradius</i> tertij calida, 623. frigida, 622. sicca. ibid.	ibid.	<i>Hiera</i> picra, an omnibus ad sanitatem conferendam conducatur.	613
<i>Gradius</i> quarti, calida, 623. frigida, ibid. sicca. 623.	ibid.	<i>Hirudines</i> , 662. ut applicanda, ibid. quâ ratione plethoram tollant, de earum usu in sanguine imminuendo, ibid. quomodo præparanda.	662
<i>Gradius</i> primi, purgantia quâ dosi exhibeantur, 752. secundi, ibid. tertij, ibid. quarti.	753	<i>Hædina</i> caro, vide Hædina.	
<i>Gradius</i> primi, euacuantia, 752. secundi, ibidem, tertij, ibid. quarti.	ibid.	<i>Homo</i> nisi cum semine det animam an possit dici sibi simile generare.	200
<i>Gramen</i> .	96	<i>Homo</i> an habeat tres essentias.	203
<i>Granatus</i> .	84 & seq.	<i>Homo</i> quomodo sit simul homo, & animal vegetans.	204
<i>Grando</i> quid sit, 69. quomodo & ubi generetur, ibid. in illa sæpe miræ sunt imagines.	ibid.	<i>Hominis</i> partes essentielles.	121
<i>Granum</i> pondus,	747	<i>Hominis</i> temperies qualis sit.	267. 268
<i>Gratiola</i> , quæ eius dosis.	753	Quotuplex sit, ibid. quæ sit ei convenientissima. ibid.	
<i>Grania</i> & levia tardius in principio, velocius in fine mouentur.	41	<i>Hominis</i> temperati descriptio.	450
<i>Grauida</i> mulier, quæ sibi noxia vitare debeat, 600. an venæ sectionem ferat, 719. an purganda sit.	697	<i>Hora</i> exitus morbi quomodo cognosci possit.	548.
<i>Grauida</i> mulier an ex urina cognosci possit.	489	Crisis futura quibus signis pateat.	570
<i>Gravitas</i> & leuitas duplici sentu accipiuntur.	41	<i>Hora</i> venæ sectionis commoda.	722
<i>Grumi</i> sanguinis in urina.	487	<i>Hordeum</i> , quale nutrimentum.	580
<i>Guaiaci</i> decoctum.	780	<i>Hordei</i> ptisana, ibid. aqua seu decoctum.	787
<i>Gustus</i> quid sit.	304	<i>Horror</i> quid sit, 387. quas causas habeat, 537. quæ præagiat.	436
Quomodo à tactu differat.	305	<i>Humana</i> naturæ conueniens temperies.	268
Quod medium habeat.	ibid.	<i>Humani</i> corporis temperies calida & humida.	268
Quibus symptomatibus obnoxius sit.	380	<i>Humida</i> temperiei, medicamenta.	623
Quibus à causis lædatur.	411	<i>Humida</i> intemperiei causæ.	263
Læsus quid præagiat.	535	<i>Humidum</i> primigenium an ad calidi innati essentiam pertineat.	273
<i>Gustus</i> definitio, 110. differt à tactu, ibid. Obiectum, ibid. Medium.	ibid.	<i>Humidum</i> radicale, plantarum.	621
		<i>Humidi</i> definitio.	50
H.		<i>Humor</i> quid Medicis significet, 274. innominatus quid sit, 288. crudus, 349. melancholicus, 285. an sit crassus vel aqueus, 357. quam habeat differentiam, 358. non effunditur in ventriculum, 284. non excitat famem naturalem, ibid. quomodo sit causa appetentiæ caninæ.	394
H abitationis locus salubris.	578	<i>Humores</i> adusti.	355
<i>Habitus</i> corporis, quomodo purgationem variet, 697. quomodo venæ sectionem determinet, 719. quomodo, num per inferiora vel per superiora purgandum sit monstret.	708	<i>Humores</i> diuersi non confundendi, 357. quomodo distinguendi, ibid. an sint causæ morbi, 253. quomodo attrahantur, 363. quomodo transmittantur, ibid. an ab vna corporis parte in alteram transmittantur, 364. partibus temperiem suam communicant, 363. an in corpore venenorum naturam induere possint, 365. corrupti eisdem cum venenis effectus edunt, ibid. an solum primis qualitatibus corpora nostra afficiant, 354. quæ signa habeant propria, 516. quæ signa communia habeant.	ibid.
<i>Habitus</i> corporis quid indicet.	544	De Humoribus Chymicorum opinio.	354
<i>Hædina</i> caro.	588	<i>Humorum</i> degeneratio, & corruptio à venenis.	356
<i>Hæmatites</i> .	84	<i>Humores</i> secundarij qui sint.	288
<i>Hæmorrhagia</i> narium futura quæ signa habeat, 567. quid præagiat, 542. quos morbos criticè soluat.	565	<i>Humorum</i> vitiosorum coctio quibus signis se manifestet.	527
<i>Hæmorrhagia</i> vulnery, quomodo sedanda.	739	Qua ratione tempora morborum monstret.	530
<i>Hæmorrhoides</i> , quâ ratione plethoram tollant.	714	<i>Humores</i> præparantia, medicamenta.	628
<i>Hæmorrhoides</i> qualem sanguinem fundant, 285. quæ signa dent fluxus sui futuri.	569	<i>Humores</i> peccantes, quantitate, 714. peccantes motu, quid indicent, 724. qui Humores per urinam eua-	
<i>Hæreditarij</i> morbi qui sint, 334. quas habeant differentias.	ibid.		
<i>Hælec</i> piscis, quale sit alimentum.	591		
<i>Hælo</i> , 72. eius generatio.	ibid.		
<i>Hælena</i> , meteorum.	62		
<i>Hælenium</i> .	99		

& Verborum.

evacuandi, 712. peccantes secundum locum 729.
quibus medicamentis digerantur & præparentur,
628. quam coctionem requirant, 704. vide, *Co-*
ctio, peccantes circa purgationem obseruandi,
698. an vnâ vel pluribus vicibus expurgandi sint,
706. impacti in parte quomodo tollendi, 729. an
mox in principio morbi purgandi sint turgentibus,
699. ad partes nobiles ruentes an in principio
purgandi, 701. an maligni & venenati in prin-
cipio evacuandi seu purgandi, 702. an tenues, an
copiosi non cocti in principio purgandi. 702
Humorum præparatio, 703. differt à coctione hu-
morum, ibid. quotuplex sit, 704. quæ coctionem
antecedat, ibid. quæ coctionem sequatur. 706
Humorum deriuatio, vide *Deriuatio*. digestio quid.
704
Humorum vitiosorum coctio, vide *Coctio*.
Hyacinthus. 84
Hyberni morbi. 335
Hydragoga medicamenta. 599
Hydrocephali sectio. 661
Hydromel § 85. quomodo fiat. ibid.
Hydromel ad Paralyfin, ibid. purgans. 786
Hydrosolum. 801
Hyems quam temperiem obtineat. 578
Hyems quomodo fiat causa morborum. 345
Hymnus Galeni. 179
Hypericum. 98
Hypochondria quid significat in ægris. 546
Hypochondriacæ melancholiæ causa. 423
Hypoglottides. 834
Hyssopus. 100

I

Iaculum, meteorum. 61
Iaspis. 83
Icteri prognosticon, § 45. an Icterus ante septi-
mum in febribus malus. ibid.
Ictus animalium venenatorum periculosiores, qui.
368
Idea morbi quomodo tempora morbi monstret.
529
per *Idiopathiam* morbi qui sint, 334. quomodo à
morbis per *συμπάθειαν* discernendi. 334
Ignis fatuus. 61
Ignis lambens. 62
Ignis perpendicularis, vel pyramidalis quid sit. 61
Ignis essentialis calorem à cælo non habet. 35.
Elementaris à nostro differentia. 42. est Elemen-
tum, ibid. leuissimum & rarissimum, ibid. summè
& primò calidum & siccum. 48. cur vrat. 42. eius
locus, ibid. Regi comparatur, 51. solus non pu-
trefcit. 57
Ignis circularis, 758. reuerberatorius quis dicatur. ib.
Ignis gradus qui sint in operationibus chymicis,
758. quomodo administrentur. ibid. obseruati
Chymico maximè conducunt. 759
Ignis mirabiles proprietates. 148
Ignis non est accidens. 160
Ileus qualis affectus, 378. quas causas habeat. 399
Imaginatio, vide *Phantasia*.
Immatunitas quid. 59
Immortale duplex est. 121
Imperatoria. 102
Impetiginis causæ. 393
Inanimatum non potest generare animatum. 182
Incendia montium à bitumine, siue sulphure profi-
ciscuntur. 77
Incidentia medicamenta. 630
Incrassantia medicamenta quæ sint. 630
Incrementum morbi quid, 338. quibus signis cogno-
scatur. 530
Incurabiles morbi quotuplices. 690

Dan. Sennerti, Tom. I.

Incubus quid, 389. quas causas habeat. 444
Indicans quid sit, 684. verum quas notas & condi-
tiones habeat, ibid. curatorium, 685. præseruato-
rium, ibidem. vitale, ibid. adæquatum venæ se-
ctionis quodnam sit. 717
Indicantium numerus, ibid. numerus ab ignaris plus
iusto malè auctus fuit, ibid. dignitas. 689
Indicatio quid sit, 681. ad quam mentis opera-
tionem pertineat, 682. quas differentias habeat,
683. quæ generica sit, & quæ specifica, ibid. utilis,
683. inutilis, ibid. inartificiosa, ibid. artificiosa,
684. curatoria, ibid. præseruatoria, ibid. vitalis.
ibid.
Indicatum quid sit, & quomodo diuidatur. 689
Indicati remedium quomodo debeat esse contra-
rium. 691
Indicato respondens materia medica quomodo in-
uenienda. 693
Indices, Indicantes, vel Indicatorij dies qui sint, § 52.
§ 55. quot sint, § 56. quid indicent. § 55. aliquando
sunt decretorij. 557
Indicus gallus, qualis sit cibus. 589
Indurancia medicamenta quæ sint. 629
Inebriantes res quales sint. 421
Inedia quomodo euacuet sanguinem. 714
Inediæ diuturnæ incommoda. 345
Inedia symptomatica quibus à causis fiat. 393
Infantes an materno potius quàm alieno lacte sint
alendi, 600. quamdiu sint lactandi. 601
Infantia qualem dietam requirat. 601
Infantia. 271
Infantium temperamentum. ibid.
Infinium an detur. 17
Inflammationes quos pulsus edant. 512
Inflammatiō an cerebro accidere possit. 421
Ingenia præcocia. 459
Inflammatiō quomodo curetur. 772
Infusa. 781. quomodo parentur, ibid. cum decoctio-
ne, 782. vomitoria. 783
Infusum purgans è foliis Senæ. 782
Infusio, operatio Pharmaceutica. 765
Inguinum fætor. 445
Iniectio in vterum, 836. in vesicam, 837. in penem.
ibid.
Inordinati morbi. 337. pulsus, 500. quas differentias
habeant. 500
Inquietudo, vide *Anxietas*.
Inquinatio quid. 59
Insecta & vilia animalia etiam consideratu digna.
210
Incessus. 848
Instrumentum separatum per se agens nullum datur.
175
Instrumentum actus primus & secundus. 175
Instrumentum à causa principali directum agit su-
pra suas vires. ibid.
Instrumenti ratio in quo consistat. 176
Instrumentalis morbi causa ad efficientem perti-
net. 341
Intellectio duplex, 124. eius obiectum. ibid.
Intellectus differentia, 122. sedes. 130
Intellectus agens quid, 122. eius officium, 123. sub-
iectum, in quod agit. ibid.
Intellectus patiens quid. ibid.
Non differt ab agente realiter. ibid.
Intellectus duplex, speculatiuus & practicus. ibid.
Intellectus operatio. ibid.
An singularia intelligat. 124
Intellectus sedes. 309. 382
Actiones edit sine instrumentis corporis, 309.
vide *Ratiocinatio*.
Intemperata medicamenta, quæ dicantur. 622
Intemperatorum corporum signa. 451

G G G g 2 Intem

Index Rerum,

Intemperati an similia vel contraria appetant. 466
Intemperatum hominum diata, 611
Intemperies, quid indicet, 730. quanam facilius curetur, 731. materialis quomodo curetur. 732
Intemperiei humidæ medicamenta, 623
Intemperiei morbi, quomodo curentur. 730
Intemperies calida, vide, Calida, frigida, vide, Frigida, humida, vide, Humida, vide, Sicca.
Intemperies quid & quoruplex sit, 517. an sit proxima doloris causa, 414. in priuatis partibus ex vrina cognosci non potest, 493. cum materia quæ sit, 317. materialis quor modis excitetur, 363. sine materia seu immaterialis quæ sit, 317. quæ æqualis. inæqualis, 318. calida & humida an detur. 318
Intemperies humida unde fiat, 362. composita. ibid.
Intemperiei morbi. 317
Intemperies calida, vide Calida: frigida, vide Frigida: humida, vide Humida: sicca, vide Sicca.
Intentio quid sit. 34
Intercidentes dies vel intercalares Medicorum. 556.
 557
Intercipientia medicamenta, 728. quibus locis applicanda sint. ibid.
Intermittentes morbi. 337
Interni morbi. 334
Intestina animalium, qualis sint cibus. 588
Intestinorum prolapsorum repositio. 651
Intestinorum obstructionis curatio. 734
Intestinorum diuissio. 126
Intestinis vis quædam concoctrix inest. 282
Intybum satium. 99
Iouis calcinatio, 818
Iouialium descriptio. 452
Irasibilis vis. 297
Ireos radix, quale sit purgans, 640. quæ eius dosis. 752
Iris circa candelas malè videntibus apparens est in oculo. 406
Iridis definitio, 70. subiectum, ibid. causa efficiens, ibid. cur tantum à sole & luna fiat, 71. nunquam est integer circulus, ibid. eius colores tres, ibid. unde illorum diuersitas sit, ibid. Lunaris albior, quàm solaris, ibid. cur colores tantum, non ipsa imago solis, vel lunæ appareat. ibid.
Iris herba. 97
Iris quid sit, 378. quas causas habeat. 399
Iuglandes, qualis sint cibus, 585. quomodo sint condienda. 807
Iuglandium corticum oleum. 798
Iulebi, 801. quomodo parentur. ibid.
Iuncus. 97
Iuniperi spiritus. 790
Iura instaurantia, & consummata. 780
Iuscula alterantia. 780
Iuuentus, 271. quale obtineat temperamentum, ibid. quales vrinas reddat, 489. quales pulsus edat. 510

K

K *κακοχολία* quid sit, 348. vbi sedem suam habeat. ibid.
καχεξία quid sit, 375. quas causas habeat. 392
Κέρχυν quid sit. 387
Κυανθραπία quid sit. 385

L

L *Abores quomodo vrinas mutant.* 489
Lac deficiens, vitiosum alias & concreescens

quas causas habeat, 401. animalium quorundam comestum mores immutandi vim obtinet. 425
Lac, quale sit alimentum, 585. quas differentias habeat & quas partes, ibidem. quodnam sit optimum, 586. acidum siue oxygala qualis sit cibus, ibid. quibus à medicamentis generetur, 633. quibus à medicamentis imminuatur, 635. maternum quandiu infanti præbendum. 601
Lac sulphuris. 828
Lachryma cerui an sit lapis Bezoar. 84
Lactuca. 99
Lactuca, quale sit edulium. 581
Lacuum vicinitas, aut distantia quid ad sanitatem tuendam faciat. 577
Lenigatio. 760
Leuitas præternaturalis an sit morbus organicus, 326. quas causas habeat. 370
Lambile, quomodo fiat. 811
Lampetra. 591
Lancea ardens. 61
Lapis Nephritius. 85
Lapis Armenus. ibid.
Lapis Lazuli. ibid.
Lapis Amianthus. 84
Lapidum & gemmarum materia. 81. causa efficiens, 80. differentia. 81
Lapides porosi solidi, ibid.
Lapis fulminaris quomodo fiat. 63
Lapides quales è quibus fungi nascantur. 225
Lapidum pretiosorum calcinatio. 762
Lapidum lotio. 765
Lapis Armenus, 640. quæ eius dosis, 752. Lazuli, ibid. nephritices, 643. vegetabilis Chymicorum. 816
Laquei, ad deligationem pertinentes. 648
Laryngotomia. 661
Laserpitium ex imbre natum. 228
Lassitudo quid sit, 386. quas causas habeat, 430. quid prælagiat. 535
Laudanum opiatum. 805
Lauendula. 100
Lauendula aqua, comp. 794
Laxantia medicamenta. 629
Laxatiuum electuarium, de passulis & foliis senæ. 810
Laxatiuus syrupus. 801
Laxatiua confectio, de pomis. 809
Legitimi morbi. 393
Legumina. 97
Lemnar Norvvegiæ animal. 235
Lenientia medicamenta. 690
Quomodo sint exhibenda. ibid.
Lens palustris. 96
Lantes, qualis sint cibus. 580
An in variolis & morbillis prosint. ibid.
Leporina caro. 589
Lethales morbi. 337
Lethargus quid sit. 387
Quibus à causis fiat. 437
Leucoium luteum, 99
Leucophagum, quale medicamentum. 811
Leusticum. 102
Libra, 747. quæ pondera alia sub se contineat, 748. Ponderum. ibid.
Liceti opinio de educatione formarum potentia materiarum. 173
Liceti opinio de sponte natorum propriè dictorum origine. 217
Liceti sententia de materia sponte ortorum viuentium. 220
Liceti sententiarum examen. ibid.
Lichen, planta. 96
Lichenis genera. 227
Lien

& Verborum.

Lien quæ medicamenta appropriata habeat, 628.
Lieni quomodo medicamenta applicanda, 777. si
 laboret utrum in sinistro an verò in dextro bra-
 chio vena sit aperienda, 722. intemperie laborans
 quomodo sit curandus, 731. animalium qualis sit
 homini cibus. 588
Lien, quem vsum habeat ex sententia Galeni & vul-
 gata, 283. ex Aristotelis & recentiorum senten-
 tia, 284. secundum conciliatas omnium senten-
 tias, ibid. 357. vices interdum hepatis sustinet,
 284. sanguini defecando inseruit, ibid. sanguifi-
 candi vim obtinet, 285. succum melancholicum
 non ex hepate, sed ex splenitico ramo trahit, ib.
 quem venarum suarum ac meatuum ortum &
 progressum habeat, 283. quam cum ventriculo
 connexionem habeat, 284. hepati similem con-
 stitutionem obtrinet, ibid. morbis melancholicis
 obnoxius est, 283. destituitur cavitare, ibidem, &
 crassa attrahit, 557. aquosa. ibid.
Lienteria quid sit. 376. 377. quas ob causas eue-
 niat. 398
Lilium album. 97
Liliorum conuallium aqua comp. 795
Limatio, operatio Chirurgica, 663. Pharmaceutica.
 760
Linea quid sit 15
Lingua partes & vsus. 128
Lingua animalium quale suppeditet nutrimentum.
 588
Lingua morborum signum, 515. quid præfagiat, 546.
 quam constitutionem naturalem habeat, 515.
 quomodo, & quibus de causis eam mutet. ibid.
Linimenta, 842. quomodo parentur. 843
Lipothymia quomodo curetur. 740
Lipothymia quid, 379. quas causas habeat, 404.
 quid præfagiat. 538
Liquatio. 760
Liquores ad extractiones idonei. 803
Lithanrax. 79
Loca affecta quibus cognoscuntur, signorum fontes,
 519. per se affecta & per sympathiam quomodo
 discernenda sint. 521
Loca affecta quid ad indicationem conferant, 686.
 sunt interdum causa compositi medicamenti.
 445
Locus per quem purgatio fieri debeat vnde indice-
 tur. 707
Locus habitationis salubris. 578
Locus & situs differunt, 19. loci proprietates, an su-
 perficie, an verò spatio rectius conueniant. ibid.
Locus est spatium. 20
Locusta. 118
Logica non est pars philosophiæ. 2
Λόγος *ἡσυχίας* an sit conformationis fœtus humani
 causa. 201
Longus morbus quem victum requirat. 443
Longus morbus quid sit, 336. vnde cognoscatur,
 547. quando crisi finiatur. 564
Loquela quomodo lædatur, 387. quibus à caus-
 sis lædatur, 435. difficilis reddita. ibid.
Lotio medicamentorum. 765
Lotiones medicatæ. 848
Lucius piscis, qualis sit cibus. 590
Lumbricorum oleum. 800
Lumen quid, 34. an sit accidens reale, an intentiona-
 le, ibid. quomodo ad visionem concurrat. 107. an
 ipsum videatur. ibid.
Lumen nimium cur visui officiat. 407
Luna in inferiora efficax est, 561. mota ad signa qua-
 drata & opposita in inferioribus insignes causæ
 mutationes, 562. est causa dierum critico-
 rum, 561. quomodo sit causa dierum criticorum,
 562. quis motus Lunæ in diebus criticis obser-
 uandus. 563
Lunæ calcinatio, 762. tinctura, 806. magisteriū. 816
Lunarium descriptio. 450
Lunaticus morbus. 388
Lupina insania, 385. quoruplex. ibid.
Lupinus quæ contineat pondera. 748
Lupuli turiones qualem præbeant cibum. 581. 582
Lusio sita vnde oriatur. 408
Lutum ad vasa destillatoria munienda, 770. ad com-
 missuras vasorum claudenda. ibid.
Lux, lumen & Radius quomodo differant. 34
Luxatio quid sit, 329. quot modis fiat, ibid. quas dif-
 ferentias habeat, ibid. quibus à causis fiat. 371
Luxatio quomodo curetur. 738
Luxatorum reposicio quot modis fiat, 650. quot
 operationes requirat. 651
Luxatorum membrorum collocatio. 651
Λυαυθροπία quid sit, 385. quoruplex sit, 385. quas
 habeat causas. 424
Lychnis. 98

M.

Maceratio. 765
Macis oleum. 798
Magisteria Chymica. 815
Magnetis admirandi effectus, 81. conuersionis causa,
 82. cur ferrum trahat. 83
Magnes armatus. ibid.
Magnus morbus quis, 335. quot modis dicatur, ib.
 an idem sit cum vehementi, 336. quæ signa ha-
 beat. 519
Magnitudo partium, 280. non competit partibus,
 quatenus similes sunt, 331. quos morbos paria-
 tur, 316. incrementum duplex habet. 371
Magnitudinis morbi duplices sunt, 28. quas caus-
 as habeant, 371. quomodo à morbis numeri dif-
 ferant, 328. interdum cum morbis numeri con-
 iunguntur. 329
Magnitudo partium, 280. non competit. ibid.
Magnitudo partium aucta quid indicet & quomo-
 do sit imminuenda, 737. imminuta quid indicet,
 & quomodo curanda sit. ibid
Magnitudinis morbi quomodo curentur. 733
Malacia quid sit. 376. 394
Maiorana. 101
Mala Armeniaca quale sint edulium. 584
Malignarum causarum differentia 336
Maligni morbi qui, 336. quando ab aëre generan-
 tur, 366. quæ signa habeant. 519
Malleolorum sacrificatio. 658
Maltha. 78
Mandragora. 99
Mania quid, 385. quibus à causis fiat. 424
Manica Hippocratis. 766
Manipulus qualis acruus sit. 747
Manna qualis sit purgans. 637
Quæ eius dosi. 752
Manna quid, 70. an nostrum manna idem sit cum
 Israëlítico. ibid.
Mansiones graduum. 640
Manus Christi purgantes. 829
Manus cur geminæ. 131
Manus quomodo sit applicanda ad cognoscendum
 pulsus. 502
Marasmus. 558
Mare cur falsum, 73. eius æstus causa. ibid.
Maris vicinitas vel distantia quid ad sanitatem fa-
 ciat. 577
Marga quid. 75
Eius species. ibid.
Margarita. 85
Margaritarum & coralliorum spiritus, 796. sal &
 magisterium, 805. tinctura. 805
Marrubium. 100

Index Rerum,

- Martialium* descriptio. 452
Martis calcinatio, 762. sal, 763. crocus, 819. tin-
 ctura. 806
Martius panis, 830. purgans. ibid.
Masticatoria medicamenta quomodo parentur. 800
Mastiches spiritus destillatus, 791. compositus, 695.
 oleum. 798
Materia prima quod sit probatur, 7. duobus modis
 consideratur, 8. definitur, ibid. non est Ens ratio-
 nis, ibid. nullam habet existentiam per se, ibid. est
 interminata, ibid. eius potentia vel vniuersalis, 9.
 vel particularis. ibid.
Materia rerum naturalium. 146
Materia corporum an detur alia, præter elementa. ib.
Materiam qui solum dat non sibi simile generat. 200
Materia sponte ortorum viuentium. 219. 220
Materia ex qua, morbo non est. 340
Materia morbi. 323
Materia medica Indicato respondens quomodo in-
 uenienda. 659
 Quâ quantitate & quo tempore administranda.
 694
 Quo loco, ibid. quo modo. ibid.
Materia auxilij & auxilium differunt. 616. 689
Mathematicarum disciplinarum diuisio. 3
Matricale vinum. 784
Matricaria. 99
Maturantia medicamenta. 631
Maturatio quid. 102. 59
Maxilla hominis ægroti quid indicent. 546
Maximum & minimum dicitur vel posituè vel
 negatiuè. 16
Maximum & minimum an detur actu in rebus na-
 turalibus. ibid.
Meatus auditorius. 303
Meatum coalescentiæ quid, 325. quibus à causis
 fiat, 370. constipatio quid, & vnde fiat, ibid. com-
 pressio qualis morbus sit, 325. à quibus causis
 inducatur. 370
Meatum morbi. 334
Meatum coalescentia quomodo curetur, 735. con-
 stipatio, ibid. compressio. ibid.
Mechoacanna. 101
Mechoacanna quale sit purgans, 814. quæ eius
 dosis. 752
Medendi methodus, vide, *Methodus*.
Medicamenta quid sint, 617. à medicamentorum
 materia differunt. 616. & 689
Medicamentorum qualitates primæ, secundæ, tertiæ,
 occultæ, occultarum origo. 618
 Ab alimento & veneno quomodo differant. 617
 Alimentosa quæ sint. ibid.
 Quæ simplicia, quæ composita sint. ibid.
 Composita vnde dicantur. 746
 Quæ actu sint. 617
 Quæ potestate. ibid.
 Quæ interna aut externa. 625
 Eorum differentiæ. 777
 Quotuplicia sint. 776
 Quas facultates habeant. 618
 Quot genera. 621
 Quas vires possideant, vnde cognoscantur. 644
 Qualem formam habeant. 619
 Vnde formam suam habeant. 620
 A quibus rebus sumantur. 617
 Quodnam subiectum habeant. 620
 Quomodo ad indicationes conducant. 688
 Quo modo debeant esse contraria indicanti. 691
 Quâ ratione humores coquere dicantur. 704
 Quomodo componantur. 746
 Ut formam externam meliorem concipiant, com-
 ponuntur. 445
 Ut à Medico componantur, an & cur licitū sit. 755
 Ab antiquis Medicis composita fuerunt. 756
 Singulis partibus conuenientia quæ sint. 625
 Chymica, an sint violenta & periculosa. 757
 Metallica, an sint vsurpanda. ibid.
 Vehementia quando adhibenda. 758
 Medicamentorum occulta qualitas. 157
 Medicamenta abluentia an sint exhibenda post
 sumpta medicamenta purgantia, 711. adstringen-
 tia, 629. attrahentia, 631. adurentia, 634. alteran-
 tia, 622. quam dosin habeant, 752. & 753. com-
 posita cuius dosis sint quomodo indagandum, ib.
 aluum emollientia, 633. aperientia, 630. appro-
 priata quæ dicantur, & qualia eligenda, 598. 625.
 composita vnde denominationem accipiant, 746.
 Qualia fiant ex simplicibus qualitate discrepan-
 tibus, 753. qualia ex simplicibus quantitate di-
 screpantibus. 753
 Medicamentorum compositio quas ob causas ne-
 cessaria sit, 745. quibus constet. 746
 Medicamentorum facultates, vide *Facultates*.
Medicina est ablatio & appositio. 597
 Medicina vnde dicatur, 259. quem finem, & quam
 originem habeat, ibid. quod subiectum habeat,
 260. quam accuratè id cognoscendum sit, ibid. est
 ars, 261. omnium nobilissima, 260. scientia pro-
 priè non est, ibid. quâ ratione scientia dicatur. ib.
 Medicinæ difficultas & dignitas, 261. definitio ibid.
 diuisio & delineatio. ibid.
 Medicina non rectè diuiditur in theoreticam & pra-
 cticam. 261
 Medicinales diēs qui sint. 552. 557
Medicus sit Philosophus, 309. quomodo describarur
 à Scaligero, 261. ex vrina non diuinetur. 469
 Medico agenda, 690. quem ordinem requirant. 692
 Medicus quæ instrumenta habeat, 616. quomodo
 nomen Chymici sorriatur vel assumat, 755. ut
 ipse medicamenta componat fas est, ibid. an sin-
 gulari fortuna ex praxi opus habeat. 849
Medon quid sit, & quomodo pareretur in Lituania, 585
Mel quid sit, & quomodo generetur, 70. quotuplex.
 ibid.
 Mel vulgare quid sit, & quomodo generetur, ibid.
 quomodo à manna differat. ibid.
 Mel qualis sit cibus, 587. quomodo despumandū. 766
 Mellis rosat. & violat. solut. dosis. 752
 Mellis aqua. 791
Melancholia quomodo ad expurgandum præparetur,
 705. quibus medicamentis expurgeretur, 639.
 quibus præparetur. 629
 Syrupus ad Melancholiam hypocondriacam. 800
 Melancholia naturalis humor, 284. præternaturalis,
 350. 351. quomodo timorem & tristitiam inducat,
 423. quomodo sit caninæ appetentiæ causa, 361.
 per alium excreta. 541
 Melancholia symptoma quale sit, 384. quas causas
 habeat. 422
 Melancholiæ signa. 517
 Melancholici duplices, 451. qui ingeniosi. ibid.
 Melancholici morbi ex liene oriuntur. 283
 Melancholici cur ament solitudinem, 424. cur tam
 absurda imaginentur, ibid. cur in quibusdam sal-
 tem & non in omnibus delirent. ibid.
 Melancholiæ hypocondriacæ causæ. ibid.
 Melancholicum temperamentum, 269. quæ signa
 habeat. 517
 Melancholicum excrementum non effunditur in
 ventriculum, 284. excitat famem naturalem. ibid.
Melissa. 100
Melitomata purgantia. 831
Melones. 582
Melopepones. ibid.
Membrana fœtus ab anima formantur. 198
 Membranae formantur statim ab initio cōceptionis. ib.
 Membra

& Verborum,

Membrana, foetus inuolucra, primo in hominis formatione fiunt.	294	Mictio inuoluntaria vnde fiat.	400
Membrorum corporis formatio prima fit è semine.	296	Mullefolium.	102
Membrorum deligatorum collocatio, 648. quot modis fiat, ibid. fractorum, 650. luxatorum.	651	Milium quale sit edulium.	580
Memoria quid sit, 306. duos actus habet, ibid. à phantasia & ratiocinatione sede non distinguitur, 307. cur tenacior sit pueris quam senibus, 420. nunquam deprauatur, ibid. quibus à rebus lædatur, 420. an ab humiditate, ibid. læsa quæ sit, 382. quas causas habeat, 420. quid prælagiat, 534. cur sicco cerebro vigeat, 420. in specie dicta quæ sit.	306	Mina Romana & Attica quæ pondera contineant, 747. vide Tabulam Ponderum.	
Memoria, 111. est duplex, 112. memorandi modus, ibid. eius duo actus.	ibid.	Mineralium & metallorum venena.	368
Mens vide Ratiocinatio.		Mineralium formæ vnde, 74. eorumdem diuifio.	75
Menses mulierum siue Menstrua suppressa quomodo Plethoram tollant, 715. quibus medicamentis moueantur.	642	Minoratiua purgatio.	703
Menses quales secundum quos partus tempus numeratur.	127	Mista quæ, 42. duplicia, perfectè & imperfectè.	60
Menses tempora partus determinantes quales sint.	296	Mistio & generatio misti non differunt reipsa, 55. differunt ratione, ibid. misti generationis definitio.	56
Menses mulierum siue menstrua suppressa quæ sint, & quibus à causis supprimantur, 401. 402. quibus à causis imminuantur, ibid. vnde eorum stillicidium, ibid. vnde nimium eorum profluvium, 402. per mammas, nares & oculos euacuata, 390. quæ signa fluxus sui futuri.	569	Mistionis definitio est corporum, non qualitarum, ibid. eius natura in quo consistat, 54. eius materia, 55. causa efficiens, ibid. Ratio.	ibid.
Mensis Synodicus, Periodicus, 562. Illuminationis & Criticus Galeni, ibid. Criticus Galeni non necessarius, ibid. Periodicus in diebus Criticis est obseruandus.	ibid.	Mistio fit ex atomis alimentorum.	161
Menstruus sanguis an sit vitiosus, 291. quibus de causis mutetur, 446. criticè euacuandus quæ signa præbeat.	569	Mistio quot modis dicatur, 163. quid sit, ibid. an miscibilia in mistione formas suas retinent, 164. autorum qui formas in mistis remanere statuunt, opinio, ibid. Mistionis causa principalis, 165. Resolutio mistorum in quæ fiat, 168. Quædam mistiones fiunt ab atomorum consensu & dissensu.	ibid.
Mensura Medicæ, 751. quoduplices sint.	ibid.	Mistio quomodo fiat.	166
Mensura minima quæ sit.	751	Misti animati & inanimati generatio differunt.	169
Mensura duplex.	23	Mistura, medicamentum.	808
Menta.	100	Mobile dupliciter accipitur.	5
Mercurius vel argentum viuum an conueniat in Peste, 702. quomodo purificetur, 765. sublimatus, 821. dulcis, ibid. præcipitatus, 822. cosmeticus, 823. vitæ.	824	Modi tres essendi alicubi.	163
Mercurij flores argentei, 820. balsamum.	842	Mole extractio.	671
Mercurialium descriptio.	452	Mollities quando Morbus sit, 323. an conformationis sit morbus.	325
Merula qualem cibum det.	586	Morbi.	333
Mespila.	584	Monoceros, 120. huius diuersæ sunt species.	ibid.
Metallorum & gemmarum principia communia.	85	Montes variè siti aërem variant.	577
Metallorum materia, 85. affectiones, 86. Diuifio, ibid. an differant specie.	87	Mora quales obtineant facultates.	584
Metallorum transmutatio an possibilis.	87	Morbi incurabiles quoduplices.	690
Metalla quomodo generentur.	184	Morbi intemperiei quomodo curentur.	730
Metallorum formæ an multiplicentur.	184	Morbi organici quomodo curentur.	733
Metalla quomodo lauentur, 765. an mutari possint, 755. quâ ratione soluantur.	763	Morbi status non admittit purgationem, 698. quam victus quantitatem requirat.	704
Metallica medicamenta an sint vsurpanda.	757	Morbi principium, vide Principium.	
Metallica fodinæ quomodo aërem alterent.	577	Morbus acutus quem victum postulet, 743. longus quem victum requirat.	703
Methodus Semiotica, eiusque vtilitas.	447	Morbus quid significet, 310. quodnam habeat subiectum, ibid. quam causam habeat, 311. rectè à Galeno definitur, ibid. quomodo definiatur, explicatur, 313. quod à Galeno non rectè definitur, obicit Argenterius, quæ refutantur, 313. an sit relatio, ibid. est qualitas, 313. quas differentias essentielles & accidentales habeat, 314. trium est generum, 313. quomodo res permanens esse dicatur, 313. 343. an magnus & vehemens idem.	336
Methodus medendi quid sit, 681. quæ principia habeat, 682. quomodo tradenda, 688. Galeni alia est quàm Practicorum, ibid. generalis quæ sit, 680. quàm vtilis sit.	ibid. 680	Morbus acutus, 396. quod modis dicatur, 337. quoduplex sit, ibid. an omnis febrem coniunctam habeat ibid. quæ signa habeat.	336
Methodus sanitatis tuendæ, vide Sanitas.		Morbus imminens quomodo diætam indicet, 702. quomodo determinet purgationem, 697. quomodo curetur, 730. totius substantiæ seu occultarum qualitarum quomodo curetur, 732. in connexionem & situ quomodo curetur, 738. meatuum & superficiem quomodo curetur, 733. in numero quomodo curetur.	736
Meteora ex atomis.	161	Morbus benignus quis sit, 336. brevis, ibid. vnde cognoscatur, 547. caducus qualis sit, 388. Comitialis, ibid. Lunaticus, ibid. Sonticus, ibid. Herculeus, 388. Vniuersalis, 334. Particularis, ibid. Secundarius & Primarius, 334. Pestilens.	336
Meteora ignita vnde generentur.	60	Morbus longus quid sit, 336. vnde cognoscatur, 547. quando crisi finiatur, 335. Hecticus.	564
μετέωρον quid, 301. eius causa efficiens, 60. materia, ibid. locus.	61	Morbus magnus quis, vide Magnus.	
Metreta qualis sit mensura.	751	Morbi intemperiei, 316. connexi, 333. separati ibid. congrui, & non congrui.	334
Mezerium quale sit purgans, 640. quæ eius dos.	753		

Index Rerum,

Morbi quot modis fieri dicantur. 333
Morbi hæreditarij & legitimi, 334. contagiosi & non contagiosi qui, 335. adscititij seu aduentitij, ibid. maligni & venenati, *vide* maligni. communes, 335. quam causam habeant, 344. lethales, ibid. noui, vetusti, salutare, ibid. ordinati, 337. inordinati, constantes, ibid. organici, quot habeant genera, 314. nothi, 334. sporadici, endemij, 335. **Morbi** definitionis explicatio, 315. principium, *vide* Principium: causa proxima, 341. cognitio causarum necessaria, 340.
Morbi status quid sit. 338
Vtiliter cognoscitur. 528
Quibus signis cognoscatur. 530
Temporalia vniuersalia. 334
An dentur in vsu. ibid.
Causa abdita quæ res sit. 344
Morbi ætatum, 334. æstiu, 335. autumnales, ibid. hyberni, ibid. epidemij, 335. diurni, & nocturni. ibid.
Morbi euentus quoruplex sit & vnde cognoscatur, 531. quomodo ex pulsibus cognoscatur, 515. in morbi declinatione nemo vi morbi moritur, 528. euentus quâ horâ sit expectandus, quomodo cognosci possit, 548. an stabilis vel instabilis futurus, quomodo cognoscatur. 570
Morborum hæreditariorum differentia, 335. intermittentium tempora particularia. 340
Morborum signum lingua. 515
Morborum tria genera. 314
Morbi imminenti signa, 516. præsentis signa, ibid. quot modis mutetur morbus, 548. qui alium morbum sequitur non est symptoma, 372. qualia symptomata habeat, 373. morborum causæ quos indicent 518. qui morbi primo quaternario finiantur, 547. qui ad secundum quaternarium extendantur, ibid. qui ultra tertium quaternarium, 547. qui ultra decimumquartum progrediantur. 548
Morbus intemperiei quas causas habeat, 390. & seqq. totius substantiæ seu occultarum qualitarum, quis sit, 322. quas causas habeat, 364. & seqq. compositionis in genere, 323. in specie, 320. duplex est, in connexionem scilicet & situ, ibid. quas causas habeat, 371. in vsu an detur, 324. conformationis, figuræ scilicet meatuum, & superficiæ, 324. & seq. quas causas habeat, 369. & seq. in numero quis sit, 327. quas causas habeat, 370. magnitudinis quis sit, & quoruplex, 328. quas causas habeat, 371. solutæ unitatis, 330. quas causas habeat. 372
Morbis essentialiter inhærentia quæ signa præbeant, 448
Quos morbos significant. 518
Morborum pestilentium essentia, 322. formæ non datur 318. materiæ non datur, 323. partis vsu præbentis, ascribitur interdum toti organo, interdum illi ipsi parti. 324
Móρως, quid sit. 382. 383
Mors acerbissimo morbi tempore accidit, 439. naturalis quam causam habeat, 276. quibus signis præcognoscatur, 527. à quibus pulsibus prænunciatur. 514.
Morsus animalium rabidorum non nocet qualitate aliquâ primâ. 427
Plura vide infra vbi Rabies.
Morsuli, 828. quomodo parentur, 829. nutritiui. 830
Mos Morbi vnde cognoscatur. 519
Mores duplices, 463. an sequantur temperamentum corporis. 463
Motus spontaneus, 309. cur interdum cum sensu simul, interdum absque sensu afficiatur, interdum saluus sit, læso sensu, 428. quomodo fiat 309. quodnam instrumentum habeat, ibid. quæ symptomata patiat. 386

Motus corporis quid præfagiat, 535. qua ratione pulsum mutet, 511. quomodo sit morbi causa, 346. quomodo sit calidæ intemperiei causa. 360
Motus corporis quomodo faciat ad tuendam sanitatem, 595. quas differentias habeat, ibid. qui optimus sit ibid. quando instituendus. 608
Motus vitiosus humorum 722. 723. quid indicet, ibid. quot modis inhiberi possit, ibid. non omnis est inhibendus, ibid.
Motus projectorum causa. 175
Motus animalis quibus absoluitur, 113. eius modus, ibid.
Motus definitio aristotelica. 25
Motus est actus imperfectus, 26. duo sunt in motu, ibid. sit in tempore 27. eius termini, ibid. sit inter contraria, ibid. disserta mutatione, ibid. est tantum in quantitate, qualitate, & vbi, ibid. eius species, 28. eius principium duplex, actiuum & passiuum, 13. passiuum quid sit. ibid.
Motus cœli an causa calefactionis. 35
Motus & mutatio differunt. 27
Motus physicus quibus absoluitur. 26
Motus simplices sunt duo. 40
Motus velocitas & tarditas in elementis vnde sit, 41.
Mulier quales vrinas emittat. 489
Mulier grauida, *vide* Grauida.
Mulier pleuritica sub fluxum mensium an venæ sectione sit curanda. 720
Grauida an venæ sectionem ferat. 600. 718.
An purganda sit. 698
Mulsu. 785
Mundi variaz significationes, 28. eius definitio ibid. materia ibid. animatus, ibid. forma, 28. Causa efficiens, ibid. finis, 29. non est æternus. 30. eum interiturum ex sacris literis solum constat, ibid. liberè est à Deo productus, ibid. est tantum vnus ibid. est perfectus, 31. eius figura Sphærica. ibid.
Mundus à Deo creatus. 139
Mundus ex nihilo creatus. 140
Mundus in tempore factus. ibid.
Mures fœminæ sine coitu generant. 230
Murmura symptomata. 390
Muscarum ortus. 237
Musci generatio. 226
Musculus in testaceis & balneis. 231
Musculus in ossibus humanis. ibid.
Musculus. 96
Musculus est instrumentum Motus spontanei. 309. non trahuntur à neruis. 432
Musculosa caro qualis sit cibus. 588
Mutationis morborum modi. 548
Muti cur sint qui surdi nascuntur. 410
μωρία quid. 379
Quas causas habeat. 408
Myrobalani citrinæ. 638
Ehebalæ, emblicæ, belliricæ. 639
Indæ. ibid.
Quæ earum doses. 752
Mystrum. 751
Mytuli. 118

N

N *Aphtha*. 77
N *Napus*, qualis sit cibus. 582
Nαρωτινα medicamenta. 631
Narium fœtor, quas causas habeat. 445
ex Naribus stillicidium sanguinis an sit semper malum. 543
Narium angustia quomodo corrigenda. 688
Nasturtium. 100
Nasturtium quale sit condimentum. 52
N *Nur* 2

& Verborum.

Natura opera, an sint symptomata. 373
Natura est causa dierum criticorum. 564
Naturalis facultas animæ cur ita dicta, 281. quotu-
 plices actiones habeat, ibid. quæ prælagiat. 538
 non *Naturales* res, 344. quæ extrinsecus adhi-
 bentur, quæ sint, ibid. quomodo intemperiei ca-
 lidæ sint causa, 361, quomodo frigidæ intem-
 periei sint causa, 362, quæ assumuntur, 362. quo-
 modo calidæ intemperiei causæ sint, 361. quo-
 modo frigidæ, 362. quæ geruntur, 344. quo-
 modo calidæ intemperiei causa sint, 361. quomo-
 do frigidæ intemperiei causa sint, 362. quæ
 reti nentur, & excernuntur, 344. quomodo ca-
 lidæ intemperiei causa sint, 361. quomodo fri-
 gidæ. 362
 præter *Naturam* & contra *Naturam* an differant. 310
 præter *Naturam* res toto genere an sint morbi in nu-
 mero, 325. quomodo pulsus murent. 511
Natura Dei ministra. 166
Natura seminis quæ sit. 176
Natura quid, & unde eius vis. 185
Naturæ variæ significationes, 12. definitio. ibid.
Natura primò intendit generationem, secundariò
 corruptionem. 55
Natura est principium tam actiuum, quàm passi-
 uum. 13
Naturales res, & secundum naturam quid sint, &
 quomodo differant. 13
Natura cuiusvis quid ad indicationem conducit. 686
 Monstrat an per superiora, an per inferiora pur-
 gandum sit. 708
 Quomodo permittat, vel prohibeat venæ sectio-
 nem. 719
 non *Naturales* res. 576
 præter *Naturam* res toto genere cum causæ morbi
 sunt, quid indicent. 695
Naturale tribus modis accipitur. 5
Naturalia & artificialia differunt. 12
Nausea causa. 397
Nebula quid sit. 69
Nephriticus lapis. 85
Nephritica aqua. 764
Nephritici lapidis efficacia. 642
Nervi quæ sibi appropriata medicamenta habeant, 628. vulnerati quomodo curentur. 739
Nervi optici. 302
Nervorum optidorum causa vñionis, ibid. quomo-
 do læsæ visionis sint causa. 409
Nervi quem vsu habeant, 433. non trahunt mu-
 sculos, 432. an alij motui, alij sensui inserviant. 429
Neutrum corpus an detur, 265. latitudine sanitatis
 comprehenditur. ibid.
Neutrum corpus decidentia quid sit, & quæ signa
 habeat, 611. qualem diætam requirat, 612. con-
 ualescentia quodnam sit, 611. qualem diætam
 requirat. 616
Nigella. 99
Nitrum. 76
Nitrum unde & quomodo pareretur. 287
Nitrum præparatum. 818
Nitri spiritus. 763
Ninosa aqua qualis potus sit. 592
Nix quid sit, 69. quomodo & quando generetur,
 eius color. ibid.
Noctambuli, 382. quâ vi moueantur, 418. à quo ad
 motum incirentur, ibid. qualem naturam & con-
 stitutionem habeant, ibid. cur non singulis no-
 ctibus surgant, 419. cur non excitentur inter am-
 bulandum, ibid. an clausis, vel apertis oculis res

suas peragant, ibid. curea agant, quæ vigilantes
 non possunt. ibid.
Nodorum in copore extirpatio. 676
Nomina rerum barbara & inepta Medico fugienda. 676
Nomina occultarum qualitarum, & quid ea sint. 148
Nonus dies morbi, tertius intercidentium. 557
Noti morbi. 334
Nubeula in vrina quid. 473
Nubes quid sit. 68
Nubium altitudo, ibid. colores, ibid. alia sterilis, alia
 fecunda. ibid.
Nuces qualis sint cibus. 585
Nucis moschata oleum. 798
Numeri partium morbus quomodo curetur, 736. ex-
 cedens quomodo curetur. 674. 736
Número quæ medicamenta definiantur. 747
Numerus partium organum constituentium, quos
 morbos patitur, 314. quotuplices morbos patia-
 tur, 328. quas causas suorum morborum habeat,
 370. deficiens quis, 325. excedens. 328
 in *Número* morbi quomodo differant à morbis ma-
 gnitudinis, 328. an sint res toto genere præterna-
 turales. 328
Numerus duplex. 23
Nutrices conductæ an bene infantes lactent. 610
Nutritio operatio pharmaceutica. 776
Nutritio quid. 91
Nutrix facultas, 281. debilis causa est atrophia. 392
Nictalopia, 379. quas causas habeat. 408

O

O *Besorum* curatio. 737
Oblata laxatiua. 831
Obolus quale sit pondus, 747. quæ pondera minora
 contineat, 749. vide tabulam Ponderum.
Observationes medicæ. 608
Obstructio quibus medicamentis tollatur, 630. quo-
 modo curanda sit, 733. quid indicet, ibid. à crassis
 humoribus facta quomodo aperienda sit, 734. à co-
 pia humorum profecta quomodo remouenda sit, 734
Obstructio quid, 325. quas causas habeat. 370
Obstructio ventriculorum cerebri, an sit causa Apo-
 plexia, 440. nervorum *Obstructio* an geri possit
 ab humoribus. 424
Occulta qualitates dantur, 320. vide Qualitas.
Occultarum qualitarum nomina, & quid ea sint. 148
Occultas qualitates dari probatur. ibid.
Occultæ qualitates dantur, 618. licitum quandoque
 sunt asylon in reddendis rerum causis, ibid. vide
 Qualitas.
Occupare & replere differunt. 15
Occupare quid sit. ibid.
Ocimum. 100
Octogesimus morbi dies. 555
Oculi partes & vsus. 129
Oculi humor aqueus, 300. quomodo sit causa læsio-
 nis visus, 406. crystallinus *Oculi* humor, vide Cry-
 stallinus.
Oculi organum videndi adæquatum, 300. quas ha-
 beat tunicas, & quos humores, ac nervos, ibid. &
 seq. an ambo aperti res visibiles percipiât, an vnus
 tantum, 302. quos musculos habeant, 303. ob ve-
 ram visionem necessariò coloris expertes esse de-
 bent, 326. quid in ægris indicent, 545. situ vitiosi
 qui sint, 409. paralyin patientes, ibid. quas ob
 causas splendorem in se percipiant. ibid.
Oculi pupilla, vide Pupilla.
Oculi vñea tunica, 300. cornea, ibid. vñguis *Oculi*
 vitium. 405
Oculorum color præternaturalis an morbus sit, sen-
 tentia Forliuensis, 326. Iacobi de Partibus, Ferne-
 lij, Fuchlij, ibid. Iulij Alexandrini, 327. Argenterij,
 ibid.

Index Rerum,

ibid. Michaelis Gauasseri, ibid. Comitris Montani,
 ibid. Capiuaccij, ibid. vera. ibid.
 ad Oculi conformationem quid necessarium. 328
 Oculorum suffusio qualis affectus, 406. quas causas habeat. ibid.
 vnguis Oculi vitium quomodo excindatur. 676
 Oculi intemperie laborantes quomodo sint tractandi. 731
 Oculi quæ medicamenta appropriata habeant. 626
 Oculis medicamenta quæ applicanda. 777
 Oculis immissa res quomodo eximenda. 674
 Odoramenta, 839. quam materiam habeant, ibid. quæ genera. ibid.
 Odorata aqua, ibid. & 840
 Odoratus definitio, 108. obiectum, ibid. organum, 109. medium. ibid.
 Odores non sunt substantiæ, 109. an nutrant. ibid.
 Odoris natura, 108. causa efficiens, ibid. differentia. ibidem.
 Odores quomodo medicamentorum vires indicent. 645
 Odores an sint substantiæ, 304. an semper vehiculo vaporis indigeant, ibid. mutati symptomata, 390. quibus à causis mutantur, 445. quid prælagiant. 547
 Odoratus obiectum. 304
 Oedematum scarificatio. 660
 Olea sicca iterum germinauit 229. aliàs 227
 Olea sicca qua ratione iterum germinare potuerit. ibidem.
 Oleum destillatum, 788. quomodo destilletur ex lignis, 798. ex resinis & gummatibus, ibid. ex herbis & floribus, 797. ex seminibus, 798. ex aromatibus, ibid. succini, ibid. mastiches, ibid. ceræ, 799. Saturni, ibid. Antimonij, ibid. talci, 800. tartari, ibid. lumbricorum, ibid. crystallorum, ibid. calculi humani, ibid. & 793. oculorum cancri, 800. camphoræ, 799. saponis, ibid. quomodo separetur ab aqua destillata, 797. per infusionem & expressionem quomodo paretur, 842. ouorum quomodo fiat, ib. oliuarum quale sit nutrimentum. 585
 Olera qualia alimenta præbeant. 581
 Olfactus, 304. quodnam obiectum habeat, ibid. tantum speciem percipit, ibid. quod organum habeat, ibid. quo medio exerceatur, 305. quæ symptomata patiat, 380. quas causas symptomatum habeat, 412. læsus in morbis quid significet. 537
 Omnia animarum plena. 216
 Ononis. 98
 Opalus. 85
 Opiata. 773
 Opinio de educatione formarum è potentia materiæ vnde orta sit. 143
 Opinio Autorum quæ formas in mistis remanere statuit. 164
 Opinio de educatione formarum è potentia materiæ an explicari possit, 172. absurda quæ sequuntur opinionem de educatione formarum è potentia materiæ. ibid.
 Opiniones falsæ de spontaneo viuentium ortu. 210
 Οπισθότρον quid sit, 386. secundum Celsi sententiam, 387. quas causas habeat. 435
 Opium vnde paretur, 99. eius vis. ibid.
 Opopanax quale sit purgans, 639. quæ eius dosis. 752
 Optici, vide Nerui.
 Optici spiritus quæ vitia patiantur. 409
 Opus mirandum formationis corporis viuentis. 178
 Orbes cur ab astronomis retineantur. 32
 Ordinati morbi, vide Morbi.
 Organum dupliciter dicitur, 263. quid sit, 280. quomodo duplicibus à partibus constituatur. ibid.
 Organum sensuum. 299
 Organici morbi. 314

Organici morbi quomodo curentur. 742
 Ori quomodo medicamenta applicentur. 777
 Oris collutio. 837
 Origanum, 32
 Orius quadruplex animalium è viuentibus plantis, 238 primus, ibid. secundus, ibid. tertius & quartus. 239
 Oryza qualis sit cibus. 580
 Oscitatio, 387. quas causas habeat. 436
 Ossium fractorum conformatio, 649. extensio quomodo, ibid. luxatorum. 654
 Ossium sectio, ratio, 663. limatio, perforatio, 663. & 664
 Ossa aspera quomodo sint curanda & coniungenda, 645. luxata quomodo reponenda, 650. 738. distorta & compressa quomodo corrigenda, 654. cariola quomodo perforanda. 664
 Ossicula tria in aure. 303
 Ostrea qualem cibum præbeant. 591
 Ostrearum ortus. 236
 Ostrutium. 102
 Ouum quid sit, 116. ex qua parte eius animal fiat, ibid.
 Oua habent animam. 192. Ouorum cum seminibus plantarum comparatio. ibid.
 Oua qualis sint cibus. 587
 Ouilla caro quale suppeditet nutrimentum. 589
 Ouorum oleum. 842
 Oxygala qualis sit cibus. 586
 Oxymel, 786. pectorale compositum, ibid. diureticum, 787. an febribus conueniat, 786. quomodo in pleuritide vsurpandum. 787
 Oxyrrhodina. 847
 Οξύρρῳς qui. 461

P

Palma Christi, planta, 97
 Palpitatio cordis. 379. quas causas habeat, 403. quid prælagiat, 588. ventriculi, quid sit, 376. quas causas habeat. 395
 Palustris aqua qualis potus sit. 592
 Pandaleum. 830
 Pandiculatio quid, 387. vnde fiat, ibid. quas causas habeat. 436
 Panicum quale alimentum. 580
 Panis, 579. triticeus, fermentatus, azymus, ibid. optimus, ibid. saccharatus, dulciarius, biscoctus, 830. martius, 831. purgans. 831
 Papilionum, & erucarum generatio, 237. quomodo generentur. ibid.
 Papauer. 99
 Παράκνενσις, 659. quo in loco facienda, 660. quando in vmbilico, ibid. quando infra vmbilicum, ibid. quomodo instituenda. ibid.
 Paralysis quid, 386. quas causas habeat, 427. an ex obstructione fiat, ibid. quas differentias habeat. 428
 Paralysis colicam sequens, qualis & an eadem cum Antiquorum Paralyti, 429. an principium nervorum non lædat, 430. quomodo generetur, 429. quæ scorbutum sequatur. ibid.
 Παράπληγία, ὁπληγία. 386
 Παράφροσύνη, 385. quas causas habeat. 422
 Parasylene quomodo differat à Parello. 72
 Parens in generatione an aliquid amittat. 196
 Parentis anima in generatione manet integra. 208
 Πάρεσις. 429
 Parhologica pars Medicinæ, 261. quæ complectatur. 310
 Παρήλη quid. 72
 Parietaria. 100
 Paroxysmi dum adsunt an ægro cibus exhibendus sit. 744
 Paroxysmi quomodo tempora morbi monstrent, 529. anticipantes, vel postponentes quid significant, ibid. longi & magni quid indicent. 530
 Parties

& Verborum.

<i>Partes corporis duplices</i> , 262. singulæ peculiarem temperiem obtinent, 269. spermaticæ simul omnes delineantur, 294. calidæ, frigidæ, humidæ, siccæ, quæ sint. 270	<i>Petroleum.</i> 78
<i>Partes similes</i> , 262. quam constitutionem habeant ibid. & 313. non opponuntur organicis, 263. quos morbos patiantur, 315. quoruplicibus morbis secundum Fernelium sint obnoxia. 318	<i>Petroselinum.</i> 102
<i>Partes dissimiles</i> quam constitutionem obtineant, 163. 280. an omnes sint organicæ, 163. pro iisdem saepe cum organicis habentur, ibid. quos morbos patiantur. 316	<i>Petroselinum quale sit edulium.</i> 582
<i>Partes quo ordine formentur.</i> 128	<i>Phantasia</i> , 306. à Memoria & Ratiocinatione sede Non est distincta. 307
<i>Partium corporis diuisio</i> , 124. similarium constitutio. ibid. & 125	<i>Læsa non semper coniuncta est læsa Ratiocinationi.</i> 382
<i>Partium corporis humani dispositio in quibus consistat.</i> 124	<i>Phantasiæ officia.</i> 111
<i>Partes corporis ablatae spermaticæ non regenerantur</i> , 736. amissæ aliæ à sola natura regenerantur. 736	<i>Pharmacopœia</i> , 745. quibus constet, 747. quas partes habeat. 754
<i>Partes animalium diuersæ diuersum præbent alimentum.</i> 587	<i>Phasianus qualis cibus.</i> 589
<i>Particularis morbus.</i> 334	<i>φασματὰ quæ dicantur.</i> 63
<i>Particularia morborum tempora.</i> 338. 340	<i>Phanigmus.</i> 772
<i>Partus legitimus</i> , 297. quo tempore fiat, 294. ante dimidium annum non est vitalis, 295. septimestris, ibid. octimestris, 296. nouimestris maxime legitimus, 297. an post nonum mensem fiat. ibid.	<i>Philosophia</i> nequit exactè definiri, 1. huius genus non est <i>ὁμῶνυμον</i> , ibid. variæ eius diuisiones, 2. vera speculatiua quæ dicatur, 3. quæ practica, ibid. Quælibet pars subdiuiditur. ibid.
<i>Partus menses determinantes quales sint.</i> 296	<i>Philosophiæ iucunditas</i> , 4. vtilitas. 3
<i>Partus Cæsarei admiranda historia.</i> 220	<i>Philosophi olim dicti σοφοὶ & σοφισταί</i> , 1. quis huius nominis primus inuentor extiterit. ibid.
<i>Partus non facit similitudinem speciei, sed generatio.</i> 201	<i>Philosophiæ variæ descriptiones.</i> ibid.
<i>Passer piscis qualis sit cibus.</i> 591	<i>Philtæ an Amorem inducere possint.</i> 424
<i>Passula laxatiua.</i> 810	<i>Phiola quale Chymicis vitrum sit.</i> 770
<i>Pasta regia.</i> 830	<i>φονίασόντα medicamenta.</i> 634
<i>Pastinaca.</i> 582	<i>φισιολογικὴ pars Medicinæ.</i> 261
<i>Partum de formatione fœtus sententiæ,</i> 200	<i>Phrenitis</i> quid sit, 384. quas causas habeat. 421
<i>Pectoris morbi, vide Thorax.</i>	<i>Phrenitici quales vrinas emittant.</i> 493
<i>Pectoris morbi longi an breues futuri sint, vnde cognoscatur, vide Thorax.</i>	<i>Physica</i> est scientia, 4. duplices habet propositiones, ibid. de subiecto eius variæ opiniones, ibid. subiectum adæquatum, 5. vera defin. 6. diuisio. ibid.
<i>Pedes in ægro quid significant.</i> 547	<i>Pica</i> quale sit symptoma, 376. quas causas habeat. 394
<i>Pedum fœtor.</i> 445	<i>Picario qualis sit medicina.</i> 737. 846
<i>Pedes animalium quale alimentum homini præbeant.</i> 588	<i>Pila parua lusus vtilis.</i> 595
<i>Penis amputatio.</i> 672	<i>Pili in vrina</i> , 474. quas causas habeant. 484
<i>Peni iniicienda medicamenta.</i> 837	<i>Pilorum generatio</i> , 456. causa efficiens, ibid. materia. 455
<i>Peplium.</i> 639	<i>Pilula</i> , 832. quomodo parentur, 832. quomodo vsurpentur. 834
<i>Pepones quales sint cibi.</i> 582	<i>Pilulæ angelicæ</i> , 833. antimoniales, 832. polycræta, 820. Dresdenses, 833. narcoticæ. 834
<i>Perca piscis qualis sit cibus.</i> 590	<i>Pimpinella.</i> 102
<i>Perdix qualis cibus sit</i> , 589. gelatinam inde parandi ratio. 780	<i>Pineatum medicamentum.</i> 831
<i>Perfoliata.</i> 103	<i>Pinguedo temperiem obrinet calidam</i> , 270. in vrina. 474
<i>Perforatio operatio Chirurgica.</i> 663	<i>Piraustra in igne nascuntur</i> , 234. vnde generentur. ibid.
<i>Perforationis locus & instrumenta.</i> ibid.	<i>Pisa qualis sint cibi.</i> 580
<i>Permittentia</i> , 689. purgationem, 697. euacuationem per vrinam, 712 euacuationem per sudorem, ibid. venæ sectionem, 717. circa quantitatem purgationis definiendam obseruanda. 706. 707	<i>Pisces</i> quale præbeant alimentum, 735. quas differentias habeant. ibid.
<i>Perfica poma.</i> 583	<i>Pisces fossiles.</i> 236
<i>Perlicorum flores.</i> 638	<i>Pissasphaltus.</i> 78
<i>Perpicuum postquam terminatur in albedinem tranfit.</i> 69	<i>Pituita</i> quibus medicamentis præparetur ad purgationem, 628. quomodo præparanda, 705. quibus medicamentis expurgetur. 706
<i>Pessi quid sint.</i> 836	<i>Pituita naturalis</i> , 348. præternaturalis, ibid. quas species habeat, 349. insipida, ibid. acida quæ dicatur, ibid. quas causas habeat, ibid. salia generatio, ibid. quas causas habeat. 349
<i>Quomodo parentur.</i> ibid.	<i>Pituitæ falsæ temperies.</i> 349
<i>Pestilens aer.</i> 346	<i>Pituita vitrea</i> , quare & à quo sic appellata. 350
<i>Pestilentes morbi qui sint.</i> 322	<i>Pituitæ signa.</i> 349
<i>Pestilentes morbi an conuenienter purgatione curentur.</i> 702	<i>Pituita in vrina an tantum ex vesica proueniat</i> , ibid. an semper, si cum dolore excernatur, calculum in vesica, aut vlcus in ceruice illius significet. ibid.
<i>Pestilential extractum</i> , 805. balsamum. 840	<i>Pituitosum temperamentum</i> , 269. an detur, 268. quibus signis agnoscat. 517
<i>Pestilentialis aqua.</i> 794	<i>Plantarum numerus</i> , 37. ordo. ibid.
<i>Petechia quid.</i> 719	<i>Plantarum è plantis siccis generatio.</i> 226
<i>Cum iam in malignis febribus apparent an vena sit secanda,</i> ibid.	<i>Plantæ è terra euulsæ non omnes statim emoriuntur.</i> 229
	<i>Plantarum propagationis modi varij.</i> ibid.
	<i>Plantæ per pluuias quomodo propagentur.</i> 228
	Plantæ

Index Rerum,

Plantæ è plantis diuersæ speciei natæ.	230. & 219
Plantarum degeneratio, 229. quomodo fiat, ibid. vbi, ibid.	
Plantæ è fumo, 229. è niue.	ibid.
Plantæ in aquis natæ, ibid. in aliis plantis, ibid. In scopulis.	ibid.
Plantæ è lachrymis plantarum.	230
Plantæ an ex animalibus nascantur.	231
Plantæ quomodo in animalibus nascantur.	ibid.
Plantæ an ex cadaveribus animalium nascantur.	ibid.
Plantæ an è metallis nascantur.	232
Plantarum & brutorum formæ an sint ex elementis.	52
Plantarum atomi.	162
Plantarum semen est animarum.	189
Plantarum formatio mira.	ibid.
Plantæ natæ ex inundationibus aquarum & pluuiis.	190
Plantarum formatio non Soli tribuenda, ibid. mira multiplicatio, ibid. duæ partes feminis in plantis, ibid. pulpa feminis, ibid. cortex feminis cur factus.	ibid.
Plantarum generatio quando fiat.	194
Plantarum & animalium feminis differentia.	195
Plantæ an verè viuunt.	205
Plantæ quomodo sponte nascantur, Erasti sententia.	226
Plantarum spontaneæ generationis modi.	226
Plantæ venenatæ.	368
Plantæ definitio.	92
An vterque sexus in plantis.	ibid.
Plantæ partes simplices, 93. composita.	ibid.
Plantarum diuisio, ibid. historia.	95
Plantarum humidum radicale.	621
Plantago.	502
Plenitudo duplex, vna ad vasa, altera ad vires.	348
Plethora quid sit, 348. quam sedem occupet, ibid. quas causas habeat, ibid. quibus signis prodatur, 517. pura & notha quæ.	348
Plethora quid indicet.	714
Pleuritica mulieri, cum iam menses fluere incipiunt, an vena sit secunda.	720
Plumbi calcinatio, 762. 763. sal, saccharum, seu crystalli, 799. oleum, 818. balsamum.	842
Plumbum.	87
Pluuie aqua.	592
Pluuia quid sit, 68. quomodo gignatur.	ibid.
Pluuiæ prodigiosa, ibid. earum causæ.	ibid.
Pluuiarum est aliqua diuersitas.	ibid.
Pæonia.	99
Pollux, meteorum.	62
Polypodium.	102
Polypodium, 639. eius dosi.	752
Polipus.	117
Polypi ablatio.	675
Poma qualis cibus, 589. porus è Pomis, 595. confectio laxatiua de Pomis.	809
Poma ambræ, 839. odorata purgantia, ibid. aurantia, medicamenta sunt non alimenta, 583. cydonia quale sint edulium, 583. persica, ibid. armeniaca.	584
Pondera Medica.	747
Porracea bilis.	350
Porrum qualis sit cibus.	582
Portulaca.	101
Potentia materiæ vel vniuersalis vel particularis, p. 9. quomodo sumpta sit accidens materia & de ipsius essentia.	ibid.
Potus quâ ratione sit causa morbi.	345
Potio purgans, 782. quomodo paretur.	ibid.
Potiones vulnerariæ an viles sint.	632
Potus quàm necessarius ad vitæ sustentationem sit,	592.
quas differentias habeat, ibid. & seq. quomodo sanitati tuendæ in qualitate sit accommodandus, 599. qua in qualitate sit assumendus, ibid. in qua quantitate, ibid. & 608. quo tempore sit assumendus, ibid. qualis conueniat pueris, 601. qualis mediæ ætati, 608. qualis senibus salubris sit.	610
Præcipitatio quæ.	146
Præcipitatio qualis operatio.	772
Præcipitata.	822
Pregnantibus an conueniat purgatio, 697. an venæ sectio.	600. & 719
Preparantia humores medicamenta.	628
Præparatio humorum quid, 703. quotuplex, 704. differt à coctione humorum, 703. quæ coctionem antecedit, 704. quæ coctionem sequatur, 706	
Præputij apertio.	658
Prandium an cœnâ largius esse debeat, 604. alios quàm cœna cibos requirit.	ibid.
Præputis quid sit, 3. duo significat.	ibid.
Primarius morbus.	334
Primigenium humidum an ad calidi innati essentiam pertineat.	273
Primula veris.	536
Principes actiones quæ sibi necessaria requirant.	419
Principes facultates an cedibus in cerebro distinguantur, 307. plures plerumque, raro vnâ laudantur.	382
Principium morbi quot modis dicatur, 338. quibus signis agnoscat.	530
Principium morbi quam victus quantitatem requirat, 743. interdum purgationem permittit, 699. an etiam aliorum, quàm turgentium humorum purgationem concedat.	701
Principia rerum naturalium duplicia.	539
Principia an sint contraria, 140. an sint actus eorum quorum sunt principia, 152. an nihil sit in re quod non fuerit in principiis.	ibid.
Principium primum omnium rerum naturalium est Deus.	139
Principium & causa differunt.	6
Principiorum definitio, 7. Conditiones, ibid. numerus.	ibid.
Priuatio & negatio differunt.	9
Priuatio quid sit, ibid. est accidens materiæ in secunda notione sumpta.	ibid.
Priuatio quid.	144
Priuationis natura explicata.	ibid.
Procatartice morbi causæ, 341. differunt ab accidentibus, ibid. differunt & ab externis.	342
Prognostica signa quotuplicia sint, 527. quid præfagiant.	ibid.
Prohibentia in indicatione, quæ sint.	689
Prohibentia purgationem, 697. circa purgationis quantitatem definiendam obseruanda, 706. euacuationem per vrinam, 712. euacuationem per sudorem, 717. venæ sectionem.	ibid.
Propagatio plantarum varia.	219
Προφάσεις.	341
Προφυλακτικὴ pars medicinæ, 611. est confinis parti θεραπευτικῇ.	613
Proportio an Geometrica an Arithmetica in gradibus medicamentorum sit obseruanda.	751
Propositio de anima humana origine dicendorum.	197.
Proprietates ignis mirabiles.	148
Prospæctus ab alto quomodo vertiginem excitet.	443
Pronocatori dies.	552
Proxima morbi causa.	340
Pruna quomodo generatur.	70
Pruna quale sint alimentum.	584
Pruna laxatiua.	810
Prunella.	103
Prurius	

m. & Verborum ^{medica}

<i>Pruritus</i> quid sit.	381	alia fortiora, 637. quo tempore exhibenda sint,	
Quas causas habeat.	ibid.	709. an cum cibis exhibenda sint, ibid. an cum	
<i>Psilothra</i> medicamenta.	635	assumpta sunt dormiendum, 705. cur alia facilius,	
<i>Psyllium</i> quale sit purgans.	638	alia difficilius in actum deducantur, 711. cur post	
Quæ eius dosi.	752	fortia dormiendum, ibid. quâ dosi sint exhiben-	
<i>Psyllium</i> .	102	da.	752
<i>Psarmica</i> medicamenta.	643. & 839	Purgans specificum Paracelsi.	818
Πτερύγιον quid sit.	405	Purgantia vina.	784
<i>Ptisana</i> hordeacea quale sit alimentum.	580	Purgatio quomodo fiat, 636. quid sit & à quo indi-	
Πτύελον quid significet.	543	cerur, 696. sanis non competit, 697. à quibus	
<i>Pudendi</i> muliebris apertio.	657	permittatur, 694. quando instituenda, 699. quan-	
<i>Pueritia</i> quo victu primo triennio sit alenda, 601.		ta instituenda sit, 706. an venenatis & malignis	
quali victu secundo & tertio septenario sit susten-		humoribus commoda sit, 702. an vnâ vel pluri-	
tanda, ibid. vino abstineat.	ibid.	bus vicibus humores vitiosos melius tollat, 706.	
<i>Pueritia</i> .	271	parcior quomodo promouenda, 707. nimia	
<i>Pueritiæ</i> temperies qualis sit.	ibid.	quomodo inhibenda, 707. perfecta quæ signa	
<i>Pueri</i> quale temperamentum naturale obtineant,		habeat, 709. cum absoluta est, an detergentibus	
271. cur tenacioris sint memoriæ quàm senes,		& ablumentibus sit vtendum, 711. minoratiua quæ	
420. qualem pulsum habeant, 421. quales vrinas		sint.	703
emittant.	489	Purgationem prohibentia, vide <i>Prohibentia</i> .	
<i>Puerperarum</i> febrium principium vnde computan-		Purgationi tempus aptissimum.	699
dum sit.	553	<i>Pus</i> concoquentia medicamenta.	631
<i>Pugillus</i> qualis sit aceruus.	747	<i>Pus</i> in vrina quomodo generetur.	631
<i>Pulegium</i> .	100	<i>Pus</i> in vrinis quam causam habeat.	487
<i>Pulmo</i> peculiarem mouendi vim habet.	298	<i>Putealis</i> aqua.	592
Non dilatatur, quia repletur, sed repletur quia di-		<i>Putredo</i> opponitur mistorum generationi, 56. eius	
latatur.	299	definitio, ibid. subiectum ibid. causa proxima,	
<i>Pulmonis</i> temperaturæ signa.	466	ibid. affectio.	ibid.
<i>Pulmonis</i> calidi signa.	467	<i>Putredo</i> tantum vna est.	57
Sicci & humidi.	468	Alia est totalis, alia partialis.	ibid.
<i>Pulmo</i> animalium quodnam alimentum homini		<i>Putredo</i> calidæ intemperiei causa est, 390. à corru-	
suppedit.	588	ptione differt, 366. non est morbus totius sub-	
<i>Pulmonaria</i> .	103	stantiæ, 331. non absoluit naturam veneni.	
<i>Pulsifica</i> vis quid, 297. læsa, 379. an insita sit arteriis,		366	
495. debilis an fortis sit, quibus Pulsibus agno-		<i>Putrefactio</i> tam latè non patet, quam corruptio.	
scatur.	514	366	
<i>Pulsus</i> quid significet, 298. quæ ad Pulsum sint ne-		<i>Putrefacientia</i> medicamenta.	634
cessaria.	299	<i>Putrefactio</i> Chymica an utilis sit ante destillatio-	
<i>Pulsus</i> quid sit, 494. Reliqua omnia de Pulsuum		nem.	694
differentiis, causis & aliis in Indicem hîc conii-		<i>Putrescentia</i> cur omnia postremo fiant frigida, 56.	
cere opus non est, quandoquidem omnia illa or-		cur primò fiant humidiora, tandem sicca.	
dine Lib. III. Sect. IV. Part. I. marginibus adscri-		ibid.	
pta sunt: ideòque nullo negotio ibi inquiri pos-		Πυκνωσις medicamenta.	629
sunt.		<i>Pyra</i> qualem præbeant cibum, 583. qualem potum.	
<i>Pulsus</i> inordinati, 500. quas differentias habeant.		595	
ibid.		Πυρρός color qualis sit.	471
<i>Pulsus</i> quid sit & quibus motibus constet.	128		
<i>Punctura</i> quid sit.	331		
<i>Papilla</i> oculi, 301. dilatari & contrahi potest, ibid.			
cur dilatetur & contrahatur, 301. angustior acu-			
tioem; amplior hebetiorem visum reddit, 301.			
quomodo sit causa visus læsi, 406. quot modis			
vitietur, 407. dilatata & constricta quomodo vi-			
sui officiat, ibid. qua ex causa præter naturam di-			
latetur, 408. vnde dislocetur & rumpatur.	ibid.		
<i>Pultes</i> medicamenta externa.	845		
<i>Pulvis</i> , medicamentum, 812. purgans, 814. contra			
calculum, 812. ad febres malignas & pestem, ibid.			
ad asthma, ibid. pepticus Cratonis, ibid. stoma-			
chalis D.I. Brambach. 813. stomachalis grossus,			
ibid. serpentinus, ibid. arthriticus purgans.			
814			
<i>Punica</i> poma vel granata.	584		
<i>Purgantes</i> clysteres.	835		
<i>Purgantia</i> decocta, & quomodo parentur.	780		
<i>Purgantia</i> medicamenta quæ dicantur,	635		
quâ vi & modo humores euacuent, ibid.			
an humores attrahant, vel fugent, ibid.			
ibid. in specie sic dicta, ibid. an solum irritando			
euacuationis causa sint, 636. quâ vi attrahant,			
ibid. quâ tandem ratione opus suum perficiant			
636. quam similitudinem substantiæ cum humo-			
ribus purgandis habeant, ibid. alia sunt mitiora,			
<i>Dan. Sennerti, Tom. I.</i>			
		Q	
		<i>Quadragesimus</i> dies morbi.	554
		<i>Quadrupedum</i> differentia.	120
		<i>Qualitas</i> quid.	18
		<i>Qualitatum</i> diuisio.	ibid.
		<i>Qualitates</i> primæ, vnde dicantur.	49
		Ipsarum condiciones.	ibid.
		Sunt tantum quatuor.	ibid.
		Diuiduntur in actiuas & passiuas.	50
		Non sunt formæ elementorum.	ibid.
		A formis proueniunt.	ibid.
		<i>Qualitates</i> symbolicae eiusdem sunt speciei.	51
		<i>Qualitates</i> primæ quæ?	142
		<i>Qualitates</i> occultæ quid sint?	147. & 148
		Omnia ad manifestas qualitates deduci non pos-	
		sunt.	147
		Fernelius occultas qualitates defendit.	148
		<i>Qualitates</i> occultæ scientiam pariunt.	148
		An sint ignorantia principium.	ibid.
		<i>Qualitatum</i> occultarum nomina & quid ea sint.	
		148	
		<i>Qualitates</i> occultas dari probatur.	ibid.
		Earum actiones sunt aliæ quam manifestarum.	
		ibid.	
		Modus agendi diuersus.	149
		HHHh	Qua

Index Rerum,

Qualitates occultæ à doctis viris agnitæ & assertæ, ibid. non à primis originem habent. 151
Qualitates primæ mistæ non faciunt occultas. 151
Qualitates occultæ an è cælo fluant, 153. earum vera origo, ibid. differentiæ, ibid. occultæ qualitates in viuentium quibusdam speciebus, ibid. in gemmis lapidibus & metallis. 154
Qualitates reales, intentionales. 155
Qualitates materiales & species spirituales quomodo differant. ibid.
Qualitates occultæ rerum emortuarum. 154
Qualitates occultæ rerum, quæ in plantis & animalibus secundum naturam generantur. ibid.
Qualitates occultæ rerum præter naturam in animalibus generatarum. 155
Qualitatum occultarum differentiæ, 153. & 155. prima, secunda, ibid. tertia, quarta, quinta. ibid.
Qualitates occultæ materiales & spirituales. 155
Qualitas alimentorum occultorum, 156. medicamentorum, 157. venenorum, Alexipharmacorum. ibid.
Qualitas nulla forma est. 323
Qualitates primæ non abolentur intemperie. 266
Qualitates manifestæ morbum totius substantiæ non constituere possunt. 331
Qualitates occultæ omnino dantur, 319. ad similitudinem partium constitutionem præter alia etiam requiruntur, 263. 315. quos morbos subeant. ibid.
Qualitates mutatæ dupliciter dicuntur, 327. quomodo sint morborum signa, 619. quæ signa salutis vel mortis præbeant, 544. quomodo locum affectum indicent, 521. quas causas habeant, 444. quas differentias. 390
Qualitas prima, secunda, tertia & occulta. 618
Qualitates primæ, Medicis non sunt reiiciendæ, ibid. solæ non indicant medicamentorum vires. 644
Qualitates occultæ omnino dantur, 618. in medicamentis vnde suam originem habeant, 619. non sunt ab anima, ibid. nec à primis qualitatibus, 619. nec à forma missionis, ibid. sed à forma medicamenti. 619
Quantitas ubi peccet, 714. auxiliorum à quibus indicetur, 691. purgationis vnde innotescat, 706. sanguinis missionis per venam sectam vnde cognoscatur. 720
Quantitas continua quid, 15. eius species. ibid.
Quantitatis modi qui. 16
Quartarius qualis sit mensura. 751
Quartus dies morbi primus indicatorius, 557. si criticus futurus est, quæ signa habeat, ibid. an & quomodo sit septimi index. 556
Quaternarius primus quos morbos finiat, & quos secundus. 547
Quaternarium tertium qui morbi excedant. ibid.
Quatuor de generatione viuentium sententiæ. 171
Quies quid, 28. est duplex. ibid.
Quies quomodo sit causa morbi. 346
Quies quomodo ad sanitatem tuendam faciat. 609
Quinta essentia Chymicorum quid. 621
Quintus dies morbi secundus est intercidentium. 557

R.

R *Abidi cur aquam abhorreant.* 426
Rabidorum vrina cur interdum imagines canum repræsentet. 427
Rabidorum animalium venenum quomodo comunicetur, 425. diu in corpore latere potest, ibid.
Rabidorum animalium morsus quæ symptomata inferat. 425

Rabies quid sit, 385. à quibus causis oriatur, 425. an alia etiam præter canes infestet animalia, ibid. à quo veneno inducitur, an id in corpore generari possit. 427
Radices condiendi modus. 807
Radix Rhodia. 101
Radius quid, 34. eius diuisio, 35. sunt causa caloris, ibid. perpendiculares efficacissimi. 36
Raphanus hortensis & sylvestris qualis sit cibus. 582
Ranunculus. 98
Rapum quale præbeat alimentum. ibid.
Rarefacientia medicamenta. 629
Rasis operatio Chirurgica. 663
Pharmaceutica. 760
Ratiocinatio fit sine corporeis organis. 130
Ratiocinatio quam sedem habeat, 309. 382. sede à Memoria & Phantasia non distinguitur. 317. agit absque instrumento corporeo, 309. an per se lædi possit, 419. quomodo lædatur, 382. læsa an semper coniunctam habeat læsam Imaginationem, ibid. à quibus causis lædatur. 419
Ratione viri quomodo lædatur generatio. 403
Ratione fœminæ quomodo lædatur generatio. 403
Rationes de educatione formarum è potentia materiæ. 172
Raucedo vnde fiat. 436
Reactio an detur inter elementa. 153
Recidina quomodo computanda sit. 553
Resiciens pars influxu humorum. 364
Rectificatio spirituum, oleorum & aquarum destillatarum. 771. 789
Rectitudo venarum duplex est, & quæ in venæ sectione obseruanda sit. 725
Refractio ad visum maximè necessaria est. 318
Refrigerantia. 361
Regio quomodo morbos pariat. 345
Varia variat vrinas hominum. 489
Quomodo morbi tempora monstret. 529
Regio quomodo ad sanitatem tuendam faciat. 577
Regio corporis respectu purgationis quotuplex sit. 696
Regis aquæ Chymicis quæ sint. 763
Regulus Antimonij. 827
Reminiscentia. 306
Remota causa morbi. 341
Renes quæ sibi appropriata medicamenta habeant. 628
Renibus quomodo medicamenta applicanda. 777
Ad Renes & vesicam decoctum. 779
Renes animalium quale homini alimentum præbeant. 588
Repellentia medicamenta. 631
non omnibus fluxionibus conueniunt. 727
Cui loco adhibenda. 728
Replere & occupare differunt. 15
Replere quid sit. ibid.
Quæ res replent. ibid.
Repletio an sit conuulsionis causa. 431
Repositio luxatorum. 651
Ani prolapsi, 652. intestinorum ptolapsorum, 651. vteri. 652
Repugnantia in indicatione. 689
Repulsio quid sit. 727
Quando sit instituenda. 659
Res non naturales. 576
Res è corpore extrahendæ quotuplices. 668
Rerum extra immixtarum extractio. ibid.
Rerum præter naturam in corpore genitarum, exemptio & ablatio. 674
Rerum genera duo sunt. 2
Res

& Verborum.

<i>Res naturales determinatos magnitudinis & paruitatis suæ terminos habent.</i>	16
<i>Rerum naturalium consensus & dissensus.</i>	145
<i>Res non naturales, 344. vide non Naturales res.</i>	
<i>Res præter & contra naturam, vide præter & contra Naturam res.</i>	
<i>Res non necessariò nobis occurrentes.</i>	344
<i>Resoluentia medicamenta.</i>	642
<i>Respirationis organum præcipuum, 128. non est motus voluntarius, ibid. duobus constat motibus.</i>	ibid.
<i>Respiratio quid sit, & quod non sit motus voluntarius.</i>	298
<i>Duobus constat motibus.</i>	299
<i>Quibus ut rectè fiat opus habeat.</i>	ibid.
<i>Quomodo lædatur.</i>	379
<i>A quibus causis lædatur.</i>	404
<i>Læsa quid indicet vel præfagiat.</i>	538
<i>Retenta, 361. quomodo sint morbi causa, 347. quæ & à quibus causis symptomata patiantur, 390. 445. symptomata quomodo à læsa actione differant, 390. quæ signa salutis & mortis præbeant, 539. & seqq.</i>	
<i>Retentrix facultas.</i>	281
<i>Retenta & Excreta quomodo sanitatem tueantur.</i>	597
<i>Reuulsio an ab interceptione, deriuatione, & repulsionem sit diuersum indicatum, 724. quid sit, ibid. quomodo ad contraria sit facienda, ibid. non debet fieri ad proxima, 725. est duplex, ibid. quas oppositiones requirat, ibid. quæ fiat per venæ sectionem, ibid. quomodo rectè instituitur, 726. quanta & quando, & ubi fieri debeat.</i>	733
<i>Rhabarbarum, 752. eius dosis, 637. in præparando medicamento non valdè teratur.</i>	760
<i>Rhabarbari extractum.</i>	804
<i>Rhombus piscis qualis cibus.</i>	591
<i>Rhythmus in Pulsibus.</i>	500 & seqq.
<i>Rigor quid sit.</i>	387
<i>Quas causas habeat.</i>	480
<i>Quomodo generetur.</i>	537
<i>Quid præfagiat.</i>	431
<i>Ribes gelatina purgans.</i>	808
<i>Ricini & vermes ubi nascantur.</i>	240
<i>Ricinum.</i>	118
<i>Rob quale medicamentum, 807. cydoniorum, ribes, sambuci, pomorum purgans.</i>	ibid. 808
<i>Roborantia medicamenta vulgò dicta.</i>	625
<i>Robur naturæ & morbi quomodo cognoscatur.</i>	532
<i>Romuli hasta ex orno germinauit.</i>	227. 229
<i>Rosmarinus.</i>	100
<i>Rorismarini essentia.</i>	789
<i>Ros quomodo, ubi, quando generetur, & quomodo differat à pluuiâ.</i>	69
<i>Chymici naturam eius explicant.</i>	ibid.
<i>Ros tantum corporis ratione occupant.</i>	15
<i>Ros, quis humor in corpore dicatur.</i>	289
<i>Rosa quale sit purgans.</i>	637
<i>Rosarum aqua destillata.</i>	788
<i>Spiritus.</i>	803
<i>Tinctura.</i>	789
<i>Conserua laxatiua.</i>	637. 637
<i>Rotula, & eas parandi modus.</i>	828
<i>Rubefacientia medicamenta.</i>	634
<i>Rubinus.</i>	85
<i>Ruptio.</i>	331
<i>Ruta muraria.</i>	96
<i>Ruta hortensis.</i>	98

S

Saccharum, 587. quomodo despumetur. 766. Saccharum Chymicis dictum. 818

Dan. Senne 11: Tim. I.

<i>Sacculi medicamentosi.</i>	848
<i>Sacrarum litterarum in Physicis vsus.</i>	140
<i>Sagapenum quale sit purgans.</i>	639
<i>Quæ eius dosis.</i>	752
<i>Sagarum sopor diabolicus.</i>	382
<i>Sagitta ardens.</i>	61
<i>Sal ammoniacus.</i>	76
<i>Salis flos.</i>	78
<i>Sal Chymicè ex rebus eductus, 814. an naturalibus rebus insit, ibid. an Antiquis quomodo paratur cognitum fuerit, ibid. 815. Chymicis quotuplex, ibid. quomodo paratur volatilis, ibid. hucus quomodo paratur, ibid. cornu cerui, cranij humani, 817. tartari, vitrioli, 816. succini, ibid. vrinæ, 817. prunellæ, seu nitrum præparatum, 818. sacerdotalis.</i>	813
<i>Sales purificandi & dealbandi ratio.</i>	815
<i>Salis spiritus simplex, dulcis, 791. compositus, corallatus.</i>	ibid.
<i>Sal an in corpore nostro contineatur.</i>	355
<i>Ex vrina paratus & Ammoniacus qualis sit.</i>	287
<i>Saliun genera.</i>	75
<i>Origo.</i>	76
<i>Generationes, ibid. vsus.</i>	ibid.
<i>Salmo piscis qualis cibus sit.</i>	590
<i>Salsa pituita quomodo generetur, 349. quam temperiem habeat.</i>	ibid.
<i>Salsedo vnde proueniat.</i>	349
<i>Non fit ex amaro.</i>	ibid.
<i>Salvia.</i>	100
<i>Salus à quibus signis in morbo promittatur.</i>	527
<i>Salutares Morbi qui dicantur.</i>	337
<i>Sambuci spiritus, 790. rob purgans.</i>	809
<i>Sandaraca.</i>	79
<i>Sanguificationis excrementum duplex.</i>	126
<i>Sanguis ex diuersis constat partibus, ibid. eius humores secundarij.</i>	ibid.
<i>Sanguis quomodo euacuetur, 714. putrescens an per venæ sectionem sit euacuandus.</i>	716
<i>Sanguinis fluxus curatio.</i>	740
<i>Sanguineæ partes regenerantur.</i>	736
<i>Sanguis ex quibus constet, 287. 288. intemperatus facile in excrementitios humores abit, 288. dupliciter dicitur, ibid. an solus corpus nostrum alat, ibid. maternus menstruus est alterum generationis hominis principium, 291. an sit vitiosus, ibid. animalium haustus nocet, 386. ater per alium excretus quomodo à melancholico humore & atra bile distinguatur.</i>	541
<i>Sanguificatio, 283. an hepar sit sanguificationis officina, ibid. venæ non sunt primarium Sanguificationis organum.</i>	ibid.
<i>Sanguificatio quomodo fiat, 283. quomodo lædatur, 378. à quibus causis lædatur.</i>	399
<i>Sanguineum temperamentum, 269. an detur.</i>	268
<i>Sanguinis grumi in vrina.</i>	487
<i>Sanicula.</i>	103
<i>Sani qui habendi.</i>	262
<i>Sanitatis subiectum, 264. latitudo.</i>	262
<i>Sanorum & ægrorum differentia.</i>	449
<i>Sanitas quid.</i>	262
<i>Non consistit in essentiali constitutione.</i>	ibid.
<i>Sed in accidentali.</i>	ibid.
<i>Sanitatis ratio non in anima querenda, sed in organo.</i>	262
<i>Sanitas quid indicet.</i>	598
<i>In Sanitate tuenda consuetudo obseruanda, 576. 598</i>	
<i>Sanitatis tuendæ methodus.</i>	576
<i>Communia axiomata.</i>	570
<i>Communis lex.</i>	598
<i>Methodi Sanitatis tuendæ utilitas.</i>	576
<i>Doctrina quæ comprehendat.</i>	ibid.

HHH h 2 res

Index Rerum,

res ad Sanitatem conseruandam necessariæ, ibidem.
 & seqq.
Saponea. 595
Saponis oleum. 799
Sapores quomodo vires medicamentorum indicent.
 645
Sapores mutati quæ symptomata constituent. 390
Sapor, 110. eius genera. ibid.
Sapphirus. 84
Sarcocele. 677
Sarcocolla quale sit purgans. 639
Sarcomata quomodo excindenda 676
Sarda. 84
Sarracenicum frumentum qualis cibus sit. 580
Satureia. 100
Saturni calcinatio, 762. oleum, 816. sal seu sacha-
 rum, 818. balsamum. 842
Saturninorum descriptio. 452
Scabies vnde fiat. 392
 ad Scabiem decoctum. 781
Scabiosa. 101
Scammonium. 101
Scammonium quale sit purgans, 638. quæ eius do-
 sis. 753
Scammonij extractum seu resina. 804
Scarificatio, 658. 715
Schegky sententia de λόγος πλαστικός, 174. opinionis
 eius examen. ibid.
Σκελετήρβη. 429
Σχετικός morbus. 333
Scilla. 97
Scopus scripturæ sacræ primarius quis sit. 140
Scopus quid sit, & an à fine differat. 259
Scorbutica Paralytis. 429
Scorbutica aqua. 795
Scorbuticum vnguentum. 843
Scordium. 101
Scrophularum extirpatio. 676
Scroti tumidi incisio. 660
Scrupulum vel scriptulum quale sit pondus. 747
Secale quale alimentum præbeat. 579
Sectio operatio pharmaceutica. 760
Sectio ossium, 663. partium mollium, 655. venarum,
 ibid. vasorum, 659. varicum aneurismatis, ibid.
 thoracis. 661
Secundarius morbus. 334
Secundina quibus medicamentis expellatur. 642
Secundina. 294
Sedimentum in vrina, 472. quam materiam habeat,
 483. cuius sit coctionis, ibidem. cur sit pyramida-
 le, 485. an in omnibus sanorum vrinis reperia-
 tur, 484. quam diuersitatem habeat, ibidem. cur
 non omni morbi tempore detur, 486. farinaceum
 & foliaceum quid sit, 473. quas causas habeant,
 487. squamosum contentum, ibid. furfuraceum
 & orobeum quid sit, 473. furfuraceum & oro-
 beum quas causas habeant, 487. album quam
 causam habeat, 485. æquale & læue vnde proue-
 niat, ibid. paucum & copiosum cur fiat. ibid.
Sedimenti materia est alimenti pars, quæ in partium
 nutrimentum mutari non potest. 484
Sedimenti materia an sit eadem in vrinis sanorum
 & ægrorum. 486
Semen, 290. & efficientis & materiæ in generatione
 hominis rationem habet, ibidem. vbi generetur,
 ibid. quomodo excrementum dicatur, ibid. quâ
 ratione à toto corpore dicatur decidi, ibidem. &
 mas & fœmina confert, 291. an fœmineum sit
 prolificum, ibid. non est solum agens instrumen-
 tarium, 293. est animatum: quomodo potentiâ
 dicatur animatum, ibid. vitiosum quomodo ge-
 neretur. 403
Semen an sit actu animatum. 196

Quomodo animatur. 195
Semen non est excrementum. ibid. & 207
Seminis plantarum & animalium differentia. 195
Semen sanguine nobilius. 207
Semen qua anima sit animatum. 208
Semen dupliciter dicitur. 215
Semen vitiosum vitia sua propagat in sobolem, 599
 Quibus medicamentis augeatur. 634
 Quibus extinguatur, 635
Semen esse animatum. 176
 Probat. 178
 Autores qui semen animatum esse statuunt. 176
 Quæ sit feminis natura. ibid.
Semen quid. 177
Semen animatum esse statuit Aristoteles. ibid.
 Quænam anima sit in semine. ibid.
Seminis Operationes. 178
 Prima viuificatio. ibid.
 Secunda. ibid.
 Præter animam nullum adest agens in semine. 181
 Calor innatus in semine non est formationis. ib.
Semen si non esset animatum non generaret simile. 202
Semen an agat in seipsum, 186. anima est primum
 agens in semine, 187. duæ partes in semine, ibid.
Semen an sit in planta. ibid.
Semen plantarum est animatum. 189
Semen an sit animal, 188. an viuatur, ibid. an sit ani-
 matum potentia, ibid. fœminarum semen etiam
 est prolificum. 191
Semen animalium est animatum, 192. in ipso semi-
 ne est causa conformationis. 193
Semen quatenus sit imperfectius generante. 195
Seminis generandi materia vnde suppeditetur. 290
Seminis generatio, 126. & à mare & à fœmina ad
 generationem confertur. ibid.
Σημειωτική, 261. eius vtilitas. 447
Semiotica methodi vtilitas. ibid.
Semidrachma. 747
Semilibra, 748. vide *tabulam Ponderum*.
Semiobolus. 747
Semiuncia. 751
Semiustulatio quid. 60
Sena. 98
Sena quale sit purgans, 640. quæ eius dosi. 752
Senæ infusum purgans. 782
Senectus quod initium & quas partes habeat, 610.
 quam diætam requirat. ibid.
Senectus, 271. quale temperamentum habeat. ibid.
Senes quales vrinas habeant, 489. quales pulsus, 510
Sensibiles species. 300
Sensibilium specierum ortus. 105
Sensibile duplex, 104
Sensio quibus perficiatur. 104
Sensio an sit mera passio. 105
Sensio an sit actio vel passio. 300
Sensus vt fiat, quibus opus habeat, 299. an detur
 agens & patiens, 300. æris an sit morbus, 324.
 cur modò cum motu simul, modò solus lædatur,
 modò saluus maneat læso motu, 429. læsus quid
 præfagiat. 534
Sensus externi, 299. quot sint. 300
Sensus & motus nullum animal constituunt. 204
Sensus interni qui & quot sint, 306. quot instru-
 menta habeant, ibid. quæ symptomata patiantur.
 381
Sensus communis, 306. an in anteriore Cerebri par-
 te sedem suam habeat. 307
Sensuum organa. 299
Sensus duplex acceptio. 104
Sensus tantum spirituales rerum species recipiunt,
 105. quot modis errare possint, 106. interni tres
 sunt, 111. externi quinque. 106
Sensus communis officia. 111
 Sententia

& Verborum.

Sententia Antonij Ponce de instrumento separato.

175	
Refutatio.	ibid.
Sententia eorum qui semen fœmineum materiæ tantum loco esse statuunt.	291
Sententia eorum, qui fœmineum quoque Semen prolificum statuunt.	ibid.
Sententiæ variæ de origine animæ humanæ.	197
Sententiæ patrum de formatione fœtus.	200
Sententiæ variæ de sponte ortorum viuentium, vera sententia.	221. 222
Sententiæ summa de sponte viuentium ortu.	ibid.
Seniendi ratio.	106
Septimus morbi dies.	552
Sermonis lætio.	387
Sermonis vtilitas, 131. instrumenta.	ibid.
Serpentes in deserto Israëlitis immissi non fuerunt dracunculi.	240
Serpillum.	100
Serratio ossium.	664
Serum lactis.	587
Serum sanguinis quot modis dicatur, 351. quomodo causam habeat, 352. an cum vrina & sudore eandem materiam habeat, ibid. quid sit, 286. an Serum, vrina & sudor materiam eandem habeant.	351
Serosi humoris signa.	518
Setaceum.	662
Sexagesimus dies morbi.	555
Sextarius.	747
Sextula.	749
Sextus dies morbi.	557
Sexus an ex vrina cognosci possit.	489
Sexus est in animalibus.	191
Sexus quid ad indicationes faciat.	689
Sexuum temperamenta.	270
Distinctio.	290
Pulsus.	509
Sicca intemperies vnde fiat.	362
Siccæ temperiei medicamenta.	623
Sicci definitio.	50
Sicilicus quale pondus.	749
Signature medicamentorum.	645
Signum Medicis quid sit, 447. quas differentias habeat, 548. quos fontes habeat, 448. quas causas, ibid. 519. vnde peratur, 448. & 519. quas vires obtineat, 533. quod sit humorum proprium, 516. commune quod sit, ibid. quod sit antecedens, ibid. consequens, 517. criticum, 527. tempora morborum indicans, 528. quod sit naturæ fortis, aut debilis, 531. quodnam roboris morbi.	ibid.
Siligua quale pondus sit.	747
Simile non generare simile, si semen non esset animalium.	182
Simile simile generat.	197
Similitudinem speciei partus non facit, sed generatio.	201
Sinapi.	582
Sinapis eiusque materia.	846
Singultus, 377. vnde fiat, 396. quid portendat.	536
Sirones quid.	160
Sitis, quid sit.	376
Quid præfagiat.	538
Ablata, aut imminuta quas causas habeat.	394
Aucta quas causas habeat.	ibid.
Vitiosa vnde fiat.	395
Sitis aucta quomodo curetur.	740
Situs partium morbosus quomodo curetur.	738
Situs locorum qui saluberrimus sit, 10. quomodo aerem variet.	577
Situs partium.	280
Quos morbos patiat.	329
A quibus causis vitietur.	371

Dan. Sennerti Tom. I.

Smaragdus.	84
Smaragdi tinctura.	805
Smegma odoratum.	840
Solarium descriptio.	452
Soldanella dosis.	752
Solea piscis.	590
Soluentes aquæ Chymicorum.	762
Solutio eorum, quæ contra propagationem animæ humanæ per traducem obiciuntur.	205
Somnambuli, 358. 417. quâ vi moueantur, & à quo ad motum incitentur, 417. quid eorum imaginationem excitet, 418. qualem naturam & constitutionem habeant, 418. cur non singulis noctibus ambulent, 418. cur inter ambulandum non expergeant, ibid. an clausis, an verò apertis oculis res suas agant, ibid. cur ea agant, quæ vigilantes præstare non possunt.	419
Somnus quid sit.	307
Quam causam habeat.	ibid. & seqq.
Quid præfagiat.	534
An sola frigiditas Somnum inducere possit.	415
Somnus noxius quis sit.	346
Naturalis & præternaturalis, qui sint.	381
Nimius vnde fiat.	415
Grauis vnde fiat.	417
Dæmoniacus.	382
Vnde fiat.	417
Profundior an à sola frigiditate proueniat.	410
Somnia de rebus ante sensu non perceptis ad <i>θεωρητικὰ δυνάμεις</i> sunt referenda.	115
Somniorum animalium causæ, 115. naturalium causæ.	ibid.
Somnium quid sit, 114. quocumque sit, 115. naturale duplex.	ibid.
Somnus affectio sensuum externorum, 113. eius definitio, ibid. finis.	114
Somnus quomodo sanitati conseruandæ conducatur, 596. quib. medicamentis concilietur, 631. an post usum purgantium medicamentorum conueniat, 707. 710. qualis competat infantibus & pueris, 601. qualis mediæ ætati, 609. qualis senibus, 611. quando capiendus sit, 609. noxius qui sit.	596
Sonchus è stercore suillo generatur.	228
Soni definitio.	108
Quomodo generetur.	ibid.
Sonus, vox, <i>διαλεκτὸς</i> differunt.	118
Sonus Symptomaticus.	390
Sonticus morbus.	388
Sopor dæmoniacus.	381
Vnde fiat.	417
Grauis vnde fiat.	ibid.
Sparadrapus.	845
<i>σπασμὸς</i> quid,	386
Vnde fiat.	431
<i>σπᾶσμα</i> quid sit.	331
Differt à <i>σπασμῷ</i> .	ibid.
Spasmus cynicus quid sit.	386
A quibus causis fiat.	435
Spasmus flatulentus.	434
Species intelligibiles quid sint.	124
Species sensibiles.	300
Species spiritalis quid.	155
Species incisæ.	813
Specificum purgans Paracelsi.	816
Spelta quale nutrimentum præbeat.	579
Sperma ceti.	78
Spica.	100
Spinachium qualis sit cibus.	581
Spiritus quid sit Chymicis.	788
Spiritus rosarum, 789. carduibenedicti vini simplex, 789. vini tartarificatus, 790. purgans, 790. sambuci, 790. iuniperi, 840. terebinthinæ è lignis, 790. cornu cerui, 791. salis communis, dulcis, ibid. salis	

HHHh 3

coral

Index Rerum,

corallatus; compositus; vitrioli communis, 791.		<i>Stanni calcinati.</i>	662. 818
correctus; philoponicus; ruber, vitrioli ♂, ♀, 792.		<i>Strannum.</i>	87
è salibus plantarum, sulphuris, 793. antepilepticus, 795. absinthij, 789. 795. mastiches, ibid. tartari simplex, 791. compositus, 796. aperiens, 795. nitri, 763. vitæ aureus. 804		<i>Status controuersia de formatione fœtus.</i>	194
Spiritus insitus in medicamentis quid sit. 620		<i>Status morbi quid sit, 338. vtiliter cognoscitur, 528. quibus signis cognoscatur.</i>	530
Spiritus an sit in seminibus plantarum. 188		<i>Status morbi non admittit purgationem, 698. 699. quam victus quantitatem requirat.</i>	743
Spiritus dissolutio non est morbus totius substantiæ. 321		<i>Στεγνωτικά medicamenta.</i>	629
Spiritus insitus est idem cum calido innato. 272		<i>Stella indita facultate mouentur.</i>	32
Non est idem cum Spiritu naturali. ibid.		<i>Stellæ transuolantes, vel cadentes quid.</i>	61
Nobiliiores quàm elementa edit actiones. 274		<i>Stellarum ortus, 31. certo motu mouentur, 52. 33. quædam dicuntur fixæ, quædam planetæ, ibid. duo illarum motus, ibid. & propria & mutuatiria luce lucent, 34. habent calorem sui generis, 35. habent figuram sphericam, 201. fixarum numerus, 37. in χήματα distributio, ibid. in classes diuisio.</i>	38
Cum frigore durare potest. ibid.		<i>Stachas Arabica.</i>	100
Quam originem habeat. ibid.		<i>Stillicidium sanguinis ex naribus an sit semper malum.</i>	543
Spiritus influens an sit facultatum vehiculum. 277		<i>Sternutatio quibus medicamentis moueatur.</i>	642
Quem vsum, seu quam vtilitatem habeat. ibid.		<i>Sternutatio quid sit, 387. è quibus causis proueniat.</i>	436
An sit pars corporis. ibid.		<i>Stomachica aqua.</i>	794
Quotuplex sit. ibid.		<i>Στασις quid, 387. quas causas habeat.</i>	408
Spiritus naturalis quid sit. 278		<i>Σεγύλη quid sit, 378. vnde fiat.</i>	400
Quomodo ab aliis differat. ibid.		<i>Struma.</i>	676
Quem vsum & quam necessitatem habeat. ibid.		<i>Studiosi quam diætam obseruare, 601. quomodo somnum moderari debeant.</i>	609
Spiritus vitalis quid sit. 278		<i>Stultitia quid sit, 382. à quibus causis oriatur.</i>	419
Vnde generetur. ibid. & 298		<i>Stupefacientia medicamenta.</i>	631
Quem vsum habeat. 278		<i>Stupiditas.</i>	382
Spiritus animalis an detur, quid sit, & quomodo à vitali differat. 279		<i>Stupor quid sit, 383. à quibus causis inducatur, 414. quid in morbis prælagiat.</i>	535
Vnde generetur. ibid. & seqq.		<i>Στυμικά medicamenta.</i>	629
Spiritus optici quæ vitia patiantur. 409		<i>Subiectum habet varias significationes.</i>	4
Spiritus in corpore quid sint. 125		<i>Subiectum scientiæ quid propriè dicatur, ibid. eiusdem proprietates, ibid. partes.</i>	ibid.
Non sunt facultatum vehiculum. ibid.		<i>Sublimatio quid sit, & qualia vasa requirat.</i>	771
Eorum numerus. ibid.		<i>Quomodo fiat.</i>	ibid.
Naturalis. ibid.		<i>Quem finem habeat.</i>	ibid.
Vitalis. ibid.		<i>Sublimatio salis Ammoniaci.</i>	786
Animalis. ibid.		<i>Sulphuris.</i>	784
Spiritus quid sit, & quotuplex. 276		<i>Benzoes, & Mercurij.</i>	820
Splendor in oculo vnde oriatur. 409		<i>Antimonij.</i>	41. ibid.
Splenia. 648		<i>Subsidentia cauitatum quomodo curetur.</i>	735
Spontanea & non spontanea generatio quomodo differant. 214		<i>Subsidentia cauitatum qualis morbus sit.</i>	325
Fortunij Liceti sententia. ibid.		<i>A quibus causis fiat.</i>	370
Sponte ortorum viuientium differentia. 215		<i>Substantia tota agentia an dentur, & an tantum vulgo morbos notos inducant.</i>	319
Sponte orta viuentia quomodo ab agente vniuerso generentur. ibid.		<i>Multos morbos curant.</i>	320
Spontanea generatio quotuplex. 217		<i>Quam edant actionem.</i>	322
Spontaneæ plantarum generationis modi. 228		<i>Substantiæ totius morbus an detur. 317. & seqq.</i>	
Sponte quid. 211		<i>Quid sit.</i>	321
Sponte ortorum viuientium causa efficiens. ibid.		<i>Quas causas habeat.</i>	364. & seqq.
Sponte orta viuentia non casu & fortuito nata sunt. ibid.		<i>Substantiæ totius morbus quomodo curetur.</i>	732
Sponte viuentia an saltem à causa communi producantur, 211. an animam à Deo accipiant. ibid.		<i>Substantiæ naturales an habeant certos quantitatis terminos.</i>	16
Spontè orta viuentia an à calore proueniant, 213. an ab anima mundi, ibid. an ab anima terræ, ibid. an à spiritu è cœlo producto, ibid. an ex putredine, 314. an ex coctione, 214. an à putredine cum cœlo. ibid.		<i>Succi depurati, 787. inspissati & medicati.</i>	807
Sponte ortorum viuientium causa efficiens in ipsa materia latet. ibid.		<i>Succini oleum, 788. sal.</i>	816
Sponte & non sponte orta viuentia vt differant. 215		<i>Succinum ♂ ij.</i>	826
Sponte nata generant. 215. & 234		<i>Succinum.</i>	78
Sponte ortorum viuientium est efficiens anima. 215		<i>Succinum liquidum species petrolei.</i>	ibid.
Sponte nata saltem è viuentibus generantur. 216		<i>Sudor quibus medicamentis concitetur, 641. quos humores & quibus ex partibus euacuet, 712. quando sit prouocandus.</i>	ibid.
Sponte nascentia an in prima creatione creata sint. 233		<i>Sudor cum vrina eandem materiam habet, 286. an sit naturale excrementum, 289. quâ ratione non sit naturale excrementum, ibid. an inter coctionis signa numerandus sit, 528. sanguineus, 391. quas causas habeat, 446. aliàs qualitate præternaturalis vnde fiat, 446. copiosius nimis à quibus causis proueniat, 447. frigidus cur malus sit, 542. criticus ex quibus signis agnoscat, 568. quos morbos</i>	
Sponte ortorum viuientium origo. ibid.			
Sponte ortorum animalium differentia. 241. 234			
Spuma in vrina, 473. quam causam habeat, 488 quid significet. 493			
Sputum quibus medicamentis promoueatur. 677			
Sputum à quibus causis mutetur, 446. quid indicet. 543			
Stagnans aqua. 592			

& Verborum.

morbos bene iudicet, § 65. quid præfagiat.	542	<i>Tamarindi</i> , eorum dosis.	752
<i>Suffusio</i> qualis oculorum affectus.	406	<i>Tanacetum</i> .	102. 99
Quas causas habeat.	ibid.	<i>Tartarum</i> quid, § 55. causa morbi.	256
<i>Suffusionis</i> per puncturam curatio.	661	<i>Tartarum</i> quomodo calcinetur.	762
<i>Suffusio</i> quomodo paretur.	840	<i>Tartari spiritus</i> simplex, 791. compositus, 800.	
<i>Suilla</i> caro qualis sit cibus.	588	oleum, 795. magisterium, ibid. & 816. tinctura, seu	
<i>Sulphur</i> , 77. 79. ubi generetur, ibid. eius materia, 77.		sulphur, 805. cremor & crystalli, 815. sal.	816
effectus.	ibid. 79	<i>Tartarum vitriolatum</i> .	815
<i>Sulphura</i> oleum per campanam factum, 792. Lac,		<i>Tela</i> emplastica.	845
828. balsamum.	806	<i>Telorum</i> extractio, 668. quot modis fiat.	668
<i>Sulphur auratum</i> antimonij, 818. antimonij fixum.		<i>Temperamentum</i> quid ad indicationes faciat, 689.	
828		quomodo purgationem variet.	697
<i>Sulphur fixum</i> .	828	<i>Temperamentum</i> quid. 266. ex quibus constat. ibid.	
<i>Sulphur tartari</i> .	805	non est tantum harmonia, ibid. quomodo sit una	
<i>Sulphur vitrioli</i> .	828	qualitas, ibid. quas differentias habeat, ibid. ad	
<i>Superficie</i> morbi quomodo curentur.	735	pondus, ibid. an detur, ibid. ad iustitiam ibid. quid	
<i>Superficies</i> quid sit.	15	sit.	ibid.
<i>Superficie</i> morbi qui sint, § 25. quas causas ha-		<i>Temperamentum</i> calidum & humidum, frigidum &	
beant.	370	siccum, an detur.	267
<i>Suppositoria</i> .	835	<i>Temperamentum</i> hominis optimum, calidum & hu-	
<i>Suppurantia</i> medicamenta, 631. 729. quando & ubi		midum.	268
adhibenda sint.	730	<i>Temperamentum</i> sanguineum, biliosum, pituito-	
<i>Surdi</i> nati cur etiam muti sint.	410	sum, melancholicum, an detur.	ibid.
<i>Sutura</i> vulnerum, 653. per glutinum.	652	<i>Temperamentum</i> totius corporis unde constituitur.	
Ad Sutura necessaria.	653	269	
<i>Sutura</i> intermissa.	ibid.	Præcipue à partium principum temperie pendet.	
<i>Sutura</i> vulnerati abdominis.	ibid.	270	
<i>Symphitum</i> .	103	<i>Temperamentum</i> infantum & puerorum.	271
<i>Symptoma</i> quot modis dicatur, 372. quid sit, ibid. an		<i>Temperamenta</i> sexuum, 270. ætatum.	271
omne Symptoma sequatur morbum, 373. an pos-		<i>Temperamentorum</i> species simplex & composita.	267
sit esse opus naturæ, 373. quotuplex sit.	ibid.	Latitudo.	ibid.
<i>Symptoma</i> Symptomatis.	ibid.	Differentiæ secundum Astrologos.	269
An actionum frustrationes Symptomata sint.	373	<i>Temperamentum</i> cute ut regulâ examinatur.	265.
<i>Symptomata</i> euacuatio an omnis sit mala.	551	Partis cuiuslibet corporis quale sit.	269. 270
<i>Symptomatum</i> differentia.	373	Quales quodque pulsus edat.	509
<i>Symptomatum</i> latentium signa, § 26. facultatis na-		Quales urinas.	489
turalis signa, § 27. facultatis vitalis, ibid. facultatis		<i>Temperamentum</i> hominis duplex.	125
animalis.	ibid.	Qualibet pars in homine peculiare habet tem-	
<i>Symptomata</i> quos morbos arguant, § 18. quomodo		peramentum.	ibid.
locum affectum monstrent.	520	<i>Temperamentum</i> unde dependeat.	57
<i>Symptoma</i> morbum indicat, 685. vrgens quoru-		Quid sit.	ibid.
plex, 739. quomodo curetur, ibid. monstrat locum		differunt.	ibid.
per quem sit purgandum, 708. venæ sectionem		<i>Temperamentum</i> æquale ad iustitiam quid.	ibid.
determinat.	719	Eius species.	58
<i>Συμπεκνυς</i> quid Medicis sit.	372	<i>Temperamentum</i> inæquale.	ibid.
per <i>Συμπάθεια</i> morbi qui dicantur.	334	Eius species.	ibid.
Quot modis fiant.	ibid.	<i>Temperamentum</i> est mistorum homogeneorum.	
<i>Syncope</i> quid sit, 379. quas causas habeat, 403. quid		ibidem.	
præfagiat.	538	<i>Temperatum</i> aliquid dicitur, vel absolute, vel com-	
<i>Συνεπνευστα</i> signa.	448	paratè.	ibid.
<i>Συνδρις</i> quid, 648. quotuplex, 647. mollium par-		<i>Temperatum</i> diætæ.	611
tium.	651	<i>Temperata</i> medicamenta quæ dicantur.	622
<i>Syrupi</i> differentia, 800. modus parandi, ibid. modus		Quæ sint.	ibid.
exhibendi.	801	<i>Temperati</i> hominis descriptio.	449
<i>Syrupus</i> laxatiuus catholicus.	801	<i>Temperati</i> corporis actiones an perfectissimæ.	450
<i>Syr</i> , è rosarum & violarum solutione & è floribus		Quæ sint perfectissimæ.	451
perficorum dosis.	752	<i>Temperatum</i> corpus an maximè resistat causis mor-	
<i>Syrup</i> , ad melanch. hypochondr.	800	bificis.	450
<i>Systole</i> in pulsu quid sit, 496. quem usum habeat,		<i>Temperies</i> simplex & composita.	267
ibid. an sensu percipiatur, 502. & quomodo, ib. 503		<i>Temperies</i> simplices an dentur.	ibid.

T

T <i>Abacum</i> .	99	<i>Temperiei</i> frigida medicamenta.	623
<i>Tabula</i> quomodo fiant.	828	<i>Temperies</i> quæ calida & humida sit optima.	ibid.
<i>Tactus</i> an sit vnus numerus sensus, 110. eius orga-		<i>Temperies</i> pueritiæ, adolescentiæ, iuuentutis, qua-	
num, 111. de obiecto difficultas.	110	lis sit.	271
<i>Tactus</i> quid, & an numero vnus sit, 305. à Gustu dif-		<i>Temperies</i> corporis quomodo tempora morbi indi-	
fert, ibid. quod organum habeat, ibid. quæ instru-		cer.	529
menta, ibid. quæ symptomata pariat, 380. à		<i>Temperies</i> , partium quo respectu talis dicatur.	
quibus causis lædatur.	412	460	
<i>Talci</i> oleum.	799	<i>Temperies</i> calida, vide <i>Calida</i> , <i>Frigida</i> , vide <i>Fri-</i>	
<i>Talpa</i> an videat.	116	<i>gida</i> , <i>Humida</i> , vide <i>Humida</i> , <i>Sicca</i> , vide <i>Sicca</i> .	

Index Rerum,

Temperies calida, frigida, humida, sicca : vide <i>Calida, Frigida, Humida, Sicca.</i>		Chymicis specialius declaratur.	ibid.
Tempus morbi non indicat, 698. quid ad indicationem faciat.	688	Tonitrua etiam sine nubibus possunt fieri.	ibid.
Tempus medicamento exhibendo conueniens, quodnam sit.	692	<i>Topasius.</i>	85
Tempus cibum exhibendi ægris.	744	<i>Tormentilla.</i>	98
Tempus purgantia exhibendi.	709	<i>Torpor</i> quid præfagiat.	537
Tempus morbi quid sit, 338. quodplex sit, ibidem. non in omni morbo quadruplex, 339. in vno morbo non vt in altero vnumquodque se habet, 339. particulare, 340. quibus signis cognoscatur, 528. quæ signa vnumquodque habeat.	530	<i>Torris</i> seu trabs.	61
Tempus non est sine motu.	23	<i>Tostio.</i>	761
Tempus à conceptu ad partum quale.	127	<i>Trachea</i> temperaturæ signa.	468
Tempus partus in homine quod.	ibid.	<i>Trachea</i> affectæ signa.	526
Temporis inuestigatio, 23. definitio, ibid. est mensura formalis, ibid. non est res ficta, 24. non est res permanens ibid. dicitur vnum dupliciter, ibid. reipsa à motu non differt, ibid. eiusdem partes, ibid. an generet & corrumpat.	ibid.	<i>Tradux</i> quid.	208
<i>Tenesmus</i> quid sit, 378. quas causas habeat.	398	<i>Tragea</i> , 812. stomachalis, ib. & seqq. grossa capitalis.	813
<i>Tensum</i> quot modis fiat.	629	<i>Traiectiones.</i>	61
<i>Terebinthina</i> quale sit purgans, eius dosis, 752		<i>Transmissio</i> humorum morbificorum quomodo fiat, 363. transmittatne vna pars humores in alteram.	ibid.
Terebinthinam præparandi & in liquorem redigendi ratio.	638	<i>Transmittens</i> humores pars quæ dicatur.	364
Terebinthinæ spiritus, 790. oleum.	798	<i>Transpositio</i> causæ morbificæ à quo indicetur.	695
Terebrarum genera.	663	<i>Τραυλότης</i> quid sit.	387
Terra quæque quam naturam habeat.	577	<i>Tremissis</i> quale sit pondus, 748. vide <i>Tabulam Ponderum.</i>	
Terra vitrioli.	819	<i>Tremor</i> quid sit, 386. quas causas habeat, 430. quid præfagiat.	815
Terræ motus veræ causæ, 67. duratio, ibid. effectus.	ibid.	<i>Trifolium.</i>	98
Terræ motuum duo modi.	ibid.	<i>Trigesimus quartus</i> dies morbi.	554
Terræ motus vniuersales non ad causas naturales referendi.	ibid.	<i>Τρισμός.</i>	387
Terra non peculiarem sphaeram constituit.	49	<i>Tristitia</i> quomodo fiat causâ morbi, 347. quomodo à melancholia inducatur.	423
Est Elementum siccum summè primò & frigidum.	51	<i>Triticum.</i>	579
Terra mineralis.	74	<i>Triturâ.</i>	760
Terra Lemnia, 75. sigillata, ibid. armeniaca, ibidem.	ibid.	<i>Trochisci</i> , 831. quomodo parentur.	ibid.
Silesiacâ.	ibid.	Trochisci narcotici Fernelij.	832
Terra ampelitis.	79	<i>Trocta</i> piscis qualis cibus.	590
<i>Tertius</i> dies morbi.	557	<i>Τρόμος</i> quid sit.	386
<i>Testium</i> temperaturæ signa, 465. & seq.		<i>Tubera.</i>	96
<i>Testudinatum</i> medicamentum.	831	Tubera terræ qualis cibus.	585
<i>Τέταρτος</i> quid sit, 386. quam causam habeat.	435	<i>Tumorum</i> generatio.	364
<i>Thermarum</i> caloris vera causâ.	73	<i>Turbith</i> quale sit purgans, 639. eius dosis.	752
<i>Θεραπευτική</i> quas partes & quo ordine contineat.	616	<i>Turcosa.</i>	85
<i>Θεραπευτική</i> pars Medicinæ quæ sit.	261	<i>Turdus</i> quale alimentum præbeat.	589
<i>Theriacalis</i> aqua.	617	<i>Turgentes</i> humores qui dicantur, 699. 700. an & cur mox in principio expurgandi	ibid.
Theriacæ diateffaron dosis.	753	<i>Turiones</i> quale medicamentum.	830
<i>Thomæ Erasti</i> de mitionis causâ opinio.	166	<i>Turundarum</i> vsus.	653
Thorax & eius partes.	128	<i>Tussilago.</i>	103
Thoracis affecti signa.	526	<i>Tussis</i> quibus medicamentis promoueat, 713. quibus medicamentis excitetur.	ibid.
Thoracis motus quid ad Respirationem conferat.	298	Tussis quid, 387. à quibus causis fiat.	436
Thoracis sectio.	661	<i>Tympanum</i> in aure, 303. quibus vitiis obnoxium sit.	410
Thoraci vt medicamenta exhibenda.	777	<i>Τυφομανία</i> , quid sit.	381
Thorax intemperie laborans quomodo sit curandus, 731. quæ appropriata habeat medicamenta, 627. quibus medicamentis purgetur.	713		
<i>Thymi.</i>	674		
Thymorum extirpatio.	ibid.		
Thymus, thymbra.	100		
<i>Tinea</i> piscis qualis cibus.	591		
<i>Tinctura</i> Chymicis quid sit, 803. rosarum, ibid. tartari, 805. smaragdi, ibid. coralliorum, ibid. Lunæ, 806. Martis.	ibid.		
<i>Tipula</i> vbi nascantur.	235		
<i>Tonitru</i> quomodo generetur, variæ sententiæ, 62. ex			

& Verborum.

remedij, non indicatum, 716. ad Venæsectionem necessaria, 655. quomodo instituenda, ibid. quæ Venæ secantur, 655. quos vsus præstet, 716. & seqq. quibus indicantibus seruiat, 717. quod adæquatam indicans habeat, ibid. quantum sanguinis detrahenda debeat, 720. an ad animi vsque deliquium fieri debeat, ibid. quando fieri debeat, 721. quâ horâ 722. quo in loco instituenda sit, ibid. an grauidis conueniat. 719	<i>Veronica.</i> 101
<i>Venenum</i> quibus medicamentis oppugnetur. 643	<i>Verrucarum</i> extirpatio. 674
<i>Venenum</i> intus assumptum, 368. extra admotum, ib. rabiem inducens quomodo communicetur, 425. an in corpore generari possit, 427. diu in corpore latet. 425	clarerum ad Vertiginem. 785
<i>Venenum</i> humores quomodo corrumpat, 352. quibus viribus agat, 364. in parua quantitate maximam vim habet, ibid. an in corpore nostro absq; putredine generetur, 365. essentiam suam à putredine non habet, 366. an ex humoribus corporis fieri possit, 365. an aliquod ad certum tempus interimere possit, 368. quibus signis cognoscatur. 518	<i>Vertigo</i> quid sit. 389
<i>Venenorum</i> occultæ qualitates. 157	Quas causas habeat. 443
<i>Venti</i> quomodo aërem mutant, 577. qui salubres, & qui insalubres sint. ibid.	Quomodo à prospectu ex alto excitetur. ibid.
<i>Venti</i> quomodo sint causa morborum. 345	<i>Veruccina</i> caro. 588
<i>Venti</i> alij salubres, alij noxij. 66	<i>Vesica</i> quomodo se habeat, ex vrina cognosci potest. 492
<i>Venti</i> prouinciales qui dicantur. ibid.	<i>Vesica</i> à calculo obstructa quomodo sit curanda. 734
<i>Venti</i> anniuersarij tres, ἀρνιθία, πρόσδρομοι, ἐπιστία. ib.	Quæ appropriata medicamenta habeat. 628
<i>Venti</i> turbulenti Ecnephias, Typhon, prester. ibid.	Decoctum. 779
<i>Ventorum</i> numerus vulgatus, 65. à recentioribus nautis auctus. ibid.	<i>Vesicæ</i> medicamenta vt applicanda. 777
<i>Ventorum</i> temperies & vires. ibid.	<i>Vesicæ</i> medicamentum iniiciendum. 836
<i>Venti</i> quomodo generentur, secundum Aristotelem, 64. eorum materia, ibid. causa efficiens. ibid.	<i>Vesicantia</i> medicamenta. 631
<i>Venti</i> contrarij qui sint. 65	<i>Vesicatorium.</i> 846
<i>Venti</i> certâ quasi lege spirant. ibid.	<i>Vespertilio.</i> 119
<i>Ventriculus</i> quæ medicamenta appropriata habeat, 628. intemperie laborans quomodo sit curandus. 731	<i>Veternus.</i> 387. 388
<i>Ventriculo</i> quomodo medicamenta adhibenda. 777	<i>Victus</i> quæ complectatur, 742. à quo indicetur, ibid.
<i>Ventriculus</i> animalium qualis cibus sit. 588	Quotuplex sit. 742
<i>Ventriculus</i> quod officium habeat, 282. an alatur chylo & sanguine, ibidem. palpitationem, vibrationem, conuulsionem, tremorem patitur, 409. à quibus causis, 395. malè affectus quibus signis agnoscatur. 526	quæ <i>Victus</i> ratio, quibus morbis conueniat. 742
<i>Ventriculi</i> temperaturæ signa. 466	Plenus an tenuis plus noceat. ibid.
<i>Venus</i> quomodo conducatur ad sanitatem. 597	Quâ quantitate sit exhibendus ægris. 743
<i>Veneris</i> calcinatio, 762. balsamum. 842	qui <i>Victus</i> conueniat in morbis longis, 743. in acutis. ibid.
<i>Venereorum</i> descriptio. 452	<i>Victus</i> , quomodo morbi tempora significet. 529
<i>Ver</i> quos morbos generet. 345	<i>Vigessimus</i> morbi dies. 554
<i>Ver</i> qualem temperiem obtineat. 578	<i>Vigessimus</i> primus morbi dies an sit criticorum tertius. 554
<i>Vermes</i> in niue quomodo generentur. 235	<i>Vigessimus</i> & <i>vigessimus</i> primus cur ambo critici sint. 593
E pluuiis, rore & nebulis. ibid.	<i>Vigessimus</i> septimus dies morbis. 554
E fungis. 137	<i>Vigilia.</i> 14. & 308
E plantis viuus. ibid.	Quomodo sit morbi causa. 346
<i>Vermes</i> quomodo è corporibus animalium generentur. 241	Quid præfagiat. 534
<i>Vermes</i> sub lingua cerui & canis. 240	Nimia quæ sit. 381
<i>Vermes.</i> 360	Quas causas habeat. 448
Vnde generentur. ibid.	<i>Vigilia</i> quomodo conducatur sanitati. 609
Ex qua materia fiant. ibid.	Quomodo sit morbi causa. 596
An in ventriculo etiam generentur. ibid.	Quomodo curetur. 740
Causa efficiens generationis. ibid.	<i>Vigor</i> morbi, concoctionis & symptomatum an idem sit. 339
An à cœlo generentur. ibid.	<i>Vina</i> purgantia. 784
Ad vermium generationem, præter calorem, alia princeps & propria causa necessaria. ibid.	<i>Vina</i> medicata, theriaca, mithridatium, aquæ destillata an sint vera mista. 168
In pluribus corporis locis generantur. 358	<i>Vini</i> spiritus. 789
<i>Vermes</i> quibus medicamentis euacuentur & expellantur. 619	Tartarizatus. ibid. 790
In aures illapsi quomodo extrahantur. 670	Theriacalis camphoratus. 795
	Purgans. 804
	<i>Vinum.</i> 593
	Cuius temperiei sit. ibid.
	Quas differentias habeat. 593. & seqq.
	Quas notas bonitatis habeat. 594
	Quomodo ætate varietur. ibid.
	Hippocraticum quodnam sit. 784
	Medicatum. 782
	Matricale purgans. ibid.
	Catarrhale. 786
	Mulfum. ibid.
	Medicatum quomodo vsurpandum. 784
	<i>Vinum</i> quomodo somnum inducat. 449
	<i>Vincetoxicum.</i> 103
	<i>Vinculi</i> sub lingua sectio. 657
	<i>Viola</i> quale sint purgans. 637
	<i>Viola.</i> 99
	<i>Violarum</i> aqua destillata. 788
	<i>Vires</i> in agro quid sint. 741
	Institæ & influentes quæ sint. 717
	<i>Virga</i> meteorum. 72
	<i>Virilis</i> ætatis temperamentum. 271
	Sexus vrinæ. 489
	Pulvis

Index Rerum,

<i>Pulsus.</i>	309	<i>Vnguenta venenata.</i>	368
<i>Vis generatrix.</i>	126	<i>Vnguenta, 843. quomodo parentur, 844. vmbilicalia purgantia.</i>	843
<i>Vis irascibilis.</i>	127	<i>Vnguis oculi vitium, quomodo excindatur.</i>	676
<i>Vis πλαστική an possit esse in semine sine anima.</i>	202	<i>Vnguium coloris murati causa.</i>	444
<i>Viscerum αντίπραξις.</i>	464	<i>Vnicornu fossile, 81. eius usus, ibid. quomodo differat à genuino monocerotis cornu, ibid. proxima eius materia.</i>	ibid.
<i>Visci generatio.</i>	230	<i>Vnitas soluta quid indicet, 738. quomodo curetur, ibid.</i>	
<i>Visionis modus.</i>	107	<i>Vnitas soluta proximè lædit actiones similarium partium, 331. aliquando tantum similaribus, aliquando similaribus vnà atque dissimilaribus partibus accidit, 330. quos morbos constituat, 331. 332. à quibus causis fiat, 372. est proxima doloris causa.</i>	415
<i>Visus sensuum præstantissimus, 106. eius definitio, ibid. organum, ibid. obiectum, ibid. medium, 107</i>		<i>Vnitas partibus similaribus & dissimilaribus communis.</i>	264. 280. 330
<i>Visus, 300. quod nam organum habeat. ibid. & 409</i>		<i>Cur sit similaribus necessaria.</i>	ibid.
<i>Quæ symptomata pariat.</i>	379	<i>Soluta morbos parit.</i>	316
<i>A quibus causis lædatur.</i>	405	<i>Vniuersalia morbi tempora.</i>	338
<i>Debilis & hallucinans vnde fiat. ibid. & 408</i>		<i>Vniuersalis morbus.</i>	334
<i>Cur à lumine nimio offendatur.</i>	407	<i>Voluntas quid sit.</i>	124
<i>Læsus in morbis quid prælagiat.</i>	534	<i>Eius obiectum.</i>	ibid.
<i>Vita genus quid ad indicationem conducatur, 686. quomodo considerandum in venæ sectione.</i>	719	<i>Actiones.</i>	ibid.
<i>Vita quot modis sumatur.</i>	153	<i>Vomitaria decocta.</i>	781
<i>Vitalis calor vnde generetur.</i>	297	<i>Infusa.</i>	783
<i>Vitalis facultas, qualis.</i>	297	<i>Portiones.</i>	ibid.
<i>An sit naturalis.</i>	ibid.	<i>Vomitibus quibus medicamentis excitetur.</i>	640
<i>An sit animalis, an ex naturali & animali mista,</i>	297	<i>Quando instituendus.</i>	707
<i>Ab animali & naturali diuersa est.</i>	298	<i>Vomitibus quale symptoma sit.</i>	377
<i>Quàm fortis vel debilis sit, vnde cognoscatur.</i>	537	<i>A quibus causis fiat.</i>	397
<i>Vitalis spiritus.</i>	278	<i>Quid prælagiat.</i>	541
<i>Vnde generetur.</i>	ibid.	<i>Criticus quæ signa habeat.</i>	568
<i>Quem usum habeat.</i>	278. 298	<i>Vox quid.</i>	468
<i>An Vitalis spiritus & animalis specie differant.</i>	279	<i>Quomodo de pulmonis & tracheæ temperie refertur.</i>	ibid.
<i>Vitellina bilis.</i>	350	<i>Magna quid significet.</i>	ibid.
<i>Vitrea pituita.</i>	ibid.	<i>Parua, ibid. lenis, ibid. aspera.</i>	ibid.
<i>Vitreus humor oculi quid sit, & quem usum habeat, 302. quomodo vitietur.</i>	408	<i>Grauis & acuta quid significant.</i>	468
<i>Vitriolum.</i>	77	<i>Vox quomodo lædatur.</i>	387
<i>Vitrioli calcinatio.</i>	762	<i>A quibus causis lædatur.</i>	435
<i>Terra.</i>	819	<i>Læsa quid prælagiat.</i>	537
<i>Spiritus communis.</i>	791	<i>Vocis differentiæ.</i>	435
<i>Correctus, Philosophicus, ruber.</i>	792	<i>Vracus.</i>	295
<i>Antepilepticus.</i>	795	<i>Urina quid sit.</i>	126. 285
<i>Coagulatus.</i>	817	<i>Vnde constet.</i>	ibid. & seqq.
<i>Sal.</i>	816	<i>Cuius coctionis excrementum sit.</i>	287
<i>Magisterium.</i>	818	<i>Vrina & sudor eandem habent materiam.</i>	286
<i>Balsamum.</i>	845	<i>Ex Urina sit Sal.</i>	287
<i>Vitrum Antimonij, 826. correctum, 826. auratum, ibid. calicis, annulus, nummus ex vitro Antimonij.</i>	ibid.	<i>Vrina non est primæ coctionis excrementum, 287. est secundæ coctionis excrementum.</i>	ibid.
<i>Vitra in operibus Chymicis claudendi iterumque aperiendi ratio.</i>	764	<i>An Urina, serum & sudor eandem materiam habeant.</i>	351
<i>Vitulina caro.</i>	589	<i>Quomodo rectè vel secus se habeat.</i>	391
<i>Viuentia quoruplicia.</i>	189	<i>si contineatur, quale sit symptoma.</i>	399
<i>Viuentia sponte nata saltem è viuentibus proueniunt.</i>	223	<i>Rabidorum hominum cur imagines representent canum.</i>	427
<i>Viuentium partes essentielles.</i>	168	<i>In morbis quid prælagiat.</i>	ibid.
<i>Viuentium generatio quomodo fiat, 182. quoruplex.</i>	210	<i>Criticè excreta quæ signa habeat.</i>	569
<i>Viueret quid.</i>	216	<i>Quomodo sit inspicienda; quas differentias habeat, & quas differentiarum causas, & reliqua de ea scitu necessaria ordine habentur Lib. III. Part. I. Sect. III.</i>	
<i>Vicus, malignum an sit morbus torius substantiæ.</i>	321	<i>Vrinæ consistentia quid.</i>	470
<i>Vmbilicalia vasa.</i>	295	<i>Vrina quibus medicamentis prouocetur, 641. quando medicamentis cieri debeat, 712. pus in Urina quomodo generetur.</i>	631
<i>Vmbilicalia vnguenta purgantia.</i>	744	<i>Vrinæ extractio per catheterem.</i>	671
<i>Vmbilici procidentia.</i>	652	<i>Carunculæ in meatu Vrinario extirpatio.</i>	675
<i>Vna est in homine anima.</i>	202	<i>Vrinæ sal quomodo paratur.</i>	817
<i>Rationes quibus probatur vnâ in homine esse animam, ibid. ab vna anima fluunt omnes eiusdem speciei facultates.</i>	ibid.	<i>Reliqua scitu digna de Urina vide Lib. II I. Part. I. Sect. III. Volum. I.</i>	
<i>Vncia.</i>	747. 748		
<i>Vnctiones in balneis.</i>	597		
<i>Vndecimus morbi dies.</i>	557		

& Verborum.

<i>Urna</i> , mensura.	751	Vulnerati abdominis futura.	653
<i>Vrtica</i> .	100	Vulnus quomodo curetur.	738
<i>Vstio</i> operatio Chirurgica.	664	A sola natura conglutinatur.	ibid.
Quotuplex.	ibid.	Magnum quomodo futura contrahi debeat.	653
Eius administratio.	ibid.	Quomodo symptomatibus liberandum sit.	738
Pharmaceutica.	761		
in <i>Vsu</i> morbi an dentur.	324	X	
<i>Vterus</i> quæ appropriata medicamenta habeat.	628		
<i>Vteri</i> prolapsi repositio.	652	Ε ταροδότης quid.	239
Si laboret affluxu humorum per quas venas re-		Vnde generetur.	ibid.
uulsio fiat.	726		
Modus applicationis medicamentorum vteri.		Y	
777			
Si laboret intemperie, quæ obseruanda sint.	731	Υ δροφοβία quid sit.	385
Vtero iniicienda medicamenta.	836	A quibus causis fiat.	426
Vteri prolapsi historia admiranda.	329	Non semper à rabidi animalis veneno, sed quan-	
Vteri materni virtus non est causa conformationis		doque etiam ex terrore inducitur.	ibid.
fœtus.	181	Υ γεινή.	262
<i>Vna</i> , qualis sint cibi.	584	Υ περκάθαρσις, quomodo corrigenda sit.	707
<i>Vnea</i> tunica oculi.	300	Υ πόπνοον, quid sit.	406
<i>Vvula</i> amputatio.	672	Υ πόχυμα quid sit.	406
<i>Vulneraria</i> potiones.	632		
Vulnerarium balsamum.	842	Z	
Vulnerum futura.	653		
Per glutinum.	652	Z Εα.	579
Vulneratarum partium coniunctio.	652		

F I N I S.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Large area of faint, illegible handwritten text, possibly bleed-through from the reverse side of the page.

